


ସତ୍ ବଚନ୍



The New Testament in the Pengo language of India: ସତ୍ ବଚନ୍

ସତ୍ ବଚନ

The New Testament in the Pengo language of India: ସତ୍ ବଚନ

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ

ପୁନି ନିୟମ , 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43

Contents

ମାଡ଼ିଉ	1
ମାକ	51
ଲୁକ	82
ଜହନ	133
ପକ୍ୟାତାକାନ୍	171
ରମିୟ	216
୧ କରକ୍ତିୟ	235
୨ କରକ୍ତିୟ	253
ଗାଲାତିୟ	265
ଏପିସିୟ	273
ପିଲିପିୟ	280
କଲସିୟ	285
୧ ଡେସାଲନିକି	290
୨ ଡେସାଲନିକି	295
୧ ତିମତି	298
ପିଲିମନ	304
ଏବ୍ରୀ	306
ଜାକ୍ବ	321
୧ ପିତର	327
୨ ପିତର	333
୧ ଜହନ	337
୨ ଜହନ	343
୩ ଜହନ	345
ଜିହୁଦା	347
ହବ୍ବ	349

ମାଡ଼ିଉ ଲିଖିତ ସୂକ୍ଷ୍ମମାତ୍ର ମାଡ଼ିଉ ଲେକିକିତି ଜିସୁ କ୍ରିଷ୍ଟି ନେକ୍ରିକାବୁର୍ ମାଡ଼ିଉ ପତି ବିସ୍ତେ ପାଦେକ୍

ମାଡ଼ିଉ ଲେକିକିତି ନେକ୍ରିକାବୁର୍ ପୁନି ନିୟମ୍ ଜିସୁ କ୍ରିଷ୍ଟି ଜିବୁନତିଂ ଇନାକା ଚାରିଗଟା ପତି ପା ରଞ୍ଜାଙ୍ଗ୍ । ଇ ଝିଜୁ ତାଙ୍ଗ୍ ପତିତିଂ ଜିସୁ କ୍ରିଷ୍ଟି ନେକ୍ରିକାବୁର୍ ଇନାର୍ । ଇ ଝିଜାର୍ ଜିସୁ ହାତି ପାତେ ମାଡ଼ିଉ, ମାର୍କ, ଲୁକ, ଆରି ଜହନ୍ ଲେକି କିଜି ମାଚାନ୍ । ମାଡ଼ିଉ ଲେକିକିତି ନେକ୍ରିକାବୁର୍ ଲେକାଆଜି ମାଚାକା ସମାନ୍ ତାରିକ୍ ପୁନ୍‌ଝାଦାଂ ମାଚାର୍ ପା ପଣ୍ଡିତାର୍ ଇନାର୍ ଇଦାଂ କ୍ରିଷ୍ଟି ଜଲମ୍ ୬୦ ବାହୁଁ ଲେକା ଆଜି ମାଚାତ୍ । ଇଦାଂ ପା ପାତ୍ କିୟାନାତ୍ ଜେ ଇ ପତି ପାଲାସ୍ତାନ୍ ଦେସ୍‌ନି ଜିରୁସାଲାମ୍ ଗାଡ଼ଦାଂ ଲେକା ଆଜି ମାଚାତ୍ ।

ମାଡ଼ିଉ ଇ ନେକ୍ରିକାବୁର୍ ଲେକିକିତାକାନ୍ ଜିସୁ ତାଙ୍ଗ୍ ଚେଲା ଲାକେ କୁକ୍ତି ଆଗେ ହେଝାନ୍ ଇନାକାନ୍ ମାଚାନ୍ । ତା ବିନ୍ ତର ଲେବି ମାଚାତ୍, ହେଝାନ୍ ବାରଜାଣ୍ ବିତ୍ରେ ପା ରକାନ୍ ମାଚାନ୍, ହେଝାନ୍ ଜିହୁଦିର୍ କାଜିଂ ଇ ନେକ୍ରିକାବୁର୍ ଲେକିକିତି ମାଚାନ୍, ଇମ୍‌ଶାକା ଜିସୁ ତା ଲେକିକିତି ଲାମା ନିୟମ୍‌ତ ୬୦ ଗଟା ପାଦତିଙ୍ଗ୍ ଲେକାମାନି ସତ୍ ଆନାତ୍ । କ୍ରିଷ୍ଟ ଇତିସ୍ ମସିୟା ଇସ୍‌ତ ବିଦି ଦରମ୍ ସାସ୍ତ୍ରତ ବେଶ୍‌ବାକ୍‌ଶାୟକିୟା ଆଜି ମାଚାତ୍ ଇଦାଂ ମାଡ଼ିଉ ସମାନ୍ ଲାକେ ହାୟାୟ କିଜି ମାଚାର୍, ମାଡ଼ିଉ ପା ଜପିନି ରାଜି ବିସ୍ତେ ବେସି ଲେକା ମାନାତ୍ ଜିହୁଦିର୍ କ୍ରିଷ୍ଟ ଇତିସ୍ ମସିୟାତି ରାଜିନି ସବୁ ଦିନି ରାଜା ଆନାନ୍ ଇଞ୍ଜି ଆସା କିଜି ମାଚାର୍ । ମାଡ଼ିଉ ହେ ପାତ୍ ତିଂ ବୁଲାଈକିଜି ଇସ୍‌ତ ରାଜି ଜେ ରାଜି ପୁତ୍ ରାଜି ଆକାୟ୍ । ଇ ବିସ୍ତେତିଂ ଇଞ୍ଜେଙ୍ଗ୍ ବେସି ପସୁ ପୁଜା ବେସି ହିତାର୍‌ନା ।

ମାଡ଼ିଉ ଲେକିକିତି ନେକ୍ରିକାବୁର୍ ପୁନି ନିୟମ୍‌ତ ପର୍ତ୍ତମ ପତି ଲାକେ ଲଡ଼ା, ଇନାକିଦେଂକି ଲାମା ନିୟମ୍ ବଚନିଂ ଆଦିକ୍ ବିସ୍ତେ ଲେକାଆତାଡ଼ନା, ଇ ପତି ଲାମା ନିୟମ୍ ହାଙ୍ଗ୍ ଆରି ପୁନିନିୟମ୍‌ତିଂ ମେହାଆତାଡ଼ନା । ପଣ୍ଡିତାର୍ ପା ଇନାର୍ ମାଡ଼ିଉ ତା ଲେକିକିତାକା, ମସାତି ବିଦି ପତିଙ୍ଗ୍ ଦାସ୍‌ତେଂ ସେସ୍ତୁ କିତାଣ୍ଟା । ଜିସୁତି ମାଡ଼ି ଜପି ହିଜି ମାଡ଼ି ହିକ୍ୟା ମାଡ଼ିଉ ୫:୭ ଇସ୍‌ତ ମସା ବିଦି ହିନି ବିସ୍ତେ ଲାହାଙ୍ଗ୍ ପା ତୁଲାୟ୍ କିୟାନାର୍, ୨ ବିବରଣି ୧୯:୩; ୨୩:୩୩

ପତି ବିସ୍ତେନି ରାହାଣ୍

- ୧. ଜିସୁ କ୍ରିଷ୍ଟି ଜଲମ୍ ଆରି ହେବାକାମାୟ୍ ଆରମ୍ ମାଡ଼ିଉ ୧:୧-୪
- ୨. ଜିସୁ କ୍ରିଷ୍ଟି ହେବାକାମାୟ୍ ଆରି ହିକ୍ୟା ମାଡ଼ିଉ ୫:୧-୨୫
- ୩. ଜିସୁ କ୍ରିଷ୍ଟି ହାନାକା ଆରେ ନିଂନାକା ମାଡ଼ିଉ ୨୬:୧-୨୮

ଜିସୁ କ୍ରିଷ୍ଟି ଲାତ୍ରା ଜାଣାଚିନା
(ଲୁକ ୩:୨୩-୩୮)

- ୧ ଅବାହାମ୍ ଆରି ଦାଉଦ୍‌ତି ଲାତ୍ରା ଜିସୁ କ୍ରିଷ୍ଟି ଲାତ୍ରାର୍‌ତି ତାରେନ୍ ପତିତ ଲେକା ଆତାଡ଼ନା ।
- ୨ ଅବାହାମ୍ ମେହି ଇସାହାକ୍; ଇସହାକ୍ ମେହି ଜାକୁବ୍; ଜାକୁବ୍ ମେହି ଜିହୁଦା ଆରି ତା ଗଣ୍ଡାହିରିଂ ଜଲମ୍ କିତାନ୍, ୩ ଜିହୁଦା ତାମର୍ ଝାସ୍ତିତାଂ ପେରସ୍ ଆରି ସେରହଙ୍ଗ୍ ଜଲମ୍ କିତାନ୍, ପେରସ୍ ହେସ୍‌ଶ ଜଲମ୍ କିତାନ୍; ହେସ୍‌ଶ ଆରାମ୍ ଜଲମ୍ କିତାନ୍ । ୪ ହିସ୍‌ଶ ମେହି ଆରାମ୍; ଆରାମ୍ ମେହି ଅମିନାଦାବ୍; ଅମିନାଦାବ୍ ମେହି ନହସନ୍; ନହସନ୍ ମେହି ସଲମନ୍; ୫ ସଲମନ୍‌ତି ମାଜି ବୟଜ ମାଚାନ୍, ବୟଜତି ତେହି ତର ରାହାବ୍, ବୟଜତି ମାଜି ଓବେଦ ତା ତର ରୁଡ଼; ଓବେଦତି ମେହି ଜିସିୟ ।
- ୬ ଜିସିୟ ମେହି ଦାଉଦ୍ ରାଜା । ଦାଉଦ୍ ମେହି ସଲମନ୍ ତେହି ଆଗେ ଉରିୟମ୍ ତକ୍ତି ମାଚାତ୍;
- ୭ ସଲମନ୍ ମେହି ରହବୟାମ୍; ରହବୟାମ୍ ମେହି ଅବିୟ; ୮ ଅବିୟ ମେହି ଆସା; ଆସା ମେହି ଜିହସାପଟ୍; ଜିହସାପଟ୍ ମେହି ଜରାମ୍; ଜରାମ୍ ମେହି ଉଜିୟ; ୯ ଉଜିୟ ମେହି ଜତାମ୍; ଜତାମ୍ ମେହି ଆହାଜ୍; ଆହାଜ୍ ମେହି ହିଜକିୟ; ୧୦ ହିଜକିୟ ମେହି ମନସେହଙ୍ଗ୍ ଜଲମ୍ କିତାନ୍; ମନସେହ ମାଜେଙ୍ଗ୍ ଜଲମ୍ କିତାନ୍, ଆମାନ୍ ଜସିୟଙ୍ଗ୍ ଜଲମ୍ କିତାନ୍, ୧୧ ଆମାନ୍ ମେହି ଜସିୟ; ଜସିୟ ମେହି ଜିକନିୟ ଆରି ତା ଗଣ୍ଡାହିର୍, ବାବିଲନ୍‌ତିଂ ଦେସ୍‌ତ ଗେହ୍‌ନାକା ଆତି ସମୁତ ଜିକନିୟ ଜଲମ୍ ଆଜି ମାଚାନ୍ ।
- ୧୨ ବାବିଲନ୍‌ତ ଗେହ୍‌ନାକା ଆତି ପାତେ ଜିକନିୟତି ମେହି ସଲ୍‌ଟିୟେଲ୍ ବାବିଲନ୍‌ତ ଜଲମ୍ କିତାନ୍ । ସଲ୍‌ଟିୟେଲ୍ ମେହି ଜିରୁବାବେଲ୍; ୧୩ ଜିରୁବାବେଲ୍ ମେହି ଅବିହୁଦଂ; ଅବିହୁଦ ମେହି ଏଲିୟାକିମ୍; ଏଲିୟାକିମ୍ ମେହି ଆସର୍; ୧୪ ଆସର୍ ମେହି ସାଦକ୍; ସାଦକ ମେହି ଆକିମ୍; ଆକିମ୍ ମେହି ଏଲିହୁଦ୍;

ଏଲିହୁଦ ମେହି ଏଲାଜାର୍; ଏଲାଜାର୍ ମେହି ମତାନ; ୧୫ ଏଲିହୁଦ ଏଲିୟାଜତିଂ ଜଲମ୍ କିନାନ୍, ଏଲିୟାଜର୍ ମତାନତିଂ ଜଲମ୍ କିନାନ୍ । ୧୬ ମତାନ ଜାକୁବତିଂ ଜଲମ୍ କିନାନ୍, ଜାକୁବ ମରିୟମ୍ ଡକ୍ରାହି ଜସେପ୍ତିଂ ଜଲମ୍ କିନାନ୍ । ଇ ମରିୟମ୍ ପଟତାଂ ଜିସୁ ଜଲମ୍ ଆତାନ । ତାଜେଙ୍ଗ୍ କ୍ରିସ୍ଟ ଇନ୍ୟାନାଡ଼ ।

୧୭ ଇ ଲାକେ ଅବ୍ରାହାମ୍ତାଂ ଦାଉଦ୍ ପାତେକ୍ ଚଉଦ ଟିକ୍; ଦାଉଦ୍ତରତାଂ ବାବିଲନ୍ ଗେହ୍ନାକା ପାତେକ୍ ଚଉଦ ଟିକ୍ ଆରେ ବାବିଲନ୍ ଗେହ୍ନାକା ତାଙ୍ଗ୍ କ୍ରିସ୍ଟି ଜଲମ୍ ପାତେକ୍ ଚଉଦ ଟିକ୍ ।

**ଜିସୁ କ୍ରିସ୍ଟି ଜଲମ୍
(ଲୁକ ୨:୧-୭)**

୧୮ ଇଦାଂ ଆନାତା ଜିସୁ କ୍ରିସ୍ଟି ଜଲମ୍ ବିସ୍ତେ । ତା ତେହି ମରିୟମ୍ ଜସେପ୍ ଲାହାଙ୍ଗ୍ ମାଲାକିୟା ଆଜି ମାଚାଡ଼ । ମାତର୍ ହେୱାର୍ ବିବା ଓଁଜୁ ଓଁଜିନ୍ ଆଗେ ମରିୟମ୍ ପୁଚାଡ଼ ଜେ ପୁଇପୁୟା ଜିବୁନ୍ ହୁକେ ମାଞ୍ଜେଙ୍ଗ୍ ଆସ୍ତାଙ୍ଗ୍ନା ଇଞ୍ଜି ପୁଚାଡ଼ । ୧୯ ଜସେପ୍ ସବୁ ନାଞ୍ଜିଙ୍ଗ୍ ନ୍ୟାୟ୍ କାମାୟ୍ କିଜି ମାଚାନ । ଲାଗିଂ ମରିୟମ୍ତିଂ ମାନାୟାର୍ ଲାଜୁତାଂ ରାକ୍ୟା କିଦେଙ୍ଗ୍ ଇଞ୍ଜି ଡଗୁଜି ମାଲାକିତାକାଦିଂ ବାଙ୍ଗାୟ୍ କିଦେଙ୍ଗ୍ ଇଞ୍ଜି ଉପାୟ୍ ପାଟି କିତାନ ।

୨୦ “ହେୱାନ ଇଦାଂ ଏଡକିନିହିଙ୍ଗ୍ ରୱାନ ମାପୁତି ଦୁଡ଼ ତାଜେଙ୍ଗ୍ କେଚକଣ୍ଡ ଚଞ୍ଜୟା ଆଜି ଇଚାନ, ଏ ଦାଉଦ୍ ଲାତ୍ରାନି ଜସେପ୍ ! ମରିୟମ୍ତିଂ ଡକ୍ରି ଲାକେ ଇଡ଼ଦେଂ ପାଣ୍ଡା ଆମା, ଇନାକିଦେଂକି ପୁଇପୁୟା ଜିବୁନ୍ ହୁକେ ମାଞ୍ଜେଙ୍ଗ୍ ଆସ୍ତାଙ୍ଗ୍ନା । ୨୧ *ତାଙ୍ଗ୍ ର ମାଜି ଜଲମ୍ ଆନାନ୍ । ଏନ୍ ତା ତର୍ ଜିସୁ ଇଚ୍ଚନାୟ୍, ଇନାକିଦେଂକି ହେୱାନ ତା ଲଗାଂ ପାପ୍ତାଂ ରାକ୍ୟା କିନାନ୍ ।”

୨୨ ମାପୁତି ରୱାନ ବେଶ୍ବାକ୍ଷାୟକିନାକାନ୍ ହୁକେ ଇମ୍ଣି ବେରଣ୍ ଖେଚ୍ଚି ମାଚାନ, ହେଦାଂ ପୁରା ଆଦେଂ ଇଞ୍ଜି ଇ ସବୁ ଗିଟା ଆଜି ମାଚାଡ଼ ।

୨୩ “ହେ ଆଗେନିବେଣ୍ ଆନାତା, ରଞ୍ଜେଲ୍ ଜିପଲି ମାଞ୍ଜେଙ୍ଗ୍ଆସ୍ତି ମାଜି ଜଲମ୍ କିନାଡ଼ । ହେ ମାଜି ‘ଇମାନୁୟେଲ୍’ ଡଚ୍ଚଦ ଡଚ୍ଚ ଆନାଡ଼ । ଇମାନୁୟେଲ୍ ଅରଡ଼ ଇସ୍ତର୍ ମାହୁଦାଂ ମାନାନ୍ ।”

୨୪ ଜସେପ୍ ହୁଚକାଣ୍ଡକୁ ରିଙ୍ଗ୍ତି ପାଚେ ହେୱାନ ମାପୁତି ଦୁଡ଼ ବଲ୍ ଲାହାଙ୍ଗ୍ କାମାୟ୍ କିତାନ । ହେୱାନ ମରିୟମ୍ତିଂ ବିବା କିତାନ । ୨୫ *ମାତର୍ ତା ହେ ମାଜି ଜଲମ୍ ଆନି ପାତେକ୍ ତା ଲାହାଙ୍ଗ୍ ରଚେ ହୁଞ୍ଜାତାର୍ । ଜସେପ୍ ହେ ମାଜି ଜିସୁ ତର୍ ହିତାର୍ ।

୨

ଖେଡ଼ାହନି ଦେସ୍ନି ପଣ୍ଡିତାର୍

୧ ହେରଦ୍ ରାଜା ସମୁତ ଜିହୁଦା ରାଜିନି ବେଡଲିହିମ୍ ଗାଡ଼ଦ୍ ଜିସୁ ଜଲମ୍ କିନାନ୍ । ଇଦାଂ ଅଲପ୍ ସମୁ ପାଚେ ଖେଡ଼ାହନି ଦେସ୍ନି କେତେଜାଣ୍ ପଣ୍ଡିତାର୍ ଜିରୁସାଲମ୍ତ ଖାଜି ଖେନ୍ବାତାର୍, ୨ “ଇମ୍ଣି କାଡ଼ଦେ ଜିହୁଦିର୍ ରାଜା ଆନି କାଜିଂ ଜଲମ୍ ଆତାନ୍ନା, ହେୱାନ ଇମେନ୍ ? ଖେଡ଼ାହନି ଦେସ୍ତାଂ ତା ହୁକାଙ୍ଗ୍ ହୁଡ଼ଜି ତାଙ୍ଗ୍ ପୁଜାକିନି କାଜିଂ ଆପେଂ ଖାତାପ୍ନା ।”

୩ ହେୱାର୍ ଇ କାତା ଖେନ୍ଞି ରାଜା ହେରଦ୍ ଆରି ଜିରୁସାଲମ୍ନି ଓଁଜାର୍ ବେସି ପାଣ୍ଡା ଆତାର୍ । ୪ ହେରଦ୍ ଓଁଜାର୍ ମୁଡ଼ ମାପୁହେବାକିନାକାନ୍ ଆରି ଦରମ୍ ଗୁରୁରିଂ କୁକ୍ଚି ହେୱାରିଂ ଖେନ୍ବାତାନ, “ଇନେନ୍କି ମସିୟା ଇତିସ୍ କ୍ରିସ୍ଟ ଇମେତାକେ ଜଲମ୍ ଆନାନ୍ ?”

୫ ହେୱାର୍ ଉତର୍ ହିତାର୍, “ଜିହୁଦା ଦେସ୍ନି ବେଡଲିହିମ୍ତ ।” ଇ ବିସ୍ତେ ରୱାନ ବେଶ୍ବାକ୍ଷାୟକିନାକାନ୍ ଲେକିକିନାନ୍,

୬ “ଜିହୁଦା ଦେସ୍ନି ବେଡଲିହିମ୍ !

ଜିହୁଦାନି ମୁଡ଼୍ ବସିକାଙ୍ଗ୍ ବିତ୍ରେ ଏପେଙ୍ଗ୍ ହାରୁକାଦେର୍ ଆକାୟ୍, ଇନାକିଦେଂକି ନା ଇସ୍ତାଏଲ୍ୟର୍ ମାନାୟାରିଂ ଚାଲାୟ୍କିଦେଂ ଇଞ୍ଜି ମିଙ୍ଗ୍ତାଂ ରୱାନ ନେତା ହଡ଼ନାନ୍ ।”

୭ ଇଦାଂ ଖେନ୍ଞି ହେରଦ୍ ଖେଡ଼ାହନି ଦେସ୍ନି ହେ ପଣ୍ଡିତାରିଙ୍ଗ୍ ଡଗୁଜି ବେଶ୍କିନି ସବାତ କୁକ୍ଚି ସମାନ ଇମ୍ଣି ସମୁତ ହେ ହୁକା ହସି ମାଚାଡ଼, ହେୱାର୍ତାଂ ବୁଜାଆତାର୍ । ୮ ତା ପାଚେ ହେୱାରିଂ ବେଡଲିହିମ୍ ଗାଡ଼ଦ୍ ପକ୍ଚି ଇଚାନ, “ହାଲାଟ୍ ହେ କାଡ଼ଦେଂ ହାର୍ କିଜି ଦାହାଟ୍ ଆରେ ତାଜେଙ୍ଗ୍ ହୁଡ଼ତିସ୍ ନାଙ୍ଗ୍ ଖେଚ୍ଚାଟ୍ ଆନ୍ ପା ହାଲ୍ଜି ତାଜେଙ୍ଗ୍ ପୁଜା କିନାଙ୍ଗ୍ ।”

୯ ହେବେ ହେୱାର୍ ରାଜା ବେଶ୍ ଖେନ୍ଞି ହାଚାର୍; ଆରେ ହୁଡ଼ା, ହେୱାର୍ ଖେଡ଼ାହଡ଼ନି ଦେସ୍ତ ଇମ୍ଣି ହୁକା ହୁଡ଼ତାର୍, ହେଦାଂ ହେୱାର୍ ଆଗ୍ଦ ଆଗ୍ଦ ହାଲ୍ଜି, ଇମେତାକେ କାଡ଼ଦେ ମାଚାନ, ପାଚେ ହେ ବାହା ଜପି ଟେବାତାଡ଼ । ୧୦ ହେୱାର୍ ହେଦେଲିଂ ହୁଡ଼ଜି ବେସି ଖାରିତାଂ ଏଚେକ୍ ଉଲ୍ଲକା ଆଜି ନିଙ୍ଗ୍ତାର୍ ହେୱାର୍ ହେୱାରିଂ ଆଗେ ଆଗେ ହାଲ୍ଜି ହୁକା ଆରେ କାଡ଼ଦେ ମାନି ଇଲ୍ ଜପି ସମାନ ଟେବା ଆତାର୍ ।

* ୧:୨୧ ୧:୨୧ ଲୁକ ୧:୩୧. ✧ ୧:୨୫ ୧:୨୫ ଲୁକ ୨:୨୧.

୧୧ ହେୱାର୍ ହେ ଇଲ୍ ବିତ୍ତେ ହଟାର୍ ଆରି କାଡ଼ଦେଂ ତେହି ମରିୟମ୍ ଲାହାଙ୍ଗ୍ ହୁଡ଼୍ଜି ମେଣ୍ଡାଙ୍ଗ୍ କୁନ୍ଦିକିଜି ତାଙ୍ଗ୍ ପାର୍ତାନା କିତାର୍ ଆରି ରଚେ ଅଜି ମାଟି ହନା, କୁନ୍ଦୁର୍ ଆରି ବାସ୍ନା ଚିକାଣ୍ ହପ୍ତି ଦାନ୍ ହିତାର୍ ।

୧୨ ଇଦାଂ ପାଚେ ହେୱାର୍ ବିନ୍ ର ହାଜି ହିଜି ଜାର୍ ଦେସ୍ତ ହାଚାର୍ । ଇନାକିଦେଂକି ହେରଦ୍ ଲାଗାଂ ହାଞ୍ଜେଙ୍ଗ୍ କାଞ୍ଜି କାଜିଂ ଇସ୍ପର୍ ହେୱାରିଂ କେଚ୍କଣ୍ଡ ବଲ୍ ହିଜି ମାଚାନ୍ ।

ମିସର୍ତ ହଟାର୍

୧୩ ହେୱାର୍ ହାଟି ପାଚେ ମାପୁଡି ଦୁଡ୍ ଜସେପ୍ତିଂ କେଚ୍କଣ୍ଡ ଚଞ୍ଜୟା ଆଜି ଇଚାନ୍, “ହେରଦ୍ କାଡ଼ଦେଂ ଚୁଣି କାଜିଂ ଦାହନାନ୍ । ଲାଗିଂ ନିଙ୍ଗାଟ୍, କାଡ଼ଦେଂ ଆରି ତେହିଙ୍ଗ୍ ଅଜି ମିସର୍ ଦେସ୍ତ ହାଲାର୍ । ହେ ବାହା ପିସ୍ତେଙ୍ଗ୍ ଇଞ୍ଜି ପାଚେକ୍ ହେବେ ମାନାର୍ ।”

୧୪ ଜସେପ୍ ନିଙ୍ଗିଜି କାଡ଼ଦେଂ ଆରି ତା ତେହିଙ୍ଗ୍ ଅଜି ହେ ନାଣା ମିସର୍ ଦେସ୍ତ ହାଚାର୍ ।

୧୫ ହେରଦ୍ ହାନି ପାଚେକ୍ ହେବେ ହେୱାର୍ ମାଚାର୍ । ଇ ଝିଜୁ ଗିଟାଆତି କାଜିଂ ବେଶ୍ବାକ୍ଷାୟକିନାକାନ୍ ବେରଣ୍ ପୁରା ଆତାଡ୍ । ମାପୁ ଇଞ୍ଜି ମାଚାନ୍, “ନା ମାଜିଂ ଆନ୍ ମିସର୍ ଦେସ୍ତାଂ କୁକ୍ତି ତାସି ଝାତାଂ ।”

କାଡ଼ଦେରିଂ ଚୁଣାକା

୧୬ ଝେଡ଼ାହନି ଦେସ୍ତାଂ ଝାଜି ମାନି ହେରଦ୍ ପଣ୍ଡିତାର୍ କାଜିଂ ତାଙ୍ଗେଙ୍ଗ୍ ଟକାୟ କିଜି ହାଚାର୍ ଇଞ୍ଜି ପୁଞ୍ଜି, ହେରଦ୍ ରିସା ଆଜି ହାଚାନ୍ ଆରେ ବେଡ୍ଲିହିମ୍ ଆରି ତା ଲାଗେ ଲାଗେନି ନାସ୍ କୁକାଂ ମାନି ଦୁଇ ବାହୁଁ ଆରି ହେବେ ଉଣା ବାହୁଁନି ଝିଜାର୍ କାଡ଼ଦେରିଂ ଚୁଣି କାଜିଂ ବଲ୍ ହିନାନ୍ । ହୁକାଂ ହସି ମାନି ସମୁ ବିସ୍ତେ ହୁକାଂ ଗାଣାକିନାକାରିଂ ହେୱାନ୍ ଇମ୍ଣାକା ଝେନ୍ଞି ମାଚାନ୍, ହେ ଲାକେ ହେୱାନ୍ କାଡ଼ଦେର୍ ବାହୁଁନି ଇଚ୍କାଡ୍ ହପ୍ତି ମାଚାନ୍ ।

୧୭ ଇଦାଂ କାଜିଂ ବେଶ୍ବାକ୍ଷାୟକିନାକାନ୍ ଜିରିମିୟତି ର ବେରଣ୍ ପୁରା ଆତାଡ୍ । ଇଦାଂ ହେୱାନ୍ ଲେକିକିଜି ମାଚାନ୍,

୧୮ “ରାମା ବସ୍ତିତ ଚେରା ଆନାକା ଝେନାପା
ହେଦାଂ କାକୁଲ୍ଡି ଆଡ଼ବାନାକା କାର୍
ରାହେଲ୍ ତା ହିମ୍ଣାଂ କାଜିଂ ଆଡ଼ବାନାତା;
ହେଦେଲିଂ ଇମ୍ଣା ଦୁକ୍ସାରାୟ ଆଉତା,
ଇନାକିଦେଂକି ହେୱାର୍ ଝିଜାର୍ ହାଚାର୍ ।”

ମିସର୍ତାଂ ମାସ୍ଦି ହାଚାର୍

୧୯ ହେରଦ୍ ହାଟି ପାଚେ ମାପୁଡି ଦୁଡ୍ ମିସର୍ତ ଜସେପ୍ତିଂ ଚଞ୍ଜୟାଆଜି ଇଚାନ୍, ୨୦ “ନିଙ୍ଗାଟ୍, କାଡ଼ଦେଂ ଆରି ତା ତେହିଙ୍ଗ୍ ଅଜି ଇସ୍ତାଏଲ୍ ଦେସ୍ତ ମାସ୍ଦି ହାଲାର୍ । ଇନାକିଦେଂକି ଇମ୍ଣାକାର୍ କାଡ଼ଦେଡି ଜିବୁନ୍ ନାସ୍ କିଦେଙ୍ଗ୍ କାଜିଂ ସେସ୍ତୁ କିଜି ମାଚାର୍, ହେୱାର୍ ହାଚାର୍ ।” ୨୧ ଲାଗିଂ ଜସେପ୍ ନିଙ୍ଗିଜି କାଡ଼ଦେଂ ଆରି ମରିୟମ୍ତିଂ ଅଜି ଇସ୍ତାଏଲ୍ ଦେସ୍ତ ମାସ୍ଦି ହାଚାର୍ ।

୨୨ ମାତର୍ ହେରଦ୍ ପାଚେ ତା ମାଜି ଆକ୍ ଲାୟ, ଜିହୁଦାନି ରାଜା ଆତାକା ଝେନ୍ଞି ହେୱାନ୍ ହେବେ ହାଞ୍ଜେଙ୍ଗ୍ ପାଣ୍ଡା ଆନାନ୍ । ମାତର୍ କେଚ୍କଣ୍ଡ ବିନ୍ ଦେସ୍ ପାୟାଜି ହେୱାନ୍ ଗାଲିଲି ରାଜିନିପ ହାଚାନ୍ । ୨୩ ଆରେ ରଗ ବିନ୍ଦାନି କେଚ୍କଣ୍ ପାୟା ଆଜି ହେୱାନ୍ ଗାଲିଲି ରାଜିତ ନାଜରିଡ୍ ବସ୍ତିତ ଇଲ୍ କିଜି ମାଚାନ୍ । ଝିସ୍ତୁ ବିତ୍ତେ ବେଶ୍ବାକ୍ଷାୟକିନାକାନ୍ତ ହାରିହାରା ଲେକାଆତାକା ରଞ୍ଜାଙ୍ଗ୍ ବଚନ୍ ପୁରା ଆତାଡ୍ । “ହେୱାନ୍ ନାଜରିଡିୟ ଇଞ୍ଜି ପୁଟାଆନାନ୍ ।”

୩

ବାପ୍ତିସମ୍ ହିନି ଜହନ୍ତି ପରଚାର୍

(ମାର୍କ ୧:୧-୮; ଲୁକ ୩:୧-୧୮; ଜହନ୍ ୧:୧୯-୨୮)

୧ ହେ ଝେଡ଼ାଲିଂ ବାପ୍ତିସମ୍ ହିନି ଜହନ୍ ଜିହୁଦା ରାଜିନି ବାଟାରାଜିତ ଝାଜି ସୁଣାୟକିଦେଂ ଆରମ୍ କିତାନ୍ । ୨* ହେୱାନ୍ ଇଞ୍ଜି ମାଚାନ୍, “ପାପ୍ ହାଜିତାଂ ମାନ୍ ବାଦ୍ଲାଇୟ କିୟାଟ୍, ଇନାକିଦେଂକି ସାଗେ ରାଜି ଲାଗାଂ ।” ୩ ଜିସ୍ତାୟ ବେଶ୍ବାକ୍ଷାୟକିନାକାନ୍ ଇମ୍ଣା ମୁଣିକାନ୍ତ ବିସ୍ତେ ଇଞ୍ଜି ମାଚାନ୍, ଜହନ୍ ନେ ହେ ମାନାୟ;

“ବାଲିବାଟାତ ଇନେର୍ ରକାନ୍ କିକିରାଡିଂ କିଜି ଇନାନ୍ନା,
ମାପୁ କାଜିଂ ହାଜି ଜାଲ୍ଦି କିୟାଟ୍;
ହେୱାନ୍ ଝାନି କାଜିଂ ରଞ୍ଜାଙ୍ଗ୍ ଆଡ଼ଝା ହାଜି ରଚାର୍ ।”

* ୩:୨ ୩:୨ ମାତ୍ରିକ ୪:୧୭; ମାର୍କ ୧:୧୫.

୪ ହେ ଜହନ୍ ଉର୍ ଡଲ୍ଲନି ହେନ୍ଦା ଉସ୍ତୁସ୍ ମାଚାନ୍ । ହେୱାନ୍ ତା ମ୍ବେଙ୍ଗାତ ଡଲ୍ଲନି ନୁଣକୁ ଡରି ଗାବ୍ତି ମାଚାନ୍ । ପାମି ଆରି ରାନ୍ତିପୁକି ହେୱାନ୍ତି କାଦି ମାଚାତ୍ । ୫ ଜିରୁସାଲମ୍ ବସ୍ତିତା, ଜିହୁଦା ଦେସ୍ତ ଆରି ଜର୍ଦନ୍ ନାଗୁଡ୍ ଲାଗାଂ ଝିଜାର୍ ନିପ୍ତାକାର୍ ମାନାୟାର୍ ତା ଲାଗେ ଝାଜି ମାଚାର୍ । ୬ ହେୱାର୍ ଜାର୍ ଜାର୍ତି ପାପ୍ ମାନି କିଜି ଜହନ୍ତାଂ ଜର୍ଦନ୍ ନାଗୁଡ୍ତ ବାପ୍ତିସିମ୍ ଅଜି ମାଚାର୍ ।

୭ ☆ଏଚେକାଡ୍ଦ ଜହନ୍ ହୁଡ୍ତାନ୍ ଆଦେକ୍ ପାରୁସିର୍ ଆରେ ସାଦୁକିର୍ ବାପ୍ତିସିମ୍ ଅଜି କାଜିଂ ଝାନାରା; ହେୱାନ୍ ଇଚାନ୍, “କାଲାର୍ତରାନ୍ତି ଲାତ୍ରା,” ଝାନିଦିନ୍ ମାପୁତି ଚାକ୍ରିତାଂ ହନ୍ତେଙ୍ଗ୍ କାଜିଂ ଇନେର୍ ମିଙ୍ଗେଙ୍ଗ୍ ଚେଡ୍ନା ହିଡ୍ତାନ୍ ? । ଲାଗିଂ ମାନବାଦଲ୍ଲୟ୍ କିନି ହାଦ୍ ପାଡ୍ ଉବ୍ଜାଣ୍ କିୟାଟ୍; ଆରେ, ଇଦାଂ ମି ହାଦ୍ କାମାୟ୍ କାବାଡ୍ତ ଚଚାଟ୍ । ୮ ☆ବାବି କିମାଟ୍ ଜେ ଅବ୍ରାହାମ୍ ମା ଆବା, ଇଞ୍ଜି ମାନେ ମାନେ ଏପେଙ୍ଗ୍ ଇନମାଟ୍, ଇନାକିଦେକି ଆନ୍ ମିଙ୍ଗ୍ ଇଞ୍ଜି ଇଟ୍ନାଙ୍ଗା ଜେ ଇସ୍ବର୍ ଇ କାଲ୍ଲକୁକାଂ ଅଜି ଅବ୍ରାହାମ୍ ଲାତ୍ରା ଉବ୍ଜାଣ୍ କିଦେଙ୍ଗ୍ ଆଡ୍ନାନ୍ । ୯ ☆ ଆରେ, ନଙ୍ଗ୍ ପା ମାରକୁକାଂ ଦଲ୍ଦ କୁଡ୍ତେଲ୍ ଲାଗାତାଡ୍ନା; ଇମଣି ମାରକୁ ହାର୍ ପାଡ୍ ଆହ୍ଡିତିସ୍, ହେଦାଂ କାଦ୍ଦି ନାଣିତ ତୁହୟା ଆନାଡ୍ । ୧୦ ଜହନ୍ ଝିଜାକାରିଂ ଉତର୍ ହିନାନ୍, “ଆନ୍ ହିନା ମିଙ୍ଗେଙ୍ଗ୍ ମାନବାଦଲ୍ଲୟ୍ କିଦେଂ ଏଜୁଂତାଂ ବାପ୍ତିସିମ୍ ହିଡ୍ତାଂନା, ମାତର୍ ନା ପାଚେ ଇନେନ୍ ଝାନା, ହେୱାନ୍ ନାଙ୍ଗ୍ତାଂ ସାଲ୍ଲିକାଟାକାନ୍, ତା ପାନାନ୍ ପାଣ୍ଡାଲ୍ଲ ରିକ୍ତେଂ ଇଞ୍ଜି ଆନ୍ ସମାନ୍ ଆକାୟ୍; ହେୱାନ୍ ମିଙ୍ଗେଙ୍ଗ୍ ପୁଇପୁୟା ଜିବୁନ୍ତାଂ ଆରି ନାଣିତ ବାପ୍ତିସିମ୍ ହିଦ୍ନାନ୍ । ୧୧ ତା କେଇଦ୍ ହେଚି ମାନାଡ୍, ଲାଗିଂ ବାରବାନି ତାସ୍ ନିର୍ମଲ୍ କିଜି ଚୁଣ୍ଡିତ ଗାମ୍ ରୁଣ୍ଡାୟ୍ କିଜି ଇଡ୍ଦେଂ ଇଞ୍ଜି ହେୱାନ୍ କେଇଦ୍ ହେଚି ମାନାଡ୍, ମାତର୍ ପୁଟା ଝିଜୁ ହେୱାନ୍ ହାଝିନାଣିତ ଦେସ୍ସି ତୁହିନାନ୍ ।”

ଜିସୁ ବାପ୍ତିସିମ୍ ଅତାନ୍
(ମାର୍କ ୧:୯-୧୧; ଲୁକ ୩:୨୧-୨୨)

୧୩ ହେ ପାଦନା ଜିସୁ ଗାଲିଲିତାଂ ଝାଜି ବାପ୍ତିସିମ୍ ମାନି କିଦେଙ୍ଗ୍ ଇଞ୍ଜି ଜର୍ଦନ୍ ନାଗୁଡ୍ ଗୁଟିତ ଜହନ୍ତାଂ ବାପ୍ତିସିମ୍ ଅତାନ୍ । ୧୪ ମାତର୍ ଜହନ୍ ଜିସୁଙ୍ଗ୍ ବୁଲ୍ଲୟ୍କିଜି ଇଚାନ୍, “ଆନ୍ ହିନା ନି ତାଙ୍ଗ୍ ବାପ୍ତିସିମ୍ ଆନି କାତା-ଏନ୍ ଆଡିସ୍ପା ନା ଲାଗାଂ ଝାତାୟନା ?”

୧୫ ମାତର୍ ଜିସୁ ଉତର୍ ହିଚାନ୍, ନଙ୍ଗ୍ “ନା କାତାତ ରାଜିଆ । ଇନାକିଦେକି ଇଦାଂ କାଜିଂ ଆସେଙ୍ଗ୍ ଇସ୍ବର୍ ଇଚା କାମାୟ୍ କିଦେଙ୍ଗ୍ ଆଡ୍ନାସ୍ ।” ଲାଗିଂ ଜହନ୍ ତାଙ୍ଗେଙ୍ଗ୍ ବାପ୍ତିସିମ୍ ହିଦେଂ ରାଜି ଆଚାନ୍ ।

୧୬ ଜିସୁ ବାପ୍ତିସିମ୍ ଅଜି ଏଜୁଂତାଂ ନିଙ୍ଗ୍ଜି ଝାନିହିଂ ହେୱାନ୍ ହୁଡ୍ତାନ୍ ବାଦାଡ୍ ଜେୟାଆତାଡ୍ନା ଆରେ ଇସ୍ବର୍ତି ଜିବୁନ୍ ପାଣ୍ଡକା ଲାକେ ତା ଜପି କୁଚାଟ୍ ।

୧୭ ☆ତା ପାଚେ ସାଗେତାଂ ଇ ଗାର୍ଜାନ୍ ଆତାଡ୍, “ଇଝାନ୍ ନା ଝାରିନି ମାଜି, ତାତାକେ ଆନ୍ ବେସି ଝାରି ।”

୪

ସୟତାନ୍ ତାଙ୍ଗ୍ ଜିସୁ ପରିକ୍ୟା କିୟାତାନ୍
(ମାର୍କ ୧:୧୨-୧୩; ଲୁକ ୪:୧-୧୩)

୧ ☆ଇଦାଂ ପାଚେ ପୁଇପୁୟା ଜିବୁନ୍ ଜିସୁଙ୍ଗ୍ ବାଲି ବାଗାନିପ ଅଜି ହାତାଡ୍ । ହେବେ ହେୱାନ୍ ସୟତାନ୍ ହୁଦାଂ ପରିକ୍ୟା କିୟାତାନ୍ । ୨ ଆରେ, ଚାଲିସ୍ ଝେଡ୍ଡା ଆରି ଚାଲିସ୍ ନାଣା ଉପାସ୍ କିଜି ହାରିହାରା ଜିସୁ ନାସ୍ କି ଆଚାନ୍ । ୩ ହେୱାଡାଂ ସୟତାନ୍ ଜିସୁ ଲାଗାଂ ଝାଜି ଇଚାଟ୍, “ଏନ୍ ଜପି ଇସ୍ବର୍ ମାଜି, ଇ କାଲ୍ଲକୁକାଂ ରୁଟି ଆଦେଂ ଇଞ୍ଜି ବଲ୍ ହିୟା ।”

୪ ମାତର୍ ଜିସୁ ଉତର୍ ହିଚାନ୍, “ଦରମ୍ ସାସ୍ବର୍ତ୍ତ ଲେକା ମାନାଡ୍, ମାନାୟ୍ କେବଲ୍ ରୁଟିଂ ତିନ୍ଞି ଜିଉନ୍ । ମାତର୍ ଇସ୍ବର୍ ଝେଇଦିଂ ହଡ୍ନି ଝିଜୁ ବଚନ୍ ହୁକେ ଜିବୁନ୍ କାଜିଂ ଲଡା ।”

୫ ଇଦାଂ ପାଚେ ସୟତାନ୍ ଜିସୁଙ୍ଗ୍ ପୁଇପୁୟା ଗାଡ୍ଦ୍ ଜିରୁସାଲମ୍ତ ଅଜି ହାତାଡ୍ । ହେବେ ତାଙ୍ଗେଙ୍ଗ୍ ମନ୍ଦିରନି ବେସି ଜପି କୁଚି କିଜି ଇଚାଟ୍, ୬ “ଏନ୍ ଜପି ଇସ୍ବର୍ ମାଜି, ତା ଆଡିସ୍ ଇବେତାଂ ତାରେନ୍ ଗୁମା । ଇନାକିଦେକି ଦରମ୍ ସାସ୍ବର୍ତ୍ତ ଲେକା ମାନାଡ୍, ନିଙ୍ଗେଙ୍ଗ୍ ରାକ୍ୟା କିଦ୍ନି କାଜିଂ ହେୱାନ୍ ଜାର୍ ଦୁଡ୍ରିଂ ନି ବିସ୍ବେ ବଲ୍ ହିନାନ୍ ।

ଏଚେକାଡ୍ଦ ନି ପାନା କାଲ୍ଲଦ୍ ଆଡ୍ନାନାଡ୍ ।
ଇଦାଂ କାଜିଂ ହେୱାର୍ ନି କେଇଦ୍ ଆସ୍ତାନାର୍ ।”

୭ ଜିସୁ ସୟତାନ୍ତିଂ ଉତର୍ ହିଚାନ୍, “ଦରମ୍ ସାସ୍ବର୍ତ୍ତ ଲେକାମାନାଡ୍, ଏନ୍ ମାପୁ ଜାର୍ ଇସ୍ବର୍ତିଂ ପରିକ୍ୟା କିଉୟ୍ ।”

☆ ୩:୭ ୩:୭ ମାତ୍ରିକ ୧୨:୩୪; ୨୩:୩୩. ☆ ୩:୯ ୩:୯ ଜହନ୍ ୮:୩୩. ☆ ୩:୧୦ ୩:୧୦ ମାତ୍ରିକ ୭:୧୯. ☆ ୩:୧୭ ୩:୧୭ ମାତ୍ରିକ ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫. ☆ ୪:୧ ୪:୧ ଏବ୍ରି ୨:୧୮; ୪:୧୫.

୮ ତା ପାଚେ ସୟତାନ୍ ଜିସୁଙ୍କ ଜପି ଅଜି ଆରି ଜିସୁଙ୍କ ପୁତ୍ର ନି ସବୁ ରାଜି ଆରେ ହେ ସବୁ ହଲ୍ଲନାକା ଚତ୍ରି ଇଚାଡ଼, ୯ “ଜଦି ଏନ୍ ଏଚେକାଡ଼ଦ ମେଣ୍ଡାଙ୍କ କୁନ୍ଦିକିଜି ନାଙ୍ଗେଙ୍କ ପୁଜା କିଦନାୟ, ଇ ଓଜୁ ନିଙ୍ଗେଙ୍କ ଆନ୍ ହିଦନା ।”

୧୦ ଜିସୁ ଉତର ହିତାନ୍, “ଦେହା ଆ ସୟତାନ୍ ! ଦରମ୍ ସାସ୍ତରତ୍ ଲେକାମାନାଡ଼, କେବଲ୍ ନି ମାପୁ ଇସ୍ତରତି ପାର୍ତନା କିୟା ଆରି ହେଞ୍ଜାନ୍ତି ହେବା କିୟା ।”

୧୧ ତା ପାଚେ ସୟତାନ୍ ତାଙ୍ ପିସ୍ତି ହାଚାଡ଼, ଆରେ ହୁଡ଼ାଟ୍, ଦୁଡ଼କୁ ଖାଜି ହେଞ୍ଜାନ୍ତି ହେବା କିଦେଙ୍କ ଲାଗିତିକ୍ ।

ଜିସୁ ଗାଲିଲିତ ତା କାମାୟ ଆରମ୍ କିତାନ୍
(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ ☆ଜହନ୍ତି ଗେହ୍ତାଣ୍ଟା ଇଞ୍ଜି ଖେଚି ପାଚେ ଜିସୁ ଗାଲିଲିତ ହାଚାନ୍ । ୧୩ ☆ମାତର୍ ନାଜରିତୟତ ମାନ୍‌ଖାଦା ଜରୁଲୁନ୍ ଆରି ନପ୍ତାଲି ନାସ୍‌କୁକା ମାନି ଗାଲିଲି ହାମ୍‌ଦୁର୍ ଗୁଟିନି କପର୍ନାହୁମ୍ ତାକେ ବାହା କିତାନ୍ ୧୪ ଇଦା ହୁକେ ବେଶ୍‌ବାକ୍‌ଶାୟକିନାକାନ୍ ଜିସାୟତି ବେଶ୍ ପୁରା ଆତାଡ଼ । ହେଞ୍ଜାନ୍ ଇଞ୍ଜି ମାଚାନ୍ ।

୧୫ ଜର୍ଦନ୍ ନାଗୁଡ଼ ଆଣ୍ଟି ପାଡ଼କା ହାମ୍‌ଦୁର୍ତି ଆଜି ମାନି ହାଜି ଜପି ମାନାଡ଼ ଜରୁଲୁନ୍ ଆରି ନପ୍ତାଲି ଦେସ୍ ରିଣ୍ଟି

ପାତ୍ର କିଞ୍ଜି ଜିହୁଦିରତି ଗାଲିଲି !

୧୬ ମାଜଗାତ ବାହା କିଜିମାନି ମାନାୟାର୍ ର ଅଜଡ଼ନି ଦିବାସ୍ ହୁଡ଼ନାର୍ ହାକିନି ନାଶା ନାସ୍‌କୁକା ମାନି ମାନାୟାର୍ ଜପି ହେ ଅଜଡ଼ ଚଞ୍ଜୟା ଆତାଡ଼ ।

୧୭ ☆ହେ ସମୁତା ଜିସୁ ସୁଶାୟ କିଜି ଇଚାନ୍, “ପାପ୍ ହାଜିଡ଼ା ମାନ୍‌ବାଦ୍‌ଲାୟ କିୟାଟ୍, ଇନାକିଦେକି ସାଗେ ରାଜି ଲାଗାୟ !”

ଜିସୁ ଚାରିଜାଣ୍ ଚେଲାର୍ କୁକ୍‌ତାନ୍
(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜିସୁ ଗାଲିଲି ହାମ୍‌ଦୁର୍ ପାଡ଼ିତ ବୁଲାନି ସମୁତ ସିମନ୍, ଇନେରିକି ପିତର୍ ଇଞ୍ଜି ଇନାର୍, ଆରେ ତା ଟଣ୍ଡାହିଙ୍କ ଆହିୟ, ଇ ଟଣ୍ଡରିୟାର୍ ହାମ୍‌ଦୁର୍ତ ଜାଲ୍ ତୁହିନାକା ହୁଡ଼ତାନ୍, ଇନେକିଦେକି ହେଞ୍ଜାର୍ ମିନ୍‌କୁ ଆହ୍‌ନାକାର୍ ମାଚାର୍ । ୧୯ ଜିସୁ ହେଞ୍ଜାରି କୁକ୍‌ତି ଇଚାନ୍, “ନା ପାଚେ ପାଚେ ଖାଡ଼ । ଆନ୍ ମିଙ୍ଗେଙ୍କ ମାନାୟ ଆହ୍‌ନାକା ହିକାଇ କିଦନାଙ୍କ ।” ୨୦ ହେଞ୍ଜାର୍ ହେ ଦାପ୍ରେ ହେ ଜାଲ୍ ପିସ୍ତି ତା ଲାହାଙ୍କ୍ ହାଚାର୍ ।

୨୧ ଜିସୁ ଅଲପ୍ ଦେହା ହାଲ୍‌ଜି ଜାକୁବ୍ ଆରି ଜହନ୍ ତରଦାକାନ୍ ଜେବ୍‌ଦିତି ରିୟାର୍ ମାଜିରି ବେଟା ଆତାନ୍ । ଇ ରି ଟଣ୍ଡରିୟାର୍ ଆରି ହେଞ୍ଜାର୍ ଲାତ୍ରାହି ତଙ୍ଗାତ କୁଚ୍‌ତି ହେଞ୍ଜାର୍ତି ଜାଲ୍ ଗାଡ଼ି କିଜି ମାନାକା ହୁଡ଼ଜି ହେଞ୍ଜାରି କୁକ୍‌ତାନ୍ । ୨୨ ଜିସୁ ହେଞ୍ଜାରି ପା କୁକ୍‌ତାନ୍ ଆରି ହେଞ୍ଜାର୍ ସାଙ୍ଗେ ସାଙ୍ଗେ ତଙ୍ଗା ଆରି ଲାତ୍ରାହି ପିସ୍ତି ଜିସୁତି ପାଚେ ପାଚେ ହାଚାର୍ ।

ଜିସୁତି ହିକ୍ୟା, ପର୍ଚାର୍ ଆରି ଉଜ୍ କିନାକା
(ଲୁକ ୬:୧୭-୧୯)

୨୩ ☆ପାଚେ ଜିସୁ ହେଞ୍ଜାର୍ତି କୁଚ୍‌ମ୍ ଇଞ୍ଜି ହିକ୍ୟା ହିଜି ଇସ୍ତ୍ର ରାଜିନି ନେକ୍ରିକାରୁର୍ ସୁଶାୟ କିଜି ଆରି ଲକାର୍ ଓଜୁ ବାନି ରଗ୍ ଆରି ଓଜୁ ବାନି ବେମାର୍ ଉଜ୍ କିଜି ସବୁ ଗାଲିଲିତ ବୁଲାଦେ ଲାଗାତାନ୍, ୨୪ ଆରେ ହେଞ୍ଜାନ୍ତି ବିସ୍ତେ ମାନାୟାର୍ ଓଜାକାର୍ ସିରିୟା ପାଚେକ୍ ଓଜିଜି ହାଚାଡ଼ ଆରି ଲକୁ ପୁଦା ତୁୟାତାକାର୍, ଆପ୍ ଆରି ହିରକଲ୍ ଇଡ଼ୟାତି ରଗିରି ସବୁ ବାର୍‌ବାନି ରଗ୍ତ ବେମାର୍ ଆରି ନନାକାରି ହେଞ୍ଜାନ୍ ତାକେ ତାହିଞ୍ଜାଚାର୍, ଆରେ ହେଞ୍ଜାନ୍ ହେଞ୍ଜାରି ଉଜ୍ କିତାନ୍ । ୨୫ ଆରେ ଗାଲିଲି, ଦେକାପଲି, ଜିରୁସାଲମ୍, ଜିହୁଦା ରାଜି ଆରି ଜର୍ଦନ୍‌ନି ଆଣ୍ଟିପାଡ଼କାତା ବେସି ହେନି ଲକୁ ଖାଜି ହେଞ୍ଜାନ୍ ପାଚେ ପାଚେ ହାଚାର୍ ।



ମାତ୍ରି ଜପିତା ଜିସୁତି ଉପଦେସ୍

☆ ୪:୧୨ ୪:୧୨ ମାତ୍ରିକ ୧୪:୩; ମାର୍କ ୬:୧୭; ଲୁକ ୩:୧୯, ୨୦. ☆ ୪:୧୩ ୪:୧୩ ଜହନ୍ ୨:୧୨. ☆ ୪:୧୬ ୪:୧୬ ମାତ୍ରିକ ୩:୨. ☆ ୪:୨୩ ୪:୨୩ ମାତ୍ରିକ ୯:୩୫; ମାର୍କ ୧:୩୯.

୧ ଜିସୁ ମାନାୟ ଗହଳି ହୁଡ଼ି ମାଡ଼ି ଜପି ଦୁମ୍ଭାନ, ଆରେ କୁଚି ପାଚେ ହେଞ୍ଜାନ୍ତି ତେଲାର ହେଞ୍ଜାନ୍ ଚାରବେଣ୍ଡାଟା ବେଡ଼ି କିଜି ଲାଗେ ଖାତାର । ୨ ହେବେ ଜିସୁ ଖେଇ କିଜି, ହେଞ୍ଜାରି ହିକ୍ୟା ହିଜି ଇଞ୍ଜେଇଁ ଲାଗାତାନ ।

**ଇମ୍ପଣାକାର ଦନ୍ୟ
(ଲୁକ ୬:୨୦-୨୩)**

- ୩ ଜିରୁନ୍ତ କାକୁଲ୍ତି ଲକୁ ଦନ୍ୟ,
ଇନାକିଦେଂକି ସାଗେ ରାଜି ହେଞ୍ଜାରତି ।
- ୪ ଆଡ଼ବିନି ଲକୁ ଦନ୍ୟ,
ଇନାକିଦେଂକି ଇସ୍ବର ହେଞ୍ଜାରିଂ ଦୁକ୍ସାରାୟ କିନାନ ।
- ୫ ସାଦୁ ଲକୁ ଦନ୍ୟ,
ଇନାକିଦେଂକି ହେଞ୍ଜାର ପୁତ୍ରି ନି ଆଦିକାରି ଆନାର ।
- ୬ ଇସ୍ବତ୍ରି ଇଚାତାଂ ଇମ୍ପଣାକାର କାମାୟ କିନି ମାନାୟ ହେଞ୍ଜାର ଦନ୍ୟ,
ଇନାକିଦେଂକି ଇସ୍ବର ହେଞ୍ଜାରିଂ ସାରି ଆନାର ।
- ୭ ଇମ୍ପଣାକାର ବିନଲକାରିଂ କାର୍ମା ଆନାନ, ହେଞ୍ଜାର ଦନ୍ୟ,
ଇନାକିଦେଂକି ଇସ୍ବର ହେଞ୍ଜାରିଂ ଦୟା କିନାନ ।
- ୮ ଇନେରତି ମାନ ସକଟ୍ ହେଞ୍ଜାନ ଦନ୍ୟ,
ଇନାକିଦେଂକି ହେଞ୍ଜାର ଇସ୍ବରତିଂ ହୁଡ଼ନାର ।
- ୯ ଇମ୍ପଣାକାର ସୁସ୍ତା ହୁଗ୍ଲଡ଼ଦେଂ ସେସ୍ତା କିତାର ହେଞ୍ଜାର ଦନ୍ୟ,
ଇନାକିଦେଂକି ହେଞ୍ଜାର ଇସ୍ବତ୍ରି ହିମ୍ପଣାଂ ଇଞ୍ଜି ତାକ୍ପୁଟାନାର ।
- ୧୦ *ଇସ୍ବତ୍ରି ଇଚାତ କାମାୟ କିଜି ଇମ୍ପଣାକାର ନିନ୍ଦାପାୟାନାର ହେଞ୍ଜାର ଦନ୍ୟ,
ଇନାକିଦେଂକି ସାଗେ ରାଜି ହେଞ୍ଜାରତି ।

୧୧ * ମାନାୟାର ଏଚେକାଡ଼ଦ ମିଲେଇଁ ନା କାଜିଂ ନିନ୍ଦା ଆରି ଲାଜକୁଇ କିଦନାର, ଆରେ ମିଚ୍ଚ ମି ବିରୁଦ୍ଧ ସବୁ ବାନ୍ୟା କାତା ଇଞ୍ଜିସ୍, ତେବେ ଏପେଇଁ ଦନ୍ୟ । ୧୨ *ଞ୍ଜାରି କିଜି ଖାରୟା ଆଡୁ, ଇନାକିଦେଂକି ସାଗେତ ମିଦାଂ ଇନାମ୍ ଜବର । ହେ ଲାକେ ତ ହେଞ୍ଜାର ମି ପୁର୍ବେନିକାର ବେଶ୍‌ବାକ୍‌ଶାୟକିନାକାରିଂ ନିନ୍ଦା କିଜି ମାଚାର ।

**ହର ଆରି ଦିବାସ
(ମାର୍କ ୯:୫୦; ଲୁକ ୪:୩୪-୩୫)**

୧୩ *ଏପେଇଁ ପୁତ୍ରି ନି ହର ଲାକେ, ମାତର ହର ଜଦି ହଞ୍ଜାଦ୍ ଆଞ୍ଜିତିସ୍, ବାଟିଇଁ ହେଦାଂ ଇମେ କାରୟା ଆନାଡ଼ ? ହେଦାଂ ଆରେ ଇମେତାକେ କାମାୟତ ଖାଉଡ଼, କେବଲ୍ ବାଟି ତୁହିଜି ମାନାୟାର ପାନା ତାରେନ୍ କୁସ୍ପାୟ ଆନି ଜଗ୍ ।

୧୪ *ଏପେଇଁ ପୁତ୍ରି ନି ଅଜଡ଼ । ମାଡ଼ି ଜପି ରଚ୍ଚି ଗାଡ଼ ଡ଼ରୁଜି ମାଞ୍ଜେଇଁ ଆଡୁଡ଼; ୧୫ *କି ମାନାୟାର ବଇଟା କାଚାୟ କିଜି ମାଣ୍ଡି ତାରେନ୍ ଇଚୁର, ମତର ବଇଟା ଇଚ୍ଚିନି ଜପି ଇଚ୍ଚନାର, ହେବେ ହେଦାଂ ଇଞ୍ଜି ମାନି ଖିଜାରିଂ ଅଜଡ଼ ହିନାଡ଼ । ୧୬ *ହେ ଲାକେ ମି ଦିବାସ ଲକୁର ମୁମ୍ବଦ ଦିବାସ ଆୟେଡ଼, ଇନେସ୍କି ହେଞ୍ଜାର ମି ହାଡ଼ପା କାମାୟତ ହୁଡ଼ି ମି ସାଗେ ମାନି ବାଞ୍ଜାତି ପାଣ୍ଡିଂ କେରନାର ।

ବିଦି

୧୭ ଆନ୍ ଜେ ମସାତି ବିଦି କି ବେଶ୍‌ବାକ୍‌ଶାୟକିନାକାତ୍ ଦରମ୍ ସାସ୍ବର ବୁଡାୟ କିଦେଇଁ ଖାତାଂନା, ଇଦାଂ ବାବିକିମାଟ୍; ବୁଡାୟ କିଦେଇଁ ଖାତାଂନା ମାତର ପୁରା କିଦେଇଁ ଖାତାଂନା । ୧୮ *ଇନେକିଦେଂକି ଆନ୍ ମିଲେଇଁ ହାଡ଼ପା ଇଞ୍ଜିନାକା, ସାଗେ ଆରି ପୁତ୍ରି ବୁଡା ଆଞ୍ଜି ପାଚେକ୍ ମସାତି ବିଦି ର ଟପା, ଇନେସ୍ ପା ବୁଡା ଆଉଡ଼ । ଖିଜୁ ବିସ୍ତେନି ଖିଜୁ ବୁଡାଆଞ୍ଜି ପାଚେକ୍ ଗିଟା ଆଉଡ଼ । ୧୯ ଲାଗିଂ ଇନେରକି ବିଦିନି ଖିଜେଡ଼ାଂ ଗାଜା ବଲକୁ ମାନିକ୍‌ଖାତାନଟି ଆରି ହେ ଲାକେ କିତିଲେ ବିନ୍ ଲକାଂ ହିକ୍ୟା ହିନାନ, ହେଞ୍ଜାନ ସାଗେ ରାଜିତ ଖିଜେ ତାଞ୍ ହାରୁ ଇଞ୍ଜି ଇନ୍ୟା ଆନାନ । ୨୦ ଲାଗିଂ ଆନ୍ ଇଞ୍ଜିନାକା ଦରମ୍ ଗୁରୁ ଆରି ପାରୁସିରତାଂ ଆଦିକ୍ ପାତ୍ କିଜି ଇସ୍ବରତି ଇଚା ଲାକେ କାମାୟ କିତିସ୍ ହାଲ୍‌ଜି ଏପେଇଁ ସାଗେ ରାଜିତ ହଣ୍ଡେଇଁ ଆଡ଼ନାଦେର ।

* ୫:୧୦ ୫:୧୦ ୧ ପିତର ୩:୧୪. * ୫:୧୧ ୫:୧୧ ୧ ପିତର ୪:୧୪. * ୫:୧୨ ୫:୧୨ ପକ୍ୟାତାକା ୭:୫୨. * ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪, ୩୫. * ୫:୧୪ ୫:୧୪ ଜହନ୍ ୮:୧୨; ୯:୫. * ୫:୧୫ ୫:୧୫ ମାର୍କ ୪:୨୧; ଲୁକ ୮:୧୨; ୧୧:୩୩. * ୫:୧୬ ୫:୧୬ ୧ ପିତର ୨:୧୨. * ୫:୧୮ ୫:୧୮ ଲୁକ ୧୭:୧୭.

ଟାକ୍ତି ବିସ୍ତେ ହିକ୍ୟା

୨୧ ଏପେଙ୍ଗ୍ ଝେଟାଦେଣ୍ଡା ଜେ; ଆଗେ କାଡ଼ଦ ଲକାରିଂ ଝେଟଟାଣ୍ଡା, ନାର୍ ଅହମାଟ୍ । ଇନେର୍ ହେଦାଂ କିନାନ୍, ହେଝାନ୍ ବିଚାଣ୍ଡା କିୟାନାନ୍ ୨୨ ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେର୍ ଇମ୍ବି ଟଣ୍ଡେନ୍ ଜପି ଟାକ୍ତି ଆନାନ୍,* ହେଝାନ୍ ବିଚାଣ୍ଡା ବାହାତ ଦାଣ୍ ପାୟାନାନ୍ । ଆରେ, ଇନେର୍ ଜାର୍ ଟଣ୍ଡେନ୍ଂ ବକ୍ଝା ଇଞ୍ଜି ଇନାନ୍, ହେଝାନ୍ ଗାଜା ବିଚାଣ୍ଡାତ ଡାଣ୍ପାୟାନାନ୍, ଆରେ ଇନେର୍ ନାର୍ବକ୍ଝା ମୁକ୍ଝା ଇଞ୍ଜି ଇନାନ୍, ହେଝାନ୍ ନାଣିଡ଼ିଞ୍ଜିନିତ ନରକ୍ତ ଡାଣ୍ ପାୟାନାନ୍ । ୨୩ ଲାଗିଂ, ଇସ୍ତର୍ଂ ବେଦି ଜପି ଗାର୍ଣି ଲାଗେ ଏପେଙ୍ଗ୍ ଜାର୍ ଆକାଡ଼ ତାସି ମାନି ଝେଡ଼ାଲିଂ ମି ବିରୁଦ୍ଦତ ମି ଟଣ୍ଡେନ୍ ଇମ୍ବି କାତା ମାନାଡ଼ ଇଞ୍ଜି ହେବେ ମାନ୍ତ ଏଡୁ ଝାଡିସ୍, ୨୪ ତା ଆଡିସ୍ ହେ ବାହାତ ଗାର୍ଣି ମୁମ୍ଦ ମି ଆକାଡ଼ ଇଡ଼ଜି ହାଲାର୍, ଆଗେ ଜାର୍ ଟଣ୍ଡେନ୍ ହୁକେ ମେହାଆଡୁ, ଆରେ ତା ପାଟେ ଝାଜି ମି ଆକାଡ଼ ହିୟାର୍ ।

୨୫ “ମି କୁରଲିୟା ହୁକେ ହାଜିଡ଼ ମାନି ଝେଡ଼ାଲିଂ ବେଗି ତା ହୁକେ ମେହାଦେଂ ବାଦ୍ନା ଚଞ୍ଜିୟାଡୁ, ଏଟେକାଡ଼ଦ କୁରଲିୟା ନିଂ ବିଚାରକାରୟା ମିଂ ମେଲ୍ୟାର୍ କେଇଦ ହେଲୟା କିଦ୍ନାନ୍, ଆରେ ବିଚାର କାରୟା ନିଂ ଜାମାନିର୍ କେଇଦ ହେଲୟା କିଦ୍ନାର୍, ଆରେ ଏନ୍ ଜେଲ୍ତ ଗେହ୍ୟାନାୟା । ୨୬ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ନି ଜପି ମାନି ଜରିମାନି ତାରୁଙ୍ଗ୍ ପା ହୁଜାଞ୍ଜି ପାଟେକ୍ ଏପେଙ୍ଗ୍ ହେ ବାହାତାଂ ଇନେସ୍ ହସିଝାଦେଙ୍ଗ୍ ଆଡୁଦେର୍ ।”

ଦାରି ବିସ୍ତେ ହିକ୍ୟା

୨୭ ଏପେଙ୍ଗ୍ ଝେଟାଦେଣ୍ଡା, ଲେକା ଆତାଡ଼ନ୍ନା, ଦାରି କିମାଟ୍ ନାର୍ ଅହମାଟ୍ । ୨୮ ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେର୍ ଇମ୍ବି କଗ୍ଲେତିଂ କାମାୟା କାଜିଂ ହୁଡ଼ତିସ୍, ହେଝାନ୍ ତା ହୁକେ ମାନ୍ତ ମାନ୍ତ ଦାରି କିତାନେ । ୨୯ ✽ଆରେ, ଜଦି ମିଙ୍ଗେଙ୍ଗ୍ ବାଦା ହିଦ୍ନାତା, ଏଟେକାଡ଼ଦ ମି ବାଦା ଆଡିସ୍, ଇଡିସ୍ ହେ କାଣାଙ୍ଗାତିଂ ଉଦ୍ଦି ତୁହି ହିୟାର୍, ଇନାକିଦେଂକି ମି ଝିଜୁ ଗାଗାଡ଼ ନରକ୍ତ ତୁହିୟାନି ବାଟା ର ପାଡ଼କା ନସ୍ ଆନାକା ନି ପାକ୍ୟାତ ହାର୍ । ୩୦ ✽ଆରେ ମି ବୁଜ୍ଠି କେଇ ମିଦାଙ୍ଗ୍ ବାଦା ଆନାଡ଼, ହେଦେଲିଂ ପା କାଦ୍ଦି ତୁହିୟାର୍ । ମିଦାଙ୍ଗ୍ ଝିଜୁ ଗାଗାଡ଼ ନରକ୍ତ ତୁହିୟାନି ବାଟା ର କେଇଗାଲ୍ ବାଦା ଆନାକା ମି ପାକ୍ୟା ହାର୍ ।

ହେଲ ନାଟ୍ନାକା ବିସ୍ତେ ହିକ୍ୟା

(ମାତ୍ରିକ ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ✽“ଜଦି ଇନେର୍ ଜାର୍ କଗ୍ଲେଂ ପିସ୍ତେଙ୍ଗ୍ ମାନ୍କିନାନ୍, ହେଝାନ୍ ତାଙ୍ଗ୍ ଲେକା ହୁଦାଂ ର ହେଲ ହିଏନ୍ ଇ ସିକ୍ୟା ଏପେଙ୍ଗ୍ ଆଗେତାଂ ପାୟାତାଦେଣ୍ଡା । ୩୨ ✽ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା ଜେ, ଜଦି ଇନେରକି ଜାର୍ ତକ୍ତି ହେଲ ନାଟ୍ନାନ୍ ହେଝାନ୍ ହେଦେଲିଂ ଦାରି କିନି ପାପ୍ତ ଦସି ଆନାନ୍ । ଜଦି ତା ତହୁହି ବିନ୍ ଲକୁ ଲାହାଙ୍ଗ୍ ମେହାଡିସ୍, ତେବେ କେବଲ୍ ହେଝାନ୍ ହେଦେଲିଂ ହେଲ ନାଟ୍ନାନ୍ । ଜଦି ଇମ୍ବି ମାନାୟା ହେଲ ନାଟ୍ନାତି ହେ କଗ୍ଲେଂ ବିବା କିଡିସ୍ ତେବେ ହେଝାନ୍ ପା ଦାରି କାମାୟତ ପାପ୍ତ ଦସି ଆନାନ୍ ।”

ପାର୍ମାଣ୍ ବିସ୍ତେ ହିକ୍ୟା

୩୩ “ଆରେ ରଗ, ଏପେଙ୍ଗ୍ ଝେଟାଦେଣ୍ଡା ଜେ, ଆଗେନିକାରିଂ ଝେଟ୍ଟି ମାଟାର୍, ଏପେଙ୍ଗ୍ ମିର୍ ପାର୍ମାଣ୍ କିମାଟ୍, ମତର୍ ଜାର୍ ପାର୍ମାଣ୍ ସରୁ ମାପୁଡି ତରଦ କାମାୟା କିନାଦେର୍ ।” ୩୪ ✽ମାତର୍ ଆନ୍ ମିଙ୍ଗେଙ୍ଗ୍ ଝେଟଟାନାଙ୍ଗା, ମୁଡ଼କେ ପାର୍ମାଣ୍ କିମାଟ୍; ସାଗେନି ଜିଦ୍ କିମାଟ୍, ଇନାକିଦେଂକି ହେଦାଂ ଇସ୍ତର୍ଂ ଗାଦି, ୩୫ କି ପୁଡ଼ିନି ପାର୍ମାଣ୍ କିମାଟ୍, ଇନାକିଦେଂକି ହେଦାଂ ହେଝାନ୍ ତଗ୍ନିବାହା; ଜିରୁସାଲମିନି ପାର୍ମାଣ୍ କିମାଟ୍, ଇନାକିଦେଂକି ହେଦାଂ ଗାଜା ରାଜାତି ଗାଡ଼; ୩୬ କି ଜାର୍ କାପ୍ଡାନି ପାର୍ମାଣ୍ କିମାଟ୍, ଇନାକିଦେଂକି ହେଦାଂ ନି ର ତେମୁଲ୍ ତିଟେଂ କି କାହାୟା କିଦେଙ୍ଗ୍ ମି ସାକ୍ତି ହିଲୁଡ଼ । ୩୭ ମାତର୍ ମିଦାଙ୍ଗ୍ ଆଁ କାତା ଆଁ ଆୟେଡ଼, ଆକାୟା କାତା ଆକାୟା ଆୟେଡ଼; ଇବେଣ୍ଡାଂ ଇନାକା ଆଦିକ୍, ହେଦାଂ ବାନ୍ୟାତାଂ ହନାଡ଼ ।

ଡାରି ବିସ୍ତେ ହିକ୍ୟା

(ଲୁକ ୭:୨୯-୩୦)

୩୮ “ଏପେଙ୍ଗ୍ ଝେଟାଦେଣ୍ଡା, ଲେକା ମାନାଡ଼, କାଣ୍ଠା ବାଦୁଲ୍ତ କାଣ୍ଠା ଆରି ଟାଡାଙ୍ଗ୍ ବାଦୁଲ୍ତ ଟାଡାଙ୍ଗ୍; ୩୯ ମାତର୍ ଆନ୍ ଇଞ୍ଜନାଙ୍ଗା, ଇନେର୍ ନିଙ୍ଗେଙ୍ଗ୍ ବାନ୍ୟା କିଦ୍ନାର୍ ତାଙ୍ଗେଙ୍ଗ୍ ବାନ୍ୟା କିମାଟ୍ । ଜଦି ନି ବିନ୍ ତିନି କୁର୍ଝାତ ଇନେର୍ ଚାପ୍ଡା ଇଡ଼ଦାଟାର୍, ଆରେ ରଞ୍ଜାଙ୍ଗ୍ ଚାପ୍ଡା ଇଡ଼ଦିନି କାଜିଂ ନି

* ୫:୨୨ ୫:୨୨ ଇନେର୍ ଟାକ୍ତି ଆନାନ୍; କେତେକ୍ ପଡିତ ଲେକାମାନାଡ଼ ଜେ ଇନେର୍ ବେକାର୍ ଟାକ୍ତି ଆନାନ୍ ✽ ୫:୨୯ ୫:୨୯ ମାତ୍ରିକ ୧୮:୯; ମାର୍କ ୯:୪୭. ✽ ୫:୩୦ ୫:୩୦ ମାତ୍ରିକ ୧୮:୮; ମାର୍କ ୯:୪୩. ✽ ୫:୩୧ ୫:୩୧ ମାତ୍ରିକ ୧୯:୭; ମାର୍କ ୧୦:୪. ✽ ୫:୩୨ ୫:୩୨ ମାତ୍ରିକ ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮; ୧ କରକ୍ତିୟ ୭:୧୦,୧୧. ✽ ୫:୩୪ ୫:୩୪ ଜାକ୍ବ ୫:୧୨; ମାତ୍ରିକ ୨୩:୨୨.

ତେବୃ କୁରୁଖା ପା ଚରାଟ୍ । ୪୦ ଜଦି ଇନେର୍ ନି ଆଜି ଅନି କାଜିଂ ମି ବିରୁଦ୍ଧ ନାଡ଼ାଇ କିଜି ମିଜେଙ୍ଗ୍ ବିଚାରକିନି ତାକେ ଅଜି ହାଞ୍ଜନାନ, ତାଜେଙ୍ଗ୍ ନି ଆଜି ପା ଦାନ କିୟା ।” ୪୧ “ଜଦି ଇମ୍ଫଣି ମେଲ୍ୟା ବିତ୍ତେ ଇନେର୍ ନିଜେଙ୍ଗ୍ ତା ବଜ୍ ପିଣ୍ଡୁଜି ର କିଲମିଟର୍ ହାନି କାଜିଂ ରୁଟ୍ତାନାନ, ହେଞ୍ଜାନ ହୁଦାଂ ରି କିଲମିଟର୍ ହାଲା । ୪୨ ଇନେର୍ ନିଜେଙ୍ଗ୍ ଏନ୍ତାନାର, ତାଜେଙ୍ଗ୍ ହିୟାଟ୍, ମୁନା କିଞ୍ଜାଦାଂ ତାଜ୍ ହିୟା । ଇନେର୍ ଇନାକା ମୁକ୍ତାୟ ଏନ୍ତାନାର ତାଜ୍ ହେଦାଂ ହିୟାଟ୍ ।”

ସାତୁରିଂ ଜିଉନଞ୍ଜାଟ୍
(ଲୁକ ୬:୨୭-୨୮, ୩୨-୩୬)

୪୩ “ହାଜ୍ଦାକାରିଂ ଜିଉନଞ୍ଜାଟ୍, ସାତୁରିଂ ଗିଣ୍ କିୟାଟ୍ । ଇ ହିକ୍ୟା ଆଗେତାଂ ଖେଟାଦେଣ୍ଡା । ୪୪ ମାତର୍ ଆନ୍ ମିଜ୍ ଇଞ୍ଜନାଙ୍ଗା, ସାତୁରିଂ ଜିଉନଞ୍ଜାଟ୍ । ଇମ୍ଫଣାକାର ନିଜେଙ୍ଗ୍ ନିଦା କିଦ୍ନାର, ହେଞ୍ଜାର କାଜିଂ ପାର୍ତାନା କିୟାଟ୍ । ୪୫ ଇଦାଂ କିତିସ୍ ସାଗେନି ଆବା ମାଜି ଇଞ୍ଜି ଚିନା ଆନାନ । ଇନାକିଦେଂକି ଇସ୍ପର୍ ଗାଜା ଆରି ଦାମ୍ ଆରେ ଅଦାମ୍ ମାନାୟାରିଂ ଖେଡା ଅଜଡ୍ ହିନାନ ଆରି ହାର କାମାୟ ଆରି ବାନ୍ୟା କାମାୟ କିନାକାରିଂ ଖିଜାରିଂ ବାରହା ହିନାନ । ୪୬ ଆରେ ଇମ୍ଫଣାକାର ମିଜେଙ୍ଗ୍ ଜିଉନଦ୍ନାର, ହେଞ୍ଜାରିଂ ଜିଉନତିସ୍, ଇସ୍ପର୍ ଇନେକିଦେଂ ନିଜେଙ୍ଗ୍ ଇନାମ୍ ହିଦ୍ନାନ ? ସିସ୍ତୁନ୍ନାକାର ପା ହେଦାଂ କିତାର ।” ୪୭ “ଆରେ ଏପେଙ୍ଗ୍ କେବଲ୍ ଜାର୍ ଜାର୍ ଟଣ୍ଡାରିଂ ଜଞ୍ଜାର୍ କିୟାଟ୍, ଲାଗିଂ ଏପେଙ୍ଗ୍ କି କାବାନି କାମାୟ କିନାଦେରା ? ପାତ୍ କିଞ୍ଜି ଜିହୁଦିର୍ ପା ହେଦାଂ କିଞ୍ଜାତାଣ୍ଡା ? ୪୮ ମି ସାଗେନି ଆବା ଇନେସ୍ ଦାମ୍, ଏପେଙ୍ଗ୍ ହେ ଲାକେ ଦାମ୍ ଆନାକା ମାନାଟ୍ ।”



ଦାନ ଦରମ୍ ବିସ୍ତେ ହିକ୍ୟା

୧ *ଲକାରିଂ ଚଟ୍ଟନି କାଜିଂ ହେଞ୍ଜାର୍ ମୁମ୍ଦ ହାଦ୍ କାମାୟ କିମାଟ୍ । ହେଦାଂ କିତିସ୍ ସାଗେନି ଆବା ତାଜ୍ ଏପେଙ୍ଗ୍ ଇନାମ୍ ଗାଟା ଆଉଦେର୍ ।

୨ “ରକାନ୍ ଅକ୍ ଡ୍ ଲକାଂ ଅଲପ୍ ଦାନ୍ ହିନିହିଂ କାପ୍ଟିୟାର୍ ଲାକେ ଜାର୍ ମୁମ୍ଦ ମରି ତୁଦ୍ମାଟ୍ । ହେଞ୍ଜାର୍ ପାର୍ତାନା ଇଲକ୍ତକାଂ ଆରି ମାଦ୍ଫି ପାଟିତ ଜାର୍ କାପ୍ଟିୟାର୍ ଚଟ୍ଟନାର । ମାନାୟାର୍ତାଂ ଜାଜ୍ମାଲ୍ ପାୟା ଆନି କାଜିଂ ହେଞ୍ଜାର୍ ଇଦାଂ କିତାର । ଆନ୍ ହାତ୍ପା ଇଞ୍ଜନାଙ୍ଗା ଜେ ହେଞ୍ଜାର୍ ଇଦାଂ ତାଜ୍ ହେଞ୍ଜାର୍ତି ଗାଟାନାକା ପୁରା ପାୟାଆତାରେ । ୩ ମାତର୍ ଏପେଙ୍ଗ୍ ଦାନ୍ କିନି ଖେଡାଲିଂ ମି ବୁଜ୍ଫି କେଇ ଇନାକା କିନାତା, ହେଦାଂ ମି ତେବୃ କେଇ ପୁନ୍ମେଡ୍, ୪ ଇନେସ୍ ମି ଦାନ୍ ତୁଜୁଚି ଆନାଟ୍, ଆରେ ମି ବାଞ୍ଜା ଜେ ତୁଗୁଜି ହୁଡ୍ଦାନାନ, ହେଞ୍ଜାନ ଇ ଲାକେ ଇ ଦାନ୍ ତୁଗୁଜି ହିଦ୍ନାନ ।”

ପାର୍ତାନା ବିସ୍ତେ ହିକ୍ୟା
(ଲୁକ ୧୧:୨-୪)

୫ “ପାର୍ତାନା କିନି ଖେଡାଲିଂ କାପ୍ଟିୟାର୍ ଲାକେ ଆମାଟ୍, ଇନାକିଦେଂକି ହେଞ୍ଜାର୍ ଲକୁ ଚଟ୍ଟନି କାଜିଂ ପାର୍ତାନା ଇଲ୍ ଆରି ହାଡାକ୍ ତେଡା ବାହାତ ନିଲ୍ଚି ପାର୍ତାନା କିଦେଙ୍ଗ୍ ଖାରିୟାନାର; ଆନ୍ ମିଜ୍ ହାତ୍ପା ଇଞ୍ଜନାଙ୍ଗା, ହେଞ୍ଜାର୍ ଜାର୍ ଜାର୍ ନିଜାର୍ତି ଇନାମ୍ ଗାଟାତାଣ୍ଡା । ୬ ମାତର୍ ଏପେଙ୍ଗ୍ ପାର୍ତାନା କିନି ଖେଡାଲିଂ ଜାର୍ ବାକ୍ତା ବିତ୍ତେ ହାଲାଟ୍, କାପାଟ୍ ଗେହାଟ୍ ଆରି ମି ସାଗେନି ବାଞ୍ଜା ଇସ୍ପର୍ତିଂ ପାର୍ତାନା କିୟାଟ୍ । ଏପେଙ୍ଗ୍ ତୁଗୁଜି ଇନାକା କିନାଦେର୍, ଖିଜୁ ହୁଡ୍ଡନି ବାଞ୍ଜା ଇସ୍ପର୍ ହେଦାଂ ହୁଡ୍ଡଜି ମିଜେଙ୍ଗ୍ ଇନାମ୍ ହିଦ୍ନାନ ।”

୭ “ଆରେ, ପାର୍ତାନା କିନି ଖେଡାଲିଂ ପାତ୍ କିଞ୍ଜି ଜିହୁଦିର୍ ଲାକେ ପଲ୍ୟା ଅରଡ୍ ହିଲ୍ଡି ବେଣ୍ କିମାଟ୍, ଇନାକିଦେଂକି ହେଞ୍ଜାର୍ ବେସି କାତା ଇଚିଲେ ହେଞ୍ଜାର୍ତି ପାର୍ତାନା ଖେନ୍ୟାନାଟ୍ ଇଞ୍ଜି ବାବି କିତାର । ୮ ହେଞ୍ଜାର୍ ଲାକେ ଆମାଟ୍ । ଏପେଙ୍ଗ୍ ଏନ୍ନି ଆଗେ ମିଦାଜ୍ ଇନାକା ଲଡା, ମି ସାଗେନି ବାଞ୍ଜା ହେଦାଂ ଖିଜୁ ପୁନାନ । ୯ ଲାଗିଂ ଏପେଙ୍ଗ୍ ଇବାନି ପାର୍ତାନା କିନାଦେର୍;

- ଏ ମା ସାଗେନି ଆବା,
- ନି ତର୍ ପୁଇପୁୟା ଇଞ୍ଜି ମାନି ଆୟେଡ୍ ।
- ୧୦ ନି ରାଜି ଖାୟେଡ୍ ।
- ଇନେସ୍ ସାଗେତ, ହେ ଲାକେ ପୁତ୍ ତ ନି ଇଟା ପୁରାୟେଡ୍ ।
- ୧୧ ନେଞ୍ଜେଙ୍ଗ୍ ମାଜେଙ୍ଗ୍ ଲଡାନି କାଦି ହିଦା ।*
- ୧୨ ଆପେଂ ଇନେସ୍ ଜାର୍ ଜାର୍ ପାପିରିଂ କେମା କିନାପା,

* ୬:୧ ୬:୧ ମାତୃକା ୨୩:୫. * ୬:୧୧ ୬:୧୧ ମା ଲଡା; ନେଜେଙ୍ଗ୍, ନଲେ ଖିଗା କାଜିଂ

ହେ ଲାକେ ମା ପାପ ସବୁ କେମା କିଦା ।

୧୩ ପରିକ୍ରମାତ ମାଜେଙ୍ଗ ତାହି ଖାଦମା,

ବାନ୍ୟାତା ରାକ୍ୟା କିଦା । ଲାଗି ରାଜି, ସାକ୍ତି ଆରି ଜୁଝାର ଜୁଗ୍ ଜୁଗ୍ ନିନ୍ଦା । ଆମେନ୍ ।”

୧୪ * “ଏଚେକାଡ଼ଦ ମାନାୟାର୍ତ୍ତି ପାପ୍ ସବୁ କେମା କିନାଦେର୍, ତେବେ ମିଦାଙ୍ଗ ସାଗେନି ବାଞ୍ଜା ମିଜେଙ୍ଗ ପା କେମା କିଦନାନ୍; ”

୧୫ ମାତର୍ ଏଚେକାଡ଼ଦ ଲକାରିଂ କେମା କିଞ୍ଜିତିସ୍, ତେବେ ମି ସାଗେନି ଆବା ପା ମିଜେଙ୍ଗ ପାପ୍ ସବୁ କେମା କିଦୁନ୍ ।”

ଉପାସ୍ ବିସ୍ତେ ହିକ୍ୟା

୧୬ “ଉପାସ୍ କିନି ଖେଡ଼ାଲିଂ କାପ୍ତିୟାର୍ ଲାକେ ମୁମ୍ପରାଡ଼ମାଟ୍, ଇନାକିଦେଂକି ହେଞ୍ଜାର୍ ଉପାସ୍ କିନାରା ଇଞ୍ଜି ଲକାର୍ ମୁମ୍ପଦ ହୁଡ଼ୟାନି କାଜିଂ ଜାର୍ ଜାର୍ ମୁମ୍ପିଂ ରାଡ଼ନାର୍; ଆନ୍ ମିଙ୍ଗ୍ ହାଡ଼ପା ଇଞ୍ଜନାଙ୍ଗା, ହେଞ୍ଜାର୍ ଜାର୍ ଜାର୍ ଇନାମ୍ ଗାଗାତାଣ୍ଡା ।

୧୭ ମାତର୍ ଏପେଙ୍ଗ ଉପାସ୍ କିନି ଖେଡ଼ାଲିଂ ଏପେଙ୍ଗ ମୁମ୍ପ ଉରାଟ୍ ଆରି ମି କାପ୍ତିତାତ ଚିକାଣ୍ଡ ଉରାଟ୍, ୧୮ ଇନେସ୍ ଏପେଙ୍ଗ ଉପାସ୍ କିନାଦେରା ଇଞ୍ଜି ଲକାର୍ ମୁମ୍ପଦ ହୁଡ଼ୟାଞ୍ଜାଦାଂ ଡ଼ଗୁଜି ମାନି ବାଞ୍ଜାତି ମୁମ୍ପଦ ହୁଡ଼ୟାନାଦେର୍; ଆରେ, ମି ବାଞ୍ଜା ଜେ ଡ଼ଗୁଜି ହୁଡ଼ୟାନାନ୍, ହେଞ୍ଜାନ୍ ମିଙ୍ଗ୍ ପାଡ଼୍ ହିଦନାନ୍ ।”

**ସାଗେତ ଆଜାତି ଦାନ୍
(ଲୁକ ୧୨:୩୩-୩୪)**

୧୯ * “ଇମେତାକେ ପ୍ତି ଆରି ଲିମ୍ ତିନାଡ଼ ପ୍ରାଲ୍ ଜିରାୟ୍ କିନାଡ଼, ଆରେ ଚର୍କୁ ଇଲ୍ ଚରି କିଡାର୍, ଏଲେଙ୍ଗବାତ୍ ପୁତ୍ ତ ଜାର୍ ଜାର୍ କାଜିଂ ଦାନ୍ ରୁଣ୍ଡାୟ୍ କିମାଟ୍ । ୨୦ ମାତର୍ ଇମେତାକେ ପ୍ତିକୁ ଆରି ପ୍ରାଲ୍ ନସ୍ କିଡ଼ ଆରି ଚରକୁ ହଣ୍ଡି ଦାନ୍ ଚର୍ ଅଦେଂ ଆଡୁର୍ । ଏଲେଙ୍ଗ ସାଗେତ ଜାର୍ ଜାର୍ କାଜିଂ ଦାନ୍ ଆଜା ଆତ, ୨୧ ଇନାକିଦେଂକି ଇମେତାକେ ମିଦାଙ୍ଗ ଦାନ୍ ହେବେ ପା ମିଜେଙ୍ଗ ମାନ୍ ।”

**ଗାଗାଡ଼ନି ଅଜଡ଼୍
(ଲୁକ ୧୧:୩୪-୩୬)**

୨୨ “କାଣ୍ଡକୁ ଗାଗାଡ଼ନି ଅଜଡ଼୍ ଲାକେ । ଏଚେକାଡ଼ଦ ମି କାଣ୍ଡକୁ ଅଣ୍ଡାଙ୍ଗ ମାଟିସ୍, ହେ ପାଦନା ମି ଡିଜୁ ଗାଗାଡ଼୍ ପା ଅଜଡ଼୍ ଲାକେ ଆନାଡ଼ । ୨୩ ମାତର୍ କାଣ୍ଡକୁ ଜଦି ବାନ୍ୟା ଆନିକ୍, ଗାଗାଡ଼ନି ମାଜଗା ଆନାଡ଼ । ମି ଖାସ୍ କିନି ଅଜଡ଼୍ ଜଦି ମାଜଗା ଆନାଡ଼, ତେବେ ଏଚେକ୍ ମାଜଗା ବଇକାର୍ ମାଜଗା ଆନାଡ଼ !”

**ଇସ୍ପର୍ ଆରି ଦନ୍ ସଂପତି
(ଲୁକ ୧୬:୧୩; ୧୬:୨୨-୩୧)**

୨୪ “ରକାନ୍ ମାନାୟ୍ ରି ମାପୁତି ଆଡ଼ିଏନ୍ ଆଦେଂ ଆଡୁନ୍; ଇନାକିଦେଂକି ହେଞ୍ଜାନ୍ ରକାନିଂ ଗିଣ୍ କିନାନ୍ ଆରି ବିନ୍ ଲଗାଂ ଜିଉନନାନ୍, ଆଞ୍ଜିତିସ୍ ରକାନ୍ ପାଚେ ହାନାନ୍ ଆରି ବିନ୍ ନିକାନିଂ ମାନିକିଉନ୍ । ଏପେଙ୍ଗ ଇସ୍ପର୍ ଆରି ଦାନ୍, ରିୟାର୍ତ୍ତି ଆଡ଼ିଏନ୍ ଆଦେଂ ଆଡୁନ୍ ।”

୨୫ “ଇଦାଂ କାଜିଂ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇନାକା ତିନାଦେର୍ କି ଇନାକା ଉଣାଦେର୍, ଏପେଙ୍ଗ ଏଡୁ କିଜି ମି ଜିବୁନ୍ କାଜିଂ, କି ଇନାକା ଉସ୍ପାନାଙ୍ଗ୍, ଏପେଙ୍ଗ ଏଡୁ କିଜି ମି ଗାଗାଡ଼୍ କାଜିଂ ପା ଚିନ୍ତା କିମାଟ୍ । ତିନାଉଣାତାଂ ଜିବୁନ୍ ଆରି ହେନ୍ଦାଙ୍ଗ୍ ତାଂ ଗାଗାଡ଼୍ କି ଗାଜା ଆକାୟ୍ ? ୨୬ ପଚିକାଂ ହୁଡ଼ାଟ୍, ହେଞ୍ଜେକ୍ ଡିଡୁକ୍ କି ତ୍ରେସ୍ କପା । ତାସ୍ ତ୍ରେଜି ଚୁଣ୍ଡିତ ରୁଣ୍ଡାୟ୍ କିଜି ଇଚୁକ୍ । ମି ସାଗେନି ଆବା ଇସ୍ପର୍ ହେଞ୍ଜାକାଂ ଜତନ୍ କିଜି କାଦି ହିନାନ୍ । ଏପେଙ୍ଗ ଇନାକା ପଚିତାଂ ଗାଜା ଆକାୟ୍ ? ୨୭ ଆରେ, ମି ବିତ୍ରେ ଇନେର୍ ଚିନ୍ତା କିଜି ଜାର୍ ଆଇସ୍ ଦାପ୍ରେ ବାଡାୟ୍ କିଦେଙ୍ଗ୍ ଆଡନାନ୍ ?”

୨୮ “ଆରେ ହେନ୍ଦାଙ୍ଗ୍ କାଜିଂ ଇନେକିଦେଂ ଚିନ୍ତା କିନାଦେରା ? ବାଟାନି ପୁଇକୁ ବିସ୍ତେ ଏଡ଼ କିଜି ହିକ୍ୟା ମାନି କିୟାଟ୍, ହେଞ୍ଜାଙ୍ଗ ଇନେସ୍ ଗାଜାନିଂ; ହେଞ୍ଜାଙ୍ଗ୍ ସବୁ କସ୍ କିଉକ୍, କି ନୁଲ୍ ଡୁଚୁକ୍, ୨୯ ଆନ୍ ମିଜେଙ୍ଗ ଇଞ୍ଜନାଙ୍ଗା, ସଲମନ୍ ପା ଜାର୍ତ୍ତି ଡିଜୁ ହଲ୍ଲନାକାତ ଇଞ୍ଜାଙ୍ଗ୍ ବିତ୍ରେ ରଞ୍ଜାଙ୍ଗ୍ ଲାକେ ଉସ୍ପାଞ୍ଜାଦାଂ ମାଟାନ୍ । ୩୦ ମାତର୍ ଇମ୍ପାଣି କାରା ନେଜେଙ୍ଗ୍ ବାଡ଼ଦ ମାନାଡ଼, ଆରି ଡିଗାଲିଙ୍ଗ୍ ହଲ୍ଲଦ ଦେହିୟା ଆନାଡ଼, ତାଜେଙ୍ଗ୍ ଇନାଞ୍ଜାଡ଼ାଂ ଇସ୍ପର୍ ଇ ଲାକେ ବେସ୍ କିଦନାନ୍, ଲାଗିଂ, ହେ ଅଲପ୍ ପାତ୍ କିନାଦେର୍, ହେଞ୍ଜାନ୍ ମିଜେଙ୍ଗ୍ କି ଆଦିକ୍ ହାଡ଼ପା ହେନ୍ଦାପାଟା ହିଦୁନ୍ !”

* ୨:୧୪ ୨:୧୪ ମାର୍କ ୧୧:୨୫,୨୬. * ୨:୧୯ ୨:୧୯ ଜାକବ ୫:୨,୩.

୩୧ “ଲାଗିଂ ଇନାକା ତିନାକା ଇନାକା ଉଣାକା କି ଇନାକା ଉସ୍ତାନାକା ଇଦାଂ ଇଞ୍ଜି ମାନ୍ ଦୁକ୍ କିମାଟ୍ ? ୩୨ ଇନେକିଦେଂକି ପାତର୍ କିଞ୍ଜି ଜିହୁଦିର୍ ଇ ସବୁ ବିସ୍ତେ ଦାସ୍ତି ବୁଲାନାର୍ । ଆରେ ଇ ସବୁ ବିସ୍ତେ ଇନେନ୍ ମିଙ୍ଗେଙ୍ଗ୍ ଲଡା, ହେଦାଂ ମିଦାଂ ସାଗେନି ଆବା ପୁଞ୍ଜନାନ୍ ।

୩୩ ମାତର୍ ଏପେଙ୍ଗ୍ ପର୍ତ୍ତୁମ୍ ଇସ୍ତର୍ ରାଜି ଆରି ଦାମ୍ ତେକାଟ୍, ଆରେ ଇ ଖିନ୍ଦୁ ବିସ୍ତେ ପା ମିଙ୍ଗେଙ୍ଗ୍ ହିଦନାନ୍ । ୩୪ ସବୁ ନାଜିଂ ନି ହାବଡ୍ ନିତ୍ରେ କାଜିଂ ଇଞ୍ଜି ଲଡା ଆଏଡ୍ ଏଚେକ୍ ସାରି । ବିପ୍ତି ଆମାଟ୍ । ଖିଗାନି ଚିନ୍ତା ଖିଗା କିନାଦେର୍ । ଖିଗାମାହିଙ୍ଗ୍ ବିସ୍ତେ ଚିନ୍ତା କିଜି ନେଜେଙ୍ଗ୍ନି ବିପ୍ତିଂ ଲାମାୟ୍ କିମାଟ୍ ।”



ବିନିକାରିଂ ଦସ୍ ଆହ୍ନାକା
(ଲୁକ ୭:୩୭,୩୮,୪୧,୪୨)

୧ “ଏପେଙ୍ଗ୍ ଇନେସ୍ ବିଚାରକିୟା ଆଉଦେର୍, ଇଦାଂ କାଜିଂ ବିଚାର କିମାଟ୍ । ୨ ☆ ଇନେକିଦେଂକି ଇମଣି ବିଚାରତ ବିଚାର କିନାଦେର୍, ହେ ବିଚାରତ ଏପେଙ୍ଗ୍ ବିଚାର କିୟାନାଦେର୍; ଆରେ ଇମଣି ମାଣ୍ଡ ଲାଟ୍ନାସ୍, ହେ ମାଣ୍ଡାଂ ମିଙ୍ଗେଙ୍ଗ୍ ମାଣ୍ଡାଂ ହିଦୟା ଆନାଟ୍ । ୩ ନି କାଣ୍ଡାତ ଖେଜ୍ଗୁ ଗାତ୍ରା ମାନିହିଂ ନି ଟଣ୍ଡେନ୍ କାଣ୍ଡାତ ହାରୁ ଗାତ୍ରା ଇନେକିଦେଂ ଦିୟାନ୍ କିନାୟା ? ୪ ଜାର୍ କାଣ୍ଡାତ ଖେଜ୍ଗୁ ଗାତ୍ରା ମାନୁ ମାନୁ ଏନ୍ ଇମଣି ସାସ୍ତରତାଂ ନି ଟଣ୍ଡେନ୍ କାଣ୍ଡାତାଂ ଦୁଡି ହପ୍ତି ହିଦନାଂ ଇଞ୍ଜି ଇନାୟା ? ୫ କାପ୍ଟିୟାର୍ ! ନି କାଣ୍ଡାନି ଖେଜ୍ଗୁ ଗାତ୍ରା ପର୍ତ୍ତୁମ୍ ହପ୍ତୟା । ତା ଆତିସ୍ ନି ଟଣ୍ଡେନ୍ କାଣ୍ଡାତ ଆଜିଂ ମାନି ଦୁଡି ଏନ୍ ଆଡ୍ଡା ହୁଡ୍ଦେଂ ଆଡ୍ନାୟ୍ । ଆରି ହୁଡ୍ଦେଂ ଆଡ୍ନାଦେର୍ ।”

୬ “ନିକୁଡିକାଂ ପୁଇପୁୟା ଜିନିସ୍ ହିମାଟ୍ । ଇନାକିଦେଂକି ହେଦାଂ ମାସ୍ଦି ନିଙ୍ଗେଙ୍ଗ୍ କାପ୍ତେଦେଂ ଆଡ୍ନାନାଟ୍ । ପାଞ୍ଜି ମୁମ୍ଦ ମୁଞ୍ଜା ତୁହି ହିମାଟ୍ । ତା ଦାମ୍ ବୁଜାଖାଦାଂ ହେଦେଲିଂ ହେଦାଂ କେବଲ୍ ପାନାତ କୁହ୍ନାଟ୍ ।

ଏନା, ଦାହା ଆରି ଦୁଖେରତ ଇଡା
(ଲୁକ ୧୧:୯-୧୩)

୭ ଏନା, ତା ଆତିସ୍ ନିଙ୍ଗେଙ୍ଗ୍ ହିଦନାଟ୍; ଦାହା, ପାୟା ଆନାୟ୍; ଦୁଖେରତ ଇଡା, ଦୁଖେର ଜେୟାନାଟ୍ । ୮ ଇମଣାକାନ୍ ଏନ୍ନାନ୍, ତାଙ୍ଗେଙ୍ଗ୍ ହିୟାନାଟ୍; ଇନେନ୍ ଦାହ୍ନାନ୍, ହେଖାନ୍ ଗାଗାନାନ୍; ଇନେନ୍ ଦୁଖେରତ ଇଡ୍ନାନ୍, ତା କାଜିଂ ଦୁଖେର ଜେସି ହିୟା ଆନାଟ୍ । ୯ ମି ବିତ୍ରେ ଏପେଙ୍ଗ୍ ଆବା ଇନେନ୍ ମାନାନ୍, ଇନେରିଂ ଜାର୍ ମାଜି ମିନ୍ ଏକ୍ତିସ୍ ହେଖାନ୍ ତାଙ୍ଗେଙ୍ଗ୍ ମିନ୍ ବାଦୁଲ୍ ରାଟ୍ ହିନାନ୍, ତାଙ୍ଗେଙ୍ଗ୍ ଇନାକା କାଲ୍କୁ ହିନାୟ୍ ୧୦ କି ହେଖାନ୍ ମିନ୍କୁ ଏକ୍ତିସ୍ ତାଙ୍ଗ୍ ଇନାକା ଏନ୍ ରାଟ୍ ହିନାୟ୍ ? ୧୧ ଲାଗିଂ ଏପେଙ୍ଗ୍ ବୁଲ୍ବୁଲିୟା ଆତିସ୍ ପା ଏଚେକାଡ୍ଦ ଜାର୍ ଜାର୍ କାଡ୍ଦେରିଂ ହାଦ୍ ହାଦ୍ ଦାନ୍ ହିଦେଂ ପୁନାଦେର୍, ତେବେ ମି ସାଗେନି ଆବା ତା ମୁମ୍ଦ ଏନ୍ନାକା ମାନାୟାରିଂ କେତେକ୍ ଆଦିକ୍ ହାଦ୍ ହାଦ୍ ଜିନିସ୍ ହିଉନ୍ ?”

୧୨ ଲାଗିଂ ମାନାୟାର୍ “ମି କାଜିଂ ଇନାକା ସବୁ କିନାର୍ ଇଞ୍ଜି ଇଚା କିନାଦେର୍, ଏପେଙ୍ଗ୍ ପା ହେଖାର୍ କାଜିଂ ହେ ଲାକେ କିୟାଟ୍, ଇନେକିଦେଂକି ଇଦାଂ ନେ ମସାତି ବିଦି ଆରି ବେଶ୍ବାକ୍ଶାୟ୍ କିନାକାର୍ତି ଦରମ୍ ସାସ୍ତର୍ ହିକ୍ୟାନି ହାଡ୍ପା ଅରଡ୍ ।”

ଚିପା ଦୁଖେର
(ଲୁକ ୧୩:୨୪)

୧୩ “ହିରୁ ଦୁଖେରତିଂ ହଣ୍ଡେଙ୍ଗ୍ କସ୍ତୁକିୟାଟ୍ । ଇନେକିଦେଂକି ନାସ୍ କିଦେଙ୍ଗ୍ ଅସି ହାନି ହୁକେ ଓହାର୍ ଆରି ହାଜି ଓହାର୍, ଆରେ ହେଦାଂ ହିଜି ହଣ୍ଡାଗାନାକାର୍ ହେନି । ୧୪ ମାତର୍ ଖିଜ୍ଞି ଜିବୁନ୍ତିଂ ଅନି ହାଜି ବାନ୍ୟା ଆରି ତା ଦୁଖେର ଚିପା ଆରେ ଅଲପ୍ ମାନାୟ୍ ଇ ହାଜି ଦାସ୍ତେଂ ଆଡ୍ନାର୍ ।”

ମାର୍ ଆରି ତା ପାଡ୍
(ଲୁକ ୭:୪୩-୪୪)

୧୫ “ତାକ୍ରାୟ୍ ବେଶ୍ବାକ୍ଶାୟ୍ କିନାକାର୍ ତାଙ୍ଗ୍ ଜାଗ୍ରଡ୍ ! ହେଖାର୍ ବାର୍ତ୍ ମେଣ୍ଡା ଲାକେ ଚଞ୍ଜାନାର୍, ମାତର୍ ହାଡ୍ପା ହେଖାର୍ ରଞ୍ଜାଙ୍ଗ୍ ରଞ୍ଜାଙ୍ଗ୍ ହୁଣ୍ଡାର୍ ବୁକା ।

୧୬ ହେଖାର୍ତି ପାଡ୍ ହୁକେ ଏପେଙ୍ଗ୍ ହେଖାରିଂ ଚିନ୍ କିନାଦେର୍ । ଖାଡି ମାର୍ତ ଅଲ୍ପୁରପାଡ୍ ଆହୁଡ୍ କି ଲେକାଜାମୁ ମାର୍ତ ତଗା ପାଡ୍ ଆହୁଡ୍ । ୧୭ ହାଦ୍ ମାର୍ତ ହାଦ୍ ପାଡ୍ ଆହ୍ନାଟ୍ । ବାନିୟାଂ ମାର୍ତଚିନି ପାଡ୍ ବାନିୟାଂ । ୧୮ ହାଦ୍ ମାର୍ତ ବାନିୟାଂ ପାଡ୍ ଆହୁଡ୍ କି ବାନିୟାଂ ମାର୍ତଚିନି ପାଡ୍ ହାର୍ ଆଦେଂ ଆହୁଡ୍

☆ ୭:୨ ୭:୨ ମାର୍କ ୪:୨୪.

। ୧୯ ✨ହାଦର୍ ପାତ୍ ଆହୁଡ଼ିତିସ୍ ମାରତିଂ କାଦ୍ ନାଣିତାକେ ଦେହନାର୍ । ୨୦ ✨ ଲାଗିଂ ହେଝାର୍ତି ପାତ୍ ହୁକେ ଏପେଙ୍ଗ ହେଝାରିଂ ଚିନ୍ କିନାଦେର୍ ।”

ଆନ୍ ମିଙ୍ଗେଙ୍ଗ ପୁଞ୍ଜୁଝାତାଂନା
(ଲୁକ ୧୩:୨୫-୨୭)

୨୧ “ଇମ୍ଫାକାର୍ ନାଙ୍ଗେଙ୍ଗ ମାପୁ ମାପୁ ଇଞ୍ଜି କୁଞ୍ଜାନାର୍, ହେଝାର୍ ବିତ୍ତେ ଝିଜାର୍ ସାଗେ ରାଜିତ ହଣ୍ଡେଙ୍ଗ ଆଡୁର୍ । ଇମ୍ଫାକାର୍ ସାଗେନି ଆବା ଇସ୍ତର୍ ଇଚା ହୁକେ କାମାୟ୍ କିତାର୍, କେବଲ୍ ହେଝାର୍ ସାଗେ ରାଜିତ ହଣ୍ଡେଙ୍ଗ ଆଡୁନାର୍ । ୨୨ ଗାଜା ବିଚାର୍ ଦିନ୍ ଏକାଝାତିସ୍ ହେନି ନାଙ୍ଗେଙ୍ଗ ଇଞ୍ଜନାର୍, ମାପୁ ନି ତର୍ଦାଂ ଆପେଂ ଇନାକା ଇସ୍ତର୍ ନେକ୍ତି କାରୁର୍ ସୁଣାୟ୍ କିନାପା, ମାପୁ, ନି ତର୍ଦି ସାକ୍ତିତାଂ ବୁଡ୍ ପିହିକିତାପନା ଆରେ ବେସି କାବାଆନି କାମାୟ୍ କିତାପନା । ୨୩ ହେ ପାଦନା ହେଝାରିଂ ଆନ୍ ଇନାଙ୍ଗ, ମିଙ୍ଗେଙ୍ଗ ଆନ୍ ପୁଞ୍ଜୁଙ୍ଗ । ବାନ୍ୟାକାଦେର୍, ନା ଲାଗାଂତାଂ ଗୁଚା ଆଡ !”

ରିୟାର୍ ଇଲ୍ ରଚ୍ଚନାକାର୍
(ଲୁକ ୬:୪୭-୪୯)

୨୪ “ଇନେନ୍ ନା କାତା ଝେନ୍ଝି ପାଲି କିନାନ୍, ହେଝାନ୍ ଚେର୍ଚା କାଲ୍ ଜପି ଇଲ୍ ରଚ୍ଚି ବୁଦିକାର୍ଯ୍ୟା ମାନାୟ୍ ଲାକେ । ୨୫ ଅପ୍ରବଲ୍ ବାରହା ଆତାଡ୍, ନାଗୁଡ୍ ଏଜୁଂ ବାନ୍ ଜପି ଡିତାଡ୍ ଆରି ହେ ଇଲ୍ ଜପି ଅପ୍ରବଲ୍ ଡୁଲୁ ଆତାଡ୍, ମାତର୍ ହେ ଇଲ୍ ବାହୁଡା ଝାତାଡ୍ ଇନାକିଦେଂକି ହେଦାଂ ଚେର୍ଚା ଜପି ମୁଡ୍ କୁନାଦି ମାତାଡ୍ ।

୨୬ ମାତର୍ ଇମ୍ଫାକାର୍ ନା କାତା ଝେନ୍ଝି ପାଲି କିଡର୍, ହେଝାର୍ ବାଲି ଜପି ଇଲ୍ ରଚ୍ଚି ମାଟି ଚେପ୍ରିୟା ଲାକେ । ୨୭ ବେସି ବାରହା ଆତାଡ୍, ନାଗୁଡ୍ ଏଜୁଂ ଏକିତିକ୍ । ଅପ୍ରବଲ୍ ଡୁଲୁ ଆତାଡ୍ ଆରି ଇଲ୍ ମେଦ୍ନିତ ମେହାଆତାଡ୍ । ହେଦାଂ କେତେକ୍ ବଇକାର୍ ଆତାଡ୍ ।”

ଜିସୁତି କେମ୍ତା ହିକ୍ୟା

୨୮ ✨ଝିଜନ୍ ପାତେକ୍ ଜିସୁତି ଇ ଝିଜୁ କାତା ଝେନ୍ଝି ମାନାୟାର୍ ତା ହିକ୍ୟାତ କାବା ଆତାଡ୍ । ୨୯ ହେଝାନ୍ ବିନ୍ବିନ୍ନିକାର୍ ଦରମ୍ ଗୁରୁରିଂ ଲାକେ ହିକ୍ୟା ହିଝାଦାଂ ଆଦିକାର୍ ପାୟାତି ମାନାୟ୍ ଲାକେ ହିକ୍ୟା ହିଜି ମାତାନ୍ ।



ଜିସୁ ର ଗାଜା ରଗିଂ ଉଜ୍ କିତାକା
(ମାର୍କ ୧:୪୦-୪୫; ଲୁକ ୫:୧୭-୧୭)

୧ ଜିସୁ ମାଡି ଜପିତାଂ ଜୁଡ୍ତି ପାଚେ ବେସି ମାନାୟ୍ ତା ପାଚେ ପାଚେ ଝାତାଡ୍ । ୨ ତା ପାଚେ ଆରେ ହୁଡା, ରଝାନ୍ ଗାଜା ରଗ୍ୟାଙ୍ଗ୍ ତା ତାକେ ଝାଜି ଜଝାର୍ କିଜି ଇଚାନ୍, “ଏ ମାପୁ, ଏନ୍ ଜଦି ଇଚା କିତାୟ୍ତି, ତା ଆଡିସ୍ ନାଙ୍ଗେଙ୍ଗ ସକର୍ କିଦ୍ଦେଂ ଆଡ୍ଦାନାୟ୍ ।”

୩ ହେବେ ଜିସୁ କେଇ ଇଡ୍ଡି ତାଙ୍ଗେଙ୍ଗ୍ ଡୁଜି ଇଚାନ୍, “ଆନ୍ ଇଚା କିନାଙ୍ଗା, ସକର୍ ଆ ।” ହେ ଦାପ୍ରେ ହେ ଗାଜାରଗ୍ “ସକର୍ ଆତାଡ୍ ।” ୪ ଆରେ, ଜିସୁ ତାଙ୍ଗେଙ୍ଗ୍ ଇଚାନ୍, “ଝେନା, ଏନ୍ ଇନେସ୍ ଆଜି ଉଜ୍ ଆତାୟ୍, ଇନେରିଂ ଝେର୍ମା, ମାତର୍ ହାଲା, ମାପୁହେବାକିନାକାନିଂ ଚଞ୍ଜୟା, ଆରେ ମସା ଇମ୍ଫା ଆକାଡ୍ଗାର୍ଣି ବିସ୍ତେ ବଲ୍ ହିଡ୍ନା, ହେଦାଂ ହେଝାର୍ ଲାଗାଂ ଏନ୍ ଉଜ୍ ଆତାଙ୍ଗନା ଇଞ୍ଜି ସାକି ହିୟା ।”

ଜିସୁ ର ରମିୟ୍ ମେଲ୍ୟାଡ୍ଡି ଚାକର୍ଡିଂ ଉଜ୍ କିତାନ୍
(ଲୁକ ୭:୧-୧୦)

୫ ଜିସୁ କପର୍ନାହୁମ୍ ବସ୍ତିତ ହଣ୍ଡାଗିଲେ, ର ମୁଡ୍ମେଲ୍ୟା ତା କଚଣ୍ଡ ଝାଜି ଗଝାରି କିଜି ଇଚାନ୍, ୬ “ଏ ମାପୁ ନା ଆଡିଏନ୍ ହିରକଲ୍ ଇଡ୍ଡୟାତି ରଗି ବେସି ନନାକାଦିଂ ଇଞ୍ଜି ମାକ୍ତାନ୍ନା ।”

୭ ଜିସୁ ତାଙ୍ଗେଙ୍ଗ୍ ଇଚାନ୍, “ଆନ୍ ହାଲ୍ଜି ତାଙ୍ଗେଙ୍ଗ୍ ଉଜ୍ କିନାଙ୍ଗ୍ ।”

୮ “ମୁଡ୍ମେଲ୍ୟା” ଉତର୍ ହିତାନ୍, ମାପୁ, “ଏନ୍ ଜେ ନା ଇଞ୍ଜି କାଲ୍ ତଗ୍ନାୟ୍, ଆନ୍ ଏଲେଙ୍ଗ୍ ଆକାୟ୍; ମାତର୍ କେବଲ୍ ପାଦେକ୍ ବଲ୍ ହିଦା, ନା ଆଡିଏନ୍ ଉଜ୍ ଆନାନ୍ । ୯ ଇନାକିଦେଂକି ଆନ୍ ରଝାନ୍ ତାରେନ୍ ମାନାଙ୍ଗ୍ ଆଡିସ୍ ପାନା ତାରେନ୍ ମେଲ୍ୟାର୍ ମାନାର୍; ଆନ୍ ରଝାନିଂ ଆଦିକାର୍ ହିଡିସ୍ ହେଝାନ୍ ହାନାନ୍; ଆରେ ରଝାନିଂ ଝା ଇଡିସ୍ ହେଝାନ୍ ଝାନାନ୍; ଆରେ ନା ହଲ୍ୟାଙ୍ଗ୍ ଇଦାଂ କିୟା ଇଡିସ୍ ହେଝାନ୍ ହେଦାଂ କିନାନ୍ ।”

✨ ୭:୧୯ ୭:୧୯ ମାତ୍ରିକ ୩:୧୦; ଲୁକ ୩:୯. ✨ ୭:୨୦ ୭:୨୦ ମାତ୍ରିକ ୧୨:୩୩. ✨ ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨.

୧୦ ଜିସୁ ଇଦାଂ ଖେନଞ୍ଜି କାବା ଆଜି ପାଚେ ଖାନି ମାନାୟାରିଂ ଇଚାନ, “ଆନ୍ ମିଲେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇସ୍ତାଏଲ୍ ବିତ୍ରେ ଇନେର୍ ତାକେ ଏଚେକ୍ ଗାଜା ପାଚର୍ ପାୟାଖାତାଂନା । ୧୧ *ମାତର୍ ଆନ୍ ମିଲେଙ୍ଗ୍ ଇଞ୍ଜନାଙ୍ଗା, ବେସି ଖେଡ଼ାହଡ଼ନି ବାଗାଙ୍ଗ୍ ଆରି ଖେଡ଼ାହାନି ବାଗାଙ୍ଗ୍ ଖାଜି ଅବ୍ରାହାମ୍, ଇସହାକ୍ ଆରି ଜାକୁବ୍ ଲାହାଙ୍ଗ୍ ସାଗେ ରାଜିତ ବଜି ଚିଞ୍ଜେଙ୍ଗ୍ କୁଚନାର୍ । ୧୨ *ମାତର୍ ଇମ୍ଣାକାର୍ ଇ ରାଜିତ ମାନି କାତା ହେଖାରିଂ ବାର୍ତ୍ତ ମାଜଗାତ ତୁହିୟା ଆନାର୍; ହେବେ ଆଡ଼ବିସ୍ ଆରି ଟାଡାଙ୍ଗ୍ କାଚନାର୍ ।” ୧୩ ଆରେ ଜିସୁ ପାଞ୍ଚକଡ଼ି ମେଲ୍ୟାଙ୍ଗ୍ ଇଚାନ, “ହାଲା ଏନ୍ ଇନେସ୍ କିଜି ପାଚର୍ କିନାୟା, ନି କାଜିଂ ହେ ଲାକେ ଗିଗାଆୟେଡ଼ ।” ହେ ଡାଣ୍ଡତ ଆଡ଼ିଏନ୍ ଉଜ୍ ଆତାଡ଼ ।

ଜିସୁ ହେନିତିଂ ଉଜ୍ କିନାନ
(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ପାଚେ ଜିସୁ ପିତର୍ ଇଞ୍ଜ ଖାଜି ତା ପଦାହିଙ୍ଗ୍ ନମେର୍ ଆଜି ମାଗଜି ମାନାକା ହୁଡ଼ତାନ । ୧୫ ହେବେ ହେଖାନ ତା କେଇଦ ତୁଡାନ, ଆରେ ତାଙ୍ଗେଙ୍ଗ୍ ନମେର୍ ପିସ୍ତାଡ଼, ପାଚେ ହେଦେଲ୍ ନିଙ୍ଗ୍ଜି ହେଖାରିଂ ହେବା କିଦେଙ୍ଗ୍ ଲାଗାତାଡ଼ ।

୧୬ ମିକାହାରେସ୍, ମାନାୟାର୍ ହେନି ପୁଦା ତୁୟାଆତି ଲଗାଂ ଜିସୁ କଚଣତ ତାହିଖାତାର୍, ହେବେ ଜିସୁ ଖେଇକିତି ମାତର୍ ପୁଦାଂ ପିହିକିତାନ ଆରି ଖିଜାର୍ ବେମାରିଂ ଉଜ୍ କିତାନ, ୧୭ ଇ ଲାକେ ହେଖାନ ଜିସାୟ୍ ବେଶବାକ୍ଣାୟ୍ କାଜିଂ ଇ ବଚନ୍ ପୁରାଆତାଡ଼, “ହେଖାନ ନିଜେ ମା ନାଦାର୍ ଖିଜୁ ଇଡ଼ତାନ ଆରେ ରଗ୍ ସବୁ ପିଣ୍ଡତାନ ।”

ଜିସୁତି ଚେଲା ଆନାକା ମାନକିନି ମାନାୟାର୍
(ଲୁକ ୯:୫୭-୬୨)

୧୮ ଜିସୁ ତା ଚାରିବେଣ୍ଡି ତା ଚେଲାରିଂ ହୁଡ଼ଜି ହାମଦୁର୍ ଆନ୍ତି ପାଡ଼କା ହାନି କାଜିଂ ବଲ୍ ହିତାନ । ୧୯ ଆରେ, ରଖାନ ସାସ୍ତି ତା ଲାଗାଂ ଖାଜି ଇଚାନ, “ଏ ଗୁରୁ,” ଏନ୍ ଇମ୍ଣା ବାହାତ ହାନାୟ୍, “ଆନ୍ ନି ଲାହାଙ୍ଗ୍ ଖାନାଙ୍ଗ୍ ।”

୨୦ ହେବେ ଜିସୁ ହେଦେଲିଂ ଇଚାନ, “କଲ୍ୟାତିଂ ପାରା ମାନାଡ଼, ଆକାସ୍ନି ପଚିତିଂ ଗୁଡା ମାନାଡ଼, ମତର୍ ମାନାୟ୍ ମାଜି କାପଡ଼ା ଇଡ଼ଦେଂ ବାହା ହିଲୁଡ଼ ।”

୨୧ ଜିସୁଙ୍ଗ୍ ଆରେ ର ଚେଲାହି ଇଚାନ, “ମାପୁ, ପର୍ତୁମ୍ ହାଲ୍ଜି ମାଞ୍ଜି ଆବାଂ ମୁଚେଙ୍ଗ୍ ଇଞ୍ଜି ନାଙ୍ଗେଙ୍ଗ୍ ବଲ୍ ହିଦା ।”

୨୨ ଜିସୁ ତାଙ୍ଗ୍ ଇଚାନ, “ନା ପାଚେ ପାଚେ ଖାଡୁ, ହାତି ମାନାୟ୍ ହାତି ଲଗାଂ ମୁଚି ହିୟାଟ୍ ।”

ଜିସୁ ହୁଜାଖାଣିତିଂ ତିର୍ କିତାନ
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଦିନେକ୍ ଜିସୁ ଚେଲାହିର୍ ଲାହାଙ୍ଗ୍ ଡଙ୍ଗାତ ହାଲ୍ଜି ମାଚାର୍ । ୨୪ ହାଚାଗ୍ରେ ହାମଦୁର୍ତ ର ବେସି ଗାଜା ତ୍ରିପକୁ ହୁଜାଖାଣି ନିକ୍ତାଡ଼ ଆରି ଡଙ୍ଗା ଏକ୍ତୁକାଂ ମୁଞ୍ଜିନି ଲାକେ ଆତାଡ଼ । ମାତର୍ ହେ ପାଦନା ଜିସୁ ହୁନଞ୍ଜି ମାଚାନ । ୨୫ ଚେଲାହିର୍ ତାଙ୍ଗ୍ ନିକ୍ତି ଇଚାର୍, ଏ “ମାପୁ, ମାଙ୍ଗେଙ୍ଗ୍ ରାକ୍ୟା କିଦା । ଆଞ୍ଜିତିସ୍ ଆପେଂ ମୁନଞ୍ଜି ହାନାପ୍ ।”

୨୬ ଜିସୁ ଦାକା କିଜି ଇଚାନ, “ଇନାକିଦେଂ ଏଚେକ୍ ପାଡ଼ା ଆନାଦେରା ?” ଏପେଙ୍ଗ୍ “ଇନାକା ଏଚେକ୍ ଅଲପ୍ ପାଚର୍ କିନାକାଦେର୍ ? ତା ପାଚେ ହେଖାନ ନିଙ୍ଗ୍ଜି ଦୁକା ଆରି ଲଡ଼ିତିଂ ତିର୍ ଆଦେଂ କାଜିଂ ବଲ୍ ହିତାନ । ସାଙ୍ଗେ ସାଙ୍ଗେ ଖିଜୁ ତିର୍ ଆତାଡ଼ ।”

୨୭ ହେବେ ଖିଜାର୍ କାବା ଆତାର୍ । ହେଖାର୍ ରକାନ ଆରେ ରକାନିଂ ବେଶବାଟ୍ କିତାର୍ “ଇଖାନ ଇନେସ୍ ବାଚର୍ ମାନାୟ୍ ? ଦୁକା ଆରି ଲଡ଼ି ପା ତା ବଲ୍ ମାନିକିନିକା ।”

ରିୟାରିଂ ପୁଦାତୁୟାଆତି ଲଗାଂ ଜିସୁ ଉଜ୍ କିତାନ
(ମାର୍କ ୫:୧-୨୦; ଲୁକ ୮:୨୬-୩୯)

୨୮ ଜିସୁ ହାମଦୁର୍ ଆନ୍ତି ପାଡ଼କା ଗଦରିୟର୍ ନିପ ଏକିତି ଦାପ୍ରେ ରିୟାରିଂ ବେଟାଆତାନ । ହେଖାର୍ ହେବେ ମାନି ଦୁଗେର୍ନି କୁକିତ ମାଚାର୍ । ହେଖାର୍ ପୁଦାଆହ୍ୟାତାକାର୍ ଆରି ଏଚେକ୍ ବଇଁଙ୍ଗାର୍ ଜେ ହେ ରାସ୍ତା ହିଜି ହାଞ୍ଜେଙ୍ଗ୍ ଖାଦେଙ୍ଗ୍ ଇନେର୍ ସାସ୍ କିଖାଦାଂ ମାଚାର୍ । ୨୯ ହେଖାର୍ ଜିସୁଙ୍ଗ୍ ହୁଡ଼ତି ଦାପ୍ରେ କିକିରାତିଂ କିଜି ଇଚାର୍, “ଏ ଇସ୍ତର୍ ମେହି ! ନି ଲାହାଙ୍ଗ୍ ମାତି ଇନାକା ମାନାଡ଼ ? ସମୁ ଆଞ୍ଜିହିଙ୍ଗ୍ନେ ଏନ୍ ମାଙ୍ଗେଙ୍ଗ୍ ଇନାକା ଡାଣ୍ଡ ହିଦେଂ ଇବେ ଖାତାଇନା ?”

* ୮:୧୧ ୮:୧୧ ଲୁକ ୧୩:୨୯. * ୮:୧୨ ୮:୧୨ ମାତ୍ରିକ ୨୨:୧୩; ୨୫:୩୦; ଲୁକ ୧୩:୨୮.

୩୦ ହେବେତା ଅଲପ ଦେହା ର ମାୟା ପାଞ୍ଜିଙ୍ଗ ହାରାଆଜି ମାଟିକ୍ । ୩୧ ହେ ମାନାୟାର ବିତ୍ରେ ମାନି ପୁଦା ଜିସୁଙ୍ଗ ଗଞ୍ଜାରି କିଜି ଇଟିକ୍, “ମାଙ୍ଗ ଜଦି ପେସ୍ପେଦେଂ ଇଚା କିନାୟା, ହେ ପାଞ୍ଜିଙ୍ଗ ବିତ୍ରେ ମାଙ୍ଗ ପିକ୍ତା ।”

୩୨ ଜିସୁ ଇଚାନ, “ହାଲାର୍ ।” ପୁଦା ସାଙ୍ଗେ ସାଙ୍ଗେ ମାନାୟତିଂ ପିସ୍ତ୍ର ପାଞ୍ଜିଙ୍ଗ ବିତ୍ରେ ହଟିକ୍ । ପାଞ୍ଜିଙ୍ଗ ମାୟା ହସ୍ତି ହାଲ୍ଲଜି ମାଡ଼ି ଗବାତାଂ ହନ୍ତି ହାଲ୍ଲଜି ହାମ୍ବୁରତ ମୁନ୍ଞି ହାଡିକ୍ ।

୩୩ ପାଞ୍ଜିଙ୍ଗ ହାରାଇ କିଜି ମାଟି ମାନାୟ ଲାଗେନି ବସ୍ତିକାଙ୍ଗ ହାଲ୍ଲଜି ପୁଦା ଆହ୍ୟାତାକାର୍ କାଜିଂ ଇନାକା ଗିଗା ଆଜି ମାଚାଡ଼ ହେବେ ଝିକୁ ବେଣ୍ଡ ଝେଟ୍ଟି ବୁଲ୍ଲାଆତାର୍ । ୩୪ ଲାଗିଂ ହେ ବସ୍ତିନି ଝିଜାକାର୍ ଜିସୁଙ୍ଗ ବେଟା ଆଦେଂ ହସି ଝାତାର୍ ଆରେ ତାଙ୍ଗ ବେଟାଆଜି ହେ ନିପ ପିସ୍ତ୍ର ହାନ୍ଦିତାଂ ହାଞ୍ଜେଙ୍ଗ ଜିସୁଙ୍ଗ ଗଞ୍ଜାରି କିତାର୍ ।



ଜିସୁ ର ହିରକଲ୍ଲଇଡ଼ୟାତି ରଗିଂ ଉଜ୍ କିତାନ
(ମାର୍କ ୨:୧-୧୨; ଲୁକ ୫:୧୭-୨୬)

୧ ଜିସୁ ତଙ୍ଗାତ ଦୁମଜି ହାମ୍ବୁର ଆନଟି ପାଡ଼କା ମାନି ଜାର୍ ବସ୍ତିତ ମାସ୍ପି ହାଚାନ ।* ୨ ହେବେ ର ହିରକଲ୍ଲ ରଗିଂ ମାନାୟାର୍ ତା ତାକେ ତାହିଝାତାର୍ । ରଗ୍ୟା ତା ଗାଟିତ ମାଗ୍ଲି ମାଚାନ । ହେଝାର୍ତି ଏଚେକ୍ ପାତର୍ ହୁଡ଼ଜି ଜିସୁ ହିରକଲ୍ଲ ଇଡ଼ୟାତାକାନିଂ ଇଚାନ, “ବପା ସାସ୍ ଆହା । ନି ପାପ୍ କେମା ଆତାଡ଼ ।”

୩ କେତେକ୍ ଦରମ୍ ଗୁରୁର ଇକାତା ଝେନ୍ଞି ମାନେ ମାନେ ବାବି କିତାର୍, “ଇ ମାନାୟ ଇସ୍ପୁରତିଂ ନିୟା କିନାନା ।”

୪ ହେଝାର୍ତି ମାନତି କାତା ପୁଞ୍ଜି ଜିସୁ ଇଚାନ, “ଏପେଙ୍ଗ ଇନାକିଦେଂ ଏଲେଙ୍ଗ ବାନ୍ୟା ଚିନ୍ତା କିନାଦେରା ? ୫ ନି ପାପ୍ କେମା ଆତାଡ଼ ?” ଇ କାତା ଇନାକା ଆଡ଼ଝା କି ‘ନିଙ୍ଗି ହାଲ୍ଲା’ ଇନାକା ଆଦିକ୍ ଆଡ଼ଝା ? ୬ ମାତର୍ ପାପ୍ କେମା କିଦେଙ୍ଗ ପୁତର୍ ତ ମାନାୟ ମାଜି ଜେ ଆଦିକାର୍ ମାନାଡ଼, ଇ କାତା ମି ଆଗେ ପାର୍ମାଣ୍ କିନାଙ୍ଗ ।” ତା ପାଚେ ଜିସୁ ହିରକଲ୍ଲ ରଗିଂ ଇଚାନ, “ନିଙ୍ଗା, ନି କାଚେଲ୍ ଆସି ମିଞ୍ଜ ତାଙ୍ଗି ହାଲ୍ଲା ।”

୭ ହେବେତାଂ ହେଝାନ ନିଙ୍ଗି ଇଞ୍ଜ ତାଙ୍ଗି ହାଚାନ । ୮ ହେଦାଂ ହୁଡ଼ଜି ମାନାୟାର୍ ପାଣ୍ଡା ଆତାର୍, ଆରେ, ଇମ୍ବଣି ଇସ୍ପୁର ମାନାୟାରିଂ ଏଲେଙ୍ଗ ଆଦିକାର୍ ହିତାଣ୍ଡା, ହେଝାନ୍ତି ଜାଜମାଲ୍ କିତାର୍ ।

ଜିସୁ ମାତିଉଙ୍ଗ କୁକ୍ତାନ
(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜିସୁ ହେବେତାଂ ତାଙ୍ଗି ହାଟି ପାଚେ ମାତିଉ ତରଦି ରଝାନ ସିସ୍ତ୍ରୁନ୍ନାକାନିଂ ତା ଏନ୍ନି ବାହାତ କୁଚ୍ଚାକା ହୁଡ଼ତାନ ଆରି ତାଙ୍ଗେଙ୍ଗ କୁକ୍ତି ଇଚାନ, “ନା ପାଚେପାଚେ ଝା ।”

ମାତିଉ ନିଙ୍ଗି ତା ଲାହାଙ୍ଗ ହାଚାନ ।

୧୦ ଜିସୁ ମାତିଉ ଇଞ୍ଜ ଡିଞ୍ଜେଙ୍ଗ କୁଚ୍ଚିହିଂ ହେନି ସିସ୍ତ୍ରୁନ୍ନାକାର୍ ଆରି ପାପି ଲକୁ ତା ଲାହାଙ୍ଗ ଆରି ତା ଚେଲାହିର୍ ଲାହାଙ୍ଗ ଡିଞ୍ଜେଙ୍ଗ କୁଚ୍ଚାର୍ । ୧୧ କେତେକ୍ ଜାଣ୍ ପାରୁସିର୍ ଇଦାଂ ହୁଡ଼ଜି ତା ଚେଲାହିରିଂ ଇଞ୍ଜେଙ୍ଗ ଲାଗାତାର୍, “ମି ଗୁରୁ ଇନାକିଦେଂ ସିସ୍ତ୍ରୁନ୍ନାକାର୍ ଆରି ପାପିର୍ ଲାହାଙ୍ଗ ତିନାନା ?”

୧୨ ମାତର୍ ଜିସୁ ହେଦାଂ ଝେନ୍ଞି ଇଚାନ, “ଉଜ୍ ମାନାୟତିଂ ତାକ୍ତର୍ ଲଡ଼ା ଆକାୟ୍, ମାତର୍ ବେମାର୍ ଲଗାଂ ଲଡ଼ା ମାନାଡ଼ । ୧୩ ସାସ୍ପୁରତ ଲେକା ଆତାଡ଼ନ୍ନା ଆନ୍ ପୁନାଙ୍ଗ ପୁଜା ମାନ୍ କିଝାଦାଂ ଦୟା ମାନ୍ କିନାଙ୍ଗ, ଇ ବଚନ୍ନି ଅରଡ଼ ଏପେଙ୍ଗ ହାଲ୍ଲଜି ହିକ୍ୟା କିୟାଟ୍, ଇନାକିଦେଂକି ଆନ୍ ଦରମ୍ ଲଗାଂ କୁକ୍ତେଂ ଝାଝାତାଂନା, ମତର୍ ପାପିରିଂ କୁକ୍ତେଂ ଝାତାଂନା ।”

ଉପାସ୍ କିନି ବିସ୍ତେ ପର୍ସନ୍
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ହେଝାଡ଼ାଂ ଜହନ୍ତି ଚେଲାହିର୍ ତା ତାକେ ଝାଜି ଇଚାର୍, “ଆପେଂ ଆରି ପାରୁସିର୍ ଉପାସ୍ କିନାପ୍, ମାତର୍ ନି ଚେଲାର୍ ଉପାସ୍ କିଉର୍ ଇନାକିଦେଂ ?”

୧୫ ଜିସୁ ହେଝାରିଂ ଇଚାନ, “ବିବାଦାଂଶେନ୍ ଏଚେକାଡ଼୍ ପାଚେକ୍ ବିବାକିନାକାର୍ ହୁକେ ମାନାନ୍, ହେ ପାଚେକ୍ ହେଝାରି କି ଦୁକ୍ କିଦେଙ୍ଗ ଆଡ଼ନାର୍ ? ମାତର୍ ସମ୍ପୁ ଝାନାଡ଼, ଏଚେକାଡ଼୍ ହେଝାଡ଼ାଂ ବିବା ଦାଙ୍ଗ୍ଶେନିଂ ନିକ୍ତି ଅୟା ଆନାଡ଼, ଆରେ ହେଝାଡ଼ାଂ ହେଝାର୍ ଉପାସ୍ କିନାର୍ ।

* ୯:୧ ୯:୧ ନିଜାର୍ ବସ୍ତି କପର୍ନାହୁମ୍ † ୯:୧୦ ୯:୧୦ ହେଦାଂ ଜିସୁତି ଇଞ୍ଜ. ✱ ୯:୧୩ ୯:୧୩ ମାତିଉ ୧୨:୭.

୧୭ ଇନେର୍ ପୁନି ହେୟା ନି ଗନ୍ଦା ପୁନି ହେୟାତ ମେହାୟ କିଉର୍, ଇନାକିଦେଂକି ହେ ହେୟା ଗନ୍ଦା ହେୟାତିଂ ବେସି କେଟ୍ଟି ଅନାଡ୍ ଆରେ ଆଦେକ୍ ଗାଜା କାଣା ଆନାଡ୍ । ୧୭ ଆରେ, ମାନାୟ ପୁନି ଅଙ୍ଗୁର୍ ରାସ୍ ପୁନି ତଲ୍ ମଣାତ ଇଚୁର୍; ଇଚ୍ଟିସ୍ ତଲ୍ ମଣା କେଞ୍ଜନାଡ୍ ଆରେ ଅଙ୍ଗୁର୍ ରାସ୍ ବଂନାଡ୍, ଆରେ ମଣା ଝିଜୁ କାରାପ୍ ଆନାଡ୍; ମାତର୍ ମାନାୟ ପୁନି ଅଙ୍ଗୁର୍ ରାସ୍ ପୁନି ମଣାତ ଇଚ୍ଟନାର୍, ଆରେ ରିଣ୍ଡିପା ରାକ୍ୟା ପାୟାନାଡ୍ ।”

ଜାଇରସ୍ତି ଗାହ୍ଡି ଆରି ଜିସୁଙ୍ଗ୍ ହେୟାନି ଚେଲିଂ ତୁଡି କଗଲେ
(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଜିସୁ ହେଝାରିଂ ଇ ଝିଜୁ କାତା ଇନିଝାଡାଲିଂ, ହୁଡା, ର ମୁଣିକା ତାତାକେ ଝାଜି ଜଝାର୍ କିଜି ଇଚାନ, “ନା ଗାଡ୍ରେ ହାଚାଗ୍ରେ ହାତାଡ୍, ମାତର୍ ଏନ୍ ଝାଜି ତାଙ୍ଗେଙ୍ଗ୍ କେଇ ଇଡା, ଆରେ ହେଦେଲ୍ ଜିନାଡ୍ ।”

୧୯ ହେବେ ଜିସୁ ନିଙ୍ଗି ତା ଚେଲାହିର୍ ଲାହାଙ୍ଗ୍ ତା ପାଚେ ପାଚେ ହାଚାର୍ ।

୨୦ ଜିସୁ ହାଜିଡ୍ ହାନିହିଂ ର କଗଲେ ତା ପାଚ୍ ବାଗାଙ୍ଗ୍ ଝାଜି ତା ହେୟାନି ଚେଲିଂ ତୁଡାଡ୍ । ହେଦେଲ୍ ବାର ବାହୁଁ ପାଚେକ୍ ଗାଗାଡ୍ନାଡ୍ଝି ରଗ୍ତ ତଣ୍ଡ ଆଜି ମାଚାଡ୍ । ୨୧ ଇନାକିଦେଂକି ହେଦେଲ୍ ମାନ୍ତ ମାନ୍ତ ଇଞ୍ଜି ମାଚାଡ୍, “କେବଲ୍ ତା ହେୟା ତୁଡିସ୍ ଆନ୍ ଉଜ୍ ଆନାଙ୍ଗ୍ ।”

୨୨ ମାତର୍ ଜିସୁ ମାସ୍ତି ତାଙ୍ଗ୍ ହୁଡ୍ଡି ଇଚାନ, “ଗାଡ୍, ସାସ୍ ଆହା, ନି ପାଚ୍ ନିଙ୍ଗେଙ୍ଗ୍ ଉଜ୍ କିତାନନା ।” ହେ ଦାପ୍ରେ କଗଲେ ଉଜ୍ ଆତାଡ୍ ।

୨୩ ପାଚେ ଜିସୁ ହେ ଜିହୁଦି ମୁଣିକା ଇଞ୍ଜି ଝାଜି ହୁର୍ଡି ତୁବନାକାରିଂ ଆରି କିର କିଜି ମାନି ଲକତିଂ ହୁଡ୍ଡି, ୨୪ ଜିସୁ ଇଚାନ, “ଝିଜାଦେର୍ ଇବେଣ୍ଡାଂ ହସି ହାଲାର୍ । ଗାଡ୍ରେ ହାଝାତାଡ୍ନା । କେବଲ୍ ହୁଞ୍ଜନାତା ।” ତା କାତା ଝେନ୍ଝି ହେଝାର୍ ଗୁଇତାର୍ । ୨୫ ମାତର୍ ମାନାୟାରିଂ ବାର୍ଡ୍ ହପ୍ତି ପାଚେ, ହେଝାନ୍ ବିଡ୍ରେ ହାଲ୍ଜି ଗାଡ୍ରେଂ କେଇ ଆସ୍ତାନ୍, ଆରେ ହେଦେଲ୍ ନିଙ୍ଗି ନିଲ୍ତାଡ୍ । ୨୬ ଆରେ, ଇ କାତା ହେ ଦେସ୍ ସବୁନିପ ଝିଣାତାଡ୍ ।

ଜିସୁ ରି କାଣାରିଂ ହୁଡ୍ଡି ସାକ୍ତି ହିତାନ

୨୭ ଜିସୁ ହେବେତାଂ ହାନିହିଂ ରିୟାର୍ କାଣାର୍ ପାଚେ ପାଚେ ହାଲ୍ଜି ଗାଜାକାଚ୍ କିଜି ଇଞ୍ଜେଙ୍ଗ୍ ଲାଗାତାର୍, “ଏ ଦାଉଦ୍ ମାଜି, ମାଙ୍ଗେଙ୍ଗ୍ ଦୟା କିଦା ।”

୨୮ ଜିସୁ ପର୍ଡୁମ୍ ଇଞ୍ଜି ହଶ୍ଗାତାନ୍ କାଣାର୍ ପା ହଶ୍ଗାତାର୍ । ହେବେ ଜିସୁ ହେଝାରିଂ ଝେନ୍ବାତାନ୍, “ଆନ୍ ମିଙ୍ଗେଙ୍ଗ୍ ଉଜ୍ କିଦେଙ୍ଗ୍ ଆଡ୍ଦାନାଂ ଇଞ୍ଜି ଏପେଙ୍ଗ୍ ପାଚ୍ କିନାଦେରା କି ?”

ହେଝାର୍ ଉତର୍ ହିତାର୍ “ଆଁ ମାପୁ ।”

୨୯ ହେ ପାଦନା ଜିସୁ ହେଝାରିଂ କାଣାଙ୍ଗାତ ତୁଜି ଇଚାନ, “ମି ପାଚ୍ କାଜିଂ ହେଦାଂ ଆୟେଡ୍ ।” ୩୦ ହେ ଦାପ୍ରେ ହେଝାର୍ କାଣକୁ ସାକ୍ତି ପାୟା ଆତାର୍ । ପାଚେ ଜିସୁ ହେଝାରିଂ ତାଚ୍କିଜି ବଲ୍ ହିଜି ଇଚାନ, “ହୁଡାଡ୍, ଇ ବିସ୍ତେ ଇନେସ୍ ଇନେର୍ ପୁନ୍ଝାକା ମାନାଡ୍ ।”

୩୧ ମାତର୍ ହେଝାର୍ ହେବେତାଂ ହାଲ୍ଜି ଜିସୁତି କାତା ଝିଜୁ ଦେସ୍ ନିପ ସୁଣାୟ କିତାର୍ ।

ଜିସୁ ର ଗୁଲାଂ କାତା ଇନି ସାକ୍ତି ହିତାନ

୩୨ ହେଝାର୍ ହସି ହାନିହିଂ, ହୁଡା, ମାନାୟାର୍ ରଝାନ୍ ଗୁଲା ପୁଦା ତୁୟାଆତାକାନିଂ ତା ତାକେ ତାହିଝାତାର୍ । ୩୩ ଆରେ, ବୁଡ୍ ପିସ୍ତିଲେ, ହେ ଗୁଲା କାତା ଇଚାନ । ହେବେ ମାନାୟାର୍ କାବା ଆଜି ଇଚାର୍, “ଇସ୍ତାଏଲ୍ ବିଡ୍ରେପା ଏଲେଙ୍ଗ୍ ଇନାଝାଡାଂ ପା ହୁଡ୍ଝାତାପ୍ନା ।”

୩୪ ✱ମାତର୍ ପାରୁସିର୍ ଇଚାର୍, “ହେ ମୁଣିକା ଗାଜା ବୁଡ୍ ଉପକାର୍ତାଂ ପୁଦାଂ ପିହିକିନାନା ।”

୩୫ ଇଦାଂ ପାଚେ ଜିସୁ ହେଝାରିଂ କୁଚୁମ୍ ଇଞ୍ଜି ହିକ୍ୟା ହିଜି ରାଜିନି ନେକ୍ତିକାରୁର୍ ସୁଣାୟ କିଜି ଆରି ବାରବିନି ରଗ୍ ଆରି ସବୁ ବାନି ବେମାର୍ ଉଜ୍ କିଜି ଝିଜୁ ଗାଡ୍, ଆରେ ନାସ୍କୁକାଂ ପୁଞ୍ଜେଙ୍ଗ୍ ଲାଗାତାର୍ । ୩୬ ଆରେ, ମାନାୟାରିଂ ହୁଡ୍ଡି ହେଝାର୍ କାଜିଂ ହେଝାନ୍ କାମାତିଂ ରାସ୍ ଇଚାନ, ଇନାକିଦେଂକି ହେଝାର୍ ରାକ୍ୟାହିଲ୍ଝି ମେଣ୍ଡାଂ ଲାକେ ଉପାୟ ହିଲ୍ଝି ଆରି ଜେଡେକେଡେ ମାଚାର୍ । ୩୭ ✱ହେଝାଡାଂ ଜିସୁ ଜାର୍ ଚେଲାରିଂ ଇଚାନ, ତାସ୍ ହିନା ବେସି ମତର୍ କାମାୟ କିନାକାର୍ ଉଣା, ୩୮ ଲାଗିଂ ତା କାମାୟ ବାହାତ କାମାୟ କିନାକାରିଂ ପକ୍ତି କାଜିଂ କାମାୟ ବାହିନି ହାଉକାର୍ ତାକେ ପାଡାନା କିୟାର୍ ।



ବାରଜାଣ୍ଡି ଚେଲାର୍
(ମାର୍କ ୩:୧୩-୧୯; ଲୁକ ୬:୧୨-୧୬)

✱ ୯:୩୪ ୯:୩୪ ମାତ୍ରିକ ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫. ✱ ୯:୩୭ ୯:୩୭ ଲୁକ ୧୦:୨.

୧ ଜିସୁ ତା ବାରଜାଣ ଚେଲାରିଂ କୁକ୍ତି ପୁଦାଂ ପିହିକିନି କାଜିଂ ଆରି ସବୁ ବାନି ରଗ୍ ବେମାର୍ ଉଜ୍ କିନି କାଜିଂ ହେଝାରିଂ ଆଦିକାର୍ ସାକ୍ତି ହିତାନ୍ । ୨ ହେ ବାରଜାଣ୍ ପକ୍ୟାତାକାର୍ ତର୍ ଆତାଡ୍, ସିମନ୍, ପିତର୍ ତର୍ଦ ପା ଜାଣାଚିନା ଆରି ତା ଟଣ୍ଡାହି ଆହିୟ୍; ଜେବ୍ଦିତି ରି ମେହିର୍ ଜାକୁବ୍ ଆରି ତା ଟଣ୍ଡାହି ଜହନ୍; ୩ ପିଲିପ୍ ଆରି ବାର୍ତଲମି, ତମା ଆରି ସିସୁଧୁନ୍ନାକାର୍ ମାଡିଉ, ଆଲପିୟ୍ ମେହି ଜାକୁବ୍, ଆରି ତଦିୟ୍, ୪ କିଶାନିୟ୍ ସିମନ୍ ଆରି ଇସ୍ପାରିୟ୍ତିୟ୍ ଜିହୁଦା, ଇନେନ୍ ଜିସୁଜ୍ ସାତୁ କେଇଦ ହେଲାଇୟ୍ କିତାକାନ୍ ।

ବାରଜାଣ୍ ଚେଲାରିଂ ପକ୍ତାନ୍
(ମାର୍କ ୬:୭-୧୩; ଲୁକ ୯:୧-୬)

୫ ଜିସୁ ଇ ବାରଜାଣ୍ ଚେଲାରିଂ ପକ୍ତି ହେଝାନ୍ ହେଝାରିଂ ବଲ୍ ହିଜି ଇଚାନ୍, “ପାତର୍ କିଝି ଜିହୁଦିର୍ ନିପ ହାଲ୍ମାଟ୍ ଆରି ସମିରଣିୟାନି ଇମ୍ଣି ଗାଡ୍ଦ ହଣ୍ଗାମାଟ୍, ୬ ମାତର୍ ଜାଜ୍ଜି ମାଟି ମେଣ୍ଡା ଲାକେ ଇସ୍ରାଏଲ୍ ଲାଗାଂ ହାଲ୍ମାଟ୍ । ୭ ହେଝାର୍ ବିତ୍ରେ ସୁଣାୟ୍ କିଜି ଇନାଟ୍, ସାଗେ ରାଜି ଲାଗେ ଝାତାତେ ! ୮ ବେମାର୍ ଲଗାଂ ଉଜ୍ କିୟାଟ୍, ହାଡି ଲଗାଂ ଆରେ ନିକ୍କାଟ୍, ଗାଜା ରଗ୍ୟାରିଂ ସକଟ୍ କିୟାଟ୍, ପୁଦାଂ ପିହିକିୟାଟ୍ । ଇନାକା ଉପକା ଗାଟା ଆତାଦେଣ୍ଡା, ହେଦାଂ ବିନିକାରିଂ ଉପକା ଦାନ୍ ହିୟାଟ୍ ।” ୯ ମି ଜାଜ୍ଜାତ “ହନା, କି ରୁପା କି ତାମା, ଆରେ ଜାତ୍ରା କାଜିଂ ମଣା, ୧୦ କି ବିକ୍ୟା ଏନି ମଣା ଆସ୍ତି ବୁଲା ଆମାଟ୍ ଅଲପ୍ ରିଣ୍ଡାଂ ଆଜିଜ୍ ନଲେ ପାଣ୍ଡାଈଜ୍ କି ବାଡ଼ଗା ପା ଅମାଟ୍ । ଇନେକିଦେଂକି କାମାୟ୍ କିନାକାଦେର୍ ଜାର୍ ତାରୁଜ୍ ପାୟାନି ଜଗ୍ ।”

୧୧ “ଆରେ, ଏପେଜ୍ ଇମ୍ଣି ଗାଡ୍ଦ କି ନାସ୍ତ ହଣ୍ଗାନାଦେର୍, ହେବେ ଇମ୍ଣି ଲକ୍ ହେବା କିଦ୍ଦେଂ ଆଡ୍ଦାନାନ୍, ହେଦାଂ ଆନ୍ମାନ୍ କିୟାଟ୍, ଆରେ ଝାଝି ପାତେକ୍ ହେବେ ମାନାଟ୍ ।” ୧୨ ର ଇଞ୍ଜ ହଣ୍ଗିନି ଝେଡାଲିଂ ହେବେ ମାନି ମାନାୟ୍ତିଂ ଇନାଟ୍, “ମିଦାଜ୍ ସୁସ୍ତା ଆୟେଡ୍ ।” ୧୩ ହେ ଇଲ୍ ଏଚେକାଡ୍ଦ ଆନାଡ୍, ଲାଗିଂ ତା କାଜିଂ ମି ସୁସ୍ତା ଆଏଡ୍, ମାତର୍ ହେଦାଂ ଜଦି ଆଉଡ୍, ତା ଆତିସ୍ ମି ସୁସ୍ତା ମି ଲାଗାଂ ମାସ୍ଦି ଝାଏଡ୍ । ୧୪ କିଜି ଇମ୍ଣି ଇଞ୍ଜ କି ଗାଡ୍ଦ ମିଜେଜ୍ ଲକ୍ ଇଡ୍ଡୁର୍, ପାନାନ୍ ଦୁଡ୍ଡି ତାଡ୍ଡି ହେ ବାହା ପିହାଟ୍ । ୧୫ ଆନ୍ ମିଜେଜ୍ ହାଡ୍ପା ଇଞ୍ଜନାଜ୍, ବିଚାର୍ ନାଜିଂ ଇଝାର୍ ତାଜ୍ ସଦମ୍ ଆରି ଗମରା ଦେସ୍ନି ମାନାୟ୍ କାଜିଂ ଇସ୍ପର୍ ଆଦିକ୍ ଦସା ଆନାଟ୍ ।

ଝାନିଦିନ୍ନି ନିୟା
(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ “ହୁଡାଟ୍, ହୁଣ୍ଡାର୍ ବୁର୍କାକାଂ ତାକେ ପା ମେଣ୍ଡାଂ ଲାକେ ଆନ୍ ମିଜେଜ୍ ପଲ୍ଲାନାଜ୍, ଇତିସ୍ ରାଟ୍ ଲାକେ ବୁଦ୍ୟା ଆରି ପାର୍ଝା ଲାକେ ହୁଦାର୍ ଆଡ୍ । ୧୭ ମାତର୍ ମାନାୟ୍ତାଂ ଜାଗ୍ଡ ଆଜି ମାନାଟ୍, ଇନାକିଦେଂକି ହେଝାର୍ ମିଜେଜ୍ ବିଚାର୍ ବାହାତ ହେଲାଇୟ୍ କିଦ୍ନାର୍ ଆରି ହେଝାର୍ କୁଟୁମ୍ ଇଞ୍ଜ କର୍ତ୍ତା ଲାହାଂ ଟ୍ରାକ୍ତାନାର୍ ।” ୧୮ “ଆରେ ଏପେଜ୍ ନା କାଜିଂ ରାଜ୍କାରିୟା ଆରି ରାଜାର୍ କଚଣ୍ଡିତ ତାହିଝାୟାନାଦେର୍; ହେଦାଂ ହେଝାରିଂ ଆରି ପାତର୍ କିଝି ଜିହୁଦିର୍ କାଜିଂ ସାକି ଲାକେ ଆନାଦେର୍ । ୧୯ ମାତର୍ ଏଚେକାଡ୍ଦ ହେଝାର୍ ମିଜେଜ୍ ହେଲାଇୟ୍ କିଦ୍ନାର୍, ହେଝାଡାଂ ଏପେଜ୍ ଇନେସ୍କି ଇନା କାତା ଇନାଦେର୍, ହେ ବିସ୍ତେନି ଚିନ୍ତା କିମାଟ୍, ଇନାକିଦେଂକି ଇନାକା ଇନାଦେର୍, ହେଦାଂ ହେ ଦାପ୍ରେ ମିଜେଜ୍ ହିଦ୍ୟାନାଟ୍ । ୨୦ ଲାଗିଂ ଏପେଜ୍ ଇନ୍ଝାକାଦେର୍, ମାତର୍ ମିଞ୍ଜି ଆବାତି ଜିବୁନ୍, ଇନେର୍କି ମି ଝାୟ୍ତିତ କାତା ଇନାନ୍, ହେଝାନ୍ ବେଶକାର୍ୟା ଆନାନ୍ ।”

୨୧ “ଟଣ୍ଡେନ୍ ଟଣ୍ଡେନିଜ୍ ଆରି ଆବା ମାଜି ହାକି ବାହାତ ହେଲାଇୟ୍ କିତାର୍ ଆରେ ହିମ୍ଣାଜ୍ ଆବା ଆୟାକାଂ ବିରୁଡ୍ଡି ନିଜ୍ଜି ଅହ୍ନାର୍, ଆରି, ଏପେଜ୍ ନା ପାଚେଝାତି କାଜିଂ ଏପେଜ୍ ଝିଜାକାର୍ତାଂ ଗିଶକିୟା ଆନାଦେର୍, ମତର୍ ଇନେର୍ ହାରିହାରା ପାତେକ୍ ସାସ୍ ଆଜି ମାନାନ୍ ହେଝାନ୍ ସାଗେତ ମୁକ୍ତି ପାୟା ଆନାନ୍ ।” ୨୨ “ଆରେ ନା ତର୍ କାଜିଂ ଏପେଜ୍ ଝିଜାର୍ ହୁକେ ଗିଶ୍ ଆନାଟ୍, “ମାତର୍ ଇନେର୍କି ଝିଜ୍ଜି ପାତେକ୍ ତିର୍ ଆଜି ମାନାନ୍, ହେଝାନ୍ ମୁକ୍ତି ପାୟାଆନାନ୍ । ୨୩ ର ବସ୍ତିତ ଏପେଜ୍ କସ୍ ପାୟାତିସ୍ ଅଲ୍ଗା ବସ୍ତିତ ହାଲ୍ମାଟ୍, ଆନ୍ ମିଜେଜ୍ ହାଡ୍ପା ଇଞ୍ଜନାଜ୍, ଏପେଜ୍ ଇସ୍ରାଏଲ୍ନି ଗାଡ୍ଦ କାମାୟ୍ ଝିହ୍ନି ଆଗେ ମାନାୟ୍ ମାଜି ମାସ୍ଦି ଝାନାନ୍ ।”

୨୪ “ଇମ୍ଣି ଚେଲାହି ତା ଗୁରୁତାଂ ଗାଜା ଆକାୟ୍ । ହାଉକାର୍ ତାଜ୍ ଆଡ୍ଡିଏନ୍ ଗାଜାକାନ୍ ଆକାୟ୍ । ୨୫ ଚେଲା ଜାର୍ ଗୁରୁ ଆରି ଆଡ୍ଡିଏନ୍ ଜାର୍ ହାଉକାର୍ ଲାକେ ଆତିସ୍ ହେଝାର୍ ପାକ୍ୟାତ ସାରି । ହେଝାର୍

☆ ୧୦:୧୦ ୧୦:୧୦ ୧ କରନ୍ତିୟ୍ ୯:୧୪; ୧ ତିମତି ୫:୧୮. ☆ ୧୦:୧୪ ୧୦:୧୪ ପକ୍ୟାତାକା ୧୩:୫୧. ☆ ୧୦:୧୫ ୧୦:୧୫ ମାଡିଉ ୧୧:୨୪. ☆ ୧୦:୧୫ ୧୦:୧୫ ଲୁକ ୧୦:୪-୧୨. ☆ ୧୦:୧୬ ୧୦:୧୬ ଲୁକ ୧୦:୩. ☆ ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫. ☆ ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭. ☆ ୧୦:୨୨ ୧୦:୨୨ ମାଡିଉ ୨୪:୯; ମାର୍କ ୧୩:୧୩; ଲୁକ ୨୧:୧୭; ମାଡିଉ ୨୪:୧୩; ମାର୍କ ୧୩:୧୩. ☆ ୧୦:୨୪ ୧୦:୨୪ ଲୁକ ୬:୪୦; ଜହନ୍ ୧୩:୧୭; ୧୫:୨୦. ☆ ୧୦:୨୫ ୧୦:୨୫ ମାଡିଉ ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫.

ଏତେକାଡ଼ଦ ଇଲ୍ ମୁଣିକାଂ ବାଲ୍‌ଜିବୁଲ୍ ଇଞ୍ଜି ଇଚାଣ୍ଣା, ତେବେ ହେଞ୍ଜାର୍‌ତି ଲକ୍‌ବାକ୍‌ତିଂ ତ ଆରି ଆଦିକ୍ ଇନାର୍ !”

ଇନେରିଂ ପାତ୍ରା ଆନାଦେର୍
(ଲୁକ ୧୨:୨-୭)

୨୬ * “ଲାଗିଂ, ହେଞ୍ଜାରିଂ ପାଣ୍ଣା ଆଡ଼; ଇନାକିଦେଂକି ଇନାକା ହଡ଼ଞ୍ଜାକା, ଏଲେଙ୍ଗ୍ ହାଦାକା ଇନାକା ହିଲୁଡ଼; ଆରେ ଇନାକା ପୁନ୍‌ଞ୍ଜାତାକା, ଏଲେଙ୍ଗ୍ ଡ଼କୁନାକା ଇନାକା ହିଲୁଡ଼ । ୨୭ ଆନ୍ ମିଙ୍ଗେଙ୍ଗ୍ ଇନାକା ମାଜ୍‌ଗାତାଂ ଇଞ୍ଜନାଙ୍ଗ୍; ହେଦାଂ ଅଜଡ଼ତ ଇନାଙ୍ଗ୍, ଆରେ ଇନାକା ଏପେଙ୍ଗ୍ ଡ଼ଗୁଜି ଖେନାଦେର୍, ହେଦାଂ ଇଲ୍ ଜେଗନ୍ ଜପି ସୁଣାୟ୍ କିୟାଟ୍ । ୨୮ ଆରେ ଇମ୍‌ଣାକାର୍ ଗାଗାଡ଼ତିଂ ଅହ୍‌ନାର୍, ମାଡ଼ର୍ ଖାସ୍ତିତିଂ ଅସ୍ତେଙ୍ଗ୍ ଆଡ଼ୁର୍, ହେଞ୍ଜାରିଂ ପାଣ୍ଣା ଆମାଟ୍; ଇଚିସ୍ ଜେ ଗାଗାଡ଼ ଆରି ଜିବୁନ୍ ରିୟାରିଂ ନରକ୍‌ତ ନସ୍‌କିତାର୍, ତାଙ୍ଗେଙ୍ଗ୍ ପାଣ୍ଣା ଆଡ଼ୁ । ୨୯ ରିଣ୍ଣାଂ କଡ଼ିହାଡ଼ା ପଟିଂ ଇନାକା ଆଣେକ୍‌ତିଂ ପ୍ରୟା ଆଡ଼ତ୍ ? ଆରେ, ମି ଆବା ପିସ୍ତ୍ର ହେଞ୍ଜାର୍ ବିଡ଼େତାଂ ପା ରଞ୍ଜାଙ୍ଗ୍ ମେଦ୍‌ନିତ ଆରୁଡ଼; ୩୦ ମାଡ଼ର୍ ଇସ୍‌ର୍ ମି କାପଡ଼ାନି ଖିଜୁ ତେମୁଲ୍ ପା ଗାଣାକିୟା ଆତାଡ଼ନ୍ନା । ୩୧ ଲାଗିଂ ପାଣ୍ଣା ଆମାଟ୍, ବେସି କଡ଼ିହାଡ଼ା ପଟିଂ ତାଙ୍ଗ୍ ଗାଜା !”

କ୍ରିସ୍ଟ ତାକେ ପାତ୍ କି ପାତ୍ କିଞ୍ଜାକା
(ଲୁକ ୧୨:୮-୯)

୩୨ “ଜେ ଇନେର୍ ଚଞ୍ଜ୍ୟାନାକା ନାଙ୍ଗେଙ୍ଗ୍ ମାପୁ ଇଞ୍ଜି ମାନିକିଦ୍‌ନାର୍, ଆନ୍ ପା ସାଗେନି ଆବା ମୁମ୍‌ଦ ତାଙ୍ଗେଙ୍ଗ୍ ଏଡୁ କିନାଙ୍ଗ୍ । ୩୩ * ମାଡ଼ର୍ ଜେ ଇନେର୍ ମାନାୟାର୍ ମୁମ୍‌ଦ ନାଙ୍ଗେଙ୍ଗ୍ ଏଡୁ କିଦୁଦେର୍, ଆନ୍ ପା ସାଗେନି ଆବା ମୁମ୍‌ଦ ତାଙ୍ଗେଙ୍ଗ୍ ମାନି କିଉଙ୍ଗ୍ ।”

ସୁସ୍ତା ବାଦୁଲ୍ କାଣ୍ଣା
(ଲୁକ ୧୨:୫୧-୫୩; ୧୪:୨୬-୨୭)

୩୪ ଆନ୍ ଜେ ପୁତ୍ ତ ସୁସ୍ତା ହିଦେଂ ଖାତାଂନା, ଇଦାଂ ବାବି କିମାଟ୍; ସୁସ୍ତା ହିଦେଂ ଖାଞ୍ଜାଦାଙ୍ଗ୍ ଇଚିସ୍ କାଣ୍ଣା ହିଦେଂ ଖାତାଂନା । ୩୫ ଇନାକିଦେଂକି ଆନ୍ ଆବା ଲାହାଙ୍ଗ୍ ମାଜି ଆରି ଆୟା ଲାହାଙ୍ଗ୍ ଗାଡ଼ତେ ଆରେ ପଦା ହୁକେ କଡ଼ୟା ବେରୁ ଗିଟାଈକିଦେଂ ଖାତାଂନା । ୩୬ ଆରେ ନିଜ୍‌ଲକ୍ ଜାର୍ ଲାଡ଼ାର୍ ନେ ଜାର୍ ସାଡ଼ୁର୍ ଆନାର୍ ।

୩୭ ଇନେର୍ ଆବାଂ କି ଆୟାଂ ନା ତାଙ୍ଗ୍ ଆଦିକ୍ ଜିଉନନାର୍, ହେଞ୍ଜାନ୍ ନା ଚେଲା ଆଦେଂ ଆଡୁନ୍ । ଆରେ ଇନେର୍ କାଡ଼ଦେଙ୍ଗ୍ କି ଗାଡ଼ତେଂ ନାତାଙ୍ଗ୍ ଆଦିକ୍ ଖାରି କିଞ୍ଜିତିସ୍, ହେଞ୍ଜାନ୍ ନା ଚେଲା ଆଦେଂ ଜଗ୍ୟ ଆକାୟ୍ । ୩୮ * ଆରେ, ଇନେର୍ ଜାର୍ କୁସ୍ ଆସ୍ତ୍ରି ନା ପାଚେ ଖାଉନ୍, ହେଞ୍ଜାନ୍ ନା ଚେଲା ଆଦେଂ ଜଗ୍ୟ ଆକାୟ୍ । ୩୯ * ଇନେନ୍ ଜାର୍ ଜିବୁନ୍ ବାଚାୟ୍ କିନାନ୍, ହେଞ୍ଜାନ୍ ହେଦାଂ ଆରାୟ୍ କିନାନ୍, ଆରେ ଇନେନ୍ ନା କାଜିଂ ଜାର୍ ଜିବୁନ୍ ଆରାୟ୍ କିନାନ୍, ହେଞ୍ଜାନ୍ ହେଦାଂ ବାଚାୟ୍ କିନାନ୍ ।

ଇନାମ୍
(ମାର୍କ ୯:୪୧)

୪୦ * “ଇନେନ୍ ମିଙ୍ଗେଙ୍ଗ୍ ଇଡ଼ଦାନାନ୍, ହେଞ୍ଜାନ୍ ନାଙ୍ଗେଙ୍ଗ୍ ଇଡ଼ଦାନାନ୍, ଆରେ ଇନେର୍ ନାଙ୍ଗେଙ୍ଗ୍ ଇଡ଼ଦାନାନ୍, ହେଞ୍ଜାନ୍ ନା ପକ୍‌ତାକାନିଂ ଇଡ଼ତାନ୍ । ୪୧ ଇନେନ୍ ବେଶ୍‌ବାକ୍‌ଶାୟ୍‌କିନାକାନିଂ ଇସ୍‌ର୍ କାବୁର୍ ଅନାକାନ୍ ଇଞ୍ଜି ଇଡ଼ନାନ୍, ହେଞ୍ଜାନ୍ ବେଶ୍‌ବାକ୍‌ଶାୟ୍‌କିନାକାନ୍ତି ଇନାମ୍ ପାୟା ଆନାନ୍ । ଆରେ ଇନେନ୍ ଦାମ୍ ଇଞ୍ଜି ଇଡ଼ନାନ୍, ହେଞ୍ଜାନ୍ ଦମ୍ ଲକାତ୍ ଇନାମ୍ ପାୟାନାନ୍ । ୪୨ ଆରେ, ଇନେନ୍ ଇ ହିରୁକାର୍ ବିଡ଼େ ରଞ୍ଜାନିଂ ନା ଚେଲା ଇଞ୍ଜି କେବଲ୍ ର ଗିନା କାକାର୍ ଏଜୁଂ ଉଣ୍ଡେଙ୍ଗ୍ ହିନାନ୍, ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା ଇନେସ୍‌କି ହେଞ୍ଜାନ୍ ନା ଚେଲା ହାଡ଼ପା ଇନାମ୍ ପାୟାନାନ୍ ।”



ଜିସୁ ଆରି ବାପ୍ତିସ୍ମି ଜହନ୍
(ଲୁକ ୭:୧୮-୩୫)

୧ ଜିସୁ ତା ବାରଜାଣ୍ ଚେଲାରିଂ ବଲ୍ ହିଜି ଖିସ୍ତି ପାଚେ ହେ ବାହା ପିସ୍‌ସି ଲାଗାଂନି ଗାଡ଼କାଂ ହାଲ୍‌ଜି ସୁଣାୟ୍ କିଦେଙ୍ଗ୍ ଲାଗାତାନ୍ ।

* ୧୦:୨୭ ୧୦:୨୭ ମାର୍କ ୪:୨୨; ଲୁକ ୮:୧୭. * ୧୦:୩୩ ୧୦:୩୩ ୨ ଡିମତି ୨:୧୨. * ୧୦:୩୮ ୧୦:୩୮ ମାଡ଼ିଉ ୧୨:୨୪; ମାର୍କ ୮:୩୪; ଲୁକ ୯:୨୩. * ୧୦:୩୯ ୧୦:୩୯ ମାଡ଼ିଉ ୧୨:୨୫; ମାର୍କ ୮:୩୫; ଲୁକ ୯:୨୪; ୧୨:୩୩; ଜହନ୍ ୧୨:୨୫. * ୧୦:୪୦ ୧୦:୪୦ ଲୁକ ୧୦:୧୨; ଜହନ୍ ୧୩:୨୦; ମାର୍କ ୯:୩୭; ଲୁକ ୯:୪୮.

୨ ଇବେଣ୍ଡାଂ ଜହନ୍ କ୍ରିସ୍ତୁତି କାମାୟନି ବିସ୍ତେ ଜଇଲ୍ଲତ ଝେନ୍‌ଞ୍ଜି ଜାର୍ ଚେଲାହିରିଂ କ୍ରିସ୍ତୁ ଲାଗାଂ ପକ୍ତାନ, ୩ ହେଝାର୍ ହାଲ୍‌ଜି ଜିସୁଙ୍ଗ୍ ଝେନ୍‌ବାତାର୍, “ଇନେର୍ ଝାନାକା ମାନାଡ୍, ହେଝାନ୍ କି ଏନ୍, ଆକାୟ୍‌ଚି ଆପେଂ ଆଲ୍‌ଗା ନିକାନିଂ କାଜିଂ ମାନାପ୍ ?”

୪ ଜିସୁ ହେଝାରିଂ ଉତର୍ ହିତାନ୍, “ଏପେଙ୍ଗ୍ ହାଲ୍‌ଜି, ଇନା ଇନାକା ଝେଚାଦେଣ୍ଡା ଆରି ହୁଡ୍‌ନାଦେରା, ହେ ଜହନ୍‌ତିଂ ଝେଚାଟ୍ । ୫ କାଣାର୍ କାଣ୍‌କୁ ହୁଡ୍‌ନାର୍, ମେଟାର୍ ତାଂନାର୍, ଗାଜା ରଗ୍ୟାର୍ ସକଟ୍ ଆନାର୍,* ବଇରାର୍ ଝେନାର୍, ହାତାକାର୍ ନିଙ୍ଗ୍‌ନାର୍, ଆରେ ହିଲ୍‌ଝାକାର୍ ତାକେ ନେକ୍‌କାବୁର୍ ସୁଣାୟ୍ କିୟାଆନାଡ୍; ୬ ଆରେ, ଆରେ ଇମ୍‌ଣି ମାନାୟ୍ ନାତାକେଣ୍ଡାଂ ବାଦା ପାୟା ଆଉନ୍, ହେଝାନ୍ ଦନ୍ୟ ।”

୭ ହେଝାର୍ ତାଙ୍ଗ୍‌ଜି ହାନିହିଂ ଜିସୁ ଜହନ୍ ବିସ୍ତେ ମାନାୟାରିଂ ଇଞ୍ଜେଙ୍ଗ୍ ଲାଗାତାନ୍, ହୁଡ୍‌ଦେଂ ଇଞ୍ଜି ଏଚେକାଡ୍‌ଦ ବାଟାତ ହାଲ୍‌ଜି ମାଚାଦେର୍ ? ଇନାକା ହୁଡ୍‌ଦେଂ ହାଲ୍‌ଜି ମାଚାଦେର୍ ? ଇନାକା ଦୁକାତିଙ୍ଗ୍ ଜଲାଆନି ନାଡା ? ୮ ହେଦାଂ ଆଞ୍ଜିତିସ୍ ଏପେଙ୍ଗ୍ ଇନାକା ହୁଡ୍‌ଦେଂ ହସି ହାଲ୍‌ଜି ମାଚାଦେର୍ ? ଇନାକା ଦାମ୍‌ନି ହେୟା ଉସ୍ତିଚି ର ମାନାୟ୍‌ତିଂ ? ହୁଡ୍‌ଟାଟ୍, ଇନେର୍ ଦାର୍‌ଜାହେୟା ଉସ୍ତିସ୍ ମାନାର୍, ହେଝାର୍ ରାଜା ଇଞ୍ଜି ମାନ୍‌ଗାନାର୍ । ୯ ହେଦାଂ ଆଞ୍ଜିତିସ୍ ଇନାକିଦେଂ ହସି ହାଲ୍‌ଜି ମାଚାଦେର୍ ? ଇନାକା ରଝାନ୍ ବେଣ୍‌ବାକ୍‌ଶାୟ୍‌କିନାକାନିଂ ହୁଡ୍‌ଦେଂ ? ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜିନାଙ୍ଗା, ବେଣ୍‌ବାକ୍‌ଶାୟ୍‌କିନାକାନିଂ ଆଦିକ୍ ଗାଜା ମାନାୟ୍‌ତିଂ ହୁଡ୍‌ତାଦେଣ୍ଡା । ୧୦ ଇନାବିସ୍ତେ ଇଦାଂ ଲେକା ମାନାଡ୍, ହୁଡ୍‌ଟାଟ୍ ଆପେଂ ଦୁଡ୍‌ତିଂ ମି ତାକେ ପକ୍ତା ନାପା, ହେଝାନ୍ ମି କାଜିଂ ମେହାଜି ରଚ୍‌ଚି ହିଦ୍‌ନାନ୍ ଇଝାନ୍ ହେ ମାନାୟ୍ । ୧୧ ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜିନାଙ୍ଗା, ପୁର୍ବେତାଂ ନଙ୍ଗ୍ ପାତେକ୍ ଇ ପୁଡ୍‌ନି ଏଚେ ଜାଣ୍ ଚଞ୍ଚାର୍‌ନା, ଜହନ୍ ତାଙ୍ଗ୍ ଗାଜାକାନ୍ ଇନେର୍ ହିଲ୍‌ର । ମାତର୍ ସାଗେ ରାଜିତ ଇନେନ୍ ଝିଜାର୍‌ତାଂ ହିରୁକାନ୍, ହେଝାନ୍ ବାପ୍‌ସିମ୍ ଜହନ୍‌ତାଂ ଗାଜାକାନ୍ । ୧୨ ଆରେ, ବାପ୍‌ସିମ୍ ଜହନ୍ ସମୁତାଂ ନଙ୍ଗ୍ ପାତେକ୍ ସାଗେ ରାଜି ସାକ୍ତିତାଂ କାଟ୍‌ରା ଆନାରା; ଆରେ, ସାକ୍ତିତାଂ କାଟ୍‌ରାକାର୍; ବାଡ୍‌କାସ୍‌ତାଂ ହେଦାଂ ଆଦିକ୍ କିନାରା । ୧୩ ଇନାକିଦେଂକି ଝିଜାର୍ ବେଣ୍‌ବାକ୍‌ଶାୟ୍‌କିନାକାର୍ ଆରି ବିଦିନି ସାସ୍‌ର ଜହନ୍ ଝାନି ଦିନ୍ ପାତେକ୍ ମସାତି ବିଦି ବେଣ୍‌ବାକ୍‌ଶାୟ୍‌କିନାକାନ୍ ବିସ୍ତେ ଇଞ୍ଜି ମାଚାନ୍ । ୧୪ *ଆରେ, ଏପେଙ୍ଗ୍ ଏଚେକାଡ୍‌ଦ ଇଡ୍‌ଦେଂ ମାନ୍ କିନାଦେର୍, ଲାଗିଂ ଇ ଜହନ୍ ଆନାନା, ହେଝାନ୍ ଏଲିୟ । ୧୫ ଇନେରିଂ କିଡ୍‌ଲିଂ ମାନିକ୍, ହେଝାନ୍ ଝେନେନ୍ !

୧୬ “ମାତର୍ ଆନ୍ ଇନେର୍ ଲାହାଙ୍ଗ୍ ନଙ୍ଗ୍‌ନି ମାନାୟାରିଂ ତୁଲାଇ କିନାଙ୍ଗ୍ ? ଇମ୍‌ଣି କାଡ୍‌ଦେର୍ ଆଟ୍ ପାଦାତ କୁଚ୍‌ଚି ବିନେନିକାରିଂ କୁକ୍‌ଚି ଇନାର୍, ୧୭ ଆପେଂ ମି ତାକେ ହୁରୁଡ୍‌ଡି ତୁବ୍‌ତାପ୍, ଏପେଙ୍ଗ୍ ଏଦ୍‌ଝାତାଦେର୍; ଆପେଂ ଦୁକ୍‌କିତାପ୍, ଏପେଙ୍ଗ୍ ନେଞ୍ଜେତାକିତ ଇଡ୍‌ୟା ଆଞ୍ଜାତାଦେର୍, ନଙ୍ଗ୍‌ନି ନାର୍ ହେଝାର୍ ଲାକେ । ୧୮ ଇନାକିଦେଂକି ଜହନ୍ ଝାଜି ତିନ୍‌ଝାତାନ୍ କି ଉଣ୍‌ଝାତାନ୍, ଆରେ ଲକୁ ଇନାରା, ହେଝାନ୍ ପୁଦା ଆସ୍ତାଦ୍‌ନା । ୧୯ ମାନାୟ୍ ମାଜି ଝାଜି ତିନାଉଣା କିନାନ୍, ଲକୁ ଝିଜାର୍ ଇନାର୍, ହୁଡ୍‌ଟାଟ୍, ଇଝାନ୍ ରକାନ୍ ବାଡ୍‌ଝା ଆରି ମାଡ୍‌ଲି, ସିସ୍‌ସୁନ୍‌ନାକାର୍ ଆରେ ପାପିର୍ ହାଙ୍ଗ୍‌ଦାକାନ୍; ମତର୍ ଇସ୍‌ର ଗିଆନି ଜାର୍ କାମାୟ୍ ତାଙ୍ଗ୍ ସମାନ୍ ଇଞ୍ଜି ପାର୍‌ମାଣ୍ ଆତାଡ୍ ।”

ପାତ୍ କିଞ୍ଜାତାର୍ ଗାଡ୍‌ଦାକାର୍
(ଲୁକ ୧୦:୧୩-୧୫)

୨୦ ଏଚେକାଡ୍‌ଦ ଇମ୍‌ଣି ଇମ୍‌ଣି ଗାଡ୍‌ଦ ତା ଆଦିକାର୍ ସାକ୍ତିନି କାମାୟ୍ କିୟାଆଜି ମାଚାଡ୍, ହେଝାନ୍ ହେ ଗାଡ୍‌ଡିଙ୍ଗ୍ ହେଝାନ୍ ନିୟା କିଦେଙ୍ଗ୍ ଲାଗାତାନ୍, ଇନାକିଦେଂକି ହେଝାର୍ ମାନ୍‌ବାଦ୍‌ଲାଇ କିଞ୍ଜାଦାଂ ମାଚାର୍ । ୨୧ “ଏ ତାଣ୍‌ନି କରାଜିନ୍, ଏ ତାଣ୍‌ନି ବେଡ୍‌ସାଇଦା, ଇନାକିଦେଂକି ମି ବିତ୍ରେ ଇମ୍‌ଣି ଇମ୍‌ଣି ସାକ୍ତିନି କାମାୟ୍ କିୟାତାଡ୍‌ନା, ହେଦାଂ ଝିଜୁ ଇନାଞ୍ଜାଡାଂ ସର ଆରି ସିଦନ୍ ତାକେ କିଆତାଡ୍‌ମା, ଲାଗିଂ ହେଝାର୍ ବେସିଦିନ୍ ପୁର୍ବେତାଂ ବାସ୍ତା ଉସ୍ତିସ୍ ନିସ୍‌ତାକେ କୁଚ୍‌ଚି ମାନ୍‌ବାଦ୍‌ଲାଇ କିତାର୍ମା । ୨୨ ଆଡିସ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଇସ୍‌ତ ବିଚାର୍ ନାଜିଂ ମି ବାଟା ସର ଆରି ସିଦନ୍‌ନି ମାନାୟାରିଂ ଆଦିକ୍ ଦୟା ଚଡ୍‌ଚାନାଡ୍ । ୨୩ ଆରେ, ଆଡ୍‌ଡେ କପର୍‌ନାହୁମ୍, ନିକାଦେର୍ ଏପେଙ୍ଗ୍ ଜାର୍‌ତିଂ ସାଗେ ପାତେକ୍ ଲାମା ଆଦେଂ ଆଡ୍‌ନାୟ୍ ? କଞ୍ଜାଣ୍ ପାତାଲ୍‌ନି ଆଦାହାନାକା ଆନାଡ୍, ଇନାକିଦେଂକି ନି ବିତ୍ରେ ଇମ୍‌ଣି ଇମ୍‌ଣି ସାକ୍ତିନି କାମାୟ୍ କିୟାତାଡ୍‌ନା, ହେଦାଂ ଝିଜୁ ଏଚେକାଡ୍‌ଦ ସଦମ୍ ତାକେ କିଆତାଡ୍‌ମା, ଲାଗିଂ ହେଦାଂ ନେଞ୍ଜେଙ୍ଗ୍ ପାତେକ୍ ମାନ୍‌ଗାତାଡ୍‌ମା । ୨୪ *ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜିନାଙ୍ଗା, ଇସ୍‌ର ବିଚାର୍ କିନାନ୍ ନିଙ୍ଗ୍ ତାଙ୍ଗ୍ ନି ଦସ୍ ବାଟା ସଦମ୍ ଦେସ୍‌ନି ଦସ୍ ବେସି ଆନାଡ୍ ।”

ନା ତାକେ ଝାଜି ଜମାଟ୍
(ଲୁକ ୧୦:୨୧-୨୨)

* ୧୧:୫ ୧୧:୫ ଉକ୍ତ କିତାନ୍ ☆ ୧୧:୧୪ ୧୧:୧୪ ମାତ୍ରିକ ୧୭:୧୦-୧୩; ମାର୍କ ୯:୧୧-୧୩ ☆ ୧୧:୨୪ ୧୧:୨୪ ମାତ୍ରିକ ୧୦:୧୫; ଲୁକ ୧୦:୧୨.

୨୫ ହେୱାଡ଼ା ଜିସୁ ପାର୍ତ୍ତନା କିଜି ଇଚାନ, ଏ ଆବା, ସାଗେ ଆରି ପୁତ୍ର ମାପୁ, ଏପେଙ୍ଗ ଗିଆନି ଆରି ବୁଦିୟା ମାନାୟାର ତାଙ୍ଗ ଇ ଝିଜୁ ବିସ୍ତେ ଡକ୍ଟି ଇଡ଼ି ହିମ୍‌ଣାଙ୍ଗତାକେ ଝେଡ଼ତାୟନା, ଇଦାଂ କାଜିଂ ନି ଜୁଝାର କିଦନାଙ୍ଗା; ୨୬ ଆଁ ଆବା, ଇନାକିଦେଂକି ଇଦାଂ ନି କାଣ୍‌କୂତା ଏଚେକ୍‌ସାରି ଆତାଡ଼ନା ।

୨୭ ଶୁନା ଆବା ନାଙ୍ଗେଙ୍ଗ ଝିଜୁ ବିସ୍ତେ ନାବେ ସର୍ପି ଆତାଡ଼ନା । ଆବାଂ ପିସ୍ତି ମାଜି ଆରେ ଇନେର୍ ପୁନୁର୍ ଆରି ମାଜି ପିସ୍ତି ଆବା ଆରେ ଇନେର୍ ପୁନୁର୍ । ମାଜି ଇମ୍‌ଣାକାର ତାକେ ଆବାଂ ହପ୍‌ନାନ, କେବଲ୍ ହେୱାର୍ ଆବାଂ ପୁଞ୍ଜେଙ୍ଗ ଆଡ଼ନାର ।

୨୮ “ଏ ଝାହନାକାଦେର୍ ଆରି ବଜ୍‌ପିଣ୍ଡି ମାନାୟ ନା ତାକେ ଝାଡୁ, ଆନ୍ ମିଙ୍ଗ ଜମ୍‌ଦେଂ ହିଦନାଂ । ୨୯ ନା ଜୁଝାଣ୍ ଜାର ଜାର ଜପି ପିଣ୍ଡି, ଆରେ, ନା ତାକେ ହିକ୍ୟା କିୟାଟ୍, ଇନାକିଦେଂକି, ଆନ୍ ହୁଦାର୍ ଆରି ଦାମ୍, ଆରେ ଏପେଙ୍ଗ ଜାର ଜାର ଝାସ୍ତିତ ଜମନାଦେର୍; ୩୦ ଆନ୍ ମି ଜପି ଇମ୍‌ଣି ଜୁଝାଣ୍ ଇର୍ନାଂ, ହେଦାଂ ପିଣ୍ଡିଦେଂ ଆଡ଼ଝା । ଆରେ ମିଙ୍ଗ ଇମ୍‌ଣି ବଜ୍ ହିଦନାଂ, ହେଦାଂ ବେସି ଉସାସ୍ ।”

୧୨

ଜମ୍‌ନିବାର ବିସ୍ତେ ପରସନ୍

(ମାର୍କ ୨:୨୩-୨୮; ଲୁକ ୬:୧-୫)

୧ ହେୱାଡ଼ା ଜିସୁ ଜମ୍‌ନିବାର ନାଜିଂ ତାସ୍ ଜମିତିଂ ହିଜି ତାଙ୍ଗି ହାଲ୍‌ଜି ମାଚାନ, ଆରେ ତା ଚେଲାହିର୍ ନାସ୍‌କି ଆଜି ତାସ୍‌ନି ଜିକି ନାଡ଼ି ଚିଞ୍ଜେଙ୍ଗ ଲାଗାତାର । ୨ ମାତର୍ ପାରୁସିର୍ ହେଦାଂ ହୁଡ଼ି ଜିସୁଙ୍ଗ ଇଚାର, “ହୁଡ଼ାଟ୍, ଜମ୍‌ନିବାର ନାଜିଂ ଇନାକା କିନି ବିଦି ଆକାୟ, ହେଦାଂ ନି ଚେଲାର କିନାରା ।”

୩ ମାତର୍ ହେୱାନ୍ ହେୱାରିଂ ଇଚାନ, “ଦାଉଦ୍ ଆରି ତା ହାଙ୍ଗଦାକାର ନାସ୍‌କି ଆନିହିଙ୍ଗ ହେୱାନ୍ ଇନାକା କିଜି ମାଚାନ, ହେଦାଂକି ଏପେଙ୍ଗ ପଡ଼ି କିଝାତାଦେର୍ଣ୍ଣା ? ୪ ହେୱାନ୍ ଇନେସ୍ କିଜି ଇସ୍‌ବର୍ ଇଞ୍ଜ ହିଜି, ଇମ୍‌ଣି ଦର୍ସନି ରୁଟି କେବଲ୍ ମାପୁହେବାକିନାକାର ତିନି ବିଦି ମାଚାଡ଼, ମାଚାର ତା ଆରି ସାଙ୍ଗହିର୍ ତିକାନା ବିଦି ହିଲ୍‌ଝାତାଡ଼, ହେଦାଂ ହେୱାର୍ ଚିଞ୍ଜି ମାଚାର । ୫ ମାତର୍ ଜମ୍‌ନିବାର ନାଜିଂ ମାପୁହେବାକିନାକାର ମନ୍ଦିର୍ ବିତ୍ରେ ଜମ୍‌ନିବାରତିଂ ବିଚାଡ଼ କିଞ୍ଚିସ୍ ପା ହେୱାର୍ ଦସ୍ ଆଉର୍, ବିଦିତାଂ ଏପେଙ୍ଗ ଇନାକା ଇଦାଂ ପଡ଼ି କିଝାତାଦେର୍ଣ୍ଣା ? ୬ ମାତର୍ ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ମନ୍ଦିର୍ ତାଙ୍ଗ ଗାଜା ବିସ୍ତେ ଇବେ ମାନାଡ଼ ।

୭ ଶୁସ୍‌ସ୍‌ବର୍ ଇନାଡ଼ ଆନ୍ ପୁନାଙ୍ଗ ପୁଜା ମାନ୍ କିଝାଦାଂ ଦୟା ମାନ୍ କିନାଙ୍ଗ, ଇ କାତାନି ଅରଡ଼ ଜଦି ସଡ଼ ବୁଜାନାଦେର୍ ଦସିଲଗାରିଂ ଏପେଙ୍ଗ ଦସ୍ କିଝାତାଦେର୍‌ମା । ୮ ଇନାକିଦେଂକି ମାନାୟ ମାଜି ଜମ୍‌ନିବାର ନାଜିଂ ପା ମାପୁ ଆନାନ ।”

ଝାଡ଼ି କେଇ ହାର୍ ଆତାଡ଼

(ମାର୍କ ୩:୧-୬; ଲୁକ ୬:୬-୧୧)

୯ ଜିସୁ ହେ ବାହାତାଂ ହାଲ୍‌ଜି ହେୱାର୍ କୁରୁମ୍ ଇଞ୍ଜ ହିଜାଗାତାନ । ୧୦ ଆରେ ହୁଡ଼ାଟ୍, ହେବେ ରଝାନ୍ ଲକ୍ ମାଚାନ, ତା ର କେଇ ଝାଜ୍‌ଜି ମାଚାଡ଼ । ଆରେ, ହେୱାର୍ “ତା ବେରଣ୍‌ତାଂ ଦାବା କିନି ହେଦାଂ କାଜିଂ ଜିସୁଙ୍ଗ ଝେନ୍‌ବାତାର, ଜମ୍‌ନିବାର ନାଜିଂ ଉଜ୍ କିନାକା ଇନାକା ବିଦି ମାନାଡ଼ ?”

୧୧ ଶୁମାତର୍ ଜିସୁ ହେୱାରିଂ ଇଚାନ, ଜଦି “ଇନେର୍‌ଡ଼ି ରଞ୍ଜାଙ୍ଗ ମେଣ୍ଡା ମାନାଡ଼ ଆରି ହେଦାଂ ଜମ୍‌ନିବାର ନାଜିଂ କୁଇତାକେ ଆତ୍‌ସ୍ ଇନାକା ହେଦେଲିଂ ଜେ ତାଙ୍ଗେଙ୍ଗ ଆସ୍ତି ନିକୁନ୍, ଏଲେଙ୍ଗ ମାନାୟ ମି ବିତ୍ରେ ଇନେନ୍ ମାନାନ୍ ? ୧୨ ଲାଗିଂ, ମେଣ୍ଡା ତାଙ୍ଗ ମାନାୟ ଆରେ ଏଚେକ୍ ଆଦେକ୍ ଗାଜା । ବିଦି ଲାକେ ଜମ୍‌ନିବାର ନାଜିଂ ହାର୍ କିନାକା ବିଦି ମାନାଡ଼ ।” ୧୩ ହେୱାଡ଼ା ହେୱାନ୍ ହେ ମାନାୟତିଂ ଇଚାନ, ନି କେଇ ଲାମାୟ କିଦା । ହେବେ ହେୱାନ୍ କେଇ ଲାମାୟ କିତାନ,

“ଆରେ ହେଦାଂ ଅଲ୍‌ଗା କେଇ ଲାକେ ଆରେ ହାରା ଆତାଡ଼ ।” ୧୪ ମାତର୍ ପାରୁସିର୍ ବାର୍ତ୍ତ ହାଲ୍‌ଜି ହେୱାନିଂ ବୁଡ଼ାୟ କିନି କାଜିଂ ତା ବେରଣ୍‌ତାଂ ମାନ୍‌ପାଟି କିତାର ।

ଇସ୍‌ବର୍ ବାଟିକିତି ହେବାକାରୟା ଜିସୁ

୧୫ ଜିସୁ ହେଦାଂ ପୁଞ୍ଜି ହେବେତାଂ ହେ ବାହା ପିସ୍ତି ହସି ହାଚାନ, ହେନି ତା ପାଚେ ପାଚେ ହାଚାର, ଆରେ ହେୱାନ୍ ଝିଜାର ରଗ୍ୟାରିଂ ଉଜ୍ କିତାନ । ୧୬ ଆରେ, ତାଙ୍ଗେଙ୍ଗ ଝେଡ଼ଝି କାଜିଂ ହେୱାନ୍ ହେ ବାନ୍‌ପା ପୁଦାକାଂ ବେସି ତାଟ୍ କିଜି ବଲ୍ ହିତାନ, ୧୭ ଇନେସ୍‌କି ଜିସାୟ ବେଶ୍‌ବାକ୍‌ଶାୟ କାଜିଂ ଏକାତାର ପୁରା ଆନାଡ଼,

୧୮ “ହୁଡ଼ାଟ୍, ମା ଆଡ଼ିଏନ୍, ଇନେରିଂକି ଆପେଙ୍ଗ ବାଟି କିତାପ୍‌ନା; ମା ଝାରିନି ମାଜି ଇନେର୍ ତାକେ କି ଆପେଂ ଜିବୁନ୍‌ନି ବେସି ଝାରି

☆ ୧୧:୨୨ ୧୧:୨୭ ଜହନ୍ ୩:୩୫; ଜହନ୍ ୧:୧୮; ୧୦:୧୫. ☆ ୧୨:୬ ୧୨:୭ ମାଡ଼ିଭ ୯:୧୩. ☆ ୧୨:୧୧ ୧୨:୧୧ ଲୁକ ୧୪:୫.

ଆସେଇଁ ତା ଜପି ନା ଜିବୁନ୍ ଜୁଦନାଡ଼,
 ଆରେ ହେୱାନ୍ ପାତର୍ କିଞ୍ଚି ଜିହୁଦିର୍ ଲାଗାଂ ନ୍ୟାୟ ବିଚାର କିଜି ସୁଣାୟ କିନାନ୍ ।
 ୧୯ ହେୱାନ୍ କୁଲ୍ କିଉନ୍ କି ଗାଜା କାଟ୍ ସୁଣାୟ କିଉନ୍,
 କି ହାକ୍ତିତ ହେୱାନ୍ତି କାଟ୍ ଇନେର୍ ଖେନୁର୍
 ୨୦ ନାଦାର କାଟାକାରିଂ କାଜିଂ ହେୱାନ୍ ହୁଦାର ବେବାର୍ କିନାନ୍ ନାଡ଼ା
 ଆରି ସାଇଜ ହିଲ୍‌ଖାକାରିଂ ଉପକାର୍ କିନାନ୍ ।
 ନ୍ୟାୟ ବିଚାର ଆଖି ପାତେକ୍ ହେୱାନ୍ କି ସଦୁମ୍ ନୁଲ୍‌କଦାନି ବଇଟାତିଂ ପାଗୁନ୍ ।
 ୨୧ ଆରେ ତା ତରଦ ପାତର୍ କିଞ୍ଚି ଜିହୁଦିର୍ ଆହା କିତାର୍ ।”

ଜିସୁ ଆରି ବାଲ୍‌ଜିବୁଲ୍
 (ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ହେୱାଡ଼ାଂ ରୱାନ୍ ପୁଦା ଆହ୍‌ୟାତି କାଣାଂ ଆରି କନ୍ଦାଲଗାଂ ତା ତାକେ ତାହିୱାତାର୍, ଆରେ ଜିସୁ ତାଙ୍ଗେଇଁ ଉଜ୍ କିତାନ୍; ହେବେ ହେ କନ୍ଦା ବେଶ୍ ଇଞ୍ଜେଇଁ ଆଡ଼ତାନ୍ ଆରି ହୁଡ଼ଦେଂ ଆଡ଼ତାନ୍ । ୨୩ ଆରେ, ମାନାୟାର କାବା ଆଜି ଇଞ୍ଜେଇଁ ଲାଗାତାର୍, “ଇଞ୍ଜାନ୍ ଇନାକା ଦାଉଦ୍ ମାଜି ଆକାୟ୍ ?”

୨୪ *ମତର୍ ପାରୁସିର୍ ହେଦାଂ ଖେନ୍‌ଞ୍ଜି ଇଟାର୍, “ଇ ମୁଣିକା ଗାଜାପୁଦା ବାଲ୍‌ଜିବୁଲ୍ ଉପକାର୍‌ତାଂ ପୁଦାଂ ପିହିକିଉନା ।”

୨୫ ମାତର୍ ଜିସୁ ହେୱାର୍ ମାନ୍ତି ଏଡ଼ ପୁଞ୍ଜି ହେୱାରିଂ ଇଟାନ୍, “ଇମ୍‌ଣି ରାଜି ରିବାଗ୍ ଆଜି ଜାର୍ ବେରୁତାଂ ନିଙ୍ଗନାଡ଼, ହେଦାଂ ଦୁଡ଼ି ଆଜି ହାନାଡ଼; ଆରେ, ଇମ୍‌ଣି ଗାଡ଼ କି ଇଲ୍ ରିବାଗ୍ ଆଜି ଜାର୍ ବେରୁତାଂ ନିଙ୍ଗନାଡ଼ ହେଦାଂ ତିର୍ ଆଜି ମାଞ୍ଜେଇଁ ଆଡ଼ୁଡ଼ । ୨୬ ଆରେ, ସୟତାନ୍ ଜଦି ସୟତାନ୍‌ତିଂ ପିହିକିତିସ୍, ତା ଆତିସ୍ ହେଦାଂ ରିବାଗ୍ ଆଜି ଜାର୍ ବିରୁଡ଼ତାଂ ନିଙ୍ଗତାତେ; ଲାଗିଂ ତା ରାଜି ଇନେସ୍ ତିର୍ ଆଜି ମାନାଡ଼ ? ୨୭ ଆନ୍ ଏତେକାଡ଼ଦ୍ ବାଲ୍‌ଜିବୁଲ୍ ଉପକାର୍‌ତାଂ ପୁଦାକାଂ ପିହିକିନାଙ୍, ଲାଗିଂ ମି ମାଜିର୍ ଇନେର୍ ଉପକାର୍‌ତାଂ ହେୱାକାଂ ପିହିକିନାର୍ । ଲାଗିଂ ହେୱାର୍ ନେ ମିଙ୍ଗେଇଁ ବିଚାରକାର୍‌ୟାର୍ ଆଦନାର୍ ! ୨୮ ମାତର୍ ଆନ୍ ଜଦି ଇସ୍‌ବ୍ ଖାସ୍ତି ସାଇଜତାଂ ପୁଦାକାଂ ପିହିକିନାଙ୍, ଇଦାଂ କାଜିଂ ପାର୍‌ମାଣ୍ ଆନାଡ଼ ସାଗେ ରାଜି ମି କାଜିଂ ଏକା ଖାତାତେ ।”

୨୯ “କି ଇନେର୍ ପର୍ତୁମ୍ ସାକ୍ତି ଲଗାଂ ଗାଟ୍‌ଞ୍ଚିତିସ୍ ଇନେସ୍ କିଜି ତାଞ୍ଜ ହଶ୍‌ଗିସ୍ ତା ଦାନ୍ ସବୁ ତର୍ କିଦେଇଁ ଆଡ଼ନାନ୍ ? ତାଙ୍ଗେଇଁ ଆଗେ ଗାଟ୍‌ତିସ୍ ହିନା ତା ଇଲ୍ ତର୍ କିଦେଇଁ ଆଡ଼ନାନ୍ ।”

୩୦ * “ଇନେନ୍ ନା ପାକ୍ୟା ଆକାୟ୍, ହେୱାନ୍ ନା ବେରିୟା, ଆରେ ଇନେନ୍ ନାଲାହାଂ ରୁଣ୍ଡାୟ କିଉନ୍, ହେୱାନ୍ ଜେଡ଼େ କେତେ କିନାନ୍ । ୩୧ ଆତିସ୍‌ପା, ଆନ୍ ମିଙ୍ଗେଇଁ ଇଞ୍ଜନାଙ୍ ମାନାୟାର୍ ଖିଜୁ ପାପ୍ ଆରି ନିନ୍ଦା କାତା କେମା କିୟା ଆନାଡ଼,* ମାତର୍ ଖାସ୍ତି ବେରୁ ନିନ୍ଦା କେମା କିୟା ଆଉଡ଼ । ୩୨ ଆରେ, ଇନେର୍ ଆୟେଡ଼ ମାନାୟା ମାଜି ବେରୁତାଂ କାତା ଇନାନ୍, ତାଙ୍ଗେଇଁ କେମା ହିୟା ଆନାଡ଼, ମାତର୍ ଇନେର୍ ଆୟେଡ଼ ପୁଇପୁୟା ଜିବୁନ୍ ବେରୁତାଂ କାତା ଇନାନ୍, ଇ ଜୁଗ୍‌ତ କି ପାତେନି ଜୁଗ୍‌ତ ତାଙ୍ଗେଇଁ କେମା ହିୟା ଆଉଡ଼ ।”

ମାର୍ ଆରି ତା ପାଡ଼୍
 (ଲୁକ ୬:୪୩-୪୫)

୩୩ “ହାଦର୍ ପାଡ଼୍ ଆହ୍‌ନି କାଜିଂ ମାର୍ ବାଡ଼କାସ୍ ଆନାକା ମାନାଡ଼ । ମିଦାଙ୍ ବାନ୍ୟା ମାର୍ ମାତିସ୍ ହେବେତାଂ ଏପେଇଁ ବାନ୍ୟା ପାଡ଼୍ ପାୟା ଆନାଦେର୍ । ଇନାକିଦେଂକି ପାଡ଼୍ କାଜିଂ ମାର୍‌ତିଂ ପୁନ୍ୟା ଆନାଡ଼ । ୩୪ *ଆଡ଼େ କାଲାଟିରାଡ଼ନି ଲାଡ଼ା, ଏପେଇଁ ବାନ୍ୟା ଆଜି ଇନେସ୍ ବାଡ଼ର୍ ହାର୍‌ଦି କାତା ଇଞ୍ଜେଇଁ ଆଡ଼ନାଦେର୍ ? ଇନାକିଦେଂକି ମାନନି ବାଡ଼ର୍‌ତାଂ ଖେଇଦି କାତା ଇନାନ୍ । ୩୫ ହାଦର୍ ଲଗୁ ହାର୍‌ଦି ଖାସ୍ତିତାଂ ହାଦର୍ ଆଡ଼ମାଡ଼୍ ହପ୍‌ନାନ୍ । ଆରେ ବାନ୍ୟା ଲଗୁ ବାନ୍ୟା ଖାସ୍ତିତାଂ ବାନ୍ୟା ଆଡ଼ମାଡ଼୍ ହପ୍‌ନାନ୍ ।”

୩୬ “ମାତର୍ ଆନ୍ ମିଙ୍ଗେଇଁ ଇଞ୍ଜନାଙ୍, ମାନାୟାର୍ ଇନେସ୍ ବାଡ଼ର୍ ପଲ୍ୟା କାତା ଇନାର୍, ବିତାଣ୍ଟା-ନାଜିଂ ହେୱାର୍ ହେବେନି ଉତର୍ ହିନାର୍; ୩୭ ମି କାତା କାଜିଂ ଏପେଇଁ ବିଚାର୍ କିୟା ଆଜି ଦସିଆକାଲ୍ ଦସି ଇଞ୍ଜି ପାର୍‌ମାଣ୍ ଆନାଡ଼ ।”

ଜୁନୁସ୍‌ତି ଚିନ୍
 (ମାର୍କ ୮:୧୧-୧୨; ଲୁକ ୧୧:୨୯-୩୨)

* ୧୨:୨୪ ୧୨:୨୪ ମାଡ଼ିଭ ୯:୩୪; ୧୦:୨୫. * ୧୨:୩୦ ୧୨:୩୦ ମାର୍କ ୯:୪୦. * ୧୨:୩୧ ୧୨:୩୧ ଇସ୍‌ବ୍‌ଚି ବିରୁଦ୍‌ତ ବାନ୍ୟା କାତା ଇଟାର୍. * ୧୨:୩୪ ୧୨:୩୪ ମାଡ଼ିଭ ୩:୭; ୨୩:୩୩; ଲୁକ ୩:୭; ମାଡ଼ିଭ ୧୫:୧୮; ଲୁକ ୬:୪୫.

୩୮ ✨ହେ ପାଦନା ସାହିର ଆରି ପାରୁସିର ବିତ୍ରେ କେଡ଼ ଜାଣ୍ ତାଙ୍ଗେଙ୍ଗ୍ ଉତର ହିତାର, “ଏ ଗୁରୁ, ଆପେ ନିତାକେନଶ୍ଟାଙ୍ଗ୍ ର ତିନ୍ ହୁଡ଼ଦେଂ ମାନକିନାପା ।”

୩୯ ଜିସୁ ହେଝାରିଂ ଉତର ହିତାନ, “କେତେକ ଦାରି ଆରି ଇସ୍ପରତିଂ ପାତର୍ କିଝାକାନ୍ ତେକନାର୍, ମତର ବେଶ୍‌ବାକ୍‌ଶାୟକିନାକାନ୍ ଜୁନସ୍ ତିନ୍ ପିସ୍‌ସି ଅଲ୍‌ଗା ଇନା ତିନ୍ ହେଝାରିଂ ହିୟା ଆଉଡ଼ । ୪୦ ଜୁନସ୍ ଇନେସ୍ ତିନ୍ ଦିନ୍ ଆରି ତିନ୍ ରାତି ଗାଜା ମିନ୍ ପଟ ବିତ୍ରେ ମାଚାନ, ମାନାୟ୍ ମାଜି ହେ ଲାକେ ତିନ୍ ଦିନ୍ ଆରି ତିନ୍ ରାତି ମେଦନି ପୁତର୍ ନି ଗରବ୍ ବିତ୍ରେ ମାନଗାନାନ୍ । ୪୧ ବିଚାଣ୍ଟାତ ଦିନ୍ତ ନିନିବିନି ମାନାୟାର୍ ମି ବିରୁଦ୍‌ଦ ଦାବା କିଦେଙ୍ଗ୍ ନିଲ୍‌ନାର୍, ଇନାକିଦେଂକି ହେଝାର୍ ଜୁନସ୍‌ତି ସୁଣାୟ୍ କିନାକା ଝେନଞ୍ଜି ହେଝାର୍ ପାପ୍ ହାଜିତାଂ ମାନବାଦଲ୍‌ଲାୟ୍ କିତାର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଜୁନସ୍ ତାଙ୍ଗ୍ ଗାଜାକାନ୍ ରଝାନ୍ ଇବେ ମାନାନ୍ । ୪୨ ଆରେ, ଜେନବାଗାଙ୍ଗ୍ ଦେସ୍‌ନି ରାଣି ବିଚାଣ୍ଟାତ ଇ ନଙ୍ଗନି ଆଣ୍ଟାଙ୍ଗ୍ ଲାହାଙ୍ଗ୍ ନିଙ୍ଗି ଇଝାରିଂ ଦସି କିନାଡ଼, ଇନାକିଦେଂକି ହେଦେଲ୍ ସଲମନତି ବୁଦିନି କାତା ଝେଞ୍ଜେଙ୍ଗ୍ ପୁତର୍ ନି ବାଟାତାଂ ଝାଜି ମାଚାଡ଼, ଆରେ ହୁଡ଼ା, ସଲମନତାଂ ଗାଜା ବିସ୍ତେ ଇ ବାହାତ ମାନାଡ଼ ।”

ବାନ୍ୟା ଝାସ୍ତିନି ସାଲି ମାନାଡ଼
(ଲୁକ ୧୧:୨୪-୨୬)

୪୩ “ବାନ୍ୟା ଜିବୁନିଂ ରକାନ୍ ମାନାୟ୍‌ତିଂ ହସି ହାତି ପାଚେ ଏଜୁଂ ହିଲ୍‌ଝି ବାହା ସବୁ ବୁଲ୍ଲା ଆଜି ଜମଦେଂ ତେକନାଡ଼ ଆରି ହେଦାଂ ଗାଟା ଆଉଡ଼ । ୪୪ ହେବେ ହେଦାଂ ଇନାଡ଼, ଆନ୍ ଇମ୍‌ଣି ଇଞ୍ଜାଙ୍ଗ୍ ହସି ଝାତାଂନା, ଆନ୍ ହେ ଇଞ୍ଜ ମାସ୍‌ଦି ହାନାଙ୍ଗ୍; ଆରେ, ହେଦାଂ ଝାଜି ହେ ବାହା ଝାରାକା, ଆରି ନିର୍ମଲ୍ ହୁଡ଼ତାଡ଼ । ୪୫ ହେପାଦନା ହେଦାଂ ହାଲ୍‌ଜି ଜାର୍‌ତାଂ ଆଦିକ୍ ବାନ୍ୟା ଆରେ ସାଡ଼ଗଟା ପୁଦାଂ ରଚେ ତାସି ଝାନାଡ଼, ଆରେ, ହେଝାଙ୍ଗ୍ ହଶ୍‌ଜି ହେବେ ବାହାକିନିକ୍, ଆରେ ହେ ଲକ୍‌ତି ପର୍ତ୍ତମ୍ ଦସା ତାଙ୍ଗ୍ ହାରିହାରା ଦସା ଆଦେକ୍ ବାନ୍ୟା ଆନାନ୍ । ଇ ବାନ୍ୟା ଆଣ୍ଟେନ୍ ଇ ଜୁଗ୍‌ନି ମାନାୟାର୍ ହାର୍ ଗିଟା ଆନାଡ଼ ।”

ଜିସୁତି ତେହି ଆରି ଟଣ୍ଟାହିର
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜିସୁ ମାନାୟାର୍ ଲାହାଙ୍ଗ୍ କାତା ଆନିଝେଡ଼ାଂ, ତାଞ୍ଜି ଆୟା ଆରି ଟଣ୍ଟାହିର ବାରତ ନିଲ୍‌ତି ତା ଲାହାଙ୍ଗ୍ ବେଶ୍ କିଦେଙ୍ଗ୍ ଇଟା କିଜି ମାଚାର୍ । ୪୭ ହେବେ ରକାନ୍ ତାଙ୍ଗେଙ୍ଗ୍ ଇଚାନ, “ହୁଡ଼ା, ମିଞ୍ଜି ଆୟା ଆରି ଟଣ୍ଟାହିର ବାର୍ତ ନିଲ୍‌ତି ନି ଲାହାଙ୍ଗ୍ ବେଶ୍ କିଦେଙ୍ଗ୍ ମାନ୍ କିନାରା ।”†

୪୮ ମାତର ଜେ ତାଙ୍ଗେଙ୍ଗ୍ ଇ କାତା ଇଚାନ, ତାଙ୍ଗେଙ୍ଗ୍ ଜିସୁ ଉତର ହିତାନ, “ମାଞ୍ଜି ଆୟା ଇନ୍ଦେଲ୍ ? ଆରେ, ନା ଟଣ୍ଟାହିର ଇନେର ?” ୪୯ ଆରେ, ଜିସୁ ତା ଟେଲ୍‌ହିର ନିପ କେଇ ଚଡ଼ି ଇଚାନ, “ହୁଡ଼ା, ମାଞ୍ଜି ଆୟା ଆରି ମାଞ୍ଜି ଟଣ୍ଟାହିର, ୫୦ ଇନେରକି ସାଗେନି ଆବାତି ଇଟା କିନାନ୍, ହେଝାନ୍ ନା ଟଣ୍ଟାହିର, ତଣ୍ଡେକ୍ ଆରି ଆୟା ।”

୧୩

ବିୟାନ୍ ଝିଡ଼ନି ଉତରମୁଡ଼ କାତା
(ମାର୍କ ୪:୧-୯; ଲୁକ ୮:୪-୮)

୧ ହେ ନାଜିଂ ଜିସୁ ଇଞ୍ଜାଙ୍ଗ୍ ହସି ହାଲ୍‌ଜି ହାମ୍‌ଦୁର୍ ଗୁଟିତ ହେବେ ହିକ୍ୟା ହିଦେଂ କୁଚ୍‌ଚାନ । ୨ ✨ହେବେ ତା କଟଶତ ବେସି ମାନାୟ୍ ରୁଣ୍ଟା ଆତିଲେ ହେଝାନ୍ ହାଲ୍‌ଜି ର ତଙ୍ଗାତ କୁଚ୍‌ଚାନ, ଆରେ ମାନାୟାର୍ ଗୁଟିତ ମାଚାର୍ ତା କାତା ଝେନଞ୍ଜି ମାଚାର୍ । ୩ ଆରେ, ଜିସୁ ଉତରମୁଡ଼ ହୁକେ ହେଝାରିଂ ବେସି କାତା ଇଚାନ, ହୁଡ଼ାଟ୍,

“ରକାନ୍ ଝିଡ଼ନାକାନ୍ ଝିଡ଼ଦେଂ ହଡ଼ତାନ । ୪ ହେଝାନ୍ ଝିଡ଼ୁ ଝିଡ଼ୁ କେତେକ୍ ବିୟାନ୍ ହାଜି କଟଶତ ଆରୁତାଡ଼, ଆରେ ପଟିଂ ଝାଜି ହେଝାକାଂ ତିନ୍‌ଞ୍ଜି ହାତିକ୍ । ୫ ଆରେ କେତେକ୍ ଅଲ୍‌ପ୍ ଚିକ୍‌ଲା ମାନି ଚେଡ଼ରା ବୁଇଡ଼ ଆରୁତାଡ଼ ଆରି ବାଜେକ୍ ଚିକ୍‌ଲା ହିଲ୍‌ଝିତିଲେ ଚାଣ୍ଟେକ୍ ନେସ୍‌ତାଡ଼, ୬ ମାତର ଝେଡ଼ା ହଡ଼ତିଲେ, କାଡ଼ତାଡ଼ ଆରେ ଚିରା ହିଲ୍‌ଝିତିଲେ ଝାଜି ହାଚାଡ଼ । ୭ ଆରେ କେତେକ୍ ଝାଡ଼ି ମାର୍‌କୁକାଂ ପା ଆରୁତାଡ଼, ଆରେ ଝାଡ଼ିଙ୍ଗ୍‌ବୁଟାଙ୍ଗ୍ ପାନ୍‌ଚି ହେଝାଙ୍ଗ୍ ଚାପି କିଡିକ୍ । ୮ ମତର ବିନେ କେତେକ୍ ହାଦର୍ ମେଦନିତ ଆରୁତାଡ଼ ଆରି ପାଡ଼ ଆସ୍ତାଡ଼, କେତେକ୍ ପାଞ୍ଚକଡ଼ି ଗାଡ଼ହା, ଆଦିକ୍ କେତେକ୍ ତିନ୍‌କଡ଼ି ଗାଡ଼ହା, ଆଦିକ୍ ଆରେ କେତେକ୍ ରିକଡ଼ିଦସ୍ ଗାଡ଼ହା ଆଦିକ୍ ।”

୯ ଜିସୁ ଇଚାନ “ଇନେରିଂ କିଡୁଲିଂ ମାନିକ୍, ହେଝାନ୍ ଝେନେନ୍ ।”

✨ ୧୨:୩୮ ୧୨:୩୮ ମାତ୍ରିକ ୧୨:୧; ମାର୍କ ୮:୧୧; ଲୁକ ୧୧:୧୭. † ୧୨:୪୭ ୧୨:୪୭ କେତେକ୍ ପତିତ ୪୭ ପଦ୍ ହିଲୁଡ଼ ✨ ୧୩:୨ ୧୩:୨ ଲୁକ ୫:୧-୩.

ଉତ୍ତରମୁତ୍ ଉଦେସ୍

(ମାର୍କ ୪:୧୦-୧୨; ଲୁକା ୮:୯-୧୦)

^{୧୦} ଇଦାଂ ପାତେ ଚେଲାର୍ ତା କଚଣ୍ ଖାଜି ଖେନ୍ଦାତାର୍, “ଏନ୍ ଇନାକିଦେଂ ହେଖାରିଂ ଉତ୍ତରମୁତ୍ ହୁକେ କାତା ଇନାୟା ?”

^{୧୧} ଜିସୁ ଉତ୍ତର ହିତାନ୍, “ଇନାକିଦେଂକି ସାଗେ ରାଜି ବିତ୍ତେନି ବେରଣ୍ ସବୁ ପୁନି କାଜିଂ ମିଲେଙ୍ ସାଲ୍ଲି ହିଦୟା ଆତାଡ୍ନା, ମାତର୍ ହେଖାରିଂ ହିୟାଖାତାଡ୍ନା । ^{୧୨} ଲାଗିଂ ଇନେରତି ବେସି ମାନାଡ୍, ତାଲେଙ୍ ହିୟାନାଡ୍, ଆରେ ତାଦାଙ୍ ବାଜେକ୍ ଆନାଡ୍; ମାତର୍ ଇନେରିଂ ହିଲୁଡ୍, ତାତାକେ ଇନାକା ମାନାଡ୍, ହେଦାଂ ନେ ତା ତାକେଣ୍ଟାଂ ଅୟାନାଡ୍ । ^{୧୩} ହେଖାରିଂ ଆନ୍ ଉତ୍ତରମୁତ୍ ଲାହାଙ୍ ଇନାଙ୍, ହେଖାରିଂ ହୁଡ୍ଜି ହୁଡ୍ଜି ହୁଡ୍ଦେଂ ଆତୁର୍ ଆରି ଖେନ୍ ଖେନ୍ ଖେଖେଙ୍ ଆତୁର୍ କି ବୁଜାଆଦେଂ ଆତୁର୍ । ^{୧୪} ଆରେ, ଜିସାୟତି ଇ ବେଶବାକ୍ଷାୟକିନାକା ହେଖାରିଂ ବିସ୍ତେ ପୁରା ଆନାତା,

ଏପେଙ୍ ଖେନ୍ ଖେନ୍ ଖେନାଦେର୍, ମାତର୍ ଇନେସ୍ ବାନି ବୁଜାଉଦେର୍,
ଆରେ ହୁଡ୍ଜି ହୁଡ୍ଜି ହୁଡ୍ନାଦେର୍, ମାତର୍ ଇନେସ୍ ବୁଜାଉଦେର୍;

^{୧୫} ଇନାକିଦେଂକି ଇ ମାନାୟାରିତି ଜିବୁନ୍ ବଖାଡ୍ ଆତାଡ୍,
ହେଖାରିଂ କିତୁଲ୍ତ କସୁତାଂ ଖେଚାର୍ ଆରି ଜାର୍ ଜାର୍ କାଣ୍ କୁଚାର୍,
ଇନେସ୍ ହେଖାରିଂ କାଣ୍ କାଣ୍ ହୁଡ୍ଜି
ହେଦାଂ ଆଖିତିସ୍ ହେଖାରିଂ କିତୁଲ୍ତ ଖେଖେଙ୍ ଆଡ୍ଡାତାର୍ମା,
ଆରେ ମାନ୍ତ ବୁଜାଆଦେଂ ଆତୁର୍, ଆରେ ମାସ୍ଦି ଖାଉର୍,
ଆରେ ଆପେଂ ହେଖାରିଂ ଉଜ୍ କିଦେଙ୍ କପ୍ ।”

^{୧୬} “ମାତର୍ ଦନ୍ୟ ମି କାଣ୍ କୁ, ଲାଗିଂ ହେଦାଂ ହୁଡ୍ନାଡ୍; ଦନ୍ୟ ମି କିତୁଲ୍, ଲାଗିଂ ହେଦାଂ ଖେନାନ୍ । ^{୧୭} ଇନାକିଦେଂକି ଆନ୍ ମିଲେଙ୍ ହାଡ୍ପା ଇଞ୍ଜନାଙ୍, ଏପେଙ୍ ଇନା ଇନାକା ହୁଡ୍ନାଦେର୍, ହେ ଖିଜୁ ବେସି ବେଶବାକ୍ଷାୟ ଆରି ଦାମ୍ ମାନାୟାର୍ ହୁଡ୍ଦେଂ ମାନ୍ କିତାର୍, ମାତର୍ ହୁଡ୍ଖାତାର୍; ଆରେ, ଏପେଙ୍ ଇନା ଇନାକା ଖେଚାଦେଣ୍ଟା, ହେ ସବୁ ହେଖାରିଂ ଖେଖେଙ୍ ମାନ୍ କିତାର୍, ମାତର୍ ଖେଖେଙ୍ ଆଡ୍ଡାତାର୍ ।”

ଓଡ୍ଡନାକାନ୍ତି ବିସ୍ତେ ଉତ୍ତରମୁତ୍

(ମାର୍କ ୪:୧୩-୨୦; ଲୁକା ୮:୧୧-୧୫)

^{୧୮} “ଲାଗିଂ ଖେନାଟ୍, ବିୟାନ୍ ଓଡ୍ଡନାକାନ୍ ଉତ୍ତରମୁତ୍ନି ଅରଡ୍ ଇନାନ୍ନା । ବୁଜାଆଦେଂ ସେସ୍ କିୟାଟ୍ । ^{୧୯} ଇନେରକି ରାଜିନି ବଚନ୍ ଖେନ୍ ଖେନ୍ ବୁଜା ଆଉର୍, ସୟତାନ୍ ଖାଜି ତା ମାନ୍ତ ଇନାକା ଓଡ୍ଡୟାଜି ମାତାଡ୍, ହେଦାଂ ଉନ୍ଦି ଅନାଡ୍, ହେଖାରିଂ ରଖାନ୍ ଓଡ୍ଡତି ହାଜି ଗୁଚିତ ଆଜ୍ ମାନି ବିୟାନ୍ ଲାକେ । ^{୨୦} ଇନେର୍ ଇସ୍ତର୍ ବଚନ୍ ଆଏଡ୍ ବେରଣ୍ ଖେଚ୍ଚି ଦାପ୍ରେ ଖାୟା ଆଜି ହେଦାଂ ମାନି କିତାର୍, ହେଖାରିଂ କାଲ୍ କୁକୁଡ୍ଡି ବୁଇତ ଆଜ୍ ମାନି ବିୟାନ୍ ଲାକେ, ^{୨୧} ହେଖାରିଂ ଚିରାଂ ଦେହା ହାଲ୍ ଖାଦାଂ ମାତିଲେ ହେଖାରିଂ ହେଦେଲିଂ ବେସି ସମ୍ ଆସ୍ତି ଇଡ୍ଦେଂ ଆତୁର୍ । ଇ କାବୁର୍ କାଜିଂ ଏଚେକାଡ୍ଡ କସୁ କି ନିୟା ଖାତିସ୍ ହେଖାରିଂ ଦାପ୍ରେ ହେଦେଲିଂ ପିହ୍ନାର୍ । ^{୨୨} ଇନେନ୍ ଇସ୍ତର୍ ବେରଣ୍ ଖେନାନ୍, ଆରେ ସାୟାର୍ନି ଚିନ୍ତା ଆରି ଦାନ୍ନି ବାୟା ବେଶତିଙ୍ ଚାପି କିନାଡ୍, ଆରେ ହେଖାରିଂ ପାଡ୍ ଆହେନ୍, ହେ ରଖାନ୍ ଓଡ୍ଡୟାତି ଖାଡ୍ଡି ମାର୍ କୁ ତାରେନ୍ ଲାକେ । ^{୨୩} ମାତର୍ ଇନେର୍ ବଚନ୍ ଖେନ୍ ଖେନ୍ ବୁଜାଆନାନ୍, ହାଦ୍ ଜମିତ ଆଜ୍ ମାତି ବିୟାନ୍ ଲାକେ ହେଖାରିଂ ହାଦ୍ ପାଡ୍ ଆହ୍ନାଡ୍, ଇନେନ୍ ପାଞ୍ଚକଡ୍ ଗାଡ୍ ହା ଆଦିକ୍, ଇନେନ୍ ତିନକଡ୍ ଗାଡ୍ ହା ଆଦିକ୍, ଇନେନ୍ ରିକଡ୍ ଦସ୍ ଗାଡ୍ ହା ଆଦିକ୍ ପାୟାନାନ୍, ହେଖାରିଂ ଓଡ୍ଡୟାତି ହାଦ୍ ମେଦ୍ନି ଲାକେ ।”

କାତ୍ରା ଉତ୍ତରମୁତ୍

^{୨୪} “ଜିସୁ ହେଖାରିଂ ଆରେ ର ଉତ୍ତରମୁତ୍ ହିଜି ଇଚାନ୍, ସାଗେ ରାଜି ଜାର୍ ଜମିତ ହାଦ୍ ବିୟାନ୍ ଓଡ୍ଡଦିମାତି ର ମୁଣିକା ଲାକେ; ^{୨୫} ମତର୍ ଲକୁ ହୁଚକାଣ୍ ହିନିହିଙ୍ ତା ସାତୁ ଖାଜି ହେ ଗମ୍ ବିୟାନ୍ ବିତ୍ତେ କାତ୍ରା ଓଡ୍ଡଦି ତାଙ୍ଗି ହାଚାନ୍ । ^{୨୬} ଏଚେକାଡ୍ଡ ଆକିଂ ହସି ପାଡ୍ ଆସ୍ତେଙ୍ ଲାଗାତାଡ୍, ହେ ପାଦ୍ନା କାତ୍ରା ପା ଚଞ୍ଜିୟାଆତାଡ୍ । ^{୨୭} ହେବେ ଇଞ୍ଜିମୁଣିକାଂ ହଲ୍ୟାହିର୍ ତା କଚଣ୍ ଖାଜି ଇଚାର୍, ହାଉକାର୍, ଏନ୍ ଇନାକା ଜାର୍ ଜମିତାକେ ହାଦ୍ ବିୟାନ୍ ଓଡ୍ଡଦାଂ ମାଚାୟ୍ ? ଲାଗିଂ କାତ୍ରାଂ ଇମେଣ୍ଟାଂ ଆତାଡ୍ ? ^{୨୮} ହେଖାରିଂ ହେଖାରିଂ ଇଚାନ୍, ରକାନ୍ ସାତୁ ଇଦାଂ କିତାନ୍ନା । ଆରେ, ହଲ୍ୟାହିର୍ ତାଲେଙ୍ ଇଚାର୍, ଲାଗିଂ ଆପେଂ ହାଲ୍ଲି ହେ ଖିଜୁ ଜେଲ୍ଲି ରବେ କିନାପ୍, ଇଦାଂ ଇନାକା ନିମାନ୍ ? ^{୨୯} ମାତର୍ ହେଖାରିଂ ଇଚାନ୍, ଆକାୟ୍, କାତେ ଏପେଙ୍ କାତ୍ରା ରୁଣ୍ଡାୟ୍ କିଉ କିଉ ହେ ଖିଜୁ ରଚେ ଗମ୍ ଜେଲ୍ଲି ତୁହିହିନାଦେର୍ । ^{୩୦} ତାସ୍ ତ୍ରେସ୍ ଖି

☆ **୧୩:୧୨** ୧୩:୧୨ ମାତୃକା ୨୫:୨୯; ମାର୍କ ୪:୨୫; ଲୁକା ୮:୧୮; ୧୯:୨୭. ☆ **୧୩:୧୬** ୧୩:୧୬ ଲୁକା ୧୦:୨୩,୨୪.

ପାତେକ ରିଣ୍ଡାକାଂ ରତେ ଗାଜାଆଦେଂ ପିହାଟ୍, ଆରେ କାତ୍ରା ତ୍ରେସ୍ନିହିଙ୍ଗ୍ ଆନ୍ ତ୍ରେସ୍ନା କାରିଂ ଇନାଙ୍ଗ୍, କାଚାୟକିଦେଂ ହିଗ୍ଦ କାତ୍ରା ରବେ କିଜି ମୁଟା ଗାଚାଟ୍, ମାତର୍ ଗମ୍ ନା ଚୁଣ୍ଡିତ ରୁଣ୍ଡାୟ କିଜି ଇଚାଟ୍ ।”

ଜିସୁ ହାରହୁ ମାଞ୍ଜିନି ଉତର୍ମୁଡ୍
(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜିସୁ ହେଝାରିଂ ଆରେ ର ଉତର୍ମୁଡ୍ ହିଜି ଇଚାନ୍, “ସାଗେ ରାଜି ଇ ଲାକେ ର ହାରହୁ ମାଞ୍ଜି ଲାକେ, ଇନାକା ଅଜି ର ମାନାୟ ଜାର ଜମିତ ଝିଡ୍ତାନ୍ । ୩୨ ହେଦାଂ ତ ଝିଜୁ ବିୟାନ୍ ତାଙ୍ଗ୍ ହିରୁ, ମତର୍ ହେଦାଂ ଗାଜାଆତିସ୍ ସବୁ କୁଚାତାଂ ଗାଜା ଆଜି ଇ ଲାକେ ମାର୍ ଆନାଟ୍ ଜେ, ବାଦାଡ୍ନି ପଟିଂ ଖାଜି ତା କେୟାତ ବାହା କିନିକ୍ ।”

ହଇନି ଉତର୍ମୁଡ୍
(ଲୁକ ୧୩:୨୦-୨୧)

୩୩ ଜିସୁ ହେଝାରିଂ ଆରେ ର ଉତର୍ମୁଡ୍ ଇଚାନ୍, “ସାଗେ ରାଜି ହଇନି ଲାକେ; ରଞ୍ଜେଲ୍ କଗ୍ଲେ ହେଦାଂ ଅଜି ଆଦାବାସ୍ତା ମଇଦା ବିତ୍ରେ ଡାବାୟ କିଜି ଇଟ୍ଟାଟ୍, ଆରେ ହାରିହାରା ଝିଜୁ ହଇତାଟ୍ ।”

ଉତର୍ମୁଡ୍ ଉପକାରତାଂ ହିକ୍ୟା
(ମାର୍କ ୪:୩୩-୩୪)

୩୪ ଇ ଝିଜୁ କାତା ଜିସୁ ଉତର୍ମୁଡ୍ କାଜିଂ ମାନାୟାରିଂ ଇଚାନ୍, ଆରେ ଉତର୍ମୁଡ୍ ପିସ୍ତି ହେଝାନ୍ ହେଝାରିଂ ଇନାକା ଇନ୍‌ଝାଦାଂ ମାଚାନ୍, ୩୫ ଇନେସ୍କି ବେଶ୍‌ବାକ୍‌ଶାୟ କିନାକାର କାଜିଂ ଇ ବେରଣ୍ ପୁରା ଆନାଟ୍, “ଆପେଂ ଜାର ଝେଇ କିଜି ଉତର୍ମୁଡ୍ ହୁକେ କାତା ଇନାକା, ପୁଟ୍ ଉବ୍‌ଜାଣ୍ ବୁଡାଆତି ଡକ୍ଟି ବିସ୍ତେ ସବୁ ଇନାସ୍ ।”

ଜିସୁ କାତ୍ରାନି ଉତର୍ ମୁଡ୍ନି ଅରଡ୍ ବୁଜାୟ କିତାନ୍

୩୬ ପାତେ ହେଝାନ୍ ମାନାୟାରିଂ ପିସ୍ତି ଇଞ୍ଜ ହଶ୍‌ଗାତାନ୍, ଆରେ ତା ତେଲାହିର୍ ତା ଲାଗେ ଖାଜି ଇଚାଟ୍, “ଜମିନି କାତ୍ରାନି ଉତର୍ମୁଡ୍ ମାଙ୍ଗେଙ୍ଗ୍ ହାର କିଜି ବୁଜାୟକିଦା ।”

୩୭ ଜିସୁ ଉତର୍ ହିତାନ୍, “ହାଦ୍ ବିୟାନ୍ ଇନେନ୍ ଝିଡ୍ନାନ୍, ହେଝାନ୍ ମାନାୟ ମାଜି; ୩୮ ଜମି ପୁଟ୍; ହାଦ୍ ବିୟାନ୍ ରାଜିନି ହିମ୍‌ଶାଂ, କାତ୍ରା ସୟତାନ୍ ଜିବୁନ୍ ହିମ୍‌ଶାଂ; ୩୯ ଇମ୍‌ଶି ସାତୁ ହେଦାଂ ଝିଡ୍ତାନ୍, ହେଝାନ୍ ସୟତାନ୍; ତାସ୍ ତ୍ରେସ୍ନି ଝେଡାଙ୍ଗ୍ ଜୁଗ୍‌ସେସ୍, ଆରେ ତ୍ରେସ୍ନାକାର ଝିଜାର୍ ସାଗେ ଦୁଡ୍‌ତର୍ । ୪୦ ତା ଆତିସ୍, କାତ୍ରା ଇନେସ୍କି ରବେ କିଜି ନାଣିତ କାଡିକିୟାଆନାଟ୍, ଜୁଗ୍‌ସେସ୍ ଝେଡାଲିଂ ହେ ଲାକେ ଗିଟା ଆନାଟ୍ । ୪୧ ମାନାୟ ମାଜି ଜାର ଦୁଡ୍‌ତରିଂ ପକ୍ତାନାନ୍, ଆରେ ହେଝାର୍ ତା ରାଜିତାଂ ସବୁ ବାଦାନିକା ବିସ୍ତେ ଆରି ବାନ୍ୟାରିଂ ରୁଣ୍ଡାୟ କିନାନ୍, ୪୨ ଆରେ ହେଝାରିଂ ନାଣି ହଲିତ ତୁହିହିନାର୍, ହେବେ ଆଡ୍‌ବାନାର୍ ଆରି ଟାଡାଙ୍ଗ୍ କଡ୍‌ମଡ୍ ଆନାଟ୍ । ୪୩ ହେଝାଡାଂ ଦାମ୍‌ର୍ ହେଝାର୍ତି ଲାତ୍ରାହି ସାଗେନି ଆବା ରାଜିତ ଝେଡା ଲାକେ ଡିନ୍‌ଞ୍ଜି ଚଞ୍ଜୟା ଆନାଟ୍ । ଇନେରିଂ କିଡୁଲ୍ ମାନାଟ୍, ହେଝାନ୍ ଝେନେନ୍ ।”

ମୁନ୍‌ଚି ଦାନ୍‌ନି ଉତର୍ମୁଡ୍

୪୪ “ସାଗେ ରାଜି ଜମିତ ଡକ୍ଟି ଦାନ୍ ଲାକେ । ର ମାନାୟ ହେଦାଂ ହୁଡ୍‌ଜି ଡକ୍ଟି ଇଡ୍‌ତାନ୍ ଆରି ଖାରିତାଂ ହାଲ୍‌ଜି ଜାରତି ସବୁ ପ୍ରସି ହେ ଜମିତିଂ କଡ୍‌ତାନ୍ ।”

ମୁକ୍ତାନି ଉତର୍ମୁଡ୍

୪୫ “ଆରେ, ସାଗେ ରାଜି ହାଦ୍ ହାଦ୍ ମୁକ୍ତା ତେକ୍‌ଚି ମାନି ର ବେପ୍ରିୟା ଲାକେ । ୪୬ ର ବେସି ଦାମ୍‌ନି ମୁକ୍ତା ହୁଡ୍‌ଜି ହେଝାନ୍ ହାଲ୍‌ଜି ଜାରତି ସବୁ ପ୍ରସି ହେ ମୁକ୍ତାତିଙ୍ଗ୍ କଡ୍‌ତାନ୍ ।”

ମିନ୍‌କୁ ଆହ୍‌ନି ଜାଲ୍‌ନି ଉତର୍ମୁଡ୍

୪୭ “ସାଗେ ରାଜି ର ମିନ୍‌କୁ ଆହ୍‌ନି ଜାଲ୍ ଲାକେ । କେଉଟାର୍ ହାମ୍‌ଦୁର୍‌ତ ଜାଲ୍ ଇଡ୍‌ଜି ବାରବିନି ମିନ୍‌କୁ ଆହ୍‌ନାର୍ । ୪୮ ଜାଲ୍ ବର୍ ଆତିସ୍ ଗୁଚିତ ଜେଲ୍‌ଜି ତାସି ହାଦ୍ ହାଦ୍ ମିନ୍‌କୁ ସବୁ ଆଜି ଚପାତ ଇଟ୍‌ନାର୍ ଆରି ବାନ୍ୟା ମିନ୍‌କୁ ତୁହି ହିନାର୍ । ୪୯ ଜୁଗ୍‌ସେସ୍ ସମୁତ ଇ ଲାକେ ଗିଟା ଆନାଟ୍ । ସାଗେନି ଦୁଡ୍‌ତର୍ ଦାମ୍‌ର୍ ତାକେଣ୍ ପାପିୟାରିଂ ଆଲ୍‌ଗା କିଜି ୫୦ ହେଝାରିଂ ଆହ୍‌ନି ନାଣିତ ତୁହି ହିନାର୍ । ଆରେ ହେଝାରିଂ ନାଣି ହଲିତ ତୁହିହିନାର୍; ହେବେ ଆଡ୍‌ବାନାର୍ ଆରି ଟାଡାଙ୍ଗ୍ କାଟ୍‌ନାର୍ ।”

ପ୍ତାନାକା ଆରି ପୁନି ହିକ୍ୟା

୫୧ ଜିସୁ ତେଲାରିଂ ଝେନ୍‌ବାତାନ୍, “ଇ ସବୁ ବିସ୍ତେ ବୁଜାଆଦେଂ ଆଡ୍‌ନାଦେରା ?”

ହେୱାର୍ ଉତ୍ତର ହିତାର୍, “ଆଁ ମାପୁ ।”

୫୭ ଜିସୁ ଗୁରୁରିଂ ଇଚାନ, “ଇନେସ୍ ରୱାନ ଇଲ୍ ମୁଣିକା ଜାର୍ କଚିତାଂ ଆତି ନେଚେକ୍ ପୁନାକା ଆରି ପୁନାକା ଆଡ଼ମାଡ଼ ହପନାନ୍, ସାଗେ ରାଜିତ ଚେଲା ଆଜି ମାତି ରକାର୍ ରକାର୍ ସାସ୍ତର ତା ଲାକେ ।”

ଜିସୁ ନାଜରିତ୍ ପେନ୍ୟାତାନ୍

(ମାର୍କ ୬:୧-୬; ଲୁକ ୪:୧୬-୩୦)

୫୮ ଜିସୁ ଇ ସବୁ ଉତ୍ତରମୁଡ଼ ଓସ୍ତି ପାଚେ ହେ ବାହା ପିସ୍ସି ହାଚାନ । ୫୪ ଆରେ, ହେୱାନ ଜାର୍ତି ଆବା ଲାତ୍ରା ଗାଡ଼୍ ଖାଜି ମାନାୟାରିଂ ହେୱାର୍ତି କୁଟୁମ୍ ଇଞ୍ଜ ଇ ଲାକେ ହିକ୍ୟା ହିତାନ୍ ଜେ, ହେୱାର୍ ଚାନ୍ୟା ଆଜି ଇଚାର୍, “ଇ ମାନାୟାରିଂ ଇ ଲାକେ ବୁଦି ଆରି ସାଲ୍ଲିନି କାମାୟ ଇମେତାଂ ଆତାଡ଼ ?” ୫୫ ଇୱାନ କି ହେ ବାତାୟ ମେହି ଆକାୟ ? ଇୱାନ୍ତି ତେହି ତର ମରିୟମ୍ ଆକାୟ ? ଆରେ ଇୱାନ ଟଣ୍ଡାହିରତି ତର ଇନାକା ଜାକୁର୍, ଜସେପ୍, ସିମନ୍ ଆରି ଜିହୁଦା ଆକାୟ ? ୫୬ ଆରେ, ଇୱାନ୍ତି ତଣ୍ଡେହିକ୍ ଇନାକା ଓଜେକ୍ ମାଲ୍ୟାହାଁ ହିଲୁକ୍ ? ଲାଗିଂ “ହେୱାନ ଇ ବୁଦି ସବୁ ସାଲ୍ଲି ଇମେଣ୍ଡାଂ ଗାଚାତାନ୍ ?” ୫୭ ଆରେ, ହେୱାର୍ ତା ତାକେଣ୍ଡାଂ ବାଦା ପାୟା ଆତାର୍ ।

ମାତର ଜିସୁ ହେୱାରିଂ ଇଚାନ, “ବେଣ୍ଡାକ୍ଣାୟ କିନାକାନ୍ ଜାର୍ ଆବା ଲାତ୍ରା ଗାଡ଼, ଇଲ୍ ଆରି ଜାର୍ କୁଟୁମ୍ ପିସ୍ତି ଅଲ୍ଗା ଇମେତାକେ ହିନସ୍ତା କିୟାଉନ୍ ।” ୫୮ ଆରେ, ହେୱାନ ହେୱାର୍ତି ପାତ୍ କିୱାକା କାଜିଂ ହେବେ ବେସି ସାଲ୍ଲିନି କାମାୟ କିୱାତାନ୍ ।

୧୪

ବାପ୍ତିସିମ୍ ହିନି ଜହନ୍ତି ହାକି

(ମାର୍କ ୬:୧୪-୨୯; ଲୁକ ୯:୭-୯)

୧ ହେ ସମୁତ ଗାଲିଲିନି ରାଜା ହେରଦ୍ ଜିସୁତି ବିସ୍ପେନି କାତା ୱେଚାନ, ତା ହଲ୍ୟାହିରିଂ ଇଚାନ, ୨ “ଇୱାନ ବାପ୍ତିସିମ୍ ହିନି ଜହନ୍, ହେୱାନ ହାତି ତାକେଣ୍ଡାଂ ପା ନିଜ୍ତାନନା, ହେଦାଂ କାଜିଂ ଇ ଓଜୁ ସାଲ୍ଲି ତା ତାକେଣ୍ଡାଂ କାମାୟ କିନାତା ।”

୩ *ହେରଦ୍ ଜାର୍ ଟଣ୍ଡାହି ପିଲିପ୍ ଖାଣି ହେରଦିୟା କାଜିଂ ଜହନ୍ତିଂ ଆସ୍ତି ଆରି ଗାଡ଼ି ବନ୍ଦିହାଡ଼ାତ ପ୍ରଦି ମାଚାର୍ । ୪ ଇନାକିଦେଂକି ଜହନ୍ ହେରଦିୟାକ୍ ଇଞ୍ଜି ମାଚାନ, “ଇଦେଲିଂ ରାକିକିନାକା ନି ବିଦି ହିଲୁଡ଼ ।” ୫ ଆରେ, ହେୱାନ ଜହନ୍ତିଂ ଅସ୍ତେକ୍ ମାନ୍ କିତାନ୍ ହିନା, ମାନାୟାର୍ତିଂ ପାଣ୍ଡା ଆତାର୍, ଇନାକିଦେଂକି ହେୱାର୍ ତାକେକ୍ ବେଣ୍ଡାକ୍ଣାୟକିନାକାନ୍ ଇଞ୍ଜି ମାନିକିଜି ମାଚାର୍ ।

୬ ମାତର ହେରଦ୍ତି ଜଲମ୍ ଦିନ୍ ଏକାୱାଡିଲେ, ହେରଦିୟା ଗାହ୍ତି ମାନାୟାର୍ ମୁମ୍ଦ ଏନ୍ଦି ହେରଦ୍ତିଂ ଖାରି କି କିତାଡ଼ । ୭ ହେବେ “ହେରଦ୍ ପାର୍ମାଣ୍ କିଜି ରାଣ୍ କିତାନ୍ ଜେ, ହେଦେଲ୍ ଇନାକାପା ଏନ୍ତାନାଡ଼, ହେୱାନ ହେଦେଲିଂ ହେଦାଂ ହିନାନ୍ ।”

୮ ଆରେ, ହେଦେଲ୍ ତା ତେହି ହିକ୍ୟାତ ଆଜିଂ ଇଚାଡ଼, “ବାପ୍ତିସିମ୍ ହିନି ଜହନ୍ତି କାପ୍ଡା ଇ ଦାପ୍ରେ ଇବେ ର ତାଡ଼ିୟାତ ନାକ୍ ହିଦା ।”

୯ ଇବେ ରାଜା ଦୁକ୍ ଆଡିସ୍ ପା ଜାର୍ ପାର୍ମାଣ୍ ଆରି ଜାର୍ ଲାହାକ୍ ବଜିତ କୁଚି ମାନି ମାନାୟାର୍ କାଜିଂ ହେଦାଂ ହିଦେଂ ବଲ୍ ହିତାନ୍, ୧୦ ଆରେ ମାନାୟା ପକ୍ତି ଜେଲ୍ତ ଜହନ୍ତି କାପ୍ଡା କାତି କିୟକିତାନ୍, ୧୧ ଆରେ ତା କାପ୍ଡା ର ତାଡ଼ିୟାତ ତାସି ହେ ଗାଡ଼ଚେଂ ହିତାର୍, ପାଚେ ହେଦେଲ୍ ତା ତେହି ତାକେ ହେଦାଂ ଅତାଡ଼ । ୧୨ ହେବେ ଜହନ୍ ଚେଲାହିର୍ ଖାଜି ମାଡ଼ା ଅଜି ତାକେକ୍ ମୁଚ୍ଚାର୍ ଆରି ହାଲ୍ଲି ଜିସୁକ୍ ୱେଚ୍ଚାର୍ ।

ଜିସୁ ପାଞ୍ଚ ହାଜାର୍ ମାନାୟାରିଂ ଚିଞ୍ଜେକ୍ ହିତାନ୍

(ମାର୍କ ୬:୩୦-୪୪; ଲୁକ ୯:୧୦-୧୭; ଜହନ୍ ୬:୧-୧୪)

୧୩ ଜହନ୍ କାବୁର୍ ୱେଚି ଦାପ୍ରେ ଜିସୁ ବିନେ ଆଜି ତ୍ତଙ୍ଗାତ ଦୁମ୍ଜି ର ଚିମ୍ବରା ବାହାତ ହାଚାନ । ଜିସୁ ହେବେ ହାନାକା ପୁଞ୍ଜି ଲାଗେନି ଗାଡ଼ନିକାର୍ତାଂ ହେନି ମାନାୟା ଗୁଚି ଗୁଚି ତାକ୍ଜି ଜିସୁତି ପାଚେ ପାଚେ ହାଚାର୍; ୧୪ ଆରେ, ଜିସୁ ହେୱାନ ତ୍ତଙ୍ଗାତାଂ ହସି ବେସି ହେନି ମାନାୟାରିଂ ହୁଡ଼୍ଲି ହେୱାର୍ କାଜିଂ କାର୍ମାତିଂ ତାକ୍ ମାନ୍ତ ରାସ୍ ଇଚାଡ଼ । ଆରି ହେୱାର୍ ରଗିରିଂ ଉଜ୍ କିତାନ୍ ।

୧୫ ୱେଡ଼ା ହାଚିଲେ ଚେଲାହିର୍ ତା କଚଣତ ଖାଜି ଇଚାର୍, ଇ ବାହାତ ଚିମ୍ବରା, ଆରେ ୱେଡ଼ା ତ ହାଚାଚେ, “ଲାଗିଂ ମାନାୟାର୍ ଇନେସ୍ ନାସ୍ କୁକାଁ ହାଲ୍ଲି ଜାର୍ ଜାର୍ କାଜିଂ କାଦି କଡ଼ନାର୍, ହେଦାଂ କାଜିଂ ହେୱାରିଂ ହେଲ୍ ହିୟାଡ଼ ।”

୧୬ ମାତର ଜିସୁ ହେୱାରିଂ ଇଚାନ, “ହେୱାର୍ ହାନି ଲଡ଼ା ଆକାୟ, ଏପେକ୍ ହେୱାରିଂ ଚିଚ୍ପାଡ଼ ।”

* ୧୪:୩ ୧୪:୩ ଲୁକ ୩:୧୯,୨୦.

୧୭ ଚେଲାଋ ହେଞ୍ଜାନ୍‌ଇଁ ଇଚାଋ, “ମା ଇବେ କେବଲ୍ ପାଞ୍ଚଗଟା ରୁଟି ଆରି ରିଣ୍ଡାଂ ମିନ୍‌କୁ ମାନିକ୍ ।”
 ୧୮ ଜିସୁ ଇଚାନ୍, “ହେଞ୍ଜାନ୍ ଇବେ ନା କଚଣ୍ ତାଡୁ ।” ୧୯ ଆରେ, ହେଞ୍ଜାନ୍ ମାନାୟାରିଂ କାତ୍ରା ଜପି କୁର୍ନି କାଜିଂ ବଲ୍ ହିତାନ୍, ଆରେ ଜିସୁ ହେ ପାଞ୍ଚଗଟା ରୁଟି ଆରି ରିଣ୍ଡାଂ ମିନ୍‌କୁ ଅଜି ସାଗେ ନିପ ଜପି ହୁଡ଼ଜି ଆସିର୍ବାଦ୍ କିତାନ୍ ଆରି ରୁଟିଂ ଡ୍ରିକ୍ଟି ଚେଲାରିଂ ହିତାନ୍, ଆରେ ଚେଲାହିର୍ ମାନାୟାରିଂ ହିତାଋ ।
 ୨୦ ଆରେ, ଓଜାକାର୍ ତିନ୍‌ଞ୍ଜି ପାଞ୍ଚାଋ ଆରି ଡ୍ରିକ୍ଟି ରୁଟିତାଂ ଏଚେକ୍ ହାଋତାଡ଼, ହେଦାଂ ଚେଲାଋ ନିକ୍ଟି ବାର ଟପା ବାତ୍ କିତାଋ । ୨୧ ତିନି ମାନାୟାଋ, କଗ୍‌ଲେକାଂ ଆରି ହିମ୍‌ଣାକାଂ ପିସ୍ତି, ଆନ୍‌ମାନ୍‌ତାଂ ପାଞ୍ଚ ହାଜାର୍ ଆଣ୍ଡାହିମ୍‌ଣାଂ ମାଚାଋ ।

ଜିସୁ ଏଢୁଂ ଜପି ତାଂତାନ୍
 (ମାର୍କ ୭:୪୫-୫୨; ଜହନ୍ ୭:୧୫-୨୧)

୨୨ ହେ ଦାପ୍ରେ ଜିସୁ ଚେଲାରିଂ ତଞ୍ଜାତ ଦୁମ୍‌ଜି ତା ମାଡ଼ି ଆନ୍‌ଟି ପାଡ଼କା ଆଗେ ହାନ୍‌ଞ୍ଜେକ୍ ଇଚାନ୍, ଆରେ ହେଞ୍ଜାନ୍ ଇବେଣ୍ଡାଂ ମାନାୟାରିଂ ଓଜାରିଂ ହେଲ୍ ହିତାନ୍ । ୨୩ ମାନାୟାରିଂ ହେଲ୍ ହିତି ପାଚେ ଜିସୁ ପାର୍ତାନା କିନି କାଜିଂ ହସି ହାଲ୍‌ଜି ମାଡ଼ି ଜପି ହାଚାନ୍, ଆରେ ମିକା ଆତିଲେ ହେଞ୍ଜାନ୍ ହେବେ ରକାନ୍ ମାଚାନ୍ । ୨୪ ମାତର୍ ତଞ୍ଜା ହେ ପାଦ୍‌ନା ଗୁଟିତାଂ ବେସି ଦେହା ମାଚାଡ଼ ଆରି ଲଡ଼ି ଦୁକା କାଜିଂ ହେଦାଂ ତୁଞ୍ଜି ମାଚାଡ଼ ।

୨୫ ମାତର୍ କୁଡୁ କେପା ହେଞ୍ଜାନ୍ ହାମ୍‌ଦୁର୍ ଜପି ତାଞ୍ଜି ଚେଲାଋ ତାକେ ଖାତାନ୍, ୨୬ ଆରେ ଚେଲାହିର୍ ତାଞ୍ଜେକ୍ ହାମ୍‌ଦୁର୍ ଜପି ତାଂନାକା ହୁଡ଼ଜି ପାଣ୍ଡା ଆଜି ଇଚାଋ, “ଇଦାଂ ତ ବାନ୍‌ଧା ପୁଦା” ଆରେ ହେଞ୍ଜାଋ ପାଣ୍ଡୁଠୁଂ କିକିରାତିଂ କିତାଋ ।

୨୭ ମାତର୍ ଜିସୁ ହେ ଦାପ୍ରେ ହେଞ୍ଜାଋ ଲାହାଞ୍ ବେଣ୍ କିଜି ଇଚାନ୍, ସାସ୍ ଆହାଡ଼, “ଇଞ୍ଜାଞ୍ ତ ଆନ୍, ପାଣ୍ଡା ଆମାଡ଼ ।”

୨୮ ହେବେ ପିତର୍ ଉତର୍ ହିତାନ୍, “ଏ ମାପୁ, ଇନାଞ୍ଜାତାଂ ଏନ୍, ଲାଗିଂ ଏଢୁଂ ଜପି ନି ତାକେ ହାନ୍ କାଜିଂ ନାଞ୍ ବଲ୍ ହିଦା ।”

୨୯ ଜିସୁ ଇଚାନ୍, “ଞ୍ଜା” ହେବେ ପିତର୍ ତଞ୍ଜାତାଂ ଜୁଜି ଏଢୁଂ ଜପି ତାଞ୍ଜି ଜିସୁ ତାକେ ହାଚାନ୍ । ୩୦ ମତର୍ ହେଞ୍ଜାନ୍ ଦୁକା ହୁଡ଼ଜି ପାଣ୍ଡା ଆତାନ୍, ଆରେ ମୁଞ୍ଜିହିଂ କିକିରାତିଂ କିଜି ଇଚାନ୍ “ଏ ମାପୁ, ନାଞ୍ଜେକ୍ ରାକ୍ୟା କିଦା ।”

୩୧ ଜିସୁ ହେ ଦାପ୍ରେ କେଇ ଲାମାୟ୍ କିଜି ତାଞ୍ଜେକ୍ ଆସ୍ତି ଇଚାନ୍, “ଏ ଅଲପ୍ ପାତ୍ କିନାକାୟ୍, ଇନାକିଦେଂ ପାତ୍ କିଉୟା ?”

୩୨ ଆରେ, ହେଞ୍ଜାଋ ହେଞ୍ଜାଋ ଲାଗାଂ ହାଲ୍‌ଜି ତଞ୍ଜାତ ଦୁମ୍‌ତାନ୍, ଆରେ ଦୁକା ତିର୍ ଆତାଡ଼ । ୩୩ ହେବେ ତଞ୍ଜାତ ମାନି ଚେଲାଋ ଜିସୁଞ୍ ପାର୍ତାନା କିଜି ଇଚାଋ, “ଏନ୍ ହାଡ଼ପା ଇସ୍‌ବର୍ ମେହିତି ।”

ଗିନେଟାୟର୍ତ୍ ଜିସୁ ରଗିରିଂ ଉଜ୍ କିତାନ୍
 (ମାର୍କ ୭:୫୩-୫୬)

୩୪ ହେଞ୍ଜାଋ ନାସି ଗିନେସର୍ ନାସ୍‌ତ ଏକାତାଋ । ୩୫ ଆରେ, ହେ ବାହାନ୍ ମାନାୟାଋ ତାଞ୍ଜି ତିନ୍ କିତାଋ ହେବେନି ଚାରିବେଣ୍‌ତାଂ ଓଜୁ ନିପ କାବୁର୍ ପକ୍ତାଋ ଆରି ମାନାୟାଋ ସବୁ ରଗିରିଂ ତା ଲାଗାଂ ତାଞ୍ଜାତାଋ; ୩୬ ଆରେ, ହେଞ୍ଜାଋ ଇନେସ୍‌କି ଜିସୁ ହେନ୍ଦ୍ରାନି ଚେଲିଂ ତୁନାଋ, ଇଦାଂ ଜିସୁଞ୍ ଗଞ୍ଜାରି କିଦେକ୍ ଲାଗାତାଋ, ଆରେ ଏଚେକ୍ ଜାଣ୍ ତାଞ୍ଜେକ୍ ତୁଡାଋ, ଓଜାଋ ଉଜ୍ ଆତାଋ ।

୧୫

ପୁର୍ବେ ନିକାରତି ହିକ୍ୟା
 (ମାର୍କ ୭:୧-୧୩)

୧ ଦିନେକ୍ କେତେ ଜାଣ୍ ପାରୁସିର୍ ଆରି ଦରମ୍ ଗୁରୁର୍ ଜିରୁସାଲମ୍‌ତାଂ ଖାଜି ଜିସୁଞ୍ ଖେନ୍‌ବାତାଋ, ୨ “ମା ଆଗେ ପ୍ରାତିନାଋ ରିତି ନିତି ହିଜି ହାଚାଣ୍ଡା, ମି ଚେଲାଋ ଇନେକିଦେଂ ହେ ଓଜୁ ଉଡ଼ା ଆନାରା ? ତିନି ଆଗେ ହେଞ୍ଜାଋ ରିତିତ ଇନେକିଦେଂ ହାଋ କିଜି କେଇ ନୁଡୁରା ।”

୩ ଜିସୁ ହେଞ୍ଜାରିଂ ଉତର୍ ହିତାନ୍, “ଏପେକ୍ ପା ମି ରିତି ନିତି କାଜିଂ ଇନେକିଦେଂ ଇସ୍‌ବର୍ତି ବଲ୍ ଉଡ଼ା ଆନାଦେରା ? ୪ ଇସ୍‌ବର୍ତି ବଲ୍ କିତାନ୍‌ନା, ଆବାଂ ଆୟାଞ୍ ଖାରି କିୟାଡ଼ । ଆରେ ଇନେର୍ ତା ଆବା କି ଆୟାଂ ସାଲପ୍ ହିନାନ୍, ହେଞ୍ଜାନ୍ ହାକି ତାଣ୍ ପାୟା ଆନାନ୍ ।” ୫ “ମାତର୍ ଏପେକ୍ ଇନାଦେରା ହିକ୍ୟା ହିନାଦେରା ଜେ ରଞ୍ଜାନ୍ ମାନାୟ୍ ଇମ୍‌ଣି ଅରଡ଼ ଲାହାଞ୍ ଜାଋ ଆବାଂ କି ଆୟାଞ୍ ସାଞ୍ଜ କିଦେକ୍

ଆଡ଼ତାନ୍ମା ହେଦାଂ ଇସ୍ବରତିଂ ଦାନ୍ କିତାନ୍ନା ଇଞ୍ଜି ୱେର୍ଚାର, ୬ ହେୱାନ୍ ଆରେ ତା ଆବା ଆୟା* ହାତେନେ ଜତନ୍ କିଉନ୍ । ଇ ଲାକେ ଏପେଙ୍ଗ୍ ମିଦାଂ ବଲ୍ମାନ୍ ରିତିନିତି କାଜିଂ ଇସ୍ବରତି ବଚନ୍ ବେକାର୍ କିନାଦେରା । ୭ ଆଡେ କାପ୍ଟିୟାର୍, ଜିସାୟ୍ ମି ବିସ୍ବେ ସମାନ୍ ବାବ୍ରେ ବେରଣ୍ ୱେର୍ଚାତାନ୍ନା !”

୮ “ଇସ୍ବର ଇଞ୍ଜିନାନ୍ନା, ଇ ଜାତି ମୁମଦ ମାଙ୍ଗେଙ୍ଗ୍ ୱାରି କିଦ୍ନାର୍, ମାତର୍ ହେୱାର୍ ମାନ୍ ମା ତାଙ୍ଗ୍ ଦେହା ମାନାଡ଼ ।

୯ ନାଙ୍ଗ୍ ହେୱାର୍ ପାର୍ତାନା କିଦେଙ୍ଗ୍ ପଲ୍ୟା, ଇନାକିଦେଂକି ହେୱାର୍ ମାନାୟାର୍ତି ବିଦିଙ୍ଗ୍ ଦରମ୍ ବେରଣ୍ ଇଞ୍ଜି ହିକ୍ୟା ହିନାନ୍ ପଲ୍ୟା ମା ପାର୍ତାନା କିନାର୍ ।”

(ମାର୍କ ୭:୧୪-୨୩)

୧୦ ତା ପାଚେ ଜିସୁ ମାନାୟତିଂ କଚଣ୍ଡ କୁକ୍ତି ଇଚାନ୍, “ମାନ୍ ହିଜି ୱେନାର୍ ଆରି ବୁଜାଆଦେଂ ସେସ୍ବୁ କିୟାର୍; ୧୧ ମାନାୟ୍ ତାଙ୍ଗ୍ ୱେୟ୍ ବିତ୍ରେ ହାନାଡ଼, ହେଦାଂ ତାଙ୍ଗ୍ ବିଚାଡ଼୍ କିଉଡ଼; ମାତର୍ ଇନାକା ବିତ୍ରେତାଂ ଇନାକା ବାର୍ତ୍ତ୍ ୱାନାଡ଼, ହେଦାଂ ତାଙ୍ଗେଙ୍ଗ୍ ବିଚାଡ଼୍ କିନାଡ଼ ।”

୧୨ ତେଲାର୍ ଜିସୁ ଲାଗେ ୱାଜି ଇଚାର୍, “ନି କାତା ୱେନ୍ଞି ପାରୁସିର୍ ରିସା ଆତାର୍ଣ୍ଣା, ଇଦାଂ ଇନାକା ଏନ୍ ପୁନୁୟା ?”

୧୩ ଜିସୁ ଉତର୍ ହିତାନ୍, “ଇମ୍ଣି ମାର୍କୁ ନା ସାଗେନି ଆବା ରୁଜ୍ଝାତାନ୍ନା, ହେ ୱିଜୁ ଉଚ୍ଚକା ଆଜି ହାନାଡ଼ । ୧୪ *ହେୱାର୍ ବିସ୍ବେ ତାନ୍ନା ଆମାର୍ । ହେୱାର୍ କାଣା ବିନ୍ କାଣାରିଂ ହାଜି ଚଚ୍ଚନାକାର୍ । ର କାଣା ଆରେ ର କାଣା ହାଜି ଚଚ୍ଚିସ୍ ରିୟାର୍ ପା କ୍ବୁଇଦ ଆର୍ଣ୍ଣା ।”

୧୫ ହେବେଣ୍ଟାଂ ପିତର୍ ତାଙ୍ଗ୍ ଉତର୍ ହିତାନ୍, “ଉତର୍ମୁଡ଼୍ ମାଙ୍ଗେଙ୍ଗ୍ ବୁଜାୟକିଦା ।”

୧୬ ଜିସୁ ଇଚାନ୍, ଏପେଙ୍ଗ୍ ପା ଇନାକା “ଇ ପାଚେକ୍ ବୁଜାଆଉଦେରା ? ୧୭ ଇନାକା ୱେଇଦ ହଣାଡ଼, ହେଦାଂ ପଚତ ହାଲ୍ଲି ବାର୍ତ୍ତବାହାତ ହାନାଡ଼, ଇଦାଂ ଇନାକା ବୁଜା ଆଉଦେରା ? ୧୮ *ମାତର୍ ୱେଇଦାଂ ଇନାକା ସବୁ ହନାଡ଼, ହେଦାଂ ୱାସ୍ବିତାଂ ହନାଡ଼ ଆରି ହେଦାଂ ନେ ମାନାୟତିଂ ବିଚାଡ଼୍ କିନାଡ଼ । ୧୯ ଇନାକିଦେଂକି ମାନ୍ତାଂ କାରାପ୍ ବିସ୍ବେ, ବେକାର୍ ଚିନ୍ତା ମାନାୟ୍ ଚୁଣାକା, ଦାରି, ମ୍ପୁନାକା, ମିର୍ ସାକି, ଆରି ନିନ୍ଦା କିନାକା ହନାଡ଼ । ୨୦ ଇଦାଂ ୱିଜୁ କାମାୟ୍ ମାନାୟତିଂ ବିଚାଡ଼୍ କିନାଡ଼, ମାତର୍ ହେୱାର୍ କିନି କାଜିଂ ମାତର୍ ରିତିନିତି ଲାକେ କେଇ ନୁସ୍ଵାଦାଂ ଚିତିସ୍ ମାନାୟାରିଂ ବିଚାଡ଼୍ କିଉଡ଼ ।”

ର କଗ୍ଲେ ପାଚ୍ କିନାକା

(ମାର୍କ ୭:୨୪-୩୦)

୨୧ ଜିସୁ ହେ ବାହା ପିସ୍ବି ସର ଆରି ସିଦନ୍ ନିପ ଲାଗେ ଗାଡ଼୍ଦ ହାଚାନ୍ । ୨୨ ଆରେ ହୁଡ଼ା, ହେ ହାଦିତାଂ ରଞ୍ଜେଲ୍ କିଣାନିୟ୍ କଗ୍ଲେ ଗାଜା କାର୍ତାଂ ଇଞ୍ଜେଙ୍ଗ୍ ଲାଗାତାଡ଼, “ଏ ମାପୁ ଦାଉଦ୍ତି ହିମ୍ଣା ନାଙ୍ଗ୍ ଦୟା କିଦା । ମାଞ୍ଜି ଗାଡ଼୍ଚେଂ ପୁଦା ଆସ୍ବାତାନ୍ନା ଆରି ହେଦେଲ୍ ବେସି କସ୍ ଆନାତା ।”

୨୩ ମାତର୍ ଜିସୁ ତାଙ୍ଗେଙ୍ଗ୍ ପାଦେକ୍ ପା ଉତର୍ ହିୱାତାନ୍ । ଆରି ତା ତେଲାହିର୍ ୱାଜି ତାଙ୍ଗ୍ ଗଞ୍ଜାରି କିଜି ଇଞ୍ଜେଙ୍ଗ୍ ଲାଗାତାର୍, “ଇଦେଲିଂ ହାଜି ଲଞ୍ଜାଡ଼୍ ହିୟା, ଇନାକିଦେଂକି ଇଦେଲ୍ ମା ପାଚେ ପାଚେ ଆଲା ଆନାତା ।”

୨୪ ଜିସୁ ଉତର୍ ହିତାନ୍, “ଜାଙ୍ଗ୍ତି ମେଣ୍ଟା ଲାକେ ହାଜିବାଣାତି ଇସ୍ବାଏଲ୍ନି ଲକ୍ ତାକେ ଆନ୍ ୱାତାଙ୍ଗ୍ନା ।”

୨୫ ମାତର୍ କଗ୍ଲେ ୱାଜି ଜିସୁଙ୍ଗ୍ ଜଞ୍ଜାର୍ କିଜି ଇଞ୍ଜେଙ୍ଗ୍ ଲାଗାତାଡ଼, “ମାପୁ, ନାଙ୍ଗେଙ୍ଗ୍ ଦୟା କିଦା ।”

୨୬ ଜିସୁ ଇଚାନ୍, “ହିମ୍ଣାଙ୍ଗ୍ତି ଆରାଣ୍ ଅଜି ନିକୁଡ଼ିଙ୍ଗ୍ କଚଣ୍ଡ ତୁହିନାକା ହାର୍ ଆକାୟ୍ ।”

୨୭ ମାତର୍ ହେଦେଲ୍ ଇଚାଡ଼, “ଆଁ, ମାପୁ, ମାତର୍ ନିକୁଡ଼ିଙ୍ଗ୍ ତ ଜାର୍ ଜାର୍ ମାପୁତି ପାଟା ତାରେନ୍ ଆର୍ଡ଼ି ସୁକ୍ତି ତିନିକ୍ ।”

୨୮ ଜିସୁ ତା କାତାନି ଉତର୍ ହିଜି ଇଚାନ୍, “ଏ କଇ, ନିନ୍ଦାଂ ଗାଜା ପାଚ୍, ନି ଇଚା ହୁକେ ନିଂ ଗିଟାଏଡ଼ ।” ହେ ସମୁତ ହେଦେଲ୍ତି ଗାଡ଼୍ଚେ ଉଜ୍ ଆତାଡ଼ ।

ଜିସୁ ହେନି ମାନାୟାରିଂ ଉଜ୍ କିତାନ୍

୨୯ ଜିସୁ ହେବେତାଂ ହସି ଗାଲିଲି ଗୁଟି ଗୁଟି ହାଲ୍ଲି ର ମାଡ଼ି, ଜପି କୁଚାନ୍ । ୩୦ ଆରେ, ବେସିହେନି ମାନାୟ୍ ଚୁଟା, କାଣା, ଚଟା, ଗୁଲା, ଆରି ବେସି ବେମାର୍ ମାନାୟାରିଂ ତାସି ଜିସୁ ପାନା ତାରେନ୍ ଇଡ଼୍ଡାର୍ ଆରେ ଜିସୁ ୱିଜାରିଂ ଉଜ୍ କିତାନ୍ । ୩୧ ଇ ଲାକେ କନ୍ଦା ବେଣ୍ କିତାନ୍, ଚଟାର୍ ଉଜ୍ ଆତାର୍, ଚଟାର୍ ତାଙ୍ଗ୍ଡାର୍, କାଣାର୍ ହୁଡ଼୍ନାରା, ଇଦାଂ ହୁଡ଼୍ଡାର୍, ଆରି ଇସ୍ବାଏଲ୍ନି ଇସ୍ବର୍ ପାର୍ତାନା କିତାର୍ ।

* ୧୫:୭ ୧୫:୭ କେତେକ୍ ପତିତ ଜାର୍ ଆବା ନେଲେ ଆୟା ମାନାଡ଼ । ☆ ୧୫:୧୪ ୧୫:୧୪ ଲୁକ ୭:୩୯. ☆ ୧୫:୧୮ ୧୫:୧୮ ମାତ୍ରିକ ୧୨:୩୪.

ଜିସୁ ଚାରି ହାଜାର ମାନାୟାରିଂ ଚିତ୍‌ପାତାନ୍

(ମାର୍କ ୮:୧-୧୦)

୩୬ ଜିସୁ ଚେଲାହିର୍ ହିର୍‌ବିସ୍ ଇଚାନ୍, “ଇ ମାନାୟାର୍ କାଜିଂ ନାଜ୍ ଦୁକ୍ ହତ୍‌ନାତା, ଇନାକିଦେଂକି ଇଝାର୍ ନା ଲାହାଜ୍ ତିନ୍ ଦିନ୍ ଆତାତେ ଆରି ନଜ୍ ହେଝାର୍ କଚଣତ ଇନାକା ତିନାକା ହିଲୁଡ୍ । ହେଝାର୍ ତିନ୍‌ଝାଦାଂ ଇବେତାଂ ପକ୍‌ତେଂ, ଇ କାତା ଆନ୍ ମାନ୍‌କିଉଜ୍; ଇନାକିଦେଂକି ହାନିହିଂ ହାସ୍‌ଦ ହେଝାର୍ ନାସ୍ତି ବାଉଡ଼ା ଆସି ଗୁରୁନାର୍ ।”

୩୭ ଚେଲାହିର୍ ତାଜ୍ ଝେନ୍‌ବାତାର୍, “ଏଚେକ୍ ମାନାୟାରିଂ ଚିତ୍‌ପେଦେଂ ଆସେଜ୍ ଚିମ୍‌ରା ବାହାତ ଇମେଣ୍ଟାଂ ଏଚେକ୍ ରୁଟିଂ ଗାଟାନାସ୍ ।”

୩୮ ଜିସୁ ହେଝାରିଂ ଝେନ୍‌ବାତାନ୍, ମି ତାକେ ଏଚେକ୍ ରୁଟିଂ ମାନିକ୍ ? ହେଝାର୍ ଇଚାର୍, “ସାତ୍‌ଗଟା, ଆରେ, ଅଲପ୍ କେଡ୍‌ଗଟା ହିରୁ ମିନ୍‌କୁ ।”

୩୯ ଜିସୁ ମାନାୟାରିଂ ମେଦ୍‌ନିତ ଜପି କୁଚ୍‌ଚେଂ ଝେଚ୍‌ଚାନ୍ । ୩୬ ଆରେ ଜିସୁ ହେ ସାତ୍‌ଗଟା ରୁଟିଂ ଆରି ମିନ୍‌କୁ ଅଜି ଦନ୍‌ସବାଦ୍ ହିଜି ହେ ସବୁ ଚେଲାହିରିଂ ହିତାନ୍, ହେଝାର୍ ମାନାୟାରିଂ ହିତାର୍ । ୩୭ ଆରେ, ଝିଜାର୍ ତିନ୍‌ଝି ପଟ ପାନ୍‌ଚାର୍ ଆରି ତ୍ରିକ୍‌ତି ରୁଟିଂ ଏଚେକ୍ ହାର୍‌ତାଡ୍, ହେଦାଂ ହେଝାର୍ ପେସ୍‌ଦି ସାତ୍ ଟପା ବାତ୍ କିତାର୍ । ୩୮ କଗଲେ ଆରି ହିମ୍‌ଣାକାଂ ପିସ୍ତି ଚାରି ହାଜାର୍ ଆଣ୍ଟାହିମ୍‌ଣାଂ ମାଚାର୍ ।

୩୯ ଇଦାଂ ପାଚେ ଜିସୁ ମାନାୟାରିଂ ହେଲ ହିଜି ଡଙ୍ଗାତ ଦୁମ୍‌ଜି ମୁର୍‌ଦାନ୍ ନିପ ହାଚାନ୍ ।



କାବାନି କାମାୟ୍ ଚଚ୍‌ନି କାଜିଂ ଦାବା

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ *ଦିନେକ୍ କେତେଜାଣ୍ ପାରୁସି ଆରି ସାଦୁକିର୍ ଜିସୁ ତାକେ ଝାଜି ତାଙ୍ଗେଜ୍ ପରିକ୍ୟା କିଦେଂ ଝେନ୍‌ବାତାର୍ ହେଝାରିଂ ଆକାସ୍‌ତାଂ ର ଚିନ୍ ଚଚ୍‌ନି କାଜିଂ ତାଙ୍ଗେଜ୍ ଗଝାରି କିତାର୍ । ୨ ମାତର୍ ଜିସୁ ହେଝାରିଂ ଉତର୍ ହିତାନ୍, “ମ୍ଲିକାହାରେସ୍ ଏପେଜ୍ ଇଞ୍ଜିମାନାଦେର୍, ହାର୍ ପାଗ୍ ଆନାଡ୍, ଇନାକିଦେଂକି ଆକାସ୍ ଗେରୁ ମାନ୍‌ଗାନାଡ୍ । ୩ ଆରେ, ଉର୍‌ଲା ହାକାଡ୍ ଇଞ୍ଜିମାନାଦେର୍, ନେଞ୍ଜେଜ୍ ଦୁକାବାହାଁ ଝାନାଡ୍, ଇନାକିଦେଂକି ଆକାସ୍ ଗେରୁ ଆରି ବାଦାଡ୍ ଆତାଡ୍‌ନା । ଏପେଜ୍ ବାଦାଡ୍‌ତାଂ ଇଚ୍‌କାଡ୍ ଆନାକା ଆଝାକା ବୁଜାନାଦେରା, ମାତର୍ କାଡ୍‌ନି ଇଚ୍‌କାଡ୍ ସବୁ ବୁଜାଉଦେରା ?* ୪ *ଉଡ୍‌ପାତ୍ୟା ଆରି ଦାରୁଲାର୍ ଲାତ୍ରା ଚିନ୍ ତେକ୍‌ନାର୍, ମତର୍ ଜୁନସ୍‌ତି ଚିନ୍ ପିସ୍ତି ବିନେନି ଇନାକା ପା ଚିନା ହେଝାରିଂ ହିୟାଉଡ୍ ।

ଆରେ ଜିସୁ ହେଝାରିଂ ପିସ୍ତି ହାଚାନ୍ ।”

ପାରୁସି ଆରି ସାଦୁକିର୍ ହିକ୍ୟା

(ମାର୍କ ୮:୧୪-୨୧)

* ଚେଲାର୍ ହାମ୍‌ଦୁର୍ ଆଣ୍ଟିପାଡ୍‌କା ହାନିଝାଡ୍‌ଲିଂ ରୁଟି ଅଦେଂ ବାଣା ଆତାର୍ । ୨* ଜିସୁ ହେଝାରିଂ ଇଚାନ୍, “ଜାଗ୍ରତ୍ ଆଡ୍, ପାରୁସି ଆରି ସାଦୁକିର୍ ହିକ୍‌ନିତାଂ ଜାଗ୍ରତ୍ ଆଜି ମାନାଟ୍ ।”

୩ ହେବେ ହେଝାର୍ ନିଜେ ନିଜେ ବେଣ୍‌କିବା ଆଜି ଇଞ୍ଜେଜ୍ ଲାଗାତାର୍, “ଆପେଂ ରୁଟି ତାୟିଝାଝାତାପ୍‌ନା ଇଞ୍ଜି ହେଝାନ୍ ଇ କାତା ଇଞ୍ଜନାନା ।”

୮ ମାତର୍ ଜିସୁ ହେଦାଂ ପୁଞ୍ଜି ଇଚାନ୍, ଏ ଅଲପ୍ ପାତ୍ କିନାକାଦେର୍, “ମି କଚଣ୍ ରୁଟିଂ ହିଲୁକ୍ ଇଞ୍ଜି ଇନେକିଦେଂ ରକାନ୍ ଆରେ ରକାନ୍ ବେଣ୍ କିନାଦେରା ? ୯ *ଏପେଜ୍ ଇନାକା ନଜ୍ ପାତେକ୍ ବୁଜା ଆଉଦେରା ? ପାଞ୍ ହାଜାର୍ ମାନାୟାରିଂ ପାଞ୍‌ଗଟା ରୁଟିଂ, ଆରି ଏଚେ ଟପା ନିକ୍‌ତାଦେର୍ ? ୧୦ *ଆରେ ଚାରି ହାଜାର୍ ମାନାୟାର୍ କାଜିଂ ସାତ୍‌ଗଟା ରୁଟିଂ କାତା ମାନେ ଆକାୟ୍ ? ହେ ପାଦ୍‌ନା ଏଚେଗଟା ଟପାଜ୍ ବାତ୍ କିଜି ମାଚାଦେର୍ ? ୧୧ ଆନ୍ ରୁଟିଂ ବିସ୍ତେ ଇନ୍‌ଝାଦାଂ ମାନ୍‌ଚାଜ୍, ଏପେଜ୍ ଇନେସ୍ ବୁଜା ଆଉଦେରା ? ଆନ୍ ଇଞ୍ଜନାଜ୍, ପାରୁସି ଆରି ସାଦୁକିର୍ ହିକ୍‌ନାକା କାଜିଂ ଜାଗ୍ରତ୍ ମାନାଟ୍ ।”

୧୨ ହେ ପାଦ୍‌ନା ଚେଲାହିର୍ ବୁଜାତାର୍ ଜେ ଜିସୁ ରୁଟିନି ହିକ୍‌ନି କାତା ଇନ୍‌ଝାଦାଂ ମାଚାନ୍, ମାତର୍ ପାରୁସି ଆରି ସାଦୁକିର୍ ହିକ୍ୟା କାଜିଂ ଜାଗ୍ରତ୍ କିଜି ହିଜି ମାଚାନ୍ ।

ଜିସୁ କ୍ରିଷ୍ଟ୍ ମସିୟା ଆତାନ୍ନା

(ମାର୍କ ୮:୨୭-୩୦; ଲୁକ ୯:୧୮-୨୧)

* ୧୭:୧ ୧୭:୧ ମାଡ଼ିଭ ୧୨:୩୮; ଲୁକ ୧୧:୧୭. * ୧୭:୩ ୧୭:୩ କେତେକ୍ ପଢିତ ୨-୩ ପାଦ୍‌ତ ଜିସୁ ହିଲୁଡ୍ । * ୧୭:୪ ୧୭:୪ ମାଡ଼ିଭ ୧୨:୩୯; ଲୁକ ୧୧:୨୯. * ୧୭:୬ ୧୭:୬ ଲୁକ ୧୨:୧. * ୧୭:୯ ୧୭:୯ ମାଡ଼ିଭ ୧୪:୧୭-୨୧. * ୧୭:୧୦ ୧୭:୧୦ ମାଡ଼ିଭ ୧୫:୩୪-୩୮.

୧୩ ଜିସୁ କାଉସରିୟା ପିଲିପି ଗାଡ଼ ଲାଗାଂ ନିପ ଖାଜି ଜାର୍ ତେଲାରିଂ ଝେନ୍‌ବେଦେଂ ଲାଗାତାନ୍, “ମାନାୟ୍ ମାଜି ଇନେର୍ ଇଞ୍ଜି ମାନାୟାର୍ ଇନାକା ଇଞ୍ଜନାର୍ ?”

୧୪ ✨ଇବେତାଂ ହେଝାର୍ ଇଚାର୍, “ଇନେର୍ ଇନେର୍ ଇନାର୍, ବାପ୍ତିସିମ୍ ଜହନ୍, ଇନେର୍ ଇନେର୍ ଇନାର୍ ଏଲିୟ, ଆରେ ଇନେର୍ ଇନେର୍ ଜିରିମିୟ ଆରେ ବେଶ୍‌ବାକ୍‌ଶାୟ୍ କିନାକାର୍ ବିତ୍ରେ ରକାନ୍ ।”

୧୫ ଜିସୁ ଝେନ୍‌ବାତାନ୍, “ଆନ୍ ଇନେର୍ ଇ ବିସ୍ତେ ଏପେଙ୍ଗ୍ ଇନାକା ଇନାଦେରା ?”

୧୬ ✨ସିମନ୍ ପିତର୍ ଉତର୍ ହିତାନ୍, “ଏନ୍ କ୍ରିସ୍ଟୁ ମସିୟା, ଜିବୁକ୍ତି ଇସ୍ତର୍ ମାଜି ।”

୧୭ ଜିସୁ ଇଚାନ୍, “ଦନ୍ୟ ଏନ୍ ଜୁନସ୍ତି ମାଜି, ସିମନ୍ !” ଇ ହାଡ଼ପା ଏନ୍ ଇମ୍‌ଣି ମାନାୟତାଂ ଗାଟାଆଖାତାୟନା । “ନା ସାଗେନି ଆବା ଜାର୍ ଇଦାଂ ମି ତାକେ ଇଚାନ୍ନା ।” ୧୮ “ଆରେ, ଆନ୍ ପା ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏନ୍ ପିତର୍, ଆରେ ଇ କାଲ୍ ଜପି ଆନ୍ ଜାର୍ ମଣ୍ଡଲି ରଚ୍‌ନାଙ୍ଗ୍, ଆରେ ପାତାଲ୍‌ନି ସାକ୍ତି ହେଝାନିଂ ଆରାୟ୍ କିଉଡ଼ ।” ୧୯ ✨“ଆନ୍ ମିଙ୍ଗେଙ୍ଗ୍ ସାଗେ ରାଜିନି କୁଟିକାଡ଼ିଙ୍ଗ୍ ହିଦ୍‌ନାଂ । ଆରେ ଏପେଙ୍ଗ୍ ପୁତର୍ ଇନାକା ବନ୍ଦ୍ କିନାଦେର୍, ସାଗେତପା ହେଦାଂ ବନ୍ଦ୍ ମାନ୍‌ଗାନାଡ଼ । ଆରି ପୁତର୍ ତାକେ ଇନାକାପା ଜେନାଦେର୍, ସାଗେତ ପା ଜେନାଦେର୍ ।”

୨୦ ଜିସୁଙ୍ଗ୍ କ୍ରିସ୍ଟୁ ମସିୟା ଇଞ୍ଜି ଇନେର୍ ଆଗେ ଝେର୍‌ମାଟ୍ ଇଞ୍ଜି ଜିସୁ ତେଲାହିରିଂ ବଲ୍ ହିତାନ୍ ।

ଜିସୁ ନିଜେ ହାନି ଆରି ନିଙ୍ଗିନି ବିସ୍ତେ ସୁଶାୟ୍ କିତାନ୍

(ମାର୍କ ୮:୩୧-୯:୧; ଲୁକ ୯:୨୨-୨୭)

୨୧ ହେ ସମୁତ ଜିସୁ କ୍ରିସ୍ଟୁ ତେଲାହିରିଂ ହାର୍ କିଜି ଇଞ୍ଜେଙ୍ଗ୍ ଲାଗାତାନ୍, “ଆନ୍ ଜିରୁସାଲମ୍‌ତ ହାଲ୍‌ଜି ପ୍ରାତିନ୍ ମୁଡ଼୍ ମାପୁହେବାକିନାକାନ୍, ଦରମ୍ ଗୁରୁ ଦରମ୍ ନେତାର୍ କାଜିଂ ରୁପ୍‌ୟାଆଜି ବେସି କସ୍ ବଗି କିନାଙ୍ଗ୍ । ହାରିହାରା ହାନାଙ୍ଗ୍, ମାତର୍ ତିନ୍‌ଦିନ୍‌ତାଂ ନିଙ୍ଗିନାକା ମାନାଡ଼ ।”

୨୨ ହେବେତାଂ ପିତର୍ ତାଙ୍ଗେଙ୍ଗ୍ ର ବାହାତ ଅଜି ହାଲ୍‌ଜି ଉଲ୍‌ଗା ପାଲ୍‌ଗା କିଜି ଗଡ଼କିଦେଂ ଲାଗାତାନ୍, “ଏ ମାପୁ, ଇସ୍‌ବର୍ ନିଙ୍ଗେଙ୍ଗ୍ ଦୟା କିଦେନ୍, ଇଦାଂ ନି କାଜିଂ ଇନାଖାଡ଼ାଂ ପା ଗିଟାଆମେଡ଼ ।”

୨୩ ମାତର୍ ଜିସୁ ମାସଦି ପିତର୍‌ତିଂ ଇଚାନ୍, “ନା ଲାଗେତାଂ ଦେହା ଆ, ସୟତାନ୍, ଏନ୍ ନା ବାଦା ଲାକେ, ଇନାକିଦେଂକି ଏନ୍ ଇସ୍‌ବର୍ ବିସ୍ତେ ବାବି କିଝାଦାଂ ମାନାୟ୍ ବିସ୍ତେ ବାବିକିନାୟା ।”

୨୪ ✨ତା ପାଚେ ଜିସୁ ତେଲାହିରିଂ ଇଚାନ୍, “ଜେ ଇନେର୍ ନା ଲାହାଙ୍ଗ୍ ଝାନାନ୍, ହେଝାନ୍ ମାନ୍‌ବାଦ୍‌ଲାୟ୍ କିଜି ଜାର୍ କୁସ୍ ଆସ୍ତି ନା ପାଚେ ପାଚେ ଝାନାକା ମାନାଡ଼ ।

୨୫ ✨ଇନାକିଦେଂକି ଇନେର୍‌କି ଜାର୍‌ତିଂ ଜିରୁନ୍ ରାକ୍ୟା କିଦେଙ୍ଗ୍ ଇଚା କିନାନ୍, ହେଝେନ୍ ହେଦାଂ ଆରାୟ୍ କିନାନ୍; ମାତର୍ ଇନେର୍‌କି ନା କାଜିଂ ଜାର୍ ଜିରୁନ୍ ଆରାୟ୍ କିନାନ୍, ହେଝେନ୍ ହେଦାଂ ପାୟାଆନାନ୍ ।

୨୬ ଆରେ, ମାନାୟ୍ ଏଚେକାଡ଼୍‌ଦ୍ ଝିଜୁ ପୁତର୍‌ତିଂ ଲାବ୍ କିଜି ଜାର୍ ଜିରୁନ୍ ଆରାୟ୍ କିନାନ୍, ଲାଗିଂ ତାଦି ଇନା ଲାବ୍ ଆନାଡ଼ ? ମତର୍ ମାନାୟ୍ ଜାର୍ ଜିରୁନ୍ ବାଦୁଲ୍ ଇନାକା ହିନାୟ୍ ? ୨୭ ✨ଆରି, ମାନାୟ୍ ମାଜି ଜାର୍ ଆବାଡ଼ି ପାଶ୍‌ଦାଙ୍ଗ୍ ଜାର୍ ଦୁଡ଼ର୍ ଲାହାଙ୍ଗ୍ ଆରେ ରଗ ଜୁଦ୍‌ନାନ୍ ଆରି ହେ ପାଦନା ହେଝେନ୍ ଝିଜାର୍ ମାନାୟ୍‌ରିଂ ହେ କାମାୟ୍ ହୁଡ଼୍‌ଜି ପାଡ଼୍ ହିଦ୍‌ନାନ୍ । ୨୮ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା ମାନାୟ୍ ମାଜିଡ଼ି ଜାର୍ ରାଜିତ ଜୁଦେଂ ହୁଡ଼୍‌ଝି ପାଚେକ୍ ଇବେ ନିଲ୍‌ଟିମାନି ମାନାୟାର୍ ବିତ୍ରେତାଂ କେତେକ୍ ଇନେସ୍ ବାନି ହାକିଡାଣ୍ଡ ପାୟା ଆଉନ୍ ।”



ଜିସୁଡ଼ି ପାଗ୍‌ମାସ୍‌ବାନାକା

(ମାର୍କ ୯:୨-୧୩; ଲୁକ ୯:୨୮-୩୬)

୧ ଜିସୁ ଇ ଚଅ ଦିନ୍ ପାଚେ ପିତର୍ ଆରି ଜାକୁବ୍, ଜହନ୍ ଟଣ୍ଡରିୟାରିଂ ଅଜି ର ପାକ୍ତି ମାଡ଼ିଜପି ହାଚାର୍ । ହେବେ ବିନେନିକାର୍ ଇନେର୍ ହିଲ୍‌ଝାତାର୍ । ୨ ତେଲାହିର୍ ହୁଡ଼୍ ହୁଡ଼୍ ଜିସୁଡ଼ି ର ତ୍ରିପ୍‌କୁ ପାଗ୍‌ମାସ୍‌ବାତାନ୍ । ହେଝାନ୍ ଝେଇ ଝେଡ଼ାଲାକେ ଅଜଡ଼୍ ଆତାଡ଼୍ ଆରେ ହେଝାନ୍‌ଡ଼ି ହେନ୍ଦ୍ରା ଅଜଡ଼୍ ଲାକେ ଡ଼ିଞ୍ଚାଡ଼୍ । ୩ ମସା ଆରି ଏଲିୟ ଜିସୁ ଲାହାଙ୍ଗ୍ କାତାବାତା ଆନାକା ତେଲାର୍ ହୁଡ଼୍‌ତାର୍ ।

୪ ହେବେ ପିତର୍ ଜିସୁଙ୍ଗ୍ ଇଚାନ୍, “ଏ ମାପୁ, ଆସେଙ୍ଗ୍ ଜେ ଇ ବାହାତ ମାନାସ୍, ଇଦାଂ ହାର୍‌ଦାକା; ନି ଇଚା ଆଡ଼ିସ୍ ଆନ୍ ଇବେ ତିନିଗଟା ପୁଟ୍‌କୁ ରଚ୍‌ନାଙ୍ଗ୍ ନି କାଜିଂ ରଞ୍ଜାଙ୍ଗ୍, ମସା କାଜିଂ ରଞ୍ଜାଙ୍ଗ୍ ଆରି ଏଲିୟ କାଜିଂ ରଞ୍ଜାଙ୍ଗ୍ ।”

✨ ୧୭:୧୪ ୧୭:୧୪ ମାଡ଼ିଭ ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮. ✨ ୧୭:୧୭ ୧୭:୧୭ ଜହନ୍ ୭:୬୮,୭୯. ✨ ୧୭:୧୯ ୧୭:୧୯ ମାଡ଼ିଭ ୧୮:୧୮; ଜହନ୍ ୨୦:୨୩. ✨ ୧୭:୨୪ ୧୭:୨୪ ମାଡ଼ିଭ ୧୦:୩୮; ଲୁକ ୧୪:୨୭. ✨ ୧୭:୨୫ ୧୭:୨୫ ମାଡ଼ିଭ ୧୦:୩୯; ଲୁକ ୧୭:୩୩; ଜହନ୍ ୧୨:୨୫. ✨ ୧୭:୨୭ ୧୭:୨୭ ମାଡ଼ିଭ ୨୫:୩୧; ରମିୟ ୨:୬.

୫ ହେୱାନ ଇ କାତା ଇନୁ ଇନୁ, ହୁଡ଼ାଟ୍, ଇଚୁକ୍ ବାଦାଡ଼ ହେୱାରିଂ ଡାବାୟ୍ କିତାଡ଼, ଆରି ହୁଡ଼ାଟ୍, ଇ ସବଦ୍ ଆତାଡ଼, “ଇ ମା ୱାରିନି ମାଜି ଇୱାନ ଡାକେ ମା ଅପ୍ରବଲ୍ ୱାରି, ଇୱାନ୍ତି ବଚନ୍ ମାନ୍ତ ଇଟାଟ୍ ।”

୬ ଇଦାଂ ୱେନ୍ତ୍ ଚେଲାହିର୍ ମୁମ୍ ଡାରେନ୍ କିତାର୍ ଆରି ବେସି ପାଣ୍ଡା ଆତାର୍ ।

୭ ଜିସୁ ହେୱାର୍ ଲାଗେ ୱାଜି ହେୱାରିଂ ଡୁବିସ୍ ଇଚାନ୍, “ନିଜା, ପାଣ୍ଡା ଆମାଟ୍ ।” ଲାଗିଂ ହେୱାର୍ ଜପି ହୁଡ଼ଜି ଜିସୁଜ୍ ପିସ୍ତ୍ର ହେବେ ଆରେ ଇନେରିଂ ହୁଡ଼ୱାତାର୍ ।

୮ ହେୱାର୍ ମାଡ଼ିତାଂ ଜୁଜି ୱାନିହିଂ ଜିସୁ ହେୱାରିଂ ବଲ୍ ହିଜି ଇଚାନ୍, “ମାନାୟ୍ ମାଜି ହାକିତାଂ ନିଜ୍ନି ପାତେକ୍, ଇନାକା ହୁଡ଼ତାଦେଣ୍ଡା ହେଦାଂ ନିଜ୍ନି ପାତେକ୍ ଇନେରିଂ ପା ୱେଟ୍ମାଟ୍ ।”

୯୦ ଚେଲାହିର୍ ଜିସୁଜ୍ ୱେନ୍ତ୍ବାତାର୍, “ଏଲିୟ ପର୍ଡୁମ୍ ୱାନାନ୍ ଇଜ୍ଜି ମା ଦରମ୍ ଗୁରୁର୍ ଇନେକିଦେଂ ଇୱାଣ୍ଡା ?”

୧୧ ଜିସୁ ଉତର ହିତାନ୍, “ଆଁ, ହାଡ଼ପା ଏଲିୟ ପର୍ଡୁମ୍ ୱାଜି ସବୁ ବିସ୍ତେ ଜାଲ୍ଦି କିନାନ୍; ୧୨ ମାତର୍ ଆନ୍ ମିଜେକ୍ ଇଜ୍ଜନାଜା, ଏଲିୟ ୱାତାନେ ମତର୍ ଡାଜେକ୍ ତିନିକିୱାଦାଂ ମାନାୟାର୍ ଡା କାଜିଂ ଇନାକା ଇଚା, ହେଦାଂ କିତାନ୍ନା । ମାନାୟ୍ ମାଜି କାଜିଂ ପା ହେୱାର୍ ହେ ଲାକେ କାରାପ୍ ଚିନ୍ତା କିତାର୍ ।”

୧୩ ହେୱେଡ଼ାଂ ଚେଲାର୍ ବୁଜାତାର୍ ଜେ, ଜିସୁ ବାପ୍ତିସିମ୍ ହିନି ଜହନ୍ତି ବିସ୍ତେ ଇନାନ୍ନା ।

ଜିସୁ ପୁଦାଆହ୍ୟାତି କାଡ଼ଦେଂ ଉଜ୍ କିତାନ୍

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ପାଚେ ଚେଲାର୍ ମାନାୟାର୍ ଲାଗେ ୱାଜି, ରକାନ୍ ମାନାୟ୍ ଜିସୁ ଲାଗେ ୱାଜି ମେଣ୍ଡା କୁନ୍ଦିକିଜି ଇଚାନ୍, ୧୫ “ଏ ମାପୁ, ନା ମାଜି ଦୟା କିୟା, ଇନାକିଦେଂକି ହେୱାନ ଆପ୍ରାଂତ ବେସି କସୁ ପାୟାନା, ହେୱାନ ରଗତିଂ ରଗ ନାଣିତ ଆରି ରଗତିଂ ରଗ ଏଜୁକାଂ ଆଣ୍ଡାନା । ୧୬ ଆନ୍ ନି ଚେଲାରିଂ କଚଗ୍ତ ହେୱାନିଂ ତାଜି ମାଚାଜ୍, ମତର୍ ହେୱାର୍ ହେୱାନିଂ ଉଜ୍ କିଦେକ୍ ହେୱାର୍ ଆଡ଼ୱାତାର୍ ।”

୧୭ ଜିସୁ ଉତର ହିତାନ୍, “ଆଡେ ପାତ୍ କିୱାକାର୍ ଆରି ଉଚ୍ଚା ଆନି ମାନାୟ୍, ଏତେକ୍ କାଡ଼ ଆନ୍ ମି ଲାହାଜ୍ ମାନ୍ଗାନାଂ ? ଏତେକ୍ କାଡ଼ ମି ଚିନ୍ତା ହୁଡ଼ଦାନାଜ୍ ? ତାଜେକ୍ ନାତାକେ ତାଜାଡ଼ୁ ।” ୧୮ କାଡ଼ଦେ ବିଡେ ବୁଡ଼ ମାଚାଡ଼, ଜିସୁ ବୁଡ଼ଜିକ୍ ଦାକା କିତିଲେ ବୁଡ଼ କାଡ଼ଦେତାଂ ହସି ହାଚାଡ଼ ଆରି କାଡ଼ଦେ ହେ ଦାପ୍ରେ ଉଜ୍ ଆତାନ୍ ।

୧୯ ଇଦାଂ ପାଚେ ଚେଲାର୍ ଡଗୁଜି ଜିସୁଜ୍ ଲାଗେ ୱାଜି ଇଚାର୍, ଆପେକ୍ “ଇନେକିଦେଂ ତାଜେକ୍ ପିହିକିଦେଂ ଆଡ଼ୱାତାପ୍ ?”

୨୦ ଜିସୁ ହେୱାରିଂ ଇଚାନ୍, “ଏପେକ୍ ଅଲପ୍ ପାତ୍ କାଜିଂ, ଇନାକିଦେଂକି ଆନ୍ ମିଜ୍ ହାଡ଼ପା ଇଜ୍ଜନାଜା, ଜଦି ର ହାର୍ ହୁ ମାଜି ଲାକେ ମି ପାତ୍ କିନାକା ମାନ୍ଗାନାଡ଼, ତା ଆତିସ୍ ଇ ମାଡ଼ିତିଂ ଇବେତାଂ ହେବେ ଗୁଚା ଇଜ୍ଜି ଇଚିସ୍ ହେଦାଂ ଗୁଚାଆନାଡ଼, ପାତ୍ ହୁକେ ଇନାକା ଆବଡ଼ ଥୁଆକାୟ୍ ।” ୨୧ ମାତର୍ “ପାର୍ତାନା ଆରି ଉପାସ୍ ପିସ୍ତ୍ର ବିନ୍ ଇନାକାପା ଉପାୟ୍ ଇ ବାନି ବୁଡ଼ ହସି ହାଲୁଡ଼ ।”

ଜିସୁ ଜାର୍ ହାକି ବିସ୍ତେ ଆରେ ରଗ ୱେଟ୍ଚାନ୍

(ମାର୍କ ୯:୩୦-୩୨; ଲୁକ ୯:୪୩-୪୫)

୨୨ ଚେଲାହିର୍ ୱିଜାର୍ ଗାଲିଲିତ ରୁଣ୍ଡାଆତି ପାଚେ ଜିସୁ ହେୱାରିଂ ଇଚାନ୍, “ମାନାୟ୍ ମାଜି ମାନାୟାର୍ କେଇଦ ଆହ୍ମୟାଦେଂ ହାନାନା, ୨୩ ହେ ମାନାୟାର୍ ମାନାୟ୍ ମାଜି ଟୁଣାର୍, ମାତର୍ ତିନି ଦିନ୍ ପାଚେ ହେୱେନ୍ ଆରେ ନିଜ୍ନାନ୍,” ହେବେ ଚେଲାର୍ ବେସି ଦୁକ୍ ଆତାର୍ ।

ଜିସୁ ମନ୍ଦିରତ ସିସ୍ତ୍ର ହିତାନ୍

୨୪ ଜିସୁ ଆରି ତା ଚେଲାହିର୍ କପର୍ନାହୁମ୍ ୱାଜି ପାଚେ ଦେଉଡ଼ିନି ସିସ୍ତ୍ରୁନନାକାର୍ ପିତର୍ତିଂ ୱେନ୍ତ୍ବାତାର୍, “ମି ଗୁରୁ ଦେଉଡ଼ିନି ସିସ୍ତ୍ରୁ ହିନାନ୍ କି ?”

୨୫ ହେୱେନ୍ ଇଚାନ୍ “ଆଁ ହିନାନ୍ ।”

ଆରେ ହେୱେନ୍ ଇଜ୍ଜି ୱାଜିପାଚେ ଜିସୁ ଆଗେ ତାଜ୍ ଇଚାନ୍, “ସିମନ୍ ନି ବଲ୍ ଇନାକା ? ପୁତ୍ ନି ରାଜାର୍ ଇନେର୍ କଚଗ୍ତାଂ ସିସ୍ତ୍ରୁ କି ରାଜା ପାଦ୍ ଅନାର୍ ? ହେୱାର୍ ପାର୍ଜାତାଂ କି ବିଦେସ୍ନିକାର୍ତାଂ ?”

୨୬ ପିତର୍ “ବିଦେସ୍ନିକାର୍ତାଂ ଇଜ୍ଜି ଇଚିଲେ,” ଜିସୁ ତାଜ୍ ଇଚାନ୍, “ଲାଗିଂ ତ ହିମ୍‌ଶାଂ ମୁକ୍ତା ଆତାଣ୍ଡା ? ୨୭ ମାତର୍ ଆସେକ୍ ଇନେସ୍ ହେୱାର୍ତି ବାଦାନି କାରଣ୍ ଆମେଡ଼, ଇଦାଂ କାଜିଂ ହାମ୍‌ଦୁରତ ହାଲ୍‌ଜି

☆ ୧୭:୧୨ ୧୭:୧୨ ମାତୃକା ୧୧:୧୪. * ୧୭:୨୦ ୧୭:୨୦ କେତେକ୍ ପଠିତ୨୧ପାଦ୍ ମେହାୟ୍ କିତାଣ୍ଡା; ମାତର୍ ଉପାସ୍ ଆରି ପାର୍ତାନା ପିସ୍ତ୍ର ଆରେ ଇନାକାତ ଇବାନି ବୁଡ଼ ପିହିକିଦେଂ ଆଡ଼ୁର୍ । (ମାତୃକା ୯:୨୯)

ବାଣ୍ଟି ଇଜାତ୍ ଆରେ ପର୍ତ୍ତୁମ ଇମ୍ପାଣି ମିନ୍ କାପନାତ୍, ହେଦେଲିଂ ଅଜି ତା ଖେଇ ଏସ୍ତିସ୍ ର ରୁପା ତାବୁଙ୍ଗ୍ ଗାଟାଆନାଦେର୍; ହେଦାଂ ଅଜି ନା କାଜିଂ ଆରି ମି କାଜିଂ ହେଝାରିଂ ହିୟାଟ୍ ।”

୧୮

ସାଗେଁ ରାଜିତ ଓଜାର୍ତାଂ ଗାଜାକାନ୍ ଇନେର୍ ?

(ମାର୍କ ୯:୩୩-୩୭; ଲୁକ ୯:୪୭-୪୮)

୧୫ ହେ ପାଦନା ଚେଲାହିର୍ ଜିସୁ କଟଣ୍ ଖାଜି ଖେନ୍‌ବାତାର୍, ତେବେ “ସାଗେଁ ରାଜିତ ଇନେର୍ ଗାଜା ?”
୧୬ ଜିସୁ ର ହିରୁ ହିମ୍ପାଂ ଲାଗେ କୁକ୍ତି ହେଝାର୍ ବିତ୍ରେ ନିଲି କିଜି ଇଚାନ୍, ୩୩ “ଆନ୍ ମିଙ୍ଗେଙ୍ଗ୍ ହାତ୍‌ପା ଇଞ୍ଜନାଙ୍ଗା, ଏପେଙ୍ଗ୍ ବାଦ୍‌ଲାଓ୍ତିସ୍ ହିରୁ ହିମ୍ପାଂ ଲାକେ ଆଓ୍ତିସ୍ ଇନେସ୍ କିତିସ୍‌ପା ସାଗେଁ ରାଜିତ ହଣ୍ଡେଙ୍ଗ୍ ଆତ୍‌ଦେର୍ । ୪୪ ଲାଗିଂ, ଇନେର୍‌କି ଇ ହିରୁ ହିମ୍ପାଂ ଲାକେ ଜାର୍‌ତିଂ ହାଦ୍‌ଦାମ୍ କିନାନ୍, ହେଝେନ୍ ସାଗେଁ ରାଜିତ ଗାଜାକାନ୍ । ୫୫ ଆରେ, ଇନେର୍ ନା ତର୍‌ଦାଂ ଇ ଲାକେ ର ହିରୁ ହିମ୍ପାଂ ମାନ୍‌କିନାନ୍, ହେଝେନ୍ ନାଙ୍ଗେଙ୍ଗ୍ ମାନ୍‌କିଦନାନ୍ ।”

ପାତର୍ ବାଦା ଗିଟାୟକିନାକା

(ମାର୍କ ୯:୪୭-୪୮; ଲୁକ ୧୭:୧-୨)

୧୬ ମାତର୍ ଇନେର୍‌କି “ନା ତାକେ ପାତର୍ କିନାକାର୍ ଇ ହିରୁହିମ୍ପାଙ୍ଗ୍ ବିତ୍ରେ ରକାନ୍ତି ବାଦା ଇନାକିଦେଂକି ଆନାତ୍, ହେଦାଂ ଗାଡେଲ୍‌ତ ର ଗାଜା ଜାତାକାଲ୍ ଗାଟ୍‌ତି ତାଙ୍ଗେଙ୍ଗ୍ ହାମ୍‌ଦୁର୍‌ତ ତୁସି ହିନାକା ହାର୍ ଆନାତ୍ । ୧୭ ମାନାୟାର୍‌ତି ପାତର୍ ବାଦା ଗିଟାୟକିଦେଂ ଇଞ୍ଜି, ବେସି ବିସ୍ତେ ମାନାତ୍ । ହେଦାଂ କାଜିଂ ଇ ପୁତର୍ ଅବସ୍ତା ଏଚେକ୍ ବଇଁକାର୍ ସବୁ ଦିନ୍ ଇ ଲାକେ ବାଦା ଖାନାତ୍, ମାତର୍ ଇନେନ୍ ବାଦା ଗିଟାୟକିନାନ୍, ତା ଓ୍ତିଜେ କେତେକ୍ ହାର୍‌ଦାକା !”

୧୮ “ଜଦି ମି କେଇ କି ପାନା କାଜିଂ ଏପେଙ୍ଗ୍ ପାତର୍ ବାଦା କିନାଦେର୍, ଲାଗିଂ ତାଙ୍ଗ୍ କାଦ୍‌ଦି ତୁସିହିୟାଟ୍ । ରି କେଇ ଆରି ରି ପାନା ମାନ୍‌ଞ୍ଜି ଓ୍ତିଜ୍‌ଞ୍ଜିନାଣିତ ତୁସ୍‌ୟାନି ପାତେକ୍ ରକେଇ ଆରେ ର ପାନା ବିନେ ଆଜି ଓ୍ତିଜ୍‌ଞ୍ଜି ଜିବୁନ୍‌ତ ହଣାକା ମି ପାକ୍ୟାତ ହାର୍ ।

୧୯ ଆରେ ମି କାଣ୍‌ଙ୍ଗା ଜଦି ନି ବାଦା ଆନାତ୍, ଲାଗିଂ ତାଙ୍ଗ୍ ଉନ୍‌ଦି ତୁଇ ହିୟାଟ୍; ରିଶ୍ଟାଂ କାଣ୍‌କୁ ଅଜି ନାଣି ବିତ୍ରେ ନରକ୍ ତାକେ କାତ୍‌ନି ବାଟା ଇତିସ୍ ର କାଣ୍‌ଙ୍ଗା ଅଜି ଜିବୁନ୍‌ତ ହଣାକା ମି ପାକ୍ୟାତ ହାର୍ ।”

ଜାଙ୍ଗ୍‌ତି ମେଣ୍ଡାତି ଉତର୍‌ମୁଡ୍

(ଲୁକ ୧୫:୩-୭)

୧୦ ଜାଗ୍ରତ୍, ଇ ହିରୁକାର୍ ବିତ୍ରେ ରକାନିଂ ନେ ଇଣ୍ କିମାଟ୍, ଇନାକିଦେଂକି ଆନ୍ ମିଙ୍ଗେଙ୍ଗ୍ ହାତ୍‌ପା ଇଞ୍ଜନାଙ୍ଗା ସାଗେଁତ ହେଝାର୍‌ତି ଦୁତ୍‌ତର୍ ସବୁ ଦିନ୍ ନା ସାଗ୍ରେନି ଆବା ଲାଗାଂ ମାନାର୍ ।*

୧୧ ଇନାକିଦେଂକି ଇନାକା ଜାଙ୍ଗ୍‌ତାତ୍‌ନା, ହେଦାଂ ରାକ୍ୟା କିଦେଙ୍ଗ୍ ଇଞ୍ଜି ମାନାୟ୍ ମାଜି ଖାତାନ୍‌ନା ।
୧୨ “ଏପେଙ୍ଗ୍ ଇନାକା ଏତୁ କିନାଦେରା ? ଇମ୍ପାଣି ଲକ୍ତି ଜଦି ପାଞ୍ଚକ୍ତି ମେଣ୍ଡାଂ ମାତିସ୍, ଆରେ ହେଝାଙ୍ଗ୍ ବିତ୍ରେ ରଞ୍ଜାଙ୍ଗ୍ ଜାଙ୍ଗ୍‌ତିସ୍, ଲାଗିଂ ଇନାକା ନବେନଗଟାକାଂ ମାଡ୍‌ତିତ ପିସ୍‌ସି ହେଝାନ୍ ହାଲ୍‌ଜି ହେ ବାଣାତି ମେଣ୍ଡାତିଂ ତେକ୍‌କୁନ୍ ? ୧୩ ଆରେ ହେଝେନ୍ ମେଣ୍ଡା ଗାଟାଆନାନ୍ ତା ଆତିସ୍ ଆନ୍ ମିଙ୍ଗେଙ୍ଗ୍ ହାତ୍‌ପା ଇଞ୍ଜନାଙ୍ଗା, ନବେନଗଟା ବାଣା ଆଞ୍ଜାଦାଂ ମାଟିକ୍, ହେଝାଙ୍ଗ୍ ବିତ୍ରେ ଇ ରଞ୍ଜାଙ୍ଗ୍ କାଜିଂ ହେଝେନ୍ ଆଦିକ୍ ଖାରି କିନାନ୍ । ୧୪ ହେ ଲାକେ ଇ ହିରୁକାରିଂ ବିତ୍ରେ ଜେ ରଞ୍ଜାଙ୍ଗ୍ କାରାପ୍ ଆନାତ୍, ଇଦାଂ ଏପେଙ୍ଗ୍ ସାଗେଁନି ଆବାତି ମାନ୍ ଆକାୟ୍ ।”

ମି ବିରୁଦ୍‌ତ ଇନେର୍ ଦସ୍ କିଦ୍‌ନାନ୍

୧୫ *ଲାଗିଂ “ନି ଟଣ୍ଡେନ୍‌ନି ବିରୁଦ୍‌ତ ପାପ୍ କିନାନ୍, ଲାଗିଂ ହାଲ୍‌ଜି କେବଲ୍ ମି ରିୟାରିଂ ବିତ୍ରେ ହେଝାନିଂ ତା ଦସ୍ ଚଟାଟ୍; ଜଦି ହେଝାନ୍ ମି କାତା ଖେନାନ୍, ଲାଗିଂ ଏପେଙ୍ଗ୍ ଜାର୍ ଟଣ୍ଡେନିଂ ପାୟା ଆତାୟ୍ ।
୧୬ ମାତର୍ ଜଦି ହେଝାନ୍ ଖେନ୍‌ର, ରକାନ୍ କି ରିୟାରିଂ ଅଜି ହାଲ୍‌ଟ୍ । ଇନେସ୍ ରିୟାର୍ କି ତିନ୍‌ଜାଣ୍ ସାକିରିଙ୍ଗ୍ ମୁମ୍‌ଦ ଓ୍ତିଜୁ ଦାବା କାତା ତିର୍ କିୟାନାତ୍ ।” ୧୭ ଜଦି ହେଝାନ୍ ହେଝାର୍ କାତା ମାନିକିଉନ୍, ଲାଗିଂ ମଣ୍ଡଲିତିଂ ଇନାଟ୍, ଆରେ ଜଦି ହେଝାନ୍ ମଣ୍ଡଲି କାତା ପା ମାନିକିଓ୍ତିସ୍, ଲାଗିଂ ହେଝାନ୍ ମି କାଣ୍‌ଗାତ ପାତର୍ କିଓ୍ତି ଜିହୁଦିର୍ ଆରି ସିସ୍‌ୟୁନ୍‌ନାକାର୍ ଲାକେ ଆଏନ୍ ।

ମୁନା କିନାକା ଆରେ ବଲ୍ ହିନାକା

* ୧୮:୧ ୧୮:୧ ଲୁକ ୨୨:୨୪. * ୧୮:୧୦ ୧୮:୧୦ ୧୮:୧୦ କେତେକ୍ ପଠିତ ୧୧ପାଦ୍‌ତି ମେହାୟ୍ କିନାର୍, ଇନେକିଦେଂକି ଇନାକା ଜାଙ୍ଗ୍‌ତାତ୍‌ନା, ହେଦାଂ ଦାସି ରାକ୍ୟା କିଦେଂ ମାନାୟ୍ ମାଜି ଖାତାନ୍‌ନା (ଲୁକ ୧୯:୧୦) * ୧୮:୧୫ ୧୮:୧୫ ଲୁକ ୧୭:୩.

୧୮ ✨ଆନ୍ “ମିଙ୍ଗେଙ୍ଗ ହାତ୍‌ପା ଇଞ୍ଜନାଙ୍ଗା, ଏପେଙ୍ଗ ପୁତ୍‌ତ ଇନାକାପା ବନ୍ଦ୍ କିନାଦେର୍, ସାଗେତ ହେଞ୍ଜିନ୍ଦୁ ବନ୍ଦ୍ ମାନ୍‌ଗାନାତ୍, ଆରି ପୁତ୍‌ତ ଇନାକା ଝିନ୍ଦୁ ଜେନାଦେର୍, ସାଗେତ ହେଞ୍ଜିନ୍ଦୁ ଜେନାଦେର୍ ।”

୧୯ ଆରି, ଆନ୍ ମିଙ୍ଗେଙ୍ଗ ହାତ୍‌ପା ଇଞ୍ଜନାଙ୍ଗା, ପୁତ୍‌ତ ମି ବିତ୍ରେପା ରିୟାର୍ ଇନେସ୍ ବାତ୍‌ ବିସ୍ତେ ର ମାନ୍‌ତା° ଆଜି ଇନାକା ଏନ୍‌ନାଦେର୍, ହେଦା° ନା ସାଗେନି ଆବାତି ଇଚା ହେଞ୍ଜାର୍ କାଜି° ଗିଟା ଆନାତ୍ ।

୨୦ “ଇନାକିଦେ°କି ଇମ୍‌ଣି ବାହାତ ରିୟାର୍ କି ତିନ୍ ଜାଣ୍ ନା ତରଦା° ରୁଣ୍ଡା ଆନାର୍, ହେ ବାହାତ ଆନ୍ ହେଞ୍ଜାର୍ ବିତ୍ରେ ମାନ୍‌ଗାନା° ।”

କେମା ହିଞ୍ଜାଦା° ମାନି ଚାକ୍ରିୟା କାତା

୨୧ ✨ହେ ପାଦ୍‌ନା ପିତର୍ ଜିସୁ କଚଣ୍ ଝାଜି ଝେନ୍‌ବାତାନ୍, “ଏ ମାପୁ, ଏଚେକ୍ ହର୍ ନା ଟଣ୍ଡେନ୍ ନା ବିରୁଡ୍‌ତା° ପାପ୍ କିତିସ୍ ଆନ୍ ଏଚେକାଡ୍‌ଦ କେମା କିନାଙ୍ଗ ? ଇନାକା ସାତ୍ ହର୍ ?”

୨୨ ଜିସୁ ତାଙ୍ଗେଙ୍ଗ ଇଚାନ୍, “ନିଙ୍ଗେଙ୍ଗ କେବଲ୍ ସାତ୍ ହର୍ ପାତେକ୍ ଇଞ୍ଜୁଙ୍ଗା, ମତର୍ ସତୁରି ଗୁଣ୍ ସାତ୍ ହର୍ ପାତେକ୍ । ୨୩ ଇତିସ୍ ସାଗେ ରାଜି ଜାର୍ ଆଡ୍‌ୟାର୍ ଲାହାଙ୍ଗ ଇସାବ୍ କିଦେଙ୍ଗ ଇଚାକିନି ରଞ୍ଜାନ୍ ରାଜା ଲାକେ । ୨୪ ହେଞ୍ଜେନ୍ ଇସାବ୍ ଆରମ୍ କିତିଲେ, ଲାକେ ଟାକା° ରୁଣ୍ କିଜି ମାତି ର ହେବାକାରି ରାଜା ଲାଗା° ତାହିଞ୍ଜାତାର୍ । ୨୫ ମାତର୍ ତା ହୁଜାଆଦେ° ଇନାକା ହିଲ୍‌ଝିତିଲେ ତା ମାପୁ ତାଙ୍ଗ୍ ଆରି ତା ଡକ୍‌ଜିଙ୍ଗ୍, ହିମ୍‌ଣାଞ୍ଜାକ୍‌ଡା ଆରି ଝିନ୍ଦୁ ପ୍ରସି କର୍ ଅଦେ° ରାଜା ବଲ୍ ହିତାନ୍ । ୨୬ ଲାଗି° ହେ ହଲ୍ୟା ତାଙ୍ଗେଙ୍ଗ ପାନା ତାରେନ୍ ଦୁଞ୍ଜାର୍ କିଜି ଇଞ୍ଜେଙ୍ଗ ଲାଗାତାନ୍, ଏନ୍ ନା ବିସ୍ତେ ବାଡ୍‌କାସ୍‌ଆ, ଆନ୍ ନିଗେଙ୍ଗ ଝିନ୍ଦୁ ହୁଜା ଆଜି ହିଦ୍‌ନା° ।” ୨୭ ହେବେତା° ହେ ହଲ୍ୟାତି° ମାପୁ କାର୍ମା ଆଜି ତାଙ୍ଗେଙ୍ଗ ପିସ୍ତ୍ରି ହିତାନ୍ ଆରି ରାଜା ରୁଣ୍ କେମା କିତାନ୍ ।

୨୮ ମାତର୍ “ହେ ହଲ୍ୟା ହସି ହାଲ୍‌ଜି ତାବେଣ୍ଡା° ପଚାସ୍ ଟାକା ରୁଣ୍ କିଜି ମାନି ର ହାଙ୍ଗ୍‌ଦାକାନ୍ ଚଞ୍ଜୟା ଆଜି ହେଞ୍ଜାନି° ଆଜି ତା ଗାତେଲ୍ ମୁଞ୍ଜି ଇଞ୍ଜେଙ୍ଗ ଲାଗାତାନ୍, ଏନ୍ ଇନାକା ଆସ୍ତାୟ୍‌ନା ହୁଜାଆଦା ।”

୨୯ ଲାଗି° “ତା ହାଙ୍ଗ୍‌ଦାକାନ୍ କାଲ୍ ତାରେନ୍ ଆଜି ହେଞ୍ଜାନି° ଗଞ୍ଜାରି କିଜି ଇଞ୍ଜେଙ୍ଗ ଲାଗାତାନ୍, ଏନ୍ ନା ବିସ୍ତେ ବାଡ୍‌କାସ୍‌ଆ, ଆନ୍ ନିଙ୍ଗେଙ୍ଗ୍ ହୁଜା ଆଜି ହିଦ୍‌ନା° ।”

୩୦ “ମତର୍ ହେଞ୍ଜେନ୍ ରାଜି ଆଞ୍ଜାତାନ୍, ମାତର୍ ହାଲ୍‌ଜି ରୁଣ୍ ହୁଜାଆଞ୍ଜି ପାତେକ୍ ତାଙ୍ଗ୍ ଜଇଲ୍‌ତ ପ୍ରଡ୍‌ତାର୍ । ୩୧ ଲାଗି° ତା ହାଙ୍ଗ୍‌ଦାକାର୍ ଇ ଗର୍‌ନା ହୁଡ୍‌ଜି ବେସି ଦୁକ୍ ଆତାର୍ ଆରି ହାଲ୍‌ଜି ହେଞ୍ଜାର୍ ମାପୁ ଲାଗା° ଝିନ୍ଦୁ ଗର୍‌ଣାଗିଟା ଆଜି ମାଚାଡ୍ ଝେର୍‌ଚାର୍ ।” ୩୨ ହେବେତା° ତା ମାପୁ ତାଙ୍ଗ୍ ଲାଗେ କୁକି କିଜି ଇଚାନ୍, “ଏଡେ ଉଡ୍‌ପାତ୍ୟା ହଲ୍ୟା, ଏନ୍ ନାଙ୍ଗେଙ୍ଗ୍ ଗଞ୍ଜାରି କିଡ୍‌ତିଲେ ଆନ୍ ନି ହେ ଝିନ୍ଦୁ ରୁଣ୍ କେମା କିତାଙ୍ଗ୍; ୩୩ ଆନ୍ ଇନେସ୍ ଲାକେ ନିଙ୍ଗେଙ୍ଗ୍ ଦୟା କିଡ୍‌ତାଙ୍ଗ୍, ହେ ଲାକେ ପା ଜାର୍ ହାଙ୍ଗ୍‌ଦାକାର୍ ଦୟା କିନାକା କି ନି କାମାୟ୍ ହିଲ୍‌ଞ୍ଜାତାତ୍ ?” ୩୪ ଆରେ, ତା “ମାପୁ ରିସା ଆଜି ଝିନ୍ଦୁ ରୁଣ୍ ହୁଜାଆଞ୍ଜି ତାଙ୍ଗ୍ ପାତେକ୍ ବାଦା ହିନି ମାନାୟାର୍ କେଇଦ ସର୍‌ପି କିତାର୍ ।”

୩୫ ଜିସୁ ଇନାକା ଝିସ୍ତ୍ରି “ହେଞ୍ଜାରି° ଇଚାନ୍ ଜଦି ଝାସ୍ତିତା° ଜାର୍ ଜାର୍ ଟଣ୍ଡାରି° କେମା କିଞ୍ଜିତିସ୍, ତାଆତିସ୍ ନା ସାଗେନି ଆବା ପା ମି କାଜି° ହେ ଲାକେ କିଦ୍‌ନାନ୍ ।”

୧୯

ହେଲ ନାଟ୍‌ନି ବିସ୍ତେ ଜିସୁତି ହିକ୍ୟା

(ମାର୍କ ୧୦:୧-୧୨)

୧ ଜିସୁ ଇ ଝିନ୍ଦୁ କାତା ଇଞ୍ଜି ଝିସ୍ତ୍ରି ପାଚେ ଗାଲିଲି ପିସ୍ତ୍ରି ଜର୍ଦ୍‌ନ୍ ନାଗୁଡ୍ ଆନ୍‌ତି ପାଡ୍‌କା ମାନି ଜିହୁଦା ନିପ ହାଚାନ୍ । ୨ ବେସିହେନି ମାନାୟାର୍ ତାଙ୍ଗେଙ୍ଗ୍ ଦାସ୍ତାର୍ ଆରି ହେଞ୍ଜାନ୍ ହେନି ରଗ୍ୟାରି° ଉଜ୍ କିତାନ୍ ।

୩ କେତେଜାଣ୍ ପାରୁସିର୍ ତା ଲାଗା° ଝାଜି ତାଙ୍ଗ୍ ଡକ୍‌କାତ ପ୍ରଦ୍‌ଦେ° ପାତି କିତାର୍ । ହେଞ୍ଜାର୍ ତାଙ୍ଗ୍ ଝେନ୍‌ବାତାର୍, “ମା ଦର୍ମନି ମସାତି ବିଦି ଇସାବ୍‌ରେ ରକାନ୍ ଜେ ଇନା ବିସ୍ତେ ତା, କଗ୍‌ଲେ° ହେଲ୍ ହିଦେ° ଆଡ୍‌ନାନ୍ କି ?”

୪ ହେଞ୍ଜେନ୍ ଉତର୍ ହିତାନ୍, ଏପେଙ୍ଗ ଇନାକା ପଡ୍‌ କିଞ୍ଜାତାଦେଣ୍ଡା ଜେ ଉବ୍‌ଜାଣ୍ କିନାକାନ୍ ଆରମ୍‌ତା° ହେଞ୍ଜାରି° ଆଣ୍ଡେନ୍ ଆରି କଗ୍‌ଲେ କିଜି ଉବ୍‌ଜାଣ୍ କିତାନ୍, ୫ ଆରେ ଇଚାନ୍, “ଇଦା° କାଜି° ମାନାୟ୍ ଆବାଆୟାକା° ପିସ୍ତ୍ରି ଜାର୍ କଗ୍‌ଲେ ତାକେ ମେହା ଆନାନ୍, ଆରେ ହେଞ୍ଜାର୍ ଦୁଲ୍‌ମାତାର୍ ଏକ୍ ଆନାର୍ ? ୬ ଲାଗି° ହେଞ୍ଜାର୍ ଆରେ ରିକାର୍ ଆକାୟ୍, ମାତର୍ ଏକ୍ ଆନାର୍ । ଲାଗି°, ଇସ୍‌ବର୍ ଇନାକା ମେହାୟ୍ କିଡ୍‌ତାନ୍‌ନା, ମାନାୟାର୍ ହେଦା° ଏଡାୟ୍ କିମେନ୍ ।”

✨ ୧୮:୧୮ ୧୮:୧୮ ମାତିର ୧୭:୧୯; ଜହନ୍ ୨୦:୨୩. ✨ ୧୮:୨୧ ୧୮:୨୧ ଲୁକ ୧୭:୩,୪.

୭ ହେୱାର୍ ହେୱାନିଂ “ଝେନ୍‌ବାତାର୍, ଲାଗିଂ ମସା ଇନେକିଦେଂ ହେଲ ଆକି ହିଜି କଗଲେଙ୍ଗ୍ ହେଲ ହିନି କାଜିଂ ବଲ୍ ହିତାନ୍ ?”

୮ ଜିସୁ ଉତର ହିତାନ୍, “ମି ମାନ୍ ଆଟ୍‌ଝା କାଜିଂ ମସା ହେ ଲାକେ କିଜି ମାତାନ୍ । ମାତର ଆଗେ ଉଦ୍‌ଜାଣ୍ ଝେଡାଲିଂ ଏଲେଙ୍ଗ୍ ବିଦି ହିଲ୍‌ଝାତାଡ଼ ।”

୯ “ମାତର ଆନ୍ ମିଙ୍ଗ୍ ଇଞ୍ଜନାଙ୍ଗା, ଇନେରକି ଜାର୍ ଡକ୍ତିଂ ଦାରି ଦସ୍‌ତ ପିସ୍ତ୍ର ବିନ୍ ବିସ୍ତେତାଂ ପିହ୍‌ନିଆକି ହିଜି ବିନ୍ କଗଲେଂ ବିବା କିତିସ୍, ହେୱାନ୍ ଦାରି ଆନାନ୍ ।”

୧୦ ଚେଲାର୍ ହେୱାନିଂ ଇଚାର୍, “କଗଲେ ହୁକେ ମାନାୟ୍‌ତିଂ ଜଦି ଇ ମାସ୍ତରୁ ମେହାବିଡ଼ା, ଲାଗିଂ ବିବା କିଝାକା ହାର୍ ।”

୧୧ ଜିସୁ ଉତର ହିତାନ୍, “ଇ ହିକ୍ୟା ଝିଜାକାର୍ କାଜିଂ ସମାନ୍ ଆକାୟ୍ । ଇସ୍ତ ଡାଙ୍ଗ୍ ଇମ୍‌ଶାକାରିଂ ଇଦାଂ ହିୟାତାଡ଼ନ୍ନା, କେବଲ୍ ହେୱାର୍ ନେ ଇଦାଂ ଇଡ଼ଦେଂ ଆଡ଼ନାର୍ । ୧୨ ଇନାକିଦେଂକି ଇନେର ଇନେର ଆୟା ଗରବ୍‌ତାଂ ବେଜୁ ଆଜି ଜଲମ୍ ଆତାଣ୍ଟା, ଆରେ ଇନେର ଇନେର ମାନାୟ୍‌ତାଂ ବେଜୁ କିୟାତାଣ୍ଟା, ଆରି ଆରେ ଇନେର ଇନେର ସାଗେ ରାଜି କାଜିଂ ଜାର୍ ଜାର୍‌ତିଂ ବେଜୁ କିତାଣ୍ଟା । ଇମ୍‌ଶାକାର୍ ଇଡ଼ଦେଂ ଆଡ଼ନାର୍, ହେୱାନ୍ ଇଚେନ୍ ।”

ଜିସୁ ହାରୁ ହିମ୍‌ଶାକାଂ ଆସିର୍ବାଦ୍ କିତାନ୍

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ହିମ୍‌ଶାଂ ଜପି କେଇ ଇଡ଼ଜି ପାର୍ତନା କିଦେଙ୍ଗ୍ କାଜିଂ କେତେକ୍ ଲକୁ ହେୱାରିଂ ଜିସୁ ଲାଗେ ତାହିଝାତାର୍ । ହେ ଲକୁରିଂ ଚେଲାର୍ ଦାକା ହିତାର୍ । ୧୪ ମାତର ଜିସୁ ଇଚାନ୍, “ହିମ୍‌ଶାକାଂ ନା ଲାଗେ ଝାଦେଙ୍ଗ୍ ହିଆଟ୍ । ହେୱାରିଂ ବାଦା ହିମାଟ୍ । ଇନାକିଦେଂକି ସାଗେ ରାଜି ଇମ୍‌ଶାକାର୍ ଇଝାର୍ ଲାକେ ହେୱାର୍‌ତି ।”

୧୫ ଆରେ ହେୱାର୍ ଜପି କେଇ ଇଡ଼ଜି ଆସିର୍ବାଦ୍ କିତି ପାଚେ ଜିସୁ ହେବେତାଂ ହାଚାନ୍ ।

ରକାନ୍ ମାଜାନ୍ ଦାଙ୍ଗ୍‌ଶେନ୍

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଦିନେକ୍ ରକାନ୍ ମାଜାନ୍ ଦାଙ୍ଗ୍‌ଶେନ୍ ଜିସୁ ଲାଗେ ଝାଜି ଝେନ୍‌ବାତାନ୍, “ଗୁରୁ ! ଝିଜ୍‌ଝି ଜିବୁନ୍ ପାୟାଦେଂ କାଜିଂ ଆନ୍ ଇମ୍‌ଶି ହାର୍‌ଦି କାମାୟ୍ କିନାଙ୍ଗ୍ ?”

୧୭ ଜିସୁ ତାଙ୍ଗେଙ୍ଗ୍ ଇଚାନ୍, “ହାଦ୍ କାମାୟ୍ ବିସ୍ତେ ନାଙ୍ଗ୍ ଇନେକିଦେଂ ଝେନ୍‌ବା ଆଦନାଦେରା ? କେବଲ୍ ଇସ୍ତର ନେ ହାର୍‌ଦାକାନ୍ । ହେୱାଡ଼ି ବଲ୍ ଝିଜୁ ମାନି କିତିସ୍, ଝିଜ୍‌ଝି ଜିବୁନ୍ ଲାବ୍ କିଦେଙ୍ଗ୍ ଆଡ଼ନାସ୍ ।”

୧୮ ହେୱାନ୍ ଝେନ୍‌ବାତାନ୍, “ଇମ୍‌ଶି ଝିଜୁ ବଲ୍ ?”

ଜିସୁ ଇଚାନ୍, “ନାର୍ ଅହ୍‌ମାଟ୍, ଦାରି କିମାଟ୍ । ଚରି କିମାଟ୍, ଇନେର ବିରୁଦ୍‌ତ ମିଟ୍ ଦାବା କିମାଟ୍ । ୧୯ ଆବାଂ ଆୟାଙ୍ଗ୍ ଝାରି କିୟାଟ୍ ଆରି ମି ପାଡ଼ହାନିକାରିଂ ଜାର୍ ଲାକେ ଜିଉ ନିଝାଟ୍ ।”

୨୦ ହେ ଦାଙ୍ଗ୍‌ଶେନ୍ ତାଙ୍ଗେଙ୍ଗ୍ ଇଚାନ୍, “ଇ ସବୁ ବଲ୍ ଆନ୍ ମାନି କିତାଂନ୍ନା । ନାଦାଂ ଆରେ ଇନାକା କିନି ଲଡ଼ା ?”

୨୧ ସୁଶାୟ୍ କିଜି ଜିସୁ ହେୱାନିଂ ଉତର ହିତାନ୍, “ଜଦି ଏନ୍ ହାର୍ ଆଦେଂ ମାନ୍‌କିନାୟ୍, ହାଲା, ନିନ୍‌ଦାଂ ସବୁ ଦନ୍ ପ୍ରସି ହେ ଟାକାଙ୍ଗ୍ ଅକ୍ ତାରିଂ ଦାନ୍ କିୟା । ତା ଆତିସ୍ ଏନ୍ ସାଗେତ ଦନ୍ ଲାବ୍ କିନାୟ୍ । ଇ ଝିଜୁ କିତିପାଚେ ନା ପାଚେ ପାଚେ ଝା ।”

୨୨ ମାତର ଇ କାତା ଝେନ୍‌ଞ୍ଜି ଦାଙ୍ଗ୍‌ଶେନ୍ ଦୁକ୍ ଆଜି ହାଚାନ୍, ଇନାକିଦେଂକି ହେୱାନ୍ ବେସି ମାଜାନ୍ ମାଚାନ୍ ।

୨୩ ଜିସୁ ଚେଲାର୍ ଇଚାନ୍, “ଆନ୍ ମିଙ୍ଗ୍ ହାଡ଼ପା ଇଞ୍ଜନାଙ୍ଗା, ମାଜାନିଂ ସାଗେ ରାଜିତ ହଶାକା ବେସି କସ୍ । ୨୪ ଆରେ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇସ୍ତ ରାଜିତ ମାଜାନ୍ ଲକୁ ହଶି ବାଟା ଇତିସ୍ ହୁଜାନି କାଶାତିଂ ଉର୍ ହଶାକା ଆଡ଼ଝା ।”

୨୫ ଚେଲାର୍ ଇଦାଂ ଝେନ୍‌ଞ୍ଜି କାବା ଆଜି ଇଚାର୍, “ତେବେ ଇନେର ମୁକ୍ତି ଆଦେଂ ଆଡ଼ନାର୍ ?”

୨୬ ଜିସୁ ହେୱାରିଂ ସିଦା ହୁଡ଼ଜି ଇଚାନ୍, ଇଦାଂ “ମାନାୟ୍‌ତିଂ ପାକ୍ୟାତ ଆଡ଼ଝାକା, ମାତର ଇସ୍ତ ପାକ୍ୟାତ ଝିଜୁ ଆଡ଼ଝା ।”

୨୭ ଇଦାଂ ଝେନ୍‌ଞ୍ଜି ପିତର ଇଚାନ୍, “ହୁଡ଼ା, ଆପେଂ ଝିଜୁ ପିସ୍ତ୍ର ନି ପାଚେ ପାଚେ ଝାତାପନା । ଆପେଙ୍ଗ୍ ଇନାକା ଗାଟାନାପ୍ ।”

☆ ୧୯:୯ ୧୯:୯ ମାଡ଼ିଉ ୫:୩୨; ୧ କରନ୍ତ୍ରିୟ ୭:୧୦,୧୧.

୨୮ ଜିସୁ ହେୱାରିଂ ଇଚାନ, “ଆନ୍ ମିଙ୍ଗ୍ ହାତ୍‌ପା ଇଞ୍ଜନାଙ୍ଗା, ପୁନି ଜୁଗ୍‌ତ ଏଚେକାଡ୍‌ଦ ମାନାୟ୍ ମାଜି ଜାର ଜାଜମାଲ୍‌ନି ଗାଦିତ କୁର୍ତ୍ତାନ, ହେ ଏଚେକାଡ୍‌ଦ, ନା ପାଚେ ଖାତାଦେର୍ ଜେ ଏପେଙ୍ଗ୍, ଏପେଙ୍ଗ୍ ପା ବାର ଚେଲାର୍ ଗାଦିତ କୁର୍ତ୍ତ ଇସ୍ତାଏଲ୍‌ନି ବାର କୁର୍ତ୍ତମ୍ ଜପି ରାଜ୍ କିନାଦେର୍ । ୨୯ ଆରି ଇନେର୍‌କି ନା ତର୍ କାଜିଂ ଇଲ୍, କି ଟଣ୍ଡେନ୍ କି ତଣ୍ଡେଲ୍, କି ଆବା କି ଆୟା, ହିମ୍‌ଣା ଖାକ୍‌ଡା କି ତାରେନ୍ ପିହିନାନ୍, ହେୱାନ୍ ସହେ ଗୁଣ୍ ଆଦିକ୍ ପାୟାନାନ୍; ଆରି ଝିଜ୍‌ଝି ଜିରୁନ୍ ଆଦିକାର୍ ଆନାନ୍ ।” ୩୦ ☆ “ମାତର୍ ପର୍ତ୍ତୁମ୍‌ତ ମାନି ଆଦେକ୍ ଲକୁ ପାଚେ ଆନାର୍ ଆରି ପାଚେ ମାନି ହେନି ଲକୁ ପର୍ତ୍ତୁମ୍ ଆନାର୍ ।”

୨୦

ଅଙ୍ଗୁର୍ ବାଡ଼ନି କୁଲିୟା

୧ “ସାଗେ ରାଜି ଇନେସ୍, ଇଦାଂ ଆରେ ର ଉତର୍‌ମୁଡ୍ ଝେନାଟ୍ । ର ମାନାୟ୍ ଦିନେକ୍ ନାଣାଙ୍ଗେ ତା ଅଙ୍ଗୁର୍ ବାଡ଼ନ୍ କାମାୟ୍ କିଦେଙ୍ଗ୍ କୁଲିୟାରିଂ ତେକ୍‌ତେଂ ହତାନ୍ । ୨ ଆରେ ହେୱାନ୍ କୁଲିୟାର୍ ହୁକେ ଦିନେକ୍‌ତିଂ ର ଦିନି ରୁଣ୍ ନାଟ୍‌ତି ହେୱାରିଂ ଜାର୍ ଅଙ୍ଗୁର୍ ବାଡ଼ନ୍ ପକ୍‌ତାନ୍ । ୩ ତା ପାଚେ ଦିନ୍ ନଅ ଗଣ୍ଟା ଝେଡାଲିଂ ବାଜାର୍‌ତ ହାଲ୍‌ଜି ହୁଡ୍‌ତାନ୍, ର କୁଦା ଲକୁ ପଲ୍ୟା ଆଜି ନିଲ୍‌ତାଣ୍ଟା ।” ୪ ହେୱାରିଂ ହେୱାନ୍ ଇଚାନ, ଏପେଙ୍ଗ୍ ପା ନା ଅଙ୍ଗୁର୍ ବାଡ଼ନ୍ ହାଲ୍‌ଜି କାମାୟ୍ କିୟାଟ୍, ମିଙ୍ଗ୍ ସମାନ୍ କୁଲି ହିଦ୍‌ନାଂ । ୫ ହେୱାର୍ ହାଲ୍‌ଜି କାମାୟ୍‌ତ ଲାଗାତାର୍ । ଦିନ୍ ବାଟା ଆରି ତିନ୍‌ଟା ଝେଡାଲିଂ ସମାନ୍ ହେ ଲାକେ ଆରେ କେତେକ୍ କୁଲିୟାରିଂ ତାହିଝାଜି କାମାୟ୍‌ତ ଲାଗାୟ୍ କିତାନ୍ । ୬ ମିଡ୍‌କାହାରେସ୍ ପାଞ୍ଚଟା ଝେଡାଲିଂ ଆରେ ରଗ ବାଜାର୍‌ତ ହାଲ୍‌ଜି ହୁଡ୍‌ତାନ୍, ଆରେ କେତେକ୍ ଜାଣ୍ ନିଲ୍‌ତାଣ୍ଟା । ହେୱାରିଂ ଝେନ୍‌ବାତାନ୍, “ଝେଡାବୁଡି କାମାୟ୍ କିଝାଦାଂ ଇନେକିଦେଂ ପଲ୍ୟା ସମ୍ ନସ୍ କିନାଦେରା ?” ୭ ହେୱାର୍ ଉତର୍ ହିତାର୍, ଇନେର୍ ତ ମାଂ କାମାୟ୍‌ତ କିୟକିଦ୍‌ଝାତାଣ୍ଟା । ହେୱାନ୍ ହେୱାରିଂ ଇଚାନ, ଆୟେଡ୍, ବାଟିଙ୍ଗ୍ ଏପେଙ୍ଗ୍ ଝିଜାକାଦେର୍ ନା ଅଙ୍ଗୁର୍ ବାଡ଼ନ୍ ହାଲ୍‌ଜି କାମାୟ୍ କିୟାଟ୍ ।

୮ “ହେ ଦିନ୍ ମିଡ୍‌କାହାରେସ୍ ଅଙ୍ଗୁର୍ ବାଡ଼ନି ହାଉକାର୍ ଗୁମ୍‌ସାଙ୍ଗ୍ ଇଚାନ, କୁଲିୟାରିଂ କୁକା । ଇମ୍‌ଣାକାର୍ ଝିଜାର୍‌ତାଂ ପାଚେ କାମାୟ୍ ହାଙ୍ଗ୍‌ତାଣ୍ଟା, ଆଗେ ହେୱାରିଂ ହାଜ୍‌ରି ହିଆ । ୯ ହେବେଣ୍ଟାଂ ଇମ୍‌ଣାକାର୍ ପାଞ୍ଚଟା ଝେଡାଲିଂ କୁଲି କିଜି ମାଟାର୍, ହେୱାର୍ ଝାଜି ରଞ୍ଜାଙ୍ଗ୍ ରଞ୍ଜାଙ୍ଗ୍ ରୁପା ଟାକାଂ ଗାଟାତାର୍ ।” ୧୦ ଆରେ, ପର୍ତ୍ତୁମ୍ ଝାଜି କିଜିମାଟି କୁଲିୟାର୍ ଝାଜି ଆଦିକ୍ ଗାଟାନାପ୍ ଇଞ୍ଜି ବାବିକିତାର୍, “ମାତର୍ ହେୱାର୍ ପା ରଞ୍ଜାଙ୍ଗ୍ ରଞ୍ଜାଙ୍ଗ୍ ରୁପା ଟାକାଂ ଗାଟାତାର୍ । ୧୧ ହେୱାର୍ ହେୱାଙ୍ଗ୍ ଅଜି ହାଉକାର୍ ବିରୁଦ୍‌ତ ମାନ୍‌ଦୁକ୍ କିଜି ଇଚାର୍, ୧୨ ମିଡ୍‌କାହାରେସ୍ ପାଞ୍ଚଟା କାମାୟ୍ ହାଙ୍ଗ୍‌ଜି ମାନି କୁଲିୟାର୍ ମାତର୍ ରଗଣ୍ଟା କାମାୟ୍ କିତାଣ୍ଟା । ଆସେଙ୍ଗ୍ ଇ କାରାତ ଝେଡାବୁଡି କିତାପ୍, ଇ ହାଜ୍‌ରି ହିନି ଝେଡାଂ ହେୱାରିଂ ମାହୁଦାଂ ସମାନ୍ କିଡ୍‌ତାନ୍ ।” ୧୩ ହାଉକାର୍ ହେୱାର୍ ବିଡ୍ରେ ରକାନିଂ ଉତର୍ ହିଜି ଇଚାନ, “ଟଣ୍ଡେନ୍ ! ଆନ୍ ନିଂ ଅନ୍ୟାୟ୍ କିଦ୍‌ଝାତାଂନା; ଏନ୍ ଇନାକା ନା ହୁଦାଂ ର ଟାକାଂ କାଜିଂ ରାଜି ଆଝାଦାଂ ମାଟାୟ୍ ? ୧୪ ନିନ୍ଦାଂ ଇମ୍‌ଣାକା, ହେଦାଂ ଅଜି ହାଲା, ମାତର୍ ଇ ହାରିହାରା ଲକାଂ ପାନି ଲାକେ ହିଦେଂ କାଜିଂ ନା ମାନ୍ । ୧୫ ନା ଜାର୍ ଦନ୍ ଇନେସ୍ ହାର୍ ହେ ଏଲେଙ୍ଗ୍ କର୍ କିଦେଙ୍ଗ୍ ଇନାକା ନା ଆଦିକାର୍ ହିଲୁଡ୍ ? କି ଆନ୍ ଅଲପ୍ ଉଦାର୍ ଆତିଲେ ଏପେଙ୍ଗ୍ ଝିଜାଦେର୍ ନାଙ୍ଗ୍ ଆକର୍ ଆଦ୍‌ନାଦେର୍ ?”

୧୬ “ହେ ଲାକେ ପାଚେ ମାନି ମାନାୟ୍ ପର୍ତ୍ତୁମ୍ ଆନାର୍ ଆରି ପର୍ତ୍ତୁମ୍ ମାନି ମାନାୟ୍ ପାଚେ ଆନାର୍ ।”

ଜିସୁ ତା ହାକି ବିସ୍ତେ ତିନି ହର୍ କାଜିଂ ଝେଡ୍‌ଚାନ (ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜିସୁ ଜିରୁସାଲମ୍‌ତ ହାନି ହାସ୍‌ଦ ବାର ଚେଲାର୍‌ି ର ଲାଗେ କୁକ୍‌ତି ଅଜି ବିନେ କିଜି ହେୱାରିଂ ଇଚାନ, ୧୮ “ହୁଡାଟ୍ ଆସେଙ୍ଗ୍ ଜିରୁସାଲମ୍‌ତ ହାନାସା । ହେବେ ମାନାୟ୍ ମାଜି ମୁଡ୍ ମାପୁହେବାକିନାକାନ୍ ଆରି ଦରମ୍ ଗୁରୁର୍ କେଇଦ ହେଲାୟ୍ ଆନାନ୍ ହେୱାର୍ ହେୱାନିଂ ହାକି ତାଣ୍ଟ ହିନାର୍ । ୧୯ ତା ପାଚେ ପାତ୍ କିଝି ଜିହୁଦିର୍ କେଇଦ ପିସ୍ତ୍ର ହିନାର୍ । ପାତ୍ କିଝି ଜିହୁଦି ତାଙ୍ଗ୍ ଗୁଇନାର୍, କରତା ଇଡ୍‌ନାର୍ ଆରି କୁସ୍‌ତ ଦୁପ୍‌ନାର୍ । ମାତର୍ ତିନି ଦିନ୍ ପାଚେ ହେୱାନ୍ ଆରେ ନିଙ୍ଗ୍‌ନାନ୍ ।”

ର ଆୟାତି ଗଝାରି (ମାର୍କ ୧୦:୩୫-୪୫)

୨୦ ଇ ଝେଡାଲିଂ ଜେଦ୍‌ଦିତି ତକୁହି ତା ରି ମେହିର୍ ହୁକେ ଜିସୁ ତାକେ ଝାଜି । ଜିସୁଙ୍ଗ୍ ଜଝାର୍ କିଜି ତାଙ୍ଗ୍ ଅଲପ୍ ଏଡ୍‌ଡାଟ୍ ।

☆ ୧୯:୩୦ ୧୯:୩୦ ମାଡ଼ିଭ ୨୦:୧୭; ଲୁକ ୧୩:୩୦.

୨୧ ଜିସୁ ହେଦେଲିଂ ଖେନ୍‌ବାତାନ୍, “ଇନାକା ମାନ୍ କିନାୟା ?” ହେଦେଲି ଇଚାଡ଼, “ଏନ୍ ଏଚେକାଡ଼ଦ ମି ରାଜିତ ରାଜା ଆନାୟା, ନା ଇ ରି ହିମ୍‌ଣାକାଂ ନି ବୁଜ୍‌ଣି ଆରି ତେବ୍ରି ପାଡ଼କା କୁଟିକିନାୟା ଇଞ୍ଜି ବଲ୍ ହିଦା ।”

୨୨ ଜିସୁ ଜେବ୍‌ଦି ରିୟାର୍ ମାଜିରିଂ ଉତର ହିତାନ୍, “ଏପେଙ୍ଗ୍ ଇନାକା ଏନ୍‌ନାଦେରା, ହେଦାଂ ପୁନୁଦେରା । ଆନ୍ ଦୁକ୍ ବଗ୍‌ନି ବାହାତ ଉଣ୍ଡେଙ୍ଗ୍ ହାନାଙ୍ଗା ? ହେବେ କି ଏପେଙ୍ଗ୍ ଉଣ୍ଡେଙ୍ଗ୍ ଆଡ଼ନାଦେର୍ ?” ହେଝାର୍ ତାଙ୍ଗ୍ ଇଚାଡ଼, “ଆଡ଼ନାପ୍ ।”

୨୩ ଜିସୁ ହେଝାରିଂ ଇଚାନ୍, “ଏପେଙ୍ଗ୍ ନା ଦୁକ୍ ବଗ୍‌ନି ବାହାତ ଉଣାକା ସଡ଼, ମାତର୍ ନା ତିନାବାଗାଙ୍ଗ୍ ଆରି ତେବ୍ରି ବାଗାଙ୍ଗ୍ କୁଚ୍‌ଚେଂ ହିନାକା ନା ଆଦିକାର୍ ବିସ୍ତେ ଆକାୟା, ଇଚିସ୍ ଇମ୍‌ଣାକାର୍ କାଜିଂ ନା ଆବା କାଜିଂ ବାହା ଜାଲ୍‌ଦି କିୟା ଆତାଡ଼ନ୍ନା, ହେଝାର୍ କୁଚ୍‌ଚାନ୍ ।”

୨୪ ବିନ୍ ଦାସ୍ ଜାଣ୍ ଇଦାଂ ଖେନ୍‌ଞ୍ଜି ହେ ଟଣ୍ଡ୍‌ରିୟାର୍ ଜପି ରିସା ଆତାର୍ ।

୨୫ ✱ମାତର୍ ଜିସୁ ଚେଲାରିଂ ଲାଗେ କୁକ୍‌ଟି ଇଚାନ୍, “ପାତର୍ କିଝି ଜିହୁଦିର୍ ସାସନ୍ କାରିୟାର୍ ହେଝାର୍ ଜପି ରାଜ୍‌କିନାର୍ ଆରି ଗାଜା ମୁଣିକାର୍ ହେଝାର୍ ଜପି ଝିକୁ ରାଜ୍‌କିନାର୍, ଇଦାଂ ଏପେଙ୍ଗ୍ ପୁନାଡ଼ ।” ୨୬ ✱“ମି ବିତ୍ରେ ହେ ଲାକେ ଆକାୟା, ମାତର୍ ମି ବିତ୍ରେ ଜେ ଇନେର୍ ଗାଜା ଆଦେଂ ମାନ୍ କିନାନ୍, ହେଝେନ୍ ମି ହେବା କିନାକାନ୍ ଆୟେନ୍, ୨୭ ଆରେ ଇନେର୍‌କି ମୁଡ଼୍ ଆଦେଂ ଇଚା କିନାନ୍, ହେଝେନ୍ ମି ହଲ୍ୟା ଆୟେନ୍, ୨୮ ଇନେସ୍ ମାନାୟା ମାଜି ହେବା ପାୟା ଆଦେଂ ଝାଝାତାନ୍‌ନା, ମାତର୍ ହେବା କିଦେଙ୍ଗ୍ ଆରି ହେନି କାଜିଂ ମୁକ୍‌ଡାୟା କିନି ମୁଲ୍‌ଲାକେ ଜିବୁନ୍ ହିଦେଂ ଝାତାନ୍‌ନା ।”

ଜିସୁ ରିୟାର୍ କାଣାରିଂ ଉଜ୍ କିତାନ୍
(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ହେଝାର୍ ଜିରିହ ବସ୍ତିତ ହସି ହାନି ଝେଡ଼ାଲିଂ ବେସିହେନି ମାନାୟାର୍ ତା ପାଚେ ପାଚେ ହାଚାର୍ । ୩୦ ଆରେ ହୁଡ଼ାଡ଼, ହାଜି କଚଣ୍ ରିୟାର୍ କାଣାର୍ ଜିସୁ ହେ ହାଜି ହାନାନା ଇଞ୍ଜି ଖେନ୍‌ଞ୍ଜି ଗାଜା କାଟ୍ କିଜି ଇଚାଡ଼, “ଏ ମାପୁ, ଦାଉଦ୍ ମେହି, ମାଙ୍ଗେଙ୍ଗ୍ ଦୟା କିଦା ।”

୩୧ ଲକୁ ମୁମ୍‌ଦ ହେଝାରିଂ ଦାକା କିଜି ଚିମ୍‌ରା ଆଦେଂ ଇଚାଡ଼ । ମାତର୍ ହେଝାର୍ ଆରି ଚେରା ଆଜି ଇଚାଡ଼, “ଏ ମାପୁ ଦାଉଦ୍ ମେହି, ମାଙ୍ଗ୍ ଦୟା କିଦା ।”

୩୨ ହେବେତାଂ ଜିସୁ ନିଲ୍‌ଟି ହେଝାରିଂ ହିର୍‌ବିସ୍ ଖେନ୍‌ବାତାନ୍, “ଆନ୍ ମି କାଜିଂ ଇନାକା କିନାଙ୍ଗ୍ ଇଞ୍ଜି ଏପେଙ୍ଗ୍ ଇଚା କିନାଦେରା ?”

୩୩ ହେଝାର୍ ତାଙ୍ଗ୍ ଇଚାଡ଼, “ଏ ମାପୁ, ଇନେସ୍ ମା କାଣ୍‌ଙ୍ଗା ଜେୟା ଆନାଡ଼ ।”

୩୪ ଆରେ, ଜିସୁ ଦୟା କିଜି ହେଝାର୍ କାଣ୍‌ଙ୍ଗା ତୁତାନ୍ ଆରି ହେ ଦାପ୍ରେ ହେଝାର୍ କାଣ୍‌ଙ୍ଗା ହୁଡ଼୍‌ଜି ଜିସୁ ପାଚେ ପାଚେ ତାଙ୍ଗ୍‌ଦେଂ ଲାଗାତାର୍ ।

୨୧

ଜିରୁସାଲମ୍‌ତ ଜିସୁ ରାଜା ଲାକେ ହଣ୍‌ଗାତାନ୍
(ମାର୍କ ୧୧:୧-୧୧; ଲୁକ ୧୯:୨୮-୪୦; ଜହନ୍ ୧୨:୧୨-୧୯)

୧ ହେ ପାଦ୍‌ନା ଜିସୁ ଆରି ଚେଲାର୍ ଜିରୁସାଲମ୍ କଚଣ୍ ବେଡ଼୍‌ପାଗି ନାସ୍‌ତାଂ ଏକାତାର୍ ହେ ପାଦ୍‌ନା ରିୟାର୍ ଚେଲାର୍ ଜିଡ଼୍‌ମାଡ଼ି ଏକାତାର୍ । ୨ ମି “ଲାଗେ ହେ ନାସ୍ତ ହାଲାର୍, ଆରେ ହାନିଲାଡ଼େ ଗାଚ୍ୟା ଆଜି ମାନି ର ଗଦ ହିମ୍‌ଣା ଆରି ତା ଲାହାଙ୍ଗ୍ ର ହିମ୍‌ଣା ହୁଡ଼୍‌ନାଦେର୍; ହେଝେକିୟାଙ୍ଗ୍ ରିକ୍‌ଟି ନା କଚଣ୍ ତାହିଝାଡ଼ ।” ୩ ଆରେ, ଇନାଝାଡ଼ାଂ ଇନେର୍ ମିଙ୍ଗେଙ୍ଗ୍ ଇନାକା ଇନାର୍, “ଲାଗିଂ ଇନାଦେର୍, ଇଝାଙ୍ଗ୍ ତାକେ ମାପୁ* ଲଡ଼ା ମାନାଡ଼ । ହେ ଦାପ୍ରେ ହେଝେନ୍ ହେଝେକିୟାଙ୍ଗ୍ ପକ୍ତାନାନ୍ ।”

୪ ବେଣ୍‌ବାକ୍‌ଣାୟାକିନାକାର୍ କାଜିଂ ଇଦାଂ ଇ ବଚନ୍ ଇନେସ୍ ପୁରା ଆନାଡ଼, ହେଦାଂ କାଜିଂ ଇଦାଂ ଗିଟା ଆତାଡ଼,

୫ “ସିୟନ୍‌ନି ଗାଡ଼୍‌ଚେଂ ଝେଚାଡ଼,

ହୁଡ଼ା, ମି ରାଜା ନି କଚଣ୍ ଝାନାନା;

ହେଝାନ୍ ହୁଦାର୍ ଆରି ଗଦ ହିମ୍‌ଣା ଜପି କୁଚ୍‌ଚାନ୍ନା ଗଦ ଜପି କୁଚ୍‌ଚାକାନ୍ ।”

୬ ହେବେ ଚେଲାହିର୍ ହାଲ୍‌ଜି ଜିସୁଙ୍ଗ୍ ବଲ୍ ତାଙ୍ଗ୍ କାମାୟା କିତାର୍, ୭ ଆରେ ଗଦ ହିମ୍‌ଣା ତାସି ହେଝାଙ୍ଗ୍ ଜପି ହେୟା ପାସ୍‌ସି ହିତାର୍, ଆରେ ଜିସୁ ତା ଜପି କୁଚ୍‌ଚାନ୍ । ୮ ଆରେ, ମାନାୟାର୍ ବିତ୍ରେ କେତେଜାଣ୍ ଜାର୍ ଜାର୍ ହେୟା ହାସ୍‌ଦ ପାସ୍ତାର୍ ଆରି କେତେଜାଣ୍ ମାର୍‌ଦାଂ ତାଡ଼୍ କାଦ୍‌ଦି ତାସି ହାସ୍‌ଦ ପାସ୍‌ସି ହିଦେଂ ଲାଗାତାର୍ । ୯ ଆରେ ତା ଆଗେ ଆରି ପାଚେ ହାଲ୍‌ଜି ମାନି ମାନାୟାର୍ ଗାଜା କାଟ୍‌ତାଂ ଇଞ୍ଜେଙ୍ଗ୍ ଲାଗାତାର୍,

✱ ୨୦:୨୫ ୨୦:୨୫ ଲୁକ ୨୨:୨୫,୨୬. ✱ ୨୦:୨୬ ୨୦:୨୬ ମାତ୍ରିକ ୨୩:୧୧; ମାର୍କ ୯:୩୫; ଲୁକ ୨୨:୨୬. * ୨୧:୩ ୨୧:୩ ମାପୁ; ନଲେ ହାଉକାର୍ ।

ହସାନ୍ନା “ଦାଉଦ୍‌ତି ହିମ୍‌ଶା ଦନ୍ୟବାଦ୍ କିୟାଟ୍ ! ମାପୁ ତରଦାଂ ଇନେର୍ ଖାନାରା, ହେଝେନ୍ ଦନ୍ୟ ମାପୁ କେରକଣ୍ ଆୟେଡ୍ ।”

୧୦ ଆରେ, ହେଝେନ୍ ଜିରୁସାଲମ୍‌ତ ହଶ୍‌ଗାତାନ୍, ଗାଡ଼ନିକାର୍ ଇଝାନ୍ ଇନେନ୍ ଇଞ୍ଜି ବିଙ୍‌ବିଙ୍ଗ୍ ଆତାଡ୍ ।

୧୧ ହେବେତାଂ ମାନାୟାର୍ ଇଚାର୍, “ଇଝେନ୍ ଗାଲିଲିନି ନାଜରିତ୍‌ତ ର ବେଶ୍‌ବାକ୍‌ଶାୟ୍‌କିନାକାନ୍ ଜିସୁ ।”

ଜିସୁ ମନ୍ଦିରତ ହାଚାନ୍

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହନ୍ ୧:୧୩-୨୨)

୧୨ ପାଚେ ଜିସୁ ମନ୍ଦିରତ ହଶ୍‌ଜି ହେ ବାହାତ କଡ଼ନାକା ପ୍ରନାକାରିଂ ଝିଜାର୍ ମାନାୟାରିଂ ହପ୍‌ତାନ୍, ଆରେ ତାରୁଙ୍ଗ୍ ବେପ୍ରିୟାର୍‌ତି ପାଟା ଆରି ପାଶ୍‌କା ବେପ୍ରିୟାର୍‌ତି କୁର୍‌ନି ବାହା ଉଲ୍‌ଗାୟ୍ କିତାନ୍, ୧୩ ଆରେ ଜିସୁ ହେଝାରିଂ ଇଚାନ୍, ଦରମ ସାସ୍‌ରତ ଲେକା ମାନାଡ୍, “ମା ଇଲ୍ ପାର୍‌ତାନା ଇଲ୍ ଇଞ୍ଜି ପୁଟା ଆନାଡ୍ ମାତର୍ ଏପେଙ୍ଗ୍ ତାଙ୍ଗେଙ୍ଗ୍ ଚକ୍‌କୁ ଇଲ୍ କିତାଦେଶ୍‌ ।”

୧୪ ଆରେ, ମନ୍ଦିରତ କାଶା ଆରି ହିରକଲ୍ ରଗି ମାନାୟ୍ ତା କଟଣ୍ ଖାତିଲେ, ହେଝେନ୍ ହେଝାରିଂ ଉଜ୍ କିତାନ୍ । ୧୫ ମାତର୍ ମୁଡ୍ ମାପୁହେବାକିନାକାନ୍ ଆରି ଗୁରୁର୍ ତା କିଡି କାବା ଆନି କାମାୟ୍ ସବୁ ଆରି ମନ୍ଦିର ବିଡ୍ରେ ହସାନ୍ନା “ଦାଉଦ୍‌ନି ହିମ୍‌ଶା” ଇଞ୍ଜି ଗାଜା କାଟ୍ କିଜି ମାନି କାଡ୍‌ଦେରିଂ ହୁଡ୍‌ଜି ରିସା ଆତାନ୍ ।

୧୬ ହେଝାର୍ ଜିସୁଙ୍ଗ୍ ଝେନ୍‌ବାତାର୍, “ଇଝାର୍ ଇନାକା ଇଞ୍ଜିନାରା, ଏପେଙ୍ଗ୍ ଝେନାଦେରା ?”

ଜିସୁ ହେଝାରିଂ ଇଚାନ୍, “ଆଁ, ଏନେଙ୍ଗ୍ ହିମ୍‌ଶା ଆରି ଉଶାକାର୍ ଝେଇ କାଜିଂ ମିଦାଙ୍ଗ୍ ଇନାକା ଦରମ୍ ସାସ୍‌ରତ ଲେକାତାଡ୍‌ନା ପଡି କିଝାତାଜନା କି, ଏନ୍ ହିମ୍‌ଶାଂ ଆରି କଡ୍‌ଗେ ହିମ୍‌ଶାକାଂ ଆଦିକ୍ ଝାରି କିଦେଙ୍ଗ୍ ହିକ୍ୟା ହିତାୟ୍‌ନା ?”

୧୭ ଇଦାଂ ଇଞ୍ଜି ଜିସୁ ହେଝାରିଂ ପିସ୍ତି ଜିରୁସାଲମ୍‌ତାଂ ହସି ବେଡ୍‌ନିୟା ହାଚାର୍ । ହେବେ ଜିସୁ ନାଶା ମାଚାନ୍ ।

ଜିସୁ ତଗା ମାର୍‌ତିଂ ରାଶ୍ ହିତାନ୍

(ମାର୍କ ୧୧:୧୨-୧୪, ୨୦-୨୪)

୧୮ ହେ ଆକାଡ୍ ନାଜିଂ ଜିସୁ ଜିରୁସାଲମ୍‌ତାଂ ଝାନିହିଂ ନାସ୍‌କି ଆତାନ୍ । ୧୯ ହାଜି କଟଣ୍ ର ତଗା ମାର୍ ମାଚାଡ୍ । ଜିସୁ ତା ଲାଗାଂ ହାଲ୍‌ଜି ହେବେ ଆକିଂ ପିସ୍ତି ଆରି ଇନାକା ହୁଡ୍‌ଝାତାନ୍ । ଲାଗିଂ ଜିସୁ ମାର୍‌ତିଂ ଇଚାନ୍, “ଏନ୍ ଆରେ ମୁଡ୍‌କେ ପାଡ୍ ଆହ୍‌ମା ।” ହେ ଦାପ୍ରେ ତଗା ମାର୍ ଝାଜ୍‌ଜି ହାଚାଡ୍ ।

୨୦ ତେଲାହିର୍ ଇଦାଂ ହୁଡ୍‌ଜି କାବା ଆଜି ଝେନ୍‌ବାତାର୍, “ତଗା ମାର୍ ଏଚେତାଶ୍ ଝାଚ୍‌ତାଡ୍ ଇନେସ୍ ?”

୨୧ *ଜିସୁ ଉତର୍ ହିତାନ୍, “ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜିନାଙ୍ଗା, ଜଦି ମି ପାଡ୍ ମାନାଡ୍, ଆରେ ଏପେଙ୍ଗ୍ ପାଡ୍ କିଉଦେର୍, ଲାଗିଂ ଇ ତଗା ମାର୍ କାଜିଂ ଇନେସ୍ କିୟାଆତାଡ୍‌ନା, କେବଲ୍ ଇନେର୍ ହେ ଲାକେ କିନାଦେର୍, ହେଦାଂ ଆକାୟ୍, ମତର୍ ଜଦି ଇ ମାଡ୍‌ତିଂ ପା ଏନ୍ ନିଙ୍ଗ୍‌ଜି ହାମ୍‌ଦୁର୍‌ତ ହାଲ୍‌ଜି ଆରା ଇଞ୍ଜି ଇନାଦେର୍, ତା ଆଡିସ୍ ହେଦାଂ ଗିଟା ଆନାଡ୍ । ୨୨ ଆରେ, ପାଡ୍ କିଜି ପାର୍‌ତାନାତାଂ ଇନାକା ପା ଏନ୍‌ନାଦେର୍ ହେ ସବୁ ପାୟାନାଦେର୍ ।”

ଜିସୁତି ଆଦିକାର୍ ବିସ୍ତେ ପରସନ୍

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ପାଚେ ଜିସୁ ମନ୍ଦିରତ ହଶ୍‌ଜି ହିକ୍ୟା ହିନି ଝେଡାଲିଂ ମୁଡ୍ ମାପୁହେବା କିନାକାର୍ ଆରି ମାନାୟାର୍‌ତି ବୁଡାଲୁର୍ ତା କଟଣ୍ ଝାଜି ଝେନ୍‌ବାତାର୍, ଏନ୍ “ଇମ୍‌ଶି ଆଦିକାର୍‌ତାଂ ଇ ଝିଜୁ କିନାୟା ? ଆରେ, ନିଙ୍ଗେଙ୍ଗ୍ ଇନେର୍ ଇ ଆଦିକାର୍ ହିଡ୍‌ତାର୍ ?”

୨୪ ଜିସୁ ହେଝାରିଂ ଉତର୍ ହିତାନ୍, “ଆନ୍ ମିଙ୍ଗେଙ୍ଗ୍ କେବଲ୍ ର ପରସନ୍ ଗଝାରି କିଦ୍‌ନାଙ୍ଗ୍ ହେ ଉତର୍ ହିଦେଂ ଆଡ୍‌ଡିସ୍, ଆନ୍ ଇମ୍‌ଶି ଆଦିକାର୍ ଇ ଝିଜୁ କାମାୟ୍ କିନାଙ୍ଗା, ମିଙ୍ଗେଙ୍ଗ୍ ଝେର୍‌ନାଙ୍ଗ୍ । ୨୫ ବାପ୍ତିସିମ୍ ହିନାକା ଆଦିକାର୍ ଜହନ୍ ଇନେର୍‌ତାଂ ଗାଟା ଆଜି ମାଚାନ୍ ? ସାଗେତାଂ କି ମାନାୟ୍‌ତିଂ ?”

ହେବେ ହେଝାର୍ ହେଝାର୍ ବିଡ୍ରେ ବେଶ୍‌କିତାର୍ “ଇ ବିସ୍ତେ ଇନାକା ଇନାସ୍ ? ଜଦି ଇନାସ୍ ଇସ୍‌ରତାଂ, ଲାଗିଂ ଜହନ୍‌ତିଂ ଇନାକିଦେଂ ପାଡ୍ କିଉଦେରା ଇଞ୍ଜି ହେଝାନ୍ ମାଙ୍ଗେଙ୍ଗ୍ ଝେନ୍‌ବାଦାନାନ୍ । ୨୬ ମାନାୟ୍‌ତିଂ ଇଞ୍ଜି ଜଦି ଇନାସ୍, ଲାଗିଂ ମାନାୟାରିଂ ମାଙ୍ଗ୍ ପାଶ୍ତୁ ହୁଡ୍‌ନାତା, ଇନାକିଦେଂକି ଝିଜାର୍ ମାନାୟାର୍ ଜହନ୍ ରକାନ୍ ବେଶ୍‌ବାକ୍‌ଶାୟ୍ କିନାକାନ୍ ଇଞ୍ଜି ହେଝାର୍ ପାଡ୍ କିନାରା ।” ୨୭ ହେଦାଂ କାଜିଂ ହେଝାର୍ ଜିସୁ ଉତର୍ ହିଜି ଇଚାର୍, “ଆପେଂ ପୁନୁପ୍ ।”

ଜିସୁ ହେଝାରିଂ ଇଚାନ୍, “ଇନେର୍ ଆଦିକାର୍‌ତାଂ ଇ ସବୁ କିନାଙ୍ଗା, ଆନ୍ ପା ମିଙ୍ଗେଙ୍ଗ୍ ଝେର୍‌ରୁଙ୍ଗ୍ ।”

☆ ୨୧:୨୧ ୨୧:୨୧ ମାଡ଼ିଉ ୧୭:୨୦; ୧ କରନ୍ତିୟ ୧୩:୨.

ରିୟାର ମାଜିର ଉତ୍ତରମୁତ୍

୨୮ “ମତର ଏପେଙ୍ଗ ଇନାକା ମାନେ କିୟା ? ରଞ୍ଜାନ ମାନାୟତି ରିୟାର ମାଜି ମାଚାର । ହେଞ୍ଜେନ୍ ପର୍ତ୍ତୁମ୍ କଚଣ୍ ଖାଜି ଗାଜା ମାଜି ଇଚାନ, ମାଜି, ହାଲା, ନେଞ୍ଜେଙ୍ଗ ଅଙ୍ଗୁର୍ ବାଡ୍ଦ କାମାୟ କିୟା । ୨୯ ହେଞ୍ଜେନ୍ ଉତ୍ତର ହିତାନ, ନା ଇଚା ଆକାୟ, ମାତର ପାଚେ ମାନ୍ବାଦ୍ଲାୟ କିଜି ହାଚାନ । ୩୦ ଆରେ, ଆବା ଆରେ ରକାନ କଚଣ୍ ଖାଜି ହେ ଲାକେ ଇଚାନ । ହେଞ୍ଜାନ ଉତ୍ତର ହିତାନ, ଗୁରୁ, ଆନ୍ ହାନାଙ୍ଗା, ମାତର ହାଲ୍-ଖାତାନ । ୩୧ ଇନା, ଇ ରିୟାର ମେହିର୍ ବିତ୍ରେ ଇନେର୍ ତା ଆବାତି ବଲ୍ ମାନି କିଜି ମାଚାନ ?” ହେଞ୍ଜାର ଇଚାର, “ଗାଜା ମେହି ।”

ଜିସୁ ହେଞ୍ଜାରି ଇଚାନ, “ଆନ୍ ହାଡ୍ପା ଇଞ୍ଜନାଙ୍ଗା ସିସୁନ୍ନାକାର ଆରି ଦାରୁଲାର ମିଙ୍ଗେଙ୍ଗ ତାଙ୍ଗ ଆଗେ ଇସ୍ତର ରାଜିତ ହଣାର । ୩୨ ଇନାକିଦେଂକି ଜହନ୍ ମି କଚଣ୍ ଦାମ୍ ନି ହାଜି ହିଜି ଖାତାନ, ଆରେ ଏପେଙ୍ଗ ତାଙ୍ଗେଙ୍ଗ ପାତ୍ କିଞ୍ଜାତାଦେର୍, ମତର ସିସୁନ୍ନାକାର ଆରି ଦାରୁଲାର ତାଙ୍ଗେଙ୍ଗ ପାତ୍ କିତାର, ମାତର ଏପେଙ୍ଗ ଇନେସ୍ ତାଙ୍ଗେଙ୍ଗ ପାତ୍ କିଦେଙ୍ଗ ଆଡ୍ନାଦେର୍, ଇଦାଂ କାଜି ହେଦାଂ ହୁଡ୍ଜି ପା ମାନ୍ବାଦ୍ଲାୟ କିଞ୍ଜାତାଦେର୍ ।”

କାମ୍ଲିୟା ଅଙ୍ଗୁର୍ ବାଡ୍ନି ବାଗ୍ ଉତ୍ତରମୁତ୍
(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ “ଆରେ ର ଉତ୍ତରମୁତ୍ ଖେନାଟ୍ । ରଞ୍ଜାନ ଇଲ୍ ହାଉକାର ମାଚାନ, ହେଞ୍ଜାନ ର ଅଙ୍ଗୁର୍ ବାଡ୍ କିଜି ଚାରିବେଣ୍ଡତାଂ ବାଡ୍ ତ୍ତଚାନ ଆରି ହେ ବିତ୍ରେ ଅଙ୍ଗୁର୍କୁଣ୍ଡି କାଚ୍ ମାଚା ରଚ୍ଚାନ, ଆରେ କାମ୍ଲିୟାରି ହେ ବାଡ୍ ବାଗ୍ ହିଜି ବିଦେସ୍ ହାଚାନ ।

୩୪ ପାଚେ ପାଡ୍ନି ସମ୍ପୁ ଲାଗେ ଖାତିଲେ, ହେଞ୍ଜାନ ଜାର ପାଡ୍ ଗାଟାଆଦେଂ କାଜି କାମ୍ଲିୟାର ଲାଗାଂ ଜାର ଆଡ୍ରିୟାରି ପକ୍ତାନ । ୩୫ ମାତର କାମ୍ଲିୟାର ହେଞ୍ଜାକ୍ତି ଆଡ୍ରିୟାରି ଆସ୍ତି ରକାନିଂ ଗ୍ରାକ୍ତାର, ଆରେ ରକାନିଂ ଅସ୍ତାର, ଆରେ ରକାନିଂ କାଲ୍କୁ ଇଡ୍ଜି ଅସ୍ତାର । ୩୬ ଆରେ ରଗ ବାଡ୍ ମାଲିକ୍ ହିଗ୍ଦତାଂ ବେସିହେନି ଆଡ୍ରିୟାରି ପକ୍ତାନ, ଆରେ ବାଗ୍ କାମ୍ଲିୟାର ହେଞ୍ଜାର ହେଞ୍ଜାର କାଜି ହେ ଲାକେ କିତାର । ୩୭ ମାତର ନା ମେହିଙ୍ଗ ହେଞ୍ଜାର ମାନି କିନାର, ଇଦାଂ ଇଞ୍ଜି ଖିସ୍ତିହିଙ୍ଗ ହେଞ୍ଜାନ ପାଚେ ଜାର ମାଜି ହେଞ୍ଜାର ତାକେ ପକ୍ତାନ ।”

୩୮ “ମତର ହେ କାମ୍ଲିୟାର ମେହିଙ୍ଗ ହୁଡ୍ଜି ରଞ୍ଜାନ ଆରେ ରଞ୍ଜାନିଂ ଇଚାର, ‘ଇଞ୍ଜାନ ହୁଡ୍ଜାଟ୍ ହାଉକାର ମେହି; ଖାଡ୍, ଇଞ୍ଜାନିଂ ଅଜି ଆସେଙ୍ଗ ଇଞ୍ଜାକ୍ତି ଆଦିକାର କେଇଦ ଅନାସ୍ ।’ ୩୯ ହେବେ ହେଞ୍ଜାର ହେଞ୍ଜାନିଂ ଅଜି ଅଙ୍ଗୁର୍ ବାଡ୍ନି ବାଗ୍ ତୁଇଜି ଅସ୍ତାର ।

୪୦ ଜିସୁ ଖେନ୍ବାଚାନ, ଏଚେକାଡ୍ଦ ହେ ଅଙ୍ଗୁର୍ ବାଡ୍ନି ହାଉକାର ଖାନାନ, ହେଞ୍ଜାତାଂ ହେ କାମ୍ଲିୟାର କାଜି ହେଞ୍ଜାନ ଇନାକା କିନାନ ?”

୪୧ ହେଞ୍ଜାର ହେଞ୍ଜାନିଂ ଇଚାର “ହେଞ୍ଜାନ ହେ ବାନିୟାରିଂ ହେଞ୍ଜାନ ହାତେନେ ଅହ୍ନାର ଆରି ଇମ୍ଣି ବିନ୍ ବାଗ୍ କାମ୍ଲିୟାର ହେଞ୍ଜାନିଂ ସମାନ ସମୁତ ବାଗ୍ନି ପାଡ୍ ହିନାର, ହେଞ୍ଜାରିଂ ଅଙ୍ଗୁର୍ ବାଡ୍ ବାଗ୍ ହିନାନାନ ।”

୪୨ ଜିସୁ ହେଞ୍ଜାରିଂ ଇଚାନ, “ଏପେଙ୍ଗ କି ଇନାଖାଡ୍ପା ଦରମ୍ ସାସ୍ତରତ ଇ କାତା ପଡ୍ କିଞ୍ଜାତାଦେଣ୍ଡା, ‘ଇଲ୍ ରଚ୍ଚନାକାର ଇମ୍ଣି କାଲ୍ଦିଂ ମୁନାକିତାନ, ହେଦାଂ କନାନି ମୁଡ୍କାଲ୍ ଆତାଡ୍; ମାପୁତାଂ ଇଦାଂ ଆତାଡ୍, ଆରେ ହେଦାଂ ମା କାଣ୍କୁତ କାବାଆନାକା ?”

୪୩ ଇଦାଂ କାଜିଂ ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଇସ୍ତର୍ ରାଜି ମିତାଙ୍ଗ ଉନ୍ଦିୟାନାଡ୍, ଆରେ ଇମ୍ଣି ଜାତି ହେବେନି ପାଡ୍ ଆହ୍ନାଡ୍, ହେଞ୍ଜାନିଂ ହିୟାନାଡ୍ ।

୪୪ ଆରେ, ଇନେର୍ ଇ କାଲ୍ ଜପି ଆର୍ନାର, ହେଞ୍ଜାନ ବିରାଆନାନ, ଆରେ ଇ କାଲ୍ ଇନେର୍ ଜପି ଆର୍ନାଡ୍, ହେଞ୍ଜାନିଂ ହେଦାଂ ବିରାୟ କିନାଡ୍ ।”

୪୫ ମୁଡ୍ମାପୁହେବାକିନାକାର ଆରି ପାରୁସିର୍ ଜିସୁତି ଇ ସବୁ ଉତ୍ତରମୁତ୍ ଖେନ୍ଞି, ଜିସୁ ଜେ ହେଞ୍ଜାର ବିସ୍ତେ ଇଚ୍ଚକାଡ୍ କିତାଣ୍ଡା ଇଞ୍ଜି, ବୁଜାଆତାର । ୪୬ ଆରେ, ହେଞ୍ଜାର ହେଞ୍ଜାନିଂ ଆସ୍ତେଙ୍ଗ ସେସ୍ତା କିତାର, ମାତର ମାନାୟାରିଂ ପାଣ୍ଡାତାର, ଇନାକିଦେଂକି ହେଞ୍ଜାର ହେଞ୍ଜାନିଂ ବେଣ୍ଡବାକ୍ଣାୟ କିନାକାନ ଇଞ୍ଜି ମାନି କିଜି ମାଚାର ।

୨୨

ବିବା ବଜିନି ଉତ୍ତରମୁତ୍, (ଲୁକ ୧୪:୧୫-୨୪)

୧୧ ଜିସୁ ଆରେ ରଗ ଉତ୍ତରମୁତ୍ ହୁକେ ଲକୁରି ହିକ୍ୟା ହିତାନ, ୧୨ “ସାର୍ଗେ ରାଜି ଏଲେଙ୍ଗ୍, ରକାନ ରାଜା ମାଚାନ, ଇନେରକି ଜାର ମାଜିଡି ବିବା ବଜି ଜାଲଦି କିତାନ, ୧୩ ଆରେ ହେ ବଜିତ କୁକ୍ୟାତି ଲକାରି କୁକ୍ତି ତାତେଙ୍ଗ୍ ଇଞ୍ଜି ହେଖାନ ହେ ଆଡ଼ିୟାରି ପକ୍ତିତାନ, ମାତର ହେଖାର୍ ଖାଦେଙ୍ଗ୍ ମାନ କିଖାତାର । ୧୪ ଆରେ ରଗ ହେଖାନ ବିନ୍ ଆଡ଼ିୟାରି ପକ୍ତି ବଲ୍ଲ ହିତାନ, କୁକ୍ତି ଲଗାଁ ଇନାଟ୍, ହୁଡ଼ାଟ୍, ‘ଆପେ ମା’ ବଜି ଜାଲଦି କିତାପୁନା, ମା ସଣ୍ଡ ଆରି ଦୁମାଁ ଅହ୍ରିଙ୍ଗ୍ ପାଗ୍ତାପୁନା, ଝିଜୁ ଜାଲଦି ଆତାଡ଼ୁନା, ଏପେଙ୍ଗ୍ ବିବା ବଜିତ ଖାଡୁ ।” ୧୫ “ମାତର କୁକ୍ୟାତି ମୁଣିକାର ଇ କାତାତିଁ ମାନିକିଖାଦାଁ ଜାର ଜାର କାମାୟ କିଦେଙ୍ଗ୍ ଲାଗାତାର ରଖାନ ତା ରୁମିତ ହାଚାନ, ଆରେ ରଖାନ ଦୁକାଣ୍ଡ ହାଚାନ ଆରି, ୧୬ ଆରେ କେତେକ୍ ଜାଣ୍ ରାଜାତି ଆଡ଼ିୟାରି ଆସ୍ତି ଅସ୍ତପାତାର । ୧୭ ରାଜା ରିସା ଆଜି ମେଲ୍ୟାରିଁ ପକ୍ତିତାନ । ହେଖାର୍ ହେ ନାର ମାରୁରିଁ ଅଜି ହେଖାର୍ତି ବସ୍ତିତିଙ୍ଗ୍ ନିସ୍ତ ମେହାୟ କିତାର ।” ୧୮ ତା ପାଚେ ରାଜା ଆଡ଼ିୟାରିଁ କୁକ୍ତି ଇଚାନ, “ବିବା ବଜି ଜାଲଦି, ମାତର ଆନ୍ କୁକ୍ତାକାର୍ ଖାଦେଙ୍ଗ୍ କାଖାତାର ।” ୧୯ “ଲାଗିଁ ରାଜ୍ତାଣ୍ଡିନି ତେଡ଼ା ତେଡ଼ା ହାଲଜି ଏଚେକ୍ ଲକାଁ ହୁଡ଼ନାଦେର, ଝିଜାକାରିଁ ମା ବଜିତ କୁକ୍ତି ତାହିଖାଡୁ ।” ୨୦ ଲାଗିଁ ଆଡ଼ିୟାର୍ ପାଟି ପାଟିତିଁ ବୁଲାଆଜି ହାର୍ ଆଏଡ୍ କି, ବାନ୍ୟା; ଏଚେକ୍ ଲଗାଁ ହୁଡ଼ତାର, ଝିଜାକାରିଁ କୁକ୍ତି ତାହିଖାତାର ଆରି ବିବା ଇଞ୍ଜି ବାତ୍ କିତାର ।

୨୧ “ରାଜା ଗତାକାଁ ହୁଡ଼ଦେଁ ଖାତାନ । ହେଖାନ ହୁଡ଼ତାନ, ହେଖାର୍ ବିତ୍ରେ ରଖାନ ବିବା ହେନ୍ଦା ଉସ୍ତପା ଖାଦାଁ ମାନି ରଖାନିଙ୍ଗ୍ ହୁଡ଼ଜି ହେଖାନିଙ୍ଗ୍ ଇଚାନ । ୨୨ ରାଜା ହେଖାନିଁ ଝେନ୍ଦାତାନ, ‘ବନ୍ଦୁ, ବିବା ଇଲ୍ଲ ହେନ୍ଦା ଉସ୍ତପାଖାଦାଁ ଇବେ ଖାତାୟ ଇନେସ୍ ?’ ମାନାୟ ଉତ୍ତର ହିଖାଦାଁ ଚିମ୍ବରା ଆତାନ । ୨୩ *ରାଜା ଆଡ଼ିୟା ଝେଚ୍ଚାନ, ତା କେଇକାଲ୍ ଗାଚ୍ଚି ବାଚ୍ଚି ମାଜ୍ଗାତ ତୁହିୟାଟ୍ । ହେବେ ଆଡ଼ବିସ୍ ଗାତାଙ୍ଗ୍ ରେଡିକିନାନ ।”

୨୪ ଜିସୁ ଝିସ୍ତିହିଙ୍ଗ୍ ଇଚାନ, ଆଦିକ୍ କୁକ୍ୟାତାର, “ମାତର ଅଲପ୍ ବାଚିକିୟାତାକାର ।”

ହିନି ବିସ୍ତେ (ମାର୍କ ୧୨:୧୩-୧୭; ଲୁକ ୨୦:୨୦-୨୬)

୨୫ କେଡ଼ଜାଣ୍ ପାରୁସିର୍ ହାଲଜି ଜିସୁଙ୍ଗ୍ ପରସନ୍ ଝେନ୍ଦବିସ୍ ହେଖାନିଁ ତୁକ୍ତାତ ରାଡ଼ତେଁ ଇଞ୍ଜି ଉପାୟ ପାଟି କିତାର । ୨୬ ହେଖାର୍ ନିଜାର୍ କେତେକ୍ ଜାଣ୍ ଚେଲାରିଁ ଆରି ହେରଦିୟା ଦଲ୍ଲନି କେତେକ୍ ଜାଣ୍ ମାନାୟତିଁ ଜିସୁ ଲାଗେ ପଲ୍ଲାର୍, ହେଖାର୍ ଝେନ୍ଦାତାର “ଏ ଗୁରୁ ଆପେଁ ପୁଚାପୁନା, ଏନ୍ ସଡ଼ କାତା ଇନାୟ ଇସ୍ବର ହାଡ଼ପା ବିସ୍ତେନି ହାଜି ସିକ୍ୟା ହିତାୟନା । ଆରେ ଇନେରିଁ ପାଣ୍ଡା ଆଉୟ, ଇନାକିଦେଁକି ଏନ୍ ମାନାୟତିଁ ମୁକ୍ତମେଟ୍ ହୁଡ଼ୟ । ୨୭ ଲାଗିଁ ମାଙ୍ଗ୍ ଝେଚ୍ଚା, ନି ଇନାକା ଇନାକା ? କାଈସ୍ବରତିଁ ସିସ୍ତୁ ହିନାକା ବିଦି ମାନାଡ଼ କି ଆକାୟ ?”

୨୮ ମାତର ଜିସୁ ହେଖାର୍ତି କୁଚ୍ ପୁଞ୍ଜି ମାଚାନ । ଲାଗିଁ ହେଖାନ ଇଚାନ, “ଆଡ଼େ କାପ୍ତିୟାର୍, ନାଙ୍ଗ୍ ତୁକ୍ତାତ ରାଡ଼ତେଦେଁ ଇନେକିଦେଁ ସେସ୍ତୁ କିନାଦେରା ? ୨୯ ଇମ୍ଣା ଟାକାଁ ହିନାଦେରା, ହେବେଣ୍ଡାଁ ରଞ୍ଜୁ ତାସି ଚଚ୍ଚାଟ୍ ।

ହେଖାର୍ ରଞ୍ଜୁ ଅଦ୍ନି ତାସି ତାଙ୍ଗେଙ୍ଗ୍ ହିତାର ।” ୩୦ ଜିସୁ ହେଖାରିଁ ଝେନ୍ଦାତାନ, “ଇ ଅଦ୍ନି ଜପି ଇନେରଡି ତର ଆରି ପୁଡ଼ଡ଼ା ରଚ୍ୟା ଆତାଡ଼ୁନା ।”

୩୧ ହେଖାର୍ ଉତ୍ତର ହିତାର, “କାଈସ୍ବରତି ।”

ଜିସୁ ହେଖାରିଁ ଇଚାନ, “ତେବେ ଇମ୍ଣାକା ରମ୍ଡି, ହେଦାଁ ରମ୍ଡି ହିୟାଟ୍, ଆରି ଇମ୍ଣାକା ଇସ୍ବତ୍, ହେଦାଁ ଇସ୍ବରତି ହିୟାଟ୍ ।”

୩୨ ଇଦାଁ ଝେନ୍ଦଞ୍ଜି ହେଖାର୍, କାବା ଆଜି ହାଚାର ।

ଆରେ ନିଙ୍ଗି ବିସ୍ତେ ପରସନ୍ (ମାର୍କ ୧୨:୧୮-୨୬; ଲୁକ ୨୦:୨୭-୪୦)

୩୩ ହେ ଦିନ୍ ସାଦୁକି କୁଦାନି କେତେକ୍ ଜାଣ୍ ଜିସୁ ତାକେ ଖାତାର । ସାଦୁକିର୍ ପାତ୍ କିଜି ମାଚାର୍ ଜେ, ଆରେ ନିନାକା ଆକାୟ । ୩୪ ହେଖାର୍ ଜିସୁଙ୍ଗ୍ ଝେନ୍ଦାତାର, “ଗୁରୁ, ମସା ଇଞ୍ଜାନ୍ନା ଜେ, ଜଦି ରଖାନ ମାନାୟ ହିମ୍ଣାଖାକ୍ତା ଆଖାଦାଁ ହାଡିସ୍, ବାଚିଙ୍ଗ୍ ତା ଚଣ୍ଡେନ୍ ହେ ରାଣ୍ଡିଙ୍ଗ୍ ବିବା କିନାନ ଆରି ହେଖାର୍ତି ହିମ୍ଣାଁ ହେ ହାଡି ଲକୁତ ମାଜିର୍ ଇଞ୍ଜି ଇନ୍ୟା ଆନାର । ୩୫ ଝେନାଟ୍, ମା ବିତ୍ରେ ସାଡ଼ ବାୟ ଟଣ୍ଡାର୍ ମାଚାର୍,

* ୨୨:୧୩ ୨୨:୧୩ ମାଡ଼ିଭ ୮:୧୨; ୨୫:୩୦; ଲୁକ ୧୩:୨୮.

ଗାଜା ଟଣ୍ଡେନ୍ ବିବା କିଛି ହାତାନ୍, ହିମ୍‌ଶାଞ୍ଜାକ୍‌ଡା ହିଲ୍‌ଝିତିଲେ ଜାର୍ ଟଣ୍ଡେନ୍ କାଜିଂ ଜାର୍ କଗଲେଂ ପିସ୍ତାନ୍ । ୨୭ ମାତର୍ ରିୟାର୍, ତିନ୍ ଜାଣ୍ ଆରି ହାରିହାରା ସାଡ୍ ଟଣ୍ଡାର୍ ପା ହେ ଲାକେ ବିବା କିତାର୍ । ୨୭ ହାରିହାରା ହେ କଗଲେ ପା ହାତାଡ୍ । ୨୮ ଇମ୍‌ଣି ଦିନ୍ ହାତି ମୁଣିକାର୍ ଆରେ ନିଂନାର୍, ଇ କଗଲେ ଇନେର୍ ତକ୍ତି ଇଞ୍ଜି ଇନାଆ ଆନାଡ୍ ? ଝିଜାକାର୍ ତ ତାଙ୍ଗ୍ ବିବା କିଛି ମାଗାର୍ ।”

୨୯ ଜିସୁ ହେଞ୍ଜାରିଂ ଉତର୍ ହିତାନ୍, “ଏପେଙ୍ଗ୍ ବାୟା କାଦେର୍ । ସାସ୍ତର୍ କି ଇସ୍ତର୍ ସାକ୍ତି ବିସ୍ତେ ମିଦାଙ୍ଗ୍ ଇର୍‌କାଡ୍ ହିଲ୍‌ଝି କାଜିଂ ଇ କାତା ପୁନ୍‌ଞା ତାଦେଣ୍ଟା । ୩୦ ଆରେ ନିଂନିତ ପାଚେ ହାତି ଲକୁ ହେଞ୍ଜାର୍ ସାଗେନି ଦୁଡ୍ ଲାକେ ଆନାର୍ । ହେଞ୍ଜାର୍ ବିବା ଆଉର୍ କି ବିବା କିଉର୍ । ୩୧ ହାତି ମୁଣିକାର୍ ଆରେ ନିଂନି ବିସ୍ତେ ଇସ୍ତର୍ ସାସ୍ତର୍ ଝେର୍‌ଚାତାନ୍ନା, ଏପେଙ୍ଗ୍ ଇନାକା ବାଇବଲ୍‌ତ ଇନାଞ୍ଜାଡାଂ ପଡ୍ଡି କିଞ୍ଜାତାଦେଣ୍ଟା ?” ୩୨ ଇସ୍ତର୍ ଇଞ୍ଜାନ୍ନା, ଆସେଙ୍ଗ୍ ଅଗ୍ରାହାମ୍, ଇସ୍‌ହାକ୍, ଆରି ଜାକୁବ୍‌ତି ଇସ୍ତର୍ । ଇସ୍ତର୍ ତ ଜିତାକାତର୍ ଇସ୍ତର୍ ହାତାକାତର୍ ଆଦେଂ ଆଡୁନ୍ ।

୩୩ ଲକୁ ଜିସୁତି ହିକ୍ୟା ଝେନ୍‌ଞ୍ଜି କାବା ଆତାର୍ ।

ମୁଡ୍‌ବଲ୍

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଏଚେକାଡ୍‌ଦ ପାରୁସିର୍ ଝେଚାର୍ ଜେ ଜିସୁ ସାଦୁକିରିଂ ଉତର୍ କିୟକିଞ୍ଜାତାନ୍‌ଦେ, ହେଞ୍ଜାର୍ ରୁଣ୍ଡା ଆଜି ଜିସୁ ଲାଗେ ଞ୍ଜାତାର୍ ୩୫ ଆରି ହେଞ୍ଜାର୍ ବିତ୍ତେ ରକାନ୍ ଦରମ୍ ସାସ୍ତର୍ ଜିସୁଙ୍ଗ୍ ଡକ୍‌କାତ ରାଡ୍‌ତେଂ ଇଞ୍ଜି ର ପରସନ୍ କିତାନ୍, ୩୬ “ଏ ଗୁରୁ,” ମସାତି ବିଦିତ “ଇମ୍‌ଣି ବଲ୍ ଝିଜେତିଂ ମୁଡ୍‌ଦାକା ।”

୩୭ ଜିସୁ ହେଞ୍ଜାନିଂ ଇଚାନ୍, “ନି ମାପୁ ଇସ୍ତର୍‌ତି ଝିଜୁ ଝାସ୍ତି, ଝିଜୁ ପାରାଣ୍ ଆରି ଝିଜୁ ମାନ୍ ହିଜି ଜିଉନଞ୍ଜାଟ୍ । ୩୮ ଇଦାଂ ନେ ପର୍ଡୁମ୍ ଆରି ମୁଡ୍‌ବଲ୍ ।” ୩୯ “ରିଣ୍ଡାଙ୍ଗ୍ ମୁଡ୍‌ବଲ୍ ଆନାତା, ମି ପାଡ୍‌ହା ଇଞ୍ଜାକାରିଂ ଜିବୁନ୍ ଲାକେ ଜିଉନଞ୍ଜାଟ୍ । ୪୦ ଇ ରିଣ୍ଡି ବଲ୍ ମସାତି ଝିଜୁ ବିଦି ଆରି ବେଣ୍‌ବାକ୍‌ଶାୟକିନାକାତର୍ ସିକ୍ୟାତ ବାସ୍ କିନାଡ୍ ।”

କ୍ରିଷ୍ଟ ମସିୟା ଆନାନ୍

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଏଚେକାଡ୍‌ଦ ପାରୁସିର୍ ରୁଣ୍ଡାଆତି ଝେଡାଲିଂ ଜିସୁ ହେଞ୍ଜାରିଂ ଝେନ୍‌ବାତାନ୍, ୪୨ “କ୍ରିଷ୍ଟ ଇତିସ୍ ମସିୟା ତା ବିସ୍ତେ ଏପେଙ୍ଗ୍ ଇନାକା ବାବି କିନାଦେରା ? ହେଞ୍ଜାନ୍ ଇନେର୍ କୁଚୁମ୍ ?”

ହେଞ୍ଜାର୍ ଉତର୍ ହିତାର୍, “ହେଞ୍ଜାନ୍ ଦାଉଦ୍‌ତି ।”

୪୩ ଜିସୁ ଝେନ୍‌ବାତାନ୍, “ତା ଆତିସ୍ ଦାଉଦ୍ ମସିୟାଙ୍ଗ୍ ନା ମାପୁ” ଇଞ୍ଜି ଇନେକିଦେଂ ଲେକି କିତାନ୍ନା ? ଇନାକିଦେଂକି ଜିବୁନ୍ ପକ୍ତିଲେ ହେଞ୍ଜାନ୍ ଲେକି କିତାନ୍ନା,

୪୪ “ମାପୁ ନା ମାପୁଙ୍ଗ୍ ଇଚାନ୍,

ଆପେଂ ମି ସାତୁରିଂ ମି ପାନା ତାରେନ୍ ଇର୍‌ଝି,

ହେ ପାତେକ୍ ମା ରୁଜ୍‌ଣି ବାଗାଙ୍ଗ୍ କୁଚ୍‌ତି ମାନା ।”

୪୫ “ଲାଗିଂ ଦାଉଦ୍ ଜଦି ତାଙ୍ଗ୍ ମାପୁ ଇଞ୍ଜି କିତାର୍, ବାଟିଙ୍ଗ୍ ମସିୟା ଇନେସ୍ ତା ମାଜି ଇଞ୍ଜି ଇନାନ୍ ?”

୪୬ ହେବେ ଇନେର୍ ପା ହେଞ୍ଜାନିଂ ପାଦେକ୍ ଉତର୍ ହିଦେଂ ଆଡ୍‌ଞ୍ଜାତାର୍, ଆରେ ହେ ଦିନ୍‌ତାଂ ଇନେର୍ ଆରେ ହେଞ୍ଜାନିଂ ପରସନ୍ ଝେନ୍‌ବେଦେଂ ସାସ୍ କିଞ୍ଜାତାର୍ ।

୨୩

ଦରମ୍‌ଗୁରୁ ଆରି ପାରୁସିର୍ ବିରୁଦ୍‌ତ ଜିସୁତି ଚେତାହିନି କାତା

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ହେଞ୍ଜେଡାଲିଂ ଜିସୁ ମାନାୟାରିଂ ଆରି ଚେଲାରିଂ ଇଚାନ୍, ୨ “ଦରମ୍ ଗୁରୁର୍ ଆରି ପାରୁସିର୍ ମସାତି ଗାଦିତ କୁଚ୍‌ଚାଣ୍ଟା । ୩ ଲାଗିଂ ହେଞ୍ଜାର୍ ଇନାକା କିଦେଙ୍ଗ୍ ଇନାରା, ହେଦାଂ କିୟାଟ୍ । ମାତର୍ ହେଞ୍ଜାର୍‌ତି କାମାୟ୍ କାବାଡ୍‌ତାକେ ପାଚେ ହାଲ୍‌ମାଟ୍ । ଇନାକିଦେଂକି ହେଞ୍ଜାର୍ ନିଜେ ହିତି ହିକ୍ୟା ସମାନ୍ କାମାୟ୍ କିଉର୍ । ୪ ହେଞ୍ଜାର୍ ହିକ୍ୟା ସବୁ ଲକାତର୍ ଗାଗାଡ୍‌ଜପି ଜବର୍ ବଜ୍ ଲାଦିକିନାର୍, ମାତର୍ ହେଞ୍ଜିଜୁ ବଜ୍ ପିଣ୍ଡଦେଂ କାଜିଂ ଜାର୍‌ତି ଞ୍ଜାକା ହୁକେ ପା ଅଲପ୍ ହାଂ କିଉର୍ । ୫ ହେଞ୍ଜାର୍ ଲକାଂ ଚର୍‌ଚେଙ୍ଗ୍ ଇଞ୍ଜି ଜାର୍ ଜାର୍‌ତି ସବୁ କାମାୟ୍ କିବାନାର୍, ଇନାକିଦେଂକି ହେଞ୍ଜାର୍ ଜାର୍ ସାସ୍ତର୍ ବଚନ୍ ଲେକାଆତି ନିଦାଣ୍ଡ ପତାତ ତରି ଗାଚ୍ୟାତାର୍‌ନା ଆରି ହେଞ୍ଜାର୍ ହେୟା କେତେକ୍ ଲାମା କିତାର୍ ଆରି ଆଜିନି ଚେଲିଂ ଗାଜା କିତାର୍, ୬ ଆରେ ବଜିତ ମୁଡ୍‌ବାହା ଆରି କୁଚୁମ୍ ଇଞ୍ଜି ମୁଡ୍‌ବାହାତ କୁଚ୍‌ଚେଂ ଞ୍ଜାୟା ଆନାର୍ ।” ୭ ଆରେ ଆର୍

☆ ୨୩:୫ ୨୩:୫ ମାତ୍ରିକ ୭:୧.

ବାଜାରତ ଜଞ୍ଜାଳ ପାୟାଦେଂ ଆରି ମାନାୟତ୍ତିଂ “ଏ ଗୁରୁ” ଇଞ୍ଜି ଇନ୍ୟା ଆଦେଂ ଖାର୍ଯ୍ୟା ଆନାତ୍ । ୮ ମାତର୍ ଏପେଙ୍ଗ୍ ଗୁରୁ ଇଞ୍ଜି କୁକ୍ୟାମାଟ୍, ଇନାକିଦେଂକି ମିଞ୍ଜାତ୍ ରକାନ୍ ଗୁରୁ ଆରି ଏପେଙ୍ଗ୍ ଖିଜାକାଦେର୍ ଚଣ୍ଡାତ୍ । ୯ ଆରେ, ପୁତ୍ ତ ଇନେରିଂ ଏ ଆବା ଇନ୍ମାଟ୍, ଇନାକିଦେଂକି ମିଞ୍ଜାତ୍ ରଞ୍ଜାନ୍ ଆବା, ହେଞ୍ଜାନ୍ ସାଗେତ ମାନାନ୍ । ୧୦ ଆରେ, ମାଲିକ୍ ଇଞ୍ଜି ପା ଇନେର୍ କୁକ୍ତେମେର୍, ଇନାକିଦେଂକି ରକାନ୍ ମତର୍ ମି ମାଲିକ୍ ଆନାନା କ୍ରିସ୍ । ୧୧ *ମାତର୍ ମି ବିତ୍ରେ ଇମ୍ମଣାକାନ୍ ଗାଜାକାନ୍, ହେଞ୍ଜାନ୍ ମି ହେବା କିନାକାନ୍ ଆନାନ୍ । ୧୨ *ଇନେର୍ ଜାର୍ତିଂ ଉର୍ କିନାନ୍, ତାଙ୍ଗ୍ ନିଚ୍କିୟା ଆନାତ୍ ଆରି ଇନେର୍ ଜାର୍ତିଂ ନିଚ୍ କିନାନ୍, ହେଞ୍ଜାନ୍ ଉର୍ କିୟା ଆନାତ୍ ।

କାପ୍ତିୟାର୍ ଦାମ୍ ରିଂ ଜିସୁ କେତ୍ତାନ
(ମାର୍କ ୧୨:୪୦; ଲୁକ ୧୧:୩୯-୪୨, ୪୩, ୫୩; ୨୦:୪୭)

୧୩ “ହାୟ୍, ଦରମ୍ ଗୁରୁର୍ ଆରେ ପାରୁସିକାଦେର୍, ମି ସେସ୍ ଦସା ଏଚେକ୍ ବଇଁକାର୍ ! ଆଡେ କାପ୍ତିୟାର୍ ଦାମ୍ କୁଦା, ସାଗେ ରାଜିନି ହଣି ଦୁଞ୍ଜେର୍ ଗେସ୍ତି ଇଡ୍ଡାଦେର୍ଣ୍ଣା । ନିଜେ ହେବେ ହଣୁଦେରା ଆରି ଇମ୍ମଣାକାର୍ ହଣ୍ଡେଙ୍ଗ୍ ସେସ୍ କିନାରା, ହେଞ୍ଜାନ୍ ହାଜି ପିସ୍ତି ହିଉଦେରା ।

୧୪ ଏ କାପ୍ତିୟାର୍ ଦରମ୍ ଗୁରୁର୍ ଆରି ପାରୁସିର୍, ମି ଦସା ବେସି ଆବ୍ଡ୍ ଆନାତ୍ ।”
 ୧୫ ଏ କାପ୍ତିୟାର୍ ଆରେ “ସାସ୍ତିର୍ ଆରି ପାରୁସିର୍, ଦସା ବେସି ଆବ୍ଡ୍ ଏପେଙ୍ଗ୍ ହାମ୍ବୁର୍ ନାସି ଦେସ୍ତ ହାଲ୍ଲି ରକାନ୍ ମି ଦରମ୍ତ ମୁର୍ଚେଂ କାଜିଂ ଡେକ୍ଟି ବୁଲାନାଦେରା । ମାତର୍ ହେ ଲାକେ ରଞ୍ଜାନ୍ ଗାଟା ଆତିସ୍, ତାଙ୍ଗ୍ ନରକ୍ ହାଜି କାଜିଂ ମିତାଂ ରି ଗୁଣ୍ ଆଦିକ୍ କିୟକିତାଦେର୍ଣ୍ଣା !”

୧୬ “ଆଡେ କାଣା ହାଜି ଚର୍ନାକାଦେର୍, ମି ଦସା ଏଚେକ୍ କସ୍ତୁମାନାତ୍ । ଏପେଙ୍ଗ୍ ସିକ୍ୟା ହିଜି ମାନାଦେର୍, ଇନେର୍ ମନ୍ଦିର୍ ତର୍ଦ ପାର୍ମାଣ୍ କିତିସ୍, ହେଦାଂ ହେଞ୍ଜାନ୍ ମାନିକିଦେଂ ବଲକାର୍ ଆକାୟ୍, ମାତର୍ ମନ୍ଦିର୍ତ ମାନି ହନା ତର୍ଦ ଇନେର୍ ପାର୍ମାଣ୍ କିତାର୍, ହେଞ୍ଜାନ୍ ହେଦାଂ ମାନିକିଦେଂ ପଡାନାତ୍ । ୧୭ ଡେ କାଣା ନିଚ୍ବୁଦିୟାର୍, ହନା ଗାଜା କି ହନାତିଂ ପୁଇପୁୟା କିଜି ମାନି ମନ୍ଦିର୍ ଗାଜା ?”

୧୮ ଆରେ ଏପେଙ୍ଗ୍ ଇଞ୍ଜିମାନାଦେର୍, ଇନେର୍ ଗାର୍ଣିତ ପାର୍ମାଣ୍ କିତିସ୍ ହେଦାଂ ଇନାକା ଆକାୟ୍, ମତର୍ ଇମ୍ମଣାକାର୍ ତା ଜପି ମାନି ଆକାତ୍ ପାର୍ମାଣ୍ କିନାନ୍, ହେଞ୍ଜାନ୍ ତାକେ ମାନାଦେରା । ୧୯ ଡେ କାଣାର୍, ଇମ୍ମଣାକା ମୁଡ୍ଦାକା-ଗାର୍ଣି କି ଆକାତ୍ ପୁଇପୁୟା କିଜି ମାନି ଗାର୍ଣି ? ୨୦ ଲାଗିଂ, ଇନେର୍ ଗାର୍ଣି ତର୍ଦ ପାର୍ମାଣ୍ କିନାନ୍, ହେଞ୍ଜାନ୍ ଗାର୍ଣି ଆରି ତା ଜପି ମାନି ଖିଜୁ ଆକାତ୍ ଆଡ୍ମାତ୍ ତର୍ଦ ପାର୍ମାଣ୍ କିନାନ୍ । ୨୧ ଆରେ, ଇନେର୍ ମନ୍ଦିର୍ ତର୍ଦ ପାର୍ମାଣ୍ କିନାନ୍, ହେଞ୍ଜାନ୍ ମନ୍ଦିର୍ ଆରି ହେବେ ବାହାକିତିକାଂ ଇସ୍ବର୍ ତର୍ଦାଂ ପାର୍ମାଣ୍ କିନାନ୍; ୨୨ ଆରେ, “ଇନେର୍ ସାଗେତିଂ ପାର୍ମାଣ୍ କିନାନ୍, ହେଞ୍ଜାନ୍ ଇସ୍ବର୍ ଗାଦି ହେବେ କୁଚ୍ଟି ମାତି ଇସ୍ବର୍ ତର୍ଦାଂ ପାର୍ମାଣ୍ କିନାନ୍ ।”

୨୩ “ଡେ କାପ୍ତିୟାର୍ ଦରମ୍ ଗୁରୁର୍ ଆରି ପାରୁସିର୍ ଇନାକିଦେଂକି ଏପେଙ୍ଗ୍ ପଦିନା, ସଁପ୍, ଆରି ଜିରାତିଂ ଦସ୍ବାର୍ ର ବାଗ୍ ଇସ୍ବର୍ତିଂ ଦାନ୍ ହିନାଦେରା । ଆରେ ବିଦିନି ଆଗେ ବିସ୍ତେକାଂ ହୁଡ୍ଡାଙ୍ଗ୍ ଆତିସ୍ପା ଅବ୍ୟାସ୍ କିନାକା ଲଡା, ନ୍ୟାୟ୍ ବିଚାର୍, ଦୟା, ଆରେ ପାତ୍ତିଂ ଇ ସବୁ ପିସ୍ତାଣ୍ଣା; ମାତର୍ ଇ ଖିଜୁ ମାନି କିନାକା ଆରି ବିନ୍ ସବୁ ପିହ୍ନାକା ମାନାତ୍ ।” ୨୪ “ଡେ କାଣା ହାଜି ଚର୍ନାକାଦେର୍, ଏପେଙ୍ଗ୍ ପ୍ରାର୍ତିଂ ପୁଟାଦେର୍ଣ୍ଣା, ମାତର୍ ଉର୍ତିଂ ଗୁସ୍ପି ମାନାଦେର୍ ।”

୨୫ “ଏ କାପ୍ତିୟାର୍ ଦରମ୍ ଗୁରୁର୍ କେଡେକ୍ ବଇଁକାର୍ ମି ସେସ୍ ହାଜି, ଡେ ଦରମ୍ ଗୁରୁ ଆରି ପାରୁସିର୍ । ଏପେଙ୍ଗ୍ ଗିନା ଆରି ତାଡିଆନି ବାର୍ ବାଗାଙ୍ଗ୍ ସକଟ୍ କିଜି ମାନାଦେର୍, ମାତର୍ ହେଞ୍ଜାକାଂ ବିତ୍ରେ ଆକର୍ ଆରି ଦାରିକାମତ୍ ବାତ୍ ।” ୨୬ “କାଣା ପାରୁସିର୍ ! ଆଗେ ଗିନାନି ବିତ୍ରେ ସକଟ୍ କିୟାଟ୍, ଇନେସ୍ ହେବେନିକା ବାଡ୍ ପା ନିର୍ମଲ୍ ଆନାତ୍ ।”

୨୭ *ହାୟ୍, ଦରମ୍ ଗୁରୁର୍ କାପ୍ତିୟାର୍ ସାସ୍ତିର୍ ଆରି ପାରୁସିର୍, ଇନେକିଦେଂକି ଏପେଙ୍ଗ୍ ଡିଞ୍ଜିନି ରଙ୍ଗିନି ଦୁଗେର୍ ଲାକେ । ହେଦାଂ ବାଡ୍ ହଲ୍ଲାନାକା ଚଞ୍ଚାନାତ୍, ମାତର୍ ବିତ୍ରେ ହାତାକାର୍ତି ମେର୍ଗାଣା ପ୍ଲେକୁ ଆରି ସବୁ ବାନି ବିଚାଡ୍ଡ୍ ବାତ୍ ; ୨୮ ହେ ଲାକେ ଏପେଙ୍ଗ୍ ପା ବାଡ୍ ମାନାୟାର୍ କାଣ୍ଡୁକାଂ ଦାମ୍ ଚନ୍ଦ୍ଜାନାଦେର୍, ମାତର୍ ମି ବିତ୍ରେ କୁଟ୍ ଆରି ପାପ୍ତ ବାତ୍ ।”

ଜିସୁ ହେଞ୍ଜାରିତି ତାଣ୍ ବଗ୍କିନାକା ଖେଚ୍ଚାନ
(ଲୁକ ୧୧:୪୫-୫୧)

* ୨୩:୧୧ ୨୩:୧୧ ମାତୃତ୍ୱ ୨୦:୨୭, ୨୭; ମାର୍କ ୯:୩୫; ୧୦:୪୩, ୪୪; ଲୁକ ୨୨:୨୭. * ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪. * ୨୩:୨୭ ୨୩:୨୭ ପକ୍ୟାତାକା ୨୩:୩.

୨୯ “ଏ କାପଟିୟାର ଦରମ୍ ଗୁରୁ ଆରି ପାରୁସିର୍ ମି ଦସା କେତେକ୍ ବଇଁକାର୍ ଆନାଡ଼ ! ଇନାକିଦେଂକି ଏପେଙ୍ଗ୍ ବେଣ୍‌ବାକ୍‌ଶାୟ୍ କିନାକାର୍‌ତି ଦୁଗେର୍ ହଲ୍‌ନାକା ରଡ଼ି ଆରି ଦାମ୍ ଚି ଦୁଗେର୍‌କାମ୍ ହଲ୍‌କିଜି ମାନାଦେର୍, ୩୦ ଆସେଙ୍ଗ୍ ଏଚେକାଡ଼୍‌ଦ ମା ଆବା ଲାତ୍ରା ସମୁତ ମାତିସ୍, ତେବେ ବେଣ୍‌ବାକ୍‌ଶାୟ୍ କିନାକାର୍‌ତାଂ ନେତେର୍‌ତ ହେଝାର୍‌ତି ମେହାଣ୍ ଆମାଟ୍ । ୩୧ ଲାଗିଂ ଏପେଙ୍ଗ୍ ଜେ ବେଣ୍‌ବାକ୍‌ଶାୟ୍ କିନାକାର୍ ପାଗନାକାର୍ ଲାତ୍ରାକାଦେର୍, ହେ ବିସ୍ତେ ଏପେଙ୍ଗ୍ ଆଁ ଜାର୍ ଜାର୍ କାଜିଂ ସାକି ହିନାଦେରା ।” ୩୨ “ବାଟିଙ୍ଗ୍ ଏପେଙ୍ଗ୍ ଆଗେ ତାଙ୍ଗାଟ୍, ମି ଆବାଲାତ୍ରାତି ବାକି କାମାୟ୍‌ତିଂ ପୁରା କିୟାଟ୍ ।” ୩୩ “ଡେ ରାଡ଼କୁ ! କାଲାଟିରାଡ଼ି ବସ୍‌ୟାର୍ ! ନରକ୍ ତାଣ୍‌ତାଂ ରାକ୍ୟା ପାୟା ଆନାପ୍ ଇଞ୍ଜି ଇନେସ୍ ଆହା କିନାଦେରା ? ୩୪ ଲାଗିଂ ଆନ୍ ଇଞ୍ଜିନାଙ୍ଗା; ମି ତାକେ ବେଣ୍‌ବାକ୍‌ଶାୟ୍‌କିନାକାର୍, ହିକାୟ୍‌କିନି ଗୁରୁ ଆରି ଗିଆନିର୍ ପଲ୍ଲାନାଂ । ହେଝାର୍ ବିଡ୍ରେ କେତେଜାଣ୍‌ତିଂ ଏପେଙ୍ଗ୍ ଚୁଣାଦେର୍, କେତେକ୍ ଜାଣ୍‌ତିଂ କୁସ୍‌ତ ଦୁପ୍‌ନାଦେର୍, ଆରି ବିନ୍‌ଲୁଗାଂ କୁଚୁମ୍ ଇଞ୍ଜି କରତା ହୁକେ ଇଡ଼ିଜି ର ଗାଡ଼୍‌ଦାଂ ଆରେ ର ଗାଡ଼୍‌ଦ ପେସ୍‌ନାଦେର୍ । ୩୫ ଇନେସ୍‌କି ଦମ୍ ହେବଲ୍‌ତାଂ ନେତେର୍‌ତାଂ, ଇମ୍‌ଣି ବେରିକିୟ୍‌ତି ମେହି ଜିକରିୟ୍ ଏପେଙ୍ଗ୍ ମନ୍ଦିର୍‌ନି ପୁଇପୁୟା ବାହାତ ଆରି ଗାର୍‌ଣି ମାଦ୍‌ନି ବାହାତ ଅସ୍ତାଦେର୍, ତା ଅସ୍ତି ପାତେକ୍ ପୁଟ୍‌ତ ଜେତେକ୍ ଦାମ୍ ଲଗାରିଂ ଅସ୍ତାଣ୍, ହେ ଝିଜାକାର୍‌ତି ହାନି ଦାଣ୍ ମି ଜପି ଆର୍ଦ୍‌ନାଡ଼ । ୩୬ ଆନ୍ ମିଙ୍ଗ୍ ହାଡ଼୍‌ପା ଇଞ୍ଜିନାଙ୍ଗା, ଇ ଝିଜାର୍ ମାନାୟାରିଂ ଅସ୍ତିଲେ ନଂନି ମାନାୟ୍ ଜପି ଇ ସବୁ ପଡ଼ାନାଡ଼ ।”

ଜିରୁସାଲମ୍ କାଜିଂ ଜିସୁତି ଦୁକ୍
(ଲୁକ ୧୧:୩୪-୩୫)

୩୭ “ଏ ଜିରୁସାଲମ୍, ଏ ଜିରୁସାଲମ୍ । ଏନ୍ ବେଣ୍‌ବାକ୍‌ଶାୟ୍‌କିନାକାରିଂ ଚୁଟାୟ୍‌ନା ଆରି ଇସ୍‌ବର୍ ପଲ୍ଲି କାରୁର୍ ହିନାକାରିଂ କାଲ୍‌କୁ ଇଡ଼ିନାର୍ । କୁଜୁ ତା ମାରା ତାରେନ୍ ହିମ୍‌ଣାକାଂ ଆସ୍ତି ଇଡ଼ିଜି ଲାକେ, ନି ଲକ୍‌ତିଂ ନା କାକା ତାରେନ୍ ରାକ୍ୟାକିଦେଂ କାଜିଂ ଆନ୍ କେତେହର୍ ସେସ୍ତା କିତାଂନା । ମାତର୍ ଏନ୍‌ନାଙ୍ଗ୍ ହେଦାଂ କିଦେଙ୍ଗ୍ ହିଦ୍‌ଝାତାୟ୍‌ନା । ୩୮ ହୁଡା, ମି ମନ୍ଦିର୍ ମି କେଇଦ ପିସ୍ତି ହିଦ୍ୟାଆନାତା । ୩୯ ଆନ୍ ମିଙ୍ଗେଙ୍ଗ୍ ହାଡ଼୍‌ପା ଇଞ୍ଜି ଇଡ଼ିନାଙ୍ଗା, ‘ମାପୁ ତର୍‌ଦ ଇନେର୍ ଝାନାରା, ହେଝାନ୍ ଦନ୍ୟ’ ଇଦାଂ ଏଚେକାଡ଼୍‌ଦ ପାତେକ୍ ଇନ୍‌ଝାତାଂନା, ନଙ୍ଗ୍ ତାଙ୍ଗ୍ ଏନ୍‌ନାଙ୍ଗ୍ ଆରେ ହୁଡ଼୍‌ଦେଂ ଆଡୁୟ୍ ।”

୨୪

ଜିସୁ ମନ୍ଦିର୍ ଦୁଡ଼ିମାସ୍‌ନି ବିସ୍ତେ ଇଚାନ୍
(ମାର୍କ ୧୩:୧-୨; ଲୁକ ୨୧:୫-୬)

୧ ଜିସୁ ମନ୍ଦିର୍‌ତାଂ ହସି ହାନି ଝେଡାଲିଂ ହେଝାନ୍ତି ତେଲାର୍ ହେଝାନିଂ ମନ୍ଦିର୍‌ନି ଇଲ୍‌କୁ ଚର୍‌ତେଙ୍ଗ୍ କାଜିଂ ହେଝାନ୍ ଲାଗେ ଝାତାର୍, ୨ ମାତର୍ ହେଝାନ୍ ହେଝାରିଂ ଉତର୍ ହିତାନ୍, “ଏପେଙ୍ଗ୍ ଇନାକା ଇ ଝିଜୁ ହୁଡ଼୍‌ଦେରା ? ଆନ୍ ମିଙ୍ଗ୍ ହାଡ଼୍‌ପା ଇଞ୍ଜିନାଙ୍ଗା, ଇ ବାହାତ ର କାଲ୍ ବିନ୍ କାଲ୍ ଜପି ମାନୁଡ଼, ଝିଜୁ ଦୁଡ଼ି ମାସ୍‌ନାଡ଼ ।”

ଦୁକ୍ ଆରି କସ୍
(ମାର୍କ ୧୩:୩-୧୩; ଲୁକ ୨୧:୭-୧୯)

୩ ପାଚେ ହେଝାନ୍ ଜିଡ଼ମାଡ଼ି ଜପି କୁଚ୍‌ଚାନ୍, ତେଲାର୍ ହେଝାନ୍ ଲାଗେ ତ୍‌ଗୁଜି ଝାଜି ଝେନ୍‌ବାତାର୍, “ଇ ସବୁ ଇନାଝାଡ଼ାଂ ଗିଟା ଆନାଡ଼, ଆରେ ନି ଝାନାକା ଆରି ଜୁଗ୍‌ସେସ୍‌ନି ଇଟ୍‌କାଡ଼୍ ଇନାକା, ହେଦାଂ ମାଂ ଝେଡ଼ତା ।”

୪ ହେବେ ଜିସୁ ହେଝାରିଂ ଉତର୍ ହିତାନ୍, “ଜାଗ୍ରଡ଼, ଇନେର୍‌କି ଇନେସ୍ ମିଙ୍ଗେଙ୍ଗ୍ ଚାକ୍ରାୟ୍ କିଦ୍‌ମେର୍ ।” ୫ ଇନାକିଦେଂକି ବେସିହେନି ନା ତର୍‌ଦ ଝାଜି “ଆନ୍ କ୍ରିସ୍ଟ ଇଚିସ୍ ମସିୟା ଇଞ୍ଜି ଇଞ୍ଜି ଆଦେକ୍‌ତିଂ ଚାକ୍ରାୟ୍ କିଦ୍‌ନାର୍ । ୬ ଆରେ, ଏପେଙ୍ଗ୍ ଜୁଜ୍ ବିସ୍ତେ ଆରି ଜୁଜ୍‌ନି ମାନାୟ୍ ଆଲି ଝେନାଦେର୍; ଜାଗ୍ରଡ଼, ବାଇକାବିତାଡ଼୍ ଆମାଟ୍ । ଇନାକିଦେଂକି ଇ ଝିଜୁ ଗିଟାନାଡ଼, ମାତର୍ ହେ ସମୁ ଝିଜ୍‌ନାକା ଆକାୟ୍ । ୭ ଇନାକିଦେଂକି ଜାତି ବିରୁଡ଼୍‌ତ ଜାତି ଆରି ରାଜି ବିରୁଡ଼୍‌ତ ରାଜି ନିଂଗ୍‌ନାଡ଼, ଆରେ ସବୁ ବାହାତ କାତାର୍ ଆରି ମେଦ୍‌ନିଦାଲ୍‌କାତାଡ଼ । ୮ ମାତର୍ ଇ ଝିଜୁ କଗ୍‌ଲେ ହିମ୍‌ଣାଗାଟାନି କସ୍ ଏକାଝାନାଡ଼ ଦୁକ୍ ଆରମ୍ ମତର୍ ।”

୯ “ହେ ଝେଡାଲିଂ ଲକୁ ମିଙ୍ଗେଙ୍ଗ୍ ଦୁକ୍‌ବଗି କିଦେଙ୍ଗ୍ କାଜିଂ ହେଲାୟ୍ କିଦ୍‌ନାର୍ ଆରି ମିଙ୍ଗ୍ ଅସ୍ତାନାର୍, ଆରେ ନା ତର୍ ପାଟ୍ କିନି କାଜିଂ ଏପେଙ୍ଗ୍ ଝିଜୁ ଜାତିତାଂ ଗିଣ୍ କିୟାନାଦେର୍ । ୧୦ ହେଝାଡ଼ାଂ ବେସି ହେଝାର୍‌ତି ପାଟ୍ ଆରାୟ୍ କିତାର୍, ଆରେ ରକାନ୍ ଆରେ ରକାନିଂ ଆହିକିନାନ୍ ଆରି ରକାନ୍ ଆରେ ରକାନିଂ ଗିଣ୍ କିନାନ୍, ୧୧ ଆରେ ବେସି ଚାକ୍ରାୟ୍ ବେଣ୍‌ବାକ୍‌ଶାୟ୍‌କିନାକାର୍ ଝାଜି ବେସିହେନିତିଂ ଚାକ୍ରାୟ୍

☆ ୨୪:୯ ୨୪:୯ ମାଡ଼ିର ୧୦:୨୨.

କିନାର୍, ୧୨ ଆରେ ବାନ୍ୟା ବାତାନି କାଜିଂ ଆଦେକ୍ ମାନାୟାର୍ତି ଜିଉନନାକା କାଜିଂ ହିଡ଼ତି ଆନାଡ଼ । ୧୩ ଧମତର୍ ଇନେର୍ ସେସ୍ ପାତେକ୍ ସାସ୍ ଆଜି ମାନାର୍, ହେଝାନ୍ ମୁକ୍ତି ଆନାନ୍ । ୧୪ ଆରେ, ସବୁ ଜାତି ଲାଗାଂ ସାକି ହିଦେଂ କାଜିଂ ରାଜିନି ଇ ନେକ୍ତିକାରୁର୍ ସବୁ ପୁତର୍ ତ ସୁଣାୟ୍ କିୟାଆନାଡ଼, ତା ପାତେ ଜୁର୍ ଖିଜ୍ନାଡ଼ ।”

ନାସକିନି ଗିଣ୍ ଜିନିସ୍

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ ଲାଗିଂ ଏପେକ୍ ଏଚେକାଡ଼ଦ୍ “ଦାନିଏଲ୍ ବେଶ୍‌ବାକ୍‌ଶାୟ୍‌କିନାକାନ୍ କାଜିଂ ଲେକାତି ନାସ୍ କିନି ଗିଣ୍ ଜିନିସ୍ତିଂ ମନ୍ଦିର୍ ପୁଇପୁୟା ବାହାତ ମାନାକା ହୁଡ଼ନାଦେର୍, ପଡ଼ିକିନାକାଦେର୍ ବୁଜାଆଡୁ,” ୧୬ “ହେ ଏଚେକାଡ଼ଦ୍ ଇମ୍‌ଶାକାର୍ ଜିହୁଦା ରାଜି ମାନଗାନାର୍, ହେଝାର୍ ମାଡ଼ିତ ହନ୍ତି ହାଲେର୍; ୧୭ ଧମତର୍ ଜେଗନ୍ ଜପି ମାନାନ୍, ହେଝାନ୍ ଇଲ୍ ବିଡ୍ରେ ଆଡ଼ମାଡ଼ ଅଦେଂ କାଜିଂ ଜୁଜି ଝାମେନ୍ । ୧୮ ଆରେ, ଇନେର୍ ବୁମିତ ମାନଗାନାର୍, ହେଝାନ୍ ଜାର୍ ହେନ୍ଦା ତାକେଦେଂ ଉଲ୍‌ଟି ହାଲ୍‌ମେନ୍ । ୧୯ ହେଝେଡ଼ାଲିଂ ଇମ୍‌ଶାକାର୍ ଏସ୍ ପିସ୍ତାକାଦେଲ୍ କଗଲେ ଆରି ମାୟ୍‌ଉର୍‌ନି ଆୟା, ଆ, ହେଝେକ୍ ଦୁକ୍‌ନିକିକ୍, ୨୦ ମାତର୍ ମିଦାକ୍ ହନ୍‌ନାକା ଇନେସ୍ ପିନି ମାସ୍‌ତ କି ଜମ୍‌ନିବାର୍ ନାଜିଂ ଆମେଡ଼, ଇଦାଂ କାଜିଂ ପାର୍ତାନା କିୟାଡ଼ । ୨୧ ଧମତର୍ ଇନାକିଦେଂକି ହେଝେଡ଼ାଂ ଏପେକ୍ ବେଜେକ୍ ଦୁକ୍ ଗିଟାନାଡ଼ ଜେ, ପୁତର୍ ନି ଆରମ୍‌ତାଂ ନେଝେକ୍ ପାତେକ୍ ଗିଟାଝାତାଡ଼ନା, ଆରେ ଇନାଝାଡ଼ାଂ ପା ଗିଟାଆଡୁଡ଼ । ୨୨ ଆରେ, ହେ ସମୁ ବାଟିକ୍ ଉଶା କିଝାଦାଂ ମାଟିସ୍, ତେବେ ଇମ୍‌ଶାକା ପା ପାତାଡ଼ ମୁକ୍ତି ଆଝାତାମ୍, ମତର୍ ବାଟିକିତି ଲକୁ କାଜିଂ ହେ ସମୁ ଉଶା କିୟା ଆନାଡ଼ ।”

୨୩ “ହେ ଏଚେକାଡ଼ଦ୍ ହୁଡ଼ାଡ଼, କ୍ରିସ୍ଟ ଇବେ କି ହେବେ ଇନେର୍ ଏଚେକାଡ଼ଦ୍ ମିକ୍ ଏଲେକ୍ ଇଞ୍ଜନାର୍, ତେବେ ହେଦାଂ ପାତର୍ କିମାଡ଼ । ୨୪ ଇନାକିଦେଂକି ଚାକ୍ରାୟ୍ କ୍ରିସ୍ଟର୍ ଆରି ଚାକ୍ରାୟ୍ ବେଶ୍‌ବାକ୍‌ଶାୟ୍ କିନାକାର୍ ନିକ୍‌ଜି ଏପେକ୍ ଗାଜା ଗାଜା ଚିନ୍ ଆରି କାବାନି କାମାୟ୍ ଚର୍‌ଚାନାର୍ ଜେ, ଜଦି ଆଡ଼ନାର୍, ତେବେ ବାଟିକିତି ଲଗାଂ ପା ବାମ୍‌ଶାୟ୍ କିତାର୍ । ୨୫ ହୁଡ଼ାଡ଼, ଆନ୍ ଆଗେତାଂ ମିକ୍‌କେଝ୍ ଝେର୍‌ଚାନାକା ।”

୨୬ ଧମତର୍, “ହୁଡ଼ାଡ଼, ହେଝାନ୍ ବାଟାତ ମାନାନ୍” ଲକୁ ଜଦି ମିକ୍ ଇ କାତା ଇଞ୍ଜନାର୍, ତେବେ ହସି ହାଲ୍‌ମାଡ଼, “ହୁଡ଼ାଡ଼, ହେଝାନ୍ ବିଡ୍ରେ ବାକ୍ରାତ ଡ଼କୁତାନନା ମାନାୟ୍ ଜଦି ଇଦାଂ ଇଞ୍ଜନାର୍, ତେବେ ହେଦାଂ ପାତର୍ କିମାଡ଼ । ୨୭ ଇନାକିଦେଂକି ବିକ୍‌ଲି ଇନେସ୍ ଝେଡ଼ାହନିତାଂ ଇଡ଼ଜି ଝେଡ଼ାହାନି ପାତେକ୍ ବାଦାଡ଼ ଅଜଡ଼ ଆନାଡ଼, ହେ ଲାକେ ମାନାୟ୍ ମାଜିତି ଝାନାକା ହେ ଲାକେ ଆନାଡ଼ ।”

୨୮ ଧମତର୍ ଇମେତାକେ ମଡ଼ ମାଟିସ୍, ହେବେ ରାମାଣିକ୍ ରୁଣ୍ଡା ଆନିକ୍ ।

ମାନାୟ୍ ମାଜିତି ଝାନାକା

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ ଧମତର୍ ହେ ସମୁନି ଦୁକ୍ ପାତେ ହାଚାଗ୍ରେ ମାଜ୍‌ଗା ଆନାଡ଼ ଆରି ଲେଞ୍ ଅଜଡ଼ ହିଡ଼ଡ଼, ଆରେ ହୁକାଂ ଆକାସ୍‌ତାଂ ଆର୍‌ନିଂ ଆରି ଆକାସ୍‌ନି ସାକ୍ତି ସବୁ ଦାଲ୍‌କାନାଡ଼ । ୩୦ ହେ ଏଚେକାଡ଼ଦ୍ ଆକାସ୍‌ତ ମାନାୟ୍ ମାଜିତି ଇର୍‌କାଡ଼ ଚନ୍‌ଝାନାଡ଼, ଆରେ ହେଝେଡ଼ାଲିଂ ପୁତର୍ ତ ଖିଜୁ ଜାତିନି ମାନାୟାର୍ ଆଡ଼ବାନାର୍ ଆରି ମାନାୟ୍ ମାଜିଂ ଗାଜା ସାକ୍ତିତାଂ ଆରି ଗାଜା ପାଶ୍ ହୁକେ ବାଦାଡ଼ତ ଝାନାକା ହୁଡ଼ନାଦେର୍ । ୩୧ ଆରେ, ହେଝାନ୍ ଗାଜା ମରି ବାଜା ହୁକେ ଜାର୍ ଦୁଡ଼ରିଂ ପକ୍‌ତାନ ଆରି ହେଝାର୍ ଆକାସ୍‌ନି ର ହାସିତାଂ ବିନ୍ ହାସି ପାତେକ୍ ଚାରି ଦିଗ୍‌ତାଂ ଇସ୍‌ତର୍ ବାଟିକିତି ଲଗାଂ ରୁଣ୍ଡାୟ୍ କିନାନ୍ ।

ତଗା ମାର୍‌ନି ହିକ୍ୟା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ ତଗା ମାର୍‌ନି ଉତର୍‌ମୁଡ଼ ହିକ୍ୟା କିୟାଡ଼, ଏଚେକାଡ଼ଦ୍ ହେ କେନ୍ଦାଂ ହାରା ଆଜି ଆକିଂ ଗିଲ୍‌ନିଂ, ହେ ଏଚେକାଡ଼ଦ୍ ଜେର୍ ମାସ୍ ଏକା ଝାତାତେ ଇଞ୍ଜି ଏପେକ୍ ପୁଞ୍ଜି ମାନାଡ଼; ୩୩ ହେ ଲାକେ ଏପେକ୍ ପା ଇ ଖିଜୁ ହୁଡ଼ତିସ୍ ମାନାୟ୍ ମାଜି ଦୁଝେର୍‌ତ ଏକାଝାତାନେ ଇଞ୍ଜି ଇଦାଂ ପୁନାଡ଼ । ୩୪ ଆନ୍ ମିକ୍‌କେଝ୍ ହାଡ଼ପା ଇଞ୍ଜନାକା, ଇ ଖିଜୁ ଗିଟାଝି ପାତେକ୍ ନେଝେଝିଗାନି ନାର୍ ଇନେସ୍ ବାତର୍ ବୁଡା ଆଉର୍ । ୩୫ ଆକାସ୍ ଆରି ପୁତର୍ ବୁଡାନାଡ଼, ମତର୍ ନା ବଚନ୍ ସବୁ ମଡ଼କେ ବୁଡା ଆଉର୍ ।

ତା ଝାନାକା ସମାନ୍ ସମୁ ଇନେର୍ ପୁନୁର୍

(ମାର୍କ ୧୩:୩୨-୩୬; ଲୁକ ୧୭:୨୭-୩୦, ୩୪-୩୬)

☆ ୨୪:୧୩ ୨୪:୧୩ ମାତ୍ରିକ ୧୦:୨୨. ☆ ୨୪:୧୨ ୨୪:୧୭ ଲୁକ ୧୭:୩୧. ☆ ୨୪:୨୧ ୨୪:୨୧ ହଡ଼ତି ୭:୧୪. ☆ ୨୪:୨୭ ୨୪:୨୭ ଲୁକ ୧୭:୨୩, ୨୪. ☆ ୨୪:୨୮ ୨୪:୨୮ ଲୁକ ୧୭:୩୭. ☆ ୨୪:୨୯ ୨୪:୨୯ ହଡ଼ତି ୭:୧୨; ହଡ଼ତି ୭:୧୩. ☆ ୨୪:୩୦ ୨୪:୩୦ ହଡ଼ତି ୧:୭.

୩୬ ମାତର୍ ଇନାଖାଡ଼ାଂ ଖାନାନ୍ “ହେ ଦିନ୍ ଆରି ସମ୍ପୁ ବିସ୍ତେ ଇନେର୍ ପୁନୁର୍, ସାଗେନି ଦୁଡ଼ତର୍ କି ମାଜି* ପା ପୁନୁନ୍, କେବଲ୍ ମତର୍ ବାଖା ପୁନାନ୍ । ୩୭ ଆରେ, ନହତି ସମ୍ପୁତ ଇନେସ୍ ଗିଟା ଆଜି ମାଚାଡ଼, ମାନାୟ୍ ମାଜି ଖାନି ସମ୍ପୁତ ହେ ଲାକେ ଗିଟାଆନାଡ଼ । ୩୮ ଇନାକିଦେଂକି କୁପ୍‌କିନି ଆଗେନି ସମ୍ପୁତ ଜାଜତ ନହ ହଣି ଦିନ୍ ପାତେକ୍ ଲକୁ ଇନେସ୍ ତିନାଉଣା ଆରି ବିବା କିନାକା ଆରି ବିବା ହିଦେଂ ବିପ୍ତି ମାଚାର୍, ୩୯ ଆରେ ପୁର୍ ଖାଜି ଖିଜାରିଂ ବଡ଼ାୟ୍ କିଜି ଅଖି ପାତେକ୍ ଇନେସ୍ ପୁନ୍‌ଖାଦାଂ ମାଚାର୍, ମାନାୟ୍ ମାଜିତି ଖାନାକା ପା ହେ ଲାକେ ଆନାଡ଼ ।” ୪୦ ହେ ଏଚେକାଡ଼ଦ୍ ରିୟାର୍ ବୁମିତ ମାନ୍‌ଗାନାର୍, ରଖାନିଂ ଇଟ୍ୟା ଆନାଡ଼ ଆରି ବିନ୍ ଲଗାଂ ପିହ୍‌ୟା ଆନାଡ଼; ୪୧ ରିଶ୍ଟେକ୍ ଜାତା ନୁଜ୍‌ଜି ମାନିକ୍, ରଞ୍ଜିଲିଂ ଇଟ୍ୟାନାଡ଼ ଆରି ଆରେ ରଞ୍ଜିଲିଂ ପିହ୍‌ୟାନାଡ଼ । ୪୨ “ଲାଗିଂ, ଜାଗ୍ରତ୍ ମାନାଟ୍, ଇନାକିଦେଂକି ମି ମାପୁ ଇମ୍‌ଣି ଦିନ୍ ଖାନାନ୍, ହେଦାଂ ଏପେକ୍ ପୁନୁଦେର୍ । ୪୩ ମତର୍ ଇଦାଂ ପୁଞ୍ଜି ମାନାଟ୍, ଇମ୍‌ଣି ଗାଡ଼ିତ ଚର୍ ଖାନାନ୍, ଇଦାଂ ଇଲ୍ ମୁଣିକା ଏଚେକାଡ଼ଦ୍ ପୁଚାନ୍‌ଚି, ତା ଆତିସ୍ ହେଖାନ୍ ଜାଗ୍ରତ୍ ମାନ୍‌ଞ୍ଜି ଜାର୍ ଇଞ୍ଜ ଚର୍ କିଦେକ୍ ହିଖାତାନ୍ । ୪୪ ଲାଗିଂ ଏପେକ୍ ପା ଜାଲ୍‌ଦି ଆଜି ମାନାଟ୍, ଇନାକିଦେଂକି ଇମ୍‌ଣି ସମ୍ପୁତ ଏପେକ୍ ଏଡ଼ କିଖାଦାଂ ମାନ୍‌ଗାନାଦେର୍, ହେ ସମ୍ପୁଦ ମାନାୟ୍ ମାଜି ଖାନାନ୍ ।”

ପାତର୍ କିନାକାନ୍ ଆରି ପାତର୍ କିଖି ଆଡ଼ିଏନ୍
(ଲୁକ ୧୨:୪୧-୪୮)

୪୫ “ତେବେ ମାପୁ ଜାର୍ ଲକ୍‌ବାକ୍ତିଂ ସମାନ୍ ଖେଡ଼ାଲିଂ ବାତ୍ୟା ହିଦେଂ କାଜିଂ ଇନେରିଂ ହେଖାର୍ ଜପି ବାଚି କିତାନ୍‌ନା, ଏଲେକ୍‌ବାତର୍ ପାତର୍ ନି ଆରି ବୁଦିକାର୍‌ୟା ଆଡ଼ିଏନ୍ ଇନେର୍ । ୪୬ ମାପୁ ଖାଜି ଜାର୍‌ତି ଇମ୍‌ଣି ଆଡ଼ିଏନିଂ ହେ ଲାକେ କିଜି ମାନାକା ହୁଡ଼ନାନ୍, ହେଖାନ୍ ଦନ୍ୟ । ୪୭ ଆନ୍ ମିଙ୍ଗେକ୍ ହାଡ଼ପା ଇଞ୍ଜନାକ୍, ହେଖାନ୍ ହେଖାନିଂ ଜାର୍‌ତି ଖିଜୁ ଦାନ୍‌ତିକ୍ ଜପି ବାଚି କିଦନାନ୍ । ୪୮ ମାତର୍ ଜପି ହେ ବାନ୍ୟା ଆଡ଼ିଏନ୍ ନା ମାପୁ ଖାନାକା ମାଲାଆନାଡ଼ ଇଞ୍ଜି ମାନ୍‌ତ ମାନ୍‌ତ ଇଞ୍ଜି, ୪୯ ଜାର୍ ହାଂ ହାକ୍‌ଦାକାର୍ ଟ୍ରାକ୍‌ତେଂ ଲାଗାନାନ୍, ଆରେ ମଦୁଖାର୍ ହୁକେ ତିନାଉଣା କିତିସ୍, ୫୦ ତା ଆତିସ୍ ଇମ୍‌ଣି ଦିନ୍ ହଲ୍ୟା କାଜିଂ କାସି ମାନ୍‌ଗୁନ୍ ଆରି ଇମ୍‌ଣି ସମ୍ପୁତ ହେଖାନ୍ ପୁନ୍‌ଖାଦାଂ ମାନାନ୍, ହେ ଦିନ୍ ଆରି ହେ ସମ୍ପୁତ ହେଖାନ୍ତି ମାପୁ ଖାନାନ୍, ୫୧ ଆରେ ହେଖାନ୍ ହେଖାନିଂ ଗାଣ୍ଡା ଗାଣ୍ଡା କିଜି ହର୍‌କାନାର୍ କାପ୍‌ତିୟାର୍ ହୁକେ ତାଦାକ୍ ବାଗ୍ ରଚନାନ୍; ହେବେ ଆଡ଼ିବେଦେଂ ଆରି ଟାଡାକ୍ ରେତିକିନାନ୍ ।”

୨୫

ଦସ୍ କଇକ୍ ଉତର୍‌ମୁଡ଼୍

୧* “ହେଖେଡ଼ାଲିଂ ସାଗେ ରାଜି ଖାନାକା ଏଲେକ୍ ଆନାଡ଼ ।
ଦସ୍ ଜାଣ୍ ଜିପଲିକ୍ ଖିଜେକିକ୍ ର ର ବଇଟା ଅଜି ବିବାଦାଂଣେନିଂ ତାତେକ୍ ହାଲ୍‌ଜି ମାଚିକ୍ । ୨ ହେଖେକ୍ ବିତ୍ରେ ପାଞ୍ଚ ଜାଣ୍ ବୁଦିକାର୍‌ୟାକ୍ ଆରି ପାଞ୍ଚ ଜାଣ୍ ନିର୍‌ବୁଦିୟାକ୍ ମାଚିକ୍ । ୩ ନିର୍‌ବୁଦିୟାକ୍ ବଇଟା ଅଡିକ୍ ମାତର୍ ଜାର୍ ଜାର୍ କାଜିଂ ପା ଆଦିକ୍ ଚିକାଣ୍ ଅଖାଦାଂ ମାଚିକ୍ । ୪ ବୁଦ୍‌ୟାର୍ ଜାର୍ ଜାର୍ ବଇଟା ଲାହାକ୍ କାଡ଼ତ ଚିକାଣ୍ ଅଜି ମାଚାର୍ ।” ୫ ବିବାଦାଂଣେନ୍ ଖାନାକା ମାଲା ଆତିଲେ କଇକ୍ ଡଗୁଜି ଡଗୁଜି ହୁଞ୍ଜିକ୍ ।

୬ “ମାଦିମାଦା ନାଣା କିର ଇନାକା ଖେନ୍ୟା ଆତାଡ଼, ଇଖାନ୍ ହୁଡ଼ା ବିବାଦାଂଣେନ୍ ଖାତାନେ, ଖାଡ଼ୁ ହେଖାରିଂ ହାସ୍‌ଦାଂ ତାନାସ୍ ।” ୭ ହେଖାଡ଼ାଲିଂ ଜିପଲିକ୍ ନିଙ୍ଗିଜି ଜାର୍ ଜାର୍ ବଇଟାକ୍ ଜାଲ୍‌ଦି କିତିକ୍ । ୮ ହେଖେଡ଼ାଂ ନିର୍‌ବୁଦିୟାଂ କଇକ୍ ବୁଦ୍ୟାକାଂ ଇଚିକ୍, “ମାଙ୍ଗେକ୍ ଇଚୁକ୍ ଚିକାଣ୍ ହିଦାଟ୍ । ମା ବଇଟା ହାଜି ହାନାତା ।” ୯ “ବୁଦ୍ୟାକ୍ ଇଚିକ୍, ମି କାଜିଂ ଆରି ମା କାଜିଂ ଚିକାଣ୍ ସାରି ଆଉଡ଼ । ଏପେକ୍ ଦୁକାଣ୍‌ତ ହାଲ୍‌ଜି ଜାର୍ ଜାର୍ କାଜିଂ ଇଚୁଟିଂ ଚିକାଣ୍ କଡ଼ଜି ତାହିଖାଡ଼ୁ ।” ୧୦ ଲାଗିଂ ନିର୍‌ବୁଦିୟାଂ କଇକ୍ ଚିକାଣ୍ କଡ଼ଦେଂ ହସି ହାଚିକ୍ । ହେଖେକ୍ ତାକ୍‌ଜି ହାଚି ପାଚେ ବିବାଦାଂଣେନ୍ ଖାଜି ଏକାଖାତାନ୍ । ଜାଲ୍‌ଦି ମାନି ପାଞ୍ଚଜାଣ୍ କଇକ୍ ତା ହୁକେ ବିବା ବଜିତ ହାଚି ପାଚେ କାପାଟ୍ ଗେସ୍‌ତାର୍ ।

୧୧* “ପାଚେ ବିନ୍ ଜିପଲିକ୍ ପା ଖାଜି ଇଚିକ୍, ଏ ମାପୁ, ଏ ମାପୁ, ମା କାଜିଂ କାପାଟ୍ ଜେସି ହିଦା । ୧୨ ମାତର୍ ବିବାଦାଂଣେନ୍ ଉତର୍ ହିତାନ୍, ଆନ୍ ମିଙ୍ଗ୍ ହାଡ଼ପା ଇଞ୍ଜନାକା, ଆନ୍ ମିଙ୍ଗ୍ ପୁଞ୍ଜୁକ୍ ।”

୧୩ କାତା ଖିସ୍ତି ଜିସୁ ଇଚାନ, ଜାଗ୍ରତ୍ ମାନାଟ୍, ଇନାକିଦେଂକି ଏପେକ୍ ହେ ଦିନ୍ କି ହେ ସମ୍ପୁ ପୁନୁଦେର୍ ।

ତିନ୍ ଚାକର୍ କାତା
(ଲୁକ ୧୯:୧୧-୨୭)

* ୨୪:୩୭ ୨୪:୩୭ କେତେକ୍ ପତିତ ମାଜି ପା ହିଲୁନ୍ ✱ ୨୪:୪୩ ୨୪:୪୩ ଲୁକ ୧୨:୩୯,୪୦. ✱ ୨୫:୧ ୨୫:୧ ଲୁକ ୧୨:୩୫.
✱ ୨୫:୧୧ ୨୫:୧୧ ଲୁକ ୧୩:୨୫.

୧୪ “ସାଗେ ରାଜି ଇ ଲାକେ, ତାଦାଙ୍ଗ ଆରେ ରଞ୍ଜୁ ଉତ୍ତରମୁଡ଼୍ ଖେନାଟ୍ । ଦିନେକ୍ ଆଡ଼ିୟା ମାନାୟ୍ କେଇଦ ତାଦାଙ୍ଗ ଦାନ୍ ପିସ୍ତ୍ରି ହିଜି ବିଦେସ୍ ହାଞ୍ଜେଙ୍ଗ୍ ହତାନ୍ । ୧୫ ହେଝାନ୍ ରକାନିଂ ହେବାକାରି ପାଞ୍ଚ ହାଜାର ରୁପା ଟାକାଂ, ଆରେ ରକାନିଂ ରି ହାଜାର ରୁପା ଟାକାଂ, ଆରେ ରକାନିଂ ଏକ୍ ହାଜାର ରୁପା ଟାକାଂ, ଏପେଙ୍ଗ୍ ଝିଜାରିଂ ହେଝାର ସାକ୍ତି ହୁଡ଼ଜି ହିଜି ବିଦେସ୍ତ ହାଚାନ୍ । ୧୬ ପାଞ୍ଚ ହାଜାର ରୁପା ଟାକାଂ ପାୟା ଆଜି ମାଚାନ୍, ହେଝାନ୍ ଦାପ୍ରେ ହେଦାଂ ଅଜି ବେପାର୍ କିଜି ଆରେ ପାଞ୍ଚ ହାଜାର ରୁପା ଟାକାଂ ଲାବ୍ କିତାନ୍ । ୧୭ ହେ ଲାକେ ଇନେର୍ ରି ହାଜାର ରୁପା ଟାକାଂ ପାୟା ଆଜି ମାଚାନ୍, ହେଝାନ୍ ଆରେ ରି ହାଜାର ରୁପା ଟାକାଂ ଲାବ୍ କିତାନ୍ । ୧୮ ମତର୍ ଇମ୍ବି ଚାକର୍ ହାଜାର ରୁପା ଟାକାଂ ପାୟା ଆଜି ମାଚାନ୍, ହେଝାନ୍ ର ଚିକ୍ଲା କାଟ୍ ହାଉକାଟ୍ ହେ ରୁପା ଟାକାଂ ଡ଼କ୍ଟି ଇଡ଼ତାନ୍ ।”

୧୯ “ବେସି ଦିନ୍ ପାଚେ ଆଡ଼ିୟା ହାଉକାର୍ ମାସ୍ଦାତାନ୍ ଆରି ଚାକର୍ରିଂ ହୁକେ ହିସାବ୍ କିତାନ୍ । ୨୦ ପାଞ୍ଚ ହାଜାର ଟାକାଂ ଅଜି ମାଚି ଚାକର୍ ହାଉକାର୍ତିଂ ଆରେ ପାଞ୍ଚ ହାଜାର ହିଜି ଇଚାନ୍, ମାପୁ ଏନ୍ନାଙ୍ଗ୍ ପାଞ୍ଚ ହାଜାର ରୁପା ଟାକାଂ ହିଜି ମାଞ୍ଚାୟ୍, ହୁଡ଼ା, ଆନ୍ ପାଞ୍ଚ ହାଜାର ଲାବ୍ କିତାନ୍ନା ୨୧ ହାଉକାର୍ ଖାରୟା ଆଜି ଇଚାନ୍, ହାର୍ କିତାୟ୍ନା, ଏନ୍ ନା ସାବାସ୍ ହାର୍ଦାକାୟ୍ ଆରି ପାଟ୍ ନି ଆଡ଼ିୟା । ଏନ୍ ପାଟ୍ ବାବ୍ରେ ଅଲପ୍ ଦନ୍ଦିଂ କାର୍ବାର୍ କିଦେଙ୍ଗ୍ ଆଡ଼ିଲେ ନି କେଇଦ ବେସି ଦାନ୍ ପିସ୍ତ୍ରି ହିଦ୍ନାଂ । ଖା, ନା ମାପୁ ଖାରିତ ମେହାଆଦା !” ୨୨ “ରି ହାଜାର ରୁପା ଟାକାଂ ଅଜି ମାଚି ହେବାକାରି ଖାଜି ଇଚାନ୍, ଏ ମାପୁ, ଏନ୍ନାଙ୍ଗ୍ ରି ହାଜାର ହିଜି ମାଞ୍ଚାୟ୍, ଆନ୍ ଆରେ ରି ହାଜାର ରୁପା ଲାବ୍ କିତାନ୍ନା ।” ୨୩ ହାଉକାର୍ ଇଚାନ୍, “ସାବାସ୍ କିତାୟ୍ନା । ଏନ୍ ପା ନା ହାର୍ଦି ଆଡ଼ିୟା । ଅଲପ୍ ଦାନ୍ତ ପାଟ୍ ତାଂ ଚଟ୍ଟାତାୟ୍ନା । ବେସି ଦାନ୍ ଆନ୍ ନିଂ ବାଟି କିଦ୍ନାଂ । ଖା ନା ଖାରିତ ମିହାଆଦା ।” ୨୪ “ସେସ୍ତ ଏକ୍ ହାଜାର ରୁପା ଟାକାଂ ଅଜି ମାଚି ଲକ୍ଷ୍ ଖାଜି ଇଚାନ୍, ହାଉକାର୍, ଏନ୍ ରକାୟ୍ କଟି ଲକ୍ଷ୍ ଇଦାଂ ଆନ୍ ପୁନାଙ୍ଗ୍ । ଝିଡ଼ିଡ଼ି ବାଡ଼୍ ଏନ୍ ତ୍ରେସ୍ନାୟ୍ । ବିୟାନ୍ ଝିଡ଼ିଝାଦାଂ ତାସ୍ ରୁଣ୍ଡାୟ୍ କିନାୟ୍ । ୨୫ ହେଦାଂ କାଜିଂ ଆନ୍ ପାଣ୍ଡା ଆଜି ନି ରୁପା ଟାକାଂ ଅଜି ହାଉକାର୍ ମେଦ୍ନିତ ମୁଚ୍ଟି ଇଡ଼ଜି ମାଚାଙ୍ଗ୍ । ହୁଡ଼ା, ନି ହେ ଡାବୁଙ୍ଗ୍ ।”

୨୬ “ହାଉକାର୍ ଇଚାନ୍, ତେ ଆଡ଼ିଝି, ଆଡ଼ିସାୟ୍ ଆଡ଼ିୟା ! ଏନ୍ କିନ୍ଦା ପୁଞ୍ଜିମାଚାୟ୍, ଆନ୍ ଇମେତାକେ ଝିଡ଼ିଝାଦାଂ ମାନାଂ, ହେବେ ତ୍ରେସ୍ନାଂ ଇମେତାକେ ଝିଡ଼ିଝାଦାଂ ମାନଗାନାଂ ହେବେ ତାସ୍ ତ୍ରେସ୍ନାଂ । ୨୭ ତେବେ ନା ଟାକାଂ ଅଜି ଏନ୍ କଲ୍ଡର୍ କାଜିଂ ଇଡ଼ଜି ମାଚାଂମା । ତା ଆଡ଼ିସ୍ ତାଙ୍ଗ୍ ଆନ୍ କଲ୍ଡର୍ ହୁକେ ଉଲ୍ଡି ଗାଟା ଆତାଂମା ।” ୨୮ ଇଦାଂ ଇଞ୍ଜି ହାଉକାର୍ ବଲ୍ ହିତାନ୍, “ଇ ରୁପା ଡାବୁଙ୍ଗ୍ ଅଜି, ଇନେର୍ ତାକେ ଦସ୍ ହାଜାର ରୁପା ଟାକାଂ ମାନିଙ୍ଗ୍, ହେଝାନିଂ ହିଆଟ୍ । ୨୯ ଇନାକିଦେଂକି ଇମ୍ବି ଲକ୍ଷ୍ତ ମାନିଂ, ହେଝାନିଂ ହିୟାଆନାଡ଼, ଆରେ ହେଝାନ୍ତି ବେସି ଆନାଡ଼; ମାତର୍ ଇନେରିଂ ହିଲୁଡ଼, ହେଝାନ୍ ଲାଗେ ଇନାକା ମାନାଡ଼, ହେଦାଂ ନେ ତା ତାକେଣ୍ଡାଂ ଅୟାନାଡ଼ । ୩୦ ଇ କାମାୟ୍ ଆଡ଼ିଝି ଆଡ଼ିୟାତିଂ ବାଟ୍ ମାଜ୍ଗାତ ତୁହିୟାଟ୍ । ହେବେ ହେଝାନ୍ ଆଡ଼ିସ୍ ଟାଡାଙ୍ଗ୍ କଡ଼ମଡ଼୍ କିଜି ମାନେନ୍ ।”

ସେସ୍ ବିଚାଣ୍ଡା

୩୧ “ଏଚେକାଡ଼୍ଦ ମାନାୟ୍ ମାଜି ରାଜା ଆଜି ହେଝାନ୍ତି ସାଗେ ବୁଡ଼ତର୍ ଲାହାଙ୍ଗ୍ ଖାନାନ୍, ରାଜା ଜାଜ୍ମାଲ୍ ହୁକେ ଗାଦିତ କୁଚ୍ଚାନ୍, ୩୨ ସବୁ ଜାତିନି ଲକ୍ଷ୍ ତା ଲାଗାଂ ରୁଣ୍ଡା ଆନାଟ୍ । ହେ ଏଚେକାଡ଼୍ଦ ମେଣ୍ଡାଗଡ଼ିୟା ଇନେସ୍ ଅଡାଙ୍ଗ୍ ଆରି ମେଣ୍ଡାକାଂ ବିନେ କିନାନ୍, ମାନାୟ୍ ମାଜି ହେ ଲାକେ ମାନାୟ୍ତିଂ ରି କୁଦା କିଜି ବାଗ୍ କିନାନ୍ । ୩୩ ମେଣ୍ଡାକାଂ ଜାର୍ ବୁଜ୍ଠି ବାଗାଙ୍ଗ୍ ଆରି ଅଡାକାଂ ତେବ୍ରି ବାଗାଙ୍ଗ୍ ଇଚ୍ଚନାନ୍ ।” ୩୪ ତା ପାଚେ ହେଝାନ୍ତି ବୁଜ୍ଠିତ ମାନି ଲକାରିଂ ରାଜା ଇନାନ୍, “ଖାଡୁ, ମିଙ୍ଗେଙ୍ଗ୍ ନା ବାଞ୍ଜା ଆସିର୍ବାଦ୍ କିଡ଼ନ୍ନା । ପୁଟ୍ ଉବ୍ଜାଣ୍ଡି ଆରମତାଂ ଇମ୍ବି ରାଜି ମି କାଜିଂ ଜାଲ୍ଦି ଆଜି ମାନାଡ଼, ଖାତ ହେବେ ହଣାଟ୍ । ୩୫ ଆନ୍ ନାସକି ମାଚାଙ୍ଗ୍, ଏପେଙ୍ଗ୍ ଚିପ୍ପାତାଦେଣ୍ଡା; ଆନ୍ ଏସକି ଆଜି ମାଚାଙ୍ଗ୍, ଏପେଙ୍ଗ୍ ନାଙ୍ଗ୍ ଉଣ୍ଡେଙ୍ଗ୍ ହିଡ଼ତାଦେଣ୍ଡା । ଆନ୍ ଚିନାହିଲ୍ଝାଦାଂ ମାଚାଙ୍ଗ୍, ଏପେଙ୍ଗ୍ ନାଙ୍ଗ୍ ଇଞ୍ଜି ମାଞ୍ଜେଙ୍ଗ୍ ବାହା ହିଡ଼ତାୟ୍ । ୩୬ ନାଗ୍ଡା ମାଚାଙ୍ଗ୍, ନାଙ୍ଗ୍ ହେୟା ଉସ୍ତି କିଡ଼ତାଦେଣ୍ଡା । ଆନ୍ ବେମାର୍ ମାଚାଙ୍ଗ୍, ନାଙ୍ଗ୍ ଜତନ୍ କିନାଦେର୍ ।” ଆନ୍ ଜେଲ୍ ଇଞ୍ଜି ମାଚାଙ୍ଗ୍, ନାଙ୍ଗ୍ ହୁଡ଼ଦେଂ ଖାତାଦେର୍ । ୩୭ “ହେବେ ଦାମ୍ ର ତାଙ୍ଗ୍ ଉତର୍ ହିଦ୍ନାଟ୍, ଏ ମାପୁ, ଇନାଞ୍ଜାଡ଼ାଂ ଆପେଂ ନିଂ ନାସକି ହୁଡ଼ଜି କାଦି ହିଡ଼ତାପ୍ କି ଏସକି ହୁଡ଼ଜି ଉଚ୍ପି କିଡ଼ତାପ୍ ? ୩୮ ଆରେ ଇନାଞ୍ଜାଡ଼ାଂ ରଞ୍ଜାନ୍ ନିଂ ଚିନାହିଲ୍ଝି ଲକ୍ଷ୍ ହୁଡ଼ଜି ଆହା ହିଡ଼ତାପ୍ ? କି ନାଗ୍ଡା ହୁଡ଼ଜି ହେୟା ଉସ୍ତି କିଡ଼ତାପ୍ ? ୩୯ ଇନାଞ୍ଜାଡ଼ାଂ ନିଂ ବେମାର୍ କି ଜେଲ୍ ଇଞ୍ଜି ହୁଡ଼ଜି ହେବା କିଡ଼ତାପ୍ ? ୪୦ ଆରେ ରାଜା ହେଝାରିଂ ଉତର୍ ହିନାନ୍, ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଏପେଙ୍ଗ୍ ନା ଇ ହାରୁ ଟଣ୍ଡାର୍ ବିତ୍ରେତାଂ ରଞ୍ଜାନ୍ କାଜିଂ ଇଦାଂ କିଜି ମାଚିଲେ ନା କାଜିଂ ନେ ହେଦାଂ କିନାଦେରା ।”

☆ ୨୫:୨୯ ୨୫:୨୯ ମାତ୍ରିକ ୧୩:୧୨; ମାର୍କ ୪:୨୫; ଲୁକା ୮:୧୮.

୪୧ “ତା ପାଚେ ଡେବିବାଗାଙ୍କ ମାନି ଲକାରିଂ ହେୱାନ ଇନାନ, ଡେ ସାଇପ୍ ପାୟାତି ମାନାୟାର୍ ! ନା ମୁମଦାଂ ଦେହା ଆ ! ସୟତାନ ଆରି ତା ଦୁଡ଼ତର୍ କାଜିଂ ଇମଣି ଝିଝିନାଣି ଜାଲଦି ଆଜି ମାନାଡ଼, ହେବେ ହାଲାର୍ । ୪୨ ଆନ୍ ନାସକି ମାଚାଙ୍କ, ଏପେଙ୍ଗ ନାଙ୍କ ଚିଝେଙ୍ଗ ହିଦ଼଼ାତାଦେର୍ । ଆନ୍ ଏସକି ମାନିଝେଡ଼ାଲିଂ ନାଙ୍କ ଏଜୁଂ ଉଣ୍ଡେଙ୍ଗ ହିଦ଼଼ାତାଦେର୍ । ୪୩ ଆନ୍ ଚିନ୍ପୁନ୍ଝି ଝେଡ଼ାଲିଂ ନା ଇଞ୍ଜ ବାହା ହିଦ଼଼ାତାଦେର୍ । ଆନ୍ ନାଗଡ଼ା ମାନିହିଂ ହେୟା ଉସ୍ସି କିଦ଼଼ାତାଦେର୍ । ବେମାର୍ ଆରି ଜଇଲତ ମାନିଝେଡ଼ାଲିଂ ନା ଜତନ୍ ଅଞ୍ଜାତାଦେର୍ଣ୍ଣା ।”

୪୪ “ହେଞ୍ଜାଡ଼ାଂ ହେଞ୍ଜାର୍ ଉତର୍ ହିଦନାନ, ଏ ମାପୁ, ଇନାଞ୍ଜାଡ଼ାଂ ଆପେଂ ନିଂ ନାସକି, ଏସକି, ବିଦେସି କି ନାଗଡ଼ା, ବେମାର୍ କି ଜଇଲତ ମାନାକା ହୁଡ଼ଜି ଆପେଂ ନିଂ ହେବା କିଦ଼଼ାତାଂନା ?”

୪୫ “ରାଜା ଉତର୍ ହିନାନ, ଆନ୍ ହାଡ଼ପା ଇଞ୍ଜନାଙ୍ଗା, ଇ ହାରୁକାର୍ ବିଡ୍ରେ ରକାନିଂ ଉପକାର୍ କିଦେଙ୍ଗ ମୁନା କିନିହିଙ୍ଗ, ଏପେଙ୍ଗ ନାଙ୍କ ଉପକାର୍ କିଦେଙ୍ଗ କାଞ୍ଜାତାଦେର୍ଣ୍ଣା । ୪୬ ଇ ଲକୁ ସରୁ ଦିନ୍ କାଜିଂ ଡାଣ୍ଡ ପାୟାନାର୍ ଆରି ଦାମ୍ ଚିଝିଝି ଜିବୁନ୍ ପାୟାନାର୍ ।”

୨୨

ଜିସୁ ବିରୁଦତ କୁଟ୍

(ମାର୍କ ୧୪:୧-୨; ଲୁକ ୨୨:୧-୨; ଜହନ୍ ୧୧:୪୫-୫୩)

୧ ଇ ସରୁ ହିକ୍ୟା ହିଜି ଝିସୁ ପାଚେ ଜିସୁ ଚେଲାରିଂ ଇଚାନ, ୨ “ରି ଦିନ୍ ପାଚେ ଜେ, ନିସ୍ସାର୍ ପାର୍ବୁ ଆନାଡ଼, ଇଦାଂ ଏପେଙ୍ଗ ପୁଚାଦେର୍ଣ୍ଣା । ଆରେ ମାନାୟ ମାଜି ଜେ କୁସ୍ତ ଦୁପୟା ଆଦେଂ କାଜିଂ ହେଲାଇୟ କିୟାଆନାନ ।”

୩ ହେ ଝେଡ଼ାଲିଂ ମୁଡ଼ ମାପୁହେବାକିନାକାନ ଆରି ଲକୁତ୍ ବୁଡ଼ାଲୁର୍ କୟାପା ତରନ୍ ମୁଡ଼ ମାପୁହେବାକିନାକାନ୍ତି ହାକଡ଼ତ ରୁଣ୍ଡା ଆତାର୍, ୪ ହେଞ୍ଜାର୍ ଡ଼ଗୁଜି ଜିସୁଙ୍କ ଅସ୍ତେଙ୍ଗ ମାନ୍ପାଚି କିତାର୍ । ୫ ମାତର୍ ହେଞ୍ଜାର୍ ଇଚାର୍, “ପାର୍ବୁ ଝେଡ଼ାଲିଂ ଇଦାଂ କିନାକା ହାର୍ ଆକାୟ, ଇନାକିଦେଂକି ମାନାୟାର୍ ଗଣ୍ଡଗଲ୍ କିଦନାର୍ ।”

ବେଡନପାତ ଜିସୁ ସିଗ୍ ଆତାନ

(ମାର୍କ ୧୪:୩-୯; ଜହନ୍ ୧୨:୧-୮)

୬ ଦିନେକ ଜିସୁ ବେଡନିୟାତ ଗାଜା ରଗ୍ୟା ବଗ୍ କିଜି ସିମନ୍ ଇଞ୍ଜ ମାନି ଝେଡ଼ାଲିଂ, ୭ *ରଞ୍ଜେଲ୍ କଗ୍ଲେ ର କଣ୍ଡିତ ଦାମ୍ନି ବାସନା ଚିକାଣ୍ ଅସି ତା ତାକେ ଝାତାଡ଼ ଆରି ହେଦେଲ୍ ଚିଝେଙ୍ଗ କୁଚି ସମୁତ ତାଙ୍ଗେଙ୍ଗ କାପଡ଼ାତ ଝାକଡେଂ ଲାଗାତାଡ଼ । ୮ ହେଦାଂ ହୁଡ଼ଜି ଚେଲାର୍ ରିସା ଆଜି ଇଚାର୍, “ଏଚେକ୍ ନସ୍ କିନାତା ଇନାକିଦେଂ ? ୯ ଇ ବାସନା ଚିକାଣ୍ ବେସି ଟାକାଂତାଂ ପ୍ରୟା ଆତାମ୍ ଆରି ହେ ଦାନ୍ ଅକ୍ ତାରିଂ ଦାନ୍ ହିୟାତାମ୍ ।”

୧୦ ଜିସୁ ହେଦାଂ ପୁଞ୍ଜି ହେଞ୍ଜାରିଂ ଇଚାନ, ଇନେକିଦେଂ କଗ୍ଲେଂ କସ୍ ହିନାଦେରା ? ହେଦେଲ୍ ନା କାଜିଂ ହାର୍ କାମାୟ କିନାତା । ୧୧ “ଅକ୍ ଡ଼ ଲକୁତ ନିଡ୍ରେ ମି ହୁଦାଂ ମାନାର୍, ମତର୍ ଆନ୍ ନିଡ୍ରେ ମି ହୁଦାଂ ମାନୁଙ୍ଗ । ୧୨ ଆରେ, ନା ଦୁଗେରତ ମୁଚ୍ନି କାମାୟ ଲାକେ ନା ଗାଗାଡ଼ତ ଇ ବାସନା ଚିକାଣ୍ ଝାକଡାନାତା । ୧୩ ଆନ୍ ନିଂ ହାଡ଼ପା ଇଞ୍ଜନାଙ୍ଗା, ଝିଜୁ ପୁଡ଼ିତ ଇମଣି ବାହାତ ପା ନେକ୍ଟିକାବୁର୍ ଝେଚ୍ୟାନାଡ଼, ହେ ବାହାତ ଇ କଗ୍ଲେତି ଏଡୁତିଂ ତାଦାଙ୍ଗ ଇ କାମାୟନି କାତା ପା ଇନ୍ୟା ଆନାଡ଼ ।”

ଜିସୁଙ୍କ ଆହିକିଦେଂ କାଜିଂ ଜିହୁଦାତି ରାଜି

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଜିସୁତି ବାରଜାଣ୍ ଚେଲାର୍ ବିଡ୍ରେ ଇସ୍ପାରିୟତିୟ ଜିହୁଦା ତରନ୍ ରକାନ ଚେଲା ମୁଡ଼ ମାପୁହେବାକିନାକାର୍ ତାକେ ହାଲଜି ଝେନ୍ବାତାନ୍, ୧୫ “ଜିସୁଙ୍କ ଆହି କିଜି ହିଡ଼ିସ୍ ନାଙ୍କ ଇନାକା ହିଦନାଦେର୍ ?” ହେଞ୍ଜାର୍ ତାଙ୍କ କଡେଦସ୍ ଗଟା ରୁପା ଟାକାଂ ଏଜା କିଜି ହିତାର୍ ।

୧୬ ହେ ଦିନ୍ତାଂ ଜିସୁଙ୍କ ହେଞ୍ଜାର୍ କେଇଦ ଆହିକିଦେଂ କାଜିଂ ସୁବିଦା ଡେକ୍ତାନ୍ ।

ଚେଲାର୍ ହୁଦାଂ ଜିସୁତି ନିସ୍ସାର୍ ପାର୍ବୁ ବଜିତିନାକା

(ମାର୍କ ୧୪:୧୨-୧୧; ଲୁକ ୨୨:୬-୧୪; ୨୧-୨୩; ଜହନ୍ ୧୩:୨୧-୩୦)

୧୭ ପାଚେ ହଇଝି ରୁଚି “ପାର୍ବୁନି ପର୍ଡୁମ୍ ଦିନ୍ତ ଚେଲାର୍ ଜିସୁ ଲାହାଙ୍ଗ ଝାଜି ଝେନ୍ବାତାର୍, ଆପେଂ ଇମଣି ବାହାତ ନି କାଜିଂ ନିସ୍ସାର୍ ପାର୍ବୁ ବଜି ଜାଲଦି କିନାପ୍ ଇଞ୍ଜି ନି ଇଚା ?”

* ୨୨:୭ ୨୬:୭ ଲୁକ ୭:୩୭,୩୮.

୧୮ ଜିସୁ ଉତର ହିତାନ, ଗାଡ଼ଦ ହାଲଜି ହେ ଆମକ ଲଗାଂ ତାଲେଙ୍ଗ୍ ଇନାଟ୍, “ଗୁରୁ ଇସ୍ରାୟାଲ୍, ହେଖାନ୍ତି ସମୁ ଲାଗେ ଆଜି ଖାତାତେ । ହେଖାନ୍ତି ଚେଲାର୍ ଲାହାଙ୍ଗ୍ ମି ଇଞ୍ଜ ହେଖାନ୍ ନିସ୍ତାର୍ ପାର୍ସୁ ମାନିକିନାନ୍ ।”

୧୯ ଜିସୁ ଇନି ହିସାବରେ ଚେଲାର୍ ନିସ୍ତାର୍ ପାର୍ସୁ ବଜି ଜାଲ୍ଦି କିତାର୍ ।

୨୦ ପାଚେ ମୁଡିଲେ ହେଖାନ୍ ବାରଜାଣ୍ ଚେଲାର୍ ଲାହାଙ୍ଗ୍ ଚିଞ୍ଜେଙ୍ଗ୍ କୁଚ୍ଚାର୍ । ୨୧ ତିନି ଖେଡ଼ାଲିଂ ଜିସୁ ଇଚାନ, “ଆନ୍ ମିଙ୍ଗ୍ ହାଡ଼ପା ଇଞ୍ଜନାଙ୍ଗା, ମି ବିଡ୍ରେ ରକାନ୍ ନାଲେଙ୍ଗ୍ ସତୁ କେଇଦ ହେଲାଇ କିଦନାନ୍ ।”

୨୨ ଚେଲାର୍ ବେସି ଦୁକ୍ ଆଜି ରକାନ୍ ପାଚେ ରକାନ୍ ଜିସୁଙ୍ଗ୍ ଖେନ୍ବାତାର୍, “ମାପୁ ହେଖାଙ୍ଗ୍ ଇନାକା ଆନ୍ ?”

୨୩ ଜିସୁ ଇଚାନ, “ଇନେର୍ ନା ଲାହାଙ୍ଗ୍ ରଚେ ତାଡ଼ିୟାତ ରୁଟି କୁକନାନ୍, ହେଖାନ୍ ନାଙ୍ଗ୍ ସତୁ କେଇଦ ହେଲାଇ କିଦନାନ୍ । ୨୪ ସାସ୍ତରର୍ ଇନେସ୍ ଲେକା ଆତାଡ଼ନା ମାନାଇ ମାଜି ହାକିତାଣ୍ ଆନାନ୍, ମାତର୍ ଇନେର୍ ଆହିକିନାନ୍, ତା ଦସା କେତେକ୍ କସ୍ ! ହେ ମାନାଇ ଜଲମ୍ ଆଖାଦାଂ ମାଟିସ୍ ତା ପାକ୍ୟାତ ହାରା ଆତାମା ।”

୨୫ ସାତୁ କେଇଦ ହେଲାଇ କିତି ଜିହୁଦା ନିଙ୍ଗ୍ଜି ଖେନ୍ବାତାନ୍, “ଏ ଗୁରୁ, ହେଖାଙ୍ଗ୍ ଇନାକା ଆନ୍ ?” ଜିସୁ ହେଖାନ୍ ଇଚାନ, “ଏନ୍ ଇସ୍ରାୟାଲ୍ ।”

ମାପୁ ବଜି

(ମାର୍କ ୧୩:୨୨-୨୬; ଲୁକ ୨୨:୧୪-୨୦; ୧ କରନ୍ତିୟ ୧୧:୨୩-୨୫)

୨୬ ହେଖାର୍ ତିନି ଖେଡ଼ାଲିଂ ଜିସୁ ର ରୁଟି ଅଜି ଇସ୍ତରର୍ତିଂ ଦନ୍ୟବାଦ୍ ହିତାନ ଆରି ହେଦାଂ ତ୍ରିକ୍ତି ଚେଲାର୍ ହିଜି ଇଚାନ, “ଇଦାଂ ନା ଗାଗାଡ଼୍ ।”

୨୭ ତା ପାଚେ ହେଖାନ୍ ଉଣି ବାହା ଅଜି ଇସ୍ତରର୍ତିଂ ଜୁଝାର୍ କିତାନ୍ ଆରି ହେଦାଂ ଚେଲାର୍ ହିଜି ଇଚାନ, “ଏପେଙ୍ଗ୍ ଝିଜାକାଦେର୍ ଇବେଣ୍ଡାଂ ଉଣାଟ୍ ।” ୨୮ “ଇଦାଂ ନା ନେତେର୍ । ମାନାଇତିଂ ପାପ୍ କେମା କାଜିଂ ଆନ୍ ଇମଣି ନେତେର୍ ଝାକ୍ତି ହିଦେଂ ହାନାଙ୍ଗା, ଇମଣାକା ଇସ୍ତର୍ତିଂ ପୁନି ନିୟମ୍ ରଚ୍ୟା ଆତାଡ଼ନା । ୨୯ ମାତର୍ ଆନ୍ ମିଙ୍ଗ୍ ଇଞ୍ଜନାଙ୍ଗା, ଇମଣି ଦିନ୍ ଆନ୍ ନା ବାଝାତି ରାଜିତ ମି ହୁଦାଂ ପୁନି କିଜି ଅଙ୍ଗୁର୍ ପାଡ଼ନି ରାସ୍ ଉଣାଙ୍ଗ୍, ହେ ଦିନ୍ ପାଚେକ୍ ନେଞ୍ଜତାଂ ଆନ୍ ଇଦାଂ ଇନାଝାଡ଼ାଂ ପା ଉଣୁଙ୍ଗ୍ ।”

୩୦ ଆରେ, ହେଖାର୍ ଜୁଝାର୍ କେରକଣ୍ କେରତି ପାଚେ ଜିଡ଼ମାଡ଼ିତ ହସି ହାଚାର୍ ।

ପିତରତି ପାଚି କିଝି ବିସ୍ତେ ଜିସୁ ଇଚାନ

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହନ୍ ୧୩:୩୬-୩୮)

୩୧ ଇ ଖେଡ଼ାଲିଂ ଜିସୁ ହେଖାରିଂ ଇଚାନ, “ନେଞ୍ଜେଙ୍ଗ୍ ନାଣା ଏପେଙ୍ଗ୍ ଝିଜାକାଦେର୍ ନାଙ୍ଗ୍ ପିସ୍ତି ହାନାଦେର୍ । ଇନାକିଦେଂକି ସାସ୍ତରର୍ତିଂ ଲେକାତାଡ଼ନା, ଆସେଙ୍ଗ୍ ମେଣ୍ଡା ଗଡ଼ିୟାଙ୍ଗ୍ ଅସ୍ତିସ୍, ଆରେ ମାନ୍ଦା ନି ମେଣ୍ଡାଂ ଜେଡେକେତେ ଆଜି ହାନିକ୍ ।” ୩୨ “ମାତର୍ ଆନ୍ ନିଙ୍ଗ୍ଜି ପାଚେ ମି ଆଗେ ଗାଲିଲି ରାଜି ହାନାଂ ।”

୩୩ ପିତର ଜିସୁଙ୍ଗ୍ ଇଚାନ, “ବିନ୍ ଲଗୁ ଝିଜାକାର୍ ନିଂ ପିସ୍ତି ହାଟିସ୍ ପା ଆନ୍ ମୁଡ଼କେ ପିସ୍ତି ହାଲୁଙ୍ଗ୍ ।”

୩୪ ଜିସୁ ପିତରଂ ଇଚାନ, “ଆନ୍ ହାଡ଼ପା ଇଞ୍ଜନାଙ୍ଗା, ନେଞ୍ଜେଙ୍ଗ୍ ନାଣା କୁଜୁ କେଡ଼ନି ଆଗେ ଏନ୍ନାଙ୍ଗ୍ ପୁନୁଙ୍ଗ୍ ଇଞ୍ଜି ତିନିହର୍ ପାଚି କିଦୁୟ୍ ।”

୩୫ ପିତର ଉତର ହିତାନ, “ନି ହୁକେ ହାଦେଂ ଲାଗ୍ଦିତିସ୍ପା ଆନ୍ ଇନାଝାଡ଼ାଂ ପା ଉଡ଼ା ଆଦୁଙ୍ଗ୍ ।” ବିନ୍ ଚେଲାର୍ ପା ଝିଜାକାର୍ ହେ ଲାକେ ଇଚାର୍ ।

ଗେଡ଼ସିମନିତ ବାଡ଼ଦ ଜିସୁତି ପାର୍ତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ତା ପାଚେ ଜିସୁ ଜାର୍ ଚେଲାର୍ ହୁକେ ଗେଡ଼ସିମନି ତରନି ର ବାହାତ ହେଖାରିଂ ଇଚାନ, “ଆନ୍ ହେବେ ହାଲଜି ପାର୍ତାନା କିନି ପାଚେକ୍ ଏପେଙ୍ଗ୍ ଇବେ କୁଚ୍ଚି ମାନାଟ୍ ।” ୩୭ ଆରେ, ଜିସୁ ପିତର ଆରି ଜେବ୍ଦି ରିକାର୍ ମେହିରି ଅତାନ । ହେ ଏଚେକାଡ଼ଦ ଜିସୁ ବେସି ଦୁକ୍ ବାଦାତ ବିପ୍ତି ଆଜି ମାଚାନ । ୩୮ ଜିସୁ ହେଖାରିଂ ଇଚାନ, “ଦୁକ୍ତ ନା ଝାସ୍ତି ବିପ୍ତି ଆନାତା । ଇବେ ଏପେଙ୍ଗ୍ ନା ଲାହାଙ୍ଗ୍ କାଜିଂ ମାନାଟ୍ ।”

୩୯ ଜିସୁ ଅଲପ୍ ଦେହା ହାଲଜି ମେଦନିତ ମୁମ୍ କୁନ୍ଦି କିଜି ପାର୍ତାନା କିତାନ୍, “ବାଝା ! ଜଦି ଆଦେଂ ଆନାଡ଼, ଇ ଦୁକ୍ବଗନି ଉଣି ବାହା ନା ତାଙ୍ଗ୍ ଦେହା ଅଝା, ମାତର୍ ନା ଇଚା ଆକାୟ୍, ନି ଇଚା ପୁରା ଆଏଡ଼ ।”

☆ ୨୭:୩୨ ୨୭:୩୨ ମାଡ଼ିର ୨୮:୧୭.

୪୦ ତା ପାଚେ ହେୱାନ ଚେଲାର ଲାଗାଙ୍ଗ ଖାଜି ହୁଡ଼ତାନ, ହେୱାର ହୁଞ୍ଚାଣ୍ଣା । ଜିସୁ ପିତରତିଂ ଇଚାନ, “ଏପେଙ୍ଗ ନା ହୁଦାଂ ରଗଣ୍ଣା କାଜିଂ ମାଞ୍ଜେଙ୍ଗ ଆଡୁଦେରା ? ୪୧ ପରିକ୍ୟାତ ଇନେସ୍ ଆରମାଟ୍, ହେଦାଂ କାଜିଂ ମାନ୍‌ଞ୍ଜି ପାର୍ତାନା କିୟାଟ୍ । ଇନାକିଦେଂକି ମିଦାଙ୍ଗ ଜିବୁନ୍ ଇଚା, ମାତର୍ ଗାଗାଡ଼୍ ନାଦାର ।”

୪୨ ଜିସୁ ଆରେ ରଗ ହାଲ୍‌ଜି ପାର୍ତାନା କିଚାନ, ନା “ବାଞ୍ଜା ! ଜଦି ଦୁକ୍‌ବଗନି ଉଣି ବାହା ନାତାଙ୍ଗ ଗୁଚା ଆଦେଂ ଆଡୁୟ୍ ଆରି ନାଙ୍ଗ ହେଦାଂ ଉଣ୍ଣେଙ୍ଗ ନେ ଆନାଡ଼, ନି ଇଚା ପୁରା ଆୟେଡ଼ ।” ୪୩ ହେୱାନ ଆରେ ରଗ ମାସଦି ଚେଲାରିଂ ହୁଞ୍ଜନାକା ହୁଡ଼ତାନ । ହେୱାର କାଣ୍‌କୁ ଜେଡେଙ୍ଗ ଆଡ଼ଞ୍ଜାଦାଂ ମାଚାର ।

୪୪ ଜିସୁ ହେୱାରିଂ ପିସ୍ତି ଅଲପ୍ ଦେହା ହାଲ୍‌ଜି ତିନହଟ୍ କାଜିଂ ହେ ଲାକେ ପାର୍ତାନା କିଚାନ । ୪୫ ତା ପାଚେ ଚେଲାର ତାକେ ଖାଜି ଇଚାନ, “ଏପେଙ୍ଗ ଇ ପାଡେକ୍ ହୁଞ୍ଜିମାଞ୍ଜି ଜମ୍‌ନାଦେରା ? ହୁଡ଼ାଟ୍, ମାନାୟ୍ ମାଜି ପାପିର୍ କେଇଦ ହେଲାୟ୍ ଆନି ସମ୍ପୁ ଖାତାଡ଼ । ୪୬ ନିଂଗାଟ୍ ଆସେଙ୍ଗ ହାନାସ୍ । ଇଦି ହୁଡ଼ାଟ୍, ନାଙ୍ଗ ଆହିକିଦ୍‌ନି ମାନାୟ୍ ମାଜି ଏକାଞ୍ଜାତାନେ ।”

ଜିସୁ ଗାଚ୍ୟା ଆତାନ

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହନ୍ ୧୮:୩-୧୨)

୪୭ ହେୱାନ କାତା ଇନିଖାଡ଼ାଲିଂ, ହୁଡ଼ାଟ୍, ବାରଜାଣ୍ ବିଡେ ଜିହୁଦା ତରନି ରକାନ ଆରି ହେ ଲାହାଙ୍ଗ୍ ମୁଡ଼୍ ମାପୁହେବା କିନାକାର ଆରି ମାନାୟାରତି ବୁଡ଼ାଲୁର୍ ତାଙ୍ଗ୍ ପକ୍ୟାତି ହେନି ଲକୁ କାଣ୍ଡା ଆରି ଟେଙ୍ଗାଙ୍ଗ୍ ଆସ୍ତି ଖାତାର । ୪୮ ଆରେ, ହେୱାନିଂ ସତୁ କେଇଦ ହେଲାୟ୍ କିନାକାନ ହେୱାରିଂ ଚଡ଼ି ଇଞ୍ଜି ମାଚାନ, “ଆନ୍ ଇନେରିଂ ତଞ୍ଜନାଂ, ହେୱାନିଂ ନେ ଏପେଙ୍ଗ ଇଟ୍‌କାଡ଼ କିନାଦେରା । ହେୱାନିଂ ଆହାଟ୍ ।”

୪୯ ଆରେ, ହେଦାପ୍ରେ ଜିସୁତି ଲାଗାଂ ହାଲ୍‌ଜି ଖାଜି, ଏ ଗୁରୁ ଜୁଞ୍ଜାର, ଇଦାଂ ଇଞ୍ଜି ହେୱାନିଂ ବେସି ତଞ୍ଜାନ ।

୫୦ ଜିସୁ ହେୱାନିଂ ଇଚାନ, “ବନ୍ଧୁ, ଏନ୍ କାମାୟ୍ ବେଗି ଓଁହା ।”

ଇଦାଂ ପାଚେ ହେୱାର ଜିସୁଙ୍ଗ୍ ଆସ୍ତାର ଆରି ଗାଟ୍‌ଟି ଅତାର । ୫୧ ଆରେ ହୁଡ଼ାଟ୍, ଜିସୁ ଲାହାଙ୍ଗ୍ ମାନି ମାନାୟାର ବିଡେ ରକାନ କାଣ୍ଡା ଉନ୍‌ଦି ମୁଡ଼୍ ମାପୁହେବାକିନାକାନ ଆଡ଼ିୟାତିଂ କାଡ଼ତାନ । ହେୱାନ୍ତି କିତୁଲ ରାସ୍ତିଲେ ନାଡ଼୍‌ଜି ହାଚାଡ଼ । ୫୨ ଜିସୁ ତାଙ୍ଗ୍ ଇଚାନ, “ନି କାଣ୍ଡାତିଂ ହେ କାପୁତାକେ ଇଚା । ଇନେର୍ କାଣ୍ଡା ହପନାର, ହେୱାର କାଣ୍ଡାତ ହାନାର । ୫୩ ଏପେଙ୍ଗ ଇନାକା ପୁନ୍‌ଖାତାଦେଣ୍ଣା, ଆନ୍ ନା ବାଞ୍ଜାଙ୍ଗ୍ ଗଞ୍ଜାରି କିଦେଙ୍ଗ୍ ଏନ୍ତିସ୍, ହେୱାନ ନା କାଜିଂ ଦାପ୍ରେ ବାରଜାଣ୍ ଟଣ୍ଡାର ବାଟା ଆଦିକ୍ ସାଗେ ଦୁଡ଼ରିଂ ପଲେଡେଂ ଆଡ଼ନାନ୍ ? ୫୪ ମାତର୍ ତା ଆତିସ୍ ଇ ସବୁ ଗିଟାନାଡ଼ ଇଞ୍ଜି ସାସ୍ତରତ ଇନାକା ଲେକାମାନାଡ଼, ହେଦାଂ ପୁରା ଆନାଡ଼ ଇନେସ୍ ?”

୫୫ ☆ହେଞ୍ଜେଡ଼ାଂ ଜିସୁ ମାନାୟାରିଂ ଇଚାନ, ଚର୍କୁ ବିରୁଦ୍‌ତ ହତି ଲାକେ କାଣ୍ଡା ଆରି ଟେଙ୍ଗାଙ୍ଗ୍ ତାସି ଏପେଙ୍ଗ ଇନାକା “ନାଙ୍ଗ୍ ଆସ୍ତେଙ୍ଗ୍ ଖାତାଦେର୍ ? ଆନ୍ ନିଡେ ମନ୍ଦିରତ କୁଟ୍‌ଟି ହିକ୍ୟା ହିଜି ମାଚାଙ୍ଗ୍, ମାତର୍ ଏପେଙ୍ଗ ନାଙ୍ଗ୍ ଆସ୍ତାଖାତାଦେର୍; ୫୬ ହେୱାନ ଇନାକା ଆୟେଡ଼, ବେଣ୍‌ବାକ୍‌ଶାୟ୍‌କିନାକାର ସାସ୍ତରତ ଇନାକା ଇନାକା ଲେକିକିତାଣ୍ଣା, ହେ ସବୁ ପୁରା ଆଦେଂ କାଜିଂ ଇଦାଂ ଗିଟାତାଡ଼ନା ।”

ଏଡେକାଡ଼୍‌ଦ ଚେଲାର ଓଁଜାକାର ଜିସୁଙ୍ଗ୍ ପିସ୍ତି ହନ୍ତାର ।

ଜିହୁଦିତ୍ ଗାଜା ବିଚାଣ୍ଣା

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୬୧; ଜହନ୍ ୧୮:୧୩-୧୪; ୧୯:୨୪)

୫୬ ଜିସୁଙ୍ଗ୍ ଗାଟ୍‌ଚାକାର ହେୱାନିଂ ମୁଡ଼୍ ମାପୁହେବା କିନାକାନ କୟାପା ଇଞ୍ଜି ଅତାର । ହେବେ ଦରମ୍ ଗୁରୁ ଆରି ପ୍ରାଚିନାର ରୁଣ୍ଡା ଆଜି ମାଚାର । ୫୮ ପିତର୍ ଅଲପ୍ ଦେହା ମାନ୍‌ଞ୍ଜି ଜିସୁଙ୍ଗ୍ ଡେଙ୍ଗ୍ ଡକ୍‌ଟି ହାଚାନ, ଆରେ ହେୱାନ ମୁଡ଼୍ ମାପୁହେବା କିନାକାନ ଇଞ୍ଜି ହାକ୍‌ଡ଼ି ପାଡେକ୍ ହାଚାନ । ଇ ସବୁନି ଗଟ୍‌ନା ଇନାକା ଆନାଡ଼, ହୁଡ଼େଦେଂ କାଜିଂ ପିତର୍ ହେବେ ହେବା କାରୟାର ହୁକେ କୁଟ୍‌ଚାନ । ୫୯ ଓଁସ୍ତି ବିଡେ ମୁଡ଼୍ ମାପୁହେବା କିନାକାର ଆରି ଗାଜା ସବାନି ମେମରାର ଜିସୁଙ୍ଗ୍ ହାକି ତାଣ୍ଡ୍ ହିଦେଂ କାଜିଂ ହେ ବିରୁଦ୍‌ତ ମିର୍ ପାମାଣ୍ କିଦେଙ୍ଗ୍ ସେସ୍ତା କିଚାର । ୬୦ ଓଁଜାର ଲକୁ ଜିସୁ ବିରୁଦ୍‌ତ ମିର୍ କାତା ଇଚାର । ମାତର୍ ହେ ଲାକେ ଇନାକାପା ପାମାଣ୍ ଗାଟାଖାତାର । ହାରିହାରା ରିକାର ନିଂତାର, ୬୧ “ହେୱାର ଇଚାର ଇଞ୍ଜାନ ଇଞ୍ଜି ମାଚାନ, ଆନ୍ ଇସ୍‌ତ୍ ମନ୍ଦିରତିଂ ତ୍ରିକ୍‌ଟି ତିନି ଦିନ୍ ପାଚେ ହେଦେଲିଂ ଆରେ ରଟ୍‌ଚେଂ ଆଡ଼ନାଂ ।”

୬୨ ମୁଡ଼୍ ମାପୁହେବାକିନାକାନ ନିଙ୍ଗ୍‌ଜି ଜିସୁଙ୍ଗ୍ ଖେନ୍‌ବାତାନ, “ଏନ୍ ଇନାକାପା ଉତର୍ ହିଉୟା ? ନି ବିରୁଦ୍‌ତ ଇଞ୍ଜାର ଇ ସାକି ହିନାରା, ଇଦାଂ ଇନାକା ?” ୬୩ ମାତର୍ ଜିସୁ ପ୍ଟକ୍ ମାଚାନ । ମୁଡ଼୍ ମାପୁହେବାକିନାକାନ ଇଚାନ, “ଜିବୁନିଂ ଇସ୍‌ତ୍ ତରଦ ଆନ୍ ଜିସୁ ପାମାଣ୍ ହିଜି ଖେନ୍‌ବାଦ୍‌ନାଙ୍ଗା, ହାଡ଼ପା ଇନା, ଏନ୍ ଇନାକା ଇସ୍‌ତ୍ ମାଜି କ୍ରିସ୍ଟ ଇତିସ୍ ମସିୟା ?”

☆ ୨୭:୫୫ ୨୭:୫୫ ଲୁକ ୧୯:୪୭; ୨୧:୩୭.

୨୪ ଜିସୁ ଉତର ହିତାନ, “ଏନ୍ ଇଚାୟନା । ମାତର ଆନ୍ ମିଙ୍ଗ୍ ଝିଜାରିଂ ଇଞ୍ଜନାଙ୍ଗା, ବେଗି ମାନାୟ୍ ମାଜି ସାଗେ ସାଲିକାଟାକାନ୍ ଇସ୍ବର ବୁଦ୍ଧି ବାଗାଙ୍ଗ୍ କୁଚ୍ଚେ ହାନାନା, ଆରେ ତାଙ୍ଗ୍ ସାଗେତ ବାଦାଡ୍ ଲାହାଂ ଜୁଜି ଝାନାକା ଏପେଙ୍ଗ୍ ହୁଡ୍ନାଦେର୍ ।”

୨୫ ହେବେଣ୍ଟାଂ ମୁଡ୍ ମାପୁହେବାକିନାକାନ୍ ଜାର ହେୟା କେଚ୍ଚି ଇଚାନ୍, “ଇଝାନ୍ ଇସ୍ବର ନିୟା କିତାନ୍, ସାକିତ ମାଦାଂ ଆରେ ଇନାକା ଲଡା ? ହୁଡାଟ୍ ଦାପ୍ରେ ଇଝାନ୍ ଇସ୍ବର ନିୟା ତ ଏପେଙ୍ଗ୍ ଝେଚାଦେର୍ ।

୨୬ ଇ ବିସ୍ତେ ମିଦାଙ୍ଗ୍ ମାନ୍ ଇନାକା ?”

ହେଝାର ଉତର ହିତାର୍, “ହେଝାନ୍ ପାରାଣ୍ ତାଣ୍ ପାୟାନି ବିଦି ।”

୨୭ ତା ପାଚେ ହେଝାର ଜିସୁଙ୍ଗ୍ ମୁମ୍ବଦ ଏଝିଡିଂ ଚୁବ୍ଜି ତାଙ୍ଗ୍ ମୁଚ୍ଚକାକୁନ୍ତାର । କେତେକ୍ ଜାଣ୍ ତାଙ୍ଗ୍ ଚାପ୍ଡା ଇଡ୍ଜି ଇଚାର୍, ୨୮ “ଏ କ୍ରିସ୍ଟ ଇଚିସ୍ ମସିୟା ! ଏନ୍ ବେଣ୍ଟାକ୍ଶାୟ୍ କିୟା । ଇନେର୍ ନିଂ ଇଡ୍ଡାତାର୍, ଝେଚା ତ !”

ପିତର ଜିସୁଙ୍ଗ୍ ପାଚି କିଝାତାନ୍

(ମାର୍କ ୧୪:୨୭-୨୨; ଲୁକ ୨୨:୫୭-୬୨; ଜହନ୍ ୧୮:୧୫-୧୮, ୨୫)

୨୯ ମୁଡ୍ ମାପୁହେବାକିନାକାନ୍ ବାର୍ତ୍ ଅହଣାତ ପିତର ହାକ୍ତିତ କୁଚ୍ଚି ମାନି ଝେଡାଲିଂ ରଞ୍ଜେଲ୍ ଆଡ୍ଫିଏଣି ଲାଗେ ଝାଜି ଇଚାଡ୍, “ଏନ୍ ପା ଗାଲିଲିୟ ଜିସୁ ଲାହାଙ୍ଗ୍ ମାଚାୟ୍ ।”

୩୦ ମାତର ପିତର ଝିଜାକାର୍ ମୁମ୍ବଦ ଇ କାତା ମୁନାକିଜି ଇଚାନ୍, “ଏନ୍ ଇନାକା ଇନାୟା, ଆନ୍ ପୁନୁଙ୍ଗ୍ ।”

୩୧ ଇଦାଂ ଇଞ୍ଜି ହେଝାନ୍ ହେ ଅହଣାନି ଦୁଝେର୍ କଚଣ୍ଡତ ହାଚାନ୍ । ଆରେ ରଞ୍ଜେଲ୍ ଚାକର୍ଣି ତାଙ୍ଗ୍ ହୁଡ୍ଜି ହେବେ ମାନି ଲକାଂ ଇଚାଡ୍, “ଇଝାନ୍ ନାଜରିତୟ ଜିସୁ ଲାହାଙ୍ଗ୍ ମାଚାନ୍ ।”

୩୨ ପିତର ଆରେ ରଗ ମୁନାକିଜି ଇଚାନ୍, “ପାର୍ମାଣ୍ କିଜି ଇନାଙ୍ଗା, ହେଝାନିଂ ଆନ୍ ପୁନୁଙ୍ଗ୍ ।”

୩୩ ଅଲପ୍ ସମ୍ପ ପାଚେ ଲାଗେ ନିଲ୍ଚି ମାନି ମାନାୟାର୍ ପିତରତି ଲାଗାଂ ଝାଜି ହେଝାନିଂ ଇଚାର୍, “ଏନ୍ ପା ହାଡ୍ପା ହେଝାର୍ ବିତ୍ରେ ରକାୟ୍ । ଇନେକିଦେଂକି ନି କାତାତାଂ ତ ପୁନ୍ୟାନାତା ।”

୩୪ ପିତର ଇଚାନ୍, “ପାର୍ମାଣ୍ କିଜି ଇନାଙ୍ଗା, ନା କାତା ହାଡ୍ପା । ଆଝିତିସ୍ ଇସ୍ବର ନାଙ୍ଗ୍ ତାଣ୍ ହିଦେନ୍ ।

ହେ ମାନାୟତିଂ ଆନ୍ ପୁନୁଙ୍ଗ୍ । ଦାପ୍ରେ କୁଜୁ କ୍ଳେତାଡ୍ ।” ୩୫ ଆରେ ଜିସୁ ଇନାକା ଇଞ୍ଜି ମାଚାନ୍, ପିତର ମାନ୍ତ ଏଡ୍ଝାତାଡ୍; “କୁଜୁ କେନି ଆଗେ ନାଙ୍ଗ୍ ପୁନ୍ଝାତାଂନା ଇଞ୍ଜି ଏନ୍ ତିନି ହର୍ କାତା ଇଞ୍ଜନାୟ୍ ।” ହେଝାନ୍ ବାର୍ତ୍ ହାଲ୍ଜି ବିପ୍ରି ଆଜି ଆଡ୍ଡାତାନ୍ ।



ପିଲାତ ମୁମ୍ବଦ ଜିସୁ

(ମାର୍କ ୧୫:୧; ଲୁକ ୨୩:୧-୨; ଜହନ୍ ୧୮:୨୮-୩୨)

୧ ଆର୍କାଡ୍ ନାଜିଂ ଉଚ୍ଚଲା ହାକାଡ୍ ପ୍ରାଚିନାର୍ ଜିସୁଙ୍ଗ୍ ଅସ୍ତେଙ୍ଗ୍ ମୁଡ୍ ମାପୁହେବାକିନାକାର୍ ଆରି ଦରମ୍ ଗୁରୁର୍ ତିର କିତାର୍ ।

୨ ଆରେ ହେଝାର୍ ତାଙ୍ଗ୍ ହାକ୍ତିତ ଗାର୍ଚ୍ଚି ରମିୟ ସାସ୍ନି ମୁଡ୍ ନେତା ପିଲାତ ମୁଣିକା କେଇଦ ହେଲାୟ୍ କିତାର୍ ।

ଜିହୁଦାତି ହାକି

(ପକ୍ୟାତାକା ୧:୧୮-୧୯)

୩ ହେ ଏଚେକାଡ୍ଦ ହେଝାନିଂ ସତ୍ତୁ କେଇଦ ହେଲାୟ୍ କିତି ଜିହୁଦା ଝେଚାନ୍ ଜେ, ଜିସୁଙ୍ଗ୍ ହାକି ତାଣ୍ ବଲ୍ ଆତାଡ୍ନା, ହେଝାନ୍ ମାନ୍ବାଦ୍ଲାୟ୍ କିତାନ୍ ଆରି ମୁଡ୍ ମାପୁହେବାକିନାକାର୍ ଆରି ବୁଡାଲୁରିଂ ତିରିସଗା ରୁପା ଟାକାଂ ମାସ୍ତି ହିଜି ଇଚାନ୍, ୪ “ରକାନ୍ତି ଦସ୍ ହିଲ୍ଡି ନେତେର୍ ହେଲାୟ୍ କିଜି ପାପ୍ କିତାଂନା ।”

ମାତର ହେଝାର୍ ଇଚାର୍, “ହେବେ ମାଦାଂ ଇନାକା ମାନାଡ୍ ? ଏନ୍ ହେଦାଂ ବୁଜାଆ ।”

୫ ଜିହୁଦା ହେଝାର୍ ହିଡ୍ଡି ରୁପା ଟାକାଂ ମନ୍ଦିରତ ବିତ୍ରେ ତୁହିଜି ହାଚାନ୍ । ପାଚେ ହେଝାନ୍ ହାଲ୍ଜି ଗାତେଲ୍ଡ ତରି ଗାତ୍ୟାଜି ଉଚ୍ଚା ଆଜି ହାଚାନ୍ ।

୬ ମୁଡ୍ ମାପୁହେବାକିନାକାର୍ ଟାକାଂ ରୁଣ୍ଡାୟ୍ କିଜି ଇଚାର୍, ଇଦାଂ ନେତେରନି ଦାମ୍ । “ଇଦାଂ ମନ୍ଦିରନି କଚିତ ଇଚ୍ଚି ବିଦି ହିଲ୍ଡି ।” ୭ ହେ ଦାନ୍ଦିଂ ଇନେସ୍ କର୍ଚ୍ଚ କିଦେଙ୍ଗ୍ ଆଡ୍ନାର୍, ଇ ବିସ୍ତେ ତିର କିଜି “କୁମରାଂ ବୁମି ତରନି ଇଚୁଚିଂ ଜମି କଡ୍ଡାଟାର୍ । ଇଦାଂ ବିଦେସ୍ତିର ଦୁଗେର୍ ବାହା ଲାକେ ଚିନ୍ତା ଆତାଡ୍ ।” ୮ ନଙ୍ଗ୍ ପାଚେକ୍ “ହେ ବୁମିତିଂ ନେତେର୍ ବୁମିଂ” ଇଞ୍ଜି ଇନାରା ।

୯ ଇଲୀକେ ବେଶ୍‌ବାକ୍‌ଶାୟକିନାକାନ ଜିରିମିୟ ଇଞ୍ଜି ମାଗାନ, ଇମ୍‌ଶାକା “ତିରିସ୍ ରୁପା ଟାକାଂ ବେପାର୍ କିଦେଙ୍ଗ୍ ଇସ୍ତାଏଲ୍ କାଡ଼ଦେର୍ ସମାନ କିଜି ମାଗାର ହେଦାଂ ଅତାର । ୧୦ କଡ଼େଦସ୍ ଗଟା ଟାକାଂତାଂ ହେଝାର କୁମରାଂ ବୁମି କଡ଼ତାର, ହେଝାର ହେ କୁମରେନ୍ ଡାରୁଙ୍ଗ୍‌ତାଂ କଡ଼ଜି ଅତାର ଇଦାଂ କିନି କାଜିଂ ନାଙ୍ଗେଙ୍ଗ୍ ମାପୁ ବଲ୍ ହିଜି ମାନଗାନ ।”

ପିଲାତ ଜିସୁଙ୍ଗ୍ ପର୍ସନ୍ କିତାନ
(ମାର୍କ ୧୫:୨-୫; ଲୁକ ୨୩:୩-୫; ଜହନ୍ ୧୮:୩୩-୩୮)

୧୧ ଜିସୁଙ୍ଗ୍ ମୁମ୍‌ଦ ହୁଡ଼ଜି ରମିୟ ରାଜି ପାଲି କିନି ପିଲାତ ଝେନ୍‌ବାତାନ; “ଏନ୍ ଇନାକା ଜିହୁଦିର୍ ରାଜା ?”

ଜିସୁ ତାଙ୍ଗ୍ ଉତର ହିତାନ, ଆଁ “ଏନ୍ ହେଦାଂ ଇରାୟନା ।” ୧୨ ଆରେ, ମୁଡ଼ ମାପୁହେବାକିନାକାର ଆରି ପ୍ରାତିନାର ତା ବିରୁଦ୍ଧ ତାଜିମାଟି ଦାବାତ ଉତର ହେଝାନ ଇନାକା ଇନ୍‌ଝାତାନ ।

୧୩ ଲାଗିଂ ପିଲାତ ତାଙ୍ଗ୍ ଇଗାନ, “ନି ବିରୁଦ୍ଧ ହେଝାରତି ଦାବା ଓଁଜୁ ଏନ୍ ଇନାକା ଝେଞ୍ଜେଙ୍ଗ୍ ଆଡୁୟା ?”

୧୪ ମାତର ଜିସୁ ତାଙ୍ଗ୍ ର କାତାନି ପାଦେକ୍ ପା ଉତର ହିଝାତାନ, ହେବେ ସାସନ୍‌କାରିୟା ବେସି କାବା ଆତାନ ।

ଜିସୁଙ୍ଗ୍ ହାକି ଡାଣ୍ଡ ଆତାଡ଼
(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହନ୍ ୧୮:୩୯-୧୯:୧୭)

୧୫ ନିସ୍ତାର ପାର୍ସୁ ଝେଡ଼ାଲିଂ ମାନାୟାରତି ଇଚା ହୁକେ ରମିୟ ରାଜ୍ କିନାକାନ ଜେ ରଝାନିଂ ବନ୍ଦି ମାନାକାନିଂ କୁଲ୍‌ୟ କିନି ନିତି ମାଗାଡ଼ । ୧୬ ହେପାଦନା ଜିସୁ ହେଝାର ବାରବା ତରନି ରଝାନ ଡାକ୍‌ପୁଟା ବନ୍ଦି ମାଗାନ । ୧୭ ରୁଣ୍ଡାତି ମାନାୟାରିଂ ପିଲାତ ଝେନ୍‌ବାତାନ, “ଆନ୍ ଇନେରିଂ କୁଲ୍‌ୟ କିନାଂ ଇଞ୍ଜି ମି ଇଚା ?” ବାରବାଙ୍ଗ୍ କି ଜିସୁ ଇନେରିଂ କ୍ରିସ୍ଟ ଇନାର । ୧୮ ପିଲାତ ହାର କିଜି ପୁଞ୍ଜି ମାଗାନ ଜେ ଜିହୁଦିର୍ ଆକାର ଆଜି ଜିସୁଙ୍ଗ୍ ହେଝାନ କେଇଦ ହେଲ୍‌ୟ କିତାଣ୍ଡା ।

୧୯ ପିଲାତ ବିଚାର ବାହାତ କୁଡ଼ିମାଟି ଝେଡ଼ାଲିଂ ତା ଡକ୍ତୁହି ର କାରୁର ପକ୍ତାଡ଼, “ହେ ଦାମ୍ ମାନାୟତିଂ ଇନାକା ପା କିମା । ଓଁଗା ନାଶାଲିଂ ର କେଡ଼କଣ୍ଡ ତା କାଜିଂ ଆନ୍ ବେସି ଦୁକ୍ ପାୟା ଆତାଙ୍ଗନା ।”

୨୦ ମାତର ମୁଡ଼ ମାପୁହେବାକିନାକାର ଆରି ବୁଡ଼ାଲୁର୍ ବାରବାଙ୍ଗ୍ ଏନ୍‌ଜେଙ୍ଗ୍ କାଜିଂ ଆରି ଜିସୁଙ୍ଗ୍ ହାକି ଡାଣ୍ଡ ହିଦେଂ କାଜିଂ ଲକ୍‌କୂରିଂ ବୁଜାୟକିତାର । ୨୧ ପିଲାତ ଆରେ ରଗ ମାନାୟାରିଂ ଝେନ୍‌ବାତାନ, “ଇ ରିକାର ବିଡ୍ରେ ଆନ୍ ଇନେରିଂ କୁଲ୍‌ୟ କିନାଂ ଇଞ୍ଜି ମି ଇଚା ହେଝାର ଉତର ହିତାର,”

“ବାରବାଙ୍ଗ୍ ।”

୨୨ ପିଲାତ ହେଝାରିଂ ଝେନ୍‌ବାତାନ, “ତେବେ ଇନେରିଂ କ୍ରିସ୍ଟ ଇନାର, ହେ ଜିସୁ କାଜିଂ ଇନାକା କିନାଂ ?”

“ତାଙ୍ଗେଙ୍ଗ୍ କୁସ୍ତ ଦୁପାର୍” ଇଞ୍ଜି ହେଝାର କିର କିତାର ।

୨୩ ପିଲାତ ଝେନ୍‌ବାତାନ, “ମାତର ହେଝାନ ଇନା ଦସ୍ କିତାନନ୍ନା ?”

ହେଝାର ଆରେ କିର କିଜି ଇଞ୍ଜେଙ୍ଗ୍ ଲାଗାତାର, “ତାଙ୍ଗେଙ୍ଗ୍ କୁସ୍ତ ଦୁପାର୍ ।”

୨୪ ଲାଗିଂ ପିଲାତ ଏଚେକାଡ଼ଦ ହୁଡ଼ତାନ ଜେ, ହେଝାନ ଇନାକା କିଦେଙ୍ଗ୍ ଆଡୁନା, ଆଓଁତିସ୍ ଆରେ ଗଣ୍ଡଗଲ୍ ଆନାତା, ହେ ଏଚେକାଡ଼ଦ ହେଝାନ ଏଜୁଂ ଅଜି ଲକ୍‌କୂର୍ ମୁମ୍‌ଦ କେଇ ନୁଜ୍‌ଜି ଇଗାନ, “ଇ ନେତେରତ ଆନ୍ ଦସି ଆକାୟ, ଏପେଙ୍ଗ୍ ହେଦାଂ ବୁଜାଡୁ ।”

୨୫ ଇବେ ଓଁଜାର ଉତର ହିତାର, “ଜିସୁତି ନେତେର ମାଙ୍ଗେଙ୍ଗ୍ ଆରି ମା ହିମ୍‌ଶାଙ୍ଗ୍ ଜପି ଆରେଡ଼ ।”

୨୬ ହାରିହାରା ପିଲାତ ବାରବାଙ୍ଗ୍ ମୁକ୍‌ଡାୟ କିଜି ଜିସୁଙ୍ଗ୍ କରଡା ଇଡ଼ି କିଦେଙ୍ଗ୍ ବଲ୍ ହିତାନ, ତା ପାଚେ କୁସ୍ ହାକି କିଦେଙ୍ଗ୍ ମେଲ୍‌ୟାର କେଇଦ ପିସି ହିତାନ ।

ମେଲ୍‌ୟାର ଜିସୁଙ୍ଗ୍ ଗୁଇତାର
(ମାର୍କ ୧୫:୧୬-୨୦; ଜହନ୍ ୧୯:୨-୩)

୨୭ ଇଦାଂ ପାଚେ ସାସନ୍‌କିନାକାନିଂ ମେଲ୍‌ୟାର ଜିସୁଙ୍ଗ୍ କୁଝାଡ଼ ବିଡ୍ରେ ଅଜି ହାଲ୍‌ଜି ସବୁ ମେଲ୍‌ୟାରିଂ ହେଝାନ୍ତି ଲାଗେ ରୁଣ୍ଡାୟ କିତାର । ୨୮ ଆରେ, ହେଝାର ଜିସୁତି ଆଜି ଉନ୍‌ଦି ଅଜି ହେଝାନିଂ କାହ୍‌ରାତି କାଲାର ବାନି ଆଜି ଉସ୍ତି କିତାର, ୨୯ ଆରେ ଝାଡ଼ି ମୁକ୍‌କୂର୍ ରର୍ଚି ହେଝାନ୍ତି କାପଡ଼ାତ ତୁଜି କିତାର ଆରି ହେଝାନ୍ତି ବୁଜ୍‌ଣି କେଇଦ ର ନାଡ଼ା ହିତାର, ଆରେ ହେଝାନ୍ତି ମୁମ୍‌ଦ ମେଣ୍ଡାଂ କୁନ୍‌କିଜି ଇଚାର, “ଏ ଜିହୁଦିତ ରାଜା ଜଝାର, ଇଦାଂ ଇଞ୍ଜି ହେଝାନିଂ ଗୁଇତାର ।” ୩୦ ଆରେ, ହେଝାର “ହେଝାନ ଜପି ଏଓଁଡ଼ିଂ ରୁପଡ଼ାର ଆରି ହେ ନାଡ଼ା ଅଜି ହେଝାନ୍ତି କାପଡ଼ାତ ଚାପଡ଼ା ଇଡ଼େଂ ଲାଗାତାର ।” ୩୧ ଆରେ, ହେଝାର

ହେୱାନିଂ ଗୁଲ୍ଲତି ପାଚେ ରାଜାର ଆଜି ଉନ୍ଦି ଅଜି ହେୱାନ୍ତି ନିଜାତ ହେୟା ଉସ୍ତି କିତାର ଆରି ତାଙ୍ଗେଙ୍ଗ୍ କୁସ୍ତ ଦୁପ୍ତେଂ ଅଜି ହାଚାର ।

ଜିସୁ କୁସ୍ତ ଦୁପ୍ତାର

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜହନ୍ ୧୯:୧୭-୨୭)

୩୨ ହେୱାର ହନି ୱେଡାଲିଂ ସିମନ୍ ତରଦି ରକାନ୍ କୁରିଣିୟ ବସ୍ତ୍ରନିକାନ୍ ମାନାୟ୍ତଂ ହୁଡ୍ଜି ମେଲ୍ୟାର ଜିସୁତି କୁସ୍ ପିଣ୍ଡେଂ କାଜିଂ ଗାଗାୟ୍ କିତାର । ୩୩ ଆରେ, ହେୱାର ଗଲ୍ଗତା ଇନି ତର ବାହାତ, ଇତିସ୍, “ଇନେରଂ ନିୟାଣ୍ ବାତ ବାହା ଇଞ୍ଜି ଇନାର,” ହେବେ ଏକିସ୍, ୩୪ ହେୱାନିଂ କେନିମେହାତି ଅଙ୍ଗୁର ରାସ୍ ଉଣ୍ଡେଙ୍ଗ୍ ହିତାର, ମତର ହେୱାନ୍ ହେଦାଂ ୱେଣ୍ଡି ଉଣ୍ଡେଙ୍ଗ୍ ମାନ୍ କିୱାତାନ୍ ।

୩୫ ପାଚେ ହେୱାର ହେୱାନିଂ କୁସ୍ତ ଦୁପ୍ତି ହେୱାନ୍ତି ହେୟାଙ୍ଗ୍ ସବୁ ଦରମ୍ଗୁଲି ହୁକେ ଜାର ଜାର ବିତ୍ରେ ବାଟା କିଜି ଅତାର, ୩୬ ଆରେ ହେବେ କୁଚ୍ଚି ଜିସୁଙ୍ଗ୍ କାସି ମାଚାର । ୩୭ ଆରେ, ହେୱାର ହେୱାନ୍ତି କାପ୍ତାନି ଜପି ଇ ଦାବା ଆକି ଲେକିକିଜି ଡାଚ୍ଚାର, “ଇୱାନ୍ ଆନାନା ଜିହୁଦିତ ରାଜା ଜିସୁ ।” ୩୮ ହେ ଏଚେୱାତାଂ ହେୱାନ୍ତି ବୁଜ୍ଣି ବାଗାଙ୍ଗ୍ ରକାନ୍ ଆରି ତେବ୍ରି ବାଗାଙ୍ଗ୍ ରକାନ୍, ଏପେଙ୍ଗ୍ ରିକାର ଚର୍କୁକାଂ ତା ହୁକେ କୁସ୍ତ ଦୁପ୍ତାତାର ।

୩୯ ଆରେ, ହେ ହାଜି ହିଜି ହାଲ୍ଜିମାନି ମାନାୟାର ଜାର ଜାର କାପ୍ତା ତୁକ୍ଚି ହେୱାନିଂ ନିୟା କିଜି ଇଞ୍ଜେଙ୍ଗ୍ ଲାଗାତାର, ୪୦ ☆“ଡେ ମନ୍ଦିର ଡ୍ରିକ୍ନିଲଗୁ ଆରି ତିନି ଦିନ୍ତାଂ ହେଦାଂ ରଚ୍ଚିଲଗୁ, ଏନ୍ ଏଚେକାଡ୍ ଇସ୍ତ ମାଜି, ତେବେ ଜାର୍ତିଂ ରାକ୍ୟା କିଜି କୁସ୍ତାଂ ଜୁଜି ୱା ।”

୪୧ ମୁଡ୍ ମାପୁହେବାକିନାକାର ପା ହେ ଲାକେ ଦରମ୍ ଗୁରୁର ଆରି ବୁଡାଲୁର ହୁକେ ନିୟା କିଦେଙ୍ଗ୍ ଲାଗାତାର, ୪୨ “ହେୱାନ୍ ବିନ୍ଲଗାଂ ରାକ୍ୟା କିତାନ୍, ଜାର୍ତିଂ ରାକ୍ୟା କିଦେଙ୍ଗ୍ ଆଡୁନା । ହେୱାନ୍ ହିନା ଇସ୍ତାଏଲ୍ନି ରାଜା, ହେୱାନ୍ ଇ ଦାପ୍ତେ କୁସ୍ତାଂ ଜୁଜି ୱାୟେନ୍, ତେବେ ଆସେଙ୍ଗ୍ ହେୱାନ୍ ତାକେ ପାତ୍ କିନାସ୍ । ୪୩ ହେୱାନ୍ ଜାର୍ତିଂ ଇସ୍ତ ମାଜି ଇଞ୍ଜି ଇସ୍ତର ଜପି ବାସ୍ କିନାନ୍, ତା ଆତିସ୍ ହୁଡ୍ନାସ୍, ଇସ୍ତର ହେୱାନିଂ ନଙ୍ଗ୍ ରାକ୍ୟା କିଦେଙ୍ଗ୍ ଇଚା କିନାନ୍ କି ଆକାୟ୍ ।

୪୪ ଆରେ, ଇମ୍ଣି ଚର୍କୁର ହେୱାନ୍ତି ହୁକେ କୁସ୍ତ ଦୁପ୍ତା ଆଜି ମାଚାର, ହେୱାର ପା ହେୱାନିଂ ହେ ଲାକେ ନିୟା କିଦେଙ୍ଗ୍ ଲାଗାତାର ।”

ଜିସୁତି ହାକି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହନ୍ ୧୯:୨୮-୩୦)

୪୫ ହେ ଦିନ୍ ମୁଣ୍ଡାମେଦାନ୍ ସମୁତ ବାର ଗଣ୍ଡା ତାଙ୍ଗ୍ ତିନି ଗଣ୍ଡା ପାଚେକ୍ ଦେସ୍ ଜାକ୍ ମାଜ୍ଗା ଆତାଡ୍,

୪୬ ମୁକାହାରେସ୍ ତିନି ଗଣ୍ଡା ୱେଡାଲିଂ ଜିସୁ ଗାଜା କାଚ୍ତାଂ ଇଚାନ୍, “ଏଲି, ଏଲି, ଲାମା ସବକ୍ତାନି ।” ଇତିସ୍ “ଏ ଇସ୍ତର, ଏ ଇସ୍ତର, ନାଙ୍ଗେଙ୍ଗ୍ ଇନେକିଦେଂ ପିସ୍ତାତାୟ୍ ?”

୪୭ ଲାଗେ ନିଲ୍ଚିମାନି କେତେକ୍ ଜାଣ୍ ଇଦାଂ ୱେନ୍ଞି ଇଚାର, “ହେୱାନ୍ ଏଲିୟତିଂ କୁକ୍ନାନା ।” ୪୮ ହେ ଦାପ୍ତେ ହେୱାର ବିତ୍ରେ ରକାନ୍ ମାନାୟ୍ ହସ୍ତି ହାଲ୍ଜି କେନିମେହା ଅଙ୍ଗୁର ରାସ୍ତ ର ରୁଆ କୁକ୍ଚି ହେ ନାଡା ଚିପ୍ତ ଗାଚ୍ଚି ଉଣ୍ଡେଙ୍ଗ୍ ଜିସୁ ନିପ ଲାମାୟ୍ କିତାନ୍ ।

୪୯ ମାତର ଆଦେକ୍ ମାନାୟାର ଇଚାର, “ମାନାଚ୍, ଏଲିୟ ଇୱାନିଂ ରାକ୍ୟା କିଦେଙ୍ଗ୍ ୱାନାନା କି ଆକାୟ୍, ହୁଡ୍ନାସ୍ ।”

୫୦ ଜିସୁ ଆରେ ରଗ ଗାଜା କାଚ୍ତାଂ ହିରବାତାନ୍, ଆରେ ରଗ କିକିରାତିଂ ହିରବିସ୍ ଜିରୁନ୍ ପିସ୍ତାନ୍ ।

୫୧ ହେୱେଡାଲିଂ ମନ୍ଦିରତ ଜଲ୍ଲାଆନି ହେୟା ଜପିତାଂ ତାରେନ୍ ପାଚେକ୍ ରି ପାଡା ଆଜି କେନ୍ତାଡ୍ । ମେଦ୍ନି ଦାଲ୍କାତାଡ୍, ଚେଚ୍ଚରାଂ ପାକାଆତିକ୍ । ୫୨ ଆରି ଦୁଗେର ଜେୟା ଆଜି କେତେକ୍ ସାଦୁରତି ଗାଗାଡ୍ ଆରେରଗ ନିଙ୍ଗ୍ତାଡ୍ । ୫୩ ଇୱାର ଦୁଗେରତାଂ ନିଙ୍ଗ୍ତାଂ ୱାତାର ଆରି ଜିସୁତି ଆରେ ନିନାକା ପାଚେ ହେୱାର ପୁଇପୁୟା ଗାଡ୍ ଜିରୁସାଲମ୍ତ ହାନାକାର ଆଦେକ୍ ହୁଡ୍ତାର ।

୫୪ ଜିସୁଙ୍ଗ୍ କାସି ମାନି ମୁଡ୍ମେଲ୍ୟା ଆରି ମେଲ୍ୟାର ମେଦ୍ନି ଦାଲ୍କାନାକା ଆରି ବିନ୍ବିନ୍ନି ଗିଚାନାକା ହୁଡ୍ଜି ପାଣ୍ଡାତାର । ହେୱାର ଇଚାର, “ଇଞ୍ଜେନ୍ ହାଡ୍ପାନେ ଇସ୍ତର ମାଜି ମାଚାନ୍ ।”

୫୫ ☆ଗାଲିଲିତାଂ ଜିସୁଙ୍ଗ୍ ତେକ୍ଚି ୱାଜି, ତାଙ୍ଗେଙ୍ଗ୍ ହେବା କିଜି ମାନି ହେନି କଗ୍ଲେକ୍ ଦେହା ମାନ୍ଞି ଇ ୱିଜୁ ହୁଡ୍ଜି ମାଚିକ୍ । ୫୬ ଇଞ୍ଜେକ୍ ବିତ୍ରେ ମାଚିକ୍ ମଗ୍ଦଲିନି ମରିୟମ୍, ଜାକୁବ୍ ଆରି ଜସେପ୍ତି ତେହି ମରିୟମ୍ ଆରି ଜେବ୍ଦତି ତକ୍ତି ।

☆ ୨୭:୪୦ ୨୭:୪୦ ମାତ୍ରିକ ୨୭:୨୧; ଜହନ୍ ୨:୧୯. ☆ ୨୭:୫୫ ୨୭:୫୫ ଲୁକ ୮:୨,୩.

ଜିସୁଙ୍କ ମୂର୍ଚ୍ଚାର

(ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜହନ୍ ୧୯:୩୮-୪୨)

୫୭ ମିଡ଼କାହାରେସ୍ ହାରାମାଡ଼ିୟାନି ବସ୍ତ୍ରିନି ଜସେପ୍ ଇନି ରକାନ୍ ମାଜାନ୍ ଲଗୁ ଖାଜି ଏକାଖାତାନ୍ । ହେଖାନ୍ ଜିସୁତି ଚେଲା ଆଜି ମାଚାନ୍ । ୫୮ ହେଖାନ୍ ପିଲାତଂ ବେଟା ଆଜି ଜିସୁତି ହାତି ଗାଗାଡ଼ି ଅଦେଂ କାଜିଂ ଲଖାଡ଼ି ଏନ୍ତାନ୍ ଲାଗିଂ ପିଲାତ ଜିସୁତି ହାତି ଗାଗାଡ଼ି ହିଦେଂ । ୫୯ ପିଲାତ ଲଖାଡ଼ି ହିତିଲେ ଜସେପ୍ ଜିସୁତି ଗାଗାଡ଼ି ଅଜି ହାଲ୍ଲଜି ର ସକଟ୍ କଖାଣ୍ ହେୟା କାଦ୍ୟାତ ହୁର୍ପାତାନ୍ ଆରି ୬୦ ତା ଜାର୍ କାଜିଂ କାଲ୍ଲଦ କାଟିଂ ମାତି ର ପୁନି ଦୁଗେରତ ହେଖାନ୍ ଇଡ଼ତାର୍ ଆରି ଦୁଗେର୍ ଦୁଖେର୍ ର ଗାଜା କାଲ୍ ପାଡ଼କ୍ତି ହାଚାର୍ । ୬୧ ମଗ୍ଦଲିନି ମରିୟମ୍ ଆରି ବିନ୍ ମରିୟମ୍ ହେବେ ଦୁଗେରତ ମୁମ୍ କିଜି କୁଟି ମାତିକ୍ ।

ଦୁଗେରନି ଜାଗ୍‌ଖାଡ଼ାର୍

୬୨ ହେ ଆର୍କାଡ଼ ନାଜିଂ ଇଟିସ୍ ଜମ୍‌ନି ନାଜିଂ ମୁଡ଼ ମାପୁହେବାକିନାକାର୍ ଆରି ପାରୁସିର୍ ପିଲାତଂ ଲାଗେ ବେଟାଆଜି ଇଚାର୍, ୬୩ *“ମାପୁ ମାଦାଂ ଏଡ଼ୁ ମାନାଡ଼, ହେ ମିଡ଼ିଂ ଜିଜି ମାନିହିଂ ଇଞ୍ଜି ମାଚାନ୍ ତିନି ଦିନ୍ ପାଚେ ଆନ୍ ଆରେ ନିଙ୍ଗନାଙ୍ଗ୍ ।” ୬୪ ଲାଗିଂ ତିନି ଦିନ୍ ପାଚେକ୍ ହେ ଦୁଗେର କାଜିଂ ମାଞ୍ଜେଙ୍ଗ୍ ଜାଗ୍‌ଖାଡ଼ାରିଂ ବାଟିକିଜି ବଲ୍ଲ ହିଆ, ଆଞ୍ଜିତସ୍ ତା ଚେଲାଟ୍ ତା ଗାଗାଡ଼ି ଚରି କିଜି ଅଜି, ହେଖାନ୍ ଜିଜି ନିଙ୍ଗତାନ୍ନା ଇଞ୍ଜି ଇଞ୍ଜେଙ୍ଗ୍ ଆଡୁର୍ । ହେଖାଡ଼ି ଇ ମିଡ଼ କାତା ଆଗେତାଂ ଆଦିକ୍ ସବୁତାଂ ବାନ୍ୟା ଆନାଡ଼ ।”

୬୫ ପିଲାତ ଉତର୍ ହିତାନ୍, “ର କୁଦା ଜାଗ୍‌ଖାଡ଼ାରିଂ ଅହାଟ୍ ଆରି ହେ ଦୁଗେରତିଂ ଇନେସ୍ କିଜି ପା ହାର୍ ଇଟ୍‌ନାଦେର୍ ।”

୬୬ ହେଖାର୍ ହାଲ୍ଲଜି ଦୁଗେରତିଂ ଜାଗ୍‌ଖାଡ଼ କିଦେଙ୍ଗ୍ ଇଞ୍ଜି ଜାଲ୍ଲଦି କିତାର୍ । ହେ ମୁମ୍‌ଦିଂ ଗେସ୍‌ତି ଇଡ଼ଜି ମାତି କାଲ୍ ଜପି ତିନ୍ ଇଡ଼ଜି କାନି କାଜିଂ ଜାଗ୍‌ଖାଡ଼ାରିଂ ଇଡ଼ତାର୍ ।

୨୮

ଜିସୁ ଆରେ ନିନାକା

(ମାର୍କ ୧୬:୧-୧୦; ଲୁକ ୨୪:୧-୧୨; ଜହନ୍ ୨୦:୧-୧୦)

୧ ଜମ୍‌ନିବାର୍ ଖିସ୍ତି ପାଚେ ସାଡ଼ଦିନ୍‌ନି ପର୍‌ଡୁମ୍ ନାଜିଂ ଉଟ୍‌ଲା ହାକାଡ଼େ ମଗ୍‌ଦଲିନି ମରିୟମ୍ ଆରି ବିନ୍ ମରିୟମ୍ ଦୁଗେର ହୁଡ଼ଦେଂ ହାଟିକ୍ । ୨ ହେ ସମୁତ ବେସି ମେଦ୍‌ନିଦାଲ୍‌କାତାଡ଼, ଇନାକିଦେଂକି ମାପୁତି ରଖାନ୍ ଦୁଡ଼ ସାଗେତାଂ ଜୁଜି ଖାଜି ହେ ଦୁଗେର ରଟିମାତି କାଲ୍ ଗୁଡ଼ି ତା ଜପି କୁଟିଚାନ୍ । ୩ ହେଖାନ୍ତି ମୁମ୍ ବିଜଲି ଲାକେ ଅଜଡ଼ ମାଚାଡ଼ ଆରି ହେଖାନ୍ତି ହେୟା ଆଞ୍ଜିଗା ଲାକେ ଡିନ୍‌ଜି ମାଚାଡ଼ । ୪ ଆରେ ଦୁଡ଼ତି ହୁଡ଼ଜି ଜାଗ୍‌ଖାଡ଼ାର୍ ପାଣ୍ଡୁତୁଂ ତ୍ରିଗତାର୍ ଆରି ହାତି ଲାକେ ଆତାର୍ ।

୫ ସାଗେ ଦୁଡ଼ ହେ କଗ୍‌ଲେକାଂ ଇଚାନ୍, “ପାଣ୍ଡାମାଟ୍ ।” ଆନ୍ ପୁନାଙ୍ଗ୍, ଏପେଙ୍ଗ୍ କୁସ୍‌ତ ହାତି ଜିସୁଙ୍କ ହୁଡ଼ଦେଂ ଖାତାଦେଣ୍ଡା । ୬ ହେଖାନ୍ ଇବେ ହିଲୁନ୍ । ହେଖାନ୍ ଇନେସ୍ ଇଞ୍ଜି ମାଚାନ୍, ହେ ଲାକେ ନିତାନ୍ନା । ଖାଡ଼, ତା ହାତି ମାଡ଼ା ଇମେତାକେ ଇଡ଼ଜି ମାଚାର୍, ହେ ବାହା ହୁଡ଼ାଟ୍ । ୭ “ବେଗି ହାଲ୍ଲଜି ତା ଚେଲାହିରିଂ ଖେଚାଟ୍, ହେଖାନ୍ ଆରେ ନିଙ୍ଗତାନ୍ନା ଆରି ମି ଆଗେ ହେଖାନ୍ ଗାଲିଲିତ ହାଚାନ୍‌ନା । ହେବେ ଏପେଙ୍ଗ୍ ତାଙ୍ଗ୍ ହୁଡ଼ନାଦେର୍ ।” ଆନ୍ ଇନାକା ଇଞ୍ଜାଙ୍ଗ୍ ହେଦାଂ ମାଡ଼ ଇଚାଟ୍ ।”

୮ ଇଦାଂ ଖେନ୍‌ଞ୍ଜି ହେଖେକ୍ ବେଗି ଦୁଗେର ପିସ୍ତି ଚେଲାଟ୍ ତାକେ କାବୁର୍ ହିଦେଂ ହକ୍ତିକ୍ । ପାଣ୍ଡା ଆଜି ପା, ହେଖେକ୍ ମାଡ଼ ବେସି ଖାର୍‌ୟା ଆଜି ମାତିକ୍ ।

୯ ଆରେ ହୁଡ଼ାଟ୍, ଜିସୁ ହେଖାରିଂ ତ୍ରିପକ୍ ବେଟାଆଜି ଇଚାନ୍, “ମିଦାଙ୍ଗ୍ ସୁସ୍ତା ଆୟେଡ଼ । ହେଖାର୍ ତା ଲାଗେ ଖାଜି ତା ପାନା ଆସ୍ତି ଜଖାର୍ କିତାର୍ ।” ୧୦ ଜିସୁ ହେଖାରିଂ ଇଚାନ୍, “ପାଣ୍ଡାମାଟ୍ ନା ଟଣ୍ଡାରିଂ ଖେଚାଟ୍, ହେଖାର୍ ଗାଲିଲିତ ହାଲେର୍ । ହେବେ ନାଞ୍ଜେଙ୍ଗ୍ ହୁଡ଼ଦାନାର୍ ।”

ଜାଗ୍‌ଖାଡ଼ାର୍ ଖେଟ୍‌ନାକା ବିସ୍ତେ

୧୧ କଗ୍‌ଲେକ୍ ହାଲ୍ଲଜି ମାନି ଖେଡ଼ାଲିଂ, ହୁଡ଼ାଟ୍, ଜାଗ୍‌ଖାଡ଼ାର୍ କୁଦା ବିଡ଼େତାଂ କେତେକ୍ ଜାଣ୍ ଗାଡ଼ଦ ହାଲ୍ଲଜି ହେ ଖିଜୁ ଗଟ୍‌ଶାନି କାତା ମୁଡ଼ ମାପୁହେବାକିନାକାରିଂ ଖେଟ୍‌ପାତାର୍ । ୧୨ ମୁଡ଼ ମାପୁହେବାକିନାକାର୍ ବୁଡ଼ାଲୁର୍ ହୁକେ ରୁଣ୍ଡା ଆଜି ଗାଣ୍‌ଜୁ କିତି ପାଚେ ହେ ମେଲ୍ୟାରିଂ ବେସି ଟାକାଂ ହିଜି ଇଚାର୍, ୧୩ “ଏପେଙ୍ଗ୍ ଇନାଟ୍, ଆପେଂ ହୁଞ୍ଜିମାତି ଖେଡ଼ାଲିଂ ତା ଚେଲାହିର୍ ନାଣା ଖାଜି ହେଖାନ୍ ଚରି କିଜି ଅତାର୍ । ୧୪ ଆରେ ଜଦି ସାସନ୍ କାର୍‌ୟା ଇ କାତା ଖେନାନ୍ ଆପେଂ ତାଙ୍ଗ୍ ବୁଜାୟ୍ କିନାପ୍ ଜେ ନି ଦସ୍ ବିରକ୍‌ଲ୍ ଆକାୟ୍ । ଇ ବିସ୍ତେ ବିପ୍ତି ଆମା ।”

* ୨୭:୨୩ ୨୭:୨୩ ମାଡ଼ିଉ ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩, ୩୪; ଲୁକ ୯:୨୨; ୧୮:୩୧-୩୩.

^{୧୫} ମେଲ୍ୟାର ଟାକା ଅଜି ହେଝାରିଂ ଇଞ୍ଜିମାଟି ସମାନ୍ କାମାୟ୍ କିତାର୍ । ହେଝାର୍ ହେ ଝେଡାଲିଂ ଇନାକା ଇଚାର୍, ଜିହୁଦିର୍ ନେଞ୍ଜେଙ୍ଗ୍ ପାତେକ୍ ହେ କାତା ସୁଣାୟ୍ କିନାରା ।

ଚେଲାରିଂ ଜିସୁ ଚଞ୍ଜ୍ୟା ଆତାନ୍

(ମାର୍କ ୧୭:୧୪-୧୮; ଲୁକ ୨୪:୩୭-୪୯; ଜହନ୍ ୨୦:୧୯-୨୩; ପକ୍ୟାତାକା ୧:୭-୮)

^{୧୬} *ମାତର୍ ଏଗାର୍ ଜାଣ୍ ଚେଲାର୍ ଆଗେ ଗାଲିଲିତ ହାଲ୍ଜି, ଜିସୁ ଇମ୍ଫଣି ମାଡ଼ି ବିସ୍ତେ ହାଲ୍ଜି ହେଝାରିଂ ଇଞ୍ଜି ମାଚାନ୍, ହେ ମାଡ଼ିତ ହାଚାର୍ । ^{୧୭} ଆରେ, ହେଝାର୍ ତାଙ୍ଗ୍ ହୁଡ଼୍ଜି ଜଝାର୍ କିତାର୍, ମତର୍ ଇନେର୍ ଇନେର୍ ପାତ୍ କିଝାତାର୍ । ^{୧୮} ଆରେ, ଜିସୁ ହେଝାର୍ ଲାଗେ ଝାଜି ବେଣ୍ କିଜି ଇଚାନ୍, “ସାଗେ ଆରି ପୁତ୍ ନି ଝିଲୁ ଆଦିକାର୍ ନାଙ୍ଗ୍ ହିଦ୍ୟାତାଡ଼୍ନା । ^{୧୯} *ଲାରିଂ, ଏପେଙ୍ଗ୍ ହାଲ୍ଜି ସବୁ ଜାତିନି ମାନାୟାରିଂ ବାଝା, ମାଜି, ଆରି ପୁଇପୁୟା ଜିବୁନ୍ ତର୍ଦାଂ ବାପ୍ରିସିମ୍ ହିୟାଟ୍, ^{୨୦} ଆନ୍ ମିଙ୍ଗ୍ ଇମ୍ଫଣି ଇମ୍ଫଣି ବଲ୍ ହିଡ଼୍ନା, ହେ ସବୁ ମାନି କିଦେଙ୍ଗ୍ ହିକ୍ୟା ହିଜି ଆରି ମାଡ଼ି ଇଚାଟ୍, ଜୁଗ୍ସେସ୍ ପାତେକ୍ ନିତ୍ତେ ତାଈନାଡ଼୍ ଆନ୍ ମିଙ୍ଗେଙ୍ଗ୍ ହାଙ୍ଗ୍ ହାଙ୍ଗ୍ ମାନାଂ ।”

ମାର୍କ ଲିଖିତ ସୁସମାଚାର ମାର୍କ ଲେକିକିତି ନେକ୍ରି କାରୁର ମାର୍କ ପତି ବିସ୍ତେ ପାଦେକ୍

ଆନମାନତାଂ ତାରିକ୍ । ୨୭ AD ୭୦ AD ଲେକିକିତାକାନ୍ତି ତର ମାର୍କ ଲେକିକିତି ବାହା ତର ରମ୍ । ଜିସୁ କ୍ରିସ୍ତୁତି ଜିବୁନ୍ ବିସ୍ତେ ଇଞ୍ଜି ମାନି ପୁନିନିୟମନି ଚାରିଗଟା ପତିଂ ବିତ୍ରେତାଂ ମାର୍କ ଲେକିକିତି ନେକ୍ରି କାରୁର ରଞ୍ଜାଙ୍ । ହେ ଓକ୍ରିଡିଙ୍ ନେକ୍ରି କାରୁର ଇନ୍ୟା ଆନାଡ୍, ଇମ୍ଣି ଅରଡ୍ ଆତାଡ୍ “ନେକ୍ରିକାରୁର ।”

ହେଞ୍ଜାଙ୍ ଜିସୁତି ହାତି ପାଚେ ମାଡିଉ, ମାର୍କ, ଲୁକ ଆରି ଜହନ୍ ତାଙ୍ ଲେକା ଆତାଡ୍ନା । ଚାରିଗଟା ନେକ୍ରିକାରୁର ବିତ୍ରେ ମାର୍କ ଲେକିକିତି ନେକ୍ରିକାରୁର ଆନାତା ଓକ୍ରିଡିଂ ହାରୁଟି । ଇଦାଂ ପା ପାତ୍ କିୟା ଆନାଡ୍ ଜେ, ଇ ନେକ୍ରିକାରୁର ବିତ୍ରେ ଓକ୍ରିଡିଂ ଆଗେ, କ୍ରିସ୍ତୁଦିନ୍ ୨୫-୭୦ ବିତ୍ରେ ଲେକା ଆତାଡ୍ନା । ବାଇବଲ୍ ପଣ୍ଡିତ୍ କୁର ପାତ୍ କିନାର୍ ଜେ, ରମ୍ତ ମାନି କ୍ରିସ୍ତୁୟାନ୍ରିଂ ଖାରି କିଦେଙ୍ ଇଞ୍ଜି ରମ୍ତ ଇଦାଂ ଲେକା ଆତାଡ୍ନା, ମାର୍କ, ଇନେର୍କି ଜହନ୍ ମାର୍କ ତରଦ ଜାଣାତିନା, ହେଞ୍ଜାନ୍ ପାଉଲ୍ ଆରି ବର୍ଣ୍ଣବାତି ହାଙ୍ଦାକାନ୍ ମାଚାନ୍, ମାତର ଏଚେକାଡ୍ଦ ହେଞ୍ଜାନ୍ ହେଞ୍ଜାରିଂ ମିସ୍ନାରି ହାନିହାସ୍ଦ ପିସ୍ତ୍ର ଖାତାନ୍, ହେ ପାଦନା ହେ ତାକ୍ପୁଟା ଆନିତାକେ ମାଡ୍ ଖାତାଡ୍ ପକ୍ୟାତାକା । ପାଚେନି ଷ୍ଟେଡାଲିଂ ମାର୍କ ଆରେ ରଗ ବର୍ଣ୍ଣବା ହୁକେ ହାଚାନ୍ ପକ୍ୟାତାକା ୧୫:୩୭-୩୯ ମାର୍କ ପା ପିତର ରକାନ୍ ହାଦ୍ ହାଙ୍ଦାକାନ୍ ଲାକେ ଜାଣାତିନା ମାଚାନ୍ ୧ ପିତର ୫:୧୩ ଆତିସ୍ପା ମାର୍କ ରକାନ୍ ଜିସୁ ଜିବୁକ୍ତି ସିଦାସାକି ହିଲ୍ଖାତାନ୍, ଆତିସ୍ପା ପାଣ୍ଡିତ୍ କୁର ପାତ୍ କିତାର୍ ଜେ, ହେଞ୍ଜାନ୍ ପିତରୁତି ସାକିହିଦେଂ ଇଞ୍ଜି ଜାର ନେକ୍ରିକାରୁରତ ଲେକିକିତାନ୍ନା । ନେକ୍ରିକାରୁରତ ମାର୍କ ଚେଲେନ୍ ଆରି ଓକ୍ରିସ୍ତ୍ର ଷ୍ଟେଡାଂ ଜିସୁତି ହିକ୍ୟା ଜପି ଇଚ୍କାଡ୍ କିତାନ୍ନା । ମାର୍କ ଇ ପୁସ୍ତକ୍ତ ଜିସୁ କ୍ରିସ୍ତୁଙ୍ ରକାନ୍ ସାଦୁ ଆଡିୟେନ୍ ଆରି ଇସ୍ତର୍ ଇଚା ପୁରା କିଦେଙ୍ ଇଞ୍ଜି ସବୁ ଷ୍ଟେଡାଙ୍ ଜାଲ୍ଦି ମାନି ଖାରିକିନିତ ମାଜି ଲାକେ ଚିନ୍ତା କିତାନ୍ନା, ହେଦାଂ କାଜିଂ ହେଞ୍ଜାନ୍ ପୁଞ୍ଜି ଜିସୁତି କାବାଆନି କାମାୟ ବିସ୍ତେ ଲେକିକିତାନ୍ନା । ହାରିହାରା ହେଞ୍ଜାନ୍ ଓକ୍ରିସ୍ତ୍ର ପୁତ୍ ତ ନେକ୍ରି କାରୁର ସୁଣାୟ କିଦେଙ୍ ର ଗାଜା ବଲ୍ ହୁକେ ଇ ନେକ୍ରି କାରୁର ଲେକାତିଂ ଓକ୍ରିସ୍ତାନ୍ନା ।

ପତି ବିସ୍ତେନି ରାହାଣ୍

- ୧. ମୁଞ୍ଜିନି ଜହନ୍ ଆରି ଜିସୁତି ବାପ୍ରିସିମ୍ ୧:୧-୧୩
- ୨. ଗାଲିଲିତ ଜିସୁତି ହେବାକାମାୟ ୧:୧୪; ୯:୫୦
- ୩. ଜିରୁସାଲମ୍ତ ଜିସୁତି ହାନାକା ଆରି ମାନ୍ଦିରତ ହଣାକା ୧୦:୧; ୧୨:୪୪
- ୪. ଖାନି ବିସ୍ତେ ବେରଣ୍ ବାକ୍ଣାୟ କିନି କାତା ୧୩:୧-୩୭
- ୫. ଜିସୁତି ହାକି, ନିଙ୍ଗନାକା ଆରି ଗାଜା ବଲ୍ ୧୪:୧; ୧୬:୨୦

ବାପ୍ରିସିମ୍ ହିନି ଜହନ୍ତି ସୁଣାୟ କିନାକା
(ମାଡିଉ ୩:୧-୧୨; ଲୁକ ୩:୧୧-୧୮; ଜହନ୍ ୧:୧୯-୨୮)

୧ ଇସ୍ତର୍ ମାଜି ଜିସୁ କ୍ରିସ୍ତୁତି ନେକ୍ରିକାରୁର ଆରମ୍ ।* ୨ ଜିସାୟ ବେଣ୍ବାକ୍ଣାୟକିନାକାକ୍ତି ସାସ୍ତ୍ରତାକେ ଇନେସ୍ ଲେକା ଆତାଡ୍ନା,

“ହୁଡାଟ୍, ଆନ୍ ନା ଦୁଡ୍ତିଂ ମି ଆଗେ ପକ୍ତାନାଙ୍ଗା,”

“ହେଞ୍ଜାନ୍ ମିଙ୍ଗେଙ୍ ହାଜି ରଚ୍ଚି ହିଦ୍ନାନ୍ ।”

୩ ବାଟାତ ବେସି ଗାଜାକାଟ୍ କିଜି ହିରବାନାକାକ୍ତି କାଟ୍,

“ମାପୁତି ହାଜି ରଚାଟ୍,

ହେଞ୍ଜାକ୍ତି ରାଜା ହାକ୍ଡି ହାଣ୍କୁ କିୟାଟ୍ ।”

୪ ପାଚେ ବାପ୍ରିସିମ୍ ହିନି ଜହନ୍ ବାଲି ବାଟାତ ହାଲ୍ଜି ପାପ୍ କେମା କାଜିଂ ପାପ୍ତାଂ ମାନ୍ବାଦ୍ଲାୟ କିନି† “ବାପ୍ରିସିମ୍ ସୁଣାୟ କିଦେଙ୍ ଲାଗାତାନ୍ ।” ୫ ହେବେ ସବୁ ରାଜିନି ଜିହୁଦା ଦେସ୍ ଆରି ସବୁ ଜିରୁସାଲମ୍ନି ମାନାୟାର୍ ହସି ହେଞ୍ଜାନ୍ ଲାଗାୟ ଖାଦେଙ୍ ଲାଗାତାର୍ ଆରି ଜାର୍ ଜାର୍ ପାପ୍ କିତାକା ମାନିକିଜି ହେଞ୍ଜାନ୍ତାଂ ଜର୍ଦନ୍ ନାଗୁଡ୍ ତାକେ ବାପ୍ରିସିମ୍ ଅତାର୍ ।

* ୧:୧ ୧:୧ କେତେକ୍ ପତିତ ଇସ୍ତର୍ତ ମାଜି ହିଲ୍ଡ୍ । † ୧:୪ ୧:୪ ଜହନ୍ ପାଟାତ ଚଞ୍ଜାତାନ୍, ବାପ୍ରିସିମ୍ ହିଜି ମାଚାନ୍ ଆରି ପର୍ଚାଟ୍ କିଜି ମାଚାନ୍; କେତେକ୍ ପତିତ ବାପ୍ରିସିମ୍ ହିନି ଜହନ୍ ବାଟାତ ଚଞ୍ଜାତାନ୍, ପର୍ଚାଟ୍ କିଜି ମାଚାନ୍ ।

୭ ହେ ଜହନ୍ ଉର୍ ତଲ୍ଲନି ହେୟା ଉସ୍ତ୍ସିସ୍ ମାଚାନ୍ ଆରି ତା ମ୍ବେଙ୍ଗାଙ୍ଗ ତଲ୍ଲନି ନୁଣ୍ଡକୁ ତରି ଗାଟ୍ତି ମାଚାନ୍, ପାଚେ ପାମି ଆରେ ରାନ୍ତିପୁକି ହେଝାନ୍ତି କାଦି ମାଚାତ୍ । ୭ ଜହନ୍ ସୁଣାୟ୍ କିଜି ଝିଜାକାରିଂ ଉତର୍ ହିନାନ୍, “ନାଙ୍ଗ୍ ତାଙ୍ଗ୍; ଇନେର୍ ବେସି ସାଲ୍ଲିକାଟାକାନ୍, ହେଝାନ୍ ନା ପାଚେ ଝାନାନା; ଆନ୍ ତା ସମାନ୍ ଆକାୟ୍ ହେଝାନ୍ତି ପାନାନି ତରି ପାଣ୍ଡାୟ୍ ରିକ୍ତେଂ ସମାନ୍ ଆକାୟ୍ ।” ୮ ଆନ୍ ମିଙ୍ଗେଙ୍ଗ୍ ଏଜୁଂତାଂ ବାପ୍ତିସିମ୍ ହିତ୍ତାଂ, ମାତର୍ ହେଝାନ୍ ମିଙ୍ଗେଙ୍ଗ୍ ପୁଇପୁୟା ଜିବୁନ୍ତାଂ ବାପ୍ତିସିମ୍ ହିଦ୍ନାନ୍ ।

ଜିସୁତି ବାପ୍ତିସିମ୍ ଆରି ପରିକ୍ୟା
(ମାତିଉ ୩:୧୩-୪:୧୧; ଲୁକ ୩:୨୧-୨୨; ୪:୧-୧୩)

୯ ହେ ସମୁତ ଜିସୁ ଗାଲିଲିନି ନାଜରିତ୍ତୟତାଂ ଝାଜି ଜର୍ଦ୍ଦନ୍ ନାଗୁଡ୍ଡାକେ ଜହନ୍ତାଂ ବାପ୍ତିସିମ୍ ଅନାନ୍ । ୧୦ ଆରେ ହେ ଦାପ୍ତେ ହେଝାନ୍ ଏଜୁଂତାଂ ନିଙ୍ଗି ଝାନି ଝେଡାଲିଂ ବାଦାଡ୍ ଜେୟା ଆତାଡ୍ ଆରେ ପୁଇପୁୟା ଜିବୁନ୍ତିଂ ପାର୍ଝା ଲାକେ ତା ଜପି କୁଦ୍ନାକା ହୁଡ୍ଡାନ୍, ୧୧ ଏଆରେ, ବାଦାଡ୍ ତାଙ୍ଗ୍ ଇ କାତା ଆତାଡ୍, “ଏନେଙ୍ଗ୍ ନା ଝାରିନି ମାଜି, ନି ତାକେ ନାତାଂ ବେସି ଝାରି ମାନାଡ୍ ।”

୧୨ ହେ ଦାପ୍ତେ ପୁଇପୁୟା ଜିବୁନ୍ ହେଝାନିଂ ବାଟାତ ଅଜି ହାଟାଡ୍ । ୧୩ ଜିସୁ ହେ ବାଟାତ ଚାଲିସ୍ ଦିନ୍ ମାନଞ୍ଜି ହେବେ ହେଝାନ୍ ସୟତାନ୍ ହୁଦାଂ ପରିକ୍ୟା ଆନାନ୍ । ହେଝାନ୍ ରାନ୍ ଜାଡ୍ ଲାହାଙ୍ଗ୍ ମାଚାନ୍, ଦୁଡ୍କୁ ହେଝାନିଂ ହେବା କିଜି ମାଟିକ୍ ।

ଜିସୁ ଚାରିଜାଣ୍ ମିନ୍କୁ ଆହ୍ନାକାରିଂ କୁକ୍ନାନ୍
(ମାତିଉ ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନ୍ ଜେଲ୍ଡ ହାଟି ପାଚେ, ଜିସୁ ଗାଲିଲିତ ଝାଜି ଇସ୍ବରତି ନେକ୍ତିକାବୁର୍ ଗାଜା କାଟ୍ତାଂ ଇଞ୍ଜେଙ୍ଗ୍ ଲାଗାତାନ୍ । ୧୫ “ଜିସୁ ସୁଣାୟ୍ କିଦେଙ୍ଗ୍ ଲାଗାତାନ୍, ଦିନ୍ ଝିଜେ ଝାତାତେ, ଇସ୍ବରତି ରାଜି ଲାଗାୟ୍ ଆତାତେ; ପାପ୍ତାଂ ମାନ୍ବାଦ୍ଲାୟ୍ କିୟାଟ୍ ଆରି ନେକ୍ତିକାବୁର୍ ତାକେ ପାଟ୍ କିୟାଟ୍ ।”

୧୬ ଜିସୁ ଗାଲିଲି ହାମ୍ଦୁର୍ ପାଡ୍ଡିତିଂ ହାଲ୍ଲି ମାନି ସମୁତ ସିମନ୍ ଆରେ ତା ଟଣ୍ଡାହି ଆନ୍ଦ୍ରିୟଙ୍ଗ୍ ହାମ୍ଦୁର୍ତ ଜାଲ୍ ତୁହିନାକା ହୁଡ୍ଡାନ୍, ଇଟିସ୍ ହେଝାର୍ ମିନ୍କୁ ଆସ୍ତି ଜିନାକାର୍ ମାଚାର୍ । ୧୭ ଜିସୁ ହେଝାରିଂ ଇଚାନ୍, “ନା ପାଚେ ପାଚେ ଝାଡ୍ଡୁ, ଆନ୍ ମିଙ୍ଗେଙ୍ଗ୍ ମାନାୟ୍ ଆହ୍ନାକା ହିକାଈ କିଦ୍ନାଙ୍ଗ୍ ।” ୧୮ ହେବେ ହେଝାର୍ ହେ ଦାପ୍ତେ ଜାଲ୍ ପିସ୍ତି ହେଝାନ୍ ପାଚେ ହାଟାର୍ ।

୧୯ ପାଚେ, ହେଝାନ୍ ଅଲପ୍ ଆଗେ ହାଲ୍ଲି ଜାକୁର୍ ଆରି ଜହନ୍ ତର୍ଦାକାନ୍ ଜେବ୍ଦିତି ମାଜି ଜାକୁର୍ ଆରି ହେଝାନ୍ ଟଣ୍ଡାହି ଜହନ୍ତିଂ ତଙ୍ଗାତ କୁର୍ତି ହେଝାର୍ତି ଜାଲ୍ ଗାଡ୍ କିଜି ମାଚାନ୍ । ୨୦ ହେ ଦାପ୍ତେ ହେଝାନ୍ ହେଝାରିଂ କୁକ୍ତାନ୍, ପାଚେ ହେଝେର୍ ହେଝାର୍ ଲାତ୍ରାହି ଜେବ୍ଦିତି କାମ୍ଲିୟାର୍ ହୁକେ ତଙ୍ଗାତାକେ ପିସ୍ତି ହେଝାନ୍ ପାଚେ ହାଟାର୍ ।

ଜିସୁ ପୁଦା ଆହ୍ନାତାକାନିଂ ଉଜ୍ କିତାନ୍
(ଲୁକ ୪:୩୧-୩୭)

୨୧ ପାଚେ ଜିସୁ ଆରି ଚେଲାର୍ କପର୍ନାହୁମ୍ ତାକେ ହାଟାର୍, ଆରେ ହେ ଦାପ୍ତେ ଜିହୁଦିର୍ ଜମ୍ନିବାର୍ ନାଜିଂ କୁଚୁମ୍ ଇଞ୍ଜି ହାଲ୍ଲିପା ହିକାୟ୍ କିଦେଙ୍ଗ୍ ଲାଗାତାନ୍ । ୨୨ ମାନାୟାର୍ ହେଝାନ୍ ହିକ୍ୟାତ କାବା ଆତାର୍, ଇନାକିଦେଂକି ହେଝାନ୍ ଦରମ୍ ଗୁରୁର୍ ଲାକେ ହିକାଈ କିଝାଦାଂ ଆଦିକାର୍ ପାୟା ଆତି ମାନାୟାର୍ ଲାକେ ହେଝାରିଂ ହିକ୍ୟା ହିଜି ମାଚାନ୍ ।

୨୩ ହେ ସମୁତ ହେଝାର୍ ଜିହୁଦିର୍ କୁଚୁମ୍ ଇଞ୍ଜି ମାନି ରକାନ୍ ପୁଦା ଆହ୍ନା ଆତାକାନ୍ କିକିରାତିଂ କିଜି ଗାଜା କାଟ୍ତାଂ ଇଚାନ୍ । ୨୪ “ଏ ନାଜରିତ୍ତୟ ଜିସୁ, ନି ଲାହାଙ୍ଗ୍ ମାଦାଂ ଇନାକା ମାନାଡ୍ ? ଏନେଙ୍ଗ୍ ମାଙ୍ଗେଙ୍ଗ୍ ଝିସ୍ତେଦେଂ ଝାତାଈନା ? ଏନେଙ୍ଗ୍ ଇମ୍ଣାକାୟ୍ ? ହେଦାଂ ଆନ୍ ପୁନାଙ୍ଗ୍, ଏନେଙ୍ଗ୍ ଇସ୍ବରତି ହେ ପୁଇପୁୟା ମାନାୟ୍ତି ।”

୨୫ ଜିସୁ ହେଝାନିଂ ଦାକା ହିଜି ଇଚାନ୍, “ଚିମ୍ପରା ଆ ଇବେଣ୍ଡାଂ ହସି ହାଲା ।”

୨୬ ହେବେଣ୍ଡାଂ ହେ ବାନ୍ୟା ଜିବୁନ୍ ହେଝାନିଂ କିୟାୟ୍ କିଜି ଗାଜାକାଟ୍ ତାଙ୍ଗ୍ ଆଲା ଆଜି ହେଝାନ୍ତାଂ ହସି ହାଟାଡ୍ । ୨୭ ଇବେଣ୍ଡାଂ ଝିଜାର୍ ଏଚେକ୍ କାବା ଆତାର୍ ଜେ, ହେଝାର୍ ହେଝାରିନେ ଇନ୍ବା ଆତାର୍, “ଇଦାଂ ଇନାକା ? ଇଦାଂ ତ ଆଦିକାର୍ ପୁନ୍ ହିକିୟା, ହେଝାନ୍ ବାନ୍ୟା ଜିବୁନ୍ତିଂ ପା ବଲ୍ ହିନାନା, ଆରେ ହେଝାର୍ ହେଝାନ୍ତି ବଲ୍ବଚନ୍ ମାନି କିନିକ୍ ।”

୨୮ ହେବେ ହେଝାନ୍ ବିସ୍ତେ ବେରଣ୍ ହେ ଦାପ୍ତେ ଗାଲିଲିନିପ ଚାର୍ବେଣ୍ଡିଂ ସବୁ ନାସ୍କୁକାଂ ଝିଣ୍ଡି ହାଟାଡ୍ ।

★ ୧:୧୧ ୧:୧୧ ମାତିଉ ୩:୧୭; ୧୨:୧୮; ମାର୍ଚ୍ଚ ୯:୭; ଲୁକ ୩:୨୨.

ଜିସୁ ହେନି ମାନାୟାର୍ ଉତ୍ତ କିନାକା
(ମାତିଉ ୮:୧୪-୧୭; ଲୁକ ୪:୩୮-୪୧)

୨୯ ତା ପାଚେ ଚେଲାର୍ କୁଟୁମ୍ ଇଞ୍ଜ ହସି ଜାକୁର୍ ଆରି ଜହନ୍ ଲାହାଙ୍ଗ୍ ହେ ଦାପ୍ରେ ସିମନ୍ ଆରି ଆହିୟର୍ ଇଞ୍ଜ ହାଚାର୍ । ୩୦ ସିମନ୍ ପଦାହି ନମେର୍ ଆଜି କାଟେଲ୍ତ ହୁନ୍ଝି ମାଚାଡ୍, ଆରେ ହେଞ୍ଜାର୍ ହେ ଦାପ୍ରେ ହେଦେଲ୍ ବେରଣ୍ ଜିସୁଙ୍ ଝେଟ୍ଟାର୍ । ୩୧ ହେବେଣ୍ଟା ହେଞ୍ଜାନ୍ ଲାଗାୟ୍ ହାଲ୍ଜି ହେଦେଲ୍ତି କେଇ ଆଜି ତାଙ୍ଗେଙ୍ଗ୍ ନିକ୍ତାନ୍, ଆରେ ହେଦେଲ୍ ନମେର୍ ପିସ୍ତାଡ୍, ଆରେ ହେଦେଲ୍ ହେଞ୍ଜାରି ହେବା କିଦେଙ୍ଗ୍ ଲାଗାତାଡ୍ ।

୩୨ ମିକାହାରେସ୍ ଝେଡ୍ଡା ହାତିପାଚେ ମାନାୟାର୍ ହେଞ୍ଜାନ୍ ତାକେ ନଚ୍ଚନାକାରି ଆରେ ପୁଦା ଆହ୍ମା ଆତାକାରି ତାହିଞ୍ଜାଦେ ଲାଗାତାର୍ । ୩୩ ପାଚେ ସବୁ ଗାଡ୍ନିକାର୍ ଇଲ୍ଲି ଦୁଝେର୍ ଲାଗାୟ୍ ରୁଣ୍ଟା ଆତାର୍ । ୩୪ ହେବେ ଜିସୁ ବାରବିନି ରଗ୍ ଆହ୍ମା ଆତାକାରି ବେସି ରଗିରି ଉତ୍ତ କିତାନ୍, ଆରି ବେସି ପୁଦା ପିହିକିତାନ୍, ପାଚେ ପୁଦାକା ବେରଣ୍ କିଦେଙ୍ଗ୍ ହିଞ୍ଜାତାନ୍, ହେଦା କାଜି ହେଞ୍ଜାନ୍ ଚିନ୍ କିଜି ମାତିକ୍ ।

ଗାଲିଲିତ ଜିସୁତି ସୁଣାୟ୍ କିନାକା
(ଲୁକ ୪:୪୨-୪୪)

୩୫ ଆକାଡ୍ ନାଜି ପ୍ରାଙ୍ଗିନି ଝେଡ୍ଡାଲି ମାଜ୍ଗା ମାନ୍ ମାନ୍ ହେଞ୍ଜାନ୍ ନିଙ୍ଗି ହସି ହାଚାନ୍ ଆରି ର ସିଣିୟା ବାହାତ ହାଲ୍ଜି ହେବେ ପାର୍ତାନା କିଦେଙ୍ଗ୍ ଲାଗାତାନ୍ । ୩୬ ଆରେ, ସିମନ୍ ଆରି ହେଞ୍ଜାନ୍ ହାଙ୍ଗ୍ଦାକାର୍ ହେଞ୍ଜାନ୍ ଇଟ୍ଟାଡ୍ କିଜି, ୩୭ ବେଟ୍ଟାଟ୍ ଆଜି ହେଞ୍ଜାନ୍ ଇଚାର୍, “ଝିଜାକାର୍ ନିଙ୍ଗେଙ୍ଗ୍ ଦାସ୍ତାନାରା ।”

୩୮ ହେବେଣ୍ଟା ହେଞ୍ଜାନ୍ ହେଞ୍ଜାରି ଇଚାନ୍, ଝାଡ୍ ଆସେଙ୍ଗ୍ “ବିନେନି ବାହାତ, ମାତର୍ ହାଲ୍ଜି ଲାଗେନି ନାସ୍ତକା ହାନାସ୍; ହେବେ ପା ଆନ୍ ସୁଣାୟ୍ କିନାକା, ଇନେକିଦେକି ଆନ୍ ହେ ବେରଣ୍ କାଜି ହଟ୍ଟାନ୍ନା ।”

୩୯ ପାଚେ ହେଞ୍ଜାନ୍ ସବୁ ଗାଲିଲିନିପ ପୁଞ୍ଜି ବୁଲା ଆଜି ହାଲ୍ଜି ହେଞ୍ଜାର୍ ହେ କୁଟୁମ୍ ଇଞ୍ଜ ସୁଣାୟ୍ କିତାର୍ ଆରି ପୁଦାକା ପିହିକିତାର୍ ।

ଜିସୁ ର ଗାଜା ରଗି ଉତ୍ତ କିତାନ୍
(ମାତିଉ ୮:୧-୪; ଲୁକ ୫:୧୨-୧୬)

୪୦ ଇବେତା ର ଗାଜାର୍ଗ କାଟାକାନ୍ ଜିସୁ ତାକେ ହେଞ୍ଜାନ୍ ଝାଜି ମେଣ୍ଟା କୁଦିକିଜି ହେଞ୍ଜାନ୍ ଗଞ୍ଜାରି କିଜି ଇଚାନ୍, “ଏନେଙ୍ଗ୍ ଜଦି ଇଚା କିତାୟ୍ଚି, ତା ଆତିସ୍ ନାଙ୍ଗେଙ୍ଗ୍ ସକଟ୍ କିଦ୍ନାୟ୍ ।”‡

୪୧ ହେବେଣ୍ଟା ହେଞ୍ଜାନ୍, କାର୍ମାଟି ଆଜି କେଇ ପେସ୍ଦି ହେଞ୍ଜାନ୍ ତୁଚାନ୍ ଆରି ଇଚାନ୍, “ଆନ୍ ଇଚା କିନାକା ସକଟ୍ ଆ ।” ୪୨ ହେ ଦାପ୍ରେ ଗାଜାର୍ଗ ହେଞ୍ଜାନ୍ ହାଚାଡ୍ ଆରି ହେଞ୍ଜାନ୍ ସକଟ୍ ଆଚାନ୍ । ୪୩ ଆରେ, ଜିସୁ ହେଞ୍ଜାନ୍ ବେସି ଆଟ୍ଝା କିଜି ବଲ୍ଲୁହିଜି ହେ ଦାପ୍ରେ ପକ୍ଟି ଇଚାନ୍ । ୪୪ ଜାଗ୍ରଡ୍ “ଇନାକା, ଇନେରି ଇନ୍ମା, ମାତର୍ ହାଲା ମାପୁହେବାକିନାକାନ୍ ତାକେ ଜାର୍ତି ଚଞ୍ଜୟା; ଆରେ ମସା ଇନା ଇନାକା ବଲ୍ଲୁ ହିଡ୍ଡାନ୍ନା ହେ ସବୁ ନିଜେ ନିର୍ମାଲ୍ ଲାକେ ହେଞ୍ଜାର୍ ଲାଗା ସାକି ହିନି କାଜି ସର୍ପି ଆ ।”

୪୫ ମାତର୍ ହେଞ୍ଜାନ୍ ହସି ହାଲ୍ଜି ହେ ବିସ୍ତେ ବେସି ସୁଣାୟ୍ କିଦେ ଲାଗାତାନ୍ ଜେ, ଜିସୁ ଆରି ଚଞ୍ଜୟା ଆଜି ମାଞ୍ଜେଙ୍ଗ୍ ଆଡ୍ଝାତାନ୍, ମାତର୍ ବାଡ୍ ସିଣିୟା ବାହାତାକେ ମାଚାନ୍; ଆରେ ମାନାୟାର୍ ଚାର୍ବେଣ୍ଟା ହେଞ୍ଜାନ୍ ତାକେ ଝାଦେଙ୍ଗ୍ ଲାଗାତାର୍ ।

୨

ଜିସୁ ହିରକଲ୍ ରଗି ଉତ୍ତ କିତାନ୍
(ମାତିଉ ୯:୧-୮; ଲୁକ ୫:୧୭-୨୬)

୧ ଏଚେକ୍ ଦିନ୍ ପାଚେ, ଜିସୁ ଆରେ ରଗ କପର୍ନାହୁମ୍ ମାସ୍ଦି ଝାତାନ୍, ହେଞ୍ଜାନ୍ ଇଞ୍ଜ ମାନାନ୍ ଇଞ୍ଜ ଝିଜାର୍ ପୁଚାର୍ । ୨ ହେବେ ଏଚେକ୍ ମାନାୟାର୍ ରୁଣ୍ଟା ଆତାର୍, ଜେ, ଦୁଝେର୍ତ ପା ବାହା ହିଲ୍ଝାତାଡ୍, ପାଚେ ହେଞ୍ଜାନ୍ ହେଞ୍ଜାର୍ ତାକେ ବେରଣ୍ ସୁଣାୟ୍ କିଦେଙ୍ଗ୍ ଲାଗାତାନ୍ । ୩ ଇବେ ପା ମାନାୟାର୍ ର ହିରକଲ୍ ରଗି ଚାରିଜାଣତା ପିଣ୍ଡି ଜିସୁ ଲାଗାଏ ତାସି ଝାତାର୍, ୪ ମାତର୍ ବିଡ୍ ଲାଗି ଜିସୁତାକେ ତାସି ଝାଦେ ଆଡ୍ଝିତିଲେ, ହେଞ୍ଜାନ୍ ଇମ୍ଝି ବାହାତ ମାଚାନ୍, ହେବେନି ଚାଉଣି ଜେତାର୍ ଆରି ହେଦା ଡ୍ରିକ୍ଟି ହେ କାଟେଲ୍ତ ହିରକଲ୍ ଇଡ୍ଝାତି ରଗି ହୁନ୍ଝି ମାଚାନ୍ ହେଦା କୁଡ୍ଡାତାର୍ । ୫ ଜିସୁ ହେଞ୍ଜାର୍ ପାଚି କିନାକା ହୁଡ୍ଡି ହେ ହିରକଲ୍ ରଗି ଇଚାନ୍, “ଏ ବପା, ନି ପାପ୍ ସବୁ କେମା କିୟା ଆତାଡ୍ ।”

‡ ୧:୪୦ ୧:୪୦ ନାଙ୍ଗ୍ ସକଟ୍ କିଦା, ଇ ରଗ୍ ରଞ୍ଜାନ୍ ମାନାୟାଡ୍ ବିଦି ଇସାପ୍ରେ ବିଚାଡ୍ କିଦ୍ନାନ୍ ଇଞ୍ଜ ଇନ୍ୟାଜି ମାଚାଡ୍ । § ୧:୪୧ ୧:୪୧ କାର୍ମା; କେଡେକ୍ ପତିତ ରିସା ମାଚାଡ୍ ।

୭ ମାତର ଦରମା ଗୁରୁର ତାଙ୍କ କେତେଜାଣି ହେ ବାହାତ କୁଚି ନିଜେ ନିଜେତି ମାତ୍ର ପୁସୁର ପାସାର ଆଜି ଖେଚପା ଆଜି ମାତର । ୭ “ଇ ମାନାୟ ଇନେକିଦେ ଏଲେଙ୍କ ଇନାନ୍ନା ? ହେଝାନ୍ ଇସୁର ନିନ୍ଦା କିନାନା ! ହେଦାଂ ରଝାନିଂ ପିସ୍ତି ଇଚିସ୍ ଇସୁରତିଂ ପିସ୍ତି ଆରେ ଇନେନ୍ ପାପ୍ କେମା କିଦେଙ୍କ ଆଡନାନ୍ !”

୮ ହେଝାର ଜେ, ମାତ୍ର ମାତ୍ର ଏଲେଙ୍କ ଖେଚପା ଆନାରା, ହେଦାଂ ଜିସୁ ନିଜେ “ହେ ଦାପ୍ରେ ପୁଞ୍ଜି ହେଝାରିଂ ଇଚାନ, ଏପେଙ୍କ ଜାର ଜାର ମାତ୍ର ଇନେକିଦେଂ ଇ ସବୁ ଖେଚପା ଆନାଦେରା ?” ୯ “ଇନାକା ଆଡ଼ଝା ? ହିରକଲ ରଗିଂ ନି ପାପ୍ ସବୁ କେମା କିୟା ଆଡ଼ତାଡ଼ ଇଞ୍ଜି ଇନାକା, କି ନିଙ୍ଗା, ନି କାଚେଲ୍ ଆସ୍ତି ତାଙ୍ଗା ଇଞ୍ଜି ଇନାକା ?” ୧୦ ମାତର ପୁତ୍ର ପାପ୍ କେମା କିଦେଙ୍କ ମାନାୟ ମାଜି ଜେ ଆନ୍, ନା ଆଦିକାର ମାନାଡ଼, ଇଦାଂ ଏପେଙ୍କ ପୁନାଦେର ଇଦାଂ କାଜିଂ ହେ ହିରକଲ ରଗିଂ ଇଚାନ, ୧୧ “ଆନ୍ ନିଜେଙ୍କ ଇଞ୍ଜିନାଙ୍ଗା, ନିଙ୍ଗା, ନି କାଚେଲ୍ ଆସ୍ତି, ମିଞ୍ଜି ହାଲା !”

୧୨ ହେବେତାଂ ହେଝାନ୍ ନିଙ୍ଗି ହେ ଦାପ୍ରେ କାଚେଲ୍ ଆଜି ଝିଜାକାର ମୁମ୍ଦାଂ ହସି ହାଚାନ; ହେବେ ଝିଜାର କାବା ଆଜି ଇସୁରତିଂ ଗୁଣ୍ କେରଜି କେରଜି ଇଚାର, “ଆପେଂ ଏଲେଙ୍କ ବାଡ଼ାକା ଇନାଝାତାଂପା ହୁଡ଼ଝାଦାଂ ମାଚାପ୍ !”

ଜିସୁ ଲେବିଙ୍କ କୁକତାନ
(ମାତ୍ରିଭ ୯:୯-୧୩; ଲୁକ ୫:୨୭-୩୨)

୧୩ ହେଝାନ୍ ଆରେ ରଗ ଗାଲିଲି ହାମ୍ଦୁର ଗୁଚିତ ହସି ହାଚାନ, ଆରେ ମାନାୟର ତା ତାକେ ଝାତିଲେ, ହେଝାନ୍ ହେଝାରିଂ ହିକାୟ କିଦେଙ୍କ ଲାଗାତାନ । ୧୪ ଆରେ, ହାଲୁ ହାଲୁ ହେଝାନ୍ ଆଲପିତି ମାଜି ଲେବିଙ୍କ ନିଜ ସିସୁଧୁନନାକାନ୍ ବାହାତ କୁଚି ମାନାକା ହୁଡ଼ଜି ହେଝାନିଂ ଇଚାନ, “ନା ପାଚେ ଝା” ହେବେଣ୍ଟାଂ ହେଝାନ୍ ତା ପାଚେ ହାଚାନ ।

୧୫ ଇଦାଂ ପାଚେ, ଜିସୁ ଲେବିର ଇଞ୍ଜି* ଚିଞ୍ଜେଙ୍କ କୁଚି ଖେଡ଼ାଲିଂ ହେନି ସିସୁଧୁନନାକାର ଆରି ପାପିର ହେଝାନ୍ ଆରି ଜିସୁ ଚେଲାହିର ହୁକେ କୁଚିତାନ; ଇନାକିଦେଂକି ହେଝାର ହେନି ମାଚାର, ଆରି ହେଝାନ୍ ପାଚେ ହାଲୁଜି ମାଚାର । ୧୬ ହେଝାନ୍ ପାପିର ଆରେ ସିସୁଧୁନନାକାର ହୁକେ ତିନ୍ଞି ମାଚାନ, ଇଦାଂ ହୁଡ଼ଜି ହେଝାନ୍ ପାରୁସି ଦଲ୍ଲନି ସାସ୍ତିର ହେଝାନ୍ ଚେଲାରିଂ ଇଞ୍ଜେଙ୍କ ଲାଗାତାର, ଇଦାଂ ଇନାକା ? “ହେଝାନ୍ ଗାଚନାକାର ହୁକେ ଆରି ପାପିର ହୁକେ ରଚେ ତିନାନା ।”

୧୭ ଜିସୁ ହେଦାଂ ଝେନ୍ଞି ହେଝାରିଂ ଇଚାନ, “ଉଜ୍ ଆତାକାରିଂ ତାକ୍ତର ଲଡ଼ାଆକାୟ, ମାତର ଇନେର ନଚ୍ଚି ମାନାୟତିଂ ହେଝାରିଂ ତାକ୍ତର ଲଡ଼ା ମାନାଡ଼; ଆନ୍ ଦାମ୍ ଲଗାଂ କୁକତେଂ ଇଞ୍ଜି ଝାଝାତାଂନା, ମାତର ପାପିରିଙ୍କ କୁକତେଂ ଝାତାଂନା ।”

ଜିସୁ ଉପାସ ବିସ୍ତେନି ପରସନ୍
(ମାତ୍ରିଭ ୯:୧୪-୧୭; ଲୁକ ୫:୩୩-୩୯)

୧୮ ଜହନ୍ ଚେଲାହିର ଆରେ ପାରୁସିର ଉପାସ କିଜି ମାଚାର । “ଏଚେକଜାଣି ଝାଜି ଜିସୁଙ୍କ ଇଚାର, ଜହନ୍ ଚେଲାହିର ଆରେ ପାରୁସିର ଚେଲାହିର ଉପାସ କିତାର, ମାତର ନି ଚେଲାହ ଉପାସ କିଉରୁ ଇନେକିଦେଂ ?”

୧୯ “ଜିସୁ ହେଝାରିଂ ଇଚାନ, ବିବାକିନାକାର ହୁକେ ବିବା ଦାଂଣେନ୍ ମାନି ସମୁତ ହେଝାର ଇନାକା ଉପାସ କିଦେଙ୍କ ଆଡନାର ? ବିବାଦାଂଣେନ୍ ଏଚେକ ଝେଡ଼ାପାତେକ୍ ହେଝାର ହୁକେ ମାନାନ୍, ହେ ପାଡ଼ତେକ୍ ହେଝାର ଉପାସ କିଦେଙ୍କ ଆଡୁର । ୨୦ ମାତର ସମୁ ଝାନାଡ଼, ଏଚେକାଡ଼ଦ ହେଝାରତାଂ ବିବା ଦାଂଣେନିଂ ନିକ୍ଚି ଅୟା ଆନାଡ଼, ଆରି ହେବେଣ୍ଟାଂ ହେ ଦିକ୍ତ ହେଝାର ଉପାସ କିତାର ।

୨୧ ଇନେନ୍ ପୁନି ହେନ୍ଦାତ ପୁନି ହେନ୍ଦା ନୁଲ୍ ଡ଼ରୁନ୍; ଡ଼ଚିସ୍ ପୁନି ହେନ୍ଦା ମେହାୟ କିତିସ୍ ପୁନି ହେନ୍ଦାତାଂ ବେସି କେଚି ଅନାଡ଼ ଆରି ଆଦିକ୍ ଗାଜା ଆଜି କେନ୍ଞି ହାନାଡ଼ । ୨୨ ଆରି, ଇନେର ପୁନି ଅଙ୍ଗୁର ରାସ୍ ପୁନି ତଲ୍ ମଣାତ ଇଚୁର; ଇଚିସ୍ ହେଦାଂ ତଲ୍ ମଣା ପାଚି ତୁହିନାଡ଼, ଆରେ ଅଙ୍ଗୁର ରାସ୍ ଆରି ତଲ୍ ମଣା ରିଣ୍ଟାଂ ନସ୍ ଆନିକ୍ । ମାତର ପୁନି ଅଙ୍ଗୁର ରାସ୍ ପୁନି ତଲ୍ ମଣାତ ଇଚନାକା ମାନାଡ଼ ।”

ଜମନି ଦିନ ନାଜିଂ ପରସନ୍
(ମାତ୍ରିଭ ୧୨:୧-୮; ଲୁକ ୬:୧-୫)

୨୩ ଦିନେକ୍ ଜିସୁ ଜମନିବାର ନାଜିଂ ଜମିପାଚି ନିପ ହାଲୁଜି ମାଚାନ, ଆରେ ତା ଚେଲାହିର, ହାଲୁ ହାଲୁ ତାସ୍ନି ଜିକି ନାଚତେଙ୍କ ଲାଗାତାର । ୨୪ ଇବେଣ୍ଟାଂ ପାରୁସିର ହେଝାନିଂ ଇଚାର, “ହୁଡ଼ା, ଜମନିବାର ନାଜିଂ ଇନାକା କିନାକା ବିଦି ହିଲୁଡ଼, ଚେଲାହ ଇନେକିଦେଂ ଆଦାଂ କିନାରା !”

* ୨:୧୫ ୨:୧୫ ଲେବିର ଇଞ୍ଜି; ନଲେ ତା (ତା, ଜିସୁତି) ଇଞ୍ଜି ।

୨୫ ଜିସୁ ହେୱାରିଂ ଇଚାନ, ଦାଉଦ ନାସକି ଖେଡ଼ାଙ୍ଗ ଏଚେକାଡ଼ଦ ହେୱାନ୍ ଆରି ତା ହାଙ୍ଗଦାକାର ନାସକି ଆଜି ମାଚାର, ହେ ପାଦନା ହେୱାନ୍ ଇନାକା କିଜି ମାଚାନ, ହେଦାଂ ଏପେଙ୍ଗ ଇନାଖାଡ଼ାଂ ପା ପଡ଼ି କିଖାଡ଼ାଣ୍ଟା ?

୨୬ ଅବିୟାତର୍ ମୁଡ଼୍ ମାପୁହେବାକିନାକାର ସମୁତ “ହେୱାନ୍ ଇନେସ୍ ଇସ୍ପୁରତି ଇଞ୍ଜ ହାଲ୍ଲଜି ମାଚାନ, ଇମଣି ଦର୍ସନି ରୁଟି ଇସ୍ପୁରତିଂ ହେବାକିନି ମୁଣିକା ପିସ୍ତ୍ର ଆରି ଇନେରୁ ତିନି ଆଦକାର୍ ବିଦି ଆକାୟ୍, ହେଦାଂ ତିନିଞ୍ଜି ମାଚାର, ପାଚେ ଜାର ହାଙ୍ଗଦାକାରିଂ ପା ହିଜି ମାଚାନ ।”

୨୭ ଆରି, ହେୱାନ୍ ହେୱାରିଂ ଇଚାନ, ଜମ୍ନିବାର୍ ଦିନ୍ ମାନାୟାର୍ କାଜିଂ ଆତାଡ଼ନ୍ନା, “ମାନାୟାର୍ ଜମ୍ନିବାର୍ କାଜିଂ ଆଖାଡ଼ାଣ୍ଟା । ୨୮ ଲାଗିଂ ମାନାୟ୍ ମାଜି ଜମ୍ନିବାର୍ ନାଜିଂ ପା ମାପୁ ଆନାନ୍ ।”

୩

ଜିସୁ ରକାନ କଲା ମାନାୟତିଂ ଉଜ୍ କିତାନ (ମାତିଉ ୧୨:୯-୧୪; ଲୁକ ୬:୬-୧୧)

୧ ପାଚେ ହେୱାନ୍ ଆରେ ରଗ କୁଟୁମ୍ ଇଞ୍ଜ ହାଚାନ, ହେବେ ରକାନ ମାଚାନ, ହେୱାନ୍ତି ର କେଇ ଖାଜ୍ଜି ମାଚାଡ଼ । ୨ ଆରେ, ହେୱାନ୍ ତାଙ୍ଗେଙ୍ଗ୍ ଇନେସ୍କି ଜମ୍ନିବାର୍ତ ଉଜ୍ କିନାନ୍, ହେଦାଂ ହୁଡ଼ନି କାଜିଂ ଇଞ୍ଜି ହେୱାର୍ ହେୱେନିଂ ହୁଡ଼ଜି ମାଚାର, ଇନେସ୍ ହେୱାର୍ ହେୱାନ୍ ବିରୁଦ୍ତ ଦାବା କିନାର୍ । ୩ ହେବେ ଇନେନ୍ କେଇ ଖାଜ୍ଜି ମାଚାଡ଼ ହେୱାନିଂ ଜିସୁ ଇଚାନ, “ଖା ମାଦି ନିଲା ।” ୪ ପାଚେ, ହେୱାନ୍ ହେୱାରିଂ ଇଚାନ, “ଜମ୍ନିବାର୍ତ ଇନାକା କିନାକା ବିଦି ମାନାଡ଼ ? ହାର୍, କିନାକା କି ବାନ୍ୟା କିନାକା ? ଜିରୁନ୍ ରକ୍ୟା କିନାକା କି ନସ୍ କିନାକା ? ମାତର୍ ହେୱାର୍ ଉତର୍ ହିଖାଦାଂ ଚିମ୍ବରା ଆଜି ମାଚାର ।”

୫ ହେବେ ହେୱାନ୍ ହେୱାରିଂ ମାନ୍ତ କୁଟୁ ଲାଗିଂ ଦୁକ୍ ଆଜି ରିସାତାଂ ଚାର୍ବେଣ୍ଡାଂ ହେୱାରିଂ ହୁଡ଼ଜି ହେ ମାନାୟତିଂ ଇଚାନ, “କେଇ ଲାମାୟ୍ କିୟା ।” ହେୱାନ୍ କେଇ ଲାମାୟ୍ କିତାନ ଆରି ହେଦାଂ ଆରେ ହାରା ଆତାଡ଼ । ୬ ହେବେ ପାରୁସିର୍ ବାର୍ତ୍ ହାଲ୍ଲଜି ହେୱାନିଂ ରୁଡ଼ାୟ୍ କିଦେଙ୍ଗ୍ ଇଞ୍ଜି ହେୱାନ୍ ବିରୁଡ଼ତାଂ ହେରଦିୟାର୍ ରାଜା ଲାହାଙ୍ଗ୍ କୁଟୁ କିଦେଙ୍ଗ୍ ଲାଗାଆତାର୍ ।

ହେନି ମାନାୟ୍ ଜିସୁ ପାଚେ ପାଚେ ହାଚାର

୭ ଇ ଖାଡ଼ାଂ ଜିସୁ ତା ଚେଲାହିର୍ ଲାହାଙ୍ଗ୍ ବିନେ ଆଜି ଗାଲିଲି ହାମ୍ଦୁରତ ହାଚାର, ପାଚେ ଗାଲିଲିତାଂ ହେନି ମାନାୟାର୍ ତା ପାଚେ ପାଚେ ହାଚାର୍; ଆରେ ଜିହୁଦା ରାଜି, ୮ ଜିରୁସାଲମ୍, ଇଦମ୍, ଜର୍ଦ୍ଦନି ଆଣ୍ଟି ପାଡ଼କା, ଆରେ ସୋର ଆରି ସିଦନି ଚାରବେଣ୍ଡାଂ ବେସି ମାନାୟାର୍ ହେୱାନ୍ତି ଖିଜୁ କାମାୟନି ବେରଣ୍ଡା ଖେନିଞ୍ଜି ତା ତାକେ ଖାଡ଼ାର୍ । ୯ *ହେ ପାଦନା ବିଡ଼୍ କାଜିଂ, ମାନାୟାର୍ ଇନେସ୍ ହେୱାନ୍ ଜପି କୁସପିସ୍ ହାଲ୍ଲୁର୍, ଇଦାଂ କାଜିଂ ହେୱାନ୍ ନିଜ୍ ଚେଲାରିଂ ତା କାଜିଂ ର ହାରୁ ତଙ୍ଗା ଲାଗେ ଇଡ଼ଦେଂ ଇଚାନ; ୧୦ ଇନାକିଦେଂକି ହେୱାନ୍ ହେନି ମାନାୟତିଂ ଉଜ୍ କିତିଲେ-ରଗିୟାର୍ ଖିଜାକାର୍ ହେୱାନିଂ ତୁଦେଂ ଇଞ୍ଜି ହେୱାନ୍ ଜପି କୁସ୍ପିସ୍ ମାଚାର । ୧୧ ଆରେ, ବାନ୍ୟା ଜିରୁନିଙ୍ଗ୍ ଆସ୍ତ୍ର ମାନି ଲଗାଙ୍ଗ୍ ହେୱାନିଂ ହୁଡ଼ଜି ମାଚିକ୍, ହେୱାଙ୍ଗ୍ ହେୱାନ୍ ତାରେନ୍ ଗୁରଜି କିକିରାତିଂ କିଜି ଇଞ୍ଜି ମାଚିକ୍, “ଏନେଙ୍ଗ୍ ଇସ୍ପୁର ମାଜିତି ।”

୧୨ ହେବେତାଂ ତାଙ୍ଗେଙ୍ଗ୍ ଖେଡ଼ିଂ କାଜିଂ ହେୱାନ୍ ହେ ବାନ୍ୟା ପୁଦାକାଂ ବେସି ତାଟ୍ କିଜି ବଲ୍ଲ୍ ହିତାନ ।

ଜିସୁ ବାରଜାଣ୍ଟି ଚେଲାରିଂ ବାଚିକିତାନ (ମାତିଉ ୧୦:୧-୪; ଲୁକ ୬:୧୨-୧୬)

୧୩ ଜିସୁ ମାଡ଼ି ଜପି ହାଲ୍ଲଜି, ଇମ୍ଫାକାରିଂ ମାନ୍ କିତାନ, ହେୱାରିଂ ଲାଗେ କୁକ୍ତାନ ଆରେ ହେୱାର୍ ତା ଲାଗେ ଖାଡ଼ାର୍ । ୧୪ ପାଚେ, ହେୱାନ୍ ବାର ଜାଣ୍ଟିଂ ବାଚିକିତାନ, ଇନେସ୍ ହେୱାର୍ ତା ହୁକେ ରଚେ ମାନାର୍ ଆରେ ହେୱାନ୍, “ହେୱାରିଂ ସୁଣାୟ୍ କିନି କାଜିଂ ପକ୍ୟାତାକାନ । ୧୫ ଆରି ହେୱାନ୍ ହେୱାରିଂ ପୁଦାଂ ପିହି କିନାକା ଆଦିକାର୍ ହିତାନ ।”

୧୬ ଜିସୁ ଇ ବାର ଜାଣ୍ଟିଂ ବାଚିକିତାନ ଇଚିସ୍, ସିମନ୍ତିଂ, ହେୱାନ୍ ପିତର୍ ଇଞ୍ଜି, ଆରେ ର ତର୍ ହିତାନ । ୧୭ ଜେବ୍ଦି ମାଜି ଜାକୁବ୍ ଆରି ତା ଟଣ୍ଡେନ୍ ଜହନ୍, ଇନେରିଂ ହେୱାନ୍ ବିନେରିଗସ୍, ଇଚିସ୍ “ବାଦାଡ଼୍ ଗାର୍ଜାନି ମାଜି” ଇଞ୍ଜି ଆରେ ର ତର୍ ହିତାନ; ୧୮ ଆହିୟ୍, ପିଲିପ୍, ବାର୍ତଲମି, ମାତିଉ, ତମା, ଆଲପିତି ମେହି ଜାକୁବ୍, ତଦିୟ୍, କିଶାନିୟ୍ ସିମନ୍, ୧୯ ପାଚେ ଇସ୍ପାରିୟ୍ତିୟ୍ ଜିହୁଦା, ଇନେନ୍ ଜିସୁଙ୍ଗ୍ ସାତୁ କେଇଦ ଆହି କିତାନ ।

ଜିସୁ ଆରି ବାଲ୍ଲଜିବୁଲ୍ (ମାତିଉ ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

* ୩:୯ ୩:୯ ମାର୍କ ୪:୧; ଲୁକ ୫:୧-୩.

୨୦ ପାଚେ ହେୱାନ ଇଞ୍ଜ ଖାତାନ୍; ଆରେ ରଗ ହେନି ମାନାୟାର ରୁଣ୍ଡା ଆଦେଂ ଲାଗାତାର୍ ଜେ, ହେୱାର୍ ତିଞ୍ଜେଙ୍ଗ୍ ପା ଆଡ଼ଖାତାର୍ । ୨୧ ଏତେକାଡ଼୍ ଜିସୁ ଲାତ୍ରା ଇଦାଂ ଖେଚାର୍ ହେୱାଡ଼ାଂ ତାହିଞ୍ଜାଦେଂ ହାତାର୍, ଇତିସ୍ ତାଙ୍ଗେଙ୍ଗ୍ “ବାୟା ଆତାନ୍ନା !” ଇଞ୍ଜି ମାନାୟାର୍ କାତାବାର୍ତ୍ତା ଆଜି ମାଚାର୍,

୨୨ *ଆରେ, ଜିରୁସାଲମ୍ତାଂ ଖାଜି ମାନି ଦରମ୍ ଗୁରୁର୍ ଇଚାର୍, “ଇଖାନିଂ ବାଲ୍‌ଜିବୁଲ୍ ଲାଗା ଆତାଡ଼ନ୍ନା, ଆରେ ମୁଡ଼୍ ପୁଦାଂତାଂ ଗାଜା ସାଲ୍ଲି ହେୱାନ ପୁଦାଂ ପିହିକିନାନ୍ ।”

୨୩ ଇବେଣ୍ଡାଂ ହେୱାନ ହେୱାରିଂ ଲାଗେ କୁକ୍‌ଚି ଉତର୍‌ମୁଡ଼୍ କାତା ହେୱାରିଂ ଇଚାନ, “ସୟତାନ୍ ଇନେସ୍ କିଜି ସୟତାନ୍ତିଂ ପିହିକିନାଡ଼୍ ?” ୨୪ ଜଦି ଇମଣି ରାଜି ବିନେ ଆଜି ନିଜ୍‌ତି ବିରୁଦ୍‌ତ ନିଙ୍ଗିନାଡ଼୍, ହେ ରାଜି ତିର୍ ଆଜି ମାଞ୍ଜେଙ୍ଗ୍ ଆଡୁଡ଼୍ । ୨୫ ଆରେ, ଜଦି ଇମଣି ଇଲ୍ ବିନେ ଆଜି ନିଜ୍‌ତି ବିରୁଦ୍‌ତ ନିଙ୍ଗିନାଡ଼୍, ବାଟିଙ୍ଗ୍ ହେ ଇଲ୍ ତିର୍ ଆଜି ମାଞ୍ଜେଙ୍ଗ୍ ଆଡୁଡ଼୍ । ୨୬ ହେ ଲାକେ, ସୟତାନ୍‌ନି ରାଜି ଜଦି ବିନେ ଆଜି ନିଜ୍ ବିରୁଦ୍‌ତ ନିଙ୍ଗିତାତେ, ଲାଗିଂ ହେଦାଂ ତିର୍ ଆଜି ମାଞ୍ଜେଙ୍ଗ୍ ଆଡୁଡ଼୍, ମାତର୍ ହେଦାଂ ଖିଜୁ ହାକି ଗିଟା ଆତାତେ ।

୨୭ “ମାତର୍ ଇନେର୍ ପର୍ତୁମ୍ ସାଲ୍ଲି କାଟାକାନିଂ ଗାଡ଼୍‌ଖିତିସ୍ ହେୱାନ ଇଞ୍ଜ ହେୱାଡ଼ି ଆଡ଼ ଆତିୟାର୍ କ୍ଲିସ୍ତେଙ୍ଗ୍ ଆଡୁନ୍; ହେୱାନିଂ ଆଗେ ଗାଡ଼୍‌ତିସ୍ ହିନା ହେୱାନ୍ ତା ଇଞ୍ଜ ଚର୍ କିନାନ୍ ।”

୨୮ “ଆନ୍ ମିଙ୍ଗେଙ୍ଗ୍ ହାଡ଼ପା ଖେଚ୍‌ଚାନାଙ୍ଗା, ମାନାୟ ମାଜିର୍ ଖିଜୁ ପାପ୍ ଆରି ହେୱାର୍ ଖିଜୁ କୁଟ୍ କାତା ଇଞ୍ଜ ଇସ୍‌ବର୍‌ତିଂ ନିୟା କିତାର୍, ହେ ଖିଜୁ କେମା କିୟାନାଡ଼୍;” ୨୯ ମାତର୍ ଜେ ଇନେର୍ ପୁଇପୁୟା ଜିବୁନ୍‌ତିଂ ବିରୁଡ଼ାଂ ନିୟା କାତା ଇନାନ୍, ହେୱାନିଂ ଇମଣି ଜୁଗ୍‌ତପା କେମା ହିଲୁଡ଼୍, ମାତର୍ ହେୱାନ ଖିଜୁ ପାପ୍‌ତ ଦସିଆନାନ୍ ।” ୩୦ ଦର୍ମ ସାସ୍ତର୍ “ହେୱାନିଂ ବାନ୍‌ଧାପୁଦା ଆସ୍ତାଡ଼ନା, ଇଦାଂ ହେୱାର୍ ଇଚିଲେ ହେୱାନ ଇ କାତା ଇଚାନ ।”

ଜିସୁ ତେହି ଆରେ ଟଣ୍ଡାହିର୍

(ମାତିଉ ୧୨:୪୬-୫୦; ଲୁକ ୮:୧୯-୨୧)

୩୧ ହେପାଦନା ଜିସୁ ତେହି ଆରି ଟଣ୍ଡାହିର୍ ଖାଜି ବାର୍‌ତ ନିଲ୍‌ଚି ହେୱାନିଂ କୁକ୍‌ତେଂ ପଲ୍ଲାର୍ । ୩୨ ହେବେ ତା ଚାରିବେଣ୍ଡାଂ କୁଚ୍‌ଚି ମାତି ମାନାୟାର୍ ହେୱାନିଂ ଇଚାର୍, “ହୁଡ଼ା, ମିଞ୍ଜିୟା, ଟଣ୍ଡେନ୍ ଆରି ତଣ୍ଡେକ୍ ବାର୍‌ତ ମାନଞ୍ଜି ନିଙ୍ଗେଙ୍ଗ୍ ଦାସ୍ତାନାରା ।”

୩୩ ହେୱାନ ହେୱାରିଂ ଉତର୍ ହିତାନ୍; ମାଞ୍ଜିୟା ଆରେ ଟଣ୍ଡାର୍ ଇନେର୍ ? ୩୪ ଆରି, ହେୱାନ ଚାରିବେଣ୍ଡାଂ କୁଚ୍‌ଚି ମାତି ମାନାୟାର୍ ହୁଡ଼ିଲ୍ ଇଚାନ, “ହୁଡ଼ାଟ୍, ଇଖାର୍ ନା ଆୟା ଆରେ ନା ଟଣ୍ଡାର୍ । ୩୫ ଇନେର୍‌ପା ଇସ୍‌ବର୍‌ନି ଇଚାତିଂ ମାନିକିନାର୍, ହେୱାନ ନା ଟଣ୍ଡେନ୍, ତଣ୍ଡେକ୍ ଆରେ ଆୟା ।”

୪

ବିୟାନ୍ ଖିଡ଼ନି ବିସ୍ତେ କାତା

(ମାତିଉ ୧୩:୧-୯; ଲୁକ ୮:୪-୮)

୧ *ଜିସୁ ଗାଲିଲି ହାମ୍‌ଦୁର୍ ଗୁଚିତ ଆରେ ରଗ ହିକାୟ ହିଦେଙ୍ଗ୍ ଲାଗାତାନ୍, ଆରେ ହେନି ମାନାୟାର୍ ତା ଲାଗାଂ ରୁଣ୍ଡାଆତାର୍ ଜେ ହେୱାନ ହାମ୍‌ଦୁର୍‌ତ ମାନି ର ତଙ୍ଗାତ ହାଲ୍‌ଜି କୁଚ୍‌ଚାନ ଆରି ମାନାୟାର୍ ହାମ୍‌ଦୁର୍ ଲାଗାଂ ର ବୁଞ୍ଚିତ ମାଚାର୍ । ୨ ହେବେଣ୍ଡାଂ ହେୱାନ ଉତର୍‌ମୁଡ଼୍ ହିଜି ହେୱାରିଂ ବେସି କାତା ବିସ୍ତେ ହିକ୍ୟା ହିଦେଂ ଲାଗାତାନ୍, ପାଚେ ନିଜ୍ ହିକ୍ୟା ବିସ୍ତେ ହେୱାରିଂ ଇଚାନ ଖେନାଟ୍ ।

୩ “ହୁଡ଼ାଟ୍, ରଖାନ୍ ଖିଡ଼ନାକାନ୍ ଖିଦେଂ ହଡ଼ତାନ୍ । ୪ ହେୱାନ ଖିଡୁ ଖିଡୁ କେତେକ୍ ବିୟାନ୍ ହାଜି କଟଣିତ ଆର୍‌ନାଡ଼୍, ପାଚେ ପଟିଂ ଖାଜି ହେଦାଂ ତିନିକ୍ । ୫ ଆରେ କେତେକ୍ ଅଲ୍‌ପ୍ ଚିକ୍‌ଲା ମାନି କାଲ୍‌କୁ କୁଡିତ ଆର୍‌ନାଡ଼୍ ଆରି ବେସି ଚିକ୍‌ଲା ହିଲ୍‌ଖି କାଜିଂ ହାଣ୍ଡେଲ୍ ନେସ୍‌ନାଡ଼୍ । ୬ ମାତର୍ ଖେଡ଼ା ହଡ଼ତିସ୍ ମୁରଜା ଆନାଡ଼୍ ଆରେ ଚିରା ହାର୍ କିଜି ହାଲ୍‌ଖିତି କାଜିଂ ଖାଜ୍‌ଜି ହାଚାଡ଼୍ । ୭ ଆରେ କେତେକ୍ ଖାଡ଼ି କୁଡିକାଙ୍ଗ୍ ଆର୍‌ନାଡ଼୍, ଆରେ ଖାଡ଼ିକୁଡ଼ି ନିଙ୍ଗି ଗାଜା ଆଜି, ହେୱାକାଂ ତାବାୟ କିନିକ୍ ଆରି ଇନାକାପା ପାଡ଼୍ ଖାଉଡ଼୍ । ୮ ପାଚେ, ହାର୍‌ଦି ମେଦ୍‌ନିତ ଆର୍‌ନାଡ଼୍, ଆରି ନେସ୍‌ଦି ପାନ୍‌ଚି ନିଙ୍ଗି ରିକଡ଼ି ଦସ୍ ଗାଡ଼୍‌ହା, ତିନକଡ଼ି ଗାଡ଼୍‌ହା ଆରେ ପାଞ୍ଚକଡ଼ି ଗାଡ଼୍‌ହା ପାଚେକ୍ ପାଡ଼୍ ଆସ୍ତାଡ଼୍ ।”

୯ ପାଚେ ହେୱାନ ଇଚାନ, “ଇନେରିଂ ଖେଞ୍ଜେଙ୍ଗ୍ କିତୁଲ୍ ମାନାଡ଼୍, ହେୱାନ ଖେନେନ୍ ।”

ଜିସୁ କାତା ଖେଚ୍‌ଚି ବୁଜାୟ କିତାନ୍

(ମାତିଉ ୧୩:୧୦-୧୭; ଲୁକ ୮:୯-୧୦)

୧୦ ହେୱାନ ରକାନ୍ ମାନିଖେଡ଼ାଲିଂ ତା ହାଙ୍ଗ୍‌ଦାକାର୍ ବାରଜାଣ୍ ଚେଲାର୍ ଲାହାଙ୍ଗ୍ ହେୱାନିଂ ହେ ଉତର୍‌ମୁଡ଼୍‌କୁ ବିସ୍ତେ ଖେନ୍‌ବେଦେଂ ଲାଗାତାର୍ । ୧୧ “ହେବେଣ୍ଡାଂ ହେୱାନ ହେୱାରିଂ ଇଚାନ,” ଇସ୍‌ବର୍‌ତି

* ୩:୨୨ ୩:୨୨ ମାତିଉ ୯:୩୪; ୧୦:୨୫. * ୩:୨୮ ୩:୨୮ ହେୱାର୍ ବାନ୍‌ଧା କାତା ଇଞ୍ଜେଙ୍ଗ୍ ଆଡ଼ନାର୍; ନଲେ ହେୱାର୍ ଇସ୍‌ବର୍ ବିରୁଦ୍‌ତ ବାନ୍‌ଧା କାତା ଇଞ୍ଜେଙ୍ଗ୍ ଆଡ଼ନାର୍ । * ୪:୧ ୪:୧ ଲୁକ ୫:୧-୩.

ରାଜିନି ଡୁକୁଡ଼ି କାତା, ପୁଞ୍ଜେଙ୍ଗ କାଜିଂ ମିଙ୍ଗେଙ୍ଗ ସାକ୍ତି ହିନ୍ଦୟା ଆତାଡ଼ନ୍ନା, “ମାତର୍ ହେ ବାରତି ମାନାୟାରିଂ ସବୁ ବିସ୍ତେ ଉତର୍ମୁଡ଼୍ ଇନ୍ୟାନାତା, ^{୧୭} ଇନେସ୍ ହେଝାର୍ ହୁଡ଼ଜି ହୁଡ଼ଜି ବୁଜାଆଦେଂ ଆଡୁର୍, ଆରି ଝେନ୍ନୁ ଝେନ୍ନୁ ପୁଞ୍ଜେଙ୍ଗ ଆଡୁର୍, କାତେହିନା ହେଝାର୍ ଇସ୍ପୁରତାକେ ଝାନାର୍ ଆରି କେମା ପାୟା ଆନାର୍ ।”

ଜିସୁ ବିୟାନ୍ ଓଡ଼ନି କାତା ଝେର୍ଚାନ
(ମାତିଉ ୧୩:୧୮-୨୩; ଲୁକ ୮:୧୧-୧୫)

^{୧୩} ହେଝାନ ଆରେ ହେଝାରିଂ ଇଚାନ, “ଏପେଙ୍ଗ ଇ କାତା ବୁଜା ଆଉଦେରା କି ? ଲାଗିଂ ଇନେସ୍ ବିନେନି ଓଡ଼ୁ ଉତର୍ମୁଡ଼୍ ବୁଜା ଆଦେଂ ଆଡ଼ନାଦେର୍ ? ^{୧୪} ଓଡ଼ନାକାନ୍ ଇସ୍ପୁରତି ବେରଣ୍ ଓଡ଼ନାନ୍ । ^{୧୫} ଇନେର୍ ଝେନାର୍, ଆରେ ଝେର୍ଚି ଦାପ୍ରେ ସୟତାନ୍ ଝାଜି ହେଝାର୍ ତାକେ ଓଡ଼ତାକା ବେରଣ୍ କିସ୍ତି ଅନାଡ଼ । ହେଝାର୍ ବେରଣ୍ ଓଡ଼ତାଆତି ହାଜିନି ମେଦନି ଲାକେ । ^{୧୬} ହେ ଲାକେ, ଇନେର୍ ଆଏଡ଼ ବେରଣ୍ ଝେର୍ଚି ଦାପ୍ରେ ଝାରୟା ଆଜି ହେଦାଂ ମାନି କିତାର୍, ^{୧୭} ମାତର୍ ହେଝାର୍ ତାକେ ଚିରାବିତ୍ରେ ହାଲ୍ଝି କାଜିଂ ଅଲପ୍ ଦିନ୍ ତିର୍ ମାନଗାନାର୍, ପାଚେ ବେରଣ୍ କାଜିଂ ଦୁକ୍ କି ନିନ୍ଦା ଝାଡ଼ିସ୍ ହେ ଦାପ୍ରେ ବାଦାପାୟା ଆନାର୍, ହେଝାର୍ ଓଡ଼ିୟାତି କାଲ୍ଝୁଡ଼ିନି ମେଦନି ଲାକେ । ^{୧୮} ଝାଡ଼ି କୁଡ଼ିତ ଆର୍ତ୍ତି ବିୟାନ୍ ଲାକେ ହେ ନେକ୍ତିକାବୁର୍ ଆରେ କେତେଜାଣ୍ ଝେନାର୍, ^{୧୯} ମାତର୍ ସଁସାରନି ଚିନ୍ତା, ଦାନ୍ ଲବରା ଆରି ବାରବିନି ଲାବଡ଼ି ହେଝାର୍ ମାନତିଂ ଗୁରାୟ୍ କିନି କାଜିଂ ହେ କାତା ପାଡ଼୍ ପାୟା ଆଉଡ଼ । ^{୨୦} ଆରେ, ଇନେର୍ ବେରଣ୍ ଝେନ୍ଝି ହେଦାଂ ମାନିକିନାର୍ ଆରି ରିକଡ଼ିଦସ୍ ଗାଡ଼ହା, ତିନିକଡ଼ି ଗାଡ଼ହା, ଆରେ ପାଞ୍ଚକଡ଼ି ଗାଡ଼ହା ପାଡ଼୍ ଝାନାଡ଼, ହେଝାର୍ ଓଡ଼ିୟା ଆଜି ମାତି ହାଦଂ ମେଦନି ଲାକେ ।”

ମାଣ୍ ତାରେନ୍ ବଇଟା
(ଲୁକ ୮:୧୬-୧୮)

^{୧୬} ଆରେ ରଗ ହେଝାନ ହେଝାରିଂ ଇଚାନ, “ଇନେର୍ ଇନାଝାଡ଼ାଂ ବଇଟା ଆହି କିଜି ମାଣ୍ ତାରେନ୍ କି କାଟେଲ୍ ତାରେନ୍ ଇନାକା ଇଟ୍ୟା ଆନାଡ଼ ? ବଇଟା ଇଚ୍ଚି ବାହା ଜପି ଇଚ୍ଚଦେଂ ଇଞ୍ଜି ତାହି ଝାଝାକା ? ^{୧୭} ଇନାକିଦେଂକି ଚଞ୍ଜୟା ଆଝାକା ଇନାକା ଆକାୟ୍, ଆରେ ଜଦି ଡୁକୁଡ଼ାଡ଼ନ୍ନା, ହେଦାଂ ବାର୍ଡ଼ ହଡ଼ତେଂ ଡୁକୁଡ଼ାଡ଼ନ୍ନା । ^{୧୮} ଜଦି ଇନେରିଂ ଝେଞ୍ଜେଙ୍ଗ କିତୁଲ୍ ମାନାଡ଼, ହେଝେନ୍ ଝେନେନ୍ !”

^{୧୪} ହେଝାନ ପାଚେ ହେଝାରିଂ ଇଚାନ, “ଇନାକା ଝେନାଦେରା, ହେ ବିସ୍ତେ ଜାଗ୍ରଡ଼ । ଇମ୍ଣି ମାଣ୍ତାଂ ଲାବନାସ୍, ହେ ମାଣ୍ତାଂ ମିଙ୍ଗେଙ୍ଗ ଲାଜଜି ହିନ୍ଦନାଡ଼, ଆରି ମିଙ୍ଗେଙ୍ଗ ଆଦିକ୍ ହିନ୍ଦ୍ୟା ଆନାଡ଼ । ^{୧୫} ଇନାକିଦେଂକି ଇନେରିଂ ମାନାଡ଼, ତାଙ୍ଗ୍ ହିୟାଆନାଡ଼; ଆରି ଇନେରିଂ ହିଲୁଡ଼, ତା ତାକେ ଇନାକା ମାନାଡ଼, ହେଦାଂ ଇସ୍ପୁର୍ ତାକେଣ୍ଡାଂ ଅନାନ୍ ।”

ଗାଜାଆନି ବିୟାନ୍ନି କାତା

^{୨୬} ଆରେ ରଗ ହେଝାନ ଇଚାନ, ଇସ୍ପୁରତି ରାଜି ଇ ଲାକେ, ରଝାନ ଜାର୍ ମେଦନିତ ବିୟାନ୍ ଓଡ଼ନାନ୍ । ^{୨୭} ପାଚେ, ରଝାନ ମାନାୟ୍ ନାଣା ହୁନ୍ଝନାନ୍ ଆରି ଅଜଡ଼୍ ଆତିସ୍ ଜାଗ୍ରଡ଼ ଆନାନ୍, ଆରି ବିୟାନ୍ ଇନେସ୍ କିଜି ନେସ୍ ଇ ପାନ୍ତାଡ଼, ହେଦାଂ ହେଝାନ ପୁନ୍ନୁନ୍ । ^{୨୮} ମେଦନି ନିଜେ ପାଡ଼୍ ଆହିକିନାଡ଼, ପର୍ତୁମ୍ ଆକି, ପାଚେ କେନ୍ଦା, ତା ପାଚେ ଜିକିତ ଗମ୍ ବାଡ଼ଂ । ^{୨୯} ମାତର୍ ତାସ୍ ହେନ୍ତାତେ ତାସ୍ ସମୁ ଝାଡ଼ିସ୍ ହେଝାନ କଞ୍ଝେସ୍ ଲାହାଙ୍ଗ୍ ତ୍ରେସନାନ୍ ।

ହାର୍ ହୁ ବିୟାନ୍ ନି ଉତର୍ମୁଡ଼୍
(ମାତିଉ ୧୩:୩୧-୩୨, ୩୪; ଲୁକ ୧୩:୧୮-୧୯)

^{୩୦} ଜିସୁ ଆରେ ଇଚାନ, “ଆସେଙ୍ଗ ଇନେର୍ ଲାହାଙ୍ଗ୍ ଇସ୍ପୁର୍ ରାଜିତିଂ ତାଡ଼ାୟ୍ କିନାସ୍ ? କି ଆରେ ଇମ୍ଣି ଉତର୍ମୁଡ଼୍ତ ହେଦାଂ ବୁଜାୟ୍ କିନାସ୍ ? ^{୩୧} ହେଦାଂ ରଞ୍ଜାଙ୍ଗ୍ ହାର୍ ହୁ ମାଞ୍ଜି ଲାକେ; ମେଦନିତ ଓଡ଼ିନି ଝାଡ଼ାଙ୍ଗ୍ ହେଦାଂ ପୁଡ଼ଂ ତ ସବୁ ପାଡ଼ତାଂ ହାରୁ । ^{୩୨} ମାତର୍ ଓଡ଼ିସ୍ ହେଦାଂ ପାନ୍ତି ସବୁ କୁଚାତାଂ ଗାଜା ଆନାଡ଼, ପାଚେ ତାଡ଼୍ ଏଲେଙ୍ଗ୍ ଆଜି ଗାଜା ଗାଜା ଆନିଂ ଜେ, ଆକାସ୍ନି ପଟିଂ ହେ ହିଡ଼ଡ଼ିତ ବାହା କିଦେଙ୍ଗ୍ ଆଡ଼ନିକ୍ ।”

^{୩୩} ହେଝାନ ଇ ଲାକେ ବେସି ଉତର୍ମୁଡ଼୍ ହୁଦାଂ ହେଝାରିଂ ଝେନ୍ଝେଙ୍ଗ୍ ବୁଜାଆନି ସାକ୍ତି ସମାନ୍ ହେଝେର୍ ଲାଗେ ବେରଣ୍ ପରଚାର୍ କିଜି ମାଚାନ, ^{୩୪} ଆରେ ଉତର୍ମୁଡ଼୍ ଝେର୍ଝାଦାଂ ହେଝାନ ହେଝାର୍ ତାକେ

✧ ୪:୨୨ ୪:୨୨ ମାତିଉ ୧୦:୨୬; ଲୁକ ୧୨:୨.

ଇମଣି ବେରଣପା ଇନ୍ଦ୍ରାଦୀଂ ମାଚାନ୍ । ମାତର୍ ହେଞ୍ଜାନ୍ ବିନେନିକାର୍ ହିଲ୍ଡି ଖେଡାଲିଂ କାତା ତାଙ୍ଗ୍ ହେ ଚେଲାରିଂ ସବୁ ବିସ୍ତେ ବୁଜାୟ୍ କିଜି ମାଚାନ୍ ।

ଜିସୁ ଗାଜା ଦୁକାତିଙ୍ଗ୍ ତିର୍ କିନାକା
(ମାତିଉ ୮:୨୩-୨୭; ଲୁକ ୮:୨୨-୨୫)

୩୫ ହେଦାଂ କାଜିଂ ମୁକାହାରେସ୍ ଆତିଲେ ଜିସୁ ହେଞ୍ଜାରିଂ ଇଚାନ୍, “ଝାଡୁ, ହାମଦୁର୍ ଆନ୍ତି ପାଡ଼କା ହାନାସ୍ ।” ୩୬ ହେବେତାଂ ହେଞ୍ଜାର୍ ମାନାୟାରିଂ ପିସ୍ତି, ଜିସୁ ଇମଣି ଡଙ୍ଗାତ ମାଚାନ୍, ହେ ଲାକେ ହେଞ୍ଜାନ୍ ଡଙ୍ଗା ଲାହାଙ୍ଗ୍ ଅଜି ହାଚାର୍, ପାଚେ ବିନ୍ ବିନ୍ ଡଙ୍ଗାଙ୍ଗ୍ପା ହେଞ୍ଜାନ୍ ହୁକେ ମାତିକ୍ । ୩୭ ଆରି, ତ୍ରିପକ୍ତୁ ହୁଜାଝାଣି ଆତାଡ଼, ପାଚେ ଲଡ଼ି ପଡ଼ନି କାଜିଂ ଡଙ୍ଗାତ ଏଜୁଂ ବାଟି ଆଦେଂ ଲାଗିତିକ୍ । ୩୮ ହେ ଏଚେକାଡ଼୍ଦ ହେଞ୍ଜାନ୍ ଡଙ୍ଗାନି ପାଚ୍‌ବାଗାଂ ଆକ୍‌ସା କାପ୍‌ଡ଼ା ପାଚାତ ତ୍ରିପତି ହୁନ୍‌ଜି ମାଚାନ୍; ଆରେ ହେଞ୍ଜାର୍ ହେଞ୍ଜାନିଂ ନିକ୍‌ଚି ଇଚାର୍, “ଏ ଗୁରୁ, ଆପେଂ ହାତାପ, ନିଙ୍ଗ୍ ଇନାକା ଚିନ୍ତା ହିଲୁଡ଼ ?”

୩୯ ଇବେଣ୍ଡାଂ ହେଞ୍ଜାନ୍ ନିଙ୍ଗ୍‌ଜି ଦୁକାତିଙ୍ଗ୍ ଦାକା ହିଜି ଲଡ଼ିତିଂ ଇଚାନ୍, “ପୁକ୍ ଇନା, ଚିମ୍‌ରା !” ହେବେଣ୍ଡାଂ ଦୁକା ମଦା ଆତାଡ଼ ଆରେ ସବୁ ତିର୍ ଆତାଡ଼ । ୪୦ ଆରେ, ହେଞ୍ଜାନ୍ ହେଞ୍ଜାରିଂ ଇଚାନ୍, ଏପେଙ୍ଗ୍ “ଇନେକିଦେଂ ଏଚେକ୍ ତ୍ରିକୁଣା କାଦେର୍ ? ଇଦାଂ ! ଇନାକା ମିଙ୍ଗେଙ୍ଗ୍ ପାଟି ହିଲୁଡ଼ ?”

୪୧ ହେବେ ହେଞ୍ଜାର୍ ବେସି ପାଣ୍ଡା ଆଜି ହେଞ୍ଜେର୍ ହେଞ୍ଜାର୍ ଖେର୍‌ପା ଆଦେଂ ଲାଗାତାର୍, “ଇଞ୍ଜାନ୍ ଜେ ଇନେନ୍ ? ଦୁକା ଆରେ ହାମଦୁର୍ ରିଣ୍ଡାଂପା ଇଞ୍ଜାନ୍ ବଲ୍ ମାନି କିନିକା !”



ଜିସୁ ରଞ୍ଜାନ୍ ପୁଦା ତୁୟାଆତା କାନିଂ ଡଜ୍ କିଚାନ୍
(ମାତିଉ ୮:୨୮-୩୪; ଲୁକ ୮:୨୬-୩୯)

୧ ପାଚେ ଜିସୁ ଚେଲାହିର୍ ଗାଲିଲି ହାମଦୁର୍ ଆନ୍ତି ପାଡ଼କା ଗରାସିୟର୍ ମାନି ନାସ୍ ଏକାତାର୍ । ୨ ଜିସୁ ଡଙ୍ଗାତାଂ ଜୁତି ଦାପ୍ରେ ର ବାନ୍ୟା ଜିବୁନ୍ ଆତାକାନ୍ ଦୁଗେର୍ ତାଙ୍ଗ୍ ହଡ଼ତାନ୍ ଆରେ ହେଞ୍ଜାନିଂ ଗିଟା ଆଚାନ୍ । ୩ ହେଞ୍ଜାନ୍ ଦୁଗେର୍‌ତ ବାହା କିଜି ମାଚାନ୍, ହେଞ୍ଜାନିଂ ଆରେ ଇନେର୍ ହିକ୍‌ଡ଼ିଂ ଗାଚ୍‌ଚେଙ୍ଗ୍ ଆଡ଼ଝାଦାଂ ମାଚାର୍, ୪ ହେଞ୍ଜାନ୍ ବେସିହର୍ ହିକ୍‌ଡ଼ିଂ ଆରେ କାଗଡ଼ା ଗାଚ୍‌ପିସ୍ ମାଚାର୍, ହେଞ୍ଜାନ୍ ହିକ୍‌ଡ଼ିଂ ନାଚ୍‌ଚି ଗନ୍ଦା ଗନ୍ଦା କିଜି ତ୍ରିପକ୍ତିସ୍ ମାଚାନ୍, ଆରେ ହେଞ୍ଜାନିଂ ଇନେର୍ ଗାଚ୍‌ଚେଙ୍ଗ୍ ସାଲ୍ଡି ହିଲ୍‌ଝାତାଡ଼ ୫ ହେଞ୍ଜାନ୍ ନାଣା ଖେଡ଼ା ସବୁ ଖେଡ଼ାଙ୍ଗ୍ ଦୁଗେର୍ ତାକେ ଆରେ ମାଡ଼ିଜପି ମାନ୍‌ଞ୍ଜି କିର୍‌ଡ଼ିପାଡ଼ି କିଜି ମାଚାନ୍, ପାଚେ କାଲ୍‌ହୁକେ ଜାର୍ ଗାଗାଡ଼ିଂ ଗାଝାଦାଝ୍ କିଜି ମାଚାନ୍ ।

୬ ହେଞ୍ଜାନ୍ ଜିସୁଙ୍ଗ୍ ଦେହାତାଂ ହୁଡ଼ଜି ହନ୍‌ଚି ଝାଜି ତାଙ୍ଗେଙ୍ଗ୍ ଜଞ୍ଜାର୍ କିଚାନ୍, ୭ ଆରେ ଗାଜା କାଚ୍‌ତାଂ କିକିରାତିଂ ଆଜି ଇଚାନ୍, “ଏ ସଡ଼ତି ଗାଜା ଇସ୍‌ବର୍ ମେହି ଜିସୁ ! ନି ହୁଦାଂ ନାଦି ଇନାକା ମାନାଡ଼ ? ନିଙ୍ଗେଙ୍ଗ୍ ଇସ୍‌ବର୍ ତର୍‌ଦାଂ ରାଣି ହିଦ୍‌ନାଙ୍ଗା, ନାଙ୍ଗେଙ୍ଗ୍ କସ୍ ହିଦ୍‌ମା !” ୮ ଲାଗିଂ ଜିସୁ ହେଞ୍ଜାନିଂ ଇଞ୍ଜେଙ୍ଗ୍ ହାଲ୍‌ଜି ମାଚାନ୍, “ଆଡେ ବାନ୍ୟା ପୁଦା, ଇ ମାନାୟ୍ ତାକେଣ୍ଡାଂ ହସି ହାଲା !”

୯ ଆରେ, ଜିସୁ ହେଞ୍ଜାନିଂ ଖେନ୍‌ବାଚାନ୍, “ନି ତର୍ ଇନା ତର୍ ? ହେଞ୍ଜାନ୍ ତାଙ୍ଗେଙ୍ଗ୍ ଇଚାନ୍, ନା ତର୍ ‘ବାହିନି’ ଲାଗିଂ ଆପେଂ ହେନି !” ୧୦ ପାଚେ, ହେଞ୍ଜାନ୍ ହେଦାଂ କାଜିଂ ହେଞ୍ଜାରିଂ ହେ ବାର୍‌ତ ଅଲ୍‌ଗା ନାସ୍ ପକ୍‌ଝାଦାଂ ମାଚାନ୍, ହେଦାଂ କାଜିଂ ହେଞ୍ଜାନ୍ ତାଙ୍ଗେଙ୍ଗ୍ ବେସି ଗଝାରି କିଚାନ୍ ।

୧୧ ହେବେ ମାଡ଼ି କନାତ ପାଞ୍ଜିଙ୍ଗ୍ ର ମାନ୍ଦା ହାରା ଆଜି ମାତିକ୍ । ୧୨ ଆରେ, ହେଞ୍ଜାଙ୍ଗ୍ ଜିସୁଙ୍ଗ୍ ଗଝାରି କିଜି ଇଚିକ୍, “ହେ ପାଞ୍ଜିଙ୍ଗ୍ ବିଡେ ହଣିକାଜିଙ୍ଗ୍ ମାଙ୍ଗେଙ୍ଗ୍ ତା ତାକେ ପକ୍‌ତା ।” ୧୩ ହେଞ୍ଜାନ୍ ହେଞ୍ଜାରିଂ ହେଲ୍ ହିତିଲେ, ବାନ୍ୟା ଜିବୁନିଙ୍ଗ୍ ହସି ପାଞ୍ଜିଙ୍ଗ୍ ବିଡେ ହଟିକ୍; ହେବେ ହେବେଣ୍ଡାଂ ହେ ମାନ୍ଦା ବେସି ତାନ୍ଦାତାଙ୍ଗ୍ ହନ୍‌ଚିହାଲ୍‌ଜି ହାମଦୁର୍ ଗୁଚିତାଂ ଆଜିଂ ମୁନ୍‌ଞ୍ଜି ହାତିଙ୍ଗ୍ । ୧୪ ପାଞ୍ଜିଙ୍ଗ୍ ଆନ୍‌ମାନ୍‌ତାଂ ରି ହାଜାର୍ ମାତିକ୍ ।

୧୫ ହେଞ୍ଜାକାଂ ହାରାଈ କିଜି ମାଚି ମାନାୟ୍ ହଞ୍ଜି ହାଲ୍‌ଜି ଗାଡ଼୍ଦ ଆରେ ନାସ୍‌କୁକାଂ ଖେର୍‌ଚାର୍; ହେବେ ଲକୁ ଇନାକା ଗିଟା ଆତାଡ଼ନ୍ନା ଇଞ୍ଜି ହୁଡ଼ଗୁା ଝାତାର୍ । ୧୬ ଆରେ, ହେଞ୍ଜାର୍ ଜିସୁ ତାକେ ଝାଜି ହେ ପୁଦା ତୁୟାଆତାକାନ୍, ଇଚିସ୍, ଇନେରିଂ ହିଗ୍‌ଦ ବାହିନି ପୁଦା ତୁଜି ମାଚାଡ଼, ହେଞ୍ଜାନ୍ ହେନ୍ଦା ଉସ୍‌ସି ହାଦିଂ ମାନ୍ତ କୁଚ୍‌ଚି ମାନାକା ହୁଡ଼ଜି ପାଣ୍ଡା ଆତାର୍ । ୧୭ ଆରେ, ଇନେର୍ ହୁଡ଼ଜି ମାଚାର୍, ହେଞ୍ଜାର୍ ହେ ପୁଦା ଆହୟା ଆତାକାନ୍ କାଜିଂ ଇନାକା ଗିଟା ଆଜି ମାଚାଡ଼, ହେଦାଂ ଆରି ପାଞ୍ଜିଙ୍ଗ୍ ବିସ୍ତେ ହେଞ୍ଜାର୍ ତାକେ ହାଲ୍‌ଜି ବେରଣ ଖେର୍‌ଚେଙ୍ଗ୍ ଲାଗାତାର୍ ।

୧୮ ହେବେଣ୍ଡାଂ ହେଞ୍ଜେର୍ ହେଞ୍ଜାର୍ ହାନ୍‌ଚିତାଂ ହାଞ୍ଜେଙ୍ଗ୍ ଜିସୁଙ୍ଗ୍ ଗଝାରି କିଦେଙ୍ଗ୍ ଲାଗାତାର୍ ।

୧୯ ପାଚେ ହେଞ୍ଜାନ୍ ଡଙ୍ଗାତ ଦୁମନି ଖେଡ଼ାଲିଂ, ଇମଣି ମାନାୟାତିଂ ଆଗେ ପୁଦା ଆସ୍ତି ମାଚାଡ଼, “ଜିସୁ ତା ଲାହାଂ ମାନି କାଜିଂ ଚାନେକ୍ ଚାନେକ୍ ଗଝାରି କିଚାନ୍ !”

୧୯ ମାତର୍ ଜିସୁ ହେଲ ହିଝାଦାଂ ତାଙ୍ଗେଙ୍ଗ୍ ଇଚାନ, “ନି ଇଞ୍ଜ, ନି ଖାସ୍ତିନିକାର୍ ତାକେ ହାଲା, ପାଚେ ମାପୁ ନି କାଜିଂ ଇନା ଇନାକା କାମାୟ୍ କିତାତ୍ନା ଆରି ନି କାଜିଂ ଇମ୍ଫାଣି ଦୟା ଚଚାତାତ୍ନା, ହେ ସବୁ ହେଝାରିଂ ଖେଚା ।”

୨୦ ତା ପାଚେ ହେଝାନ ହାଲ୍ଲଜି, ଜିସୁ ହେଝାନ କାଜିଂ ଇମ୍ଫାଣି ଇମ୍ଫାଣି କାମାୟ୍ କିଜି ମାଚାନ, ହେ କାମାୟ୍ ଦେକାପଲି, ଇଚିସ୍ ଦସ୍ଗଟା ଗାଡ଼ତ୍ ସୁଣାୟ୍ କିଦେଙ୍ଗ୍ ଲାଗାତାନ, ହେବେ ଖିଜାକାର୍ ଖେନଞ୍ଜି କାବା ଆତାର୍ ।

ଜିସୁ ହାତି ଗାଡ଼ଚେଂ ଜିପ୍ତାନ, ଆରେ ର କଗ୍ଲେଂ ଉଜ୍ କିତାନ
(ମାତିଉ ୯:୧୮-୨୬; ଲୁକ ୮:୪୦-୫୬)

୨୧ ଜିସୁ ତଙ୍ଗାତାଂ ନାସି ଆରେ ରଗ ଉଲ୍ଲଟି ଖାତାନ, ତା ପାଚେ ହାମ୍ପୁର୍ ଗୁଟିତ ମାନି ସମୁତ ବେସି ହେନି ଲକୁ ତା ଲାଗେ ରୁଣ୍ଡା ଆତାର୍ । ୨୨ ହେ ପାଦ୍ନା ନାଟି କୁଚୁମ୍ ଇଲ୍ ମୁଣିକା ବିତ୍ରେ ଜାଇରସ୍ ତର୍ଦାକାନ ରକାନ ଖାଜି ହେଝାନିଂ ହୁଡ଼ଜି କାଲକୁ ତାରେନ୍ ତାଣ୍ଡାହାଣ୍ ମାକ୍ତାନ, ୨୩ “ଆରେ ବେସି ଗଝାରି କିଜି ଇଚାନ, ନା ଗାଡ଼ ହାତିଲାକେ, ହେଦେଲ୍ ଇନେସ୍ ରାକ୍ୟା ପାୟ୍ଜି ଜିନାଡ଼, ହେଦାଂ କାଜିଂ ଏନେଙ୍ଗ୍ ଖାଜି ତାଙ୍ଗେଙ୍ଗ୍ କେଇ ତୁଝା ।”

୨୪ ଇବେଣ୍ଡାଂ ହେଝାନ ତା ହୁଦାଂ ହାଚାନ, ଆରି ବେସିହେନି ମାନାୟ୍ ହେଝାନ ପାଚେ ପାଚେ ହାଞ୍ଜେଙ୍ଗ୍ ଲାଗାତାର୍, ଆରେ ହେଝାର୍ ତା ଜପି କୁସ୍ପିସ୍ ମାଚାର୍ ।

୨୫ ହେ ପାଦ୍ନା ବାର ବାହୁଁ ପାଚେକ୍ ଗାଗାଡ଼ ନାଡ଼ଝି ରଗ୍ନି ର କଗ୍ଲେ, ୨୬ ଇନେସ୍କି ବେସି ତାକ୍ତର୍ ତାଂ ବେସି ଦୁକ୍ପାୟା ଆଜି ଦାନ ଖିସ୍ତିଲେପା ଅଲପ୍ ପା ହାରା ଆଝାଦାଂ ତାଦେଲ୍ ଆଦିକ୍ ବେମାର୍ ଆଜି ମାଚାଡ଼ । ୨୭ ହେଦେଲ୍ ଜିସୁ ବେରଣ୍ ଖେନଞ୍ଜି ମାନାୟ୍ ବିତ୍ରେ ପାର୍ ବାଗାଙ୍ଗ୍ ଖାଜି ହେଝାନ ହେନ୍ଦ୍ରାନି ଚେଲିଂ ତୁଡାଡ଼, ଇନାକିଦେଂ କି ହେଦେଲ୍ ଇଞ୍ଜି ମାଚାଡ଼, ୨୮ “ମାତର୍ଜେ ହେ ହେନ୍ଦ୍ରା ତୁଡୁଂଟି ଆନ୍ ଉଜ୍ ଆନାଙ୍ଗ୍ ।”

୨୯ ହେ ଦାପ୍ରେ ତା ନେତେର୍ ହନାକା ଟେବା ଆତାଡ଼, ଆରେ ହେଦେଲ୍ ଜେ ରଗ୍ତାଂ ଉଜ୍ ଆତାଡ଼ନ୍ନା, ଇଦାଂ ହେଦେଲ୍ ତା ଗାଗାଡ଼ତ୍ ପୁଚାଡ଼ । ୩୦ ହେ ଦାପ୍ରେ ଜିସୁ ତାଙ୍ଗ୍ ସାକ୍ତି ହଜି ହାନାକା ମାତ୍ର ପୁଞ୍ଜି, ମାନାୟ୍ ବିତ୍ରେ ଜେଣ୍ପାଡ଼କା ମାସ୍ଦି ଇଚାନ, “ଇନେର୍ ନା ହେନ୍ଦ୍ରା ତୁଡ଼ତାର୍ ?”

୩୧ ତା ଚେଲାହିର୍ ହେଝାନିଂ ଇଚାର୍, “ଏନେଙ୍ଗ୍ତ ହୁଡୁନାୟା, ମାନାୟାର୍ ନି ଜପି କୁସ୍ପା ଆଦ୍ନାରା, ଆରି ଏନ୍ ଇନାୟା, ଇନେର୍ ନାଙ୍ଗ୍ ତୁଡ଼ତାର୍ ?”

୩୨ ମାତର୍ ଜେ ଇଦାଂ କିଜି ମାଚାଡ଼, ହେଦାଂ ହୁଡ଼ଦେଂ ହେଝାନ ଚାରିବେଣ୍ଡାଂ କାଣକୁ କିଦେଙ୍ଗ୍ ଲାଗାତାନ । ୩୩ ହେବେଣ୍ଡାଂ ହେ କଗ୍ଲେ ତାଙ୍ଗେଙ୍ଗ୍ ସବୁ ଗିଟା ଆତାକା, ଆରେ ହେଦାଂ ପୁଞ୍ଜି ପାଣ୍ଡୁଟିଂ ତ୍ରିଗଜି ତ୍ରିଗଜି ଖାଜି ହେଝାନିଂ ତାଣ୍ଡାହାଡ଼ ମାଗ୍ଜି ଖିଜୁ ହାଡ଼ପା କାତା ହେଝାନିଂ ଖେଚଚାଡ଼ । ୩୪ ତା ପାଚେ ଜିସୁ ହେଦେଲିଂ ଇଚାନ, “ଏ କଇ, ନି ପାଚି ତାଂ ନିଙ୍ଗେଙ୍ଗ୍ ଉଜ୍ କିଜି ମାଞ୍ଜନାଡ଼ । ଏନ୍ ସୁସ୍ତାତାଂ ହାଲା, ଆରେ ନି ରଗ୍ତାଂ ଉଜ୍ ଆଜି ମାନା ।”

୩୫ ହେଝାନ ଇ ବେରଣ୍ ଇନିହିଙ୍ଗ୍, ତା ନାଟି ମୁଣିକା ଇଞ୍ଜି ଲକୁ ଖାଜି ଇଚାର୍, “ନି ଗାଡ଼ ହାତାତେ । ଗୁରୁଙ୍ଗ୍ ଇନାକିଦେଂ ଆରେ କସ୍ ହିନାୟା ?”

୩୬ ମାତର୍ ଜିସୁ ହେ ବେରଣ୍ ଖେନଞ୍ଜି ଖେନଞ୍ଜି ଲାକେ* ଆଜି ନାଟି ମୁଣିକାଂ ଇଚାନ, “ପାଣ୍ଡା ଆମା, ଜେ ମାତର୍ ପାଚି କିୟା ।” ୩୭ ପାଚେ, ଜିସୁ ପିତର୍ ଜାକୁର୍ ଆରେ ତା ଚଣ୍ଡାହି ଜହନ୍ ପିସ୍ତି ଆରେ ଇନେରିଂ ପା ତା ଲାହାଙ୍ଗ୍ ହାଞ୍ଜେଙ୍ଗ୍ ହିଝାତାନ । ୩୮ ହେଝାର୍ କୁଚୁମ୍ ନି ମୁଡ଼ଦାକାନ ଇଞ୍ଜି ଖାଜି, ହେଝାନ ଇଞ୍ଜି ଆଡ଼ାକୁକା ଆନାକା ଆରେ ବିଲ୍କି ଆଜି ଆଡ଼ବାନାକା ହୁଡ଼ତାର୍, ୩୯ ଆରି ବିତ୍ରେ ହାଲ୍ଲଜି ହେଝାରିଂ ଇଚାନ, “ଇନାକିଦେଂ ଆଡ଼ାକୁକା ଆନାଦେରା ? କଇହିମ୍ଫା ହାଝାତାତ୍ନା, ମାତର୍ ହୁଞ୍ଜନାତା ହେବେ ହେଝାର୍ ହେଝାନିଂ କିଜାୟ୍ କିଦେଙ୍ଗ୍ ଲାଗାତାର୍ !”

୪୦ ମାତର୍ ହେଝାନ ଖିଜାକାରିଂ ବାଡ଼ ହପ୍ତି କଇହିମ୍ଫା ତେହିଙ୍ଗ୍ ଲାତ୍ରାହିଙ୍ଗ୍ ଆରେ ତା ହାଙ୍ଗଦା କାରିଂ ଅଜି ହାଲ୍ଲଜି, କଇହିମ୍ଫା ଇନେତାକେ ମାଚାଡ଼, ହେ ବାହାତ ହଣ୍ଗାତାର୍, ୪୧ ଆରେ ହିମ୍ଫାତି କେଇ ଆସ୍ତି ହେଦେଲିଂ ଇଚାନ, “ଚଲିତାକୁମ୍,” ଇଚିସ୍ “ଏ କଇ ହିମ୍ଫା, ଆନ୍ ନିଙ୍ଗେଙ୍ଗ୍ ଇଞ୍ଜନାଙ୍ଗା, ନିଙ୍ଗା !”

୪୨ ହେ ଦାପ୍ରେ କଇହିମ୍ଫା ନିଙ୍ଗି ବୁଲାଆଦେଂ ଲାଗାତାଡ଼; ହେ କଇହିମ୍ଫା ବୟସ୍ ବାର ବାହୁଁ ଆଜି ମାଚାଡ଼ । ହେବେ ହେଝାର୍ ଖିଜାକାର୍ କାବା ଆଜି ହାଚାର୍ । ୪୩ ଆରେ, ଇନେର୍ପା ଜେ ଇ ବିସ୍ତେ ପୁନୁର୍, ଇଦାଂ କାଜିଂ ହେଝାନ ହେଝାରିଂ ତାଟକିଜି ବଲ୍ ହିତାନ, ଆରେ “ହେ କଇହିମ୍ଫାଂ ଇଚୁଟିଂ ତିନାକା ହିଦେଂ ଖେଚଚାନ ।”

* ୫:୩୬ ୫:୩୭ ଖେନଞ୍ଜି ଖେନଞ୍ଜି ଲାକେ; ନଲେ ପାଣ୍ଡା ଆଝାଦାଂ ।



ନାଜରିତ୍ସନି ଲକ୍ଷ୍ମ ଜିସୁଙ୍କୁ ମାନି କିମ୍ପାତାର୍
(ମାତିଉ ୧୩:୫୩-୫୮; ଲୁକ ୪:୧୭-୩୦)

୧ ହେ ବାହାତାଂ ଜିସୁ ଇମେତାକେ ଗାଜା ଆଜି ମାଚାନ୍ ଜାର୍ ଗାଡ଼୍ଦ୍ ଖାତାନ୍ ଆରେ ତା ଚେଲାହିର୍ ତା ପାଚେ ପାଚେ ଖାତାର୍ । ୨ ଜମନିବାର୍, ହେଖାନ୍ କୁଚୁମ୍ ଇଞ୍ଜି ହିକାଇ କିଦେଙ୍ଗ୍ ଲାଗାତାନ୍ । ଆରେ, ବେସି ଲକ୍ଷ୍ମ ହେଖାନ୍ କାତା ଖେନ୍ଞି କାବା ଆଜି ଇଚାର୍, “ଇଞ୍ଜାନ୍ ଇ ସବୁ ଇମେତାଂ ପୁଚାନ୍ନା ?” ପାଚେ, ଇଞ୍ଜାନ୍ ଇମଣି ବୁଦିହିୟା ଆତାଡ଼ନ୍ନା ? “ଆରେ ଇମଣି ସାକ୍ତିନି କାମାୟ ଇଞ୍ଜାନ୍ତି ତା କେଇ କାଜିଂ କାମାୟ ଆନାତା, ଇ ସବୁ ଇନାକା ?” ୩ ଇଞ୍ଜାନ୍ ଜେ ହେ ବାତାୟ୍ ଆକାୟ୍ । ଇଞ୍ଜାନ୍ ହେ ମରିୟମ୍ ମେହି, ଆରି ଜାକୁର୍, ଜସି, ଜିହୁଦା ଆରେ ସିମନ୍ ଟଣ୍ଟେନ୍ ଆକାୟ୍ ପାଚେ, “ଇଞ୍ଜାର୍ ତଣ୍ଡେହିକ୍ ଇବେ ମା ଲାହାଙ୍ଗ୍ ରଚେ ହିଲ୍ଞିତିକ୍” ଆରେ ଇଦାଂ ଇଞ୍ଜି ତାଙ୍ଗେଙ୍ଗ୍ ପାଚି କିମ୍ପାତାର୍ ।

୪ *ହେବେତାଂ ଜିସୁ ହେଞ୍ଜାରିଂ ଇଚାନ୍, “ବିନେନିକାର୍ ରଞ୍ଜାନ୍ ବେଣ୍ଟବାକ୍‌ଣାୟ୍ କିନାକାନିଂ ଗଞ୍ଜାରି କିତାର୍, ମାତର୍ ହେ ନିଜେ ଗାଡ଼ନି ମାନାୟାର୍, ହେ ଲକ୍ଷ୍ମବାକ୍ ଆରି ନିଜେ ଇଞ୍ଜି ଲକ୍ଷ୍ମବାକ୍ ପିସ୍ତି ତାଙ୍ଗେଙ୍ଗ୍ ଗଞ୍ଜାରି କିତର୍ ।”

୫ ପାଚେ, ଅଲପ୍ କେତେକ୍ ରଗିୟାରିଂ ଜପି କେଇ ଇଡ଼ଜି ହେଞ୍ଜାରିଂ ଉଜ୍ କିନାକା ପିସ୍ତି ଅଲଗା ଇମଣି ସାକ୍ତିତାଂ କାମାୟ କିଦେଙ୍ଗ୍ ଆଡ଼ଞ୍ଜା ତାନ୍‌ଦେ । ୬ ଆରେ, ହେଞ୍ଜାରିତି ପାଚି କିମ୍ପାକା କାଜିଂ କାବା ଆତାର୍ ।

ଜିସୁ ବାରଜାଣ୍ ଚେଲାରିଂ ପକ୍‌ତାନ୍
(ମାତିଉ ୧୦:୫-୧୫; ଲୁକ ୯:୧-୬)

୭ ପାଚେ ହେଞ୍ଜାନ୍ ବାରଜାଣ୍ ଲାଗେ କୁକ୍‌ତି ହେଞ୍ଜାରିଂ ରିୟାର୍ ରିୟାରିଂ କିଜି ପକ୍‌କେତେଂ ଆରାମ୍ କିତାନ୍ ଆରି ପୁଦାଂ ତୁୟାଆତି ମାନାୟାତିଂ ପିହିକିଦେଂ ଇଞ୍ଜି ହେଞ୍ଜାରିଂ ଆଦିକାର୍ ହିତାନ୍; ୮ ଆରେ, “ଏପେଙ୍ଗ୍ ହାନିହିଂ ମାତର୍ ଜେ ବାଡ଼ଗା ପିସ୍ତି ରୁଟି କି ତରି ମଣାତ ତାବୁଙ୍ଗ୍ ଆମାଟ୍ ଇଞ୍ଜି ହେଞ୍ଜାରିଂ ବଲ୍ ହିତାନ୍; ୯ ମାତର୍ ହେଞ୍ଜାରିଂ କାଲ୍‌ଦ ପାଣ୍ଡାୟାଙ୍ଗ୍ ତୁଜାଟ୍ ଇଚାନ୍, ରିଶ୍ଟାଂ ଆଙ୍ଗିଙ୍ଗ୍ ଆପେଦେଂ ମୁନା କିତାନ୍ ।” ୧୦ ଆରେ, ଜିସୁ ହେଞ୍ଜାରିଂ ଇଚାନ୍, “ଏପେଙ୍ଗ୍ ଇମଣି ଇଞ୍ଜି ହଣ୍ଟାଗାନାଦେର୍, ହେ ବାହାତାଂ ପକ୍ତିଞ୍ଜି ପାଚେକ୍ ହେବେ ମାନାଟ୍ । ୧୧ **ମାତର୍ ଇମଣି ନାସ୍‌ନି ମାନାୟା ମିଙ୍ଗେଙ୍ଗ୍ ମାନ୍‌କିଦୁର୍, ଆରେ ମି ବେରଣ୍ ଖେନ୍‌ଞ୍ଜୁର୍, ହେ ବାହାତାଂ ହାନି ଖେଡ଼ାଙ୍ଗ୍ ହେଞ୍ଜାର୍ ତାକେ ସାକି ହିଦେଂ ମି କାଲ୍ ପାନାନି ଦୁଡ଼ି ଡ଼ାତାଟ୍ ।

୧୨ ହେବେ ହେଞ୍ଜାର୍ ବାର୍ତ୍ ହାଲ୍‌ଜି ମାନ୍‌ବାଦ୍‌ଲାୟ୍ କିନାକା ଜେ ମାନାଡ଼, ଇଦାଂ ସୁଣାୟ୍ କିତାର୍, ୧୩ *ଆରେ ଆଦେକ୍ ପୁଦାଂ ପିହିକିତାର୍ ଆରେ ବେସି ହେନି ରଗି ଲଗାଙ୍ଗ୍ ଚିକାଣ୍ କାଜିଂ ଉଜ୍ କିତାର୍ ।”

ବାପ୍ତିସିମ୍ ହିନି ଜହନ୍ତି ହାକି
(ମାତିଉ ୧୪:୧-୧୨; ଲୁକ ୯:୭-୯)

୧୪ ଜିସୁ ତର୍ ଖିଣ୍ଡିଲେ ହେରଦ୍ ରାଜା* । ହେଞ୍ଜାନ୍ ବିସ୍ତେ ଖେଚାନ୍, ଆରେ ଲକ୍ଷ୍ମ ଇଞ୍ଜି ମାଚାର୍, “ବାପ୍ତିସିମ୍ ଜହନ୍ ହାତି ତାକେଣ୍ଟାଂ ନିଙ୍ଗ୍‌ତାନ୍ନା ! ହେ ଇ ଖିଜୁ ସାକ୍ତି ହେଞ୍ଜାନ୍ ତାକେ କାମାୟ୍ କିନାତା ।”

୧୫ ମାତର୍ ବିନେନିକାର୍ ଇଞ୍ଜି ମାଚାର୍, “ଆଗେଦିନି ରଞ୍ଜାନ୍ ଏଲିୟା,” ପାଚେ ଆରେ ଇନେ ଇନେର୍ ଇଞ୍ଜି ମାଚାର୍, “ବେଣ୍ଟବାକ୍‌ଣାୟ୍ କିନାକାନ୍ ତାଙ୍ଗ୍ ଇନାକାନ୍ ଲାକେପା ଇଞ୍ଜାନ୍ ରକାନ୍ ବେରଣ୍ ବାକ୍‌ଣାୟ୍ କିନାକାନ୍ ।”

୧୬ ମାତର୍ ହେରଦ୍ ଇଦାଂ ଖେନ୍‌ଞ୍ଜି ଇଚାନ୍, “ଇମଣି ଜହନ୍ତିଂ ଆପେଂ କାପ୍‌ଡ଼ା ରାସ୍‌ତାପ୍‌ନା, ହେଞ୍ଜାନ୍ ନିଙ୍ଗ୍‌ତାନ୍ନା ।” ୧୭ ଲାଗିଂ ହେରଦ୍ ତା ଟଣ୍ଡାହି ପିଲିପ୍ ଖାଣିଙ୍ଗ୍ ହେରଦିଆଙ୍ଗ୍ ବିବା କିତିଲେ ହେଦାଂ କାଜିଂ ନିଜେ ମାନାୟା ପକ୍‌ତି ଜହନ୍ତିଂ ଆସ୍ତି ଆରେ ଗାଟ୍‌ଚି ଜେଲ୍ ଇଞ୍ଜି ତୁଇଜି ମାଚାର୍ । ୧୮ ହେଦାଂ କାଜିଂ ଜହନ୍ ହେରଦ୍‌ତିଂ ଇଞ୍ଜି ମାଚାନ୍, “ନି ଟଣ୍ଟେନ୍ ଖାଣିଙ୍ଗ୍ ତକ୍ତି କିନାକା ନି ବିଦି ହିଲୁଡ଼ !”

୧୯ ହେବେତାଂ ହେରଦିୟା ଆକାର୍ ଆଜି ଜହନ୍ତିଂ ଅସ୍ତେଙ୍ଗ୍ ଇଞ୍ଜି ମାନ୍ କିଜି ମାଚାନ୍, ମାତର୍ ଆଡ଼ଞ୍ଜାଦାଂ ମାଚାନ୍; ୨୦ ଇନାକିଦେଂକି ହେରଦ୍ ଜହନ୍ତିଂ ରଞ୍ଜାନ୍ ଦାମିଂ ନିକାନ୍ ଆରି ପୁଇପୁୟା ପୁଞ୍ଜି ପାଣ୍ଡା ଆଜି ମାଚାନ୍, ଆରେ ତାଙ୍ଗେଙ୍ଗ୍ ରାକ୍ୟା କିଦେଙ୍ଗ୍ ସେସ୍ତୁ କିଜି ମାଚାନ୍, ଆରେ ହେ କାତା ଖେନ୍‌ଞ୍ଜି ବେସି ରିସା ଆଡ଼ିସ୍‌ପା ଖାରିତାଂ ହେଦାଂ ଖେନ୍‌ଞ୍ଜି ମାଚାନ୍ ।

* ୭:୪ ୭:୪ ଜହନ୍ ୪:୪୪. * ୭:୧୧ ୭:୧୧ ପକ୍ୟାତାକା ୧୩:୫୧. * ୭:୧୧ ୭:୧୧ ଲୁକ ୧୦:୪-୧୧. * ୭:୧୩ ୭:୧୩ ଜାକ୍‌ବ ୫:୧୪. * ୭:୧୪ ୭:୧୪ ରାଜା ହେରଦ୍; ହେରଦ୍ ଆଣ୍ଟିପସ୍, ଗାଲିଲିନି ସାସନ୍ କାର୍‌ୟା ।

୨୧ ପାଚେ ହେରଦିୟାତି ପାଗ ଦିନ୍ ଏକା ଖାତାତ୍ । ହେରଦତି ଜଲମ୍ ଦିନ୍ ନାଜିଂ ପାଟ୍ ମତ୍ରି, ମୁଡ଼ମେଲ୍ୟା ଆରି ଗାଲିଲିନି ମୁଣିକାର୍ କାଜିଂ ମିକାଲିଂ ବଜି ଜାଲ୍ ଦି କିତାନ୍ । ୨୨ ଆରେ, ହେରଦିୟା† ତା ଗାଡ଼ହି ବିତ୍ରେ ଖାଜି ଏନ୍ ଦିପା, ହେରଦ୍ ଆରି ହେଖାନ୍ ହୁକେ ବଜିତ କୁଚ୍ଚି ଲଗାଙ୍ଗ୍ ଗଞ୍ଜାରି କିତାତ୍ । ହେବେ ହେରଦ୍ ରାଜା ଗାଡ଼ଚେଂ ଇଚାନ୍, “ଇନାକା ମାନ୍ କିନାୟା, ଏନ୍ ତା, ଆନ୍ ନିଜେଙ୍ଗ୍ ହେଦାଂ ହିଦ୍ ନାଂ ।” ୨୩ ଆରେ, ହେଖାନ୍ ତା ତାକେ ପାର୍ମାଣ୍ କିତାନ୍, “ଏନ୍ ନାଜେଙ୍ଗ୍ ଇନାକା ଏନ୍ତାନାୟ୍, ହେଦାଂ ନିଜେଙ୍ଗ୍ ରାଜିନି ବାଗେ ପାଚେକ୍ ଏନ୍ତିସ୍ ପା ଆନ୍ ହିଦିନାଂ !”

୨୪ ତା ପାଚେ ହେଦେଲ୍ ହସି ହାଲ୍ ଜି ତା ତେହିଙ୍ଗ୍ ଖେନ୍ ବାତାତ୍, “ଆନ୍ ଇନାକା ଏନ୍ ନାଙ୍ଗ୍ ? ହେଦେଲ୍ ଇଚାତ୍, ବାପ୍ରିସିମ୍ ଜହନ୍ ଚି କାପ୍ତା” ଏନା ।

୨୫ ହେ ଦାପ୍ରେ ହେଦେଲ୍ ରାଜା ଲାଗେ ଖାଜି ଇଦାଂ ଇଞ୍ଜି ଏନ୍ତାତ୍, ତା ପାଚେ ତେହି ଇଚାତ୍ ଜେ, “ଏନ୍ ବାପ୍ରିସିମ୍ ହିନି ଜହନ୍ ଚି କାପ୍ତା ର ତାଡ଼ିୟାତ ହେ ଦାପ୍ରେ ହିଦା !”

୨୬ ଇବେ ରାଜା ଦୁକ୍ ଆତିସ୍ ପା ଜାର୍ ପାର୍ମାଣ୍ ଆରି ବଜିତ କୁଚ୍ଚି ମାନାୟାର୍ ତାକେ ଆକାୟ୍ ଇଞ୍ଜେଙ୍ଗ୍ ମାନ୍ କିଖାତାନ୍ । ୨୭ ଲାଗିଂ ରାଜା ହେ ଦାପ୍ରେ ର ଜାମାନ୍ତିଂ ପକ୍ଚି ହେଖାନ୍ତି କାପ୍ତା ତାସି ଖାଦେଙ୍ଗ୍ ଇଞ୍ଜି ବଲ୍ ହିତାନ୍ । ହେବେଣ୍ଟା ହେଖାନ୍ ହାଲ୍ ଜି ଜେଲ୍ ତାଂ ଜହନ୍ ଚି କାପ୍ତା ରାସ୍ ଦି ତାହିଖାତାନ୍, ୨୮ ଆରେ ହେଦାଂ ର ତାଡ଼ିୟାତ ତାକେ ତାସି ଗାଡ଼ଚେଂ ହିତାନ୍, ଆରେ ଗାଡ଼ଚେ ହେଦାଂ ଅଜି ତା ତେହିଙ୍ଗ୍ ହିତାତ୍ । ୨୯ ଜହନ୍ ଚେଲାହିର୍ ହେବେନି କାରୁର୍ ଖେନ୍ ଖାତାତ୍ ଆରି ହେଖାନ୍ ମାଡା ଅଜି ଦୁଗେର୍ଚ ଇଚ୍ଚାତ୍ ।

ଜିସୁ ପାଞ୍ଚ ହାଜାର ମାନାୟାରିଂ ଚିପ୍ପାନାକା
(ମାତିଉ ୧୪:୧୩-୨୧; ଲୁକ ୯:୧୦-୧୭; ଜହନ୍ ୬:୧-୧୪)

୩୦ ପାଚେ ପକ୍ୟାତାକାର୍ ଜିସୁ ତାକେ ରୁଣ୍ଡା ଆତାର୍, ଆରି ହେଖାନ୍ ଇନା ଇନାକା କିଜି ମାଚାର୍ ଆରେ ଇନା ଇନାକା ହିକିୟା ହିଜି ମାଚାନ୍, ହେ ଖିଜୁ ହେଖାନ୍ ଖେଚ୍ପାତାର୍ । ୩୧ ହେବେତାଂ ହେଖାନ୍ ହେଖାରିଂ ଇଚାନ୍, “ଜାଡୁ ଆସେଙ୍ଗ୍ ର ଚିମ୍ବରା ବାହାତ ଜମ୍ ନାସ୍ । ଇନାକିଦେଂକି ହେନି ମାନାୟ୍ ହାନାକା ଖାନାକା ଆଜି ମାନି କାଜିଂ ହେଖାନ୍ ଚିଞ୍ଜେଙ୍ଗ୍ ପା ପାବ୍ ଆଖାଦାଂ ମାଚାର୍ ।” ୩୨ ତା ପାଚେ ହେଖାନ୍ ବିନେ ଆଜି ର ତଙ୍ଗାତ ଚିମ୍ବରା ବାହାତାକେ ହସି ହାଚାର୍ ।

୩୩ ମାଚର୍ ହେନି ହେଖାରିଂ ହସି ହାନାକା ହୁଡ଼ତାର୍ ଆରି ଚିନ୍ କିତାର୍, ଆରେ ମାନାୟାର୍ ଖିଜାକାର୍ ଗାଡ଼ଦାଂ ତାଙ୍ଗ୍ ହାଲ୍ ଜି ହେବେ ରଚେ ହଞ୍ଚି ହାଲ୍ ଜି ହେଖାନ୍ ଆଗେ ଏକାତାର୍ । ୩୪ ହେଖାନ୍ ତଙ୍ଗାତାଂ ହସି ବେସି ହେନି ମାନାୟାରିଂ ହୁଡ଼ଜି ହେଖାନ୍ କାଜିଂ କାର୍ମାତିଂ ତାଙ୍ଗ୍ ମାନ୍ତ ରାସ୍ ଇଚାନ୍, ଇନାକିଦେଂକି ହେଖାନ୍ ଗଡ଼ିୟା ହିଲ୍ ଖି ମେଣ୍ଟାଂ ଲାକେ ମାଚାର୍, ପାଚେ, ହେଖାନ୍ ହେଖାରିଂ ଆଦିକ୍ ବିସ୍ତେ ହିକାଲ୍ ହିଦେଂ ଲାଗାତାନ୍ । ୩୫ ଖେଡ଼ା ଆଦିକ୍ ଆତିଲେ ତା ଚେଲାର୍ ତା କଚଣ୍ଡି ଖାଜି ଇଚାତ୍, ଇ ବାହାତ ଚିମ୍ବରା, ଆରେ “ବେସି ଖେଡ଼ା ଆତାତେ । ୩୬ ମାନାୟାର୍ ଇନେସ୍ ଚାରିବେଣ୍ଡି ନାସ୍ କୁ ନିକାର୍ ଆରେ ନାଚ ହାଲ୍ ଜି ଜାର୍ ଜାର୍ କାଜିଂ ତିନ୍ ଖେଙ୍ଗ୍ ଇଞ୍ଜି ଇନାକା କଡ଼ନାର୍, ଇଦାଂ କାଜିଂ ହେଖାରିଂ ପକା ।”

୩୭ ମାଚର୍ ହେଖାନ୍ ହେଖାରିଂ ଉତର୍ ହିତାନ୍, “ଏପେଙ୍ଗ୍ ହେଖାରିଂ ଚିପ୍ପାଟ୍ । ହେଖାନ୍ ହେଖାରିଂ ଇଚାତ୍, ଆସେଙ୍ଗ୍ ଇନାକା ସହେ ଟାକାନିଃ ରୁଚିଂ କଡ଼ଜି ଇଖାରିଂ ହିନାସ୍ ?”

୩୮ “ହେଖାନ୍ ହେଖାରିଂ ଇଚାନ୍, ମି ତାକେ ଏଚେଗଟା ରୁଚିଂ ମାନିକ୍ ? ହାଲ୍ ଜି ହୁଡ଼ାଟ୍ ।” ହେଖାନ୍ ବୁଜା ଆଜି ଖାଜି ହେଖାନ୍ ଇଚାତ୍, “ପାଞ୍ଚ ଗଟା, ଆରେ ରିଣ୍ଡାଂ ମିନ୍ କୁ ।”

୩୯ ଜିସୁ ବଲ୍ ହିତାନ୍, ମାନାୟାରିଂ ବାଟାତ କିଖାଣ୍ କାଗ୍ରା ଜପି କୁଦା କୁଦା କିଜି କୁଚ୍ଚି କିୟାଟ୍ । ୪୦ ହେବେ ହେଖାନ୍ ସଏ ସଏ ଜାଣ୍ ଆରେ ପଚାସ୍ ପଚାସ୍ ଜାଣ୍ ଆଜି କୁଦା କୁଦା ଆଜି କୁଚ୍ଚାଟ୍ । ୪୧ ପାଚେ ଜିସୁ ହେ ପାଞ୍ଚଗଟା ରୁଚିଂ ଆରେ ରିଣ୍ଡାଂ ମିନ୍ କୁ ଆସି ସାଗେତ ହୁଡ଼ଜି ଆସିର୍ବାଦ୍ କିଜି ଇଚାନ୍ ଆରି ରୁଚିଂ ତ୍ରିପ୍ କିସ୍ ମାନାୟାରିଂ ପାସ୍ ପେଦେଂ ଚେଲାର୍ ହିତାନ୍ । ପାଚେ, ହେ ଲାକେ ରିଣ୍ଡାଂ ମିନ୍ କୁ ହେଖାରିଂ ବାଟା କିଜି ହିତାର୍ । ୪୨ ହେବେଣ୍ଟାଂ ଖିଜାକାର୍ ତିନ୍ ଖି ପଟ୍ ପାନ୍ ଚାର୍, ୪୩ ଆରେ ହେଖେର୍ ତ୍ରିଙ୍ଗ୍ ଚି ରୁଚିଂ ପେସ୍ ଜିପା ବାର ଟପା ବାଟ୍ କିତାର୍ ଆରି ମିନ୍ କୁପା ଏଲେଙ୍ଗ୍ ନେ ପେସ୍ କାତାର୍ । ୪୪ ରୁଚି ତିନି ମାନାୟ୍ ପାଞ୍ଚ ହାଜାର୍ ଆଣ୍ଡାହିମ୍ ଶାଂ ମାଚାର୍ ।

ଜିସୁ ଏଜୁଂ ଜପି ତାତାନ୍
(ମାତିଉ ୧୪:୨୨-୩୩; ଜହନ୍ ୬:୧୫-୨୧)

୪୫ ହେ ଦାପ୍ରେ ହେଖାନ୍ ତା ଚେଲାର୍ ତଙ୍ଗାତ ଦୁମ୍ ଜି ବେଡ଼ସାଲଦା ନିପ୍ ଆନ୍ ଚି ପାଡ଼କା ଆଗେ ହାନ୍ ଖେଙ୍ଗ୍ ଇଚାନ୍, ଆରେ ହେଖାନ୍ ଇବେଣ୍ଟାଂ ମାନାୟାରିଂ ଖିଜାରିଂ ହେଲ୍ ହିତାନ୍ । ୪୬ ଜିସୁ ହେଖାନ୍ ତାକେଣ୍ଟାଂ ହେଲ୍ ଅତି ପାଚେ ଜିସୁ ପାର୍ତାନା କିନି କାଜିଂ ମାଡ଼ିଜପି ହାଚାନ୍ । ୪୭ ମିକାହାରେସ୍ ଆତିଲେ

† ୭:୨୨ ୭:୨୨ ହରଦିଆତି ଗାଡ଼ହି; କେତେକ୍ ପତିତ ତା ଗାଡ଼ହି ହେରଦିୟା । ‡ ୭:୩୭ ୭:୩୭ ରୁପା ଟାକାଂ; ର ରୁପା ଟାକାଂ ରଖାନ୍ ଦେସି ନାଗାକାନ୍ ତିନ୍ ଦିନି କୁଲି ମାଚାତ୍ ।

ତତ୍ପା ହାମ୍ବୁର ମାଦି ମାତାତ୍ ଆରେ ହେଝାନ୍ ମେଦନିତ ରକାନ୍ ମାଚାନ୍ । ୪୮ ଲଢି ଦୁକା କାଜିଂ ହେଝାରିଂ ତତ୍ପା ଗାଟି କିଦେଙ୍ଗ କସ୍ ପାୟା ଆନାକା ହୁଡ଼ଜି ହେଝାନ୍ ପୁରା ନାଣା କୁଜୁ କେପା ଝେଡ଼ାଙ୍ଗ ହାମ୍ବୁର ଜପି ତାଙ୍ଗଜି ଚେଲାର୍ ତାକେ ଝାତାନ୍, ଆରେ ହେଝାର୍ କଚଣତାଂ ଆଗେ ତାଂଦେଙ୍ଗ ପା ସାସ୍ ମାଚାନ୍ । ୪୯ ମାତର୍ ହେଝାର୍ ତାଙ୍ଗେଙ୍ଗ ହାମ୍ବୁର ଜପି ତାଂନାକା ହୁଡ଼ଜି “ପୁଦା ଇଞ୍ଜି !” କିକିରାତିଂ କିତାର୍ । ୫୦ ଇନାକିଦେଂକି ହେଝାର୍ ତାଙ୍ଗେଙ୍ଗ ହୁଡ଼ଜି ପାଣ୍ଡା ଆଜି ମାଚାର୍ । ମାତର୍ ଜିସୁ ହେ ଦାପ୍ରେ ହେଝାରିଂ ବେରଣ୍ କିଜି ହେଝାରିଂ ଇଚାନ୍, ପାତ୍ରା ଆମାଟ୍ “ସାସ୍ ଆତୁ ଇଝାଙ୍ଗ ତ ଆନ୍ ପାଣ୍ଡା ଆମାଟ୍ !”

୫୧ ଆରେ, ହେଝାନ୍ ହେଝାର୍ ଲାଗାଂ ହାଲଜି ତତ୍ପାତ ଦୁମ୍ତାନ୍, ଆରେ ଦୁକା ତିର୍ ଆତାତ୍ । ହେବେ ହେଝାର୍ ମାନ୍ତ ମାନ୍ତ କାବା ଆଜି ହାଚାର୍ । ୫୨ ହେଝାର୍ ପାଞ୍ଚ ହାଜାର୍ ମାନାୟାରିଂ ରୁଟି ତିଟ୍ପିନି ବିସ୍ତେ ଅରଡ୍ ପୁନ୍ଝାଦାଂ ହିକାଝାଦାଙ୍ଗ ମାଚାର୍ ଇନାକିଦେଂକି ରୁଟି ନି ଗଟ୍ଟା ଝେଡ଼ାଙ୍ଗ ହେଝାର୍ତି ବୁଦି ଆର୍ଝାଦାଂ ମାଚାତ୍, ଲାଗିଂ ହେଝାରିଂ ମାନ୍ ଆର୍ଝା ଆଜି ମାଚାତ୍ ।

ଗିନେସର୍ ତାକେ ଜିସୁ ରଗି ଲଗାଂ ଉଜ୍ କିତାନ୍
(ମାତିଉ ୧୪:୩୪-୩୬)

୫୩ ହେଝାର୍ ନାସି ଗିନେସରଡ୍ ନିପ ଏକିସ୍ ଗୁଟିତ ତତ୍ପା ଗାଟ୍ତାର୍ । ୫୪ ଆରେ, ହେଝାର୍ ତତ୍ପାତାଙ୍ଗ କୁତିଲେ, ମାନାୟାର୍ ହେ ଦାପ୍ରେ ତାଙ୍ଗ ତିନ୍ କିତାର୍, ୫୫ ହେ ଝିଜୁ ରାଜି ନିକାର୍ ଚାରିବେଣତାଂ ହନ୍ତି ହାଚାର୍, ଆରେ ଜିସୁ ଇମେ ଇମଣି ବାହାତ ମାନାନ୍ ଇଞ୍ଜି ଝେଚାର୍, ହେ ବାହାତ ରଗି ମାନାୟାରିଂ କାଚେଲ୍ତ ପିଣ୍ଡଜି ତାସି ଝାଦେଙ୍ଗ ଲାଗାତାର୍ । ୫୬ ଆରେ, ହେଝାନ୍ ଇମେ ଇମଣି ନାସ୍, ଗାଡ୍ଦ କି ହାରୁନାସ୍ତ ହଚାର୍, ମାନାୟ୍ ହେ ବାହାତ ଆଟ୍ ପାଦାଲାକେ ରଗି ଲଗାଙ୍ଗ ଇଡ଼ଜି, ହେଝାର୍ ଇନେସକି ଜିସୁ ହେୟାନି ଚେଲିଂ ତୁନାର୍, ଇଦାଂ ଜିସୁଙ୍ଗ ଗଝାରି କିଦେଙ୍ଗ ଲାଗାତାର୍; ଆରି, ଏଚେକ୍ ଜାଣ୍ ତାଙ୍ଗେଙ୍ଗ ତୁତାର୍, ଝିଜାର୍ ଉଜ୍ ଆତାର୍ ।



ପାରୁସିର୍ତି ରିତିନିତି
(ମାତିଉ ୧୫:୧-୯)

୧ ପାଚେ ପାରୁସିର୍ ଆରି ଜିରୁସାଲମ୍ ତାଙ୍ଗ ଝାଜି ମାତି କେଚେକ୍ ଦରମ୍ ଗୁରୁର୍ ତା ତାକେ ରୁଣ୍ଡା ଆତାର୍ । ୨ ହେଝାର୍ ହେଝାଜି ଚେଲାର୍ ବିତ୍ରେ କେଚେଜାଣ୍ ରାଡ଼ା, ଇତିସ୍ କେଇ ନୁସ୍ଝାଦାଂ ତିନାକା ହୁଡ଼ତାର୍ ।

୩ ପାରୁସିର୍ ଆରେ ଝିଜାର୍ ଜିହୁଦି ଲକ୍ ପ୍ରାଚିନାର୍ ରିତି ନିତି ନିୟମ୍ କିଜି ହାର୍ କିଜି କେଇ ନୁଜ୍ଝାତାର୍ତି ତିନୁର୍, ୪ ପାଚେ ଆଟ୍ ବାଜାର୍ ତାଙ୍ଗ ଝାଜି ଜାର୍ ଜାର୍ ଜପି ଏଜୁଂ ଡଞ୍ଜିୟା ଆଝିତିସ୍ କୁଲେର୍ ଉଣ୍ଡୁର୍; * ଆରି ଗିନା, ମତା ଆରେ ପିତାତ୍ ତାଡ଼ିଆ ତ ଏଜୁଂ କୁପକିସ୍ ନୁଜ୍ଝାକା, କାଚେଲ୍ ଜପି ଏଜୁଂ ତିର୍ନାକା ଇଝାଙ୍ଗ ବିନ୍ ବିନ୍ ବେସି ରିତି ନିତି ମାନି କିଦେଙ୍ଗ ଇଞ୍ଜି ହେଝାର୍ ବଲ୍ ପାୟା ଆତାଣ୍ଡା ।

୫ ଲାଗିଂ ପାରୁସିର୍ ଆରେ ଦରମ୍ ଗୁରୁର୍ ହେଝାନ୍ ଝେନ୍ବାତାର୍, ମି ଚେଲାର୍ ପ୍ରାଚିନାର୍ ରିତି ନିତି ନିୟମ୍ ତାଙ୍ଗ “ଇନାକିଦେଂ ବେବାର୍ କିଝାଦାଂ ରାଡ଼ା କେଇଦ ତିନାରା ?”

୬ ହେଝାନ୍ ହେଝାରିଂ ଇଚାନ୍, ଆଡ଼େ କାପ୍ଟିୟାର୍, ଜିସାୟ୍ ମି ବିସ୍ତେ ସମାନ୍ ବାବ୍ରେ ବେରଣ୍ ଝେଚାତାନା,

ଇନେସ୍ ଲେକାମାନାତ୍, ଇ ଜାତି ମୁମ୍ଦ ମାଙ୍ଗେଙ୍ଗ ଝାରି କିଦ୍ନାର୍, ମାତର୍ ହେଝାର୍ ମାନ୍ ମା ତାଙ୍ଗ ଦେହା ମାନାତ୍ ।

୭ “ହେଝାର୍ ମାନାୟାର୍ତି ବିଦିଙ୍ଗ୍ ଦରମ୍ ବେରଣ୍ ଇଞ୍ଜି ହିକ୍ୟା ହିନାନ୍ ପଲ୍ୟା ମା ପାର୍ତାନା କିନାର୍ ।”

୮ “ଏପେଙ୍ଗ ଇସ୍ପୁର୍ତି ବଲ୍ ପିସ୍ତି ମାନାୟାର୍ତି ରିତି ନିତି ଆସ୍ତି କୁଚ୍ଚା ଦେର୍ନା ।”

୯ ଆରେ, ଜିସୁ ହେଝାରିଂ “ଏପେଙ୍ଗ ଜାର୍ ଜାର୍ ରିତି ନିତି ମାନି କିନି କାଜିଂ ଇସ୍ପୁର୍ତି ବଲ୍ ମାନି କିଉ ଦେରା ।” ୧୦ ଇନାକିଦେଂକି ମସା ରିତି ନିୟମ୍ ହିଡ଼ତାନ୍ନା, “ଜାର୍ ଆବା ଆୟାକାଂ ଝାରି କିୟାଟ୍, ଆରେ ଇନେର୍ ତା ଆବା କି ଆୟାଂ ସାଇପ୍ ହିନାନ୍, ହେଝାନ୍ ହାକି ତାଣ୍ ପାୟା ଆନାନ୍ । ୧୧ ମାତର୍ ଏପେଙ୍ଗ ଇନାଟ୍, ଇନେର୍ ଏଚେକାଡ଼ଦ ଆବା କି ଆୟାଂ ଇନାର୍, ନା ତାଙ୍ଗ ଇନାକାପା ମି ଉପକାର୍ ଆତାମ୍, ହେଦାଂ କର୍ବାନ୍, ଇତିସ୍ ଅଡ଼ଗା ଆତାଡ଼ନ୍ନା, ୧୨ ଲାଗିଂ ଏପେଙ୍ଗ ତାଙ୍ଗେଙ୍ଗ ତାଞ୍ଜି ଆବା କି ଆୟାଂ ଅଲପ୍ପା ଉପକାର୍ କିଦେଙ୍ଗ ହିଝାଦାଂ ମାଚିସ୍; ୧୩ ଇ ଲାକେ ଏପେଙ୍ଗ ଚାଲାଆତି ବେରଣ୍ ରିତି ନିତି କାଜିଂ ଇସ୍ପୁର୍ତି ବଚନ୍ ପଲ୍ୟା କିନାଦେରା ଆରି ହେ ଲାକେ ବେସି ବିସ୍ତେ କିନାଦେରା ।”

* ୭:୪ ୭:୪ ଇନାକାପା ଅଲପ୍ ଆଟ୍ବାଜାର୍ତାଂ ଝାନାତ୍ ପର୍ତ୍ତୁମ୍ ହେଝାର୍ ନୁଜ୍ଝାଝାଦାଂ ପାଚେକ୍; ନଲେ ହେଝାର୍ ଆଟ୍ ବାଜାର୍ତ ଝାଜି ପର୍ତ୍ତୁମ୍ ନିଜେ ନୁଜ୍ଝାଝାଦାଂ ପାଚେକ୍ ।

**ଇମଣାକା ମାନାୟତିଂ ବାନ୍ୟା କିନାଡ଼
(ମାତିଉ ୧୫:୧୦-୨୦)**

୧୪ ଜିସୁ ଆରେ ରଗ ମାନାୟଗଲି କଚଣ୍ଡ କୁକ୍ତି ହେଝାରିଂ ଇଡ଼ି, “ଏପେଙ୍ଗ୍ ଝିଜାକାଦେର ନା କାତା ଝେନାଟ୍ ଆରି ବୁଜାଆଡୁ । ୧୫ ମାନାୟାଡ଼ି ବାଡ଼ି ଏପେଙ୍ଗ୍ ଇମ୍ଣି ବିସ୍ତେ ହିଲୁଡ଼, ଇନାକା କି ତା ବିତ୍ତେ ହଣଜି ତାଙ୍ଗେଙ୍ଗ୍ ବିଚାଡ଼୍ କିଦେଙ୍ଗ୍ ଆଡ଼୍ଦାତାଡ଼, ମାତର୍ ଇନା ଇନାକା ମାନାୟ ତାଙ୍ଗ୍ ବାଡ଼ି ହନାଡ଼, ହେ ସବୁ ତାଙ୍ଗେଙ୍ଗ୍ ବିଚାଡ଼୍ କିନାଡ଼ ।”†

୧୬ “ଜଦି ଇନେରିଂ ଝେଞ୍ଜେଙ୍ଗ୍ କିତୁଲିଂ ମାନିଙ୍ଗ୍, ହେଝାନ୍ ଝେନେନ୍ !”

୧୭ ଆରେ, ହେଝାନ୍ ମାନାୟ ତାକେଣ୍ଡାଂ ଇଲ୍ ବିତ୍ତେ ଝାତି ପାଚେ ତା ଚେଲାହିର୍ ତାଙ୍ଗେଙ୍ଗ୍ ଉତର୍ମୁଡ଼ନ୍ ଅରଡ଼ ଝେନେବେଦେଂ ଲାଗାତାର୍ । ୧୮ ହେବେ ଜିସୁ ହେଝାରିଂ ଉତର୍ ହିତାନ୍, “ଏପେଙ୍ଗ୍ ପା ଇନାକା ହେ ଲାକେ ବୁଜାଆଡ଼ଦେରା ?” ଇନାକା ଆୟେଡ଼ ହେଝେଡ଼ ମାନାୟ ବାରତାଂ ବିତ୍ତେ ହଟିସ୍, ହେଦାଂ ତାଙ୍ଗ୍ ବିଚାଡ଼୍ କିଦେଙ୍ଗ୍ ଆଡୁଡ଼, ୧୯ “ଇନାକିଦେଂକି ତାଙ୍ଗେଙ୍ଗ୍ ହେ ମାତ୍ର ହଣ୍ଡେଙ୍ଗ୍ ଆଡୁଡ଼, ମାତର୍ ପଟତ ହାଲ୍ଜି ବାଡ଼ି ହନାଡ଼ ଆରେ ଏଲେଙ୍ଗ୍ ଆଜି ଝିଜୁ ତିନି କାଦି ସକଟ୍ ଆନାକା, ଇଦାଂ ଜିସୁ ଇଚାନ୍ ।”

୨୦ ଆରି, ଜିସୁ ଇଚାନ୍, “ଇନାକା ମାନାୟ ତାକେଣ୍ଡାଂ ବାଡ଼ି ହନାଡ଼, ହେଦାଂ ନେ ତାଙ୍ଗେଙ୍ଗ୍ ବିଚାଡ଼୍ କିନାଡ଼ । ୨୧ ଇନାକିଦେଂକି ବିତ୍ତେତାଂ, ମାନାୟ ମାନ୍ତାଂ, ବାନ୍ୟା ଚିତ୍ତା ବାଡ଼ି ହଡ଼ନାଡ଼ । ୨୨ ଦାରି, ଚରି, ନାର୍ ଅହ୍ନାକା, ଦାରିହାନାକା, ଲାବ୍ଡ଼ି, ଚୁଲ୍ଚୁଲା ବଡ଼୍ପାଣିୟା, ନାଙ୍ଗ୍ରା, ବେରୁହୁଡ଼ନାକା, ନିନ୍ଦା, ଆକର୍, ଟେପର୍, ୨୩ ଇଦାଂ ଝିଜୁ ବାନ୍ୟା ବିସ୍ତେ ବିତ୍ତେତାଂ ହସି ମାନାୟତିଂ ବିଚାଡ଼୍ କିନାଡ଼ ।”

**ର ସୁରପେନିକିୟା କଗ୍ଲେତି ପାଚି କିତାଡ଼
(ମାତିଉ ୧୫:୨୧-୨୮)**

୨୪ ଇଦାଂ ପାଚେ ହେଝେନ୍ ହେବେଣ୍ଡାଂ ନିଙ୍ଗ୍ଜି ସର୍ ଗାଡ଼୍ ନାସକ୍ତାଂ ହାଚାନ୍, ଆରି ର ଇଞ୍ଜ ହଚାନ୍, ଇନେର ଇନେସ୍ ତାଙ୍ଗେଙ୍ଗ୍ ପୁନୁର୍, ଇଦାଂ ମାନ୍ କିଜି ମାଚାନ୍, ମାତର୍ ହେଝାନ୍ ଡ଼ଗୁଜି ମାଞ୍ଜେଙ୍ଗ୍ ଆଡ଼ଝାତାନ୍ । ୨୫ ହେ ଦାପ୍ରେ ର କଗ୍ଲେ, ଇନେର ଗାଡ଼ିହିଙ୍ଗ୍ ବାନ୍ୟା ପୁଦା ତୁଜି ମାଚାଡ଼, ହେଦେଲ୍ ହେଝେନ୍ ବିସ୍ତେ ନି ବେରଣ୍ ଝେନଞ୍ଜି ତା କାଲ୍କୁ ତାରେନ୍ ଝାଜି ତାଣ୍ଡାହାଡ଼ ମାଗତାଡ଼ । ୨୬ ହେଦେଲ୍ ସୁରପେନିକିୟା ନିପ ରଞ୍ଜେଲ୍ ଗ୍ରିକ୍ ଗାଡ଼୍ରେ ମାଚାଡ଼ । ତା ଗାଡ଼ିହି ତାକେଣ୍ଡାଂ ପୁଦାଂ ପିହି କିନି କାଜିଂ ହେଦେଲ୍ ତାଙ୍ଗେଙ୍ଗ୍ ଗଝାରି କିଦେଙ୍ଗ୍ ଲାଗାତାଡ଼ । ୨୭ ହେବେଣ୍ଡାଂ ଜିସୁ ହେଦେଲିଂ ଇଚାନ୍, “ପର୍ଡୁମ୍ ହିମଣାକାଂ ପଟ ପାଞ୍ଜି କିୟାଟ୍, ଇନାକିଦେଂକି ହିମଣାଙ୍ଗ୍ତି ଆରାଣ୍ ଅଜି ନିକୁଡ଼ିଙ୍ଗ୍ କଚଣ୍ଡ ତୁହିନାକା ହାରି ଆକାୟ ।”

୨୮ ମାତର୍ ହେଦେଲ୍ ହେଝେନିଂ ଉତର୍ ହିତାଡ଼, ଆଁ, “ମାପୁ, ନିକୁଡ଼ିଙ୍ଗ୍ ପା ପାଟା ତାରେନ୍ ଆର୍ତାକା ହିମଣାଂତି ଆରାଣ୍ ଲିତାଂ ତିନିକ୍ !”

୨୯ “ହେବେ ଜିସୁ ତାଙ୍ଗେଙ୍ଗ୍ ଇଚାନ୍, ଇ କାତା ଇଚିଲେ ଏନ୍ ହାଲା, ନି ଗାଡ଼୍ ତାଙ୍ଗ୍ ପୁଦା ହସି ହାଚାତେ !” ୩୦ ଆରେ, ହେଦେଲ୍ ଇଞ୍ଜ ହାଲ୍ଜି କଇ ହିମଣା କାଚେଲ୍ତ ମାଗ୍ଜି ମାନାକା ଆରି ପୁଦା ହସି ହାଲ୍ଜି ମାନାକା ହୁଡ଼ତାଡ଼ ।

ଜିସୁ ବୈରାଙ୍ଗ୍ ଆରି ଗୁଲାଂ ଉକ୍ କିତାନ୍

୩୧ ଆରେ ରଗ ହେଝାନ୍ ସର ହାନ୍ଦିତାଂ ହାଲ୍ଜି ସିଦନ୍ ଆରେ ଦେକାପଲି ନି ହାନ୍ଦିମାଦିତିଂ ହାଲ୍ଜି ଗାଲିଲି ହାମ୍ପୁର୍ ଲାଗେ ଝାତାନ୍ । ୩୨ ଆରେ, ମାନାୟାର୍ ରଝାନ୍ ବୈରା ଆରି ଗୁଲାଂ ତା ଲାଗେ ତାଈଝାତାର୍ ତା ଜପି କେଇ ଇଡ଼୍ଦେଂ ଇଞ୍ଜି ତାଙ୍ଗେଙ୍ଗ୍ ଗଝାରି କିତାର୍ । ୩୩ ଜିସୁ ତାଙ୍ଗେଙ୍ଗ୍ ମାନାୟ ତାକେଣ୍ଡାଂ ବିନେ କିଜି ରଝାନିଂ ଅଜି ହାଲ୍ଜି ହେଝାନିଂ ରି କିତୁଲିକାଂ ତା ଝାଡ଼କାଙ୍ଗ୍ ଇଡ଼୍ତାନ୍ ଆରି ଏଝିଡ଼ିଂ ଚୁପ୍ଜି ତା ଝେନ୍ଦୁଲ୍ତ ତୁଚାନ୍, ୩୪ ଆରି ସାଗେ ହୁଡ଼ି ରାଗ୍ଦାଙ୍ଗ୍ ନେନ୍ଞ୍ଜି ହେଝାନିଂ ଇଚାନ୍, “ଇପ୍ପତ, ଇଟିସ୍ ଜେୟା ଆୟେଡ଼ !”

୩୫ ହେବେଣ୍ଡାଂ ହେଝାନ୍ଡି କିତୁଲିଂ ଜେୟା ଆଡିକ୍ ଆରି ଝେନ୍ଦୁଲ୍ ଗାଡ଼୍ୟାତାକା ହେ ଦାପ୍ରେ ଜେୟା ଆତାଡ଼, ଆରେ ହେଝାନ୍ ହାର୍ କିଜି ବେରଣ୍ ଇଞ୍ଜେଙ୍ଗ୍ ଲାଗାତାନ୍ । ୩୬ ଆରେ, ଇ ବିସ୍ତେ ଇନେରିଂ ଝେଡ଼ମାଟ୍ ଇଞ୍ଜି ହେଝାନ୍ ହେଝାରିଂ ଆଡ଼ଝା କିଜି ବଲ୍ ହିତାନ୍; ମାତର୍ ହେଝାନ୍ ହେଝାରିଂ ଏଚେକ୍ ମୁନାକିତାନ୍, ହେଝାର୍ ବେସି ହେଦାଂ ସୁଣାୟ କିଦେଂ ଲାଗାତାର୍ । ୩୭ ଆରେ, ମାନାୟାର୍ ବେସି କାବା ଆଜି ଇଚାର୍, “ହେଝାନ୍ ଝିଜୁ କାମାୟ ହାର୍ କିଜି କିତାନ୍ନା ! ହେଝାନ୍ ବଇରାରିଂ ଝେନି ସାକ୍ତି ଆରି ଗୁଲାରିଂ ବେଣ୍ କିନି ସାକ୍ତି ହିନାନା !”

† ୭:୧୫ ୭:୧୫ କେତେକ୍ ପତିତ ୧୭ ପାଦ୍ ମେହାୟ କିନାଡ଼; ଇନେରଡ଼ି ଝେନି କିତୁଲିଂ ମାନିକ୍, ହେଝେନ୍ ଝେନେନ୍ । (୪:୨୩ ହୁଡ଼ାଟ୍) ।

୮

ଚାରି ହାଜାର ମାନାୟାତିଂ ଚିତ୍ପାତାନ
(ମାତିଉ ୧୫:୩୨-୩୯)

୧ ହେୱାର୍ ହେନି ମାନାୟାର୍ ଆରେ ରଗ ରୁଣ୍ଡାଆତାର୍, ଆରେ ହେୱାର୍ ତାକେ ତିନାକା ଉଣାକା ଇନାକା ହିଲୁଝିତଲେ ଜିସୁ ଚେଲାହିରିଂ ଲାଗେ କୁକ୍ତି ହେୱାରିଂ ୱେଟ୍ଟାନ, ୨ “ହେନି ମାନାୟାର୍ କାଜିଂ ନାଙ୍ଗ୍ କାର୍ମା ହତ୍ନାତା, ଇନାକିଦେଂକି ଇୱାର୍ ତିନି ଦିନ୍ ଆତାରେ ନା ହୁଦାଂ ମାନୁଞ୍ଜି ୱାନାରା ଆରେ ହେୱାର୍ ତାକେ ଇନାକାପା ତିନାକା ହିଲୁଡ୍,” ୩ ଜଦି ଆନ୍ ହେୱାରିଂ ନାସ୍‌କିତାଂ ଇଞ୍ଜ ପକ୍ତାଂତି, ତା ଆତିସ୍ ହାସ୍‌ଦ ହେୱାର୍ ନାସ୍‌କି ବାଉଡା ଆନାର୍; ହେୱାର୍ ବିତ୍ରେ କେତେକ୍ ଦେହାତାଂ ୱାତାଣ୍ଟା ।

୪ ଚେଲାହିର୍ ତାଙ୍ଗ୍ ୱେନ୍‌ବାତାର୍, “ଇବେ ଇ ଚିମ୍‌ରା ବାହାତାକେ ଇନେର୍ ଇମେଣ୍ଟାଂ ରୁଟି ତାସି ଇୱାରିଂ ପଟ୍‌ପାଞ୍ଜି କିଦେଙ୍ଗ୍ ଆଡ୍‌ନାସ୍ ?”

୫ “ଜିସୁ ହେୱାରିଂ ୱେନ୍‌ବାତାନ, ମି ତାକେ ଏଟଙ୍ଗ୍ ରୁଟିଂ ମାନିକ୍ ?” ହେୱାର୍ ଇଚାର୍, “ସାଡ୍‌ଗଟା ।”

୬ ହେବେତାଂ ଜିସୁ ମାନାୟାରିଂ ମେଦ୍‌ନିତ କୁଟ୍‌ଚେଂ ବଲ୍ ହିତାନ୍; ଆରି, ହେୱାନ୍ ହେୱାରିଂ ସାଡ୍‌ଗଟା ରୁଟିଂ ଅଜି ଇସ୍‌ସ୍‌ରତିଂ ଜୁୱାର୍ କିଜି ହେ ୱିଜୁ ତ୍ରିପ୍‌କିସ୍ ବାଟାକିଜି ହିଦେଙ୍ଗ୍ ଇଞ୍ଜି ହେ ଚେଲାହିରିଂ ହିତାନ୍ ଆରେ ହେୱାର୍ ମାନାୟାରିଂ ହେଦାଂ ପାସ୍‌ପିସ୍ ହିତାର୍ । ୭ ପାଚେ, ହେୱାର୍ ତାକେ ଅଲପ୍ ପାରାନେ କେଡ୍ ଗଟା ହିରୁ ମିନ୍‌କୁ ମାଟିକ୍; ହେୱାଙ୍ଗ୍ ୱିଜୁ ହେୱାନ୍ ଇସ୍‌ସ୍‌ରତିଂ ଦନ୍‌ସ୍‌ବାଦ୍ କିଜି ହେୱାରିଂ ବାଟା କିଦେଙ୍ଗ୍ ଇଞ୍ଜି ଇଚାନ୍ । ୮ ହେବେ ହେୱାର୍ ତିନୁଞ୍ଜି ପଟ୍ ପାନ୍‌ଚାର୍ ଆରେ ସାଡ୍ ଟପା ହାର୍‌ତି ତ୍ରିକ୍‌ତି ରୁଟିଂ ନିକ୍‌ତି ଅତାର୍ । ୯ ହେୱାର୍ ଆନ୍‌ମାନ୍ ତାଙ୍ଗ୍ ଚାରି ହାଜାର୍ ଲକୁ ମାଚାର୍ । ୧୦ ତା ପାଚେ ହେୱାନ୍ ହେୱାରିଂ ପକ୍‌ତାନ୍ ଆରି ହେ ଦାପ୍‌ପେ ହେୱାନ୍ ତା ଚେଲାର୍ ହୁଦାଂ ତଙ୍ଗାତ ଦୁମ୍‌ଜି ଦଲ୍‌ମନୁତା ନିପ ୱାତାର୍ ।

ପାରୁସିର୍‌ତି ତିନ୍ ଦାବା କିନାକା
(ମାତିଉ ୧୬:୧-୪)

୧୧ ପାଚେ ପାରୁସିର୍ ବାର୍ତ୍ତ ୱାଜି ତା ଲାହାଂ ବେଣ୍‌କିବାଦେଂ ଲାଗାତାର୍ ଆରି ତାଙ୍ଗେଙ୍ଗ୍ ପରିକ୍ୟା କିନି ବାବ୍‌ନାତ ଆକାସ୍‌ନି ର ଚିନ୍ ଏନ୍ତାର୍ । ୧୨ ହେବେତାଂ ହେୱାନ୍ ଜିବୁନ୍‌ତ ଗାଜା ପୁଣ୍ଡା ହିଜି ନେନ୍‌ଚାନ୍, “ନେଞ୍ଜେୱିଗାନି ନାର୍ ଇନାକିଦେଂକି ତିନ୍ ତେକ୍‌ନାରା ? ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜ୍‌ନାଙ୍ଗା, ନେଞ୍ଜେୱିଗାନି ନାର୍‌ଦିଂ ଇନାକାପା ତିନ୍ ହିୟା ଆଉଡ୍ !”

୧୩ ଆରେ, ହେୱାନ୍ ହେୱାରିଂ ପିସ୍‌ସି ଆରି ରଗ ତଙ୍ଗାତ ଦୁମ୍‌ଜି ଆନ୍‌ତି ପାଡାକା ହାଚାନ୍ ।

ହେରଦ୍ ଆରେ ପାରୁସିର୍‌ତି ପାପ୍
(ମାତିଉ ୧୬:୫-୧୨)

୧୪ ଜିସୁତି ଚେଲାର୍ ରୁଟି ଅଦେଂ ବାଣା ଆତାର୍; ତଙ୍ଗାତ ହେୱାର୍ ତାକେ ମାତର୍ ରଞ୍ଜାଙ୍ଗ୍‌ନେ ରୁଟି ମାଚାଡ୍ । ୧୫ ପାଚେ ଜିସୁ ହେୱାରିଂ ଇଚାନ୍, “ଜାଗ୍ରଡ୍ ଆଡ୍,” ହେରଦ୍‌ତି ଆରି “ପାରୁସିର୍‌ତାଂ ଆରି ହେରଦ୍‌ତି ସାଦୁକିତ୍ ହିଲୁଡ୍‌ତାଂ ଜାଗ୍ରଡ୍ ଆଜି ମାନାର୍ ।”

୧୬ ହେବେଣ୍ଟାଂ ହେୱେର୍ ନିଜେ ନିଜେ ବେଣ୍‌କିବା ଆଜି ଇଞ୍ଜେଙ୍ଗ୍ ଲାଗାତାର୍, “ମା ତାକେ ରୁଟି ହିଲୁଡ୍ ଇଞ୍ଜି ହେୱାର୍ ଇଦାଂ ଇଚାର୍ ।”

୧୭ ଜିସୁ ହେଦାଂ ପୁଞ୍ଜି ହେୱାରିଂ ଇଚାନ୍, “ମି ତାକେ ରୁଟି ହିଲୁଡ୍ ଇଞ୍ଜି ଇନାକିଦେଂ ହାରି ବେଣ୍‌କିବା ଆନାଦେରା ? ଏପେଙ୍ଗ୍ ଇନାକା ଇ ପାଚେକ୍ ପୁନୁଦେରା କି ବୁଜା ଆଉଦେରା ? ଇନାକା ମି ମାନ୍ ଆଡ୍‌ୱା ଆତାଡ୍‌ନା ୧୮ *ମି ମାନ୍ ଇନାକା କାଲ୍‌ଲାକେ ଆତାଡ୍‌ନା ? କାଣ୍‌କୁ ମାନ୍‌ଞ୍ଜି ମାନ୍‌ଞ୍ଜି ହୁଡ୍‌ଦେରା ? ଆରେ, କିତୁଲିଂ ମାନ୍‌ଞ୍ଜି ମାନ୍‌ଞ୍ଜି ୱେନ୍‌ଦେରା ? ୧୯ ହେ ପାଞ୍ଚ ହାଜାର୍ ମାନାୟାର୍ ବିତ୍ରେ ଆନ୍ ଏଚେକାଡ୍‌ଦ୍ ପାଞ୍ଚଗଟା ରୁଟିଂ ତ୍ରିକ୍‌ତି ମାଚାଙ୍ଗ୍ ହେ ପାଦ୍‌ନା ଏପେଙ୍ଗ୍ ବାଡ୍ ଏଚେ ଟପା କୁଦ୍ରି ଆତି ରୁଟିଂ ଅଜି ମାଚାଦେର୍ ହେଦାଂ ମିଙ୍ଗେଙ୍ଗ୍ ଏଡ୍ ହିଲୁଡ୍ ?” ହେୱାର୍ ହେୱାନିଂ ଇଚାର୍, “ବାର ଦାଉଡା ।”

୨୦ ଆରେ, “ହେ ଚାରି ହାଜାର୍ ମାନାୟାର୍ ବିତ୍ରେ ଆନ୍ ଏଚେକାଡ୍‌ଦ୍ ସାଡ୍‌ଗଟା ରୁଟିଂ ତ୍ରିକ୍‌ତି ମାଚାଙ୍ଗ୍, ହେ ପାଦ୍‌ନା ଏପେଙ୍ଗ୍ ପୁରା ଏଚେ ଟପା ତ୍ରିଙ୍ଗ୍‌ତି କୁଦ୍ରି ନିକ୍‌ତି ଅଜି ମାଚାଦେର୍ ?” ହେୱାର୍ ଇଚାର୍, “ସାଡ୍ ଟପା ।”

୨୧ ହେବେ ଜିସୁ ହେୱାରିଂ ଇଚାନ୍, “ଏପେଙ୍ଗ୍ ଇନାକା ନଙ୍ଗ୍ ପାଚେକ୍ ବୁଜା ଆଉଦେରା ।”

ବେଡ୍‌ସାଈଦା ତାକେ ର କାଣା ଲଗାଙ୍ଗ୍ ଉଜ୍ କିତାନ୍

୨୨ ପାଚେ ହେୱାର୍ ବେଡ୍‌ସାଈଦାତ ୱାତାର୍ । ଆରି, ଲକୁ ର କାଣାଙ୍ଗ୍ ତା ଲାଗେ ତାଜି ତାଙ୍ଗେଙ୍ଗ୍ ତୁଦେଂ ହେୱାନିଂ ଗୱାରି କିତାର୍ । ୨୩ ଲାଗିଂ ହେୱାନ୍ କାଣାଙ୍ଗ୍ କେଇ ଆଜି ତାଙ୍ଗେଙ୍ଗ୍ ନାସ୍ ବାର୍ତ୍ତ ଅସି ହାଚାନ୍,

* ୮:୧୫ ୮:୧୫ ଲୁକ ୧୨:୧. * ୮:୧୮ ୮:୧୮ ମାର୍କ ୪:୧୨.

ଆରେ ହେ କାଣ୍ଟକୁକା ଏଝିତି ଆରେ ତା ଜପି କେଇ ଇଡ଼ିଜି ତାଙ୍ଗେଙ୍ଗ୍ ଝେନ୍‌ବାତାନ୍, “ଏନ୍ କି ଅଲପ୍ ହୁଡ଼ନାୟା ?”

୨୪ ହେଝାନ୍ ଜପି ହୁଡ଼ଜି ଇଚାନ୍, ଆନ୍ ମାନାୟତି ତାଁନାକା ହୁଡ଼ନାଙ୍ଗା, ମାତର୍ “ଆନ୍ ମାର୍ ଲାକେ ଇନାକା ତାଁନାକା ହୁଡ଼ନାଙ୍ଗା ।”

୨୫ ତାପାଚେ ହେଝାନ୍ ଆରେ ରଗ ତା କାଣାଙ୍ଗାତ କେଇ ହୁପ୍‌ତାନ୍; ହେବେ ହେଝାନ୍ ହାର୍ କିଜି ହୁଡ଼ତାନ୍ ଆରି ଉନ୍ ଆଜି କାଣାଙ୍ଗାମିଟ୍ ଇଚ୍‌ଝାଦାଂ ଝିଜୁ ହୁଡ଼ଦେଂ ଲାଗାତାନ୍ । ୨୬ ପାଚେ ଜିସୁ ହେଝାନ୍ ଇଞ୍ଜ ପକ୍‌ତି ଇଚାନ୍, “ଇ ନାସ୍ ହାଲ୍‌ମା ମାତର୍ ଜାର୍ ଇଞ୍ଜ ହାଲା ।”

ପିତର୍ ଜିସୁଙ୍ଗ୍ କ୍ରିସ୍ଟ ଇଞ୍ଜି ମାନି କିତାନ୍
(ମାତିଉ ୧୭:୧୩-୨୦; ଲୁକ ୯:୧୮-୨୧)

୨୭ ଇଦାଂ ପାଚେ ଜିସୁ ଆରି ତା ଚେଲାହିର୍ କାଲସରିୟା ପିଲିପ୍‌ପି ନିପ ନାସ୍‌କୁକା ହାଚାର୍, ଆରି ହାନି ହାସ୍‌ଦ ହେ ଚେଲାହିରି ଜିସୁ ଝେନ୍‌ବେଦେଂ ଲାଗାତାନ୍, “ଆନ୍ ଇନେର୍ ଇଞ୍ଜି ଲକୁ ଇନାକା ଇଞ୍ଜି ବାବି କିନାରା ?”

୨୮ ଇବେ ହେଝାର୍ ତାଙ୍ଗେଙ୍ଗ୍ ଇଚାର୍, “ବାପ୍‌ସିମ୍‌ହିନି ଜହନ୍,” ଆରେ ଇନେର୍ ଇନେର୍ ଏଲିୟ, ମାତର୍ ଇନେର୍ ଇନେର୍ ଇନାର୍, ବେଶ୍‌ବାକ୍‌ଶାୟକିନାକାନ୍ ବିତ୍ରେ ରକାନ୍ ।

୨୯ ହେଝାନ୍ ହେଝାରିଂ ଝେନ୍‌ବାତାନ୍, ମାତର୍ “ନାଙ୍ଗେଙ୍ଗ୍ ଇନେନ୍ ଇଞ୍ଜି ଏପେଙ୍ଗ୍ ଇନାକା ଇଞ୍ଜନାଦେରା ?” ପିତର୍ ହେଝାନ୍ ଉତର୍ ହିତାନ୍, “ଏନ୍ ଆନାୟା ଇସ୍‌ବର୍ ବାଟିକିତି କ୍ରିସ୍‌ତି ।”

୩୦ ମାତର୍ ଜିସୁ ହେଝାରିଂ “ହେ ବିସ୍ତେ ଇନେରିଂକି ଇନାକା ଝେଚ୍‌ଝେଦେଂ ବଲ୍ ହିତାନ୍ ।”

ଜିସୁ ହାନାକା ଆରି ନିଙ୍ଗନି ବିସ୍ତେ ଝେଚ୍‌ଚାନ୍
(ମାତିଉ ୧୭:୨୧-୨୮; ଲୁକ ୯:୨୨-୨୭)

୩୧ ଆରେ, ଜିସୁ ହେଝାରିଂ ହିକାଈ କିଦେଙ୍ଗ୍ ଲାଗାତାନ୍ ଜେ, “ମାନାୟ ମାଜି ଆତିସ୍‌ପା ବେସି ଦୁକ୍‌ପାୟା ଆଦେଂ ଆନାଡ୍ ଆରେ ପ୍ରାଟିନାର୍, ମୁଡ୍ ମାପୁହେବାକିନାକାନ୍ ଆରେ ସାସ୍‌ପିର୍‌ତି ହୁକେ ମୁନା କିୟାଜି ହାଦେଂ ଆନାଡ୍, ଆରେ ତିନ୍‌ଦିନ୍‌ତାଂ ନିଙ୍ଗନାକା ମାନାଡ୍ ।” ୩୨ ଇ ବେରଶ୍ ହେଝାନ୍ ପୁଟ୍‌ତେ ଇଚାନ୍ । ହେବେଶ୍‌ୟା ପିତର୍ ହେଝାନ୍ ର ବାହାତ ଅଜି ଗଡ଼କିଦେଂ ଲାଗାତାନ୍ । ୩୩ ମାତର୍ ହେଝାନ୍ ମାସ୍‌ପି ହୁଡ଼ଜି ତା ଚେଲାହିରିଂ ପିତର୍‌ତିଂ ଗଡ଼ କିଜି ଇଚାନ୍, “ନା ମୁମ୍‌ଦାଂ ଗୁରା, ସୟ୍‌ତାନ୍,” ଲାଗିଂ “ଏନ୍ ଇସ୍‌ବର୍ ବିସ୍ତେ ବାବି କିଝାଦାଂ ଏନ୍ ମାନାୟ ବିସ୍ତେ ବାବି କିନାୟା ।”

୩୪ ✱ତା ପାଚେ ଜିସୁ ତା ଚେଲାରିଂ ଆରି ରୁଶ୍‌ୟାତି ମାନାୟାରିଂ କୁକ୍‌ତି ଇଚାନ୍, “ଇନେର୍‌କି ନା ହୁଦାଂ ଝାଦେଙ୍ଗ୍ ଇଚା କିନାନ୍, ହେଝାନ୍ ଜାର୍‌ତିଂ ପିହେନ୍ ଆରି ଜାର୍‌ତି କୁସ୍ ଆସ୍ତି ନା ପାଚେ ପାଚେ ଝାୟେନ୍ ।” ୩୫ ✱ଇନାକିଦେଂକି “ଇନେର୍ ଜାର୍ ଜିବୁନ୍ ବାଚାୟ କିଦେଙ୍ଗ୍ ଇଚା କିନାନ୍, ହେଝାନ୍ ହେଦାଂ ଆରାଈ କିନାନ୍; ମାତର୍ ଇନେନ୍ ଜପି ନା ନେକ୍‌କାରୁର୍ କାଜିଂ ତା ଜିବୁନ୍ ଆରାଈ କିନାନ୍, ହେଝାନ୍ ତା ଜିବୁନ୍ ରାକ୍ୟା କିନାନ୍ । ୩୬ ଆରେ, ମାନାୟ ଝିଜୁ ପୁଟ୍‌ତିଂ ଲାବ୍‌କିଜି ଜାର୍ ଜିବୁନ୍ ହାଚ୍‌ନାନ୍, ହେଦାଂ ତାଙ୍ଗେଙ୍ଗ୍ ଇନା ଲାବ୍ ? ୩୭ ଆରେ, ମାନାୟ ଜାର୍ ଜିବୁନ୍ ବାଦୁଲ୍ ଇନାକା ହିଦେଂ ଆଡ଼ନାନ୍ ? ୩୮ ଲାଗିଂ ଇନେର୍ ଇ କାଡ଼ନି ଦାରିୟାର୍ ଆରି ପାପିର୍ ମାନାୟ ବିତ୍ରେ ନାଦାଂ ଆରି ନା ବଚନ୍ ବିସ୍ତେ ଲାଜା ଆନାନ୍, ମାନାୟ ମାଜି ଏଚେକାଡ଼୍‌ଦ ପୁଇପୁୟା ଦୁଡ଼ର୍ ଲାହାଙ୍ଗ୍ ନିଜେନି ଆବାତି ଜାଜ୍‌ମାଲ୍‌ତ ଆଜି ଝାନାନ୍, ହେବେତାଂ ହେଝାନ୍‌ପା ହେ ବିସ୍ତେ ଲାଜା ଆନାନ୍ ।”



୧ ଆରେ ରଗ ଜିସୁ ହେଝାରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ହାଡ଼‌ପା ଇଞ୍ଜନାଙ୍ଗା, ଇସ୍‌ବର୍ ରାଜିତିଂ ସାକ୍ତି ହୁକେ ଏକା ଝାନାକା ହୁଡ଼୍‌ଝି ପାଚେକ୍ ଇବେ ନିଲ୍‌ତି ମାନି ମାନାୟ ବିତ୍ରେ କେତେ ଜାଣ୍ ଇନେସ୍ କିତିସ୍ ପା ହାକି ଦିନ୍ ହୁଡ଼ରୁ ।”

ଜିସୁ ପାଗ୍‌ମାସ୍‌ନାକା
(ମାତିଉ ୧୭:୧-୧୩; ଲୁକ ୯:୨୮-୩୬)

୨ ✱ଟଅ ଦିନ୍ ପାଚେ ଜିସୁ ପିତର୍, ଜାକୁବ୍ ଆରି ଜହନ୍‌ତିଂ ହାଙ୍ଗ୍ ଅଜି ଅଲ୍‌ଗା ଆଜି ହେଝାରିଂ ର ପାକ୍ତି ମାଡ଼ିଜପି ଅଜି ହାଚାନ୍ । ୩ ଆରେ, ହେଝାର୍ ମୁମ୍‌ଦ ପାଗ୍‌ମାସ୍‌ବାତାନ୍, ତା ହେନ୍‌ଦା ଏଲେଙ୍ଗ୍ ଅଜଡ୍ ଆରି ବେସି ଡିଞ୍ଜ୍‌ବାତାନ୍, ଜେ, ପୁଟ୍‌ନି ଇମ୍‌ଣି ଲଗୁପା ହେ ଲାକେ ଡିଞ୍ଜ୍‌ବେଦେଂ ଆଡୁର୍ । ୪ ଆରି, ମସା ଆରି ଏଲିୟ ଜିସୁ ଲାହାଙ୍ଗ୍ ବେରଶ୍ କିନାକାର୍ ହେଝାରିଂ ଚଞ୍ଜୟା ଆତାର୍ । ୫ ହେବେ ପିତର୍ ଜିସୁଙ୍ଗ୍ ଉତର୍

✱ ୮:୨୪ ୮:୨୪ ମାତିଉ ୧୦:୩୮; ଲୁକ ୧୪:୨୭. ✱ ୮:୨୫ ୮:୨୫ ମାତିଉ ୧୦:୩୯; ଲୁକ ୧୭:୩୩; ଜହନ୍ ୧୨:୨୫. ✱ ୯:୨ ୯:୨ ୨ ପିତର୍ ୧:୧୭,୧୮.

ହିତାନ୍, “ଏ ଗୁରୁ, ଆପେଂ ଜେ ଇ ବାହାତ ମାନାୟ !” ଇଦାଂ ହାରା ଆତାତ୍; “ଆସେଙ୍ଗ୍ ଇବେ ତିନଗଟା ପୁଟ୍ଟୁ ରତ୍ତନାସ, ନି କାଜିଂ ରଞ୍ଜାଙ୍ଗ୍, ମସା କାଜିଂ ରଞ୍ଜାଙ୍ଗ୍ ଆରେ ଏଲିୟ କାଜିଂ ରଞ୍ଜାଙ୍ଗ୍ ।”^{୬୭} ପିତର୍ ଇନା ଉତର୍ ହିଦନାନ୍ ଇଞ୍ଜି ପୁନ୍ଧାଦାଂ ମାଚାର୍, ହେଞ୍ଜାଡ଼ାଂ ହେଞ୍ଜାର୍ ପାଣ୍ଡା ଆଜି ମାଚାର୍ ।

^{୬୮} ଆରେ, ଇଚୁଟିଂ ବାଦାଡ଼୍ ଖାଜି ହେଞ୍ଜାରିଂ ପାଡ଼ାକ୍ତାଡ଼୍, ଆରି ହେ ବାଦାଡ଼୍ତାଂ ଇ କାତା ଆତାଡ଼୍, “ଇଞ୍ଜାନ୍ ନା ଖାରିନି ମାଜି, ଇଞ୍ଜାନ୍ତି କାତା ଖେନାଟ୍ !”^{୬୯} ଆରେ, ହାଚାଗ୍ଟେ ହେଞ୍ଜାର୍ ଚାରିବେଶ୍ତାଂ ହୁଡ଼୍ଜି ହେଞ୍ଜାର୍ ହୁଦାଂ ଜିସୁଙ୍ଗ୍ ପିସ୍ତି ଆରେ ଇନେରିଂ ପା ହୁଡ଼୍ଜାତାର୍ ।

^{୭୦} ହେଞ୍ଜାର୍ ମାଡ଼ିତାଂ ଜୁନି ଖେଡ଼ାଲିଂ ଜିସୁ ହେଞ୍ଜାରିଂ ଆଡ଼୍ଝା ବଲ୍ ହିଜି ଇଚାନ୍, “ଏପେଙ୍ଗ୍ ଇନା ଇନାକା ହୁଡ଼ନାଦେରା, ହେଦାଂ ଖିଜୁ ହାତି ମାନାୟ ବିତ୍ରେତାଂ ମାନାୟ ମାଜି ତାଙ୍ଗ୍ ନିଙ୍ଗ୍ଝି ପାତେକ୍ ଇନେରିଂ ପା ଖେଡ଼ମାଟ୍ ।”

^{୭୧} ହେବେଶ୍ତାଂ ହେଞ୍ଜାର୍ ହେ କାତା ଆଜି “ହାତାକାର୍ ବିତ୍ରେ ଆରେ ନିଙ୍ଗ୍ନାକା ଜେ ଇନାକା ? ଜିସୁ ବିସ୍ତେ ଜାର୍ ଜାର୍ ବିତ୍ରେ କାତାବାଡ଼ା କିଦେଙ୍ଗ୍ ଲାଗାତାର୍ ।”^{୭୨} ହେଞ୍ଜାର୍ ଜିସୁଙ୍ଗ୍ ଖେନବାତାର୍, “ତେବେ ଏଲିୟ ପର୍ତ୍ତମ୍ ଖାନାନ୍, ଇଞ୍ଜି ଦରମ୍ ଗୁରୁର୍ ଇ କାତା ଇନେସ୍ ଇନାର୍ ?”

^{୭୩} ହେବେଶ୍ତାଂ ଜିସୁ ହେଞ୍ଜାରିଂ ଇଚାନ୍, “ଏଲିୟ ପର୍ତ୍ତମ୍ ଖାଜି ସବୁ ବିସ୍ତେ ରତ୍ତନି କାତା ସଡ଼୍, ମାତର୍ ମାନାୟ ମାଜି ବେସି ଗିଶକିୟା ଆନାନ୍, ଇଦାଂ ଇନେସ୍ ହେଞ୍ଜାନ୍ ବିସ୍ତେ ଲେକା ଆତାଡ଼୍ନା ?^{୭୪} ମାତର୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏଲିୟ ଖାତାନେ, ଆରେ ହେଞ୍ଜାନ୍ ବିସ୍ତେ ଇନେସ୍ ଲେକା ଆତାଡ଼୍ନା, ହେ ଲାକେ ପା ହେଞ୍ଜାର୍ ତା-କାଜିଂ ଇନାକା ଇଚା ହେଦାଂ କିତାନ୍ନା ।”

ପୁଦାଆସ୍ତି କାଡ଼ଦେ ହାରା ଆତାନ୍
(ମାଡ଼ିଉ ୧୭:୧୪-୨୧; ଲୁକ ୯:୩୭-୪୩)

^{୧୪} ପାଚେ ହେଞ୍ଜାର୍ ଚେଲାର୍ ତାକେ ଖାଜି ହୁଡ଼୍ତାନ୍ ହେଞ୍ଜାର୍ ଚାରିବେଶ୍ତାଂ ବେସିହେନି ମାନାୟ ଆରେ ଦରମ୍ ଗୁରୁର୍ ହେଞ୍ଜାର୍ ହୁକେ କାତାବାଡ଼ା କିନାରା ।^{୧୫} ମାନାୟାର୍ ହେଞ୍ଜାନିଂ ହୁଡ଼୍ତି ଦାପ୍ରେ ବେସି କାବା ଆତାର୍ ଆରି ହନ୍ତି ଖାଜି ହେଞ୍ଜାନିଂ ଜଞ୍ଜାର୍ କିଦେଙ୍ଗ୍ ଲାଗାତାର୍ ।^{୧୬} ହେବେତାଂ ଜିସୁ ଚେଲାର୍ ଖେନବାତାନ୍, “ଏପେଙ୍ଗ୍ ହେଞ୍ଜାର୍ ହୁକେ ଇନାକା ବେରଶ୍ତାଟ୍ କିନାଦେରା ?”

^{୧୭} ମାନାୟ ବିତ୍ରେ ରଞ୍ଜାନ୍ ହେଞ୍ଜାନିଂ ଉତର୍ ହିତାନ୍, “ଏ ଗୁରୁ ଆନ୍ ନା ମାଜିଙ୍ଗ୍ ନି ତାକେ ତାସି ମାଚାଙ୍ଗ୍; ତାଙ୍ଗେଙ୍ଗ୍ ର ଗୁଲ୍ଲା ପୁଦା ଆସ୍ତାଡ଼ନା,^{୧୮} ଇମ୍ଝି ବାହାତପା ହେଦାଂ ତାଙ୍ଗେଙ୍ଗ୍ ଆହ୍ନାଡ଼୍, ତାଙ୍ଗେଙ୍ଗ୍ ତାରେନ୍ ଗୁଡ଼ତାନ୍ନା, ହେଞ୍ଜାନ୍ ଖେଇଦାଂ ପୁମେଲ୍ ହନାଡ଼୍ ଆରେ ଚାତାଙ୍ଗ୍ କାଟ୍ନାନା ଆରି ହେଞ୍ଜାନ୍ ଖାଜି ହାନାନ୍; ତାଙ୍ଗେଙ୍ଗ୍ ପିହି କିନି କାଜିଂ ଆନ୍ ମି ଚେଲାର୍ ଇଞ୍ଜି ମାଚାଙ୍ଗ୍, ମାତର୍ ହେଞ୍ଜାର୍ ଆଡ଼୍ଝାତାର୍ ।”

^{୧୯} ଜିସୁ ହେଞ୍ଜାରିଂ ଉତର୍ ହିତାନ୍, “ଆଡ଼େ ପାତ୍ କିଞ୍ଜି ଲାତ୍ରା ଏଚେକ୍ ଦିନ୍ ମି ହୁକେ ମାନାଙ୍ଗ୍ ? ଏଚେକ୍ଦିନ୍ ମି ଚିନ୍ତା ଆଡ଼ନାଂ ? କାଡ଼ଦେଂ ନାତାକେ ତାଇଞ୍ଜାଡ଼ୁ !”^{୨୦} ହେବେଶ୍ତାଂ ହେଞ୍ଜାର୍ ତାଙ୍ଗେଙ୍ଗ୍ ହେଞ୍ଜାନ୍ ତାକେ ତାହି ଖାତାର୍ । ଆରି ହେଞ୍ଜାନିଂ ହୁଡ଼୍ତି ଦାପ୍ରେ ହେ ପୁଦା ତାଙ୍ଗେଙ୍ଗ୍ ବେସି ମଡ଼ି କିତାଡ଼୍ ଆରି ହେ ମେଦ୍ନିତ ଗୁରୁଜି ପୁମେଲ୍ ଉଚ୍ଚି ଡ଼ଶଗୁରୁଦେଂ ଲାଗାତାନ୍ ।

^{୨୧} ହେ କାଡ଼ଦ ହେଞ୍ଜାନ୍ ତା ଲାତ୍ରାହିଙ୍ଗ୍ ଖେନବାତାନ୍, “ଏଚେଦିନ୍ ଆତାଡ଼୍ ଇଞ୍ଜାନିଂ ଏଲେଙ୍ଗ୍ ଆନାତା ?” ହେଞ୍ଜାନ୍ ଇଚାନ୍, “ହିରୁଖେଡ଼ାଙ୍ଗ୍ ତାଙ୍ଗ୍,”

^{୨୨} “ହେଞ୍ଜାନ୍ ତାଙ୍ଗେଙ୍ଗ୍ ଅସ୍ତେଙ୍ଗ୍ ଇଞ୍ଜି ବାର୍ ବାର୍ ନାଶିତ ଆରି ଏଜୁକାଂ ତୁହିହିତାଡ଼ନା; ମାତର୍ ଏନ୍ ଜଦି ଇନାକା କିଦେଙ୍ଗ୍ ଆଡ଼ନାୟ, ତା ଆତିସ୍ ମା କାଜିଂ କାର୍ମା ଆଜି ଉପକାର୍ କିଦା ।”

^{୨୩} ହେବେ ଜିସୁ ତାଙ୍ଗେଙ୍ଗ୍ ଇଚାନ୍, “ଇନାକା ଇଚାୟ ? ଜଦି କିଦେଙ୍ଗ୍ ଆଡ଼ନାୟ ! ପାତ୍ କିନାକାନ୍ ତାକେ ଖିଜୁ ଆନାଡ଼ ।”

^{୨୪} “ହେ ସାଙ୍ଗେ କାଡ଼ଦେ ଲାତ୍ରାହି ଗାଜା କାଟ୍ତାଂ ଇଚାନ୍, ଆନ୍ ପାତ୍ କିନାଙ୍ଗା, ନା ପାତ୍ କିଞ୍ଜାକା ବାତାୟ କିଦା ।”

^{୨୫} ପାଚେ ଲକୁ ରବେ ହନ୍ତି ଖାନାକା ହୁଡ଼୍ଜି ଜିସୁ ହେ ବାନ୍ୟା ପୁଦା ଜିବୁନ୍ତିଂ ଦାମ୍କାୟ କିଜି ଇଚାନ୍, “ଏ ଗୁଲ୍ଲା ଆରି ବୟିରା ଜିବୁନ୍ ଆନ୍ ନିଙ୍ଗେଙ୍ଗ୍ ବଲ୍ ହିଦନାଙ୍ଗା, ଇବେଶ୍ତାଂ ହସି ହାଲା, ଆରେ ରଗ ଇନାଞ୍ଜାଡ଼ାଂପା ଇଞ୍ଜାନ୍ ତାକେ ହଶ୍ତୟ ।”

^{୨୬} ହେବେ ହେଦାଂ କିରିଡ଼ି ପାଡ଼ି କିଜି ତାଙ୍ଗେଙ୍ଗ୍ ମଡ଼ିକିଜି ହସି ହାଚାଡ଼୍, ଆରେ କାଡ଼ଦେ ହାତିଲାକେ ଆତାନ୍, ଏଲେଙ୍ଗ୍ ଆତି କାଜିଂ ଆଦେକ୍ ହେନି ଇଚାର୍, “ହେଞ୍ଜାନ୍ ହାତାନ୍ ।”^{୨୭} ମାତର୍ ଜିସୁ ତା କେଇ ଆସ୍ତି ତାଙ୍ଗେଙ୍ଗ୍ ନିକ୍ତାନ୍, ଆରେ ହେଞ୍ଜାନ୍ ନିଙ୍ଗ୍ତାନ୍ ।

☆ ୯:୭ ୯:୭ ମାଡ଼ିଉ ୩:୧୭; ମାର୍କ ୧:୧୧; ଲୁକ ୩:୨୨. ☆ ୯:୧୧ ୯:୧୧ ମାଡ଼ିଉ ୧୧:୧୪.

୨୮ ଆରେ, ହେୱାନ ଇଞ୍ଜି ୱାଡିଲେ, ହେୱାନ “ଚେଲ୍‌ହିର୍ ହେୱାନିଂ କାଲେତାଂ ୱେନ୍‌ବେଦେଂ ଲାଗାତାର୍, ଆପେଂ ପୁଦାତିଙ୍ଗ୍ ଇନେକିଦେଂ ପିହିକିଦେଂ ଆଡ଼ୱାତାପ୍ ?” ୨୯ ଜିସୁ ହେୱାରିଂ ଇଚାନ, “ପାର୍ତାନା ଆଡ଼ିତିସ୍ ଆରି ଇମ୍‌ଣି ବାନ୍ୟା ପୁଦା ପିହିକିୟା ଆଉଡ଼ ।”

ଜିସୁ ଆରେ ରଗ ନିଜେ ହାନି ବିସ୍ତେ ଇଚାନ
(ମାତିଉ ୧୭:୨୨-୨୩; ଲୁକ ୯:୪୩-୪୫)

୩୦ ଜିସୁ ଆରି ଚେଲ୍‌ର୍ ହେ ବାହାତ ପିସ୍ତ୍ରା ଗାଲିଲି ନିପତିଂ ଆଜି ହାଚାର୍, ଆରି ଇନେର୍ ହେଦାଂ ପୁନ୍‌ମେର୍ ଇଞ୍ଜି ମାନ ହିଲ୍‌ୱାତାଡ଼, ୩୧ ଇନାକିଦେଂକି ହେୱାନ ତା ଚେଲ୍‌ରିଂ ଇ କାତା ଇଞ୍ଜି ହିକ୍ୟା ହିଜି ମାଚାନ, ହେୱାନ ହେୱେରିଂ ଇଚାନ । “ମାନାୟ୍ ମାଜି ମାନାୟ୍ କେଇଦ ହେଲ୍‌ୟା କିୟା ଆନାନ, ଆରେ ହେୱାର୍ ହେୱାନିଂ ଗ୍ରାକ୍‌ନାର୍ ଆରେ ହେୱାନ ହାଡି ପାଚେ ତିନ୍‌ଦିନ୍ ତାଙ୍ଗ୍ ପାଚେ ଆରେ ନିଙ୍ଗ୍‌ନାନ ।”

୩୨ ମାତର୍ ଚେଲ୍‌ର୍ ହେ କାତା ବୁଜା ଆୱାତାର୍ ଆରେ ହେୱାନିଂ ୱେନ୍‌ବେଦେଂ ପାଣ୍ଡା ଆଜି ମାଚାର୍ ।

ଜିସୁ ଇଚାନ ଇନେର୍ ଗାଜାକାନ
(ମାତିଉ ୧୮:୧୫; ଲୁକ ୯:୪୬-୪୮)

୩୩ ପାଚେ ହେୱାର୍ କପର୍‌ନାହୁମ୍ ୱାତାର୍ । ଜିସୁ ଇଞ୍ଜି ଏକିସ୍ ହେୱାରିଂ ୱେନ୍‌ବାତାନ, “ଏପେଙ୍ଗ୍ ହାସ୍‌ଦ ଇନାକା କାତା ବାର୍ତା କିଜି ମାଚାଦେର୍ ?”

୩୪ ✧ମାତର୍ ହେୱାର୍ ଚିମ୍‌ରା ଆଜି ମାଚାର୍, ଇନାକିଦେଂକି ସାଗେ ରାଜିତ ଇନେର୍ ଗାଜା, ଇ କାତା ଆସ୍ତ୍ର ହାସ୍‌ଦ ଗାଣ୍ଡୁ କିଜି ମାଚାର୍ । ୩୫ ✧ହେବେ ହେୱାନ କୁଚ୍‌ଚି ବାରଜାଣ୍ ଚେଲ୍‌ରିଂ କୁକ୍‌ତାନ ଆରି ହେୱାରିଂ ଇଚାନ, “ଜଦି ଇନେର୍ ମୁଡ଼୍ ଆଦେଂ ଇଚା କିନାନ ତାଆଡିସ୍ ହେୱାନ ୱିଜାକାର୍ ତାଙ୍ଗ୍ ହାରୁକାନ ଆରି ୱିଜାକାରିଂ ହେବା କିନାକାନ ଆୟେନ୍ ।” ୩୬ ଆରେ, ହେୱାନ ର ହାରୁ କାଡ଼୍‌ଦେଂ ଆସ୍ତ୍ର ହେୱାର୍ ମାଦି ନିଲି କିତାନ ଆରେ ତାଙ୍ଗେଙ୍ଗ୍ ତନ୍‌ଞ୍ଜି ହେୱାରିଂ ଇଚାନ, ୩୭ ✧“ଇନେର୍ ନା ତର୍‌ଦ ଏଲେଙ୍ଗ୍ ହାରୁ ହିମ୍‌ଣା ବିତ୍ତେ ରକାନିଂ ଇଚ୍‌ନାର୍, ହେୱାନ ନାଙ୍ଗେଙ୍ଗ୍ ଇଚ୍‌ନାନ, ଇନେର୍ ନାଙ୍ଗେଙ୍ଗ୍ ଇଚ୍‌ନାନ, ମାତର୍ ନା ପଲ୍ଲିତି ଆବାଙ୍ଗ୍ ମାନି କିନାନ ।”

ମାଙ୍ଗେଙ୍ଗ୍ ବିରଦ୍ କିଞ୍ଜି ଲଗୁ ମା ନିଜ୍ ଲକୁ
(ଲୁକ ୯:୪୯-୫୦)

୩୮ ଜହନ୍ ଜିସୁଙ୍ଗ୍ ଇଚାନ, “ଏ ଗୁରୁ, ମା କୁଦା ତାକେ ରୱାନ ହିଲ୍‌ୱିତି ଲଗାଙ୍ଗ୍ ନି ତର୍‌ଦାଂ ପୁଦା ପିହିନାକା ହୁଡ଼୍‌ତାପ୍, ଆରେ ହେୱାନ ମା କୁଦା ତ ହିଲ୍‌ୱିତିଲେ ମୁନାକିତାପ୍ ।”

୩୯ ମାତର୍ ଜିସୁ ଇଚାନ, “ତାଙ୍ଗେଙ୍ଗ୍ ମୁନା କିମାଟ୍; ଇନେକିଦେଂକି ନା ତର୍‌ଦ ସାଲ୍ଲିନି କାମାୟ୍ କିଜି ହାଚାଗ୍ରେ ନାଦାଂ ବାନ୍ୟା କିଦେଙ୍ଗ୍ ଆଡ଼୍‌ନାନ, ଏପେଙ୍ଗ୍ ଲଗୁ ଇନେର୍ ହିଲ୍‌ର୍; ୪୦ ✧ଇନେକିଦେଂକି ଇନେର୍ ମା ବିରୁଡ଼୍ ଆକାୟ୍, ହେୱାନ ମାପାକ୍ୟା । ୪୧ ✧ଆନ୍ ମିଙ୍ଗେଙ୍ଗ୍ ହାଡ଼୍‌ପା ଇଞ୍ଜିନାଙ୍ଗା, ଏପେଙ୍ଗ୍ କ୍ରିସ୍‌ତି ଲକୁ ଇଞ୍ଜି ଇନେର୍‌କି ମିଙ୍ଗେଙ୍ଗ୍ ର ଗିନା ଏଜୁଂ ଉଣ୍ଡେଙ୍ଗ୍ ହିଡ଼୍‌ତିସ୍, ହେୱାନ ଇନେସ୍ କିଜିପା ଜାର୍ ମୁକୁଟ୍ ଆରାୟ୍ କିଉନ୍ ।”

ପାତର୍ ତାକେ ପାପ୍ କିତାକା
(ମାତିଉ ୧୮:୬-୯; ଲୁକ ୧୭:୧-୨)

୪୨ “ଜିସୁ ଆରେ ଇଞ୍ଜେଙ୍ଗ୍ ଲାଗାତାନ, ଇନେର୍ ପାତର୍ କିଜି ମାନି ଇ ହାରୁକାର୍ ବିସ୍ତେ ରକାନିଂ ବାଦା ଆଡିସ୍, ହେୱାନ ହାକ୍‌ତ ର ଗାଜା ଜାତାକାଲ୍ ତୁଇ କିଜି ହେୱାନିଂ ହାମ୍‌ଦୁର୍ ତାକେ ତୁଇ ହିଗିତିସ୍ ହେଦାଂ କାଜିଂ ହାରା ଆତାମ୍ । ୪୩ ✧ଆରେ, ମି କେଇ ଜଦି ମିଦାଙ୍ଗ୍ ବାଦା ଆନାଡ଼, ତାଙ୍ଗେଙ୍ଗ୍ କାଦ୍‌ଦି ତୁସି ହିୟାଟ୍, ଆରି ରି କେଇ ଅଜି ନରକ୍, ଇତିସ୍ ହାଞ୍ଜିନାଣି ବିତ୍ତେ ହାନି ବାଟା ଚୁଟାଆଜି ଜିବୁନ୍‌ତ ହଣାଗାନାକା ମି ପାକ୍ୟାତ ହାର୍ । ୪୪ ଇନାକିଦେଂକି ନାଣିତ ହେୱାର୍‌ତ ପିକୁ ଜିରା ଆଉକ୍, ଆରି ନାଣି ହାହୁଡ଼୍ । ୪୫ ଆରେ, ମି ପାନା ଜଦି ମିଙ୍ଗେଙ୍ଗ୍ ବାଦା ହିଦ୍‌ନାତା ହେଦେଲିଂ କାଦ୍‌ଦି ତୁସିହିୟାଟ୍, ରି ପାନାଙ୍ଗ୍ ତାସି ନରକ୍‌ତ ଦେହେନି ବାଟା ଚଟା ଆଜି ଜିବୁନ୍‌ତ ହାନାକା ମି ପାକ୍ୟାତ ହାର୍ । ୪୬ ଇନାକିଦେଂକି ନାଣିତ ହେୱାର୍‌ତ ପିକୁ ଜିରା ଆଉକ୍, ଆରି ନାଣି ମୁଡ଼୍‌କେ ହାଉଡ଼୍ । ୪୭ ✧ଆରେ ମି କାଣ୍‌ଙ୍ଗା ଜଦି ମିଙ୍ଗେଙ୍ଗ୍ ବାଦା ହିଦ୍‌ନାତା, ଇତିସ୍ ହେ କାଣାଙ୍ଗାତିଂ ଉନ୍‌ଦି ତୁସି ହିୟାଟ୍, ରି କାଣ୍‌କୁ ଅଜି ନରକ୍‌ତ ତୁସିହିନି ବାଟା ର କାଣାଙ୍ଗା ଅଜି ମାପୁ ରାଜିତ ହଣାକା ନି ପାକ୍ୟାତ ହାର୍ । ୪୮ ଇନାକିଦେଂକି ନାଣିତ ହେୱାର୍‌ତ ପି ଱ିଜୁଡ଼୍ ଆରି ନାଣି ହାଉଡ଼୍ ।”

✧ ୯:୩୪ ୯:୩୪ ଲୁକ ୨୨:୨୪. ✧ ୯:୩୫ ୯:୩୫ ମାତିଉ ୨୦:୨୨,୨୨; ୨୩:୧୧; ମାର୍କ ୧୦:୪୩,୪୪; ଲୁକ ୨୨:୨୨. ✧ ୯:୩୬ ୯:୩୬ ମାତିଉ ୧୦:୪୦; ଲୁକ ୧୦:୧୬; ଜହନ୍ ୧୩:୨୦. ✧ ୯:୪୦ ୯:୪୦ ମାତିଉ ୧୨:୩୦; ଲୁକ ୧୧:୨୩. ✧ ୯:୪୧ ୯:୪୧ ମାତିଉ ୧୦:୪୨. ✧ ୯:୪୩ ୯:୪୩ ମାତିଉ ୫:୩୦. ✧ ୯:୪୬ ୯:୪୬ ମାତିଉ ୫:୨୯.

୪୯ “ଲୀଗିଂ ଓଜାର ନାଣିତ ହର ଲାକେ ହୱାଦ୍ । ହର ହାର୍ଦାକା, ମାତର ହର ଜଦି କାର୍ଯ୍ୟ ଆନାଟ୍, ତା ଆତିସ୍ ହେଦେଲିଂ ଇନାକାତ ହୱାଦ୍ କିୟାନାଟ୍ ? ଏପେଙ୍ଗ୍ ଜାର ବିତ୍ରେ ହର ହୱାଦ୍ ସମାନ୍ ମାନାଟ୍ ଆରି ହାରି ଲାହାଂ ସୁସ୍ତାତ ମାନାଟ୍ ।”

୫୦ * “ହର ହାର୍ଦାକା, ଏଲେଙ୍ଗ୍ ହର ଲାକେ ଆଖାତାଡ୍ଡି, ତା ଆତିସ୍ ଇନାକାତ ହୱାଦ୍ କିନାକା ? ଏପେଙ୍ଗ୍ ଜାର ଜାର ତାକେ ହାର୍ ଗୁଣ ଇଟାଟ୍ ଆରେ ଓଜାକାଦେର ସୁସ୍ତାତ ମାନାଟ୍ ।”

୧୦

ଡକ୍ଟିଂ ପିହିନି ବିସ୍ତେ ଜିସୁ ହିକାଇ କିତାକା
(ମାତିଉ ୧୯:୧-୧୨; ଲୁକ ୧୭:୧୮)

୧ ଜିସୁ ହେ ବାହାତାଂ ହାଲ୍ଲି ପା ଜିହୁଦାନିପ ଆରି ଜର୍ଦନ୍ ନାଗୁଡ୍ ନାସି ଖାତାନ୍, ଆରେ ମାନାୟ୍ ତାକେ ଆରେ ରଗ ହେଦାଂ ମେହା ଆତାନ୍, ହେଖାନ୍ ନିଜେ ନି ନିତି ତାଙ୍ଗ୍ ହେଖାରିଂ ହିକାଇ କିଦେଙ୍ଗ୍ ଲାଗାତାନ୍ ।

୨ ଇବେଣ୍ଡାଂ ପାରୁସିର୍ ତା ତାକେ ଖାଜି ତାଙ୍ଗେଙ୍ଗ୍ ପରିକ୍ୟା କିଜି ଖେନ୍ବାତାର୍, ମା “ବିଦି ହିଦ୍ନାତା କି ରଖାନ୍ ତା ଡକ୍ଟିଂ ପିସିସି ହେଦାଂ ଇନାକା ଆଣ୍ଡେନ୍ ତାକେ ନ୍ୟାୟ୍ ମାନାଟ୍ କି ?”

୩ ଜିସୁ ହେଖାରିଂ ଉତର୍ ହିତାନ୍, “ମସା ମିଙ୍ଗେଙ୍ଗ୍ ଇନା ବଲ୍ ହିଡ୍ତାନ୍ନା ?”

୪ * ହେଖାର୍ ଇଟାର୍, “ହେଲ ଆକି ଲେକି କିଜି କଗଲେଂ ପିହିନି କାଜିଂ ମସା, ହେଲ ହିତାନ୍ନା ।”

୫ ହେବେ ଜିସୁ ହେଖାରିଂ ଇଟାନ୍, “ମି ମାନ୍ ଆଟ୍ ଖା ହୁଡ୍ଡି ମସା ମି କାଜିଂ ଇ ବଲ୍ ଲେକି କିତାନ୍ନା । ୬ ମାତର ଉଦ୍‌ଜାଣ୍ ଆତି ଆରମ୍ଭତାଂ ଇସ୍ବର ହେ ଲାକେ ହେଖାରିଂ ଆଣ୍ଡେନ୍ ଆରେ କଗଲେ କିଜି ଉଦ୍‌ଜାଣ୍ କିତାନ୍ ।” ୭ “ଇଦାଂ କାଜିଂ ଆଣ୍ଡେନ୍ ଜାର ଆବା ଆୟାଂ ପିହିନାନ୍, ଆରି ହେଖାର୍ ଏକ୍ ଆନାର୍, * ୮ ଆରେ ହେଖାର୍ ରିକାର୍ ଆକାୟ୍, ମାତର ର ଗାଗାଡ୍ ଆନାର୍ । ୯ ଲୀଗିଂ ଇସ୍ବର ଇମ୍‌ଶାକାରିଂ ମେହାୟ୍ କିତାନ୍ନା, ମାନାୟ୍ ହେଦାଂ ଏଡାୟ୍ କିମେର ।”

୧୦ ପାଚେ ଚେଲାର୍ ଇଞ୍ଜ ହେଖାନିଂ ଇ ବିସ୍ତେ ଆରେ ରଗ ଖେନ୍‌ବେଦେଂ ଲାଗାତାର୍ । ୧୧ * ହେବେଣ୍ଡାଂ ହେଖାନ୍ ହେଖାରିଂ ଇଟାନ୍, “ଇନେର ଜାର ଡକ୍ଟିଂ ପିସିସି ବିନ୍‌ନିକାତିଂ ବିବାଆତିସ୍, ହେଖାନ୍ ତା ବିରୁଦ୍‌ତ ଦାରି ଆନାନ୍ । ୧୨ ଆରେ, ଜଦି କଗଲେ ଜାର ଡକ୍ଟାଙ୍ଗ୍ ପିସିସି ବିନ୍‌ଲୁଗାଂ ବିବା ଆତିସ୍, ଲୀଗିଂ ହେଦେଲ୍ ଦାରି ।”

ଜିସୁ ହିମ୍‌ଶାକାଂ ଖାରି କିନାନ୍
(ମାତିଉ ୧୯:୧୩-୧୫; ଲୁକ ୧୮:୧୫-୧୭)

୧୩ ହେଖାନ୍ ଇନେସ୍ ହିମ୍‌ଶାକାଂ ଡୁଜି ଆସିର୍ବାଦ୍ କିନାନ୍, ଇଦାଂ କାଜିଂ ହେଖାରିଂ ହେଖାନ୍ ତାକେ ତାତେଙ୍ଗ୍ ଲାଗାତାର୍, ମାତର ଚେଲାର୍ ହେଖାରିଂ ଦାକା କିତାର୍ । ୧୪ ଜିସୁ ହେଦାଂ ହୁଡ୍ଡି ରିସା ଆଜି ହେଖାରିଂ ଇଟାନ୍, “ହିମ୍‌ଶାକାଂ ନା ତାକେ ଖାଦେଙ୍ଗ୍ ହିଆଟ୍, ହେଖାରିଂ ମୁନାକିମାଟ୍, ଇଦାଂ କାଜିଂ ଇସ୍ବରତି ରାଜି ଇ ଲାକେ ମାନାୟାଟ୍ । ୧୫ ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜନାଙ୍ଗା, ଇନେର ହିମ୍‌ଶାଂ ଲାକେ ଇସ୍ବର ରାଜିତ ଆଞ୍ଜିତିସ୍, ହେଖାନ୍ ଇନେସ୍ କିଜି ପା ସାଗେ ରାଜିନିପ ହେବେ ହଣ୍ଡେଙ୍ଗ୍ ଆଡୁନ୍ ।” ୧୬ ଆରେ, ହେଖାନ୍ ହେଖାରିଂ ଡକ୍ଟିଂ କେଇ ଇଡ୍ଡି ଆସିର୍ ବାଦ୍ କିତାନ୍ ।

ର ହାଞ୍ଜାକାର୍ ମାନାୟ୍ ବିସ୍ତେ
(ମାତିଉ ୧୯:୧୬-୩୦; ଲୁକ ୧୮:୧୮-୩୦)

୧୭ ଜିସୁ ହାନିହିଂ ହାଞ୍ଜେଙ୍ଗ୍ ଆରାମ୍ କିନି ଖେଡାଲିଂ ରକାନ୍ ହନ୍‌ଚି ଖାଜି ହେଖାନ୍ ଲାଗାଂ ମେଣ୍ଡାକୁୟି କିଜି ହେଖାନିଂ ଖେନ୍‌ବାତାନ୍, “ଏ ସଡ୍ ଗୁରୁ, ଓଜ୍‌ଓଜି ଜିବୁନ୍ ପାୟା ଆଦେଂ ଆନ୍ ଇନାକା କିନାଙ୍ଗ୍ ?”

୧୮ ହେବେଣ୍ଡାଂ ଜିସୁ ହେଖାନିଂ ଇଟାନ୍, “ନାଙ୍ଗେଙ୍ଗ୍ ହାର୍ ଇଞ୍ଜି ଇନେକିଦେଂ ଇଞ୍ଜନାୟା ?” ରଖାନ୍ ପିସିସି, ଇତିସ୍ “ଇସ୍ବର ତାଙ୍ଗ୍ ଇନେର ହାର୍‌କାର୍ ହିଲୁର ।”

୧୯ ବଲ୍‌କୁ ତ ଏନ୍ ପୁଟାୟନା, ନାର୍‌ତି ଅହମାଟ୍, ଦାରି କିମାଟ୍, କୁଟ୍ କିମାଟ୍, ଜାର ଆବା ଆୟାକାଂ ଖାରି କିୟାଟ୍ । ୨୦ ହେଖାନ୍ ତାଙ୍ଗେଙ୍ଗ୍ ଇଟାନ୍, “ଏ ଗୁରୁ, ଇଦାଂ ଓଜୁ ନିୟମ୍ ହାରୁଖେଡାଙ୍ଗ୍‌ତାଂ ଆନ୍ ବେଣ୍ଡିୟା ଖେଡାତାଙ୍ଗ୍ ମାନି କିଜି ଖାନାଙ୍ଗା ।”

୨୧ ଜିସୁ ହେଖାନ୍ କାଜିଂ ରବେ ହୁଡ୍ଡି ହେଖାନିଂ ଜିଉନଜି ଆରେ ଇଟାନ୍, “ନିୟାଂ ର ବିସ୍ତେ ଉଣା ମାନାଟ୍, ଏନ୍ ହାଲ୍ଲି ନିଜେତି ସବୁ ପ୍ରସି ଅକ୍ ଡ୍ ତାରିଙ୍ଗ୍ ଦାନ୍ ହିୟା, ଆରେ ଏନ୍ ସାଗେନି ଦାନ୍ ପାୟା ଆନାୟ୍;

* ୯:୫୦ ୯:୫୦ ମାତିଉ ୫:୧୩; ଲୁକ ୧୪:୩୪, ୩୫. * ୧୦:୪ ୧୦:୪ ମାତିଉ ୫:୩୧. * ୧୦:୭ ୧୦:୭ କେତେକ୍ ପତିତ ଆରି ତା ଡକ୍ଟିଂ ଲାହାଂ ମେହାନାର୍ । * ୧୦:୧୧ ୧୦:୧୧ ମାତିଉ ୫:୩୨; ୧ କରନ୍ତ୍ରୟ ୭:୧୦, ୧୧.

ଆରେ ଖାଜି ନା ପାଚେ ପାଚେ ଖା ।” ୨୨ ମାତର୍ ଇ କାତାତ ତା ମୁମ୍ ରାଡ଼ତାନ୍ ଆରେ ହେଖାନ୍ ଦୁକ୍ ଆଜି ହାଚାନ୍, ଇଚିସ୍ ହେଖାନ୍ତି ବେସି ଦାନ୍ ମାଚାଡ଼ ।

୨୩ ପାଚେ ଜିସୁ ଚାରିବେଣ୍ଡାତା ହୁଡ଼ଜି ନିଜେତି ଚେଲାରିଂ ଇଚାନ୍, “ଇନେରତି ଦାନ୍ ମାନାଡ଼, ହେଖାନ୍ କେତେକ୍ କସୁତାଂ ଇସ୍ବର ରାଜିତ ହାନାର ।”

୨୪ ଜିସୁତି କାତା ଖେନ୍ଝି ଚେଲାର୍ କାବା ଆତାର୍, ମାତର୍ ଜିସୁ ଆରେ ରଗ ହେଖେରିଂ ଇଚାନ୍, “ବପାର୍ ଇସ୍ବର ରାଜିତ ହାନାକା କେତେକ୍ କସୁ !” ୨୫ ଇସ୍ବର ରାଜିତ ମାଜାନିଂ ହାଣାକା ଇଚିସ୍ ହୁଜା କାଣାତ ଉର୍ ହାଣାକା ଆଡ଼୍ଝା, ର ମାଜାନ୍ ସାଗେ ରାଜିତ ହାଣାକା ବେସି କସୁ ।

୨୬ ଇଦାଂ ହେଖାନ୍ ବେସି କାବା ଆଜି ହେଖାନ୍ ହେଖାନ୍ନେ ଇନ୍ଦା ଆତାର୍, “ଇଚିସ୍ ଇନେର୍ ମୁକ୍ତି ପାୟା ଆନାନ୍ ?”

୨୭ ଜିସୁ ହେଖାରିଂ ସିଦା ହୁଡ଼ଜି ଇଚାନ୍, “ଇଦାଂ ମାନାୟତିଂ କିୟା ଆଖାକା, ମାତର୍ ଇସ୍ବରତି ଆକାୟ; ଇଚିସ୍ ଇସ୍ବରତି ଓଁଜୁ ଆନାଡ଼ ।”

୨୮ ପିତର୍ ହେଖାନିଂ ଇଚାନ୍, “ହୁଡ଼ାଟ୍, ଆପେଂ ଓଁଜେ ପିସ୍ସି ନି ପାଚେ ପାଚେ ଖାନାପା ।”

୨୯ ଜିସୁ ଇଚାନ୍, “ଆନ୍ ମିଜେଙ୍ଗ୍ ହାଡ଼ପା ଖେଚ୍ଚାନାଜା, ଇମ୍ଣାକାନ୍ ନା ନେକ୍ରିକାରୁର୍ କାଜିଂ ଇଲ୍ କି ଟଣ୍ଡେନ୍ କି ତଣ୍ଡେଲ୍ କି ଆୟା କି ଆବା କି ହିମ୍ଣାଖାକ୍ତା କି ବୁମି ପିସ୍ସାନ୍ନା । ୩୦ ଆରେ ଅଙ୍ଗୟ୍ ଇ କାଡ଼ଦ୍ ଦୁକ୍ ସାଜେ ସାଜେ ପାଞ୍ଚକଡ଼ି ଗୁଣତ ଇଲ୍, ଟଣ୍ଡେନ୍, ତଣ୍ଡେଲ୍, ଆୟା, ହିମ୍ଣାଖାକ୍ତା ଆରେ ବୁମି, ଆରେ ପାଚେନି ଜୁଗ୍ତ ଓଁଜୁ ଜିବୁନ୍ ପାୟା ଆଉନ୍, ଏଲେଙ୍ଗ୍ ବାତ୍ ମାନାୟ୍ ଇନେର୍ ହିଲୁର୍ । ୩୧ ମାତର୍ ଆଗେ ମାନି ହେନି ମାନାୟାର୍ ପାଚେ ଆନାର୍ ଆରି ପାଚେ ମାନି ହେନି ମାନାୟାର୍ ହିଗ୍ଦ ଆନାର୍ ।”

ଜିସୁ ତା ହାନାକା ବିସ୍ତେ ତିନ୍ହର୍ ଖେଚ୍ଚାନ୍
(ମାତିଉ ୨୦:୧୭-୧୯; ଲୁକ ୧୮:୩୧-୩୪)

୩୨ ହେଖାନ୍ ଜିରୁସାଲମ୍ ତାକେ ହାନିଖାଡ଼ା ହାସ୍ଦ ମାଚାର୍ ଆରି ଜିସୁ ହେଖାନ୍ ଆଗେ ଆଗେ ହାଲ୍ଜି ମାଚାନ୍, ଆରି, ଚେଲାର୍ କାବା ଆରି ପାଚେ ମାତି ଲଗାଂ ପାଣ୍ଡୁ ଆଜି ମାଚାର୍ । ଇଦାଂ କାଜିଂ ହେଖାନ୍ ଆରେ ବାରଜାଣାତିଂ ବିନେ କିଜି, ହେଖାନ୍ ବିସ୍ତେ ଇନା ଇନାକା ଜିରୁସାଲମ୍ ଗିଟା ଆଦେଂ ହାନାତା, ହେ ଓଁଜେ ହେଖେରିଂ ଜାଣାଇ କିଦେଙ୍ଗ୍ ଲାଗାଆତାନ୍ । ୩୩ ହେଖେନ୍ ଇଚାନ୍, “ହୁଡ଼ାଟ୍, ଆପେଂ ଜିରୁସାଲମ୍ତ ହାନାପା; ମାନାୟ୍ ମାଜି ମୁଡ଼୍ ମାପୁ ହେବା କିନାକାନ୍ ଆରେ ଦରମ୍ ଗୁରୁର୍ କେଇଦ୍ ହେଲାୟ୍ ଆନାନ୍, ଆରେ ହେଖାନ୍ ହେଖେନିଂ ହାକିଦଣ୍ଡୁ ହିଜି ପାତ୍ କିଓଁ ଜିହୁଦିର୍ କେଇଦ୍ ହିନାର୍ । ୩୪ ଆରେ ହେଖାନ୍ ହେଖେନିଂ କିଜାୟ୍ କିନାର୍, ହେଖାନ୍ ଜପି ଏଓଁଡ଼ିଂ ଚୁପ୍ନାର୍, ହେଖେନିଂ କରତା ଇଡ଼ିନାର୍ ଆରି ପାଗ୍ନାର୍, ଆରେ ତିନି ଦିନ୍ ପାଚେ ହେଖାନ୍ ଆରେ ଜିବୁନ୍ ଆଜି ନିଙ୍ଗନାନ୍ ।”

ଜାକୁବ୍ ଆରି ଜହନ୍ ଗଖାରି କିନାକା
(ମାତିଉ ୨୦:୨୦-୨୮)

୩୫ ପାଚେ ଜେବ୍ଦିତି ମାଜି ଜାକୁବ୍ ଆରି ଜହନ୍ ଜିସୁ ତାକେ ଖାଜି ଇଚାର୍, “ଏ ଗୁରୁ, ମା ଇଚା ଜେ, ଆପେଂ ନିବେଣ୍ଡାଂ ଇନାକାପା ଏନ୍ତାନାପ୍, ହେଦାଂ ମା କାଜିଂ ଏନ୍ କିୟା ।”

୩୬ ହେବେଣ୍ଡାଂ ହେଖାନ୍ ହେଖେରିଂ ଖେନ୍ଦାତାନ୍, “ଆନ୍ ମି କାଜିଂ ଇନାକା କିନାକା ଇଞ୍ଜି ଏପେଙ୍ଗ୍ ମାନ୍ କିନାଦେରା ?”

୩୭ ହେଖେର୍ ହେଖେନିଂ ଇଚାର୍, “ଜାର୍ ଜାଜ୍ମାଲ୍ ପାୟା ଆତିସ୍ ଇନେସ୍ ମା ତାଙ୍ଗ୍ ରକାନ୍ ନିଙ୍ଗ୍ ତିନି କଟଣ୍ଡତ ରକାନ୍ ତେବା କଟଣ୍ କୁଚ୍ଚାନ୍ ମାଜେଙ୍ଗ୍ ଇ ବର୍ ହିଦା ।” ୩୮ ମାତର୍ ଜିସୁ ହେଖେରିଂ ଇଚାନ୍, “ଏପେଙ୍ଗ୍ ଇନାକା ଏନ୍ନାଦେରା, ହେଦାଂ ପୁନ୍ନୁଦେରା । ଆନ୍ ଇମ୍ଣି ଗିଲ୍ଲାସ୍ତ ଉଣ୍ଡି ମାନାଙ୍ଗ୍, ହେବେ କି ଏପେଙ୍ଗ୍ ଉଣ୍ଡେଙ୍ଗ୍ ଆଡ଼ନାଦେର୍ କି ? ଇଚିସ୍ ଆନ୍ ଇମ୍ଣି ବାପ୍ତିସିମ୍ତ ବାପ୍ତିସିମ୍ ଆନାଙ୍ଗା, ହେବେ କି ଏପେଙ୍ଗ୍ ବାପ୍ତିସିମ୍ ଆଦେଂ ଆଡ଼ନାଦେର୍ କି ?”

୩୯ ହେଖାନ୍ ହେଖେନିଂ ଇଚାର୍, “ଆଡ଼ନାପ୍ ।” ଜିସୁ ହେଖେରିଂ ଇଚାନ୍, ଆନ୍ ଇମ୍ଣି ଗିଲ୍ଲାସ୍ତ ଉଣାଙ୍ଗା, ଏପେଙ୍ଗ୍ ହେ ଗିଲ୍ଲାସ୍ତ ଉଣାଦେର୍, ଆରେ ଆନ୍ ଇମ୍ଣି ବାପ୍ତିସିମ୍ତ ବାପ୍ତିସିମ୍ ଅନାଙ୍ଗା, ଏପେଙ୍ଗ୍ ହେବେ ବାପ୍ତିସିମ୍ ଆନାଦେର୍;

୪୦ ମାତର୍ ବୁଜ୍ଣି ବାଗାଙ୍ଗ୍ କି ତେବାବାଗାଙ୍ଗ୍ କୁଚ୍ଚେଂ ହିନାକା ନା ଆଦିକାର୍ ବିସ୍ତେ ହିଲୁଡ଼, ଇସ୍ବର ଆବା ଇମ୍ଣାକାର୍ କାଜିଂ ବାହା ରଚି କିତାନ୍ନା, ହେଖାନ୍ କୁଚ୍ଚନାର୍ ।

୪୧ ବିନ୍ ଦାସ୍ ଜାଣ୍ ଇଦାଂ ଖେନ୍ଝି ଜାକୁବ୍ ଆରେ ଜହନ୍ ଜପି ରିସା ଆଦେଂ ଲାଗାତାର୍ । ୪୨ ହେବେତାଂ ଜିସୁ ହେଖେରିଂ ରବେ କୁକ୍ଚି ଇଚାନ୍, “ଇମ୍ଣାକାର୍ ପାତ୍ କିଓଁ ଜିହୁଦିରିଂ ରାଜ୍ କିନାକାର୍ ଲାକେ,

☆ ୧୦:୩୧ ୧୦:୩୧ ମାତିଉ ୨୦:୧୭; ଲୁକ ୧୩:୩୦. ☆ ୧୦:୩୮ ୧୦:୩୮ ଲୁକ ୧୨:୫୦.

ହେୱାର୍ ହେୱାର୍ ଜପି ରାଜି କିନାନ୍ ଆରି ପାତର୍ କିଞ୍ଚି ଜିହୁଦିରିଂ ଗାଜାଲଗୁ ହେୱାର୍ ଜପି କାମାୟୁକି କିତାର୍, ଇଦାଂ ଏପେଙ୍ଗ୍ ପୁନାଟ୍ । ୪୩ ଫାତର୍ ମି ବିତ୍ରେ ହେ ଲାକେ ଆକାୟ୍, ମାତର୍ ମି ବିତ୍ରେ ଇନେର୍ ଗାଜାକାର୍ ଆଦେଂ ଇଚା କିତାର୍, ହେୱାନ୍ ମି କାଜିଂ ହେବା କିନାକାନ୍ ଆୟେନ୍; ୪୪ ଆରେ ମି ବିତ୍ରେ ଇନେର୍ ଗାଜାକାନ୍ ଆଦେଂ ଇଚା କିନାନ୍, ହେୱାନ୍ ଓଜାରିଂ ହଲ୍ୟା ଆୟେନ୍ । ୪୫ ଇନେକିଦେଂକି ମାନାୟ୍ ମାଜି ପା ହେବା ପାୟା ଆଦେଂ ୱାଞ୍ଚାତାଂନା, ମତର୍ ହେବା କିଦେଙ୍ଗ୍ ଆରି ହେନି କାଜିଂ ମୁକ୍ତାୟ୍ କିନି ମୁଲ୍ଲକାକେ ଜିରୁନ୍ ହିଦେଂ ୱାତାନ୍ନା ।”

ଜିସୁ ବାର୍ତିମୟ କାଣାଙ୍ଗ୍ ଉଜ୍ କିତାନ୍
(ମାତିଉ ୨୦:୨୯-୩୪; ଲୁକ ୧୮:୩୫-୪୩)

୪୬ ପାଚେ ହେୱାର୍ ଜିରିହ ତାକେ ଏକାତାର୍, ଆରେ ଜିସୁ ଚେଲାହିର୍ ଲାହାଙ୍ଗ୍ ଆରି ବେସି ମାନାୟ୍ ଲାହାଙ୍ଗ୍ ଜିରିହତ ପିସ୍ତ୍ର ହାନିଞ୍ଚାତାଂ ଚିମାୟର୍ ମେହି ବାର୍ତିମୟ ତର୍ ରକାନ୍ କାଣା ବିକାରି ହାଜି ଗୁଚିତ କୁଚି ମାଚାନ୍ । ୪୭ ହେୱାନ୍ ଜେ ନାଜରିତିୟନି ଜିସୁ, ଇଦାଂ ୱେନ୍ଞି ହେୱାନ୍ ଗାଜା ୱେଇଦାଂ ଇଞ୍ଜେଙ୍ଗ୍ ଲାଗାତାନ୍, “ଏ ଦାଉଦ୍ ମାଜି ଜିସୁ, ନାଙ୍ଗେଙ୍ଗ୍ ଦୟା କିଦା ।”

୪୮ ଇବେତାଂ ବେସି ତାଙ୍ଗେଙ୍ଗ୍ ଆଲା ଆମା ଇଞ୍ଜି ଗଡ଼କିଦେଂ ଲାଗାତାର୍, “ମାତର୍ ହେୱାନ୍ ଆରି ଆଦିକ୍ ଗାଜା ୱେଇଦାଂ ଇଞ୍ଜେଙ୍ଗ୍ ଲାଗାତାନ୍, ଏ ଦାଉଦ୍ ମେହି, ନାଙ୍ଗେଙ୍ଗ୍ ଦୟା କିଦା ।” ୪୯ ହେବେତାଂ ଜିସୁ ନିଲ୍ଚି ୱେଚ୍ଚାନ୍, “ହେୱାନ୍ ହିରବାଟ୍ ।” ହେୱାର୍ ହେ କାଣକୁ ହୁଡ଼ିଞ୍ଚି ମାନାୟ୍ ହିରବିସ୍ ଇଚାନ୍, “ସାସ୍ ଆ, ନିଲା, ନିଙ୍ଗେଙ୍ଗ୍ କୁଞ୍ଚାନାନ୍ ।”

୫୦ ହେବେତାଂ ହେୱାନ୍ ନିଲ୍ଚି ପା ହେୟା ଦୁହିଜି ଜିସୁ ତାକେ ୱାତାନ୍ ।

୫୧ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଆନ୍ ନି କାଜିଂ ଇନାକା କିନାଙ୍ଗ୍ ଇଞ୍ଜି ଏନ୍ ଇନାକା ଇଚା କିନାୟା ?” ହେ କାଣା ମାନାୟ୍ ହେୱାନ୍ ଇଚାନ୍, “ଏ ଗୁରୁ, ଆନ୍ ଇନେସ୍ ହୁଡ଼ିଦେଂ ଆଡ଼ନାଂ ।”

୫୨ ଜିସୁ ତାଙ୍ଗେଙ୍ଗ୍ ଇଚାନ୍, “ହାଲା,” ନି ପାତର୍ କିନାକା ନିଙ୍ଗେଙ୍ଗ୍ ଉଜ୍ କିଡ଼ତାଡ଼ନ୍ନା । ହେ ଦାପ୍ରେ ହେୱାନ୍ ହୁଡ଼ିତାନ୍ ଆରେ ହାଜିତିଂ ହେୱାନ୍ ପାଚେ ପାଚେ ହାଚାନ୍ ।

୧୧

ଜିସୁ ଜିତା ଆଜି ହାନାକା
(ମାତିଉ ୨୧:୧-୧୧; ଲୁକ ୧୯:୨୮-୪୦; ଜହନ୍ ୧୨:୧୨-୧୯)

୧ ଏଚେକାଡ଼ଦ୍ ହେୱାର୍ ଜିରୁସାଲମ୍ ଲାଗାୟ୍ ୱାଜି ଜିଡ଼ମାଡ଼ି ଲାଗେ ବେଡ଼ପାଗି ଆରି ବେଡ଼ନିୟା କଚଣ୍ଡତ ୱାତାର୍, ହେ ପାଦନା ଜିସୁ ନିଜ୍ ଚେଲାରିଂ ତାଙ୍ଗ୍ ରିୟାରିଂ ଇ କାତା ୱେଚ୍ଚି ପକ୍ତାନ୍, ୨ ମି ମୁମ୍ ହାଣକୁ ହେ ନାସ୍ତ ହାଲାଟ୍ । “ହେବେ ହଣି ସାଙ୍ଗେ ସାଙ୍ଗେ, ଇମ୍ଘାକା ଜପି ଇନେର୍ ଇନାଞ୍ଚାତାଂ କୁଚ୍ଞାତାନ୍ନା, ଏଲେଙ୍ଗ୍ ବାର୍ତାକା ର ଗଦ୍ ହିମ୍ଘାତିଂ ଗାଚ୍ଚାକା ହୁଡ଼ିନାଦେର୍, ହେଦେଲିଂ ରିକ୍ତି ତାଲ୍ଝାଡ଼ୁ । ୩ ଆରେ, ଏଚେକାଡ଼ଦ୍ ଇନେନ୍ ମିଙ୍ଗେଙ୍ଗ୍ ଇନାକିଦେଂ ଏଲେଙ୍ଗ୍ କିନାଦେର୍ ଇଞ୍ଜି ଇନତିସ୍, ହେଦାଂ ଇନାଦେର୍, ଇଦାଂ ତାକେ ମାପୁତିଂ ଲଡ଼ା ମାନାଟ୍, ଆରେ ହେୱାନ୍ ଆରେରଗ ବେଗି ପଞ୍ଚାନାନ୍ ।”

୪ ହେୱାର୍ ହାଲ୍ଜି ଦୁଞ୍ଜେର୍ ଲାଗାୟ୍ ବାର୍ତ ହାକିଡ଼ିତ ର ଗଦ୍ ହିମ୍ଘା ଗାଚ୍ଚାକା ହୁଡ଼ି ହେଦେଲିଂ ରିକ୍ତାର୍ । ୫ ହେବେ ନିଲ୍ଚିମାନି ମାନାୟାର୍ ବିତ୍ରେ ଇନେର୍ ଇନେର୍ ହେୱାରିଂ ୱେନ୍‌ବାତାର୍, “ଗଦ୍ ହିମ୍ଘାତିଂ ରିକ୍ତି ଇନାକିନାଦେରା ?”

୬ ଜିସୁ ଇନେସ୍ ୱେଚ୍ଚି ମାଚାନ୍, ହେୱାର୍ ହେ ଲାକେ ହେୱାରିଂ ଉତର୍ ହିତାର୍, ପାଚେ ହେୱାର୍ ହେୱାରିଂ ପିସ୍ତ୍ର ହିତାର୍ । ୭ ଜିସୁ ଲାଗାୟ୍ ଗଦ୍ ହିମ୍ଘାତିଂ ତାସି ହେୱାର୍ ତା ଜପି ନିଜ୍ ନିଜ୍ନି ହେୟା ପାସ୍ତାର୍, ଆରି ଜିସୁ ତା ଜପି କୁଚ୍ଚାନ୍ । ୮ ଆରେ ହେନି ହାସ୍ଦ ଜାର୍ ଜାର୍ ହେୟା ପାସ୍ତାର୍ ଆରେ କେତେଜାଣ୍ ଜମିତାଂ ତାଡ଼୍ କାଦ୍ ତାସି ପାସ୍ତାର୍ । ୯ ଆରେ, ଆଗେ ଆରି ପାଚେ ହାଲ୍ଜିମାନି ମାନାୟାର୍ ଗାଜାକାଚ୍ଚାତାଂ ଇଞ୍ଜେଙ୍ଗ୍ ଲାଗାତାର୍, “ହସାନ୍ନା ! ମାପୁତି ତର୍ଦ୍ ଇନେନ୍ ୱାନାନ୍ନା ଇସ୍ପର୍ ଆସିର୍ବାଦ୍ ହିଦନାନ୍ ! ୧୦ ମା ଆବା ଲାତ୍ରା ଦାଉଦ୍ତି ଇମ୍ଘା ରାଜି ୱାନାତା, ହେଦାଂ ଇସ୍ପର୍ ଆସିର୍ବାଦ୍ କିଦେନ୍ ! ଜପଣି ଲକାର୍ତି ହସାନ୍ନା !”

୧୧ ପାଚେ ଜିସୁ ଜିରୁସାଲମ୍ତ ୱାଜି ମାହିର୍ତ ହଚାନ୍, ଆରେ ଚାର୍‌ବେଣ୍ଡି ସବୁ ବିସ୍ତେ ହୁଡ଼ି ମାଜ୍‌ଗା ଆତିଲେ ବାରଜାଣ୍ ହୁକେ ବେଡ଼ନିୟାତ ହସିହାଚାର୍ ।

ଜିସୁ ଇଚିଲେ ତଗାମାର୍ ହାନାଡ଼
(ମାତିଉ ୨୧:୧୮-୧୯)

☆ ୧୦:୪୩ ୧୦:୪୩ ମାତିଉ ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭. * ୧୧:୩ ୧୧:୩ ମାପୁ; ନଲେ ଇଞ୍ଚି ହାଉକାର୍ ।

୧୭ ହେ ଆର୍କାଡ଼ ନାଜିଂ ହେଝାର ବେତ୍‌ନିୟାତାଂ ଖାଜି ମାଟି ଖେଡ଼ାଲିଂ ଜିସୁ ନାସକି ଆତାନ; ୧୩ ଆରେ, ହେଝାନ ଦେହାତାଂ ଆକିଂ ମାନି ର ତଗା ମାର ହୁଡ଼ଜି, ଇନେସ୍ ଆତିସ୍ ହେବେ ପାଡ଼୍ ଗାଟାଆଦନାଡ଼୍, ଇ ଆହା କିଜି ଲାଗେ ହାଚାନ । ମାତର୍ ଲାଗେ ଖାଜି ଆକିଂ ପିସ୍ତୁ ଆରି ଇନାକା ହୁଡ଼ଦେଂ ଆଡ଼ଝାତାନ, ଇନାକିଦେଂକି ହେ କାଡ଼୍‌ଦ ତଗାପାଡ଼୍‌ନି ସମୁ ହିଲ୍‌ଖାତାଡ଼୍ । ୧୪ ହେବେଣ୍ଟାଂ ଜିସୁ ମାର୍‌ଦିଙ୍ଗ୍ ଇଚାନ, “ଆରେ ମୁଡ଼କେ ନି ତାଂ ପାଡ଼୍ ଇନେର୍ ତିନ୍‌ମେର୍ !” ହେଝାନ୍ତି ତେଲାର୍ ଇ କାତା ଖେଟାର୍ ।

ଜିସୁ ମନ୍ଦିର୍ ତାକେ ହଚାନ
(ମାତିଉ ୨୧:୧୨-୧୭; ଲୁକ ୧୯:୪୫-୪୮; ଜହନ୍ ୨:୧୩-୨୨)

୧୫ ତାପାଚେ ହେଝାର୍ ଜିରୁସାଲମ୍‌ତ ଖାତାର୍, ଆରି ଜିସୁ ମନ୍ଦିର୍ ବିତ୍ରେ ହଣ୍ଡି ହେଝାର୍ ପୁଜାକିଦେଂ କଡ଼ନାକାରିଂ ପନାକାରିଂ ହପ୍‌ତେଂ ଲାଗାତାନ, ଆରି ଟାକାଂ ବେପ୍ରିୟାରିଂ ପାଟାଙ୍ଗ୍ ଆରି ପାଣ୍ଟକା ବେପ୍ରିୟାରିଂ କୁଚ୍‌ନି ବାହା ଉଲ୍‌ଟାୟ୍ କିତାନ, ୧୬ ଆରେ ମନ୍ଦିର୍ ବିତ୍ରେ ଇନେରିଂ ପା ତାଡ଼ିଆ ଇନାକା ଅଦେଂ ହିଝାତାନ । ୧୭ ଆରେ ଜିସୁ ହେଝାରିଂ ହିକ୍ୟା ହିଉ ହିଉ ଇଚାନ, ଇଦାଂ ଲେକା ଆତାଡ଼୍‌ନା, “ମା ଇଲ୍ ଖିଜୁ ଜାତି କାଜିଂ ପାର୍ତାନା ଇଲ୍ ଇଞ୍ଜି ତାକ୍‌ପୁଟା ଆନାଡ଼୍, ମାତର୍ ଏପେଙ୍ଗ୍ ତାଙ୍ଗେଙ୍ଗ୍ ଚର୍କୁ ଇଲ୍ କିତାଦେଣ୍ଟା !”

୧୮ ମୁଡ଼୍ ମାପୁହେବାକିନାକାନ ଆରି ଦରମ୍ ଗୁରୁର୍ ଇଦାଂ ଖେନ୍‌ଞ୍ଜି ଜିସୁଙ୍ଗ୍ ଇନେସ୍ କିଜି ନାସ୍ କିନାର୍ ହେଦାଂ ଉପାୟ୍ କିଦେଙ୍ଗ୍ ଲାଗାତାର୍; ଇନେକିଦେଂକି ଲକୁ ହେଝାନ ହିକ୍ୟାତ କାବା ଆତିଲେ ହେଝାର୍ ହେଝାନିଂ ପାଣ୍ଟା ଆଜି ମାଚାର୍ ।

୧୯ ହେ ଦିନ୍ତ ମିକା ଆତିଲେ ଜିସୁ ଆରି ତେଲାର୍ ଗାଡ଼୍‌ଦାଂ ହସି ହାଲ୍‌ଜି ମାଚାର୍ ।

ଜିସୁ ତଗାମାତର୍ ବିସ୍ତେ ନି ସାକ୍ତି ଚଟ୍‌ଚାନ
(ମାତିଉ ୨୧:୨୦-୨୨)

୨୦ ନାଡ଼ିହିଙ୍ଗ୍ ହେ ହାଜି ହିଜି ହାନି ଖେଡ଼ାଲିଂ ହେଝାର୍ ତଗା ମାର୍ ଚିରାତାଂ ଖାଜି ହାଲ୍‌ଜି ମାଚାକା ହୁଡ଼ତାର୍ । ୨୧ ହେବେ ପିତର୍ ଆଗେନି କାତା ଏତୁ କିଜି ହେଝାନିଂ ଇଚାନ, “ଏ ଗୁରୁ, ହୁଡ଼ା, ଏନ୍ ଇମ୍‌ଣି ତଗା ମାର୍‌ଦିଂ ସାଲପ୍ ହିଜି ମାଚାୟ୍ ହେଦାଂ ଖାଜି ହାଚାତେ ।”

୨୨ ଜିସୁ ତେଲାରିଂ ଉତର୍ ହିତାନ, “ଇସ୍‌ବର୍ ତାକେ ପାତର୍ କିୟାଟ୍ ।” ୨୩ ଆନ୍ ମିଙ୍ଗେଙ୍ଗ୍ ହାଡ଼୍‌ପା ଇଞ୍ଜନାଙ୍ଗା, ଇନେର୍‌ପା ଇ ମାଡ଼ିତିଂ ନିଙ୍ଗା ଆରି ହାମ୍‌ଦୁର୍‌ତ ଆର୍‌ଗା ଇତିସ୍ ଆରି ଜାର୍ ମାନ୍ ପାତର୍ କିତିସ୍ ଇନାକା ଇତିସ୍, ହେଦାଂ ଗିଟା ଆନାଡ଼୍ ଇଞ୍ଜି ପାତର୍ କିଜି ହେଝାନ କାଜିଂ ହେଦାଂ ଗିଟା ଆନାଡ଼୍ । ୨୪ ଲାଗିଂ, ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା ଏପେଙ୍ଗ୍ ଇନା ଇନାକା ପାର୍ତାନା କିନାଦେର୍ ଆରି ଏନ୍‌ନାଦେରା, ହେ ସବୁ ଗାଟା ଆତାପନା ଇଞ୍ଜି ପାତର୍ କିୟାଟ୍ ହେବେନି ହେ ସବୁ ପାୟାନାଦେର୍ । ୨୫ ଆରେ, ଏପେଙ୍ଗ୍ ଏଚେଝାଡ଼ାଂପା ପାର୍ତାନା କିଦେଙ୍ଗ୍ ନିଙ୍ଗାଟ୍ ଜଦି ଇନେର୍ ବେରୁତ ମି ଇନାକା କାତା ମାତିସ୍, ତା ଆତିସ୍ କେମା କିୟାଟ୍, ଇନେସ୍‌କି ମି ସାଗେନି ଆବାପା ମିଝାଙ୍ଗ୍ ପାପ୍ ସବୁ କେମା କିଦ୍‌ନାନ ।

୨୬ ମାତର୍ ଏପେଙ୍ଗ୍ କେମା ହିଞ୍ଜିତିସ୍, ମି ସାଗେନି ଆବାପା ମିଦାଙ୍ଗ୍ ବାନିୟାତାକା କେମା କିଦୁନ୍ ।

ଜିସୁତି ଆଦିକାର୍ ବିସ୍ତେ ପର୍‌ସନ୍
(ମାତିଉ ୨୧:୨୩-୨୬; ଲୁକ ୨୦:୧-୮)

୨୭ ଆରେ ରଗ ହେଝାର୍ ଆରି ଜିରୁସାଲମ୍‌ତ ଖାତାର୍, ଆରି, ଜିସୁ ମନ୍ଦିର୍ ବିତ୍ରେ ବୁଲାଆନି ଖେଡ଼ାଲିଂ ମୁଡ଼୍ ମାପୁ ହେବା କିନାକାର୍, ଦରମ୍ ଗୁରୁର୍ ଆରି ପ୍ରାଚିନାର୍ ତାକେ ଖାଜି ଖେନ୍‌ବାତାର୍, ୨୮ “ଏନ୍ ଇମ୍‌ଣି ଆଦିକାର୍‌ତ ଇ ସବୁ କିନାୟା ? କି ଇ ସବୁ କିଦେଙ୍ଗ୍ ନିଙ୍ଗେଙ୍ଗ୍ ଇନେର୍ ଆଦିକାର୍ ହିଡ଼ତାର୍ ?”

୨୯ ମାତର୍ ଜିସୁ ହେଝାରିଂ ଇଚାନ, “ଆନ୍ ମିଙ୍ଗେଙ୍ଗ୍ ର କାତା ଖେନ୍‌ବା ଆଦନାଂ, ନାଙ୍ଗେଙ୍ଗ୍ ଉତର୍ ହିଦାଟ୍, ତାଆତିସ୍ ଆନ୍ ଇମ୍‌ଣି ଆଦିକାର୍‌ତାଂ ଇ ସବୁ କିନାଙ୍ଗା, ହେଦାଂ ମିଙ୍ଗେଙ୍ଗ୍ ଖେଚାନାଙ୍ଗ୍ । ୩୦ ଜହନ୍‌ତି ବାପ୍ରିସିମ୍ ସାଗେତାଂ କି ମାନାୟାର୍‌ତାଂ ଖାତାଡ଼୍ ?” ନାଙ୍ଗେଙ୍ଗ୍ ଉତର୍ ହିଦାଟ୍ ।

୩୧ ହେବେ ହେଝାର୍ ହାରି ବେଣ୍ଟ ବାଟ୍ କିଦେଂ ଲାଗାତାର୍, ଜଦି ସାଗେତାଂ ଇତିସ୍, ତା ଆତିସ୍ ହେଝାନ ଇଞ୍ଜନାନ୍, ତେବେ “ଏପେଙ୍ଗ୍ ଇନାକିଦେଂ ଜହନ୍ତି ପାତର୍ କିୟାଦେରା ? ୩୨ ଆରେ ମାନାୟାର୍‌ତାଂ ଇଞ୍ଜି ଇନାକା ଇନାସ୍ ?” ହେଝାର୍ ମାନାୟାତିଂ ପାଣ୍ଟା ଆଜି ମାଚାର୍; ଇନାକିଦେଂକି ଖିଜାକାର୍ ଜହନ୍‌ତିଂ ରକାନ୍, ବେଣ୍ଟବାକ୍‌ଶାୟ୍ କିନାକାନ ଇଞ୍ଜି ମାନି କିଜି ମାଚାର୍ । ୩୩ ଲାଗିଂ ହେଝାର୍ ଜିସୁଙ୍ଗ୍ ଉତର୍ ହିଡ଼ତାର୍, “ଆପେଂ ପୁନୁପ୍ ।” ଜିସୁ ହେଝାରିଂ ଇଚାନ ତେବେ ଆନ୍ ଇମ୍‌ଣି ଆଦିକାର୍‌ତ ଇ ସବୁ କିନାଙ୍ଗା, ହେଦାଂ ଆନ୍ ମିଙ୍ଗେଙ୍ଗ୍ ଖେଡ଼୍‌ରୁଙ୍ଗ୍ ।

☆ ୧୧:୨୩ ୧୧:୨୩ ମାତିଉ ୧୭:୨୦; ୧ କରନ୍ତିୟ ୧୩:୨

୧୨

ଅଙ୍ଗୁର ବାଡ଼ନ୍ଦ ଆରି ବାଗ୍‌କିନି କାମ୍‌ଲିୟାର୍‌ନି କାତା
(ମାତିଉ ୨୧:୩୩-୪୭; ଲୁକ ୨୦:୯-୧୯)

୧ ଇଦାଂ ପାଚେ ହେଝାନ୍ ହେଝାରିଂ ଉତ୍‌ରମୁଡ଼୍ ଇଞ୍ଜେଙ୍ଗ୍ ଲାଗାତାନ୍ । “ରକାନ୍ ର ଅଙ୍ଗୁର ବାଡ଼୍ କିଜି ତା ଚାରିବେଶତାଂ ବାଡ଼୍ ଡ଼ରଚାନ୍ ଆରି ଅଙ୍ଗୁରକୁଣ୍ଡି କାଚ୍ କାନାକାର୍ ମାଚା ରଚ୍‌ଚାନ୍, ଆରେ କାମାୟ୍ କିନାକାରିଂ ହେ ବାଡ଼୍ ବାଗ୍‌ରେ ହିଜି ରାଜି ହତାନ୍ । ୨ ପାଚେ କାମାୟ୍ କିନାକାର୍‌ତାଂ ଅଙ୍ଗୁର ବାଡ଼୍‌ନି ପାଡ଼୍ ପାୟା ଆଦେଂ ଇଞ୍ଜି ହେଝାନ୍ ର ଆଡ଼ିଏନିଂ ସମାନ୍ ଖେଡ଼ାଲିଂ ହେଝାର୍ ତାକେ ପକ୍‌ତାନ୍ । ୩ ମାତର୍ ହେଝାର୍ ହେଝାନିଂ ଆଜି ଗ୍ରାକ୍‌ତାର୍ ଆରି ଖାରା କେଇଦାଂ ପକ୍ତାର୍ । ୪ ହେଝାନ୍ ଆରି ରକାନିଂ ଆଡ଼ିୟାଂ ପକ୍‌ତାନ୍; ହେଝାର୍ ହେଝାନ୍ତି ପା କାପଡ଼ା ପାଚ୍‌ତାର୍ ଆରି ହେଝାନିଂ ହିନସ୍ତା କିତାର୍ । ୫ ହେଝାନ୍ ଆରେ ରକାନିଂ ପକ୍‌ତାନ୍; ହେଝାର୍ ତାଙ୍ଗେଙ୍ଗ୍ ପା ଚୁଟାର୍ । ହେବେ ହେଝାନ୍ ଆରେ ହେନିତିଂ ପକ୍‌ତାନ୍; ହେଝାର୍ ତାଙ୍ଗ୍ ପା କେତେକ୍ ଜାଣ୍ଡିଂ ହେଝାର୍ ଗ୍ରାକ୍‌ତାର୍ ଆରେ କେତେକ୍ ଜାଣ୍ଡିଂ ଚୁଟାର୍ । ୬ ତା କଚଣ୍ଡିତ ରକାନ୍ ମାତର୍ ମାଚାନ୍, ହେଝାନ୍ ତା ଖାରିନି ମାଜି । ନା ମାଜିଂ ହେଝାର୍ ମାନିକିନାର୍, ଇଦାଂ ଇଞ୍ଜି ହେଝାନ୍ ହାରିହାରା ହେଝାନିଂ ହେଝାର୍ ତାକେ ପକ୍‌ତାନ୍ ।” ୭ ମାତର୍ ହେ କୁଲିୟାର୍ ହେଝାର୍ ହେଝାର୍ ବେଶ୍‌କିବା ଆତାର୍ ଇଝାନ୍ତ ମୁଣିକା କାଡ଼ଦେ, ଖାଡ଼ୁ, ଇଝାନିଂ ଅହ୍‌ନାସ୍; ତା ଆଡିସ୍ ମାଦାଂ ଆଦିକାର୍ ଆନାଡ଼୍ ! ୮ ହେବେଶ୍ତାଂ ହେଝାର୍ ତାଙ୍ଗେଙ୍ଗ୍ ଆସ୍ତି ଅସ୍ତାର୍ ଆରି ଅଙ୍ଗୁର ବାଡ଼୍ ବାଚ୍‌ତ ତୁହିତାର୍ ।

୯ “ହେବେ ଅଙ୍ଗୁର ବାଡ଼୍‌ନି ହାତକାର୍ ଇନାକା ଇନାନ୍ ?” ହେଝାନ୍ ଖାଜି କୁଲିୟାରିଂ ଟାଣ୍ଡେ ଅହ୍‌ନାନ୍ ଆରି ବିନ୍ ଲଗାଂ ଅଙ୍ଗୁର ବାଡ଼୍ ହିନାନ୍ । ୧୦ ଏପେଙ୍ଗ୍‌କି ଦରମ୍ ସାସ୍ତର୍ “ଇ ବଚନ୍ ପା ପଡ଼ି କିଝାତାଦେଶ୍ତା, ଇଲ୍ ରଚ୍‌ନାକାର୍ ଇମ୍‌ଣି କାଲ୍‌ଦିଂ ମୁନା କିତାର୍, ହେଦାଂ କନାନି ମୁଡ଼କାଲ୍ ଆତାଡ଼୍ ।

୧୧ ମାପୁତାଂ ଇଦାଂ ଆତାଡ଼୍, ଆରି ହେଦାଂ ମା କାଣ୍‌କୁକାଂ କାବା ଆନାକା ?”

୧୨ ଇବେଶ୍ତାଂ ଜିହୁଦିର୍ ଜିସୁଙ୍ଗ୍ ଆସ୍ତେଙ୍ଗ୍ ହାଡୁର୍ କିତାର୍, ମାତର୍ ହେଝାର୍ ମାନାୟ୍‌ତିଂ ପାଣ୍ଡା ଆତାର୍; ଇନାକିଦେଂକି ହେଝାନ୍ ହେ ଉତ୍‌ରମୁଡ଼୍ ହେଝାରିଂ ଇଚ୍‌କାଡ଼୍‌କିଜି ଇଞ୍ଜି ମାଚାନ୍ ଇଞ୍ଜି ହେଝାର୍ ବୁଜାଆତାର୍, ଆରେ ହେଝାର୍ ହେଝାନିଂ ପିସ୍‌ସି ହାଚାର୍ ।

ଜିହୁଦିର୍ ଜିସୁଙ୍ଗ୍ ଡ଼କ୍ତାତ ହେଜି କିଦେଙ୍ଗ୍ ଚାଲାକି
(ମାତିଉ ୨୨:୧୫-୨୨; ଲୁକ ୨୦:୨୦-୨୬)

୧୩ ପାଚେ ହେଝାନ୍ କାତାନି ଗାଣ୍ଡୁ ଖେନ୍‌ଞ୍ଜି ଆସ୍ତେଙ୍ଗ୍ ଇଞ୍ଜି ହେଝାର୍ ପାରୁସିର୍ ଆରେ ହେରଦିୟା ଦାଡ଼୍‌ନି ମାନାୟ୍‌ର ବିତ୍ରେ କେତେକ୍ ଜାଣ୍ଡିଂ ହେଝାନ୍ ଲାଗାଂ ପକ୍ତାର୍ । ୧୪ ହେଝାର୍ ଖାଜି ହେଝାନିଂ ଇଚାର୍, “ଏ ଗୁରୁ ଆପେଂ ପୁନାପ୍, ଏନ୍ ହାଡ଼ପା ସଡ଼୍ ଆରି ଇନେରିଂ ପାଣ୍ଡା ଆଉୟ୍, ଇନାକିଦେଂକି ଏନ୍ ମାନାୟ୍‌ତି ମୁକ୍‌ମେର୍ ହୁଡ଼୍‌ୟ୍ ମାତର୍ ହାଡ଼ପା ରଚେ ଇସ୍‌ରତିଂ ହାଜି ହିକ୍ୟାହିନାୟ୍ । ମାଙ୍ଗେଙ୍ଗ୍ ଖେଚ୍‌ଚା କାଈସର୍ ରାଜାଙ୍ଗ୍ ସିସ୍ତ ହିନି ବିଦି କି ଆକାୟ୍ ?”

୧୫ ଆସେଙ୍ଗ୍ ହିନାସ୍ କି ଆକାୟ୍ ? “ମାତର୍ ହେଝାନ୍ ହେଝାର୍‌ତି କୁର୍ ପୁଞ୍ଜି ହେଝାରିଂ ଇଚାନ୍, ଇନେକିଦେଂ ନାଙ୍ଗେଙ୍ଗ୍ ପରିକ୍ୟା କିଦ୍‌ନାଦେରା ? ର ଟାକା ନା ଲାଗାୟ୍ ତାଡ଼ୁ, ଆନ୍ ହେଦାଂ ହୁଡ଼୍‌ନାଂ ।”

୧୬ ହେବେ ହେଝାର୍ ଅଦ୍‌ନି ତାହିଝାତାର୍ । ଜିସୁ ହେଝାରିଂ ଖେନ୍‌ବାତାନ୍, “ଇ ପୁଡ଼ଡ଼ା ଆରି ତର୍ ଇନେରତି ?” ହେଝାର୍ ହେଝାନିଂ ଇଚାର୍, “କାଈସର୍‌ତି ।”

୧୭ ହେବେ ଜିସୁ ହେଝାରିଂ ଇଚାନ୍, “କାଈସର୍‌ତି ଇନାକା, ହେଦାଂ ରମିୟ୍ ରାଜାଙ୍ଗ୍ ହିୟାଚ୍ ଆରେ ଇସ୍‌ରତିଂ ଇନାକା ହେଦାଂ ଇସ୍‌ରତିଂ ହିୟାଚ୍ ।” ହେବେ ହେଝାର୍ ହେଝାନ୍ କାତାତ କାବା ଆତାର୍ ।

ହାଡ଼ିପାଚେ ନିଙ୍ଗ୍‌ନି ବିସ୍ତେ ପର୍‌ସନ୍
(ମାତିଉ ୨୨:୨୩-୩୩; ଲୁକ ୨୦:୨୭-୪୦)

୧୮ ଇଦାଂ ପାଚେ ଆରେ ନିଙ୍ଗ୍‌ନାକା ମୁନା କିତାର୍ ସାଦୁକିର୍ ହେଝାନ୍ ଲାଗାଂ ଖାଜି ଖେନ୍‌ବେଦେଂ ଲାଗାତାର୍, ୧୯ “ଏ ଗୁରୁ, ମସା ମାକାଜିଂ ଲେକିକିତାନ୍ନା ଜେ, ଜଦି ଇନେର୍ ଲକୁ ନି ଟଣ୍ଡେନ୍ ହାଡିସ୍, ଆରି ତା ଡକ୍‌ହି ଜିବୁଡ଼୍ ମାଚିସ୍, ଆରେ ତାଦାଙ୍ଗ୍ ଇନାକାପା ହିମ୍‌ଶାଝାକ୍‌ଡ଼ା ହିଲ୍‌ଝିତିସ୍, ତା ଆଡିସ୍ ତା ଟଣ୍ଡେନ୍ ତା ଡକ୍‌ହିଙ୍ଗ୍ ଇଡ଼ଜି ତା ଟଣ୍ଡେନ୍ କାଜିଂ ହିମ୍‌ଶାଝାକ୍‌ଡ଼ା ଉର୍‌ଜାଣ୍ କିନାନ୍ ।” ୨୦ ହୁଡ଼ାଚ୍, ସାଡ଼୍ ବାୟ୍ ଟଣ୍ଡାର୍ ମାଚାର୍; ଗାଜାକାନ୍ ର ଡକ୍‌ଜି ଇଚ୍‌ତାନ୍ ଆରି ହିମ୍‌ଶାଝାକ୍‌ଡ଼ା ଆଝାଦାଂ ହାତାନ୍; ୨୧ ପାଚେ ଆରେ ରକାନ୍ ତାଙ୍ଗେଙ୍ଗ୍ ଇଡ଼ଜିପା ହିମ୍‌ଶାଝାକ୍‌ଡ଼ା ଆଝାଦାଂ ହାତାନ୍ । ଆରେ ରକାନ୍‌ପା ହେ ଲାକେନେ ଆଜି ହାତାନ୍, ୨୨ ଆରେ, ସାଡ଼୍‌ଜାଣ୍ ଜାକ ହିମ୍‌ଶାଝାକ୍‌ଡ଼ା ଆଝାଦାଂ ହାତାର୍; ହାରିହାରା ହେ କଗ୍‌ଲେ ପା ହାତାଡ଼୍ । ୨୩ ହାଜି ଆରେ ନିଂନି ଖେଡ଼ାଲିଂ ଏଚେକାଡ଼୍‌ଦ ହେଝାର୍ ନିଙ୍ଗ୍‌ନାର୍, ହେ ଏଚେକାଡ଼୍‌ଦ ହେଝାର୍ ବିତ୍ରେ ହେଦେଲ୍ ଇନେର୍ ଡକ୍‌ଜି ଆନାଡ଼୍ ? ସାଡ଼୍ ଜାଣ୍ ଜାକ୍ ହେଦେଲିଂ ବିବା କିଜି ମାଚାର୍ ।

୨୪ ଜିସୁ ହେୱାରିଂ ଇଚାନ, “ଏପେଙ୍ଗ ଦରମ୍ ସାସ୍ତର, ଆରେ ଇସ୍ତର ସାଲ୍ଲି ପୁନ୍‌ଝାଦାଂ କି ବାନ୍ୟା ହାଜିଦିଂ ହାନାଦେରା । ୨୫ ଜିସୁ ହାତାକାର ବିତ୍ରେ ଆରେ ନିଙ୍ଗତି ପାଚେ ମାନାୟ ବିବା କିଉର୍ କି ଇନେରିଂ ବିବାଆଦେଂ ହିଉର୍ । ମାତର୍ ସାର୍ଗେନି ଦୁଡ୍ ଲାକେ ମାନଗାନାର୍ । ୨୬ ମାତର୍ ହାତାକାର୍ ଜେ ନିଙ୍ଗନାର୍, ହେ ବିସ୍ତେ ଏପେଙ୍ଗ କି ମସାତି ସାସ୍ତରତ ବୁଟାନି ବୁଜାଆନି କାତା ପଡ଼ି କିଝାତାଦେଣ୍ଟା ଜେ, ଇସ୍ତର ଇନେସ୍ ହେୱାନିଂ ଇଚାନ ଆପେଂ ଅବ୍ରାହାମ୍‌ତି ଇସ୍ତର, ଇସ୍ତହାକ୍‌ତି ଇସ୍ତର ଆରି ଜାକୁବ୍‌ତି ଇସ୍ତର ? ୨୭ ହେୱାନ ହାତି ଲଗାର୍‌ତି ଇସ୍ତର ଆକାୟ୍ ମାତର୍, ଜିତାକାତର୍ । ଏପେଙ୍ଗ ବେସିବୁଜା ଆଉଦେରା !”

ମୁଡ୍ ବଲ୍

(ମାତିଉ ୨୨:୩୪-୪୦; ଲୁକ ୧୦:୨୫-୨୮)

୨୮ ହେ ଏଚେକାଡ୍‌ଦ ଦରମ୍ ଗୁରୁର୍ ବିତ୍ରେ ରକାନ ଲାଗେ ଝାଜି ହେୱାର୍ କାତାବାର୍ତା ଝେନ୍‌ଝି ଜିସୁ ଆରି ସାଦୁକିରିଂ ହାଦର୍ ଉତର୍ ହିତାନ୍ନା, ଇଦାଂ ପୁଞ୍ଜି ହେୱାନିଂ ଝେନ୍‌ବାତାନ୍, “ଝିକୁ ବଲ୍ ବିତ୍ରେ ଇନାବାନି ବଲ୍ ମୁଡ୍ ?”

୨୯ ଜିସୁ ଉତର୍ ହିତାନ୍, ମୁଡ୍ ବଲ୍ ଇଦାଂ, “ଏ ଇସ୍ରାଏଲ୍, ଝେନା, ମାପୁ ମାଙ୍ଗେଙ୍ଗ ଇସ୍ତର ରକାନ ମାତର୍ ଇସ୍ତର ଆନାନ୍; * ୩୦ ଆରେ, ଏପେଙ୍ଗ ମି ଝିକୁ ଝାୟ୍, ଝିକୁ ପାରାଣ, ଝିକୁ ମାନ, ଆରି ମାନ ଝିକୁ ସାଲ୍ଲି ହିଜି ମାପୁ ଜାର ଇସ୍ତରତିଂ ଜିଉ ନଝାଟ୍ । ୩୧ ଆରେ ରଞ୍ଜାଙ୍ଗ ଇଦାଂ, ଏନ୍ ନି ପାଡ୍‌ହା ଇଞ୍ଜି ଲଗାଂ ନି ଝାୟ୍‌ଲାକେ ଜିଉ ନଝାଟ୍ । ଇ ବଲ୍‌ତିଂ ଆଦିକ୍ ଆରି ଇନାକାପା ସିଗ୍ ବଲ୍ ହିଲୁଡ୍ ।”

୩୨ ହେବେ ହେ ଦରମ୍ ଗୁରୁର୍ ହେୱାନିଂ ଇଚାନ, “ଏ ଗୁରୁ, ହେଦାଂ ହାଡ୍‌ପା, ହେୱାନ ଜେ ରଞ୍ଜାଙ୍ଗ ଆରି ହେୱାନ ଝାତିସ୍ ଆରି ଇନେର୍ ଆକାୟ୍, ଇଦାଂ ଏନ୍ ହାଡ୍‌ପା ରଚେ ଇଚାଈନା । ୩୩ ଆରେ, ଝିକୁ ଝାୟ୍, ଝିକୁ ବୁଦି ଆରି ଝିକୁ ସାଲ୍ଲି ହିଜି ହେୱାନିଂ ଜିଉ ନଝାଟ୍, ଆରି ପାଡ୍‌ହା ଇଞ୍ଜି ଲଗାଂ ଜାର ଜିବୁନ୍ ଲାକେ ଜିଉନନାକା ଝିକୁ ଗାର୍‌ଣି ଆରି ପୁଜାତିଙ୍ଗ୍ ଗାଜାଟି ।”

୩୪ ହେୱାନ ବୁଦି ଲାହାଙ୍ଗ୍ ଉତର୍ ହିଜି ମାନାକା ପୁଞ୍ଜି ଜିସୁ ହେୱାନିଂ ଇଚାନ, “ଇସ୍ତର ରାଜିତାଂ ଏନ୍ ଦେହା ଆକାୟ୍ । ଇଦାଂ ପାଚେ ଇନେନ୍ ହେୱାନିଂ ଆରେ ଇମ୍‌ଣି ପର୍‌ସନ୍ ଝେନ୍‌ବେଦେଂ ସାସ୍ କିଝାତାର୍ ।”

କ୍ରିଷ୍ଟ ଦାଉଦ୍‌ତି ମାଜି

(ମାତିଉ ୨୨:୪୧-୪୬; ଲୁକ ୨୦:୪୧-୪୪)

୩୫ ମାତର୍ ଜିସୁ ମନ୍ଦିରତ ହିକ୍‌ୟା କିଜି ମାନି ସମୁତ ଝେନ୍‌ବାତାର୍, “କ୍ରିଷ୍ଟ ଜେ, ଦାଉଦ୍ ମାଜି, ଇଦାଂ ଦରମ୍ ଗୁରୁର୍ ଇନେସ୍ ଇନାର୍ ? ୩୬ ନିଜେ ନେ ଦାଉଦ୍ ପୁଇପୁୟା ଜିବୁଟାଂ ବାର୍‌ତି ଆଜି ଇଞ୍ଜି ମାଚାନ, ମାପୁ ନା ମାପୁତିଂ ଇଚାନ, ଆପେଂ ଜେ ନି ସାତୁରିଂ ନି ପାନା ତାରେନ୍ ଇଡ୍‌ଝାତାପୁନା, ହେ ପାଚେକ୍ ନା ବୁଜ୍‌ଣିପାଡ୍‌କା କୁର୍‌ତି ମାନାର୍ ।”

୩୭ ନିଜେନେ ଦାଉଦ୍ କ୍ରିଷ୍ଟଙ୍ଗ୍ ମାପୁ ଇଞ୍ଜି ଇନାନ୍; “ଲାଗିଂ ଇସ୍ତର ବାଟିକିତି ରାକ୍ୟାକାରିୟା କ୍ରିଷ୍ଟ ଇନେସ୍ ବାର୍‌ତି ମାଜି ଆନାନ୍ ?”

ଦର୍ମ ଗୁରୁର୍ ବିସ୍ତେ ଜିସୁତି ଝେର୍‌ନାକା

(ମାତିଉ ୨୩:୧-୩୬; ଲୁକ ୨୦:୪୫-୪୬)

୩୮ ଝିଜାକାର୍ ମାନାୟାର୍ ଝାରିତାଂ ହେୱାନ ବେରଣ୍ ଝେନ୍‌ଝି ମାଚାର୍ । ଆରେ, ହେୱାନ ଜାର୍‌ତି ହିକ୍ୟା ବିତ୍ରେ ଇଚାନ, “ଦରମ୍ ସାସ୍ତରତାଂ ଜାଗ୍ରଡ୍ !” ହେୱାର୍ ତେଙ୍ଗା ଆଜି ଆପର୍‌ସ୍ ବୁଲ୍ଲା ଆନି କାଜିଂ, ଆରେ ଆଟ୍ ବାଜାର୍‌ତ, ଜଝାର୍ ପାୟା ଆଦେଂ । ୩୯ “କୁଟୁମ୍ ଇଞ୍ଜି ଗାଜା ବାହା ଆରି ବଜିତ ଗାଜା ବାହା ପାୟା ଆଦେଂ ଝାର୍‌ୟା ଆନାର୍; ୪୦ ହେୱାର୍ ରାଣ୍ଡିକାଂ ଇଲ୍ ଝିଜେ ନସ୍ କିତାର୍ ଆରି ଟକାୟ୍ କିଜି ଲାମା ପାର୍ତାନା କିନାର୍; ହେୱାର୍ ତାଣ୍ଡ ପାୟା ଆନାର୍ !”

ର ରାଣ୍ଡି ଆୟାତି ଦାନ୍

(ଲୁକ ୨୧:୧-୪)

୪୧ ପାଚେ ହେ ଗାଦ୍ୟା ଇଲ୍ ମୁମ୍‌ଦ କୁର୍‌ତି ଲକାର୍ ଇନେସ୍ ଟାକାଂ ରୁଣ୍ଡାଈକିତାର୍, ହେଦାଂ ହୁଡ୍‌ଜି ମାଚାନ । ଏଚେକାଡ୍‌ଦ ହେନି ମାନାୟାର୍ ମାଜାନିଂ ହେବେ ବେସି ଇଡ୍‌ତାର୍; ୪୨ ଆରି, ରଞ୍ଜେଲ୍ ଅକର୍‌ଡ୍ ରାଣ୍ଡି ରି ଟାକା ତାରୁଙ୍ଗ୍ ହେବେ ରାଡ୍‌ତାଡ୍ । ୪୩ ହେବେଣ୍ଟାଂ ଜିସୁ ନିଜ୍‌ତି ଚେଲାରିଂ ଲାଗେ କୁକ୍‌ତି ଇଚାନ, “ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜିନାଙ୍ଗା, ଟାକାଂ ପେଡ଼ି ଇଡ୍‌ଜିମାନି ଝିଜାକାର୍ ତାକେଣ୍ଟାଂ, ଇ ଅକର୍‌ଡ୍ ରାଣ୍ଡି

* ୧୨:୨୯ ୧୨:୨୯ ମା ମାପୁ ଇସ୍ତର କେବଲ୍ ମାପୁ ଆନାନ୍; ନଲେ ମାପୁ ମା ଇସ୍ତର, ମାପୁ କେବଲ୍ ।

ବେସି ଇଡ଼ିତାତ୍ ନା । ୪୪ ଇନାକିଦେଂକି ଓଜାକାର ନିଜେ ନିଜେତି ବେସି ଦାନତ ଅଲପ୍ ଅଲପ୍ ଦାନ ଇଡ଼ିତାର, ମାତର ଇଦେଲ୍ ନିଜେତି ଇନାକା ହିଲ୍‌ଖାଦାଂ ନିଜେତି ଜିବୁନ୍ ବାତାୟ୍ କିଦେଙ୍ଗ୍ ହେଦେଲ୍‌ତି ଇନାକା ମାତାତ୍, ହେ ଓଜେ ରାତ୍‌ତାତ୍ ।”

୧୩

ମନ୍ଦିର ବାଡ଼ହାଆନି ବିସ୍ତେ
(ମାତିଉ ୨୪:୧-୨; ଲୁକ ୨୧:୫-୬)

୧ ଜିସୁ ମନ୍ଦିର ତାଙ୍ଗ୍ ହସି ହାନି ଝେଡ଼ାଲିଂ ତା ତେଲାର୍ ତାଙ୍ଗେଙ୍ଗ୍ ରକାନ୍ ହେଖାନିଂ ଇଚାନ୍, “ଏ ଗୁରୁ, ହୁଡ଼ା; ଇନେସ୍ ଗାଜା ଗାଜା କାଲ୍‌କୁ ଆରି ଏଚେକ୍ ହଲ୍‌ନି ଇଲ୍ !”

୨ ହେବେ ଜିସୁ ହେଖାନିଂ ଇଚାନ୍, “ଏନ୍ ଇନାକା ଇ ଓଜୁ ଇଲ୍ ହୁଡ଼ନାୟା ? ର କାଲ୍ ବିନ୍ କାଲ୍ ଜପି ମାନୁତ୍, ଓଜୁ ଦୁଡ଼ି ମାସ୍‌ନାତ୍ ।”

ଜିସୁ ଜୁଗ୍‌ସେସ୍ ବିସ୍ତେ ଝେଡ଼ଚାନ
(ମାତିଉ ୨୪:୩-୧୪; ଲୁକ ୨୧:୭-୧୯)

୩ ପାଚେ ଜିସୁ ଜିଡ଼ମାଡ଼ି ଜପି ମନ୍ଦିର ହାଣକୁ କୁଡ଼ିଲେ ପିତର, ଜାକୁବ୍, ଜହନ୍ ଆରି ଆନ୍ଦ୍ରିୟ ହେଖାନିଂ କାଲେତାଂ ଝେନ୍‌ବେଦେଂ ଲାଗାତାର, ଇ ସବୁ ଇନାଖାଡ଼ାଂ ଗିଟା ଆନାତ୍, ୪ “ଇମ୍‌ଣି ସମୁଦ ଇ ସବୁ ଗିଟା ଆନାତ୍, ହେ ସମୁନି ଦିନ୍ ତିନ୍ ଇନାକା, ହେଦାଂ ମାଙ୍ଗେଙ୍ଗ୍ ଝେଡ଼ଚା ।”

୫ ହେବେତାଂ ଜିସୁ ହେଖାରିଂ ଝେଡ଼ଚେଙ୍ଗ୍ ଲାଗାତାନ, “ଜାଗ୍ରତ୍, ଇନେସ୍ ଇନେର୍ ମିଙ୍ଗେଙ୍ଗ୍ ବାମ୍‌ଣ୍ଡାୟ୍ କିଦ୍‌ମେର୍ ।” ୬ ଆଦିକ୍ ମାନାୟାର ନା ତର୍‌ଦ ଝାଜି, “ଆନ୍ କ୍ରିସ୍ଟ୍! ଇଞ୍ଜି ହେଖାନ୍ ଇଞ୍ଜି ଚାକ୍ରାୟ୍ କିଦ୍‌ନାର୍ । ୭ ଲାଗାୟ୍ ଜୁଜ୍‌ନି ସବଦ୍ କି ଦେହାନି ଜୁଜ୍‌ନି କାରୁର୍ ଝେନ୍‌ଞ୍ଜି ଏପେଙ୍ଗ୍ ପାଣ୍ଡାଆମାଟ୍ । ଏଲେଙ୍ଗ୍ କେତେକ୍ ଗଟ୍‌ଣା ହାଡ଼ପା ଗିଟାନାତ୍ । ମାତର୍ ଇଦାଂନି ଅରଡ଼ ଆକାୟ୍ ଜେ ଓଜ୍‌ନି ଦିନ୍ ଇକାଖାତାତ୍ । ୮ ମାତର୍ ଜାତି ବିରୁଡ଼ତ ଜାତି ଆରି ରାଜି ବିରୁଡ଼ତ ରାଜି ନିଙ୍ଗ୍‌ନାତ୍, ଆରେ ବାହା ବାହାତ ମେଦ୍‌ନି ଦାଲ୍‌କା ଆନାତ୍ ଆରି କାତାର୍ ଆନାତ୍, ଇ ସବୁ ଆରମ୍‌ନି ମୁଡ଼ଦାକା ।”

୯ ମାତର୍ “ଏପେଙ୍ଗ୍ ଜାର୍ ଜାର୍ ବିସ୍ତେ ଜାଗ୍ରତ୍ ଆଜି ମାନାଟ୍, ମାନାୟାର୍ ମିଙ୍ଗେଙ୍ଗ୍ ବିଚାଣ୍ଡା ବାହାତ ହେଲାୟ୍ କିଦ୍‌ନାର୍, ଆରି ଏପେଙ୍ଗ୍ କୁଟୁମ୍ ଇଞ୍ଜି ଗ୍ରାକ୍‌ୟା ଆନାଦେର୍, ଆରି ନା କାଜିଂ ରାଜି ଚାଲାୟ୍ କିନାକାନ୍ ଆରି ରାଜାର୍ ଲାଗେ ହେଖାର୍ କାଜିଂ ସାକି ହିଦେଂ କାଜିଂ ନିଲି କିଦ୍‌ନାର୍ । ୧୦ ଆରେ, ପର୍ତ୍ତମ୍ ସବୁ ଜାତି ତାକେ ଇସ୍‌ରତ୍ ନେକ୍‌କାରୁର୍ ସୁଣାୟ୍ କିୟା ଆନାତ୍ । ୧୧ ଇଦାଂ କାଜିଂ ଏଚେକାଡ଼ଦ୍ ମିଙ୍ଗେଙ୍ଗ୍ ଲକୁ ଆସ୍ତି ହେଲାୟ୍ କିଦ୍‌ନାର୍, ହେ କାଡ଼ଦ୍ ଏପେଙ୍ଗ୍ ଇନାକା ଇନାଦେର୍, ହେ ବିସ୍ତେ ଆଗେନେ ଚିକ୍ତାକିମାଟ୍, ମାତର୍ ହେ ଝେଡ଼ାଲିଂ ମିଙ୍ଗେଙ୍ଗ୍ ଇନାକା ହିଦ୍ୟାଆନାତ୍ ହେଦାଂ ଇନାଟ୍, ଇନାକିଦେଂକି ଏପେଙ୍ଗ୍ ଇନାକାଦେର୍ ଆକାୟ୍ ମାତର୍ ପୁଇପୁୟା ଜିବୁନ୍ ଇନାକାନ୍ ମାନାନ୍ । ୧୨ ଟଣ୍ଡେନ୍ ଟଣ୍ଡେତିଙ୍ଗ୍ ଆରି ଆବା ମାଜି ହାକି ବାହାତ ହେଲାୟ୍ କିତାର୍ ଆରେ ହିମ୍‌ଣାଙ୍ଗ୍ ଆବା ଆୟାକାଂ ବିରୁଡ଼ତ ନିଙ୍ଗ୍‌ଜି ଅହ୍‌ନାର୍ । ୧୩ ଆରେ, ଏପେଙ୍ଗ୍ ନା ପାଚେଖାତି କାଜିଂ ଏପେଙ୍ଗ୍ ଓଜାକାର୍‌ତାଂ ଗିଣ୍‌କିୟା ଆନାଦେର୍, ମତର୍ ଇନେର୍ ହାରିହାରା ପାଚେକ୍ ସାସ୍ ଆଜି ମାନାନ୍ ହେଖାନ୍ ସାଗେଂ ମୁକ୍ତି ପାୟା ଆନାନ୍ ।”

ଜିସୁ ନାସ୍‌କିନି ବାନ୍ୟା ଗାତ୍ରା ବିସ୍ତେ ଇଚାନ
(ମାତିଉ ୨୪:୧୫-୨୮; ଲୁକ ୨୧:୨୦-୨୪)

୧୪ ମାତର୍ “ଏପେଙ୍ଗ୍ ହେ ନାସ୍‌କିନି ଗିଣ୍ ଜିନିସ୍‌ତିଂ, ଇମେ ତାକେ ମାନ୍‌ଓ କାତା ଲଡ଼ା,” ହେବେ ମାନାକା ହୁଡ଼ନାଦେର୍ ପଡ଼ିକିନାକାର ବୁଜାଆଏର୍, ଏଚେକାଡ଼ଦ୍ ଇମ୍‌ଣାକାର୍ ଜିହୁଦା ରାଜିତ ମାନାର୍, ହେଖାର୍ ମାଡ଼ିତ ହନ୍‌ତି ହାଲେର୍; ୧୫ ଇନେର୍ ଜେଗନ୍ ଜପି ମାତିସ୍, ତାରେନ୍ ଝାମେନ୍ ଆରି ଇଲ୍ ବିଡ୍ରେ ଇନାକାପା ତାକେଦେଂ ହାଲ୍‌ମେନ୍; ୧୬ ଆରେ ଇନେର୍ କାମାୟ୍ ବାହାତ ମାତିସ୍, ହେଖାନ୍ ତା ହେନ୍ଦା ଅଦେଂ ଉଲ୍‌ଟି ଝାମେନ୍ । ୧୭ ହେଖାଡ଼ାଂ ଇନେର୍ ଏସ୍ ପିସ୍ତାକା ଆରି ମାୟ୍ ଉର୍‌ନି ଆୟା, ଅୟ୍ ହେଝେକ୍ କସ୍‌ନିକିକ୍ ! ୧୮ ମାତର୍ ଇଦାଂ ଇନେସ୍ ପିନି ମାସ୍‌ତ ଆମେଡ଼, ହେଦାଂ କାଜିଂ ଇସ୍‌ରତାକେ ପାର୍ତାନା କିୟାଟ୍ । ୧୯ ଇନାକିଦେଂକି ହେଖାଡ଼ାଂ ଇ ଲାକେ କସ୍‌ଗିଟା ଆଦ୍‌ନାତ୍ ଜେ, ମାପୁ କିତି ଉର୍‌ଜାଣ୍ ଆରାମ୍ ତାଙ୍ଗ୍ ନେଜେଙ୍ଗ୍ ପାଚେକ୍ ହେ ଲାକେ ଗିଟା ଆଖାତାତ୍‌ନା, ଆରି ଇନାଖାଡ଼ାଂପା ଗିଟାଆଦୁଡ଼ । ୨୦ ଆରେ, ମାପୁ ହେ ସମୁଦିଙ୍ଗ୍ ଉଣା କିଖାଦାଂ ମାତିସ୍, ତେବେ ଇମ୍‌ଣି ପୁତ୍ ପା ମୁକ୍ତି ପାୟା ଆଖାତାମା; ମାତର୍ ହେଖାନ୍ ଇନେରିଂ ବାଚି କିନାନା, ହେ ବାଚିକିତି ଲଗାଂ ସମୁଉଣା କିତାନ୍‌ନ୍ନା ।

☆ **୧୩:୯** ୧୩:୯ ମାତିଉ ୧୦:୧୭-୨୦; ଲୁକ ୧୨:୧୧,୧୨. ☆ **୧୩:୧୩** ୧୩:୧୩ ମାତିଉ ୧୦:୨୨. ☆ **୧୩:୧୫** ୧୩:୧୫ ଲୁକ ୧୭:୩୧.
☆ **୧୩:୧୯** ୧୩:୧୯ ହଡ଼ତି ୭:୧୪.

୨୧ ହେ ଏଚେକାଡ଼ଦ ହୁଡ଼ାଟ୍, କ୍ରିଷ୍ଟ ଇବେ ! ଆଞ୍ଜିତିସ୍ “ହୁଡ଼ାଟ୍, ହେବେ ! ଇନେର୍ ଜଦି ମିଙ୍ଗେଙ୍ଗ୍ ଏଲେଙ୍ଗ୍ ଇନଟିସ୍ ତେବେ ହେଦାଂ ପାତର୍ କିମାଟ୍ । ୨୨ ଚାକ୍ରାୟ୍ କ୍ରିଷ୍ଟର୍ ଆରି ଚାକ୍ରାୟ୍ ବେଶବାକ୍‌ଶାୟ୍‌କିନାକାର୍ ଏଲେଙ୍ଗ୍ ଚିନ୍ ଆରି କାବାନି କାମାୟ୍ ଚର୍ଚାନାର୍, ଇନେର୍ ଜଦି ଆତିସ୍, ଲାଗିଂ ବାଟିକିତି ଲଗାଂ ବାମ୍‌ଶ୍ଟାୟ୍ କିତାର୍ । ୨୩ ମାତର୍ ଏପେଙ୍ଗ୍ ଜାଲ୍‌ଦି ଆଜି ମାନାଟ୍; ଆନ୍ ପୁର୍ବେତାଂ ଇ ବିସ୍ତେ ମିଙ୍ଗେଙ୍ଗ୍ ଖେର୍ଚାତାଂ ।”

ମାନାୟ୍ ମାଜି ଆରେ ରଗ ଖାନାକା
(ମାତିଉ ୨୪:୨୯-୩୧; ଲୁକ ୨୧:୧୫-୨୮)

୨୪ * “ମାତର୍ ହେଖାଡ଼ାଂ ହେ ଦୁକ୍ ପାଚେ
ଖେଡ଼ା ମାଜଗା ଆନାଟ୍ ଆରି
ଲେଙ୍ଗ୍ ଅଜଡ୍ ହିଉଡ୍ ।

୨୫ * ପାଚେ ହୁକାଙ୍ଗ୍ ବାଦାଡ଼ତାଂ ଆରଦେଂ ଲାଗିନିକ୍ ଆରି ବାଦାଡ଼ନି ସାଲ୍ଲି ଝିଲୁ ଡ୍ରିଗ୍‌ଜି ହାନିକ୍ । ୨୬ * ହେଖାଡ଼ାଂ ମାନାୟ୍ ମାଜି ବାଦାଡ଼ତ୍ ଜବର୍ ସାଲ୍ଲି ଆରି ପାଶ୍‌ହୁକେ ବାଦାଡ଼ତ୍ ଖାନାକା ହୁଡ଼ନାର୍ । ୨୭ ତା ବାଟିକିତି ମାନାୟାରିଂ ପୁର୍ତ୍ତିନି ର ହାନ୍‌ଡିତାଂ ବିନ୍ ହାନ୍‌ଡି ପାଚେକ୍ ଦାସ୍‌ସି ରୁଶ୍ଟାୟ୍ କିନି କାଜିଂ ହେଖାନ୍ ତା ସାଗେନି ଦୁଡ୍‌କୁକାଂ ଚାର୍‌ବେଶ୍‌ତାଂ ପକ୍‌ତାନ୍ ।”

ତଗାମାର୍‌ନି ହିକ୍ୟା
(ମାତିଉ ୨୪:୩୨-୩୫; ଲୁକ ୨୧:୨୯-୩୩)

୨୮ “ତଗା ମାର୍‌ଦିଂ ଉତର୍‌ମୁଡ୍ ହିକ୍ୟା କିୟାଟ୍, ଏଚେକାଡ଼ଦ ହେ କେନ୍‌ଦାଂ ଆକିଂ ଗିଲ୍‌ନିଂ, ହେ ଏଚେକାଡ଼ଦ ଜେଟ୍ କାଡ୍ ଲାଗାଂ ଏକା ଖାତାତେ ଇଞ୍ଜି ଏପେଙ୍ଗ୍ ପୁଞ୍ଜି ମାନାଟ୍; ୨୯ ହେ ଲାକେ ଏପେଙ୍ଗ୍‌ପା ଇ ସବୁ ଗଟ୍‌ଶା ହୁଡ଼ତିସ୍ ହେଖାନ୍ ଦୁଖେର୍ ଲାଗେ ଆତାତେ ଇଞ୍ଜି ପୁନାଟ୍ ।* ୩୦ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇ ସବୁ ଗିଟାଞ୍ଜି ପାଚେକ୍ ନେଞ୍ଜେଞ୍ଜିଗାନି ନାର୍ ଇନେସ୍ କିତିସ୍ ପା ବୁଡା ଆଉର୍ । ୩୧ ଆକାସ୍ ଆରି ପୁର୍ତ୍ତି ବୁଡା ଆନାଟ୍, ମାତର୍ ନା ବଚନ୍ ଝିଜେ ବୁଡା ଆଉଡ୍ ।

ଜିସୁତି ଖାନିଦିନ୍ ଇନେର୍ ପୁନୁର୍
(ମାତିଉ ୨୪:୩୬-୪୪)

୩୨ * “ମାତର୍ ହେ ଦିନ୍ କି ସମ୍ପୁ ବିସ୍ତେ ଇନେର୍ ପୁନୁର୍,” ସାଗେପୁର୍‌ନି ଦୁଡ୍‌ର୍ କି ମାଜିପା ପୁନୁନ୍; ମାତର୍ ନା ସାଗେନି ଆବା ପୁନାନ୍ । ୩୩ ଏପେଙ୍ଗ୍ ଜାଲ୍‌ଦି ଆଜି ମାନାଟ୍, କାସି ମାନାଟ୍, ମାତର୍ ହେ ସମ୍ପୁ ଇନାଖାଡ଼ାଂ ଆନାଟ୍ ହେଦାଂ ଏପେଙ୍ଗ୍ ପୁନୁଦେର୍ । ୩୪ * ହେଦାଂ ଏଲେଙ୍ଗ୍ ଇନେସ୍ ରକାନ୍ ମାନାୟ୍ ଇଲ୍ ପିସ୍ତ୍ର ବିଦେସ୍‌ତ ହାଲ୍‌ଜି ବାହା କିନାକାନ୍, ଆରି ହେ ଆଡ଼ିୟାରିଂ ଆଦିକାର୍ ହିଜି ଝିଲୁ କାମାୟ୍ ରଚ୍‌ତିପା ଦୁଖେର୍‌ତ ଜାଗ୍‌ଖାଡ଼ାରିଂ କାଚେଙ୍ଗ୍ ବଲ୍ ହିତାନ୍ । ୩୫ ଇରିସ୍ ଏଚେକାଡ଼ଦ ଇଲ୍ ହାଉକାର୍ ମିଙ୍ଗେଙ୍ଗ୍ ଜାଗ୍ରତ୍ ମାଞ୍ଜେଙ୍ଗ୍ ଇଞ୍ଜନାନ୍, ମାତର୍ ହେଖାନ୍ ମିକା ହାରେସ୍ କୁଲୁ କ୍ଲେନି ସମ୍ପୁଦ କି ନାଶାଙ୍ଗେ ହେ ପାଦନା ହେଖାନ୍ ଖାନାନ୍ ହେଦାଂ ଏପେଙ୍ଗ୍ ପୁନୁଦେର୍ । ୩୬ ହେଖାନ୍ ବେଗି ଖାଜିପା ହାଞ୍ଜେଙ୍ଗ୍ ଆଡ଼ନାନ୍ ଏପେଙ୍ଗ୍ ଜଦି ସବୁଖେଡ଼ାଙ୍ଗ୍ ଜାଗ୍ରତ୍ ଆଜି ମାନାଦେର୍ ଲାଗିଂ ହେଖାନ୍ ମିଙ୍ଗେଙ୍ଗ୍ ହୁଞ୍ଜନାକା ହୁଡ଼ଦେଂ ଆଡ଼ଦୁନ୍ । ୩୭ ଆନ୍ ମିଙ୍ଗେଙ୍ଗ୍ ଇନାକା ଇଞ୍ଜନାଙ୍ଗା, ହେଦାଂ ଝିଜାକାରିଂ ଇଞ୍ଜନାଙ୍ଗା, ଜାଗ୍ରତ୍ ମାନାଟ୍ ।

୧୪

ଜିସୁଙ୍ଗ୍ ଅସ୍ତେଙ୍ଗ୍ ଇଞ୍ଜି ଜିହୁଦିର୍‌ତି ଉପାୟ୍
(ମାତିଉ ୨୬:୧-୫; ଲୁକ ୨୨:୧-୬; ଜହନ୍ ୧୧:୪୫-୫୩)

୧ ହେ ନିସ୍ତାର୍ ପାର୍ଟୁ ଆରି ହଇଞ୍ଜି ରୁଟି ପାର୍ଟୁ ଆଦେଂ ରି ଦିନ୍ ମାଚାଟ୍ । ହେ ଖେଡ଼ାଲିଂ ମୁଡ୍ ମାପୁ ହେବା କିନାକାର୍ ଆରି ସାସ୍ତ୍ରର୍ ଇନେସ୍ ଜିସୁଙ୍ଗ୍ ଚାଲାକି କିଜି ଆସ୍ତେଙ୍ଗ୍ ଆଡ଼ନାର୍, ହେବେ ନି ଉପାୟ୍ ତେକ୍‌ତି ମାଚାର୍ । ୨ “ଇନେକିଦେଂକି ହେଖାଟ୍ ଇଚାର୍,” ପାର୍ଟୁ ଖେଡ଼ାଲିଂ ଆକାୟ୍, “ଏଚେକାଡ଼ଦ ମାନାୟ୍ ବିତ୍ତେ ଗଣ୍ଡିଗଲ୍ ଆନାଟ୍ ।”

ଜିସୁ ବେଡ଼ନିଆତ ଚିକାଶ୍ କାସ୍‌ନାଟ୍
(ମାତିଉ ୨୬:୬-୧୩; ଜହନ୍ ୧୨:୧-୮)

* ୧୩:୨୪ ୧୩:୨୪ ହଡ଼ତି ୬:୧୨. * ୧୩:୨୫ ୧୩:୨୫ ହଡ଼ତି ୬:୧୩. * ୧୩:୨୬ ୧୩:୨୬ ହଡ଼ତି ୧:୭. * ୧୩:୨୯ ୧୩:୨୯ ସମ୍ପୁ ଲାଗାଂ, ଆରମ୍ ଆଦେଂ ହାନାତା; ନଲେ ହେଖାନ୍ ଲାଗାଂ, ଖାଦେଂ ଜାଗ୍ରତ୍ ଆତାନ୍ନା । * ୧୩:୩୨ ୧୩:୩୨ ମାତିଉ ୨୪:୩୬. * ୧୩:୩୪ ୧୩:୩୪ ଲୁକ ୧୨:୩୬-୩୮.

୩ ଜିସୁ ବେତ୍ତନିୟାତ ଗାଜାରଗ୍ନି ସିମନ୍ ଇଞ୍ଜି ତିଞ୍ଜେଙ୍ଗ୍ କୁଚ୍ଚି ଖେଡାଲିଂ ର କଗଲେ ର କଣ୍ଡିତ ବେସି ହାଦାକା ଜଟାମାସି ବାସନା ଚିକାଣ୍ଡ ତାସି ଜିସୁ କାପଡାତ ଚିକାଣ୍ଡ କଣ୍ଡି ତ୍ରିକ୍ଚି ଖାକ୍ତେଙ୍ଗ୍ ଲାଗାତାତ ।

୪ ଆରେ କେତେକ୍ ହେବେ ମାଚି ମାନାୟ୍ ରିସା ଆଜି ହେଝାର୍ ଖେଚ୍ପା ଆତାର୍, “ବାସନା ଚିକାଣ୍ଡ ଇଦେଲ୍ ଇନେକିଦେଂ ଆଲ୍ଲା କିନାତା ? * ଇ ବାସନା ଚିକାଣ୍ଡ ତିନ୍ସ ଦିନ୍ତି ଟାକାଂ* ଆଦିକ୍ ମଲ୍ଲତ ପ୍ରସି ହିଲ୍ଲଖାକାରିଂ ହିୟାତାତମା । ଲାଗିଂ ହେଝାର୍ ହେ କଗଲେ ହିମ୍ପଣାତି କେଡ୍ତେଙ୍ଗ୍ ଲାଗାତାର୍ ।”

୬ ମାତର୍ ଜିସୁ ଇଚାନ୍, “ଆନେଂଲିଂ ପିହାଟ୍, ଇନେକିଦେଂ ତାଙ୍ଗେଙ୍ଗ୍ କସ୍ ହିନାଦେରା ? ହେଦେଲ୍ତ ନା କାଜିଂ ହାଦ୍ କାମାୟ୍ କିନାତା ।” ୭ ଇନେକିଦେଂକି ଅକ୍ ଡ୍ ଲଗୁ ସବୁଖେଡାଙ୍ଗ୍ ମି “ଲାଗାଂ ମାନାର୍, ଆରି ମିଦାଙ୍ଗ୍ ଏଚେକାଡ୍ ଇଚା ହେ ଏଚେକାଡ୍ ପା ହେଝାରିଂ ଉପକାର୍ କିଦେଙ୍ଗ୍ ଆଡ୍ନାଦେର୍, ମତର୍ ଆନ୍ ସବୁଖେଡାଙ୍ଗ୍ ମି ତାକେ ମାନୁଙ୍ଗ୍ । ୮ ହେଦେଲ୍ ଏଚେକ୍ ଆଡ୍ନାତାତ୍, ହେଦାଂ ହେଦେଲ୍ କିତାତ୍ନା; ହେଦେଲ୍ ଦୁଗେର୍ କାଜିଂ ନା ଗାଗାଡ୍ଡିଂ ଆଗେନେ ଚିକାଣ୍ଡ କାସଦାତାତ୍ । ୯ ଆନ୍ ମିଙ୍ଗେଙ୍ଗ୍ ହାଡ୍ପା ଇଞ୍ଜିନାଙ୍ଗା, ଖିଜେ ପୁଡ୍ ତାକେ ଇମ୍ପାଣି ବାହାତ ପା ନେକ୍ରିକାବୁର୍ ଖେଚ୍ଚିୟା ଆନାଡ୍, ହେ ବାହାତ ଇ କଗଲେଂ ଏଡ୍ କିଦେଙ୍ଗ୍ ତାଦେଲ୍ତି ଇ କାମାୟ୍ନି କାତା ପା ଇନିୟା ଆନାଡ୍ ।”

ଜିହୁଦା ଜିସୁଙ୍ଗ୍ ସତ୍ତୁ କେଇଦ ଆହିକିନାନ୍

(ମାତିଉ ୨୬:୧୪-୧୬; ଲୁକ ୨୨:୩-୬)

୧୦ ହେବେ ବାର ଚେଲାର୍ ବିତ୍ରେ ଇସ୍ପାରିୟତିୟ ଜିହୁଦା ଇଞ୍ଜି ରକାନ୍ ହେଝାନ୍ ମୁଡ୍ ମାପୁହେବାକିନାକାର୍ କେଇଦ ହେଲ୍ଲାୟ୍ କିଦେଙ୍ଗ୍ କାଜିଂ ହେଝାର୍ ତାକେ ହାଚାନ୍ । ୧୧ ହେଦାଂ ଖେନ୍ଞି ଖାରିୟା ଆତାର୍ ଆରି ହେଝାନ୍ ଟାକାଂ ହିଦେଂ ଇଞ୍ଜି ପାର୍ମାଣ୍ କିତାର୍ । ହେବେତାଂ ହେଝାନ୍ ଜିସୁଙ୍ଗ୍ ସୁବିଦା ହୁଡ୍ଡି ଇନେସ୍ ଆହିକିଦେଂ ଆଡ୍ନାନ୍, ଇଦାଂ ଉପାୟ୍ ତେକ୍ତେଂ ଲାଗାତାନ୍ ।

ନିସ୍ପାର୍ ପାର୍ବୁନି ବଜି

(ମାତିଉ ୨୬:୧୭-୨୮; ଲୁକ ୨୨:୭-୧୪; ୨୧:୩; ଜହନ୍ ୧୩:୨୧-୩୦)

୧୨ ପାଚେ ହେ ହଇଞ୍ଜି ରୁଚି ପାର୍ବୁନି ପର୍ଡୁମ୍ ଦିକ୍, ଇମ୍ପାଣି ଦିନ୍ ନିସ୍ପାର୍ ପାର୍ବୁନି ମେଣ୍ଡାହିମ୍ପା ପୁଜାକିନାର୍, ହେ ଦିନ୍ ଜିସୁତି ଚେଲାର୍ ହେଝାନ୍ ଖେନ୍ବାତାର୍, “ଆସେଙ୍ଗ୍ ହାଲ୍ଲଜି ନି କାଜିଂ ନିସ୍ପାର୍ ପାର୍ବୁ ତିଞ୍ଜେଙ୍ଗ୍ ଜାଡ୍ନାୟ୍ କିନାପ୍ ଇଞ୍ଜି ନି ଇଚା କିନାୟା ?”

୧୩ ହେବେତାଂ ହେ ଚେଲାର୍ ବିତ୍ରେ ରିୟାରିଂ ଏଲେଙ୍ଗ୍ ଖେଚ୍ଚି ପକ୍ତାନ୍ । “ଏପେଙ୍ଗ୍ ଗାଡ୍ ହାଲ୍ଲାଟ୍, ଆରି ରକାନ୍ ଗାଗ୍ରି ଆସ୍ତି ହାନି ମାନାୟ୍ ମିଙ୍ଗେଙ୍ଗ୍ ବେଟା ଆଦ୍ନାନ୍, ତା ପାଚେ ପାଚେ ହାଲ୍ଲାଟ୍; ୧୪ ଇମ୍ପାଣି ଇଞ୍ଜି ହେଝାନ୍ ହଣାନ୍ । ହେ ଇଞ୍ଜି ନି ମୁଣିକାଙ୍ଗ୍ ଇନାଟ୍, ଗୁରୁ ଖେନ୍ବା ଆଦ୍ନାନା, ଆନ୍ ନା ଚେଲାର୍ ହୁକେ ଇମେତାକେ ନିସ୍ପାର୍ ପାର୍ବୁ ବଜି କିନାଙ୍ଗ୍, ଇମେଡ୍ ନା ହେ ଗତାଙ୍ଗ୍ବାହା ।” ୧୫ ହେଝାନ୍ ମିଙ୍ଗେଙ୍ଗ୍ ହେବେ ଜାଡ୍ନାୟ୍ ଆରି ଜାଲ୍ଦି କିତି ଜପ୍ପା ଗାଜା ବାକ୍ତା ଚଚାନାନ୍, ହେ ବାହାତ ମାକାଜିଂ ଜାଲ୍ଦି କିୟାଟ୍ ।

୧୬ ହେବେତାଂ ଚେଲାର୍ ହସି ଗାଡ୍ ବିତ୍ରେ ହଚାର୍, ଆରେ ଜିସୁ ହେଝାରିଂ ଇନେସ୍ ଇଞ୍ଜି ମାଚାନ୍, ହେ ଲାକେ ହୁଡ୍ଡି ନିସ୍ପାର୍ ପାର୍ବୁ ଦିକ୍ତି ବଜି ଜାଲ୍ଦି କିତାର୍ ।

୧୭ ମିଡିଲେ ହେଝାନ୍ ବାରଜାଣ୍ ଚେଲାର୍ ହୁକେ ଖାତାନ୍ । ୧୮ ହେଝାର୍ କୁଚ୍ଚି ତିନି ସମୁଦ୍ ଜିସୁ ଇଚାନ୍, “ଆନ୍ ହାଡ୍ପା ଇଞ୍ଜିନାଙ୍ଗା, ମି ବିତ୍ରେ ରକାନ୍, ଇନେଚ୍ଚି ନା ହୁକେ ତିନାନା, ହେଝାନ୍ ନାଙ୍ଗେଙ୍ଗ୍ ସାତ୍ତୁ କେଇଦ ହେଲ୍ଲାୟ୍ କିଦ୍ନାନ୍ ।”

୧୯ ହେବେ ହେଝାର୍ ଦୁକ୍ ଆଜି ରକାର୍ ରକାର୍ କିଜି ହେଝାନ୍ ଖେନ୍ବାତାର୍, “ହେଝାନ୍ ଇନାକା ଆନ୍ ?”

୨୦ ଜିସୁ ହେଝାରିଂ ଇଚାନ୍, “ବାରଜାଣ୍ ବିତ୍ରେ ରକାନ୍, ଇନେଚ୍ଚି ନା ହୁକେ ତାଡିୟାତ ରୁଚି କୁକ୍ନାନ୍ ହେଝାନ୍ ।

୨୧ ମାନାୟ୍ ମାଜି ବିସ୍ତେ ସାସ୍ତର୍ ତାକେ ଇନେସ୍ ଲେକା ଆତାଡ୍ନା, ହେ ଲାକେ ହାକି ଡାଣ୍ ପାୟାଦେଂ ହାନାନା, ମାତର୍ ମାନାୟ୍ ମାଜି ସତ୍ତୁ କେଇଦ ହେଲ୍ଲାୟ୍ କିୟା ଆନାନ୍, ଆ ହେଝାନ୍ ଦାଣ୍ ପାୟା ଆନାନ୍ ! ହେଝାନ୍ ମାନାୟ୍ ଜଲମ୍ ଆଝାଦାଂ ମାଚିସ୍ ହେଝାନ୍ ତା ପାକ୍ୟାତ ହାର୍ ଆତାମ୍ !”

ଇସ୍ପୁଚି ବଜି

(ମାତିଉ ୨୬:୨୬-୩୦; ଲୁକ ୨୨:୧୪-୨୦; ୧ କରନ୍ତିୟ ୧୧:୨୩-୨୫)

୨୨ ହେଝାର୍ ତିନି ଖେଡାଲିଂ ହେ ରୁଚି ଅସି ଆସିର୍ବାଦ୍ କିଜି ହେଝାରିଂ ହିତାନ୍ ଆରି ହେଦାଂ ତ୍ରିକ୍ଚି ହେଝାରିଂ ହିଜି ଇଚାନ୍, “ଇନ୍ଦାଟ୍, ଇଦାଂ ନା ଗାଗାଡ୍ ।”

* ୧୪:୫ ୧୪:୫ ରୁପା ଟାକାଂ ୬:୩୭ ହୁଡାଟ୍ ।

୨୩ ଆରେ, ହେୱାନ କଲସି ଆସି ଜୁଝାର କିସି ହେୱାରି ହିତାନ “ଆରି ଓଜାକାର ହେବେଣ୍ଟା ଉଟାର ।”
 ୨୪ ଆରି, ଜିସୁ ହେୱାରି ଇଚାନ, ଇମ୍ବଣି ନିୟମିନି ନେତେର୍ ବେସି ଲଗା କାଜି ରାକ୍ୟା ଆନାତା, ଇଦା
 ନା “ହେ ନେତେର୍ । ୨୫ ଆନ୍ ମିଜେକ୍ ହାଡ଼ପା ଇଞ୍ଜନାକ୍, ଆନ୍ ଏଚେକାଡ଼ପ ପୁନି କିଜି ଇସ୍ବର ରାଜିତ
 ଅଜ୍ବର ପାଡ଼ନି ରାସ୍ ଉଣାକ୍, ହେ ଦିନ୍ ପାତେକ୍ ଇଦା ଆରି ଇନାଝାଡ଼ାପା ଉଣେକ୍ କକ୍ ।”

୨୬ ଆରେ, ହେୱାର କେର୍ଡି ପାଚେ ଜିଡ଼ମାଡ଼ିତ ହସି ହାଚାର ।

ଜିସୁ ପାଚେ ହାନାକାର ଓଜାକାର ପିହନାର
 (ମାଡ଼ିଉ ୨୬:୩୧-୩୫; ଲୁକ ୨୨:୩୧-୩୪; ଜହନ୍ ୧୩:୩୬-୩୮)

୨୭ ହେ ଏଚେକାଡ଼ପ ଜିସୁ ହେୱାରି ଇଚାନ, ଏପେକ୍ ଓଜାକାଦେର୍ ବାଦାପାୟା ଆନାଦେର୍,
 ଇନେକିଦେକି ଲେକା ଆତାଡ଼ନ୍ନା,

“ଆସେକ୍ ମେଣ୍ଟା ଗଡ଼ିୟାକ୍ ଅସ୍ତିସ୍, ଆରି ମେଣ୍ଟା ଜେଡ଼ କେଡ଼ ଆଜି ହାନିକ୍ ।”

୨୮ *ମାତର୍ ଆନ୍ ନିଜ୍ଡି ପାଚେ ମି ଆଗେ ଗାଲିଲିତ ହାନାକ୍ । ୨୯ ମତର୍ ପିତର୍ ହେୱାନି ଇଚାନ,
 “ଓଜାକାର ନିଜେକ୍ ପିସ୍ତି ହାନିଚିସ୍ତା, ଆନ୍ ପିସ୍ତି ହାଞ୍ଜୁକ୍ ।”

୩୦ ଜିସୁ ହେୱାନି ଇଚାନ, “ଆନ୍ ନିଜେକ୍ ହାଡ଼ପା ଇଞ୍ଜନାକା, ନେଞ୍ଜେକ୍ ଇ ନାଣା ରିହା କୁଡୁ କ୍ଲେନି
 ଆଗେ ଏନ୍ ନାଜେକ୍ ତିନିହର୍ ପାତ କିଦୁୟ ।”

୩୧ ମାତର୍ ହେୱାନ ଆଟ୍ଝା କିଜି ଇଞ୍ଜେକ୍ ଲାଗାତାନ, “ଜଦି ଆନ୍ ନି ହୁକେ ହାଦେ ଲାଗ୍ଦାନାତ୍
 ଆତିସ୍ ପା ଆନ୍ ନିଜେକ୍ ମୁଡ଼କେ ଉଡ଼ା ଆଦୁକ୍ । ଆରି ଓଜାକାରପା ହେ ଲାକେ ଇଚାର !”

ଜିସୁ ଗେଡ଼ସିମିନି ବାଡ଼ପ ପାର୍ତାନା କିତାନ
 (ମାଡ଼ିଉ ୨୬:୩୬-୪୬; ଲୁକ ୨୨:୩୯-୪୬)

୩୨ ପାଚେ ହେୱାର ଗେଡ଼ସିମିନି ଇନି ତର୍ ର ବାହାତ ଝାଡ଼ାର, ଆରି ହେୱାନ ହେ ଚେଲାରି ଇଚାନ,
 “ଆନ୍ ପାର୍ତାନା କିନି ପାତେକ୍ ଏପେକ୍ ଇବେ କୁଚ୍ଚି ମାନାଟ୍ ।” ୩୩ ଆରେ, ହେୱାନ ପିତର୍, ଜାକୁବ୍ ଆରି
 ଜହନ୍ତି ହାକ୍ ଅଜି ଆଦିକ୍ କାବା ଆଜି ଆରି ବିପ୍ତି ଆଦେ ଲାଗାତାନ । ୩୪ ହେବେ ଜିସୁ ହେୱାରି ଇଚାନ,
 “ନା ଝାସ୍ତି ହାକି ଲାକେ ବେସି ଦୁକ୍ ଆନାତା; ଏପେକ୍ ଇବେ ମାନ୍ଞି କାସି ମାନାଟ୍ ।”

୩୫ ଜଦି ଆନାତ୍ ହେ ଦୁକ୍ ଇନେସ୍ ଦେହା ଆନାତ୍ ହେବେତା ହେୱାନ ଅଲପ୍ ଦେହା ହାଲ୍ଜି ମେଦନିତ
 ଗୁରଜି, ପାର୍ତାନା କିଦେକ୍ ଲାଗାତାନ । ୩୬ ଆରି ଜିସୁ ଇଚାନ, “ଆବା, ଓଜୁ ନି ପୁରା, ଇ ଉଣି ଗିନା ନା ତାକ୍
 ଦେହା ଇଚା, ଆତିସ୍ପା ନା ଇଚା ଆକାୟ୍, ମାତର୍ ନି ଇଚା ।”

୩୭ ଆରେ, ହେୱାନ ଝାଜି ହେୱାରି ହୁଞ୍ଜନାକା ହୁଡ଼ତାନ ଆରି ପିତର୍ଡି ଇଚାନ, “ସିମିନ, ଏପେକ୍
 ଇନାକା ହୁଞ୍ଜନାଦେରା ? ର ଗଣ୍ଟା କାତେକ୍ ଆଡ଼ଝାତାଦେର୍ ?” ୩୮ “ପରିକ୍ୟାତ ଇନେସ୍ ଆର୍ମାଟ୍,
 ଇଦା କାଜି କାସିମାଞ୍ଜି ପାର୍ତାନା କିୟାଟ୍, ଜିବୁନ୍ ଇଚା, ମାତର୍ ଗାଗାଡ଼ ନାଦାର ।”

୩୯ ହେୱାନ ଆରି ଆଗେ ଲାକେ ହାଲ୍ଜି କାତା ଇଞ୍ଜି ପାର୍ତାନା କିତାନ । ୪୦ ଆରେ ରଗ ଝାଜି ଜିସୁ
 ହେୱାରି ହୁଞ୍ଜନାକା ହୁଡ଼ତାନ, ଇନେକିଦେକି ହେୱାର ହୁଞ୍ଜକାଣ୍ଡୁକ୍ ଜୁର୍ପିୟା ଆଜି ମାଡ଼ିକ୍, ଆରି
 ହେୱାନି ଇନା ଉତର୍ ହିନାର, ହେଦା ପୁନ୍ଝାଦା ମାଚାର ।

୪୧ ହେୱାନ ତିନିହର୍ ଝାଜି ହେୱାରି ଇଚାନ, “ଏପେକ୍ ଇନାକା ଆରି ହୁନ୍ଝାଦେଣ୍ଟା ? ଜବର୍ ଆତାତେ
 ! ହୁଡ଼ାଟ୍, ମାନାୟ୍ ମାଜି ପାପିର୍ କେଇତାକେ ହେଲାୟ୍ ଆନାନା । ୪୨ ନିଜାଟ୍, ଆସେକ୍ ହାନାସ୍; ହୁଡ଼ାଟ୍,
 ଇନେର୍ ନାଜେକ୍ ସତ୍ କେଇଦ ହେଲାୟ୍ କିଦନାନ୍ ହେୱାନ ଲାଗା ଝାତାନେ !”

ଜିସୁ ଗାଚ୍ୟା ଆତାନ
 (ମାଡ଼ିଉ ୨୬:୪୭-୫୬; ଲୁକ ୨୨:୪୭-୫୩; ଜହନ୍ ୧୮:୩-୧୨)

୪୩ ଆରେ ସାଜେ ସାଜେ, ହେୱାନ କାତା ଇନି ଝାଡ଼ାଲି ବାରଜାଣ୍ ବିତ୍ରେ ଜିହୁଦା ଇନି ରକାନ ଆରି
 ହେନି ଲକୁ ହେୱାନ ହୁକେ ମୁଡ଼ ମାପୁ ହେବା କିନାକାର, ସାସ୍ପିର୍ ଆରି ପ୍ରାଚିନାର ତାକ୍ ଲକୁ କାଣ୍ଟା ଆରି
 ଟେକ୍ମାକ୍ ଆଜି ଝାଡ଼ାର । ୪୪ ଜିସୁକ୍ ସତ୍ କେଇଦ ହେଲାୟ୍ କିନାକାନ୍ ଏଲେକ୍ ଚଚ୍ଚି ହିଜି ଇଞ୍ଜି ମାଚାନ
 । “ଆନ୍ ଇନେରି ତଞ୍ଜଗାନା, ହେୱାନ ହେଞ୍ଜେନ୍, ହେୱାନି ଆସ୍ତି ଜାଗ୍ରତ୍ ଅନାଦେର୍ ।”

୪୫ ଲାଗି ହେୱାନ ହେପାଦନା ହେୱାନ ଲାଗେ ହାଲ୍ଜି, “ଏ ଗୁରୁ !” ଇଞ୍ଜି ହେୱାନି ବେସି ତନ୍ତାନ
 । ୪୬ ହେବେତା ହେୱାର ତା ଜପି କେଇ କିସି ଆସ୍ତାର । ୪୭ ମାତର୍ ଲାଗେ ନିଲ୍ଡିମାନି ମାନାୟାର ତାକ୍
 ରକାନ କାଣ୍ଟା ହପ୍ତାନ ଆରି ମୁଡ଼ ମାପୁ ହେବା କିନାକାନ୍ ଆଡ଼ିଏନି କେଇ କିଜି ତା କିତୁଲ୍ ହଣ୍ଡି ତୁହିତାନ
 । ୪୮ ଜିସୁ ହେୱାରି ଉତର୍ ହିତାନ, “ଚର୍କୁ ବିରୁଦ୍ଦ ହତି ଲାକେ କାଣ୍ଟା ଆରି ଟେକ୍ମା ଆଜି ଇନାକା ନାଜେକ୍

* ୧୪:୨୮ ୧୪:୨୮ ମାଡ଼ିଉ ୨୮:୧୭.

ଆସ୍ତେଙ୍ଗ ଖାତାଦେଣ୍ଡା ? ୪୯ *ସବୁ ଦିନ ଆନ ମି ହୁକେ ମନ୍ଦିରତ ମାନଞ୍ଜି ସିକ୍ୟା ହିଜି ମାତାର, ମାତର ନାଙ୍ଗେଙ୍ଗ ଏପେଙ୍ଗ ଆସ୍ତାଖାତାଦେର, ମାତର ଦରମ ସାସ୍ତର କାତା ଗିଟାଆନି କାଦଲିଂ ଇଞ୍ଜି ଇ ସବୁ ଗିଟା ଆନାତା ।” ୫୦ ହେବେ ଝିଜାର ଚେଲାର ହେଝାନିଂ ହେ ଏଚେକାଡ଼ଦ ପିସ୍ତ୍ର ହିଜାର ।

୫୧ ମାତର ରକାନ ଦାଙ୍ଗଣା ହିମ୍ପଣେନ୍ ତୁମଣ୍ଡା କଞ୍ଜାଣ୍ ହେୟା ପରତି ହେଝାନ ପାଚେ ପାଚେ ହାଲୁଜି ମାଚାନ, ହେଝାର ହେଝାନିଂ ଆସ୍ତାର । ୫୨ ମାତର ହେଝାନ ହେ କଞ୍ଜାଣ୍ ହେୟା ପିସ୍ତ୍ର ତୁମଣ୍ଡା ଗାଗାଡ଼ତ ହନ୍ତାନ ।

ଜିହୁଦି ସବାତ ଜିସୁତି ବିଚାର

(ମାତିଉ ୨୨:୫୭-୬୮; ଲୁକ ୨୨:୫୪-୫୫, ୬୩-୭୧; ଜହନ୍ ୧୮:୧୩-୧୪; ୧୯:୨୪)

୫୩ ପାଚେ ହେଝାର ଜିସୁଙ୍ଗ ମୁଡ଼ ମାପୁହେବା କିନାକାର ତାକେ ଅତାର, ଆରେ ମୁଡ଼ ମାପୁ ହେବା କିନାକାର, ପ୍ରାଚିନାର ଆରି ସାସ୍ତ୍ରର ଝିଜାକାର ଝାଜି ରୁଣ୍ଡାଆତାର । ୫୪ ପିତର ଦେହା ମାନଞ୍ଜି ହେଝାର ପାଚେ ପାଚେ ମୁଡ଼ ମାପୁ ହେବା କିନାକାର ହାକଡ଼ି ବିତ୍ରେ ହାଚାନ ଆରି ପାଦ ଆଦିକାରି ହୁକେ କୁଚି ନାଣି କାଇଜି ମାଚାର । ୫୫ ଇଦାଂ ପାଚେ ମୁଡ଼ ମାପୁହେବା କିନାକାନ ଆରି ଜିହୁଦି ସବାନିକାର ଜିସୁଙ୍ଗ ବିରୁଦତ ସାକି ତେକତେଂ ଲାଗାତାର, ମାତର ଗାଟା ଆଖାତାର; ୫୬ ଇଦାଂ କାଜିଂ ବେସି ମିଚ ସାକି ହିତାର ମାତର ହେଝାର ସାକି ଗାଟାଖାତାର ।

୫୭ ପାଚେ କେତେକ ଲଗୁ ନିଙ୍ଗି ହେଝାନ ବେରୁତ ଇ ମିଚ ସାକି ହିଜି ଇଞ୍ଜେଙ୍ଗ ଲାଗାତାର । ୫୮ “ଆପେଂ ଇଝାନ ତାଙ୍ଗ ଇ କାତା ଇନାକା ଝେଚାପ୍ନା, ‘ଆନ ଇ କେଇଦାଂ ରଚ୍ଚି ମନ୍ଦିରତିଂ ତ୍ରିକ୍ଚି ତିନଦିନ ବିତ୍ରେ’ ଆରି ରଞ୍ଜାଙ୍ଗ କେଇଦାଂ ରଚ୍ଚିତି ମନ୍ଦିର ରଚ୍ଚନାଙ୍ଗ ।” ୫୯ ମାତର ଇବେପା ହେଝାର ସାକି ଗାଟାଖାତାର ।

୬୦ ହେବେ ମୁଡ଼ ମାପୁ ହେବା କିନାକାନ ମାଦି ନିଲ୍ଚି ଜିସୁଙ୍ଗ ଝେନ୍‌ବାତାନ, ନି ବିରୁଦତ ଇଝାର ସାକି ହିନାରା, “ଏନ୍ ଇନାକାପା ଉତର ହିଉୟା ?”

୬୧ ମାତର ହେଝାନ ଦୟା ଆତାନ ଆରି ଇନାକାପା ଉତର ହିଝାତାନ । ମୁଡ଼ ମାପୁ ହେବା କିନାକାନ ଆରେ ରଗ ଝେନ୍‌ବାତାନ ହେଝାନ “ଏନ୍ ଇନାକା ମଙ୍ଗଲ ପାୟାନି ଇସ୍ତରତି ମାଜି କ୍ରିସ୍ତ ?”

୬୨ ଜିସୁ ଇଚାନ, “ଆନ ହେଝାନ,” ଆରି ଏପେଙ୍ଗ “ଆନ ଜେ ମାନାୟ ମାଜିଙ୍ଗ ସାକ୍ରିତାଂ ବୁଜ୍ଠି ବାଗାଙ୍ଗ କୁଚନାକା ଆରି ଆକାସନି ବାଦାଡ଼ତ ଝାନାକା ହୁଡ଼ନାଦେର !”

୬୩ ହେବେ ତାଙ୍ଗ ମୁଡ଼ ମାପୁ ହେବା କିନାକାନ ତା ହେୟା କେଚ୍ଚି ଇଚାନ, “ସାକିତାଂ ମାଦାଂ ଆରି ଇନାକା ଲଡ଼ା ! ୬୪ ଏପେଙ୍ଗ ତ ଇସ୍ତରତି ନିୟା ଝେଚାଦେର, ମି ବିଚାର କିନାକା ଇନାକା ?” ଇବେ ହେଝାର ଝିଜାକାର ହାକି ଦାଣ୍ଡ ପାୟା ଆନି ବିଦି ମାନାଡ଼ ଇଞ୍ଜି ଝିଜାକାର ଇଚାର ।

୬୫ ଆରେ ଇନେର ଇନେର ହେଝାନ ଜପି ଚୁବ୍‌ଦେଂ ଲାଗାତାର ଆରି ହେଝାନ ମୁମ୍‌ଦ ଗୁଗୁର ମୁଗି କିଜି ବିଦା ଇଡ଼ଜି ଇଞ୍ଜେଙ୍ଗ ଲାଗାତାର, “ଏନ୍ କିୟା ବେରଣ୍ ବାକ୍‌ଶାୟ କିନାକାୟ !” ପାର୍ମାଣ୍ ହିଦା । ଆରି ପାଦ ଆଦିକାରିଚ୍ ଚାପଡ଼ା ଇଡ଼ ଇଡ଼ ହେଝାନିଂ ଆସ୍ତ୍ର ଅତାର ।

ପିତର ଜିସୁଙ୍ଗ ପାଚି କିଝାତାନ

(ମାତିଉ ୨୨:୨୯-୩୨; ଲୁକ ୨୨:୫୭-୬୨; ଜହନ୍ ୧୮:୧୫-୧୮; ୨୧:୨୫)

୬୬ ଆରି ପିତର ତାରେନ୍ ହାକଡ଼ିତ ମାନିଝେତାଲିଂ ମୁଡ଼ ମାପୁ ହେବା କିନାକାଚିଂ ର ଆଡ଼ିଏଣି ଝାଜି ପିତର ନାଣି କାଇନାକା ହୁଡ଼ତାଡ଼, ୬୭ ଆରି ପିତରତିଂ ଇଚ୍ଚକାଡ଼ କିଜି ଇଚାଡ଼, “ଏନ୍ ପା ନାଜରିତିୟନି ଜିସୁ ହୁକେ ମାଚାୟ ।”

୬୮ ମାତର ହେଝାନ ଉଡ଼ା ଆଜି ଇଚାନ, “ଆନ ହେଝାନିଂ ପୁନୁଙ୍ଗ, ଆରି ଏନ୍ ଇନାକା ଇନାୟା, ଆନ ବୁଜା ଆଉଙ୍ଗା ।” ପାଚେ ହାକଡ଼ି ଦୁଝେଚ୍ଚାଂ ହସି ହାଚାନ; କୁକୁ ଚ୍ଚେତାଡ଼ ।†

୬୯ ଆରେ, ହେ ଆଡ଼ିଏଣି ହେଝାନିଂ ହୁଡ଼ଜି ଲାଗେ ନିଲ୍ଚି ମାନିଲୁଗାଂ ଆରି ରଗ ଇଞ୍ଜେଙ୍ଗ ଲାଗାତାଡ଼, “ଈଝାନ ହେଝାର ବିତ୍ରେ ରକାନ !” ୭୦ ମାତର ଆରେ ପାଚିଂ କିଝାଦାଂ ଇଞ୍ଜେଙ୍ଗ ଲାଗାତାନ । ଆରେ ଅଲପ ସମୁ ପାଚେ ଲାଗାଂ ନିଲ୍ଚି ମାନି ଲଗୁ ପିତରତିଂ ଇଚାର, “ଏନ୍ ହାଡ଼ପାନେ ହେଝାର ବିତ୍ରେ ରକାୟ, ଇଚିସ୍ ଏନ୍ ତ ଗାଲିଲିୟ ଲଗୁ ।”

୭୧ “ମାତର ପିତର ନିଜେତିଙ୍ଗ ରାଣ୍ କିଜି ଆରେ ପାର୍ମାଣ୍ କିଜି ଇଞ୍ଜେଙ୍ଗ ଲାଗାତାନ, ଏପେଙ୍ଗ ଇମ୍‌ଣି ମାନାୟ କାତା ଇନାଦେରା, ଆନ ହେଝାନିଂ ପୁନୁଙ୍ଗ !”

୭୨ ହେ ପାଦନା କୁକୁ ରିହା ଚ୍ଚେତାଡ଼, ଇବେତାଂ କୁକୁ ରିହା ଚ୍ଚେନିହିଂ ଆଗେ ଏନ୍ “ନାଙ୍ଗେଙ୍ଗ ତିନିହଚ୍ ପାଚିଂ କିଦୁୟ,” ଇ ଇମ୍‌ଣି କାତା ଜିସୁ ପିତରତିଂ ଇଞ୍ଜି ମାଚାନ, ହେଦାଂ ପିତରତିଂ ଏଡ଼ୁ ଝାତାଡ଼, ଆରି ହେଝାନ ହେ କାତା ବାବିକିଜି ଆଡ଼ବେଦେଂ ଲାଗାତାନ ।

* ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭. † ୧୪:୬୮ ୧୪:୬୮ କେତେକ ପଢିତ ଦାପ୍ତେ କୁକୁ ଚ୍ଚେଖାତାଡ଼ ।

୧୫

ପିଲାତ ଆଗେ ଜିସୁ

(ମାତ୍ତୀ ୨୭:୧-୨; ୧୧:୧୪; ଲୁକ ୨୩:୧-୫; ଜହନ୍ ୧୮:୨୮-୩୮)

୧ ଅଜଡ଼ ଆତି ଦାପ୍ତେ ସବୁ ଗାଜା ମିଟିଂ, ଇଟିସ୍ ପ୍ରାଟିନ୍ ଆରି ସାସ୍ତ୍ରତ୍ତି ହୁକେ ମୁଡ଼୍ ମାପୁହେବାକିନାକାର୍ ସବା କିଜି ଜିସୁଙ୍ଗ୍ ଗାଟ୍ଟି ଅଜି ପିଲାତ ତାକେ ହେଲାୟ୍ କିତାର୍ । ୨ ପିଲାତ ହେଖାନିଂ ଖେନ୍ଦବାତାନ୍, “ଏନ୍ କି ଜିହୁଦିର୍ ରାଜା ?” ଜିସୁ ହେଖାନିଂ ଉତର୍ ହିତାନ୍, “ଏନ୍ ଇନାୟା ।”

୩ ଆରେ, ମୁଡ଼୍ ମାପୁହେବାକିନାକାର୍ ଜିସୁ ବିରୁଦ୍ଦତ ବେଜେକ୍ ଲାଗେଦେଂ ହାଙ୍ଗ୍ତାର୍ । ୪ ହେବେ ପିଲାତ ଆରେରଗ ହେଖାନିଂ ଖେନ୍ଦବାତାନ୍ “ଏନେଙ୍ଗ୍ ଇନାକା ଉତର୍ ହିତାୟା ? ହୁଡ଼ା, ଇଖାର୍ ନି ବିରତ୍ତ ଦସ୍ ବାଜେକ୍ କିସି ଲାଗ୍ଦାନାରା !”

୫ ମାତର୍ ଜିସୁ ଇନାକା ପା ଉତର୍ ହିଖାତାନ୍, ହେଦାଂ କାଜିଂ ପିଲାତ କାବା ଆତାନ୍ ।

ଜିସୁତି ହାକି ତାଣ୍ଡ

(ମାତ୍ତୀ ୨୭:୧୫-୩୧; ଲୁକ ୨୩:୧୩-୨୫; ଜହନ୍ ୧୮:୩୯; ୧୯:୧୭)

୬ ମତର୍ ନିସ୍ତାର୍ ପାର୍ତୁଖେଡ଼ାଙ୍ଗ୍ ମାନାୟାର୍ ଇମ୍ଣି ଚରେଡ଼ିଙ୍ଗ୍ ଏନ୍ତି ମାତାର୍, ହେଖାନିଂ ହେଖାନ୍ ହେଖାର୍ କାଜିଂ ମୁକ୍ତାୟ୍ କିଜି ମାତାର୍ । ୭ ଇମ୍ଣି କୁଟୁମ୍ ବିରୁଦ୍ଦତ ଗଡ଼ମେଲି ଖେଡ଼ାଲିଂ ମାନାୟତିଂ ଅଜି ମାତାନ୍, ହେଖାର୍ ହୁକେ ବାରବା ତରନି ରଖାନ୍ ବନ୍ଦି ମାତାନ୍ । ୮ ଲାଗିଂ ଲକୁ ଜପି ହାଲଜି ଜାର୍ ରିତି ହୁଦାଂ କିନି କାଜିଂ ଗଖାରି କିଦେଙ୍ଗ୍ ଲାଗାତାର୍ । ୯ ହେବେତାଂ ପିଲାତ ହେଖାରିଂ ଉତର୍ ହିତାନ୍, “ଏପେଙ୍ଗ୍ ଇନାକା ଇଚା କିନାଦେରା ? ଆନ୍ ଇନାକା ମି କାଜିଂ ଜିହୁଦିର୍ ରାଜାଙ୍ଗ୍ ମୁକ୍ତାୟ୍ କିନାଙ୍ଗ୍ ?” ୧୦ ଇଟିସ୍ ମୁଡ଼୍ ମାପୁହେବାକିନାକାର୍ ଜେ କୁଟ୍ ହେଖାନିଂ ହେଲାୟ୍ କିଜି ମାତାର୍, ହେଦାଂ ହେଖାନ୍ ବୁଜା ଆତାନ୍ ।

୧୧ ମାତର୍ ହେଖାନ୍ ଇନେସ୍ ହେଖାର୍ କାଜିଂ ବାରବାଙ୍ଗ୍ ମୁକ୍ତାୟ୍ କିନାନ୍, ହେଦାଂ କାଜିଂ ମୁଡ଼୍ ମାପୁହେବାକିନାକାର୍ ଲକାଂ ମାତାୟ୍ କିତାର୍ । ୧୨ ମାତର୍ ପିଲାତ ଆରେ ରଗ ହେଖାରିଂ ଉତର୍ ହିତାନ୍, “ବାଟିଙ୍ଗ୍ ଏପେଙ୍ଗ୍ ଇନେରିଂ ଜିହୁଦିର୍ ରାଜା ଇଞ୍ଜି ଇନାଦେରା, ହେଖାନ୍ କାଜିଂ ଆନ୍ ଇନାକା କିନାଙ୍ଗ୍ ?”

୧୩ ହେଖାର୍ ପାଚେ କିର କିଜି ଇଚାର୍, “ହେଖାନିଂ କୁସ୍ତ ଦୁପାଟ୍ !”

୧୪ ହେବେତାଂ ପିଲାତ ହେଖାରିଂ ଖେନ୍ଦବାତାନ୍, ଇନେକିଦେଂ, “ହେଖାନ୍ ଇନା ଦସ୍ କିତାନ୍ନା ?” ମାତର୍ ହେଖାର୍ ଆଦିକ୍ କିର କିତାର୍, “ହେଖାନିଂ କୁସ୍ତ ଦୁପାଟ୍ !”

୧୫ ଲାଗିଂ ପିଲାତ ମାନାୟତିଂ ସାରି କିଦେଙ୍ଗ୍ ଇଚା କିଜି ହେଖାର୍ କାଜିଂ ବାରବାତିଂ ମୁକ୍ତାୟ୍ କିତାନ୍, ପାଚେ ଜିସୁଙ୍ଗ୍ କର୍ତା ଗ୍ରାକି କିସି କୁସ୍ତ ଦୁପ୍ଦେଂ ଇଞ୍ଜି ହେଲାୟ୍ କିତାନ୍ ।

ମେଲ୍ୟାର୍ ଜିସୁଙ୍ଗ୍ କିଜାୟ୍ କିତାର୍

(ମାତ୍ତୀ ୨୭:୨୭-୩୧; ଜହନ୍ ୧୯:୨-୩)

୧୬ ହେବେତାଂ ମେଲ୍ୟାର୍ ହେଖାନିଂ ହାକ୍ତି, ଇଟିସ୍ ବାଙ୍ଗ୍ଲା ବିତ୍ତେ ଆସ୍ସି ପା ସବୁ ମେଲ୍ୟାରିଂ କୁକ୍ତି ରୁଣ୍ଡାୟ୍ କିତାର୍ । ୧୭ ହେଖାର୍ ହେଖାନିଂ କିଜାୟ୍ କିଦେଙ୍ଗ୍ ଇଞ୍ଜି କାହରାତି ବାନି ହେୟା ଉସ୍ସି କିତାର୍ ଆରି ଖାଡ଼ି ମୁକ୍ତର୍ ରଚ୍ଚି କାପ୍ଡାତ ତୁଜି କିତାର୍; ୧୮ ଆରେ, “ଏ ଜିହୁଦିର୍ ରାଜା !” ଜଖାର୍, ଇଦାଂ ଇଞ୍ଜି କିଜାୟ୍ କିଦେଙ୍ଗ୍ ଲାଗାତାର୍ । ୧୯ ପାଚେ, ହେଖାର୍ ର ପଲକା ନାଡ଼ା ଅସି କାପ୍ଡାତ ମାଟ୍ କିତାର୍ ଆରି ହେଖାନ୍ ଜପି ଦୁପ୍ଦାର୍, କିଜାୟ୍ କିଜି ଆରି ମେଣ୍ଡାଂ କୁଦିକିଜି ଜଖାର୍ କିଦେଙ୍ଗ୍ ଲାଗାତାର୍ । ୨୦ ହେଖାର୍ ହେଖାନିଂ କିଜାୟ୍ କିତି ପାଚେ ହେ କାହାତି ବାନି ହେୟା କୁଡ଼ି ଅଜି ହେଖାନ୍ତି ଜାର୍ ହେୟା ଉସ୍ସି କିତାର୍ । ପାଚେ, ହେଖାର୍ ହେଖାନିଂ କୁସ୍ ଜପି ଦୁପ୍ଦେଂ ବାଡ଼ି ଅତାର୍ ।

ଜିସୁଙ୍ଗ୍ କୁସ୍ ଜପି ଦୁପ୍ଦାର୍

(ମାତ୍ତୀ ୨୭:୩୨-୪୪; ଲୁକ ୨୩:୨୫-୪୩; ଜହନ୍ ୧୯:୧୭-୨୭)

୨୧ *ହେ ଏଚେକାଡ଼୍ଦ ଆଲେକ୍ଜାଣ୍ଡର ଆରି ରୁପ୍ତି ଲାଡ଼ାହି ସିମନ୍ ତରନି ରକାନ୍ କୁରିଣିୟ୍ ମାନାୟ୍ ଦେସିନାସ୍ତାଂ ଖାଜି ହେ ହାଜିହିଜି ହାଲଜି ମାତାନ୍, ହେଖାର୍ ହେଖାନିଂ ହେଖାନ୍ତି କୁସ୍ ପିଣ୍ଡଦେଂ ବଲକ୍ସାର୍ କିତାର୍ । ୨୨ ଆରେ, ହେଖାର୍ ହେଖାନିଂ ଗଲ୍ଗତା ଇଟିସ୍ “କାପ୍ଡାବାହା ତର୍ ବାହାତ ଅତାର୍ ।” ୨୩ ଆରେ, ହେଖାର୍ ହେଖାନିଂ ଗାନ୍ଦାରାସ୍ ମିହାଆତାକା ଅଙ୍ଗ୍ ରାସ୍ ହିତାର୍, ମାତର୍ ହେଖାନ୍ ହେଦାଂ ଅଦେଂ କାଖାତାନ୍ । ୨୪ ପାଚେ ହେଖାର୍ ହେଖାନିଂ କୁସ୍ତ ଦୁପ୍ଦାର୍, ଆରେ ଇନେର୍ ଇନାକା ଗାଗାଆନାନ୍, ହେଦାଂ ଦରମ୍ଗୁଲି ହୁକେ ତିର୍ କିଜି ହେଖାନ୍ତି ହେୟା ସବୁ ଜାର୍ ଜାର୍ତାକେ ପାସ୍ପିସ୍ ଅତାର୍ । ୨୫ ଦିନ୍ ନଅଟା ଖେଡ଼ାଲିଂ ହେଖାର୍ ହେଖାନିଂ କୁସ୍ତ ଦୁପ୍ଦାର୍ । ୨୬ ଆରେ ହେଖାନ୍ତି ତା ବିରୁଦ୍ଦତ ଇଦାଂ ଲେକା ଆଜି

* ୧୫:୨୧ ୧୫:୨୧ ରମିୟ୍ ୧୭:୧୩.

ମାରୀତ୍, “ଜିହ୍ଵାଦିତ ରାଜା ।” ୨୭ ଆରେ, ହେୱାନ୍ତି ବୁଢ଼ଣି ପାଡ଼କା ରକାନ୍ ଆରି ତେବୁ ପାଡ଼କା ରକାନ୍ତି, ଏଲେଙ୍ଗ ରିକାର ଚର୍ଚ୍ଚକା ହେୱାର୍ ଜିସୁ ହୁକେ କୁସ୍ ତାକେ ଦୁପ୍ତାର୍ ।

୨୮ ହେବେ ଦରମ୍ ସାସ୍ତ୍ର ଇ କାତା ପୁରାଆତାଡ଼, ହେୱାନ୍ ଚର୍ଚ୍ଚ ହୁକେ ସମାନ୍ ଆତାନ୍ । ୨୯ “ହେ ହାଜି ହିଜି ହାଲ୍‌ଜିମାନି ଲକୁ ଜାର୍ ଜାର୍ କାପ୍ତା ଜଲ୍‌ୟ କିଜି ହେୱାନ୍ ନିୟା କିଦେଙ୍ଗ ଲାଗାତାର୍, ଆରେ ର ମନ୍ଦିର ଡ୍ରକ୍‌ନି ଲଗୁ ଆରି ତିନି ଦିନତା ଆରେ ରଦ୍‌ନାକାୟ୍ !” ୩୦ କୁସ୍‌ତା ଜୁଦା ଜାର୍‌ତି ରାକ୍ୟା କିୟା ।

୩୧ ମୁଡ଼୍ ମାପୁହେବାକିନାକାର୍ ପା ହେ ଲାକେ ସାସ୍ତ୍ର ହୁକେ ହେୱାର୍ ହେୱାର୍ ବିତ୍ରେ ହେୱାନ୍ ଗୁଇଜି ଇଞ୍ଜେଙ୍ଗ ଲାଗାତାର୍, “ହେୱାନ୍ ବିନ୍‌ଲୁଗା ରାକ୍ୟାକିତାନ୍ ଜାର୍‌ତି ରାକ୍ୟା କିଦେଙ୍ଗ ଆତୁନା ! ୩୨ ଏନ୍ ଜଦି ହାଡ଼ପା ଇସ୍ରାଏଲ୍‌ନି ରାଜା କ୍ରିସ୍ଟୁ ବେଗି କୁସ୍ ତାଙ୍ଗ୍ ଜୁଜି ୱାୟେନ୍, ଇନେସ୍‌କି ହେଦା ହୁଡ଼୍‌ଜି ଆପେ ପାତ କିନାପ । ଆରେ ଇନେର୍ ତା ହୁକେ କୁସ୍‌ତ ଦୁପ୍‌ୟା ଆଜି ମାରାର୍, ହେୱାର୍ ପା ତାଙ୍ଗେଙ୍ଗ୍ ନିୟାକିଦେ ଲାଗାତାର୍ !”

ଜିସୁତି ହାକି
(ମାତିଉ ୨୭:୪୫-୫୨; ଲୁକ ୨୩:୪୪-୪୯; ଜହନ୍ ୧୯:୨୮-୩୦)

୩୩ ବାର ଗଣ୍ଟା ୱେଡ଼ାଲିଂ ଦେସ୍ ଜାକ୍ ମାଜ୍‌ଗା ଆଜି ତିନି ଗଣ୍ଟା ପାତେକ୍ ମାରୀତ୍ । ୩୪ ତିନି ଗଣ୍ଟା ୱେଡ଼ାଲିଂ ଜିସୁ ଗାଜାକାଟ୍‌ତା କୁକ୍‌ଚି ଇଚାନ୍, “ଏଲି, ଏଲି, ଲାମା ସାବାକ୍‌ତାନି ?” ଇତିସ୍ “ଏ ନା ଇସ୍‌ବର୍, ଏ ନା ଇସ୍‌ବର୍, ଏନ୍ ନାଙ୍ଗେଙ୍ଗ୍ ଇନାକିଦେ ପିସ୍‌ତାୟ୍ ?”

୩୫ ଇଦାଂ ୱେନ୍‌ଞ୍ଜି ଲାଗାଂ ନିଲ୍‌ତି ମାନାୟାର୍ ବିତ୍ରେ ଇନେର୍ ଇନେର୍ ଇଚାର୍, ହୁଡ଼ାଟ୍, “ହେୱାନ୍ ଏଲିୟଙ୍ଗ୍ କୁକ୍‌ନାନା !” ୩୬ ଆରେ, ରକାନ୍ ହନ୍‌ଚିହାଲ୍‌ଜି ର ରୁଆ ତ କେନିରାସ୍ ବାଟ କିଜି ହେଦାଂ ର ନାଡ଼ାତ କିଜି ହେୱାନ୍ ଉଣ୍ଡେଙ୍ଗ୍ ହିଜି ଇଚାନ୍, “ମାନାଟ୍, ଏଲିୟ ଇୱାନ୍ ଜୁଡ଼୍‌ତେଂ ୱାନାନା କି ଆକାୟ୍, ହୁଡ଼ନାସ୍ !”

୩୭ ମାତର୍ ଜିସୁ ଗାଜାକାଟ୍ କିଜି ପାରାଣ୍ ପିସ୍‌ତାନ୍ ।

୩୮ ଆରେ, ମନ୍ଦିରୁନି ପୁଇପୁୟା ବାହାତ ଚଣ୍ଡି ହେୟା ଜପିତାଂ ତାରେନ୍ ପାତେକ୍ ରି ପାଡ଼ା ଆଜି କେନ୍‌ଚାଡ଼ । ୩୯ ହେୱାର୍ ମୁମ୍‌ଦ ନିଲ୍‌ଚିମାଟି ପାଞ୍ଚକଡ଼ି ମେଲ୍ୟାର୍ ଆଦିକାରି ହେୱାନ୍ତି ପାରାଣ୍ ପିହ୍‌ନାକା ହୁଡ଼୍‌ଜି ଇଚାର୍, * “ହାଡ଼ପାନେ, ଇୱାନ୍ ରକାନ୍ ଇସ୍‌ବର୍ ମାଜି !” ମାରାନ୍ ।

୪୦ କେତେକ୍ ଜାଣ୍ କଗଲେହିମ୍‌ଣାଂ ପା ଦେହାତାଂ ହୁଡ଼୍‌ଜି ମାଟିକ୍; ହେୱେକ୍ ବିତ୍ରେ ମଗ୍‌ଦଲିନି ମରିୟ୍‌ମ୍, ହାରୁ ଜାକୁବ୍ ଆରି ଜସି ତେହି ମରିୟ୍‌ମ୍, ଆରେ ସଲମି ମାଟିକ୍; ୪୧ ହେୱାନ୍ ଗାଲିଲିତ ମାନି ୱେଡ଼ାଲିଂ ହେୱେକ୍ ତା ପାଚେ ପାଚେ ହାଲ୍‌ଜି ହେୱାନ୍ ହେବା କିଜି ମାଟିକ୍, ହେୱେକ୍ ହୁକେ ଜିରୁସାଲମ୍‌ତ ୱାଜିମାନି କଗଲେକ୍ ପା ହୁଡ଼୍‌ଜି ମାଟିକ୍ ।

ଜିସୁତି ଦୁଗେର୍
(ମାତିଉ ୨୭:୫୭-୬୧; ଲୁକ ୨୩:୫୦-୫୬; ଜହନ୍ ୧୯:୩୮-୪୨)

୪୨ ୱେଡ଼ା ଆତିଲେ, ହେ ଦିନ୍ ଜୁତିପାତି କିନି ଦିନ୍, ଇତିସ୍ ଜମ୍‌ନିବାର୍ ଆଗେନି ଦିନ୍ ମାଟିଲେ, ୪୩ ହାରାମାତିୟାର୍‌ନି ଜସେପ୍ ଡର୍‌ନି ଜିହ୍ଵାଦି ଗାଜା ସବାନି ରକାନ୍ ମାଜାନ୍ ମେମର୍, ଇନେନ୍ ନିଜେପା ଇସ୍‌ବର୍‌ତି ରାଜିତିଂ କାସି ମାରାନ୍, ହେୱାନ୍ ସାସ୍‌ତାଙ୍ଗ୍ ପିଲାତ ତାକେ ହାଲ୍‌ଜି ଜିସୁତି ଗାଗାଡ଼୍ ଏନ୍ତାନ୍ ।

୪୪ ମାତର୍ ଜେ ହାତାନେ ଇଦାଂ ୱେନ୍‌ଞ୍ଜି ପିଲାତ କାବା ଆତାନ୍, ଆରି ପାଞ୍ଚ କଡ଼ିନି ମେଲ୍ୟାର୍ ଆଦିକାରିଂ ଲାଗେ କୁକି କିଜି ହେୱାନ୍ ୱେନ୍‌ବାତାନ୍, ହେୱାନ୍ ଇନାକା ବେସିଗାଡ଼ି ହାଜି ଆତାତେ ? ୪୫ ପାଞ୍ଚ କଡ଼ିନି ମେଲ୍ୟାର୍ ଆଦିକାର୍ ତାଙ୍ଗ୍ ପୁନ୍‌ଞ୍ଜି ଜିସୁ ଗାଗାଡ଼ିଂ ଜସେପତିଂ ହିତାନ୍ । ୪୬ ହେୱାନ୍ ରଞ୍ଜାଙ୍ଗ୍ କଞ୍ଜାଣ୍ ହେୟା କଡ଼୍‌ଜି ତାଙ୍ଗେଙ୍ଗ୍ ଜୁଡ଼ି ତାସି ହେବେ ହେୱାନ୍ ହୁର୍ପାତାନ୍ ଆରି କାଲ୍ ରେଟି ମାଡ଼ିତ କାର୍‌ତି ର ଦୁଗେର୍‌ତ ହେୱାନ୍ ଇଡ଼୍‌ଜି ଦୁଗେର୍‌ନି ଦୁ଱୍ଵେର୍‌ତ ଗାଜା କାଲ୍ ଗୁଡ଼ତାର୍ । ୪୭ ହେୱାନ୍ ଇମ୍‌ଣି ବାହାତ ଇଡ଼ିତାର୍‌ନା, ହେଦାଂ ମଗ୍‌ଦଲିନି ମରିୟ୍‌ମ୍ ଆରି ଜସି ତେହି ମରିୟ୍‌ମ୍ ହୁଡ଼୍‌ଜି ମାଟିକ୍ ।



ଜିସୁତି ଆରେ ନିଙ୍ଗ୍‌ନାକା
(ମାତିଉ ୨୮:୧-୮; ଲୁକ ୨୪:୧-୧୨; ଜହନ୍ ୨୦:୧-୧୦)

୧ ଜମ୍‌ନିବାର୍ ହାତିପାଚେ ମଗ୍‌ଦଲିନି ମରିୟ୍‌ମ୍ ଜାକୁବ୍ ତେହି ମରିୟ୍‌ମ୍ ଆରି ସଲମି ବାସ୍‌ନା ଚିକାଣ୍ କଡ଼୍‌ତିକ୍, ଇନେସ୍‌କି ହେୱାନ୍ ହାଲ୍‌ଜି ଉଚି କିଦେଙ୍ଗ୍ ଆଡ଼ନିକ୍ । ୨ ଆରେ, ରଇବାର୍ ନାଜିଂ ଉର୍‌ଲା

☆ ୧୫:୨୯ ୧୫:୨୯ ମାର୍କ ୧୪:୫୮; ଜହନ୍ ୨:୧୯. * ୧୫:୩୯ ୧୫:୩୯ ହାଜି ମାରାନ୍ କେତେକ୍ ପତିତ ଗାଜା କାଟ୍‌ତାଂ ଚେରା ଆଜି ମାରାନ୍ ଆରି ହାଜି ମାରାନ୍ ମାଜାଡ଼ । ☆ ୧୫:୪୦ ୧୫:୪୦ ଲୁକ ୮:୨,୩.

ହାକାଡ଼େ ହେଖେକ୍ ଦୁଗେରତ ହାତିକ୍, ହେପାଦନା ଖେଡ଼ା ହସି ମାଚାଡ଼ । ୩ ହେଖେକ୍ ହେଖେକ୍ ବିଡ଼େ
ବେଣ୍ କିବିସ୍ ମାଚିକ୍, ଇନେର ମା କାଜିଂ ଦୁଗେରନି ଦୁଖେର କାଲ୍ ଗୁଡ଼ତି ହିଦନାର ? ଇନାକିଦେଂକି
ହେଦାଂ ବେସି ଗାଜା କାଲ୍ ମାଚାଡ଼ । ୪ ଇ ଲାକେ ଖେଡ଼ାଲିଂ ହେଖେକ୍ ଏରି କିଜି ହୁଡ଼ତିକ୍ ଜେ,
କାଲ୍ ଗୁଡ଼ତାକା । ୫ ହେଖେକ୍ ଦୁଗେର ବିଡ଼େ ହଣ୍ଡି ଡ଼ିଞ୍ଜିନି ଆଜିଂ ଉସପାତାକାନିଂ ର ଦାଙ୍ଗଣାହିମ୍‌ଣା
ବୁନ୍‌ଣିବାଗାଂ କୁଚାକା ହୁଡ଼ଜି ବେସିକାବା ଆତିକ୍ ।

୬ “ହେବେ ହେଖାନ ହେଖାକାଂ ଇଚାନ,” କାବା ଆମାଟ୍, ଏପେଙ୍ କୁସ୍ତ ହାତି ନାଜରିତିୟନି ଜିସୁଙ୍ଗ୍
ଡେକନାଦେରା; ହେଖାନ ନିଙ୍ଗତାନ୍ନା, ହେଖାନ ଇବେ ହିଲୁନ୍, ହୁଡ଼ାଟ୍, ଇ ବାହାତ ହେଖାର ହେଖାନିଂ ଇଡ଼ଜି
ମାଚାର । ୭ ମାଚର ଏପେଙ୍ ହାଲ୍‌ଜି ହେଖାନ ଚେଲାରିଂ ଆରି ପିତରତିଂ ବଲ୍ ହିତାନ, ଜିସୁ ମି ଆଗେ
ଗାଲିଲିତ ହାଚାନନା; ହେଖାନ ମିଙ୍ଗେଙ୍ ଇନେସ୍ ଇଞ୍ଜି ମାନସ୍ତାନ, ହେ ଲାକେ ଏପେଙ୍ ହେବେ ହେଖାନିଂ
ହୁଡ଼ନାଦେର ।

୮ ହେବେଣ୍ଡାଂ ହେଖେକ୍ ହାଡ଼ପା ହୁଡ଼ଜି ଦୁଗେର ତାଙ୍ ହସି ହଡ଼ିକ୍, ଇନେସ୍ ଲାକେ କି ହେଖେକ୍
ପାଡ଼ୁତିକ୍ ତ୍ରିଗ୍‌ଜି ମାଚିକ୍ ଆରି କାବା ଆଜି ମାଚିକ୍, ଆରେ ଇନେରିଂ ଇନାକା ଇନ୍‌ଡ଼ିତିକ୍, ଇନେକିଦେଂକି
ହେଖେକ୍ ପାଣ୍ଡା ଆଜି ମାଚିକ୍ ।

ଜିସୁ ବେସି ଲଗାଂ ଚଞ୍ଚା ଆତାନ
(ମାତିଉ ୨୮:୯-୧୦; ଜହନ୍ ୨୦:୧୧-୧୮)

୯ ସାଡ଼ ଦିନ୍‌ନି ପର୍ଡୁମ୍ ରଇବାର ନାଜିଂ ଉଚ୍‌ଲା ହାକାଡ଼େ ଜିସୁ ନିଙ୍ଗଜି, ଇନେରତାଂ ସାଡ଼ ପୁଦାଂ ପିହି
କିଜି ମାଚାନ, ହେ ମଗ୍‌ଦଲିନି ମରିୟମ୍‌ତିଂ ପର୍ଡୁମ୍ ଚଞ୍ଚୟା ଆତାନ । ୧୦ ହେଦେଲ୍ ହାଲ୍‌ଜି, ଇନେରକି
ତା ହାଙ୍ ଆସି ମାଚିକ୍, ହେଖେକାଂ କାବୁର ହିତାଡ଼, ହେଖେକ୍ ଦୁକ୍ ଆରି ଆଡ଼ବିସ୍ ମାଚିକ୍ । ୧୧ ହେଖାନ
ଜିବୁନ୍ ମାନାନ ଆରି ହେଦେଲିଂ ଚଞ୍ଚୟାଆତାନ୍ନା, ଇଦାଂ ଖେନ୍‌ଞ୍ଜି ହେଖାର ପାଡ଼ି କିଖାତାର ।

ଜିସୁ ରିୟାର ଚେଲାରିଂ ଚଞ୍ଚୟାତାନ
(ଲୁକ ୨୪:୧୩-୩୫)

୧୨ ଇ ସବୁ ଗଟଣା ପାଚେ ହେଖାର ବିଡ଼େ ରିକାର ର ନାସ୍ତ ହାଲ୍‌ଜିମାନି ଖେଡ଼ାଲିଂ ହେଖାନ ଆରି
ବିନ୍‌ମୁଡ଼ିତ ହେଖାରିଂ ଚଞ୍ଚା ଆତାନ, ୧୩ ଆରେ ହେଖେକ୍ ହାଲ୍‌ଜି ବିନ୍‌ଲୁଗାଂ କାବୁର ହିତିକ୍, ମାଚର
ହେଖେକ୍ କାତା ପା ପାଡ଼ି କିଖାତାର ।

ଏଗାର ଜାଣ୍ ହୁକେ ଜିସୁତି କାତାବାଟା
(ମାତିଉ ୨୮:୧୭-୨୦; ଲୁକ ୨୪:୩୬-୪୯; ଜହନ୍ ୨୦:୧୯-୨୩; ପକ୍ୟାତାକା ୧:୭-୮)

୧୪ ଇଦାଂ ପାଚେ ଏଗାର ଜାଣ୍ ଚେଲାର ଚିଞ୍ଜେଙ୍ କୁଚି ଖେଡ଼ାଲିଂ ଜିସୁ ହେଖାରିଂ ଚଞ୍ଚା ଆତାନ ଆରି
ହେଖାରତି ପାଡ଼ି କିଖାକା ଆରି ମାନ ଆଟ୍‌ଖା କାଜିଂ ହେଖାରିଂ ଲେଡ଼ତାନ, ମାଚର ଇନେର ହେଖାନିଂ
ଆରି ନିଙ୍ଗନାକା ହୁଡ଼ଜି ମାଚାର, ହେଖାର କାତା ଖିଜାକାର ପାଡ଼ି କିଖାଦାଂ ମାଚାର । ୧୫ ଆରେ, “ଜିସୁ
ହେଖାରିଂ ଇଚାନ, ଏପେଙ୍ ଖିଜୁ ପୁଡ଼ିତ ହାଲ୍‌ଜି ସବୁ ନାର ଜାତି ତାକେ ନେକ୍‌କାବୁର ସୁଣାୟ କିୟାଟ୍
। ୧୬ ଇନେର ପାଡ଼ି କିଜି ବାପ୍‌ସିମ୍ ଅତିସ୍ ହେଖାନ ରାକ୍ୟା ପାୟା ଆନାନ; ଆରେ ଇନେର ପାଡ଼ି
କିଉର, ହେଖାର ଦାଣ୍ ପାୟା ଆନାର । ୧୭ ଆରେ, ପାଡ଼ି କିନାକାରତି ଇ ସବୁ ଚିନ୍ ପାୟା ଆନାନ,
ହେଖାର ନା ତରଦ ପୁଦାଂ ପିହିକିନାର, ପୁନି ପୁନି ବେରଣ୍‌ତ କାତା ଇନାର, ୧୮ କେଇଦ ରାଟ୍ ଆହ୍‌ନାର,
ଆରେ ପାରାଣନାସ୍ ଅହ ଉଚିସ୍ ହେଖାରତି ଇନାକା ନସ୍‌ଆଉଡ଼, ହେଖାର ବେମାରିର ଜପି କେଇ ଇଟ୍‌ତିସ୍
ହେଖାର ଉଜ୍ ଆନାର ।”

ଜିସୁତି ସାଗେ ହାଚାନ
(ଲୁକ ୨୪:୫୦-୫୩; ପକ୍ୟାତାକା ୧:୯-୧୧)

୧୯ ଇ ଲାକେ ମାପୁ ଜିସୁ ହେଖାରିଂ କାତା ଇଚି ପାଚେ ସାଗେ ତାକେ ଅୟା ଆଜି ଇସ୍‌ରତି ବୁନ୍‌ଣି କଚଗ୍‌ତ
କୁଚାନ୍ । ୨୦ ମାଚର ହେଖାର ହାଲ୍‌ଜି ଖିଜୁ ତାକେ ପର୍‌ଚାର କିତାର, ଆରି ମାପୁ ହେଖାରିଂ ହାଙ୍‌ଦାଂ ଅସି
ଚିନ୍‌କୁତାଂ ହେ କାତା ପାର୍‌ମାଣ୍ ସିଗ୍ କିତାନ ।

ଲୁକ ଲିଖିତ ସୁସମାଚାର ଲୁକ ଲେକିକିତି ନେକ୍ରିକାବୁର୍ ଲୁକ ପତି ବିସ୍ତେ ପାଦେକ୍

ଲୁକ ଲେକିକିତି ନେକ୍ରିକାବୁର୍ ଆତାଡ଼, ଜିସୁ କ୍ରିସ୍ତ ଜିବୁନ୍ ବିସ୍ତେ ଇଞ୍ଜି ମାନି ପୁନି ମେରା ଚାରିଗଟା ପତିଙ୍ଗ ବିତ୍ତେ ରଞ୍ଜାଙ୍ଗ । ହେଝାଙ୍ଗ ବିତ୍ତେ ଝିଜୁକାଙ୍ଗ “ନେକ୍ରିକାବୁର୍” ଇନାର୍, ଇମ୍‌ଶାକା ଅରଡ଼ “ନେକ୍ରିକାବୁର୍” ହେଝାଙ୍ଗ ଜିସୁ ହାତି ପାଚେ, ମାତିଉ, ମାର୍କ, ଲୁକ ଆରି ଜହନ୍ ତାଙ୍ଗ ଲେକାଆତାଡ଼ନା । ଲୁକ ଜିସୁତି ଜିବୁନ୍ ଗଟ୍‌ଶା ଲେକା ଲାହାଙ୍ଗ, ଜିସୁତି ହାକି ଆରି ଜିତି ପାଚେ ଜିସୁ ଚେଲାହିର୍ ଇମ୍‌ଶି ବିସ୍ତେ ସବୁ କିତାର୍, ହେଦାଂ ପା ଲେକି କିତାଣ୍ଟା ହେ ପତିତିଂ ପକ୍ୟା ଆତାକାର୍ କାମାୟନି ବିସ୍ତେ ଇଞ୍ଜି ଇନ୍‌ୟା ଆନାଡ଼ । ଲୁକ ପତି ଏଚେକାଡ଼ଦ ଆରି ଇମେତାକେ ଲେକା ଆତାଡ଼ନା, ହେ ବିସ୍ତେ ହାଡ଼ପା ଇନେର୍ ପା ପୁନୁର୍ ମତର୍ ବେସି ଜାଣ୍ ପଣ୍ଡିତାର୍ ରାଜି ଆନାର୍ ଜେ, ଇଦାଂ ହାଡ଼ପା ଆତିସ୍ ଜିସୁ କ୍ରିସ୍ତ ଜିଲମ୍ ସତୁରି ବାହୁଁ ପାଚେ ଲେକା ଆତାଡ଼ନା ।

ଲେକିକିତାକାନ୍ ଆତାନ୍ ଲୁକ, ଇନେନ୍‌କି ରଝାନ୍ ଡାକ୍ତର ମାଚାନ୍ । ତା ଲେକା ବାନି ଆରି ବାସା ଚିନ୍ତା ଚଡ଼ଚାନାଡ଼ ଜେ, ହିକାଆତି ମାନାୟ୍ ମାଚାନ୍ । ଜିସୁତି ଜିବୁନ୍‌ନି ଗଟ୍‌ଶାଂ ଗିଟା ଆତାକା କାରୁମ୍ ଲାକେ, ଲେକି କିଜି ସଡ଼, ବାନି କିଦେଙ୍ଗ ବାବିକିନାନ୍, ଇନେନ୍‌କି ବିନେନିକାର୍ ହେଦାଂ ପତି କିଜି ଉପକାର୍ ପାୟା ଆନାର୍ ୧:୧-୩ । ହେଝାନ୍ ରଝାନ୍ ଜିହୁଦି ହିଲ୍‌ଖାତାନ୍ କଲ୍‌ସି ୪:୧୦-୧୪ ଆରି ହେଝାନ୍ ଇ ଲାକେ ବାବେ ଲେକିକିତାନ୍ । ବିନ୍‌ଜାତି ଜିହୁଦିର୍ ବୁଜାଆଦେଂ ଆଡ଼ନାର୍ । ହେ ଜିହୁଦି ରିତି ଝିଜୁ ବାନି କିନିହିଙ୍ଗ ଇଦାଂ ଆସେଙ୍ଗ ସାଡ଼ ହୁଡ଼ଦେଂ ଆଡ଼ନାସ୍ୱ୧:୮ ।

ଲୁକ ଲେକିକିତି ନେକ୍ରିକାବୁର୍, ମାତିଉ ଆରି ମାର୍କ ପତି ଲାହାଙ୍ଗ ସମାନ୍ ଆନାଡ଼, ଇନାକିଦେଂକି ହେଝାର୍ ସମାନ୍ ବିସ୍ତେ ଆରି ସମାନ୍ ବାବେ ହପ୍‌ନାର୍ । ତିନିଗଟା ପତି ବିତ୍ତେତାଂ ଲୁକ ବାପ୍ତିସିମ୍ ହିନି ଜହନ୍ତି ଜଲମ୍ ବିସ୍ତେ ଆଦିକ୍ ବିସ୍ତେ ବାବି କିତାର୍ । ଆରି ଲୁକ ପାର୍ତୀନା ଜପି ଆଦିକ୍ କିତାର୍ ୩:୨୧, ୫:୧୭, ୬:୧୨, ୧୧:୧-୧୨; ୨୨:୩୨ ଆରି ହେଝାନ୍ କେମା ଜପି ପା ଆଦିକ୍ କିତାର୍ ୩:୩, ୧୧:୪, ୧୭:୩-୪, ୨୩:୩୪; ୨୪:୪୭ ।

ପତି ବିସ୍ତେନି ରାହାଣ୍

- ୧. ଲୁକ ଲେକିକିତି ନେକ୍ରିକାବୁର୍ ବିସ୍ତେ ଆରି ଲେକାନି ବାନି କିତାର୍ ୧:୧-୪
- ୨. ଜିସୁତି ଜଲମ୍ ଆରି ହେଝାନ୍ ଇନେସ୍ ହେବାକାମାୟ୍ କାଜିଂ ଜାଲ୍‌ଦି ଆତାର୍ ୧:୫-୨:୫୨
- ୩. ଜିସୁତି କାମାୟ୍ ହାଣ୍‌କୁ, ଆଦିକ୍ ବାବେ ହେଝାନ୍ ଏତାକା କାବାଆନି କାମାୟ୍ ଆରି ତା ହିକ୍ୟା ବିସ୍ତେ ଇନାର୍ ୩:୧-୨୦ ଇଦାଂ ଆନାତା ନେକ୍ରି କାବୁର୍‌ନି ଗାଜା ବାଗ୍ ।
- ୪. ହାରିହାରା ରିଣ୍ଡି ବିତ୍ତେ, ଜିସୁ ଇନେସ୍ ହାତାନ୍ ମୁଚ୍ୟାଆତାନ୍ ଆରି ହାତାକାର୍ ବିତ୍ତେ ଜିତାନ୍ । ପତି ବିତ୍ତେ ଲେକାମାନାଡ଼ ୨୨:୨୪

ଜିସୁତି ଜିବୁନ୍ ବିସ୍ତେ ଲୁକ ଲେକିକିତାକା

୧ ଏ ତିଓପିଲସ୍, ଇମ୍‌ଶାକାର୍ ମା ବିତ୍ତେ କିଜି ମାତି ଗଟ୍‌ଶାଂ ଝିଜୁ ବେସି ବିସ୍ତେ ରିତି ହୁକେ ଲେକିକିଦେଂ ମାନ କିତାର୍, ୨ ଆରମ୍‌ତାଂ ଇ ସବୁ ଗଟ୍‌ନା ହୁଡ଼ଜି ମାନି ମାନାୟାର୍ ଇନେସ୍ ହାଦ୍ ନେକ୍ରିକାବୁର୍ ସୁଶାୟକିନି ହେବାକାର୍‌ୟା ଆଡ଼, ହେ ଇସାବେ ବାକି ବିସ୍ତେନିକିଂ ଲେକାତାଡ଼ନା । ୩ ଲାଗିଂ, ହେ ମାନିନି ତିୟପିଲ୍, ଆରମ୍‌ତାଂ ଝିଜୁ ବିସ୍ତେ ସମାନ୍ ବାବେ ଦାସ୍ତି ହେବେନି ଆରମ୍‌ତାଂ ହାରିହାରାନି କାତା ମି କାଜିଂ ଲେକିକିଦେଂ ଆନ୍ ପା ମାନେ କିତାଂ, ୪ ଇନେସ୍‌କି ଏନ୍ ଇମ୍‌ଶି ଝିଜୁ ହିକ୍ୟା ପାୟା ଆତାୟନା, ହେ ସବୁ ବିସ୍ତେ ବୁଦି ଆର୍ଜା ଆନାୟ୍,

ବାପ୍ତିସିମ୍ ହିନି ଜହନ୍ତି ଜଲମ୍

୫ ଜିହୁଦା ଦେସ୍‌ନି ରାଜା ହେରଦ୍‌ତି ଝାଡ଼ାଙ୍ଗ୍ “ଅବିୟତି ମାପୁହେବାକିନାକାନ୍ ଦଲ୍‌ନି ଜିକରିୟ୍ ଇନି ରକାନ୍ ମାପୁହେବାକିନାକାନ୍ ମାଚାନ୍; ହେ କଗ୍‌ଲେ ହାରଣ୍ ଲାତ୍ରାନିକା ମାଚାଡ଼, ହେଦେଲ୍‌ତି ତର୍ ଏଲିସାବେଡ଼ । ୬ ହେଝାର୍ ରିକାର୍ ମାପୁତି ଝିଜୁ ବଲ୍ ଆରି ବିଦି ହୁକେ କାମାୟ୍ କିଜି ଦସି ଆଝାଦାଂ ବେବାର୍ କିଜି ଇସ୍‌ବୁର୍ ମୁମ୍‌ଦ ଦାମ୍ ମାଚାର୍ । ୭ ମାତର୍ ହେଝାର୍‌ତି ହିମ୍‌ଶାଝାକ୍‌ଡ଼ା ହିଲ୍‌ଖାତାର୍, ଇନାକିଦେଂକି ଏଲିସାବେଡ଼ ବାଞ୍ଜିଣି ମାଚାଡ଼, ହେଝାର୍ ଦସି ମାଚାର୍ ତାତାକେ ହିମ୍‌ଶା ଝାକ୍‌ଡ଼ା ହିଲ୍‌ଖାତାର୍ ହେଝାର୍ ବୟ୍‌ସ୍ ଆଦିକ୍ ଆଜି ମାଚାଡ଼ ।

୮ ହେୱାନ ହେ କୁଦାନି ପାଲିହୁକେ ଇସ୍ବର ଲାଗାଂ ମନ୍ଦିରତ ମାପୁତି ମାପୁହେବାକିନାକାନ କାମାୟ କିନି ଝେଡାଲିଂ, ୯ ମାପୁହେବାକିନାକାନ କାମାୟନି ରିତି ହୁକେ ଦରମଗୁଲି ହୁଦାଂ ତା ମାପୁ ମନ୍ଦିରତ ହଶ୍ଜିପା ଦୁପନି ହିଦେଂ ପଡାତାଡ଼, ୧୦ ଆରେ ଦୁପନି ହିନି ଝେଡାଲିଂ ଝିଜାକାର୍ ବାର୍ତ୍ତ ମାନଞ୍ଜି ପାର୍ତାନା କିଜି ମାରାର୍ । ୧୧ ହେ ଝେଡାଲିଂ ମାପୁତି ର ଦୁଡ଼ ଦୁପନି ଗାର୍ଶିନି ତିନି ପାଡ଼କାତ ନିଲ୍ଲତି ହେୱାନିଂ ଚଞ୍ଜ୍ୟା ଆତାଡ଼ । ୧୨ ଜିକରିୟ ହେୱାନିଂ ହୁଡ଼ଜି କାବା ଆତାନ ଆରି ପାଣ୍ଡା ଆତାନ ।” ୧୩ ମାତର୍ ଦୁଡ଼ ହେୱାନିଂ ଇଚାଡ଼, “ଜିକରିୟ, ପାଣ୍ଡା ଆମା, ଇନାକିଦେଂକି ନି ପାର୍ତାନା କିନାକା ଝେଚାପନ୍ନା, ଆରି ନି କଗ୍ଲେ ଏଲିସାବେଡ଼ ମି କାଜିଂ ର କାଡ଼ଦେ ଗାଗାଆନାଡ଼, ଆରେ ଏପେଙ୍ଗ ହେ ତର ଜହନ୍ ହିନାଦେର୍ । ୧୪ ହେୱାନ ମି ଝାରି ଆରି ଉପାସ୍ ଆନାନ, ଆରେ ଆଦିକ୍ ମାନାୟ ତା ଜଲମତ କିତିତାକେ ଝାରି କିତାର୍ । ୧୫ ଲାଗିଂ ହେୱାନ ମାପୁତି ଲାଗେ ଗାଜା ଆନାନ; ହେୱାନ ଅଙ୍ଗୁର୍ ରାସ୍ କି କାଲିଂ ଇନାଝାଡ଼ାପା ଉଶୁନ୍, ଆରେ ଆୟା ପଟତା ପୁଇପୁୟା ଜିବୁନ୍ତ ପୁରା ଆନାନ, ୧୬ ଆରେ ହେୱାନ ଇସ୍ବାଏଲ୍ ହିମ୍ଗାଝାକଡ଼ାକାଂ ପା ଆଦେକ୍ତିଂ ମାପୁ ହେୱାରିଂ ଇସ୍ବର ନିପ ଲେଉଟାୟ କିନାନ । ୧୭ ଆବାର୍ତି ମାନ ହିମ୍ଗାଂ କାଜିଂ ଆରି ଅବୁଜା ଲଗାଂ ଦାମିଂ ଲଗାଂ ଗିଆନ୍ତାଂ ବେବାର୍ କିନି କାଜିଂ ତାହିଝାଦେଂ ଆରି ମାପୁ କାଜିଂ ଜାଲ୍ଦିନି ର ଲକୁ ମଣ୍ଡଲି ଜାଲ୍ଦିନି କିଦେଙ୍ଗ ହେୱାନ ଏଲିୟଙ୍ଗ ଜିବୁନ୍ ଆରି ସାକ୍ତିତାଂ ହେୱାନ ଆଗେ ହାନାନ ।”

୧୮ ଇବେଣ୍ଡାଂ ଜିକରିୟ ଦୁଡ଼ତିଂ ଇଚାନ, “ଆନ୍ ଇମ୍ଗି ତିନ୍ ଲାହାଙ୍ଗ୍ ଇଦାଂ ପୁନାଙ୍ଗ୍ ? ଇନାକିଦେଂକି ଆନ୍ତ ବୁଡ଼ହି, ଆରେ ନା ଝାଣିପା ଜବର୍ ବାହୁ ଆତାତେ ।”

୧୯ “ଦୁଡ଼ ହେୱାନିଂ ଉତର୍ ହିତାଡ଼, ଆନ୍ ଗାବ୍ରିଏଲ୍, ଇମ୍ଗି ଇସ୍ବର ମିଙ୍ଗେଙ୍ଗ୍ ଇ ନେକ୍ତିକାରୁର୍ ଝେଡ଼ିନି କାଜିଂ ନାଙ୍ଗ୍ ପକ୍ୟାତାଂନା, ଆନ୍ ତା ମୁମ୍ଦ ନିଲ୍ଲତି ମାନାଙ୍ଗ୍ । ୨୦ ହୁଡ଼ାଡ଼, ଇ ଝିଜୁ ଗିଗାଝିଦିନ୍ ପାତେକ୍ ଏପେଙ୍ଗ୍ ଗୁଲା ଲାକେ ବେଶକିଦେଂ ଆଡୁଦେର୍, ଇନାକିଦେଂକି ନାଦାଂ ସବୁ ବଚନ୍ ସମାନ ସମୁତ ପୁରା ଆନାଡ଼, ହେ ଝିଜୁ ଏପେଙ୍ଗ୍ ପାତିଂ କିଝାତାଦେର୍ ।”

୨୧ ଇବେତାଂ ମାନାୟାର୍ ଜିକରିୟଙ୍ଗ୍ କାସି ମାରାର୍, ଆରେ ମନ୍ଦିରତ ହେୱାନ୍ତି ମାଲା ଆତିଲେ ହେୱାର୍ କାବା ଆଜି ମାରାର୍ । ୨୨ ମାତର୍ ହେୱାନ ହସି ଝାଜି ହେୱାରିଂ ବେଶ ଇଞ୍ଜେଙ୍ଗ୍ ଆଡ଼ଝାତାନ୍; ଇବେଣ୍ଡାଂ ହେୱାନ ମନ୍ଦିରତ ଚଞ୍ଜୟା ଆତାନ୍ନା ଇଞ୍ଜି ହେୱାର୍ ବୁଜାଆତାର୍, ଆରେ ହେୱାନ ହେୱାରିଂ କେଇଚଡ଼ି ଇଞ୍ଜେଙ୍ଗ୍ ଲାଗାତାନ୍ ଆରି କନ୍ଦା ଆଜି ମାରାନ ।

୨୩ ପାଚେ ହେ ହେବା ପାଲିନି ଦିନ୍ ସବୁ ଝିସ୍ତିଲେ, ହେୱାନ ନିଜାର୍ ଇଞ୍ଜି ହାତାନ । ୨୪ ହେ ପାଚେ ହେ ତକୁହି ଏଲିସାବେଡ଼ ମାଞ୍ଜେଙ୍ଗ୍ ଆସ୍ତାଡ଼, ଆରେ ହେଦେଲ୍ ପାଞ୍ଜି ମାସ୍ ପାତେକ୍ ଇନେରିଂ ଝେଡ଼ଝାଦାଙ୍ଗ୍ ମାରାଡ଼, ୨୫ ତା ପାଚେ ହେୱାନ ଇଚାନ, “ମାନାୟାର୍ ତାକେ ନା ଲାଜ୍ ହାଚ୍ଚେଦେଂ ଇଞ୍ଜି ମାପୁ ଦୟା କିଜି ନା କାଜିଂ ଏଲେଙ୍ଗ୍ କିଡ଼ତାନ୍ନା ।”

ଜିସୁ କ୍ରିସ୍ତୁ ଜିଲମ୍ ବିସ୍ତେ ସୁଶାୟକିନାକା

୨୬ ଚଅ ମାସ୍ ପାଚେ ଗାବ୍ରିଏଲ୍ ଦୁଡ଼ ଇସ୍ବର ମାପୁ ଲାଗାଂ ଗାଲିଲିନି ନାଜରିତୟ ତର୍ଦି ଗାଡ଼ଦ ର ଗାଡ଼ଚେ ତାକେ ପକ୍ୟା ଆତାନ୍; ୨୭ ଦାଉଦ୍ ଲାତ୍ରାନି ଜସେପ୍ ତର୍ଦାକାନ ରଝାନ ଆଣ୍ଡେନ୍ ଲାହାଙ୍ଗ୍ ହେଦେଲ୍ ମାଲାକିୟା ଆଜି ମାରାଡ଼; ହେ ଜିପଲି ତର୍ ମରିୟମ୍; ୨୮ ହେୱାନ ଇଞ୍ଜି ହଶ୍ଜି ହେ ଲାଗେ ଝାଜି ଇଚାନ, “ଆଗ ଦୟା ପାୟାଆତାକାୟ, ନିଦାଂ ହାର୍ ଆଏଡ଼, ମାପୁ ନି ହୁଦାଂ ମାନାନ ।”

୨୯ ମାତର୍ ହେଦେଲ୍ ଇ ବଚନ୍ତ କାବା ଆଜି ଇଦାଂ ଇନେସ୍ ବେରଶ୍ ଇଞ୍ଜି ମାନ୍ତ ବାବିକିଦେଂ ଲାଗାତାଡ଼ । ୩୦ ହେବେଣ୍ଡାଂ ଦୁଡ଼ ହେଦେଲିଂ ଇଚାଡ଼, “ଏ ମରିୟମ୍, ପାଣ୍ଡା ଆମା, ଇନାକିଦେଂକି ଏନ୍ ଇସ୍ବର ଲାଗେ ଦୟା ପାୟା ଆତାୟନା । ୩୧ ଆରି ହୁଡ଼ାଡ଼ ଏନ୍ ଏସ୍ ପିସ୍ତିପା ର କାଡ଼ଦେଂ ଗାଗାଆନାଡ଼ ଆରି ହେୱାନ ତର୍ ଜିସୁ ତର୍ ହିନାଦେର୍ । ୩୨ ହେୱାନ ସିଗଦାକାନ ଆନାନ ଆରି ଇସ୍ବର ମାଜି ଇଞ୍ଜି ତାକ୍ପୁଟା ଆନାନ; ମାପୁ ଇସ୍ବର ହେୱାନିଂ ତାଞ୍ଜି ଆବା ଦାଉଦ୍ତି ଗାଦି ଦାନ୍ କିତାର୍, ୩୩ ହେୱାନ ଜାକୁବ୍ ଲାତ୍ରା ଜପି ଜୁଗ୍ ଜୁଗ୍ ରାଜି କିନାନ ଆରି ହେୱାନ ରାଜିତ ଝିଜୁଡ଼ ।”

୩୪ ମାତର୍ ମରିୟମ୍ ଦୁଡ଼ଙ୍ଗ୍ ଇଚାଡ଼, “ଇଦାଂ ଇନେସ୍ ଆନାଡ଼ ? ଆନ୍ତ ଆଣ୍ଡେନ୍ତିଂ ପୁନୁଙ୍ଗ୍ ।”

୩୫ ଦୁଡ଼ ତାଙ୍ଗେଙ୍ଗ୍ ଉତର୍ ହିତାଡ଼, “ନେକ୍ତି ଜିବୁନ୍ ନି ଜପି ଜୁଦ୍ନାଡ଼ ଆରି ସିଗଦାକାନ ଇସ୍ବତ୍ ସାକ୍ତି ନିଙ୍ଗେଙ୍ଗ୍ ଆସ୍ତାନାଡ଼, ଲାଗିଂ ଇନେର୍ ଜଲମ୍ ଆନାନ, ହେୱାନ ପୁଇପୁୟା ଜିବୁନ୍ ଆରି ଇସ୍ବର ମେହି ଇଞ୍ଜି ତାକ୍ପୁଟାଆନାନ । ୩୬ ଆରେ ହୁଡ଼ାଡ଼, ମି ଇଞ୍ଜି ଏଲିସାବେଡ଼ ପା ବୁଡ଼ା ଝେଡ଼ାଲିଂ ର ମାଜିଂ ଗରବ୍ତ ଆସ୍ତାନନା । ଇନେର୍ ବାଞ୍ଜି ଇଞ୍ଜି ତାକ୍ପୁଟା, ନଙ୍ଗ୍ ତାଙ୍ଗେଙ୍ଗ୍ ଚଅ ମାସ୍ ଆତାଡ଼ନ୍ନା; ୩୭ ଇନାକିଦେଂକି ଇସ୍ବର ମାପୁ ବଚନ୍ ତାକେ ସବୁ ବିସ୍ତେ ଆଝାକା ଆନାଡ଼ ।”

☆ ୧:୩୧ ୧:୩୧ ମାଡିଉ ୧:୨୧.

୩୮ “ଇବେଣ୍ଟାଂ ମରିୟମ୍ ଇଚାଡ଼,” ହୁଡ଼ାଟ୍, “ଆନ୍ ମାପୁତି ଆଡ଼ିୟାଣି; ମି କାତାହୁକେ ନାଲୋଙ୍ଗ୍ ଗିଗାଆଏଡ଼ ।” ହେଦାଂ ପାଚେ ଦୁଡ଼ତ ତା ତାକେଣ୍ଟାଂ ହାଚାଡ଼ ।

ମରିୟମ୍ ଜିକରିୟ ଆରି ଏଲିସାବେଡ଼ ତାକେ ହାଚାନ୍

୩୯ ଇଝାଡ଼ାଲିଂ ମରିୟମ୍ ନିଙ୍ଗ୍ଜି ମାଡ଼ି ରାଜି ଜିହୁଦା ଦେସ୍ନି ର ଗାଡ଼ଦ ଦାପ୍ରେ ହାଚାଡ଼, ୪୦ ଆରେ ଜିକରିୟ ଇଞ୍ଜ ହେଜ୍ଜିପା ଏଲିସାବେଡ଼ତିଂ ଜୁଝାର୍ କିତାଡ଼ । ୪୧ ଆରେ, ଏଲିସାବେଡ଼ ମରିୟମ୍ତିଂ ଜୁଝାର୍ ଝେଟି ଦାପ୍ରେ ହିମ୍ଣା ତା ପଟତ ଏନ୍ଦି ନିଙ୍ଗ୍ଜାନ୍, ପାଚେ ଏଲିସାବେଡ଼ ପୁଇପୁୟା ଜିବୁଡ଼ ବାଡ଼ି ଆଜି ଇଚାଡ଼ ୪୨ ବେସି ଗାଜା କାଟ୍ ଆଜି ଇଚାଡ଼, “କଗ୍ଲେ ବିଡ୍ରେ ଏନ୍ ଦନ୍ୟବାଦ୍ ନି ଗରବ୍ନି ପାଡ଼ । ୪୩ ଆରେ, ନା ମାପୁ ତେହି ଜେ ନା ଲାଗେ ଖାନାଡ଼, ନାଦାଂ ଇ କାରୁମ୍ ଇମେଣ୍ଟାଂ ଆତାଡ଼ ? ୪୪ ଇନାକିଦେଂକି ହୁଡ଼ାଟ୍, ନି ଇଚି ବେରଣ ଝେଟିଦାପ୍ରେ ହିମ୍ଣା ନା ପଟତ ମାନି କାଡ଼ଦେ ଝାର୍ଯା ଆଜି ଏନ୍ତାନ୍ । ୪୫ ଇନେର୍ ପାଡ଼ି କିତାର୍, ହେଝାନ୍ ଦନ୍ୟ, ଇନାକିଦେଂକି ମାପୁତାଂ ତାଲୋଙ୍ଗ୍ ଇନା ଇନାକା ଝେଟ୍ତାନନା, ହେ ସବୁ କାମ୍ ଆନାଡ଼ ।”

ମରିୟମ୍ ଇସ୍ପୁର୍ତିଂ ନାନ୍ କିତାଡ଼

୪୬ ଇବେଣ୍ଟାଂ ମରିୟମ୍ ଇଚାଡ଼,
“ନା ଝାସ୍ମି ମାପୁଙ୍ଗ୍ କେରକଣ୍ କେରନାତା,”
୪୭ ଆରେ, “ନା ଜିବୁନ୍ ନାଙ୍ଗ୍ ବାଚାୟକିଡ଼ତି ଇସ୍ପୁର୍ ମାପୁତାକେ ଝାରି ହଡ଼ନାତା;
୪୮ ଇନାକିଦେଂକି ହେଝାନ୍ ନିଜ୍ ଆଡ଼ିୟାଣି ପାଡ଼ିଦିନିଦୁକ୍ କାଜିଂ ହୁଡ଼ନାର୍ ।
ଆରେ ହୁଡ଼ାଟ୍, ମୁଡ଼ଦାଂ ଝିଜ୍ନି ପାତେକ୍ ଲାତ୍ରା ଝିଜାର୍ ନାଲୋଙ୍ଗ୍ ଦନ୍ୟ ଇଞ୍ଜି ଇଞ୍ଜନାର୍;
୪୯ ଇନାକିଦେଂକି ଗାଜା ସାକ୍ତିକାଟାକାନ୍, ହେଝାନ୍ ନା କାଜିଂ ଗାଜା କାମାୟ କିତାନ୍ନା;
ହେଝାନ୍ ତର୍ ପୁଇପୁୟା ।
୫୦ ଆରେ ତାଲୋଙ୍ଗ୍ ପାଣ୍ଡା ଆନାକାର୍ କାଜିଂ ହେଝାନ୍ତି ଦୟା ଜୁଗ୍ ଜୁଗ୍ ମାନ୍ଗାନାଡ଼ ।
୫୧ ହେଝାନ୍ ନିଜ୍ କେଇନି ବାପୁତାଂ ଚଟ୍ଟାନା;
ଆକ୍ରିୟାରିଂ ହେଝାର୍ ମାନ୍ନି ମେହାଆନାକାରିଂ ଚିନ୍ଦିନ୍ କିତାନ୍ନା;
୫୨ ହେଝାନ୍ ସାସନ୍ କାର୍ଯାରିଂ ରାଜା ଗାଦିତାଂ ପିହିକିତାନ୍ନା, ଅକ୍ତିଂ ଲଗାଙ୍ଗ୍ ନିକ୍ତାଣ୍ଟା,
୫୩ ହେଝାନ୍ ନାସ୍କି ଲଗାଂ ହାଦ୍ କାଦି ହିଜି ମାଚାନ୍,
ହାଉକାର୍ରିକାଂ ଝାରା କେଇଦାଂ ପନ୍ଥାନ୍ନା ।
୫୪ ମା ଦାଦି ଆକର୍ କାଜିଂ ତା ପାର୍ମାଣ୍ ହେଝାନ୍ ରାକ୍ୟା କିତାନ୍ନା ଆରି ତା ଆଡ଼ିଏନ୍ ଇସ୍ରାଏଲ୍ତିଂ ଦୟା କିତାନ୍ନା ।
୫୫ ହେଝାନ୍ ଜୁଗ୍ ଜୁଗ୍ କାଜିଂ ଅବ୍ରାହାମ୍ ଆରି ତା ଝିଜାର୍ ଲାତ୍ରାନିକାରିଂ ଦୟା ଚଟ୍ଟି କିଦେଙ୍ଗ୍ ବାଣାଝାତାଣ୍ଟା ।”
୫୬ ଆରେ, ମରିୟମ୍ ତିନିମାସ୍ ପାତେକ୍ ଏଲିସାବେଡ଼ ଲାହାଙ୍ଗ୍ ମାନ୍ଞି ନିଜାର୍ ଇଞ୍ଜ ହାଚାଡ଼ ।

ବାପୁସିମ୍ ହିନି ଜହନ୍ତି ଜଲମ୍

୫୭ ପାଚେ ଏଲିସାବେଡ଼ ପାରହାଡ଼ ଆନି ଦିନ୍ ଏକାଝାତିଲେ, ହେଦେଲ୍ ର ମାଜି ଗାଗାଆତାଡ଼, ୫୮ ଆରେ ମାପୁ ଜେ ହେ କାଜିଂ ବେସି ଦୟା କିତାନ୍ନା, ଇଦାଂ ଝେନ୍ଞି ତା ପାଡ଼ହା ଲଗୁ ଆରି ଝାସ୍ମିନିକାର୍ ତା ଲାହାଙ୍ଗ୍ ଝାରି କିଦେଙ୍ଗ୍ ଲାଗାତାର୍ ।
୫୯ ଆର୍ ଦିନ୍ତାଂ ହେଝାର୍ ହିମ୍ଣାତିଂ ସୁନ୍ନଡ଼ କିଦେଙ୍ଗ୍ ଝାତାର୍ ଆରି ତା ଲାତ୍ରାହି ତର୍ ଲାକେ ହେ ତର୍ ଜିକରିୟ ଇଡ଼ଦେଂ ମାନ୍କିତାର୍ । ୬୦ ମାତର୍ ତା ତେହି ଇଚାଡ଼, “ଆକାୟ୍, ତା ତର୍ ଜହନ୍ ଆନାଡ଼ ।”
୬୧ ହେଝାର୍ ତାଲୋଙ୍ଗ୍ ଇଚାର୍, “ନି ଝାସ୍ମିନିକାରିଂ ବିଡ୍ରେ ତ ଇନେରିଂ ଇ ତର୍ ହିଲୁଡ଼ ।” ୬୨ ଇବେଣ୍ଟାଂ “ତାଲୋଙ୍ଗ୍ ଇମ୍ଣା ତର୍ ହିନାସ୍ ଇଞ୍ଜି ତାଞ୍ଜିଆବା ମାନ୍ କିନାନା, ହେଦାଂ ହେଝାର୍ ତାଲୋଙ୍ଗ୍ ଚାନ୍ୟା ଆଜି ଝେନ୍ବେଦେଂ ଲାଗାତାର୍ ।”

୬୩ ହେ ପାଚେ ହେଝାନ୍ ର ଲେକିକିନି ପାଟା ଏନ୍ତି ଲେକିକିତାନ୍; “ତା ତର୍ ଜହନ୍ ।” ଇବେ ଝିଜାର୍ କାବା ଆତାର୍ । ୬୪ ଆରେ, ହେ ଦାପ୍ରେ ତା ଝେଇ ଆରି ଝେୟୁଲ୍ ଜେୟାଆତାଡ଼ ଆରି ହେଝାନ୍ ବେଣ ଇଞ୍ଜି ଇସ୍ପୁର୍ ମାପୁ ଦନ୍ୟବାଦ୍ କିଦେଙ୍ଗ୍ ଲାଗାତାନ୍ । ୬୫ ଇବେଣ୍ଟାଂ ହେଝାନ୍ ତା ଲାଗେ ଲାଗେ ନିକାର୍ ଝିଜାର୍ ପାଣ୍ଡା ଆଜି ହାଚାର୍, ଆରେ ଇ ଝିଜୁ କାତା ଜିହୁଦା ଦେସ୍ନି ମାଡ଼ିରାଜିନି ସବୁନିପ ଲକୁ ଝେଟ୍ପାଝେଟ୍ପି ଆତାର୍, ୬୬ ଆରେ ଝେନାକାର୍ ଝିଜାର୍ ହେ ଝିଜୁ ନିଜ୍; ନିଜାର୍ ମାନ୍ତ ଇଡ଼ଜି ଇଚାର୍, “ଇ କାଡ଼ଦେ ଇନାକା ଆନାଡ଼ ?” ଇନାକିଦେଂକି ହାଡ଼ପାନେ ମାପୁ କେଇ ତା ହୁଦାଂ ମାନାଡ଼ ।

ଜିକରିୟ ଇସ୍ପୁର୍ତିଂ ନାନ୍ କିତାନ୍

୬୭ ଆରେ, ତା ଲାତ୍ରାହି ଜିକରିୟ ପୁଇପୁୟା ଜିବୁଡ଼ ବାଡ଼ି ଆଜି ଇ ବେଶ୍ବାକ୍ଶାୟକିନାକାନ୍ ଇଚାନ୍,

- ୨୮ ଦନ୍ୟ ମାପୁ, “ଇସ୍ରାଏଲ୍‌ନି ଇସ୍‌ସର୍ ମାପୁଙ୍ଗ୍,”
 ଇନାକିଦେଂକି ନିଜାର ଲଗାଂ ଦୟା ହୁଡ଼୍‌ଜି ହେଝାନ୍ ମୁକ୍ତି କିତାନ୍‌ନ୍ନା;
- ୨୯ ହେଝାନ୍ ନିଜାର ଆଡ଼ିଏନ୍ ଦାଉଦ୍‌ନି ଲାତ୍ରାନି
 ରକାନ୍ ସାକ୍ତିନିକାନ୍ ମା କାଜିଂ ମୁକ୍ତି କିଦ୍‌ଦେଂ ମାଙ୍ଗେଙ୍ଗ୍ ହିଡ଼୍‌ନ୍ନା,
- ୩୦ ଆଗେନି ସମୁତାଂ ନିଜ୍ ପୁଇପୁୟା ବେଶବାକ୍‌ଶାୟ୍‌କିନାକାର୍ ଖେଇ ତାଙ୍ଗ୍ ଇନେସ୍ ଇଞ୍ଜି ମାଚାର୍
 ୨୯ ହେ ଲାକେ ମା ବିତ୍ରେ ସାତୁରତାଂ ଆରି
 ମା ଝିଜାକାର୍ ଗିଶ୍‌କାରିୟାର୍ କେଇଦାଂ ମୁକ୍ତି ପାୟାତାୟନା,
- ୩୧ ହେଝାନ୍ ଇଚାନ, ମା ଆକର୍ କାଜିଂ ଦୟା ଚର୍‌ୟାତାନ୍‌ନା,
 ଆରି ତାଂ ପୁଇପୁୟା ନିୟମ୍ ହେଝାନ୍ ନିତ୍ରେ ଏତୁ କିଜି ମାନେନ୍ ।
- ୩୩ ମା ଆବା ଅରାହାମ୍ ଲାଗେ ଇମ୍‌ଣି ପାର୍ମାଣ୍ କିଜି ମାଚାନ୍,
 ୩୪ ପାଚେ ଇନେସ୍ ସାତୁ କେଇଦାଂ ମୁକ୍ତା ଆଜି .
 ପାଣ୍ଡା ଆଝାଦାଂ ଜିବୁନ୍ ମାନି ପାଚେକ୍ ହେଝାନ୍ ଲାଗେ,
 ୩୫ ଇନେସ୍‌କି ଆସେଙ୍ଗ୍ ପୁଇପୁୟା ଆରି
 ଦାମ୍ ଆଜି ତାତି ପାର୍ମାଣା କିଦେଙ୍ଗ୍ ଇଞ୍ଜି ମାଙ୍ଗେଙ୍ଗ୍ ଆସିର୍‌ବାଦ୍ କିଦ୍‌ନାନ୍ ।
- ୩୬ “ଏ ନା ମାଜି ଏନ୍ ସିଗ୍‌ଦାକାନ୍ ଇସ୍‌ସର୍
 ର ବେଶବାକ୍‌ଶାୟ୍‌କିନାକାନ୍ ଲାକେ ତାକ୍‌ପୁଟା ଆନାୟ୍ ।
 ଏନ୍ ମାପୁତି ରଖାୟ୍ ଚାଣ୍ ଦୁଡ୍ ଲାକେ ତା କାଜିଂ ତା ହାଜି ରଚ୍‌ନାୟ୍ ।
- ୩୭ ପାପ୍ କେମା ପାୟା ଆନି କାଜିଂ ହେଝାର୍ ଜେ ମୁକ୍ତି ଆନାକା ଲାବ୍ ପାୟା ଆନାର୍
 ତା ମାନାୟାରିଂ ଇ କାତା ଇଞ୍ଜେଙ୍ଗ୍ ହାନାନ୍,
- ୩୮ ମା ଇସ୍‌ସର୍ ଦୟାନିକାନ୍ ଆରି ହୁଦାର୍ ଜିବୁନ୍,
 ହେଝାନ୍ ମା କାଜିଂ ମୁକ୍ତି ଆନାକା ମା କାଜିଂ ଖେଡ଼ା ହନାଡ୍,
 ୩୯ ଇମ୍‌ଶାକାର୍ ହାତିଲାକେ ମାଜ୍‌ଗା ହିଡ଼୍‌ଡିତ ବାହାକିନାର୍,
 ସୁସ୍ତା ହାଜିଡ୍ ହେଝାରିଂ ଅଜି ହାଞ୍ଜେଙ୍ଗ୍ ଇଞ୍ଜି
 ହେଝାନ୍ ଝିଜାର୍ ଜପି ସାର୍‌ଗେତାଂ ଅଜଡ୍ ହିଦେଙ୍ଗ୍ ଆଡ୍‌ନାନ୍ ।”
- ୮୦ ପାଚେ, କାଡ଼ଦେ ଗାଜା ଆଜି ଜିବୁନ୍‌ତ ସାକ୍ତି ଆଦେଂ ଲାଗାତାନ୍ ଆରେ ଇସ୍ରାଏଲ୍ ଲାଗାଂ ପୁଟାଆଝି
 ପାଚେକ୍ ବାଗାତ ମାଚାନ୍ ।

୨

ଜିସୁତି ଜଲମ୍
(ମାତିଉ ୧:୧୮-୨୫)

୧ ହେ ସମୁତ ରମିୟ ପୁତ୍‌ନି ଝିଜୁ ରାଜ୍‌କିନାକାନ୍ ମାନାୟାରିଂ ତର୍ ଲେକିକିନାକା ଇଞ୍ଜି କାଇସର୍ ଅଗସ୍‌ତାଂ ବଲ୍ ସୁଶାୟ୍ କିତାର୍ । ୨ ସିରିୟାନି ରାଜ୍‌କିନାକାନ୍ କିରଣିୟତି ସମୁତ ପର୍ତ୍ତୁମ୍ ଇ ଲକୁ ଗାଶାକିନାକା ତର୍ ଲେକା ଆଜି ମାଚାଡ୍ । ୩ ହେଦାଂ କାଜିଂ ଝିଜାର୍ ତର୍ ଲେକିକିନାକା କିଦେଙ୍ଗ୍ ଜାର୍ ଜାର୍ ଗାଡ୍‌ଦ୍ ହାଲ୍‌ଜି ମାଚାର୍ ।

୪ ଆରେ, ଜସେପ୍ ପା ତର୍ ଲେକିକିଦେଂ ଇଞ୍ଜି ମରିୟମ୍ ଲାହାଙ୍ଗ୍ ଗାଲିଲିନି ନାଜରିତ୍‌ୟ ଗାଡ୍‌ତାଂ ଜିହୁଦା ରାଜିନି ବେଡ୍‌ଲିହିମ୍ ତର୍‌ଦି ଦାଉଦ୍‌ନି ଗାଡ୍‌ଦ୍ ହାଚାର୍, ଇନାକିଦେଂକି ହେଝାନ୍ ଦାଉଦ୍ ଲାତ୍ରା ଆରି ଜାତିନି ଲକ୍ ମାଚାନ୍; ୫ ହେଝାନ୍ ତା ମାଲାକିୟା ଆଜି ମରିୟମ୍ ଲାହାଂ ତର୍ ଲେକିକିନି କାଜିଂ ହାଚାର୍ । ମରିୟମ୍ ଏସ୍‌ପିସ୍ତି ମାଚାଡ୍ । ୬ ହେଝାର୍ ହେ ବାହାତ ମାନି ଝେଡ଼ାଲିଂ ହେଦେଲ୍‌ତି ଜଲମ୍ କିନି ସମ୍ପୁ ଏକାଝାତାଡ୍ ୭ ପାଚେ ହେଦେଲ୍ ଜାର୍ ପାଶ୍‌ଝା ମାଜି ଚଞ୍ଚାନ୍ ଆରି ହେଝାନିଂ ହେୟାତ ହୁରୁପିସ୍ କତି ହାଡାନି ତଙ୍ଗାତ ତ୍ରେପ୍‌ତାର୍, ଇନାକିଦେଂକି ମାନି ଇଲ୍ ହେଝାରିଂ ହିଲ୍‌ଝାତାଡ୍ ।

ମେଣ୍ଡାଗଡ଼ିୟାର୍ ଜିସୁତି ଜଲମ୍ କାବୁର୍ ପାୟା ଆତାର୍

୮ ହେ ଝେଡ଼ାଙ୍ଗ୍ କେତେକ୍ ମେଣ୍ଡାଗଡ଼ିୟାର୍ ବାଗାତ ମାନ୍‌ଞ୍ଜି ନାଶା ହେଝାର୍‌ତି ମେଣ୍ଡାଂ ମାନ୍‌ଦାତିଂ କାସି ମାଚାର୍ । ୯ ମାପୁନି ରଝାନ୍ ଦୁଡ୍ ହେଝାର୍ ଲାଗେ ନିଲ୍‌ତାନ୍, ଆରେ ମାପୁତି, ଜାଜ୍‌ମାଲ୍‌ନି ଅଜଡ୍ ହେଝାର୍ ଚାରିବେଶ୍‌ତାଂ ଆରତାଡ୍ । ଆରି ହେଝାର୍ ବେସି ପାଣ୍ଡା ଆତାର୍ ୧୦ ହେବେଣ୍ଡାଂ ଦୁଡ୍ ହେଝାରିଂ ଇଚାନ୍, “ପାଣ୍ଡା ଆମାଟ୍; ହୁଡାଟ୍, ଆନ୍ ସବୁ ମାନାୟାରିଂ ବେସି ଝାରିନି ନେକ୍ରିକାବୁର୍ ମିଙ୍ଗେଙ୍ଗ୍ ଝେଚାନାଙ୍ଗା, ୧୧ ଇନାକିଦେଂକି ନେଞ୍ଜେଙ୍ଗ୍ ଦାଉଦ୍‌ନି ଗାଡ୍‌ଦ୍ ମି କାଜିଂ ମୁକ୍ତି କାରିୟା ହେଝାନ୍ କ୍ରିସ୍ଟୁ ମାପୁ ।” ୧୨ ଆରେ,

ମି କାଜିଂ ଇଦାଂ ଚିନ୍ ଲାକେ ଆନାଡ଼, “ଏପେଙ୍ଗ ର କାଡ଼ଦେଂ ହେୟା ହୁରପିୟା ଆଜି କଡ଼ି ହାଡାନି ଡଙ୍ଗାତ ହୁନ୍‌ଜି ମାନାକା ହୁଡ଼ନାଦେର ।”

୧୩ ପାରେ, ହାଚାଗ୍ରେ ହେ ଦୁଡ଼ ହୁଦାଂ ସାଗେନି ଦଲ୍ ର ଗାଜାଦାଡ଼ ଖାତାର ଇସ୍‌ସ୍ ମାପୁଙ୍ଗ ପାର୍ତାନା କିଜି କିଜି କେରଡାର,

୧୪ “ଜପୁଣି ନିକାରିଂ ଇସ୍‌ସ୍ ମାପୁଙ୍ଗ ଜାଜମାଲ୍, ଆରେ ପୁଡ଼ିତ ହେଖାନ୍ତି ଏଚେକ୍‌ସାରି ବିଖାହିଂ ମାନାୟ ବିତ୍ରେ ସୁସ୍ତା ଆଏଡ଼ ।”

୧୫ ଦୁଡ଼କ୍ ହେଖାର ତାଙ୍ଗ ସାଗେତ ହାଚିପାଚେ ମେଣ୍ଡାଗଡ଼ିୟାର ହେଖେର ହେଖାର ଇନ୍‌ବା ଆତାର “ଖାତ ଆସେଙ୍ଗ ବେଡ଼ଲିହିମ୍ ପାଚେକ୍ ହାଲ୍‌ଜି, ମାପୁ ମାଙ୍ଗେଙ୍ଗ ଇମ୍‌ଣି ବଚନ୍‌ନି ଗର୍‌ଣା ଖେଚତାଡ଼ା, ହେଦାଂ ହୁଡ଼ନାସ୍ ।”

୧୬ ଇବେଣ୍ଡାଂ ହେଖାର ବେଗିହାଲ୍‌ଜି ଡେକ୍‌ଚି ମରିୟମ୍ ଆରି ଜସେପ୍‌ତିଂ, ଆରି କଡ଼ିହାଡ଼ା ଡଙ୍ଗାତ କାଡ଼ଦେଂ ଡ୍ରେପ୍‌ଚି ମାଚାକା ହୁଡ଼ତାର । ୧୭ ହେଖାର ତାଙ୍ଗେଙ୍ଗ ହୁଡ଼ଜି ହେ କାଡ଼ଦେ ବିସ୍ତେ ହେଖେରିଂ ଦୁଡ଼ ଇମ୍‌ଣି କାତା ଇଞ୍ଜି ମାଚାଡ଼, ହେଦାଂ ଖେଚଚାର, ୧୮ ପାଚେ ଏଚେକ୍ ମାନାୟ ମେଣ୍ଡାଗଡ଼ିୟାରତାଂ ହେ ସବୁ ବେରଣ୍ ଖେଚାର, ହେଖାର ଖିଜାର ହେବେ କାବା ଆତାର । ୧୯ ମାତର୍ ମରିୟମ୍ ଇ ଖିଜୁ କାତା ମାନ୍ତ ଇଡ଼ଜି ଗାଜା ଏଡ଼ କିଦେଙ୍ଗ ଲାଗାତାଡ଼ । ୨୦ ଆରେ, ମେଣ୍ଡା ଗଡ଼ିୟାରିଂ ଇନେସ୍ ଖେଚଚି ମାଚାର, ହେ ଲାକେ ହେଖାର ଇନା ଇନାକା ଖେଚାର ଆରି ହୁଡ଼ତାର, ହେ ଖିଜୁଡ଼ିଙ୍ଗ ଇସ୍‌ସ୍ ମାପୁ ନାୟ ଆରି କେରକଣ୍ କେରଜି ଲେଉଟା ଆତାର ।

ଜିସୁଙ୍ଗ ମନ୍ଦିରତ ଏକିକିତାର

୨୧ ଆର୍ ଦିନ୍‌ତାଂ ପାଚେ ସୁନ୍‌ଡ଼ କିଦେଙ୍ଗ ଜିସୁଙ୍ଗ ମନ୍ଦିରତ ଅଜି ହାଚାର ତା ତର୍ ଜିସୁ ଇଡ଼ତାର; ଇ ତର୍ ତାଙ୍ଗେଙ୍ଗ ଏସ୍ ପିହ୍‌ଞ୍ଜି ଆଗେ ଦୁଡ଼ ଇଞ୍ଜି ମାଚାଡ଼ ।

୨୨ ପାଚେ ଏଚେକାଡ଼ଦ ମସାତି ବିଦି ଇସାବରେ ଜସେପ୍ ଆରି ମରିୟମ୍‌ତି ସକର୍ ଆନି ସମ୍‌ ଏକା ଖାତାଡ଼, ହେଖାର ମାପୁତି ଉଦେସ୍‌ତ କାଡ଼ଦେଂ ପୁଜା କିନି କାଜିଂ ଜିରୁସାଲମ୍‌ତ ଅତାର, ୨୩ ଇନେସ୍‌କି ମାପୁତି ବିଦି ଲେକା ଆତି ଲାକେ “ଖିଜାର ପର୍ଡ଼ମ୍ ଜନମ୍‌ଆତି ଆଣ୍ଡା ହିମ୍‌ଣାଂ ମାପୁ କାଜିଂ ପୁଇପୁୟା ଇଞ୍ଜି ହିସାବ ଆନାଡ଼,” ୨୪ ମାପୁତି ବିଦି ସାସ୍‌ସ୍‌ର ତାକେ ଲେକାଆତି ଇ ବଲ୍ ହୁଦାଂ ହେଖାର ହେଖେନିଂ ମାପୁଙ୍ଗ କାଜିଂ ପୁଜାହିନାକା ଇଞ୍ଜି ଆରି ମାପୁନି ସାସ୍‌ସ୍‌ରତ ଲେକାଆତାଡ଼ନା “ରିଣ୍ଡାଂ ପାର୍‌ଖାଙ୍ଗ୍ ଆଞ୍ଜିତିସ୍ ରିଣ୍ଡାଂ ପାଣ୍ଡକା ହିମ୍‌ଣାଂ ପୁଜାକିଦେଙ୍ଗ ଇଞ୍ଜି ତାଙ୍ଗେଙ୍ଗ ଜିରୁସାଲମ୍‌ତ ଅତାର ।”

ସିମିୟନ୍ ହାନା ଜିସୁଙ୍ଗ ଚଞ୍ଜିଆ ଆତାନ୍

୨୫ ଆରେ ହୁଡ଼ାଡ଼, ଜିରୁସାଲମ୍‌ତ ସିମିୟନ୍ ତର୍‌ଦାକାନ୍ ରଞ୍ଜାନ୍ ଦାମ୍ ଆରି ହାର୍‌ଦିମାନାୟ ମାଚାନ୍; ହେଖାନ୍ ଇସ୍ରାଏଲ୍‌ନି ଦୁକ୍‌ସାରାୟ କିଦେଙ୍ଗ କାସି ମାଚାନ୍, ଆରେ ପୁଇପୁୟା ଜିରୁନ୍ ତା ତାକେ ଜୁଜି ମାଚାଡ଼ । ୨୬ ମାପୁ କ୍ରିସ୍‌ଟ୍ ହୁଡ଼ଞ୍ଜିତିସ୍ ତାଙ୍ଗେଙ୍ଗ ହେଖାନ୍ତି ହାକିଆଡ଼ଡ଼, ପୁଇପୁୟା ଜିରୁନ୍ ହୁକେ ତାଙ୍ଗ୍ ଇ ବାସ୍ ହିୟାଆଜି ମାଚାନ୍ । ୨୭ ହେଖାନ୍ ଜିରୁନ୍‌ତାଂ ବାତ୍ ଆଜି ମନ୍ଦିରତ ଖାତାନ୍, ଆରେ ହିମ୍‌ଣା ଜିସୁତି ଆବା ଆୟା ଏଚେକାଡ଼ଦ ହେ ବିସ୍ତେ ନି ବିଦିନି ହୁକେ କାମାୟ କିଦେଙ୍ଗ ଇଞ୍ଜି ତାଙ୍ଗେଙ୍ଗ ବିତ୍ରେ ତାଙ୍ଗାତାର, ୨୮ ହେଖାଡ଼ାଂ ସିମିୟନ୍ ହିମ୍‌ଣାତିଂ ଡ୍ରକ୍‌ଚି ଆଜି ଇସ୍‌ସ୍‌ଚିଂ ଦନ୍‌ଏବାଦ୍ କିଜି ଇଚାନ୍,

୨୯ “ଏ ମାପୁ, ଅଙ୍ଗୟ ଏନ୍ ନି କାତା ଲାକେ ନିଜ୍ ଆଡ଼ିୟାଙ୍ଗ୍ ସୁସ୍ତାତାଂ ତାଙ୍ଗଜି ହାଞ୍ଜେଙ୍ଗ୍ ହିନାୟ;

୩୦ ଇନାକିଦେଂକି ନା କାଣ୍‌ଜା ନି ମୁକ୍ତି ଆନାକା ହୁଡ଼ନାଙ୍ଗା, ୩୧ ଇମ୍‌ଣାକା ଏନ୍ ଖିଜାର ମାନାୟାର୍ ମୁମ୍‌ଦ ଜାଲ୍‌ଦି କିତାୟନା,

୩୨ ପାଚି କିଞ୍ଜି ଜିହୁଦିର୍ କାଜିଂ ସଡ଼ ହନି ଅଜଡ଼, ଆରେ ମି ଲକ୍ ଇସ୍ରାଏଲ୍‌ନି ଜାଜମାଲ୍ ଲାକେ କିତାୟନା ।”

୩୩ ହେଖାନ୍ କାଜିଂ ଇଚି ଖିଜୁ ବିସ୍ତେ ହେ ଆବା ଆୟା ଖେନଞ୍ଜି କାବା ଆଜି ମାଚାର । ୩୪ ଆରେ, ସିମିୟନ୍ ହେଖାରିଂ ଆସିବାଦ୍ କିଜି ହେଖାନ୍ ତେହି ମରିୟମ୍‌ତିଂ ଇଚାନ୍, ଇ କାଡ଼ଦେ ଇସ୍ରାଏଲ୍ ବିତ୍ରେ “ହେନିର୍‌ତି ଆରେ ନିଙ୍ଗଜି ବୁଡ଼ାଆନି କାଜିଂ ଇସ୍‌ସ୍ ହୁକେ ବାଚିକିୟା ଆତାନ୍, ଇମ୍‌ଣାକାର୍ ବିରୁଦ୍‌ତ ବେସି ମାନାୟ କାତା ଇନାର ର ଚିନ୍ ଲାକେ ଆନାଡ଼ । ୩୫ ହେନି ତାଙ୍ଗେଙ୍ଗ୍ ବେରୁଆନାର୍ ନିଜେ ମାନ୍‌ନି ଡ଼କ୍‌କି ବିଚାର୍ ସବୁ ହପ୍‌ନାନ୍ । ଦୁକ୍ ଲାକେ ର ଦାରାକାଣ୍ଡା ଜାର୍ ଖାସ୍ତିତିଂ ଚିର୍‌ବିର୍ କିନାୟ ।”

୩୬ ଆରେ, ହାନ୍ନା ଇନି ରଞ୍ଜେଲ୍ ବେଣ୍‌ବାକଣାୟକିନାକାଦେଲ୍ ମାଚାଡ଼; ହେଦେଲ୍ ଆସେର୍ ଜାତିନି ପେନ୍‌ଏଲ୍ ଗାଡ଼ହି । ତାଦାଙ୍ଗ୍ ବୟସ୍ ବେସି ଆଜି ମାଚାଡ଼, ହେଦେଲ୍ ଜିପଲି ମାନି ପାଚେ ସାଡ଼ବାର୍ହୁ

☆ ୨:୨୧ ୨:୨୧ ଲୁକ ୧:୩୧.

ଆଣ୍ଡେନ୍ ହୁକେ ବାହା କିଜି ମାଗାଡ଼ ଆରି ଚାରିକଡ଼ି ଚାରିବାହୁଁ ପାତେକ୍ ରାଣ୍ଡି ଆଜି ମାଗାଡ଼ । ୩୭ ହେଦେଲ୍ ବିରକ୍ତୁଲ୍ ମନ୍ଦିର ପିହ୍‌ଖାଦାଙ୍ଗ୍ ଉପାସ୍ ଆରି ଗଞ୍ଜାରି ହୁକେ ଖେଡ଼ାନାଣା ମାପୁଙ୍ଗ୍ ପାର୍ତାନା କିଜି ମାଗାଡ଼ । ୩୮ କାଡ଼ଦେ ଜିସୁ ମନ୍ଦିରତ ଖାର୍‌ୟା ଆନିଖେଡ଼ାଁ ହାନ୍ନା ହେବେ ଏକିସ୍ ଇସ୍‌ରତିଁ ଜୁଞ୍ଜାର୍ କିତାଡ଼ ଆରି ଇସ୍‌ର ଜିରୁସାଲମ୍‌ତିଁ ମୁକ୍ତି କିନାନ୍ ଇଞ୍ଜି ଇମ୍‌ଣାକାର୍ ପାତର୍ କିଜି କାସି ମାଗାର୍, ହେଞ୍ଜାନ୍ ଓଜାରିଁ କାଡ଼ଦେ ବିସ୍ତେ ଇଚାଡ଼ ।

ଜସେପ୍ ଆରି ମରିୟମ୍ ଇଞ୍ଜି ମାସ୍‌ଦି ହାଚାର୍

୩୯ ଧାତେ ହେଞ୍ଜାର୍ ମାପୁତି ମସାତି ବିଦି ଇସାବ୍ରେ ଓଜୁ କାମାୟ୍ ଓସ୍ତି ଗାଲିଲିତ, ଜାର୍ ଗାଡ଼୍ ନାଜରିତ୍‌ତ ଲେଉଟାଚାର୍ । ୪୦ ଆରେ, କାଡ଼ଦେ ଗାଜା ଆଦେଁ ଲାଗାତାନ୍ ଆରି ଗିଆନ୍‌ତ ପୁରା ଆଉ ଆଉ ସାକ୍ତି ମାନାୟ୍ ଆତାନ୍, ଆରେ ଇସ୍‌ତର୍ ଦୟା ହେ ଜପି ମାଗାଡ଼ ।

କାଡ଼ଦେ ଜିସୁ ମନ୍ଦିରତ

୪୧ ତା ତେହି ଲାଡ୍ରାହି ପାତି ବାହୁଁ ନିସ୍ତାର୍ ପାର୍ବୁ ଖେଡ଼ାଲିଁ ଜିରୁସାଲମ୍‌ତ ହାଲ୍‌ଜି ମାଗାର୍ । ୪୨ ହେଞ୍ଜାନ୍ତି ବାର ବାହୁଁ ଖେଡ଼ାଲିଁ ହେଞ୍ଜାର୍ ପାର୍ବୁ ରିତି ଇସାବ୍‌ରେ ହେବେ ହାଚିକ୍ । ୪୩ ପାର୍ବୁନି ସମୁ ଓସ୍ତି ଏଚେକାଡ଼ଦ ହେଞ୍ଜାର୍ ମାଜି ଖାଜି ମାଗାର୍, ହେ ଏଚେକାଡ଼ଦ କାଡ଼ଦେ ଜିସୁ ଜିରୁସାଲମ୍‌ତ ଟେବା ଆତାନ୍, ଆରେ ତା ତେହି ଲାଡ୍ରାହି ହେଦାଁ ପୁନ୍‌ଖାଦାଁ ମାଗାର୍ । ୪୪ ମାତର୍ ହେଞ୍ଜାନ୍ ହାଙ୍ଗ୍‌ତାଁ ହାଚାକାର୍ ହୁକେ ମାନାନ୍ ଇଞ୍ଜି ହେଞ୍ଜାର୍ ଦିନେକିନି ହାଜି ତାଙ୍ଗ୍‌ଜି ହାଚାର୍, ଆରେ ଖାସ୍ତିନିକାର୍ ଆରି ଜାଣାଚିନା ଲକାର୍ ତାକେ ହେଞ୍ଜାର୍ ତେକ୍‌ତେଁ ଲାଗାତାର୍, ୪୫ ଆରେ ହେଞ୍ଜାନିଁ ତେକୁ ତେକୁ ଗାଟାଆଓଡ଼ିଲେ ଜିରୁସାଲମ୍‌ତ ଲେଉଟା ଆଜି ହାଚାର୍ । ୪୬ ତିନି ଦିନ୍ ପାତେ ହେଞ୍ଜାର୍ ହେଞ୍ଜାନିଁ ମନ୍ଦିରତ ଗାଟାଆତାର୍; ହେଞ୍ଜାନ୍ ପଣ୍ଡିତ୍‌କୁର୍ ବିଡ୍ରେ କୁର୍ଚି ହେଞ୍ଜାର୍ କାତା ଖେନଞ୍ଜି ମାଗାନ୍ ଆରି ହେଞ୍ଜାରିଁ ପର୍‌ସନ୍ କିଜି ମାଗାନ୍, ୪୭ ଆରେ ଏଚେକ୍ ମାନାୟ୍ ହେଞ୍ଜାନ୍ କାତା ଖେନଞ୍ଜି ମାଗାର୍, ଓଜାକାର୍ ହେଞ୍ଜାନ୍ତି ବୁଦି ଆରି ଉତର୍‌ତ କାବା ଆବିସ୍ ମାଗାର୍ । ୪୮ ହେଞ୍ଜାର୍ ହେଞ୍ଜାନିଁ ହୁଡ଼ଜି କାବା ଆତାର୍, ଆରି ତା ତେହି ତାଙ୍ଗ୍ ଇଚାଡ଼, “ବପା, ମାଜେଙ୍ଗ୍ ଇନେକିଦେଁ ଏଲେଙ୍ଗ୍ ଚିନ୍ତା କିଡ଼ତାୟ୍ ? ହୁଡ଼ା, ମିଞ୍ଜବା ଆରି ଆନ୍ ବେସି ବିପ୍ତି ଆଜି ନିଜେଙ୍ଗ୍ ତେକ୍‌ନାପା ।”

୪୯ ଇବେତାଁ ହେଞ୍ଜାନ୍ ହେଞ୍ଜାରିଁ ଇଚାନ୍, ଇନେକିଦେଁ “ଏପେଙ୍ଗ୍ ନାଜେଙ୍ଗ୍ ତେକ୍‌ଚି ମାଞ୍ଜାଦେର୍ ? ମାଞ୍ଜି ଆବାର୍ ଇଞ୍ଜି ମାନାକା ଜେ ନା କାମାୟ୍, ଇଦାଁ ଇନାକା ପୁନ୍‌ଖାଦାଁ ମାଗାଦେର୍ ?” ୫୦ ମାତର୍ ହେଞ୍ଜାନ୍ ହେଞ୍ଜାରିଁ ଇମଣି କାତା ଇଚାନ୍, ହେଦାଁ ହେଞ୍ଜାର୍ ବୁଜାଖାତାର୍ ।

୫୧ ପାତେ ହେଞ୍ଜାନ୍ ହେଞ୍ଜାର୍ ହୁକେ ଲେଉଟା ଆଜି ନାଜରିତିୟ୍‌ତ ଖାତାନ୍ ଆରି ହେଞ୍ଜାର୍‌ତି କାତା ମାନିକିଜି ମାଗାନ୍; ଆରେ, ହେ ତେହି ଇ ସବୁ କାତା ଜାଗ୍ରତାଁ ହେ ମାନ୍ତ ଇଚ୍‌ତାଡ଼ । ୫୨ ଆରେ, ଜିସୁ ଗିଆନ୍‌ତ ଆରି ଗାଗାଡ଼୍‌ତ, ଆରେ ଇସ୍‌ତର୍ ଆରି ମାନାୟ୍‌ରତି ଦୟାତ ଗାଜା ଆତାନ୍ ।

୩

ବାପ୍ତିସ୍ମିନ୍ ହିନି ଜହନ୍ ସୁଣାୟ୍ କିନାକା

(ମାତିଉ ୩:୧-୧୨; ମାର୍କ ୧:୧-୮; ଜହନ୍ ୧:୧୯-୨୮)

୧ ତିବିରିୟା କାଈସର୍‌ତି ରାଜ୍ କିନାକା ପନ୍‌ର ବାହୁଁତ, ଏଚେକାଡ଼ଦ ପନ୍ତିୟ୍ ପିଲାତ, ଜିହୁଦା ରାଜିତ ରାଜ୍ କାମାୟ୍ ଆରି ହେରଦ୍ ଗାଲିଲିନି ହାନ୍ଦିରାଜା ମାଗାନ୍, ଆରେ ତା ଟଣ୍ଡାହି ପିଲିପ୍ ଇଡୁରିୟା, ଆରି ତ୍ରାକନିତି ରାଜିନି, ଆରେ ଲୁସାନିୟା ଅବିଲିନି ନି ହାନ୍ଦି ରାଜା ମାଗାନ୍,

୨ ଆରି ହାନାନ ଆରି କୟାପା ମୁଡ଼୍ ମାପୁହେବାକିନାକାର୍ ମାଗାର୍, ହେ ଏଚେକାଡ଼ଦ ଇସ୍‌ତର୍ ବଚନ୍ ବାଟାତ ଜିକରିୟ୍‌ତି ମେହି ଜହନ୍ ତାକେ ଏକାଖାତାଡ଼ । ୩ ହେବେତାଁ ବାପ୍ତିସ୍ମିନ୍ ହିନି ଜହନ୍ ଜର୍ଦ୍‌ନି ଲାଗାୟ୍ ଓଜୁ ନାସ୍‌କୁ ହାଲ୍‌ଜି ପାପ୍ କେମା କାଜିଁ “ମାନ୍‌ବାଦ୍‌ଲାୟ୍ କିନି ବାପ୍ତିସ୍ମିନ୍ ସୁଣାୟ୍ କିଦେଙ୍ଗ୍ ଲାଗାତାନ୍ ।” ୪ “ଇନେସ୍‌କି ଜିସାୟ୍ ବେଶ୍‌ବାକ୍‌ଣାୟ୍‌କିନାକାନ୍ ସାସ୍‌ତାକେ ଲେକାଆତାଡ଼ନା,

ବାଟାତ ଗାଜା କାଟ୍ କିଜି ମାନି ରକାନ୍ତି କାଟ୍,
‘ମାପୁତି ହାଜି ଜାଲ୍‌ଦି କିୟାଟ୍,
ହେଞ୍ଜାନ୍ତି ରାଜାହାଜି ହାଣ୍‌କୁ କିୟାଟ୍;

୫ ସବୁ ବାଟା ବାଟର୍ କିୟା ଆନାଡ଼, ଆରେ ସବୁ,
ମାଡ଼ିଙ୍ଗ୍ ଆରି କୁପ୍‌ଲିଙ୍ଗ୍ ହାରୁ କିୟା ଆନାଡ଼,
ବାଙ୍ଗ୍‌ଟା ହାଜି ସଲକ୍ କିୟାଟ୍ ସବୁ ହାଣ୍‌କୁ ଆନାଡ଼,
ଆରେ ଉଚ୍‌ନିଚ୍ ବୁମି ସାରିଆ ହାଜିଡ଼ ରିଆ ଆନାଡ଼;

☆ ୨:୩୯ ୨:୩୯ ମାତିଉ ୨:୨୩।

୭ ଆରେ, ଝିକୁ ପୁତ୍ର ଇସ୍ରାଏଲୀ ମୁକ୍ତି ଆନାକା ହୁଡ଼ନାର ।”

୭ *ଲୀଗିଂ, ହେୱାନ ତା ତାକେଣ୍ଡାଂ ବାପ୍ତିସିମ୍ ଆଦେଂ କାଜିଂ ହସି ଝାନି ମାନାୟାରିଂ ଇଚାନ, “କାଲାରୋଚିନି ଲାତ୍ରା,” ଝାନିଦିନ୍ ମାପୁତି ଟାକ୍ତିତାଂ ହନ୍ତେଜ୍ କାଜିଂ ଇନେର ମିଜେଜ୍ ଚେଡନା ହିଡତାନ ? ିଲୀଗିଂ ମାନବାଦଲୀୟ କିନି ହାଦି ପାଡ଼ ଉଦ୍‌ଜାଣ୍ କିୟାଟ୍; ଆରେ, “ଅବ୍ରାହାମ୍ ତ ମା ଆବା, ଇଞ୍ଜି ମାନେ ମାନେ ଏପେଜ୍ ଇନ୍‌ମାଟ୍, ଇନାକିଦେଂକି ଆନ୍ ମିଜେଜ୍ ଇଞ୍ଜନାଜା, ଇସ୍ରାଏଲ ଇ କାଲକୁକାଂ ପା ଅବ୍ରାହାମ୍ କାଜିଂ ମାଜି ଉଦ୍‌ଜାଣ୍ କିଦେଜ୍ ଆଡନାନ୍ । ୯ *ଆରେ, ନଜ୍ ପା ମାରକୁକାଂ ଦଲ୍‌ଦ କୁଡେଲ୍ ଲାଗାତାଡନା; ଇମ୍‌ଣି ମାରକୁ ହାର ପାଡ଼ ଆହୁଡିସ୍, ହେଦାଂ କାଦି ନାଣିତ ତୁହିୟା ଆନାଡ଼ ।”

୧୦ ଇବେଣ୍ଡାଂ ମାନାୟାର ଜହନ୍‌ତିଂ ଝେନ୍‌ବେଦେଂ ଲାଗାତାନ, “ତା ଆଡିସ୍ ଆସେଜ୍ ଇନାକା କିନାସ୍?”

୧୧ ଜହନ୍ ହେୱାରିଂ ଉତର ହିଡାନ, “ଇନେରତି ରିଣ୍ଡାଂ ଆଜିଜ୍ ମାନିଜ୍, ହେୱାନ ଇନେରତି ହିଲୁଡ଼, ହେଦାଂ ରଞ୍ଜାଜ୍ ହିଏନ୍; ଆରେ, ଇନେରତି କାଦି ମାନାଡ଼, ହେୱାନ ହେ ଲାକେ କିଏନ୍ ।”

୧୨ ସିସୁଏନ୍‌ନାକାର ପା ବାପ୍ତିସିମ୍ ଅଦେଂ ଝାଜି ତାଜ୍ ଝେନ୍‌ବାତାର, “ଏ ଗୁରୁ, ଆପେଂ ଇନାକା କିନାପ୍ ?”

୧୩ ପାଚେ ଜହନ୍ ହେୱାରିଂ ଇଚାନ, “ମି କାଜିଂ ଏଚେକ୍ ଲଡା ଆତାଡନା, ତା ତାଜ୍ ଆଦିକ୍ ଏନ୍‌ମାଟ୍ ।”

୧୪ ମେଲ୍ୟାର ପା ହେୱାନିଂ ଝେନ୍‌ବେଦେଂ ଲାଗାତାର, ଆରେ, “ଆପେଂ ଇନାକା କିନାପ୍?”

ହେୱାନ ହେୱାରିଂ ଇଚାନ, “ବାଡକାସତାଂ କି ଟକାୟ କିଜି ଇନେରତି ପାଣ୍ଡୁକିମାଟ୍, ଆରେ ମି ଦାର୍ମାତାକେ ସାରିମାନାଟ୍ ।”

୧୫ ମାନାୟାର କାସି ମାନି କାଜିଂ ଆରି ଜହନ୍ ଇନେସକି କ୍ରିସ୍ତୁ ଆନାନ୍, ଇଞ୍ଜି ଇଦାଂ ହେୱାନ କାଜିଂ ଝିଜାକାର ଜାର ଜାର ମାନ୍ତ ଗାଣ୍ଡୁ କିଜି ମାନ୍‌ବିତିଲେ, ୧୬ ଲୀଗିଂ ଜହନ୍ ଝିଜାକାରିଂ ଉତର ହିଡାନ, “ଆନ୍ ହିନା ମିଜେଜ୍ ଏଜୁଂତାଂ ବାପ୍ତିସିମ୍ ହିଦନାଜା, ମାତର ନା ତାଜ୍ ଇନେର ଆଦିକ୍ ସାକ୍ତିକାଟାକାନ୍, ଝାନାନା ହେୱାନ ତା ପାଣ୍ଡାକ୍ ତରି ରିକ୍‌ଚେଂ ସମାନ୍ ଆନ୍ ଆକାୟ, ହେୱାନ ମିଜେଜ୍ ପୁଇପୁୟା ଜିବୁନ୍ତ ଆରି ନାଣିତ ବାପ୍ତିସିମ୍ ହିନାନ୍ । ୧୭ ତା କେଇଦ ହେଚି ମାନାଡ଼, ଲୀଗିଂ ବାରବାନି ତାସ୍ ନିର୍ମଲ୍ କିଜି ଚୁଣ୍ଡିତ ଗମ୍ ରୁଣ୍ଡାୟ କିଜି ଇଡଦେଂ ଇଞ୍ଜି ହେୱାନ କେଇଦ ହେଚି ମାନାଡ଼, ମାତର ପୁଟା ଝିକୁ ହେୱାନ ହାଝିନାଣିତ ଦେସଇ ତୁହିନାନ୍ ।”

୧୮ ହେୱାନ ଇ ଲାକେ ବେସି ଉପଦେସ୍ ହିଜି, ଆରେ ବାରବିନି ଝାରି ବେରଣ୍ ଝେଚ୍‌ଚି ମାନାୟ ଲାଗାଂ ନେକ୍ତିକାରୁର ପରଚାର କିଜି ମାଚାନ; ଆରି ମାନବାଦଲୀୟ କିନି କାଜିଂ ମାନାୟାରିଂ ବୁଜାୟ କିତାନ ୧୯ ମାତର ଜହନ୍ ହାଜି ରାଜା ହେରଦତିଂ ଆଦିକ୍ ଆଡ଼ଝା ଆଜି ଇଚାନ ଇନାକିଦେଂକି ଜାର ଟଣ୍ଡେନ୍ ଡକ୍ତିଂ ହେରଦିଆତିଂ ବିବା କିଜି ମାଚାନ, ଆରି ବେସି ବିସ୍ତେ ବାନ୍ୟା କାମାୟ କିଜି ମାଚାନ, ୨୦ ହେ ଲାକେ ଆରେ ରଞ୍ଜାଜ୍ ହେରଦ କାରାପ୍ କାମାୟ କିତାନ, ଜହନ୍‌ତିଂ ବନ୍ଦିତ ଇଡତାର ।

ଜହନ୍ ଜିସୁଜ୍ ବାପ୍ତିସିମ୍ ହିଡାନ
(ମାତିଉ ୩:୧୩-୧୭; ମାର୍କ ୧:୯-୧୧)

୨୧ ଝିଜାର ମାନାୟାର ବାପ୍ତିସିମ୍ ଆଡି ପାଚେ ଜିସୁ ପା ବାପ୍ତିସିମ୍ ଅଚାନ । ଆରେ ପାର୍ତାନା କିନି ଝେଡାଲିଜ୍ ବାଦାଡ଼ ଜେୟା ଆତାଡ଼, ୨୨ *ଆରି ପୁଇପୁୟା ଜିବୁନ୍ ଗାଗାଡ଼ତ ପାଣ୍ଡକା ଲାକେ ଜିସୁ ଜପି ଜୁଜି ଝାଜି ଜିସୁଜ୍ କୁଡତାଡ଼; ଆରେ, ବାଦାଡ଼ତାଂ ଇ ବେରଣ୍ ଆତାଡ଼, “ଏନ୍ ମା ଝାରିନି ମାଜିଡି, ମି ତାକେ ମା ବେସି ଝାରି ।”

ଜିସୁତି ଲାତ୍ରାନି ପୁରାଣ
(ମାତିଉ ୧:୧-୧୭)

୨୩ ଜିସୁ କାମାୟ ହାଜ୍‌ନି ଝେଡାଲିଂ ତାଜେଜ୍ ତିରିସ୍ ବାହୁଁ ବୟସ୍ ଆଜି ମାଚାଡ଼; ଲକାର ମାନ୍ତାଜ୍ ହେୱାନ ଜସେପ୍ ମେହି ମାଚାନ; ଜସେପ୍ ଏଲିତି ମେହି, ୨୪ ଏଲି ମତାତି ମେହି, ମଡତାତ ଲେବି ମେହି, ଲେବି ମଲ୍‌କିତି ମେହି, ମଲ୍‌କି ଜନ୍‌ୟତି ମେହି, ଜନ୍‌ୟ ଜସେପ୍‌ତି ମେହି, ୨୫ ଜସେପ୍ ମତିତ୍ୟାତି ମେହି, ମତିତ୍ୟା ଆମସ୍‌ତି ମେହି, ଆମସ୍ ନାହୁମ୍‌ତି ମେହି, ନାହୁମ୍ ହେଲସିତି ମେହି, ହେଲସି ନଗୟତି ମେହି, ୨୬ ନଜୟ ମହତତି ମେହି, ମହତ ମତିତ୍ୟାତି ମେହି, ମତିତ୍ୟା ସିମୟିତି ମେହି, ସିମୟି ଜସେକ୍‌ତି ମେହି, ଜସେକ୍ ଜଦାତି ମେହି, ୨୭ ଜଦା ଜହନ୍ତି ମେହି, ଜହନ୍ ରେସା ଜିରୁବବାବେଲ୍‌ତି ମେହି, ଜିରୁବାବେଲ୍ ସଲ୍‌ଟିୟେଲ୍ ମେହି, ସଲ୍‌ଟିୟେଲ୍ ନେରିତି ମେହି, ୨୮ ନେରି ମଲ୍‌କିତି ମେହି, ମଲ୍‌କି ଅଦିତି ମେହି, ଅଦି କସାମ୍‌ତି ମେହି, କସାମ୍ ଏଲ୍‌ଦାନତି ମେହି, ଏଲ୍‌ଦାନ୍ ଏରତି ମେହି, ୨୯ ଏର ଜିହସୁୟତି ମେହି, ଜିହସୁୟ ଏଲିୟାଜର୍‌ତି ମେହି, ଏଲିୟେଜର୍ ଜରିମତି ମେହି, ଜରିମ୍ ମତାତି ମେହି, ମତାତ ଲେବିତି

* ୩:୭ ୩:୭ ମାତିଉ ୧୨:୩୪; ୨୩:୩୩. * ୩:୯ ୩:୯ ମାତିଉ ୭:୧୯. * ୩:୨୨ ୩:୨୨ ମାତିଉ ୩:୧୭; ମାର୍କ ୧:୧୧; ଲୁକ ୯:୩୫.

ମେହି, ୩୦ ଲେବି ସିମିୟନ୍ତି ମେହି, ସମିୟନ୍ ଜିହୁଦାତି ମେହି, ଜିହୁଦା ଜସେପତି ମେହି, ଜସେପ୍ ଜନାମତି ମେହି, ଜନାମ ଏଲିୟାକିମତି ମେହି, ୩୧ ଏଲିୟାକିମ୍ ମଲାହତି ମେହି, ମଲାହ ମନ୍ନାତି ମେହି, ମନ୍ନା ମତତାତି ମେହି, ମତତା ନାତନ୍ତି ମେହି, ନାତନ୍ ଦାଉଦତି ମେହି, ୩୨ ଦାଉଦ ଜିସିୟତି ମେହି, ଜିସି ଓବେଦତି ମେହି, ଓବେଦ ବୟଜତି ମେହି, ବୟଜ ସେଲହତି ମେହି, ସେଲହ ନହସନ୍ତି ମେହି, ୩୩ ନହସନ ଅମିନାଦବ୍ତି ମେହି, ଅମିନାଦାବ୍ ଅଦ୍ନି ମେହି, ଅଦ୍ନି ଅଣ୍ଟି ମେହି, ଅଣ୍ଟି ହେସ୍ରାତି ମେହି, ହେସ୍ରା ପେରସ୍ତି ମେହି, ପେରସ୍ ଜିହୁଦାତି ମେହି, ୩୪ ଜିହୁଦା ଜାକୁବ୍ତି ମେହି, ଜାକୁବ୍ ଇସହାକ୍ତି ମେହି, ଇସହାକ୍ ଅବ୍ରାହାମତି ମେହି, ଅବ୍ରାହାମ୍ ତେରହତି ମେହି, ତେରହ ନାହରତି ମେହି, ୩୫ ନାହର ସରୁଗତି ମେହି, ସରୁଗ ରଗୁତି ମେହି, ରଗୁ ପେଲଗତି ମେହି, ପେଲଗ ଏବରତି ମେହି, ଏବର ସେଲହତି ମେହି, ୩୬ ସେଲହ କେନାନ୍ତି ମେହି, କେନାନ୍ ଅର୍ପକ୍ୟଦତି ମେହି, ଅର୍ପକ୍ୟଦ ସେମତି ମେହି, ସେମ ନହତି ମେହି, ନହ ଲେମକତି ମେହି, ୩୭ ଲେମକ ମିତୁସିଲହତି ମେହି, ମିତୁସିଲହ ହନକତି ମେହି, ହନକ ଜେରଦତି ମେହି, ଜେରଦ ମହଲଲେଲତି ମେହି, ମହଲଲେଲ କେନାନ୍ତି ମେହି, ୩୮ କେନାନ୍ ଏନସତି ମେହି, ଏନସ ସେତତି ମେହି, ସେତ ଆଦମତି ମେହି, ଆଦମ୍ ଇସ୍ତତି ମେହି ।

୪

ଜିସୁଙ୍ଗ୍ ସୟତାନ୍ ପରିକ୍ୟା କିତାଡ୍ (ମାର୍କ ୧:୧୨-୧୩; ଲୁକ ୪:୧-୧୨)

୧ ଜିସୁ ପୁଇପୁୟା ଜିରୁକ୍ତ ବାଟି ଆଜି ଜର୍ଦ୍ଦନ୍ ନାଗୁଡ୍ତାଂ ମାଜି ଝାତାନ୍, ଆରି ରିକଡ୍ତି ଦିନ୍ ପାତେକ୍ ଜିରୁନ୍ ହୁଦାଂ ବାଗାତ ଚାଲାଆଜି ସୟତାନ୍ ତାଙ୍ଗେଙ୍ଗ୍ ପରିକ୍ୟା କିତାଡ୍ । ୨ ହେବେ ହେଝାନ୍ ସୟତାନ୍ ହୁକେ ଚାଲିସ୍ ଦିନ୍ ପାତେକ୍ ପରିକ୍ୟା ଆତାନ୍ । ହେ ସମୁ ବିତ୍ରେ ହେଝାନ୍ ଇନାକା ତିନ୍ଝାଦାଂ ମାତାନ୍, ଲାଗିଂ ଚାଲିସ୍ ଦିନ୍ ଝିସ୍ତଲେ, ହେଝାନ୍ ନାସ୍କି ଆତାନ୍ ।

୩ ହେବେ ସୟତାନ୍ ତାଙ୍ଗେଙ୍ଗ୍ ଇଚାଡ୍, “ଏନ୍ ଜଦି ଇସ୍ବର୍ ମାଜି, ବାଟିଙ୍ଗ୍ ଇ କାଲ୍ଦିଂ ରୁଟି ଆଦେଂ ଇଞ୍ଜି ବଲ୍ ହିୟା ।”

୪ ଜିସୁ ହେଦେଲିଂ ଉତର୍ ହିତାନ୍, “ଦରମ୍ ସାସ୍ବର୍ତ ଲେକା ମାନାଡ୍, ମାନାୟ୍ କେବଲ୍ ରୁଟିଂ ତିନ୍ଞି ବାଚା ଆଉନ୍ ।”

୫ ଆରେ, ସୟତାନ୍ ଜିସୁଙ୍ଗ୍ ଜପି ଅଜି ଅଲପ୍ ସମୁ ବିତ୍ରେ ପୁର୍ତିନି ସବୁ ରାଜି ହେଝାନ୍ ଚଡ୍ଚାଡ୍ । ୬ ଆରେ, ସୟତାନ୍ ତାଙ୍ଗ୍ ଇଚାଡ୍, “ଆନ୍ ନିଙ୍ଗେଙ୍ଗ୍ ଇ ଝିଜୁ ଆଦିକାର୍ ଆରି ଇ ହଲ୍ଲନାକା ହିଦ୍ନାଂ, ଇନାକିଦେଂକି ନାଙ୍ଗେଙ୍ଗ୍ ଇଦାଂ ଝିଜୁ ଆଦିକାର୍ ହିଡ୍ତାର୍ନା, ଆରେ ଆନ୍ ଇନେରିଂ ଇଚା, ତାଙ୍ଗ୍ ହେଦାଂ ହିଦ୍ନାଂ ।” ୭ ଲାଗିଂ, “ଏନ୍ ଏଚେକାଡ୍ତ୍ ମା ମୁମ୍ଦ ପୁଜା କିଦ୍ନାୟ୍, ଲାଗିଂ ଝିଜୁ ନିୟାଂ ଆନାଡ୍ ।”

୮ ଜିସୁ ଉତର୍ ହିତାନ୍, ସାସ୍ବର୍ ଲେକା ମାନାଡ୍, “ଏନ୍ କେବଲ୍ ମାପୁ ଇସ୍ବର୍ତିଂ ଜୁଝାର୍ କିନାୟ୍, ଆରେ ହେଝାନ୍ତି ପାର୍ତାନା କିନାୟ୍ ।”

୯ ଆରେ, ସୟତାନ୍ ହେଝାନ୍ତିଂ ଜିରୁସାଲମ୍ତ ଅଜି ମନ୍ଦିରନ୍ତି ଜେଗନ୍ ଜପି ନିଲି କିଜି ତାଙ୍ଗ୍ ଇଚାଡ୍, “ଏନ୍ ଜଦି ଇସ୍ବର୍ ମାଜି, ତା ଆତିସ୍ ଇବେତାଂ ତାରେନ୍ ଗୁମା ।” ୧୦ ଇନାକିଦେଂକି ଦରମ୍ ସାସ୍ବର୍ତ ଲେକା ମାନାଡ୍, “ନିଙ୍ଗେଙ୍ଗ୍ ରାକ୍ୟା କିଦ୍ନି କାଜିଂ ହେଝାନ୍ ଜାର୍ ଦୁଡ୍ରିଂ ନି ବିସ୍ତେ ବଲ୍ ହିନାନ୍ । ୧୧ ଦରମ୍ ସାସ୍ବର୍ତ ଲେକା ମାନାଡ୍, ଏଚେକାଡ୍ତ୍ ନି ପାନା କାଲ୍ଦି ଆଡ୍ଦାନାଡ୍, ଇଦାଂ କାଜିଂ ହେଝାର୍ ନି କେଇଦ ଆସ୍ତାନାର୍ ।”

୧୨ ଆରେ, ଜିସୁ ସୟତାନ୍ତିଂ ଉତର୍ ହିତାନ୍, ଦରମ୍ ସାସ୍ବର୍ତ ଲେକାମାନାଡ୍, “ଏନ୍ ମାପୁ ଜାର୍ ଇସ୍ବର୍ତିଂ ପରିକ୍ୟା କିତୟ୍ ।

୧୩ ଜିସୁଙ୍ଗ୍ ସୟତାନ୍ ସବୁ ବାନି ପରିକ୍ୟା ଝିସ୍ତି ପାଚେ କେତେଦିନ୍ ପାତେକ୍ ତାଙ୍ଗ୍ ପିସ୍ତି ହାଚାଡ୍ ।”

ଗାଲିଲିତ ଜିସୁତି କାମାୟ୍ ଆରମ୍ (ମାତ୍ତ ୪:୧୨-୧୩; ମାର୍କ ୧:୧୪-୧୫)

୧୪ ଇଦାଂ ପାଚେ ଜିସୁ ପୁଇପୁୟା ଜିରୁନ୍ତି ସାକ୍ତିତାଂ ଗାଲିଲିତ ଲେଉଟା ଆତାନ୍, ଆରେ ଚାରିବେଶ୍ତାଂ ସବୁ ରାଜିତ ଇଞ୍ଜେଙ୍ଗ୍ ଲାଗାତାନ୍ । ୧୫ ଆରି, ହେଝାନ୍ ହେଝାର୍ତି କୁଟୁମ୍ ଇଲ୍ ଲାଗେ ହିକ୍ୟା ହିଜି ଝିଜାର୍ତାଂ ଜାଜମାଲ୍ ପାୟା ଆଦେଂ ଲାଗାତାନ୍ ।

ଜିସୁଙ୍ଗ୍ ନାଜରିତ୍ ମାନିକିଝାତାର୍ (ମାତ୍ତ ୧୩:୫୩-୫୮; ମାର୍କ ୬:୧-୬)

୧୬ ଜିସୁ ଇମଣି ନାଜରିତିୟ ପାଲିକିୟା ଆଜି ମାତାନ୍, ହେ ବାହାତ ହାରିହାରା ହାଚାନ୍ ଆରି ନିଜାର୍ ବିଦିତାଂ ଜମ୍ନିବାର୍ତ କୁଟୁମ୍ ଇଞ୍ଜ ହଚାନ୍, ଆରେ ସାସ୍ବର୍ ପଡ୍ତି କିଦେଙ୍ଗ୍ ଇଞ୍ଜି ନିଲ୍ତାନ୍ । ୧୭ ହେବେଶ୍ତାଂ

ଜିସାୟ ବେଶବାକ୍‌ଶାୟକିନାକାନ୍ତି ପତି ତାଙ୍କେଇଁ ହିତାର, ଆରେ ଜିସୁ ହେଦାଂ ଉନ୍ଦି, ଇମେତାକେ ଇ
ବଚନ ଲେକାଆତାତନା ହେଦାଂ ହୁଡ଼ତାନ,

୧୮ ମାପୁତି ଜିବୁନ୍ ନା ତାକେ ଜୁଡ଼ତାନ୍ନା,

“ଲାଗିଂ ଇନାକା ହିଲ୍ୟାକାର ଲାଗେ ନେକ୍ରିକାରୁର୍ ସୁଣାୟ କିଦେଇଁ ଇଞ୍ଜି ହେଝାନ୍ ନାକେଇଁ
ସିଗ୍‌କିଡ଼ନ୍ନା,

ଜଇଲ୍ ମାନାକାରିଂ ମୁକ୍ତି କିନାକା ଆରି

କାଣାରତାକେ ଲାଗେ ହୁଡ଼କିଦେଂ ବିସ୍ତେ ସୁଣାୟ କିଦେଇଁ,

ଆରେ କସ୍‌ପାୟାଆନି ଲଗାଂ ମୁକ୍ତି କିଦେଇଁ,

୧୯ ଆରେ ମାପୁତି ଦୟାନିବାରୁ ସୁଣାୟ କିଦେଇଁ

ହେଝାନ୍ ନାକେଇଁ ପକ୍‌ତାତାନ୍ନା ।”

୨୦ ପାଚେ ହେଝାନ୍ ପତି ତାବାୟ କିଜି ହେବା କିନାକାରିଂ ହେଦାଂ ହିଜି କୁଚ୍‌ଚାନ୍, ଆରେ କୁଚ୍‌ଚାନ୍ ଇଞ୍ଜି
ଝିଜାରୁତି କାଣକୁ ହେଝାନ୍ ଜପି ହୁଡ଼ଜି ମାଚାର । ୨୧ ପାଚେ, “ହେଝାନ୍ ହେଝେରିଂ ଇଞ୍ଜେଇଁ ଲାଗାତାନ୍,
ନେଜେଇଁ ଦରମ୍ ସାସ୍ତର ଇ ବଚନ ଏପେଇଁ ଝେତିଲେ ହେଦାଂ ପୁରାଆତାତ ।”

୨୨ ଆରେ, ଝିଜାରୁ ହେଝାନ୍ ବିସ୍ତେ ସାକି ହିଦେଂ ଲାଗାତାରୁ ଆରେ ହେ ଝେଇତାଂ ଇମ୍‌ଣି ଦୟାନି ବଚନ୍‌ତ
ହିଜି ଝାଜି ମାଚାତ; ଆରି ହେଝାର ଇଞ୍ଜେଇଁ ଲାଗାତାରୁ, “ଇଝାନ୍ ଇନାକା ଜସେପ୍ ମେହି ଆକାୟ ?”

୨୩ ହେବେଶ୍ଟାଂ ହେଝାନ୍ ଉତ୍‌ରମୁଡ଼ ହେଝେରିଂ ଇଚାନ୍, “ଏପେଇଁ ଇନେସ୍ କିତିସ୍‌ପା ନାକେଇଁ ଇ
ଟିକଲ୍ ବେରଣ୍ ଝେଚ୍‌ଚାନାଦେର୍, ହେ ତାକ୍‌ର ନିଜେ ନିଜ୍‌ତିଂ ଉଜ୍ ଆ; ଆରେ ଇନାନ୍ କପର୍‌ନାହୁମ୍
ଇନା ଇନାକା ଗିଚା ଆତାତନ୍ନା ଇଞ୍ଜି ଆପେଂ ଝେଚ୍‌ଚାପ୍‌ନା, ହେ ସବୁ ଇ ବାହାତ ନିଜ୍ ଦେସ୍ ଗାଡ଼୍‌ପା
କିୟା ।” ୨୪ *ଆରେ, ହେଝାନ୍ ଇଚାନ୍, “ଆନ୍ ମିକେଇଁ ହାଡ଼ପା ଇଞ୍ଜେନାଇଁ, ଇମ୍‌ଣି ବେଶ୍‌ବାକ୍‌ଶାୟ
କିନାକାନ୍ ନିଜ୍ ଗାଡ଼୍‌ପ ମାନ୍ କିୟାଆତନ୍ ।” ୨୫ “ମାତର୍ ଆନ୍ ମିକେଇଁ ହାଡ଼ପା ଇଞ୍ଜେନାଇଁ, ଏଲିୟତି
ସମୁଦ ଏଚେକାଡ଼୍‌ଦ ତିନିବାରୁଚ୍‌ ରଅମାସ୍ ପାଚେକ୍ ଆକାସ୍‌ତାଂ ବାରୁହା ଆଝିତିଲେ ସବୁ ଦେସ୍‌ତ କାତାର
ଆରତାତ, ହେ ପାଦ୍‌ନା ଇସ୍‌ସାଏଲ୍ ବିତ୍ରେ ହେନି ରାଣ୍ଡିକ୍ ମାଟିକ୍; ୨୬ ଆତିସ୍‌ପା ଏଲିୟ ହେଝାରୁତି ଇନେର୍
ତାକେପା ପକ୍ୟା ଆଝାଦାଂ କେବଲ୍ ସିଦନ୍ ଦେସ୍‌ନି ସାରିପଡ଼୍‌ତିଂ ର ରାଣ୍ଡି କଗ୍‌ଲେ ଲାଗେ ପକ୍ୟା ଆତାନ୍ ।
୨୭ ପାଚେ, ବେଶ୍‌ବାକ୍‌ଶାୟକିନାକାନ୍ ଇଲିସାୟନି ସମୁତ ଇସ୍‌ସାଏଲ୍ ବିତ୍ରେ ବେସି ଗାଜା ରଗ୍ୟାର ମାଚାର;
ଆତିସ୍‌ପା ହେଝାର ବିତ୍ରେ ଇନେର୍‌ପା ଉଜ୍ ଆଝାଦାଂ ମାଚାର, କେବଲ୍ ସିରିୟା ଦେସ୍‌ନି ନାମାନ୍ ସକର୍
କିୟା ଆଜି ମାଚାର ।”

୨୮ କୁଚ୍‌ଚାନ୍ ଇଞ୍ଜି ଇ ସବୁ ବେରଣ୍ ଝେଚ୍‌ଚୁ ଝେଚ୍‌ଚୁ ଝିଜାରୁ ରିସା ଆତାର, ୨୯ ଆରେ ହେଝାର ନିକ୍‌ଜି ତାକେଇଁ
ଗାଡ଼୍‌ତାଂ ହପ୍‌ତାତାର ଆରି ହେଝାରୁତି ଗାଡ଼୍ ଇମ୍‌ଣି ମାଡ଼ି ଜପି ରଚ୍‌ତିମାଚାର, ହେ ଝେଡ଼ାଇଁ ଦାରିଆ
ବାହାତ ତାରେନ୍ ତୁଇଦେଇଁ ଇଞ୍ଜି ହେଝାନିଂ ହେବେ ଅଜି ହାଚାର; ୩୦ ମାତର୍ ଜିସୁ ହେଝାର ବିତ୍ରେ ହିଜି
ବୁଲାଆଜି ହାଚାନ୍ ।

ଜିସୁ ପୁଦାଆହ୍‌ୟାତି ମାନାୟତିଂ ଉଜ୍ କିତାନ୍
(ମାର୍କ ୧:୨୧-୨୮)

୩୧ ହେଝାନ୍ କପର୍‌ନାହୁମ୍ ତର୍‌ଦି ଗାଲିଲିତ ର ଗାଡ଼୍‌ପ ଝାତାନ୍, ଜମ୍‌ନିବାର ଝେଡ଼ାଇଁ ମାନାୟାରିଂ ହିକ୍ୟା
ହିକାୟ କିଦେଇଁ ଲାଗାତାନ୍, ୩୨ ଆରେ ହେଝାର ହେଝାନ୍‌ତି ହିକ୍ୟାତ କାବା ଆତାର, ଇନାକିଦେଂକି
ହେଝାନ୍ତି ବଚନ ଆଦିକାର ମେହା ମାଚାତ । ୩୩ ଦିନେକ୍ କୁଚ୍‌ଚାନ୍ ଇଞ୍ଜି ରଝାନ୍ ରାଡ଼ା ପୁଦା ଆହିୟା ଆତାକାନ୍
ମାଚାନ୍; ହେଝାନ୍ ଗାଜାକାଚ୍‌ତାଂ ହିର୍‌ବାତାନ୍, ୩୪ “ଆ, ନାଜରିତ୍‌ୟ ଜିସୁ, ମା ଲାହାଇଁ ମିଦାଇଁ ଇନାକା
ମାଚାତ ? ଏନ୍ କି ମାକେଇଁ ନସ୍ କିଦେଇଁ ଝାତାଇନା ? ଏନ୍ ଇନେର୍ ହେଦାଂ ଆନ୍ ପୁନାଇଁ; ଏନ୍ ଇସ୍‌ବର୍
ମାପୁତି ହେ ପୁଇପୁୟା ମାନାୟ ।”

୩୫ ଜିସୁ ହେଦେଲିଂ ଦାକା ହିଜି ଇଚାନ୍, “ଚିମ୍‌ରା ଆ, ଇବେଶ୍ଟାଂ ହସି ହାଲା ।” ହେବେଶ୍ଟାଂ ହେ ବୁଡ଼
ହେଝେନିଂ ଝିଜାରୁ ମୁମ୍‌ଦ ତୁହିଜି ହେଝାନ୍ତି ଇନାକା କସ୍ ହିଝାଦାଂ ହେଝାନ୍‌ତାଂ ହସି ହାଚାତ ।

୩୬ ଇବେଶ୍ଟାଂ ଝିଜାରୁ କାବା ଆଜି ହେଝେର୍ ହେଝାର ଝେଚ୍‌ପା ଆତାର, “ଇଦାଂ ଇନା ବେରଣ୍ ?
ହେଝାନ୍ ଆଦିକାର ସାକ୍ତିତାଂ ହେଝାନ୍ ବାନ୍‌ପା ଜିବୁନ୍‌ତିଂ ପା ବଲ୍ ହିନାନ୍, ଆରେ ହେଝାଇଁ ହିଜି ହାନିକ୍ ।”

୩୭ ହେବେଶ୍ଟାଂ ହେଝାନ୍ ବିସ୍ତେ ବେରଣ୍ ଚାରବେଶ୍‌ତାଂ ନାସ୍‌କୁକାଂ ଝିଣ୍ଡି ହାଚାତ ।

ଜିସୁ ବେସି ହେନିତିଂ ଉଜ୍ କିତାନ୍
(ମାଡ଼ିଉ ୮:୧୪-୧୭; ମାର୍କ ୧:୨୯-୩୪)

* ୪:୨୪ ୪:୨୪ ଜହନ୍ ୪:୪୪.

୩୮ ପାଚେ ଜିସୁ କୁଟୁମ୍ ଇଞ୍ଜ ନିଙ୍ଗି ସିମନାର ଇଞ୍ଜ ହାତାନ୍ । ସିମନ୍ ପଦାହିଙ୍ଗ ବେସି ନମେର୍ ଆଜି ମାଚାଡ଼, ଆରେ ହେଞ୍ଜାର ତା ବିସ୍ତେ ହେଞ୍ଜାନିଂ ଗଞ୍ଜାରି କିତାର । ୩୯ ହେବେଣ୍ଡା ହେଞ୍ଜାନ୍ ହେ ଲାଗାୟ ନିଲ୍ଡି ନମେର୍ଡିଂ ଦାକା ହିତାନ୍, ଆରି ହେଦେଲିଂ ନମେର୍ ପିସ୍ତାଡ଼, ପାଚେ ହେଦେଲ୍ ହେ ସାଙ୍ଗେ ସାଙ୍ଗେ ନିଙ୍ଗି ହେଞ୍ଜାର୍ଡି ହେବା କିଦେଙ୍ଗ ଲାଗାତାଡ଼ ।

୪୦ ଖେଡ଼ାହାନି ସମୁତ, ଇନେର୍ ଲାଗାଂ ବାର୍ବିନ୍ ରଗ୍ ଆତି ମାନାୟାର ମାଚାର, ହେଞ୍ଜାର୍ ଓଜାର ହେଞ୍ଜାରିଂ ଜିସୁ ଲାଗେ ତାଇଞ୍ଜାତାର ଆରି ହେଞ୍ଜାନ୍ ଓଜାର ମାନାୟାଜପି କେଇ ଇଡ଼ି ହେଞ୍ଜାରିଂ ଉଜ୍ କିତାନ୍ । ୪୧ ପାଚେ, ବୁଡ଼କୁପା କିକିରାତିଂ କିଜି କିଜି “ଏନ୍ ଇସ୍ବର୍ ମାଜି” ଇଞ୍ଜି ଖେନଞ୍ଜି ବେସି ଲଗାର୍ଡାଂ ହସି ହାତିକ୍ ଆରେ, ଜିସୁ ହେଞ୍ଜେରିଂ ଦାକା ହିଜି ବେରଣ୍ ଇଞ୍ଜେଙ୍ଗ ହିଞ୍ଜାତାନ୍, ଇନାକିଦେଂକି ହେଞ୍ଜାନ୍ ଜେ କ୍ରିସ୍ଟ, ଇଦାଂ ହେଞ୍ଜାଙ୍ଗ ପୁଞ୍ଜି ମାଚିକ୍ ।

ଗୁଡ଼ି ଇଞ୍ଜ ଜିସୁତି ସୁଶାୟ କିନାକା
(ମାର୍କ ୧:୩୫-୩୯)

୪୨ ନାଶାଙ୍ଗେ ଆନିହିଙ୍ଗ, ହେଞ୍ଜାନ୍ ଗାଡ଼ଦାଂ ହସି ର ଚିମ୍ବରା ବାହାତ ହାତାନ୍; ଆରି, ମାନାୟାର ତାକେ ହେଞ୍ଜାନିଂ ଦାସ୍ତେ ହେ ଲାଗେ ଖାତାର, ଆରେ ହେଞ୍ଜାନ୍ ଇନେସ୍ ହେଞ୍ଜାର୍ଡାଂ ହାଜେଙ୍ଗ ଆଡୁନ୍, ହେଦାଂ କାଜିଂ ହେଞ୍ଜାନିଂ ଟେବାୟ କିଦେଙ୍ଗ ସେସ୍ତା କିତାର । ୪୩ ମାଚର୍ ହେଞ୍ଜାନ୍ ହେଞ୍ଜାରିଂ ଇଚାନ୍, “ବିନ୍ ବିନ୍ ଗାଡ଼ଦ ପା ନାଙ୍ଗେଙ୍ଗ ଲଡ଼ା ମାପୁ ରାଜିନି ନେକ୍ରିକାବୁର୍ ସୁଶାୟ କିଦେଙ୍ଗ ଆନାଡ଼, ଇନାକିଦେଂକି ହେଦାଂ କାଜିଂ ଇସ୍ବର୍ ନାଙ୍ଗେଙ୍ଗ ପକ୍ତାତାନ୍ନା ।”

୪୪ ପାଚେ, ହେଞ୍ଜାନ୍ ଜିହୁଦା ଦେସ୍ନି କୁଟୁମ୍ ଇଞ୍ଜ ସୁଶାୟ କିଦେଙ୍ଗ ଲାଗାତାନ୍ ।



ଜିସୁ ପର୍ଡ଼ମ୍ ଟେଲାରିଂ କୁକ୍ତାନ୍
(ମାତିଉ ୪:୧୮-୨୨; ମାର୍କ ୧:୧୭-୨୦)

୧ *ଦିନେକ୍ ଜିସୁ ଗିନେସରଡ଼ ହମ୍ବୁର୍ ଗୁଡ଼ିତ ନିଲ୍ଡି ମାଚାନ୍; ଆରି ମାନାୟାର ଗହଲିତ ହେଞ୍ଜାନ୍ ଜପି ତବଗା ଆଜି ଇସ୍ବର୍ ମାପୁ ବଚନ୍ ଖେନଞ୍ଜି ମାଚାର, ୨ ଆରି, ହେଞ୍ଜାନ୍ ହାମ୍ବୁର୍ ଗୁଡ଼ିତ ରିଣ୍ଡାଂ ତଙ୍ଗାଙ୍ଗ ମାନାକା ହୁଡ଼ତାର; ମିନ୍କୁ ଆହ୍ନାକାର ହେବେଣ୍ଡାଂ ଜୁଜି ଜାଲ୍ ନୁସ୍ଦି ମାଚାର । ୩ ହେ ତଙ୍ଗାଙ୍ଗ ବିଡ୍ରେତାଂ ଇମ୍ପାକା ସିମନ୍ତି ମାଚାଡ଼, ହେବେ ହେଞ୍ଜାନ୍ ଦୁମ୍ବି ମେଦ୍ନିତାଂ ଅଲପ୍ ଦେହା ହାଜେଙ୍ଗ ଇଞ୍ଜି ହେଞ୍ଜାନିଂ ଗଞ୍ଜାରି କିତାନ୍; ଆରେ, ହେଞ୍ଜାନ୍ କୁଡ଼ି ତଙ୍ଗାତାଂ ହେନି ମାନାୟାରତ ହିକ୍ୟା ହିଦେଂ ଲାଗାତାନ୍ ।

୪ ଜିସୁ ବେରଣ୍ ଓସ୍ତି ସିମନ୍ତିଂ ଇଚାନ୍, “ଏଜୁଂ ବିଡ୍ରେ ହାଲ୍ଜି ମିନ୍କୁ ଆସ୍ତେଙ୍ଗ ଇଞ୍ଜି ମିଞ୍ଜାଙ୍ଗ ଜାଲ୍ ଇଡ଼ାଡ଼ ।”

୫ *ଇବେଣ୍ଡାଂ ସିମନ୍ ଉତର୍ ହିତାନ୍, “ଏ ଗୁରୁ, ଆପେଂ ହାର୍ତାନାଶା କାମାୟ କିଜି ଇନାକା ଆହ୍ୱାତାମ୍; ମାଚର୍ ନି କାତାତାଂ ଆନ୍ ଜାଲ୍ ଇଡ଼ନାଙ୍ଗା ।” ୬ *ଆରି, ହେଞ୍ଜାର୍ ହେଦାଂ ଇଡ଼ି ବେସି ମିନ୍କୁ ଆସ୍ତାର, ପାଚେ ହେଞ୍ଜାର୍ଡି ଜାଲ୍ ନାଡ଼ବେଦେଂ ଲାଗାତାଡ଼ । ୭ ହେବେଣ୍ଡାଂ ହେଞ୍ଜାର୍ ଇମ୍ପାଣି ତା ହାଙ୍ଗଦାକାର ମାଚାର୍ ଅଲଗା ତଙ୍ଗାତାକେ ମାଚାର, ହେଞ୍ଜାର୍ ଇନେସ୍ ଖାଜି ହାଙ୍ଗ କିତାର, ଇଦାଂ କାଜିଂ ହେଞ୍ଜାର୍ ହେଞ୍ଜାରିଂ କୁକ୍ତାର । ଇବେଣ୍ଡାଂ ହେଞ୍ଜାର୍ ଖାଜି ରିଣ୍ଡାଂ ତଙ୍ଗାକାଂ ଏଲେଙ୍ଗ୍ ବାଡ଼ି କିତାର୍ ଜେ, ହେଞ୍ଜାଙ୍ଗ ମୁଞ୍ଜିନି ଲାକେ ଆତାଡ଼ । ୮ ମାଚର୍ ସିମନ୍ ପିତର୍ ଇଦାଂ ହୁଡ଼ି ଜିସୁଙ୍ଗ କାଲ୍କୁ ତାରେନ୍ ଦାଣ୍ଡହାଣ୍ ମାଗ୍ଜି ଇଚାନ୍, “ଏ ମାପୁ ନା ଲାଗେତାଂ ହାଲା, ଲାଗିଂ ଆନ୍ ରଞ୍ଜାଙ୍ଗ ପାପି ମାନାୟ ।”

୯ ଇନାକିଦେଂକି ହେଞ୍ଜାର୍ ହେ ବାହାତ ଏଚେକ୍ ମିନ୍କୁ ଆସ୍ତାର୍ ଜେ ହେଦାଂ ହୁଡ଼ି ହେଞ୍ଜାନ୍ ଆରେ ତା ହାଙ୍ଗଦାକାର କାବା ଆତାର୍ । ୧୦ ଆରି, ଜେବ୍ଦିର୍ନି ରିୟାର୍ ମାଜି ମାଚାର୍ ଜାକୁବ୍ ଆରି ଜହନ୍, ଇମ୍ପାକାର୍ କି ସିମନ୍ତିଂ ମେହାୟକିଜି ମାଚାର୍, ହେଞ୍ଜାର୍ ବିଡ୍ରେ ହେ ଲାକେ କାବା ଆତାର୍ । ଆରେ, ଜିସୁ ସିମନ୍ତିଂ ଇଚାନ୍, “ପାଣ୍ଡା ଆମା, ଆନ୍ ମିଙ୍ଗେଙ୍ଗ ମାନାୟ ଆହ୍ନାକା ହିକାକ କିଦ୍ନାଙ୍ଗ ।”

୧୧ ହେବେଣ୍ଡାଂ ହେଞ୍ଜାର୍ ତଙ୍ଗାଙ୍ଗ ଗୁଡ଼ିତ ତାସି ଓଜୁ ପିସ୍ତି ଜିସୁ ପାଚେ ପାଚେ ହାଚାର୍ ।

ଜିସୁ ର ଗାଜା ରଗିଙ୍ଗ୍ ଉଜ୍ କିତାନ୍
(ମାତିଉ ୮:୧-୪; ମାର୍କ ୧:୪୦-୪୫)

୧୨ ରଗ ଜିସୁ ଗାଡ଼ଦ ମାନି ସମୁତ, ହୁଡ଼ା, ଗାଜାରଗ୍ କାଚାକାନ୍ ହେ ବାହାତ ମାଚାନ୍; ହେଞ୍ଜାନ୍ ଜିସୁଙ୍ଗ୍ ହୁଡ଼ି ମୁମ୍ ତାରେନ୍ କିଜି ତାଙ୍ଗେଙ୍ଗ ଗଞ୍ଜାରି କିଜି ଇଚାନ୍, “ଏ ମାପୁ ଏନ୍ ଜଦି ଇଚା କିନାୟ, ତା ଆତିସ୍ ନାଙ୍ଗେଙ୍ଗ ସକଟ୍ କିଦେଙ୍ଗ ଆଡ଼ଦାନାୟ ।”

☆ ୫:୧ ୫:୧ ମାତିଉ ୧୩:୧,୨; ମାର୍କ ୩:୯,୧୦; ୪:୧. ☆ ୫:୫ ୫:୫ ଜହନ୍ ୨୧:୩. ☆ ୫:୭ ୫:୭ ଜହନ୍ ୨୧:୭.

୧୩ ହେବେଣ୍ଡା ହେୱାନ୍ କେଇ ଲାମାୟ କିଜି ହେୱାନ୍ ତୁବିସ୍ ଇଚାନ୍, “ଆନ୍ ଇଚା କିନାଙ୍ଗା, ସକଟ୍ ଆ ।” ହେ ଦାପ୍ରେ ଗାଜାରଗ୍ ତା ତାକେଣ୍ଡା ଦେହା ଆତାଡ୍ । ୧୪ ଆରେ, ଜିସୁ ତାଙ୍ଗେଙ୍ଗ୍ ବଲ୍ ହିଜି ଇଚାନ୍ ଇନେରିଂପା ଖେଚ୍ଚମା, ମାତର୍ “ହାଲ୍ଲି ମାପୁହେବାକିନାକାନିଂ ତାକେ ହାଲା ନିଜେ ଚର୍ଯ୍ୟା, ଆରି ମସାତି ବଲ୍ ଇସାବ୍ରେ ଜାର୍ତି ନିର୍ମାଲ୍ ଲାକେ ହେୱାର୍ ଲାଗାଂ ସାକି ହିନି କାଜିଂ ପୁଜା କିୟା ।”

୧୫ ମାତର୍ ହେୱାନ୍ତ ବେଣ୍ଡା କାତା ଆରି ବେସି ଖିଣିତାଡ୍, ଆରି ବେସି ମାନାୟାର୍ ଖେଞ୍ଜେଙ୍ଗ୍ ଇଞ୍ଜି ଆରେ ଜାର୍ ଜାର୍ ରଗ୍ତାଂ ଉଜ୍ ଆଦେଂ ଇଞ୍ଜି ରୁଣ୍ଡା ଆଦେଂ ଲାଗାତାର୍; ୧୬ ମାତର୍ ହେୱାନ୍ ଚିମ୍ବରା ବାହାକାଂ ମାନ୍ଞି ପାର୍ତାନା କିଜି ମାଚାନ୍ ।

ଜିସୁ ର ହିରକଲ୍‌ରଗିଂ ଉଜ୍ କିତାନ୍
(ମାତିଉ ୯:୧-୧୮; ମାର୍କ ୨:୧-୧୨)

୧୭ ଦିନେକ୍ ଜିସୁ ହିକାୟ କିଜି ମାଚାନ୍, ଆରି ଗାଲିଲିନି ସବୁ ନାସ୍କୁ, ଆରେ ଜିହୁଦା ଦେସ୍ ଆରେ ଜିରୁସାଲମତାଂ ଖାନାକାରିଂ ପାରୁସି ଆରେ ମସାତି ବିଦି ଗୁରୁର୍ ଲାଗେନେ କୁଚ୍ଚି ମାଚାଡ୍ । ଆରି, ହେୱାନ୍ ଇନେସ୍ ରଗିଂ ଉଜ୍ କିନାନ୍, ଇଦାଂ କାଜିଂ ମାପୁତି ସାଲ୍ଲି ହେବେ ମାଚାଡ୍ । ୧୮ ଆରେ ହୁଡାଟ୍, କେତେକ୍ ଲଗୁ ର ପାକା ଖାଚ୍‌ୟାତି ରଗି ମାନାୟତିଂ କାଚେଲ୍‌ତ ପିଣ୍ଡୁଜି ତାସି ବିତ୍ରେ ଅଦେଂ କାଜିଂ ଆରି ଜିସୁଙ୍ଗ୍ ମୁମଦ ଇଡ୍‌ଦେଂ କାଜିଂ ସେସୁ କିଜି ମାଚାଡ୍ । ୧୯ ମାତର୍ ବିଡ୍ ଲାଗିଂ ତାଙ୍ଗେଙ୍ଗ୍ ବିତ୍ରେ ଅଦେଂ କାଜିଂ ହାଜି ଗାଟାଖାତିଲେ ହେୱାର୍ ଇଲ୍ ଚାଉଣି ହାଲ୍ଲି ଜେଗନ୍ ଜେସ୍‌ସି କାଚେଲ୍ ହୁକେ ତାଙ୍ଗ୍ ମାଦ୍‌ଣି ବାହାତ ଜିସୁ ମୁମଦ ଜୁଡ୍‌ତାର୍ । ୨୦ ହେୱାନ୍ ହେୱାର୍ ପାଚ୍ କିନାକା ହୁଡ୍‌ଜି ଇଚାନ୍, “ଏ ମାନାୟ, ନି ଖିଜୁ ପାପ୍ କେମା କିୟା ଆତାଡ୍‌ନା ।”

୨୧ ହେବେ ସାସ୍ତିର୍ ଆରି ପାରୁସିର୍ ଜାର୍ ଜାର୍ ବିତ୍ରେ ଏଲେଙ୍ଗ୍ ଇଞ୍ଜେଙ୍ଗ୍ ଲାଗାତାର୍, ଇଞ୍ଜାନ୍ ଜେ ଇସ୍‌ବୁର୍ ନିନ୍ଦା କିନାନ୍, “ଇଞ୍ଜାନ୍ ଇନାକାନ୍ ? କେବଲ୍ ଇସ୍‌ବୁର୍ ପିସ୍ତି ଆରେ ଇନେର୍ ପାପ୍ କେମା କିଦେଙ୍ଗ୍ ଆଡ୍‌ଦାନାନ୍ ?”

୨୨ ମାତର୍ ଜିସୁ ହେୱାର୍‌ତି କାତାବାର୍ତା ପୁଞ୍ଜି ହେୱାରିଂ ଉତର୍ ହିତାନ୍, “ଏପେଙ୍ଗ୍ ଜାର୍ ଜାର୍ ମାନ୍ତ ଇନାକା କାତାବାର୍ତା କିନାଦେରା ? ୨୩ ଇନାକା ଆଡ୍‌ଖା ? ନି ଖିଜୁ ପାପ୍ ସବୁ କେମା କିୟା ଆତାଡ୍ ଇଞ୍ଜି ଇନାକା, କି ନିଙ୍ଗା, ତାଙ୍ଗା ଇଞ୍ଜି ଇନାକା ?” ୨୪ ମାତର୍ ପୁଚ୍‌ତ ପାପ୍ କେମା କିଦେଙ୍ଗ୍ ମାନାୟ ମାଜିତି ଆଦିକାର୍ ମାନାଡ୍, ଇଦାଂ ଇନେସ୍ ଏପେଙ୍ଗ୍ ପୁନାଦେର୍ ଇଦାଂ କାଜିଂ ହେୱାନ୍ ହିରକଲ୍‌ଇଡ୍‌ୟାତି ରଗିଂ ଇଚାନ୍, “ଆନ୍ ନିଙ୍ଗ୍ ଇଞ୍ଜିନାଙ୍ଗା, ନିଙ୍ଗା, ନି କାଚେଲ୍ ଆସ୍ତି ଜାର୍ ଇଞ୍ଜି ହାଲା ।”

୨୫ ହେବେତାଂ ହେୱାନ୍ ଦାପ୍ରେ ହେୱାର୍ ମୁମଦ ନିଙ୍ଗ୍‌ଜି, ଇମ୍‌ଣି କାଚେଲ୍ ଜପି ହେୱାନ୍ ହୁନ୍‌ଜି ମାଚାନ୍, ହେଦାଂ ଅଜି ଗାଜା ଇସ୍‌ବୁଚ୍ କେରଜି କିଜି କିଜି ଜାର୍ ଇଞ୍ଜି ହାଚାନ୍ । ୨୬ ହେବେ ଖିଜାକାର୍ କାବା ଆଜି ଇସ୍‌ବୁଚ୍ କେରଦେଙ୍ଗ୍ ଲାଗାତାର୍ ଆରି ବେସି ପାଣ୍ଡା ଆଜି ଇଚାଡ୍, “ନେଞ୍ଜେଙ୍ଗ୍ ଆପେଙ୍ଗ୍ କି କାବାଆନି ଗର୍‌ଣା ହୁଡ୍‌ତାପ୍ !”

ଜିସୁ ଲେବିଙ୍ଗ୍ କୁଚ୍‌ତାନ୍
(ମାତିଉ ୯:୯-୧୩; ମାର୍କ ୨:୧୩-୧୭)

୨୭ ଇବେଣ୍ଡା ଜିସୁ ହସି ହାଲ୍ଲି ଲେବି ତର୍‌ଦାକାନ୍ ରଞ୍ଜାନ୍ ସିସ୍‌ସୁନ୍‌ନାକାନ୍ ଏନି ବାହାତ କୁଚ୍‌ଚି ମାନାକା ହୁଡ୍‌ଜି ତାଙ୍ଗ୍ ଇଚାନ୍, “ନା ପାଚେ ଖା ।” ୨୮ ହେବେଣ୍ଡା ଲେବି ଖିଜୁ ପିସ୍ତି ନିଙ୍ଗ୍‌ଜି ତା ପାଚେ ହାଞ୍ଜେଙ୍ଗ୍ ଲାଗାତାନ୍ ।

୨୯ ଆରେ, ଲେବି ଜାର୍ ଇଞ୍ଜି ହେଦାଂ କାଜିଂ ର ଗାଜାବଜି କିତାନ୍, ଆରେ ବେସି ହେନି ସିସ୍‌ସୁନ୍‌ନାକାର୍ ଆରି ବିନ୍ ବିନ୍ ଲକୁ ହେୱାର୍ ହୁକେ ଚିଞ୍ଜେଙ୍ଗ୍ କୁଚ୍‌ଚାର୍ । ୩୦ ହେବେଣ୍ଡା ପାରୁସିର୍ ଆରି ହେୱାର୍ କୁଦାନି ସାସ୍ତିର୍ ତା ଚେଲାର୍ ବିରୁଡ୍‌ତାଂ ଇଞ୍ଜେଙ୍ଗ୍ ଲାଗାତାର୍, “ଏପେଙ୍ଗ୍ ଇନେକିଦେଂ ସିସ୍‌ସୁନ୍‌ନାକାର୍ ଆରି ପାପିୟାର୍ ହୁକେ ତିନାଉଣା କିନାଦେରା ?”

୩୧ ଜିସୁ ହେୱାରିଂ ଉତର୍ ହିତାନ୍, “ଉଜ୍ ଆତାକାର୍ ତାକେ ତାଲ୍‌ରତିଂ ଲଡା ଆକାୟ, ମାତର୍ ଉଜ୍ ଆଖାତାକାରିଂ ଲଡା ମାନାଡ୍ । ୩୨ ଆନ୍ ଦାମ୍ ଲଗାଙ୍ଗ୍ କୁଚ୍‌ତେଂ ଇଞ୍ଜି ଖାଖାତାଂନା, ମାତର୍ ମାନ୍‌ବାଦ୍‌ଲାୟ କିନି କାଜିଂ ପାପିୟାରିଂ କୁଚ୍‌ତେଂ ଖାତାଂନା ।”

ଉପାସ୍ କିନି ବିସ୍ତେ ପର୍‌ସନ୍
(ମାତିଉ ୯:୧୪-୧୭; ମାର୍କ ୨:୧୮-୨୨)

୩୩ କେତେଜାଣ୍ ଜିସୁଙ୍ଗ୍ ଇଚାଡ୍, “ଜହନ୍‌ତି ଚେଲାର୍ ଚାଣେକ୍‌ତିଂ ଚାଣେକ୍ ଉପାସ୍ ଆରି ପାର୍ତାନା କିତାର୍, ପାରୁସିର୍ ଚେଲାର୍ ପା ହେ ଲାକେ କିତାର୍, ମାତର୍ ନି ଚେଲାର୍ ତିନାଉଣା କିତାର୍ ।”

୩୪ ହେବେଣ୍ଡା ଜିସୁ ହେଖେରିଂ ଇଚାନ୍, “ବିବା ଇଞ୍ଜି ଖାତାକାର୍ ବିବାଦାଂଶେନ୍ ମାନି ଖେଡାଲିଂ ଏପେଙ୍ଗ୍ କି ହେଖାରିଂ ଉପାସ୍ କିଇକିଦେଂ ଆଡ଼ନାଦେର୍ ? ମୁଡ଼କେ ଆକାୟ୍ ୩୫ ମାତର୍ ସମୁ ଖାନାଡ଼; ଏଚେକାଡ଼ଦ ହେଖେରତାଂ ବିବାଦାଂଶେନିଂ ନିକ୍ତି ଅନାର୍, ହେ ପାଦନା ହେଖାଡ଼ାଂ ହେଖାର୍ ଉପାସ୍ କିତାର୍ ।”

୩୬ ଆରେ, ହେଖାନ୍ ହେଖେରିଂ ର ଉତ୍ତରମୁଡ଼ ଇଚାନ୍, “ଇନେର୍ ପୁନି ହେନ୍ଦାତାଂ ପୁନି ହେନ୍ଦାତ ଇଚୁନ୍; ଇଚ୍ତିସ୍ ହେ ପୁନି ହେନ୍ଦାତିଂ କେଚ୍ତି ଅନାଡ଼, ଆରେ ପୁନିହେନ୍ଦା ପୁନି ହେନ୍ଦା ହୁକେ ମିହାଆଡ଼ । ୩୭ ଆରେ, ଇନେର୍ ପୁନି ଅଙ୍ଗୁର୍ ରାସ୍ ପୁନି ତଲ୍ ମଣାତ ଇଚୁନ୍; ଇଚ୍ତିସ୍ ପୁନି ଅଙ୍ଗୁର୍ ରାସ୍ ମଣାତିଙ୍ଗ୍ ପାଟନାଡ଼, ଆରେ ମଣା ନସ୍ ଆନାଡ଼ । ୩୮ ମାତର୍ ପୁନି ଅଙ୍ଗୁର୍ ରାସ୍ ପୁନି ମଣାତ ଇଚ୍ଚନାକା ମାନାଡ଼ । ୩୯ ଆରେ, ଇନେର୍ ପୁନି ଅଙ୍ଗୁର୍ ରାସ୍ ଉଶ୍ତି ପୁନି ଅଙ୍ଗୁର୍ ରାସ୍ ଉଶ୍ତିଙ୍ଗ୍ ମାନ୍ କିତର୍, ଇନାକିଦେଂକି ହେଖାନ୍ ଇନାନ୍, ପୁନାକା ନେ ହାର୍ ।”



ଜିସୁ ବିଚାର ନାଞ୍ଜିଙ୍ଗ୍ନି ପର୍ସନ୍
(ମାତିଉ ୧୨:୧-୮; ମାର୍କ ୨:୨୩-୨୮)

୧ ରଗ ଜମ୍ନିବାର୍ ନାଜିଂ ଜିସୁ ତାସ୍ତୁମି ହିଜି ହାଲ୍ଲଜି ମାନି ଖେଡାଲିଂ ତା ଚେଲ୍ଲାହିର୍ ତାସ୍ନି ଜିକି ନାଡ଼ଚି ନାଡ଼ଚି କେଇଦ ରାମ୍ପଦାୟ୍ କିଜି ତିଞ୍ଜି ମାଚାର୍ । ୨ ମାତର୍ ପାରୁସିର୍ ବିତ୍ତେ କେତେକ୍ ଇଚାର୍, “ଜମ୍ନିବାର୍ତ ଇନାକା କିନାକା ବିଦି ହିଲ୍ଲୁଡ଼, ହେଦାଂ ଏପେଙ୍ଗ୍ ଇନେକିଦେଂ କିନାଦେରା ?”

୩ ଜିସୁ ହେଖାରିଂ ଉତ୍ତର୍ ହିତାନ୍, “ଦାଉଦ୍ ଆରି ତା ମାନାୟାର୍ ନାସ୍କି ମାନି ଖେଡାଲିଂ ଇନାକା କିଜି ମାଚାନ୍, ହେଦାଂକି ଏପେଙ୍ଗ୍ ପଡ଼ି କିଖାତାଦେଣ୍ଡା ? ୪ ଦାଉଦ୍ ଇନେସ୍ ଇସ୍ବର୍ ଇଞ୍ଜି ହଶ୍ତି, ଇମ୍ଣି ଦର୍ସନି ରୁଚି କେବଲ୍ ମାପୁହେବାକିନାକାର୍ ପିସ୍ତି ଆରେ ଇନେର୍ ଚିଞ୍ଜେଙ୍ଗ୍ ବିଦି ହିଲ୍ଲୁଡ଼, ହେଦାଂ ଅଜି ତିଞ୍ଜି ମାଚାର୍, ଆରେ ଜାର୍ ହାଙ୍ଗ୍ଦାକାରିଂ ପା ହିଜି ମାଚାନ୍ ।”

୫ ଆରେ, ହେଖାନ୍ ହେଖାରିଂ ଇଚାନ୍, “ମାନାୟ୍ ମାଜି ଜମ୍ନିବାର୍ ନାଜିଂ ପା ମାପୁ ଆନାନ୍ ।”

ଜିସୁ ଜମ୍ନିବାର୍ ର ରଗିଂ ଉଜ୍ କିତାନ୍
(ମାତିଉ ୧୨:୯-୧୪; ମାର୍କ ୩:୧-୬)

୬ ତାଖାନ୍ ଆରେ ର ଜମ୍ନିବାର୍ ନାଜିଂ କୁଚୁମ୍ ଇଞ୍ଜି ହଶ୍ତି ହିକାୟ୍କିଜି ମାଚାନ୍; ହେବେ ରକାନ୍ ମାନାୟ୍ ମାଚାନ୍, ହେ ବୁଜ୍ଣି କେଇ ଖାଜ୍ଜି ହାଲ୍ଲଜି ମାଚାଡ଼ । ୭ ଆରେ, ହେଖାନ୍ ଇନେସ୍କି ଜମ୍ନିବାର୍ତ ଉଜ୍ କିନାନ୍, ଇଦାଂ ହୁଡ଼ଦେଂ କାଜିଂ ସାସ୍ତିର୍ ଆରି ପାରୁସିର୍ ତାଙ୍ଗ୍ ଇଚ୍ଚକାଡ଼ କିଜି ଚେବା ଆତାର୍, ଇନେସ୍ ହେଖାର୍ ହେଖାନ୍ ବିରୁଦ୍ଦତ ଦାବା କିଦେଙ୍ଗ୍ ଆଡ଼ନାର୍ । ୮ ମାତର୍ ହେଖାନ୍ ହେଖାର୍ ମାନିନି ଏଡ଼ ପୁଞ୍ଜି, ଇମ୍ଣି ମାନାୟ୍ତିଂ କେଇ ଖାଜ୍ଜି ମାଚାଡ଼, ତାଙ୍ଗେଙ୍ଗ୍ ଇଚାନ୍, “ନିଙ୍ଗା, ମାଦି ନିଲା । ଆରେ, ହେଖାନ୍ ନିଙ୍ଗ୍ଜି ନିଲ୍ତାନ୍ ।” ୯ ହେବେ ଜିସୁ ହେଖାରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ଖେନ୍ଦାଦନାଙ୍ଗା, ଜମ୍ନିବାର୍ ଇନାକା କିନାକା ବିଦି ହାର୍ କିନାକା କି ବାନ୍ୟା କିନାକା ? ଜିବୁନ୍ ରାକ୍ୟା କିନାକା କି ନସ୍ କିନାକା ?” ୧୦ ଆରେ, ହେଖାନ୍ ଚାରିବେଶ୍ତାଂ ଖିଜାକାରିଂ ହୁଡ଼ଜି ତାଙ୍ଗ୍ ଇଚାନ୍, “ନି କେଇ ଲାମାୟ୍କିଦା ।” ହେବେ ହେଖାନ୍ ହେଦାଂ କିତାନ୍, ଆରେ ତା କେଇ ହାରା ଆତାଡ଼ ।

୧୧ ମାତର୍ ହେଖାର୍ ରିସା ଆଜି ବାଟ୍ ହାଲ୍ଲଜି, ଆରେ ଜିସୁଙ୍ଗ୍ ବେରୁତାଂ ଇନେସ୍ କିତିସ୍ ଆଡ଼ନାର୍,* ହେ ବିସ୍ତେ ହେଖାର୍ ହେଖେର୍ କାତାବାଟା କିଦେଙ୍ଗ୍ ଲାଗାତାର୍ ।

ଜିସୁ ବାର ଚେଲ୍ଲାରିଂ ବାଟିକିତାନ୍
(ମାତିଉ ୧୦:୧-୪; ମାର୍କ ୩:୧୩-୧୯)

୧୨ ହେଖାଡ଼ାଂ ହେଖାନ୍ ଦିନେକ୍ ପ୍ରାର୍ଥନା କିଦେଙ୍ଗ୍ ଇଞ୍ଜି ମାଡ଼ିତ ହାଚାନ୍, ଇସ୍ବର୍ ତାକେ ପାର୍ଥନା କିଜି କିଜି ହାର୍ଥନାଶା ମାଚାନ୍ । ୧୩ ଅଜଡ଼୍ ଆତିଲେ, ହେଖାନ୍ ହେ ଚେଲ୍ଲାରିଂ ଲାଗେ କୁକ୍ତି ହେଖାର୍ ବିତ୍ତେ ବାର ଜାଶ୍ତିଂ ବାଟି କିତାନ୍; ହେଖାନ୍ ପକ୍ୟାତାକାର୍ ତର୍ ଇଡ଼ତାନ୍; ୧୪ ହେଖାର୍ ଆତାର୍ ସିମନ୍, ଇନେରିଂ ହେଖାନ୍ ପା ପିତର୍ ତର୍ ଇଡ଼ତାନ୍, ଆରି ହେ ଟଣ୍ଡୁହି ଆହିୟ୍, ଜାକୁବ୍ ଆରି ଜହନ୍, ପିଲିପ୍ ଆରି ବାଟ୍ଲମି, ୧୫ ମାତିଉ ଆରି ତମା, ଆଲପିତି ମାଜି ଜାକୁବ୍ ଆରି ସିମନ୍, ଇନେରିଂ ମୁମ୍ଅଜଡ଼ ଇନାର୍, ୧୬ ଜାକୁବ୍ତି ମାଜି ଜିହୁଦା ଆରି ଇସ୍ବାରିୟ୍ତିୟ୍ ଜିହୁଦା, ଇନେର୍ ଜିସୁଙ୍ଗ୍ ସାତୁ କେଇଦ ହେଲ୍ଲାୟ୍ କିତାନ୍ ।

ଜିସୁ ହିକ୍ୟା ହିତାନ୍ ଆରି ଉଜ୍ କିତାନ୍
(ମାତିଉ ୪:୨୩-୨୫)

* ୬:୧୧ ୬:୧୧ ଇଚାର୍; କେତେକ୍ ପଡ଼ିତ ରିସାତାଂ ଇଚାକା ମାନାଡ଼

୧୭ ଆରେ, ହେୱାନୁ ହେୱାରୁ ହୁକେ ମାଡ଼ିତାଂ ଜୁଜି ୱାତାର ସାରିୟା ବାଗାତ ନିଲୁତାରୁ, ଆରେ ତା ବେସିହେନି ଚେଲାରୁ ଆରି ୱିଜାରୁ ଜିହୁଦା ରାଜି ଜିରୁସାଲମ୍ ଆରେ ହାମ୍‌ଦୁର୍ ଗୁଟିତମାନି ସର ଆରି ସିଦନ୍ ଗାଡ଼ତାଂ ବେସିହେନି ତା ଲାଗେ ଏକାୱାତାରୁ; ୧୮ ହେୱାରୁ ହେ ବେରଣ୍ ଝେଝେଙ୍ଗ୍ ଆରି ଜାରୁ ଜାରୁ ରଗତାଂ ଉଜ୍ ଆଦେଂ ୱାତାରୁ, ଆରେ ଇମ୍‌ଶାକାରୁ ବାନ୍ୟା ଜିରୁନ୍‌କାଂ ତାଙ୍ଗ୍ କସ୍ ପାୟା ଆଜି ମାଚାରୁ, ହେୱାରୁ ଉଜ୍ କିୟାଆତାରୁ; ୧୯ ଆରେ ଲକୁ ତାଙ୍ଗ୍ ତୁଦେଂ ଇଞ୍ଜି ସେସ୍ଟା କିଜି ମାଚାରୁ, ଇନାକିଦେଂକି ତା ତାକେଣ୍ଟା ସାକ୍ତି ହସି ୱିଜାକାରିଂ ଉଜ୍ କିଜି ମାଚାଡ଼ ।

ଆସିର୍ବାଦ୍ ଆରି ଦୁକ୍
(ମାଡ଼ିଉ ୫:୧-୧୨)

୨୦ ହେ ୱେଡ଼ାଙ୍ଗ୍ ହେୱାନୁ ଜାରୁ ଚେଲାରୁ କାଜିଂ ହୁଡ଼୍‌ଜି ଇଚାନୁ,
“ହିଲୁଝି କାକୁଲୁତି ଲଗୁ ଜେ ଏପେଙ୍ଗ୍, ଏପେଙ୍ଗ୍ ଦନ୍‌ୟ,
ଇନାକିଦେଂକି ଇସ୍‌ତ ରାଜି ମିଦାଙ୍ଗ୍ ।”

୨୧ “ନଙ୍ଗ୍ ନାସ୍‌କି ଜେ ଏପେଙ୍ଗ୍, ଏପେଙ୍ଗ୍ ଦନ୍‌ୟ,
ଇନାକିଦେଂକି ଏପେଙ୍ଗ୍ ପାଞ୍ଚାନ୍ନାଦେର୍ ।”

“ନଙ୍ଗ୍ ଆଡ଼୍‌ବାନାଦେର୍ ଜେ ଏପେଙ୍ଗ୍, ଏପେଙ୍ଗ୍ ଦନ୍‌ୟ,
ଇନାକିଦେଂକି ଏପେଙ୍ଗ୍ ଗ୍ଲୁଇନାଦେର୍ ।”

୨୨ ☆ “ମାନାୟାରୁ ଏଚେକାଡ଼୍‌ଦ ମିଙ୍ଗେଙ୍ଗ୍ ଗିଶ୍‌କିଦ୍‌ନାରୁ ଆରି ମାନାୟ ମାଜି କାଜିଂ ବିନେ କିଦ୍‌ନାରୁ, ଆରେ ନିନ୍‌କିଦ୍‌ନାରୁ ଆରି ମି ତରଦିଂ ବାନ୍ୟା ଇଞ୍ଜି ମୁନାକିନାରୁ, ତେବେ ଏପେଙ୍ଗ୍ ଦନ୍‌ୟ । ୨୩ ହେ ଦିନ୍ ୱାରି କିଜି ଏନ୍‌ାଟ୍, ଇନାକିଦେଂକି ହୁଡ଼ାଟ୍, ସାଗେଟ୍ ମିଦାଂ ଇନାମ୍ ଜବରୁ; ଆରେ, ହେ ଲାକେ ତ ହେୱାରୁ ଆବାନି ଲାତ୍ରାରୁ ବେଶ୍‌ବାକ୍‌ଶାୟକିନାକାରୁ କାଜିଂ କିଜି ମାଚାରୁ ।”

୨୪ “ମାତରୁ ହାୟ, ତାଣ୍ଟ ପାୟା ଆନି ମାଜାନୁ ଜେ ଏପେଙ୍ଗ୍,
ଇନାକିଦେଂକି ଏପେଙ୍ଗ୍ ଜାରୁ ଜାରୁ ସୁକ୍ ପାଇ କିନାଦେରା ।”

୨୫ “ହାୟ, ତାଣ୍ଟି କାଜିଂ ନେଜେଝିଗା ପାଞ୍ଚାଦେର୍ଣ୍ଣା ଜେ ଏପେଙ୍ଗ୍,
ଇନାକିଦେଂକି ଏପେଙ୍ଗ୍ ନାସ୍‌କି ଆନାଦେର୍ ।”

“ହାୟ, ତାଣ୍ଟ ପାୟା ଆନାଦେର୍ ନେଜେଝିଗା ଗ୍ଲୁଇନାଦେର୍ ଜେ ଏପେଙ୍ଗ୍,
ଇନାକିଦେଂକି ଏପେଙ୍ଗ୍ ଦୁକ୍ ଆରି ଆଡ଼୍‌ବାନାଦେର୍ ।”

୨୬ “ଏଚେକାଡ଼୍‌ଦ ୱିଜାରୁ ଲକୁ ମି ତର ଉପ୍‌ନାରୁ, ହେ ଏଚେକାଡ଼୍‌ଦ ହାୟ, ଏପେଙ୍ଗ୍ ତାଣ୍ଟ ପାୟାନି ଲଗୁ; ହେ ଲାକେ ତ ହେୱାରୁତି ଆବା ଲାତ୍ରାରୁ ଚାକ୍ରାୟ ବେଶ୍‌କିନାକାରୁ କାଜିଂ କିଜି ମାଚାରୁ ।”

ବେରିୟାରିଂ ଜିଉନଝାଟ୍
(ମାଡ଼ିଉ ୫:୩୮-୪୮; ୬:୧୨)

୨୭ “ମାତରୁ ୱେନାଦେରା ଜେ ଏପେଙ୍ଗ୍, ମିଙ୍ଗେଙ୍ଗ୍ ଆନୁ ଇଞ୍ଜିନାଙ୍ଗା, ମି ସାତୁରିଂ ୱାରି କିୟାଟ୍; ଇମ୍‌ଶାକାରୁ ମିଙ୍ଗେଙ୍ଗ୍ ନିନ୍‌ା କିଦ୍‌ନାରୁ, ହେୱେରିଂ ଜିଉନଝାଟ୍; ୨୮ ଇମ୍‌ଶାକାରୁ ମିଙ୍ଗେଙ୍ଗ୍ ରାଣ୍ଟ ହିଦ୍‌ନାରୁ, ହେୱେରିଂ ଆସିର୍ବାଦ୍ କିୟାଟ୍; ଇମ୍‌ଶାକାରୁ ମିଙ୍ଗେଙ୍ଗ୍ ହିନସ୍ତା କିଦ୍‌ନାରୁ, ହେୱାରୁ କାଜିଂ ପାର୍ତାନା କିୟାଟ୍ । ୨୯ ଇନେର୍ ନିଙ୍ଗେଙ୍ଗ୍ ର କୁର୍‌ଝାତ ଚାପଡ଼ା ଇଡ଼ିଦାନାରୁ, ହେଦାଂ କାଜିଂ ଅଲ୍‌ଗା କୁର୍‌ଝା ଚତା; ଆରେ, ଇନେର୍ ନି ହେନ୍ଦ୍ରା ଅନାରୁ, ହେଦାଂ ନି ଉସ୍‌ପାନାକା ପା ଅଦେଂ ମୁନା କିମାଟ୍ । ୩୦ ଇନେର୍ ନିଙ୍ଗେଙ୍ଗ୍ ଏନ୍ତାନାରୁ, ତାଙ୍ଗେଙ୍ଗ୍ ହିୟାଟ୍; ଆରେ ଇନେର୍ ନି ଦାନ୍ ଅନାରୁ, ତାତାକେଣ୍ଟାଙ୍ଗ୍ ହେଦାଂ ଆରେ ରଗ ଏନ୍‌ମାଟ୍ । ୩୧ ☆ମାନାୟାରୁ ମି କାଜିଂ ଇନେସ୍ ବାନି ବେବାରୁ କିଦ୍‌ନାରୁ ଇଞ୍ଜି ଇଚା କିନାଦେର୍, ଏପେଙ୍ଗ୍ ହେୱାରୁ କାଜିଂ ହେ ଲାକେ କିୟାଟ୍ ।”

୩୨ ଆରେ, ଇମ୍‌ଶାକାରୁ ମିଙ୍ଗେଙ୍ଗ୍ ଜିଉନଝାଟ୍, ହେୱାରିଂ ଜିଉନଝାଟ୍ ଏପେଙ୍ଗ୍ ଇନା ଆସିର୍ବାଦ୍ ପାୟା ଆନାଦେର୍ ? ଇନାକିଦେଂକି ପାପିର୍ ପା ଜାରୁ ଜାରୁ ଜିଉନଝାକାରିଂ ଜିଉନଝାଟ୍ । ୩୩ ଆରେ, ଇମ୍‌ଶାକାରୁ ମିଦାଙ୍ଗ୍ ହାରୁ କିନାରୁ, ଜଦି ଏପେଙ୍ଗ୍ କେବଲ୍ ହେୱାରିଂ ହାରୁ କିନାଦେର୍, ତେବେ ଏପେଙ୍ଗ୍ ଇନାକା ଆସିର୍ବାଦ୍ ପାୟା ଆନାଦେର୍ ? ଇନାକିଦେଂକି ପାପିୟାରୁପା ହେଦାଂ କିନାରା । ୩୪ ପାଚେ, ଇମ୍‌ଶାକାରୁତାଂ ମିଦାଙ୍ଗ୍ ପାୟା ଆନି ଆହା ମାନାଟ୍, କେବଲ୍ ହେୱେରିଂ ରୁଣ୍ଟ ହିତିସ୍ ଏପେଙ୍ଗ୍ ଇନା ଆସିର୍ବାଦ୍ ପାୟା ଆନାଦେର୍ ? ପାପିର୍ ପା ସମାନୁନେ ପାୟାଦେଂ ଇଞ୍ଜି ପାପିରିଙ୍ଗ୍ ରୁଣ୍ଟ ହିନାରୁ ୩୫ ମାତରୁ ମି ସାତୁକାଂ ଜିଉନଝାଟ୍ ଆରି ହେୱାରିଂ ହାରୁ କିୟାଟ୍, ଆରେ ଉଲ୍‌ଟି ରୁଣ୍ଟ ଆହା କିଝାଦାଂ ରୁଣ୍ଟ ହିଆଟ୍; ତା ଆତିସ୍ ମିଦାଙ୍ଗ୍ ଇନାମ୍ ବେସି ଆନାଟ୍ ଆରି ଏପେଙ୍ଗ୍ ସିଗ୍‌ଦାକାନ୍ ମାପୁ ମେହି ଆନାଦେର୍, ଇନାକିଦେଂକି ହେୱାନୁ

☆ ୬:୨୨ ୬:୨୨ ୧ ପିତରୁ ୪:୧୪. ☆ ୬:୨୩ ୬:୨୩ ପକ୍ୟାତାକା ୭:୫୨. ☆ ୬:୩୧ ୬:୩୧ ମାଡ଼ିଉ ୬:୧୨.

ଲତାଆଞ୍ଜି ଆରି ବାନ୍ଧାଙ୍କ ପା ଦୟା କିନାନ୍ । ୩୭ ମିଞ୍ଜି ଆବା ଇନେସ୍ ଦାମ୍ , ଏପେଙ୍ଗ୍ ହେ ଲାକେ ଦାମ୍ ଆଡ଼ ।

ଅଲଗା ବିନେନିକାର୍ କାଜିଂ ବିଚାର୍ କିମାଟ୍
(ମାତିଉ ୭:୧-୫)

୩୭ “ଆରେ, ବିଚାର୍ କିମାଟ୍, ତା ଆତିସ୍ ଏପେଙ୍ଗ୍ ବିଚାର୍ କିୟା ଆଉଦେର୍; ଦସ୍ କିମାଟ୍, ତା ଆତିସ୍ ଏପେଙ୍ଗ୍ ଦସି କିୟାଆଉଦେର୍ । କେମା କିୟାଟ୍, ତା ଆତିସ୍ ଏପେଙ୍ଗ୍ କେମା କିୟା ଆନାଦେର୍; ୩୮ ଦାନ୍ କିୟାଟ୍, ହେଦାଂ ମିଙ୍ଗେଙ୍ଗ୍ ଦାନ୍ ହିଦୟା ଆନାଟ୍; ଇସ୍ବର୍ ମାଣ୍ଦ ବାତ୍ କିଜି ହେଦେଲିଂ ଲେପତି ଡିଉଡ଼ି ମିଙ୍ଗେଙ୍ଗ୍ ମାଣ୍ଦ ହିଦନାର୍; ଇନାକିଦେଂକି ଇମ୍ବି ମାଣ୍ଦ ଲାଟ୍ନାସ୍, ହେ ମାଣ୍ଡାଂ ମିଙ୍ଗେଙ୍ଗ୍ ଆରେ ମାଣ୍ଡାଂ ହିଦଆ ଆନାଟ୍ ।”

୩୯ ଜିସୁ ହେଖେରିଂ ର ଉତ୍ତରମୁଡ଼ ପା ଇଚାନ୍, “କାଣା ଇନାକା କାଣା ହାଜି ଚଟ୍ଟେଙ୍ଗ୍ ଆଡ଼ନାନ୍ ? ଜଦି ହେଖାନ୍ ହେ ଲାକେ କିନାନ୍, ଲାଗିଂ, ହେଖାର୍ ଇନାକା ରିୟାର୍ କୁଇଦ ଆରୁର୍ ? ୪୦ ଶୁରୁତାଂ ତେଲା ଗାଜା ଆକାୟ୍; ମାତର୍ ଖିଜାର୍ ତେଲା ହିକ୍ୟା ଖିସ୍ତାର୍ତି ହାର୍ ଆଜି ନିଜାର୍ ଗୁରୁ ସମାନ୍ ଆନାର୍ ।”

୪୧ ଆରେ, ଇନେକିଦେଂ ନି ଟଣ୍ଡେନ୍ କାଣ୍ଡାତ ମାନି ଗାତ୍ରା ହୁଡ଼ନାୟା, ମାତର୍ ନି ନିଜ୍ କାଣ୍ଡାତ ଇମ୍ବି ଖେଜ୍ଗୁ ଗାତ୍ରା ମାନାଟ୍, ହେଦାଂ ବାବିକିଦେଂ ଆଡୁୟା ? ୪୨ ଏପେଙ୍ଗ୍ ଜାର୍ କାଣ୍ଡାତ ମାନି ଦୁଲୁମ୍ ଗାତ୍ରା ହୁଡ଼ଞ୍ଜାଦାଂ ଇନେସ୍ ଜାର୍ ଟଣ୍ଡେନିଂ ଇଞ୍ଜେଙ୍ଗ୍ ଆଡ଼ନାୟା, ଟଣ୍ଡେନ୍, ଖା, ନି କାଣ୍ଡାତ ମାନି ଗାତ୍ରାତିଙ୍ଗ୍ ଉନ୍ଦି ହିଦନାଙ୍କ ? ଆଡେ କାପ୍ଟିୟାର୍ ଆଗେ ଜାର୍ କାଣ୍ଡାତାଂ ଦୁଲୁମ୍ ଗାତ୍ରା ଉନ୍ଦିୟା ତା ପାତେ ନିଜ୍ ଟଣ୍ଡେନ୍ କାଣ୍ଡାତ ମାନି ଖେଜ୍ଗୁ ଗାତ୍ରା ଉନ୍ଦିନି କାଜିଂ ହାର୍ଦାଂ ହୁଡ଼ଦେଂ ଆଡ଼ନାନ୍ ।

ମାର୍ ଆରି ତା ପାଡ଼
(ମାତିଉ ୭:୧୭-୨୦; ୧୨:୩୩-୩୫)

୪୩ “ହାଦ୍ ମାର୍ ବାନ୍ଧା ପାଡ଼ ଖାଉଡ଼, ବାନ୍ଧା ମାର୍ତ୍ତ ହାଦ୍ ପାଡ଼ ଆହୁଡ଼, ଇନେସକି ହାର୍ ପାଡ଼ ଆହନାଟ୍ । ୪୪ ଇନାକିଦେଂକି ଖିଜୁ ମାର୍କୁ ଜାର୍ ପାଡ଼ଦାଂ ପୁନିୟା ଆନାଟ୍; ଖାଡ଼ିଙ୍ଗ୍ ବୁଟାତାଂତ ମାନାୟାର୍ ତଗା ଏରୁର୍, କି ଖାଡ଼ିକୁଡ଼ିଙ୍ଗ୍ତାଂ ଅଙ୍ଗୁରପାଡ଼ ଏରୁର୍ । ୪୫ ହାଦ୍ ଲଗୁ ହାର୍ଦି ଖାସ୍ତିତାଂ ହାଦ୍ ଆଡ଼ମାଡ଼ ହପନାନ୍ । ଆରେ ବାନ୍ଧା ଲଗୁ ବାନ୍ଧା ଖାସ୍ତିତାଂ ବାନ୍ଧା ଆଡ଼ମାଡ଼ ହପନାନ୍; ଇନାକିଦେଂକି ମାନ୍ତ ବାତ୍ ଆତାଡ଼ନା ଖେଇ କାତା ଇନାଟ୍ ।”

ରିବାନି ଇଲ୍ ରଚ୍ନାକା
(ମାତିଉ ୭:୨୪-୨୭)

୪୬ “ଆରେ, ଏପେଙ୍ଗ୍ ଇନେକିଦେଂ ନାଙ୍ଗେଙ୍ଗ୍ ମାପୁ, ମାପୁ ଇଞ୍ଜି କୁଲ୍ଲାନାଦେରା ମତର୍ ନା ବଚନ୍ ପାଲି କିଉଦେରା ? ୪୭ ଇମ୍ବିକାର୍ ନା ଲାଗେ ଖାଜି ନା ବେରଣ୍ ଖେନ୍ଞି ହେ ସବୁ ପାଲି କିନାନ୍, ହେଖାନ୍ ଇନେର୍ ସମାନ୍ ଆନାନ୍, ହେଦାଂ ଆନ୍ ମିଙ୍ଗେଙ୍ଗ୍ ଖେଚାନାଙ୍କ । ୪୮ ହେଖାନ୍ ଇ ଲାକେ ରକାନ୍ ଇଲ୍ ତ୍ରିକ୍ନି ମାନାୟା ଲାକେ ଜେ ଡେଙ୍ଗାକିଜି କାଟ୍ କୁନାଦି କାଲ୍ ଜପି ଇଡ଼ଜି କୁଟିକିତାର୍; ଆରେ ପୁରୁଆତିଲେ ହୁଞ୍ଜାଟ୍ ହେ ଇଞ୍ଜି ବେସି ଦକା ଇଡ଼ିତାତ୍ ମାତର୍ ହେଦାଂ ଲେପ୍ପେଦେଂ ଆଡ଼ଞ୍ଜାତାଟ୍, ଇନାକିଦେଂକି ହେଦାଂ ହାର୍ କିଜି ରଚ୍ଚାକାମାତାଟ୍ । ୪୯ ମାତର୍ ଜେ ଖେନ୍ଞି ପାଲି କିଉନ୍, ହେଖାନ୍ କୁନାଦି କୁଟିକିଞ୍ଜାଦାଂ ମେଦ୍ନି ଜପି ଇଲ୍ ରଚ୍ନି ମାନାୟା ଲାକେ; ଏଚେକାଡ଼ ଇଲ୍ଡିଂ ବେସି ଦକା ଇଡ଼ିସ୍, ଉଲ୍କା ହେ ମଲ୍ଦିଂ ବେସି ଦକା ଇଡ଼ିଲେ, ହେ ଦାପ୍ରେ ହେଦାଂ ବାଡ଼ହା ଆତାଡ଼ ଆରେ ହେଦାଂ ନାସ୍ ବଇଁଙ୍କାର୍ ଆତାଡ଼ ।”



ଜିସୁ ରଖାନ୍ ରମିୟ ମାନାୟତିଂ ଉଜ୍ କିତାନ୍
(ମାତିଉ ୮:୧୨)

୧ ଜିସୁ ମାନାୟାରିଂ ଖେଚ୍ଟେଙ୍ଗ୍ ମାନ୍କିଜି ମାଚାନ୍ ହେଖାନ୍ ଖିଜାର୍ କାତା ଖିସ୍ତି କପର୍ନାହୁମ୍ ହଣଗାତାନ୍ । ୨ ହେଖାଡ଼ାଂ ରଖାନ୍ ପାଞ୍ଚକଡ଼ି ମେଲ୍ୟାର୍ ମୁଡ଼ଦାକାନ୍ ହଲ୍ୟାହି ବେମାର୍ ଆଜି ମାଚାନ୍, ହେଖାନ୍ ତାଙ୍ଗେଙ୍ଗ୍ ବେସି ଜିଉନଜି ମାଚାନ୍ । ୩ ହେଖାନ୍ ଜିସୁ ବିସ୍ତେ କାବୁର୍ ପୁଞ୍ଜି, ହେଖାନ୍ ଇନେସ୍ ଖାଜି ହେ ହଲ୍ୟାହିତି ଜିବୁନ୍ ରାକ୍ୟା କିନାନ୍, ଇଦାଂ କାଜିଂ ତା ତାକେ ଜିହୁଦିତ୍ କେତେଜାଣ୍ ବୁଡ଼ାଲୁରିଂ ପକ୍ତି ତାଙ୍ଗେଙ୍ଗ୍ ଗଞ୍ଜାରି କିତାନ୍ । ୪ ହେଖାର୍ ଜିସୁ କଚଣ୍ଡ ଖାଜି ତାଙ୍ଗେଙ୍ଗ୍ ବେସି ଗଞ୍ଜାରି କିଦେଙ୍ଗ୍ ଲାଗାତାର୍, ଏନ୍ ଜେ ହେଖାନ୍ କାଜିଂ ଇଦାଂ କିନାୟା, “ହେଖାନ୍ ହେବେନି ଦାୟିତ୍ ଆନାନ୍; ୫ ଇନାକିଦେଂକି ଜିସୁ ମାଙ୍ଗେଙ୍ଗ୍ ଜାତିତିଂ ଜିଉନନାନ୍ ଆରି ହେଖାନ୍ ମା କାଜିଂ କୁଚୁମ୍ ଇଞ୍ଜି ରଚ୍ଚି ହିଡ଼ନ୍ନା ।”

☆ ୭:୪୦ ୭:୪୦ ମାତିଉ ୧୦:୨୪,୨୫; ଜହନ୍ ୧୩:୧୨; ୧୫:୨୦. ☆ ୭:୪୫ ୭:୪୫ ମାତିଉ ୧୨:୩୪.

୭ ହେବେ ଜିସୁ ହେୱାର ଲାହାଙ୍ଗ ରଚେ ହାଚାନ । ହେୱାନ ଇଞ୍ଜାଙ୍ଗ ଅଲପ ଦେହା ଆତିଲେ, ପାଞ୍ଚକଡ଼ି ମେଲ୍ୟାର ହାଙ୍ଗଦାକାରିଂ ପକ୍ତି ତାଙ୍ଗେଙ୍ଗ ଇଚାର, “ମାପୁ କସ୍ତୁ କିଦମା; ଇନାକିଦେଂକି ଏନ୍ ଜେ ମା ଇଞ୍ଜ କାଲ୍ ତଗନାୟ, ଆନ୍ ଏଲେଙ୍ଗ ବାରିତି ଇନାକା ହିଲୁଡ଼; ୬ ଲାଗିଂ ଆନ୍ ନି କଚଣ୍ଡ ହାଞ୍ଜେଙ୍ଗ ନିଜ୍ଜିତଂ ଖାରୟା ଆଖାଦାଂ ମାଚାଙ୍ଗ; ମାତର ପାଦେକ୍ ବଲ୍ କିଦା, ନା ଆଡ଼ିଏନ୍ ଉଜ୍ ଆନାନ୍ । ୮ ଇନାକିଦେଂକି ଆନ୍ ରଞ୍ଜାନ୍ ବାନ୍ୟା ମାନାଙ୍ଗ ଆତିସ୍ ପା ନା ତାରେନ୍ ମେଲ୍ୟାର ମାନାର୍; ଆରେ, ଆନ୍ ରଞ୍ଜାନିଂ ଆଦିକାର୍ ହିତିସ୍ ହେୱାନ୍ ହାନାନ୍; ଆରେ ରଞ୍ଜାନିଂ ଖା ଇତିସ୍ ହେୱାନ୍ ଖାନାନ୍; ମାତର ନା ହଲ୍ୟା ଇଦାଂ କିୟା ଇତିସ୍ ହେଦାଂ କିନାନ୍ ।”

୯ ଜିସୁ ଇ ଝିଜୁ କାତା ଝେନ୍ଞି ହେ ବିସ୍ତେ କାବା ଆତାର୍, ଆରେ ମାସ୍ତି ହେ ପାଚେ ଝାଜିମାନି ମାନାୟାରିଂ ଇଚାନ୍, “ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଇସ୍ତାଏଲ୍ ବିତ୍ରେ ପା ଏଚେକ୍ ଗାଜା ପାତର୍ ପାୟାଆଖାତାଂନା ।”

୧୦ ଆରେ ପକ୍ୟାତାକାର୍ ମାନାୟ ଇଞ୍ଜ ଲେଉଟା ଆଜି ହଲ୍ୟାହିଙ୍ଗ୍ ଉଜ୍ ଆତାକା ହୁଡ଼ତାର୍ ।

ଜିସୁ ର ରାଣ୍ଡିନି ହାତି ହିମ୍ଗାତିଂ ଜିପ୍ତାନ

୧୧ ଇଦାଂ ପାଚେ ହେୱାନ୍ ନାଲନ୍ ତରଦି ଗାଡ଼ଦ ହାଚାନ, ଆରି ହେୱାନ୍ ଚେଲାହିର୍ ଆରି ବେସିହେନି ମାନାୟ ହେୱାର ହୁଦାଂ ହାଲ୍ଜି ମାଚାର୍ । ୧୨ ହେୱାନ୍ ଗାଡ଼ନି ଦୁଝେର୍ ଲାଗେ ଏକାଞ୍ଚାତିଲେ, ହୁଡ଼ାଟ୍, ମାନାୟ ରଞ୍ଜାନ୍ ହାତି ମାନାୟତିଂ ବାଡ଼ି ପିଣ୍ଡୁଜି ତାସି ମାଚାର୍, ହେୱାନ୍ ଜାର୍ ଆୟାନି ରଞ୍ଜାନ୍ ମତର କାଡ଼ଦେ, ମାତର ହେ କଗ୍ଲେ ରାଣ୍ଡି; ଆରେ ଗାଡ଼ନି ବେସିହେନିମାନାୟ ତା ଲାହାଙ୍ଗ ମାଚାର୍ । ୧୩ ହେଦେଲିଂ ହୁଡ଼ଜି ମାପୁ ତା କାଜିଂ କାର୍ମା ଆଜି ଦୁକ୍ ହୁଡ଼ଜି ତାଙ୍ଗେଙ୍ଗ ଇଚାନ୍, “ଆଡ଼ବାମା ।” ୧୪ ଆରେ, ହେୱାନ୍ କଚଣ୍ଡ ହାଲ୍ଜି ମାରାତ ତୁତାନ୍, ପାଚେ ପିଣ୍ଡୁତାକାର୍ ନିଲ୍ଜିଲେ ହେୱାନ୍ ଇଚାନ୍, ନିଲାଟ୍, ହେୱାନ୍ ଇଚାନ୍, “ଦାଙ୍ଗଣେନ୍, ଆନ୍ ନିଙ୍ଗେଙ୍ଗ ଇଞ୍ଜନାଙ୍ଗା ନିଙ୍ଗା ।” ୧୫ ହେବେତାଂ ହାତି ଲଗୁ ନିଙ୍ଗିଜି କୁଚାନ୍, ଆରେ ବେଶ୍ କିଦେଙ୍ଗ ଲାଗାତାନ୍, ଆରେ ହେୱାନିଂ ତା ତେହି କେଇଦ ହେଲାୟ କିତାର୍ ।

୧୬ ଇବେତାଂ ଝିଜାକାର୍ ପାଣ୍ଡା ଆତାର୍, “ଆରେ ଇସ୍ତର୍ ଗୁଣ୍ କେରଜି କିଡ଼ କିଡ଼ ଇଞ୍ଜେଙ୍ଗ ଲାଗାତାର୍,” ମା ବିତ୍ରେ ରଞ୍ଜାନ୍ ଗାଜା ବେଶ୍ବାକ୍ଶାୟକିନାକାନ୍ ହନ୍ତାନନା “ଆରି ଇସ୍ତର୍ ଜାର୍ ଲଗାଂ କାଜିଂ ମୁଲ୍ଜି କିଦେଙ୍ଗ ଝାତାନ୍ନା ।”

୧୭ ପାଚେ, ଜିସୁ ବିସ୍ତେ ଇ ବେରଣ୍ ଝିଜାର୍ ଜିହୁଦା ଦେସ୍ ଆରି ଚାରିବେଶ୍ତାଂ ଝିଜୁ ନାସ୍ତୁକାଂ ଝିଶ୍ତାଡ଼ ।

**ବାପ୍ତିସ୍ମି ଜହନ୍ତି ପର୍ସନ୍
(ମାତିଉ ୧୧:୨-୧୯)**

୧୮ ପାଚେ ଜହନ୍ ଚେଲାହିର୍ ଇ ଝିଜୁ ବିସ୍ତେ ଝେଚ୍ଚାର୍ । ୧୯ ହେବେ ଜହନ୍ ଜାର୍ ଚେଲାର୍ ବିତ୍ରେ ରିୟାରିଂ କଚଣ୍ଡ କୁକ୍ତି ମାପୁ ତାକେ ଇଦାଂ ଇଞ୍ଜି ପକ୍ତାନ, “ଇନେନ୍ତି ଝାନାକା ମାଚାଡ଼, ହେ ମାନାୟ ଏନ୍, କି ନଲେ ଆପେଂ ଆରେ ରଞ୍ଜାନିଂ କାସିମାନାପ୍ ?”

୨୦ ହେ ମାନାୟାର୍ ଜିସୁଙ୍ଗ ଲାଗେ ହାଲ୍ଜି ଇଚାର୍, “ବାପ୍ତିସ୍ମି ହିନି ଜହନ୍ ମାଙ୍ଗେଙ୍ଗ ନି ତାକେ ଏଲେଙ୍ଗ ଇଞ୍ଜି ପକ୍ତାତାନ୍ନା, ଇନେନ୍ତି ଝାନାକା ଆନାଡ଼, ହେ ମାନାୟ କି ଏନ୍, କି ଆପେଂ ଆରକାନିଂ କାଜିଂ ମାନାପ୍ ?”

୨୧ ହେଞ୍ଚାତାଂ ହେୱାନ୍ ବେସିଲଗାଂ ରଗ୍, ବେମାର୍ ଆରି ବାନ୍ୟାପୁଦା ଉଜ୍ କିତାନ୍, ଆରି ହେନି କାଶାରିଂ କାଶକୁ ହୁଡ଼ିକିତାନ୍ । ୨୨ ଜିସୁ ହେୱାରିଂ ଉତର ହିତାନ୍, ଏପେଙ୍ଗ୍ ହାଲ୍ଜି ଇନା ଇନାକା ହୁଡ଼ତାଦେର୍ ଆରି ଝେଚାଦେର୍, ହେଦାଂ ଝିଜୁ ଜହନ୍ତିଂ ଝେଚାଟ୍; “କାଶାର୍ କାଶକୁ ହୁଡ଼ନାର୍, ଚଟାର୍ ତାଂଦେଙ୍ଗ୍ ଆଡ଼ତାର୍, ଗାଜା ରଗ୍ୟାର୍ ସକଟ୍ ଆଦେଂ ଆଡ଼ତାର୍, ବଇରାର୍ ଝେଞ୍ଜେଙ୍ଗ୍ ଆଡ଼ତାର୍, ହାତାକାର୍ ନିଙ୍ଗନାର୍, ହିଲ୍ଝାକାର୍ ତାକେ ନେକ୍ତିକାରୁର୍ ସୁଣାୟ କିତାର୍; ୨୩ ଆରେ ଇମ୍ଣି ମାନାୟ ନାତାକେଣ୍ଡାଂ ବାଦା ପାୟା ଆଉନ୍, ହେୱାନ୍ ଦନ୍ୟ ।”

୨୪ ଜହନ୍ନି ଦୁତର ହାତିପାଚେ ଜିସୁ ଜହନ୍ ବିସ୍ତେ ବେରଣ୍ ଇଞ୍ଜେଙ୍ଗ ଲାଗାତାନ୍, ଏପେଙ୍ଗ୍ ଇନାକା ହୁଡ଼ଦେଂ ଇଞ୍ଜି ହାଲ୍ଜି ମାନାଦେର୍ ? “ଇନାକା ଦୁକାତିଙ୍ଗ୍ ଜଲାଆନି ନାଡ଼ା ? ୨୫ ହେଦାଂ ଆଞ୍ଜିତିସ୍ ଏପେଙ୍ଗ୍ ଇନାକା ହୁଡ଼ଦେଂ ଇଞ୍ଜି ହସି ହାଲ୍ଜି ମାଚାଦେର୍ ? ଇନାକା ଦାମ୍ନି ହେୟା ଉସ୍ତିରି ମାନାୟତିଂ ? ହୁଡ଼ାଟ୍, ଇମ୍ଣାକାର୍ ଦାମ୍ନି ହେୟା ଉସ୍ପାତାନ୍ ବିସ୍ତେ ସୁକ୍ତାଙ୍ଗ୍ ଜିନାନ୍, ହେୱାର୍ ରାଜା ଗାଦିତ ମାନ୍ଗାନାର୍ । ୨୬ ନାଙ୍ଗେଙ୍ଗ୍ ଇଞ୍ଜା, ହେଦାଂ ଆଞ୍ଜିତିସ୍ ଇନାକା ହୁଡ଼ଦେଂ ଇଞ୍ଜି ହସି ହାଲ୍ଜି ମାଚାଦେର୍ ? ଇନାକା ରଞ୍ଜାନ୍ ବେଶ୍ବାକ୍ଶାୟକିନାକାନିଂ ? ଆନ୍ ମିଙ୍ଗେଙ୍ଗ୍ ହାଡ଼ପା ଝେଚାନାଙ୍ଗା, ବେଶ୍ବାକ୍ଶାୟ କିନାକାତାଙ୍ଗ୍ ଆଦିକ୍ ଗାଜା ମାନାୟତିଂ । ୨୭ ଇନେନ୍ତି ବିସ୍ତେ ଇଦାଂ ଦରମ୍ ସାସ୍ତର ଲେକା ମାନାଡ଼, ଇସ୍ତର୍ ଇଚାନ୍ ହୁଡ଼ାଟ୍, ଆପେଂ ମା ଦୁଡ଼ତିଂ ମି ଆଗେ ପକ୍ତାନାପା, ହେୱାନ୍ ମି ଲାଗେ ମିଦାଙ୍ଗ୍ ହାଜି ରଚ୍ଚି ହିଦ୍ନାନ୍, ଇଞ୍ଜାନ୍ ହେ ମାନାୟ । ୨୮ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା,” କଗ୍ଲେ ପଚେତ ଜଲମ୍ ଝିଜାର୍ତାଂ ବିତ୍ରେ ଜହନ୍ ତାଙ୍ଗ୍ ଗାଜାକାନ୍ ଇନେନ୍ତି ହିଲୁର୍; ଆତିସ୍ପା ସାଗେ ରାଜିତ ଇନେନ୍ତି ହିରୁକାନ୍, “ହେୱାନ୍ ଜହନ୍ ତାଙ୍ଗ୍ ପା ଗାଜାକାନ୍ ।”

୨୯ ଇମ୍ବଣି ଇ ଝିଜୁ ବେରଣ୍ଡ ଝେନ୍ଝି ମାଚାର୍, ହେଝାର୍, ହାଡ଼ପାକିଜି ସିସ୍ତୁୟୁନ୍ନାକାର୍, ଇସ୍ବର ମାପୁଙ୍ଗ୍ ହାଦର୍ ଦାବି ଝିଜୁ ପାତର୍ କିଜି ଜହନ୍ ତାଙ୍ଗ୍ ବାପ୍ତିସିମ୍ ଅଜି ମାଚାନ୍; ୩୦ ମାତର ପାରୁସିର୍ ଆରେ ଦରମ୍ ଗୁରୁର୍ ହେଝାର୍ ଜିବୁନ୍ କାଜିଂ ଇସ୍ବର ମାପୁ କାଜିଂ ଇଗ୍ୟା ଆଝାଦାଂ ତାତାଂ ବାପ୍ତିସିମ୍ ଆଝାଦାଂ ମାଚାନ୍ ।

୩୧ ଜିସୁ ଆରେ ରଗ ଇଚାନ୍ ଇନେର୍ ଇ ଜୁଗ୍ଦି ମାନାୟାର୍ ଆନ୍ ଇନେର୍ ହୁଦାଂ ତୁଲ୍ଲାଇ କିନାଙ୍ଗ୍, “ଆରେ ହେଝାର୍ ଇନେର୍ ଲାକେ ? ୩୨ ଇମ୍ବଣି କାଡ଼ଦେର୍ ଆଟ୍ ବାଜାର୍ତ କୁଚ୍ତି ହେଝେର୍ ହେଝାର୍ କୁକ୍ତି ଇନାର୍, ଆପେଂ ମି ଲାଗାଂ ହୁରୁଡ଼ି ତୁବ୍ତାପ୍, ଏପେଙ୍ଗ୍ ଏନ୍ଝାତାଦେର୍; ଆପେଂ ହାଡ଼ି କେରକଣ୍ କେର୍ତାପ୍, ଏପେଙ୍ଗ୍ ଆଡ଼୍ବାଝାତାଦେର୍, ହେଝାର୍ ହେଝେର୍ ଲାକେ । ୩୩ ଇନାକିଦେଂକି ବାପ୍ତିସିମ୍ ହିନ୍ ଜହନ୍ ଝାଜି ରୁଚି ତିନ୍ଝାତାନ୍ କି ଆରେ ଅଙ୍ଗୁର୍ ରାସ୍ ଉଣ୍ଝାତାନ୍, ଆରେ ଏପେଙ୍ଗ୍ ଇନାଦେରା, ହେଝାନ୍ ବୁଡ଼ ଆସ୍ତାତନା । ୩୪ ମାନାୟ ମାଜି ଝାଜି ତିନାଉଣା କିନାନ୍, ଆରେ ଏପେଙ୍ଗ୍ ଇନାଦେରା, ହୁଡ଼ାଟ୍, ଇଝାନ୍ ରକାନ୍ ବାଡ଼ଝା ଆରି ମଦଝା, ସିସ୍ତୁୟୁନ୍ନାକାର୍ ଆରି ପାପିୟାର୍ ହାଙ୍ଗ୍ଦାକାନ୍ । ୩୫ ମତର୍ ବୁଦି ନିଜାର୍ ଝିଜାର୍ ହିମ୍ଣାଂ ତାଙ୍ଗ୍ ସମାନ୍ ଇଞ୍ଜି ପାର୍ମାଣ୍ ଆତାଡ଼ ।”

ପାରୁସି ସିମନ୍ ଇଞ୍ଜି ଜିସୁ

୩୬ ଆରି, ପାରୁସିର୍ ବିତ୍ରେ ରଝାନ୍ ଜିସୁ ନିଜାର୍ ଲାହାଙ୍ଗ୍ ଚିଞ୍ଜେଙ୍ଗ୍ ତାଙ୍ଗେଙ୍ଗ୍ ଗଝାରି କିଜି କୁକ୍ତାନ୍ । ହେବେଣ୍ଡାଂ ହେଝାନ୍ ପାରୁସି ଇଞ୍ଜି ହଣ୍ଡି ଚିଞ୍ଜେଙ୍ଗ୍ କୁଚ୍ଚାର୍ । ୩୭ ଆରେ ହୁଡ଼ାଟ୍, ହେ ଗାଡ଼ଦ ରଞ୍ଜେଲ୍ ପାପିୟାଣି କଗ୍ଲେ ମାଚାଡ଼; ଜିସୁ ହେ ପାରୁସି ଇଞ୍ଜି ତିନି କାଜିଂ କୁଚ୍ଚାନ୍ନା, ଇଦାଂ ପୁଞ୍ଜି ହେଦେଲ୍ ର କଣ୍ଡିତ ବାସ୍ନା ଚିକାଣ୍ ତାସି ଝାତାଡ଼, ୩୮ ପାଟ୍ବାଗାଂ ତା ପାନା ତାରେନ୍ ନିଲ୍ଚି ଆଡ଼ଜି ଆଡ଼ଜି କାଣେଲ୍ତାଂ ହେଝାନ୍ ପାନାତିଂ ଉଦିକିଜି ଜାର୍ କାପ୍ତାନି ତେମ୍ଲୁତାଂ ହେଦାଂ ନେନ୍ଦେଂ ଲାଗାତାଡ଼ । ଆରେ ଜିସୁ ପାନାତିଂ ତନ୍ଝି ତନ୍ଝି ବାସ୍ନା ଚିକାଣ୍ କାସ୍ତାଡ଼ । ୩୯ ହେଦାଂ ହୁଡ଼ାଟ୍, ଇମ୍ବଣି ପାରୁସି ତାଙ୍ଗେଙ୍ଗ୍ କୁକ୍ତି ମାଚାନ୍, “ହେଝାନ୍ ମାନେ ମାନେ ଇଚାନ୍, ଇଝାନ୍ ଜଦି ବେଣ୍ଡାକ୍ଷାୟକିନାକାନ୍ ଆଜି ମାଚାନ୍ତି, ତା ଆଡ଼ିସ୍ ଇଝାନ୍ ଜେ ତୁନାତା, ହେଦେଲ୍ ଇଦେଲ୍ ଆରି ଇନେସ୍ ବାଡ଼ି କଗ୍ଲେ, ଇଚିସ୍, ହେଦେଲ୍ ଜେ ପାପିୟାଣି, ଇଦାଂ ପୁଚାନ୍ମା ।”

୪୦ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ସିମନ୍, ନିଙ୍ଗେଙ୍ଗ୍ ଆନ୍ ଇନାକାପା ଇଞ୍ଜିନାକା ମାନାଡ଼ ।” ହେଝାନ୍ ଇଚାନ୍, “ଗୁରୁ ଇଞ୍ଜା ।”

୪୧ “ର ମାଜାନ୍ତାଂ ରିୟାର୍ ରିଣ୍ ଆଜି ମାଚାର୍; ରଝାନ୍ ପାଞ୍ଚସହ ଟାକାଂ ଆରି ଆରେ ରଝାନ୍ ରିକଡ଼ିଦସ୍ ଟାକାଂ ରିଣ୍ ଅଜି ମାଚାନ୍ । ୪୨ ହୁଜାଆଦେଂ ହେଝାର୍ତ ଇନାକା ହିଲ୍ଝିତିଲେ ହେଝାନ୍ ରିଆର୍ତ କେମା କିତାନ୍ । ଲାଗିଂ ହେଝାର୍ ବିତ୍ରେ ଇନେର୍ ତାଙ୍ଗେଙ୍ଗ୍ ଆଦିକ୍ ଜିଉନନାନ୍ ?”

୪୩ ସିମନ୍ ଉତର୍ ହିତାନ୍, “ଆନ୍ ବାବିକିନାଙ୍ଗା, ହେଝାନ୍ ଇନେକିଦେଂ ଆଦିକ୍ ରୁଣ୍ ପିସ୍ତାନ୍, ହେଝାନ୍ । ହେଝାନ୍ ହେଝାରିଂ ଇଚାନ୍, ଏନ୍ ହାଡ଼ପା ବିଚାର୍ କିତାୟ୍ ।” ୪୪ ଆରେ, ହେଝାନ୍ ହେ କଗ୍ଲେ କାଜିଂ ଝେଇ ମାସତି ସିମନ୍ତିଂ ଇଚାନ୍, “ଇ କଗ୍ଲେଂ ହୁଡ଼ନାୟା ? ଆନ୍ ମି ଇଞ୍ଜି ଝାତାଂ, ଏନ୍ ନା ପାନା କାଜିଂ ଏତୁଂ ହିଦଝାତାୟ୍, ମାତର୍ ଇଦେଲ୍ କାଣେଲିଂ ଲାହାଙ୍ଗ୍ ନା ପାନା ଉଦିକିଜି ନିଜ୍ଜି ତେମ୍ଲୁତାଂ ହେଦାଂ ନେନ୍ତାଡ଼ । ୪୫ ଏନ୍ ନାଙ୍ଗେଙ୍ଗ୍ ତଞ୍ଜି, ହିରବା ଆଦଝାତାୟ୍ ମାତର୍ ଆନ୍ ବିତ୍ରେ ଝାଡ଼ି ସମ୍ବତାଂ ଇଦେଲ୍ ନା ପାନା ତଞ୍ଜାନାକା ପିସ୍ତୁତେ । ୪୬ ଏନ୍ ନା କାପ୍ତାଡ଼ ଚିକାଣ୍ କାସ୍ଦାଝାତାୟ୍, ମାତର୍ ଇଦେଲ୍ ନା ପାନାତ ବାସ୍ନା ଚିକାଣ୍ କାସ୍ଦାତାଡ଼ । ୪୭ ଲାଗିଂ ଆନ୍ ନିଙ୍ଗେଙ୍ଗ୍ ଇଞ୍ଜିନାଙ୍ଗା, ଇଦେଲ୍ତି ଆଦିକ୍ ପାପ୍ କେମା ଆତାଡ଼ନ୍ନା, ଇନାକିଦେଂକି ହେଦେଲ୍ ବେସି ଜିଉନନାନ୍; ମାତର୍ ଇନେରିଂ ଅଲପ୍ କେମା ହିୟାଆନାଡ଼, ହେଝାନ୍ ଅଲପ୍ ଲାଡ଼ କିନାନ୍ ।”

୪୮ ଆରି, ଜିସୁ ହେ କଗ୍ଲେଂ ଇଚାନ୍, “ନି ପାପ୍ ଝିଜୁ କେମା ଆତାଡ଼ନ୍ନା ।”

୪୯ ହେବେଣ୍ଡାଂ ତା ଲାହାଙ୍ଗ୍ ତିନି କୁଚ୍ଚି ମାନି ମାନାୟାର୍ ମାନେ ମାନେ ଇଞ୍ଜେଙ୍ଗ୍ ଲାଗାତାର୍, “ପାପ୍ ପା କେମା କିନାନା ଜେ, ଇଝାନ୍ ଇନେନ୍ ?”

୫୦ ମାତର୍ ଜିସୁ ହେ କଗ୍ଲେଂ ଇଚାନ୍, “ନି ପାତର୍ ନିଙ୍ଗେଙ୍ଗ୍ ରାକ୍ୟା କିଡ଼ତାଡ଼ନ୍ନା; ସୁସ୍ତାତାଂ ହାଲା ।”

F

ଚେଲାର୍ ହୁଦାଂ ଜିସୁ ପାଚେ ପାଚେ ହାନିକିଙ୍ଗ୍ କଗ୍ଲେହିମ୍ଣାଂ

୧ ଇବେଣ୍ଡାଂ ଅଲପ୍ ସମ୍ବ ପାଚେ ଜିସୁ ଗାଡ଼ଦ ଗାଡ଼ଦ ଆରେ ନାସ୍କୁ ନାସ୍କୁକାଂ ସୁଣାୟ୍ କିଜି ମାପୁ ରାଜିନି ନେକ୍ତିକାବୁର୍ ସୁଣାୟ୍ କିଜି ପୁଞ୍ଜେଙ୍ଗ୍ ଲାଗାତାର୍, ଆରେ ବାରଜାଣ୍ ଚେଲାହିର୍ ତା ଲାହାଙ୍ଗ୍ ମାଚାର୍, ୨ ଆରେ କେତେ ଜାଣ୍ କଗ୍ଲେହିମ୍ଣା ପା ତା ଲାହାଙ୍ଗ୍ ହାଲ୍ଜି ମାଚିକ୍, ଇମ୍ବଣି କଗ୍ଲେ ହିମ୍ଣାକାଂ ବାନ୍ୟାପୁଦାତାଂ ଉଜ୍ ଆଜି ମାଚିକ୍ ହେଝେକ୍ପା ତା ଲାହାଙ୍ଗ୍ ମାଚିକ୍, ମରିୟମ୍ ଇମ୍ଣାକା କି

☆ ୭:୩୭ ୭:୩୭ ମାତିଉ ୨୭:୭; ମାର୍କ ୧୪:୩; ଜହନ୍ ୧୨:୩.

ତର ମଗ୍ଦଲିନି ଇନାର ତା ତାକେଣ୍ଡାଂ ସାଡ଼ଗଟା ପୁଦାଂ ହପ୍ପତି ମାଗାର । ୩ ହେରଦତି ଗୁମୁସ୍ତା କୁଜାତି ଖାଣି ଜହନା, ସସ୍ନା, ଆରେ ଆଦିକ୍ ହେନି କଗ୍ଲେକ୍ ତା ଲାହାଙ୍ଗ୍ ମାନଞ୍ଜି ଜାର୍ ଜାର୍ ଦାନ ହିଜି ହେଖାରତି ହେବା କିଜି ମାଟିକ୍ ।

ବିୟାନ୍ ଓଡ଼ନାକାନ୍ତି କାତା
(ମାତିଉ ୧୩:୧-୯; ମାର୍କ ୪:୧-୯)

୪ ବେସିହେନି ମାନାୟ ରୁଣ୍ଡା ଆନିହିଙ୍ଗ୍ ଆରି ଗାଡ଼୍ ଗାଡ଼୍ଦାଂ ମାନାୟ ତା ଲାଗେ ଖାତିହିଙ୍ଗ୍, ଜିସୁ ଇ ଉତରମୁଡ଼୍ ହିଜି ଖେର୍ଚାନ,

୫ “ରଖାନ୍ ଓଡ଼ନାକାନ୍ ନିଜାର ବିୟାନ୍ ଓଡ଼ଦେଙ୍ଗ୍ ହଡ଼ତାନ୍ । ହେଖାନ୍ ଓଡ଼ୁ ଓଡ଼ୁ କେତେକ୍ ହାଜି କଚଣ୍ଡ ଆଡ଼ତାଡ଼ ଆରେ କାଲ୍ ତାରେନ୍ ଦୁଡ଼ି ଆଜି ହାତାଡ଼, ଆରେ ଆକାସ୍ନି ପଟିଂ ହେଦାଂ ଚିଟିକ୍ । ୬ ଆରେ କେତେକ୍ କାଲ୍କୁକୁଡ଼ି ଜପି ଆଡ଼ତାଡ଼, ପାଚେ ନେସ୍ଲ ଚିକ୍ଲା ଅଦା ହିଲ୍ଓଡିଲେ ଖାଡ଼ତାଡ଼ । ୭ ଆରେ କେତେକ୍ ଖାଡ଼ି ମାର୍ ବିତ୍ରେ ଆଡ଼ତାଡ଼, ଆରେ ଖାଡ଼ିଙ୍ଗ୍ ମାର୍କୁ ହେଦାଂ ହାଙ୍ଗେ ହାଙ୍ଗେ ଗାଜା ଆଜି ହେଖାକାଂ ତାବାୟ କିଟିକ୍ । ୮ ଆଦେକ୍ କେତେକ୍ ହାଦଂ ମେଦନିତ ଆଡ଼ତାଡ଼, ଆରେ ପାନ୍ତି ପାଞ୍ଜକଡ଼ି ଗୁଣ୍ ପାଡ଼ ଆସ୍ତାଡ଼ ।”

ଜିସୁ ଏଲେଙ୍ଗ୍ ଇଞ୍ଜି ଇଞ୍ଜି ଗାଜା କାଟ୍ତାଂ ଇଚାନ, “ଇନେରିଂ ଖେଞ୍ଜେଙ୍ଗ୍ କିଡ଼ୁଲିଂ ମାନିକ୍, ହେଖାନ୍ ଖେନେନ୍ ।”

ଜିସୁତି ଉତରମୁଡ଼୍
(ମାତିଉ ୧୩:୧୦-୧୭; ମାର୍କ ୪:୧୦-୧୭)

୯ ଜିସୁ ଚେଲାହିର୍ ଇ ଉତରମୁଡ଼୍ ଅରଡ଼ ଇନାକା ଇଞ୍ଜି ଖେନ୍ବେଦେଂ ଲାଗାତାର୍ । ୧୦ ହେବେତାଂ ହେଖାନ୍ ଇଚାନ, “ଇସ୍ତର୍ ରାଜି ବିତ୍ରେନି ବିସ୍ତେ ପୁଞ୍ଜେଙ୍ଗ୍ ଇଞ୍ଜି ମିଙ୍ଗେଙ୍ଗ୍ ସାକ୍ତି ହିଦ୍ୟା ଆତାଡ଼ନ୍ନା, ମାତର୍ ବିନେ ନିକାରିଂ ଉତରମୁଡ଼୍ଦାଂ ଖେର୍ଚ୍ଯାନାଡ଼, ଇନେସ୍କି ହେଖାର୍ ହୁଡ଼ଜି ହୁଡ଼ଜି ହୁଡ଼ଦେଂ ଆଡ଼ୁର୍ ଆରି ଖେନ୍ନୁ ଖେନ୍ନୁ ବୁଜାଆଉର୍ ।”

ଜିସୁ ଓଡ଼ନାକାନ୍ତି ଅରଡ଼ ବୁଜାୟ କିତାନ୍
(ମାତିଉ ୧୩:୧୮-୨୩; ମାର୍କ ୪:୧୩-୨୦)

୧୧ “ଉତରମୁଡ଼ିନି ଅରଡ଼ ଇଦାଂ । ବିୟାନ୍ ଇସ୍ବର୍ ମାପୁଡ଼ି ବଚନ୍, ୧୨ ଆରେ ହାଜି କଚଣ୍ଡ ମାନି ବିୟାନ୍ ଲାକେ ବୁଜାଆନାର୍, କଚଣ୍ଡ ମାନି ବିୟାନ୍ ବୁଜାଆନାର୍, ହେଖାର୍ ବଚନ୍ ଖେନାର୍; ତା ପାଚେ ସୟତାନ୍ ଖାଜି, ଇନେସ୍କି ହେଖାର୍ ପାଚଂ କିଜି ମୁକ୍ତି ଆଉର୍ ଇଦାଂ କାଜି ହେଖାର୍ ମାନତିନି ବଚନ୍ ଉନ୍ଦି ଅନାଡ଼ । ୧୩ ଆରେ କାଲ୍କୁକୁଡ଼ି ବୁଇନି ବିୟାନ୍ ଆଡ଼ତି ଲାଗ୍ଦି ମାନାୟାରିଂ ବୁଜାଆନାଡ଼, ହେଖାର୍ ବଚନ୍ ଖେନ୍ଞି ଖାରିତାଂ ଇଚନାର୍; ମାତର୍ ହେଖାର୍ତି ଚିରାହିଲ୍ଓଡିଲେ ହେଖାର୍ ଅଲପ୍ ସମୁ ପାଚଂ କିତାର୍ ଆରି ପରିକ୍ୟା ସମୁତ ଦରମ୍ ପିହ୍ନାର୍ । ୧୪ ଆରି ଖାଡ଼ି ମାର୍କୁ ବିତ୍ରେ ଆର୍ଡାକା ବିୟାନ୍, ଏଲେଙ୍ଗ୍ ବୁଜାଆନାଡ଼, ଇମ୍ଣାକାର ବଚନ୍ ଖେନ୍ଞି ରାଜିନି ଚିନ୍ତା, ଦାନ ଆରି ସୁକ୍ବଗ୍ତାଙ୍ଗ୍ ମାନଞ୍ଜି ଜିବୁନ୍ ବିତାୟ କିଜି କିଜି ତାବାୟ କିୟା ଆନାର୍, ପାଚେ ହାଦଂ ପାଡ଼୍ ଆହୁର୍ । ୧୫ ଆରି, ହାଦଂ ମେଦନିତ ଆଜଂ ମାଟି ବିୟାନ୍ ଏଲେଙ୍ଗ୍ ବୁଜାଆନାଡ଼, ଇମ୍ଣାକାର ହାର୍ ଆରି ଦାମଂ ମାନ୍ତ ବଚନ୍ ଖେନ୍ଞି ହେଦାଂ ଆସ୍ତି ଇଚନାର୍ ଆରି ବାଡ଼କାସ୍ତାଂ ପାଡ଼୍ ଆନାର୍ ।”

ମାଣ୍ ତାରେନ୍ ବଇଟା
(ମାର୍କ ୪:୨୧-୨୫)

୧୬ “ଇନେର୍ ବଇଟା କାଚାୟ କିଜି ମାଣ୍ ପୁକ୍ତି ଇଚୁନ୍, କି କାଚେଲ୍ ତାରେନ୍ ଇଚୁନ୍, ମାତର୍ ବଇଟା ଇଚ୍ନି ଜପି ଇଚ୍ନାନ, ଇନେସ୍କି ହଶ୍ଗା ଖାଜି ମାନାୟ ର ଅଜଡ଼୍ ହୁଡ଼ଦେଂ ଆଡ଼ନାର୍ ।”

୧୭ * “ଇନାକିଦେଂକି ଇନାକା ହଡ଼ଖାକା, ଇ ଲାକେ ଡ଼ଗୁଡ଼ି ବିସ୍ତେ ଇନାକା ହିଲୁଡ଼, ଆଓଡିସ୍ ଇନାକା ପୁନ୍ଓଦାଂ ହଞ୍ଜାକାହିଲୁଡ଼, ଇ ଲାକେ ଡ଼ଗୁଡ଼ି ବିସ୍ତେ ଇନାକା ହିଲୁଡ଼ ।”

୧୮ * “ଏପେଙ୍ଗ୍, ଇନେସ୍ ଖେନାଦେରା ହେ ବିସ୍ତେ ଜାଗ୍ରଡ଼; ଇନାକିଦେଂକି ଇନେରିଂ ମାନାଡ଼, ହେଖାନ୍ ହିୟାନାଡ଼, ଆରେ ଇନେରିଂ ହିଲୁଡ଼, ହେଖାନ୍ ଇନାକା ଜାର୍ତି ମାନାଡ଼ ଇଞ୍ଜି ବାବି କିନାନ୍, ହେଦାଂ ପା ହେଖାନ୍ ତାଂ ଅୟାନାଡ଼ ।”

ଜିସୁ ତେହି ଆରେ ତଣ୍ଡାହିର୍
(ମାତିଉ ୧୨:୪୭-୫୦; ମାର୍କ ୩:୩୧-୩୫)

* ୮:୧୭ ୮:୧୭ ମାତିଉ ୧୦:୨୭; ଲୁକ ୧୨:୨. * ୮:୧୮ ୮:୧୮ ମାତିଉ ୨୫:୨୯; ଲୁକ ୧୯:୨୭.

୧୯ ଜିସୁ ତେହି ଆରି ଟଣ୍ଡାହିର୍ ତା ଲାଗେ ଖାତାର୍, ମାତର୍ ମାନାୟାର୍ ଗହଲି ଲାଗିଂ ତା ଲାହାଙ୍ଗ୍ ମେହାଆଦେଂ ଆଡ଼଼ାଦାଂ ମାତାର୍ । ୨୦ ଇନେର୍ ରଖାନ୍ ତାଙ୍ଗେଙ୍ଗ୍ ଇ କାରୁର୍ ହିତାର୍, “ମିଞ୍ଜିୟା ଆରି ଟଣ୍ଡାର୍ ନି ହୁକେ ବେଟାଆଦେଂ ଇଚା କିଜି ବାରତ ନିଲ୍ତାଣ୍ଟା ।”

୨୧ ମାତର୍ ହେଞ୍ଜାନ୍ ହେଞ୍ଜାରିଂ ଉତର୍ ହିତାନ୍, “ଇମ୍ପାଣାକାର୍ ଇସ୍ପର୍ତି ବଚନ୍ ଖେନାର୍ ଆରି ମାନିକିନାର୍, ହେଞ୍ଜାର୍ ନା ଆୟା ଆରି ଟଣ୍ଡାର୍ ।”

ଜିସୁ ହାମ୍ବୁରତିଂ ଚିମ୍ବରା କିତାନ୍
(ମାତିଉ ୮:୨୩-୨୭; ମାର୍କ ୪:୩୫-୪୧)

୨୨ ଦିନେକ୍ ଜିସୁ ତା ଚେଲାହିର୍ ର ତଙ୍ଗାତ ଦୁମତାର୍, “ଆରେ ହେଞ୍ଜାନ୍ ହେଞ୍ଜାରିଂ ଇଚାନ୍, ଖାତୁ, ହାମ୍ବୁରନ୍ ଆନଟି ପାଡ଼କା ହାନାସ୍ ।” ହେବେତାଂ ହେଞ୍ଜାର୍ ତଙ୍ଗା ରିଲ୍ଲାର୍ । ୨୩ ମାତର୍ ହେଞ୍ଜାର୍ ତଙ୍ଗା ଗାଟିକିଜି ହାନି ସମୁତ ଜିସୁ ହୁନ୍ତାନ୍ । ହେଞ୍ଜାତାଂ ହାମ୍ବୁରତ ତ୍ରିପକ୍ ହୁଜାଞ୍ଜାଣି ଆତାଡ଼, ଆରେ ହେଞ୍ଜାର୍ତି ତଙ୍ଗା ଏଜୁକାଂ ବାତ୍ ଆଦେଂ ଲାଗାତାଡ଼ ଆରି ହେଞ୍ଜାର୍ ସନିତ ପଡ଼ାତାର୍ । ୨୪ ହେବେତାଂ ଚେଲାର୍ ଲାଗେ ଖାଜି ହେଞ୍ଜାନିଂ ନିକଟି ଇଚାର୍, “ଏ ଗୁରୁ, ଏ ଗୁରୁ, ଆପେଂ ହାତାପ୍ ।”

ଇବେତାଂ ଜିସୁ ନିଙ୍ଗଜି ଦୁକା ଆରି ଜବର୍ ଲଡ଼ିତିଂ ଦାକା ହିତାନ୍, ଆରି ହେ ସବୁ ଚିମ୍ବରା ଆଜି ତିର୍ ଆତାଡ଼ । ୨୫ ଆରେ, ହେଞ୍ଜାନ୍ ହେଞ୍ଜାରିଂ ଇଚାନ୍, “ମିଦାଙ୍ଗ୍ ପାତ୍ ଇମେଡ଼ ?”

ମାତର୍ ହେଞ୍ଜାର୍ ପାଣ୍ଟା ଆତାର୍ ଆରି କାବା ଆଜି ହେଞ୍ଜାର୍ ହେଞ୍ଜେଙ୍ଗ୍ ଲାଗାତାର୍, ଇଞ୍ଜାନ୍ ଇନେନ୍ ଜେ, ହେଞ୍ଜାନ୍ ଦୁକା ଆରି ଏଜୁକାଂ ପା ବଲ୍ ହିତିସ୍, ହେଞ୍ଜାଙ୍ଗ୍ ହେ ବଲ୍ ମାନିକିନିଙ୍ଗ୍ ।

ଜିସୁ ରଖାନ୍ ପୁଦାଆୟା ଆତାକାନିଂ ଉଜ୍ କିତାନ୍
(ମାତିଉ ୮:୨୮-୩୪; ମାର୍କ ୫:୧-୨୦)

୨୬ ପାଚେ ଜିସୁ ଆରି ତା ଚେଲାହିର୍ ଗାଲିଲିନି ଲାଗେ ହେ ପାଡ଼ାକାନି ଗରାସିୟର୍ ରାଜି ନିପ ଏକାତାର୍ । ୨୭ ହେଞ୍ଜାନ୍ ତଙ୍ଗାତାଙ୍ଗ୍ ହସି ଗୁଟିତ ଜୁଜି, ହେ ଗାଡ଼ନି ରକାନ୍ ପୁଦାଂ ଆହ୍‌ୟାତାକାନ୍ ହେଞ୍ଜାନିଂ ଗିଟାତାନ୍; ହେଞ୍ଜାନ୍ ବେସି ବାହୁଁ ପାଚେକ୍ ହେୟା ଉସ୍‌ପାଞ୍ଜାଦାଂ ଆରି ଇଞ୍ଜ ମାନ୍‌ଖାଦାଂ ଦୁଗେର୍ତ ମାଚାନ୍ । ୨୮ ହେଞ୍ଜାନ୍ ଜିସୁଙ୍ଗ୍ ହୁଡ଼ଜି କିକିରାତିଂ କିଜି ହେଞ୍ଜାନ୍ ସାରାଣ୍ ତାରେନ୍ ଆଜିଂ ଗାଜା କାଟ୍‌ତାଂ ଇଚାନ୍, “ଏ ଗାଜା ଇସ୍ପର୍ ମାପୁ ମାଜି ଜିସୁ, ନି ହୁକେ ନାଦାଂ ଇନାକା ମାନାଡ଼ ? ଆନ୍ ନିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା, ନାଙ୍ଗେଙ୍ଗ୍ କସୁହିଦମା ।” ୨୯ ଇନାକିଦେଂକି ଜିସୁ ବାନାଧା ଜିରୁନ୍ତିଂ ହେ ମାନାୟତିଂ ହସି ହାଞ୍ଜେଙ୍ଗ୍ ଇଞ୍ଜି ବଲ୍ ହିଜି ମାଚାନ୍ । ହେ ଜିରୁନ୍ ବେସିହର୍ ତାଙ୍ଗେଙ୍ଗ୍ ଆସ୍ତି ମାଚାଡ଼, ଆରେ ମାନାୟାର୍ ତାଙ୍ଗେଙ୍ଗ୍ ହିକ୍ତିଂ ଆରି କାଲ୍‌ଦ କାଗଡ଼ା ଲାହାଙ୍ଗ୍ ଗାଟି ଇଡ଼ଜି ମାଚାର୍, ମାତର୍ ହେଞ୍ଜାନ୍ ଗାଟି କାଦଲିଂ ନାଡ଼ତି ପୁଦା ହୁଦାଂ ତାଙ୍ଗେଙ୍ଗ୍ ବାଟାତ ଅଜି ମାଚାଡ଼ ।

୩୦ ଜିସୁ ହେଞ୍ଜାନିଂ ଖେନ୍‌ବାତାନ୍ “ନି ତର୍ ଇନାକା ?” ହେଞ୍ଜାନ୍ ଇଚାନ୍, ବାହିନି; ଇନାକିଦେଂକି ଆଦିକ୍ ପୁଦାଂ ହେଞ୍ଜାନ୍ ତାକେ ହଣ୍ଡି ମାଟିକ୍ । ୩୧ ଆରେ, ହେଞ୍ଜାନ୍ ଇନେସ୍ ହେଞ୍ଜାକାଂ ଜମ୍‌ପୁର୍ ହାଞ୍ଜେଙ୍ଗ୍ ବଲ୍ ହିଡନ୍, ଇଦାଂ କାଜିଂ ହେଞ୍ଜାଙ୍ଗ୍ ତାଙ୍ଗେଙ୍ଗ୍ ଗଞ୍ଜାରି କିଦେଙ୍ଗ୍ ଲାଗିଡିକ୍ ।

୩୨ ହେବେ ମାଡ଼ି ଲାଗେ ର ଗାଜା ପାଞ୍ଜିଙ୍ଗ୍ ମାୟା ହାରାଆଜି ମାଟିକ୍, ଆରେ ହେଞ୍ଜାନ୍ ଇନେସ୍ ହେଞ୍ଜାକାଂ ହେ ପାଞ୍ଜିଙ୍ଗ୍ ବିତ୍ରେ ହଣ୍ଡେଙ୍ଗ୍ ବଲ୍ ହିନାନ୍, ଇଦାଂ କାଜିଂ ହେଞ୍ଜାଙ୍ଗ୍ ତାଙ୍ଗେଙ୍ଗ୍ ଗଞ୍ଜାରି କିଡିକ୍ । ୩୩ ଜିସୁ ହେଞ୍ଜାରିଂ ବଲ୍ ହିତିଲେ, ପୁଦାଂ ହେ ମାନାୟ ତାକେଣ୍ଟାଂ ହସି ପାଞ୍ଜିଙ୍ଗ୍ ବିତ୍ରେ ହଟିକ୍; ହେବେ ହେ ମାଦାଂ ବେସିତାଦ୍‌ତାଂ ହସ୍ତି ହାଲ୍‌ଜି ହାମ୍ବୁର୍ ଗୁଟିତାଂ ଆଜିଂ ମୁନ୍‌ଞ୍ଜି ହାଡିକ୍ ।

୩୪ ହାରାଈ କିଜି ମାଟି ମାନାୟାର୍ ହେ ଗଟ୍‌ଶା ହୁଡ଼ଜି ହସ୍ତି ହାଲ୍‌ଜି ଗାଡ଼୍ ଆରେ ନାସ୍‌କୂକାଂ ହେଦାଂ ଖେର୍ତାର୍ । ୩୫ ହେବେ ମାନାୟାର୍ ହେ ଗଟ୍‌ଶା ହୁଡ଼ଦେଂ ହସି ଖାତାର୍; ଆରେ ହେଞ୍ଜାର୍ ଜିସୁ କଟଣ୍ଡିତ ଖାଜି, ଇମଣି ମାନାୟ ତାକେଣ୍ଟାଂ ପୁଦାଂ ହସି ମାଟିକ୍, ତାଙ୍ଗେଙ୍ଗ୍ ହେୟା ଉସ୍‌ସିସ୍ ହାର୍ ମାଡ଼ାଙ୍ଗ୍ ଜିସୁ କାଲ୍‌କୂ ତାରେନ୍ କୁଟ୍‌ତି ମାନାକା ହୁଡ଼ଜି ପାଣ୍ଟା ଆତାର୍ । ୩୬ ଆରି ଇନେର୍ ହୁଡ଼ଜି ମାଚାର୍, ହେଞ୍ଜାର୍ ହେ ପୁଦାଆହ୍‌ୟା ଆଜି ମାଟି ମାନାୟ ଇନେସ୍ ଆଜି ଉଜ୍ ଆତାନ୍, ହେଦାଂ ହେଞ୍ଜାରିଂ ଖେର୍‌ପାତାର୍ । ୩୭ ହେବେ ଗରାସିୟାର୍ ଦେସନି ଚାରିବେଣ୍ଡି ମାନାୟ ଖିଜାର୍ ହେଞ୍ଜାର୍ ହାହିତାଂ ହାଞ୍ଜେଙ୍ଗ୍ ଜିସୁଙ୍ଗ୍ ଗଞ୍ଜାରି କିତାର୍, ହେଞ୍ଜାର୍ ବେସି ପାଣ୍ଟା ଆଜି ମାଚାର୍; ଆରେ, ହେଞ୍ଜାନ୍ ର ତଙ୍ଗାତ ଦୁମ୍‌ଜି ମାସ୍‌ଦି ଖାତାର୍ । ୩୮ ମାତର୍ ଇମଣି ମାନାୟ ତାକେଣ୍ଟାଂ ପୁଦାଂ ହସି ହାଲ୍‌ଜି ମାଟିକ୍,

“ହେଞ୍ଜାନ୍ ଜିସୁ ଲାଗାଂ ମାଞ୍ଜେଙ୍ଗ୍ ଗଞ୍ଜାରି କିତାନ୍ ।” ୩୯ “ମାତର୍ ହେଞ୍ଜାନ୍ ତାଙ୍ଗେଙ୍ଗ୍ ପକ୍‌ତି ଇଚାନ୍, ମିଞ୍ଜି ମାସ୍‌ଦି ହାଲା, ଆରେ ଇସ୍ପର୍ତି କାଜିଂ ଇମଣି କାମାୟ କିତାନ୍‌ନା, ହେଦାଂ ଖିଜୁ ମାନାୟତିଂ ଖେଟା ।”

ହେବେ ହେଞ୍ଜାନ୍ ତାଙ୍ଗେଙ୍ଗ୍ ହାଲ୍‌ଜି, ଜିସୁ ହେଞ୍ଜାନ୍ କାଜିଂ ଇମଣି କାମାୟ କିଜି ମାଚାନ୍, ହେଦାଂ ଖିଜୁ ଗାଡ଼୍ ସୁଣାୟ କିଦେଙ୍ଗ୍ ଲାଗାତାନ୍ ।

ଜାଇରସ୍ ଗାହଡ଼ିଙ୍କୁ ଆରେ ର ରଗ୍ କଗଲେଂ ଉଜ୍ କିତାନ୍
(ମାତିଉ ୯:୧୮-୨୬; ମାର୍କ ୫:୨୧-୪୩)

୪୦ ଆରେ ଜିସୁ ମାସିଦି ଖାତିଲେ ମାନାୟାର ଗହଲିତାଂ ତାଙ୍ଗେଙ୍ଗ୍, ଖାରିତାଂ ଇଟ୍ତାର୍, ଇନାକିଦେଂକି ଓଜାର୍ ତାଙ୍ଗେଙ୍ଗ୍ କାସି ମାଚାର୍ । ୪୧ ଆରେ, ହୁଡ଼ାଟ୍; ଜାଇରସ୍ ତରଦାକାନ୍ ରଖାନ୍ ଖାତାନ୍; ହେଖାନ୍ ରଖାନ୍ କୁଟୁମ୍ ଇଞ୍ଜି ମୁଡ଼ଦାକାନ୍ ମାଚାନ୍ । ହେଖାନ୍ ଜିସୁତି କାଲ୍ତାରେନ୍ ଗୁରଜି ଜାର୍ ଇଞ୍ଜି ଖାନି କାଜିଂ ଗଞ୍ଜାରି କିତାନ୍ । ୪୨ ଇନାକିଦେଂକି ତାତି ବାର ବାହୁଁ ବୟସିନ୍ ରଞ୍ଜେଲ୍ ମତର୍ ଗାଡ଼ତେ ମାଚାଡ଼, ଆରେ ହେଦେଲ୍ ହାନି ଲାକେ ଆଜି ମାଚାଡ଼ ।

ମାତର୍ ହେଖାନ୍ ହାନି ସମୁତ ମାନାୟାର୍ ତା ଜପି କୁସପିସ୍ ମାଚାର୍ । ୪୩ ହେ ପାଦନା ବାର ବାହୁଁ ପାତେକ୍ ନେତେର୍ ନାଡ଼ଞ୍ଜାକା ରଗ୍ୟାଣି ର କଗଲେ, ମାଚାଡ଼ ଇନେସକି ତା ଜିବୁନ୍ତ ସବୁ ଦାନ୍ ଓସି ମାଚାଡ଼ ପା ଉଜ୍ ଆଡ଼ଞ୍ଜାଦାଂ ମାଚାଡ଼, ୪୪ ହେଦେଲ୍ ପାଟ୍ ବାଗାଙ୍ଗ୍ ଖାଜି ହେଖାନ୍ତି ହେହାନି ଚେଲିଂ ତୁତାଡ଼, ଆରେ ହେ ସାଙ୍ଗେ ତାଙ୍ଗେଙ୍ଗ୍ ଗାଗାଡ଼ ଟେବା ଆତାଡ଼ । ୪୫ ହେବେଣ୍ଡାଂ ଜିସୁ ଇଚାନ୍, “ଇନେର୍ ନାଙ୍ଗେଙ୍ଗ୍ ତୁଡ଼ତାର୍ ?”

ମାତର୍ ଓଜାର୍ ପାଟ୍ କିଓିହିଙ୍ଗ୍, ପିତର୍ ଇଚାନ୍, “ଏ ଗୁରୁ, ମାନାୟାର୍ ମେଲ୍ ମେଲ୍ ଆଜି ନି ଜପି କୁସପା ଆଦନାରା ।”

୪୬ ମାତର୍ ଜିସୁ ଇଚାନ୍, “ଇନେର୍ ରଖାନ୍ ନାଙ୍ଗେଙ୍ଗ୍ ତୁଡ଼ତାନ୍, ଇନାକିଦେଂକି ନାଙ୍ଗାତାଂ ସାକ୍ତି ହସି ହାତି ଲାକେ ଆନ୍ ପୁଚାଙ୍ଗ୍ ।” ୪୭ ଏଚେକାଡ଼ଦ କଗଲେ ହୁଡ଼ତାଡ଼ ଜେ, ହେଦେଲ୍ ତୁଗୁଜି ମାଞ୍ଜେଙ୍ଗ୍ ଆଡ଼ଞ୍ଜାତାଡ଼, ହେ ଏଚେକାଡ଼ଦ ହେଦେଲ୍ ତ୍ରିଗଜି ତ୍ରିଗଜି ଖାଜି ହେଖାନ୍ତି ତାଣ୍ଡାହାଡ଼ ମାଗଜି, ଇନାକିଦେଂକି ତାଙ୍ଗେଙ୍ଗ୍ ତୁତାଡ଼ ଆରି ଇନେସ୍ ସାଙ୍ଗେ ସାଙ୍ଗେ ଉଜ୍ ଆତାଡ଼ ହେଦାଂ ଓଜାର୍ ମାନାୟ୍ ମୁମଦ ଖେଟ୍ତାଡ଼ । ୪୮ ହେବେଣ୍ଡାଂ ହେଦେଲିଂ ଇଚାନ୍, “ଏ ଗାଡ଼ତେ ନି ପାଟ୍ ନିଙ୍ଗେଙ୍ଗ୍ ଉଜ୍ କିଡ଼ତାଡ଼ନା, ସୁସ୍ତାତାଂ ତାଙ୍ଗଜି ହାଲି ।”

୪୯ ହେଖାନ୍ ଇ ବେରଣ୍ ଇଞ୍ଜିମାନିହିଂ କୁଟୁମ୍ ଇଞ୍ଜି ମୁଡ଼ଦାକାନ୍ ରଖାନ୍ ଖାଜି ଇଚାନ୍, “ନି ଗାଡ଼ ହାତାତେ, ଗୁରୁଙ୍ଗ୍ ଆରେ କସୁ ହିମାଟ୍ ।”

୫୦ ମାତର୍ ଜିସୁ ଇଦାଂ ଖେନ୍ଞ୍ଜି ଜାଇରସ୍ତିଂ ଉତର୍ ହିତାନ୍, “ପାଣ୍ଡା ଆମା, କେବଲ୍ ପାଟ୍ କିୟା, ଆରେ ହେଦେଲ୍ ଉଜ୍ ଆନାଡ଼ ।”

୫୧ ଆରେ, ହେଖାନ୍ ଇଞ୍ଜି ଖାଜି ପିତର୍, ଜହନ୍ ଆରି ଜାକୁବ୍, ଆରେ ଗାଡ଼ତେ ଲାତ୍ରାହି ତେହିଙ୍ଗ୍ ପିସ୍ତି ଆରେ ଇନେରିଂ ତା ଲାହାଙ୍ଗ୍ ବିତ୍ରେ ହଣ୍ଡେଙ୍ଗ୍ କାଜିଂ ହିଞ୍ଜାତାର୍ । ୫୨ ମାତର୍ ଓଜାକାର୍ ହେ କାଜିଂ ଆଡ଼ଜି ଆଡ଼ଜି ନେଞ୍ଜେତାକିତ ଇଡ଼ିୟା ଆଜି ମାଚାର୍ । ହେବେଣ୍ଡାଂ ହେଖାନ୍ ଇଚାନ୍, “ଆଡ଼ବାମାଡ଼; ହେଦେଲ୍ ହାଞ୍ଜାତାଡ଼ନା, ମାତର୍ ହୁଞ୍ଜୁନାତା ।”

୫୩ ମାତର୍ ହେଦେଲ୍ ହାତାତେ ଇଞ୍ଜି ପୁନ୍ଞ୍ଜି ମାତିଲେ ହେଖାର୍ ଜିସୁଙ୍ଗ୍ ଗ୍ରେଟ୍ତେଂ ଲାଗାତାର୍ ।

୫୪ ମାତର୍ ଜିସୁ ତା କେଇ ଆସ୍ତି ହିରବିସ୍ ଇଚାନ୍, “ଏ ଗାଡ଼ତେ ନିଙ୍ଗା ।” ୫୫ ହେବେ ତା ଜିବୁନ୍ ଖାତାଡ଼, ଆରେ ହେଦେଲ୍ ହେ ଦାପ୍ରେ ନିଙ୍ଗତାଡ଼, ଆରେ ଜିସୁ ତାଙ୍ଗେଙ୍ଗ୍ ଇଚୁଟିଂ ତିଞ୍ଜେଙ୍ଗ୍ ହିଦେଙ୍ଗ୍ ଇଞ୍ଜି ବଲ୍ ହିତାନ୍ । ୫୬ ଇବେ ହେ ଲାତ୍ରାହି ତେହି ଗାଟକା ଆତାର୍; ମାତର୍ ହେ ଗଟ୍ଟାଣି କାତା ଇନେରିଂ ଖେଟ୍ପାମାଡ଼ ଇଞ୍ଜି ବଲ୍ ହିତାନ୍ ।



ଜିସୁ ବାରଜାଣ୍ ଚେଲାରିଂ ପକ୍ତାନ୍
(ମାତିଉ ୧୦:୫-୧୫; ମାର୍କ ୬:୭-୧୩)

୧ ଇବେତାଂ ହେଖାନ୍ ବାରଜାଣ୍ ଚେଲାରିଂ କୁକ୍ତି ରବେ କିଜି ହେଖାରିଂ ସବୁ ପୁଦାଂ ପିହିକିଦେଂ, ଆରେ ରଗ୍ ଉଜ୍ କିଦେଙ୍ଗ୍ କାଜିଂ ସାକ୍ତି ଆରି ଆଦିକାର୍ ହିତାନ୍ । ୨ ଆରେ, ହେଖାନ୍ ହେଖାରିଂ ଇସ୍ତର୍ ରାଜିନି ନେକ୍ତିକାରୁର୍ ସୁଣାୟ୍ କିଦେଙ୍ଗ୍ ଆରି ରଗ୍ୟାରିଂ ଉଜ୍ କିନି କାଜିଂ ପକ୍ତାନ୍, ୩ ଆରି, ହେଖାରିଂ ଇଚାନ୍, “ନି ହାନି କାଜିଂ ବାଡ଼ଗା କି ମଣା କି ରୁଟି କି ତାରୁଙ୍ଗ୍ ପା ଅମାଟ୍, ନଲେ ରିଣ୍ଡାଂ ଆଙ୍ଗିଙ୍ଗ୍ ରଚେ ଇଟ୍ମାଟ୍ । ୪ ଆରେ, ଏପେଙ୍ଗ୍ ଇମ୍ଣା ଇଞ୍ଜି ମାନିକିଦନାର୍, ହେ ବାହାତାଂ ହାଲ୍ଓି ପାତେକ୍ ହେବେ ମାନାଟ୍ । ୫ ଆରେ, ଏଚେକ୍ ଜାଣ୍ ମିଙ୍ଗେଙ୍ଗ୍ ମାନିକିଦୁର୍, ହେ ନାସ୍ତାଂ ଖାନିହିଂ ହେଖାର୍ ବିରୁଦ୍ତ ସାକି ହିନି କାଜିଂ ମି ପାନାନି ଦୁଡ଼ି ତାଡ଼ତି ତୁହିୟାଟ୍ ।

୬ ହେବେଣ୍ଡାଂ ହେଖାର୍ ହାଲ୍ଓି ଓଜୁ ବାହାତ ନେକ୍ତିକାରୁର୍ ସୁଣାୟ୍ କିତାର୍ ଆରି ଉଜ୍ କିଜି କିଜି ନାସ୍ତୁ ନାସ୍ତୁକାଂ ବୁଲାଆଦେଂ ଲାଗାତାର୍ ।”

ହେରଦ୍ ରାଜା ଗୁପା ଆତାନ୍
(ମାତିଉ ୧୪:୧-୧୨; ମାର୍କ ୬:୧୪-୨୯)

☆ ୯:୫ ୯:୫ ପକ୍ୟାତାକା ୧୩:୫୧. ☆ ୯:୫ ୯:୫ ଲୁକ ୧୦:୪-୧୧.

୭ ✨ଇବେଣ୍ଟା ଗାଲିଲିନି ସାମନ୍ତ ରାଜା ହେଉନ୍ ଇ ଓଁନୁ ଗର୍ଣା ବିସ୍ତେ ଖେନ୍ଝି ବୁଦିଆନ୍ଦାର୍ ଆତାନ୍, ଇନାକିଦେଂକି ବାପ୍ରିସିମ୍ହିନି ଜହନ୍ ହାତି ତାକେଣ୍ଟା ନିଂତାନ୍ନା ଇଞ୍ଜି ଇନେ ଇନେର୍ ଇଞ୍ଜି ମାଚାର୍ । ଠ ଆରେ, ଇନେ ଇନେର୍ ଏଲିୟ ଚଞ୍ଜ୍ୟା ଆତାନ୍ନା ଇଞ୍ଜି ଇଞ୍ଜି ମାଚାର୍ ଆରି ବିନ୍ନିକାର୍ ଆଗେଦିନ୍ତି ବେଶବାକ୍ଶାୟକିନାକାନ୍ତି ବିତ୍ତେ ରଞ୍ଜାନ୍ ଆରେ ନିଂତାନ୍ନା ଇଞ୍ଜି ଇଞ୍ଜି ମାଚାର୍ ।

୯ ମାତର୍ ହେଉନ୍ ଇଚାନ୍, “ଜହନ୍ତି କାପ୍ତାତ ଆନ୍ ତୁଟାଙ୍ଗନା, ମାତର୍ ଇନେର୍ ବିସ୍ତେ ଏଲେଙ୍ଗ୍ ବାନି କାତା ଖେନାପା, ଇଞ୍ଜାନ୍ ଇନେନ୍ ? ଆରେ, ହେଞ୍ଜାନ୍ ତାଙ୍ଗେଙ୍ଗ୍ ହୁଡ୍ଦେଂ ଇଞ୍ଜି ସେସ୍ତା କିଜି ମାଚାନ୍ ।”

ଜିସୁ ପାଞ୍ଚ ହାଜାର ମାନାୟତିଂ ଚିପ୍ପାତାନ୍
(ମାତିଉ ୧୪:୧୩-୨୧; ମାର୍କ ୬:୩୦-୪୪; ଜହନ୍ ୬:୧-୧୪)

୧୦ ପାଚେ ପକ୍ୟାତାକାର୍ ମାସଦି ଖାଜି, ଇନା ଇନାକା କିଜି ମାଚାର୍, ହେ ଓଁନୁ ତା ତାକେ ଖେଚ୍ପାତାଚ୍ । ଆରେ ହେଞ୍ଜାନ୍ ହେଞ୍ଜାରିଂ ରଚେ ଅଜି ହାଲ୍ଜି ବିନେ ଆଜି ବେଡ୍‌ସାଇଦା ଇନି ଗାଡ୍‌ଦ ହାଚାର୍ । ୧୧ ମାତର୍ ମାନାୟାର୍ ହେଦାଂ ପୁଞ୍ଜି ହେଞ୍ଜାନ୍ ପାଚେ ହାଚାର୍; ଆରେ, ହେଞ୍ଜାନ୍ କାର୍ମା ଆଜି ହେଞ୍ଜାରିଂ ଅଜି ହାଲ୍ଜି ଇସ୍ତର୍ ରାଜି ବିସ୍ତେ ହେଞ୍ଜାରିଂ ଖେଚ୍ଚେଙ୍ଗ୍ ଲାଗାତାନ୍, ଆରେ ଇନେର୍ତି ଉଜ୍ ଆଦେଂ ଇଚା ମାଚାଚ୍, ହେଞ୍ଜାରିଂ ଉଜ୍ କିତାନ୍ ।

୧୨ ଇଦାଂ ପାଚେ ଖେଡ୍ଡା ହାନିହିଂ; ହେବେ ବାରଜାଣ୍ ହେଞ୍ଜାନ୍ କଚଣ୍ଡ ଖାଜି ଇଚାର୍, “ମାନାୟାର୍ ଇନେସ୍ ଚାରିବେଣ୍ଡି ନାସ୍‌କୁ ଆରି ଗୁଡ୍‌ନିକାର୍ ହାଲ୍ଜି ମାଞ୍ଜେଙ୍ଗ୍ ଆରି କାଦି ପାୟା ଆନାର୍, ହେଦାଂ କାଜିଂ ହେଞ୍ଜାରିଂ ପକାମ୍‌ଦେ, ଇନାକିଦେଂକି ଆସେଙ୍ଗ୍ ଇବେ ଚିମ୍‌ରା ବାହାତ ମାନାସ୍ ।”

୧୩ ମାତର୍ ହେଞ୍ଜାନ୍ ହେଞ୍ଜାରିଂ ଇଚାନ୍, “ଏପେଙ୍ଗ୍ ହେଞ୍ଜାରିଂ ଚିପ୍ପାଚ୍ ।”

ହେଞ୍ଜାର୍ ଇଚାର୍, “ମା ତାକେ ପାଞ୍ଚଗଟା ରୁଟିଂ ଆରେ ରିଣ୍ଟାଂ ମିନ୍‌କୁ ତାଙ୍ଗ୍ ଆଗ୍‌ଡା ହିଲୁକ୍; ତାଆତିସ୍ ଆସେଙ୍ଗ୍ ଇନାକା ହାଲ୍ଜି ଇ ଓଁଜାକାର୍ ମାନାୟ କାଜିଂ କାଦି କଡ୍‌ନାସ୍ ?” ୧୪ ଇନାକିଦେଂକି ହେଞ୍ଜାର୍ ଆନ୍‌ମାନ୍ ପାଞ୍ଚ ହାଜାର୍ ଆଣ୍ଟାହିମଣାଂ ମାଚାର୍ ।

“ଆରି, ଜିସୁ ଜାର୍ ଚେଲାହିରିଂ ଇଚାନ୍, ଇସାବ୍ କିଜି ରିକଡିଦସ୍ ରିକଡି ଦସ୍‌ଜାଣ୍ କିଜି ହେଞ୍ଜାରିଂ ମାନ୍ଦା ମାନ୍ଦା କିଜି କୁଚିକିୟାଚ୍ ।”

୧୫ ହେବେଣ୍ଟା ହେଞ୍ଜାର୍ ହେ ଲାକେ କିଜି ଓଁଜାରିଂ କୁଚିକିତାର୍ । ୧୬ ଆରେ, ଜିସୁ ହେ ପାଞ୍ଚଗଟା ରୁଟିଂ ଆରେ ରିଣ୍ଟାଂ ମିନ୍‌କୁ ଅଜି ବାଦାଡ୍‌ତିଂ ହୁଡ୍‌ଜି ହେ ଓଁନୁକାଙ୍ଗ୍ ଆସିର୍ବାଦ୍ କିତାନ୍, ଆରେ ତ୍ରିପ୍‌କିସ୍ ଓଁନୁ ଲାଗାଂ ଚିପ୍‌ପି କିଦେଙ୍ଗ୍ କାଜିଂ ଚେଲାରିଂ ହିଦେଂ ଲାଗାତାନ୍ । ୧୭ ହେବେ ଓଁଜାକାର୍ ତିନ୍‌ଞ୍ଜି ପଟ୍ ପାଞ୍ଚାର୍, ଆରେ ହେଖେର୍ ହେଞ୍ଜାର୍ କଚଣ୍ଡ ହାର୍‌ତିକିଙ୍ଗ୍ ବାର ଟପା ତ୍ରିଙ୍ଗ୍‌ତି କୁଦ୍ରି ପେସ୍‌ଜି ଅଚାର୍ ।

ଜିସୁଙ୍ଗ୍ ପିତର୍ ମାନିକିତାନ୍
(ମାତିଉ ୧୬:୧୩-୧୯; ମାର୍କ ୮:୨୭-୨୯)

୧୮ ରଗ ଜିସୁ ଚିମ୍‌ରାତାଂ ପାର୍ତାନା କିଜି ମାନିହିଂ ଚେଲାହିର୍ ତା ଲାହାଙ୍ଗ୍ ମାଚାର୍, ଆରେ ଜିସୁ ହେଞ୍ଜାରିଂ ଖେନ୍‌ବାତାନ୍, “ଆନ୍ ଇନେନ୍ ଇଞ୍ଜି ମାନାୟାର୍ ଇନାକା ଇଞ୍ଜିନାରା ?”

୧୯ ✨“ଇବେ ହେଞ୍ଜାର୍ ଉତର୍ ହିଚାର୍, ବାପ୍ରିସିମ୍ ହିନି ଜହନ୍,” ମାତର୍ ଇନେର୍ ଇନେର୍ ଇନାର୍, “ଏଲିୟ, ଆରେ ଇନେର୍ ଇନେର୍ ଇନାରା, ଆଗେନି ଦିନ୍ତି ବେଶବାକ୍ଶାୟ କିନାକାନ୍ ବିତ୍ତେ ରଞ୍ଜାନ୍ ଆରେ ନିଂତାକାନ୍ ଆତାନ୍ନା ।”

୨୦ ✨ଜିସୁ ହେଞ୍ଜାରିଂ ଖେନ୍‌ବାତାନ୍, “ମାତର୍ ଆନ୍ ଇନେନ୍ ଇଞ୍ଜି ଏପେଙ୍ଗ୍ ଇନାକା ଇଞ୍ଜିନାଦେରା ?”

ପିତର୍ ଉତର୍ ହିଚାନ୍, “ଇସ୍ତର୍ କ୍ରିସ୍ଟ୍ ।”

ଜିସୁ ନିଜେ ହାଜି ଆରେ ଜିବୁନ୍ ଖାନି ବିସ୍ତେ ନି ବେରଣ୍
(ମାତିଉ ୧୬:୨୦-୨୮; ମାର୍କ ୮:୩୦-୯:୧)

୨୧ ଆରେ ଜିସୁ ହେଞ୍ଜାରିଂ ଇଚାନ୍ ଇଦାଂ ଇନେରିଂ ଖେଚ୍‌ମାଚ୍ ଇଞ୍ଜି ହେଞ୍ଜାରିଂ ତାଚ୍ କିଜି ବଲ୍ ହିଜି ଇଚାନ୍, ୨୨ ଆରେ ହେଞ୍ଜାନ୍ ହେଞ୍ଜାରିଂ ଇଚାନ୍, “ମାନାୟ ମାଜିଂ ଆଦିକ୍ ଦୁକ୍‌ପାୟା ଆନାକା ମାନାଚ୍ ଆରେ ବୁଡାଲୁର୍, ମୁଡ୍ ମାପୁହେବାକିନାକାନ୍ ଆରି ସାସ୍ତ୍ରିର୍ ହୁକେ ମୁନା କିୟା ଆଜି ହାନାକା ଆନାଚ୍, ଆରେ ତିନ୍‌ଦିନ୍‌ତାଂ ନିଙ୍ଗନାକା ମାନାଚ୍ ।”

୨୩ ✨ହେ ପାଦ୍‌ନା ଜିସୁ ଓଁଜାରିଂ ଖେଚ୍‌ଚାନ୍, “ଇନେନ୍ ଏଚେକାଡ୍‌ଦ୍ ନା ଲାହାଙ୍ଗ୍ ଖାଦେଙ୍ଗ୍ ଇଚା କିନାନ୍, ଓଁନୁ ପିସ୍ତି ସବୁଦିନା ହେଞ୍ଜାନ୍ କୁସ୍ ଆସ୍ତି ନା ଲାହାଙ୍ଗ୍ ଖାୟେନ୍ । ୨୪ ✨ଇନାକିଦେଂକି ଇନେନ୍ ଜାର୍ ଜିବୁନ୍

✨ ୯:୭ ୯:୭ ମାତିଉ ୧୬:୧୪; ମାର୍କ ୮:୨୮; ଲୁକ ୯:୧୯. ✨ ୯:୧୯ ୯:୧୯ ମାତିଉ ୧୪:୧,୨; ମାର୍କ ୬:୧୪,୧୫; ଲୁକ ୯:୭,୮. ✨ ୯:୨୦ ୯:୨୦ ଜହନ୍ ୬:୨୮,୨୯. ✨ ୯:୨୩ ୯:୨୩ ମାତିଉ ୧୦:୩୮; ଲୁକ ୧୪:୨୭. ✨ ୯:୨୪ ୯:୨୪ ମାତିଉ ୧୦:୩୯; ଲୁକ ୧୭:୩୩; ଜହନ୍ ୧୨:୨୫.

ରାକ୍ୟା କିଦେଙ୍ଗ ଇଚା କିନାନ୍, ହେୱାନ୍ ତା ଜିରୁନ୍ ଆରାୟ୍ କିନାନ୍; ମାତର୍ ଇନେର୍ ଜଦି ନା କାଜିଂ ହେୱାନ୍ ଜିରୁନ୍ ଆରାୟ୍ କିନାନ୍, ହେୱାନ୍ ହେଦାଂ ରାକ୍ୟା କିନାନ୍ । ୨୫ ଆରି, ମାନାୟ୍ ଏଚେକାଡ଼ଦ୍ ଝିଜୁ ପୁତ୍ ତିଂ ଲାବ୍ କିଜି ଜାର୍ ଜିରୁନ୍ ଆରାୟ୍ କିନାନ୍, ତେବେ ତାଦାଙ୍ଗ୍ ଇନା ଲାବ୍ ? ୨୬ ଲାଗିଂ ଇନେର୍କି ଜଦି ନା ଆରେ ନାଦାଂ ବେରଣ୍ ବିସ୍ତେ ଲାଜକୁଡ଼ା ଆନାନ୍, ମାନାୟ୍ ମାଜି ଏଚେକାଡ଼ଦ୍ ଜାର୍ତି ଆରି ଆବାତି, ମତର୍ ପୁଇପୁୟା ଦୁଡ଼ର୍ ଜାଜମାଲ୍ ଖାନାନ୍, ହେୱେଡ଼ାଂ ହେୱାନ୍ ହେଦାଂ ବିସ୍ତେ ଲାଜା ଆନାନ୍ । ୨୭ ମାତର୍ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ଇସ୍ତର୍ ରାଜି ହୁଡ଼୍ଝି ପାତେକ୍ ଇବେ ନିଲ୍ଟିମାନି ଲକୁ ବିତ୍ତେ ଏଚେକ୍‌ଜାଣ୍ ଇନେସ୍ କିଜିପା ହାକି ହୁଡ଼ୁ ।”

ଜିସୁତି ପାଗମାସନାକା
(ମାତିଉ ୧୭:୧-୮; ମାର୍କ ୯:୨-୮)

୨୮ ଇ ଝିଜୁ ଗର୍ଗାଣି ଆର୍ ଦିନ୍ ପାଚେ ହେୱାନ୍ ପିତର୍, ଜହନ୍ ଆରି ଜାକୁବ୍ତିଂ ରଚେ ଅଜି ହାଲ୍‌ଜି ପାର୍ତନା କିନି କାଜିଂ ମାଡ଼ି ଜପି ହାଚାର୍ । ୨୯ ଆରେ, ଜିସୁ ପାର୍ତନା କିନି ୱେଡ଼ାଲିଂ ତା ମୁମ୍ ବାଦଲି ଆତାଡ଼ ଆରି ତା ହେୟା ତିନିଆଡ଼ ଆରି ଜବର୍ ଅଜଡ଼ ଆତାଡ଼ । ୩୦ ଆରେ ହୁଡ଼ାଟ୍ ତ୍ରିପ୍‌କୁ, ମସା ଆରି ଏଲିୟ, ଇ ରିୟାର୍ ହେୱାନ୍ ଲାହାଙ୍ଗ୍ ବେରଣ୍ କିଦେଙ୍ଗ୍ ଲାଗାତାର୍; ୩୧ ହେୱାର୍ ସାଗେ ପାଣ୍ଡାଂ ଚଞ୍ଜୟା ଆଜି ମାଚାର୍, ହେୱାନ୍ ଜିରୁସାଲମ୍‌ତ ଇନାଖାଡ଼ାଙ୍ଗ୍ ହାଞ୍ଜେଙ୍ଗ୍ ଜାଲ୍‌ଦି ଆଜି ମାନାର୍, ହେ ବିସ୍ତେ ଇଞ୍ଜି ମାଚାର୍ । ୩୨ ହେ ଖାଡ଼ାଙ୍ଗ୍ ପିତର୍ ଆରି ତା ହାଙ୍ଗଦାକାର୍ ହୁଡ଼କାଣ୍‌କୁ ହତିଲେ ହୁନ୍‌ଞ୍ଜି ମାଚାର୍; ମାତର୍ ହେୱାର୍ ହୁନ୍‌ଜି ନିଙ୍ଗନିହିଂ ହେୱାନ୍ତି ଜାଜମାଲ୍ ଆରି ତା ଲାହାଂ ନିଲ୍ଟି ମାନି ହେ ରିୟାରିଂ ହୁଡ଼ତାର୍ । ୩୩ ପାଚେ ହେୱାର୍ ତା ତାକେଣ୍ଡାଂ ହାନିହିଂ ପିତର୍ ଜିସୁଙ୍ଗ୍ ଇଞ୍ଜେଙ୍ଗ୍ ଲାଗାତାନ୍, “ଏ ଗୁରୁ, ଆପେଂ ଜେ ଇ ବାହାତ ମାନାପ୍, ଇଦାଂ ହାଡ଼ଦାକା; ଆସେଙ୍ଗ୍ ତିନିଗଟା ପୁଟ୍‌କୁ ରଚନାସ୍, ନି କାଜିଂ ରଞ୍ଜାଙ୍ଗ୍, ମସା କାଜିଂ ରଞ୍ଜାଙ୍ଗ୍ ଆରେ ଏଲିୟ କାଜିଂ ରଞ୍ଜାଙ୍ଗ୍ ।” ମାତର୍ ହେୱାନ୍ ଇନାକା ଇନାନ୍ନା, ହେଦାଂ ପୁନ୍‌ଖାଦାଂ ମାଚାର୍ ।

୩୪ ପିତର୍ ଇଦାଂ ଇନ୍ନୁ ଇନ୍ନୁ ବାଦାଡ଼୍ ଖାଜି ହେୱାରିଂ ତାବାୟ୍ କିତାଡ଼, ଆରେ ହେୱାର୍ ବାଦାଡ଼ତାକେ ହଣ୍‌ଗିନିହିଙ୍ଗ୍ ପାଣ୍ଡା ଆତାର୍ । ୩୫ ପାଚେ ହେ ବାଦାଡ଼ତାଂ ଇ କାତା ଆତାଡ଼, “ଇଞ୍ଜାନ୍ ନା ମାଜି, ମା ବାତି କିତି ଇଞ୍ଜାନ୍ତି ବଚନ୍ ୱେନାଟ୍ ।”

୩୬ ଆରେ, ହେ କାତା ଆତି ପାଚେ ଜିସୁ ରଞ୍ଜାନ୍‌ନେ ଚନ୍‌ଞ୍ଜାତାନ୍ । ପାଚେ, ହେୱାର୍ ଚିମ୍‌ରା ଆଜି ମାଚାର୍, ଆରେ ଇନା ଇନାକା ହୁଡ଼ଜି ମାଚାର୍, ହେବେଣ୍ଡାଂ ଇନା ବେରଣ୍ ହେୱାଡ଼ାଂ ଇନେରିଂ ୱେଡ଼୍‌ଖାତାର୍ ।

ପୁଦା ଆୟାତି କାଡ଼ଦେଂ ଜିସୁ ଉଜ୍ କିତାକା
(ମାତିଉ ୧୭:୧୪-୧୮; ମାର୍କ ୯:୧୪-୨୭)

୩୭ ମାହିଙ୍ଗନି ଦିନ୍ ଜିସୁ ଆରେ ତିନିଜାଣ୍ ଚେଲାର୍ ମାଡ଼ିତାଂ ଜୁଜି ଖାତିଲେ, ବେସିହେନି ମାନାୟ୍ ତା ଲାହାଙ୍ଗ୍ ବେଟା ଆତାର୍ । ୩୮ ଆରେ ହୁଡ଼ାଟ୍, ମାନାୟ୍ ଗହଲି ବିତ୍ତେତାଂ ରଞ୍ଜାନ୍ ଗାଜା ୱେଇ କିଜି ଇଚାନ୍, “ଏ ଗୁରୁ, ଆନ୍ ନିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା, ନା ମାଜି କାଜିଂ କାର୍ମା ହୁଡ଼ା, ଇନାକିଦେଂକି ହେୱାନ୍ ନା ରଞ୍ଜାନ୍ ଇଞ୍ଜି ମାଜି; ୩୯ ହୁଡ଼ାଟ୍, ତାଙ୍ଗେଙ୍ଗ୍ ର ପୁଦା ଆହନାଡ଼, ଆରେ ହେୱାନ୍ ତ୍ରିପ୍‌କୁ କିରଡ଼ି କିଜି ନିଙ୍ଗନାନ୍, ପାଚେ ହେୱାନ୍ ଏଲେଙ୍ଗ୍ ମଡ଼ିକିନାଡ଼ ଜେ, ତା ୱେଇଦିଂ ପେପ୍‌ଲା ହଡ଼ନାଡ଼, ପାଚେ ହେଦାଂ ତାଙ୍ଗେଙ୍ଗ୍ ଚିରବିର୍ କିଜି ତା ତାକେଣ୍ଡାଂ କେତେ କସୂତାଂ ହସି ହାନାଡ଼ । ୪୦ ତାଙ୍ଗେଙ୍ଗ୍ ପିହିକିଦେଂ ଇଞ୍ଜି ଆନ୍ ନି ଚେଲାରିଂ କୁକ୍‌ତି ମାଚାଙ୍ଗ୍, ମାତର୍ ହେୱାର୍ ଆଡ଼୍‌ଖାତାର୍ ।”

୪୧ ଜିସୁ ଉତର୍ ହିତାନ୍, “ଆଡ଼େ ପାଚ୍ କିଞ୍ଜାକାଦେର୍ ଆରି ବାନ୍ୟା ଲାଡ଼ାର୍, ଏଚେକ୍ ଦିନ୍ ଆନ୍ ମି ଲାହାଙ୍ଗ୍ ରଚେ ମାନ୍‌ଞ୍ଜି ମି ଚିନ୍ତା ଏଚେକ୍ ହୁଞ୍ଜନାଙ୍ଗ୍ ? ମି ମାଜିଙ୍ଗ୍ ନା ତାକେ ତାଈଖାଡ଼ୁ ।”

୪୨ କାଡ଼ଦେ ଖାଉ ଖାଉ ପୁଦା ତାଙ୍ଗେଙ୍ଗ୍ ତାରେନ୍ ଗୁଡ଼ତି ବେସି ରାଗ୍‌ଦାଂ ମଡ଼ିକିତାଡ଼, ମାତର୍ ଜିସୁ ବାନ୍ୟା ଜିରୁନ୍‌ତିଂ ଦାକା କିତାନ୍ ଆରି କାଡ଼ଦେଂ ଉଜ୍ କିଜି ତାଞ୍ଜିଆବା କେଇଦ ହିତାନ୍ । ୪୩ ହେବେ ୱେଜାକାର୍ ଇସ୍ତର୍ ଗାଜା ସାକ୍ତି କାଜିଂ କାବା ଆଜି ହାଚାର୍ । ମାତର୍ ହେୱାନ୍ କିତି ଝିଜୁ କାମାୟ୍ କାଜିଂ ୱେଜାକାର୍ ଚାନ୍ୟା ଆଜି ମାନି ୱେଡ଼ାଙ୍ଗ୍ ଜିସୁ ତା ଚେଲାରିଂ ଇଚାନ୍ ।

ଜିସୁ ନିଜେ ହାନାକା ୱେଡ଼ଚାନ୍
(ମାତିଉ ୧୭:୨୨-୨୩; ମାର୍କ ୯:୩୦-୩୨)

୪୪ “ଇ ଝିଜୁ ବେରଣ୍ ମି କିଡୁଲିକାଂ ନେର୍‌ଚାଟ୍; ଇନାକିଦେଂକି ମାନାୟ୍ ମାଜି ମାନାୟ୍ କେଇଦ ହେଲାୟ୍ କିୟା ଆଦେଂ ହାନାନା ।” ୪୫ ମାତର୍ ଚେଲାହିର୍ ହେ ଇ ବେରଣ୍ ବୁଜା ଆଖାତାର୍, ଆରେ ହେଦାଂ

☆ ୯:୩୫ ୯:୩୫ ମାତିଉ ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨. ☆ ୯:୩୫ ୨ ପିତର୍ ୧:୧୭,୧୮.

ହେୱାର୍ତାକେଣ୍ଡା ଡଗୁଜି ମାଚାଡ଼, ଇନେସ୍ ହେଦାଂ ହେୱାର୍ତା ଅବୁଜା ଆଉଡ଼, ଆରେ ହେୱାର୍ ହେ କାତା ବିସ୍ତେ ତାଙ୍ଗେଙ୍ଗ୍ ଖେନ୍‌ବେଦେଂ ପାଣ୍ଡା ଆଜି ମାଚାଡ଼ ।

ଝିନ୍ତୁ ତାଙ୍ଗ୍ ଗାଜା ଝିନ୍ତୁ ତାଙ୍ଗ୍ ହିରୁ
(ମାତିଉ ୧୮:୧-୫; ମାର୍କ ୯:୩୩-୩୭)

୪୬ *ହେୱାର୍ ବିତ୍ରେ ଇନେନ୍ ଗାଜାକାନ୍, ହେ ବିସ୍ତେ ହେୱାର୍ ବିତ୍ରେ ଇନ୍‌ବା ଆତାର୍ । ୪୭ ମାତର୍ ଜିସୁ ହେୱାର୍ତା ମାତ୍ର ବେଣ୍‌ବାଟ୍ କିନାକା ପୁନ୍‌ଞ୍ଜି ର ହିରୁକାନ୍ କାଡ଼ଦେଂ ଅଜି ଜାର୍ କଚଣ୍‌ତ ନିଲି କିଜି ହେୱାର୍ ଇଚାନ୍, ୪୮ *ଇନେନ୍ ନା ତର୍‌ଦାଂ ଇ ହିରୁ ହିମ୍‌ଣାତିଂ ମାନିକିନାର୍, “ହେୱାର୍ ନାଙ୍ଗେଙ୍ଗ୍ ମାନିକିନ୍‌ଦନାର୍, ଆରେ ଇନେନ୍ ନାଙ୍ଗେଙ୍ଗ୍ ଇଟ୍‌ଦାନାର୍, ହେୱାର୍ ନା ପକ୍‌ତାତାକିନ୍ଂ ମାନିକିନାର୍; ଇନାକିଦେଂକି ମି ଝିଜାଦେର୍ ବିତ୍ରେ ଇନେନ୍ ହିରୁକାନ୍; ହେୱାନ ଗାଜାକାନ୍ ।”

ଇନେନ୍ ବେରିୟାର୍ ଆକାୟ୍ ହେୱାର୍ ସାଇଜ କାରିୟାର୍

୪୯ ହେବେ ଜହନ୍ ଉତର୍ ହିତାନ୍, “ଏ ଗୁରୁ, ଆପେଂ ରଞ୍ଜିନ୍ଂ ନି ତର୍‌ଦାଂ ପୁଦା ପିହି କିନାକା ହୁଡ଼ତାପ, ଆରେ ହେୱାନ ମା ଦଲ୍‌ଦ ଝାଞ୍ଜିକାଜିଂ ତାଙ୍ଗେଙ୍ଗ୍ ମୁନା କିତାପ୍ ।”

୫୦ ମାତର୍ ଜିସୁ ତାଙ୍ଗେଙ୍ଗ୍ ଇଚାନ୍, “ମୁନା କିମାଟ୍,” ଇନାକିଦେଂକି ମିଦାଙ୍ଗ୍ ଆଣ୍ଟିପାକ୍ୟା ଆକାୟ୍, “ହେୱାନ ମି ପାକ୍ୟା ।”

ସମିରଣିନି ନାସ୍ତ ଜିସୁଙ୍ଗ୍ ମାନିକିଞ୍ଜାତାର୍

୫୧ ପାଚେ ଏଚେକାଡ଼ଦ ଜିସୁ ପୁତ୍ ପିସ୍ତ୍ର ସାଗେଁ ହାନି ଦିନ୍ ଲାଗେ ଝାଜି ମାଚାଡ଼, ହେୱାର୍ତା ହେୱାନ ଜିରୁସାଲମ୍‌ତ ହାଞ୍ଜେଙ୍ଗ୍ ତିୟାର୍ ଆତାନ୍, ୫୨ ହେୱାନ ଆଗେ ଦୁଡ଼ତିଂ ପକ୍‌ତାନ୍ । ହେୱାର୍ ହାଲ୍‌ଜି ଜିସୁ କାଜିଂ ଜାଲ୍‌ଦି କିଦେଙ୍ଗ୍ ସମିରଣିୟନି ତର୍‌ଦି ର ନାସ୍ତ ହଣ୍‌ଜାତାର୍; ୫୩ ମାତର୍ ହେୱାନ ଜିରୁସାଲମ୍‌ତ ହାଞ୍ଜେଙ୍ଗ୍ ମାନ୍ କିତାନ୍‌ନା ଇଞ୍ଜି ପୁଞ୍ଜି ହେୱାର୍ ତାଙ୍ଗେଙ୍ଗ୍ ଇଟ୍‌ଞ୍ଜାତାର୍ । ୫୪ ଇଦାଂ ହୁଡ଼ଜି ଜାକୁବ୍ ଆରେ ଜହନ୍, ଇ ରିୟାର୍ ଚେଲ୍‌ହିର୍ ଜିସୁଙ୍ଗ୍ ଇଚାର୍, ମାପୁ “ଏଲିୟ ପା ଇନେସ୍ କିଜି କିଜି ମାଚାନ୍, ହେ ଲାକେ ସାଗେଁତାଂ ନାଣି ଆଜିଂ ହେୱାର୍ ବୁଡାଈ କିନାଡ଼, ଇଦାଂ ଆପେଂ ଇଞ୍ଜିନାପ୍ ଇଞ୍ଜି ଇନାକା ନି ଇଚା ?”

୫୫ ମାତର୍ ହେୱାନ ମାସ୍‌ଦି ହେୱାର୍ ଗଡ଼୍ କିତାନ୍ ଆରି ଇଚାନ୍, ଏପେଙ୍ଗ୍ ଇନେସ୍ ବାତ୍ ଜିବୁନ୍‌ନି ମାନାୟ୍, ଇଦାଂ ପୁନ୍‌ଦେରା । ମାନାୟ୍ ମାସ୍‌ଦି ମାନାୟ୍‌ତିଂ ଜିବୁନ୍ ନସ୍ତ କିଦେଙ୍ଗ୍ ଝାଞ୍ଜାଦାଙ୍ଗ୍ ରାକ୍ୟା କିଦେଙ୍ଗ୍ ଝାତାନ୍‌ନା । ୫୬ ତା ପାଚେ ହେୱାର୍ ଆରେ ର ନାସ୍ତ ତାଙ୍ଗ୍‌ଜି ହାଚାର୍ ।

ଜିସୁ ଚେଲ୍‌ହି ଆନାକା ମାନାଡ଼
(ମାତିଉ ୮:୧୯-୨୨)

୫୭ ହେୱାର୍ ହାସ୍‌ଦିଙ୍ଗ୍ ହାନିହିଂ ରଞ୍ଜାନ୍ ମାନାୟ୍ ଜିସୁଙ୍ଗ୍ ଇଚାନ୍, ଏନ୍ ଇମ୍‌ଣି ବାହାତ ହାନାୟ୍, “ଆନ୍ ନି ପାଚେ ପାଚେ ଝାନାଙ୍ଗ୍ ।”

୫୮ ଜିସୁ ତାଙ୍ଗେଙ୍ଗ୍ ଇଚାନ୍, କଲ୍ୟାତିଂ ପାରା ମାନାଡ଼, ଆକାସ୍‌ନି ଉମ୍‌ନି ପଟିତିଂ ଗୁଡା ମାନାଡ଼, ମାତର୍ ମାନାୟ୍ ମାଜି କାପ୍‌ଡା ଇଡ଼ଦେଂ ବାହା ହିଲୁଡ଼ ।

୫୯ ଆରି, ହେୱାନ ଆରେ ରଞ୍ଜିନ୍ଂ ଇଚାନ୍, “ନା ପାଚେପାଚେ ଝା ।”

ମାତର୍ ମାପୁ ଇଚାନ୍, “ପର୍ତ୍ତୁମ୍ ହାଲ୍‌ଜି ମାଞ୍ଜି ଆବାଂ ମୁଚେଙ୍ଗ୍ ଇଞ୍ଜି ନାଙ୍ଗେଙ୍ଗ୍ ବଲ୍ ହିଦା ।”

୬୦ ମାତର୍ ଜିସୁ ତାଙ୍ଗେଙ୍ଗ୍ ଇଚାନ୍, “ହାତାକାରିଂ ଜାର୍ ଜାର୍ ହାତି ଲଗାଂ ମୁଚେଙ୍ଗ୍ ପିସ୍ତ୍ର ହିୟାର୍, ମାତର୍ ଏପେଙ୍ଗ୍ ହାଲ୍‌ଜି ଇସ୍‌ବର୍ ରାଜିତ ସୁଣାୟ୍ କିୟାର୍ ।”

୬୧ ଆରେ ରଞ୍ଜାନ୍ ପା ଇଚାନ୍, ମାପୁ, “ଆନ୍ ନି ପାଚେ ପାଚେ ଝାନାଙ୍ଗ୍, ମାତର୍ ପର୍ତ୍ତୁମ୍ ମା ଇଞ୍ଜି ମାନି ମାନାୟ୍‌ରତାଂ ଜଞ୍ଜାର୍ ଇଞ୍ଜି ନାଙ୍ଗେଙ୍ଗ୍ ବଲ୍ ହିଦା ।”

୬୨ ମାତର୍ ଜିସୁ ତାଙ୍ଗେଙ୍ଗ୍ ଇଚାନ୍, “ଇନେନ୍ ନାଙ୍ଗେଲ୍‌ତ କେଇଆଜି ଜେନ୍‌ପାଡ଼କା ହୁଡ଼ନାନ୍, ହେୱାନ ଇସ୍‌ବର୍ ରାଜିତ ହାଞ୍ଜେଙ୍ଗ୍ ଆଡୁନ୍ ।”

୧୦

ଜିସୁ ସତ୍‌ବି ଜାଣ୍ଡିଂ ବାଚିକିତାନ୍

୧ ଇଦାଂ ପାଚେ ମାପୁ ଆରେ ତିନ୍‌କଡ଼ି ଦସ୍‌ଜାଣ୍ଡିଂ ବାଚି କିତାନ୍ ଆରି ତା ଇମ୍‌ଣି ଗାଡ଼ ଆରି ବାହାକାଂ ହାନାକା ମାଚାଡ଼, ହେୱାନ ହାନି ଆଗେତାଂ ହେୱାର୍ ରିୟାର୍ ରିୟାର୍ କିଜି ହେବେ ପକ୍‌ତାନ୍ । ୨ ଆରେ, ଜିସୁ ହେୱାର୍ ଇଚାନ୍, “ତାସ୍ ହିନା ବେସି, ମାତର୍ କାମାୟ୍ କିନାକାର୍ ଉଣା; ଲାଗିଂ ନି କାମାୟ୍ ବାହାତ

* ୯:୪୬ ୯:୪୭ ଲୁକ ୨୨:୨୪. * ୯:୪୮ ୯:୪୮ ମାତିଉ ୧୦:୪୦; ଲୁକ ୧୦:୧୭; ଜହନ୍ ୧୩:୨୦.

କାମାୟ କିନାକାରିଂ ପକ୍ତନି କାଜିଂ ତାସି ଜମିନି ହାଉକାର୍ ତାକେ ପାର୍ତାନା କିୟାଟ୍ । ୩ ଏପେଙ୍ଗ୍ ହାଲାଟ୍; ହୁଡାଟ୍, ହୁଣ୍ଡାଟ୍ ବୁର୍କାକାଂ ବିତ୍ରେ ମେଣ୍ଡା ହିମ୍ଣାକାଂ ଲାକେ ଆନ୍ ମିଙ୍ଗେଙ୍ଗ୍ ପକ୍ତାନାଙ୍ଗା । ୪ ଜାଲିୟା ମଣା ଆରି ପାଣ୍ଡାଲଙ୍ଗ୍ ଆମାଟ୍, ଆରେ ହାସଦ ଇନେରିଂ ଜଞ୍ଜାର୍ କିମାଟ୍ । ୫ ଆରେ ଇମ୍ଫଣି ଇଞ୍ଜ ଏପେଙ୍ଗ୍ ହଣ୍ଡାଗାନାଦେର୍, ହିଗ୍ଦ ଇନାଟ୍, ଇ ଇଲ୍ କାଜିଂ ସୁସ୍ତା ଆୟେଟ୍ । ୬ ଆରେ, ହେ ବାହାତ ଇନେନ୍ ଜଦି ରଞ୍ଜାନ୍ ସୁସ୍ତାନିକାନ୍ ମାଟିସ୍, ତା ଆତିସ୍ ମି ତାକ୍ଣି ସୁସ୍ତା ହେ ଜପି ଦୁମ୍ନାଟ୍; ମାତର୍ ଜଦି ହିଲ୍ଝିତିସ୍, ତେବେ ହେଦାଂ ମିତାକେଣ୍ଡାଂ ମାଜି ଖାନାଟ୍ । ୭ ଆରେ, ହେଞ୍ଜାର୍ ତାକେ ଇନାକା ମାନାଟ୍, ତିନ୍ଞି ଉଣ୍ଡି ହେ ଇଞ୍ଜ ମାନାଟ୍, ଇନେକିଦେଂକି କାମାୟ କିନାକାଦେର୍ ତାରୁଙ୍ଗ୍ ପାୟାନି ଜଗ୍ । ଇଲ୍କୁକାଂ ଇଲ୍କୁ ହାଲ୍ମାଟ୍ । ୮ ଆରେ, ଇମ୍ଫଣି ଗାଡ୍ଦ ଏପେଙ୍ଗ୍ ହଣ୍ଡାଦେର୍ ଆରି ଲକୁ ମିଙ୍ଗେଙ୍ଗ୍ ଇଡ୍ଦାନାର୍, ହେବେ ମିଙ୍ଗେଙ୍ଗ୍ ଇନାକା ଚିପା ଆଦନାର୍, ହେଦାଂ ତିନାଟ୍, ୯ ହେ ବାହାତ ମାନି ରଗ୍ୟାରିଂ ଉଜ୍ କିୟାଟ୍, ଆରେ ହେଞ୍ଜାରିଂ ଇନାଟ୍, ଇସ୍ପୁରିତି ରାଜି ମି ତାକେ ଖାତାତେ । ୧୦ *ମାତର୍ ଇମ୍ଫଣି ଗାଡ୍ଦ ଏପେଙ୍ଗ୍ ହଣ୍ଡାଦେର୍ ଆରି ମାନାୟାର୍ ମିଙ୍ଗେଙ୍ଗ୍ ଇଡ୍ଦୁର୍, ହେବେ ହୁରିତାକେ ହସି ହାଲ୍ଜି ଇନାଟ୍, ୧୧ ମି ଗାଡ୍ଦି ଇମ୍ଫଣି ଦୁଡ୍ଡି ମା ପାନାତ ଆଣ୍ଡାଦନା, ହେଦାଂ ପା ମି କାଜିଂ ତାଡ୍ନାପା; ମାତର୍ ଇସ୍ପୁରିତି ରାଜି ଜେ ଲାଗେ ଖାତାତେ, ଇଦାଂ ପୁନାଟ୍ । ୧୨ *ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ତା ବିଚାର୍ ନାଞ୍ଜିଙ୍ଗ୍ ହେ ଗାଡ୍ଦି ଦାଣ୍ଡ ବାଟା ସଦମ୍ନି ଦାଣ୍ଡ ପାୟାନାର୍ ।”

**ପାତର୍ କିଞ୍ଜାକାର୍ ନାସକୁନି ବିଚାର୍
(ମାତିଉ ୧୧:୨୦-୨୪)**

୧୩ ହାୟ, ତାଣ୍ଡୁନି କଣ୍ଡି କରାଜିନ୍, ହାୟ, ତାଣ୍ଡୁନି କଣ୍ଡି ବେଡ୍‌ସାଇଦା, ଇନାକିଦେଂକି ମି ବିତ୍ରେ ଇମ୍ଫଣି ଇମ୍ଫଣି ସାକ୍ତନି କାମାୟ କିୟା ଆତାଡ୍ନା, ହେଦାଂ ଖିଜୁ ଇନାଞ୍ଜାତାଂ ସର ଆରେ ସିଦନ୍ ତାକେ କିୟାଆତାଡ୍ନା, ଲାଗିଂ ହେଞ୍ଜାର୍ ବେସିଦିନ୍ ପୁର୍ବେତାଂ ବାସ୍ତା ଉସ୍ପିସ୍ ନିସ୍ତାକେ କୁଚ୍ଚି ମାନ୍‌ବାଦଲ୍ଲାୟ କିତାର୍ମା । ୧୪ ଆତିସ୍ପା ବିଚାଣ୍ଡାତ ମି ଦାଣ୍ଡ ବାଟା ସର ଆରି ସିଦନ୍ନି ଦାଣ୍ଡ ପାୟା ଆନାଟ୍ । ୧୫ ଆରେ, ଆଡେ କପର୍ନାହୁମ୍, ଏନ୍ ଇନାକା ସାଗେ ପାତେକ୍ ଲାମା ଆଦେଂ ଆଡ୍ନାୟ ? ପାତାଲ୍ ପାତେକ୍ ନିଙ୍ଗ୍ ଆଦା ହାଞ୍ଜେଙ୍ଗ୍ ଆଦନାଟ୍ ।

୧୬ *ଜିସୁ ଜାର୍ ଚେଲାର୍ ଇଚାନ୍ ଇନେର୍ ମି ବେରଣ୍ ଖେନାର୍, “ହେଞ୍ଜାର୍ ନା କାତା ଖେନାନ୍, ଆରେ ଇନେର୍ ମିଙ୍ଗେଙ୍ଗ୍ ଇଡ୍ଦୁର୍, ହେଞ୍ଜାର୍ ନାଙ୍ଗେଙ୍ଗ୍ ଇଡ୍ଦୁର୍, ଆରେ ଇନେର୍ ନାଙ୍ଗେଙ୍ଗ୍ ଇଡ୍ଦୁର୍, ହେଞ୍ଜାର୍ ନା ପକ୍ତାତାକାନିଂ ଇଟୁର୍ ।”

ବାସ୍ତୁରିଜାଣ୍ଡିଂ ପିହ୍‌ୟାତାକାର୍

୧୭ ଇଦାଂ ପାଚେ ହେ ବାସ୍ତୁରି ଜାଣ୍ ଖାରିତାଂ ମାସ୍ଦି ଖାଜି ଇଚାନ୍, “ମାପୁ, ପୁଦାଂପା ନି ତର୍ଦାଂ ମାଙ୍ଗେଙ୍ଗ୍ ମାନି କିଦ୍ନିକା ।”

୧୮ ମାତର୍ ଜିସୁ ହେଞ୍ଜାରିଂ ଇଚାନ୍, “ବିଜ୍ଜି ଲାକେ ସାଗେତାଂ ସୟ୍‌ତାନ୍ତିଂ ଆର୍ଦାନାକା ଆନ୍ ହୁଡ୍‌ଜି ମାଚାଙ୍ଗ୍ ।” ୧୯ “ହୁଡାଟ୍, ଆନ୍ ମିଙ୍ଗେଙ୍ଗ୍ ରାଟ୍ ଆରି କାଚାକୁପି ଜପି ତାଙ୍ଗ୍‌ଦେଂ ଆଦିକାର୍ ହିଡ୍‌ତାଙ୍ଗ୍‌ନା, ଆରେ, ସାତୁର୍ ଖିଜୁ ସାକ୍ତ ଜପି ଆଦିକାର୍ ହିଡ୍‌ତାଂନା, ଆରେ ଇନାକା ପା ଇମ୍ଫଣି ବାନି ମିଙ୍ଗେଙ୍ଗ୍ ନସ୍ କିଦୁଙ୍ଗ୍ । ୨୦ ଆତିସ୍ପା ବାନ୍ୟା ଜିବୁନିଂ ଜେ ମି ତାରେନ୍ ମାନିଙ୍ଗ୍, ଇବେ ଖାରି କିମାଟ୍, ମାତର୍ ମି ତର୍ ଜେ ସାଗେତ ଲେକାମାନାଟ୍, ଇବେ ଖାରି କିୟାଟ୍ ।”

ଜିସୁତି ଖାରି

(ମାତିଉ ୧୧:୨୫-୨୭; ୧୩:୧୭-୧୭)

୨୧ ହେ ଖେଡାଙ୍ଗ୍ ଜିସୁ ପୁଇପୁୟା ଜିବୁନ୍ତାଂ ଖାରିୟା ଆଜି ଇଚାନ୍, “ଆବା, ସାଗେ ଆରି ପୁତର୍ ନି ମାପୁ, ଏନ୍ ଗିଆନି ଆରି ବୁଦ୍‌ୟାତି ଲକୁତାଙ୍ଗ୍ ଇ ଖିଜୁ ବିସ୍ତେ ଡକ୍ତୁଚି ଇଡ୍‌ଜି ହିମ୍ଣାଙ୍ଗ୍‌ତାକେ ଖେଚ୍‌ରାୟନା, ଇଦାଂ କାଜିଂ ନି ନାୟ୍ କିନାଙ୍ଗା; ଆଁ ଆବା, ଇନାକିଦେଂକି ଇଦାଂ ନି କାଣ୍‌କୁତାଂ ଏଚେକ୍‌ସାରି ଆତାଡ୍ନା ।”

୨୨ *ନା ଆବାତି ଖିଜୁ ବିସ୍ତେ ନାବେ ସର୍ପି ଆତାଡ୍ନା; ଆରେ ମାଜି ଇନେର୍, ଇଦାଂ ଆବାଂ ପିସ୍ତ୍ରି ଇନେର୍ ପୁନୁର୍, ଆରେ ଆବା ଇନେର୍ ଇଦାଂ ମାଜି ପିସ୍ତ୍ରି ଇନେର୍ ପୁନୁର୍, ଆରେ ମାଜି ଇନେର୍ ତାକେ ହେଞ୍ଜାନିଂ ଖେଚ୍‌ଚେଙ୍ଗ୍ ମାନ୍ କିନାନ୍, ହେଞ୍ଜାନ୍ ପୁନାନ୍ ।”

୨୩ ଆରେ, ଜିସୁ ଜାର୍ ଚେଲାର୍ ମାସ୍ଦିହୁଡ୍‌ଜି ଇଚାନ୍, “ଏପେଙ୍ଗ୍ ଇନା ଇନାକା ହୁଡ୍‌ନାଦେରା, ହେ ଖିଜୁ ଇମ୍ଫଣି କାଣ୍‌କୁ ହୁଡ୍‌ନାଟ୍, ହେଦାଂ ଦନ୍ୟ । ୨୪ ଇନାକିଦେଂକି ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ଇନା ଇନାକା ହୁଡ୍‌ନାଦେରା, ହେଦାଂ ଖିଜୁ ହେନି ବେଣ୍‌ବାକ୍‌ଶାୟ୍‌କିନାର୍ ଆରି ରାଜା ହୁଡ୍‌ଦେଂ ମାନ୍ କିତାନ୍,

* ୧୦:୧୦ ୧୦:୧୦ ପକ୍ୟାତାକା ୧୩:୫୧. * ୧୦:୧୨ ୧୦:୧୨ ମାତିଉ ୧୧:୨୪; ମାତିଉ ୧୦:୧୫. * ୧୦:୧୭ ୧୦:୧୭ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ଜହନ୍ ୧୩:୨୦. * ୧୦:୨୨ ୧୦:୨୨ ଜହନ୍ ୩:୩୫; ଜହନ୍ ୧୦:୧୫.

ମାତର୍ ହୁଡ଼େନ୍ ଆଡ଼଼ାତାନ୍; ଆରେ, ଏପେଙ୍ଗ୍ ଇନା ଇନାକା ଖେନାଦେରା, ହେ ଓଁଜୁ ହେ଼଼ାଡ଼ ଖେ଼଼େଙ୍ଗ୍ ମାନ କିତାର୍, ମାତର୍ ଖେନ଼୍ାତାର୍ ।”

ହାଦର୍ ସମିରଣିୟ ଉତ୍ତରମୁଡ଼୍

୨୫ ଆରେ ହୁଡ଼ାଟ୍, ର଼଼ାନ୍ ଦରମ୍ ସାସ୍ତର୍ ନିକାନ୍ ନିଙ୍ଗ୍ ତାଙ୍ଗେଙ୍ଗ୍ ପରିକ୍ୟା କିଜି ଖେନ଼୍ାତାନ୍, “ଏ ଗୁରୁ, ଓଁଜୁ ଜିବୁନ୍ନି ଆଦିକାର୍ ଆଦେ଼ ଇଞ୍ଜି ଆନ୍ ଇନା କିନାଙ୍ ?”

୨୬ ହେବେଣ୍ଡା଼ ଜିସୁ ତାଙ୍ଗେଙ୍ଗ୍ ଇଚାନ୍, “ମସାତି ବିଦିତ ଇନାକା ଲେକା ମାନାଡ଼ ? ଏପେଙ୍ଗ୍ ଇନେସ୍ ପଡ଼ିକିନାଦେରା ?”

୨୭ ହେ଼଼ାନ୍ ଉତ୍ତର ହିତାନ୍, “ଏପେଙ୍ଗ୍ ଓଁଜୁ ଖାସ୍ତିତା଼, ଓଁଜୁ ପାରାଣ, ଓଁଜୁ ସାକ୍ତି ଆରି ଓଁଜୁ ମାନ୍ ହିଜି ମାପୁ ଜାର୍ ଇସ୍ତର୍ ମାପୁ ଜିଉନ଼ାଟ୍; ଆରେ, ଜାର୍ ପାଡ଼ହା ଇଞ୍ଜିନି ଲଗା଼ ଖାସ୍ତିଲାକେ ଜିଉନ଼ାଟ୍ ।”

୨୮ ହେବେ ଜିସୁ ତାଙ୍ଗେଙ୍ଗ୍ ଇଚାନ୍, ଏନ୍ ହାଡ଼ପାରଚେ ଉତ୍ତର ହିତାୟନା, “ଏପେଙ୍ଗ୍ କିୟାଟ୍, ତା ଆତିସ୍ ଏପେଙ୍ଗ୍ ଜିବୁନ୍ ପାୟା ଆନାଦେର୍ ।”

୨୯ ମାତର୍ ବିଦିବିଦାଣି ସାସ୍ତର୍ ଜାର୍ତି଼ ଦାମ୍ ଇଞ୍ଜି ଚଟ୍ଟେଙ୍ଗ୍ ଇଚା କିଜି ଜିସୁଙ୍ ଖେନ଼୍ାତାର୍, “ଲାଗି଼ ନା ପାଡ଼ହାନିକାର୍ ଇନେର୍ ?”

୩୦ ଜିସୁ ହେ ବେରଣ୍ ଆସ୍ତି ଇଚାନ୍, ର଼଼ାନ୍ ମାନାୟ ଜିରୁସାଲମ୍ତା଼ ଜିରିହତ ହାଲୁ ହାଲୁ ଚର୍କୁକା଼ ହାବଡ଼ତାକେ ପଡ଼ାତାନ୍ । ହେ଼଼ାଡ଼ ତା ହେନ୍ଦ୍ରାପାଟା ତୁସ୍ଦି ଅଜି ଆରି ଟ୍ରାକ୍ତି ତାଙ୍ଗେଙ୍ଗ୍ ଦାରାମାୟା କାକୁଲ୍ତି କିଜି ପିସ୍ତି ହାଚାର୍ । ୩୧ ଗଟ୍ଟା ପାଚେ ର଼଼ାନ୍ ମାପୁହେବାକିନାକାନ୍ ହେ ହାସ୍ଦିଙ୍ଗ୍ ହାଲ୍ଜି ମାଚାନ୍, ଆରେ ହେ଼଼ାନ୍ ତାଙ୍ଗେଙ୍ଗ୍ ହୁଡ଼ଜି ହେ଼଼ାନ୍ ଆରେ ର ହାସ୍ଦିଙ୍ଗ୍ ନାସି ହାଚାନ୍ । ୩୨ ଏଲେଙ୍ଗ୍ ଆଜି ର଼଼ାନ୍ ଲେବିୟ ପା ହେ ବାହାତ ଖାଜି ହେ଼଼ାନ୍ ହୁଡ଼ଜି ହେ଼଼ାନ୍ପା ଆରେ ର ହାସ୍ଦିଙ୍ଗ୍ ନାସି ହାଚାନ୍ । ୩୩ ମାତର୍ ର଼଼ାନ୍ ସମିରଣିୟ ତା କଚଣ୍ଡ ଖାଜି ତାଙ୍ଗେଙ୍ଗ୍ ହୁଡ଼ଜି କାର୍ମାତି଼ ଲବାୟ କିତାନ୍, ୩୪ ଆରି ଲାଗେ ହାଲ୍ଜି ତାଙ୍ଗେଙ୍ଗ୍ ନନିତାକେ ଚିକାଣ୍ ଆରେ ଅଙ୍ଗୁର୍ ରାସ୍ ଖାକ୍ତି ହେ ସବୁ ଗାଟ୍ଚାନ୍, ଆରେ ତାଙ୍ଗେଙ୍ଗ୍ ଜାର୍ ପସ୍ତୁ ଜପି ଦୁପ୍ତି ଅଜି ର ତିନାକା ଉଶାକା ମାନି ବାହାତ ଅଜି ହାଲ୍ଜି ତାଙ୍ଗେଙ୍ଗ୍ ଜତନ୍ କିତାନ୍ । ୩୫ ତା ପାଚେ ଆରେ ର ଦିନ୍ ହେ଼଼ାନ୍ ରିଣ୍ଡା଼ ଟାକା଼ ହପ୍ତି ହେବା ମାଲିକାରି଼ ହିଜି ଇଚାନ୍, ଇ଼଼ାନ୍ ଏନ୍ ହେବା କିୟା, ଆରେ ଇନାକା ଆଦିକ୍ କର୍ଚ କିନାୟ, ହେଦା଼ ଆନ୍ ମାସ୍ଦି ଖାନିହି଼ ମିଙ୍ଗେଙ୍ଗ୍ ହିଦ୍ନା଼ ।

୩୬ “ଇ ତିନ୍ ଜାଣ୍ ବିତ୍ତେ ଇନେନ୍ ଚର୍କୁକା଼ ତାକେ ଦାରାପଡ଼ା ଆତି ଲକ୍ତିଙ୍ଗ୍ ପାଡ଼ହାନିକାନ୍ ଇଞ୍ଜି ମାନ୍ତ କିନାଦେରା ?”

୩୭ ବିଦିବିଦାଣି ସାସ୍ତର୍ ଇଚାନ୍ ଜେ ଏଲେଙ୍ଗ୍ କିଜି ଦୟା କିତାନ୍ ହେ଼଼ାନ୍, ଜିସୁ ତାଙ୍ଗେଙ୍ଗ୍ ଇଚାନ୍, “ହାଲାଟ୍, ଏପେଙ୍ଗ୍ ପା ହେ ଲାକେ କିୟାଟ୍ ।”

ଜିସୁ ମାର୍ତୀ ଆରେ ମରିୟମ୍ ଇଞ୍ଜି

୩୮ ଜିସୁ ତା ଚେଲାହିର୍ ହେ଼଼ାଡ଼ ହାନିହି଼ ହେ଼଼ାନ୍ ର ନାସ୍ତ ହାଶାଗାତାନ୍ ଆରି ମାର୍ତୀ ତର୍ନି ରଞ୍ଜେଲ୍ କଗଲେ ଜିସୁଙ୍ ନିଜାର୍ ଇଞ୍ଜି ଅଜି ହାତାଡ଼ । ୩୯ ମରିୟମ୍ ଇନି ତାଙ୍ଗେଙ୍ଗ୍ ରଞ୍ଜେଲ୍ ତଣ୍ଡେହି ମାଚାଡ଼, ହେଦେଲ୍ ମାପୁତି କାଲ୍କୁ ତାରେନ୍ କୁଚ୍ତି ତା ବଚନ୍ ଖେନ଼୍ି ମାଚାଡ଼ । ୪୦ ମାତର୍ ମାର୍ତୀ ହେବା କିନି ବିସ୍ତେତି଼ ବେସି ତାୟା ଆଜି ମାଚାଡ଼; ଲାଗି଼ ହେଦେଲ୍ ତା ଲାଗା଼ ଖାଜି ଇଚାଡ଼, “ଏ ମାପୁ, ନା ତଣ୍ଡେଲ୍ ଜେ ରଞ୍ଜେଲ୍ନେ ନା ଜପି ଓଁଜୁ କାମାୟ ହେଲାୟ କିଡ଼ତାନ୍, ହେ ନିପ ଇନାକା ନିଙ୍ଗେଙ୍ଗ୍ ମାନ୍ହିଲୁଡ଼ ? ଲାଗି଼ ନାଙ୍ଗେଙ୍ଗ୍ ଉପକାର୍ କିଦ୍ନି କାଜି଼ ତାଙ୍ଗେଙ୍ଗ୍ ଇନା ।”

୪୧ ମାତର୍ ମାପୁ ତାଙ୍ଗେଙ୍ଗ୍ ଇଚାନ୍, “ମାର୍ତୀ, ମାର୍ତୀ, ଏନ୍ ବେସି ବିସ୍ତେ ଚିନ୍ତା କିଜି ଆରେ ବେସି ତାୟା ଆନାୟା, ୪୨ ମାତର୍ ଅଲପ୍ କେଡ଼ଗଟା, ଆତିସ୍ ରଞ୍ଜାଙ୍ଗ୍ ମାତର୍ ଲଡ଼ା; ମରିୟମ୍ତ ହାର୍ଦି ବାଗ୍ ବାତି କିତାଡ଼ନା, ଆରେ ତା ତାକେଣ୍ଡା଼ ହେଦା଼ ଚାକ୍ଚରାଇ କିୟାଆଡ଼ ।”



**ପାର୍ତୀନା ବିସ୍ତେନି ଜିସୁତି ହିକ୍ୟା
(ମାତିଉ ୭:୯-୧୩; ୭:୭-୧୧)**

୧ ରଗ ହେ଼଼ାନ୍ ଇମ୍ଣି ର ବାହାତ ପାର୍ତୀନା କିଜି ମାଚାନ୍; ହେ଼଼ାନ୍ ପାର୍ତୀନା ଓଁସ୍ତିଲେ, ତା ଚେଲାହିର୍ ବିତ୍ତେ ର଼଼ାନ୍ ତାଙ୍ଗେଙ୍ଗ୍ ଇଚାନ୍, “ଏ ମାପୁ, ବାପ୍ତିସିମ୍ଫିନି ଜହନ୍ ଇନେସ୍ ଜାର୍ ଚେଲାରି଼ ପାର୍ତୀନା କିଦେଙ୍ଗ୍ ହିକାଈକିତାନ୍, ଏନ୍ ପା ହେ ଲାକେ ମାଙ୍ଗେଙ୍ଗ୍ ପାର୍ତୀନା କିଦେଙ୍ଗ୍ ହିକାଈକିଦା ।” ୨ ଇବେ ଜିସୁ ହେ଼଼ାରି଼ ଇଚାନ୍, “ଏଚେକାଡ଼୍ଡ ଏପେଙ୍ଗ୍ ପାର୍ତୀନା କିନାଦେର୍,

ହେୱାଡ଼ାଂ ଇନାଟ୍,
 ଆବା, ନି ତର ପୁଇପୁୟା ଇଞ୍ଜି ମାନି ଆୟେଡ୍ ।
 ନି ରାଜି ଖାୟେଡ୍ ।
 ୩ ନିତ୍ରେଦିନା ମାଜେଙ୍ଗ୍ ଲଡ଼ାନି କାଦି ହିଦା ।
 ୪ ମା ପାପ୍ ଝିଜୁ କେମା କିଦା,
 ଇନାକିଦେଂକି ଆପେଂ ପା ଜାର୍ ଜାର୍ଡି ବେରୁଡ଼ାଂ ପାପ୍ କେମା କିନାପ୍ ।”
 “ପରିକ୍ୟାତ ମାଜେଙ୍ଗ୍ ତାହି ଖାଦ୍ମା ।”

୫ ଆରେ, ଜିସୁ ତା ଚେଲାରିଂ ଇଚାନ୍, “ମିଜେଙ୍ଗ୍ ଇନେରିଂ ଏଲେଙ୍ଗ୍ ବାତ୍ ନି ସାଙ୍ଗ୍ ମାନାନ୍ କି, ଇନେର୍ ଲାଗେ ମାଦିମାଦାନାଣା ହେୱାନ୍ ହାଲ୍ଜି ଇନାନ୍, ଏ ହାଲ୍, ନାଜେଙ୍ଗ୍ ତିନିଗଟା ରୁଟିଂ ଉଦାର୍ ହିଦା,
 ୬ ଇନାକିଦେଂକି ନା ରଖାନ୍ ସାଙ୍ଗ୍ ନା ତାକେ ଖାତାନ୍ନା, ତାଜେଙ୍ଗ୍ ବାଟା କିଜି ହିଦେଂ ନା ତାକେ ଇନାକା ହିଲୁଡ୍, ୭ ଆରେ ହେ ବିତ୍ରେତାଂ ଏଲେଙ୍ଗ୍ ଉତର୍ ହିନାନ୍, ନାଜେଙ୍ଗ୍ କସ୍ ହିଦ୍ମା; ଦୁଖେର୍ ଗେହ୍ମା ଆତାତେ ଆରେ ନା ହିମ୍ଣାଂ ନା ଲାହାଙ୍ଗ୍ ହୁଞ୍ଜୁନାରା; ଆନ୍ ନିଜ୍ଜି ନିଜେଙ୍ଗ୍ ହିଦ୍ମେଂ ଆଡ୍ଡୁଙ୍ଗ୍ । ୮ ଆନ୍ ମିଜେଙ୍ଗ୍ ଇଞ୍ଜିନାଙ୍ଗା, ହେୱାନ୍ ଆତିସ୍ପା ତା ସାଙ୍ଗ୍ ଆତିଲେ ତାଜେଙ୍ଗ୍ ନିଜ୍ଜି ହିତନ୍, ଆତିସ୍ପା ହେୱାନ୍ ଲାଜାଆଖାଦାଂ ଚାନେକ୍ ଚାନେକ୍ ଏକ୍ତିଲେ ହେୱାନ୍ ନିଜ୍ଜି, ହେୱାନ୍ ଏଚେକ୍ ଲଡ଼ା ହେୱାନ୍ ହେ ଏଚେକ୍ ହିନାନ୍ । ୯ ଆନ୍ ପା ମିଜେଙ୍ଗ୍ ଇଞ୍ଜିନାଙ୍ଗା, ଏନାଟ୍, ହେବେ ମିଜେଙ୍ଗ୍ ହିଦ୍ମାନ୍; ତେକାଟ୍, ହେବେ ଏପେଙ୍ଗ୍ ଗାଟା ଆନାଦେର୍; ଦୁଖେର୍ ରିଂ ଇଡ଼ାଟ୍, ହେବେ ମି କାଜିଂ ଜେସ୍ପି ହିଦ୍ମାନ୍ । ୧୦ ଇନାକିଦେଂକି ଇନେର୍ ଏନାନ୍, ହେୱାନ୍ ପାୟା ଆନାନ୍; ଇନେର୍ ତେକ୍ନାନ୍, ହେୱାନ୍ ଗାଟାଆନାନ୍; ଆରେ, ଇନେର୍ ଦୁଖେର୍ ତ ଇଡ଼ନାନ୍, ହେୱାନ୍ କାଜିଂ ଜେୟାନ୍ତ । ୧୧ ଆରେ, ମି ବିତ୍ରେ ଏଲେଙ୍ଗ୍ ଆବା ଇନେନ୍ ମାନାନ୍, ଇନେରିଂ ଜାର୍ ମାଜି ମିନ୍ ଏକ୍ତିସ୍ ହେୱାନ୍ ତାଜେଙ୍ଗ୍ ମିନ୍ ବାଦୁଲ୍ ରାଟ୍ ହିନାନ୍ ? ୧୨ ଆତିସ୍ପା ରଣ୍ଡା ଏକ୍ତିସ୍ ହେୱାନ୍ ତାଜେଙ୍ଗ୍ କାଟାକୁପି ହିନାନ୍ ? ୧୩ ଲାଗିଂ ଏପେଙ୍ଗ୍ କୁଲ୍କୁଲିଆ ଆତିସ୍ପା ଏଚେକାଡ୍ଡ ଜାର୍ ଜାର୍ ହିମ୍ଣାକାଂ ହାଦ୍ ହାଦ୍ ଦାନ୍ ହିଦେଂ ପୁନାଟ୍, ଲାଗିଂ ଇମ୍ଣି ଆବା ସାଗେତାଂ ଦାନ୍ ହିଦ୍ମାନ୍, ହେୱାନ୍ ତା ମୁମ୍ଦ ଏନାସ୍ ମାନାୟାରିଂ କେତେକ୍ ଆଦିକ୍ ଲାକେ ପୁଇପୁୟା ଜିରୁନ୍ ହିଦ୍ମାନ୍ !”

ଜିସୁ ଆରେ ବାନ୍ୟା ଜିରୁନ୍
 (ମାତିଉ ୧୨:୨୨-୩୦; ମାର୍କ ୩:୨୦-୨୭)

୧୪ ରଗ ଜିସୁ ର ପୁଦା ପିହି କିଜି ମାଚାନ୍, ହେ ପୁଦା ଗୁଲି । ପୁଦା ହସି ହାତିପାତେ ଗୁଲି ମାନାୟା ବେଣ୍ ଇଚାନ୍, ହେବେ ମାନାୟାର୍ କାବା ଆଜି ହାଚାର୍ । ୧୫ ମାତର୍ ହେୱାର୍ ବିତ୍ରେତାଂ ଇନେର୍ ଇନେର୍ ଇଚାର୍, “ଜିସୁ ମୁଣିକା ବାଲ୍ଜିବୁଲ୍ ସାକ୍ୟାତାଂ ପୁଦାଂ ପିହିକିନାନ୍ ।”

୧୬ ବିନ୍ଲଗୁ ତାଜେଙ୍ଗ୍ ଡକ୍ତାତ ହେଜି କିଦେଙ୍ଗ୍ ଇଞ୍ଜି ମାନ୍କିଜି ମାଚାର୍ । ଲାଗିଂ ଇସ୍ପର୍ ଜେ ତା ସାଲ୍ଜ କାର୍ଯ୍ୟା ଇଚାକାଂ ପରିକ୍ୟା କିଦେଙ୍ଗ୍ ଆକାସ୍ତାଂ ର ଚିନ୍ ଏନ୍ତାର୍ । ୧୭ ମାତର୍ ଜିସୁ ହେୱାରିଂ ମାକ୍ତିନି ବାବ୍ନା ପୁଞ୍ଜି ହେୱାରିଂ ଇଚାନ୍, “ଇମ୍ଣି ରାଜି ବାଗ୍ ଆଜି ଜାର୍ ବିରୁଦ୍ ତ ନିଜ୍ଡିସ୍, ହେଦାଂ ନସ୍ ଆଜି ହାନାଡ୍, ଆରେ ଇମ୍ଣି ଇଲ୍ ରିବାଗ୍ ଆନାଡ୍ ହେ ଇଲ୍ ଜପି ଲେଦି ଆଜି ନସ୍ ଆନାଡ୍ । ୧୮ ଆରେ, ସୟତାନ୍ ପା ଜଦି ବାଗ୍ ଆଜି ଜାର୍ ବିରୁଦ୍ ନିଜ୍ନାଡ୍, ତା ଆତିସ୍ ତା ରାଜି ଇନେସ୍ ତିର୍ ଆଜି ମାନାଡ୍ ? ଆନ୍ ବାଲ୍ଜିବୁଲ୍ ସାଲ୍ଜତାଂ ପୁଦାକାଂ ପିହିକିନାନ୍ ଇଞ୍ଜି ଏପେଙ୍ଗ୍ ତ ଇଞ୍ଜିନାଦେରା ।” ୧୯ ମାତର୍ ଆନ୍ ଇନାଖାଡ଼ାଂ ବାଲ୍ଜିବୁଲ୍ ସାଲ୍ଜତାଂ ପୁଦାକାଂ ପିହିକିନାଙ୍ଗ୍, ଲାଗିଂ ମି ହିମ୍ଣାଙ୍ଗ୍ ଇନେର୍ ସାଲ୍ଜତାଂ ହେୱାକାଂ ପିହିକିନାର୍ ? ଲାଗିଂ ହେୱାର୍ ନେ ମିଜେଙ୍ଗ୍ ବିଚାର୍କାର୍ଯ୍ୟାର୍ ଆଦ୍ନାର୍ । ୨୦ ଆନ୍ ଆରି ଇସ୍ପର୍ ସାଲ୍ଜି ସାଲ୍ଜତାଂ ଆନ୍ ପୁଦାକାଂ ପିହିକିନାଙ୍ଗ୍, ଆରି ଇଦାଂ ପାର୍ମାଣ୍ କିନାଡ୍ ଜେ, ଇସ୍ପର୍ ରାଜି ମିଦାଙ୍ଗ୍ ଲାଗେ ଆତାତେ ।

୨୧ “ସାଲ୍ଜି ଲଗୁ ଏଚେକାଡ୍ଡ ପାତେକ୍ ଆଡ୍ ଆତିୟାର୍ ତା ହାକ୍ଡିତ ଜାଲ୍ଦି ଆଜି ତା କାଲ୍ ରାକ୍ୟା କିନାନ୍, ହେ ପାତେକ୍ ତା ଦାନ୍ ଜାଗ୍ଡତାଂ ମାନ୍ଗାନାଡ୍; ୨୨ ମାତର୍ ଏଚେକାଡ୍ଡ ତା ତାକେଣ୍ଡାଂ ଆଦିକ୍ ସାଲ୍ଜି ମାନାୟା ତାଜେଙ୍ଗ୍ ପାଣ୍ଡୁ କିଜି ଆବାର୍ ଆହ୍ନାନ୍, ହେୱାଡ଼ାଂ ଇମ୍ଣି ଆତିୟାର୍ ଜପି ତା ବାସ୍ ମାଚାଡ୍, ହେୱାନ୍ ଝିଜୁ କିସ୍ତି ଅନାନ୍ ଆରେ ତାଦାଙ୍ଗ୍ ଚର୍ କିଜିମାନି ଦନ୍ସମ୍ପତି ବାଟାକିଜି ଅନାନ୍ ।

୨୩ ✨ ଇନେର୍ ନା ପାକ୍ୟା ଆକାୟା, ହେୱାନ୍ ନା ବେରିୟା; ଆରେ, ଇନେର୍ ନା ଲାହାଙ୍ଗ୍ ରୁଣ୍ଡାୟା କିତନ୍, ହେୱାନ୍ ଜେଡେ କେତେ କିନାନ୍ ।”

ବାନ୍ୟାପୁଦା ହସି ଖାତାଡ୍
 (ମାତିଉ ୧୨:୪୩-୪୫)

☆ ୧୧:୨୩ ୧୧:୨୩ ମାର୍କ ୯:୪୦.

୨୪ “ବାନ୍ୟା ଜିବୁନ୍ ରକାନ୍ ମାନାୟତି ହସିହାତି ପାରେ ଚିମ୍ବରା ବାହା ଓଁଜୁ ବୁଲୁଆଜି ଜମ୍ବନାକା ତେକ୍ନାଡ଼ ଆରେ ହେଦାଂ ଗାଟାଆଓତିସ୍ ଇନାନ୍, ଆନ୍ ଇମ୍ବଣି ଇଞ୍ଜାଙ୍ଗ୍ ହସିଞ୍ଜାଜି ମାଟାଙ୍ଗ୍, ଆନ୍ ହେ ଇଞ୍ଜ ଲେଉଟା ଆଜି ହାନାଂ; ୨୫ ଆରି, ହେଦାଂ ଖାଜି ହେଦାଂ ନିର୍ମଲ୍ ଆରି ହାରଦାକା ହୁଡ଼ନାଡ଼ । ୨୬ ହେପାଦନା ହେଦାଂ ହାଲ୍ଜି ଜାରତାଂ ଆଦିକ୍ ବାନ୍ୟା ଆରେ ସାଡ଼ଗଟା ପୁଦାଂ ରଚେ ତାସି ଖାନାଡ଼, ଆରି ହେଖାଙ୍ଗ୍ ହଣଜି ହେବେ ବାହାକିନିକ୍, ଆରେ ହେ ମାନାୟତିଂ ପର୍ତ୍ତୁମ୍ ଦସା ବାଟା ହାରିହାନି ଦସା ଆଦିକ୍ ବାନ୍ୟା ଆନାଡ଼ ।”

ବଚନ୍ ପାଲି କିନାକାନ୍ ଦନ୍ୟ

୨୭ ହେଦେଲ୍ ଇ ଓଁଜୁ ବେରଣ୍ ଇନି ଖାଡ଼ାଙ୍ଗ୍ ମାନାୟାର ବିତ୍ତେ ରଞ୍ଜେଲ୍ କଗ୍ଲେହିମ୍ଣା ଗାଜା କାଟ୍ତାଂ ଇଚାଡ଼, ଦନ୍ୟ ହେ ଗରବ୍, “ଇନାକା ନିଞ୍ଜେଙ୍ଗ୍ ଜଲମ୍ କିଡ଼ତାଡ଼ ଆରି ମାୟ୍ ହେବେତାଂ ଉଟାୟ୍ ।”

୨୮ ମତର୍ ଜିସୁ ଇଚାନ୍, “ଆନ୍ ଆକାୟ୍, ଇମ୍ବଣାକାର ଇସ୍ବର୍ ବେରଣ୍ ଖେନାର୍ ଆରି ମାନିକିନାର୍ ଇଚିସ୍, ହେଖାର୍ ଦନ୍ୟ ।”

**କାବା କାମାୟ୍ ବିସ୍ତେ ଦାବା
(ମାତିଉ ୧୨:୩୮-୪୨; ମାର୍କ ୮:୧୨)**

୨୯ *ବେସିହେନି ମାନାୟ୍ ମାନ୍ଦା ମାନ୍ଦା ଆଜି ଜିସୁ ତାକେ ରୁଣ୍ଡାଆନି ଖେଡ଼ାଙ୍ଗ୍ ଜିସୁ ଇଞ୍ଜେଙ୍ଗ୍ ଲାଗାତାନ୍, ଇ ନଙ୍ଗ୍ନି ଆଣ୍ଡାହିମ୍ଣାଂ ବାନ୍ୟାନିକାର୍; ଇଞ୍ଜାର୍ ଚିନ୍ ତେକ୍ନାର୍, ମତର୍ ଜୁନସ୍ତି ଚିନ୍ ପିସ୍ତି ଅଲ୍ଗା ଇମ୍ବଣି ଚିନ୍ ହେଖାରିଂ ହିୟାଆଉଡ଼ । ୩୦ ଇନାକିଦେଂକି ଜୁନସ୍ ଇନେସ୍ ନିନିବିୟତ୍ କାଜିଂ ଚିନ୍ଲାକେ ଆତାର୍, ମାନାୟ୍ ମାଜି ପା ହେ ଲାକେ ଇ ନଙ୍ଗ୍ନି ଆଣ୍ଡାହିମ୍ଣାଂ କାଜିଂ ଆନାଡ଼ । ୩୧ ତିନିବାଗାଙ୍ଗ୍ନି ଦେସ୍ନି ରାଣି ବିଚାଣ୍ଡାତ ଇ ନଙ୍ଗ୍ନି ଆଣ୍ଡାହିମ୍ଣାଂ ମାନାୟାର ଲାହାଙ୍ଗ୍ ନିଙ୍ଗ୍ଜି ନିନ୍ଦା କିନାଡ଼, ଇନାକିଦେଂକି ହେଖାନ୍ ସଲମନ୍ତି ବୁଦିନି କାତା ଖେଞ୍ଜେଙ୍ଗ୍ ପୁର୍ତ୍ତି ବାହାତାଂ ଖାଜି ମାଟାଡ଼; ଆରେ ହୁଡ଼ାଟ୍, ସଲମନ୍ତାଂ ଗାଜା ବିସ୍ତେ ଇ ବାହାତ ମାନାଡ଼ । ୩୨ ନିନିବିନି ମାନାୟାର ବିଚାଣ୍ଡାତ ଇ ନଙ୍ଗ୍ନି ଆଣ୍ଡାହିମ୍ଣାଂ ଲାହାଙ୍ଗ୍ ନିଙ୍ଗ୍ଜି ଇ ଜୁଗ୍ନି ମାନାୟାର ଲାହାଙ୍ଗ୍ ନିଙ୍ଗ୍ଜି ହେଖାରିଂ ନିନ୍ଦା କିଟାର୍, ଇନାକିଦେଂକି ହେଖାର୍ ଜୁନସ୍ତି ସୁଣାୟ୍ କିନାକା ମାନ୍ଦାବଲ୍ଲାୟ୍ କିଜି ମାଟାର୍; ଆରେ ହୁଡ଼ାଟ୍, ଜୁନସ୍ତି ଗାଜା ବିସ୍ତେ ଇ ବାହାତ ମାନାଡ଼ ।

**ଗାଗାଡ଼ନି ଅଜଡ଼
(ମାତିଉ ୫:୧୫; ୬:୨୨-୨୩)**

୩୩ “ଇନେର୍ ବଇଟା ଆହି କିଜି ଡ଼କୁତି ବାହା ଇଲ୍ କି ମାଣ୍ ତାରେନ୍ ଇଚୁର୍, ମାତର୍ ବଇଟା ଇଚ୍ଚି ଜପି ଇଚ୍ଚିନାର୍, ଇନେସ୍କି ବିତ୍ତେ ହଣାକାର୍ ମାନାୟାର୍ ଅଜଡ଼ ହୁଡ଼ଦେଂ ଆଡ଼ନାର୍ । ୩୪ ମି କାଣ୍କୁ ଗାଗାଡ଼ନି ଅଜଡ଼ । ଏଚେକାଡ଼ ମି କାଣ୍କୁ ଅଣ୍ଡାଙ୍ଗ୍ ମାଟିସ୍, ହେପାଦନା ମି ଓଁଜୁ ଗାଗାଡ଼ ପା ଅଜଡ଼ ଲାକେ ଆନାଡ଼; ମାତର୍ ଏଚେକାଡ଼ ହେଦାଂ ବାନ୍ୟା ମାନାଡ଼, ହେପାଦନା ମି ଗାଗାଡ଼ ପା ମାଜ୍ଗା ଆନାଡ଼ । ୩୫ ଲାଗିଂ ଜାଗ୍ରଡ଼, ଇନେସ୍କି ମି ଖାସ୍ତିନି ଅଜଡ଼ ମାଜ୍ଗା ଆଉଡ଼ । ୩୬ ଲାଗିଂ ଜପି ମି ଓଁଜୁ ଗାଗାଡ଼ ଅଜଡ଼ ଆଦନାଡ଼ ଆରେ ହେବେ ଇମ୍ବଣି ଆଦା ମାଜ୍ଗା ମାନ୍ଗୁଡ଼, ତା ଆତିସ୍ ଅଜଡ଼ ଇନେସ୍ ବଇଟା ମିଞ୍ଜେଙ୍ଗ୍ ଅଜଡ଼ ହିଦନାଡ଼, ହେ ଲାକେ ମି ଓଁଜୁ ଗାଗାଡ଼ ଅଜଡ଼ ଆନାଡ଼ ।”

**ଜିସୁ ପାରୁସିନି ଆରି ଦାମ୍ ନିକାରିଂ ନିନ୍ଦା କିଟାର୍
(ମାତିଉ ୨୩:୧-୩୬; ମାର୍କ ୧୨:୩୮-୪୦)**

୩୭ ଜିସୁ କାତା ଇନିଖାଡ଼ାଲିଂ ରଞ୍ଜାନ୍ ପାରୁସି ତାଙ୍ଗେଙ୍ଗ୍ ଜାର୍ ଇଞ୍ଜ ତିନି କାଜିଂ ଗଞ୍ଜାରି କିଜି କୁକ୍ତାନ୍, ଆରେ ହେଖାନ୍ ଇଞ୍ଜ ହଣ୍ଡିପା ଚିଞ୍ଜେଙ୍ଗ୍ କୁଚ୍ଚାନ୍ । ୩୮ ମତର୍ ତିନିହିଙ୍ଗ୍ ଆଗେ ହେଖାନ୍ ଜେ ପର୍ତ୍ତୁମ୍ ନୁସ୍ଖାଦାଂ ମାଟାନ୍, ଇଦାଂ ହୁଡ଼ଜି ହେ ପାରୁସି କାବା ଆତାନ୍ । ୩୯ ହେବେ ମାପୁ ତାଙ୍ଗେଙ୍ଗ୍ ଇଚାନ୍, “ଏପେଙ୍ଗ୍ ପାରୁସିକାଦେର୍ ହିନା ଗିନା ଆରେ ତାଡ଼ିୟାନି ବାର୍ ବାଗାଙ୍ଗ୍ ସକର୍ କିଜି ମାନାଟ୍, ମତର୍ ମି ବିତ୍ତେ ନାଡ଼ାଈ କାମାୟ୍ ଆରି ପାଟ୍କାର୍ ବିତ୍ତେ ବାଟ୍ । ୪୦ ଏ ନିର୍ବୁଦିୟାର୍, ଇନେର୍ ବାଡ଼ ରଚ୍ଚାନ୍, ହେଖାନ୍ ଜେ ବିତ୍ତେ ପା ରଞ୍ଜାତାନ୍ ? ୪୧ ଏପେଙ୍ଗ୍ ଲବ୍ତାଂ ଇନାକା ରୁଣ୍ଡାୟ୍ କିନାଦେରା ହେଦାଂ ଅକ୍ତିତାରିଂ ଦାନ୍ କିୟାଟ୍ ଲାଗିଂ ପୁରାପୁରି ସକର୍ ଆନାଦେର୍ ।”

୪୨ “ହାୟ୍ ଦାଣ୍ଡୁନି ବାହା ପାରୁସିର୍, ଇନାକିଦେଂକି ଏପେଙ୍ଗ୍ ପଦିନା, ଆରୁଦ ଆରି ଓଁଜୁ ଲାକେ କୁଚ୍ଚାନି ଦାନ୍ ହିଜି ମାନାଟ୍, ଆରେ ନ୍ୟାୟ୍ ବିଚାର୍ ଆରି ଇସ୍ବର୍ ଜିଉନନିତ ଏଲା କିନାଦେରା; ମତର୍ ଇ ଓଁଜୁ ମାନିକିନାସ୍ ଆରି ବିନେ ଓଁଜୁ ଏଲା ଆଖାକା ମାନାଡ଼ ।”

* ୧୧:୨୯ ୧୧:୨୯ ମାତିଉ ୧୭:୪; ମାର୍କ ୮:୧୨.

୪୩ “ହାୟ୍ ଦାଣ୍ଡି ବାହା ପାରୁସିର୍, ଇନାକିଦେଂକି ଏପେଙ୍ଗ କୁଟୁମ୍ ଇଞ୍ଜ ମୁଡ୍ଡି ବାହା ଆରେ ଆର୍ ବାଜାରତାକେ ଜୁଞ୍ଜା ପାୟା ଆଦେଂ ଜିଉନନାଦେର୍ ।

୪୪ ହାୟ୍, ଡାଣ୍ଡି, ଇନାକିଦେଂକି ଏପେଙ୍ଗ ହୁଡ୍ଡିଡ୍ଡି ଦୁଗେର୍ ଲାକେ; ତା ଜପି ହାନାକାଦେରେ ମାନାୟ୍ ହେଦାଂ ଦୁଗେର୍ ଇଞ୍ଜି ପୁନୁର୍ ।”

୪୫ ଇବେ ମସାତି ବିଦି ସାସ୍ତ୍ରର୍ ବିତ୍ରେ ରକାନ୍ ଜିସୁଙ୍ଗ ଉତର୍ ହିତାନ୍, “ଏ ଗୁରୁ, ଇଦାଂ ଇଞ୍ଜି ଏନ୍ ମାଙ୍ଗେଙ୍ଗ ପା ଲାଜୁ କିଦନାୟା ।”

୪୬ ଜିସୁ ଇଚାନ୍, ହାୟ୍, “ଦରମ୍ ସାସ୍ତ୍ରର୍ ଜେ ଏପେଙ୍ଗ ଏପେଙ୍ଗ ପା ଦାଣ୍ଡି ବାହା, ଇନାକିଦେଂକି ଏପେଙ୍ଗ ମାନାୟାର୍ ଜପି ବଜ୍ ଲାଦିକିନାଦେରା ଆରି ଜାର ର ଖାଚକାତା ହିଜି ହେଦାଂ ତୁଜି ହାଙ୍ଗକିଦୁୟା । ୪୭ ହାୟ୍, ଏପେଙ୍ଗ ଡାଣ୍ଡି ବାହା ଇନାକିଦେଂକି ଏପେଙ୍ଗ ବେଶ୍‌ବାକ୍‌ଶାୟ୍ କିନାକାନ୍ତି ଦୁଗେର୍ ରଚ୍ଚି ମାନାଟ୍, ଇମ୍‌ଶାକାରିଂ ଦାଦିରଆକର୍ ହେଞ୍ଜାରିଂ ଅଜି ମାଚାର୍ । ୪୮ ଲାଗିଂ, ମି ଦାଦିର ଆକର୍ଚ୍ଚି କାମାୟ୍ ବିସ୍ତେ ଏପେଙ୍ଗ ସାକି ଆନାଦେରା ଆରି ବାଟି କିନାଦେରା; ଇନାକିଦେଂକି ହେଞ୍ଜାର୍ ହିନା ହେଞ୍ଜେରିଂ ଅସ୍ତି ମାଚାର୍, ମତର୍ ଏପେଙ୍ଗ ହେଞ୍ଜାଚ୍ଚି ଦୁଗେର୍‌ବାହା ରଚ୍ଚି କିଜି ମାନାଟ୍ ।” ୪୯ ଲାଗିଂ ଇସ୍ତର୍ ପା ଜାର୍ ବୁଦିତାଙ୍ଗ୍ ଖେଚ୍ଚାନ୍‌ନା, ଆସେଙ୍ଗ୍ ହେଞ୍ଜାର୍ ତାକେ ବେଶ୍‌ବାକ୍‌ଶାୟ୍‌କିନାକାନ୍ ଆରି ପକ୍ୟାତାକାର୍ଚ୍ଚି; ପକ୍‌ନାପ୍ ହେଞ୍ଜାର୍ ବିତ୍ରେ ଇନେ ଇନେରିଂ ହେଞ୍ଜାର୍ ଟ୍ରାକ୍‌ନାର୍ ଆରି ଇନେ ଇନେରିଂ ନିନ୍ଦା କିନାର୍, ୫୦ ଇନେସ୍ ହେ ବଲ୍‌ନି ନେତେଚ୍ଚାଂ, ଇମ୍‌ଶି ଜିକିରିୟ୍ ଗାର୍‌ଶି ଆରି ମନ୍ଦିରନ୍ ପୁଇପୁୟା ବାହାନ୍ ମାଦି ହାତାନ୍, ହେଞ୍ଜାନ୍ତି ନେତେଚ୍ଚା ପାତେକ୍ ପୁଚ୍ଚି ଆରମ୍‌ତାଂ ଏଚେକ୍ ବେଶ୍‌ବାକ୍‌ଶାୟ୍‌କିନାକାଚ୍ଚି ନେତେଚ୍ଚା ହାଚାଡ୍‌ନା, ୫୧ ହେବଲ୍‌ ଚୁଚିତାଂ ଆରମ୍ କିଜି ଜିକିରିୟ୍ ପାତେକ୍, ଇମ୍‌ଶାକାନ୍ ଗାର୍‌ଶି ଆରି ପୁଇପୁୟା ବାହା ବିତ୍ରେ ଚୁଶ୍ଚି ମାଚାର୍ । ଆଁ ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଇ ଜୁଗ୍‌ନି ମାନାୟାର୍ ହେଞ୍ଜାନ୍ ଖିଜାଚ୍ଚି କାଜିଂ ନେତେଚ୍ଚାନ୍ ଦାଣ୍ଡି ବଗି କିନାନ୍ ।

୫୨ “ହାୟ୍, ଡାଣ୍ଡି ବାହା ଦରମ୍ ସାସ୍ତ୍ରର୍, ଇନାକିଦେଂକି ଏପେଙ୍ଗ ବୁଦିନି କୁଚିକାତି ଆରାୟ୍ କିନାଦେର୍; ଏପେଙ୍ଗ ନିଜେ ନିଜେ ହେଞ୍ଜାତାଦେର୍, ଆରି ହଣି କାଜିଂ ମାନ୍‌କିତି ମାନାୟାରିଂ କସ୍ ହିତାଦେର୍ ।”

୫୩ ଆରି, ଜିସୁ ହେବେତାଂ ହସି ହାଟି ପାଚେ ସାସ୍ତ୍ରର୍ ଆରି ପାରୁସିର୍ ବେସି ବେରୁଆଜି, ୫୪ ତା ଖେଇଦାଂ ଇନା ବେଶ୍ ଆସେଙ୍ଗ୍ ଇଞ୍ଜି ଡକ୍‌କା ଉଚ୍ଚି ତାଙ୍ଗେଙ୍ଗ୍ ଆଦିକ୍ ବିସ୍ତେ ପର୍‌ସନ୍ ଖେନ୍‌ବେଦେଂ ଲଗାତାନ୍ ।

୧୨

କପଟିର୍ ତାଙ୍ଗ୍ ଜାଗ୍ରଡ୍ ଆଡୁ (ମାତିଉ ୧୦:୨୭-୨୭)

୧ *ଇବେତାଂ ହେନି ମାନାୟ୍ ରୁଣ୍ଡା ଆଜି ହାରି ଜପି କୁସ୍‌ସ୍ତା ଆତାର୍; ହେ ପାଦ୍‌ନା ହେଞ୍ଜାନ୍ ପର୍ଚ୍ଚୁମ୍ ଜାର୍ ଚେଲାରିଂ ଇଞ୍ଜେଙ୍ଗ୍ ଲାଗାତାନ୍, “ପାରୁସିର୍ଚ୍ଚି ହଇନି ଲାଗ୍‌ଦି କୁଚ୍ ବିସ୍ତେ ଜାଗ୍ରଡ୍ ଆଜି ମାନାଟ୍ । ୨ *ଇନାକା ଡକ୍‌କାତାନ୍ନା ହେଦାଂ ଚନ୍‌ଞ୍ଜାନାଡ୍ ଆରି ଖିଜୁ ଡକ୍‌କାକା ବିସ୍ତେ ହପ୍‌ୟାନାଡ୍ । ୩ ଇଚିସ୍ ଏପେଙ୍ଗ ଇନା ଇନାକା ମାଜଗାତାଂ ଇନାଦେରା, ହେଦାଂ ଖିଜୁ ଅଜଡ୍ ତାକେ ଖେନ୍‌ୟାଆନାଡ୍, ଆରି ଇନାକା ଡକ୍‌କାଚି ବିତ୍ରେ କାଲେତାଂ ଇଚାଦେଶ୍‌ଣା, ହେଦାଂ ବାକ୍ରାତ ଜେଗନ୍ ଜପି ସୁଶାୟ୍ କିୟା ଆନାଡ୍ ।”

ଇନେରିଂ ପାଣ୍ଡା ଆନାଦେର୍ (ମାତିଉ ୧୦:୨୮-୩୧)

୪ “ମାତର୍ ନା ସାଙ୍ଗ୍ ଜେ ଏପେଙ୍ଗ୍, ମିଙ୍ଗେଙ୍ଗ୍ ଆନ୍ ଇଞ୍ଜିନାଙ୍ଗା, ଇମ୍‌ଶାକାର୍‌କି ଗାଗାଡ୍‌ଚିଂ ଅହ୍‌ନାର୍, ମତର୍ ତା ପାଚେ ଆରେ ବେସି ନସ୍ କିଦେଙ୍ଗ୍ ଆଡୁର୍, ହେଞ୍ଜାରିଂ ପାଣ୍ଡା ଆମାଟ୍ । ୫ ମାତର୍ ଇନେରିଂ ପାଣ୍ଡା ଆନାଦେର୍, ହେଦାଂ ଆନ୍ ମିଙ୍ଗେଙ୍ଗ୍ ଖେଚ୍ଚାନ୍‌ନାଂ; ଅସ୍ତି ପାଚେ ନରକ୍‌ତ ତୁସିହିନି କାସି ଇନେଚ୍ଚି ଆଦିକାର୍ ମାନାଡ୍, ତାଙ୍ଗେଙ୍ଗ୍ ପାଣ୍ଡା ଆଡୁ; ଆଁ ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜିନାଙ୍ଗା, ତାଙ୍ଗେଙ୍ଗ୍ ପାଣ୍ଡା ଆଡୁ ।”

୬ “ପାଞ୍ଚଗଟା କଡିହାଡା ପଟିଂ ଇନାକା ଦୁଇ ଟାକା ତାବୁକାଂ ପ୍ରୟାଆଉଡ୍ ? ଆରି, ହେଞ୍ଜାଙ୍ଗ୍ ବିତ୍ରେତାଂ ରଞ୍ଜାଙ୍ଗ୍ ପା ଇସ୍ତର୍ ବାଶାଆଉନ୍ । ୭ ମାତର୍ ମି କାପ୍‌ଡାନି ଖିଜୁ ତେମ୍‌ଲ୍ ଗାଶା କିଡ୍‌ତାନ୍‌ନା ପାଣ୍ଡା ଆମାଟ୍; ଏପେଙ୍ଗ୍ ବେସି କଡିହାଡା ପଟିଂତାଂ ଆଦିକ୍ ଗାଜା ।”

କ୍ରିସ୍ଟୁଙ୍ଗ୍ ମାନିକିନାକା ଆରି ପିହ୍‌ନାକା (ମାତିଉ ୧୦:୩୨-୩୩; ୧୨:୩୨; ୧୯-୨୦)

☆ ୧୨:୧ ୧୨:୧ ମାତିଉ ୧୭:୨; ମାର୍କ ୮:୧୫. ☆ ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭.

୮ “ଆରେ, ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇମ୍ବଣି ମାନାୟାରିଂ ମୁମ୍ବଦ ନାଙ୍ଗେଙ୍ଗ୍ ଏତୁ କିଦ୍ଦନାଦେର୍, ମାନାୟା ମାଜି ପା ଇସ୍ବର ଦୁଡ୍ବର ମୁମ୍ବଦ ତାଙ୍ଗେଙ୍ଗ୍ ଏତୁ କିତାର୍; ୯ ମାତର୍ ଜେ ଲକୁ ମୁମ୍ବଦ ନାଙ୍ଗେଙ୍ଗ୍ ଏତୁ କିଦ୍ଦଦେର୍, ହେଝାନ୍ ଇସ୍ବରତି ଦୁଡ୍ବର ମୁମ୍ବଦ ମାନି କିୟା ଆଉଦେର୍ ।”

୧୦ “ଆରେ, ଇନେର୍ ମାନାୟା ମାଜି ବିରଡ୍ତାଂ କାତା ଇନାଦେର୍, ତାଙ୍ଗେଙ୍ଗ୍ କେମା ହିୟାନାଡ୍; ମତର୍ ଜେ ପୁଇପୁୟା ଜିରୁନ୍ ବିରଡ୍ତାଂ ନିୟା କାତା ଇନାର୍, ତାଙ୍ଗେଙ୍ଗ୍ କେମା ହିୟା ଆଉଡ୍ ।”

୧୧ “ଆରେ, ଏତେକାଡ୍ବଦ ହେଝାର୍ ମିଙ୍ଗେଙ୍ଗ୍ କୁରୁମ୍ ଇଞ୍ଜ, ସାସନ୍ କିନାକାର୍ ଆରି ଆଦିକାର୍ ପାୟା ଆତି ମାନାୟାରିଂ ଲାଗେ ତାହିଝାନାର୍ ହେ ପାଦ୍ନା, ଏପେଙ୍ଗ୍ ଜାର୍ ପାକ୍ୟାତ ଇନେସ୍ କିଜି ଇନା କାତା ଉତର୍ ହିନାନ୍ ଇଞ୍ଜ ଇନାକା ଇନାଦେର୍, ହେଝାନ୍ ବିସ୍ତେ ଚିନ୍ତା କିମାର୍; ୧୨ ଇନାକିଦେଂକି ଇନାକା ଇନ୍ୟା ଆନାଡ୍, ହେଦାଂ ପୁଇପୁୟା ଜିରୁନ୍ ହେପାଦ୍ନା ମିଙ୍ଗେଙ୍ଗ୍ ହିକାଈକିଦ୍ନାନ୍ ।”

ମାଜାନ୍ ଆରେ ଅକର୍ତ୍ତ୍ତି ଝେର୍ନି କାରୁର୍

୧୩ ମାନାୟାର୍ ବିତ୍ତେତାଂ ରଝାନ୍ ତାଙ୍ଗେଙ୍ଗ୍ ଇଚାନ୍, “ଏ ଗୁରୁ, ନା ଟଣ୍ଡେନିଂ ନା ଲାହାଙ୍ଗ୍ ଆବାତି ଦାନ୍ ବାଗ୍ କିଦେଙ୍ଗ୍ ଇଞ୍ଜି ବଲ୍ ଇନା ।”

୧୪ ମାତର୍ ହେଝାନ୍ ତାଙ୍ଗେଙ୍ଗ୍ ଇଚାନ୍, “ଏ ଟଣ୍ଡେନ୍, ଇନେନ୍ ନାଙ୍ଗେଙ୍ଗ୍ ମି ଜପି ବିଚାରକିନାକାନ୍ ଆରି ବାଟା କିନାକାନ୍ ମାଦି କିଜି ବାଚିକିତାନ୍ ?” ୧୫ ଆରେ, ହେଝାନ୍ ହେଝାରିଂ ଇଚାନ୍, “ଜାଗ୍ରଡ୍, ଝିଜୁ ବାନ୍ କିଚିତାଂ ଜାର୍ ଜାର୍ତିଂ ଦେହା ଇଚାଟ୍, ଇନାକିଦେଂକି ରଝାନ୍ ମାନାୟାତିଂ ଜିରୁନ୍ ତା ଦାନ୍ ଆଦିକ୍ ଜପି ମାନ୍କିଉନ୍ ।”

୧୬ ଆରେ, ଜିସୁ ହେଝେରିଂ ଇ ଉତର୍ମୁଡ୍ ଇଚାନ୍, “ରକାନ୍ ମାଜାନ୍ ମାନାୟାତି ଜମିତାକେ ଆଦିକ୍ ପାତି ଆତାଡ୍ । ୧୭ ହେବେ ହେଝାନ୍ ମାନ୍ତ ମାନ୍ତ ଏଡ୍ କିଜି ଇଚାନ୍, ଇନାକା କିନାଙ୍ଗ୍ ? ଇନାକିଦେଂକି ନା ପାତି ମଦାୟା କିଜି ଇଚ୍ଚଦେଂ ଇଞ୍ଜି ବାହା ହିଲୁଡ୍ । ୧୮ ଆରି, ହେଝାନ୍ ଇଚାନ୍, ଇଦାଂ କିନାଙ୍ଗ୍; ନା ଚୁଣ୍ଡିଙ୍ଗ୍ ତ୍ରିକ୍ତି ଗାଜାଙ୍ଗ୍ ଗାଜାଙ୍ଗ୍ କିଜି ରଚ୍ଚନାଙ୍ଗ୍ ଆରି ହେ ଝିଜୁ ତାକେ ନା ତାସ୍ ଆରି ଜିନ୍ସୁପାତି ଝିଜୁ ମଦାୟା କିଜି ଇଚ୍ଚନାଙ୍ଗ୍, ୧୯ ଆରି, ଆନ୍ ନା ଝାସ୍ତିତିଂ ଇନାଙ୍ଗ୍ ଏ, ଜିରୁନ୍, ଆଦିକ୍ ବାହୁଁ କାଜିଂ ନିୟାଂ ଆଦିକ୍ ଜିନ୍ସୁ ରୁଣ୍ଡା ଆତାଡ୍ନା, ଜମା, ତିନ୍ଞି ଉଣ୍ଡାଜି, ଝାରି କିୟା; ୨୦ ମତର୍ ଇସ୍ବର ହେଝାନିଂ ଇଚାନ୍, ଆଡେ ନିର୍ବୁଦୟା, ନେଞ୍ଜେଙ୍ଗ୍ ନାଶା ନି ଝାସ୍ତି ନିବେ ତାଙ୍ଗ୍ ଅୟାନାଡ୍; ହେବେତାଂ ଏନେଙ୍ଗ୍ ଇନା ଇନାକା ଜାର୍ କାଜିଂ ଜତନ୍ କିତାୟନା, ହେଦାଂ ଝିଜୁ ଇନେରତି ଆନାଡ୍ ?”

୨୧ ଇନେନ୍ ଜାର୍ କାଜିଂ ଦାନ୍ ରୁଣ୍ଡାୟା କିନାନ୍, “ମାତର୍ ଇସ୍ବର ଆଗେ ହାଉକାର୍ ଆକାୟା, ହେଦାଂ କାଜିଂ ଇ ଲାକେ ଗିଟା ଆନାଡ୍ ।”

**ମାପୁତାକେ ପାତର୍ କିନାକା
(ମାତିଉ ୬:୨୫-୩୪)**

୨୨ ଜିସୁ ଜାର୍ ଚେଲାରିଂ ଇଚାନ୍, “ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନାକା ତିନାଦେର୍, ଇ ଲାକେ ମି ଜିରୁନ୍ କାଜିଂ ଆତିସ୍ ଇନାକା ଉସ୍ପାନାଦେର୍, ଇ ଲାକେ ମି ଗାଗାଡ୍ କାଜିଂ ପା ଚିନ୍ତା କିମାର୍ । ୨୩ ଇନାକିଦେଂକି କାଦିତାଂ ଜିରୁନ୍ ଆରି ହେୟାତାଂ ଗାଗାଡ୍ ଗାଜା । ୨୪ ପଟିଂ ବିସ୍ତେ ହୁଡାଟ୍, ହେଝେକ୍ ଝିଜୁକ୍ କି ତ୍ରେସୁକ୍ପା, ଆରି ହେଝେକ୍ତି ଇଲ୍ କି ଚୁଣ୍ଡି ହିଲୁଡ୍, ଆରେ ଇସ୍ବର ହେଝାକାଂ କାଦି ହିନାନ୍; ଏପେଙ୍ଗ୍ ପଟିଂତାଂ ଆଦିକ୍ ଗାଜା । ୨୫ ଆରେ, ମି ବିତ୍ତେପା ଇନେର୍ ଚିନ୍ତା କିଜି କିଜି ଜାର୍ ଆଁଇସ୍ ଲାମା କିଦେଙ୍ଗ୍ ଆଡ୍ନାନ୍ ? ୨୬ ଆତିସ୍, ଏପେଙ୍ଗ୍ ଜଦି ଝିଜୁତାଙ୍ଗ୍ ହିରୁ କାମାୟା କିଦେଙ୍ଗ୍ ପା ଆଡୁୟା, ଲାଗିଂ ବିନେ ଝିଜୁ ବିସ୍ତେ ହେଦାଂ ଇନେକିଦେଂ ଚିନ୍ତା କିନାଦେରା ? ୨୭ ପୁଇକୁ ବିସ୍ତେ ବାବି କିଜି ହୁଡାଟ୍, ହେଝାଙ୍ଗ୍ ଇନେସ୍ ନୁଲ୍ ନାରୁକ୍ କି ତ୍ଡୁକ୍; ଆତିସ୍ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗ୍, ସଲମନ୍ ପା ଜାର୍ ଝିଜୁ ହଲ୍ଲନାକାତ ଇଝାଙ୍ଗ୍ ବିତ୍ତେ ରଞ୍ଜାଙ୍ଗ୍ ଲାକେ ଉସ୍ପାଝାଦାଂ ମାଚାନ୍ । ୨୮ ମାତର୍ ଇମ୍ବଣି କାଚା ନେଜେଙ୍ଗ୍ ବାଡ୍ବଦ ମାନାଡ୍, ଆରି ଝିଗାଲିଙ୍ଗ୍ ହଲ୍ଲଦ ଦେହିୟା ଆନାଡ୍, ତାଙ୍ଗେଙ୍ଗ୍ ଇନାଝାଡାଂ ଇସ୍ବର ଇ ଲାକେ ବେସ୍ ହିଦ୍ନାନ୍, ଲାଗିଂ, ହେ ଅଲପ୍ ପାତର୍ କିନାଦେର୍, ହେଝାନ୍ ମିଙ୍ଗେଙ୍ଗ୍ ଏତେକ୍ ଆଦିକ୍ ଲାକେ ହିଦ୍ନାନ୍ ।”

୨୯ ଆରେ, ଇନାକା ତିନାକା ଆରି ଇନାକା ଉଣାକା, ହେଦାଂ ଏପେଙ୍ଗ୍ ତେକ୍ତି ବୁଲାଆମାର୍ କି ମାନ୍ ଦୁକ୍ କିମାର୍, ୩୦ ଇନାକିଦେଂକି ପୁତର୍ ନି ପାତର୍ କିଝି ଜିହୁଦିର୍ ଇ ଝିଜୁ ବିସ୍ତେ ତେକ୍ତି ବୁଲା ଆନାର୍; ମାତର୍ ଇ ଝିଜୁ ବିସ୍ତେ ଜେ ମିଦାଙ୍ଗ୍ ଲଡା, ହେଦାଂ ମି ସାଗେନି ଆବା ପୁଞ୍ଜନାନ୍ । ୩୧ ଆତିସ୍ ଏପେଙ୍ଗ୍ ଇସ୍ବର ରାଜି ତେକାଟ୍, ଆରି ଇ ଝିଜୁ ବିସ୍ତେ ପା ମିଙ୍ଗେଙ୍ଗ୍ ହିଦ୍ନାନ୍ ।

**ସାଗେନି ଦାନ୍
(ମାତିଉ ୬:୧୯-୨୧)**

୩୭ “ଏ ହିରୁ ମାୟା, ପାଣ୍ଡା ଆମାଟ୍, ଇନେକିଦେଂ ମିଙ୍ଗେଙ୍ଗ୍ ତା ରାଜି ହିଦ୍‌ନି କାଜିଂ ମି ଆବାତି ବେସି ଖାରି ଆନାତା । ୩୩ ମିଙ୍ଗେଙ୍ଗ୍ ଇନାକା ମାନାଟ୍, ହେଦାଂ ପ୍ରସି ହିଲ୍‌ଖାକାରିଂ ଦାନ୍ ହିୟାଟ୍; ଇନାକା ନସ୍ତୁ ଆଉଡ୍ ଇ ଲାକେ ମଣା ଜାର୍ ଜାର୍ କାଜିଂ ଜାଲ୍‌ଦି କିୟାଟ୍, ଇମେତାକେ ଚର୍ ଲାଗେ ଖାଉନ୍ କି ପୁକୁ ନସ୍ତୁ କିଉକ୍, ଇ ଲାକେ ସାଗେନି ନସ୍ତୁ ଆଞ୍ଜି ଦାନ୍ ଆର୍ଜା ଆତ । ୩୪ ଇନାକିଦେଂକି ଇମେତାକେ ମିଦାଙ୍ଗ୍ ଦାନ୍, ହେବେ ପା ମିଙ୍ଗେଙ୍ଗ୍ ମାନ୍ ।”

ଜାଗ୍ରତ୍ ମାନି ଚେଲାଟ୍

୩୫ ☆“ମି ମେଙ୍ଗାଙ୍ଗ୍ ଗାତ୍ୟା ଆଜି ମାନେଡ୍ ଆରି ଅଜଡ୍ ଆଜି ମାନେଡ୍; ୩୬ ଆରି, ମାପୁ ବିବା ଖେଡାଙ୍ଗ୍ ଲେଉଟା ଆଜି ଦୁଖେରତିଂ ଇଡିତିପାଚେ ଇମ୍‌ଣି ମାନାୟାର୍ ହେଦାଂ କାଜିଂ ସାଙ୍ଗେ ସାଙ୍ଗେ ଦୁଖେର୍ ଜେଡ୍‌ଡେଂ କାଜିଂ ମାନାର୍, ଏପେଙ୍ଗ୍‌ପା ହେଖାର୍ ଲାକେ ଆଜି ମାନାର୍ ।” ୩୭ ମାପୁ ଖାଜି ଇମ୍‌ଣି ଆଡିୟାରିଂ ଜାଗ୍ରତ୍ ହୁଡ୍‌ନାନ୍, ହେଖାର୍ ଦନ୍‌ୟ, “ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜନାଙ୍ଗା, ହେଖାନ୍ ନିଜେ ମେଙ୍ଗାଙ୍ଗ୍ ଗାଡି ହେଖାରିଂ ତିନି ବାହାତ କୁଚି କିଜି ଲାଗେ ହାଲ୍‌ଜି ହେବା କିତାର୍ । ୩୮ ଆରି, ହେଖାନ୍ ମାଦିମାଦାନାଣା ଅଜଡ୍ ଆନିହିଙ୍ଗ୍ ପା ଖାଜି ହେଖେରିଂ ହେ ଲାକେ ହୁଡ୍‌ନାନ୍, ତା ଆଡିସ୍ ହେ ହଲ୍‌ୟାର୍ ଦନ୍‌ୟ । ୩୯ ☆ମାତର୍ ଇଦାଂ ପୁଞ୍ଜି ମାନାର୍, ଇମ୍‌ଣି ସମୁତ ଚରେନ୍ ଖାନାନ୍ ଇଲ୍ ମୁଣିକା ଏଚେକାଡ୍‌ଦ ପୁନାନ୍, ତାଆଡିସ୍ ହେଖାନ୍ ଜାର୍ ଇଞ୍ଜ ଚର୍ କିଦେଂ ହିଉନ୍ । ୪୦ ଏପେଙ୍ଗ୍ ପା ଜାଗ୍ରତ୍ ଆଜି ମାନାର୍, ଇନାକିଦେଂକି ଇମ୍‌ଣି ସମୁତ ଏପେଙ୍ଗ୍ ବାରି କିଜି ମାନଗୁଦେର୍, ହେ ସମୁତ ମାନାୟ୍ ମାଜି ଖାନାନ୍ ।”

**ପାତର୍ କିନାକାର୍ ଆରେ ପାତର୍ କିଞ୍ଜାକାର୍
(ମାତିଉ ୨୪:୪୫-୫୧)**

୪୧ ହେବେତାଂ ପିତର୍ ଇଚାନ୍, “ଏ ମାପୁ, ଏନ୍ କେବଲ୍ ମାଙ୍ଗେଙ୍ଗ୍ କି ଖିଜାରିଂ ଇ ଉତର୍‌ମୁଡ୍ ଇଞ୍ଜନାନ୍ ?”

୪୨ ମାପୁ ଉତର୍ ହିତାନ୍, “ଲାଗିଂ ଜାର୍ ଲକ୍‌ବାକ୍‌ତିଂ ସମାନ୍ ହିଦେଂ ଇଞ୍ଜି ମୁଣିକା ଇଲ୍ ଚାଲାୟ୍‌କିନା କାନିଂ ଦାଉଡ୍ ହିଜି ମାଚାନ୍ ହେଖାନ୍ ସମାନ୍ ସମୁତ ବିନ୍ ହଲ୍‌ୟାରିଙ୍ଗ୍ ପା ଚିଞ୍ଜେଙ୍ଗ୍ ହିଜି ମାନ୍‌ଖାତାନ୍ ? ୪୩ ମାପୁ ଖାଜି ଜାର୍‌ତି ଇମ୍‌ଣି ଆଡିୟାଙ୍ଗ୍ ହେ ଲାକେ କିନାକା ହୁଡ୍‌ନାନ୍, ହେଖାନ୍ ଦନ୍‌ୟ । ୪୪ ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜନାଙ୍ଗା, ହେଖାନ୍ ତାଙ୍ଗେଙ୍ଗ୍ ଜାର୍‌ତି ଖିଜୁ ଦାନ୍‌ତିଙ୍ଗ୍ ଜପି ବାରି କିଦ୍‌ନାନ୍ । ୪୫ ମାତର୍ ଜଦି ହେ ଆଡିଏନ୍ ନା ମାପୁ ଖାନାକା ବିଲମ୍ ମାନାଟ୍ ଇଞ୍ଜି ମାନ୍ତ ମାନ୍ତ ଇଞ୍ଜି ହଲ୍‌ୟା ଆଡିଏନ୍‌ଣିକାଂ ଅସ୍ତେଙ୍ଗ୍ ଆରି ତିନିଞ୍ଜିଉଣ୍ଡି ଏକ୍ ଆଦେଂ ଆରାମ୍ କିତାର୍, ୪୬ ତା ଆଡିସ୍ ଇମ୍‌ଣି ଦିନ୍ ଆଡିୟା କାଜିଂ ମାଙ୍ଗେଙ୍ଗ୍ ଆଡୁନ୍ ଆରି ଇମ୍‌ଣି ସମୁତ ହେଖାନ୍ ପୁଞ୍ଜି ମାନୁନ୍, ହେ ଦିନ୍ ଆରି ହେ ତାଣ୍ଡୁତ ତା ମାପୁ ଖାନାନ୍, ଆରେ ହେଖାନ୍ ତାଙ୍ଗେଙ୍ଗ୍ ରିବାଗ୍ କିଜି ପାତର୍ କିଞ୍ଜାକାର୍ ଲାହାଙ୍ଗ୍ ତା ବାଗତାକା ବାଚିକିନାର୍ ।”

୪୭ “ଆରେ, ଇମ୍‌ଣି ଆଡିୟା ଜାର୍ ମାପୁ ମାନ୍ ପୁଞ୍ଜି ଜାଗ୍ରତ୍ ଆଜି ମାନୁନ୍ ଆଡିତିସ୍ ତା ଇଚାତାଂ କାମାୟ୍ କିଜି ମାନୁନ୍, ହେଖାନ୍ ବେସି ମାଡ୍‌ତାଙ୍ଗ୍ ମାଡ୍‌କିୟାଆନାନ୍; ୪୮ ମାତର୍ ଇନେନ୍ ପୁନ୍‌ଖାଦାଂ ମାଡ୍‌ତିନି କାମାୟ୍ କିଜି ମାନାନ୍, ହେଖାନ୍ ଅଲପ୍ ମାଡ୍‌ତାଙ୍ଗ୍ ମାଡ୍‌କିୟାଆନାନ୍ । ଇନେରିଂ ବେସି ହିୟାଆତାଡ୍‌ନା, ତା ତାକେଣ୍ଡାଂ ବେସି ଦାବା କିୟାନାଟ୍ ଆରେ, ଲକୁ ଇନେନ୍ ତାକେ ବେସି ହେଲାୟ୍ କିୟାତାନ୍‌ନା, ତା ଲାଗାଂ ବେସି ଦାବା କିନାର୍ ।”

ଜିସୁ କାଜିଂ ରିବାଗ୍ ଆନାକା

୪୯ “ଆନ୍ ପୁତର୍ ତ ନାଣି ଆହି କିଦେଙ୍ଗ୍ ଖାତାଂନା, ଆରେ ହେଦାଂ ଜଦି ଆସ୍ତାଚେ ତାଆଡିସ୍ ନା ଆରେ ଇନାକା ମାନ୍, ୫୦ ମାତର୍ ନାଙ୍ଗ୍ ର ବାପ୍‌ସିମ୍‌ତ ବାପ୍‌ସିମ୍ ଆନାକା ମାନାଟ୍, ଆରି ହେଦାଂ ଖିଜ୍‌ଖି ପାଚେକ୍ ଆନ୍ ଇନେସ୍ ଦୁକ୍ ମାନ୍ତ ବାଚିକିନାଙ୍ଗା । ୫୧ ଆନ୍ ପୁତର୍ ତିଂ ସୁସ୍ତା ହିଦେଂ ଖାତାଂନା ଇଞ୍ଜି ଇନାକା ଏପେଙ୍ଗ୍ ଏଡ୍ କିନାଦେରା ? ଆକାୟ୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, କୁଦାକୁଦା କିଦେଙ୍ଗ୍ ଖାତାଂନା । ୫୨ ଇନାକିଦେଂକି ର ଇଞ୍ଜ ପାଞ୍ଜିଜାଣ୍ ମାଚିସ୍ ରିୟାର୍ ବିରୁଡ୍‌ତାଂ ତିନିଜାଣ୍ ଆରି ତିନିଜାଣ୍‌ତିଂ ବିରୁଡ୍‌ତ ରିୟାର୍ ବିନେ ବିନେ ଆନାର୍ । ୫୩ ମାଜି ବିରୁଡ୍‌ତ ଆବା, ଆବା ବିରୁଡ୍‌ତ ମାଜି, ଗାଡ୍‌ଚେ ବିରୁଡ୍‌ତ ଆୟା, ଆୟା ବିରୁଡ୍‌ତ ଗାଡ୍‌ଚେ, କଡିୟା ବିରୁଡ୍‌ତ ପଦାହି ଆରି ପଦାହି ବିରୁଡ୍‌ତ କଡିୟାଣିହି ବିନେ ଆନାଟ୍ ।”

**ସମୁ ବୁଜାଆନାସ୍
(ମାତିଉ ୧୨:୨-୩)**

୫୪ ଆରେ, ହେଖାନ୍ ମାନାୟାରିଂ ପା ଇଚାନ୍, ଡେବା ପାଡ୍‌କାନି ବାଦାଡ୍ ନିଙ୍ଗ୍‌ନାକା ହୁଡ୍‌ତିସ୍ ହେ ଦାପ୍‌ପେ ଏପେଙ୍ଗ୍ ଇନାଟ୍, ବାରହା ଖାନାଟ୍, ଆରେ ଏଲେଙ୍ଗ୍ ଲାକେ ଗିଟା ଆଦ୍‌ନାଟ୍; ୫୫ ଆରେ, ତିନିପାଡ୍‌କାନି ଦୁକା ଖାନାକା ହୁଡ୍‌ତିସ୍ ଏପେଙ୍ଗ୍ ଇନାଟ୍, ଗାଜା କାରା ଖାନାଟ୍, ଆରେ ହେଦାଂ ଗିଟା ଆଦ୍‌ନାଟ୍ । ୫୬ ଆଡେ

☆ ୧୨:୩୫ ୧୨:୩୫ ମାତିଉ ୨୫:୧-୧୩. ☆ ୧୨:୩୯ ୧୨:୩୯ ମାତିଉ ୨୪:୪୩,୪୪.

କାପଟିୟାର କାଦେର୍, ଏପେଙ୍ଗ ପୁତ ଠ ଆରେ ବାଦାଡ଼ତା ହୁଡ଼ଜି ଓଜୁ ବୁଜା ଆନାଦେରା, ମାତର୍ ଇ ଦିନ୍ତ ତିନ୍ ହୁଡ଼ଜି ଓଜୁ ଇନେସ୍ ବୁଜା ଆଉଦେରା ?

ସାତୁର୍ ହୁକେ ମେହାଆନାକା
(ମାତିଉ ୫:୨୫-୨୬)

୫୭ “ଆରେ, ଜାର୍ ଜାର୍ ଇନେକିଦେଂ ନ୍ୟାୟ ବିଚାର୍ କିଉଦେରା ? ୫୮ ମି କୁର୍ଲିୟା ହୁକେ ସାସନକିନାକାନ୍ କଚଣ୍ଡ ହାନିହିଂ ହାସ୍ଦ ପା ତା ଲାହାଙ୍ଗ୍ ମୁକ୍ତା ଆଦେଂ ଜାତୁନ୍ କିୟାଟ୍, ଏଚେକାଡ଼ଦ ହେଖାନ୍ ନିଂ ବିଚାରକାରୟା କଚଣ୍ଡ ଜେଲ୍ଜି ଅଦନାର୍, ଆରେ ବିଚାର୍ କିନାକାନ୍ ମିଙ୍ଗେଙ୍ଗ୍ ମେଲ୍ୟାର୍ କେଇଦ ସର୍ପି କିଦନାର୍, ଆରେ ମେଲ୍ୟାର୍ ମିଙ୍ଗେଙ୍ଗ୍ ତାନାଇଞ୍ଜ ବାଡ଼ କିଦନାର୍ । ୫୯ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ହାରିହାରା ତାବୁଙ୍ଗ୍ ହୁଜା ଆଓି ପାତେକ୍ ହେ ବାହାତାଂ ଇନେସ୍ ଆଜି ହସିଖାଦେଙ୍ଗ୍ ଆତୁଦେର୍ ।”

୧୩

ପାପ୍ତାଂ ଖାତୁ ନଲେ ହାନାଦେର୍

୧ ହେ ସମୁତ କେଡ଼ଜାଣ୍ ମାନି କେତେକ୍ ଲକ୍ ଜିସୁଙ୍ଗ୍ ଇଚାର୍ ଜେ ଲକ୍ ଖାଜି, ପିଲାତ ଇମଣି ଗାଲିଲିୟରତି ନେତେର୍ ହେଖାରିତି ପୁଜା ଲାହାଙ୍ଗ୍ ମେହାୟକିଜି ମାଚାର୍, ହେଖାର୍ ବିସ୍ତେ ହେଖାନିଂ ଜାଣାଇ କିଚାର୍ । ୨ ହେବେତାଂ ଜିସୁ ହେଖାରିଂ ଉତର୍ ହିତାନ୍, “ଇଦାଂ ଓଜୁ ବଗ୍ କିଦେଙ୍ଗ୍ ଇ ଗାଲିଲିୟର୍ ଜେକନି ଓଜାର୍ ଗାଲିଲିୟର୍ ତାଙ୍ଗ୍ ଆଦିକ୍ ପାପିର୍ ଇଞ୍ଜି କି ଏପେଙ୍ଗ୍ ମାନେକିନାଦେରା ? ୩ କି ଆନ୍ ମିଙ୍ଗେଙ୍ଗ୍ ଖେଚନାଙ୍ଗା, ମାତର୍ ପାପ୍ ମାନବାଦଲ୍ୟାୟ କିଓଡିସ୍ ଏପେଙ୍ଗ୍ ଓଜାକାଦେର୍ ହେ ଲାକେ ନସ୍ ଅନାଦେର୍ । ୪ ଇଚିସ୍ ସିଲହତ ହେ ଅଟର୍ ଜାଣ୍ ଜପି ମାଚା କାଡ଼ଜି ହେଖାରିତି ଜିବୁନ୍ ହାଚାଡ଼, ହେଖାର୍ ବିସ୍ତେ ଇନାକା ବାବି କିନାଦେର୍ ? ହେଖାର୍ ଓଜାର୍ ଜିରୁସାଲମ୍ ତାଙ୍ଗ୍ ଆଦିକ୍ ପାପିର୍ ଇଞ୍ଜି କି ଏପେଙ୍ଗ୍ ମାନେ କିନାଦେରା ? ୫ ଆନ୍ ମିଙ୍ଗେଙ୍ଗ୍ ଖେଚନାଙ୍ଗା, ମାତର୍ ପାପ୍ତାଂ ମାନବାଦଲ୍ୟାୟ କିଓଡିସ୍ ଏପେଙ୍ଗ୍ ଓଜାକାଦେର୍ ହେ ଲାକେ ନସ୍ ଆନାଦେର୍ ।”

ପାଡ଼ ଖାଓି ତଗାମାର୍ କାତା

୬ ଆରେ, ଜିସୁ ଇ ଉତର୍ମୁଡ଼ ଇଚାନ୍, “ରକାନ୍ତି ଅଙ୍ଗୁର୍ ବାଡ଼ଦ ର ତଗା ମାର୍ ରୁଜଦି ମାଚାନ୍ । ମାଲିକ୍ ଖାଜି ହେବେନି ପାଡ଼ ତେକ୍ତାନ୍, ମାତର୍ ଗାଟା ଆଖାତାନ୍ । ୭ ଲାଗିଂ ହେଖାନ୍ କାନାକାନ୍ ଇଚାନ୍, ହୁଡ଼ା, ଇ ତିନି ବାହୁଁ ଆତାଡ଼ ଆନ୍ ଖାଜି ଇ ତଗା ମାର୍ଡି ପାଡ଼ ତେକ୍ନାଙ୍ଗା, ମାତର୍ ଗାଟା ଆଉଙ୍ଗା, ଇଦେଲିଂ କାଦିତୁସିୟା, ଇଦାଂ ଇନେକିଦେଂ ମେଦନିତିଂ ଆବାର୍ ଆହ୍ନାତା ? ୮ ମାତର୍ ମାଲିକ୍ତିଂ ଉତର୍ ହିତାନ୍, ମାପୁ, ଇଦେଲିଂ ଇ ବାହୁଁ ପା ପିସିହିଦା, ଆନ୍ ଇବେତାଂ ଇଦାଂ ଚାରିବେଣ୍ଡାଂ କାଟିଂ ଗାଡ଼ ହିନାଙ୍ଗ୍, ୯ ଆରେ ପାତେ ପାଡ଼ ଖାଡିସ୍ ହାର୍, ଆଓିତିସ୍ ହେଦେଲିଂ କାଦି ତୁସିହିନାଙ୍ଗ୍ ।”

ଜିସୁ ଜମ୍ନିବାର୍ ନାଜିଂ ର କଗଲେଂ ଉଜ୍ କିଚାନ୍

୧୦ ରଗ ଜିସୁ ଜମ୍ନିବାର୍ଡତ ର କୁଚୁମ୍ ଇଞ୍ଜି ହିକ୍ୟା ହିଜିମାଚାନ୍ । ୧୧ ଆରେ ହୁଡ଼ାଟ୍, ଅଟର୍ ବାହୁଁ ପାତେକ୍ ବାନ୍ୟା ଜିବୁନ୍ କାଜିଂ ପାପିୟା ର କଗଲେ ହେବେ ମାଚାଡ଼, ହେଦେଲ୍ କୁବଡ଼ି ଆଜି ଇନେସ୍ ଆଜି ପା ଜାରତିଂ ହାଣ୍ଡକୁ କିଦେଙ୍ଗ୍ ଆଡ଼ଖାଦାଂ ମାଚାଡ଼ । ୧୨ ଜିସୁ ହେଦେଲିଂ ହୁଡ଼ଜି ଲାଗାୟ କୁକ୍ତି ଇଚାନ୍, “ଏ କଗଲେ ନି ବେମାର୍ଡତାଂ ଉଜ୍ ଆତାୟ ।” ୧୩ ଆରେ, ଜିସୁ ହେ ଜପି କେଇ ଇଡ଼ତାନ୍, ହେବେତାଂ ହେଦେଲ୍ ହେ ଦାପ୍ତେ ହାଣ୍ଡକୁ ଆଜି ଇସ୍ପର୍ଡିଂ ପାର୍ଡାନା କିଦେଙ୍ଗ୍ ଲାଗାତାଡ଼ ।

୧୪ ମାତର୍ ଜିସୁ ଜମ୍ନିବାର୍ଡତ ଉଜ୍ କିଦେଙ୍ଗ୍ କୁଚୁମ୍ ଇଲ୍ନି ମୁଡ଼ଦାକାନ୍ ରିସା ଆଜି ମାନାୟାର୍ ତାକେ ଉତର୍ ହିତାନ୍, “କାମାୟ କିନି କାଜିଂ ଚଅ ଦିନ୍ ମାନାଡ଼, ଲାଗିଂ ହେ ଓଜୁନାଞ୍ଜିଙ୍ଗ୍ ଖାଜି ଉଜ୍ ଆତୁ, ଜମ୍ନିବାର୍ ଖାମାଟ୍ ।”

୧୫ ମାତର୍ ମାପୁ ହେଖାରିଂ ଉତର୍ ହିତାନ୍, “ଏ କାପଟିୟାର୍, ଏପେଙ୍ଗ୍ ଓଜୁ ଇନାକା ଜମ୍ନିବାର୍ଡତ ଜାର୍ ଜାର୍ ବାଡ଼ଦୁ କି ଗଦ ହାଡ଼ାତାଂ ରିକ୍ତି ତାସି ଏଜୁଂ ଉର୍ପାମାତୁ ? ୧୬ ଲାଗିଂ ହୁଡ଼ାଟ୍, ଅଟର୍ ବାହୁଁ ପାତେକ୍ ସୟତାନ୍ ଲାହାଙ୍ଗ୍ ଇଚିସ୍ ଅବ୍ରାହାମ୍ ଗାଡ଼ହି ଇ କଗଲେ ଇନାକା ଜମ୍ନିବାର୍ ଜାର୍ ଗାଡ଼ି ତାଙ୍ଗ୍ ଉଜ୍ ଆନାକା ଇନାକା ହିଲ୍ଖାତାଡ଼ ?” ୧୭ ଆରେ, ଜିସୁ ଇ କାତା ଇଚିଲେ, ତାଙ୍ଗେଙ୍ଗ୍ ବେରିୟାର୍ ଓଜାର୍ ଲାଜୁ କିଦେଙ୍ଗ୍ ଲାଗାତାର୍, ମାତର୍ ମାନାୟାର୍ ଜିସୁ ଇଞ୍ଜି ମାନି ଓଜୁ ଜାଜ୍ମାଲ୍ ଗାଜା କାମାୟ ସାକାତାଂ ଖାରି କିଦେଙ୍ଗ୍ ଲାଗାତାର୍ ।

ହାର୍ ହୁ ମାଞ୍ଜିନି କାତା
(ମାତିଉ ୧୩:୩୧-୩୩; ମାର୍କ ୪:୩୦-୩୨)

୧୮ ହେବେତା ଜିସୁ ଇଚାନ, “ଇସ୍ବତ ରାଜି ଇନେର୍ ଲାକେ ? ଆରି ଇନେର୍ ହାଙ୍ଗତା ଆନ୍ ହେଦା ତୁଲାୟ କିନାଙ୍ ? ୧୯ ହେଦା ଇ ଲାକେ ରଞ୍ଜାଙ୍ ହାରହୁ ମାଞ୍ଜି ଲାକେ, ହେଦା ଅଜି ରକାନ ମାନାୟ ଜାର ବାଡ଼ଦ ଝିଡ଼ତାନ, ଆରେ ହେଦା ପାନଟି ମାର ଆତାଡ଼, ଆରି ବାଦାଡ଼ତା ପଟି ଖାଜି ହେ ଡାଡ଼ଦ ବାହା କିତି ।”

ହଇନିରୁଟି କାତା
(ମାଡ଼ିଉ ୧୩:୩୩)

୨୦ ଜିସୁ ଆରେ ଇଚାନ, “ଆନ୍ ଇନେର୍ ଲାହାଙ୍ ଇସ୍ବର ରାଜିତି ତୁଲାୟ କିନାଙ୍ ? ୨୧ ହେଦା ହଇନିରୁଟି ଲାକେ, ର କଗଲେ ହେଦା ତାସି ମଣାତ ମଇଦା ବିଡ୍ରେ ପ୍ଲୁକ୍ଟି ଇଟ୍ତାଡ଼, ଆରେ ହାରିହାରା ଝିଡ୍ଡୁ ହଇନି ଲାକେ ଆତାଡ଼ ।”

ହାକାଡ଼ ଦୁଝେର୍
(ମାଡ଼ିଉ ୭:୧୩-୧୪; ୨୧-୨୩)

୨୨ ଇବେତା ହେଝାନ ଗାଡ଼ ଗାଡ଼ଦ ଆରି ନାସ୍ବକୁ ନାସ୍ବକୁ ବୁଲାଆଜି ହିକ୍ୟା ହିଉ ହିଉ ଜିରୁସାଲମ୍ ନିପ ହାଲ୍ଲଜି ମାଚାନ । ୨୩ ଆରେ, ରକାନ ତାଙ୍ଗେଙ୍ ଇଚାନ, “ମାପୁଙ୍, ମୁକ୍ତି ଆନାକା ପାୟା ଆନି ମାନାୟାର୍ ହିସାବ୍ ଇନାକା ଅଲପ୍ ?

ହେବେତା ହେଝାନ ହେଝାରି ଇଚାନ, ” ୨୪ ହିରୁ ଦୁଝେର୍ତି ହଣ୍ଡେଙ୍ କସ୍ବକିୟାଟ୍, ଇନେକିଦେକି ଆନ୍ ମିଙ୍ଗେଙ୍ ଇଞ୍ଜନାଙ୍, “ବେସି ହେନି ହଣ୍ଡିନି କାଜି ସେସ୍ବୁ କିନାର, ମାତର୍ ଆଡ୍ଡୁର୍ । ୨୫ ଇଲ୍ ମୁଣିକା ନିଞ୍ଜି କାପାଟ୍ ବନ୍ଦ କିତି ପାଚେ ଏଚେକାଡ଼ଦ ଏପେଙ୍ ବାଟ୍ ନିଲ୍ଲଟି ମାନାଦେର୍ ଆରି ଏ ମାପୁ, ମା କାଜି ଦୁଝେର୍ ଜେତା, ଇଦା ଇଞ୍ଜି କାପାଟ୍ ଇଡ଼ିଦେ ଲାଗାନାଦେର୍, ହେ ପାଦ୍ନା ହେଝାନ ମିଙ୍ଗେଙ୍ ଉତର୍ ହିଦ୍ନାନ, ଏପେଙ୍ ଇମ୍ଣି ବାହାନି ମାନାୟ ହେଦା ଆନ୍ ପୁନୁଙ୍ ।” ୨୬ ହେ ସମୁତ ଏପେଙ୍ ଇଞ୍ଜେଙ୍ ଲାଗାନାଦେର୍, “ଆପେ ନି ମୁମ୍ଦ ଉଟାପ୍ ଚିଟାପ୍, ଆରି ଏନ୍ ମାଙ୍ଗେଙ୍ ହାକ୍ତିତ ହିକ୍ୟା ହିତାୟ ।” ୨୭ ଆରେ, ହେଝାନ ମିଙ୍ଗେଙ୍ ଇଞ୍ଜନାନ, ଏପେଙ୍ ଇମ୍ଣି ବାହାନି ମାନାୟ, ହେଦା “ଆନ୍ ପୁନୁଙ୍; ଏ ଅଦାମ୍ ଝିଜାକାଦେର୍ ନା କଟଣ୍ଡା ଦେହାଆଡ୍ଡୁ । ୨୮ ☆ଏଚେକାଡ଼ଦ ଏପେଙ୍ ଅବ୍ରାହାମ୍, ଇସ୍ବହାକ୍, ଜାକୁର୍, ଆରି ଝିଜାର୍ ବେଶ୍ବବାକ୍ଷାୟକିନାକାରି ଇସ୍ବର ରାଜିତ ମାନି ଆରି ଜାର ଜାର୍ତି ବାର୍ତ୍ତ ତୁସିହିତାକା ହୁଡ଼ନାଦେର୍, ହେପାଦ୍ନା ହେବେ ଆଡ଼ବିସ୍ ଆରି ଟାଡାଙ୍ କାଟ୍ନାଦେର୍ । ୨୯ ଆରେ, ଝେଡ଼ାହଡ଼ନି ଆରି ଝେଡ଼ାହାନି ନିପ, ତିନିପାଡ଼କା ଆରି ଡେବାପାଡ଼କାନି ଲକୁ ଖାଜି ଇସ୍ବର ରାଜିତି ତିଞ୍ଜେଙ୍ କୁଟ୍ନାର । ୩୦ ☆ଆରେ ହୁଡ଼ାଟ୍, ଇମ୍ଣାକାର୍ ନଙ୍ଗୟ ପାଚେ ମାନି କେତେକ୍ ପର୍ଡୁମ୍ ଆନାର୍ ଆରି ପର୍ଡୁମ୍ ମାନି କେତେକ୍ ପାଚେ ଆନାର୍ ।”

ଜିରୁସାଲମ୍ କାଜି ଜିସୁଟି ଦୁକ୍
(ମାଡ଼ିଉ ୨୩:୩୭-୩୯)

୩୧ ହେ ପାଦ୍ନା କେତେକ୍ ପାରୁସିର୍ ଜିସୁ ଲାଗେ ଖାଜି ଇଚାର୍, “ଇ ବାହା ପିସ୍ବି ହସି ହାଲାଟ୍, ଇନାକିଦେକି ହେରଦ୍ ନିଙ୍ଗେଙ୍ ଅସ୍ବେଦେ ମାନ୍ କିନାନା ।”

୩୨ ହେବେତା ଜିସୁ ହେଝାରି ଇଚାନ, “ଏପେଙ୍ ହାଲ୍ଲଜି ହେ କଲ୍ୟାତି ଝେଟାଟ୍, ହୁଡ଼ାଟ୍, ଆନ୍ ନେଞ୍ଜେଙ୍ ଆରି ଝିଗା ପୁଦା ପିହିକିନାଙ୍ ଆରି ଉଜ୍ କିନାଙ୍, ଆରେ ତିନି ଦିନ୍ତା ଆନ୍ ପଡ଼କ୍ ଇନାଙ୍ । ୩୩ ଇନାକା ଆୟେଡ଼, ନେଞ୍ଜେଙ୍, ଝିଗା ଆରି ମାହିଙ୍ ନାଙ୍ଗେଙ୍ ହାଞ୍ଜେଙ୍ ଆନାଡ଼, ଇନାକିଦେକି ଜିରୁସାଲମ୍ନି ବାଟ୍ ବେଶ୍ବବାକ୍ଷାୟକିନାକାରି ନାସ୍ ଆନାକା ହାର୍ ଆକାୟ ।”

୩୪ “ଏ ଜିରୁସାଲମ୍, ଏ ଜିରୁସାଲମ୍, ବେଶ୍ବବାକ୍ଷାୟ କିନାକାର୍ତି ଚୁଣାକାୟ ଆରି ଜାର୍ ତାକେ ପକ୍ୟାତାକାରି କାଲ୍ଲଅହିୟାନି । କୁଜ୍ ଇନେସ୍ ମାରା ତାରେନ୍ ଜାର୍ ହିମ୍ଣାକା ରବେ କିନାଡ଼, ହେ ଲାକେ ଆନ୍ ଏଚେହଟ୍ ନି ହିମ୍ଣାକା ରବେ କିଦେଙ୍ ମାନ୍ କିତାଙ୍, ମାତର୍ ଏପେଙ୍ ମାନ୍ କିଝାତାଦେର୍ । ୩୫ ହୁଡ଼ାଟ୍, ମି ଇଲ୍ ମି କେଇଦ ପିସ୍ବାତାଣ୍ଡା; ଆରେ ଆନ୍ ମିଙ୍ଗେଙ୍ ଇଞ୍ଜନାଙ୍, ମାପୁ ତର୍ଦ ଇନେନ୍ ଝାନାନା, ହେଝାନ ଦନ୍ୟ, ଏପେଙ୍ ଇମ୍ଣି ନାଜି ଇ କାତା ଇନାଦେର୍, ହେ ଦିନ୍‌ଝାଝି ପାଚେକ୍ ନାଙ୍ ହାତେନେ ଆରେ ହୁଡ଼ୁଦେର୍ ।”

୧୪

ଜିସୁ ର ରଗ୍ୟା ଉଜ୍ କିତାନ

☆ ୧୩:୨୮ ୧୩:୨୮ ମାଡ଼ିଉ ୨୨:୧୩; ୨୫:୩୦. ☆ ୧୩:୨୮ ୧୩:୨୮ ମାଡ଼ିଉ ୮:୧୧,୧୨. ☆ ୧୩:୩୦ ୧୩:୩୦ ମାଡ଼ିଉ ୧୯:୩୦; ୨୦:୧୨; ମାର୍କ ୧୦:୩୧.

୧ ରଗ ଜିସୁ ଜମନିବାର ନାଜି ତିନି କାଜି ର ପାରୁସିର ମୁଣିକା ଇଞ୍ଜ ହଟିଲେ, ହେଝାର ତାଙ୍ଗ ଇଟକାଡ଼ କିଜି ମାଚାର । ୨ ଆରେ ହୁଡ଼ାଟ, ହେଝାନ ମୁମ୍ବ ରକାନ କାଲକୁ କେଇକୁ ପୁଲାଆତି ରଗ୍ୟା ନଟନି ମାନାୟ ମାଚାନ । ୩ ହେବେ ଜିସୁ ମସାତି ବିଦିନି ଗୁରୁର ଆରି ପାରୁସିର ଉତର ହିତାନ, “ଜମନିବାର ନାଜି ଉଜ୍ଜ କିନାକା ବିଦି କି ଆକାୟ ?” ମାତର ହେଝାର ଚିମରା ଆଜି ମାଚାର ।

୪ ଆରେ, ହେଝାନ ତାଙ୍ଗେଙ୍ଗ ଆସି ଉଜ୍ଜ କିତାନ ଆରି ପକତାନ । ୫ ଆରେ, ହେଝାନ ହେଝାରି ଇଚାନ, “ମି ବିତ୍ରେତା ଇନେର ଜାର ହିମ୍ଗା କି ବାଡ଼ୁ କୁଇତାକେ ଆତ ସ ଇନାକା ହେଦେଲି ଜମନିବାର ନାଜି ହେ ଦାପ୍ରେ ନିକୁନ ?”

୬ ଆରେ, ହେଝାର ଇ ଝିଜୁ ବେରଣ୍ଡ ଇନାକା ଉତର ହିଦେ ଆଡ଼ଝାଚାର ।

ଦାମି ଆନାକା ଆରେ ହେବା କିନାକା

୭ ଆରେ, କୁପକାୟାତି ମାନାୟାର ଇନେସ ମୁଡ଼ ମୁଡ଼ ବାହା ବାଟି କିଜି ମାଚାର, ଇଦା ଇଟକାଡ଼ କିଜି ହେଝାନ ହେଝାରି ଇ ଉତରମୁଡ଼ ହିଜି ଇଚାନ, ୮ “ଏତେକାଡ଼ ଏପେଙ୍ଗ ଇମ୍ଣି ଲକୁତାଙ୍ଗ ବିବାନି ବଜିତ କୁକ୍ୟାନାଦେର, ହେଝେଡ଼ା ମୁଡ଼ ବାହାତ କୁଟମାଟ, କାତେହିନା ମିତାଙ୍ଗ ଆଦିକ ଗାଜାଲକୁ ହେଝାନତା କୁକ୍ୟା ଆଜି ମାନଗାନାନ୍, ୯ ଆରେ ଇନେର ମିଙ୍ଗ ଆରି ତାଙ୍ଗ କୁକତାନଟି, ହେଝାନ ଝାଜି ମିଙ୍ଗ ଇଞ୍ଜାନାନ୍, ଇଝାନି ବାହା ହିଆ; ଆରେ, ହେଝେଡ଼ା ଏପେଙ୍ଗ ଲାଜୁତା ତାରେନ୍ ବାହାତ କୁଟେ ହାନାଦେର । ୧୦ ମାତର ଏତେକାଡ଼ ଏପେଙ୍ଗ କୁକ୍ୟା ଆନାଦେର, ହେଝେଡ଼ା ହାଲ୍ଜି ତାରେନି ବାହାତ କୁଟାଟ, ଇନେସ ମି କୁକ୍ୟାତି ଲକୁ ଝାଜି ମିଙ୍ଗେଙ୍ଗ ଇଞ୍ଜାନାନ୍, ଏ ବୟୁ, ଜପ୍ଣି ବାହାତ ଝା ଇଞ୍ଜାନାନ୍, ହେଝେଡ଼ା ମି ହୁକେ କୁଟି ମାନି ଝିଜାକାର ମାନାୟାର ମୁମ୍ବ ମି ଜାଜମାଲ୍ ଆନାଟ । ୧୧ ଇନାକିଦେକି ଇନେର ଜାରତି ଗାଜା ଇଞ୍ଜ ଚଞ୍ଜିୟାଆନାନ୍, ତାଙ୍ଗେଙ୍ଗ ହାରୁ ଆନାନ୍, ଆରେ ଇନେର ଜାରତି ହାରୁ ଆନାନ୍, ହେଝାନି ଉଟ କିୟାନାଟ ।”

୧୨ ଆରି, ଜିସୁ ନିଜେ କୁକ୍ୟାତି ଲଗା ପା ଇଚାନ, “ଝେଡ଼ା କି ନାଶା ବଜି ହିଜି ଜାର ବୟୁ କି ଟଣ୍ଡେନ୍ କି ଝାସ୍ତିନିକାର କି ମାଜାନ ପାଡ଼ହାନିକାରି କୁକକି କିମାଟ, କାତେହିନା ହେଝାର ପା ଝାଜି ମିଙ୍ଗ କୁକକି କିଦନାର ଆରି ଏପେଙ୍ଗ ପ୍ରାତିପାଦ ପାୟା ଆତାଦେର । ୧୩ ମାତର ବଜି ଜାଲଦି କିତିସ ଅକ ଟ, ଟୁଟା, ଟଟା ଆରି କାଶାରି କୁପକାଟ; ୧୪ ତା ଆତିସ ଏପେଙ୍ଗ ଦନ୍ୟ ଆନାଦେର, ଇନେକିଦେକି ମିଙ୍ଗେଙ୍ଗ ଆରେ ହିଦିନି କାଜି ହେଝାରତି ଇନାକା ହିଲୁଟ; ଆରେ, ଦାମିର ଆରେ ନିନି ଝେଡ଼ାଲି ମିଙ୍ଗେଙ୍ଗ ଆରେ ହିଦ୍ୟାନାଟ ।”

ର ଗାଜା ବଜିନି ଉତରମୁଡ଼ (ମାତିଉ ୨୨:୧-୧୦)

୧୫ ହେଦା ଝେନ୍ଞି ଜିସୁହୁକେ ଚିଞ୍ଜେଙ୍ଗ କୁଟି ମାନି ଲଗା ବିତ୍ରେ ରକାନ ହେଝାନି ଇଚାନ, ଇମ୍ଣି ଲଗୁ “ଇସ୍ପଟ ରାଜିତ ତିନାନ୍, ହେଝାନ ଦନ୍ୟ ।”

୧୬ ମାତର ଜିସୁ ତାଙ୍ଗେଙ୍ଗ ଇଚାନ, “ରକାନ ମାନାୟ ମୁକା ସମୁତ ଗାଜାବଜି ହିଦେ ଇଚା କିଜି ବେସି ଜାଣ୍ଡି କୁକତାନ; ୧୭ ଆରେ, ତିନି ସମୁ ଏକାଝାତିଲେ, ହେଝାନ କୁକତି ଲଗା ଜାର ଆଡ଼ିୟାତି ପକଟି ଇଚାନ, ଏପେଙ୍ଗ ଝାଡୁ, ଇନାକିଦେ ଝିଜୁ ଜାଲଦି ଆତାତେ । ୧୮ ମାତର ଝିଜାକାର ର ମାନ କିଜି କେମା ପାର୍ତାନା କିଦେଙ୍ଗ ଲାଗାଚାର । ପର୍ଡମ୍ ରକାନ ତାଙ୍ଗ ଇଚାନ, ଆନ୍ ଇଚୁଟି ବୁମି କଡ଼ତାନ୍ନା, ନାଙ୍ଗ ହେଦା ହୁଡ଼େନ୍ ଲାଗଦାନାଟ; ଗଝାରି କିଦନାଙ୍ଗା, ଆନ୍ କେମା ପାୟା ଆତାଙ୍ଗନା ଇଞ୍ଜି ବାବି କିୟା ।” ୧୯ ଆରେ ରକାନ ଇଚାନ, “ଆନ୍ ପାଞ୍ଚ ଆଡ଼ ବାଡ଼ୁଙ୍ଗ କଡ଼ତାନ୍ନା, ଆରେ ଆନ୍ ହେଝାକା ପରିକ୍ୟା କିଦେଙ୍ଗ ହାନାଙ୍ଗା; ଗଝାରି କିଦନାଙ୍ଗା, ଆନ୍ କେମା ପାୟାଆତାନ୍ନା ଇଞ୍ଜି ବାବି କିୟା ।” ୨୦ ବିନ୍ ଲଗୁ ଇଚାନ, “ଆନ୍ ପୁନ୍ ବିବା ଆତାଙ୍ଗନା, ଲାଗି ହାଞ୍ଜେଙ୍ଗ ଆଡୁଙ୍ଗା ।”

୨୧ ଆରେ, ହେ ଆଡ଼ିଏନ୍ ଝାଜି ହେ ମାପୁଙ୍ଗ ହେ ସବୁ ଝେଟଚାନ । ହେବେଣ୍ଡା ଲଲ୍ ମୁଣିକା ରିସା ଆଜି ଜାର ଆଡ଼ିଏନ୍ ଇଚାନ, “ବେଗି ଗାଡ଼ନ୍ ହାକ୍ତି ଆରି ଗଲିଗନ୍ଦିତ ହାଲ୍ଜି ଅକ ଟ, ଟୁଟା, କାଶା ଆରି ଟଟାରି ଇବେ ତାହିଝାଡୁ ।” ୨୨ ପାଚେ ହେ, ଆଡ଼ିଏନ୍ ଇଚାନ, “ଏ ମାପୁ, ନି ବଲ୍ଡା କିୟାଆତାଙ୍ଗନା, ଆଡ଼ିସପା ଆରେ ବାହା ମାନାଟ ।” ୨୩ ହେବେତା ମାପୁ ହେ ଆଡ଼ିଏନ୍ ଇଚାନ, “ରାଜାର ହାଜି ଆରି ଅଙ୍ଗୁର ବାଡ଼ ମାରତ ହାଲ୍ଜି, ନା ଇଲ୍ ଇନେସକି ପୁରା ଆନାଟ, ହେଦା କାଜି ମାନାୟାରି ଝାନିକାଜି ହିୟାଟ । ୨୪ ଲାଗି ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ହେ କୁକ୍ୟା ଆଜି ମାନି ମାନାୟାରି ପା ଇନେର ନା ବଜିନି ଗୁଣ୍ଡ ମଦୁର ପାୟା ଆଉଟ ।”

☆ ୧୪:୫ ୧୪:୫ ମାତିଉ ୧୨:୧୧. ☆ ୧୪:୧୧ ୧୪:୧୧ ମାତିଉ ୨୩:୧୨; ଲୁକ ୧୮:୧୪.

ଚେଲା ଆଦେଂ ମାନାଡ଼
(ମାତିଉ ୧୦:୩୭-୩୮)

୨୫ ଦିନେକ୍ ବେସିହେନି ମାନାୟାର୍ ଜିସୁ ଲାହାଙ୍ଗ୍ ହାଲ୍ଲି ମାଚାର୍, ଆରେ ହେଖାନ୍ ଲେଉଟା ଆଜି ହେଖାରିଂ ଇଚାନ୍, ୨୬ “ଇନେର୍ ଜଦି ନା କଚଣ୍ ଖାଜି ଜାର୍ ଆବା, ଆୟା, ତକ୍ତି, ହିମଣା, ଟଣ୍ଡେନ୍ ଆରି ତଣ୍ଡେକାଂ, ଇ ଲାକେ ଜାର୍ ଜିବୁନ୍ତିଂ ପା ଆଦିକ୍ ଖାରି କିଞ୍ଚିସ୍, ଲାଗିଂ ହେଖାନ୍ ନା ଚେଲା ଆଦେଂ ଆଡୁନ୍ । ୨୭ *ଇନେର୍ ଜାର୍ତି କ୍ଳସ୍ ପିଣ୍ଡି ନା ତେଇଁ ଖାଖାତାନ୍ତି, ହେଖାନ୍ ନା ଚେଲା ଆଦେଂ ଆଡୁନ୍ । ୨୮ ଇନାକିଦେଂକି ମିଙ୍ଗେଙ୍ଗ୍ ବିତ୍ରେ ଇନେର୍ ମାଚା ରସ୍ତେଂ ଇଚା କିଜି ହେଦାଂ ଖିସ୍ପିସ୍ କିନାକା ତାରୁଙ୍ଗ୍ ସାଲ୍ଲି ମାନାଡ଼ କି ଆକାୟ୍, ଇଦାଂ ପର୍ତ୍ତୁମ୍ କୁଚ୍ଚି କର୍ଚ୍ଚ ଇସାବ୍ ହୁଡ଼ୁଦେର୍ ? ୨୯ ହେ ଦିନ୍ତ ହେଖାନ୍ କୁନାଦି କୁଚି କିଜି ଖିସ୍ତେଙ୍ଗ୍ ଆଡ଼ିତିସ୍, ଏଚେଜାଣ୍ ହେଦାଂ ହୁଡ଼ୁନାର୍ ଖିଜାର୍ ତାଙ୍ଗେଙ୍ଗ୍ ଗୁଇଦେଂ ଲାଗାନାର୍, ୩୦ ଇ ମାନାୟ୍ ରଚ୍ଚେଂ ଆରାମ୍ କିଜି ଖିସ୍ତେଙ୍ଗ୍ ଆଡ଼ିଖାତାନ୍ ।” ୩୧ “ମାତର୍ ଇମ୍ଣି ରାଜା ଦସହାଜାର୍ ମେଲ୍ୟାରିଂ ଅଜି ବିନେ ରକାନ୍ ରାଜା ଲାହାଙ୍ଗ୍ ଜୁଜ୍ କିଦେଙ୍ଗ୍ ହାଜି ଖେଡାଲିଂ, କଡେ ହାଜାର୍ ମେଲ୍ୟାର୍ ଆସ୍ତି ବିରୁଦ୍ଧ ଖାଜିମାନି ରାଜା ଲାହାଙ୍ଗ୍ ଦସ୍ ହାଜାର୍ ମେଲ୍ୟାର୍ ଅଜି ଜୁଜ୍ କିଦେଙ୍ଗ୍ ଆଡ଼ିନାଦେରା କି ଆକାୟ୍, ହେଦାଂ ପର୍ତ୍ତୁମ୍ କୁଚ୍ଚି ବିଚାର୍ କିଉର୍ ? ୩୨ ଜଦି ଆଡୁନ୍, ଲାଗିଂ ବିନେନି ରାଜା ଦେହା ମାନୁ ମାନୁ ହେଖାନ୍ ଦୁଡ଼ ପକ୍ଚି ହାଜି ପାଡାନା କିନାନ୍ । ୩୩ ହେ ଲାକେ ମିଙ୍ଗେଙ୍ଗ୍ ବିତ୍ରେ ଇନେର୍ ଜାର୍ତି ଖିଜୁ ପିହ୍‌ଖିତିସ୍, ହେଖାନ୍ ନା ଚେଲା ଆଦେଂ ଆଡୁନ୍ ।”

ଚିନ୍ତା କିଞ୍ଚି ହର୍
(ମାତିଉ ୫:୧୩; ମାର୍କ ୯:୫୦)

୩୪ “ହର୍ତ ହାର୍; ମାତର୍ ହର୍ ପା ଜଦି ହ୍‌ଖାଦ୍ ଆଉଡ଼, ବାଟିଙ୍ଗ୍ ହେଦାଂ ଇମେ କାର୍ଯା ଆନାଡ଼ ? ୩୫ ହେଦାଂ ମେଦ୍‌ନିତ କି ଗାଡ଼ଗାଦା କାଜିଂ ସମାନ୍ ଆକାୟ୍; ଲକୁ ହେଦାଂ ବାର୍ତ୍ତ ତୁସି ହିନାର୍ । ଇନେର୍ ଖେଞ୍ଜେଙ୍ଗ୍ କିତୁଲ୍ ମାନାଡ଼, ହେଖାନ୍ ଖେନେନ୍ ।”

୧୫

ଜାଙ୍ଗ୍ତି ମେଣ୍ଡା
(ମାତିଉ ୧୮:୧୨-୧୪)

୧ ଆରେ, ଦିନେକ୍ ସିସ୍ତୁନ୍‌ନାକାର୍ ଆରି ପାପିୟାର୍ ଖିଜାକାର୍ ହେଖାନ୍ ବଚନ୍ ଖେଞ୍ଜେଙ୍ଗ୍ କାଜିଂ ହେଖାନ୍ ତାକେ ଖାଜି ମାଚାର୍ । ୨ ହେବେ ପାରୁସିର ଆରି ସାସ୍ତିର୍ ଗାଣଜୁ କିଜି କିଜି ଇଚାର୍, “ଇଖାନ୍ ରକାନ୍ ପାପିୟାରିଂ ଇଚ୍‌ନାନ୍ ଆରି ହେଖାର୍ ହୁକେ ତିନାନ୍ !” ୩ ହେବେ ହେଖାନ୍ ହେଖାରିଂ ଇ ଉତର୍‌ମୁଡ଼ ଖେଚ୍‌ଚାନ୍,

୪ “ମି ବିତ୍ରେ ଏପେଙ୍ଗ୍ ଇମ୍ଣି ମାନାୟ୍ ମାନାନ୍ ଜେ ହେଖାନ୍ତି ପାଞ୍ଚକଡ଼ି ମେଣ୍ଡାଂ ମାତିସ୍, ଆରେ ହେଖାଙ୍ଗ୍ ବିତ୍ରେ ରଞ୍ଜାଙ୍ଗ୍ ଜାଙ୍ଗ୍ତିସ୍, ଲାଗିଂ ହେ ଏକ୍ ଉଣା ପାଞ୍ଚକଡ଼ିକାଙ୍ଗ୍ ବାଟାତ ପିସ୍ତି ହେ ଜାଙ୍ଗ୍ତି ମେଣ୍ଡା ଗାଟାଞ୍ଜି ପାତେକ୍ ହେଦେଲିଂ ତେକୁନ୍ ? ୫ ଆରେ, ଗାଟାଆତିସ୍ ହେଖାନ୍ ହେଦେଲିଂ ଖାରିତାଂ ପିଣ୍ଡି ଇଞ୍ଜି ତାହିଞ୍ଜାନାନ୍, ୬ ଆରେ ଜାର୍ ସାଙ୍ଗ୍ ପାଡ଼ହା ଇଞ୍ଜାକାରିଂ ରବେରୁଣ୍ଡାୟ୍ କିଜି ହେଖାରିଂ ଇନାନ୍, ନା ହୁକେ ଖାରି କିୟାଟ୍, ଲାଗିଂ ନା ଜାଙ୍ଗ୍ତି ମେଣ୍ଡା ଗାଟାତାଙ୍ଗ୍ । ୭ ଆନ୍ ମିଙ୍ଗ୍ ଇଞ୍ଜନାଙ୍ଗା, ହେ ଲାକେ ଇନେର୍ତି ମାନ୍‌ବାଦ୍‌ଲାୟ୍ କିନି ଲଡ଼ା ଆକାୟ୍, ଏଲେଙ୍ଗ୍ ଏକଉଣା ପାଞ୍ଚକଡ଼ି ଦାମ୍ ମାନାୟାରିଂ ପିସ୍ତି, ଇନେନ୍ ମାନ୍ ବାଦ୍‌ଲାୟ୍ କିନାନ୍, ଏଲେଙ୍ଗ୍ ରକାନ୍ ପାପ୍‌ନି କାଜିଂ ସାଗେତ ବେସି ଖାରି ଆନାଡ଼ ।”

ଜାଙ୍ଗ୍ତି ରୁପା ତାରୁ

୮ “ଆଞ୍ଚିତିସ୍ ଏଲେଙ୍ଗ୍ ଇମ୍ଣି କଗ୍‌ଲେଲଗୁ ମାନାଡ଼ ଜେ, ତାଞ୍ଜି ଜଦି ଦସ୍ ରୁପା ତାରୁଙ୍ଗ୍ ମାତିସ୍, ଆରେ ହେବେଣ୍ଡାଂ ରଞ୍ଜୁ ଜାଙ୍ଗ୍ତିସ୍, ଲାଗିଂ ହେଦେଲ୍ ବଇଚା ଆହି କିଜି ଇଲ୍ ପାପ୍‌ଡ଼ି କିଜି ଗାଟାଞ୍ଜି ପାତେକ୍ ଜତନ୍‌ତାଂ ତେକୁଡ଼ ? ୯ ଆରେ, ହେଦାଂ ଗାଟାଆତିସ୍ ହେଦେଲ୍ ହେ ହାଙ୍ଗ୍‌ଦାକାରିଂ ଆରି ପାଡ଼ହା ଇଞ୍ଜି ଲଗାଂ କୁକ୍ଚି ରୁଣ୍ଡାୟ୍ କିଜି ଇନାଡ଼, ନା ହୁକେ ଖାରି କିୟାଟ୍, ଲାଗିଂ ଇମ୍ଣି ଟାକା ଜାକ୍ଚି ମାଚାଙ୍ଗ୍, ହେଦାଂ ଗାଟାଆତାଙ୍ଗ୍ । ୧୦ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେ ଲାକେ ଇନେର୍ ମାନ୍‌ବାଦ୍‌ଲାୟ୍ କିତାର୍, ଏଲେଙ୍ଗ୍‌ବାତ୍ ପାପି କାଜିଂ ଇସ୍ତର୍ ଦୁଡ଼ର୍ ମୁମ୍‌ଦ ଖାର୍‌ୟା ଆଡୁ ।”

ଜାଙ୍ଗ୍ତି କାଡ଼ଦେ

୧୧ ଜିସୁ ଆରେ ଇଚାନ୍, “ରଖାନିଂ ରିକାର୍ ମାଜି ମାଚାର୍ । ୧୨ ହେଖାର୍ ବିତ୍ରେ ହାରୁ ମାଜି ଇଚାନ୍, ଆବା, ଦାନ୍ ଇମ୍ଣି ବାଗ୍ ନାଦାଂ ଆନାତା, ହେଦାଂ ନାଙ୍ଗ୍ ହିଦା ।” ହେବେଣ୍ଡାଂ ହେଖାନ୍ ଖିଜୁ ପାସ୍ପିସ୍ ହିତାନ୍ ।

* ୧୪:୨୭ ୧୪:୨୭ ମାତିଉ ୧୦:୩୮; ୧୨:୨୪; ମାର୍କ ୮:୩୪; ଲୁକ ୯:୨୩.

୧୩ ଅଲପ୍ ଦିନ ପାଚେ ହାରୁ କାଡ଼ଦେ ସବୁ ରବେ ରୁଣ୍ଡାୟ କିଜି ରାଜି ହତାନ୍, ଆରେ ହେବେ ପାଟକାର୍ ଆଜି ହେ ଦାନ୍ ଉପ୍ରାନ୍ । ୧୪ ମାତର୍ ଓଁକୁ ଉପ୍ତି ପାଚେ ଦେସ୍ତାକେ କାତାର୍ ଆର୍ ଲେ ତା ଅବାର୍ ଆଦେ ଲାଗାତାତ । ୧୫ ହେବେଣ୍ଡା ହେଞ୍ଜାନ୍ ହାଲଜି ହେ ଦେସ୍ତି ରକାନ୍ ଲକ୍ଷ୍ମୀକେ ଆହ୍‌ର ଅତାନ୍, ଆରେ ହେଞ୍ଜାନ୍ ତାଙ୍ଗ୍ ପାଞ୍ଜିଙ୍ଗ୍ ହାରାୟ କିଦେ ଜମିତ ପକ୍ତାନ୍; ୧୬ ଆରେ ପାଞ୍ଜିଙ୍ଗ୍ କାଦି ତିନ୍‌ଞ୍ଜି ମାଟିକ୍, ହେବେ ହେଞ୍ଜାନ୍ ତା ପଟପାଞ୍ଜି ଜିଜି ମାଚାନ୍, ମାତର୍ ଇନେର୍ ହେଞ୍ଜାନ୍ ଇନାକା ହିଞ୍ଜାଦା ମାଚାନ୍ । ୧୭ ମତର୍ ହେଞ୍ଜାନ୍ ଚେଟ୍‌ନା ଆଜି ଇଚାନ୍, “ମାଞ୍ଜି ଆବା ତାକେ କେତେକ୍ କାମ୍‌ଲିୟାତ୍ କାଦି ହାଜ୍ ହାନାତା, ମାତର୍ ଆନ୍ ଇବେ ନାସ୍‌କି ହାନାଙ୍ଗା । ୧୮ ଆନ୍ ନିଙ୍ଗ୍‌ଜି ନା ସାଗେନି ଆବା ଲାଗେ ହାନାଙ୍ଗ୍” ଆରି ତାଙ୍ଗ୍ ଇନାଙ୍ଗ୍, “ଆବା, ଇସ୍‌ତ ବିରୁଦ୍‌ତ ଆରି ନି ନଞ୍ଜରତ ପାପ୍ କିତାଙ୍ଗ୍‌ନା; ୧୯ ନି ମାଜି ଇଞ୍ଜି କୁକ୍ୟା ଆଦେ ଆନ୍ ଆରେ ତର୍ ହିଲେଟ୍; ନାଙ୍ଗ୍ ମି କାମ୍‌ଲିୟାର୍ ଲାକେ ଇଡ୍‌ଦା ।” ୨୦ ହେବେଣ୍ଡା ହେଞ୍ଜାନ୍ ନିଙ୍ଗ୍‌ଜି ନିଜେ ଲାତ୍ରାହି ତାକେ ହାଚାନ୍ ।

“ମାତର୍ ହେଞ୍ଜାନ୍ ଦେହା ମାନୁ ମାନୁ ହେ ଲାତ୍ରାହି ତାଙ୍ଗ୍ ହୁଡ଼ଜି ଦୟାତ କାର୍ମା ଆତାନ୍ ଆରି ହନ୍‌ତିହାଲ୍‌ଜି ହେଞ୍ଜାନ୍ ପମଜି ତନ୍‌ଚାନ୍ ।” ୨୧ କାଡ଼ଦେ ତାଙ୍ଗେଙ୍ଗ୍ ଇଚାନ୍, “ଆବା, ସାଗେନି ବିରୁଦ୍‌ତ ଆରି ନି ନଞ୍ଜରତ ଆନ୍ ପାପ୍ କିତାଙ୍ଗ୍, ନି ମାଜି ଇଞ୍ଜି କୁକ୍ୟାନ୍ ଆନ୍ ତର୍ ଆକାୟ ।” ୨୨ ମାତର୍ ଲାତ୍ରାହି ହେ ଆଡ଼ିୟାରି ଇଚାନ୍, “ଓଁକୁତି ହାଦ୍ ଆଙ୍ଗି ବେଗି ତାହିଞ୍ଜାଜି ଇଞ୍ଜାନ୍ ଆର୍‌ପି କିୟାଟ୍, ଇଞ୍ଜାନ୍ କେଇଦ ଖାତୁସ୍ ଆରି ପାନାତ ପାଣ୍ଡାଲଙ୍ଗ୍ ହିୟାଟ୍, ୨୩ ଆରେ ଦୁମାଟି ଅହ୍‌ରି ତାସି ଅହାଟ୍; ଖାତୁ ଆସେଙ୍ଗ୍ ତିନ୍‌ଞ୍ଜି ଖାରି କିନାସ୍, ୨୪ ଇନାକିଦେକି ନା ଇ ହିମ୍‌ଣା ହାଜି ମାଚାନ୍, ଆରେ ଜିତାନ୍, ଜାଙ୍ଗ୍‌ଜି ମାଚାନ୍, ଆରେ ଗାଟାଆତାନ୍ ।” ହେବେଣ୍ଡା ହେଞ୍ଜାନ୍ ଖାରି କିଦେଙ୍ଗ୍ ଲାଗାତାତ ।

୨୫ “ଏଚେକାଡ଼ଦ ତା ଗାଜାକାନ୍ ମେହି ତାସ୍ ବାହାତ ମାଚାନ୍ । ହେଞ୍ଜାନ୍ ଏଚେକାଡ଼ଦ ଖାଜି ଇଲ୍ ଲାଗେ ଏକାଞ୍ଜାତାନ୍, ହେଞ୍ଜାତା ବାଜା ଆରି ଏଦିନି ଗାଜାନାକା ଖେନ୍‌ଞ୍ଜି, ୨୬ ଆଡ଼ିୟାରି ବିତ୍ରେ ରଞ୍ଜାନ୍ ଲାଗେ କୁକ୍‌ତି ହେ ସବୁ ଇନାକା ଇଞ୍ଜି ଖେନ୍‌ବେଦେ ଲାଗାତାନ୍ ।” ୨୭ ହେଞ୍ଜାନ୍ ତାଙ୍ଗେଙ୍ଗ୍ ଇଚାନ୍, “ନି ଟଣ୍ଡେନ୍ ଖାତାନ୍, ଆରେ ମି ଆବା ହେଞ୍ଜାନ୍ ହାଟ୍‌ତି ଗାଗାଡ଼ତ ଗାଟା ଆତିଲେ ଦୁମାଟି ଅହ୍‌ରି ଅସ୍ତାନ୍ ।” ୨୮ ହେବେତା ହେଞ୍ଜାନ୍ ରିସା ଆଜି ବିତ୍ରେ ହାଞ୍ଜେଙ୍ଗ୍ ମାନ୍ କିଞ୍ଜାତାନ୍, ମାତର୍ ହେ ଲାତ୍ରାହି ବାଡ଼ିଞ୍ଜାଜି ତାଙ୍ଗେଙ୍ଗ୍ ବେସି ଗଞ୍ଜାରି କିଦେଙ୍ଗ୍ ଲାଗାତାନ୍ । ୨୯ ମତର୍ ହେଞ୍ଜାନ୍ ଆବା ଉତର୍ ହିତାନ୍, ହୁଡ଼ା ଏଚେକ୍ ବାହୁ ଆତାଡ୍ ଆନ୍ ନିଙ୍ଗେଙ୍ଗ୍ ଆଡ଼ିଏନ୍ ଲାକେ କାମାୟ କିଜି ଖାନାଙ୍ଗା, ଆରେ ଇନାଞ୍ଜାତା ପାନି ବଲ୍ ଉଡ଼ା ଆଞ୍ଜାତାନ୍, ଆତିସ୍‌ପା ନା ହାଙ୍ଗ୍‌ଦାକାର୍ ହୁକେ ଖାରି କିଦେଙ୍ଗ୍ ଏନ୍ ନାଙ୍ଗେଙ୍ଗ୍ ଇନାଞ୍ଜାତା ଅତା ହିମ୍‌ଣା ରଞ୍ଜାଙ୍ଗ୍ ହିଦ୍‌ଞ୍ଜାତାୟନ୍; ୩୦ ମାତର୍ ନି ଇ ଇମ୍‌ଣି କାଡ଼ଦେ ଦାରିୟାଟ୍ ହୁକେ ନିନ୍‌ ଓଁକୁ ଦାନ୍ ତିନ୍‌ଞ୍ଜି ଉପ୍ରାନ୍, ଏଚେକାଡ଼ଦ ହେଞ୍ଜାନ୍ ଖାତାନ୍, ହେ ଏଚେକାଡ଼ଦ ଏନ୍ ହେଦା କାଜି ଦୁମା ଅହ୍‌ରି ଅସ୍ତାୟ । ୩୧ ହେବେଣ୍ଡା ହେଞ୍ଜାନ୍ ତାଙ୍ଗେଙ୍ଗ୍ ଇଚାନ୍, “ବପାହୟ, ଏନେଙ୍ଗ୍‌ତ ସବୁଞ୍ଜେଡ଼ାଙ୍ଗ୍ ନା ହୁକେ ମାନାୟା, ଆରେ ଇନାକା ସବୁ ନାଦା, ହେ ସବୁ ନିନ୍‌; ୩୨ ମାତର୍ ଇଞ୍ଜାନ୍ ଜେ ନି ଟଣ୍ଡେନ୍ ହାଜି ମାଚାନ୍, ଆରେ ରଗ ଜିତାନ୍, ଜାଙ୍ଗ୍‌ଜି ମାଚାନ୍, ଆରେ ଗାଟାଆଡ଼ତାନ୍, ହେଦା କାଜି ବଜି ଆରି ଖାରି କିନାକା ମାଚାଡ୍ ।”

୧୭

ଚାତୁର୍ ହଲିୟାହି

୧ ଜିସୁ ଚେଲାରି ପା ଇଚାନ୍, “ର ମାଜାନ୍ ମାନାୟ ମାଚାନ୍, ତାଙ୍ଗେଙ୍ଗ୍ ରକାନ୍ ଗୁମ୍‌ସ୍ତା ମାଚାନ୍, ଆରେ ହେଞ୍ଜାନ୍ ହେ ଦାନ୍ କାରାପ୍ କିନାନା ଇଞ୍ଜି ହେଦା ବିସ୍ତେ ଖେନ୍‌ଞ୍ଜି ହେଞ୍ଜାନ୍ ହେଞ୍ଜେନ୍ ହିର୍‌ବିସ୍ ଇଚାନ୍, ୨ ଆନ୍ ମି ବିସ୍ତେ ଇଦା କି କାତା ଖେନାଙ୍ଗା ?” ନି ଗୁମ୍‌ସ୍ତା କାମାୟ ନି ଇସାବ୍ ହିଦା ଇନେକିଦେ ଏନ୍ ଆରି ଗୁମ୍‌ସ୍ତା ଆଜି ମାଞ୍ଜେଙ୍ଗ୍ ଆଡ଼ୁୟ । ୩ ହେବେତା ହେ ଗୁମ୍‌ସ୍ତା ମାନେ ମାନେ ଇଚାନ୍, ଇନାକା କିନାଙ୍ଗ୍ ? ନା ମାପୁ ତ ନା ତାକେଣ୍ଡା ଗୁମ୍‌ସ୍ତା ପାଦ୍ ପିହି କିଜି ଅନାନା । ଚିକ୍‌ଲା କାଦ୍‌ଦେ ନା ସାକ୍ତି ହିଲୁଟ୍, ଇସ୍‌ପିସ୍ ଚିଞ୍ଜେଙ୍ଗ୍ ନାଙ୍ଗେଙ୍ଗ୍ ଲାଜୁ ହଡ଼ନାତା । ୪ ଆନ୍ ଗୁମ୍‌ସ୍ତା ପାଦ୍‌ତାଙ୍ଗ୍ ପିସ୍ତି ପାଚେ ଲକ୍ଷ୍ମ ଇନେସ୍‌କି ନାଙ୍ଗେଙ୍ଗ୍ ଜାର୍ ଜାର୍ ଇଞ୍ଜି ମାନ୍‌କିଦ୍‌ନାର୍, ଇଦା କାଜି ଇନାକା କିନାଙ୍ଗ୍, ହେଦା ବୁଜା ଆନାଙ୍ଗା ।

୫ ଆରି, ହେଞ୍ଜାନ୍ ଜାର୍ ମାପୁତି ଓଁଜାକାରି କାତକ୍‌ତି ଲାଗେ ହିର୍‌ବିସ୍ ପର୍ଡୁମ୍ ରକାନ୍ ଇଚାନ୍, “ମି ଜପି ନାମାପୁତି ରୁଣ୍ ଅତାୟନା ? ଏଚେକ୍ ଚିକାଣ୍ ? ହେଞ୍ଜାନ୍ ଇଚାନ୍, ପାଞ୍ଚକଡ଼ି ମାଣ୍ ଚିକାଣ୍ ।” ୬ ହେଞ୍ଜାନ୍ ଇଚାନ୍, “ସହେ ସିପା ଚିକାଣ୍ । ବେବାର୍ କିନାକାନ୍ ଇଚାନ୍, ଇଦା ନି କାଗଜ୍, ଇବେ ପଚାସ୍ ଇଞ୍ଜି ଲେକିକିୟା । ୭ ତା ପାଚେ ହେଞ୍ଜାନ୍ ଆରେ ରକାନ୍ ଇଚାନ୍, ଏନ୍ ଏଚେକ୍ ରୁଣ୍ ଅତାୟନା ?” ହେଞ୍ଜାନ୍ ଇଚାନ୍, “ପାଞ୍ଚକଡ଼ି ମାଣ୍ ଗମ୍ । ହେଞ୍ଜାନ୍ ତାଙ୍ଗେଙ୍ଗ୍ ଇଚାନ୍, ମି ଲେକିକିତି କାଗଜ୍ ଆସ୍ତି ଚାର୍‌କଡ଼ି ଇଞ୍ଜି ଲେକି କିୟା ।” ୮ ହେ ଅଦାମ୍ ଗୁମ୍‌ସ୍ତା ବୁଦି ଲାହାଙ୍ଗ୍ କାମାୟ କିଜିମାନି କାଜି ମାପୁ ତାଙ୍ଗେଙ୍ଗ୍ ପାର୍ତାନା

କିତାନ୍, ଲାଗିଂ ଇ ଜୁଗ୍‌ନି ହିମ୍‌ଣାଂ ହେଞ୍ଜାର୍ ନିଜାର୍ ଜାତି ପାକ୍ୟାତ ଅଜଡ୍‌ନି ହିମ୍‌ଣାଙ୍ଗ୍ ବାଟା ଆଦିକ୍ ବୁଦିତି ।

୯ ଆନ୍ ପା ମିଙ୍ଗେଙ୍ଗ୍ ଝେଚାନାଙ୍ଗା, “ଅଦାମ୍ ଦାନ୍ ଜାର୍ ଜାର୍ କାଜିଂ ସାଙ୍ଗ୍ ଲାବ୍ କିୟା, ଇନେସ୍ ହେଦାଂ ଝିସ୍ତିସ୍ ହେଞ୍ଜାର୍ ମିଙ୍ଗେଙ୍ଗ୍ ଝିଜ୍‌ଝି ଇଞ୍ଜି ମାନ୍ କିୟାଆନାଦେର୍ । ୧୦ ଇନେନ୍ ଅଲପ୍ ବିସ୍ତେ ପାତ୍ କିନାକାନ୍, ହେଞ୍ଜାନ୍ ଆଦିକ୍ ବିସ୍ତେ ପା ପାତ୍ ଆନାନ୍, ଆରେ ଇନେର୍ ଆଦିକ୍ ବିସ୍ତେ ପାତ୍ କିଞ୍ଜାକାନ୍ ହେଞ୍ଜାନ୍ ଆଦିକ୍ ବିସ୍ତେ ପା ପାତ୍ କିଞ୍ଜାନ୍ । ୧୧ ଜଦି ଏପେଙ୍ଗ୍ ଅଦାମ୍ ଦାନ୍ତ ପାତ୍ ଆଞ୍ଜାତାଦେର୍, ଲାଗିଂ ଇନେର୍ ମିଙ୍ଗେଙ୍ଗ୍ ପାତ୍ କିଜି ହାଡ଼ପା ଦାନ୍ ମି କେଇଦ ସର୍ପି କିଦନାନ୍ ? ୧୨ ଆରେ, ଜଦି ଏପେଙ୍ଗ୍ ପାଚେନି ଦାନ୍ ବିସ୍ତେ ପାତ୍ ଆଞ୍ଜାତାୟନା, ଲାଗିଂ ଇନେର୍ ମିଙ୍ଗେଙ୍ଗ୍ ମି ଜାର୍ ବିସ୍ତେ ହିଦ୍‌ନାର୍ ?”

୧୩ “ଇମ୍‌ଣି ଆଡ଼ିୟା ରି ମାପୁଙ୍ଗ୍ ହଲ୍ୟା ଆଦେଂ ଆଡୁନ୍; ଇନାକିଦେଂକି ହେଞ୍ଜାନ୍ ରକାନିଂ ଗିଶ୍ କିନାନ୍ ଆରି ବିନ୍ ଲଗାଂ ଜିଉନନାନ୍, ଲାଗିଂ ରକାନ୍ କାଜିଂ କାର୍ମା ଆନାନ୍ ଆରି ବିନ୍ ରକାନିଂ ଆଲ୍‌ଗା କିନାନ୍ । ଏପେଙ୍ଗ୍ ଇସ୍‌ସର୍ ଦାନ୍ ରିୟାର୍‌ତି ଆଡ଼ିଏନ୍ ଆଦେଂ ଆଡୁନ୍ ।”

ଜିସ୍ତୁତି କେତେକ୍ କାତା

(ମାତିଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ଇ କାତା ଝେନ୍‌ଞ୍ଜି ଦାନ୍‌ଲବ୍ ପାରୁସିର୍ ପା ଜିସ୍ତୁଙ୍ଗ୍ ନିନ୍‌କିଦେଂ ଲାଗାତାର୍ । ୧୫ ହେବେତାଂ ହେଞ୍ଜାନ୍ ହେଞ୍ଜାରିଂ ଇଚାନ୍, “ଇମ୍‌ଣାକାର୍ ଜାର୍ ଜାର୍‌ତିଂ ମାନାୟାର୍ କାଶ୍‌କୁକାଂ ଦାମ୍ ଇଞ୍ଜି ଚର୍‌ନାର୍, ଏପେଙ୍ଗ୍ ହେ ଲାଗ୍‌ଦି ମାନାୟ, ମାତର୍ ଇସ୍‌ସର୍ ମିଦାଙ୍ଗ୍ ମାନ୍ ପୁନାନ୍; ଇନେକିଦେଂକି ଇନାକା ମାନାୟାର୍ ବିତ୍ରେ ଗାଜାଟି, ହେଦାଂ ମାପୁ କାଶ୍‌ଙ୍ଗାତ ଗିଶ୍ ।

୧୬ *ମସାତି ବିଦି ଆରେ ବେଶ୍‌ବାକ୍‌ଶାୟ୍‌କିନାକାର୍ ଦରମ୍ ସାସ୍ତର୍ ଜହନ୍ ପାତେକ୍ ହସିମାଚାଡ଼ ହେ ସମୁତାଂ ସାଗେ ରାଜିନି ନେକ୍‌କାବୁର୍ ସୁଶାୟ୍‌କିଦେଂ ଆନାତା, ଆରେ ଝିଜାର୍ ଲକ୍ ସାକ୍ତିତାଂ ହେବେ ହଶାରା । ୧୭ *ମାତର୍ ମସାତି ବିଦିନି ର ଟପା ବୁଡାଆନି ବାଟା ମତର୍ ବାଦାଡ଼ ଆରି ପୁତ୍ ବୁଡାନାକା ଆଡ଼ଞ୍ଜା ।”

୧୮ *ଇନେର୍‌କି ଜାର୍ ଡକ୍ତିଂ ପିସ୍ତି ଆରେ ରଞ୍ଜେଲିଂ ବିବା ଆନାନ୍, ହେଞ୍ଜାନ୍ ଦାରି କିନାନ୍; ଆରି, ଇନେର୍ ଆଶ୍ଟେନ୍ କାଜିଂ ପିସ୍ତି ଡକ୍ତିଂ ବିବା ଆନାନ୍, ହେଞ୍ଜାନ୍ ଦାରି କିନାନ୍ ।”

ରଞ୍ଜାନ୍ ମାଜାନ୍ ଆରି ଲାଜାର୍

୧୯ “ର ମାଜାନ୍ ମାନାୟ ମାଚାନ୍, ହେଞ୍ଜାନ୍ ମଲ୍‌ନି ହେନ୍ଦା ଆପ୍‌ସ୍ ବେସି ବିଞ୍ଜାହିଂ ଝିଜୁଦିନ୍ ତିନ୍‌ଞ୍ଜି ଉଶ୍‌ଜି ମାଚାନ୍; ୨୦ ମାତର୍ ତା ଦୁଝେର୍ କଚଶ୍ ଲାଜାର୍ ଇଞ୍ଜି ରଞ୍ଜାନ୍ ବିକାରି ମାନାୟ ଗୁର୍‌ଜି ମାଚାନ୍, ତା ଗାଗାଡ଼ତ ଗାଅ ବାତ୍ ଆଜି ମାଚାଡ଼; ୨୧ ଲାଜାର୍ ହେ ମାଜାନ୍ ମାନାୟ ଟେବୁଲ୍‌ତାଂ ଆର୍‌ନି ଜୁଟା ତିନ୍‌ଞ୍ଜି ପଟ ପାଞ୍ଜିକିଦେଂ ଆହା କିଜି ମାଚାନ୍; ଆରେ ନିକୁଡ଼ିଂ ପା ଝାଜି ହେ ଗାଅ ଝିଜୁ ନାଙ୍ଗ୍‌ଞ୍ଜି ମାଟିଙ୍ଗ୍ । ୨୨ ଦିନେକ୍ ହେ ବିକାରି ହାତାନ୍ ଆରି ଦୁଡ଼ର୍ କାଜିଂ ଅବ୍ରାହାମ୍ ତାକେ ଡ୍ରକ୍ୟାଆତାନ୍; ପାଚେ ହେ ମାଜାନ୍ ମାନାୟ ପା ହାତାନ୍ ଆରେ ଦୁଗେର୍‌ତ ମୁଟ୍ୟା ଆତାନ୍ । ୨୩ ଆରେ, ହେଞ୍ଜାନ୍ ନର୍‌କତ କଲ୍ ବଲ୍ ଆସ୍ତି ଜପି ହୁଡ଼ଜି ଦେହା ଅବ୍ରାହାମ୍ ଆରି ତା ଡ୍ରକ୍ୟାଆତାକା ଲାଜାର୍‌ତିଂ ହୁଡ଼ତାନ୍ । ୨୪ ହେବେତାଂ ହେଞ୍ଜାନ୍ ହିରିବିସ୍ ଇଚାନ୍, ଏ ଆବା ଅବ୍ରାହାମ୍, ନାଙ୍ଗେଙ୍ଗ୍ ଦୟା କିଜି ଲାଜାର୍‌ତିଂ ପକ୍‌ତା, ଇନେସ୍‌କି ହେଞ୍ଜାନ୍ ଏଜୁଂ ତା ଝାଚ୍‌କାତାଂ ଟିପ୍ କୁଡ଼କ୍‌ତି ନା ଝେଦୁଲ୍‌ତ ହିଡ଼ଡ଼ି କିଦେନ୍, ଇଚିସ୍ ଆନ୍ ଇ ନାଶିତ କଲ୍ ବଲ୍ ଆନାଙ୍ଗା ।” ୨୫ ମାତର୍ ଅବ୍ରାହାମ୍ ଇଚାନ୍, “କାଡ଼ଦେ, ଏନ୍ ଜେ ଜିବୁନ୍ ମାନି ସମୁତ ନି ହାର୍ ବିସ୍ତେ ଝିଜୁ ପାୟା ଆତାୟ, ଆରେ ଲାଜାର୍ ହେ ଲାକେ କାରାପ୍ ବିସ୍ତେ ଝିଜୁ ଗାଟାଆତାନ୍, ଇଦାଂ ମାନେ କିୟା; ମାତର୍ ନଙ୍ଗ୍ ହେଞ୍ଜାନ୍ ଇ ବାହାତ ଦୁକ୍‌ସାରାୟ୍ ପାୟାତାନ୍ନା, ଆରେ ଏନ୍ ନଙ୍ଗ୍ କଲ୍ ବଲ୍ ଆନାୟା । ୨୬ ହେଦାଂ ପିସ୍ତି ମି ଆରି ମା ବିତ୍ରେ ବେସିଗାଜା ଦେହା ମାନାଡ଼, ଇନେସ୍ ଇମ୍‌ଣାକାର୍ ଇ ବାହାତାଂ ମି ତାକେ ହାନି କାଜିଂ ମାନ୍‌କିନାନ୍, ହେଞ୍ଜାର୍ ହାଞ୍ଜେଙ୍ଗ୍ ଆଡୁର୍, କି ଆରି ହେ ବାହାତାଂ ଇନେର୍ ମା କଚଶ୍ ନାସି ଝାଦେଙ୍ଗ୍ ଆଡୁର୍ ।” ୨୭ ହେବେତାଂ ହେଞ୍ଜାନ୍ ଇଚାନ୍, “ଏ ଆବା ତା ଆଡିସ୍ ଆନ୍ ନିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା, ହେଞ୍ଜାନିଂ ନା ଆବା ଇଲ୍‌ତ ପକ୍‌ନାୟ, ୨୮ ଇନାକିଦେଂକି ନା ପାଞ୍ଜାଣ୍ ଟଣ୍ଡାର୍ ମାନାର୍; ହେଞ୍ଜାର୍ ପା ଇନେସ୍‌କି ଇ ବାଦା ବାହାତ ଝାଡ଼ର୍, ହେଦାଂ କାଜିଂ ହେଞ୍ଜାନ୍ ହେଞ୍ଜାର୍ କଚଶ୍ ସାକି ହିନାଦେର୍ ।”

୨୯ ମାତର୍ ଅବ୍ରାହାମ୍ ଇଚାନ୍, “ହେଞ୍ଜାର୍ କଚଶ୍‌ତ ମସା ଆରି ବେଶ୍‌ବାକ୍‌ଶାୟ୍‌ କିନାକାର୍ ଦରମ୍ ସାସ୍ତର୍ ମାନାଡ଼, ହେଞ୍ଜାଦେର୍ ହେଞ୍ଜାର୍ କାତା ଝେନାଟ୍ ।” ୩୦ ହେବେତାଂ ହେଞ୍ଜାନ୍ ଇଚାନ୍, “ଏ ଆବା ଅବ୍ରାହାମ୍, ହେଦାଂ ସାରି ଆକାୟ, ମତର୍ ଜଦି ହାତିମାନାୟ କଚଶ୍‌ତାଂ ରକାନ୍ ହେଞ୍ଜାର୍ କଚଶ୍‌ତ ହାନାନ୍, ଏଲେଙ୍ଗ୍‌ତି ହେଞ୍ଜାର୍ ମାନ୍‌ବାଦ୍‌ଲୟ୍ କିନାର୍ ।” ୩୧ ମାତର୍ ହେଞ୍ଜାନ୍ ତାଙ୍ଗେଙ୍ଗ୍ ଇଚାନ୍, “ଜଦି ହେଞ୍ଜାର୍ ମସା ଆରି

☆ ୧୭:୧୭ ୧୭:୧୭ ମାତିଉ ୧୧:୧୨,୧୩. ☆ ୧୭:୧୭ ୧୭:୧୭ ମାତିଉ ୫:୧୮. ☆ ୧୭:୧୮ ୧୭:୧୮ ମାତିଉ ୫:୩୨; ୧ କରନ୍ତିୟ ୭:୧୦,୧୧.

ବେଶବାକ୍‌ଶାୟକିନାକାର କାତା ଖେନ୍‌ଖାତାର୍‌ତି, ଏଲେଙ୍ଗି ହାତିମାନାୟତାଂ ପା ରଖାନ୍ ମୁକ୍ତା ଆଜି ହାତିସ୍ ପା ହେଖାର ପାତର୍ କିଉର୍ ।”

୧୭

ପାପ

(ମାତିଉ ୧୮:୭-୭; ୨୧-୨୨; ମାର୍କ ୯:୪୨)

୧ ଜିସୁ ତା ଚେଲାହିରିଙ୍ଗ୍ ଇଚାନ, ଇମ୍‌ଣି ସବୁ ବାଦା ହୁକେ ମାନାୟ ପାପ୍‌ତ ଆରନାନ୍ ହେ ଖିଜୁ “ହାତ୍‌ପା ଖାନାନ୍; ଜେ ଇ ସବୁନି କାରଣ୍ ଆନାଡ୍, ତା ହାରିହାରା ଦସା ବେସି ବୟଙ୍ଗାର । ୨ ଇ ହାରୁକାର ବିତ୍ରେତାଂ ରକାନନିଙ୍ଗ୍ ବାଦା ଆନି ବାଟା ଇତିସ୍ ତା ଗାତେଲ୍‌ତ ର ଜାତା କାଲ୍ ତଇ କିଜି ହେଖାନିଂ ହାମ୍‌ଦୁରତ ତୁସି ହିନାକା ଇତିସ୍ ତା କାଜିଂ ହାର୍ ଆତାମ୍ । ୩ ଶଲ୍‌ଗିଂ, ଏପେଙ୍ଗ୍ ଜାର୍ ଜାର୍ କାମାୟତ ବିସ୍ତେ ଜାଗ୍ରତ୍ ଆଜି ମାନାଟ୍ ।”

“ଜଦି ମି ଚଣ୍ଡେନ୍ ପାପ୍ କିତିସ୍, ଲାଗିଂ ହେଖାନିଂ ଗଡ୍ କିୟାଟ୍, ଆରେ ହେଖାନ୍ ଜଦି ମାନବାଦଲାୟ କିତିସ୍, ଲାଗିଂ ହେଖାନିଂ କେମା ହିୟାଟ୍ । ୪ ପାଚେ, ଜଦି ହେଖାନ୍ ଦିନେକ୍ ବିତ୍ରେ ସାଡ୍ ହର୍ ମି ବିରୁଡ୍‌ତ ପାପ୍ କିତିସ୍ ଆରି ସାଡ୍ ହର୍ ମି ତାକେ ଖାଜି ଆନ୍ ମାନବାଦଲାୟ କିନାଙ୍ଗା ଇଞ୍ଜି ଇନାନ୍, ଲାଗିଂ ହେଖାନିଂ ଏପେଙ୍ଗ୍ କେମା ହିୟାଟ୍ ।”

ନି ପାତର୍ କିନାକା ବେସି ଆଟ୍‌ଖା

୫ ହେବେଣ୍ଡାଂ ପକ୍ୟାତାକାର ମାପୁଙ୍ଗ୍ ଇଚାର୍, “ମା ପାତର୍ ବାତାୟ କିୟା ।”

୬ ମାପୁ ଇଚାନ, “ଜଦି ର ହାରୁହୁ ମାଞ୍ଜି ଲାକେ ମିଦାଙ୍ଗ୍ ପାତର୍ ମାଟିସ୍, ତା ଆତିସ୍ ଇ ତୁଡ୍‌ଖା ମାରଦିଙ୍ଗ୍ ଏନ୍ ଦଲ୍‌ଦାଂ ଉଟ୍‌କା ଆଜି ହାମ୍‌ଦୁରତ ରୁଜ୍‌ୟା ଆତ ଇଞ୍ଜି ଇତିସ୍ ହେଦାଂ ମି ବଲ୍ ମାନିକିନାଡ୍ ।”

ରଖାନ୍ ହାରଦିହଲ୍ୟା କାମାୟ

୭ “ମାତର୍ ମି ବିତ୍ରେ ଏଲେଙ୍ଗ୍ ମାନାୟ ଇନେନ୍ ମାନାନ୍, ଇନେର୍ ଆଡିୟାଏନ୍ ଆଡ୍ ବୁଲାଇ କିଜି କି ମେଣ୍ଡାଂ ହାରାୟ କିଜି ଖାତିସ୍ ହେଖାନ୍ ତାଙ୍ଗ୍ ଇନାନ୍, ଇ ଦାପ୍ରେ ଖାଜି କୁର୍ଚି ତିନା ?” ୮ ହେଖାନ୍ ଇନାକା ହେଖାନିଂ ଇନୁନ୍, “ନା ତିନାକା ଜାଲ୍‌ଦି କିୟା, ଆରେ ଆନ୍ ତିଞ୍ଜି ଉଣ୍‌ଜି ଖିହ୍‌ଖି ପାତେକ୍ ନା ହେବା କିୟା, ତା ପାଚେ ଏନ୍ ତିନାୟ ଉଣାୟ ?” ୯ ଆଡିୟା ବଲ୍ କାମାୟ ଇନାକା ହେଖାନିଂ ଜୁଞ୍ଜାର୍ କିନାନ୍ ? ୧୦ ହେ ଲାକେ ଏପେଙ୍ଗ୍‌ପା ବଚନ୍‌ତାଂ ଖିଜୁ କାମାୟ କିତିପାଚେ ଇନାଟ୍, “ଆପେଂ ପୁନ୍‌ଖି ଆଡିୟାକାପ୍, ଇନା କାମାୟ କିନାକା ହେଦାଂ କେବଲ୍ କିତାପନ୍ନା ।”

ଜିସୁ ଦସଜାଣ୍‌ତିଂ ଗାଜା ରଗ୍ୟାରିଂ ଉଜ୍ କିତାନ୍

୧୧ ଜିସୁ ଜିରୁସାଲମ୍‌ତ ହାନିଖାଡାଲିଂ ସମିରଣ୍ ଆରି ଗାଲିଲି ମାଦିତିଂ ହାଲ୍‌ଜି ମାଚାନ୍ । ୧୨ ଆରେ, ହେଖାନ୍ ଇମ୍‌ଣି ର ନାସ୍‌ତ ହଚାନ୍, ଦସଜାଣ୍ ଗାଜା ରଗ୍ୟାର୍ ହେଖାନ୍ ହୁକେ ବେଟା ଆତାର୍; ୧୩ ହେଖାର୍ ଦେହା ନିଲ୍‌ଚିପା ଗାଜାକାଟ୍‌ତାଂ ଇଚାର୍, “ଏ ଜିସୁ, ଗୁରୁ, ମା ଦୟା ହୁଡ୍‌ଦା ।”

୧୪ ପାଚେ ଜିସୁ ହେଖାରିଂ ହୁଡ୍‌ଜି ଇଚାନ୍, “ଏପେଙ୍ଗ୍ ହାଲ୍‌ଜି ଜାର୍ ଜାର୍‌ତିଂ ମାପୁହେବାକିନାକାରିଂ ଚଟାଟ୍ ।”

ଆରେ ହେଖାର୍ ହାଲୁ ହାଲୁ ସକଟ୍ ଆତାର୍ । ୧୫ ମାତର୍ ହେଖାର୍ ବିତ୍ରେ ରକାନ୍ ଜାର୍‌ତି ଉଜ୍ ଆନାକା ହୁଡ୍‌ଜି ଗାଜା କାଟ୍‌ତାଂ ଇସ୍‌ର ଗୁଣ୍ କେର୍‌ଜି କେର୍‌ଜି ଲେଉଟା ଆଜି ଖାଜି, ୧୬ ଜିସୁତି କାଲ୍‌କୁ ତାରେନ୍ ଗୁର୍‌ଜି ହେଖାନିଂ ଜୁଞ୍ଜାର୍ କିଦେଙ୍ଗ୍ ଲାଗାତାନ୍; ହେଖାନ୍ ରକାନ୍ ସମିରଣିୟନି ମାନାୟ । ୧୭ ହେବେ ଜିସୁ ଉତର୍ ହିତାନ୍, “ଦସଜାଣ୍ ଇନାକା ସକଟ୍ ଆଖାତାଣ୍ଡା ? ଲାଗିଂ ଆରେ ନଅଜାଣ୍ ଇମେର୍ ? ୧୮ ଲାଗିଂ ଆରେ ନଅ ଜାଣ୍ ଇମେର୍ ? ଇସ୍‌ରତିଂ ଜାଜ୍‌ମାଲ୍ କିନି କାଜିଂ ଇ ପାତର୍ କିଞ୍ଜି ଜିହୁଦି ଲକ୍‌ତିଂ ପିସ୍ତି ଆରେ ଇନେର୍ ମାସ୍‌ଦି ଖାତାର୍ ?” ୧୯ ଆରେ, ଜିସୁ ହେଖାନିଂ ଇଚାନ୍, “ନିଙ୍ଗ୍‌ଜି ହାଲା, ନି ପାତର୍ ନିଙ୍ଗେଙ୍ଗ୍ ଉଜ୍ କିଡ୍‌ତାଡ୍‌ନା ।”

ଇସ୍‌ତର୍ ରାଜି ଖାନାତା

(ମାତିଉ ୨୪:୨୩-୨୮; ୨୮:୨୦)

୨୦ ଇସ୍‌ର ମାପୁତି ରାଜି ଇନାଖାଡାଂ ଖାନାତା, ଇ ବିସ୍ତେ ପାରୁସିର୍ ହେଖାନିଂ ଖେନ୍‌ବିତିଲେ ହେଖାନ୍ ହେଖାରିଂ ଉତର୍ ହିତାନ୍, “ଇସ୍‌ତର୍ ରାଜି ହୁଡ୍‌ନାକା ଲାକେ ଖାଉଡ୍; ୨୧ ମାତର୍ ହୁଡାଟ୍, ଇବେ କି ହାବେ ଇଞ୍ଜି ମାନାୟାର ଇଞ୍ଜୁର୍ ଇନାକିଦେଂକି ହୁଡାଟ୍, ଇସ୍‌ତର୍ ରାଜି ମି ବିତ୍ରେ ମାନାଡ୍ ।”

☆ ୧୭:୩ ୧୭:୩ ମାତିଉ ୧୮:୧୫.

୨୨ ମାତର ଜିସୁ ହେୱାନ ଚେଲାହିରିଂ ଇଚାନ, “ଏଲେଙ୍ଗବାତ୍ ସମୁ ୱାନାଡ୍, ଏଚେକାଡ୍‌ଏ ଏପେଙ୍ଗ୍ ମାନାୟ୍ ମାଜି ଦିନ୍‌କୁ ବିତ୍ରେ ର ଦିନ୍ ହୁଡ୍‌ଦେଂ ଇଚା କିନାଦେର୍, ମାତର ହୁଡ୍‌ଦେର୍ ।” ୨୩ ହୁଡ୍‌ଡା, “ହେବେ, ହୁଡ୍‌ଡା” ଇବେ ଇଞ୍ଜି ମାନାୟାର୍ ମିଙ୍ଗେଙ୍ଗ୍ ଇଞ୍ଜନାର୍, ମାତର ଏପେଙ୍ଗ୍ ହାଲ୍‌ମାଟ୍ ।

୨୪ ଇନାକିଦେଂକି ବିଜ୍‌ଲି ଇଡ୍‌ଜି ଇନେସ୍ ବାଦାଡ୍‌ତ ର ପାଡ୍‌କାତାଂ ଆର ପାଡ୍‌କା ପାଡେକ୍ ଅଜଡ୍ ହିନାଡ୍, “ମାନାୟ୍ ମାଜି ହେ ଦିନ୍ ହେ ଲାକେ ଚଞ୍ଜାୟାନାନ୍ । ୨୫ ମାତର ପର୍ତ୍ତମ୍ ହେୱାନ୍ ବେସି ଦୁକ୍‌ବଗି କିନାନ୍ ଆରି ଇ ଜୁଗ୍‌ତ ଲକୁ ତାଙ୍ଗ୍ ମୁନାକିନାର୍ । ୨୬ ଆରେ, ନହ୍ ଝେଡାଲିଂ ଇନେସ୍ ଗିଟା ଆଜି ମାଚାଡ୍, ମାନାୟ୍ ମାଜି ଝେଡାଲିଂ ପା ହେ ଲାକେ ଗିଟା ଆନାଡ୍; ୨୭ ଜାଜ୍‌ତ ନହ୍‌ତି ହଣି ଝେଡାଲିଙ୍ଗ୍ ଦିନ୍ ପାଡେକ୍ ମାନାୟାର୍ ଚିନ୍‌ଜିଉଣ୍ଡି ଆରି ବିବା ଆନାକା ଆରି ବିବା ଆଦେଂ ଲୟା ମାଚାର୍ କେ, କୁକ୍‌ନାକା ୱାଜି ଝିଜାକାରିଂ ନାସ୍ କିତାଡ୍ ।” ୨୮ ଲଟ ଝେଡାଲିଂ ପା ହେ ଲାକେ ଗିଟା ଆଜି ମାଚାଡ୍, ଲକୁ ତିନାଉଣାକା, କଡ୍‌ନାକା ପ୍ରନାକା, ମାରକୁ ରୁଜ୍‌ନାକା, ଆରି ଇଲ୍ ରଡ୍‌ତେଂ ଲୟା ଆଜି ମାଚାର୍, ୨୯ ମାତର ଲଟ ସଦମ୍‌ତାଂ ହସି ହାନି ଦିନ୍ ସାଗେତାଂ ନାଣି ଆରି ଗନ୍‌କ ବାର୍‌ହା ଆଜି ଝିଜାକାରିଂ ନାସ୍‌କିତାଡ୍ । ୩୦ ମାନାୟ୍ ମାଜି ଚଞ୍ଜାୟାନି ଦିନ୍ ହେ ଲାକେ ଗିଟା ଆନାଡ୍ ।

୩୧ ☆ “ହେ ଦିନ୍ ଜେ ଇନେର୍ ଜେଗନ୍ ଜପି ମାଟିସ୍, ହେୱାନ୍ ଇଲ୍ ବିତ୍ରେ ମାନି ଜାର୍ ଆଡ୍‌ମାଡ୍ ଅନି କାଜିଂ ଜୁଜି ୱାମେନ୍; ହେ ଲାକେ ଜେ ବୁଇଁତାକେ ମାଟିସ୍, ହେୱାନ୍ ଲେଉଟି ଆଜି ହାଲ୍‌ମେନ୍ । ୩୨ ଲଟତି ତକ୍ତି କାତା ଏତୁ କିୟାଟ୍ । ୩୩ ☆ ଇନେର୍ ଜାର୍ ଜିବୁନ୍ ବାଚାୟ୍ କିଦେଙ୍ଗ୍ ସେସ୍ଟୁ କିନାନ୍, ହେୱାନ୍ ହେଦାଂ ଆରାୟ୍ କିନାନ୍, ଆରେ ଇନେର୍ ଜାର୍ ଜିବୁନ୍ ଆରାୟ୍ କିନାନ୍, ହେୱାନ୍ ହେଦାଂ ବାଚାୟ୍‌କିନାନ୍ । ୩୪ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେ ନାଣା ରିକାର୍ ର ଟାଟିତ ମାନ୍‌ଙ୍ଗାନାର୍, ରକାନିଂ ଇଚିୟା ଆନାଡ୍ ଆରି ବିନ୍ ଲଗାଂ ପିହ୍‌ୟା ଆନାଡ୍ । ୩୫ ରିଶ୍ଟେକ୍ କଗ୍‌ଲେକ୍ ର ଜାତାତ ନୁସ୍‌ଦି ମାନିକ୍, ରଞ୍ଜିଲିଂ ଇଚିୟା ଆନାଡ୍ ଆରି ରଞ୍ଜିଲିଂ ପିହ୍‌ୟାନାଡ୍ । ୩୬ ରିକାର୍ ଜମିତାକେ ମାଟିସ୍, ରକାନିଂ ଇଚିୟା ଆନାଡ୍ ଆରି ରକାନିଂ ପିହ୍‌ୟାନାଡ୍ ।”

୩୭ ହେବେଣ୍ଡାଂ ଚେଲାର୍ ହେୱାନିଂ ଉତର୍ ହିତାର୍, “ଏ ମାପୁ, ଇମେତାକେ ?”
ଜିସୁ ହେୱାରିଂ ଇଚାନ, “ଇମେତାକେ ମାଡା, ହେବେ ରାମାଣିଙ୍ଗ୍ ପା ରୁଣ୍ଡା ଆନିକ୍ ।”

୧୮

ରାଣ୍ଡି ଆରି ବିଚାର୍ କିନାକାଡ୍ କାତା

୧ ୱାହ୍‌ୱାଦାଂ ତାୟନାଡ୍ ପାର୍ତାନା କିନାକା ଜେ ମାନାଡ୍, ଇ ବିସ୍ତେ ହେୱାନ୍ ହେୱାରିଂ ଉତର୍‌ମୁଡ୍ ହିଜି ଇଚାନ, ୨ “ର ଗାଡ୍‌ଦ ରଞ୍ଜାନ୍ ବିଚାର୍‌କିନାକାନ୍ ମାଚାନ୍, ହେୱାନ୍ ଇସ୍‌ରତିଂ ପାଣ୍ଡା ଆଞ୍ଜାଦାଂ ମାଚାନ୍ କି ମାନାୟ୍‌ତିଂ ମାନିକିଞ୍ଜାଦାଂ ମାଚାନ୍ । ୩ ହେ ଗାଡ୍‌ଦ ରଞ୍ଜେଲ୍ ରାଣ୍ଡି ମାଚାଡ୍, ହେଦେଲ୍ ଚାନେକ୍ ଚାନେକ୍ ହେୱାନ୍ ତାକେ ହାଲ୍‌ଜି ଇଞ୍ଜି ମାଚାଡ୍, ନା ଅନ୍‌ୟାୟ୍‌ରିଂ ବିଚାର୍ କିୟା ।” ୪ ଆରେ, ହେୱାନ୍ ଏଚେକ୍ ଝେଡାପାଡେକ୍ ରାଜି ଆଞ୍ଜାଦାଂ ମାଚାନ୍, ମାତର ପାଚେ ହେୱାନ୍ ମାନେ ମାନେ ଇଚାନ, ଆତିସ୍‌ପା “ଆନ୍ ଇସ୍‌ରତିଂ ପାଣ୍ଡା ଆଉଙ୍ଗ୍ କି ମାନ୍‌ୟାରିଂ ମାନି କିଉଙ୍ଗ୍, ୫ ଆତିସ୍‌ପା ଇ ରାଣ୍ଡି କଗ୍‌ଲେ ନାଙ୍ଗେଙ୍ଗ୍ କସୁ ହିଦ୍‌ନି କାଜିଂ ଆନ୍ ହେଦାଂ କାଜିଂ କିତି ଅନ୍‌ୟାୟ୍ ସବୁ ବିଚାର୍ କିନାଙ୍ଗ୍, ନଲେ ହେଦେଲ୍ ସବୁଝେଡାଙ୍ଗ୍ ୱାଜି ନାଙ୍ଗ୍ ତାୟା କିଦ୍‌ନାଡ୍ ।”

୬ ହେବେଣ୍ଡାଂ ମାପୁ ଇଚାନ, “ଇ ଅଦାମ୍ ବିଚାର୍‌କିନାକାନ୍ ଇନାକା ଇନାୟା, ହେଦାଂ ୱେନା । ୭ ଲାଗିଂ ଇସ୍‌ରତିଂ ଇମ୍‌ଣି ବାଟିକିତି ଲକାର୍ ଝେଡା ନାଣା ହେୱାନିଂ କୁକ୍‌ଚି ମାନାର୍, ହେୱାନ୍ କି ହେୱାର୍ କିତି କାମାୟ୍ ଅନ୍‌ୟାୟ୍ ବିଚାର୍ କିଉନ୍ ଆତିସ୍‌ପା ହେୱାନ୍ ହେୱାର୍ ସତୁରୁର୍ କାଜିଂ ବେସି ଦାମ୍ ଆନାନ୍ ? ୮ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେୱାନ୍ ବେଗି ହେୱାର୍ କିତି କାମାୟ୍ ଅନ୍‌ୟାୟ୍ ବିଚାର୍ କିନାନ୍ । ମାତର ମାନାୟ୍ ମାଜି ୱାଜି ପୁତ୍‌ତ ଇନାକା ପାତ୍ ହୁଡ୍‌ନାନ୍ ?”

ପାରୁସିର୍ ଆରି ଏନ୍‌ନାକାର୍ ଉତର୍‌ମୁଡ୍

୯ ଜାର୍ ଜାର୍‌ତିଂ ଦାମ୍ ମାନେ କିଜି ଆଲ୍‌ଗା ଝିଜାକାରିଂ ଲାଜ୍‌କୁଇ କିନାକାର୍ କେତେକ୍ ଜିବୁନ୍‌ତ ପାତ୍ ଲଗାଂ ଜିସୁ ଇ ଉତର୍‌ମୁଡ୍ ପା ଝେଚ୍‌ଚାନ, ୧୦ “ରିକାର୍ ମାନାୟ୍ ପାର୍ତାନା କିନି କାଜିଂ ମାନ୍‌ିଡ୍‌ତ ହାଚାର୍, ରକାନ୍ ପାରୁସି ଆରି ଆରେ ରକାନ୍ ସିସ୍‌ ଏନ୍‌ନାକାନ୍ । ୧୧ ପାରୁସି ନିଲ୍‌ଚିପା ଜାର୍ ଲାଗେ ଇ ଲାକେ ପାର୍ତାନା କିଦେଙ୍ଗ୍ ଲାଗାତାନ୍, ଏ ଇସ୍‌ର୍, ଆନ୍ ନିଙ୍ଗେଙ୍ଗ୍ ଜୁଞ୍ଜାର୍ ହିଦ୍‌ନାଙ୍ଗା ଜେ ଆନ୍ ବିନ୍ ଲକୁଲାକେ ପାଣ୍ଡୁକିନାକାଙ୍ଗ୍, ଅଦାମ୍, ନାଙ୍ଗ୍‌ରା କି ଇ ସିସ୍‌ଏନ୍‌ନାକାନ୍ ଲାକେ ପା ଆକାୟ୍; ୧୨ ଆନ୍ ରଇବାର୍ ଦିନ୍‌ତିଂ ରିହା ଉପାସ୍ କିନାଙ୍ଗା ଆରି ନା ଝିଜୁ କମାୟ୍‌କିତି ଦାନ୍ ଦସ୍ ବାଗ୍ ଦାନ୍ ହିନାଙ୍ଗା”

☆ ୧୭:୩୧ ୧୭:୩୧ ମାଡିଉ ୨୪:୧୭,୧୮; ମାର୍କ ୧୩:୧୫,୧୬. ☆ ୧୭:୩୩ ୧୭:୩୩ ମାଡିଉ ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୫; ଜହନ୍ ୧୨:୨୫.

୧୩ ମାତର ସିସୁ ଏନନାକାନ ଦେହା ନିଲ୍ଲି ସାର୍ଗେସ୍ତୁ ହୁଡ଼ଦେଂ ପା ସାସ୍ କିଖାତାନ, ମାତର ତା ନେଞ୍ଜେତାକିତ ଇଡ଼ୟା ଆଜି ଇଞ୍ଜେଙ୍ଗ୍ ଲାଗାତାନ, “ଏ ଇସ୍ବର, ଆନ୍ ପାପି, ନାଞ୍ଜେଙ୍ଗ୍ ଦୟା କିଦା ।” ୧୪ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ହେଞ୍ଜାନ ପାରୁସି ଆକାୟ ମାତର ହେ ସିସୁ ଏନନାକାନ ଦାମ୍ ଆଜି ଜାର ଇଞ୍ଜ ହାତାନ; ଇନାକିଦେଂକି ଇନେର ଜାରତି ଜପି ଇଞ୍ଜି ଚଞ୍ଜା ଆନାନ୍, ହେଞ୍ଜାନି ତାରେନ୍ କିୟା ଆନାଡ଼, ମାତର ଜେ ଜାରତି ତାରେନ୍ କିନାନ୍, ହେଞ୍ଜାନି ଉର୍ କିୟା ଆନାଡ଼ ।

ଜିସୁ ହିମ୍‌ଶାକାଂ ଆସିର୍ବାଦ୍ କିତାନ୍

(ମାତିଉ ୧୯:୧୩-୧୫; ମାର୍କ ୧୦:୧୩-୧୬)

୧୫ ଜିସୁ ଇନେସ୍ ହିମ୍‌ଶାକାଂ ତୁନାନ୍, ଇଦାଂ କାଜିଂ ଲକୁ ହେଞ୍ଜାରିଂ ପା ହେଞ୍ଜାନ୍ ତାକେ ତାତେଙ୍ଗ୍ ଲାଗାତାର, ମାତର ଚେଲାର ହେଦାଂ ହୁଡ଼ଜି ହେଞ୍ଜାରିଂ ଦାକା ହିଦେଂ ଲାଗାତାର । ୧୬ ମାତର ଜିସୁ ହେଞ୍ଜାରିଂ ଜାର ଲାଗାଂ କୁକ୍ତି ଇଚାନ୍, ହିମ୍‌ଶାକାଂ ନା କଚଣ୍ଡତ ଖାଦେଙ୍ଗ୍ ହିଆର୍, ଆରେ ହେଞ୍ଜାରିଂ ମୁନା କିମାଟ୍, ଇନାକିଦେଂକି ମାପୁତି ରାଜି ଏଲେଙ୍ଗ୍‌ବାତ୍ ହିମ୍‌ଶାଂ । ୧୭ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, “ଇନେର ହିମ୍‌ଶା ଲାକେ ଇସ୍ବତ୍ ରାଜି ଇର୍ଞ୍ଜିତିସ୍, ହେଞ୍ଜାନ୍ ଇନେସ୍ କିଜିପା ହେବେ ହଣ୍ଡେଙ୍ଗ୍ ଆତୁନ୍ ।”

ରକାନ୍ ମାଜାନ୍ ମାନାୟ

(ମାତିଉ ୧୯:୧୬-୩୦; ମାର୍କ ୧୦:୧୭-୩୧)

୧୮ ରଞ୍ଜାନ୍ ଜିହୁଦି ନେତା ଜିସୁଙ୍ଗ୍ ଖେନ୍‌ବାତାନ, “ଏ ସଡ଼ ଗୁରୁ, ଖିଜ୍‌ଖି ଜିବୁନ୍ ପାୟାନି କାଜିଂ ଆନ୍ ଇନାକା କିନାଙ୍ଗ୍ ?”

୧୯ “ହେବେଣ୍ଡାଂ ଜିସୁ ତାଙ୍ଗେଙ୍ଗ୍ ଇଚାନ୍, ନାଙ୍ଗେଙ୍ଗ୍ ସଡ଼ ଇଞ୍ଜି ଇନେକିଦେଂ ଇଞ୍ଜନାୟା ? ରକାନିଂ ପିସ୍ତି, ଇଚିସ୍, ଇସ୍ବରତିଂ ପିସ୍ତି ଅଲଗା ଇନେର ପା ହାର ଆକାୟ । ୨୦ ବଲକୁତ ଏପେଙ୍ଗ୍ ପୁଚାଦେଣ୍ଡା, ଦାରି କିମାଟ୍, ନାର ଅହ୍‌ମାଟ୍, ଚର୍ କିମାଟ୍, ମିର୍‌ସାକି ହିମାଟ୍, ଜାର ଆବା ଆୟାକାଂ ଜିଉନ୍‌ଖାଟ୍ ।”

୨୧ ହେଞ୍ଜାନ୍ ଇଚାନ୍, “ଇଦାଂ ଖିଜୁ ଆନ୍ ବେଣ୍ଡିୟା ଖେଡ଼ାତାଂ ମାନିକିଜି ଖାନାଙ୍ଗା ।”

୨୨ ଜିସୁ ଇଦାଂ ଖେନ୍‌ଞ୍ଜି ତାଙ୍ଗେଙ୍ଗ୍ ଇଚାନ୍, “ନିଦାଂ ଆରେ ରଞ୍ଜାଙ୍ଗ୍ ବିସ୍ତେ ଅଲପ୍ ମାନାଡ଼; ଏନ୍ ଜାରତି ଖିଜୁ ପ୍ରସି ହିଲ୍‌ଖାକାରିଂ ଦାନ୍ ବାଟାକିଜି ହିଆ, ଆରେ ଏନ୍ ସାର୍ଗେତାଂ ଦାନ୍ ପାୟା ଆନାୟ; ପାଚେ, ଖାଜି ନା ପାଚେ ପାଚେ ଖା ।” ୨୩ ମାତର ହେଞ୍ଜାନ୍ ଇ ଖିଜୁ କାତା ଖେନ୍‌ଞ୍ଜି ବେସି ଦୁକ୍‌କିତାନ୍, ଇନାକିଦେଂକି ହେଞ୍ଜାନ୍ ବେସି ମାଜାନ୍ ମାଚାନ୍ ।

୨୪ ହେବେତାଂ ହେଦେଲ୍ ଦୁକ୍‌ଆନାକା ହୁଡ଼ଜି ଜିସୁ ତାଙ୍ଗେଙ୍ଗ୍ ଇଚାନ୍, “ଇନେରତି ଦାନ୍ ମାନାଡ଼, ହେଞ୍ଜାର କେତେ କସ୍ତାଂ ମାପୁ ରାଜିତ ହଣାର । ୨୫ ଇନାକିଦେଂକି ଇସ୍ବର ରାଜିତ ଦନିଲଗୁ ହଣିବାଟା ହୁଜାନି କାଣାତିଂ ଉର୍ ହଣାକା ଆଡ଼ଞ୍ଜା ।”

୨୬ ଇନେର ଇ କାତା ଖେଚାର, ହେଞ୍ଜାର ଇଚାର, “ଲାଗିଂ ଇନେର ମୁଲ୍ତି ପାୟା ଆଦେଂ ଆଡ଼ନାର ?”

୨୭ ମାତର ହେଞ୍ଜାନ୍ ହୁଡ଼ଜି ଇଚାନ୍, “ଇନାକା ମାନାୟତାକେ ଆଉଡ଼, ହେଦାଂ ଇସ୍ବର ତାକେ ଆନାଡ଼ ।”

୨୮ ହେବେଣ୍ଡାଂ ପିତର ଇଚାନ୍, “ହୁଡ଼ା ଆପେଙ୍ଗ୍ ଜାର ଜାରତି ଖିଜୁ ପିସ୍ତିପା ନି ପାଚେ ପାଚେ ଖାନାପା ।”

୨୯ ଜିସୁ ହେଞ୍ଜେରିଂ ଇଚାନ୍, “ଆନ୍ ମିଙ୍ଗେଙ୍ଗ୍ ହାଡ଼ପା ଖେଚନାଙ୍ଗା, ଇମ୍‌ଣି ମାନାୟ ମାପୁ ରାଜି କାଜିଂ ଇଲ୍ କି ତକ୍ତି ଟଣ୍ଡେନ୍ ଆବା ଆୟା ! ହିମ୍‌ଶାଖାକ୍‌ଡ଼ା ପିସ୍ତିଣ୍ଡା, ୩୦ ହେଞ୍ଜାର ଇ କାଡ଼ଦ୍ ବେସିଗୁଣ୍ ଆରି ପାଚେନି କାଡ଼ଦ୍ ଖିଜ୍‌ଖି ଜିବୁନ୍ ପାୟା ଆଉନ୍, ଏଲେଙ୍ଗ୍‌ବାତ୍ ମାନାୟ ଇନେର ହିଲ୍‌ର ।”

ଜିସୁ ତିନିହର୍ ହାନିକାତା ଇଚାନ୍

(ମାତିଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ପାଚେ ହେଞ୍ଜାନ୍ ବାରଜାଣତିଂ ବିନେ କିଜି ହେଞ୍ଜାରିଂ ଇଚାନ୍, “ହୁଡ଼ା ଆସେଙ୍ଗ୍ ଜିରୁସାଲମତ ହାନାସା, ଆରେ ବେଣ୍‌ବାକ୍‌ଶାୟକିନାର ମାନାୟ ମାଜି ବିତ୍ରେ ଇମ୍‌ଣି ଖିଜୁ ବିସ୍ତେ ଲେକା ମାନାଡ଼, ହେ ଖିଜୁ ଜିତାଆନାନ୍; ୩୨ ଇନାକିଦେଂକି ଜିସୁ ପାଟ୍ କିଞ୍ଜି ଜିହୁଦିର୍ କେଇଦ୍ ହିୟାଆନାନ୍, ଆରେ ହେଞ୍ଜାର ତାଙ୍ଗେଙ୍ଗ୍ ଲାଜକୁଇ କିନାର, ହେଞ୍ଜାନିଂ ଗ୍ରେଚନାର ହେଞ୍ଜାନ୍ ଜପି ରୁପ୍‌ନାର । ୩୩ ହେଞ୍ଜେନିଂ କର୍ତା ଡ଼ିଜି ଅହ୍‌ନାର, ଆରେ ତିନ୍‌ଦିନ୍ ପାଚେ ଆରେ ନିନାନ୍ ।”

୩୪ ମାତର ହେଞ୍ଜାର ଇ ଖିଜୁ ବିସ୍ତେ ଅଲପ୍‌ପା ବୁଜାଆଖାତାର, ଇ କାତା ହେଞ୍ଜାରତାଂ ଡ଼ଗୁଜି ମାଚାଡ଼, ଆରି ଇନା ଇନାକା ଇଞ୍ଜି ମାଚାନ୍, ହେ ଖିଜୁ ହେଞ୍ଜାର ବୁଜାଆଖାଦାଂ ମାଚାର ।

ଜିସୁ ର କାଣାଙ୍ଗ୍ ଉଜ୍ କିତାନ୍

(ମାତିଉ ୨୦:୨୯-୩୪; ମାର୍କ ୧୦:୪୬-୫୨)

୩୫ ଜିସୁ ଜିରିହନି ଲାଗେ ଆନି ସମୁତ ର କାଣା ହାଜି ଗୁଚିତ କୁଚି ବିକ୍ୟା ଏନ୍ତି ମାଚାନ୍ । ୩୬ ହେୱାନ୍ ମାନାୟ ହାନିହି ଆଲି ୱେନ୍‌ଝି କାତା “ଇନାକା ଇଞ୍ଜି ୱେନ୍‌ବେଦେଂ ଲାଗାତାନ୍ ?”

୩୬ ହେୱାର୍ ତାଙ୍ଗେଙ୍ଗ୍ ଇଚାର୍, “ନାଜରିତୟ ଜିସୁ ଇ ହାଜି ହିଜି ହାନାନ୍ନା ।”

୩୭ ହେବେଣ୍ଟାଂ କାଣା ଗାଜା କାଚ୍‌ତାଂ ଇଚାନ୍, “ଏ ଜିସୁ, ଦାଉଦ୍ ମାଜି, ନାଙ୍ଗେଙ୍ଗ୍ ଦୟା କିଦା ।”

୩୮ ମତର୍ ଆଗେ ହାଲ୍‌ଜି ମାଚି ମାନାୟାର୍ ହେୱାନ୍ ଚିମ୍ବା ଆଦେଂ ଦାକା କିଦେଙ୍ଗ୍ ଲାଗାତାର୍, ମତର୍ ହେୱାନ୍ ଆଦିକ୍ ଗାଜା କାଚ୍‌ତାଂ ଇଞ୍ଜେଙ୍ଗ୍ ଲାଗାତାନ୍, “ଏ ଦାଉଦ୍ ମାଜି, ନାଙ୍ଗେଙ୍ଗ୍ ଦୟା କିଦା ।”

୪୦ ହେବେତାଂ ଜିସୁ ନିଲ୍‌ଚି ହେୱାନ୍ ତା ଲାଗେ ତାତେଙ୍ଗ୍ ବଲ୍ ହିତାନ୍; ଆରେ, ହେୱାନ୍ ଲାଗାଂ ଏକିତିଲେ, “ହେୱାନ୍ ତାଙ୍ଗେଙ୍ଗ୍ ୱେନ୍‌ବାତାନ୍,” ୪୧ “ଆନ୍ ନି କାଜିଂ ଇନାକା କିନାଙ୍ଗ୍ ଇଞ୍ଜି ଏନ୍ ଇଚା କିନାୟା ?”

ହେୱାନ୍ ଇଚାନ୍, “ଏ ମାପୁ ଆନ୍ ଇନେସକି ଆରେ କାଣକୁ ହୁଡ଼ନାଂ ।”

୪୨ ଜିସୁ ତାଙ୍ଗେଙ୍ଗ୍ ଇଚାନ୍, “କାଣକୁ ହୁଡ଼ା; ନି ପାଚ୍ କିନାକା ନିଙ୍ଗେଙ୍ଗ୍ ଉଦ୍ କିଡ଼ତାଡ଼ନା ।”

୪୩ ହେ ଦାପ୍ରେ ହେୱାନ୍ ହୁଡ଼ି ଇସ୍‌ତ କେରକଣ୍ କିଡ଼ କିଡ଼ ଜିସୁ ପାଚେ ପାଚେ ହାଞ୍ଜେଙ୍ଗ୍ ଲାଗାତାନ୍ ଆରି ଲକୁ ଝିଜାକାର୍ ହେଦାଂ ହୁଡ଼ି ଇସ୍‌ରତିଂ ପାର୍ତନା କିଚାର୍ ।

୧୯

ଜିସୁ ଆରି ଜକିୟ

୧ ପାଚେ ଜିସୁ ଜିରିହତ ହାଜିପା ହେଦେଲିଂ ଆଜି ହାଲ୍‌ଜି ମାଚାର୍ । ୨ ଆରି ହୁଡ଼ାଟ୍, ଜକିୟ ତର୍‌ନି ରକାନ୍ ମାନାୟ ମାଚାନ୍, ହେୱାନ୍ ରକାନ୍ ମୁଡ଼ଦାକାନ୍ ସିସ୍‌ସୁନ୍‌ନାକାନ୍ ଆରି ମାଜାନ୍ ମାନାୟ । ୩ ଜିସୁ ଇନେନ୍, ହେଦାଂ ହୁଡ଼ଦେଂ ହେୱାନ୍ ସେସ୍ କିଜି ମାଚାନ୍, ମାତର୍ ଲକୁ ଗହଲି କାଜିଂ ହୁଡ଼ଦେଂ ଆଡ଼ୱାଦାଂ ମାଚାନ୍, ଇନାକିଦେଂକି ହେୱାନ୍ କୁଜା ମାଚାନ୍ । ୪ ଲାଗିଂ ହେୱାନ୍ ମାନାୟ ଆଗେ ହଞ୍ଚି ହାଲ୍‌ଜି ହେୱାନ୍ ହୁଡ଼ି କାଜିଂ ର ତଗାମାର୍‌ତ ଦୁମ୍‌ତାନ୍, ଇନାକିଦେଂକି ହେ ହାଜି ହିଜି ଜିସୁ ହାନାକା ମାଚାତ୍ । ୫ ଜିସୁ ହେ ବାହାତ ୱାଜି ଜପି ହୁଡ଼ି ହେୱାନ୍ ଇଚାନ୍, “ଜକିୟ ବେଗି ଜୁଜି ୱା, ଇନାକିଦେଂକି ନେଞ୍ଜେଙ୍ଗ୍ ନାଙ୍ଗେଙ୍ଗ୍ ମିଞ୍ଜ ହାଡ଼ପା ମାଞ୍ଜେଙ୍ଗ୍ ଲାଗ୍‌ଦାନାତ୍ ।”

୬ ହେବେତାଂ ହେୱାନ୍ ବେଗି ଜୁଜି ୱାଜି ୱାରିତାଂ ଜିସୁଙ୍ଗ୍ ହେବା କିଚାନ୍ । ୭ ହେଦାଂ ହୁଡ଼ି ଝିଜାକାର୍ ଗାଣ୍‌ଜୁ କିଜି ଇଞ୍ଜେଙ୍ଗ୍ ଲାଗାତାର୍, “ହେୱାନ୍ ପାପିୟାର୍ ଇଞ୍ଜି ମାଞ୍ଜେଙ୍ଗ୍ ହାନାନା ।”

୮ ମାତର୍ ଜକିୟ ନିଲ୍‌ଚିପା ମାପୁଙ୍ଗ୍ ଇଚାନ୍, ଏ ମାପୁ, ହୁଡ଼ା, “ନା ଦାନ୍‌ତାଂ ଆନ୍ ଆଦା ହିଲ୍‌ଝାକାରିଂ ଦାନ୍ ହିନାଙ୍ଗା, ଆରି ଜଦି ଅନ୍ୟାୟତାଂ ଇନେରତାଂ ଅଲପ୍ ଅଜି ମାଚିସ୍, ଲାଗିଂ ଚାରିଗୁଣ୍‌ତାଂ ହେଦାଂ ଲେଉଟାୟ କିନାଙ୍ଗା ।”

୯ ହେବେଣ୍ଟାଂ ଜିସୁ ହେୱାନ୍ ବିସ୍ତେ ଇଚାନ୍, “ନେଞ୍ଜେଙ୍ଗ୍ ଇ ଇଞ୍ଜି ମୁକ୍ତିକିନାକା ଏକାଞ୍ଚାତାଡ଼ନା, ଲାଗିଂ ଇଞ୍ଜାନ୍‌ଦା ଅବ୍ରାହାମ୍‌ତି ରକାନ୍ ମାଜି; ୧୦ ଇନାକିଦେଂକି ଇନାକା ଜାଙ୍ଗ୍‌ତାଡ଼ନା ହେଦାଂ ତେକ୍‌ତେଂ ରାକ୍ୟା କିଦେଙ୍ଗ୍ ମାନାୟ ମାଜି ୱାତାନ୍ନା ।”

ହନା ଟାକାଂନି କାତା (ମାତିଉ ୨୫:୧୪-୩୦)

୧୧ ଲକୁ ଇ ଉତର୍‌ମୁଡ଼୍ ଝିଜୁ ୱେନ୍ ଝେଡ଼ାଲିଂ ହେୱାନ୍ ଆରି ରଞ୍ଜାଙ୍ଗ୍ କାତା ଇଚାନ୍, ଇନାକିଦେଂକି ହେୱାନ୍ ଜିରୁସାଲମ୍‌ନି ଲାଗେ ଆଜି ମାଚାନ୍ ଆରି ଇସ୍‌ରତି ରାଜି ବେଗି ମେଙ୍ଗିୟା ଆନାତ୍ ଇଞ୍ଜି ହେୱାର୍ ବାବିକିଜି ମାଚାର୍ । ୧୨ ଲାଗିଂ ହେୱାନ୍ ଇଚାନ୍, “ରକାନ୍ ଗାଜାକାନ୍ ମାନାୟ ଜାର୍ ରାଜି କାଜିଂ ରାଜା ପାଦ୍ ପାୟା ଆଜି ଲେଉଟା ଆଦେଂ କାଜିଂ ଦେହା ଦେସ୍‌ତ ହାଚାନ୍ । ୧୩ ହେୱାନ୍ ତା ଦସ୍ ଜାଣ୍ ଆଡ଼ିୟାରିଂ କୁକ୍‌ଚି ହେୱାରିଂ ଦସ୍‌ଗଟା ଡାବୁଙ୍ଗ୍ ହିଜି ଇଚାନ୍, ଆନ୍ ୱାନ୍ ପାଚେକ୍ ବେପାର୍ କିୟାଟ୍ ।” ୧୪ ମାତର୍ ହେୱାନ୍ ଦେସ୍‌ନିକାର୍ ହେୱାନ୍ ଗିଣ୍ କିଜି ମାଚାର୍, ଆରି ହେୱାର୍ ହେୱାନ୍ ପାଚେ ଦୁଡ଼ ପକ୍‌ଚି ଇଚାନ୍, ଇଞ୍ଜାନ୍ ଜେ ମା ଜପି ରାଜ୍ କିନାନ୍, “ଇଦାଂ ମା ଇଚା ଆକାୟ ।”

୧୫ “ପାଚେ ହେୱାନ୍ ରାଜା ପାଦ୍ ପାୟା ଆଜି ଲେଉଟା ଆଜି, ଇମ୍‌ଣି ଆଡ଼ିୟାରିଂ ଡାବୁଙ୍ଗ୍ ହିଜି ମାଚାନ୍, ହେୱାର୍ ବିତ୍ରେ ବେପାର୍ କିଜି ଇନେର୍ ଏଚେକ୍ ଲାବ୍ କିତାଣ୍ଟା, ହେଦାଂ ପୁନିକାଜିଂ ହେୱାରିଂ ଜାର୍ ରାଜି ଲାଗେ କୁକ୍‌ଚି ତାହିଝାଦେଂ ବଲ୍ ହିତାନ୍ ।” ୧୬ ହେବେଣ୍ଟାଂ ପର୍ତ୍ତୁମ୍ ମାନାୟ ୱାଜି ଇଚାନ୍, “ମାପୁ, ନି ହିଡ଼ି ହନା ଟାକାଂ ଆରି ଦସ୍‌ଗଟା ଡାବୁଙ୍ଗ୍ ଆନ୍ ଲାବ୍ କିତାଙ୍ଗ୍‌ନା ।” ୧୭ ହେୱାନ୍ ତାଙ୍ଗେଙ୍ଗ୍ ଇଚାନ୍, “ଏନ୍ ରକାୟ ହାଚ୍‌ଦି ଆଡ଼ିୟା, ଏନ୍ ବେସି ଅଲପ୍ ବିସ୍ତେ ପାଚ୍ ଲାହାଂ କିତିଲେ ଏନ୍ ଦାସ୍‌ଗଟା ଗାଡ଼୍ ଜପି ଆଦିକାର୍ ପାୟା ଆ ।” ୧୮ ଆରେ ଆରେ ରକାନ୍ ୱାଜି ଇଚାନ୍, “ମାପୁ, ନି ଡାବୁଙ୍ଗ୍ ପାଞ୍ଚଗଟା ନାଦାଂ

☆ ୧୯:୧୦ ୧୯:୧୦ ମାତିଉ ୧୮:୧୧.

ଲାବକିତାମା ।” ୧୯ ହେୱାନ ତାଙ୍ଗେଙ୍ଗ ପା ଇଚାନ, “ଏନ୍ ପା ପାଞ୍ଚଗଟା ଗାଡ଼ ଜପି ଆଦିକାର ପାୟା ଆ ।” ୨୦ ଆରେ ରକାନ ଖାଜି ଇଚାନ, “ମାପୁ, ହୁଡ଼ା, ଇଦା ନି ତାରୁଙ୍ଗ, ଆନ୍ ଇଦା ନା ତୁଖାଲତ ଗାଟି ଇଡ଼ଜି ମାଚାଙ୍ଗ; ୨୧ ଇନାକିଦେକି ଆନ୍ ନିଙ୍ଗେଙ୍ଗ ପାଣ୍ଡା ଆଡ଼ତା, ଲାଗି ଏନ୍ ରକାୟ କଟିମାନାୟତି, ଇନାକା ଇଡ଼ଝାତାମା, ହେଦା ନିକଟି ଅନାୟ, ଆରେ ଇନାକା ଝିଡ଼ଝାଦା ମାନାୟ ହେଦା ତ୍ରେଜନାୟ । ୨୨ ହେୱାନ ତାଙ୍ଗେଙ୍ଗ ଇଚାନ, ଏଡେ ବାନ୍ୟା ଆଡ଼ିୟା, ନି ମୁମ୍ନି କାତାତି ନି ବିଚାର କିନାଙ୍ଗ । ଆନ୍ ରକା କଟି ଲଗୁ, ଇନାକା ଇଡ଼ଝାଦା ମାନା, ହେଦା ନିକଟି ଅନାଙ୍ଗ, ଆରେ ଇନାକା ଝିଡ଼ଝାଦା ମାନା, ହେଦା ତ୍ରେଜନା, ଇଦା ଇନାକା ପୁଚାୟନା ?” ୨୩ ଲାଗି, ବେକତ ଇନେକିଦେ ନା ହନା ଟାକା ଇଡ଼ଝାତାୟ ? ତାଆତିସ୍ ଆନ୍ ଖାଜି କଲତ୍ତର ଲାହାଙ୍ଗ ପାୟାଆତାମା । ୨୪ ଆରେ, ହେ କଟଣ୍ଡ ନିଲ୍ଲିମାନି ମାନାୟତି ଇଚାନ, “ଇବେଣ୍ଡା ଇ ତାରୁଙ୍ଗ ଅଜି, ଇନେରି ଦାସ୍ଟାକା ମାନିଙ୍ଗ, ହେୱାନି ହିଆଟ୍ ।” ୨୫ ହେବେତା ହେୱାର ହେୱାନି ଇଚାର, “ମାପୁ, ତାଦାଙ୍ଗ ତ ଦାସ୍ ଗଟା ତାରୁଙ୍ଗ ମାନିଙ୍ଗ ।” ୨୬ ଆନ୍ ମିଙ୍ଗେଙ୍ଗ ଝେଟାନାଙ୍ଗା, “ଇମ୍ଫି ମାନାୟତି ମାନାଡ଼, ହେୱାନି ହିୟାଆନଡ଼; ମାତର୍ ଇନେରତି ହିଲୁଡ଼, ହେ କଟଣ୍ଡ ଇନାକା ମାନାଡ଼, ହେଦା ନେ ହେୱାନତା ଅୟାନାଡ଼ । ୨୭ ମାତର୍ ନା ଇମ୍ଫି ସାତୁର୍ ଆନ୍ ହେୱାର ଜପି ସାସନ୍ କିନାଙ୍ଗ ଇଞ୍ଜି ଇଚା କିଝାଦା ମାଚାଙ୍ଗ, ହେୱାରି ଇବେ ତାସି ନା ମୁମ୍ନ ଟୁଣାଟ୍ ।”

ଜିସୁ ଜିରୁସାଲମ୍ ତ ହଣାକା

(ମାତିଉ ୨୧:୧-୧୧; ମାର୍କ ୧୧:୧-୧୧; ଜହନ୍ ୧୨:୧୨-୧୯)

୨୮ ଇ ସବୁ କାତା ଇଞ୍ଜି ଜିସୁ ଆଗେ ହାଲ୍ଲି ଜିରୁସାଲମ୍ ନିପ ହାଞ୍ଜେଙ୍ଗ ଲାଗାତାନ୍ । ୨୯ ଆରେ, ଏଚେକାଡ଼ଦ ହେୱାନ ଜିଡ଼ମାଡ଼ି କଟଣ୍ଡ ବେଡ଼ପାଗି ଆରି ବେଡ଼ନିୟା ଲାଗା ଏକାତାନ୍, ହେ ଏଚେକାଡ଼ଦ ହେୱାନ ହେ ଚେଲାର ବିଡ୍ରେତା ରିକାରିଙ୍ଗ ଇ କାତା ଇଞ୍ଜି ପକ୍ତାନ୍, ୩୦ “ମି ହାଣ୍ଡକୁ ହେ ନାସ୍ତ ହାଲ୍ଲାଟ୍, ହେବେ ହଣି ଝେଡ଼ାଲିଙ୍ଗ, ଇନାକା ଜପି ଇନେର୍ ଇନାଝାଡ଼ା ଇନେର୍ କୁଡ଼ଝାତାନ୍ନା, ଏଲେଙ୍ଗବାତ ର ଗଦ ହିମ୍ଫା ଗାଟ୍ରାକା ହୁଡ଼ନାଦେର୍, ହେଦେଲି ରିକଟି ତାହିଝାଡ଼ । ୩୧ ଆରେ, ବାଟିଙ୍ଗ ଇନେର୍ ମିଙ୍ଗେଙ୍ଗ ଇନେକିଦେ ରିକ୍ନାଦେରା ଇଞ୍ଜି ଝେନ୍ବାତିସ୍, ଏପେଙ୍ଗ ଇନାଦେର୍, ଇନାକିଦେକି ଇଦା ତାକେ ମାପୁତି ଲଡ଼ା ମାନାଡ଼ ।”

୩୨ ହେବେ ପକ୍ୟାତି ମାନାୟାର ହାଲ୍ଲିପା, ଜିସୁ ହେୱାରି ଇନେସ୍ ଇଞ୍ଜି ମାଚାନ୍, ହେ ଲାକେ ହୁଡ଼ତାର । ୩୩ ଆରେ, ହେୱାର ଗଦ ହିମ୍ଫାତି ରିକ୍ନିଝେଡ଼ାଲି ହେ ହାଡକାର ହେୱାରି ଝେନ୍ବାଡାର, “ଇନେକିଦେ ଗଦ ହିମ୍ଫାତି ରିକ୍ନାଦେରା ?”

୩୪ ହେୱାର ଇଚାର, “ଇନାକିଦେକି ଇଦା ତାକେ ମାପୁତି ଲଡ଼ା ମାନାଡ଼ ।”

୩୫ ଆରେ, ହେୱାର ଗଦ ହିମ୍ଫାତି ଜିସୁତାକେ ତାସି ତା ଜପି ଜାର୍ ଜାର୍ ହେୟା ପାସ୍ସି ଜିସୁଙ୍ଗ କୁଟିକିତାର । ୩୬ ଆରେ, ଜିସୁ ହାନି ଝେଡ଼ାଲି ମାନାୟାର ହାସ୍ଦ ଜାର୍ ଜାର୍ ହେୟା ପାସ୍ସି ହିଦେଙ୍ଗ ଲାଗାତାର ।

୩୭ ଆରେ, ଜିସୁ ଏଚେକାଡ଼ଦ ଜିଡ଼ମାଡ଼ିନି ଗାଡ଼ଗାଡ଼ା ବାହାତ ଲାଗାୟ ଆତାନ୍, ହେଝେଡ଼ାଲି ସବୁ ଚେଲାର ମାଦା ହୁଡ଼ଜି ମାଟି ଝିଲୁ ସାଲ୍ଲିନି କାମାୟ କାଜି ଝାରିତା ଗାଜା କାଟ୍ କିଜି ଇସ୍ବର୍ ମାପୁତି ପାଟାନା କିଜି ଇଚାର,

୩୮ “ମାପୁତି ତରଦ ଇମ୍ଫି ରାଜା ଝାନାନା, ଇସ୍ବର୍ ହେୱାନି ଦନ୍ୟବାଦ୍ କିଏନ୍ ।

ସାଗେତ ସୁସ୍ତା ଆରି ଜପଣି ଲକାତ ଜାଜମାଲ୍ ଆୟେଡ଼ ।”

୩୯ ହେବେଣ୍ଡା ମାନାୟାର ଗହଲି ବିଡ୍ରେ କେଡେକ ପାରୁସିର୍ ତାଙ୍ଗେଙ୍ଗ ଦାକା କିଜି ଇଚାର, “ଏ ଗୁରୁ, ନି ଚେଲାରି ତିମ୍ଫରା ଆଦେ ଇନା ।”

୪୦ ଜିସୁ ଉଡର୍ ହିଚାନ୍, “ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା, ଇଝାର ତିମ୍ଫରା ଆତିସ୍, କାଲ୍ଲୁଙ୍ଗ ଆଲାଆନିକ୍ ।”

ଜିସୁ ଜିରୁସାଲମ୍ କାଜି ଆଡ଼ବାତାନ୍

୪୧ ଆରେ, ଏଚେକାଡ଼ଦ ଜିସୁ ଜିରୁସାଲମ୍ ଲାଗାୟ ଝାତାନ୍, ହେ ଏଚେକାଡ଼ଦ ଗାଡ଼ଦି ହୁଡ଼ଜି ହେଦା କାଜି ଆଡ଼ବିସ୍ ଇଚାନ୍, ୪୨ “ଏନ୍, ଆଁ, ଏନ୍ ଜଦି ନେଞ୍ଜେଙ୍ଗ ସୁସ୍ତାନି ବିସ୍ତେ ପୁନ୍ଝିମାଚାୟତି ! ମାତର୍ ନଙ୍ଗନି କାଣ୍ଡକୁକା ଡ଼ଗୁଜି ମାଚାଡ଼ନା । ୪୩ ସମ୍ପୁ ଝାନାତା ଏଚେକାଡ଼ଦ ମି ସାତୁର୍ ନି ଚାରିବେଣ୍ଡା କାଲ୍ଲଦ ଗାଟି ନିଙ୍ଗେଙ୍ଗ ଟେବାୟ କିଦ୍ନାର, ଆରେ ମିଦାଙ୍ଗ ଝିଲୁ ହାଜି ଗେସ୍ତାନାର । ୪୪ ହେୱାର ନିଙ୍ଗେଙ୍ଗ ଆରି ନି ଲାହାଙ୍ଗ ନି ବିଡ୍ରେ ମାନି ଝିଜାର୍ ମାନାୟାରି ଚୁଡ଼ାକ କିଦ୍ନାର, ର କାଲ୍ଲ ଜପି ଆରେ ର କାଲ୍ଲ ଜପି ମାନୁଡ଼, ଇନାକିଦେକି ଏଚେକାଡ଼ଦ ନିଙ୍ଗେଙ୍ଗ ମୁକ୍ତି କିଦ୍ଦେ ଇଞ୍ଜି ଇସ୍ବର୍ ମାପୁ ଝାତାନ୍, ଏପେଙ୍ଗ ତାଙ୍ଗେଙ୍ଗ ପୁନଝାତାଦେର୍ ।”

☆ ୧୯:୨୭ ୧୯:୨୭ ମାତିଉ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୧୯:୨୭ ୧୯:୨୭ ମାତିଉ ୨୫:୧୪-୩୦.

ଜିସୁ ମନ୍ଦିରତ ହାତାନ୍

(ମାତିଉ ୨୧:୧୨-୧୭; ମାର୍କ ୧୧:୧୫-୧୯; ଜହନ୍ ୨:୧୩-୨୨)

୪୫ ଆରେ, ଜିସୁ ମନ୍ଦିରତ ହେଉଁଥିବା ବେପାର କିନି ଲଗାଁ ଇଦାଁ ଇଞ୍ଜି ହପ୍ତେଠେ ଲାଗାତାନ୍, ୪୬ ଦରମ୍ ସାସ୍ତ୍ରତ ଲେକାଆତାତ୍ତନା, ଇସ୍ତର ଇଚାନ୍ “ମା ଇଲ୍ ପାର୍ତାନା ଇଲ୍ ଆନାତ୍, ମାତର୍ ଏପେଙ୍ଗ୍ ଚର୍କୁ ଇଲ୍ଲିନି ପାରା କିତାଦେଣ୍ଟା ।”

୪୭ *ଆରେ, ହେଝାନ୍ ନିତ୍ରେ ମନ୍ଦିରତ ହିକ୍ୟା ହିଜି ମାଚାନ୍, ମାତର୍ ମୁଡ୍ ମାପୁହେବାକିନାକାନ୍, ସାସ୍ତ୍ରି ମାନାୟାର୍ତି ନେତାର ଲାହାଁ ହେଝାନ୍ ଓସ୍ତପେଦେଠେ ସେସ୍ତୁ କିଜି ମାଚାର୍, ୪୮ ମାତର୍ ଓଡୁ ଲଗୁ ର ମାତ୍ତ ହେଝାନ୍ ହିକ୍ୟା ଖେନ୍ଞ୍ଜି ମାଚିଲେ ହେଝାର ଇନାକା କିନାପ୍ ଇଞ୍ଜି ତିର୍ କିଦେଙ୍ଗ୍ ଆଡ଼ଝାଦାଁ ମାଚାର୍ ।

୨୦

ଜିସୁଙ୍ଗ୍ ଆଦିକ୍ ବିସ୍ତେ ପରସନ୍

(ମାତିଉ ୨୧:୨୩-୨୭; ମାର୍କ ୧୧:୨୭-୩୩)

୧ ଇବେତାଁ ହେଝାନ୍ ଦିନେକ୍ ଏଚେକାଡ଼ଦ ମନ୍ଦିରତ ମାନାୟାରିଁ ହିକ୍ୟା ହିଜି ମାଚାନ୍ ଆରି ନେକ୍ରିକାରୁର୍ ପରଚାର୍ କିଜି ମାଚାନ୍, ଏଚେକାଡ଼ଦ ମୁଡ୍ ମାପୁହେବା କିନାକାର୍ ଆରି ସାସ୍ତ୍ରିର୍ ବୁଡ଼ାଲୁର୍ ହୁକେ ଖାଜି ତାଙ୍ଗ୍ ଇଚାର୍, ୨ “ଏନ୍ ଇମ୍ଣି ଆଦିକାର୍ତ ଇ ଓଡୁ କିନାୟା, କି, ଇନେର୍ ନିଙ୍ଗ୍ ଇ ଆଦିକାର୍ ହିଡ଼ତାନ୍, ହେଝାନ୍ ଇନେନ୍, ମାଙ୍ଗେଙ୍ଗ୍ ଖେଚ୍ତା ।”

୩ ମାତର୍ ଜିସୁ ହେଝାରିଁ ଉତର୍ ହିଡାନ୍, “ଆନ୍ ପା ମିଙ୍ଗେଙ୍ଗ୍ ର ବେରଣ୍ ଖେନ୍ଦବା ଆଦନାଁ, ନାଙ୍ଗ୍ ଖେଚ୍ତାଚ୍, ୪ ବାପ୍ରିସିମ୍ ହିନି ଜହନ୍ତି ବାପ୍ରିସିମ୍ ସାର୍ଗେତାଁ କି ମାନାୟାତିଁ ଆତାତ୍ ?”

୫ ହେବେ ହେଝାର୍ ହେଝାର୍ ବିତ୍ରେ କାତାବାର୍ତା କିଜି ଇଚାର୍, “ଜଦି ସାର୍ଗେତାଁ ଇଞ୍ଜି ଇନାସ୍, ତା ଆତିସ୍ ହେଝାନ୍ ଇଞ୍ଜିନାନ୍, ଏପେଙ୍ଗ୍ ଇନେକିଦେଠେ ତାଙ୍ଗ୍ ପାତ୍ କିଞ୍ଜାତାଦେର୍ ?” ୬ ମାତର୍ ଜଦି ମାନାୟାତିଁ ଇଞ୍ଜି ଇନାସ୍, ବାଟିଙ୍ଗ୍ ଖିଜାକାର୍ ଲକୁ ମାଙ୍ଗ୍ କାଲକୁ ଇଡ଼ଜି ମାଟ୍ କିଦନାର୍, ଇନାକିଦେଠେକି “ଜହନ୍ ରକାନ୍ ଜେ ବେଶ୍ବାକ୍ଣାୟ କିନାକାନ୍, ଇଦାଁ ହେଝାର୍ ପାତ୍ କିଜି ମାଚାର୍ ।” ୭ ଲାଗିଁ ହେଦାଁ ଇମେତାଁ ଆତାତ୍, “ଇଦାଁ ପୁନୁପ୍ ଇଞ୍ଜି ହେଝାର୍ ଉତର୍ ହିଡାର୍ ।”

୮ ଜିସୁ ହେଝାରିଁ ଇଚାନ୍, “ଆନ୍ ଇମ୍ଣି ଆଦିକାର୍ତ ଇ ଓଡୁ କିନାଙ୍ଗା, ହେଦାଁ ଆନ୍ ପା ମିଙ୍ଗେଙ୍ଗ୍ ଖେଚ୍ତୁଙ୍ଗ୍ ।”

ଅଙ୍ଗୁର୍ ବାଡ଼୍ ବାଗ୍ କିଜି ତିନାକାନ୍ କାତା

(ମାତିଉ ୨୧:୩୩-୪୨; ମାର୍କ ୧୨:୧-୧୨)

୯ ଇଦାଁ ପାଚେ ହେଝାନ୍ ମାନାୟାର୍ତି ଇ ଉତର୍ମୁଡ଼ ଇଞ୍ଜେଙ୍ଗ୍ ଲାଗାତାନ୍ । “ରକାନ୍ ମାନାୟା ର ଅଙ୍ଗୁର୍ ବାଡ଼୍ କିଜି ହେଦାଁ କାମ୍ଲିୟାରିଁ ଆଦି ହିଜି ବେସି ବାହୁଁ କାଜିଁ ବିଦେସ୍ତ ହାତାନ୍ । ୧୦ ଆରେ, କାମ୍ଲିୟାର୍ ଇନେସ୍ ତାଙ୍ଗ୍ ଅଙ୍ଗୁର୍ ବାଡ଼ିନି ପାଡ଼୍ ତାଙ୍ଗ୍ ବାଗ୍ ହିନାର୍, ଇଦାଁ କାଜିଁ ହେଝାନ୍ ରକାନ୍ ଆଡ଼ିଏନିଁ ହାଦ୍ ଖେଡ଼ାଲିଁ ହେଝାର୍ ତାକେ ପକ୍ତାନ୍, ମାତର୍ ହେ ଆଡ଼ିୟାର୍ ତାଙ୍ଗେଙ୍ଗ୍ ମାଟ୍ କିଜି ଖାରା କେଇଦାଁ ପକ୍ତାର୍ । ୧୧ ହେଝାନ୍ ପାଚେ ଆରେ ରକାନ୍ ଆଡ଼ିୟାନ୍ ପକ୍ତାନ୍; ହେଝାର୍ ତାଙ୍ଗ୍ ପା ଗ୍ରାକ୍ତାର୍ ଆରି ଲାଜୁ କିଜି ଖାରା କେଇଦାଁ ପକ୍ତାର୍ । ୧୨ ପାଚେ ହେଝାନ୍ ଆରେ ରକାନ୍ ପା ପକ୍ତାନ୍; ମାତର୍ ହେଝାର୍ ତାଙ୍ଗ୍ ପା ଗାଅଦାଅ କିଜି ବାଡ଼୍ ତୁହିଡାର୍ । ୧୩ ହେବେଣ୍ଟାଁ ଅଙ୍ଗୁର୍ ବାଡ଼ିନି ହାଡକାର୍ ଇଚାନ୍, ଆନ୍ ଇନାକା କିନାଙ୍ଗ୍ ? ନା ଖାରିନି ହିମ୍ଣାତିଁ ପକ୍ନାଁ, ଇନେସ୍ ଆତିସ୍ ହେଝାର୍ ତାଙ୍ଗ୍ ମାନି କିନାର୍ । ୧୪ ମତର୍ ଆଡ଼ିୟାର୍ ତାଙ୍ଗ୍ ହୁଡ଼ଜି ହେଝାର୍ ହେଝେର୍ କାତାବାର୍ତା କିଜି ଇଞ୍ଜେଙ୍ଗ୍ ଲାଗାତାର୍, ‘ଇଞ୍ଜାନ୍ତ ମୁଣିକା, ଇଞ୍ଜାନ୍ ଅହ୍ନାସ୍, ଇନେସ୍ ମାଦାଁ ଆଦିକାର୍ ଆନାତ୍ ।’ ୧୫ ଆରେ, ହେଝାର୍ ତାଙ୍ଗ୍ ଅଙ୍ଗୁର୍ ବାଡ଼୍ ଅସ୍ତି ବାଡ଼୍ ତୁହି ହିଡାର୍ ।”

“ବାଟିଙ୍ଗ୍, ଅଙ୍ଗୁର୍ ବାଡ଼ିନି ହାଡକାର୍ ହେଝାର୍ କାଜିଁ ଇନାକା କିନାନ୍ ? ୧୬ ହେଝାନ୍ ଖାଜିଁ ଇ କାମ୍ଲିୟାରିଁ ନାସ୍ କିନାନ୍ ଆରି ବିନ୍ ଲଗାଁ ଅଙ୍ଗୁର୍ ବାଡ଼୍ ହିନାନ୍ ।”

ଇଦାଁ ଖେନ୍ଞ୍ଜି ହେଝାର୍ ଇଚାର୍, “ହେଦାଁ ଆମେଡ୍ ।” ୧୭ ମାତର୍ ହେଝାନ୍ ହେଝାରିଁ ଗାଣ୍ଗାଣ୍ ହୁଡ଼ଜି ଇଚାନ୍,

“ବାଟିଙ୍ଗ୍ ଇ ଇମ୍ଣି ବଚନ୍ ଲେକା ଆତାତ୍ତନା, ତା ଅରଡ଼ ଇନାକା, ଇଲ୍ ରଚ୍ନାକାର୍ ଇମ୍ଣି କାଲ୍ଦିଁ ମୁନା କିତାର୍,

ହେଦାଁ କନାନ୍ ମୁଡ଼କାଲ୍ ଆତାତ୍ ।

୧୮ ଇନେର୍ ହେ କାଲ୍ ଇନେର୍ ଜପି ଆର୍ନାର୍, ହେଝାନ୍ କୁଡ଼ିକୁଡ଼ା ଆନାର୍, ଆରେ ହେ କାଲ୍ ଇନେର୍ ଜପି ଆର୍ନାନ୍, ହେଦେଲିଁ ହେଦାଁ ବିରାୟ କିନାତ୍ ।”

* ୧୯:୪୭ ୧୯:୪୭ ଲୁକ ୨୧:୩୭.

ହିନି ବିସ୍ତେ ପରସନ୍

(ମାତିଉ ୨୨:୧୫-୨୨; ମାର୍କ ୧୨:୧୩-୧୭)

୧୯ ଇବେ ସାସ୍ତ୍ରୀ ଆରି ମୁଡ଼୍ ମାପୁହେବାକିନାକାର ହେ ଦାପ୍ତେ ଆସ୍ତେଙ୍ଗ୍ ସେସ୍ତୁ କିତାର, ମାତର୍ ହେଞ୍ଜାର ମାନାୟାରି ପାଣ୍ଡା ଆତାର, ଇନାକିଦେଂକି ହେଞ୍ଜାନ ହେ ଉତର୍ମୁଡ଼୍ ହେଞ୍ଜାରିଂ ଇଟକାଡ଼୍ କିଜି ଇଞ୍ଜି ମାଚାନ ଇଞ୍ଜି ହେଞ୍ଜାର ବୁଜାତାର । ୨୦ ହେବେଣ୍ଡା ହେଞ୍ଜାର ଜିସୁଙ୍ଗ୍ ରାଜି ପାଲି କିନି କେଇଦ ଆରି ସାସନ୍କିନାକାନ ସାସନ୍ନି ଆଦିକାର ହେଲାଇ କିଦେଙ୍ଗ୍ କାଜିଂ ଉପାୟ ଡେକଟି ଜିସୁତି କାତାନି ବୁଲ୍ ଆହୁନି ଉଦେସ୍ତ ଇମଣାକାର କପଟାଂ ଜାର ଜାରତିଂ ଦାମ୍ ଇଞ୍ଜି ଚଞ୍ଜିୟାଆନି ଚର୍କୁକାଂ ପଲ୍ଲାର । ୨୧ ହେଞ୍ଜାର ତାଙ୍ଗ୍ ଝେନ୍ବାତାର, “ଏ ଗୁରୁ, ଆପେଂ ପୁନାପ, ଏନ୍ ହାଡ଼ପା ରଚେ କାତା ଇନାୟ ଆରି ହିକ୍ୟା ହିନାୟ, ଆରେ ଇନେରତି ମୁକ୍ତେଟ୍ ହୁଡ଼୍ କିଉୟ, ମାତର୍ ହାଡ଼ପା ଲାକେ ଇସ୍ବରତି ହାଜି ବିସ୍ତେ ହିକ୍ୟା ହିନାୟ । ୨୨ ମାଙ୍ଗେଙ୍ଗ୍ ଇଞ୍ଜା, କାଈସ୍ବରତିଂ ସିସ୍ତ ହିନାକା ମା ବିଦି ମାନାଡ଼୍ କି ଆକାୟ ?”

୨୩ ମାତର୍ ଜିସୁ ହେଞ୍ଜାରତି କାପଟି ପୁଞ୍ଜି ହେଞ୍ଜାରିଂ ଇଚାନ, ନାଙ୍ଗ୍ ର ଅଦ୍ନି ଚଟ୍ଟାଟ୍ । ୨୪ “ଇବେ ଇନେର ଟାକାଂ ପୁଡ଼୍ତା ଆରି ତର୍ ମାନାଡ଼୍ ?”

“ହେଞ୍ଜାର ଇଚାର କାଈସ୍ବରତି ।”

୨୫ ହେବେ ଜିସୁ ହେଞ୍ଜାରିଂ ଇଚାନ, “ବାଟିଙ୍ଗ୍ କାଈସ୍ବରତି ଇମଣାକା, ହେଦାଂ କାଈସ୍ବରତିଂ ହିଆଟ୍, ଆରେ, ଇସ୍ବଟ୍ ଇମଣାକା, ହେଦାଂ ଇସ୍ବରତିଂ ହିଆଟ୍ ।”

୨୬ ଇବେଣ୍ଡା ହେଞ୍ଜାର ମାନାୟ ମୁମ୍ଦ ହେଞ୍ଜାନ କାତାତ କୁନି ଆସ୍ତେଙ୍ଗ୍ ଆଡ଼ଞ୍ଜାତାର, ଆରେ ହେଞ୍ଜାର ହେଞ୍ଜାନ ଉତର୍ତ କାବା ଆଜି ଚିମ୍ବରା ଆଜି ମାଚାର ।

ଆରେ ନିଙ୍ଗନି ବିସ୍ତେ ପରସନ୍

(ମାତିଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ଇଦାଂ ପାଚେ ଆରେ ନିଂନି ବିସ୍ତେ ଉଡ଼ାନାକାର କେତେକ୍ ସାଦୁକିର୍ ଜିସୁ ଲାଗେ ଝାଜି ଝେନ୍ବାତାର, ୨୮ “ଏ ଗୁରୁ, ମସା ମା କାଜିଂ ଲେକିକିତାନ୍ନା ଇନେନ୍, ଜଦି ଇମଣି ଲକ୍ଷ୍ମତ ଟଣ୍ଡେନ୍, ତକ୍ତି ମାଞ୍ଜି ହିମଣାଞ୍ଜାକ୍ତା ଆଞ୍ଜାଦାଂ ହାତିସ୍, ତା ଆତିସ୍ ତା ଟଣ୍ଡେନ୍ ତା ତକ୍ତୁହିଂ ଇଡ଼୍ ଜାର ଟଣ୍ଡେନ୍ କାଜିଂ ଲାତ୍ରା ଉଦ୍ଦାଣ୍ କିନାନ । ୨୯ ଦିନେକ୍, ସାଡ଼ ବାୟ ଟଣ୍ଡାର ମାଚାର; ପର୍ତୁମ୍ ର କଗଲେଂ ବିବା ଆତାନ ଆରି ହିମଣାଞ୍ଜାକ୍ତା ଆଞ୍ଜାଦାଂ ହାତାନ; ୩୦ ପାଚେ ଆରେ ମାଜିୟା ବିବା ଆତାନ ତାଙ୍ଗ୍ ଇଡ଼ତାନ; ୩୧ ହେ ଲାକେ ସାଡ଼ ଜାଣ୍ ଜାକ୍ ହିମଣାଞ୍ଜାକ୍ତା ଆଞ୍ଜାଦାଂ ହାତାର । ୩୨ ହାରିହାରା କଗଲେ ପା ହାତାଡ଼ । ୩୩ ବାଟିଙ୍ଗ୍, ଆରେ ନିଂନିହିଂ ହେଞ୍ଜାର ବିତ୍ତେ ହେଦେଲ୍ ଇନେର ତକ୍ତି ଆନାଡ଼ ? ସାଡ଼ ଜାଣ୍ ଜାକ ତାଙ୍ଗ୍ ବିବା ଆଜି ମାଚାର ।”

୩୪ ଜିସୁ ହେଞ୍ଜାରିଂ ଇଚାନ, “ଇ ଜୁଗ୍ନି ମାନାୟାର ବିବା କିତାର ଆରି ବିବା ଆନିକ୍, ୩୫ ମାତର୍ ଇମଣି ମାନାୟାର ହେ ସଂସାର ଆରି ହାତାକାର ବିତ୍ତେ ଆରେ ନିଂନାକା ପାୟାନି କାଜିଂ ନିଜେ ଗାଣା କିୟାନାର, ହେଞ୍ଜାର ବିବା କିଉର୍ କି ବିବା ଆଉର୍; ୩୬ ଆରେ, ହେଞ୍ଜାର ଆରେ ହାଦେଂ ଆଡୁର୍, ଇନାକିଦେଂକି ହେଞ୍ଜାର ଦୁଡ଼କୁ ଲାକେ ମାନଙ୍ଗାନାର ଆରେ ନିଙ୍ଗଜି ଇସ୍ବଟ୍ ମାଜି ଗାଡ଼ ଆନାର । ୩୭ ମତର୍ ହାତାକାର ଜେ ନିଙ୍ଗନାର, ଇଦାଂ ମସା ପା ବୁଟାନି କାତା ମାପୁତି ଅବାହାମ୍ତି ଇସ୍ବର୍, ଇସ୍ବହାକ୍ତି ଇସ୍ବର୍ ଆରି ଜାକୁବ୍ତି ଇସ୍ବର୍ ଇଞ୍ଜି ଚଟ୍ଟି ହିନାର ।” ୩୮ ହେଞ୍ଜାନ ତ ହାତାକାର ଇସ୍ବର୍ ଆକାୟ, ମତର୍ ଜିତାକାରିଂ; ଇନାକିଦେଂକି ଝିଜାର ହେ ମୁମ୍ଦ ଜିରୁନ୍ ପାୟା ଆନାର ।

୩୯ ହେବେଣ୍ଡା ସାସ୍ତ୍ରୀ ବିତ୍ତେ କେତେକ୍ ଜାଣ୍ ଉତର୍ ହିତାର, “ଏ ଗୁରୁ, ଏନ୍ ସଡ଼ ଇଚାୟ ।” ୪୦ ଇନାକିଦେଂକି ହେଞ୍ଜାର ତାଙ୍ଗ୍ ଇମଣି ପରସନ୍ ଝେନ୍ବେଦେଂ ସାସ୍ କିଞ୍ଜାତାର ।

ଜିସୁ ଇନେର ମାଜି ?

(ମାତିଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ମାତର୍ ହେଞ୍ଜାନ ହେଞ୍ଜାରିଂ ଝେନ୍ବାତାନ, “ଜିସୁ ଜେ ଦାଉଦ୍ ମାଜି, ଇଦାଂ ଲକ୍ଷ୍ମ ଇନାକା ଇନାର ? ୪୨ ଇନାକିଦେଂକି ନିଜେ ଦାଉଦ୍ ନାୟ ସାସ୍ତ୍ର କିଜି ଇନାନ, ‘ମାପୁ ନା ମାପୁଙ୍ଗ୍ ଇଚାନ,

୪୩ ଆପେଂ ଏଚେକ୍ ପାଚେକ୍ ମି ସାଡୁରିଂ ମି ତଗ୍ନିବାହା କିଞ୍ଜାତାପନା, ହେ ପାଚେକ୍ ମା ବୁଜଣି ବାଗାଙ୍ଗ୍ କୁଚ୍ଟି ମାନାର ।’

୪୪ ଲାଗିଂ, ଦାଉଦ୍ ତାଙ୍ଗ୍ ‘ମାପୁ’ ଇଞ୍ଜି ଇନାନ; ବାଟିଙ୍ଗ୍, ହେଞ୍ଜାନ ଇନେସ୍ ତା ମାଜି ?”

ଜିସୁ ଦରମ୍ ଗୁରୁର ବିରୁଦ୍ଧ ଚେଡ଼ନା କିତାନ

(ମାତିଉ ୨୩:୧-୩୭; ମାର୍କ ୧୨:୩୮-୪୦; ଲୁକ ୧୧:୩୭-୫୪)

୪୫ ପାଚେ ହେୱାନ ସବୁଲଗାଂ ଝିଜାର୍ ମୁମଦ ଚେଲାର୍ ତାକେ ଇଚାନ, ୪୬ “ସାସ୍ତ୍ରତାଂ ଜାଗ୍ରତ୍ ! ହେୱାର୍ ଲାମା ଆଜି ଉସ୍ତସ୍ ବୁଲୁଆଦେଂ, ଆରେ ଆର୍ ବାଜାର୍ତ ଜୱାର୍, କୁଟୁମ୍ ଇଞ୍ଜ ମୁଡ୍ ବାହା ଆରି ବଜିତ ଆଗେନି ବାହା ଝାରିୟା ଆନାର୍; ୪୭ ହେୱାର୍ ରାଣ୍ଡିକ୍ ଇଲ୍ଲକୁ ସବୁ ଚରି କିନାର୍ ଆରି ଲାମା ପାର୍ତାନା କିନାର୍; ହେୱାର୍ ବେସି ତାଣ୍ ପାୟା ଆନାର୍ ।”

୨୧

ର ରାଣ୍ଡିତି ଦାନ (ମାର୍କ ୧୨:୪୧-୪୪)

୧ ଇଦାଂ ପାଚେ ଜିସୁ ଚାରିବେଣ୍ଡାଂ ହୁଡ୍ଜି ପା ମାଜାନିଂ ଗାଦ୍ୟାତାକେ ଜାର୍ ଜାର୍ ଦାନ ଝାକ୍ନାକା ହୁଡ୍ଜାନ । ୨ ଆରେ, ହେୱାନ ର ହିଲ୍ଡି ରାଣ୍ଡିକାଂ ହେବେ ରି ଚାକା ତାବୁଜ୍ ଇଚନାକା ହୁଡ୍ଜି ଇଚାନ, ୩ “ଆନ୍ ମିଜେଜ୍ ହାଡ୍ପା ଇଞ୍ଜନାଜା, ଇ ହିଲ୍ଡି ରାଣ୍ଡି ଝିଜାକାର୍ତାଂ ଆଦିକ୍ ଇଚ୍ତାଡ୍ନା, ୪ ଇନାକିଦେଂକି ଇଝାର୍ ଝିଜାକାର୍ ଗାଦ୍ୟାତାଂ ଜାର୍ ଜାର୍ ଦାନ୍ତାଜ୍ ଅଲପ୍ ଅଲପ୍ ଇଚ୍ତାଡ୍, ମାତର୍ ଇଦେଲ୍ ତା କସ୍ତକିତାକା ଦାନ ଜାର୍ ଜିବୁନ୍ ବାଚାୟକିଦେଂ କାଜିଂ ଇଦେଲ୍ତି ଇନାକା ମାଚାଡ୍, ହେ ସବୁ ଇଚ୍ତାଡ୍ ।”

ଜିସୁ ମନ୍ଦିରତିଂ ଦୁଡ୍ମାସ୍ତନି ବିସ୍ତେ ଝେଡ୍ଚାନ (ମାତିଉ ୨୪:୧-୨; ମାର୍କ ୧୩:୧-୨)

୫ କେତେଜାଣ୍ ଚେଲାର୍ “ମନ୍ଦିର ବିତ୍ତେ ବେଣ୍ଡକିଜି ମାଚାର୍ । ହେୱାର୍ ଇଞ୍ଜି ମାଚାର୍ ହେବେ ମେହାୟକିଜି ମାଚି ହଲ୍ଲନି କାଲ୍ ଆରି ଇସ୍ତର୍ ମାପୁ କାଜିଂ ରଚ୍ଚି ମାଚି ଇନାମିଜ୍ ଲାହାଜ୍ ମନ୍ଦିର ଅପ୍ରବଲ୍ ହଲ୍ଲନାତା ।” ୬ “ଏପେଜ୍ ଇ ଇନାକା ସବୁ ହୁଡ୍ନାଦେରା, ସମ୍ପୁ ଝାନାଡ୍, ଏଚେକାଡ୍ଦ ର କାଲ୍ ଆରେ ର କାଲ୍ ଜପି ମାନୁଡ୍, ମାଚିସ୍ ଝିଜୁ ମେଦ୍ନି ଦୁଡ୍ ମାସ୍ନାଡ୍ ।”

ଦୁକ୍ ଆରି ନିନ୍ଦା (ମାତିଉ ୨୪:୩-୧୪; ମାର୍କ ୧୩:୩-୧୩)

୭ ହେବେଣ୍ଡାଂ ହେୱାର୍ ତାଜେଜ୍ ଝେନ୍ଦାତାର୍, “ଏ ଗୁରୁ, ବାଚିଜ୍ ଇ ସବୁ ଇନାଝାଡ୍ ଗିଟା ଆନାଡ୍ ? ଆରେ, ଇନାଝାଡ୍ଲିଂ ଇ ସବୁ ଗର୍ଣା ଲାଗେ ଆନାଡ୍, ହେ ସମ୍ପୁନି ଇଚ୍ଚକାଡ୍ ଇନାକା ?”

୮ ହେବେଣ୍ଡାଂ ଜିସୁ ଇଚାନ, “ଜାଗ୍ରତ୍, ଏପେଜ୍ ଚାକ୍ରାୟ କିୟାଆମାଟ୍; ଇନାକିଦେଂକି ହେନି ନା ତର୍ଦ ଝାଜି, ଆନ୍ ହେୱାଜ୍ ଆରି ସମ୍ପୁ ଲାଗାଂ ଇଞ୍ଜି ଇଞ୍ଜନାର୍, ହେୱାର୍ ପାଚେ ହାଲ୍ମାଟ୍ । ୯ ମାତର୍ ଏପେଜ୍ ଏଚେକାଡ୍ଦ ମେଲି ଆରି ଗଣ୍ଡଗଲ୍ ବିସ୍ତେ ଝେନାଦେର୍, ହେ କାଡ୍ଦ ପାଣ୍ଡା ଆମାଟ୍; ଇନାକିଦେଂକି ଇ ସବୁ ଆତିସ୍ପା ପର୍ତ୍ତମ୍ ଗିଟା ଆନାଡ୍, ମାତର୍ ଦାପ୍ତେ ରାଜି ବୁଡାଆଡ୍ ।”

୧୦ ତା ପାଚେ ଜିସୁ ହେୱାର୍ ଇଚାନ, “ଜାତି ବିରୁଦ୍ଦ ଜାତି ଆରି ରାଜି ବିରୁଦ୍ଦ ରାଜି ନିଜ୍ନାଡ୍, ୧୧ ଆରେ ବେସିଗାଜା ମେଦ୍ନି ଦାଲ୍ଲକା ଆନାଡ୍ ଆରେ ବାହା ବାହାତ ମାଡ୍ ଆରି କାତାର୍ ଆର୍ନାଡ୍, ଆରେ ବାଦାଡ୍କାଂ ବେସି ଗାଜା ବାନା ଆରି ଗାଜା ଗାଜା ଚିନ୍କୁ ଚଞ୍ଜୟାନିଂ ।” ୧୨ “ମାତର୍ ଇ ଝିଜୁ ଗର୍ଣା ଆଗେ ଲକୁ ମିଜେଜ୍ ଆସ୍ତାନାର୍ ଆରି କୁଟୁମ୍ ଇଞ୍ଜ ଆରି ବନ୍ଦି ଇଞ୍ଜ ମିଜେଜ୍ ହେଲ୍ଲୟ କିଜି ଗିଣ୍ କିଦ୍ନାର୍, ଆରେ ନା ତର୍ କାଜିଂ ଏପେଜ୍ ରାଜା ଆରି ରାଜ୍ କିନାକାର୍ ତାକେ ଅୟା ଅନାଦେର୍, ୧୩ ଇଦାଂ ମି ପାକ୍ୟା ସାକି ଆନାଡ୍ । ୧୪ ଆଝିତିସ୍, ନିଜେ ପାକ୍ୟାତାଂ ଇନାକା ଉତର୍ ହିନାଦେର୍, ହେ ବିସ୍ତେ ପୁର୍ବେତାଂ ଚିତା କିଝି କାଜିଂ ଜାର୍ ଜାର୍ ମାନ୍ତ ତିର୍ କିୟାଟ୍ ! ୧୫ ଇନାକିଦେଂକି ଆନ୍ ମିଜେଜ୍ ଇ ଲାକେ କାତା ଆରି ଗିଆନ୍ ହିଦ୍ନାଂ ଆଝିତିସ୍ ମି ଝିଜୁ ବେୟାର୍ ଝେଇ ମାସ୍ତେଦେଂ ଆଡ୍ଡୁର୍ । ୧୬ ଆରେ ଏପେଜ୍ ଆବା ଆୟା, ଟଣ୍ଡେନ୍, ଝାସ୍ତାନିକାର୍ ଆରି ବନ୍ଦୁ କୁଟୁମ୍ନିକାର୍ କାଜିଂ ପା ହେଲ୍ଲୟ ଅନାଦେର୍, ଆରେ ମିତାଜ୍ ଲକୁ ଇନେ ଇନେରିଂ ଅହ୍ନାର୍, ୧୭ ଆରେ ନା ତର୍ କାଜିଂ ଏପେଜ୍ ଝିଜାକାର୍ ତାକେ ଗିଣ୍ଡକିୟା ଅନାଦେର୍ । ୧୮ ମାତର୍ ମି କାପ୍ଡାନି ତେମୁଲ୍ ପା ନସ୍ତୁଆଡ୍ ! ୧୯ ମାତର୍ ଏପେଜ୍ ସାସ୍ ମାଚିସ୍ ଜାର୍ ଜାର୍ ଝାସ୍ ଲାବ୍ କିନାଦେର୍ ।”

ଜିସୁ ଜିରୁସାଲମ୍ ବାଡ୍ହା ଆନି ବିସ୍ତେ ଝେଡ୍ଚାନ (ମାତିଉ ୨୪:୧୫-୨୧; ମାର୍କ ୧୩:୧୪-୧୯)

୨୦ ମାତର୍ “ଏପେଜ୍ ଏଚେକାଡ୍ଦ ଜିରୁସାଲମ୍ ତାକେ ମେଲ୍ୟାର୍ତାଂ ବେଡ୍ଡିକିନାକା ହୁଡ୍ନାଦେର୍, ହେପାଦ୍ନା ହେଦାଂ ବାଡ୍ହାଆନାକା ଜେ ଲାଗେ, ଇଦାଂ ପୁନାଟ୍ । ୨୧ ଏଚେକାଡ୍ଦ ଇନେର୍ ଜିହୁଦା ରାଜିତ ମାଚିସ୍, ହେୱାର୍ ଆତିସ୍ପା ମାଡ୍ଡିତ ହନ୍ଚି ହାଲେର୍, ଆରେ, ଇନେର୍ ଗାଡ୍ଦ ବିତ୍ତେ ମାଚିସ୍, ହେୱାର୍ ଆତିସ୍ପା ହାଲେର୍; ଆରେ, ଇନେର୍ ନାସ୍ତକୁକାଂ ମାଚିସ୍, ହେୱାର୍ ଆତିସ୍ପା ଗାଡ୍ଦ ହଣ୍ଡମେର୍;

☆ ୨୧:୧୪ ୨୧:୧୪ ଲୁକ ୧୨:୧୧,୧୨.

୨୨ ଇନାକିଦେଂକି ଲେକାଆତି ବିସ୍ତେ ଓଁଜୁ ଗିଗାଆନି କାଜିଂ ହେଦାଂ ଡାଣ୍ଟ ସମୁ । ୨୩ ହେ ଖେଡ଼ାଲିଂ ଇନେରୁ ଏସ୍ ପିସ୍ତାକା ଆରି ମାୟୁଉଟ୍ଟି ଆୟା, ଆ, ହେଖେକ୍ ଦୁକ୍ନିକିକ୍ ! ଇନାକିଦେଂକି ପୁତ୍ ଓଁ ଗାଜା ବିପତି ଆରି ଇ ଇସ୍ତୁର ଜାତି କାଜିଂ ରିସା ଗିଗା ଆନାଡ୍, ୨୪ ଆରେ ହେଖାର୍ କାଣ୍ଡା ଦାରାତ ହାନାର୍ ଆରି ବନ୍ଦିଆଜି ଓଁଜୁ ବିନ୍ଦାତି ତାକେ ମେହା ଆନାର୍, ଆରେ ପାତ୍ କିଓଁ ଜିହୁଦିର୍ତି ଦିନ୍ପୁରାଆଓଁ ପାତେକ୍ ଜିରୁସାଲମ୍ ହେଖାର୍ତି ପାନା ତାରେନ୍ ଆଜି ମାନାଡ୍ ।”

ମାନାୟ୍ ମାଜି ଖାନାକା
(ମାତିଉ ୨୪:୨୯-୩୧; ମାର୍କ ୧୩:୨୪-୨୭)

୨୫ ✨ଆରେ “ଖେଡ଼ା, ଲେଞ୍ଜ ଆରି ହୁକାଙ୍ଗ୍ ତ ଚିନ୍ ରନ୍ଝାନାଡ୍, ଆରି ପୁତ୍ ଓଁ ଜାତି ବିତ୍ରେ ଗଡ଼ମେଲି ଆନାଡ୍, ହାମ୍ପୁର ଆରି ଲଡ଼ି ଗାର୍ଜାନ କାଜିଂ ହେଖାର୍ ବୁଦିବାଣା ଆନାର୍, ୨୬ ଆରେ ପୁତ୍ ଓଁ ଜପି ଖାନି ଗଟ୍ଟା ଓଁଜୁ କାସିପା ଲକୁ ଆପ୍ରାଂ ଆନାର୍, ଇନାକିଦେଂକି ଆକାସ୍ନି ସାକ୍ତି ସବୁ ପାଣ୍ଡା ଆନିଂ । ୨୭ ✨ହେ କାଡ୍ଦ ଲକୁ ମାନାୟ୍ ମାଜି ଗାଜା ସାକ୍ତିତାଂ ଆରି ଗାଜା ପାଣ୍ଡାଙ୍ଗ୍ ଖାନାକା ହୁଡ଼ନାଦେର୍ । ୨୮ ମାତର୍ ଇ ସବୁ ଗଟ୍ଟା ହାଙ୍ଗ୍ତିସ୍ ଏପେଙ୍ଗ୍ କାପଡ଼ା ଜପି ହୁଡ଼ାଟ୍ ଆରି କାପଡ଼ା ତାରେନ୍ କିୟାଟ୍, ଲାଗିଂ ମିଦାଙ୍ଗ୍ ମୁକ୍ତାନାକା ଲାଗେ ।”

ତଗା ମାର୍ଚ୍ଚି ହିକ୍ୟା
(ମାତିଉ ୨୪:୩୨-୩୫; ମାର୍କ ୧୩:୨୮-୩୧)

୨୯ ଆରି, ହେଖାନ୍ ହେଖାରିଂ ର ଉତ୍ତରମୁଡ୍ ଖେଡ଼ଚାନ, ତଗା ମାର୍, ଆରେ “ଓଁଜୁ ମାର୍ଚ୍ଚକୁ ବିସ୍ତେ ଚିନ୍ତା କିୟାଟ୍ ହୁଡ଼ାଟ୍; ୩୦ ଏଚେକାଡ୍ଦ ହେଖାଙ୍ଗ୍ ଆକିଂ ଗିଲ୍ନିକ୍, ହେ ଏଚେକାଡ୍ଦ ଏପେଙ୍ଗ୍ ହେଦାଂ ହୁଡ଼ଜି ଜେଟ୍କାଡ୍ ଏକାଖାତାଡ୍ ଇଞ୍ଜି ଜାର୍ ଜାର୍ ପୁଞ୍ଜି ମାନାଟ୍, ୩୧ ହେ ଲାକେ ଏଲେଙ୍ଗ୍ ପା ଇ ସବୁ ଗଟ୍ଟା ହୁଡ଼ତିସ୍ ଇସ୍ତ ଓଁ ରାଜି ଏକାଖାତାଡ୍, ଇଦାଂ ପୁନାଟ୍ ।”

୩୨ “ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜିନାଙ୍ଗା, ଇ ଓଁଜୁଗିଗାଆଓଁ ପାତେକ୍ ଇ ନେଞ୍ଜେ ଓଁଗାନି ନାର୍ ଇନେସ୍ ବାନି ବୁଡା ଆଉର୍ । ୩୩ ଆକାସ୍ ଆରି ପୁତ୍ ଓଁ ଓଁଜୁନାଡ୍, ମାତର୍ ନା ବଚନ୍ ସବୁ ମୁଡ଼କେ ଓଁଜୁଟ୍ ।”

ସବୁ ଖେଡ଼ାଙ୍ଗ୍ ଜାଲ୍ଦି ଆଜି ମାନାଟ୍

୩୪ ମାତର୍ ଏପେଙ୍ଗ୍ ଜାର୍ ଜାର୍ ବିସ୍ତେ “ଜାଗ୍ରତ୍ ଆଜି ମାନାଟ୍, ଏଚେକାଡ୍ଦ ନି ମାନମୁଞ୍ଜନାକା ଆରି କାଲିଂ ଗହନାକାତ, ଆରେ ଜିଦେଂ କାଜିଂ ଚିନ୍ତାତ ତେରେ ପେତେ ଆନାଡ୍, ଆରି ହେ ଦିନ୍ ହାଚାଗ୍ରେ ମି ଜପି ଆନାଟ୍; ୩୫ ଇନାକିଦେଂକି ହାଦାଙ୍ଗ୍ ଡକ୍ତା ଲାକେ ସବୁ ପୁତ୍ ଓଁ ନି ଲକୁ ଓଁଜାକାର୍ ଜପି ଖାନାଟ୍ । ୩୬ ମାତର୍ ଏପେଙ୍ଗ୍ ଇନେସ୍ ଇ ସବୁ ଖାନି ଦିନ୍ ଗଟ୍ଟାତାଂ ରାକ୍ୟା ପାୟା ଆଦେଂ ଆରି ମାନାୟ୍ ମାଜି ଲାଗେ ନିଲ୍ଡେଂ ବାଟିକିୟା ଆଡୁ, ଇଦାଂ କାଜିଂ ନିତ୍ରେ ପାର୍ତାନା କିଜି କାସି ମାନାଟ୍ ।”

୩୭ ✨ହେଖାନ୍ ନିତ୍ରେ ମନ୍ଦିର୍ତ ହିକାଲ କିଜି ମାଚାନ, ଆରେ ନିତ୍ରେ ନାଣା ହସି ହାଲ୍ଜି ଜିଡ଼ମାଡିତ ମାନ୍ଞ୍ଜି ମାଚାନ । ୩୮ ଆରି, ଓଁଜୁଲଗୁ ମନ୍ଦିର୍ତ ହେଖାଡ଼ି ହିକ୍ୟା ଖେନ୍ଞେଙ୍ଗ୍ ଉଟ୍ଲା ହାକାଡେ ହେଖାନ୍ତାକେ ଖାଜି ମାଚାର୍ ।

୨୨

ଜିସୁ ବିରୁଦ୍ଦ କୁଟ୍
(ମାତିଉ ୨୨:୧-୫; ୧୪:୧୭; ମାର୍କ ୧୪:୧-୨; ୧୦:୧୧; ଜହନ୍ ୧୧:୪୫-୫୩)

୧ ନିସ୍ତାର୍ ପାର୍ଚୁ ତର୍ ହଇଓଁରୁଟି ନି ପାର୍ଚୁ ଲାଗାଂ ଆଜି ଖାଜି ମାଚାଟ୍ । ୨ ଆରି, ମୁଡ୍ ମାପୁହେବାକିନାକାର୍ ଆରି ସାସ୍ତିର୍, ଇନେସ୍ ଜିସୁଙ୍ଗ୍ ଡଗୁଜି ଅସ୍ତେଙ୍ଗ୍ ଆଡ଼ନାର୍, ହେବେଣ୍ଡାଂ ଉପାୟ୍ ତେକ୍ତି ମାଚାର୍, ଇନାକିଦେଂକି ହେଖାର୍ ମାନାୟ୍ତିଂ ପାଣ୍ଡା ଆଜି ମାଚାର୍ ।

ଜିସୁଙ୍ଗ୍ ଅହି କିଦେଙ୍ଗ୍ ଇଞ୍ଜି ଜିହୁଦିର୍ତି ରାଜି
(ମାତିଉ ୨୨:୧୪-୧୬; ମାର୍କ ୧୪:୧୦-୧୧)

୩ ହେଖାଡ଼ାଂ ବାରଜାଣ୍ ଚେଲାର୍ ବିତ୍ରେ ଇସ୍ପାରିୟ୍ତିୟ୍ ଇନି ଜିହୁଦା ତାକେ ସୟ୍ତାନ ହଟାଡ୍; ୪ ଆରି, ହେଖାନ୍ ହାଲ୍ଜି, ଇନେସ୍ ଉପାୟ୍ତ ହେଖାନିଂ ମୁଡ୍ ମାପୁହେବାକିନାକାର୍ ତାକେ ଆରି ମେଲ୍ୟାର୍ କେଇଦ ହେଲାୟ୍ କିଦେଙ୍ଗ୍ ଆଡ଼ନାନ୍, ହେଦାଂ ହେଖାର୍ ହୁକେ ବେଣ୍ କିତାନ୍ । ୫ ହେବେ ତାଙ୍ଗ୍ ହେଖାର୍ ଖାରିୟା ଆତାର୍ ଆରି ହେଖାନିଂ ଟାକାଂ ହିଦେଂ ଗଜା କିତାର୍ । ୬ ଆରି ହେଖାନ୍ ରାଜି ଆଜି ଜିସୁଙ୍ଗ୍ ଆସ୍ତାର୍ ହେଖାନିଂ ହେଖାର୍ କେଇଦ ହେଲାୟ୍ କିଦେଙ୍ଗ୍ କାଜିଂ ତେକ୍ତି ମାଚାନ ।

✨ ୨୧:୨୫ ୨୧:୨୫ ହଡ଼ତି ୬:୧୨,୧୩. ✨ ୨୧:୨୭ ୨୧:୨୭ ହଡ଼ତି ୧:୭. ✨ ୨୧:୩୭ ୨୧:୩୭ ଲୁକ ୧୯:୪୭.

ନିସ୍ୱାର୍ ପାର୍ବୁନି କାଦି ରଚନାକା ଜିସୁ ଜାଗ୍ରତ୍
(ମାତିଉ ୨୬:୧୭-୨୮; ମାର୍କ ୧୪:୧୨-୧୯; ଜହନ୍ ୧୩:୨୧-୩୦)

୭ ପାଚେ ଇମ୍ମଣି ଦିନ୍ ନିସ୍ୱାର୍ ପାର୍ବୁନି ମେଣ୍ଡା ପୁଜାକିଦେଙ୍ଗ ଲାଗ୍‌ଦାନାଡ୍, ହଇଝି ରୁଟିନି ପାର୍ବୁ ହେ ଦିନ୍ ଏକାଝାତାଡ୍; ୮ ଆରେ, ହେଝାନ୍ ପିତର୍ ଆରି ଜହନ୍‌ତିଂ ଇଦାଂ ଇଞ୍ଜି ପକ୍‌ତାନ୍, ଆସେଙ୍ଗ୍ ଇନେସ୍‌କି ତିନ୍‌ଞ୍ଜେଙ୍ଗ୍ ଆଡ୍‌ନାସ୍, ଇଦାଂ କାଜିଂ “ଏପେଙ୍ଗ୍ ହାଲ୍‌ଜି ମା କାଜିଂ ନିସ୍ୱାର୍ ପାର୍ବୁ ବଜି ଜାଲ୍‌ଦି କିୟାଟ୍ ।”

୯ ହେବେତାଂ ହେଝାର୍ ହେଝାନିଂ ଝେନ୍‌ବାତାର୍, “ଆସେଙ୍ଗ୍ ଇଦାଂ ଇମ୍ମଣି ବାହାତ ଜାଲ୍‌ଦି କିନାପ୍ ଇଞ୍ଜି ଏନ୍ ଇଚା କିନାୟ୍ ?”

୧୦ ଜିସୁ ହେଝାରିଂ ଇଚାନ୍, “ହୁଡାଟ୍ ଏପେଙ୍ଗ୍ ଗାଡ୍‌ଦ୍ ହଟିସ୍, ଏସ୍ ଗାଗ୍ରି ଅଜି ହାନି ରକାନ୍ ମାନାୟ୍ ମିଙ୍ଗେଙ୍ଗ୍ ବେଟାଆଦ୍‌ନାନ୍; ହେଝାନ୍ ଇମ୍ମଣି ଇଞ୍ଜି ହଶାନ୍, ହେଝାନ୍ ପାଚେ ପାଚେ ହେ ଇଞ୍ଜି ହାଲ୍‌ଜି ଇଲ୍‌ନି ମୁଣିକାଙ୍ଗ୍ ଇନାଦେର୍, ୧୧ ‘ଗୁରୁ ନିଙ୍ଗେଙ୍ଗ୍ ଝେନ୍‌ବାଆଦ୍‌ନା, ଆନ୍ ନା ଚେଲାର୍ ଲାହାଙ୍ଗ୍ ଇମେତାକେ ନିସ୍ୱାର୍ ପାର୍ବୁ ତିଞ୍ଜେଙ୍ଗ୍ ମାନି କିନାପ୍, ହେ ଗତାଙ୍ଗ୍ ଇଲ୍ ଇମେତ୍ ?’ ୧୨ ହେବେତାଂ ହେଝାନ୍ ମିଦାଙ୍ଗ୍ ହାର୍‌କିଜି ଜାଲ୍‌ଦି କିତି ଜପୁଣି ଗାଜା ବାକ୍ରା ଚର୍‌ଚାନାନ୍, ହେ ବାହାତ ଜାଲ୍‌ଦି କିୟାଟ୍ ।”

୧୩ ଆରେ, ହେଝାର୍ ହାଲ୍‌ଜି, ଜିସୁ ହେଝାରିଂ ଇନେସ୍ ଇଞ୍ଜି ମାଚାନ୍, ହେ ଲାକେ ହୁଡ୍‌ଜି ନିସ୍ୱାର୍ ପାର୍ବୁନି ବଜି ଜାଲ୍‌ଦି କିଚାର୍ ।

ମାପୁ ବଜ୍
(ମାତିଉ ୨୬:୨୬-୩୦; ମାର୍କ ୧୪:୨୨-୨୬; ୧ କରନ୍ତିୟ ୧୧:୨୩-୨୮)

୧୪ ଆରେ, ସମ୍ପ ଏକାଝାତିଲେ, ହେଝାନ୍ ବାରଜାଣ୍ ପକ୍ୟାତାକାର୍ ହୁକେ ଚିଞ୍ଜେଙ୍ଗ୍ କୁଚ୍‌ଚାର୍ । ୧୫ ଆରେ, ଜିସୁ ହେଝାରିଂ ଇଚାନ୍, “ନା ଦୁକ୍ ଆଗେ ଆନ୍ ମି ହୁକେ ଇ ନିସ୍ୱାର୍ ବଜି ମାନି କିଦେଙ୍ଗ୍ ମାନ୍ତ ଇଚା କିତାଙ୍ଗ୍; ୧୬ ଇନାକିଦେଂକି ମିଙ୍ଗେଙ୍ଗ୍ ଇଞ୍ଜିନାଙ୍ଗା, ମାପୁତି ରାଜିତ ଇଦାଂ ଅରଡ୍ ହାଡ୍‌ପା ପୁରା ଆଝି ପାଚେକ୍ ଆନ୍ ଆରେ ଇନାଝାଡାଂ ପା ମାନି କିତଙ୍ଗ୍ ।”

୧୭ ଆରେ, ହେଝାନ୍ ଗିଲାସ୍ ଅଜି ଜୁଝାର୍ କିଜି ହିଜି ଇଚାନ୍, “ଇଦାଂ ଅଜି ଜାର୍ ଜାର୍ ବିତ୍ରେ ବାଗ୍ କିୟାଟ୍,” ୧୮ ଇନାକିଦେଂକି ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ମାପୁ ରାଜି ଝାଝି ପାଚେକ୍ ଆନ୍ ଅଙ୍ଗୁର୍ ରାସ୍ ନେଞ୍ଜେଙ୍ଗ୍ ତାଙ୍ଗ୍ ଇଦାଂ ଆରେ ଉଣ୍‌ଜି ।

୧୯ ଆରେ, ହେଝାନ୍ ରୁଟି ଅଜି ଜୁଝାର୍ କିଜି ଆରି ହେଦାଂ ତ୍ରିକ୍‌ଟି ହେଝାରିଂ ହିଜି ଇଚାନ୍, “ମି କାଜିଂ ହିତି ନା ଗାଗାଡ୍ ଇଦାଂ, ନାଙ୍ଗେଙ୍ଗ୍ ଏତୁ କିଦେଙ୍ଗ୍ ଇଦାଂ କିୟାଟ୍ ।” ୨୦ ଚିତି ପାଚେ ହେ ଲାକେ ହେଝାନ୍ ଗିଲାସ୍ ଅଜି ଇଚାନ୍, “ଇ ଗିଲାସ୍ ମି କାଜିଂ ରଚ୍‌ଚି ମାନି ନା ନେତେରତାଂ ରଚ୍‌ଚି ପୁନି ନିୟମ୍ ।”

୨୧ ମାତର୍ ହୁଡାଟ୍, “ଇନେର୍ ନାଙ୍ଗେଙ୍ଗ୍ ସତୁ କେଇଦ୍ ହେଲାଇୟ୍ କିଦ୍‌ନା, ତା କେଇ ନା ଲାହାଙ୍ଗ୍ ଚେବୁଲ୍ ଜପି ମାନାଡ୍ । ୨୨ ଇନାକିଦେଂକି ଇନେସ୍ ତିର୍ ଆତାଡ୍‌ନା, ମାନାୟ୍ ମାଜି ହେ ଲାକେ ହାକି ପାୟା ଆନାନ୍, ମାତର୍ ଇମ୍ମଣି ମାନାୟ୍‌ତିଂ ହେଝାନ୍ ସତୁ କେଇଦ୍ ହେଲାଇୟ୍ କିୟା ଆନାନ୍, ହାୟ୍ ତାଣ୍ ପାୟା ଆନାନ୍ !”

୨୩ ଲାଗିଂ “ହେଝାର୍ ବିତ୍ରେ ଇନେର୍ ଇଦାଂ କିଦେଙ୍ଗ୍ ହାନାରା, ହେ ବିସ୍ତେ ହେଝାର୍ ହେଝାର୍ ଝେଚ୍‌ପା ଆଦେଂ ଲାଗାତାର୍ ।”

ରକାନ୍ ଚାକର୍ ଲାକେ ଆଡୁ

୨୪ ✨ଆରେ, ହେଝାର୍ ବିତ୍ରେ ଇନେର୍ ଗାଜା, ହେ ବିସ୍ତେ କେଚ୍‌ପା ଆତାର୍ । ୨୫ ହେବେତାଂ ହେଝାନ୍ ହେଝାରିଂ ଇଚାନ୍, “ପାଚ୍ କିଝି ଜିହୁଦିର୍ ରାଜାର୍ ହେଝାର୍ ଜପି ଆଦିକାର୍ କିତାର୍, ହେଝାର୍ ଲକୁ ହେବାନିକାର୍ ଇଞ୍ଜି ପୁଟାଆନାର୍ । ୨୬ ✨ମାତର୍ ଏପେଙ୍ଗ୍ ହେ ଲାକେ ଆମାଟ୍, ମତର୍ ମି ବିତ୍ରେ ଇନେର୍ ଗାଜାକାନ୍, ହେଝାନ୍ ହାରୁକାନ୍ ଲାକେ ଆୟେନ୍, ଆରି ଇନେର୍ ନେତା, ହେଝାନ୍ ହେବାକାର୍‌ୟା ଲାକେ ଆୟେନ୍ । ୨୭ ✨ଇନାକିଦେଂକି ଇନେର୍ ଗାଜାକାନ୍ ? ଇନେର୍ ଚିଞ୍ଜେଙ୍ଗ୍ କୁଚ୍‌ଚାନ୍, କି ଜେ ହେବାକାର୍‌ୟା ? ଇନେର୍ ଚିଞ୍ଜେଙ୍ଗ୍ କୁଚ୍‌ଚାକାନ୍ ହେଝାନ୍ କି ଗାଜାକାନ୍ ଆକାୟ୍ ? ମାତର୍ ଆନ୍ ମି ବିତ୍ରେ ରକାଂ ହେବାକାର୍‌ୟା ଲାକେ ମାନାଂ ।”

୨୮ ମାତର୍ “ଏପେଙ୍ଗ୍ ନା ଝିଲୁ ପରିକ୍ୟାତ ନା ଲାହାଙ୍ଗ୍ ମାନ୍‌ଞ୍ଜି ଝାନାଦେରା; ୨୯ ଲାଗିଂ ନା ଆବା ରାଜି ରଚ୍‌ଚାନ୍, ଆନ୍ ପା ହେ ଲାକେ ମି କାଜିଂ ରଚ୍‌ଚାଙ୍ଗା, ୩୦ ଇନେସ୍‌କି ଏପେଙ୍ଗ୍ ନା ରାଜିତ ନା ଚେବୁଲ୍‌ତ ତିନ୍‌ଞ୍ଜି ଉଣ୍‌ଜି କିନାଦେର୍, ଆରେ ଗାଦିତ କୁଚ୍‌ଚି ଇସ୍ତାଏଲ୍‌ନି ବାର କୁଚ୍‌ଚିଂ ରାଜ୍ କିନାନ୍ ।”

ପିତର୍‌ଚି ଜିସୁଙ୍ଗ୍ ପାଚ୍ କିଝି ଆଗେ ଝେଚ୍‌ନାକା
(ମାତିଉ ୨୬:୩୧-୩୫; ମାର୍କ ୧୪:୨୭-୩୧; ଜହନ୍ ୧୩:୩୬-୩୮)

✨ ୨୨:୨୪ ୨୨:୨୪ ମାତିଉ ୧୮:୧; ମାର୍କ ୯:୩୪; ଲୁକ ୯:୪୭. ✨ ୨୨:୨୬ ୨୨:୨୬ ମାତିଉ ୨୩:୧୧; ମାର୍କ ୯:୩୫. ✨ ୨୨:୨୭ ୨୨:୨୭ ମାତିଉ ୨୦:୨୫-୨୬; ମାର୍କ ୧୦:୪୨-୪୪. ✨ ୨୨:୨୯ ୨୨:୨୯ ଜହନ୍ ୧୩:୧୨-୧୫.

୩୧ “ସିମନ୍, ସିମନ୍, ହୁଡ଼ା କାମଲିୟା, ଗର୍ମତି ପୁଟା ଆଲଗା କିଦେଇଁ ଇଞ୍ଜି ହାଣେଲତ ଚାଲାଇକିନି ଲାକେ ସୟତାନ୍ ପା ହାର୍ଦିମାନାୟାରତା ବାନିୟାରିଇଁ ଆଲଗା କିଦେଇଁ ଇଞ୍ଜି ମିଙ୍ଗେଇଁ ପରିକ୍ୟା କିଦେଇଁ ଆଦିକାର ପାୟାଆତାନ୍ନା; ୩୨ ମାତର୍ ନି ପାତ କିନାକା ଇନେସ୍ ତୁଗୁଡ଼, ଇଦାଂ କାଜିଂ ଆନ୍ ନି ହୁଦାଂ ପାର୍ତାନା କିତାଙ୍ଗ; ଆରେ, ଏନ୍ ଲେଉଟା ଆଜି ଖାନିହିଂ ଜାର ଟଣ୍ଡାରିଂ ସୁସ୍ତା କିୟା ।”

୩୩ ମାତର୍ ହେଝାନ୍ ତାଙ୍ଗେଇଁ ଇଚାନ୍, “ଏ ମାପୁ, ଆନ୍ ନି ଲାହାଙ୍ଗ୍ ବନ୍ଦି ଇଞ୍ଜି ହାଞ୍ଜେଇଁ ଆରି ହାଦେଂ ଜାଲୁଦି ଆତାଙ୍ଗନା ।”

୩୪ ମାତର୍ ହେଝାନ୍ ଇଚାନ୍, “ଏ ପିତର୍, ଆନ୍ ନିଙ୍ଗେଇଁ ଝେଟ୍ଟାନାଙ୍ଗା, ନେଞ୍ଜେଇଁ କୁଜୁ କ୍ଳେନିହିଂ ଆଗେ ଏନ୍ ଜେ ପୁଞ୍ଜନାୟ, ଇଦାଂ ତିନିହର୍ ପାତ କିଦୁୟ ।”

ହାବଡ଼ କାଜିଂ ଜାଲୁଦି ଆଜି ମାନାଟ୍

୩୫ ✽ଆରେ, ହେଝାନ୍ ହେଝାରିଂ ଇଚାନ୍, “ଏଚେକାଡ଼ଦ୍ ଆନ୍ ମିଙ୍ଗେଇଁ ବାଡ଼ି, ମଣା ଆରି କାଣ୍ଡା ପାଣ୍ଡାଈଇଁ ତୁସ୍ତାଦାଙ୍ଗ୍ ପକ୍ତି ମାନ୍ସାଙ୍ଗ୍, ହେଝାଡ଼ାଂ ମିଦାଙ୍ଗ୍ ଇନାକା ଅବାବ୍ ଆଜି ମାଚାଡ଼ ?” ହେଝାର୍ ଇଚାର୍, ଇନାକା “ଆକାୟ ।”

୩୬ ହେବେତାଂ ହେଝାନ୍ ହେଝାରିଂ ଇଚାନ୍, “ମାତର୍ ନଙ୍ଗ୍, ଇନେରତି ବାଡ଼ି ମାନାଟ୍, ହେଝାନ୍ ହେଦାଂ ଅଝେନ୍, ହେ ଲାକେ ମଣା ପା ଅଝେନ୍, ଆରି ଇନେରତି ହିଲୁଡ଼, ହେଝାନ୍ ହେ ହେହ୍ନା ରଞ୍ଜାଙ୍ଗ୍ ପ୍ରସି କାଣ୍ଡା କଡେନ୍ ।” ୩୭ ଇନାକିଦେଂକି ଆନ୍ ମିଙ୍ଗେଇଁ ଇଞ୍ଜନାଙ୍ଗା,

“ହେଝାନ୍ ଅଦାମ୍ ଚିଂ ଲାହାଂ ଗାଣାକିୟା ଆତାନ୍,” ଇ କାତା ଲେକା ଆତାଡ଼ନ୍ନା, “ହେଦାଂ ନା ତାକେ ପୁରାଆନାକା ମାନାଟ୍; ଲାଗିଂ ନା ବିସ୍ତେ ପୁରା ଆତାଡ଼ନ୍ନା ।”

୩୮ ହେବେତାଂ ହେଝାର୍ ଇଚାର୍, ମାପୁ, ହୁଡ଼ା, “ଇବେ ରିଣ୍ଡାଂ କାଣ୍ଡାଙ୍ଗ୍ ମାନିକ୍ । ଆରେ, ହେଝାନ୍ ହେଝାରିଂ ଇଚାନ୍, ଏଚେକ୍ନେ ସାରି ।”

ଜିସୁ ଜିଡ଼ ମାଡ଼ିତ ମାପୁଡ଼ି ପାର୍ତାନା

(ମାତିଉ ୨୬:୩୬-୪୬; ମାର୍କ ୧୪:୩୨-୪୨)

୩୯ ଜିସୁ ଗାଡ଼ଦାଂ ହସି ଜାର ରିତି ହୁକେ ଜିଡ଼ମାଡ଼ିତ ହାଚାର୍, ଆରି ଚେଲାର୍ ପା ତା ପାଚେ ପାଚେ ହାଚାର୍ । ୪୦ ହେ ବାହାତ ଏକିସ୍ ଜିସୁ ହେଝାରିଂ ଇଚାନ୍, “ପରିକ୍ୟାତ ଇନେସ୍ ଆର୍ମାଟ୍, ଇଦାଂ କାଜିଂ ପାର୍ତାନା କିୟାଟ୍ ।”

୪୧ ଆରେ, ହେଝାନ୍ ହେଝାର୍ ଆନ୍ମାନତାଂ ପାଞ୍ଚକଡ଼ି ଆଡ଼ତାଂ ଦେହା ହାଲୁଜି ମେଣ୍ଡାଙ୍ଗ୍ କୁନ୍ଦିକିଜି ଇ ପାର୍ତାନା କିଦେଇଁ ଲାଗାତାର୍, ୪୨ “ଏ ଆବା,” ଜଦି ନି ଇଚା ମାନାଟ୍ ଲାଗିଂ “ଇ ଦୁକ୍ ନା ତାଙ୍ଗ୍ ଦେହା କିୟା, ଆଡ଼ିସ୍ ପା ନା ଇଚା ଆକାୟ, ମାତର୍ ନି ଇଚା ପୁରା ଆୟେଡ଼ ।” ୪୩ ଆରେ, ସାଗେତାଂ ର ଦୁଡ଼ ଚଞ୍ଜୟା ଆଜି ତାଙ୍ଗେଇଁ ସାକ୍ତି ହିତାନ୍ । ୪୪ ଆରେ, ଜିସୁ ମାନ୍ ବିତ୍ରେ ଦୁକ୍ତାଂ ତ୍ରିଙ୍ଗିଜି ପାର୍ତାନା କିଦେଇଁ ଲାଗାତାନ୍ ଆରି ତା ରୁମିଙ୍ଗ୍ ନେତେର୍ ଲାକେ ମେଦ୍ନିତ ଆର୍ଡ଼ିକ୍ ।

୪୫ ଆରେ, ହେଝାନ୍ ପାର୍ତାନାତାଙ୍ଗ୍ ନିଙ୍ଗିଜି ଚେଲାର୍ ଲାଗାଂ ଖାଜି ହେଝାରିଂ ଦୁକ୍ କାଜିଂ ହୁନ୍ସାକାରିଂ ହୁଡ଼ତାନ୍; ୪୬ ଆରେ, ହେଝାନ୍ ହେଝାରିଂ ଇଚାନ୍, “ଇନେକିଦେଂ ହୁଞ୍ଜନାଦେରା ? ପରିକ୍ୟାତ ଇନେସ୍ ଆର୍ମାଟ୍, ଇଦାଂ କାଜିଂ ନିଙ୍ଗିଜି ପାର୍ତାନା କିୟାଟ୍ ।”

ଜିସୁ ସତୁ କେଇଦ ହେଲାଇଁ କିୟାତାନ୍

(ମାତିଉ ୨୬:୪୭-୫୬; ମାର୍କ ୧୪:୪୩-୫୦; ଜହନ୍ ୧୮:୩-୧୧)

୪୭ ଜିସୁ କାତା ଇନିଝାଡ଼ାଂ, ହୁଡ଼ାଟ୍ ଲକୁ ଖାଜି ଏକାଝାଡ଼ାର୍, ଆରି ବାରଜାଣ ବିତ୍ରେ ଜିହୁଦା ଇନି ରକାନ୍ ହେଝାର୍ ଆଗେ ଆଗେ ଖାଜି ଜିସୁଙ୍ଗ୍ ତନ୍ଝେଇଁ ହେ କଚଣ୍ଡ ହାଚାନ୍ । ୪୮ ମାତର୍ ଜିସୁ ହେଝାରିଂ ଇଚାନ୍, “ଏ ଜିହୁଦା ତନ୍ଝି ପା ମାନାୟ ମାଜି ସତୁ କେଇଦ ହେଲାଇଁ କିଦ୍ନାୟା ?”

୪୯ ଇବେଣ୍ଡାଂ ଇନାକା ଗିଟା ଆନାଡ଼, ହେଦାଂ ହୁଡ଼ଜି ହାଙ୍ଗ୍ଦାକାର୍ ଇଚାର୍, “ମାପୁ, ଆପେଂ ଇନାକା କାଣ୍ଡାତ କାଡ଼ନାପ୍ ?” ୫୦ ଆରେ, ହେଝାର୍ ବିତ୍ରେ ରକାନ୍ ମୁଡ଼୍ ମାପୁହେବାକିନାକାନ୍ ଆଡ଼ିୟାଙ୍ଗ୍ ମାଟ୍କିଜି ହେ ତିନି କିଡୁଲ୍ ରାସଦି ତୁହିତାନ୍ ।

୫୧ ମାତର୍ ଜିସୁ ଉତର୍ ହିତାନ୍, “ଏଚେକ୍ ହୁନ୍ଜି ମାନାଟ୍,” ଆରେ, ହେଝାନ୍ ହେ କିଡୁଲ୍ ତୁଜି ତାଙ୍ଗେଇଁ ଉଜ୍ କିତାନ୍ ।

୫୨ ଆରେ, ଜିସୁ ହେଝାଡ଼ି ବିରୁଦ୍ତ ଖାଜି ମାଟି ମୁଡ଼୍ ମାପୁହେବାକିନାକାର୍, ମନ୍ଦିରନି ମୁଡ଼୍ଜାମାନ୍ ଆରି ବୁଡ଼ାଲୁରିଂ ଇଚାର୍, “ଚକ୍ତୁ ବିରୁଦ୍ତ ହତି ଲାକେ କାଣ୍ଡା ଆରି ଟେଙ୍ଗା ଆଜି ଏପେଇଁ ଇନାକା

✽ ୨୨:୩୫ ୨୨:୩୫ ମାତିଉ ୧୦:୯,୧୦; ମାର୍କ ୬:୮,୯; ଲୁକ ୯:୩; ୧୦:୪

ହସି ଖାତାଦେଣ୍ଟା ? ୫୩ ଆନ୍ ନିତ୍ରେ ମି ହୁକେ ମନ୍ଦିରତ ମାନିଖେଡାଲିଂ ଏପେଙ୍ ନା ବିରୁଦ୍ତ କେଇ କିଦ୍‌ଖାତାଦେର୍, ମାତର୍ ଇଦାଂ ମି ସମ୍ ଆରି ମାଜଗାନି ଆଦିକାର ।”

ପିତର୍ ଜିସୁଙ୍ ପାତର୍ କିଖାତାନ୍

(ମାତିଉ ୨୨:୫୭-୫୮; ୨୨:୬୯-୭୫; ମାର୍କ ୧୪:୫୩-୫୪; ୧୪:୬୭-୭୨; ଜହନ୍ ୧୮:୧୨-୧୮; ୧୮:୨୫-୨୭)

୫୪ ପାଚେ ହେଖାର୍ ହେଖାନିଂ ଆସ୍ତି ଅଜି ମୁଡ୍ ମାପୁହେବା କିନାକାର୍ ଇଞ୍ଜ ତାହିଖାତାର୍; ମାତର୍ ପିତର୍ ଦେହା ମାନ୍‌ଞ୍ଜି ପାଚେ ପାଚେ ହାଚାନ୍ । ୫୫ ଆରେ, ହେଖାର୍ ହାକ୍‌ଡିନି ମାଦି ବାହାତ ନାଣି ତୁବ୍‌ଜି ରଚେ କୁଚ୍‌ଚିଲେ, ପିତର୍ ହେଖାର୍ ମାଦି କୁଚ୍‌ଚି ମାଚାନ୍ । ୫୬ ରଞ୍ଜେଲ୍ ଆଡିଏଣି ହେଖାନ୍ ନାଣି ଲାଗାଂ କୁଚ୍‌ଚି ମାନାକା ହୁଡ୍‌ଜି ହେଖାନିଂ ଇଚ୍‌କାଡ୍ କିଜି ହୁଡ୍‌ଜି ଇଚାଡ୍, “ଇଖାନ୍ ପା ହେଖାନ୍ ହୁକେ ମାଚାନ୍ ।”

୫୬ ମାତର୍ ପିତର୍ ପାତର୍ କିଖାଦାଂ ଇଚାନ୍, “ଏ ଆୟାତାଡି, ଆନ୍ ହେଖାନିଂ ପୁନୁଙ୍ ।”

୫୮ ଅଲପ୍ ସମ୍ ପାଚେ ଆରି ରଞ୍ଜେଲ୍ ହେଖାନିଂ ହୁଡ୍‌ଜି ଇଚାଡ୍, “ଏନେଙ୍ ପା ହେଖାର୍ ବିତ୍ରେ ରକାୟ୍ ।”

ମାତର୍ ପିତର୍ ଇଚାନ୍, “ଆକାୟ୍, ଟଣ୍ଡେନ୍, ଆନ୍ ଆକାୟ୍ ।”

୫୯ ର ଗଣ୍ଟା ପାଚେ ରକାନ୍ ଆର୍‌ଖା କିଜି ଇଞ୍ଜେଙ୍ ଲାଗାତାନ୍, “ଇ ମାନାୟ୍ ପା ହାଡ୍‌ପାନେ ତା ହୁକେ ମାଚାନ୍, ଇନାକିଦେଂକି ହେଖାନ୍ ରକାନ୍ ଗାଲିଲିୟ୍ ମାନାୟ୍ ।”

୬୦ ମାତର୍ ପିତର୍ ଇଚାନ୍, “ଟଣ୍ଡେନ୍, ଏନ୍ ଇନାକା ଇନାୟା, ଆନ୍ ହେଦାଂ ପୁନୁଙ୍ ।”

ହେ ଦାପ୍ରେ ହେଖାନ୍ କାତା ଇନ୍ତୁ ଇନ୍ତୁ କୁଜୁ କ୍ଳେତାଡ୍, ୬୧ ଆରେ ମାପୁ ପିତର୍‌ତିଂ ର କାଣ୍‌କୁତ ହୁଡ୍‌ତାନ୍; ହେବେ “ନେଞ୍ଜେଙ୍ କୁଜୁ କ୍ଳେନି ଆଗେ ଏନ୍ ନାଞ୍ଜେଙ୍ ତିନି ହର୍ ପାତର୍ କିଦୁୟ୍,” ଇଦାଂ ଇମ୍‌ଣି କାତା ମାପୁ ପିତର୍‌ତିଂ ଇଞ୍ଜି ମାଚାନ୍, ୬୨ ହେଦାଙ୍ ତା ମାନ୍ତ ଖାତାଡ୍, ଆରି ହେଖାନ୍ ବାର୍ତ୍ ହାଲ୍‌ଜି ବେସି ତାୟା ଆଜି ଆଡ୍‌ବାତାନ୍ ।

ଜିସୁଙ୍ ଗ୍ଲାଈତାର୍

(ମାତିଉ ୨୨:୬୭-୬୮; ମାର୍କ ୧୪:୬୫)

୬୩ ଆରେ, ଇମ୍‌ଣି ମାନାୟାର୍ ଜିସୁଙ୍ ଆସ୍ତି ଇଡ୍‌ଜି ମାଚାର୍, ହେଖାର୍ ହେଖାନିଂ ମାଡ୍‌ଜି କିଉ କିଉ ଲାଜୁ କିତାର୍, ୬୪ ଆରେ ହେ ମୁମ୍‌ଦ ପାଡ୍‌କାଚି ହେଖାନିଂ ଝେନ୍‌ବେଦେଂ ଲାଗାତାର୍, “ଏନ୍ କିନ୍ଦା ବେଶ୍‌ବାକ୍‌ଶାୟ୍ କିନାକାୟ୍ ! ଇନାତ, ଇନେର୍ ନିଞ୍ଜେଙ୍ ମାଚ୍‌କିଡ୍‌ତାର୍ ?” ୬୫ ଆରେ, ହେଖାର୍ ଆଦିକ୍ ବେସି କାତା ହେଖାନ୍ ବିରୁଦ୍ତ ଇଞ୍ଜି ହେଖାନିଂ ନିନ୍ଦା କିଦେଙ୍ ଲାଗାତାର୍ ।

ଜିସୁଙ୍ ଗାଜା ସବାତାକେ ତାହିଖାତାର୍

(ମାତିଉ ୨୨:୫୯-୬୨; ମାର୍କ ୧୪:୫୫-୬୪; ଜହନ୍ ୧୮:୧୯-୨୪)

୬୬ ଅଜଡ୍ ଆତି ଦାପ୍ରେ ମାନାୟାର୍‌ତି ପ୍ରାଚିନାର୍, ଆରେ ମୁଡ୍ ମାପୁହେବାକିନାକାର୍ ଆରି ସାସ୍ତିର୍ ରୁଣ୍ଟା ଆଜି ଜାର୍‌ତିଂ ଗାଜା ମିଚିଙ୍‌ତାଂ ଅଜି ଇଚାର୍, “ଏନେଙ୍ ଜଦି କ୍ରିସ୍ଟ, ତେବେ ମାଞ୍ଜେଙ୍ ଝେର୍‌ଚା ।”

୬୭ ମାତର୍ ଜିସୁ ହେଖାରିଂ ଇଚାନ୍,

“ଆନ୍ ଜଦି କ୍ରିସ୍ଟ ମିଞ୍ଜେଙ୍ ଇଞ୍ଜନାଙ୍, ଏପେଙ୍ ତ ପାତର୍ କିଉଦେର୍ ।” ୬୮ ଆରେ, ଆନ୍ ଝେନ୍‌ବା ଆଡିସ୍, “ଏପେଙ୍ ଉତର୍ ହିଉଦେର୍ ।” ୬୯ ମାତର୍ ନଙ୍‌ତାଂ ମାନାୟ୍ ମାଜି ଇସ୍‌ପର୍ତ୍ ସାକ୍ତିତାଂ ବୁଜ୍‌ଣି ବାଗାଙ୍ କୁଚ୍‌ନାନ୍ ।

୭୦ ହେବେଣ୍ଟାଂ ଝିଜାକାର୍ ଝେନ୍‌ବାତାର୍, “ବାଟିଙ୍ ଏନ୍ ଇନାକା ଇସ୍‌ପର୍ତ୍ ମାଜି ?”

ହେଖାନ୍ ହେଖାରିଂ ଇଚାନ୍, “ଆନ୍ ହେଖାନ୍ ଇଞ୍ଜି ଏପେଙ୍ ଇନାଦେରା ।”

୭୧ ଲାଗିଂ ହେଖାର୍ ଇଚାର୍, “ମାଦାଂ ଆରେ ସାକିନି ଲଡା ଆକାୟ୍ । ହେଖାନ୍ ଇନାକା ଇନାନା, ଆପେଂ ନିଜ୍ ହେଦାଂ ଝେଚାପ୍‌ନା ।”

୨୩

ଜିସୁଙ୍ ପିଲାତ ତାକେ ତାହିଖାତାର୍

(ମାତିଉ ୨୨:୧୨; ୧୧:୧୪; ମାର୍କ ୧୫:୧-୫; ଜହନ୍ ୧୮:୨୮-୩୮)

୧ ପାଚେ ସବାନି ଝିଜାକାର୍ ନିଙ୍‌ଜି ଜିସୁଙ୍ ପିଲାତ ତାକେ ଅତାର୍ । ୨ ଆରେ, ହେଖାର୍ ଜିସୁ ବିରୁଦ୍ତ ଦାବା କିଦେଙ୍ ଲାଗାତାର୍, ଆପେଂ ହୁଡ୍‌ତାପ୍, ଇ ମାନାୟ୍ “ମା ଜାତିତିଂ ରାଜା ବିଦ୍‌ଡ୍ କିଦ୍‌ନାନା ଆରି କାଈସର୍‌ତିଂ ସିସ୍ତ ହିଦେଂ ମୁନାକିନାନ୍ନା ଆରି ଜାର୍‌ତିଂ କ୍ରିସ୍ଟ ରାଜା ଇଞ୍ଜି ଇନାନ୍ନା ।”

୩ ଇବେଣ୍ଟାଂ ପିଲାତ ଜିସୁଙ୍ ଝେନ୍‌ବାତାନ୍, “ଏନ୍ କି ଜିହୁଦିର୍ ରାଜାତି ?”

ଜିସୁ ଉତର୍ ହିତାନ୍, “ଏନ୍ ଇଞ୍ଜନାୟା ।”

୪ ହେବେଣ୍ଡା ପିଲାତ ମୁଡ଼୍ ମାପୁହେବାକିନାକାନ୍ ଆରି ମାନାୟାରିଂ ଇଚାନ୍, ଆନ୍ “ଇ ମାନାୟାରିଂ ଇନାକାପା ଦସ୍ ପାୟାଆଖାତାଂ ।”

୫ ମାତର୍ ହେଖାର୍ ଆରେ ଜବର୍ କିଜି ଇଞ୍ଜେଙ୍ଗ୍ ଲାଗାତାର୍, “ଇଞ୍ଜାନ୍ ଖିନ୍ନୁ ଜିହୁଦା ଦେସ୍ତ ହିକ୍ୟା ହିଜି ଗାଲିଲିତାଂ ଆରମ୍ କିଜି ଇ ବାହା ପାତେକ୍ ପା ଲକାଂ ମାତାୟ୍ କିନାନା ।”

ଜିସୁଙ୍ଗ୍ ହେରଦ୍ ଲାଗେ ପକ୍ତାନ୍

୬ ମାତର୍ ପିଲାତ ଇଦାଂ ଖେନ୍ଝି ଖେନ୍ବାତାନ୍, “ଇ ମାନାୟ୍ ଇନାକା ରକାନ୍ ଗାଲିଲିୟ୍ ମାନାୟ୍ କି ?” ୭ ଆରେ, ହେଖାନ୍ ଜେ ହେରଦ୍ତି ଆଦିକାର୍ ତାରେନ୍ ମାନାର୍, ଇଦାଂ ପୁଞ୍ଜି ହେଖାନ୍ତାଂ ହେରଦ୍ ଲାଗାଂ ପକ୍ତାନ୍, ଲାଗିଂ ହେଖାନ୍ ପା ଇ ସମୁତ୍ ଜିରୁସାଲମତ ମାଚାନ୍ । ୮ ହେରଦ୍ ଜିସୁଙ୍ଗ୍ ହୁଡ଼ଜି ବେସି ଖାରୟା ଆତାନ୍, ଇନାକିଦେଂକି ହେଖାନ୍ ହେ ବିସ୍ତେ ଖେନ୍ଝି ମାଟିଲେ ତାଙ୍ଗେଙ୍ଗ୍ ବେସି ଦିନ୍ତାଂ ହୁଡ଼ଦେଂ ମାନ୍ କିଜି ମାଚାନ୍, ଆରେ ହେଖାନ୍ କାଜିଂ ଇମ୍ଣାକା ପା କାବାଆନି କାମାୟ୍ ଆନାକା ହୁଡ଼ଦେଂ ଆହା କିଜି ମାଚାନ୍ । ୯ ଲାଗିଂ ହେଖାନ୍ତାଂ ବେସି କାତା ଖେନ୍ବେଦେଂ ଲାଗାତାନ୍, ମାତର୍ ଜିସୁ ତାଙ୍ଗ୍ ଇନାକା ଇନ୍ଝାତାନ୍ । ୧୦ ଆରେ, ମୁଡ଼୍ ମାପୁହେବାକିନାକାର୍ ଆରି ସାସ୍ତ୍ରି ନିଲ୍ତି ହେ ବିରୁଦ୍ତ ବେସି ଇଞ୍ଜେଙ୍ଗ୍ ଲାଗିସ୍ ମାଚାର୍ । ୧୧ ଆରେ, ହେରଦ୍ ଜାର୍ ମେଲ୍ୟାର୍ ହୁକେ ତାଙ୍ଗ୍ ଲାଜ୍ କିଜି ନିୟା କିଜି ଜିଲିମିଲି ହେନ୍ଦା ଉସ୍ତି କିଜି ପିଲାତ ଲାଗେ ପକ୍ତି ତୁହିତାନ୍ । ୧୨ ହେ ଦିନ୍ ହେରଦ୍ ଆରି ପିଲାତ ହାରି ହାଙ୍ଗ୍ଦାକାର୍ ଆତାର୍; ଇଦାଂ ଆଗେ ହେଖାର୍ ହାରି ହାଙ୍ଗ୍ଦାକାର୍ ବିତ୍ତେ ସତ୍ତୁର୍ ମାଚାତ୍ ।

ଜିସୁତି ହାକି ତାଣ୍ଡୁହିତାର୍

(ମାତିଉ ୨୭:୧୫-୨୬; ମାର୍କ ୧୫:୬-୧୫; ଜହନ୍ ୧୮:୩୯-୧୯:୧୭)

୧୩ ଇଦାଂ ପାଚେ ପିଲାତ ମୁଡ଼୍ ମାପୁହେବାକିନାକାର୍, ଗାଜାକାର୍ ଆରି ମାନାୟାରିଂ କୁକ୍ତି ରୁଣ୍ଡାୟ୍ କିଜି ହେଖାରିଂ ଇଚାନ୍, ୧୪ ଇଞ୍ଜାନ୍ ମାନାୟ୍ ବିଦ୍ବାଦା କିନାନା ଇଞ୍ଜି “ଏପେଙ୍ଗ୍ ଇଞ୍ଜାନ୍” ନା ଲାଗାଂ ତାସି ମାଚାଦେର୍; ଆରି ହୁଡ଼ାଟ୍, ଆନ୍ ମି ମୁମ୍ଦ ଇଞ୍ଜାନ୍ ପର୍ସନ୍ କିଜି, ହେ ବିରୁଦ୍ତ ଏପେଙ୍ଗ୍ ଜେ ଖିଜାକାଦେର୍ ଇଞ୍ଜାନ୍ କାତା କିନାଦେରା, ହେ ଲାକେ ଇମ୍ଣାକା ପା ଦସ୍ ଇଞ୍ଜାଙ୍ଗ୍ ଗାଟାଆଖାତାପ୍ । ୧୫ ହେରଦ୍ ପା ଗାଟାଆଖାତାନ୍, ଇନାକିଦେଂକି ହେଖାନ୍ତାଂ ମା ତାକେ ଆରେ ପକ୍ତାତାନ୍; ଆରି ହୁଡ଼ାଟ୍, ଇଞ୍ଜାନ୍ ହାକିତାଣ୍ଡ ପାୟା ଆନି ଇନାକାପା କାମାୟ୍ କିଞ୍ଜାତାନ୍ନା; ୧୬ ଲାଗିଂ ଆପ୍ ଇଞ୍ଜାନ୍ ଟ୍ରାକି କିଜି ମୁକ୍ତି କିନାପ୍ ।” ୧୭ ପାର୍ସୁ ଖେଡ଼ାଲିଂ ହେଖାର୍ କାଜିଂ ରକାନ୍ ମୁକ୍ତି କିଦେଙ୍ଗ୍ ଖାଜି ମାଚାତ୍ ।

୧୮ ମାତର୍ ହେଖାର୍ ଖିଜାକାର୍ ରବେ କିକିରାତିଂ କିଜି ଇଚାର୍, “ଇଞ୍ଜାନ୍ ଅହାଟ୍, ମା କାଜିଂ ବାରବାଙ୍ଗ୍ ମୁକ୍ତାୟ୍ କିୟାଟ୍ ।” ୧୯ ଇ ବାରବା ଗାଡ଼୍ ଗିଟା ଆଜି ଇମ୍ଣା ଗଡ଼୍ମେଲି କାଜିଂ ଆରି ନାର୍ ଅହନି କାଜିଂ ବନ୍ଦି ଇଞ୍ଜି ଇଡ଼୍ଜି ମାଚାର୍ ।

୨୦ ମାତର୍ ପିଲାତ ଜିସୁଙ୍ଗ୍ ମୁକ୍ତି କିଦେଙ୍ଗ୍ ମାନ୍କିଜି ହେଖାରିଂ ଆରେ ରଗ ବୁଜାୟ୍ କିତାନ୍ । ୨୧ ମାତର୍ ହେଖାର୍ ଜବର୍ କିଜି ଇଞ୍ଜେଙ୍ଗ୍ ଲାଗାତାର୍, “ତାଙ୍ଗ୍ କୁସ୍ତ ଦୁପାଟ୍, କୁସ୍ତ ଦୁପାଟ୍ ।”

୨୨ ଆରେ, ଜିସୁ ହେଖାରିଂ ତିନି ହଟ୍ ଇଚାନ୍, “ଇନେକିଦେଂ, ହେଖାନ୍ ଇନା ଦସ୍ କିତାନ୍ନା ? ଆପେଂ ତା ତାକେ ଇନାକାପା ହାକି ତାଣ୍ଡ ଗାଟା ଆଉପା; ଲାଗିଂ, ଆପେଂ ତାଙ୍ଗେଙ୍ଗ୍ ତାଣ୍ଡ ହିଜି ପିସ୍ତି ହିନାପ୍ ।”

୨୩ ମାତର୍ ହେଖାନ୍ କୁସ୍ତ ଦୁପୟା ଆୟେନ୍ ଇଞ୍ଜି ଦାବା କିଜି ହେଖାର୍ ଗାଜା ଖେଇଦ୍ ଜିଦ୍ କିଦେଙ୍ଗ୍ ଲାଗାତାର୍, ଆରେ ହେଖାର୍ତି ଆଲି ଜିଣା ଆତାତ୍ । ୨୪ ଆରେ, ହେଖାର୍ତି ଦାବା ହୁଦାଂ କିୟାଆୟେଡ଼ ଇଞ୍ଜି ପିଲାତ ବଲ୍ ହିତାନ୍; ୨୫ ମାତର୍ ମାନାୟ୍ କାଜିଂ ନିଲ୍ତି ଆରି ମାନାୟ୍ ଅସ୍ତି କାଜିଂ ଜଇଲ୍ତ ଇଟ୍ୟାଜି ମାଟି ଇମ୍ଣା ମାନାୟ୍ କାଜିଂ ହେଖାର୍ ଦାବା କିଜି ମାଚାର୍, ତାଙ୍ଗ୍ ହେଖାନ୍ ମୁକ୍ତି କିତାନ୍, ଆରେ ଜିସୁଙ୍ଗ୍ ହେଖାନ୍ ହେଖାର୍ ମାନ୍ତାରେନ୍ ହେଲାୟ୍ କିତାନ୍ ।

ଜିସୁଙ୍ଗ୍ କୁସ୍ତ ହାସ୍ତାର୍

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଜହନ୍ ୧୯:୧୭-୨୭)

୨୬ ହେଖାର୍ ଜିସୁଙ୍ଗ୍ ଅନିଞ୍ଜେଡ଼ାଲିଂ ବିତ୍ତେ ନାସ୍ତାଂ ଖାଜି ମାନି ସିମନ୍ ଇନି ରକାନ୍ କୁରିଣିୟ୍ ଲଗାଂ ଆସ୍ତି ଜିସୁତି ପାଚେ ପାଚେ କୁସ୍ ପିଣ୍ଡେଂ କାଜିଂ ହେଖାନ୍ ନିପିତ ହେଦାଂ ଇଡ଼ତାର୍ ।

୨୭ ଆରେ, ମାନାୟାରିଂ ଆରି ହେଖାନ୍ କାଜିଂ ନେଞ୍ଜେଡ଼ାକିତ ଇଡ଼ୟାଆନି ଆଡ଼ବିନି ଲଗାଂ ବେସି କଗ୍ଲେହିମ୍ଣାଂ ହେଖାନ୍ତି ପାଚେ ପାଚେ ହାଲ୍ଜି ମାଟିକ୍ । ୨୮ ମାତର୍ ଜିସୁ ହେଖେକ୍ ନିପ ମାସ୍ଦି ପା ଇଚାନ୍, “ଗ ଜିରୁସାଲମ୍ନି ଗାଡ଼ଚେକ୍, ନା କାଜିଂ ଆଡ଼ବାମାଟ୍, ମତର୍ ଜାର୍ ଜାର୍ କାଜିଂ ଆରି ଜାର୍ ଜାର୍ ହିମ୍ଣାଂ କାଜିଂ ଆଡ଼ବାଟ୍; ୨୯ ଇନାକିଦେଂକି ହୁଡ଼ାଟ୍, ଇନେର୍ ବାଞ୍ଜି, ଆରେ ଇନେର୍ ଇନାଞ୍ଜାତାଂପା ଏସ୍ ପିଞ୍ଜାତାଡ଼ନ୍ନା ଆରି ମାୟ୍ଉର୍ଝା ତାଡ଼ନ୍ନା, ହେଖାକାଂ ଲକୁ ଏଚେକାଡ଼୍ ଦନ୍ୟ ଦନ୍ୟ ଇଞ୍ଜି ଇନାର୍,

ଏଲେଙ୍ଗବାତ ସମ୍ପୁ ଖାନାତା । ୩୦ *ହେ ଏଚେକାଡ଼ଦ ଲକୁ ମାଡ଼ିକାଂ ଇଞ୍ଜେଙ୍ଗ ଲାଗାନାର୍, ମା ଜପି ଆରଦା, ଆରେ କୁପଲିକାଂ ଇଞ୍ଜେଙ୍ଗ ଲାଗାନାର୍, ମାଙ୍ଗେଙ୍ଗ ପ୍ଲୁକ୍ତା । ୩୧ ଇନାକିଦେଂକି ଲକୁ ଜଦି ଜିଡ଼ ମାର୍ କାଜିଂ ଏଲେଙ୍ଗ କିଡାର୍, ଖାଡ଼ି ମାର୍ କାଜିଂ ବାଟିଙ୍ଗ ଇନାକା କିଡାର୍ ?”

୩୨ ଆରେ, ହାକି ଡାଣ୍ଡ ପାୟା ଆଦେଂ କାଜିଂ ରିକାରିଙ୍ଗ କାରାପ୍ କାମାୟ୍ ପା ହେଞ୍ଜାନ ହୁକେ ଅୟା ଆଜି ମାଟାର୍ । ୩୩ ଆରେ, ହେଞ୍ଜାର୍ “ନିନ୍ଦାଣ୍” ଇନି ବାହାତ ଏକିସ୍ ହେବେ ହେଞ୍ଜାନିଂ କୁସ୍ତ ଦୁପ୍ତାର୍ ଆରି କାରାପ୍ କାମାୟ୍ କିନାକାର୍ ବିଡ୍ରେତାଂ ରକାନିଂ ତିନାବାଗାଙ୍ଗ୍ ଆରେ ରକାନିଂ ଡେବା ବାଗାଙ୍ଗ୍ କୁସ୍ତ ଦୁପ୍ତାର୍ । ୩୪ ହେ ଏଚେକାଡ଼ଦ ଜିସୁ ଇଚାନ, “ଆବା, ଇଞ୍ଜାରିଂ କେମା କିୟା, ଇନାକିଦେଂକି ଇଞ୍ଜାର୍ ଇନାକା କିନାରା, ହେଦାଂ ପୁନୁରା ।”

ଆରେ, ହେଞ୍ଜାର୍ ତା ହେୟା ସବୁ ବାଟା କିନି କାଜିଂ ଦରମଗୁଲି କିଡାର୍ । ୩୫ ଆରେ, ମାନାୟାର୍ ନିଲ୍ଲତିପା ହୁଡ଼ଜିମାଟାର୍ । ଆରି, ମୁଡ଼ଦାକାର୍ ପା ତାଙ୍ଗ୍ ବିଦ୍ବାଦ୍ କିଜି ଇଞ୍ଜେଙ୍ଗ ଲାଗାତାର୍, ହେଞ୍ଜାନ ବିନ୍ ଲଗାଂ ରାକ୍ୟା କିଡାନ; “ହେଞ୍ଜାନ ଜଦି ଇସ୍ତର୍ ବାଟିକିୟାତି କ୍ରିସ୍ଟୁ ବାଟିଙ୍ଗ ନିଜ୍ଜତିଙ୍ଗ ରାକ୍ୟା କିଏନ୍ ।”

୩୬ ଆରେ, ମେଲ୍ୟାର୍ ପା ହେ ଲାଗାଂ ଖାଜି କେନିରାସ୍ ହିଜି ତାଙ୍ଗ୍ ଗୁଜି କିଜି ଇଚାର୍, ୩୭ “ଏନ୍ ଜଦି ଜିହୁଦିତ୍ ରାଜା, ତା ଆଡିସ୍ ନିଜ୍ଜତିଙ୍ଗ ରାକ୍ୟା କିୟା ।”

୩୮ ଆରେ, ହେଞ୍ଜାନ ଜପି ଇ ଲେକା ପା ଲେକା ଆଜି ମାଟାଡ଼, “ଇଞ୍ଜାନ ଜିହୁଦିତ୍ ରାଜା ।”

୩୯ ଆରେ, କୁସ୍ତ ଦୁପ୍ତା ଆଜି ମାନି ଚର୍କ୍ଚକାଂ ତାଙ୍ଗ୍ ବିଡ୍ରେ ରକାନ ହେଞ୍ଜାନିଂ ନିନ୍ଦା କିଜି ଇଞ୍ଜେଙ୍ଗ ଲାଗାତାନ, “ଏନ୍ ଇନାକା କ୍ରିସ୍ଟୁ ଆକାୟ୍ ? ନିଜ୍ଜତିଙ୍ଗ ଆରି ମାଙ୍ଗେଙ୍ଗ ରାକ୍ୟା କିଦା ।”

୪୦ ମାଟର୍ ଆରି ରକାନ ହେଞ୍ଜାନିଂ ଦାକା କିଜି ଉତର୍ ହିତାନ, ଏନ୍ ସମାନ ଡାଣ୍ଡତ ପାୟାଆନାୟା, “ଏନ୍ ଇସ୍ତର୍ ଇନାକା ପାଣ୍ଡା ପା ଆଉୟା ? ୪୧ ଆରେ, ଆପେଂ ହିନା ନ୍ୟାୟତାଂ ଡାଣ୍ଡ ପାୟାଆନାପା, ଇନାକିଦେଂକି ନିଜ୍ ନିଜ୍ ବାନ୍ଧ୍ୟାକାମାୟ୍ ପାଡ଼ ପାୟାଆନାପା, ମାଟର୍ ଇ ମୁଣିକା ଇନାକାପା ଦସ୍ କିଞ୍ଜାତାନନା ।” ୪୨ ଆରେ, ହେଞ୍ଜାନ ଇଚାନ, “ଏ ଜିସୁ, ଏନ୍ ଜାର୍ ରାଜିତ ହଟିସ୍ ନାଙ୍ଗେଙ୍ଗ ଏଡୁ କିଦ୍ନାୟ୍ ।”

୪୩ ହେବେଣ୍ଡା ଜିସୁ ତାଙ୍ଗ୍ ଇଚାନ, “ଆନ୍ ନିଙ୍ଗେଙ୍ଗ ହାଡ଼ପା ଇଞ୍ଜନାଙ୍ଗା, ନେଞ୍ଜେଙ୍ଗ ଏନ୍ ନା ହୁକେ ସାଗେଂ ରାଜିତ ଏକାଞ୍ଜାନାୟ୍ ।”

ଜିସୁତି ହାକି

(ମାଡିଉ ୨୭:୪୫-୫୨; ମାର୍କ ୧୫:୩୩-୪୧; ଜହନ୍ ୧୯:୨୮-୩୦)

୪୪ ହେ ଏଚେକାଡ଼ଦ ହେ ପାଦନା ବାର ଗଣ୍ଡା ଖେଡାଲିଂ ଆଜି ମାଟାଡ଼, ଆରି, ଖେଡା ମାଜ୍ଗା ଆତିଲେ ତିନି ଗଣ୍ଡା ପାଡେକ୍ ଦେସ୍ ଜାକ୍ ମାଜ୍ଗା ଆଡାଡ଼, ୪୫ ଆରେ ମନ୍ଦିରନି ପାରଦା ହେୟା ମାଦିତାଂ କେନ୍ଞି ହାଚାଡ଼ । ୪୬ ଆରେ, ଜିସୁ ଆଟ୍ଝା କିଜି କୁକ୍ଟି ଇଚାନ, “ଏ ଆବା, ନି କେଇଦ ନା ପାରାଣିନି ଜିବୁନ୍ ହେଲ୍ଲାୟ୍ କିଦ୍ନାଙ୍ଗା ।” ଇଦାଂ ଇଞ୍ଜି ହେଞ୍ଜାନ ପାରାଣ୍ ପିସ୍ତାନ ।

୪୭ ପାଞ୍ଜି କଡ଼ି ମୁଡ଼ଦାକାନ ମେଲ୍ୟାର୍ ଜପି ଗାଜାକାନ ଇ ଗଟ୍ଟା ହୁଡ଼ଜି ଇସ୍ତର୍ଡିଂ ଜାଜ୍ମାଲ୍ କିଜି ଇଚାନ, “ହାଡେନେ ଇଞ୍ଜାନ ଦାମ୍ ଲଗୁ ମାଟାନ ।”

୪୮ ଆରେ, ଇମ୍ଝି ମାନାୟାର୍ ହୁଡ଼ଦେଂ ରୁଣ୍ଡାଆଜି ମାଟାଡ଼, ଖିଜାକାର୍ ହେଞ୍ଜାର୍ ହେ ସବୁ ହୁଡ଼ଜି ନେଞ୍ଜେଡାକିତ ଇଡିଆ ଆଜି ମାସ୍ଦି ହାଞ୍ଜେଙ୍ଗ ଲାଗାତାର୍ । ୪୯ *ମାଟର୍ ହେଞ୍ଜାନ୍ତି ତିନାଜାଣା ଖିଜାକାର୍ ଆରି ଗାଲିଲିତାଂ ରଚେ ମିହାଆଜି ଜିସୁଙ୍ଗ୍ ପାଚେ ପାଚେ ଖାଜି ମାନି କଗ୍ଲେକ୍ ଦେହା ନିଲ୍ଲତି ଇ ସବୁ ହୁଡ଼ଜି ମାଟିକ୍ ।

ଜିସୁଙ୍ଗ୍ ମୁଚ୍ଚାର୍

(ମାଡିଉ ୨୭:୫୭-୬୧; ମାର୍କ ୧୫:୪୨-୪୬; ଜହନ୍ ୧୯:୩୮-୪୨)

୫୦ ଆରେ ହୁଡ଼ାଟ୍, ଜିହୁଦିତ୍ ହାରାମାଡିୟା ଗାଡୁନି ଜସେପ୍ ଇନି ରକାନ ମାନାୟ୍ ଗାଜା ସବାନି ମେମର୍ ମାଟାନ; ହେଞ୍ଜାନ ରକାନ ହାର୍ ଆରି ଦାମ୍ ଲକୁ, ୫୧ ଜିହୁଦାନି ହାରାମାଡିୟା ତରନି ନାସ୍ତ ଜସେପ୍ ଇଞ୍ଜି ରଞ୍ଜାନ ମାଟାନ । ଜିହୁଦି ରକାନ ଦାମ୍ ଆରି ମାନିନି ଲକ୍ ମାଟାନ ଆରେ ଇସ୍ତର୍ଡି ରାଜିନି ଖାନାକାଦିଂ କାସି ମାଟାନ । ଗାଜା ସବାନି ରଞ୍ଜାନ ମୁଣିକା ମାଟିସ୍ ପା, ହେଞ୍ଜାନ ହେଞ୍ଜାରିଡ଼ି ଦାୟିଡ଼ ଆରି କାମାୟ୍ ଲାହାଂ ଏକ୍ଜୁଟ୍ ହିଲ୍ଲାତାର୍ । ୫୨ ହେଞ୍ଜାନ ପିଲାତ ତାକେ ହାଲ୍ଲଜି ଜିସୁତି ଗାଗାଡ଼ ଏନ୍ତାନ, ୫୩ ଆରେ ହେଦାଂ ଜୁଡ଼ତି ତାସି କଞ୍ଜାଣ୍ ହେୟାତ ହୁର୍ପିସ୍, ଇମେତାକେ ଇନେର୍ ଇନାଞ୍ଜାଡ଼ାଂ ଇଟ୍ୟାଞ୍ଜାଦାଂ ମାଟାନ, ମାଡ଼ିତ କାର୍ ମାଟି ଏଲେଙ୍ଗ ର ଦୁଗେର୍ଡତ ତାଙ୍ଗେଙ୍ଗ ଇଡ଼ତାର୍ । ୫୪ ହେ ଦିନ୍ ଜାଲ୍ଦି କିନି ଦିନ୍ ମାଟାଡ଼, ଆରେ ଜମ୍ନିବାର୍ ଲାଗେ ଆଜି ଖାଜି ମାଟାଡ଼ ।

* ୨୩:୩୦ ୨୩:୩୦ ହଡ଼ତି ୬:୧୬. * ୨୩:୪୯ ୨୩:୪୯ ଲୁକ ୮:୨,୩.

୫୫ ଆରେ ଗାଲିଲିତାଂ ହେୱାନ ହୁକେ ୱାଜିମାନି କଗଲେହିମଣାଂ ପାଚେ ପାଚେ ହାଲ୍ଲଜି ଦୁଗେର ଆରି ହେୱାନ୍ତି ଗାଗାଡ଼ ଇନେସ୍ ଇଡ଼ତାରନ୍ନା, ହେଦାଂ ହୁଡ଼ତିକ୍, ୫୬ ଆରେ ହେୱେକ୍ ମାସ୍ଦି ହାଲ୍ଲଜି ଆରି ବାସ୍ନା ଚିକାଣ୍ଡି ଜାଲ୍ଲଦି କିତିକ୍ ।

ମାତର୍ ବିଦି ଇସାବ୍ରେ ହେ ନାଜିଂ ଜମ୍ନିବାର୍ ମାଚିଲେ ହେୱାର୍ ଜମ୍ତାର୍ ।

୨୪

ଜିସୁ ହାତିତାକେଣ୍ଡାଂ ନିଙ୍ଗନାକା

(ମାତିଉ ୨୮:୧-୧୦; ମାର୍କ ୧୬:୧-୮; ଜହନ୍ ୨୦:୧-୧୦)

୧ ମାତର୍ ସାଡ଼ ଦିନି ରଇବାର୍ ଉଟ୍ଲା ହାକାଡେ ହେୱେକ୍ ଜାଲ୍ଲଦି କିତି ହାବ୍ଦି ବାସ୍ନା ସାମାନ୍ ଅଜି ଦୁଗେର ତାକେ ହାତିକ୍ । ୨ ଆରେ, ହେୱାର୍ ଦୁଗେରତାଂ କାଲ୍ ଗୁଡ଼ତାକା ହୁଡ଼ତିକ୍, ୩ ମାତର୍ ବିଡ୍ରେ ହାଲ୍ଲଜି ମାପୁ ଜିସୁତି ଗାଗାଡ଼ ଗାଟାଞ୍ଜିତିକ୍ । ୪ ଆରେ, ହେୱେକ୍ ହେଦାଂ କାଜିଂ ବୁଦିବାଣା ଆନିକା, ଏଲେକ୍ ୱେଡ଼ାକ୍ ହୁଡ଼ାଟ୍, ଅଜଡ଼ ହେୟା ଉସ୍ପିସ୍ ରିକାର୍ ଲକୁ ହେୱେକ୍ ତାକେ ଏକାତାର୍; ୫ ହେବେ ହେୱେକ୍ ପାଣ୍ଡା ଆଜି ମେଦ୍ନିତ ମୁମ୍ ଆତିଲେ, ହେୱାର୍ ହେୱେକାଂ ଇଚାର୍, “ହାତିଲକାର୍ ବିଡ୍ରେ ଏପେକ୍ ଇନେକିଦେଂ ଜିତାକାନିଂ ତେକ୍ନାଦେରା ? ୬ *ହେୱାନ ଇବେ ହିଲୁନ୍, ମାତର୍ ନିଂତାନ୍ନା । ହେୱାନ ଗାଲିଲିତ ମାନି ୱେଡ଼ାଲିଂ ମିକ୍ଳେକ୍ ୱେଡ଼ି ମାନ୍‌ସାନ୍, ହେଦାଂ ଏଡୁ କିୟାଟ୍ ।” ୭ ମାନାୟ୍ ମାଜି ପାପିୟାର୍ କେଇଦ କୁସ୍ତ ହାଦେଂ ଆରି ତିନି ଦିନ୍ତ ଆରି ନିଙ୍ଗଦେକ୍ ଆନାଡ଼ ।

୮ ହେବେଣ୍ଡାଂ ହେୱାର୍ ହେୱାନ କାତା ଏଡୁ କିତାର୍, ୯ ଆରେ ଦୁଗେରତାଂ ମାସ୍ଦିହାଲ୍ଲଜି ଏଗାର୍ ଜାଣ୍ ଚେଲାର୍ ଆରି ବିନ୍ ଲଗାଂ ଇ ସବୁ କାରୁର୍ ୱେଡ଼ଚାର୍ । ୧୦ ଇୱେକ୍ ମଗ୍ଦଲିନି ମରିୟ୍ମ ଜହନା ଜାକୁବ୍ ତେହି ମରିୟ୍ମ ଆରି ଇୱେକ୍ ହାକ୍ଦାଂ ମାନି ବିନ୍ କଗଲେକ୍, ଇୱେକ୍ ପକ୍ୟାତାକାର୍ରିଂ ଇ ବିଡ୍ରେ କାତା ୱେଡ଼ତିକ୍ । ୧୧ ମାତର୍ ଇ ସବୁ କାତା ହେୱାର୍ ତାକେ କ୍ଳେଞ୍ଜିକଣ୍ ଲାକେ ଲାଗାତାଡ଼, ଆରେ ହେୱାର୍ ହେୱେକାଂ ପାତ୍ କିଞ୍ଜାତାର୍ । ୧୨ ମାତର୍ ପିତର୍ ନିଙ୍ଗଜି ଦୁଗେର ତାକେ ହନ୍ତି ହାଚାନ୍, ଆରେ ଟଡ଼ଜି ହୁଡ଼ତାନ୍ ମତର୍ ହାରୁ ହେୟା ସବୁ ହୁଡ଼ତାନ୍, ଆରେ ହେୱାନ ହେ ଗଟ୍‌ଣା ବିସ୍ତେ କାବା ଆଜି ତା ଇଞ୍ଜ ହାଚାନ୍ ।

ରି ଚେଲାର୍ ଇମାନୁୟେଲ୍ ନାସ୍ତ ହାଚାର୍

(ମାର୍କ ୧୬:୧୨-୧୩)

୧୩ ଆରେ ହୁଡ଼ାଟ୍, ହେ ଦିନ୍ ହେୱାର୍ ବିଡ୍ରେ ରିକାର୍ ଜିରୁସାଲମ୍‌ତାଂ ବେସିଆଞ୍ଜିତିସ୍ ଏଗାର୍ କିଲମିଟର୍ ଦେହାତାଂ ଇମାୟ୍ ନାସ୍ତ ହାଲ୍ଲଜି ମାଚାର୍ ୧୪ ଆରି ଇ ୱିଜୁ ଗଟ୍‌ଣା ବିସ୍ତେ ହେୱାର୍ ହାୱେର୍ କାତାବାର୍ତା କିଜି ମାଚାର୍ । ୧୫ ହେୱାର୍ କାତାବାର୍ତା ଆରି ବେରଣ୍‌ୱେଡ଼ପା ଆନି ୱେଡ଼ାଲିଂ ଜିସୁ ଆପେ ହେୱାର୍ ତାକେ ୱାଜି ହେୱାର୍ ହୁକେ ତାକ୍‌ଦେଂ ଲାଗାତାନ୍; ୧୬ ମାତର୍ ହେୱାର୍ କାଣ୍‌କୁ ଏଲେକ୍ ଗେହ୍‌ୟା ଆଜି ମାଚାଡ଼ ଜେ, ହେୱାର୍ ଜିସୁକ୍ ଚିନକିଦେଂ ଆଡ଼ଞ୍ଜାତାର୍ । ୧୭ ଜିସୁ ହେୱାରିଂ ୱେନ୍‌ବାତାନ୍, “ଏପେକ୍ ତାକ୍‌କ୍ ତାକ୍‌କ୍ ଇମଣି ୱିଜୁ ବିସ୍ତେ କାତାବାର୍ତା କିନାଦେରା, ହେ ୱିଜୁ ଇନାକା ?” ହେବେଣ୍ଡାଂ ହେୱାର୍ ବାଡ଼ିୟା ଆଜି ନିଲ୍‌ଚି ମାଚାର୍ । ୧୮ ଆରେ ହେୱାର୍ ବିଡ୍ରେ କେଲୟା ଇନି ରକାନ୍ ହେୱାନିଂ ଉତର୍ ହିତାନ୍, “ଜିରୁସାଲମ୍‌ତ ବାହାକିନି ମାନାୟ୍ ବିଡ୍ରେ ଏନ୍ ଇନାକା ରକାୟ୍ ହେ ବାହାନି ଏଚେକ୍ ଦିନି ଗଟ୍‌ଣା ପୁନ୍ୟ ?”

୧୯ ଜିସୁ ହେୱାରିଂ ୱେନ୍‌ବାତାନ୍, “ଇନେସ୍ ଇନେସ୍ ବାନି ଗଟ୍‌ଣା ?” ହେୱାର୍ ତାକ୍‌କ୍ ଇଚାର୍, “ନାଜରିତୟାନି ଜିସୁତି ବିସ୍ତେ; ହେୱାନ ଇସ୍‌ବର୍ ଆରି ୱିଜୁ ଲକାର୍ କାଣ୍‌କୁତ କାମାୟ୍‌ତ ଆରି ବଚନ୍‌ତ ସାକ୍ତିକାଟାକାନ୍ ବେଣ୍‌ବାକ୍‌ଣାୟ୍‌କିନାକାନ୍ ମାଚାନ୍, ୨୦ ଆରେ ମୁଡ଼୍ ମାପୁହେବକିନାକାନ୍ ଆରି ମୁଡ଼୍‌ଦାକାର୍ ଇନେସ୍ ତାକ୍‌କ୍ ହାକି ତାଣ୍ଡ ଆଦେଂ ହେଲାୟ୍ କିଜି ତାକ୍‌କ୍ କୁସ୍ତ ଅସ୍ତାର୍, ଇ ୱିଜୁ ବିସ୍ତେ । ୨୧ ମାତର୍ ଇନେର୍ ଇସ୍ତାଏଲ୍‌ତିଂ ମୁକ୍ତି କିନାନ୍, ହେୱାନ ଜେ ଇୱାନ, ହେଦାଂ ଆପେଂ ଆହା କିଜି ମାଚାପ୍; ମାତର୍ ଇଦାଂ ପିସ୍ତ ଇ ୱିଜୁ ଗଟ୍‌ଣାନି ନେଞ୍ଜେକ୍ ତାକ୍‌କ୍ ତିନି ଦିନ୍ ଆତାଡ଼ । ୨୨ ଆରେ ପା, ମା ବିଡ୍ରେତାଂ କେତେକ୍ ଜାଣ୍ କଗଲେକ୍ ମାକ୍‌କେକ୍ କାବା କିଡ଼କନା; ହେୱେକ୍ ଉଟ୍‌ଲା ହାକାଡେ ଦୁଗେର ତାକେ ହାଲ୍ଲଜି ମାଚିକ୍, ୨୩ ଆରେ ହେୱାନ୍ତି ଗାଗାଡ଼ ଗାଟାଞ୍ଜାଦାକ୍ ୱାଜି ଇଚିକ୍ ଜେ, ହେୱେକ୍ ଦୁତରିଂ ପା ହୁଡ଼ତିକ୍‌ନା ଆରି ହେ ଦୁଡ଼କୁ ଇଚିକ୍ ଜେ, ହେୱାନ ଜିତାକାନ୍ ମାନାନ୍ । ୨୪ ଆରେ, ମା ହାକ୍‌ଦାକାର୍ ବିଡ୍ରେ ଇନେର୍ ଇନେର୍ ଦୁଗେର ଲାଗେ ହାଲ୍ଲଜି, କଗଲେହିମଣାଂ ଇନେସ୍ ଇଞ୍ଜି ମାଚିକ୍, ହେ ଲାକେ ହୁଡ଼ତିକ୍, ମାତର୍ ତାକ୍‌କ୍ ହୁଡ଼ଞ୍ଜିତିକ୍ ।”

* ୨୪:୬ ୨୪:୭ ମାତିଉ ୧୬:୨୧; ୧୬:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩.

୨୫ ହେବେଣ୍ଡା ହେଖେକା ଇଚାନ, “ଏ ନିରବୁଦିୟା କାଦେର୍ ଆରି ବେଶ୍‌ବାକ୍‌ଶାୟ୍‌କିନାକାର୍ ହୁକେ ଇଚି ଝିନ୍ତୁ ବେରଣ୍ଡ ପାତର୍ କିଦେଙ୍ଗ ହିଡ଼ି ଫାନ କାଦେର୍, ୨୬ ଇ ଝିନ୍ତୁ ଦୁକ୍ କିଜି ଜାର ପାଣ୍ ହଣ୍ଡେଙ୍ଗ ଇନାକା କ୍ରିସ୍ତୁଟି ଲଡ଼ା ହିଲ୍‌ଖାତାଡ଼ ?” ୨୭ ଆରେ, ମସା ଆରି ଝିଜାର ବେଶ୍‌ବାକ୍‌ଶାୟ୍‌କିନାକାନତା ହାଙ୍ଗ୍‌ଜି ଝିନ୍ତୁ ଦରମ୍ ସାସ୍ତରତ ଜାର କାଜି ବେରଣ୍ଡ ହେଖାନ ହେଖାରି ରୁଜାୟ୍ କିତାନ ।

୨୮ ଆରେ, ହେଖାର ଇମ୍‌ଣି ନାସ୍ତ ହାଲ୍‌ଜି ମାଚାର୍, ହେବେଣ୍ଡା ଲାଗେ ଏକିନିହିଙ୍ଗ୍, ହେଖାନ ଆରେ ଆଗେ ହାଞ୍ଜେଙ୍ଗ୍ ଟାଟାୟ୍ କିତାନ । ୨୯ ମାତର୍ ହେଖାର ତାଙ୍ଗ୍ ଟେବାୟ୍ କିଜି ଇଚାର୍, “ମାହୁଦା ମାନା, ଇନାକିଦେକି ମିସି ଖାନାତା” ଆରି ଝେଡ଼ା ହାଚାତେ । ହେବେଣ୍ଡା ହେଖାନ ହେଖେର୍ ହୁଦା ମାଞ୍ଜେଙ୍ଗ୍ ଇଞ୍ଜ ହାଚାନ । ୩୦ ଆରେ, ହେଖାର ହୁକେ ଚିଞ୍ଜେଙ୍ଗ୍ କୁଚି ପାଚେ ହେଖାନ ରୁଚି ଅଜି ଆସିର୍ବାଦ୍ କିତାନ, ଆରି ହେଦା ଡ୍ରିକ୍‌ଚି ହେଖାରି ହିଦେ ଲାଗାତାନ । ୩୧ ହେବେ ହେଖାର କାଣ୍‌କୁ ଜେୟାଆଡିକ୍ ଆରି ହେଖାର ତାଙ୍ଗ୍ ଚିନ୍ କିତାର୍; ଆରେ, ହେଖାନ ହେଖାର ନଞ୍ଜରତା ମାୟା ଆତାନ । ୩୨ ହେବେଣ୍ଡା ହେଖାର ହେଖେର୍ ଇଚାର୍, “ଏଚେକାଡ଼୍‌ଦ ହାସ୍‌ଦ ହେଖାନ ମା ହୁକେ କାତାବାଡ଼ା କିଜି ମାଚାନ ଆରି ମାଙ୍ଗେଙ୍ଗ୍ ଦରମ୍ ସାସ୍ତର ରୁଜାୟ୍ କିଜି ମାଞ୍ଜାନ, ହେଖେଡ଼ା ଇନାକା ମା ମାନ କେଦ୍‌ଖାଦା ମାଚାଡ଼ ?”

୩୩ ଆରେ, ହେଖାର ହେପାଦନା ନିଙ୍ଗ୍‌ଜି ଜିରୁସାଲମତ ଲେଉଟା ଆଜି ରବେ ରୁଣ୍ଡା ଆଜି ମାନି ଏଗାରଜାଣ୍ଡି ଆରି ହେଖାର ହଲ୍‌ଧାରି ହୁଡ଼ତାନ; ୩୪ ହେଖେର୍ ଇଞ୍ଜି ମାଚାର୍, “ମାପୁ ହାଡ଼ପା ନିତାନ୍ନା ଆରି ସିମନ୍ତି ଚଞ୍ଜୟା ଆତାନ ।”

୩୫ ଆରେ, ହେଖାରପା ହାଜିନି ସବୁ ଗଟଣା ଆରି ରୁଚି ଡ୍ରିକ୍‌ଚି ସମୁତ ହେଖାନ ଇନେସ୍ ହେଖାର ହୁକେ ଚିନା ଆତାନ, ହେ ସବୁ ପୁଞ୍ଜେଙ୍ଗ୍ ଲାଗାତାର୍ ।

ଜିସୁ ଜାର ଚେଲାର୍ ଚଞ୍ଜୟାଆତାନ

(ମାତିଉ ୨୮:୧୬-୨୦; ମାର୍କ ୧୬:୧୪-୧୮; ଜହନ୍ ୨୦:୧୯-୨୩; ପକ୍ୟାତାକା ୧:୬-୮)

୩୬ ମାତର୍ ହେଖାର ଇ ସବୁ ବେରଣ୍ଡ ଇନିଖାଡ଼ାଲି ମାପୁ ଜିସୁ ନିଜେ ହେଖାର ତାକେ ଏକାତାନ ଆରେ ଇଚାନ, “ମି କାଜି ସୁସ୍ତା ଆୟେଡ଼ ।”

୩୭ ମତର୍ ମାନାୟ୍‌ୟାର୍ କାବା ଆଜି ବେସି ପାଣ୍ଡା ଆଜି ର ପୁଦା ହୁଡ଼ନାରା ଇଞ୍ଜି ବାବି କିତାର୍ । ୩୮ ହେବେଣ୍ଡା ଜିସୁ ହେଖାରି ଇଚାନ, “ଇନେକିଦେ ପାଣ୍ଡା ଆନାଦେରା, ଆରେ, ମି ମାନ୍ତ ଇନେକିଦେ ଗାଣ୍‌କୁ ନିଙ୍ଗ୍‌ନାତା ? ୩୯ ଇଞ୍ଜାଙ୍ଗ୍ ଜେ ଆନ୍, ନା କେଇ ଆରି ପାନା ହୁଡ଼ାଟ୍, ନାଙ୍ଗ୍ ଡୁଜି ହୁଡ଼ଦାଟ୍, ଇନାକିଦେକି ନାଦା ଇନେସ୍ ଜେଇ ଆରି ପ୍ଲେନ୍ ମାନାକା ଏପେଙ୍ଗ୍ ହୁଡ଼ନାଦେରା, ପୁଦାତିଙ୍ଗ୍ ହେ ଲାକେ ଆକାୟ୍ ।”

୪୦ ଆରେ ହେଖାନ ଇଦା ଇଞ୍ଜି ହେଖେରି ଜାର କେଇ ଆରି ପାନା ଚଡ଼ତାନ । ୪୧ ଲାଗି ପା ହେଖାର ଖାରି କାଜି ପାତର୍ କିଞ୍ଜାଦା କାବା ଆତିଲେ ହେଖାନ ହେଖାରି ଝେନ୍‌ବାତାନ, “ଇବେ ମିବେ ଇନାକାତ ଇଚୁକ୍ କାଦି ମାନାଡ଼ ?” ୪୨ ହେବେଣ୍ଡା ହେଖାର ତାଙ୍ଗେଙ୍ଗ୍ ରଞ୍ଜାଙ୍ଗ୍ ଖାସ୍ତି ମିନ୍ ହିତାର୍ । ୪୩ ଆରେ, ଜିସୁ ଅଜି ହେଖାର ମୁମ୍‌ଦ ଚିଚାନ ।

୪୪ ଆରି, ହେଖାନ ହେଖାରି ଇଚାନ ମସାତି ବିଦି ଆରି ବେଶ୍‌ବାକ୍‌ଶାୟ୍‌କିନାକାର୍ ଆରି ନାନ୍‌କେର୍‌ନି ସାସ୍ତରତାକେ ନା ବିସ୍ତେ ଇନା ଇନାକା ଲେକା ଆତାଡ଼ନ୍ନା, ହେ ସବୁ ପୁରା ଆନାକା ଲଡ଼ା, “ଆନ୍ ମି ହୁଦା ରଚେ ମାନିହି ମିଙ୍ଗେଙ୍ଗ୍ ଇ ସବୁ ବେରଣ୍ଡ ଇଞ୍ଜିମାନଚାଙ୍ଗ୍ ।”

୪୫ ହେ ପାଦନା ହେଖାର ଇନେସ୍ ଦର୍ମ ସାସ୍ତର ରୁଜା ଆନାର୍, ହେଦା କାଜି ହେଖାନ ହେଖାରି ରୁଦିନି ହାଜି ଜେତାନ; ୪୬ ଆରେ, ହେଖାନ ହେଖାରି ଇଚାନ, ଇ ଲାକେ ଲେକା ମାନାଡ଼, “କ୍ରିସ୍ତୁ ଦୁକ୍‌ବଚି କିନାନ୍ ଆରି ତିନି ଦିନ୍‌ତା ହାକିତାକେତା ନିଙ୍ଗ୍‌ନାନ୍, ୪୭ ଆରେ ଜିରୁସାଲମତା ହାଙ୍ଗ୍‌ଜି ଝିନ୍ତୁ ଜାତି ତାକେ ହେଖାନ ତରଦ ପାପ୍ କେମା କାଜି ମାନବାଦ୍‌ଲାୟ୍ ବେରଣ୍ଡ ସୁଣାୟ୍ କିତାର୍ । ୪୮ ଏପେଙ୍ଗ୍ ଇ ଝିନ୍ତୁ ବିସ୍ତେ ସାକି ଆନାଦେର୍ । ୪୯ ଆରେ ହୁଡ଼ାଟ୍, ନା ଆବା ଇନାକା ରାଣ୍ ହିଡ଼ତାନ୍ନା, ହେଦା ଆନ୍ ମି ତାକେ ପଲ୍ଲାନାଙ୍ଗା, ମାତର୍ ଜପିତା ସାକ୍ତି ପାୟାଞ୍ଜି ପାତେକ୍ ଏପେଙ୍ଗ୍ ଇ ଗାଡ଼୍‌ ମାନାଟ୍ ।”

ଜିସୁଟି ସାଗେ ହାନାକା

(ମାର୍କ ୧୬:୧୯-୨୦; ପକ୍ୟାତାକା ୧:୯-୧୧)

୫୦ ତା ପାଚେ ଜିସୁ ହେଖାରି ବେଡ଼ନିୟା ହାନି ହାଜି ପାତେକ୍ ଅଜି ହାଚାର୍ ଆରି ଜାର କେଇ ପେସ୍‌ଜି ହେଖେରି ଆସିର୍ବାଦ୍ କିତାନ । ୫୧ ଆରେ, ହେଖାରି ଆସିର୍ବାଦ୍ କିଉ କିଉ ଜିସୁ ହେଖାର ତାଙ୍ଗ୍ ଏଡ଼ା ଆଜି ସାଗେଜପି ହାଚାନ । ୫୨ ଆରେ, ହେଖାର ତାଙ୍ଗେଙ୍ଗ୍ ଜଞ୍ଜାର କିଜି ବେସି ଖାରିତା ଜିରୁସାଲମତ ଲେଉଟା ଆତାର୍, ୫୩ ଆରେ ହେଖାର ନିତ୍ରେ ମନ୍ଦିରତ ମାନ୍‌ଞ୍ଜି ଇସ୍‌ତର୍ ଦନସ୍‌ବାଦ୍ କିଜି ମାଚାର୍ ।

☆ ୨୪:୪୯ ୨୪:୪୯ ପକ୍ୟାତାକା ୧:୪. ☆ ୨୪:୫୦ ୨୪:୫୦ ପକ୍ୟାତାକା ୧:୯-୧୧.

ଯହନ ଲିଖିତ ସୁସମାଚାର ଜହନ୍ ଲେକିକିତି ନେକ୍ରିକାବୁର୍ ଜହନ୍ ଲେକିକିତି ବିସ୍ତେ ପାଦେକ୍

ଜିସୁ କ୍ରିସ୍ତୁ ଜିବୁନ୍ ବାଚି କିଜି ମାନି ପୁନି ନିୟମିନି ଚାରିଗଟା ପତିଙ୍ଗ ବିତ୍ତେ ଜହନ୍ ଲେକିକିତି ନେକ୍ରି କାବୁର୍ ରଞ୍ଜାଙ୍ଗ । ହେ ବିସ୍ତେକାଂ ନେକ୍ରି କାବୁର୍ ଇନାର୍, ଇମ୍‌ଶାକା ଅରଡ୍ “ନେକ୍ରି କାବୁର୍ ।” ହେଞ୍ଜାଙ୍ଗ ଇସ୍ବର ହାତି ପାଚେ ମାତିଉ, ମାର୍କ, ଲୁକ, ଆରି ଜହନ୍‌ତାଂ ଲେକା ଆତାଡ୍‌ନା । ଜହନ୍ ଲେକିକିତି ନେକ୍ରି କାବୁର୍ କ୍ରିସ୍ତୁ ଜିବୁନ୍ ଚାରିକଡ଼ି ଦସ୍ ବାହୁଁ ପାଚେ ପକ୍ୟା ଆତି ଜହନ୍ ତାଙ୍ଗ ଲେକାଆତାଡ୍‌ନା । ଆତିସ୍ପା ଇ ନେକ୍ରି କାବୁର୍‌ତ ଇଦାଂ ଲେକି କିତାକାନ୍ ଜହନ୍ ଇଞ୍ଜି ହାଡ୍‌ଦାଂ ଲେକା ଆଞ୍ଜାତାଡ୍‌ନା ମାତର୍ ଇ ନେକ୍ରି କାବୁର୍ ମେରା । ପର୍ତୁମ୍ ଜହନ୍ ଦୁଇ ଜହନ୍ ଆରି ତିନ୍ ଜହନ୍ ଲାହାଙ୍ଗ୍ ଆନ୍ ମାନ୍ତ ସମାନ୍ । କେତେକ୍ ପାନିପତି ଲେକିକିତାର୍ ପାତର୍ କିତାର୍ ଇ ନେକ୍ରି କାବୁର୍ ଏପିସିୟତାଂ ଲେକା ଆତାଡ୍‌ନା, ଇନାକିଦେଂକି ଇ ସମୁ ଖେଡାଙ୍ଗ୍ ଜହନ୍ ଏପିସିୟତ ବାହା କିଜି ମାଚାନ୍ ।

ଜହନ୍ ସଡ୍ ବାବ୍ରେ ଇନାନ୍ “ଇସ୍ବର ନେ କ୍ରିସ୍ତୁ ଜିବୁନ୍ ଇସ୍ବର ମାଜି ।” ଜହନ୍ ୨୦:୩୧, ଇଦାଂ ପାତର୍ କିଦେଙ୍ଗ୍ ଇଞ୍ଜି ମାନାୟାରିଂ ହାଙ୍ଗ୍ କିନାକା ଆନାତା ଇ ନେକ୍ରି କାବୁର୍‌ନି ମୁଡ୍‌ଦାକା । ଇଦାଂ ପାତର୍ କିନି କାଜିଂ ଆସେଙ୍ଗ୍ ଇନେସ୍ ଜିବୁନ୍ ପାୟା ଆନାସ୍ । ଇ ନେକ୍ରି କାବୁର୍ ଜିହୁଦି ଆରି ପାତର୍ କିଞ୍ଜି ଜିହୁଦି ରିୟାର୍ କାଜିଂ ଲେକା ଆଜି ମାଚାଡ୍ । ଇ ନେକ୍ରି କାବୁର୍‌ତ ଜିସୁତି ଉତ୍ତରମୁଡ୍ ତାଙ୍ଗ୍ ତା କାବାଆନି କାମାୟିଙ୍ଗ୍ ଆଦିକ୍ ଜର୍ ହିତାର୍‌ନା । ଜିସୁତି ବାପ୍ତିସମ୍ ଆରି ବାଟାତ ତା ପରିକ୍ୟା ଲାକେ କେତେକ୍ ଗଟ୍‌ଶାଂ ବିସ୍ତେ ଜହନ୍ ଇ ନେକ୍ରିବାର୍‌ତ ଇନାକା ଲେକିକିତନ୍ । ଇ ନେକ୍ରିବାର୍ ବିନ୍ ତିନିଗଟା ନେକ୍ରିକାବୁରିଂ ତାଙ୍ଗ୍ ବିନ୍ ।

ପତି ବିସ୍ତେନି ରାହାଣ୍

- ୧. ନେକ୍ରି କାବୁର୍ ଆରମ୍ ଜହନ୍ ୧:୧-୧୮
- ୨. ଜିସୁତି କେତେକ୍ କାବାଆନି କାମାୟିଙ୍ଗ୍ ଓଁଜୁ ଜହନ୍ ୧:୧୯; ୧୨:୫୦
- ୩. ଜିସୁତି ଜିବୁନ୍, ହାତାକା ଆରି ଆରେ ରଗ ନିଂନାକା ଜହନ୍ ୧୩:୧; ୨୦:୩୧
- ୪. ଜିସୁତି ନିଙ୍ଗ୍‌ଜି ଚଞ୍ଜିୟାନାନ୍ ଜହନ୍ ୨୧:୧-୨୫

ଜିବୁନ୍‌ନି ବଚନ୍

^୧ ହିଗ୍‌ଦ ବଚନ୍ ମାଚାନ୍, ବଚନ୍ ଇସ୍ବର ଲାହାଙ୍ଗ୍ ମାଚାନ୍, ହେଞ୍ଜାନ୍ ଆରି ଇସ୍ବର ଏକ୍ ମାଚାନ୍ । ^୨ ହେଞ୍ଜାନ୍ ହିଗ୍‌ଦ ଇସ୍ବର ଲାହାଙ୍ଗ୍ ମାଚାନ୍ । ^୩ ତା ଲାହାଙ୍ଗ୍ ଇସ୍ବର ଓଁଜୁ ବିସ୍ତେ ଉବ୍‌ଜାଣ୍ କିତାନ୍; ଆରେ ଜେ ଓଁଜୁ ଉବ୍‌ଜା ଆତାଡ୍‌ନା, ହେବେତାଂ ପା ରଞ୍ଜାଙ୍ଗ୍ ପା ହେଞ୍ଜାନ୍‌ି ପିସ୍ତି ଉବ୍‌ଜା ଆଞ୍ଜାତାଡ୍‌ନା । ^୪ ହେଞ୍ଜାନ୍ ତାକେ ଜିବୁନ୍ ମାଚାଡ୍ ଆରି ହେ ଜିବୁନ୍ ମାନାୟାରିଂ ଅଜଡ୍ । ^୫ ହେ ଅଜଡ୍ ମାଜଗାତ ଅଜଡ୍ ଆଜି ଖାନାତା, ଆରେ ମାଜଗା ହେଦାଂ ମାନ୍ କିଞ୍ଜାତାଡ୍ ।

^୬ ଇସ୍ବର କଟଗ୍‌ତ କାବୁର୍ ଖେଡ୍‌ନି ରଞ୍ଜାନ୍ ମାନାୟା ଏକାତାନ୍; ହେଞ୍ଜାନ୍ ତର୍ ଜହନ୍ । ^୭ ହେଞ୍ଜାନ୍ ଇନେସ୍ ଅଜଡ୍ ବିସ୍ତେ ସାକି ହିନାନ୍, ଆରେ ହେଞ୍ଜାନ୍ ଖେଡ୍‌ଞ୍ଜି ଓଁଜାର୍ ପାତର୍ କିତାର୍, ଇଦାଂ କାଜିଂ ହେଞ୍ଜାନ୍ ହିଦେଂ ଇଞ୍ଜି ଖାତାନ୍ । ^୮ ହେଞ୍ଜାନ୍ ନିଜେ ହେ ଅଜଡ୍ ହିଲ୍‌ଖାତାନ୍, ମାତର୍ ଅଜଡ୍ ବିସ୍ତେ ସାକି ହିଦେଂ ଇଞ୍ଜି ଖାତାନ୍ । ^୯ ଇମ୍‌ଶା ହାଡ୍‌ପା ଅଜଡ୍ ପୁତର୍ ଖାଜି ଓଁଜୁ ରାଜିନି ମାନାୟାରିଂ ଅଜଡ୍ କିନାଡ୍, ହେଦାଂ ନେ ହାଡ୍‌ପା ଅଜଡ୍ ।

^{୧୦} ହେଞ୍ଜାନ୍ ପୁତର୍ ମାଚାନ୍ ଆରି ପୁତର୍ ହେଞ୍ଜାନ୍ ହୁକେ ଉବ୍‌ଜାଣ୍ ଆତାଡ୍, ଆତିସ୍ପା ପୁତର୍ ତାଙ୍ଗେଙ୍ଗ୍ ତିନକିଦେଂ ଆଡ୍‌ଖାତାଡ୍ । ^{୧୧} ହେଞ୍ଜାନ୍ ଜାର୍ ରାଜିତ ଖାତାନ୍, ଆତିସ୍ପା ହେଞ୍ଜାନ୍ତି ଜାର୍ ଲକୁ ତାଙ୍ଗେଙ୍ଗ୍ ମାନ୍ କିଞ୍ଜାତାର୍ । ^{୧୨} ମତର୍ ଏତେକ୍ ମାନାୟା ତାଙ୍ଗେଙ୍ଗ୍ ମାନ୍ କିତାର୍, ଇତିସ୍ ଇମ୍‌ଶାକାର୍ ହେଞ୍ଜାନ୍ ତର୍‌ଦାଂ ପାତର୍ କିତାର୍, ହେଞ୍ଜାନ୍ ଓଁଜାରିଂ ହେଞ୍ଜାନ୍ ଇସ୍ବତର୍ କାଡ୍‌ଦେ ଆଦେଂ ଇଞ୍ଜି ଆଦିକାର୍ ହିତାନ୍; ^{୧୩} ହେଞ୍ଜାର୍ ନେତେରତାଂ, ଗାଗାଡ୍‌ନି ଇଚାତାଂ ନଲେ ମାନାୟା ଇଚାତାଂ ଉବ୍‌ଜା ଆଞ୍ଜାତାର୍, ଇତିସ୍ ଇସ୍ବରତାଂ ଉବ୍‌ଜା ଆତାର୍ ।

^{୧୪} ଆରେ, ହେ ବଚନ୍ ମାନାୟା ଆତାନ୍, ଆରେ ଦୟା ଆରି ହାଡ୍‌ପାତ ବାତର୍ ଆଜି ମା ବିତ୍ତେ ବାହାକିତାନ୍, ଆରେ ଆବାତାଂ ଖାତି ଦୁଆଁ ମାଜିଙ୍ଗ୍ ପାଣ୍ ଲାକେ ଆପେଂ ହେଞ୍ଜାନ୍ତି ପାଣ୍ ହୁଡ୍‌ତାପ୍ ।

☆ ୧:୨ ୧:୬ ମାତିଉ ୩:୧; ମାର୍କ ୧:୪; ଲୁକ ୩:୧,୨.

୧୫ ଜହନ୍ ହେୱାନ୍ ବିସ୍ତେ ସାକି ହିଜି ଗାଜାକାଟ୍ ତାଂ ଇଚାନ୍, “ଇନେନ୍ ନା ପାଚେ ୱାନାନା, ହେୱାନ୍ ନାଜ୍ ତାଂ ଗାଜାକାନ୍ ଆତାନ୍ନା, ଇନାକିଦେଂକି ହେୱାନ୍ ନା ଆଗେ ମାଚାନ୍, ଇମ୍‌ଶାକାନ୍ ବିସ୍ତେ ଆନ୍ ଇଦାଂ ୱେଟ୍‌ଚି ମାନ୍‌ଚାଜ୍, ହେୱାନ୍ ଇୱାନ୍ ।”

୧୬ ତା ଦୟାତାଂ ବାଚ୍ ହୁକେ ମାଜେଜ୍ ୱିଜାର୍ ଆସିର୍ବାଦ୍ ପାୟା ଆତାସ୍‌ନା । ଆଁ, ଆସିର୍ବାଦ୍ ଜପି ଆସିର୍ବାଦ୍ ପାୟା ଆତାସ୍‌ନା । ୧୭ ଇସ୍‌ବୁର୍ ବିଦି ମସା ହୁକେ ଆତାଡ୍‌ନା, ମାତର୍ ଦୟା ଆରି ହାଡ୍‌ପା ଜିସୁ କ୍ରିସ୍‌ଟି ହୁକେ ୱାତାଡ୍ । ୧୮ ଇନେର୍ ଇନାୱାଡାଲିଂ ଇସ୍‌ବୁର୍ତିଂ ହୁଡ୍‌ୱାଡାଣ୍ଟା, ଆବା ୱାକ୍‌ତ ମାନି କେବଲ୍ ତାଜେଜ୍ ପାଣ୍ଡା ମାଜି ତାଜେଜ୍ ହପ୍‌ତାନ୍ ।

ବାପ୍ରିସିମ୍ ହିଜି ଜହନ୍ତି ସାକି
(ମାଡିଉ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଏନେଜ୍ ଇନେର୍, ଇଦାଂ ଜହନ୍‌ତିଂ ୱେନ୍‌ବିନି କାଜିଂ ଜିହୁଦିର୍ ଏଚେକାଡ୍‌ଦ୍ ଜିରୁସାଲମ୍‌ତାଂ ମାପୁହେବାକିନାକାନ୍ ଆରି ଲେବିୟରିଂ ତା ଲାଗାଂ ପଲ୍ଲାତାର୍, “ହେପାଦ୍‌ନା ହେୱାନ୍ ଇ ସାକି ହିତାନ୍ ।”

୨୦ ହେୱାନ୍ ମାନି କିୱାଦାଂ, ହାର୍ କିଜି ୱେଟ୍‌ଚାନ୍, “ଆନ୍ କ୍ରିସ୍‌ଟି ଆକାୟ୍ ।”

୨୧ ହେବେତାଂ ହେୱାର୍ ତାଜେଜ୍ ୱେନ୍‌ବାତାର୍, “ବାଟିଜ୍, ଏନ୍ ଇନାକା ଏଲିୟ୍ ?”
ହେୱାନ୍ ଇଚାନ୍, ଆନ୍ ଆକାୟ୍ ।

“ଏନ୍ ଇନାକା ହେ ବେଶ୍‌ବାକ୍‌ଶାୟ୍‌କିନାକାନ୍ ?
ହେୱାନ୍ ଉତର୍ ହିତାନ୍, ଆକାୟ୍ ।”

୨୨ ହେବେତାଂ ହେୱାର୍ ତାଜେଜ୍ ଇଚାର୍, ମାଜେଜ୍ ପଲ୍ଲିତି ମାନାୟାରିଂ ଇନେସ୍ ଉତର୍ ହିଦେଂ ଆଡ୍‌ନାପ୍, ଇଦାଂ କାଜିଂ “ଏନ୍ ଇନେର୍ ? ଜାର୍‌ତି ବିସ୍ତେ ଇନାକା ଇନାୟା ?”

୨୩ ଜିସାୟ୍ ବେଶ୍‌ବାକ୍‌ଶାୟ୍‌କିନାକାନ୍ ଇନେସ୍ ଇଞ୍ଜି ମାଚାନ୍, ହେ ଲାକେ ଜହନ୍ ଇଚାନ୍ ।
ଆନ୍ ହେ ଲାକେ ବାଲିବାଗାତ ଗାଜାକାଟ୍ କିଜି ମାନି ରୱାନ୍‌ତି କାଟ୍ ।

ମାପୁତି ହାଜି ହାଣ୍ଡକୁ କିୟାଟ୍ ।

୨୪ ଆରେ, ପାରୁସିର୍ ପକ୍‌ତି ମାଟି କାରୁର୍ ହିନାକାର୍ ତାଜେଜ୍ ଇଚାର୍ । ୨୫ ହେୱାର୍ ତାଜେଜ୍ ୱେନ୍‌ବାତାର୍, “ଏନ୍ ଜପି କ୍ରିସ୍‌ଟି କି ଏଲିୟ୍ ହେ ବେଶ୍‌ବାକ୍‌ଶାୟ୍‌କିନାକାୟ୍ ଆକାୟ୍, ହେଦାଂ ଆଡିସ୍ ଇନେକିଦେଂ ବାପ୍ରିସିମ୍ ହିନାୟାୟା ?”

୨୬ ଜହନ୍ ହେୱେରିଂ ଉତର୍ ହିତାନ୍, “ଆନ୍ ଏଜୁଂତାଂ ବାପ୍ରିସିମ୍ ହିନାଜା; ଇମ୍‌ଶାକାନିଂ ଏପେଜ୍ ପୁନ୍‌ଦେର୍, ହେୱାନ୍ ମି ବିତ୍ରେ ମାନାନ୍; ୨୭ ହେୱାନ୍ ନା ପାଚେ ୱାନାନା, ତାଜ୍ ପାନାନି ପାଣ୍ଡାଈଜ୍ ତରି ରିକ୍‌ଚେଂ ଆନ୍ ସମାନ୍ ଆକାୟ୍ ।”

୨୮ ଜର୍ଦନ୍ ନାଗୁଡ୍ ଆଣ୍ଡିପାଡ୍‌କା ଇମ୍‌ଶି ବେଡ୍‌ନିୟାତ ଜହନ୍ ବାପ୍ରିସିମ୍ ହିଜି ମାଚାନ୍, ହେ ବାହାତ ଇ ୱିଜୁ ଗିଟା ଆତାଡ୍ ।

ଇସ୍‌ବୁର୍ ମେଣ୍ଡାହିମ୍‌ଶା

୨୯ ଆର୍କାଡ୍ ନାଜିଂ ହେୱାନ୍ ଜିସୁଜ୍ ଜାର୍ ଲାଗେ ୱାନାକା ହୁଡ୍‌ଜି ଇଚାନ୍, “ଏହେଁ ହୁଡା, ଇସ୍‌ବୁର୍ ମେଣ୍ଡାହିମ୍‌ଶା, ଜେ ପୁଡ୍‌ନି ପାପ୍ ପିଣ୍ଡି ଅନାନ୍ । ୩୦ ନା ପାଚେ ଇନେନ୍ ୱାନାନା, ହେୱାନ୍ ନା ଗାଜାକାନ୍ ଆତାନ୍ନା, ଇନାକିଦେଂକି ହେୱାନ୍ ନା ଜଲମ୍ ଆଗେ ମାଚାନ୍, ଇମ୍‌ଶାକାନ୍ ବିସ୍ତେ ଆନ୍ ଇଦାଂ ଇଞ୍ଜି ମାଚାଜ୍, ହେୱାନ୍ ଇ ମାନାୟ୍ । ୩୧ ଆନ୍ ପା ତାଜେଜ୍ ଚିନ୍ କିୱାଦାଂ ମାଚାଜ୍, ମାତର୍ ହେୱାନ୍ ଇନେସ୍ ଇସ୍ରାଏଲ୍ ମାନାୟାର୍ ଲାଗେ ଚଞ୍ଜୟା ଆନାନ୍, ଇ କାଜିଂ ଆନ୍ ଏଜୁଂତାଂ ବାପ୍ରିସିମ୍ ହିଦେଂ ୱାତାଜ୍‌ନା ।”

୩୨ ଆରେ, ଜହନ୍ ସାକି ହିଜି ଇଚାନ୍, “ଆନ୍ ଜିରୁନ୍‌ତିଂ ପାଣ୍ଡକା ଲାକେ ବାଦାଡ୍‌ତାଂ ତା ଜପି ଜୁଦ୍‌ନାକା ହୁଡ୍‌ତାଜ୍‌ନା, ଆରେ ହେଦାଂ ତା ଜପି କୁଡ୍‌ଚାଡ୍, ଏନେଜ୍ ନା ୱାରିନି ମାଜି, ନି ତାକେ ନାତାଂ ବେସି ୱାରି ମାନାଡ୍ ।” ୩୩ “ଆନ୍ ପା ତାଜେଜ୍ ଚିନ୍ କିୱାଦାଂ ମାଚାଜ୍, ମତର୍ ଜେ ନାଜେଜ୍ ଏଜୁଂତାଂ ବାପ୍ରିସିମ୍ ହିଦେଂ ପକ୍‌ତାନ୍, ହେୱାନ୍ ନାଜେଜ୍ ଇନ୍‌ଚାନ୍, ଇମ୍‌ଶାକାନ୍ ଜପି ଜିରୁନ୍‌ତିଂ ଜୁଦ୍‌ନାକା ହୁଡ୍‌ନାଦେର୍, ହେୱାନ୍ ହେ ମାନାୟ୍, ଜେ ପୁଇପୁୟା ଜିରୁନ୍ତାଂ ବାପ୍ରିସିମ୍ ହିନାନ୍ । ୩୪ ଆରେ, ଆନ୍ ହେଦାଂ ହୁଡ୍‌ତାଜ୍‌ନା, ଆରି ହେୱାନ୍ ଇସ୍‌ବୁର୍ ମାଜି ଇଞ୍ଜି ସାକି ହିନାନ୍ ।”

ଜିସୁତି ପର୍ଡୁମ୍ ଚେଲାର୍

୩୫ ପାଚେନି ନାଜିଂ ଆରେ ରଗ ଜହନ୍ ଆରି ହେ ଚେଲାର୍ ବିତ୍ରେ ରିକାର୍ ଲାହାଜ୍ ନିଲ୍‌ତି ମାଚାର୍; ୩୬ ଆରେ, ହେୱାନ୍ ଜିସୁଜ୍ ହେ ହାଜି ହିଜି ହାନାକା ହୁଡ୍‌ଜି ତାଜେଜ୍ ଇଚାନ୍, “ଇୱାନ୍ ହୁଡାଟ୍, ଇସ୍‌ବୁର୍ ମେଣ୍ଡାହିମ୍‌ଶା ।”

୩୭ ହେ ରିକାର୍ ଚେଲାର୍ ହେ ବେରଣ୍ ଝେନ୍‌ଝି ଜିସୁତି ପାଚେ ପାଚେ ହାଚାର୍ । ୩୮ ଜିସୁ ପାଚ୍‌ବାଗାଂ ମାସ୍‌ଦି ହେଝେରିଂ ପାଚେ ପାଚେ ଖାନାକା ହୁଡ୍‌ଜି ଝେନ୍‌ବାତାନ୍, “ଏପେଙ୍ଗ୍ ଇନାକା ଦାହ୍‌ନାଦେରା ?” ହେଝାର୍ ତାଙ୍ଗେଙ୍ଗ୍ ଉତର୍ ହିତାର୍, “ରାବ୍‌ବି ଇନାକା ଅରଡ୍ ଗୁରୁ, ଏନ୍ ଇମେତାକେ ମାନାୟା ?”

୩୯ ହେଝାନ୍ ହେଝେରିଂ ଇଚାନ୍, “ଝାଡ୍, ହୁଡ୍‌ନାଦେର୍ ।” ହେବେଣ୍ଟା ହେଝାର୍ ହାଲ୍‌ଜି ହେଝାନ୍ତି ବାହା ହୁଡ୍‌ତାର୍, ଆରେ ହେ ନାଜିଂ ତା ହୁଦାଂ ମାଚାର୍; ଇନେକିଦେଂକି ହେପାଦ୍‌ନା ମ୍ବିକାହାରେସ୍ କମ୍‌ସେକମ୍ ଚାର୍‌ଟା ଆଜି ମାଚାଡ୍ ।

୪୦ ଇମ୍‌ଣି ରିକାର୍ ଜହନ୍‌ତି ବେରଣ୍ ଝେନ୍‌ଝି ଜିସୁତି ପାଚେ ପାଚେ ହାଲ୍‌ଜି ମାଚାର୍, ହେଝାର୍ ବିତ୍ରେ ରକାନ୍ ସିମନ୍ ପିତର୍ ଟଣ୍ଟାହି ଆହିୟ୍ ମାଚାନ୍ । ୪୧ ହେଝାନ୍ ପର୍ତ୍ତମ୍ ଜାର୍ ଟଣ୍ଟେନ୍ ସିମନ୍‌ତିଂ ଚଞ୍ଜା ଆଜି ତାଙ୍ଗେଙ୍ଗ୍ ଇଚାନ୍,

ଆପେଂ ମସିୟାତି ହୁଡ୍‌ତାପ୍‌ନା, “ଇମ୍‌ଣାକା ଅରଡ୍ କ୍ରିସ୍ଟ୍ ।” ୪୨ ହେଝାନ୍ ତାଙ୍ଗେଙ୍ଗ୍ ଜିସୁ ଲାଗାୟ୍ ତାହିଝାତାନ୍ । ଜିସୁ ହେଝାନ୍ତି ହୁଡ୍‌ଜି ଇଚାନ୍, “ଏନ୍ ଜହନ୍ ମେହି ସିମନ୍ ।” ଏନ୍ କୈପା ସବଦ୍ ଅରଡ୍ ପିତର୍ ନଲେ କାଲ୍ ।

ଇସ୍‌ବର୍ ପିଲିପି ଆରି ନିତନିୟେଲ୍‌ତିଂ କୁକ୍‌ନାନ୍

୪୩ ଆର୍କାଡ୍ ନାଜିଂ ଜିସୁ ଗାଲିଲିତ ହସି ହାଜେଙ୍ଗ୍ ଇଞ୍ଜି ମାନ୍ କିତାନ୍, ଆରେ ହେଝାନ୍ ପିଲିପ୍‌ୟଙ୍ଗ୍ ଚଞ୍ଜା ଆଜି ତାଙ୍ଗେଙ୍ଗ୍ ଇଚାନ୍, “ନା ପାଚେପାଚେ ଝା ।” ୪୪ ପିଲିପ୍‌ ବେଡ୍‌ସାଈଦାନି ଲକ୍ ମାଚାନ୍, ହେଦାଂ ଆହିୟ୍ ଆରି ପିତର୍‌ତି ଗାଡ୍ ମାଚାଡ୍ । ୪୫ ପିଲିପ୍‌ ନିତନିୟେଲ୍‌ତିଂ ଚଞ୍ଜା ଆଜି ତାଙ୍ଗେଙ୍ଗ୍ ଇଚାନ୍, “ଇମ୍‌ଣାକାନ୍ ବିସ୍ତେ ମସା ବିଦିନି ପତିତ ଲେକିକିତାନ୍‌ନା, ଆରେ ବେଣ୍‌ବାକ୍‌ଶାୟ୍‌କିନାକାର୍ ପା ଲେକିକିତାଣ୍ଟା, ଆସେଙ୍ଗ୍ ହେଝାନ୍ ଚଞ୍ଜା ଆତାସ୍‌ନା; ହେଝାନ୍ ଜସେପ୍ ମାଜି ନାଜରିତ୍‌ୟ୍ ଜିସୁ ।”

୪୬ ନିତନିୟେଲ୍ ତାଙ୍ଗେଙ୍ଗ୍ ଝେନ୍‌ବାତାନ୍, “ନାଜରିତ୍‌ୟ୍‌ତାଂ କି ଇନାକାପା ହାର୍‌ଦି ବିସ୍ତେ ଝାଦେଙ୍ଗ୍ ଆଡ୍‌ଦାନାଡ୍ କି ?”

ପିଲିପ୍ ତାଙ୍ଗେଙ୍ଗ୍ ଇଚାନ୍, “ଝାଜି ହୁଡ୍‌ତାଡ୍ ।”

୪୭ ଜିସୁ ନିତନିୟେଲ୍‌ତିଂ ଜାର୍ ଲାଗେ ଖାନାକା ହୁଡ୍‌ଜି ହେ ବିସ୍ତେ ଇଚାନ୍, “ଇଦାଂ ହୁଡ୍‌ ହାଡ୍‌ପାନେ ଇ ରକାନ୍ ଇସ୍‌୍ରାଏଲିୟ୍ ମାନାୟ୍, ଇଝାନ୍ ତାକେ ଚିତ୍‌ଲି ହିଲୁଡ୍ ।”

୪୮ ନିତନିୟେଲ୍ ତାଙ୍ଗେଙ୍ଗ୍ ଝେନ୍‌ବାତାନ୍, “ଏନ୍ ନାଙ୍ଗେଙ୍ଗ୍ ଇନେସ୍ ଚିନ୍‌କିଡ୍‌ତାୟ୍ ?”

ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ପିଲିପ୍ ନିଙ୍ଗେଙ୍ଗ୍ କୁକ୍‌ତିନି ଆଗେ ଏନ୍ ଏଚେକାଡ୍‌ଦ୍ ତଗା ମାର୍ ତାରେନ୍ ମାଚାୟ୍, ହେପାଦ୍‌ନା ଆନ୍ ନିଙ୍ଗେଙ୍ଗ୍ ହୁଡ୍‌ଜି ମାନ୍‌ଞ୍ଜାଙ୍ଗ୍ ।”

୪୯ ନିତନିୟେଲ୍ ତାଙ୍ଗେଙ୍ଗ୍ ଉତର୍ ହିତାନ୍, “ଏ ଗୁରୁ, ଏନ୍ ଇସ୍‌ବର୍ ମାଜି, ଏନ୍ ଇସ୍‌୍ରାଏଲି ରାଜା ।”

୫୦ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଆନ୍ ନିଙ୍ଗେଙ୍ଗ୍ ତଗା ମାର୍ ତାରେନ୍ ହୁଡ୍‌ଜି ମାନ୍‌ଞ୍ଜାଙ୍ଗ୍ ଇଞ୍ଜି ଇଚିଲେ କି ଏନ୍ ପାଚ୍ କିନାୟା ? ଏନ୍ ଇବେତାଂ ଆରେ ଗାଜା ଗାଜା ବିସ୍ତେ ହୁଡ୍‌ନାୟ୍ ।” ୫୧ ଆରେ, ହେଝାନ୍ ତାଙ୍ଗେଙ୍ଗ୍ ଇଚାନ୍, “ହାଡ୍‌ପା ହାଡ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଏପେଙ୍ଗ୍ ସାଗେତ୍ ଜେୟାନ୍‌ଡ୍ ଆରି ଇସ୍‌ବର୍ ଦୁଡ୍‌ର୍ ମାନାୟ୍ ମାଜିଡି ଜପି ଦୁମ୍‌ନାକା ଆରି ଜୁଦ୍‌ନାକା ହୁଡ୍‌ନାଦେର୍ ।”

୨

କାନ୍ନା ନାସ୍ତ ବିବା

୧ ତିନ୍ ଦିନ୍ତ ଗାଲିଲିନି କାନାତ ର ବିବା ମାଚାଡ୍, ଆରେ ଜିସୁ ତେହି ହେବେ ମାଚାଡ୍; ୨ ଜିସୁ ପା ଜାର୍ ଚେଲାର୍ ଲାହାଙ୍ଗ୍ ହେ ବିବାତ କୁକ୍‌କା ଆତାନ୍ । ୩ ବଜି ଝିଜ୍‌ଝିଙ୍ଗ୍ ହେଝାର୍‌ତି ଅଙ୍ଗୁର୍ ରାସ୍ ଝିସ୍ତିଲେ ଜିସୁ ତେହି ଜିସୁଙ୍ଗ୍ ଇଚାଡ୍, “ହେଝାର୍‌ତି ଅଙ୍ଗୁର୍ ରାସ୍ ହିଲୁଡ୍ ।”

୪ ହେବେଣ୍ଟା ଜିସୁ ତାଙ୍ଗେଙ୍ଗ୍ ଇଚାନ୍, ନି ଲାହାଙ୍ଗ୍ ନାଦି ଇନାକା ମାନାଡ୍ “ନାଙ୍ଗ୍ ଇନେକିଦେଂ ଇବେ ମିହାୟ୍ କିଦ୍‌ନାୟା ? ନା ସମ୍‌ ଅଙ୍ଗୟ୍ ପାତେକ୍ ଏକା ଆଝାତାଡ୍‌ନା ।”

୫ ହେ ତେହି ହେବା କିନାକାରିଂ ପାସ୍‌ପାନାକାରିଂ ଇଚାଡ୍, “ହେଝାନ୍ ମିଙ୍ଗେଙ୍ଗ୍ ଇନାକା ଇଞ୍ଜିନାନ୍, ହେଦାଂ କିୟାଡ୍ ।”

୬ ଆରେ, ହେବେ ଜିହୁଦିତ୍ ନିର୍ମାଲ୍ ଆନି ରିତି ଲାକେ ସହେ ଲିଟର୍ ଏଙ୍ଗୁଂ ଇଡ୍‌ଜି ଚଅଗଟା କାଲ୍‌କୁ କୁଣ୍ଟ ଇଡ୍‌ଜି ମାଚାର୍ । ୭ ଜିସୁ ଆଡ୍‌ୟାରିଂ ଇଚାନ୍, “କୁଣ୍ଟକୁକାଂ ଏଙ୍ଗୁଂ ବାଚ୍ କିୟାଡ୍ ।” ହେବେଣ୍ଟା ହେଝାର୍ ହେ ଝିଜ୍‌ ଅଟି ପାତେକ୍ ବାଚ୍ କିତାର୍ । ୮ ଆରେ, ହେଝାନ୍ ହେଝାରିଂ ଇଚାନ୍, “ନଙ୍ଗୟ୍ ଉନ୍‌ଦି ଅଜି ବଜିନି ମୁଣିକାଂ ଲାଗେ ଅହାଡ୍ ।” ହେବେଣ୍ଟା ହେଝାର୍ ଅଜି ହାଚାର୍ । ୯ ବଜିନି ମୁଣିକା ଅଙ୍ଗୁର୍ ରାସ୍ ଆଜି ମାଚି ହେ ଏଙ୍ଗୁଂ ଝେଣ୍‌ଜି ହେଦାଂ ଇମେତାଂ ଝାଡିକ୍, ଇଦାଂ ପୁନ୍‌ଝାଦାଂ ମାଚିଲେ ମାଚର୍ ଇମ୍‌ଣି ହେବା କିନାକାର୍ ଏଙ୍ଗୁଂ ଉନ୍‌ଦି ମାଚାର୍, ହେଝାର୍ ପୁନ୍‌ଞ୍ଜି ମାଚାର୍ ବିବାଆନାକାନ୍ କୁକ୍‌ତି ଇଚାର୍, ୧୦ “ଝିଜାକାର୍ ପର୍ତ୍ତମ୍‌ତ

ହାଦର୍ ଅଜ୍ଞୁର ରାସ୍ ହିନାର୍, ଆରେ ମାନାୟାର୍ ଉଣ୍ଡି ହର୍ଚି ପାଚେ ଜବାକାଲି ହିନାର୍; ଏପେଙ୍ ଅଜ୍ଞୟ୍ ପାଚେକ୍ ହାଦର୍ ଅଜ୍ଞୁର ରାସ୍ ଇଡ଼ତାଦେଣ୍ଣା ।”

୧୧ ଜିସୁ ଇ ଲାକେ ଗାଲିଲିନି କାନାତ ପର୍ତ୍ତମ୍ କାବାକିନି କାମାୟ୍ ହାଞି ଜାର୍ ପାଣ୍ ଚର୍ଚାନ, ଆରେ ତା ଚେଲାର୍ ତା ତାକେ ପାଚର୍ କିତାର୍ ।

୧୨ ଇଦାଂ ପାଚେ ହେଖାନ୍ ଜାର୍ ଆୟାଂ, ଟଣ୍ଡାରବାଇ ଆରି ଚେଲାର୍ ଲାହାଙ୍ କପର୍ନାହୁମ୍ ତାକେ ହାଚାର୍; ପାଚେ, ହେଖାର୍ ହେବେ ବେସି ଦିନ୍ ମାନ୍‌ଖାତାର୍ ।

**ଇସ୍ବର ଜିରୁସାଲମତ ମନ୍ଦିରତ ହାଚାନ
(ମାତିଉ ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)**

୧୩ ହେ ପାଦନା ଜିହୁଦିତର୍ ନିସ୍ବାର୍ ପାର୍ବୁ ଲାଗେ ଆଜି ମାଚାଡ, ଆରେ ଜିସୁ ଜିରୁସାଲମତ ହାଚାନ ।

୧୪ ହେବେ ହେଖାନ୍ ହୁଡ଼ତାନ, ମନ୍ଦିର ବିତ୍ରେ ମାନାୟ୍ କଡ଼ିଙ୍, ମେଣ୍ଡା ଆରି ପାଣ୍ଡକା ବେପ୍ରିୟାରି ଆରେ ତାରୁଙ୍ ବେପ୍ରିୟାରି କୁଚର୍ ଜପି ଗାଡ଼ି କିଜି ମାନାକା ହୁଡ଼ତାନ । ୧୫ ହେବେ ହେଖାନ୍ ଡରିତାଂ ର କରତା ରଚ୍ଚି କଡ଼ି ଆରି ମେଣ୍ଡାକାଂ ଖିଜାରିଂ ମନ୍ଦିରତାଙ୍ ବାରତ ହପ୍ତାନ; ଆରେ, ତାରୁଙ୍ ବେପ୍ରିୟାର୍ଚି ତାରୁଙ୍ ସବୁ ଡ଼ିଝିଜି ହେଖାର୍ଚି ଟେବୁଲିଂ ଉଲଟାୟ୍ କିଜି ତାରୁଙ୍ ତାରେନ୍ ଡ଼ିଝିତାର୍; ୧୬ ଆରେ, ହେଖାନ୍ ପାଣ୍ଡକା ବେପ୍ରିୟାରି ଇଚାନ, “ଇଖାକାଂ ଇବେଣ୍ଡାଂ ଅହାଟ୍, ମାଞ୍ଜି ଆବା ଇଲ୍ଲଦିଂ ବେପ୍ପାଚାର୍ ଇଲ୍ଲ କିମାଟ୍ ।” ୧୭ “ମି ଇଲ୍ଲ କାଜିଂ ଇଚା ନାଜେଙ୍ ଖିସ୍ତାନାଡ଼ ଇଦାଂ ଲେକା ମାନାଡ଼ ଇଞ୍ଜି ତା ଚେଲାର୍ ମାନ୍ତ ଏଡୁ କିତାର୍ ।”

୧୮ ହେବେ ଜିହୁଦିରତାଂ ଉତର୍ ହିତାର୍, “ଏନ୍ ଇ ସବୁ କାମାୟ୍ କିନି କାଜିଂ ଆଦିକାର୍ ପାୟ୍‌ଆତାଂନା ଇଞ୍ଜି ଆପେଂ ଇନେସ୍ ପୁନାପ୍ ?” ଆରେ ଇମ୍‌ଣି ଚିନ୍ ହୁକେ ମାଜେଙ୍ ହେଦାଂ ଚର୍ଚାନାୟା ।

୧୯ ଜିସୁ ହେଖେରିଂ ଉତର୍ ହିତାନ, “ଏପେଙ୍ ଇ ମନ୍ଦିରତିଂ ବାଡ଼ହାୟ୍ କିୟାଟ୍, ଆରେ ତିନି ଦିନ୍ ବିତ୍ରେ ଆନ୍ ହେଦାଂ ରଚ୍ଚନାଙ୍ ।”

୨୦ ହେବେ ଜିହୁଦିର ଇଚାର୍, “ଇ ମନ୍ଦିର ରଚ୍ଚେଂ ଇଞ୍ଜି ରିକଡ଼ିଚ ବାହୁଁ ଲାଗାଆଡ଼ନା; ଆରେ ଏନ୍ ଇନାକା ହେଦେଲିଂ ତିନ୍‌ଦିନ୍‌ତାଂ ରଚ୍ଚେଂ ଆଡ଼ନାୟ୍ ?”

୨୧ ମାତର୍ ହେଖାନ୍ ନିଜାର୍ ଗାଗାଡ଼ ବାର୍ତାକା ମନ୍ଦିରତିଂ ହୁଡ଼ଜି ଇଦାଂ ଇଞ୍ଜି ମାଚାନ । ୨୨ ଲାଗିଂ ହେଖାନ୍ ହାତାକାର୍ ବିତ୍ରେତାଂ ନିଙ୍ଗିତି ପାଚେ ତା ଚେଲାର୍ ହେଖାନ୍ ଇଦାଂ ଇଞ୍ଜି ମାଚାନ ଇଞ୍ଜି ଏଡ଼ କିତାର୍; ପାଚେ, ହେଖାର୍ ଦରମ୍ ସାସ୍ବର ଆରି ଜିସୁ ଇଞ୍ଜିମାଚି ବଚନ୍ ପାଚର୍ କିତାର୍ ।

ଜିସୁ ମାନାୟ୍ ହାଡ଼ପା ପୁନାନ୍

୨୩ ନିସ୍ବାର୍ ପାର୍ବୁ ସମୁତ ହେଖାନ୍ ଜିରୁସାଲମତ ମାନି‌ଖାଡ଼ାଙ୍ ହେନି ତାଜେଙ୍ କିତାକା କାବାଆନି କାମାୟିଙ୍ ହୁଡ଼ଜି ତା ଚର୍ଦାଂ ପାଚର୍ କିତାର୍, ୨୪ ମାତର୍ ଜିସୁ ହେଖାର୍ ଜପି ପାଚର୍ କିଖାଦାଂ ମାଚାନ ଇନାକିଦେଂକି ହେଖାର୍ ମାନ୍ତ ପୁନ୍‌ଞ୍ଜି ମାଚାନ, ୨୫ ଆରେ, ଇମ୍‌ଣାକାନ୍ ଜେ ମାନାୟ୍ ବିସ୍ବେ ସାକି ହିନାନ୍, ଇଦାଂ ତାଦାଙ୍ ଲଡ଼ା ହିଲ୍‌ଖାତାଡ଼, ଲାଗିଂ ମାନାୟ୍ ଖାସ୍ତିତ ଇନାକା ମାନାଡ଼, ହେଦାଂ ହେଖାନ୍ ନିଜେ ପୁଞ୍ଜିମାଚାନ ।

୩

ଇସ୍ବର ଆରି ନିକଦିମ୍

୧ ପାରୁସିର୍ ବିତ୍ରେ ନିକଦିମ୍ ତର୍ଦାକାନ୍ ରଖାନ୍ ମାନାୟ୍ ମାଚାନ, ହେଖାନ୍ ଜିହୁଦିର୍ ରଖାନ୍ ମୁଡ଼ଦାକାନ୍ । ୨ ହେଖାନ୍ ନାଣା ସମୁତ ଜିସୁତି ଲାଗେ ଖାଜି ତାଜେଙ୍ ଇଚାନ, “ଏ ଗୁରୁ, ଏନ୍ ଜେ ଇସ୍ବରତାଂ ଖାଜି ମାଚି ଗୁରୁ, ଇଦାଂ ଆପେଂ ପୁନାପ୍, ଇନାକିଦେଂକି ଏନ୍ ଇ ଇମ୍‌ଣି ଖିଜୁ କାବାଆନି କାମାୟ୍ କିତାୟନା, ଇସ୍ବର ଲାହାଂ ହିଲ୍‌ଖିତିସ୍ ହେ ସବୁ ଇନେର୍ କିଦେଙ୍ ଆଡୁର୍ ।”

୩ ଜିସୁ ତାଜେଙ୍ ଉତର୍ ହିତାନ, “ହାଡ଼ପା ହାଡ଼ପା ଆନ୍ ନିଜେଙ୍ ଇଞ୍ଜନାଙ୍, ଆରେ ରଗ ଜଲମ୍ ଆଞ୍ଜିତିସ୍ ଇନେର୍ ଇସ୍ବର ରାଜି ହୁଡ଼ଦେଂ ଆଡୁନ୍ ।”

୪ ନିକଦିମ୍ ତାଜେଙ୍ ଖେନ୍‌ବାତାନ, “ବୁଡ଼ହି ଆତିସ୍ ମାନାୟ୍ ଇନେସ୍ କିଜି ଜଲମ୍ ଆନାନ୍ ? ହେଖାନ୍ ଇନାକା ରି ହାଜାର୍ ଆୟା ପଚତ ହଣ୍ଡି ଜଲମ୍ ଆଦେଂ ଆଡ଼ନାଂ ?”

୫ ଜିସୁ ଉତର୍ ହିତାନ, ହାଡ଼ପା ହାଡ଼ପା “ଆନ୍ ନିଜେଙ୍ ଇଞ୍ଜନାଙ୍,” ଏଜୁଂ ଆରି ଜିରୁନ୍‌ତାଂ ଜଲମ୍ ଆଞ୍ଜିତିସ୍ ଇନେର୍ ଇସ୍ବତ ରାଜିତ ହଣ୍ଡେଙ୍ ଆଡୁନ୍ । ୬ ଗାଗାଡ଼ତାଂ ଇନାକା ଆତାଡ଼ନା, ହେଦାଂ ଗାଗାଡ଼; ଆରେ, ଜିରୁନ୍ତାଂ ଇନାକା ଆତାଡ଼ନା, ହେଦାଂ ଜିରୁନ୍ । ୭ ନିଜେଙ୍ ଆରେ ରଗ ଜଲମ୍ ଆନାକା ମାନାଡ଼ ଇଞ୍ଜି

☆ ୨:୧୧ ୨:୧୯ ମାତିଉ ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯.

ଆନ୍ ଜେ ନିକ୍ଷେପ୍ ଇନଟାଙ୍ଗ୍, ଇଦାଂ କାବା ଆମାଟ୍ । ୮ ଡଲୁ ଇମ୍ପଣି ବାଗାଙ୍ଗ୍ ମାନ୍ କିନାଡ୍, ହେ ବାଗାଙ୍ଗ୍ ହାନାଡ୍ ଆରେ ଏପେଙ୍ଗ୍ ତାଦାଙ୍ଗ୍ ଗାଜାର୍ ଖେନ୍ଝି ମାନାଦେର୍, ମାତର୍ ହେଦାଂ ଇମେତାଂ ଖାନାଡ୍ ଆରେ ଇମେ ନିପ ହାନାଡ୍, ହେଦାଂ ପୁନୁଦେର୍; ଜିବୁନ୍ତାଂ ଉବ୍‌ଜାଣ୍ ଖିଜାର୍ ମାନାୟ୍ ବିସ୍ତେ ହେ ଲାକେ ।

୯ ନିକଦିମ୍ ତାଙ୍ଗେଙ୍ଗ୍ ଉତର୍ ହିତାନ୍, “ଇ ଖିଜୁ ଇନେସ୍ ଆନାଡ୍ ?”

୧୦ ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଏନ୍ ଇସ୍ରାଏଲ୍‌ନି ରକାୟ୍ ଗୁରୁ ଆଜି ପା ଇନାକା ଇ ସବୁ ବୁଜାଆଉୟା ? ୧୧ ଆନ୍ ନିକ୍ଷେପ୍ ହାଡ୍‌ପା ଇଞ୍ଜନାଙ୍ଗା, ଆପେଂ ଇମ୍ପଣାକା ପୁନାପ୍, ହେଦାଂ ଇନାପ୍, ଆରେ ଇନାକା ହୁଡ୍‌ତାପ୍‌ନା, ତା ବିସ୍ତେ ସାକି ହିନାପ୍, ଆରେ ଏପେଙ୍ଗ୍ ମାଦାଂ ସାକି ଇରୁଦେରା । ୧୨ ଆନ୍ ମିକ୍ଷେପ୍ ପୁତ୍ ବିସ୍ତେ ଇଞ୍ଜିସ୍ ଜଦି ଏପେଙ୍ଗ୍ ପାତ୍ କିଞ୍ଜିତିସ୍, ତେବେ ମିକ୍ଷେପ୍ ସାଗେ ବିସ୍ତେ ଇଞ୍ଜିସ୍ ଇନେସ୍ ପାତ୍ କିନାଦେର୍ ? ୧୩ ଇମ୍ପଣି ମାନାୟ୍ ମାଜି ସାଗେତାଂ ଜୁଡ୍‌ତାନ୍, ହେଖାନିଂ ପିସ୍ତି ଆରେ ଇନେର୍ ସାଗେ ହାଲ୍‌ଖାତାର୍‌ନା ।”

୧୪ ଆରେ, ମସା ଇନେସ୍‌କି ବାଗାତ ପିତାଡ୍ ରାଡ୍‌ତିଂ ଜପି ପେସ୍‌ଜି ମାଗାନ୍, ମାନାୟ୍ ମାଜି ପା ହେ ଲାକେ ଜପି ପେଜ୍‌ୟା ଆନାନ୍, ୧୫ ଇନେସ୍ ଇନେର୍‌କି ତା ତାକେ ପାତ୍ କିତାର୍, ହେଖାନ୍ ଖିଜ୍‌ଖି ଜିବୁନ୍ ପାୟା ଆନାନ୍ । ୧୬ ଇନାକିଦେଂକି ଇସ୍‌ବର୍ ପୁତ୍ ଏତେକ୍ ଜିଉନତାନ୍ ଜେ, ହେଖାନ୍ ଜାର୍ ପାଣାଆଁ ମାଜିକ୍ ଦାନ୍ କିତାନ୍, ଇନେସ୍ ଇନେର୍‌କି ତା ତାକେ ପାତ୍ କିତାର୍, ହେଖାନ୍ ନସୁ ଆଖାଦାଂ ଖିଜ୍‌ଖି ଜିବୁନ୍ ପାୟା ଆନାନ୍ । ୧୭ ଇସ୍‌ବର୍ ତା ମେହିଙ୍ଗ୍ ପୁତ୍ ବିଚାର୍ କିନି କାଜିଂ ଆକାୟ୍, ମାତର୍ ପୁତ୍ ଇନେସ୍ ତା ଲାହାଙ୍ଗ୍ ମୁକ୍ତି ଆନାନ୍ ହେଦାଂ କାଜିଂ ପକ୍‌ତାନ୍‌ନା ।

୧୮ ଇନେନ୍ ମାଜିଡାକେ ପାତ୍ କିତାର୍, ହେଖାନ୍ ବିଚାର୍ କିୟାଆଉନ୍; ଇନେନ୍ ପାତ୍ କିଉନ୍, ହେଖାନ୍ ବିଚାର୍ କିୟାଆତାନେ, ଇନାକିଦେଂକି ହେଖାନ୍ ଇସ୍‌ବର୍ ପାଣାଆଁ ମାଜି ତରଦ୍ ପାତ୍ କିଞ୍ଜାତାନ୍‌ନା । ୧୯ ଆରେ, ହେ ବିଚାର୍ ଇ, ପୁତ୍ ଅଜଡ୍ ଖାତାଡ୍, ମାତର୍ ମାନାୟାର୍ ଅଜଡ୍ ପିସ୍ତି ମାଜ୍‌ଗାତିଂ ଜିଉନତାର୍, ଇନାକିଦେଂକି ହେଖାନ୍‌ତି କାମାୟ୍ ସବୁ ବାନ୍‌ସା । ୨୦ ଇନାକିଦେଂକି ଇନେର୍‌କି ବାନ୍‌ସା କାମାୟ୍ କିନାନ୍, ହେଖାନ୍ ଅଜଡ୍‌ତିଂ ଗିଣ୍ କିନାନ୍, ଆରେ କାତେହିନା ସଡ୍ କାମାୟ୍‌ନି ଦସ୍ ହନାଡ୍, ଇଦାଂ କାଜିଂ ହେଖାନ୍ ଅଜଡ୍ ଲାଗାଂ ଖାଉନ୍ । ୨୧ ମାତର୍ ଇନେନ୍‌କି ହାଡ୍‌ପା ବେବାର୍ କିନାନ୍, ହେଖାନ୍ ଅଜଡ୍ ଲାଗାଂ ଖାନାନ୍, ଇନେସ୍ ହେଦାଂ ଖିଜୁ କାମାୟ୍ ସବୁ ଇସ୍‌ବର୍ ତାକେ କିତାକା ଇଞ୍ଜି ହନାଡ୍ ।

ଜିସୁ ଆରି ଜହନ

୨୨ ଇଦାଂ ପାତେ ଜିସୁ ଆରି ତା ଚେଲାର୍ ଜିହୁଦା ଦେସ୍‌ତ ହାଚାର୍, ଆରେ ହେଖାନ୍ ହେ ବାହାତ ହେଖେର୍ ଲାହାଙ୍ଗ୍ ମାନ୍‌ଞ୍ଜି ବାପ୍ରିସିମ୍ ହିଦେଂ ଲାଗାତାନ୍ । ୨୩ ଜହନ୍ ପା ସାଲମ୍ ଲାଗେ ଏନନ୍‌ତ ଜହନ୍ ବାପ୍ରିସିମ୍ ହିଜି ମାଗାନ୍, ଇନାକିଦେଂକି ହେ ବାହାତ ବେସି ଏଲୁଂ ମାଟିକ୍, ଆରେ ମାନାୟାର୍ ଖାଜି ବାପ୍ରିସିମ୍ ଅଜି ମାଗାର୍; ୨୪ ଜହନ୍ ହେ ପାତେକ୍ ଜଇଲ୍ ଇଞ୍ଜି ଗେହ୍‌ନାକା ଆଖାଦାଂ ମାଗାନ୍ ।

୨୫ ହେ ବିତ୍ରେ ନିର୍ମାଲ୍ କାମ୍ ବିସ୍ତେ ଜହନ୍ କେତେକ୍ ଚେଲାର୍ ରଖାନ୍ ଜିହୁଦି ଲାହାଙ୍ଗ୍ ଉର୍‌ଜି କିବାଆତାର୍ ୨୬ ଆରେ, ହେଖାର୍ ଜହନ୍ ଲାଗେ ହାଲ୍‌ଜି ତାଙ୍ଗେଙ୍ଗ୍ ଇଚାର୍, “ଏ ଗୁରୁ, ଜେ ଜର୍‌ଦନି ଆଣ୍ଟିପାଡ୍‌କା ନି ଲାହାଙ୍ଗ୍ ମାଗାର୍, ଇନେନ୍ ବିସ୍ତେ ଏନ୍ ସାକି ହିତାୟ୍‌ନା, ହୁଡାଟ୍, ହେଖାନ୍ ବାପ୍ରିସିମ୍ ହିନାନ୍‌ନା ଆରି ଖିଜାକାର୍ ତା ଲାଗେ ହାନାରା ।”

୨୭ ଜହନ୍ ଉତର୍ ହିତାନ୍, “ସାଗେତାଂ ହିଦ୍ୟାଆଞ୍ଜିତିସ୍ ମାନାୟ୍ ବିରକୁଲ୍ ପାୟା ଆଉନ୍ । ୨୮ ଆନ୍ ଜେ କ୍ରିସ୍ଟୁ ଆକାୟ୍, ମାତର୍ ତା ଆଗେ ପକ୍ୟା ଆତାଙ୍ଗ୍‌ନା, ଇଦାଂ ଆନ୍ ଇଞ୍ଜି ମାଗାଙ୍ଗ୍ ଇଞ୍ଜି ଏପେଙ୍ଗ୍ ନିଜ୍ ନିଜ୍ ନା ସାକି । ୨୯ ଇନେନ୍ ଗାଡ୍ ଇଟ୍‌ନାନ୍, ହେଖାନ୍ ବିବାଦାଂଶେନ୍, ମାତର୍ ବିବାଦାଂଶେନ୍‌ତି ଇମ୍ପଣି ସାଙ୍ଗ୍ ଲାଗେ ନିଲ୍‌ତି ତା କାତା ଖେନାନ୍, ହେଖାନ୍ ବିବାଦାଂଶେନ୍‌ତି କାଟ୍ କାଜିଂ ବେସି ଖାର୍‌ୟା ଆନାନ୍, ଇ ଲାକେ, ନା ଇ ଖାରି ବାତ୍ ଆତାଡ୍‌ନ୍ନା । ୩୦ ହେଖାନିଂ ଆତିସ୍‌ପା ବାତାନାକା ମାନାଡ୍, ମାତର୍ ନାଙ୍ଗେଙ୍ଗ୍ ଉଣାଆଦେଂ ମାନାଡ୍ ।”

ସାଗେତାଂ ଖାନାକା ର ମାନାୟ୍

୩୧ ଇନେନ୍ ସାଗେତାଂ ଖାନାନ୍, ହେଖାନ୍ ଖିଜାର୍‌ତାଂ ଗାଜା; ଇନେନ୍ ପୁତ୍‌ତାଂ ଉବ୍‌ଜାଣ୍, ହେଖାନ୍ ପୁତ୍‌ନିକାନ୍, ଆରେ ହେଖାନ୍ ପୁତ୍‌ନି କାତା ଇନାନ୍; ଇନେନ୍ ସାଗେତାଂ ଖାନାନ୍, ହେଖାନ୍ ଖିଜାର୍‌ତାଂ ଗାଜାକାନ୍ । ୩୨ ହେଖାନ୍ ଇନାକା ହୁଡ୍‌ତାନ୍‌ନା ଆରି ଖେରାନ୍‌ନା, ହେଦାଂ ବିସ୍ତେ ହେଖାନ୍ ସାକି ହିନାନ୍, ମାତର୍ ତା ସାକି ଇନେର୍ ମାନ୍‌କିଉର୍ । ୩୩ ଇନେନ୍ ତା ସାକି ଇଡ୍‌ତାନ୍ନା, ଇସ୍‌ବର୍ ଜେ ହାଡ୍‌ପା, ଇଦାଂ ହେଖାନ୍ ଚିନ୍ ଇଡ୍‌ତାନ୍ନା । ୩୪ ଇନାକିଦେଂକି ଇସ୍‌ବର୍ ଇନେରିଂ ପକ୍‌ତି ମାଗାନ୍, ହେଖାନ୍ ଇସ୍‌ବର୍‌ତି ବଚନ୍

☆ ୩:୨୪ ୩:୨୪ ମାତିଉ ୧୪:୩; ମାର୍କ ୬:୧୭; ଲୁକ ୩:୧୯, ୨୦.

ଇନାନ୍, ଇନେକିଦେ^{୧୬}କି ହେୱାନ୍ ଇସ୍ପୁରତି ଜିରୁନ୍ତ ବାତ । ୩୫ ଆବା ମାଜିଙ୍ଗ୍ ଜିଉନନାନ୍, ଆରେ ସବୁ ବିସ୍ତେ ତା କେଇଦ ହିତାନନା । ୩୬ ଇନେନ୍ ମାଜିଡାକେ ପାତ କିନାନ୍, ହେୱାନ୍ ଝିଙ୍ଗି ଜିରୁନ୍ ପାୟା ଆତାନ୍ନା, ମାତର୍ ଇନେନ୍ ମାଜିଙ୍ଗ୍ ମାନିକିଉନ୍, ହେୱାନ୍ ଜିରୁନ୍ ହୁଡନ୍, ମାତର୍ ହେୱାନ୍ ଇସ୍ପତ କାକ୍ରିନି ଲକୁ ଆଜି ମାନାନ୍ ।

୪

ଜିସୁ ଆରି ସମିରଣିନି କଗ୍ଲେ

^୧ ଜିସୁ ଜେ ଜହନ୍ତା^{୧୭} ଆଦିକ୍ ଚେଲା କିନାନା ଆରି ବାପ୍ରିସିମ୍ ହିନାନା ଇଞ୍ଜି ପାରୁସିର୍ ଝେଚାର୍ । ^୨ ହାଡପା ଜିସୁ ନିଜେ ବାପ୍ରିସିମ୍ ହିଝାଦା^{୧୮} ମାଚାନ୍, ତା ଚେଲାର୍ ହିଜି ମାଚାର୍ । ^୩ ଇଦା^{୧୯} ପାରୁସିର୍ ଇଞ୍ଜନାର୍ ଇଞ୍ଜି ଏଚେକାଡଦ ଜିସୁ ଝେଚାନ୍ । ହେଏଚେକାଡଦ ହେୱାନ୍ ଜିହୁଦା ଦେସ୍ ପିସ୍ତି ଆରେ ରଗ ଗାଲିଲିତ ହାଚାନ୍ । ^୪ ହେୱାନ୍ ସମିରଣିନି ହାଜି ହିଜି ତାଙ୍ଗେଙ୍ଗ୍ ହାଞ୍ଜେଙ୍ଗ୍ ଲାଗାତାଡ । ^୫ ଲାଗି^{୨୦} ହେୱାନ୍ ହାଲଜି ଜାକୁବ୍ ଜାର୍ ମାଜି ଜସେପତି^{୨୧} ଇମ୍ଫାଣି ତାରେନ୍ ଇଚୁକ୍ ଦାନ୍ କିଜି ମାଚାନ୍, ହେବେତା^{୨୨} ଲାଗାୟନି ସମିରଣିନି ସୁକାର୍ ତରଦିନି ର ଗାଡଦ ଏକାତାର୍; ^{୨୩} ହେ ବାହାତ ଜାକୁବ୍ତି କୁଇ ମାଚାଡ । ଇଚିସ୍, ଜିସୁ ହାସଦ ତାଙ୍ଗି ଝାସ୍ତି ମାଚିଲେ ହେ, କୁଇ ଲାଗେ କୁଚରାନ୍ । ହେଏଚେକାଡଦ ମୁଣ୍ଡାବେଲା ଆଜି ମାଚାଡ ।

^{୨୪} ଆରେ, ର ସମିରଣିନି କଗ୍ଲେ ଏଜୁ^{୨୫} ଅଦେ^{୨୬} ଝାତାଡ । ଜିସୁ ତାଙ୍ଗେଙ୍ଗ୍ ଇଚାନ୍, “ନାଙ୍ଗେଙ୍ଗ୍ ଏଜୁ^{୨୭} ଉଣ୍ଡେଙ୍ଗ୍ ହିଦା ।” ^{୨୮} ହେ ପାଦନା ତା ଚେଲାର୍ କାଦି କଡଦେ^{୨୯} କାଜି^{୩୦} ବସ୍ତିତ ହାଲଜି ମାଚାର୍ ।

^{୩୧} ହେବେ ସମିରଣିୟା କଗ୍ଲେ ଜିସୁଙ୍ଗ୍ ଇଚାଡ, “ଏନ୍ ରଝାୟ ଜିହୁଦି ଆରେ ଆନ୍ ରଝାଙ୍ଗ୍ ସମିରଣି କଗ୍ଲେ ଇନେସ୍ ନା କେଇଦି ଏଜୁ^{୩୨} ଉଣ୍ଡେଙ୍ଗ୍ ଏନ୍ତାନାୟା?” ଇନାକିଦେ^{୩୩}କି ସମିରଣିରତି ଲାହାଙ୍ଗ୍ ଜିହୁଦିର୍ ତୁବା ଆଉର୍ ।

^{୩୪} ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଇସ୍ପୁରତି ଦାନ୍ ଆରି ନା^{୩୫} ଉଣ୍ଡେଙ୍ଗ୍ ହିଦା ଇଞ୍ଜି ଇନେନ୍ ନି^{୩୬} ଇଞ୍ଜନାରା, ହେୱାର୍ ଇନେର୍, ଏଲେଙ୍ଗ୍ ଜଦି ଏନେ^{୩୭} ପୁଚାୟମା, ତାଆଡିସ୍ ଏନେ^{୩୮} ତା^{୩୯} ଏନ୍ତାୟମା, ଆରେ ହେୱାନ୍ ନିଙ୍ଗେଙ୍ଗ୍ ଜିରୁନ୍ନି ଏଜୁ^{୪୦} ହିଡତାନମା ।”

^{୪୧} ହେ କଗ୍ଲେହିମ୍ଫାଣା ତାଙ୍ଗେଙ୍ଗ୍ ଇଚାଡ, “ଏ ମାପୁ,” ଏଜୁ^{୪୨} ମୁକ୍ତେ^{୪୩} ଇଞ୍ଜି ନି ତାକେ ଇମ୍ଫାଣି ବାହା ହିଲୁଡ, ଆରେ କୁଇ ତ ଡେଙ୍ଗା, “ବାଟିଙ୍ଗ୍ ଏନ୍ ଇମେତା^{୪୪} ହେ ଜିରୁନ୍ନି ଏଜୁ^{୪୫} ପାୟା ଆତାୟନା । ^{୪୬} ମା ଇମ୍ଫାଣି ଆକର୍ ଦାଦିର୍ ଜାକୁବ୍ ମାଙ୍ଗେଙ୍ଗ୍ ଇ କୁଇ ହିଜି ମାନ୍ତାନ୍, ଆରେ ନିଜେ, ଆରେ ତା ମାଜିର୍ ଆରି ପସୁରାହି ଇବେଣ୍ଡା^{୪୭} ଉଣ୍ଡି ମାଚିକ୍, ତା ତାକେଣ୍ଡା^{୪୮} କି ଏନ୍ ଗାଜା?”

^{୪୯} ଜିସୁ ତାଙ୍ଗେଙ୍ଗ୍ ଉତର୍ ହିତାନ୍, “ଇନେରକି ଇ ଏଜୁ^{୫୦} ଉଣାନ୍, ହେୱାନ୍ ଆରେ ରଗ ଏସକି ଆନାନ୍; ^{୫୧} ମାତର୍ ଆନ୍ ଇମ୍ଫାଣି ଏଜୁ^{୫୨} ହିଦନା^{୫୩}, ହେଦା^{୫୪} ଇନେନକି ଉଣାନ୍, ହେୱାନ୍ ଇନାଝାଡା^{୫୫} ପା ଏସକି ଆଉନ୍, ଆଡିସ୍ ଆନ୍ ତା^{୫୬} ଇମ୍ଫାଣି ଏଜୁ^{୫୭} ହିନା^{୫୮}, ହେଦା^{୫୯} ଝିଙ୍ଗି ଜିରୁନ୍ ଏଜୁ^{୬୦} ଝିଙ୍ଗି ଲାକେ ତାତାକେ ଡିଜି ହାନି^{୬୧} ।”

^{୬୨} କଗ୍ଲେହିମ୍ଫାଣା ତାଙ୍ଗେଙ୍ଗ୍ ଇଚାଡ, “ଏ ମାପୁ,” ହିଗଦ ଏଜୁ^{୬୩} ହିଦା ଇନେସ୍ ଏସକି ଆନ୍ ଇନାଝାଡା^{୬୪} ଏସକି ଆଉଙ୍ଗ୍, “ଆରେ ଏଜୁ^{୬୫} ମୁକ୍ତେ^{୬୬} ଇଞ୍ଜି ଏଚେକ୍ ହାଜି ଇବେ ଝାଦେଙ୍ଗ୍ ଲାଗ୍ଦେମେଡ, ଇଦା^{୬୭} କାଜି^{୬୮} ନାଙ୍ଗେଙ୍ଗ୍ ହେ ଏଜୁ^{୬୯} ହିଦା ।” ^{୭୦} “ଜିସୁ ତାଙ୍ଗେଙ୍ଗ୍ ଇଚାନ୍, ହାଲା, ନି ଆଣ୍ଡେନି^{୭୧} କୁକ୍ତି ଇବେ ଝା ।”

^{୭୨} କଗ୍ଲେହିମ୍ଫାଣା ତାଙ୍ଗେଙ୍ଗ୍ ଉତର୍ ହିତାଡ, “ନା ଆଣ୍ଡେନ୍ ହିଲୁନ୍ ।”

ଜିସୁ ତାଙ୍ଗେଙ୍ଗ୍ ଇଚାନ୍, ଏନ୍ ନା ଆଣ୍ଡେନ୍ ହିଲୁନ୍ ଇଞ୍ଜି, ଇଦା^{୭୩} ସଡ ଇଚାୟ; ^{୭୪} ମି ପାଞ୍ଜିଜାଣ୍ଡ ଡକ୍ରାଦିର୍ ମାଚାର୍, ମାତର୍ ନଙ୍ଗୟ ଇନେର୍ ଲାହା^{୭୫} ମାନାୟା, ହେୱାନ୍ ନି ଆଣ୍ଡେନ୍ ଆକାୟ । ଇଦା^{୭୬} ଆନେଙ୍ଗ୍ ହାଡପା ଇଞ୍ଜନାଙ୍ଗା ।

^{୭୭} କଗ୍ଲେହିମ୍ଫାଣା ତାଙ୍ଗେଙ୍ଗ୍ ଇଚାଡ, “ଏ ମାପୁ,” ଏନ୍ ଜେ ରକାୟ ବେଣ୍ଡାକ୍ଷାୟକିନାକାୟ, ଇଦା^{୭୮} ଆନ୍ ପୁଞ୍ଜନାଙ୍ଗା ।

^{୭୯} “ମା ଆବା ଲାଡ୍ରା ଇ ମାଡିତ ପାର୍ତାନା କିତାର୍; ଆରେ, ଏପେଙ୍ଗ୍ ଜିହୁଦି କାଦେର୍ ଇଞ୍ଜନାଦେରା, ଇମ୍ଫାଣି ବାହାତ ପାର୍ତାନା କିନାକା ଲଡ୍ରା, ହେଦା^{୮୦} ଜିରୁସାଲମତ ମାନାଡ ।”

^{୮୧} ଜିସୁ ତାଙ୍ଗେଙ୍ଗ୍ ଇଚାନ୍ ଏ କଗ୍ଲେ, “ନା ବେରଣ୍ ପାତ^{୮୨} କିୟା, ଇ ସମୁ ଝାନାତା ଇମ୍ଫାଣି ସମୁତ ଏପେଙ୍ଗ୍ ଇ ମାଡିତ କି ଜିରୁସାଲମତ ପା ଆବାଡି ପାର୍ତାନା କିଉଦେର୍ । ^{୮୩} ଏପେଙ୍ଗ୍ ସମିରଣି ନିକାଦେର୍ ହାଡପା ଇନେକିଦେ^{୮୪} ପୁନୁଦେରା, ତାଙ୍ଗେଙ୍ଗ୍ ପାର୍ତାନା କିଜି ମାନାଟ୍ ମାତର୍ ଆପେ^{୮୫} ଜିହୁଦିର୍ ଇନେରି^{୮୬} ପୁନାପ୍ ତା ପାର୍ତାନା କିନାପ୍, ଇନାକିଦେ^{୮୭}କି ମୁକ୍ତି ଆନାକା ଜିହୁଦିର୍ ବିଡ୍ରେତା^{୮୮} ଝାନାଡ । ^{୮୯} ମାତର୍ ଇମ୍ଫାଣି ସମୁତ ହାଡପା ପାର୍ତାନା କିନାକାର୍ ଜିରୁନ୍ ଆରି ହାଡପାତ ଆବାଡି ପାର୍ତାନା କିତାର୍, ହେ ଲାଗ୍ଦି ସମୁ

☆ ୩:୩୫ ୩:୩୫ ମାଡିଉ ୧୧:୨୭; ଲୁକ ୧୦:୨୨.

ଖାନାତା; ଆରି, ନଙ୍ଗୟ ପା ଏକାଖାତାଡ଼; ଇନାକିଦେଂକି ଆବା ଏପେଙ୍ଗ ବାନି ପାର୍ଥାନା ମାନକିନାନ୍ ।
୨୪ ଇସ୍ତ ଜିରୁନ୍ ଆନାନ୍, ଆରେ କେବଲ୍ ଜିରୁନ୍ନି ସାକ୍ତି ଆରି ହାଡ଼ପା ହୁକେ ହେଖାନ୍ତି ପାର୍ଥାନା କିତାର୍, ହେଖାର୍ ଜିରୁନ୍ ଆରି ହାଡ଼ପାତ ପାର୍ଥାନା କିନାକା ହେଖାର୍ତି ଲଡ଼ା ।”

୨୫ କଗଲେହିମ୍ଣା ତାଙ୍ଗେଙ୍ଗ ଇଚାଡ଼, ମସିୟା ଇମ୍ଣାକାନିଂ କ୍ରିସ୍ଟ ଇନାର୍, “ହେଖାନ୍ ଖାନାନା ଇଞ୍ଜି ଆନ୍ ପୁନାଙ୍ଗ; ଏଚେକାଡ଼ଦ ହେଖେନ୍ ଖାନାନ୍, ହେଖାନ୍ ମାଙ୍ଗେଙ୍ଗ ସବୁ ବିସ୍ତେ ଜାଣାୟ୍ କିଦନାନ୍ ।”

୨୬ ଜିସୁ ତାଙ୍ଗେଙ୍ଗ ଇଚାନ୍, “ମି ହୁଦାଂ ବେଣ୍ଟକିଦନାଙ୍ଗା ଜେ ଆନ୍, ଆନ୍ ହେଖାଙ୍ଗ ।”

୨୭ ଏଲେଙ୍ଗବାତ ସମୁତ ତା ଚେଲାର୍ ଖାଜି ତାଙ୍ଗେଙ୍ଗ ର କଗଲେହିମ୍ଣା ଲାହାଙ୍ଗ ବେଣ୍ଟକିବାଆନାକା ହୁଡ଼ଜି କାବା ଆତାର୍, “ଇନାକା ଇଚା କିନାୟ୍,” ନଲେ ଇନେକିଦେଂ ହେଦାଂ ରଚେ ବେଣ୍ଟକିନାନା, “ଇଦାଂ ଇନେର୍ ତାଙ୍ଗେଙ୍ଗ ଖେନ୍ବେଦେଂ ସାସ୍ କିଖାତାର୍ ।”

୨୮ ହେବେତାଂ ହେ କଗଲେହିମ୍ଣା ଜାର୍ ଗାଗ୍ରି ଇଡ଼ଜି ବସ୍ତିତ ହାଲ୍ଲଜି ମାନାୟାରିଂ ଇଚାଡ଼, ୨୯ “ଖାଡୁ ରଖାନିଂ ହୁଡ଼ନାଦେର୍, ଆନ୍ ଇନା ଇନାକା କିତାଙ୍ଗନା, ହେ ଖିଜୁ ହେଖାନ୍ ନାଙ୍ଗେଙ୍ଗ ଇନ୍ଚାନ୍; ହେଖାନ୍ ଇନେସ୍ ଆତିସ୍ କ୍ରିସ୍ଟ କାତେ ?” ୩୦ ଇବେଣ୍ଟାଂ ଲକୁ ବସ୍ତିତ ହସି ତା ଲାଗେ ହାଞ୍ଜେଙ୍ଗ ଲାଗାତାର୍ ।

୩୧ ହେବେ ଚେଲାର୍ ତାଙ୍ଗେଙ୍ଗ ଗଖାରି କିଜି ଇଚାର୍, “ଏ ଗୁରୁ, ଇଚୁକ୍ ଚିନ୍ତେଙ୍ଗ ଖା !”

୩୨ ମାତର୍ ଜିସୁ ହେଖେରିଂ ଉତର୍ ହିତାନ୍, “ତିନି କାଜିଂ କାଦି ନାତାକେ ମାନାଡ଼ ତା ବିସ୍ତେ ଏପେଙ୍ଗ ଇଚୁକ୍ ପୁନୁଦେର୍ ।”

୩୩ ଲାଗିଂ ଚେଲାର୍ ହେଖେର୍ ହେଖାର୍ ଇଞ୍ଜେଙ୍ଗ ଲାଗାତାର୍, “ଇନେନ୍ ତାଙ୍ଗେଙ୍ଗ କାଦି ତାହିହିତାନ୍ନା କି ?”

୩୪ ଜିସୁ ହେଖାରିଂ ଇଚାନ୍, ନା ପକ୍ତାତାକାନ୍ ମାନ୍ ପୁରାକିନାକା ଆରି ତା ହିତି କାମାୟ୍ ଖିହ୍ନାକା, “ଇଦାଂ ନେ ନା କାଦି ।” ୩୫ ଏପେଙ୍ଗ ଇଞ୍ଜନାଦେରା ପାତି ତ୍ରେସ୍ଦେଙ୍ଗ ଇଞ୍ଜି ଆରେ ଚାରି ମାସ୍ ମାନାଡ଼, ମାତର୍ ଆନ୍ ମିଙ୍ଗେଙ୍ଗ ଇଞ୍ଜନାଙ୍ଗା ପାତିଙ୍ଗ ନିପହୁଡ଼ାଡ଼ ହେ ଖିଜୁ ତ୍ରେସ୍ଦେଙ୍ଗ ଇଞ୍ଜି ହେନ୍ତାତେ । ୩୬ ନଙ୍ଗୟ ପାତେକ୍ ତ୍ରେସ୍ନାକାନ୍ କୁଲି ପାୟାଆନାନା ମୁଡ଼ ପାୟାଆନାନା ଆରି ଖିଜୁ ଜିରୁନ୍ କାଜିଂ ପାଡ଼ ରୁଣ୍ଡାୟ୍ କିନାନା, ଇନେସ୍ ଖିଡ଼ନାକାନ୍ ଆରି ତ୍ରେସ୍ନାକାନ୍ ରିକାର୍ ମେହାଆଜି ଖାରି କିତାର୍ । ୩୭ ଇନାକିଦେଂକି ରକାନ୍ ଖିଡ଼ନାନ୍ ଆରି ଆରେ ରକାନ୍ ତ୍ରେସ୍ନାନ୍, ଇ ବେରଣ୍ ହାଡ଼ପା । ୩୮ ଏପେଙ୍ଗ ଇମ୍ଣାକାନ୍ କାଜିଂ କାମାୟ୍ କିଖାତାଦେଣ୍ଟା, ହେଦାଂ ତ୍ରେସ୍ଦେଙ୍ଗ ଇଞ୍ଜି ଆନ୍ ମିଙ୍ଗେଙ୍ଗ ପକ୍ତାତାଂ; ବିନ୍ଲଗ୍ କାମାୟ୍ କିନାରା, ଆରେ ଏପେଙ୍ଗ ହେଖାର୍ତି କାମାୟ୍ କିତି ଲାବ୍ ପାୟାଆନାଦେରା ।

୩୯ ଆନ୍ ଇନା ଇନାକା କିତାଙ୍ଗନା, ହେ ଖିଜୁ ହେଖାନ୍ ନାଙ୍ଗେଙ୍ଗ ଇନ୍ଚାନ୍ ଇ କାତା ଇମ୍ଣା କଗଲେହିମ୍ଣା ସାକି ହିଜି ମାଚାଡ଼, “ତା ବେରଣ୍ କାଜିଂ ହେ ବସ୍ତିତ ସମିରଣିୟର୍ ବିତ୍ରେ ହେନି ତାତାକେ ପାତ କିତାର୍ ।” ୪୦ ଆରେ, ହେ ସମିରଣିୟର୍ ତାଂ ଲାଗେ ଖାଜି ହେଖାର୍ ଲାହାଙ୍ଗ ମାଞ୍ଜେଙ୍ଗ ଇଞ୍ଜି ତାଙ୍ଗେଙ୍ଗ ଗଖାରି କିତାର୍, ଆରେ ହେଖାନ୍ ରି ଦିନ୍ ହେ ବାହାତ ମାଚାନ୍ ।

୪୧ ଆରେ, ଜିସୁତି ବଚନ୍ କାଜିଂ ଆରେ ହେନି ମାନାୟ୍ ପାତ କିତାର୍; ୪୨ ଆରେ, ହେଖାର୍ ହେ କଗଲେହିମ୍ଣାତିଂ ଇଚାର୍, “ନଙ୍ଗୟ ମି ବେରଣ୍ କାଜିଂ ଆପେଂ ପାତ କିତପା, ମାତର୍ ଆପେଂ ଜାର୍ ଜାର୍ ଖେନାପା, ଆରେ ଇଖାନ୍ ଜେ ହାଡ଼ପାନେ ପୁତ ନି ମୁକ୍ତି କିଦନାକାନ୍, ଇଦାଂ ଆସେଙ୍ଗ ପୁରାସ୍ନା ।”

ରାଜ୍ କାମାୟ୍ କିନି ମାଜି ଉଜ୍ କିତାନ୍

୪୩ ରି ଦିନ୍ ପାଚେ ହେଖାନ୍ ହେବେତାଂ ହସି ଗାଲିଲିତ ହାଚାନ୍ । ୪୪ “ଇନାକିଦେଂକି ବେଣ୍ଟବାକ୍ଣାୟ୍ କିନାକାନ୍ ଜାର୍ ଦେସ୍ତ ମାନି ପାୟା ଆଉନ୍ ଇଞ୍ଜି ଜିସୁ ନିଜେ ସାକି ହିତାନ୍ ।” ୪୫ ପାଚେ, ହେଖାନ୍ ଗାଲିଲିତ ଖାତିଲେ, ପାର୍ସୁ ସମୁତ ହେଖାନ୍ ଜିରୁସାଲମ୍ତ ଇନା ଇନାକା କିଜି ମାଚାନ୍, ହେ ଖିଜୁ ହୁଡ଼ଜିମାଚିଲେ ଗାଲିଲିର୍ ତାଙ୍ଗେଙ୍ଗ ମାନି କିତାର୍, ଲାଗିଂ ହେଖାର୍ ପା ପାର୍ସୁତ ହାଲ୍ଲଜି ମାଚାର୍ ।

୪୬ ଇଦାଂ ପାଚେ ଗାଲିଲିନି ଇମ୍ଣା କାନା ଗାଡ଼ଦ ହେଖାନ୍ ଏଜୁକାଂ ଅଜୁର୍ ରାସ୍ କିଜି ମାଚାନ୍, ହେ ବାହାତ ହେଖାନ୍ ଆରେ ରଗ ହାଚାନ୍ । ଆରେ ହେବେ ରକାନ୍ ଗୁମୁସ୍ତା ମାଚାନ୍, ତା ମାଜି କପର୍ନାହୁମ୍ ବିଡ଼ ଆଜି ମାଚାନ୍ । ୪୭ ଜିସୁ ଜିହୁଦା ଦେସ୍ତାଂ ଗାଲିଲିତ ହସି ଖାତାନ୍ନା, ଇଦାଂ ଖେନ୍ତେ ହେଖାନ୍ ତା ଲାଗେ ହାଲ୍ଲଜି ହେଖାନ୍ ଇନେସ୍ ଖାଜି ତା ମାଜିଙ୍ଗ ଉଜ୍ କିନାନ୍, ଇଦାଂ କାଜିଂ ତାଙ୍ଗେଙ୍ଗ ଗଖାରି କିଦେଙ୍ଗ ଲାଗାତାର୍, ଇନାକିଦେଂକି ହେଖାନ୍ ହାନି ଲାକେ ଆଜି ମାଚାନ୍ । ୪୮ ହେବେତାଂ ଜିସୁ ତାଙ୍ଗେଙ୍ଗ ଇଚାନ୍, “ଚିନ୍ ଆରେ କାବାନି କାମାୟ୍ ହୁଡ଼ଞ୍ଜିତିସ୍ ଏପେଙ୍ଗ ଇନେସ୍ କିତିସ୍ପା ପାତ କିତଦେର୍ ।”

୪୯ ଗୁମୁସ୍ତା ତାଙ୍ଗେଙ୍ଗ ଇଚାନ୍, “ଏ ମାପୁ, ନା କାଡ଼ଦେ ହାନି ଆଗେ ଖା ।” ୫୦ ଜିସୁ ତାଙ୍ଗେଙ୍ଗ ଇଚାନ୍, ହାଲା, ମି ମାଜି ଜିତାନେ । “ଜିସୁ ହେ ମାନାୟ୍ତିଂ ଇମ୍ଣା ବଚନ୍ ଇଚାନ୍,

☆ ୪:୪୫ ୪:୪୫ ଜହନ୍ ୨:୨୩.

ହେୱାନ୍ ହେଦାଂ ପାତର୍ କିଜି ମାସ୍ଦି ହାଚାନ୍ ।” ୫୧ ପାଚେ, ହେୱାନ୍ ହାଲୁ ହାଲୁ ତା ଆଡ଼ିୟାର୍ ତାଙ୍ଗେଙ୍ଗ୍ ବେଟ୍ ଆଜି ନି କାଡ଼ଦେ ଜିତାନେ ଇଞ୍ଜି ଇଚାର୍ ।

୫୨ ଇମ୍ଫାଣି ସମୁତ ଉପକାର୍ ଆତାନ୍, ହେଦାଂ ହେୱାନ୍ ହେୱେରିଂ ୱେନ୍‌ବାତାନ୍ । “ହେବେତାଂ ହେୱାର୍ ତାଙ୍ଗେଙ୍ଗ୍ ଇଚାର୍, ନିହିଙ୍ଗ୍ ଗନ୍‌ଚେୱେଡ଼ାଙ୍ଗ୍ ତାଙ୍ଗେଙ୍ଗ୍ ନମେର ପିସ୍ତାଡ଼ ।” ୫୩ ଇବେତାଂ ଆବା ବୁଜାଆତାନ୍ ଜେ, ଜିସୁ ଇମ୍ଫାଣି ସମୁତ ନି ମାଜି ଜିତାନେ ଇଞ୍ଜି ତାଙ୍ଗେଙ୍ଗ୍ ୱେଟ୍ଟି ମାଚାର୍, “ହାଡ଼ପା ହେ ସମୁତ ଇଦାଂ ଗିଟାଆଜି ମାଚାଡ଼ ।” ହେୱାନ୍ ଆରି ତା ୱିଜାକାର୍ କୁଟୁମ୍ ପାତର୍ କିଚାର୍ ।

୫୪ ଜିହୁଦାତାଂ ଆରେ ରଗ ଗାଲିଲିତ ୱାଡି ପାଚେ ଇଦାଂ ଜିସୁତି ରିହା କାବାଆନି କାମାୟ୍ କିଚାନ୍ ।



ଜିସୁ ବାନ୍ ଲାଗାୟ୍ ରଗ୍ୟାଙ୍ଗ୍ ଉଜ୍ କିଚାନ୍

୧ ଇଦାଂ ପାଚେ ଜିହୁଦିତର୍ ର ପାର୍ଟୁ ଏକାୱାତାଡ଼, ଆରେ ଜିସୁ ଜିରୁସାଲମ୍‌ତ ହାଚାନ୍ । ୨ ଜିରୁସାଲମ୍‌ନି ମେଣ୍ଡା ଦୁୱେର୍ କଚଣ୍ ର ବାନ୍ ମାନାଡ଼; ଏବ୍ରି ବାସାତାଂ ତାଙ୍ଗେଙ୍ଗ୍ ବେଡ଼ସାଇଦା ଇଞ୍ଜି ଇନାର୍, ହେ ବାନ୍ତ ପାଞ୍ଚଗଟା ମଣ୍ଡମ୍ ମାନାଡ଼ । ୩ ହେ ମାଣ୍ଡମ୍‌ତ ହେନି ହେନି ସୁକ୍ ହିଲ୍‌ୱାକାର୍, କାଣା, ଚଟା, ଆରି ହିରକଲ୍‌ରଗି ମାଚାର୍ । ହେୱାର୍ ନାଗୁଡ଼ ଉଲ୍‌କା ଆନାକା କାଜିଂ ମାଚାର୍; ୪ ଇନାକିଦେଂକି ଇନା ଇନା ୱେଡ଼ାଙ୍ଗ୍ ମାପୁତି ରୱାନ୍ ଦୁଡ଼ ବାନ୍ତ ଜୁଜି ନାଗୁଡ଼ ଉଲ୍‌କାୟ୍ କିଜି ମାଚାନ୍, ଆରେ ନାଗୁଡ଼ ଉଲ୍‌କା ଆତି ସମୁତ ଇନେରକି ପର୍ଡୁମ୍ ହେବେ ହଣ୍ଡି ମାଚାନ୍, ହେୱାନ୍ ଇନେସ୍ ବାତର୍ ରଗ୍ ବେମାର୍ ମାଚାନ୍ ପା ଉଜ୍ ଆଜି ମାଚାର୍ । ୫ ହେବେ ତିରିସ୍‌ଆଟ୍ ବାହୁଁ ପାଚେକ୍ ରଗ୍ୟା ରକାନ୍ ମାନାୟ୍ ମାଚାନ୍ । ୬ ଜିସୁ ତାଙ୍ଗେଙ୍ଗ୍ ମାଗ୍‌ଜିମାନାକା ହୁଡ଼ଜି ବେସିଦିନ୍‌ଡ଼ି ରଗ୍ୟା ଇଞ୍ଜି ପୁଞ୍ଜି ତାଙ୍ଗେଙ୍ଗ୍ ୱେନ୍‌ବାତାନ୍, “ଏନ୍ ଇନାକା ଉଜ୍ ଆଦେଂ ଇଚା କିନାୟା ?”

୭ ରଗ୍ୟା ମାନାୟ୍ ଜିସୁଙ୍ଗ୍ ଉତର୍ ହିଚାନ୍, “ଏ ମାପୁ, ଏଜୁଁ ଉଲ୍‌କା ଆନି ସମୁତ ନାଙ୍ଗେଙ୍ଗ୍ ବାନ୍ ବିତ୍ରେ ଅଜି ହାଞ୍ଜେଙ୍ଗ୍ ଇଞ୍ଜି ନାଙ୍ଗ୍ ଇନେର ହିଲୁର୍; ଆରେ, ଆନ୍ ହାଲୁ ହାଲୁ ବିନେ ନିକାନ୍ ନା ଆଗେ ହଣ୍ଡାଗାନା ।”

୮ ଜିସୁ ତାଙ୍ଗେଙ୍ଗ୍ ଇଚାନ୍, “ନିଙ୍ଗା, ନି କାଟେଲ୍ ଆସ୍ତି ତାଙ୍ଗା ।” ୯ ହେ ଦାପ୍ରେ ହେ ମାନାୟ୍ ଉଜ୍ ଆତାନ୍ ଆରି ଜାର୍ କାଟେଲ୍ ଆସ୍ତି ତାଙ୍ଗେଦେଂ ଲାଗାତାନ୍ ।

ହେ ଦିନା ଜମ୍‌ନିବାର୍ ମାଚାଡ଼ । ୧୦ ହେବେତାଂ, ଜିହୁଦିର୍ ଉଜ୍ ଆତି ଲଗାଂ ଇଞ୍ଜେଙ୍ଗ୍ ଲାଗାତାର୍, “ନେଞ୍ଜେଙ୍ଗ୍ ଜମ୍‌ନିବାର୍, କାଟେଲ୍ ପିଣ୍ଡି ଅନାକା ନି ବିଦି ହିଲୁଡ଼ ।” ୧୧ ମାଚର୍, ହେୱାନ୍ ହେୱାରିଂ ଉତର୍ ହିଚାନ୍, “ଜେ ନାଙ୍ଗେଙ୍ଗ୍ ଉଜ୍ କିଡ଼ତାନ୍, ହେୱାନ୍ ନାଙ୍ଗେଙ୍ଗ୍ ଇନ୍‌ଚାନ୍, ନି କାଟେଲ୍ ଆସ୍ତି ତାଙ୍ଗା ।”

୧୨ ହେୱାର୍ ତାଙ୍ଗେଙ୍ଗ୍ ୱେନ୍‌ବାତାର୍, “ନି କାଟେଲ୍ ଆସ୍ତି ତାଙ୍ଗା ଇଞ୍ଜି ଜେ ନିଙ୍ଗେଙ୍ଗ୍ ଇନ୍‌ଚାନ୍, ହେ ଲକ୍ ଇନେନ୍ ?”

୧୩ ମାଚର୍ ହେୱାନ୍ ଇନେନ୍, ହେଦାଂ ହେ ଉଜ୍ ଆତି ଲକ୍ ପୁନ୍‌ୱାଦାଂ ମାଚାନ୍, ଇନାକିଦେଂକି ହେ ବାହାତ ହେନି ମାନାୟାର୍ ମାନିକାଜିଂ ଜିସୁ ଏଡ଼ା ଆଜି ହାଲ୍‌ଜି ମାଚାନ୍ ।

୧୪ ଇଦାଂ ପାଚେ ଜିସୁ ମନ୍ଦିରତ ଚଞ୍ଜା ଆଜି ତାଙ୍ଗେଙ୍ଗ୍ ଇଚାନ୍, “ହୁଡ଼ାଟ୍, ଏପେଙ୍ଗ୍ ଉଜ୍ ଆତାଦେଣ୍ଡା, ଆରେ ପାପ୍ କିମାଟ୍, ଇନେସ୍‌କି ମି କାଜିଂ ଆଦେକ୍ କସ୍‌ଗିଟା ଆଦନାଡ଼ ।” ୧୫ ହେ ମାନାୟ୍ ତାଙ୍ଗେଙ୍ଗ୍ ହାଲ୍‌ଜି, ଇନେର ତାଙ୍ଗେଙ୍ଗ୍ ଉଜ୍ କିଜି ମାଚାର୍, ହେୱାନ୍ ଜିସୁ ଇଞ୍ଜି ଜିହୁଦି ନେତାରିଂ ଇଚାନ୍ । ୧୬ ଲାଗିଂ ଜିସୁ ଜମ୍‌ନିବାର୍ ନାଜିଂ ଇଦାଂ କିଜି ମାଚିଲେ ଜିହୁଦିର୍ ତାଙ୍ଗେଙ୍ଗ୍ ଗାଣ୍ଡୁ କିଦେଙ୍ଗ୍ ଲାଗାତାର୍ । ୧୭ ମଚର୍ ଜିସୁ ହେୱାରିଂ ଉତର୍ ହିଚାନ୍, “ମାଞ୍ଜି ଆବା ସବୁ ନାଞ୍ଜିଙ୍ଗ୍ କାମାୟ୍ କିନାନା, ଆରେ ଆନ୍ ପା କିନାଙ୍ଗା ।”

୧୮ ଇ ନିୟମ୍‌ତାଂ ଜିହୁଦିର୍ ତାଙ୍ଗେଙ୍ଗ୍ ଆସ୍ତେଙ୍ଗ୍ ଇଞ୍ଜି ଆରେ ଆଦେକ୍ ସେସ୍ତୁ କିଦେଙ୍ଗ୍ ଲାଗାତାର୍, ଇନାକିଦେଂକି ହେୱାନ୍ ଜମ୍‌ନିବାର୍ ନାଜିଂ ମାନିକିୱାତାନ୍ କେବଲ୍ ଆକାୟ୍, ମଚର୍ ଇସ୍‌ବର୍ ଲାହାଙ୍ଗ୍ ଜାର୍ ଆବା ଇଞ୍ଜି ଇଞ୍ଜି ଜାର୍‌ତିଂ ଇସ୍‌ବର୍ ଲାହାଙ୍ଗ୍ ସମାନ୍ କିଜି ମାଚାନ୍ ।

ମାଜିତି ଆଦିକାର୍

୧୯ ଲାଗିଂ ଜିସୁ ହେୱାରିଂ ଉତର୍ ହିଚାନ୍, “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ମାଜି ହେୱାନ୍ ନିଜେ କିଦେଙ୍ଗ୍ ଆଡୁନ୍ ତା ଆବା ଇନାକା କିନାନ୍ ହେଦାଂ ନେ ହୁଡ଼ତିସ୍, ମାଜିପା ହେଦାଂ କିନାନ୍ । ଇନାକିଦେଂକି ହେୱାନ୍ ଇନା ଇନାକା କିନାନ୍, ମାଜିପା ହେଦାଂ ୱିଜୁ ହେ ଲାକେ କିନାନ୍ । ୨୦ ଇନାକିଦେଂକି ଆବା ମାଜିଙ୍ଗ୍ ଜିଉନନାର୍, ଆରେ ନିଜେ ଇନାକା କିନାନ୍ ହେ ୱିଜୁ ତାଙ୍ଗେଙ୍ଗ୍ ଚନ୍‌ନାନ୍ ଆରେ ଇବେତାଂ ଗାଜା କାମାୟ୍‌ଙ୍ଗ୍ କିନି କାଜିଂ ହେୱାନ୍ ତାଙ୍ଗେଙ୍ଗ୍ ଚନ୍‌ନାନ୍ ଆରେ ଏପେଙ୍ଗ୍ ୱିଜାଦେର୍ କାବା ଆନାଦେର୍ । ୨୧ ଲାଗିଂ ଆବା ଇନେସ୍ କିଜି ହାତି ଲଗାଂ ନିକ୍‌ତି ଆରେ ଜିବୁନ୍ ହିନାନ୍, ହେ ଲାକେ ମାଜି ପା ଇନେରିଂ ମାନ୍ କିନାନ୍, ହେୱାରିଂ ଜିବୁନ୍ ହିନାନ୍ । ୨୨ ଆରେ, ଆବା ପା ଇନାକାନିଂ ବିଚାର୍ କିଉନ୍, ବିଚାର୍ କିନି

କାଜିଂ ହେୱାନ୍ ଜାର୍ ମାଜି ଆଦିକାର୍ ହିତାନ୍ନା । ୧୩ ହେବେତାଂ ଆବାଂ ମାନି କିତାର୍ ମାଜିଙ୍ଗ୍ ପା ହେ ଲାକେ ଝିଜାର୍ ମାନି କିତାର୍, ଇନେନ୍ ମାଜିଙ୍ଗ୍ ମାନିକିଉନ୍ ତା ପକ୍ତି ଆବାଂ ପା ହେୱାନ୍ ମାନିକିଉନ୍ ।”

୧୪ “ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଇନେନ୍ ବଚନ୍ ଝେନ୍ଝି ନା ପକ୍ତାକାନିଂ ପାତ୍ କିନାନ୍, ହେୱାନ୍ ଝିଜ୍ଝି ଜିବୁନ୍ ପାୟା ଆତାନ୍ନା, ଆରେ ହେୱାନ୍ ବିଚାର୍ କିୟାଆଉନ୍ ହାକିତିଂ ନାସି ହାଲ୍ଲି ଜିବୁନ୍ ତାକେ ହଚାନ୍ନା । ୧୫ ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ସମୁ ଖାନାତା, ଏଚେକାଡ଼୍ ହାତାକାର୍ ଇସ୍ତର୍ ମାଜି ଝେଇ ଝେନାର୍ ଆରି ଇନେନ୍ ଝେନାର୍, ହେୱାର୍ ଜିବୁନ୍ ପାୟା ଆନାର୍ ଆରେ ଇ ଦିନ୍ତ ପା ଝାତାତେ । ୧୬ ଇନାକିଦେଂକି ଆବାଂ ଇନେସକି ନିଜେ ଜିବୁନ୍, ହେ ଲାକେ ହେୱାନ୍ ମାଜିଙ୍ଗ୍ ପା ନିଜେ ଜିବୁନ୍ ଆଦେଂ ହିତାନ୍ନା; ୧୭ ଆରେ, ହେୱାନ୍ ମାନାୟ୍ ମାଜି ଆନି କାଜିଂ ହେୱାନ୍ ତାଙ୍ଗେଙ୍ଗ୍ ବିଚାର୍ କିନାକା ଆଦିକାର୍ ହିତାନ୍ । ୧୮ ଇବେ କାବା ଆମାର୍, ଇ ସମୁ ଖାନାତା ସମୁତ ଦୁଗେର୍ତ୍ତ ଝିଜାକାର୍ ତା କାଟ୍ ଝେନାର୍, ୧୯ ହେୱାର୍ ଦୁଗେର୍ତ୍ତାଂ ନିଙ୍ଗି ଝାନାର୍, ଆରେ ଇମ୍ଫାକାର୍ ହାର୍ଦି କାମାୟ୍ କିତାର୍ଣ୍ଣା ହେୱାର୍ ଆରେ ନିଂଜି ଜିବୁନ୍ ଆନାର୍, ବାନ୍ୟା କାମାୟ୍ କିନାକାର୍ ଆରେନିଂନାର୍ ଆରି ହେୱାର୍ ତାଣ୍ ପାୟା ଆନାର୍ ।”

ଜିସୁ ପାକ୍ୟାତାଂ ସାକି

୩୦ “ଆନ୍ ରଖାଙ୍ଗ୍ ଇନାକା କିଦେଙ୍ଗ୍ ଆଡୁଙ୍ଗ୍; କେବଲ୍ ଇସ୍ତର୍ ବଲ୍ତାଂ ଆନ୍ ବିଚାର୍ କିନାଙ୍ଗ୍ ଇନେସକି ଝେନାଙ୍ଗ୍, ହେ ଲାକେ ବିଚାର୍ କିନାଙ୍ଗ୍, ଆରେ ନା ବିଚାର୍ ସମାନ୍, ଇନାକିଦେଂକି ଆନ୍ ଜାର୍ ମାନ୍ ହୁଦାର୍ କିଦଦେଂ ସେସ୍ତୁ କିଝାଦାଂ ନା ପକ୍ତାତାକାନିଂ ଇଚା କିଦେଙ୍ଗ୍ ସେସ୍ତୁ କିନାଙ୍ଗ୍ ।”

୩୧ “ଜଦି ଆନ୍ ନିଜେ ବିସ୍ତେ ନିଜେ ସାକି ହିନାଙ୍ଗ୍, ତା ଆତିସ୍ ନା ସାକ୍ୟା ହାଡ଼ପା ଆକାୟ୍ । ୩୨ ନା ବିସ୍ତେ ଇନେନ୍ ରକାନ୍ ସାକି ହିନାନ୍, ହେୱାନ୍ ଆରେ ପୁନାନ୍; ଆରି, ନା ବିସ୍ତେ ତା ସାକି ଜେ ହାଡ଼ପା, ହେଦାଂ ଆନ୍ ପୁନାଙ୍ଗ୍ । ୩୩ ଏପେଙ୍ଗ୍ ଜହନ୍ ଲାଗାଂ ମାନାୟ୍ ପକ୍ତାଦେର୍ଣ୍ଣା ଆରି ହେୱାନ୍ ହାଡ଼ପା ଲକାର୍ ସାକି ହିନାନ୍; ୩୪ ମାତର୍ ଆନ୍ ମାନାୟ୍ତିଂ ସାକି ମାନି କିଉଙ୍ଗ୍, ଇଚିସ୍ ଏପେଙ୍ଗ୍ ଇନେସକି ମୁକ୍ତି ଆନାଦେର୍, ହେଦାଂ କାଜିଂ ଇ ସବୁ ଇଞ୍ଜନାଙ୍ଗା । ୩୫ ଜହନ୍ ଆହ୍ନି ଅଜଡ଼୍ ବଇଚା ଲାକେ ମାଚାନ୍, ଆରେ ଏପେଙ୍ଗ୍ ଅଲପ୍ ଦିନ୍ ତା ଅଜଡ଼୍ତ ଝାରି କିନି କାଜିଂ ଝାରିୟା ଆତାଦେର୍ । ୩୬ ମାତର୍ ଜହନ୍ତି ସାକି ତାଙ୍ଗ୍ ନାତାଙ୍ଗ୍ ସଲ୍ଲକେ ସାକି ମାନାଡ଼୍, ଇନାକିଦେଂକି ଆବା ନାଙ୍ଗେଙ୍ଗ୍ ଇମ୍ଫା ଇମ୍ଫା କାମାୟ୍ ଝିସ୍ତେଙ୍ଗ୍ ହିଡ଼ନ୍ନା, ଜେ ଝିଜୁ କାମାୟ୍ ଆନ୍ କିନାଙ୍ଗା, ଆବା ନାଙ୍ଗେଙ୍ଗ୍ ପକ୍ତାତାନ୍ନା ଇଞ୍ଜି ହେ ଝିଜୁ ନା ବିସ୍ତେ ସାକି ହିନାଙ୍ଗା । ୩୭ ଆରେ, ଇମ୍ଫା ଆବା ନାଙ୍ଗେଙ୍ଗ୍ ପକ୍ତାତାନ୍ନା, ହେୱାନ୍ ନା ବିସ୍ତେ ସାକି ହିଡ଼ତାନ୍ନା । ଏପେଙ୍ଗ୍ ଇନାଝାଡ଼ାଂ ତା କାଟ୍ ଝେନୁଙ୍ଗେ କି ତା ମୁମ୍ ହୁଡ଼ୁଙ୍ଗ୍, ୩୮ ଆରେ ତା ବଚନ୍ ମି ଝାସ୍ତିତ ବାହା କିଝାତାଡ଼ନା, ଇନାକିଦେଂକି ହେୱାନ୍ ଇନେରିଂ ପକ୍ତାତାନ୍ନା, ତାଙ୍ଗେଙ୍ଗ୍ ଏପେଙ୍ଗ୍ ପାତ୍ କିଉଦେରା । ୩୯ ଏପେଙ୍ଗ୍ ଦରମ୍ ସାସ୍ତର୍ ମାନିକିନାଦେରା, ଇନାକିଦେଂକି ହେବେ ଝିଜ୍ଝି ଜିବୁନ୍ ପାୟା ଆନାନ୍ ଇଞ୍ଜି ମାତ୍ର କିନାଦେରା; ଆରେ, ହେ ଦରମ୍ ସାସ୍ତର୍ ନା ବିସ୍ତେ ସାକି ହିନାଙ୍ଗା । ୪୦ ମାତର୍ ଏପେଙ୍ଗ୍ ଜିବୁନ୍ ପାୟା ଆଦେଂ ଇଞ୍ଜି ନା କଚଣ୍ ଝାଦେଙ୍ଗ୍ ମାନ୍ କିଉଦେରା ।”

୪୧ “ଆନ୍ ମାନାୟାର୍ତାଂ ଜାଜ୍ଫାଲ୍ ଇଚା କିଉଙ୍ଗା, ୪୨ ମାତର୍ ଆନ୍ ମିଙ୍ଗେଙ୍ଗ୍ ପୁଞ୍ଚାଙ୍ଗ୍ନା, ଏପେଙ୍ଗ୍ ଇନେସ୍ ବାତ୍ ମାନାୟ୍ ଆରେ ମି ଝାସ୍ତିତ ଇସ୍ତର୍ତ୍ତ ଜିଉନନାକା ଆକାୟ୍ । ୪୩ ଆନ୍ ମାଞ୍ଜିଆବା ତର୍ଦାଂ ଝାତାଙ୍ଗ୍ନା, ଆରେ ଏପେଙ୍ଗ୍ ନାଙ୍ଗେଙ୍ଗ୍ ମାନ୍ କିଦୁଦେରା; ବିନ୍ ନିକାନ୍ ଜଦି ନିଜେ ତର୍ଦାଂ ଝାନାନ୍, ଲାଗିଂ ଏପେଙ୍ଗ୍ ତାଙ୍ଗେଙ୍ଗ୍ ମାନି କିନାଦେର୍ । ୪୪ ଏପେଙ୍ଗ୍ ନାଙ୍ଗ୍ ଇନେସ୍ ପାତ୍ କିଦ୍ନାଦେର୍ ? ଏପେଙ୍ଗ୍ ତ ରକାନ୍ ଆରେ ରକାନ୍ ତାଙ୍ଗ୍ ଜାଜ୍ଫାଲ୍ ପାୟା ଆଦେଂ ମାନ୍ କିନାଦେରା, ଆରି ରଞ୍ଜାଙ୍ଗ୍ ମାତର୍ ଇସ୍ତର୍ତାଂ ଇମ୍ଫା ଜାଜ୍ଫାଲ୍, ହେଦାଂ ଗାଗାଆନି କାଜିଂ ସେସ୍ତୁ କିଉଦେରା । ୪୫ ଆନ୍ ଜେ ଆବା ମୁମ୍ଦ ମି ବେରୁଡ଼ତାଂ ଝେନ୍ବା ଆଦ୍ନାଂ, ଇଦାଂ ମାତ୍ର କିମାର୍; ଇମ୍ଫା ମସାତାକେ ଏପେଙ୍ଗ୍ ଆହା କିତାଦେର୍ଣ୍ଣା, ହେୱାନ୍ ମି ବିରୁଡ଼ତାଂ ଝେନ୍ବା ଆଦ୍ନାରା । ୪୬ ଇନାକିଦେଂକି ଏପେଙ୍ଗ୍ ଜଦି ମସାଙ୍ଗ୍ ପାତ୍ କିନାଦେର୍, ଲାଗିଂ ନାଙ୍ଗେଙ୍ଗ୍ ପାତ୍ କିଦ୍ନାଦେର୍, ଲାଗିଂ ହେୱାନ୍ ନା ବିସ୍ତେ ଲେକି କିତାନ୍ନା । ୪୭ ମାତର୍ ଏପେଙ୍ଗ୍ ଜଦି ମସା ଲେକିକିତି ବଚନ୍ ପାତ୍ କିଉଦେର୍, ଲାଗିଂ ଇନେସ୍ ନା ବଚନ୍ ପାତ୍ କିନାଦେର୍ ?”



ପାଞ୍ଚଗଟା ରୁଟିଂ ରିଣ୍ଡାଂ ମିନ୍କୁ

୧ ଇବେଣ୍ଡାଂ ଜିସୁ ଗାଲିଲି ହାମ୍ଦୁର୍, ଇଚିସ୍, ତିବିରିୟା ହାମ୍ଦୁର୍ ଆନ୍ତି ପାଡ଼କା ହାଚାନ୍ । ୨ ଆରେ, ହେୱାନ୍ ରଗ୍ୟାର୍ କାଜିଂ ଇନା ଇନା କାବାଆନି କାମାୟ୍ କିଜି ମାଚାନ୍, ହେଦାଂ ଝିଜୁ ହୁଡ଼ଜି ହେନି ମାନାୟ୍ ତାପାଚେ ଝାଦେଙ୍ଗ୍ ଲାଗାତାର୍ । ୩ ହେବେ ଜିସୁ ମାଡ଼ିଜପି ହାଲ୍ଲି ଜାର୍ ଚେଲାହିର୍ ଲାହାଙ୍ଗ୍ ହେବେ

☆ ୫:୩୭ ୫:୩୭ ମାଡ଼ିଉ ୩:୧୭; ମାର୍କ ୧:୧୧; ଲୁକ ୩:୨୨.

କୁଚରାର । ୪ ହେ ପାଦନା ଜିହ୍ୱଦିତ୍ ନିସ୍ତାର ପାର୍ଶ୍ୱ ଏକା ଖାଜି ମାଚାଡ଼ । ୫ ଆରେ, ଜିସୁ ଇଚ୍ଚକାଡ଼ କିଜି ବେସି ହେନି ମାନାୟାରିଂ ଜାର କଚଣ୍ ଖାନାକା ହୁଡ଼ଜି ପିଲିପ୍ପତିଂ ଇଚାନ, “ଇଖାର ତିନି କାଜିଂ ଆସେଙ୍ଗ୍ ଇମେତାକେ ଜବର ରୁଟିଂ କଡ଼ନାସ୍ ?” ୬ ମାତର ହେଖାନ ପିଲିପ୍ପତିଂ ପରକ୍ୟା କିନି ଉପାୟତାଂ ଏଲେଙ୍ଗ୍ ଇଚାନ, ଇନାକିଦେଂକି ହେଖାନ ଇନାକା କିଦେଙ୍ଗ୍ ହାନାନା, ହେଦାଂ ହେଖାନ ନିଜେ ପୁଞ୍ଜି ମାଚାନ ।

୭ ପିଲିପ୍ ତାଙ୍ଗେଙ୍ଗ୍ ଉତର ହିତାନ, “ଝିଜାରିଂ ଅଲପ୍ ଚିଚ୍ପେଦେଂ ଇଖାର କାଜିଂ ଦୁଇସ ଟାକାଂ ରୁଟିଂ, ଜବର ଆକାୟ ।”

୮ ସିମନ୍ ପିତର ଟେଣ୍ଡାହି ଆହିୟ୍ ତରଦାକାନ ତା ଚେଲାର ବିତ୍ରେତାଂ ରଖାନ ତାଙ୍ଗେଙ୍ଗ୍ ଇଚାନ, “ଇବେ ରଖାନ କାଡ଼ଦେ ମାନାନ, ୯ ତା ତାକେ କୁଜା ପାଞ୍ଚଗଟା ରୁଟିଂ ଆରି ରିଣ୍ଡାଂ ଖାସ୍ତି ମିନକୁ ମାନିକ୍, ମାତର ଏଚେକ୍ ହେନି କାଜିଂ ହେଦାଂ ଜବର ଆକାୟ ।”

୧୦ “ଜିସୁ ଚେଲାରିଂ ଇଚାନ, ମାନାୟାରିଂ କୁଚିକିୟାର୍ ।” ହେ ବାହାତ ବେସି କାରା ମାଚାଡ଼ । ଲାଗିଂ ଆନମାନତାଂ ପାଞ୍ଚ ହାଜାର ଆଣ୍ଡାହିମଣାଂ ମାଚାର । ୧୧ ହେବେ ଜିସୁ ହେ ରୁଟି ଆସ୍ତି ଜୁଖାର କିଜି କୁଚି ମାନି ମାନାୟାରିଂ ହେଦାଂ ବାଟାକିଜି ହିତାନ, ହେ ଲାକେ ମିନକୁ ପା ହାସ୍ତିହିତାନ, ହେଖାର ଏଚେକ୍ ଏନ୍ତିସ୍, ହେ ଏଚେକ୍ ହିତାନ । ୧୨ ଆରେ ହେଖେର୍ ପଟପାଞ୍ଚିଲେ, ହେଖାନ ତା ଚେଲାରିଂ ଇଚାନ, “ଇନେସକି ଅଲପ୍ କ୍ଳାଖାସ୍ ଆମେଡ଼, ଇଦାଂ କାଜିଂ ହାରଜିମାନି ତ୍ରିକତି କୁଦ୍ରିଙ୍ଗ୍ ରବେ କିୟାର୍ ।” ୧୩ ହେବେ ହେଖାଙ୍ଗ୍ ହେଖାର ଝିଜୁ ରବେ କିତାର, ଆରେ ମାନାୟାର ଚିଚ୍ଚି ପାଚେ ହେ ପାଞ୍ଚ ଗଟା କୁଜା ରୁଟିଂ ଇମଣି ତ୍ରିଙ୍ଗ୍ତି କୁଦ୍ରିଙ୍ଗ୍ ହାରଜି ମାଚିକ୍, ହେବେ ହେଖାର ବାର ଟପା ବାଡ଼ି କିତାର ।

୧୪ ଲାଗିଂ, ମାନାୟାର ତା କିତି କାବାଆନି କାମାୟ୍ ହୁଡ଼ଜି ହେବେ ମାନି ମାନାୟାରିଂ ଇଞ୍ଜେଙ୍ଗ୍ ଲାଗାତାର, “ପୁତ୍ ଇମଣି ବେଣ୍ଡାକ୍ ଶାୟ୍ କିନାକାର ଖାନାକା ମାଚାଡ଼, ଇଖାନ ହାଡ଼ପା ହେଖାନ ।” ୧୫ ଲାଗିଂ, ହେଖାର ଖାଜି ରାଜା କିନି କାଜିଂ ଜେ ତାଙ୍ଗେଙ୍ଗ୍ ସାକ୍ତିକାଟାକାନ ଆସ୍ତେଙ୍ଗ୍ ସାସ୍ମାନାଡ଼, ଇଦାଂ ପୁଞ୍ଜି ଜିସୁ ଆରେ ରଗ ଏଡ଼ା ଆଜି ରଖାନନେ ମାଡ଼ିତ ହସି ହାଚାନ ।

ଜିସୁ ନାଗୁଡ଼ ଜପି ତାଙ୍ଗନାକା

(ମାଡ଼ିଉ ୧୪:୨୨-୨୩; ମାର୍କ ୨:୪୫-୫୨)

୧୬ ହେ ନାଜିଂ ମିଡିଲେ ତା ଚେଲାହିର୍ ହାମ୍ପୁର ଗୁଚିତ ହାଚାର ୧୭ ଆରେ ତଙ୍ଗାତ ଦୁମଜି ହାମ୍ପୁର ଆନଟି ପାଡ଼କା କପର୍ନାହୁମ୍ ନିପ ହାଞ୍ଜେଙ୍ଗ୍ ଲାଗାତାର । ମାଜଗା ଆଜି ହାତାଡ଼, ଆରେ ଜିସୁ ହେ ପାଦନା ପାଚେକ୍ ହେଖାର କଚଣ୍ଡ ଖାଖାଦାଙ୍ଗ୍ ମାଚାନ, ୧୮ ଆରେ ବେସି ଦୁକା କିତିଲେ ଏଜୁକାଂ ଲଡ଼ି ନିଙ୍ଗ୍ଜି ମାଚାଡ଼ । ୧୯ ଇବେପା ଚେଲାର ପୁରା ପାଞ୍ଚ ଚଅ କିଲମିଟର ତଙ୍ଗା କେଡ଼ା ଆଜି ହାଟିପାଚେ ଜିସୁଙ୍ଗ୍ ଏଜୁଂ ଜପି ତାଙ୍ଗ୍ଜି ତଙ୍ଗାତାକେ ଖାନାକା ହୁଡ଼ଜି ପାଣ୍ଡା ଆତାର । ୨୦ “ମାତର ଜିସୁ ହେଖାରିଂ ଇଚାନ,” ଇଖାଙ୍ଗ୍ ତ ଆନ, “ପାଣ୍ଡା ଆମାର୍ ।” ୨୧ ଲାଗିଂ ହେଖାର ତାଙ୍ଗେଙ୍ଗ୍ ତଙ୍ଗାତ ଅଦେଂ ମାନ କିତାର, ଆରେ ହେଖାର ଇମଣି ବାହାତ ହାଲ୍ଲଜି ମାଚାର, ତଙ୍ଗା ହେ ଦାପ୍ରେ ଗୁଚିତ ଏକାତାଡ଼ ।

ମାନାୟାର ଜିସୁଙ୍ଗ୍ ଡେଙ୍ଗାର

୨୨ ହେ ବାହାତ କେବଲ୍ ର ତଙ୍ଗା ମାଚାଡ଼, ଅଲ୍ଲଗା ଇମଣି ତଙ୍ଗା ହିଲ୍ଖାତାଡ଼, ଆରେ ହେବେ ଜେ ଜିସୁ ତା ଚେଲାହିର୍ ଲାହାଙ୍ଗ୍ ହାଲ୍ଖାଦାଂ ମାଚାନ, ମତର କେବଲ୍ ତା ଚେଲାହିର୍ ହାଲ୍ଲଜି ମାଚାର, ଇଖାର ଇମଣି ମାନାୟାର ତା ଆର୍କାଡ଼ ନାଜିଂ ହାମ୍ପୁର ଆନଟି ପାଡ଼କା ନିଲ୍ଲଟି ମାଚାର, ହେଖାର ହୁଡ଼ଜି ମାଚାର । ୨୩ ମାପୁଙ୍ଗ୍ ଜୁଖାର କିତି ପାଚେ ହେଖାର ଇମଣି ବାହାତ ରୁଟି ତିଞ୍ଜି ମାଚାର, ହେ ବାହାତ ତିବିରିୟାତାଂ ଆରେ କେଡ଼ଗଟା ତଙ୍ଗାଙ୍ଗ୍ ଖାଡ଼ିକ୍; ୨୪ ଲାଗିଂ ଜିସୁ କି ତା ଚେଲାହିର୍ ଜେ ହେବେ ହିଲାତାର, ଇବେ ଏଚେକାଡ଼ଦ ମାନାୟାରିଂ ହୁଡ଼ତାର, ହେ ପାଦନା ହେଖାର ଝିଜାର ତଙ୍ଗାତ ଦୁମଜି ଜିସୁଙ୍ଗ୍ ଡେକୁ ଡେକୁ କପର୍ନାହୁମ୍ ଖାଚାର ।

ଇସ୍ପର ଜିବୁନିଂ କାଦି

୨୫ ଆରେ, ହେଖାର ହାମ୍ପୁର ଆଣ୍ଡିପାଡ଼କା ତାଙ୍ଗେଙ୍ଗ୍ ହୁଡ଼ଜି ଝେନବାତାର, “ଏ ଗୁରୁ, ଏନ୍ ଏଚେକାଡ଼ଦ ଇବେ ଖାତାୟ ?” ୨୬ ଜିସୁ ହେଖାରିଂ ଉତର ହିତାନ, ହାଡ଼ପା “ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, କାବାଆନି କାମାୟ୍ ହୁଡ଼ଦେଂ ଜେ ଏପେଙ୍ଗ୍ ନାଙ୍ଗ୍ ଡେଙ୍ଗାନାଦେରା, ହେଦାଂ ଆକାୟ୍, ମତର ରୁଟି ତିନିଞ୍ଜି ପଟ ପାଞ୍ଚାଖାଦାଂ ନାଙ୍ଗେଙ୍ଗ୍ ଡେଙ୍ଗାନାଦେରା । ୨୭ ଇମଣି କାଦି ନସ୍ ଆନାଡ଼, ହେଦାଂ କାଜିଂ ବେସି କସୁକିମାର୍ । ମାତର ଇମଣି କାଦି ଝିଜୁଜି ଜିବୁନ୍ ହିନାଡ଼, ହେଦାଂ କାଜିଂ କାମାୟ୍ କିୟାର୍ । ଇ କାଦି ମାନାୟ୍ ମାଜି ହିଦନାନ, ଇନାକିଦେଂକି ଆବା ଇସ୍ପର ହେଦାଂ କାଜିଂ ତାଙ୍ଗେଙ୍ଗ୍ ଇଡ଼ତାନ୍ନା ।”

୨୮ ହେବେ ହେଖାର ତାଙ୍ଗେଙ୍ଗ୍ ଝେନବାତାର, “ଇସ୍ପରତି କାମାୟ୍ ସବୁ କିନି କାଜିଂ ଆପେଂ ଇନାକା କିୟାଆନାଡ଼ ?”

୨୯ ଜିସୁ ହେୱାରିଂ ଉତର ହିତାନ, “ଇନେକିଦେଂ ଇସ୍ବର ପକ୍ତାତାନ୍ନା, ତା ତାକେ ପାତର୍ କିନାକା ନେ ଇସ୍ବର୍ କାମାୟ୍ ଆନାତ୍ ।”

୩୦ ହେବେ ହେୱାରି ଜିସୁଙ୍କ୍ ଖେନ୍ବାତାର୍, ହେଦାଂ ଆତିସ୍ ଏନ୍ ତିନ୍ଲୀକେ ଇନାକା କିତ୍ତୁନା ଜେ, “ହେଦାଂ ହୁଡ୍ଜି ଆପେଂ ନିକ୍ଷେକ୍ ପାତର୍ କିଦ୍ନାପ୍ ? ଖେର୍ଚା ଇନା କିଦେକ୍ ଆଡ୍ନାୟ୍ ? ୩୧ ମା ଆକର୍ ବାଟାତ ମାନ୍ନା ତିଞ୍ଜି ମାଟାର୍, ଇନେସ୍ ସାସ୍ବର ଲେକା ମାନାତ୍, ତିନି କାଜିଂ ହେୱାନ୍ ହେୱାରିଂ ସାଗେତାଂ କାଦି ହିତାନ ।”

୩୨ “ହେବେ ଜିସୁ ହେୱାରିଂ ଇଚାନ, ହାଡ୍ପା ହାଡ୍ପା ଆନ୍ ମିକ୍ଷେକ୍ ଇଞ୍ଜନାକ୍ମା, ମସା ମିକ୍ଷେକ୍ ସାଗେତାଂ କାଦି ହିଦ୍ଝାତାନନା, ମାତର୍ ମାଞ୍ଜି ଆବା ମିକ୍ଷେକ୍ ସାଗେତାଂ ହାଡ୍ପା କାଦି ହିନାନ୍ । ୩୩ ଇନାକିଦେଂକି ଇମ୍ଫି କାଦି ସାଗେତାଂ ଜୁଡ୍ଡି ପୁତର୍ ତିଂ ଜିବୁନ୍ ହିନାନ୍, ହେଦାଂ ଇସ୍ବର୍ କାଦି ।”

୩୪ ହେୱାରି ଜିସୁଙ୍କ୍ ଇଚାର୍, “ଏ ମାପୁ, ସବୁ ଖେଡାକ୍ ମାକ୍ଷେକ୍ ଇ କାଦି ହିଦା ।”

୩୫ “ହେବେ ଜିସୁ ହେୱାରିଂ ଇଚାନ,” ଆନ୍ ହେ ଜିବୁନ୍ କାଦି, “ଇନେନ୍ ନା ଲାଗାଂ ଖାନାନ୍, ହେୱାନ୍ ଇନାଖାତାଂପା ନାସ୍କି ଆଉନ୍, ଆରେ ଇନେନ୍ ନା ତାକେ ପାତର୍ କିନାନ୍, ହେୱାନ୍ ଇନାଖାତାଂ ଏସକି ଆଉନ୍ । ୩୬ ମାତର୍ ଏପେକ୍ ନାକ୍ଷେକ୍ ହୁଡ୍ଜିପା ପାତର୍ କିଦୁଦେରା, ଇଦାଂ ଆନ୍ ମିକ୍ଷେକ୍ ଇନ୍ଝାକ୍ମା । ୩୭ ଆବା ଜେ ଝିଜାରିଂ ନାକ୍ଷେକ୍ ଦାନ୍ କିଦ୍ନାନ୍, ହେୱାରି ନା କଚଣ୍ଡ ଖାନାର୍; ଆରେ, ଇନେର୍ ନା ତାକେ ଖାନାନ୍, ତାକ୍ଷେକ୍ ଇନେସ୍ କିତିସ୍ପା ବାଟ୍ ହପୁକ୍; ୩୮ ଇନାକିଦେଂକି ଆନ୍ ନିଜେ ମାନ୍ ମାନି କିଦେକ୍ ଜୁଦ୍ଝାଦାଂ, ଇତିସ୍ ନା ପକ୍ତାତାକାନିଂ ମାନ୍ ମାନି କିଦେକ୍ ସାଗେତାଂ ଜୁଡ୍ଡାକ୍ମା । ୩୯ ଆରେ, ନା ପକ୍ତାତାକାନ୍ ଜେ ଝିଜାରିଂ ନାକ୍ ଦାନ୍ କିଦ୍ନାନ୍, ହେୱାରି ବିତ୍ରେ ଇନେରିଂ ନେ ଇନେସ୍କି ଆନ୍ ଆରାୟ୍ କିଝାଦାଂ, ମାତର୍ ହାରିହାରା ଦିନ୍ତ ତାକ୍ଷେକ୍ ଆରେ ରଗ ଜିପ୍ନାକ୍, ଇଦାଂ ତାଦାକ୍ ମାନ୍ । ୪୦ ଇନାକିଦେଂକି ଇନେର୍କି ମାଜିକ୍ ହୁଡ୍ଜି ତା ତାକେ ପାତର୍ କିତାର୍, ହେୱାନ୍ ଇନେସ୍ ଝିଜ୍ଝି ଜିବୁନ୍ ପାୟା ଆନାନ୍, ଇଦାଂ ନେ ମାଞ୍ଜି ଆବାତି ମାନ୍; ଆରେ, ଆନ୍ ତାକ୍ଷେକ୍ ହାରିହାରା ନାଜିଂ ଆରେ ରଗ ଜିପ୍ନାକ୍ ।”

୪୧ “ଆନ୍ ସାଗେତାଂ ଜୁଜି ମାନ୍ତି କାଦି ଆନାକ୍, ହେୱାନ୍ ଇଦାଂ ଇଚିଲେ ଜିହୁଦିର୍ ତା ବେରୁତାଂ ନିୟା କିଦେକ୍ ଲାଗାତାର୍,” ୪୨ ଆରେ ଇଚାର୍ ଇଝାନ୍ ଜସେପ୍ ମେହି ଜିସୁ ଆକାୟ୍, “ଆରେ ଆପେଂ ଇନାକା ଇଝାନ୍ ଲାତ୍ରାହି ତେହିକ୍ ପୁନୁପ୍ ? ଲାଗିଂ ଆନ୍ ସାଗେତାଂ ଜୁଡ୍ଡାକ୍ମା ଇଞ୍ଜି ହେୱାନ୍ ନକ୍ ଇନେସ୍ ଇନାନ୍ନା ?”

୪୩ ଜିସୁ ହେୱାରିଂ ଉତର ହିତାନ, ଜାର୍ ଜାର୍ ବିତ୍ରେ ନିୟା କିମାଟ୍ ? ୪୪ ଇମ୍ଫି ଆବା ନାକ୍ ପକ୍ତାତାନ୍ନା ହେୱାନ୍ ନାତାକେ ଚଞ୍ଚୟା ଆଦ୍ଝିତିସ୍ ଇନେର୍ ନା ଲାଗେ ଖାଦେକ୍ ଆଡୁର୍ । ଇମ୍ଫାକାର୍ ଖାନାର୍ ହେୱାରିଂ ଆନ୍, ହାରିହାରା ନାଜିଂ ଆରେ ରଗ ଜିପ୍ନାକ୍ । ୪୫ ବେଣ୍ଠାକ୍ଶାୟ୍କିନାକାର୍ ଦରମ୍ ସାସ୍ବର ତାକେ ଲେକିକିତାଣ୍ଣା, ଝିଜାର୍ କେବଲ୍ ଇସ୍ବର୍ ହିକ୍ୟା ପାୟା ଆନାର୍ । ଇନେର୍କି ଆବା ତାକେଣ୍ଡାଂ ହିକ୍ୟା ଲାବ୍ କିତାନନା, ହେୱାନ୍ ନାତାକେ ଖାନାନ୍ । ୪୬ ଇନେନ୍ ଜେ ଆବାଂ ହୁଡ୍ଡାନନା, ହେଦାଂ ଆକାୟ୍; ଇନେର୍ ଇସ୍ବର ତାକେଣ୍ଡାଂ ଖାତାନନା, ହେୱାନ୍ ଆବାଂ ହୁଡ୍ଡାନନା । ୪୭ ହାଡ୍ପା ହାଡ୍ପା ଆନ୍ ମିକ୍ଷେକ୍ ଇଞ୍ଜନାକ୍ମା, ଇନେନ୍ ପାତର୍ କିନାନ୍, ହେୱାନ୍ ଝିଜ୍ଝି ଜିବୁନ୍ ପାୟା ଆନାନ୍ । ୪୮ ଆନ୍ ଜିବୁନ୍ ହିନି କାଦି । ୪୯ ମି ଆକର୍ ବାଟାତ ମାନ୍ନା ଚିଟାର୍, ଆତିସ୍ପା ହେୱାରି ହାଟାର୍ । ୫୦ ମାତର୍ ଇମ୍ଫି କାଦି ସାଗେତାଂ ଖାନାତ୍, ତାକ୍ଷେକ୍ ଇନେର୍ ତିନାନ୍ ହେୱାନ୍ ଝିଜ୍ଝି ଜିବୁନ୍ ପାୟା ଆନାନ୍ । ୫୧ ଆନ୍ ସାଗେତାଂ ଜୁଡ୍ଡାକ୍ ହେ ଜିବୁନ୍ କାଦି; ଇନେର୍ ଜଦି ଇ କାଦି ତିନାର୍, ହେୱାନ୍ ଜୁଗ୍ ଜୁଗ୍ ପାତେକ୍ ଜିଜି ମାନାର୍; ଆ, ଆନ୍ ଇମ୍ଫି କାଦି ହିଦ୍ନାଂ, ହେଦାଂ ନା ଜେଇ, ଆନ୍ ତା ପୁତର୍ ତିଂ ବାଟାୟ୍କିଦେଂ ଇଞ୍ଜି ଜିବୁନ୍ ହିଦ୍ନାଂ ।

୫୨ ଇବେ ଜିହୁଦିର୍ ହେଖେର୍ ହେୱାରି ରିସା ଆଜି ଇଞ୍ଜେକ୍ ଲାଗାତାର୍, ଇଝାନ୍ ଇନେସ୍ ମାକ୍ଷେକ୍ ଜାର୍ ଜେଇ ତିଞ୍ଜେକ୍ ହିଦେଂ ଆଡ୍ନାନ୍ ?

୫୩ ହେବେ ଜିସୁ ହେୱାରିଂ ଇଚାନ, “ହାଡ୍ପା ହାଡ୍ପା ଆନ୍ ମିକ୍ଷେକ୍ ଇଞ୍ଜନାକ୍ମା, ମାନାୟ୍ ମାଜିତି ଜେଇ ତିନ୍ଝିତିସ୍ ଆରି ତା ନେତେର୍ ଉଣ୍ଝିତିସ୍, ମି ତାକେ ଜିବୁନ୍ ହିଲୁଡ୍ । ୫୪ ଇନେର୍ ନା ଜେଇ ତିନାର୍ ଆରି ନା ନେତେର୍ ଉଣାର୍, ହେୱାନ୍ ଝିଜ୍ଝି ଜିବୁନ୍ ପାୟା ଆନାନ୍, ଆରେ ଆନ୍ ହାରିହାରା ନାଜିଂ ତାକ୍ଷେକ୍ ଜିପିକିନାକ୍ । ୫୫ ଇନାକିଦେଂକି ନା ଜେଇ ହାଡ୍ପା କାଦି ଆରି ନା ନେତେର୍ ହାଡ୍ପା ଏଜୁଂ । ୫୬ ଇନେର୍କି ନା ଜେଇ ତିନାର୍ ଆରି ନା ନେତେର୍ ଉଣାର୍, ହେୱାନ୍ ନା ତାକେ ମାନେନ୍ ଆରି ଆନ୍ ତା ତାକେ ମାନାକ୍ । ୫୭ ଜିବୁନ୍ ଆବା ନାକ୍ଷେକ୍ ପକ୍ତାତାନ୍ନା ଆରି ଆନ୍ ଆବା କାଜିଂ ଜିଜି ମାନାଂ, ହେ ଲାକେ ଜେ ନାକ୍ଷେକ୍ ତିଞ୍ଜିନାର୍, ହେୱାନ୍ ପାନା କାଜିଂ ଜିଜି ମାନାନ୍ । ୫୮ ଇମ୍ଫି କାଦି ସାଗେତାଂ ଜୁଡ୍ଡାନ୍ନା, ହେଦାଂ ଇ; ଆକର୍

ଇନେସ୍ ତିନିଞ୍ଜି ହାତାର୍, ହେ ଲାକେ ଆକାୟ୍; ଜେ ଇ କାଦି ତିନାର୍, ହେଝାନ୍ ଜୁଗ୍ ଜୁଗ୍ ପାତେକ୍ ଜିଜି. ମାନାନ୍ ।”

୫୯ ହେଝାନ୍ କପର୍ନାହୁମ୍ ର କୁଟୁମ୍ ଇଞ୍ଜ ହିକ୍ୟା ହିନି ସମୁତ ଇ ଝିଜୁ କାତା ଇଚାର୍ ।

ଝିଜୁ ଜିରୁନ୍ନି ବଚନ୍

୬୦ ଲାଗିଂ, ତା ଚେଲାହିର୍ ବିତ୍ରେ ହେନି ଇଦାଂ ଝେନ୍ଞି ଇଚାର୍, “ଇ ହିକ୍ୟା ଝେଞ୍ଜେଙ୍ଗ୍ ବେସି କସ୍, ଇନେର୍ ଇଦାଂ ଝେଞ୍ଜେଙ୍ଗ୍ ଆଡ଼ନାର୍ ?”

୬୧ ମାତର୍ ଜିସୁ, ତା ଚେଲାହିର୍ ଇନେର୍ ହେ ବିସ୍ତେ ନିନ୍ଦା କିନାରା ଇଞ୍ଜି, ତା ମାନ୍ତ ପୁଞ୍ଜି ହେଝାରିଂ ଇଚାନ୍, ବାଦାନି କାରଣ ଆନାତା ? ୬୨ ମାନାୟ୍ ମାଜି ଇମେତାଂ ଝାତାନ୍ନା, ହେବେ ତାଙ୍ଗେଙ୍ଗ୍ ହାନାକା ହୁଡ଼ତାନ୍ ଇନା କିନାନ୍ । ୬୩ କେବଲ୍ ଇସ୍ତର୍ ଝାସ୍ତ୍ର ଜିରୁନ୍ ହିଦେଂ ଆଡ଼ନାନ୍; ମାନାୟ୍ ଜେଇ ଇନାକା କିଦେଙ୍ଗ୍ ଆଡୁଡ଼ ଇସ୍ତର୍ ହେ ଜିରୁନ୍ ହିନି ଝାସ୍ତ୍ରିତିଂ ଏପେଙ୍ଗ୍ ଇନେସ୍ ପୁନାଦେର୍ ହେଦାଂ କାଜିଂ ଆନ୍ ଇ ଝିଜୁ କାତା ଇଞ୍ଜନାଙ୍ଗା । ୬୪ ମାତର୍ ମି ବିତ୍ରେ ଇନେ ଇନେର୍ ପାତର୍ କିତରା । ଇନାକିଦେଂକି ଇମଣାକାର୍ ଜିସୁଙ୍ଗ୍ ପାତର୍ କିଝାଦାଂ ମାଚାର୍ ଆରି ଇନେନ୍ ଜିସୁଙ୍ଗ୍ ସାଡୁର୍ କେଇଦ ଇନେନ୍ ହେଲାୟ୍ କିନାନ୍, ହେଦାଂ ଇସ୍ତର୍ ଆଗେତାଂ ପୁଞ୍ଜି ମାଚାନ୍ । ୬୫ ଜିସୁ ଆରେ ଇଚାନ୍, “ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇନ୍ଝାଙ୍ଗ୍ମା, ଆବା ତାକେଣ୍ଟାଂ ପକ୍ୟା ଆଝିତିସ୍ ଇନେର୍ ନା କଚଣ ଝାଦେଙ୍ଗ୍ ଆଡୁର୍ ।”

୬୬ ହେ ସମୁତାଂ ତା ଚେଲାହିର୍ ବିତ୍ରେ ହେନି ବେଶ୍‌କିଝାଦାଂ ହସି ହାଚାର୍, ଆରେ ତା ଲାହାଙ୍ଗ୍ ଚାଲା ବୁଲା କିଝାତାର୍ । ୬୭ ହେବେ ଜିସୁ ବାରଜାଣ୍ଡିଂ ଝେନ୍‌ବାତାନ୍, “ଏପେଙ୍ଗ୍‌ପା ନାଙ୍ଗ୍ ପିସ୍ତ୍ର ହାଞ୍ଜେଙ୍ଗ୍ ଇଚା କିନାଦେରା ?”

୬୮ ସିମନ୍ ପିତର୍ ଜିସୁଙ୍ଗ୍ ଉତର୍ ହିତାର୍, ମାପୁ, ଇନେର୍ ତାକେ ହାନାପ୍ ? ନି ତାକେ ଝିଜୁ ଜିରୁନ୍ନି ବଚନ୍ ମାନାଡ଼; ୬୯ ଆରେ, ଏନ୍ ଜେ ଇସ୍ତର୍ ହେ ପୁଇପୁୟା ମାନାୟ୍, “ଇଦାଂ ଆପେଂ ପାତର୍ କିତାପ୍ମା ଆରି ପୁଚାପ୍ମା ।”

୭୦ ଜିସୁ ହେଝାରିଂ ଉତର୍ ହିତାନ୍, “ଆନ୍ ଇନାକା ମି ବାରଜାଣ୍ଡିଂ ବାଟି କିଝାତାଂନା କି ? ଆରେ, ମି ବିତ୍ରେ ର ସୟ୍‌ତାନ୍ ।” ୭୧ ହେଝାନ୍ ଇସ୍ତାରିୟ୍‌ତିୟ୍ ସିମନ୍ ମେହି ଜିହୁଦାଙ୍ଗ୍ ହୁଡ଼ଜି ଏପେଙ୍ଗ୍ ଇଚାନ୍, ଇନାକିଦେଂକି ହେଝାନ୍ ବାରଜାଣ୍ଡିଂ ବିତ୍ରେ ରଝାନ୍, ଆରେ ହେଝାନ୍ ତାଙ୍ଗେଙ୍ଗ୍ ସାଡୁର୍ କେଇଦ ହେଲାୟ୍ କିଦେଙ୍ଗ୍ ହାଲ୍‌ଜି ମାଚାନ୍ ।



ଜିସୁ ଆରି ତା ଟଣ୍ଡାହିର୍

୧ ଇଦାଂ ପାଚେ ଜିସୁ ଗାଲିଲିତ ବୁଲାଆଦେଂ ଲାଗାତାନ୍, ଇନାକିଦେଂକି ଜିହୁଦିର୍ ତାଙ୍ଗେଙ୍ଗ୍ ଟାଣ୍ଡେ ଅହ୍‌ନି କାଜିଂ ସେସ୍ କିଜି ମାଟିଲେ, ହେଝାନ୍ ଜିହୁଦା ଦେସ୍‌ତ ବୁଲାଆଦେଂ ମାନ୍ କିଝାଦାଂ ମାଚାନ୍ । ୨ ଜିହୁଦିର୍ କୁଡ଼ିୟା ବାହା ପାରୁନ୍ ସମୁ ଲାଗେ ଝାଜି ମାଚାଡ଼, ୩ ତା ଟଣ୍ଡାହିର୍ ତାଙ୍ଗେଙ୍ଗ୍ ଇଚାର୍, “ଏନ୍ ଜେ ଇନା କାମାୟ୍ କିତାୟ୍‌ନା, ହେ ଝିଜୁ ଇନେସ୍‌କି ନି ଚେଲାହିର୍ ପା ହୁଡ଼ନାର୍, ଇଦାଂ କାଜିଂ ଇବେଣ୍ଟାଂ ହସି ହାଲ୍‌ଜି ଜିହୁଦା ଦେସ୍‌ତ ହାଲ୍‌ଟ୍, ୪ ଇନାକିଦେଂକି ଇନେର୍ ଚଞ୍ଜିୟାଦେଂ ମାନ୍ କିତାନ୍ ଡ଼ଗୁଜି ଇନାକା କିତନ୍ । ଏପେଙ୍ଗ୍ ଜଦି ଝିଜାଦେର୍, କିନାଦେରା, ଲାଗିଂ ଜାର୍‌ତିଂ ପୁତର୍ ତାକେ ଚଚାର୍ ।” ୫ ଇନାକିଦେଂକି ତା ଟଣ୍ଡାହିର୍ ପା ତା ତାକେ ପାତର୍ କିଝାଦାଂ ମାଚାର୍ ।

୬ ହେବେ ଜିସୁ ହେଝାରିଂ ଇଚାନ୍, “ନା ସମୁ ନଙ୍ଗ୍ ପାତେକ୍ ଏକା ଝାଉତେ, ମାତର୍ ମି ସମୁ ଏକା ଝାତାତେ । ୭ ପୁତର୍ ମିଙ୍ଗେଙ୍ଗ୍ ଗିଣ୍ କିଦୁଡ଼, ମାତର୍ ନାଙ୍ଗେଙ୍ଗ୍ ଗିଣ୍ କିଦ୍‌ନାଡ଼, ଇନାକିଦେଂକି ତା କାମାୟ୍ ଜେ କାରାପ୍, ଆନ୍ ଇ ସାକି ହିତାଙ୍ଗ୍‌ନା । ୮ ଏପେଙ୍ଗ୍ ଇ ପାରୁଡ଼ ହାଲ୍‌ଟ୍, ଆନ୍ ନଙ୍ଗ୍ ଇ ପାରୁଡ଼ ହାଲ୍‌ଙ୍ଗା, ଇନାକିଦେଂକି ନା ସମୁ ଇ ପାତେକ୍ ଏକା ଝାଉତେ ।” ୯ ଜିସୁ ହେଝାରିଂ ଇ ଝିଜୁ କାତା ଇଞ୍ଜି, ଗାଲିଲିତ ମାଚାନ୍ ।

କୁଡ଼ିୟା ବାହା ପାରୁଡ଼ ଜିସୁ

୧୦ ମାତର୍ ତାଂ ଟଣ୍ଡାହିର୍ ପାରୁଡ଼ ହାଟି ପାଚେ ହେଝାନ୍ ପା ହାଚାନ୍, ଚଞ୍ଜିୟାଆଝାଦାଂ ଆକାୟ୍, ମତର୍ ର ବାନି ଡ଼ଗୁଜି । ୧୧ ଲାଗିଂ ଜିହୁଦି ନେତାର୍ ପାରୁଡ଼ ତାଙ୍ଗେଙ୍ଗ୍ ଡେକ୍‌ଟି ଡେକ୍‌ଟି ଝେନ୍‌ବାତାର୍, “ହେଝାନ୍ ଜେ ?”

୧୨ ଆରେ, ତା ବିସ୍ତେ ମାନାୟାର୍ ବିତ୍ରେ ବେସି ହେଝାର୍ ହେଝେର୍ କାଲେ କାଲେ ବେଶ୍ କିଦେଙ୍ଗ୍ ଲାଗାତାର୍; “ଇନେ ଇନେର୍ ଇଚାର୍, ହେଝାନ୍ ରକାନ୍ ହାର୍ ଲଗୁ, ଆରେ ଇନେ ଇନେର୍ ଇଚାର୍, ଆକାୟ୍, ହେଝାନ୍ ମାନାୟାରିଂ ବୁଲ୍‌କାୟ୍‌କିନାନ୍ ।” ୧୩ ଆତିସ୍‌ପା ଜିହୁଦି ନେତାର୍ ପାଣ୍ଡୁଂ ତା ବିସ୍ତେ ଝେର୍‌ଚେଙ୍ଗ୍ ଇନେର୍ ଇନାକା ଇନ୍‌ଝାଦାଂ ମାଚାର୍ ।

୧୪ ମାତର ପାର୍ଶୁନି ଆଦା ସମୁ ହାତି ପାଚେ, ଜିସୁ ମନ୍ଦିରତ ହାଲୁଜି ହିକ୍ୟା ହିଦେଂ ଲାଗାତାନ । ୧୫ ଇବେ ଜିହୁଦି ନେତାର କାବା ଆଜି ଇଚାର, “ଇଖାନ ପାଟ୍ ପଡ଼ିକିଖାଦାଂ ଇନେସ୍ ପୁରାନ ?”

୧୬ ଲାଗିଂ ଜିସୁ ହେଖାରିଂ ଉତର ହିତାନ, “ନା ହିକ୍ୟା ନା ଜାରତି ଆକାୟ୍, ମାତର ନାଜ୍ ପକ୍ତାତାକାନ୍ତି ଇସ୍ପରତାଂ ଖାନି ହିକ୍ୟା ହିନାଜା । ୧୭ ଇନେର ଜଦି ଇସ୍ପର ଇଚା ମାନି କିଦେଜ୍ ମାନକିନାନ, ତା ଆତିସ୍ ଇ ହିକ୍ୟା ଇସ୍ପରତାଂ ଆତାଡ଼ନା, କି ଆନ୍ ନି ତାକେଣ୍ଟାଂ ଇଞ୍ଜନାଜା, ହେଦାଂ ହେଖାନ ପୁନାନ । ୧୮ ଇନେନ୍ ଜାରତାଂ ଇନାନ, ହେଖାନ ନିଜେ ଜାଜ୍ମାଲ ପାୟା ଆଦେଂ ଦାହ୍ନାନ, ମାତର ଇନେନ୍ ଜାର ପକ୍ତାତାକାନିଂ ପାଦ୍ ପାୟା ଆଦେଂ ଦାହ୍ନାନ, ହେଖାନ ହାଡ଼ପା ଇନାନ, ଆରେ ତାତାକେ ଇନାକାପା ଅଦାମ୍ ମିର୍ ହିଲୁଡ଼ । ୧୯ ମସା ଇନାକା ମିଜେଜ୍ ବିଦି ହିଦ୍‌ଖାତାନନା ? ଆତିସ୍‌ପା ମି ବିତ୍ରେ ରଖାନ ପା ବିଦି ମାନି କିଉଦେରା । ଏପେଜ୍ ଇନାକିଦେଂ ନାଜେଜ୍ ଅସ୍ତେଦେଂ ସେସ୍ଟୁ କିଦ୍‌ନାଦେରା ?”

୨୦ “ମାନାୟାର ଉତର ହିତାର,” ନିଜେଜ୍ ପୁଦା ଆସ୍ତାତାନ୍ନା, “ଇନେର ନିଜେଜ୍ ଅସ୍ତେଦେଂ ସେସ୍ଟୁ କିଦ୍‌ନା ?”

୨୧ ଜିସୁ ହେଖାରିଂ ଉତର ହିତାନ, “ଆନ୍ କାବାଆନି କାମାୟ୍ କିତାଜ୍, ଆରେ ଏପେଜ୍ ଖିଜାଦେର କାବା ଆତାଦେଣ୍ଟା । ୨୨ ଇ କାଜିଂ ମସା ମିଜେଜ୍ ସୁନ୍ନଡ଼ ବିଦି ହିଡ଼ତାନ୍ନା ଇଦାଂ ଜେ ମସାତାକେଣ୍ଟାଂ ଆତାଡ଼ନା, ହେଦାଂ ଆକାୟ୍, ମାତର ଆକରତାଂ, ଆରେ ଏପେଜ୍ ଜମ୍‌ନିବାର ନାଜିଂ କାଡ଼ଦେରିଂ ସୁନ୍ନଡ଼ କିନାଦେରା । ୨୩ ମସାତି ବିଦି ଖିଜ୍‌ଖି କାଜିଂ ଜଦି ଜମ୍‌ନିବାର ନାଜିଂ କାଡ଼ଦେଂ ସୁନ୍ନଡ଼ ପାୟା ଆନାନ, ତା ଆତିସ୍ ଆନ୍ ଜମ୍‌ନିବାର ନାଜିଂ ରଖାନ କାଡ଼ଦେଂ ଖିଜୁ ଉଜ୍ କିତିଲେ ଏପେଜ୍ ଇନାକିଦେଂ ନା ଜପି ରିସା କିଦ୍‌ନାଦେରା ? ୨୪ ବାତ୍ ବିସ୍ତେ ହୁଡ଼ଜି ବିଚାର କିଖାଦାଂ ନ୍ୟାୟ୍ ବିଚାର କିୟାଟ୍ ।”

ଇଖାନ ଇନାକା ମସିୟା

୨୫ ଇବେ ଜିରୁସାଲମ୍ ନିକାର ବିତ୍ରେ ଇନେର ଇନେର ଇଞ୍ଜେଜ୍ ଲାଗାତାର, “ଜିହୁଦି ନେତାର ହେଖାର ଇନେକିଦେଂ ଅହ୍‌ନି କାଜିଂ ସେସ୍ଟୁ କିଜି ମାଚାର, ଇଖାନ ଇନାକା ହେଖାନ ଆକାୟ୍ ? ୨୬ ଆରେ ହୁଡ଼ାଟ୍, ହେଖାନ ହପ୍‌ତି କାତା ଇଞ୍ଜନାନା, ଆରେ ହେଖାର ତାଜେଜ୍ ଇନାକା କିଉରା । ଇଖାନ ଜେ କ୍ରିସ୍ଟ, ଇଖାନ ଇନାକା ନେତାର ହାଡ଼ପା ପୁରାରେ ? ୨୭ ଇନାକା ଆୟେଡ଼, ଇଖାନ୍ତି ଆରମ୍ ଆସେଜ୍ ପୁନାସ୍, ମାତର ମସିୟା ଏଚେକାଡ଼ଦ ଖାନାନ, ହେ ପାଦ୍‌ନା ତା ଆରମ୍ ଇନେର ପୁନୁର୍ ।”

୨୮ ହେବେ ଜିସୁ ମନ୍ଦିରତ ହିକ୍ୟା ହିଉ ହିଉ ଗାଜା କାଟ୍‌ତାଂ ଇଚାନ, ଏପେଜ୍ ନାଜେଜ୍ ଆରି ନା ଉଦ୍‌ଜାଣ୍ ରିୟାଦେର ପୁନାଦେର ? ଆନ୍ ନିଜେତାଂ ଖାଖାତାଜ୍‌ନା, “ମାତର ନା ପକ୍ତାତାକାନ ହାଡ଼ପା, ତାଜେଜ୍ ଏପେଜ୍ ପୁନୁଦେରା । ୨୯ ଆନ୍ ତାଜେଜ୍ ପୁନାଜ୍, ଇନାକିଦେଂକି ଆନ୍ ତା ତାକେଣ୍ଟାଂ ଖାତାଜ୍‌ନା, ଆରେ ହେଖାନ ନାଜେଜ୍ ପକ୍ତାତାନ୍ନା ।

୩୦ ହେବେ ହେଖାର ତାଜେଜ୍ ଆସ୍ତେଜ୍ ସେସ୍ଟୁ କିତାର୍; ମାତର ଇନେର ତା ଜପି କେଇ କିଖାତାର, ଇନାକିଦେଂକି ତା ସମୁ ହେ ପାଚେକ୍ ଏକା ଖାଖାଦାଜ୍ ମାଚାଟ୍ । ୩୧ ମାତର ମାନାୟାର ବିତ୍ରେ ହେନି ତାତାକେ ପାଟ୍ କିଜି ଇଞ୍ଜେଜ୍ ଲାଗାତାର, ଇଖାନ ଜେ ଖିଜାର କାବାଆନି କାମାୟ୍ କିତାନ୍ନା, କ୍ରିସ୍ଟ ଖାଜି ତା ତାକେଣ୍ଟାଂ ଇନାକା ଆଦିକ୍ କିନାନ ?”

ଜିସୁଜ୍ ବନ୍ଦି କିଦେଜ୍ କାନାକାରିଂ ପକ୍ତାର୍

୩୨ ପାରୁସିର୍ ମାନାୟାର ତା ବିସ୍ତେ ବେଣ୍‌କିବାଆନାକା ଖେନ୍‌ଞ୍ଜି ଆରେ ମୁଡ଼୍ ମାପୁହେବାକିନାକାନ ଆରି ପାରୁସିର୍ ତାଜେଜ୍ ଆହ୍‌ନି କାଜିଂ କାନାକାରିଂ ପକ୍ତାର୍ । ୩୩ ହେବେ ଜିସୁ ଇଚାନ, “ଆନ୍ ଆରେ ଅଲପ୍ ସମୁ ମି ଲାହାଜ୍ ମାନଗାନାଜ୍ ଆରେ ପକ୍ତାତାକାନ ତାକେ ହାନାଜା । ୩୪ ଏପେଜ୍ ନାଜେଜ୍ ତେକ୍‌ନାଦେର, ମତର ଗାଟାଆଦୁଦେର; ଆରେ, ଆନ୍ ଇମେତାକେ ମାନାଜ୍, ଏପେଜ୍ ହେବେ ହାଞ୍ଜେଜ୍ ଆଡୁଦେର ।”

୩୫ ହେବେ ଜିହୁଦିର୍ ହେଖେର୍ ହେଖାର ଇଚାର, “ଇଖାନ ଇମେତାକେ ହାଞ୍ଜେଜ୍ ହଡ଼ତାନନା ଜେ, ଆସେଜ୍ ତାଜେଜ୍ ଗାଟାଆଉସ୍ ? ଇଖାନ ଇନାକା ଗ୍ରିକ୍‌ନିକାର ବିତ୍ରେ ଜେଡ଼ କେଡ଼ ଜିହୁଦିର୍ ତାକେ ହାଲୁଜି ଗ୍ରିକ୍‌ନିକାରିଂ ହିକ୍ୟା ହିଦେଂ ହଡ଼ତାନନା ? ୩୬ ଏପେଜ୍ ନାଜେଜ୍ ତେକ୍‌ନାଦେର, ମତର ଗାଟା ଆଦୁଦେର, ଆରେ ଆନ୍ ଇମେତାକେ ମାନାଜ୍, ଏପେଜ୍ ହେବେ ହାଞ୍ଜେଜ୍ ଆଡୁଦେର, ହେଖାନ ଇ ଇମ୍‌ଣି କାତା ଇଚାନ, ହେ ଅରଡ଼ ଇନାକା ?”

ଜିବୁନ୍ ହିନି ଜଡ଼ି

୩୭ ଖିସ୍ତି ନାଜିଂ, ଇଚିସ୍, ପାର୍ଶୁନି ଗାଜା ଦିକ୍ତ, ଜିସୁ ନିଲ୍‌ତି ଗାଜା କାଟ୍‌ତାଂ ଇଚାନ, ଇନେର ଜଦି ଏସ୍‌କି ଆନାନ, “ଲାଗିଂ ହେଖାନ ନା ତାକେ ଖାୟେନ୍ । ୩୮ ଦରମ୍ ସାସ୍ତ୍ର ଲେକାଆତାଡ଼ନା, ଇନେନ୍ ନା ତାକେ ପାଟ୍ କିଜି ହେଖାନ ଉଣେନ୍, ତା ଖାସ୍ତିତାଂ ଜିବୁନ୍‌ନି ଏଜୁଂ ଡ଼ିଜି ହାନିକ୍ ।” ୩୯ ତା ତାକେ ପାଟ୍ କିଖାକାର୍

ଇମଣି ଜିବୁନ୍ ପାୟାନ୍ କାଜିଂ ହାଲୁଜି ମାଚାର୍, ଜିସୁ ବିସ୍ତେ ହେଝାନ୍ ଏପେଙ୍ଗ୍ ଇଚାନ୍, ଇନାକିଦେଂକି ଜିସୁ ହେପାତେକ୍ ଜାଜମାଲ୍ ପାୟାଆଝି କାଜିଂ ହେଝାର୍ ପୁଇପୁୟା ଜିବୁନ୍ ପାୟା ଆଝାଦାଂ ମାଚାର୍ ।

ମାନାୟାର୍ ବିତ୍ରେ ବାଗ୍‌ଆନାକା

୪୦ ଲାଗିଂ ମାନାୟାର୍ ବିତ୍ରେ ଇନେ ଇନେର୍ ଇ କାତା ଝେନ୍‌ଝି ଇଝେଙ୍ଗ୍ ଲାଗାତାର୍, “ଇଝାନ୍ ହାତ୍‌ପା ହେ ବେଶ୍‌ବାକ୍‌ଶାୟକିନାକାନ୍ ।”

୪୧ ବିନେନିକାର୍ ଇଝେଙ୍ଗ୍ ଲାଗାତାର୍, “ଇଝାନ୍ କ୍ରିସ୍ଟୁ ।”

ମାତର୍ ଇନେ ଇନେର୍ ଇଝେଙ୍ଗ୍ ଲାଗାତାର୍, “ଇନାକା ମସିୟା ଗାଲିଲିତାଂ ଝାଉନ୍ ! ୪୨ କ୍ରିସ୍ଟୁ ଜେ ଦାଉଦ୍ ଲାତ୍ରାତାଂ ଆରି ଦାଉଦ୍ ନିକାର୍ ଇମେତାକେ ମାଚାର୍, ହେ ବେଡ୍‌ଲିହିମ୍ ନାୟତାଂ ଝାନାନ୍, ଇଦାଂ ଇନାକା ଦରମ୍ ସାସ୍ତର୍ ବଚନ୍ ଇନୁତା ?” ୪୩ ଲାଗିଂ ମାନାୟାର୍ ବିତ୍ରେ ତା କାଜିଂ ବାଗ୍‌ଆନାକା ଗିଟା ଆତାଡ୍ । ୪୪ ଆରେ, ହେଝାର୍ ବିତ୍ରେତାଂ କେତେ ଜାଣ୍ ଆସ୍ତେଙ୍ଗ୍ ଇଚା କିଜି ମାଚାର୍, ମାତର୍ ଇନେର୍ ତା ଜପି କେଇ କିଝାତାର୍ ।

ଜିହୁଦି ନେତାର୍ ପାତର୍ କିଝାଦାଂ ମାଚାର୍

୪୫ ଝିସ୍ତୁ ବିତ୍ରେ କାନାକାର୍ ମାସ୍‌ଦି ଝାତିଲେ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ତାକେ ମାସ୍‌ଦି ଝାତାର୍, ଆରେ ହେଝାର୍ ହେଝାରିଂ ଝେନ୍‌ବାତାର୍, “ଏପେଙ୍ଗ୍ ଇନାକିଦେଂ ତାଙ୍ଗେଙ୍ଗ୍ ତାସ୍ ଝାଝାତାଦେର୍ ?”

୪୬ କାନାକାର୍ ଉତର୍ ହିତାର୍, “ଇ ମାନାୟ୍ ଇନେସ୍‌କି କାତା ଇନାନ୍, ଇମ୍‌ଣି ମାନାୟ୍ ଇନାଝାଡ଼ାଂ ହେ ଲାକେ ଇନଝାଡ଼ାଂନା ।”

୪୭ “ହେବେ ପାରୁସିର୍ ହେଝାରିଂ ଉତର୍ ହିତାର୍,” ଏପେଙ୍ଗ୍ ପା ଇନାକା ବୁଲ୍‌କାଇ କିୟାତାଦେର୍ ?

୪୮ “ନେତାର୍ ବିତ୍ରେ କି ପାରୁସିର୍ ବିତ୍ରେ ଇନାକା ଇନେର୍ ତା ତାକେ ପାତର୍ କିନାରା, ଇଦାଂ ଏନ୍ ପୁନାୟ୍ ?

୪୯ ମାତର୍ ଇ ଇମ୍‌ଣି ଲଗୁ ମସାତି ବିଦି ପୁନୁର୍, ହେଦାଂ କାଜିଂ ଇଝାର୍ ଝିଜାର୍ ବାଗ୍‌ଇଚ୍‌ୟାଆତି ମାନାୟାର୍ ।”

୫୦ ଇମ୍‌ଣି ନିକଦିମ୍ ଇଦାଂ ପାଚେ ତା ତାକେ ଝାଜି ମାଚାନ୍ ଆରି ଜେ ହେଝାର୍ ବିତ୍ରେ ରଝାନ୍, ହେଝାନ୍ ହେଝାରିଂ ଝେନ୍‌ବାତାନ୍, ୫୧ “ର ମାନାୟ୍ ତାଙ୍ଗ୍ ପର୍ତୁମ୍ ଝେନ୍‌ଝାଦାଂ ଆରି ତା ମାନି ବିସ୍ତେ ପୁନ୍‌ଝାଦାଂ ମା ବିଦି ଇନାକା ତାଙ୍ଗେଙ୍ଗ୍ ଦସ୍ କିତାର୍ ?”

୫୨ “ହେଝାର୍ ତାଙ୍ଗେଙ୍ଗ୍ ଉତର୍ ହିତାର୍,” ଏପେଙ୍ଗ୍‌ପା ଇନାକା ର ଗାଲିଲି ମାନାୟ୍ ? ଗାଲିଲିତାଂ ଇମ୍‌ଣି ବେଶ୍‌ବାକ୍‌ଶାୟକିନାକାନ୍ ହତୁର୍, “ଇଦାଂ ଇଚ୍‌କାଡ୍‌କିଜି ହୁଡ଼ାର୍ ।” ୫୩ ଆରେ ହେଝାର୍ ଝିଜାର୍ ଜାର୍ ଜାର୍ ଇଝି ହାଚାର୍ ।

୮

ଦାରି କିନି କଗ୍‌ଲେ

୧ ମାତର୍ ଜିସୁ ଜିଡ୍‌ମାଡିତ ହାଚାନ୍ । ୨ ଆର୍କାଡ୍ ନାଜିଂ ହେଝାନ୍ ଆରେ ରଗ ମନ୍ଦିରତ ଝାତାନ୍, ଆରେ ଝିଜାର୍ ମାନାୟ୍ ତା କଚଣ୍ଡ ଝାତିଲେ, ହେଝାନ୍ କୁଚ୍‌ଚି ହେଝାରିଂ ହିକ୍ୟା ହିଦେଂ ଲାଗାତାନ୍ । ୩ ଆରେ, ସାସ୍ତ୍ରିର୍ ଆରି ପାରୁସିର୍ ଦାରି କାମାୟ୍ ଦାରାପଡ଼ା ଆତି ର କଗ୍‌ଲେହିମ୍‌ଣାଂ ତାସ୍ ଝାଜି ହେଦେଲିଂ ମାଦି ବାହାତ ନିଲି କିଜି ଜିସୁଙ୍ଗ୍ ଇଚାର୍, ୪ “ଏ ଗୁରୁ, ଇ କଗ୍‌ଲେହିମ୍‌ଣା ଦାରି କାମାୟ୍ କିନି ସମୁତ ଦାରାପଡ଼ା ଆତାଡ୍ । ୫ ଇ ଲାକେ କଗ୍‌ଲେକାଂ କାଲୁକୁ ଇଡ୍‌ଜି ଅସ୍ତେଙ୍ଗ୍ ମସା ମାଙ୍ଗେଙ୍ଗ୍ ବିଦିତ ବଲ୍ ହିଡ୍‌ନା; ଲାଗିଂ ଏନ୍ ଇନାକା ଇଝିନାୟା ?” ୬ ହେଝାର୍ ଇନେସ୍ ତାଙ୍ଗେଙ୍ଗ୍ ବେରୁତାଂ ଇନାର୍ ଇନାକିଦେଂକି ଗାଟା ଆନାର୍, ଇଦାଂ କାଜିଂ ହେଝାର୍ ତାଙ୍ଗେଙ୍ଗ୍ ପରିକ୍ୟା କିନି ବିସ୍ତେ ଇଦାଂ ଇଚାର୍ । ମାତର୍ ଜିସୁ ଚଡ୍‌ଜି ଝାଚ୍‌କାଙ୍ଗ୍ ହୁକେ ମେଦ୍‌ନିତ ଲେକିକିଦେଂ ଲାଗାତାନ୍ । ୭ ହେଝାର୍ ହେବେ ନିଲ୍‌ଚି ଆରେ ଝେନ୍‌ବିତିଲେ, ହେଝାନ୍ କାପ୍‌ଡ଼ା ନିକ୍‌ଚି ହେଝାରିଂ ଇଚାନ୍, ମି ବିତ୍ରେତାଂ ଇନେର୍ ଇନାଝାଡ଼ାଂ ପା ଇନା ପାପ୍‌କିଝାତାନ୍‌ନା, “ହେଝାନ୍ ପର୍ତୁମ୍ ଝାଜି କାଲ୍ ଇଡେନ୍ ।” ୮ ଆରେ ରଗ ହେଝାନ୍ ଚଡ୍‌ଜି ମେଦ୍‌ନିତ ଲେକିକିଦେଂ ଲାଗାତାନ୍ । ୯ ହେଦାଂ ଝେନ୍‌ଝି ହେଝାର୍ ପ୍ରାଚିନାର୍ ତାଂ ଆରମ୍ କିଜି ରଝାନ୍ ରଝାନ୍ ଆଜି ଝିଜାର୍ ହସି ହାଝେଙ୍ଗ୍ ଲାଗାତାର୍, ଆରେ କେବଲ୍ ଜିସୁ ଆରି ମାଦି ହେ କଗ୍‌ଲେହିମ୍‌ଣାଂ ମାଚିକ୍ । ୧୦ “ଆରେ ଜିସୁ କାପ୍‌ଡ଼ା ନିକ୍‌ଚି ତାଙ୍ଗେଙ୍ଗ୍ ଇଚାନ୍,” ଏ କଇ, ହେଝାର୍ ଇମେର୍ ? ଇନେର୍ ଇନାକା ନିଙ୍ଗେଙ୍ଗ୍ ଦାଣ୍ ଇଝି ବିଚାର୍ କିଝାତାର୍ କି ?

୧୧ “ହେଦେଲ୍ ଇଚାଡ୍, ଇନେର୍ ହିଲୁର୍ ମାପୁ ।”

ହେବେ ଜିସୁ ଇଚାନ୍, “ଆନ୍ ପା ନିଙ୍ଗେଙ୍ଗ୍ ଦାଣ୍ ହିଦ୍‌ନାଂ ଇଝି ବିଚାର୍ କିଦୁଙ୍ଗା; ହାଲା, ନେଝେଙ୍ଗ୍ ତାଙ୍ଗ୍ ଆରେ ପାପ୍ କିମା ।”

☆ ୭:୫୦ ୭:୫୦ ଜହନ୍ ୩:୧,୨.

ଜିସୁ ପୁତ୍ର ନି ଅଜଡ଼

୧୭ ଜିସୁ ଆରେ ରଗ ପାରୁସିରିଂ ଇଚାନ, “ଆନ୍ ପୁତ୍ର ନି ଅଜଡ଼” ଇନେର୍ ନା ପାଚେ ଖାନାର, “ହେଖାନ ଇନାଖାଡ଼ାଂ ପା ମାଜଗାତ ବୁଲ୍ଲା ଆଉନ୍, ଇଚିସ୍ ଜିରୁନ୍ନି ଅଜଡ଼ ପାୟା ଆନାନ୍ ।”

୧୩ ହେବେ ପାରୁସିର୍ ତାଙ୍ଗେଙ୍ଗ ଇଚାର, “ଏପେଙ୍ଗ ଜାର ଜାରତିଂ ବିସ୍ତେ ସାକି ହିନାଦେରା, ମି ସାକି ହାଡ଼ପା ଆକାୟ ।”

୧୪ ଜିସୁ ହେଖାରିଂ ଉତର୍ ହିତାନ୍, ଆନ୍ ଜଦି ନିଜେ ବିସ୍ତେ ସାକି ହିଜିମାନାଂ, ଲାଗିଂ ପାନା ସାକି ହାଡ଼ପା, ଇନାକିଦେଂକି ଆନ୍ ଇମ୍ଫଣି ବାହାତାଂ ଖାତାଙ୍ଗନା ଆରି ଇମ୍ଫଣି ବାହାତାକେ ହାନାଙ୍ଗା, ହେଦାଂ ପୁନାଙ୍ଗ, “ମାତର୍ ଆନ୍ ଇମ୍ଫଣି ବାହାତାଂ ଖାନାଙ୍ଗ କି ଇମ୍ଫଣି ବାହାତ ହାନାଙ୍ଗ, ହେଦାଂ ଏପେଙ୍ଗ ପୁନୁଦେର୍ ।

୧୫ ଏପେଙ୍ଗ ମାନାୟାର ବାବ୍ରେ ବିଚାର କିଜି ମାନାଟ୍, ଆନ୍ ଇନେରିଂ ବିଚାର କିଉଙ୍ଗ । ୧୬ ମାତର୍ ଆନ୍ ଜଦି ବିଚାର କିନାଙ୍ଗ, ଲାଗିଂ ପାନା ବିଚାର ହାଡ଼ପା; ଇନାକିଦେଂକି ଆନ୍ ରଖାଙ୍ଗ ଆକାୟ, ମତର୍ ନାଙ୍ଗ ପକ୍ତାତାକାନ୍ ଆବା ନା ଲାହାଙ୍ଗ ମାନାନ୍ । ୧୭ ଆରେ, ରିୟାରତି ସାକି କାତା ସମାନ୍ ଆତିସ୍ ହେଖାର ଇନାକା ଇନାରା ହେଦାଂ ହାଡ଼ପା, ଇଦାଂ ମି ବିଦିତ ପା ଲେକା ମାନାଟ୍ । ୧୮ ନା ନିଜେ କାଜିଂ ଆନ୍ ସାକି ହିନାଙ୍ଗା, ଆରେ ନାଙ୍ଗ ପକ୍ତି ଆବା ନା ବିସ୍ତେ ସାକି ହିନାନା ।”

୧୯ ହେବେ ହେଖାର ତାଙ୍ଗେଙ୍ଗ ଖେନ୍ବେଦେଂ ଲାଗାତାର, “ମି ଆବା ଇମେନ୍ ?” ଜିସୁ ଉତର୍ ହିତାନ୍, “ଏପେଙ୍ଗ ନାଙ୍ଗେଙ୍ଗ ପୁଞ୍ଜୁଦେର୍ କି ମାଞ୍ଜି ଆବାଂ ପା ପୁନୁଦେର୍ ଜଦି ନାଙ୍ଗ ପୁନ୍ତିସ୍, ଲାଗିଂ ମାଞ୍ଜି ଆବାଂ ପା ପୁରାଦେର୍ମା ।”

୨୦ ମଦିରୁନି ଦାନ୍ ଇଚ୍ଚିନି ପେଡ଼ିଙ୍ଗ ଇଡ଼ଜି ମାତି ଇଞ୍ଜ ଜିସୁ ଇ ଓଡ଼ୁ କାତା ବିସ୍ତେ ହିକ୍ୟା ହିଜି ମାଚାନ୍, ଆରେ ଇନେର୍ପା ତାଙ୍ଗେଙ୍ଗ ଗେହ୍ନାକା କିଖାତାର ଇନାକିଦେଂକି, ତା ସମ୍ପୁ ଏକାଖାଖାଦାଂ ମାଚାଟ୍ ।

ଜିସୁ ହାନି ବିସ୍ତେ ବେଶ୍‌ବାକ୍‌ଶାୟ କିନାକା

୨୧ ଜିସୁ ଆରେ ରଗ ହେଖାରିଂ ଇଚାନ, “ଆନ୍ ହାନାଙ୍ଗା, ଆରେ ଏପେଙ୍ଗ ନାଙ୍ଗ ତେକ୍ଲାନାଦେର୍ ମାତର୍ ଏପେଙ୍ଗ ଜାର ଜାର ପାପ୍ତ ହାନାଦେର୍, ଆନ୍ ଇମେତାକେ ହାନାଙ୍ଗା, ଏପେଙ୍ଗ ହେବେ ହାଞ୍ଜେଙ୍ଗ ଆଡୁଦେର୍ ।”

୨୨ ଜିହୁଦି ନେତାର ଇଞ୍ଜେଙ୍ଗ ଲାଗାତାର, “ଆନ୍ ଇମେତାକେ ହାନାଙ୍ଗା, ଏପେଙ୍ଗ ହେବେ ହାଞ୍ଜେଙ୍ଗ ଆଡୁର୍, ଇଖାନ୍ ଇନାକା କକ୍‌ଲାପାଟିୟା ଆଦେଂ ବାବି କିନାନା କି ।”

୨୩ ହେବେ ଜିସୁ ହେଖାରିଂ ଇଚାର, “ଏପେଙ୍ଗ ଇ ପୁତ୍ର ନିକାଦେର୍ ମାତର୍, ଆନ୍ ଇ ପୁତ୍ର ନିକାଂ ଆକାୟ । ୨୪ ଲାଗିଂ ଏପେଙ୍ଗ ଜେ ଜାର ଜାର ପାପ୍ତ ହାନାଦେର୍, ଆନ୍ ମିଙ୍ଗେଙ୍ଗ ଇଦାଂ ଇନ୍‌ଚାଙ୍ଗ; ଇନାକିଦେଂକି ଆନ୍ ହେଖାଙ୍ଗ ମାନାୟ, ଇଦାଂ ଏପେଙ୍ଗ ପାତ୍ର କିଦ୍‌ଖା ତାଦେର୍ ।”

୨୫ ହେବେ ହେଖାର ତାଙ୍ଗେଙ୍ଗ ଖେନ୍‌ବାତାର, “ଏନ୍ ଇନେନ୍ ?” ଜିସୁ ହେଖାରିଂ ଇଚାନ, “ହେ କାତା ଆରମ୍ ତାଙ୍ଗ ଇଞ୍ଜି ଖାନାଙ୍ଗା ? ୨୬ ମି ବିସ୍ତେ ଇଞ୍ଜେଙ୍ଗ ଆରି ବିଚାର କିଦେଙ୍ଗ ଆନ୍ ମି ବିସ୍ତେ ବେସି ଇଞ୍ଜନାକା ମାନାଟ୍; ଇନେସ୍ ଆୟେଡ୍, ନାଙ୍ଗ ପକ୍ତାତାକାନ୍ ହାଡ଼ପା, ଆରେ ଆନ୍ ତା ତାକେଣ୍ଡାଂ ଇନା ଇନାକା ଖେଚାଙ୍ଗନା, ହେଦାଂ ଓଡ଼ୁ ପୁତ୍ର ନିଂ ଖେଚ୍‌ନାଙ୍ଗା ।”

୨୭ ଜିସୁ ଜେ ଆବା ବିସ୍ତେ ହେଖାରିଂ ଇଞ୍ଜି ମାଚାନ୍, ଇଦାଂ ହେଖାର ବୁଜାଆଖାତାର । ୨୮ ଜିସୁ ଇଚାନ, “ଏଚେକାଡ଼୍‌ଏ ଏପେଙ୍ଗ ମାନାୟ ମାଜି ଜପି ପେସ୍‌ନାଦେର୍, ହେ ପାଦ୍‌ନା ଆନ୍ ଜେ ହେ ମାନାୟ ଆରି ଆନ୍ ନିଜେ ଆଦିକାର ଇନାକା କିଖାଦାଂ ଇଚିସ୍ ଆବା ନାଙ୍ଗେଙ୍ଗ ଇନେସ୍ ହିକ୍ୟା ହିଡ଼ତାନ୍, ହେ ଲାକେ ଇ ଓଡ଼ୁ କାତା ଜେ ଇଞ୍ଜନାଙ୍ଗା, ଇଦାଂ ଏପେଙ୍ଗ ବୁଜାଆନାଦେର୍ । ୨୯ ନା ପକ୍ତାତାକାନ୍ ହେଖାନ୍ ନା ଲାହାଙ୍ଗ ମାନାନ୍; ହେଖାନ୍ ନାଙ୍ଗେଙ୍ଗ ରଖାନିଂ ପିସ୍ତି ହାଞ୍ଜିଖାତାନ୍, ଇନାକିଦେଂକି ତାଦାଙ୍ଗ ଇନାକା ମାନ୍ ହେଦାଂ ଆନ୍ କିନାଙ୍ଗ ।”

୩୦ ଜିସୁତି ଇ ଓଡ଼ୁ କାତା ଖେନ୍‌ଞ୍ଜି, ତା ତାକେ ପାତ୍ର କିଚାର ।

ହାଡ଼ପା ମିଙ୍ଗେଙ୍ଗ ମୁକ୍ତାୟ କିଦ୍‌ନାଟ୍

୩୧ ଲାଗିଂ, ଜିସୁ ତାଙ୍ଗେଙ୍ଗ ପାତ୍ର କିଜି ମାନି ଜିହୁଦିରିଂ ଇଚାନ, “ଜଦି ଏପେଙ୍ଗ ନା ହିକ୍ୟାତ ପାତ୍ର କିଦ୍‌ନାଦେର୍ ତା ଆତିସ୍, ଲାଗିଂ ଏପେଙ୍ଗ ହାଡ଼ପା ନା ଚେଲା କାଦେର୍, ୩୨ ଆରେ ଏପେଙ୍ଗ ହାଡ଼ପା ପୁନାଦେର୍ ଆରି ହେ ହାଡ଼ପା ମିଙ୍ଗେଙ୍ଗ ମୁକ୍ତାୟ କିଦ୍‌ନାଟ୍ ।”

୩୩ “ହେଖାର ତାଙ୍ଗେଙ୍ଗ ଉତର୍ ହିତାର,” ଆପେଂ ଅରାହାମ୍‌ନି ଲାତ୍ରା, ଇନାଖାଡ଼ାଂ ଇନେର୍ ଆଡ଼ିଏନ୍ ଆଖାତାଙ୍ଗନା, “ଲାଗିଂ ଏପେଙ୍ଗ ମୁକ୍ତା ଆନାଦେର୍ ଇଞ୍ଜି ଏପେଙ୍ଗ ଇନେସ୍ ଇନାଦେରା ? ଇ ଅରଡ଼ ଇନାକା ?”

☆ ୮:୧୩ ୮:୧୩ ଜହନ୍ ୫:୩୧.

୩୪ ଜିସୁ ହେୱାରିଂ ଉତର ହିତାନ୍, “ହାତ୍‌ପା ହାତ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଇନେରକି ପାପ୍ କିତାର୍, ହେୱାନ୍ ପାପ୍‌ନି ହଲ୍ୟା । ୩୫ ହଲ୍ୟା ଜାଈଜୁଗ୍ ଇଞ୍ଜି ମାନ୍‌ଗୁନ୍, ମାତର୍ ମାଜି ଜୁଗ୍ ଜୁଗ୍ ମାନ୍‌ଗାନାନ୍ । ୩୬ ଲାଗିଂ, ମାଜି ଜଦି ମିଙ୍ଗେଙ୍ଗ୍ ମୁକ୍‌ତାୟ୍ କିଦ୍‌ନାନ୍, ତା ଆତିସ୍ ଏପେଙ୍ଗ୍ ହାତ୍‌ପାରରେ ମୁକ୍‌ତା ଆନାଦେର୍ । ୩୭ ଏପେଙ୍ଗ୍ ଜେ ଅବ୍ରାହାମ୍‌ନି ଲାତ୍ରା, ହେଦାଂ ଆନ୍ ପୁନାଙ୍ଗ୍; ମାତର୍ ନା ବଚନ୍ ମି ଖାସ୍ତିତ ହିଲ୍‌ଖିତିଲେ ଏପେଙ୍ଗ୍ ନାଙ୍ଗେଙ୍ଗ୍ ଅସ୍ତେଦେଂ ସେସ୍ତୁ କିଦ୍‌ନାଦେରା । ୩୮ ମାଞ୍ଜି ଆବା ତାକେ ଇନା ଇନାକା ହୁଡ୍‌ତାଙ୍ଗ୍‌ନା, ହେଦାଂ ଆନ୍ ଇଞ୍ଜିନାଙ୍ଗା, ମାତର୍ ମି ଆବା ଇଞ୍ଜିନି ଲାକେ ଏନ୍ କାମାୟ୍ କିନାୟା ।”

ସୟତାନ୍ ମେହି

୩୯ ହେୱାର୍ ତାଙ୍ଗେଙ୍ଗ୍ ଉତର ହିତାର୍, “ଅବ୍ରାହାମ୍ ମା ଆବା ଆଦ୍‌ନାନ୍ ।” ଜିସୁ ହେୱାରିଂ ଇଚାନ୍, “ଜଦି ଏପେଙ୍ଗ୍ ଅବ୍ରାହାମ୍ ମେହି, ତା ଆତିସ୍ ଲାଗିଂ ଅବ୍ରାହାମ୍‌ତି କାମାୟ୍ କିତା ଦେର୍‌ମା; ୪୦ ମାତର୍ ଇନେର୍ ଇସ୍‌ବର୍ ତାକେଣ୍ଡାଂ ଖେନ୍‌ଞ୍ଜି ମାନି ହାତ୍‌ପା ପିସ୍ତି ମିଙ୍ଗେଙ୍ଗ୍ ଇଞ୍ଜୁଙ୍ଗା, ଏଲେଙ୍ଗ୍‌ବାତ୍ ମାନାୟ୍ ଜେ ଆନ୍, ନାଙ୍ଗେଙ୍ଗ୍ ଏପେଙ୍ଗ୍ ନଙ୍ଗ୍ ଅସ୍ତେଙ୍ଗ୍ ସେସ୍ତୁ କିଦ୍‌ନାଦେରା; ଅବ୍ରାହାମ୍ ଏଲେଙ୍ଗ୍ କାମାୟ୍ କିଞ୍ଜାଦାଂ ମାଚାନ୍ । ୪୧ ଏପେଙ୍ଗ୍ ମି ଆବାତି କାମାୟ୍ ସବୁ କିନାଦେରା ।”

“ହେୱାର୍ ତାଙ୍ଗେଙ୍ଗ୍ ଇଚାର୍, ଆପେଂ ଦାରିତାଂ ଜଲମ୍ ଆଞ୍ଜାତାପ୍‌ନା; ମା ରଞ୍ଜାନ୍ ମତର୍ ଆବା, ହେୱାନ୍ ଇସ୍‌ବର୍ ।”

୪୨ ଜିସୁ ହେୱାରିଂ ଇଚାନ୍, “ଇସ୍‌ବର୍ ଜଦି ହାତ୍‌ପା ମି ଆବା, ତାଆତିସ୍ ଏପେଙ୍ଗ୍ ନାଙ୍ଗେଙ୍ଗ୍ ଜିଉ ନଡ୍‌ତାଦେର୍‌ମା; ଇନାକିଦେଂକି ଆନ୍ ଇସ୍‌ବର୍ ତାକେଣ୍ଡାଂ ଖାତାଙ୍ଗ୍‌ନା; ଆନ୍ ନିଜେ ତାଙ୍ଗ୍ ଖାତାଙ୍ଗ୍‌ନା, ମାତର୍ ହେୱାନ୍ ନାଙ୍ଗେଙ୍ଗ୍ ପକ୍‌ତାତାନ୍ । ୪୩ ଆନ୍ ଇନାକା ଇଞ୍ଜିନାଙ୍ଗ୍ ଏପେଙ୍ଗ୍ ଇନାକିଦେଂ ବୁଜା ଆଉଦେରା ? ଇନେକିଦେଂକି ଏପେଙ୍ଗ୍ ନା ହିକ୍ୟା ଖେନ୍‌ଞ୍ଜି ଇଚ୍‌ଦେଂ ଆଡୁଦେରା । ୪୪ ଏପେଙ୍ଗ୍ ମି ଆବା ସୟତାନ୍ ତାଙ୍ଗ୍ ହତ୍‌ତାନ୍‌ନା, ଆରେ ମି ଆବାତି କାମାୟ୍ ମାନି କିଦେଙ୍ଗ୍ ମିଙ୍ଗେଙ୍ଗ୍ ମାନ୍ । ହେୱାନ୍ ଆଗେତାଂ ନାର୍‌ଅହ୍‌ନାକାନ୍, ଆରେ ହେୱାନ୍ ହାତ୍‌ପା ମାନ୍‌ଗୁନ୍, ଇନାକିଦେଂକି ତା ତାକେ ସତ୍ ହିଲୁଡ୍ । ହେ ପାଦ୍‌ନା ହେୱାନ୍ ମିଚ୍ ଇନାନ୍, ହେ ପାଦ୍‌ନା ହେୱାନ୍ ଜାର୍‌ତାଂ ଇନାନ୍; ଇନାକିଦେଂକି ହେୱାନ୍ ମିଚ୍‌ଖା ଆରି ମିଚ୍ ଇନି ଆବା । ୪୫ ମାତର୍ ଆନ୍ ହାତ୍‌ପା ଇଞ୍ଜିଲେ ଏପେଙ୍ଗ୍ ନାଙ୍ଗେଙ୍ଗ୍ ପାତ୍ କିଦୁଦେରା । ୪୬ ନା ତାକେ ପାପ୍ ମାନାତ୍ ଇଞ୍ଜି ମି ବିତ୍ରେତାଂ ଇନେର୍ ସାକି ହିନାମା ? ଆନ୍ ଏଚେକାଡ୍‌ଡ୍ ହାତ୍‌ପା ଇନାଙ୍ଗ୍, ଲାଗିଂ ଏପେଙ୍ଗ୍ ଇନାକିଦେଂ ନାଙ୍ଗେଙ୍ଗ୍ ପାତ୍ କିଦୁଦେରା ? ୪୭ ଇନେର୍ ଇସ୍‌ବର୍ ତାକେଣ୍ଡାଂ ଜଲମ୍ ଆତାନ୍ନା, ହେୱାନ୍ ଇସ୍‌ବର୍ ବଚନ୍ ଖେନାନ୍; ଇଦାଂ କାଜିଂ ଏପେଙ୍ଗ୍ ଖେନ୍‌ଦେରା, ଇନାକିଦେଂକି ଏପେଙ୍ଗ୍ ଇସ୍‌ବର୍‌ତାଂ ଜଲମ୍ ଆଞ୍ଜାତାଦେଣ୍ଡା ।”

ଜିସୁ ଆରେ ଅବ୍ରାହାମ୍

୪୮ ଜିହୁଦିର୍ ତାଙ୍ଗେଙ୍ଗ୍ ଖେନ୍‌ବାତାର୍, “ଏନ୍ ଜେ ରଞ୍ଜାୟ୍ ସମିରଣିୟ୍‌ତି ଆରି ନିଙ୍ଗେଙ୍ଗ୍ ଜେ ପୁଦା ତୁଡ୍‌ତାତ୍‌ନା, ଇଦାଂ ଇନାକା ଆପେଂ ସମାନ୍ ଇଞ୍ଜିଞ୍ଜାଦାଂ ମାନ୍‌ଚାପ୍ କି ?”

୪୯ ଜିସୁ ଉତର ହିତାନ୍, “ନାଙ୍ଗେଙ୍ଗ୍ ପୁଦା ତୁଡ୍‌ଖାତାତ୍‌ନା,” ମାତର୍ ଆନ୍ ମାଞ୍ଜି ଆବାଂ ମାନି କିନାଙ୍ଗା, ଆରେ ଏପେଙ୍ଗ୍ ନାଙ୍ଗେଙ୍ଗ୍ ମାନିକିଦୁଦେରା । ୫୦ ମାତର୍ ଆନ୍ ନିଜେ ଜାର୍‌ତିଂ ଜାଜ୍‌ମାଲ୍ ଦାସ୍‌ତେଂ କଙ୍ଗ୍; ମାତର୍ ଇ କାତା ଆନେଂ ଦାହ୍‌ନାଙ୍ଗା ଆରି ବିଚାର୍ କିଉଙ୍ଗା, ଏପେଙ୍ଗ୍ ଆରେ ରଞ୍ଜାନ୍ ମାନ୍‌କିନାନ୍ ହେୱାନ୍ ଇଞ୍ଜି ମାନାନ୍ । ୫୧ ହାତ୍‌ପା ହାତ୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜିନାଙ୍ଗା, ଜଦି ଇନେର୍ ନା ବଚନ୍ ପାଲି କିନାନ୍, ତା ଆତିସ୍ ହେୱାନ୍ ମୁଡ୍‌କେ ହାଉନ୍ ।

୫୨ ଜିହୁଦିର୍ ତାଙ୍ଗେଙ୍ଗ୍ ଇଚାର୍, “ନଙ୍ଗ୍ ଆପେଂ ପୁନ୍‌ଚାପ୍ ଜେ, ହାତ୍‌ପା ନିଙ୍ଗେଙ୍ଗ୍ ପୁଦା ତୁଡ୍‌ତାତ୍‌ନା, ଅବ୍ରାହାମ୍ ଆରି ବେଣ୍‌ବାକ୍‌ଶାୟ୍‌କିନାକାର୍ ହାତାରେ, ଆରେ ଏନ୍ ମୁଡ୍‌କେ ହାଉୟି । ୫୩ ଏନ୍ ଇନାକା ମା ଆବା ଅବ୍ରାହାମ୍ ତାଙ୍ଗ୍ ଗାଜା ? ହେୱାନ୍ ତ ହାତାନ୍‌ନେ, ବେଣ୍‌ବାକ୍‌ଶାୟ୍‌କିନାକାନ୍ ପା ହାତାନ୍‌ନେ, ଏନ୍ ଜାର୍‌ତିଂ ଇନେର୍ ଇଞ୍ଜି ଇନାୟା ?”

୫୪ ଜିସୁ ଉତର ହିତାନ୍, “ଆନ୍ ଜଦି ଜାର୍‌ତିଂ ପାଦ୍ କିତାଙ୍ଗ୍‌ମା, ଲାଗିଂ ନା ଜାଜ୍‌ମାଲ୍ ଇନାକା ଆକାୟ୍; ଇନେର୍ ନାଙ୍ଗ୍ ପାଦ୍ ପାୟା ଆନି କାଜିଂ ନା ଆବା ଇନେରିଂ ଏପେଙ୍ଗ୍ ମି ଇସ୍‌ବର୍ ଇଞ୍ଜି ଇନାଦେରା; ୫୫ ଏପେଙ୍ଗ୍ ଇନାଞ୍ଜାତାଂ ତାଙ୍ଗେଙ୍ଗ୍ ପୁନ୍‌ଦେରା, ଆନ୍ ତାଙ୍ଗେଙ୍ଗ୍ ପୁନାଙ୍ଗ୍ । ଆନ୍ ତାଙ୍ଗେଙ୍ଗ୍ ପୁନୁଙ୍ଗ୍ ଇଞ୍ଜି ଜଦି ଇନାଙ୍ଗ୍, ମି ଲାକେ ଆନ୍ ପା ମିଚ୍‌ଖା ଆନାଙ୍ଗ୍, ମାତର୍ ହାତ୍‌ପା ଆନ୍ ତାଙ୍ଗେଙ୍ଗ୍ ପୁନାଙ୍ଗ୍ ଆରି ତା ବଚନ୍ ପାଲି କିନାଙ୍ଗ୍ । ୫୬ ମିଦାଙ୍ଗ୍ ଆବା ଅବ୍ରାହାମ୍ ନା ଖାନାକା ହୁଡ୍‌ଦେଂ ଆଡ୍‌ଦାନାଂ ଇଞ୍ଜି ଆହା କିଜି ଅବ୍ରାହାମ୍ ଖାୟା ଆତାନ୍, ଆରେ ହେୱାନ୍ ହେଦାଂ ହୁଡ୍‌ଜି ଖାରି କିତାନ୍ ।”

୫୭ ହେବେ ଜିହୁଦିର୍ ତାଙ୍ଗେଙ୍ଗ୍ ଇଚାର୍, “ନିଙ୍ଗ୍ ତ ନଙ୍ଗ୍ ପାତେକ୍ ପଚାସ୍ ବାହୁଁ ବୟ୍‌ସ୍ ଆଞ୍ଜାତାତ୍‌ନା, ଏନ୍ ଇନାକା ଅବ୍ରାହାମ୍‌ତି ହୁଡ୍‌ତାୟ୍‌ନା ?”

୫୮ “ଜିସୁ ହେୱାରିଂ ଇଚାନ,” ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, “ଅରାହାମ୍ ଜଲମ୍ ପୁର୍ବେତାଂ ଆନ୍ ମାନାଙ୍ଗ୍ ।”

୫୯ ହେବେ ହେୱାର୍ ତା ଜପି ଇଡ଼ଦେଂ କାଲ୍କୁ ପେସ୍ତାର୍, ମାତର୍ ଜିସୁ କାଲେ ମନ୍ଦିରତାଙ୍ଗ୍ ହସି ହାଚାନ ।



ଜଲମ୍ କାଣାଂ ଉଜ୍ କିତାନ

୧ ଜିସୁ ହାନି ସମୁତ ର ଜଲମ୍ କାଣାଂ ହୁଡ଼ତାନ । ୨ ଆରେ, ତା ଚେଲାହିର୍ ତାଙ୍ଗେଙ୍ଗ୍ ୱେନ୍ବାତାର୍, “ଏ ଗୁରୁ ଇନେର୍ ପାପ୍ କିତିଲେ ଇଞ୍ଜାନ୍ କାଣା ଆଜି ଜଲମ୍ ଆତାନ ? ନିଜେ କି ଇଞ୍ଜାନ୍ ଆବା ଆୟା ପାପ୍ କାଜିଂ ?”

୩ ଜିସୁ ଉତର୍ ହିତାନ, “ଇଞ୍ଜାନ୍ କି ଇଞ୍ଜାନ୍ ଆବା ଆୟା ପାପ୍ କିଞ୍ଜାତାର୍, ମାତର୍ ଇସ୍ତର୍ ସାକ୍ତି କାମାୟ୍ ଇନେସ୍ କି ଇଞ୍ଜାନ୍ ତାକେ ହପ୍ନାଡ଼, ଇଦାଂ କାଜିଂ କାଣା ଆଜି ଜଲମ୍ ଆତାନା । ୪ ଦିନ୍ ମାନୁ ମାନୁ ନା ପକତାତାକାନ୍ କାମାୟ୍ କିନାକା ଦାଈଡ଼; ଇମଣି ସମୁତ ଏପେଙ୍ଗ୍ ନାଣା ୱାନାତା ଇନେର୍ କାମାୟ୍ କିଦେଙ୍ଗ୍ ଆଡୁର୍ । ୫ ଇ ପୁତ୍ ତ ମାନି ପାତେକ୍, ଆନ୍ ପୁତ୍ ନି ଅଜଡ଼ ।”

୬ ଇଦାଂ ଇଞ୍ଜି ହେୱାନ୍ ଚିକ୍ଲାତ ରୁପତାନ ହେ ଏଞ୍ଜିଂତାଂ ଚିକ୍ଲା କିତାନ, ଆରେ ତା ରି କାଣ୍କୁକାଂ ଚିକ୍ଲା କାସ୍ତାନ ଆରି ତାଙ୍ଗେଙ୍ଗ୍ ଇଚାନ ହାଲା, ୭ “ସିଲହ ଅନୁବାଦ୍ କିତାନ, ଇଦାଂ ଅରଡ଼ ପକାତାକା ବାନ୍ଦ୍ ନୁସ୍ୟାୟା ଆ । ହେବେ ହେୱାନ୍ ହସି ହାଲ୍ଜି ନୁସ୍ୟାୟା ଆତାନ । ଆରି କାଣ୍କୁ ହୁଡ଼ଜି ହାଚାନ ।”

୮ ଲାଗିଂ ହାଙ୍ଗ୍ଦାକାର୍, ଆରେ ଇମଣାକାର୍ ତାଙ୍ଗେଙ୍ଗ୍ ଆଗେତାଂ ରଞ୍ଜାନ୍ ବିକାରି ଇଞ୍ଜି ହୁଡ଼ଜି ମାଚାର୍, ହେୱାର୍ ୱେନ୍ବାତାର୍, “ଇନେନ୍ କୁଚି ବିକ୍ୟା ଏନ୍ଚି ମାଚାନ, ଇଞ୍ଜାନ୍ ଇନାକା ହେୱାନ୍ ଆକାୟ୍ ?”

୯ ଇନେ ଇନେର୍ ଇଚାର୍, “ଇଞ୍ଜାନ୍ ହେୱାନ୍, ଆରେ ଇନେ ଇନେର୍ ଇଚାର୍, ଆକାୟ୍, ଇଞ୍ଜାନ୍ ତା ଲାକେ ।”

ମାତର୍ ହେୱାନ୍ ଇଚାନ, “ଆନ୍ ହେ ମାନାୟ୍ ।”

୧୦ “ହେବେ ହେୱାର୍ ତାଙ୍ଗେଙ୍ଗ୍ ଇଚାର୍, ତା ଆତିସ୍ ନି କାଣ୍କୁ ଇନେସ୍ ହୁଡ଼ତାୟ୍ ?”

୧୧ ହେୱାନ୍ ଉତର୍ ହିତାନ, “ଇନେରିଂ ଜିସୁ ଇଞ୍ଜି ଇନାର୍, ହେ ମାନାୟ୍ ଚାଟ୍କାୟ୍ କିଜି ନା ରି କାଣ୍କୁକାଂ କାସ୍ତାନ, ଆରେ ନାଙ୍ଗେଙ୍ଗ୍ ଇଚାନ, ସିଲହତ ହାଲ୍ଜି ନୁସ୍ୟାୟା; ଲାଗିଂ ଆନ୍ ହସି ହାଲ୍ଜି ନୁସ୍ୟାୟା ଆତାଙ୍ଗ୍ ଆରି କାଣ୍କୁ ହୁଡ଼ତାଙ୍ଗ୍ ।”

୧୨ “ହେୱାର୍ ତାଙ୍ଗେଙ୍ଗ୍ ୱେନ୍ବାତାର୍,” ହେୱାନ୍ ଜେ ?

ହେୱାନ୍ ଇଚାନ, “ଆନ୍ ପୁନୁଙ୍ଗ୍ ।”

ପାରୁସିର୍ ଇ କାମାୟ୍ ଦାସ୍ତାର୍

୧୩ ଇନେନ୍ ଜଲମ୍ କାଣା ମାଚାନ, ହେୱାର୍ ତାଙ୍ଗେଙ୍ଗ୍ ପାରୁସିର୍ ତାକେ ତାହିଞ୍ଜାତାର୍ । ୧୪ ଜିସୁ ଇମଣି ଦିନା ଚାଟ୍କାୟ୍ କିଜି ତା କାଣ୍କୁ ଉଜ୍ କିଜି ମାଚାନ, ହେ ଦିନା ଜମ୍ନିବାର୍ । ୧୫ ଲାଗିଂ, ହେୱାନ୍ ଇନେସ୍ କାଣ୍କୁ ହୁଡ଼ତାନ, ଇଦାଂ ପାରୁସିର୍ ପା ତାଙ୍ଗେଙ୍ଗ୍ ଆରେ ରଗ ୱେନ୍ବେଦେଂ ଲାଗାତାର୍ । ହେବେ ହେୱାନ୍ ହେୱାରିଂ ଇଚାନ, “ହେୱାନ୍ ନା କାଣ୍କୁକାଂ ଚିକ୍ଲା କାସ୍ତାନ, ପାଚେ ଆନ୍ ନୁସ୍ୟାୟା ଆତାଙ୍ଗ୍ ଆରି ହୁଡ଼ଦେଂ ଆଡ଼ନାଂ ।”

୧୬ ତା ପାଚେ ପାରୁସିର୍ ପା ଇନେ ଇନେର୍ ଇଚାର୍, “ହେ ମାନାୟ୍ ଇସ୍ତର୍ ତାକେ ୱାଞ୍ଜାତାନା, ଇନାକିଦେଂକି ହେୱାନ୍ ଜମ୍ନିବାର୍ ପାଲି କିଞ୍ଜାତାନନା ।”

ଆରେ, ଇନେ ଇନେର୍ ଇଚାର୍, “ପାପି ଲଗୁ ଇନେସ୍ ଇ ଲାକେ କାବାଆନି କାମାୟ୍ ସବୁ କିଦେଙ୍ଗ୍ ଆଡ଼ନାନ ?” ଏଲେଙ୍ଗ୍ ବାଗ୍ରେ ହେୱାର୍ ବିଡ୍ରେ ଇନ୍ଦା ଆତାର୍ ।

୧୭ ଲାଗିଂ ହେୱାର୍ ଆରେ ରଗ ହେ କାଣା ଲଗାଂ ୱେନ୍ବାତାର୍, “ହେୱାନ୍ ଜେ ନି କାଣ୍କୁ ଉଜ୍ କିଡ଼ତାନ, ଇବେ ଏନ୍ ତା ବିସ୍ତେ ଇନାକା ଇନାୟା ?”

“ହେୱାନ୍ ଇଚାନ,” ହେୱାନ୍ ରଞ୍ଜାନ୍ ବେଶ୍ବାକ୍ଶାୟ୍ କିନାକାନ୍ ।

୧୮ ହେୱାନ୍ ଜେ କାଣା ମାଚାନ ଆରେ କାଣ୍କୁ ହୁଡ଼ତାନନା, ହେ କାଣ୍କୁ ପାୟା ଆତି ଲକ୍ ଆବା ଆୟାଂ କୁକ୍ଚି ୱେନ୍ବିଞ୍ଜି ପାତେକ୍ ଜିହୁଦି ନେତାର୍ ତା ବିସ୍ତେ ଇଦାଂ ପାତ୍ କିଞ୍ଜାତାର୍ । ୧୯ ହେୱାର୍ ହେୱାରିଂ ୱେନ୍ବାତାର୍, “ମି ଇମଣି କାଡ଼ଦେ କାଣା ଆଜି ଜଲମ୍ ଆଜି ମାଚାନ ଇଞ୍ଜି ଇନାଦେରା, ଇଞ୍ଜାନ୍ ଇନାକା ମି ହେ କାଡ଼ଦେ ? ତା ଆତିସ୍ ହେୱାନ୍ ଇନେସ୍ ନଙ୍ଗ୍ ହୁଡ଼ଦେଂ ଆଡ଼ନାନା ?”

୨୦ ହେବେ ତା ଆବା ଆୟା ଉତର୍ ହିତାର୍, “ଇଞ୍ଜାନ୍ ଜେ ମା ମାଜି ଆରି ଇଞ୍ଜାନ୍ ଜେ କାଣା ଆଜି ଜଲମ୍ ଆଜି ମାଚାନ, ଇଦାଂ ଆପେଂ ପୁନାପ; ୨୧ ମାତର୍ ହେୱାନ୍ ଇନେସ୍ ନଙ୍ଗ୍ ହୁଡ଼ନାନା, ହେଦାଂ ପୁନୁଦେରା, କି ଇନେର୍ ତା କାଣ୍କୁ ଉଜ୍ କିତାନ, ହେଦାଂ ପା ଆପେଂ ପୁନୁପା; ତାଙ୍ଗେଙ୍ଗ୍ ୱେନ୍ବାଟ୍, ହେୱାନ୍ ତ ବେଣ୍ଡିୟା,

☆ ୯:୫ ୯:୫ ମାଡିଉ ୫:୧୪; ଜହନ ୮:୧୨.

ହେୱାନ ଜାର କାତା ନିଜେ ଇନାନ ।” ୨୨ ତା ଆବା ଆୟା ଜିହୁଦିରିଂ ପାଣ୍ଡା ଆନି କାଜିଂ ଇ ଓଁଜୁ କାତା ଇଚାର, ଇନାକିଦେଂକି ଜଦି ଇନେର ତାଜେଈ କ୍ରିସ୍ ଇଞ୍ଜି ପାତର୍ କିନାନ, ତା ଆତିସ୍ ହେୱାନ କୁଚୁମ୍ ପାଗ୍ରି କିୟାଆନାଡ଼ ଇଞ୍ଜି ଇବେଣ୍ଡାଂ ଜିହୁଦିର୍ ର କାତା କିଜି ମାଚାର । ୨୩ ହେଦାଂ କାଜିଂ, ତା ଆବା ଆୟା ଇଚାର, “ହେୱାନ ବେଣ୍ଡିୟା, ତାଜେଈଂ ଖେନ୍‌ବାଟ୍ ।”

୨୪ ହେବେ ଆଗ୍ଦ କାଣା ମାଟି ମାନାୟ୍ତିଂ ହେୱାର୍ ରିହା କୁକ୍ତି ଇଚାର, ଇସ୍ବରତିଂ ପାଦ୍ ହିୟାଟ୍, “ହେ ମାନାୟ୍ ଜେ ପାପି, ଇଦାଂ ଆପେଂ ପୁନାପ୍ ।”

୨୫ “ହେବେ ହେୱାନ ଉତର୍ ହିତାନ,” ହେୱାନ ପାପି କି ଆକାୟ୍, “ଆନ୍ ହେଦାଂ ପୁନୁଈ; ଆନ୍ ର ବିସ୍ତେ ପୁନାଈ, ଆନ୍ କାଣା ମାଚାଈ, ନଈ ହୁଡ଼ଦେଂ ଆଡ଼ନାଂ ।”

୨୬ “ଲାଗିଂ ହେୱାର୍ ତାଜେଈଂ ଇଚାର, ହେୱାନ ନିଜେଈଂ ଇନାକା କିଡ଼ତାନ ? ହେୱାନ ଇନେସ୍ କିଜି ନି କାଣ୍କୁ ଉଜ୍ କିଡ଼ତାନ ?”

୨୭ “ହେୱାନ ହେୱାରିଂ ଉତର୍ ହିତାର,” ଆନ୍ ଖେର୍ଚାତାଂ, “ଆରେ ଏପେଈଂ ଖେନ୍‌ଖାତାଦେର୍; ଇନାକିଦେଂ ଆରେ ରଗ ଖେଞ୍ଜେଈଂ ମାନକିନାଦେରା ? ଏପେଈଂ ପା ଇନାକା ତା ଚେଲାହିର୍ ଆଦେଂ ମାନ କିନାଦେରା ?”

୨୮ ହେବେ ହେୱାର୍ ତାଜେଈଂ ବାଗ୍‌ଇଡ଼ିଜି ଇଚାର, “ଏନ୍ ହେୱାଡ଼ି ଚେଲା, ମାତର୍ ଆପେଂ ମସା ଚେଲାକାପ୍ । ୨୯ ଆପେଂ ପୁନାପ୍ ଜେ ଇସ୍ବର୍ ମସାଈ କାତା ଇଚାନ୍ନା, ମାତର୍ ଇ ମାନାୟ୍ ଇମେଣ୍ଡାଂ ଖାତାନ୍ନା, ହେଦାଂ ପା ଆପେଂ ପୁନାପ୍ ।”

୩୦ ହେ ମାନାୟ୍ ହେୱାରିଂ ଉତର୍ ହିତାନ, “ହେୱାନ ନା କାଣ୍କୁ ଉଜ୍ କିଡ଼ତାନ, ଆରେ ହେୱାନ ଇମେଣ୍ଡାଂ ଖାତାନ୍ନା, ହେଦାଂ ଏପେଈଂ ପୁନୁଦେର୍, ଇଦାଂ ତ କାବାଆନି କାତା । ୩୧ ଇସ୍ବର୍ ଜେ ପାପିର୍ କାତା ଖେନ୍ନୁନ୍, ଇଦାଂ ଆପେଂ ପୁନାପ୍, ମାତର୍ ଜଦି ଇନେର ଇସ୍ବର୍ ହେବା କିନାକାନ୍ ଆଜି ତା ଇଚା ମାନି କିନାନ, ତା ଆତିସ୍ ହେୱାନ ତା କାତା ଖେନାର୍ । ୩୨ ଆରମ୍ ସମୂତାଂ ଇନେନ୍ ଜଲମ୍ କାଣା କାଣ୍କୁ ଉଜ୍ କିଜି ମାଚାନ, ଇଦାଂ ତ ଇନାଖାଡ଼ାଂ ପା ଖେନ୍‌ଧା ଆଖାଦାଂ ମାଚାଟ୍ । ୩୩ ଇୱାନ ମାନାୟ୍ ଇସ୍ବର୍ ତାକେଣ୍ଡାଂ ଖାଖାଦାଈ ମାଟିସ୍ ଲାଗିଂ ଇ କାମାୟ୍ କିଦେଈଂ ଆଡ଼ଖାତାନ୍‌ମା ।”

୩୪ ହେୱାର୍ ତାଜେଈଂ ଉତର୍ ହିତାର, “ଏନ୍ ତ ନିଜେ ପାପ୍ତ ଜଲମ୍ ଆତାୟ୍, ଆରେ ପାପ୍ତ ଗାଜା ଆତାୟ୍ ଏନ୍ ମାଜେଈଂ ହିକ୍ୟା ହିଦ୍‌ନାୟା ?” ହେବେ ହେୱାର୍ ତାଜେଈଂ ବାରି କିଚାର୍ ।

ଜିବୁନ୍ କାଣ୍କୁ ହୁଡ଼ଝାକା

୩୫ ହେୱାର୍ ଜେ ତାଜେଈଂ ଗୁଡ଼ି ଇଞ୍ଜାଈଂ ବାରି କିଚାର୍ ଇଞ୍ଜି, ଜିସୁ ଇଦାଂ ଖେନ୍‌ଞ୍ଜି ତାଜେଈଂ ବେଟା ଆଜି ଇଚାନ, “ଏନ୍ ଇନାକା ମାନାୟ୍ ମାଜିଡ଼ାକେଣ୍ଡାଈଂ ପାତର୍ କିନାୟା ?”

୩୬ ହେୱାନ ଉତର୍ ହିତାନ, “ଏ ମାପୁ, ହେୱାନ ଇନେନ୍ ଖେର୍ଚା, ଇନେସ୍ ଆନ୍ ତା ତାକେ ପାତର୍ କିନାଈ ?”

୩୭ ଜିସୁ ତାଜେଈଂ ଇଚାନ, “ଏନ୍ ତାଜେଈଂ ହୁଡ଼ନାୟା, ଆରେ ଇନେନ୍ ନି ଲାହାଈଂ ବେଣ୍ ଇନାନ୍ନା, ଇୱାନ ହେୱାନ ।”

୩୮ “ହେବେ ହେୱାନ ଇଚାନ,” ମାପୁ ଆନ୍ ପାତର୍ କିନାଈ; ଆରେ, ହେୱାନ ତାଜେଈଂ ଜୱାର୍ କିଚାନ ।

୩୯ ଆରେ ଜିସୁ ଇଚାନ, ହୁଡ଼ଝି “ମାନାୟାର୍ ଇନେସ୍ ହୁଡ଼ନାର୍ ଆରି ହୁଡ଼ନି ମାନାୟାର୍ ଇନେସ୍‌କି ହୁଡ଼ରୁ, ଇ ବିଚାର୍ କାଜିଂ ଆନ୍ ପୁତର୍ ତ ଜଗଡ଼ତ ଖାତାଈନା ।”

୪୦ ପାରୁସିର୍ ବିତ୍ରେ ଇମ୍‌ଶାକାର୍ ତା ଲାହାଈଂ ମାଚାର, “ହେୱାର୍ ଇଦାଂ ଖେନ୍‌ଞ୍ଜି ତାଜେଈଂ ଇଚାର, ଆପେଂ ପା ଇନାକା କାଣା ?”

୪୧ ଜିସୁ ହେୱାରିଂ ଇଚାନ, ଜଦି “କାଣା ଆଜି ମାଟିସ୍, ତା ଆତିସ୍ ଏପେଈଂ ପାପ୍ ଆତାମ୍ । ମାତର୍ ଆପେଂ ହୁଡ଼ନାପା, ଇଦାଂ ନଈ ଇନାଦେରା; ଏପେଈଂ ପାପ୍ତ ମାନାଦେର୍ ।”



ମେଣ୍ଡା ଗଡ଼ିୟାନି କାତା

୧ ହାଡ଼ପା ହାଡ଼ପା, “ଆନ୍ ମିଜେଈଂ ଇଞ୍ଜନାଈ, ଇନେର୍ ଦୁଖେର୍ଚିଂ ମେଣ୍ଡାହାଡ଼ା ତାକେ ହଣ୍‌ଗିଡ଼ିସ୍, ମତର୍ ବିନେ ଇମ୍‌ଶି ହାଜି ଦୁମ୍‌ଜି ହଣାନ୍, ହେୱାନ ଚର୍ ଆରି ତାକୁ; ୨ ଇନେନ୍ ଦୁଖେର୍ଚିଂ ହଣାନ୍, ହେୱାନ ମେଣ୍ଡାଈନି ଗଡ଼ିୟା । ୩ ହଲ୍ୟାହି ତା କାଜିଂ ଦୁଖେର୍ ଜେସି ହିନାନ୍, ପାଚେ ମେଣ୍ଡାଂ ତା କାଟ୍ ଖେନ୍‌ଞ୍ଜି, ଆରେ ହେୱାନ ତା ମେଣ୍ଡାକାଂ ତର୍ ଆଜି କୁକ୍ତି ବାଟ୍ ହପ୍ତି ତାଇ ଖାନାନ୍ । ୪ ହେୱାନ ତା ମେଣ୍ଡାଂ ଓଁଜୁ ହପ୍ତି ହେୱାକାଂ ଆଗେ ଆଗେ ମେଣ୍ଡା ଗଡ଼ିୟା ତାଈନାନ୍ ଆରି ମେଣ୍ଡାଂ ତା ପାଚେ ପାଚେ ତାଈନିକ୍, ଇନାକିଦେଂକି ହେୱାଈଂ ତା କାଟ୍ ପୁନିକ୍; ୫ ମାତର୍ ହେୱାଈଂ ଚିନ୍‌ହିଲ୍‌ଖାକାର୍ ପାଚେ ପାଚେ

ଇନାଖାଡ଼ାଂ ପା ହାଲୁକ୍, ମତର ତା ଲାଗାଂତିଂ ହନ୍ତି ହାନିକ୍, ଇନାକିଦେଂକି ହେଝାଙ୍ଗ୍ ଚିନ୍ହିଲ୍‌ଖାକାର୍ କାର୍ ଆଶ୍‌ଗା ଆଉକ୍ ।”

୭ ଜିସୁ ହେଝାରିଂ ଇ ଉତରମୁଡ୍ ଇଚାନ, ମାତର ହେଝାନ ହେଝାରିଂ ଇନା ଇନାକା ଇଞ୍ଜି ମାତାର, ହେ ସବୁ ଇନାକା ଇଞ୍ଜି ହେଝାର ବୁଜା ଆଖାତାର ।

ହାଦର୍ ମେଣ୍ଟା ଗଢ଼ିୟା ଇସ୍‌ର

୭ ଲାଗିଂ ଜିସୁ ଆରେ ରଗ ଇଚାନ, “ହାଦର୍‌ପା ହାଦର୍‌ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଆନ୍ ମେଣ୍ଟାଂ ଦୁଝେର୍ । ି ଇମ୍‌ଣାକାର୍ ନା ଆଗେ ଖାନାରା, ହେଝାର ଝିଜାର୍ ଚର୍କୁ ଆରି ତାକୁର୍, ମାତର ମେଣ୍ଟାଂ ଝିଜୁ ହେଝାର କାତା ଝେନୁକ୍ । ୯୮ ନା ଦୁଝେର୍, ଜଦି ଇନେର୍ ନାଙ୍ଗ୍ ହିଜି ହିଶାର, ତା ଆତିସ୍ ହେଝାନ ରାକ୍ୟା ପାୟା ଆନାନ୍ ଆରି ବିତ୍ରେ ଝାଜି ଆରି ବାର୍ତ୍ ହାଲୁଜି ଚାରା ଗାଟା ଆନାନ୍ । ୯୯ ଚର୍ କେବଲ୍ ଖାନାନ୍ ଚର୍ କିଦେଙ୍ଗ୍, ଅସ୍ତେଙ୍ଗ୍ ଆରି ନସୁ କିନି କାଜିଂ; ହେଝାର ଇନେସ୍‌କି ଜିବୁନ୍ ପାୟା ଆନାର୍ ଆରି ବେସି ପାୟା ଆନାର୍, ଇଦାଂ କାଜିଂ ଆନ୍ ଝାତାଙ୍ଗନା ।”

୧୧ “ଆନ୍ ହାଦର୍ ମେଣ୍ଟା ଗଢ଼ିୟା ଆନାଙ୍ଗ୍; ମେଣ୍ଟାଂ କାଜିଂ ଆନ୍ ଜିବୁନ୍ ହିନାଙ୍ଗ୍ । ୧୨ ଇନେନ୍ ମେଣ୍ଟା ଗଢ଼ିୟା ଆକାୟ୍, ମତର କାମ୍‌ଲିୟା, ମେଣ୍ଟାଂ ଇମ୍‌ଣିକିଙ୍ଗ୍ ନିଜାରତି ଆକାୟ୍, ହେଝାନ ହୁଣ୍ଟେର୍‌ବୁର୍କା ଖାନାକା ହୁଡ଼ଜି ମେଣ୍ଟାକାଂ ପିସ୍ତି ହନ୍‌ନାନ୍, ଆରେ ହୁଣ୍ଟାର୍ ବୁର୍କା ହେଝାକାଂ ଆସ୍ତି ଚିର୍‌ବିର୍ କିନିକ୍ । ୧୩ ଆଦି ଅଜି ମେଣ୍ଟାଂ କାଜିଂ ମାନାନ୍ ହେଝାନ ହାନାନ୍, ଇନାକିଦେଂକି ହେଝାନ ରଝାନ କାମ୍‌ଲିୟା ମତର ମେଣ୍ଟାଂ କାଜିଂ ଚିତ୍ତା କିଉନ୍ । ୧୪ ଆନ୍ ହାଦର୍ ମେଣ୍ଟା ଗଢ଼ିୟା । ଆବା ଇନେସ୍‌କି ନାଙ୍ଗେଙ୍ଗ୍ ପୁଞ୍ଜନାନ୍ ଆରି ଆନ୍ ଆବାଂ ପୁନାଙ୍ଗ୍, ୧୫ ଆନ୍ ହେ ଲାକେ ପୁନାଙ୍ଗ୍ ଆନ୍ ନା ଜାର୍ ମେଣ୍ଟାକାଂ ପୁନାଙ୍ଗ୍, ଆରେ ହେଝାନ ନା ଜାର୍‌ତି ମେଣ୍ଟାଂ ନାଙ୍ଗେଙ୍ଗ୍ ପୁଞ୍ଜନିକ୍, ଆରେ ମେଣ୍ଟାଂ କାଜିଂ ଆନ୍ ନା ଜିବୁନ୍ ହିଦେଂ ରେଡି । ୧୬ ଇମ୍‌ଣି ମେଣ୍ଟାଂ ଇ ମେଣ୍ଟାହାଡ଼ାତ ଆକାୟ୍, ନା ଏଲେଙ୍ଗ୍ ଆଲ୍‌ଗା ମେଣ୍ଟାଂ ମାନିକ୍, ହେଝାକାଂ ପା ନାଙ୍ଗ୍ ତାହିଝାଦେଂ ଆନାଡ୍, ଆରେ ହେଝାଙ୍ଗ୍ ନା କାର୍ ଝେଞ୍ଜନିକ୍; ହେବେ ର ଦାଡ୍ ଆରି ର ମାୟା ଆନିକ୍ ।”

୧୭ “ଆନ୍ ନା ଜିବୁନ୍ ଦାନ୍ କିନାଙ୍ଗ୍ ମାନ୍ କିନାଙ୍ଗା ଆବା ନାଙ୍ଗେଙ୍ଗ୍ ଜିଉନନାନ୍, ଆରେ ଆନ୍ ନା ଜିବୁନ୍ ଆରେ ରଗ ମାନିକିନି କାଜିଂ ହେଦାଂ ଦାନ୍ କିଡ଼ତାନ୍ । ୧୮ ଇନେର୍ ନା ତାକେଣ୍ଟାଂ ହେଦାଂ ଅଦେଂ ଆଡୁର୍, ମତର ଆନ୍ ନିଜେ ହେଦାଂ ଦାନ୍ କିନାଙ୍ଗ୍ । ହେଦାଂ ଦାନ୍ କିଦେଙ୍ଗ୍ ନା ଆଦିକାର୍ ମାନାଡ୍ ଆରି ହେଦାଂ ଆରେ ରଗ ମାନି କିଦେଙ୍ଗ୍ ନା ଆଦିକାର୍ ମାନାଡ୍ । ଆନ୍ ମାଞ୍ଜି ଆବାତାଂ ଇ ବଲ୍ ପାୟା ଆତାଙ୍ଗନା ।”

୧୯ ଇ ଝିଜୁ ବେଣ୍ କାଜିଂ ଜିହୁଦିର୍ ବିତ୍ରେ ଆରେ ରଗ ପାଗ୍ରି କିତାର୍ । ୨୦ ହେଝାର ବିତ୍ରେ ହେନି ଇଞ୍ଜେଙ୍ଗ୍ ଲାଗାତାର୍, “ତାଙ୍ଗେଙ୍ଗ୍ ପୁଦା ତୁଡାଡନା, ହେଝାନ ପାଗ୍‌ଲା, ଇନାକିଦେଂ ତା କାତା ଝେନାଦେରା ?”

୨୧ ବିନେନିକାର୍ ଇଚାର୍, “ଇ ଝିଜୁ କାତା ତ ପୁଦା ତୁୟାଆତି ମାନାୟ୍‌ତି ଆକାୟ୍; ପୁଦା ଇନାକା କାଶାଂ କାଶ୍‌ଙ୍ଗା ଉଜ୍ କିଦେଙ୍ଗ୍ ଆଡନାନ୍ ?”

ଜିସୁଙ୍ଗ୍ ମାନି କିଝାତାର୍

୨୨ ହେ ସମୁ ପିନିମାସ୍ ମାତାଡ୍, ହେଝାଡ଼ାଂ ଜିରୁସାଲମ୍‌ତ ମନ୍ଦିର୍ ରଚ୍‌ନି ପାର୍ବୁ ଆତାଡ୍; ୨୩ ଆରେ ଜିସୁ ମନ୍ଦିର୍‌ତ ସଲମନ୍ ମଣ୍ଡମ୍‌ତ ବୁଲାଆଜି ମାତାର୍ । ୨୪ ହେବେ ଜିହୁଦିର୍ ତାଙ୍ଗେଙ୍ଗ୍ ଚାରିବେଣ୍‌ତାଂ ବେଡିକିଜି ଝାସ୍‌ନି କାତା ଝେନବେଦେଂ ଲାଗାତାର୍, “ଆରେ ଏଚେକାଡ୍‌ଦ ଦିନ୍ ମାଙ୍ଗେଙ୍ଗ୍ ହାବଡ୍‌ତ ଇଡ୍‌ଦାନାୟ୍ ? ଜଦି ଏନ୍ କ୍ରିସ୍, ତା ଆତିସ୍ ମାଙ୍ଗେଙ୍ଗ୍ ହାର୍ କିଜି ଝେଚରା ।”

୨୫ ଜିସୁ ହେଝାରିଂ ଉତର ହିତାନ୍, ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ମାତର ଏପେଙ୍ଗ୍ ପାତର୍ କିଉଦେରା; ମା ଆବା ତରଦାଂ ଆଦିକାର୍ ପାୟା ଆତାଙ୍ଗନା ଆନ୍ ଇମ୍‌ଣି ଇମ୍‌ଣି କାମାୟ୍ କିନାଙ୍ଗା, ହେ ସବୁ ନା ବିସ୍ତେ ସାକି ହିନାଙ୍ଗା; ୨୬ ମାତର ଏପେଙ୍ଗ୍ ପାତର୍ କିଉଦେରା, ଇନାକିଦେଂକି ଏପେଙ୍ଗ୍ ନା ମେଣ୍ଟାଂ ଆକାୟ୍ । ୨୭ ନା ମେଣ୍ଟାଂ ଝିଜୁ ନା କାର୍ ଝେନିକ୍ ଆରି ଆନ୍ ହେଝାକାଂ ପୁନାଙ୍ଗ୍, ଆରେ ହେଝାଙ୍ଗ୍ ନା ପାଚେ ପାଚେ ଝାନିକ୍, ୨୮ ଆରେ ଆନ୍ ହେଝାକାଂ ଝିଜ୍‌ଝି ଜିବୁନ୍ ହିନାଙ୍ଗ୍, ଆରେ ହେଝାଙ୍ଗ୍ ଇନାଖାଡ଼ାଂ ପା ବୁଡାଆଉକ୍, ଆରେ ଇନେର୍ ନା କେଇତାଂ ହେଝାକାଂ କ୍ରିସ୍ତି ଅଦେଂ ଆଡୁର୍ । ୨୯ ମା ଆବା ନାଙ୍ଗେଙ୍ଗ୍ ଇନାକା ହିଡ୍‌ନା, ହେଦାଂ ସବୁ ତାକେଣ୍ଟାଂ ବେସି ଦାମ୍, ଆରେ ଆବା କେଇଦାଂ ଇନେର୍ ହେଦାଂ କ୍ରିସ୍ତି ଅଦେଂ ଆଡୁର୍ । ୩୦ ଆବା ଆରି ଆନ୍ ଏକ୍ ।

୩୧ ଇ କାତା ଝେନଞ୍ଜି ଆରେ ଜିହୁଦିର୍ ତାଙ୍ଗେଙ୍ଗ୍ ଇଡ୍‌ଦେଂ କାଜିଂ ଆରେ ରଗ କାଲ୍‌କୁ ପେସ୍‌ୟାର୍ । ୩୨ ଜିସୁ ହେଝାରିଂ ଉତର ହିତାନ୍, “ଆନ୍ ଆବା ତାକେଣ୍ଟାଂ ବେସି ହାଦର୍ କାମାୟ୍ ମିଙ୍ଗେଙ୍ଗ୍ ଚଚ୍‌ଚାତାଂନା; ହେ ସବୁ କାମାୟ୍ ବିତ୍ରେ ଇମ୍‌ଣି କାମାୟ୍ କାଜିଂ ନାଙ୍ଗ୍ ଅସ୍ତେଦେଂ କାଲ୍‌କୁ ତେକ୍‌ନାଦେରା ?” ୩୩ ଜିହୁଦିର୍ ତାଙ୍ଗେଙ୍ଗ୍ ଉତର ହିତାର୍, “ହାଦର୍ କାମାୟ୍ କାଜିଂ ଆପେଂ ନିଙ୍ଗେଙ୍ଗ୍ କାଲ୍ ଇଡ୍‌ଦୁପା, ମାତର ଇସ୍‌ରତିଂ ନିନ୍ଦା କାଜିଂ, ଆରେ ଏନ୍ ମାନାୟ୍ ଆଜି ଜାର୍‌ତିଂ ଇସ୍‌ର ବଲ୍‌ୟାଆନାୟା ।”

୩୪ ଜିସୁ ହେୱାରିଂ ଉତର ହିତାନ, “ମି ମସାତି ବିଦିତ ଇଦାଂ ଇନାକା ଲେକା ହିଲୁଡ଼, ଇସ୍ତର ଇଚାନ, ଏପେଙ୍ଗ ଇସ୍ତର ? ୩୫ ଆପେଂ ପୁନାପ୍ ସାସ୍ତର ବଚନ୍ ଜୁଗ୍ ଜୁଗ୍ ହାଡ଼ପା । ଇସ୍ତରତି ବେରଣ୍ ଇମ୍ଣାକାର୍ ତାକେ ହତାଡ଼ନା, ହେୱାରିଂ ଇବେ ଇସ୍ତର ଇଚାନା । ୩୬ ତା ଆତିସ୍ ଇନେରିଂ ଇସ୍ତର ପୁଇପୁୟା କିଜି ପୁତର୍ ତ ପକ୍ତାନ, ତାଙ୍ଗେଙ୍ଗ ଇନାକା ଏପେଙ୍ଗ, ଆନ୍ ଇସ୍ତରତି ମାଜି, ଇଦାଂ ଆନ୍ ଇଞ୍ଚିଲେ, ଏନ୍ ଇସ୍ତରତି ନିନ୍ଦା କିନାୟା ଇଞ୍ଚି ଇନାଦେରା ? ୩୭ ଜଦି ଆନ୍ ମାଞ୍ଚି ଆବାତି କାମାୟ୍ ସବୁ କିଞ୍ଚିତିସ୍, ତାଆତିସ୍ ନାଙ୍ଗେଙ୍ଗ ପାତର୍ କିଦ୍ମାଟ୍; ୩୮ ମାତର ଜଦି ଆନ୍ ତା ଇଚା ମାନି କିନାଙ୍ଗ୍, ତା ଆତିସ୍ ପାତର୍ କିଞ୍ଚିତିସ୍ ପା, ନା କାମାୟ୍ ହୁଡ଼ଜି ପାତର୍ କିୟାଟ୍ ଲାଗିଂ ଏପେଙ୍ଗ ହାଡ଼ପା ବାବ୍ରେ ପୁଞ୍ଜେଙ୍ଗ୍ ଆଡ଼ନାଦେର୍, ନା ଆବା ଇସ୍ତର ନା ତାକେ ମାନାନ୍ ।”

୩୯ ହେବେଣ୍ଟା ହେୱାର୍ ତାଙ୍ଗ୍ ଆସ୍ତେଙ୍ଗ୍ ଇଞ୍ଚି ଆରେ ରଗ ସେସ୍ତୁ କିଦେଙ୍ଗ୍ ଲାଗାତାର୍, ମାତର ହେୱାନ ହେୱାର୍ କେଇଦ ଆହ୍ମା ଆଞ୍ଜାଦାଂ ହସି ହାଚାନ ।

୪୦ ✧ ଇଦାଂ ପାଚେ ଇସ୍ତର ଆରେ ରଗ ଜର୍ଦନିନ୍ ଆନ୍ତି ପାଡ଼କା ହାଲ୍ଜି, ଜହନ୍ ଇମ୍ଣା ବାହାତ ହିଗଦ ବାପ୍ତିସିମ୍ ହିଜି ମାଚାନ, ହେ ବାହାତ ହାଲ୍ଜି ହେବେ ମାନ୍ଗାତାନ । ୪୧ ଆରେ, ହେନି ତା ତାକେ ଖାଜି ଇଚାର୍, “ଜହନ୍ ହିନା ଇନାକାପା କାବାଆନି କାମାୟ୍ କିଞ୍ଚିତାନ,” ମାତର ଇ ମୁଣିକା ବିସ୍ତେ ଜହନ୍ ଜେ ଖିଜୁ କାତା ଇଚାନ, “ହେଦାଂ ସବୁ ହାଡ଼ପା ।” ୪୨ ଆରେ, ହେ ବାହାତ ହେନି ମାନାୟାର୍ ତା ତାକେ ପାତର୍ କିଚାର୍ ।

୧୧

ଲାଜାର୍ତି ହାକି

୧ ✧ ବେଡ଼ନିୟା ନିକାନ୍ ଲାଜାର୍ ତରଦାକାନ୍ ରଞ୍ଜାନ୍ ମାନାୟ୍ ବେମାର୍ ମାଚାନ; ମରିୟମ୍ ଆରି ତା ତଣ୍ଡେହି ମାର୍ତା ହେ ନାସ୍ତ ମାଚିକ୍ । ୨ ✧ ଇ ମରିୟମ୍ ମାପୁଙ୍ଗ୍ କାଲ୍ ଜପି ବାସ୍ନା ଚିକାଣ୍ଡାଂ ନେନ୍ଦି ତା ତେମୁଲ୍ଡାଂ ତା ପାନା ନୁଜ୍ଜି ମାଚାଡ଼ ତା ଟଣ୍ଡାହି ଲାଜାର୍ ବେମାର୍ ମାଚାନ, ୩ ଲାଗିଂ ହେ ତଣ୍ଡେକ୍ ତା ତାକେ କାରୁର୍ ପଲ୍ଜିକ୍, “ମାପୁ, ହୁଡ଼ା, ଇନେରିଂ ଏନ୍ ଖାରି କିନାୟା, ହେୱାନ୍ ବେମାର୍ତ ମାନାନ୍ ।”

୪ ଇ କାରୁର୍ ଜିସୁ ଖେନ୍ଞି ଇଚାନ, “ଇ ରଗ୍ତ ଲାଜାର୍ ହାଉନ୍, ମାତର ମାପୁତି ଜାଜମାଲ୍ କାଜିଂ, ଇନେସ୍କି ଇ ଲାକେ ଇସ୍ତର୍ ମାଜି ଜାଜମାଲ୍ ପାୟା ଆନାର୍ ।”

୫ ଜିସୁ ମାର୍ତା, ମରିୟମ୍ ତା ତଣ୍ଡେହି ଆରେ ଲାଜାର୍ତି ଜିଉ ନଜି ମାଚାନ । ୬ ଆତିସ୍ପା, ଲାଜାର୍ ବେମାର୍ତ ମାନାନ୍ ଇଞ୍ଚି ଏଚେକାଡ଼ଦ ହେୱାନ୍ ଖେଚାନ, ହେ ପାଦ୍ନା ହେୱାନ ଇମ୍ଣା ବାହାତ ମାଚାନ, ହେ ବାହାତ ଆରେ ରି ଦିନ୍ ମାଚାନ । ୭ ତା ପାଚେ ଜିସୁ ଚେଲାରିଂ ଇଚାନ, “ଜାତ ଆସେଙ୍ଗ୍ ଆରେ ରଗ ଜିହୁଦା ଦେସ୍ତ ମାସ୍ଦି ହାନାସ୍ ।”

୮ ଚେଲାର୍ ଜିସୁଙ୍ଗ୍ ଇଚାର୍, “ଏ ଗୁରୁ,” ଜିହୁଦିର୍ ନିଙ୍ଗେଙ୍ଗ୍ କେଡ଼ଦିନ୍ ଆଗେ ଇଡ଼କାଦେଂ ସେସ୍ତୁ କିଜି ମାନ୍ଚାର୍, “ଆରେ ଏନ୍ ଆରି ରଗ ହେବେ ହାନାୟା ?”

୯ ଜିସୁ ଉତର ହିତାନ, “ଖେଡ଼ାଲିଂ ଇନାକା ବାର ଗଣ୍ଟା ଆକାୟ୍ ? ଇନେର୍ ଖେଡ଼ାଲିଂ ତାଙ୍ଗ୍ତିସ୍ ଉଜ୍ଡର୍, ଇନାକିଦେଂକି ହେୱାନ ଇ ପୁତର୍ ନି ଅଜଡ଼ ହୁଡ଼ନାନ୍; ୧୦ ମାତର ନାଣା ତାଙ୍ଗ୍ତିସ୍ ହେୱାନ ଉଜ୍ଡନାନ୍, ଇନାକିଦେଂକି ଖାସ୍ତିତ ଅଜଡ଼ ହିଲୁଡ଼ ।” ୧୧ ଜିସୁ ଇ ଖିଜୁ କାତା ଇଚି ପାଚେ ହେୱାରିଂ ଆରେ ଇଚାନ, “ମା ବୟ୍ ଲାଜାର୍ ହୁଞ୍ଜନାନା, ମାତର ତାଙ୍ଗ୍ ହୁନ୍ଚାକାନିଂ ନିକ୍ନି କାଜିଂ ଆନ୍ ହାନାଙ୍ଗା ।”

୧୨ ହେବେତାଂ ଚେଲାହିର୍ ତାଙ୍ଗ୍ ଇଞ୍ଚି ମାଚାର୍, ମାପୁ, “ଜଦି ହେୱାନ ହୁନ୍ଚାନନା ତା ଆତିସ୍ ହେୱାନ ଉଜ୍ ଆନାନ୍ ।”

୧୩ ଜିସୁ ଲାଜାର୍ ହାତି ବିସ୍ତେ ଇଚାନ, ମାତର ହେୱାନ ହୁନ୍ଞିନି ବିସ୍ତେ ଇଚାନ ଇଞ୍ଚି ହେୱାର୍ ବାବିକିଚାର୍ । ୧୪ ହେଦାଂ କାଜିଂ ଜିସୁ ହେ ପାଦ୍ନା ହେୱାରିଂ ହାରଦାଂ ଇଚାନ, “ଲାଜାର୍ ହାତାନନା; ୧୫ ଆରେ, ଆନ୍ ଜେ ହେବାତ ହିଲ୍ଡିତିସ୍, ଇଦାଂ ଲାଗିଂ ମି କାଜିଂ ଖାରି କିନାଙ୍ଗା, ଇନେସ୍କି ଏପେଙ୍ଗ ପାତର୍ କିନାଦେର୍; ମାତର ଜାଡୁ, ଆସେଙ୍ଗ୍ ତା କଚଣ୍ ହାନାସ୍ ।”

୧୬ ହେବେତାଂ ତମା, ଇନେରିଂ ଦିବୁମ୍ ଇଞ୍ଚି ଇନାର୍, ହେୱାନ୍ ଜାର୍ ହାଙ୍ଗ୍ ଚେଲାହିରିଂ ଇଚାନ, “ଜାଡୁ ଆସେଙ୍ଗ୍ ପା ଗୁରୁ ଲାହାଙ୍ଗ୍ ହାଲ୍ଜି ତା ଲାହାଂ ହାନାସ୍ ।”

ଜିସୁ ଆରେ ରଗ ନିଙ୍ଗି ଜିନାନ୍

୧୭ ଜିସୁ ବେଡ଼ନିୟାତ ଏକିସ୍ ଖେଚାନ ଜେ, ହେୱାନ ଦୁଗେର୍ତ ଇଡ଼ଜି ଚାରି ଦିନ୍ ଆତାଡ଼ ଦୁଗେର୍ତ ଇଚ୍ୟା ଆତାନେ । ୧୮ ବେଡ଼ନିୟା ଜିରୁସାଲମ୍ କଚଣ୍ଡ ମାଚାଡ଼, ଆନ୍ମାନତାଂ ତିନି କିଲମିଚର୍ ଦେହା;

✧ ୧୦:୪୦ ୧୦:୪୦ ଜହନ୍ ୧:୨୮. ✧ ୧୧:୧ ୧୧:୧ ଲୁକ ୧୦:୩୮,୩୯. ✧ ୧୧:୨ ୧୧:୨ ଜହନ୍ ୧୨:୩.

୧୯ ଆରେ, ଜିହ୍ୱଦି ଦେସ୍‌ନି ହେନି ମାନାୟ ବିତ୍ତେ ମାର୍ତ୍ତା ଆରି ମରିୟମ୍‌ତି ହେଝାର୍‌ତି ଟଣ୍ଡେନ୍ ବିସ୍ତେ ଦୁକ୍‌କାଣାଈ କିଦେଙ୍ଗ୍ କାଜି ହେଝାର୍ କରଣ୍ ଖାଜି ମାଚାର୍ ।

୨୦ ହେବେତା ଜିସୁ ଖାନାନା ଇଞ୍ଜି ଏରେକାଡ୍‌ଦ ମାର୍ତ୍ତା ଝେଚାଡ୍, ହେ ପାଦ୍‌ନା ହେଦେଲ୍ ବେଟାଆଦେଂ ହାତାଡ୍, ମାତର୍ ମରିୟମ୍ ଇଞ୍ଜି ମାଚାନ୍ ୨୧ ମାର୍ତ୍ତା ଜିସୁଙ୍ଗ୍ ଇଚାଡ୍, “ମାପୁ ଜଦି ଏନ୍ ଇବେ ଖାଜି ମାଚିସ୍, ତା ଆତିସ୍ ନା ଟଣ୍ଡେନ୍ ହାଝାତାନ୍‌ମା, ୨୨ ମାତର୍ ନଙ୍ଗ୍ ପା ଆନ୍ ପୁନାଙ୍ଗ୍, ମାତର୍ ଏନ୍ ଇସ୍‌ବର୍‌ତି ଇନାକାପା ଏନ୍‌ନାୟ, ଇସ୍‌ବର୍ ଜେ ହେଦା ନିଙ୍ଗେଙ୍ଗ୍ ହିଦ୍‌ନାନ୍ ।”

୨୩ ଜିସୁ ତାଙ୍ଗେଙ୍ଗ୍ ଇଚାନ୍, “ମି ଟଣ୍ଡେନ୍ ଆରେ ଜିବୁନ୍ ପାୟା ଆଜି ନିଙ୍ଗେନାନ୍ ।”

୨୪ ମାର୍ତ୍ତା ଜିସୁଙ୍ଗ୍ ଇଚାଡ୍, “ହେଝାନ୍ ଜେ ହାରିହାରା ଦିନ୍‌ତ ଆରେ ନିନ୍‌ସି ସମୁତ ନିଙ୍ଗେନାନ୍ ଇଦା ଆନ୍ ପୁନାଙ୍ଗ୍ ।”

୨୫ ଜିସୁ ତାଙ୍ଗେଙ୍ଗ୍ ଇଚାନ୍, “ଆନ୍ ଆରେ ନିନାକା ଆରି ଜିବୁନ୍, ଇନେର୍ ନା କରଣ୍ ପାତ୍ କିଦ୍‌ନାନ୍, ହେଝାନ୍ ଜଦି ହାନାନ୍, ଆତିସ୍‌ପା ହେଝାନ୍ ଜିନାନ୍, ୨୬ ଆରେ ଇନେର୍‌କି ଜିନାନ୍ ଆରି ନାବେ ପାତ୍ କିନାନ୍, ହେଝାନ୍ ମୁଡ୍‌କେ ହାଉନ୍; ଇଦା ଇନାକା ପାତ୍ କିନାଦେରା ?”

୨୭ ମାର୍ତ୍ତା ହେଝାନ୍ ଇଚାଡ୍, “ଆଁ, ମାପୁ, ଇନେର୍‌କି ପୁଡ୍‌ତ ଖାନାକା ମାଚାଡ୍, ଏନ୍ ଜେ ଇସ୍‌ବର୍ ମାଜି ହେ କ୍ରିସ୍ଟ୍ ଇଦା ନା ପାତ୍ ।”

ଜିସୁ ଆଡ୍‌ବାତାନ୍

୨୮ ଇଦା ଇଚି ପାଚେ ମାର୍ତ୍ତା ହାଲ୍‌ଜି ଜାର୍ ତଣ୍‌ଦେଲ୍ ମରିୟମ୍‌ତି ତୁଗୁଜି କୁକ୍‌ତି ଇଚାଡ୍, “ଗୁରୁ ଖାତାନେ ଆରେ ନିଙ୍ଗେଙ୍ଗ୍ କୁକ୍‌ନାନା ।” ୨୯ ହେଝାନ୍ ଇଦା ଝେନ୍‌ଞ୍ଜି ବେଗି ନିଙ୍ଗେଜି ତା କରଣ୍ ହାଚାର୍ । ୩୦ ଜିସୁ ହେ ପାଦ୍‌ନା ନାସ୍‌କୁ ବିତ୍ତେ ଖାଝାଦାଙ୍ଗ୍ ମାଚାନ୍, ମାତର୍ ମାର୍ତ୍ତା ହେଝେନି ଇମ୍‌ଣି ବାହାତ ବେଟା ଆଜି ମାଚାଡ୍, ହେପାଚେକ୍ ହେଝାନ୍ ହେ ବାହାତ ମାଚାଡ୍ । ୩୧ ବାଟିଙ୍ଗ୍ ଇମ୍‌ଣି ଜିହ୍ୱଦିର୍ ତା ଲାହାଙ୍ଗ୍ ଇଞ୍ଜି ମାନ୍‌ଞ୍ଜି ତାଙ୍ଗ୍ କ୍ଷପକିସ୍ ମାଚାର୍, ହେଝାର୍ ମରିୟମ୍‌ତି ବେଗି ନିଙ୍ଗେଜି ହସିହାନାକା ହୁଡ୍‌ଜି, ହେଦେଲ୍ ଦୁଗେର୍ କରଣ୍‌ତ ଆଡ୍‌ବିନି କାଜି ହାନାରା, ଇଦା ମାନେ କିଜି ହେ ପାଚେ ପାଚେ ହାଚାର୍ ।

୩୨ ହେବେତା ଜିସୁ ଇମ୍‌ଣି ବାହାତ ମାଚାନ୍, ମରିୟମ୍ ହେ ବାହାତ ଏକିସ୍ ତାଙ୍ଗେଙ୍ଗ୍ ହୁଡ୍‌ଜି ହେ କାଲ୍‌କୁ ତାରେନ୍ ଗୁରୁଜି ଇଚାଡ୍, “ଏ ମାପୁ, ଜଦି ଏନ୍ ଇବେ ଏକାଝାତାୟ୍‌ତି, ତା ଆତିସ୍ ନା ଟଣ୍ଡେନ୍ ହାଝାତାନ୍‌ମା ।”

୩୩ ଲାଗିଂ, ଜିସୁ ତାଙ୍ଗ୍ ଆରି ତା ଲାହାଙ୍ଗ୍ ଖାଜି ମାଚି ଜିହ୍ୱଦିରି ଆଡ୍‌ବାନାକା ହୁଡ୍‌ଜି ଜିବୁନ୍‌ତା ରାସ୍ ଇଚାନ୍, ଆରେ କାମାୟ ପୁରା କିନି କାଜି ହିଜ୍‌ଆଜି ଝେନ୍‌ବାତାନ୍, ୩୪ “ତାଙ୍ଗେଙ୍ଗ୍ ଇମେତାକେ ଇଡ୍‌ତାଦେଣ୍ଟା ?”

ହେଝାର୍ ତାଙ୍ଗେଙ୍ଗ୍ ଇଚାର୍, “ମାପୁ ଖାଜି ହୁଡ୍‌ତା ।”

୩୫ ଜିସୁ ଆଡ୍‌ବାତାନ୍ । ୩୬ ହେବେତା ଜିହ୍ୱଦିର୍ ଇଚାର୍, “ହୁଡ୍‌ତା ହେଝାନ୍ ତାଙ୍ଗେଙ୍ଗ୍ ଇନେସ୍ ଜିଉନଜି ମାଚାନ୍ ।”

୩୭ ମାତର୍ ହେଝାର୍ ବିତ୍ତେ ଇନେର୍ ଇନେର୍ ଇଚାର୍, “ଇ ଇମ୍‌ଣି ମାନାୟ ହେ କାଣା କାଣ୍‌କୁ ସାକ୍ତି ହିଝାଦା ମାଚାନ୍ କି ? ହେଝାନ୍ ଇନାକା ଇଝାକ୍ତି ହାକି ପା ଜିପ୍‌ତେଙ୍ଗ୍ ଆଡ୍‌ଝାତାନ୍‌ମା ?”

ଜିସୁ ଲାଜାର୍‌ତି ହାକିତା ନିକ୍‌ତାନ୍

୩୮ ହେବେତା ଜିସୁ ଆରେ ରଗ ଝାସ୍‌ତା ରିସା ଆଜି ଦୁଗେର୍ କରଣ୍‌ତ ଖାତାନ୍, ହେଦା ରଞ୍ଜାଙ୍ଗ୍ ପାରା, ଆରେ ତା ମୁମ୍‌ଦ ରଞ୍ଜାଙ୍ଗ୍ କାଲ୍ ମାଚାଡ୍ । ୩୯ ଜିସୁ ବଲ୍ ହିତାନ୍ ଇ କାଲ୍ ଗୁରାୟ୍ କିୟାଟ୍ । ହାତି ମାନାୟ୍‌ତି ତଣ୍‌ଦେହି,

ମାର୍ତ୍ତା ତାଙ୍ଗେଙ୍ଗ୍ ଇଚାଡ୍, “ମାପୁ, ହେଝେନ୍ ଗାନ୍‌ଆତାନେ, ଇନାକିଦେଂକି ହେଝେନ୍ ଚାରି ଦିନ୍ ଆତାଡ୍ ହାତାନେ ।”

୪୦ ଜିସୁ ତାଙ୍ଗେଙ୍ଗ୍ ଇଚାନ୍, “ଜଦି ଏନ୍ ପାତ୍ କିନାୟା, ତା ଆତିସ୍ ଇସ୍‌ବର୍ ଜାଜ୍‌ମାଲ୍ ହୁଡ୍‌ନାଦେର୍, ଇଦା ଇନାକା ଆନ୍ ମିଙ୍ଗେଙ୍ଗ୍ ଝେର୍‌ଝାତାଙ୍ଗ୍ ।” ୪୧ ହେବେତା ହେଝାର୍ କାଲ୍ ନେକ୍‌ତାର୍ ଆରେ, ଜିସୁ ଜପି ହୁଡ୍‌ଜି ଇଚାନ୍, “ଆବା, ଏନ୍ ନା ପାର୍ତ୍ତାନା ଝେଚାୟ୍ ଇଞ୍ଜି ଆନ୍ ନିଙ୍ଗେଙ୍ଗ୍ ଜୁଝାର୍ ହିଦ୍‌ନାଙ୍ଗା । ୪୨ ଏନ୍ ଜେ ନିତ୍ତେ ନା ପାର୍ତ୍ତାନା ଝେନ୍‌ଞ୍ଜି ମାନାୟା, ଇଦା ଆନ୍ ପୁଚାଙ୍ଗ୍‌ନା; ମାତର୍ ଇମ୍‌ଣି ମାନାୟାର୍ ଚାରିବେଣ୍‌ତା ନିଲ୍‌ତାଣ୍ଟା, ଏନ୍ ନାଙ୍ଗେଙ୍ଗ୍ ପକ୍‌ତାତାୟ୍‌ନା ଇଞ୍ଜି ହେଝାର୍ ଇନେସ୍‌କି ପାତ୍ କିଦ୍‌ନାର୍, ଇଦା ଲାଗିଂ ହେଝାର୍ କାଜି ଆନ୍ ଇଦା ଇନ୍‌ଚାଙ୍ଗ୍ ।” ୪୩ ଇଦା ଇଚି ପାଚେ ହେଝାନ୍ ଇଦା ଇଞ୍ଜି ଗାଜା କାଟ୍‌ତା ହିର୍‌ବାତାନ୍, “ଲାଜାର୍, ହସି ଖା ।” ୪୪ ହେଝାନ୍ ହସି ଖାତାନ୍; ତା କେଇ ଆରି ପାନା ଦୁଗେର୍ ହେହାତା

ଗାତ୍ୟା ଆଜି ମାତାତ୍, ଆରେ, ତା ମୁମ୍ଦ ଇଚୁକ୍ ତୁଝାଲ୍ ହୁର୍ପିସ୍ ମାତାତ୍ । ଜିସୁ ହେଝାରିଂ ଇଚାନ, “ଇଝାନ୍ତି ଗାତାକା ରିକ୍ତି ତାଙ୍ଗି ହାଝେଙ୍ଗ୍ ହିୟାତ୍ ।”

ଜିସୁତି ବିରୁଦ୍ଧ କୁଟ୍

(ମାତିଉ ୨୭:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ଆରେ, ଜିହୁଦିର୍ ବିତ୍ରେ ଆଦେକ୍, ଇତିସ୍ ଇମଣାକାର୍ ମରିୟମ୍ କଚଣ୍ ଝାଜି ମାତାତ୍, ହେଝାର୍ ଜିସୁତି କାରୁମ୍ ହୁଡ୍ଜି ମାତାତ୍, ଆରି ହେଝାର୍ ତାତାକେ ପାତ୍ କିତାର୍; ୪୬ ମାତର୍, ହେଝାର୍ ବିତ୍ରେ ଇନେର୍ ଇନେର୍ ପାରୁସିର୍ କଚଣ୍ ହାଲ୍ଜି, ଜିସୁ ଇନାକା ଇନାକା କିଜି ମାତାତ୍, ହେଝିଜୁ ହେଝାରିଂ ଜାଣାୟ୍ କିତାର୍ । ୪୭ ହେବେତାଂ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ଗାଜା କୁଚୁମ୍ କୁକ୍ତି ଇଚାର୍, “ଆସେଙ୍ଗ୍ ଇନାକା କିତାସ୍ନା ? ଇ ମାନାୟ୍ ତ ଆଦିକ୍ କାବା କାମାୟ୍ କିନାନା । ୪୮ ଜଦି ଆସେଙ୍ଗ୍ ହେଝାନିଂ ଇ ଲାକେ ପିସ୍ତ୍ରିନାସ୍, ତା ଆତିସ୍ ଝିଜାର୍ ତା ତାକେ ପାତ୍ କିତାର୍, ଆରେ ରମିୟର୍ ଝାଜି ମାଦାଂ ଇ ମନ୍ଦିର୍ ଆରି ଜାତିତିଂ ରି କୁଦାତିଂ ନସୁ କିତାର୍ ।”

୪୯ ମାତର୍ ହେଝାର୍ ବିତ୍ରେ ହେ ବାହୁଁ କାଜିଂ, ବାଚିକିୟା ଆଜି ମାତି ମୁଡ୍ ମାପୁହେବାକିନାକାନ୍ କୟାପା ଇଚାନ, “ଏପେଙ୍ଗ୍ ଏଚେକ୍ ବକ୍ଝା ! ଏପେଙ୍ଗ୍ ଇଦାଂ ବୁଜା ଆଉଦେରା; ୫୦ ଝିଜୁ ଜାତି ଝିଜୁଝାଦାଂ ମାନାୟାର୍ ବିତ୍ରେ ରକାନ୍ ଜେ ହାନାକା ମି ପାକ୍ୟାତାଂ ହାର୍, ଇଦାଂ ପା ଏପେଙ୍ଗ୍ ବୁଜା ଆଉଦେରା ।” ୫୧ କୟାପା ଇଦାଂ ନିଜେ ମାନ୍ତ ଇନ୍ଝାଦାଂ ମାତାତ୍ ମାତର୍ ହେଝାନ୍ ହେ ବାହୁଁନି ମୁଡ୍ ମାପୁହେବାକିନାକାନ୍ ଆଜି ମାତିଲେ ଇ ବେଶ୍ବାକ୍ଶାୟ୍କିନାକାନ୍ ତା ଝେଇଦାଂ ଇଝି ମାତାତ୍, ଜିସୁ ଝେଚ୍ଚି ମାତାତ୍ ଜେ ରାଜିନି ଜିହୁଦି ଜାତିନି ଇତିସ୍, ୫୨ ଆରେ କେବଲ୍ ହେ ଜାତି କାଜିଂ ଆକାୟ୍, ମତର୍ ଇସ୍ତ୍ ଚିନ୍ବିନ୍ ହିମ୍ଶାକାଂ ପା ରୁଣ୍ଡାୟ୍ କିଜି ରବେ କିନି କାଜିଂ ହାଦେଂ ହାନାନା, ଇଦାଂ କାଜିଂ ଇ ବେଶ୍ବାକ୍ଶାୟ୍କିନାକା ଇଚାନ ।

୫୩ ଲାଗିଂ ହେ ନାଜିଂତାଂ ଜିହୁଦି ନେତାର୍ ତାଙ୍ଗେଙ୍ଗ୍ ଅସ୍ତେଙ୍ଗ୍ ଇଝି କୁଟ୍ କିତାର୍ । ୫୪ ଲାଗିଂ, ଜିସୁ ଜିହୁଦିର୍ ବିତ୍ରେ ଆରେ ତିହାଆଝାଦାଂ ବୁଲାଚାଲା ଆଝାତାନ୍, ମାତର୍ ହେଝାନ୍ ହେ ବାହାତାଂ ହସିହାଲ୍ଜି ବାଚାନି କଚଣ୍ ମାନି ନିପ ଏପ୍ରିୟମ୍ ତର୍ଦି ର ବସ୍ତିତ ହାଚାନ, ଆରେ ହେଝେନ୍ ଚେଲାର୍ ଲାହାଙ୍ଗ୍ ହେବେ ମାନ୍ଗାତାନ୍ ।

୫୫ ଜିହୁଦିତ୍ “ନିସ୍ତାର୍” ପାରୁଁ ଲାଗେ ମାତାତ୍, ଆରେ ରାଜିତ ମାନି ମାନାୟ୍ ଆଦିକ୍ ଜାର୍ ଜାର୍ତିଂ ସକଟ୍ କିନି କାଜିଂ ନିସ୍ତାର୍ ପାରୁଁ ଆଗେ ଜିରୁସାଲମ୍ତ ହାଚାର୍ । ୫୬ ହେବେତାଂ ହେଝାର୍ ଜିସୁଙ୍ଗ୍ ତେକୁ ତେକୁ ମନ୍ଦିର୍ତ ନିଲ୍ଚି ମାନି ସମୁତ ରକାନ୍ ଆରେ ରକାନିଂ ଇଝେଙ୍ଗ୍ ଲାଗାତାର୍, “ଏପେଙ୍ଗ୍ ଇନାକା ମାନେ କିନାଦେରା ? ହେଝେନ୍ ପାରୁଁତିଂ ଝାନାନ୍ କି ଆକାୟ୍ ?” ୫୭ ମୁଡ୍ ମାପୁହେବାକିନାକାନ୍ ଆରି ପାରୁସିର୍ ତାଙ୍ଗେଙ୍ଗ୍ ଆହୁନି କାଜିଂ ହେଝେନ୍ ଇମେତାକେ ମାନାନ୍, ଇଦାଂ ଜଦି ଇନେର୍ ପୁନାର୍, ହେଦାଂ ହପ୍ତେଂ ବଲ୍ ହିଜିମାଚାନ ।



ମରିୟମ୍ ଜିସୁଙ୍ଗ୍ ଆସିର୍ବାଦ୍

(ମାତିଉ ୨୭:୬-୧୩; ମାର୍କ ୧୪:୩-୯)

୧ ଝିସ୍ତ୍ରି ବିତ୍ରେ ନିସ୍ତାର୍ ପାରୁଁନି ତଅ ଦିନ୍ ଆଗେ ଜିସୁ ବେଡ୍ନିୟା ହାଚାନ; ଇମ୍ଣି ଲାଜାର୍ତିଂ ଜିସୁ ହାତାକାର୍ ବିତ୍ରେ ନିକ୍ତି ମାତାତ୍, ହେଝେନ୍ ହେ ବାହାତ ମାତାତ୍ । ୨ ଲାଗିଂ ହେଝେର୍ ହେ କାଜିଂ ହେ ବାହାତ ର ନାଶାବଜି ଜାଲ୍ଦି କିତାର୍; ମାର୍ତ୍ତା ହେବା ହିନାକା ଦାଇଡ୍ ମାତାତ୍, ଆରେ ଇମ୍ଣାକାର୍ ହେଝାର୍ ଲାହାଂ ତିନିହିଙ୍ଗ୍ କୁଚ୍ଚି ମାତାତ୍, ଲାଜାର୍ ହେଝାର୍ ବିତ୍ରେତାଂ ରକାନ୍ ମାତାତ୍ ।

୩ ହେ ପାଦ୍ନା ମରିୟମ୍ ଆଦା ଲିଟର୍ ଆଦିକ୍ ଦାମ୍ନି ହାଦାକା ଜଟାମାଂସି ଚିକାଣ୍ ତାସ୍ ଜିସୁ ପାନାତ ହେଦାଂ ଝାକ୍ତାତ୍ ଜାର୍ ତେମୁଲ୍ତାଂ ହେ ପାନା ନୁସ୍ତାତ୍, ଆରେ ଚିକାଣ୍ ବାସ୍ନାତିଂ ଇଲ୍ ବାସ୍ନା ଆତାତ୍ । ୪ ମାତର୍ ଜିସୁ ଚେଲାହିର୍ ବିତ୍ରେ ଇସ୍ତାରିୟ୍ତିୟ୍ ଜିହୁଦା ତର୍ଦାକାନ୍ ଇମ୍ଣି ଚେଲା, ଇନେନ୍ ତାଙ୍ଗେଙ୍ଗ୍ ସାତୁ କେଇଦ ସର୍ପି କିଦେଙ୍ଗ୍ ହାଲ୍ଜି ମାତାତ୍, ହେଝାନ୍ ଇଚାନ, ୫ “ଇ ବାସ୍ନା ଚିକାଣ୍ ତିନ୍ସ ରୁପା ଟାକାଂ ପ୍ରସି ଇନେକିଦେଂ ହିଲାଝାକାରିଂ ହିୟାଆଝାତାତ୍ ?” ୬ ହେଝାନ୍ ଜେ ହିଲ୍ଝାକାରିଂ କାଜିଂ ଚିନ୍ତା କିଜି ମାତାତ୍ ଇଝି ଇଦାଂ ଇଚାନ, ହେଦାଂ ଆକାୟ୍, ମାତର୍ ହେଝାନ୍ ରକାନ୍ ଚର୍, ଆରେ ହେ କଚଣ୍ ତାରୁଙ୍ଗ୍ମଣା ମାତିଲେ, ହେବେ ଇନା ଇନାକା ଇଡ୍ଜି ମାତାକା, ହେଦାଂ ହେଝାନ୍ ଚର୍ କିଜି ଅଜି ମାତାତ୍ ।

୭ ମାତର୍ ଜିସୁ ଇଚାନ, “ଇଦେଲିଂ ପିସ୍ତ୍ରି ହିୟାତ୍, ଇନେସ୍କି ନା ହାକି ଦିନ୍ କାଜିଂ ହେଦେଲ୍ ଇଦାଂ ଇଡ୍ଦେଂ ଆଡ୍ନାତ୍ । ୮ କାକୁଲ୍ତିୟାର୍ ତ ସବୁ ନାଝିଙ୍ଗ୍ ମି କଚଣ୍ ମାନାର୍, ମତର୍ ଆନ୍ ସବୁ ନାଝିଙ୍ଗ୍ ମି କଚଣ୍ ମାନ୍ଝୁଙ୍ଗ୍ ।”

ଲୀଜାର ବିରୁଦ୍ଧ କୁଟ୍

୯ ଇବେତାଂ ବେସିହେନି ଜିହୁଦିର୍ ମାନାୟ୍ ହେୱାନ ବେତ୍ତନ୍ୟାତ ମାନାନ୍ ଇଞ୍ଜି ପୁଞ୍ଜି କେବଲ୍ ଜିସୁ କାଜିଂ ଆକାୟ୍, ମତର୍ ଇମ୍ଣି ଲୀଜାରତିଂ ହେୱାନ ହାତାକାର୍ ବିତ୍ତେ ନିକ୍ତି ମାଚାନ୍, ତାଙ୍ଗେଙ୍ଗ୍ ହୁଡ୍ଡିନି କାଜିଂ ପା ଖାତାର୍ । ୧୦ ହେବେ ଲୀଜାରତିଂ ପା ଅହ୍ନାୟ୍ ଇଞ୍ଜି ମୁଡ୍ ମାପୁହେବାକିନାକାନ୍ ଖେର୍ପା ଆତାର୍, ୧୧ ଇନାକିଦେଂକି ହେଦାଂ କାଜିଂ ଜିହୁଦିର୍ ବିତ୍ତେତାଂ ଆଦିକ୍ ହେୱାର୍ ମାନିକିୱାଦାଂ ମାଚାର୍ ଜିସୁ ତାକେ ପାତର୍ କିଜି ମାଚାର୍ ।

ଜିସୁ ଜିରୁସାଲମ୍ତ ହଣାକା

(ମାତିଜ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତା ଆର୍କାତ୍ ନାଜିଂ ନିସ୍ତାର୍ ପାର୍ବୁତିଂ ଖାଜି ମାଚି ହେନି ମାନାୟାର୍ ଜିସୁ ଜିରୁସାଲମ୍ତ ଖାନାନା ଇଞ୍ଜି ଖେଚାର୍ । ୧୩ ହେଦାଂ କାଜିଂ କାଜ୍ରି ତାଡ୍ ଆସି ତାଙ୍ଗେଙ୍ଗ୍ ବେଟାଆନି କାଜିଂ ହସି ହାଚାର୍ “ଆରି ଗାଜା କାଟ୍ତାଂ ଇଞ୍ଜେଙ୍ଗ୍ ଲୀଗାତାର୍, ହସାନ୍ନା ଇସ୍ପୁରିତି ଦନ୍ୟବାଦ୍ କିୟାଟ୍ । ମାପୁ ତର୍ଦାଂ ଇନେର୍ ଖାନାରା, ହେୱାନ ଦନ୍ୟ; ଦନ୍ୟ ଇସ୍ତାଏଲ୍ନି ରାଜା ।”

୧୪ ଆରେ, ଜିସୁ ର ଗଦହିମ୍ଣା ଜପି କୁଟ୍ ଖାଜି ମାଚାନ୍, ଇଦାଂ ଦରମ୍ ସାସ୍ପୁରତ ଇନେସ୍ ଲେକା ଆତାଡ୍ନା,

୧୫ “ଏ ସିୟନ୍ନି ଗାଡ୍ ! ପାଣ୍ଡା ଆମା,

ହୁଡ୍ଡାଟ୍, ମି ରାଜା ଖାନାନା,

ହେୱାନ ଗଦ ହିମ୍ଣା ଜପି କୁଟି ଖାନାନା ।”

୧୬ ହେ ଚେଲାହିର୍ ପର୍ତ୍ତୁମ୍ ଇ ଖିଜୁ ବିସ୍ତେ ବୁଜା ଆଖାତାର୍, ମାତର୍ ଜିସୁ ଜାଜ୍ମାଲ୍ ପାୟା ଆତି ପାଚେ ଇ ଖିଜୁ ବିସ୍ତେ ଜେ ହେ ବିସ୍ତେ ଲେକା ଆଜି ମାଚାଡ୍, ଆରେ ହେଦାଂ କାଜିଂ ହେୱାର୍ ଜେ ଇ ଖିଜୁ କିଜି ମାଚାର୍, ହେଦାଂ ହେୱାର୍ ମାଡ୍ ଏଡୁଖାତାଡ୍ ।

୧୭ ଆରେ, ହେୱାନ ଲୀଜାରତିଂ ଦୁଗେର୍ତାଂ ହିର୍ବିସ୍ ହାତାକାର୍ ବିତ୍ତେ ନିଜ୍ନି ଖେଡାଲିଂ ଇମ୍ଣି ମାନାୟାର୍ ହେ ଲାହାଙ୍ଗ୍ ମାଚାର୍, ହେୱାର୍ ସାକି ହିଦେଂ ଲୀଗାତାର୍ । ୧୮ ଇଦାଂ କାଜିଂ ମାନାୟାର୍ ତାଙ୍ଗେଙ୍ଗ୍ ମିହାଆଦେଂ ହାଲ୍ଜି ମାଚାର୍, ଇନାକିଦେଂକି ହେୱାନ ଇ କାବାଆନି କାମାୟ୍ କିତାନ୍ନା ଇଞ୍ଜି ହେୱାର୍ ଖେନ୍ଞି ମାଚାର୍ । ୧୯ ହେବେତାଂ ପାରୁସିର୍ ହେଖେର୍ ହେୱାର୍ ଇନ୍ବା ଆତାର୍, “ହୁଡ୍ଡାଦେରା ତ, ଆପେଂ ଇନା କିଦେଙ୍ଗ୍ ଆଡୁପା ମା ଖିଜାର୍ ସେସ୍ତୁ କାମାୟ୍ ଆଉତା; ହୁଡ୍ଡାଟ୍, ପୁଟ୍ ଜାକ୍ ତା ପାଚେ ହାଚାଚେ ।”

ଜିସୁଙ୍ଗ୍ ଦାସ୍ତେଂ କେତେଜାଣ୍ ଗ୍ରିକ୍ ମାନାୟ୍

୨୦ ପାର୍ବୁ ସମୁତ ପ୍ରାର୍ଥାନା କିନି କାଜିଂ ଖାଜି ମାଚି ମାନାୟାର୍ ବିତ୍ତେ କେତେକ୍ ଗ୍ରିକ୍ ମାନାୟାର୍ ମାଚାର୍ । ୨୧ ହେୱାର୍ ଗାଲିଲିନି ବେତ୍ତସାଇଦାନିକାନ୍ ପିଲିପ୍ ତାକେ ଖାଜି ତାଙ୍ଗ୍ ଗଖାରି କିଜି ଇଚାର୍, “ମାପୁ, ଜିସୁଙ୍ଗ୍ ହୁଡ୍ଡେଂ କାଜିଂ ମା ଇଚା ।”

୨୨ ପିଲିପିପ ହାଲ୍ଜି ଆହିୟ୍ ଇଚାନ୍, ଆରେ ଆହିୟ୍ ଆରି ପିଲିପ୍ ହାଲ୍ଜି ଜିସୁଙ୍ଗ୍ ଖେର୍ଚାର୍ । ୨୩ ଜିସୁ ହେୱାର୍ ଉତର୍ ହିତାନ୍, “ମାନାୟ୍ ମାଜି ଜାଜ୍ମାଲ୍ ପାୟା ଆନି କାଜିଂ ସମୁ ଏକାଖାତାଡ୍ ।

୨୪ ହାଡ୍ପା ହାଡ୍ପା ମିଙ୍ଗେଙ୍ଗ୍ ଇଞ୍ଜନାଙ୍ଗା, ଗିମ୍ ମାଞ୍ଜି ଜଦି ଚିକ୍ଲା ଆଜ୍ ହାଡ୍ଡିସ୍, ତା ଆଡିସ୍ ହେଦାଂ ରଞ୍ଜି ମତର୍ ମାନ୍ଗାନାଡ୍ ମାତର୍ ଜଦି ହାନାଡ୍ ତା ଆଡିସ୍ ଆଦିକ୍ ପାଡ୍ ଆହ୍ନାଡ୍ । ୨୫ ଇନେର୍ ଜାର୍ ଜିବୁନ୍ତିଂ ଜିଉ ଗିଆନ୍ କିନାନ୍ । ହେଖେନ୍ ହେଦାଂ ଆରାୟ୍ କିନାନ୍, ଆରେ ଇନେର୍ ଜାର୍ ଜିବୁନ୍ତିଂ ଇ ପୁଟ୍ ତ ଗିଣ୍ କିନାନ୍, ହେୱାନ ହେଦାଂ ଖିଜ୍ଝି ଜିବୁନ୍ କାଜିଂ ରାକ୍ୟା କିନାନ୍ । ୨୬ ଇନେର୍ ଏଚେକାଡ୍ଦ ହେବା କାରିୟା, ଲାଗିଂ ହେୱାନ ନା ଲାହାଙ୍ଗ୍ ଖାୟେନ୍; ଆରେ ଆନେଙ୍ଗ୍ ଇମେତାକେ ମାନ୍ଗାନାଙ୍ଗ୍, ନା ହେବା କାରିୟା ପା ହେବେ ମାନ୍ଗାନାନ୍; ଇନେର୍ ଏଚେକାଡ୍ଦ ନାଙ୍ଗ୍ ହେବା କିଦ୍ନାନ୍, ଲାଗିଂ ଆବା ହେୱାନିଂ ସସ୍ କିନାନ୍ ।”

ଜିସୁତି ସଡ୍ ବେରଣ୍

୨୭ “ନଙ୍ଗ୍ ନା ଖାସ୍ତି ଦକ୍ଦକ୍ ଆଦ୍ନାତା, ଆରେ ଆନ୍ ଇନାକା କିନାଂ ? ବାଖା ନାଙ୍ଗ୍ ଇ ସମୁତାଂ ରାକ୍ୟା କିଦା ? ମାତର୍ ଇଦାଂ କାଜିଂ ତ ଆନ୍ ଇ ସମୁ ବିତ୍ତେ ଖାତାଂନା । ୨୮ ବାଖା, ଜାର୍ ତର୍ ଜାଜ୍ମାଲ୍ କିୟା ।”

ହେବେଣ୍ଡାଂ ବାଦାଡ୍ତାଂ ଇ ବେରଣ୍ ଆତାଡ୍, “ଆନ୍ ହେଦାଂ ପାଣ୍ କିତାଂନା, ଆରେ ରଗ ପାଣ୍ କିନାପ୍ ।”

୨୯ ଲାଗିଂ ଲାଗେ ନିଲ୍ଡି ମାନି ଲକୁ ଇଦାଂ ଖେନ୍ଞି, ବାଦାଡ୍ ଗାର୍ଜା ଆତାଡ୍ ଇଞ୍ଜି ଇଚାର୍ ବିନ୍ ଲଗ୍ ଇଚାର୍, “ରଞ୍ଜାନ୍ ଦୁଡ୍ ଇଖାନିଂ ବେଣ୍ ଇଚାଙ୍ଗ୍ନା ।”

୩୦ ଜିସୁ ଉତର ହିତାନ, “ନା କାଜିଂ ଇ ବେରଣ୍ ଆଖାତାତ୍ନା, ମତର୍ ମି କାଜିଂ ଆତାତ୍ନା । ୩୧ ନଙ୍ ଇ ପୁତର୍ ବିଚାର୍ଣ୍ଣା ଏକାଖାତାତ୍; ନଙ୍ ଇ ପୁତର୍ ନି ମୁଡ଼ଦାକାର୍ ବାର୍ତ୍ ତୁହିୟା ଆନାନ୍ । ୩୨ ଆରେ, ଆନ୍ ଜଦି ପୁତର୍ ତାଂ ଜପି ନିଙ୍ନାଂ, ତା ଆତିସ୍ ଝିଜାକାରିଂ ନିଜାର୍ ତାକେ ଜେଲ୍ନାଙ୍ ।” ୩୩ ହେଝାନ୍ ଇମ୍ଣି ବାନି ହାକି କିଦେଙ୍ ହାନାନା, ହେବେନି କାବୁଲ୍ ହିଜି ଇଦାଂ ଝେଚ୍ଚାନ ।

୩୪ ହେବେଣ୍ଟାଂ ମାନାୟାର୍ ତାଙ୍ ଉତର ହିତାର୍, “କ୍ରିସ୍ଟୁ ସବୁ ଦିନ୍ କାଜିଂ ମାନାନ୍ ଇଞ୍ଜି ଆପେଂ ମସାତି ବିଦିତାଂ ଝେଚ୍ଚାପ୍ନା, ବାଟିଙ୍ ମାନାୟ୍ ମାଜି ଆଞ୍ଜିତିସ୍ତା ଜପି ନିଂନାନ୍ ଇଞ୍ଜି ଏନ୍ ଇନେସ୍ ଇନାୟା ? ଇ ମାନାୟ୍ ମାଜି ଇନେର୍ ?”

୩୫ ହେବେଣ୍ଟାଂ ଜିସୁ ହେଝାରିଂ ଇଚାନ, “ଆରେ ଅଲପ୍ ସମ୍ ମତର୍ ଅଜଡ଼୍ ମି ବିତ୍ରେ ମାନାତ୍ । ମାଜଗା ଇନେସ୍ ମିଙ୍ ଚିଞ୍ଜେତ୍, ଇଦାଂ କାଜିଂ ମି ତାକେ ଅଜଡ଼୍ ମାନୁ ମାନୁ ବୁଲାରୁଲି କିୟାଟ୍; ଜେ ମାଜଗାତ ବୁଲାରୁଲି କିନାନ୍, ହେଝାନ୍ ଇମେତାକେ ହାନାନା, ହେଦାଂ ହେଝାନ୍ ପୁନୁନ୍ । ୩୬ ଏପେଙ୍ ଇନେସ୍ ଅଜଡ଼୍ନି ହିମ୍ଣାଂ ଆତ, ହେଦାଂ କାଜିଂ ଅଜଡ଼୍ ମି ତାକେ ମାନୁ ମାନୁ ଅଜଡ଼୍ ପାତର୍ କିୟାଟ୍ । ଜିସୁ ଇ ସବୁ କାତା ଇଞ୍ଜି ହାଚାନ ଆରି ହେଝାର୍ତାଂ ତୁରୁଜି ମାଚାନ ।”

ମାନାୟାର୍ ଜିସୁଙ୍ ପାତର୍ କିଞ୍ଜାକା

୩୭ ମାତର୍ ହେଝାର୍ ମୁମଦ ଇସ୍ବର୍ ଏଚେକ୍ କାବା କାମାୟ୍ କିଜି ମାଚାନ, ଆତିସ୍ପା ହେଝାର୍ ହେଝାନ୍ ତାକେ ପାତର୍ କିଞ୍ଜାଦାଂ ମାଚାର୍, ୩୮ ଇନେସ୍ କି ବେଶ୍ବାକ୍ଣାୟ୍ କିନାକାନ୍ ଜିସାୟ୍ତି କାଜିଂ ଲେକାଆତି ଇ ବଚନ୍ ପୁରାଆନାତ୍,

“ଏ ମାପୁ, ମା କାବୁର୍ ଝେନ୍ଞି ଇନେର୍ ପାତର୍ କିତାର୍ନା ?

ଆରେ ଇନେର୍ ମାପୁତି ମାରା ତାକେ ହତାତ୍ନା ?”

୩୯ ଇଦାଂ କାଜିଂ ଜିସାୟ୍ ଆରେ ଇନାନ୍ନା,

ହେଝାର୍ ପାତର୍ କିଦେଙ୍ ଆଡ଼ଝାଦାଂ ମାଚାର୍, ଲାଗିଂ ଜିସାୟ୍ ଆରେ ଇଚାଙ୍ନା,

୪୦ “ଜିସୁ ହେଝାର୍ତି କାଣ୍ କୁ କାଣା କିତାନ୍ନା,

ଆରେ ହେଝାର୍ତି ମାନ୍ ଆଡ଼ଝା କିତାନ୍ନା, ଇନେସ୍ ହେଝାର୍ କାଣ୍ କୁତାଂ ହୁଡ଼ଦେଂ ଆଡୁର୍

ଆରି ମାନ୍ତ ବୁଜା ଆଦେଂ ଆଡୁର୍, ଆରେ ମାସ୍ଦି ଝାଉର୍,

ଆରେ ଆପେଂ ହେଝାରିଂ ଉଜ୍ କିଉପ୍ ।”

୪୧ ଜିସାୟ୍ ଇ ସବୁ ଇଚାନ, ଇନାକିଦେଂକି ହେଝାନ୍ ହେ ଗାଜା ପାଣ୍ ହୁଡ଼ତାନ୍ ଆରେ ହେ ବିସ୍ପେ ଇଚାନ ।

୪୨ ଆତିସ୍ପା ମୁଡ଼ଦାକାର୍ ବିତ୍ରେ ପା ଆଦେକ୍ ତାତାକେ ପାତର୍ କିତାର୍, ମାତର୍ ଏଚେକାତ୍ବ କୁଚୁମ୍ ପାଗି ଆନାର୍, ପାଣ୍ଡୁତିଂ ଇଦାଂ କାଜିଂ ପାରୁସିର୍ କାଜିଂ ହେଦାଂ ମାନିକିଞ୍ଜାଦାଂ ମାଚାର୍, ୪୩ ଇନାକିଦେଂକି ହେଝାର୍ ଇସ୍ବର୍ତାଂ ପାଣ୍ ବାଟା ଇତିସ୍ ମାନାୟାର୍ତାଂ ଜାଜମାଲ୍ ଜିଉ ନତାନ୍ ।

ଜିସୁତି କାତାତାଂ ମାନାୟାରିଙ୍ ବିଚାର୍ କିନାତ୍

୪୪ ଜିସୁ ଗାଜା କାଟ୍ତାଂ ଇଚାନ, “ଇନେର୍ ନା ତାକେ ପାତର୍ କିତାର୍, ହେଝାନ୍ କେବଲ୍ ନା ତାକେ ପାତର୍ କିଉନ୍, ମତର୍ ନା ପଲ୍ଲିତି ହାଉକାର୍ତାକେ ପାତର୍ କିତାର୍; ୪୫ ଆରେ, ଜେ ନାଙ୍ ହୁଡ଼ଦାତାନ୍ନା, ହେଝାନ୍ ନା ପଲ୍ଲିତି ହାଉକାର୍ତି ପା ହୁଡ଼ତାନ୍ନା । ୪୬ ଆନ୍ ପୁତର୍ ତାକେ ଅଜଡ଼୍ ଆଜି ଝାତାଂନା, ଇନେର୍ ନା ତାକେ ପାତର୍ କିତାର୍, ହେଝାନ୍ ଇନେସ୍ ମାଜଗାତ ବାହା କିଉନ୍ । ୪୭ ଇନେର୍ ଜଦି ନା ବଚନ୍ ଝେନ୍ଞି ମାନିକିଉନ୍, ତା ଆତିସ୍ ଆନ୍ ତାଦାଙ୍ ବିଚାର୍ କିଉଙ୍; ଇନାକିଦେଂକି ଆନ୍ ଜଗତ୍ତାକେ ବିଚାର୍ କିଦେଙ୍ ଝାଞ୍ଜାଦାଂ ଇତିସ୍ ପୁତର୍ ତିଂ ମୁଲ୍ଲି କିଦେଙ୍ ଝାତାଂନା । ୪୮ ଜେ ନାଙ୍ ମୁନା କିଦ୍ନାର୍ ଆରି ନା ବଚନ୍ତିଂ ମାନିକିଉର୍, ନା ମୁମଦ ତା ବିଚାର୍ ଆନାତ୍; ଆନ୍ ଇମ୍ଣି ବଚନ୍ ଇଚାଙ୍ନା, ହେଦାଂ ହାରିହାରା ଦିନ୍ତ ହେଝାନ୍ତି ବିଚାର୍ଣ୍ଣା କିନାନ୍ । ୪୯ ଇନାକିଦେଂକି ଆନ୍ ନା ତାକେଣ୍ଟାଂ ଜାର୍ ଆଦିକାର୍ ତାଙ୍ ଇନ୍ଝାତାଂନା, ମତର୍ ଆନ୍ ଇନାକା ଇନାଂ ଆରି ଇନାକା ହପ୍ନାଂ, ହେଦାଂ ନା ପଲ୍ଲିତି ହାଉକାର୍ ବାଞ୍ଜା ନାଙ୍ଗେଙ୍ ବଲ୍ ହିଡ଼ତାନ୍ନା; ୫୦ ଇତିସ୍ ଆନ୍ ପୁନାଙ୍ ହେ ବଲ୍ ଝିଜ୍ଝି ଜିବୁନ୍ ହିଦ୍ନାନ୍ ମାଞ୍ଜିଆବା ନାଙ୍ଗେଙ୍ ଇନାକା ଇଞ୍ଜେଙ୍ ବଲ୍ ହିଡ଼ନା କେବଲ୍ ଏଚେକ୍ ଆନ୍ ଇନାଙ୍ ।”

୧୩

ଜିସୁ ତେଲାର୍ ପାନା ନୁଜ୍ଜି ହିତାନ୍

୧ ନିସ୍ବାର୍ ପାର୍ବୁ ଆନି ଆଗେ ଜିସୁ ଇ ପୁତର୍ ତାଂ ଆବା ତାକେ ଜାର୍ ହାନି ସମ୍ ଏକାଖାତାକା ପୁଞ୍ଜି, ପୁତର୍ ତ ମାନି ଜାର୍ନି ଇମ୍ଣି ମାନାୟାରିଂ ହେଝାନ୍ ଜିଉ ନଜି ଝାଜି ମାଚାନ, ହେଝାର୍ କାଜିଂ ବେସି ଜିଉନତାନ୍ ।

୨ ଆରେ, ନାଶାବଳି ସମୂହ, ଏଚେକାଡ଼ଦ ସୟତାନ୍ ସିମନ୍ତି ଇସ୍ତାରିୟତିୟ ମେହି ଜିହୁଦା ମାନତ ଜିସୁଙ୍କ ସତ୍ତ୍ୱ କେଇଦ ହେଲାୟ କିଦେଙ୍କ କାଜି କାବୁର୍ କିଜି ମାତାନ୍, ୩ ହେ ଏଚେକାଡ଼ଦ, ଆବା ଜେ ଝିଜୁ କେଇଦ ଝିଜୁ ବିସ୍ତେ ହେଲାୟ କିତାନ୍ନା ଆରି ହେଖାନ୍ ଜେ ଇସ୍ତରତାଂ ଖାତାନ୍ନା, ଆରେ ଇସ୍ତର ତାକେ ହାନାନା ଇଦାଂ ପୁଞ୍ଜି ମାତାନ୍, ୪ ଇଦାଂ ପୁଞ୍ଜି ହେଖାନ୍ ଚିଞ୍ଜେଙ୍କ କୁର୍ଚି ତାକେଣ୍ଡାଂ ନିଙ୍ଗିଜି ଜାର ହେୟା ଉନ୍ଦି ର ତୁଆଲ୍ ଅଜି ଜାର ମ୍ଲେଙ୍ଗାତ ଗାତ୍ୟା ଆତାନ୍ । ୫ ହେ ପାଚେ ହେଖାନ୍ ବାହାତ ଏଜୁଂ ଖାକ୍ତାନ୍, ଆରେ ଚେଲାଚ୍ଚି ପାନାଙ୍ଗ ନୁସ୍ତି ଜାର ମ୍ଲେଙ୍ଗାତ ଗାତ୍ୟା ଆଜି ମାଚି ତୁଆଲ୍ ହୁଦାଂ ନେନ୍ଦେଂ ଲାଗାତାନ୍ । ୬ ଜିସୁ ସିମନ୍ ପିତର୍ ତାକେ ଖାତାନ୍; ଇନେନ୍ ତାଙ୍ଗେଙ୍କ ଇଚାନ୍, “ମାପୁ, ଏନ୍ ଇନାକା ନା ପାନା ନୁଜ୍ଦାତାଈନା ?”

୭ ଜିସୁ ତାଙ୍ଗେଙ୍କ ଉତର୍ ହିତାନ୍, “ଆନ୍ ଇନାକା କିନାଙ୍ଗା, ହେଦାଂ ନଙ୍ଗ ପୁନୁଦେର୍, ମାତର୍ ପାଚେ ବୁଜାନାଦେର୍ ।”

୮ ପିତର୍ ହେଖାନ୍ ଇଚାନ୍, “ଏନ୍ ମୁଡ଼କେ ଇନାଖାଡ଼ାଂ ପା ନା ପାନା ନୁଜ୍ଜି ହିଦୁୟ ।” ଜିସୁ ତାଙ୍ଗେଙ୍କ ଉତର୍ ହିତାନ୍, “ଜଦି ଆନ୍ ମିଙ୍ଗ ନୁସ୍ତିଝିତିସ୍, ତା ଆତିସ୍ ନା ହୁକେ ମିଦାଙ୍ଗ ଇନାକା ବାଗ୍ ହିଲୁଡ଼ ।”

୯ ସିମନ୍ ପିତର୍ ତାଙ୍ଗେଙ୍କ ଇଚାନ୍, “ମାପୁ, କେବଲ୍ ନା ପାନା ଆକାୟ, ମତର୍ ନାଦାଂ କେଇ ଆରି କାପ୍ଡା ପା ।”

୧୦ ଜିସୁ ତାଙ୍ଗେଙ୍କ ଇଚାନ୍, “ଇନେନ୍ ଇବାତାନ୍ନା, ହେଖାନ୍ତି ପାନା ନୁସ୍ତି ପିସ୍ତି ଆରେ ଇନାକା ଲଡ଼ା ଆକାୟ, ହେଖାନ୍ ହାତେ ସକର୍; ଏପେଙ୍ଗ ସକର୍ କାଦେର୍, ମାତର୍ କେବଲ୍ ରକାନ୍ ଆକାୟ ।”

୧୧ ଇନାକିଦେଂକି ଇନେର୍ ତାଙ୍ଗେଙ୍କ ସତ୍ତ୍ୱ କେଇଦ ହେଲାୟ କିନାନ୍, ଜିସୁ ହେଖାନ୍ ପୁଞ୍ଜି ମାତାନ୍; ପାଚେ ହେଖାନ୍ ଇଚାନ୍, “ଏପେଙ୍ଗ ରଖାନ୍ ପିସ୍ତି ଝିଜାକାଦେର୍ ସକର୍ ।”

୧୨ ହେ ପାଚେ ଜିସୁ ହେଖାଚ୍ଚି ପାନା ନୁଜ୍ଜି ହିଜି ଜାର ହେୟା ଉସ୍ତିସ୍ ଆରେ ରଗ ଜାର ଗାଦିତ କୁର୍ଚି ପାଚେ ହେଖାରିଂ ଝେନ୍ଦାତାନ୍, “ଆନ୍ ମି କାଜିଂ ଇନାକା କିତାଂନା, ହେଦାଂକି ଏପେଙ୍ଗ ବୁଜା ଆତାଦେଣ୍ଡା ?”

୧୩ “ଏପେଙ୍ଗ ନାଙ୍ଗେଙ୍କ ଗୁରୁ ଆରି ମାପୁ ଇଞ୍ଜି କୁଞ୍ଚାନାଦେରା, ଆରେ ହାଡ଼ପା ଇନାଦେରା; ଇନାକିଦେଂକି ଆନ୍ତ ହେଖାଙ୍ଗ ।” ୧୪ ଆରେ, ମାପୁ ଆରି ଗୁରୁ ଜେ ମିଖାଙ୍ଗ ଆନ୍, ଆନ୍ ଜଦି ମିଖାଙ୍ଗ ପାନା ନୁଜ୍ଜି ହିଡ଼ତାଂନା, ତେବେ ମିଦାଙ୍ଗ ପା ରକାନ୍ ଆରେ ରକାନ୍ତି ପାନା ନୁସ୍ତିନାକା ଲଡ଼ା । ୧୫ ଇନାକିଦେଂକି ମି କାଜିଂ ଆନ୍ ଇନେସ୍ କିତାଂନା, ଏପେଙ୍ଗ ପା ହେ ଲାକେ କିୟାର୍, ଇଦାଂ କାଜିଂ ଆନ୍ ମିଙ୍ଗେଙ୍କ ର ଉତର୍ମୁଡ଼ ଚର୍ଚାତାଂନା । ୧୬ ହାଡ଼ପା ହାଡ଼ପା ଆନ୍ ମିଙ୍ଗେଙ୍କ ଇଞ୍ଜନାଙ୍ଗା, ଆଡ଼ିଏନ୍ ଜାର ହାଉକାର୍ତାଂ ଆଦେକ୍ ମୁଡ଼ଦାକାନ୍ ଆକାୟ, ଆଡ଼ିତିସ୍ ପକ୍ୟାତାକାର୍ ଜାର ପକ୍ତାକାନ୍ତାଂ ମୁଡ଼ଦାକାନ୍ ଆକାୟ । ୧୭ ନଙ୍ଗ ଏପେଙ୍ଗ ଇ ସଡ଼ ପୁଚାଦେର୍ଚି, ତେବେ ହେ ଲାକେ କିତିସ୍ ଏପେଙ୍ଗ ଦନ୍ୟ ।

୧୮ “ଆନ୍ ମିଙ୍ଗ ଝିଜାକାର୍ ବିସ୍ତେ ଆନ୍ ଇ କାତା ଇଞ୍ଜୁଙ୍ଗା; ଆନ୍ ଇମଣାକାରିଂ ବାଚି କିତାଙ୍ଗନା, ହେଖାରିଂ ଆନ୍ ପୁନାଙ୍ଗ ମାତର୍ ସାସ୍ତରନି ଇ ବଚନ୍ ହାଡ଼ପା ସଡ଼ ଆନାଡ଼ । ହେବେ ଏଲେଙ୍ଗ ଗିଟାନାତା, ଇନେନ୍ ନା ଆରାଣ୍ଡ ତିନାନ୍, ହେଖାନ୍ ନା ବିରୁଦ୍ଧ ଲାଡ଼ ତଗ୍ନାନ୍ । ୧୯ ହେଦାଂ ଗିଟାନି ସମୂହ, ଆନ୍ ହେଖାନ୍ନେ ଇଞ୍ଜି ଏପେଙ୍ଗ ଇନେସ୍ ପାଚି କିନାଦେର୍, ଇଦାଂ କାଜିଂ ହେଦାଂ ଗିଟାଆନି ଆଗେ ଆନ୍ ନଙ୍ଗ ମିଙ୍ଗ ଝେଚ୍ଚଚାନାଙ୍ଗା ଆନ୍ ଜେ ହେଖାଙ୍ଗ । ୨୦ ହାଡ଼ପା ହାଡ଼ପା ଆନ୍ ମିଙ୍ଗ ଝେଚ୍ଚଚାନାଙ୍ଗା, ଇନେର୍ ନା ପକ୍ତି ଲଗାଂ ଇଚ୍ଚନାର୍, ହେଖାର୍ ନାଙ୍ଗ ଇଡ଼ଦାନାର୍ ଆରି ଇନେର୍ ନାଙ୍ଗ ଇଡ଼ଦାନାର୍, ହେଖାନ୍ ନାଙ୍ଗ ପକ୍ତି ହାଉକାର୍ତିଂ ଇଚ୍ଚନାର୍ ।”

ବିସାସ୍ତାକେ ବିସ୍ତ୍ରିନାକା ବିସ୍ତେ ଜିସୁ ପୁଚାନ୍
(ମାତିଉ ୨୨:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜିସୁ ଇ ଝିଜୁ କାତା ଝେଚ୍ଚି ପାଚେ ଜିବୁଡ଼ ଦୁକ୍ କିତାନ୍ ଆରି ଚଞ୍ଜିୟାଆଜି ସାକି ହିଜି ଇଚାନ୍, “ହାଡ଼ପା ହାଡ଼ପା ଆନ୍ ମିଙ୍ଗ ଇଞ୍ଜନାଙ୍ଗା, ମି ବିତ୍ରେ ରକାନ୍ ନାଙ୍ଗ ସତ୍ତ୍ୱ କେଇଦ ହେଲାୟ କିଦ୍ନାନ୍ ।”

୨୨ ଜିସୁ ହେ ବିସ୍ତେ ଝେଚ୍ଚଚାନ୍, ହେ ବିସ୍ତେ ବୁଦି ବାମଣ୍ଡା ଆଜି ଚେଲାଚ୍ଚି ହାରି ହୁଡ଼କାଆଦେଂ ଲାଗାତାର୍ । ୨୩ ଜିସୁ ଚେଲାଚ୍ଚି ବିତ୍ରେ ରଖାନ୍ ଇନେରିଂ ଜିସୁ ଜିଉନଜି ମାତାନ୍ ହେଖାନ୍ ଜିସୁ ତିନାବାଗାଂ କୁର୍ଚି ତିନ୍ତି ମାତାନ୍ । ୨୪ ଇତିସ୍ ସିମନ୍ ପିତର୍ ହେଖାନ୍ ଚର୍ଚି କିଜି ଇଚାନ୍, “ହେଖାନ୍ ଇନେର୍ କାତା ଇନାନ୍ନା, ହେଦାଂ ଝେନ୍ଦାଚ୍ ।”

୨୫ ହେଖାନ୍ ହେ ଲାକେ କୁର୍ଚି ମାନ୍ଞି ଜିସୁ ନେଞ୍ଜେତାକିତ ଇଡ଼ିୟା ଆଜି ତାଙ୍ଗେଙ୍କ ଝେନ୍ଦାତାନ୍, “ମାପୁ, ହେଖାନ୍ ଇନେର୍ ?”

୨୬ ଲାଗିଂ ଜିସୁ ଉତର୍ ହିତାନ୍, “ଇନେର୍ କାଜିଂ ଆନ୍ ଇ ରୁଚି ରଞ୍ଜି କୁକ୍ନାଂ ଆରି ଇନେରିଂ ହେଦାଂ ହିନାଂ, ହେଖାନ୍ ।” ହେବେ ହେଖାନ୍ ହେ ରୁଚିଂ କୁକ୍ଚି ହେଦାଂ ଅଜି ସିମନ୍ ଇସ୍ତାରିୟତିୟ ମେହି ଜିହୁଦାଙ୍ଗ

☆ ୧୩:୧୭ ୧୩:୧୭ ମାତିଉ ୧୦:୨୪; ଲୁକ ୬:୪୦; ଜହନ୍ ୧୫:୨୦. ☆ ୧୩:୨୦ ୧୩:୨୦ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭.

ହିତାନ୍ । ୨୭ ହେୱାନ୍ ରୁଚି ପାୟା ଆତି ପାଚେ ସୟତାନ୍ ତାଙ୍ଗ ବିତ୍ରେ ହଟାଡ଼ । ହେବେ ଜିସୁ ତାଙ୍ଗ ଇଚାନ୍, “ଇନାକା କିନାକା ମାନାଡ଼, ହେଦାଂ ବେଗି କିୟା ।” ୨୮ ମାତର୍ ହେୱାନ୍ ତା ଇଦାଂ ଇନାକିଦେଂ ଇଚାନ୍ ତାଙ୍ଗ ଇ କାତା ଇଞ୍ଜି ମାଚାନ୍, ହେଦାଂ ତିଞ୍ଜେଙ୍ଗ କୁଚ୍ଚି ମାଚି ଲକୁ ବିତ୍ରେ ଇନେର୍ ପୁନ୍‌ଖାତାର୍ । ୨୯ ଇନାକିଦେଂକି ଜିହୁଦା ତାକେ ତାରୁଙ୍ଗମଣା ମାଚିଲେ, ପାରୁଁ କାଜିଂ ଇନା ଇନାକା ଲଡ଼ା, ହେଦାଂ କଡ଼ଦେଂ ଆଞ୍ଜିତିସ୍ ଅକର୍ ତାରିଂ ଅଲପ୍ ଦାନ୍ ହିଦେଂ ଜିସୁ ତାଙ୍ଗ ଇଚାନ୍ ଇଞ୍ଜି ଇନେ ଇନେର୍ ବାବି କିତାର୍ ।

୩୦ ତା ପାଚେ ଇସ୍ପାରିୟତିୟ ହେୱାନ୍ ରୁଚି ତିନ୍‌ଞ୍ଜି ହେୱାନ୍ ହେ ସାଙ୍ଗେ ହସି ହାଚାନ୍, ହେ ଏଚେକାଡ଼ଦ ନାଣା ସମ୍ ।

ଜିସୁତି ପୁନି ବଲ୍

୩୧ ହେୱାନ୍ ହସି ହାଚି ପାଚେ ଜିସୁ ଇଚାନ୍, “ନଙ୍ଗ ମାନାୟ ମାଜି ଜାଜମାଲ୍ ପାୟା ଆତାନ୍ ଆରି ତା ତାକେ ଇସ୍ପର୍ ପା ପାଦ୍‌ପାୟାଆତାନ୍ । ୩୨ ଜଦି ଇସ୍ପର୍ ତା ତାକେ ପାଦ୍‌ପାୟାଆତିସ୍, ତେବେ ଇସ୍ପର୍ ପା ତାଙ୍ଗେଙ୍ଗ ଜାଚ୍‌ତାକେ ପାଦ୍ ପାୟାନାକା କିନାନ୍, ଆରେ ବେଗି ହେୱାନ୍ ଜାଜମାଲ୍ କିନାନ୍ ।” ୩୩ ଜିସୁ ଇଚାନ୍ “ଏ ବପାର୍,” ଆନ୍ ଆରେ ଅଲପ୍ ସମ୍ ମି ହୁକେ ମାନାଂ । ଏପେଙ୍ଗ ନାଙ୍ଗ୍ ତେଲ୍‌ନାଦେର୍; ଆରେ, ଆନ୍ ଇମ୍‌ଣି ବାହାତ ହାନାଙ୍ଗା, ଏପେଙ୍ଗ୍ ହେ ବାହାତ ହାଞ୍ଜେଙ୍ଗ୍ ଆତୁଦେର୍, ଇଦାଂ ଆନ୍ ଇନେସ୍ ଜିହୁଦି ନେତାର୍ ଇଚାର୍, ହେ ଲାକେ ନଙ୍ଗ୍ ଏପେଙ୍ଗ୍ ପା ଇନାଦେରା । ୩୪ “ଏପେଙ୍ଗ୍ ରକାନ୍ ଆରେ ରକାନ୍ ଜିଉନ‌ଖାଟ୍, ଇ ପୁନି ବଲ୍ ଆନ୍ ମିଙ୍ଗ୍ ହିଦ୍‌ନାଙ୍ଗା; ଆନ୍ ଇନେସ୍ ମିଙ୍ଗ୍ ଜିଉ ନଡ଼ତାଂନା, ଏପେଙ୍ଗ୍ ପା ହେ ଲାକେ ରକାନ୍ ଆରେ ରକାନ୍ ଜିଉନ‌ନାକା ମାନାଡ଼ । ୩୫ ଜଦି ମିଦାଙ୍ଗ୍ ରକାନ୍ ଆରେ ରକାନ୍ ତାକେ ଜିଉନ‌ବାନାକା ମାଚିସ୍, ତା ଆତିସ୍ ଏପେଙ୍ଗ୍ ଜେ ନା ଚେଲା, ଇଦାଂ ଓଜାକାର୍ ହେଦାଂ ପୁଞ୍ଜେଙ୍ଗ୍ ଆଡ଼ନାର୍ ।”

ପିତର୍ ପାତର୍ କିଞ୍ଜି ବିସ୍ତେ

(ମାତିଉ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ୍ ପିତର୍ ତାଂ ଷ୍ଟେନ୍‌ବାତାନ୍, “ମାପୁ, ଏନ୍ ଇମେତାକେ ହାନାୟା ?” ଜିସୁ ଉତର୍ ହିତାନ୍, “ଆନ୍ ଇମେତାକେ ହାନାଙ୍ଗା, ଏପେଙ୍ଗ୍ ନଙ୍ଗ୍ ନା ପାଚେ ପାଚେ ହାଞ୍ଜେଙ୍ଗ୍ ଆତୁଦେର୍ ? ଆନ୍ ନି କାଜିଂ ଜାର୍ ଜିବୁନ୍ ହିନାଙ୍ଗ୍ ।”

୩୭ ପିତର୍ ହେୱାନ୍ ଷ୍ଟେନ୍‌ବାତାନ୍, “ମାପୁ, ଆନ୍ ନଙ୍ଗ୍ ଇନେକିଦେଂ ନି ପାଚେ ପାଚେ ହାଞ୍ଜେଙ୍ଗ୍ ଆତୁଙ୍ଗ ? ଆନ୍ ନି କାଜିଂ ଜାର୍ ଜିବୁନ୍ ହିଦେଂ ଆଡ଼ନାଂ ।”

୩୮ ଜିସୁ ଉତର୍ ହିତାନ୍, “ଏନ୍ ଇନାକା ନା କାଜିଂ ଜାର୍ ଜିବୁନ୍ ହିନାୟ ? ହାଡ଼ପା ହାଡ଼ପା ଆନ୍ ନିଙ୍ଗେଙ୍ଗ୍ ଷ୍ଟେର୍‌ଚାନାଙ୍ଗା, ଗାଞ୍ଜା କୁଜୁ ଚ୍ଟେନିହିଂ ଏନ୍ ନାଙ୍ଗ୍ ତିନିହର୍ ପାତର୍ କିବୁୟ ।”

୧୪

ଇସ୍ପର୍ ନେ ହାଜି

୧ “ମି ମାନ୍ ବିଲ୍‌କି ଆମେଡ଼, ଏପେଙ୍ଗ୍ ଇସ୍ପର୍ ତାକେ ପାତର୍ କିୟାଟ୍, ନା ତାକେ ପା ପାତର୍ କିୟାଟ୍ ।” ୨ ନା ଆବାର୍ ଇଞ୍ଜି ଜବର୍ ବାହାଂ ମାନିଂ; ଜଦି ହଲ୍‌ଞ୍ଜିତିସ୍, ତା ଆତିସ୍ ଆନ୍ ମିଙ୍ଗେଙ୍ଗ୍ ଷ୍ଟେର୍‌ଚାତାଂମା, ଆନ୍ ମି କାଜିଂ ବାହା ଜାଲ୍‌ଦି କିଦେଙ୍ଗ୍ ହାନାଙ୍ଗା; ୩ ଆରେ, ଆନ୍ ହାଲ୍‌ଜି ମି କାଜିଂ ବାହା ଜାଲ୍‌ଦି କିତିସ୍ ଆରେ ରଗ ଖାନାଙ୍ଗ୍, ଆରେ ଆନ୍ ଇମ୍‌ଣି ବାହାତ ମାନାଂ, ଏପେଙ୍ଗ୍ ପା ଇନେସ୍ ହେ ବାହାତ ମାନାଦେର୍, ହେଦାଂ କାଜିଂ ମିଙ୍ଗ୍ ଜାର୍‌ତାକେ ଅଜି ହାଞ୍ଜନାଂ । ୪ ଆରେ, ଆନ୍ ଇମ୍‌ଣି ବାହାତ ହାନାଙ୍ଗା, ହେ ହାଜି ଏପେଙ୍ଗ୍ ପୁନାଦେର୍ ।

୫ ତମା ଜିସୁଙ୍ଗ୍ ଷ୍ଟେନ୍‌ବାତାନ୍, “ମାପୁ, ଏନ୍ ଇମ୍‌ଣି ବାହାତ ହାନାୟା, ହେଦାଂ ଆପେଂ ପୁନୁପ; ହାଜି ଇନେସ୍ ପୁଞ୍ଜେଙ୍ଗ୍ ଆଡ଼ନାପ୍ ?”

୬ ଜିସୁ ତାଙ୍ଗ ଇଚାନ୍, “ଆନ୍ ହାଜି, ହାଡ଼ପା ଆରି ଜିବୁନ୍; ନା ହିଜି ହାଲ୍‌ଞ୍ଜିତିସ୍ ଇନେର୍ ଆବା ତାକେ ହାଲୁନ୍ । ୭ ଜଦି ଏପେଙ୍ଗ୍ ନାଙ୍ଗ୍ ପୁଞ୍ଜିମାଞ୍ଜିସ୍, ତା ଆତିସ୍ ନା ଆବାଂ ପା ପୁଚାଦେର୍ମା; ନଙ୍ଗ୍ ତାଙ୍ଗ୍ ତାଙ୍ଗେଙ୍ଗ୍ ପୁନାଦେରା ଆରି ତାଙ୍ଗ୍ ହୁଡ଼ତାଦେର୍ଣ୍ଣା ।”

୮ ପିଲିପ୍ ଜିସୁଙ୍ଗ୍ ଇଚାନ୍, “ମାପୁ, ମାଙ୍ଗେଙ୍ଗ୍ ଆବାଂ ଚଞ୍ଜୟା ଆୟିକିଦା, ହେଦାଂ ମା କାଜିଂ ସାରି ।”

୯ ଜିସୁ ହେୱାନ୍ ଇଚାନ୍, “ପିଲିପ୍, ଏଚେକ୍ ଦିନ୍ ଆନ୍ ମି ହୁଦାଂ ମାନାଙ୍ଗା, ଆରେ ଏନ୍ ଇନାକା ନାଙ୍ଗ୍ ପୁଞ୍ଜିଖାତାଦେର୍ ? ଇନେର୍ ନାଙ୍ଗ୍ ହୁଡ଼ତାତାନ୍‌ନା, ହେୱାନ୍ ଆବାଂ ହୁଡ଼ତାନ୍‌ନା; ମାଙ୍ଗେଙ୍ଗ୍ ଆବାଂ ଚଚିକିଦା ଇଞ୍ଜି ଏପେଙ୍ଗ୍ ଇନେସ୍ ଇନାଦେରା ?

☆ ୧୩:୩୩ ୧୩:୩୩ ଜହନ୍ ୭:୩୪.

୧୦ ଆନ୍ ଜେ ଆବା ତାକେ ମାନା ଆରି ଆବା ନା ତାକେ ମାନାନ୍, ଇ କାତା ଇନାକା ପାତର୍ କିଉଦେରା ? ଆନ୍ ମିଙ୍ଗ୍ ଜେ ଝିଲୁ ବଚନ୍ ଇନାତ୍,” ହେ ସବୁ ନା ଜାର୍ତା ଇନୁଙ୍ଗ୍, “ମାତର୍ ଆବା ନା ତାକେ ମାନୁଞ୍ଜି ଜାର୍ କାମାୟ୍ କିନାନା । ୧୧ ଆନ୍ ଜେ ଆବା ତାକେ ମାନା ଆରି ଆବା ଜେ ନା ତାକେ ମାନାନ୍, ନା ଇ କାତା ପାତର୍ କିୟାଟ୍, ଆଞ୍ଜିତିସ୍ ନା କାମାୟ୍ ହୁଡ୍ଜି ପାତର୍ କିୟାଟ୍ । ୧୨ ହାତ୍ପା ହାତ୍ପା ଆନ୍ ମିଙ୍ଗ୍ ଇଞ୍ଜନାଙ୍ଗା, ନା ତାକେ ଇନେର୍ ପାତର୍ କିତାର୍, ଆନ୍ ଇମ୍ଫି ଇମ୍ଫି କାମାୟ୍ କିନାଙ୍ଗା, ହେଞ୍ଜାନ୍ ପା ହେ ସବୁ କିନାନ୍, ଆରେ ହେ ସବୁ ବାଟା ଆଦିକ୍ ଗାଜା କାମାୟ୍ କିନାନ୍, ଇନାକିଦେଂକି ଆନ୍ ଆବା ତାକେ ହାନାଙ୍ଗା । ୧୩ ଆରେ, ଆବା ଇନେସ୍ ମାଜି ତାଙ୍ଗ୍ ଜାଜ୍ମାଲ୍ ପାୟା ଆନାନ୍, ଇଦାଂ କାଜିଂ ଏପେଙ୍ଗ୍ ନା ତର୍ଦ ଇନାକା ପା ଏଞ୍ଜିତିସ୍, ହେଦାଂ ଆନ୍ ହିଦ୍ନାଂ । ୧୪ ଜଦି ଏପେଙ୍ଗ୍ ନା ତର୍ଦ ଇନାକାପା ବିସ୍ତେ ନାଙ୍ଗ୍ ଏଞ୍ଜାନାଦେର୍, ଆନ୍ ହେଦାଂ କିନାଙ୍ଗ୍ ।”

ପୁଇପୁୟା ଜିବୁନ୍ ଦାନନି ବେଣ୍ଡିନାକା

୧୫ “ଜଦି ଏପେଙ୍ଗ୍ ନାଙ୍ଗ୍ ଜିଉନଦ୍ନାଦେର୍, ତା ଆତିସ୍ ନା ବଲ୍ ସବୁ ମାନିକିନାଦେର୍ । ୧୬ ଆରେ, ଆନ୍ ଆବାଂ ଗଞ୍ଜାରି କିନାଂ, ଆରେ ମି ହୁଦାଂ ସବୁ ଦାନ୍ ମାନି କାଜିଂ ହେଞ୍ଜାନ୍ ମିଙ୍ଗ୍ ଆରେ ରକାନ୍ ଉପକାର୍ କିଦ୍ନାକାନି ହିଦ୍ନାନ୍, ୧୭ ହେଞ୍ଜାନ୍ ଆନାନା ହାତ୍ପାନି ଜିବୁଞ୍ଜି ହିଦ୍ନାନ୍ । ପୁତର୍ ତାଙ୍ଗ୍ ଇଡ୍ଦେଂ ଆଡୁଡ୍, ଇନାକିଦେଂକି ପୁତର୍ ତାଙ୍ଗ୍ ହୁଡ୍ତୁ କି ପୁନୁଡ୍; ମାତର୍ ଏପେଙ୍ଗ୍ ତାଙ୍ଗ୍ ପୁନାଟ୍, ଇନାକିଦେଂକି ହେଞ୍ଜାନ୍ ମି ହୁକେ ମାନ୍ଗାନାନ୍, ଆରେ ହେଞ୍ଜାନ୍ ମି ଖାସ୍ତିତ ମାନ୍ଗାନାନ୍ ।”

୧୮ “ଆନ୍ ହାତି ପାଟେ ମିଙ୍ଗ୍ ଚୁରା ହିମଣା କିଜି ପିସ୍ତ୍ର ହାଞ୍ଜୁଙ୍ଗ୍, ଆନ୍ ମି ତାକେ ମାସ୍ତି ଖାନାଙ୍ଗ୍ । ୧୯ ଅଲପ୍ ମାତର୍ ସମ୍ ମାନାତ୍, ପୁତର୍ ନାଙ୍ଗ୍ ଆରେ ହୁଡ୍ତୁଡ୍; ମତର୍ ଏପେଙ୍ଗ୍ ନାଙ୍ଗ୍ ହୁଡ୍ଦାନାଦେର୍, ଇନାକିଦେଂକି ଆନ୍ ଜିତାକାଂ, ଏପେଙ୍ଗ୍ ପା ଜିତାକାଦେର୍ ମାନାଦେର୍ । ୨୦ ଆନ୍ ଜେ ନା ଆବା ତାକେ ଆରେ ଏପେଙ୍ଗ୍ ଜେ ନା ତାକେ ଆରି ଆନ୍ ମି ତାକେ ମାନାଂ, ଇଦାଂ ହେ ଦିନ୍ ଖାତିସ୍ ଏପେଙ୍ଗ୍ ପୁନାଦେର୍ ।”

୨୧ “ଇନେର୍ ନା ବଲ୍ ସବୁ ଝେନ୍ଞି ମାନିକିନାର୍, ହେଞ୍ଜାନ୍ ନାଙ୍ଗ୍ ଜିଉ ନଦ୍ନାନ୍, ଆରେ ଇନେର୍ ନାଙ୍ଗେଙ୍ଗ୍ ଜିଉ ନଦ୍ନାନ୍, ନା ବାଞ୍ଜା ତାଙ୍ଗ୍ ଜିଉ ନନାନ୍, ଆରେ ଆନ୍ ହେଞ୍ଜାନିଂ ଜିଉ ନନାଂ ଆରି ତା ଲାଗାଂ ଜାର୍ତିଂ ହପ୍ନାଙ୍ଗ୍ ।”

୨୨ ଜିହୁଦା, ଇସ୍ପାରିୟତିୟ ଜିହୁଦା ହିଲ୍ଖାତାନ୍ ହେଞ୍ଜାନିଂ ଝେନ୍ବାତାନ୍, “ଏ ମାପୁ, ଇଦାଂ ଇନେସ୍ ଆନାତ୍ ? ଜାର୍ତିଂ ପୁତର୍ ତାକେ ଝେର୍ଯ୍ୟାଞ୍ଜାଦାଂ ମା ତାକେ ଇନେସ୍ ହପ୍ନାଦେର୍ ?”

୨୩ ଜିସୁ ହେଞ୍ଜାନିଂ ଉତର୍ ହିତାନ୍, “ଜଦି ଇନେର୍ ନାଙ୍ଗ୍ ଜିଉନଦ୍ନାନ୍, ତା ଆତିସ୍ ହେଞ୍ଜାନ୍ ନା ବଚନ୍ ମାନିକିନାନ୍, ଆରେ ନା ଆବା ହେଞ୍ଜାନିଂ ଜିଉ ନନାନ୍, ଆରେ ଆପେଂ ହେ କଚଣ୍ ଖାଜି ଆବା ଆରି ଆନ୍ ବାହା କିନାପ୍ । ୨୪ ଇନେର୍ ନାଙ୍ଗ୍ ଜିଉ ନଦ୍ନାନ୍, ହେଞ୍ଜାନ୍ ନା ବଚନ୍ ମାନିକିଉନ୍, ଆରେ ଇମ୍ଫି ବଚନ୍ ଏପେଙ୍ଗ୍ ଝେନାଦେରା, ହେଦାଂ ନାଦାଂ ଆକାୟ୍, ମତର୍ ନା ପଞ୍ଜିତି ମୁଣିକା ଆବାତି ।”

୨୫ “ଆନ୍ ମି ଲାହାଙ୍ଗ୍ ମାନ୍ଞି ମାନ୍ଞି ମିଙ୍ଗ୍ ଇ ଝିଲୁ କାତା ଇନ୍ଞାଙ୍ଗ୍ନା । ୨୬ ହେ ଉପକାର୍ କିଦ୍ନାକାନ୍, ଇତିସ୍ ଇମ୍ଫି ପୁଇପୁୟା ଜିବୁନ୍ତିଂ ବାଞ୍ଜା ନା ତର୍ଦ ପଞ୍ଜାନାନ୍, ହେଞ୍ଜାନ୍ ମିଙ୍ଗ୍ ଝିଲୁ ବିସ୍ତେ ହିକ୍ୟା ହିଦ୍ନାନ୍, ଆରେ ଆନ୍ ମିଙ୍ଗ୍ ଇନା ଇନାକା ଇଞ୍ଜାଙ୍ଗ୍ନା, ହେ ସବୁ ମିଙ୍ଗେଙ୍ଗ୍ ଏଡୁକିୟ୍ କିଦ୍ନାନ୍ ।”

୨୭ “ଆନ୍ ମିଙ୍ଗ୍ ନା ସୁସ୍ତା ହିଜି ହାନାଙ୍ଗା, ନା ଜାର୍ତି ସୁସ୍ତା ମିଙ୍ଗ୍ ଦାନ୍ କିଦ୍ନାଙ୍ଗା; ପୁତର୍ ଇନେସ୍ କି ଦାନ୍ କିଦ୍ନାତ୍, ଆନ୍ ମିଙ୍ଗ୍ ହେ ଲାକେ ଦାନ୍ ହିଦୁଙ୍ଗା । ମି ମାନ୍ ଦୁକ୍ କି ପାଣ୍ଡା ଆମେଡ୍ ।”

୨୮ “ଆନ୍ ଜେ ହାନାଙ୍ଗା ଆରି ମି ତାକେ ମାସ୍ତି ଖାନାଙ୍ଗ୍, ନା ଇ କାତା ତ ଝେରାଦେଣ୍ଡା । ଜଦି ଏପେଙ୍ଗ୍ ନାଙ୍ଗ୍ ଜିଉନଜି ମାନ୍ଞିସ୍, ତା ଆତିସ୍ ଆନ୍ ନା ଆବା କଚଣ୍ ହାନାଙ୍ଗା ଇଞ୍ଜି ଖାରି କିତାଦେର୍ମା, ଇନାକିଦେଂକି ବାଞ୍ଜା ନା ତାଙ୍ଗ୍ ଗାଜାକାନ୍ । ୨୯ ଆରେ, ହେଦାଂ ଗିଟାଆନି ସମୁତ ଏପେଙ୍ଗ୍ ଇନେସ୍ ପାତର୍ କିନାଦେର୍, ଇଦାଂ କାଜିଂ ହେଦାଂ ଗିଟାଆନି ଆଗେ ଆନ୍ ନଙ୍ଗ୍ ମିଙ୍ଗ୍ ଝେର୍ଚାତାଂନା । ୩୦ ଆନ୍ ମି ଲାହାଙ୍ଗ୍ ଆରେ ଆଦିକ୍ ସମ୍ କାତାବାର୍ତା କିଦୁଙ୍ଗ୍, ଇନାକିଦେଂକି ପୁତର୍ ନି ମୁଡ୍ଦାକାନ୍ ଖାନାନା; ଆରେ, ନା ତାକେ ତାଦାଙ୍ଗ୍ ଇନାକା ହିଲୁଡ୍; ୩୧ ମାତର୍ ଆନ୍ ଜେ ବାଞ୍ଜାଙ୍ଗ୍ ଜିଉ ନନାଂ ଆରି ବାଞ୍ଜାତି ବଲ୍ ଲାହାଂ କାମାୟ୍ କିନାଙ୍ଗ୍, ଇଦାଂ ଇନେସ୍ ପୁତର୍ ପୁଞ୍ଜେଙ୍ଗ୍ ଆଡ୍ଦାତାତ୍, ଇଦାଂ କାଜିଂ ଇ ଲାକେ ପୁଞ୍ଜନାତ୍ ।”

“ଞ୍ଜାଡୁ, ଆସେଙ୍ଗ୍ ଇ ବାହାତାଂ ହାନାସ୍ ।”

୧୫

ହାତ୍ପା ଅଙ୍ଗୁର କୁଡି ଜିସୁ

୧ “ଆନ୍ ହାତ୍ପା ଅଙ୍ଗୁର କୁଡି, ଆରେ ନା ଆବା କାମ୍ଲିୟା । ୨ ନା ତାକେ ମାନି ଇମ୍ଫି କେନ୍ଦାଂ ପାଡ୍ ଆହ୍ଞିତିସ୍, ହେଦାଂ ହେଞ୍ଜାନ୍ କାଦ୍ଦି ତୁହିନାନ୍; ଆରେ ଇମ୍ଫି କେନ୍ଦାଂ ପାଡ୍ ଆହ୍ନାତ୍, ଆଦିକ୍ ପାଡ୍ ଆହ୍ନି କାଜିଂ ହେଞ୍ଜାନ୍ ହେଦାଂ ନିର୍ମଲ୍ କିନାନ୍ । ୩ ଆନ୍ ମିଙ୍ଗେଙ୍ଗ୍ ଇମ୍ଫି ବେରଣ୍ ଇନ୍ଞାଙ୍ଗ୍ନା, ହେଦାଂ

କାଜିଂ ଏପେଙ୍ଗ୍ ସକଟ୍ ଆତାଦେର୍ଣ୍ଣା । ୪ ନା ତାକେ ମାନାଟ୍, ହେବେ ଆନ୍ ମି ତାକେ ମାନାଂ । କେନ୍ଦାଂ
ଇନେସ୍ ଅଙ୍ଗୁର କୁଡ଼ିତ ମାନୁଡ଼ିତିସ୍ ଜାରତାଂ ପାଡ଼୍ ଆସ୍ତେଙ୍ଗ୍ ଆଡୁଡ଼, ହେ ଲାକେ ଏପେଙ୍ଗ୍ ପା ନା ତାକେ
ମାନୁଡ଼ିତିସ୍ ପାଡ଼୍ ଆସ୍ତେଙ୍ଗ୍ ଆଡୁଡ଼େର୍ ।”

୫ “ଆନ୍ ଅଙ୍ଗୁର କୁଡ଼ି, ଏପେଙ୍ଗ୍ କେନ୍ଦାଂ, ଇନେର୍ ନା ତାକେ ମାନୁଙ୍ଗାମାନୁ ଆରି ଆନ୍ ଇନେର୍ ତାକେ
ମାନାଂ, ହେୱାନ୍ ବେସି ପାଡ଼୍ ଆହ୍ନାନ୍; ଇନାକିଦେଂକି ନା ପିସ୍ତି ଏପେଙ୍ଗ୍ ଇନାକା କିଦେଙ୍ଗ୍ ଆଡୁଡ଼େର୍ ।
୬ ଇନେର୍ ଏଚେକାଡ଼୍ ନା ତାକେ ମାନୁଡ଼ିତିସ୍, ତା ଆତିସ୍ ହେଦାଂ କାଡ଼୍ଦି କେନ୍ଦାଂ ଲାକେ ବାଟ୍ ତୁହିୟା
ଆନାଡ଼୍ ଆରି ୱାଜ୍ଜି ହାନାଡ଼୍, ଆରେ ଲକୁ ହେୱାକାଂ ରୁଣ୍ଡାୟ୍ କିଜି ନାଣିତ ତୁହିନାଟ୍ ଆରି ହେୱାଙ୍ଗ୍
କାଡ଼୍ଜିହାନିକ୍ ।” ୭ “ଏପେଙ୍ଗ୍ ଜଦି ନା ତାକେ ମାନାଦେର୍, ଆରେ ନା ବଚନ୍ ମି ତାକେ ମାଟିସ୍, ତା ଆତିସ୍
ଇମଣି ବିସ୍ତେ ଇଚା କିନାଦେର୍, ହେଦାଂ ଏନାଟ୍, ଆରେ ମି କାଜିଂ ହେଦାଂ ହିଦ୍ନାନ୍ । ୮ ଏପେଙ୍ଗ୍ ବେସି
ପାଡ଼୍ ଆସ୍ତିସ୍ ନା ଆବା ଜାଜ୍ମାଲ୍ ପାୟା ଆନାନ୍, ଆରେ ଏନେଙ୍ଗ୍ ନା ହାଡ଼୍ପା ଚେଲା ଆନାୟ୍ । ୯ ଆବା
ଇନେସ୍ ନାଙ୍ଗ୍ ଜିଉନତାନ୍ନା, ଆନ୍ ପା ହେ ଲାକେ ମିଙ୍ଗେଙ୍ଗ୍ ଜିଉନତାଙ୍ଗ୍ନା; ନା ଜିଉନଦ୍ନିତ ତିର୍
ଆଜି ମାନାଟ୍ । ୧୦ ଆନ୍ ଇନେସ୍ ନା ଆବାତି ବଲ୍ ମାନି କିଜି ତାଦାଙ୍ଗ୍ ଜିଉନନିତାକେ ତିର୍ ଆଜି ମାନାଙ୍ଗା,
ହେ ଲାକେ ଏପେଙ୍ଗ୍ପା ଏଚେକାଡ଼୍ ନା ବଲ୍ ମାନିକିନାଦେର୍, ତା ଆତିସ୍ ନା ଜିଉନନିତାକେ ତିର୍ ଆଜି
ମାନାଦେର୍ ।”

୧୧ “ନା ୱାରି ଇନେସ୍ ମି ତାକେ ମାନାଟ୍, ଆରେ ମି ୱାରି ଇନେସ୍ ବାଟ୍ ଆନାଡ଼୍, ଇଦାଂ କାଜିଂ
ଆନ୍ ଇ ୱିଜୁ ମିଙ୍ଗେଙ୍ଗ୍ ୱେଚ୍ଚାତାଙ୍ଗ୍ । ୧୨ ଆନ୍ ଇନେସ୍ ମିଙ୍ଗେଙ୍ଗ୍ ଜିଉନତାଂନ୍ନା, ଏପେଙ୍ଗ୍ ରକାନ୍
ଆରେ ରକାନିଂ ବିତ୍ତେ ଜିଉନବାଆଡୁ, ଇଦାଂ ନା ବଲ୍ । ୧୩ ଜାର୍ ହାଙ୍ଗ୍ଦାକାରିଂ କାଜିଂ ଜାର୍ ଜିବୁନ୍
ହିନି ବାଟା ଇନେର୍ତି ଆରେ ଆଦିକ୍ ଗାଜା ଜିଉନନାକା ହିଲୁଡ଼ । ୧୪ ଆନ୍ ମିଙ୍ଗେଙ୍ଗ୍ ଇମଣି ବଲ୍
ହିଦ୍ନାଙ୍ଗା, ହେଦାଂ ଜଦି ମାନିକିନାଦେର୍, ତେବେ ଏପେଙ୍ଗ୍ ନା ହାଙ୍ଗ୍ଦାକାଦେର୍ । ୧୫ ଆନ୍ ମିଙ୍ଗେଙ୍ଗ୍
ଆରେ ଆଡ଼ିଏନ୍ ଇଞ୍ଜି ଇଞ୍ଜୁଙ୍ଗା, ଇନାକିଦେଂକି ହାଉକାର୍ ଇନାକା କିନାନ୍, ଆଡ଼ିଏନ୍ ହେଦାଂ ପୁନ୍ନୁନ୍,
ମାତର୍ ଆନ୍ ମିଙ୍ଗେଙ୍ଗ୍ ହାଙ୍ଗ୍ଦାକାର୍ ଇଞ୍ଜି ଇଞ୍ଜାଙ୍ଗ୍ନା, ଇନାକିଦେଂକି ଆନ୍ ନା ଆବାତାଂ ଇନା ଇନାକା
ଞ୍ଜେଚାଙ୍ଗ୍ନା, ହେ ସବୁ ମିଙ୍ଗେଙ୍ଗ୍ ୱେଚ୍ଚାତାଙ୍ଗ୍ । ୧୬ ଏପେଙ୍ଗ୍ ନାଙ୍ଗ୍ ବାତି କିଦ୍ୱାତାଦେର୍ଣ୍ଣା, ମାତର୍ ଆନ୍
ମିଙ୍ଗେଙ୍ଗ୍ ବାତି କିଡ଼ତାଙ୍ଗ୍ନା, ଆରେ ଏପେଙ୍ଗ୍ ଇନେସ୍ ହାଲ୍ଜି ପାଡ଼୍ ଉବ୍ଜାଣ୍ କିନାଦେର୍ ଆରି ମିଞ୍ଜାଙ୍ଗ୍
ପାଡ଼୍ ତିର୍ମାନୁଙ୍ଗାମାଡ଼୍, ଇଦାଂ କାଜିଂ ମିଙ୍ଗେଙ୍ଗ୍ ବାତି କିଡ଼ତାଙ୍ଗ୍ନା । ହେବେ ଏପେଙ୍ଗ୍ ନା ତର୍ଦ୍ଦ ଆବାଂ
ଇନାକା ଏନ୍ନାଦେର୍, ହେୱାନ୍ ହେଦାଂ ମିଙ୍ଗେଙ୍ଗ୍ ହିଦ୍ନାନ୍; ୧୭ ଏପେଙ୍ଗ୍ ଇନେସ୍ ରକାନ୍ ଆରେ ରକାନିଂ
ଜିଉନୱାଟ୍, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ ୱିଜୁ ବଲ୍ ହିଦ୍ନାଙ୍ଗା ।”

ପୁତ୍ ଗିଣ୍

୧୮ “ଜଦି ମିଙ୍ଗେଙ୍ଗ୍ ପୁତ୍ ଗିଣ୍ କିଡ଼ତିସ୍, ତେବେ ମିଙ୍ଗେଙ୍ଗ୍ ଗିଣ୍ କିଦ୍ନି ଆଗେ ହେଦାଂ ଜେ ନାଙ୍ଗ୍
ଗିଣ୍ କିଡ଼ତାଡ଼୍ନା, ଇଦାଂ ପୁନାଟ୍ । ୧୯ ଏପେଙ୍ଗ୍ ଜଦି ପୁତ୍ ତାଂ ଉବ୍ଜାଣ୍ ଆତାଦେର୍ମା, ତେବେ ପୁତ୍
ମିଙ୍ଗେଙ୍ଗ୍ ଜାର୍ ଲକୁର୍ ପୁଞ୍ଜି ଜିଉ ନତାମ୍ନା; ମାତର୍ ଏପେଙ୍ଗ୍ ପୁତ୍ ତାଂ ଉବ୍ଜାଣ୍ ଆୱାତାୟ୍ନା, ନଲେ
ଆନ୍ ମିଙ୍ଗେଙ୍ଗ୍ ପୁତ୍ ତାଂ ବାତି କିଡ଼ତାଡ଼୍ନା, ଇଦାଂ କାଜିଂ ପୁତ୍ ମିଙ୍ଗ୍ ଗିଣ୍ କିଦ୍ନାଡ଼ ।” ୨୦ “ଆଡ଼ିଏନ୍
ଜାର୍ ହାଉକାର୍ତାଙ୍ଗ୍ ଗାଜା ଆକାୟ୍, ଆନ୍ ମିଙ୍ଗ୍ ଇ ଇମଣି ବଚନ୍ ୱେଚ୍ଚାତାଙ୍ଗ୍ନା, ହେଦାଂ ଏଡୁ କିୟାଟ୍
। ହେୱାନ୍ ଜଦି ନାଙ୍ଗ୍ ଇଣ୍ କିଡ଼ତାନ୍ନା, ତା ଆତିସ୍ ମିଙ୍ଗ୍ ପା ଇଣ୍ କିଦ୍ନାଟ୍, ହେୱାନ୍ ଜଦି ନା ବଚନ୍
ମାନିକିତାଣ୍ଣା, ତା ଆତିସ୍ ମି ବଚନ୍ ପା ମାନିକିନାଟ୍ । ୨୧ ମାତର୍ ହେୱାନ୍ ନା ପଲ୍ଲି ହାଉକାର୍ତିଂ ପୁନ୍ୱାଦାଂ
ମାଟିଲେ ନା ତର୍ କାଜିଂ ମିଙ୍ଗ୍ ପା ଇ ସବୁ କିଦ୍ନାଟ୍ । ୨୨ ଜଦି ଆନ୍ ୱାଜି ହେୱାରିଂ ଇନ୍ୱାଦାଂ ମାଟିସ୍,
ତା ଆତିସ୍ ହେୱାରିତି ପାପ୍ ଆୱାତାମ୍ନା; ମାତର୍ ନଙ୍ଗ୍ ହେୱାରିତି ପାପ୍ ବିସ୍ତେ ହେୱାନ୍ ଇନେର୍ ପା ଚଚା
କିଦେଙ୍ଗ୍ ଆଡୁର୍ । ୨୩ ଇନେର୍ ନାଙ୍ଗ୍ ଗିଣ୍ କିଦ୍ନାଟ୍, ହେୱାନ୍ ନା ଆବାଂ ପା ଗିଣ୍ କିନାନ୍ । ୨୪ ଇମଣି
କାମାୟ୍ ୱିଜୁ ଆରେ ଇନେର୍ କିତାତାଣ୍ଣା, ଆନ୍ ଜଦି ହେ ୱିଜୁ ହେୱାନ୍ ବିତ୍ତେ କିୱାଦାଂ ମାଟିସ୍, ତା ଆତିସ୍
ହେୱାରିତି ପାପ୍ ଆୱାତାମ୍ନା; ମାତର୍ ନଙ୍ଗ୍ ହେୱାନ୍ ହୁଡ଼ତାନ୍ନା, ଆରେ ନାଙ୍ଗ୍ ଆରି ନା ଆବା ରିୟାରିଂ
ଗିଣ୍ କିଡ଼ତାନ୍ନା । ୨୫ ମତର୍ ହେୱାନ୍ ବିନାସ୍ତୁନ୍ରେ ନାଙ୍ଗ୍ ଗିଣ୍ କିଡ଼ତାଟ୍, ହେୱାରିତି ମସାତି ବିଦିତ
ଲେକାଆତି ଇ ବଚନ୍ ଇନେସ୍ ପୁରା ଆନାଡ଼୍, ଇଦାଂ କାଜିଂ ଏଲେଙ୍ଗ୍ ଗିଟା ଆନାତା ।

୨୬ “ଆବାତି ତାକେଣ୍ଡାଂ ଆନ୍ ମି ଲାଗାଂ ଇମଣି ଉପକାର୍ କିଦ୍ନାକାନିଂ ପଲ୍ଲାନାଂ, ଆବା ତାକେଣ୍ଡାଂ ହତି
ହେ ହାଡ଼ପାନି ଜିବୁନ୍ ୱାତିସ୍ ନା ବିସ୍ତେ ସାକି ହିଦ୍ନାନ୍; ୨୭ ଆରେ, ଏପେଙ୍ଗ୍ ପା ସାକି, ଇନାକିଦେଂକି
ଏପେଙ୍ଗ୍ ଆରମ୍ତାଂ ନା ହୁକେ ମାନାଦେରା ।”

☆ ୧୫:୨୦ ୧୫:୨୦ ମାତିଉ ୧୦:୨୪; ଲୁକ ୬:୪୦; ଜହନ୍ ୧୩:୧୭.

୧୭

୧ “ଏପେଙ୍ଗ୍ ଇନେସ୍ ପାତର୍ କିଉଦେର୍, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ କାତା ଇଞ୍ଜନାଙ୍ଗା । ୨ ମିଙ୍ଗେଙ୍ଗ୍ ଲକୁ ହେଝାର୍ କୁଟୁମ୍ ଇଞ୍ଜାଙ୍ଗ୍ ପାଗ୍ରି କିଦନାର୍ । ଏଲେଙ୍ଗ୍ବାତର୍ ସମ୍ବୁ ଖାନାତା ଏଚେକାଡ଼ତ୍ ବାବିକିଦନାର୍ ଜେ ମିଙ୍ଗେଙ୍ଗ୍ ଅସ୍ତ୍ରିନି କାଜିଂ ହେଝାର୍ ଇସ୍ବରତିଂ ହେବା କିନାରା । ୩ ଆରେ, ହେଝାର୍ ଇଦାଂ ଖିଜୁ କିନାର୍, ଇନାକିଦେଂକି ହେଝାର୍ ଆବାଂ କି ନାଙ୍ଗ୍ ପୁଞ୍ଜିଖାତାଣ୍ଟା । ୪ ମତର୍ ଇ ସବୁ ଗିଟାଆନି ସମ୍ବୁ ଏକାଞ୍ଜାତିସ୍, ଆନ୍ ଜେ ମିଙ୍ଗେଙ୍ଗ୍ ଝେର୍ଚ୍ଚି ମାନଞ୍ଜାଙ୍ଗ୍, ଇଦାଂ ଇନେସ୍ ଏପେଙ୍ଗ୍ ଏତୁ କିନାଦେର୍, ଇଦାଂ କାଜିଂ ଆନ୍ ଇ ଖିଜୁ କାତା ମିଙ୍ଗେଙ୍ଗ୍ ଝେର୍ଚ୍ଚାତାଂନ୍ନା ।”

ପୁଇପୁୟା ଜିବୁନ୍ନି କାମାୟ

୫ ମତର୍ ନଙ୍ଗ୍ ଆନ୍ ନା ପଲ୍ଲିତି ହାଉକାରତାକେ ହାନାଙ୍ଗା, ଆରେ ଏପେଙ୍ଗ୍ “ଇମ୍ଫଣି ବାହାତ ହାନାୟା” ଇଞ୍ଜି ମି ବିତ୍ରେ ଇନେର୍ ନାଙ୍ଗ୍ ଝେନ୍ଦବା ଆଦୁଦେରା । ୬ ମତର୍ ଆନ୍ ମିଙ୍ଗେଙ୍ଗ୍ ଇ ଖିଜୁ କାତା ଇଞ୍ଜି ମାଟିଲେ ମି ମାନ୍ ଦୁକ୍ତ ବାତର୍ ଆତାଡ଼ନ୍ନା । ୭ ମତର୍ ଆନ୍ ମିଙ୍ଗେଙ୍ଗ୍ ହାଡ଼ପା ଇଞ୍ଜନାଙ୍ଗା, ନା ହାନାକା ମି କାଜିଂ ହାର୍, ଇନାକିଦେଂକି ଆନ୍ ହାଲ୍ଝିତିସ୍ ହେ ଉପକାର୍ କିନାକାନ୍ ମି ତାକେ ଖାଉନ୍, ମତର୍ ଆନ୍ ହାଟିସ୍ ହେଝାନିଂ ମି ତାକେ ପଲ୍ଲାନାଂ । ୮ “ହେଝାନ୍ ଖାଜି ପାପ୍, ଦାମ୍ ଆରି ବିଚାର୍ ବିସ୍ତେ ପୁତର୍ତିଂ ହାଡ଼ପା ପାର୍ମାଣ୍ ହିନାନ୍; ୯ ହେଝାନ୍ ଝେର୍ଚ୍ଚାନାନ୍ ଜେ ନା ତାକେ ପାତର୍ କିଞ୍ଜାକାର୍ ନେ ପାପ୍; ୧୦ ଦାମ୍ ବିସ୍ତେ ହେଝାର୍ ବୁଲ୍ ଇନାକିଦେଂକି ଆନ୍ ଆବା ତାକେ ହାନାଙ୍ଗା ଆରି ଏପେଙ୍ଗ୍ ନାଙ୍ଗ୍ ଆରେ ହୁଡ଼ଦୁଦେର୍; ୧୧ ବିଚାଣ୍ଟା ବିସ୍ତେ ହେଝାର୍ ବୁଲ୍ ଇନାକିଦେଂକି ଇ ଜଗଡ଼ତ୍ ମୁଡ଼ଦାକାନ୍ ବିଚାଣ୍ଟା ଆତାତେ ।”

୧୨ “ଆନ୍ ମିଙ୍ଗେଙ୍ଗ୍ ଆଦିକ୍ କାତା ଇଞ୍ଜନାକା ମାନାଡ଼, ମତର୍ ଏପେଙ୍ଗ୍ ନଙ୍ଗ୍ ହେ ସବୁ ହୁନ୍ଝେଙ୍ଗ୍ ଆଡୁଦେର୍ । ୧୩ ମତର୍ ହେଝାନ୍, ହାଡ଼ପା ଜିବୁନ୍ ଖାତିସ୍ ହେଝାନ୍ ଖିଜୁ ହାଡ଼ପା ବୁଜାଆଦେଂ ସାଲ୍ଲି ହିଦନାନ୍, ହେଝାନ୍ ଜାର୍ ଆଦିକାର୍ ସାଲ୍ଲିତାଂ ଇନାକା ଇଞ୍ଜୁନ୍ ଇସ୍ବର ତାକେ ଇନାକା ଝେଚାର୍ନା ଏଚେକ୍ ହେଝାନ୍ ଚର୍ଚ୍ଚନାନ୍ ଇନାକା ଗିଟା ଆଦେଂ ହାନାତା, ହେଦାଂ ମିଙ୍ଗେଙ୍ଗ୍ ଝେର୍ଚ୍ଚାନାନ୍ । ୧୪ ହେଝାନ୍ ନାଙ୍ଗ୍ ଜାଜ୍ମାଲ୍ ହିଦନାନ୍, ଇନାକିଦେଂକି ହେଝାନ୍ ନା ବିସ୍ତେ ସବୁ କାତା ଅଜି ମିଙ୍ଗେଙ୍ଗ୍ ଜାଣାୟ କିଦନାନ୍ । ୧୫ ଇନା ଇନାକା ଆବାତି, ହେ ସବୁ ନାଦାଂ; ଇଦାଂ କାଜିଂ ଆନ୍ ଇଚାଂ, ପୁଇପୁୟା ଜିବୁନ୍ ହେଝାନ୍ ନା ବିସ୍ତେ ଅଜି ମିଙ୍ଗେଙ୍ଗ୍ ଜାଣାୟ କିଦନାନ୍ ।”

ଦୁକ୍ ଆରି ଖାରି

୧୬ “ମତର୍ ଅଲପ୍ ସମ୍ବୁ ମାନାଡ଼, ଏପେଙ୍ଗ୍ ଆରେ ନାଙ୍ଗ୍ ହୁଡ଼ଦୁଦେର୍, କେଡ଼ଦିନ୍ ପାଚେ ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼ଦାନାଦେର୍ ।”

୧୭ ହେବେଣ୍ଟାଂ ତା ଚେଲାହିର୍ ବିତ୍ରେତାଂ ଇନେ ଇନେର୍ ରକାନ୍ ଆରେ ରକାନିଂ ଇଚାର୍, “ଅଲପ୍ ମତର୍ ସମ୍ବୁ ମାନାଡ଼, ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼ଦୁଦେର୍, କେଡ଼ଦିନ୍ ପାଚେ ଏପେଙ୍ଗ୍ ନାଙ୍ଗେଙ୍ଗ୍ ହୁଡ଼ଦାନାଦେର୍ ଆରି ଆନ୍ ଆବାତି ଲାଗେ ହାନାଙ୍ଗା, ଇ ଇମ୍ଫଣି କାତା ହେଝାନ୍ ମାଙ୍ଗେଙ୍ଗ୍ ଇଞ୍ଜନାନା, ଇଦାଂ ଇନାକା ?” ୧୮ “ଅଲପ୍ ସମ୍ବୁ ଇଞ୍ଜି ହେଝାନ୍ ଇନାକା ଇନାନ୍ନା ? ହେଝାନ୍ ଇନାକା ଇନାନ୍ନା, ଆପେଂ ବୁଜାଆଦେଂ ଆଡୁପା ।”

୧୯ ହେଝାର୍ ତାଙ୍ଗ୍ ଝେନ୍ଦବେଦେଂ ଇଚା କିନାରା ଇଞ୍ଜି ପୁଞ୍ଜି ଜିସୁ ହେଝାରିଂ ଇଚାନ୍, “ଅଲପ୍ ମତର୍ ସମ୍ବୁ ମାନାଡ଼, ଏପେଙ୍ଗ୍ ନାଙ୍ଗ୍ ହୁଡ଼ଦୁଦେର୍, ଆରେ ରଗ ଅଲପ୍ ସମ୍ବୁ ପାଚେ ଏପେଙ୍ଗ୍ ନାଙ୍ଗ୍ ହୁଡ଼ଦାନାଦେର୍, ଆନ୍ ଇ ଇମ୍ଫଣି କାତା ଇନ୍ଞାଙ୍ଗ୍, ହେ ବିସ୍ତେ ଅଜି ଏପେଙ୍ଗ୍ ଇନାକା ରକାନ୍ ରିକାର୍ ବେଣ୍ଟାବାର୍ କିନାଦେରା ? ୨୦ ଆନ୍ ହାଡ଼ପା ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ଆଡ଼ବାନାଦେର୍ ଆରି ଦୁକ୍ କିନାଦେର୍, ମତର୍ ପୁତର୍ ଖାରି କିନାଡ଼; ଏପେଙ୍ଗ୍ ଦୁକ୍ ଆନାଦେର୍, ମତର୍ ମିଦାଙ୍ଗ୍ ଦୁକ୍ ଖାରିତାଂ ବାତର୍ ଆନାଡ଼ । ୨୧ କନାତ କୁଚ୍ଚେଂ ସମ୍ବୁ ଏକାଞ୍ଜାତିସ୍ କଗ୍ଲେ ପାୟା ଆନାଡ଼; ମତର୍ ହେଦେଲ୍ ହିମ୍ଫଣା ଗାଟାଆତି ପାଚେ ପୁତର୍ ଚ ରକାନ୍ ମାନାୟ ଜଲମ୍ ଆତାନ୍ନା, ଇ ଖାରି କାଜିଂ ଆରେ କସ୍ତ୍ରିଂ ଏତୁ କିଉଡ଼ । ୨୨ ହେ ଲାକେ ଏପେଙ୍ଗ୍ ନଙ୍ଗ୍ ଦୁକ୍ ପାୟାଆନାଦେରା, ମତର୍ ଆନ୍ ଆରେ ରଗ ମିଙ୍ଗେଙ୍ଗ୍ ଚଞ୍ଜିୟାଆଦନାଂ, ଆରେ ମିଦାଙ୍ଗ୍ ଖାରିତାଂ ଖାରିୟା ଆନାଡ଼ ଆରି ଇନେର୍ ମିଦାଙ୍ଗ୍ ମିଙ୍ଗେଙ୍ଗ୍ ଖାରି ଜେଲ୍ଜି ଅଦୁର୍ ।”

୨୩ “ହେ ଦିନ୍ ନାଙ୍ଗ୍ ଇନାକା ଝେନ୍ଦବା ଆଦୁଦେର୍ । ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଜଦି ଏପେଙ୍ଗ୍ ଆବାଂ ଇନାକାପା ଏନ୍ନାଦେର୍, ବାଟିଙ୍ଗ୍ ନା ତର୍ଦ ହେଝାନ୍ ମିଙ୍ଗେଙ୍ଗ୍ ହେଦାଂ ହିଦନାନ୍ । ୨୪ ଇ ପାଚେକ୍ ଏପେଙ୍ଗ୍ ନା ତର୍ଦ ଇନାକା ଏନ୍ତାଞ୍ଜାତାଦେଣ୍ଟା, ନଙ୍ଗ୍ ଏନାଟ୍ ଏପେଙ୍ଗ୍ ହେଦାଂ ପାୟାନାଦେର୍ ମିଦାଙ୍ଗ୍ ଖାରି ଇନେସ୍ ବାତର୍ ଆନାଡ଼ ।”

ପୁତର୍ ଜପି ଜିଣାନାକା

୨୫ “ଆନ୍ ମିଙ୍ଗେଙ୍ଗ୍ ଖାଚ୍‌କା ଚର୍ଚ୍ଚି ଇ ସବୁ କାତା ଇଞ୍ଚାଙ୍ଗ୍‌ନା; ସମ୍ବୁ ଖାନାତା, ଏଚେକାଡ଼ଦ ଆନ୍ ଆରେ ଖାଚ୍‌କାଙ୍ଗ୍ ଚର୍ଚ୍ଚି ମିଙ୍ଗେଙ୍ଗ୍ ଖେଚ୍‌ଚୁଙ୍ଗ୍, ମାତର୍ ଆବାତି ବିସ୍ତେ ପୁଚ୍‌ତେରଚେ ମିଙ୍ଗେଙ୍ଗ୍ ଜାଣାୟ୍ କିଦ୍‌ନା । ୨୬ ହେ ଦିନ୍ ଏପେଙ୍ଗ୍ ନା ତର୍ଦ୍ଦ ତାଙ୍ଗେଙ୍ଗ୍ ଏନ୍ତାନାଦେର୍, ଆରେ, ଆନ୍ ଜେ ମିଦାଙ୍ଗ୍ ପାକ୍ୟାତ ଆବାଂ ଗଞ୍ଜାରି କିନାଙ୍ଗ୍, ଇଦାଂ ଆନ୍ ମିଙ୍ଗେଙ୍ଗ୍ ଇଞ୍ଚୁଙ୍ଗା; ୨୭ ଇନାକିଦେଂକି ଆବା ନିଜେ ମିଙ୍ଗେଙ୍ଗ୍ ଜିଉନଦ୍‌ନାନ୍, ଲାଗିଂ ଏପେଙ୍ଗ୍ ନାଙ୍ଗେଙ୍ଗ୍ ଜିଉନଦ୍‌ନାଦେରା ଆରି ଆନ୍ ଜେ ଇସ୍‌ବର୍ ତାକେଣ୍ଟାଂ ଖାତାଙ୍ଗ୍‌ନା, ହେଦାଂ ଏପେଙ୍ଗ୍ ପାତ୍ କିତାଦେଣ୍ଟା । ୨୮ ଆନ୍ ଆବାତାଂ ଜଗତ୍‌ତାକେ ଖାତାଙ୍ଗ୍‌ନା; ଆରେ ରଗ ଆନ୍ ପୁତ୍ ପିସ୍ତ୍ର ଆବା ତାକେ ହାନାଙ୍ଗା ।”

୨୯ ଇ କାତା ଖେନ୍‌ଞ୍ଜି ଚେଲାହିର୍ ଇଚାର୍, “ହୁଡ଼ା, ନଂ ଏନ୍ ରାକୁକିଜି ଖେଚ୍‌ଚାନାୟା ଆରି ଖାଚ୍‌କା ଚର୍ଚ୍ଚି କାତା ଆରେ ଇନ୍‌ୟା । ୩୦ ନଙ୍ଗ୍ ଆପେଂ ଇଦାଂ ପୁନାପ୍ ଜେ ଏନ୍ ଜେ ସବୁ ବିସ୍ତେ ପୁନାୟ୍ ଆରେ ଇନେରିଂ ଖେନ୍‌ବେଦେଂ ଲଡ଼ା ଆକାୟ୍, ହେଦାଂ ନଙ୍ଗ୍ ଆପେଂ ପୁଚାପ୍; ଇସ୍‌ବର୍ ତାକେଣ୍ଟାଂ ଏନ୍ ଖାତାୟ୍‌ନା ଇଞ୍ଜି ଆପେଂ ଇଦାଂ ହୁକେ ପାତ୍ କିନାପା ।”

୩୧ ଜିସୁ ହେଞ୍ଜାରିଂ ଉତର୍ ହିତାନ୍, “ଏପେଙ୍ଗ୍ ଇନାକା ନଙ୍ଗ୍ ପାତ୍ କିନାଦେରା କି ? ୩୨ ହୁଡ଼ାଚ୍, ସମ୍ବୁ ଖାନାତା, ଆଁ, ଖାତାତେ, ଏଚେକାଡ଼ଦ ଏପେଙ୍ଗ୍ ଚିନ୍‌ବିନ୍ ଆଜି ଖିଜାକାଦେର୍ ଜାର୍ ଜାର୍ ଇଞ୍ଜ ହନ୍‌ଚି ହାନାଦେର୍, ଆରେ ନାଙ୍ଗେଙ୍ଗ୍ ରଞ୍ଜାନ୍ ପିସ୍ତ୍ର ହାନାଦେର୍; ଆତିସ୍‌ପା ରକାଂ ଆକାୟ୍, ଇନାକିଦେଂକି ଆବା ନା ହୁକେ ମାନାନ୍ । ୩୩ ଏପେଙ୍ଗ୍ ଇନେସ୍ ନା ତାକେ ମାନ୍‌ଞ୍ଜି ସୁସ୍ତା ପାୟା ଆଡୁ, ଇଦାଂ କାଜିଂ ଆନ୍ ମିଙ୍ଗେଙ୍ଗ୍ ଇ ସବୁ ବିସ୍ତେ ଇନ୍‌ଞ୍ଚାଙ୍ଗ୍‌ନା । ପୁତ୍ ତ ମି କାଜିଂ ଦୁକ୍ ମାନାଡ଼, ମାତର୍ ସାସ୍ ଆହାଚ୍; ଆନ୍ ପୁତ୍ ତିଂ ଜିଣା ଆତାଙ୍ଗ୍‌ନା ।”

୧୭

ଜିସୁଙ୍ଗ୍ ମାପୁହେବାକିନାକାନ୍ ପାର୍ତାନା

୧ ଜିସୁ ଇ ଖିଜୁ ବେରଣ୍ ଇଞ୍ଜି ସାଗେନିପ ଜପି ହୁଡ଼ଜି ଇଚାନ୍, “ଆବା, ସମ୍ବୁ ଏକା ଖାତାତେ; ନି ମାଜିଙ୍ଗ୍ ଜାଜ୍‌ମାଲ୍ କିୟା, ଇନେସ୍ ମାଜି ନିଙ୍ଗେଙ୍ଗ୍ ପାଣ୍ କିଦ୍‌ନାନା, ୨ ଏପେଙ୍ଗ୍ ତାଙ୍ଗେଙ୍ଗ୍ ଖିଜାର୍ ମାନାୟାରିଂ ଆଦିକାର୍ ହିତାୟ୍‌ନା, ହେଞ୍ଜାରିଂ ଖିଜ୍‌ଞ୍ଜି ଜିରୁନ୍ ହିଦେଂ ଇଞ୍ଜି ତାଙ୍ଗେଙ୍ଗ୍ କେଇଦ୍ ଖିଜୁ ବଜ୍ ଜପି ଆଦିକାର୍ ହିତାଦେର୍ । ୩ ଆରେ, ରକାନ୍ ମତର୍ ହାଡ଼ପା ଇସ୍‌ବର୍ ଜେ, ଏନ୍ ମିଙ୍ଗେଙ୍ଗ୍ ଆରି ମି ପକ୍ୟାତାକାନ୍ ଜିସୁ କ୍ରିସ୍‌ଟୁଙ୍ଗ୍ ପୁନାକା ନେ ଖିଜ୍‌ଞ୍ଜି ଜିରୁନ୍ ଆନାନ୍, ୪ ଏପେଙ୍ଗ୍ ନାଙ୍ଗେଙ୍ଗ୍ ଇମ୍‌ଣି କାମାୟ୍ କିଦେଙ୍ଗ୍ ହିଡ଼ତାଦେଣ୍ଟା, ହେଦାଂ ଆନ୍ ଖିସ୍ତ୍ର ପୁତ୍ ତ ମିଙ୍ଗେଙ୍ଗ୍ ଜାଜ୍‌ମାଲ୍ କିଦ୍‌ନାଙ୍ଗା । ୫ ଆରେ ନଙ୍ଗ୍‌ୟ୍ ଏ ଆବା, ପୁତ୍ ନି ଉବ୍‌ଜାଣ୍ ଆଗେ ମି ହୁଦାଂ ନା ଇମ୍‌ଣି ପାଣ୍ ମାଚାଡ଼, ତା ପାଚେ ଏପେଙ୍ଗ୍ ନାଙ୍ଗେଙ୍ଗ୍ ନି ଜାଜ୍‌ମାଲ୍ ନାଙ୍ଗ୍ ହିଦା ।”

୬ “ଏପେଙ୍ଗ୍ ନାଙ୍ଗେଙ୍ଗ୍ ପୁତ୍ ବିତ୍ରେ ଇମ୍‌ଣି ମାନାୟାରିଂ ଦାନ୍ କିନାଦେର୍, ଆନ୍ ହେଞ୍ଜାର୍ ଲାଗେ ନି ତର୍ ଖେଚ୍ୟାତାନ୍; ହେଞ୍ଜାର୍ ମିଞ୍ଜାର୍ ମାଚାର୍ ଆରି ଏପେଙ୍ଗ୍ ହେଞ୍ଜାରିଂ ନାଙ୍ଗେଙ୍ଗ୍ ଦାନ୍ କିଡ଼ତାୟ୍, ଆରେ ହେଞ୍ଜାର୍ ନି ବଲ୍ ପାଲି କିନାରା । ୭ ଏପେଙ୍ଗ୍ ନାଙ୍ଗେଙ୍ଗ୍ ଇନା ଇନାକା ଦାନ୍ କିଡ଼ତାଦେଣ୍ଟା, ହେ ଖିଜୁ ଜେ ନିଙ୍ଗ୍ ତାଙ୍ଗ୍ ଆତାଡ଼୍‌ନା, ଇଦାଂ ହେଞ୍ଜାର୍ ନଙ୍ଗ୍‌ୟ୍ ରୁଜାଆତାଣ୍ଟା; ୮ ଇନାକିଦେଂକି ଏପେଙ୍ଗ୍ ନାଙ୍ଗେଙ୍ଗ୍ ଜେ ଖିଜୁ ବଚନ୍ ଦାନ୍ କିନାଦେର୍, ଆନ୍ ହେଞ୍ଜାରିଂ ହେ ସବୁ ଦାନ୍ କିତାଙ୍ଗ୍‌ନା, ଆରେ ହେଞ୍ଜାର୍ ଇଡ଼ତାର୍‌ନା, ଆରେ ଆନ୍ ଜେ ମିତାଙ୍ଗ୍ ଖାନାଙ୍ଗା, ହେଦାଂ ହାଡ଼ପାରଚେ ପୁଚାଣ୍ଟା ଆରି ଏପେଙ୍ଗ୍ ନାଙ୍ଗେଙ୍ଗ୍ ପକ୍‌ତାତାୟ୍‌ନା ଇଞ୍ଜି ପାତ୍ କିନାୟା ।”

୯ “ଆନ୍ ହେଞ୍ଜାର୍ କାଜିଂ ଗଞ୍ଜାରି କିନାଙ୍ଗା; ପୁତ୍ ତିଂ ଇଞ୍ଜି ପାର୍ତାନା କିଉଙ୍ଗା, ମାତର୍ ଏପେଙ୍ଗ୍ ନାଙ୍ଗେଙ୍ଗ୍ ଇମ୍‌ଣାକାରିଂ ହିତାଦେର୍‌ନା, ହେଞ୍ଜାର୍ କାଜିଂ ପାର୍ତାନା କିନାଙ୍ଗା, ଇନାକିଦେଂକି ହେଞ୍ଜାର୍ ମିଞ୍ଜାର୍; ୧୦ ଇନା ଇନାକା ନାଦାଂ, ହେ ଖିଜୁ ମିଦାଙ୍ଗ୍, ଆରେ ଇନା ଇନାକା ମିଦାଙ୍ଗ୍, ହେ ଖିଜୁ ନାଦାଂ; ଆରେ, ଆନ୍ ହେଞ୍ଜାର୍ ତାକେ ଜାଜ୍‌ମାଲ୍ ପାୟା ଆତାଙ୍ଗ୍‌ନା । ୧୧ ଆନ୍ ଆରେ ଇ ପୁତ୍ ତ ମାନୁଙ୍ଗା, ମାତର୍ ଇଞ୍ଜାର୍ ପୁତ୍ ତ ମାନାର୍; ଆରେ, ଆନ୍ ସାଲ୍ଟି କାଜିଂ ମି ଲାଗେ ହାନାଙ୍ଗା । ପୁଇପୁୟା ଆବା, ମି ତର୍ଦ୍ଦ ହେଞ୍ଜାରିଂ ରାକ୍ୟା କିୟା ଇମ୍‌ଣି ତର୍ ଏନ୍ ନାଙ୍ଗେଙ୍ଗ୍ ହିଡ଼ତାୟ୍‌ନା, ହେ ଲାକେ ଆପେଂ ଇନେସ୍‌କି ଏକ୍, ହେଞ୍ଜାର୍ ହେ ଲାକେ ଏକ୍ ଆନାର୍ ।”

୧୨ “ହେଞ୍ଜାର୍ ଲାହାଙ୍ଗ୍ ମାନି ସମ୍ବୁତ୍ ଆନ୍ ହେଞ୍ଜାରିଂ ମି ତର୍ଦାଂ ରାକ୍ୟା କିଜି ଖାତାଙ୍ଗ୍‌ନା ଇମ୍‌ଣି ତର୍ ଏନ୍ ନାଙ୍ଗେଙ୍ଗ୍ ହିଡ଼ତାଦେଣ୍ଟା, ଆରେ ଆନ୍ ହେଞ୍ଜାରିଂ ଜାଗ୍ରତାଂ ରାକ୍ୟା କିତାଙ୍ଗ୍‌ନା ଆରି ସାସ୍‌ବୁତ୍ ଇନେସ୍ ଜିତା ଆନାଡ଼, ଇଦାଂ କାଜିଂ ନାସ୍ ଆନି କାଡ଼ଦେ ପିସ୍ତ୍ର ହେଞ୍ଜାର୍ ବିତ୍ରେ ରଞ୍ଜାନ୍ ଇନେନ୍ ନସ୍ ଆଖାତାଣ୍ଟା । ୧୩ ମାତର୍ ଅଙ୍ଗ୍‌ୟ୍ ଆନ୍ ମି ଲାଗେ ହାନାଙ୍ଗା, ଆରେ ହେଞ୍ଜାର୍ ଖାସ୍ତିତ ନା ଖାରି ଇନେସ୍ ବାତ୍ ଆନାଡ଼, ହେଦାଂ କାଜିଂ ପୁତ୍ ତ ମାନୁ ମାନୁ ଆନ୍ ଇ ସବୁ ଇଞ୍ଜାଙ୍ଗା । ୧୪ ଆନ୍ ହେଞ୍ଜାରିଂ ନି ବଚନ୍ ହିଡ଼ତାଙ୍ଗ୍‌ନା,

☆ ୧୭:୧୨ ୧୭:୧୨ ଜହନ୍ ୧୩:୧୮.

ଆରେ ପୁତ୍ର ହେୱାରିଂ ଗିଣ୍ କିନାତା, ଇନାକିଦେଂକି ଆନ୍ ଇନେସ୍ ଇ ପୁତ୍ର ଆକାୟ୍, ହେୱାର୍ ହେ ଲାକେ ଇ ପୁତ୍ର ତାଂ ୱାଞ୍ଜାତାଙ୍ଗନା । ୧୫ ଏପେଙ୍ଗ୍ ହେୱାରିଂ ପୁତ୍ର ତାଙ୍ଗ୍ ଅଞ୍ଜାଟ୍ ଇଞ୍ଜି ଆନ୍ ପାର୍ତାନା କିନାଙ୍ଗା, ମାତର୍ ହେୱାରିଂ ସୟ୍ତାନ୍ ତାଙ୍ଗ୍ ରାକ୍ୟା କିୟା ଇଞ୍ଜି ଗଞ୍ଜାରି କିନାଙ୍ଗା । ୧୬ ଆନ୍ ଇନେସ୍ ପୁତ୍ର ଆଞ୍ଜାତାଂନା, ହେୱାର୍ ହେ ଲାକେ ପୁତ୍ର ଆକାୟ୍ । ୧୭ ହାତ୍ପା କାଜିଂ ହେୱାରିଂ ପୁଇପୁୟା କିୟାଟ୍, ମିଦାଙ୍ଗ୍ ବଚନ୍ ନେ ସତ୍ । ୧୮ ଏନ୍ ନାଙ୍ଗେଙ୍ଗ୍ ଇନେସ୍ ପୁତ୍ର ପକ୍ତାତାୟ୍ନା, ଆନ୍ ପା ହେୱେରିଂ ହେ ଲାକେ ପୁତ୍ର ପକ୍ତାଙ୍ଗନା । ୧୯ ଆରେ, ହେୱାର୍ ପା ଇନେସ୍ ହାତ୍ପା ହୁକେ ପୁଇପୁୟା ଆନାର୍, ଇଦାଂ କାଜିଂ ଆନ୍ ହେୱାରିଂ କାଜିଂ ନିଙ୍ଗେଙ୍ଗ୍ ପୁଇପୁୟା କିଦ୍ନାଙ୍ଗ୍ ।”

୨୦ “ଆନ୍ କେବଲ୍ ଇଞ୍ଜାର୍ କାଜିଂ ଗଞ୍ଜାରି କିଜି ପାର୍ତାନା କିଉଙ୍ଗା, ମତର୍ ଇଞ୍ଜାର୍ ବଚନ୍ ହୁକେ ଇମ୍ପାକାର୍ ନା ତାକେ ପାତ୍ କିତାର୍, ହେୱାର୍ କାଜିଂ ପା ପାର୍ତାନା କିନାଙ୍ଗା, ୨୧ ହେୱାନ୍ ଓଜାର୍ କାଜିଂ ପା ପାର୍ତାନା କିଜି ମାଚାନ୍ । ହେୱାର୍ ଓଜାକାର୍ ଏକ୍ ଆନାର୍; ଇଦାଂ ନା ପାର୍ତାନା । ଆବା, ଏନ୍ ଇନେସ୍ କି ନା ତାକେ ଆରି ଆନ୍ ନି ତାକେ ମାନାଙ୍ଗ୍, ହେୱାର୍ ପା ହେ ଲାକେ ଇନେସ୍ କି ଏନ୍ନାଙ୍ଗ୍ ପକ୍ତାତାନ୍ ଇଞ୍ଜି ପୁତ୍ର ପାତ୍ କିଦ୍ନାଟ୍ । ୨୨ ଆରେ, ଏନ୍ ନାଙ୍ଗେଙ୍ଗ୍ ଇମ୍ପା ପାଶ୍ ହିତ୍ତାୟ୍ନା, ଆନ୍ ହେୱାରିଂ ହେଦାଂ ହିତାଙ୍ଗନା, ଇନେସ୍ ଆପେଂ ଇନେସ୍ କି ଏକ୍, ହେୱାର୍ ହେ ଲାକେ ଏକ୍ ଆନାର୍; ୨୩ ଆନ୍ ହେୱାର୍ ତାକେ, ଆରେ ଏନ୍ ନା ତାକେ, ଇନେସ୍ ହେୱାର୍ ହାର୍ ଆଜି ଏକ୍ ଆନାର୍, ଇନେସ୍ ପୁତ୍ର ବୁଜାଆନାଟ୍ ଜେ, ଏନ୍ ନାଙ୍ଗେଙ୍ଗ୍ ପକ୍ତାତାୟ୍, ଆରେ ନାଙ୍ଗେଙ୍ଗ୍ ଇନେସ୍ କି ଜିଉନତାୟ୍, ହେୱାରିଂ ପା ହେ ଲାକେ ଜିଉନତାୟ୍ ।”

୨୪ “ଏ ଆବା, ଏନ୍ ନାଙ୍ଗେଙ୍ଗ୍ ଇମ୍ପାକାରିଂ ହିତ୍ତାୟ୍ନା, ଆନ୍ ଇମ୍ପେତାକେ ମାନେଙ୍ଗ୍, ହେୱେର୍ ପା ଇନେସ୍ ହେବେ ନା ଲାହାଙ୍ଗ୍ ମାନେର୍ ଆରି ପୁତ୍ର ଓଜିନ୍ ଆଗେ ଏନ୍ ନାଙ୍ଗେଙ୍ଗ୍ ଜିଉନଜି କିଦ୍ନି କାଜିଂ ନାଙ୍ଗେଙ୍ଗ୍ ଇମ୍ପା ପାଶ୍ ହିତ୍ତାୟ୍ନା, ନା ହେ ପାଶ୍ ହେୱାର୍ ଇନେସ୍ ହୁଡ୍ନାର୍, ଇଦାଂ ନା ମାନ୍ । ୨୫ ଏ ଦାମ୍ ଆବା, ପୁତ୍ର ନିଙ୍ଗେଙ୍ଗ୍ ପୁଞ୍ଜାତାତ୍ନା, ମାତର୍ ଆନ୍ ନିଙ୍ଗେଙ୍ଗ୍ ପୁଞ୍ଜାଙ୍ଗନା; ଆରେ, ଇଦାଂ ଜେ ନାଙ୍ଗେଙ୍ଗ୍ ପକ୍ତାତାୟ୍, ହେଦାଂ ଇଞ୍ଜାର୍ ପୁରାଣ୍ଡା; ୨୬ ଆରେ ଏନ୍ ନାଙ୍ଗେଙ୍ଗ୍ ଇମ୍ପା ଜିଉତ୍ ଜିଉନତାୟ୍ନା, ହେଦାଂ ଇନେସ୍ ହେୱାର୍ ତାକେ ମାନାଟ୍ ଆରି ଆନ୍ ହେୱାର୍ ତାକେ ମାନ୍ଗାନାଙ୍ଗ୍, ଇ କାଜିଂ ଆନ୍ ହେୱାରିଂ ନି ତର୍ ଷ୍ଟେଟ୍ତାତାଂନା ଆରି ଷ୍ଟେଟ୍ନାଙ୍ଗ୍ ।”

୧୮

ଜିସୁ ସାତୁର୍ କେଇଦ ଆହ୍ମା ଆତାନ୍

(ମାତିଉ ୨୭:୪୭-୫୨; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜିସୁ ଇ ପାର୍ତାନା ଓଜୁ କାତା ଇଞ୍ଜି ଜାର୍ ତେଲାର୍ ଲାହାଙ୍ଗ୍ କିଦ୍ରା ନାଗୁଡ୍ କନାନି ଆଣ୍ଡିପାଡ୍ କାତ ହସି ହାଚାର୍ । ହେବେ ରଞ୍ଜାଙ୍ଗ୍ ବାଡ୍ ମାଚାଟ୍, ଆରେ ହୱାନ୍ ଆରେ ତା ତେଲାହିର୍ ହେବେ ହଚାର୍ । ୨ ଇମ୍ପା ଜିହୁଦା ତାଙ୍ଗେଙ୍ଗ୍ ସତୁ କେଇଦ ହେଲାୟ୍ କିତାନ୍, ହେୱାନ୍ ପା ହେ ବାହା ପୁଞ୍ଜି ମାଚାନ୍, ଇନାକିଦେଂକି ଜିସୁ ବେସିହର୍ ଜାର୍ ତେଲାହିର୍ ଲାହାଙ୍ଗ୍ ହେ ବାହାତ ହାଲ୍ ବିସ୍ ମାଚାର୍ । ୩ ଲାଗିଂ, ଜିହୁଦା ମେଲ୍ୟାର୍ ଆରେ ମୁଡ୍ ମାପୁହେବା କିନାକାର୍ ଆରି ପାରୁସିରତାଂ ପାୟାତାକାର୍ ମନ୍ଦିର୍ କାନାକାର୍ ବଇଟା, ଜୁଜରା ଆରି ଆତିୟାର୍ ଆସ୍ତି ହେବେ ୱାତାନ୍ । ୪ ହେବେତାଂ ଜିସୁ, ହେ କାଜିଂ ଇନା ଇନାକା ଗିଟା ଆଦେଂ ହାନାତା, ହେ ଓଜୁ ପୁଞ୍ଜି ଆଗେ ୱାଜି ହେୱାରିଂ ଷ୍ଟେନ୍ ବାତାନ୍, “ଏପେଙ୍ଗ୍ ଇନେରିଂ ତେକ୍ନାଦେରା ?”

୫ ହେୱାର୍ ଜିସୁଙ୍ଗ୍ ଉତର୍ ହିତାର୍, “ନାଜରିତୟ୍ ଜିସୁଙ୍ଗ୍ ।”

ହେୱାନ୍ ହେୱାରିଂ ଇଚାନ୍, “ଆନ୍ ହେୱାନ୍ ।”

ଇମ୍ପା ଜିହୁଦା ତାଙ୍ଗ୍ ସାତୁ କେଇଦ ସର୍ପି କିତାନ୍, ହେୱାନ୍ ପା ହେୱାର୍ ଲାହାଙ୍ଗ୍ ନିଲ୍ ଗି ମାଚାନ୍ । ୬ ଜିସୁ ଏତେକାଡ୍ ହେୱାରିଂ ଷ୍ଟେଟ୍ତାନ୍, “ଆନ୍ ହେୱାନ୍,” ହେ ପାଦ୍ନା ହେୱାର୍ ପାଟ୍ ଗୁଟା ଆଜି ମେଦ୍ନିତ ଗୁଟାଟ୍ । ୭ ହେବେଣ୍ଡା ହେୱାନ୍ ହେୱାରିଂ ଆରେ ରଗ ଷ୍ଟେନ୍ ବାତାନ୍, “ଏପେଙ୍ଗ୍ ଇନେରିଂ ତେକ୍ନାଦେରା ?” ହେୱାର୍ ଇଚାର୍, “ନାଜରିତୟ୍ ଜିସୁଙ୍ଗ୍ ।”

୮ ଜିସୁ ଉତର୍ ହିତାନ୍, “ଆନ୍ ଜେ ହେୱାନ୍, ଇଞ୍ଜାନ୍ ଆନ୍ ମିଙ୍ଗେଙ୍ଗ୍ ଷ୍ଟେଟ୍ତାତାଂ । ଲାଗିଂ ଏପେଙ୍ଗ୍ ଜଦି ନାଙ୍ଗ୍ ତେକ୍ନାଦେରା, ତା ଆତିସ୍ ଇଞ୍ଜାରିଂ ହାଞ୍ଜେଙ୍ଗ୍ ପିସ୍ତି ହିୟାଟ୍ ।” ୯ ଜିସୁ ଇଦାଂ ଇଚାନ୍, ଇନେସ୍ ତା ଲେକାଆତି ବଚନ୍ ପୁରା ଆନାଟ୍, “ଏନ୍ନାଙ୍ଗ୍ ଇନେରିଂ ହିତ୍ତାୟ୍ନା, ହେୱାର୍ ବିତ୍ତେ ଆନ୍ ରକାନିଂ ପା ଆରାୟ୍ କିଞ୍ଜାତାଂନା ।”

୧୦ ସିମନ୍ ପିତର୍ ଲାଗାଂ କାଣ୍ଡା ମାଚିଲେ ହେୱାନ୍ ହେଦାଂ ହପ୍ତି ମୁଡ୍ ମାପୁହେବାକିନାକାନ୍ ଆଡିଏନିଂ ତତାନ୍ ଆରି ତା ତିନି କିତୁଲ୍ ନାଟ୍ ତୁହିତାନ୍; ହେ ଆଡିଏନ୍ତି ତର୍ ମାଲ୍ କ । ୧୧ ହେବେଣ୍ଡା ଜିସୁ ପିତର୍ ତିଂ

☆ ୧୮:୧୧ ୧୮:୧୧ ମାତିଉ ୨୭:୩୯; ମାର୍କ ୧୪:୩୭; ଲୁକ ୨୨:୪୭.

ଇଚାନ, “କାଣ୍ଡା ଇର୍ନିତାକେ ଇଟା; ଆବା ନାଙ୍ଗ୍ ଇମ୍‌ଣି ବାହା ହିଡ଼ନ୍ନା, ଆନ୍ ଇନାକା ହେବେ ଗସ୍‌ତେଙ୍ଗ୍ ଆଡୁଙ୍ଗ୍ ?”

ହାନାନ ମୁମ୍‌ଦ ଇସ୍‌ର

(ମାତିଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୭)

୧୭ ଇଦାଂ ପାଚେ ରମିୟ ନେତାରନି ମେଲ୍ୟାର, ମୁଡ଼ମେଲ୍ୟା, ଆରେ ଜିହୁଦିର୍ ମେଲ୍ୟାର ଜିସୁଙ୍ଗ୍ ଆସ୍ତି ଗାଟ୍‌ଗାର । ୧୮ ଆରେ ତାଙ୍ଗେଙ୍ଗ୍ ଗାଟ୍‌ଟି ପର୍ତ୍ତମ୍ ହାନାନ ତାକେ ଅତାର, କୟାପା ପଡ଼ଲେହି ମାଚାନ ଇନାକିଦେଂକି ହେଖାନ ହେ ବାହୁନି ମୁଡ଼ ମାପୁହେବା କିନାକାର ମାଚାନ । ୧୯ *ମାନାୟାର ବିତ୍ରେ ରକାନ ହାନାକା ହାର ଇଞ୍ଜି ଜିହୁଦିର୍ ଜେ ଖେଟ୍‌ଟି ମାଚାନ, ଇଖାନ ହେ କୟାପା ।

ପିତର୍ ଜିସୁଙ୍ଗ୍ ପାତର୍ କିଖାତାନ

(ମାତିଉ ୨୬:୨୯-୩୦; ମାର୍କ ୧୪:୨୬-୨୮; ଲୁକ ୨୨:୫୫-୫୭)

୧୫ ସିମନ୍ ପିତର୍ ଆରି ଆରେ ରକାନ ତେଲାହି ଜିସୁ ପାଚେ ପାଚେ ହାଲ୍‌ଜି ମାଚାର । ହେ ତେଲା ମୁଡ଼ ମାପୁହେବାକିନାକାନିଂ ଚିନା ଜାଣା ମାଚାନ ଆରି ଜିସୁତି ହୁକେ ମୁଡ଼ ମାପୁହେବାକିନାକାନ ହାକ୍‌ଡିତ ହଟାର; ୧୬ ମାତର୍ ପିତର୍ ବାଟ୍ ଦୁଖେଟ୍‌ଟି ଲାଗେ ନିଲ୍‌ଟି ମାଚାନ । ଲାଗିଂ, ହେ ଇମ୍‌ଣି ବିନ୍ ତେଲା ମୁଡ଼ ମାପୁହେବାକିନାକାନ ମେହାଣ୍ ମାଚାନ, ହେଖାନ ବାଟ୍ ହାଲ୍‌ଜି ଦୁଖେଟ୍ କାନାକାନିଂ ଖେଟ୍‌ଟି ପିତର୍‌ଟିଂ ବିତ୍ରେ ତାହିଖାତାନ । ୧୭ ହେବେ ହେ ଦୁଖେଟ୍‌ଟି କାନାକାଦେଲ୍ ଆଡ଼ିଏଣି ପିତର୍‌ଟିଂ ଇଚାଟ୍, “ଏନ୍ ପା ଇନାକା ଇ ମାନାୟତିଂ ତେଲାର ବିତ୍ରେ ରକାୟ୍ ଆକାୟ୍ ?”

ପିତର୍ ଇଚାନ, “ଆନ୍ ଆକାୟ୍ ।”

୧୮ ପିନି କାଜିଂ ଆଡ଼ିୟା ଆରି କାନାକାର ନାଣିଆହି କିଜି ହେବେ ନିଲ୍‌ଟି କାଈଜି ମାଚାର; ପିତର୍ ପା ହେଖାର ଲାହାଙ୍ଗ୍ ନିଲ୍‌ଟି ନାଣି କାଈଜି ମାଚାନ ।

ମୁଡ଼ ମାପୁହେବାକିନାକାର ଜିସୁଙ୍ଗ୍ ପର୍‌ସନ୍ କିତାନ

(ମାତିଉ ୨୬:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ ମୁଡ଼ ମାପୁହେବାକିନାକାନ ଜିସୁଙ୍ଗ୍ ତା ତେଲାହିର୍ ବିସ୍ତେ ଆରି ହେ ହିକ୍ୟା ବିସ୍ତେ ଖେନ୍‌ବାତାର । ୨୦ ଜିସୁ ତାଙ୍ଗେଙ୍ଗ୍ ଉତର୍ ହିତାନ, “ଆନ୍ ପୁତର୍ ତାକେ ହପ୍‌ଟି କାତା ଇଚାଙ୍ଗ୍‌ନା; ଇମେତାକେ ଖିଜାର ଜିହୁଦିର୍ ରୁଣ୍ଡା ଆନାର, ଇ ଲାକେ କୁଟୁମ୍ ଇଞ୍ଜି ଆରି ମନ୍ଦିର୍‌ତ ଆନ୍ ନିତ୍ରେ ହିକ୍ୟା ହିନାଙ୍ଗା; ଆନ୍ ଲୁକାମ୍‌ରେ ଇନାକା ହିଖାତାନ୍ନା ୨୧ ନାଙ୍ଗ୍ ଇନେକିଦେଂ ଖେନ୍‌ବା ଆଦ୍‌ନାଦେରା ? ଆନ୍ ହେଖାରିଂ ଇନାକା ଇଚାଙ୍ଗ୍‌ନା, ଇନେର୍ ଖେଚାର୍‌ନା, ହେଖାରିଂ ଖେନ୍‌ବାଟ୍; ହୁଡାଟ୍, ଆନ୍ ଇନା ଇନାକା ଇଚାଙ୍ଗ୍‌ନା ହେଖାର ହେଖିଜୁ ପୁନାର ।”

୨୨ ଜିସୁ ଇଦାଂ ଇଚିଲେ ମେଲ୍ୟାର ବିତ୍ରେ ରକାନ ଜିସୁଙ୍ଗ୍ ଚାପ୍‌ଡା ଇଡ଼ଜି ଇଚାନ, “ଏନ୍ ମୁଡ଼ ମାପୁହେବାକିନାକାନିଂ ଏନେଙ୍ଗ୍ ଉତର୍ ହିନାୟା ?”

୨୩ ଜିସୁ ତାଙ୍ଗେଙ୍ଗ୍ ଉତର୍ ହିତାନ, “ଜଦି ଆନ୍ ବାନ୍ୟା ଇଚାଂ, ତା ଆତିସ୍ ଖିଜାରିଂ ମୁମ୍‌ଦ ବାନ୍ୟା ପାର୍ମାଣ୍ ହିୟା; ମାତର୍ ଜଦି ହାର ଇନ୍‌ଚାଙ୍ଗ୍, ତା ଆତିସ୍ ଇନେକିଦେଂ ନାଙ୍ଗେଙ୍ଗ୍ ମାଡ଼ଜି କିଦ୍‌ନାୟା ?”

୨୪ ହେବେ ହାନାନ ତାଙ୍ଗେଙ୍ଗ୍ ଗାଟ୍ୟା ଆତାକାନିଂ ମୁଡ଼ ମାପୁହେବାକିନାକାର କୟାପା ଲାଗେ ପକ୍‌ତାନ ।

ପିତର୍ ଜିସୁଙ୍ଗ୍ ଆରେ ରଗ ପାତର୍ କିଖାତାନ

(ମାତିଉ ୨୬:୭୧-୭୫; ମାର୍କ ୧୪:୨୯-୩୨; ଲୁକ ୨୨:୫୮-୬୨)

୨୫ ଖିସ୍ତି ବିତ୍ରେ ସିମନ୍ ପିତର୍ ନିଲ୍‌ଟି ନାଣି କାଈଜି ମାଚାନ । ହେବେଣ୍ଡାଂ ହେଖାର ତାଙ୍ଗେଙ୍ଗ୍ ଖେନ୍‌ବାତାର, “ଏନ୍ ପା ଇନାକା ହେ ତେଲାର ବିତ୍ରେ ରଖାୟ୍ ଆକାୟ୍ ?”

ମାତର୍ ପାତର୍ କିଖାଦାଂ ଇଚାନ, “ଆକାୟ୍ ଆନ୍ ଆକାୟ୍ ।”

୨୬ ମୁଡ଼ ମାପୁହେବା କିନାକାନ ଆଡ଼ିୟାର ବିତ୍ରେ ରଖାନ, ଇଚିସ୍ ପିତର୍ ଇନେର୍‌ଟି କିଡୁଲ୍ ରାସ୍‌ଦି ମାଚାନ, ତା ହାଙ୍ଗ୍‌ଦାକାନ ରକାନ ଇଚାନ, “ଆନ୍ ଇନାକା ନିଙ୍ଗ୍ ତା ଲାହାଙ୍ଗ୍ ବାଡ଼୍‌ଦ ହୁଡ଼ଜି ମାଞ୍ଜିଖାତା ?”

୨୭ ହେବେଣ୍ଡାଂ ପିତର୍ ଆରେ ରଗ ପାତର୍ କିଖାତାନ; ଆରେ ହେ ଦାପ୍‌ପେ କୁଜୁ କ୍ଳେତାଡ଼ ।

ପିଲାତ ମୁମ୍‌ଦ ଜିସୁ

(ମାତିଉ ୨୭:୧-୨; ୧୧:୧୪; ମାର୍କ ୧୫:୧-୫; ଲୁକ ୨୩:୧-୫)

* ୧୮:୧୪ ୧୮:୧୪ ଜହନ୍ ୧୧:୪୯, ୫୦.

୨୮ ପାଚେ ହେୱାର୍ ଜିସୁଙ୍କ କନ୍ୟାପାଇଁ ଲାଗାଂ ବାଙ୍କିଲାତ ଅତାର୍ ନାଡ଼ିସ୍ ଆଜି ମାଗାଡ଼; ଆରେ, ହେୱାର୍ ଇନେସ୍ ବିଚାଡ଼ ଆଖାଦାଂ ନିସ୍ତାର୍ ପାରୁନି ବଜି ମାନିକିଦେଂ ଆଡ଼ନାର୍, ଇଦାଂ କାଜିଂ ନିଜେ ବାଙ୍କିଲା ବିତ୍ତେ ହଣିଖାତାର୍ । ୨୯ ଲାଗିଂ, ପିଲାତ ହେୱାର୍ତାଂ ହସି ଖାଜି ଖେନ୍ଦବାତାନ୍, “ଇ ମାନାୟ୍ ବିରୁଦ୍ଧ ଏପେଙ୍ଗ୍ ଇମ୍ଣି କାତା ତାହିଖାନାଦେରା ?”

୩୦ ହେୱାର୍ ତାଙ୍ଗ୍ ଉତର୍ ହିତାର୍, “ଇ ମାନାୟ୍ ଜଦି ପାପ୍ୟା ଆଖାଦାଂ ମାଚିସ୍, ତା ଆତିସ୍ ଆପେଂ ତାଙ୍ଗେଙ୍ଗ୍ ନି କେଇଦ ହେଲାୟ୍ କିଦ୍‌ଖାତାପମା ।”

୩୧ ହେବେଣ୍ଡାଂ ପିଲାତ ହେୱାରିଂ ଇଚାନ୍, “ଏପେଙ୍ଗ୍ ଇଖାନିଂ ଅଜି ହାଲ୍‌ଜି ମି ବିଦି ଲାହାଙ୍ଗ୍ ଇଖାନ୍ତି ବିଚାର୍ କିୟାଟ୍ ।” ଜିହୁଦିର୍ ହେୱାନିଂ ଇଚାର୍, “ଇନେରିଂ ପାରାଣ୍ ତାଣ୍ ହିଦେଂ ମା ଆଦିକାର୍ ହିଲୁଡ୍ ।”

୩୨ ଜିସୁ ଇମ୍ଣି ବାନି ହାକି କିଦେଙ୍ଗ୍ ହାନାନା, ହେବେତାଂ ଖେର୍ଚି ହେୱାନ୍ ଇମ୍ଣି ବଚନ୍ ଇଚାନ୍ ହେଦାଂ ଇନେସ୍ ପୁରା ଆନାଡ଼, ଇଦାଂ କାଜିଂ ହେୱାର୍ ଇଦାଂ ଇଚାର୍ ।

୩୩ ପିଲାତ ବାଙ୍କିଲା ବିତ୍ତେ ହଣିଜି ଜିସୁଙ୍କ କୁକ୍‌ଚି ତାଙ୍ଗ୍ ଖେନ୍ଦବାତାନ୍, “ଏନ୍ ଇନାକା ଜିହୁଦିର୍ ରାଜା ?”

୩୪ ଜିସୁ ଉତର୍ ହିତାନ୍, “ଏନ୍ ଇନାକା ନିଜ୍‌ତାଙ୍ଗ୍ ଇଦାଂ ଇଚାୟ୍‌ନା, କି ବିନ୍‌ଲଗୁ ନା ବିସ୍ତେ ନିଙ୍ଗ୍ ଇଦାଂ ଇଞ୍ଚାର୍‌ନା ?”

୩୫ ପିଲାତ ଉତର୍ ହିତାନ୍, “ଆନ୍ ଇନାକା ରକାଂ ଜିହୁଦି ? ନି ଜାତିନିକାର୍ ଆରି ମୁଡ୍ ମାପୁହେବାକିନାର୍ ନିଙ୍ଗେଙ୍ଗ୍ ମା କେଇଦ ହେଲାୟ୍ କିଡ଼ତାଣ୍ଡା; ଏନ୍ ଇନାକା କିତାୟ୍‌ନା ?”

୩୬ ଜିସୁ ଉତର୍ ହିତାନ୍, “ନା ରାଜି ଇ ପୁତ୍ ବିସ୍ତେ ଆକାୟ୍; ଜଦି ନା ରାଜି ଇ ପୁତ୍ ବିସ୍ତେ ଆତାମା, ତା ଆତିସ୍ ଆନ୍ ଇନେସ୍ ଜିହୁଦି ନେତାର୍ କେଇଦ ହେଲାୟ୍ ଆଖାତାମା, ହେଦାଂ କାଜିଂ ନା ହେବା କିନାକାର୍ ଜୁଜ୍ କିତାମା; ମାତର୍ ନା ରାଜି ହାଡ଼ପା ବିସ୍ତେ ଆକାୟ୍ ।”

୩୭ ହେବେଣ୍ଡାଂ ପିଲାତ ହେୱାନିଂ ଖେନ୍ଦବାତାନ୍, “ତା ଆତିସ୍ ଏନ୍ ରଖାୟ୍ ରାଜା କି ?” ଜିସୁ ଉତର୍ ହିତାନ୍, “ଏନ୍ ତ ଇଞ୍ଜନାୟା, ଆନ୍ ରକାଂ ରାଜା । ଆନ୍ ଇନେସ୍ ହାଡ଼ପା ପାକ୍ୟାତ ସାକି ହିନାଙ୍ଗ୍, ଇଦାଂ କାଜିଂ ଆନ୍ ଜଲମ୍ ଆତାଙ୍ଗ୍‌ନା ଆରି ପୁତ୍ ଖାତାଙ୍ଗ୍‌ନା । ଇନେନକି ହାଡ଼ପାନି ମାଜି, ହେୱାନ୍ ନା କାତା ଖେନାନ୍ ।”

୩୮ ପିଲାତ ଜିସୁଙ୍କ ଇଚାନ୍, “ହାଡ଼ପା ଇନାକା ?”

ଇଦାଂ ଇଞ୍ଜି ପିଲାତ ଆରେ ଜିହୁଦି ତାକେ ବାଡ଼ ହାଲ୍‌ଜି ହେୱାରିଂ ଇଚାନ୍, “ଆପେଂ ଇବେ ଇନାକାପା ଦସ୍ ପାୟା ଆଉପା ।”

ଜିସୁ କାଜିଂ ହାକି ରାଜି
(ମାଡ଼ିଉ ୨୭:୧୫-୩୧; ମାର୍କ ୧୫:୨-୨୦; ଲୁକ ୨୩:୧୩-୨୫)

୩୯ ମାତର୍ ନିସ୍ତାର୍ ପାରୁଁ ଖେଡ଼ାଲିଂ ମି କାଜିଂ ରଖାନିଂ ମୁକ୍‌ଡ଼ାୟ୍ କିନାପ୍, ଇଦାଂ ମି ରିତି ନିତି ମାନାଡ଼; ଲାଗିଂ, “ଜିହୁଦିର୍ ରାଜାଙ୍ଗ୍ ଆପେଂ ମି କାଜିଂ ମୁକ୍‌ଡ଼ାୟ୍ କିଜି ହିଦ୍‌ନାପ୍ ଇଞ୍ଜି ଇନାକା ମି ମାନ୍ କିନାଦେରା କି ?”

୪୦ ହେବେ ହେୱାର୍ ଆରେ ରଗ କିକିରାତିଂ କିଜି ଇଚାର୍, “ଇ ମାନାୟ୍ ଆକାୟ୍, ମାତର୍ ବାରବାଙ୍ଗ୍ ।” ଇ ବାରବା ରକାନ୍ ଚରେନ୍ ମାଚାନ୍ ।

୧୯

୧ ତା ପାଚେ ପିଲାତ ଜିସୁଙ୍କ ଅଜି ହାଲ୍‌ଜି କରତା ଟ୍ରାକି କିତାନ୍ । ୨ ଆରେ, ମେଲ୍ୟାର୍ ଖାଡ଼ି ମୁକୁଟ୍ ରଚ୍ଚି ତା କାପ୍‌ଡ଼ାତ ତୁଜି କିତାର୍ ଆରି ହେୱାନିଂ କାହ୍‌ରାତି କାଲାର୍ ବାନି ଆଙ୍ଗି ଉସ୍ତି କିତାର୍; ୩ ହେୱାର୍ ତା ତାକେ ଖାଜି ଇଚାର୍, “ଏ ଜିହୁଦିର୍ ରାଜା, ଜୁଗ୍ ଜୁଗ୍ ମାନା” ଆରେ, ହେୱାର୍ ହେୱାନିଂ ଚାପ୍‌ଡ଼ା ଇଡ଼୍‌ଦେଂ ଲାଗାତାର୍ ।

୪ ପିଲାତ ଆରେ ରଗ ବାଡ଼ ହାଲ୍‌ଜି ହେୱାରିଂ ଇଚାନ୍, ହୁଡ଼ାଟ୍, “ଆପେଂ ଜେ ତା ତାକେ ଇନାକାପା ଦସ୍ ପାୟା ଆଉପା,” ଇଦାଂ ଇନେସ୍ ଏପେଙ୍ଗ୍ ପୁନାଦେର୍, “ଇଦାଂ କାଜିଂ ଆପେଂ ତାଙ୍ଗେଙ୍ଗ୍ ମି ତାକେ ହପ୍‌ଚି ତାଡ଼ପନା ।” ୫ ହେବେଣ୍ଡାଂ ଜିସୁ ହେ ଖାଡ଼ି ମୁକୁଟ୍ ଆରି କାହ୍‌ରାତି କାଲାର୍ ବାନାନି ଆଙ୍ଗି ଉସ୍ତିସ୍ ବାଡ଼ି ଖାତାନ୍ । ପିଲାତ ହେୱାରିଂ ଇଚାନ୍, ହୁଡ଼ାଟ୍, ଇଖାନ୍ “ହେ ମାନାୟ୍ !” ୬ ହେବେଣ୍ଡାଂ ମୁଡ୍ ମାପୁହେବାକିନାକାନ୍ ଆରି ମନ୍ଦିର୍ କାନାକାର୍ ତାଙ୍ଗେଙ୍ଗ୍ ହୁଡ଼ଜି କିକିରାତିଂ କିଜି ଇଚାର୍, “କୁସ୍‌ତ ଦୁପାଟ୍, କୁସ୍‌ତ ଦୁପାଟ୍ ।” ପିଲାତ ହେୱାରିଂ ଇଚାନ୍, “ଏପେଙ୍ଗ୍ ହେୱାନିଂ ଅଜି କୁସ୍‌ତ ଦୁପାଟ୍, ଇନାକିଦେଂକି ଆପେଂ ତା ତାକେ ଇନାକାପା ଦସ୍ ପାୟା ଆଉପା ।”

୭ ଜିହୁଦିର୍ ତାଙ୍ଗେଙ୍ଗ୍ ଉତର୍ ହିତାର୍, “ମାଦାଂ ରଞ୍ଜାଙ୍ଗ୍ ବିଦି ମାନାନ୍ ଆରି ହେ ରିତି ହୁକେ ହେୱାନ୍ ହାନି ଲଡ଼ା, ଇନାକିଦେଂକି ହେୱାନ୍ ଜାର୍‌ତିଂ ଇସ୍‌ର୍ ମାଜି ଇଞ୍ଜି ଇନାନ୍ନା ।”

☆ ୧୮:୩୨ ୧୮:୩୨ ଜହନ୍ ୩:୧୪; ୧୨:୩୨.

୮ ହେବେଣ୍ଡା ପିଲାତ ଇ କାତା ଖେନ୍‌ଞ୍ଜି ଆଦିକ୍ ପାଣ୍ଡା ଆତାନ୍; ୯ ଆରେ, ହେଝାନ୍ ଆରେ ରଗ ବାଙ୍ଗଲୀତ ହର୍ଗିସ୍ ଜିସୁଙ୍ଗ୍ ଖେନ୍‌ବାତାନ୍, “ଏନ୍ ଇମେଣ୍ଡା ଖାତାୟନା ?”

ମାତର୍ ଜିସୁ ତାଙ୍ଗେଙ୍ଗ୍ ଉତର୍ ହିଝାତାନ୍ । ୧୦ ହେବେଣ୍ଡା ପିଲାତ ତାଙ୍ଗେଙ୍ଗ୍ ଇଚାନ୍, “ନାଙ୍ଗେଙ୍ଗ୍ କାତା ଇଞ୍ଜୁୟା ? ନିଙ୍ଗେଙ୍ଗ୍ ମୁକ୍‌ଡାୟ୍ କିଦେଙ୍ଗ୍ ମା ଆଦିକାର୍ ମାନାଡ୍ ଆରି ନିଙ୍ଗେଙ୍ଗ୍ କୁସ୍‌ତ ଦୁପ୍‌ତେଦେଂ ମା ଆଦିକାର୍ ମାନାଡ୍, ଇଦାଂ କି ଏନ୍ ପୁନ୍‌ୟା ?”

୧୧ ଜିସୁ ଉତର୍ ହିଚାନ୍, “ଜଦି ଇସ୍‌ବର୍ ତାଙ୍ଗ୍ ହଡ଼୍‌ଝାଦାଙ୍ଗ୍ ମାତିସ୍, ତା ଆତିସ୍ ନା ବିରୁଦ୍‌ତ ନିନ୍ଦାଂ ଇନାକାପା ଆଦିକାର୍ ମାନ୍‌ଝାତାଡ଼ମା, ଲାଗିଂ ଜେ ନାଙ୍ଗେଙ୍ଗ୍ ନି କେଇଦ ହେଲାଇୟ୍ କିତାଙ୍ଗ୍‌ନା, ତା ପାପ୍ ଅଲପ୍ ।”

୧୨ ହେବେଣ୍ଡା ପିଲାତ ଜିସୁଙ୍ଗ୍ ମୁକ୍‌ଡାୟ୍ କିଦେଙ୍ଗ୍ ସେସ୍ଟା କିତାନ୍, ମାତର୍ ଜିହୁଦିର୍ କିକିରାତିଂ କିଜି ଇଚାନ୍, “ଜଦି ଏନ୍ ଇ ମାନାୟ୍‌ତିଂ ମୁକ୍‌ଡାୟ୍ କିନାୟ୍, ତା ଆତିସ୍ ଏନ୍ ସମ୍‌ରାଡ଼ିଂ ସାଙ୍ଗ୍ ଆକାୟ୍; ଇନେରକି ଜାର୍‌ତିଂ ରାଜା ଇଞ୍ଜି ଇନାନ୍, ହେଝାନ୍ କାଈସର୍‌ତିଂ ବିରୁଡ଼ତାଂ କାତା ଇନାନ୍ ।”

୧୩ ପିଲାତ ଇ ଖିଜୁ କାତା ଖେନ୍‌ଞ୍ଜି ଜିସୁଙ୍ଗ୍ ହପ୍‌ତି ତାସି “କାଲ୍‌କୁମ୍‌ଣ୍ଡାମ୍,” ଇନେରିଂ ଏବ୍ରି ବାସାତ “ଗବ୍‌ବତା,” ଇଞ୍ଜି ଇଚାନ୍, ହେ ବିଚାର୍ କିନି ବାହାତ କୁଚ୍‌ଚାନ୍ । ୧୪ ହେ ଦିନ୍ ନିସ୍‌ସାର୍ ପାର୍‌ବୁନି ଜାଲ୍‌ଦି କିନି ଦିନ୍, ଆରେ ହେଝାଡ଼ାଂ ବେସିଆଉତିସ୍ ଖେଡ଼ାଲିଂ ସମୁ ଆଜି ମାଚାଡ଼ । ଆରେ, ପିଲାତ ଜିହୁଦିରିଂ ଇଚାନ୍, “ହୁଡ଼ାଟ୍, ମି ରାଜା !” ୧୫ ହେବେଣ୍ଡା ହେଝାର୍ କିର କିତାର୍, “ତାଙ୍ଗେଙ୍ଗ୍ ଅହାଟ୍, ଅହାଟ୍, କୁସ୍‌ତ ଦୁପାଟ୍ ।” ପିଲାତ ହେଝାରିଂ ଇଚାନ୍, ଆପ୍ ଇନାକା ମି ରାଜାଙ୍ଗ୍ କୁସ୍‌ତ ଦୁପ୍‌ନାପ୍ କି ? ମୁଡ଼୍ ମାପୁହେବାକିନାକାର୍ ଉତର୍ ହିଚାନ୍, “କାଈସର୍‌ତିଂ ପିସ୍ତି ମାଙ୍ଗେଙ୍ଗ୍ ଆରେ ରାଜା ଇନେର୍ ହିଲୁନ୍ ।” ୧୬ ହେବେଣ୍ଡା ହେଝାନ୍ ଇନେସ୍ କୁସ୍‌ତ ଦୁପ୍‌ୟା ଆତାନ୍‌ମା, ଇଦାଂ କାଜିଂ, ହେଝାନ୍ ହେଝାନିଂ ହେଝାର୍ ଇଚାତାଂ ହେଲାଇୟ୍ କିତାନ୍, ତା ପାତେ ଜିସୁଙ୍ଗ୍ ଅଜି ହାଚାର୍ ।

ଜିସୁଙ୍ଗ୍ କୁସ୍‌ତ ଦୁପ୍‌ତାର୍

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଆରେ, ଜିସୁ ନିଜେ କୁସ୍ ପିଣ୍ଡି ନିନ୍ଦାଣ୍ଡ୍ ତରୁନି ବାହାତ ହାଚାନ୍, “ଇମ୍‌ଣାକା ଏବ୍ରି ବାସାତାଂ ଗଲ୍‌ଗତା ଇଞ୍ଜି ଇନାନ୍, ହେବେ ହସି ହାଚାର୍ ।” ୧୮ ହେବେ ହେଝାର୍ ଜିସୁଙ୍ଗ୍ କୁସ୍‌ତ ଦୁପ୍‌ତାର୍ ଆରି ତା ଲାହାଙ୍ଗ୍ ଆରେ ରିୟାରିଂ ଦୁପ୍‌ତାର୍, ରିକଣ୍ଡାଂ ରିକାରିଙ୍ଗ୍ ଆରି ମାଦି ଜିସୁଙ୍ଗ୍ । ୧୯ ଆରେ, ପିଲାତ ର ଦାବା କାଗଜ୍ ପା ଲେକିକିଜି କୁସ୍ ଜପି ଡାଚ୍‌ଚାନ୍ । “ହେବେ ଲେକା ମାଚାଡ଼, ନାଜରିତିୟ୍ ଜିସୁ, ଜିହୁଦିର୍ ରାଜା । ୨୦ ଜିହୁଦିର୍ ବିତ୍ରେ ହେନି ଇ ଦାବା କାଗଜ୍ ପଡ଼ି କିତାର୍, ଇନାକିଦେଂକି ଇମ୍‌ଣି ବାହାତ ଜିସୁଙ୍ଗ୍ କୁସ୍‌ତ ଦୁପ୍‌ତି ମାଚାର୍, ହେଦାଂ ଗାଡ଼ନି ଲାଗେ ମାଚାଡ଼; ଆରେ, ହେ କାଗଜ୍ ଏବ୍ରି, ଲାଗିନ୍, ଆରି ଗ୍ରିକ୍ ବାସାତ ଲେକା ଆଜି ମାଚାଡ଼ । ୨୧ ଲାଗିଂ ଜିହୁଦିର୍ ମୁଡ଼୍ ମାପୁହେବାକିନାକାର୍ ପିଲାତଂ ଇଚାନ୍, ଜିହୁଦିର୍ ରାଜା ଇଞ୍ଜି ଲେକିକିଝାଦାଂ ଇତିସ୍ ଆନ୍ ଜିହୁଦିର୍ ରାଜା ଇଞ୍ଜି ହେଝାନ୍ ଇଚାନ୍, ଇଦାଂ ଲେକିକିୟାଟ୍ ।”

୨୨ ପିଲାତ ଉତର୍ ହିଚାନ୍, “ଆପେଂ ଇମ୍‌ଣାକା ଲେକିକିତାପ୍‌ନା, ଲେକିକିତାପ୍‌ନା ।”

୨୩ ମେଲ୍ୟାର୍ ଜିସୁଙ୍ଗ୍ କୁସ୍‌ତ ଦୁପ୍‌ତି ପାତେ ହେଝାନ୍ତି ଆଜି ଅଜି ଚାରି ବାଟା କିତାର୍, ଖିଜାକାର୍ ମେଲ୍ୟାର୍ କାଜିଂ ର ର ବାଟା, ଆରେ ହେଝାର୍ ହେଝାନ୍ତି ଆଜି ପା ଅତାର୍ । ହେ ଆଜି ଡ଼ିଆ ଆଝାଦାଂ ଜପିତାଂ ତାରେନ୍ ପାତେକ୍ ଖିଜୁ ଡ଼ିୟା ଆଜି ମାଚାଡ଼ । ୨୪ ଲାଗିଂ ମେଲ୍ୟାର୍ ରକାନ୍ ଆରେ ରକାନିଂ ଇଚାନ୍, “ଇଦାଂ ହେୟା କେଚୁସ୍, ମାତର୍ ଇଦାଂ ଇନେରତି ଆନାଡ଼, ହେଦାଂ କାଜିଂ ଦରମ୍‌ଗୁଲି କିନାସ୍,” ଇନେସ୍‌କି ଦରମ୍‌ ସାସ୍‌ରତାକେ ଇ ବଚନ୍ ପୁରା ଆନାଡ଼, ହେଝାର୍ ଜାର୍ ଜାର୍ ବିତ୍ରେ ନା ଆଜି ବାଟା କିତାର୍, “ଆରେ ନା ଆଜି କାଜିଂ ଦରମ୍‌ଗୁଲି କିତାର୍ । ଲାଗିଂ ମେଲ୍ୟାର୍ ଇ ସବୁ କିତାର୍ ।”

୨୫ ମାତର୍ ଜିସୁତି କୁସ୍ ଲାଗେ ହେ ତେହି ମରିୟମ୍, ହେଝାନ୍ ତେହି ତଣ୍‌ଦେହି, କଲପାତି ତକୁହି ମରିୟମ୍, ଆରି ମଗ୍‌ଦଲିନି ମରିୟମ୍ ନିଲ୍‌ତି ମାଚିକ୍ । ୨୬ ଜିସୁ ଜାର୍ ଆୟା ଆରି ଇମ୍‌ଣି ତେଲାଂ ଜିଉନଜି ମାଚାନ୍, ହେ ଲାଗାଂ ନିଲ୍‌ତି ମାନାକା ହୁଡ଼ଜି ତାଡ଼ିଙ୍ଗ୍ ଇଚାନ୍, “ହୁଡ଼ା ନି ମାଜି !”

୨୭ ତା ପାତେ ହେଝାନ୍ ହେ ତେଲାଂ ଇଚାନ୍, ହୁଡ଼ାଟ୍, “ଇଦେଲ୍‌ ମିଞ୍ଜି ଆୟା !” ଆରେ, ହେ ସମୁତାଂ ହେ ତେଲା ତାଙ୍ଗେଙ୍ଗ୍ ଜାର୍ ଇଞ୍ଜି ଅଜି ହାଚାନ୍ ।

ଜିସୁତି ହାକି

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ଇଦାଂ ପାତେ ଜିସୁ ଦରମ୍‌ ସାସ୍‌ର ବଚନ୍ ଇନେସ୍ ପୁରା ଆନାଡ଼, ଇଦାଂ କାଜିଂ ଖିଜୁ ବିସ୍ତେ ନଂଗୟ୍ ଖିସ୍‌ତନା ଇଞ୍ଜି ପୁଞ୍ଜି ଇଚାନ୍, “ନାଙ୍ଗେଙ୍ଗ୍ ଏସ୍‌କି କିଦ୍‌ନାତା ।”

୨୯ ହେବେ କେନିରାସ୍ ବାତ୍ ର ବାହା ମାତାତ୍; ଲାଗି ହେଞ୍ଜାର୍ କେନିରାସ୍ ବାତ୍ ର ରୁଆ ଉଚୁଟିଂ ଏଜପନାଲତ ତେଙ୍ଗା ବେଡ଼ଗା ଆହି କିଜି ତାଙ୍ଗ୍ ମୁମ୍ ଲାଗା ହିତାର୍ । ୩୦ ହେବେଣ୍ଡା ଜିସୁ ହେ କେନିରାସ୍ ଉଣ୍ଡି ଇଚାନ, ଝିସ୍ତାତ୍; ଆରେ,

ହେଞ୍ଜାନ କାପଡ଼ା ତାରେନ୍ କିଜି ଜିବୁନ୍ ପିସ୍ତାନ ।

ଜିସୁଙ୍ଗ୍ କଚଣ୍ଡ ବାଲାକୁନ୍ଦନାକା

୩୧ ହେ ଦିନ୍ ଜାଲ୍ଦି କିନି ଦିନ୍ ମାତିଲେ, ଗାଗାଡ଼୍ ଇନେସ୍ ଜମ୍ନିବାର୍ ନାଜିଂ କୁସ୍ ଜପି ମାନଗୁଡ଼ ଇନାକିଦେଂକି ହେ ଜମ୍ନିବାର୍ ଗାଜା ଦିନ୍ ମାତାତ୍, ହେଦାଂ କାଜିଂ ହେଞ୍ଜାର୍ତି କାଲ୍କୁ ଡ୍ରିକ୍କାଟ୍ ଆରି ହେଞ୍ଜାରିଂ କୁସ୍ତ ତାଙ୍ଗ୍ ତାରେନ୍ ଜୁଡ଼ତାଟ୍ ବିନ୍ ବାହାତ ଅୟାଆୟେର୍ ଇଞ୍ଜି ଜିହୁଦି ନେତାର୍ ପିଲାତଂ ଗଞ୍ଜାରି କିତାର୍ । ୩୨ ଲାଗିଂ ମେଲ୍ୟାର୍ ଝାଜି ପର୍ତ୍ତୁମ୍ ନିକାନିଂ କାଲ୍ ଆରି ତା ହୁଦାଂ ଇମ୍ଣି ରକାନ୍ କୁସ୍ତ ଦୁପ୍ୟା ଆଜି ମାଚାନ, ତା କାଲ୍ ପା ଡ୍ରିକ୍ତାର୍ । ୩୩ ମତର୍ ହେଞ୍ଜାର୍ ଜିସୁତି ଲାଗେ ଝାଜି ହେଞ୍ଜାନ ହାତାନେ ଇଞ୍ଜି ହୁଡ଼ଜି ହେଞ୍ଜାନ୍ତି କାଲ୍ ଡ୍ରିକ୍ଝାତାର୍, ୩୪ ମେଲ୍ୟାର୍ ବିତ୍ରେ ରକାନ୍ ବାଲାତାଂ ହେଞ୍ଜାନିଂ କଚଣ୍ଡ କୁନ୍ତାନ, ଆରେ ଦାପ୍ରେ ନେତେର୍ ଆରି ଏଜୁଂ ହଡ଼ତିକ୍ । ୩୫ ଇନେର୍ ହୁଡ଼ତାର୍ନା, ହେଞ୍ଜାନ୍ ସାକି ହିନାନା, ଇନେସ୍କି ଏପେଙ୍ଗ୍ ପା ପାତ୍ କିୟାଟ୍; ଆରେ, ହେଞ୍ଜାନ୍ତି ସାକି ହାଡ଼ପା, ଆରେ ହେଞ୍ଜାନ୍ ଜେ ହାଡ଼ପା ଇନାନ୍ନା, ଇଦାଂ ହେଞ୍ଜାନ୍ ପୁନାନ୍ । ୩୬ ଇନାକିଦେଂକି ଦରମ୍ ସାସ୍ତର୍ ଇ ବଚନ୍ ପୁରା ଆଦେଂ କାଜିଂ ଇ ଝିଜୁ ବିସ୍ତେ ଗିଗା ଆତାତ୍, “ହେଞ୍ଜାନ୍ତି ଉଚୁକ୍ ପା ପ୍ରେନ୍ ଡ୍ରିକ୍ଟାତ୍ ।” ୩୭ ଆରେ ରଗ ଦରମ୍ ସାସ୍ତର୍ ଆରେ ର ବଚନ୍ ଇଦାଂ ଲେକାଆତାତ୍ନା, ହେଞ୍ଜାର୍ ଇନେରିଂ ଅସ୍ତାର୍, ହେଞ୍ଜାନ୍ କାଜିଂ ହୁଡ଼ନାନ୍ ।

ଜିସୁତି କବର୍

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଇ ସବୁ ଗଟ୍ଣା ପାଚେ, ଇମ୍ଣି ହାରାମାତିୟାତି ଜସେପ୍ ଜିସୁତି ରକାନ୍ ଚେଲା ମାଚାନ, ମାତର୍ ଜିହୁଦି ନେତାର୍ ପାଣ୍ଡୁଟିଂ ଡ଼ଗୁଜି ମାଚାନ, ହେଞ୍ଜାନ୍ ଜିସୁତି ଗାଗାଡ଼୍ ଅଦେଂ କାଜିଂ ପିଲାତଂ ଗଞ୍ଜାରି କିତାନ । ହେବେ ପିଲାତ ପିସ୍ତ୍ର ହିତାନ । ଲାଗିଂ ହେଞ୍ଜାନ୍ ଝାଜି ହେଞ୍ଜାନ୍ତି ଗାଗାଡ଼୍ ଅତାର୍ । ୩୯ ଇମ୍ଣି ନିକଦିମ୍ ପର୍ତ୍ତୁମ୍ ନାଣା ସମୁତ ହେ ଲାଗାୟ୍ ଝାଜି ମାଚାନ, ହେଞ୍ଜାନ୍ ପା କମ୍ସେକମ୍ ତିରିସ୍ କେଜି ବାସ୍ନା ଚିକାଣ୍ ମିହାଆତି ଅଙ୍ଗୁର୍ ତାହିଝାତାନ । ୪୦ ହେଞ୍ଜାର୍ ଜିସୁତି ଗାଗାଡ଼୍ ଅଜି ଜିହୁଦିତ୍ ମାଡ଼ା ମୁଚ୍ନି ବିଦି ଲାକେ ହେଦାଂ ହାଉଦି ବାସ୍ନା ଜିନିସ୍ ହୁକେ କଞ୍ଜାଣ୍ ହେନ୍ଦାତ ହୁର୍ପାତାର୍ । ୪୧ ହେଞ୍ଜାନ୍ ଇମ୍ଣି ବାହାତ କୁସ୍ ଦୁପ୍ୟା ଆଜି ମାଚାନ, ହେ ବାହାତ ର ବାଡ଼୍ ମାତାତ୍, ଆରେ ହେ ବାଡ଼୍ ର ପୁନି ଦୁଗେର୍ ମାତାତ୍, ହେବେ ଇନେର୍ ଇନାଞ୍ଜାତାଂ ଇଚ୍ୟା ଆଞ୍ଜାଦାଂ ମାଚାର୍ । ୪୨ ଆରେ, ଜିହୁଦିତ୍ ଜାଲ୍ଦି କିନି ଦିନ୍ କାଜିଂ ହେ ବାହାତ ହେଞ୍ଜାର୍ ଜିସୁଙ୍ଗ୍ ଇଟ୍ତାର୍, ଇନାକିଦେଂକି ହେ ଦୁଗେର୍ ଲାଗାୟ୍ ମାତାତ୍ ।

୨୦

ଝାରାକା ଦୁଗେର୍

(ମାତିଉ ୨୮:୧-୧୦; ମାର୍କ ୧୬:୧-୮; ଲୁକ ୨୪:୧-୧୨)

୧ ସାଡ଼ ଦିନ୍ନି ପର୍ତ୍ତୁମ୍ ରଇବାର୍ ନାଜିଂ ନାଣାଙ୍ଗେ ମାଜଗା ମାନ୍ତୁ ମାନ୍ତୁ ମଗ୍ଦଲିନି ମରିୟମ୍ ଦୁଗେର୍ ଲାଗେ ହାଲ୍ଜି ହେବେତାଂ କାଲ୍ ଗୁର୍ଆତାକା ହୁଡ଼ତିକ୍ । ୨ ଲାଗିଂ ହେଦେଲ୍ ହଞ୍ଜି ହାଲ୍ଜି ସିମନ୍ ପିତର୍ ଆରି ଜିସୁ ଇନେରିଂ ଜିଉନଜି ମାଚାନ, ହେ ବିନ୍ ଚେଲା ଲାଗେ ଝାତାତ୍, ଆରେ ହେଞ୍ଜାରିଂ ଇଚାତ୍, “ହେଞ୍ଜାର୍ ଦୁଗେର୍ତାଂ ମାପୁଙ୍ଗ୍ ଅଜି ହାଚାଣ୍ଟା, ଆରେ ତାଙ୍ଗେଙ୍ଗ୍ ଇମେତାକେ ଇଡ଼ତାର୍ନା, ହେଦାଂ ଆପେଂ ପୁନ୍ନୁଝାତାପ୍ନା ।”

୩ ହେବେତାଂ ପିତର୍ ଆରି ହେ ବିନ୍ ଚେଲା ଦୁଗେର୍ ଲାଗେ ହାଚାର୍ । ୪ ହେଞ୍ଜାର୍ ରିୟାର୍ ରସମାନ୍ ହଡ଼େଙ୍ଗ୍ ଲାଗାତାର୍, ଆରେ ହେ ବିନ୍ ଚେଲା ପିତର୍ତିଂ ପାଚେ କିଜି ଆଗେ ଦୁଗେର୍ ତାକେ ଏକାତାନ, ୫ ଆରେ, ଟଡ଼ଜି ବିତ୍ରେ ହୁଡ଼ତାନ ହାରୁ କଞ୍ଜାଣ୍ ହେନ୍ଦା ଝିଜୁ ଆର୍ତାକା ହୁଡ଼ତାନ, ଆତିସ୍ପା ହେଞ୍ଜାନ୍ ବିତ୍ରେ ହଞ୍ଜାଝାତାନ । ୬ ପାଚେ ସିମନ୍ ପିତର୍ ପା ତାପାଚେ ପାଚେ ଝାଜି ଏକାଝାତାର୍ ଆରି ଦୁଗେର୍ ବିତ୍ରେ ହଞ୍ଜି ହୁଡ଼ତାର୍ ଜେ, ହାରୁ କଞ୍ଜାଣ୍ ହେନ୍ଦାଙ୍ଗ୍ ଆର୍ତିକିନା, ୭ ଆରି ତା କାପଡ଼ାତ ଇମ୍ଣି ତୁଝାଲ୍ ଗାଚ୍ୟା ଆଜି ମାଚାନ ହେଦାଂ ହାରୁ କଞ୍ଜାଣ୍ ହେନ୍ଦା ଲାହାଙ୍ଗ୍ ମାନ୍ଝାଦାଂ ବିନ୍ ର ବାହାତ ଡାବା ଆଜି ମାତାତ୍ । ୮ ହେପାଦ୍ନା ଇମ୍ଣି ବିନ୍ ଚେଲା, ଇମ୍ଣାକାନ୍ ଆଗେ ଦୁଗେର୍ ଲାଗେ ଝାଜି ମାଚାନ ହେଞ୍ଜାନ୍ ପା ବିତ୍ରେ ହଞ୍ଜି ହୁଡ଼ତାନ ଆରି ପାତ୍ କିତାନ; ୯ ଇନାକିଦେଂକି ହାତାକାର୍ ବିତ୍ରେ ହେଞ୍ଜାରିଂ ଜେ ନିଙ୍ଗି କିୟାଆନାତ୍,

☆ ୧୯:୩୭ ୧୯:୩୭ ହଡ଼ତି ୧:୭. ☆ ୧୯:୩୯ ୧୯:୩୯ ଜହନ୍ ୩:୧,୨.

ସାସ୍ତ୍ର ଇ ବଚନ ହେୱାର ହେପାତେକ ବୁଜାଆଖାଦାଂ ମାଚାର ।^{୧୦} ପାଚେ ଚେଲାର ହେୱାର ଇଞ୍ଜ ହାଚାର ।

ଜିସୁ ମୁଗ୍ଦଲିନି ମରିୟମ୍ତିଂ ଚଞ୍ଜିୟାଆତାନ

(ମାତିଉ ୨୮:୯-୧୦; ମାର୍କ ୧୬:୯-୧୧)

^{୧୧} ମାତର ମରିୟମ୍ ଆଡ଼ଜି ଆଡ଼ଜି ବାରତ ଦୁଗେର ଲାଗେ ନିଲ୍ଲି ମାଚାଡ଼; ପାଚେ, ଆଡ଼ଜି ଆଡ଼ଜି ହେଦେଲ୍ ଟଡ଼ଜି ଦୁଗେର ବିତ୍ରେ ହୁଡ଼ତାଡ଼, ^{୧୨} ଆରେ ଜିସୁତି ଗାଗାଡ଼ ଇମ୍ଣି ବାହାତ ଇଡ଼ଜି ମାଚାର, ହେବେନି କାପଡ଼ା ଲାଗାଂ ରଖାନ୍ ଆରି ପାନା ଲାଗାଂ ଇ ଲାକେ ରିୟାର ଡ଼ିଞ୍ଜିନି ହେୟା ଉସ୍ତିତି ଦୁଡ଼ତିଂ କୁଡ଼ି ମାନାକା ହୁଡ଼ତାର । ^{୧୩} ହେୱାର ତାଙ୍ଗେଙ୍ଗ୍ ଇଚାର, “ଏ ଆୟା, ଇନେକିଦେଂ ଆଡ଼ବାନାୟା ?”

ହେଦେଲ୍ ହେୱାରିଂ ଇଚାଡ଼, “ଇମ୍ଣାକାର ନା ମାପୁଙ୍ଗ୍ ଅଜି ହାଚାର୍ଣ୍ଣା, ଆରେ ତାଙ୍ଗେଙ୍ଗ୍ ଇମ୍ଣି ବାହାତ ଇଡ଼ତାରନ୍ନା, ହେଦାଂ ଆନ୍ ପୁନୁଙ୍ଗ୍ ।”

^{୧୪} ହେଦେଲ୍ ଇଦାଂ ଇଞ୍ଜି ପାଚବାଗାଂ ବୁଲୁଆଜି ଜିସୁଙ୍ଗ୍ ନିଲ୍ଲିତାକା ହୁଡ଼ତିକ୍, ମାତର ହେୱାନ୍ ଜେ ଜିସୁ, ହେଦାଂ ପୁନୁଡ଼ିକ୍ । ^{୧୫} ଜିସୁ ତାଙ୍ଗେଙ୍ଗ୍ ଇଚାନ୍, “ଏ ଆୟା, ଇନେକିଦେଂ ଆଡ଼ବାନାୟା ? ଇନେରିଂ ଦାହ୍ନାୟା ?”

ହେଦେଲ୍ ତାଙ୍ଗେଙ୍ଗ୍ ବାଡ଼ନି ହାଉକାର ଇଞ୍ଜି ବାବି କିଜି ମାଚାଡ଼, ମାନିନି, “ଏନ୍ ଜଦି ତାଙ୍ଗେଙ୍ଗ୍ ଅଜି ହାଚାୟନା, ତା ଆତିସ୍ ତାଙ୍ଗେଙ୍ଗ୍ ଇମ୍ଣି ବାହାତ ଇଡ଼ତାଦେର୍ଣ୍ଣା, ନାଙ୍ଗେଙ୍ଗ୍ ଝେଡ଼ଚାଡ଼, ଆରେ ଆନ୍ ତାଙ୍ଗେଙ୍ଗ୍ ଅଜି ହାନାଂ ।”

^{୧୬} ଜିସୁ ତାଙ୍ଗେଙ୍ଗ୍ ଇଚାନ୍, “ମରିୟମ୍ ।”

ହେଦେଲ୍ ବୁଲୁଆଜି ଏବ୍ରି ବେରଣ୍ଡାଂ ତାଙ୍ଗେଙ୍ଗ୍ ଇଚାଡ଼, “ରାବ୍ବୁନି” ଇଚିସ୍ ଏ ଗୁରୁ ।

^{୧୭} ଜିସୁ ତାଙ୍ଗେଙ୍ଗ୍ ଇଚାନ୍, “ନାଙ୍ଗେଙ୍ଗ୍ ଆସ୍ତି ମାଞ୍ଜିମାଡ଼,” ଇନାକିଦେଂକି ଆନ୍ ଇ ପାତେକ୍ ଆବା ଲାଗାଂ ହାଲୁଙ୍ଗେ, “ମାତର ନା ଟଣ୍ଡାର ଲାଗେ ହାଲୁଜି ଇନାଟ୍, ଆନ୍ ନା ଆବାଂ ଆରି ମିଞ୍ଜି ଆବାଂ, ନା ଇସ୍ପର ଆରି ମି ଇସ୍ପର ଲାଗାଂ ଦୁମନାଙ୍ଗା ।”

^{୧୮} ମଗ୍ଦଲିନି ମରିୟମ୍ ହାଲୁଜି, ଆନ୍ ମାପୁଙ୍ଗ୍ ହୁଡ଼ତାଙ୍ଗନା, ଆରେ ହେୱାନ୍ ନାଙ୍ଗେଙ୍ଗ୍ ଇ ସବୁ ଝେଡ଼ଚାଡ଼ା ଇଞ୍ଜି ଚେଲାରିଂ କାବୁର ଝେଡ଼ଚାଡ଼ ।

ଜିସୁ ହେ ଚେଲାରିଂ ଚଞ୍ଜିୟାଆତାନ

(ମାତିଉ ୨୫:୧୬-୨୦; ମାର୍କ ୧୬:୧୪-୧୮; ଲୁକ ୨୪:୩୭-୪୯)

^{୧୯} ହେ ନାଜିଂ, ଇଚିସ୍ ସାଡ଼ ଦିନ୍ନି ପର୍ଡୁମ୍ ରଇବାର ନାଜିଂ ମ୍ରିକା ସମୁତ ଏଚେକାଡ଼ଦ ଚେଲାର ଇମ୍ଣି ଇଞ୍ଜ ମାଚାର, ହେବେ ଦୁଝେରଙ୍ଗ୍ ଜିହୁଦିର ପାଣ୍ଡୁତିଂ ବନ୍ଦ ମାଚାଡ଼, ହେ ପାଦନା ଜିସୁ ଖାଜି ମାଦି ନିଲ୍ଲି ହେଝେରିଂ ଇଚାର, “ମିଦାଙ୍ଗ୍ ସୁସ୍ତା ଆଏଡ଼ ।” ^{୨୦} ଆରେ, ଇଦାଂ ଇଞ୍ଜି ହେୱାନ୍ ହେଝେରିଂ ଜାର କଚଣ୍ ଆରି ପାନା ଚଚଚାନ୍ । ହେବେତାଂ ଚେଲାର ମାପୁଙ୍ଗ୍ ହୁଡ଼ଜି ଖାରୟା ଆଚାର । ^{୨୧} ଜିସୁ ହେଝେରିଂ ଆରେ ରଗ ଇଚାନ୍, “ମିଦାଙ୍ଗ୍ ସୁସ୍ତା ଆଏଡ଼; ଆବା ଇନେସ୍କି ନାଙ୍ଗେଙ୍ଗ୍ ପକ୍ତାତାନ୍ନା, ଆନ୍ ପା ହେ ଲାକେ ମିଙ୍ଗେଙ୍ଗ୍ ପକ୍ତାନାଙ୍ଗା ।” ^{୨୨} ହେୱାନ୍ ଇଦାଂ ଇଞ୍ଜି ହେୱାର ଜପି ନେନ୍ନି ହେଝେରିଂ ଇଚାନ୍, “ପୁଇପୁୟା ଜିବୁନ୍ତିଂ ଇଚ୍ୟା ।” ^{୨୩} ଏପେଙ୍ଗ୍ ଜଦି ଇନେରିଂ ପାପ୍ କେମା କିନାଦେର, “ତାଦାଂ ପାପ୍ କେମା ଆନାଡ଼; ଆରି, ଜଦି ଇନେରତି ପାପ୍ କେମା କିଡ଼ଦେର, ତାଦାଂ ପାପ୍ କେମା ଆଡ଼ ।”

ଜିସୁ ଆରି ତମା

^{୨୪} ମାତର ଜିସୁ ଏଚେକାଡ଼ଦ ଖାଜି ମାଚାନ୍, ହେପାଦନା ବାରଜାଣ୍ ବିତ୍ରେ ତମା ତରଦାକାନ୍ ରକାନ୍, ଇମ୍ଣାକାନିଂ “ଦିଦୁମ୍” ଇନାର ହେୱାନ୍ ହେୱାର ଲାହାଙ୍ଗ୍ ହିଲ୍ଖାତାନ୍ । ^{୨୫} ଲାଗିଂ, ବିନ୍ ଚେଲାର ତାଙ୍ଗେଙ୍ଗ୍ ଇଚାର, “ଆପେଂ ମାପୁଙ୍ଗ୍ ହୁଡ଼ତାପନା ।”

ତମା ହେୱାନ୍ ହେଝେରିଂ ଇଚାନ୍, “ତା କେଇଦ ଖାଡ଼ିଙ୍ଗ୍ ଚିନ୍ସବୁ ହୁଡ଼ଡ଼ିସ୍ ଆରି ହେ ସବୁ ବାହାତ ନା ଖାଚକାଙ୍ଗ୍ ହୁଡ଼ଡ଼ିସ୍ ଆରି ହେ କାଲୁକୁ ନା କେଇ ହୁଡ଼ଡ଼ିସ୍ ଆନ୍ ଇନାଖାଡ଼ାଂପା ପାଚ କିଉଙ୍ଗ୍ ।”

^{୨୬} ଆଟ୍ ଦିନ୍ ପାଚେ ତା ଚେଲାର ଆରେ ରଗ ବିତ୍ରେ ମାଚାର ଆରି ତମା ହେୱାର ଲାହାଙ୍ଗ୍ ମାଚାନ୍ । କାପାଟ୍ ସବୁ ବନ୍ଦ ମାନି ସମୁତ ଜିସୁ ଖାଜି ମାଦି ନିଲ୍ଲି ଇଚାନ୍, “ମିଦାଙ୍ଗ୍ ସୁସ୍ତା ଆଏଡ଼ ।” ^{୨୭} ପାଚେ ହେୱାନ୍ ତମାଙ୍ଗ୍ ଇଚାନ୍, “ଇନ୍ଟାଙ୍ଗ୍ କେଇ ଲାମାୟକିଦା ନା କେଇ ହୁଡ଼ା, ନା କାଲୁକୁ ହୁଡ଼ା; ପାଚ କିଖାକାର ଆଜି ପାଚ କିୟାଟ୍ ।”

^{୨୮} ତମା ତାଙ୍ଗେଙ୍ଗ୍ ଉତର ହିତାନ୍, “ନା ମାପୁ, ନା ଇସ୍ପର ।”

☆ ୨୦:୨୩ ୨୦:୨୩ ମାତିଉ ୧୬:୧୯; ୧୮:୧୮.

୨୯ ଜିସୁ ତାଙ୍କେଇଁ ଇଚାନ୍, “ଏନ୍ ଇନାକା ନାଙ୍ଗ୍ ହୁଡ଼୍ଜି ପାତ୍ କିଦ୍ନାୟା ? ଇମ୍ଣାକାର୍ ହୁଡ଼୍ଜାଦାଂ ପାତ୍ କିତାର୍, ହେୱାର୍ ଦନ୍ୟ ।”

ଇ ପତିନି ଉଦେସ୍

୩୦ ଜିସୁ ଚେଲାର୍ ମୁମ୍ଦ ଇ ଲାକେ ବେସି ଆରି ବିନ୍ବିନ୍ ବାନି କାବାଆନି କାମାୟ୍ କିତାନ୍ନା, ହେ ଝିଜୁ ଇ ପତିତ ଲେକା ଆୱାତାତ୍ନା । ୩୧ ମାତର୍ ଏପେଙ୍ଗ୍ ଇନେସ୍ ପାତ୍ କିନାଦେର୍ ଜେ ଜିସୁ ଇସ୍ବର୍ ମାଜି କ୍ରିସ୍ତୁଆତାନ୍ନା, ଆରେ ପାତ୍ କିଜି ଇନେସ୍କି ଏପେଙ୍ଗ୍ ହେ ତର୍ଦାଂ ଜିବୁନ୍ ପାୟା ଆନାଦେର୍, ଇଦାଂ କାଜିଂ ଇ ଝିଜୁ ଲେକାଆତାତ୍ନା ।

୨୧

ସାତ୍ ଜାଣ୍ ଚେଲାର୍ ଜିସୁ ଚଞ୍ଜିୟା ଆତାନ୍

୧ ଇଦାଂ ପାଚେ ଜିସୁ ତିବିରିୟା ହାମ୍ବୁର୍ ଗୁଚିତ ବାରଜାଣ୍ ଚେଲାର୍ ଆରେ ରଗ ଚଞ୍ଜିୟାଆତାନ୍ । ହେୱାନ୍ ଇ ଲାକେ ଚଞ୍ଜିୟାଆତାନ୍; ୨ ସିମନ୍ ପିତର୍, ତମା, ଇମ୍ଣାକାନି ଦିଦୁମ୍ ଇନାର୍, ଗାଲିଲିନି କାନାନିକାନ୍ ନିତନିୟେଲ୍, ଜେବ୍ଦି ମାଜିର୍ ଆରି ତା ଚେଲାର୍ ବିତ୍ରେତାଂ ଆରେ ରିକାର୍ ରବେ ମାଚାର୍ । ୩ ସିମନ୍ ପିତର୍ ହେୱାରିଂ ଇଚାର୍, “ଆନ୍ ମିନ୍କୁ ଆସ୍ବେଙ୍ଗ୍ ହାନାଙ୍ଗା ।”

ହେୱାର୍ ତାଙ୍କେଇଁ ଇଚାର୍, “ଆପେଂ ପା ମି ଲାହାଙ୍ଗ୍ ହାନାପ୍ ।” ହେୱାର୍ ହସି ହାଲ୍ଜି ତଙ୍ଗାତ କୁଚ୍ଚାର୍, ଆରେ ହେ ମିକା ବିଚ୍ଚୁଲ୍ ଆସ୍ବେଙ୍ଗ୍ ଆଡ଼୍ଝାତାର୍ । ୪ ମାତର୍ ଅଜଡ୍ ଆତି ପାଚେ ଜିସୁ ଗୁଚିତ ନିଲ୍ତାନ୍; ଆତିସ୍ପା ହେୱାନ୍ ଜିସୁ ଇଞ୍ଜି ଚେଲାର୍ ପୁନ୍ଝାତାର୍ । ୫ ଜିସୁ ହେୱେରିଂ ଇଚାନ୍, “ହିମ୍ଣାଂ, ମି ତାକେ ଇନାକା ଇଚୁକ୍ ତିନାକା ମାନାଡ଼ ?”

ହେୱାର୍ ତାଙ୍କେଇଁ ଉତର୍ ହିଚାର୍, “ହିଲୁଡ଼ ।”

୬ ଜିସୁ ହେୱେରିଂ ଇଚାନ୍, “ତଙ୍ଗାନି ତିନିପାଡ଼କା ଲାଗାୟ୍ ଜାଲ୍ ଇଡ଼ାଟ୍, ଆରେ ଏପେଙ୍ଗ୍ ପାୟା ଆନାଦେର୍ ।” ହେବେଣ୍ଟାଂ ହେୱାର୍ ଜାଲ୍ ଇଡ଼ିଚାର୍, ଆରେ ଏଚେକ୍ ମିନ୍କୁ ହେସ୍ତିକ୍ ଜେ, ହେୱାର୍ ହେଦାଂ ଜେଲ୍ଦେଂ ସାକ୍ତି ହିଲାତାଡ଼ ।

୭ ହେବେତାଂ ଜିସୁ ଇମ୍ଣା ଚେଲାହିଂ ଜିଉନଜି ମାଚାନ୍, ହେୱାନ୍ ପିତର୍ତିଂ ଇଚାନ୍, “ଇଞ୍ଜାନ୍ତ ମାପୁ ।” ସିମନ୍ ପିତର୍ ଇଞ୍ଜାନ୍ତ ମାପୁ ଇଞ୍ଜି ୱେନ୍ଞି ତୁମ୍ଣା ଗାଗାଡ଼ ଆଜି ମାତିଲେ ଜାର୍ ହେନ୍ଦା ପର୍ଚି ହାମ୍ବୁର୍ଚ୍ଚ ଗୁମ୍ତାନ୍; ୮ ମାତର୍ ବିନ୍ ଚେଲାର୍ ମିନ୍କୁ ବାତ୍ ଆଜି ମାତି ଜାଲ୍ ଜେଲ୍ଜି ଜେଲ୍ଜି ହାରୁ ତଙ୍ଗାତ ୱାତାର୍, ଇନାକିଦେଂକି ହେୱାର୍ ଗୁଚିତାଂ ଆଦିକ୍ ଦେହା ହିଲ୍ଝାତାର୍, କେବଲ୍ ଆଦେକ୍ ଦୁଇସ୍ ଆଡ଼ ଦେହା ମାଚାର୍ । ୯ ହେୱାର୍ ଗୁଚିତ ଜୁଜି ହେବେ ରିକାଙ୍ଗ୍ ନାଣି, ଆରେ ହେ ଜପି ୱାସ୍ତି ମିନ୍ ଆରି ରୁଚି ଇଡ଼ି ମାଚାକା ହୁଡ଼୍ଚାର୍ ।

୧୦ ଜିସୁ ହେୱେରିଂ ଇଚାନ୍, “ଏପେଙ୍ଗ୍ ନଙ୍ଗ୍ ଇମ୍ଣା ମିନ୍ ଆସ୍ତାଦେଣ୍ଟା, ହେବେଣ୍ଟାଂ ଉଚୁଙ୍ଗ୍ ତାଡୁ ।”

୧୧ ସିମନ୍ ପିତର୍ ହାଲ୍ଜି ସହେ ପଚାସ୍ତିନ୍ ଗାଜା ଗାଜା ମିନ୍କୁତ ବାତ୍ ଆଜି ମାତି ଜାଲ୍ ଗୁଚିତ ଜେଲ୍ଜି ତାଚାର୍; ଆରେ ଏଚେକ୍ ମିନ୍କୁକାଂ ପା ଜାଲ୍ ନାଡ଼୍ଝାତାଡ଼ । ୧୨ ଜିସୁ ହେୱେରିଂ ଇଚାନ୍, “ଞ୍ଜାଜି ତିନାଟ୍ ।” ଚେଲାର୍ ବିତ୍ରେ ଇନେନ୍ “ଏନ୍ ଇନାକାୟ୍” ଇଞ୍ଜି ତାଙ୍କେଇଁ ୱେନ୍ବେଦେଂ ସାସ୍ କିଞ୍ଜାଦାଂ ମାଚାର୍, ଇନାକିଦେଂକି ହେୱାନ୍ ଜେ, ମାପୁ, ଇଦାଂ ହେୱାର୍ ପୁଞ୍ଜିମାଚାର୍ । ୧୩ ଜିସୁ ୱାଜି ରୁଚି ଆସ୍ତି ହେୱେରିଂ ହିଚାନ୍, ଆରେ ହେ ଲାକେ ମିନ୍କୁ ପା ହିଚାନ୍ ।

୧୪ ହାତାକାର୍ ବିତ୍ରେ ନିଙ୍ଗ୍ତି ପାଚେ ଜିସୁ ଚେଲାର୍ ଇଞ୍ଜାନ୍ ତିନି ହଟ୍ ଚଞ୍ଜିୟାଆତାନ୍ ।

ଜିସୁ ଆରି ପିତର୍

୧୫ ହେୱାର୍ ଚିଚିପାଚେ ଜିସୁ ସିମନ୍ ପିତର୍ତିଂ ୱେନ୍ବାତାନ୍, “ଏ ଜହନ୍ତି ମାଜି ସିମନ୍, ଏନ୍ ଇନାକା ନାଙ୍କେଇଁ ଇଞ୍ଜାର୍ତାଂ ବେସି ଜିଉନଦ୍ନାୟା ?”

ସିମନ୍ ତାଙ୍କେଇଁ ଇଚାନ୍, “ଆଁ, ମାପୁ, ଆନ୍ ଜେ ନିଙ୍ଗେଇଁ ୱାରି କିଦ୍ନାଙ୍ଗା ।”

ହେଦାଂ ଏନ୍ ପୁନାୟ୍ । “ହେୱାନ୍ ତାଙ୍କେଇଁ ଇଚାନ୍, ନା ମେଣ୍ଟାକାଂ ହାରାୟ୍ କିୟା ।”

୧୬ ହେୱାନ୍ ଆରେ ରଗ ରିହା ତାଙ୍କେଇଁ ୱେନ୍ବାତାନ୍, “ଏ ଜହନ୍ ମେହି ସିମନ୍, ଏନ୍ ଇନାକା ନାଙ୍ଗ୍ ଜିଉନଦ୍ନାୟା ?”

ହେୱାନ୍ ତାଙ୍କେଇଁ ଇଚାନ୍, “ଆଁ, ମାପୁ, ଆନ୍ ଜେ ନିଙ୍ଗେଇଁ ୱାରି କିଦ୍ନାଙ୍ଗା ।”

ହେଦାଂ ଏନ୍ ପୁନାୟ୍ । ହେୱାନ୍ ତାଙ୍କେଇଁ ଇଚାନ୍, “ନା ମେଣ୍ଟାକାଂ ହାରାୟ୍ କିୟାଟ୍ ।” ୧୭ ଜିସୁ ତିନ୍ତର୍ ତାଙ୍କେଇଁ ୱେନ୍ବାତାନ୍, “ଏ ଜହନ୍ ମେହି ସିମନ୍, ଏନ୍ ଇନାକା ନାଙ୍କେଇଁ ୱାରି କିଦ୍ନାୟା ?”

ଏନ୍ ଇନାକା ନାଙ୍ଗେଙ୍ଗ୍ ଖାରି କିଦ୍‌ନାୟା, ଇଦାଂ ଇଞ୍ଜି ହେଝାନ୍ ତିନ୍‌ତର୍ ପିତର୍‌ତିଂ ଝେନ୍‌ବିତିଲେ ହେଝାନ୍ ଦୁକ୍ ଆଜି ତାଙ୍ଗେଙ୍ଗ୍ ଇଚାନ୍, “ମାପୁ, ଏନ୍ ଝିଜୁ ବିସ୍ତେ ପୁନାୟ୍; ଆନ୍ ଜେ ନିଙ୍ଗେଙ୍ଗ୍ ଖାରି କିଦ୍‌ନାୟା, ହେଦାଂ ଏନ୍ ପୁନାୟ୍ ।”

ଜିସୁ ତାଙ୍ଗେଙ୍ଗ୍ ଇଚାନ୍, “ନା ମେଣ୍ଟାକାଂ ହାରାୟ୍‌କିୟା ।”^{୧୮} ହାଡ଼ପା ହାଡ଼ପା ଆନ୍ ମିଙ୍ଗେଙ୍ଗ୍ ଇଞ୍ଜିନାୟା, ବେଣ୍ଟିୟା ମାନି ସମୁତ ଏନ୍ ଜାର୍ ଗାତ୍ୟା ଆଜି ଇମେନିପ ମାନ୍, ହେ ନିପ ବୁଲୁଆଜି ମାଚାୟ୍, ମାତର୍ ବୁଡ଼ାଆତିସ୍ ଏନ୍ ଜାର୍ କେଇ ଲାମାୟ୍ କିନାୟ୍ ଆରି ବିନ୍ ନିକାନ୍ ନିଙ୍ଗ୍, ଗାଟ୍‌ତି, ଇମେନିପ ନି ମାନ୍ ମାନ୍‌ଗୁଡ଼, ହେନ୍‌ଗାଂ ନିଙ୍ଗେଙ୍ଗ୍ ଅଜି ହାଞ୍ଜିନାର୍ ।^{୧୯} ହେଝାନ୍ ଇନେସ୍ ବାନି ହାକିଦାଣ୍ ହୁକେ ଇସ୍‌ପୁରତିଂ ଜାଜ୍‌ମାଲ୍ କିନାନ୍, ହେବେ ଚଟ୍‌ଟି ହିଜି ହେଝାନ୍ ଇଦାଂ ଇଚାନ୍ । ଇଦାଂ ଝେଟ୍‌ଟି ପାଚେ ହେଝାନ୍ ତାଙ୍ଗେଙ୍ଗ୍ ଇଚାନ୍, “ନା ପାଚେ ପାଚେ ଖାତ ।”

ଜିସୁ ଆରି ତା ଖାରିନି ଚେଲା

^{୨୦} *ଜିସୁ ଇମ୍‌ଣି ଚେଲାହିଂ ଜିଉନଜି ମାଚାନ୍ ଆରି ଜେ ମ୍ଫିକା କୁଲେରୁଉଣି ସମୁତ ତାଙ୍ଗେଙ୍ଗ୍ ନେଞ୍ଜେଡାକିତ ଇଡ଼ିୟା ଆଜି, “ମାପୁ, ନିଙ୍ଗେଙ୍ଗ୍ ଇନେନ୍ ବେରିୟାର୍ କେଇଦ ହେଲାୟ୍ କିଦ୍‌ନାନ୍ ଇଞ୍ଜି ଝେନ୍‌ବିସ୍ ମାଚାନ୍, ହେ ଚେଲାଙ୍ଗ୍ ପିତର୍ ମାସ୍‌ଦି ପାଚେ ଖାଜି ମାନାକା ହୁଡ଼ତାନ୍ ।”^{୨୧} ପିତର୍ ତାଙ୍ଗେଙ୍ଗ୍ ହୁଡ଼ଜି ଜିସୁଙ୍ଗ୍ ଝେନ୍‌ବାଚାନ୍, “ମାପୁ, ଇଝାନ୍ ବିସ୍ତେ ଇନାକା ଇଞ୍ଜିନାୟା ?”

^{୨୨} ଜିସୁ ତାଙ୍ଗେଙ୍ଗ୍ ଇଚାନ୍, ନା, ଖାନି ପାଚେକ୍ ହେଝାନ୍ ମାନେନ୍ ଇଞ୍ଜି “ଜଦି ଆନ୍‌ମାନ୍ କିନାଙ୍ଗ୍, ତା ଆତିସ୍ ହେବେ ମିଦାଙ୍ଗ୍ ଇନାକା ମାନାଡ଼ ? ଏପେଙ୍ଗ୍ ନା ପାଚେ ଖାତ ।”

^{୨୩} ହେବେଣ୍ଟାଂ ହେ ଚେଲା ଜେ ହାଉନ୍ ଇଞ୍ଜି, ଟଣ୍ଟାର୍ ବିଡ୍ରେ ଇ ବେରଣ୍ ଝିଣ୍ଟି ହାତାଡ଼, ମାତର୍ ହେଝାନ୍ ହାଉନ୍ ଇଞ୍ଜି ଜିସୁ ତାଙ୍ଗେଙ୍ଗ୍ ଝେଟ୍‌ଝାଦାଙ୍ଗ୍, ମାତର୍ “ନା ଖାନି ପାଚେକ୍ ହେଝାନ୍ ମାନେନ୍ ଇଞ୍ଜି ଜଦି ଆନ୍‌ମାନ୍ କିନାଙ୍ଗ୍, ତା ଆତିସ୍ ହେବେ ମିଦାଙ୍ଗ୍ ଇନାକା ମାନାଡ଼ ଇଞ୍ଜି ଇଞ୍ଜି ମାଚାନ୍ ।”

^{୨୪} ଜେ ଇ ଝିଜୁ ବିସ୍ତେ ସାକି ହିନାନା ଆରି ଇ ଝିଜୁ ଲେକିକିତାନ୍‌ନା, ହେଝାନ୍ ହେ ଚେଲା; ଆରେ, ହେ ସାକି ଜେ, ହାଡ଼ପା, ହେଦାଂ ଆପେଂ ପୁନାୟ୍ ।

ଝିସୁ କାତା

^{୨୫} ଆରେ, ଜିସୁ ଆରି ବେସି ବେସି କାମାୟ୍ ପା କିଜି ମାଚାନ୍; ହେଝାଙ୍ଗ୍ ଝିଜୁ ଜଦି ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ଲେକା ଆତାମ୍‌, ତା ଆତିସ୍ ଏଚେକ୍ ପତିଙ୍ଗ୍ ଲେକା ଆତିକ୍‌ମା ଜେ, ନା ବାବ୍‌ନାତ ଝିଜୁ ପୁତର୍ ତ ପା ହେ ଝିଜୁ ଇଟ୍‌ନି କାଜିଂ ବାହା ଆଖାତାମ୍‌ ।

☆ ୨୧:୨୦ ୨୧:୨୦ ଜହନ୍ ୧୩:୨୫.

ପ୍ରେରିତ ଶିଷ୍ୟମାନଙ୍କର କାର୍ଯ୍ୟଗୁଡ଼ିକ ପଦ୍ୟାତାକାତ କାମାୟ ପଦ୍ୟାତାକାନ୍ ପତି ବିଷ୍ଣୁ ପାଦେକ୍

ପଦ୍ୟାତି ପତି ଆନାତା ମଣ୍ଡଳିନି ଆରମ୍ଭ ଆରି ଇନେସ୍ ଇଦାଂ ଜିରୁସାଲମତାଂ, ଜିହୁଦା, ସମରିଆ ଆରି ବାରତ ଇନେସ୍ ମେଙ୍ଗତାତ୍ ଇଦାଂ ଜିସୁତି ସାଗେ ଦୁମ୍ନି ଆଗେତାଂ ତା ତେଲାର୍ରିଂ ଇଞ୍ଜି ମାଚାନ୍ । ୧:୮ ପଦ୍ୟାତି ପତି ଲୁକ ତାଂ ଲେକାତାତ୍ତନ୍ନା ଇନେର୍କି ଲୁକ ଲେକିକିତି ନେକ୍ରିକାବୁର୍ ପା ଲେକିକିଜି ମାଚାନ୍ । ହେଞ୍ଜାନ୍ ରଞ୍ଜାନ୍ ତାକ୍ତର୍ ମାଚାନ୍ ଆରି ବୁଲ୍ କିଞ୍ଜାଦାଂ ଲେକିକିନାକାନ୍ ୧:୧୧ଲେକିକିନିତ ବେସି ତ୍ରିକାତ୍ ମାଚାନ୍ । ହେଞ୍ଜାନ୍ ରିଣ୍ଡି ନେକ୍ରିକାବୁର୍ ଆରି ପଦ୍ୟାତି ପତିତ ତିଅପିଲତିଂ ଲେକିକିନାନା ଇନେର୍କି ହେଞ୍ଜାନ୍ ରଞ୍ଜାନ୍ ଗ୍ରିକ୍ ମାଚାନ୍, ପତିତିଂ ରିଣ୍ଡି ଗ୍ରିକ୍ ଆରି ଜିହୁଦି କୁଟୁମ୍ କାଜିଂ ମାଚାତ୍ । ଇତିସ୍ ପଦ୍ୟାତି ପତି ଜିସୁ କ୍ରିସ୍ତୁତି ଜଲମ୍ ପାଚେ ୬୦ ତାଂ ୬୪ ବିତ୍ରେ ଲେକା ଆଜି ମାଚାତ୍, ଇନେକିଦେଂକି ପାଉଲ୍ତି ବନ୍ଦିମୁକ୍ତି ଆଗେତାଂ ପତି ଲେକିକିନି କାମାୟ ସେସ୍ ଆଜି ମାଚାତ୍ । ଲୁକ ପା ପଦ୍ୟାତି ପାଉଲ୍ ଲାହାଂ ବୁଲାନାର୍ ଆରି ପଦ୍ୟାତି ପତି ଆଡକିଆତାଂ ଲେକା ଆଜି ମାଚାନ୍ନାତ୍ । ପଦ୍ୟାତି ପତି ଲୁକ ନେକ୍ରିକାବୁର୍ ଚାଲାନି କାମାୟ ଆନାତ୍ ଆରି ଜିସୁତି ସାଗେ ଦୁମ୍ନାକା ଆରମ୍ଭ ଆନାତ୍ । ଲୁକ ଲେକିକିତି ନେକ୍ରିକାବୁର୍ ଉଦେସ୍ତ ପଦ୍ୟାତି ଲେକାନି ଉଦେସ୍ ଲାହାଂ ସମାନ୍ ଆନାତ୍ । ହେଞ୍ଜାନ୍ ତିଅପିଲତିଂ ଆରି ବୁଦିପାୟାନି କ୍ରିସ୍ତୁୟାନିଂ ହାତ୍ପା ଆଦେଂ ଇଚାକିନାର୍ ଇନାକା ହେଞ୍ଜାରିଂ ହିକ୍ୟା ହିଜିମାତି ବିଷ୍ଣୁ ଜିସୁ କ୍ରିସ୍ତୁତି ଜିରୁନ୍ ଆରି ମେଙ୍ଗଜି ଲାବ୍ କିଜି ମାଚିଲେ କ୍ରିସ୍ତୁୟାନିଂ ନେକ୍ରିକାବୁର୍ ବୁଲ୍ କିଞ୍ଜାଦାଂ ଇସାବ୍ କିଜି ଇଚ୍ଚନାର୍ । ପଦ୍ୟାତି ପତିତ ଆଗେନି ମଣ୍ଡଳି କ୍ରିସ୍ତୁତାକେ ପାତ୍ ଇଚ୍ଚନି କାଜିଂ ମା କାଜିଂ ଉତର୍ମୁତ୍ ଜାଣାୟକିନାତ୍ । ପଦ୍ୟାତାକାର୍ତି ଉତର୍ମୁତ୍ତାଂ ମାଙ୍ଗେଙ୍ଗ୍ ପୁନ୍ୟାନାତ୍ ଜେ, ଇନେସ୍ ପୁଇପୁୟା ଜିରୁନ୍ତିଂ ମାନି କିତାର୍ ବିନ୍ଲକାର୍ ତାକେ ନେକ୍ରିକାବୁର୍ ବେରଣ୍ ହପ୍ପୟାନାତ୍ ।

ପତି ବିଷ୍ଣୁନି ରାହାଣ୍

- ୧. ପୁଇପୁୟା ଜିରୁନ୍ ଜୁଦନାକା ଆରି ମଣ୍ଡଳି ବାତାନାକା । ୧:୧-୮:୧
- ୨. ମଣ୍ଡଳିନି ଇଣ୍ଡି ଆରି ନେକ୍ରିକାବୁର୍ ମେଙ୍ଗଜି ଲାବ୍ କିନାତ୍ । ୮:୨-୧୨:୨୩
- ୩. ପାଉଲ୍ତି ପର୍ତୁମ୍ ମିସିନାରି ଜାତ୍ରା । ୧୨:୨୪-୧୪:୨୮
- ୪. ପୁନ୍ ପାତ୍ କିନାକାରିଂ ଲଡା ଆରି ଜିରୁସାଲମତ ସବା । ୧୫:୧-୩୫
- ୫. ପାଉଲ୍ ରିଣ୍ଡି ମିସିନାରି ଜାତ୍ରା କିନାନ୍ । ୧୫:୩୬-୧୮:୨୨
- ୬. ପାଉଲ୍ତି ତିନି ମିସିନାରି ଜାତ୍ରା କିନାନ୍ । ୧୮:୨୩-୨୦:୩୮
- ୭. ପାଉଲ୍ ଜିରୁସାଲମତ ବନ୍ଦି ଆନାନ୍ । ୨୧:୨୬
- ୮. ପାଉଲ୍ତିଂ ରମ୍ପତ ଜାତ୍ରା । ୨୨:୨୮

ପୁଇପୁୟା ଜିରୁନ୍ତିଂ ପାର୍ମାଣ୍

୧*ଏ ଖାରିନି ତିୟପିଲ୍,

ଇମଣି ଦିନ୍ ଜିସୁ ଜାର୍ ବାଚିକିତି ପଦ୍ୟାତାକାରିଂ ପୁଇପୁୟା ଜିବନ୍ ଲାହାଙ୍ଗ୍ ବଲ୍ ହିଜି ଜପି ଅୟାତାନ୍, ୨ ବାଦାତ୍ତ ଦୁମ୍ନି ପାତେକ୍ ଇମଣି ସବୁ କାମାୟ କିଜି ମାଚାର୍ ଆରି ବଲ୍ ହିଜି ମାଚାର୍, ହେ ଖିଜୁ ବିଷ୍ଣୁ ଲେକିକିଜି ମାଚାଙ୍ଗ୍ । ବାଦାତ୍ତ ଦୁମ୍ନି ଆଗେ ଇମଣାକାରିଂ ହେଞ୍ଜାନ୍ ଜାର୍ ପଦ୍ୟାତାକାର୍ ଲାକେ ବାଚି କିଜି ମାଚାନ୍, ହେଞ୍ଜାରିଂ ହେଞ୍ଜାନ୍ ପୁଇପୁୟା ଜିରୁନ୍ ସାକ୍ତିତାଂ ବଲ୍ ହିଜି ମାଚାନ୍ । ୩ ଜିସୁ ପା ଜାର୍ ଦୁକ୍ବଗ୍ ପାଚେ ଆଦେକ୍ ପାର୍ମାଣ୍ ହୁକେ ହେଞ୍ଜାର୍ ତାକେ ଜାର୍ତିଂ ଜିଜି ମାନାକା ଚଚ୍ଚାନ୍, ଆରେ ରିକଡ୍ ଦିନ୍ ପାତେକ୍ ତାଇନାତ୍ ହେଞ୍ଜାରିଂ ଚଞ୍ଜା ଆଜି ଇସ୍ପୁର୍ତି ରାଜିନି ବିଷ୍ଣେ ଇଚାନ୍ । ୪ ରଗ ହେଞ୍ଜାର୍ ହୁକେ ଚିଞ୍ଜେଙ୍ଗ୍ କୁଚ୍ଚି ଖେଡାଲିଂ ଜିସୁ ହେଞ୍ଜାରିଂ ଇ ବଲ୍ ହିଜି, “ଏପେଙ୍ଗ୍ ଜିରୁସାଲମତାଂ ହାଲ୍ମାଟ୍, ମାତର୍ ଆବାତି ଇମଣି ପାର୍ମାଣ୍ ବିଷ୍ଣେ ନା ତାଙ୍ଗ୍ ଖେଚାଦେଣ୍ଡା, ହେବେ କାସିମାନାତ୍; ୫* ଇନେକିଦେଂକି ଜହନ୍ ଏସ୍ତ ବାପ୍ତିସିମ୍ ହିତାନ୍ ସତ୍, ମାତର୍ ଅଲପ୍ ଦିନ୍ ବିଷ୍ଣେ ପୁଇପୁୟା ଜିରୁନ୍ତିଂ ବାପ୍ତିସିମ୍ ଆନାଦେର୍ ।”

ଜିସୁତି ବାଦାତ୍ତ ଦୁମ୍ନାକା
(ମାର୍କ ୧୬:୧୯-୨୦; ଲୁକ ୨୪:୫୦-୫୩)

* ୧:୧ ୧:୧ ଲୁକ ୧:୧-୪. * ୧:୫ ୧:୫ ମାତିତ ୩:୧୧; ମାର୍କ ୧:୮; ଲୁକ ୩:୧୬; ଜହନ୍ ୧:୩୩.

୭ ଲାଗି ହେୱାର ରବେ ରୁଣ୍ଡା ଆଜି ହେୱାନିଂ ଗଞ୍ଜାରି କିଦେଙ୍ଗ ଲାଗାତାର୍; “ଏ ମାପୁ, ଏନ୍ ଇନାକା ଇ ସମୁତ ଇସ୍ରାଏଲ୍ କେଇଦ ଆରେରଗ ରାଜିନି ବଜ୍ ହେଲାଇ କିନାୟା ?”

୭ ହେୱାନ ହେୱାର ଇଚାନ, “ଇମ୍‌ଣି ଝିଜୁ କାଡ୍ କି ସମୁ ଆବା ଜାର ଆଦିକାର୍ ତାରେନ୍ ଇଡ଼ତାନ୍ନା ହେଦାଂ ମିଦାଙ୍ଗ ପୁନି ବିସ୍ତେ ଆକାୟ । ୮ ମାତର୍ ପୁଇପୁୟା ଜିରୁନ୍ ମି ଜପି ଜୁଜି ଝାତିସ୍, ଏପେଙ୍ଗ ସାଲ୍ଲି ପାୟାନାଦେର୍, ଆରେ ଜିରୁସାଲମ୍ ଝିଜୁ ଜିହୁଦା ରାଜି ଆରି ସମିରଣ୍ ଆରେ ପୁର୍ତ୍ତି ହାରିହାରା ହାନ୍ଦି ପାତେକ୍ ପା ନା ସାକି ଆନାଦେର୍ ।” ୯ ହେୱାନ ଇ ଝିଜୁ କାତା ଇଚି ପାତେ ହେୱାର ହୁଡ଼ ହୁଡ଼ ହୁଡ଼ ହେୱାନ ଜପି ଅୟାତାନ୍, ଆରେ ଅଲପ୍ ବାଦାଡ଼ତ ହେୱାନିଂ ହେୱାର ନଞ୍ଜରତାଂ ଦେହା ଆତାନ୍ ।

୧୦ ଜିସୁ ହାଲୁ ହାଲୁ ହେୱାର ବାଦାଡ଼ ନିପ ମିଟ୍‌କିଝାଦାଂ ହୁଡ଼ନାରା, ଇ ଲାକେ ସମୁତ, ହୁଡ଼ାଟ୍, ଡିଞ୍ଜିନି ହେନ୍ଦା ଉସ୍ତାତାକାର୍ ରିକାର୍ ଆଣ୍ଡାଙ୍ଗ ହେୱାର ଲାଗାଂ ଇକାଝାତାର୍, ୧୧ ଆରେ ହେୱାର ଇଚାର୍, “ଏ ଗାଲିଲିୟର୍ ଲକୁ, ଇନାକିଦେଂ ଏପେଙ୍ଗ ବାଦାଡ଼ ନିପ ହୁଡ଼ଜି ନିଲ୍‌ତାଦେଣ୍ଟା ? ଇ ଇମ୍‌ଣି ଜିସୁ ମିଦାଙ୍ଗ ବାଦାଡ଼ତ ଅୟାତାନ୍, ହେୱାନିଂ ଏପେଙ୍ଗ ଇନେସ୍ ବାନି ବାଦାଡ଼ତ ହାନାକା ହୁଡ଼ତାଦେର୍, ହେୱାନ ହେ ଲାକେ ମାଜ୍‌ଡି ଝାନାନ୍ ।”

ଜିହୁଦାତି ବାହାତ ମାତିଆତି ପୁରାକିନାକା
(ମାତିଉ ୨୭:୩-୧୦)

୧୨ ଇଦାଂ ପାତେ ପଦ୍ୟାତାକାର୍ ଜିଡ଼ ଇନି ମାଡ଼ିତାଂ ଜିରୁସାଲମ୍‌ତ ମାସଦି ଝାତାର୍ । ହେ ଜିରୁସାଲମ୍ ଲାଗେ, ର ଜମ୍‌ନିବାର୍‌ନି ହାଜି ର କିଲମିଟର୍ ଦେହା ମାଚାଡ଼ । ୧୩ ହେୱାର୍, ଇଚିସ୍ ପିତର୍, ଜହନ୍, ଜାକୁର୍, ଆନ୍ଦ୍ରିୟ, ପିଲପ୍, ତମା, ବାର୍ତ୍‌ଲମି, ମାତିଉ, ଆଲପିତି ମେହି ଜାକୁର୍, ତିରକାଡ଼୍ ସିମନ୍ ଆରି ଜାକୁର୍‌ତି ମେହି ଜିହୁଦା, ଜିରୁସାଲମ୍ ଗାଡ଼୍ ବିତ୍ରେ ହଣ୍ଡି, ଇମ୍‌ଣି ଜପଣି ବାକ୍ରାତ ହେୱାର ବାହା କିଜି ମାଚାର୍, ହେବେ ହାଚାର୍ । ୧୪ ଇଝାର୍ ଝିଜାର୍ କଗ୍‌ଲେରାହିଂ ହୁକେ ଆରି ଜିସୁତି ତେହି ମରିୟମ୍ ଆରି ହେୱାର୍‌ତି ଟଣ୍ଡାର୍ ଲାହାଙ୍ଗ୍ ର ମାତ୍ର ପାର୍ତାନାତ ଲାଗା ଆଜି ମାଚାର୍ ।

୧୫ ହେ ପାର୍ତାନା ଝେଡ଼ାଲିଂ ପିତର୍ ତରଦି ଟଣ୍ଡାର୍ ବିତ୍ରେ ମାଦି ଇଞ୍ଜ ଇଚାନ ହେବେ ଜିସୁ ଆନମାନତାଂ ଚକଡ଼ି ଜାଣ୍ ରବେ ମାଚାର୍, ୧୬ “ଟଣ୍ଡାର୍, ଆରେ ତଣ୍ଡେକ୍ ଇମ୍‌ଣି ଇସ୍ପାରିଡ଼ ଜିହୁଦା ଜିସୁଙ୍ଗ୍ ଆହ୍‌ନି ମାନାୟାରିଂ ହାଜି ଚଟ୍‌ତି ମାଚାନ୍, ହେ ବିସ୍ତେ ପୁଇପୁୟା ଜିରୁନ୍ ପୁର୍ବେତାଂ ଦାଉଦତି ଝେଇଦାଂ ଇନାକା ଇଞ୍ଜି ମାଚାର୍, ହେ ସାସ୍ତର୍ ବଚନ୍ ପୁରାଦେଂ ଲଡ଼ା ମାଚାଡ଼; ୧୭ ଇନାକିଦେଂକି ହେୱାନ ମା ଦଲ୍‌ଦ ରଝାନ ଇଞ୍ଜି ଗାଣାକିୟାଜି ମାଚାନ୍ ଆରି ହେବା ପାଦ୍‌ତ ମେହାଆଜି ମାଚାନ୍ ।”

୧୮ ଇ ମାନାୟ ଜିହୁଦା ଅଦାମ୍ ମଲ୍ ହୁକେ ର ବୁମି କଡ଼ଜି ମାଚାନ୍, ଆରେ, ହେୱାନ କାପ୍‌ଡ଼ା ଇଡ଼ୟାଜି ଆର୍‌ଲେ ହେୱାନ୍ତି ପଟ ପାଡ଼ତାଡ଼ ଆରି ଝାହିଂ ହସି ହାଚିକ୍; ୧୯ ଆରେ, ଇଦାଂ ଜିରୁସାଲମ୍ ଗାଡ଼ଦ ବାହାକିଡ଼ି ଝିଜାକାର୍ ପୁଚିଲେ ହେ ବୁମି ହେୱାର୍‌ତି ଜାର ବେରଣ୍‌ତ “ହକଲ୍‌ଦମା” ଇଚିସ୍ “ନେତେର୍ ବୁମି” ଇଞ୍ଜି ପୁଟାତାଡ଼ ।

୨୦ “ଆରେ ପଡ଼ିତ ଲେକାମାନାଡ଼,
ହେୱାନ୍ତି ବାହା ମେଲାଇୟେଡ଼,
ହେବେ ଇନେର୍ ବାହା କିମେନ୍ ।”

ଆରି ହେୱାନ କାମାୟତ ଆରେ ବିନ୍‌ନିକାନ୍ ପାୟାୟେନ୍ ।”

୨୧ ହେୱାର୍, ମାପୁ ଜିସୁ ଜହନ୍ ହୁକେ ବାପ୍ରିସିମ୍ ଅନି ସମୁତାଂ ଆରମ୍ କିଜି, ମା ଲାଗାଂ ଜପିତାଂ ଅୟାନି ଦିନ୍ ପାତେକ୍ ଏଚେକ୍ ସମୁ ମା ବିତ୍ରେ ବୁଲା ଚାଲା ଆଜି ମାଚାର୍ । ୨୨ ହେ ସମୁ ଇମ୍‌ଣି ମାନାୟାର୍ ମା ହାଙ୍ଗଦାକାର୍ ଆତାଣ୍ଟା, ହେୱାର୍ ବିତ୍ରେତାଂ ଜହନ୍ ବାପ୍ରିସିମ୍ ଅଜି ମା ଲାହାଂ ହେୱାନ୍ତି ଆରେ ନିଂନାକା ସାକି ଆଦେଂ ଲଡ଼ା ।”

୨୩ ହେବେ ହେୱାର୍ ରିୟାରିଂ, ଇଚିସ୍ ଜସେପ୍‌ତିଂ, ଇନେରିଂ ବର୍ସବା ଇଞ୍ଜି ଇନାର୍ ଆରି ଇନେର୍‌ତ୍ କୁକ୍‌ନି ତର୍ ଜୁସ୍, ଆରି ମତିୟ ବିନେ ତର୍ ହିତାର୍, ୨୪ ଇ ପାର୍ତାନା କିତାର୍, “ମାପୁ ସବୁ ଲକାର୍‌ତି ଚିନ୍ତା ପୁନି ମାପୁ ଇ ରିୟାର୍ ବିତ୍ରେତାଂ ମି ହୁକେ ଇନେର୍ ବାଚି କିୟାତାନ୍ ମାଙ୍ଗେଙ୍ଗ୍ ଝେଟ୍‌ଟାଟ୍, ୨୫ ଇ ମାନାୟ, ଜିହୁଦାତି ବାହାତ ପଦ୍ୟାତି ହେବା ପାଦ୍ କାମାୟ କିନାନ୍ ।” ୨୬ ଆରେ, ହେୱାର୍ ହେ ରିୟାର୍ କାଜିଂ ଦରମ୍‌ଗୁଲି କିତାର୍, ଆରେ ମତିୟ ତରଦ ଦରମ୍‌ଗୁଲି ନିଂତାଡ଼; ହେବେ ହେୱାନ ଏଗାର୍ ଜାଣ୍ ପଦ୍ୟାତାକାର୍ ଲାହାଂ ମିହାତାନ୍ ।

☆ ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦,୫୧. ☆ ୧:୧୩ ୧:୧୩ ମାତିଉ ୧୦:୨-୪; ମାର୍କ ୩:୧୭-୧୯; ଲୁକ ୬:୧୪-୧୬. ☆ ୧:୨୧ ୧:୨୧ ମାତିଉ ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧.

୨

ପୁଞ୍ଜପୁୟା ଜିବୁନ୍ତି ଜୁଦନାକା

୧ ଜିହୁଦିରତି ପେଣ୍ଟିକସ୍ ପାର୍ସୁ ଦିନ୍ ଏକାଞ୍ଚାତିଲେ, ଓଜାର ର ବାହାତ ରୁଣ୍ଡାଜି ମାଚାର । ୨ ଆରେ, ହାଚାଗ୍ରେ ବେସି ଦୁକାନି ଗାର୍ଜାନ୍ ଲାକେ ର ଗାର୍ଜାନ୍ ହାଚାଗ୍ରେ ବାଦାଡ଼ତାଂ ଖାଜି, ଇମ୍ଣି ଇଞ୍ଜ ହେଞ୍ଜାର କୁଚ୍ଚି ମାଚାର, ହେ ଇଲ୍ଲନ୍ ଓଜେନ୍ଦିପ ମେଙ୍ଗତାଡ଼, ୩ ଆରେ ନାଣି ଲାକେ ଖେନ୍ଦୁଲିଂ ହେଞ୍ଜାରତି ନଞ୍ଜର ଆଜି ରଞ୍ଜାଙ୍ଗ ରଞ୍ଜାଙ୍ଗ କିଜି ହେଞ୍ଜାରତି ଓଜାରିଂ ଜପିତାଂ ହୁତାଡ଼ । ୪ ହେବେ ଓଜାକାର ପୁଞ୍ଜପୁୟା ଜିବୁନ୍ତି ବାତ ଆଚାର, ଆରେ ଜିବୁନ୍ ହେଞ୍ଜାରିଂ ଇନେସ୍ ଇଞ୍ଜେଙ୍ଗ୍ ସାକ୍ତି ହିତାଡ଼, ହେ ଲାକେ ହେଞ୍ଜାର ବିନ୍ ବିନ୍ ବେରଣ୍ଡତ କାତା ଇଞ୍ଜେଙ୍ଗ୍ ଲାଗାତାର ।

୫ ଇ ସମୁତ ପେଣ୍ଟିକସ୍ ପାର୍ସୁ ପାଲି କିନି ଉଦେସ୍ତ ବାଦାଡ଼ ତାରେନ୍ ମାନି ସବୁ ଜାତିତାଂ ପୁଜାରିର ଜିହୁଦିର ଖାଜି ଜିରୁସାଲମତ ବାହା କିଜି ମାଚାର; ୬ ଆରେ, ହେ ଗାର୍ଜାନ୍ ଖେଚିଲେ, ହେନି ଲକୁ ରୁଣ୍ଡା ଆଜି କ୍ରିସ୍ଟଙ୍ଗ ପାତ କିନାକାର ଜାଣକେ ଜାର ଜାର ବେରଣ୍ଡତ ହେଞ୍ଜାରିଂ କାତା ଇନାକା ଖେନ୍ଦୁଞ୍ଜି କାବା ଆଚାର । ୭ ଆରେ, “ହେଞ୍ଜାର କାବା ଆରି ବକ୍ଷା ଆଜି ଇଞ୍ଜେଙ୍ଗ୍ ଲାଗାତାର, ହୁଡ଼ାଟ୍, ଇ ଇମ୍ଣି ମାନାୟାର କାତା ଇନାରା, ହେଞ୍ଜାର ଓଜାର ଇନାକା ଗାଲିଲିୟର୍ ଆକାୟ୍ ? ୮ ଖାଚିଙ୍ଗ୍, ଆସେଙ୍ଗ୍ ଇନେସ୍ ଜାଣକେ ଇନାକା ଜାର ଜାର ବାସା ବେରଣ୍ଡ କାତା ଖେନାସା ? ୯ ପାତ ଯା, ମାଦିୟା ଆରି ଏଲାମି, ଆରେ ମେସପଟାମିଆ, ଜିହୁଦା ଦେସ୍ ଆରି କାସ୍ତାଦକିଆ, ପତ୍ର ଆରି ଆସିଆ, ୧୦ ପୁଗିଆ ଆରି ପଂପୁଲିଆ, ମିସର୍ ଆରି କୁରିଣି ଲାଗେନି ଲିବିଆ ନିପନି ଲକୁ, ଆରି ରମତାଂ ଖାଜି ମାନି ଜିହୁଦି ଆରି ଜିହୁଦି ଦରମକିନାକାର, ୧୧ ଆରେ କ୍ରିତିୟ ଆରି ଆରବିୟ ଲକୁ ଜେ ଆସେଙ୍ଗ୍, ଆସେଙ୍ଗ୍ ଜାର ଜାର ବାସାତ ଜିହୁଦିରିଂ ଇସ୍ପରତି ଗାଜା ଗାଜା ସାକ୍ତି କାମାୟନି କାତା ଇନାକା ଖେନାସା ।” ୧୨ ଆରେ, ଓଜାକାର କାବା ଆରି ବୁଦିବାଣା ଆଜି ହାରି ଇଞ୍ଜେଙ୍ଗ୍ ଲାଗାତାର, “ଇଦାଂ ଅରଡ଼ ଇଚିସ୍ ଇନାକା ?”

୧୩ ମାତର୍ ବିନ୍ଲଗୁ ପାତ କିନାକାରିଂ ଗୁଜି ଇଚାର, “ଇଞ୍ଜେର୍ ପୁନି ଅଙ୍ଗୁର୍ ରାସ୍ତ ହର୍ଚାଣ୍ଡା ।”

ପିତରତି ପରଚାର

୧୪ ମାତର୍ ପିତର୍ ଏଗାର ଜାଣ୍ ହୁକେ ଇଞ୍ଜ ଗାଜା କାଚ୍ତାଂ ହେଞ୍ଜାର ତାକେ ଇଞ୍ଜି ଇଚାନ୍, ଏ ଜିହୁଦିର ଲଗୁ ଆରି ଜିରୁସାଲମିନି ଓଜାକାଦେର୍, ଏପେଙ୍ଗ୍ ଇଦାଂ ପୁନାଟ୍ ଆରି ନା ବଚନ୍ ଖେନାଟ୍ । ଆନ୍ ଇ ବିସ୍ତେ ବୁଜାୟ କିଦନାଙ୍ଗ । ୧୫ ଇନାକିଦେଂକି ଏପେଙ୍ଗ୍ ଇନେସ୍ ବାବି କିନାଦେରା, ଇଞ୍ଜାର ହେ ଲାକେ ହର୍ଞାତାଣ୍ଡା, ଲାଗିଂ ନଙ୍ଗ୍ ସମୁ ନାଡ଼ିହିଂ ନଅ ଗଣ୍ଡା ମତର୍ । ୧୬ ମାତର୍ ଜୟେଲ୍ ଇଞ୍ଜି ମାଚାନ୍, ବେଣ୍ଡବାକ୍ଷାୟକିନାକାର ତାଙ୍ଗ୍ ଇନାକା ଲେକାମାନାଡ଼, ଇଦାଂ ହେ ବିସ୍ତେ ।

୧୭ “ଇସ୍ପର୍ ଇନାନ୍,
ସେସ୍ କାଡ଼ଦ ଏଲେଙ୍ଗ୍ କିନାଙ୍ଗ,
ଆନ୍ ଓଜାର ଜପି ନା ଜିବୁନ୍ ବେସି ବାଗ୍ରେ ହିନାଙ୍ଗ,
ହେବେ ମି ହିମ୍ଣା ଖାକ୍ଡାର ବେଣ୍ଡବାକ୍ଷାୟକିନାକାନ୍,
ଆରେ ମି ଦାଙ୍ଗ୍ଣାର ହୁଡ଼ନାର,
ଆରେ ମି ପ୍ରାଚିନାର ଚ୍ଟେଞ୍ଜନାର,
୧୮ ଆଁ, ହେ କାଡ଼ଦ ଆସେଙ୍ଗ୍ ଆଡ଼ିୟାଣି,
ଆଣ୍ଡାଙ୍ଗ୍ ଆରି କଗଲେହିମ୍ଣାଂ,
ଜପି ଜାର ଜିବୁନ୍ ହିନାଙ୍ଗ, ହେବେ ହେଞ୍ଜାର ବେଣ୍ଡବାକ୍ଷାୟକିନାକାର ।
୧୯ ଆସେଙ୍ଗ୍ ଜପିନି ବାଦାଡ଼ତ ବାର୍ବିନ୍ କାବାନି କାମାୟ,
ଆରେ ତାରେନ୍ନି ପୁତ ତ ବାର୍ବିନ୍ ଚିନ୍କୁ, ନେତେର୍,
ନାଣି ଆରି ବେସି କଦା ଚର୍ଚାନାପ୍ ।
୨୦ ମାପୁତି ସିଗ୍ ଆରି ଜାଜମାଲ୍ଲନ୍ ଦିନ୍
ଖାନି ଆଗେ, ଖେଡ଼ା ମାଜଗା ଆନାଡ଼,
ଆରି ଲେଞ୍ଜ ନେତେର୍ ଆନାଡ଼ ।

୨୧ ଆରେ, ଏଲେଙ୍ଗ୍ ଗିଚାନାଡ଼ ଜେ,
ଇନେର୍ ମାପୁତି ତର୍ଦ ପାର୍ତାନା କିନାନ୍, ହେଞ୍ଜାର ରାକ୍ୟା ପାୟା ଆନାନ୍ ।”
୨୨ “ଏ ଇସ୍ରାଏଲିୟନି ଲକୁ, ଇ ଓଜୁ କାତା ଖେନାଟ୍ । ନାଜରିତିୟ ଜିସୁ ବାର୍ବିନ୍ ସାକ୍ତିନି କାମାୟ,
କାବାନି କାମାୟ ଆରି ଚିନ୍କୁ ହୁକେ ମି ଲାହାଂ ଇସ୍ପରତି ପକ୍ୟାତି ମୁଣିକା ଇଞ୍ଜି ପାର୍ମାଣ୍ ଆତାନ୍ନା,
ହେଞ୍ଜାନ୍ତାଂ ଇସ୍ପର୍ ଜେ ମିଙ୍ଗେଙ୍ଗ୍ ପା ଇ ଓଜୁ କାମାୟ କିତାନ୍ନା, ଇଦାଂ ଏପେଙ୍ଗ୍ ଇଦାଂ ପୁନାଟ୍

ଇନାକିଦେଂକି ମି ବିତ୍ରେ ଇ ଝିଜୁ ଗର୍ଣା ବାତ ଆତାତନ୍ନା” ୨୩ ଛସ୍ୱର୍ ତା ଉପାୟ ଇସାବ୍ରେ ଜିସୁ ମି କେଇଦ ହେଲାୟ କିନି କାଜି ତିର୍ କିଜି ମାଚାନ୍ ଆରେ ଏପେଙ୍ଗ ତାଙ୍ଗେଙ୍ଗ ଅଦାମ ହୁକେ କୁରୁସତ ଦୁପତି ଅସ୍ତି ମାଚାଦେର୍; ୨୪ ଛମାତର୍ ଇସ୍ୱର୍ ହାକିତାଂ ମୁକ୍ତାୟ କିଜି ଇସ୍ୱର୍ ହେଝାନିଂ ନିକ୍ତାନ୍ନା, ଇନାକିଦେଂକି ହେଝାନ୍ ଜେ ହାକିତାଂ ଗାଚ୍‌ୟାନାନ୍ ହେଦାଂ ମୁଡ଼େଆକାୟ । ୨୫ ଦାଉଦ୍ ତ ହେଝାନ୍ତି ବିସ୍ତେ ଇଚାନ୍ନା,

“ନା ମୁମ୍‌ଦ ନିତ୍ରେ ମାପୁଙ୍ଗ୍ ହୁଡ଼ତାଂ, ଇନାକିଦେଂକି ଆନ୍ ଇନେସ୍ ବିପ୍ତି ଆମେଙ୍ଗ୍,
ହେଦାଂ କାଜିଂ ହେଝାନ୍ ନା ବୁଜ୍‌ଣି ପାଡ଼କାତ ମାନାନ୍ ।”

୨୬ ଲାଗିଂ ନା ମାନ୍ତୁ ଖାରି,
ଆରି ନା ଝେନ୍ୟୁଲ୍ ସାଦା ଆତାତ୍,
“ଆରେ ନା ଗାଗାଡ଼୍ ପା ବାସ୍ ତ ବାହା କିନାତ୍,
ନା ବାସ୍ ତ ବାହା କିନାତ୍ ।

୨୭ ଇନାକିଦେଂକି ଏନ୍ ନା ଝାସ୍ତିତଂ ପାତାଲ୍‌ତ ପିସ୍ତୟୁ,
କି ଜାର୍ ପୁଇପୁୟା ହେବାକାରିୟାଂ ଜିରା ଆଦେଂ ହିଉୟ ।

୨୮ ଏନ୍‌ନାଙ୍ଗ୍ ଜିରୁନ୍‌ନି ହାଜି ଚର୍ଚାତାୟନା, ଏନ୍ ଲାଗେ ମାନାକା
ଏନ୍ ଜାର୍ ଲାଗେ ନାଂ ଝାରିତ ବାତ୍ କିଦ୍‌ନାୟ ।”

୨୯ “ଏ ଇସ୍ତାଏଲ୍ ଚଣ୍ଡାଉ ଆରି ତଣ୍‌ଦେକ୍, ଆବା ଲାତ୍ରା ମୁଣିକା ଦାଉଦ୍‌ତି ବିସ୍ତେ ଆନ୍ ମିଙ୍ଗେଙ୍ଗ୍ ପୁର୍ତ୍ତେ ଇଞ୍ଜେଙ୍ଗ୍ ଆଡ଼ନାଂ ଜେ, ହେଝାନ୍ ହାତାନ୍, ଆରେ ଦୁଗେର୍ ପାୟାତାନ୍, ଆରେ ହେଝାନ୍ତି ଦୁଗେର୍ ନେଞ୍ଜେଙ୍ଗ୍ ପାତେକ୍ ମା ବିତ୍ରେ ମାନାତ୍ ।” ୩୦ ରାଜା ଦାଉଦ୍ ରଝାନ୍ ବେଶ୍‌ବାକ୍‌ଶାୟକିନାକାର୍ ବାବ୍ରେ ହେଝାନ୍ତି ନେତେର୍ତାଂ ଗାଗାତି ରଝାନିଂ ହେଝାନ୍ତି ଗାଦିତ ରାଜା କିଜି କୁଚି କିନି କାଜିଂ ଇସ୍ୱର୍ ହେଝାନିଂ ପାର୍ମାଣ୍ କିଜି ମାଚାନ୍ ଇଞ୍ଜି ପୁନ୍‌ଞ୍ଜି ମାଚାନ୍, ୩୧ ଇଦାଂ ପୁଚିଲେ ହେଝାନ୍

ଆଗେନିକା କେଞ୍ଜନାକା ହୁକେ କ୍ରିସ୍ତୁତି ଆରେ ନିଂନାକା ବିସ୍ତେ ଇଚାନ୍,
ଇନାକିଦେଂକି ହେଝାନ୍ ପାତାଲ୍‌ତ ତୁହିକିୟା ଆଝାତାନ୍, କି ହେଝାନ୍ତି ଗାଗାଡ଼୍ କି ଗାଗାଡ଼୍‌ତ ଜିରା ଆଝାତାନ୍ ।

୩୨ ଇ ଜିସୁତି ଇସ୍ୱର୍ ନିକ୍ତାନ୍ନା, ହେ ବିସ୍ତେ ଆସେଙ୍ଗ୍ ଝିଜାକାସ୍ ସାକି । ୩୩ ଜିସୁ ତା ଆବା ଇସ୍ୱର୍‌ତି ବୁଜ୍‌ଣି ବାଗାଙ୍ଗ୍ ଆରେ ନିଙ୍ଗ୍‌ତାନ୍ନା, ଆରି ଆବାତି ପାର୍ମାଣ୍ ଇସାବ୍ରେ ହେଝାନ୍‌ତାଂ ପୁଇପୁୟା ଜିରୁନ୍ ପାୟାତାନ୍ନା, ଏପେଙ୍ଗ୍ ନଙ୍ଗ୍‌ୟ ହୁଡ଼ନାଦେରା ଆରି ଝେନାଦେରା ହେଦାଂ ତା ଦାନ୍ । ୩୪ ଇନାକିଦେଂକି ଦାଉଦ୍ ନିଜେ ବାଦାଡ଼୍‌ତ ଦୁମ୍‌ଝାଦାଂ ମାଚାନ୍,
ମତର୍ ହେଝାନ୍ ନିଜେ ଇନାନ୍ନା,
ମାପୁ ନା “ମାପୁଙ୍ଗ୍ ଇଚାନ୍,

୩୫ ଆନ୍ ଇମ୍‌ଣି ପାତେକ୍ ମି ସାତୁରିଂ ମି ପାନା ତାରେନ୍ ଇଟ୍‌ଝାତାପ୍‌ନା,
ହେ ପାତେକ୍ ମା ବୁଜ୍‌ଣିତ କୁଚ୍‌ତି ମାନାଚ୍ ।”

୩୬ “ଲାଗିଂ, ଝିଜୁ ଇସ୍ତାଏଲ୍ ପୁନେର୍ ଜେ, ଇମ୍‌ଣି ଜିସୁଙ୍ଗ୍ ଏପେଙ୍ଗ୍ କୁସ୍‌ତ ଅସ୍ତାଦେର୍, ହେଝାନିଂ ଇସ୍ୱର୍,
ମାପୁ ଆରି କ୍ରିସ୍ତୁ ରି ପାଦ୍‌ତ ବାଚିକିତାନ୍ନା ।”

୩୭ ଇ କାତା ଝେନ୍‌ଞ୍ଜି ହେଝାଚ୍‌ତି ମାନ୍ତ ରାସ୍ ଆଜି ହାଚାତ୍, ଆରେ ହେଝାଚ୍ ପିତର୍ ଆରି ବାକି ପଦ୍ୟାତାକାର୍‌ରିଂ ଇଚାର୍, “ଚଣ୍ଡାଉ, ଆସେଙ୍ଗ୍ ଇନାକା କିନାସ୍ ?”

୩୮ ହେବେ ପିତର୍ ହେଝାଚ୍‌ରିଂ ଇଚାନ୍, “ଏପେଙ୍ଗ୍ ମାନ୍‌ବାଦ୍‌ଲାୟ କିୟାଚ୍, ଆରେ ଜାର୍ ଜାର୍ ପାପ୍ କେମା କାଜିଂ ସବୁଜାଣ୍ ଜିସୁ କ୍ରିସ୍ତୁତି ତର୍ଦ୍ଦ ବାପ୍‌ସିମ୍ ଆତୁ; ତା ଆତିସ୍ ଏପେଙ୍ଗ୍ ପୁଇପୁୟା ଜିରୁନ୍‌ତି ଦାନ୍ ପାୟାନାଦେର୍ । ୩୯ ଇନାକିଦେଂକି ଇ ଇସ୍ୱର୍‌ତି ପାର୍ମାଣ୍ ମି କାଜିଂ, ମି ହିମ୍‌ଶାଝାକ୍‌ଡ଼ା କାଜିଂ, ଆରେ ଇସ୍ୱର୍‌ତି କୁକ୍‌ସାତି ଦେହା ଦେହାତାଂ ମାନି ଏଚେକ୍ ମାନାୟାରିଂ ମାପୁ ମା ଇସ୍ୱର୍ ତା ତାକେ କୁକ୍‌ତାନାନ୍, ହେ ଝିଜାକାର୍ କାଜିଂ ଆନାତ୍ ।”

୪୦ ଆରି ବିନ୍‌ବିନ୍‌ ବେସି କାତା ହୁକେ ସାକି ହିଦେଂ ଲାଗାତାନ୍ ଆରି ହେଝାଚ୍‌ରିଂ ଉପଦେସ୍ ହିଜି ଇଚାନ୍,
“ଇ ଇଲ୍ ଲାତ୍ରାତାଂ ଏପେଙ୍ଗ୍ ରାକ୍ୟା ପାୟା ଆତୁ ।” ୪୧ ହେବେ ଇମ୍‌ଶାକାର୍ ହେଝାନ୍ତି ବଚନ୍ ଝାସ୍ତିତ ଇଡ଼ତାର୍, ହେଝାଚ୍ ବାପ୍‌ସିମ୍ ଅତାର୍, ଆରେ ହେ ଦିନ୍ ଆନାର୍ କିୟା ତିନ୍‌ହାଜାର୍ ଲକୁ ଦଲ୍ ହୁକେ ମେହା ଆତାର୍ । ୪୨ ହେଝାଚ୍ ପଦ୍ୟାତାକାର୍ ହିକ୍ୟା ମେହାବିଡ଼ାତ, ରୁଚି ତ୍ରିକ୍‌ନିତ ଆରି ପାର୍ତାନାତ ର ମାନ୍ ଆଜି ମାଚାର୍ ।

ପାତ୍ କିନାକାତ୍ ନିତ୍ରେନି ଜିରୁନ୍

☆ ୨:୨୩ ୨:୨୩ ମାତିଉ ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହନ୍ ୧୯:୧୮. ☆ ୨:୨୪ ୨:୨୪ ମାତିଉ ୨୮:୫,୬; ମାର୍କ ୧୬:୭; ଲୁକ ୨୪:୫.

୪୩ ଆରେ, ଲକ୍ଷ୍ମୀ କାବାନି କାମାୟ ପାଣ୍ଡାଦେଂ ଲାଗାତାର୍, ପଦ୍ୟାତାକାର୍ ହୁଦାଂ ପା ଆଦେକ୍ କାବା କାମାୟ ଆରି ତିନିକୁ ଆଦେଂ ଲାଗାତାତ୍ । ୪୪ *ମତର୍ ଇମଣାକାର୍ ପାତ୍ କିତାର୍, ହେଞ୍ଜାର୍ ହାରିତିଂ ଝିଜାକାର୍ ରବେ ମାନଞ୍ଜି ସବୁ ଜିନିସ୍ ସିଦାସାଦା ସମ୍ପତି ଇଞ୍ଜି ଗିୟାଣ୍ କିଜି ମାଗାର୍ । ୪୫ ଆରେ ହେଞ୍ଜାର୍ ଜାର୍ ଜାର୍ ସମ୍ପତି ପ୍ରହି, ଇନେରତ୍ ଇନେସ୍ ଲଡା, ହେ ଲାକେ ଝିଜାକାରିଂ ପାସ୍ପିସ୍ ହିଦେଂ ଲାଗାତାର୍ । ୪୬ ଆରେ, ହେଞ୍ଜାର୍ ର ମାନ୍ ଆଜି ନିତ୍ରେ ମନ୍ଦିରତ୍ ମେହାଜି ମାଗାର୍ ଇଲକୁ ଇଲକୁ ରୁଟି ତ୍ରିକ୍ଟି ଝାରିତାଂ ଆରି ହୁଦାର୍ ମାତ୍ର ତିନାଉଣା କିଜି ୪୭ ଇସ୍ପୁରତିଂ ଦନ୍ୟବାଦ୍ କିଜି ମାଗାର୍ ଆରି ଝିଜାକାର୍ ମାନାୟାର୍ତି ଲାଡ୍ ଆଜି ମାଗାର୍ । ଆରେ, ମାପୁ ରାକ୍ୟା ଗାଟାତି ଲକାଂ ନିତ୍ରେ ମଣ୍ଡଲି ଦଲ୍ ହୁକେ ପାତ୍ ମେହାୟ୍ କିଦେକ୍ ଲାଗାତାର୍ ।

୩

ପିତର୍ ରଞ୍ଜାନିଂ ଚଟା ବିକାରିଂ ଉଜ୍ କିତାନ୍

୧ ଦିନେକ୍ ପାର୍ତ୍ତାନାନି ସମାନ୍ ସମୁତ, ଇତିସ୍ ମିକାହାରେସ୍ ତିନ୍ ଗଣ୍ଡା ଝେଡାଲିଂ, ପିତର୍ ଆରି ଜହନ୍ ମନ୍ଦିରତ୍ ହାଲ୍ଲଜି ମାଗାର୍ । ୨ ଏଲେକ୍ ଝେଡାଲିଂ ଜଲମତାଂ ଚଟା ରଞ୍ଜାନ୍ ମାନାୟ୍ ପିଣ୍ଡିୟା ଆଜି ହାଲ୍ଲଜି ମାଗାନ୍, ମନ୍ଦିରତ୍ ହଣାକାର୍ ମାନାୟାର୍ତାଂ ବିକ୍ୟା ଏନ୍ନି କାଜିଂ ଲକ୍ଷ୍ମୀ ହେଞ୍ଜାନିଂ ନିତ୍ରେ ହେବେ ହଲ୍ଲନି ତର୍ ନି ଦୁଝେରତ୍ ଇଡ୍‌ବିସ୍ ମାଗାର୍ । ୩ ହେଞ୍ଜାନ୍ ପିତର୍ ଆରି ଜହନ୍ତିଂ ମନ୍ଦିରତ୍ ହଣ୍ଡେକ୍ ହାନିହିଂ ହୁଡ୍‌ଜି ଗଞ୍ଜାରି କିଜି ବିକ୍ ଏନ୍ତେକ୍ ଲାଗାତାନ୍ । ୪ ପିତର୍ ଆରି ଜହନ୍ତାକ୍ ର ଲୟାତ ହୁଡ୍‌ତାର୍, ଆରେ ପିତର୍ ଇଚାନ୍, “ମା ନିପ ହୁଡ୍‌ଦା ।” ୫ ହେବେ ହେଞ୍ଜାନ୍ ହେଞ୍ଜାର୍ ତାକ୍ ଅଲପ୍ ଗାଟାନି ଆହାତ ହେଞ୍ଜାର୍ ନିପ ହୁଡ୍‌ଜି ମାଗାନ୍ । ୬ ମତର୍ ପିତର୍ ଇଚାନ୍, “ରୁପା କି ହନା ନାଦାଂ ହିଲ୍ଲଡ୍, ମତର୍ ନାଦାଂ ଇନାକା ମାନାଡ୍, ହେଦାଂ ଆନ୍ ନିଂ ହିଦ୍‌ନାକ୍, ନାଜରିତିୟ୍ ଜିସୁ କ୍ରିସ୍ତୁତି ତର୍ଦ ତାକ୍ ।” ୭ ଆରେ, ହେଞ୍ଜାନ୍ ତା ତିନା କେକ୍ ଆସ୍ତି ହେଞ୍ଜାନିଂ ନିକ୍‌ତାନ୍, ହେବେଶ୍ଟାଂ ଦାପ୍ରେ ହେଞ୍ଜାନ୍ତି ପାନା ଆରି କାଲ୍‌ନି ଗାଟିଂ ସବୁ ବାଡ୍‌କାସ୍ ଆତାନ୍, ୮ ହେଞ୍ଜାନ୍ ତଗ୍‌ଜି ନିଲ୍‌ତାନ୍, ଆରେ, ତାକ୍‌ଦେଂ ଲାଗାତାନ୍, ଆରେ ହେଞ୍ଜାନ୍ ତାକ୍ ତାକ୍ ଆରି ତଗ୍‌ଜି ତଗ୍‌ଜି, ଆରେ ଇସ୍ପୁରତିଂ ପାର୍ତ୍ତାନା କିଉ କିଉ ହେଞ୍ଜାର୍ ହୁକେ ମନ୍ଦିରତ୍ ହଚାନ୍ । ୯ ହେବେ ମାନି ମାନାୟାର୍ ଝିଜାକାର୍ ହେଞ୍ଜାନିଂ ତାଂନାକା ଆରି ଇସ୍ପୁରତିଂ ଜୁଞ୍ଜାର୍ କିନାକା ହୁଡ୍‌ତାର୍; ୧୦ ଆରେ ଇମଣି ରଞ୍ଜାନ୍ ମନ୍ଦିରନି ହଲ୍ଲନି ଦୁଝେର୍ ଲାଗେ କୁଟି ବିକ୍ ଏନ୍‌ଟି ମାଗାନ୍, ଇଞ୍ଜାନ୍ ହେ ଲକ୍ଷ୍ମୀ ହେଞ୍ଜାର୍ ତିନିକିତାର୍, ଆରେ ତାକ୍ ଇନାକା ଗିଟାତାଡ୍‌ନା, ହେଦାଂ ହୁଡ୍‌ଜି ହେଞ୍ଜାର୍ ବେସି ବକ୍‌ଞ୍ଜା ଆରି କାବା ଆଜି ହାଟାର୍ ।

ଉପାସ୍ ମନ୍ଦିରତ୍ ପିତର୍‌ତି ପର୍‌ଚାର୍

୧୧ ହେଞ୍ଜାନ୍ ପିତର୍ ଆରି ଜହନ୍ତିଂ ଆସ୍ତି ମାନି ଝେଡାଲିଂ ଲକ୍ଷ୍ମୀ ଝିଜାକାର୍ ବେସି କାବା ଆଜି ସଲମନ୍‌ତି ମଣ୍ଡମତ୍ ହୁଡ୍‌ଜି ହେଞ୍ଜାର୍ତି ଲାଗେ ରଚେ ହନ୍‌ଟି ଝାଟାର୍ । ୧୨ ପିତର୍ ହେଦାଂ ହୁଡ୍‌ଜି ମାନାୟାରିଂ ଉତର୍ ହିତାନ୍, “ଏ ଇସ୍ତାଏଲିୟର୍ ଲକ୍ଷ୍ମୀ, ଏପେକ୍ ଇନେକିଦେଂ ଇ ମାନାୟ୍ ବିସ୍ତେ କାବା ଆନାଦେରା ? କି ଆସେକ୍ ଇନେସ୍ ଜାର୍ ସାକ୍ତି କି ଲବାୟ୍ ବାଡ୍‌କାସ୍‌ତାଂ ଇଞ୍ଜାନିଂ ତାଂଦେଂ ସାକ୍ତି ହିତାପ୍‌ନା, ହେଦାଂ ବାବି କିଜି ମା କାଜିଂ ଇନେକିଦେଂ ମାପ ହୁଡ୍‌ଦାନାଦେରା ? ୧୩ ଅରାହାମ୍, ଇସ୍‌ହାକ୍ ଆରି ଜାକୁବ୍‌ତି ଇସ୍ପୁର୍, ମା” ବୁତାତ୍ ଇସ୍ପୁର୍, ଜାର୍ ଆଡ୍‌ଏନ୍ ଜିସୁକ୍ ଝିଜାକ୍ ଜାଜମାଲ୍ କିତାନ୍‌ନା; ମାତର୍ ଏପେକ୍ ହେଞ୍ଜାନିଂ ମୁଡ୍ ତାକେ ହେଲାୟ୍ କିନାଦେର୍ । ଏଲେକ୍ କି ବିଚାର୍ କାରୟା ହେଞ୍ଜାନିଂ ମୁକ୍ତି କିଦେକ୍ ତିର୍ କିଜି ମାଗାନ୍ ପା ହେଞ୍ଜାନିଂ ପିଲାତ ମୁମ୍‌ଦ ପାତ୍ କିଞ୍ଜାତାଦେର୍ । ୧୪ ଏପେକ୍ ହେ ପୁଇପୁୟା ଆରି ଦାମ୍ ଲଗାଂ ପାତ୍ କିନାଦେର୍, ଆରେ ରଞ୍ଜାନ୍ ନାରମାରୁକ୍ ଇନେସ୍ ମି କାଜିଂ କେମା କିୟାନାଡ୍, ଇଦାଂ ପାର୍ତ୍ତାନା କିତାଦେର୍, ୧୫ ମାତର୍ ଜିରୁନ୍‌ନି ହାଜି ଚର୍‌ନାକାନିଂ ଅସ୍ତାର୍, ହେଞ୍ଜାନିଂ ଇସ୍ପୁର୍ ହାତାକାର୍ ବିତ୍ରେ ନିକ୍‌ତାନା, ଆପେଂ ହେବେନି ସାକି । ୧୬ ଆରେ, ହେଞ୍ଜାନ୍ତି ତର୍ଦ ପାତ୍ କିତିଲେ ଇ ଇମଣି ମାନାୟାତିଂ ଏପେକ୍ ହୁଡ୍‌ନାଦେରା ଆରି ପୁରାଦେଶ୍ଟା, ଇଞ୍ଜାନିଂ ଜିସୁ ତର୍ଦ ବାଡ୍‌କାସ୍ କିତାଂନା; ଆଁ, ହେଞ୍ଜାନ୍ତି ହୁଦାଂ ହିଡ୍‌ତି ପାତ୍ ମି ଝିଜାକାର୍ ମୁମ୍‌ଦ ଇଞ୍ଜାନିଂ ପୁରା ଉଜ୍ କିତାଂନା ।

୧୭ “ଆରେ ନକ୍, ଏ ଇସ୍ତାଏଲ୍ ଟଣ୍ଡାର୍ ଆରି ତଣ୍ଡାଦେକ୍, ମି ମୁଣିକାର୍ ଇନେସ୍, ଏପେକ୍ ପା ହେ ଲାକେ ଗିୟାନ୍‌ହିଲ୍‌କ୍ କାଜିଂ ଇଦାଂ କିତାଦେଶ୍ଟା ଇଞ୍ଜି ଆନ୍ ପୁନାକ୍ । ୧୮ ମାତର୍ ଇସ୍ପୁର୍ ଜାର୍ କ୍ରିସ୍ ଦୁକ୍‌ବର୍ ବିସ୍ତେ ଝିଜାକାର୍ ବେଶ୍‌ବାକ୍‌ଶାୟ୍‌କିନାକାର୍ ଝେକ୍‌ଦାଂ ଇନା ଇନାକା ପୁର୍ବେତାଂ ସୁଣାୟ୍ କିଜି ମାଗାର୍, ହେ ସବୁ ହେଞ୍ଜାନ୍ ଇ ବାନି ପୁରା କିତାନ୍‌ନା । ୧୯ ଲାଗିଂ, ଇନେସ୍ ମିଦାଂ ପାକ୍ କେମା ଆନାଡ୍, ଇଦାଂ କାଜିଂ ମାନ୍‌ବାଦ୍‌ଲାୟ୍ କିଜି ଇସ୍ପୁର୍ ନିପ ମାଜ୍‌ଡି ଝାଡ୍, ୨୦ ତା ଆତିସ୍ ମାପୁତି ଲାଗାଂ ସୁସ୍ତାନି ସମୁ ଇକାଞ୍ଜାନାଡ୍;

* ୨:୪୪ ୨:୪୪ ପଦ୍ୟାତାକା ୪:୩୨-୩୫.

ଆରେ, ମି କାଜିଂ ଆରେନିଂତି କ୍ରିସ୍ତୁଙ୍ଗ, ଇତିସ୍ ଜିସ୍ତୁଙ୍ଗ ହେଞ୍ଜାନ୍ ପଲ୍ଲାନାନ୍ । ୨୧ ଓକ୍ତୁ ବିସ୍ତେ ଆରେ କିଦେଙ୍ଗ ଇମ୍ଫଣି ସମୁନି କାତା ବେସି ପ୍ଲୁଡ୍‌ନିକାଡ୍‌ଦାଂ ଇସ୍‌ବର୍ ଜାର୍ ପୁଇପୁୟା ବେଶ୍‌ବାକ୍‌ଶାୟକିନାକାର୍ ଝେଇ ହୁଦାଂ ଝେଡ୍‌ଚାନ୍ନା, ହେ ସମ୍ପୁ ଏକାଞ୍ଚାଞ୍ଚି ପାତେକ୍ ହେଞ୍ଜାନିଂ ହାତେ ବାଦାଡ୍‌ତ ଇଟ୍ୟା ଆଦେଂ ଆନାଡ୍ । ୨୨ ଇ ବିସ୍ତେ ମସା ଇଞ୍ଜି ମାଚାନ୍, ମି ମାପୁ ଇସ୍‌ବର୍ ମିଙ୍ଗେଙ୍ଗ ଟଣ୍ଡାର୍ ବିତ୍ରେ ନା ଲାକେ ରଞ୍ଜାନ୍ ବେଶ୍‌ବାକ୍‌ଶାୟକିନାକାର୍ ପଲ୍ଲାନାନ୍ । ହେଞ୍ଜାନ୍ ଜାର୍ ମାନାୟାରିଂ ବିତ୍ରେତାଂ ରଞ୍ଜାନ୍ ଆନାନ୍ ହେଞ୍ଜାନ୍ ମିଙ୍ଗ ଇନାକା ଝେଡ୍‌ଚାନାନ୍, ହେ ସବୁ ବିସ୍ତେ ଏପେଙ୍ଗ ପାଲି କିନି ଲଡା । ୨୩ ମାତର୍ ଏଲେଙ୍ଗ ଗିଟାନାଡ୍ ଜେ, ଇମ୍ଫଣି ଝାସ୍ତି ହେ ବେଶ୍‌ବାକ୍‌ଶାୟକିନାକାର୍ ବଚନ୍ ଝେନ୍‌ନ୍, ଇସ୍‌ବର୍‌ତି ମାନାୟାର୍ ବିତ୍ରେ ନସ୍ତୁ ଆନାନ୍ । ୨୪ ଆଁ, ସାମୁୟେଲ୍ ଆରି ହେଞ୍ଜାନ୍ତି ପାଚେନି ସମୁତାଂ ଏଚେକ୍ ବେଶ୍‌ବାକ୍‌ଶାୟକିନାକାର୍ କାତା ଇଚାଣ୍ଟା, ହେଞ୍ଜାର୍, ଓକ୍ତାକାର୍ ପା ଇ କାଡ୍ ବିସ୍ତେ ବେଶ୍ କିଚାଣ୍ଟା । ୨୫ ଏପେଙ୍ଗ ହେ ବେଶ୍‌ବାକ୍‌ଶାୟକିନାକାର୍ ହିମ୍‌ଶାଂ, ଆରେ ମି ଲାଡ୍ରା ହୁକେ ପୁତ୍ ନି ଓକ୍ତୁ କ୍ଲୁଟ୍‌ମ୍ ଆସିର୍ବାଦ୍ ପାୟାନାର୍, ଇ ବଚନ୍ ଇସ୍‌ବର୍ ଅବ୍ରାହାମ୍‌ତି ଇଞ୍ଜି ମି ବୁଡାଲୁର୍ ହୁକେ ଇମ୍ଫଣି ନିୟମ୍ ରଚ୍‌ତି ମାଚାନ୍, ଏପେଙ୍ଗ ହେ ନିୟମ୍‌ନି ହିମ୍‌ଶାକାଦେର୍ । ୨୬ ଇସ୍‌ବର୍ ପର୍ତୁମ୍ ମି କାଜିଂ ଜାର୍ ହେ ଆଡ୍‌ଏନ୍‌ନିଂ ବାଚି କିଚାନ୍, ଓକ୍ତାରିଂ ବାନ୍ୟା ହାଜିତାଂ ମାସ୍‌ନି ଆସିର୍ବାଦ୍ ହିନାନ୍ ଇଞ୍ଜି ପକ୍‌ତାନ୍ ।”

୪

ଜିହୁଦି ଗାଜା ସବାତ ପିତର୍ ଆରି ଜହନ୍

୧ ହେଞ୍ଜାର୍ ମାନାୟାର୍ ଲାଗେ କାତା ଇ ଝାଡାଲିଂ ମାପୁହେବାକିନାକାନ୍ ମନ୍ଦିରନ୍ ମୁଡ୍‌ମେଲ୍ୟା ଆରି ସାଦୁକିର୍ ହେଞ୍ଜାର୍ ଲାଗେ ଏକାଞ୍ଚାତାର୍; ୨ ହେଞ୍ଜାର୍ ରିସା ଆଜି ମାଚାର୍, ଇନାଦେଂକି ଜିସ୍ତୁ ଇଚାନ୍ ପଦ୍ୟାତାକାର୍ ଲକୁରିଂ ହିକ୍ୟା ହିଜି ହାତାକାର୍ ଆରେ ନିନାକା ଇଞ୍ଜି ପାର୍ମାଣ୍ କିଜି ମାଚାର୍ । ୩ ଆରେ, ହେଞ୍ଜାର୍ ହେଞ୍ଜାରିଂ ଆସ୍ତି ଆର୍କାଡ୍ ଦିନ୍ ପାତେକ୍ ଜଇଲ୍ ଇଞ୍ଜି ଇଚ୍‌ତାର୍, ଇନାକିଦେଂକି ହେ ଝେଡାଙ୍ଗ୍ ମିକାହାରେସ୍ ଆଜି ମାଚାଡ୍ । ୪ ମାତର୍ ହେଞ୍ଜାର୍‌ତି ହିକ୍ୟା ଝେନ୍‌ଞ୍ଜି ମାନି ବେସି ହେନି ମାନାୟାର୍ ହେବେ ପାତ୍ କିଚାର୍, ହେଞ୍ଜାର୍‌ତି ବାତାନାକା ଲମର୍ ପାଞ୍ଚ ହାଜାର୍ ଆତାର୍ ।

୫ ତା ଆର୍କାଡ୍ ନାଜିଂ ଜିହୁଦି ମୁଣିକାର୍, ପ୍ରାତିନ୍ ଆରି ସାସ୍‌ବର୍ ଗୁରୁ ଜିରୁସାଲମ୍‌ତ ରୁଣ୍ଡାତାର୍; ୬ ହେଞ୍ଜାର୍ ମୁଡ୍ ମାପୁହେବାକିନାକାନ୍ ହାନାନ୍, କୟାପା, ଜହନ୍, ଆଲେକ୍‌ଜାଣ୍ଡର, ଆରେ ମାପୁହେବାକିନାକାନ୍ ନି ବସ୍‌ନି ଓକ୍ତାରିଂ ଲକୁ ମାଚାର୍ । ୭ ହେଞ୍ଜାର୍ ପଦ୍ୟାତାକାରିଂ ମାଦ୍‌ଶି ବାହାତ ନିଲି କିଜି ଝେନ୍‌ବେଦେଂ ଲାଗାତାର୍, ଇନେସ୍ ସାକ୍ତିତ କି ଇମ୍ଫଣି ତର୍‌ଦ “ଏପେଙ୍ଗ ଇଦାଂ କିଚାଦେଣ୍ଟା ?”

୮ ହେବେ ପିତର୍ ପୁଇପୁୟା ଜିରୁନ୍‌ତ ବାତ୍ ଆଜି ହେଞ୍ଜାରିଂ ଇଚାନ୍, “ଏ ମାନାୟାତ୍ ମୁଣିକା ଆରି ପ୍ରାତିନାର୍,” ୯ ନେଞ୍ଜେଙ୍ଗ୍ ଜଦି ରଞ୍ଜାନ୍ ରଗ୍ୟା କାଜିଂ କିଜି ମାଚି ହାଦ୍ କାମାୟ ବିସ୍ତେ ମାଂ ପରସନ୍ ଝେନ୍‌ବିତିସ୍ ଜେ, ଇ ମାନାୟ ଇନା ଉପାୟତ ଉଜ୍ ଆତାନ୍ନା, ୧୦ ତା ଆତିସ୍ ଏପେଙ୍ଗ୍ ଓକ୍ତାକାଦେର୍ ଆରି ଓକ୍ତୁ ଇସ୍ରାଏଲ୍ ଲକୁ ପୁନାଟ୍, ଇମ୍ଫଣି ନାଜରିତ୍‌ୟ ଜିସ୍ତୁ କ୍ରିସ୍ତୁଙ୍ଗ୍ ଏପେଙ୍ଗ୍ କୁସ୍‌ତ ଅସ୍ତାଦେର୍, ଇନେରିଂ ଇସ୍‌ବର୍ ହାକିତାଂ ବିତ୍ରେ ନିକ୍‌ତାନ୍ନା, ହେଞ୍ଜାନ୍ତି ତର୍‌ଦାଂ ଆଁ ହେଞ୍ଜାନ୍ତି ହୁକେ ଇ ମାନାୟ ଉଜ୍ ଆଜି ମି ମୁମ୍‌ଦ ନିଲ୍‌ତାନ୍ନା । ୧୧ ଇଲ୍ ରଚ୍‌ନାକାଦେର୍,

ଇମ୍ଫଣି କାଲ୍ ଇଚ୍‌ଞ୍ଚାତାର୍ ହେ କାଲ୍‌ନେ,
ଇଲ୍‌ନି ମୁଡ୍‌କାଲ୍ ଆତାଡ୍ ।

୧୨ ହେଞ୍ଜାନିଂ ପିସ୍ତି ଆରେ ଇନେର୍ ତାକେ ମୁକ୍ତି ହିଲୁଡ୍, ଇନାକିଦେଂକି ଇମେତାଂ ମାଂ ମୁକ୍ତି ଗାଟାଦେଂ ଆନାଡ୍, ବାଦାଡ୍‌ତ ତାରେନ୍ ମାନାୟ ବିତ୍ରେ ଆରେ ଇନାକାପା ତର୍ ହିୟାଞ୍ଚାତାଡ୍‌ନା ।

୧୩ ହେଞ୍ଜାର୍ ପିତର୍ ଆରି ଜହନ୍ ସାସ୍ ହୁଡ୍‌ଜି ଆରି ହେଞ୍ଜାର୍ ଜେ ଅସିକ୍‌ତି ଆରି ଗିୟାନ୍ ହିଲ୍‌ଞ୍ଜି ଲଗ୍, ଇଦାଂ ବୁଜାଜି କାବା ଆତାର୍, ଆରେ ହେଞ୍ଜାର୍ ଜିସ୍ତୁତି ହୁଦାଂ ମାଚାର୍ ଇଞ୍ଜି ହେଞ୍ଜାରିଂ ଚିନିକିତାର୍, ୧୪ ଆରେ ହେ ଉଜ୍ ଆଜି ମାଚି ମାନାୟତିଂ ହେଞ୍ଜାର୍ ହୁକେ ଇଞ୍ଜି ମାନାକା ହୁଡ୍‌ଜି, ବିରୁଦ୍‌ତ ମୁଡ୍‌ତେ ଇଞ୍ଜେଙ୍ଗ୍ ଆଡ୍‌ଞ୍ଚାତାର୍ । ୧୫ ପାଚେ ହେଞ୍ଜାରିଂ ସବାତାଂ ହସି ହାଞ୍ଜେଙ୍ଗ୍ ବଲ୍ ହିଜି ହେଞ୍ଜାର୍ ରକାନ୍ ଆରେ ରକାନ୍ ବିତ୍ରେ ବୁଜାବୁଜି କିଜି ଇଞ୍ଜେଙ୍ଗ୍ ଲାଗାତାର୍, ୧୬ ଇ ମାନାୟାରିଂ ଇନାକା କିନାସ୍ “ଇନାକିଦେଂକି ଇଞ୍ଚାର୍‌ତାଂ ଜେ, ର ଗାଜା କାବା କାମାୟ ଆତାଡ୍‌ନା, ଇଦାଂ ଜିରୁସାଲମ୍ ନିକାରିଂ ତାକେ ଓକ୍ତାତାଡ୍‌ନା, ଆରେ ଆସେଙ୍ଗ୍ ହେଦାଂ ପାତ୍ କିଞ୍ଚାଦାଂ ଆଡୁସ୍; ୧୭ ମାତର୍ କାତା ଇନେସ୍ ମାନାୟ ବିତ୍ରେ ଆରେ ବେସି ମେଙ୍ଗ୍‌ମେଡ୍, ଇଦାଂ କାଜିଂ ଜିସ୍ତୁ ତର୍‌ଦ ଇମ୍ଫଣି ମାନାୟତିଂ ଆରେ ମୁଡ୍‌କେ ଇନ୍‌ଞ୍ଜି କାଜିଂ ହେଞ୍ଜାରିଂ ଚିମରା କିନାନ୍ ।”

୧୮ ପାଚେ ପିତର୍ ଜହନ୍‌ତିଂ କୁକ୍‌ତି ଜିସ୍ତୁତି ତର୍ ମୁଡ୍‌କେ କାତା ଇନ୍‌ଞ୍ଜି କାଜିଂ ଆରି ହିକ୍ୟା ହିଞ୍ଜି କାଜିଂ ତାଟ୍ ବଲ୍ ହିତାନ୍ । ୧୯ ମାତର୍ ପିତର୍ ଆରି ଜହନ୍ ହେଞ୍ଜାରିଂ ଉତର୍ ହିତାର୍, “ଇସ୍‌ବର୍‌ତି କାତା ଝେନି ବାଟା ମି କାତା ଝେନାକା ଇସ୍‌ବର୍‌ତି କାଣ୍‌କୁତ ଦାମ୍ କି ମିର୍, ହେଦାଂ ଏପେଙ୍ଗ୍ ବିଚାର୍ କିୟାଟ୍ ।

୨୦ ଇନାକିଦେଂକି ଆପେଂ ଇନାକା ଇନାକା ହୁଡ଼ତାପନ୍ନା ଆରି ଖେଟାପନ୍ନା, ହେ ସବୁ ଇନ୍‌ଖାଦାଂ ମାଞ୍ଜେଙ୍ଗ୍ ଆଡୁପ୍ ।” ୨୧ ହେବେ ହେଖାର ଲକୁ କାଜିଂ ହେଖାରିଂ ଡାଣ୍ଡୁ ହିଦେଂ ଇମ୍‌ଣାକା ପା ହାଜି ଗାଟାଞ୍ଜାତିଲେ ହେଖାରିଂ ଆଦିକ୍ ପାଣ୍ଡୁ ଚୁଡ଼ତି ପସ୍ତି ହିତାର, ଖାଟିଙ୍ଗ୍ ଇନାକା ଗିଟାଜି ମାଟାଡ଼, ହେଦାଂ କାଜିଂ ଲକୁ ଖିଜାର ଇସ୍‌ବୁଡ଼ି ଜାଜ୍‌ମାଲ୍ କିଦେଙ୍ଗ୍ ଲାଗାତାର, ୨୨ ଇମ୍‌ଣି ମାନାୟ୍ ତାକେ ହେ ଉଜ୍ ଆନାକା କାବା କାମାୟ୍ କିୟାଜି ମାଟାଡ଼, ହେଖାନ୍ତି ରିକଡ଼ି ବାହୁଡ଼ାଂ ଆଦିକ୍ ଆଜି ମାଟାଡ଼ ।

ପାତର୍ କିନାକାର୍‌ତି ସାସ୍ କାଜିଂ ପାର୍ତନା

୨୩ ହେଖାର ମୁକଡ଼ା ଆଜି ଜାର ହାଙ୍ଗଦାକାର ଲାଗେ ହାଟାର ଆରି ମୁଡ଼୍ ମାପୁହେବାକିନାକାନ୍ ଆରି ପ୍ରାତିନାର ହେଖାରିଂ ଇନାକା ଇନାକା ଇଞ୍ଜି ମାଟାର, ହେ ସବୁ ଖେଟ୍‌ଟାର । ୨୪ ପାତର୍ କିନାକାର୍ ହେଦାଂ ଖେନ୍‌ଞ୍ଜି ରମାନ୍ତ ଇସ୍‌ବୁଡ଼ି ଲାଗେ ଗାଜାକାଟ୍‌ତାଂ ପାର୍ତନା କିଜି ଇଟାର, “ଏ ମାପୁ ଏନ୍ ବାଦାଡ଼ତ୍, ପୁତର୍, ହାମ୍‌ଦୁର୍ ଆରି ହେ ସବୁ ବିତ୍ରେ ଖିଜୁ ବିସ୍ତେ ଉବ୍‌ଜାଣ୍ କିତାୟ୍ନା ୨୫ ଏନ୍ ଜାର ଆଡ଼ିଏନ୍ ମା ଆବା ଦାଉଡ଼ତି ଖେଇ ହିଜି ପୁଇପୁୟା ଜିବୁନ୍ ହୁଦାଂ ଇ କାତା ଇଟାୟ୍ନା,

ପାତର୍ କିଞ୍ଜି ଜିହୁଦି ଇନେକିଦେଂ ରିସା କିଟାର,

ଆରେ ମାନାୟାର ଇନେକିଦେଂ ଖାରାକା ବିସ୍ତେ ହାୟାୟ୍ କିଟାର ?

୨୬ ମାପୁତି ବିରୁଦ୍‌ତ ଆରି ହେଖାନ୍ତି ସିଗ୍‌ଆତାକାର ବିରୁଦ୍‌ତ,

ପୁତର୍ ନି ରାଜାର ଜାଲ୍‌ଦି ଆଟାର,

ଆରେ ମୁଣିକାର ରବେ ରୁଣ୍ଡାତାର ।

୨୭ *ଇନାକିଦେଂକି ମି ଇମ୍‌ଣି ପୁଇପୁୟା ଆଡ଼ିଏନ୍ ଜିସୁଙ୍ଗ୍ ଏନ୍ ସିଗ୍ କିତାୟ୍, ହାଡ଼ପାନେ ହେଖାନ୍ତି ବିରୁଦ୍‌ତ ହେରଦ୍ ଆରି ପତ୍ରିୟ ପିଲାତ ରିକାର୍ ପାତର୍ କିଞ୍ଜି ଜିହୁଦି ଆରି ଇସ୍‌ସାଏଲ୍ ଲକୁ ହୁଦାଂ ଇ ଗାଡ଼ଦ୍, ୨୮ ନି ଜଜନା ହୁଦାଂ ଜେ ଖିଜୁ ଗିଟାନାଡ଼ ଇଞ୍ଜି ପୁର୍ବେତାଂ ବାତି ଆଜି ମାଟାଡ଼, ହେଦାଂ କିଦେଙ୍ଗ୍ ରବେରୁଣ୍ଡା ଆଟାର । ୨୯ ଆରେ ନଙ୍ଗ୍, ଏ ମାପୁ, ହେଖାନ୍ତି ପାଣ୍ଡୁକାରିଂ ମେହା; ଆରେ, ନି ଆଡ଼ିୟାରିଂ ପୁରା ସାସ୍ ହୁକେ ନି ବଚନ୍ ଇଞ୍ଜେଙ୍ଗ୍ ସାଲ୍ଡି ହିଦା, ୩୦ ଆରେ ହେ ସାଙ୍ଗେ ସାଙ୍ଗେ ନି ପୁଇପୁୟା ଆଡ଼ିଏନ୍ ଜିସୁତି ତର୍ଦ୍ ଉଜ୍ କିଦେଙ୍ଗ୍ କାଜିଂ ଆରି ଚିନ୍‌କୁ ଆରି କାବାନି କାମାୟ୍ କିଦେଙ୍ଗ୍ କାଜିଂ ନି କେଇ ଲାମାୟ୍ କିଦା ।”

୩୧ ହେଖାର ପାର୍ତନା କିତି ପାଟେ, ଇମ୍‌ଣି ବାହାତ ରବେ ରୁଣ୍ଡାଜି ମାଟାର, ଇମ୍‌ଣି ବାହାତ ରବେ ମାଟାର, ହେଦାଂ କମ୍‌ପାଟାଡ଼, ଆରେ ଖିଜାକାର ପୁଇପୁୟା ଜିବୁନ୍‌ତ ପୁରା ଆଜି ସାସ୍‌ତ ଇସ୍‌ବୁଡ଼ି କାବୁର୍ ଇଞ୍ଜେଙ୍ଗ୍ ଲାଗାତାର ।

ପାତର୍ କିନାକାର୍ ଦାନ୍ ବାଟାକିଟାର୍

୩୨ *ପାତର୍ କିନାକାରିଂ ଲକୁ ର ଖାୟ୍ ଆରି ର ପାରାଣ୍‌ତ ମାଟାର; ହେଖାନ୍ତି ବିତ୍ରେ ଇନେରପା ଜାର ସଂପତିତାଂ ଇରୁକ୍ ଜାତର୍ ଇଞ୍ଜି ଇନ୍‌ଖାଦାଂ ମାଟାର, ମତର୍ ହେଖାନ୍ତି ଖିଜୁ ବିସ୍ତେ ସିଦାସାଦା ମାଟାଡ଼ ।

୩୩ ପଦ୍ୟାତାକାର ଗାଜା ସାଲ୍ଡି ହୁକେ ମାପୁ ଜିସୁତି ଆରେ ନିଂନାକା ବିସ୍ତେ ସାକି ହିଦେଂ ଲାଗାତାର, ଆରେ ଇସ୍‌ବୁ ଖିଜାକାର ଜପି ବେସି ଦୟା କିଜି ମାଟାନ୍ । ୩୪ ଲାଗିଂ ହେଖାର ବିତ୍ରେ ଇନେରିଂ ଇନାକାପା ଅବାବ୍ ହିଲ୍‌ଖାତାଡ଼, ଇନାକିଦେଂକି ଏଚେକ୍ ଲକାତର୍ ବୁମି କି ଇଲ୍ ମାଟାଡ଼, ହେଖାର ହେଦାଂ ପ୍ରସି ଦନ୍‌ନି ମଲ୍ ତାସି, ୩୫ ଆରେ ଜାଣ୍‌କେ ରଖାନିଂ ତାଦି ଅବାବ୍ ହୁଡ଼ଜି ପଦ୍ୟାତାକାର ଚେଲାରିଂ ପାସ୍‌ପିସ୍ ମାଟାର ।

୩୬ ଆରେ, ଜସେପ୍ ତରନି ବାହାତ ଜଲମ୍ ଆଜି ମାନି ଲେବି ଲାତ୍ରାନି ରଖାନ୍ ସାଇପ୍ରସ୍ ଜାତିନି ଲକୁ, ଇନେରିଂକି ପଦ୍ୟାତାକାର ବର୍ଣ୍ଣବା ଇଞ୍ଜି କୁକ୍‌ନି ତର୍ ହିଜି ମାଟାର ଅନୁବାଦ୍ କିତିସ୍ “ଇଦାଂ ନି ଅରଡ଼ ଦୁକ୍‌ସାରାୟ୍‌ନି ମାଜି,” ୩୭ ହେଖାନ୍ତି ରଞ୍ଜି ବୁମି ମାଟାଡ଼; ହେଖାନ୍ ହେଦାଂ ପ୍ରସି ହେବେନି ଟାକାଂ ତାସି ପଦ୍ୟାତାକାର୍‌ତି ପାନା ତାରେନ୍ ଇଡ଼ତାନ୍ ।



ହନନିୟ ଆରି ସପିରା

୧ ହନନିୟ ତରଦାକାନ୍ ରଖାନ୍ ମୁଣିକା ଜାର ଡକ୍‌ସି ସପିରା ଲାହାଂ ଅଲପ୍ ଜମି ପ୍ରତାର, ୨ ମାତର୍ ଡକ୍‌ସି ର ମାନ୍ କିଜି ହେବେନି ମଲ୍‌ତାଂ ଅଲପ୍ ଡକ୍‌ସି ଇଡ଼ଜି ବାଗ୍ ମତର୍ ତାହି ପଦ୍ୟାତାକାର୍‌ତି ମୁମ୍‌ଦ ଇଡ଼ତାନ୍ । ୩ ହେବେ ପିତର୍ ଇଟାନ୍, ଏ “ହନନିୟ, ପୁଇପୁୟା ଜିବୁନ୍ ଲାଗେ ମିବ୍ ଇଞ୍ଜେଙ୍ଗ୍ ଆରି ବୁମିନି ମଲ୍‌ଦାଂ ଅଲପ୍ ଡକ୍‌ସି ଇଡ଼ଦେଂ ଇନାକିଦେଂ ସୟ୍‌ତାନ୍ ନି ମାନ୍ତ ପୁରା ଆଦିକାର୍ କିଡ଼ତାଡ଼ନା ? ୪ ପ୍ରଞ୍ଜି ଆଗେ ହେଦାଂ ଇନାକା ଆଖାଦାଂ ମାଟାଡ଼ ? ଆରେ, ପ୍ରତି ପାଟେ ହେବେନି ମଲ୍ କି ନି ନିଜ୍‌ନି ଆଦିକାର୍

* ୪:୨୭ ୪:୨୭ ଲୁକ୍ ୨୩:୭-୧୧; ମାତିଉ ୨୭:୧,୨; ମାର୍କ ୧୫:୧; ଲୁକ୍ ୨୩:୧; ଜହନ୍ ୧୮:୨୮,୨୯. * ୪:୩୨ ୪:୩୨ ପଦ୍ୟାତାକା ୨:୪୪,୪୫.

ହିଲୁଖାତାତ ? ଖାଟିଙ୍ଗ୍ ଏନ୍ ଇନେସ୍ ଜାର୍ ମାନ୍ତ ଇନାକିଦେଂ ଇ ବିସ୍ତେ ବାବି କିତାୟ୍ ? ଏନ୍ ଜେ ମାନାୟ୍ ଲାଗେ ମିର୍ ଇଚାୟ୍, ହେଦାଂ ଆକାୟ୍, ମତର୍ ଇସ୍ତରତି ଲାଗେ ମିର୍ ଇଚାୟ୍ ।” ୫ ଇ କାତା ଖେନ୍ଝି ସାଙ୍ଗେ ସାଙ୍ଗେ ହନନିୟ୍ ତୁହିୟାଜି ପାରାଣ୍ ପିସ୍ତାନ୍ । ହେବେ ଏଚେକ୍ ଲକୁ ଇଦାଂ ଖେଚାର୍, ଖିଜାକାର୍ ବେସି ପାଣ୍ଡା ଆତାର୍ । ୬ ଆରେ, ଦାଂଣାର୍ ନିଂଜି ହେଖାନିଂ ହେହାତ ହୁର୍ପାତାର୍ ଆରି ବାର୍ତ୍ ଅଜି ହାଲ୍ଜି ମୁର୍ଚାର୍ ।

୭ ତିନି ଗଣ୍ଡା ପାଚେ ହେଖାନ୍ତି ତକ୍ତୁହି ଖାତାତ୍, ମତର୍ ଇନାକା ଗିଟାତାତ୍ନା, ହେଦାଂ ହେଦେଲ୍ ପୁନ୍ଝାଦାଂ ମାଚାତ୍ । ୮ ଆରେ, ପିତର୍ ହେଦେଲିଂ ଖେନ୍ବାତାନ୍, ଖେଚରା ତ, “ଏପେଙ୍ଗ୍ ଇନାକା ଏଚେକ୍ ଟାକାକାଂ ବୁମି ପ୍ରତାଦେର୍ ?”

ହେଦେଲ୍ ଇଚାତ୍, “ଆଁ, ଏଚେକ୍ନେ ।”

୯ ହେବେ ପିତର୍ ହେଦେଲିଂ ଇଚାନ୍, ମାପୁତି “ଜିରୁନ୍ତିଙ୍ଗ୍ ପରିକ୍ୟା କିଦେଙ୍ଗ୍ କାଜିଂ ଏପେଙ୍ଗ୍ ଇନାକିଦେଂ ର ମାନ୍ତ ବେଣ୍ କିତାଦେର୍, ହୁଡାଟ୍, ଇନେର୍ ନି ତକ୍ତାଂ ମୁର୍ଚାଣ୍ଡା, ହେଖାର୍ ଦୁଖେର୍ ଲାଗେ ଇକାଖାତାରେ, ଆରେ ହେଖାର୍ ନିଂ ବାର୍ତ୍ ପିଣ୍ଡି ଅଜି ହାଞ୍ଜନାର୍ ।” ୧୦ ହେଦାପ୍ତେ ହେଦେଲ୍ ହେଖାନ୍ତି ପାନା ତାରେନ୍ ତୁହିଆ ଆଜି ପାରାଣ୍ ପିସ୍ତାତ୍, ଆରେ, ଦାଂଣାର୍ ବିତ୍ତେ ଖାଜି ହେଦେଲିଂ ହାତାକା ହୁଡ୍ଜି ବାର୍ତ୍ ଅତାର୍ ଆରି ହେଦେଲ୍ ତକ୍ତାହି ଲାଗେ ହେଦେଲିଂ ମୁର୍ଚାର୍ । ୧୧ ହେବେ ଖିଜୁ ମଣ୍ଡଲି ଆରି ଏଚେକ୍ ଲକୁ ଇ ସବୁ ବିସ୍ତେ ଖେଚାର୍, ହେଖାର୍ ଖିଜାକାର୍ ବେସି ପାଣ୍ଡା ଆତାର୍ ।

ଚିନ୍ କାମାୟ୍ ଆରି କାବାନି କାମାୟ୍

୧୨ ପଦ୍ୟାତାକାର୍ତ୍ତି ହୁଦାଂ ମାନାୟାର୍ ବିତ୍ତେ ବେସି ଆଡ୍ଝି ଆରି କାବାନି କାମାୟ୍ ଆଦେଂ ଲାଗାତାତ୍, ଆରେ ଖିଜୁ ମଣ୍ଡଲି ରମାନ୍ ସଲମନ୍ତି ମଣ୍ଡମତ ରୁଣ୍ଡାଜି ମାଚାର୍, ୧୩ ମାତର୍ ମାନାୟ୍ ବିତ୍ତେତାଂ ଇନେର୍ ହେଖାର୍ ହୁଦାଂ ମେହାଆଦେଂ ସାସ୍ କିଖାଦାଂ ମାଚାର୍; ଆତିସ୍ ପା ବିନ୍ ଲକୁ ହେଖାରିଂ ଖାରି କିଜି ମାଚାର୍, ୧୪ ମାତର୍, ଆରେ ଆଦିକ୍ତାଂ ଆଣ୍ଡାଂ ଆରି କଗଲେକ୍ ମାପୁ ତାକେ ପାତ୍ କିଜି ଇ ଦଲ୍ଦ ମେହାଆଦେଂ ଲାଗାତାର୍, ୧୫ ଏଲେକ୍, ପିତର୍ ଖାନି ଖେଡାଲିଂ କେବଲ୍ ହେଖାନ୍ତି ଡିଗା ଇନେସ୍ ରଗ୍ୟାର୍ ତାକେ ଇନେର୍ ଇନେର୍ ଜପି ଆରନାତ୍, ଇଦାଂ କାଜିଂ ଲକୁ ହେଖାରିଂ ହାକ୍ଡିତ ପିଣ୍ଡି ଆଜି, ଟାଟି ଆରି କାଚେଲ୍ଡ ଇଡ୍ବିସ୍ ମାଚାର୍ । ୧୬ ଜିରୁସାଲମ୍ତ ଚାରିବେଣ୍ଡି ବସ୍ତିତାଂ ମାନାୟାର୍ ପା ରଗ୍ୟାରିଂ ଆରି ବାନ୍ୟା ଜିରୁନ୍ ହୁଦାଂ ଆହ୍ୟାତି ଲୁଗାରିଂ ତାହି ରୁଣ୍ଡା ଆଜି ମାଚାର୍, ଆରେ ହେଖାର୍ ଖିଜାକାର୍ ଭଜ ଆତାର୍ ।

ପଦ୍ୟାତାକାର୍ କାଜିଂ ଇଣ୍

୧୭ ପାଚେ ମୁଡ୍ ମାପୁହେବାକିନାକାନ୍ ଆରି ହେଖାର୍ତ୍ତି ହାଙ୍ଗ୍ଡି ଖିଜାକାର୍, ଇଚିସ୍ ସାଦୁକିର୍ କୁଦା, ପଦ୍ୟାତାକାର୍ ଜପି ଆକାର୍ତ୍ତ ରିସା ଆଜି ନିଂତାର୍ ୧୮ ଆରି ପଦ୍ୟାତାକାର୍ ଆସ୍ତି ଗାଚ୍ତି ସାଦା ଜଇଲ୍ଡ ଇଚ୍ଚାର୍ । ୧୯ ମାତର୍ ରଖାନ୍ ମାପୁତି ଦୁଡ୍, ନାଣାଖେଡାଲିଂ ଜଇଲ୍ ନି ଦୁଖେର୍ରିଂ ରିକ୍ତାତ୍ ଆରି ହେଖାରିଂ ହପ୍ତି ତାସି ଇଚାତ୍, ୨୦ “ହାଲାଟ୍, ମନ୍ଦିର୍ ବିତ୍ତେ ଇଞ୍ଜ ମାନାୟାରିଂ ଇ ପୁନି ଜିରୁନ୍ନି ବିସ୍ତେ ଖିଜୁ ବଚନ୍ ଇନାଟ୍ ।” ୨୧ ଇଦାଂ ଖେନ୍ଝି ହେଖାର୍ ନାଡ୍ଡିହିଂ ମନ୍ଦିର୍ତ୍ତ ହଣ୍ଡି ହିକ୍ୟା ହିଦେଂ ଲାଗାତାର୍ ।

ଖିସ୍ତି ବିତ୍ତେ ମୁଡ୍ ମାପୁହେବାକିନାକାନ୍ ଆରି ପଦ୍ୟାତାକାରିଂ ତା ଚେଲାର୍ ଖାଜି ଗାଜା ସବା ଆରି ଇସ୍ତାଏଲ୍ ହିମ୍ଣାଂତି ପ୍ରାଚିନାର୍ କୁକ୍ତି ରବେ କିତାର୍, ଆରେ, ହେଖାରିଂ ତାଇଖାନି କାଜିଂ ଜଇଲ୍ଡ ଲକାଂ ପକ୍ତାର୍ । ୨୨ ମାତର୍ ହେବା କିନାକାର୍ ହାଲ୍ଜି ଜଇଲ୍ ଇଞ୍ଜ ହେଖାରିଂ ଗାଟାଖାଦାଂ ମାସ୍ଡି ଖାଜି ଇଚାର୍, ୨୩ “ଆପେଂ ହୁଡ୍ଡାପ୍, ଜଇଲ୍ ଇଞ୍ଜ ଆଟ୍ଝା କିଜି ଗେସ୍ତାକା ମାନାତ୍ ଆରି ଦୁଖାରିଂକାଂ ଜାଗ୍ଝାଡାର୍ ନିଲ୍ଡାଣ୍ଡା, ମତର୍ ଦୁଖେର୍ ଜେତିଲେ, ଜଇଲ୍ ଇଲ୍ ଆପେଂ ଇନେରିଂ ଗାଟାଖାତାପ୍ ।” ୨୪ ଇ ସବୁ କାତା ଖେନ୍ଝି ମନ୍ଦିର୍ନି ଜାଗ୍ଝାଡାର୍ ଆରି ମୁଡ୍ ମାପୁହେବାକିନାକାନ୍ ଇବେନି ଦସା ଇନାକା ଏଡ୍ କିଜି ପଦ୍ୟାତାକାର୍ ବିସ୍ତେ କାବା ଆଦେଂ ଲାଗାତାର୍ । ୨୫ ଏଲେଙ୍ଗ୍ ଖେଡାଲିଂ ରଖାନ୍ ମାନାୟ୍ ଖାଜି ହେଖାରିଂ କାରୁର୍ ହିତାନ୍, “ହୁଡାଟ୍, ଏପେଙ୍ଗ୍ ଇମ୍ଣି ଲୁଗାଂ ଜଇଲ୍ ଇଞ୍ଜ ଇଡ୍ଜି ମାଚାଦେର୍, ହେଖାର୍ ମନ୍ଦିର୍ ଇଞ୍ଜ ମାନାୟାର୍ତ୍ତି ହିକ୍ୟା ହିନାରା ।” ୨୬ ମନ୍ଦିର୍ନି ମେଲ୍ୟାର୍ କାମ୍ଲିୟାର୍ ଲାହାଙ୍ଗ୍ ହାଲ୍ଜି ପଦ୍ୟାତି ଚେଲାର୍ ଆରେରଗ୍ ତେୟ୍ ଖାତାର୍ । ହେଖାର୍ ଇନେସ୍ବାନି ପା ପାଣ୍ଡା ଆଖାତାର୍, ଇନାକିଦେଂକି ହେଖାରିଂ ପାଣ୍ଡୁ ମାଚାତ୍ ଜେ ମାନାୟାର୍ ହେଖାର୍ ଜପି କାଲ୍କୁ ଇଡ୍ନାର୍ ।

୨୭ ହେଖାର୍ ହେଖାରିଂ ତାହି ଗାଜା ସବା ମୁମ୍ତ ନିଲି କିୟ୍ଜିତାର୍ । ହେବେଣ୍ଡାଂ ମୁଡ୍ ମାପୁହେବାକିନାକାନ୍ ହେଖାରିଂ ଖେନ୍ବାତାନ୍, ୨୮ “ଆପେଂ ମିଙ୍ଗେଙ୍ଗ୍ ଇ ତର୍ଦ୍ଦ ହିକ୍ୟା ହିଦେଂ ବେସି ଆଟ୍ଝା ଲାକେ ମୁନାକିଜି ମାନ୍ଝାପ୍, ମାତର୍ ହୁଡାଟ୍, ଏପେଙ୍ଗ୍ ଇନାକିନାଦେରା ମି ହିକ୍ୟାତ ଜିରୁସାଲମ୍ ପୁରା କିଜି ହେ ମାନାୟ୍ତି ନେତେର୍ନି ଦସ୍ ମା ଜପି ଲାଦି କିଦେଂ ମାନ୍କିନାଦେରା ।”

☆ ୫:୨୮ ୫:୨୮ ମାଡିଭ ୨୭:୨୫.

୨୯ ମାତର ପିତର ଆରି ଆଦେକ ପଦ୍ୟାତାକାର ଉତର ହିତାର, “ଆପେଂ ଇସ୍ବରତିଂ ମାନିକିନାପ୍ ମାନାୟାରିଂ ମାନି କିତପ୍ । ୩୦ ଇମ୍ବି ଜିସୁଙ୍ଗ୍ ଏପେଙ୍ଗ୍ କୁସ୍ତ ତ୍ତଇ କିଜି ଅସ୍ତି ମାତାଦେର୍, ମା ବୁତାତ୍ ଇସ୍ବର ହେଞ୍ଜାନିଂ ହାକିତାଂ ନିକ୍ତାନ୍ନା । ୩୧ ଆରେ, ହେଞ୍ଜାନ ଇନେସ୍ ଇସ୍ବାଏଲ୍ତିଂ ମାନବାଦଲାଇୟ୍ ଆରି ପାପ୍ କେମା ଦାନ୍ କିନାନ୍, ଇଦାଂ କାଜିଂ ଇସ୍ବର ଜାର୍ ବୁଜ୍ଣି କେଇ ହୁଦାଂ ହେଞ୍ଜାନିଂ ଗାଜାକାନ୍ ଆରି ମୁକ୍ତିକିନାକାନ୍ ଲାକେ ଗାଜା କିତାନ୍ନା । ୩୨ ଆରେ, ଆପେଂ ଇ ଓଜୁ କାତା ବିସ୍ତେ ସାକି, ଆରେ ଇମ୍ବି ପୁଇପୁୟା ଜିବୁନ୍ ଇସ୍ବର ହେଞ୍ଜାନ୍ତି ବଲ୍ ମାନିକିନାକାରିଂ ହିତାନ୍ନା, ହେଞ୍ଜାନ ପା ସାକି ।”

୩୩ ଇ କାତା ଷେନ୍ଞି ଗାଜା ସବାନି ମାନାୟାର୍ ବେସି ରିସା ଆତାର୍ ଆରି ପଦ୍ୟାତାକାରିଂ ଅହ୍ନି କାଜିଂ ରୁହାୟ୍ କିଦେଙ୍ଗ୍ ଲାଗାତାର୍ । ୩୪ ମାତର ଗମଲିୟେଲ୍ ତରନି ରକାନ୍ ପାରୁସି, ଇନେନକି ସାସ୍ବର ଗୁରୁ ଆରି ଓଜାକାର୍ ଲାଗେ ସନ୍ମାନ୍ ପାୟାଜି ମାତାନ୍, ହେଞ୍ଜାନ ଗାଜା ସବାତ ନିଲ୍ତି ପଦ୍ୟାତାକାରିଂ ଅଲପ୍ ସମୁ କାଜିଂ ହପ୍ତେଂ ବଲ୍ ହିତାନ୍, ୩୫ ଆରେ ହେଞ୍ଜାନ ହେଞ୍ଜାରିଂ ଇଚାନ୍, “ଏ ଇସ୍ବାଏଲିୟନି ଲକୁ, ଇଞ୍ଜାର୍ କାଜିଂ ଏପେଙ୍ଗ୍ ଇନାକା କିଦେଙ୍ଗ୍ ଜାଲଦି ଆନାଦେରା, ହେ ବିସ୍ତେ ଜାଗ୍ରତ୍ ଆତୁ । ୩୬ ଇନାକିଦେଂକି ଇଦାଂ ଆଗେ ତିଉଦା ନିଂଜି ଜାର୍ତିଂ ରଞ୍ଜାନ୍ ଗାଜା ମାନାୟ୍ ଇଞ୍ଜି ଇଚାନ୍, ଆରେ ଚାରସ୍ ଲକୁ ତା ହୁଦାଂ ମେହା ଆତାର୍, ଆସା କିତାର୍ ହେଞ୍ଜାନ ହାତାନ୍, ଆରେ ଏଚେକ୍ ଲକୁ ତାଙ୍ଗ୍ ବାସ୍ କିତାର୍, ହେଞ୍ଜାର୍ ଓଜାର୍ ଜେଡେକେଡ୍ ଆତାର୍ ଆରି କାମାୟ୍ କିଦେଙ୍ଗ୍ ଆଡ଼ଞ୍ଜାତାର୍ । ୩୭ ହେ ମାନାୟ୍ ପାଚେ ଲକୁ ଗାଣାକିନାକା ଷେଡାଲିଂ ଗାଲିଲିୟ୍ ଜିହୁଦା ନିଂଜି ମାନାୟାରିଂ ତା ପାଚେ ଜେଲ୍ଜି ଅଜି ଗଣ୍ଡଗଲ୍ କିୟ୍କିତାନ୍; ହେଞ୍ଜାନିଂ ଅସ୍ବାର୍, ଆରେ ଏଚେକ୍ ଲକୁ ତାଙ୍ଗ୍ ବାସ୍ କିଜି ମାତାର୍, ହେଞ୍ଜାର୍ ଓଜାକାର୍ ଜେଡେକେଡ୍ ଆଜି ହାଚାର୍ । ୩୮ ନଙ୍ଗ୍ ଆନ୍ ମିଙ୍ଗେଙ୍ଗ୍ ଇଞ୍ଜନାଙ୍ଗା, ଏପେଙ୍ଗ୍ ଇ ଲକୁ କାଜିଂ ଇନାକା କିଞ୍ଜାଦାଂ ହେଞ୍ଜାରିଂ ପିସ୍ତି ହିଆର୍, ଇନାକିଦେଂକି ଇ ରୁହାୟ୍ କି ଇ କାମାୟ୍ ଜଦି ମାନାୟାତାଂ ଆଜି ମାଟିସ୍, ତା ଆତିସ୍ ହେଦାଂ କ୍ଳାଞ୍ଜାସ୍ ଆଜି ହାନାଡ୍; ୩୯ ମାତର ଜଦି ହେଦାଂ ଇସ୍ବରତାଂ ଆଜି ମାଟିସ୍, ତା ଆତିସ୍ ଏପେଙ୍ଗ୍ ହେଞ୍ଜାରିଂ ନସ୍ କିଦେଙ୍ଗ୍ ବାସ୍ ଆଦେଂ ଆତୁଦେର୍, ଏଚେକାଡ୍ ଏପେଙ୍ଗ୍ ଇସ୍ବରତି ବିରୁଦ୍ତ ଜୁଜ୍ କିନାଦେରା ଇଞ୍ଜି ଚଞ୍ଜାମାନାଦେର୍ ।”

ଗାଜା ସବାନି ମାନାୟାର୍ ଗମଲିୟାତି କାତା ମାନି କିତାର୍ ୪୦ ହେଞ୍ଜାର୍ ହେଞ୍ଜାନ୍ତି କାତାତ ବାସ୍ ଆତାର୍, ଆରେ ପଦ୍ୟାତାକାରିଂ ଲାଗାଂ କୁକ୍ତି ହେଞ୍ଜାରିଂ କରତା ତାଂ ଗ୍ରାକ୍ତାର୍ ଆରି ଜିସୁତି ତରଦ କାତା ଇନଞ୍ଜି କାଜିଂ ବଲ୍ ହିଜି ପିସ୍ବାର୍ । ୪୧ ହେବେ ହେଞ୍ଜାର୍ ଜେ ଜିସୁ ତର କାଜିଂ ଅପମାନ୍ ବଗ୍ କିଦେଙ୍ଗ୍ ଲଡା ଇଞ୍ଜି ଇନାୟାଜି ମାତାର୍, ହେଦାଂ କାଜିଂ ହେଞ୍ଜାର୍ ଞ୍ଜାରି କିତ କିତ ଗାଜା ସବାତାଂ ହସି ହାଚାର୍; ୪୨ ଆରେ ହେଞ୍ଜାର୍ ନିତ୍ତେ ମନ୍ଦିରତ ଆରି ହିକ୍ୟା ହିଦେଂ ଆରି ଜିସୁ ଜେ କ୍ରିସ୍ଟ, ଇ ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଟେବା ଆଞ୍ଜାତାର୍ ।



ସାତ୍ ଜାଣ୍ ହାଂଞ୍ଜାର୍

୧ ଇ ଷେଡାଲିଂ, ଏଚେକାଡ୍ ଚେଲାର୍ ବାତା ଆଜି ମାତାର୍, ହେଞ୍ଜାଡାଂ ଗ୍ରିକ୍ ବାସାନିକାର୍ ଜିହୁଦିର୍ ଏବ୍ରିୟ୍ ବାସାନି ଜିହୁଦି ବିରୁଦ୍ତ ନିୟା କିଦେଙ୍ଗ୍ ଲାଗାତାର୍, ଇନାକିଦେଂକି ନିତ୍ତେ ହେବା କିଦେଙ୍ଗ୍ ହେଞ୍ଜାର୍ତି ରାଣ୍ଡିକାଂ ପାଚାରି କିଞ୍ଜାଦାଂ ମାତାର୍ । ୨ ହେବେ ବାର୍ ଜାଣ୍ ଚେଲାର୍ ପାତ୍ କିନାକାର୍ ଲାଗାୟ୍ କୁକ୍ତି ଇଚାର୍, “ଇସ୍ବରତି ବଚନ୍ ପରଚାର୍ ପିସ୍ତି କାଦି ପାସ୍ପେଦେଂ ମା ହେବାତ ମାନାକା ହାର୍ ଆକାୟ୍ । ୩ ଲାଗିଂ ଏ ଟଣ୍ଡାର୍ ଆରି ତଣ୍ଡାଦେକ୍, ଇମ୍ବିଶାକାରିଂ ଆସେଙ୍ଗ୍ ଇ କାମାୟ୍ତ ବାଟି କିଦେଙ୍ଗ୍ ଆଡ଼ନାସ୍, ଏପେଙ୍ଗ୍ ତାକ୍ପୁଟାତାକାର୍ ଆରି ଜିବୁନ୍ ଆରି ଗିୟାନ୍ତ ପୁରା ସାତ୍ ଜାଣ୍ତିଂ ମି ବିତ୍ତେ ସାକି ହିନାକାରିଂ ବାଟି କିଜି ତିର୍ କିୟାଡ୍; ୪ ମାତର ଆସେଙ୍ଗ୍ ପାର୍ତୀନାତ ଆରି ବଚନ୍ ପରଚାର୍ ହେବା କାମାୟ୍ତ ରଲ୍ଲାକେ ଲାଗା ଆଜି ମାନାସ୍ ।”

୫ ଇ କାତା ଓଜୁ ମାନାୟାର୍ ନଞ୍ଜରତ ହାର୍ ଚଞ୍ଜାନାଡ୍, ଆରେ ହେଞ୍ଜାର୍ ପାତ୍ ଆରି ପୁଇପୁୟା ଜିବୁନ୍ତ ବାତ୍ ସ୍ତ୍ରିପାନ୍ ତରନି ରଞ୍ଜାନ୍ ମୁଣିକାଂ, ଆରେ ପିଲିପ୍, ପ୍ରକର, ନିକାନର୍, ତିମନ, ପାର୍ମନା ଆରି ପର୍ତ୍ତୁମ୍ ଆନ୍ତ୍ରିୟକିଆନି ପାତ୍ କିଞ୍ଜି ଜିହୁଦି ନିକଲାଇତିଂ ବାଟି କିଜି, ୬ ପଦ୍ୟାତାକାରିଂ ମୁମ୍ଦ ଏକାତାର୍, ଆରେ ହେଞ୍ଜାର୍ ହେଞ୍ଜାର୍ତି କାପ୍ଡା ଜପି କେଇ ଇଡ଼ଜି ପାର୍ତୀନା କିତାର୍ ।

୭ ଇଦାଂ ପାଚେ ଇସ୍ବରତି ବଚନ୍ ଆଦିକ୍ ମେଙ୍ଗ୍ତାଡ୍ ଆରେ ଜିରୁସାଲମ୍ତ ଚେଲାର୍ ଲମ୍ବର ବାତାଦେଂ ଲାଗାତାଡ୍; ଆରେ, ମାପୁହେବାକିନାକାନ୍ ବିତ୍ତେତାଂ ବେସି ହେନି କ୍ରିସ୍ଟ୍ ପାତ୍ କିନାକାର୍ ଆତାର୍ ।

ସ୍ତ୍ରିପାନ୍ ବଦି କିତାର୍

ଠ ସ୍ତ୍ରୀପାନ୍ ଦୟା ଆରି ସାକ୍ଷିତ ବାତ ଆଜି ଲକ୍ଷ୍ମୀ ବିତ୍ତେ ଗାଜା ଗାଜା କାବାନି କାମାୟ ଆରି କାମାୟ କିଦେଇଁ ଲାଗାତାନ୍ । ୯ ମାତର୍ ଲିବତ ନ, କୁରିଣିୟ ଆରି ଆଲେକ୍‌ଜାଣ୍ଡ୍ରିୟ ଗାଡ଼କୁକାଂ ବାହା କିନାକାର୍ ତରଦ ତାକ୍‌ପୁଟା ଜିହୁଦିରତି ପାର୍ତ୍ତାନା ଇଲ୍‌ନି କେତେ ଜାଣ, ଆରେ କିଲିକିୟା ଆରି ଆସିଆ ନିକାର୍ କେତେକ ଲକ୍ଷ୍ମୀ ନିଜ୍ଜି ସ୍ତ୍ରୀପାନ୍ ହୁଦାଂ କାତା ବାର୍ତ୍ତା କିଦେଇଁ ଲାଗାତାନ୍ । ୧୦ ମତର୍ ହେୱାନ୍ ଇମ୍‌ଣି ଗିୟାନ୍ ଆରି ଜିବୁନ୍‌ତି ସାକ୍ଷିତ କାତା ଇଞ୍ଜି ମାଗାନ୍, ହେୱାର୍ ହେଦାଂ ବିରଦ୍ କିଦେଇଁ ଆଡ଼ୱାତାନ୍ । ୧୧ ହେବେ ହେୱାର୍ ମାନାୟାର୍‌ରି ଲାଞ୍ଜି ହିଜି ପୁସ୍‌ରାୟ କିତାନ୍, ଆରେ ହେୱାର୍ ଇତାନ୍, “ଆପେଂ ଇଦାଂ ମସା ଆରି ଇସ୍‌ରତି ବିରୁଦ୍‌ତ ନିୟା ବଚନ୍ ଇନାକା ଖେନାପା ।” ୧୨ ଆରେ, ହେୱାର୍ ମାନାୟାର୍‌ରି, ଆରେ ପ୍ରାତିନ୍ ଆରି ସାସ୍‌ର ଗୁରୁରିଂ ରିସା କିଜି ହେୱାନିଂ ମାଡିବହାତାନ୍ ଆରି ହେୱାନିଂ ବାଡ଼କାସ୍‌ତାଂ ଆଜି ଗାଜା ପଞ୍ଚାଦିତ ତାହିୱାତାନ୍, ୧୩ ଆରେ ମିର୍ ସାକିରିଂ ନିଲି କିତାନ୍; ହେୱାର୍ ଇତାନ୍, “ଇ ମାନାୟ” ଇ ପୁଇପୁୟା ବାହା ଆରି ମସାତି ବିଦି ବିରୁଦ୍‌ତ ବଚନ୍ ଇଞ୍ଜେଇଁ ଲାଗାତାନ୍, ୧୪ ଇନାକିଦେଂକି ନାଜରିତିୟ ହେ ଜିସୁ ଇ ମନ୍ଦିର୍ ସେସ୍ କିନାନ୍, ଆରେ ମସା ମାଂ ଇନା ଇନା ରିତିନିତି ହିତାନ୍ନା, ହେ ସବୁ ବାଦ୍‌ଲାଇଁ କିନାନ୍ ଇଞ୍ଜି ହେୱାନ୍ ଇନାକା ଆପେଂ ଖେଚାପା । ୧୫ ହେ ଏଚେଖେଡାଲିଂ ଗାଜା ପଞ୍ଚାଦିତ କୁଡ଼ି ମାନି ଖିଜାର୍ ତାଙ୍ଗ୍ ହୁଡ଼ଜି ସ୍ତ୍ରୀପାନ୍ ମୁମ୍ ବାଦାଡ଼ତ ଦୁଡ଼ତି ମୁମ୍ ଲାକେ ହୁଡ଼ତାନ୍ ।



ସ୍ତ୍ରୀପାନ୍‌ତି ପରଚାର୍

୯ ହେବେ ମୁଡ଼ ମାପୁହେବାକିନାକାନ୍ ଖେନ୍‌ବାତାନ୍, “ଇଦାଂ ଖିଜୁ ଦାବା ହାଡ଼ପା କି ?”

୧୦ ସ୍ତ୍ରୀପାନ୍ ଇଚାନ୍, “ଏ ଟଣ୍ଡାର୍ ଆରି ଆବାର୍, ଖେନାର୍ । ମା ଆବା ଅବ୍ରାହାମ୍ ହାରଣ୍ ଗାଡ଼ଦ୍ ବାହା କିନି ଆଗେ ଏଚେକାଡ଼ଦ୍ ହେୱାନ୍ ମେସପଟାମିଆତ ଦେସ୍‌ତ ମାଗାନ୍, ହେ ଏଚେକାଡ଼ଦ୍ ହେୱାନ୍ ଜାଜ୍‌ମାଲ୍‌ନି ଇସ୍‌ର ହେୱାନିଂ ଚଞ୍ଚାଆ ଆଜି ଇଚାନ୍, ୧୧ ଏନ୍ ପାର୍ତ୍ତାନା ଜାର୍ ଦେସ୍‌ତାଂ ଆରି ଜାର୍ ଖାସ୍‌ନିକାରିଂ ବିତ୍ତେ ହସି ଖା, ଆରେ ଆପେଂ ନିଂ ଇମ୍‌ଣି ଦେସ୍ ଚଟ୍‌ଚାନାପ୍, ହେ ଦେସ୍‌ତ ହାଲା ।” ୧୨ ହେବେ କଲ୍‌ଦିୟର୍ ଦେସ୍‌ତାଂ ହସି ହେୱାନ୍ ହାରଣ୍‌ତ ବାହା କିତାନ୍, ଆରେ ତା ଆବାତି ହାତି ପାଚେ, ହେବେତାଂ ଏପେଇଁ ନଇଁ ଇମ୍‌ଣି ଦେସ୍‌ତ ବାହା କିତାଦେର୍‌ନା, ଇ ଦେସ୍‌ତିଂ ଇସ୍‌ର ହେୱାନିଂ ତାସି ଖାତାନ୍, ୧୩ ଆରେ, ହେୱାନ୍ ହେୱାନିଂ ହେବେ ଇମ୍‌ଣାକା ପା ଆଦିକାର୍ ହିୱାତାନ୍, କି, ର ପାନା ଇଡ଼ଦେଂ ଅଲପ୍ ବୁମି ହିୱାତାନ୍, ଆରେ ହେ ଏଚେକାଡ଼ଦ୍ ଅବ୍ରାହାମ୍‌ତି ହିମ୍‌ଣାଂ ହିଲ୍‌ଖିତିସ୍ ପା ହେୱାନ୍ ହେୱାନିଂ ଆରି ହେୱାନ୍ତି ଖାନିବାହୁନି ଲାତ୍ରାତିଂ ହେଦାଂ ଆଦିକାର୍ କିଦେଇଁ କାଜିଂ ହିନାଂ ଇଞ୍ଜି ପାର୍ମାଣ୍ କିତାନ୍ । ୧୪ ଇସ୍‌ର ଇ ଲାକେ ଇଚାନ୍, “ହେୱାନ୍ତି ଲାତ୍ରା ବିଦେସ୍‌ତ ବାହା କିତାନ୍ ଆରି ହେ ବାହାତ ଲକ୍ଷ୍ମୀ ହେୱାରିଂ ଚାଲିସ୍ ବାହୁଁ ପାଚେକ୍ ଆଡ଼ୟାତ ଇଡ଼ଜି ହେୱାର୍ କାଜିଂ ଉଡ଼ପାଡ଼ କିତାନ୍ । ୧୫ ଆରେ, ଇସ୍‌ର ଇଚାନ୍, ହେୱାର୍ ଇମ୍‌ଣି ଜାତିତ ହେବା କିନାକାନ୍ ଆନାନ୍, ଆନ୍ ତାତି ବିଚାର୍ କିନାଂ; ତା ପାଚେ ହେୱାର୍ ହେ ଦେସ୍‌ତାଂ ହସି ଖାଜି ଇ ବାହାତ ମା ପାର୍ତ୍ତାନା କିତାନ୍ ।” ୧୬ ଆରେ, ହେୱାନ୍ ହେୱାରିଂ ସୁନ୍‌ଡ଼ ନିୟମ୍ ହିତାନ୍, ଆରେ ତାହୁଦାଂ ଅବ୍ରାହାମ୍ ଇସ୍‌ହାକ୍‌ତି ଜଲମ୍ ହିଜି ଆର୍ ଦିନ୍‌ତାଂ ହେୱାନିଂ ସୁନ୍‌ଡ଼ କିତାନ୍; ଇସାହାକ୍ ଜାକୁବ୍‌ଇଁ, ଆରେ ଜାକୁବ୍‌ତି ବାର ଆବାଲାତ୍ରାରିଂ ଜଲମ୍ ହିଜି ହେ ଲାକେ ସୁନ୍‌ଡ଼ କିତାନ୍ ।

୧୭ “ଜାକୁବ୍‌ତି ହିମ୍‌ଣାଂ ହେୱାର୍ ଟଣ୍ଡାର୍ ଜସେପ୍‌ତିଂ ତାରା ଆଜି ମିସର୍‌ତ ଅନି କାଜିଂ ହେୱାନିଂ ପ୍ରତାର୍, ମତର୍ ଇସ୍‌ର ହେୱାନ୍ ହୁଦାଂ ମାଗାନ୍, ୧୮ ଆରେ, ହେୱାନ୍ତି ସବୁ ଦୁକ୍‌ତାଂ ହେୱାନିଂ ଉଦାର୍ କିଜି ମିସର୍‌ନି ରାଜା ପାର ମୁମ୍‌ଦ୍ ହେୱାନିଂ ଦୟା ଆରି ଗିୟାନ୍ ହିତାନ୍; ହେବେ ପାର ହେୱାନିଂ ମିସର୍ ଆରି ଜାର୍‌ତି ଖିଜୁ ଇଲ୍‌କୁନି ସାସନ୍‌କାର୍‌ୟା ବାବ୍ରେ ବାତି କିତାନ୍ । ୧୯ ପାଚେ ସବୁ ମିସର୍ ଆରି କିଶାନ୍‌ତ କାତାନ୍ ଆର୍‌ତାଡ଼, ଆରେ ବେସି ଦୁକ୍ ଗିଟାତାଡ଼, ଆରେ ମା ଆଗେନି ବୁଡାଲୁର୍ କାଦି ପାୟା ଆଖାତାନ୍ । ୨୦ ମାତର୍ ମିସର୍‌ତ କାଦି ମାନାଡ଼ ଇଞ୍ଜି ଖେନ୍‌ଞ୍ଜି, ଜାକୁବ୍ ତା ମେହିରିଂ ପର୍ତ୍ତମ୍ ପକ୍‌ତାନ୍ । ୨୧ ହେବେ ହେୱାର୍ ଆରେ, ରିହା ହାନି ଖାଡ଼ାଲିଂ ଜସେପ୍ ତା ଟଣ୍ଡାର୍ ଲାଗାଂ ଜାଣାଟିନା ଆତାନ୍, ଆରେ ପାର ଜସେପ୍‌ତି ପାର୍ତ୍ତାନାନି ଜାଣାଟିନା ଆତାନ୍ । ୨୨ ତା ପାଚେ ଜସେପ୍ ତା ଲାତ୍ରାହି ଜାକୁବ୍ ଆରି ତିନିକଡ଼ି ପନ୍‌ର ଜାଣ୍ ଖାସ୍‌ନି ପାର୍ତ୍ତାନା ଖିଜାକାରିଂ କୁକିକିଦେଂ ମାନ୍ କିତାନ୍ । ୨୩ ହେବେ ଜାକୁବ୍ ଆରେ ମିସର୍‌ତ ହାତି ପାଚେ, ହେୱାନ୍ ନିଜେ ଆରି ମା ଆବା ଲାତ୍ରାର୍ ହାତାନ୍, ୨୪ ଆରେ, ହେୱାର୍ ହାତି ମଡ଼ ସିକିମ୍‌ତ ଅୟାଜି ଅବ୍ରାହାମ୍ ହେବେ ହମର ହିମ୍‌ଣାଖାକ୍‌ଡ଼ା ତାଙ୍ଗ୍ ଇମ୍‌ଣି ଦୁଗେର୍ ରୁପା ମଲ୍ ହିଜି କଡ଼ଜି ମାଗାନ୍, ହେବେ ମୁର୍‌ୟାତାନ୍ ।”

୨୫ “ମାତର୍ ଇସ୍‌ର ଅବ୍ରାହାମ୍ ଲାଗେ ଇମ୍‌ଣି ପାର୍ମାଣ୍ କିଜି ମାଗାନ୍, ହେ ପାର୍ମାଣ୍ ପୁରା ଆନି ଖେଡାଲିଂ ଲାଗେ ଆତିଲେ, ମା ଲକ୍ଷ୍ମୀ ମିସର୍ ଦେସ୍‌ତ ବାତାଜି ବେସି ଆଜି ନିଂତାନ୍ । ୨୬ ଖିସ୍ତି ପାଚେ ମିସର୍‌ତ ଆରେ ରଞ୍ଜାନ୍ ରାଜା ଆତାନ୍, ହେୱାନ୍ ଜସେପ୍‌ତିଂ ପୁନ୍‌ଖାଦାଂ ମାଗାନ୍ । ୨୭ ହେୱାନ୍ ମା ଜାତି କାଜିଂ ଚକ୍‌ଲିଆ

ଚିନ୍ତା କିତାନ୍, ଆରେ, ମା ଆବା ଲାଭାର ଇନେସ୍ ଜାର୍ ଜାର୍ ହିମଣାଂ ଜିଜି ମାନୁଞ୍ଜି କାଜିଂ ବାଠି ତୁହିନାନ୍ । ୨୦ ହେ ସମୁତ ମସା ଜଲମ୍ ଆତାନ୍, ହେଞ୍ଜାନ୍ ଇସ୍ବରତି କାଣ୍ବୁକାଂ ବେସି ହଲ୍ଲଜି ମାଚାନ୍ ଆରି ତିନି ମାସ୍ ପାତେକ୍ ତା ଲାଭାହି ଇଞ୍ଜ ପହାକିୟା ଆଜି ମାଚାନ୍ । ୨୧ ପାଚେ ହେଞ୍ଜାନ୍ ଏଚେକାଡ଼୍ ବାରତ ତୁହିୟା ଆତାନ୍, ହେ ଏଚେକାଡ଼୍ ପାରତି ଗାଡ଼୍ ହି ହେଞ୍ଜାନ୍ ନିକ୍ତି ଅଜି ତା ହିମଣା ଲାକେ ପହା କିତାଡ଼ । ୨୨ ଆରେ, ମସା ମିସରିୟରତି ସବୁ ବିଦ୍ୟାତ ସିକିଡ଼୍ ଆଜି ବଚନ୍ ଆରି କାମାୟତ ଜାଣାଚିନା ଆତାନ୍ ।

୨୩ ମସାତି ରିକଡ଼ି ବାହୁଁ ପୁରାନି ଖେଡ଼ାଲିଂ ତା ଟଣ୍ଡାର୍, ଇଚିସ୍ ଇସ୍ବାଏଲ୍ ହିମଣାକାଂ ହେବା କିନି କାଜିଂ ହେଞ୍ଜାନ୍ତି ମାନ୍ତ ଉଦ୍ଦା ଆତାଡ଼ । ୨୪ ହେଞ୍ଜାର୍ ବିତ୍ରେ ରକାନ୍ କାଜିଂ ରଞ୍ଜାନ୍ ମିସରିୟର ଅନ୍ୟାୟ କିଜି ମାନାକା ହୁଡ଼ଜି, ମସା ତା ରାକ୍ୟାକିଦେଂ ମିସରିୟ ରଞ୍ଜାନ୍ କାଜିଂ ପାର୍ମାଣ୍ ଅଜି ହେଞ୍ଜାନ୍ ଅସ୍ବାର ।” ୨୫ ହେଞ୍ଜାନ୍ତି କେଇ ହୁଦାଂ ଇସ୍ବର ଜେ ହେଞ୍ଜାନ୍ତି ଟଣ୍ଡାର୍ରିଂ ମୁକ୍ତି କିନାନା, ଇଦାଂ ହେଞ୍ଜାର୍ ବୁଜାନାର୍ ଇଞ୍ଜି ହେଞ୍ଜାନ୍ ବାବି କିଜି ମାଚାନ୍, ମତର୍ ହେଞ୍ଜାର୍ ବୁଜାଞ୍ଜାତାର୍ । ୨୬ ଆକାଡ଼ ନାଜିଂ ହେଞ୍ଜାନ୍ ରିୟାର୍ ଇସ୍ବାଏଲିୟରିଂ ଗଣ୍ଡଗଲ୍ କିଜି ମାନାକା ହୁଡ଼ତାନ୍ ଆରି ହେଞ୍ଜାର୍ ବିତ୍ରେ ସୁସ୍ତା ମେହାୟ କିଦେକ୍ ସେସ୍ତା କିତାନ୍ । ହେଞ୍ଜାନ୍ ଇଚାନ୍, “ଖେନାଟ୍, ଏପେକ୍ ରିୟାଦେରତ ଇସ୍ବାଏଲିୟ ଟଣ୍ଡାର୍ । ଇନେକିଦେଂ ଏଲେକ୍ ଅନ୍ୟାୟ କିନାଦେରା ?” ୨୭ ମାତର୍ ଇମ୍ଣି ପାଡ଼ହା ଇଞ୍ଜି କାଜିଂ ଅନ୍ୟାୟ କିଜି ମାଚାନ୍, ହେଞ୍ଜାନ୍ ମସାକ୍ ତିଗ୍ଜି ଇଚାନ୍, “ଇନେର୍ ନିଂ ମା ଜପି ମୁଣିକା ଆରି ବିଚାରକାରୟା ଲାକେ ବାହି ହିଡ଼ତାନ୍ ?” ୨୮ “ନିହିଂ ଇନେସ୍ ହେ ମିସରିୟରତିଂ ଅସ୍ତି ମାଚାୟ, ହେ ଲାକେ ନାକ୍ ଅସ୍ତେଦେଂ ମାନ୍ କିଦ୍ନାୟା ?” ୨୯ ଇ କାତା ଖେନ୍ଞ୍ଜି ମସା ମିଦିୟନ୍ ଦେସ୍ତ ବାହା କିତାନ୍; ହେବେ ହେଞ୍ଜାନ୍ତି ରିଆର୍ ହିମଣାଂ ଜଲମ୍ ଆତାର୍ ।

୩୦ ପାଚେ “ରିକଡ଼ି ବାହୁଁ ବାତ୍ ଆତିଲେ, ସିନୟ୍ ମାଡ଼ିନି ବାଗାତ ରଞ୍ଜାନ୍ ଇସ୍ବରତି ଦୁଡ଼ର୍ ବୁଟାତ ନାଣିଅଜଡ଼ତ ହେଞ୍ଜାନ୍ ଚଞ୍ଜାତାନ୍ । ୩୧ ମସା ହେଦାଂ ହୁଡ଼ଜି କାବା ଆତାନ୍, ଆରେ ହାର୍ ଲାକେ ହୁଡ଼ଦେଂ କାଜିଂ ଲାଗେ ହାନି ଖେଡ଼ାଲିଂ ମାପୁତି ଇ କାତା ଖେଚାନ୍ ।” ୩୨ “ଆନ୍ ମି ବୁଡ଼ାଆକତ୍ ଇସ୍ବର, ଅବ୍ରାହାମ୍, ଇସ୍ହାକ୍ ଆରି ଜାକୁବ୍ ଇସ୍ବର । ହେବେ ମସା ତ୍ରିଗ୍ଜି ହାର୍ ହୁଡ଼ଦେଂ ସାସ୍ କିଞ୍ଜାତାନ୍ ।” ୩୩ ତା ପାଚେ ମାପୁ ହେଞ୍ଜାନ୍ ଇଚାନ୍, “ନି ପାନାତାଂ ପାଣ୍ଡାକ୍ ଉଦା, ଇନାକିଦେଂକି ଏନ୍ ଇମ୍ଣି ମେଦନିତ ନିଲ୍ତାୟନା, ହେଦାଂ ପୁଇପୁୟା ମେଦନି । ୩୪ ମିସରତ ମା ଇମ୍ଣି ଲକୁ ମାନାର୍, ଆପ୍ ହେଞ୍ଜାର୍ତି ଦୁକ୍ ହୁଡ଼ତାପନ୍ନା ଆରି ହେଞ୍ଜାର୍ତି ଆଡ଼ାକୁକା ଖେଚାପନ୍ନା, ଆରେ ହେଞ୍ଜାରିଂ ଉଦାର୍ କିନି କାଜିଂ ଜୁଡ଼ତାପନ୍ନା; ଆରେ ନଂ ଖା, ଆନ୍ ନିଂ ମିସରତ ପଲ୍ଲାନାଂ ।”

୩୫ “ଇନେର୍ ନିଂ ମୁଡ଼ଦାକାନ୍ ଆରି ବିଚାରକାରୟା ଲାକେ ବାଚି କିଡ଼ତାନ୍ ଇଞ୍ଜି ଇଞ୍ଜି ଇ ଇମ୍ଣି ମସାକ୍ ହେଞ୍ଜାର୍ ମାନିକିଞ୍ଜାଦାଂ ମାଚାର୍, ହେଞ୍ଜାନ୍ ଇସ୍ବର ବୁଟାତ ଚଞ୍ଜା ଆଜି ଦୁଡ଼ତି ଉପକାରତାଂ ସାସନ୍ ଆରି ଉଦାରକାରୟା କିଜି ପକ୍ତାନ୍ । ୩୬ ଇ ମୁଣିକା ମିସର୍ ଦେସ୍, ନେତେର୍ ହାମ୍ବୁର୍ ଆରି ରିକଡ଼ି ବାହୁଁ ପାତେକ୍ ବାଗାତ ବାର୍ବିନି କାବାନି କାମାୟ ଆରି ତିନକୁ ସାଦନ୍ କିଜି ହେଞ୍ଜାରିଂ ହପ୍ତି ତାହିଞ୍ଜାତାନ୍ । ୩୭ ମସା ନିଜେ ଇସ୍ବାଏଲିନି ମାନାୟାରିଂ ଇଞ୍ଜି ମାଚାନ୍, ଇସ୍ବର ନାଂ ଇନେସ୍ ପଲ୍ଲାତାନ୍ ହେ ଲାକେ ମି ଲାଗାଂ ରଞ୍ଜାନ୍ ବେଶ୍ବାକ୍ଷାୟକିନାକାର୍ ପଲ୍ଲାନାନ୍, ହେଞ୍ଜାନ୍ ମି ଜାର୍ ଟଣ୍ଡାର୍ ବିତ୍ରେ ରଞ୍ଜାନ୍ ଆନାନ୍ ।” ୩୮ ଇ ମୁଣିକା ମାଣ୍ଡଲି ବିତ୍ରେ ମାନ୍ଞ୍ଜି ସିନୟ୍ ମାଡ଼ିତ ହେଞ୍ଜାନ୍ ହୁକେ କାତା ଇଞ୍ଜିମାଚି ଦୁଡ଼ତି ଆରି ମା ଆକର୍ ବିତ୍ରେ ମାଦ୍‌ଶାକାନ୍ ମାଚାନ୍; ହେଞ୍ଜାନ୍ ମିକ୍ ଦାନ୍ କିଦ୍ଦେଂ କାଜିଂ ଜିଜି ମାନାକା ବଚନ୍ ପାୟାତାନ୍ ।

୩୯ “ମାଦାଂ ଆବାରଲାଭା ହେଞ୍ଜାର୍ ହେଞ୍ଜାନ୍ତି କାତା ମାନିକିଞ୍ଜାଦାଂ ହେଞ୍ଜାନ୍ ମାନ୍ କିଞ୍ଜାତାର୍, ଆରେ ଜାର୍ ଜାର୍ ମାନ୍ତ ମିସର୍ ଦେସ୍ତ ମାସ୍ଦି ହାଲ୍ଲଜି ହାରଣ୍ ଇଚାର୍, ୪୦ ହେଦାଂ ହେଞ୍ଜାର୍ ହାରଣ୍ ଇଚାର୍, ମା ଆଗେ ଆଗେ ହାନି କାଜିଂ ମା କାଜିଂ ପେନ୍‌କୁକାଂ ରଚା, ଇନାକିଦେଂକି ଇ ଇମ୍ଣି ମସା ମାକେକ୍ ମିସର୍ ଦେସ୍ତାଂ ହପ୍ତି ତାଈଞ୍ଜାଡ଼ତାନ୍, ତା କାଜିଂ ଇନାକା ଗିଚାତାଡ଼ନ୍ନା, ହେଦାଂ ଆପେଂ ପୁନ୍ନୁପ୍ ।” ୪୧ ଆରେ, ହେ ସମୁତ ହେଞ୍ଜାର୍ ର ବାଚି ରଚ୍ଚାର୍ ଆରି ହେ ପୁଡ଼ଡ଼ା ଇସାବ୍ରେ ପୁଜାକିଦେକ୍ ଜାର୍ ଜାର୍ କେଇ ରଚ୍ଚି ଆଡ଼ମାଡ଼ତିଂ ବଜି କିଜି ଖାରି କିଦେକ୍ ଲାଗାତାର୍ । ୪୨ ମାତର୍ ଇସ୍ବର ମାସ୍ଦି ହେଞ୍ଜାରିଂ ବାଦାଡ଼ତ ହୁକାକାଂ ପାର୍ତାନା କିଦେକ୍ ପିସ୍ତି ହିଚାର୍, ଇନେସ୍ ବେଶ୍ବାକ୍ଷାୟକିନାକାର୍ ପତିତ ଲେକା ମାନାଡ଼, “ଏ ଇସ୍ବାଏଲ୍ ଲାଭା !

ବାଗାତ ରିକଡ଼ି ବାହୁଁ ପାତେକ୍,
ଏପେକ୍ ମା କାଜିଂ ପସୁ ପୁଜା ଆରି ଆକାଡ଼ କିଞ୍ଜାଦାଂ ମାଚାଦେର୍ ।
୪୩ ଲାଗିଂ ଏପେକ୍ ପାର୍ତାନା କିନି କାଜିଂ ଇମ୍ଣି ପୁଡ଼ଡ଼ାଂ ରଚ୍ଚି ମାଚାର୍,
ମଲକର୍ ତୁମ୍ ଆରି ରମ୍ମା ପେନ୍‌କୁନି ହୁକାତିଂ ଏପେକ୍ ଅଜି ପୁଜା କିତାର୍ ।”
ଲାଗିଂ ଆପ୍ ବାବିଲନ୍ତ,
ଆନ୍ତି ବାଗାକ୍ ପଲ୍ଲାନାକ୍ ।

୪୪ “ବାଟାତ ମା ଆଗେନି ଆବାରଲାତ୍ରା ଲାହାଂ ଇସ୍ୱରତି ମାନାକା ତାକେ ସାକି ତୁମ୍ ମାଟାତ୍ । ଇସ୍ୱର ମସାଙ୍ଗ୍ ଇନେସ୍ ରଚ୍ଚି ଖେଚ୍ଚି ମାଟାନ୍ ଆରି ମସାଂ ଇମ୍ଣି ହାଦାକା ଚଚ୍ଚି ମାଟାନ୍, ଇଦାଂ ହେ ଲାକେ ରଚ୍ଚୟାଜି ମାଟାତ୍ । ୪୫ ଆରେ, ମା ଆକର୍ ହେଦାଂ ଗାଟାଜି, ଇସ୍ୱର ହେଝାର୍ ମୁମ୍ଦାଂ ଇମ୍ଣି ଜାତିରିଂ ହପ୍ଚି ତୁହିତାର୍, ହେ ଜାତିରିଂ ଆଦିକାରତ ହେଝାର୍ ଜିହସ୍ୱୟତି ଇଚି ହଶ୍ଚି ହେଦାଂ ଦାଉଦତି ଖେଡ଼ାଂ ପାତେକ୍ ଇଡ଼ତାନ୍ । ୪୬ ହେଝାନ୍ ଇସ୍ୱର କାଶ୍ଚୁତ ଦୟା ପାୟାଜି ଜାକୁବ୍ଚି ଇସ୍ୱର କାଜିଂ ର ଇଲ୍ ରଚ୍ଚି କାଜିଂ ପାର୍ତାନା କିତାନ୍ । ୪୭ ମାତର୍ ସଲମନ୍ ହେଝାନ୍ତି କାଜିଂ ର ମନ୍ଦିର ଇଲ୍ ରଚ୍ଚାନ୍ ।”

୪୮ “ଆତିସ୍ପା ଇନେର୍ ସିଗ୍ଦାକାନ୍ ଇସ୍ୱର, ହେଝାନ୍ କେଇଦ ରଚ୍ଚି ଇଲ୍ ବାହା କିତନ୍ ! ଇନେସ୍କି ବେଶବାକ୍ଶାୟକିନାକାର୍ ଲେକିକିତାନ୍ନା ।”

୪୯ ମାପୁ ଇଚାନ୍ “ବାଦାଡ଼ତ ମା ଗାଦି,
 ପୁତ୍ ମା ପାନା ତାରେନ୍, ମାପୁ ଇଚାନ୍ନା,
 ଏପେଙ୍ଗ୍ ମା କାଜିଂ ଇନେସ୍ବାନି ଇଲ୍ ରଚ୍ଚାଦେର୍ ?
 କି ମା ଜମ୍ନି ବାହା ଇମେଡ଼ ?

୫୦ ମା କେଇ ଇନାକା ଇ ଖିଜୁ ବିସ୍ତେ ଉଦ୍‌ଜାଣ୍ କିଝାତାଂନା ?”

୫୧ ସ୍ତ୍ରୀପାନ୍ ଆରେ ଇଚାନ୍ “ଏପେଙ୍ଗ୍ ଏତେକ୍ ଅମାନ୍ୟା । ମି ମାନ୍ତ ଏତେକ୍ ଅସୁନ୍ନତ୍ । ଇସ୍ୱରତି ବଚନ୍ କାଜିଂ ଏପେଙ୍ଗ୍ ଖେନ୍‌ଝାକାଦେର୍ । ଏପେଙ୍ଗ୍ ସମାନ୍ ମି ଆଗେନି ଆବା ଲାତ୍ରା ଲାକେ; ଏପେଙ୍ଗ୍ ତାଇନାତ୍ ପୁଇପୁୟା ଜିବୁନ୍‌ଚିଂ ବିରଦ୍ କିନାଦେରା । ୫୨ ବେଶବାକ୍ଶାୟକିନାକାର୍ ବିତ୍ତେ ଇନେରିଂ ମି ଆକର୍ କେତେଝାଦାଂ ମାଟାର୍ ? ଇନେର୍ ହେ ଦାମ୍ ମୁଣିକା ଝାନି ବିସ୍ତେ ଆଗେତାଂ ଖେଚ୍ଚି ମାଟାର୍, ହେଝାରିଂ ହେଝାର୍ ଅସ୍ୱାର୍; ନଙ୍ ଏପେଙ୍ଗ୍ ହେଝାନିଂ ସାତୁ କେଇଦ ହେଲାୟ୍ କିଜି ଅସ୍ୱାଦେର୍; ୫୩ ଏପେଙ୍ଗ୍ ଦୁଡ଼ର୍ ହୁଦାଂ ଆଗେନି ବିଦିତାଂ ଗାଟାଜି ମାଟାଦେର୍, ମତର୍ ବିଦି ପାଲି କିଝାତାଦେର୍ ।”

ସ୍ତ୍ରୀପାନ୍‌ଚି ହାକି

୫୪ ଗାଜା ସବାନି ମାନାୟାର୍ ଖିଜୁ କାତା ଖେନ୍‌ଝି ହେଝାର୍ ମୁମ୍‌ରାଡ଼ତାର୍, ଆରେ ହେଝାନ୍ କାଜିଂ ଟାତାଙ୍ଗ୍ ରେଚି କିଦେଙ୍ଗ୍ ଲାଗାତାର୍ । ୫୫ ମାତର୍ ହେଝାନ୍ ପୁଇପୁୟା ଜିବୁନ୍‌ଚି ବାଚ୍ ଆଜି ବାଦାଡ଼ତ ର କାଶ୍‌ଗାତ ହୁଡ଼ତାନ୍, ଆରି ଇସ୍ୱରତିଂ ଜାଜମାଲ୍ ଆରି ଜିସୁଙ୍ଗ୍ ଇସ୍ୱରତି ବୁଜ୍‌ଣି ପାଡ଼କା ନିଲ୍‌ଚି ମାନାକା ହୁଡ଼ଜି ଇଚାର୍, ୫୬ ହେଝାନ୍ ଇଚାନ୍ “ହୁଡ଼ାଟ୍, ଆନ୍ ବାଦାଡ଼ତ ଜେୟାତି ଆରି ମାନାୟ୍ ମାଜିଙ୍ଗ୍ ଇସ୍ୱରତି ବୁଜ୍‌ଣି ବାଗାଙ୍ଗ୍ ନିଲ୍‌ଚି ମାନାକା ହୁଡ଼ନାଙ୍ଗା ।”

୫୭ ମତର୍ ହେଝାର୍ ଗାଜାକାଟାଂ କିକିରାତିଂ କିଜି ଜାର୍ ଜାର୍ କିତୁଲ୍‌ଚିଂ ଗେସ୍‌ତାର୍, ଆରେ ପାଡ଼କାତାଙ୍ଗ୍ ଆଜି ହେଝାନ୍ତି ଜପି ମାତିବହା ଆତାର୍, ୫୮ ଆରେ, ହେଝାର୍ ହେଝାନିଂ ଗାଡ଼ଦାଂ ହପ୍ଚି କାଲ୍‌କୁ ଇଡ଼ଦେଂ ଲାଗାତାର୍; ଆରେ, ମିର୍ ସାକିର୍ ସାଉଲ୍ ଇନି ରଝାନ୍ ଦାଂଶେନ୍‌ଚି ପାନା ଲାଗାୟ୍ ଜାର୍ ଜାର୍ ହେନ୍ଦାଙ୍ଗ୍ ଇଡ଼ତାର୍ । ୫୯ ହେଝାଡ଼ାଂ ହେଝାର୍ ସ୍ତ୍ରୀପାନ୍‌ଚିଂ କାଲ୍‌କୁ ଇଡ଼ଜି ମାଟାର୍, ହେଝାଡ଼ାଂ ହେଝାନ୍ ପାର୍ତାନା କିଜି ଇଚାନ୍, “ଏ ମାପୁ ଜିସୁ, ନା ଜିବୁନ୍‌ଚିଂ ଇଚା ।” ୬୦ ଆରେ, ହେଝାନ୍ ମେଣ୍ଡାଙ୍ଗ୍ କୁନ୍‌କିଜି ଗାଜାକାଟାଂ କୁକ୍‌ଚି ଇଚାନ୍, “ଏ ମାପୁ, ଇ ପାପ୍ ଇଝାର୍ ବିରୁଦ୍‌ତ ଗାଶା କିମା ।” ହେଝାନ୍ ଇଦାଂ କାଶ୍‌କୁ ଜୁଚ୍ଚି ହାତାନ୍ ।

୮

ପାଚ୍ କିନାର୍ ମଣ୍ଡଲି ଜପି ସାଉଲ୍‌ଚି ନିନ୍ଦା

୧ ସାଉଲ୍ ହେଝାନ୍ତି ପାରାଣ୍ ନାସ୍ ରାଜି ମାଟାନ୍ । ସାଉଲ୍ ମଣ୍ଡଲି ଜପି ନିନ୍ଦା କିନାକା ।
 ହେ ଦିନ୍ ଜିରୁସାଲମ୍‌ତ ମାନି ମଣ୍ଡଲି କାଜିଂ ବେସି ନିନ୍ଦା ଆତାତ୍, ହେବେ ପଦ୍ୟାତାକାର୍‌ଚି ପିସ୍ତ୍ରୀ ଆଦେକ୍ ଖିଜାକାର୍ ଜିହୁଦା ରାଜି ଆରି ସମିରଣ୍ ନିପ ଚାରିବେଶ୍‌ତାଂ ଚିନ୍‌ବିନ୍ ଆଜି ହାଚାର୍ । ୨ ଆତିସ୍ପା କେତେ ଜାଣ୍ ହୁଦାର୍ ଲଗୁ ସ୍ତ୍ରୀପାନ୍‌ଚିଂ କବର୍ ହିଜି ହେଝାନ୍ କାଜିଂ ବେସି ଦୁକ୍ କିତାର୍ ।

୩ ମତର୍ ସାଉଲ୍ ଇଲ୍‌କୁ ଇଲ୍‌କୁ ହଶ୍ଚି ଆଣ୍ଡାରିଂ ଆରି କଗ୍‌ଲେକାଂ ଜେଲ୍‌ଜି ତାହି ଜଇଲ୍ ଇଞ୍ଜ ହେଲାୟ୍ କିଜି ମଣ୍ଡଲିଚିଂ ରୁଡାୟ୍ କିଦେଙ୍ଗ୍ ଲାଗାତାନ୍ ।

ସମିରଣ୍‌ତ ନେକ୍ରିକାବୁର୍ ପର୍ଚାର୍

୪ ହେବେ ପାଚ୍ କିନାକାର୍ ଜେଡ଼େକେତେ ଆଜି ମାଟାର୍, ହେଝାର୍ ଚାରିବେଶ୍‌ତାଂ ବୁଲା ଆଜି ନେକ୍ରିକାବୁର୍‌ନି ବଚନ୍ ସୁଶାୟ୍ କିଦେଙ୍ଗ୍ ଲାଗାତାର୍ । ୫ ଆରେ, ପିଲିପ୍ ସମିରଣ୍‌ତ ମୁଡ଼ ଗାଡ଼ଦ୍ ହାଲ୍‌ଜି ମାନାୟାର୍ ଲାଗେ କ୍ରିସ୍ତ୍‌ଚି ନେକ୍ରିକାବୁର୍ ସୁଶାୟ୍ କିଦେଙ୍ଗ୍ ଲାଗାତାର୍ । ୬ ଆରେ, ମାନାୟାର୍ ପିଲିପ୍‌ଚି କାତା ଖେନ୍‌ଝି ଆରି ହେଝାନ୍ତି କିତି କାବା କାମାୟ୍ ସବୁ ହୁଡ଼ଜି ରମାନ୍ତ ହେଝାନ୍ତି କାତା ମାନ୍ ହିଜି ମାଟାର୍

। ୭ ଇନାକିଦେଂକି ବାନ୍ୟା ଜିବୁନ୍ ବେସି ଲକ୍ଷ୍ମତାଂ ହେ ଜିବୁନିଂ ଗାଜାକାଟ୍ତ କିକିରାତିଂ କିଜି ହସି ଖାଦେଂ ଲାଗିତିକ୍; ଆରେ ବେସି ହିରକ୍ଷୁଲ୍ଲରଗ୍ୟାର୍ ଆରି ତଟାର୍ ଉଜ୍ ଆତାର୍ । ୮ ହେବେ ଗାଡ୍ଦ ବେସି ଖାରିୟା ଆତାଡ୍ ।

୯ ମାତର୍ ସିମନ୍ ତର୍ନି ରକାନ୍ ମାନାୟ୍ ଇଦାଂ ଆଗେ ହେ ଗାଡ୍ଦ ଜତର୍ କାମାୟ୍ କିଜି ଜାଟିଂ ରକାନ୍ ଗାଜା ମାନାୟ୍ ଇଞ୍ଜି ଇଞ୍ଜି ସମିରଣିୟ୍ ଜାତିତିଂ କାବା କିଜି ମାଚାନ୍; ୧୦ ଇସ୍ପୁର୍ତି “ଇମ୍ଫାଣି ସାକ୍ତିତିଂ ଗାଜା ଇଞ୍ଜି ଇନ୍ୟାନାଡ୍, ହାରୁକାର୍ତାଂ ଗାଜା ପାତେକ୍ ଝିଜାକାର୍ ଇଞ୍ଜାନ୍ ହେଞ୍ଜାନ୍ ଇଞ୍ଜି ହେଞ୍ଜାନ୍ ମାନି କିଜି ମାଚାର୍ ।” ୧୧ ହେଞ୍ଜାର୍ ହେଞ୍ଜାନ୍ ମାନି କିନାକା ଇଦାଂ ଜେ, ହେଞ୍ଜାନ୍ ବେସି ଦିନ୍ ଆତାଡ୍ ଜାର୍ ଜତର୍ କାମାୟ୍ ହୁଦାଂ ହେଞ୍ଜାରିଂ କାବା କିଜି ମାଚାନ୍ । ୧୨ ମାତର୍ ପିଲିପ୍ ଇସ୍ପୁର୍ତି ରାଜି ଆରି ଜିସୁ କ୍ରିସ୍ତୁତି ତର୍ ବିସ୍ତେ ନେକ୍ରିକାରୁର୍ ସୁଣାୟ୍ କିତିଲେ ହେଞ୍ଜାର୍ ଏତେକାଡ୍ଦ ହେଞ୍ଜାନ୍ କାତାତ ପାତ୍ କିତାର୍, ହେ ଏତେକାଡ୍ଦ ଆଣ୍ଡାଙ୍ ଆରି କଗଲେକ୍ ଝିଜାର୍ ବାପ୍ରିସିମ୍ ଅଦେଂ ଲାଗାତାର୍ । ୧୩ ଆରେ, ସିମନ୍ ନିଜେ ପା ପାତ୍ କିଜି ବାପ୍ରିସିମ୍ ଅତାନ୍ ଆରି ପିଲିପ୍ତି ହାଙ୍ ହାଙ୍ ମାଚାନ୍, ଆରେ ବାର୍ବିନ୍ ଚିନ୍କୁ ଆରି ଗାଜା ଗାଜା ସାକ୍ତିନି କାମାୟ୍ ହୁଡ୍ଜି କାବା ଆଦେଂ ଲାଗାତାନ୍ ।

୧୪ ସମିରଣିୟ୍ ଲକ୍ଷ୍ମ ଜେ ଇସ୍ପୁର୍ତି ତର୍ଦାଂ ବଚନ୍ ମାନି କିତାର୍ଣ୍ଣା, ଇଦାଂ ଏତେକାଡ୍ଦ ଜିରୁସାଲମ୍ତ ମାନି ପଦ୍ୟାତାକାର୍ ଖେଚାର୍, ହେ ଏତେକାଡ୍ଦ ହେଞ୍ଜାର୍ ପିତର୍ ଆରି ଜହନ୍ତିଂ ହେଞ୍ଜାର୍ ଲାଗେ ପକ୍ତାର୍ । ୧୫ ହେଞ୍ଜାର୍ ହାଲ୍ଜି, ହେ ଲକ୍ଷ୍ମ ଇନେସ୍ ପୁଲ୍ପୁୟା ଜିବୁନ୍ ପାୟାନାର୍, ଇଦାଂ କାଜିଂ ହେଞ୍ଜାର୍ କାଜିଂ ପାର୍ତାନା କିତାର୍, ୧୬ ଇନାକିଦେଂକି ଇ ପାତେକ୍ ହେଞ୍ଜାନ୍ ହେଞ୍ଜାର୍ ବିତ୍ରେ ଇନେର୍ ଜପି ପା ପୁଲ୍ପୁୟା ଜିବୁନ୍ ଜୁଦ୍ଝାଦାଂ ମାଚାଡ୍, କେବଲ୍ ହେଞ୍ଜାର୍ ମାପୁ ଜିସୁତି ତର୍ଦ ବାପ୍ରିସିମ୍ ଆଜି ମାଚାର୍ । ୧୭ ହେ ଏତେଖେଡାଲିଂ ପିତର୍ ଆରି ଜହନ୍ ହେଞ୍ଜାର୍ ହେଞ୍ଜାରିତି ଜପି କେଇ ହିତାନ୍, ଆରେ ହେଞ୍ଜାର୍ ପୁଲ୍ପୁୟା ଜିବୁନ୍ ଗାଟା ଆତାର୍ ।

୧୮ ପଦ୍ୟାତାକାର୍ତି କେଇ ହିତି ହୁଦାଂ ଜିବୁନ୍ ଖାନାକା ହୁଡ୍ଜି, ସିମନ୍ ହେଞ୍ଜାରିଂ ଟାକାଂ ହିଜି ଇଚାନ୍, ୧୯ “ନାଙ୍ ପା ଇ ସାକ୍ତି ହିଦାଟ୍, ଇନେସ୍ ଆନ୍ ଇମ୍ଫାଣାକାନ୍ ମାନାୟ୍ ତାରେନ୍ କେଇ ହିନାଙ୍, ହେଞ୍ଜାନ୍ ପୁଲ୍ପୁୟା ଜିବୁନ୍ ଗାଟାନାନ୍ ।”

୨୦ ମାତର୍ ପିତର୍ ହେଞ୍ଜାନ୍ ଇଚାନ୍, ନି ଟାକାଂ “ନି ହୁଦାଂ କର୍ତ୍ ଆୟେକ୍, ଇନାକିଦେଂକି ନି ଟାକାଂ ହୁଦାଂ ଇସ୍ପୁର୍ତି ଦାନ୍ କଡ୍ଦେଂ ବାବି କିତାୟ୍ । ୨୧ ଇ ବିସ୍ତେ, ନି ବାଗ୍ ହିଲ୍ଲୁଡ୍ କି ଆଦିକାର୍ ହିଲ୍ଲୁଡ୍, ଇନାକିଦେଂକି ଇସ୍ପୁର୍ତି ମୁମ୍ଦ ନି ମାତ୍ର ହୁଦାର୍ ଆକାୟ୍ । ୨୨ ଲାଗିଂ, ନି ଇ ବାଡ୍ପାଗ୍ତାଂ ମାନ୍ବାଦଲାୟ୍ କିଜି ମାପୁତି ତାକେ ପାର୍ତାନା କିୟା, ଇନେସ୍ ଆଡିସ୍ତି ନି ମାତ୍ର ହାୟାୟ୍ କିନାକା କେମା ଆଦନାଡ୍ । ୨୩ ଇନାକିଦେଂକି ନି ଅଦାମ୍ ବିସ୍ତେ ବାତ୍ ଆଜି ପାପ୍ ତାକେ ଗାଟ୍ୟା ଆତାଡ୍ନା ଇଞ୍ଜି ଆନ୍ ହୁଡ୍ନାଙ୍ ।”

୨୪ ହେବେ ସିମନ୍ ଜହନ୍ ଆରି ପିତର୍ତିଂ ଇଚାନ୍, ଏନ୍ ଇନାକା ଇନାକା ଇଞ୍ଜାୟ୍, ହେବେତାଂ ଇମ୍ଫାଣାକା ପା ବିସ୍ତେ ଇନେସ୍ ନା କାଜିଂ ପଡାମେଡ୍, ଇଦାଂ କାଜିଂ “ଏପେଙ୍ ନା କାଜିଂ ମାପୁତି ଲାଗେ ପାର୍ତାନା କିୟା ।”

୨୫ ଇ ବାନି ହେଞ୍ଜାର୍ ସାକି ହିଜି ଆରି ମାପୁତି ବଚନ୍ ଇଞ୍ଜି ସମିରଣିୟାର୍ତି ଆଦେକ୍ ନାସ୍କୁକାଂ ନେକ୍ରିକାରୁର୍ ସୁଣାୟ୍ କିଡ୍ କିଡ୍ ଜିରୁସାଲମ୍ତ ମାସ୍ଦି ହାଚାର୍ ।

ପିଲିପି ଆରି ଇତିଓପିଆ ବେଜୁର୍

୨୬ ପାତେ ମାପୁତି ରଞ୍ଜାନ୍ ଦୁଡ୍ ପିଲିପ୍ତିଂ ଇଚାଡ୍, “ନିଙ୍ଗା, ବୁଜ୍ଣି ବାଗାଙ୍ ଇମ୍ଫାଣି ହାଡାକ୍ ଜିରୁସାଲମ୍ତାଂ ଇଦାଂ ଗଜ୍ଜା ନିପ ହାଲ୍ଜି ମାନା,” ହେ ନିପ ହାଡାକ୍ ହାଲା । ହେଦାଂ ଚିମ୍ପା ବାହା ମାଚାଡ୍ । ନେଜେଝିଗା ଚିନ୍ତା କିୟାଆଡତା । ୨୭ ହେବେତାଂ ହେଞ୍ଜାନ୍ ନିଂଜି ହାଚାନ୍ । ଆରେ ହୁଡାଟ୍, ଇତିଓପିଆ ଦେସିୟାତ୍ କଣ୍ଡାକି ତର୍ନି ରାଣିତି ତାରେନ୍ ରଞ୍ଜେଲ୍ ଗାଜା ପାଦ୍ ପାୟାତି ଇତିଓପିଆନି ବେଜୁ, ଇନେର୍ ତାଦେଲ୍ତି ଝିଜୁ ଦନ୍କଟିନି ସାସନ୍ କାରୟା ମାଚାନ୍, ହେଞ୍ଜାନ୍ ପାର୍ତାନା କିନି କାଜିଂ ଜିରୁସାଲମ୍ତ ଝାଜି ମାଚାନ୍ । ୨୮ ହେଞ୍ଜାନ୍ ମାସ୍ଦି ହାଲ୍ଲୁ ହାଲ୍ଲୁ ଜାର୍ ହାଗାଡ୍ଡ କୁଟ୍ଟି ଜିସାୟ୍ ବେଶ୍ବାକ୍ଷାୟ୍ କିନାକାର୍ ସାସ୍ପୁର୍ ଗାଜାକାଟ୍ତାଂ ପଡ୍ କିଜି ମାଚାର୍ । ୨୯ ହେଞ୍ଜେଡାଂ ପୁଲ୍ପୁୟା ଜିବୁନ୍ ପିଲିପ୍ତିଂ ଇଚାଡ୍, “ଲାଗେ ହାଲ୍ଜି ଇ ହାଗାଡ୍ ହୁଦାଂ ମାନା ।” ୩୦ ହେବେ ପିଲିପ୍ ହଞ୍ଜିହାଲ୍ଜି ହେଞ୍ଜାନ୍ ଜିସାୟ୍ ବେଶ୍ବାକ୍ଷାୟ୍ କିନାକାର୍ ସାସ୍ପୁର୍ ପଡ୍ କିନାକା ଝେନ୍ଞି ଝେନ୍ବାତାନ୍, “ଏନ୍ ଇନାକା ପଡ୍ କିନାୟା, ହେଦାଂ ଇନାକା ବୁଜାନାୟା ?”

୩୧ ହେଞ୍ଜାନ୍ ଇଚାନ୍, “ଇନେର୍ ନାଙ୍ ବୁଜାୟ୍ ହିଦ୍ଝିତିସ୍ ଆନ୍ ଇନେସ୍ ବୁଜାଦେଂ ଆଡ୍ନାଂ ?” ଆରେ, ହେଞ୍ଜାନ୍ ପିଲିପ୍ ଦୁମ୍ଫଜି ଝାଜି ତା କଟଣ୍ଡ କୁଟ୍ଟେଙ୍ ଗଞ୍ଜାରି କିତାନ୍ । ୩୨ ସାସ୍ପୁର୍ନି ଇମ୍ଫାଣି ବାଗ୍ ହେଞ୍ଜାନ୍ ପଡ୍ କିଜି ମାଚାନ୍, ହେଦାଂ ଇଦାଂ, ହେଞ୍ଜାନ୍ ମେଣ୍ଡା ଲାକେ “ହାନି କାଜିଂ ଅୟାତାନ୍, ଆରେ ତଲ୍ ଉଦ୍ନି ମୁମ୍ଦ ମେଣ୍ଡାହିମ୍ଫା ଇନେସ୍ ପୁକ୍ ମାନ୍ଝାନାଡ୍,

ହେ ଲାକେ ହେୱାନ୍ ତା ମୁମ୍ ଜେୟା ଆୱାତାନ୍ ।”
 ୩୩ ହେୱାନ୍ତି ଅପମାନ୍ ଆନିହିଙ୍ଗ୍ ହେୱାନ୍ତି ତାଣ୍ ମାସ୍ଦି ହାଚାଡ୍ ।
 ହେୱାନ୍ତି ଲାତ୍ରା ଇନେର୍ ହାନ୍ଦାୟ୍ କିଦେଙ୍ଗ୍ ଆଡ୍ନାର୍ ?
 ଇନେକିଦେଂକି ହେୱାନ୍ତି ଜିରୁନ୍ନି ପୁତ୍ ତାଂ ମାସ୍ଦି ହାଚାଡ୍ ।

୩୪ ବେଜୁ ଉତର୍ ହିଜି ପିଲିପ୍ତିଂ ଇଚାନ୍, ଆନ୍ ନିଂ ପାର୍ତାନା କିଦ୍ନାଂ, “ବେଣ୍ବାକଣାୟ୍ କିନାକାର୍ ଇନେର୍ ବିସ୍ତେ ଇ ବେରଣ୍ ଇଚାନ୍ନା ? ଜାର୍ ବିସ୍ତେ କି ଆରେ ଇନେର୍ ବିସ୍ତେ ?” ୩୫ ହେବେ ପିଲିପ୍ ଖେଇ ଜେସି ସାସ୍ତର୍ ଇ ବଚନ୍ତାଂ ହାଂଜି ହେୱାନ୍ ତାକେ ଜିସ୍ତୁତି ନେକ୍ରିକାରୁର୍ ପରଚାର୍ କିତାର୍ । ୩୬ ଆରେ, “ହେୱାର୍ ହାସ୍ଦ ହାଲୁ ହାଲୁ ର ଏଜୁଂ ମାନି ଲାଗେ ଏକାତାର୍; ହେବେ ବେଜୁ ଇଚାନ୍,” ଇବେ ତ ଏଜୁଙ୍ଗ୍ ମାନିକ୍, ନା ବାପ୍ତିସିମ୍ ଆନି କାଜିଂ ଇନାକା ବାଦା ମାନାଡ୍ କି ? ୩୭ ପିଲିପିପ ଇଚାନ୍, ଏନ୍ ଖିଜୁ ଖାସ୍ତ୍ ହୁଦାଂ ଜଦି ପାତ୍ କିନାୟ୍, ତା ଆତିସ୍ ହେବେ ହେୱାନ୍ ଉତର୍ ହିତାନ୍, ଜିସ୍ତୁ କ୍ରିସ୍ତୁ ଜେ ଇସ୍ତର୍ତି ମାଜି, ଇଦାଂ ଆନ୍ ପାତ୍ କିନାଙ୍ଗା । *

୩୮ ଆରେ, ହେୱାନ୍ ହାଗାଡ୍ ନିଲି କିଦେଙ୍ଗ୍ ବଲ୍ ହିତାନ୍, ଆରେ ପିଲିପିପ ଆରି ବେଜୁ ରିୟାର୍ ଏଜୁଙ୍ଗ୍ ବିଡ୍ଡେ ଜୁଜି ହାଚାର୍, ଆରେ ପିଲିପ୍ ହେୱାନ୍ ବାପ୍ତିସିମ୍ ହିତାନ୍ । ୩୯ ହେୱାର୍ ଏଜୁଙ୍ଗ୍ ବିଡ୍ଡେତାଂ ନିଂଜି ଖାଜି, ମାପୁତି ଜିରୁନ୍ ପିଲିପ୍ତିଂ ଅଜି ହାଚାଡ୍, ଆରେ ବେଜୁ ହେୱାନ୍ ଆରେ ହୁଡ୍ଝାତାନ୍; ଆତିସ୍ପା ହେୱାନ୍ ଖାରି କିଡ୍ କିଡ୍ ଜାର୍ ହାସ୍ଦିଂ ହାଚାନ୍ । ୪୦ ମାତର୍ ପିଲିପ୍ ଅସ୍ଦଦ୍ ତରୁନି ଗାଡ୍ଦ ଚଞ୍ଜା ଆତାନ୍, ଆରେ ହେୱାନ୍ ହାଲୁ ହାଲୁ ଗାଡ୍ଦ ଗାଡ୍ଦ ନେକ୍ରିକାରୁର୍ ସୁଣାୟ୍ କିଜି କାଈସରିୟା ଦେସ୍ତ ହାଲ୍ଜି ଏକାତାର୍ ।



ସାଉଲ୍ଡି ମାନବାଦଲ୍ଲାୟ୍ କିନାକା
 (ପଦ୍ୟାତାକା ୨୨:୬-୧୭; ୨୭:୧୨-୧୮)

୧ ମାତର୍ ସାଉଲ୍ ଇ ପାତେକ୍ ପା ମାପୁତି ଚେଲାର୍ ବିରୁଦ୍ଧ ପାଣ୍ଡୁ ଆରି ପାରାଣ୍ନାସ୍ କାତା ଇଞ୍ଜି ମୁଡ୍ ମାପୁହେବାକିନାକାନ୍ ଲାଗେ ହାଚାନ୍, ୨ ଆରେ, ଇ ହାଜିନି ଇମ୍ଣି ଆଣ୍ଡେନ୍ କି କଗ୍ଲେକ୍ ଚଞ୍ଜା ଆତିସ୍, ହେୱାରିଂ ଇନେସ୍ ଗାଡ୍ଡି ଜିରୁସାଲମ୍ଡ ତାତେଙ୍ଗ୍ ଆଡ୍ନାନ୍, ଇଦାଂ କାଜିଂ ଦମ୍ଲେସକ୍ନି ଖିଜୁ ପାର୍ତାନା ଇଲ୍ଲ ଲାଗେ ହେୱାନ୍ତାଂ ଆକି ଏନ୍ନାର୍ ।

୩ ପାତେ ହେୱାନ୍ ହାଲୁ ହାଲୁ ଦମ୍ଲେସକ୍ନି ଲାଗାୟ୍ ଆତିଲେ, ହାଚାଗ୍ରେ ବାଦାଡ୍ତାଂ ଅଜଡ୍ ହେୱାନ୍ ଚାରିବେଣ୍ଡିଂ ତ୍ରିପ୍ତିକି ନିଂତାଡ୍ । ୪ ହେବେ ହେୱାନ୍ ମେଦ୍ନିତ ଗୁରୁଜି ହେୱାନ୍ କାଜିଂ ଇ କାଟ୍ ଖେଚାନ୍, “ଏ ସାଉଲ୍, ଏ ସାଉଲ୍, ଇନାକିଦେଂ ନାଙ୍ଗ୍ ନିୟା କିଦ୍ନାୟା ?”

୫ ହେୱାନ୍ ଇଚାନ୍, “ଏ ମାପୁ, ଏନ୍ ଇମ୍ଣାକାୟ୍ ?”
 ଆରେ ହେୱାନ୍ ଇଚାନ୍, ଇନେରିଂ ଏନ୍ ନିୟା କିଦ୍ନାୟା ହେୱାନ୍ ଆନ୍ ହେ ଜିସ୍ତୁ ? ୬ “ମାତର୍ ନିଙ୍ଗା, ଗାଡ୍ଦ ହଣ୍ଗା, ଆରେ ନିଂ ଇନାକା କିଦେଙ୍ଗ୍ ଆନାଡ୍, ହେଦାଂ ଖେର୍ୟାନାଡ୍ ।”

୭ ଇମ୍ଣି ଲକୁ ହେୱାନ୍ ହୁକେ ହାଲ୍ଜି ମାଚାର୍, ହେୱାର୍ ହେ ଗାର୍ଜାନ୍ ଆନାକା ଖେନ୍ଞ୍ଜି ଇନେରିଂ ହୁଡ୍ଝିତଲେ କାବା ଆଜି ନିଲ୍ଡି ମାଚାର୍ । ୮ ଆରେ, ସାଉଲ୍ ମେଦ୍ନିତାଂ ନିଙ୍ଗ୍ଜି ଏଚେକାଡ୍ଦ ଜାର୍ କାଣ୍ଡୁ ମେସ୍ତାନ୍, ହେ ଏଚେକାଡ୍ଦ ହେୱାନ୍ ମୁଡ୍ଡେ ହୁଡ୍ଡେଂ ଆଡ୍ଝାତାନ୍ । ଲାଗିଂ ହେୱାର୍ ସାଉଲ୍ଡି କେଇ ଆଜି ହେୱାନ୍ ଦମ୍ଲେସକ୍ତ ଅତାର୍ । ୯ ଆରେ, ହେୱାନ୍ ତିନି ଦିନ୍ ପାତେକ୍ କାଣା ଆଜି ମାଚାନ୍, ଆରେ ହେ ସମୁତ ହେୱାନ୍ ମୁଡ୍ଡେ ତିନ୍ଝାତାନ୍ କି ଉଣ୍ଝାତାନ୍ ।

୧୦ ଦମ୍ଲେସକ୍ତ ହନନିୟ୍ ତରୁନି କ୍ରିସ୍ତୁ ଚେଲା ମାଚାନ୍, ମାପୁ ହେୱାନ୍ ଚଞ୍ଜା ଆଜି ଇଚାନ୍, “ହନନିୟ୍ ।”
 “ହେୱାନ୍ ଇଚାନ୍, ଏ ମାପୁ, ଇଚାନ୍ ।”

୧୧ ହେବେଣ୍ଡାଂ ମାପୁ ହେୱାନ୍ ଇଚାନ୍, “ନିଙ୍ଗା, ହାଣ୍ଡୁ ତରୁନି ହାଜିଡ୍ ହାଲ୍ଜି ଜିହୁଦା ଇଞ୍ଜି ତାର୍ସ ଗାଡ୍ଡି ସାଉଲ୍ ତରୁନି ରଞ୍ଜାନ୍ ମୁଣିକାତିଂ ଆନ୍ମାନ୍ କିୟା; ହେୱାନ୍ ପାର୍ତାନା କିନାନା; ୧୨ ଆରେ, ହେୱାନ୍ ଇନେସ୍ ନଂଜର୍ ଗାଚାନାନ୍, ଇଦାଂ କାଜିଂ ହନନିୟ୍ ତରୁନି ରଞ୍ଜାନ୍ ମାନାୟ୍ ଖାଜି ହେୱାନ୍ ଜପି କେଇ ହିଡ୍ତାନ୍ ଇଞ୍ଜି କେଡ୍କଣ୍ ହୁଡ୍ଡାନ୍ନା ।”

୧୩ ମାତର୍ ହନନିୟ୍ ଉତର୍ ହିତାନ୍, “ମାପୁ ଜିରୁସାଲମ୍ଡ ମି ପୁଇପୁୟାର୍ କାଜିଂ ଇ ମାନାୟ୍ ଜେ ଏଚେକ୍ ବିଦ୍ବାଦ୍ କିତାନ୍ନା, ହେଦାଂ ଆନ୍ ଆଦେକ୍ତାଂ ଇ ମାନାୟ୍ ବିସ୍ତେ ଖେଚାଙ୍ଗ୍ନା । ୧୪ ଆରେ, ଇ ବାହାତ ଏଚେକ୍ ଲଗୁ ନି ତର୍ଦ୍ଦ ପାର୍ତାନା କିନାରା, ହେୱାରିଂ ଗାଡ୍ଡି କାଜିଂ ହେୱାନ୍ ମୁଡ୍ ମାପୁହେବାକିନାକାନ୍ ତାରେନ୍ତାଂ ଆଦିକାର୍ ଗାଟାତାନ୍ନା ।”

* ୮:୩୭ ୮:୩୭ ଏପେଙ୍ଗ୍ ଜଦି ମାନ୍ ପାତ୍ କିନାଦେର୍ ତା ଆତିସ୍ ଏଜୁତାଂ ବାପ୍ତିସିମ୍ ଅଦେଂ ଆଡ୍ନାଦେର୍ ।

୧୫ ମାତର ମାପୁ ହେୱାନିଂ ଇଚାନ, “ହାଲା, ଇନାକିଦେଂକି ହେୱାନ ପାତ କିଞ୍ଚି ଜିହୁଦି, ରାଜା ଆରି ଓଜାର ଇସ୍ରାଏଲ୍‌ନି ହିମ୍‌ଶାଂ ମୁମ୍‌ଦ ମା ତର ପିଣ୍ଡିନି କାଜିଂ ମା ରଞ୍ଜାନ ବାଟିକିତି ଲଗୁ; ୧୬ ଲାଗିଂ ନା ତର କାଜିଂ ହେୱାନିଂ ଜେ ବେସି ଦୁକ୍ ବଗ୍ କିଦେଙ୍ଗ୍ ଆନାଡ୍, ହେଦାଂ ଆନ୍ ନିଜେ ତାଙ୍ଗ୍ ଝେଟ୍‌ନାଙ୍ଗ୍ ।”

୧୭ ହେବେଶ୍ଟାଂ ହନନିୟ ହାଲ୍‌ଜି ହେ ଇଞ୍ଜ ହଣଗାତାନ୍, ଆରେ ହେୱାନ୍ତି ଜପି କେଇ ହିଜି ଇଚାନ, “ସାଉଲ୍ ଟଣ୍ଡେନ୍,” ମାପୁ, ଇତିସ୍ ଇମ୍‌ଣି ଜିସୁ ନି ଖାନି ହାସ୍‌ଦ ନିଂ ଚଞ୍ଜାତାନ୍, ଏନ୍ ଇନେସ୍ ହୁଡ୍‌ଦେଂ ଆଡ୍‌ନାୟ୍ ଆରି ପୁଇପୁୟା ଜିରୁନତ ପୁରା ଆ, ଇଦାଂ କାଜିଂ ହେୱାନ ନାଙ୍ଗ୍ ପଞ୍ଜାତାନ୍ନା । ୧୮ ହେ ଦାପ୍ରେ ସାଉଲ୍‌ଜି କାଣଗାତାଂ ମିନ୍ ପାଡ଼ିଂ ଲାକେ ଇନାକା ହଡ୍‌ତାଡ୍ ଆରି ହେୱାନ ହୁଡ୍‌ତାନ୍; ଆରେ, ହେୱାନ ନିଙ୍ଗ୍‌ଜି ବାପ୍ରିସିମ୍ ଅତାନ୍, ୧୯ ଆରେ ହେୱାନ ତିନ୍‌ଞ୍ଜି ବାଡ୍‌କାସ୍ ଆତାନ୍ । ଇଦାଂ ପାଚେ ହେୱାନ ଦମ୍ବେସକ୍‌ତ ମାନି ଚେଲାର୍ ହୁକେ କେତେକ୍ ଦିନ୍ ମାଚାନ୍ ।

ଦାମେସକସ୍‌ତ ସାଉଲ୍‌ଜି ପରଚାର୍

୨୦ ଆରେ, ଜିସୁ ଜେ ଇସ୍‌ବରତି ମାଜି, ଇଦାଂ ହେୱାନ ମାଲାଖାଦାଂ କୁଚୁମ୍ ଇଞ୍ଜ ଲାଗାଂ ସୁଶାୟ୍ କିଦେଙ୍ଗ୍ ଲାଗାତାନ୍ ।

୨୧ ଆରେ, ଇମ୍‌ଣାକାର୍ ହେୱାନ୍ତି କାତା ଝେଚାର୍, ହେୱାର୍ ଓଜାକାର୍ କାବା ଆଜି ଇଞ୍ଜେଙ୍ଗ୍ ଲାଗାତାର୍, ଇ ତର ଆଜି ପାର୍ତ୍ତାନା କିନି ମାନାୟାର୍‌ତିଂ ଜେ “ଜିରୁସାଲମ୍‌ତ ଦାଣ୍ଡ୍ ହିଜି ମାଚାନ୍, ଆରେ ଇନେସ୍ ହେୱାରିଂ ଗାଟ୍‌ତି ମୁଡ୍ ମାପୁହେବାକିନାକାନ୍ ଲାଗେ ଅଦେଂ ଆଡ୍‌ନାନ୍, ହେ କାମାୟ୍‌ତିଂ ଇ ବାହାତ ଖାଜି ମାଚାନ୍, ଇଞ୍ଜାନ୍ କି ହେୱାନ ଆକାୟ୍ ?”

୨୨ ମାତର ସାଉଲ୍ ବେସି ହଟ୍ ସାକ୍ରିତାଂ ନିଙ୍ଗ୍‌ତାନ୍, ଆରେ ଇଞ୍ଜାନ୍ ଜେ କ୍ରିସ୍, ଇଦାଂ ପାର୍ମାଣ୍ କିଜି ଦମ୍ବେସକ୍ ନିକାରିଂ ଜିହୁଦିରିଂ ଉତର ହଦେଂ ଆଡ୍‌ଞ୍ଜାତାର୍ ।

୨୩ ☆ ବେସି ଦିନ୍ ହାଟି ପାଚେ ଜିହୁଦିର୍ ସାଉଲ୍‌ଜି ଅହ୍‌ନି କାଜିଂ ହୁଡ୍‌ର କିତାର୍; ୨୪ ଆତାର୍ ହେୱାର୍‌ତି ଗାଣ୍ଡୁ ସାଉଲ୍‌ଜି କିଡୁଲ୍‌ତ ଖାତାଡ୍ । ଆରେ, ହେୱାର୍ ଇନେସ୍ ତାଙ୍ଗ୍ ଅସ୍ତେଙ୍ଗ୍ ଆଡ୍‌ନାର୍, ଇଦାଂ କାଜିଂ ଝେଡ୍‌ନାଶା ପା ଗାଡ୍‌ନି ଦୁଝେରତ ସବୁ କାସି ମାନ୍‌ବାତାର୍, ୨୫ ମାତର ହେୱାନ୍ତି ଚେଲାର୍ ନାଶାଲିଂ ତାଙ୍ଗ୍ ଅଜି ର ଟପାତ କୁଞ୍ଜାଡ୍ ହିଜି ତାରେନ୍ ଜୁଡ୍‌ତାର୍ ।

ଜିରୁସାଲମ୍‌ତ ସାଉଲ୍

୨୬ ପାଚେ ହେୱାନ ଜିରୁସାଲମ୍‌ତ ହାଲ୍‌ଜି ଚେଲାର୍ ହୁକେ ମିହାଦେଂ ସେସ୍ଟା କିଜି ମାଚାନ୍; ମତର ହେୱାନ ଜେ ରଞ୍ଜାନ ଚେଲା, ଇଦାଂ ପାତ କିଞ୍ଜାଦାଂ ଓଜାକାର୍ ତାଙ୍ଗ୍ ପାଣ୍ଡାଜି ମାଚାର୍ । ୨୭ ମାତର ବର୍ଣ୍ଣିବା ତାଙ୍ଗ୍ ରଚେ ଅଜି ପଦ୍ୟାତାକାର୍‌ତି ଲାଗେ ତାହିଞ୍ଜାତାନ୍, ଆରେ ହାସ୍‌ଦ ହେୱାନ ଇନେସ୍ ମାପୁତି ଚଞ୍ଜାତାକା ଆରି ହେୱାନ ଜେ ହେୱାନ ହୁକେ କାତାବାର୍ତ୍ତା କିଜି ମାଚାନ୍, ଆରେ ଇନେସ୍‌ବାନି ହେୱାନ ଦମ୍ବେସକ୍‌ତ ଜିସୁତି ତରଦ ସାସ୍‌ତାଂ ପରଚାର୍ କିଜି ମାଚାନ୍, ଇ ସବୁ ହେୱାନ ହେୱାର୍‌ତି ଲାଗେ ବାକ୍‌ଶାୟ୍ କିତାନ୍ । ୨୮ ଆରେ, ସାଉଲ୍ ପଦ୍ୟାତାକାର୍ ଲାହାଂ ମାଚାନ୍ ଆରି ଓଜୁ ଜିରୁସାଲମ୍‌ତ ଚାରବେଶ୍‌ତାଂ ହାଲ୍‌ଜି ସାସ୍ ଲାହାଂ ମାପୁତି ତର ବିସ୍ତେ ପରଚାର୍ କିତାର୍ ୨୯ ମାପୁତି ତର ସାସ୍ ହୁକେ ପରଚାର୍ କିଦେଙ୍ଗ୍ ଲାଗାତାନ୍, ଆରେ ହେୱାନ ଗ୍ରିକ୍ ବେଶ୍‌ନିକାର୍ ଜିହୁଦିର୍ ହୁକେ କାତାବାର୍ତ୍ତା ଆରି ବେଶ୍‌ବାଟ୍ କିଜି ମାଚାନ୍, ମତର ହେୱାର୍ ତାଙ୍ଗ୍ ଅସ୍ତେଙ୍ଗ୍ କାଜିଂ ସେସ୍ଟା କିଦେଙ୍ଗ୍ ଲାଗାତାର୍ । ୩୦ ହେଦାଂ ପୁଞ୍ଜେଙ୍ଗ୍ ଆଡ୍‌ତିଲେ ପାତ କିନି ଟଣ୍ଡାର୍ ତାଙ୍ଗ୍ କାଈସରିୟାତ ଅଜି ହାଲ୍‌ଜି ତାର୍‌ସ୍‌ତ ପକ୍‌ତିହୁଡ୍‌ତାର୍ ।

୩୧ ଇ ବାନି ସାଚେ ଜିହୁଦା ରାଜିତ, ଗାଲିଲି ଆରି ସମିରଣ୍‌ତ ମଣ୍ଡୁଲି ସାସ୍‌ନି ବାଲ୍‌ବଲାୟ୍ ପାୟାଜି ଆରି ମାପୁତି ପାଣ୍ଡୁଟୁ ବେବାର୍ କିଜି ସୁସ୍ତା ବଗି କିତାର୍, ଆରେ ପୁଇପୁୟା ଜିରୁନ୍ ଉପକାର୍‌ତାଂ ବାତାଦେଂ ଲାଗାତାର୍ ।

ଲୁଦ ଆରି ଜପ୍‌ପାତ ପିତର

୩୨ ନଙ୍ଗ୍ ପିତର ସବୁ ନିପ ବୁଲାଆଜି ଲୁଦନିକାର୍ ପୁଇପୁୟାର୍ ଲାଗେ ପା ଖାତାର୍ । ୩୩ ହେ ବାହାତ ହେୱାନ ଏନିୟ୍ ତରନି ରଞ୍ଜାନିଂ ହୁଡ୍‌ତାନ୍, ହେୱାନ ଆର୍ ବାହୁଁ ପାଚେକ୍ କାଚେଲ୍‌ତ ହୁଞ୍ଜି ମାଚାନ୍; ତାଙ୍ଗ୍ ହିରକଲ୍ ଆଜି ମାଚାଡ୍ । ୩୪ ପିତର ହେୱାନିଂ ଇଚାନ, “ଏନିୟ୍, ଜିସୁ କ୍ରିସ୍ଟ ନିଂ ଉଜ୍ କିଡ୍‌ତାନନା; ନିଙ୍ଗା, ନି ଟାଟି ଜାଲ୍‌ଦି କିୟା । ହେବେ ହେୱାନ ଦାପ୍ରେ ନିଙ୍ଗ୍‌ତାନ୍ ।” ୩୫ ଆରେ, ଲୁଦ ଆରି ସାରଣିକାର୍ ଓଜାର୍ ତାଙ୍ଗ୍ ହୁଡ୍‌ଜି ମାପୁନିପ ଲେଉଟାତାର୍ ।

୩୬ ଜାପତ ଟାବିତା ତରନି ରଞ୍ଜେଲ୍ ଆଡ୍‌ୟାଣି ମାଚାଡ୍, ତାଦାଂ ଗ୍ରିକ୍ ତର ଅରଡ୍ ଦର୍କା । ଇତିସ୍ “ହରିଣି” ମାଚାଡ୍, ହେଦେଲ୍ ତା ସବୁ ସମୁ ହାର୍‌ଦି କାମାୟ୍‌ତ ଆରି ହିଲ୍‌ଖାକାରିଂ ହେବା କିଜି ମାଚାଡ୍ । ୩୭ ହେଝେଡାଲିଂ ହେଦେଲ୍ ବେମାର୍ ଆଜି ପାରାଣ୍ ପିସ୍ତାଡ୍, ହେବେ ହେୱାର୍ ତାଙ୍ଗ୍ ଇଡ୍‌ପିସ୍ ଜପ୍‌ଣି

☆ ୯:୨୩ ୯:୨୩ ୨କରକ୍ରିୟ ୧୧:୩୨,୩୩.

ବାକ୍ରାତ ହୁଏପାତାର । ୩୮ ଆରେ, ଲୁଦ ଜାପନି ଲାଗେ ମାତିଲେ ଚେଲାଟ ପିତର ଲୁଦତ ମାନାନ୍ ଇଞ୍ଜି
 ଝେନ୍ଞି, “ରିୟାର ମାନାୟତି ହେଝାନ୍ ଲାଗେ ପକ୍ତି ଇଦାଂ ଗଝାରି କିତାର, ମା ଲାଗେ ବେଗି ଝା ।”
 ୩୯ ଲାଗିଂ ପିତର ନିଞ୍ଜି ହେଝାର ହୁକେ ହାଚାନ୍ । ହେଝାନ୍ ଝାତିଲେ, ହେଝାର ହେଦେଲିଂ ହେ ଜପୁଣି
 ବାକ୍ରାତ ଅଜି ହାଚାର, ଆରେ ରାଣ୍ଡିକ୍ ଝିଜେକିକ୍ ତାଙ୍ ହେଦେଲିଂ ବେଡ଼ି କିଜି ଆଡ଼ବିସ୍ ଆଡ଼ବିସ୍ ଦକ୍
 ହେଝାର ହୁକେ ମାନି ଝେଡ଼ାଲିଂ ଇମ୍ଝି ସବୁ ଆଜି ଆରି ହେୟାଙ୍ ରଚ୍ଚି ମାଚାର, ହେ ସବୁ ଚଚ୍ଚେଂ
 ଲାଗିତିକ୍ । ୪୦ ମାତର, ପିତର ଝିଜାରିଂ ହପ୍ତି ମେଣ୍ଡାଙ୍ କୁନ୍ଦିକିଜି ପାର୍ତନା କିତାନ୍, ଆରେ ହାତି ଗାଗାଡ଼
 ନିପ ମାସ୍ତି ଇଚାନ୍, “ଟାବିତା, ନିଞ୍ଜା ।” ହେବେ ହେଦେଲ୍ କାଣ୍ ମେଲା କିତାଡ଼, ଆରେ ପିତରତିଂ
 ହୁଡ଼ଜି ନିଂଜି କୁଚ୍ଚାଡ଼ । ୪୧ ଆରେ, ହେଝାନ୍ କେଇ ଲାମାୟ କିଜି ହେଦେଲିଂ ନିକ୍ତାନ୍ ଆରି ସାଦୁରିଂ
 ଆରି ରାଣ୍ଡିକାଂ କୁକ୍ଚି ହେଦେଲିଂ ଜିଜି ମାନାକା ଚଚ୍ଚାନ୍ ୪୨ ଇ କାତା ଜାପତ ସବୁନିପ ଜାଣାତାଡ଼ ଆରି
 ଆଦେକ୍ ମାପୁ ତାକେ ପାଟ କିତାର । ୪୩ ଆରେ, ପିତର ବେସି ଦିନ୍ ଜାପତ ସିମନ୍ ତରୁନି ରଝାନ୍ ତଲ୍
 ରଚ୍ଚନାକାନ୍ ଇଞ୍ଜି ବାହା କିତାନ୍ ।

୧୦

ପିତର ଆରି କର୍ଣ୍ଣଲିୟ

୧ କାକ୍ସରିୟା ଲକ୍ କର୍ଣ୍ଣଲିୟ ତରୁନି ରଝାନ୍ ମୁଣିକା ମାଚାନ୍, ହେଝାନ୍ “ଇତାଲିକ ତରୁନି ମେଲ୍ୟାତ
 ରଝାନ୍ ପାଞ୍ଚକଡ଼ି ମୁଡ଼ମେଲ୍ୟାର ମାଚାନ୍ ।” ୨ ହେଝାନ୍ ରଝାନ୍ ହୁଦାର, ଆରେ ଇଞ୍ଜିବାହାୟ ଇସ୍ପରତିଂ
 ପାଣ୍ଡାଜି ମାଚାର । ହେଝାନ୍ ଜିହୁଦି ଗରିବରିଂ ବେସି ଦାନ୍ ହିଜି ମାଚାନ୍, ଆରେ ତାଲନାଡ଼ ଇସ୍ପରତି ଲାଗେ
 ପାର୍ତନା କିଜି ମାଚାର । ୩ ଦିନେକ୍ ମିକାହାରେସ୍ ତିନ୍ ଗଣ୍ଡା ଝେଡ଼ାଲିଂ ହେଝାନ୍ ହାଡ଼ପା ରଚେ ରକେଚକଣ୍
 ହୁଡ଼ତାନ୍, ଇନେସ୍ ଇସ୍ପରତି ରଞ୍ଜେଲ୍ ଦୁଡ଼ ହେଝାନ୍ ଲାଗେ ଝାଜି ଇନାତା, “ଏ କର୍ଣ୍ଣଲିୟ ।”

୪ ହେଝାନ୍ ବାଦାଡ଼ତ ଦୁଡ଼ ହୁଡ଼ଜି ପାଣ୍ଡାଜି ଇଚାନ୍, “ଏ ମାପୁ, ଇନାକା ?”

ହେଝାନ୍ ହେଝାନ୍ ଇଚାନ୍, ନି ପାର୍ତନା ଆରି ଦାନ୍ ସବୁ ଏଡ଼ କିଜି ପୁଜା ଲାକେ ଜପି ଇସ୍ପରତି ଲାଗେ
 ନିଂତାଡ଼ନା । ୫ ନଞ୍ଜ୍ ଏନ୍ ଜାପତ ମାନାୟ ପକ୍ତି ସିମନ୍ ପିତରତିଂ କୁକ୍ଚି ତାହିଝା, ହେଝାନ୍ତି ବିନ୍ ତର
 ପିତର, ୬ ହେଝାନ୍ ସିମନ୍ ତରୁନି ରଝାନ୍ ତଲ୍ ରଚ୍ଚନାକାନ୍ ଗତେନ୍ ଲାକେ ବାହା କିନାନା, ହେଝାନ୍ତି ଇଲ୍
 ହାମ୍ପୁରୁ ଗୁଚିତ । ୭ ହେଝାନ୍ ହୁଦାଂ ବେଶ୍ ଇଞ୍ଜି ମାତି ଦୁଡ଼ ହାତି ପାଚେ ହେଝାନ୍ ଜାର ଇଲ୍ ନି ଆଡ଼ୟାର
 ବିତ୍ତେ ରିୟାରିଂ, ଆରେ ହେଝାନ୍ତି ହେବା କିଜିମାନି ମେଲ୍ୟାର ବିତ୍ତେ ରଝାନ୍ ଦାମ୍ ମେଲ୍ୟାଙ୍ କୁକ୍ତାନ୍,
 ୮ ଆରେ ହେଝାରିଂ ଝିଜୁ କାତା ବୁଜାୟ କିଜି ଜାପତ ପକ୍ତାନ୍ ।

୯ ଆକାଡ଼ ନାଜିଂ ହାଲ୍ ହାଲ୍ ଏଚେକାଡ଼ତ ଗାଡ଼ନି ଲାଗେ ଆତାର, ହେପାଦନା ପିତର ଝେଡ଼ା ବାର
 ଗଣ୍ଡା ଝେଡ଼ାଲିଂ ପାର୍ତନା କିନି କାଜିଂ ଜେଗନ୍ ଜପି ହାଚାନ୍, ୧୦ ଆରେ ହେଝାନ୍ ନାସ୍ କି ଆଜି ଚିଞ୍ଜେଙ୍
 ମାନ୍ କିତାନ୍, ମତର ହେଝାର କାଦି ଜାଲ୍ ଦି କିନି ଝେଡ଼ାଲିଂ ହେଝାନ୍ କେଚକଣ୍ ହୁଡ଼ତାନ୍; ୧୧ ହେଝାନ୍
 ହୁଡ଼ତାନ୍ ବାଦାଡ଼ତ ଜେୟାତାଡ଼ନ୍, ଆରେ ର ତାଡ଼ିୟା ତାରେନ୍ ଝାନାତା, ଇନେସ୍ ର ଗାଜା ହେୟା ଚାରି
 କନାତ ଆହ୍ ଥାଜି ପୁଟ ଜପି ଜୁଡ଼ୟାଦ୍ଦାତା; ୧୨ ହେବେ ପୁଟ ନି ସବୁବାନି ଚାର ଗଡ଼ିଆ ଜାଡ଼କୁ,
 ରାଜାନିକିଂ ଆରି ବାଦାଡ଼ନି ପଚିଙ୍ ମାନିଙ୍ । ୧୩ ଆରେ, ହେଝାନ୍ କାଜିଂ ଇ କାତା ଆତାଡ଼, “ଏ ପିତର,
 ନିଞ୍ଜା, ପାଗ୍ ଜିନା ।”

୧୪ ମାତର ପିତର ଇଚାନ୍, “ଆକାୟ, ମାପୁ, ଆନ୍ ଇନାଝାଡ଼ାଂ ପା ଇମ୍ଝି ପୁଇପୁୟା ହିଲ୍ଝାକା ଆରି
 ରାଡ଼ା ଆତାକା ଜିନିସ୍ତିଂ ତିନ୍ଝାତାନ୍ନା ।”

୧୫ ଆରେ ରିହା ହେଝାନ୍ କାଜିଂ ଇ କାତା ଆତାଡ଼, “ଇସ୍ପର ଇନାକା ସକ୍ଚ୍ କିତାନ୍ନା, ହେଦାଂ ଏନ୍
 ବିଚାଡ଼ ଇଞ୍ଜି ଇନ୍ମା ।” ୧୬ ଇ ବାନି ତିନ୍ହଚ୍ ଆତାଡ଼, ଆରେ ହେ ଦାପ୍ତେ ହେଦାଂ ଉଲ୍ଚି ବାଦାଡ଼ତ ନିକ୍ଚି
 ଅୟାତାଡ଼ ।

୧୭ ପିତର ଇମ୍ଝି ଦର୍ସନ୍ ଗାଗାଜି ମାଚାନ୍, ହେବେନି ଅରଡ଼ ଇନାକା, ହେଦାଂ ବାବି କିଜି ବୁଦିବାମ୍ତା
 ଆନି ଝେଡ଼ାଲିଂ, ହୁଡ଼ାଟ୍, କର୍ଣ୍ଣଲିୟତି ପଦ୍ୟାତି ଲକୁ ସିମନ୍ତି ଇଲ୍ ତେକ୍ଚି ଦୁଝେର ଲାଗେ ନିଲ୍ଚି ମାଚାନ୍,
 ୧୮ ହେଦାଂ କୁକ୍ଚି ହେଝାର ଝେନ୍ବାତାର ପିତର କୁକ୍ଚି ତର “ସିମନ୍ ହେବେ ଗତେନ୍ ଲାକେ ବାହା କିନାନା
 କି ଆକାୟ ?”

୧୯ ପିତର ହେ କେଚକଣ୍ ବିସ୍ତେ ବାବି କିନି ଝେଡ଼ାଲିଂ ପୁଇପୁୟା ଜିବୁନ୍ ତାଙ୍ ଇଚାଡ଼, “ହୁଡ଼ା, ତିନ୍ ଜାଣ୍
 ଲକୁ ନିଂ ତେକ୍ତାନାରା । ୨୦ ନିଞ୍ଜା ଜାଲ୍ ଦି ଆଜି ତାରେନ୍ ହାଲା ଆରି ହେଝାର ଲାହାଂ ହାଜେଙ୍ ଚିନ୍ତା କିମା,
 ଇନାକିଦେକି ଆନ୍ ହେଝାରିଂ ପକ୍ତାତାଂନା ।” ୨୧ ହେବେ ପିତର ହେ ମାନାୟାର ଲାଗେ ହାଲ୍ଜି ଇଚାନ୍,
 ହୁଡ଼ାଟ୍, ଏପେଙ୍ ଇନେରିଂ ତେକ୍ନାଦେରା, “ଆନ୍ ହେଝେନ୍ । ଏପେଙ୍ ଇନା ଲଡ଼ାତିଂ ଝାତାଦେଣ୍ଡା ?”

୨୭ ହେୱାର୍ ଇଚାର୍, “କର୍ଣ୍ଣଲିୟ ତରନ୍ ରୱାନ ପାଞ୍ଚକଡ଼ି ମେଲ୍ୟାର୍ ମୁଡ଼ଦାକାନ୍, ହେୱାନ ଦାମ୍ ଲଗ୍ଣୁ ଆରି ଇସ୍ୱରତି ପାଣ୍ଡା ଆନାକାନ୍, ଆରେ ଝିନ୍ତୁ ଜିହୁଦି ଜାତିର ଲାଗେ ତାକ୍ ପୁଟାଲଗ୍ଣୁ ହେୱାନ ଜାର ଇଞ୍ଜ ନିଂ କୁକିକିଦେଂ ପକ୍ତି ନି ତାଙ୍ଗ୍ ସାକି କାତା କାଜିଂ ପୁଇପୁୟା ଦୁଡ଼ ହୁଦାଂ ସିଦାବଲ୍ ଗାଟାତାନ୍ନା ।” ୨୭ ହେବେ ହେୱାନ ହେୱାରିଂ ବିତ୍ତେ କୁକ୍ତି ଅଜି ହେୱାରିଂ ହେବା କିତାନ୍ ।

ତା ଆକାଡ଼ ନାଜିଂ ହେୱାନ ନିଂଜି ହେୱାର୍ ହୁକେ ହାଚାନ୍, ଆରେ ଜାପତ ନି ପାତ୍ କିନି ଟଣ୍ଡାର୍ ବିତ୍ତେ କେତେକ୍ ଜାଣ୍ ହେୱାନ ହୁଦାଂ ହାଚାର୍ । ୨୪ ଆକାଡ଼ ନାଜିଂ ହେୱାର୍ କାଇସରିୟାତ ହଟାର୍, ଆରେ, କର୍ଣ୍ଣଲିୟ ଜାର୍ ଝାନ୍ ଆରି ଲାଗେନି ହାଙ୍ଗ୍ଦାକାରିଂ କୁକ୍ତି ରୁଣ୍ଡାୟ୍ କିଜି ହେୱାରିଂ କାସି ମାଚାନ୍ । ୨୫ ପିତର୍ ହଟିଲେ କର୍ଣ୍ଣଲିୟ ହେୱାନିଂ ଗିଟାଜି ସାରାଣ୍ ତାରେନ୍ ଆଜିଂ ହେୱାନିଂ ଜୱାର୍ କିତାନ୍ । ୨୬ ମାତର୍ ପିତର୍ ହେୱାନିଂ ନିକ୍ତି ଇଚାନ୍, “ନିଲା ଆନ୍ ପା ରୱାଙ୍ଗ୍ ମାନାୟ୍ ।” ୨୭ ହେବେ ହେୱାନ ହେୱାନ୍ତି ହୁଦାଂ କାତା କିଉ କିଉ ବିତ୍ତେ ହାଲ୍ଜି ହୁଡ଼ତାନ୍, ଜବର୍ ଲକୁ ରୁଣ୍ଡା ଆତାଣ୍ଡା, ୨୮ ଆରେ ହେୱାନ ହେୱାରିଂ ଇଚାନ୍, ବିନ୍ ଜାତିନି ଇମ୍ଫଣି ଲକୁ ହାଙ୍ଗ୍ ମେହାନାକା ନଲେ ତା ଲାଗେ ବାନ୍ୟା ଜିହୁଦି ମାନାୟ୍ ପାକ୍ୟାତ ଇନେସ୍ ବିଦି ହିଲୁଡ଼, ହେଦାଂ “ଏପେଙ୍ଗ୍ ପୁଚାଦେଣ୍ଡା; ଆତିସ୍ପା ଇମ୍ଫଣି ଲକୁରିଂ ରାଡ଼ା କି ସକଟ୍ ଆକାୟ୍ ଇଞ୍ଜ ଇନ୍ଝି କାଜିଂ ଇସ୍ୱର ନାଙ୍ଗ୍ ଚଟଟାତାନ୍ନା । ୨୯ ହେଦାଂ କାଜିଂ ନାଙ୍ଗ୍ କୁକ୍ତିତାତାନ୍ନା ଆନ୍ ପା ଆପତି କିଞ୍ଜାଦାଂ ଖାତାଂ । ଲାଗିଂ ଆନ୍ ଝେନ୍ଦବାଆଦନାଂ, ଇନାକିଦେଂ ଏପେଙ୍ଗ୍ ନାଙ୍ଗେଙ୍ଗ୍ କୁକିକିତାଦେଣ୍ଡା ?”

୩୦ କର୍ଣ୍ଣଲିୟ ଇଚାନ୍, “ତିନି ଦିନ୍ ଆଗେ ସମାନ୍ ଇ ଝେଡ଼ାଲିଂ ଆନ୍ ଜାର୍ ଇଞ୍ଜ ମିକାହାରେସ୍ ତିନ୍ ଗଣ୍ଡା ଝେଡ଼ାଲିଂ ପାର୍ତାନା କିଜି ମାଚାଙ୍ଗ୍; ତ୍ରିପ୍କୁ, ତ୍ରିଞ୍ଜିନି ହେୟା ଉସ୍ତାତାକାନ୍ ରୱାନ ମୁଣିକା ନା ମୁନ୍ଦ ଇଞ୍ଜ ଇଚାନ୍, ୩୧ କର୍ଣ୍ଣଲିୟ, ନି ପାର୍ତାନା ଝେନ୍ୟା ଆତାଡ଼ନ୍ନା; ଆରେ, ନି ଦାନ୍ ସବୁ ଇସ୍ୱରତି ମୁନ୍ଦ ଏତାୟ୍ କିୟାତାଡ଼ନ୍ନା । ୩୨ ଲାଗିଂ, ଜାପତ ଲକୁ ପକ୍ତି ପିତର୍ ତରନ୍ କୁକ୍ତି ସିମନ୍ ଲାଗାଂ କୁକ୍ତି ତାହିଞ୍ଜା, ହେୱାନ ହାମ୍ଦୁର୍ ଗୁଟିତ ସିମନ୍ ତଲ୍ ରଚନାକାନ୍ ଇଞ୍ଜ ଗତେନ୍ ଲାକେ ବାହା କିତାନ୍ନା । ୩୩ ଇଦାଂ କାଜିଂ ଆନ୍ ମାଲାୟ୍ କିଞ୍ଜାଦାଂ ନି ତାକେ ଲକୁ ପକ୍ତିତାଂ, ଆରେ ଏନ୍ ଜେ ଖାତାୟନା, ହାର୍ କିତାୟନା । ଲାଗିଂ, ମାପୁ ନିଂ ଇନାକା ସବୁ ବଲ୍ ହିଡ଼ତାନ୍ନା, ହେଦାଂ ଝେଞ୍ଜେଙ୍ଗ୍ କାଜିଂ ଆପେଂ ଝିଜାୟ୍ ଇସ୍ୱରତି ମୁନ୍ଦ ଏକାଖାତାୟା ।” ୩୪ “ହେବେ ପିତର୍ ମୁମ୍ ରିକ୍ତି ଇଚାନ୍, ହାଡ଼ପାନେ ଇସ୍ୱର ଜେ ମୁକ୍ତେଟ୍ କିଉନ୍ ।

ପିତର୍ ପରଚାର୍

୩୫ ମତର୍ ଝିଜେ ଜାତିତ ଜେ ଇନେର୍ ହେୱାନିଂ ପାଣ୍ଡାଜି ଦାରୁମ୍ କାମାୟ୍ କିତାର୍, ହେୱାନ ଜେ ହେୱାନ୍ତି ଲାଗେ ଇଚ୍ୟାନାର୍, ଇଦାଂ ଆନ୍ ସଡ଼ କାମାୟ୍ । ୩୬ ହେୱାନତ ଜିସୁ କ୍ରିସ୍ତୁ ହୁକେ ସୁସ୍ତାନି ନେକ୍ତିକାବୁର୍ ପରଚାରକିକି କିଜି ଇସ୍ତାଏଲ୍ ମାଜିର୍ ଲାଗାଂ ଇ ବଚନ୍ ପକ୍ତିତାନ୍; ହେ ଜିସୁ କ୍ରିସ୍ତୁ ଝିଜାର୍ ମାପୁ । ୩୭ ଏପେଙ୍ଗ୍ ପୁନାଦେର୍ ଜେ ବାପ୍ତିସ୍ମା ଜହନ୍ତି ସମୁତାଂ ହେ ନେକ୍ତିକାବୁର୍ ଗାଲିଲିତାଂ ଆରମ୍ କିଜି ସବୁ ଜିହୁଦାତି ବଚନ୍ ପରଚାର୍ ଆତାଡ଼ନ୍ନା, ୩୮ ନାଜରିତୟ୍ ଜିସୁତି କାତା, ଇନେସ୍ ଇସ୍ୱର ହେୱାନିଂ ପୁଇପୁୟା ଜିବୁନ୍ ଆରି ସାକ୍ତିତ ସିଗ୍ କିତାର୍, ଆରେ ହେୱାନ ହାର୍ କିଉ କିଉ ଆରି ସୟ୍ତାନ୍ କିତି ବେମାର୍ ଝିନ୍ତୁ ଲୁଗାଂ ଉଜ୍ କିଉ କିଉ ଝିଜେ ବୁଲାତାନ୍, ଇନାକିଦେଂକି ଇସ୍ୱର ହେୱାନିଂ ଆତାଜି ମାଚାନ୍ । ୩୯ ଆରେ, ହେୱାନ ଜିହୁଦିରତି ଦେସ୍ ଆରି ଜିରୁସାଲମ୍ ଇନାକା ଇନାକା କିତାନ୍, ଆସେଙ୍ଗ୍ ହେ ସବୁନି ସାକି; ହେୱାନିଂ ହେୱାର୍ କୁସ୍ତ ତସି ଅସ୍ତାର୍ । ୪୦ ହେୱାନିଂ ଇସ୍ୱର ତିନି ଦିନ୍ତାଂ ଆରେ ନିକ୍ତିତାନ୍ନା; ଆରେ ହେୱାନ ମାନାୟାର୍ ତାକେ ଚଞ୍ଜୟାତାନ୍; ୪୧ ଝିଜାର୍ ଲକୁ ସିଦା ଆଦେଂ ହିଞ୍ଜାତାନ୍, ମତର୍ ଇସ୍ୱରତି ହୁଦାଂ ଆଗେ କିତି ସାକି ଜେ ଆସେଙ୍ଗ୍, ମା ସିଦା ଆଦେଂ ହିତାନ୍ । ହେୱାନ ହାକିତାକେଣ୍ଡାଂ ନିଂତି ପାଚେ ଆପେଂ ହେୱାନ୍ତି ଲାହାଙ୍ଗ୍ ତିନାଉଣା କିତାୟ୍, ୪୨ ଆରେ ମାନାୟାର୍ ଲାଗେ ସୁଣାୟ୍ କିଦେଙ୍ଗ୍, ଆରେ ହାତି ଆରି ଜିଜି ମାନାୟାତ୍ ବିଚାରକାରୟା ଆଦେଂ କାଜିଂ ଇସ୍ୱର ହେୱାନିଂ ବାତି କିତାନ୍ନା ଇଞ୍ଜି ସାକିହେଦେଂ ହେୱାନ ମାଂ ବଲ୍ ହିଡ଼ତାନ୍ । ୪୩ ଇନେର୍କି ହେୱାନ ତାକେ ପାତ୍ କିତାର୍, ହେୱାନ ଜେ ହେୱାନ୍ତି ତରନ୍ ସାକ୍ତିତ ପାପ୍ କେମା ପାୟାନାନ୍, ଇଦାଂ ଝିନ୍ତୁ ବେଣ୍ଟବାକ୍ଷାୟକିନାକାର୍ ହେୱାନ୍ତି ବିସ୍ତେ ସାକି ହିନାର୍ ।”

ପାତ୍ କିଞ୍ଜି ଜିହୁଦିର୍ ପୁଇପୁୟା ଜିବୁନ୍ ଗାଟାତାର୍

୪୪ ପିତର୍ ଇ ସବୁ ହିକ୍ୟା ହିନି ଝେଡ଼ାଲିଂ ଏଚେକାଡ଼୍ ଲଗ୍ଣୁ ବଚନ୍ ଝେନ୍ଞି ମାଚାର୍, ହେ ଝିଜାର୍ ଜପି ପୁଇପୁୟା ଜିବୁନ୍ ଜୁଡ଼ତାଡ଼ । ୪୫ ହେବେ ପିତର୍ ହୁଦାଂ ଖାତି ସୁନ୍ଦ୍ ପାତ୍ କିନାକାର୍ ଝିଜାର୍ ପାତ୍ କିଞ୍ଜି ଜିହୁଦିର୍ ଜପି ପା ପୁଇପୁୟା ଜିବୁନ୍ ହିନାକା ହୁଡ଼ଜି କାବା ଆତାର୍; ୪୬ ଇନାକିଦେଂକି ହେୱାର୍ ଜିହୁଦି ପାତ୍ କିନାକାର୍ ବାର୍ବିନ୍ ବେଣ୍ଟ କାତା ଇନାକା ଆରି ଇସ୍ୱରତି ଦନ୍ୟବାଦ୍ କିଜି ମାନାକା ଝେନ୍ଞି ମାଚାର୍, ହେପାଦନା ପିତର୍ ଉତର୍ ହିତାନ୍ । ୪୭ “ଇ ଇମ୍ଫଣି ଲକୁ ମା ଲାକେ ପୁଇପୁୟା ଜିବୁନ୍ ପାୟା ଆତାଣ୍ଡା, ଇଞ୍ଜାର୍ ଇନେସ୍ ବାପ୍ତିସ୍ମା ଆଉର୍, ହେଦାଂ କାଜିଂ କି ଇନେର୍ ଏଜୁଙ୍ଗ୍ ମୁନା କିଦେଙ୍ଗ୍ ଆଡୁର୍ ?”

୪୮ ଆରେ, ହେୱାନ୍ ହେୱାରିଂ ଜିସୁ କ୍ରିଷ୍ଟି ତରଦ ବାପ୍ତିସିମ୍ ହିନି କାଜିଂ ବଲ୍ ହିତାନ୍ । ପାଚେ ହେୱାର୍ ଅଲପ୍ ଦିନ୍ ମାଞ୍ଜେଙ୍ କାଜିଂ ହେୱାନିଂ ଗୱାରି କିତାର୍ ।

୧୧

ଜିରୁସାଲମ୍ ମଣ୍ଡଳିତ ପିତରତି କାରୁର୍ ଖେର୍ନାକା

୧ ପାଚିଂ କିଞ୍ଜି ଜିହୁଦିର୍ ପା ଜେ ଇସ୍ବରତି ବଚନ୍ ଇଡ଼ତାରନା, ଇଦାଂ ପଦ୍ୟାତାକାର୍ ଆରି ଜିହୁଦା ରାଜିତ ମାନି ପାଚିଂ କିନି ଟଣ୍ଡାର୍ ଖେରାର୍ । ୨ ଆରେ, ଏଚେକାଡ଼୍ ପିତର ଜିରୁସାଲମ୍ତ ଖାତାନ୍, ହେ ଏଚେକାଡ଼୍ ସୁନ୍ନଡ଼୍ ଆତି ଚେଲାର୍ ହେୱାନ୍ ହୁଦାଂ ବିଚାର୍ କିଜି ଇଚାର୍, ୩ “ଏନ୍ ପାଚିଂ କିଞ୍ଜି ଜିହୁଦି ଲକାରିଂ ଇଞ୍ଜ ହର୍ପିସ୍ ହେୱାର୍ ହୁକେ ଚିଗାୟନା ।” ୪ ମାତର ପିତର ସବୁ କାତାତିଂ ବୁଜାୟ କିଦେଙ୍ ଆରମ୍ କିଜି ଇଚାନ୍,

୫ “ଆନ୍ ଜାପ ଗାଡ଼୍ ପାର୍ତାନା କିଜି ମାଗାଙ୍ ଆରି ଦର୍ସନ୍ ଗାଗାତାଂ, ର ପାଡ଼କାତାଙ୍ ଖାନାତା, ଇନେସ୍ ର ଗାଜା ହେୟା ଚାରି କନାତ ଆସ୍ତି ବାଦାଡ଼ତାଂ ହେଦାଂ ହୁଡ଼ତାଂ, ହେଦାଂ ନା” ଲାଗାଂ ଟେବାତାଡ଼, ୬ ଆରେ ବାଦାଡ଼ତାଂ ହେଦାଂ ନା ପାଚେକ୍ ଖାତାଡ଼; ଆନ୍ ହେଦାଂ ହୁଡ଼ଜି ଚିନ୍ତା କିଦେଙ୍ ଲାଗାତାଂ ଆରି ହେବେ ପୁଚିଂ ନି ଚାରିଗଡ଼ିୟା ଜାଡ଼, ରାଜି ପସୁ, ରାଡ଼କୁ ପାଣା ଆରି ପୁତିନି ପଚିଙ୍ ସବୁ ହୁଡ଼ତାଂ, ୭ ଆରେ, ନାଙ୍ ଇଞ୍ଜିମାଞ୍ଜି ର କାତା ପା ଆନ୍ ଖେରାଙ୍, ଏ ପିତର, “ନିଙ୍ଗା, ପାଗ୍ଜି ତିନା ।” ୮ ମାତର ଆନ୍ ଇଚାଙ୍, ଆକାୟ, ମାପୁ, ରାଡ଼ା କି ସକଟ୍ ହିଲ୍ଜି ଜିନିସ୍ ନା ମୁମ୍ଦ ଇନାଖାଡ଼ାଂ ହର୍ପି କିଖାତାଂନା । ୯ ମାତର ରିହା ବାଦାଡ଼ତାଂ ର କାଟ୍ ଉତର ହିଡ଼ତାଡ଼, “ଇସ୍ବର ଇନାକା ସକଟ୍ କିତାନ୍ନା, ଏନ୍ ହେଦାଂ ବିଚାଡ଼ ଇଞ୍ଜି ଇନ୍ମା ।” ୧୦ ଇ ବାନି ତିନି ହର୍ ଆତାଡ଼, ପାଚେ ଖିଜୁ ଆରେରଗ ବାଦାଡ଼ତ ଅୟାତାଡ଼ । ୧୧ ଆରେ ହୁଡ଼ାଡ଼, ଦାପ୍ରେ ତିନ୍ ଜାଣ୍ ମାନାୟ, ଆପେଂ ଇମଣି ଇଞ୍ଜ ମାଗାପ୍, ହେବେନି ମୁମ୍ଦ ଖାଜି ନିଲ୍ତାଡ଼, ହେୱାର୍ କାଈସରିୟାତାଂ ନା ତାକେ ପଦ୍ୟାଜି ମାଗାର୍ । ୧୨ ଆରେ, ମୁଡ଼େ ଆନ୍ମାନ କିଖାଦାଂ ହେୱାର୍ ହୁଦାଂ ହାଞ୍ଜେଙ୍ କାଜିଂ ପୁଇପୁୟା ଜିରୁନ୍ ନାଙ୍ ଖେର୍ଚାତାଡ଼ । ଆରେ, ଇ ଚଅ ଜାଣ୍ ପାଚିଂ କିନି ଟଣ୍ଡାର୍ ପାନା ହୁଦାଂ ତାରେନ୍ ହାଚାର୍, ଆରେ ଆପେଂ ହେ କର୍ଣ୍ଣଲିୟା ଇଲ୍ ହଟାପ୍ । ୧୩ ହେୱାନ୍ ଇନେସ୍ ରଖାନ୍ ଦୁଡ଼ ତାକେ ଦର୍ସନ୍ ପାୟାଜି ମାଗାନ୍, ହେଦାଂ ମାଙ୍ଗେଙ୍ ଖେର୍ଚାତାନ୍, ହେ ଦୁଡ଼ ଇନେସ୍ ହେୱାଜି ଇଞ୍ଜ ଇଚାନ୍, ଜାପତ ଲକୁ ପକଟି ପିତର କୁକ୍ନି ତର ସିମନ୍ତିଂ କୁକ୍ଟି ତାହିଖାଡ଼; ୧୪ ଇନେର୍ ଖିଜାର୍ ବଚନ୍ ହୁଦାଂ ଏପେଙ୍ ଆରି ମି ଖିଜାର୍ ଇଲ୍ନିକାର୍ ରାକ୍ୟା ଆନାର୍, ହେୱାନ୍ ମିଙ୍ଗେଙ୍ ହେ ସବୁ ଖେର୍ଚାନାନ୍ । ୧୫ ପାଚେ ଆନ୍ କାତା ଇଞ୍ଜେଙ୍ ଆରମ୍ ଖେଡ଼ାଲିଂ ପୁଇପୁୟା ଜିରୁନ୍ ଆଗ୍ଦ ମା ଜପି କୁଡ଼ତି ଲାକେ ହେୱାର୍ ଜପି ପା କୁଡ଼ତାଡ଼ । ୧୬ ☆ ହେପାଦନା ମାପୁତି ଇ ବଚନ୍ ନା ଏଡୁ ଖାତାଡ଼, ଜହନ୍ ଖିଜାକାରିଂ ଉତର ହିତାନ୍, “ଜହନ୍ ହିନା ଏସ୍ତରଙ୍ଗାଂ ବାପ୍ତିସିମ୍ ହିତାନ୍ ହାଡ଼ପା ମତର ଏପେଙ୍ ପୁଇପୁୟା ଜିରୁନ୍ତାଂ ବାପ୍ତିସିମ୍ ଆନାଦେର୍ ।” ୧୭ ଲାଗିଂ, ଆସେଙ୍ ମାପୁ ଜିସୁ କ୍ରିଷ୍ଟି ତାକେ ପାଚିଂ କିନି ଖେଡ଼ାଲିଂ ଇସ୍ବର ଇନେସ୍ ଦାନ୍ ହିଜି ମାଞ୍ଜାନ୍, ହେ ଲାକେ ଏଚେକାଡ଼୍ ହେୱାରିଂ ପା ହାରି ଦାନ୍ ହିତାନ୍, ଆନ୍ ଇନେର୍ ଜେ ଇସ୍ବରତିଂ ବାଦା ହିଦେଂ ଆଡ଼ତାଂମା ?

୧୮ ଇ ସବୁ କାତା ଖେରିଲେ ହେୱାର୍ ଚିମ୍ବରା ଆତାର୍ ଆରି ଇସ୍ବରତିଂ ଜାଜମାଲ୍ କିଜି ଇଚାର୍, “ଖାଟିଙ୍” ଇସ୍ବର ପାଚିଂ କିଞ୍ଜି ଜିହୁଦିର୍ ପା ପୁଇପୁୟା ଜିରୁନ୍ ପାୟାନି କାଜିଂ ମାନ୍ବାଦଲ୍ଲାୟ ଦାନ୍ କିତାନ୍ନା ।

ଆନ୍ତିୟକିଆ ମଣ୍ଡଳି

୧୯ ☆ ଖିସ୍ତି ବିଡ୍ରେ ସିପାନ୍ କାଜିଂ ଗିଗାଜି ମାଟି ଦୁକ୍ କାଜିଂ ଇମ୍ଣାକାର୍ ଜେଡେକେଡ଼୍ ଆଜି ମାଗାର୍, ହେୱାର୍ ପେନିକିଆ, କୁପ୍ ଆରି ଆନ୍ତିୟକିଆ ପାଚେକ୍ ବୁଲ୍ଲା ଆଜି ଆପକା ଜିହୁଦିର୍ ପିସ୍ତି ଆରେ ଇନେର୍ ତାକେ ବଚନ୍ ପରଚାର୍ କିଖାଦାଂ ମାଗାର୍ । ୨୦ ମାତର ହେୱାର୍ତି ବିଡ୍ରେ କେଡେକ୍ ସାଇପ୍ସ ଆରି କୁରିଣିୟ ଲକୁ ଆନ୍ତିୟକିଆତାଂ ଖାଜି ଗ୍ରିକ୍ ତାକେ ପା କାତା ଇଞ୍ଜି ମାପୁ ଜିସୁତି ନେକ୍ଟିକାରୁର୍ ପରଚାର୍ କିଦେଙ୍ ଲାଗାତାଡ଼ । ୨୧ ଆରେ, ହେୱାର୍ ଲାହାଂ ମାପୁତି କେଇ ମାଗାଡ଼, ଆରେ ବେସି ମାନାୟ ପାଚିଂ କିଜି ମାପୁନିପ ମାସ୍ଦି ଖାତାର୍ ।

୨୨ ହେୱାର୍ତି ବିସ୍ପେତି କାରୁର୍ ଜିରୁସାଲମ୍ ମଣ୍ଡଳିତ ଖେନାତାଡ଼, ହେବେ ହେୱାର୍ ଆନ୍ତିୟକିଆ ପାଚେକ୍ ବର୍ଣ୍ଣବାଙ୍ ପଲ୍ଲାର୍ । ୨୩ ହେୱାନ୍ ଏକିସ୍ ଇସ୍ବରତି ଦୟା ହୁଡ଼ଜି ଖାର୍ଯ୍ୟା ଆତାନ୍, ଆରେ ଇନେସ୍ ହେୱାର୍ ମାନ୍ନି ର ମାଡ଼ ମାପୁତି କାଜିଂ ଜେଲ୍ଲୟା ଆଜି ମାନାର୍, ହେଦାଂ କାଜିଂ ଖିଜାରିଂ ଖାରିକିୟ କିତାର୍; ୨୪ ଇନାକିଦେଂକି ବର୍ଣ୍ଣବା ରଖାନ୍ ହାରି ମୁଣିକା, ଆରେ ପୁଇପୁୟା ଜିରୁନ୍ ଆରି ପାଚିଂ ତ ବାଚିଂ ମାଗାନ୍ । ଇ ବାନି ବେସି ବେସି ମାନାୟ ମାପୁ ତାକେ ମେହା ଆତାର୍ ।

☆ ୧୧:୧୭ ୧୧:୧୭ ପଦ୍ୟାତାକା ୧:୫. ☆ ୧୧:୧୯ ୧୧:୧୯ ପଦ୍ୟାତାକା ୮:୧-୪.

। ୨୫ ପାଚେ ହେୱାନ୍ ସାଉଲ୍‌ତି ତେକ୍‌ନି କାଜିଂ ତାର୍‌ତ ହସି ହାଚାନ୍, ୨୬ ଆରେ, ହେୱାନ୍ ହେୱାନ୍ ଗାଟାଜି ଆନ୍ତିୟକିଆତ ତାହିୱାତାନ୍ । ହେୱାର୍ ବାତ ଠିକ୍ ବାହୁଁ ପାଚେକ୍ ମଣ୍ଡୁଲି ହୁଦାଂ ମାନ୍‌ଞ୍ଜି ବେସି ଲୁଗାଙ୍ଗ୍ ହିକ୍ୟା ହିତାନ୍, ଆରେ ଆନ୍ତିୟକିଆତ ତେଲାର୍ ପର୍ତ୍ତୁମ୍ କ୍ରିସ୍ତୟାନ୍ ଇଞ୍ଜି ଇନ୍‌ୟା ଆଚାର୍ ।

୨୭ ହେ ଷ୍ଟେଡାଲିଂ କେତେକ୍ ଜାଣ୍ ବେଶ୍‌ବାକ୍‌ଶାୟକିନାକାର୍ ଜିରୁସାଲମ୍‌ତାଂ ଆନ୍ତିୟକିଆତ ଖାତାର୍ । ୨୮ *ହେୱାର୍ ବିତ୍ରେ ଆଗାବ ତରନି ରୱାନ୍ ମୁଣିକା ନିଂଜି ସବୁ ପୁତ ଠିକ୍ ବେସି କାତାର୍ ଆଣ୍ଟାଡ୍ ଇଞ୍ଜି ଜିବୁନ୍ ହୁଦାଂ ଷ୍ଟେଡ଼ଚାନ୍; ହେଦାଂ କ୍ଲାଉଦିଅତି ସମୁ ମାନି ଷ୍ଟେଡାଲିଂ ଗିଟାତାଡ୍ । ୨୯ ହେବେ ତେଲାର୍ ସବୁ ଜାଣ୍ ଜାର୍ ସାଲ୍ଲି ହୁଦାଂ ଜିହୁଦା ରାଜି ନିକାର୍ ପାତ କିନି ଟଣ୍ଡାର୍ କାଜିଂ ହେବା ପକ୍ରେଙ୍ଗ୍ ତିର କିତାର୍, ୩୦ ଆରେ ହେୱାର୍ ପା ହେଦାଂ କିଜି ବର୍ଣ୍ଣବା ଆରି ସାଉଲ୍‌ତି କେଇଦ ପ୍ରାତିନାର୍‌ତି ଲାଗେ ପକ୍ତାର୍ ।

୧୨

ଆଦିକ୍ କସ୍ତୁ ପାୟାନାକା

୧ ଆନ୍‌ମାନ୍‌ରେ ହେ ଷ୍ଟେଡାଲିଂ ହେରଦ୍ ରାଜା ମଣ୍ଡୁଲିନି କେତେକ୍ ଜାଣ୍‌ତି ହରବର କିନି କାଜିଂ କେୟ୍ କିତାନ୍ । ୨ ହେୱାନ୍ ଜହନତି ଟଣ୍ଡେନ୍ ଜାକୁବ୍‌କ୍ କାଣ୍ଡାତାଂ ଅସ୍ତାନ୍ । ୩ ଆରେ ଜିହୁଦିର୍ ହେବେ ସତକ୍ ଆନାକା ହୁଡ୍‌ଜି ହେୱାନ୍ ପିତରତିଂ ପା ଗେସ୍‌ତାର୍ । ହେ ଷ୍ଟେଡାଲିଂ ହଇଖି ରୁଟିନି ପାର୍ତୁ ମାଟାଡ୍ । ୪ ପାଚେ ହେରଦ୍ ତାଙ୍ଗ୍ ଆସ୍ତି ଜଇଲ୍‌ତ ଇଡ୍‌ତାନ୍, ଆରେ, ନିସ୍ତାର୍ ପାର୍ତୁ ପାଚେ ହେୱାନ୍ ତାଙ୍ଗ୍ ମାନାୟାର୍ ଲାଗେ ହପ୍‌ତି ତାହିୱାଦେଂ କାଜିଂ ମାନ୍ କିଜି ଷ୍ଟିଜୁ କୁଦାନି ଚାରି ଜାଣ୍ ଲାକେ ମାଞ୍ଜି ଚାର୍‌ଗଟା ମେଲ୍ୟା କୁଦା ଲାଗେ ତାଙ୍ଗ୍ କାଚେଂ ଇଞ୍ଜି ହେଲ୍ୟାୟ୍ କିତାନ୍ । ୫ ଲାଗିଂ, ପିତର ଜଇଲ୍‌ତ ଗେହ୍ୟା ଆଜି ମାଚାନ୍, ମତର ତା କାଜିଂ ମଣ୍ଡୁଲି ହୁଦାଂ ରମାନ୍ତ ଇସ୍‌ପ୍‌ତି ଲାଗେ ପାର୍ତାନା କିଜି ମାଟାଡ୍ ।

ଜଇଲ୍ ଇଲ୍‌ତାଂ ପିତରତି ମୁକ୍ତାନାକା

୬ ପାଚେ ହେରଦ୍ ଇମ୍‌ଣି ଦିନ୍ ପିତରତିଂ ହପ୍‌ତି ତାଚେଙ୍ଗ୍ ହାଲ୍‌ଜି ମାଚାନ୍, ହେ ଆକାଡ୍ ନାଶାଲିଂ ରିଣ୍ଡି ହିକ୍‌ତିଂ ଗାଚ୍ୟା ଆଜି ରି ମେଲ୍ୟାତ ବିତ୍ରେ ହୁଞ୍ଜି ମାଚାନ୍, ଆରେ ଜାଗ୍‌ଖାଡାର୍ ଦୁଝେର୍ ମୁମ୍‌ଦ ଜଇଲ୍ ରାକ୍ୟା କିଜି ମାଟାଡ୍ । ୭ ଆରେ ହୁଡାଟ୍, ତ୍ରିପ୍‌କୁ ମାପୁତି ରୱାନ୍ ଦୁଡ୍ ଏକାତାଡ୍, ଆରେ ବାକ୍ତା ଅଜଡ୍ ଆଚାଡ୍, ଆରେ ଦୁଡ୍ ପିତର ତିଙ୍ଗ୍ ନେଞ୍ଜେତାକିତ ଇଡ୍‌ଜି ତାଙ୍ଗ୍ ନିକ୍‌ତି ଇଚାନ୍, “ବେଗି ନିଙ୍ଗା ।” ହେବେ ତା କେଇଦାଂ ହିକ୍‌ତିଂ କୁସ୍‌ଦି ହାଟିକ୍ । ୮ ଆରେ, ଦୁଡ୍ ତାଙ୍ଗ୍ ଇଚାଡ୍, “ମେଙ୍ଗାଙ୍ଗ୍ ଗାଚ୍ୟା ଆରି ପାଣ୍ଡାୟ୍ ତୁଜା ।” ପିତର ହେ ଲାକେ କିତାନ୍ ! ଆରେ ଦୁଡ୍ ତାଙ୍ଗ୍ ଇଚାନ୍, “ଗାଗାଡ୍‌ତ ହେୟା ତୁହିଜି ନା ପାଚେ ପାଚେ ଖା ।” ୯ ପିତର ହସି ହେୱାନ୍ତି ପାଚେ ପାଚେ ହାଚାନ୍, ମାତର ଦୁଡ୍‌ତାଂ ଇନାକା କିୟାତାଡ୍, ହେଦାଂ ଜେ ହାଡ୍‌ପା, ହେୱାନ୍ ହେଦାଂ ବୁଜାଖାଦାଂ କେଟ୍‌କଣ୍ ହୁଡ୍‌ନାନ୍ ଇଞ୍ଜି ବାବି କିଜି ମାଚାନ୍ । ୧୦ ଏଚେକାଡ୍‌ଦ ହେୱାର୍ ପର୍ତ୍ତୁମ୍ ଆରି ରିଣ୍ଡି ଜାଗ୍‌ଖାଡାର୍ କୁଦା ନାସି, ଇମ୍‌ଣି ଲଖା ଦୁଝାର୍ ହିଜି ଗାଡ୍‌ଦ ହାଞ୍ଜେଙ୍ଗ୍ ଆନାଡ୍, ହେଦାଂ ଲାଗେ ଖାତାର୍, ହେ କାଡ୍‌ଦ ହେ ଦୁଝେର୍ ଜାର୍ ମାନ୍ତିଙ୍ଗ୍ ହେୱାର୍ କାଜିଂ ମେଲ୍ୟା ଆଜି ହାଚାଡ୍, ଆରେ ହେୱାର୍ ହସିହାଲ୍‌ଜି ର ହାକ୍‌ଡିତ ହାରିହାରା ପାଚେକ୍ ହାଚାର୍, ଆରେ ଦାପ୍ରେ ହେ ଦୁଡ୍ ତା ତାକେଣ୍ଡାଂ ମାୟା ଆଜି ହାଚାଡ୍ ।

୧୧ ହେୱାଡାଂ ପିତର ଚେଡ୍‌ନା ଆଜି ଇଚାନ୍, ମାପୁ ଜେ ଜାର୍ ଦୁଡ୍‌ତିଂ ପକ୍‌ତି ହେରଦ୍ କେଇଦାଂ ଆରି ଜିହୁଦିର୍ ଲକୁତାଂ ଷ୍ଟିଜୁ ଆହାତାଂ ନାଂ ଉଦାର୍ କିଡ୍‌ତାନ୍‌ନା, “ଇଦାଂ ଆନ୍ ନଙ୍ଗ୍ ହାଡ୍‌ପା ପୁଟାଙ୍ଗ୍ ।”

୧୨ ହେୱାନ୍ ଇ କାତା ଜାଗ୍‌ଡ୍ ଆଜି ମାର୍କ୍ କୁକ୍‌ନି ଜହନ୍‌ତି ତେହି ମରିୟମ୍ ଇଞ୍ଜି ଖାତାନ୍; ହେ ବାହାତ ବେସି ରୁଣ୍ଡା ଆଜି ପାର୍ତାନା କିଜି ମାଟାଡ୍ । ୧୩ ପିତର ବାତ ଦୁଝେର୍‌ତ ଇଡ୍‌ତିଲେ, ରଦା ତରନି ରଞ୍ଜେଲ୍ ଆଡ୍‌ଏଣି ଇନେର୍ ଇଞ୍ଜି ଷ୍ଟେନ୍‌ବେଦେଂ ହାଚାଡ୍ । ୧୪ ହେୱାନ୍ ପିତରତି କାଟ୍ ବେସି ଖାରି କାଜିଂ ଦୁଝେର୍ ଜେଖାଦାଂ ବିତ୍ରେ ହସ୍ତି ହାଲ୍‌ଜି, ଦୁଝେର୍ ଲାସେଙ୍ଗ୍ ପିତର ନିଲ୍‌ତାନ୍ନା ଇଞ୍ଜି ଇଚାଡ୍ । ୧୫ ହେଝେକ୍ ହେଦେଲିଂ ଇଟିକ୍, “ଏନ୍ ବାଇରି । ମାତର ହେଝେକ୍ ହେଦାଂ ସଡ୍ ଇଞ୍ଜି ଆଟ୍‌ଖା ଲାକେ ଇଞ୍ଜେଙ୍ଗ୍ ଲାଗିତିକ୍ । ହେଝେକ୍ ଇଟିକ୍ ଇଖାନ୍ ହେୱାନ୍ତି ଦୁଡ୍ ।”

୧୬ ମାତର ପିତର ଦୁଝାର୍‌ତ ତାୟନାଡ୍ ଇଡ୍‌ଜି ମାଚାନ୍, ଆରେ ହେଝେକ୍ ଜେସି ହେୱାନ୍ ହୁଡ୍‌ଜି କାବା ଆଡିକ୍ । ୧୭ ମାତର ହେୱାନ୍ ହେୱାରିଂ ଟିମ୍‌ରା ଆଜି ମାଞ୍ଜେଙ୍ଗ୍ କାଜିଂ କେଇ ଜିଞ୍ଜି, ମାପୁ ଇନେସ୍ ତାଙ୍ଗ୍ ଜଇଲ୍ ତାଂ ହପ୍‌ତି ତାହିୱାତାନ୍ନା, ହେଦାଂ ହେଝେକ୍ ଲାଗେ ହାୟାୟ୍ କିତାନ୍ । ଆରେ ହେୱାନ୍ ଇଚାନ୍, “ଇ ଷ୍ଟିଜୁ କାତା ଜାକୁବ୍ ଆରି ପାତ କିନି ଟଣ୍ଡାର୍‌ରିଂ ଷ୍ଟେଡାଟ୍ । ଆରେ, ହେୱାନ୍ ହାଲ୍‌ଜି ବିନ୍ ବାହାତ ତାଂଜି ହାଚାନ୍ ।”

* ୧୧:୨୮ ୧୧:୨୮ ପଦ୍ୟାତାକା ୨୧:୧୦.

୧୮ ନାହିଁସି ଆତି ପାଚେ ପିତରୁ ଇମେ ହାତାନ୍ ଇଞ୍ଜି ମେଲ୍ୟାରୁ ବିତ୍ତେ ବେସି ଝିଣ୍ଡାଡ଼ । ୧୯ ଆରେ ହେରଦ ହେଝାନିଂ ତେକ୍ତି ଗାଟାଝିଲେ ଜାଗ୍‌ଝାଡ଼ାରିଂ ପରସନ୍ କିତି ପାଚେ ହେଝାରିଂ ଅସ୍ତେଙ୍ଗ୍ କାଜିଂ ବଲ୍ ହିତାନ୍ ।

ପାଚେ ହେଝାନ୍ ଜିହୁଦା ରାଜିତାଂ କାଈସରିୟାତ ହାଲ୍‌ଜି ହେବେ ମାନ୍‌ଗାତାନ୍ ।

ହେରଦତି ହାକି

୨୦ ହେ ଏଚେକାଡ଼ଦ ହେରଦ ରାଜା ସର ଆରି ସିଦନ୍ ଲକୁ ଜପି ବୟଙ୍କାରୁ ରିସା ଆଜି ମାଚାନ୍, ଲାଗିଂ ହେଝାରୁ ବିତ୍ତେତାଂ ର ଦଲ୍ ହେଝାନିଂ ଚଞ୍ଜୟା ଆଦେଂ ହାଚାର । ପର୍ତ୍ତୁମ୍ ହେଝାରୁ ହୁଞ୍ଜି ଇଲ୍‌ତ ଦାୟିତ୍ତ ମାନି ଲାସ୍ତିତ୍ତ ବୁଜାୟ କିଜି ତା ଉପକାରୁ ପାୟାତାର । ତା ପାଚେ ହେଝାରୁ ହେରଦତି ଲାଗାଂ ହାଲ୍‌ଜି ସୁସ୍ତା ବିକ୍ୟା କିତାର, ଇନେକିଦେଂକି ହେରଦତି ରାଜିତାଂ ହେଝାରୁତି ଦେସ୍‌ତାଂ ଗାଦି ଗାଦି ଆଡ଼ମାଡ଼ ହାଲ୍‌ଜି ମାଚାଡ଼ ।

୨୧ ଲାଗିଂ ର ତିରୁ କିତି ନାଜିଂ ହେରଦ ରାଜା ହେନ୍ଦା ଉସ୍ତିସ୍ ଗାଦିତ କୁଚ୍‌ତି ହେଝାରୁତି ଲାଗେ ସୁଣାୟ କିତାନ୍, ୨୨ ହେବେ ମାନାୟାରୁ ଆଲା ଆଜି ଇଞ୍ଜେଙ୍ଗ୍ ଲାଗାତାର, “ଇଦାଂ ତ ଇସ୍‌ରତି କାଟ୍, ମାନାୟତି କାଟ୍ ଆକାୟ ।” ୨୩ ହେ ଦାପ୍ତେ ମାପୁତି ରଞ୍ଜେଲ୍ ଦୁଡ଼ ହେରଦତିଂ ମାଡ଼ଜି କିତାଡ଼, ଇନାକିଦେଂକି ହେଝାନ୍ ଇସ୍‌ରତିଂ ଜାଜ୍‌ମାଲ୍ ହିଝାତାନ୍, ଆରେ ହେଝାନ୍ ପୁଁ ହୁଦାଂ ତିନ୍ୟା ଆଜି ପାରାଣ୍ ପିସ୍ତାନ୍ ।

୨୪ ମାତରୁ ଇସ୍‌ରତି ବଚନ୍ ଆଦିକ୍ ମେଙ୍ଗ୍‌ଦେଂ ଲାଗାତାଡ଼ ।

୨୫ ପାଚେ ବର୍ଣ୍ଣବା ଆରି ସାଉଲ୍ ଜାରୁତି ଲକାରିଂ ହେବାକାମାୟ ଝିସ୍ତି ଜହନ୍‌ତିଂ କୁକ୍‌ନି ତରୁ ମାର୍କ ହାଙ୍ଗ୍ ଅଜି ଜିରୁସାଲମତ ଲେଉଟା ଆଜି ହାଚାର ।

୧୩

ବର୍ଣ୍ଣବା ଆରି ସାଉଲ୍ ପଦ୍ୟାତି ତେଲା ଲାକେ ବାଟିକିୟା ଆତାନ୍

୧ ହେପାଦନା ଆନ୍ତିୟକିଆନି ମଣ୍ଡଲିତ ବର୍ଣ୍ଣବା, ସିମିୟନ୍, ଇନେରିଂ ନିଗର ଇଞ୍ଜି ଇନାରୁ, କୁରିଣିୟ ଲୁକିୟ, ସାମନ୍ତରାଜା ହେରଦତି ରଚେ ପହାକିତି ମନହେମ ଆରି ସାଉଲ୍, ହେଝାରୁ ବେଶବାକ୍‌ଶାୟକିନାକାରୁ ଆରି ଗୁରୁର ମାଚାର । ୨ ହେଝାରୁ ମାପୁତି ହେବା ଆରି ଉପାସ୍ କିନି ଝେଡ଼ାଲିଂ ପୁଇପୁୟା ଜିବୁନ୍ ଇଚାଡ଼, “ଇମ୍‌ଣି କାମାୟ କାଜିଂ ଆପ୍ ବର୍ଣ୍ଣବା ଆରି ସାଉଲ୍‌ତିଂ ବାଟି କିତାପ୍‌ନା, ହେଦାଂ କାଜିଂ ହେଝାରିଂ ବିନେ କିୟାଟ୍ ।”

୩ ହେବେ ହେଝାରୁ ଉପାସ୍ ଆରି ପାର୍ତାନା କିତି ପାଚେ ହେଝାରୁ ଜପି କେଇ ହିଜି ହେଝାରିଂ ହେଲ୍ ହିତାର ।

ସାଇପୁସ୍‌ତ ହେବାକାମାୟ

୪ ଇ ବାନି ବର୍ଣ୍ଣବା ଆରି ସାଉଲ୍ ପୁଇପୁୟା ଜିବୁନ୍ ହୁଦାଂ ପଦ୍ୟା ଆଜି ସେଲୁକିଆତ ହାଚାର; ହେବେତାଂ ହେଝାରୁ ହାମଦୁର ଜାଜ୍‌ତ ଦୁମଜି କୁପ୍‌ତ ହାଚାର । ୫ କାମଲିୟାରୁ ସାଲାମି ବସ୍ତିତ ଏକିତି ପାଚେ ଜିହୁଦିରୁତି ଝିଜୁ ପାର୍ତାନା ଇଲ୍‌ତ ଇସ୍‌ରତି ବଚନ୍ ପୁଚାର କିଦେଙ୍ଗ୍ ଲାଗାତାର; ଆରେ, ଜହନ୍ ମାର୍କ ପା ହେବାକାରୁୟା ଲାକେ ହେଝାରୁ ହୁକେ ମାଚାନ୍ ।

୬ ଆରେ, ହେଝାରୁ ଝିଜୁ ଏସ୍‌କୁପଲି ବୁଲା ଆଜି ପାପତ ଝାଜି ରଝାନ୍ ରୁଚ୍‌କି ଚାକ୍ରାୟ ବେଶବାକ୍‌ଶାୟକିନାନ୍‌ନିଂ ହୁଡ଼ତାର; ହେଝାନ୍ ରଝାନ୍ ଜିହୁଦି, ଆରେ ତା ତରୁ ବଜ୍‌ସୁ । ୭ ହେଝାନ୍ ସାସନ୍ କାରୁୟା ସେଗର୍‌ୟ ପାଉଲ୍ ସାଙ୍ଗ୍ ମାଚାନ୍, ହେ ସାସନ୍‌କାରୁୟା ରଝାନ୍ ବୁଦିକାରୁୟା ମୁଣିକା । ହେଝାନ୍ ଇସ୍‌ରତି ବଚନ୍ ଝେଞ୍ଜେଙ୍ଗ୍ ମାନ୍ କିଜି ବର୍ଣ୍ଣବା ଆରି ସାଉଲ୍‌ତିଂ ଲାଗାଂ କୁକ୍‌ତାନ୍ । ୮ ମାତରୁ ହେ ରୁଚ୍‌କି ଅଲ୍ଲିମା ଇଦାଂ ତା ଗ୍ରିକ୍ ତର । ହେଝାରିଂ ବାଦା ହିତାଡ଼ ଇନାକିଦେଂକି ହେଝାନ୍ ସାସନ୍‌କାରୁୟାଙ୍ଗ୍ କ୍ରିସ୍ଟ ପାତର୍ କିନାକାରୁ କାଜିଂ ଅଲ୍‌ଗା କିଜି ଇଡ଼ଦେଂ ଚେସ୍ଟା କିଜି ମାଚାର । ୯ ମତରୁ ସାଉଲ୍, ଇନେରିଂ ପାଉଲ୍ ପା ଇନାରୁ, ପୁଇପୁୟା ଜିବୁନ୍‌ତ ବାତର୍ ଆଜି ତାଙ୍ଗ୍ ମିଟ୍‌କିଝାଦାଂ ହୁଡ଼ଜି ଇଚାନ୍, ୧୦ ଏ “ସୟତାନ୍ ମାଜି, ଝିଜୁ ବାନି ଟକ୍‌ଝା ଆରି କାପ୍‌ଟିତ ମାନ୍‌ତ ବାତର୍, ଆରେ ଝିଜୁ ବାନି ଦାମର୍‌ତିଂ ନି ସାତୁରିଂ, ଏପେଙ୍ଗ୍ ମାପୁତି ସିଦା ହାଜିଡ଼ିଂ ବାଂଟା କିଦେଙ୍ଗ୍ କାମାୟ କିନାୟା ? ୧୧ ଆରେ ନଙ୍ଗ୍ ହୁଡ଼ାଟ୍, ମାପୁତି କେଇ ମି ଜପି ମାନାଡ଼, ଏପେଙ୍ଗ୍ କାଶା ଆଜି ଏଚେକ୍ ଗାଡ଼ି ପାତେକ୍ ଝେଡ଼ା ହୁଡ଼ୁଦେର ।”

ହେ ଦାପ୍ତେ ଗୁକଟା ଆରି ମାଜ୍‌ଗା ତାଙ୍ଗ୍ ତାବାୟ କିତାଡ଼, ଲାଗିଂ ତାଙ୍ଗ୍ କେଇ ଆସ୍ତି ହାଜି ଚଚେଂ କାଜିଂ ହେଝାନ୍ ଇନ୍‌ତିଂ ହାନ୍‌ତିଂ ବାଈବିକଲ୍ ଆଜି ମାନାୟତିଂ ତେକ୍‌ତେଂ ଲାଗାତାନ୍ । ୧୨ ହେ ସାସନ୍‌କାରୁୟା ଇ ଗର୍‌ଶା ହୁଡ଼ଜି ପାତର୍ କିତାନ୍ ଇନାକିଦେଂକି ମାପୁତି ସିକ୍ୟା ଝେନ୍‌ଞ୍ଜି କାବା ଆଜି ପାତର୍ କିତାନ୍ ।

ଆନ୍ତିୟକିଆତ ପିସିଦିଆନି ହେବାକାମାୟ

୧୩ ପାଚେ ପାଉଲ ଆରି ତା ହାଙ୍ଗଦାକାର ପାପ୍ ତରୁନି ବାହା ଏଜୁକା ହାଲ୍ଲି ପଂପୁଲିଆନି ପଗର୍ତ୍ତ ଖାତାନ୍; ଜହନ୍ ତରୁନି ମାର୍କ ହେଝାରିଂ ଇବେତାଂ ପିସ୍ତ୍ର ଜିରୁସାଲମ୍ତ ମାସ୍ଦି ହାଚାନ୍ । ୧୪ ହେଝାରି ପଗର୍ତ୍ତାଂ ହସି ଖାଜି ପିସିଦିଆନି ଆକ୍ରିୟକିଆତ ଇକାତାର, ଆରେ ଜମ୍ନିବାରତ କୁଚୁମ୍ ଇଞ୍ଜ ହାଲ୍ଲି କୁଚୁଚାର । ୧୫ ଆରେ, ବିଦି ଆରି ବେଶ୍‌ବାକ୍‌ଶାୟକିନାକାର ସାସ୍ତର ପଡ଼ିକିତି ପାଚେ ପାର୍ତ୍ତନା ଇଲ୍ଲିନି ମୁଣିକାର ହେଝାରିତି ତାକେ ସାସ୍ ହିଜି ଇଦାଂ ଖେଚିତି ପକ୍ତାନ୍, “ଚଣ୍ଡାର, ଦୁକ୍‌ସାରାୟ କିନାକା ଲକାର କାଜିଂ ଜଦି ଏପେଙ୍ଗ୍ ଇମ୍‌ଣି ବୁଜାନି କାତା ମାନାଡ଼, ଲାଗିଂ ଖେଚୁଚାର ।” ୧୬ ହେବେ ପାଉଲ୍ ନିଲ୍ଲିତି କେଇଦାଂ ଖାଚକା ଚଚି ଇଞ୍ଜେଙ୍ଗ୍ ଲାଗାତାନ୍,

“ଏ ଇସ୍ରାଏଲିୟ ଲକୁ ଆରି ଇସ୍ତରତିଂ ପାଣ୍ଡା ଆନାକାର, ପାଚର୍ କିଞ୍ଚି ଜିହୁଦି ନା କାତା ଖେନାଟ୍ । ୧୭ ଇ ଇସ୍ରାଏଲ୍ ଜାତିନି ଇସ୍ତର ମା ଆବାଲାତ୍ତାରିଂ ବାଚି କିତାନ୍, ଆରେ ହେଝାରି ମିସ୍ତର ଦେସ୍ତ ବାହା କିଜିମାନି ଖେଡାଲିଂ ହେଝାରିଂ ନିକ୍ତାନ୍, ଆରେ ସାଲ୍ଲିନି ବାପାଙ୍ଗ୍ ହୁଦାଂ ମିସ୍ତରତାଂ ହେଝାରିଂ କାତାୟ କିଜି ତାହିଝାତାନ୍ । ୧୮ ପାଚେ ରିକଡ଼ି ବାହୁଁ ପାଚେକ୍ ବାଚାତ ହେଝାନ୍ ହେଝାରିଂ ଚିନ୍ତା ହୁଆନ୍, ୧୯ ଆରେ କିଶାନ୍ ଦେସ୍ତ ସାଡ଼ଗା ଜାତିତିଂ ବୁଡାୟ କିଜି ତା ବାଚିକିତି ମାନାୟାରିଂ ହେ ଦେସ୍ ହିତାନ୍ ।” ୨୦ ଇଦାଂ ପାଚେ ବେଶ୍‌ବାକ୍‌ଶାୟକିନାକାର ସାମୁୟେଲ୍ ପାଚେକ୍ ବିଚାରକାରୟାରିଂ ବାଚି କିତାର ।

“ଇଦାଂ ପାଚେ ବେଶ୍‌ବାକ୍‌ଶାୟକିନାକାନ୍ ସାମୁଏଲ୍‌ତି ପାଚେକ୍ ବିଚାରକାରୟାରିଂ ବାଚି କିତାନ୍ । ୨୧ ତା ପାଚେ ହେଝାରି ର ରାଜା ଗାଟାଦେଂ କାଜିଂ ପାର୍ତ୍ତନା କିତାର, ଆରେ ଇସ୍ତର ରିକଡ଼ି ବାହୁଁ ପାଚେକ୍ ବିନ୍ୟାମିନ୍ କୁଚୁମ୍ କିସ୍ତ୍ର ମେହି ସାଉଲ୍‌ତିଂ ହେଝାନ୍ ହିତାନ୍ । ୨୨ ପାଚେ ଇସ୍ତର ହେଝାନିଂ ଗାଦିତାଂ ଜୁଡ଼ି ହେଝାରିତି ରାଜା ଆଦେଂ କାଜିଂ ଦାଉଦ୍‌ତିଂ ନିକ୍ତାନ୍; ହେଝାନ୍ ପା ତା ବିସ୍ତେ ସାକି ହିଜି ଇଚାନ୍, ଆନ୍ ଜିସ୍ତତି ମେହି ଦାଉଦ୍ ଗାଟାତାପ୍ନା, ହେଝାନ୍ ମା ମାତ୍ର କାତା ଇନାନ୍, ହେଝାନ୍ ଖିଜୁ ବିସ୍ତେ ହାଂଜି ନା ଇଚା ମାନି କିନାନ୍ ।” ୨୩ ତା ଲାତ୍ରାତାଂ ଇସ୍ତର ପାର୍ମାଣ୍ ହୁଦାଂ ଇସ୍ରାଏଲ୍ କାଜିଂ ରଞ୍ଜାନ୍ ମୁକ୍ତିକିନାକାନ୍ ଇତିସ୍ ଜିସ୍ତତିଂ ଉଦ୍‌ଜାଣ୍ କିତାନ୍ନା । ୨୪ ✽ ଜିସ୍ତ ତା କାମାୟ ଆରମ୍ କିନି ଆଗେ ଜହନ୍ ସବୁ ଇସ୍ରାଏଲ୍ ଲକୁତାକେ ଆକ୍‌ଚୁ ମାନ୍‌ବାଦ୍‌ଲାୟନି ବାପ୍ରିସିମ୍ ସୁଶାୟ କିଜି ମାଚାନ୍; ୨୫ ✽ଆରେ, ଜହନ୍ ଜାର କିତି କାମାୟ କିଉ କିଉ ଇଚାନ୍, “ଆନ୍ ଇନେନ୍ ଇଞ୍ଜି ଏପେଙ୍ଗ୍ ବାବି କିନାଦେରା, ଆନ୍ ହେଝାଙ୍ଗ୍ ଆକାୟ । ମତର୍ ହୁଡାଟ୍, ନା ପାନାନି ପାଣ୍ଡାଈଙ୍ଗ୍ ତରି ରିକ୍ତେଂ ଆନ୍ ସମାନ୍ ଆକାୟ ।”

୨୬ “ଏ ଚଣ୍ଡାର, ଅବାହାମ୍‌ତି ଲାତ୍ରାନି ହିମ୍‌ଶାଞ୍ଜକ୍ତା ଆରି ମି ବିତ୍ରେତାଂ ଇସ୍ତରତିଂ ପାଣ୍ଡା ଆନାକାର ମା ଲାଗେ ଇ ମୁକ୍ତିନି ବଚନ୍ ପଦ୍ୟା ଆତାଡ଼ନା । ୨୭ ଇନାକିଦେଂକି ହେଝାନ୍ ଜେ ମୁକ୍ତାତି ମୁଣିକା ଇଲ୍ ପୁନ୍‌ଖାଦାଂ ମାଚାର ଜିରୁସାଲମ୍ତ ବାହା କିନାକାର ଆରେ ହେଝାରିତି ବିଚାର କାରୟା ହେଝାନିଂ, ଆରେ ନିତ୍ରେ ଜମ୍ନିବାରତ ପାଟ୍ ପଡ଼ିକିନାକା ବେଶ୍‌ବାକ୍‌ଶାୟକିନାକାର ବଚନ୍ ସବୁ ପୁନ୍‌ଖିତିଲେ ହେଝାନିଂ ଦସି କିଜି ହେ ଖିଜୁ ପୁରା କିତାନ୍, ୨୮ ✽ଆରେ, ହେଝାନ୍ତି ପାରାଣ୍ ତାଣ୍‌ନି ଇମ୍‌ଶାକା ପା ନିଂ ଗାଟାଞ୍ଜିତିଲେ ହେଝାନିଂ ଅସ୍ତେଙ୍ଗ୍ କାଜିଂ ପିଲାତଙ୍ଗ୍ ଗଞ୍ଜାରି କିତାର । ୨୯ ✽ଆରେ, ହେଝାନ୍ତି ବିସ୍ତେ ଦର୍ମ ସାସ୍ତରତ ଇନାକା ସବୁ ଲେକା ଆତାଡ଼ନା, ହେ ଖିଜୁ ହେଝାରି ପୁରା କିତି ପାଚେ ହେଝାନିଂ କୁସ୍ତାଂ ଜୁଡ଼ି ତାହି ଦୁଗେଚ୍‌ତ ମୁଚୁଚାର । ୩୦ ମାତର୍ ଇସ୍ତର ହେଝାନିଂ ହାତାକାରତାଂ ନିକ୍ତାନ୍ନା, ୩୧ ✽ଆରେ, ଇମ୍‌ଶାକାର ହେଝାନ୍ତି ହୁଦାଂ ଗାଲିଲିତାଂ ଜିରୁସାଲମ୍ତ ଖାଜି ମାଚାର, ହେଝାରି ବେସି ଦିନ୍ ପାଚେକ୍ ହେଝାନିଂ କେଚକଣ୍ ପାୟାତାର; ହେଝାରି ନଙ୍ଗ୍ ଇସ୍ରାଏଲ୍ ମାନାୟାର ଲାଗାଂ ହେଝାନ୍ତି ସାକି ଆନାପ୍ । ୩୨ ଆରେ, ଆବାଲାତ୍ତାତି ଲାଗେ କିତି ପାର୍ମାଣ୍ ବିସ୍ତେ ଆପେଂ ମିଙ୍ଗେଙ୍ଗ୍ ଇ ନେକ୍ରିକାରୁର୍ ଖେଚୁଚାନାପା, ୩୩ ଇସ୍ତର ଜିସ୍ତଙ୍ଗ୍ ନିକ୍ତି ହେଝାରିତି ହିମ୍‌ଶାଂ ଜେ ଆସେଙ୍ଗ୍, ମା କାଜିଂ ହେ ପାର୍ମାଣ୍ ପୁରା କିତାନ୍ନା, ଇନେସ୍ ଗିତ ସଂଗିତା ଦୁଇ ବାଗ୍‌ତ ନାୟ୍‌ତ ପା ଲେକାମାନାଡ଼,

ଏନ୍ ନା ମାଜି,
 ନେଞ୍ଜେଙ୍ଗ୍ ଆନ୍ ନିଂ ଆବା ଆତାଂନା ।”
 ୩୪ ଆରେ ଦୁଗେଚ୍‌ତ ବୁଡାଦେଂ ପିସ୍ତ୍ର ହିଝାଦାଂ ହେଝେନିଂ ହାକିତାଂ ନିକ୍ତେଂ ଇସ୍ତର ଇ କାତା ଇଚାନ୍;
 ଦାଉଦ୍ ହିଜି ମାନି ପାଚର୍ ଇସାବ୍ରେ
 ଆନ୍ ମିଙ୍ଗେଙ୍ଗ୍ ପୁଇପୁୟା ଆରି ହାଡ଼ପା ଦୟା ଦାନ୍ କିଦ୍‌ନାଙ୍ଗ୍ ।
 ୩୫ ଆରେ, ହେଝାନ୍ ପା ଆରେ ରଞ୍ଜାଙ୍ଗ୍ ନାୟ୍‌ତ ଇଚାନ୍ନା,
 “ଏନ୍ ଜାର ପୁଇପୁୟା ହେବାକାରରିଂ ନସ୍ ଆଦେଂ ହିଉୟ ।”

✽ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩. ✽ ୧୩:୨୫ ୧୩:୨୫ ଜହନ୍ ୧:୨୦; ମାତିଉ ୩:୧୧; ମାର୍କ ୧:୭; ଲୁକ ୩:୧୬; ଜହନ୍ ୧:୨୭.
 ✽ ୧୩:୨୮ ୧୩:୨୮ ମାତିଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜହନ୍ ୧୯:୧୫. ✽ ୧୩:୨୯ ୧୩:୨୯ ମାତିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୨; ଜହନ୍ ୧୯:୩୮-୪୨. ✽ ୧୩:୩୧ ୧୩:୩୧ ପଦ୍ୟାତାକା ୧:୩.

୩୭ ଦାଉଦ ତ ଜାର ହାରି ଝେଡାନି ମାନାୟାର ବିତ୍ରେ ଇସ୍ବରତି କିତି ଆଗେ ହୁଦା ହେବାକିନାକା କାମାୟ କିତିପାଟେ କାଣ୍ଡୁକୁଞ୍ଚାନ ଆରି ଜାର ଆବା ଲାତ୍ରାର ଲାଗେ କବର ପାୟା ଆଜି ଜିରା ଆତାନ; ୩୮ ମାତର ଇନେରିଂ ଇସ୍ବର ନିକତାନ୍ନା, ହେଞ୍ଜାନ ନସ୍ବ ଆଞ୍ଜାତାନ୍ନା । ୩୯ ଲାଗିଂ, ଏ ଟଣ୍ଡାର ଏପେଙ୍ଗ ପୁନାଟ୍, ମସାତି ଲାହାଂ ମୁକ୍ତା ଆଦେଂ ଆଡ଼ଞ୍ଜାତାର, ମାପୁ ଜିସୁ ହୁକେ କେବଲ୍ ପାପ୍ କେମାନି ଆପେଂ ପର୍ରାର କିୟା ଆନାତା । ୪୦ ମସାତି ବିଦି ହୁଦାଂ ପାପ୍ କେମା ପାୟାଞ୍ଜିତି ଝିଜାର ହେ ଜିସୁ ହୁକେ ପାତ୍ କିନି କାଜିଂ ହେ ପାପ୍ କେମା ପାୟାନାର ଇଦାଂ ଏପେଙ୍ଗ୍ ବୁଜାନି ଲଡା । ୪୦ ଲାଗିଂ ଜାଗ୍ରତ୍, ଏଚେକାଡ଼ଦ୍ ବେଶବାକ୍ଷାୟକିନାକାର ସାସ୍ବରତ୍ ଇନାକା ଇନ୍ୟାତାଡ଼ନା, ହେଦାଂ ଇନେସ୍ ମି କାଜିଂ ଗିଟାମେଡ୍,

୪୧ “ଏ ମାନିକିଞ୍ଜି ଲଗୁ,

ଏପେଙ୍ଗ୍ ହୁଡ଼ଜି, ଆରେ କାବା ଆଜି ନସ୍ବ ଆତୁ;

ଲାଗିଂ ଆନ୍ ମି ଝେଡାଲିଂ ର କାମାୟ ପୁରା କିତାଂନା,

ଜଦି ଇନେର୍ ହେ କାମାୟ ମି ତାକେ ହାୟାୟ କିତିସ୍,

ଞ୍ଜାଟିଙ୍ଗ୍ ଏପେଙ୍ଗ୍ ମୁଡ଼କେ ହେଦେଲିଂ ପାତ୍ କିମାଟ୍ ।”

୪୨ ପାଉଲ୍ ଆରି ବର୍ଣ୍ଣବା ହସି ହାନି ଝେଡାଲିଂ, ଇନେସ୍ ଆକାଡ଼ ଜମ୍ନିବାରତ ହେ ସବୁ ବଚନ୍ ହେଞ୍ଜାରିଂ ଇନ୍ୟାନାଡ଼ ? ଇଦାଂ କାଜିଂ ହେଞ୍ଜାର ଗଞ୍ଜାରି କିଦେଙ୍ଗ୍ ଲାଗାତାର । ୪୩ ମିଟିଂ ଇଲ୍ ଝିଜୁଡି ପାଟେ ଜିହୁଦି ଆରି ଜିହୁଦି ମାଡ଼ଣିୟାର ପାତ୍ କିଞ୍ଜି ଜିହୁଦିର ବିତ୍ରେ ବେସି ପାଉଲ୍ ଆରି ବର୍ଣ୍ଣବାତି ପାଟେ ପାଟେ ହାଟାର, ହେଞ୍ଜାର ପଦ୍ୟାତାକାରିଂ ହୁକେ କାତାବାଟା କିଜି ଇସ୍ବରତି ଦୟାତ ତିର୍ ଆଜି ମାଞ୍ଜେଙ୍ଗ୍ ହେଞ୍ଜାରିଂ ରାଜି କିକିତାର ।

୪୪ ଆରେ, ଆକାଡ଼ ଜମ୍ନିବାରତ ଝିଜାକାର ଗାଡ଼ନି ଲକୁ ମାପୁତି ବଚନ୍ ଝେଞ୍ଜେଙ୍ଗ୍ କାଜିଂ ରୁଣ୍ଡା ଆତାର । ୪୫ ମାତର ଜିହୁଦିର ମାନାୟାରିଂ ହୁଡ଼ଜି ରିସାତ ବାତ୍ ଆତାର, ଆରେ ନିୟା କିଉ କିଉ ପାଉଲ୍ଜି କାତାତ ଆତୁଙ୍ଗ୍ ଆଦେଂ ଲାଗାତାର । ୪୬ ହେବେଣ୍ଡା ପାଉଲ୍ ଆରି ବର୍ଣ୍ଣବା ସାସ୍ବତାଂ ଇଟାର, ଆଗେ ମି ଲାଗେ ଇସ୍ବରତି ବଚନ୍ ଇନାକା ମାତାଡ଼; ଏପେଙ୍ଗ୍ ହେଦାଂ ମୁନାକିଜି ଜାର ଜାରତିଂ ଝିଜୁଞ୍ଜି ଜିବୁନ୍ନି ଆଡ଼କାଡ଼ ଇଞ୍ଜି ବିଚାର କିଜି ମାଟିଲେ, ହୁଡ଼ାଟ୍, ଆପେଂ ପାତ୍ କିଞ୍ଜି ଜିହୁଦି ତାକେ ହାନାପା, ୪୭ ଇନାକିଦେଂକି ମାପୁ ମାଂ ଇ ବାନି ବଲ୍ ହିଡ଼ତାଣ୍ଡା,

“ଆପେଂ ପାତ୍ କିଞ୍ଜି ଜିହୁଦି ଅଜଡ଼ ଲାକେ ମିଙ୍ଗ୍ ରଚ୍ଚାତାପୁନା,

ଇନେସ୍ ଏପେଙ୍ଗ୍ ପୁଡ଼ି ନି ହାନ୍ଦି ପାଟେକ୍ ମୁଲ୍ଲିନି ଲାକେ ଆନାଦେର୍ ।”

୪୮ ପାତ୍ କିଞ୍ଜି ଜିହୁଦିର ଇଦାଂ ଝେନ୍ଞି ଞ୍ଜାୟା ଆତାର; ଆରେ, ମାପୁତି ବଚନ୍ନି ଜାଜ୍ମାଲ୍ କିଦେଙ୍ଗ୍ ଲାଗାତାର, ଆରେ ଏଚେକ୍ ମାନାୟା ଝିଜୁଞ୍ଜି ଜିବୁନ୍ନି କାଜିଂ ବାଟିକିୟା ଆଜି ମାଗାଦେର୍, ହେଞ୍ଜାର ପାତ୍ କିତାର,

୪୯ ଆରେ ଝିଜୁ ନିପ ମାପୁତି ବଚନ୍ ମେଙ୍ଗ୍ଜି ହାତାଡ଼ । ୫୦ ମାତର ଜିହୁଦି ଦରମ୍ ପାତ୍ କିଞ୍ଜି ଜିହୁଦିର ଗାଜା କଗ୍ଲେକାଂ ଆରି ଗାଡ଼ନି ମୁଡ଼ଦି ମୁଡ଼ଦି ମୁଣିକାରିଂ ଜିହୁଦିର ଚେଗାୟ କିତାର, ଆରେ ପାଉଲ୍ ଆରି ବର୍ଣ୍ଣବାତି ଜପି ନିୟା ଗିଟାୟ କିଜି ଜାର ହାନ୍ଦିତାଂ ହେଞ୍ଜାରିଂ ହପ୍ତି ତୁହିତାର । ୫୧ ହେବେଣ୍ଡା ପଦ୍ୟାତାକାର ଜାର ଜାର ପାନାନି ଦୁଡ଼ି ହେଞ୍ଜାର ବିରୁଦ୍ଦତ ଡାଡ଼ତି ଇକନିୟତ ହାଟାର, ୫୨ ଆରେ ଆନ୍ତିକିୟ ଚେଲାର ଞ୍ଜାରିତ ଆରି ପୁଇପୁୟା ଜିବୁନ୍ନତ ବାତ୍ ଆଦେଂ ଲାଗାତାର ।

୧୪

ଇକନିୟତ ହେବାକାମାୟ

୧ ଇକନିୟତ ପା ହେ ଲାକେ ଗିଟାତାଡ଼; ପାଉଲ୍ ଆରି ବର୍ଣ୍ଣବା ଜିହୁଦିର ପାର୍ତାନା ଇଞ୍ଜି ହଣ୍ଡି ଏଲେଙ୍ଗ୍ ପର୍ରାର କିତାର ଜେ, ଜିହୁଦି ଆରି ଗ୍ରିକ୍ତି ବିତ୍ରେ ବେସି ଲକୁ ପାତ୍ କିତାର । ୨ ମାତର ଇମ୍ଣି ଜିହୁଦିର ପାତ୍ କିଞ୍ଜାତାର, ପଦ୍ୟାତାକାର ପାତ୍ କିଞ୍ଜି ଜିହୁଦି ଞ୍ଜାୟାତିଂ ଚିତଲାୟ କିଜି ଟଣ୍ଡାର ବିରୁଦ୍ଦତ ବାନ୍ୟା ବାବ୍ନା ହପ୍ତି ହିଟାର । ୩ ପାଉଲ୍ ଆରି ବର୍ଣ୍ଣବା ବେସି ଦିନ୍ ପାଟେକ୍ ହେ ବାହାତ ମାନ୍ଞି ମାପୁତି ଜପି ବାସ୍ କିଜି ସାସ୍ବତାଂ ପର୍ରାର କିତାର; ଆରେ, ହେଞ୍ଜାରତି କେଇ ହୁଦାଂ ବାବ୍ନିନ୍ ତିନ୍କୁ ଆରି କାବାନି କାମାୟ କିଜି ଜାର ଦୟାନି ବଚନ୍ ପାକ୍ୟାତ ସାକି ହିଟାର । ୪ ମାତର ଗାଡ଼ନି ଲକୁ ରିବାଗ୍ ଆତାର, ହେଞ୍ଜାର ବିତ୍ରେତାଂ କେଡ଼ଜାଣ୍ଡି ଜିହୁଦିରିଂ ଆରି କେଡେକ୍ ପଦ୍ୟାତାକାରିଂ ବାଟି କିତାର ।

☆ ୧୩:୫୧ ୧୩:୫୧ ମାତିଉ ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧.

୫ ଏତେକାତ୍ମ୍ୟ ପାତକିଞ୍ଚି ଜିହୁଦିର ଆରି ଜିହୁଦିର ହେଞ୍ଜାରିତି ମୁଣିକା ହୁଦାଂ ହେଞ୍ଜାତ ଉତ୍ପାତ୍ କିଦେଙ୍ଗ ଆରି କାଲକୁ ଇତ୍ତଦେଂ ତିର କିତାର, ୬ ହେ ଏତେକାତ୍ମ୍ୟ ପଦ୍ୟାତାକାନ୍ ହେଦାଂ ପୁଞ୍ଜି ଲୁକାୟନିଆନି ଲୁସ୍ତା ଆରି ଦର୍ଦ୍ଦ ଗାଡ଼, ଆରେ ଚାରିବେଣ୍ଡି ନିପ ହନ୍ତି ହାଚାର, ୭ ଆରେ ହେଞ୍ଜାର ନେକ୍ତିକାରୁର ସୁଣାୟ କିଦେଙ୍ଗ ଲାଗାତାର ।

ଲୁସ୍ତା ଆରି ଦର୍ଦ୍ଦ ପାତଲ ଆରି ବର୍ଣ୍ଣବା

୮ ଲୁସ୍ତାତ ରଞ୍ଜନ ମାନାୟ ମାଚାନ, ହେଞ୍ଜାନ୍ତି ପାନା ବେମାର, ହେଞ୍ଜାନ୍ ଆୟା ପଟତାଂ ଚଟା, ଆରେ ହେଞ୍ଜାନ୍ ଇନାଞ୍ଜାତାଂ ତାଂଞ୍ଜାଦାଂ ମାଚାନ । ୯ ହେ ମାନାୟ ପାତଲ୍ଲତି ପରଚାର ଖେନ୍ଞି ମାଚାନ । ପାତଲ୍ଲ ତାଙ୍ଗ ମିଟ୍ଟିଞ୍ଜାଦାଂ ହୁଡ଼ି ଉଦ୍ ଆନି କାଜିଂ ତା ପାତଲ୍ଲ ମାଚିଲେ ହୁଡ଼ି ଗାଜା କାଟତାଂ ଇଚାନ । ୧୦ ପାତଲ୍ଲ ଗାଜାକାଟତାଂ ଇଚାନ “ପାନାତ ବଦ୍ ହିଜି ହାଣକୁ ଆଜି ନିଲା ।” ହେବେ ହେଞ୍ଜାନ୍ ଚାରବେଣ୍ଡତାଂ ତାଂଦେଂ ଲାଗାତାନ । ୧୧ ପାତଲ୍ଲ ଇନାକା କିତାନନ୍ନା, ଲକୁର ହେଦାଂ ହୁଡ଼ି ଲୁକାୟନିଆ ବାସାତ ଗାଜାକାଟତ ଇଞ୍ଜେଙ୍ଗ ଲାଗାତାନ, “ପେନ୍କୁ ମାନାୟ ଲାକେ ମା ବିତ୍ତେତାଂ ଜୁଜି ଖାତାନ୍ନା ।” ୧୨ ହେଞ୍ଜାର ବର୍ଣ୍ଣବାତିଂ ଜିଅସ୍ ନଲେ ପେନ୍କୁ ଆରି ପାତଲ୍ଲ ମୁଡ଼ଦାକାନ୍ ମାଚିଲେ ହେଞ୍ଜାନିଂ ହେରମିସ୍ ନଲେ ବାଗ ପେନ୍ ଇଞ୍ଜି ଇଚାର । ୧୩ ଗାଡ଼ ମୁମ୍ଦ ମାନି ଜିଅସ୍ ମନ୍ଦିରତ ମାପୁହେବାକିନାକାନ୍ କେତେକ୍ ସଣ୍ଡ ଆରି ପୁଇମାଡ଼ ନି ଦୁଞ୍ଜେର ଲାଗେ ତାହି ଖାଜି ପଦ୍ୟାତାକାନ୍ ହୁଦାଂ ପୁଜା ହିଦେଂ ମାନ୍ କିଜି ମାଚାର ।

୧୪ ମାତର ପଦ୍ୟାତାକାନ୍, ଇତିସ୍ ବର୍ଣ୍ଣବା ଆରି ପାତଲ୍ଲ ଇଦାଂ ଖେନ୍ଞି ଜାର ଜାରତିଂ ହେନ୍ନା କେଟ୍ଟି ଲକୁ ବିତ୍ତେ ବେଗି ହଞ୍ଜିହାଲ୍ଲି ଗାଜାକାଟତାଂ ଇଞ୍ଜେଙ୍ଗ ଲାଗାତାର; ୧୫ “ଏ ଗାଜାକାଦେର, ଇନାକିଦେଂ ଇ ଖିଜୁ କିନାଦେରା ? ଆପେଂ ପା ମି ଲାକେ ମାନାୟକାପ୍, ମି ଲାଗାଂ ଇ ନେକ୍ତିକାରୁର ପରଚାର କିତାପ୍, ଇନେସ୍ ଏପେଙ୍ଗ ଇ ସବୁ ଆହାର ଆଡ଼ମାଡ଼ତାଂ ମାସ୍ଦି ଜିଜି ମାନାକା ଇସ୍ପରତି କାଜିଂ ମାସ୍ଦାନାର । ହେଞ୍ଜାନ୍ ବାଦାଡ଼ତ ସବୁ, ପୁଡ଼ି, ହାମ୍ପୁର ଆରି ହେ ସବୁତ ମାନି ଖିଜୁ ଉବ୍ଜାଣ୍ କିତାନନ୍ନା; ୧୬ ହେଞ୍ଜାନ୍ ଆଗେତାଂ ଆଣ୍ଟା ଦାରାମେରା ଖିଜୁ ଜାତିନି ଲାଗାଂ ଜାର ଜାର ହାସ୍ଦ ତାଂଦେଂ ପିସ୍ତି ହିଜି ମାଚାନ । ୧୭ ଆତିସ୍ପା ହେଞ୍ଜାନ୍ ଜାରତିଂ ସାକି ହିଲ୍ଲି କାଜିଂ ଇଟ୍ଟାତାନ୍ନା, ଇନାକିଦେଂ ହେଞ୍ଜାନ୍ ହାର କିଡ଼ତାନନା, ଆରେ ଆକାସ୍ତାଂ ବାହା ଆରି ପାଡ଼ିନି କାଡ଼ ହିଜି ଇଟ୍ଟାତ୍ ଆରି ଖାରିତାଂ ମିଙ୍ଗେଙ୍ଗ ମାନ୍ତ ସାରି କିଡ଼ତାନନା ।” ୧୮ ଇ ସବୁ କାତା ଇଞ୍ଜି ହେଞ୍ଜାର ବେସି କସ୍ତ ହେଞ୍ଜାର କାଜିଂ ପୁଜା କିତିଲେ ଲକୁରିଂ ଚିମରା କିତାନ ।

୧୯ ମାତର ଆନ୍ତିୟକିଆ ଆରି ଇକନିୟତାଂ ହେବେ ଜିହୁଦିର ଖାଜି ଲକୁରିଂ ବୁଜାୟ କିତାର, ଆରେ ପାତଲ୍ଲତିଂ କାଲକୁ ଇଡ଼ି ହେଞ୍ଜାନ୍ ହାତାନ୍ନା ଇଞ୍ଜି ବାବି କିଜି ବାଡ଼ ଜେଲ୍ଲି ଅଚାର । ୨୦ ମତର ତେଲାର ହେଞ୍ଜାନିଂ ଚାରବେଣ୍ଡତାଂ ନିଲ୍ଲତିଲେ ହେଞ୍ଜାନ୍ ନିଂଜି ଗାଡ଼ଦ୍ ହଚାନ । ଆକାଡ଼ ନାଜିଂ ବର୍ଣ୍ଣବାତି ହୁଦାଂ ଦର୍ଦ୍ଦ ହସି ହାଚାର ।

ସିରିଆନି ଆନ୍ତିୟକିଆତ ମାସ୍ଦି ଖାନାକା

୨୧ ପାତଲ୍ଲ ଆରି ବର୍ଣ୍ଣବା ହେ ଦର୍ଦ୍ଦ ନେକ୍ତିକାରୁର ସୁଣାୟ କିଜି ଆରି ହେନିରିଂ ତେଲା ଆତାକା ପାତେ ଲୁସ୍ତା, ଇକନିୟ ଆରି ଆନ୍ତିୟକିଆତ ମାସ୍ଦି ଖାତାର, ୨୨ ଆରେ, ହେ ବାହାକାଂ ତେଲାର୍ଡି ଖାସ୍ତିତିଂ ସୁସ୍ତା କିତାର ଆରି ପାତଲ୍ଲ ତାଟ୍ ମାନି କାଜିଂ ହେଞ୍ଜାରିଂ ଖାରିକିୟ କିଜି ଇଚାର, ବେସି ଦୁକ୍ କସ୍ ପା ହିଜି ମାଂ “ଇସ୍ପରତି ରାଜିତ ହଣ୍ଡେଙ୍ଗ ଆନାଡ଼ ।” ୨୩ ଆରେ, ହେଞ୍ଜାର ହେଞ୍ଜାର କାଜିଂ ଜାଣ୍ଡକେ ମଣ୍ଡଲିତ ପ୍ରାଚିନାରିଂ ବାଟି କିଜି ଉପାସ୍ ହୁଦାଂ ପାର୍ତାନା କିତାର, ଆରେ ଇମ୍ଣି ମାପୁ ତାକେ ହେଞ୍ଜାର ପାତଲ୍ଲ କିଜି ମାଚାର, ହେଞ୍ଜାନ୍ତି କେଇଦ ହେଞ୍ଜାରିଂ ହେଲାୟ କିତାର ।

୨୪ ପାତେ ହେଞ୍ଜାର ପିସିଦିଆ ନିପ ହିଜି ପଂପୁଲିଆତ ଖାତାର, ୨୫ ଆରେ ପର୍ଗିତ ବଚନ୍ ପରଚାର କିଜି ଆତାଲିଆତ ହାଚାର । ୨୬ ହେବେତାଂ ଜାଜତ ଦୁମ୍ପି ହେଞ୍ଜାର ଆନ୍ତିୟକିଆତ ମାସ୍ଦି ଖାତାର, ହେଞ୍ଜାର ଇମ୍ଣି କାମାୟ କିଜି ମାଚାର, ହେଦାଂ କିନି କାଜିଂ ଇସ୍ପରତି ଦୟାତ ହେଲାୟ କିୟା ଆଜି ହେ ବାହାତାଂ ହସି ମାଚାର ।

୨୭ ହେଞ୍ଜାର ଆନ୍ତିୟକିଆତ ଏକିସ୍ ମଣ୍ଡଲିନି ମାନାୟାରିଂ ରବେ କିତାର, ଇସ୍ପର ହେଞ୍ଜାର କାଜିଂ ଇନାକା ସବୁ କିଜି ମାଚାଡ଼ ଆରି ପାତଲ୍ଲ କିଞ୍ଚି ଜିହୁଦିର କାଜିଂ ପାତଲ୍ଲ ନି ଦୁଞ୍ଜେର ଇନେସ୍ ଜେସି ମାଚାର ହେ ସବୁ ହେଞ୍ଜେକାଂ ଖେଟ୍ଟଚାର । ୨୮ ଆରେ, ହେଞ୍ଜାର ତେଲାର୍ ହୁଦାଂ ବେସି ଦିନ୍ ପାତେକ୍ ମାଚାର ।



୧ ଇଦଂ ବିଦ୍ରେ ଏଚେକ୍ ଲକ୍ଷ୍ମ ଜିହ୍ୱଦା ରାଜିତାଂ ଖାଜି ପାତର୍ କିନି ଟଣ୍ଡାର୍ ରିଂ ଇ ହିକ୍ୟା ହିଦେଂ ଲାଗାତାର୍, “ମସାତି ବିଦି ଇସାପ୍ରେ ଏପେକ୍ ସୁନ୍ନତ୍ ଆଞ୍ଜିତିସ୍ ରାକ୍ୟା ପାୟାଦେଂ ଆତୁଦେର୍ ।” ୨ ଇବେ ପାଉଲ୍ ଆରି ବର୍ଣ୍ଣବାତି ହେଞ୍ଜାର୍ ହୁକେ ବେସି ଜିକାଟାଣା ଆରି କାତାତ ଜିକାଜିକି ଆତିଲେ ଟଣ୍ଡାର୍ ପାଉଲ୍ ବର୍ଣ୍ଣବ୍ବା ଆରି ଜାର୍ ବିଦ୍ରେ ଆରେ ଏଚେଜାଣ୍ ଇ ପର୍ସନ୍ ଅଜି ଜିରୁସାଲମ୍ତ ପଦ୍ୟାତାକାର୍ ଆରି ପ୍ରାଚିନାର୍ ଲାଗେ ହାଲେର୍ ଇଞ୍ଜି ତର୍ କିତାର୍ ।

୩ ଲାଗିଂ, ମଣ୍ଡଲି ହେଞ୍ଜାରିଂ ହାଜି ଚର୍ଚ୍ଚି ହେଲ୍ ହିତି ପାଚେ ହେଞ୍ଜାର୍ ପୈନିକିଆ ଆରି ସମିରଣ୍ ହିଜି ହାଲୁ ହାଲୁ ପାତର୍ କିଞ୍ଜି ଜିହ୍ୱଦିର୍ ମାନ୍ବାଦଲ୍ଲୟ୍ ବିସ୍ତେ ହାୟାୟ୍ କିଜି ଖିଜାର୍ ଟଣ୍ଡାର୍ତି ବେସି ଖାରିହପ୍ତାର୍ । ୪ ପାଚେ ହେଞ୍ଜାର୍ ଜିରୁସାଲମ୍ତ ଇକିସ୍ ମଣ୍ଡଲି, ଆରେ ପଦ୍ୟାତାକାର୍ ଆରି ପ୍ରାଚିନାର୍ ହୁଦାଂ ବାୟାୟ୍ ପାୟାତାର୍, ଆରେ ଇସ୍ୱର୍ ହେଞ୍ଜାର୍ ଲାହାକ୍ ମାନ୍ଞି ଇନେସ୍ ଖିଜୁ କାମାୟ୍ କିଜି ମାତାନ୍, ହେ ସବୁ ହାୟାୟ୍ କିତାର୍ । ୫ ମାତର୍ ପାରୁସି କୁଦାନି କେତେକ୍ ଜାଣ୍ ପାତର୍ ନିକାର୍ ନିଂଜି ଇଚାର୍, “ପାତର୍ କିଞ୍ଜି ଜିହ୍ୱଦିର୍ ଚେଲାର୍ ସୁନ୍ନତ୍ କିନାସ୍ ଆରି ମସାତି ବିଦି ମାନି କିଦେକ୍ କାଜିଂ ହେଞ୍ଜାରିଂ ବଲ୍ ହିନାକା ଲଡା ।”

୬ ପାଚେ ଇ ବିସ୍ତେ କାତାବାର୍ତ୍ତା କିନି କାଜିଂ ପଦ୍ୟାତାକାର୍ ଆରି ପ୍ରାଚିନାର୍ ରୁଣ୍ଡା ଆତାର୍ । ୭ ଶ୍ରେସି କାତାବାର୍ତ୍ତା ଆତି ପାଚେ ପିତର୍ ନିଂଜି ହେଞ୍ଜାରିଂ ଇଚାନ୍, “ଏ ଟଣ୍ଡାର୍, ତଣ୍ଡେକ୍ ଏପେକ୍ ପୁଟାଦେଣ୍ଡା ଜେ, ନା ଖେଇ ହୁଦାଂ ପାତର୍ କିଞ୍ଜି ଜିହ୍ୱଦିର୍ ଇନେସ୍ ନେକ୍ଟିକାରୁର୍ ଖେନ୍ଞି ପାତର୍ କିତାର୍, ଇଦାଂ କାଜିଂ ବେସି ଦିନ୍ ଆଗେ ଇସ୍ୱର୍ ବିଦ୍ରେତାଂ ନାକ୍ ବାଚି କିଡ଼ତାନ୍ନା । ୮ ଶ୍ରେସି ପୁନି ଇସ୍ୱର୍ ମାଂ ଇନେସ୍ ପୁଇପୁୟା ଜିବୁନ୍ ହିଡ଼ତାନ୍ନା, ପାତର୍ କିଞ୍ଜି ଜିହ୍ୱଦିର୍ ପା ହେ ଲାକେ ହିଜି ହେଞ୍ଜାର୍ ପାକ୍ୟାତ ସାକି ହିନାମା । ୯ ଆରେ, ହେଞ୍ଜାନ୍ ମାଂ ଆରି ହେଞ୍ଜାର୍ ବିଦ୍ରେ ଇନାକାପା ବିନ୍ ତାରେନ୍ ଇଟ୍ଞାଦାଂ ପାତର୍ ହୁକେ ହେଞ୍ଜାର୍ ମାନ୍ତ ସକର୍ କିତାନ୍ନା । ୧୦ ଲାଗିଂ ଇମଣି ଜୁଞ୍ଜାଣ୍ଡତ ମାଂ ଆବା ଲାଡା ଆରି ଆସେକ୍ ପିଶ୍ଦେଂ ସାଲ୍ଲି ହିଲୁଡ୍, ହେ ଜୁଞ୍ଜାଣ୍ଡ ଚେଲାର୍ ନିପିତ ହିଜି ଇନାକିଦେଂ ଏପେକ୍ ଇସ୍ୱର୍ତି ପରିକ୍ୟା କିନାଦେରା ? ୧୧ ଆକାୟ୍ ଇଦାଂ ସମାନ୍ ଆକାୟ୍ ହେଞ୍ଜାର୍ ଇନେସ୍ ପାତର୍ କିଜି ରାକ୍ୟା ଆତାଣ୍ଡା, ଆପେଂ ପା ସମାନ୍ ହେ ଲାକେ ପାତର୍ କିଜି ମାପୁ ଜିସୁତି ଉପକାର୍ ଦୟା ପାୟାତାପ୍ନା ।”

୧୨ ଇବେ ସବାନିକାର୍ ଚିମ୍ବା ଆତାର୍, ଆରେ ବର୍ଣ୍ଣବା ଆରି ପାଉଲ୍ ହୁଦାଂ ପାତର୍ କିଞ୍ଜି ଜିହ୍ୱଦିର୍ ବିଦ୍ରେ ଇସ୍ୱର୍ ଇନେସ୍ ଖିଜୁ ଚିନ୍କୁ ଆରି କାବାନି କାମାୟ୍ କିଜି ମାତାନ୍, ହେଞ୍ଜାର୍ ତାକ୍ ହେବେନି ବିସ୍ତେ ଖେଞ୍ଜେକ୍ ଲାଗାତାର୍ । ୧୩ ହେଞ୍ଜାର୍ କାତା ଖିସ୍ତି ପାଚେ ଜାକୁର୍ ଉତର୍ ହିଜି ଇଚାନ୍, “ଏ ଟଣ୍ଡାର୍, ଆରି ତଣ୍ଡେକ୍ ନା କାତା ଖେନାଟ୍ । ୧୪ ଇସ୍ୱର୍ ଜାର୍ ତର୍ କାଜିଂ ପାତର୍ କିଞ୍ଜି ଜିହ୍ୱଦିର୍ ବିଦ୍ରେତାଂ କୁଦା ମାନାୟ୍ ଇଟ୍ଞାଦେଂ ଇଞ୍ଜି ଇନେସ୍ ପର୍ତୁମ୍ ହେଞ୍ଜାର୍ କାଜିଂ ଦୟା ହୁଡ଼ଜି ମାତାନ୍, ହେଦାଂ ସିମନ୍ ରୁଜାୟ୍ କିତାନ୍ନା । ୧୫ ଆରେ, ବେଣ୍ଟବାକ୍ଶାୟ୍ କିନାକାର୍ ବଚନ୍ ଇଦାଂ ସବୁ ପୁରା ବାବ୍ରେ ମେହା ଆନାତା, ଇନେସ୍ ସାସ୍ୱର୍ତ୍ତ ଲେକାମାନାଟ୍,

୧୬ ‘ମାପୁ ଇନାନ୍’

ଇଦାଂ ପାଚେ ଆନ୍ ମାସ୍ଦି ଖାନାକ୍ ଆରି ଦାଉଦ୍ତି ମୁନ୍ତି ଇଲ୍ ଆରେ ରଚ୍ଚନାକ୍,
ଆନ୍ ତାଦାଂ ଦୁଡ଼ି ମାସ୍ତାକା ସବୁ
ଆରେ ରଚ୍ଚି ହେଦାଂ ଆରେ ରଗ ସାଲ୍ଲି କିନାକ୍ ।

୧୭ ସବୁ ମାନାୟ୍ ଜାତି ନା ଲାଗାୟ୍ ପାର୍ତାନା କିଦେକ୍ ଖାନାର୍, ଇମଣି ପାତର୍ କିଞ୍ଜି ଜିହ୍ୱଦି ମା ତର୍ଦ୍ଦ ତାକ୍ପୁଟା ହେଞ୍ଜାର୍ ମାପୁକ୍ ତେକ୍ନାର୍,
ସବୁ ସାଦନ୍ କାର୍ଯ୍ୟା ମାପୁ ଇଦାଂ ଇନାନ୍ ।

୧୮ ପୁନି ସମୁତାଂ ଇସ୍ୱର୍ ଜାର୍ ଖିଜୁ କାମାୟ୍ ଖେଚ୍ଚାତାନ୍ନା ।”

୧୯ ଲାଗିଂ, “ନା ବିଚାର୍ ଇଦାଂ,” ପାତର୍ କିଞ୍ଜି ଜିହ୍ୱଦିର୍ ବିଦ୍ରେ ଇମ୍ଝାକାର୍ ଇସ୍ୱର୍ ନିପ ମାସ୍ଦାନାର୍, ହେଞ୍ଜାରିଂ ଆପ୍ କସ୍ ହିଉପ୍, ୨୦ ମତର୍ ପୁଡ଼ତାକାଂ ପୁଜାକିନାକା ବିସ୍ତେ ବିଟାଡ୍, ଲକାର୍ ଦାରି, ଆତାକା ହୁଦାଂ ହାତି ପାରାଣିକ୍ ଆରି ନେତେର୍ତାଂ ବିନେ ମାନି କାଜିଂ ଆପ୍ ହେଞ୍ଜାରିଂ ଲେକି କିନାପ୍ । ୨୧ ଇନାକିଦେଂକି ପୁନି କାଡ଼ଦାଂ ସବୁ ଗାଡ଼ଦ ମସାତି ବିଦି ସୁଣାୟ୍ କିଦେକ୍ ମାନାର୍, ଲାଗିଂ ପାତି ଜମ୍ନିବାର୍ତ୍ତ ପାର୍ତାନା ଇଲ୍ ଖିଜୁ ହେଞ୍ଜାନ୍ତି ବିଦି ପାଟ୍ ସୁଣାୟ୍ କିୟାନାତା ।

ପାତର୍ କିନାତର୍ ଜିହ୍ୱଦିର୍ ଲାଗେ ଆକି

୨୨ ହେପାଦ୍ନା ପଦ୍ୟାତାକାର୍ ଆରି ପ୍ରାଚିନାର୍ ଖିଜାର୍ ମଣ୍ଡଲି ହୁଦାଂ ଜାର୍ତି ବିଦ୍ରେ ମାନାୟ୍, ଇଚିସ୍ ଟଣ୍ଡାର୍ ବିଦ୍ରେ ଆଦିକ୍ ବର୍ସବା ତର୍ଦ୍ଦ ତାକ୍ପୁଟ ଜିହ୍ୱଦା ଆରି ସିଲାତିଂ ବାଚି କିଜି ପାଉଲ୍ ଆରି ବର୍ଣ୍ଣବା

☆ ୧୫:୭ ୧୫:୭ ପଦ୍ୟାତାକା ୧୦:୧-୪୩। ☆ ୧୫:୮ ୧୫:୮ ପଦ୍ୟାତାକା ୧୦:୪୪; ୨:୪।

ଲାହାଙ୍ଗ ଆନ୍ତ୍ରିୟକିଆତ ପକ୍ତେଂ ବାଚି କିତାର୍, ୨୩ ଆରେ, ପାତର୍ କିନାକାରିଂ ହେଝାର୍ତି କେଇଦ ଇଦାଂ ଲେକି କିଜି ପକ୍ତାର୍ ।

“ଆନ୍ତ୍ରିୟକିଆ, ପାତର୍ କିନାର୍ ସିରିୟା ଆରି କିଲିକିୟାନ୍ ପାତର୍ କିଝି ଜିହୁଦି ଟଣ୍ଡାର୍ତିଂ ପଦ୍ୟାତାକାର୍ ଆରି ପ୍ରାଚିନ୍ ଟଣ୍ଡାର୍ତିଂ ଜଝାର୍ । ୨୪ ଆପେଂ ଝେଚାପନ୍ନା ଜେ, ଆପେଂ ଇମ୍ଣି ମାନାୟାରିଂ ଇମ୍ଣାକା ପା ବଲ୍ଲ ହିତପେ, ମା ବିତ୍ତେ ଇବାନି ଏଚେକ୍ ଲଗୁ କାତା ହୁଦାଂ ମି ଝାସ୍ତିତିଂ ତିର୍ କିଝାଦାଂ ମିଙ୍ଗ୍ କସୁ କିତ୍ତାଣ୍ଡା; ୨୫ ଲାଗିଂ ଆସେଙ୍ଗ୍ ଝିଜାସ୍ ରବେ ଆଜି କେଡ୍ ଜାଣ୍ କାରୁର୍ ଅନାକାରିଂ ବାଚି କିଜି ମି ତାକେ ପକ୍ତିନି କାଜିଂ ତିର୍ କିନାପା । ହେଝାର୍ ମା ଝାରିନି ହାଙ୍ଗ୍ଝାରି ବର୍ଣ୍ଣବା ଆରି ପାଉଲ୍ତି ଲାହାଂ ହାନାର୍ । ୨୬ ଇ ଟଣ୍ଡାର୍ ମାପୁ ଜିସୁ କିସୁତି ହେବାତ ଜାର୍ ଜିରୁନ୍ତିଂ ବିପଦ୍ କିତାଣ୍ଡା । ୨୭ ଲାଗିଂ ଆପେଂ ଜିହୁଦା ଆରି ସିଲାତିଂ ମି ତାକେ ପକ୍ତାନାପା । ଆପେଂ ଇନାକା ଲେକିକିତାପ୍ନା ହେଦାଂ, ହେଝାର୍ ହାର୍ ବାବ୍ରେ ହେଦାଂ ମିଙ୍ଗେଙ୍ଗ୍ ଝେଚ୍ଚାନାର୍ । ୨୮ ଇନାକିଦେଂକି ପୁଡ୍ଡା ଲାଗେ ପୁଜାକିତି ଆକାଡ୍, ନେତେର୍, ନେଞ୍ଝି ହୁଦାଂ ହାତି ପାରାଣିତି ଜେ ଆରି ଲକାର୍ ଦାରିତାଂ ବିନେ ମାନାକା, ଇ ଏଚେକ୍ ଲଡାନି ବିସ୍ତେ ପିସ୍ତି ମି ଜପି ଆରେ ଆଦିକ୍ ବଜ୍ ହିଦ୍ଝାଦାଂ ପୁଇପୁୟା ଜିରୁନ୍ ଆରି ମା ନଂଜରତ୍ ବେସି ଇଚା ଆତାଡ୍, ୨୯ ହେ ଏଚେଚାଟା ନିୟମ୍ ଆତାଡ୍ ପୁଡ୍ଡାକାଂ ଉଦେସ୍ ତାଂ ପୁଜାକିତି ଇମ୍ଣାକା କାଦି ତିନୁଦେର୍, ନେତେର୍ ଉଣ୍ଡଦେର୍, ଗାଡେଲ୍ ଛୁପ୍ତି ଇମ୍ଣା ଜିରୁନିକାଂ ଜେଇ ତିନୁଦେର୍ ଆରି ଦାରିତାଂ ଦେହା ମାନାଟ୍ । ଇ ସବୁ କାମାୟ୍ କିଝାଦାଙ୍ଗ୍ ଜାଗ୍ରତ୍ ମାଚିସ୍, ମିଦାଙ୍ଗ୍ ହାରା ଆନାଡ୍ । ମା ବାନ୍ଦାୟ୍ ଇଚାଟ୍ ।”

୩୦ ହେବେ କାରୁର୍ ହିନାକାର୍ ହେଲଝେୟ୍ ଅଜି ଆନ୍ତ୍ରିୟକିଆତ ଝାତାର୍, ଆରେ ଚେଲାର୍ତିଂ ରୁଣ୍ଡାୟ୍ କିଜି ଚିଚି ହିତାର୍ । ୩୧ ହେଝାର୍ ହେଦାଂ ପଡ୍ କିଜି ଦୁକ୍ଝାୟାୟ୍ ଗାଟାଜି ଝାର୍ଯା ଆତାର୍ । ୩୨ ଆରେ, ଜିହୁଦା ଆରି ସିଲା ନିଜ୍ ନିଜ୍ ପା ବେଣ୍ଠବାକ୍ଝାୟ୍ କିନାକାର୍ ମାଚିଲେ ଆଦେକ୍ କାତା ହୁଦାଂ ଟଣ୍ଡାର୍ତିଂ ଝାରିକିୟ୍ କିଜି ହେଝାରିଂ ସୁସ୍ତା କିତାର୍ । ୩୩ ଆରେ, ହେଝାର୍ ହେବେ ଏଚେକ୍ ଦିନ୍ ମାଚି ପାଚେ ହେଝାର୍ ପକ୍ତି ମାଚି ଲକୁ ଲାଗାୟ୍ ମାସ୍ଦି ହାଞ୍ଝେଙ୍ଗ୍ ପାତର୍ କିନି ଟଣ୍ଡାର୍ତାଂ ସୁସ୍ତାତ ହେଲ ଅତାର୍, ୩୪ ମାତର୍ ସିଲା ହେବେ ମାଞ୍ଝେଙ୍ଗ୍ ହାର୍ ବାବି କିତାନ୍ ।

୩୫ ପାଉଲ୍ ଆରି ବର୍ଣ୍ଣବା ଆନ୍ତ୍ରିୟକିଆତ ମାନ୍ଝି ଆରେ ବିନ୍ ବିନ୍ ଆଦେକ୍ ଲକୁ ଲାହାଙ୍ଗ୍ ପା ମାପୁତି କାତା ହିକ୍ୟା ହିଜି ନେକ୍ତିକାରୁର୍ ସୁଣାୟ୍ କିଦେଙ୍ଗ୍ ଲାଗାତାର୍ ।

ପାଉଲ୍ ଆରି ବର୍ଣ୍ଣବାଚି ବିତ୍ତେ ବିନେ

୩୬ କେତେକ୍ ଦିନ୍ ପାଚେ ପାଉଲ୍ ବର୍ଣ୍ଣବାଙ୍ଗ୍ ଇଚାନ୍, ଆସେଙ୍ଗ୍ ଇମ୍ଣି ସବୁ ଗାଡ୍ଦ ମାପୁତି କାତା ପର୍ରାର୍ କିଜି ମାଚାସ୍, ହେ ଝିଜୁ ଗାଡ୍ଦ “ନଙ୍ଗ୍ ମାସ୍ଦି ହାଲ୍ଜି ଟଣ୍ଡାର୍ତିଂ ବେଟାଜି, ହେଝାର୍ ଇନେସ୍ ମାନାର୍ ହୁଡନାସ୍ ।” ୩୭ ହେବେ ଜହନ୍ ମାର୍କ୍ ତରୁନି ତାକ୍ପୁଟା ଜହନ୍ତିଂ ପା ହାଙ୍ଗ୍ ଅଦେଂ କାଜିଂ ବର୍ଣ୍ଣବାଚି ମାନ୍ ମାଚାଡ୍; ୩୮ ମାତର୍ ହେଝାନ୍ ହେଝାରିଂ ପିସ୍ତି ପଂପୁଲିଆତ ଝାଜି ମାଚାନ୍ ଆରି ହେଝାର୍ ଲାହାଙ୍ଗ୍ କାମାୟ୍ତ ହାଲ୍ଝାଦାଂ ମାଚାନ୍, ହେଝାନିଂ ହାଙ୍ଗ୍ଦ ଅଦେଂ ପାଉଲ୍ ହାର୍ ବାବି କିଝାତାନ୍ । ୩୯ ହେବେ ବେସି ଗଣ୍ଡଗଲ୍ ଆତିଲେ ହେଝାର୍ ହାରି ବିନେ ଆତାର୍, ବର୍ଣ୍ଣବା ମାର୍କ୍ ହାଙ୍ଗ୍ ଅଜି ଜାଜ୍ତ କୁଚ୍ତି କୁପ୍ତ ହାଚାର୍, ୪୦ ମାତର୍ ପାଉଲ୍ ସିଲାଙ୍ଗ୍ ବାଚି କିଜି ଟଣ୍ଡାର୍ ହୁଦାଂ ମାପୁତି ଦୟାତ ହେଲାୟ୍ ଆଜି ହାଚାର୍, ୪୧ ଆରେ ହେଝାନ୍ ସିରିୟା ଆରି କିଲିକିୟା ହିଜି ହାଲ୍ଲୁ ହାଲ୍ଲୁ ମଣ୍ଡଲିକାଂ ବାଡ୍କାସ୍ କିତାର୍ ।



ପାଉଲ୍ ଆରି ସିଲାତି ହୁଦାଂ ତିମତିତି ହାନାକା

୧ ପାଚେ ପାଉଲ୍ ଦର୍ ଆରି ଲୁସ୍ତାତ ପା ଝାତାର୍, ଆରେ ହୁଡାଟ୍, ହେ ବାହାତ ତିମତି ତରଦ ରଝାନ୍ ଚେଲା ମାଚାନ୍, ହେଝାନ୍ ରଝାନ୍ ପାତର୍ ନି ଜିହୁଦି କଗ୍ଲେନି ମାଜି ମାତର୍ ହେଝାନ୍ତି ଆବା ରଝାନ୍ ଗ୍ରିକ୍ ଲଗୁ । ୨ ଲୁସ୍ତା ଆରି ଇକନିୟତ ମାନି ପାତର୍ କିନି ଟଣ୍ଡାର୍ ହେଝାନ୍ତି ସାକି ତାକ୍ପୁଟାୟ୍ କିଜି ମାଚାର୍ । ୩ ତାଙ୍ଗେଙ୍ଗ୍ ହାଙ୍ଗ୍ଦ ଅଦେଂ ପାଉଲ୍ ଇଚା କିତାନ୍, ଆରେ ହେ ସବୁ ନିପ ମାନି ଜିହୁଦିର୍ କାଜିଂ ତାଙ୍ଗ୍ ଅଜି ସୁନ୍ନତ୍ କିତାନ୍; ଇନାକିଦେଂକି ତିମତି ଲାଡାହି ରଝାନ୍ ଗ୍ରିକ୍ ଲଗୁ ଇଞ୍ଝି ଝିଜାକାର୍ ପୁଞ୍ଝି ମାଚାର୍ । ୪ ଆରେ, ହେଝାର୍ ବିନ୍ ବିନ୍ ବସ୍ତି ହିଜି ହାଲ୍ଲୁ ହାଲ୍ଲୁ ଜିରୁସାଲମ୍ନି ପଦ୍ୟାତାକାର୍ ଆରି ପ୍ରାଚିନାର୍ ହୁଦାଂ ରଚ୍ଚି ବଲ୍ ବିଚାର୍ ସବୁ ମାନି କିଦେଙ୍ଗ୍ ପାତର୍ କିନାକାର୍ ଲାଗେ ହେଲାୟ୍ କିବିସ୍ ମାଚାର୍ । ୫ ଇ ବାନି ମଣ୍ଡଲି ନିକାର୍ ପାତର୍ ତ ଡାଟ୍ ଆଜି ଦିନ୍ତିଂ ଦିନ୍ ଇସାବ୍ରେ ବାତାଦେଂ ଲାଗାତାଡ୍ ।

ତ୍ରୟାତ ପାଉଲ୍ତି କେଚ୍କଣ୍

☆ ୧୫:୩୮ ୧୫:୩୮ ପଦ୍ୟାତାକା ୧୩:୧୩.

୭ ପୁଲପୁୟା ଜିବୁନ୍ ହେୱାର୍ ଆସିଆ ଦେସତ ପରଚାର୍ କିଦେଙ୍ଗ୍ ମୁନା କିଡଲେ ହେୱାର୍ ପୁଗିଆ ଆରି ଗାଲାତିୟ ନିପ ହାଚାର୍, ୭ ଆରେ, ହେୱାର୍ ମୁସିଆ ଲାଗାୟତ ଏକିସ୍ ବିତୁନିଆତ ହାଞ୍ଜେଙ୍ଗ୍ କାଜିଂ ସେସ୍ କିତାର୍, ମତର ଜିସୁତି ଜିବୁନ୍ ହେୱାରିଂ ହାଞ୍ଜେଙ୍ଗ୍ ହିଞ୍ଜାତାଡ୍ । ୮ ଲାଗିଂ ହେୱାର୍ ମୁସିଆ ଲାଗେ ହିଜି ତ୍ରୟାତ ଖାତାର୍ । ୯ ଆରେ, ନାଶାଲିଂ ପାଉଲ୍ ର କେଚକଣ୍ ଗାଟାତାନ, ମାକିଦନିଆନି ରଞ୍ଜାନ ମାନାୟ୍ ଇଞ୍ଜି ତାଙ୍ଗ୍ ଗଞ୍ଜାରି କିଜି ଇନାନ୍ନା, ମାକିଦନିଆ ନାସି “ଖାଜି ମାଂ ଉପକାର୍ କିଦା ।” ୧୦ ପାଉଲ୍ ଇ କେଚକଣ୍ ଗାଟାତି ପାଚେ ଆପେଂ ଦାପ୍ରେ ମାକିଦନିଆତ ହାଞ୍ଜେଙ୍ଗ୍ ଜାଲ୍ ଦି କିତାପ୍, ଇନାକିଦେଂକି ହେୱାର୍ ଲାଗାୟ୍ ନେକ୍ରିକାରୁର୍ ପରଚାର୍ କିଦେଙ୍ଗ୍ ଇସ୍ପର୍ ମାଂ କୁକ୍ତାନ୍ନା ଇଞ୍ଜି ଆପେଂ ବୁଜାତାପ୍ ।

ପିଲିପ୍ପିତ ଲୁଦିଆତି ମାନବାଦଲାୟ୍

୧୧ ଲାଗିଂ ତ୍ରୟାତାଂ ଜାଜତ ଆପେଂ ହାଣ୍ଡୁ ହାସଦ ସାମତ୍ରାକିତ ହାଚାପ୍ ଆରି ଆର୍କାଡ୍ ନାଜିଂ ନିୟାପଲିତ ଏକାତାପ୍ । ୧୨ ହେବେତାଂ ପିଲିପିତ ହାଚାପ୍, ଇଦାଂ ମାକିଦନିଆନି ହେ ରାଜି ର ମୁଡ୍ ଗାଡ୍, ଆରେ ର ରମିୟ କଲନି, ହେ ଗାଡ୍ ଦ ଆପେଂ କେତେକ୍ ଦିନ୍ ମାଚାପ୍ । ୧୩ ଜମନିବାର୍ତ ଆପେଂ ଗାଡ୍ ଦୁଞ୍ଜାର୍ତାଂ ହସି ନାଗୁଡ୍ ଗୁଚିତ ହାଚାପ୍, ହେବେ ପାର୍ତାନାନି ବାହା ମାନାଡ୍ ଇଞ୍ଜି ଆପେଂ ବାବି କିଜି ମାଚାପ୍, ଆରେ ଆପେଂ କୁଚ୍ଚି ରୁଣ୍ଡାଜି ମାନି ଆୟାତାଡ୍ କାଂ କାତା ଇଞ୍ଜେଙ୍ଗ୍ ଲାଗାତାପ୍ । ୧୪ ଆରେ, ତ୍ରୟାତିରା ଗାଡ୍ ଦ ଖାଙ୍ଗାବାତ ହେୟା ପ୍ରନି ଲୁଦିଆ ତରନି ରଞ୍ଜେଲ୍ ତାଡ୍ ମାଚାଡ୍, ହେଦେଲ୍ ଜେ ଇସ୍ପର୍ଚିଂ ପାର୍ତାନା କିନାକାଦେଲ୍ ମାଚାଡ୍, ହେଦେଲ୍ ମା କାତା ଖେନ୍ଞି ମାଚାଡ୍ । ହେଦେଲ୍ ଇନେସ୍ ପାଉଲ୍ ଇଚି ବିସ୍ତେ କାଜିଂ ମାତ୍ର ଦିଆନ୍ କିତାଡ୍, ଇଦାଂ କାଜିଂ ମାପୁ ହେଦେଲିଂ ମାନ୍ ଜେସି ହିତାନ୍ । ୧୫ ଆରେ, ହେଦେଲ୍ ଆରି ତାଦେଲ୍ ପାର୍ତାନା ବାପ୍ରିସିମ୍ ଆତି ପାଚେ ହେଦେଲ୍ ମାଂ ଗଞ୍ଜାରି କିଜି ଇନ୍ଞାଡ୍, ଏପେଙ୍ଗ୍ ଜଦି ନାଙ୍ଗ୍ “ମାପୁତି ଲାଗେ ପାତ ଇଞ୍ଜି ବିଚାର୍ କିଜି ମାଞ୍ଜିସ୍, ଖାଚିଙ୍ ନା ଇଞ୍ଜି ଖାଜି ବାହା କିୟାଟ୍” ଆରେ, ହେଦେଲ୍ ମାଂ ଅସି ହାଞ୍ଜାଡ୍ ।

ପିଲିପ୍ପିନି ଜଇଲ୍ ପାଉଲ୍ ଆରି ସିଲା

୧୬ ଦିନେକ୍ ଆପେଂ ପାର୍ତାନା ବାହାତ ହାଲ୍ ଜି ମାନି ଖାଡାଙ୍ଗ୍ ର ବାନ୍ୟା ଜିବୁନ୍ କଡ୍ଡି ଆଡ୍ରିଏଣି ଗାଡ୍ଚେଂ ବେଟା ଆତାପ୍ । ତା ବିତ୍ରେ ମାନି ପୁଦାନି ସାଲ୍ଲି ହୁକେ ହେଦେଲ୍ ଆଗେନି କାତା ଇଞ୍ଜି ମାଚାଡ୍ । ହେଦେଲ୍ ମାନାୟାଚ୍ଚି କାରୁମ୍ ଗାଣାକିଜି, ହାଉକାରିଂ କାଜିଂ ବେସି ଟାକାଂ ଆଦାୟ୍ କିଜି ମାଚାଡ୍ । ୧୭ ହେଦେଲ୍ ପାଉଲ୍ ଆରି ମା ପାଚେ ପାଚେ ଖାଜି କିକିରାତିଂ କିଜି ଇଞ୍ଜେଙ୍ଗ୍ ଲାଗାତାଡ୍, “ଇ ମୁଣିକାର୍ ର ଇସ୍ପର୍ଚି ଆଡ୍ରିୟାର୍, ହେୱାର୍ ମିଙ୍ଗ୍ ମୁକ୍ତିନି ହାଜି ଜାଣାୟ୍ କିଦନାରା ।” ୧୮ ହେଦେଲ୍ ବେସି ଦିନ୍ ପାଚେକ୍ ଇଦାଂ କିତାଡ୍ । ମତର ପାଉଲ୍ ରିସା ଆଜି ମାସଦି ହେ ଜିବୁନ୍ତିଙ୍ଗ୍ ଇଚାନ୍, ତା ତାଙ୍ଗ୍ ହସି ହାଞ୍ଜେଙ୍ଗ୍ ଆନ୍ ନିଂ “ଜିସୁ କ୍ରିସ୍ତୁତି ତରଦ ବଲ୍ ହିଦନାଙ୍ଗା ।” ଇବେଣ୍ଡାଂ ହେଦେଲ୍ ହେ ଦାପ୍ରେ ହସି ହାଚାଡ୍ । ୧୯ ମତର ତା ମାପୁ ମୁଣିକାଚ୍ ଜାର୍ଚିଂ ଲାବ୍ ଆହା ହାଚାକା ହୁଡ୍ ଜି ପାଉଲ୍ ଆରି ସିଲାତିଂ ଆଜି ହେୱାରିଂ ଚକ୍ ବାହାତ ସାସନକାର୍ଯାତ ଲାଗେ ଜାଲ୍ ଜି ଅତାର୍ । ୨୦ ଆରେ, ହେୱାର୍ ହେୱାରିଂ ବିଚାର୍ କାର୍ଯାତ ଲାଗେ ତାହି ଇଚାର୍, “ଇ ମାନାୟାର୍ ଜିହୁଦି, ଇଞ୍ଜାର୍ ମା ଗାଡ୍ ଗଣ୍ଡଗଲ୍ କିନାରା । ୨୧ ମା, ରମିୟ ଲକାର୍ଚି ଇମ୍ଫଣି ସବୁ ରିଚିନିତି ଇନାକା କି ମାନି କିନାକା ବିଦି ଆକାୟ୍, ହେଦାଂ ଇଞ୍ଜାର୍ ପରଚାର୍ କିନାରା ।” ୨୨ ହେବେ ଲକୁ ପା ହେୱାର୍ଚି ବିରୁଦ୍ ତ ନିଂଚାର୍,

ଆରେ ବିଚାର୍ କାର୍ଯାତ ପାଉଲ୍ ଆରି ସିଲାତି ହେୟା ଉନ୍ୟି ହେୱାରିଂ ବାଡ୍ ଗେମାଡ୍ କିଦେଙ୍ଗ୍ କାଜିଂ ବଲ୍ ହିତାର୍ । ୨୩ ହେୱାର୍ ହେୱାରିଂ ବେସି ଟ୍ରାକି କିୟକିତି ପାଚେ ଜଇଲ୍ ଇଞ୍ଜି ଇଡ୍ ଜି ହେୱାରିଂ ଜାଗ୍ ଚତାଂ ରାକ୍ୟା କିନି କାଜିଂ ଜଇଲ୍ ଇଚ୍ଚନାକାନିଂ ଆର୍ଞ୍ଜା ବଲ୍ ହିତାର୍ । ୨୪ ହେୱାନ୍ ଇ ବାନି ଆର୍ଞ୍ଜା ବଲ୍ ଗାଟା ଆଜି ହେୱାରିଂ ବିତ୍ରେ ଜଇଲ୍ ଇଞ୍ଜି ଇଡ୍ ଜି ହେୱାର୍ଚି ପାନାତ ଗାଜା କୁଚ୍ଚି ଗାଚ୍ଚାର୍ ।

୨୫ ମାତର ମାଦିମାଦାନାଶା ପାଉଲ୍ ଆରି ସିଲା ଇସ୍ପର୍ଚି ଲାଗାୟ୍ ପାର୍ତାନା ଆରି ଗୁଣ୍ଡାଣି କିଜି ମାଚାଡ୍, ଆରେ ବନ୍ଦିର୍ ଖେନ୍ଞି ମାଚାଡ୍ । ୨୬ ହେ ଏଚେକାଡ୍ ଦ ହାଚାଚ୍ରେ ଏଲେଙ୍ଗ୍ ଗାଜା ମେଦନି ଦାଲ୍ କା ଆତାଡ୍ ଜେ, ଜଇଲ୍ ଇଲ୍ ନି କୁନାଦି ତ୍ରିଙ୍ଗ୍ ଦେଂ ଲାଗାତାଡ୍, ଆରେ ଦାପ୍ରେ ଖିଜୁ ଜଇଲ୍ ଦୁଞ୍ଜେର୍ ଜେୟା ଆତାଡ୍, ଆରେ ସବୁ ଜାଣ୍ଡି ହିକ୍ ଟାଟି ରିଂଜି ହାଚିକ୍ । ୨୭ “ଇବେ ଜଇଲ୍ ଇଲ୍ ଇଚ୍ଚନାକାନ୍ ହୁଚ୍ କାଣ୍ଡୁଚାଂ ନିଂଜି ଜଇଲ୍ ଇଲ୍ ନି ଦୁଞ୍ଜେର୍ ମେଲା ଆତାକା ହୁଡ୍ ଜି ବନ୍ଦିର୍ ହନ୍ତି ହାଚାଣ୍ଡା ଇଞ୍ଜି ବାବି କିଜି, କାଣ୍ଡା ହପ୍ଚି ଜାର୍ଚିଂ ଅହାଦେଂ ହାଲ୍ ଜି ମାଚାନ୍ ।” ୨୮ ମାତର ପାଉଲ୍ ବେସି ଗାଜାକାଚ୍ଚାଂ କୁକ୍ଚି ଇଚାନ୍, “ଜାର୍ଚିଂ ଇମ୍ଫଣାକା ପା ନସ୍ କିମା, ଇନାକିଦେଂକି ଆପେଂ ଖିଜାକାପ୍ ଇବେ ମାନାପ୍ ।”

୨୯ ହେବେ ହେୱାନ୍ ବଇଟା ତାଚେଙ୍ଗ୍ ଇଞ୍ଜି ଗୁମ୍ ଜି ପାଣ୍ଡୁଡ୍ ତ୍ରିଗ୍ ଜି ପାଉଲ୍ ଆରି ସିଲାତି ମୁମ୍ ଦ ଗୁର୍ତାନ, ୩୦ ଆରେ ହେୱାରିଂ ବାଚ୍ ତାହି ଇଚାନ୍, “ମାପୁର୍, ରାକ୍ୟା ପାୟାଦେଂ କାଜିଂ ନାଙ୍ଗ୍ ଇନାକା କିଦେଙ୍ଗ୍ ଆନାଡ୍ ?”

୩୧ ହେୱାର୍ ଇଚାର୍, “ମାପୁ ଜିସୁ ତାକେ ପାତର୍ କିୟାଟ୍, ତା ଆତିସ୍ ଏପେଙ୍ଗ୍ ଓଁଜୁ କୁରୁମ୍ ରାକ୍ୟା ପାୟାନାଦେର୍ ।” ୩୨ ପାଚେ ହେୱାର୍ ତାଙ୍ଗ୍ ଆରି ତା ଇଞ୍ଜି ମାନି ଓଁଜାରିଂ ମାପୁତି ବଚନ୍ ଇଚାନ୍ । ୩୩ ଆରେ, ହେୱାନ୍ ହେୱାରିଂ ନାଣା ହେ ସମୁତ ଅଜି ହେୱାର୍ତି ଟ୍ରାକ୍ୟାତି ଗାଞ୍ ସବୁ ନୁସ୍ତାନ୍, ଆରେ, ହେୱାନ୍ ଆରି ହେୱାନ୍ତି ପାର୍ତାନା ହେ ଦାପ୍ରେ ବାପ୍ରିସିମ୍ ଆଚାର୍ । ୩୪ ହେବେ ହେୱାନ୍ ହେୱାରିଂ ଜାର୍ ଇଞ୍ଜି ଅସି ହାଲ୍ଜି କାଦି ଚିତ୍ପାତାନ୍, ଆରେ ଓଁଜୁ ପାର୍ତାନା ହୁକେ ଇସ୍ବର୍ ତାକେ ପାତର୍ କିଜି ଜବର୍ ଖାର୍ଯ୍ୟା ଆଚାର୍ ।

୩୫ ନାଡିସ୍ ଆତିଲେ ବିଚାରକାର୍ଯ୍ୟାର୍ ଜାମାନିରିଂ ଇଦାଂ ଇଞ୍ଜି ପଲ୍ଲାର୍, “ହେ ଲକୁରିଂ ପିହାର୍ ।”

୩୬ ଇବେଣ୍ଡାଂ ଜଇଲ୍ ଇଲ୍ ପାଉଲ୍ତିଂ ଇ କାତା ଇଞ୍ଜି ଖେଚ୍ଚାନ୍, ମିଙ୍ଗେଙ୍ଗ୍ ପିସ୍ତ୍ରି ହିଦେଂ କାଜିଂ “ବିଚାରକିନାକାର୍ ଲକୁ ପଲ୍ଲାତାଣ୍ଟା । ଲାଗିଂ ନଙ୍ଗ୍ ହସି ଖାଜି ସୁସ୍ତାତ ତାଂଜି ହାଲ୍ଗାଟ୍ ।”

୩୭ ମାତର୍ ପାଉଲ୍ ହେୱାରିଂ ଇଚାନ୍, “ରମିୟ ଲକୁ ଜେ ଆପେଂ, ମା ବିଚାର୍ କିଞ୍ଜାଦାଂ ହେୱାର୍ ରିସାରେ ମାଂ ଟ୍ରାକ୍ତି ପାଚେ ଜଇଲ୍ତ ତୁହିଦାତାଣ୍ଟା, ଆରେ ନଙ୍ଗ୍ କି ଲୁକାମ୍ରେ ମାଂ ପିସ୍ତ୍ରି ହିଦ୍ଦାରା ? ହେଦାଂ ଆଉଟ୍, ମତର୍ ହେୱାର୍ ନିଜେ ଖାଜି ମାଂ ବାର୍ତ୍ ଅଦେର୍ ।”

୩୮ ଇବେଣ୍ଡାଂ ଜାମାନିର୍ ବିଚାରକାର୍ଯ୍ୟାର୍ ଇ ଓଁଜୁ ବଚନ୍ ଜାଣାୟ୍ କିତାର୍, ଆରେ ହେୱାର୍ ଜେ ରମିୟ ଲକୁ, ଇଦାଂ ଖେନ୍ଞି ହେୱାର୍ ପାଣ୍ଡା ଆଚାର୍, ୩୯ ଆରେ, ହେୱାର୍ ଖାଜି ହେୱାରିଂ ଗଞ୍ଜାରି କିତାର୍, ଆରେ ହେୱାରିଂ ଜଇଲ୍ ଇଞ୍ଜାଙ୍ଗ୍ ହପ୍ତି ତାସି ଗାଡ୍ଦାଂ ହସିହାଞ୍ଜେଙ୍ଗ୍ କାଜିଂ ହେୱାରିଂ ଗଞ୍ଜାରି କିତାର୍ । ୪୦ ହେବେଣ୍ଡାଂ ପାଉଲ୍ ଆରି ସିଲା ଜଇଲ୍ ତାଂ ହସିହାଲ୍ଜି ଲୁଦିଆତି ଇଲ୍ଦ ହଚାର୍, ଆରେ ଟଣ୍ଡାର୍ ଲାହାଙ୍ଗ୍ ବେଟା ଆଜି ହେୱାରିଂ ଖାରିକିୟ୍ କିନି ପାଚେ ହାଚାର୍ ।



ତେସ୍ଲନିକିତ ହେବାକାମାୟ୍

୧ ପାଚେ ହେୱାର୍ ଆଂପିପଲି ଆରି ଆପଲନିଆ ହିଜି ହାଲ୍ଜି ତେସ୍ଲନିକିତ ଖାତାର୍; ହେବେ ଜିହୁଦିର୍ତି ର ପାର୍ତାନା ଇଲ୍ ମାଚାଟ୍ । ୨ ପାଉଲ୍ ତା ରିତି ଇସାବ୍ରେ ହେୱାର୍ ଲାଗାଂ ହାଚାନ୍, ଆରେ ତିନି ଗଟା ଜମନିବାର୍ ପାଚେକ୍ ସାସ୍ତର୍ ବଚନ୍ ଅଜି ହେୱାରିଂ ବୁଜାୟ୍ କିଚାନ୍, ୩ ଆରେ, କ୍ରିସ୍ତ ଜେ ଦୁକ୍ବର୍ ଆରି ହାତାକାର୍ ବିତ୍ରେ ନିଂନାକା ଲଡା ମାଚାଟ୍, ଆରେ ହେୱାନ୍ ଇମ୍ଣି ଜିସୁଙ୍ଗ୍ ହେୱାର୍ ଲାଗାଂ ସୁଣାୟ୍ କିନାନା, ହେୱାନ୍ କ୍ରିସ୍ତ୍ ଇବେନି ନିର୍ମଲ୍ ପାର୍ମାଣ୍ଟ୍ ହିଚାନ୍ । ୪ ହେବେଣ୍ଡାଂ ହେୱାର୍ ବିତ୍ରେ କେତେକ୍ ଜାଣ୍ ପାତର୍ କିଜି ପାଉଲ୍ ଆରି ସିଲାତି ଲାହାଙ୍ଗ୍ ମେହା ଆଚାନ୍; ଆରେ, ଜିହୁଦି ପାର୍ତାନା କିନାକାର୍ ଗ୍ରିକ୍ତି ବିତ୍ରେ ହେନି ଲକୁ ଆରି ଆଦେକ୍ କଗ୍ଲେକ୍ ହେୱାର୍ ଲାହାଙ୍ଗ୍ ମେହାତିକ୍ ।

୫ ମାତର୍ ଜିହୁଦିର୍ ଆକାର୍ତ ରିସା ଆଜି ବାଜାଣ୍ଟି କେତେକ୍ ବାନ୍ୟା ମାନାୟାର୍ ଲାହାଙ୍ଗ୍ ଅଜି ଲକୁ ଗହ୍ଲି କିଜି ଗାଡ୍ଦା ଗଣ୍ଡଗଲ୍ କିୟ୍ କିତାର୍, ଆରେ ଜାସୋନତିଂ ଇଞ୍ଜି ମାଡିବହା ଆଜି ହେୱାରିଂ ମାନାୟାର୍ ଲାଗାୟ୍ ହପ୍ତି ତାଚେଙ୍ଗ୍ କାଜିଂ ସେସ୍ତ୍ କିତାର୍ । ୬ ମତର୍ ହେୱାରିଂ ଗାଟାଞ୍ଜିଲେ ହେୱାର୍ ଜାସୋନ ଆରି କେତେକ୍ ଟଣ୍ଡାର୍ ଗାଡ୍ନି ସାସନ୍କାର୍ଯ୍ୟାର୍ ଲାଗାୟ୍ ଜେଲ୍ଜି ତାହି ଗାଜାକାଟ୍ତାଂ କୁକ୍ତି ଇଚାର୍, “ଇଞ୍ଜାର୍ ଇମ୍ଣି ମାନାୟାର୍ ପୁତର୍ତିଂ ଉଲ୍ଟାପଲ୍ଟା କିଜି ତୁହିତାରେ, ହେୱାର୍ ଇବେ ପା ଖାତାଣ୍ଟା; ହେୱାରିଂ ଜେସନ୍ ଇଡ୍ତାନ୍ନା । ୭ ଜାସୋନ ହେୱାର୍ ଇଲ୍ ଇଡ୍ତାନ୍ନା । ଜିସୁ ତର୍ଦ୍ଦ ଆରେ ରଞ୍ଜାନ୍ ରାଜା ମାନାନ୍ ଇଞ୍ଜି ଇଞ୍ଜି ଇଞ୍ଜାର୍ ଓଁଜାର୍ କାଈସ୍ବର୍ତି ବଲ୍ ମାନିକିନାରା ।” ୮ ହେୱାର୍ତି ଇ କାତା ଖେନ୍ଞି ଲକୁ ସବୁ ଆରି ସାସନ୍କାର୍ଯ୍ୟାର୍ ରିସା ଆଜି ଗଣ୍ଡଗଲ୍ କିତାର୍ । ୯ ପାଚେ ହେୱାର୍ ଜାସୋନ ଆରି ହେୱାନ୍ତି ହାଂଙ୍ଗ୍ ଖାର୍ତାଂ ଜାମ୍ଲି ଅଜି ହେୱାରିଂ ପିସ୍ତ୍ରି ହିଚାର୍ ।

ବେରିଆତ ହେବାକାମାୟ୍

୧୦ ଆରେ, ଟଣ୍ଡାର୍ ଆରି ତଣ୍ଡାଦେକ୍ ମାଲାଞ୍ଜାଦାଂ ପାଉଲ୍ ଆରି ସିଲାଙ୍ଗ୍ ନାଣାକାଡ୍ଦ ବେରିୟାତ ପକ୍ତିହିତାର୍; ହେୱାର୍ ହେ ବାହାତ ଏକିସ୍ ଜିହୁଦିର୍ତି ପାର୍ତାନା ଇଞ୍ଜି ହାଚାର୍ । ୧୧ ତେସ୍ଲନିକିତ ମାନି ଜିହୁଦିର୍ତାଂ ଇଞ୍ଜାର୍ ହାଦ୍ଦାକାର୍ ମାଚାର୍ । ଇଞ୍ଜାର୍ ପୁରା ଖାରିତାଂ ବଚନ୍ ଇଚ୍ଚାଟ୍, ଆରେ ଇ ଓଁଜୁ ହାଡ୍ପା କି ଆକାୟ୍, ହେଦାଂ ପୁଞ୍ଜେଙ୍ଗ୍ କାଜିଂ ଦିନ୍କେ ସାସ୍ତର୍ନି ପର୍ସନ୍ ତେକ୍ତି ମାଚାର୍ । ୧୨ ଲାଗିଂ ହେୱାର୍ତି ବିତ୍ରେ ଆଦେକ୍ ଆରି ଗ୍ରିକ୍ତି ବିତ୍ରେ ଆଦେକ୍ ମୁସ୍ତ୍ରିଦାର୍ ତାଡିକ୍ ଆରି ଆଣ୍ଡା ହିମ୍ଣାଂ ପା ପାତର୍ କିଚାର୍ । ୧୩ ମାତର୍ ଏଚେକାଡ୍ଦ ତେସ୍ଲନିକିୟ୍ ଜିହୁଦିର୍ ପୁଚାର୍ ଜେ, ଇସ୍ବର୍ତି ବଚନ୍ ପାଉଲ୍ତି ହୁଦାଂ ବେରିୟାତ ପା ପର୍ଚାର୍ ଆନାତା, ହେ ଏଚେକାଡ୍ଦ ହେୱାର୍ ହେ ବାହାତାଂ ପା ଖାଜି ଲକୁରିଂ ଟିଉଲ୍ଲାୟ୍ ଆରି ରିସା କିତାର୍ । ୧୪ ହେବେଣ୍ଡାଂ ଟଣ୍ଡାର୍ ମାଲାଞ୍ଜାଦାଂ ପାଉଲ୍ତିଂ ହାମ୍ବୁର୍ ନିପ୍ ହାନି କାଜିଂ ପଲ୍ଲାର୍, ଆରେ ସିଲା ଆରି ତିମତି ହେ ବେରିଆତ ମାଚାର୍ । ୧୫ ମାତର୍ ଇମ୍ଣାକାର୍ ପାଉଲ୍ତିଂ ଏଚେନ୍ସ୍ ଅଜି ହାଚାର୍, ହେୱାର୍

ତାଙ୍କ ଏତେନ୍ୟ ପାତେକ୍ ତାଉଖାତାର୍, ଆରେ ସିଲା ଆରି ତିମତି ଇନେସ୍ ବେଗି ତା ଲାଗାୟ୍ ଖାନାର୍, ଇ ବଲ୍ ଗାଗାଜି ହେଖାର୍ ହାତାର୍ ।

ଆତିନିସ୍ତ ପାଉଲ୍ତି ହେବାକାମାୟ୍

୧୭ ଏତେନ୍ୟତ ପାଉଲ୍ ହେଖାର୍ କାଜିଂ ମାନି ଖେଡାଲିଂ ହେ ଗାଡ୍ ପୁଡ଼ତାତ ବାତ୍ ହୁଡ଼ଜି ତା ଜିରୁନ୍ତ ରିସା ଆଜି ନିଂତାନ୍ । ୧୭ ଲାଗିଂ ହେଖାନ୍ ପାର୍ତାନା ଇଞ୍ଜି ଜିହୁଦିର୍ ଲାହାଂ ଇସ୍ପୁରତି ପାର୍ତାନା କିନାକାନ୍ ପାତ୍ କିଞ୍ଜି ଜିହୁଦି ଲାହାଂ ଇ ବିସ୍ତେ ସବୁ ନାଞ୍ଜିଙ୍ କାତା ବାର୍ତା କିଦେଙ୍ ଲାଗାତାର୍ । ବସ୍ତି ବାଜାର୍ ଚକ୍ତି ବାହାକାଂ ବୁଲାଚାଲା ଆଜି ମାନି ପାତିଦିନ୍ ଇମଣାକାର୍ ହୁଦାଂ ହୁଡ଼କା ଆଜି ମାତାର୍, ହେଖାରିଂ ଉପଦେସ୍ ହିଜି ମାତାନ୍ । ୧୮ ହେବେଣ୍ଡାଂ “ଏପିକୁରିୟ୍ ଆରି ସ୍ପୁୟିକ” କେତେକ୍ ହୁଡ଼ନାକାର୍ ପା ତା ହୁଦାଂ କାତାବାର୍ତା କିଦେଙ୍ ଲାଗାତାର୍, ଆରେ ଇନେର୍ ଇନେର୍ ଇଚାର୍, “ଇ କାଡ଼ଦେ ଇନାକା ଇଞ୍ଜେଙ୍ ଇଚା କିନାନା ?”

ଆରେ ଇନେର୍ ଇନେର୍ ଇଚାର୍, ହେଖାନ୍ ପୁଦାଙ୍ଗତି ବିସ୍ତେ ପରଚାର୍ କିନାକାନ୍ ଲାକେ ପୁନ୍ୟାନାତା । ଇନାକିଦେଂକି ହେଖାନ୍ ଜିସୁ ଆରି ଆରେ ନିଂନାକା ବିସ୍ତେନି ନେକ୍ଟିକାରୁର୍ ପରଚାର୍ କିଜି ମାତାନ୍ ହେଖାର୍ ଇଦାଂ ଇଚାର୍ ୧୯ ପାରେ ହେଖାର୍ ପାଉଲ୍ତିଂ ଆରିୟପାଗତ ଗାଜା ସବାତ ଅସି ହାଲ୍ଜି ଇଚାର୍, ଇଦାଂ ଜେ ପୁନି ହିକ୍ୟା “ଏନ୍ ହିନାୟା, ହେଦାଂ ଇନାକା ଇଞ୍ଜି ଆପେଂ ପୁଞ୍ଜେଙ୍ ଆଡ଼ନାପ୍ କି ? ୨୦ ଇନାକିଦେଂକି ଏନ୍ କେତେକ୍ କାବା ବିସ୍ତେ ମାଂ କିଡୁଲ୍ତ ପୁନି କିଡ଼ତାୟନା, ଲାଗିଂ, ଇ ଓଜୁ କାତାନି ଅରଡ଼ ଇନାକା, ଆପେଂ ହେଦାଂ ପୁଞ୍ଜେଙ୍ ଇଚା କିନାପା !” ୨୧ ଆତିନିୟ୍ ଲକୁ ଓଜାର୍ ଆରି ହେବେ ବାହାକିନି ବିଦେସିର୍ କେବଲ୍ ଇମଣାକା ପୁନି କାତା ଇନାକା ଆରି ଖେନାକା ପିସ୍ତି ଆରେ ଇନାକାତ ବେସି ସମୁ ବିତାୟ୍ କିଞ୍ଜାଦାଂ ମାତାର୍ ।

୨୨ ଇବେଣ୍ଡାଂ ପାଉଲ୍ ଆରିୟପାଗନି ମାଦ୍ଣି ବାହାତ ନିଲ୍ତି ଇଚାନ୍, “ଆତିନିୟ୍ ଲଗୁ, ଏପେଙ୍ ଜେ ଓଜୁ ବିସ୍ତେ ଗାଜା ଦେବି ଲବାୟ୍ କିନାଦେରା, ଇଦାଂ ଆନ୍ ହୁଡ଼ନାଙ୍ଗା ।” ୨୩ ଇନାକିଦେଂକି ଆନ୍ ବୁଲାନି ସମୁତ ମି ପୁଜାକିତି ଓଜୁ ଦିନିସ୍ ହୁଡ଼ ହୁଡ଼ ରୁ ଗାର୍ଣି ପା ହୁଡ଼ତାଂ, ଇମ୍ଣି ଜପି ଇ କାତା ଲେକା ଆତାଡ଼ନା, “ପୁନିଓତି ଇସ୍ପୁରତି ଉଦେସ୍ତ ପେନକ୍ତ କାଜିଂ ! ଲାଗିଂ, ଏପେଙ୍ ପୁନ୍ଞାଦାଂ ଇନେରିଙ୍ ପୁଜା କିନାଦେରା, ଆନ୍ ତାଙ୍ ମି ଲାଗାୟ୍ ପରଚାର୍ କିନାଙ୍ଗା ।” ୨୪ ଇମ୍ଣି ଇସ୍ପୁର ପୁତ୍ ତ ଆରି ତାରେନ୍ନିକା ଓଜୁ ଆଡ଼ମାଡ଼ ଉଦ୍‌ଜାଣି କିତାନନ୍ନା, ହେଖାନ୍ ବାଦାଡ଼ତ ଆରି ପୁତ୍ ନି ମାପୁ ଆତିଲେ କେଇରଡ଼ି ମନ୍ଦିରତ ବାହା କିଉନ୍, ୨୫ କି ହେଖାର୍ତି ଇମ୍ଣାକା ଅବାପ୍ ମାତିଲେ ମାନାୟ୍ କେଇ ହୁଦାଂ ଉଜ୍ କିଜି ହେଖାନ୍ ହେବା କିୟା ଆଉନ୍, ଲାଗିଂ ହେଖାନ୍ ନିଜେ ଓଜାରିଂ ଜିରୁନ୍ନି, ନେନ୍‌ଞ୍ଜେଙ୍ ଆରି ଓଜୁ ଆଡ଼ମାଡ଼ ଦାନ୍ କିଦନାନ୍ । ୨୬ ରଞ୍ଜାନ୍ ମାନାୟ୍‌ତାଂ ହେଖାନ୍ ନାର୍ ଜାତିତିଂ ଉଦ୍‌ଜାୟ୍ କିତାନନା ଆରି ତା କାତାଂ ହେଖାର୍ ପୁତ୍ ନି ବିନ୍ ବିନ୍ ବାହାତ ବାହା କିନାରା ଆଗେ ଇସ୍ପୁର ବାତି କିତାନନ୍ନା । ୨୭ ହେଖାର୍ତି ଉଦେସ୍ ମାତାଡ଼, ଓଜାର୍ ଇନେସ୍ ହେଖାର୍ତି ଦାସ୍ତି ପାୟାନାର୍ । ମାତର୍ ହାଡ଼ପା ଇସ୍ପୁର ଇନେର୍ତାଂ ଦେହା ଆକାୟ୍ । ୨୮ ଇନାକିଦେଂକି

“ହେଖାନ୍ତି ତାକେ ମା ପ୍ରେନ୍, ହାନାକା ଆରି ଜିଜି ମାନାକା ।”

ଇନେସ୍ ମା ଜାର୍ କେଣ୍ଡାକାତ୍ ବିତ୍ରେ ପା କେତେକ୍ ଜାଣି ଇଚାଣ୍ଡା,

“ଇନାକିଦେଂକି ଆପେଂ ପା ହେଖାନ୍ତି ଲାତ୍ରା ।”

୨୯ ଖାଟିଙ୍, ଆପେଂ ଇସ୍ପୁରତି ଲାତ୍ରା ଆତିଲେ ଇସ୍ପୁରତି ତିନ୍ ଲାକେ ମାନାୟ୍ ରଚ୍‌ନାକାନ୍ ଆରି ହାନ୍ଦାୟ୍ କିନାକାନ୍ ଇସାପ୍ରେ ବଲକାର୍ କିଜି ହନା କି ରୁପା କି କାଲ୍ ଲାକେ ବାବିକିନାକା ମା ଲଡ଼ା ଆକାୟ୍ । ୩୦ ମାନାୟାର୍ ଇସ୍ପୁରତିଂ ପୁନ୍‌ଓ ଖେଡାଲିଂ ହେଖାନ୍ ଦସ୍ ଆହ୍‌ଞ୍ଜାଦାଂ ମାତାନ୍, ମାତର୍ ନଙ୍ ହେଖାନ୍ ସବୁତିଂ ଓଜାକାରିଂ ହେଖାରିଂ ପାପ୍ ହାଜିତାଂ ମାନ୍‌ବାଦ୍‌ଲାୟ୍ କିଦେଙ୍ ବଲ୍ ହିନାଙ୍ଗା । ୩୧ ଇନାକିଦେଂକି ଇମ୍ଣି ନାଜିଂ ହେଖାନ୍ ଜାର୍ କିତି ମୁଣିକାର୍ ହୁଦାଂ ଦାମ୍‌ନି ପୁତ୍ ନି ବିଚାର୍ କାମାୟ୍ କିନାନ୍, ଏପେଙ୍ ର ନାଜିଂ ତିର୍ କିତାନନ୍ନା, ଆରେ ହେଦେଲିଂ ହାକିତାକେଣ୍ଡାଙ୍ ବିତ୍ରେ ନିକ୍‌ତାନ୍ନା ଇ ବିସ୍ତେ ଓଜାତ୍ ଲାଗେ ଜାଣାୟ୍ କିତାନ୍ନା ।

୩୨ ହାତାକାର୍ ଆରେ ନିଂନାକା କାତା ଖେନ୍‌ଞ୍ଜି ଇନେର୍ ଇନେର୍ ଗୁଇଦେଂ ଲାଗାତାର୍ ଆରେ ଇନେର୍ ଇନେର୍ ଇଚାର୍, ଆପେଂ ଆରେ ରଗ “ମିତାଙ୍ ଇ ବିସ୍ତେ ଖେନାସ୍ ।” ୩୩ ଇ ବାନି ପାଉଲ୍ ହେଖାର୍ ବିତ୍ରେତାଂ ହସି ହାଚାନ୍ । ୩୪ ମାତର୍ ଇନେର୍ ଇନେର୍ ଲକୁ ତା ପାକ୍ୟା ଆଜି ପାତ୍ କିଚାର୍; ହେଖାର୍ତି ବିତ୍ରେ ଏରିୟପାଗିୟ୍ ଦିୟ୍‌ନୁସିୟ୍, ସବାନି ରଞ୍ଜାନ୍ ଦାମାରି ତର୍‌ନି ରଞ୍ଜେଲ୍ ତାଡ଼ି ଆରି ହେଖାର୍ ହୁଦାଂ ଆରେ କେତେକ୍ ଲକୁ ମାତାର୍ ।

☆ ୧୭:୨୪ ୧୭:୨୪ ପଦ୍ୟାତାକା ୭:୪୮.

୧୮

କରନ୍ତିୟ ବସ୍ତିତ ପାଉଲ୍ତି ହେବାକାମାୟ

^୧ ଇ ଓଁକୁ ଗଟଣା ପାଚେ ହେଖାନ୍ ଏତେନ୍ସତାଁ ହାଲ୍ଲଜି କରନ୍ତିତ ଖାତାନ୍ । ^୨ ଆରେ, ହେଖାନ୍ ଆକ୍ଲିଲା ତରନି ରଖାନ୍ ଜିହୁଦିଙ୍ଗ୍ ବେଟା ଆତାନ୍, ପନ୍ତ ହେଖାନ୍ତି ଜଲମ୍ ବାହା; ହେଖାନ୍ ଅଲପ୍ ଦିନ୍ ଆତାତ୍ ଜାର୍ କଗଲେ ପ୍ରିସ୍ଲିଲା ଲାହାଙ୍ଗ୍ ଇତାଲିଆତାଁ ଖାଜି ମାଚାର୍, ଇନାକିଦେଂକି କ୍ଲାଉଦିଅ ଓଁଜାର୍ ଜିହୁଦିରିଂ ରମତାଁ ହସି ହାଞ୍ଜେଙ୍ଗ୍ ବଲ୍ ହିଜି ମାଚାନ୍ । ହେଖାନ୍ ହେଖାର୍ ଲାହାଙ୍ଗ୍ ବେଟାୟ୍ କିଦେଙ୍ଗ୍ ହାଚାନ୍, ^୩ ଆରେ, ହାରିବେପାରିର୍ ମାଟିଲେ ହେଖାର୍ ହୁକେ ବାହା କିତାର୍, ଆରେ ହେଖାର୍ କାମାୟ୍ କିଦେଙ୍ଗ୍ ଲାଗାତାର୍, ଇନାକିଦେଂକି ବେପାର୍ତ୍ ହେଖାର୍ ତୁମ୍ ରବନାକାର୍ ମାଚାର୍ । ^୪ ଆରେ, ପାତି ଜମ୍ନିବାର୍ତ ହେଖାନ୍ ପାର୍ତାନା ଇଲ୍ ଆଲ୍ତାନା ହିଜି ଜିହୁଦି ଆରି ଗ୍ରିକ୍ରିଂ ପାତ୍ ବାତାୟ୍ କିଦେଙ୍ଗ୍ ସେସ୍ତା କିତାନ୍ ।

^୫ ଏଚେକାତ୍ତଦ ସିଲା ଆରି ତିମତି ମାକିଦନିଆତାଁ ଖାତାର୍, ହେ ଏଚେକାତ୍ତଦ ପାଉଲ୍ ବଚନ୍ ପରଚାର୍ତ ବେସି ମାନ୍ଦିଆନ୍ ମାନ୍ତ୍ସି, ଜିସୁ ଜେ କ୍ରିସ୍ଟୁ ଆନାନ୍, ଇଦାଁ ଜିହୁଦିର୍ତ ଲାଗାୟ୍ ସାକି ହିବିସ୍ ମାଚାନ୍ । ^୬ ମତର୍ ହେଖାର୍ ଆପତି ଆରି ନିନ୍ଦା କିତଲେ ହେଖାନ୍ ଜାର୍ ହେୟା ଡାଡ୍ଡି ହେଖାରିଂ ଇଚାନ୍, “ମି ନେତେର୍ ମି କାପ୍ତା ଜପି ଆରେତ୍, ଆନ୍ ପାପି ଆକାୟ୍ ନଙ୍ଗ୍ ପାତ୍ କିଓଁ ଜିହୁଦିର୍ ଲାହାଙ୍ଗ୍ ହାନାଁ ।” ^୭ ହେବେଣ୍ଟାଁ ହେଖାନ୍ ହେ ବାହାତାଁ ହାଲ୍ଲଜି ତିତସ୍ ଜୁସ୍ତ ତରନି ରଖାନ୍ ଇସ୍ପର୍ତ ପୁଜା କିନାକାନ୍ ଇଞ୍ଜ ହାଚାନ୍, ହେଦାଁ ପାର୍ତାନା ଇଲ୍ତିଙ୍ଗ୍ ଲାଗାଜି ମାଚାତ୍ । ^୮ ମତର୍ ପାର୍ତାନା ଇଲ୍ଲିନି ମୁଣିକା କ୍ରିସ୍ଟୁ ଆରି ଇଲ୍ଲିନିକାର୍ ମାପୁ ତାକେ ପାତ୍ କିତାର୍, କରନ୍ତିୟ ବିତ୍ରେ ଆଦେକ୍ ଖେନ୍ତ୍ସି ପାତ୍ କିଦେଙ୍ଗ୍ ଲାଗାତାର୍ ଆରି ବାପ୍ରିସିମ୍ ଆତାର୍ ।

^୯ ଆରେ, ମାପୁ ନାଶା ହୁଡ୍ନାକା ହୁଦାଁ ପାଉଲ୍ତିଂ ଇଚାନ୍, “ପାଣ୍ଡା ଆମା, ଚିମ୍ବରା ଆଖାଦାଁ ପର୍ଚାର୍ କିୟା, ^{୧୦} ଇନାକିଦେଂକି ଆପ୍ ମି ଲାହାଙ୍ଗ୍ ମାନାପ୍, ଇମ୍ଣି ଲଗୁ ପା ମି କେତି କିଦେଙ୍ଗ୍ ନିଂ ମାତିବହା ଆଦୁନ୍, ଲାଗିଂ ମାଖାର୍ ଆଦେକ୍ ଲକୁ ଇ ଗାଡ୍ଡି ମାନାର୍ ।” ^{୧୧} ଆରେ, ହେଖାନ୍ ହେଖାର୍ ଲାଗାୟ୍ ଇସ୍ପର୍ତ ବଚନ୍ ହିକ୍ୟା ହିଜି ବାହେକ୍ ଆଦା ହେବେ ବାହା କିତାନ୍ ।

^{୧୨} ମତର୍ ଗାଲ୍ଲିୟନ୍ ଆକାୟାନ୍ ରମିୟ ସାସନ୍କାର୍ୟା ମାନି ଖେଡାଲିଂ ଜିହୁଦିର୍ ପାଉଲ୍ତି ବିରୁଦ୍ତ ର ମାନ୍ ଆଜି ନିଂଜି ତାଙ୍ଗ୍ ଗାଦି ଲାଗାୟ୍ ତାହି ଇଚାର୍, ^{୧୩} “ଇ ମାନାୟ୍” ବିଦିନି ଡଲ୍ଲଟା ବାବ୍ରେ ଇସ୍ପର୍ତ ପାର୍ତାନା କିଦେଙ୍ଗ୍ ଲକାରିଂ ଚିତଲାଇୟ୍ କିନାକା ।

^{୧୪} ମତର୍ ପାଉଲ୍ ମୁମ୍ ରିକ୍ତି କାତା ଇଞ୍ଜେଙ୍ଗ୍ ଜାଲ୍ଲଦି ଆତିହିଂ, ଗାଲ୍ଲିୟନ୍ ଜିହୁଦିରିଂ ଇଚାନ୍, ଇନେସ୍କିତିସପା ଅନ୍ୟାୟ୍ କି ବାନ୍ୟା କାମାୟ୍ ଜଦି ଆଜି ମାଟିସ୍ ଖାଟିଙ୍ଗ୍, ହେ ଜିହୁଦିର୍, କାଲେତାଁ ମି କାତା ଖେନାକା ହାରାଖାତାତ୍ମା; ^{୧୫} ମତର୍ ଜଦି ଇ ସବୁ ଆପକା ବଚନ୍, ତର୍ ଆରି ମି ବିଦି ବିସ୍ତେ କିର ଆନାତ୍, ଖାଟିଙ୍ଗ୍ ଏପେଙ୍ଗ୍ ନିଜେ ହେଦାଁ ବୁଜାନାଦେର୍; ଆନ୍ ଇ ସବୁ ବିସ୍ତେ ବିଚାର୍କାର୍ୟା ଆଦେଂ ଇଚା କିତଙ୍ଗା । ^{୧୬} ଆରେ, ଇଦାଁ ଇଞ୍ଜି ହେଖାନ୍ ଗାଦି ବାହାତାଁ ପେସ୍ପାର୍ । ^{୧୭} ହେବେଣ୍ଟାଁ ଓଁଜାର୍ ପାର୍ତାନା ଇଲ୍ଲିନି ମୁଣିକା ସସ୍ଥନାତିଂ ଆସ୍ତି ଗାଦି ବାହାତ ଗ୍ରାକ୍ତେଂ ଲାଗାତାର୍; ମତର୍ ଗାଲ୍ଲିୟନ୍ ହେ ଓଁକୁ ବିସ୍ତେ ହୁଡ୍ଡ଼ାତାନ୍ ।

ସିରିନି ଆକ୍ତିୟକିଆତ ପାଉଲ୍ ମାସ୍ଦି ଖାତାନ୍

^{୧୮} ପାଉଲ୍ ବେସି ଦିନ୍ ପାତ୍ କିନି ଟଣ୍ଡାର୍ ଆରି ତଣ୍ଡଦେକ୍ ଲାହାଁ ଇଦାଁ ପାଚେ ପାଉଲ୍ ବେସି ଦିନ୍ ବାହା କିତାନ୍ । ତା ପାଚେ ହେଖାନ୍ ପିସ୍ତୁ ପ୍ରିସ୍ଲିଲା ଆରି ଆକ୍ଲିଲା ଲାହାଁ ସିରିୟାନ୍ ଏସ୍ ଜାଜ୍ତ ହାଚାର୍ । କେକେୟାତାଁ ଏସ୍ ଜାଜ୍ ଆରମ୍ କିନି ଆଗେ ତାଙ୍ଗେଙ୍ଗ୍ ର ମାନ୍ତ ଇସାବ୍ରେ ହେଖାନ୍ତି କାପ୍ତା କୁରାୟ୍ କିୟ୍କିତାର୍ । ^{୧୯} ପାଚେ ହେଖାର୍ ଏପିସତ ଖାତାର୍, ଆରେ ହେଖାନ୍ ହେ ବାହାତ ହେଖାରିଂ ପିସ୍ତୁ ନିଜେ ପାର୍ତାନା ଇଞ୍ଜ ହଣ୍ଡି ଜିହୁଦିରିଂ ଲାହାଙ୍ଗ୍ ଆଲ୍ତାନା କିତାର୍ । ^{୨୦} ଆରେ, ହେଖାର୍ ତାଙ୍ଗ୍ ଆଦିକ୍ ସମ୍ ମାଞ୍ଜେଙ୍ଗ୍ ଗଖାରି କିତିଲେ, ହେଖାନ୍ ରାଜି ଆଖାତାନ୍ । ^{୨୧} ମତର୍ ହେଖାନ୍ ହେଲ୍ ଅଜି ଇଚାନ୍, “ଇସ୍ପର୍ତ ଇଚା ଆତିସ୍ ଆରେ ରଗ ମି ତାକେ ମାସ୍ଦି ଖାନାଙ୍ଗ୍” ହେଖାନ୍ ଜାଜ୍ତ ହାଲ୍ଲଜି ଏପିସତ ମାସ୍ଦି ହାଚାନ୍ ।

^{୨୨} କାଈସରିୟାତ ଏକିସ୍ ହେଖାନ୍ ଜାଜ୍ ତାଁ ଜୁତାନ୍, ଆରେ ହାଲ୍ଲଜି ମଣ୍ଡଲିତିଂ ମେହାଜି ଆକ୍ତିୟକିଆତ ତାଂଜି ହାଚାନ୍ । ^{୨୩} ହେ ବାହାତ କେତେକ୍ ସମ୍ ମାଟି ପାଚେ ହେଖାନ୍ ହାଚାନ୍, ଆରେ ଦାଡ୍ଡିତାଁ ଗାଲ୍ଲାତିୟ୍ ନିପ ଆରି ପୁଗିଆ ହିଜି ହାଲ୍ଲ ହାଲ୍ଲ ଚେଲାର୍ ଓଁଜାରିଂ ସୁସ୍ତା କିଜି ମାଚାନ୍ ।

ଏପିସସ୍ ଆରି କରନ୍ତିତ ଆପଲ୍

^{୨୪} ଓଁସ୍ତୁ ବିତ୍ରେ ଆପଲ୍ ତରନି ରଖାନ୍ ଜିହୁଦି ଏପିସତ ଖାତାନ୍, ହେଖାନ୍ତି ଜଲମ୍ ବାହା ଆଲେକ୍ଜାଣ୍ଡ୍ରିୟ୍; ହେଖାନ୍ ହାର୍ ବେରଣ୍ କିନାକାନ୍ ଆରି ଦରମ୍ ସାସ୍ପର୍ତ ଆଡ୍ନାକାନ୍ ମାଚାନ୍ । ^{୨୫} ଇ ମୁଣିକା ମାପୁତି ହାଜି ବିସ୍ତେ ସିକ୍ୟା ପାୟା ଆଜି ମାଚାନ୍, ଆରେ ଜିବୁନ୍ତ ରିସାଜି ଜିସ୍ତୁତି ବିସ୍ତେ ହାର୍ଦି ହିକ୍ୟା ହିଜି ମାଚାନ୍,

ମାତର ହେୱାନ ଆପକା ଜହନତି ବାପ୍ତିସିମ୍ ବିସ୍ତେ ପୁଞ୍ଜି ମାତାନ; ^{୨୭} ହେୱାନ ପାର୍ତାନା ଇଲ୍ ସାସ୍ ଲାହାଙ୍ଗ୍ କାତା ଇଞ୍ଜେଙ୍ଗ୍ ଲାଗାତାନ । ମତର ପ୍ରିସ୍ତ୍ରିଲ୍ ଆରି ଆକ୍ତିଲ୍ ତା କାତା ୱେନ୍‌ଞ୍ଜି ତାଙ୍ଗ୍ ଜାତ୍ ଲାହାଙ୍ଗ୍ ଇଡ଼ଜି ଆଦିକ୍ ଟିକିନିକି ବାବ୍ରେ ଇସ୍ପୁରତି ହାଜି ବିସ୍ତେ ତାଙ୍ଗ୍ ହିକ୍ୟା ହିତାର୍ । ^{୨୮} ହେୱାନ ଆକାୟା ଦେସ୍ତ ହାନି କାଜିଂ ଇଚା କିତିଲେ ଟେଣ୍ଡାର୍ ତାଙ୍ଗ୍ ବାସ୍ ହିଜି ତାଙ୍ଗ୍ ଇଚ୍ଚି କାଜିଂ ଚେଲାରିଂ ଲେକିକିତାନ । ହେୱାନ ହେବେ ଏକିସ୍, ଇମ୍‌ଶାକାର୍ ପାତ୍ କିଜି ମାତାର୍, ଇସ୍ପୁରତି ଦୟା ହୁଦାଂ ହେୱାର୍ତି ବେସି ଉପକାର୍ କିତାନ, ^{୨୯} ଇନାକିଦେଂକି ଜିସୁ ଜେ କ୍ରିସ୍ଟୁ, ଇଦାଂ ଦରମ୍ ସାସ୍ପୁରତ ହୁଦାଂ ପାର୍ମାଣ୍ କିଜି ହେୱାନ ହପ୍ତି ସାକ୍ତି ଲାହାଙ୍ଗ୍ ଜିହୁଦିରତି ଜିକାଟାଣା ସବୁ ଆରାୟ୍ କିଦେଙ୍ଗ୍ ଲାଗାତାନ ।

୧୯

ଏପିସ୍ତ ପାଉଲ୍

^୧ ଆପଲ୍ କରକ୍ତିତ ମାନି ୱେଡ଼ାଲିଂ ପାଉଲ୍ ୱେଡ଼ାହନି ବିତ୍ରେ ହିଜି ହାଲ୍‌ଜି ଏପିସ୍ ଗାଡ଼ଦ ଏକାତାନ ହେବେ ହେୱାନ କେତେକ୍ ଚେଲାରିଂ ଚଞ୍ଜାତାନ । ^୨ ହେୱାନ ହେୱାରିଂ ୱେନ୍‌ବାତାନ, “ପାତ୍ କିନି ୱେଡ଼ାଲିଂ ଇନାକା ପୁଇପୁୟା ଜିବୁନତିଂ ଗାଟାଜି ମାଟାଦେର କି ?”

ହେୱାର୍ ତାଙ୍ଗ୍ ଉତର ହିତାର୍, ଆକାୟ୍ “ପୁଇପୁୟା ଜିବୁନ ଜେ ମାନାଡ଼, ଇଞ୍ଜି ଆପେଂ ୱେନ୍‌ୱାତାୟା ।”

^୩ ଲାଗିଂ ହେୱାନ ୱେନ୍‌ବାତାନ, “ୱାଟିଙ୍ଗ୍ ଏପେଙ୍ଗ୍ ଇନାକାତ ବାପ୍ତିସିମ୍ ଆଜି ମାଟାଦେର ?”

“ହେୱାର୍ ଇଚାର୍, ଜହନତି ବାପ୍ତିସିମ୍ତ ।”

^୪ ହେବେଣ୍ଡାଂ ପାଉଲ୍ ଇଚାନ, “ଜହନ ମାନବାଦଲ୍‌ୟ କିନି ବାପ୍ତିସିମ୍ତ ବାପ୍ତିସିମ୍ ହିଜି, ଜିସୁ ପାଚେ ଇନେର ୱାନାନ, ହେୱାନ ତାକେ, ଇଚିସ୍ ଜିସୁତି ତାକେ ପାତ୍ କିଦେଙ୍ଗ୍ ଆନାଡ଼ ଇଞ୍ଜି ଜହନ ଇସ୍ତାଏଲ୍ ଲକ୍ଚୁରିଂ ଇଞ୍ଜି ମାଟାନ ।”

^୫ ହେୱାର୍ ଇଦାଂ ୱେନ୍‌ଞ୍ଜି ମାପୁ ଜିସୁତି ତରଦ ବାପ୍ତିସିମ୍ ଆତାର୍, ^୬ ଆରେ ପାଉଲ୍ ହେୱାର୍ ଜପି କେଇ ଇଚ୍ଚିଲେ, ପୁଇପୁୟା ଜିବୁନ ହେୱାର୍ ଜପି ଜୁଡ଼ତାନ, ଆରେ ହେୱାର୍ ବାର୍‌ବିନ୍ ବାସାତ କାତା ଇଞ୍ଜେଙ୍ଗ୍ ଆରି ବେଣ୍ଡାକ୍‌ଣାୟ୍‌କିନାକାନ ପା ଇଞ୍ଜେଙ୍ଗ୍ ଲାଗାତାନ । ^୭ ହେୱାର୍ ୱିଜାର୍ ଆନ୍ ମାକ୍ତ ବାର୍ ଜାଣ୍ ଆଣ୍ଡାହିମ୍‌ଶାଂ ମାଟାର୍ ।

^୮ ପାଚେ ହେୱାନ ପାର୍ତାନା ଇଞ୍ଜି ହଣ୍ଡି ତିନ୍ ମାସ୍ ପାଚେକ୍ ସାସ୍ ଲାହାଙ୍ଗ୍ ଇସ୍ପୁରତି ରାଜି ବିସ୍ତେ ଉପଦେସ୍ ହିଜି ପାତ୍ ବାତାୟ୍ କିଦେଂ ସେସ୍ଟୁ କିଦେଙ୍ଗ୍ ଲାଗାତାନ । ^୯ ମତର ହେ ଏଚେକାଡ଼ଦ ଏଚେକ୍ ଲକ୍ଚୁ ଆଟ୍‌ୱା ଆରି ଅମାନ୍ୟା ଆଜି ଲକ୍ଚୁର୍ ମୁମଦ ହେ ହାଜି ବିସ୍ତେ ନିୟା କିଦେଙ୍ଗ୍ ଲାଗାତାର୍, ହେ ଏଚେକାଡ଼ଦ ହେୱାନ ହେୱାରିଂ ପିସ୍ତି ଚେଲାରିଂ ବିନେ କିତାନ, ଆରେ ନିତ୍ରେ ତୁରାନ୍‌ନି ଇଲ୍ ଆଲ୍‌ଚାନା କିଦେଙ୍ଗ୍ ଲାଗାତାର୍ । ^{୧୦} ଇ ବାନି ରି ବାହ୍ଣ୍ ପାଚେକ୍ ଆତାଡ଼; ହେବେ ଆସିଆ ନିକାର୍ ଜିହୁଦି ଆରି ଗ୍ରିକ୍ ୱିଜାର୍ ମାପୁତି ବଚନ୍ ୱେଚାର୍ ।

ସ୍ଲୋବାନି ହିମ୍‌ଶାଂ

^{୧୧} ଆରେ, ଇସ୍ପୁର ପାଉଲ୍‌ତିଂ କେଇ ହୁଦାଂ ଆବିଞ୍ଚିତି ସାକ୍ତିନି କାମାୟ୍ କିଜି ମାଟାନ, ^{୧୨} ଏଲେଂକି ପାଉଲ୍ ତା ଗାଗାଡ଼ତାଂ ରୁମାଲ୍ କି ତୁ଱ାଲ୍ ରଗ୍ୟାର୍ ଲାଗେ ତାହିଞ୍ଚାତିସ୍, ହେୱାର୍ ତାଙ୍ଗ୍ ରଗ୍ ପିସ୍ତି ହାଲ୍‌ଜି ମାଟାଡ଼ ଆରି ବାନ୍ୟାପୁଦା ହସି ହାଲ୍‌ଜି ମାଟିକ୍ । ^{୧୩} ମତର ବୁଲାନି ଜିହୁଦିର ତୁଚ୍‌କିଆର୍ ବିତ୍ରେ କେତେକ୍ ଜାଣ୍ତିଂ ବାନ୍ୟାପୁଦା ଲାଗାଜି ମାଟି ଲକ୍ଚୁର୍ ଜପି ମାପୁ ଜିସୁତି ତର ଇଚିଲେ କସ୍ ଆଜି ଇଚିକ୍, ଇମ୍‌ଶି ଜିସୁଙ୍ଗ୍ “ପାଉଲ୍ ସୁଣାୟ୍ କିଦେଙ୍ଗ୍ ଲାଗାନାନା, ଆନ୍ ମିଙ୍ଗ୍ ହେୱାନ୍ତି ବଲ୍ ହିଦ୍‌ନାଙ୍ଗା ।” ^{୧୪} ଆରେ, ସ୍ଲୋବା ତରନି ରଞ୍ଜାନ ଜିହୁଦି ମୁଡ଼ ମାପୁହେବା କିନାକାନତି ସାଡ଼ଜାଣ୍ ମାଜିର୍ ଇ ଲାକେ କିଜି ମାଟାର୍ ।

^{୧୫} ହେବେ ବାନ୍ୟାପୁଦା ହେୱାରିଂ ଉତର ହିତାନ, “ଆପ୍ ଜିସୁଙ୍ଗ୍ ପୁନାପ୍ ଆରି ପାଉଲ୍‌ତିଂ ଚିନିକିତାପନ୍ନା; ମତର ଏପେଙ୍ଗ୍ ଇମ୍‌ଶାକାଦେର ?”

^{୧୬} ହେ ଏଚେକାଡ଼ଦ ବାନ୍ୟାପୁଦା ଆହ୍ୟାତି ଲଗୁ ହେୱାର୍ତି ଜପି ଗୁମ୍‌ଜି ସାକ୍ତିତାଂ ହେୱାନ ରିୟାରିଂ ଆରାୟ୍ କିଜି ହେୱାରିଂ ଦାକା କିତାଡ଼ ଜେ, ହେୱାର୍ ନାଗଡ଼ା ଆରି ଗାଅଦାଆ ଆଜି ହେ ଇଲ୍‌ତାଙ୍ଗ୍ ହସି ହାଚାର୍ । ^{୧୭} ଇ କାତା ଏପିସ୍ ନିକାର୍ ଜିହୁଦି ଆରି ଗ୍ରିକ୍ ୱିଜାର୍ ପୁଚାର୍ । ହେବେ ୱିଜାର୍ ପାଣ୍ଡା ଆତାର୍, ଆରେ ମାପୁ ଜିସୁତି ତର ଜାଜ୍‌ମାଲ୍ ଆଦେଂ ଲାଗାତାଡ଼ । ^{୧୮} ଆରେ, ପାତ୍ ନିକାର୍ ବିତ୍ରେ ଆଦେକ୍ ୱାଜି ଜାର୍ ଜାର୍ କାମାୟ୍ ମାନିକିତାର୍ ଆରି ୱେଚ୍‌ଚେଂ ଲାଗାତାର୍, ^{୧୯} ଆରେ ମକ୍ତର କାମାୟ୍ କିନାକାର୍ ଆଦେକ୍ ଜାର୍ ଜାର୍ ପତି ତାହିଞ୍ଚାଜି ରୁଣ୍ଡାୟ୍ କିଜି ୱିଜାକାର୍ ମୁମଦ ହୁଡ଼ଜି ତୁହିତାର୍; ହେୱାର୍ ହେ ସବୁନି ମଲ୍

☆ ୧୯:୪ ୧୯:୪ ମାଡିଉ ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜହନ ୧:୨୭,୨୭.

ହିସାବ୍ କିତିଲେ ହେଦାଂ ରିକଡ଼ି ଦସ୍ ହାଜାର୍ ରୁପା ଟାକାଂ ଇଞ୍ଜି ହୁଡ଼ତାର୍ । ୨୦ ଇ ଲାକେ ମାପୁତି ବଚନ୍ ସାକ୍ତିତାଂ ବାତାଦେଂ ଆରି ଆଦିକ୍ ସାକ୍ତି ଆଦେଂ ଲାଗାତାଡ଼ ।

ଏପିସତ ଲାଗାଜଡ଼ା

୨୧ ଇ ଝିନ୍ଦୁ ବିସ୍ତେ ଝିସ୍ତି ପାଚେ ପାଉଲ୍ ମାକିଦନିଆ ଆରି ଆକାୟା ହିଜି ଜିରୁସାଲମତ ହାଞ୍ଜେଙ୍ଗ୍ ମାନତ ତିର୍ କିଜି ଇଚାନ, “ହେବେ ହାଚି ପାଚେ, ନାଙ୍ଗ୍ ରମତ ପା ହାଞ୍ଜେଙ୍ଗ୍ ଆନାଡ଼ ।” ୨୨ ଆରେ, ଇମ୍ଫାକାର୍ ହେଝାନ୍ତି ହେବା କିଜି ମାଚାର୍, ହେଝାର୍ ବିତ୍ତେ ତିମତି ଆରି ଏରାସ୍, ଇ ରିୟାରିଂ ମାକିଦନିଆତ ପକ୍ତି ହେଝାନ୍ ନିଜେ ଅଲପ୍ କାଡ଼ ପାତେକ୍ ଆସିଆ ଦେସ୍ତ ମାଚାନ୍ ।

୨୩ ହେ ଝେଡ଼ାଲିଂ ଇ ହାଜି ବିସ୍ତେ ବେସି ଅଜି ଏପିସତ ବେସି ଗଣ୍ଡଗଲ୍ ଆତାଡ଼ । ୨୪ ଇନାକିଦେଂକି ଦିମିତ୍ରିୟ ତରନ୍ ରିଝାନ୍ ହନାରି ଆର୍ଡେମିନି ରୁପା ମନ୍ଦିର୍ ରଚ୍ତି ମାଚାନ୍, ଆରେ ବାନାରଚ୍ନାକାନ୍ ବେସି ଲାବ୍ କିଜି ମାଚାର୍ । ୨୫ ହେଝାନ୍ ହେଝାରିଂ ଆରି “ହେ ବେପ୍ରିୟାର୍ ବାନାରଚ୍ନାକାରିଂ କୁକ୍ତି ଇଚାନ, ମାପୁର୍, ଇ ବେପାର୍ ହୁଦାଂ ଆପେଂ ଦନ୍ ପାୟାନାପ୍ ଇଞ୍ଜି ଏପେଙ୍ଗ୍ ପୁନାଦେରା; ୨୬ ଆରେ, କେଇରଚ୍ତି ପୁଡ଼ତାଂ ଇସ୍ପର୍ ଆକାୟା ଇଞ୍ଜି ଇଞ୍ଜି ଇ ପାଉଲ୍ କେବଲ୍ ଏପିସତ ଆକାୟା, ମତର୍ ଝିନ୍ଦୁ ଆସିଆତ ଦେସ୍ତ ଜବର୍ ମାନାୟତିଂ ବୁଜାୟା କିୟା କିଜି ଇନାନା, ଇଦାଂ ଏପେଙ୍ଗ୍ ହୁଡ଼ନାଦେରା ଆରି ଝେନାଦେରା । ୨୭ ଇବେ ଜେ କେବଲ୍ ମା ଇ ବେପାରନ୍ ବାନ୍ୟା ତର୍ ଆନାକା ପାଣ୍ଡୁ ମାନାଡ଼, ହେଦାଂ ଆକାୟା, ମତର୍ ଇମ୍ଫା ଗାଜା ପେନ୍ ଆର୍ଡେମିତି ଝିନ୍ଦୁ ଆସିଆ ଆରି ପୁତ୍ ଜାକ୍ ପାର୍ତାନା କିତାର୍, ହେଝାନ୍ତି ମନ୍ଦିର୍ ପା ଉଣା ଆନାକା ଆରି ତାଦାଂ ସନ୍ମାନ ନସ୍ ଆଦେଂ ପା ଗିଗାନି ପାଣ୍ଡୁ ମାନାଡ଼ ।”

୨୮ ଇ କାତା ଝେନଞ୍ଜି ହେଝାର୍ ରିସାତ ବାଡ଼ି ଆଜି ରାଟୁ କିଜି ଇଞ୍ଜେଙ୍ଗ୍ ଲାଗାତାର୍, ଏପିସିୟର୍ତି “ଆର୍ଡେମି ଗାଜା ପୁଡ଼ତା ଜୟ ଆଏଡ଼ ।” ୨୯ ଇବେଣ୍ଡାଂ ଗାଡ଼୍ କିରତ ବାଡ଼ି ଆତାଡ଼, ଆରେ ହେଝାର୍ ର ମାନତାଂ ପାଉଲ୍ତି ରଚେ ହାଚାକାନ୍ ମାକିଦନିଆନି ଗାୟ ଆରି ଆରିସ୍ପାର୍କତିଂ ଆସ୍ତି ମେଲ୍ୟାର୍ ବୁମିତ ହନଞ୍ଜି ହାଚାର୍ । ୩୦ ଇବେ ପାଉଲ୍ ଲକୁ ବିତ୍ତେ ହାଞ୍ଜେଙ୍ଗ୍ ଇଚା କିତାନ୍, ମତର୍ ଚେଲାର୍ ତାଙ୍ଗ୍ ହାଞ୍ଜେଙ୍ଗ୍ ହିଝାତାର୍ । ୩୧ ଆରେ, ଆସିଆନି ମୁଡ଼୍ କାମାୟା କିନାକାର୍ ବିତ୍ତେତାଂ ପା ଏଚେକ୍ ଜାଣ୍ ହେଝାନ୍ତି ହାଙ୍ଗ୍ଦାକାର୍ ମାଚିଲେ ଲକୁ ପକ୍ତି ମେଲ୍ୟାର୍ ବୁମି ବିତ୍ତେ ସାସ୍ ହିଲ୍ଝାଦାଂ ହାଲ୍ଝି କାଜିଂ ତାଙ୍ଗ୍ ଗଝାରି କିତାନ୍ । ୩୨ ହେ ଏଚେକାଡ଼୍ଦ ଇନେର୍ ଇନେର୍ ଇ କାତା, ଇନେର୍ ଇନେର୍କି ହେ କାତା ଇଞ୍ଜି କିକିରାତିଂ କିଜି ମାଚାର୍, ଇନାକିଦେଂକି ସବା ରାଟୁତ ବାଡ଼ି ଆଜି ମାଚାଡ଼, ଆରେ ହେଝାର୍ ଜେ ଇନାକିଦେଂ ରବେରୁଣ୍ଡା ଆତାଣ୍ଡା, ହେଦାଂ ଆଦେକ୍ ପୁନ୍ଝାଦାଂ ମାଚାର୍ । ୩୩ ଆରେ, ଜିହୁଦିର୍ ଆଲେକ୍ଜାଣ୍ଡରତିଂ ଆଗେ ହପ୍ତି ତାହିଝାତିଲେ ଲକୁ ବିତ୍ତେତାଂ ଇନେର୍ ଇନେର୍ ତାଙ୍ଗ୍ ଚିଉଲ୍ଲାୟା କିତାର୍; ହେବେ ଆଲେକ୍ଜାଣ୍ଡର କେଇଦାଂ ଚଚ୍ତି ଲକୁର୍ ଲାଗାୟା ହେଝାର୍ତି ପାକ୍ୟାଜି ଇଞ୍ଜେଙ୍ଗ୍ ଇଚା କିତାନ୍ । ୩୪ ମତର୍ ହେଝାନ୍ ରିଝାନ୍ ଜିହୁଦି ଇଞ୍ଜି ହେଝାର୍ ପୁଚାର୍, ହେ ଏଚେକାଡ଼୍ଦ ଝିଜାର୍ କାଚ୍ଚ ରି ଗଣ୍ଡା ପାତେକ୍ କିକିରାତିଂ କିଜି ଇଞ୍ଜେଙ୍ଗ୍ ଲାଗାତାର୍, ଏପିସିୟର୍ତି “ଆର୍ଡେମି ଗାଜା ପୁଡ଼ତା ଜୟ ଆଏଡ଼ ।”

୩୫ ପାଚେ ଗାଡ଼ିନି ମୁସ୍ତିଦାର୍ ଲକୁ ଝିଜୁତିଂ ସୁସ୍ତା କିଜି ଇଚାର୍, “ଏ ଏପିସିୟନି ଲକୁର୍, ଏପିସ ଗାଡ଼୍ ଜେ ଗାଜା ପୁଡ଼ତା ଆର୍ଡେମି ମନ୍ଦିର୍ ଆରି ବାଦାଡ଼୍ ତାଂ ଜୁଜି ଝାଜିମାନି ପୁଡ଼ତା ମନ୍ଦିର୍ନି କାରନ୍ୟା, ଇଦାଂ ଇନେର୍ ପୁନ୍ଝାତାଣ୍ଡା ? ୩୬ ଇନେର୍ ମାନିକିଉର୍ ଇ ସବୁ କାତା ତ୍ରିଙ୍ଗ୍ଝିତିଲେ ମିଦାଙ୍ଗ୍ ସୁସ୍ତା ଆନାକା ଆରି ବାବିକିଝି କାମାୟା କିଝି କାତା । ୩୭ ଇନାକିଦେଂକି ଇ ଇମ୍ଫା ଲକୁରିଂ ଏପେଙ୍ଗ୍ ତାହିଝାତାଦେଣ୍ଡା, ଇଝାର୍ତ ମନ୍ଦିର୍ ଚରି କିନାକାର୍ ଆକାୟା କି ମା ଦେବିତିଂ ନିୟା କିନାକାର୍ ଆକାୟା । ୩୮ ଲାଗିଂ ଜଦି ଇନେର୍ତ୍ତ ବିରୁଦ୍ଦ ଦିମିତ୍ରିୟ ଆରି ତା ହାଂଙ୍ଗ୍ଦାକାନ୍ ବାନାରଚ୍ନାକାତ୍ ଇନାକାପା କାତା ମାଚିସ୍, ତା ଆତିସ୍ ବିଚାଣ୍ଡା ଇଲ୍ ଜେତାକା ମାନାଡ଼ ଆରି ସାସନ୍କାର୍ୟାର୍ ମାନାର୍; ହେଝାର୍ ହାରି ବିରୁଦ୍ଦ ଦାବା କିଏର୍ । ୩୯ ମତର୍, ଜଦି ମିଦାଙ୍ଗ୍ ବିନ୍ ଇମ୍ଫା ଦାବା ମାଚିସ୍, ଝାଟିଙ୍ଗ୍ ନିୟମ କିତି ର ସବାତ ତା ରୁଜୁକ୍ ଆନାଡ଼ । ୪୦ ଇନାକିଦେଂକି ହାଡ଼ପାନେ ନେଞ୍ଜେଙ୍ଗ୍ନି କିର ଅଜି ମା ବିରୁଦ୍ଦ ଦାବା ଆନି ପାଣ୍ଡୁ ମାନାଡ଼; ଆପେଂ ଇ କିର ଇମ୍ଫା କାରଣ୍ ଚଚ୍ଚେଙ୍ଗ୍ ଆଡୁପ୍ ।” ୪୧ ଇଦାଂ ଇଞ୍ଜି ହେଝାନ୍ ସବାନି ଝିଜାରିଂ ହେଲଝେୟା ହିତାନ୍ ।

୨୦

ମାକିଦନିଆ ଆରି ଆକାୟାତ ଜାତ୍ରା

୧ ହେ ଗଣ୍ଡଗଲ୍ ଚିମ୍ଫରା ଆତି ପାଚେ ପାଉଲ୍ ଚେଲାର୍ କୁକ୍ତି ହେଝାରିଂ ଝାରିକିୟକିନି ପାଚେ, ଆରେ ହେଝାର୍ ତାଙ୍ଗ୍ ହେଲଝେୟା ଅଜି ମାକିଦନିଆତ ହାଚାର୍ । ୨ ହେଝାନ୍ ଇମ୍ଫା ନିପ ହିଜି ହାଲ୍ଜି ହେଝାନ୍ ମାନାୟାରିଂ ବେସି ଝାରିକିୟକିନି ପାଚେ ଗ୍ରିସ୍ତ ଝାତାନ୍ । ୩ ହେଝାନ୍ ହେ ବାହାତ ତିନ୍ ମାସ୍ ମାଞ୍ଜି

ଏତେକାଡ଼ଦ ଜାଜତ ଦୁମ୍ଭି ସିରିୟାତ ହାଞ୍ଜେଙ୍ଗ୍ ସେସ୍ତୁ କିତାନ୍, ଏତେଝାଡ଼ା ଜିହୁଦିର ପାଉଲ୍ଲତି ବିରୁଦ୍ଧ ହାଡ଼ୁର କିତିଲେ ହେଝାନ୍ ମାକିଦନିଆ ହିଜି ମାସ୍ଦିହାଞ୍ଜେଙ୍ଗ୍ ବାବି କିତାନ୍ । ୪ ଆରେ ବେରିୟାନିକାର ପୁରତି ମାଜି ସପାତ୍, ତେସ୍ଲାନିକିୟ ନିକାର ବିତ୍ରେ ଆରିସ୍ତାର୍କ ଆରି ସେକ୍ସୁନ୍, ଦବ୍ ନି ଗାୟ, ତିମତି, ଆରେ ଆସିଆନି ଲକୁ ବିତ୍ରେ ତୁକିକ ଆରି ତ୍ରପିମ ତା ହାଙ୍ଗ୍ଦା ହାଚାର । ୫ ଇଝାର ଝିଜାର ଆଗେ ହାଲ୍ଲଜି ତ୍ରୟାତ ମାଙ୍ଗେଙ୍ଗ୍ କାସି ମାନ୍‌ଆନ୍ । ୬ ଆରେ, ହଇଝି ରୁଟିନି ପାର୍ବୁ ପାଚେ ଆପେ ଜାଜତ ଦୁମ୍ଭି ପିଲିପିତା ହାଜି ଆସ୍ତାପ୍, ଆରେ ପାଞ୍ଚ ଦିନ୍ତ ତ୍ରୟାତ ହେଝାର ଲାଗାୟ ଝାତାପ୍; ହେ ବାହାତ ଆପେ ସାଡ଼ ଦିନ୍ ମାଚାପ୍ ।

ତ୍ରୟାତ ପାଉଲ୍ଲତି ହାରିହାରା ହାନାକା

୭ ଆପେ ସାଡ଼ନି ପର୍ତ୍ତୁମ୍ ରଇବାର ନାଜି ଏତେକାଡ଼ଦ ତିଞ୍ଜେଙ୍ଗ୍ ରବେରୁଣ୍ଡା ଆଜି ମାଚାପ୍, ପାଉଲ୍ଲ ହେ ଏତେଝାଡ଼ା ଆକାଡ଼ ନାଜି ହାନାନ୍ ଇଞ୍ଜି ଜାଲ୍ଲଦି ଆଜି ମାଚିଲେ ହେଝାରି ଉପ୍ଦେସ୍ ହିଦେ ଲାଗାତାନ୍ ଆରି ଆଦାନାଣା ପାତେକ୍ ଲାମା କାତା ହିତାନ୍ । ୮ ଇମ୍‌ଣି ଜପ୍‌ଣି ବାକ୍ରାତ ଆପେ ରବେ ରୁଣ୍ଡାଜି ମାଚାସ୍, ହେ ବାକ୍ରାତ ବେସି ବଇଟା କାଚା ଆଜି ମାଚିକ୍ । ୯ ଆରେ, ଚିଟ୍‌କି ଜପି ଇଉତୁକ ତରନି ରଝାନ୍ ଦାଣେନ୍ ଲଗୁ କୁଟ୍‌ଚି ମାଚାନ୍, ହେଝାନ୍ ବେସି ହୁଟ୍‌କାଣ୍‌କୁ ହସି ମାଚିକ୍; ଆରେ ପାଉଲ୍ଲ ଆରେ ତେଙ୍ଗା ଉପ୍ଦେସ୍ କିତିଲେ ହେଝାନ୍ ହୁଟ୍‌କାଣ୍‌କୁ ମାୟାତା ତିନି ପାଉଟ୍‌ତା ତାରେନ୍ ଆର୍ଡାନ୍, ଆରେ ତାଙ୍ଗ୍ ନିକ୍ତି ଝେଡାଲି ହେଝାନ୍ ହାତାନ୍ନା ଇଞ୍ଜି ପୁନ୍ୟାତାଡ଼ । ୧୦ ହେବେ ପାଉଲ୍ଲ ତାରେନ୍ ଜୁଜି ଝାଜି ତାଙ୍ଗ୍ ପମ୍‌ଜି ଇଚାନ୍, “ତିନ୍ତା କିମା, ଇନାକିଦେକି ଇଝାନ୍ ତାକେ ଜିରୁନ୍ ମାନାଡ଼ ।” ୧୧ ପାଚେ ହେଝାନ୍ ଜପି ହାଲ୍ଲଜି ରୁଟି ତ୍ରିକ୍‌ଚି ଚିଚାନ୍, ଆରେ ହେଝାର ଲାହାଙ୍ଗ୍ ନାଡ଼ିହିଙ୍ଗ୍ ଆନି ପାତେକ୍ ବେସି କାତାବାର୍ଡା କିଜି ହାଜି ଆସ୍ତାନ୍ । ୧୨ ଆରେ, ହେଝାର ହେ କାଡ଼ଦେଙ୍ଗ୍ ଜିଜି ମାନାକା ଗାଚାଜି ଆଦିକ୍ ଝାରିକିୟକିନି କାଜି ହେଝାର ଆଦିକ୍ ହେଝାରି ଆରି ଇଞ୍ଜି ଅସି ହାଚାର ।

ତ୍ରୟାତା ମିଲିଟସ୍‌ତ ହାନାକା

୧୩ ମତର, ଆପେ ଆକ୍‌ତୁ ଜାଜତ ଦୁମ୍ଭି ଆସସ୍‌ତ ହାଚାପ୍, ହେବେତା ପାଉଲ୍ଲତି ଅସି ହାନି କାଜି ବାବି କିଜି ମାଚାପ୍, ଇନାକିଦେକି ହେଝାନ୍ ନିଜେ ହାଜିଡ଼ ହାଞ୍ଜେଙ୍ଗ୍ କାଜି ଇଚା କିଜି ହେ ବାନି ତିର କିଜି ମାଚାନ୍ । ୧୪ ଏତେକାଡ଼ଦ ହେଝାନ୍ ମା ଆସସ୍‌ତ ବେଟା ଆଡ଼ତାନ୍, ଆପେ ତାଙ୍ଗ୍ ଜାଜତ ଅଜି ମିତୁଲିନିତ ଏକାତାପ୍, ୧୫ ଆରେ ହେ ବାହାତା ଜାଜ ରିକ୍‌ଚି ଆପେ ଆକାଡ଼ ନାଜି କିୟସ୍ ମୁମ୍‌ଦ ଏକାଝାତାପ୍, ରି ଦିନ୍‌ତାଙ୍ଗ୍ ଜାଜ ସାମତ ତୁକାୟକିତାପ୍ ଆରି ଆକାଡ଼ ଦିନା ମିଲିତତ ଏକାତାପ୍ । ୧୬ ଇନାକିଦେକି ପାଉଲ୍ଲତି ଆସିଆତ ଇନେସ୍ ସମୁ ମାଞ୍ଜେଙ୍ଗ୍ ଆମେଡ଼, ଇଦା କାଜି ହେଝାନ୍ ଏପିସ ପିସ୍ତ୍ର ହାଞ୍ଜେଙ୍ଗ୍ ବିଚାର କିଜି ମାଚାନ୍, ଲାଗି ଆତିସ୍ କାଚେ ପେଣ୍ଟିକସ୍ ନାଜି ଜିରୁସାଲମ୍‌ତ ଏକିନି କାଜି ହେଝାନ୍ ତିରକାଡ଼ ଆବିସ୍ ମାଚାନ୍ ।

ଏପିସିୟ ମଣ୍ଡଲିନି ପାଉଲ୍ଲତି ହାନି ପର୍ଚାର

୧୭ ମିଲିତତା ପାଉଲ୍ଲ ଏପିସ୍‌ତ ଲକୁ ପକ୍‌ଚି ମଣ୍ଡଲିନି ପ୍ରାଚିନାରି ଜାର ଲାଗେ କୁକ୍‌ଚି ତାହିଝାତାନ୍ । ୧୮ ହେଝାର ତା ଲାଗାୟ ଏକିତିଲେ ହେଝାନ୍ ହେଝାରି ଇଚାନ୍, ରମିୟ ରାଜିନି “ଆସିଆତ ମାନି ପର୍ତ୍ତୁମ୍ ଦିନ୍‌ତା ଆନ୍ ଝିଜୁ ସମୁ ମି ବିତ୍ରେ ଇନେସ୍ ଚିନ୍ତା କିତା, ୧୯ ପୁରାବାଟ୍ ହୁଦାର ମାନ୍ତ ମେଣ୍ଡାଙ୍ଗ୍‌କୁସି ହୁଦା ଜିହୁଦିରତି ବାର୍‌ବିନ୍ କୁଟ୍ କାଜି ନାଙ୍ଗ୍ ଇମ୍‌ଣି ଇମ୍‌ଣି ପରିକ୍ୟା ଗିଚାଜି ମାଚାଡ଼, ହେ ସବୁ ପା ଇନେସ୍ ମାପୁତି ହେବା କିଜି ମାଚାଙ୍ଗ୍, ୨୦ ଏପେଙ୍ଗ୍ ପୁନାଟ୍ ଜେ, ଆନ୍ ମାନାୟାର ଲାଗା ପର୍ଚାର କିନି ସମୁତ ଆରି ମି ଇଲ୍ ଉପ୍ଦେସ୍ ହିନି ସମୁତ ମି ଉପ୍‌କାର ଆନି ଲାକେ ଇମ୍‌ଣାକା ପା ବିସ୍ତେ ଝେଟ୍‌ଚେ, ବନ୍ କିଝାଦା ମାଚାଙ୍ଗ୍ ୨୧ ହିକ୍ୟା ହିଦେ ମଦାଝାଦା ଇସ୍‌ର୍ ତାକେ ମାନ୍‌ବାଦ୍‌ଲାୟ ଆରେ, ମା ମାପୁ ଜିସୁତି କାଜି ପାଟ୍ ନି ବିସ୍ତେ ଜିହୁଦି ଆରି ଗ୍ରିକ୍‌ଚି ଲାଗାୟ ସାକି ହିଜି ମାଚାଙ୍ଗ୍ ହେଦା ଏପେଙ୍ଗ୍ ପୁନାଟ୍ । ୨୨ ନଙ୍ଗ୍ ହୁଡାଟ୍, ଆନ୍ ପୁଇପୁୟା ଜିରୁନ୍‌ତ ଉଦେସ୍ ପାୟାଜି ଜିରୁସାଲମ୍‌ତ ହାନାଙ୍ଗା, ହେ ବାହାତ ନା କାଜି ଇନାକା ସବୁ ଗିଚାଚାଡ଼, ହେଦା ଆନ୍ ପୁନୁଙ୍ଗ୍, ୨୩ ନା କାଜି ଜେ ହିକ୍‌ଚି ଗାଚନାକା ଆରି ଦୁକ୍ ମାନାଡ଼, କେବଲ୍ ଏତେକ୍ ପୁନାଙ୍ଗ୍, ଇଦା ପୁଇପୁୟା ଜିରୁନ୍ ଗାଡ଼୍‌ଦ ବସ୍ତିତ ସାକି ହିଡ଼ତାନ୍ନା । ୨୪ ମାତର ଆନ୍ ଇନେସ୍ ନା ସମାନ୍ ହାଜିନି ହାରିହାରା ପାତେକ୍ ହନ୍ତେଙ୍ଗ୍ ଆଡ଼ନାଙ୍ଗ୍, ଆରେ ଇସ୍‌ରତି ଦୟାନି ନେକ୍‌କାବୁର ପାକ୍ୟାତ ସାକି ହିନି କାଜି ମାପୁ ଜିସୁତା ଇମ୍‌ଣି ହେବାନି କାମାୟ ପାୟାତାନ୍ନା, ହେଦା ଇନେସ୍ ପୁରାକିଦେ ଆଡ଼ନାୟ, ଇଦା କାଜି ଆନ୍ ଜାର ଜିରୁନ୍‌ତି ହାଦାକା କିଝାଦା ହେଦା ହାରୁ କିନାଙ୍ଗା ।”

୨୫ ଆରେ ନଙ୍ଗ୍ ହୁଡାଟ୍, ଇମ୍‌ଣାକାର ବିତ୍ରେ ଆନ୍ “ଇସ୍‌ରତି ରାଜି ସୁଣାୟ କିଦେଙ୍ଗ୍ ଇଞ୍ଜି ବୁଲାଆତା, ଏଲେଙ୍ଗ୍ ଜେ ଏପେଙ୍ଗ୍ ଝିଜାକାଦେର, ଆରେ ହୁଡାଟ୍ ନା ମୁମ୍ ହୁଡ଼ୁଦେର ଇଞ୍ଜି ଆନ୍ ପୁନାଙ୍ଗ୍ । ୨୬ ଲାଗି

☆ ୨୦:୨୪ ୨୦:୨୪ ୨ ତିମତି ୪:୭.

ଆନ୍ ଜେ ଓଜାକାତ୍ ନେତେରନି ପାପି ଆକାୟ୍, ଇଦାଂ ଆନ୍ ନେଞ୍ଜେଙ୍ଗ୍ ମିଙ୍ଗ୍ ସାକି ହିଦ୍‌ନାଙ୍ଗା ।
 ୨୭ ଆନ୍ ଇସ୍‌ବରତି ଇଚା ଓଜୁ କିତାକା ମିଙ୍ଗେଙ୍ଗ୍ ଜାଣାୟ୍‌କିଦେଂ ମଦାଞ୍ଜାଦାଂ ମାଚାଙ୍ଗ୍ । ୨୮ ଏପେଙ୍ଗ୍ ଜାର୍
 ଜାର୍ ବିସ୍ତେ, ଆରେ ଇମ୍‌ଣି ମଣ୍ଡଲିତିଂ ଇସ୍‌ବର ଜାର୍ ଜାର୍ ନେତେରତ କଡ଼ତାରନ୍ନା, ତା ହେ ମଣ୍ଡଲିତିଂ
 ପାଲି କିଦେଙ୍ଗ୍ କାଜିଂ, ପୁଇପୁୟା ଜିବୁନ୍ ଜେ ମିଙ୍ଗେଙ୍ଗ୍ ଓଜୁ ମାୟା ବିତ୍ରେ ମୁଣିକା ଲାକେ ବାଚି କିତାଣ୍ଣା,
 ହେଞ୍ଜାରତି ବିସ୍ତେ ଜାଗ୍ରତ ମାନାଟ୍ । ୨୯ ଆନ୍ ପୁନାଙ୍ଗ୍, ଆନ୍ ହାନି ପାଚେ ମି ବିତ୍ରେ ବଇଁକାର୍ ହୁଣ୍ଡାର୍ ବୁର୍କାଙ୍ଗ୍
 ଖାନିକ୍ ଆରି ମାୟାତିଂ ଚିରବିର କିଞ୍ଜାଦାଂ ପିହୁକ୍ । ୩୦ ଆରେ, ଲକ୍ ମି ବିତ୍ରେତାଂ ପା ନିଂଜି ଚେଲାରିଂ ଜାରତିଂ
 ପାଚେ ଜାଲ୍‌ଜି ଅଦେଂ କାଜିଂ ଉଲ୍‌ଟା କାତାଂ ଇନାର୍, ଇଦାଂ ଆନ୍ ପୁନାଙ୍ଗ୍ । ୩୧ ଲାଗିଂ, ଏପେଙ୍ଗ୍ କାସି
 ମାନାଟ୍, ଆରେ ଆନ୍ ତିନି ବାହୁଁ ପାଚେକ୍ ଖେଡ଼ାନାଣା ମେଣ୍ଡାଙ୍ଗ୍ କୁନ୍ଦିକିଜି ଜାଣକେ ରଞ୍ଜାନିଂ ଚେଡ଼ନା
 ହିଦେଂ ଜେ ଜମ୍‌ଞ୍ଜାଦାଂ ମାଚାଙ୍ଗ୍, ଇଦାଂ ଏତୁ କିୟାଟ୍ ।”

୩୨ “ନଙ୍ଗ୍ ଆନ୍ ମିଙ୍ଗ୍ ମାପୁ ତାକେ ଆରି ହେଞ୍ଜାକ୍ତି ଦୟାନି ବଚନ୍ ଲାଗେ ହେଲାୟ୍ କିଦ୍‌ନାଙ୍ଗା, ହେଞ୍ଜାନ୍
 ମିଙ୍ଗ୍ ହାର୍ କିଦ୍‌ନି କାଜିଂ ଆରି ପୁଇପୁୟା କିଦ୍‌ଦେଂ ଓଜାର୍ ବିତ୍ରେ ଆଟ୍‌ଞ୍ଜା କିଦ୍‌ନି ଆରି ଇସ୍‌ବରତି ମାନାୟାରିଂ
 ସବୁ ଦୟା ମିଙ୍ଗେଙ୍ଗ୍ ହିଦ୍‌ଦେଂ ରାଜି । ୩୩ ଆନ୍ ଇନେରିଂ ରୁପା କି ହନା କି ହେୟା ଲବ୍ କିଞ୍ଜାଦାଂ ମାଚାଙ୍ଗ୍
 । ୩୪ ନା ଇ କେଇ ରିଣ୍ଡାଂ ଜେ ନାଞ୍ଜାଙ୍ଗ୍ ଆରି ନା ହାଙ୍ଗ୍‌ଦାକାର୍‌ତି ଅବାବ୍ ବାତ୍ କାଜିଂ ହେବାକିନାକା କିଜି
 ଖାନାଙ୍ଗା, ଇଦାଂ ଏପେଙ୍ଗ୍ ନିଜେ ପୁନାଟ୍ । ୩୫ ଗାଟାନି ତାଂ ଦାନ୍ ହିନାକା ଆଦିକ୍ ଖାରି ମାନ୍‌ଗାନାଟ୍, ନିଜେ
 ମାପୁ ଜିସୁତି ଇ ବଚନ୍‌ତିଂ ଏତୁ କିଜି ଇ ବାନି କସ୍ କାମାୟ୍ ହୁଦାଂ ଆସେଙ୍ଗ୍ ନାଦାର୍ ଲକୁରିଂ ଉପକାର୍ କିନି
 ଲଡ଼ା, ଇ ବିସ୍ତେ ସବୁ ଖେଡ଼ାଂ ମିଂ ହାଦ୍‌କା ଚଟ୍‌ଚାତାଂନା ।”

୩୬ ଇ ସବୁ କାତା ଇଚି ପାଚେ, ହେଞ୍ଜାନ୍ ମେଣ୍ଡାଙ୍ଗ୍ କୁନ୍ଦିକିଜି ଓଜାର୍ ଲାହାଙ୍ଗ୍ ହେଞ୍ଜାର୍ ପାର୍ତାନା କିତାନ୍,
 ୩୭ ଆରେ, ହେଞ୍ଜାର୍ ବେସି ଆଡ଼ବିସ୍ ପାଉଲ୍‌ତିଂ ପମ୍‌ଜି ହେଞ୍ଜାନିଂ ତନ୍‌ଞ୍ଜେଙ୍ଗ୍ ଲାଗାତାର୍, ୩୮ ହେଞ୍ଜାର୍
 ହେଞ୍ଜାକ୍ତି ମୁମ୍ ଆରେ, ଆରେ ରଗ ହୁଡ଼ରୁ ଇଞ୍ଜି ପାଉଲ୍ ଇମ୍‌ଣି କାତା ଇଞ୍ଜି ମାଚାନ୍, ହେଦାଂ କାଜିଂ ବେସି
 ଦୁକ୍ କିତାର୍ । ପାଚେ ହେଞ୍ଜାର୍ ତାଙ୍ଗ୍ ଜାଜ୍ ପାଚେକ୍ ଅସି ହାଚାର୍ ।

୨୧

ପାଉଲ୍ ଜିରୁସାଲମ୍‌ତ ହାନାକା

୧ ହେଞ୍ଜାର୍‌ତାଂ ହେଲ ଅସି ଆପେଂ ଜାଜ୍‌ତ ଦୁମ୍‌ଜି ହାଣ୍‌କୁ ହାଜିଡ଼ କସ୍‌ତ ଖାତାପ୍, ଆକାଟ୍ ନାଜିଂ ରଦାତ,
 ଆରେ ହେ କାଟାକାଟା ହାଲ୍‌ଜି ପାତାର୍‌ତ ଖାତାପ୍ । ୨ ହେବେତାଂ ଆପେଂ ପୈନିକିଆତ ନାସି ହାଲ୍‌ଜି ମାନି
 ର ଜାଜ୍ ଗାଟାଜି ଆପେଂ ହେବେ ଦୁମ୍‌ଜି ଚାଲାତାପ୍ । ୩ ପାଚେ କୁପ୍ ହୁଡ଼ଞ୍ଜିତିଲେ ଆପେଂ ଡେବ୍‌ଟି ବାଗାଙ୍ଗ୍
 ପିସ୍ତ୍ର ସିରିୟାତ ଚାଲାଜି ଚାୟର୍ ଇକାତାପ୍, ଇନାକିଦେଂକି ହେବେ ଜାଜ୍‌ତାଂ ଜିନିସ୍ ଜୁଡ଼ନାକା ମାଚାଟ୍
 । ୪ ହେବେତାଂ ଚେଲାରିଂ ଡେକ୍‌ଚି ହେଞ୍ଜାରିଂ ବେଟା ଆଜି ସାଡ଼ ଦିନ୍ ହେବେ ମାଚାପ୍, ଆରେ, ପାଉଲ୍
 ଇନେସ୍‌କି ଜିରୁସାଲମ୍‌ତ ହାଲ୍‌ଜି, ଇଦାଂ କାଜିଂ ହେଞ୍ଜାର୍ ଜିବୁନ୍‌ତାଂ ହେଞ୍ଜାନିଂ ଇଚାର୍ । ୫ ହେ ସାଡ଼ ଦିନ୍
 ମାଚି ପାଚେ ହେ ବାହାତାଂ ହାଚାପ୍, ଆରେ ହେଞ୍ଜାର୍ ଓଜାର୍ କଗ୍‌ଲେ ଆରି ହିମ୍‌ଶାଞ୍ଜାକ୍‌ଡ଼ା ହୁକେ ମାଙ୍ଗେଙ୍ଗ୍
 ଗାଡ଼ନି ବାଟ୍ ପାଚେକ୍ ମାଙ୍ଗେଙ୍ଗ୍ ପିସ୍ତ୍ରେଙ୍ଗ୍ ଖାତାର୍, ଆରେ, ଆପେଂ ହାମ୍‌ଦୁର୍ ଗୁଚିତ ମେଣ୍ଡାଙ୍ଗ୍‌କୁନ୍ଦି କିଜି
 ପାର୍ତାନା କିତାପ୍, ୬ ପାଚେ ଆପେଂ ଜାଜ୍‌ତ ଦୁମ୍‌ତାପ୍, ଆରେ ହେଞ୍ଜାର୍ ଇଞ୍ଜି ମାସ୍‌ଦି ହାଚାର୍ ।

୭ ଆପେଂ ଚାୟର୍‌ତାଂ ଏସ୍‌ଜାଜ୍‌ତାଂ ହାନାକା ଓଜି ପାଉଲ୍‌ମାଲ୍‌ତ ଏକାତାପ୍ ଆରି ଟଣ୍ଡାର୍‌ରିଂ ଜଞ୍ଜାର୍ କିଜି
 ର ଦିନ୍ ହେଞ୍ଜାର୍ ହୁକେ ମାଚାପ୍ । ୮ ଆକାଟ୍ ନାଜିଂ ଆପେଂ କାଈସରିୟାତ ହାଚାପ୍, ଆରେ ସାଡ଼ ଜାଣିତି
 ବିତ୍ରେ ମାନି ନେକ୍‌କାରୁର୍ ପରଚାର୍ କିନାକାନ୍ ପିଲିପତି ଇଞ୍ଜି ହଣ୍ଡି ହେଞ୍ଜାନ୍ ହୁକେ ମାଚାପ୍ । ୯ ହେଞ୍ଜେକ୍
 ଚାରି ଜାଣ୍ ଜିପଲିକ୍ ଗାଡ଼ଚେକ୍, ବେଣ୍‌ବାକ୍‌ଶାୟ୍‌କିନିକିକ୍ ମାଚିକ୍ । ୧୦ ହେ ବାହାତ ଆପେଂ ବେସି ଦିନ୍
 ମାଚି ପାଚେ ଆଗାବ ତରନ୍ ରଞ୍ଜାନ୍ ବେଣ୍‌ବାକ୍‌ଶାୟ୍‌କିନାକାର୍ ଜିହୁଦା ରାଜିତାଂ ଖାତାନ୍ । ୧୧ ହେଞ୍ଜାନ୍ ମା
 ଲାଗାୟ୍ ଖାଜି ପାଉଲ୍‌ତି ମେଙ୍ଗାଙ୍ଗ୍ ଗାଟ୍‌ୟାନାକା ତରି ଅଜି ଜାର୍ କେଇଦ ଗାଟ୍‌ଚି ଇଚାନ୍, “ପୁଇପୁୟା
 ଜିବୁନ୍ ଇଦାଂ ଇନାନ୍, ଇ ମେଙ୍ଗାଙ୍ଗ୍ ଗାଟ୍‌ୟାତି ବେଲ୍‌ଟ୍ ମୁଣିକାତିଂ ଜିରୁସାଲମ୍ ନିକାର୍ ଜିହୁଦିର୍ ଏପେଙ୍ଗ୍
 ଗାଟ୍‌ଚି ପାଚ୍ କିଞ୍ଜି ଜିହୁଦିର୍ କେଇଦ ହେଲାୟ୍ କିତାର୍ ।”

୧୨ ଇ ଓଜୁ କାତା ଖେନ୍‌ଞ୍ଜି ଜିରୁସାଲମ୍‌ତ ହାଲ୍‌ଞ୍ଜି କାଜିଂ ଆପେଂ ଆରି ହେ ବାହାନି ଲକୁ ତାଙ୍ଗ୍ ଗଞ୍ଜାରି
 କିତାପ୍ । ୧୩ ହେବେ ପାଉଲ୍ ଉଡ଼ର୍ ହିତାନ୍, “ଏପେଙ୍ଗ୍ ଆଡ଼ବିସ୍ ଆରି ମାତ୍ର କସ୍ ହିଜି ଇନାକା କିନାଦେରା
 ? ଇନାକିଦେଂକି ଆନ୍ ମାପୁ ଜିସୁତି ତର୍ କାଜିଂ ଜିରୁସାଲମ୍‌ତ କେବଲ୍ ଗାଟ୍ୟା ଆଦେଂ ଜାଲ୍‌ଦି, ହେଦାଂ
 ଆକାୟ୍, ମତର୍ ହାଦେଂ ପା ଜାଲ୍‌ଦି ମାନାଂ ।”

☆ ୨୧:୮ ୨୧:୮ ପଦ୍ୟାତାକା ୭:୫; ୮:୫. ☆ ୨୧:୧୦ ୨୧:୧୦ ପଦ୍ୟାତାକା ୧୧:୨୮.

୧୪ ଆପେଂ ହେଞ୍ଜାରିଂ ବୁଜାୟ୍ କିକିୟ୍ କିଦେଙ୍ଗ୍ ଆଡ଼ଞ୍ଜାଦାଂ ହେବେ ରିସା ଆଜି ଇଚାପ, “ମାପୁତି ଇଚା ପୁରା ଆୟେଡ଼ ।”

୧୫ ଆପେଂ ଇ କେତେକ୍ ଦିନ୍ ପାଚେ ଆଡ଼ଞ୍ଜାଡ଼ ଅଜି ଜିରୁସାଲମ୍ ତ ଚାଲାତାପ । ୧୬ ଆରେ, ମା ହାଙ୍ଗ୍ଦାଂ କାକସରିୟାତ ପା କେତେକ୍ ଜାଣ୍ ଚେଲାର୍ ହାଚାର୍, ହେଞ୍ଜାର୍ ସାଇପ୍ରସ୍ ମନାସୋନ ତରନ୍ ରଞ୍ଜାନ୍ ପୁନି ଚେଲାଂ ହାଙ୍ଗ୍ଦାଂ ତାହିଞ୍ଜାତାର୍, ହେଞ୍ଜାନ୍ତି ଇଞ୍ଜ ମାଦାଂ ମାନାକା ମାଚାଡ଼ ।

ଜାକୁବ୍ ଲାହାଙ୍ଗ୍ ମେହାଣ୍

୧୭ ଆପେଂ ଜିରୁସାଲମ୍ ଏକିତିଲେ, ପାତର୍ କିନି ଟଣ୍ଡାର୍ ମାଂ ଖାରିତାଂ ଇଡ଼ଦାତାର୍ । ୧୮ ଆର୍କାଡ଼ ନାଜିଂ ପାଉଲ୍ ମାହୁଦାଂ ଜାକୁବ୍ ଇଞ୍ଜ ହାଚାନ୍, ଆରେ ହେ ବାହାତ ଓଜାର୍ ପ୍ରାତିନାର୍ ରୁଣ୍ଡାତାର୍ । ୧୯ ହେଞ୍ଜାନ୍ ହେଞ୍ଜାରିଂ ଜଞ୍ଜାର୍ କିତି ପାଚେ, ଇସ୍ପର ପାତର୍ କିଓ୍ ଜିହୁଦିର୍ ବିତ୍ରେ ଇମ୍ଣି ସବୁ କାମାୟ୍ ହେଞ୍ଜାନ୍ତି ହେବା କାଜିଂ ସାଦନ୍ କିଜି ମାଚାନ୍ ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ହେ ସବୁ ହେଞ୍ଜାର୍ ଲାଗାଂ ଖେଚ୍ଚି ମାଚାନ୍ । ୨୦ ହେଞ୍ଜାର୍ ହେଦାଂ ଖେନଞ୍ଜି ଇସ୍ପରତିଂ ଜାଜ୍ମାଲ୍ କିଦେଙ୍ଗ୍ ଲାଗାତାର୍, ଆରେ ତାଙ୍ଗ୍ ଇଚାର୍, “ଏ ଟଣ୍ଡେନ୍, ଜିହୁଦିର୍ତି ବିତ୍ରେ ଜେ ଏଚେକ୍ ହାଜାର୍ ପାତର୍ କିନାର୍, ଇଦାଂ ଏପେଙ୍ଗ୍ ହୁଡ଼ନାଦେରା, ହେ ଓଜୁ ମସାତି ବିଦି ପାକ୍ୟାତ ଆଗେ । ୨୧ ଆରେ, ପାତର୍ କିଓ୍ ଜିହୁଦିର୍ ବିତ୍ରେ ବାହା କିନାକାର୍ ଓଜାର୍ ଜିହୁଦିର୍ ଜାର୍ ଜାର୍ ହିମଣାକାଂ ସୁନ୍ନଡ଼ କିଓ୍ ଆରି ବିଦିବିଦାଣି ଲାହାଙ୍ଗ୍ ଚାଲାଖାଦାଂ ଇଞ୍ଜି, ମସାତି ବିଦି ପିସ୍ତେଙ୍ଗ୍ କାଜିଂ ଏପେଙ୍ଗ୍ ଜେ ହେଞ୍ଜାରିଂ ହିକ୍ୟା ହିଜି ମାନାଟ୍, ମି ବିସ୍ତେ ଇ କାବୁର୍ ହେଞ୍ଜାର୍ ହିଡ଼ତାଣ୍ । ୨୨ ଲାଗିଂ ଇନାକା କିୟାନାଡ଼ ? ଏପେଙ୍ଗ୍ ଖାତାଦେଣ୍ଡା ଇଞ୍ଜି ହେଞ୍ଜାର୍ ହାତେ ଖେନାର୍ । ୨୩ ଲାଗିଂ ଆପେଂ ମିଙ୍ଗ୍ ଇନାକା ଖେଚ୍ଚାମାପା, ହେଦାଂ କିୟାଟ୍ । ମା ଲାଗେ ଚାରି ଜାଣ୍ ଲକ୍ ମାନାର୍, ହେଞ୍ଜାର୍ ରଞ୍ଜାଙ୍ଗ୍ ଅଡ଼ଗା ଆତାଣ୍ଡା; ୨୪ ହେଞ୍ଜାରିଂ ଅଜି ହେଞ୍ଜାର୍ ହୁକେ ଜାର୍ତିଂ ସକଟ୍ କିୟାଟ୍, ଆରେ ହେଞ୍ଜାର୍ତି କାପଡ଼ା ହେନନାକା ଲୟ୍ କାଉଡ଼ି ପିଣ୍ଡାଟ୍, ତା ଆତିସ୍ ହେଞ୍ଜାର୍ ମି ବିସ୍ତେ ଇମ୍ଣି ସବୁ କାବୁର୍ ଗାଟାତାଣ୍ଡା, ହେବେତାଂ ଜେ ମୁଡ଼େ ହାଡ଼ପା ଆକାୟ୍, ଆଞ୍ଜିତିସ୍ ଏପେଙ୍ଗ୍ ଜେ ନିଜେ ପା ମସାତି ବିଦି ମାନି କିଜି ଚିନ୍ତା କିନାଦେରା, ଇଦାଂ ଓଜାକାର୍ ପୁନାର୍ । ୨୫ ମତର ଇମ୍ଣି ପାତର୍ କିଓ୍ ଜିହୁଦିର୍ ପାତର୍ କିତାଣ୍ଡା, ହେଞ୍ଜାର୍ ଲାଗାଂ ଆପେଂ ର ଆକି ଲେକିକିଜି ବଲ୍ ହିତାପନା ଜେ, ମା ରାଜି ଇସାବ୍ରେ ହେଞ୍ଜାର୍ ପୁଡ଼ଡ଼ା ଲାଗାଂ ପୁଜାକିତି ଆତାଡ଼ ତିନୁର୍, ନେତେର୍ ଉଣୁର୍, ହାକ୍ମଡ଼ିକିତି ଜାଡ଼ ଜାଇ ତିନୁର୍ ଆରି ଦାରିତାଂ ଦେହା ମାନଗାନାର୍, ଆପେଂ ଇଦାଂ ବିଚାର୍ କିଜି ଲେକି କିତାପନା ।”

୨୬ ପାଉଲ୍ ହେବେଣ୍ଡା ହେ ଲାଗାଂ ଅଜି ଆର୍କାଡ଼ ନାଜିଂ ହେଞ୍ଜାର୍ ହୁକେ ଜାର୍ତିଂ ସକଟ୍ କିଜି ମନ୍ଦିର୍ ବିତ୍ରେ ହଚାନ୍, ଆରେ ହେଞ୍ଜାର୍ତି କେଡ଼ଜାଣ୍ଡିଂ କାଜିଂ ଆକାଡ଼ ପୁଜା ଆନି ପାତେକ୍ ସକଟ୍ କାମାୟ୍ତ କେତେକ୍ ଦିନ୍ ଲାଗାନାଡ଼, ହେଦାଂ ଖେଚ୍ଚାମା ।

ପାଉଲ୍ ମନ୍ଦିର୍ ବିତ୍ରେ ଆହ୍ମୟା ଆତାନ୍

୨୭ ହେ ସାଡ଼ ଦିନ୍ ପୁରା ଆଜି ଖାତାନ୍, “ଆସିଆନି ଜିହୁଦିର୍ ମନ୍ଦିର୍ତ ପାଉଲ୍ତିଂ ହୁଡ଼ଜି ଲକୁରିଂ ଚିଉଲ୍ଲାୟ୍ କିତାର୍, ଆରେ ହେଞ୍ଜାନ୍ ଆସ୍ତି କିକିରାତିଂ ଆଜି ଇଞ୍ଜେଙ୍ଗ୍ ଲାଗାତାର୍, ୨୮ ଏ ଇସ୍ରାଏଲିୟନି ଲକୁ, ସାଇଜ କିଦାଟ୍; ସବୁ ବାହାତ ଇମ୍ଣି ମାନାୟ୍ ମା ଜାତି, ମସାତି ବିଦି ଆରି ଇ ବାହା ବିରୁଦ୍ଧ ଓଜାରିଂ ହିକ୍ୟା ହିନାନ୍, ହେଞ୍ଜାନ୍ ଇଞ୍ଜାନ୍; ଆରେ ପା ଗ୍ରାକକାରିଂ ପା ମନ୍ଦିର୍ ବିତ୍ରେ ତାସି ପୁଇପୁୟା ବାହାତ ବିଚାଡ଼ କିତାନ୍ନା ।” ୨୯ ଇନାକିଦେଂକି ହେଞ୍ଜାର୍ ଆଗେ ଗାଡ଼ ବିତ୍ରେ ପାଉଲ୍ ଲାହାଙ୍ଗ୍ ଏପିସିୟନି ତ୍ରପିମତିଂ ହୁଡ଼ଜି ମାଚାର୍, ଆରେ ପାଉଲ୍ ହେଞ୍ଜାନ୍ ମନ୍ଦିର୍ ବିତ୍ରେ ତାହିଞ୍ଜାନାର୍ ଇଞ୍ଜି ଇଚ୍ଚକାଡ଼ କିଜି ମାଚାର୍ ।

୩୦ ଇବେଣ୍ଡାଂ ଗାଡ଼ ସବୁ ଓଜାତାଡ଼, ଲକୁ ରବେ ହନ୍ତାର୍, ଆରେ ହେଞ୍ଜାର୍ ପାଉଲ୍ତିଂ ଆସ୍ତି ମନ୍ଦିର୍ ବାର୍ତ୍ ଜେଲ୍ଜି ତାହିଞ୍ଜାତାର୍; ଆରେ ହେ ଦାପ୍ରେ ଦୁଖେର୍ ସବୁ ଗେସ୍ତାର୍ । ୩୧ ଆରେ, ହେଞ୍ଜାନ୍ ହେଞ୍ଜାର୍ ଟ୍ରାକ୍ତେଂ କାଜିଂ ସେସ୍ଟା କିତିଲେ, ଓଜାର୍ ଜିରୁସାଲମ୍ ଗଣ୍ଡଗଲ୍ତ ବାତର୍ ଆତାଡ଼ନା ଇଞ୍ଜି ରମିୟ୍ ମେଲ୍ୟାର୍ ହାଜାର୍ ମୁସ୍ତିଦାର୍ ଲାଗେ କାବୁର୍ ଖାତାଡ଼ । ୩୨ ହେବେଣ୍ଡାଂ ହେ ଦାପ୍ରେ ମେଲ୍ୟା ଆରି ପାଞ୍ଜକଡ଼ି ମେଲ୍ୟାର୍ ଅସି ହେଞ୍ଜାର୍ ଲାଗେ ହନ୍ତାର୍ । ହେଞ୍ଜାର୍ ହାଜାର୍ ମୁସ୍ତିଦାର୍ ଆରି ମେଲ୍ୟାରିଂ ହୁଡ଼ଜି ପାଉଲ୍ତିଂ ଟ୍ରାକ୍ତେଂ ବନ୍ଦ କିତାର୍ । ୩୩ ହେ ଏଚେକାଡ଼ଦ୍ ହାଜାର୍ ମୁସ୍ତିଦାର୍ ଲାଗେ ଖାଜି ହେଞ୍ଜାନ୍ ଆସ୍ତି ରିଣ୍ଡି ହିକ୍ଡିଂତାଂ ହେଞ୍ଜାନ୍ ଗାଚ୍ଚେଂ ବଲ୍ ହିତାନ୍, “ଆରେ ହେଞ୍ଜାନ୍ ଇନେନ୍ ଆରି ଇନାକା କିତାନ୍ନା ଇଞ୍ଜି ଖେନବାତାନ୍ ।” ୩୪ ହେବେ ଲକୁ ବିତ୍ରେ ଇନେର୍ ଇ କାତା, ଇନେର୍ ଇନେର୍ ହେ କାତା ଇଞ୍ଜି କିକିରାତିଂ କିଦେଙ୍ଗ୍ ଲାଗାତାର୍ । ଆରେ, ହେ ଗଣ୍ଡଗଲ୍ଜି ଇନାକିଦେଂକି ହାତେନେ ମୁଡ଼େ ପୁଞ୍ଜେଙ୍ଗ୍ ଆଡ଼ତିଲେ ହେଞ୍ଜାନ୍ ମେଲ୍ୟାର୍ ମାନି ବାହାତ ଅଦେଂ କାଜିଂ ବଲ୍ ହିତାନ୍ । ୩୫ ଆରେ, ଏଚେକାଡ଼ଦ୍ ହେଞ୍ଜାନ୍ ପାଉଲ୍ ଜପି ଖାତାନ୍, ହେ ଏଚେକାଡ଼ଦ୍ ଲକୁ ରିସା କାଜିଂ ମେଲ୍ୟାର୍ ପାଉଲ୍ତିଂ ପିଣ୍ଡି ଅଦେଂ ଲାଗାତାର୍,

☆ ୨୧:୨୯ ୨୧:୨୯ ପଦ୍ୟାତାକା ୨୦:୪.

୩୬ ଇନାକିଦେଂକି ତାଙ୍ଗ ଅହାଟ୍ ଇଞ୍ଜି ବେସି ଲକୁ ପାଚେ ହାଲୁ ହାଲୁ କିକିରାତିଂ କିଜି ଅହାଟ୍, “ଅହାଟ୍ ଇଞ୍ଜି ମାଚାର ।”

ପାଉଲ୍ ଜାର୍ ଜିବୁନ୍ ପାକ୍ୟା ଇଚାନ୍

୩୭ ହେଝାର୍ ପାଉଲ୍ତିଂ ବାହା ବିତ୍ତେ ଅଦେଂ କାଜିଂ ଜାଲ୍ଦି କିନି ଝେଡାଲିଂ ହେଝାନ୍ ହାଜାର୍ ମେଲ୍ୟାରିଂ ଇଚାନ୍, “ଆନ୍ ମିଙ୍ଗ୍ ଇନାକା ଇଞ୍ଜେଙ୍ଗ୍ ଆଡନାଂ କି ?”

ହେବେଣ୍ଡାଂ ହେଝାନ୍ ଇଚାନ୍, “ଏନ୍ କି ଗ୍ରିକ୍ ପୁନାୟ୍ ?” ୩୮ ଲାଗିଂ, “ଇ ଆଗେ ଇମ୍ପଣି ମିସରିୟର୍ ଲକୁ ରାଟୁ କିଜି ଚାରି ହାଜାର୍ କାଙ୍ଗାରୁଙ୍ଗ୍ ବାଟାତ ଅଜି ମାଚାର୍, ଏନ୍ କି ହେଝାନ୍ ଆକାୟ୍ ?”

୩୯ ହେବେଣ୍ଡାଂ ପାଉଲ୍ ଇଚାନ୍, “ଆନ୍ତ ରଝାନ୍ ଜିହୁଦି, ତାର୍ସ ଗାଡନି ଲକୁ, କିଲିକିୟାନି ର ଗାଜା ଗାଡନି ମାନାୟ୍; ଇ ଲକୁରିଂ କାତା ଇଞ୍ଜେଙ୍ଗ୍ କାଜିଂ ନାଙ୍ଗ୍ ଦାଇଡ୍ ହିଦେଂ କାଜିଂ ଆନ୍ ନିଂ ଗଝାରି କିଦନାଙ୍ଗା ।”

୪୦ ହେଝାନ୍ ଦାଇଡ୍ ହିତିଲେ ପାଉଲ୍ ପାଉଲ୍ ଇଞ୍ଜି ଲକୁରିଂ କେଇ ହୁଦାଂ ଚର୍ଚାନ୍; ଆରେ, ଝିଜାର୍ ଚିମ୍ପା ଆତି ପାଚେ ହେଝାନ୍ ଏବ୍ରି ବେରଣ୍ଡତ ହେଝାରିଂ ଇଞ୍ଜେଙ୍ଗ୍ ଲାଗାତାନ୍ ।

୨୨

୧ ଟଣ୍ଡାର୍ ଆରି ଆବାକାଦେର୍, “ଆନ୍ ନଙ୍ଗ୍ ମି ଲାଗେ ଇମ୍ପଣି ନା ପାକ୍ୟାତାଂ ସାକି କାତା ଇଞ୍ଜନାଙ୍ଗା, ହେଦାଂ ଝେନାଟ୍ ।” ୨ ହେଝାନ୍ ହେଝାର୍ ଲାଗେ ଏବ୍ରି ବେରଣ୍ଡତ କାତା ଇନାକା ଝେନ୍ଞି ହେଝାର୍ ଆଦିକ୍ ଚିମରା ଆଜି ମାଚାର୍ । ହେବେଣ୍ଡାଂ ହେଝାନ୍ ଇଚାନ୍,

୩ “ଆନ୍ ରକାଂ ଜିହୁଦି, କିଲିକିୟାନି ତାର୍ସତ ନାଦାଂ ଜଲମ, ମତର୍ ଆନ୍ ଇ ଗାଡଦ ପହାପାଲି ଆତାଙ୍ଗନା, ମା ଆବାଲାତ୍ରାତି ହାରୁ ବିଦି ଲାହାଙ୍ଗ୍ ଗମଲିୟେଲ୍ଡି ମୁମ୍ଦ ତାରେନ୍ କୁଚ୍ଚି ହିକ୍ୟା ପାୟାତାଂନା, ଏପେଙ୍ଗ୍ ଝିଜାକାଦେର୍ ନେଞ୍ଜେଙ୍ଗ୍ ଇନେସ୍ ଝାରି କାଦେର୍, ଇସ୍ବରତି ପାକ୍ୟାତ ଆନ୍ ପା ହେ ଲାକେ ଆଗେ ମାଚାଙ୍ଗ୍; ୪ *ଆନ୍ ଇ ମାପୁତି ହାଜିତ । ଆଣ୍ଡେନ୍ ଆରି କଗ୍ଲେ ଝିଜାରିଂ ଗାଚ୍ଚି ଜଇଲ୍ଡତ ତୁହିଜି ହାନି ପାଚେକ୍ କସ୍ ହିଜି ମାଚାଙ୍ଗ୍ । ୫ ନା ଇ କାତା ଜେ ହାଡପା, ମୁଡ୍ ମାପୁହେବାକିନାକାନ୍ ଆରି ଗାଜା ସବାନି ବୁଡାଲୁର୍ ଇଦାଂ ନି ସାକି । ଇ ମାନାୟାରିଂ ବନ୍ଦି କିଜି ଆରି ହିକ୍ଡିଂତାଂ ଗାଚ୍ଚି ଦାଣ୍ଡୁ କିନି କାଜିଂ ଜିରୁସାଲମ୍ତ ତାସି ଝାନି କାଜିଂ ଆନ୍ ମୁଡ୍ ମାପୁହେବାକିନାକାନ୍ତାଂ ଜିନାଜାଣା ଆକି ଅଜି ଦମ୍ବେସକ୍ତ ମାନି ଜିହୁଦି ଟଣ୍ଡାର୍ ଲାଗାଂ ହାଚାଙ୍ଗ୍ ।”

**ପାଉଲ୍ ତା ମାନ୍ ବାଦ୍ଲୟ୍ ବିସ୍ତେ ହାନ୍ଦାୟ୍ କିତାନ୍
(ପଦ୍ୟାତାକା ୯:୧-୧୯; ୨୭:୧୨-୧୮)**

୬ ମତର୍ “ଆନ୍ ହାଲୁ ହାଲୁ ଦମ୍ବେସକ୍ତି ଲାଗେ ଆତିଲେ, ଆତିସ୍ ମୁଣ୍ଡାମେଦାନ୍ତ ହାଚାଟ୍ଟେ ନା ଚାରିବେଣ୍ଡତାଂ ବାଦାଡ୍ତାଂ ଗାଜା ଅଜଡ୍ ଆତାଡ୍ । ୭ ହେବେ ଆନ୍ ମେନ୍ଦିତ ଗୁର୍ତାଙ୍ଗ୍, ଆରେ ନା କାଜିଂ ଇ ବଚନ୍ ଝେଚାଙ୍ଗ୍, ସାଉଲ୍, ସାଉଲ୍, ଇନାକିଦେଂ ନାଙ୍ଗ୍ ଇଣ୍ କିଦନାୟା ?” ୮ ଆନ୍ ଉତର୍ ହିତାଂ, “ମାପୁ, ଏନ୍ ଇମ୍ପଣାକାୟ୍ ?” ଲାଗିଂ ହେଝାନ୍ ଇନ୍ଝାନ୍, “ଏନ୍ ଇମ୍ପଣି ନାଜରିତିୟ୍ ଜିସୁତିଂ ନିୟା କିନାୟା, ଆନ୍ ହେଝାଙ୍ଗ୍ ।” ୯ ଇମ୍ପଣାକାର୍ ନା ଲାହାଙ୍ଗ୍ ମାଚାର୍, ହେଝାର୍ ହେ ଅଜଡ୍ ହୁଡ୍ତାଚ୍ ହାଡପା, ମତର୍ ଇନେର୍ ନାଙ୍ଗେଙ୍ଗ୍ କାତା ଇଞ୍ଜାର୍, ହେଝାନ୍ତି କାଚ୍ ଝେନ୍ଝାତାର୍ । ୧୦ ହେବେ ଆନ୍ ଇଚାଙ୍ଗ୍, “ମାପୁ ଇନାକା କିନାଙ୍ଗ୍ ?” ଲାଗିଂ ମାପୁ ନାଙ୍ଗ୍ ଇଞ୍ଜାନ୍, “ନିଙ୍ଗା, ଦମ୍ବେସକ୍ତ ହାଲା, ଇସ୍ବର୍ ଇମ୍ପଣି ଝିଜୁ କାମାୟ୍ କିନି କାଜିଂ ନିଂ କିଆତାଡ୍ନା, ହେ ସବୁ ନିଂ ହେବେ ଇନ୍ୟାନାଡ୍ ।” ୧୧ ହେ ଅଜଡ୍ନି ଜାଜମାଲ୍ କାଜିଂ ଆନ୍ ହୁଡ୍ଦେଂ ଆଡ୍ଝିତିଲେ, ନା ଲାହାଙ୍ଗ୍ ମାନି ଲକୁ ହୁଦାଂ ତାଞି ଦମ୍ବେସକ୍ତ ତାଈଝାତାର୍ ।

୧୨ “ହେ ଗାଡଦ ହନନିୟ୍ ତର୍ ନି ସାକି ମାନାୟ୍ ମାଚାନ୍ । ହେଝାନ୍ ମା ବିଦି ପାଲି କିଜି ମାଚାନ୍ ଆରି ହେବେ ବାହା କିଜିମାନି ଜିହୁଦିର୍ ଝିଜାକାର୍ ତାଙ୍ଗେଙ୍ଗ୍ ମାନି କିଜି ମାଚାର୍ । ୧୩ ନା ଲାଗେ ଝାଜି ଲାଗେ ନିଲ୍ଡି ନାଙ୍ଗ୍ ଇଞ୍ଜାନ୍, ସାଉଲ୍ ‘ଟଣ୍ଡେନ୍, ହୁଡ୍ନି ସାଲ୍ଡି ଗାଟା ଆ ।’ ହେ ପାଦନା ଆନ୍ ହେଝାନିଂ ହୁଡ୍ତାଂ ।” ୧୪ ଆରେ, ହେଝାନ୍ ଇଞ୍ଜାନ୍, “ମା ଆବାଲାତ୍ରାତି ଇସ୍ବର୍ ହେଝାନ୍ତି ଇଚା ପୁଞ୍ଜେଙ୍ଗ୍ କାଜିଂ ଆରି ହେ ଦାମ୍ ଲଗାଂ ହୁଡ୍ଦେଂ କାଜିଂ, ଆରେ ହେଝାନ୍ତି ଝେଇଦାଂ କାତା ଝେଞ୍ଜେଙ୍ଗ୍ କାଜିଂ ନିଂ ବାଚି କିଡ୍ତାନ୍ନା, ୧୫ ଇନାକିଦେଂକି ଏନ୍ ଇନା ଇନାକା ହୁଡ୍ତାୟନା ଆରି ଝେଚାୟନା, ହେ ସବୁ ବିସ୍ତେ ଝିଜୁ ଲକୁ ଲାଗେ ହେଝାନ୍ତି ସାକି ଆତାୟ୍ । ୧୬ ଆରେ, ନଙ୍ଗ୍ ଏନ୍ ଇନାକିଦେଂ ମାଲା ଆନାୟା ? ନିଙ୍ଗା, ବାପ୍ତିସିମ୍ ଆ, ଆରେ ହେଝାନ୍ତି ତର୍ଦ ପାଟାନା କିଜି ଜାର୍ ପାପ୍ ସବୁ ନୁଜିତୁହିୟା ।”

ଇସ୍ବର୍ ପର୍ଚାର୍ କାଜିଂ ପାଉଲ୍ତିଂ କୁକ୍ନାକା

୧୭ “ଇଦାଂ ପାଚେ ଆନ୍ ଜିରୁସାଲମ୍ତ ମାସ୍ଦି ଝାଜି ମନ୍ଦିର୍ତ ପାଟାନା କିନି ଝେଡାଲିଂ କେଚ୍କଣ୍ଡତ ହୁଡ୍ତାଂ । ୧୮ ମାପୁଙ୍ଗ୍ କେଚ୍କଣ୍ଡତ ହୁଡ୍ତାଂ, ହେଝାନ୍ ନାଙ୍ଗେଙ୍ଗ୍ ଇଞ୍ଜାନ୍, ମାଲା ଆଝାଦାଂ ବେଗି

☆ ୨୨:୪ ୨୨:୪ ପଦ୍ୟାତାକା ୮:୩; ୨୭:୯-୧୧.

ଜିରୁସାଲମତାଂ ହସିହାଲା, ଇନାକିଦେଂକି ହେୱାର୍ ନା ବିସ୍ତେନି ସାକି ଇଡ଼ତୁର୍ ।” ୧୯ ହେବେଣ୍ଡାଂ ଆନ୍ ଇଚାଙ୍ଗ୍, “ମାପୁ ଆନ୍ ଜେ ନି ତାକେ ପାତର୍ କିନାକାରିଂ ପାର୍ତାନା ଇଲ୍ ଆସ୍ତି ବନ୍ଦିତ ତୁହିଜି ମାଚାଙ୍ଗ୍ ଆରି ଟ୍ରାକ୍ତି ମାଚାଙ୍ଗ୍, ଇଦାଂ ହେୱାର୍ ନିଜେ ପୁନାର୍, ୨୦ ☆ଆରେ, ଏଚେକାଡ଼ଦ ନି ସାକି ସ୍ତ୍ରୀପାନ୍ତିଂ ନେତେର୍ ହପ୍ପୟା ଆଜି ମାଚାଡ଼, ହେ ପାଦନା ଆନ୍ ପା ଲାଗେ ନିଲ୍ତି ହେଦାଂ ରାଜି ମାଚାଙ୍ଗ୍, ଆରେ ଅସ୍ତାକାର୍ ହେନ୍ଦା ଇଡ଼ଜି କାସି ମାଚାଙ୍ଗ୍ ।” ୨୧ ହେବେଣ୍ଡାଂ ମାପୁ ନାଙ୍ଗେଙ୍ଗ୍ ଇଞ୍ଚାନ୍, “ହାଲା ଇନାକିଦେଂକି ଆପ୍ ନିଂ ଦେହା ପାତର୍ କିଞ୍ଚି ଜିହୁଦିର୍ ଲାଗେ ପଲ୍ଲାନାପ୍ ।”

୨୨ ମାନାୟାର୍ ଇ ପାତେକ୍ ହେୱାନ୍ତି କାତା ୱେନ୍‌ଞ୍ଜି ଗାଜା ୱେଇଦାଂ ଇଚାର୍, “ଏପେଙ୍ଗ୍ ତାଙ୍ଗେଙ୍ଗ୍ ପୁତର୍ ତାଂ ଦେହା କିୟାଟ୍, ଇନାକିଦେଂକି ତାଦାଂ ଜିଜି ମାନି ଲଡ଼ା ଆକାୟ୍ ।” ୨୩ ଆରେ, ଏଚେକାଡ଼ଦ ହେୱାର୍ କିକିରାତିଂ କିଜି ଜାର୍ ଜାର୍ ହେନ୍ଦା ତୁହିଜି ବାଦାଡ଼ ନିପ ଦୁଡ଼ି ତୁହିଦେଂ ଲାଗାତାର୍, ୨୪ ହେ ଏଚେକାଡ଼ାଲିଂ ହାଜାର୍ ମେଲ୍ୟାର୍ ହେୱାନିଂ ଗାଡ଼ ବିତ୍ତେ ଅଦେଂ ବଲ୍ ହିତାନ୍, ଆରେ, ଲକୁ ଇନାକିଦେଂ ତା ବିରୁଦ୍ଧତ୍ ଏପେଙ୍ଗ୍ କିକିରାତିଂ କିନାରା, ଇଦାଂ ପୁଞ୍ଜେଙ୍ଗ୍ କାଜିଂ କର୍ତ୍ତା ଇଡ଼ନି ହୁଦାଂ ତା ପରିକ୍ୟା କିନି କାଜିଂ ବଲ୍ ହିତାନ୍ । ୨୫ ମାତର୍ ହେୱାର୍ ହେୱାନିଂ ତରି ଗାଡ଼ନି ସମୁତ ପାଉଲ୍ ହେବେ ମାନି ରଞ୍ଚାନ୍ ମୁସ୍ତ୍ରୀଦାର୍ତିଂ ଇଚାନ୍, “ଇମ୍‌ଣି ପାପ୍ତ ଇ ପାତେକ୍ ବିଚାର୍ କିୟାୱାଦାଂ ମାନି ରଞ୍ଚାନ୍ ରମିୟ ଦାଙ୍ଗେନତିଂ କର୍ତ୍ତା ଇଡ଼ନାକା ଇନାକା ବିଦି ?”

୨୬ ହେ ପାଞ୍ଚକଡ଼ି ମୁସ୍ତ୍ରୀଦାର୍ ଇଦାଂ ୱେନ୍‌ଞ୍ଜି ହାଜାର୍ ମୁସ୍ତ୍ରୀଦାର୍ତ ଲାଗେ ହାଲ୍‌ଜି ତାଙ୍ଗ୍ ହେ କାତା ୱେଡ଼୍‌ଚି ଇଚାନ୍, “ଏନ୍ ଇନାକା କିଦେଙ୍ଗ୍ ହାନାୟା ? ଇୱାନ୍ତ ରଞ୍ଚାନ୍ ରମିୟ ।”

୨୭ ହେବେଣ୍ଡାଂ ହାଜାର୍ ମୁସ୍ତ୍ରୀଦାର୍ ୱାଜି ତାଙ୍ଗ୍ ଇଚାନ୍, ନାଙ୍ଗ୍ ୱେଡ଼୍‌ଚା, “ଏନ୍ କି ରକାୟ୍ ରମିୟ ? ପାଉଲ୍ ଇଚାନ୍ ଆଁ ।”

୨୮ ହେବେଣ୍ଡାଂ ହାଜାର୍ ମୁସ୍ତ୍ରୀଦାର୍ ଉତର୍ ହିତାନ୍, “ବେସି ତାରୁଙ୍ଗ୍ ହିଜି ଇ ପାଦ୍ ପାୟାତାଂନା । ପାଉଲ୍ ଇଚାନ୍, ମତର୍ ଆନ୍ ଜଲମ୍‌ତାଂ ରମିୟ ଦାଂଶାର୍ ।”

୨୯ ୱାଟିଙ୍ଗ୍ ଇମ୍‌ଣାକାର୍ ତାଙ୍ଗ୍ ପରିକ୍ୟା କିଦେଙ୍ଗ୍ ସେସ୍ତୁ କିଜି ମାଚାର୍, ହେୱାର୍ ହେ ଦାପ୍ତେ ହେବେତାଂ ଚିମ୍ବା ଆଚାର୍, ଆରେ ହାଜାର୍ ମୁସ୍ତ୍ରୀଦାର୍ ପା ହେୱାନ୍ ଜେ ରଞ୍ଚାନ୍ ରମିୟ, ଇଦାଂ ବୁଜାତିଲେ ଆରି ତାଙ୍ଗ୍ ଗାଡ଼ଚେଂ ପାଣ୍ଡା ଆଚାର୍ ।

ଗାଜା ସବା ମୁମ୍‌ଦ ପାଉଲ୍

୩୦ ମତର୍ ଇନାକିଦେଂ ହେୱାନ୍ ଜିହୁଦିର୍ତ୍ତି ହୁଦାଂ ଦାବା ଆତାନ୍ନା, ହେଦାଂ ହାଡ଼ପା ରଚେ ପୁଞ୍ଜେଙ୍ଗ୍ ଇଚାତ ହେୱାନ୍ ତା ଆକାଡ଼ ନାଜିଂ ହେୱାନ୍ତି ଗାଟି ରିକ୍ତି ମୁଡ଼୍ ମାପୁହେବାକିନାକାନ୍ ଆରି ସବୁ ଗାଜା ସବାତିଂ ରବେ ୱାନି କାଜିଂ ବଲ୍ ହିତାନ୍, ଆରେ ପାଉଲ୍‌ତିଂ ଅସି ହେୱାର୍ ମୁମ୍‌ଦ ନିଲି କିତାର୍ ।

୨୩

୧ ଆରେ, ପାଉଲ୍ ଗାଜା ସବା କାଜିଂ ସମାନ୍ ହୁଡ଼ଜି ଇଚାନ୍, “ଟଣ୍ଡାର୍, ଆନ୍ ଇ ଦିନ୍ ପାତେକ୍ ପୁରା ହାର୍ଦ୍ ଚିନ୍ତା ଇସ୍ପର୍ତ୍ତି ସାକ୍ୟତ ଆଚାର୍ ବେବାର୍ କିଜି ୱାତାଂନା ।” ୨ ହେବେଣ୍ଡାଂ ମୁଡ଼୍ ମାପୁହେବାକିନାକାନ୍ ହାନାନ୍ ପାଉଲ୍ ଲାଗେ ନିଲ୍ତି ମାନି ଲୁଗାଂ ତା ମୁମ୍‌ଦ ଇଡ଼ଦେଂ କାଜିଂ ବଲ୍ ହିତାନ୍ । ୩ ☆ହେ ଏଚେକାଡ଼ଦ ପାଉଲ୍ ତାଙ୍ଗ୍ ଇଚାନ୍, “ଏ ତିଞ୍ଜିନି ବାଡ଼୍, ଇସ୍ପର୍ ନିଂ ଇଡ଼ଦାନାନ୍, ଏନ୍ ରଞ୍ଜେମାଡ଼ ମସାତି ବିଦି ଇସାପ୍‌ରେ ନା ବିଚାର୍ କିଦେଙ୍ଗ୍ କୁଡ଼ି ମସାତି ବିଦି ବିରୁଦ୍ଧତ୍ ନାଙ୍ଗ୍ ଇଡ଼ିକିଦନି କାଜିଂ କି ବଲ୍ ହିନାୟା ?”

୪ ହେବେ ଲାଗେ ନିଲ୍ତି ମାନି ଲକୁ ଇଚାର୍, “ଏନ୍ କି ଇସ୍ପର୍ତ୍ତି ମୁଡ଼୍ ମାପୁହେବାକିନାକାନ୍‌ନିଂ ନିଦା କିନାୟା ?”

୫ ଆରେ ପାଉଲ୍ ଇଚାନ୍, “ଏ ଇସ୍ରାଏଲ୍‌ନି ଟଣ୍ଡାର୍, ହେୱାନ୍ ମୁଡ଼୍ ମାପୁହେବାକିନାକାନ୍ ଇଞ୍ଜି ଆନ୍ ପୁନ୍‌ୱାଦାଂ ମାଚାଙ୍ଗ୍; ଇନାକିଦେଂକି ଦରମ୍ ସାସ୍ପର୍ତ୍ତ ଲେକା ମାନାଡ଼, ଏପେଙ୍ଗ୍ ଜାର୍ ଲକ୍ତି ମୁଣିକାତିଂ ସାଈପ୍ ହିଉଦେର୍ ।”

୬ ମତର୍ ପାଉଲ୍ ର ବାଗ୍ ସାଦୁକି ଆରେ ଆଣ୍ଟି ବାଗ୍ ପାରୁସି ଇଞ୍ଜି ପୁଞ୍ଜି ଗାଜା ସବାତ ଗାଜାକାଟ୍‌ତାଂ ଇଚାନ୍, “ଏ ଇସ୍ରାଏଲ୍‌ନି ଟଣ୍ଡାର୍, ଆନ୍ ରଞ୍ଚାଙ୍ଗ୍ ପାରୁସି ଆରି ପାରୁସିତି ମେହି; ଆରେ ଇ ବାସର୍, ଇଚିସ୍ ହାତାକାତର୍ ଆରେ ନିଂନାକା ବିସ୍ତେ ଆନ୍ ବିଚାର୍ କିଆନାଙ୍ଗା ।”

୭ ହେୱାନ୍ ଇ କାତା ଇଚିଲେ ପାରୁସି ଆରି ସାଦୁକିର୍ ବିତ୍ତେ ଗଣ୍ଡଗଲ୍, ଆରି ସବାତ କୁଦାଗଡ଼୍ ଗିଟାତାଡ଼ । ୮ ଇନାକିଦେଂକି ସାଦୁକିର୍ ଆରେ ନିଂନାକା, ବାଦାଡ଼ତ୍ ଦୁଡ଼୍ କି ପୁଇପୁୟା ଜିରୁନ୍ ହିଲୁଡ଼ ଇଞ୍ଜି ଇନାର୍, ମତର୍ ପାରୁସିର୍ ହାରି ମାନି କିତାର୍ । ୯ ଇବେ ବେସି ଗଣ୍ଡଗଲ୍ ଗିଟାତାଡ଼, ଆରେ ପାରୁସିର୍ତ୍ତି କୁଦାନି

☆ ୨୨:୨୦ ୨୨:୨୦ ପଦ୍ୟାତାକା ୭:୫୮. ☆ ୨୩:୩ ୨୩:୩ ମାଡିଉ ୨୩:୨୭,୨୮.

କେତେକ ସାସ୍ତ୍ର ଗୁରୁ ନିଂଜି ଜିକାଗଣା କିଜି ଇଚାର୍, “ଆପେଂ ଇ ମାନାୟତାକେ ଇମ୍ଣାକା ପା ଦସ୍ ହୁଡ଼ପ୍ପା, ପୁନ୍‌ଖାକା ଇମ୍ଣାକା ଜିରୁନ୍ କି ବାଦାଡ଼ତ ଦୁଡ଼ ହେଞ୍ଜାନ୍ ହୁଦାଂ କାତା ଇଚାନ୍ନା ।”

୧୦ ଇ ବାନି ବେସି ଗଣ୍ଡଗଲ୍ ଆଡିଲେ, ଏଚେକାଡ଼ଦ ପାଉଲ୍ ହେଞ୍ଜାର୍ ହୁଦାଂ ଗାଣ୍ଡା ଗାଣ୍ଡା ଆନାନ୍, ଇ ପାଣ୍ଡାଜି ହାଜାର୍ ହାଜାର୍ ମେଲ୍ୟାର୍ ହେଞ୍ଜାର୍ ବିତ୍ରେ ତାଜ୍ ବଲଡ଼କାର୍ କିଜି ଗାଡ଼୍ ବିତ୍ରେ ଅଜି ତାତେଜ୍ କାଜିଂ ମେଲ୍ୟାରିଂ ହାଞ୍ଜେଜ୍ ବଲ୍ ହିତାନ୍ ।

୧୧ ହେ ନାଣା ମାପୁ ତା ଲାଗେ ଇଞ୍ଜ ଇଚାନ୍, “ସାସ୍ ଆହା, ଇନାକିଦେଂକି ଏନ୍ ଇନେସ୍ ଜିରୁସାଲମତ ମା ବିସ୍ତେ ସାକି ହିତାୟନା, ହେ ଲାକେ ନିଂ ରମତ ପା ସାକିହିଦେଂ ଆନାଡ଼ ।”

ପାଉଲ୍‌ତିଂ ଅହ୍ନି କାଜିଂ ଉପାୟ

୧୨ ଦିନ୍ ଆଡିଲେ, ଜିହୁଦିର୍ କୁଦା କୁଦା ଆଜି ପାଉଲ୍‌ତିଂ ଅହ୍ନି ପାତେକ୍ କାଦିପିଦି ତୁଡିସ୍ ସାଇପ୍ ଆନାପ୍ ଇଞ୍ଜି ରାଣ୍ଡ ଜାର୍ ଜାର୍‌ତିଂ ଇଡ଼ତାର୍ । ୧୩ ଇ ହାତୁର୍ କିଜିମାନି ଲକୁ ରିକଡ଼ି ଜାଣ୍ଡାଂ ଆଦିକ୍ ମାଚାର୍ । ୧୪ ହେଞ୍ଜାର୍ ମୁଡ଼୍ ମାପୁହେବାକିନାକାନ୍ ଆରି ପ୍ରାଚିନାର୍ ଲାଗେ ଖାଜି ଇଚାର୍, “ଆପେଂ ପାଉଲ୍‌ତିଂ ଅହ୍ନି ପାତେକ୍ ମୁଡ଼େ ତିଞ୍ଜେଜ୍ କପ୍ ଇଞ୍ଜି ଜାର୍ ଜାର୍‌ତିଂ ଆର୍‌ଖା ରାଣ୍ ଅତାପନ୍ନା । ୧୫ ଇଚିସ୍, ଏପେଜ୍ ଆଦିକ୍ ହାର୍ କିଜି ହେଞ୍ଜାନ୍ତି ବିଚାର୍ କିଦେଜ୍ ମାନ୍ କିନାନା ଇଞ୍ଜି ହାତୁର୍ କିଜି ତାଜ୍ ମି ଲାଗେ ତାତେଜ୍ କାଜିଂ ନଜ୍ ଗାଜା ସବା ଲାହାଜ୍ ହାଜାର୍ ମୁସ୍ତିଦାର୍‌ତିଂ ଖାରି କିୟାର୍ । ହେଞ୍ଜାନ୍ ମି ଲାଗେ ତାନି ଆଗେ ଆପେଂ ହେଞ୍ଜାନିଂ ଅସ୍ତେଜ୍ ଜାଲ୍‌ଦି ମାନାପ୍ ।”

୧୬ ମତର୍ ପାଉଲ୍ ବାଣ୍ଡା ମେଲ୍ୟାର୍ ଡ଼ଗୁଜି ମାନାକା କାତା ଖେନ୍‌ଞ୍ଜି ଖାଜି ରସ୍ତି ବିତ୍ରେ ହଣ୍ଡି ପାଉଲ୍‌ତିଂ ଖେଚ୍‌ଚାନ୍ । ୧୭ ହେବେଣ୍ଡାଂ ପାଉଲ୍ ରଖାନ୍ ହାଜାର୍ ମୁସ୍ତିଦାର୍‌ତିଂ କୁକ୍‌ଚି ଇଚାନ୍, “ଇ ଦାଂ ଶେଡ଼ିଜ୍ ହାଜାର୍ ମୁସ୍ତିଦାର୍ ଲାଗେ ଅହାଟ୍, ଇନାକିଦେଂକି ତାଜ୍ ଖେଚ୍‌ଚେଜ୍ କାଜିଂ ଇଞ୍ଜାନ୍ତି ଅଲପ୍ କାତା ମାନାଡ଼ ।”

୧୮ ଲାଗିଂ ହେଞ୍ଜାନ୍ ହେଞ୍ଜାନିଂ ହାଜାର୍ ମୁସ୍ତିଦାର୍ ଲାଗାୟ୍ ଅସି ହାଲ୍‌ଜି ଇଚାନ୍, “ବୟି ପାଉଲ୍ ଜାର୍ ଲାଗେ ନାଜ୍ କୁକ୍‌ଚି ନି ଲାଗେ ଇ ଦାଂ ଶେଡ଼ିଜ୍ ତାହିଞ୍ଜାଦେଂ କାଜିଂ ଗଞ୍ଜାରି କିଡ଼ତାନ୍, ନିଂ ଇଞ୍ଜେଜ୍ କାଜିଂ ଇଞ୍ଜାନ୍ତି ଅଲପ୍ କାତା ମାନାଡ଼ ।”

୧୯ ହାଜାର୍ ମୁସ୍ତିଦାର୍ ହେଞ୍ଜାନିଂ କେଇ ଆସ୍ତି ତାଜ୍ ମାନାୟାର୍ ଲାଗାୟ୍ ଅଜି ଖେନ୍‌ବାତାନ୍, “ନାଜ୍ ଖେଚ୍‌ଚିନି କାଜିଂ ନିୟାଂ ଇନାକା ମାନାଡ଼ ?”

୨୦ ହେଞ୍ଜାନ୍ ଇଚାନ୍, ପାଉଲ୍ ବିସ୍ତେ ଆଦିକ୍ ହାର୍ କିଜି ଡେକ୍‌ନି କାଜିଂ କପଟାଂ “ଜିହୁଦିର୍ ତାଜ୍ ନିହିଂ ଗାଜା ସବା ଲାଗାୟ୍ ତାହିଞ୍ଜାଦେଂ କାଜିଂ ନିଂ ଗଞ୍ଜାରି କିଡ଼ନି କାଜିଂ ରମାନ୍ ଆତାଣ୍ଡା । ୨୧ ମାତର୍ ହେଞ୍ଜାର୍‌ତି କାତା ରାଜି ଆମାଟ୍; ଇନାକିଦେଂକି ରିକଡ଼ି ଜାଣ୍ଡାଂ ଆଦିକ୍ ଲକୁ ହେଞ୍ଜାନିଂ ଅହ୍ନି ପାତେକ୍ ତିନା ଉଣା କିଡ଼ପ୍ ଇଞ୍ଜି ପାର୍ମାଣ୍ କିଜି ଡ଼ଗୁଜି ମାଚାର୍ । ନଜ୍ ହେଞ୍ଜାର୍ ନି ରୁଜାୟ୍ କିନାକା କାସି ଜାଲ୍‌ଦି ଆଜି ମାଚାର୍ ।”

୨୨ ହେବେଣ୍ଡାଂ ହାଜାର୍ ମୁସ୍ତିଦାର୍ ହେ ଦାଂ ଶେଡ଼ିଜ୍ ହେଲ୍‌ଖେୟ୍ ହିଜି ତାଜ୍ ବଲ୍ ହିତାନ୍, “ଏନ୍ ଜେ ଇ ଖିଜୁ କାତା ନାଜ୍ ଖେଚ୍‌ଚାତାୟନା, ହେଦାଂ ଇନେରିଂ ଖେଚୁୟ୍ ।”

ପାଉଲ୍‌ତିଂ କାଈସରିୟାତ ପଲ୍ଲାର୍

୨୩ ପାତେ ହେଞ୍ଜାନ୍ ରିକାର୍ ପାଞ୍ଚକଡ଼ି ମୁସ୍ତିଦାର୍‌ତିଂ କୁକ୍‌ଚି ଇଚାନ୍, କାଈସରିୟା ପାତେକ୍ “ହାନି କାଜିଂ ନାଣା ନଅ ଗଣ୍ଡା ସମୁତ ଦସ୍ କଡ଼ି ମେଲ୍ୟାର୍, ତିନକଡ଼ି ଦସ୍ ଜାଣ୍ ଗଡ଼ା ଦୁମ୍‌ନାକାର୍ ଆରି ଦସକଡ଼ି ବାଲାସ୍ତାକାରିଂ ଜାଲ୍‌ଦି କିୟାର୍ । ୨୪ ଆରେ, ହେଞ୍ଜାର୍ ଇନେସ୍ ପାଉଲ୍ ପସୁ ଜପି କୁଚି କିଜି ସାସନ୍‌କାର୍‌ୟା ପେଲିକସ୍ତି ଲାଗାୟ୍ ରାକ୍ୟା ହିଲ୍‌ଖାଦାଂ ଅସି ହାନାର୍, ଇଦାଂ କାଜିଂ ହେଦାଂ ଜାଲ୍‌ଦି କିନି କାଜିଂ ହେଞ୍ଜାନ୍ ବଲ୍ ହିତାନ୍ ।” ୨୫ ଆରେ, ହେଞ୍ଜାନ୍ ଇ ଲାକେ ର ଆକି ଲେକିକିତାନ୍ ।

୨୬ “ଗାଜା ସାଏର୍ ସାସନ୍ କାର୍‌ହା ପେଲିକସ୍ତିଂ କ୍ଲାଉଦିଆ ଲୁସିୟାତି ଜଖାର୍ । ୨୭ ଜିହୁଦିର୍ ଇ ଲକ୍‌ତିଂ ଆସ୍ତି ଅସ୍ତେଜ୍ ହାନି ସମୁତ ଆନ୍ ମେଲ୍ୟାତ୍ ହୁଦାଂ ହାଲ୍‌ଜି ହେଞ୍ଜାନ୍ ରଖାନ୍ ରମିୟ ଇଞ୍ଜି ପୁଞ୍ଜି ଇଞ୍ଜାନିଂ ଉଦାର୍ କିତାଂ । ୨୮ ଇମ୍ଣା କାରଣ୍ଡାଂ ହେଞ୍ଜାର୍ ଇଞ୍ଜାନ୍ ବିରୁଦ୍‌ତ ଦସି କିନାରା, ହେଦାଂ ପୁଞ୍ଜେଜ୍ ମାନ୍ କିଜି ଆନ୍ ଇଞ୍ଜାନିଂ ହେଞ୍ଜାର୍‌ତି ଗାଜା ସବା ଲାଗାୟ୍ ଅସି ହାଚାଜ୍ । ୨୯ ପାରାଣ୍ ତାଣ୍ କି ହିକଡ଼ି ଗାଚ୍ୟାନି ଜଗ୍ ଇମ୍ଣାକା ପା ବିସ୍ତେ ଇଞ୍ଜାନିଂ ବିରୁଦ୍‌ତ ଦାବା କିଞ୍ଜାଦାଂ ହେଞ୍ଜାର୍‌ତି ବିଦି ବାରେ ଗଣ୍ଡଗଲ୍ ବିସ୍ତେ ଦାବା କିୟାତାଡ଼ନ୍ନା ଇଞ୍ଜି ଆନ୍ ରୁଜାତାଂ । ୩୦ ଇ ଲକ୍ ବିରୁଦ୍‌ତ ମାନ୍ ପାଚିକିତାର୍ ଇଞ୍ଜି ନାଜ୍ କାରୁର୍ ହିଡ଼ିଲେ ଆନ୍ ଇଞ୍ଜାନିଂ ମାଲା ଆଞ୍ଜାଦାଂ ନି ଲାଗାୟ୍ ପଲ୍ଲାତାଂ, ଇଞ୍ଜାନ୍ତି ଦାବାକିନାକାରିଂ ପା ନି ମୁମ୍‌ଦ ଇଞ୍ଜାନ୍ ବିରୁଦ୍‌ତ ସାକି ହିଦେଂ ବଲ୍ ହିତାଂ ।”

୩୧ ହେବେଣ୍ଡାଂ ମେଲ୍ୟାର୍ ପାୟାତି ବଲ୍‌ତାଂ ପାଉଲ୍‌ତିଂ ଅଜି ମାଜ୍‌ଗାତ ତାଜ୍ ଆନ୍ତିପାତ୍ରିତ ତାହିଞ୍ଜାତାର୍ । ୩୨ ଆକାଡ଼ ନାଜିଂ ମେଲ୍ୟାର୍ ଗଡ଼ା ଦୁମ୍‌ନାକାରିଂ ତା ହୁଦାଂ ହାନି କାଜିଂ ଗାଡ଼ଦ ମାସ୍‌ଦି ହାଚାର୍ ।

୩୩ ପାତେ ଗଡ଼ା ଦୁମ୍‌ନାକାର୍ କାଈସରିୟାତ ଖାଜି ସାସନ୍‌କାର୍‌ୟାଜ୍ ଆକି ହିତାର୍, ଆରେ ପାଉଲ୍‌ତିଂ

ପା ହେୱାନ୍ କେଇଦ ହେଲାୟ୍ କିତାର୍ । ୩୪ ହେ ଆକି ପଡ଼ି କିତି ପାଚେ, ହେୱାନ୍ ଇମ୍ଠି ରାଜିନି ଲଗୁ
ଇଞ୍ଜି ୱେନ୍‌ବାତାନ୍, ଆରେ, ହେୱାନ୍ ଜେ କିଲିକିୟାନ୍ ଲଗୁ, ଇଦାଂ ପୁଞ୍ଜି ୩୫ ଆରେ ହେୱାନ୍ ଇଚାନ୍, ନି
ଦାବାକାରିୟାର୍ ପା ଇକାୱାତାର୍, “ଆନ୍ ନି କାତା ୱେନାଞ୍ଜି ।” ଆରେ ହେୱାନ୍ ହେରଦ୍‌ତି ବାଞ୍ଜିଲାତ
ତାଞ୍ଜି ଇଡ୍‌ଦେଂ କାଜିଂ ବଲ୍ ହିତାନ୍ ।

୨୪

ପାଉଲ୍ ଜିହୁଦିର୍‌ତି ହୁଦାଂ ଦାବାକିୟାତାନ୍

୧ ପାଞ୍ଜି ଦିନ୍ ପାଚେ ହାନାନ୍ ମୁଡ୍‌ମାପୁହେବାକିନାକାନ୍ କେତେକ ପ୍ରାତିନାରିଂ ଆରି ତର୍ତ୍ତୁଲ୍ ତର ନି ରୱାନ୍
ଅକିଲ୍ ହୁଦାଂ କାଈସରିୟାତ ୱାତାନ୍, ଆରେ ହେୱାର୍ ପାଉଲ୍‌ତି ବିରୁଦ୍‌ତ ସାସନ୍‌କାର୍‌ୟା ଲାଗେ ଦାବା
କିତାର୍ । ୨ ହେୱାନିଂ କୁକିକିତିଲେ ତର୍ତ୍ତୁଲ୍ ହେୱାନିଂ ଦାବା କିଜି ଇଞ୍ଜେଞ୍ଜି ଲାଗାତାନ୍,

“ଏ ଗାଜା ସାଏର୍ ପେଲିକସ୍, ନି ହୁଦାଂ ଆପେଂ ଜେ ମି ରାଜି ବେସି ସୁସ୍ତା ପାୟାତାପ୍‌ନା, ଆରେ ନି
ପ୍ରାତିପାଡ୍‌ଦ ଇ ଜାତି କାଜିଂ ବାରବିନ୍ କାମାୟ୍ ଆତାଡ୍‌ନା, ୩ ଇଦାଂ ଆପେଂ ସବୁ ବାବ୍ରେ ଆରି ସବୁ ବାହାତ
ବାତ୍ ପେଲିକସ୍‌ତି ୱାରି ଲାହାଞ୍ଜି ମାନି କିତାପ୍‌ନା । ୪ ମତର୍ ଆନ୍ ଇନେସ୍ ଆଦିକ୍ ୱାହି କିଦୁଞ୍ଜି, ଇଦାଂ
କାଜିଂ ଏନ୍ ଜାର୍ ଦୟା ଗୁଣ୍ଡତ ମାଦାଂ ଏଚେଗଟା କାତା ୱେଞ୍ଜେଞ୍ଜି କାଜିଂ ଆନ୍ ନିଂ ଗ଱ାରି କିଦ୍‌ନାଞ୍ଜା ।
୫ ଇନାକିଦେଂକି ଆସେଞ୍ଜି ଇ ଲକ୍‌ତିଂ ମାର୍‌ତି ଲାକେ ପୁତ୍ ନି ୱିଜୁ ୱିଜାର୍ ଜିହୁଦିର୍‌ତି ବିତ୍ରେ କୁଲ୍
କିବାନାକାନ୍ ଆରି ନାଜରିତିୟ୍ କୁଦାନି ରୱାନ୍ ମୁଡ୍‌ନେତା ଇଞ୍ଜି ପୁଚାପ୍‌ନା; ୬ ଆରେ ପା ଇ଱ାନ୍ ମନ୍ଦିର୍
ବିଚାଡ୍ କିଦେଞ୍ଜି ସେସ୍ତୁ କିଜି ମାଚାନ୍, ମତର୍ ଆପେଂ ଇ଱ାନିଂ ଆସ୍ତାପ୍ ଆରେ ମି ବିଦି ଇସାପ୍ରେ ଇ଱ାନ୍ତି
ବିଚାର୍ କିଦେଞ୍ଜି ଇଚା କିଜି ମାଚାପ୍ । ୭ ମତର୍ ହାଜାର୍ ମୁସ୍ତିଦାର୍ ଲୁସିୟା ୱାଜି ଜବର୍ ବଲଡ୍‌କାର୍‌ତାଂ
ଇ଱ାନିଂ ମା କେୟ୍‌ଦାଂ କିସ୍ତୁ ଅତାନ୍, ୮ ଆରେ, ଇ଱ାନ୍ତି ଦାବାକାର୍‌ୟାରିଂ ନି ମୁମ୍‌ଦ ଇକାୱାନି କାଜିଂ ବଲ୍
ହିତାନ୍ । ଇ ଇମ୍ଠି ୱିଜୁ ବିସ୍ତେ ଆପେଂ ତେକ୍‌ତି ଇଦାଂ ବିରୁଦ୍‌ତ ଦାବା କିନାପା, ଏନ୍ ନିଜେ ଇ଱ାନିଂ
ପରସନ୍ କିତିସ୍ ହେ ସବୁ ପୁଞ୍ଜେଞ୍ଜି ଆଡ୍‌ନାୟ୍ ।” ୯ ଜିହୁଦିର୍ ପା ଦାବାତ ମିହାଜି ଇ ୱିଜୁ କାତା ହାଡ୍‌ପା
ଇଞ୍ଜି ଇଞ୍ଜାର୍ ।

ପେଲିକସ୍‌ତି ମୁମ୍‌ଦ ପାଉଲ୍‌ତି ୱାସ୍ତିହିତାନ୍

୧୦ ହେବେଣ୍ଡାଂ ସାସନ୍‌କାର୍‌ୟା କାତା ଇନି କାଜିଂ ପାଉଲ୍‌ତିଂ ଚଡ୍‌ତିଲେ, ହେୱାନ୍ ଉତର୍ ହିତାନ୍,
“ଏନ୍ ଆଦିକ୍ ବାହୁଁ ଆତାଡ୍ ଇ ଜାତିନି ବିଚାର୍‌କାର୍‌ୟା ମାନାନ୍ ଇଞ୍ଜି ପୁନିକାଜିଂ ଆନ୍ ସାସ୍‌ତ ନା ପାକ୍ୟା
ବାତି କିନାଞ୍ଜା । ୧୧ ବାର ଦିନ୍‌ତାଂ ଆଦିକ୍ ଆଉଡ୍ ଆନ୍ ପାର୍ତାନା କିନି କାଜିଂ ଜିରୁସାଲମ୍‌ତ ହାଲ୍‌ଜି ମାଚାଞ୍ଜି,
ଇଦାଂ ଏନ୍ ପୁଞ୍ଜେଞ୍ଜି ଆଡ୍‌ନାୟ୍ । ୧୨ ଆରେ, ଇ଱ାର୍ ମନ୍ଦିର୍‌ତ କି ପାର୍ତାନା ଇଞ୍ଜି କି ଗାଡ୍‌ଦ ନାଞ୍ଜେଞ୍ଜି
ଇନେର୍ ହୁଦାଂ ଗଣ୍ଡଗଲ୍ କିନାକା କି ଲକାଂ ଚିଉଲାୟ୍ କିନାକା ହୁଡ୍‌ଦା଱ାତାଣ୍ଡା, ୧୩ ଆରେ, ନଞ୍ଜି ଇ଱ାର୍ ନା
ବିରୁଦ୍‌ତ ଇମ୍ଠି ୱିଜୁ ବିସ୍ତେ ଅଜି ଦାବା କିନାରା, ହେ ସବୁ ନି ଲାଗେ ପାର୍ମାଣ୍ କିଦେଞ୍ଜି ଆଡ୍‌ତର୍ । ୧୪ ମତର୍
ଇ଱ାର୍ ଇନେରିଂ ର ବିନ୍‌ଦମ୍ କୁଦା ଇଞ୍ଜି ଇନାର୍, ଆନ୍ ହେ ହାଜି ଇସାପ୍ରେ ମା ଆବା ଲେଡ୍‌ତି ଇସ୍‌ବ୍‌ତି
ପାର୍ତାନା କିଜି ମାନାଂ; ଇନା ଇନାକା ମସାତି ବିଦି ଇସାପ୍‌ରେ ଆରି ଇନା ଇନାକା ବେଣ୍‌ବାକ୍‌ଣାୟ୍ କିନାକାର୍
ସାସ୍‌ବ୍‌ତ ଲେକା ମାନାଡ୍, ହେ ସବୁ ଆନ୍ ପାତ୍ କିନାଞ୍ଜି; ୧୫ ଆରେ, ଦାମ୍ ଆରି ଅଦାମ୍ ରିୟାର୍
ଆରେ ନିଂନାକା ଆନାଡ୍ ଇଞ୍ଜି ଇନାକା ଇ଱ାର୍ ନିଜେ କାସି ମାନାର୍, ଆନ୍ ପା ଇସ୍‌ବ୍‌ତାଂ ହେ ଲାକେ ବାସ୍
ଇଡ୍‌ତାଂନା ଇଞ୍ଜି ନି ଲାଗେ ମାନି କିନାଞ୍ଜା । ୧୬ ଇ ଏଡ୍ ତାଂ ଆନ୍ ପା ନିଜେ ନିତ୍ରେ ଇସ୍‌ବ୍‌ତି ଆରି ମାନାୟ୍‌ତି
କାଜିଂ ଦସି ହିଲ୍‌ଡି ଚିଡ୍‌ତା ରାକ୍ୟା କିଦେଞ୍ଜି ଜାଡ୍‌ନ୍ କିଜି ମାନାଞ୍ଜା ।”

୧୭ ☆ “ବେସି ବାହୁଁ ପାଚେ ଆନ୍ ନା ଜାତି ଲାଗେ ଦାନ୍ ତାତେଞ୍ଜି କାଜିଂ ଆରି ପୁଜା ହିନି କାଜିଂ
ଜିରୁସାଲମ୍‌ତ ହାଲ୍‌ଜି ମାଚାଞ୍ଜି । ୧୮ ହେ ୱେଡାଲିଂ ଇ଱ାର୍ ନାଞ୍ଜେଞ୍ଜି ମନ୍ଦିର୍‌ତ ସକର୍ ଆଜି ମାନାକା ହୁଡ୍‌ଜି
ମାଞ୍ଜାର୍; ଆନ୍ ଇମ୍ଠାକା ପା ଲକୁରିଂ ନଲେ ଗଣ୍ଡଗଲ୍‌ତ ମେହା ଆ଱ାଦାଂ ମାଚାଞ୍ଜି । ୧୯ ମାତର୍ ଆସିଆନି
କେତେକ ଜିହୁଦିର୍ ମାଚାର୍; ଜଦି ହେୱାର୍‌ତି ନା ବିରୁଦ୍‌ତ ଇମ୍ଠାକା ପା କାତା ମାଚିସ୍, ତାଆତିସ୍ ନି ମୁମ୍‌ଦ
ଏକିସ୍ ଦାବା କିନାକା ହେୱାର୍‌ତି ହାର୍ ଆତାମା । ୨୦ ଆରେରଗ ଆନ୍ ଗାଜା ସବା ମୁମ୍‌ଦ ଇଞ୍ଜି ମାଚାଞ୍ଜି
ଆନ୍ ଇମ୍ଠି ପାପ୍‌ତ ବାନ୍ୟା ଆଜି ମାଚାଞ୍ଜି, ହେଦାଂ ଇବେ ମାନି ଇ ମାନାୟାର୍ ଇଞ୍ଜେର୍ । ୨୧ ଆତିସ୍‌ପା
ଆନେଞ୍ଜି ର କାତା ଇଞ୍ଜି ମାଚାଞ୍ଜି, ହେୱାର୍ ବାହାତ ଇଞ୍ଜି ମାନି ସମୁତ ଆନ୍ ଆଟ୍‌଱ା କିଜି ଇଞ୍ଜି ମାଚାଞ୍ଜି,
ହାକିର୍ ଆରେ ନିଂନାକା ଇଞ୍ଜି ଆନ୍ ପାତ୍ କିଜି ମାଚିଲେ ନେଞ୍ଜେଞ୍ଜି ନି ହୁଦାଂ ବିଚାର୍ କିୟାନାଞ୍ଜା ।”

୨୨ ମତର୍ “ପେଲିକସ୍ ହେ ହାଜି ବିସ୍ତେ ଏଚେକ୍ ଆଦିକ୍ ହାଡ୍‌ତର୍ ପୁଞ୍ଜି ମାଚିଲେ ବିଚାର୍ ଚେବାୟ୍ କିଜି
ଇଚାନ୍, ହାଜାର୍ ମୁସ୍ତିଦାର୍ ଲୁସିୟା ୱାତିସ୍ ଆପ୍ ମିଦାଞ୍ଜି ବିସ୍ତେ ତିର୍ କିନାପ୍ ।” ୨୩ ଆରେ, ହେୱାନ୍

☆ ୨୪:୧୭ ୨୪:୧୭ ପଦ୍ୟାତାକା ୨୧:୧୭-୨୮.

ପାଞ୍ଚକଡ଼ି ମୁସ୍ତିଦାର୍ତ୍ତି ହେଞ୍ଜାନ୍ତି ଇମ୍ନାକା ପା ଖାସ୍ତିନି ଜାର ଲଗାଁ ହେଞ୍ଜାନ୍ତି ହେବାକିନାକା କାଜିଁ ମୁନା କିଞ୍ଜାଦାଁ, ଆରେ ତା ବନ୍ଦି ଲାକେ ରାକ୍ୟା କିଜି ତା କାଜିଁ କଞ୍ଜାଣ୍ ଚିନ୍ତା କିଦେଙ୍ଗ ବଲ୍ ହିତାନ୍ ।

ପେଲିକସ୍ ଆରି ଦୁସିଲାତି ମୁମ୍ଦ ପାଉଲ୍

୨୪ କେତେକ୍ ଦିନ୍ ପାଚେ ପେଲିକସ୍ ଦୁସିଲା ତରନ୍ତି ଜାର ଜିହୁଦିୟା ତକ୍ତୁହି ଲାହାଙ୍ ଖାଜି ପାଉଲ୍ତିଁ କୁକ୍ତି କ୍ରିସ୍ଟୁ ଜିସୁତିତାକେ ପାତ୍ ବିସ୍ତେ ହେଞ୍ଜାନ୍ ତାକେ ଖେଚାନ୍ । ୨୫ ମତର୍ ହେଞ୍ଜାନ୍ ଦାମ୍, ଖାସ୍ତିଁ ଆରି ଖାନିଦିନ୍ତ ବିଚାର କାମାୟ ବିସ୍ତେ କାତା ଇନି ସମୁତ ପେଲିକସ୍ ପାଣ୍ଡା ଆଜି ଉତର୍ ହିତାନ୍, “ନଙ୍ ଏପେଙ୍ଗ୍ ହାଲାଟ୍, ସୁବିଦା ସମୁ ପାୟାତିସ୍ ଆପ୍ ମିଙ୍ କୁକ୍ତିକିଦାପ୍ ।” ୨୬ ଆରେ ପା ପାଉଲ୍ ତାଙ୍ ଟାକାଁ ହିଦ୍ନାଁ ଇଞ୍ଜି ହେଞ୍ଜାନ୍ ଆହା କିଜି ମାଗାନ୍; ହେଦାଁ କାଜିଁ ରଗତିଁ ରଗ ତାଙ୍ କୁକ୍ତି ତା ଲାହାଙ୍ କାତାବାର୍ତ୍ତା କିବିସ୍ ମାଗାନ୍ ।

୨୭ ମାତର୍ ଦୁଇ ବାହୁଁ ବାତ୍ ଆତି ପାଚେ ପକ୍ ଯ ପେସ୍ ପେଲିକସ୍ତି ପାଦ୍ତ ବାଟି କିୟାତାନ୍, ଆରେ ପେଲିକସ୍ ଜିହୁଦିରତି ବଲ୍ବଲ୍ଲାୟ ଆଦେଁ ଇଚା କିଜି ପାଉଲ୍ତିଁ ବନ୍ଦି ଅବସ୍ତାତ ଇଡ୍ଡଜି ହାଚାନ୍ ।

୨୫

କାଈସରିୟାତି ଲାଗେ ପାଉଲ୍ତି ଗଞ୍ଜାରି

୧ ହେବେଣ୍ଡାଁ ପେସ୍ ଆଦିକାର୍ ପାଦ୍ ଇଚି କିଜି ତିନି ଦିନ୍ ପାଚେ କାଈସରିୟାତାଁ ଜିରୁସାଲମତ ହାଚାନ୍, ୨ ଆରେ, ମୁଡ୍ ମାପୁହେବାକିନାକାନ୍ ଆରି ଜିହୁଦିରତି ମୁଡ୍ ମୁଣିକାର୍ ପାଉଲ୍ତି ବିରୁଦ୍ତ ତା ଲାଗେ ଗଞ୍ଜାରି କିଚାର୍, ୩ ଆରେ ହେଞ୍ଜାନ୍ ଇନେସ୍ ତାଙ୍ ଜିରୁସାଲମତ କୁକ୍ତି ପଞ୍ଚାନାନ୍, ଇଦାଁ କାଜିଁ ଗଞ୍ଜାରି ଆଗେ ତା ବିରୁଦ୍ତ ଇ ଦୟା ପାର୍ତାନା କିଚାର୍, ଆରେ, ହେଞ୍ଜାର୍ ତାଙ୍ ହାସ୍ଦ ଅହି କିନି କାଜିଁ ତ୍ତଗୁଜି କୁଚ୍ଚାର୍ । ୪ ହେବେ ପେସ୍ ଉତର୍ ହିତାନ୍, “ପାଉଲ୍ କାଈସରିୟାତ ଗେହ୍ୟାଜି ମାନାନ୍, ଆରେ ଆନ୍ ପା ବେଗି ହେବେ ହାନାଙ୍ । ୫ ଲାଗିଁ, ମି ବିତ୍ତେ ଇମ୍ନାକାର୍ ସାକ୍ତିକାଟାକାନ୍, ହେଞ୍ଜାର୍ ମା ଲାହାଙ୍ ହାଲ୍ଜି ହେ ଲକ୍ଜି ଜଦି ଇମ୍ନାକା ପା ଦସ୍ ମାଟିସ୍, ତେବେ ତା ବିରୁଦ୍ତ ଦାବା କିୟାଟ୍ ।”

୬ ପାଚେ ହେଞ୍ଜାନ୍ ହେଞ୍ଜାର୍ ବିତ୍ତେ ଆଟ୍ କି ଦସ୍ ଦିନ୍ତାଁ ଆଦିକ୍ ମାନ୍‌ଖାଦାଁ କାଈସରିୟାତ ମାସଦି ହାଚାର୍, ଆରେ ଆକାଟ୍ ନାଜିଁ ଗାଦିତ କୁଚ୍ଚି ପାଉଲ୍ତିଁ ତାନି କାଜିଁ ବଲ୍ ହିତାନ୍ । ୭ ପାଉଲ୍ ଖାତିଲେ ଜିରୁସାଲମତାଁ ଖାତାକାର୍ ଜିହୁଦିର୍ ହେଞ୍ଜାନ୍ତି ଚାରିବେଣ୍ଡାତାଁ ବେଡ୍ କିଜି ନିଲ୍ତାର୍ ଆରି ତା ବିରୁଦ୍ତ ବେସି ଗାଜା ଦାବା କିଚାର୍ । ମତର୍ ହେଞ୍ଜାର୍ ଇ ସବୁ ପାର୍ମାଣ୍ କିଦେଙ୍ଗ୍ ରାଜି ଆଖାତାର୍ । ୮ ହେବେ ପାଉଲ୍ ଜାର୍ ପାକ୍ୟା ପାଡ୍‌କା କିଜି ଖେଚ୍ଚାନ୍, “ଜିହୁଦିରତି ମସାତି ବିଦି ବିରୁଦ୍ତ କି ମନ୍ଦିର୍ ବିରୁଦ୍ତ କି କାଈସର୍ତି ବିରୁଦ୍ତ ଆନ୍ ଇନାକାପା ପାପ୍ କିଞ୍ଜାତାଁନା ।”

୯ ମତର୍ ପେସ୍ ଜିହୁଦିରତି ଦୟା ଆଦେଁ ଇଚା କିଜି ପାଉଲ୍ତିଁ ଉତର୍ ହିତାନ୍, “ଏନ୍ କି ଜିରୁସାଲମତ ହାଲ୍ଜି ହେ ବାହାତ ମା ମୁମ୍ଦ ଇ ସବୁ ବିସ୍ତେ ଅଜି ବିଚାର୍ ଆଦେଁ ଇଚା କିନାୟା ?”

୧୦ ମତର୍ ପାଉଲ୍ ଇଚାନ୍, “ଆନ୍ କାଈସର୍ତି ଗାଦି ତାରେନ୍ ନିଲ୍ତାଁନା, ହେ ବାହାତ ବିଚାର୍ ଆନାକା ମାନାତ୍ । ଆନ୍ ଜିହୁଦିରତି କାଜିଁ ଇନାକାପା ଅନ୍ୟାୟ କିଞ୍ଜାତାଁନା, ଏନ୍ ପା ହେଦାଁ ଏତେକ୍ ହାର୍ ଇଞ୍ଜି ପୁନାୟ । ୧୧ ଖାଟିଙ୍ଗ୍, ଜଦି ଆନ୍ ଅନ୍ୟାୟ କିଚାକାଁ ଆଜି ମାଟିସ୍ ଆରି ହାକି ଜଗ୍ ଇନାକାପା କାମାୟ କିଜି ମାଟିସ୍, ତା ଆତିସ୍ ଆନ୍ ହାକି ବଗ୍ କିଦେଙ୍ଗ୍ ମୁନା କିଦୁଙ୍ଗା; ମତର୍ ଇଞ୍ଜାର୍ ନା ବିରୁଦ୍ତ ଇନାକା ସବୁ ଦାବା କିନାରା, ହେ ସବୁ ବିତ୍ତେ ଜଦି ପାଦେକ୍ ପା ସଡ୍ ଆକାୟ, ତା ଆତିସ୍ ଇମ୍ଣି ମାନାୟ ପା ହେଞ୍ଜାର୍ କେଇଦ ନାଙ୍ ହେଲାୟ କିଦେଙ୍ଗ୍ ଆଡ୍ଡର୍ । ଆନ୍ କାଈସର୍ତି ସାରାଣ୍ଡତ ବିଚାଣ୍ଟା ଆଦେଁ କାଜିଁ ପାର୍ତାନା କିନାକା ।”

୧୨ ହେବେ ପେସ୍ ମଡ୍‌ମଣ୍ଡଲ୍ ଲାହାଙ୍ ବୁଜାସୁଜା କିଜି ଉତର୍ ହିତାନ୍, ଏନ୍ “କାଈସରିୟାତି ସାରାଣ୍ଡତ ବିଚାଣ୍ଟା ଆଦେଁ କାଜିଁ ପାର୍ତାନା କିତାୟନା, ଏନ୍ କାଈସର୍ ଲାଗେ ହାନାୟ ।”

ଆଗ୍ରିପ୍‌ପା ଆରି ବଣ୍ଟିକିତି ମୁମ୍ଦ ପାଉଲ୍

୧୩ କେତେକ୍ ଦିନ୍ ହାଟି ପାଚେ ରାଜା ଆଗ୍ରିପ୍‌ପା ଆରି ବଣ୍ଟିକି କାଈସରିୟାତ ଖାଜି ପେସ୍ତିଁ ବେଟା ଆଚାର୍ । ୧୪ ହେଞ୍ଜାର୍ ବେସି ଦିନ୍ ହେ ବାହାତ ମାଟିଲେ, ରାଜା ଆଗେ ପେସ୍, ପାଉଲ୍ତି କାତା ଖେଚ୍ଚି ଇଚାନ୍, “ପେଲିକସ୍ ରଞ୍ଜାନ୍ ଲଗାଁ ବନ୍ଦି କିଜି ଇଡ୍ଡଜି ହାଚାନ୍ନା । ୧୫ ଆନ୍ ଜିରୁସାଲମତ ମାନି ସମୁତ ଜିହୁଦିରତି ମୁଡ୍ ମାପୁହେବାକିନାକାନ୍ ଆରି ପ୍ରାଚିନାର୍ ତା ବିସ୍ତେ ନା ଲାଗେ ଗଞ୍ଜାରି କିଜି ତା ବିରୁଦ୍ତ ଦଣ୍ଡବଲ୍ ପାର୍ତାନା କିଚାର୍ । ୧୬ ଆନ୍ ହେଞ୍ଜାରିଁ ଉତର୍ ହିତାଁ, ଇନାକାନ୍ ଆରି କାତା ନାହାଁୟ ମୁକାମୁକି ଆଖି ପାଚେକ୍, ଆରେ କାତା ନାହାତି ବିରୁଦ୍ତ ବିଚାର୍ କିଜିମାନି ଦାବା ସମୁତ ଖାସ୍ତିପାକ୍ୟା ପାଡ୍‌କା କିନି ସୁବିଦା ପାୟାଖି ପାଚେକ୍ ହେଞ୍ଜାନ୍ ହେଲାୟ କିନାକା ରମିୟର୍ତି ବିଦି ଆକାୟ । ୧୭ ଲାଗିଁ ହେଞ୍ଜାର୍ ନା ହାଙ୍ଦାଁ

ଇ ବାହାତ ଖାତିଲେ, ଆନ୍ ମାଲାଖାଦାଂ ଆକାଡ଼ ନାଜିଂ ଗାଦିତ କୁଚ୍ଚି ହେ ମାନାୟତିଂ ତାତେଙ୍ଗ୍ କାଜିଂ ବଲ୍ ହିତାଂ ।^{୧୮} ଦାବାକାରିର୍ ଇଞ୍ଜି, ଆନ୍ ଇନେସ୍‌ବାନି ଦସ୍‌ନି କାତା କାସି ମାଚାଙ୍ଗ୍, ହେ ଲାକେ ଇନାକାପା ଦାବା ହେଦାଂ ବିସ୍ତେ ତାଖାତାର୍ ।^{୧୯} ମତର୍ ହେଖାର୍‌ତି ଜାର୍ ଦାରୁମ୍ ଆରେ ଜିସୁ ତର୍ ନି ରଖାନ୍ ହାତି ମୁଣିକା, ଇନେରିଂ ପାଉଲ୍ ଜିଜି ମାଚାନ୍ ଇଞ୍ଜି ଇଞ୍ଜି ମାଚାନ୍, ହେ ସବୁ ବିସ୍ତେ ତା ବିରୁଦ୍‌ତ ହେଖାର୍‌ତି ଏଚେକ୍ କୁଲ୍ ମାଚାଡ଼ ।^{୨୦} ଇ ଓଜୁ ବିସ୍ତେ ଇନେସ୍‌ବାନି ତେକ୍‌ନାଙ୍ଗ୍ ଇଞ୍ଜି ଆନ୍ ବୁଦିବାଣା ଆଜି, ହେଖାନ୍ ଜିରୁସାଲମତ ହାଲ୍‌ଜି ହେବେ ଇ ଓଜୁ ବିସ୍ତେ ବିଚାର୍ ଆଦେଂ କାଜିଂ ଇଚା କିନାନ୍ କି ଆକାୟ୍, ଇଦାଂ ଖେନ୍‌ବାତାଂ ।^{୨୧} ମତର୍ ପାଉଲ୍ ରାଜାର୍‌ତାଂ ରାଜା ବିଚାର୍ କାଜିଂ ଇଚ୍ୟାନି କାଜିଂ ପାର୍ତାନା କିତିଲେ, ଆନ୍ ତାଙ୍ଗେଙ୍ଗ୍ କାଈସର୍‌ତି ଲାଗେ ପକ୍‌ଓ ପାତେକ୍ ବୟି କିଜି ଇଡ଼ଦେଂ ବଲ୍ ହିତାଂ ।”

^{୨୨} ହେବେଶ୍ଟାଂ ଆଗ୍ରିପ୍‌ପା ପେସ୍‌ଚିଂ ଇଚାନ୍, “ଆପେଂ ପା ନିଜେ ହେ ଲକ୍‌ନି କାତା ଖେଞ୍ଜେଙ୍ଗ୍ ଇଚା କିନାପା ।”

ହେଖାନ୍ ଇଚାନ୍, “ଓଗା ଏପେଙ୍ଗ୍ ତାଦି କାତା ଖେନାଦେର୍ ।”

^{୨୩} ଲାଗିଂ, ଆକାଡ଼ ନାଜିଂ ଆଗ୍ରିପ୍‌ପା ଆରି ବଶ୍ଟିଂ କି ଗାଜା ବିଡ଼୍‌ତ ଖାଜି ମୁଡ଼୍‌ମୁଡ଼୍‌ମେଲ୍ୟାର୍ ଆରି ଗାଡ଼୍‌ନି ମୁଡ଼୍‌ମୁଡ଼୍‌ମୁଣିକାର୍ ହୁଦାଂ ବିଚାର୍ଣ୍ଣା ବାହାତ ହଟିଲେ ପେସ୍‌ଚିଂ ବଲ୍ ଇସାବରେ ପାଉଲ୍‌ତିଂ ତାହିଞ୍ଜାୟାତାନ୍ ।^{୨୪} ହେବେ ପେସ୍ ଇଚାନ୍, “ଏ ରାଜା ଆଗ୍ରିପ୍‌ପା ଆରି ମାହୁଦାଂ ଇ ବାହାତ ମାତି ଗାଜାଲଗୁ କାଦେର୍, ଏପେଙ୍ଗ୍ ଇ ଲକ୍‌ତିଂ ହୁଡ଼୍‌ନାଦେରା, ଇଞ୍ଜେନ୍ ବିରୁଦ୍‌ତ ଜିରୁସାଲମତ ଆରି ଇ ବାହାତ ପା ଜିହୁଦି ଲକୁ ମା ଲାଗେ ଗଞ୍ଜାରି କିଜି ତାଦାଂ ଆରେ ଜିଜି ମାନାକା ହାର୍ ଆକାୟ୍ ଇଞ୍ଜି ତେରା ଆତାର୍ ।^{୨୫} ମତର୍ ହେଖାନ୍ ହାକି ଜଗ୍ ଇନାକାପା କାମାୟ୍ କିଞ୍ଜାତାନ୍ନା ଇଞ୍ଜି ଆନ୍ ବୁଜାତାଂ, ଆରେ ହେଖାନ୍ ନିଜେ ଜାରାର୍‌ତାଂ ରାଜା ଲାଗେ ବିଚାର୍ ଆନି କାଜିଂ ପାର୍ତାନା କିତିଲେ ଆନ୍ ତାଙ୍ଗ୍ ପକ୍‌ନି କାଜିଂ ତିର୍ କିତାଙ୍ଗ୍ ।^{୨୬} ନା ମାପୁତି ଲାଗେ ତା ବିସ୍ତେ ଲେକିକିନି କାଜିଂ ନାଦାଂ ଇନାକାପା ସତ୍ ବିସ୍ତେ ଆକାୟ୍ । ଲାଗିଂ ବିଚାର୍ କିଜି ଇନେସ୍ ଆନ୍ ଲେକିକିନି କାଜିଂ ଇଚୁଚିଂ ପାୟାଦେଂ ଆଡ଼ନାଙ୍ଗ୍, ହେଦାଂ କାଜିଂ ତାଙ୍ଗ୍ ମିବେ, ବେସିନି, ଏ ରାଜା ଆଗ୍ରିପ୍‌ପା, ମି ମୁମଦ ତାତାଂନା; ^{୨୭} ଇନାକିଦେଂକି ବଦିତିଂ ପକ୍‌ନି ସମୁତ ତା ବିରୁଦ୍‌ତ ଦାବାକାଂ ଇନ୍‌ଓ କାଜିଂ ନାଙ୍ଗେଙ୍ଗ୍ ମେହାଆଓି ଲାକେ ବୁଜା ଆଦ୍‌ନାତା ।”

୨୨

ଆଗ୍ରିପ୍‌ପାତି ମୁମଦ ପାଉଲ୍‌ତି ଜାର୍‌ତିଂ ହେଲାୟ୍ କିନାକା

^୧ ହେବେଶ୍ଟାଂ ଆଗ୍ରିପ୍‌ପା ପାଉଲ୍‌ତିଂ ଇଚାନ୍, “ନିଙ୍ଗେଙ୍ଗ୍ ଜାର୍ ପାକ୍ୟାତ କାତା ଇନି କାଜିଂ ହେଲ୍ ହିଆତାଡ଼ । ହେ ଏଚେକାଡ଼୍‌ଦ ପାଉଲ୍ କେଇ ମେଲାୟ୍ କିଜି ଜାର୍ ପାକ୍ୟାତ ଇଞ୍ଜେଙ୍ଗ୍ ଲାଗାତାନ୍,”

^୨ “ଏ ରାଜା ଆଗ୍ରିପ୍‌ପା, ଜିହୁଦିର୍ ନା ବିରୁଦ୍‌ତ ଇମ୍‌ଣି ଓଜୁ ଦାବା କିନାରା, ହେ ବିସ୍ତେ ଆନ୍ ଜେ ନେଞ୍ଜେଙ୍ଗ୍ ନି ଲାଗେ ଜାତ୍ ଇଞ୍ଜି ଖେଚ୍‌ଚେଙ୍ଗ୍ ପାବ୍ ପାୟାତାଂନା, ଇଦାଂ କାଜିଂ ଆନ୍ ଜାର୍‌ତିଂ ଖାରି ବାବି କିନାଙ୍ଗା, ^୩ ବେସିଆତିସ୍ ଇ ଇନାକିଦେଂକି ଜେ, ଏନ୍ ଜିହୁଦିର୍ ବିତ୍ତେ ଚାଲାତି ସବୁ ରିତିନିତି ଆରି ମାନ୍ ବିସ୍ତେ ବେସି ପୁନାୟ୍; ଇଦାଂ କାଜିଂ ସାସ୍ ଆଜି ନା କାତା ଖେଞ୍ଜେଙ୍ଗ୍ କାଜିଂ ଆନ୍ ନିଂ ଗଞ୍ଜାରି କିଦ୍‌ନାଙ୍ଗା ।

^୪ ବେଶ୍ଟା କାଡ଼ତାଂ ଆଗେତାଂ ଜାର୍ ଜାତି ବିତ୍ତେ ଆରି ଜିରୁସାଲମତ ନା ଆଚାର୍ ତିନ୍ତା ଜିହୁଦିର୍ ଓଜାକାର୍ ପୁନାର୍; ^୫ ହେଖାର୍ ନାଙ୍ଗେଙ୍ଗ୍ ପର୍ତୁମତାଂ ପୁନ୍‌ଞ୍ଜି ମାରିସ୍ ଜଦି ଇଚା କିନାନ୍, ଖାଚିଙ୍ଗ୍ ସାକି ହିଜି ଆଡ଼ନାର୍ ଜେ, ଆନ୍ ମା ଦରମ୍‌ନି ସବୁତାଂ ଆର୍‌ଞ୍ଜା ମାନ୍ ଇସାପ୍ରେ ପାରୁସି ଆଜି ଜିଜି ମାଚାଂ ।”^୬ ଆରେ, ମା ଆବା ଲାତ୍ରା ଲାଗାଙ୍ଗ୍ ଇସ୍‌ବର୍ ଇମ୍‌ଣି ପାର୍ମାଣ୍ କିଜି ମାଚାନ୍, ହେ ପାର୍ମାଣ୍‌ନି ବାସ୍ କାଜିଂ ଆନ୍ ବିଚାର୍ ଆନି କାଜିଂ ନଙ୍ଗ୍ ନିଲ୍‌ତାଂନା ।^୭ ମା ବାର୍ ପାର୍ତାନା ହେ ପାର୍ମାଣ୍‌ନି ପାଡ଼୍ ଗାଟାନି ଆହାତ ଖେଡ଼ାନାଣା ର ମାନ୍ତ ଇସ୍‌ବର୍‌ତି ପାର୍ତାନା କିନାରା । ଏ ରାଜା, ବାସ୍ କାଜିଂ ଆନ୍ ଜିହୁଦିର୍‌ତି ହୁଦାଂ ଦାବା ଆନାଙ୍ଗା ।^୮ ଇସ୍‌ବର୍ ଜେ ହାତାକାରିଙ୍ଗ୍ ନିକ୍‌ତାନ୍ନା, ହେଦାଂ ଇନାକିଦେଂ ଏପେଙ୍ଗ୍ ବିଚାର୍‌ତ ପାତ୍ କିଞ୍ଜାକାଦେର୍ ଇଞ୍ଜି ବୁଜା ଆନାତା ?

^୯ “ନାଜରିତିୟ୍ ଜିସୁତି ତର୍ ବିରୁଦ୍‌ତ ନାଦାଂ ଆଦିକ୍ କାମାୟ୍ ଜେ ମାନାଡ଼, ଇଦାଂ ଆନ୍ ନିଜେ ବାବି କିଜି ମାଚାଙ୍ଗ୍ ।^{୧୦} ଆରେ, ଜିରୁସାଲମତ ଆନ୍ ଇଦାଂ ପା କିଜି ମାଚାଙ୍ଗ୍, ମୁଡ଼୍ ମାପୁହେବାକିନାକାନ୍ ତାରେନ୍ ଆଦିକାର୍ ପାୟା ଆଜି ପୁଇପୁୟାର୍ ବିତ୍ତେ ଆଦେକ୍‌ତିଂ ଜଇଲ୍‌ତ ଗେସ୍‌ସି କିଜି ମାଚାଙ୍ଗ୍, ଆରେ, ହେଖାର୍‌ତି ପାରାଣ୍ ଦାଶ୍ ସମୁତ ଆନ୍ ପା ହେଖାର୍‌ତି ବିରୁଦ୍‌ତ ନା ମାନ୍ ପାକ୍ୟାତାଂ ହିଜି ମାଚାଙ୍ଗ୍, ^{୧୧} ଆରେ ଓଜୁ କୁଚୁମ୍ ଇଞ୍ଜି ରଗତିଂ ରଗ ହେଖାରିଂ ତାଶ୍ ହିଜି ଜିସୁତିଂ ନିୟା କିନି କାଜିଂ ହେଖାରିଂ ବଲ୍‌କାର୍ କିଜି ମାଚାଙ୍ଗ୍, ଆରେ ହେଖାର୍‌ତି ବିରୁଦ୍‌ତ ବେସି ବାଡା ଆଜି ବିଦେସ୍‌ନି ଗାଡ଼କୁ ପାତେକ୍ ପା ହେଖାରିଂ ନିୟା କିଜି ମାଚାଙ୍ଗ୍ ।”

☆ ୨୨:୫ ୨୨:୫ ପଦ୍ୟାତାକା ୨୩:୬; ପିଲିପିୟ ୩:୫. ☆ ୨୨:୯ ୨୨:୯ ପଦ୍ୟାତାକା ୮:୩; ୨୨:୪,୫.

ନିଜତିଂ ବାଦଲ୍ୟାୟାନି ବିସ୍ତେ ପାଉଲ୍‌ତି ଇନାକା
(ପଦ୍ୟାତାକା ୯:୧-୧୯; ୨୨:୬-୧୬)

୧୭ “ଇ ଇସାୟରେ ମୁଡ଼୍ ମାପୁହେବାକିନାକାନ୍ ତାରେନ୍ ଆଦିକାର୍ ଆରି ବଲ୍ ଆକି ଅଜି ଦମ୍ଲେସକ୍ତ ହାନି ସମୁତ, ୧୩ ଏ ଏଗ୍ରିପା ରାଜା, ମୁଣ୍ଡାମେଦାନ୍ କାଡ଼ଦ ହାଜି ବିତ୍ରେ ଆକାସ୍ତାଂ ଆଦିକ୍ ଡ଼ିଞ୍ଜନାକା ଅଜଡ଼୍ ଆରି ନା ଉପକାର୍ ନିକାରିରିଂ ଚାରିବେଣ୍ଡତାଂ ଚଞ୍ଜ୍ୟାନାକା ହୁଡ଼ତାଂ । ୧୪ ଆପେଂ ଓଁଜାପ୍ ମେଦନିତ ଗୁଡ଼ିଲେ, ଆନ୍ ଏବ୍ରି ବାସାତ ନା କାଜିଂ ଇ ବେଣ୍ ଓଁଜେକ୍, ସାଉଲ୍, ସାଉଲ୍, ଇନାକିଦେଂ ମାଂ ଇଣ୍ କିଦନାୟା ? ତିଡ଼ି ବେଡ଼ଗାତ ଲାଡ଼ ଇଡ଼ନାକା ନି ପାକ୍ୟାତ କସ୍ ।” ୧୫ ହେବେଣ୍ଡାଂ ଆନ୍ ଇଚାକ୍, “ମାପୁ, ଏନ୍ ଇମ୍‌ଣାକାୟ ?” ଲାଗିଂ ମାପୁ ଇଞ୍ଚାନ୍, “ଇମ୍‌ଣି ଜିସୁକ୍ ଏନ୍ ଇଣ୍ କିନାୟା, ଆପ୍ ହେଞ୍ଚାକ୍ । ୧୬ ମତର୍ ନିକ୍ପା, ପାନାତ ସାକ୍ତି ହିଜି ନିଲା, ଇନାକିଦେଂକି ଆପ୍ ନିକ୍ପେକ୍ ମା ହେବା କିନାକାର୍, ଆରେ ଏନ୍ ମା ଇମ୍‌ଣି ଇମ୍‌ଣାକା ହୁଡ଼ତାୟାନା ପାୟା ଆତାଇନା ଆରି ଗାଟାନାୟ, ହେ ଓଁଜୁ ବିସ୍ତେ ସାକି ଲାକେ ବାଟି କିଦନି ଇସାୟରେ ନିଂ ଚଞ୍ଜ୍ୟା ଆଡ଼ତାପ୍ । ୧୭ ଇମ୍‌ଣି ଜିହୁଦି ଆରି ପାଡ଼ି କିଓଁ ଜିହୁଦିର୍ ମାନାୟାର୍ ତାକେ ଆନ୍ ମିକ୍ପେକ୍ ପକ୍ତାନାଂ, ହେଞ୍ଚାଡ଼ତାକେଣ୍ଡାଂ ଆନ୍ ମିକ୍ପେକ୍ ଉଦାର୍ କିଦନାକ୍ । ୧୮ ଇନେସ୍ ମାଜଗାତାଂ ଅଜଡ଼୍ କାଜିଂ ଆରି ସୟତାନନି ସାକ୍ତିତାଂ ଇସ୍‌ରତି ନିପ ମାସ୍‌ଦାନାର୍, ଆରେ ପାପ୍ କେମା ଆରି ମା ତାକେ ପାଡ଼ି ହୁଦାଂ ପୁଇପୁୟା କିତି ଲକୁ ବିତ୍ରେ ଆଦିକାର୍ ପାୟା ଆନାର୍,” ହେଦାଂ କାଜିଂ ହେଞ୍ଚାଡ଼ି କାଣକୁ ହୁଡ଼ିକିନି କାଜିଂ ଆପ୍ ନିଂ ହେଞ୍ଚାଡ଼ି ତାରେନ୍ ପକ୍ତାନାପା, ଆରେ ଆପ୍ ନିଂ ହେଞ୍ଚାଡ଼ି ତାକ୍ ରାକ୍ୟା କିଦନାପ୍ ।

ଜାର୍‌ତିଂ କାମାୟ ବିସ୍ତେ ପାଉଲ୍‌ତି ବାକ୍‌ଶାୟ

୧୯ “ଲାଗିଂ, ଏ ରାଜା ଆଗ୍ରିପା, ଆନ୍ ହେ ସାଗେନି ଚଞ୍ଜ୍ୟାନାକା ଉଡ଼ାଦେଂ ଆଡ଼ଞ୍ଚାଦାଂ, ୨୦ ମତର୍ ପର୍ତ୍ତମତ ଦମ୍ଲେସକ୍ତି ଆରି ଜିରୁସାଲମ୍‌ନି ମାନାୟାର୍ ଲାଗାଂ, ପାଚେ ଜିହୁଦା ରାଜିନି ଓଁଜୁ ନିପ, ଆରେ ପାଡ଼ି କିଓଁ ଜିହୁଦିର୍ ଲାଗାଂ ପା ସୁଣାୟ କିଦେକ୍ ଲାଗାତାଂ, ଇନେସ୍ ହେଞ୍ଚାଡ଼ ମାନ୍‌ବାଦଲ୍ୟାୟ କିଜି ଇସ୍‌ରତି କାଜିଂ ମାସ୍‌ଦି ଖାନାର୍ ଆରି ମାନ୍‌ବାଦଲ୍ୟାୟନି ହାଦିଂ କାମାୟ କିନାନ୍ । ୨୧ ଇ କାରଣତାଂ ଜିହୁଦିର୍ ମନ୍ଦିର୍ ବିତ୍ରେ ନାକ୍ ଆସ୍ତି ଅସ୍ତେଦେଂ ସେସ୍ କିଜି ମାଚାର୍ । ୨୨ ଲାଗିଂ, ଇସ୍‌ରତି ତାକେ ସାୟଜ ପାୟାଜି ଆନ୍ ନେଞ୍ଜେକ୍ ପାଚେକ୍ ହାରୁ ଆରି ଗାଜା ଓଁଜାର୍ ଲାଗାୟ ସାକି ହିଜି ଖାନାକା, ଆରେ ବେଣ୍‌ବାକ୍‌ଶାୟକିନାକାର୍ ଆରି ମସାଂ ଇନାକା ଇନାକା ଗିଟାନାଡ଼ ଇଞ୍ଜି ଇଚାଣ୍ଟା, ହେ ସବୁ ପିସ୍ତି ଆରେ ଇନାକାପା ଇନୁକା, ୨୩ ଇତିସ୍ କ୍ରିସ୍ଟ ନିଜେ ଦୁକ୍‌ବଗ୍ କିଜି ଆରେ, ପର୍ତ୍ତମ୍ ହାତାକାର୍ ବିତ୍ରେତାଂ ଆରେ ନିଂନାକା ଜିହୁଦି ଆରି ପାଡ଼ି କିଓଁ ଜିହୁଦିର୍ ଲାଗାୟ ମୁକ୍ତାନି ଅଜଡ଼୍ ହପ୍‌ତାନ୍ ।”

୨୪ ଇ ଲାକେ ହେଞ୍ଚାନ୍ ଖାସ୍ତିପାକ୍ୟାନି କିଜିମାନି ସମୁତ ପେସ୍ ଗାଜା କାଡ଼ତାଂ ଇଚାନ୍, “ପାଉଲ୍ ଏନ୍ ବାୟାତି; ବେସି ବିଦ୍ୟା ନିକ୍ପେକ୍ ବାୟା କିଦନାତା ।”

୨୫ ମତର୍ ପାଉଲ୍ ଇଚାନ୍, ଏ ଗାଜାଲଗୁ ପେସ୍, “ଆନ୍ ବାୟା ଆକାୟ, ମତର୍ ହାଡ଼ପାନେ ଆରି ତିର୍ ବୁଦିନି ବଚନ୍ ବାକ୍‌ଶାୟ କିନାକା । ୨୬ ରାଜା ତ ଇ ଓଁଜୁ ବିସ୍ତେ ପୁନାନ୍, ଆରେ ଆନ୍ ତା ଲାଗେ ପା ସାସ୍ତ କାତା ଇନାକା, ଇନାକିଦେଂକି ଇ ଓଁଜୁ ବିସ୍ତେ ଇମ୍‌ଣାକା ପା କାତା ହେଞ୍ଚାଡ଼ି ପୁନ୍‌ଖାତାକା ଆକାୟ ଇଞ୍ଜି ନା ପାଡ଼ି; ଇଦାଂ ତ ଡ଼ଗୁଜି କିୟା ଆଖାତାଡ଼ନା । ୨୭ ଏ ରାଜା ଆଗ୍ରିପା, ଏନ୍ ଇନାକା ବେଣ୍‌ବାକ୍‌ଶାୟକିନାକାର୍ ପାଡ଼ି କିନାୟା ? ଏନ୍ ପାଡ଼ି କିନାୟା ଇଞ୍ଜି ଆନ୍ ପୁନାକ୍ ।”

୨୮ ହେବେଣ୍ଡାଂ ଆଗ୍ରିପା ପାଉଲ୍‌ତିଂ ଇଚାନ୍, “ଅଲପ୍ ସମୁତ ଏନ୍ ମାକ୍ପେକ୍ କ୍ରିସ୍ଟିୟାନ୍ କିଦେକ୍ ଆଡ଼ନାୟ ଇଞ୍ଜି ବାବି କିନାୟା ।”

୨୯ ପାଉଲ୍ ଇଚାନ୍, “ଅଲପ୍ ଆୟେଡ଼ କି ବେସି ଆୟେଡ଼, କେବଲ୍ ଏନ୍ ଆକାୟ, ମତର୍ ଏଚେକ୍ ଲଗୁ ନେଞ୍ଜେକ୍ ନା କାତା ଓଁଜନାରା, ଇନେସ୍ ହେଞ୍ଚାଡ଼ ଓଁଜାର୍ ପା ଇ ଗାଟି ପିସ୍ତି ନା ଲାକେ ଆନାର୍, ଆତିସ୍ ପା ହିକ୍‌ଡ଼ିତାଂ ଗାଡ଼ୟା ଆଏର୍ ଇଦାଂ ଆନ୍ ଇସ୍‌ରତି ଲାଗାୟ ପାର୍ତାନା କିନାକା ।”

୩୦ ହେବେଣ୍ଡାଂ ରାଜା, ସାସନ୍‌କାରୟା, ବଣ୍ଟି କି ଆରି ହେଞ୍ଚାଡ଼ ହୁଦାଂ କୁଡ଼ି ମାନି ମୁଣିକାର୍ ନିକ୍‌ଜି ହାଲ୍‌ଜି ମାଚାର୍ ୩୧ ବିନେ ଆଜି ହାରି କାତାବାଟା କିଉ କିଉ ଇଚାର୍, “ଇ ମାନାୟ ହାକି କି ହିକ୍‌ଡ଼ି ଗାଟ୍ୟାନି ଜଗ୍ ଇମ୍‌ଣାକା ପା କାମାୟ କିଞ୍ଚାତାନ୍ନା ।” ୩୨ ଆରେ, ଆଗ୍ରିପା ପେସ୍‌କ୍ ଇଚାନ୍, “ଇ ଲକ୍ ଜଦି କାଈସ୍‌ରତି ମୁନ୍‌ଦ ବିଚାଣ୍ଟା ଆନି କାଜିଂ ପାର୍ତାନା କିଞ୍ଚାଦାଂ ମାଟିସ୍, ତେବେ ମୁକ୍‌ତାୟ କିଦେକ୍ ଆତ୍ୟାତାଡ଼ମା ।”



ପାଉଲ୍‌ତିଂ ଏସ୍ ଜାଜ୍‌ତାଂ ରମ୍‌ତ ହାନାକା

☆ ୨୭:୨୦ ୨୭:୨୦ ପଦ୍ୟାତାକା ୯:୨୦,୨୮,୨୯.

୧ ଏଚେକାତ୍ତଦ ଆପେଂ ଜାଜତ ଦୁମ୍ଭି ଇତାଲିଆତ ହାନି କାଜିଂ ବିଚାର୍ ମାଚାତ୍, ହେ ଏଚେକାତ୍ତଦ ପାଉଲ୍ ଆରି ବିନେ ଏଚେକ୍ ଗାତ୍‌ୟାତି “ରାଜାଶ୍ଚିଂ ମେଲ୍ୟାର୍ କୁଦାନି ଜୁଲିଅ ତରନି ରଞ୍ଜନ୍ ପାଞ୍ଚକଡ଼ି ମୁସ୍ତିଦାର୍‌ତି କେଇଦ ହେଲ୍‌ୟା ଆତାନ୍ ।” ୨ ହେବେଶ୍ଚାଂ ଆସିଆ ହାରୁ ଗୁଟିତ ବାରବିନି ବାହାତ ହାନି କାଜିଂ ହଡ଼ତି ର ଆଦ୍ରାମୁତିୟ ଜାଜତ ଆପେଂ ଦୁମ୍ଭି ଜାଜ୍ ରିକ୍ତି ତୁହିତାପ୍; ଆରେ, ମାକିଦନିଆନି ଆରିସ୍ତାକ୍ ତରନି ରଞ୍ଜନ୍ ତେସ୍‌ଲନିକିୟ ଲଗୁ ମା ଲାହାଙ୍ଗ୍ ମାଚାନ୍ । ୩ ଆକାତ୍ ନାଞ୍ଜିଙ୍ଗ୍ ଆପେଂ ସିଦନ୍ତ ଏକାତାପ୍, ଆରେ ଜୁଲିଅ ପାଉଲ୍‌ତି କାଜିଂ ଦୟା ଚିନ୍ତା କିଜି ଜାର୍ ହାଙ୍ଗ୍‌ଦାକାର୍ ଇସ୍‌ବର ଲାଗେ ହାଲ୍‌ଜି ହେବା ପାୟାଦେଂ କାଜିଂ ହେଲ୍ ହିତାନ୍ । ୪ ହେ ବାହାତାଂ ଜାଜ୍ ରିକ୍ତି ଉଲ୍‌ତି ଦୁକା ଆତିଲେ ଆପେଂ କୁପ୍‌ନି ଗୁଟି ଗୁଟି ଚାଲାଜି ୫ କିଲିକିୟା ଆରି ପଂପୁଲିଆ ହାଣ୍ଡକ୍‌ତ ହାମ୍‌ଦୁର୍ ନାସି ଲୁକିଆନି ମୁରାତ ଗାତ୍‌ଦ ଖାତାପ୍ । ୬ ହେବେ ପାଞ୍ଚକଡ଼ି ମୁସ୍ତିଦାର୍ ଇତାଲିଆତ ହାଲ୍‌ଜି ମାନି ର ଆଲେକ୍‌ଜାଣ୍ଡ୍ରିୟ ବାହାନି ତର୍ ଜାଜ୍ ଗାଟାଜି ହେବେତାଂ ମାଙ୍ଗେଙ୍ଗ୍ ଦୁପ୍‌ତାତାତ୍ ।

୭ ପାଚେ ଆଦେକ୍ ଦିନ୍ ପାଚେକ୍ କାଲେ କାଲେ ହାଲ୍‌ଜି କସ୍ତୁତ ଏସ୍‌କୁପଲି କ୍ଲିଦର୍ ହାଣ୍ଡକ୍‌ତ ଏକିସ୍ ଦୁକା ମାଙ୍ଗେଙ୍ଗ୍ ଆଗେ ହାଞ୍ଜେଙ୍ଗ୍ ପିସ୍ତି ହିଦ୍‌ଝିତିଲେ ସାଲ୍‌ନିନି ହାଣ୍ଡକ୍ ହିଜି କ୍ରିତିନି ଗୁଟି ଗୁଟି ହାଚାପ୍, ୮ ଆରେ କସ୍ତୁତ ଗୁଟି ଗୁଟି ହାଲ୍‌ଜି “ହଲ୍‌ନି ବାନ୍‌ନି ତରନି ର ବାହାତ ଖାତାପ୍, ଲାସାୟା ବସ୍ତି ହେବେଶ୍ଚାଂ ଲାଗେ ମାଚାତ୍ ।”

୯ ଇ ଲାକେ ଆଦେକ୍ ସମ୍ପୁ ଝିସ୍ତାତ୍, ଆରେ ଏସ୍‌ଚାଲା ଆଦେଂ ନଙ୍ଗ୍ ଦୁକ୍‌ନି ଦିନ୍ ପଡ଼ାତାତ୍, ଇନାକିଦେଂକି ହେ ଏଚେକାତ୍ତଦ ଉପାସ୍ ପାର୍ତ୍ତୁ ଝିସ୍‌ସି ମାଚାତ୍ । ଲାଗିଂ ପାଉଲ୍ ହେଞ୍ଜାରିଂ ଜାଗ୍‌ଡ଼ କିଜି ଇଚାନ୍, ୧୦ “ଗାଜା ଲକୁର୍, ଇ ଏସ୍‌କାଂ ହାନିହିଂ ଜେ କେବଲ୍ ମାଲ୍ ଆରି ଜାଜ୍‌ନି ନସ୍‌ଆନାତ୍, ହେଦାଂ ଆକାୟ୍, ମତର୍ ମା ଜିବୁନ୍‌ତ ପା ଜେ ନସ୍‌ଆରି ପର୍ତ୍ତୁ ଆନାତ୍, ଇଦାଂ ଆନ୍ ପୁନାଙ୍ଗା ।” ୧୧ ମାତର୍ ମେଲ୍ୟା ପାଉଲ୍‌ତି କାତାତ ପାତ୍ କିଞ୍ଜାଦାଂ ଜାଜ୍‌ନି ଗୁମ୍‌ସ୍ତା ଆରି ଜାଜ୍‌ନି ହାଉକାର୍ କାତାତ ରାଜି ଆଚାତ୍ । ୧୨ ଆରେ, ହେ ଜାଜ୍ ଟେବାନି ବାନ୍‌ ପିନି କାତ୍ ହାଟିକିଦେଂ କାଜିଂ ସୁବିଦା ହିଲ୍‌ଝିତିଲେ ଇନେସ୍‌ପା ବାନିତ ପୈନିକ୍‌ସ୍‌ତ ଏକିସ୍ ହେବେ ପିନି କାତ୍ ହାଟିଚେଙ୍ଗ୍ କାଜିଂ ହେବେତାଂ ଜାଜ୍ ପିସ୍ତେଙ୍ଗ୍ ଆଦେକ୍ ଲଗୁ ବୁଜାମୁଣା କିତାତ୍; ହେ ପୈନିକ୍‌ସ୍ କ୍ରିତିନି ର ଜାଜ୍ ଟେବାନି ବାନ୍, ହେଦାଂ ଦିଗ୍-ଝେଡ଼ାହନି ଆରି ଝେଡ଼ାହନି ଝେଡ଼ାହନି ନିପ ।

ହାମ୍‌ଦୁର୍‌ତ ଦୁକା

୧୩ ପାଚେ ଦିଗିନି ଦୁକା କାଲେ କାଲେ ଆତିଲେ ହେଞ୍ଜାର୍ ଜାର୍ ଜାର୍‌ତି ମାନ୍ତାକା ପୁରା ଆତାତ୍ ଇଞ୍ଜି ମାନେ କିଜି ଗୁଲ୍‌ପେଟି ଗାଚ୍ୟାସି ମାନି ଗାଜା ତରିତାଂ ତଙ୍ଗାତିଂ ଜେଲ୍‌ନାକା ଗେଙ୍ଗ୍‌ଜି କ୍ରିତିନି ଗୁଟିତ ବେସି ଲାଗେ ହିଜି ହାଞ୍ଜେଙ୍ଗ୍ ଲଗାତାତ୍ । ୧୪ ମତର୍ ଅଲପ୍ ସମ୍ପୁ ପାଚେ, ଇନେରିଂ ଇଉରକ୍‌ଲ ଇଞ୍ଜି ଇନାର୍, ହେ ଜବର୍ ଦୁକା ଗୁଟିତ ହାଲ୍‌ଜି ବାଦା କିଦେଙ୍ଗ୍ ଲାଗାତାତ୍ । ୧୫ ଜାଜ୍ ତ୍ତୁତ ଆଜ୍ ଦୁକାନି ମୁକାମୁକି ଆଦେଂ ଆଡ଼ଝିତିଲେ ଆପେଂ ତାଙ୍ଗେଙ୍ଗ୍ ବଡ଼ାଜି ହାଞ୍ଜେଙ୍ଗ୍ ପିସ୍ତିହିତାପ୍ । ୧୬ ଆରେ, କ୍ଲାଉଦ ତରନି ର ହାରୁ ଏସ୍‌କୁପଲିନି ଜମ୍‌ନି ବାହାତ ହାଲ୍‌ଜି କସ୍ତୁତାଂ ଜାଜ୍‌ନି ତଙ୍ଗାମୁଣ୍ଡିତିଂ ଆସି ରାକ୍ୟା କିଦେଙ୍ଗ୍ ଆଡ଼ତାପ୍, ୧୭ ଆରେ ହେଞ୍ଜାର୍ ହେଦେଲିଂ ନିକ୍ତି ଅତି ପାଚେ ବେସି ଉପାୟତ ଜାଜ୍‌ତିଂ ତାରେନ୍ ଅଜି ହାଲ୍‌ଜି ଗାଟ୍‌ଚାର୍, ଆରେ ଏଚେକାତ୍ତଦ ହେଞ୍ଜାର୍ ସୁତ୍ ତରନି ବାଲିତ ଲାଗାନାତ୍ ଇଞ୍ଜି ପାଣ୍ଡାଜି ପାଟାଂ ତୁହିଜି ବଡ଼ାଦେଂ ଲାଗାତାତ୍ । ୧୮ ତ୍ତୁତ ମାଦାଂ ବେସି କସ୍‌ଆତିଲେ ତା ଆକାତ୍ ନାଜିଂ ଗାଟ୍‌ଝାଡ଼ାର୍ ଜିନିସ୍ ତୁହିଦେଂ ଲାଗାତାତ୍, ୧୯ ଆରେ ଆକାତ୍ ନାଜିଂ ଜାର୍ କେଇଦ ଜାଜ୍‌ନି ଜିନିସ୍‌ସି ସବୁ ତୁହିତାତ୍ । ୨୦ ବେସି ଦିନ୍ ପାଚେକ୍ ଝେଡ଼ା କି ହୁକାଂ ଚଞ୍ଜିଝିତିଲେ, ଆରେ ଜବର୍ ହୁଜାଞ୍ଜାଣି ଲାଗାଜି ମାଟିଲେ ହାରିହାରା ମା ରାକ୍ୟା ପାୟାନାକା ଝିଜୁ ବାସ୍ ଗୁଚାଆତାତ୍ ।

୨୧ ଆରେ, ଝିଜାକାର୍ ବେସି ଦିନ୍ ପାଚେକ୍ ନାସ୍‌କି ମାନି ପାଚେ ପାଉଲ୍ ହେଞ୍ଜାର୍ ବିତ୍ରେ ଇଞ୍ଜି ଇଚାନ୍, “ଗାଜାଲକୁ, ନା କାତା ଆସି କ୍ରିତିତାଂ ଜାଜ୍ ରିକ୍‌ଞ୍ଜାଦାଂ, ଆରେ ଇ ନାହାଁତାକା ଆରି କର୍ତ୍ତ ପୁରାୟ୍ କିନାକା ମାଦାଂ ମାଚାତ୍ । ୨୨ ଇନାକା ଆୟେଡ୍, ନଙ୍ଗ୍ ଆନ୍ ମିଙ୍ଗ୍ ଇଞ୍ଜନାଙ୍ଗା, ସାସ୍ ଆହାଟ୍, ଇନାକିଦେଂକି ମି ବିତ୍ରେ ଇନେରତ୍ ଜିବୁନ୍ ନାସ୍ ଆଉଡ୍, କେବଲ୍ ଜାଜ୍ ନସ୍‌ଆନାତ୍ । ୨୩ ଲାଗିଂ ଆନ୍ ଇମ୍‌ଣି ଇସ୍‌ବରତି ଲଗୁ, ଆରେ ଇନେରତ୍ ବିତ୍ରେ ଆନ୍ ପାର୍ତ୍ତାନା କିନାଙ୍ଗ୍, ହେଞ୍ଜାଡ଼ି ରଞ୍ଜେଲ୍ ଦୁଡ୍ ଇ ନାଶାତ ନା ଲାଗାୟ୍ ଇଞ୍ଜି ଇଞ୍ଜାନ୍, ୨୪ ପାଉଲ୍ ପାଣ୍ଡା ଆମା; କାଇସ୍‌ରତି ମୁମ୍‌ଦ ନିଂ ନିଲ୍‌ତେଂ ଆନାତ୍, ଆରେ ହୁଡ଼ା, ନି ହାଂହାନାକାର୍ ଝିଜାରିଂ ଇସ୍‌ବର ମିଙ୍ଗ୍ କେମା କିଡ଼ତାନ୍‌ନା ।” ୨୫ ଲାଗିଂ, ଟଣ୍ଡାର୍, ସାସ୍ ଆହାଟ୍, ଇନାକିଦେଂକି ଇସ୍‌ବର ତାକେ ନା ପାତ୍ ମାନାତ୍ ଜେ, ନାଙ୍ଗେଙ୍ଗ୍ ଇନେସ୍ ଇନ୍ୟା ଆତାଡ଼ନ୍ନା, ସମାନ୍ ହେ ଲାକେ ଗିଚାନାତ୍ । ୨୬ ମତର୍ ମାଂ ଇମ୍‌ଣାକା ପାର ଏସ୍‌କୁପଲିତ ହାଲ୍‌ଜି ଲାଗାୟ୍ କିତାତ୍ ।”

୨୭ ଇ ଲାକେ ଆପେଂ ଆଦ୍ରିଆ ହାମ୍‌ଦୁର୍‌ତ ଇଣ୍ଡିଙ୍ଗ୍ ହାଣ୍ଡିଙ୍ଗ୍ ଚାଲା ଆଉ ଆଉ ଏଚେକାତ୍ତଦ ଚଉଦ ଦିନ୍ ନାଶା ଏକାଞ୍ଜାତାତ୍, ହେ ଏଚେକାତ୍ତଦ ମାଦିମାଦା ନାଶା ସମୁତ ଗାଟ୍‌ଝାଡ଼ାର୍ ଇମ୍‌ଣି ବାଟାତ ଲାଗେ

ଆନାରା ଇଞ୍ଜି ଆନମାନ୍ କିତାର । ୨୮ ଲାଗି ହେଝାର ଲାଜ୍ଜି ସହେ କୁଡ଼େ ପୁର୍ ଏଜୁକ୍ଟ ଗାଟାତାର, ଆରେ ଅଲପ୍ ଆଗେ ହାଲ୍ଜି ଆରେ ରଗ ଲାଜ୍ଜି ନବେ ପୁର୍ ଏଜୁକ୍ଟ ଗାଟାତାର । ୨୯ ଏତେକାଡ଼୍ ଆସେକ୍ ଇମ୍ଫଣି କାଲ୍କୁକୁଡ଼ି ବୁମିତ ହାଲ୍ଜି ଆରନାସ୍, ଇ ପାଣ୍ଡାଜି ହେଝାର ପାଟ୍ପାଡ଼କାତା ଚାଟ୍ଟାଟା ଆକ୍ସା ତୁହିଜି ମେଦାନ୍ ପାର୍ତ୍ତାନା କିଜି ମାଟାର । ୩୦ ଆରେ, ଗାଟ୍ଝାଡ଼ାର ଜାଜ୍ଜି ହାଣ୍ଡୁବାଗ୍ଟା ଆକ୍ସା ତୁହିଜି ଚାଲ୍ଲକିତ ତଙ୍ଗାମୁଣ୍ଡିତା ହାମ୍ପୁରୁତ ଜୁଡ଼ି ଜାଜ୍ଜିତା ହନ୍ତି ହାଞ୍ଜେକ୍ କାଜି ସେସ୍ କିତାର, ୩୧ ପାଉଲ୍ ମୁସ୍ତିଦାର୍ ଆରି ମେଲ୍ୟାରି ଇଚାନ୍, “କେଉଟାର ଜାଜ୍ଜିତ ମାନ୍ଝିତିସ୍ ଏପେକ୍ ରାକ୍ୟା ପାୟାଦେ ଆଡୁଦେର୍ ।” ୩୨ ହେବେଶ୍ଟା ମେଲ୍ୟାରି ତଙ୍ଗାନି ତରି ସବୁ ରାସ୍ଦି ହେଦେଲି ଏଜୁକ୍ଟା ତୁହିତାର ।

୩୩ ଆରେ, ଝେଡ଼ା ଆଜି ଝାଜିମାନି ପାତେକ୍ ପାଉଲ୍ ହେଝାରି ଅଲପ୍ ଚିଞ୍ଜେକ୍ କାଜି ଝାରିକିୟ କିଜି ଇଚାନ୍, “ନେଞ୍ଜେକ୍ଟା ଚଉଦ ଦିନ୍ ଆତାଡ଼ ଏପେକ୍ କାସି ମାନ୍ଝି ମୁଡ଼େ ତିନ୍ଝାଦା ନାସ୍ କି ମାନାରା । ୩୪ ଲାଗି କାଦି କିନି କାଜି ଆନ୍ ମିଙ୍ଗେକ୍ ଉପ୍ଦେସ୍ ହିଦ୍ନାଙ୍ଗା, ଇନେକିଦେକି ହେଦା ମି ମୁକ୍ତି କାଜି ଲଡ଼ା; ଲାଗି ମିଦା ଇନେରତି କାପ୍ଡାନି ର ତେମୁଲ୍ ନସ୍ ଆଉଡ଼ ।” ୩୫ ପାଉଲ୍ ଇ ସବୁ କାତା ଇଞ୍ଜି ରୁଟି ଅଜି ଝିଜାକାର ମୁମ୍ପଦ ଇସ୍ପୁରତି ଦନ୍ୟବାଦ୍ ହିଜି ହେଦା ତ୍ରିକ୍ତି ଚିଞ୍ଜେକ୍ ଲାଗାତାର । ୩୬ ହେବେ ହେଝାର ଝିଜାର୍ ସାସ୍ ପାୟା ଆଜି ଜାର୍ ଜାର୍ ପା ଚିଟାର । ୩୭ ଆପେ ଜାଜ୍ଜିତ ଝିଜାକାପ୍ ତେରକଡ଼ି ସଉଲ୍ ଜାଣ୍ ଲକୁ ମାଟାପ୍ । ୩୮ ହେଝାର ସାରି ଚିଟି ପାତେ ହାମ୍ପୁରୁତ ଗମ୍ପୁ ତୁହିଜି ଜାଜ୍ଜିତ ଉସାସ୍ କିଦେକ୍ ଲାଗାତାର ।

ଜାଜ୍ ବିପଦ୍

୩୯ ଝେଡ଼ା ଆତିଲେ, ହେ ଦେସ୍ ହେଝାର ଚିନା ଆଡ଼ଝାତାର, ମତର୍ ହେଝାର ବାଲିଗୁଟି ମାନି ରଞ୍ଜାକ୍ କଡ଼ୟ୍ ହୁଡ଼ି ଇନେସ୍ପା ଲାକେ ହେବେ ଜାଜ୍ ଚେବାୟ୍ କିଦେକ୍ ଇଞ୍ଜି ସେସ୍ କିତାର । ୪୦ ଲାଗି ହେଝାର ଆକ୍ସା ସବୁ ରାସ୍ଦି ହେଝାକା ହାମ୍ପୁରୁତ ପିସ୍ତାର, ଆରେ ହାଙ୍ଗେ ହାଙ୍ଗେ ମୁଣ୍ଡିନି ତରି ସବୁ ଚିକ୍ତି ଦୁକା ନିପ ହାଞ୍ଜେକ୍ ସେସ୍ କିତାର । ୪୧ ମାତର୍ ହେଝାର ରି ହାମ୍ପୁରୁ ମିହାଜି ମାନି ବାହାତ ହାଲ୍ଜି ଆତିଲେ, ଜାଜ୍ ଆକ୍ସା କୁଇଦ ଲାଗାତାଡ଼; ତା ହାଣ୍ଡୁନି ବାଗ୍ ଲାଗାଜି ଚାଲ୍ଲାଝାତାଡ଼ଦେ, ମତର୍ ପାଟ୍ ବାଗ୍ନି ଲଡ଼ି ବେସି କାଜି ତ୍ରିଙ୍ଗଦେ ଲାଗାତାଡ଼ ।

୪୨ ହେ ଏତେକାଡ଼୍ ଗେହ୍ୟାତାକାର ବିତ୍ରେତା ଇନେର୍ ଉମ୍ଫଜି ହାନାର, ଇଦା କାଜି ହେଝାରି ଅସ୍ତେକ୍ କାଜି ମେଲ୍ୟାରି ବିଚାର କିତାର, ୪୩ ମତର୍ ପାଞ୍ଚକଡ଼ି ମୁସ୍ତିଦାର୍ ପାଉଲ୍କ୍ ରାକ୍ୟା କିଦେକ୍ ଇଚା ହେଝାରତି ବାବ୍ନାତ ହେଝାରି ଚେବାଝାଦା ବଲ୍ ହିତାନ୍ ଜେ, ଇମ୍ଫଣାକାର ଉମ୍ଫଦେ ଆଡ଼ନାର, ହେଝାର ହାମ୍ପୁରୁତ ଗୁମ୍ଫଜି ପର୍ଡ଼ମ୍ ମେଦ୍ନିତ ହାଲେର୍, ୪୪ ଆରେ ବାକିନିକାର ବିତ୍ରେ ଇନେ ଇନେର୍ ପାଟା ଆରି ଆରେ ଇନେ ଇନେର୍ ଜାଜ୍ଜି ଇନା ଇନାକା ତ୍ରିତାକା ଆସ୍ତି ହାଲେର୍ । ଇ ବାନି ଝିଜାର୍ ରାକ୍ୟା ହିଲ୍ଝି ମେଦ୍ନିତ ଏକାତାର ।

୨୮

ମାଲ୍ଡି ଏସ୍କୁପ୍ଲିତ ପାଉଲ୍

୧ ଆପେ ରାକ୍ୟା ପାୟାତି ପାତେ ହେ ଏସ୍କୁପ୍ଲି ମେଲିତି ଇଞ୍ଜି ପୁଟାପ୍ । ୨ ଆରେ, ବିଦେସି ମା କାଜି ବେସି ଦୟା ଚଟ୍ଟାତାନ୍, ଇନାକିଦେକି ବାହା ଆରି ପିନି ଆଜି ମାଟିଲେ ହେଝାର ନାଣି ଆହି କିଜି ମା ଝିଜାରି ଜିଉନଡ଼ତାର । ୩ ମତର୍ ପାଉଲ୍ ପେଶ୍ଟା ଝେଜ୍ଗୁ ରୁଣ୍ଡାୟ୍ କିଜି ନାଣି ଜପି ତୁହିତିଲେ, କେଦ୍ନି କାଜି ର କାଲ୍ଗିରାଟ୍ ହସି ହେଝାନି କେଇଦ କାପ୍ତି ହୁର୍ପିସ୍ ମାଟାଡ଼ । ୪ ବିଦେସି ହେଝାନ୍ କେଇଦ ହେ ଜାଡ଼ ଜଲ୍ଲାଜି ମାନାକା ହୁଡ଼ି ହାରି ଇଞ୍ଜେକ୍ ଲାଗାତାର, “ଇ ଲକ୍ ହାଡ଼ପା ନାର୍ ଅସ୍ତାକାନ୍, ହାମ୍ପୁରୁତା ରାକ୍ୟା ପାୟାତିସ୍ ପା ଦାରୁମ୍ ଇଝାନି ଜିଜି ମାଞ୍ଜେକ୍ ହିଝାତାଡ଼ ।” ୫ ମତର୍ ହେ ଜାଡ଼ତି ଡାଡ଼ି ନାଣିତ ତୁହିତାନ୍, ଆରେ ହେଝାକ୍ତି ମୁଡ଼େ ନସ୍ ଆଝାତାଡ଼ । ୬ ହେଝାନ୍ ଜେ ପୁଲ୍ଲାଆନାନ୍ କି ହାଟାଗ୍ଟେ ହାନାନ୍, ଇଦା ହେଝାର କାସି ମାଟାର; ମତର୍ ବେସି ଝେଡ଼ା ପାତେକ୍ କାସି ମାଟାର ପାତେ ହେଝାକ୍ତି ଇମ୍ଫଣାକା ପା ନସ୍ ଆଝାକା ହୁଡ଼ି ହେଝାର ଜାର୍ ଜାର୍ ମାନ୍ ବାଦ୍ଲାୟ୍ କିଜି ଇଚାର୍, “ଇଝାନ୍ ରଝାନ୍ ମାପୁ ।”

୭ ହେ ବାହିନି ଲାଗେ ପୁଲ୍ଲିୟ ତରନି ହେ ଏସ୍କୁପ୍ଲିନି ମୁଡ଼ ମୁଣିକାତ ଇଲ୍ ଆରି ତାରେନ୍ ମାଟାଡ଼; ହେଝାନ୍ ମାଙ୍ଗେକ୍ ଇଡ଼ିଜି ତିନି ଦିନ୍ ପାତେକ୍ ଝାରିତା ଗୁଣ୍ କିଜି ମା ବେବାର କିଡ଼ତାର । ୮ ହେ ସମୁତ ପୁଲ୍ଲିୟତି ଲାଡ଼ାହି ନମେର୍ ଆରି ବାନ୍ଦାଣ୍ଡି ନାଦାର୍ ଆଜି ହୁଞ୍ଜି ମାଟାନ୍, ଆରେ ପାଉଲ୍ ବିତ୍ରେତା ତା ଲାଗେ ହାଲ୍ଜି ପାର୍ତ୍ତାନା କିତାନ୍ ଆରି ହେଝାକ୍ତି ଜପି କେଇ ଇଡ଼ିଜି ହେଝାନି ଉଜ୍ କିତାନ୍ । ୯ ଇ ଗଟ୍ନା ପାତେ ହେ ଏସ୍କୁପ୍ଲିତ ମାନି ବାକି ବେମାରିର୍ ପା ଝାଜି ଉଜ୍ ଆତାର; ୧୦ ହେଝାର ପା ମାଙ୍ଗେକ୍ ବେସି ସନ୍ମାନ୍ ହୁଦା ଝାରି କିଡ଼ତାର, ଆରେ, ମାଦା ହାନି ଝେଡ଼ାଲି ମା ଲଡ଼ାନି ଜିନିସି ସବୁ ହିଡ଼ତାର ।

ମାଲ୍‌ତିତାଂ ରମତ

୧୧ ତିନ୍ ମାସ ପାଚେ ଆପେଂ ର ଆଲେକ୍‌ଜାଣ୍ଡ୍ରିୟ ଜାଜ୍‌ତ ଦୁମ୍‌ଜି ହାଚାପ୍, ହେ ଜାଜ୍ ଇ ଏସ୍‌କୁପ୍‌ଲିତ ପିନି କାଡ୍ କାଟି କିଜି ମାଚାଡ୍, ତା ତର୍ “ମିଡୁନ୍ ।” ୧୨ ସୁରାକ୍‌ସାତ ଏକିସ୍ ଆପେଂ ହେବେ ତିନି ଦିନ୍ ମାଚାପ୍, ୧୩ ଆରେ ହେ ଏସ୍ ଜାଜ୍‌ତ ବୁଲ୍‌ଜି ରେଗିୟତ ଏକାତାପ୍ । ର ଦିନ୍ ପାଚେ ତିନିବାଗାଙ୍ଗିନି ଦୁକା ଇଡ୍‌ତିଲେ ରି ଦିନ୍‌ତାଂ ପୁତେଅଲିତ ଏକାତାପ୍; ୧୪ ହେ ବାହାତ ଆପେଂ ଟଣ୍ଡାର୍‌ରିଂ ବେଟ୍ ଆତାପ୍, ଆରେ ହେଝାର୍ ଲାହାଂ ସାଡ୍ ଦିନ୍ ମାଞ୍ଜେଙ୍ଗ୍ କାଜିଂ ହେଝାର୍ ମାଂ ଗଝାରି କିଡ୍‌ତାର୍; ଇ ଲାକେ ଆପେଂ ରମତ ଏକାତାପ୍ । ୧୫ ରମିନି ପାଚି କିନି ଟଣ୍ଡାର୍ ଆରି ତଣ୍‌ଦେକ୍ ମାଂ କାବୁର୍ ଗାଟାଜି ହେ ବାହାତାଂ “ଆପ୍‌ପିୟତି ଆର୍ ଆରି ‘ତିନି ଦରମସାଲା ଇଲ୍’ ପାଚେକ୍ ମାଂ ବେଟାଆଦେଂ କାଜିଂ ଝାତାର୍, ଆରେ ପାଉଲ୍ ହେଝାରିଂ ହୁଡ୍‌ଜି ଇସ୍‌ବର୍‌ତିଂ ଦନ୍‌ସବାଦ୍ କିଜି ସାସ୍ ପାୟାତାର୍ ।”

ରମ୍ ଗାଡ୍‌ଦ ପାଉଲ୍

୧୬ ଆରେ, ଆପେଂ ରମତ ଏକିତିଲେ, ପାଉଲ୍ ଜାର୍ କାନି ମେଲ୍ୟାର୍ ଲାହାଂ ବିନେ ବାହା କିଦେଙ୍ଗ୍ କାଜିଂ ହେଲ ପାୟାତାନ୍ ।

୧୭ ତିନି ଦିନ୍ ପାଚେ ହେଝାନ୍ ଜିହୁଦିର୍‌ତି ମୁଡ୍ ମୁଡ୍ ମୁଣିକାରିଂ କୁକ୍‌ତି ରବେ କିତାନ୍, ଆରେ ହେଝାର୍ ରୁଣ୍ଡା ଆତିଲେ, ପାଉଲ୍ ହେଝାରିଂ ଇଚାନ୍, “ଏ ଇସ୍ରାଲ୍‌ନି ଟଣ୍ଡାର୍, ଜଦି ଆନ୍ ନିଜ୍ ଜାତି ବିରୁଦ୍‌ତ କି ମା ଆବା ଲେଡ୍‌ରାତି ରିତିନିତି ବିରୁଦ୍‌ତ ମୁଡ୍ କିଝାଦାଂ ମାଚାଙ୍ଗ୍, ଆତିସ୍‌ପା ଜିରୁସାଲମ୍‌ତାଂ ଗେହ୍ୟାତି ଲାକେ ରମିୟର୍‌ତି କେଇଦ୍ ହେଲାଇୟ୍ ଆତାଙ୍ଗ୍ । ୧୮ ହେଝାର୍ ନା ବିଚାର୍ କିଜି ନା ତାକେଣ୍ଡାଂ ପାରାଣ୍ ଦାଣ୍ଡିନି ଇନା କାରଣ୍ ଝେନ୍‌ବିସ୍ ଡେକ୍‌ତି ହିଲ୍‌ଝିତିଲେ ନାଂ ମୁକ୍ତି କିଦେଂ ଇଚା କିଜି ମାଚାର୍; ୧୯ ମତର୍ ଜିହୁଦିର୍ ହେବେନି ବିରୁଦ୍‌ତ ଇତିଲେ ଆନ୍ କାଇସର୍‌ତି ଲାଗେ ବିଚାଣ୍ଡା ଆନି କାଜିଂ ପାର୍ତାନା କିଦେଙ୍ଗ୍ ବାୟ୍‌ଦ୍ ଆତାଂ; ନାଦାଂ ଜେ ନିଜ୍ ଜାତି ବିରୁଦ୍‌ତ ଦାବା କିନାକା ଅଲପ୍ ମାଚାଡ୍, ହେଦାଂ ଆକାୟ୍ । ୨୦ ଲାଗିଂ, ଇ କାରଣ୍‌ତାଂ ଆନ୍ ମିଙ୍ଗେଙ୍ଗ୍ ନା ଲାହାଂ ବେଟାଜି ଆରି କାତାବାର୍ତା କିଦେଙ୍ଗ୍ ଗଝାରି କିତାଙ୍ଗ୍, ଇନାକିଦେଂକି ଇସ୍ରାଏଲ୍‌ନି ମାନାୟାର୍ ବାସି କାଜିଂ ଆନ୍ ଇ ହିକ୍‌ଡିଂତାଂ ଗାଟ୍ୟାତାଂନା ।”

୨୧ ହେବେଣ୍ଡାଂ ହେଝାର୍‌ତାଂ ଇଚାର୍, “ନି ବିସ୍ତେ ଜିହୁଦା ଦେସ୍‌ତାଂ ଆପେଂ ଇମ୍‌ଣାକା ପା ଆକି ପାୟାଝାତାପ୍‌ନା, କି ଟଣ୍ଡାର୍ ବିଡ୍ରେ ଇନେର୍ ଇବେ ଝାଜି ନି ବିସ୍ତେ ଇମ୍‌ଣାକାର୍‌ପା ବାନ୍‌ସା କାବୁର୍ ହିଦ୍‌ଝାତାଣ୍ଡା କି ଇନ୍‌ଝାତାଣ୍ଡା । ୨୨ ମତର୍ ନି ବାବ୍‌ନା ଇନାକା, ହେଦାଂ ଆପେଂ ନିତାଂ ଝେଞ୍ଜେଙ୍ଗ୍ ଇଚା କିନାପା; ଇନାକିଦେଂକି ଇ କୁଦା ବିସ୍ତେ ଆପେଂ ପୁନାପ୍ ଜେ, ଝିଜେ ହେଝାନ୍ ବିରୁଦ୍‌ତ କାତା ଇନ୍‌ସାନାତା ।”

୨୩ ଇବେଣ୍ଡାଂ ହେଝାର୍ ତା ଲାହାଂ ର ଦିନ୍ ତିର୍ କିଜି ବେସି ଲଗୁ ହେଝାନ୍ ବାହାତ ଝାତାର୍, ଆରେ ହେଝାନ୍ ନାଡ୍‌ସ୍‌ତାଂ ମୁକାହାରେସ୍ ପାଚେକ୍ ହେଝାର୍‌ତି ଲାଗେ ଗାଣ୍ଡା କିଜି ଇସ୍‌ବର୍‌ତି ରାଜି ବିସ୍ତେ ସାକି ହିତାନ୍, ଆରେ ମସାତି ବିଦି ଆରି ବେଣ୍‌ବାକ୍‌ଶାୟ୍‌କିନାକାର୍ ସାସ୍‌ବର୍ ଅଜି ଜିସ୍‌ତି ବିସ୍ତେ ହେଝାର୍‌ତି ପାଚି ବୁଡାୟ୍ କିଦେଙ୍ଗ୍ ସେସ୍ କିତାନ୍ । ୨୪ ହେବେଣ୍ଡାଂ ଇନେ ଇନେର୍ ଇତି ବିସ୍ତେ ପାଚି କିଝାତାର୍, ମତର୍ ଇନେ ଇନେର୍ ପାଚି କିଝାତାର୍ । ୨୫ ଆରେ, ହେଝାର୍ ଜାର୍ ଜାର୍ ବିଡ୍ରେ ରମାନ୍ ଆଝିତିଲେ ହେଲଝେୟ୍ ଅତାର୍; ହେଝାର୍ ହାନି ଆଗେ ପାଉଲ୍ ଇ ର ବଚନ୍ ଇଚାନ୍, ମି ଆବାଲାଡ୍‌ରାତି ବେଣ୍‌ବାକ୍‌ଶାୟ୍‌କିନାକାର୍ ଜିସାୟ୍‌ତି ହୁଦାଂ “ପୁଇପୁୟା ଜିବୁନ୍ ହାତେରଚେ ଇଞ୍ଜି ମାଚାର୍, ୨୬ ଇ ମାନାୟାର୍ ଲାଗେ ହାଲ୍‌ଜି ଇନାକା, ଏପେଙ୍ଗ୍ ଝେନ୍‌ଦୁ ଝେନ୍‌ଦାଦେର୍,

ମତର୍ ଇମ୍‌ଣି ପ୍ରକାର୍ ବୁଜା ଆଉଦେର୍,
ଆରେ, ହୁଡ୍‌ଜି ହୁଡ୍‌ଜି ହୁଡ୍‌ନାଦେର୍, ମତର୍ ଇନେସ୍ କିତିସ୍‌ପା ପୁଞ୍ଜେଙ୍ଗ୍ ଆଡୁଦେର୍;
୨୭ ଇନାକିଦେଂକି ଇ ଲକ୍‌ବର୍ ନିର୍‌ବୁଦିୟା,
ହେଝାର୍ କିଡ୍‌ଲ୍‌ତ କସ୍‌ତ ଝେଚାର୍ ଆରି ଜାର୍ ଜାର୍ କାଣ୍‌କୁ ଜୁଡ୍‌ଚାର୍,
ଇନେସ୍ ହେଝାର୍ କାଣ୍‌କୁତ ହୁଡ୍‌ରୁ ଆରି କିଡ୍‌ଲ୍‌ତ ଝେନ୍‌ବୁର୍,
ଆରେ ମାନ୍ତ ବୁଜା ଆଉର୍,
ଆରେ ମାସ୍‌ଦି ଝାଉର୍,
ଆରେ ଆପ୍ ହେଝାରିଂ ଉଜ୍ କିଉପ୍ ।”

୨୮ “ହାରିହାରା ପାଉଲ୍ ଇଚାନ୍ ଏପେଙ୍ଗ୍ ପୁନ୍‌ଞ୍ଜି ମାନାଟ୍, ମୁକ୍ତି ଇସ୍‌ବର୍ ପାଚି କିଝି ଜିହୁଦିର୍ ଲାଗାଂ ପକ୍ତାତାଂନା ହେଝାର୍ ହେଦାଂ ଝେନ୍‌ବୁର୍ ।”

୨୯ ଆରେ, ହେଝାନ୍ ଇ, ସବୁ କାତା ଇତିଲେ, ଜିହୁଦିର୍ ଜାର୍ ଜାର୍ ବିଡ୍ରେ କାତାବାର୍ତା କିଉ କିଉ ହେବେତାଂ ହାଚାର୍ । ୩୦ ପାଉଲ୍ ର ଇଲ୍ ବାଡା ଅଜି ଦୁଇ ବାହୁଁ ପାଚେକ୍ ମାଚାନ୍ ଆରି ତାଂ ହୁଡ୍‌ଜି କାଜିଂ

ଝାଜିମାନି ଝିଜାରିଂ ହେବେ କୁକ୍ତି ମାତାନ୍ । ୩୧ ସାସତ ଆରି ବାଦାଝାଦାଂ ଇସ୍ପତି ରାଜିନି କାତା ସୁଣାୟ୍
କିଦେଝ୍ ଲାଗିସ୍ ମାତାନ୍ ଆରି ମାପୁ ଜିସୁ କ୍ରିଷ୍ଟି ବିସ୍ତେ ସବୁ ହିକ୍ୟା ହିଜି ମାତାନ୍ ।

ରମିୟ ମଣ୍ଡଳୀ ନିକଟରେ ପ୍ରେରିତ ପାଉଲଙ୍କ ପତ୍ର ରମିୟ ମଣ୍ଡଳୀ ତାଙ୍କେ କୁକ୍ୟାତି ପାଉଲ୍‌ତି ଆକି ରମିୟ ମଣ୍ଡଳୀ ବିଷ୍ଣେ ପାଦେକ୍

ରମିୟ ପତି ଆସ୍ତି ମାନଗାନାତ୍ ପକ୍ୟାତାକାନ୍ତି ପାଉଲ୍‌ତି ହୁଦାଂ ୫୪ ତାଂ ୫୮ ବିତ୍ରେ ଜିସୁକ୍ରିସ୍ତୁତି ଜଲମ୍ ପାଚେ ଲେକା ଆଜି ମାତାତ୍ । ପାଉଲ୍ ରମ୍‌ତ ହାନି ଆଗେତାଂ ରି ଜିହୁଦି ଆରି ପାତ୍ରି ହିଲ୍‌ଝି ଜିହୁଦି କ୍ରିସ୍ତୁୟାନ୍‌ରି ବଲ୍ ହିଦେଂ ଇ ଆକି ଲେକିକିଜି ମାତାନ୍ । ଝିଜୁ ଜାତି ଇନେସ୍ ଜିସୁ କ୍ରିସ୍ତୁତିଂ ପାତ୍ରି ଆରି ମାନି କିତାର୍ ୧୭:୨୭ ଇଦାଂ କାଜିଂ ହେଝାନ୍ କରନ୍ତି ଗାଡ୍‌ଦ୍ ମାନି ଝେଡାଲିଂ ରମିୟ କ୍ରିସ୍ତୁୟାନ୍‌ରି ବଲ୍ ହିନି କାଜିଂ ଇ ଆକି ଲେକିକିଜି ମାତାନ୍ ।

ଜାଣ୍‌କେ ବାହାତ ଜାଣ୍‌କେ ଝେଡାଲିଂ କ୍ରିସ୍ତୁୟାନାତ୍ କାଜିଂ ରମିୟ ପତି ରଞ୍ଜାଙ୍ଗ୍ ବେସିଗାଜା ପତି, ଇନେକିଦେଂକି ଆସେଙ୍ଗ୍ ଇନେସ୍ ଜିସୁ କ୍ରିସ୍ତୁତି ହୁଦାଂ ମୁକ୍ତି ପାୟାଦେଂ ଆଡ୍‌ନାସ୍ ପାଉଲ୍ ବୁଲ୍‌କିଝାଦାଂ ଆରି ନିର୍ମାଲ୍ ବାବ୍ରେ ବୁଜାୟ୍ ହିନାନା । ପାଉଲ୍ ପ୍ଲୁନି ନିୟମ୍‌ତିଂ ପା ଜିସୁକ୍ରିସ୍ତୁତି ନେକ୍ରିକାରୁର୍ ଲାହାଂ ମିହାୟ୍ କିନାନ୍ । ପତିନି ୧:୧୭ ପାଦ୍ ଅଜି ବେସି ପଣ୍ଡିତ୍‌କୁର୍ ଜିକାଗାଣା କିଜି ଇନାର୍ ଜେ, ଇଦାଂ ବେସିଗାଜା କିଜି । ଇନାକା ଇବେ ଇନୟାନାତ୍, “ଆନ୍ ନେକ୍ରିକାରୁର୍ କାଜିଂ ଲାଜା ଆଉଙ୍ଗ୍ ଇନେକିଦେଂକି ଇମ୍‌ଣାକାର୍ ପାତ୍ରି କିତାର୍ ଜାଣ୍‌କେତି କାଜିଂ ଇଦାଂ ଇସ୍‌ବ୍‌ରତି ସାକ୍ତିକାଟାକା । ପ୍ରତୁମ୍ ଜିହୁଦି ପାଚେ ପାତ୍ରି କିଝି ଜିହୁଦିର୍ କାଜିଂ ପା ।” ପ୍ରତୁମ୍ ବାଗ୍‌ତ ୧:୧୨ ତେଙ୍ଗା ଇସ୍‌ବ୍‌ରତି ବଚନ୍ ଆରି ରିବାଗ୍ ୧୩-୧୫ କ୍ରିସ୍ତୁୟାନ୍ ଜିବୁନ୍‌ନି ବେସି ବେବାରକିନି ବଲ୍ ଆନାତ୍ ।

ପତି ବିଷ୍ଣେନି ରାହାଣ୍

- ୧. ପାଉଲ୍‌ଦିକ୍‌ୟା ଆତିସ୍ ଜାର୍‌ତିଂ ଜାଣା କିଜି, ଇନେରିଂ ଆକି ଲେକିକିନାନା ହେଦାଂ ଇଞ୍ଜି ଆକି ଆରମ୍ କିନାନ୍ । ୧:୧-୧୫
- ୨. ନାର୍ ଜାତିନି ରାଜି ଆରି ଜିସୁକ୍ରିସ୍ତୁତି ହୁକେ ମୁକ୍ତି ଆନାତ୍ । ୧:୧୭-୧୧:୩୭
- ୩. କ୍ରିସ୍ତୁୟାନ୍ ଜିବୁନ୍ ଜିପକା କାଜିଂ ଆଦେକ୍ ବେବାର୍ ବଲ୍ । ୧୨:୧-୧୫; ୧୩
- ୪. ହେଝାନ୍ ରମିୟ ଲଗୁରିଂ ବେସି ବାନ୍ଦାୟ୍ ଜାଣାୟ୍ ଲେକା ଝିହ୍‌ନାନ୍ । ୧୬

ପାଉଲ୍‌ତି ବନ୍ଦାଣି

^୧ ପାଉଲ୍, କ୍ରିସ୍ତୁ ଜିସ୍ତୁତି ଆଡ୍‌ିଏନ୍ ଆରି କୁକ୍ୟାତି ରଝାନ୍ ପକ୍ୟାତାକାନ୍, ଆରେ ଇସ୍‌ବ୍ ଜାର୍ ମାଜି ମା ପାପୁ କ୍ରିସ୍ତୁତି ବିଷ୍ଣେ ଜାର୍ ଇମ୍‌ଣି ନେକ୍ରିକାରୁର୍ ଦରମ୍ ସାସ୍‌ବ୍‌ତ ଜାର୍ ବେଶ୍‌ବାକ୍‌ଶାୟ୍‌କିନାକାନ୍ ହୁକେ ଆଗେ ରାଣ୍ କିଜି ମାତାନ୍, ହେ ନେକ୍ରିକାରୁର୍ କାଜିଂ ବିନେ ଆଜି ମାନି ପାଉଲ୍‌ତି ଆକି ।

^୨ ପୁଇପୁୟା ଦରମ୍ ସାସ୍‌ବ୍ ଲେକାଜି ମାନି ଇସାବ୍ରେ ଇ ନେକ୍ରିକାରୁର୍ ବିଷ୍ଣେ ଇସ୍‌ବ୍‌ରତି ବେସି ପାନି କାଡ୍‌ତାଂ ହେଝାନ୍ତି ବେଶ୍‌ବାକ୍‌ଶାୟ୍‌କିନାକାନ୍ତି ହୁକେ ପାର୍ମାଣ୍ କିଜି ମାତାନ୍ । ^୩ ହେ ଜିସୁ କ୍ରିସ୍ତୁ ଗାଗାଡ୍ ବିଷ୍ଣେ ମାନାୟ୍ ଲାକେ ହେଝାନ୍ ଦାଉଦ୍‌ତି ଲାତ୍ରା, ^୪ ମାତର୍ ଦାରୁମ୍‌ନି ପୁଇପୁୟା ଜିବୁନ୍ ବିଷ୍ଣେ ହାତାକାର୍ ବିତ୍ରେତାଂ ଆରେ ନିଂନାକା ହୁକେ ଇସ୍‌ବ୍ ମାଜି ମାପୁ ଜିସୁ ଇଞ୍ଜି ସାକ୍ତି ଲାହାଙ୍ଗ୍ ଚଞ୍ଜୟାତାନ୍; ^୫ କ୍ରିସ୍ତୁତି ଲାଗିଂ ଇସ୍‌ବ୍ ନାଙ୍ଗ୍ ପକ୍ୟାତି ତେଲା ଲାକେ ବାତି କିଜି ସ୍‌ବୁ ଜାତିନି ମାନାୟାର୍ ଲାଗାଂ ପର୍‌ଚାର୍ କିଦେଙ୍ଗ୍ ପାବ୍ ହିତାଣ୍ଟା-ଇନେସ୍ ହେଝାର୍ କ୍ରିସ୍ତୁ ଜିସ୍ତୁତାକେ ପାତ୍ରି କିଜି ତା ବଲ୍ ମାନିକିଝାକାର୍ ଆନାର୍ । ^୬ ରମ୍‌ନି ଆଦିବାସି ! ଏପେଙ୍ଗ୍ ପା ଜିସୁ କ୍ରିସ୍ତୁ ପାଚେ ହାଞ୍ଜେଙ୍ଗ୍ କାଜିଂ କୁକ୍ୟା ଆତାଣ୍ଟା । ^୭ ଇତିସ୍ ରମ୍‌ନି ଇନେରିଂ ଇସ୍‌ବ୍ ଝାରିକିନାନ୍ ଆରି ହେଝାନ୍ତି ଜାର୍ ଲକୁ ହେବା କିନି କାଜିଂ କୁକ୍ୟା ଆତାନ୍ନା, ହେ ଝିଜାରିଂ ଚିଟି ଲେକି କିନାଙ୍ଗା । ମାପୁ ଜିସୁ କ୍ରିସ୍ତୁତାଂ ଦୟା ଆରି ସୁସ୍ତା ସାଦୁର୍ କାଜିଂ ଆଏଡ୍ ।

ଦନ୍ୟବାଦ୍ ପାର୍ତାନା

^୮ ପ୍ରତୁମ୍‌ତ, ମି ପାତ୍ରି ନି ନେକ୍ରିକାରୁର୍ ଜେ ସବୁ ଜଗଡ୍‌ତ ଝେନ୍ୟାଆନାତା, ଇଦାଂ କାଜିଂ ଆନ୍ ମି ଝିଜାର୍ କାଜିଂ ଜିସୁ କ୍ରିସ୍ତୁତି ହୁଦାଂ ନା ଇସ୍‌ବ୍‌ରତିଂ ଜଝାର୍ କିନାଙ୍ଗା । ^୯ ଝିଜୁ ଝାସ୍‌ବ୍‌ତ ଇମ୍‌ଣି ଇସ୍‌ବ୍‌ରତିଂ ହେବା କିନାଙ୍ଗା ଆରି ଇମ୍‌ଣି ଇସ୍‌ବ୍ ମାଜିତି ନେକ୍ରିକାରୁର୍ ଝେନିକିନାକା ମାନାତ୍, ହେ ଇସ୍‌ବ୍ ନା ସାକି, ପାର୍ତାନା ଆନ୍ ଇନାକା ଇନାଙ୍ଗା ହେଦାଂ ହାଡ୍‌ପା, ^{୧୦} ପାର୍ତାନା କିନି ଝେଡାଲିଂ ଆନ୍ ନିତ୍ରେ ମିଂ ଏଡ୍ କିଦ୍‌ନାଙ୍ଗ୍ ଆରି ମି ଲାଗାଂ ଝାନ୍ କାଜିଂ ନାଂ ପାବ୍ ଗାଗାଦେଂ ଇସ୍‌ବ୍‌ରତିଂ ଗଝାରି କିଜି ଝାନାଙ୍ଗା । ^{୧୧} ଲାଗିଂ ଏପେଙ୍ଗ୍ ଇନେସ୍ ତିର୍ ଆଜି ମାନାଦେର୍, ହେଦାଂ କାଜିଂ ଆନ୍ ମିଙ୍ଗେଙ୍ଗ୍ ଇମ୍‌ଣି ଆମ୍‌କ୍ ଦାନ୍ ହିଦ୍‌ନି କାଜିଂ ମି ଲାହାଂ ଚଞ୍ଜୟା

ଆଦେଂ ବେସି ଇଚା କିନାଙ୍ଗା, ୧୨ ଆଞ୍ଜିତିସ୍ ଇନେସ୍ ମିଦାଂ ଆରି ନାଦାଂ, ରିୟାର୍ ପାକ୍ୟାତ ପାତ୍ ହୁକେ ଆନ୍ ମି ବିତ୍ରେତାଂ ମି ଲାହାଂ ଖାରି ପାୟାନାଙ୍ଗ ।

୧୩ ✧ଏ ଟଣ୍ଡାର୍ ଆରେ ତଣ୍ଡେକ୍, ବାକି ପାତ୍ କିଞ୍ଜି ଜିହୁଦିର୍ ବିତ୍ରେ ଇନେସ୍, ମି ବିତ୍ରେ ପା ହେବାନି ଆନ୍ ଇନେସ୍ ଅଲପ୍ ପାଡ୍ ପାୟାନାଙ୍ଗ, ହେଦାଂ କାଜିଂ ମି ଲାଗାଂ ହାନି କାଜିଂ ଆନ୍ ଜେ ଚାନେକ୍ ଚାନେକ୍ ମାନ୍ କିଜି ମାତାଂ ମାତର୍ ଇ ପାତେକ୍ ବାଦା ପାୟା ଆଜି ଖାନାଙ୍ଗା ହେ ବିସ୍ତେ ଜେ ଏପେଙ୍ଗ୍ ପୁଞ୍ଜି ମାନାଟ୍, ଇଦାଂ ନା ଇଚା ଆକାୟ୍ । ୧୪ ଗ୍ରିକ୍ କି ବୁଦି ହିଲ୍‌ଖାକାର୍, ପଡ଼ିକିତାକାର୍ କି ପଡ଼ିକିଖାତାକାର୍ ଓଜାର୍ ଲାଗାଂ ଆନ୍ ରିଣ୍ । ୧୫ ଲାଗିଂ ରମ୍‌ନିକାର୍ ଜେ ଏପେଙ୍ଗ୍, ମି ଲାଗାଂ ପା ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଆନ୍‌ମାନ୍ କିତାଂନା ।

ନେକ୍ରିକାରୁର୍ନି ସାକ୍ତି

୧୬ ଇନେକିଦେଂକି ଆନ୍ ନେକ୍ରିକାରୁର୍ ବିସ୍ତେ ଲାଜୁ ଆଉଙ୍ଗ୍, ଲାଗିଂ ହେଦାଂ ଓଜାର୍ ପାତ୍ କିନାକାର୍ ପାକ୍ୟାତ ମୁକ୍ତା ଆନି କାଜିଂ ଇସ୍ତର୍ ସାକ୍ତି ଆନାଟ୍, ପର୍ତ୍ତୁମ୍ ଜିହୁଦି ପା ଗ୍ରିକ୍ ପାକ୍ୟାତ । ୧୭ ହେବେ ତ ଇସ୍ତର୍‌ହିତି ଦାମ୍ ହନାତା, ହେଦାଂ ପାତ୍ ଆରି ପାତ୍ ଲାକେ, ଇନେସ୍ ଲେକାମାନାଟ୍, “ଦାମ୍ ପାତ୍ ହୁକେ ଜିନାନ୍ ।”

ପାପ୍ କାଜିଂ ଇସ୍ତର୍‌ତି ରିସା

୧୮ ଇନେକିଦେଂକି ଇମ୍‌ଣି ମାନାୟାର୍ ଅଦାମ୍ ତ ହାଡ୍‌ପାତିଂ ମୁନା କିତାର୍, ହେଞ୍ଜାର୍‌ତି ଓଜୁ ପୁଇପୁୟା ଆଖାଦାଂ ଆରି ଅଦାମ୍ ବିରୁଡ୍‌ତ ସାଗେତାଂ ଇସ୍ତର୍ ରିସା ହନାତା, ୧୯ ଲାଗିଂ ଇସ୍ତର୍ ବିସ୍ତେ ଇନାକା ମାନାଟ୍, ହେଦାଂ ହେଞ୍ଜାର୍ ଖାସ୍ତିତ ହନାତା; ଇସ୍ତର୍ ହେଞ୍ଜାରିଂ ତାଣ୍ ହିନାନ୍ । ୨୦ ଇସ୍ତର୍ ଜଗଡ୍‌ତ ଉବ୍‌ଜାଣ୍ କିନି ସମୁତାଂ, ହେଞ୍ଜାକ୍ତି ତକ୍ତୁତି ଗୁଣ୍ ଇତିସ୍ ତା କାବା କିନି ଅବ୍ୟାସ୍ ଓଜୁ ସାକ୍ତି ସମାନ୍ ବାଗ୍ରେ ହସି ଖାନାଟ୍ ହେଦାଂ ଉପ୍‌ଜାଣ୍ ବିସ୍ତେକାଂ ହେଦାଂ ପୁନ୍‌ଧାନାଟ୍ । ଲାଗିଂ ହେଞ୍ଜାର୍ ପୁନ୍‌ଖାତାଣ୍ ଇଞ୍ଜି ଆବ୍‌ତ୍ ରୁଡ୍‌ତେଙ୍ଗ୍ ଆଡୁର୍ । ୨୧ ✧ଇନେକିଦେଂକି ହେଞ୍ଜାର୍ ଇସ୍ତର୍‌ତିଂ ପୁନ୍‌ଞ୍ଜି ତାଙ୍ଗେଙ୍ଗ୍ ଇସ୍ତର୍ ଇଞ୍ଜି ଜାଜ୍‌ମାଲ୍ କିଞ୍ଜାତାର୍ କି ଦନ୍‌ଧାଦ୍ କିଞ୍ଜାତାର୍, ମାତର୍ ଜାର୍ ଜାର୍ ବାନିୟା ଗାଣ୍‌ଜୁତ ମେହାତାର୍ ଆରି ହେଞ୍ଜାର୍‌ତି ବୁଜାଞ୍ଜି ମାନ୍ ମାଜ୍‌ଗା ଆତାଡ୍; ୨୨ ହେଞ୍ଜାର୍ ନିଜ୍‌ତିଂ ଗିଆନି ଇଞ୍ଜି ମାନେ କିତାର୍, ମାତର୍ ହାଡ୍‌ପାନେ ହେଞ୍ଜାର୍ ମୁରୁକ୍ । ୨୩ ଜିରାଞ୍ଜି ଇସ୍ତର୍ ଜାଜ୍‌ମାଲ୍ ପୁଜା କିଞ୍ଜାଦାଂ ହେଞ୍ଜାର୍ ହାତି ମାନାୟତିଂ, ଜାଡ୍, ପଟିଂ, କି ରାବ୍‌କୁକାଂ ପୁଡ୍‌ତାଂ ରଡ୍‌ତି ହେଞ୍ଜାକାଂ ପୁଜା କିନାରା । ୨୪ ଲାଗିଂ ଇସ୍ତର୍ ହେଞ୍ଜାର୍‌ତି ମାନ୍‌ନି ଆରି ହେଞ୍ଜାର୍ ଜାର୍ ଜାତ୍ ବାନ୍ୟାକାମାୟ୍ ଇସାପ୍ରେ ବିଟାଡ୍ କାମାୟ୍‌ତ ମୁଞ୍ଜାଣ୍‌ହେଞ୍ଜାର୍ ଗାଗାଡ୍ ହାରି ହୁଦାଂ ଲାଜ୍‌ନିକା ଲାହାଙ୍ଗ୍ ଇଚ୍‌ନାର୍ । ୨୫ ଇନେକିଦେଂକି ହେଞ୍ଜାର୍ ଇସ୍ତର୍ ସର୍ ପିସ୍‌ସି ମିର୍ ମାନିକିତାର୍ ଆରି ମାପୁଙ୍ଗ୍ ପିସ୍‌ସି ଉବ୍‌ଜାଣ୍ ଆତି ଜିନିସ୍‌ନି ପୁଜା ଆରି ଆସିର୍ବାଦ୍ ହେବା କିତାର୍; ହେଞ୍ଜାନ୍ ଜୁଗ୍ ଜୁଗ୍ ଦନ୍‌ଧା । ଆମେନ୍ । ୨୬ ଇ କାରଣତାଂ ଇସ୍ତର୍ ହେଞ୍ଜାରିଂ ଲାଜୁ ପାପ୍ ଓଜୁ ହେଲାୟ୍ କିତାନ୍, ଇନେକିଦେଂକି ହେଞ୍ଜାର୍‌ତି କଗ୍‌ଲେକ୍ ହାର୍ ବେବାର୍ ପିସ୍ତ୍ରି ବାନ୍ୟା ବେବାର୍ କିତିକ୍, ୨୭ ଆଣ୍ଡାହିମ୍‌ଣାଂ ପା ମାକ୍ତିକ୍ କଗ୍‌ଲେ ଲାହାଂ ସାରି ଆଖାଦାଂ ପାତି ବାନ୍ୟା କାମାୟ୍‌ତ ହଣାରା । ଆଣ୍ଡାଙ୍ଗ୍ ହାରି ଗିଣ୍ ବେବାର୍ କିନାରା ଆରି ଇନାକାକି ବାନ୍ୟା କାମାୟ୍ କାଜିଂ ତାଣ୍ ପାୟାନାରା । ୨୮ ଇ ମାନାୟାର୍ ଇସ୍ତର୍ ବିସ୍ତେ ହାର୍ ଚିନ୍ତା କିଦେଙ୍ଗ୍ ଇଚା କିଞ୍ଜିତିଲେ, ଇସ୍ତର୍ ହେଞ୍ଜାରିଂ ପିସ୍ତାନ୍ନା ଆରି ହେଞ୍ଜାର୍ ବିଟାଡ୍‌ମାନ୍ ଆଜି ମାନାୟ୍‌ମାନ୍ ବେବାର୍ କିତରା । ୨୯ ହେଞ୍ଜାର୍ ସବୁ ବାନି ଅଦାମ୍, ବୁଲ୍‌ବୁଲିୟା, ବାନ୍ୟା, ଲବ୍, ଆରି ବାନ୍ୟାକାମାୟ୍‌ତ ବାତ୍ । ହେଞ୍ଜାର୍ ତାରା, ନାର୍‌ମାରୁ, କୁଲ୍‌ଆ, ବାଣାୟ୍‌କିନାକାନ୍ ଆରି ଜାଡ୍‌କୁ, ହେଞ୍ଜାର୍ ଲକାତ୍ ଗାଣ୍‌ଜୁ କିନାର୍; ୩୦ ହେଞ୍ଜାର୍ ବୁଗ୍‌ଲିୟା, ନିନ୍‌ନାକାନ୍, ଇସ୍ତର୍‌ତି ଗିଣ୍, ନାର୍‌ମାରୁ, କୁଲ୍‌ୟା, ଆକ୍ରିୟା, ବାନ୍ୟାକାମାୟ୍ କିନାକାନ୍, ୩୧ ଆବା ଆୟା ବଲ୍ ମାନିକିଖାକା, ବୁଦିହିଲ୍‌କା, ନିୟ୍‌ମ୍ ତ୍ରିକ୍‌ନାକାନ୍, ସମାନ୍ ଦୟା ଆରି ବୁଦିହିଲ୍‌କାନ୍ ମାନାର୍ । ୩୨ ଇମ୍‌ଣାକାର୍ ଇ ଲାକେ ବେବାର୍ କିତାର୍, ହେଞ୍ଜାର୍ ଜେ ହାକିନି ଜଗାୟ୍, ଇସ୍ତର୍‌ତି ଇ ବିଦି ହେଞ୍ଜାର୍ ପୁଟିସ୍‌ପା କେବଲ୍ ଇନେନ୍ ଇ ଲାକେ ବେବାର୍ କିତାର୍ ହେଦାଂ ଆକାୟ୍, ମାତର୍ ଇ ଲାକେ ବେବାର୍ କିଜି ମାନି ମାନାୟାର୍‌ତି ପାକ୍ୟା ଖାରିତାଂ ବାତି କିତାର୍ ।



ଇସ୍ତର୍ ନିୟାୟ୍ ବିଚାର୍

୧ ଟଣ୍ଡାର୍ ଆରି ତଣ୍ଡେକ୍, ଏପ୍ ଇନାକା ଲକାତ୍ ବିଚାର୍ କିନାଦେରା ? ଏପ୍ ଇମ୍‌ଣାକା ପା ମୁଣିକା ଆତିସ୍‌ପା, ଇଦାଂ ମି ପାକ୍ୟାତ କିନାକା ହାର୍ ଆକାୟ୍ । ଲକାର୍‌ତି ଦସ୍ ଆସ୍ତି ଏପ୍ ଜଦି ନିଜେ ହେଦାଂ

✧ ୧:୧୩ ୧:୧୩ ପକ୍ୟାତାକା ୧୯:୨୧. ✧ ୧:୨୧ ୧:୨୧ ଏପିସିୟ ୪:୧୭,୧୮.

କିଛି ମାତିସ୍, ହେଦାଂ ହୁଦାଂ ଏପ୍ ଜାର୍ତିଂ ଦସି କିନାଦେରା । ୨ ଆପ୍ ପୁନାପ୍, ଇସ୍ବର୍ ଏଲେଂ କିଜିମାନି ମାନାୟାର୍ତି ହାଡ଼ପା ବିଚାର୍ କିନାନ୍ । ୩ ଇମ୍ଣି ବାନ୍ୟାକାମାୟ୍ କାଜିଂ ଏପ୍ ଲକାରିଂ ଦସି କିନାଦେରା, ହେଦାଂ ଜଦି ନିଜେ କିଜି ମାନାଦେର୍, ଏପ୍ ଇସ୍ବର୍ତି ବିଚାର୍ ମୁମ୍ଦ ହାଲୁପ୍ ଇଞ୍ଜି ଇନାକା ବାବି କିନାଦେରା ? ୪ ଆଜି ମାନଗାନାଡ଼, ଏପ୍ ଇସ୍ବର୍ତି ବେସି ଦୟା ଆରି ହୁଦାର୍ତିଂ ଉଡ଼ା ଆନାଦେରା । ଏପ୍ ଆତିସ୍ପା ପୁରାଦେର୍ଣ୍ଣା ଜେ, ଏପ୍ ମାନବାଦଲ୍ଲାୟ୍ କିଦେଙ୍ଗ୍ ଇଞ୍ଜି ଇସ୍ବର୍ ଏଚେକ୍ ଦୟା କିଡ଼ତାନା । ୫ ମାତର୍ ଏପେଙ୍ଗ୍ ଗର୍ବିୟା ଆରି ଆର୍ଖା ମାନ୍ । ଲାଗିଂ ହାରିହାରା ଦିନ୍ନି ନ୍ୟାୟବିଚାର୍ ଖେଡ଼ାଲିଂ ଏପ୍ ଇସ୍ବର୍ତି ରିସାନି ଲକୁ ଆଜି ବେସି ତାଣ୍ ପାୟାନାଦେର୍ । ୬ ହେଖାନ୍ ଖିଜାର୍ ମାନାୟାରିଂ ନିଜ୍ ନିଜ୍ କାମାୟ୍ ଇସାବେ ପାଡ଼୍ ହିଦ୍ନାନ୍; ୭ ଇମ୍ଣାକାର୍ ସାସ୍ ଲାହାଂ ହାରିଦି କାମାୟ୍ କିଜି ଜାଜମାଲ୍, ସନ୍ମାନ ଆରି ହାଖାକା ଦାହନାର୍, ହେଖାରିଂ ଖିଜ୍ଞି ଜିବୁନ୍ ହିନାନ୍ । ୮ ମାତର୍ ଇନେର୍ ଜାର୍ତିଂ ହୁଡ଼ନାକାର୍, ହାଡ଼ପା ହାଜି ପିସ୍, ମତର୍ ଅଦାମ୍ କାତାତ ଆହନାର୍ । ହେଖାରିଂ କାଜିଂ କାକ୍ରି ଆରେ କପ୍ ଗିଟାନାଡ଼ । ୯ ପର୍ତ୍ତମତ୍ ଜିହୁଦି ଆରି ପା ଗ୍ରିକ୍, ଖିଜାରିଂ ବାନ୍ୟା କାମାୟ୍ କିନି ମାନାୟ୍ ଖାସ୍ତି ଜପି କସ୍ ଆରି ହାବଡ଼ ଗିଟାନାଡ଼, ୧୦ ମାତର୍ ଇମ୍ଣାକାର୍ ହାର୍ କାମାୟ୍ କିତାର୍, ହେଖାରିଂ ଜିହୁଦି ଆଏର୍ କି ଗ୍ରିକ୍ ଆଏର୍, ଇସ୍ବର୍ ହେଖାରିଂ ସନ୍ମାନ, ଜାଜମାଲ୍ ଆରି ସୁସ୍ତା ହିନାନ୍ । ୧୧ ଇନେକିଦେଂକି ଇସ୍ବର୍ତି ଲାଗାଂ ମୁକ୍ମେଟ୍ ହିଲୁଡ଼ ।

୧୨ ଲାଗିଂ ଏଚେକ୍ ବିଦି ହିଲୁଖି ଆଜି ପାପ୍ କିତାର୍ନା, ହେଖାରିଂ ପା ବିଦି ପିସ୍ସି ନସ୍ ଆନାର୍; ଆରେ, ଏଚେକ୍ ବିଦି ପାୟା ଆଜି ପାପ୍ କିତାର୍ନା, ହେଖାରିଂ ବିଦି ଇସାବେ ବିଚାର୍ କିୟାନାର୍, ୧୩ ଇନେକିଦେଂକି ବିଦିନି ଖେନାକାର୍ ଇସ୍ବର୍ ମେହାଣ୍ଡତ ଦାମ୍ ର୍ ଆକାୟ୍, ମାତର୍ ବିଦି ପାଲିକିନାକାର୍ ଦାମ୍ ଗାଣାକିୟାନାର୍ । ୧୪ ଲାଗିଂ ପାତ୍ କିଞ୍ଜି ଜିହୁଦିରୁତି ହେ ବିଦି ମାନ୍ଞିତସ୍ ପା, ଏଚେକାଡ଼ତ୍ ହେଖାରିଂ ହାର୍ ବାବ୍ରେ ବିଦି ଲାକେ କାମାୟ୍ କିତାର୍, ହେପାଦନା ହେଖାରିଂ ବିଦି ପାୟା ଆଞ୍ଜିତିସ୍ତା ନିଜେ ଜାର୍ ଜାର୍ କାଜିଂ ବିଦି ପାଲି କିତାଣ୍ଣା; ୧୫ ହେଖାରିଂ କାମାୟ୍ ହୁଦାଂ ଇଦାଂ ପୁନ୍ୟାନାତା ଜେ, ବିଦିନି ନିୟମକୁ ହେଖାରିଂ ମାଡ଼ ଲେକା ଅତାନ୍ନା । ଇ କାତାନି ହାଡ଼ପା ହେଖାରିଂ ବୁଦି ହୁଦାଂ ପାର୍ମାଣ୍ ସଡ଼ ଚିନ୍ତା କିନିଖେଡ଼ାଲିଂ ବୁଦି ହେଖାରିଂ ପକ୍ୟା ଆନାଡ଼, ବିନ୍ତିନ୍ତା ଖେଡ଼ାଲିଂ ଦସି କିନାଡ଼ । ୧୬ ଇମ୍ଣି ଦିନ୍ତ ଇସ୍ବର୍ ନା ନେକ୍ଟିକାବୁର୍ ଇସାବେ ଜିସୁ କ୍ରିସ୍ଟି ହୁକେ ମାନାୟାର୍ତି ଡ଼କୁତି ବିସ୍ତେ ବିଚାର୍ କିନାନ୍, ହେ ଦିନ୍ ଇଦାଂ ହନାଡ଼ ।

ଜିହୁଦି ଆରି ବିଦି

୧୭ ଏପେଙ୍ଗ୍ ଜାର୍ତିଂ ଜିହୁଦି ଇନ୍ୟାନାଦେରା, ବିଦି ଜପି ବାସ୍ କିଜି ଆରି ଇସ୍ବର୍ ଲାହାଂ ନିଜେ ଜିଣା ଆଜି ଗରବ୍ କିନାଦେରା; ୧୮ ମି କାଜିଂ ଇସ୍ବର୍ତି ଇଚା ପୁରାଦେର୍ଣ୍ଣା ଆରି, ବିଦିତାଂ ସଡ଼ ଆରି ବାନ୍ୟା ଗିଆନ୍ ପାୟା ତାଦେର୍ଣ୍ଣା; ୧୯ ହାଡ଼ପା ରଚେ ପୁରାଦେର୍ଣ୍ଣା, ଜେ ଏପେଙ୍ଗ୍ ମାଜ୍ଗାନି ହାଜି ଚନ୍ନାକାଦେର୍, ମାଜ୍ଗାତ ମାନି ମାନାୟାର୍ କାଜିଂ ଅଜଡ଼ ଲାକେ, ୨୦ ବୁଦିହିଲୁଖାକାର୍ତି ବୁଜାୟକିନାକାର୍, ପୁନ୍ଝାକାତ୍ ଗୁର୍ । ମି ପାତ୍ ଜେ, ବିଦିତାଂ ଏପେଙ୍ଗ୍ ବାତ୍ ହାଡ଼ପା ଆରି ଗିଆନ୍ ଲାବ୍ କିତାଦେର୍ଣ୍ଣା । ୨୧ ତେବେ ଲକାଂ ହିକ୍ୟା ହିନାଦେରା ଜେ ଏପ୍, ଏପ୍ ଇନାକା ଜାର୍ତିଂ ହିକ୍ୟା ହିଉଦେରା ? ଚରି କିମାଟ୍ ଇଞ୍ଜି ପର୍ତ୍ତାର୍ କିଜି ଏପ୍ କି ଚରି କିନାଦେରା ? ୨୨ ଦାରି କିମାଟ୍ ଇଞ୍ଜି ଖେଡ଼ି ଏପେଙ୍ଗ୍ କି ଦାରି କିନାଦେରା ? ପୁଡ଼ଡ଼ା ପୁଜାତିଂ ଗିଣ୍ କିନାଦେରା ଜେ ଏପେଙ୍ଗ୍, ଏପ୍ ଇନାକା ମାନ୍ଦିର୍ ଚରି କିନାଦେରା ? ୨୩ ଏପେଙ୍ଗ୍ ଇସ୍ବର୍ତି ବିଦି ପାୟା ତାଦେର୍ଣ୍ଣା ଇଞ୍ଜି ଗରବ୍ କିନାଦେରା, ମାତର୍ ହେଦେଲିଂ ଉଡ଼ାଜି ଇସ୍ବର୍ତି ଅପମାନ୍ କିନାଦେରା କି ? ୨୪ ଇନେକିଦେଂକି ଇନେସ୍ ଲେକା ମାନାଡ଼, “ମି କାଜିଙ୍ ପାତ୍ କିଞ୍ଜି ଜିହୁଦିର ବିତ୍ରେ ଇସ୍ବର୍ତି ତର୍ ନିନ୍ୟାନାତା ।”

୨୫ ଜଦି ଏପେଙ୍ଗ୍ ବିଦି ପାଲି କିନାଦେର୍, ତେବେ ହାଡ଼ପାତ୍ ସୁନ୍ନଡ଼ ଆନି ଲଡ଼ା, ମାତର୍ ବିଦି ମାନି କିଞ୍ଜିତସ୍, ତେବେ ମି ସୁନ୍ନଡ଼ ଅସୁନ୍ନଡ଼ ମେହା ଆନାଡ଼ । ୨୬ ଲାଗିଂ ଜଦି ସୁନ୍ନଡ଼ ଆଞ୍ଜିତି ମାନାୟ୍ ବିଦିନି ବିଦିବିଦାଣି ପାଲି କିତାର୍, ବାଟିଙ୍ଗ୍ ହେଖାନ୍ତି ସୁନ୍ନଡ଼ ଆଖାତାକା ଇନାକା ସୁନ୍ନଡ଼ ଇଞ୍ଜି ଗାଣା କିୟାଉନ୍ ? ୨୭ ଆରେ, ତର୍ଦିଂ ସୁନ୍ନଡ଼ ଆଖାତାକାର୍ ମାନାୟ୍ ଜଦି ବିଦି ପାଲି କିତାର୍, ବାଟିଙ୍ଗ୍ ଲେକିକିତି ବିଦି ଆରି ସୁନ୍ନଡ଼ି ବିଦି ପାୟା ଆଜି ପା ବିଦି ମାନିକିଉଦେରା ଜେ ଏପେଙ୍ଗ୍ ହେଖାନ୍ ମି ବିଚାର୍ କିଦ୍ନାନ୍ । ୨୮ କେବଲ୍ ଗାଗାଡ଼ ବାବ୍ରେ ସୁନ୍ନଡ଼ ଆଜି ଜପି ଜିହୁଦି ଇଞ୍ଜି ଜାଣା ଆଜି ମାନି ଲଗୁ ହାଡ଼ପାରଚେ ଜିଉଦି ଆକାୟ୍; ୨୯ ମାତର୍ ଖାସ୍ତିତ ଇନେନ୍ ଜିହୁଦି, ହେଖାନ୍ ଜିହୁଦି, ଆରେ ସମାନ୍ ବାବ୍ରେ ଆକାୟ୍, ମତର୍ ଜିବୁନ୍ନିକା ବାବ୍ରେ ଗାଗାଡ଼ତ୍ ଇନେନ୍ ସୁନ୍ନଡ଼ ହେଦାଂ ହାଡ଼ପା ସୁନ୍ନଡ଼ । ଇ ବାତ୍ ଲକ୍ ମାନାୟାର୍ତାଂ ଖାରି ପାୟା ଆଉର୍, ମାତର୍ ଇସ୍ବର୍ତାଂ ପାୟାନାର୍ ।

୩

୧ ବାଟିଙ୍ଗ୍ ଜିହୁଦି ଲକ୍ଷ୍ମି ଇନାକା ? ସୁନ୍ଦର କି ଉପକାର ଇନାକା ? ସବୁ ବାନି ବେସି । ୨ ପର୍ତୁମ୍, ଇସ୍ବର ବଚନ ହେଖାର ତାକେ ହେଲାୟ ଆଜି ମାତାନ୍ । ୩ ଆସ୍ତିତ୍ସ ଏତେ ଜାଣ ପାତର୍ କିଖାକାର ଆଜି ମାନଗାନାର । ମାତର ହେଦାଂ ଇଞ୍ଜି ଇନାକା ଇସ୍ବରତି ପାତର୍ କିନାକା ଇନାକା ପଲ୍ୟା ଆନାତ୍ ? ୪ ମୁଡ୍ଡେ ଆକାୟ । ମାନାୟାର୍ ଝିଜାର୍ ମିର୍ଖାର୍ ଆତିସ୍ପା, ଇସ୍ବର ହାତ୍ପା । ସାସ୍ବରତ ଲେକାମାନାତ୍, “ନି ବଚନ ହୁକେ ଏନ୍ ସମାନ୍ ଇଞ୍ଜି ପାର୍ମାଣ୍ ଆତ, ଏପେଙ୍ଗ୍ ବିଚାର୍ଣ୍ଣା ଆତିହିଂ ଏନ୍ ଜିତା ଆ ।” ୫ ମାତର ଜଦି ମା ଅଦାମ୍ ଇସ୍ବତ୍ ଦାମ୍ ଚ୍ ସମାନ୍ ପାର୍ମାଣ୍ କିନାତ୍, ବାଟିଙ୍ଗ୍ ଆପ୍ ଇନାକା ଇନାସ୍ ? ଇମ୍ଣି ଇସ୍ବର ତାଣ୍ଡତାଂ କିତି ପାତ୍ ହିଦ୍ନାନା, ହେଖାନ୍ କି ଦାମ୍ ହିଲାକାନ୍ ? ଆନ୍ ମାନାୟ ବାବ୍ରେ ଇଞ୍ଜିନାଙ୍ଗା । ୬ ହେଦାଂ ଇନାଖାତାଂ ପା ଆମେତ୍; ଇନେକିଦେଂକି ହେଦାଂ ଆତିସ୍ ବିଚାର୍ କାର୍ହା ଆସ୍ତିତ୍ସ, ଇସ୍ବର ଇନେସ୍ ପୁତର୍ ତ ନିଆୟ ବିଚାର୍ କିନାନ୍ । ୭ ମାତର ଜଦି ନାଦାଂ ମିର୍ ହୁକେ ଇସ୍ବତ୍ ହାତ୍ପା ହେଖାନ୍ତି ଜାଜ୍ମାଲ୍ କାଜିଂ ବେସି ବାବ୍ରେ ବାତା ଆତାତ୍, ତାଆତିସ୍ ଆନ୍ ପା ଆରେ ଇନେକିଦେଂ ପାପି ଇଞ୍ଜି ବିଚାର୍ କିୟାନା ? ୮ ଆସେଙ୍ଗ୍ ଇନେକିଦେଂ ଇନ୍ସ୍, “ଖାତ ବାନ୍ୟାକାମାୟ କିନାସ୍, ଏବେଣ୍ଡାଂ ହାତ୍ପାତ୍ ଗାଟାଆଦନାତ୍ ? ଆନ୍ ସମାନ୍ ଏଲେଂ କାତା ଇନାଙ୍ଗା ଇଞ୍ଜି ଦାବା କିଜି ଏତେକ୍ ଜାଣ୍ ନାଂ ନିୟା କିଦ୍ନାରା । ହେଖାର ଇଦାଂ କାଜିଂ ବିଚାର୍ ପାୟାନି କାତା, ନିଚୟ ପାୟାନାର ।”

ଇନେର ଦାମ୍ ଆକାୟ

୯ ବାଟିଙ୍ଗ୍ ଇନାକା ଜିହୁଦିତ୍ ଅବସ୍ତା ଗ୍ରିକ୍ତାଂ ଆଦିକ୍ ହାର୍ ? ମୁଡ୍ଡେ ଆକାୟ । ଆନ୍ ଆଗେତାଂ ଇଚାଂନା ଜେ ରି କୁଦା ପା ଜିହୁଦି ଆରି ଗ୍ରିକ୍ ପାପ୍ତ ତାରେନ୍ ମାନାର୍, ୧୦ ଇନେସ୍ ଲେକାମାନାତ୍, “ଦାମ୍ ଚ୍ ଇନେର ହିଲୁର୍, ଆକାୟ, ରଖାନ୍ ପା ଆକାୟ ।”

୧୧ ରଖାନ୍ ପା ଗିୟାନି କି ଇସ୍ବରତି ହାତ୍ପା ହେବା କିନାକାନ୍ ହିଲୁନ୍ ।

୧୨ ହେଖାର୍ ଝିଜାର୍ ହାଦେଂ ହାଚାର୍ଣ୍ଣା, ରଚେ ବହା ଆତାର୍ଣ୍ଣା; ଇନେର ଦୟା କାମାୟ କିତାର୍, ଇ ଲାକେ ଇନେର ଆକାୟ, ଆକାୟ ଇ ଲାକେ ଇନେର ଆକାୟ ।

୧୩ ହେଖାର୍ତି ବଚନ୍ତ ଆବ୍ଡୁଗ୍ରି ଗାଣ୍ଡୁ, ଝେଇଦାଂ ମିର୍ ଜାରାଣ୍ ହାନାକା, ଅଟି ତାରେନ୍ କାଲାଟି ରାଚ୍ନି ବିସ୍ ମାନାତ୍ ।

୧୪ ହେଖାର୍ତି କାଣ୍ଡୁତ ଇସ୍ବରତି ଅଲପ୍ ପା ପାଣ୍ଡୁ ହିଲୁଡ୍ ।

୧୫ ହେଖାର୍ତି ପାନା ନେତେର କିଦେଙ୍ଗ୍ ତିକ୍ତିକା;

୧୬ ହେଖାର୍ ଇମେତାକେ ହାନାର୍, ହେବେ ନାସ୍ ଆରି ଦୁକ୍ ଉବ୍ଜାଣ୍ ଆନାତ୍, ୧୭ ଆରେ ସୁସ୍ତାନି ହାଜି ହେଖାର୍ ପୁନ୍ଦୁର୍ ୧୮ ହେଖାର୍ତି ଇସ୍ବତ୍ ପାଣ୍ଡୁ ହେଖାର୍ କାଣ୍ଡୁ ଆଗେ ମାନ୍ଗୁଡ୍ ।

୧୯ ଆରେ, ଆପ୍ତ ପୁନାପ୍ ଜେ, ବିଦି ଇନା ଇନାକା ଇନାତ୍, ହେ ସବୁ ବିଦିବିଦାନ୍ ତାରେନ୍ ମାନି ମାନାୟାରିଂ ଇନାତ୍, ଇନେସ୍ ଝିଜୁ ଝେଇ ବନ୍ଦ୍ ଆନାତ୍ ଆରି ଝିଜୁ ପୁତର୍ ଇସ୍ବତ୍ ବିଚାର୍ତ ତାଣ୍ଡ ଆନାତ୍; ୨୦ ଇନେକିଦେଂକି ମସାତି ବିଦିନି କିତିକାମାୟ ହୁକେ ଇମ୍ଣି ମାନାୟ ତା ମୁମ୍ଦ ଦାମ୍ ଗାଣ୍ଡି ଆଉର୍, ଇନେକିଦେଂକି ମସାତି ବିଦି ହୁକେ ପାପ୍ନି ଗିଆନ୍ ଜଲମ୍ ଆନାତ୍ ।

ପାତର୍ ତ ଦାମ୍ ଚ୍ ଗାଣାକିଆନାତ୍

୨୧ ଇସ୍ବର ମାଂ ଦାମ୍ କିଦେଙ୍ଗ୍ ବିଦି ମାତର ନଙ୍ଗ୍ ବିଦି ପିସ୍ତି ଇସ୍ବତ୍ ଦାମ୍ ହତାଦ୍ନା, ଆରେ ହେଦାଂ ବିସ୍ତେ ବିଦି ଆରି ବେଶ୍ବାକ୍ଷାୟକିନାକାର୍ ଦରମ୍ ସାସ୍ବର ସାକି ହିନାତା, ୨୨ କେବଲ୍ ଜିସୁ କ୍ରିସ୍ତୁତି ତାକେ ପାତର୍ କିନି କାଜିଂ ଲକୁ ଇସ୍ବରତି କାଣ୍ଡୁତ ଦାମ୍ ଗାଣା କିଆନାନ୍ । ଇସ୍ବର ଇନେରିଂ ମୁକ୍ମେଟ୍ କିଖାଦାଂ କ୍ରିସ୍ତୁତାକେ ପାତର୍ କିନାକାର୍ ଝିଜାକାରିଂ ପାବ୍ ହିନାନ୍ ।

୨୩ ଝିଜାର୍ତ ପାପ୍ କିତାର୍ନା, ଆରେ ଇସ୍ବତ୍ ଜାଜ୍ମାଲ୍ନି ବାତର୍ ତାଂ ଉଣା ଆତାର୍ଣ୍ଣା, ୨୪ ମାତର ଇସ୍ବର କ୍ରିସ୍ତୁ ଜିସୁତି ହୁଦାଂ ମଲ୍ଆଖାଦାଂ ଇମ୍ଣି ଦୟାନି ଦାନ୍ କିତ୍ତାନା, ହେଦାଂ ଇନେର ଇଡ୍ନାର୍, ହେଖାର୍ ମାପୁ ଜିସୁ ମୁକ୍ତାନାକା ହିନାନ୍ ଆରି ହେଖାର୍ ଇସ୍ବର କାଣ୍ଡୁତ ଦାମ୍ ଆନାର୍ । ୨୫ ଇସ୍ବର ଜିସୁଙ୍ଗ୍ ଦାନ୍ ହିଡ୍ତାନ୍, ଇନେସ୍ ହେଖାନ୍ତି ହାକି, ହେଖାନ୍ତି ତାକେ ନେତେରତ ପାତର୍ କିଜି ମାନି ଲକୁ ପାପ୍ କେମାନି ଉପାୟ ଆନାତ୍ । ଇସ୍ବର ଜାର୍ ଦାମ୍ ତିଂ ହପ୍ତେଂ ଇଦାଂ କିତାନ୍, ଇସ୍ବର ହୁଦାର୍ ଆଜି ଆଗେ କିତି ପାପ୍ ଆହ୍ଝାତନ୍ନା, ୨୬ ଆରେ ନଙ୍ଗ୍ନି କାଡ୍ଦ ଦ ଜାର୍ ଦାମ୍ ହପ୍ନି କାଜିଂ ହେଖାନ୍ ଇଦାଂ କିତାନ୍ନା, ଇନେସ୍ ହେଖାନ୍ ନିଜେ ଦାମ୍ ଆରି ଜିସୁତି ତାକେ ପାତର୍ କିନାକାରିଂ ଦାମ୍ ଗାଣାକିଆନାକାର୍ ଇଞ୍ଜି ଚଞ୍ଜାନାର୍ ।

☆ ୩:୨୨ ୩:୨୨ ଗାଲତିୟ ୨:୧୭.

୨୭ ବାଟିଙ୍ଗ୍ ଗରବ୍ ଇମେ ତାକେ ? ହେଦାଂ ଦେହା ଆତାଡ଼ । ଇନେସ୍‌ବାତ ବିଦି ହୁକେ ? ଇନାକା କିନି କାମାୟ ବିଦି ହୁକେ ? କି ପାତର୍ ନି ବିଦି ହୁକେ । ୨୮ ବାଟିଙ୍ଗ୍ ମା ବୁଜାନାକା ଇଦାଂ, ମାନାୟ ବିଦିତ କିତି କାମାୟ ପିସ୍‌ସି ପାତର୍ ହୁକେ ଦାମର୍ ଗାଣାକିୟାନାନ୍ । ୨୯ କି ଇସ୍‌ବର୍ କି କେବଲ୍ ଜିହୁଦିର୍‌ତି ଇସ୍‌ବର୍ ? ହେଝାନ୍ କି ପାତର୍ କିଝି ଜିହୁଦିର୍‌ତି ପା ଇସ୍‌ବର୍ ଆକାୟ ? ଆଁ ପାତର୍ କିଝି ଜିହୁଦିର୍‌ତି ପା । ୩୦ ଈନେକିଦେଂକି ଇସ୍‌ବର୍ ତ ରଝାନ୍, ଆରେ ହେଝାନ୍ ପାତର୍ କାଜିଂ ସୁନ୍‌ଡ଼ତି ଆରି ପାତର୍ କାଜିଂ ଅସୁନ୍‌ଡ଼ତି ଦାମର୍ ଗାଣାକିନାନ୍ । ୩୧ ବାଟିଙ୍ଗ୍ ଆପ୍ କି ପାତର୍ ହୁକେ ବିଦିତଂ ଝିହ୍‌ନାପା ? ହେଦାଂ ଇନାଝେଡ଼ାଂ ପା ଆମେଡ଼ ଇତିସ୍ ଆପ୍ ପାତର୍ ହୁକେ ବିଦିନି କୁନାଦି ତାଟ୍ କିନାସା ।

୪

ଅବ୍ରାହାମ୍‌ତି ପାତର୍ ନି ଦାମର୍

୧ ଝାଟିଂ ଗାଗାଡ଼୍ ବାବ୍ରେ ମା ଆକର୍ ଅବ୍ରାହାମ୍ ଇନାକା ପାୟା ଆତାନ୍ ଇଞ୍ଜି ଇନାସ୍ ? ୨ ଇନାକିଦେଂକି ଅବ୍ରାହାମ୍ ଜଦି କିନି କାମାୟନି ଦାମର୍ ଇଞ୍ଜି ଗାଣା କିୟାତାନ୍, ଲାଗିଂ ତା ଗରବ୍ କିନାକା ମାନାଡ଼, ମାତର୍ ଇସ୍‌ବର୍‌ତି ଲାଗାଂ ହିଲେଡ଼ । ୩ ଈନେକିଦେଂକି ସାସ୍‌ବର୍ ଇନାକା ଇନାଡ଼ ? “ଅବ୍ରାହାମ୍ ଇସ୍‌ବର୍ ତାକେ ପାତର୍ କିତାନ୍, ଆରେ ଇ ପାତର୍ କାଜିଂ ଇସ୍‌ବର୍ ହେଝାନ୍ ଦାମର୍ କିଜି ଇଡ଼ତାନ୍ । ୪ ଇନେର୍ କାମାୟ କିନାନ୍, କୁଲି ତାବୁଂ ତା ପାୟାନାକା-ଇନେର୍‌ତାଂ ଦାନ୍ ଲାକେ ହେଝାନ୍ ପାୟା ଆତାନ୍ । ୫ ମାତର୍ ଇନେର୍ କାମାୟ ଜପି ପାତର୍ କିତାନ୍, ମତର୍ ଦାମର୍ ହିଲାକାନିଂ ଦାମର୍ ଇଞ୍ଜି ଇନେର୍ ଗାଣାକିନାନ୍, ହେଝାନ୍ ତାକେ ପାତର୍ କିନାନ୍, ହେଝାନ୍ ପାକ୍ୟାତ ହେଝାନ୍ତି ପାତର୍ ଦାମର୍ ଇଞ୍ଜି ଗାଣାନାଡ଼ । ୬ ଇମ୍‌ଣି ମାନାୟତି କାମାୟ କାବାଡ଼୍ ନିପ ହୁଡ଼ଝାଦାଂ ଇସ୍‌ବର୍ ହେଝାନ୍ ଦାମର୍ ଇଞ୍ଜି ଇଟ୍‌ନାନ୍, ହେଝାନ୍ ଝାରିକିୟ କିଜି ଦାତ୍ ଇଟାନ୍ନା ।

୭ ଇମ୍‌ଣାକାରତି ଅପ୍‌ରାଦ୍ ସବୁ କେମା ଆତାଡ଼୍‌ନା, ଆରେ

ଇମ୍‌ଣାକାରତି ପାପ୍ ସବୁ କେମା ପାୟାତାନ୍ନା, ହେଝାନ୍ ଦନ୍ୟ ।

୮ ମାପୁ ଇମ୍‌ଣାକାରିଂ ଦନ୍ୟ ଇଞ୍ଜି ମାନାୟତି ପାପ୍ ଗାଣା କିତାନ୍, ହେଝାନ୍ ଦନ୍ୟ ।”

୯ ଇବେ ଦାତ୍ ଇନେରିଂ ଦନ୍ୟ ଇଞ୍ଜି ଇଟାନ୍ନା, ହେଝାନ୍ ଇନାକା କେବଲ୍ ସୁନ୍‌ଡ଼ ଲଗୁ ମାତାଟ୍ ? କି, ଅସୁନ୍‌ଡ଼ ଲଗୁ ପା ଦନ୍ୟ ଆଦେଂ ଆଡ଼ନାଟ୍ । ଆସ୍ ଇନାସା-ଅବ୍ରାହାମ୍ ପାତର୍ ହୁକେ ଦାମର୍ ଇନ୍ୟା ଆତାନ୍ । ୧୦ ବାଟିଙ୍ଗ୍, ହେଦାଂ ଇମ୍‌ଣି ସମ୍ ଝେଡ଼ାଲିଂ ଗିଟାଜି ମାତାଟ୍ ? ଅବ୍ରାହାମ୍ ସୁନ୍‌ଡ଼ ଆନି ପାତେ ଆକାୟ, ତା, ଆଗେତାଂ ପାତେ ଆକାୟ । ୧୧ ଆରେ, ହେଝାନ୍ ସୁନ୍‌ଡ଼ଆଝି ଅବସ୍ତାତ ପାତର୍ ଇସାବ୍‌ତ ଦାମର୍ ଗାଣାକିୟାଜି ହେବେନି ଚିନ୍ ଇଟ୍‌ୟାନି ଇସାବେ ସୁନ୍‌ଡ଼ ଚିନ୍ ପାୟାତାନ୍, ଇନେସ୍ ସୁନ୍‌ଡ଼ଆଝି ଅବସ୍ତାତ ମାନି ଝିଜାଟ୍ ପାତର୍ କିନାକାର ପାକ୍ୟାତ ଦାମର୍ ଗାଣାକିୟାନି କାଜିଂ ହେଝାନ୍ ହେଝାନ୍ତି ଆବା ଆନାନ୍, ୧୨ ଆରେ, ଇନେସ୍ ହେଝାନ୍ ସୁନ୍‌ଡ଼ ଆତାକାରିଂ ଆବା ଆନାନ୍, ଇତିସ୍ ଇମ୍‌ଣାକାର ସୁନ୍‌ଡ଼ ପାୟାତାଟ୍, କେବଲ୍ ହେଝାନ୍ତି ଆକାୟ, ମତର୍ ସୁନ୍‌ଡ଼ ଆଝାତାକାରତି ସମୁତ ମା ଆବା ଅବ୍ରାହାମ୍‌ତି ଇମ୍‌ଣି ପାତର୍ ମାତାଟ୍, ହେବେନି ପାପ୍ ଚିନ୍ ହିଜି ଇମ୍‌ଣାକାର ହାନାଟ୍ ହେଝାନ୍ତି ଆବା ।

ପାତର୍ କିନାକାରିଂ ଇସ୍‌ବର୍ ପାର୍ମାଣ୍

୧୩ ଇନେକିଦେଂକି ଅବ୍ରାହାମ୍ ବିଦି ପାଲି କିଜି ମାନି କାଜିଂ ଆକାୟ । କେବଲ୍ ହେଝାନ୍ତି ପାତର୍ କାଜିଂ ଇସ୍‌ବର୍‌ତି ହୁକେ ଦାମର୍ ଲାକେ ଆଦିକାର ପାୟାତାନ୍ ଆରି ହେଦାଂ କାଜିଂ ହେଝାନ୍ ହେଝାନ୍ତି ଲାତ୍ରାଟ୍ ପୁତର୍ ତ ଆଦିକାର ଆନାଟ୍ ଇଞ୍ଜି ରାଣ୍ କିଜି ମାତାନ୍ ୧୪ ଲାଗିଂ ଜଦି ବିଦି ପାଲି କିତାଟ୍, କେବଲ୍ ହେଝାନ୍ ଜଦି ଇସ୍‌ବର୍‌ତି ଦାନ୍ ଗାଟାତିସ୍, ତେବେ ମାନାୟତି ପାତର୍ ପଲ୍ୟା, ଇସ୍‌ବର୍‌ତି ରାଣ୍ ପା ୧୫ ଇନାକିଦେଂକି ବିଦି ଉଡ଼ାନି ହୁଦାଂ ମାନାୟ ଇସ୍‌ବର୍‌ତି ରିସାନି ଲଗୁ ଆନାନ୍ । ମାତର୍ ଇମେତାକେ ବିଦି ହିଲୁଡ଼, ହେବେ ବିଦି ଉଡ଼ାନାକା ପରସନ୍ ନିଲୁଡା । ୧୬ ଲାଗିଂ ଇ ପାର୍ମାଣ୍ ପାତର୍ କାଜିଂ ପାୟାନାନ୍, ଇନେସ୍ ହେଦାଂ ଦୟା ଇସାବ୍ରେ ଆନାଟ୍, ଆରେ ତାପାତେ ସବୁ ଲାତ୍ରା ପାକ୍ୟାତ, କେବଲ୍ ମସାତି ବିଦି ଲାତ୍ରା ପାକ୍ୟାତ ଆକାୟ, ମତର୍ ଅବ୍ରାହାମ୍‌ତି ପାତର୍ କିନି ଲାତ୍ରା ପାକ୍ୟାତ ପା ହେ ପାର୍ମାଣ୍ ତିଟ୍ ମାନାଟ୍ । ୧୭ ଇ ବିସ୍ତେ ସାସ୍‌ବର୍‌ତ ଲେକାମାନାଟ୍, “ନିଂ ଆପ୍ ବେସି ଜାତିନି ଆବା କିଦ୍‌ନାପ୍,” ଇସ୍‌ବର୍‌ତି କାଣ୍‌କୁତ ଇ ପାର୍ମାଣ୍ ହାଡ଼ପା ମାତାଟ୍, ଇନେକିଦେଂକି ଇମ୍‌ଣି ଇସ୍‌ବର୍‌ତି ଅବ୍ରାହାମ୍ ପାତର୍ କିଜି ମାତାନ୍, ହେଝାନ୍ତି ବଚନ୍ ହାକିତିଂ ଜିବୁନ୍ କିନାଟ୍ ଆରି ଝାରିକାଦ୍‌ଲିଙ୍ଗ୍ ଝିଜୁ ବିସ୍ତେ ଉବ୍‌ଜାୟ କିନାଟ୍ । ୧୮ “ଆହା କିନି କାଜିଂ ଇମ୍‌ଣାକା ପା କାରଣ୍ ହିଲ୍‌ଝିତିସ୍ ପା ଅବ୍ରାହାମ୍ ପାତର୍ କିଜି ଆହାଲାବ୍‌ଡ଼ି ଆତାନ୍ । ଲାଗିଂ ହେଝାନ୍ ବେସି ଜାତିନି ଆବା ଆତାନ୍,

☆ ୩:୩୦ ୩:୩୦ ଗାଲତିୟ ୩:୨୦. ☆ ୪:୩ ୪:୩ ଗାଲତିୟ ୩:୭.

ଇନେକିଦେଂକି ସାସ୍ତର ଇସାପ୍ରେ ହେୱାନିଂ ପାର୍ମାଣ ଗାଗାଜି ମାଗାଡ଼; ^{୧୯} ଅବ୍ରାହାମ୍ ବୟସ୍ ପାଞ୍ଚକଡ଼ି ବାହୁଁ ଆତିଲେ ହେୱାନ ଜାର ଗାଗାଡ଼ିଂ ଜିବୁନ୍ ପାଗ୍ନାକା ଆରି ସାରାତି ପଚତିଂ ହାକି ଇଞ୍ଜି ବାବି କିତାର ପା ପାତର୍ ତ ନାଦାର ଆୱାତାର, ^{୨୦} ଇତିସ୍ ଇସ୍ତରତି ପାର୍ମାଣ୍ କାଜିଂ ହୁଡ଼ଜି ପାତର୍ କିୱାକା ହୁକେ ପାତର୍ କିୱାତାନ, ହେୱାନ ଇସ୍ତରତିଂ ଜାଜ୍ମାଲ୍ କିତାର । ^{୨୧} ମାତର ଇସ୍ତର ଇନାକା ପାର୍ମାଣ୍ କିତାନନା, ହେଦାଂ ମାନି କିଦେଞ୍ଜ ପା ହେୱାନ ଜେ ଆଡ଼ନାନ, ହେୱାନ ପୁରା କିନାନ ଇଞ୍ଜି ପାତର୍ ବାଡ଼କାସ୍ ଆତାନ । ^{୨୨} ଇଦାଂ କାଜିଂ ପା ଇଦାଂ ହେୱାନତି ପାକ୍ୟାତ ଦାମର୍ ଇଞ୍ଜି ଗାଣା କିୟାତାନ; ^{୨୩} ତା ପାକ୍ୟାତ ଜେ ଗାଣା କିୟାତାନ, ଇଦାଂ ଇନାକା ହେୱାନତି କାଜିଂ ଲେକା ଆୱାତାଡ଼ନା, ^{୨୪} ମତର ମା କାଜିଂ ପା ଲେକା ଆତାଡ଼ନା; ଇନେକିଦେଂକି ଜେ ମା ମାପୁ ଜିସୁ ହାତାକାର ବିତ୍ରେ ନିଂତାନା, ହେୱାନ ତାକେ ପାତର୍ କିନାପା ଜେ ଆପେ, ମା ପାକ୍ୟାତ ପା ହେଦାଂ ଗାଣା କିୟାତାନ; ^{୨୫} ହେ ଜିସୁ ମା ପାପ୍ କାଜିଂ ହେଲାଇ କିୟାତାନ, ଆରେ ଇସ୍ତରତି ଲାଗାୟ୍ ମାଞେଞ୍ଜ ଦାମର୍ କିଦେଞ୍ଜ ଇଞ୍ଜି ଆରେ ନିଂତାନା ।”



ପାତର୍ ହୁଦାଂ ଇସ୍ତରତି ଲାହାଂ ହାରମେହାଣ୍

^୧ ନଂ ପାତର୍ ହୁକେ ଆସେଞ୍ଜ ଇସ୍ତରତି କାଣ୍ଡକୃତ ଦାମର୍ ଆତାପନା ଆରି ମାପୁ ଜିସୁ କ୍ରିଷ୍ଟ କାଜିଂ ଇସ୍ତରତି ଲାହାଂ ସୁସ୍ତାତ ମାନାପ୍ । ^୨ ଇମଣି ଉପକାରନି ଅବସ୍ତା ବିତ୍ରେ ଆପ୍ ମାନାପ୍, ହେବେ ହେୱାନ ହୁକେ ପାତର୍ ହଣ୍ଡେଞ୍ଜ ପା ଆଡ଼ତାପ୍; ଆରେ, ଆପ୍ ଇସ୍ତର୍ ଜାଜ୍ମାଲ୍ନି ବାସର୍ ଗରବ୍ କିନାପା । ^୩ କେବଲ୍ ହେଦାଂ ଆକାୟ୍, ଝିଜୁ ବାନି ଦୁକ୍ତ, କସ୍ତ ପା ଗରବ୍ କିନାପା, ଲାଗିଂ ଦୁକ୍ତାଂ ସାସ୍, ସାସତାଂ ପୁନାକା, ^୪ ଆରେ, ବାବନାତାଂ ବାସର୍ ଜେ ଜଲମ୍ ଆନାଡ଼, ଇଦାଂ ଆସେଞ୍ଜ ପୁନାସ୍ । ^୫ ଆରେ, ବାସର୍ ଲାଜ୍ କିଦୁଡ଼, ଇନେକିଦେଂକି ଇସ୍ତର ହିଡ଼ି ପୁଇପୁୟା ଜିବୁନ୍ ହୁକେ ମା ଝାସ୍ତିତ ଇସ୍ତରତି ଜିଉନନାକା ମେଞ୍ଜୟା ଆତାନା ।

^୬ ଇନେକିଦେଂକି ଏତେକାଡ଼ଦ୍ ଆପ୍ ଉପାୟ୍ ହିଲ୍ଡାକା ମାଗାପ୍, ହେପାଦନା କ୍ରିଷ୍ଟ ସମାନ ସମୁତ ପାତର୍ କିୱାକାର କାଜିଂ ହାତାନ । ^୭ ଦାମର୍ ମାନାୟ୍ କାଜିଂ ଆରେ ରୱାନ ଜାରତି ପାରାଣ୍ ହିନାକା ବେସି ହୁଡ଼ୟା ଆଡ଼ । ଆତିସ୍ ଇମ୍ଫାକାନ ପା ହାର କାଜିଂ ଇନେର ହିଦେଂ ଜାଲ୍ଦି ଆଦେଂ ଆଡ଼ନାନ । ^୮ ମାତର ଆପ୍ ପାପି ମାନି ସମୁତ ପା କ୍ରିଷ୍ଟ ଜେ ମା କାଜିଂ ହାତାନ, ହେବେ ଇସ୍ତର ମା କାଜିଂ ଜାର ଜିଉନନାକା ହପ୍ତାନନା । ^୯ ଲାଗିଂ, ଇଦାଂ ଆରେ ହାଡ଼ପା ଜେ, ଆପ୍ ନଞ୍ଜୟ୍ ହେୱାନତି ନେତେର ହୁକେ ଦାମର୍ ଗାଣାକିୟାନାକା ଆତିଲେ ହେୱାନ ହୁକେ ଇସ୍ତରତି ରିସାତାଂ ରାକ୍ୟା ପାୟାନାସ୍ । ^{୧୦} ଇନେକିଦେଂକି ଆପ୍ ସାତୁ ମାନି ସମୁତ ଜଦି ଇସ୍ତର ଲାହାଞ୍ଜ ହେୱାନ୍ତି ମାଜିଡ଼ି ହାକି ହୁକେ ମେହା ଆତାପ୍, ତା ଆତିସ୍ ଇଦାଂ ଆଦିକ୍ ହାତେନେ ଜେ, ଆପ୍ ମେହାଜି ହେୱାନ୍ତି ଜିବୁନ୍ ହୁକେ ମୁଲ୍ତି ଆନାସ୍ । ^{୧୧} ଆରେ, କେବଲ୍ ହେଦାଂ ଆକାୟ୍, ମାତର ମା ଇମଣି ମାପୁ ଜିସୁ କ୍ରିଷ୍ଟ ହୁକେ ଆପ୍ ନଞ୍ଜ ମେହାଜି ଲାବ୍ କିତାପନା; ହେୱାନତି ହୁକେ ଆପ୍ ଇସ୍ତର ତାକେ ଗରବ୍ ପା କିନାପା ।

ଆରମ୍ ଆରି କ୍ରିଷ୍ଟ

^{୧୨} ଲାଗିଂ, ଇନେସ୍ ରୱାନ ମାନାୟ୍ ହୁକେ ପାପ୍ ଆରି ପାପ୍ ହୁକେ ହାକି ପୁତର୍ ହଟାଡ଼, ଆରେ ହେ ବାନି ହାକି ଝିଜାର ମାନାୟ୍ କାଜିଂ ଗିଟାତାଡ଼, ଲାଗିଂ ଝିଜାରୁତ ପାପ୍ କିତାର । ^{୧୩} ବିଦି ହିନି ପୁର୍ବେତାଂ ଜଗଡ଼ତ ପାପ୍ ମାଗାଡ଼, ମାତର ବିଦି ହିଲ୍ଡି ଝେଡ଼ାଲିଂ ପାପନି ଇସାବ୍ ଇଟ୍ୟାୱାଦାଂ ମାଗାଡ଼ । ^{୧୪} ଆଦମ୍ ସମୁତାଂ ମସାତି ସମୁ ପାତେକ୍ ଇନେର ଆରମ୍ ଲାକେ ବଲ୍ ମାନିକିୱାଦାଂ ପାପ୍ କିୱାଦାଂ ମାତିସ୍ ପା, ଝିଜାର ହାକିନି ତାରେନ୍ ଆତାର ।

ଇନେରତି ୱାନାକା ଆଜି ମାଗାଡ଼, ଆରମ୍ ହେୱାନ୍ତି ର ହାରି ମୁମ୍; ^{୧୫} ମାତର ପାପ୍ ଇନେସ୍, ଉପକାର ଦାନ ପା ଜେ ହେ ଲାକେ, ହେଦାଂ ଆକାୟ୍, ଇନେକିଦେଂକି ଜଦି ରୱାନତି ପାପ୍ ହୁକେ ହେନି ହାତାର, ତା ଆତିସ୍ ଇସ୍ତର୍ ଉପକାର ଆରି ରୱାନ ମାନାୟ୍ତିଂ, ଇତିସ୍ ଜିସୁ କ୍ରିଷ୍ଟ ଉପକାର ହିଡ଼ି ଦାନ ହେନି କାଜିଂ ଆଦିକ୍ ବେସି ଆତାଡ଼ । ^{୧୬} ଆରେ, ରୱାନ ପାପ୍ କିତିଲେ ଇନେସ୍ ପାଡ଼ ଆତାଡ଼, ଇ ଦାନନି ପାଡ଼ ହେ ଲାକେ ଆକାୟ୍; ଇନେକିଦେଂକି ରୱାନ କାଜିଂ ଇମଣି ବିଚାର, ହେବେନି ପାଡ଼ ଦାଣ୍ ବଲ୍ ଆତାଡ଼, ମାତର ହେନିରତି ପାପ୍ ତାରେନ୍ ଇମଣି ଉପକାର ଦାନ, ହେବେନି ପାଡ଼ ଦାମର୍ ଗାଣାତାଡ଼; ^{୧୭} ଲାଗିଂ ଜଦି ରୱାନ ପାପ୍ତ ହେ ରୱାନ ହୁକେ ହାକି ରାଜ୍ କିତାଡ଼, ବାଟିଞ୍ଜ ଇମ୍ଫାକାର ଉପକାର ଆରି ଦାମର୍ ଦାନନି ବେସି ଅୟାନାର ହେୱାର ର ମାନାୟ୍, ଇତିସ୍ ଜିସୁ କ୍ରିଷ୍ଟ ହୁକେ ଆରେ ଆଦିକ୍ ଜିବୁନ୍ତ ରାଜ୍ କିତାର ।

୧୮ ଲାଗି, ରଖାନ୍ ପାପୁନି ପାଡ଼ିଲାକେ ଇନେସ୍ ଝିଜାର୍ ମାନାୟାତ କାଜି ଦାଣ୍ଡ ବଲ୍ ଗିଟାତାଡ଼, ହେ ଲାକେ ପା ରଖାନ୍ତି ଦାମି କାତା କାରୁମ୍ନି ପାଡ଼ିଲାକେ ଝିଜାର୍ ମାନାୟାତ କାଜି ଜିବୁନ୍ ହିଦ୍ନି ଦାମି ଗାଣା କିୟାନାକା ଗିଟାତାଡ଼ । ୧୯ ଇନେକିଦେକି ଇନେସ୍ ରଖାନ୍ତି ବଲ୍ ମାନିକିଝାଦା ହୁକେ ହେନି ପାପିର୍ ଆତାର୍, ହେ ଲାକେ ରଖାନ୍ତି ବଲ୍ ମାନିକିତିଲେ ଝିଜାର୍ ଇସ୍ବର୍ ମୁମ୍ତ ଦାମି ଆନାର୍ ।

୨୦ ଇଦା ପିସ୍ତି ବିଦି ପା ହଟାଡ଼, ଇନେସ୍ ପାପ୍ ଆଦିକ୍ ଆନାଡ଼; ମାତର୍ ଇମେତାକେ ପାପ୍ ଆଦିକ୍ ଆତାଡ଼, ହେବେ ଉପକାର୍ ଆରେ ବେସି ଆଦିକ୍ ଆତାଡ଼, ୨୧ ଇନେସ୍ ପାପ୍ ଇନେସ୍ବାନି ହାକିତ ରାଜ୍ କିଜି ମାତାଡ଼, ହେ ଲାକେ ଉପକାର୍ ପା ମା ମାପୁ ଜିସୁ କ୍ରିସ୍ତ ହୁକେ ଝିଜିଜି ଜିବୁନ୍ ଲାକେ ଦାମି ଦାନ କିଜି ରାଜ୍ କିନାଡ଼ ।



ପାପ୍ କାଜି ହାକି; ମାତର୍ କ୍ରିସ୍ତ ଲାହାଙ୍ଗ୍ ମେହାନି ହୁକେ ଜିନାନ୍

୧ ବାଟିଙ୍ଗ୍, ଆସେଙ୍ଗ୍ ଇନାକା କିନାସ୍ ? ଉପକାର୍ ଇନେସ୍ ବେସି ଆନାଡ଼, ଇଦା କାଜି କି ପାପତ ମାନାସ୍ ? ୨ ହେଦା ଇନାଝାଡ଼ା ପା ଆମେଡ଼ । ପାପ୍ କାଜି ହାକି ଜେ ଆପ୍, ଆପ୍ ହେବେ ଇନେସ୍ ଆରେ ଜିବୁନ୍ କାଟି କିନାସ୍ ? ୩ ଆପ୍ ଏତେକ୍ ମାନାୟା ଜିସୁ କ୍ରିସ୍ତ ତାକେ ବାପ୍ତିସିମ୍ ଆତାପନା, ଝିଜାର୍ ଜେ ହେଝାନ୍ତି ହାକିତ ବାପ୍ତିସିମ୍ ଆତାପନା, ଇଦା କି ଏପେଙ୍ଗ୍ ପୁନୁଦେର୍ ? ୪ ଲାଗି, ଆପ୍ ବାପ୍ତିସିମ୍ ହୁକେ ହାକିତ ହେଝାନ୍ ଲାହାଙ୍ଗ୍ ମୁର୍ୟା ଆତାସନା, ଇନେସ୍ କ୍ରିସ୍ତ ଆବାତି ଜାଜ୍ମାଲ୍ ହୁକେ ହାତାକାର୍ ବିତ୍ତେ ଇନେସ୍ ନିଙ୍ଗ୍ତାନ, ଆସେଙ୍ଗ୍ ପା ହେ ବାନି ଜିବୁନ୍ନି ପୁନି ବାବ୍ରେ ବେବାର୍ କିନାସ୍ ।

୫ ଇନେକିଦେକି ଜପି ଆପ୍ ହେଝାନ୍ତି ହାକିନି ଲାକେ ହାତିସ୍ ହେଝାନ୍ତି ଲାହାଙ୍ଗ୍ ଏକ୍ ଆତାପନା, ତା ଆତିସ୍ ହାତପା ହେଝାନ୍ତି ଆରେ ନିନାକା ଲାକେ ପା ନିଙ୍ଗ୍ତି ହେଝାନ୍ତି ଲାହାଙ୍ଗ୍ ଏକ୍ ଆନାସ୍ । ୬ ଇନେସ୍ ଆସେଙ୍ଗ୍ ଆରେ ପାପୁନି ଆଡ଼ିଏନ୍ ମାନୁସ୍, ଇଦା କାଜି ପାପୁନି ଗାଗାଡ଼ ନସ୍ ଆନି କାଜି ମା ପୁନି ଗୁଣ୍ ଜେ ହେଝାନ୍ତି ଲାହାଙ୍ଗ୍ କୁସ୍ତ ହାତାନ୍ନା, ୭ ଇଦା ତ ଆପ୍ ପୁନାପ୍, ଇନେକିଦେକି ଇନେର୍ ହାତାନ୍ନା, ହେଝାନ୍ ପାପତା ମୁକ୍ତା ଆତାନ୍ନା । ୮ ମାତର୍ ଆପ୍ ଜପି କ୍ରିସ୍ତ ଲାହାଙ୍ଗ୍ ହାତାସନା, ତା ଆତିସ୍ ଆପ୍ ଜେ ହେଝାନ୍ତି ଲାହାଙ୍ଗ୍ ପା ଜିନାସ୍, ଇଦା ଆପ୍ ପାତ କିନାସ୍ । ୯ କ୍ରିସ୍ତ ହାତାକାର୍ ବିତ୍ତେତା ନିଙ୍ଗ୍ତିଲେ ଜେ ଆରେ ଇନାଝାଡ଼ା ହାଉର୍, ଇଦା ତ ଆପ୍ ପୁନାପ୍; ହେଝାନ୍ତି ଜପି ହାକିନି ଆରେ ରାଜ୍ କିଉଡ଼ । ୧୦ ଇନେକିଦେକି ହେଝାନ୍ ଇନେସ୍ ହାତାନ୍, ତା ପାତେ ହେଝାନ୍ ରଗ ପାପ୍ କାଜି ହାତାନ୍; ମାତର୍ ହେଝାନ୍ ଇମ୍ଣି ଜିବୁନ୍ ଜିତାକାନ୍, ହେବେ ହେଝାନ୍ ଇସ୍ବର୍ କାଜି ଜିତାକାନ୍ ମାନ୍ଗାନାନ୍ । ୧୧ ହେ ବାନି ଏପେଙ୍ଗ୍ ପା ଜାର୍ ଜାର୍ତି ପାପ୍ କାଜି ହାକି, ଏପେଙ୍ଗ୍ ନ କ୍ରିସ୍ତ ଜିସୁତି ହୁଦା ଜିବୁନ୍ ଇସ୍ବର୍ତି ଲାହା ମେହା ଆତାଦେଣ୍ଟା ।

୧୨ ଇଦା କାଜି ପାପ୍ ମି ହାକି ଗାଗାଡ଼ତ ରାଜ୍ କିମେଡ଼, ହେଦା କିତିସ୍, ଏପେଙ୍ଗ୍ ହେବେନି ବାନ୍ୟା ଲାଲ୍ସାତ ମୁଞ୍ଜି ହାଲ୍ମାଟ୍; ୧୩ ଏପେଙ୍ଗ୍ ଜାର୍ତି ଇମ୍ଣାକା ପା ପାପ୍ ଲାଗା ହେଲାୟ୍ ଆଜି ଅଦାମି ନି ଆତିୟାର୍ ଲାକେ ବେବାର୍ ଆମାଟ୍ । ନଲେ ହାକିତା ରାକ୍ୟା ପାୟାଜି ଜିବୁନ୍ ଗାଟା ଆଜି ମାଟିଲେ ଏପେଙ୍ଗ୍ ସଡ଼କାମାୟ୍ ପୁରାୟ୍ କିଦେଙ୍ଗ୍ ଜାର୍ ଜାର୍ତି ପୁରା ଇସ୍ବର୍ତାକେ ହେଲାୟ୍ କିୟାଟ୍ । ୧୪ ଇନେକିଦେକି ପାପ୍ ମି ଜପି ରାଜ୍ କିଦମେଡ଼, ଲାଗି ଏପେଙ୍ଗ୍ ବିଦିନି ତଲ୍ୟା ଆକାୟ୍, ମତର୍ ଇସ୍ବର୍ ଉପକାର୍ତ ତାରେନ୍ ମାନାଟ୍ ।

ଦାମିତ ଆଡ଼ିଏନ୍

୧୫ ବାଟିଙ୍ଗ୍ ଇନାକା ? ଆପ୍ ଜେ ବିଦି ତାରେନ୍ନିକାପ୍ ଆକାୟ୍, ମତର୍ ଉପକାର୍ନି ତାରେନ୍ନିକାପ୍, ଇଦା କାଜି କି ପାପ୍ କିନାସ୍ ? ହେଦା ଇନାଝାଡ଼ା ପା ଆମେଡ଼ । ୧୬ ହାକିନି ପାପ୍ କି ଦାମି ନିକାର୍ ବଲ୍ତା, ଇଦା ବିତ୍ତେତା ଇମ୍ଣାକା ଲାଗା ଏପେଙ୍ଗ୍ ବଲ୍ ମାନି କିନି କାଜି ଜାର୍ ଜାର୍ତି ଆଡ଼ିଏନ୍ ଲାକେ ହେଲାୟ୍ ଆନାସ୍, ଇତିସ୍ ଇମ୍ଣାକାର୍ ବଲ୍ ମାନିକିନାଦେର୍, ହେଝାନ୍ତି ଜେ ଏପେଙ୍ଗ୍ ଆଡ଼ିୟାକାଦେର୍, ଇନାକା ପୁନୁଦେର୍ ? ୧୭ ମାତର୍ ଇସ୍ବର୍ ଜୁଝାର୍ ଆଏଡ଼ ଜେ, ଏପେଙ୍ଗ୍, ଇମ୍ଣାକାର୍ କି ହିଗ୍ଦ ପାପୁନି ଆଡ଼ିଏନ୍ ମାତାଦେର୍, ନଙ୍ଗ୍ ଇମ୍ଣା ହିକ୍ୟାନି ହାର୍ଦାକା ଲାଗା ହେଲାୟ୍ କିୟା ଆତାଦେଣ୍ଟା, ଝାସ୍ତି ଲାହାଙ୍ଗ୍ ହେବେନି ବଲ୍ ମାନି କିତାଦେଣ୍ଟା, ୧୮ ଆରେ ପାପତା ମୁକ୍ତା ଆଜି ଦାମିର୍ ଆଡ଼ିୟା ଆତାଦେଣ୍ଟା । ୧୯ ମି ଗାଗାଡ଼ ନାଦାର୍ କାଜି ଆନ୍ ମାନାୟା ବାବ୍ରେ ଇଞ୍ଜନାଙ୍ଗା; ଏପେଙ୍ଗ୍ ଇନେସ୍ ବାନ୍ୟା କାଜି ଜାର୍ ଜାର୍ କେଇଗାଲ୍ ବିଟାଡ଼ ଆରି ଅଦାମି ଲାଗା ଆଡ଼ିଏନ୍ ଲାକେ ହେଲାୟ୍ କିୟାଜି ମାତାଦେର୍, ହେ ଲାକେ ନଙ୍ଗ୍ ଜାର୍ ଜାର୍ କେଇଗାଲ୍ ପୁଇପୁୟା କାଜି ଦାମିର୍ ଲାଗା ଆଡ଼ିଏନ୍ ଲାକେ ହାର୍କିଜି ହେଲାୟ୍ ଆଡ଼ ।

☆ ୬:୪ ୬:୪ କଲସିୟ ୨:୧୨.

୨୦ ଇନେକିଦେଂକି ଏପେଙ୍ଗ ପାପନି ଆଡ଼ିଏନ୍ ମାନି ସମୁତ ଦାମିର ବିସ୍ତେ ଡିଲା ମାତାଦେର ।
 ୨୧ ବାଟିଙ୍ଗ, ହେ ସମୁତ ମିଦା କି ପାଡ଼ ମାତାତ ? ଜେ ଝିଜୁ ବିସ୍ତେ ଏପେଙ୍ଗ ନଙ୍ଗ ଲାଜ କୁଇ କିନାଦେରା,
 ହେବେଣ୍ଟା ଇନାକା ଲାବ୍ ଗାଟାତାୟ; ହେ ଝିଜୁନି ଇସାପତ ହାକି । ୨୨ ମାତର ନଙ୍ଗ ପାପନି ତାରେନତା
 ମୁକ୍ତା ଆଜି ଇସ୍ତ ଆଡ଼ୟା ଆତିଲେ ଏପେଙ୍ଗ ପୁଇପୁୟା ଉଦେସ୍ ପାଡ଼ ପାୟାନାଦେରା, ଆରେ
 ଇବେନି ଇସାପ ଝିଜୁଜି ଜିବୁନ୍ । ୨୩ ଇନେକିଦେଂକି ପାପନି କୁଲି ତାରୁଙ୍ଗ ହାକି, ମାତର ଇସ୍ତ ଉପକାର
 ଦାନ୍ ମା ମାପୁ କ୍ରିଷ୍ଟ ଜିସୁତି ମେହାଣ୍ଡ ଝିଜୁଜି ଜିବୁନ୍ ଆନାତ ।



ବିବା ଉତ୍ତରମୁତ୍ତ

୧ ଏ ଟଣ୍ଡାର ଆରି ତଣ୍ଡେକ୍, ମାନାୟ ଏଚେକ୍ ଦିନ୍ ପାତେକ୍ ଜିବୁନ୍ ମାନାନ୍, ହେ ପାତେକ୍ ବିଦି ଜେ
 ତା ଜପି ରାଜ୍ କିନାତ୍, ଇଦାଂ ଏପେଙ୍ଗ ଇନାକା ପୁନୁଦେର ? ଆନ୍ତ ବିଦି ପୁନି ମାନାୟାରିଂ ଇନାଙ୍ଗା
 । ୨ ଆଣ୍ଡେନ୍ ଏଚେକ୍ ଦିନ୍ ପାତେକ୍ ଜିବୁନ୍ ମାନାନ୍, ହେ ପାତେକ୍ କଗଲେ ଆଣ୍ଡେନ୍ ଲାହାଙ୍ଗ୍ ବିଦି
 ହୁକେ ଗାତାୟାତାତନା, ମାତର ଆଣ୍ଡେନ୍ ହାତିସ୍ କଗଲେ ଆଣ୍ଡେନ୍ ବିଦିତାଂ ମୁକ୍ତା ଆନାତ । ୩ ଲାଗିଂ,
 ଆଣ୍ଡେନ୍ ଜିଜି ମାନୁ ମାନୁ କଗଲେ ଜଦି ବିନ୍ ମାନାୟ ଲାହାଙ୍ଗ୍ ମେହା ଆନାତ୍, ତା ଆତିସ୍ ତାଙ୍ଗେଙ୍ଗ୍
 ଦାରିୟାଣି ଇଞ୍ଜି ଇନ୍ୟାନାତ୍; ମାତର ଜଦି ଆଣ୍ଡେନ୍ ହାତିସ୍, ତେବେ କଗଲେ ବିଦିତାଂ ମୁକ୍ତା ଆନାତ୍,
 ଆରେ ଜଦି ବିନ୍ ମାନାୟ ଲାହାଙ୍ଗ୍ ମେହାନାତ୍, ତା ଆତିସ୍ ହେଦେଲ୍ ଦାରିୟାଣି ଆଉତ୍ । ୪ ଲାଗିଂ ଏ ନା
 ଟଣ୍ଡାର ଆରି ତଣ୍ଡେକ୍, କ୍ରିଷ୍ଟି ଗାଗାଡ଼ ହୁକେ ଏପେଙ୍ଗ ପା ବିଦି କାଜିଂ ହାତାଦେଣ୍ଟା, ଇନେସ୍ ଏପେଙ୍ଗ୍
 ବିନ୍ନିକାନ୍ ଲାହାଙ୍ଗ୍ ମେହାନାଦେର, ଇତିସ୍ ଆପ୍ ଇସ୍ତର କାଜିଂ ପାଡ଼ ଉବ୍ଜାୟ କିନି କାଜିଂ ଜେ ହାକିତାଂ
 ନିଙ୍ଗ୍ତାରନା, ହେଞ୍ଜାନ୍ତି ଲାହାଙ୍ଗ୍ ମେହା ଆତ । ୫ ଇନେକିଦେଂକି ଏଚେକାଡ଼ଦ୍ ଆପ୍ ଗାଗାଡ଼ ତାରେନ୍
 ମାତାସ୍, ହେପାଦନା ବିଦି ହୁକେ ପାପ୍ ଆହାନିକିଂ ମା କେଇଗାଲ୍ ବିତ୍ରେ ହାକି କାଜିଂ ପାଡ଼ ଉବ୍ଜାୟ
 କିଦେଙ୍ଗ୍ କାମାୟ କିଜି ମାତାପ୍, ୬ ମାତର ଇମ୍ପାକା ହୁକେ ଆପ୍ ଗାଟାଜି ମାତାପ୍, ହେଦାଂ କାଜିଂ ହାଜି
 ଆପ୍ ନଙ୍ଗ ବିଦିତାଂ ମୁକ୍ତା ଆତାପନା; ଲାଗିଂ ଆପ୍ ଲେକିକିତି ପୁନି ବାବ୍ରେ ଆଡ଼ିଏନ୍ କାମାୟ କିଞ୍ଜାଦାଂ
 ଜିବୁନିଂ ପୁନି ବାବ୍ରେ ଆଡ଼ିଏନ୍ କାମାୟ କିନାପା ।

ବିଦି ଆରି ପାପ୍

୭ ବାଟିଙ୍ଗ୍ ଆପ୍ ଇନାକା ଇନାସ୍ ? ବିଦି ଇନାକା ପାପ୍ ? ହେଦାଂ ଇନାଞ୍ଜାତାଂ ପା ଆମେଡ଼ । ଇତିସ୍ ପାପ୍
 ଇନାକା, ହେଦାଂ ବିଦି ପିସ୍ତ୍ର ଆନ୍ ପୁନ୍ଞାତାଂମା; ଇନେକିଦେଂକି ଲବ୍ତା ଆମାଟ୍, ବିଦି ଇଦାଂ ଇନ୍ଞାଦାଂ
 ମାଟିସ୍, ଲବ୍ତା ଇନାକା, ହେଦାଂ ଆନ୍ ପୁନ୍ଞାତାଂମା । ୮ ମାତର ପାପ୍ ଉପାୟ ପାୟାଜି ବଲ୍ ହୁକେ ନା
 ତାକେ ସବୁ ବାନି ଲବ୍ ଉବ୍ଜାତାତ୍; ଇନେକିଦେଂକି ବିଦି ପିସ୍ତ୍ର ପାପ୍ ହାକି । ୯ ଆରେ, ଆନ୍ ର ସମୁତ ବିଦି
 ପିସ୍ତ୍ର ଜିବୁନ୍ ମାତାଂ, ମାତର ବଲ୍ ଝାତିଲେ ପାପ୍ ଜିତାତ୍, ଆରେ ଆନ୍ ହାତାଙ୍ଗ୍; ୧୦ ହେବେ ଜିବୁନ୍ନି ଇମ୍ପାଣି
 ବଲ୍, ହେଦାଂ ନା ପାକ୍ୟାତ ଜିବୁନ୍ନି ହାକି ଇଞ୍ଜି ଜାଣାତାତ୍ । ୧୧ ଇନେକିଦେଂକି ପାପ୍ ଉପାୟ ହୁଡ଼ଜି ବଲ୍
 ହୁକେ ନାଙ୍ଗ୍ ଜାଟାୟ କିଡ଼ତାତ୍, ଆରେ ହେଦାଂ ହୁକେ ନାଙ୍ଗ୍ ଅସ୍ତାତାତ୍ ।

୧୨ ଲାଗିଂ, ବିଦି ପୁଇପୁୟା, ଆରେ ତାଦି ବଲ୍ ପୁଇପୁୟା, ସମାନ୍ ଆରି ହାର୍ଦାକା । ୧୩ ତା ଆତିସ୍,
 ଇନାକା ହାର୍ଦାକା ହେଦାଂ ଇନାକା ନା ହାକିନି କାରଣ୍ ଆଜି ମାତାତ୍ ? ମୁଡ଼େ ଆକାୟ । ପାପ୍ ନେ ହେଦାଂ
 କିତାତ୍ । ହାଦିଂ ବିଦିତିଂ ବେବାର୍ କିଜି ପାପ୍ ନାଦାଂ ହାକି ଗିଟାୟ କିଡ଼ତାତ୍ । ହେଦାଂ ଲାହାଂ ପାପ୍ନି
 ହାଡ଼ପା ଲାଗ୍ଦାକା ଚଞ୍ଜାନାତ୍ । ଲାଗିଂ ବଲ୍ ହୁକେ ପାପ୍ନି ବେସି ବୟଙ୍ଗାରିନି ଜାଣାନାତ୍ ।

ମାନାୟ ମାତ୍ର ଗାବ୍ରା

୧୪ ଲାଗିଂ, ବିଦି ଜେ ଆମ୍ବିକ୍, ଇଦାଂ ଆପ୍ ପୁନାପ୍; ମାତର ଆନ୍ ଗାଗାଡ଼ନି, ପାପ୍ନି କଡ଼ତି ଆଡ଼ିଏନ୍ ।
 ୧୫ *ଇନେକିଦେଂକି ଆନ୍ ଇନାକା କିନାଙ୍ଗ୍, ହେଦାଂ ପୁନୁଙ୍ଗ୍; ଲାଗିଂ ଆନ୍ ଇନାକା ଇଚା କିନାଙ୍ଗ୍, ହେଦାଂ
 କିଉଙ୍ଗ୍, ଇତିସ୍ ଇନାକା ଆନ୍ ଗିଣ୍ କିନାଙ୍ଗ୍ ହେଦାଂ ନେ କିନାଙ୍ଗ୍ । ୧୬ ମାତର ଇନାକା ଆନ୍ ଇଚା କିଉଙ୍ଗ୍,
 ହେଦାଂ ଜଦି କିନାଙ୍ଗ୍, ବାଟିଙ୍ଗ୍ ବିଦି ଜେ ହାର୍ଦାକା, ହେଦାଂ ଆନ୍ ମାନି କିନାଙ୍ଗ୍ । ୧୭ ଲାଗିଂ ଆନ୍ ଆରେ
 ହେଦାଂ କିଉଙ୍ଗା, ମାତର ନା ତାକେ ବାହାକିତି ପାପ୍ ହେଦାଂ କିନାଙ୍ଗା । ୧୮ ଇନେକିଦେଂକି ନା ତାକେ
 ଇତିସ୍, ନା ଗାଗାଡ଼ତ ଜେ ଇମ୍ପାଣି ହାର୍ଦି ବିସ୍ତେ ବାହା କିଞ୍ଜାତାତନା, ଇଦାଂ ଆନ୍ ପୁନାଙ୍ଗ୍, ଲାଗିଂ ଆନ୍ ଇଚା
 କିଦେଙ୍ଗ୍ ଆଡ଼ନାଙ୍ଗ୍, ମାତର ଇନାକା ହାର୍ଦାକା, ହେଦାଂ କିନି କାଜିଂ ନା ସାକ୍ତି ହିଲୁଡ଼ । ୧୯ ଇନେକିଦେଂକି
 ଇମ୍ପାଣି ହାର୍ଦି କାମାୟ କିଦେଙ୍ଗ୍ ଆନ୍ ଇଚା କିନାଙ୍ଗ୍, ହେଦାଂ କିଉଙ୍ଗ୍, ମାତର ଇମ୍ପାଣି ବାନିୟା କାମାୟ
 କିଦେଙ୍ଗ୍ ଆନ୍ ଇଚା କିଉଙ୍ଗ୍, ହେଦାଂ କିନାଙ୍ଗ୍ । ୨୦ ମାତର ଇନାକା ଆନ୍ ଇଚା କିଉଙ୍ଗ୍, ହେଦାଂ ଜଦି
 କିନାଙ୍ଗ୍, ତେବେ ଆନ୍ ନିଜେ ହେଦାଂ ଆରେ କିଉଙ୍ଗ୍, ମାତର ନା ବିତ୍ରେ ବାହାକିତି ପାପ୍ ହେଦାଂ କିନାତ୍ ।

☆ ୭:୧୫ ୭:୧୫ ଗାଲତିୟ ୫:୧୭.

୨୧ ଲାଗି, ହାରଦି କାମାୟ କିଦେଈଁ ଇଚା ଜେ ଆନ୍, ନା ଲାଗାଁ ଜେ ବାନିୟା ଏକାଞ୍ଚାନାଡ଼, ଇ ବିଦି ଆନ୍ ହୁଡ଼ନାଞ୍ଚା । ୨୨ ଇନେକିଦେଂକି ବିତ୍ତେନି ମାନାୟତି ବାବନା ଇସାବେ ଆନ୍ ଇସ୍ୱତ୍ ବିଦିତ ପାଲି କିନାକା ନା ଇଚା, ୨୩ ମାତର୍ ଆନ୍ ନା କେଇ ଗାଲପାତ ର ବିନ୍ ଅବସ୍ତା ହୁଡ଼ନାଞ୍ଚା, ହେଦାଁ ନା ମାନନି ବିଦି ବିନ୍ ପାକ୍ୟାତ ଜୁଦ୍ କିନାଡ଼, ଆରେ ନା କେଇ ଗାଲପାତ ଇମ୍ଝି ପାପ୍ନି ବିଦି ମାନାଡ଼, ନାଞ୍ଚା ହେବେନି ବନ୍ଧି କିଦନାଡ଼ । ୨୪ ହାୟ, କାରୁମ୍ ହିଲ୍ଝି ମାନାୟ ଜେ ଆନ୍, ନାଞ୍ଚା ଇ ହାକିନି ଗାଗାଡ଼ତାଁ ଇନେର୍ ମୁକ୍ତାୟ କିଦନାନ୍ ? ୨୫ ଜୁଞ୍ଚାର ଇସ୍ୱର୍, ମା ମାପୁ ଜିସୁ ଜିସୁତି ହୁକେ ଇଦାଁ ହେଞ୍ଚାନ୍ ପୁରା କିତାନ୍ନା ।

୫୫୫୫୫, ଇଦାଁ ଆନାତା ନା ଅବସ୍ତା । ଇସ୍ୱର୍ତ୍ତ ବିଦି କେବଲ୍ ଆନ୍ ନା ମାନ୍ତ ମାନି କିଦେଈଁ ଆଡ଼ନାଞ୍ଚା । ମାତର୍ ନା ଗାଗାଡ଼ ଇସାବେ ନାଁ ପାପ୍ନି ଆଡ଼ିଏନ୍ ଆଦେଂ ଜବର୍ଦ୍ଦସ୍ତ କିଦନାତା ।

୮

ଆମ୍ବିକ୍ ଜିବୁନ୍

୧ ଲାଗିଁ ଇମ୍ଝାକାର୍ କ୍ରିସ୍ଟ ଜିସୁତି ତାକେ ମାନାର୍, ହେଞ୍ଚାର୍ କାଜିଁ ନଞ୍ଚା ଇମ୍ଝି ଦାଣ୍ଡ ହିଲ୍ଝୁ । ୨ ଇନେକିଦେଂକି ଜିନି ଜିବୁନ୍ ବିଦି କ୍ରିସ୍ଟ ଜିସୁତି ମେହାଣ୍ଡ ମିଙ୍ଗେଈଁ ପାପ୍ ଆରି ହାତିବାର୍ତ୍ତ ବିଦିତାଁ ମୁକ୍ତାୟ ଆତାପନା । ୩ ମାନାୟତି ବେବାର୍ ନାଦାର୍ କାଜିଁ ମସା ହିଡ଼ତି ବିଦି ଇନାକା ପୁରା କିଦେଈଁ ଆଡ଼ଞ୍ଚାତାଡ଼, ଇସ୍ୱର୍ ହେଦାଁ କିତାନ୍ନା । ମାନାୟ ଜିବୁନ୍ତ ପାପ୍ତି ଦାଣ୍ଡ କିନି କାଜିଁ ହେଞ୍ଚାନ୍ ଜାର୍ ମାଜିଈଁ ପାପ୍ୟା ମାନାୟ ଲାକେ ପଲ୍ଲୀତାନ୍ ଆରି କ୍ରିସ୍ଟ ଜିସୁ ପାପ୍ନି ସାଲ୍ଲି ବୁଡ଼ାୟ କିତାନ୍ । ୪ ଇନେସ୍ ଗାଗାଡ଼ ବାବନା ଇସାବେ ଚିନ୍ତା କିଞ୍ଚାଦାଁ ପୁଇପୁୟା ଜିବୁନ୍ ଇସାବେ ଚିନ୍ତା କିଜି ମାନାସ୍ ଜେ ଆସେଈଁ, ମା ତାକେ ବିଦିନି ଦାରୁମ୍ ବିଦି ପୁରା ଆନାଡ଼ ।

୫ ଇନେକିଦେଂକି ଇମ୍ଝାକାର୍ ଗାଗାଡ଼ମାନ୍, ହେଞ୍ଚାର୍ ଗାଗାଡ଼ ବିସ୍ତେ ମାନ୍ଦ୍ୟାନ୍ କିତାର୍, ମାତର୍ ଇମ୍ଝାକାର୍ ଆମ୍ବିକ୍ତ ମାନ୍, ହେଞ୍ଚାର୍ ପୁଇପୁୟା ଜିବୁନ୍ ବିସ୍ତେ ବାବି କିତାର୍ । ୬ ଇନେକିଦେଂକି ଗାଗାଡ଼ନି ମାନ୍ ହାତାକା, ମାତର୍ ଆମ୍ବିକ୍ ବାବନା ଜିବୁନ୍ ଆରି ସୁସ୍ତାନିକା; ୭ ଲାଗିଁ ଗାଗାଡ଼ନି ମାନ୍ ଇସ୍ୱର୍ତ୍ତ ବିରୁଦ୍ତ ସାଡ଼ୁ; ଇନେକିଦେଂକି ହେଦାଁ ଇସ୍ୱର୍ତ୍ତ ବିଦିନି ତଲ୍ୟା ଆକାୟ, ତଲ୍ୟା ଆନାକା ଆଡ଼ୁନ୍; ୮ ଇମ୍ଝାକାର୍ ଗାଗାଡ଼ନି ତାରେନ୍ ମାନାର୍, ହେଞ୍ଚାର୍ ଇସ୍ୱତ୍ ସାରି ଆଦେଂ ଆଡ଼ୁର୍ ।

୯ ମାତର୍ ଇସ୍ୱତ୍ ପୁଇପୁୟା ଜିବୁନ୍ ଜଦି ମି ତାକେ ବାହା କିନାଡ଼, ତା ଆତିସ୍ ଏପେଈଁ ଗାଗାଡ଼ ତାରେନ୍ ଆକାୟ, ମତର୍ ଜିବୁନ୍ ତାରେନ୍ ମାନାଦେର୍ । ଜଦି ଇନେର୍ କ୍ରିସ୍ଟ ଜିବୁନ୍ ପାୟାଜି ମାନ୍ଗୁନ୍, ତେବେ ହେଞ୍ଚାନ୍ ହେଞ୍ଚାନ୍ତି ଆକାୟ । ୧୦ ମାତର୍ ଜଦି କ୍ରିସ୍ଟ ମି ତାକେ ବାହା କିଜି ମାନ୍ଗାନାନ୍, ମି ଗାଗାଡ଼ ପାପ୍ତ ବୁଡ଼ା ଆଦେଂ ହାଲ୍ଲି ମାତିସ୍ ପା, ପୁଇପୁୟା ଜିବୁନ୍ ମିଙ୍ଗେଈଁ ଜିବୁନ୍ ହିଦନାନ୍, ଇନେକିଦେଂକି ଇସ୍ୱର୍ତ୍ତ କାଣ୍ଡକ୍ତ ଏପେଈଁ ଦାମ୍ ଗାଣା କିଆତାଦେଣ୍ଡା ୧୧ *ଆରେ ଇନେର୍ ହାତାକାର୍ ବିତ୍ତେତାଁ ଜିସୁଈଁ ନିକ୍ତାନ୍, ହେଞ୍ଚାନ୍ତି ଜିବୁନ୍ ଜଦି ମି ତାକେ ବାହା କିନାଡ଼, ତେବେ ଜେ ହାତାକାର୍ ବିତ୍ତେତାଁ କ୍ରିସ୍ଟିଈଁ ନିକ୍ତାର୍, ହେଞ୍ଚାନ୍ ମି ତାକେ ବାହା କିଜିମାନି ଜାର୍ ଜିବୁନ୍ ହୁକେ ମି ହାତି ଗାଗାଡ଼ତିଁ ପା ଜିବୁନ୍ କିଦନାନ୍ ।

୧୨ ଲାଗିଁ, ଏ ଟଣ୍ଡାର୍ ଆରି ତଣ୍ଡଦେକ୍, ଆସେଈଁ ରିଶ୍ ମା କାମାୟ ଆତାଡ଼ ମାନାୟ ଲାକେ ଜିବୁନ୍ ଜିଉଣା କିଉସ୍, ଇନେକିଦେଂକି ହେଦାଁ କିତିସ୍ ହାନାଦେର୍; ୧୩ ମାତର୍ ଜଦି ପୁଇପୁୟା ଜିବୁନ୍ ଉପକାର୍ତାଁ ଜାର୍ ପାପ୍ ଗାଗାଡ଼ତିଁ ବୁଡ଼ାୟ କିଜି ଆରେ ପାପ୍ କାମାୟ କିଞ୍ଚିତିସ୍, ତେବେ ଏପେଈଁ ଜିନାଦେର୍ । ୧୪ ଲାଗିଁ ଏତେକ୍ ମାନାୟ ଇସ୍ୱତ୍ ଜିବୁନ୍ ହୁକେ ଚାଲାନାର୍, ହେଞ୍ଚାର୍ ଇସ୍ୱତ୍ ମାଜିର୍ ।

୧୫ **ଇନେକିଦେଂକି ଇସ୍ୱର୍ ହିଡ଼ତି ହେ ଜିବୁନ୍ ମିଙ୍ଗେଈଁ ଆଡ଼ିଏନ୍ତାଁ ମୁକ୍ତାୟ କିଡ଼ତାନ୍ନା, ଏପ୍ ଆରେ ପାଣ୍ଡାନାକା ଲଡ଼ା ଆକାୟ । ନଲେ ପୁଇପୁୟା ଜିବୁନ୍ ମିଙ୍ଗେଈଁ ଇସ୍ୱର୍ତ୍ତ ହିମ୍ଝାଈଁ ଆଦେଂ ପାବ୍ ହିଡ଼ତାନ୍ନା । ହେଞ୍ଚାନ୍ତି ସାଲ୍ଲି ପୁଞ୍ଜେଈଁ ଆଡ଼ି ଆସେଈଁ ନଂ ଇସ୍ୱର୍ତ୍ତ “ଆବା” ଇଞ୍ଜି ଇନାସା । ୧୬ ଆପ୍ ଇସ୍ୱତ୍ ମାଜିର୍ ଇଞ୍ଜି ହେ ଜିବୁନ୍ ନିଜେ ମା ଜିବୁନ୍ ଲାହାଈଁ ସାକି ହିନାନ୍, ୧୭ ଆରେ ଜଦି ମାଜି, ବାଟିଈଁ ଆଦିକାର୍ ପାୟାତାକାନ୍, ଇତିସ୍ ଜଦି କ୍ରିସ୍ଟି ଲାହାଈଁ ଜାଜ୍ମାଲ୍ ପା ଆନି କାଜିଁ ଆପ୍ ହେଞ୍ଚାନ୍ ଲାହାଈଁ ଦୁକ୍ବଗ୍ କିନାପ୍, ବାଟିଈଁ ଇସ୍ୱତ୍ ଆଦିକାର୍ ପାୟାତାକାନ୍ ଆରି କ୍ରିସ୍ଟି ଆଦିକାର୍ ପାୟାତାକାନ୍ ଆନାପ୍ ।

୫୫୫୫୫ ଜାଜ୍ମାଲ୍

୧୮ ଇମ୍ଝି ଜାଜ୍ମାଲ୍ ମା କାଜିଁ ହନାଡ଼, ହେଦାଁ ତୁଲ୍ଲାୟ କିଜି ଇ ନଞ୍ଚାନ୍ କାଡ଼ଦ୍ ଦୁକ୍ବଗ୍ ଇନାକାପା ଆକାୟ । ୧୯ ଲାଗିଁ ଉର୍ଦ୍ଦାଣ୍ଡି ଖାରି ଲାହାଁ ଇସ୍ୱର୍ତ୍ତ ହିମ୍ଝାଣ୍ଡି ହପ୍ନି କାଜିଁ କାନାଞ୍ଚା । ୨୦ ଇନେକିଦେଂକି ଉର୍ଦ୍ଦାଣ୍ଡି ପଲ୍ୟା ତଲ୍ୟା ଆତାଡ଼, ତା ନିଜ୍ ଇଚାତାଁ ଆକାୟ, ମାତର୍ ଇନେର୍

* ୮:୧୧ ୮:୧୧ ୧ କରନ୍ତିୟ ୩:୧୭. * ୮:୧୫ ୮:୧୫ ଗାଲାତିୟ ୪:୫-୭. * ୮:୧୫ ୮:୧୫ ମାର୍କ ୧୪:୩୭; ଗାଲାତିୟ ୪:୭.

ହେଦେଲିଂ ତଲ୍ୟା କିତାନ୍, ହେୱାନ୍ ଆହାତାଂ; ୨୧ ଆରେ ହେଦାଂ ବାସିଂ ମେହା ଆଜି ତଲ୍ୟା ଆତାଡ଼, ଲାଗିଂ ଉଦ୍‌ଜାଣି ନିଜେ ପା ଇସ୍‌ତ ହିମ୍‌ଶାଂତି ଜାଜ୍‌ମାଲ୍ ପାୟାତି ଅବସ୍ତା ବିସ୍ତେ ନିଜ୍ ଇତା ପାୟାତି କାଜିଂ ବୁଡାତି ଆଡ଼ିଏନ୍‌ତାଂ ମୁକ୍ତା ଆନାନ୍ । ୨୨ ଇନେକିଦେଂକି ଝିଜୁ ଉଦ୍‌ଜାଣି ଜେ ନେଞ୍ଜେଙ୍ଗ୍ ପାତେକ୍ ରଚେ ଆଡ଼ବାନାତା ଆରି ଜଲମ୍ କିନିନନାକାତ ବିଲ୍‌କି ଆନାତା, ଇଦାଂ ଆପ୍ ପୁନାପ୍ । ୨୩ ଆରେ, କେବଲ୍ ହେଦାଂ ଆକାୟ୍, ମାତର୍ ଆସେଙ୍ଗ୍ ଇସ୍‌ରତି ପର୍ତ୍ତମ୍ ପାଡ଼୍ ଲାକେ ଜିବୁନ୍‌ତିଂ ପାୟାତାପ୍‌ନା ଜେ ଆପେଂ, ଆପ୍ ନିଜେ ନିଜେ ପା ମାଜି, ଇତିସ୍ ଜାର୍ ଜାର୍ ଗାଗାଡ଼ି ମୁକ୍ତାନାକା କାଜିଂ କାସି ମାନୁ ମାନୁ ଜାର୍ ଜାର୍ ୱାସ୍ତିତ ଆଡ଼ବାନାସା । ୨୪ ଇନେକିଦେଂକି ବାସିଂ ତ ଆସେଙ୍ଗ୍ ମୁକ୍ତି ଆତାସ୍‌ନା; ମାତର୍ ହୁଡ଼ି ଇମ୍‌ଣି ଆହା, ହେଦାଂ ଆହା ଆକାୟ୍, ଲାଗିଂ ଇନାକା ରଞ୍ଜାନ୍ ହୁଡ଼ିନା, ହେଦାଂ କାଜିଂ ହେୱାନ୍ ଇନେକିଦେଂ ଆରେ ଆହା କିନାନ୍ ? ୨୫ ମାତର୍ ଇନାକା ହୁଡ଼ିୟା, ଜଦି ହେଦାଂ କାଜିଂ ବାସିଂ କିନାସ୍, ତା ଆତିସ୍ ସାସ୍‌ତାଂ କାସି ମାନାସ୍ ।

୨୬ ଆସେଙ୍ଗ୍ ନାଦାର୍, ମାତର୍ ପୁଇପୁୟା ଜିବୁନ୍ ମାଂ ଉପକାର୍ କିଦ୍‌ନାନ୍ । ଇନେସ୍ ପାର୍ତାନା କିଦେଙ୍ଗ୍ ଆନାଡ଼, ହେଦାଂ ଆସେଙ୍ଗ୍ ପୁନୁସ୍ । ଲାଗିଂ ପୁଇପୁୟା ଜିବୁନ୍ ଇନ୍‌ଝି ବେରଣିତ ମା କାଜିଂ ଇସ୍‌ରତିଂ ଗଞ୍ଜାରି କିନାନ୍ । ୨୭ ଆରେ, ଇନେର୍ ମା ୱାସ୍ତି ଦାହ୍‌ନାନ୍, ହେୱାନ୍ ମାନ୍‌ନି ବାଦ୍‌ନା ଇନାକା, ହେଦାଂ ପୁନାନ୍, ଇନେକିଦେଂକି ହେୱାନ୍ ପୁଇପୁୟା ଇସ୍‌ତ ଇତା ଇସାବେ ସାଦୁର୍ କାଜିଂ ଗଞ୍ଜାରି କିନାନ୍ । ୨୮ ଇମ୍‌ଣାକାର୍ ଇସ୍‌ରତିଂ ଜିଉନନାର୍, ଇମ୍‌ଣାକାର୍ ହେୱାନ୍ ଇତା ଇସାବେ କୁକ୍ୟାତାଣ୍ଟା, ଇସ୍‌ର ଜେ ଝିଜୁ ବିସ୍ତେ ହେୱାନ୍‌ତି ହାର୍ କିନାନ୍, ଇଦାଂ ଆପ୍ ପୁନାପ୍ । ୨୯ ଇନେରିଂ ଇସ୍‌ର ବାତି କିତାନ୍, ହେୱାରିଂ ହେୱାନ୍ତି ମାଜିତି ଲାକେ ଆପେଂ କାଜିଂ ଆଗେତାଂ ବାତି କିତାନ୍ । ତାଆତିସ୍, ଇସ୍‌ରତି ମାଜି ହେୱାନ୍‌ତି ଗାଜା ଟଣ୍ଡେନ୍ ଆନାନ୍ । ୩୦ ଇମ୍‌ଣାକାର୍ ଏଲେଙ୍ଗ୍ ବାତି କିୟା ଆଜି କୁକ୍ୟାତାଣ୍ଟା, ହେୱାନ୍ ଇସ୍‌ରତି କାଣ୍‌କୁତ ଦାମ୍ ଇନାଜି ଜାଜ୍‌ମାଲ୍ ଆତାଣ୍ଟା ।

ଜିସୁ କ୍ରିଷ୍ଟ ତାକେ ଇସ୍‌ରତି ଜିଉନନାକା

୩୧ ବାତିଙ୍ଗ୍ ଇ ଝିଜୁ କାଣ୍‌କୁତ ଆପ୍ ଇନାକା ଇନାସ୍ ? ଜଦି ଇସ୍‌ର ମା ପାକ୍ୟା, ବାତିଙ୍ଗ୍ ମା ବିନ୍ ପାକ୍ୟା ଇନେର୍ ? ୩୨ ଇନେର୍ ଜାର୍ ମାଜିଙ୍ଗ୍ ପା କେମା କିଞ୍ଜାତାନ୍, ମତର୍ ମା ଝିଜାର୍ କାଜିଂ ହେୱାନ୍ ହେଲାୟ୍ କିତାର୍, ହେୱାନ୍ ଇନେସ୍ ହେୱାନ୍ ଲାହାଙ୍ଗ୍ ପା ଝିଜୁ ବିସ୍ତେ ମାଙ୍ଗେଙ୍ଗ୍ ଉପକାର୍‌ତ ଦାନ୍ କିଉନ୍ ? ୩୩ ଇସ୍‌ତ ବାତିକିତି ମାନାୟାରିତି ବିରୁଡ଼ିତ ଇନେର୍ ଦାବା କିତାର୍ ? ହେୱାରିଂ ଦସିଆକାୟ୍ ଇଞ୍ଜି ନିଜେ ଇସ୍‌ର ପୁଟାୟ୍ କିତାନ୍ । ୩୪ ଇନେର୍ ଦାଣ୍ଟ ବଲ୍ ହିଦ୍‌ନାନ୍ ? କ୍ରିଷ୍ଟ ଜିସୁତ ହାତାନ୍, ଇତିସ୍ ହେୱାନ୍ ନିଙ୍ଗ୍‌ତାନ୍, ହେୱାନ୍ ଇସ୍‌ତ ତିନିବାଗାଂ ମାନାନ୍, ହେୱାନ୍ ପା ମା କାଜିଂ ମାଜାୟ୍‌ନିକା ପାର୍ତାନା କିନାନ୍ । ୩୫ କ୍ରିଷ୍ଟ ଜିଉନନିତାଂ ଇନେର୍ ମାଙ୍ଗେଙ୍ଗ୍ ଆଲ୍‌ଗା କିଦ୍‌ନାର୍ ? କି ଦୁକ୍, କି କସ୍, କି ଇଣ୍, କି କାତାର୍, କି ନାଗ୍‌ଡା, କି ବିପଦ୍, କି କାଣ୍ଟା ? ୩୬ ଇନେସ୍ ସାସ୍‌ରତ ଲେକାତାଡ଼ନା,

“ମି କାଜିଂ ଆପେଂ ସବୁ ଦିନ୍ ହାନାପା; ଆସେଙ୍ଗ୍

ଅହ୍‌ୟାତି ମେଣ୍ଟା ଲାକେ ଗାଣା କିୟାତାପ୍‌ନା ।”

୩୭ ଆତିସ୍‌ପା ଇନେର୍ ମାଙ୍ଗେଙ୍ଗ୍ ଜିଉନତ୍‌ତାନ୍, ହେୱାନ୍‌ତି ହୁକେ ଆପ୍ ଇ ଝିଜୁ ବିସ୍ତେ ସବୁତାକେ ଜିତା ଆତାପ୍‌ନା । ୩୮ ଆନ୍ ହାଡ଼ପା ପୁନାଙ୍ଗ୍ ଜେ ହେୱାନ୍ ଜିଉନନିତାଂ ଆସେଙ୍ଗ୍ ଇନାଞ୍ଜାତାଂ ବିନେ ଆଡ଼ସ୍ । ହାକି କି ଜିବୁନ୍, ସରଗ୍ ଦୁଡ଼ କି ଆକାସ୍‌ନି ଇମ୍‌ଣାକା ପା ଆଦିକାରି କି ସାକ୍ତି, ନଂ କି ୱାନିଦିନ୍, ୩୯ ଜପିନି ବିସ୍ତେ କି ବୁଇନି ବିସ୍ତେ କି ବିନ୍ ଇମ୍‌ଣି ଉଦ୍‌ଜାତି ଜିନିସ୍ ମା ମାପୁ କ୍ରିଷ୍ଟ ଜିସୁତ ହୁକେ ହତି ଇସ୍‌ତ ଜିଉନନିତାଂ ଜେ ମାଙ୍ଗେଙ୍ଗ୍ ବିନେ କିଦେଙ୍ଗ୍ ଆଡ଼ତ୍ ।



ଇସ୍‌ର ଆରି ହେୱାନ୍ତି ମାନାୟାର୍

୧ ଇଦାଂ ଆନ୍ କ୍ରିଷ୍ଟି ମୁମ୍‌ଦ ହାଡ଼ପା ଇଞ୍ଜିନାଙ୍ଗା, ମିର୍ ଇନୁଙ୍ଗା, ନା ଚିନ୍ତା ପୁଇପୁୟା ଜିବୁନ୍‌ତି ସାକ୍ତିତାଂ ନା ଲାହାଙ୍ଗ୍ ସାକି ହିଦ୍‌ନାନ୍, ୨ ଆନ୍ ଜେ ଏଚେକ୍ ବିପ୍ରି ଆରି ବେସି ଦୁକ୍‌ତ ନା ୱାସ୍ତି ଏଚେକ୍ ୱାସ୍ତାଡ଼ନା, ଇ କାତା ଆନ୍ ପଲ୍ୟା ଇନୁଙ୍ଗା । ୩ ଇନେକିଦେଂକି ଇମ୍‌ଣାକାର୍ ଗାଗାଡ଼୍ ବାବ୍ରେ ନା ଜିହୁଦିର୍ ଟଣ୍ଡାର୍, ତଣ୍ଡେକ୍ କାଜିଂ ଆନ୍ ନିଜେ କ୍ରିଷ୍ଟତାଂ ବିନେ ଆଜି ଇସ୍‌ରତି ହୁକେ ସାକ୍‌ପ୍ କାଜିଂ ଇତା । ୪ ଇସ୍‌ର ହେୱାରିଂ ଜାର୍‌ତିଂ ଇସ୍‌ରାଏଲିୟ୍ ମାଜି ଲାକେ ଇଡ଼ଜି ହେୱାନ୍ ଲାଗାଂ ଜାର୍‌ତି ଜାଜ୍‌ମାଲ୍ ନିୟ୍‌ମ୍ ହପ୍‌ତି ମାଚାର୍; ହେୱାନ୍ ଲାହାଂ ଲାଗାଜି ହେୱାରିଂ ବିଦି ହିଜି ମାଚାଙ୍ଗ୍, ହେୱାନ୍ ହାଡ଼ପା ପାର୍ତାନା କିନାର୍; ହେୱାନ୍ ଇସ୍‌ରତାଂ ଜାଣା

☆ ୮:୨୩ ୮:୨୩ ୨କରକ୍ରିୟ ୫:୨-୪.

ପାୟାତାଣ୍ଡା । ୫ ଆକର୍ ଦାଦିର ହେୱାର୍ତି, ଆରେ ଗାଗାଡ଼ ବାବ୍ରେ ହେୱାର୍ ବିତ୍ରେତାଂ କ୍ରିଷ୍ଣ ହତ୍ତାନନା; ହେ ଦୟାନ୍ତି ଇସ୍ବର ଜୁଗ୍ ଜୁଗ୍ ଦନ୍ୟ, ଆମେନ୍ ।

୬ ଇସ୍ବତ ରାଣ୍ ଆଖାତାତନା ଇଞ୍ଜି ଆନ୍ ଇନୁଙ୍ଗା, ଇନେକିଦେଂକି ଇସ୍ବାଏଲ୍ ଝିଜାର୍ ଇସ୍ବତ୍ତି ଲକୁ ଆକାୟ୍, ୭ ନଲେ ଅବ୍ରାହାମ୍ ଲାତ୍ରା ଇଞ୍ଜି ଜେ ଝିଜାର୍ ମାଜିର୍, ହେଦାଂ ଆକାୟ୍; ମାତର୍ “ଇସ୍ହାକ୍ ତାକେ ମି ଲାତ୍ରା ଡାକ୍ପୁଟା ଆନାଡ଼ ।” ୮ ଇବେନି ଅରଡ଼ ଇଦାଂ, ଗାଗାଡ଼ ବାବ୍ରେ ଇମ୍ଫାଣି ମାଜିର୍ ହେୱାର୍ ଜେ ଇସ୍ବତ୍ ମାଜିର୍, ହେଦାଂ ଆକାୟ୍ ମାତର୍ ପାର୍ମାଣ୍ କିତି ମାଜିର୍ ଲାତ୍ରା ଲାକେ ଗାଣାକିୟାନାର୍ । ୯ ଇନେକିଦେଂକି ଇଦାଂ ତ ପାର୍ମାଣ୍ କିତି ବଚନ୍, ଇ ଦିନ୍ତ ଆପେଂ ଝାନାକା, ଆରେ ସାରା ର ମାଜି ଗାଟା ଆଜି ମାନ୍‌ଗାନାଡ଼ । ୧୦ ଆରେ କେବଲ୍ ହେଦାଂ ଆକାୟ୍, ମାତର୍ ରିବିକା ପା ରଝାନ୍ ମାନାୟ୍ ହୁଦାଂ, ଇତିସ୍ ମା ଆକର୍ ଇସ୍ହାକ୍ ହୁଦାଂ ମାଜେକ୍‌ଆସ୍ତି ପାଟେ, ୧୧ ଏତେକାଡ଼୍ ହିମ୍‌ଗାଂ ଜଲମ୍ ଆଖାଦାଂ ମାଟାର୍, ଆରେ ହାର୍ ନଲେ ବାନ୍ୟା କିଝାଦାଂ ମାଟାର୍, ହେପାଦନା କାମାୟ୍ କାଜିଂ ଆକାୟ୍, ମତର୍ କୁକ୍ୟାତାର୍ ଇଟା କାଜିଂ ବାଟି କିତି ଇସାବେ ଇସ୍ବତ୍ ଇଟା ଇନେସ୍ ତିର୍ ମାନ୍‌ଗାନାଡ଼, ୧୨ ଇଦାଂ କାଜିଂ ଇ କାତା ତାଙ୍ ଇନ୍ୟା ଆଜି ମାଟାଡ଼, “ଗାଜାକାନ୍ ହାରୁକାନ୍ତି ଆଡ଼ିଏନ୍ ଆନାନ୍; ୧୩ ଇନେସ୍ ଲେକାମାନାଡ଼, ଜାକୁବ୍ ଆପ୍ ଜିଉନତାପ୍, ମାତର୍ ଏସୌତିଙ୍ଗ୍ ଗିଣ୍ କିତାପ୍ ।”

୧୪ ବାଟିଙ୍ଗ୍ ଆସେଙ୍ଗ୍ ଇନାକା ଇନାସ୍ ? “ଇସ୍ବର ତାକେ କି ଇନାକା ଅନ୍ୟାୟ୍ ମାନାଡ଼ ? ହେଦାଂ ଇନାଝାଡ଼ାଙ୍ଗ୍ ପା ଆମେଡ଼ ।” ୧୫ ଇନେକିଦେଂକି ହେୱାନ୍ ମସାଙ୍ଗ୍ ଇନାନା, “ଇନାକା ଜପି ମା ଦୟା ମାନାଡ଼, ହେଦେଲିଂ ଆସେଙ୍ଗ୍ ଦୟା କିନାସ୍, ଆରେ ଇନାକା ଜପି ମା କାର୍ମା ମାନାଡ଼, ହେୱାନ୍ ଆସେଙ୍ଗ୍ କାର୍ମା ଆନାପ୍ ।” ୧୬ ଲାଗିଂ, ଇନେର୍ ମାନ୍ କିନାନ୍, କି ଇନେର୍ ସେସ୍ କିନାନ୍, ହେଦାଂ ତାଂ ଇଦାଂ ଆଡ଼ଡ଼, ମତର୍ ଦୟାଲୁ ଇସ୍ବରତାଂ ଆନାଡ଼ । ୧୭ ଲାଗିଂ ସାସ୍ବର ପାରଙ୍ଗ୍ତିଂ ଇନାଡ଼, ଆପ୍ ଇନେସ୍ ମି ତାକେ ମା ସାକ୍ତି ଚନ୍‌ନାସ୍, “ଆରେ ଇନେସ୍ ଝିଜୁ ପୁତ୍ ତ ମା ତର୍ ଚଞ୍ଜିୟା ଆନାଡ଼, ଇ ଇଦାଂ କାଜିଂ ତ ଆପ୍ ମିଙ୍ଗେଙ୍ଗ୍ ନିକ୍ତାତାପ୍ ।” ୧୮ ଲାଗିଂ, ହେୱାନ୍ ଇନେରିଂ ମାନ୍ କିନାନ୍, ହେୱାନ୍ ଦୟା କିନାନ୍, ଆରେ ଇନେରିଂ ଇଟା କିନାନ୍, ହେୱାନ୍ ଆଡ଼ଝା କିନାନ୍ ।

ମାପୁତି ରିସା ଆରି ଦୟା

୧୯ ଇବେ ଏପ୍ ନାଙ୍ଗ୍ ଇଞ୍ଜିନାଦେରା, “ତେବେ ହେୱାନ୍ ଆରେ ଦସ୍ ଆସ୍ତାନାର୍ ଇନେକିଦେଂ ? ଇନେକିଦେଂକି ହେୱାନ୍ ଇଟା ଇନେର୍ ବିରୁଦ୍ କିଦେଙ୍ଗ୍ ଆଡ଼ନାର୍ ?” ୨୦ ମାତର୍ ଏ ମାନାୟ୍, ଏନେଙ୍ଗ୍ ଇନାକାୟ୍ ଜେ ଇସ୍ବରତିଂ ବିରୁଦ୍ କିନାଦେର୍ ? ରଡ଼ି ଆଡ଼ମାଡ଼୍ କି ରଡ଼ଚାକାନ୍ ଇନାଦେର୍, ନାଙ୍ଗ୍ ଇଲାକେ ରଡ଼ଚାତାଦେର୍ ଇନାକିଦେଂ ? ୨୧ କି ର ଚିକ୍‌ଲାତାଂ ର ବାହା ସସ୍ କାଜିଂ ଆରି ବିନ୍‌ନିକା ସସ୍‌କିଝି କାଜିଂ ରଡ଼ି କାଜିଂ କି ଚିକ୍‌ଲା ଜପି କୁମ୍‌ରେନ୍ ଆଦିକାର୍ ଆକାୟ୍ ?

୨୨ ମାତର୍ ଇସ୍ବର ଜାର୍ ରିସା ଚନ୍‌ନି କାଜିଂ ଆରି ଜାର୍ ସାକ୍ତି ଜାଣାୟ୍‌କିନି କାଜିଂ ଇଟା କିତିସ୍ ପା ଜପି ନାସ୍ ଜାଲ୍‌ଦି ଆଜି ମାଟି ରିସାନ୍ ବାହାନ୍‌କିଂ କାଜିଂ ଲାମାହୁଦାର୍ ଲାହାଙ୍ଗ୍ ସାସ୍ ଆସ୍ତାତାଣ୍ଡା, ୨୩ ଆରେ, ଜପି ଜାଜ୍‌ମାଲ୍ କାଜିଂ ହେୱାନ୍ ହୁକେ ଆଗେତାଂ ରଡ଼ୟାଜି ମାନାକା ଦୟାନ୍ତି ଲଗୁ ଜେ ଆସେଙ୍ଗ୍, ମା ଲାଗାଂ ଜାଜ୍‌ମାଲ୍ ଲାକେ ଦାନ୍ ହପ୍‌ନି କାଜିଂ ହେଦାଂ କିତାର୍‌ନା; ତା ଆଡ଼ିସ୍ ଏପେଙ୍ଗ୍ ଇନାକା ଇନାଦେର୍ ? ୨୪ ହେଦାଂ କାଜିଂ ତ ହେୱାନ୍ କେବଲ୍ ଜିହୁଦିର୍ ବିତ୍ରେତାଂ ଆକାୟ୍, ମତର୍ ପାତ୍ କିଝି ଜିହୁଦିର୍ ବିତ୍ରେତାଂ ପା ମାଜେକ୍ କୁକ୍‌ତାତାନ୍ନା, ୨୫ ଇନେସ୍ ହେୱାନ୍ ହସେୟ୍‌ତି ପଡ଼ିତ ପା ଇନାନ୍, “ଇମ୍‌ଫାକାର୍ ମା ଲକ୍ ହିଲ୍‌ଝାତାର୍,

ହେୱାରିଂ ନିଜ୍‌ତି ମା ଲକ୍ ବାବ୍ରେ କୁକ୍‌ନାପ୍ ।”

ଇମ୍‌ଫା ଜାତିତିଂ ଆପ୍ ଜିଉନଝାଦାଂ ମାଟାପ୍, ହେୱାନ୍

ମା ଝାରିନିକାନ୍ ଇଞ୍ଜି ଇନାସ୍; ୨୬ “ଆରେ, ଇମ୍‌ଫା ବାହାତ ଏପେଙ୍ଗ୍ ମା ଲକ୍ ଆକାୟ୍ ଇଞ୍ଜି ହେୱାରିଂ ଇନ୍ୟାଜି ମାଟାଡ଼, ହେ ବାହାତ ହେୱାର୍ ଜିତି ଇସ୍ବତ୍ ମାଜିର୍ ଇଞ୍ଜି ଡାକ୍‌ପୁଟା ଆନାଡ଼ ।”

୨୭ ଆରେ, ଜିସାୟ୍ ଇସ୍ବାଏଲ୍ ବିସ୍ରେ ଗାଜା କାଟ୍‌ତାଂ ଇନାର୍, “ଇସ୍ବାଏଲିୟାର୍ ମାଜିର୍‌ତି ଗିଣ୍‌ନି ହାମ୍‌ଦୁର୍‌ନି ବାଲି ଲାକେ ଆଡ଼ିସ୍ ପା କେବଲ୍ ବାକି ମୁକ୍ତି ଆନାକା ପାୟା ଆନାର୍ ।” ୨୮ “ଲାଗିଂ ମାପୁ ପୁତ୍ ତ ଜାର୍ ବଚନ୍‌ତ ବାତ୍ କିନାନ୍, ହେୱାନ୍ ହେଦାଂ ପୁରା ଲାକେ ଅଲପ୍ କିନାନ୍ ।” ୨୯ ଆରେ, ଇନେସ୍ ଜିସାୟ୍ ଆଗେ ଇଟାନ୍ନା, “ବୁଡ଼କୁ ମାପୁ ଜପି ମା କାଜିଂ ର ବାକି ଇଡ଼ଝାତାନ୍‌ମା, ବାଟିଙ୍ଗ୍ ଆସେଙ୍ଗ୍ ସଦମ୍ ଲାକେ ଆତାସ୍‌ମା, ଆରି ଗମରା ସମାନ୍ କିୟା ଆତାସ୍‌ମା ।”

ଇସ୍ବାଏଲ୍ କାଜିଂ ପାଉଲ୍‌ତି ପାର୍ତାନା

୩୦ ବାଟିଙ୍ଗ୍, ଆସେଙ୍ଗ୍ ଇନାକା ଇନାସ୍ ? ଇମ୍‌ଫା ପାତ୍ କିଝି ଜିହୁଦିର୍ ଦାମ୍ ଆଦେଂ ମାନ୍ କିଝାଦାଂ ମାଟାର୍, ହେୱାର୍ ଦାମ୍, ଇ ଲାକେ କି ପାତ୍ ଲାକେ ଦାମ୍, ଲାବ୍ କିତାର୍‌ନା । ୩୧ ମାତର୍ ଇସ୍ବାଏଲ୍

ଦାମ୍ବି ମସାତି ବିଦି ପାତେ ହାଲୁ ହାଲୁ ହେ ମସାତି ବିଦି ପାତେକ୍ ଏକାଞ୍ଚାତାନ୍ । ୩୭ ଇନେକିଦେଂ ?
 ଇନେକିଦେଂକି ହେଞ୍ଚାର ପାତ୍ ହୁକେ ହେଦାଂ ଦାହ୍‌ଞ୍ଚାଦାଂ କାମାୟ୍ ହୁକେ ଦାସ୍ତି ମାତାର୍ । ହେଞ୍ଚାର ହେ
 ବାଦା ହିଜି ମାନି କାଲ୍‌ଦ ବାଦା ପାୟାଜି ଉଜ୍‌ଡାର୍, ୩୮ ଇନେସ୍ ଲେକାମାନାଡ୍,
 “ହୁଡାର୍ ଆସେଙ୍ଗ୍ ସିୟନ୍‌ତ
 ର ବାଦା ବାରତି କାଲ୍ ଆରି ବାଦା ବାରତି କାଲ୍ ରବ୍‌ପ୍‌ନା,
 ଆରେ ଇନେର ତାତାକେ ପାତ୍ କିନାନ୍,
 ହେଞ୍ଚାନ୍ ଲାଜା ଆଉନ୍ ।”

୧୦

୧ ଏ ଟଣ୍ଡାର୍ ଆରି ତଣ୍ଡେକ୍, ହେଞ୍ଚାର ଇନେସ୍ ମୁକ୍‌ଡାଦେଂ ଆଡ୍‌ନାର୍, ଇଦାଂ ନା ଝାସ୍‌ନି ଆହା ଆରି
 ହେଞ୍ଚାର କାଜିଂ ଇସ୍‌ତ ଲାଗେ ନା ପାର୍ତାନା । ୨ ଇନେକିଦେଂକି ଇସ୍‌ତ ବିସ୍ତେ ଜେ ହେଞ୍ଚାରତି ଇତା
 ମାନାଡ୍, ଇଦାଂ ଆନ୍ ହେଞ୍ଚାର ପାକ୍ୟାତ ସାକି ହିନାଜା, ମାତର୍ ହେ ଇତା ଗିଆନ୍‌ମେହା ଆକାୟ୍ । ୩ ଲାଗିଂ
 ମାନାୟତି ଦାମ୍ବି କିଜି ଇଡ୍‌ଦେଂ କାଜିଂ ଇସ୍‌ର ହିଡ୍‌ତି ଦାମ୍ବି କାତା ବିସ୍ତେ ପୁନ୍‌ଞ୍ଚାଦାଂ ଆରି ଜାର୍ ଜାର୍
 ଦାମ୍ବି କାତା ରବ୍‌ରେଙ୍ଗ୍ ସେସ୍ତା କିଜି ହେଞ୍ଚାର ଇସ୍‌ରହିଡ୍‌ତି ଦାମ୍ବି କାତା ପୁନ୍‌ଞ୍ଚାତାୟ୍ । ୪ ଇନେକିଦେଂକି
 ଜାଣ୍‌କେ ପାତ୍ କିନାକାର୍ ପାକ୍ୟାତ ଦାମ୍ବି ଗାଣାକିୟା ଆନି କାଜିଂ କ୍ରିସ୍ ବିଦିନି ହାରିହାରା ।

ଝିଜାର୍ କାଜିଂ ମୁକ୍‌ଡାନାକା

୫ ଇନେକିଦେଂକି ମସା ଲେକିକିତାନ୍‌ନା, ଇମ୍‌ଣି ମାନାୟ୍ ବିଦିନି ଦାମ୍ବି ପାଲି କିନାନ୍, ହେଞ୍ଚାନ୍ ତା
 ହୁକେ ଜିନାନ୍ । ୬ ମାତର୍ ପାତ୍ ବାରତି ଦାମ୍ବି ଏଲେଙ୍ଗ୍ ଇନାଡ୍, “ମାତ୍ର ମାତ୍ର ଇନ୍‌ମାଟ୍ ‘ଇନେର ସାଗେ
 ଦୁମ୍‌ନାର୍’ ଇତିସ୍ କ୍ରିସ୍‌ଟ୍ ଜୁଡ୍‌ତି ତାନି କାଜିଂ ? ୭ କି ‘ଇନେର ପାତାଲ୍‌ତ ଜୁନାନ୍’ ଇତିସ୍, କ୍ରିସ୍‌ଟ୍ ହାତାକାର୍
 ବିତ୍ରେତାଂ ନିକ୍‌ତି ତାହିଞ୍ଚାନି କାଜିଂ ?” ୮ ଇନେକିଦେଂକି ସାସ୍ତର୍ ଇସାପ୍ରେ, “ଇସ୍‌ରତି କାତା ମି ଲାଗେ, ମି
 ମୁମ୍ ଆରି ମାତ୍ର ମାନାଡ୍ ।” ପାତ୍ ବିସ୍ତେ ଇ କାରୁର୍ ନେ ଆପ୍ ସୁଣାୟ୍ କିନାପା । ୯ ଲାଗିଂ ଏପେଙ୍ଗ୍ ଜଦି
 ଝାଈଦାଂ ଜିସ୍ତୁ ମାପୁ ଇଞ୍ଜି ମାନି କିନାଦେର୍, ଆରେ ଇସ୍‌ର ହେଞ୍ଚାନିଂ ହାତାକାର୍ ବିତ୍ରେତାଂ ନିକ୍‌ତାନ୍‌ନା
 ଇଞ୍ଜି ଝାସ୍‌ତି ପାତ୍ କିନାଦେର୍, ବାଟିଙ୍ଗ୍ ମୁକ୍ତି ଆନାକା ପାୟାନାନ୍; ୧୦ ଇନେକିଦେଂକି ଦାମ୍ବି କାତା
 ପାୟାନି କାଜିଂ ମାନାୟ୍ ଝାସ୍‌ତି ପାତ୍ କିନାନ୍ ଆରି ମୁକ୍‌ଡାନାକା ପାୟାନି କାଜିଂ ଝେଇଦାଂ ମାନି କିନାନ୍
 । ୧୧ ଲାଗିଂ ସାସ୍ତର୍ ଇନାଡ୍, ଇମ୍‌ଣାକାର୍ ହେଞ୍ଚାନ୍ ତାକେ ପାତ୍ କିତାର୍, ହେଞ୍ଚାନ୍ ଲାଜା ଆଉନ୍ ।
 ୧୨ ଇନେକିଦେଂକି ଜିହୁଦି ଆରି ଗ୍ରିକ୍ ବିତ୍ରେ ଇନାକାପା ବିନେ ଆକାୟ୍, ଲାଗିଂ ଝିଜାର୍‌ତି ତ ର ମାପୁ, ଆରେ
 ଏତେକ୍ ଲକ୍ ହେଞ୍ଚାନ୍‌ତି ଲାଗାଂ ପାର୍ତାନା କିତାର୍, ହେଞ୍ଚାନ୍ ଝିଜାର୍ କାଜିଂ ହେଞ୍ଚାନ୍ ଉପ୍‌କାର୍‌ନି ଦାନ୍‌ଲାକେ
 । ୧୩ ଇନେକିଦେଂକି ଇମ୍‌ଣାକାର୍ ମାପୁତି ତର୍ ଆସ୍ତି ପାର୍ତାନା କିନାନ୍, ହେଞ୍ଚାନ୍ ମୁକ୍ତି ଆନାନ୍ ।

୧୪ ବାଟିଙ୍ଗ୍ ଇନେରିଂ ହେଞ୍ଚାର୍ ପାତ୍ କିଞ୍ଚାତାୟ୍, ହେଞ୍ଚାନ୍ ଲାଗାଂ ଇନେସ୍ ପାର୍ତାନା କିତାର୍ ?
 ଆରେ ଇନେରତି କାତା ହେଞ୍ଚାର୍ ଝେନ୍‌ଞ୍ଚାତାୟ୍, ଇନେସ୍ ହେଞ୍ଚାନ୍‌ତାକେ ପାତ୍ କିତାର୍ ? ଆରେ
 ସୁଣାୟ୍‌କିନାକାର୍ ପିସ୍ତି ହେଞ୍ଚାର ଇନେସ୍ ଝେନାର୍ ? ୧୫ ଆରେ ପକ୍ୟାତାକାନ୍ ଆଝିତିସ୍ ଇନେସ୍ ସୁଣାୟ୍
 କିନାର୍ ? ଇନେସ୍ ଲେକାମାନାଡ୍, “ଇମ୍‌ଣାକାର୍ ନେକ୍ରି ବିସ୍ତେନି ନେକ୍ରିକାରୁର୍ ତାନାର୍, ହେଞ୍ଚାରତି ପାନା
 ଇନେସ୍ ହାର୍‌ମେହାଣ୍ ।” ୧୬ ମାତର୍ ଝିଜାର୍ ହେ ନେକ୍ରିକାରୁର୍ ମାନିକିଞ୍ଚାତାୟ୍ । ଇନେକିଦେଂକି ଜିସାୟ୍
 ଇନାନ୍, “ଏ ମାପୁ, ମା କାରୁର୍ ଝେନ୍‌ଞ୍ଜି ଇନେର ପାତ୍ କିତାର୍‌ନା ?” ୧୭ ଲାଗିଂ, ନେକ୍ରିକାରୁର୍ ଝେନି ହୁକେ
 ପାତ୍ ଉବ୍‌ଜା ଆନାଡ୍ ଆରି କ୍ରିସ୍‌ତି ବଚନ୍ ପର୍‌ତାର୍ କିନାକା ନେ ହେ ନେକ୍ରିକାରୁର୍ ।

୧୮ ମାତର୍ ଆନ୍ ଇନାଙ୍ଗ୍, ହେଞ୍ଚାର୍ କି ଝେନ୍‌ଞ୍ଚାତାୟ୍ ? ଆଁ ହାଡ୍‌ପା ସାସ୍ତର୍‌ତ ଲେକାମାନାଡ୍;
 “ସବୁ ପୁତ୍‌ତି ହେଞ୍ଚାରତି କାଟ୍,
 ଆରେ ପୁତ୍‌ତି ହାନ୍ଦି ପାତେକ୍ ହେଞ୍ଚାରତି ବଚନ୍ ଝିଣ୍ଡି ହାତାଡ୍‌ନା ।”

୧୯ ମାତର୍ ଆନ୍ ଇନାଙ୍ଗ୍, ଇସ୍‌୍ରାଏଲ୍ ଇନାକା ପୁନ୍‌ଞ୍ଚାତାୟ୍ ? ପର୍ତୁମ୍‌ତ ମସା ଇନାନ୍,
 “ଆସେଙ୍ଗ୍ ଗାଣା କିଆଞ୍ଜି
 ଜାତିର୍ ହୁକେ ମି ତାରା ଉବ୍‌ଜାୟ୍ କିନାପ୍,
 ର ବୁଦିହିଲ୍‌ଞ୍ଜି ଜାତି ହୁକେ ମିଙ୍ଗେଙ୍ଗ୍ ରିସାକିୟ୍ କିନାପ୍ ।”

୨୦ ତାପାତେ ଜିସାୟ୍ ସାସ୍‌ତାଂ ଇନାନ୍,
 “ଇମ୍‌ଣାକାର୍ ମାଙ୍ଗ୍ ଦାସ୍ତାଞ୍ଚାଦାଂ ମାତାର୍, ହେଞ୍ଚାର୍ ମାଙ୍ଗେଙ୍ଗ୍ ପାୟା ଆତାର୍;
 ଇମ୍‌ଣାକାର୍ ମା ବିସ୍ତେ ସୁଣାୟ୍ କିଞ୍ଚାଦାଂ ମାତାର୍, ହେଞ୍ଚାର୍ ଲାଗାଂ ଆସେଙ୍ଗ୍ ଚଞ୍ଜିୟା ଆତାସ୍ ।”

୨୧ ମାତର ହେୱାନ ଇସ୍ରାଏଲ ବିସ୍ତେ ଇନାନା, “ଆସେଙ୍ଗ୍ ବଲ୍ ମାନିକିୱାଦା ଆରି ଓଁଜୁ କୁଚୁମ୍ ମାନାୟାର୍ କାଜିଂ ଖେଡ଼ାବୁଡ଼ି କେଇ ଲାମାୟ କିନାପା ।”

୧୧

ଇସ୍ରାଏଲନିକାର୍ କାଜିଂ ଇସ୍ବରତି ଦୟା

୧ *ତେବେ ଆନ୍ ଇନାଙ୍ଗ୍, ଇସ୍ବର କି ଜାର୍ ଲକାରିଂ ପିସ୍ତାନ୍ନା ? ହେଦାଂ ଇନାଖାଡ଼ାଙ୍ଗ୍ ଆମେଡ଼, ଇନେକିଦେଂକି ଆନ୍ ପା ଅବ୍ରାହାମ୍ ଲାତ୍ରା ଉବ୍ଜାଣ୍ ବିନ୍ୟାମିନ୍ କୁଚୁମ୍ନି ରଖାନ୍ ଇସ୍ରାଏଲିୟ ଲକ୍ । ୨ ଇସ୍ବର ଜାରତି ଇମ୍ଣି ମାନାୟାରିଂ ଆଗେତାଂ ପୁନ୍ଞ୍ଜି ମାଚାନ୍, ହେୱାରିଂ ପିହିୱାଦାଂ ମାଚାନ୍ । ଏଲିୟତି ଲେକାତ ସାସ୍ବର ଇନାକା ଇନାଡ଼, ହେଦାଂକି ଏପେଙ୍ଗ୍ ପୁନ୍ଦେର୍ ? ହେୱାନ୍ ଇନେସ୍ ଇସ୍ରାଏଲ୍ ବିରୁଡ଼ତ ଇସ୍ବରତି ତାକେ ଗୱାରି କିନାନ୍, ୩ “ମାପୁ, ହେୱାର୍ ମି ବେଣ୍ବାକ୍ଣାୟକିନାକାରିଂ ଅସ୍ତାଣ୍ଣା, ମି ଗାର୍ଣିଙ୍ଗ୍ କାର୍ତାରନା, ଆରେ ଆନ୍ ରଖାଙ୍ଗ୍ ବାକି ମାନାଙ୍ଗ୍, ଆରେ ହେୱାର୍ ନା ଜିବୁନ୍ ଅଦେଂ ଦାସ୍ତାନାରା ।” ୪ ଏଲିୟଙ୍ଗ୍ ଇସ୍ବର ଇନା ଉତର୍ ହିଜି ମାନାନ୍ ? “ବାମ୍ଣାୟକିନି ପେନ୍ ବାଆଲ୍ ପୁଡ଼ଡ଼ାତିଂ ପୁଜା କିଜି ମାନ୍ଞି ସାଡ଼ ହାଜାର୍ ମାନାୟତିଂ ମା କାଜିଂ ଇଡ଼ତାପ୍ନା ।” ୫ ନଂ ସମାନ୍ ହେ ଲାକେ ଗିଟାତାଡ଼ନା । ଇସ୍ବର ଉପକାର୍ କିଜି ଇମ୍ଣାକାରିଂ ବାଟି କିଜି ମାଚାନ୍, ହେୱାର୍ତି ବିତ୍ରେତାଂ ଅଲପ୍ ଏଚେକ୍ ଜାଣ୍ ବାକି ମାନାର୍ । ୬ ଇସ୍ବର ହେୱାରିଂ ବାଟି କିତାନନା ଜାର୍ ଉପକାର୍ କାଜିଂ । ଜଦି ହେୱାର୍ତି ସଡ଼ କାମାୟ ଲାଗିଂ ଇସ୍ବର ହେୱାରିଂ ବାଟି କିଜି ମାଟିସ୍, ହେୱାର୍ତି ଉପକାର୍ ହାଡ଼ପା ଉପକାର୍ ଆଖାତାମ୍ ।

୭ ଖାଟିଂ ଇନାକା ଆତାଡ଼ ? ଇସ୍ରାଏଲିୟର୍ ଇନାକା ତେକ୍ତି ମାଚାର୍, ହେଦାଂ ଗାଟା ଆଖାତାର୍ । କେବଲ୍ ଇସ୍ବର ବାଟି କିତି ରଞ୍ଜାଙ୍ଗ୍ ହାରୁ କୁଦା ତାଦାଂ ଗାଟା ଆତାନ୍ । ବିନ୍ ଲଗୁ ଇନେର୍ ଇସ୍ବରତି କୁକ୍ତାକା କାଜିଂ ଦିଆନ୍ ହିଖାତାର୍ । ୮ ଇନେସ୍ ଲେକାମାନାଡ଼, “ଇସ୍ବର ନେଞ୍ଜେଙ୍ଗ୍ ପାତେକ୍ ହେୱାରିଂ ଆଟ୍ଞାନି ଜିବୁନ୍ ହିତାରନା, ଇ ଲାକେ କାଣ୍ କୁ ହିତାରନା, ଇନେସ୍ ହେୱାର୍ ହୁଡ଼ରୁ, ଆରେ ଇ ଲାକେ କିତୁଲ୍ ହିତାରନା, ଇନେସ୍ ହେୱାର୍ ଖେନ୍ରୁ ।” ୯ ହେୱାର୍ତି ବିସ୍ତେ ଦାଉଦ୍ ଲେକିକିତାନ୍ନା; “ହେୱାର୍ ଖାରିକିନି ଖେଡ଼ାଲିଂ ଡ଼କ୍ତାତ ଆରେ ।

ବୁଡ଼ା ଆଜି ତାଣ୍ ବଗ୍ କିଏର୍ ।”

୧୦ ଇନେସ୍ ହେୱାର୍ କାଣାଙ୍ଗ୍ ଆଜି ହୁଡ଼ଦେଂ ଆଡ଼ମେର୍,

ତାଈନାଡ଼ ଦୁକ୍ କସ୍ ବଗ୍ କିଜି କିଜି ହେୱାର୍ତି ମେଞ୍ଜାଙ୍ଗ୍ ଗଂଜି ହାଲେଡ଼ ।

୧୧ ଲାଗିଂ ଆନ୍ ଇଞ୍ଜନାଙ୍ଗ୍, ହେୱାର୍ ଇନାକା ନସ୍ତାନି କାଜିଂ ଅସ୍ବାର୍ ? ହେଦାଂ ଇନାଖାଡ଼ାଙ୍ଗ୍ ପା ଆମେଡ଼, ହେୱାର୍ ପାପ୍ କିତିଲେ, ହେୱାରିଂ ଆକର୍ ଆନି କାଜିଂ ପାତ୍ କିଞ୍ଜି ଜିହୁଦିର୍ ମୁକ୍ତାନାକାନି ଆଦିକାରି କିଆତାଡ଼ । ୧୨ ଜିହୁଦିତ୍ ପାପ୍, ଜଗଡ଼ତ ବିନ୍ ଲଗାଂ କାଜିଂ ବେସି ଆସିର୍ବାଦ୍ ତାହିଖାତାଡ଼ନା । ଜିହୁଦିତ୍ ଆମିକ୍ ଅକ୍ ଡ଼ କାଜିଂ ପାତ୍ କିଞ୍ଜି ଜିହୁଦିର୍ ଆସିର୍ବାଦ୍ନି ଦାନ୍ ଲାବ୍ କିତାଣ୍ଣା । ଜଦି ଓଁଜାର୍ ଜାତି ରାକ୍ୟା ପାୟାଦେଂ ଆଡ଼ତାଟ୍, ତାଆତିସ୍ ତାହୁଦାଂ ଆରେ ଏଚେକ୍ ଆଦିକ୍ ଆସିର୍ବାଦ୍ ଗାଟା ଆଉଡ଼ ?

ପାତ୍ କିଞ୍ଜି ଜିହୁଦିର୍ତି ମୁକ୍ତାନାକା

୧୩ ମାତର ବିନ୍ଜାତି ଜେ ଏପେଙ୍ଗ୍, ମିଙ୍ଗେଙ୍ଗ୍ ଆନ୍ ଇଞ୍ଜନାଙ୍ଗା । ଆନ୍ ପାତ୍ କିଞ୍ଜି ଜିହୁଦିର୍ କାଜିଂ ପକ୍ୟାତାକାନ୍ ନା ହେବା ପାଦ୍ନି ଜାଜମାଲ୍ କିନାଙ୍ଗା, ୧୪ ଇନେସ୍ ଇନେସ୍ବାନି ନା ନିଜାର୍ ଜାତିରିଂ ତିର୍କାଡ଼୍ କିୟକିଜି ହେୱାର୍ ବିତ୍ରେତାଂ ଏଚେକ୍ ଜାଣ୍ତିଂ ମୁକ୍ତି କିଦେଙ୍ଗ୍ ଆଡ଼ନା । ୧୫ ଇନେକିଦେଂକି ଜଦି ହେୱାର୍ତି ଦେହାକିନି ହୁକେ ପୁଡ଼ିତ ମେହାନାକା ଗିଟାତାଡ଼, ତେବେ ହେୱାର୍ତି ଇଟ୍ନାକା ହୁକେ ଇନାକା ହାଡ଼ପା ହାତାକାର୍ ବିତ୍ରେତାଂ ଜିବୁନ୍ ଲାବ୍ ଆଉଡ଼ ?

୧୬ ରୁଟିତାଂ ଇଚୁଟିଂ ଇସ୍ବର ତର୍ଦାଂ ପୁଜା କିଜି ମାଟିସ୍ ପୁଇପୁୟା, ସବୁ ରୁଟି ପା ପୁଜା କିତାକା ଇନ୍ୟାନାଡ଼ । ରଞ୍ଜାଙ୍ଗ୍ ମାର୍ଦିଂ ଦଲ୍ ପୁଜା ଆଜି ମାଟିସ୍, ତା କେନ୍ଦାଙ୍ଗ୍ ତାଡ଼ ପା ପୁଜା ଆକାଡ଼ ହିଆତାନ୍ନା ଇଞ୍ଜି ବାବି କିଦେଙ୍ଗ୍ ଆନାଡ଼ । ୧୭ ମାତର ଜଦି କେତେକ୍ କେନ୍ଦାଂ ତ୍ରିଙ୍ଗ୍ତିକ୍ ଆରି ଏପେଙ୍ଗ୍ ରାନ୍ତି ଜିଡ଼ ମାର୍ନି କେନ୍ଦାଂ ଆତିସ୍ପା ହେ ସବୁ ବିତ୍ରେ କଲମ୍ କିତାର୍, ଆରେ ହେୱାର୍ ଲାହାଙ୍ଗ୍ ଜିଡ଼ମାର୍ ଦଲ୍ନି ରାସ୍ନି ମେହା ଆତାର୍, ୧୮ ଲାଗିଂ ହେ ତାଡ଼୍ ବିରୁଡ଼ତ ଗରବ୍ କିମାଟ୍; ମାତର ଜଦି ଗରବ୍ କିୟାଟ୍, ଏପେଙ୍ଗ୍ ଜଦି ଦଲ୍ତିଂ ଆହ୍ଵାତାଦେଣ୍ଣା, ମତର୍ ଦଲ୍ ମିଙ୍ଗେଙ୍ଗ୍ ଆସ୍ତାଡ଼ନା, ଇଦାଂ ପୁନ୍ଞ୍ଜି ମାନାଟ୍ ।

୧୯ ଏପ୍ ଇଞ୍ଜେଙ୍ଗ୍ ଆଡ଼ନାଦେର୍, “ଆଁ, ମାତର୍ ନାଂ ବାହା ହିଦ୍ନି କାଜିଂ ତ ହେ କେନ୍ଦାଂ କାତ୍ୟା ଆଜି ମାଚାଡ଼ ।” ୨୦ ହେଦାଂ ହାଡ଼ପା । ହେୱାର୍ ପାତ୍ କିଞ୍ଜାକା ହୁକେ ହେୱାର୍ କାଟି କିତାର୍, ଏପେଙ୍ଗ୍ କେବଲ୍ ପାତ୍ ହୁଦାଂ ହେ ବାହା ଆଦିକ୍ତାଂ ଆଦିକ୍ କିତାଦେଣ୍ଣା । ମାତର୍ ଗରବ୍ କିଞ୍ଜାଦାଂ ପାଣ୍ଣା ଆଡ଼ । ୨୧ ଜଦି

☆ ୧୧:୧ ୧୧:୧ ପିଲିପିୟ ୩:୫.

ମାର୍ତ୍ତୀ ସବୁ କେନ୍ଦ୍ରୀୟ ଲାକେ ଇହୁଦିର ଇସ୍ରାଏଲ ହିସ୍ତାଦାଂ ପିସ୍ତ୍ର ହିସ୍ତାଦାନ୍, ମିଲୋଙ୍ଗ ଇନାକା ହେଝାନ୍ ପିସ୍ତ୍ର ହିଦନାନ୍ ? ୨୨ ଲାଗି, ଇସ୍ରାଏଲ ଦୟା ଆରି ତାଟ୍ ରୁଜା ଆତ; ଇମ୍ପାକାର ମୁଞ୍ଚିତାର, ହେଝାର କାଜି ଆଟ୍‌ଝା, ମାତର ଏପେଙ୍ଗ ଜଦି ଇସ୍ରାଏଲ ଦୟାତି ସାରାଣ ଆଜି ମାନାଟ୍, ତା ଆତିସ୍ ମି କାଜି ହେଝାନ୍ତି ଦୟା; ନଲେ ଏପେଙ୍ଗ ପା କାତ୍ୟାନାର । ୨୩ ଆରେ, ହେଝାର ଜଦି ପାତ୍ କିଝାକାତ ମାନୁର, ବାଟିଙ୍ଗ ହେଝାର ପା କଲମ୍ କିୟାନାର, ଇନେକିଦେଂକି ହେଝାରି ଆରେ ରଗ କଲମ୍ କିନି କାଜି ଇସ୍ରାଏଲ କିଦେଙ୍ଗ ଆଡ୍‌ନାନ୍ । ୨୪ ପାତ୍ କିଝି ଜିହୁଦିର ରାନ୍ତି ଜିଡ୍‌ମାର୍ତ୍ତୀ କେନ୍ଦ୍ରୀୟ ଲାକେ । ହେଦାଂ କାତ୍ୟା ଆଜି ମିଟ୍ ବାବ୍ରେ ବାଡ୍‌ନି ଜାଗ୍ରତ୍ କିତି ଜିଡ୍ ମାର୍ ଲାହାଂ ମେହାୟ କିଆତାନା । ଜିହୁଦି ଜାତି ବାଡ୍‌ନି ଜାଗ୍ରତ୍ କିତି ଜିଡ୍‌ମାର୍ ଲାକେ । ଇ ମାର୍ତ୍ତୀ କାଡ୍‌ତି କେନ୍ଦ୍ରୀୟ ଆରେରଗ ମାର୍ ଲାହାଂ ମେହାୟ କିନି ଇସ୍ରାଏଲି ପାକ୍ୟାତ ଆଡ୍‌ଝା ।

ଝିଜାର କାଜି ଇସ୍ରାଏଲ ଦୟା

୨୫ ଇନେକିଦେଂକି ଏ ଟଣ୍ଡାର ଆରି ତଣ୍ଡାଦେକ୍, ଏପେଙ୍ଗ ଇନେସ୍ ଜାର୍ ଜାର୍ତିଂ ବୁଦ୍ୟାର ଇଞ୍ଜି ମାନେ କିଡ୍‌ଦେର୍ ଇଦାଂ କାଜି ଏପେଙ୍ଗ୍ ଜେ ଇ ଡ଼ଲ୍ଲିହାଡ୍‌ପା ବିସ୍ତେ ପୁନ୍‌ଝାଦାଂ ମାନାସ୍, ଇଦାଂ ନା ଇତା ଆକାୟ, ଇତିସ୍, ଏଚେକ୍ ପାତେକ୍ ପାତ୍ କିଝି ଜିହୁଦିର ବାଟ୍ ଗିଣତ ହିସ୍ତାଦାଂନା, ହେ ପାତେକ୍ ଇସ୍ରାଏଲ୍ ବାଗ୍‌ତ ଆଟ୍‌ଝା ଆତାଡ୍‌ନା; ୨୬ ଆରେ, ଇବାନି ଝିଜାର ଇସ୍ରାଏଲ୍ ମୁକ୍ତା ଆନାର, ଇନେସ୍ ଲେକାମାନାଟ୍, “ସିୟନ୍‌ତାଂ ମୁକ୍ତିକିନାକାନ୍ ଜୁଦ୍‌ନାନ୍,

ହେଝାନ୍ ଜାକୁବ୍‌ତାଂ ଅଦାମ୍ ଦେହା କିନାନ୍ ।”

୨୭ ଆରେ, ଏଚେକାଡ୍‌ଡ୍ ଆସେଙ୍ଗ୍ ହେଝାର୍‌ତି ପାପ୍ ସବୁ ଚରି କିନାସ୍, ହେପାଦ୍‌ନା ଇଦାଂ ହେଝାର ଲାହାଙ୍ଗ୍ ମା ନିୟମ୍ ଆନାଟ୍ ।

୨୮ ନେକ୍ତିକାରୁର ବିସ୍ତେ ବିଚାର କିତିସ୍ ହେଝାର୍ ମି କାଜି ବିରୁଡ୍ ଆଦ୍‌ନାର, ମାତର ବାଟିକିତି ବିସ୍ତେ ବିଚାର କିତିସ୍ ଦାଦି ଅଜାର କାଜି ହେଝାର୍ ଝାରିନି ମାଜି । ୨୯ ଇନେକିଦେଂକି, ଇସ୍ରାଏଲ୍ ଦାନ୍ ସବୁ ଆରି କୁକ୍‌ନାକା ପଲ୍ୟା ଆଡ୍‌ଡ୍ । ୩୦ ଲାଗି ଏପେଙ୍ଗ୍ ଇନେସ୍ ଆଗେ ଇସ୍ରାଏଲ୍ ବଲ୍ ମାନି କିଝାଦାଂ ମାତାଦେର୍, ମାତର ନଙ୍ଗ୍ ହେଝାର୍‌ତି ବଲ୍ ମାନିକିଝାଦାଂ ହୁକେ ଦୟା ପାୟା ତାଦେଶ୍ଟା, ୩୧ ହେ ଲାକେ ଇଝାର୍ ପା ନଙ୍ଗ୍ ବଲ୍ ମାନିକିଝାକାର୍ ଆତାଶ୍ଟା, ଇନେସ୍ ମି କାଜି ହଡ୍‌ତାର୍ ଦୟା ହୁକେ ଇଝାର୍ ପା ନଙ୍ଗ୍ ଦୟା ଅୟାନାର । ୩୨ ଇନେକିଦେଂକି ଝିଜାରିଂ ଦୟା କିନି କାଜି ଇସ୍ରାଏଲ୍ ଝିଜାରିଂ ବଲ୍ ମାନିକିଝାଦାଂ ହେଲାୟ କିତାନା ।

ଇସ୍ରାଏଲ୍ ଜାଜ୍‌ମାଲ୍

୩୩ ଆ ! ଇସ୍ରାଏଲ୍ ବୁଦି ଆରି ଗିଆନ୍ ଲାକେ ଦାନ୍ କେତେ ସିମା ହିଲୁଡ୍ ! ହେଝାନ୍ତି ବିଚାର୍ ସବୁ ଇନେସ୍ ବେସି ବୁଦି ଆରି ହେଝାନ୍ତି ହାଜି ସବୁ ଇନେସ୍ ବୁଜାଆଡ୍‌ର୍ ! ୩୪ ଇନେକିଦେଂକି, ମାପୁତି ମାନ୍ ଇନେର୍ ପୁଟାଶ୍ଟା ?

କି ହେଝାନ୍ତି ବୁଜାୟ କିନାକାନ୍ ଇନେର୍ ଆତାଶ୍ଟା ?

୩୫ ନଲେ ଇନେର୍ ହେଝାନିଂ ପର୍ତ୍ତମତ୍ ଦାନ୍ କିତାନା,

ଆରେ ତାଙ୍ଗେଙ୍ଗ୍ ଇନାମ୍ ଦାନ୍ କିୟାନାଟ୍ ?

୩୬ ଲାଗି ଝିଜୁ ବିସ୍ତେ ହେଝାନ୍‌ତାଂ, ହେଝାନ୍ ହୁକେ ଆରି ହେଝାନ୍‌ତି କାଜିଂ; ଜୁଗ୍ ଜୁଗ୍ ଜାଜ୍‌ମାଲ୍ ହେଝାନ୍ତି । “ଆମେନ୍ ।” *



ଇସ୍ରାଏଲି ହେବାତ ଜିବୁନ୍

୧ ଲାଗି, ଏ ଟଣ୍ଡାର, ଆନ୍ ମିଲୋଙ୍ଗ୍ ଇସ୍ରାଏଲି ଦୟା କାଜିଂ ଗଝାରି କିଦ୍‌ନାଙ୍ଗା, ଏପେଙ୍ଗ୍ ଜାର୍ ଜାର୍ ଗାଗାଡ୍‌ତି ଜିବୁନ୍, ପୁଇପୁୟା ଆରି ଇସ୍ରାଏଲି ହାର୍ ଇଟ୍‌ନାକା ପୁଜାଲାକେ ଆକାଡ୍ ହିୟାଟ୍, ଇଦାଂ ତ ମିଦାଂ ହାର୍‌କା ପାର୍ତ୍ତାନା । ୨ ଏପେଙ୍ଗ୍ ଇ ନଙ୍ଗ୍ ଜୁଗ୍‌ନି ପାଚେ ହାଲ୍‌ମାଟ୍, ମାତର ଇନେସ୍ ଏପେଙ୍ଗ୍ ଇସ୍ରାଏଲ୍ ଇତା ଇନାକା ଇତିସ୍ ହାର୍‌ଦାକା, ହାର୍ ଇଟ୍ୟାନାକା ଆରି ହାର୍‌କା ବିସ୍ତେ ଇନାକା, ଇଦାଂ ପରିକ୍ୟା କିଜି ବୁଜାନାଦେର୍, ଇଦାଂ କାଜିଂ ଜାର୍ ଜାର୍ ମାନ୍‌ନି ପୁନାକା ହୁକେ ବାଦ୍‌ଲି ଆତ ।

୩ ଇନେକିଦେଂକି ନାଙ୍ଗ୍ ହିଡ୍‌ତି ଉପ୍‌କାର୍ ହୁକେ ଆନ୍ ମି ବିତ୍ରେ ମାନି ଝିଜୁ ଜାଣ୍‌ତିଂ ଇଞ୍ଜିନାଙ୍ଗା, ଜାର୍ ବିସ୍ତେ ଇନେସ୍ ବାବି କିମାଟ୍, ତା ତାଂ ଜାର୍‌ତିଂ ଆଦିକ୍ ଗାଜା ଇଞ୍ଜି ବାବି କିମାଟ୍; ମାତର ଇସ୍ରାଏଲ୍ ଇନେରିଂ ଇମ୍ପାଣି ଇସାବ୍‌ରେ ପାତ୍ ରଟ୍‌ତାଦେଶ୍ଟା, ହେ ଇସାବ୍‌ରେ ଝିଜୁ ଜାଣ୍ ବୁଦିକାରୟା ଲାକେ ଜାର୍ ବିସ୍ତେ ବାବି କିୟାଟ୍ । ୪ ଇନେକିଦେଂକି ଇନେସ୍ ର ଗାଗାଡ୍‌ତ୍ ମାଦାଂ ବେସି କେଇଗାଲ୍ ମାନାଟ୍, ମାତର ଝିଜୁ ଗାଗାଡ୍‌

* ୧୧:୩୬ ୧୧:୩୬ ଇନାକା ଆନାକା ଆସଡ୍ ଇଞ୍ଜି ଇନାସ୍ ଇଦିଲିଂ, “ଆମେନ୍” ✨ ୧୨:୪ ୧୨:୪ ୧ କରନ୍ତିୟ ୧୨:୧୨.

ସବୁନି କାମାୟ ର ବାନି ଆକାୟ, * ହେ ଲାକେ ବେସି ଜେ ଆସେଙ୍ଗ୍, ଆସେଙ୍ଗ୍ କ୍ରିଷ୍ଟତାକେ ର ଗାଗାଡ଼ ଆରି ଜାଣକେ ହାରି କେଇଟାଲ । ୬ *ଆରେ, ମାଙ୍ଗେଙ୍ଗ୍ ହିଡ଼ତି ଉପକାର୍ ଇସାବେ ଆପେଂ ବାରବିନି ଦାନ ପାୟାତାପନା; ଲାଗିଂ ହେ ଦାନ ଜଦି ବେଶ୍‌ବାକଣାୟକିନାକା ଆନାଡ଼, ଝାଡ଼ ଆସେଙ୍ଗ୍ ପାଟିନି ଏତେକ୍ ଇସାବେ ବେଶ୍‌ବାକଣାୟ କିନାସ୍; ୭ କି ହେଦାଂ ଜଦି ହେବାକାରୟା କାମାୟ ଆନାଡ଼, ତା ଆତିସ୍ ଝାଡ଼, ମା ହେବାକାରୟା କାମାୟତ ଲାଗିସ୍ ମାନାସ୍; ୮ ନଲେ ଇନେର୍ ହିକ୍ୟା ହିନାନାନ୍, ହେଝାନ୍ ସିକ୍ୟାଦାନ୍ତ କି ଇନେର୍ ଝାରିକିୟ୍ କିନାନ୍, ହେଝାନ୍ ଉପଦେସ୍ ଦାନ୍ତ ଲାଗିସ୍ ମାନେନ୍, ଇନେର୍ ଜାତୁନ୍ ଅନାନ୍, ହେଝାନ୍ ହୁଦାର୍ ବାବେ ଦାନ୍ କିଏନ୍; ଇନେର୍ ହାର୍ ମାନ୍ତାଙ୍ଗ୍ ହେଝାନ୍ ଜାତୁନ୍ତାଂ କିଏନ୍; ଇନେର୍ ଦୟା କିନାନ୍, ହେଝାନ୍ ପୁରାମାନ୍ତାଂ ହେଦାଂ କିଏନ୍ ।

୯ ଜିଉନନାକା କାପଟିୟା ଆଏଡ଼ । ଇନାକା ବାନିୟା, ହେଦାଂ ଗିଣ୍ କିୟାଟ୍; ଇନାକା ହାର୍, ହେବେ ଲାଗିସ୍ ମାନାଟ୍; ୧୦ ଟଣ୍ଡାର୍ ଜିଉତ ହାରି କାଜିଂ ଜିଉ ନନାକାଦେର୍ ଆଡ଼; ଝାରିତ ହାରିତିଂ ଗାଜା ଗିଆନ୍ କିୟାଟ୍; ୧୧ ତ୍ରିକାଡ଼ତ କାକାର୍ ଆମାଟ୍, ଜିରୁନ୍ତ ଗରମ୍ ଆଡ଼; ପୁରା ବକ୍ତିତାଂ ମାପୁତି ହେବା କିୟାଟ୍; ୧୨ ବାସିଂତ ଝାରି କିୟାଟ୍; ଦୁକ୍ତ ହୁଦାର୍ ଆଡ଼; ପାଟାନାତ ଏକା ସମାନ୍ ଲାଗିସ୍ ମାନାଟ୍ । ୧୩ ସାଦୁର୍ତି ଅବାବ୍ ଉପକାର୍ କିୟାଟ୍; ସସ୍ ହିନିତ ମେହା ଆଡ଼ ।

୧୪ *ଇମ୍‌ଣାକାର୍ ମିଙ୍ଗେଙ୍ଗ୍ ଇଣ୍ କିଦ୍‌ନାର୍, ହେଝାରିଂ ଆସିର୍ବାଦ୍ କିୟାଟ୍; ଆସିର୍ବାଦ୍ କିୟାଟ୍ ରାଣ୍ ହିମାଟ୍ । ୧୫ ଇମ୍‌ଣାକାର୍ ଝାରି କିନାର୍, ହେଝାର୍ ଲାହାଙ୍ଗ୍ ଝାରି କିୟାଟ୍; ଇମ୍‌ଣାକାର୍ ଆଡ଼ବାନାର୍, ହେଝାର୍ ଲାହାଙ୍ଗ୍ ଆଡ଼ବାଟ୍ । ୧୬ ହାରି କାଜିଂ ରମାନ୍ ଆଡ଼; ବାନ୍ୟାମାନାୟ ଆଝାଦାଂ ହିଲ୍‌ଝାକାରିଂ ମେହା ଆଡ଼ । ଜାର୍ ଜାର୍ ବୁଦିତ ବାବି କିମାଟ୍ ।

୧୭ ବାନିୟା ବାଦୁଲ୍ ଇନେରିଂ ବାନିୟା କିମାଟ୍; ଝିଜାର୍ ମାନାୟରିଂ କାଣ୍‌କୁତ ଇନା ଇନାକା ହାର୍‌ଦାକା, ହେ ସବୁ ଚିନ୍ତା କିୟାଟ୍; ୧୮ ଆଡ଼ତିସ୍, ମିଦାଂ ଏତେକ୍ ପାତେକ୍ ଆଡ଼ନାଦେର୍, ଝିଜାର୍ ମାନାୟାର୍ ଲାହାଙ୍ଗ୍ ସୁସ୍ତାତ ମାନାଟ୍ । ୧୯ ଏ ଝାରିନିକାଦେର୍, ଏପେଙ୍ଗ୍ ନିଜେ ନିଜେ ବାଦ୍‌ଲି ଅମାଟ୍, ମାତର୍ ରିସା କାଜିଂ ବାହା ପିସ୍ତ୍ରି ହିୟାଟ୍; ଇନେକିଦେଂକି ଲେକାମାନାଡ଼, “ମାପୁ ଇନାନ୍, ବାଦ୍‌ଲି ଅନାକା ମା ଆଦିକାର୍, ଆପ୍ ତା କାମାୟନି ପାଡ଼ ହିନାପ୍ ।” ୨୦ ଇତିସ୍ ଜଦି ମି ସାତୁ ନାସକି, ଲାଗିଂ ତାଙ୍ଗ୍ ଚିଟ୍‌ପାଟ୍; “ଜଦି ହେଝାନ୍ ଏସକି ତାଙ୍ଗ୍ ଉଟ୍‌ପାଟ୍; ଇନେକିଦେଂକି ଏଲେଙ୍ଗ୍ କିତିସ୍ ଏପେଙ୍ଗ୍ ତା କାପଡ଼ା ଜପି ଆହ୍‌ନି ଗତାଂ ଗାଦି କିନାଦେର୍ ।” ୨୧ ବାନିୟା କାମାୟତ ଆରା ଆମାଟ୍ ଝିଜୁ ବାନ୍ୟା ବିସ୍ତେ ହାର୍‌ଦି ବେବାର୍ ହୁକେ ଜିତା ଆଡ଼ ।

୧୩

ସାସନ୍ କିନାକାର୍ କାଜିଂ କାମାୟ

୧ ଜାଣକେ ଜାଣ୍ ଆଦିକାର୍ ଗାଟାତି ସାସନ୍‌କାର୍‌ଆତି ତଲ୍ୟା ଆନାସ୍, ଇନେକିଦେଂକି ଆଦିକାର୍ କେବଲ୍ ଇସ୍‌ବୁର୍ତାଂ ଝାନାଡ଼, ଆରେ ଇନେନ୍ ଝିଜୁ ଲକୁ ଆଦିକାର୍ ପାୟାତି ସାସନ୍‌କାରୟା ମାନାନ୍, ହେଝାର୍ ଇସ୍‌ବୁର୍ତି ହୁଦାଂ ବାଟିକିୟାତାକାନ୍ । ୨ ଲାଗିଂ, ଇନେନ୍ ଆଦିକାର୍ ଟେବାୟ୍ କିନାନ୍, ହେଝାନ୍ ଇସ୍‌ବୁର୍ ରଟ୍‌ଚାକାଦ୍‌ଲିଂ ଟେବାୟ୍ କିନାନ୍, ଆରେ ଇମ୍‌ଣାକାର୍ ଟେବାୟ୍ କିନାର୍, ହେଝାର୍ ଜାର୍ ଜାର୍ ଜପି ତାଣ୍ ଗିଟାୟ୍‌କିନାର୍ । ୩ ଇନେକିଦେଂକି ମୁଡ଼ଦାକାର୍ ହାର୍ କାଜିଂ ପାଣ୍ଡାନାକାର୍ ଆକାୟ, ମାତର୍ ବାନ୍ୟା କାମାୟ କାଜିଂ ପାଣ୍ଡା ଆନାଦେର୍ । ଏପେଙ୍ଗ୍ କି ଆଦିକାର୍ ପାୟାତି ସାସନ୍‌କାରୟା ଲାଗାଂ ପାଣ୍ଡା ଆଝାଦାଂ ଇଟା କିନାଦେର୍ ? ବାଟିଙ୍ଗ୍ ହାଦିଂ କାମାୟ କିୟାଟ୍, ତା ଆତିସ୍ ହେଝାନ୍ତାଂ ଝାରିକିୟ୍‌କିଆ ଆନାଦେର୍, ୪ ଏନେଙ୍ଗ୍ ହାର୍ କିଦେଙ୍ଗ୍ କାଜିଂ ହେଝାନ୍ ଇସ୍‌ବୁର୍ତି ବାଟିକିୟାତାକାନ୍ । ମାତର୍ ଏପେଙ୍ଗ୍ ଜଦି ବାନ୍ୟାକାମାୟ କିଜି ମାନାଟ୍, ଝାଟିଂ ସାସନ୍‌କାରୟା ଲାହାଂ ପାଣ୍ଡା ଆଡ଼, ଇନେକିଦେଂକି ମିଙ୍ଗେଙ୍ଗ୍ ତାଣ୍ ହିନି କାଜିଂ ହାପୁରଟେ ହେଝାନ୍ତି କେମ୍‌ତା ମାନାଡ଼ । ହେଝାନ୍ ଇସ୍‌ବୁର୍ତି ବାଟିକିତି ହେବାକାରୟା । ବାନ୍ୟା କାମାୟ କିନାକାରିଂ ସାସନ୍ କିଦେଙ୍ଗ୍ ହେଝାନ୍ ଇସ୍‌ବୁର୍ତି ବଲ୍ ପାଲି କିନାନ୍ । ୫ ଲାଗିଂ ଏପେଙ୍ଗ୍ ସାସନ୍‌କାରୟାତି ବଲ୍ ମାନିକିନାକା ଲଡ଼ା-କେବଲ୍ ଇସ୍‌ବୁର୍ତି ଦାଣ୍ ପାଣ୍ଡୁତାଂ ଆକାୟ, ମତର୍ ନିଜେ ଚିନ୍ତାନ୍ ନାସ୍‌ତାଂ ରାକ୍ୟା ପାୟାନ୍ କାଜିଂ । ୬ ଲାଗିଂ ଇ କାରଣ୍‌ତାଂ ଏପେଙ୍ଗ୍ ସିସ୍ ପା ହିଜି ମାନାଦେର୍, ଇନେକିଦେଂକି ହେଝାର୍ ଇସ୍‌ବୁର୍ତି ହେବାକାରି ଲାକେ ଇ କାମାୟତ ଲାଗିସ୍ ମାନାର୍ । ୭ ଇନେରିଂ ଇନାକା ଗାଟାନାଡ଼, ହେଝାନିଂ ସିସ୍ ହିଆଟ୍; ଇନେରିଂ ହିଦେଂ ଆନାଡ଼, ହେଝାନିଂ ହିଆଟ୍, ଇନେରିଂ ଟିକସ୍ ହିଦେଂ ଆନାଡ଼, ହେଝାନିଂ ସିସ୍ ହିଆଟ୍, ଇନେରିଂ ପାଣ୍ଡା ଆୟାନାଡ଼, ହେଝାନିଂ ପାଣ୍ଡା ଆଡ଼, ଇନେରିଂ ଝାରିଆନାଡ଼, ହେଝାନିଂ ଝାରିକିଆଟ୍ ।

ଟଣ୍ଡେନ୍ ଲାକେ ଜିଉନଝାଟ୍

* ୧୨:୬ ୧୨:୬ ୧ କରକ୍ତିୟ ୧୨:୪-୧୧. * ୧୨:୧୪ ୧୨:୧୪ ମାତିଉ ୫:୪୪; ଲୁକ ୬:୨୮.

ଠ ହାରିତିଂ ଜିଉନନାକା ପିସ୍ତି ଆରେ ଇନେର୍ ତାକେ ରିଶୟା ଆମାଟ୍, ଇନେକିଦେଂକି ଇନେର୍ ବିନ୍ ଲଗାଙ୍ଗ୍ ଜିଉନନାନ୍, ହେୱାନ୍ ବିଦି ପୁରା କିନି ଲଡା । ୯ “ଇନେକିଦେଂକି ଦାରି କିମାଟ୍, ନାର୍ତିଂ ଟୁଣ୍ଫାଟ୍, ଚରି କିମାଟ୍, ଲାବ୍ଡି ଆମାଟ୍, ଆରେ ଜଦି ଆରେ ଇମ୍ଫାକା ପା ବଲ୍ ମାଟିସ୍, ହେଦାଂ ସାର୍ ବାବ୍ରେ ଇ ବଚନି ମାନାକାନ୍ ଆନାନ୍, ଲାଗିଂ, ପାଡ଼ହା ଇଞ୍ଜାକାରିଂ ୱାସ୍ତିଲାକେ ଜିଉନଞ୍ଜାଟ୍ । ୧୦ ଏନେଙ୍ଗ୍ ରଞ୍ଜାନିଂ ଜିଉନଜି ମାଟିସ୍, ହେୱାନ୍ କାଜିଂ ଇନାଞ୍ଜାଡ଼ାଂ ପା ଅନ୍ୟାୟ୍ କିଉଦେର୍ । ଲାଗିଂ ଜିଉନନାକା ହୁକେ ନେ ଓଁଜୁ ବିଦି ମାନି କିୟାନାଡ଼ ।

୧୧ ଆରେ, ନଙ୍ଗ୍ ମି ହୁଟ୍‌କାଣ୍ଡକୃତାଂ ଜାଗ୍ରଟ୍ ଆନି ସମୁ ଜେ ଇକାଞ୍ଜାତାଡ଼, ଇଦାଂ ପୁନ୍‌ଞ୍ଜି ଇ ସବୁ କିୟାଟ୍; ଇନେକିଦେଂକି ମା ପାତର୍ କିନି ଦିନ୍‌ତାଂ ନଂ ମୁକ୍ତାନାକା ମାଦାଂ ଆଦିକ୍ ଲାଗେ । ୧୨ ନାଶା ଅଜଡ଼୍ ଆନାତା, ଦିନ୍ ଲାଗେ; ଲାଗିଂ ୱାଡୁ, ଆସେଙ୍ଗ୍ ମାଜ୍‌ଗାନି କାମାୟ୍ ସବୁ ପିସ୍ତି ଅଜଡ଼ିନି ଆତିୟାର୍ ଲାକେ ଜାଲ୍‌ଦି କିଜି ଉସ୍‌ପାନାସ୍ । ୧୩ ରଙ୍ଗ୍‌ରାସ୍‌ଆ ଆରି କାଲିଂ‌ଉଶାକା, ବାନ୍ୟାକାମାୟ୍ ଆରି ଦାରିକାମାୟ୍, ଗଣ୍ଡଗଲ୍ ଆରି ରିସାତ ଚିନ୍ତା କିଞ୍ଜାଦାଂ ୱାଡୁ, ଆସେଙ୍ଗ୍ ଦିନ୍‌ନି ହାର୍‌ଦାଂ ଚିନ୍ତା କିନାସ୍ । ୧୪ ଆରେ ମାପୁ ଜିସୁ କ୍ରିସ୍ଟିଂ ଏପେଙ୍ଗ୍ ହେନ୍ଦା ଲାକେ ଉସ୍ପାଟ୍, ଆରେ ବାନ୍ୟାଆହା ହପ୍‌ପିସ୍ ଗାଗାଡ଼୍ କାଜିଂ ଜାଲ୍‌ଦି କିମାଟ୍ ।”

୧୪

ଚଣ୍ଡେନ୍‌ଡି ଦସ୍ ଆହ୍‌ମାଟ୍

୧୫ ପାତର୍ ତ ଇନେର୍ ନାଦାର୍, ତାଙ୍ଗ୍ ଇଟାଟ୍, ମାତର୍ ବିନ୍ ବିନ୍ ମାନ୍ତି ବିସ୍ତେ ଗାଣ୍ଡୁ କିନି କାଜିଂ ହେଦାଂ କିମାଟ୍ । ୧୬ ସବୁ ଜିନିସ୍ ତିନି କାଜିଂ ରଞ୍ଜାନ୍ ମାନାୟ୍ ପାତର୍ ମାନାଡ଼, ମାତର୍ ଇନେର୍ ପାତର୍ ତ ନାଦାର୍, ହେୱାନ୍ କେବଲ୍ କୁଟା ତିନାନ୍ । ୧୭ ଇନେନ୍ ତିନାନ୍, ହେୱାନ୍ ଲାୟ୍ ତିନ୍‌ଞ୍ଜି ମାନାୟ୍‌ତିଂ ବେକାର୍ ଇନମା; ଆରେ, ଇନେନ୍ ଲାୟ୍ ତିନୁନ୍, ହେୱାନ୍ ଲାୟ୍ ତିନି ଲକୃତି ବିଚାର୍ କିମେନ୍, ଇନେକିଦେଂକି ଇସ୍‌ବର୍ ତାଙ୍ଗ୍ ଇଡ଼‌ତାନ୍ନା । ୧୮ ଏପ୍ ଇନେର୍ ଜେ ବିନ୍ ଆଡିଏନ୍‌ନି ବିଚାର୍ କିନାଦେରା ? ହେୱାନ୍ ଜାର୍ ମାପୁ ଲାଗାଂ ତିର୍ ମାନାନ୍ କି ମୁଞ୍ଜନାନ୍; ଆଁ, ତାଙ୍ଗେଙ୍ଗ୍ ତିର୍ କିୟାନାଡ଼, ଇନେକିଦେଂକି ତାଙ୍ଗେଙ୍ଗ୍ ତିର୍ କିଦେଙ୍ଗ୍ ମାପୁତି ସାକ୍ତି ମାନାଡ଼ ।

୧୯ ରଞ୍ଜାନ୍ ମାନାୟ୍ ର ଦିନ୍ ବାଟା ବିନ୍ ଦିନ୍‌ତିଂ ଆଦିକ୍ ଇଜଡ଼ କିନାନ୍, ଆରେ ରଞ୍ଜାନ୍ ସବୁନାଜିଂ ସମାନ୍ ଲାକେ ଇଜଡ଼ କିନାନ୍ । ଓଁଜାର୍ ମାନାୟ୍ ଜାର୍ ମାନ୍ତି ବିଚାର୍ କିଏନ୍ । ୨୦ ଇନେର୍ ହାର୍ ଦିନ୍ ବାବି କିନାନ୍, ହେୱାନ୍ ମାପୁତି ଉଦେସ୍ ହେଦାଂ ମାନି କିନାନ୍; ଆରେ ଇନେର୍ ତିନାନ୍, ହେୱାନ୍ ମାପୁତି ଉଦେସ୍ ତିନେନ୍, ଇନେକିଦେଂକି ହେୱାନ୍ ଇସ୍‌ବର୍‌ତିଂ ଦନ୍ୟବାଦ୍ ହିନାନ୍; ଆରେ ଇନେର୍ ତିନୁନ୍, ହେୱାନ୍ ମାପୁତି ଉଦେସ୍ ତିନୁନ୍ ଆରି ଇସ୍‌ବର୍‌ତିଂ ଦନ୍ୟବାଦ୍ ହିନାନ୍ । ୨୧ ଇନେକିଦେଂକି ମା ବିତ୍ରେତାଂ ଇନେର୍ ଜାର୍ କାଜିଂ ଜିଉନ୍, ଆରି ଜାର୍ କାଜିଂ ହାଉନ୍ । ୨୨ ଲାଗିଂ, ଜଦି ଆସେଙ୍ଗ୍ ଜିନାସ୍, ତେବେ ମାପୁତି କାଜିଂ ଜିନାସ୍, କି ଜଦି ହାନାସ୍, ବାଟିଙ୍ଗ୍ ମାପୁତି କାଜିଂ ହାନାସ୍ । ଇଚିସ୍, ଜଦି ଆସେଙ୍ଗ୍ ଜିନାସ୍ କି ହାନାସ୍, ଆସେଙ୍ଗ୍ ମାପୁତି ଆନାସ୍ । ୨୩ ଇନେକିଦେଂକି କ୍ରିସ୍ଟ ଇନେସ୍ ହାକି ଆରି ଜିବୁନ୍ ରିୟାର୍‌ତି ମାପୁ ଆନାନ୍, ହେଦାଂ କାଜିଂ ହେୱାନ୍ ହାତାନ୍, ଆରେ ଆରେ ଜିତାନ୍ । ୨୪ ମାତର୍ ଏପେଙ୍ଗ୍ ଇନେକିଦେଂ ଜାର୍ ଚଣ୍ଡେନ୍‌ନିଂ ବିଚାର୍ କିନାଦେରା ? କି ଏପେଙ୍ଗ୍ ଇନେକିଦେଂ ଜାର୍ ଚଣ୍ଡେନ୍‌ନିଂ ଅଲ୍‌ଗା ହୁଡ଼ନାଦେରା ? ଆପେଂ ଓଁଜାକାପ୍ ତ ଇସ୍‌ବର୍‌ତି ବିଚାର୍ ବାହାନି ମୁମ୍‌ଦ ନିଲ୍‌ନାସ୍ । ୨୫ ଲାଗିଂ ଲେକାମାନାଡ଼,

“ମାପୁ ଇନାନ୍, ଆପ୍ ଜିବୁନ୍ ମାନି ପାତେକ୍,
 ଓଁଜାର୍ ମେଣ୍ଡାଂ ମା ମୁମ୍‌ଦ ତାଣ୍ଡାହାଣ୍ ମାଗ୍‌ନାକା,
 ଆରେ ଓଁଜୁ ଝେନ୍‌ଲ୍ ଇସ୍‌ବର୍ କେର୍‌ନାଡ଼ ।
 ୨୬ ଲାଗିଂ, ମାଦାଂ ଓଁଜାର୍ ମାନାୟାରିଂ ଇସ୍‌ବର୍ ମୁମ୍‌ଦ ଜାର୍ ଜାର୍‌ତି ଇସାବ୍ ହିୟାନାଡ଼ ।”

ଚଣ୍ଡେନ୍‌ଡି ବୁଡାୟ୍ କିମାଟ୍

୨୭ ଲାଗିଂ ୱାଡ, ଆପ୍ ଆରେ ହାରି ବିଚାର୍ କିଉସ୍; ମତର୍ ଇନେର୍ ଇନେସ୍ ଜାର୍ ଚଣ୍ଡେନ୍‌ଡି ହାଜିଡ଼ ବାଦା ଲାଗଦି ନଲେ ବୁଡାନାକା ବିସ୍ତେ ଇଚୁନ୍ ଇଦାଂ ଏପେଙ୍ଗ୍ ବିଚାର୍ କିୟାଟ୍ । ୨୮ ଆନ୍ ପୁନାଙ୍ଗ୍ ଆରି ମାପୁ ଜିସୁତି ତାକେ ହାଡ଼‌ପା ଗିଆନ୍ କିନାଙ୍ଗ୍ ଜେ, ଇମ୍ଫାକା ପା ବିସ୍ତେ ନିଜେ ସକଟ୍ ଆକାୟ୍, ମାତର୍ ଇମ୍ଫାକାର୍ ଇମ୍ଫାକା ପା ଜିନିସ୍‌ତିଂ ସକଟ୍ ଆକାୟ୍ ଇଞ୍ଜି ପାତର୍ କିନାନ୍, କେବଲ୍ ହେଦେଲିଂ କାଜିଂ ହେଦାଂ ସକଟ୍ ଆକାୟ୍ । ୨୯ ଇନେକିଦେଂକି ମି ଚଣ୍ଡେନ୍ ଜଦି କାଦି କାଜିଂ ଦୁକ୍ ଆନାନ୍, ତା ଆତିସ୍ ଏପେଙ୍ଗ୍ ଆରେ ଜିଉନନିତ ବେବାର୍ କିଉଦେରା । ଇମ୍ଫାକା କାଜିଂ କ୍ରିସ୍ଟ ହାତାନ୍, ହେଦାଂ ଏପେଙ୍ଗ୍ ମି କାଦି ହୁକେ ନସ୍ କିମାଟ୍ । ୩୦ ଏପେଙ୍ଗ୍ ଇନେରିଂ ହାର୍ ଇଞ୍ଜି ମାନେ କିନାଦେରା, ତାହୁଦାଂ ମିଦାଂ ତର୍ ନିୟା ଆମେଡ଼

☆ ୧୪:୧ ୧୪:୧ କଲସିୟ ୨:୧୭. ☆ ୧୪:୧୦ ୧୪:୧୦ ୨କରନ୍ତିୟ ୫:୧୦.

। ୧୭ ଇନେକିଦେଂକି ଇସ୍ତର୍ ରାଜି ତିନାକା ଉଶାକା ଆକାୟ୍, ମାତର୍ ଦାମ୍, ସୁସ୍ତା ଆରି ପୁଇପୁୟା ଜିବୁନ୍ତି ତାକେ ଖାରି ଆନାତ୍ । ୧୮ ଲାଗିଂ ଇନେର୍ ଇ ବିସ୍ତେ କ୍ରିସ୍ତୁତି ହେବା କିନାନ୍, ହେଖାନ୍ ଇସ୍ତର୍ ଲାଗାଂ ଇଟ୍ୟାନାକାନ୍ ଆରି ମାନାୟାର୍ ଲାଗାଂ ପରିକ୍ୟାସିଦ୍ ଆନାନ୍ ।

୧୯ ଇତିସ୍ ଖାତ, ଇମ୍ଫାଣି ଇମ୍ଫାଣି ବିସ୍ତେ ସୁସ୍ତାନିକା, ଆରେ ଇମ୍ଫାଣି ଇମ୍ଫାଣି ବିସ୍ତେ ହୁକେ ହାରି ହାରି ରବ୍ନାସ୍, ହେ ସବୁନି ଆସେଙ୍ଗ୍ ପାଚେ ପାଚେ ହାନାସ୍ । ୨୦ କାଦି କାଜିଂ ଇସ୍ତର୍ କାମାୟ୍ ନସ୍ କିମାଟ୍ । ଓଁଜୁ ବିସ୍ତେ ଆତିସ୍ପା ସକର୍; ଆତିସ୍ପା ଇମ୍ଫାଣି ମାନାୟ୍ ଇନାକା ତିନାକା ବାଦା ପାୟାନାନ୍, ହେଦାଂ ପାକ୍ୟାତ ହେଦାଂ ବାନିୟା । ୨୧ ଜେଇ ତିନାକା କି ଅଙ୍ଗୁର୍ ରାସ୍ ଉଶାକା କି ଇମ୍ଫାଣି ବିସ୍ତେ ମି ଟଣ୍ଡେନ୍ତି ବାଦା ଆତିସ୍, ହେଦାଂ କିଓତିସ୍ ହାରି । ୨୨ ମି ଇମ୍ଫାଣି ପାଚ୍ ମାନାତ୍, ହେଦାଂ ଏପେଙ୍ଗ୍ ଇସ୍ତର୍ ମୁମ୍ଫଦ ଜାର୍ ଖାୟିତାଂ ଆସ୍ତ୍ର ମାନାଟ୍ । ଇନେର୍ ଇନାକା ପରିକ୍ୟାସିଦ୍ ଇଞ୍ଜି ବାବିକିନାନ୍, ହେଖାନ୍ ଜଦି ହେବେ ଜାର୍ତିଂ ଦସି କିଉନ୍, ତେବେ ହେଖାନ୍ ଦନ୍ୟ । ୨୩ ମାତର୍ ଇନେର୍ ରିମାନ୍ୟାଜି ତିନାନ୍, ହେଖାନ୍ ଦାଣ୍ଡ ପାୟାନାନ୍, ଇନେକିଦେଂକି ହେଖାନ୍ ପାଚ୍ ତ ତିନୁନ୍; ଆରେ ଇନାକା ଉଚୁଟିଂ ପାଚ୍ ତାଂ ଆଉଡ୍, ହେଦାଂ ପାପ୍ ।

୧୫

ବିନେନିକାରିଂ ଖାରିକିୟ୍ କିୟାଟ୍ ଜାର୍ତିଂ ଆକାୟ୍

୧ ଇନେର୍ ପାଚ୍ ତ ଆଟ୍ଝା, ହେଖାନ୍ ନାଦାର୍ ପାଚ୍ ଟଣ୍ଡେନିଂ ଦସ୍ ନାଦାର୍ କାଜିଂ କିଆଣ୍ ଆଏର୍ । ଇନେର୍ କେବଲ୍ ଜାର୍ତିଂ ଖାରି କିନି କାଜିଂ ଇଟା କିମେନ୍ । ୨ ନଲେ ବିନିକାରି ହାରି କାଜିଂ ଆରି ହେଖାନ୍ତି ପାଚ୍ ବାପୁ କିନି କାଜିଂ ହେଖାରିଂ ଖାରି ଇଟ୍ନାକା ମା ଲଡା । ୩ କ୍ରିସ୍ତୁ ଜାର୍ତି ସୁକ୍ କାଜିଂ ମୁଡେ କିଓଦାଂ ମାଟାନ୍ । ନଲେ ସାସ୍ତର୍ ବଚନ୍ ଇସାପ୍ରେ, “ହେଖାନ୍ ମିଙ୍ଗେଙ୍ଗ୍ ହିଜିମାଞ୍ଜିନି ଅପ୍ମାନ୍ ଆନ୍ ହୁଞ୍ଜନାଙ୍ଗା ।” ୪ ଆରେ ଆସେଙ୍ଗ୍ ଇନେସ୍ ସାସ୍ତର୍ ଇସାବ୍ରେ ସାସ୍ ଆରି ଦୁକ୍ସାରାୟ୍ ହୁକେ ବାସ୍ ପାୟା ଆନାସ୍, ଇଦାଂ କାଜିଂ ଆଗେ କାଡ୍ଫ ଇନା ଇନାକା ଲେକା ଆଜି ମାଟାଟ୍, ହେ ସବୁ ମା ହିକ୍ୟା କାଜିଂ ଲେକା ଆତାଡ୍ନା । ୫ କ୍ରିସ୍ତୁ ଜିସ୍ତୁତି ଖାରିନି ପାଚେ ଲାକେ ଓଁଜାର୍ତି ହେ ବାନି ମାନ୍ ବାବ୍ନା ଆନି କାଜିଂ ସାସ୍ ଆରି ଖାରିନି ଆଦାର୍ ଇସ୍ତର୍ ମିଙ୍ଗେଙ୍ଗ୍ ବାପୁ କିଦେନ୍ । ୬ ଇନେସ୍ ର ମାନ୍ଦାଂ ର ଖାଇଦାଂ ଏପେଙ୍ଗ୍ ଇସ୍ତର୍ ଆରି ମା ମାପୁ ଜିସ୍ତୁ କ୍ରିସ୍ତୁତି ଆବାତି ଜାଜ୍ମାଲ୍ କିୟାଟ୍ ।

ପାଚ୍ କିଓ ଜିହୁଦିର୍ କାଜିଂ ହାରି କାରୁର୍

୭ ଲାଗିଂ ଇସ୍ତର୍ ଜାଜ୍ମାଲ୍ କାଜିଂ କ୍ରିସ୍ତୁ ଇନେସ୍ ମିଙ୍ଗେଙ୍ଗ୍ ଇଡ୍ଡାତାନ୍, ଏପେଙ୍ଗ୍ ପା ହେ ଲାକେ ହାରିତିଂ ଇଟାଟ୍ । ୮ ଇନେକିଦେଂକି ଆନ୍ ଇଞ୍ଜନାଙ୍ଗ୍, କ୍ରିସ୍ତୁ ଇସ୍ତର୍ ହାଡ୍ପା କାଜିଂ ସୁନ୍ନଡ୍ ମାନାୟାରିଂ ହେବାକାରିୟା କିୟା ଆତାଡ୍ନା, ଇନେସ୍ ହେଖାନ୍ ଆକର୍ଦାଦିରିଂ ହିଡ୍ତି ପାର୍ମାଣ୍ ହାଜି ତିର୍ କିନାନ୍, ୯ ଆରେ, ଇନେସ୍ ପାଚ୍ କିଓ ଜିହୁଦିର୍ ଇସ୍ତର୍ ଦୟା କାଜିଂ ହେଖାନ୍ତି ଜାଜ୍ମାଲ୍ କିତାର୍; ଇନେସ୍ ଲେକା ମାନାତ୍,

“ଇଦାଂ କାଜିଂ ଆନ୍ ପାଚ୍ କିଓ ଜିହୁଦିର୍ ବିତ୍ରେ ନିଂ ଖାରିକିୟ୍ କିଦ୍ନାଙ୍ଗ୍,
ଆରେ ନି ତର୍ ଖାରିକିୟ୍ କିନାଙ୍ଗ୍ ।”

୧୦ ଆରେ ହେଖାନ୍ ଇନାନ୍, ଏ ପାଚ୍ କିଓ ଜିହୁଦିର୍, ଏପେଙ୍ଗ୍ ହେଖାନ୍ତି ମାନାୟାର୍ ଲାହାଙ୍ଗ୍ ଖାରି କିୟାଟ୍ । ୧୧ ଆରେ, “ଏ ପାଚ୍ କିଓ ଜିହୁଦିର୍ ଓଁଜାଦେର୍ ମାପୁଙ୍ଗ୍ ଖାରିକିୟ୍ କିୟାଟ୍, ଆରେ, ମାନାୟ୍ ଓଁଜାର୍ ହେଖାନ୍ତି ଖାରିକିୟ୍ କିୟାଟ୍ ।”

୧୨ ଆରେ ଜିସିୟ୍ ଇନାନ୍, “ଜିସାୟ୍ତି ଦଲ୍ ମାନ୍ଗାନାଟ୍, ଆରେ, ଇନେର୍ ପାଚ୍ କିଓ ଜିହୁଦିର୍ ଜପି ସାସନ୍ କିଦେଙ୍ଗ୍ ନିଙ୍ଗ୍ନାର୍, ପାଚ୍ କିଓ ଜିହୁଦିର୍ ହେଖାନ୍ ଜପି ବାସ୍ କିତାର୍ ।”

୧୩ ଓଁଜୁ ବାସ୍ ନି ଆଦା, ଇସ୍ତର୍ ମିଙ୍ଗେଙ୍ଗ୍ ପାଚ୍ କାଜିଂ ମିଙ୍ଗେଙ୍ଗ୍ ଖାରି ଆରି ସୁସ୍ତାତ ବାଚ୍ କିଦେନ୍ । ପୁଇପୁୟା ଜିବୁନ୍ ସାକ୍ତିତ ମିଦାଂ ବାସ୍ ନି ବାଡା ଆୟେଡ୍ ।

ପାଉଲ୍ ପାଚ୍ କିଓ ଜିହୁଦିର୍ କାଜିଂ ଜିସ୍ତୁତି ହେବାକାମାୟ୍

୧୪ ଆରେ ଏ ନା ଟଣ୍ଡାର୍ ଆରି ତଣ୍ଡାଦେକ୍, ନା ପାଚ୍, ଏପେଙ୍ଗ୍ ଓଁଜାକାଦେର୍ ସଡ୍ଗୁଣ୍, ଆରେ ଗିଆନ୍ତ ବାଚ୍ ଆରି ହାରିତିଂ ହିକ୍ୟା ହିଦେଂ ଆଡ୍ନାଦେର୍ । ୧୫ ଆତିସ୍ପା ନାଙ୍ଗ୍ ଇସ୍ତର୍ତି ଦାଇଡ୍ ହିୟାଜି ମାନି ଦୟା କାଜିଂ ଆନ୍ ମିଙ୍ଗେଙ୍ଗ୍ ଆରେରଗ ଏଡୁକିୟ୍ କିଦ୍ନି କାଜିଂ କେତେକ୍ ଇସାବ୍ ଆଦିକ୍ ସାସ୍ ଲାହାଂ ମି ଲାଗାଂ ଲେକିକିନାଙ୍ଗା । ୧୬ ଇନେକିଦେଂକି ପାଚ୍ କିଓ ଜିହୁଦିର୍ ଇନେସ୍ ପୁଇପୁୟା ଜିବୁନ୍ ହୁକେ ପୁଇପୁୟା କିୟା ଆଜି ଆକାଟ୍ ଲାକେ ହାରି ଇଟ୍ୟା ଆନାଟ୍, ଇଦାଂ କାଜିଂ ହେଖାନ୍ ଲାଗାଂ କ୍ରିସ୍ତୁ ଜିସ୍ତୁତି ହେବାକାରିୟା ଆଜି ଇସ୍ତର୍ ନେକ୍ରିକାବୁର୍ ପର୍ଚାର୍ କିନି କାଜିଂ ନାଙ୍ଗ୍ ହେ ଉପକାର୍ ହିଡ୍ଡାଡ୍ନା ।

୧୭ ଲାଗି କ୍ରିଷ୍ଣ ଜିହ୍ୱତି ଲାହାଂ ମେହାଜି ଇସ୍ୱରତି କାଜିଂ ଇ ହେବାକାମାୟ କିଜି ମାତିଲେ ଆନ୍ ଗର୍ବେ ବାରି କିନାଜା । ୧୮ ଇନେକିଦେଂକି ପାତ କିଞ୍ଚି ଜିହ୍ୱତିର ବଲ୍ ମାନି କିନି କାଜିଂ କ୍ରିଷ୍ଣ ନା ହୁକେ ବଚନ୍ତ ଆରି କାମାୟତ, ଇତିସ୍ ବିନ୍ବିନ୍ ଚିନ୍ ଆରି କାବାନି କାମାୟତ, ପୁଇପୁୟା ଜିବୁନ୍ ସାକ୍ତିତ ଇନା ଇନାକା କିଞ୍ଚାତାନା, ଏଲେଙ୍ ଇମ୍‌ଶାକା ପା ବିସ୍ତେ କିଦେଙ୍ ଆନ୍ ସାସ୍ କିଉଙ୍ । ୧୯ ଇଦାଂ ହେଞ୍ଜାନ୍ ଇଚାନ୍ନା, ବଚନ୍ ଆରି କାମାୟ ହୁଦାଂ ଆରି ଇସ୍ୱରତି ପୁଇପୁୟା ଜିବୁନ୍ତି ସାକ୍ତିତ ଚିନ୍କୁ ଆରେ କାବାନି କାମାୟ । ଲାଗି ଆନ୍ ଜିରୁସାଲମତାଂ ଇଲ୍ଲୁରିକତ ହାନି ଖେଡାଲିଂ ହାଜିତ କ୍ରିଷ୍ଣତି ନେକ୍ରିକାବୁର୍ ବେସିକିଜି ସୁଣାୟ କିତାଂନା । ୨୦ ଇମ୍‌ଶି ବାହାକାଂ ମାନାୟାର୍ କ୍ରିଷ୍ଣତି ବିସ୍ତେ ଖେନ୍‌ଖାତାଣ୍ଣା, ହେବେ ହେଞ୍ଜାନ୍ତି ନେକ୍ରିକାବୁର୍ ପରଚାର୍ କିନାକା ନା ଇଚ୍‌କାଡ୍, ଇନେକିଦେଂକି ବିନ୍‌ଲଗୁ କୁନାଦି କିତିତାକେ ଇଲ୍ ରଚ୍‌ଚେଙ୍ ଆନ୍‌ମାନ୍ କିଉଙ୍ । ୨୧ ଇନେସ୍ ଲେକାମାନାଡ୍,

“ଇମ୍‌ଶାକାର୍ ହେଞ୍ଜାନ୍ତି କାବୁର୍ ପାୟାଞ୍ଜାତାଣ୍ଣା,
 ହେଞ୍ଜାର୍ ହୁଡନାର୍, ଆରେ ଇମ୍‌ଶାକାର୍ ଖେନ୍‌ଖାତାଣ୍ଣା, ହେଞ୍ଜାର୍ ବୁଜାଆନାର୍ ।” ଜିସାୟ ୫୭:୧୫ ।

ରମ୍ ହାନି କାଜିଂ ପାଉଲ୍‌ତି ଇଚା

୨୨ ✱ବେସିହର୍ ମି ଲାଗାଂ ଖାନି କାଜିଂ ନା ଇଚା ପଲ୍ୟା ଆତାନା । ୨୩ ମାତର୍ ନଙ୍ ଇ ସବୁ ପାଟିନିପ କାମାୟ କିଦେଙ୍ ଆରେ ବାହା ହିଲ୍‌ଞ୍ଚିଲେ ଆରେ, ବେସି ବାହୁ ଆତାଡ୍ ମି ଲାଗାଂ ହାନି କାଜିଂ ଆହା କିଜି ଖାଜି ମାତିଲେ, ୨୪ ଆନ୍ ସ୍ତେନ୍ତିଂ ହାନି ସମୁତ ଖାନାଙ୍; ଇନେକିଦେଂକି ହାସ୍‌ଦ ମିଙ୍ଗେଙ୍ ମେହାଜି ପର୍ତ୍ତୁମ୍ ମି ମେହାଣ୍ଡତ କେତେକ୍ ହିସାବରେ ପାଞ୍ଜି ଲାବ୍ କିତି ପାଚେ ହେ ବାହାତ ହାନି କାଜିଂ ଏପେଙ୍ ନାଙ୍ ହାଜି ଖେଚ୍‌ଚାନାଦେର୍ ଇଞ୍ଜି ଆହା କିନାଜା । ୨୫ ✱ଇ ଦାପ୍ରେ ପୁଇପୁୟା ଇସ୍ୱରତି ଲକୁରିଂ ହେବା କିଦେଙ୍ ଜିରୁସାଲମ୍ ହାଞ୍ଜେଙ୍ ହତାଂନା । ୨୬ ଇନେକିଦେଂକି ଜିରୁସାଲମତ ପୁଇପୁୟା ସାଦୁର୍ ବିତ୍ରେ ଇମ୍‌ଶାକାର୍ ହିଲ୍‌କାର୍, ହେଞ୍ଜାର୍ କାଜିଂ ମାକିଦନିଆ ଆରି ଆକାୟାନି ମଣ୍ଡଲିକାଂ ମେହାଣ୍ ଚଚ୍‌ନି ଅଲପ୍ ଦାନ୍ ରୁଣ୍ଡାୟ କିଦେଙ୍ ହାର୍ କିତାଣ୍ଣା । ୨୭ ଆଁ ହେଞ୍ଜାର୍ ଇଦାଂ ହାର୍ ବୁଜାଆତାଣ୍ଣା ସଡ୍, ହେଲ୍ ହେଞ୍ଜାର୍ ହେଞ୍ଜାର୍‌ତି ଲାଗାଂ ରିଶ୍ ପା ଲଡା; ଇନେକିଦେଂକି ଜଦି ପାତ କିଞ୍ଚି ଜିହ୍ୱତିର ହେଞ୍ଜାର୍‌ତି ଖାସ୍ତି ବିସ୍ତେ ମେହା ଆତାଣ୍ଣା, ତେବେ ହେଞ୍ଜାର୍ ସଁସାର୍ ବିସ୍ତେ ପା ହେଞ୍ଜାର୍‌ତି ହେବା କିନି କାଜିଂ ରିଶ୍ । ୨୮ ଲାଗିଂ, ଇକାମାୟ ପୁରା କିତି ପାଚେ ଆରି ଇ ରୁଣ୍ଡାୟ କିଜି ଇଡ୍‌ତି ଦାନ୍ ଲାଗ୍‌ଦି ପାଡ୍ ହେଞ୍ଜାର୍‌ତି କେଇଦ୍ ହେଲ୍‌ୟ କିତି ପାଚେ ମି ଲାଗାଂ ହିଜି ସ୍ତେନ୍ତ ହାନାଙ୍ । ୨୯ ଆରେ ଆନ୍ ପୁନାଙ୍, ଏଚେକାଡ୍‌ଦ୍ ଆନ୍ ମି ଲାଗାଂ ଏକା ଖାନାଙ୍, ହେପାଦନା କ୍ରିଷ୍ଣତି ଆସିର୍ବାଦନି ବାତ ଚ ଏକାନାଂ ।

୩୦ ଏ ଟଣ୍ଡାର୍ ଆରି ଟଣ୍ଡାର୍, ଆନ୍ ମା ମାପୁ ଜିସୁ କ୍ରିଷ୍ଣତି କାଜିଂ ଆରି ଜିବୁନ୍ ଜିଉନନି କାଜିଂ ନା କାଜିଂ ଇସ୍‌ତ ଲାଗାଂ ନା ଲାହାଙ୍ ଜାତୁନ୍ତାଂ ପାଟାନା କିନି କାଜିଂ ମିଙ୍ଗେଙ୍ ଗଞ୍ଜାରି କିଦନାଜା, ୩୧ ଇନେସ୍ ଆନ୍ ଜିହ୍ୱଦା ରାଜିତ ବଲ୍ ମାନିକିଞ୍ଚି ମାନାୟାର୍‌ତାଂ ରାକ୍ୟା ପାୟାନାଙ୍, ଆରେ ଜିରୁସାଲମ୍ କାଜିଂ ନା ଇମ୍‌ଶି ହେବା, ହେଦାଂ ଇନେସ୍ ପୁଇପୁୟା ସାଦୁର୍ ଲାଗାଂ ହାର୍ ଇଚ୍ୟାନାଡ୍, ୩୨ ଆରେ, ଇସ୍‌ତ ଇଚାତ ଆନ୍ ଇନେସ୍ ଖାରିତାଂ ମି ଲାଗାଂ ଏକା ଖାଜି ମି ଲାହାଙ୍ ଆରାମ୍ ପାୟାଆନାଙ୍ । ୩୩ ସୁସ୍ତାହିନାକାନ୍ ଇସ୍ୱର୍ ମି ଖିଜାର୍ ଲାହାଙ୍ ମାନେନ୍ । ଆମେନ୍ ।



ପାଉଲ୍‌ତି ବନ୍ଦାଣି

୧ କେକ୍‌ୟା ମଣ୍ଡଲିନି ରଞ୍ଜେଲ୍ ହେବା କିନାକାଦେଲ୍ ମା ତଣ୍‌ଦେଲ୍ ପୌବିତି ପାକ୍ୟାତ ଆନ୍ ମିଙ୍ଗେଙ୍ ଗଞ୍ଜାରି କିଦନାଜା, ୨ ଏପେଙ୍ ସାଦୁର୍‌ତି ଆଡ୍‌ନି ସମାନ୍ ବାହେ ତାଙ୍ଗେଙ୍ ମାପୁତି ତର୍‌ଦ ଇଚ୍‌ନାଦେର୍, ଆରେ ଇମ୍‌ଶାକା ପା ବିସ୍ତେ ମିତାଂ ହେଞ୍ଜାନ୍ତି ଉପ୍‌କାର୍ ଲଡା ଆନାଡ୍, ହେ ବିସ୍ତେ ତାଙ୍ ଉପ୍‌କାର୍ କିନାଦେର୍; ଇନେକିଦେଂକି ହେଞ୍ଜାନ୍ ନିଜେ ପା ହେନିରତି ଆରି ନା ନିଜାର୍‌ତି ଉପ୍‌କାର୍ କିତାର୍‌ନା ।

୩ ✱କ୍ରିଷ୍ଣ ଜିହ୍ୱତି କାମାୟତ ନା ହାଙ୍‌ଦାକାର୍ ପ୍ରିସ୍ନା ଆରି ଆକ୍‌ଲିତିଂ ଜୁଞ୍ଜାର୍ ଖେଚାଟ୍; ୪ ହେଞ୍ଜାର୍ ନା ପାରାଣ୍ କାଜିଂ ଜାର୍ ଜାର୍ ଜିବୁନ୍ତିଂ ଆପଡ୍ କିତାର୍; କେବଲ୍ ଆନ୍ ଜେ ହେଞ୍ଜାରିଂ ଦନ୍‌ସବାଦ୍ କିନାଜା, ହେଦାଂ ଆକାୟ, ମାତର୍ ପାତ କିଞ୍ଚି ଜିହ୍ୱତିର ମଣ୍ଡଲି ଲାଗାଂ ପା ହେଞ୍ଜାରିଂ ଦନ୍‌ସବାଦ୍ ହିନାରା; ୫ ଆରେ ହେଞ୍ଜାର୍ ଇଞ୍ଜି ମାନି ମଣ୍ଡଲିତିଂ ଜୁଞ୍ଜାର୍ ଖେଚାଟ୍ ।

ନା ଖାରିନି ଏପାଇନେତତିଂ ଜୁଞ୍ଜାର୍ ଖେଚାଟ୍, ହେଞ୍ଜାନ୍ କ୍ରିଷ୍ଣତି କାଜିଂ ଆସିଆନି ପର୍ତ୍ତୁମ୍ ପାଡ୍ ଲାକେ । ୬ ମରିୟମ୍‌ତିଂ ଜୁଞ୍ଜାର୍ ଖେଚାଟ୍, ହେଦେଲ୍ ମି କାଜିଂ ବେସି କସ୍ କିଜି ମାତାଡ୍ । ୭ ନା ନିଜ୍‌ଜାତି ଆରି

✱ ୧୫:୨୨ ୧୫:୨୨ ରମିୟ ୧:୧୩. ✱ ୧୫:୨୫ ୧୫:୨୫ ୧ କରନ୍ତିୟ ୧୭:୧-୪. ✱ ୧୭:୩ ୧୭:୩ ପକ୍ୟାତାକା ୧୮:୨.

ରଚେବାନ୍ଧି ଆନ୍ଧୁନିକ୍ ଆରି ଜୁନିୟାତିଂ ଜୁଝାର୍ ଝେଚାଟ୍; ହେଝାର୍ ପକ୍ୟାତାକାର୍ ବିତ୍ରେ ତାକ୍ପୁଟା ଆରି ନା ଆଗ୍ଦ ପା କ୍ରିସ୍ତୁତି ଦୟାପାୟା ଆତାଣ୍ଣା ।

୮ ମାପୁତାକେ ନା ଝାରିନି ବୟୁ ଆମ୍ବିୟାତାନିଂ ଜୁଝାର୍ ଝେଚାଟ୍ । ୯ କ୍ରିସ୍ତୁତି ହେବାତ ନା ହାଙ୍ଗଦାକାର୍ କାମାୟ୍ କିନାକାନ୍ ଉର୍ବାଣତିଂ ଆରି ନା ଝାରିନି ସ୍ତାକୁତିଂ ଜୁଝାର୍ ଝେଚାଟ୍ । ୧୦ କ୍ରିସ୍ତୁତାକେ ପରିକ୍ୟାସିଦ୍ ଆପେଲ୍ଲାଙ୍ଗ୍ ଜୁଝାର୍ ଝେଚାଟ୍ । ଆରିସ୍ତୁରୁଲ୍ତିଂ କୁରୁମ୍ନି ମାନାୟାରିଂ ଜୁଝାର୍ ଝେଚାଟ୍ । ୧୧ ନା ନିଜ୍ଜାତିରିଂ ହେରଦିୟନ୍ତିଂ ଜୁଝାର୍ ଝେଚାଟ୍ । ନାକ୍ ସଙ୍ଗତିଂ କୁରୁମ୍ ବିତ୍ରେ ଇମ୍ଣାକାର୍ ମାପୁତି ଆସିର୍ବାଦ୍ ପାୟାତାଣ୍ଣା, ହେଝାରିଂ ଜୁଝାର୍ ଝେଚାଟ୍ ।

୧୨ ମାପୁତି କାମାୟତ କସ୍ତୁ କିଜି ମାନି କୁପେଣା ଆରି କୁପସାତିଂ ଜୁଝାର୍ ଝେଚାଟ୍ । ଝାରିନି ପସ୍ତିଂ ଜୁଝାର୍ ଝେଚାଟ୍, ହେଝାନ୍ ମାପୁତି କାମାୟତ ବେସି କସ୍ତୁ କିତାନ୍ନା । ୧୩ ମାପୁତି ବାତିକିତି ରୁପ୍ତିଂ ଆରି ତାଂ ତେହିଙ୍ଗ୍ ଜୁଝାର୍ ଝେଚାଟ୍, ହେଦେଲ୍ ପା ନା ଆୟା ଲାକେ । ୧୪ ଅସୁକ୍ତି, ପ୍ଲେଗନ୍, ହର୍ମିସ୍, ପାତ୍ରବା, ହର୍ମିସ୍, ଆରେ ହେଝାର୍ତି ହାଙ୍ଗଦାଂ ମାନି ଟଣ୍ଡାରିଂ ଆରି ତଣ୍ଡେକ୍କାଂ ଜୁଝାର୍ ଝେଚାଟ୍ । ୧୫ ପିଲଲଗ୍ ଆରି ଜୁଲିଆ, ନିରୁସ୍ ଆରି ତା ତଣ୍ଡେଲ୍; ଆରେ ଅଲୁମ୍ପା ଆରି ହେଝାର୍ତି ଲାହାଂ ମାନି ଝିଜାର୍ ସାଦୁରିଂ ଜୁଝାର୍ ଝେଚାଟ୍ ।

୧୬ ପୁଇପୁୟା ତଞ୍ଜନାକା ହିଜି ହାରିତିଂ ଜୁଝାର୍ କିୟାଟ୍ । କ୍ରିସ୍ତୁତି ଝିଜୁ ମଣ୍ଡଲି ମିଙ୍ଗେଙ୍ଗ୍ ଜୁଝାର୍ ଝେଚାଟ୍ନାରା ।

ପାଉଲ୍ତି ହାରିହାରା ବଲ୍

୧୭ ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ଇମ୍ଣା ହିକ୍ୟା ପାୟାତାଣ୍ଣା, ହେବେନି ପାଲ୍ଟା ଇମ୍ଣାକାର୍ ଦଲ୍ଗଣ୍ଡଗଲ୍ ଆରି ବାଦାନି କାରଣ୍ ଗିଟାୟ୍ କିତାର୍, ହେଝାରିଂ ତିନ୍ ଇଡ୍ଜି ହେଝାର୍ତାଂ ବିନେ ମାଞ୍ଜେଙ୍ଗ୍ କାଜିଂ ଆନ୍ ମିଙ୍ଗେଙ୍ଗ୍ ଗଝାରି କିଦ୍ନାଙ୍ଗା । ୧୮ ଇନେକିଦେଂକି ଇ ଲାକେ ମାନାୟାର୍ ମା ମାପୁ କ୍ରିସ୍ତୁତି ଆଡ୍ଡିଏନ୍ ଆକାୟ୍, ମାତର୍ ଜାର୍ ଜାର୍ ବାତ୍ ଆଡ୍ଡିଏନ୍ ଆତାଣ୍ଣା, ଆରେ ମିର୍ବତନ୍ ଆରି ଚିକ୍ଣିତ ହୁଦାର୍ ମାନ୍ ମାନାୟାର୍ତି ମାନ୍ ବୁଲ୍ଲାୟ୍ କିନାର୍ । ୧୯ ଲାଗିଂ ମି ବଲ୍ତାଂ କାତା ଝିଜୁ ଲକାର୍ତି ବିତ୍ରେ ମେଙ୍ଗ୍ୟାତାଡ୍; ଇତିସ୍ ଆନ୍ ମି କାଜିଂ ଝାରି କିନାଙ୍ଗା, ମାତର୍ ଏପେଙ୍ଗ୍ ଇନେସ୍ ହାଡ୍ଦି ବିସ୍ତେ ଗିଆନ୍ ଆରି ସଡ୍କିଝି ବିସ୍ତେ ଅମାନ୍ୟା ଆମାଟ୍, ଇଦାଂ ନା ମାନ୍ । ୨୦ ଆରେ ସୁସ୍ତାହିନାକାନ୍ ଇସ୍ତର୍ ସୟ୍ତାନ୍ତିଂ ବେଗି ମି ପାନା ତାରେନ୍ ଝିହ୍ନାନ୍ ।

ମା ମାପୁ ଜିସୁ କ୍ରିସ୍ତୁତି ଉପକାର୍ ମି ଲାହାଙ୍ଗ୍ ଆଏଡ୍ ।

୨୧ ନା ହାଙ୍ଗଦାକାନ୍ ତିମତି, ଆରେ ନା ନିଜ୍ଜାତିର୍ ଲୁକିୟ, ଜାସନ୍ ଆରି ସସିପାତ୍ର ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍ନାରା ।

୨୨ ଇ ଆକି ଲେକିକିନାକାନ୍ ଜେ ଆନ୍ ତତ୍ତ୍ୟ, ଆନ୍ ମାପୁତି ତର୍ଦ ମିଙ୍ଗେଙ୍ଗ୍ ଜୁଝାର୍ ଝେଚାଟ୍ନାନା ।

୨୩ ନା ଆରି ଝିଜୁ ମଣ୍ଡଲିନି ଗତାଂ ହେବା କିନାକାନ୍ ଗାୟ୍ ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍ନାନା । ଇ ଗାଡ୍ଜି ଆଦିକାର୍ ଏରାସ୍ ଆରି ଟଣ୍ଡେନ୍ କ୍ପାଡ୍ ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍ନାରା । ୨୪ ମା ମାପୁ ଜିସୁ କ୍ରିସ୍ତୁତି ଉପକାର୍ ମି ଝିଜାର୍ ଲାହାଙ୍ଗ୍ ଆଏଡ୍ । ଆମେନ୍ ୨୫ ଇମ୍ଣା ଇସ୍ତର୍ ନା ନେକ୍ରିକାରୁର୍ ଆରି ଜିସୁ କ୍ରିସ୍ତୁତି ବିସ୍ତେନି ସୁଣାୟ୍ କିନି ଇସାବ୍ରେ, ଇତିସ୍ ଇମ୍ଣା ହାଦ୍ଦାକା ଝିଜୁ କାଡ୍ତାଂ ତ୍ତୁଜି ମାତାଡ୍ ।

ପାର୍ତାନା ଆରି ଝାରି ଲାହାଂ ଆକି ଝିଜୁନାକା

୨୬ ମତର୍ ନଙ୍ଗ୍ ହତାଡ୍ନା, ଆରେ ପାତ୍ କିଜି ବଲ୍ମାନି ଆନି କାଜିଂ ଝିଜୁ ମାପୁ ଇସ୍ତର୍ତିଂ ବଲ୍ ଇସାବ୍ରେ, ବେଶ୍ବାକ୍ଣାୟ୍ କିନାକାର୍ତି ସାସ୍ତର୍ ଉପକାର୍ତାଂ ଝିଜୁ ଜାତିର୍ ମାନାୟାର୍ ଲାଗାଂ ପୁନି କିତାର୍ନା, ହେ ବିତ୍ରେନି ହତି ଇସାବ୍ରେ ମିଙ୍ଗେଙ୍ଗ୍ ସୁସ୍ତାକିଦେଂ ଆଡ୍ନାନ୍, ୨୭ ଜିସୁ କ୍ରିସ୍ତୁତି ହୁକେ ଜୁଗ୍ ଜୁଗ୍ ହେ ରଝାନ୍ ମତର୍ ଗିଆନ୍ବାନ୍ ଇସ୍ତର୍ ଜାଜ୍ମାଲ୍ ଆଏଡ୍ । ଆମେନ୍ ।

☆ ୧୭:୨୧ ୧୭:୨୧ ପକ୍ୟାତାକା ୧୭:୧.

କରକ୍ରିୟା ମଣ୍ଡଳୀରେ ପାଉଲଙ୍କ ପ୍ରଥମ ପତ୍ର ମା ମଣ୍ଡଳି ତାଙ୍କେ ପାଉଲଟି ପର୍ତୁମ୍ ଆକି ପାଦେକ୍

ପର୍ତୁମ୍ କରକ୍ରିୟା ଆକି ପକ୍ୟାତି ପାଉଲଟି ହୁଦାଂ ଜିସୁ କ୍ରିସ୍ଟି ଜଲମ୍ନି ରିକଡ଼ି ପନ୍ଦର ୫୫ ବାହୁଁ ପାଚେ
ଲେକା ଆଜି ମାଚାଡ଼ ୧:୧ । ପାଉଲଟି ହୁଦାଂ ଲେକା ଆଜି ମାଚି ରିଣ୍ଡି ଆକି ବିତ୍ରେତାଂ ଇଦାଂ ଆନାତା ପର୍ତୁମ୍
ଆକି । ହେୱାନ ଆଜି ମାନାଡ଼ ଇ ଆକି ଏପିସିତ ମାନି ୱେଡ଼ାଲିଂ ଲେକି କିଜି ମାଚାନ୍ । ମାସିଦନିୟାତାଂ
କରକ୍ରିୟା ମାନି ପୁର୍ବେତାଂ ଲେକି କିତାନ୍ନା ୧୭:୫-୯ ।

ପାଉଲ ଇ ଆକିତ ମଣ୍ଡଳି ବିତ୍ରେ କୁଦା ବାଗ୍‌ଆନାକା ଆରି କିଞ୍ଜିକାମାୟତ ଆହା ହୁଦାଂ ବାରବିନି ବାନ୍ୟା
କାମାୟ ଚାଲା ଆଜି ମାଚି ବିସ୍ତେ ମଣ୍ଡଳିନି କୁଚୁମ୍‌ତିଂ ତାଙ୍ ଖେନ୍‌ଞ୍ଜି ଉତର୍ ହିନିତ ଦିୟାନ୍ ହିନାନ୍ । କରକ୍ରି
ଗାଡ଼ କିଞ୍ଜିକାମାୟ ଆହା ବିସ୍ତେ ଜାଣାୟୁଣା ମାଚାଡ଼ । ଲାଗିଂ ମଣ୍ଡଳି ଇ ଆବଡ଼କୁଂ ଗିଟା ଆଜି ମାଚାଡ଼ ଇବେ
କାବା ଆନାକା ମୁଡ଼େ ଆକାୟ । ପର୍ତୁମ୍ କରକ୍ରି ଜିଉନନାକା ଜପି ରଞ୍ଜାଙ୍ ଡାକ୍‌ପୁଟା ଆନାଡ଼ ।

ଇ ପତି ବିସ୍ତେନି ରାହାଣ

- ୧. ପାଉଲ କରକ୍ରିୟାରିଂ ବନ୍ଦାୟ କିତାର ଆରି ହେୱାରୁତି କାଜିଂ ଇସ୍ପରତିଂ ଜଞ୍ଜାର ହିନାନ୍ । ୧:୧-୯
- ୨. ପାଉଲ କରକ୍ରି ମଣ୍ଡଳିତାଂ ପାୟାତି ମଣ୍ଡଳି ବିନେ ବିନେ ବିସ୍ତେ ହିକ୍ୟା ହିନାନ୍ । ୧:୧୦-୪:୨୧
- ୩. ବିନେନିକା ହେ କିଞ୍ଜି କାମାୟ ଆହା ଆରି ରଞ୍ଜାନ୍ ବିନେ ଲଗାଂ ଦାଜିଂ ତ ଅନି ବିସ୍ତେ ଲେକି କିନାନା
। ୫-୬
- ୪. ପାଚେ ବିବା ବିସ୍ତେ, ପୁଡ଼ଡ଼ାତିଂ ପୁଜାକିନାକା, ଉପ୍ରିୟା ପାର୍ତାନା କିନାକା, ପୁଇପୁୟାତି ଦାନ୍ ଆରି
ଆରେ ନିଂନାକା ଲେକି କିନାନା । ୭-୧୫
- ୫. ହାରିହାରା ହେୱାନ୍ ଏତେକ୍ ଚିନ୍ତାକିନାକା ଆରି ଜାର ବିସ୍ତେ ଲେକି କିଜି ଶ୍ରେନ୍ନାନା । ୧୭

୧ ଆନ୍ ପାଉଲ, ଇସ୍ପତଂ ଇଚାତ କ୍ରିସ୍ଟ ଜିସୁତି କୁକ୍ୟାତି ରଞ୍ଜାନ୍ ପକ୍ୟାତାକାନ୍, ମା ଚଣ୍ଡେନ୍ ସସ୍ତିନା,
 ୨ କରକ୍ରି ବସ୍ତିତ ଇସ୍ପତଂ ମଣ୍ଡଳିତ ଆପେଂ ଲେକିକିନାପା; ଇମ୍‌ଣାକାର ଇସ୍ପତଂ ପୁଇପୁୟା ମାନାୟ
 ଆନି କାଜିଂ କୁକ୍ୟାତାକାର ଆରି ଇସ୍ପର କ୍ରିସ୍ଟ ଲାହାଙ୍ ମେହା ହୁକେ ଇସ୍ପତଂ ଆଜି ଶ୍ରେନ୍‌ଞ୍ଜି ଆରି ସବୁ ମା
 ମାପୁ ଜିସୁତି ପାର୍ତାନା କିତାର ।
 ୩ ମି କାଜିଂ ମା ଆବା ଇସ୍ପର ଆରି ମାପୁ ଇସ୍ପର କ୍ରିସ୍ଟ ଜିସୁତି ତାଙ୍ ଉପକାର ଆରେ ସୁସ୍ତା ଆଏଡ଼ ।

କ୍ରିସ୍ଟି ହୁକେ ଆସିର୍ବାଦ୍

୪ ଇନାକିଦେକି ଏନ୍ କ୍ରିସ୍ଟ ଜିସୁ ଲାହାଙ୍ ମେହାଆନି କାଜିଂ ଇସ୍ପର ମିଙ୍ଗେଙ୍ ଇମ୍‌ଣି ଉପକାର, ହିଡ଼ନ୍ନା
ହେଦାଂ କାଜିଂ ଇସ୍ପରତିଂ ଜୁଞ୍ଜାର ହିନାଙ୍, ୫ ଇନାକିଦେକି ତା ତାକେ ଶ୍ରେନ୍ ବିସ୍ତେ, ବେସି ଇସ୍ପର ସବୁ ବାନି
ହିକ୍ୟା ହିନିତ ଆରି ସବୁ ବାନିନି ଗିଆନ୍ ଏପେଙ୍ ହାଉକାର ଆତାଦେଣ୍ଡା । ୬ ଇ ବାନି କ୍ରିସ୍ଟି ସାକି ମି ବିତ୍ରେ
ତିର୍ ଆତାଡ଼ନ୍ନା । ୭ ହେଦାଂ କାଜିଂ ମାପୁ ଜିସୁ କ୍ରିସ୍ଟି ହତାକାତିଂ କାସି ମାନି ୱେଡ଼ାଲିଂ ମିଦାଂ ଇମ୍‌ଣାକାପା
ଆମ୍‌କ୍ ଆସିର୍ବାଦ୍‌ନି ଅସୁବିଦା ଆଦ୍‌ଞ୍ଜାତାଡ଼ନା । ୮ ମା ମାପୁ ଜିସୁ କ୍ରିସ୍ଟି ଅଜଡ଼ତ ଇନେସକି ଏପେଙ୍ ଇଦାଂ
କାଜିଂ ହେୱାନ୍ ପା ମିଙ୍ଗେଙ୍ ହାରିହାରା ପାତେକ୍ ଆଟ୍‌ଞ୍ଜା ଲାହାଙ୍ କିଦ୍‌ନାନ୍ ପାଚେ ମାପୁ ଜିସୁ କ୍ରିସ୍ଟି ଖାନି
ଦିନ୍ତ ଦସିକିଞ୍ଜାତାକାନ୍ ବାଚିକିୟାନାନ୍ । ୯ ଇମ୍‌ଣି ଇସ୍ପର ତା ମାଜି ମାପୁ ଜିସୁ କ୍ରିସ୍ଟି ମେହାବିଡ଼ା ଆନି କାଜିଂ
ମିଙ୍ଗେଙ୍ କୁକ୍‌ତାତାନ୍ନା ହେୱାନ୍ ସବୁଞ୍ଜେଡ଼ାଙ୍ ପାତଂ ନିକାନ୍ ।

ମଣ୍ଡଳିତ ବାଗ୍‌ବାଗ୍

୧୦ ଏ ଟଣ୍ଡାର, ଆରି ଟଣ୍ଡେକାଦେର୍ ମା ମାପୁ ଜିସୁ କ୍ରିସ୍ଟି ତରଦ ଆନ୍ ମିଙ୍ଗେଙ୍ ଗଞ୍ଜାରି କିଦ୍‌ନାଙ୍ଗା,
ଇନ୍‌ବା ଆନି ସମୁତ ର ମାନ୍ ଇନାଟ୍, ତା ଆତିସ୍ ମି ବିତ୍ରେ ଇମ୍‌ଣାକା ଗଡ଼ମାର ଆଉଡ଼, ମତର୍ ଏପେଙ୍
ର ମାନ୍‌ତାଂ ଆରି ର ବାବ୍‌ନାତ ମେହାଆଡ଼ୁ । ୧୧ ଏ ନା ଟଣ୍ଡାର, ଆରେ ଟଣ୍ଡେକ୍, କ୍ଲୟିତି ଲକ୍‌ବାକ୍‌ତାଂ
ମି ବିସ୍ତେ ନା ତାକେ ଇଦାଂ ହତାଡ଼ନା ଜେ, ମି ବିତ୍ରେ ଗଡ଼ମାର ମାନାଡ଼ । ୧୨ ଶ୍ଟନା କାତା ବାବିକିୟାଟ୍ ଇ,
ମି ବିତ୍ରେତାଂ ଇନେ ଇନେର୍ ଇନାର୍, ଆନ୍ ପାଉଲଟି, ଇନେ ଇନେର୍ ଇନାର୍, ଆନ୍ ଆପଲ୍‌କି, ଇନେ
ଇନେର୍ ଇନାର୍, ଆନ୍ କେପାତି, ଆରେ ଇନେ ଇନେର୍ ଇନାର୍ ଆନ୍ କ୍ରିସ୍ଟି । ୧୩ କ୍ରିସ୍ଟି କି ରିବାଗ୍ ଆତାନ୍ନା
? ମି କାଜିଂ କି ପାଉଲ କୁସ୍ତ ହାଜି ମାଚାନ୍ ? ଇତିସ୍ ଏପେଙ୍ କି ପାଉଲ ତରଦ ବାପ୍ତିସିମ୍ ଆଜି

☆ ୧:୧୨ ୧:୧୨ ପକ୍ୟାତାକା ୧୮:୨୪.

ମାତାଦେବ ? ୧୪ ✱ ଇସ୍ଵର ତି ଦନ୍ୟବାଦ୍ ହିନାଙ୍ଗା ଜେ କ୍ରିଷ୍ଣ ଆରି ଗାୟତି ପିସ୍ତି ମି ବିତ୍ରେତାଂ ଆନ୍ ଇନେରିଂ ବାପ୍ତିସିମ୍ ହିଝାତାଙ୍ଗନା । ୧୫ ଲାଗିଂ ନା ଚେଲା ଲାକେ ବାପ୍ତିସିମ୍ ଅତାର୍ଣ୍ଣା ଇଞ୍ଜି ମି ବିତ୍ରେ ଇନେ ଇନେର ଇଞ୍ଜେଙ୍ଗ୍ ଆଡୁର । ୧୬ ✱ଆଁ ଆନ୍ ସ୍ତ୍ରୀପାନ୍ କୁଦାନିକାରିଂ ପା ବାପ୍ତିସିମ୍ ହିତାଙ୍ଗନା; ଇଦାଂ ପିସ୍ତି ଆନ୍ ଆରେ ଇନେରିଂ ପା ବାପ୍ତିସିମ୍ ହିତାଙ୍ଗନା ଇଞ୍ଜି ନା ଏତୁ ଖାଉତା । ୧୭ ଇନାକିଦେଂକି କ୍ରିଷ୍ଣ ନାଲୋଙ୍ଗ୍ ବାପ୍ତିସିମ୍ ହିନି କାଜିଂ ପଲ୍ଲାଝାତାନ୍ନା, ମତର୍ ନେକ୍ରିକାରୁର୍ ସୁଣାୟ୍ କିନି କାଜିଂ ପଲ୍ଲାତାନ୍ନା; ହେଦାଂ ପା ବତନ୍ ତାଟ୍ତାଙ୍ଗ୍ ଆକାୟ୍, କାତେହିନା କ୍ରିଷ୍ଣତି କ୍ରିସ୍ ପଲ୍ୟା ଆନାଡ୍ ।

ଇସ୍ଵର୍ ସାକ୍ତି ଆରି ଗିୟାନି କାଦି କ୍ରିଷ୍ଣ

୧୮ ଇନାକିଦେଂକି ରୁତା ଆନି ଲକୁ କାଜିଂ କ୍ରିସ୍ ଜପି କ୍ରିଷ୍ଣତି ହାକିନି କାତା ମୁକ୍ତ୍ୟା ମତର୍, ମତର୍ ମୁକ୍ତି ଆନାକା ପାୟାଜିମାନି ମା କାଜିଂ ହେଦାଂ ଇସ୍ଵର୍ ସାକ୍ତି ଆନାଡ୍ । ୧୯ ଲାଗିଂ ଇଦାଂ ସାସ୍ତର୍ ଲେକା ମାନାଡ୍, “ଆନ୍ ଗିୟାନିରତାଂ ଗିଆନ୍ ନାହାୟ୍ କିନାଙ୍ଗ୍, ଆରେ ବୁଦିନିକାରିଙ୍ଗ୍ ବୁଦି ଇଟ୍ପ ।

୨୦ ଗିଆନିର ଇନେର୍ ? ସାସ୍ତ୍ରିର ଇନେର୍ ? ଇ ଜୁଗ୍ନି ବେର୍ଣିୟା ଇନେର୍ ? ଇସ୍ଵର୍ କି ପୁର୍ତ୍ତି ଗିଆନିଂ ମୁକ୍ତ୍ୟା ଇଞ୍ଜି ହପ୍ତାତାର୍ଣ୍ଣା ? ୨୧ ଇସ୍ଵର୍ ତା ଗାଜା ଗିଆନିତ୍ ତିର୍ କିଜି ମାତାନ୍ ଜେ ମାନାୟ୍ ଜଗଡ୍ ଜାର୍ ଗିଆନ୍ ହୁକେ ଇସ୍ଵର୍ତିଂ ପୁଞ୍ଜେଙ୍ଗ୍ ଆଡୁସ୍ ବିନ୍ ପାକ୍ୟାତ୍ ଆସେଙ୍ଗ୍ ସୁଣାୟ୍ କିନାକା ଇତିସ୍ ବୁଦି ହିଲ୍ଝାକାର୍ ନେକ୍ରିକାରୁର୍ତ୍ ପାତ୍ କିନି ମାନାୟାରିଂ ରାକ୍ୟା କିନି ଇସ୍ଵର୍ ଇତା କିତାନ୍ନା । ୨୨ ଇନାକିଦେଂକି ଜିହୁଦିର୍ ତିନ୍ ତେକ୍ନାର୍, ଆରେ ଗ୍ରିକ୍ ଲକୁ ଗିଆନ୍ ତେକ୍ନାର୍, ୨୩ ମତର୍ ଆସେଙ୍ଗ୍ କ୍ରିସ୍ତ ହାକି କ୍ରିଷ୍ଣତିଂ ସୁଣାୟ୍ କିନାସ୍, ହେଝାନ୍ ଜିହୁଦିର୍ କାଜିଂ ବାଦାଲାକେ ଆରି ପାତ୍ କିଝି ଜିହୁଦିର୍ କାଜିଂ ମୁକ୍ତ୍ୟା ଲାକେ, ୨୪ ମତର୍ ଜିହୁଦି ଆରି ଗ୍ରିକ୍, ଇନେର୍ କୁକ୍ୟାଆତାର୍ଣ୍ଣା, ହେଝାର୍ କାଜିଂ କ୍ରିଷ୍ଣ ଇସ୍ଵର୍ ସାକ୍ତି ଆରି ଇସ୍ଵର୍ ଗିଆନ୍ ଲାକେ ଆନାଡ୍ । ୨୫ ଲାଗିଂ ଇସ୍ଵର୍ ମୁରୁକ୍ ବିସ୍ତେ ମାନାୟନି ଗିଆନିତାଂ ଆଦିକ୍ ଗିଆନିବାତ୍, ଆରେ ଇସ୍ଵର୍ ନାଦାର୍ ବିସ୍ତେ ମାନାୟତି ସାକ୍ତିତାଂ ଆଦିକ୍ ବାଡ୍କାସ୍ ।”

୨୬ ଏ ଟଣ୍ଡାର୍, ଆରି ତଣ୍ଡେକାଦେର୍ ଏଚେକାଡ୍ଡ୍ ଇସ୍ଵର୍ କୁକ୍ତିନି ସମୁତ୍ ଏପେଙ୍ଗ୍ ଇନେସ୍ ମାତାଦେର୍, ସିସ୍ତାର୍ନି ବାବ୍ନାରେ ଆଦେକ୍ ଗିୟାନି, ଆଦେକ୍ ସାକ୍ତିକାଟାକାର୍ କି ଆଦେକ୍ ଗାଜାବ୍ସ୍ କୁକ୍ୟାଝାତାର୍ଣ୍ଣା; ୨୭ ଇସ୍ଵର୍ ଗିଆନିରିଂ ଲାଜୁକିଦେଂ କାଜିଂ ପୁର୍ତ୍ତି ହୁକେ ମୁରୁକ୍ ମାନାୟାରିଂ ବାଟି କିତାନ୍; ୨୮ ଇଦାଂ କାଜିଂ ଇସ୍ଵର୍ ଗିଆନିରିଂ ଲାଜୁକିନି କାଜିଂ ପୁର୍ତ୍ତି ମୁରୁକ୍ ବିସ୍ତେ ସବୁ ବାଟି କିତାନ୍, ଆରେ ସାକ୍ତି ବିସ୍ତେ ସବୁ ଲାଜୁକିନି କାଜିଂ ଇସ୍ଵର୍ ପୁର୍ତ୍ତି ନାଦାର୍ ବିସ୍ତେ ସବୁ ବାଟି କିତାନ୍, ୨୯ ଆରେ ଇନାକା ପୁର୍ତ୍ତି କାଣ୍ଡକାଙ୍ଗ୍ ମାନିନି ମାନାୟ୍, ହେ ସବୁତିଂ ପଲ୍ୟା କିନି କାଜିଂ ଇସ୍ଵର୍ ପୁର୍ତ୍ତି ହାରୁକାନ୍ ଆରି ଗ୍ଲୁଇନି ବିସ୍ତେନିକିଂ, ଆଁ, ଗାଣାକିଦେଂଆଡ୍ଡି ବିସ୍ତେନିକିଂ ବାଟି କିତାନ୍ । ୩୦ ମତର୍ ଇସ୍ଵର୍ କାଜିଂ ଏପେଙ୍ଗ୍ କ୍ରିଷ୍ଣ ଜିସ୍ତୁତି ତାକେ ମାନାଦେର୍, ହେଝାନ୍ ଇସ୍ଵର୍ତାଂ ମା କାଜିଂ ଗିଆନ୍, ତା ହୁକେ ମୁମ୍ଦ୍ ଆପେଂ ଦାମ୍, ପୁଇପୁୟା ଲକ୍ ଆଜି ମୁକ୍ତାନାକା ଲାକେ ଆତାପନା । ୩୧ ଲାଗିଂ, ଦରମ୍ ସାସ୍ତର୍ ଇନେସ୍ ଲେକା ମାନାଡ୍, “ଇନେନ୍ ଗରବ୍ କିନାନ୍, ହେଝାନ୍ ମାପୁତାକେ ଗରବ୍ କିଏନ୍ ।”

୨

କ୍ରିସ୍ତିନି କ୍ରିଷ୍ଣତି ବିସ୍ତେ କାରୁର୍

୧ ଲାଗିଂ, ଏ ଟଣ୍ଡାର୍, ଆରି ତଣ୍ଡେକାଦେର୍ ଏଚେକାଡ୍ଡ୍ ଆନ୍ ମି ତାକେ ଝାଜି ମାତାଙ୍ଗ୍, ହେ ପାଦ୍ନା ଇସ୍ଵର୍ ହାଡ୍ପା ବତନ୍ ଇଞ୍ଜିମାଟାଂ କି ଗିଆନି ହାରଦାକା ଲାହାଙ୍ଗ୍ ଜେ ମି ତାକେ ସୁଣାୟ୍ କିଜି ମାତାଙ୍ଗ୍, ହେଦାଂ ଆକାୟ୍ । ୨ ଇନାକିଦେଂକି ଜିସ୍ କ୍ରିଷ୍ଣ, ଇତିସ୍ କ୍ରିସ୍ତ ହାତି ଜିସ୍ କ୍ରିଷ୍ଣଙ୍ଗ୍ ପିସ୍ତି ମି ବିତ୍ରେ ଆରେ ଇନା ବିସ୍ତେ ପୁନ୍ଡି କାଜିଂ ଆନ୍ମାନ୍ କିତାଙ୍ଗ୍ । ୩ ✱ଆରେ, ଆନ୍ ନାଦାର୍, ପାଣ୍ଡୁତିଂ ଆରି ତ୍ରିଗ୍ଜି ମି ଲାହାଙ୍ଗ୍ ମାତାଙ୍ଗ୍; ୪ ନା ହିକ୍ୟା ଆରି ନେକ୍ରିକାରୁର୍, ମାନାୟାର୍ ଗିଆନ୍ ଜପି କୁଟ୍ଝାଦାଂ ଇସ୍ଵର୍ ସାକ୍ତି ଜପି କୁଟ୍ଝାଡ୍, ୫ ଇଦାଂ କାଜିଂ ନା ମି ପାତ୍ ହିକ୍ୟା ଆରି ନା ସୁଣାୟ୍ କିନାକା, ଗିଆନି ହିଲ୍ନାକା ବତନ୍ ସମାନ୍ ଆଝାଦାଂ ଇସ୍ଵର୍ତି ଆରି ସାକ୍ତିନି ପାର୍ମାଣ୍ ସମାନ୍ ଆଜି ମାତାଡ୍ ।

ଇସ୍ଵର୍ ଗିଆନ୍

✱ ୧:୧୪ ୧:୧୪ ପକ୍ୟାତାକା ୧୮:୮; ପକ୍ୟାତାକା ୧୯:୨୯; ରମିୟ ୧୭:୨୩. ✱ ୧:୧୭ ୧:୧୭ ୧ କରନ୍ତିୟ ୧୭:୧୫. ✱ ୨:୩ ୨:୩ ପକ୍ୟାତାକା ୧୮:୯.

୭ ଆମ୍ଭଙ୍କ ବାବୁ ହେତାକାର ଲକ୍ଷ୍ୟ ବିତ୍ତେ ଗିଆନନି କାତା ଇନାପ, ମତର ହେଦାଂ ଇ ଜୁଗନି ଗିଆନ ଆକାୟ କି ଇ ଜୁଗନି କୁଟ୍‌ଇନି ମୁଡ଼ଦାକାରତି ଗିଆନ ଆକାୟ, ୭ ମତର ଆପେଂ ହାଡ଼ପା କାତା ଗିଆନ ଲାକେ ଇସ୍‌ତ ଗିଆନନି କାତା ଇନାପା; ହେୱାନ ଡକ୍‌କୃତି ଗିଆନ ଇସ୍‌ର ମାଦାଂ ଜାଜ୍‌ମାଲ୍ କାଜିଂ ସଂସାରନି ଆଗେ ତିର କିଜି ମାଗାନ୍ । ୮ ଇ ଜୁଗଦି ମୁଡ଼ଦାକାର ବିତ୍ତେ ଇନେର ହେଦାଂ ପୁନ୍‌ଖାତାଣ୍ଟା, ଇନାକିଦେଂକି ହେୱାର ହେଦାଂ ପୁଞ୍ଜି ମାତିସ୍ ଜାଜ୍‌ମାଲ୍‌ନି ମାପୁତି କୁସ୍‌ତ ଦୁପି କିୱାତାମା; ୯ ମତର ଇନେସ୍ ଲେକା ମାନାଡ଼, “କାଣ୍ଟୁ ଇନାକା ହୁଡ଼ଞ୍ଜିକିନା, କିଡୁଲିଂ ଇନାକା ୱେନ୍‌ଞ୍ଜିକିନା, ଆରେ ମାନାୟ୍ ୱାସ୍‌ତି ଇନାକା ଉବ୍‌ଜାଣ୍ ଆୱାତାନ୍, ଜେ ସବୁ ବିତ୍ତେ ଇସ୍‌ର ଜାର ଜିଉନନି ଲକ୍ଷ୍ୟ କାଜିଂ ଜାଲ୍‌ଦି କିତାନନ୍ନା । ୧୦ ମତର ଇସ୍‌ର ମା କାଜିଂ ୱାସ୍‌ତି ହୁଦାଂ ହେୱାନ୍ ୱିଜୁ ବିସ୍‌ସେ ୱେଟ୍‌ଚାନ୍; ଲାଗିଂ ୱାସ୍‌ତି ୱିଜୁ ବିସ୍‌ସେ, ଆଁ, ଇସ୍‌ତ ବିତ୍ତେନି ବିସ୍‌ସେ ସବୁ ତେକ୍‌ନାନ୍ । ୧୧ ମାନାୟ୍ ବିସ୍‌ସେ ସବୁ ମାନାୟାତାକେ ମାନି ୱାସ୍‌ତି ପିସ୍ତି ଆରେ ଇନେର ପୁନାର୍ ? ହେ ଲାକେ ପା ଇସ୍‌ତ ବିସ୍‌ସେ ସବୁ ଇସ୍‌ତ ୱାସ୍‌ତି ପିସ୍ତି ଆରେ ଇନେର ପୁନୁର୍ । ୧୨ ଇନେସ୍‌କି ଇସ୍‌ତ ହୁଦାଂ ମା ଉପକାରତ ହିଦ୍ୟାତି ବିସ୍‌ସେନିକିଂ ଆପେଂ ପୁଞ୍ଜେକ୍ ଆଡ଼ନାପ, ଇଦାଂ କାଜିଂ ଆପେଂ ପୁତ୍‌ନି ଜିବୁନ୍ ଗାଟାୱାଦାଂ ଇସ୍‌ତ ଜିବୁନ୍ ପାୟାତାପନା ।”

୧୩ ହେ ସବୁ ବିସ୍‌ସେ ପା ଆପେଂ ମାନାୟାତ୍ ଗିଆନ ହୁଦାଂ ହିକାତି ବଚନ୍‌ତାଂ ଇନ୍‌ୱାଦାଂ ମାନାପ, ମତର ୱାସ୍‌ତି ବିସ୍‌ସେ ସବୁ ୱାସ୍‌ତି ବିସ୍‌ସେ ହୁଦାଂ ବୁଜାୟ୍ ଆମ୍ଭଙ୍କ ହୁଦାଂ ହିକାତି ବଚନ୍ ଇଞ୍ଜି ମାନାପ । ୧୪ ହାଡ଼ପା ମାନାୟ୍ ଇସ୍‌ତ ୱାସ୍‌ତି ବିସ୍‌ସେନିକିଂ ଇଚୁର୍, ଇନାକିଦେଂକି ହେ ସବୁ ତା ତାକେ ମୁରୁକ୍‌ନିକା, ଆରେ ହେୱାନ ହେ ସବୁ ବୁଜାଆଦେଂ ଆଡୁନ୍, ଲାଗିଂ ହେ ସବୁତିକ୍ ଆମ୍ଭଙ୍କ ଜିବୁନ୍ ହୁକେ ବିଚାର କିୟାନାଡ଼ । ୧୫ ମତର ଇନେନ୍ ଆମ୍ଭଙ୍କ, ହେୱାନ ୱିଜୁ ବିସ୍‌ସେ ବିଚାର କିନାକାନ୍, ଆତିସ୍‌ପା ଇନେର୍ ତାଦାଂ ବିଚାର କିଉନ୍ । ୧୬ ଇନାକିଦେଂକି ଇନେନ୍ ମାପୁତି ମାନ୍ ପୁରାନ୍‌ନା ଜେ, ହେୱାନ ତାକେକ୍ ହିକ୍ୟା ହିଦେଂ ଆଡ଼ନାନ୍ ? ମତର ଆପେଂ କ୍ରିସ୍‌ତି ମାନ୍ ପାୟାତାପନା ।

୩

ଇସ୍‌ରତିଂ ହେବା କିନାକାନ୍

୧ ଏ ଟଣ୍ଡାର, ଆରି ତଣ୍ଡାଦେକ୍ ଆନ୍ ଆମ୍ଭଙ୍କ ଲଗାଂ ଇନି ଲାକେ ମିକେକ୍ ଇଞ୍ଜେକ୍ ଆଡ଼ଦାୱାତାଂ, ମତର ଗାଗାଡ଼ ମାନାୟତିଂ ଆରି କ୍ରିସ୍‌ଟୁ ତାକେ ହିମ୍‌ଣାକାଂ ଇତି ଲାକେ ମିକେକ୍ ଇନ୍‌ଚାକ୍ । ୨ ଆନ୍ ମିକେକ୍ ପାଲ୍ ଉପ୍‌ପିସ୍ ବିନ୍ କାଦି ହିଦ୍‌ୱାତାକ୍‌ନା, ଇନାକିଦେଂକି ଏପେକ୍ ହେଦାଂ ଇଡ଼ଦେଂ ମାନ୍ କିୱାତାଦେର୍, ଆରେ ନକ୍‌ପା ମାନ୍ କିଉଦେରା, ୩ ଲାଗିଂ, ନକ୍‌ ପାତେକ୍ ଏପେକ୍ ସଂସାରନି ମାନାୟାତ୍ ଲାକେ ଚିନ୍ତା କିନାଦେରା ଇନାକିଦେଂକି ଏତେକାଡ଼ଦ ମି ବିସ୍‌ସେ ରିସା ଆନାକା ଆରି କେଡ଼ନାକା ମାନାଡ଼, ଏପେକ୍ କି ପଟତିଂ ହୁଡ଼ନା କାଦେର୍ ଆକାୟ୍ ଆରି ମାନାୟନି ଗୁଣ୍ ଇସାପ୍‌ତାଂ କି ଚିନ୍ତା କିଉଦେରା ? ୪ ଇନେନ୍ ଏତେକାଡ଼ଦ ରୱାନ୍ ଇନାନ୍, ଆନ୍ ପାଉଲ୍‌ତିଂ ଦାହ୍‌ନାକାଂ, ଲାଗିଂ ଆରେ ରକାନ୍ ଆକାୟ୍, ଆନ୍ ଆପଲ୍‌ତିଂ ଦାହ୍‌ନାକାଂ, ହେ ପାଦ୍‌ନା ଏପେକ୍ କି ସଂସାରନି ଲକ୍ଷ୍ୟ କାଦେର୍ ଆକାୟ୍ ?

୫ ଆପଲ୍ ଇନେନ୍ ? ପାଉଲ୍ ପା ଇନେନ୍ ? ହେୱାର୍ ତ ହେବାକାର୍‌ୟା ମତର ଇମ୍‌ଣାକାର୍ ହୁକେ, ୱିଜାରିଂ ମାପୁ ଇନେସ୍ ହିଡ଼ତାଡ଼ନ୍ନା, ହେଦାଂ କାଜିଂ ପାତ୍ କିତାଦେଣ୍ଟା । ୬ ଆନ୍ ରୁସ୍‌ୟାଂନା, ଆପଲ୍ ଏସ୍ ତିର୍ତ୍ତାନ୍ନା, ମତର ଇସ୍‌ର ବାତାୟ୍ କିନାନା । ୭ ଲାଗିଂ, ଇନେନ୍ ରୁଜ୍‌ନାନ୍ ଆରେ ଇନେନ୍ ଏସ୍ ହିନାନ୍, ହେୱାନ ମୁଲେ ଆକାୟ୍, ମତର ଗାଜାୟ୍ କିନାକାନ୍ ଜେ ଇସ୍‌ର, ହେୱାନ ଗାଜାକାନ୍ । ୮ ଇନେନ୍ ରୁଜ୍‌ନାନ୍ ଆରି ଇନେନ୍ ଏସ୍ ହିନାନ୍, ହେୱାର୍ ରିୟାର୍ ଏକ୍, ଇନାକିଦେଂକି ଇସ୍‌ର ଜାଣକେତିଂ ଜାର ଜାର କାମାୟ୍ ଇସାପ୍‌ତାଂ ଇନାମ୍ ପାୟାନାନ୍ । ୯ ଇନାକିଦେଂକି ଆପେଂ ଇସ୍‌ର ହାକ୍‌ଦାକାର୍; ଏପେକ୍ ଇସ୍‌ତ ତାରେନ୍, ଇସ୍‌ତ ଇଲ୍ । ୧୦ ନାକେକ୍ ହିୟାଆଡ଼ତି ଇସ୍‌ତ ଦୟା ଲାକେ ଆନ୍ ରୱାକ୍ ବୁଦିନିକାଂ ଇଲ୍ ରଚ୍‌ନାକାଂ ଲାକେ କୁନାଦି ରଚ୍‌ଚାକ୍‌ନା, ବିନ୍ ନିକାନ୍ ତା ଜପି ରଚ୍‌ଚାନ୍‌ନା । ମତର ୱିଜାକାର୍ ତା ଜପି ଇନେସ୍ ଇଚ୍‌ଚାଣ୍ଟା, ହେ ବିସ୍‌ସେ ଜାଗ୍ରଡ଼୍ ଆୟେନ୍ । ୧୧ ଇନାକିଦେଂକି ଇମ୍‌ଣି ମୁଡ଼କୁନାଦି ରଚ୍‌ଚାନ୍‌ନା, ତା ପିସ୍ତି ବିନ୍ ମୁଡ଼କୁନାଦି ଇନେର୍ ରଚ୍‌ଚେଂ ଆଡୁର୍, ହେ ମୁଡ଼କୁନାଦି ଜିସୁ କ୍ରିସ୍‌ଟୁ । ୧୨ ମାତର ଜପି ଇନେର୍ ହେ ମୁଡ଼କୁନାଦି ଜପି ହନା, ରୁପା, ବେସି ଦାମ୍‌ନି କାଲ୍, ୱେଜ୍‌ଗୁ, କାତ୍ରା ନଲେ ପିରି ହିଜି ରଚ୍‌ଚାନ୍, ୧୩ ତା ଆତିସ୍ ୱିଜାକାର୍ କାମାୟ୍ ଇନେସ୍, ହେଦାଂ ହନାଡ଼, ଇନାକିଦେଂକି ହେ ଦିନ୍ ହେଦାଂ ହନାଡ଼, ଲାଗିଂ ହେ ନାଜିଂ ନାଣି ଲାହାକ୍ ହନାଡ଼, ଆରେ ୱିଜାକାର୍ କାମାୟ୍ ଇନେସ୍, ହେଦାଂ ନାଣିତ ପରିକ୍ୟା କିନାନ୍ । ୧୪ ଇନେନ୍ ଇନାକା ଇଚ୍‌ଚାନ୍ନା, ତାଦାକ୍ ହେ କାରୁମ୍ ଜପି ମୁଡ଼କୁନାଦି ମାନାଡ଼, ୱାଟିକ୍ ହେୱାନ ଇନାମ୍ ପାୟାନାନ୍;

☆ ୩:୨ ୩:୨ ଏକ୍ରି ୫:୧୨, ୧୩. ☆ ୩:୪ ୩:୪ ୧ କରକ୍ରିୟ ୧:୧୨. ☆ ୩:୭ ୩:୭ ପକ୍ୟାତାକା ୧୮:୪-୧୧; ପକ୍ୟାତାକା ୧୮:୨୪-୨୮.

୧୫ ଜଦି ଇନେରତି କାମାୟ କାଡନାଡ, ତାଦାଂ ବୁଡନାଡ, ଆତିସପା ହେଝାନ ନିଜେ ରାକ୍ୟା ପାୟାନାନ୍, ମତର ହେଦାଂ ନାଣି ଜପି ହିଜି ହାତି ଲାକେ ଆନାଡ ।

୧୬ *ଏପେଙ୍ଗ ନିଜେ ପୁନୁଦେରା ଜେ, ଏପେଙ୍ଗ ଇସ୍ତର୍ ମନ୍ଦିର, ଆରେ ଇସ୍ତରତି ଝାସ୍ତି ମି ଝାସ୍ତିତ ବାହା କିଡତାନ୍; ୧୭ ଜଦି ଇମ୍ଫାଣି ଲଗୁ ଇସ୍ତର୍ ମନ୍ଦିରତିଂ ବୁଡାୟ କିନାନ୍, ଝାଟିଙ୍ଗ ଇସ୍ତର ତାଙ୍ଗେଙ୍ଗ ବୁଡାୟ କିନାନ୍, ଇନାକିଦେଂକି ଇସ୍ତର୍ ମନ୍ଦିର ପୁଇପୁୟା, ହେ ମନ୍ଦିର ଏପେଙ୍ଗ ।

୧୮ ଇନେର ଜାରତିଂ ଟେପର କିମେନ୍ । ମି ବିତ୍ରେ ଜଦି ଇମ୍ଫାଣି ଲଗୁ ଇ ଜୁଗ୍ତ ଜାରତିଂ ବୁଦିୟା ଇଞ୍ଜି ମାନେ କିନାନ୍, ଝାଟିଙ୍ଗ ହେଝାନ ଇନେସକି ବୁଦିୟା ଆଦେଂ ଆଡନାନ୍, ଇଦାଂ କାଜିଂ ହେଝାନ ମୁରୁକ୍ ଆୟେନ୍ । ୧୯ ଇନାକିଦେଂକି ଇ ପୁତର୍ ନି ଗିଆନି ଇସ୍ତର ତାକେ ମୁରୁକ୍ନିକା । ଲାଗିଂ ଦରମ୍ ସାସ୍ତରର୍ତ୍ତ ଲେକା ମାନାଡ, ହେଝାନ ଗିଆନିରିଂ ହେଝାରତି ହାଡୁରତାଂ ଆହ୍ନାନ୍; ୨୦ ଆତିସପା, ସାସ୍ତରର୍ତ୍ତ ପା ଲେକା ମାନାଡ “ମାପୁ ପୁନାନ୍ ଜେ ଗିଆନିତର୍ ଚିନ୍ତା ବାଦ୍ନା ପଲ୍ୟା । ୨୧ ଲାଗିଂ, ଇନେର ମାନାୟତାକେ ଗରବ୍ କିମେନ୍; ୨୨ ଇନାକିଦେଂକି ଝିଜୁ ବିସ୍ତେ ମିଦାଙ୍ଗ; ପାଉଲ୍ ଇନାଟ୍ କି ଆପଲ୍ ଇନାଟ୍ କି କେପା ଇନାଟ୍, ପୁତର୍ ଇନେଡ୍ କି ଜିବୁନ୍ ଇନେଡ୍, କି ହାକି ଇନେଡ୍, ନଙ୍ଗ ବିସ୍ତେ ଇନେନ୍କି ଝାନିଦିନ୍ତି ବିସ୍ତେ ଇନେନ୍, ଝିଜୁନେ ମିଦାଙ୍ଗ, ୨୩ ମତର ଏପେଙ୍ଗ କ୍ରିସ୍ତତି, ଆରେ କ୍ରିସ୍ତ ଇସ୍ତର୍ ।

୪

ପକ୍ୟାତାକାରତି ହେବାକାମାୟ

୧ ମାନାୟାର୍ ମାଙ୍ଗେଙ୍ଗ କ୍ରିସ୍ତତି ହେବା କିନାକାର୍, ଆରେ ଇସ୍ତରତିଂ ହାର୍ଦିଗିଆନି ଇଲ୍ଲକାର୍ନିୟା ଇଞ୍ଜି ମାନେ କିଦେର୍ । ୨ ଆରେ, ଇଲ୍ଲକାର୍ନିୟା ବିସ୍ତେ ଇଦାଂ ନିଜେ ମାନାକା ମାନାଡ, ଇନେସକି ପାତର୍ ଚଞ୍ଚାନାଡ । ୩ ମତର ମି ହୁଦାଂ ନଲେ ଇମ୍ଫାଣାକା ପା କାବାଆନି ବିଚାର୍ ସବା ହୁକେ ବିଚାଣ୍ଟି ଆନାକା ନା ପାକ୍ୟାତ ବେସି ଆଡ଼ଞ୍ଜା ବିସ୍ତେ, ଏଲେଙ୍ଗ କି ଆନ୍ ନିଜେ ପା ଜାରତି ବିଚାର୍ କିଉଙ୍ଗା । ୪ ଇନାକିଦେଂକି ଆନ୍ ଜାର୍ ବିରୁଦ୍ଧ ଇନାକା ପୁନୁଙ୍ଗ । ଆତିସପା ଇବେ ଆନ୍ ଦସି ଇଞ୍ଜି ପାର୍ମାଣ୍ ଆହ୍ୟାଝାତାଂନା । ମାତର ଜେ ନା ବିଚାର୍ କିନାନ୍ ହେଝାନ ମାପୁ । ୫ ଲାଗିଂ ସମୁନି ଆଗେ ମାପୁତି ଝାଞ୍ଜି ପାତେକ୍ ଇନାକାପା ବିସ୍ତେ ବିଚାର୍ କିମାଟ୍; ହେଝାନ ମାଜଗାନି ଡକ୍ତୁତି ବିସ୍ତେ ନିକିଙ୍ଗ ଅଜଡ୍ଡ ଚଡ଼ତାନାନ୍, ଆରେ ମାନ୍ତ କିତାକା ସବୁ ଝେର୍ନାନ୍; ହେ ପାଦ୍ନା ଝିଜାକାର୍ ଇସ୍ତର ତାକେ ବଲ୍ଲବଲ୍ଲାୟ ପାୟାନାର୍ । ୬ ଏ ଟଣ୍ଡାର୍, ଆରେ ତଣ୍ଡେକ୍ ଆନ୍ ମିଙ୍ଗେଙ୍ଗ ହିକ୍ୟା କାଜିଂ ଇ ସବୁ କାତା ନା ନିଜେତିଂ ଆରି ଆପଲ୍ଲତିଂ ଇଟ୍କାଡ୍ ଜିସ୍ତୁ ଉତ୍ତର୍ମୁଡ୍ ହିଡ୍ତାଂ, ଇନେସକି ଇନାକା ସାସ୍ତରର୍ତ୍ତ ଲେକା ମାନାଡ, ହେଦାଂ ଆଗେ ହାନାକା ବିଦି ହିଲୁଡ୍; ଇଦାଂ ଏପେଙ୍ଗ ମାତାଂ ହିକ୍ୟା କିୟାଟ୍, ଆରେ ଇନେସ୍ ମିତାକେଣ୍ଡାଂ ଇନେନ୍ ରଝାନ୍ ପାକ୍ୟା ଆରି ବିନ୍ନିକାନିଂ ପାକ୍ୟା ଆଜି ଗାବର୍ ଆମାଟ୍ । ୭ ଇନାକିଦେଂକି ଇନେନ୍ ମିଙ୍ଗେଙ୍ଗ ଗାଜା କିଡତାନ୍ନା, ଆରେ ଇନାକା ଏପେଙ୍ଗ, ଦାନ୍ ଲାକେ ପାୟାଝାତାଦେଣ୍ଟା, ଇଦାଂ ମିଦାଙ୍ଗ ଇନାକା ମାନାଡ ? ମତର ଜଦି ଏପେଙ୍ଗ ହେଦାଂ ଇସ୍ତର୍ ଦାନ୍ ଲାକେ ପାୟା ତାଦେଣ୍ଟା ଝାଟିଙ୍ଗ ହେଦାଂ ଦାନ୍ ଲାକେ ପାୟାଆଞ୍ଜି ଲାକେ ଇନାକିଦେଂ ଗରବ୍ କିନାଦେରା ?

୮ ଝିସ୍ତିପାତେ ଏପେଙ୍ଗ ଇନାକା ସାରି ଆଜି ହାଚାଦେରେ ? ଇଦାଂ ବିତ୍ରେ ଏପେଙ୍ଗ ଇନାକା ହାଉକାର୍ ଆତାଦେର୍ ? ମାଙ୍ଗ ପିସ୍ତି ଏପେଙ୍ଗ ଇନାକା ରାଜା ଆତାଦେଣ୍ଟା ? ଆଁ, ଏପେଙ୍ଗ ରାଜା ଆଜି ମାତିସ୍ ହାରା ଆତାମ୍, ଇନେସ୍ ଆପେଂ ପା ମି ଲାହାଙ୍ଗ ରାଜି କିଦେଙ୍ଗ ଆଡ଼ତାପମା । ୯ ଇନାକିଦେଂକି ନାଦି ମାନେ ଆନାତା, ପକ୍ୟାତାକାପ୍ ଜେ ଆପେଂ, ମା ଇସ୍ତର ହାତି ମୁମ୍ଦ ହେଲ୍ଲାୟ କିତି ସବୁତିଂ ହାରିହାରା ମାନାୟାରିଂ ଲାକେ ହୁଡିକିତାନ୍ନା, ଲାଗିଂ ଆପେଂ ପୁତର୍, ଦୁଡ୍, ଆରି ମାନାୟାର୍ ଲାଗେ ଗ୍ଲୁଇକିଆନି ବିସ୍ତେ ଆତାପମା । ୧୦ ଆସେଙ୍ଗ କ୍ରିସ୍ତତି କାଜିଂ ମୁକ୍ତାୟା, ମତର ଏପେଙ୍ଗ କ୍ରିସ୍ତତି ମେହାଣ୍ ତାକେ ଏପେଙ୍ଗ ବୁଦି ମାନାକାଦେର୍; ଆପେଂ ନାଦାର୍ ମତର ଏପେଙ୍ଗ ବାଡ଼କାସ୍; ଏପେଙ୍ଗ ଜାଜମାଲ୍ ପାୟାତାକାଦେର୍, ମତର ଆପେଂ ମାନି ହିଲ୍ଲଝାକାପ୍ । ୧୧ ଇ ସମୁ ପାତେକ୍ ପା ଆପେଂ ନାସକିନିକାପ୍ ଆରି ଏସ୍ତୁନିକାପ୍, ବାଡ଼କାସ୍ହିଲ୍ଲାକାପ୍ ଆରି ଟ୍ରାକ୍ମାନାପା, ଆରେ ଆହ୍ନର ହିଲ୍ଲାଦାଂ ବୁଲ୍ଲାଆଜି ବୁଲ୍ଲାଆଜି ୧୨ *ଜାର୍ କେଇଦ କସ୍ତୁ କିନାପା, ନିନ୍ଦାକିୟା ଆଜି ଆସିର୍ବାଦ୍ କିନାପା, ନିନ୍ଦା ପାୟା ଆଜି ହୁଞ୍ଜନାପା, ୧୩ ଲାଜୁଗିସ୍ ମେହାନି ବେଣ୍ କିନାପା; ଇ ପାତେକ୍ ପା ଆପେଂ ପୁତର୍ ନି ଗାଡ଼ା, ଝିଜାକାତର୍ ପାଲ୍ ଲାକେ ଆତାପମା । ୧୪ ଆନ୍ ମିଙ୍ଗେଙ୍ଗ ଲାଜୁକୁଇ କିଦେଂ ଇ ସବୁ ବିସ୍ତେ ଲେକିକିଉଙ୍ଗା ମତର ନା ଝାରିନି ମାଜି ଇଞ୍ଜି ଏଡୁ ଜିସ୍ତୁ ମିଙ୍ଗେଙ୍ଗ ଚେଡନା ହିଦ୍ନି କାଜିଂ ଇ ସବୁ ଲେକିକିନାଙ୍ଗା । ୧୫ ଇନାକିଦେଂକି ଜଦିପା କ୍ରିସ୍ତତି ବିସ୍ତେ ମିଦାଙ୍ଗ୍ ଦସ୍ ହାଜାର୍ ଗୁରୁର୍ ମାତିସ୍, ଆତିସପା ମିଙ୍ଗେଙ୍ଗ ହେନି ଆବାର୍ ହିଲୁର୍; ଇନାକିଦେଂକି କ୍ରିସ୍ତ ଜିସ୍ତୁ ତାକେ

* ୩:୧୭ ୩:୧୭ ୧ କରକ୍ରିୟା ୭:୧୯; ୨କରକ୍ରିୟା ୭:୧୭. * ୪:୧୭ ୪:୧୭ ପକ୍ୟାତାକା ୧୮:୩.

ଆନ୍ ମିଙ୍ଗେଙ୍ଗ ନେକ୍ରିକାବୁର୍ କାଜିଂ ଜଲମ୍ ହିଡ଼ତାଙ୍ଗନା । ୧୭ ✱ଲାଗିଂ ଆନ୍ ମିଙ୍ଗେଙ୍ଗ ଗଞ୍ଜାରି କିଦନାଙ୍ଗା, ଏପେଙ୍ଗ ନା ପାଚେ ଖାଡୁ । ୧୮ ଇଦାଂ କାଜିଂ ଆନ୍ ମି ତାକେ ତିମତିଙ୍ଗ ପକ୍ତାତାଙ୍ଗନା, ମାପୁ ତାକେ କ୍ରିସ୍ ଜିସୁ ତାକେ ମାନଞ୍ଜି ନା ଖାରିନିକାନ୍ ଆରି ପାଚିନି ମାଜି, ଇନେସକି ଆନ୍ ଖିଜୁ ତାକେ ସବୁ ମଣ୍ଡଲିତ ହିକ୍ୟା ହିଜି ମାନାଙ୍ଗ, ହେ ଲାକେ ହେଞ୍ଜାନ୍ ମିଙ୍ଗେଙ୍ଗ ନା କ୍ରିସ୍ତୁ ଚିନ୍ତା ସବୁ ଏଡୁ କିଇକିଦନାନ୍ । ୧୯ ଆନ୍ ମି ତାକେ ହାଲୁଙ୍ଗ ଇଞ୍ଜି ଏଡୁ କିଜି ଜିସୁ ଇନେ ଇନେର୍ ଗରବ୍ତ ବାଚି ଆତାନ୍ନା । ୨୦ ମତର୍ ଜଦି ମାପୁ ମାନ୍ କିନାନ୍ ଆନ୍ ମି ତାକେ ବେଗି ଖାନାଙ୍ଗ, ଆରେ ଇନେର୍ ଗରବ୍ କିନାରା, ହେଞ୍ଜାରିତ ବଚନ୍ ଆକାୟ, ମତର୍ ସାକ୍ତି ବୁଜା ଅନାଙ୍ଗ ! ୨୧ ଇନାକିଦେଂକି ଇସ୍ତର୍ ରାଜି କେବଲ୍ କାତାନି ବିସ୍ତେ ଆକାୟ ମତର୍ ବେସି ସାକ୍ତି ବିସ୍ତେ । ୨୨ ମି ମାନ୍ ଇନାକା, ଆନ୍ ବାଡ଼ଗା ଆସ୍ତି ମି ଲାଗେ ହାନାଙ୍ଗ କି ଜିଉନନାକା ଆସ୍ତି ଆରି କାଲେତାଙ୍ଗ ଅଜି ହାନାଙ୍ଗ ?

୫

ମଣ୍ଡଲିତ ବାନ୍ୟା ଚିନ୍ତା

୧ ହାଡ଼ପାଚେ ଖେନ୍ୟାନାନାତା ଜେ, ମି ବିତ୍ରେ ଦାରି ମାନାଡ଼, ଆରେ ଏପେଙ୍ଗ ଦାରି, ଇନାକା କି ପାଚିକିଞ୍ଜି ଜିହୁଦିର୍ ବିତ୍ରେ ପା ଆଉଡ଼, ଏଲେଙ୍ଗକି ରଞ୍ଜାନ୍ ଜାର୍ ଆବାନି ତକ୍ତି ଇଟ୍ତାନ୍ନା । ୨ ଆରେ ଇନେର୍ ଇ କାମାୟ କିତାନ୍ନା ହେଞ୍ଜାନ୍ ଇନେସ୍ ମି ବିତ୍ରେତାଂ ଦେହା କିୟା ଆୟେନ୍ ଇଦାଂ କାଜିଂ ଆଡ଼ବାଞ୍ଚାଦାଂ ଇଚିସ୍ କି ଗରବ୍ କିନାଦେରା । ୩ ମତର୍ ନା ଗାଗାଡ଼ତ ଖାଞ୍ଜିତସ୍ ପା ଜିବୁକ୍ତ ଏକାଞ୍ଚାଦାଂ ମାନଞ୍ଜି ଏଲେଙ୍ଗବାନି କାମାୟ କିନାନା ଏକିସ୍ ମାଚି ଲାକେ ଆନ୍ ମାପୁ ତା ବିଚାର କିଜି ଖିସ୍ତାତାଂନା, ୪ ଇଚିସ୍, ଏପେଙ୍ଗ ଆରି ନା ଖାସ୍ତି ମା ମାପୁ ଜିସୁତି ତର୍ଦ ସାକ୍ତି ଉପକାରତାଂ ରୁଣ୍ଡା ଆଜି ଇଦାଂ ତିର୍ କିତାପନ୍ନା ଜେ, ୫ ଇନେସ୍ ମାନାୟାରିଂ ଗାଗାଡ଼ନି ନାସ୍ କାଜିଂ ସୟତାନ୍ କେଇଦ ହେଲାୟ କିନି ଲଡ଼ା, ଇନେସ୍ ମାପୁ ଜିସୁତି ଦିକ୍ତ ତା ଜିବୁନ୍ ରାକ୍ୟା ପାୟାନାନ୍ । ୬ ✱ମିଦାଙ୍ଗ ଏପେଙ୍ଗ ଗରବ୍ କିନାକା ହାର୍ ଆକାୟ । ଏପେଙ୍ଗ କି ପୁନୁଦେରା ଜେ, ଅଲପ୍ ଇଞ୍ଜି ହୈନାକା ସବୁ ହାରାୟ ହୈନାକା କିନାଡ଼ ? ୭ ଏପେଙ୍ଗତ ହୈନାକା ସକର୍ ମାନାୟ, ଲାଗିଂ ଇନେସ୍ ଏପେଙ୍ଗ ପୁନି ହାରାୟ ଆଦେଂ ଆଡ଼ନାଦେର୍ ଇଦାଂ କାଜିଂ ପୁନି ପାସ୍ ତୁହି ହିଆର୍; ଇନାକିଦେଂକି ମା ନିସ୍ତାର୍ ପାର୍ବୁ ମେଣ୍ଡାହିମ୍ପା ଇଚିସ୍ କ୍ରିସ୍ତୁ ମା କାଜିଂ ପୁଜାଲାକେ କୁସ୍ତ ହାତାନ୍ନା । ୮ ଲାଗିଂ ଖାଡୁ, ଆସେଙ୍ଗ ପୁନି ହୈନାକା କି ବାନ୍ୟା ଆରି ବାନ୍ୟାକାମାୟ ହୈନାକା ହୁଦାଂ ପାର୍ବୁ ପାଲି କିଞ୍ଚାଦାଂ ହୁଦାର୍ ଆରି ହାଡ଼ପାଲାକେ ହଇଞ୍ଜି ରୁଟି ହୁଦାଂ ପାର୍ବୁ ପାଲି କିନାସ୍ । ୯ ଦାର୍ଯ୍ୟାର୍ ହୁଦାଂ ମେହାଞ୍ଚାଞ୍ଜି କାଜିଂ ଆନ୍ ମିଙ୍ଗ ନା ଆକିତ ଲେକିକିଜି ମାଚାଙ୍ଗ ମାଚାଙ୍ଗ; ୧୦ ଇ ଜଗଡ଼ନି ଦାରି କି ଦାନ୍ ଲବ୍ରା କି ଲକାର୍ ଜିନିସ୍ ଚର୍ଣ୍ଣା କି ପୁଡ଼ତା ପୁଜାକିନାକାର୍ ଲାହାଙ୍ଗ ଜେ ମୁଡ଼େ ମେହାଣ୍ ଆଉନ୍ । ହେଦାଂ ଆକାୟ; ତା ଆତିସ୍ ମିଙ୍ଗ ଜଗଡ଼ତାଂ ବାଚି ହାଞ୍ଜେଙ୍ଗ ଲଡ଼ା । ୧୧ ମତର୍ ନା ଲେକିକିନି ବାବନା ଇଦାଂ ମାଚାଡ଼ ଜେ, ଜଦି ଇମ୍ପା ଲଗୁ ଚଣ୍ଡେନ୍ ଇଞ୍ଜି ତାକ୍ପୁଟା ଆଜି ଦାରି କି ଦାନ୍ ଲବ୍ରା କି ପୁଡ଼ତା ପୁଜାକିନାକାର୍ କି ବାନ୍ୟା କି ମଦୁଆ କି ଲକାର୍ ଜିନିସ୍ ଚର୍ଣ୍ଣା ଆନାନ୍, ଖାଚିଙ୍ଗ ଏପେଙ୍ଗ ଲକୁ ଲାହାଙ୍ଗ ମେହାଆମାଟ୍, ଆରେ ହେଞ୍ଜାନ୍ ଲାହାଙ୍ଗ ତିନିମାଟ୍ । ୧୨ ଇନାକିଦେଂକି ବାର୍ତି ମାନାୟାରିତ ବିଚାର କିନାକାଙ୍ଗ ଆନ୍ ଇନେନ୍ ? ମତର୍ ମଣ୍ଡଲିନିକାରିଙ୍ଗ ବିଚାର କିନି ଦାଇଡ଼ ମାଦାଂ ଇନାକା ଆକାୟ ? ୧୩ ମତର୍ ଇମ୍ପାକାର୍ ବାଚି ମାନାର୍, ହେଞ୍ଜାରିତ ବିଚାର ଇସ୍ତର୍ କିନାନ୍ । ହେ ବାନ୍ୟା ଲଗାଙ୍ଗ ମି ବିତ୍ରେତାଂ ହପାଟ୍ ।

୬

କ୍ରିସ୍ତୁୟାନ୍ ଚଣ୍ଡାର୍ ବିରୁଦ୍ଧ ଗଣ୍ଡଗଲ୍

୧ ମି ବିତ୍ରେତାଂ ଇନେର୍ତ ବିନ୍ ଲଗାଂ ବିରୁଦ୍ଧ କାତା ମାଚିସ୍ ହେଞ୍ଜାନ୍ କି ବିଚାର କାଜିଂ ପୁଇପୁୟା ସାଦୁର୍ ଲାଗାଂ ହାଲୁଞ୍ଚାଦାଂ ଅଦାମିର୍ ଲାଗାଂ ହାନି କାଜିଂ ସାସ୍ କିନାନ୍ ? ୨ କି ସାଦୁର୍ ଜେ ଜଗଡ଼ନି ବିଚାର୍ଣ୍ଣା କିତାର୍, ଇ କାତା କି ଏପେଙ୍ଗ ପୁନୁଦେର୍ ? ଆରେ ଜଦି ପୁଚି ମି ପୁଇପୁୟା ହୁଦାଂ ବିଚାର୍ଣ୍ଣା ଆନାଡ଼, ଖାଚିଙ୍ଗ ଏପେଙ୍ଗ କି ଅଲପ୍ ଅଲପ୍ ବିସ୍ତେ ବିଚାର୍ଣ୍ଣା କିଦେଙ୍ଗ ଆଡୁଦେର୍ ? ୩ ଆସେଙ୍ଗ ଜେ ଦୁଡ଼ର୍ତ୍ତ ବିଚାର୍ କିନାକା, ଇଦାଂ କି ଏପେଙ୍ଗ ପୁନୁଦେର୍ ? ୪ ଖାଚିଙ୍ଗ ସିସାର୍ ଜିବୁନ୍ କାତା କି ଇନାକା ? ଲାଗିଂ, ଜଦି ବିଚାର୍ କାଜିଂ ମିଦାଙ୍ଗ ସିସାର୍ ଜିବୁନ୍ ବିସ୍ତେ ଇମ୍ପା ବିସ୍ତେ ମାଚିସ୍, ଖାଚିଙ୍ଗ ମଣ୍ଡଲିତ ଇମ୍ପାକାର୍ ବୁଜାଆଉର୍, ହେଞ୍ଜାରି ବିଚାର୍ଣ୍ଣା କିଦେଙ୍ଗ ବାଚି କିୟାଟ୍ ? ୫ ଆନ୍ ମିଙ୍ଗ ଲାଜ୍ ହିଦ୍ନି କାଜିଂ ଇଦାଂ ଇଞ୍ଜନାଙ୍ଗା । ଚଣ୍ଡାର୍ ଚଣ୍ଡାର୍ ବିତ୍ରେ ଗଣ୍ଡଗଲ୍ କିଦେଙ୍ଗ ଆଡ଼ନାଦେର୍, ଏପେଙ୍ଗ ଇନାକା ରଞ୍ଜାନ୍ ଇଞ୍ଜି ଗିଆନି ଲଗୁ ହାଡ଼ପା ବିତ୍ରେ

✱ ୪:୧୭ ୪:୧୭ ୧ କରକ୍ରିୟ ୧୧:୧; ପିଲିପିୟ ୩:୧୭. ✱ ୫:୬ ୫:୬ ଗାଲାତିୟ ୫:୯.

ବିଚାର କିନାକାନ ହିଲୁନ୍ ? ୭ ମତର ଟଣ୍ଡାର ଟଣ୍ଡାର ବିରୁଦ୍ଧ ବିଚାର୍ଣ୍ଣା ଇଞ୍ଜ ଦାବା କିନାନ, ହେଦା ଆରେ ପାତର୍ କିଞ୍ଜାକାର ଲାଗା ।

୭ ଏପେଙ୍ଗ ଜେ ହାରି ବିରୁଦ୍ଧ ବିଚାର ଇଞ୍ଜ ଦାବା କିନାଦେରା, ହେବେ ଏପେଙ୍ଗ ହାଡ଼ପା ଦସି । ନଲେ ଇନେକିଦେ ଅନୟାୟ ହୁଞ୍ଜୁଦେରା ? ଇତିସ୍ ଇନେକିଦେ ଅନୟାୟ ମାନିକିଉଦେରା ? ଇତିସ୍ ଇନାକିଦେ ନସ୍ ମାନି କିଉଦେରା ? ୮ ମତର ଏପେଙ୍ଗ ଜାର୍ ଜାର୍ ଅନୟାୟ ଆରି ନସ୍ କିନାଦେରା, ଆରେ ହେଦା ଟଣ୍ଡାର ଆରି ତଣ୍ଡେକ୍ କାଜି କିନାଦେରା । ୯ କି ଅଦାମର୍ ଜେ ଇସ୍ତ ରାଜିତ ଆଦିକାର ଆଉର୍, ଇଦା କି ଏପେଙ୍ଗ ପୁନୁଦେରା ? ବୁଲ୍‌କା ଆମାଟ୍, ଦାରି କି ପୁଡ଼ଡ଼ା ପୁଜାକିନାକାର କି ଲକାରଦାରି କି କଗ୍‌ଲେ ଚିନ୍ତା ଦାରୁଲା ୧୦ କି ମୁଟିଇଡ଼ନାକାନ କି ଚରେନ୍ କି ଦାନ ଲହା କି ମଦ୍‌ଞ୍ଜା କି ବାନ୍ୟା ଲକାତର୍ ଜିନିସ୍ ଚରି କିନାକାନ ଇଞ୍ଜାର ଇସ୍ତ ରାଜିତ ହେଞ୍ଜାର ବାଗ୍ ପାୟା ଆଉର୍ । ୧୧ ଆରେ, ମି ବିତ୍ରେ ଇନେର୍ ଇନେର୍ ଏପେଙ୍ଗ ମାଚାଦେର୍; ମତର ମାପୁ ଜିସୁ କ୍ରିସ୍ତ ତରଦ ଆରି ମା ଇସ୍ତ ହୁଦା ଏପେଙ୍ଗ ନୁଜୟା ଆତାଦେର୍ଣ୍ଣା, ପୁଇପୁୟା କିୟା ଆତାଦେର୍ଣ୍ଣା ଆରି ଦାମର୍ ଇଞ୍ଜ ଗାଣ୍ଡି ଆତାଦେର୍ଣ୍ଣା ।

ଜାର ଗାଗାଡ଼ି ଇସ୍ତ ଜାଜ୍‌ମାଲ୍ କାଜି ଚିନ୍ତା କିୟାଟ୍

୧୨ ଝିଲୁ ବିସ୍ତେ ଆଡ଼ଦେ ନା ଦାଇଡ଼ ହିଡ଼ଡ଼ାଣ୍ଣା, ମତର ଝିଲୁ ବିସ୍ତେ ହାରଦାକା ଆକାୟ । ଝିଲୁ ବିସ୍ତେ ଆଡ଼ଦେ ନା ଆଦିକାର ମାନାଡ଼, ମତର ଆନ୍ ଇମଣି ବିସ୍ତେ ତାରେନ୍ ଆଉଙ୍ଗ ୧୩ ବିନ୍‌ନିକାର ଇଞ୍ଜେଙ୍ଗ ଆଡ଼ନାର୍ କାଦି ପଟ କାଜି, ଆରେ ପଟ କାଜି, ମତର ଇସ୍ତ ହାରିତି ବୁଡ଼ାୟ କିନାନ । ଗାଗାଡ଼ ଦାରି କାଜି ଆକାୟ, ମତର ମାପୁତି କାଜି, ଆରେ ମାପୁ ଗାଗାଡ଼ କାଜି; ୧୪ ଇସ୍ତ ମାପୁଙ୍ଗ ହାକିତା ନିକ୍‌ତାନ, ଆରେ, ଜାର ସାକ୍ତି ହୁଦା ମାଙ୍ଗେଙ୍ଗ ପା ନିକ୍‌ତାନାନ ।

୧୫ ମି ଗାଗାଡ଼ ଜେ କ୍ରିସ୍ତ ଗାଗାଡ଼ ଲାକେ, ଇଦା କି ପୁନୁଦେରା ? ଝାଟିଙ୍ଗ୍ ଆନ୍ ଇନାକା କ୍ରିସ୍ତ ଗାଗାଡ଼ ଅଜି ଦାରିଆତି ଗାଗାଡ଼ କିନାଙ୍ଗ ? ହେଦା ଇନାଞ୍ଜାଡ଼ା ପା ଆମେଡ଼ । ୧୬ କି ଇନେର୍ ଦାରିଆ ଲାହାଙ୍ଗ୍ ମେହାନାନ୍, ହେଞ୍ଜାନ୍ ତା ଲାହାଙ୍ଗ୍ ର ଗାଗାଡ଼ ଆନାନ୍, ଇଦା କି ଏପେଙ୍ଗ ପୁନୁଦେର୍ ? ଇନାକିଦେକି ଲେକା ମାନାଡ଼, “ହେଞ୍ଜାର ରିଆର୍ ଏକ୍ ଆନାର୍ ।” ୧୭ ମତର ଇନେର୍ ମାପୁତି ଲାହାଙ୍ଗ୍ ଝାସ୍ତି ମେହା ଆନାର୍, ହେଞ୍ଜାନ୍ ହେଞ୍ଜାନ୍ ଲାହାଙ୍ଗ୍ ର ଜିବୁନ୍ ଆନାଡ଼ ।

୧୮ ଦାରିତା ଦେହା ହାଲାଟ୍ । ମାନାୟ ବିନ୍ ଇମଣାକା ପା ପାପ୍ କିତିସ୍, ହେଦା ଗାଗାଡ଼ି ବାଡ଼ହତାକା; ମତର ଇନେର୍ ଦାରି କିତାନ୍, ହେଞ୍ଜାନ୍ ଜାର ନିଜ୍ ଗାଗାଡ଼ ବିରୁଦ୍ଧ ପାପ୍ କିନାନ । ୧୯ ଏପ୍ ଇନାକା ପୁନୁଦେରା କି ଜେ ମି ଗାଗାଡ଼ ପୁଇପୁୟା ଜିବୁନି ମନ୍ଦିର୍, ଇନାକା ଏପେଙ୍ଗ ଇସ୍ତରତା ପାୟା ଆତାଦେର୍ଣ୍ଣା ? ଆରେ, ଏପେଙ୍ଗ ଜାର ଜାର୍ତି ଆକାୟ; ୨୦ ଇନାକିଦେକି ଏପେଙ୍ଗ ଜବର୍ ମଲ୍‌ଦ କଡ଼ୟାତାଦେର୍ଣ୍ଣା; ଲାଗି ମି ଗାଗାଡ଼ ଇସ୍ତ ଜାଜ୍‌ମାଲ୍ ହପାଟ୍ ।



ବିବା ବିସ୍ତେନି ପରସନ୍

୧ ଏପେଙ୍ଗ ଇମଣି ସବୁ ବିସ୍ତେ ଲେକି କିତାଦେର୍‌ନା, ହେ ସବୁନି ଉତର ଇଦା, କଗ୍‌ଲେ ହିମଣାକା ଡୁଞ୍ଜାକା ଆଣ୍ଡାଙ୍ଗ୍ ପାକ୍ୟାତ ହାର୍; ୨ ମତର ଦାରି ପାଣ୍ଡୁକାଜି ଜାଣ୍‌କେ ଆଣ୍ଡାଙ୍ଗ୍‌ତି ଜାର୍ତି କଗ୍‌ଲେ ମାନେଡ଼, ଆରେ ଜାଣ୍‌କେ କଗ୍‌ଲେକ୍‌ନି ଜାର୍ତି ଆଣ୍ଡେନ୍ ମାନେନ୍ । ୩ ଆଣ୍ଡେନ୍ କଗ୍‌ଲେତି ପାୟାଏଡ଼, ଆରେ ହେ ଲାକେ ପା କଗ୍‌ଲେ ଆଣ୍ଡେନି ପାୟାଏଡ଼ । ୪ କଗ୍‌ଲେତି ଜାର ଗାଗାଡ଼ ଜପି କେମ୍‌ତା ଆକାୟ, ମତର ଆଣ୍ଡେନ୍ତି ମାନାଡ଼; ହେ ବାନି ପା ଆଣ୍ଡେନ୍ତି ଜାର ଗାଗାଡ଼ ଜପି ଆଦିକାର ଆକାୟ, ମତର କଗ୍‌ଲେତି ମାନାଡ଼ । ୫ ହାରିତି ଆବ୍‌ଡ଼ କ୍ରିମାଟ୍, ଏଚେକାଡ଼ଦ ପାର୍ତାନା କାଜି ପାବ୍ ଗାଗାନି କାଜି ବୁଲ୍‌ମାତାର ର ବୁଜାମାଣା ଆଜି ଅଲପ୍ କାଡ଼ ବିନେ ମାଞ୍ଜେଙ୍ଗ୍ ଆଡ଼ନାଦେର୍; ଆରେ, ମିଦାଙ୍ଗ୍ ମାନ୍ ଦାବାୟ ଅବାବ୍ ଲାଗି ସୟତାନ୍ ଇନେସ୍ ମିଙ୍ଗେଙ୍ଗ୍ ପରିକ୍ୟା କିଦୁଡ଼, ଇଦା କାଜି ଆରେ ରଗ ରୁଣ୍ଡା ଆଡୁ ।

୬ ମତର ଆନ୍ ବଲ୍ ହିଡ଼ତି ଲାକେ ଇଞ୍ଜାଦା ବୁଜାୟ କିଡ଼ତି ଲାକେ ଇଦା ଇଞ୍ଜନାଙ୍ଗା । ୭ ଆତିସ୍‌ପା, ଇନେସ୍ ସବୁ ଲଗୁ ନା ଲାକେ ଆନାର୍, ଇଦା ନା ଇତା । ମତର ଇନେର୍ ଏପେଙ୍ଗ, ଇନେର୍ ହେ ଏଲେ, ଜାଣ୍‌କେ ଇସ୍ତରତା ଦାନ୍ ପାୟାତାଣ୍ଣା ।

୮ ମତର ଆନ୍ ଝାଟା ଆରି ରାଣ୍ଡିକା ଇନାଙ୍ଗା, ହେଞ୍ଜେକ୍ ନା ଲାକେ ମାତିସ୍ ହେଞ୍ଜେକ୍ ପାକ୍ୟାତ ହାର୍ । ୯ ମତର ଜଦି ହେଞ୍ଜେକ୍ ମାନଡ଼ି ସାମାଲି କିଦେଙ୍ଗ୍ ଆଡ଼ଞ୍ଜିତିସ୍, ଝାଟିଙ୍ଗ୍ ହେଞ୍ଜେକ୍ ବିବା ଆୟେକ୍; ଇନାକିଦେକି କାମାୟତ ତାହାନି ବାଟା ବିବା ଆନାକା ହାର୍ ।

୧୦ ମତର ଇଲା ଆତାକାରିଂ ଆନ୍ ବଲ୍ ହିନାଂ, ଆନ୍ ଆକାୟ୍, ମତର ମାପୁ ବଲ୍ ହିନାନ୍, କଗଲେ ଜାର୍ ତକ୍ରାତାଂ ବିନେ ଆମେଡ୍, ୧୧ ମତର ଜଦି ହେଦେଲ୍ ବିନ୍ ବିନ୍ ଆତିସ୍, ଖାଟିଙ୍ ହେଦେଲ୍ ଆରେ ବିବା କିମେଡ୍, ଆଡ୍ଡିତିସ୍ ଜାର୍ ଆଣ୍ଡେନ୍ ଲାହାଙ୍ ମେହା ଆୟେଡ୍, ଆରେ ଆଣ୍ଡେନ୍ ଜାର୍ କଗଲେଂ ପିହ୍ମେନ୍ ।

୧୨ ମତର ବିନ୍ ଲଗାଂ ଓଜାରିଂ ଆନ୍ ଇନାଂ ମାପୁ ଇନ୍ଦନ୍, ଜଦି ଇମ୍ଫଣି ଟଣ୍ଡେନ୍ ତାକେ ପାତ୍ ହିଓ୍ ତକ୍ତି ମାତିସ୍, ଆରେ ହେଓନ୍ ତା ଲାହାଙ୍ ବାହା କିଦେଙ୍ ରାଜି ଆଏନ୍, ତା ଆତିସ୍ ହେଓନ୍ ହେଦେଲ୍ ପିହ୍ମେନ୍ । ୧୩ ଆରେ, ଇନେର୍ ତକ୍ତି ତାକେ ପାତ୍ କିଓକାନ୍ ଆଣ୍ଡେନ୍ ମାତିସ୍, ଆରେ ହେଓନ୍ ଲାହାଙ୍ ବାହା କିଦେଙ୍ ରାଜି ଆଏଡ୍, ହେଦେଲ୍ ତା ତକ୍ରାହିଂ ପିହ୍ମେଡ୍ । ୧୪ ଇନାକିଦେଂକି ପାତ୍ କିଓ୍ ଆଣ୍ଡେନ୍ ପାତ୍ କିନି ତକ୍ତି ଲାହାଙ୍ ସକର୍ କିୟାଆନାତାଡ୍ନା, ଆରେ ପାତ୍ କିଓ୍ ତକ୍ତି ପାତ୍ କିନି ଆଣ୍ଡେନ୍ କାଜିଂ ସକର୍ କିୟାଆନାତାଡ୍ନା; ହେଦାଂ ଆଡ୍ଡିତିସ୍ ମି ହିମ୍ଫାଂ ରାଡା ଆତାମା, ମାତର ନଙ୍ ହେଓର୍ ସକର୍ । ୧୫ ଆତିସ୍ପା ଜଦି ପାତ୍ କିଓକା ବିନେ ଆଦେଂ ଇଚା କିତିସ୍, ଖାଟିଙ୍ ହେଦେଲ୍ ବିନେ ଆୟେଡ୍; ଏଲେଙ୍ ବାହାତ ହେ ଟଣ୍ଡେନ୍ କି ତଣ୍ଡେଲ୍ ହୁର୍ପିୟା ଆଓଡାଣ୍ଡା, ଇସ୍ପର୍ ମିଙ୍ ସୁସ୍ତାତ ବେବାର୍ କିଦ୍ଦେଂ ଆସ୍ତାତାନ୍ନା । ୧୬ ଲାଗିଂ ଏ କଗଲେ, ଏପେଙ୍ ଜେ ଜାର୍ ପାତ୍ ତକ୍ରାତି ମୁକ୍ତିନି କାରଣ୍ ଆନାଦେର୍, ଇଦାଂ ଇନାକା ପୁନ୍ଦୁୟ୍ ? କି ଏ ଆଣ୍ଡାଙ୍, ଏପେଙ୍ ଜେ ଜାର୍ କଗଲେଡି ମୁକ୍ତାନି କାରଣ୍ ଆନାଦେର୍, ଇଦାଂ ଇନାକା ପୁନାଦେର୍ ?

ଇନେସ୍ କୁକ୍ତାକା ହେ ଏଲେଙ୍ ଚିନ୍ତା

୧୭ କେବଲ୍ ମାପୁ ଇନେରିଂ ଦାନ୍ ପାସ୍ତାତାନ୍ନା, ଇସ୍ପର୍ ଓଜାରିଂ ଇନେସ୍ କୁକ୍ତାକା ହେଓନ୍ ହେ ଲାକେ ଚିନ୍ତା କିଏନ୍ । ଆନ୍ ସବୁ ମଣ୍ଡଲିତ ଏଲେଙ୍ ବାନି ବଲ୍ ହିନାଂ । ୧୮ ଇନେନ୍କି ସୁନ୍ଦ୍ ଲାକେ ଇସ୍ପର୍ ହୁକେ କୁକ୍ତାକା ? ହେଓନ୍ ସୁନ୍ଦ୍ ଆକାୟ୍ ଲାକେ ଚଞ୍ଚିୟା ଆଦେଂ ସେସ୍ କିମେନ୍ । ଇନେ ଇନେନ୍କି ସୁନ୍ଦ୍ ଆକାୟ୍ ଲାକେ କୁକ୍ତାକା ? ହେଓନ୍ ସୁନ୍ଦ୍ ଆମେନ୍ । ୧୯ ସୁନ୍ଦ୍ ଆନାକା କି, ଆରେ ସୁନ୍ଦ୍ ଆକାୟ୍ ମୁଡେ ଆକାୟ୍, କେବଲ୍ ଇସ୍ପର୍ ବଲ୍ ପାଲି କିନାକା ନେ ଗାଜା । ୨୦ ଇସ୍ପର୍ ଖାଟିଲେ ହେ ଇମ୍ଫଣି ଅବସ୍ତାତ କୁକ୍ତାକାଦେଣ୍ଡା, ହେଓନ୍ ହେବେ ମାନେନ୍ । ୨୧ ଏପେଙ୍ କି ଆଡ୍ଡିଏନ୍ ଆଜି କୁକ୍ତାକାଦେଣ୍ଡା ? ଚିନ୍ତା କିମାଟ୍; ମତର ଏଚେକାଡ୍ଦ ମୁକ୍ତା ଆଦେଂ ଆଡ୍ନାଦେର୍, ତେବେ ନଲେ ସୁବିଦା ହୁଡାଟ୍ । ୨୨ ଇନାକିଦେଂକି ଇନେର୍ ଆଡ୍ଡିଏନ୍ ଆଜି ମାପୁତାକେ କୁକ୍ତାକା, ହେଓନ୍ ମାପୁତି ମୁକ୍ତାତ ଲଗ୍; ହେ ଲାକେ ଇନେର୍ ମୁକ୍ତା ଆଜି କୁକ୍ତାକା, ହେଓନ୍ କ୍ରିସ୍ତି ଆଡ୍ଡିଏନ୍ । ୨୩ ଏପେଙ୍ ବେସି ମଲ୍ଦ କଡ୍ଡାତାଦେଣ୍ଡା, ମାନାୟ୍ନି ଆଡ୍ଡିଏନ୍ ଆମାଟ୍ । ୨୪ ଏ ଟଣ୍ଡା, ଆରି ତଣ୍ଡେକ୍ ଜାଣକେ ଇମ୍ଫଣି ଅବସ୍ତାତ କୁକ୍ତାକାଦେଣ୍ଡା; ହେଓନ୍ ଇସ୍ପର୍ ରଚେ ମାନ୍ଞି ହେ ଅବସ୍ତାତ ମାନେନ୍ ।

ଓଡା ଆରି ରାଣ୍ଡିକ୍ ବିସ୍ତେ ପର୍ସନ୍

୨୫ ଗାଡ୍ଡେକ୍ଟି ବିସ୍ତେ ଆନ୍ ମାପୁତାଂ ଇମ୍ଫଣାକା ପା ବଲ୍ ଗାଟାଓଡାତାନ୍ନା; ମତର ମାପୁତି ଦୟାତାଂ ପାତ୍ ଲଗ୍ ଆଜି ଜାର୍ଡିଂ କାତା ହିନାଙ୍ ।

୨୬ ଆନ୍ ବାବି କିନାଙ୍ ଜେ, ମାନାୟ୍ ଇନେସ୍ ମାନାନ୍, ସୁନ୍ଦ୍ ଆଡ୍ଡି କସ୍ ଲାଗିଂ ହେ ଲାକେ ମାନାକା ହାର୍ । ୨୭ ଏପେଙ୍ ଜେ ତକ୍ତି ହୁଦାଂ ମାନାଦେର୍ ? ଲାଗିଂ ମୁକ୍ତା ଆନି କାଜିଂ ସେସ୍ କିମାଟ୍ । ଏପେଙ୍ ଜେ ତକ୍ତିହୁଦାଂ ମୁକ୍ତାନାଦେର୍ ? ତେବେ ତକ୍ତି ଗାଟାନି କାଜିଂ ସେସ୍ କିମାଟ୍ । ୨୮ ମତର ଜଦି ଏଲେଙ୍ ବିବା କିତାଦେଣ୍ଡା, ତା ଆତିସ୍ପା ପାୟ୍ କିଓଡାଦେଣ୍ଡା; ଆରେ ଜଦି ଜିପଲି ବିବା କିତାଡ୍ନା, ତା ଆତିସ୍ ହେଦେଲ୍ ପାୟ୍ କିଓଡାଡ୍ନା । ଆତିସ୍ପା ଏଲେଙ୍ ଲଗ୍ ଗାଗାଡ୍ କସ୍ ବଗ୍‌କିନି କାଜିଂ; ଆରେ ଏପେଙ୍ ଇନେସ୍କି ହେବେତାଂ ରାକ୍ଷା ପାୟାଡ୍, ଇଦାଂ ନା ମାନ୍ ।

୨୯ ମତର ଏ ଟଣ୍ଡା, ନା କାତା ମାନ୍ ଏଲେଙ୍, ସମ୍ପୁ ବେସି ଉଣା, ଲାଗିଂ ଇମ୍ଫଣାକାତ୍ ତକ୍ତି ମାନାଡ୍, ହେଓର୍ ତକ୍ତି ହିଲ୍ଡି ଲାକେ ଆଏର୍ । ୩୦ ଆରେ, ଇନେର୍ ଆଡ୍‌ବାନାର୍, ହେଓର୍ ଆଡ୍‌ବାଓକାର୍ ଲାକେ ଆଏର୍; ଆରେ, ଇନେର୍ ଦୁକ୍ କିତାର୍, ହେଓର୍ ଦୁକ୍ କିଓକାର୍ ଲାକେ ଆଏର୍; ଇନେର୍ କଡ୍ନାର୍, ହେଓର୍ କଡ୍‌ଓକାର୍ ଲାକେ ଆଏର୍; ୩୧ ଆରେ, ଇନେର୍ ସ୍ପାୟାର୍ ବିସ୍ତେ ବଗ୍ କିତାର୍, ହେଓର୍ ବଗ୍ କିଓକାର୍ ଲାକେ ଆଏର୍ । ଇନାକିଦେଂକି ଇ ଜଗଡ୍ନି ବାନା ବାଦ୍‌ଲା ଆନାତା ।

୩୨ ମତର ଏପେଙ୍ ଇନେସ୍କି ଚିନ୍ତା କିମାଟ୍, ଇଦାଂ ନା ଇଚା । ଇନେନ୍ ଓଡା, ହେଓନ୍ ଇନେସ୍କି ମାପୁତି ମାନ୍‌ସତକ୍ ଆନାଦେର୍, ହେଦାଂ କାଜିଂ ମାପୁନି ବିସ୍ତେ ଆସ୍ତି ଚିନ୍ତା ଆଡ୍; ୩୩ ମତର ଇନେନ୍ ଇଲା ଆତାକାନ୍, ହେଓନ୍ ଇନେସ୍ ଜାର୍ ତକ୍ତି ମାନ୍‌ସତକ୍ ଲଗ୍ ଆନାନ୍, ହେଦାଂ କାଜିଂ ହେଓନ୍ ପୁର୍ତି ବିସ୍ତେ ଆସ୍ତି ଚିନ୍ତା କିନାନ୍, ଆରେ ତା ମାନ୍ ବିନେବିନେ ଆନାଡ୍ । ୩୪ ଲାଗିଂ ହେଓନ୍ ମାନ୍ ରିବାଗ୍ ଆୟେଡ୍ ଡିଣ୍ଡା କଗଲେ ଆରି ଜିପଲି ମାପୁ କାମାୟ୍ ଗାଗାଡ୍ ଆରି ଜିବୁଡ୍ ପୁଇପୁୟା ଆନି କାଜିଂ ମାପୁତି ବିସ୍ତେ ଆଜି ।

ଚିନ୍ତା ଆନାର୍; ମତର ଇନ୍ଦେଲ୍ ଇଲା ଆତାକା, ହେଦେଲ୍ ଇନେସ୍ ଜାର୍ ଆଣ୍ଡେକ୍ତି ମାନସତକ୍ କଗଲେ ଆନାତ୍, ହେଦାଂ କାଜିଂ ପୁତ୍ ବିସ୍ତେ ଅଜି ଚିନ୍ତା ଆତୁ ।

୩୫ ଇ କାତା ଆନ୍ ମିଦାଙ୍ଗ୍ ଜାର୍ ହାର୍ କାଜିଂ ଇଞ୍ଜନାଙ୍ଗା, ମିଙ୍ଗ୍ ଗାଚ୍ଚିତ୍ ଆସ୍ତେଙ୍ଗ୍ ଇଞ୍ଜୁଙ୍ଗା, ମତର୍ ଏପେଙ୍ଗ୍ ଇନେସ୍ ହାର୍ ଚିନ୍ତା ଜିସୁ ର ମାତ୍ତ ମାପୁ ତାକେ ଲାଗାଜି ମାନାତ୍, ଇଦାଂ କାଜିଂ ଇଞ୍ଜନାଙ୍ଗା ।

୩୬ ମତର୍, ଖାଚିଙ୍ଗ୍ ଇମ୍ଫଣି ମାନାୟ୍ ଜାର୍ ଗାଡ୍ଚେନି ଜିପଲି ଅବସ୍ତା ହାଚାତ୍ତନା, ଆରେ ହେଦେଲ୍ ତା କାଜିଂ କିଞ୍ଜାକା ଚିନ୍ତା କିନାତା ଇଞ୍ଜି ବାବି କିନାତ୍, ତେବେ ଲଡାନିମାନ୍ କିତିସ୍ ହେଦେଲ୍ ଇନାକା ଇଚା, ହେଦାଂ କିଏଡ୍; ହେବେ ପାପ୍ ଆକାୟ୍; ହେଝେକ୍ ବିବା ଆୟେକ୍ । ୩୭ ମତର୍ ଜେ ଖାସ୍ତିତ୍ ତିର୍ ମାନାତ୍, ଆରେ ଲଡା କିଞ୍ଜିତ୍ସ, ଆରେ ଇନେରତି ଜାର୍ ଇଚା ଲାହାଙ୍ଗ୍ କିଦେଙ୍ଗ୍ ଆଦିକାର୍ ମାଚିସ୍, ଆରେ ଇନେର ଜାର୍ ଗାଡ୍ଚେଂ ଜିପଲି ଇଡ୍ଦେଂ କାଜିଂ ଖାସ୍ତିତ୍ ତିର୍ କିତାନ୍ନା, ହେଦେଲ୍ ହାର୍ କିତାତ୍ତନା । ୩୮ ଲାଗିଂ ଇନେର ଜାର୍ ଜିପଲି ବିବା କିନାନ୍, ହେଞ୍ଜାନ୍ ହାର୍ କିନାନ୍, ଆରେ ଇନେର ବିବା କିତନ୍, ହେଞ୍ଜାନ୍ ଆରେ ହାର୍ କିନାନ୍ ।

୩୯ ଆଣ୍ଡେନ୍ ଜିଜି ମାନି ପାତେକ୍ କଗଲେ ଗାଚ୍ୟାଜି ମାନାତ୍; ମତର୍ ଆଣ୍ଡେନ୍ ହାଚିସ୍, ଖାଚିଙ୍ଗ୍ କଗଲେ ମାପୁତି ତାକେ ପାତ୍ ନିକା ଇନେରିଂ ମାନ୍, ହେଞ୍ଜାନ୍ ବିବା କିଦେଙ୍ଗ୍ ଜାର୍ମାନ୍ । ୪୦ ମତର୍ ହେଦେଲ୍ ହେ ଲାକେ ମାଚିସ୍ ଆଦିକ୍ ସୁକ୍ ଆନାତ୍, ଇଦାଂ ନା ଇନାକା, ଆରେ ଆନ୍ ପା ଇସ୍ତ୍ ଜିରୁନ୍ ପାୟାତାଂନା ଇଞ୍ଜି ବାବି କିନାଙ୍ଗ୍ ।

୮

ପେନ୍ ଆକାତ୍ ବିସ୍ତେ

୧ ପେନ୍ ପୁଜାକିତି ଆକାତ୍ ବିସ୍ତେ ନା ଉତର ଇଦାଂ, ମାଦାଂ ଓଜାକାତ୍ ଗିୟାନ୍ ମାନାତ୍ ଇଞ୍ଜି ଏପେଙ୍ଗ୍ ଇନାକା ଇନାଦେରା, ହେଦାଂ ଆପ୍ ପୁନାପ୍ । ଗିୟାନ୍ ଆକାର୍ ଉବ୍ଜାଣ୍ କିନାତ୍, ମତର୍ ଜିଉନନିତାଂ ହାର୍ଦାକା ହନାତ୍ । ୨ ଜଦି ଇନେର ଇମ୍ଫଣି ବିସ୍ତେ ପୁନାନ୍ ଗିଆନି ଇଞ୍ଜି ବାବି କିତାର୍, ଲାଗିଂ ହେଞ୍ଜାନ୍ତି, ଇନେସ୍ ପୁନାକା ଲଡା ହେଞ୍ଜାନ୍ ଇ ପାତେକ୍ ପୁନ୍ଝାତାନ୍ନା; ୩ ମତର୍ ଜଦି ଇନେର ଇସ୍ତ୍ରିତ୍ ଜିଉନନାର୍, ଇସ୍ତ୍ରିତାକେଙ୍ଗ୍ ପୁଚାନ୍ନା । ୪ ଲାଗିଂ ପେନ୍ ପୁଜାକିତି ଆକାତ୍ ତିନି ବିସ୍ତେ ଆସେଙ୍ଗ୍ ପୁନାସ୍ ଜେ, ପୁତ୍ ପେନକୁ ଇଞ୍ଜି ଇନାକା ମୁଲ୍ୟ ହିଲେଡ୍, ଆରେ ର ଇସ୍ତ୍ରି ପିସ୍ତ୍ରି ରିଣ୍ଡା ହିଲେକ୍ । ୫ ଇନାକିଦେଂକି ସାଗେତ୍ ଆୟେଡ୍ କି ପୁତ୍ ଆୟେଡ୍, ଇମ୍ଫଣାକାରିଂ ପେନ୍ ଇଞ୍ଜି ଇନାର୍, ଆତିସ୍ପା ହେଝେକ୍ ମାନ୍ଗିନିକ୍ପା ଇ ଲାକେ ତ ହେନି ପେନକୁ ଆରି ବେସି ମାପୁ ମାନିକ୍, ୬ ମତର୍ ମା ରଞ୍ଜାନ୍ ମତର ଇସ୍ତ୍ରି, ଇତିସ୍ ଇମ୍ଫଣି ଆବା ତାକେଣ୍ଡାଂ ସବୁ ବିସ୍ତେ ଉବ୍ଜା ଆତାତ୍ତନା, ଆରେ ଆସେଙ୍ଗ୍ ହେଞ୍ଜାନ୍ତି କାଜିଂ ଉପ୍ଜା ଆତାସ୍ନା ଆରେ ରଞ୍ଜାନ୍ ମତର ମାପୁ, ଜିସୁ କ୍ରିସ୍ଟ ହେଞ୍ଜାନ୍ତି ହୁକେ ଓଜୁ ବିସ୍ତେ ଆତାତ୍ତନା, ଆରେ ହେଞ୍ଜାନ୍ତି ହୁକେ ଆସେଙ୍ଗ୍ ଆତାସ୍ନା ।

୭ ଆତିସ୍ପା ଓଜାକାଚ୍ଚି ଇ ଗିଆନ୍ ହିଲୁଡ୍; ମାତର କେତେକ୍ ଲକୁ ଇ ପାତେକ୍ ପେନ୍ ମାନାତ୍ ଇଞ୍ଜି ପୁନ୍ଝି ପେନ୍ ପୁଜାକିତି ଆକାତ୍ ତିନାର୍, ଆରେ ହେଞ୍ଜାଚ୍ଚି ବାବ୍ନା ନାଦାର୍ ମାଚିସ୍ ଦସି ଆନାର୍ । ୮ ମତର୍ ତିନାକାଉଣାକା ମାଙ୍ଗେଙ୍ଗ୍ ଇସ୍ତ୍ ଲାଗାଂ ଇଚ୍ଚନାକା କି ଇଚ୍ଚୟାଞ୍ଜାକା କିୟା ଆଉଡ୍; ତିନ୍ଝିତିସ୍ ମାଦାଂ ନସ୍ ଆଉଡ୍ କି ଚିଚିସ୍ ମାଙ୍ଗେଙ୍ଗ୍ ଲାବ୍ ଆଦୁଡ୍ ।

୯ ମତର ଜାଗ୍ରତ୍, ଏଚେକାଡ୍ଚି ମିଦାଙ୍ଗ୍ ଇ ଜାର୍ ଆଦିକାର୍ ନାଦାରିଂ ଉସ୍ନାକା ଆନାତ୍ । ୧୦ ଇନାକିଦେଂକି ଗିଆନି ଜେ ଏପେଙ୍ଗ୍, ମିଙ୍ଗେଙ୍ଗ୍ ଜଦି ଇନେର ମନ୍ଦିର୍ ଇଞ୍ଜି ତିନିତାକେ କୁଚ୍ଚନାକା ହୁଡ୍ଦାନାର୍, ଲାଗିଂ ହେଞ୍ଜାନ୍ ନାଦାର୍ ଆଜି ମାଚିସ୍ ହେଞ୍ଜାନ୍ତି ବାବ୍ନା ଇନାକା ପେନକୁ ଆକାତ୍ ତିଜେଙ୍ଗ୍ ସାସ୍ ଆଉନ୍ ? ୧୧ ଲାଗିଂ ଇମ୍ଫଣି ନାଦାର୍ ଟଣ୍ଡେନ୍ କାଜିଂ କ୍ରିସ୍ଟ ହାତାନ୍, ହେଞ୍ଜାନ୍ “ମି ଗିୟାନ୍” ହୁକେ ନସ୍ ଆନାତା । ୧୨ ଇ ଲାକେ ଟଣ୍ଡାର୍ ବିରୁତାଂ ପାପ୍ ଜିସୁ ଆରି ହେଞ୍ଜାଚ୍ଚି ନାଦାର୍ ବାବ୍ନାତିଂ ଗାଅ ଜିସୁ ଏପେଙ୍ଗ୍ କ୍ରିସ୍ଟି ବିରୁଡ୍ତ ପାପ୍ କିନାଦେରା । ୧୩ ଲାଗିଂ ଜଦି ତିନାକା ଉଣାକା ନା ଟଣ୍ଡେନ୍ ବାଦାନି କାରଣ୍ ଆତିସ୍, ଖାଚିଙ୍ଗ୍ ନା ଟଣ୍ଡେନ୍ ଇନେସ୍ ନା ହୁଦାଂ ବାଦା ପାୟା ଆଉନ୍, ଇଦାଂ କାଜିଂ ଆନ୍ ମୁଡ୍ ପା ଜାଇ ତିନୁଙ୍ଗ୍ ।

୯

ପକ୍ୟାତାକାର୍ଚ୍ଚି ଆଦିକାର୍ ଆରି କାମାୟ୍

୧ ଏପେଙ୍ଗ୍ ଇନାକା ଜାର୍ତାରେନ୍ ମାନାୟ୍ ଆକାୟ୍ ? ଆନ୍ ଇନାକା ରଞ୍ଜାଙ୍ଗ୍ ପକ୍ୟାତାକାନ୍ ଆକାୟ୍ ? ଆନ୍ ଇନାକା ମା ମାପୁ ଜିସୁଙ୍ଗ୍ ଚଞ୍ଜୟା ଖାତାଂନା ? ଏପେଙ୍ଗ୍ ଇନାକା ମାପୁ ତାକେ ନା କିତି କାମାୟ୍ ଆକାୟ୍ ? ୨ ଜଦି ଆନ୍ ବିନ୍ନିକାର୍ ଲାଗାଂ ରଞ୍ଜାଙ୍ଗ୍ ପକ୍ୟାତାକାନ୍ ଆକାୟ୍, ଆତିସ୍ପା ମି ଲାଗାଂ ଆତିସ୍ପା ରଞ୍ଜାନ୍ ପକ୍ୟାତାକାନ୍, ଇନାକିଦେଂକି ମାପୁତାକେ ଏପେଙ୍ଗ୍ ନା ପକ୍ୟାତି ପାଦ୍ ତିନ୍ଲାକେ ।

୩ ନା ବିଚାର କିନାକାରିଂ ନା ଉତ୍ତର ଇଦାଂ । ୪ ତିନାଉଣା କିଦେଙ୍ଗ୍ ଇନାକା ମା ଆଦିକାର୍ ଆକାୟ୍ ? ୫ ବିନ୍ ଓଜାର୍ ପକ୍ୟାତାକାର୍, ମାପୁତି ଟଣ୍ଡାର୍ ଆରି ତଣ୍ଡେକ୍ କେପାତି ଲାକେ ପାତ୍ କିନି କଗ୍ଲେ ବିବା କିଜି ରତେ ଅଜି ହାଞ୍ଜେଙ୍ଗ୍ ଇନାକା ମା ଆଦିକାର୍ ଆକାୟ୍ ? ୬ କି ଜିନି ଜପି କସ୍ ପିସ୍ତେଂ ଇନାକା କେବଲ୍ ଆନ୍ ଆରି ବର୍ଣ୍ଣିଦାଂ ଆଦିକାର୍ ଆକାୟ୍ ? ୭ ଇନେନ୍ ଜାର୍ କର୍ତ୍ତ ଇନାଞ୍ଜାତାଂ ମେଲ୍ୟା ବୁର୍ତ୍ତି କିନାନ୍ ? ଇନେନ୍ ଅଜୁର୍ ବାଡ୍ କିଜି ହେବେନି ପାଡ୍ ତିନୁନ୍ ? ନଲେ ଇନେନ୍ ପସୁମାୟା ପାଲି କିଜି ମାୟାନି ପାଲ୍ ଉଣୁନ୍ ?

୮ ଆନ୍ ମାନାୟ୍ ବାବ୍ରେ ଇନାକା ଇ ସବୁ କାତା ଇନାଙ୍ଗା ? ମସାତି ବିଦି ପା ଇନାକା ଇ ସବୁ କାତା ଇନୁଡ୍ ? ୯ ଇନାକିଦେଂକି ମସାତି ବିଦିତ ଇଦାଂ ଲେକା ମାନାଡ୍, “କଟେର୍ତ୍ତ ବୁଲାନି ବଇଲ୍ଲତି ମୁଡ୍ଲୀତ ଗାଟ୍ମାଟ୍ । ଇସ୍ପର ଇନାକା ବଇଲ୍ଲା ବିସ୍ତେ ତିତା କିନାନ୍ ? ୧୦ ହେଞ୍ଜାନ୍ ଇନାକା କେବଲ୍ ମା କାଜିଂ ଇଦାଂ ଇନୁନ୍ ? ଆଁ ମା କାଜିଂ ଇଦାଂ ଲେକି କିୟାଆତାଡ୍ନା, ଇନେସ୍ ଇନେନ୍ ତାସ୍ କିନାନ୍, ଆହାତ ହେଞ୍ଜାନ୍ତି ତାସ୍ କିନି ଲଡା, ଆରେ ଇନେନ୍ ବେଙ୍ଗ୍ଲା ଗାଟ୍ନାନ୍, ବାଗ୍ ପାୟାନି ଆହାତ ତ ବେଙ୍ଗ୍ଲା କିନି ଲଡା । ୧୧ ଜଦି ଆପେଂ ମି କାଜିଂ ହାଦ୍ ବିୟାନ୍ ଓଡ୍ନାପା, ଲାଗିଂ ମିଦାଙ୍ଗ୍ ଇ ବାଟ୍ତି ତାସ୍ ତ୍ରେସ୍ତି ଇନାକା ଅଲପ୍ପିନି ବିସ୍ତେ ? ୧୨ ଜଦି ବିନ୍ନିକାର୍ ମିଙ୍ଗେଙ୍ଗ୍ ବାଗ୍ ଆଦିକାର୍ ମାନାଡ୍, ତେବେ ଆପେଂ ଇନାକା ଆରେ ଆଦିକ୍ ଆକାୟ୍ ?

ଆତିସ୍ପା ଆସେଙ୍ଗ୍ ହେ ଆଦିକାର୍ ବେବାର୍ କିଉପା; ମାତର୍ ଇନେସ୍ ଆପେଂ କ୍ରିସ୍ତୁତି ନେକ୍ରିକାବୁର୍ ଇମ୍ପଣି ବାଦା ଉବ୍ଜାୟ୍ କିମେଡ୍, ଇଦାଂ କାଜିଂ ଓଜାପ୍ ହୁଞ୍ଜାପା । ୧୩ ଇମ୍ପଣାକାର୍ ମନ୍ଦିର୍ତ୍ତ ହେବା କିତାର୍, ହେଞ୍ଜାର୍ ଜେ ମନ୍ଦିର୍ତାଂ କାଦି ପାୟାନାଡ୍, ଆରେ ଇମ୍ପଣାକାର୍ ଗାଟ୍ଣିନି ବାଗି ଆନାଡ୍, ଇଦାଂ ଇନାକା ପୁନୁଦେରା ? ୧୪ ହେ ଲାକେ ଇମ୍ପଣାକାର୍ ନେକ୍ରିକାବୁର୍ ସୁଣାୟ୍ କିତାର୍, ହେଞ୍ଜାର୍ ଜେ ନେକ୍ରିକାବୁର୍ ହୁକେ ଜିନି ଚିନ୍ତା କିତାର୍, ଇଦାଂ ମାପୁ ବଲ୍ ହିତାନ୍ନା ।

୧୫ ମତର୍ ଆନ୍ ଇ ସବୁ ବିସ୍ତେ ଇନାକା ଚିନ୍ତା କିଉଙ୍ଗା, ଆରେ ନା କାଜିଂ ଇନେନ୍ ଏପେଙ୍ଗ୍ କିନାନ୍, ଇଦାଂ କାଜିଂ ଆନ୍ ଇ ସବୁ ଲେକି କିଉଙ୍ଗା; ଇନାକିଦେଂକି ଇନେର୍ ନା ଇ ଗରବ୍ ପଲ୍ୟା ବାଟା ଇତିସ୍ ନା ହାନାକା ହାର୍ । ୧୬ ଇନାକିଦେଂକି ଆନ୍ ଜଦି ନେକ୍ରିକାବୁର୍ ସୁଣାୟ୍ କିନାଙ୍ଗ୍, ହେବେ ନା ଗରବ୍ କିନାକା ଇନାକା ଆକାୟ୍, ଲାଗିଂ ହେଦାଂ କିନି କାଜିଂ ଆନ୍ ପାକା; ଆରେ ଜଦି ଆନ୍ ନେକ୍ରିକାବୁର୍ ସୁଣାୟ୍ କିଉନ୍, ଲାଗିଂ ହାୟ୍, ନା ଡଣ୍ଡୁନି ବାହା । ୧୭ ଇନାକିଦେଂକି ଜଦି ଆନ୍ ନିଜେ ଏଲେଙ୍ଗ୍ କିନାଙ୍ଗ୍, ଲାଗିଂ ନା ଇନାମ୍ ମାନାଡ୍; ମତର୍ ଜଦି ନିଜେ କିଉଙ୍ଗା, ଲାଗିଂ ନେ ଗୁମ୍ପୁସ୍ତାନି ବଜ୍ ନା ତାକେ ହେଲ୍ଲାୟ୍ ଆତାଡ୍ନା । ୧୮ ଲାଗିଂ ନା ଇନାମ୍ ଇନାକା ? ହେଦାଂ ଇଦାଂ ଜେ, ଇନେସ୍ ଆନ୍ ନେକ୍ରିକାବୁର୍ତ୍ତ ମାନି ନା ଆଦିକାର୍ ଚିନ୍ତା କିଞ୍ଜାଦାଂ ନେକ୍ରିକାବୁର୍ ସୁଣାୟ୍ କିଉ କିଉ ହେ ନେକ୍ରିକାବୁର୍ତ୍ତି ମଲ୍ଲିଲ୍ଲିଞ୍ଜି ବିସ୍ତେ କିନାନ୍ ।

୧୯ ଇନାକିଦେଂକି ଇନେସ୍ ଆନ୍ ଆଦିକ୍ ହେନି ମାନାୟ୍ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ଇନେର୍ ତାରେନ୍ ଆଞ୍ଜିତିସ୍ତା ଜାର୍ତିଂ ଓଜାର୍ ଆଡ୍ୟା କିତାଙ୍ଗ୍ । ୨୦ ଇନେସ୍ ଆନ୍ ଜିହୁଦିରିଙ୍ଗ୍ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଜିହୁଦିର୍ ଲାଗାଂ ଆନ୍ ଜିହୁଦି ଲାକେ ଆତାଙ୍ଗ୍; ଇନେସ୍ ବିଦି ତାରେନ୍ ମାନି ମାନାୟାରିଂ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ବିଦିନି ତାରେନ୍ ଆଞ୍ଜିତିସ୍ତା ବିଦି ତାରେନ୍ ମାନାୟାର୍ ଲାଗାଂ ବିଦି ବୁଇନି ଲାକେ ଆତାଙ୍ଗ୍ । ୨୧ ହେ ଲାକେ ମସାତି ବିଦିଞ୍ଜିସ୍ତି ଲାବ୍ କିନି କାଜିଂ ଆନ୍ ହେଞ୍ଜାର୍ ବିତ୍ରେ କାମାୟ୍ କିନି ଞ୍ଜାଡାଙ୍ଗ୍ ପାତ୍ କିଞ୍ଜି ଜିହୁଦିର୍ ଲାକେ ବିଦି ବାଟ୍ ବେବାର୍ କିନାଙ୍ଗା । ଇ ଅରଡ୍ ଆକାୟ୍ ଜେ, ଆନ୍ ଇସ୍ପରତି ନିୟମ୍ ପାଲି କିଉଙ୍ଗା । ହାଡ୍ପାତ ଆନ୍ କ୍ରିସ୍ତୁତି ବିଦି ତାରେନ୍ ଆତାଂ । ୨୨ ଇନେସ୍ ଆନ୍ ନାଦାରିକାଂ ଲାବ୍ କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ନାଦାର୍ତି ଲାଗାଂ ନାଦାର୍ ଲାକେ ଆତାଙ୍ଗ୍; ଇନେସ୍ ଆନ୍ ଇମ୍ପଣିବାନି କେତେଜାଣ୍ଡିଂ ରାକ୍ୟା କିଦେଙ୍ଗ୍ ଆଡ୍ନାଙ୍ଗ୍, ଇଦାଂ କାଜିଂ ଆନ୍ ଓଜାର୍ ଲାଗାଂ ସବୁବାନି ଆତାଙ୍ଗା ।

୨୩ ଆନ୍ ଇନେସ୍ ନେକ୍ରିକାବୁର୍ନି ଆସିର୍ବାଦ୍ତ ମେହା ଆନାଙ୍ଗ୍, ଇଦାଂ କାଜିଂ ଆନ୍ ନେକ୍ରିକାବୁର୍ କାଜିଂ ସବୁ କିନାଙ୍ଗ୍ । ୨୪ ଇମ୍ପଣାକାର୍ କାତ୍ରା ବୁଇତ୍ ହନ୍ନାର୍, ହେଞ୍ଜାର୍ ଓଜାର୍ ହନ୍ନାର୍ ସଡ୍, ମତର୍ କେବଲ୍ ରଞ୍ଜାନ୍ ଜେ ଇନାମ୍ ପାୟାନାନ୍, ଇଦାଂ କି ଏପେଙ୍ଗ୍ ପୁନୁଦେରା ? ଏପେଙ୍ଗ୍ ଇନେସ୍ ଇନାମ୍ ପାୟାନାଦେର୍, ଇଦାଂ କାଜିଂ ହେ ଲାକେ ହନାଟ୍ । ୨୫ ଇନେନକି କ୍ରାସ୍ନିତ ବାଗଅନାଡ୍, ହେଞ୍ଜାନ୍ ସବୁ ବିସ୍ତେ ବାଗ୍ ଅନାନ୍; ହେଞ୍ଜାର୍ ଅଲପ୍ କାଜିଂ ମୁକୁଟ୍ ପାୟାନି କାଜିଂ ହେଦାଂ କିନାନ୍; ମତର୍ ଆସେଙ୍ଗ୍ ଜିରାଞ୍ଜି ମୁକୁଟ୍ ପାୟାନି କାଜିଂ ହେଦାଂ କିନାସ୍ । ୨୬ ଲାଗିଂ ଆନ୍ ହନ୍ନାଙ୍ଗା, ମତର୍ ଇଟ୍କାଡ୍ତାଂ ଆକାୟ୍, ଆନ୍ ଇଞ୍ଜିକୁଜ୍ କିନାଙ୍ଗା, ମତର୍ ଞ୍ଜାରିକିନିବାହାତ ଗାଅ କିନାକା ଲକୁ ଲାକେ ଆକାୟ୍ । ୨୭ ଆନ୍ କସ୍ ହୁନଞ୍ଜି ଗାଗାଡ୍ତିଂ ଆଟ୍ଞା କିତାଂନା ଆରି ଜାର୍ତିଂ ତାରେନ୍ ଇଡ୍ଡାଙ୍ଗା । ଇନାକିଦେଂକି ବିନ୍ ମାନାୟାର୍ ଲାଗାଂ ନେକ୍ରିକାବୁର୍ ସୁଣାୟ୍ କିଜି ମାତିସ୍ ପା ଆନ୍ ଜାର୍ତିଂ ଇନେସ୍ ଆନ୍ ପିସ୍ତି ଇନାମ୍ ଆଉଡ୍ ।

✧ ୯:୯ ୯:୯ ତିମତି ୫:୧୮. ✧ ୯:୧୧ ୯:୧୧ ରମିୟ ୧୫:୨୭. ✧ ୯:୧୪ ୯:୧୪ ମାତିଉ ୧୦:୧୦; ଲୁକ ୧୦:୭.

୧୦

ପଞ୍ଚକୁ ବିରୁଦ୍ଧ ଜାଗରତ

^୧ ଇନାକିଦେଂକି, ଏ ଟଣ୍ଡାର, ଆରି ତଣ୍ଡାଦେକ୍ ମା ଆକର୍ ଝିଜାର ବାଦାଡ୍ ତାରେନ୍ ମାଚାର, ^୨ ଆରେ ଝିଜାକାର ହାମ୍‌ବୁର୍ ନାସି ହାଚାର, ଆରେ ଝିଜାର ବାଦାଡ୍ ଆରି ହାମ୍‌ବୁର୍ତ ମସାତି ଇସାପତାଂ ବାପ୍ତିସିମ୍ ଆଚାର, ^୩ ଆରେ ଝିଜାର ର ହାଦ୍ କାଦି ଚିଚାର ^୪ ଆରି ଝିଜାର ର ହାଦ୍‌କା ଉଚାର ଲାଗିଂ ହେଝାର ଝିଜାରିଙ୍ ପାଞ୍ଜିନି ହାମାନ୍‌ନି ସମାନ୍‌ତାଂ ଉଣ୍ଡି ମାଚାର, ଆରେ ହେ ସମାନ୍ କ୍ରିସ୍ଟ, ^୫ ଆତିସପା ହେଝାର ବିତ୍ତେ ଆଦେକାର ତାକେ ଇସ୍ତର୍ ମାନ୍ ହିଲ୍‌ଝାତାଡ୍, ଲାଗିଂ ହେଝାର ବାଟାତ ହାଚାର, ସବୁ କାତା ଜେ ଏପେଙ୍ ପୁନ୍‌ଝାଦାଂ ମାନାଦେର୍, ଇଦାଂ ନା ଇଚା ଆକାୟ୍ ।

^୬ ହେଝାର ଇନେସ୍ ବାନି ବାନ୍ୟା ବିସ୍ତେ ଆହା ଆଜି ମାଚାର, ଆସେଙ୍ ଇନେସ୍‌କି ହେ ଲାକେ ଆହା ଆଉସ୍, ଇଦାଂ କାଜିଂ ଇ ସବୁ ବିସ୍ତେ ମା ପାକ୍ୟାତ ଉତ୍ତର୍ମୁଡ୍ ଲାକେ ଆତାଡ୍‌ନା । ^୭ ଇନେସ୍ ହେଝାର ବିତ୍ତେ କେଡ୍‌ଜାଣ୍ ପୁଡ୍‌ଡା ପୁଜା କିଚାର, ହେ ଲାକେ ଏପେଙ୍ ପୁଡ୍‌ଡା ପୁଜାକିନାକାର ଆମାଟ୍; ସାସ୍ତୁର୍ତ ଇନେସ୍ ଲେକା ମାନାଡ୍, ମାନାୟାର ତିଞ୍ଜେଙ୍ କୁଚ୍‌ଚିସ୍, ଆରେ ବିନ୍ କାମାୟ୍‌ତ ହଚ୍‌ଚାର । ^୮ ହେ ବାଚ୍‌ତି ଆସେଙ୍ ପାପ୍ କିଉସ୍ ଇନେସ୍‌କି ହେଝାର ବିତ୍ତେ କେଡ୍‌ଜାଣ୍ ଦାରି କିଜି ରଞ୍ଜେ ନାଜିଂ କଡେଡିନ୍ ହାଜାର ହାଚାର, ହେ ଲାକେ ଆସେଙ୍ ଦାରି କିଉସ୍ । ^୯ ଇନେସ୍ ହେଝାର ବିତ୍ତେ କେଡ୍‌ଜାଣ୍ ମାପୁତିଂ ପରିକ୍ୟା କିଜି ରାଚ୍ ତାଙ୍ ବୁଡା ଆଚାର, ହେ ଲାକେ ଆସେଙ୍ ମସିୟା ମାପୁଙ୍ ପରିକ୍ୟା କିଉସ୍ । ^{୧୦} ଇନେସ୍‌କି ହେଝାର ବିତ୍ତେ କେଡ୍ ଜାଣ୍ କାତା ଇଞ୍ଜି ମାନାୟାର ହୁଦାଂ ବୁଡା ଆଚାର, ହେ ଲାକେ ଏପେଙ୍ କାତା ଇନ୍‌ମାଟ୍ ।

^{୧୧} ଇ ଝିଜୁ କାତା ଲାକେ ହେଝାର କାଜିଂ ଗିଟା ଆତାଡ୍, ଆରେ ଇମ୍‌ଣାକାର ଜୁଗ୍ ଝିଜୁନି କାଡ୍ ବାହା କିତାସ୍‌ନା, ଏଲେଙ୍ ଜେ ଆସେଙ୍ ମା ଚେଡ୍‌ନା କାଜିଂ ହେ ଝିଜୁ ଲେକା ଆତାଡ୍‌ନା ।

^{୧୨} ଲାଗିଂ ଇନେନ୍ ଜାର୍‌ତିଂ ତିର୍ ଇଞ୍ଜି ମାନେ କିନାନ୍, ହେଝାନ୍ ଇନେସ୍ ଦେହା ମୁର୍‌ୟା ଆଉନ୍, ଇଦାଂ କାଜିଂ ହେଝାନ୍ ଜାଗରତ୍ ଆଏନ୍ । ^{୧୩} ମାନାୟାର କାଜିଂ ଇନେସ୍ ବାନି ପରିକ୍ୟା ଆନାକାପା, ହେଦାଂ ପିସ୍ତି ବିନ୍‌ବାନି ପରିକ୍ୟା ମି କାଜିଂ ଗିଟାଆଦୁଡ୍; ମତର୍ ଇସ୍ତର୍‌ତି ପାଟ୍‌ନିକାନ୍, ହେଝାନ୍ ମିଙ୍ଗେଙ୍ ଇନେସ୍ ଆତିସପା ପରିକ୍ୟାତ ପରିକ୍ୟା ଆଦେଂ ହିଦୁନ୍, ମତର୍ ଇନେସ୍ ଏପେଙ୍ ମାନିକିଦେଙ୍ ଆଡ୍‌ନାଦେର୍, ଇଦାଂ କାଜିଂ ପରିକ୍ୟା ଗିଟାଆନି ସାଙ୍ଗେ ସାଙ୍ଗେ ହେଝାନ୍ ବାଚ୍‌ତି ହାଜି ପା ରଚ୍‌ନାନ୍ ।

^{୧୪} ଲାଗିଂ, ଏ ନା ଝାରିନିକାଦେର୍, ପୁଡ୍‌ଡା ପୁଜାତାଂ ହାଲାଟ୍ । ^{୧୫} ଆନ୍ ବୁଦିକାରୟା ମାନାୟାତିଂ ଇନି ଲାକେ ଇଞ୍ଜିନାଙ୍ଗା; ଆନ୍ ଇନାକା ଇଞ୍ଜିନାଙ୍ଗା, ହେଦାଂ ଏପେଙ୍ ନିଜେ ବିଚାର୍ କିୟାଟ୍ । ^{୧୬} ଇମ୍‌ଣି ଆସିର୍‌ବାଦ୍‌ନି ବାହାତିଂ ଆସେଙ୍ ଆସିର୍‌ବାଦ୍ କିନାସ୍, ହେଦାଂକି କ୍ରିସ୍ଟି ନେଡେର୍‌ନି ମେହାଣ୍ ଆକାୟ୍ ? ଇମ୍‌ଣି ରୁଚି ଆସେଙ୍ ତ୍ରିକ୍‌ନାସ୍, ହେଦାଂକି କ୍ରିସ୍ଟି ଗାଗାଡ୍‌ନି ମେହାଣ୍ ଆକାୟ୍ ? ^{୧୭} ଇନାକିଦେଂକି ରୁଚି ରଞ୍ଜାଙ୍ ଆତିଲେ ଆସେଙ୍ ହେନି ଆତିସପା ରଞ୍ଜେ ଗାଗାଡ୍ ଆନାସ୍, ଲାଗିଂ ଆସେଙ୍ ଝିଜାର୍ ହେ ରଞ୍ଜେ ରୁଚିନି ବାଗି ।

^{୧୮} ଇମ୍‌ଣାକାର୍ ଇସ୍ତାଏଲ୍‌ନି ଲକୁ ବିସ୍ତେ ବାବି କିୟାଟ୍, ହେଝାରିଂ ହୁଡାଟ୍; ଇମ୍‌ଣାକାର୍ ପୁଜାକିତି ଜେଇ ତିନାର୍, ହେଝାର୍ କି ଇସ୍ତର୍ ଗାର୍‌ଣିତ ମେହାଆଉର୍ ? ^{୧୯} ଲାଗିଂ ପେନ୍ ଆକାଡ୍ ଇଞ୍ଜି ଜେ ଇନାକା ମାନାଡ୍ ଆରି ପୁଡ୍‌ଡା ଇଞ୍ଜି ଜେ ଇନାକା ମୂଲ୍ୟ ମାନାଡ୍, ଇଦାଂ କି ଆନ୍ ଇଞ୍ଜିନାଙ୍ଗା ? ^{୨୦} ଆକାୟ୍, ମତର୍ ଆନ୍ ଇଞ୍ଜିନାଙ୍ଗା ଜେ, ଇନା ଇନାକା ହେଝାର୍ ପୁଜାଲାକେ ହିନାର୍, ହେ ସବୁ ହେଝାର୍ ଇସ୍ତର୍ ଉଦେସ୍‌ତ କିଝାଦାଂ ବୁଡ୍‌କୁ ଉଦେସ୍‌ତ କିଚାର୍, ଆରେ ଏପେଙ୍ ଜେ ବୁଡ୍‌କୁ ମେହା ଆତ, ଇଦାଂ ନା ମାନ୍ ଆକାୟ୍ । ^{୨୧} ଏପେଙ୍ ମାପୁତି ଉଣିବାହା ଆରି ବୁଡ୍‌କୁ ଉଣିବାହା ରିବେ ଉଣ୍ଡେଙ୍ ଆଡୁଦେର୍; ଏପେଙ୍ ମାପୁତି ପାଟା ଆରି ବୁଡ୍‌କୁତି ପାଟା ରିବେ ବାଗି ଆଦେଂ ଆଡୁଦେର୍ । ^{୨୨} ଆଞ୍ଜିତିସ୍ ଆପେଂ ଇନାକା ମାପୁତି ବେରୁ ହପ୍‌ନାସ୍ ? ଆସେଙ୍ କି ତାତାକେଣ୍ଡାଙ୍ ସାକ୍ରିନିକାସ୍ ?

^{୨୩} ଝିଜୁ ବିସ୍ତେ ଜାଗ୍ରତ୍ କିଦେଙ୍ ଆଦିକାର୍ ମାନାଡ୍, ମତର୍ ଝିଜୁ ବିସ୍ତେ ହାର୍ ଆକାୟ୍ । ଝିଜୁ ବିସ୍ତେ ମାନି କିଦେଙ୍ ଜାର୍‌ତାରେନ୍ ମାନାଡ୍, ମତର୍ ଝିଜୁ ବିସ୍ତେତାଂ ବାନ୍ୟା ଉର୍‌ଜା ଆଉଡ୍ । ^{୨୪} ଇନେର୍ ନିଜାର୍‌ତିଂ ସେସ୍ତୁ କିମେନ୍, ମତର୍, ଝିଜାକାର୍‌ତି ବିନ୍‌ନିକାନ୍‌ତି ହାର୍ ସେସ୍ତୁ କିଏନ୍ ।

^{୨୫} ବାଜାର୍‌ତ ଇନାକା ବେପାର୍ ଆନାଡ୍, ବାବ୍‌ନା କାଜିଂ ଇନାକା ପର୍‌ସନ୍ ଝେନ୍‌ବାଝାଦାଂ ହେଦାଂ ତିନାର୍, ^{୨୬} ଇନାକିଦେଂକି ସାସ୍ତର୍‌ତ ଲେକା ମାନାଡ୍ ପୁଟ୍ ଆରି ହେବେ ମାନି ଝିଜୁ ବିସ୍ତେ ମାପୁତି ।

^{୨୭} ପାଟ୍ କିଝାକାର୍‌ତି ବିତ୍ତେତାଂ ଇନେର୍ ଜଦି ମିଙ୍ଗେଙ୍ ଚିଞ୍ଜେଙ୍ କୁଲ୍‌ନାର୍, ଆରେ ଏପେଙ୍ ହାଞ୍ଜେଙ୍ ଇଚା କିନାଦେର୍, ଲାଗିଂ ଇନାକା ଆୟେଡ୍ ମିଙ୍ଗେଙ୍ ବାଟାହିଦ୍‌ନାର୍, ବାବ୍‌ନା କାଜିଂ ଇନାକା ପର୍‌ସନ୍ ଝେନ୍‌ବାଝାଦାଙ୍ ହେଦାଂ ତିନାର୍ । ^{୨୮} ମତର୍ ଇନେର୍ ଜଦି ମିଙ୍ଗେଙ୍ ଇଞ୍ଜିନାର୍, ଇଦାଂ

☆ ୧୦:୧୭ ୧୦:୧୭ ମାତିଉ ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦.

ପୂଜାଈସାବ୍ଦେ ଆକାଡ଼ ହିୟା ଆତାଡ଼ନା, ଖାଟିଙ୍ଗ୍ ଜେ ଇଦାଂ ପୁନିକିଡ଼ତାଡ଼, ତା କାଜିଂ ପୂଜା ଆତାଡ଼ ବାବନା କାଜିଂ ହେଦାଂ ତିନିମାଟ୍ ୨୯ ମି ଜାର ବାବନା କାଜିଂ ଇଞ୍ଜି ଆନ୍ ଇଞ୍ଜୁଙ୍ଗା, ମତର୍ ହେଖାନ୍ତି ବାବନା କାଜିଂ ।

ନା ଜାର ତାରେନ୍ ଇନେକିଦେଂ ବିନେନି ବାବନା ହୁଦାଂ ବିଚାର୍ଣ୍ଣା ଆନାଡ଼ ? ୩୦ ଜଦି ଆନ୍ ଇସ୍ପୁର୍ତିଂ ଜୁଝାର୍ ହିଜି ତିନାଙ୍ଗ୍, ଖାଟିଙ୍ଗ୍ ଇସ୍ପୁର୍ତିଂ ଜୁଝାର୍ ହିନି ବିସ୍ତେ, ତା କାଜିଂ ନିନ୍ଦାକିୟାଆନାଂ ଇନାକିଦେଂ ?”

୩୧ ହେଦାଂ କାଜିଂ, ଏପେଙ୍ଗ୍ ତିନାଟ୍ କି ଉଣାଟ୍ କି ଇନାକାପା କିୟାଟ୍, ଇସ୍ପୁର୍ତିଂ ଜାଜ୍‌ମାଲ୍ କାଜିଂ ସବୁ କିୟାଟ୍ । ୩୨ ଜିହୁଦି ଆରେ ଜିହୁଦି ଆକାୟ୍ କି ଗ୍ରିକ୍ କି ଇସ୍ପୁର୍ତିଂ ମଣ୍ଡଲି, ଇନେର୍ ଅଡ଼ଜା ଆନାକା ଇନାକିଦେଂକି ଆନାଦେର୍, ୩୩ ଏପେଙ୍ଗ୍ ନା ଲାକେ ଚିନ୍ତା କିୟାଟ୍ ଆନ୍ ସବୁ ବିସ୍ତେ ଓଜାରିଂ ପଟପାଞ୍ଜି କିଦେଙ୍ଗ୍ ସେସ୍ଟା କିନାଙ୍ଗା । ଜାର୍ ଚିନ୍ତା କିଝାଦାଂ, ବିନ୍‌ଲକାର୍ତି ମୁକ୍ତି ଲାବ୍ ଉଦେସ୍ତ ଓଜାରିତି ମଙ୍ଗଲ୍ କିନାଙ୍ଗା ।

୧୧

୧ ଆନ୍ ଇନେସ୍‌କି କ୍ରିସ୍ତୁତି ପାଟେପାଟେ ହାନାଙ୍ଗ୍, ଏପେଙ୍ଗ୍ ପା ହେ ଲାକେ ନା ପାଟେପାଟେ ଖାନାକାଦେର୍ ଆଡ଼ ।

ପାର୍ତ୍ତନାତ କାପଡ଼ାତ ମୁଗନାକା

୨ ଏପେଙ୍ଗ୍ ଜେ ଓଜୁ ବିସ୍ତେ ନାଙ୍ଗେଙ୍ଗ୍ ଏଡୁ ଜିସୁ ମାଞ୍ଜାଟ୍ ଆରି ଆନ୍ ମିଙ୍ଗେଙ୍ଗ୍ ଜେ ଓଜାର୍ ବିଦି ହିତାଙ୍ଗନା, ହେ ଓଜୁ ପାଲି କିନାଦେରା, ଇଦାଂ କାଜିଂ ଆନ୍ ମିଦାଙ୍ଗ୍ ଜୁଝାର୍ । ୩ ମତର୍ କ୍ରିସ୍ତୁ ଜେ ଓଜାର୍ ଆଣ୍ଡାଙ୍ଗନି କାପଡ଼ା ଲାକେ ଆରି ଆଣ୍ଡାଙ୍ଗ୍ ଜେ କଗ୍‌ଲେ କାପଡ଼ା ଲାକେ ଆରି ଇସ୍ପୁର୍ ଜେ କ୍ରିସ୍ତୁତି କାପଡ଼ା ଲାକେ, ଇଦାଂ ଏପେଙ୍ଗ୍ ପୁନାଟ୍ ଇଞ୍ଜି ନା ଇଟା । ୪ ଇମଣାକାନ୍ ପା ଆଣ୍ଡେନ୍ ଜାର କାପଡ଼ା ଗୁଗୁର୍‌ମୁଗଜି ପାର୍ତ୍ତନା କିନାନ୍ କି ବେଶ୍‌ବାକ୍‌ଶାୟ୍ କିନାନ୍, ହେଖାନ୍ ଜାର କାପଡ଼ାନି ଇନେନ୍ କ୍ରିସ୍ତୁ ଅପମାନ୍ କିନାନ୍ ।

୫ ଏପେଙ୍ଗ୍ ବାନି କଗ୍‌ଲେ ଜେ କାପଡ଼ା ଟାଙ୍ଗ୍‌ରିଂ ଲାକେ ଅପମାନ୍ କିନାନ୍, ଗୁଗୁର୍ ମୁଗ୍‌ଖାଦାଂ ପାର୍ତ୍ତନା କିନାଡ଼ କି ବେଶ୍‌ବାକ୍‌ଶାୟ୍ କିନାଡ଼, ହେଦେଲ୍ ଜାର କାପଡ଼ାନି ଅପମାନ୍ କିନାଡ଼, ଲାଗିଂ ହେଦାଂ ତା କାପଡ଼ା ହେନ୍‌ଧାଆତି ହୁକେ ସମାନ୍ । ୬ ଇନାକିଦେଂକି ଜଦି କଗ୍‌ଲେ କାପଡ଼ାତ ଗୁଗୁର୍ ମୁଗ୍‌ଓଡିସ୍, ଖାଟିଙ୍ଗ୍ ହେଦେଲ୍ ତେମୁଲ୍ ପା ଆହିକିଏଡ଼; ମତର୍ ଜଦି କଗ୍‌ଲେ ପାକ୍ୟାତ ତେମୁଲ୍ ଆହିକିନାକା କି କାପଡ଼ା ହେନ୍‌ଧାନାକା ଲାଜୁ, ତା ଆତିସ୍ ହେଦେଲ୍ କାପଡ଼ାତ ପ୍ଲୁକ୍ୟା ଆୟେଡ଼ । ୭ ଆଣ୍ଡାଙ୍ଗ୍ ଇସ୍ପୁର୍ତିଂ ତିଗା ଆରି ଜାଜ୍‌ମାଲ୍ ଲାକେ ଆତିଲେ ହାଡ଼ପାନେ ତାଦାଂ କାପଡ଼ା ପ୍ଲୁକ୍‌ନାକା ଲଡ଼ା ଆକାୟ୍, ମତର୍ କଗ୍‌ଲେ ଆଣ୍ଡେନ୍ତି ଜାଜ୍‌ମାଲ୍ ଲାକେ । ୮ ଇନାକିଦେଂକି ଆଣ୍ଡେନ୍ କଗ୍‌ଲେ ତାଙ୍ଗ୍ ଉବ୍‌ଜାଣ୍ ଆଖାତାନ୍ନା, ମତର୍ କଗ୍‌ଲେ ଆଣ୍ଡେନ୍‌ତାଂ ଉବ୍‌ଜାଣ୍ ଆତିକ୍‌ନା । ୯ ଆରେ କଗ୍‌ଲେ କାଜିଂ ତ ଆଣ୍ଡେନ୍ତି ଉବ୍‌ଜାଣ୍ ଆଖାତାନ୍ନା; ମତର୍ ଆଣ୍ଡେନ୍ କାଜିଂ କଗ୍‌ଲେ ଉବ୍‌ଜାଣ୍ ଆତାଡ଼ନା । ୧୦ ଇଦାଂ କାଜିଂ ଦୁଡ଼ କାଜିଂ କଗ୍‌ଲେ ଜାର କାପଡ଼ାତ ଆଦିକାର୍‌ନି ତିନ୍ ପ୍ଲୁକି କିୟାନାକା ଲଡ଼ା । ୧୧ ହେ ଇନାକା ଆଏଡ଼ ମାପୁତାକେ ଆଣ୍ଡେନ୍‌ତାଂ କଗ୍‌ଲେ ଆଲ୍‌ଗା ଆକାୟ୍ କି କଗ୍‌ଲେ ତାଙ୍ଗ୍ ଆଣ୍ଡେନ୍ ଆଲ୍‌ଗା ଆକାୟ୍ । ଇନାକିଦେଂକି କଗ୍‌ଲେ ଇନେସ୍ ଆଣ୍ଡେନ୍‌ତାଂ ଉବ୍‌ଜାଣ୍, ୧୨ ଇନାକିଦେଂକି ଆଣ୍ଡେନ୍ ପା ହେ ଲାକେ କଗ୍‌ଲେ ହୁକେ ଉବ୍‌ଜାଣ୍; ମତର୍ ଓଜୁ ବିସ୍ତେ ଇସ୍ପୁର୍‌ତାଂ ଉବ୍‌ଜାଣ୍ ।

୧୩ ଏପେଙ୍ଗ୍ ନିଜେ ନିଜେ ବିଚାର୍ କିୟାଟ୍, କାପଡ଼ା ପ୍ଲୁକ୍‌ଖାଦାଙ୍ଗ୍ ଇସ୍ପୁର୍ ଲାଗେ ପାର୍ତ୍ତନା କିନି କଗ୍‌ଲେ ପାକ୍ୟାତ ଇନାକା ହାର୍ ? ୧୪ ସଁସାର୍ ନିଜେ କି ମିଙ୍ଗେଙ୍ଗ୍ ହିକ୍ୟା ହିଦୁଡ଼ ଜେ, ଆଣ୍ଡେନ୍ ତେଙ୍ଗା ତେମୁଲ୍ ଇଟ୍‌ଡିସ୍ ତା ପାକ୍ୟାତ ହେଦାଂ ଲାଜୁ, ୧୫ ମତର୍ କଗ୍‌ଲେ ତେଙ୍ଗା ତେମୁଲ୍ ଇଟ୍‌ଡିସ୍ ତା ପାକ୍ୟାତ ହେଦାଂ ଜାଜ୍‌ମାଲ୍‌ନିକା ? ଇନାକିଦେଂକି କାପଡ଼ା ଗୁଗୁର୍‌ମୁକ୍ତି ଲାକେ ତା ତେମୁଲ୍ ତାଙ୍ଗେଙ୍ଗ୍ ହିୟାଆତାଡ଼ନା । ୧୬ ମତର୍ ଇନେର୍ ଗାଣ୍ଡୁ କିଦେଙ୍ଗ୍ ମାନ୍ କିତିସ୍ ହେଖାନ୍ ପୁନେନ୍ ଜେ, ମାଦାଂ ଏଲେଙ୍ଗ୍ ଅଲ୍‌ଗା ନିତି ହିଲୁଡ଼, କି ଇସ୍ପୁର୍ତିଂ ମଣ୍ଡଲିତ ଇନାକା ହିଲୁଡ଼ ।

ମାପୁତି ବଜ

(ମାଡିଉ ୨୭:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ମତର୍ ମିଦାଙ୍ଗ୍ ରୁଣ୍ଡାନାକା ଜେ ବାନ୍‌ଧା ଆଖାଦାଂ ଇତିସ୍ ବାନ୍‌ଧା ଆନାତା, ଇବେ ଆନ୍ ମିଦାଙ୍ଗ୍ ଜୁଝାର୍ ହିଦେଂ ଆଡ଼ଝାଦାଂ ଇ ବଲ୍ ହିଦ୍‌ନାଙ୍ଗା । ୧୮ ଇନାକିଦେଂକି ପର୍ତୁମ୍ ଆନ୍ ଝେଟାଙ୍ଗନା ଜେ, ମଣ୍ଡଲି ଲାକେ ମିଦାଙ୍ଗ୍ ଲକୁ ବିଡ଼୍‌ଝେଡ଼ାଲିଂ ମି ବିଡ୍ରେ କୁଦାକୁଦା କେଡ଼ପାନାକା ଗିଟା ଆଜି ମାନାଡ଼, ଆରେ ଆନ୍ ଏଟେକ୍ ଇସାପତାଂ ଇଦାଂ ପାଟିଂ କିନାଙ୍ଗା । ୧୯ ଇନେସ୍ ମି ବିଡ୍ରେ ପରିକ୍ୟାସିଦ୍ ମାନାୟାର୍ ହଡ଼ନାର୍, ଇଦାଂ କାଜିଂ ମି ବିଡ୍ରେ ତ କୁଦାକୁଦା କେଡ଼ପାନାକା ହାତେନେ ଗିଟାନାଡ଼ । ୨୦ ମିଦାଙ୍ଗ୍ ର ଦଲ୍ ଲାକେ ରଟେମାନ୍‌ଞ୍ଜି ଇମ୍‌ଣି ତିନିତାକେ ମେହାନାଦେରା ହେଦାଂ ମାପୁବଜ୍ ଆକାୟ୍ । ୨୧ ଇନାକିଦେଂକି ତିନି ସମୁତ ଜାଣ୍‌କେ

ଆଲଗାନିକାରିଂ କାଞ୍ଚାଦାଂ ଜାର୍ କାଦି ତିନାନ୍, ହେଦାଂ କାଜିଂ ରଞ୍ଜାନ୍ ନାସ୍ତି ମାନାନ୍ ଆରି ରଞ୍ଜାନ୍ ହର୍ଦ୍ଦନାନ୍ । ୨୭ ଇନାକା ? ମିଦାଞ୍ କି ତିନାକାଉଣାକା କିନି କାଜିଂ ଇଲ୍ ହିଲୁଡ଼ ? କି ଏପେଞ୍ ଇନାକା ଇସ୍ତ ଫଣ୍ଡଲିତିଂ ଏଲା ଆନାଦେରା, ଆରେ ଇମ୍ଫଣାକାର୍ତି ହିଲୁଡ଼, ହେଞ୍ଜାରିଂ ଲାଜୁ କୁଗାନାଦେରା ? ଆନ୍ ମିଞ୍ଚେଞ୍ ଇନାକା ଇଞ୍ଜନାଞ୍ ? ଇନାକା ମିଦାଞ୍ ଜୁଞ୍ଜାର୍ ? ବିରକୁଲ୍ ଆକାୟ ।

୨୮ ଇନାକିଦେଂକି ଆନ୍ ମାପୁତାକେ ପାୟାତି ଇମ୍ଫଣି ହିକ୍ୟା ମିଞ୍ଚେଞ୍ ହିଡ଼ତାଂନା, ହେଦାଂ ଇ, ସାତୁ କେଇଦ ହେଲାୟ କିଆନି ନାଣାଲିଞ୍ ମାପୁ ଜିସୁ ରୁଚି ଅଜି, ୨୪ ଇସ୍ତରତିଂ ଜୁଞ୍ଜାର୍ ହିଜି, ହେଦାଂ ତ୍ରିକଟି ଇଚାନ୍, “ଇଦାଂ ମି କାଜିଂ ନା ଗାଗାଡ଼; ନାଞ୍ଚେଞ୍ ଏତୁକିଦିନି କାଜିଂ ଇଦାଂ କିୟାଟ୍ । ୨୫ ହେ ଲାକେ ଚିଚି ପାଚେ ହେଞ୍ଜାନ୍ ଉଣି ବାହା ପା ଆସ୍ତି ଇଚାନ୍, ଇ ଉଣି ବାହା ନା ନେତେରତାଂ ରଚି ଇସ୍ତ ପୁନି ନିୟମ୍; ଏପେଞ୍ ଏଚେ ହର୍ ଇବେତାଂ ଉଣାଦେର୍, ହେ ଏଚେ ହର୍ ନାଞ୍ଚେଞ୍ ଏଡ଼ କିଦେଂ କାଜିଂ ଇଦାଂ କିୟାଟ୍ ।”

୨୬ ଇନାକିଦେଂକି ଏଚେ ହର୍ ଏପେଞ୍ ଇ ରୁଚି ତିନାଦେର୍ ଆରି ଇ ଉଣି ବାହାତାଂ ଉଣାଦେର୍, ହେଏଚେ ହର୍ ଏପେଞ୍ ମାପୁତି ଖାନି ପାଚେକ୍ ହେଞ୍ଜାନ୍ତି ହାକି କାରୁର୍ ସୁଣାୟ କିନାଦେର୍ । ୨୭ ଲାଗିଂ, ଇନେର୍ ଜଗ୍‌ହିଲ୍‌ଞ୍ଜି ବାବ୍ରେ ମାପୁତି ଇ ରୁଚି ତିନାନ୍ କି ଇ ବାହାତାଂ ଉଣାନ୍, ହେଞ୍ଜାନ୍ ମାପୁତି ଗାଗାଡ଼ନ୍ ଆରି ନେତେରନ୍ତି ବେରୁତ ପାପ୍ କିନାନ୍ । ୨୮ ମତର୍ ମାନାୟ ଜାର୍ତିଂ ପରିକ୍ୟା କିଏନ୍, ଆରେ ହେ ଏଲେଞ୍ ବାବ୍ରେ ଇ ରୁଚି ତିନେନ୍ ଆରେ ଇ ବାହାତାଂ ଉଣେନ୍ । ୨୯ ଇନାକିଦେଂକି ଇନେନ୍ ମାପୁ ଗାଗାଡ଼ତିଂ ହାଡ଼ପା ଅରଡ଼ ପୁନ୍‌ଞ୍ଜାଦାଂ ତିନାନ୍ ଆରି ଉଣାନ୍, ହେଞ୍ଜାନ୍ ଜାର୍ ତାଣ୍ କାଜିଂ ତିନାନ୍ ଆରି ଉଣାନ୍ । ୩୦ ଇଦାଂ କାଜିଂ ମି ବିଡ୍ରେ ବେସି ନାଦାରିଂ ଆରି ନଚ୍‌ନାକା, ଆରେ ହେନି ହାତାଣ୍ । ୩୧ ମତର୍ ପର୍ତୁମ୍ ଜଦି ଆସେଞ୍ ଜାର୍ ଜାର୍ତି ବିଚାର୍ କିନାର୍, ତେବେ ଇସ୍ତ ବିଚାଣ୍ ଆମେର୍ । ୩୨ ମତର୍, ପୁତ୍‌ନି ଖିସ୍ତି ଲକ୍ ଲାହାଞ୍ ଇନେସ୍‌କି ଦାଣ୍ ପାୟା ଆଉସ୍, ଇଦାଂ କାଜିଂ ମାପୁତି ହୁକେ ବିଚାଣ୍ ଆଜି ଆସେଞ୍ କସ୍ ବଗ୍ କିନାସା ।

୩୩ ଲାଗିଂ, ନା ଟଣ୍ଡାର୍, ଏପେଞ୍ ମାପୁତି ତିନି କାଜିଂ ରୁଣ୍ଡାଆନି ଖେଡ଼ାଲିଂ ହାରି କାଜିଂ ମାନାଟ୍ । ୩୪ ମି ରୁଣ୍ଡାନାକା ଇନେସ୍ ଇସ୍ତ ତାଣ୍ କାରଣ୍ ଆଉଡ଼, ଇଦାଂ କାଜିଂ ଜଦି ଇନେର୍ ନାସ୍‌କି, ଖାଟିଞ୍ ହେଞ୍ଜାନ୍ ଇଞ୍ଜ ତିନେନ୍, ବାକି ଖିଜୁ ବିସ୍ତେ ଆନ୍ ହାଟିସ୍ ବୁଜାନାଞ୍ ।

୧୨

ପୁଇପୁୟା ଜିବୁନ୍‌ନି ଦାନ୍

୧ ଏ ଟଣ୍ଡାର୍ ଆରି ତଣ୍ଡାଦେକ୍ ଆମିକ୍ ଦାନ୍ ବିସ୍ତେ ଜେ ଏପେଞ୍ ପୁନାଟ୍ ଇଞ୍ଜି, ଇଦାଂ ନା ମାନ୍ ଆକାୟ । ୨ ଏପେଞ୍ ପୁନାଟ୍ ଜେ, ଏଚେକାଡ଼୍‌ଦ୍ ଏପେଞ୍ ପାତ୍ କିଞ୍ଜି ଜିହୁଦିର୍ ମାଚାଦେର୍, ହେ ପାଦନା ଇନେସ୍ ପୁନୁୟା ଆଜି ମାଚାଦେର୍, ହେ ଲାକେ ଚାକ୍ରାୟ ବାବ୍ରେ ଚାଲା ଆଜି ପେନ୍ ପୁଦା ଲାହାଂ ମାଚାଦେର୍ ୩ ହେଦାଂ କାଜିଞ୍ ଆନ୍ ମିଞ୍ଚେଞ୍ ଖେଚ୍‌ଚାନାଞ୍, ଇସ୍ତ ଜିବୁନ୍ ପାୟା ଆଜି କାତା ଇନାକା ଇମ୍ଫଣି ଲଗ୍ ସାଇପିନିକାନ୍ ଇଞ୍ଜି ଇନୁନ୍, ଆରେ ଇମ୍ଫଣି ମାନାୟ ପୁଇପୁୟା ଜିବୁନ୍ ପାୟା ଆଞ୍ଜାଦାଂ ଜିସୁ ମାପୁ ଇଞ୍ଜି ଇଞ୍ଜେଞ୍ ଆଡୁନ୍ ।

୪ ଉପକାର୍ ଦାନ୍ କେତେକ୍ ବାନି, ମାତାର୍ ଜିବୁନ୍ ରଞ୍ଜାଞ୍; ୫ ହେବା କେତେକ୍ ବାନି, ଆରେ ମାପୁ ରଞ୍ଜାଞ୍; ୬ କାମାୟ ବିନ୍‌ବିନ୍ ବାନି, ମତର୍ ଇସ୍ତ ରଞ୍ଜାଞ୍, ହେଞ୍ଜାନ୍ ଖିଜାକାର୍ ତାକେ କାମାୟ କିନାନ୍ । ୭ ଖିଜାର୍ତି ହାର୍ କାମାୟ କିନି କାଜିଂ ଜାଣକେ ମାନାୟ ବିଡ୍ରେ ପୁଇପୁୟା ଜିବୁନ୍ତି ସାଲ୍ଟି ବିନ୍‌ବିନ୍ ବାବ୍ରେ ହନାଡ଼ । ୮ ଇନାକିଦେଂକି ରଞ୍ଜାନିଂ ଜିବୁନ୍ ହୁଦାଂ ବୁଦିନି ବଚନ୍, ବିନ୍ ନିକାନିଂ ହେ ଜିବୁନ୍‌ନି ହିକ୍ୟା ଇସାପ୍ରେ ଗିଆନି ବଚନ୍, ୯ ଆରେ ର ରଞ୍ଜାନିଂ ହେ ଜିବୁନ୍ ହୁଦାଂ ପାତ୍ କିନି ଦାନ୍ ହିଦ୍‌ନାନ୍, ଆରେ ରଞ୍ଜାନିଂ ହେ ରଞ୍ଜେ ଜିବୁନ୍ତି ହୁଦାଂ ଉଜ୍ କିନାକା ସାଲ୍ଟି ହିନାନ୍, ୧୦ ବିନ୍ ନିକାନିଂ ବାର୍‌ବିନ୍ ସାଲ୍ଟିନି କାମାୟ ପୁରା କିଦେଞ୍, ଆରେ ରଞ୍ଜାନିଂ ବେଣ୍‌ବାକ୍‌ଶାୟକିନାକା ଇଞ୍ଜେଞ୍, ବିନ୍ ନିକାନିଞ୍ ବିନେ ବିନେନି ଜିବୁନ୍ ଚିନକିଦେଞ୍, ଆରେ ରଞ୍ଜାନିଂ ବାର୍‌ବିନ୍ ପୁନି ଲକାର୍ ବେରଣ୍ ଇଞ୍ଜେଞ୍, ଆରେ ରଞ୍ଜାନିଂ ବେରଣ୍ ଅରଡ଼ ଖେଚ୍‌ନି ସାଲ୍ଟି ଦାନ୍ କିୟାଆନାଡ଼ । ୧୧ ମତର୍ ହେଞ୍ଜାନ୍ ର ମତର୍ ଜିବୁନ୍ ଜାର୍ ଇଚା ଇସାପ୍ତାଂ ଜାଣକେ ଜାର୍ତିଂ ବିନେ ବିନେ ଲାକେ ଦାନ୍ ପାସ୍‌ପିସ୍ ହିଜି ଇ ଖିଜୁ କାମାୟ ପୁରା କିନାନ୍ ।

କ୍ରିସ୍ତ ଗାଗାଡ଼୍

୧୨ ଖିସ୍ତ ବେସି କେଇଗାଲ୍ ର ଗାଗାଡ଼୍ ଲାକେ, ଆରେ ହେବେନି କେଇଗାଲ୍ ମତର୍, ଗାଗାଡ଼ନ୍ ଖିଜୁ କେଇଗାଲ୍ ବେସି ଆତିସ୍‌ପା, ରଞ୍ଜି ଗାଗାଡ଼୍ ଆନାଡ଼ ହେ ଲାକେ ପା କ୍ରିସ୍ତ । ୧୩ ଲାଗିଂ ଆସେଞ୍ ଜିହୁଦି କି

☆ ୧୨:୪ ୧୨:୪ ରମିୟ ୧୨:୬-୮. ☆ ୧୨:୧୨ ୧୨:୧୨ ରମିୟ ୧୨:୪,୫.

ପାତ୍ର କିଞ୍ଚିକାର କି ଗ୍ରିକ୍ ଆଏସ୍, ଆଡିଏନ୍ ଆଏସ୍ କି ଜାର୍ ତାରେନ୍ ଆଏସ୍, ଓଜାକାର ତ ରଞ୍ଜି ଜିବୁନ୍ ହୁଦାଂ ରଞ୍ଜି ଗାଗାଡ୍ ଆନି ଇସାପ୍ତାଂ ବାପ୍ରିସିମ୍ ଆତାସ୍ନା; ଆରେ ଓଜାକାର ରଞ୍ଜି ଜିବୁଡ୍ ଉଟାସ୍ନା ।

୧୪ ଇନାକିଦେଂକି ଗାଗାଡ୍ ତ ର କେଇଗାଲ୍ ଆକାୟ୍, ମତର୍ ବେସି । ୧୫ ପାନା ଜଦି ଇନାଡ୍, “ଆନ୍ କେଇ ଆକାୟ୍” ଲାଗିଂ ଗାଗାଡ୍ କେଇଗାଲ୍ ଆକାୟ୍, ତେବେ ଇଦାଂ କାଜିଂ ହେଦାଂ ଜେ ଗାଗାଡ୍ ନି କେଇଗାଲ୍ ଆକାୟ୍, ହେଦାଂ ଆକାୟ୍ । ୧୬ ଆରେ କିତୁଲ୍ ଜଦି ଇନାଡ୍, ଆନ୍ କାଣ୍ଟା ଆକାୟ୍, ଲାଗିଂ ଗାଗାଡ୍ କେଇଗାଲ୍ ଆକାୟ୍, ଖାଟିଙ୍ଗ୍ ଇଦାଂ କାଜିଂ ହେଦାଂ ଜେ ଗାଗାଡ୍ ନି କେଇଗାଲ୍ ଆକାୟ୍, ହେଦାଂ ଆକାୟ୍ । ୧୭ ଓଜାକାର ଜଦି କାଣ୍ଟା ଆନାଡ୍, ଖାଟିଙ୍ଗ୍ ଓଜାକା ଇମେତାକେ ? ଓଜାକାର ଜଦି କିତୁଲ୍ ଆନାଡ୍, ଖାଟିଙ୍ଗ୍ ମୁଞ୍ଜନାକା ଇମେନିକା ? ୧୮ ମତର୍ ଇସ୍ପର୍ କେଇଗାଲ୍ ରଞ୍ଜାଙ୍ଗ୍ ରଞ୍ଜାଙ୍ଗ୍ କିଜି ଗାଗାଡ୍ ଜାର୍ ଇଚା ଇସାପ୍ତାଂ ବିଡାୟ୍ କିତାନନ୍ନା । ୧୯ ଆରେ, ଜଦି ହେ ଓଜାକାର କେଇଗାଲ୍ ଆଜି ମାଟିସ୍, ଖାଟିଙ୍ଗ୍ ଗାଗାଡ୍ ଇମେ ତାକେ ? ୨୦ ମତର୍ ହାଡ୍ ପାତ୍ର କେଇଗାଲ୍ ବେସି, ମତର୍ ଗାଗାଡ୍ ରଞ୍ଜାଙ୍ଗ୍ ।

୨୧ “ନି ତାକେ ନା ଲଡା ଆକାୟ୍ ଇଞ୍ଜି କାଣ୍ଟା କେଇଦିଙ୍ଗ୍ ଇଞ୍ଜେଙ୍ଗ୍ ଆଡୁଡ୍, କି ନି ତାକେ ନା ଲଡା ଆକାୟ୍ ଇଞ୍ଜି କାପ୍ତା ପାନାତିଂ ଇଞ୍ଜେଙ୍ଗ୍ ଆଡୁଡ୍ ।” ୨୨ ଆଡିତିସ୍ ବିନ୍ ପାକ୍ୟାତ ଗାଗାଡ୍ ନି ଜେ ଓଜାକାର କେଇଗାଲ୍ ଆଦିକ୍ ନାଦାର୍ ଇଞ୍ଜି ବୁଜା ଆନାଡ୍, ହେ ସବୁ ରଲାକେ ଲଡା; ୨୩ ଆରେ, ଗାଗାଡ୍ ଇମଣି ସବୁ କେଇଗାଲ୍ ଆଦିକ୍ ଇନାକାହିଲ୍ ଖାକା ଇଞ୍ଜି ମାଙ୍ଗେଙ୍ଗ୍ ପୁନ୍ୟାଦନାଡ୍, ହେ ସବୁ କେଇଗାଲ୍ ଆସେଙ୍ଗ୍ ଆଦିକ୍ ହର୍ ଖାରିକିନିତାକେ ବେସି ରଞ୍ଜି କିନାସ୍; ଆରେ ମା ହଲ୍ଡି କେଇଗାଲ୍ ଆଦିକ୍ ହର୍ ହଲ୍ନାଡ୍, ୨୪ ଇତିସ୍ ଗାଗାଡ୍ ନି ହଲ୍ନି କେଇଗାଲ୍ କାଜିଂ ଆସେଙ୍ଗ୍ ଏତେକ୍ ଦିଆନ୍ ହିଜି ମାନ୍ସ । ଇସ୍ପର୍ ନିଜେ ଗାଗାଡ୍ ଇ ବାବ୍ରେ ରଚ୍ଚାନ୍ ଜେ, ଇମଣି କେଇଗାଲ୍ ଜାତୁନ୍ ଲଡା, ହମାନ୍ ହେଖାଙ୍ଗ୍ ଆଦିକ୍ ଲଡା । ୨୫ ମତର୍ ଇନେସ୍ ଗାଗାଡ୍ ବିତ୍ରେ ଗଡ୍ ମାର୍ ଗିଟାଡିତିସ୍, ନଲେ କେଇଗାଲ୍ ସମାନ୍ ବାବ୍ରେ ହାରି ହାର ଚିତା କିନିକ୍, ଇଦାଂ କାଜିଂ ଇସ୍ପର୍ ଇନାକାହିଲ୍ ଓଜାକାର ଆଦିକ୍ ହର୍ ଦୁକ୍ କିନାକା ହିଜି ଗାଗାଡ୍ ରବେ କିତାନନ୍ନା । ୨୬ ଆରେ, ରଞ୍ଜି କେଇଗାଲ୍ ଦୁକ୍ ବଗ୍ କିତିସ୍ ଓଜାକାର ତା ଲାହାଙ୍ଗ୍ ଦୁକ୍ ବଗ୍ କିନିକ୍, ନଲେ ର କେଇଗାଲ୍ ଜାଜ୍ ମାଲ୍ ପାୟାତିସ୍ ଓଜାକାର ତା ଲାହାଙ୍ଗ୍ ଖାରି କିନିକ୍ ।

୨୭ ଏପେଙ୍ଗ୍ କ୍ରିସ୍ଟି ଗାଗାଡ୍, ଆରେ ର ର ଜାଣି ର ର କେଇଗାଲ୍ ଲାକେ । ୨୮ ଆରେ, ଇସ୍ପର୍ ମଣ୍ଡଲିତ ପର୍ତ୍ତମତ ପକ୍ୟାତାକାନ୍, ଜେତାକା ବେଶ୍ ବାକ୍ ଶାୟ୍ କିନାକାନ୍, ତିନ୍ ତାକେ ହିକ୍ୟା ଗୁରୁ, ଇ ଲାକେ ବାର୍ ବିନ୍ ମାନାୟ୍ ତିଙ୍ଗ୍ ବାଟି କିତାନନ୍ନା; ପାତେ ସାକ୍ତିନି କାମାୟ୍, ତା ପାତେ ଉଜ୍ କିନି ସାକ୍ତି, ଲକାର୍ ଉପକାର୍, ଚାଲାନି କେମତା ଆରି ବାର୍ ବିନି ବାସା ଦାନ୍ କିତାଣ୍ଟା । ୨୯ ଓଜାକାର କି ପକ୍ୟାତାକାର୍ ? ଓଜାକାର କି ବେଶ୍ ବାକ୍ ଶାୟ୍ କିନାକାର୍ ? ଓଜାକାର କି ଗୁରୁ ? ଓଜାକାର କାବା କିନି ସାକ୍ତି ଓଜାକାର ତାକେ ହିଲ୍ଡ ? ୩୦ ଓଜାକାର ଉଜ୍ କିନି ଦାନ୍ ପାୟାତାଣ୍ଟା କି ? ଓଜାକାର ଲକାର୍ ବାସାତ ବେଶ୍ କିତାର୍ କି ? ଓଜାକାର ବାସାନି ଅରଡ୍ କିତାର୍ କି ? ୩୧ ମତର୍ ନିନ୍ଦାନ୍ ଦାନ୍ ଓଜାକାର ପାୟାତି କାଜିଂ ଲାଗିସ୍ ସେସ୍ କିୟାଟ୍ ।

ଆଦିକ୍ ତାଂ ଆନ୍ ମିଙ୍ଗେଙ୍ଗ୍ ର ବାଲ୍ ନି ହାଜି ଚଚ୍ଚାନାଙ୍ଗା ।

୧୩

ପର୍ତ୍ତମ୍ ଜାଣାଟିନା

୧ ଜଦି ଆନ୍ ମାନାୟାରିଂ ଆରି ଦୁଡ୍ ରଡି ବାସାତ କତା ଇନାଙ୍ଗ୍, ମତର୍ ନା ଜିଉନନାକା ମାନ୍ ଗୁଡ୍, ତେବେ ଆନ୍ ଗାଜାନି ଗଣ୍ଟା ନଲେ ଚମ୍ ଚମ୍ ଗାଜାନି କେଇ ତାପଡିଙ୍ଗ୍ ଲାକେ ଆନାତା । ୨ ଆରେ, ଜଦି ନା ବେଶ୍ ବାକ୍ ଶାୟ୍ କିନାକା ସାକ୍ତି ମାଟିସ୍ ଆରି ଆନ୍ ଓଜାକାର ନେକ୍ଟି କାତା ଆରି ସବୁ ଗିୟାନ୍ତ ଆଡୁଦେଂ ଆଜି ମାଟିସ୍, ଆରେ ମାଡିତିଂ ଗୁଚାୟ୍ କିନି କାଜିଂ ନା ପୁରା ପାତ୍ର ମାଟିସ୍, ମତର୍ ନା ଜିଉନନାକା ହିଲ୍ଡିତିସ୍, ଖାଟିଙ୍ଗ୍ ଆନ୍ ମୁଡ୍ରେ ଆକାୟ୍ । ୩ ଆରେ, ଜଦି ଆନ୍ ଅକ୍ ଲଗାଂ ତିଡ୍ ପି କିନି କାଜିଂ ନା ଓଜେ ହିଦେଂ କିନାଙ୍ଗ୍, ଆରେ ଜଦି ଆନ୍ ନାଦାଂ ଗାଗାଡ୍ ନି ହୁଡ୍ ଜି ଆନି କାଜିଂ ହେଲାୟ୍ କିନାଙ୍ଗ୍, ମତର୍ ନା ଜିଉନନାକା ହିଲ୍ଡିତିସ୍, ଖାଟିଙ୍ଗ୍ ନାଦି ମୁଡ୍ରେ ଲାବ୍ ଆକାୟ୍ । ୪ ଜିଉନନାକା ସାହାସ୍ ଆହ୍ନାକା ଆରି ସମାଲିକିନାକା । ଜିଉନନାକା ବାନ୍ୟା, ତାରା କିଉନ୍, ଜିବୁନ୍ ବାଲ୍ ବଲ୍ ଲାୟ୍ କିଉନ୍, ତାରା କିଉନ୍, ୫ ଇନେରିଂ ଇନ୍ ଓଜି ଚିତ୍ରା କିଉନ୍, ନିଜିତିଂ ସେସ୍ କିଉନ୍, ରିସା ଆଉନ୍, ନାହାୟ୍ କିନି ଏଡୁଡ୍ ଇଚୁନ୍, ୬ ଅଦାମ୍ ତ ଖାରି କିଉନ୍, ମତର୍ ହାଡ୍ ପାତ୍ର ଖାରି କିନାନ୍; ୭ ଓଜାକାର ହୁଞ୍ଜନାନ୍, ଓଜାକାର ପାତ୍ର କିନାନ୍, ଓଜାକାର ବାସ୍ କିନାନ୍, ଓଜାକାର ବିସ୍ରେ ସାସ୍ ଆସ୍ତି ମାନାନ୍ ।

୮ ଜିଉନନାକା ମୁଡ୍ରେ ଓଜାକାର; ମତର୍ ଜଦି ଇସ୍ପର୍ ତାଙ୍ଗ୍ କାବୁର୍ ସୁଶାୟ୍ କିନି ସାକ୍ତି ମାନାଡ୍, ହେଦାଂ ବୁଡାନାଡ୍, ଜଦି ଲକାର୍ ବାସା ମାଟିସ୍, ହେ ସବୁ ଚିମ୍ପାନାଡ୍, ଜଦି ଗିୟାନ୍ ମାଟିସ୍, ହେଦାଂ ବୁଡା ଆନାଡ୍ ।

* ୧୩:୨ ୧୩:୨ ମାଡିଉ ୧୭:୨୦; ୨୧:୨୧; ମାର୍କ ୧୧:୨୩.

୯ ଇନାକିଦେଂକି ଆସେଙ୍ଗ ଅଲପ୍ ବାବ୍ରେ ପୁନାସ୍ ଆରି ଅଲପ୍ ବାବ୍ରେ ବେଶ୍‌ବାକ୍‌ଶାୟ୍ କିନାସ୍ । ୧୦ ମତର୍ ସବୁ ବିସ୍ତେ ଇକାଞ୍ଜାତିସ୍ ଅଲପ୍ ବିସ୍ତେ ବୁତାନାତ୍ ।

୧୧ ହିମ୍‌ଶା ମାନି ସମୁତ୍ ଆନ୍ ହିମ୍‌ଶା ଲାକେ ବେଶ୍ ଇଞ୍ଜି ମାଚାଙ୍ଗ୍, ହିମ୍‌ଶା ଲାକେ ବାବି କିଜି ମାଚାଙ୍ଗ୍, ହିମ୍‌ଶା ଲାକେ ବିଚାର୍ କିଜି ମାଚାଙ୍ଗ୍, ବୈସ୍ ଆତିଲେ ଆନ୍ ହିମ୍‌ଶା ବିସ୍ତେ ସବୁ ପିସ୍ତାଙ୍ଗ୍ । ୧୨ ଇନାକିଦେଂକି ନଙ୍ଗ୍ ଆସେଙ୍ଗ୍ ଟିକିନିକି ବଚନ୍‌ଲାଗ୍‌ଦି ଦାପାଶ୍‌ନି ଉପକାର୍‌ତାଂ ହୁଡ୍‌ନାପା, ମତର୍ ହେ ପାଦ୍‌ନା ହାରିମୁମ୍‌ଦ ଆଜି ହୁଡ୍‌ନାସ୍; ଏଚେଞ୍ଜେଡାଲିଂ ଆନ୍ ଅଲପ୍ ବାବ୍ରେ ପୁନାଙ୍ଗା, ମତର୍ ହେ ପାଦ୍‌ନା, ଆନ୍ ଇନେସ୍ ଜାଶା, ହେ ଲାକେ ପା ଜାଶା ପାୟାନାଙ୍ଗ୍ ।

୧୩ ଇଚିସ୍ ପାତ୍, ବାସ୍, ଜିଉନନାକା, ଇ ତିନି ତିର୍ ଆନାତ୍, ଆରେ ଇଞ୍ଜାର୍ ବିତ୍ରେ ଜିଉନନାକା ଗାଜା ।

୧୪

ବେଶ୍‌ବାକ୍‌ଶାୟ୍‌କିନାକା ଆରି ବିନ୍‌ବାସା

୧ ଜିଉନନାକା ଇଚ୍‌କାତ୍ କିୟାଟ୍, ଆରେ ଆମ୍‌କି ଦାନ୍‌ସବୁ ପାୟାନ୍ କାଜିଂ, ବେସି ଇନେସ୍ ବେଶ୍‌ବାକ୍‌ଶାୟ୍ ଇଞ୍ଜେଙ୍ଗ୍ ଆଡ୍‌ନାଦେର୍, ଇଦାଂ କାଜିଂ ରବେ ସେସ୍ତୁ କିୟାଟ୍ । ୨ ଇନାକିଦେଂକି ଇନେନ୍ ଲକାର୍ ବାସା କାତା ଇନାନ୍, ହେଞ୍ଜାନ୍ ମାନାୟ୍‌ତିଙ୍ଗ୍ ବେଶ୍ ଇନୁନ୍, ମତର୍ ଇସ୍‌ସ୍‌ରତିଂ ଇନାନ୍, ଲାଗିଂ ଇନେର୍ ହେଦାଂ ବୁଜାଆଉନ୍, ମତର୍ ହେଞ୍ଜାନ୍ ଜିବୁନ୍ ହୁଦାଂ ଟିକିନିକି ବିସ୍ତେ ଇନାନ୍ । ୩ ମତର୍ ଇନେନ୍ ବେଶ୍‌ବାକ୍‌ଶାୟ୍ କିନାନ୍ ଇସ୍‌ସ୍‌ତ୍ ବଚନ୍ ପର୍‌ଚାର୍ କିନାନ୍, ହେଞ୍ଜାନ୍ ହେଦାଂ ମାନାୟାରିଂ ଇନାନ୍, ତାପାଚେ ହେଞ୍ଜାରିଂ ରଚ୍‌ନାସ୍, ଖାରିକିୟ୍ କିନାକାନ୍ ଆରି ଦୁକ୍‌ସାରାୟ୍ ବେଶ୍ ଇନାନ୍ । ୪ ଇନେନ୍ ଲକାର୍ ବାସାତ କାତା ଇନାନ୍, ହେଞ୍ଜାନ୍ ନିଜାର୍‌ତି ହାର୍‌ଦାକା ହପ୍‌ନାନ୍, ମତର୍ ଇନେନ୍ ବେଶ୍‌ବାକ୍‌ଶାୟ୍ ଇନାନ୍, ହେଞ୍ଜାନ୍ ମଣ୍ଡଲିନି ହାର୍‌ଦାକା ହପ୍‌ନାନ୍ ।

୫ ଏପେଙ୍ଗ୍ ଝିଜାଦେର୍ ଜେ ବିନ୍ ବାସାତ କାତା ଇନାଦେର୍, ଇଦାଂ ନା ଇଚା, ମାତର୍ ଏପେଙ୍ଗ୍ ଜେ ବେଶ୍‌ବାକାଶ୍‌ୟ୍ ଇନାଦେର୍, ଇଦାଂ ନାଦି ଆଦିକ୍ ଇଚା; ଇନେନ୍ ବିନ୍ ବାସାତ କାତା ଇନାନ୍, ହେଞ୍ଜାନ୍ ଜଦି ମଣ୍ଡଲି ରଚ୍‌ନାନ୍ ପାୟାନ୍ କାଜିଂ ବାସାନ୍ ଅରଡ୍ କିଉନ୍, ଝାଟିଙ୍ଗ୍ ହେଦାଂ ବାଟା ଜେ ବେଶ୍‌ବାକ୍‌ଶାୟ୍ କିନାନ୍, ହେଞ୍ଜାନ୍ ଗାଜାକାନ୍ । ୬ ଏପେଙ୍ଗ୍ ଇବେ ଏ ଟଣ୍ଡାର୍, ଆନ୍ ଜଦି ମି ଲାଗାଂ ହାଲ୍‌ଜି ହତି ବଚନ୍, କି ବୁଦି, କି ବେଶ୍‌ବାକ୍‌ଶାୟ୍ କିନାକା, କି ହିକ୍ୟାନ୍ କାତା ଇନ୍‌ଝାଦାଂ କେବଲ୍ ବିନ୍‌ବାସାତ କାତା ଇନାନ୍, ଲାଗିଂ ହେବେ ଆନ୍ ମିଦାଙ୍ଗ୍ ଇନାକା ଉପକାର୍ କିଦ୍‌ନାଙ୍ଗ୍ ?

୭ ହୁର୍‌ଡ୍ ଆଏଡ୍ କି ଗମଶ୍ ଆଏଡ୍, ଜିବୁନ୍‌ହିଲ୍‌ଝି ବାଜା ଆଡ୍‌ତିସ୍ ପା ଜଦି କାଟ୍‌ସ୍ ସମାନ୍ ମାନ୍‌ଗୁଡ୍, ଲାଗିଂ ହୁର୍‌ଡ୍‌ତି ଇନାକା ଆଡ୍‌ନାତା କି ଗମଶ୍ ଇନାକା ଆଡ୍‌ନାତା, ହେଦାଂ ଇନେସ୍ ପୁନ୍‌ସାଆନାତ୍ ? ୮ ଆରେ, ମରି ଜଦି ବୁଜାଆଝି କାଟ୍, ଲାଗିଂ ଇନେନ୍ ଜୁଜ୍ କାଜିଂ ରଞ୍ଜନାନ୍ ? ୯ ହେ ଲାକେ ଏପେଙ୍ଗ୍ ପା ଜଦି ଝେନ୍‌ଲୁ ହୁକେ ଆଡ୍‌ଝା ଇନି କାତା ଇନୁସ୍, ଲାଗିଂ ଇନାକା ଇନାଦେରା, ହେଦାଂ ଇନେସ୍ ପୁନ୍‌ସାଆନାତ୍ ? ଇନାକିଦେଂକି ଏପେଙ୍ଗ୍ ଝାରାକାଦ୍‌ଲିଂ ଇନାକା ଲାକେ ଆନାତ୍ । ୧୦ ପୁତ୍‌ତି ବେସି ବାନି ବାସା ମାନାତ୍, ଆରେ ଇମ୍‌ଶି ସବଦ୍ ଅରଡ୍ ଝାରାକା ଆକାୟ୍ । ୧୧ ଲାଗିଂ ଆନ୍ ଜଦି ହେ ସବଦ୍‌ନି ଅରଡ୍ ବୁଜାଆଝିତିସ୍, ଲାଗିଂ ଇନେନ୍ ଇନାର୍, ଆନ୍ ତା କାଜିଂ ବିଦେସି ଲାକେ ଆନାଙ୍ଗ୍, ଆରେ ହେଞ୍ଜାନ୍ ନା ଲାଗାଂ ଅତିନା ଲାକେ ଆନାନ୍ । ୧୨ ହେ ମାନାୟ୍ ଏପେଙ୍ଗ୍ ପା ଆମ୍‌କି ଦାନ୍ ସବୁ ପାୟାଦେଂ ର ସେସ୍ତୁ କିଜି ମାଚିଲେ ମଣ୍ଡଲି ରଚ୍‌ନାସ୍ ପାତ୍ କିନାକାନ୍ କାଜିଂ ହେ ସବୁ ବେସି ପାୟା ଆଦେଂ ସେସ୍ତୁ କିୟାଟ୍ ।

୧୩ ଲାଗିଂ, ଇନେନ୍ ଲକାର୍ ବାସାତ କାତା ଇନାନ୍, ହେଞ୍ଜାନ୍ ଇନେସ୍ ଅରଡ୍ କିଦେଙ୍ଗ୍ ଆଡ୍‌ନାନ୍, ଇଦାଂ କାଜିଂ ପାର୍ତାନା କିଏନ୍ । ୧୪ ଇନାକିଦେଂକି ଆନ୍ ଜଦି ବିନ୍ ବାସାତ ପାର୍ତାନା କିନାଙ୍ଗ୍, ଲାଗିଂ ନା ଜିବୁନ୍ ପାର୍ତାନା କିନାତ୍, ମତର୍ ନା ବୁଦି ପାଡ୍ ଆହ୍‌ଝାକା ଆନାତ୍ । ୧୫ ଲାଗିଂ ନା କିନାକା ଇନାକା ? ଆନ୍ ଜିବୁନ୍ ହୁକେ ପାର୍ତାନା କିନାଙ୍ଗ୍; ଆରେ ବୁଦି ଲାହାଙ୍ଗ୍ ପା ପାର୍ତାନା କିନାଙ୍ଗ୍; ଜିବୁନ୍ ହୁକେ କେର୍‌ନାଙ୍ଗ୍, ଆରେ ବୁଦି ଲାହାଙ୍ଗ୍ ପା କେର୍‌ନାଙ୍ଗ୍ । ୧୬ ହେଦାଂ ଆଝିତିସ୍ ଏପେଙ୍ଗ୍ ଜଦି ମି ଜିବୁନ୍ ହୁକେ ଜୁଝାର୍ ହିୟାଟ୍, ଲାଗିଂ ସାଦାସିଦା ମାନାୟ୍ ମି କାତା ବୁଜା ଆଝିତିସ୍ ଇନେସ୍ ମି ଦନ୍‌ସାବାଦ୍‌ତ ଆମେନ୍ ଇନାଦେର୍ ? ୧୭ ଲାଗିଂ ଏପେଙ୍ଗ୍ ହାର୍ ଲାକେ ଜୁଝାର୍ ହିନାଦେରା ସଡ୍, ମତର୍ ହେ ବିନ୍‌ନିକାନ୍‌ତି ହାର୍ ଆମାଟ୍ ।

୧୮ ଆନ୍ ମି ଝିଜାଦେର୍ ତାଙ୍ଗ୍ ଆଦିକ୍ ଲାକେ ଲକାର୍ ବାସାତ କାତା ଇନାଙ୍ଗ୍ ଇଞ୍ଜି ଇସ୍‌ସ୍‌ରତିଂ ଜୁଝାର୍ ହିନାଙ୍ଗା; ୧୯ ଆତିସ୍‌ପା ଆନ୍ ଇନେସ୍‌କି ବିନ୍‌ନିକାରିଂ ପା ହିକ୍ୟା ହିଦେଂ ଆଡ୍‌ନାଙ୍ଗ୍, ଇଦାଂ କାଜିଂ ମଣ୍ଡଲିତ ଲକାର୍ ବାସାତ ଦସ୍ ହାଜାର୍ ବେଶ୍ ଇନି ବାଟା ଇଚିସ୍ ବୁଦି ଲାହାଙ୍ଗ୍ ପାଞ୍ଚଗଟା ବେଶ୍ ଇଞ୍ଜେଙ୍ଗ୍ ମାନ୍ କିନାଙ୍ଗ୍ ।

୨୦ ଏ ଟଣ୍ଡାର୍, ବୁଦିତ୍ ହିମ୍‌ଶା ଲାକେ ଆମାଟ୍, ଇଚିସ୍ ବାନ୍‌ସା ବିସ୍ତେ ହିରୁହିମ୍‌ଶା ଲାକେ ଆଡ୍, ମତର୍ ବୁଦିତ୍ ଏପେଙ୍ଗ୍ ଗାଜାକାର୍ ଆଡ୍ । ୨୧ ମସାତି ବିଦିତ୍ ଲେକାମାନାତ୍,

ମାପୁ ଇନାନ୍, ବିଦେସ୍‌ନି ବେଶ୍‌ଇନାକାର ହୁକେ ଆରି ବିଦେସ୍‌ନିକାର୍ତ୍ତି ଖେୟ ହୁକେ ଆସେଙ୍ଗ୍ ଇ ମାନାୟାରିଂ କାତା ଇନାସ୍, ତା ଆତିସ୍ ପା ହେଖାର ମା କାତା ଖେଞ୍ଜୁର ।

୨୨ ଲାଗିଂ ଲକାର ବାସାତ କାତା ଇନାକା ପାତ୍ ନିକାର୍ତ୍ତି କାଜିଂ ଚିନ୍ ଲାକେ ଆକାୟ୍, ମତର୍ ପାତ୍ କିଞ୍ଜାକାର୍ତ୍ତି କାଜିଂ ଚିନ୍ ଲାକେ; ବିନ୍ ପାକ୍ୟାତ ବେଶ୍‌ବାକ୍‌ଶାୟ୍‌କିନାକା ଇନାକା ପାତ୍ କିଞ୍ଜାକାର୍ତ୍ତି କାଜିଂ ଚିନ୍ ଲାକେ ଆକାୟ୍, ମତର୍ ପାତ୍ କିନାକାର୍ତ୍ତି କାଜିଂ ଚିନ୍ ଲାକେ ।

୨୩ ଆରେ ପା ସବୁ ମଣ୍ଡଲିଂ ଜଦି ମେହା ଆନିକ୍ ଆରି ଓଜାର୍ ଲକାର ବାସାତ ବେଶ୍ ଇନାର୍, ଆରେ ସଲ୍‌କେ କି ପାତ୍ କିଞ୍ଜି ମାନାୟାର୍ ଖାନାର୍, ତା ଆତିସ୍ ଏପେଙ୍ଗ୍ ପାଗ୍‌ଲା ଇଞ୍ଜି ଇନାକା ହେଖାର ଇନୁର୍ ? ୨୪ ମତର୍ ଜଦି ଓଜାର୍ ବେଶ୍‌ବାକ୍‌ଶାୟ୍‌କିନାକା ଇନାର୍, ଆରେ ରଞ୍ଜାନ୍ ପାତ୍ କିଞ୍ଜାକାନ୍ କି ସଲ୍‌କେନି ଲକ୍ ଖାନାନ୍, ଲାଗିଂ ହେଖାନ୍ ଓଜାର୍ତ୍ତି ହୁକେ ଦସି ଇଞ୍ଜି ପାର୍ମାଣ୍ ଆନାଡ୍, ଓଜାର୍ତ୍ତି ହୁକେ ବିଚାର୍ ଆନାଡ୍, ୨୫ ତା ଖାସ୍‌ନି ଡକ୍ତୁତି ବିସ୍ତେ ସବୁ ହନାଡ୍; ହେବେ ହେଖାନ୍ ମୁମ୍ ତାରେନ୍ କିନାନ୍ ଆରି ଇସ୍‌ବୁ ଜେ ହାଡ୍‌ପା ମି ବିତ୍ତେ ମାନାନ୍, ଇଦାଂ ମାନି କିଜି ତାଙ୍ଗେଙ୍ଗ୍ ଜୁଞ୍ଜାର୍ କିନାଦେର୍ ।

ମଣ୍ଡଲି ସୁସ୍ତା

୨୬ ଏ ଟଣ୍ଡାର୍, ଆରେ ତଣ୍ଡେକ୍ ତେବେ କାମାୟ୍ ଇନାକା ? ଏପେଙ୍ଗ୍ ମେହାଆନି ସମୁତ କେରକଣ୍, କି ହିକ୍ୟା, କି ହତି ବଚନ୍, କି ପରବାସା କି ବାସାନି ଅରଡ୍, ଏଲେଙ୍ଗ୍ ଓଜାର୍ତ୍ତି ଇନାକା କି ଇନାକା ମାନାଡ୍ । ଓଜୁ ବିସ୍ତେ ରଡ୍‌ନି କାଜିଂ କିୟାଆୟେଡ୍ । ୨୭ ଜଦି ଇନେର୍ ଲକାର ବାସାତ କାତା ଇନାନ୍, ଲାଗିଂ ରିୟାର୍ ନଲେ ଆଦିକ୍ ଆତିସ୍ ତିନ୍ ଜାଣ୍ ପାଲି ଇସାପ୍‌ତାଂ ଇନାର୍, ଆରେ ରଞ୍ଜାନ୍ ଅରଡ୍ କିଏନ୍ । ୨୮ ମତର୍ ଜଦି ଇମ୍‌ଣି ଅରଡ୍ ଇନାକାନ୍ ମାନୁନ୍, ତା ଆତିସ୍ ହେଖାନ୍ ମଣ୍ଡଲିତ୍ ଚିମରା ମାନେନ୍ ଆରି ମାନେମାନେ ଇସ୍‌ବୁତ୍ ଇନେନ୍ । ୨୯ ଆରେ, ରିୟାର୍ କି ତିନ୍ ଜାଣ୍ ବେଶ୍‌ବାକ୍‌ଶାୟ୍‌କିନାକା ଇନେର୍, ଆରେ ବିନ୍‌ନିକାର୍ ବିଚାର୍ କିଏର୍ । ୩୦ ମତର୍ କୁଟାକାର୍ ବିନେ ଇନେର୍ କାଜିଂ ଜଦି ଇମ୍‌ଣି ବଚନ୍ ହନାଡ୍, ତା ଆତିସ୍ ପର୍ତ୍ତୁମ୍ ନିକାନ୍ ଚିମରା ଆୟେନ୍ । ୩୧ ଇନାକିଦେଂକି ଇନେସ୍ ଓଜାର୍ ହିକ୍ୟା ପାୟାନାର୍, ଆରେ ଓଜାର୍ ଗିୟାନ୍ ପାୟା ଆନାର୍, ଇଦାଂ କାଜିଂ ଏପେଙ୍ଗ୍ ଓଜାଦେର୍ ରଞ୍ଜାନ୍ ରଞ୍ଜାନ୍ ଜିସୁ ବେଶ୍‌ବାକ୍‌ଶାୟ୍‌କିନାକା ଇଞ୍ଜେଙ୍ଗ୍ ଆଡ୍‌ନାଦେର୍ । ୩୨ ବେଶ୍‌ବାକ୍‌ଶାୟ୍‌କିନାକାନ୍ ଜିବୁନ୍ ବେଶ୍‌ବାକ୍‌ଶାୟ୍‌କିନାକାର୍ ମେହାଣ୍ । ୩୩ ଇନାକିଦେଂକି ଇସ୍‌ବୁ ରାଟୁନି ଇସ୍‌ବୁ ଆକାୟ୍, ମତର୍ ହେଖାନ୍ ସୁସ୍ତା ଖାରିନି ଇସ୍‌ବୁ ।

ଇସ୍‌ବୁତ୍ ବିନ୍‌ବିନ୍ ସାଦୁର୍ ପାର୍ତାନା ମଣ୍ଡଲିତ୍ ଇନେସ୍ । ୩୪ ସାଦୁର୍ତ୍ତି ଓଜୁ ମଣ୍ଡଲିତ୍ ଇନେସ୍ ଆଜି ମାନାଡ୍, ହେ ଲାକେ କଗ୍‌ଲେହିମ୍‌ଣାଂ ମଣ୍ଡଲିତ୍ ଚିମରା ଆଜି ମାନେକ୍, ଲାଗିଂ ବେଶ୍ ଇନି କାଜିଂ ହେଞ୍ଜେକ୍ ହେଲ ପାୟାଓଡିକ୍‌ନା, ଇଚିସ୍ ବିଦିନି ନିତି ଇସାପ୍‌ତାଂ ହେଞ୍ଜେକ୍ ମେହାଜି ମାନେକ୍ । ୩୫ ହେଞ୍ଜେକ୍ ଜଦି ଇମ୍‌ଣି ବିସ୍ତେ ବୁଜାଆଦେଂ ମାନକିନିକ୍, ତେବେ ଇଞ୍ଜି ଜାର୍ ଜାର୍ ଆଣ୍ଡାକାଂ ଖେନ୍‌ବେକ୍, ଇନାକିଦେଂକି ମଣ୍ଡଲି ବିତ୍ତେ ବେଶ୍ ଇନାକା କଗ୍‌ଲେକ୍ ପାକ୍ୟାତ ଲାଜୁ ।

୩୬ ଇନାକା ? ଇସ୍‌ବୁତ୍ ବଚନ୍ କି ମିତାକେଣ୍ଡାଙ୍ଗ୍ ହଡ୍‌ତାଡ୍‌ନା ? କି କେବଲ୍ ମିଦାଙ୍ଗ୍ ଲାଗାଂ ଖାତାଡ୍‌ନା ? ୩୭ ଇନେର୍ ଜଦି ଜାର୍ତ୍ତି ବେଶ୍‌ବାକ୍‌ଶାୟ୍‌କିନାକାନ୍ କି ଆମ୍‌କ୍ ଦାନ୍ ପାୟାତାଙ୍ଗ୍‌ନା ଇଞ୍ଜି ମାନେ କିତାର୍, ତା ଆତିସ୍ ଆନ୍ ମିଙ୍ଗେଙ୍ଗ୍ ଇନା ଇନାକା ଲେକିକିନାଙ୍ଗା, ହେ ସବୁ ଜେ ମାପୁତି ବଲ୍, ଇଦାଂ ହେଖାନ୍ ପୁନେନ୍ । ୩୮ ମତର୍ ଜଦି ହେଖାନ୍ ପୁଞ୍ଜେଙ୍ଗ୍ ଆଡୁନ୍, ତେବେ ହେଖାନ୍ ପୁଞ୍ଜେଙ୍ଗ୍ ଆଡ୍‌ଖାକାନ୍ ମାନେନ୍ ।

୩୯ ଲାଗିଂ ଏ ନା ଟଣ୍ଡାର୍, ବେଶ୍‌ବାକ୍‌ଶାୟ୍‌କିନାକା ଇଞ୍ଜେଙ୍ଗ୍ ହାଡ୍‌ପା ସେସ୍ତୁ କିୟାଟ୍; ଆରେ, ଲକାର ବାସାତ ବେଶ୍ ଇଞ୍ଜେଙ୍ଗ୍ ମୁନା କିମାଟ୍ । ୪୦ ମତର୍ ଓଜୁ ହାଡ୍‌ପା ବାବ୍ରେ ହାର୍ ଇସାବ୍‌ରେ କିୟାଆଏଡ୍ ।

୧୫

କ୍ରିସ୍ତୁତି ଆରେ ନିଂନାକା

୧ ହେ ଟଣ୍ଡାର୍, ଆନ୍ ମି ଲାଗାଂ ଇମ୍‌ଣି ନେକ୍ରିକାବୁର୍ ସୁଶାୟ୍ କିଜି ମାତାଙ୍ଗ୍, ଇମ୍‌ଣାକା ଏପେଙ୍ଗ୍ ଇଡ୍‌ଜି ମାତାଦେର୍, ତା ପାଚେ ପା ତିର୍ ଆଜି ମାନାଦେରା, ଆନ୍ ଇମ୍‌ଣି ବାନି ମି ଲାଗାଂ ହେଦାଂ ସୁଶାୟ୍ କିଜି ମାତାଙ୍ଗ୍, ଇଦାଂ ମିଙ୍ଗେଙ୍ଗ୍ ଏଡୁକି କିଦ୍‌ନାତା; ୨ ଜଦି ଏପେଙ୍ଗ୍ ହେଦାଂ ନେକ୍ରିକାବୁର୍ ଆଡ୍‌ଖା ବାବ୍ରେ ଆଜି ମାନାଟ୍, ତେବେ ହେଦାଂ ହୁକେ ମୁକ୍ତି ଆନାଦେରା, ଆଓଡିସ୍ ତ ଏପେଙ୍ଗ୍ ବେକାରେ ପାତ୍ କିନାକାଦେର୍ ଆଜି ମାତାଦେର୍ ।

୩ ଇନାକିଦେଂକି ଇମ୍‌ଣି ଇମ୍‌ଣି ହିକ୍ୟା ଆନ୍ ପାୟା ଆଜି ମାତାଙ୍ଗ୍, ହେ ବିତ୍ତେତାଂ ଇ ମୁଡ୍ ହିକ୍ୟା ମିଙ୍ଗେଙ୍ଗ୍ ହିଜି ମାନଟାଙ୍ଗ୍ ଇଚିସ୍, କ୍ରିସ୍ତୁତି ସାସ୍‌ବୁର୍ ଇସାବ୍‌ବ୍ରେ ମା ପାପ୍ କାଜିଂ ହାତାନ୍, ୪ *ମୁଟ୍‌ୟାତାନ୍ ଆରି ସାସ୍‌ବୁର୍

☆ ୧୫:୪ ୧୫:୪ ମାଡିଉ ୧୨:୪୦; ପକ୍ୟାତାକା ୨:୨୪-୩୨.

ଇସାପତା ତିନି ଦିନତା ନିଜ୍ଞତାନ୍; *ହେୱାନ କେପା, ଆରେ, ତା ପାଚେ ବାରଜାଣତିଂ ଚଞ୍ଜୟା ଆତାନ୍; ୨ ଇଦାଂ ପାଚେ ରଞ୍ଜେମାଟ୍ ପାଞ୍ଚ୍ୟ ତାଙ୍ଗ ଆଦିକ୍ ଟଣ୍ଡାରିଂ ଚଞ୍ଜୟା ଆତାନ୍; ହେୱାର ବିତ୍ରେଣ୍ଡା ଆଦେକାର୍ ନେଜେଙ୍ଗ୍ ପାଚେକ୍ ଜିବୁନ୍ ମାନାର୍, ମତର୍ ଇନେର୍ ଇନେର୍ ହାତାରେ । ୩ ତା ପାଚେ ହେୱାନ ଜାକୁବ୍ତିଂ, ଆରେ, ଝିଜାର୍ ପକ୍ୟାତାକାର୍ରିଂ ଚଞ୍ଜୟା ଆତାନ୍ ।

୮ ହାରିହାରା ବେକାର୍ ଲାକେ ରଞ୍ଜାନ୍ ଜେ ଆନ୍, ହେୱାନ ନାଜେଙ୍ଗ୍ ପା ଚଞ୍ଜୟା ଆତାନ୍ । ୯ ଇନାକିଦେଂକି ଇସ୍ତର୍ ମଣ୍ଡଲିତିଂ ଇଣ୍ ଜିସୁ ମାଚିଲେ ପକ୍ୟାତାକାର୍ ବିତ୍ରେ ଆନ୍ ହିରୁକାଂ, ଆରେ ପକ୍ୟାଆତାର୍ ତର୍ଦ୍ଦ ତାକ୍ପୁଟା ଆଦେଂ ଜର୍ ଆକାୟ୍ । ୧୦ ମତର୍ ଆନ୍ ଇନାକା ଆତାଙ୍ଗନା, ହେଦାଂ ଇସ୍ତର୍ ଉପକାର୍ତ ଆତାଙ୍ଗନା, ଆରେ ନା ହିତ୍ତି ହେୱାନ୍ତି ହେ ଉପକାର୍ ପଲ୍ୟା ଆଖାତାତନା । ମତର୍ ଆନ୍ ହେ ଝିଜାର୍ ତାଙ୍ଗ ଆଦିକ୍ କସ୍ କିତାନ୍ନା, ଆତିସପା ଆନ୍ ଆକାୟ୍, ମତର୍ ନା ଲାହାଙ୍ଗ୍ ମାନି ଇସ୍ତର୍ ଉପକାର୍ ହେଦାଂ କିତ୍ତାନ୍ନା । ୧୧ ଲାଗିଂ ଆନ୍ ଆନାଂ, କି ହେୱାର୍ ଆୟେର୍, ଇ ଲାକେ ଆସେଙ୍ଗ୍ ସୁଣାୟ୍ କିଜି ମାନାସ୍, ଆରେ ଇ ଲାକେ ଏପେଙ୍ଗ୍ ପାଚ୍ କିନାକାଦେର୍ ଆତାଦେଣ୍ଡା ।

ମାଦାଂ ଆରେ ନିନାକା

୧୨ ଲାଗିଂ କ୍ରିସ୍ତ ଜେ ହାତାକାର୍ ବିତ୍ରେତାଂ ଆରେ ନିନାକା, ଇଦାଂ ଜଦି ସୁଣାୟ୍ କିୟାନାତା, ଲାଗିଂ ହାତାକାର୍ତି ନିଜ୍ଞନାକା ଆକାୟ୍ ଇଞ୍ଜି ମି ବିତ୍ରେ ଇନେର୍ ଇନେର୍ ଇନେସ୍ ଇନାର୍ ? ୧୩ ଜଦି ହାତାକାର୍ତି ଆରେ ଆରେ ନିନାକା ଆକାୟ୍, ତେବେ କ୍ରିସ୍ତ ପା ନିଜ୍ଞତାନ୍ନା; ୧୪ ଆରେ, ଜଦି କ୍ରିସ୍ତ ନିଜ୍ଞତାନ୍ନା, ତେବେ ତ ମା ସୁଣାୟ୍ କିନାକା ପଲ୍ୟା, ମି ପାଚ୍ ପା ବେକାର୍, ୧୫ ଆରେ, ଆସେଙ୍ଗ୍ ଇସ୍ତର୍ ବିସ୍ତେ ଇନେନ୍ ମିର୍ ସାକି, ଇଦାଂ ହନାତ୍ । ଇନାକିଦେଂକି ଆପେଂ ଇସ୍ତର୍ ବିରୁଦ୍ଦ ସାକି ହିଜି ମାନେନ୍ ଜେ ହେୱାନ କ୍ରିସ୍ତ୍ ନିଜ୍ଞତାନ୍ନା; ମତର୍ ଜଦି ହାତାକାର୍ ନିଜ୍ଞତ୍ତିସ୍, ତେବେ ହେୱାନ ହେୱାନିଂ ନିଜ୍ଞତାନ୍ନା । ୧୬ ଲାଗିଂ ଜଦି ହାତାକାର୍ ନିଜ୍ଞର୍ଦେ, ଲାଗିଂ କ୍ରିସ୍ତ ପା ନିଜ୍ଞତାନ୍ନା; ୧୭ ଆରେ, ଜଦି କ୍ରିସ୍ତ ନିଜ୍ଞତାନ୍ନା, ଲାଗିଂ ମି ପାଚ୍ ପଲ୍ୟା, ଆରେ ଏପେଙ୍ଗ୍ ଇ ପାଚେକ୍ ଜାର୍ ଜାର୍ ପାପ୍ତ ମାନାଦେରା । ୧୮ ତା ଆତିସ୍ ଇମ୍ପାକାର୍ କ୍ରିସ୍ତତାକେ ହାତାନ୍ନା, ହେୱାର୍ ପା ବୁଡା ଆତାଣ୍ଡା । ୧୯ ଜଦି କେବଲ୍ ଇ ଜିବୁନ୍ କାଜିଂ ଆସେଙ୍ଗ୍ କ୍ରିସ୍ତତାକେ ବାସ୍ କିତାପ୍ନା, ଲାଗିଂ ଝିଜାକାର୍ ମାନାୟାର୍ତାଂ ଆସେଙ୍ଗ୍ ଦୟା ନିକାପ୍ ।

୨୦ ମତର୍ ହାତପାଚ କ୍ରିସ୍ତ ହାତାକାର୍ ମାନାୟାରିଂ ପର୍ତ୍ତମ୍ ପାତ୍ ଲାକେ ମି ବିତ୍ରେତାଂ ନିଜ୍ଞତାନ୍ନା । ୨୧ ଇନାକିଦେଂକି ମାନାୟ୍ ହୁକେ ହାକି ଏକାଖାତିଲେ ମାନାୟ୍ ହୁକେ ପା ହାତାକାର୍ତି ଆରେ ନିନାକା ଏକାଖାତାତନା । ୨୨ ଲାଗିଂ ଆଦମ୍ ହୁକେ ମାନି ଇନେସ୍ ଝିଜାର୍ ହାନାର୍, ହେ ଲାକେ ପା କ୍ରିସ୍ତ ହୁକେ ଝିଜାର୍ ଜିନାର୍ । ୨୩ ଇନାକିଦେଂକି ଝିଜାକାର୍ ଜାର୍ ଜାର୍ ଦାଡିତ ପର୍ତ୍ତମ୍ ପାତ୍ ଲାକେ କ୍ରିସ୍ତ ପାଚେ କ୍ରିସ୍ତ ଝିଜାନ୍ ସମୁତ ହେୱାନ୍ତି ଆସିର୍ବାଦ୍ ପାୟାତାକାର୍; ୨୪ ତା ପାଚେ ଜୁର୍ ଏକାଖାନାତ୍, ହେ ସମୁତ ହେୱାନ ଝିଜାର୍ ଆଦିକାରି, ଝିଜୁ ଆଦିକାର୍ ଆରି ସାକ୍ତି ବୁଡାୟ୍ କିତି ପାଚେ ଆବା ଇସ୍ତର୍ତିଂ ରାଜି ରାଜକିନାକା ହେଲାୟ୍ କିନାନ୍ । ୨୫ ଇନାକିଦେଂକି ହେୱାନ ଝିଜୁ ସାତୁରିଂ ନିଜ୍ ପାନା ତାରେନ୍ ଇର୍ଝି ପାଚେକ୍ ତାଜେଙ୍ଗ୍ ଆତିସପା ରାଜ୍ କିଦେଙ୍ଗ୍ ଆନାତ୍ । ୨୬ ହାରିହାରା ସାତୁ ଲାକେ ହାକିତିଂ ବୁଡାୟ୍ କିୟାନାତ୍; ୨୭ ଇନାକିଦେଂକି ଝିଜୁ ବିସ୍ତେ କ୍ରିସ୍ତ ପାନା ତାରେନ୍ ମେହାୟ୍ କିତାନ୍ । ଏଚେକାତ୍ତ୍ ହେୱାନ ଇନାନ୍, ଝିଜୁ ବିସ୍ତେ ମେହାୟ୍ କିୟାଆତାତନା, ଇଦାଂ ହାରିକିତାକା ଝିଜୁ ବିସ୍ତେ ଜେ ହେୱାନ୍ତି ମେହାୟ୍ କିତାର୍, ହେୱାନ ହେ ସବୁନି ହେବେନିକାର୍ ଆକାୟ୍ । ୨୮ ଆରେ ଝିଜୁ ବିସ୍ତେ ମାଜିଡି ତଲ୍ୟା କିୟାତି ପାଚେ, ଜେ ଝିଜୁ ବିସ୍ତେ ହେୱାନ୍ତି ତଲ୍ୟା କିତାନ୍, ନିଜେ ମାଜି ପା ହେୱାନ୍ତି ତଲ୍ୟା ଆନାନ୍, ଇନେସ୍ ଇସ୍ତର୍ ସର୍ବେ ସର୍ବା ଆନାନ୍ ।

୨୯ ହାତାକାର୍ କାଜିଂ ଇମ୍ପାକାର୍ ହାତାକାର୍ କାଜିଂ ବାପ୍ତିସିମ୍ ଆନାର୍, ହେୱାର୍ ଇନାକା କିନାର୍ ? ଜଦି ହାତାକାର୍ ମୁଡେ ନିଜ୍ଞର୍, ଲାଗିଂ ହେୱାର୍ କାଜିଂ ହେୱାର୍ ଇନେକିଦେଂ ବାପ୍ତିସିମ୍ ଆନାର୍ ? ୩୦ ଆପେଂ ପା ଇନେକିଦେଂ ଝିଜୁ ସମୁତ ସନି ଗିଟା ଆଏଡ୍ ? ୩୧ ଏ ଟଣ୍ଡାର୍, ଆରି ତଣ୍ଡେକ୍ ମାପୁ ଜିସୁ କ୍ରିସ୍ତତାକେ ମି ବିସ୍ତେ ଆନ୍ ଇମ୍ପା ଗରବ୍ କିତାଙ୍ଗ୍ତି, ହେବେ ରାଣ୍ କିଜି ଇଞ୍ଜନାଙ୍ଗା, ଆନ୍ ସବୁନାଜିଂ ହାନାଙ୍ଗା । ୩୨ ଜଦି ଆନ୍ କେବଲ୍ ମାନାୟାର୍ ଇର୍କାତ୍ ଇସାପତାଂ ଆନ୍ ଏପିସତ ରାନ୍ ପସୁଙ୍ଗ୍ ଲାହାଙ୍ଗ୍ ଜୁଜ୍ କିନାଙ୍ଗା, ତେବେ ହେବେ ନା ଲାବ୍ ଇନାକା ? ଜଦି ହାତାକାର୍ ନିଜ୍ଞର୍, ଲାଗିଂ “ଖାତ, ଆସେଙ୍ଗ୍ ତିନାସ୍ତଣାସ୍ ଇନାକିଦେଂକି ଝିଗାଲିଂ ଆସେଙ୍ଗ୍ ହାନାସ୍ ।

୩୩ ଏପେଙ୍ଗ୍ ଚାକ୍ରାୟ୍ ଆମାଟ୍, ବାନ୍ୟା ଲାଗାଜଡାତ ହାରିଦି ଗୁଣ୍ଡିଂ ନାହାୟ୍ କିୟାନାତ୍ । ୩୪ ସମାନ ବାବ୍ରେ ଜାଗ୍ରତ୍ ଆତ, ପାପ୍ କିମାଟ୍; ଇନାକିଦେଂକି ଇନେର୍ ଇନେର୍ ଇସ୍ତର୍ ବିସ୍ତେ ଗିଆନ୍ ହିଜୁଡ୍; ଆନ୍ ମିଜେଙ୍ଗ୍ ଲାଜୁ କାଜିଂ ଇ କାତା ଇଞ୍ଜନାଙ୍ଗା ।”

* ୧୫:୫ ୧୫:୫ ଲୁକ ୨୪:୩୪; ମାତିଭ ୨୮:୧୭,୧୭; ମାର୍କ ୧୬:୧୪; ଲୁକ ୨୪:୩୬; ଜହନ୍ ୨୦:୧୯. * ୧୫:୮ ୧୫:୮ ପକ୍ୟାତାକା ୯:୩-୭.
* ୧୫:୯ ୧୫:୯ ପକ୍ୟାତାକା ୮:୩.

ଆରେ ନିଙ୍କଡ଼ି ଗାଗାଡ଼୍

୩୫ ମତର୍ ଇନେର୍ ଇନାର୍, ହାତାକାର୍ ଇନେସ୍ ନିଙ୍କନାର୍ ? ଇନେସ୍ ବାତ୍ ଗାଗାଡ଼୍ ହେଞ୍ଜାର୍ ଖାନାର୍ ? ୩୬ ଏ ବୁଦିହିଲ୍‌ଖାକାଦେର୍, ଏପେଙ୍ ନିଜେ ଇନାକା ଖିତାଟ୍, ହେଦାଂ ହାଞ୍ଜିତିସ୍ ଜିବୁନ୍ ଆଡ଼ଟ୍, ୩୭ ଆରେ, ଇମଣି ଗାଗାଡ଼୍ ଆନାଟ୍, ହେଦାଂ ଏପେଙ୍ ଖିତ୍‌ମାଟ୍, ମତର୍ ଗାଁ ଆଏଡ଼ କି ବିନ୍ ଇମଣି ତାସ୍ ଆୟେଡ଼, ହେଦାଂ କେବଲ୍ ମାଞ୍ଜି ମାତର୍; ୩୮ ମତର୍ ଇସ୍‌ବର୍ ଜାର୍ ଇତା ଇସାପ୍‌ତାଂ ତାଙ୍ଗେଙ୍ ଦଲ୍ ହିନାନ୍, ଆରେ ଖିଜୁ ବିୟାନ୍ ବିଡ୍ରେତାଂ ଖିଜୁକାଂ ତା ନିଜେ ଗାଗାଡ଼୍ ହିନାନ୍ ।

୩୯ ଖିଜୁ ଗାଗାଡ଼୍ ଇବାନି ଗାଗାଡ଼୍ ଆକାୟ୍, ମତର୍ ମାନାୟାରିତି ରବାନି ଗାଗାଡ଼୍, ପସୁକ୍ତି ବିନ୍‌ବାନି ଗାଗାଡ଼୍, ଆରେ ପଟିତି ଆରେ ରବାନି ଗାଗାଡ଼୍ ଆରି ମିନ୍‌କୁତି ବିନ୍‌ବାନି ଗାଗାଡ଼୍ ।

୪୦ ସାଗେନି ଗାଗାଡ଼୍ ମାନାଟ୍, ପୁତ୍ ଗାଗାଡ଼୍ ପା ମାନାଟ୍, ମତର୍ ଆକାସ୍‌ନି ଗାଗାଡ଼୍ ରବାନି ଜେଞ୍ଜେନାକା, ଆରେ ପୁତ୍ ନି ଗାଗାଡ଼୍‌ନି ହଲ୍‌ନାକା ବିନ୍‌ବାନି । ୪୧ ଖେଡ଼ା ରବାନି କାରା, ଲେଞ୍ଜିନି ବିନ୍‌ବାନି କାରା, ଆରି ହୁକାଂନି ବିନ୍‌ବାନି ଜେଞ୍ଜେନାକା; ଇନାକିଦେଂକି ଜେଞ୍ଜେନିତ ର ହୁକା ହଲ୍‌ନାକା ବିନ୍ ହୁକା ତାଙ୍ ବିନେ ।

୪୨ ହାତାକାର୍‌ତି ଆରେ ନିନାକା ପା ହେ ଲାକେ ମାଡ଼ାତାଂ ଖିତ୍‌ୟାନାଟ୍, ଲସ୍‌ଖାଦାଂ ନିଙ୍କନାଟ୍; ୪୩ ନାଡ଼୍‌ଖାଦାଂ ଖିତ୍‌ୟାନାଟ୍, ଜାଜ୍‌ମାଲ୍ ଆଜି ନିଙ୍କନାଟ୍; ନାଦାର୍‌ତାଂ ଖିତ୍‌ୟାନାଟ୍, ସାକ୍ତି ଆଜି ନିଙ୍କନାଟ୍; ୪୪ ହାଡ଼୍‌ପା ଗାଗାଡ଼୍ ଖିତ୍‌ୟାନାଟ୍, ଆମିକ୍ ଗାଗାଡ଼୍ ନିଙ୍କନାଟ୍ । ଜଦି ହାଡ଼୍‌ପା ଗାଗାଡ଼୍ ମାନାଟ୍, ଖାଟିଙ୍ ଆମିକ୍ ଗାଗାଡ଼୍ ପା ମାନାଟ୍ । ୪୫ ଏଲେଙ୍ ପା ଲେକା ମାନାଟ୍, ପର୍ତ୍ତୁମ୍ ମାନାୟ୍ ଆଦମ୍ ଜିତି ପାରାଣ୍ ଲାକେ ଉଦ୍‌ଜାଣ୍ ଆଜି ମାତାନ୍ । ହାରିହାରା ଆଦମ୍ ଖାସ୍‌ସି ବାତ୍ ଜିବୁନ୍ ଆତାନ୍ । ୪୬ ମତର୍ ଇନାକା ଆମିକ୍, ହେଦାଂ ପର୍ତ୍ତୁମ୍ ଆକାୟ୍, ମତର୍ ଇନାକା ହାଡ଼୍‌ପା, ହେଦାଂ ପର୍ତ୍ତୁମ୍, ପାଚେ ଆମିକ୍ । ୪୭ ପର୍ତ୍ତୁମ୍ ମାନାୟ୍ ପୁତ୍ ନିକା, ଚିକ୍‌ଲାତାଂ ରତ୍‌ୟାତାକାନ୍, ଦୁଇନି ମାନାୟ୍ ସାଗେତାଂ ଖାତାକାନ୍ । ୪୮ ଇମଣାକାର୍ ଚିକ୍‌ଲାତାଂ ରତ୍ୟାତାର୍‌ନା, ହେଞ୍ଜାର୍ ଚିକ୍‌ଲାତାଂ ରତ୍ୟାୟାତାକାର୍ ହେ ମାନାୟ୍ ଲାକେ, ଆରେ ଇମଣାକାର୍ ସାଗେନିକାର୍, ହେଞ୍ଜାର୍ ସାଗେତାଂ ଖାତାକାର୍ ହେ ମାନାୟ୍ ଲାକେ । ୪୯ ଆରେ ଆପେଂ ଇନେସ୍‌କି ଚିକ୍‌ଲାତ ରତ୍ୟାତାକାପ୍ ହେ ମାନାୟ୍‌ତି ତ୍ରିଗା ଆସ୍ତାପ୍‌ନା, ହେ ଲାକେ ହେ ସାଗେନି ମୁଣିକାତି ତ୍ରିଗା ପା ଆହ୍‌ନାସ୍ ।

୫୦ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଇଦାଂ ଇଞ୍ଜନାଙ୍ଗା, ନେତେର୍ ଜେଇ ଇସ୍‌ତ୍ ରାଜି ଆଦିକାର୍ କିଦେଙ୍ ଆଡୁଡ଼, କି ଲସ୍ ଲସ୍‌ଖାଦାଂ ଆଦିକାର୍ କିଡ଼ଟ୍ । ୫୧ ହୁଡ଼ାଟ୍, ଆନ୍ ମିଙ୍ଗେଙ୍ ର ହାଦ୍ ବେରଣ୍ ଇଞ୍ଜନାଙ୍ଗା, ମତର୍ ଆସେଙ୍ ଖିଜାକାସ୍ ହୁଞ୍ଜୁସ୍, ୫୨ ମାତର୍ ର ମାନ୍, କାଣ୍‌କାମିଟ୍ ଇଡ଼୍‌ଖାଦାଂ, ହାରିହାରା ମରି ଗାଜାର୍‌ତ ଆସେଙ୍ ଖିଜାକାସ୍ ମାନ୍‌ବାଦ୍‌ଲାୟ୍ କିନାସ୍; ଇନାକିଦେଂକି ମରି ଆଡ଼ନାଟ୍, ଆରେ ହାତାକାର୍ ଜିରାଞ୍ଜିତ ବାଚାଆଜି ନିଙ୍କନାର୍, ଆରେ ଆସେଙ୍ ବାଦ୍‌ଲା ଆନାସ୍ । ୫୩ ଇନାକିଦେଂକି ଇନାକା ଜିରାନି ଗାଗାଡ଼୍‌ତି ଜିରାଆଞ୍ଜି ଲାଗ୍‌ଦି ଉସ୍‌ପେଦେଂ ଆନାଟ୍, ଆରେ ଇ ଗର୍‌ନାତ ଗାଗାଡ଼୍‌ତି ନାସ୍‌ଖାଞ୍ଜିଲାଗ୍‌ଦି ହେନ୍ଦା ଉସ୍‌ପେଦେଂ ଲାଗ୍‌ଦାନାଟ୍ । ୫୪ ମତର୍ ଇ ନସ୍ ଆନି ଗାଗାଡ଼୍ ନସ୍‌ଖାଞ୍ଜି ହେନ୍ଦା ଆରି ଇ ହାତି ଗାଗାଡ଼୍ ବୁଡାଆଞ୍ଜି ହେନ୍ଦା ଉସ୍‌ପିତି ପାଚେ ଇ ଲେକିକିତି ବଚନ୍ ପୁରାନାଟ୍, “ଜୟ୍ ହାକିତିଂ ଖିସ୍ତାଡ଼ନା,

୫୫ ଆଡେ ହାକି, ଇମେଡ଼ ନିନ୍ଦାଂ, ଜୟ୍ ହାକି ଇମେଡ଼ ନିନ୍ଦାଂ ସାକ୍ତି ।”

୫୬ ହାକିନି ସାଡୁ ପାପ୍, ଆରେ ପାପ୍‌ନି ସାକ୍ତି ବିଦି; ୫୭ ମତର୍ ଇମଣି ଇସ୍‌ବର୍ ମା ମାପୁ ଜିସୁ କ୍ରିସ୍‌ତି ହୁକେ ମାଂ ଜୟ୍ ଦାନ୍ କିତାର୍, ହେଞ୍ଜାନ୍ତି ଜୁଞ୍ଜାର୍ ଆୟେଡ଼ ।

୫୮ ଲାଗିଂ, ଏ ନା ଖାରିନି ଟଣ୍ଡାର୍ ଆରି ତଣ୍ଡେକ୍, ମାପୁତି ହେବାତ ମି କସ୍ ପଲ୍ୟା ଆକାୟ୍, ଇଦାଂ ପୁଞ୍ଜି ମାପୁତି କାମାୟ୍‌ତ ସ୍ତସ୍ତାତାଂ ଆରି ତିର୍ ମାନାଟ୍ ନିତ୍ରେ ଆଦିକ୍‌ତାଂ ଆଦିକ୍ ଜାଡୁନ୍ ଆଡୁ ।



ଜିସୁ ମାନାୟାର୍ କାଜିଂ ତାବୁଙ୍ ସାଇଜ

୧ ପୁଇପୁୟାର୍ କାଜିଂ ଦାନ୍ ରୁଣ୍ଡାଈକିନି ବିସ୍ତେ ଇନେସ୍‌କି ଆନ୍ ଗାଲାତିଆନି ବାଟାତ ମାନି ମଣ୍ଡୁଲିଂ ବଲ୍ ହିନାଙ୍ଗା, ଏପେଙ୍ ପା ହେ ଲାକେ କିୟାଟ୍ । ୨ ଆନ୍ ହାତିସ୍ ଇନେସ୍ ଦାନ୍ ରୁଣ୍ଡାୟ୍ କିଦେଙ୍ ଲାଗ୍‌ବୁଡ଼, ଇଦାଂ କାଜିଂ ସାଡ଼ ଦିନ୍‌ନି ପର୍ତ୍ତୁମ୍ ରଇବାର୍ ଦିନା ଏପେଙ୍ ଖିଜାକାଦେର୍ ଜାର୍ ଜାର୍ ସୁବିଦା ଇସାପ୍‌ତାଂ ନିଜେ ନିଜେ ତାକେ ଇନା ଇନାକା ରୁଣ୍ଡାୟ୍ କିଜି ବିନେ ଇଟାଟ୍ । ୩ ଆରେ, ଆନ୍ ଏକିତିସ୍ ଏପେଙ୍ ଇମଣାକାର୍ ଜଗ୍ ମାନେ କିନାଦେର୍, ଆନ୍ ହେଞ୍ଜାରିଂ ଗଜା ହିଜି ଜିରୁସାଲମ୍‌ତ ମିଙ୍ଗେଙ୍ ଦାନ୍ ଅନି କାଜିଂ ପଲ୍ଲାନାଂ; ୪ ଆରେ, ଜଦି ନାଦାଂ ପା ହାନାକା ସମାନ୍ ଆନାଟ୍, ଲାଗିଂ ହେଞ୍ଜାର୍ ନା ଲାହାଙ୍ ହାନାର୍ ।

☆ ୧୫:୫୧ ୧୫:୫୧ ୧ ତେସ୍‌ଲନିକି ୪:୧୫-୧୭.

ପାଉଲଟି ହାନି ଜନନା

୫ *ମତର ଆନ୍ ମାକିଦନିଆ ହିଜି ହାଟି ପାତେ ମି ଲାଗାଂ ହାନାଙ୍ଗ୍; ଲାଗିଂ ଆନ୍ ମାକିଦନିଆ ହିଜି ହାନାଙ୍ଗ୍; ୬ ଆରେ, କାତେ ହିନା ମି ଲାହାଙ୍ଗ୍ କେତେକ୍ ଦିନା ମାନାଙ୍ଗ୍, କି ପିନିମାସ୍ ପା ଜିଉଣା କିନାଙ୍ଗ୍, ଇନେସ୍ କି ଆନ୍ ଇମ୍ମଣି ବାହାତ ହାନାଙ୍ଗ୍, ହେ ବାହାତ ହାନି କାଜିଂ ଏପେଙ୍ଗ୍ ନାଙ୍ଗ୍ ହାଜି ଚଚ୍ଚାନାଦେର୍ । ୭ ଇନାକିଦେଂକି ନଙ୍ଗ୍ ହାଜିତ୍ ହାନି ସମ୍ପୁତ ମି ଲାହାଙ୍ଗ୍ ବେଟ୍ ଆଦ୍ ଦେଂ ଆନ୍ ଇଚା କିଉଙ୍ଗା, ଲାଗିଂ ମାପୁ ପିସ୍ତ୍ର ହିତିସ୍ ମି ଲାହାଙ୍ଗ୍ ବେସି ଦିନା ମାଞ୍ଜେଙ୍ଗ୍ ଆହା କିନାଙ୍ଗା ।

୮ *ମତର ଆନ୍ ପେଣ୍ଟିକସ୍ ପାରୁଁ ପାତେକ୍ ଏପିସତ ମାନାଙ୍ଗ୍; ୯ ଇନାକିଦେଂକି ପାଡ୍ ଆହ୍ନି କାମାୟ୍ କାଜିଂ ନା କାଜିଂ ଅହାର୍ ଦୁଞ୍ଜେର୍ ଜେୟାତାତ୍ନା, ପାକ୍ୟା ହିଲ୍ଡାକାର୍ ପା ହେନି ମାନାର୍ ।

୧୦ *ଜଦି ତିମତି ହାନାନ୍, ତେବେ ଇନେସ୍ ପାଣ୍ଡାଞ୍ଜାଦାଂ ମି ବିତ୍ରେ ମାନାନ୍, ହେ ବିସ୍ତେ ମାନ୍ କିୟାଟ୍, ଇନାକିଦେଂକି ଆନ୍ ଇନେସ୍, ହେଞ୍ଜାନ୍ ପା ହେ ଲାକେ ମାପୁତି କାମାୟ୍ କିନାନ୍, ୧୧ ଲାଗିଂ ଇନେର୍ ତାଙ୍ଗେଙ୍ଗ୍ ଅଲ୍ଗା ହୁଡ୍ ମେନ୍ । ମତର ହେଞ୍ଜାନ୍ ଇନେସ୍ ନା ଲାଗାଂ ଖାଦେଙ୍ଗ୍ ଆଡ୍ନାନ୍, ଇଦାଂ କାଜିଂ ତାଙ୍ଗ୍ ସୁସ୍ତାତାଂ ହାଜି ଚଚାଟ୍; ଇନାକିଦେଂକି ହେଞ୍ଜାନ୍ ଟଣ୍ଡାର୍ ଲାହାଙ୍ଗ୍ ଖାନାନ୍ ଇଞ୍ଜି ଆନ୍ କାନାଙ୍ଗା ।

୧୨ ମତର ଟଣ୍ଡେନ୍ ଆପଲ୍ଲତି ବିସ୍ତେ ଇନାଙ୍ଗା, ଟଣ୍ଡାର୍ ଲାହାଙ୍ଗ୍ ମି ଲାଗାଂ ହାନି କାଜିଂ ଆନ୍ ତାଙ୍ଗ୍ ବେସି ଗଞ୍ଜାରି କିତାଙ୍ଗ୍, ମତର ନଙ୍ଗ୍ ହାଞ୍ଜେଙ୍ଗ୍ ହେଞ୍ଜାନିଂ ମୁଡ୍ରେ ଇଚା ହିଲୁଡ୍, ମତର ଉପାୟ୍ ଆତିସ୍ ହେଞ୍ଜାନ୍ ହାନାନ୍ ।

ହାରିହାରନି କାତା

୧୩ ଏପେଙ୍ଗ୍ ଜାଗ୍ରତ୍ ମାନ୍ଞ୍ଜି ପାତ୍ ତ ଡିର୍ ଆଜି ମାନାଟ୍, ସାସ୍ନିକାନ୍ ଆଜି ସାକ୍ତି ଆଡୁ । ୧୪ ମିଦାଙ୍ଗ୍ ସବୁ କାମାୟ୍ ଜିଉନନିତ ସମାନ୍ ଆୟେଡ୍ ।

୧୫ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଗଞ୍ଜାରି କିଦନାଙ୍ଗା ସ୍ତ୍ରୀପାନ୍ତି ଜାରଲଗୁ ଜେ ଆକାୟାନି ପୁଇପୁୟାତ ପାତ୍ କିନାକାନ୍ ଲାକେ; ଆରେ, ସାଦୁରତି ହେବାତ ବାତ୍ କିତାଣ୍ଡା, ଇଦାଂ ଏପେଙ୍ଗ୍ ପୁନାଟ୍; ୧୬ ଏଲେଙ୍ଗ୍ ବାନି ମାନାୟତିଙ୍ଗ୍, ଆରେ, ଝିଜାର୍ ହାଙ୍ଗ୍ ଦାକାର୍ ଆରି କସ୍ କିନି ମାନାୟାର୍ ମେହା ଆଡୁ, ମିଙ୍ଗେଙ୍ଗ୍ ଇ ଗଞ୍ଜାରି କିଦନାଙ୍ଗା ।

୧୭ ସ୍ତ୍ରୀପାନ୍, ପର୍ତ୍ତୁନାତ ଆରି ଆକାୟାତି ଜୁଦ୍ନିତ ଆନ୍ ଖାରି କିନାଙ୍ଗା, ଇନାକିଦେଂକି ମି ଖାଞ୍ଜିତି କାଜିଂ ନା ଇମ୍ମଣି ଅବାବ୍ ମାଚାଡ୍, ହେଦାଂ ହେଞ୍ଜାର୍ ବାତ୍ କିତାଣ୍ଡା, ୧୮ ଲାଗିଂ ହେଞ୍ଜାର୍ ନାଦାଂ ଆରି ମି ଜିବୁଡ୍ଟିଙ୍ଗ୍ ଜଡାୟ୍ କିତାଣ୍ଡା; ଲାଗିଂ ଏପେଙ୍ଗ୍ ଏଲେଙ୍ଗ୍ ବାନି ମାନାୟାରିଂ ଜଗ୍ ପୁଞ୍ଜି ମାନି କିୟାଟ୍ ।

୧୯ *ଆସିଆନି ରାଜିନି ମଣ୍ଡଲିଂ ଲାଗାଂ ମିଙ୍ଗେଙ୍ଗ୍ ଜଞ୍ଜାର୍ କିଦ୍ନାରା । ଆକ୍ଲିଲା ଆରି ପ୍ରିସ୍ଲା ହେଞ୍ଜାର୍ ଇଲ୍ ଲାଗେ ମଣ୍ଡଲି ଲାହାଙ୍ଗ୍ ମାପୁତାକେ ମିଙ୍ଗେଙ୍ଗ୍ ବେସି ବେସି ଜଞ୍ଜାର୍ କିଦ୍ନାରା । ୨୦ ଇବେନି ଟଣ୍ଡାର୍ ଆରି ତଣ୍ଡେକ୍ ପାତ୍ କିନାକାଦେର୍ ।

ଝିଜାଦେର୍ ମିଙ୍ଗେଙ୍ଗ୍ ଜଞ୍ଜାର୍ କିଦ୍ନାରା । ପୁଇପୁୟାତାଂ ତଞ୍ଜିନି କାଜିଂ ହାରି ଜୁଞ୍ଜାର୍ ଜାଣାୟ୍ କିୟାଟ୍ ।

୨୧ ଆନ୍ ପାଉଲ୍ ନିଜେ କେଇଦ ଲେକିକିଜି ଜଞ୍ଜାର୍ କିଦ୍ନାଙ୍ଗା ।

୨୨ ଜଦି ଇନେର୍ ମାପୁଙ୍ଗ୍ ଜିଉନଉନ୍, ତେବେ ହେଞ୍ଜାନ୍ ରାଚ୍ ଲାକେ ଆଏନ୍ । ୨୩ ମାପୁ ଜିସୁତି ଉପକାର୍ ମି ଲାହାଙ୍ଗ୍ ଆଏଡ୍ ।

୨୪ କ୍ରିସ୍ଟ ଜିସୁତି ତାକେ ନା ଜିଉନନାକା ମି ଝିଜାଦେରିଂ ଆଏଡ୍ ।

☆ ୧୭:୫ ୧୭:୫ ପକ୍ୟାତାକା ୧୯:୨୧. ☆ ୧୭:୮ ୧୭:୮ ପକ୍ୟାତାକା ୧୯:୮-୧୦. ☆ ୧୭:୧୦ ୧୭:୧୦ ୧ କରକ୍ରିୟ ୪:୧୭. ☆ ୧୭:୧୯ ୧୭:୧୯ ପକ୍ୟାତାକା ୧୮:୨.

କରକ୍ରିୟା ମଣ୍ଡଳୀ ନିକଟକୁ ପାଉଲଙ୍କ ଦ୍ୱିତୀୟ ପତ୍ର କରକ୍ରିୟା ମଣ୍ଡଳି ଲାଗାଂ ପାଉଲ୍‌ତି ରିଣ୍ଡି ଆକି

୨ କରକ୍ରିୟା ପତିନି ପାଦେକ୍

ରି କରକ୍ରିୟା ପକ୍ୟାତି ପାଉଲ୍ ହୁଦାଂ ଆଜି ମାଟିସ୍ ଜିସୁ କ୍ରିସ୍ତୁତି ଜଲମ୍‌ନି ଆତିସ୍ ରିକଡ଼ି ପନ୍ଦର-ରିକଡ଼ି ସୌଭଲ ୫୫ ତାଂ ୫୭ ବାହୁଁ ପାତେ ଲେକା ଆଜି ମାଟାଡ଼ । ମା ଲାଗେ ମାନି କରକ୍ରିୟା ମଣ୍ଡଳିତିଂ ଲେକା ଆଜି ମାନି ଆକି ବିତ୍ରେତାଂ ଇଦାଂ ଆନାତା ପାଉଲ୍‌ତି ରି ଆକି । ପଣ୍ଡିତାର ପାତର୍ କିନାର୍ ଜେ, ଇଦାଂ ପୁର୍ବେତାଂ ପାଉଲ୍ କରକ୍ରିୟା ମଣ୍ଡଳି ଲାଗାଂ ଆବ୍‌ଡ଼ନିକା ଆକି ଲେକି କିଜି ମାଟାନ୍ ୨:୩-୪ ପାଦ୍‌ତ ହେଝାନ୍ ଇନାକା ଇନାନ୍ନା, ହେବେନି ଇମ୍‌ଣାକା ପା ଲେକି କିତାକା ମା ଲାଗାୟ୍ ହିଲୁଡ଼ । ଆଜି ମାଟାଡ଼ ପାଉଲ୍ ମାକିଦନିୟାତ ମାନି ଝେଡାଲିଂ ରି କରକ୍ରିୟା ଲେକି କିଜି ମାଟାନ୍ ୨:୧୩ ।

ରି କରକ୍ରିୟା ଆନାତା ରଞ୍ଜାଙ୍ଗମତର୍, ହେଦାଂ ବେସି ଜାର୍‌ତି ଆରି ମାନ୍ତ ଚିତ୍ତାକିନାକା । କରକ୍ରିୟାତ ମାନି ମଣ୍ଡଳି ବିସ୍ତେ ତିତସ୍‌ତି ତାଂ ନେକ୍ରିକାରୁର୍ ପାୟା ଆଜି ପାଉଲ୍ ଝାରି କିନାନ୍ । ଇ ଆକିତ ପୁନି ନିୟମନି ହୁଡ଼ନିତାଂ ଦାନ୍ ବିସ୍ତେ ହିକ୍ୟା ପାୟା ଆଜି ମାଟାସ୍ । ଇ ଆକିତ, ଇମେତାକେ ପାଉଲ୍ ଜିରୁସାଲମ୍‌ନି ପାତର୍ କିନାକାରିଂ ଉପକାର୍ କିନି କାଜିଂ ଟାକାଂ ରୁଣ୍ଡାୟ୍ କିଦେଙ୍ଗ୍ ଝେଡ଼ନାନ୍ ୮:୯ । ଇଦାଂ ପୁନ୍ୟାନାତା ଜେ, ମଣ୍ଡଳି ବାର୍‌ତାଂ ଏଚେକ୍ ମିର୍ ପକ୍ୟାତାକାର୍, ହେଝାର୍ ଜାର୍‌ତିଂ ପାଦ୍ ବାତାୟ୍ କିଦେଙ୍ଗ୍ ପାଉଲ୍‌ତି ବିରୁଦ୍‌ତ ମଣ୍ଡଳିନି ଏଚେକ୍ ମାନି ମାନାୟାରିଂ ରିସା ଆନାନା । ହେଝାର୍ ପାଉଲ୍‌ତି ଆଦିକାର୍‌ତିଂ ପାତର୍ କିଦେଙ୍ଗ୍ ଆଡୁରା । ଇନାକାକି ରି କରକ୍ରିୟା ହାରିହାରାତ ହେଝାନ୍ ରଞ୍ଜାନ୍ ଜିସୁ କ୍ରିସ୍ତୁତି ଆଦିକାର୍‌ତ ରଞ୍ଜାନ୍ ପକ୍ୟାତାକାନ୍ ଇଞ୍ଜି ତାଟ୍ ଲାହାଙ୍ଗ୍ ପାର୍ମାଣ୍ କିନାନା ।

୨ କରକ୍ରିୟା ପତି ବିସ୍ତେନି ରାହାଣ୍

- ୧. ପାଉଲ୍ ଆକିନି ମୁଡ଼୍‌ଦ ବାନ୍ଦାୟ୍ କିନାନ୍ ୧:୧-୭
- ୨. ପାଉଲ୍ ହେଝାନ୍ତି ହାନି ଜାଲ୍‌ଦିତ ବାଦ୍‌ଲୟ୍‌କିନାକା ଆରି ହେଝାର୍‌ତି ବିସ୍ତେ ରୁଜୁକ୍ ଆରି ହେଝାନ୍ତି ଆକି ବିସ୍ତେ ହେଝାର୍‌ତି ଜବାକ୍ ୧:୮-୭:୧୬
- ୩. ପାଉଲ୍ ଜିରୁସାଲମ୍‌ନି ପାତର୍ କିଝାକାର୍ କାଜିଂ ଦାନ୍ ରୁଣ୍ଡାୟ୍ କିନି ବିସ୍ତେ ଝେଡ଼ନାନା ୮:୧-୯:୧୫
- ୪. ହାରିହାରା ପାଉଲ୍ ହେଝାନ୍ତି ପକ୍ୟାତି ପାଦ୍ ହାର୍ ଇଡ଼ନାନ୍ ଆରି ଆରେ ହାଞ୍ଜେଙ୍ଗ୍ କାଜିଂ ଜାଗ୍ରଡ଼କି କିନାନ୍ ୧୦:୧-୧୩:୧୪

୧ *ଆନ୍ ପାଉଲ୍, ଇସ୍‌ବର ଇଚାତ କ୍ରିସ୍ତୁ ଜିସୁତି ରଞ୍ଜାନ୍ ପକ୍ୟାତାକାନ୍, ଆରେ ଟଣ୍ଡେନ୍ ତିମତି କରକ୍ରିତି ମାନି ପୁଇପୁୟା ଇସ୍‌ବର୍ ମଣ୍ଡଳି, ଆରେ ସବୁ ଆକାୟାତ ମାନି ସବୁ ସାଦୁର୍ ଲାଗାଂ ଗଜା ଲେକିକିନାପା;
୨ ମା ଆବା ଇସ୍‌ବର ଆରି ମାପୁ ଜିସୁ କ୍ରିସ୍ତୁତାଂ ଉପକାର୍ ଆରି ସୁସ୍ତା ମି କାଜିଂ ଆଏଡ଼ ।

ପାଉଲ୍ ମାପୁଙ୍ଗ୍ ଜୁଝାର୍ କିନାନା

୩ ମା ମାପୁ ଜିସୁ କ୍ରିସ୍ତୁତି ଇସ୍‌ବର ଆରି ଆବା ଜୁଝାର୍ କିୟାଟ୍, ହେଝାନ୍ ଦୟା ଆନି ଆବା ଆରି ଝିଜୁ ଦୁକ୍‌ସାରାୟ୍ କିନି ଇସ୍‌ବର; ୪ ଇସ୍‌ବର୍ ହୁକେ ଇମ୍‌ଣି ଦୁକ୍‌ସାରାୟ୍‌ତ ଆପ୍ ଦୁକ୍‌ସାରାୟ୍ ଆନାପା, ହେ ଦୁକ୍‌ସାରାୟ୍ ହୁକେ ଇନେସ୍ ସବୁବାନି କସ୍ତୁ ବଗ୍‌କିନି ମାନାୟାରିଂ ଦୁକ୍‌ସାରାୟ୍ ହିଦେଂ ଆଡ଼ନାଦେର୍, ଇଦାଂ କାଜିଂ ହେଝାନ୍ ମା ଝିଜୁ କସ୍ତୁତ ମାଙ୍ଗେଙ୍ଗ୍ ଦୁକ୍‌ସାରାୟ୍ ହିଇ କିଦନାର୍ । ୫ ଇନାକିଦେଂକି କ୍ରିସ୍ତୁତି କାଜିଂ ମା ଦୁକ୍‌ବଗ ଇନେସ୍ ବେସି, ହେ ଲାକେ ଇସ୍‌ବର ହୁକେ ମା ଦୁକ୍‌ସାରାୟ୍ ପା ବେସି । ୬ ମତର୍ ଆସେଙ୍ଗ୍ ଦୁକ୍‌ବଗ୍ କିତିସ୍ ହେଦାଂ ମି ଦୁକ୍‌ସାରାୟ୍ ଆରି ମୁକ୍‌ଡାନି କାଜିଂ; କି ଆସେଙ୍ଗ୍ ଦୁକ୍‌ସାରାୟ୍ ପାୟା ଆତିସ୍ ହେଦାଂ ମି ଦୁକ୍‌ସାରାୟ୍ କାଜିଂ; ଆପେଂ ଇମ୍‌ଣି ବାନି ଦୁକ୍‌ବଗ୍ କିନାସ୍, ହେ ବାନି ଦୁକ୍‌ବଗ୍ ସାସ୍ ଲାହାଙ୍ଗ୍ ହୁଞ୍ଜେଙ୍ଗ୍ ହେ ଦୁକ୍‌ସାରାୟ୍ କାମାୟ୍ ପୁରା କିନାନା । ୭ ଆରେ, ମି ବିସ୍ତେନି ମା ବାସ୍ ତିର୍, ଲାଗିଂ ଏପେଙ୍ଗ୍ ଇନେସ୍ ଦୁକ୍‌ବଗ୍‌ନି ମେହାଆଜି, ହେ ଲାକେ ପା ଦୁକ୍‌ସାରାୟ୍ କିଜି ଜେ ମେହା ଆତାଦେଣ୍ଟା, ଇଦାଂ ଆସେଙ୍ଗ୍ ପୁନାସ୍

୮ *ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡଦେକ୍ ଆସିଆ ଦେସ୍‌ତ ମା ଜପି ଗିଟାଆଜି ମାଟି କସ୍ତୁ ବିସ୍ତେ ଏପେଙ୍ଗ୍ ଜେ ପୁଟାଦେଣ୍ଟା, ଇଦାଂ ମା ଇଚା ଆକାୟ୍; ଆପ୍ ମା ସାକ୍ରିତାଂ ବେସି ଲାକେ ଝାଜି ମାଟାପ୍, ଏଲେଙ୍ଗ୍‌ବାତର୍ ଜିବୁନି ଆହା ପା ପିସ୍ତି ମାଟାପ୍; ୯ ଆଁ ଆପ୍ ଦାଣ୍ଡଦେସ୍ ହେଲାୟ୍ କିୟା ଆତାପନା ଇଞ୍ଜି

* ୧:୧ ୧:୧ ପକ୍ୟାତାକା ୧୮:୧. * ୧:୮ ୧:୮ ୧ କରକ୍ରିୟା ୧୫:୩୨.

ଜାର୍ ଜାର୍ ମାନ୍ତୁ ଅହ୍ୟା ଆଜି ମାତାପୁ, ଇନେସ୍ ଆପ୍ ଜାର୍ ଜାର୍ ଜପି ବାସ୍ ହିଝାଦାଂ ଇତିସ୍ ଇମଣି ଇସ୍ବର ହାତାକାରିଂ ନିକ୍ନାନ, ତା ଜପି ଦିଆନ୍ କିନାସ୍; ୧୦ ହେଝାନ୍ ମାଙ୍ଗେଙ୍ଗ୍ ଏପେଙ୍ଗ୍ ବେସି ହାକିତାଂ ବାତାୟ୍ କିତିସ୍, ଆରି ବାତାୟ୍ କିଦ୍ନାନ, ଆରେ ହେଝାନ୍ ଜେ ଖାନିକାଡ୍ଦ ବାତାୟ୍ କିଦ୍ନାନ, ତା ଜପି ମା ଇ ବାସ୍ ମାନାଡ୍ । ୧୧ ଏପେଙ୍ଗ୍ ତ ମାଦି ବାହା ଆସ୍ତି ପାର୍ତ୍ତାନାତ ମା ଉପକାର୍ କିଦ୍ନାଦେରା, ଇନେସ୍ ମାଙ୍ଗେଙ୍ଗ୍ ଇମଣି ଉପକାର୍ ଦାନ୍ କିଡ୍ତାର୍ନା, ହେଦାଂ କାଜିଂ ବେସି ଲକାର୍ ଖାଇଦାଂ ମା କାଜିଂ ବେସି ଲକ୍ ଇସ୍ବରତିଂ ଜୁଝାର୍ ହିନାର୍ ।

ପାଉଲ୍ତି ଉପାୟ୍ନି ବାଦ୍ଲି

୧୨ ପୁତ୍ ତ, ବେସି ମି କାଜିଂ, ଆପେଂ ସଂସାର୍ନି ଗିଆନ୍ତ ଚିନ୍ତା କିଝାଦାଂ ଇତିସ୍ ଇସ୍ବତ୍ ଉପକାର୍ତ, ତା ପୁଇପୁୟା ଆରି ସଲ୍ଲକେ ବାବ୍ରେ ଲାକେ ଚିନ୍ତା କିଜି ମାତାପୁ ଇଞ୍ଜି ମା ବୁଦି ଜେ ସାକି ହିନାତା, ଇଦାଂ ମା ଗରବେ ବିସ୍ତେ । ୧୩ ଇନାକିଦେଂକି ଏପେଙ୍ଗ୍ ଇନା ଇନାକା ପଡ଼ି କିଜି ବୁଜା ଆନାଦେର୍, ହେ ସବୁ ପିସ୍ତି ଆପ୍ ମି ଲାଗାଂ ଆରେ ଇନାକା ଲେକି କିଉପା, ୧୪ ଆରେ, ମା ମାପୁ ଜିସ୍ତୁତି ଦିନ୍ତ ଏପେଙ୍ଗ୍ ଇନେସ୍ ବାନି ମା ଗରବ୍ କାରଣ, ହେ ଲାକେ ଆପେଂ ଜେ ମି ଗରବ୍ନି କାରଣ, ଇଦାଂ ଏପେଙ୍ଗ୍ ଇନେସ୍କି ମା ବିସ୍ତେ ଅଲପ୍ ବାବ୍ରେ ବୁଜା ଆତାଦେର୍ଣ୍ଣା, ହେ ଲାକେ ହାରିହାରା ପାତେକ୍ ବୁଜାଆତାଦେର୍ଣ୍ଣା ଇଞ୍ଜି ଆନ୍ ବାସ୍ କିନାଙ୍ଗା ।

୧୫ ଆରେ, ଏପେଙ୍ଗ୍ ଇନେସ୍ ରିହା ଉପକାର୍ ଲାବ୍ କିଦେଂ ଆଡ୍ନାଦେର୍, ୧୬ ଆରେ, ମି ଲାଗାଂ ହିଜି ମାକିଦନିଆତ ହାଲ୍ଲି ଆରି ଆରେ ରଗ ମାକିଦନିଆତାଂ ମି ଲାଗାଂ ଖାଜି ମି ଉପକାର୍ତ ଜିହୁଦା ଦେସ୍ତ ହାଞ୍ଜେଙ୍ଗ୍ ଆଡ୍ନାନ, ଇଦାଂ କାଜିଂ ଆନ୍ ହେ ପାତ୍ ତ ପର୍ତୁମ୍ ମି ଲାଗାଂ ହାନି କାଜିଂ ମାନ୍ କିଜି ମାତାଙ୍ଗ୍ । ୧୭ ଖାଟିଙ୍ଗ୍ ଏଲେଙ୍ଗ୍ ବାନି ମାନ୍ କିଦେଂ ଆନ୍ ଇନାକା ଅଲପ୍ ବାବ୍ରେ ମାନ୍ କିଜି ମାତାଙ୍ଗ୍ ? ନଲେ ଆନ୍ ଇନାକା ଉପାୟ୍ କିତାଙ୍ଗ୍, ହେଦାଂ ଇନାକା ଡାଣ୍ଡି ବାବ୍ରେ କିଜି ମାତିସ୍ ଜେ ନା କାତା “ଆଁ,” ଆରି ଆକାୟ୍ ହାରି ଆନାଡ୍ । ୧୮ ମତର୍ ଆତିସ୍ପା ଇସ୍ବର୍ ପାତ୍ ଆନାନ୍, ଲାଗିଂ ମି କାଜିଂ ମାଦାଂ ଆପେଂ ଇମଣି ବଚନ୍ ହିଦ୍ନାପା ହେଦାଂ ଆଁ ଆରି ଆକାୟ୍ ଆଉଡ୍ । ୧୯ ଇନାକିଦେଂକି ଇସ୍ବତ୍ ମାଜି କ୍ରିସ୍ଟୁ ଜିସ୍ତୁ, ଜେ ମା ହୁଦାଂ, ଇତିସ୍, “ନା” ହୁକେ ଆରି ସିଲ୍ଲାନ ଆରି ତିମତି ହୁକେ ମି ବିତ୍ରେ ସୁଣାୟ୍ କିୟା ଆତାନ୍, ହେଝାନ୍ “ଆଁ” ଆରି ଆକାୟ୍ ଇନ୍ୟା ଆଖାତାନ୍, ଇତିସ୍ ଇସ୍ବର୍ ତାକେ “ଆଁ” ଇତାନ୍ନା । ୨୦ ଲାଗିଂ ଇସ୍ବତ୍ ଏତେକ୍ ପାର୍ମାଣ, ହେଝାନ୍ ଡିଜାର୍ତ୍ତି “ଆଁ” ତାତାକେ ମାନାଡ୍; ଇଦାଂ କାଜିଂ ପା ତା ହୁକେ ଇସ୍ବତ୍ ଜାଜ୍ମାଲ୍ ହିସାବେ ଆପ୍ “ଆମେନ୍” ଇଞ୍ଜି ମାନାପ୍ । ୨୧ ନିଜେ ଇସ୍ବର୍, ଜେ ମାଙ୍ଗେଙ୍ଗ୍ ମି ଲାହାଙ୍ଗ୍ କ୍ରିସ୍ତୁତାକେ ତିର୍ କିନାନ୍, ଆରେ ମାଙ୍ଗେଙ୍ଗ୍ ସିଗ୍କିତାଣ୍ଣା ହେଝାନ୍ ଇସ୍ବର୍; ୨୨ ହେଝାନ୍ ମାଙ୍ଗେଙ୍ଗ୍ ବିନେ କିଡ୍ତାନ୍ନା ଆରି ମା ଜିବୁନ୍ତ ତା ପୁଇପୁୟା ଜିବୁନ୍ତିଂ ରଚ୍ତାତାନ୍ନା । ପୁଇପୁୟା ଜିବୁନ୍ ଆନାନା, ମା ଜପି ଇସ୍ବରତି ଆଦିକାର୍ନି ତିନ୍ ଆରି ଖାନି ଦିନ୍ତ ଆସେଙ୍ଗ୍ ଇନାକା ଗାଟା ଆନାସ୍ ତାଦି ମାଲିକ୍ ଲାକେ ।

୨୩ ମତର୍ ଆନ୍ ଇସ୍ବରତିଂ ସାକି ମାନିକିଜି ନା ଖାସ୍ତି ପାର୍ମାଣ୍ କିତାଙ୍ଗ୍ନା ଜେ, ମି କାଜିଂ ଦୟା ପିଣ୍ଡି ଆନ୍ କରନ୍ତିତ ଆରେ ରଗ ହାଲ୍ଲି ତାଙ୍ଗ୍ନା । ୨୪ ଏପେଙ୍ଗ୍ ଇମଣି କାତାତ ପାତ୍ ଜପି ଜେ, ମାଦାଂ ମାନାଡ୍, ହେଦାଂ ଆକାୟ୍, ଇତିସ୍ ମି ଖାରି କାଜିଂ ମି ହାଙ୍ଗ୍ଦାକାର୍ ଆନାପ୍; ଲାଗିଂ ପାତ୍ ଏପେଙ୍ଗ୍ ତିର୍ ଆଜି ମାନାଦେରା ।

୨

୧ ମତର୍ ମି ଲାଗାଂ ନା ହାନାକା ଇନେସ୍ ଆରେ ରଗ ଦୁକ୍ ଆଉଡ୍, ଇଦାଂ ଆନ୍ ମାନ୍ତୁ ତିରକିତାଂ । ୨ ଲାଗିଂ ଆନ୍ ଜପି ମିଙ୍ଗେଙ୍ଗ୍ ଦୁକ୍ କିଦ୍ନାଂ, ଲାଗିଂ ଇନେରିଂ ଆନ୍ ଦୁକ୍ ହିନାଂ, ହେଦାଂ ପିସ୍ତି ଆରେ ଇନେର୍ ନାଙ୍ଗ୍ ଦୁକ୍କିନାକା ହିଦ୍ନାନ୍ ? ୩ ଆରେ, ଇମ୍ଣାକାର୍ ତାଂ ନା ଦୁକ୍କିନାକା ପାୟାନାକା ଲଡ଼ା ହେଝାର୍ତାଂ ଆନ୍ ଖାଜି ଇନେସ୍ ଦୁକ୍ ପାୟା ଆଉନ୍ । ଇଦାଂ କାଜିଂ ଆନ୍ ଇ କାତା ଲେକିକିଜି ମାତାଙ୍ଗ୍, ଲାଗିଂ ନା ଖାରିତାଂ ଇନେନ୍ ମି ଖାରି, ଇଦାଂ ମି ଡିଜାର୍ ବିସ୍ତେ ନା ପାତ୍ । ୪ ଇନାକିଦେଂକି ବେସି କସ୍ ଆରି ଖାସ୍ତିନି ନନାକାତ ବେସି କାଣେଲ୍ ଲାହାଙ୍ଗ୍ ଆନ୍ ମିଙ୍ଗେଙ୍ଗ୍ ଲେକି କିଜି ମାତାଙ୍ଗ୍; ଇନେସ୍ ଏପେଙ୍ଗ୍ ଦୁକ୍ ଆଡ୍, ଏପେଙ୍ଗ୍ ଆକାୟ୍, ମତର୍ ମି କାଜିଂ ନାଦାଂ ଜେ ଆଦିକ୍ ବେସି ଜିଉନନାକା ମାନାଡ୍, ଇଦାଂ ଇନେସ୍ ଏପେଙ୍ଗ୍ ବୁଜାଆଡ୍ ।

ଦସି ଲାଗାଂ କେମା ହିୟାବ୍

୫ ମତର୍ ଜପି ଇନେର୍ ଦୁକ୍ ହିଦ୍ନାନ୍, ହେଝାନ୍ ନାଙ୍ଗେଙ୍ଗ୍ ଦୁକ୍ ହିଦ୍ଝାତାନ୍ନା, ମତର୍ ଏତେକ୍ ତାକେ ଆନ୍ ଆଦିକ୍ ଆର୍ଝା ଆଦେଂ ମାନ୍ କିଉଙ୍ଗା ମି ଡିଜାରିଂ ଦୁକ୍ ହିଦ୍ନାଙ୍ଗା । ୬ ଆଦେକ୍ ହୁକେ ଏପେଙ୍ଗ୍ ଲକ୍ ଇମଣି କସ୍ ପାୟାନାଙ୍ଗା, ହେଦାଂ ତା ପାକ୍ୟାତ ସାରି, ୭ ଲାଗିଂ ଏତେକାଡ୍ ଏପେଙ୍ଗ୍ ମାନାୟ୍ ବେସି ଦୁକ୍ତ ମୁଜ୍ନାନ୍, ଇଦାଂ କାଜିଂ ଏପେଙ୍ଗ୍ ତାଙ୍ଗେଙ୍ଗ୍ ଇତିସ୍ କେମା କିୟାବ୍ ଆରି ଦୁକ୍ସାରାୟ୍ କିୟାବ୍ । ୮ ଇତିସ୍,

☆ ୧:୧୭ ୧:୧୭ ପକ୍ୟାତାକା ୧୯:୨୧.

ହେଦାଂ କାଜିଂ ଜିଉନନାକା ଚିନ୍ତା ରଚି କିଦେଙ୍ଗ ଆନ୍ ମିଙ୍ଗେଙ୍ଗ ଗଞ୍ଜାରି କିଦନାଙ୍ଗା । ୯ ଇନାକିଦେଂକି ଏପେଙ୍ଗ ଝିଜୁ ବିସ୍ତେ ଜେ ଆଁ ଇନାଦେର୍ ମି ବିସ୍ତେ ହେବେନି ପାର୍ମାଣ୍ ଇନେସ୍ ଆନ୍ ପାୟାନାଙ୍ଗ, ଇସାପ୍ତ ଆନ୍ ବଲ୍ ପାଲି କିନି କାଜିଂ ହେ ଗଜା ପା ଲେକିକିଜି ମାଗାଙ୍ଗ । ୧୦ ମତର୍ ଏପେଙ୍ଗ ଇନେର୍ଡି ଇନାକା କେମା କିୟାର୍, ଆନ୍ ପା ତାଙ୍ଗେଙ୍ଗ କେମା କିନାଙ୍ଗ; ଇନାକିଦେଂକି ଆନ୍ ଜଦି ଇନାକା କେମା କିତାଂନା, ତେବେ ଇନାକା କେମା କିତାଂନା, ହେଦାଂ କ୍ରିସ୍ତୁତି ମୁମ୍ଦ ମି କାଜିଂ କେମା କିତାଂନା, ୧୧ ଇନେସ୍ ସୟତାନ୍ ମା ବେରୁତ ଇନାକିଦେଂ ଆଡ଼ଦୁର୍ ମତର୍ ବେଗି ପାୟା ଆଉଡ଼ । ଇନାକିଦେଂକି ଆପ୍ ତା ଝିଜୁ ହାୟାୟ ବିସ୍ତେ ଗିଆନ୍ ହିଲୁଡ଼ ।

୧୨ ଆରେ, କ୍ରିସ୍ତୁତି ନେକ୍ରିକାରୁର୍ ସୁଣାୟ କିନି କାଜିଂ ଆନ୍ ତୁୟାତାଂ ଖାତି ପାତେ ମାପୁତି କାମାୟ କାଜିଂ ପାଗ୍ ଲାକେ ଦୁଝେର୍ ଜେୟା ଆତିସ୍ପା ୧୩ ନା ଗଣ୍ଡେନ୍ ତିତସ୍ତିଂ ହୁଡ଼ଞ୍ଜାଦାଂ ଜିରୁଡ଼ ଚିନ୍ତା କିତାଙ୍ଗ ହେଞ୍ଜାଡ଼ାଂ ହେଲ ଅଜି ମାକିଦନିଆତ ହଟାଙ୍ଗ ।

ଜିସୁ କ୍ରିସ୍ତୁ ହୁକେ ଜିତାନାକା

୧୪ ମତର୍ ଇସ୍ତର୍ ଜୁଞ୍ଜାର୍ ଆଏଡ଼, ହେଞ୍ଜାନ୍ ସବୁ ନାଜିଂ ମାଙ୍ଗେଙ୍ଗ ଅଜି କ୍ରିସ୍ତୁତାକେ ଜିତାନି ହାଜି କିତାନ୍ନା, ଆରେ ସବୁ ବାହାତ ତା ଗିଆନ୍ ଲାକେ ହୁଞ୍ଜିନି ବାହା ମା ହୁଦାଂ ଚର୍ଚାତାନ୍ନା, ୧୫ ଇନାକିଦେଂକି ମୁକ୍ତି ଆନାକା ପାୟାନାକା ଆରି ବୁଡା ଆଜି ମାନି ମାନାୟାର୍ ବିତ୍ରେ ଆସେଙ୍ଗ ଇସ୍ତର୍ କାଣଗାତ କ୍ରିସ୍ତୁତି ହାରିଦିଗାୟା ଲାକେ ମାନାପ୍ । ୧୬ ର ପାକ୍ୟାନି ମାନାୟାର୍ କାଜିଂ ହାତି ଲାକେ ଆରି ବିନ୍ ପାକ୍ୟାନି ମାନାୟାର୍ କାଜିଂ ଜିରୁନ୍ ବାସନା ଲାକେ । ଆରେ ଇ ଝିଜୁ କାଜିଂ ଇନେର୍ ଏପେଙ୍ଗ କାମାୟ କିଦେଙ୍ଗ ଆଡ଼ନାନ୍ ? ୧୭ ହେ ହେନି ମାନାୟାର୍ ଇନେସ୍ ଇସ୍ତର୍ ବଚନ୍ ବାତାୟ କିତାର୍, ଆପ୍ତ ହେଞ୍ଜାର୍ ଲାକେ କିଉପା, ମତର୍ ସୁସାର୍ ବାବ୍ରେ ଇସ୍ତର୍ ବଲ୍ ଲାକେ, ତା ସାକିତ ଆପ୍ କ୍ରିସ୍ତୁତାକେ ସତ୍ନିକା ହୁଦାଂ ମାନ୍ଝି କାତା ଇନାପା ।

୩

ପୁନି ମେରାନି ଆଡ଼ୟାର୍

୧ ଆପ୍ କି ଆରେ ରଗ ଜିରୁଡ଼ ପାର୍ତାନା କିଦେଙ୍ଗ ହାଙ୍ଗନାପା ? କି ଇନେର୍ ଇନେର୍ଡି ଲାକେ ଇନାକା ମି ଲାଗାଂ ନଲେ ମି ଲାଗାଂତାଂ ମା ପାର୍ତାନାନି ଆକି ଲଡ଼ା ? ୨ ଏପେଙ୍ଗ ତ ମା ମାନ୍ତ ଲେକାତାଡ଼ନା ଆରେ ଝିଜାର୍ ମାନାୟାର୍ ପୁଞ୍ଜି ଆରି ପଡ଼ି କିଜି ମା ଗଜା ଲାକେ ୩ ଆରେ, ଏପେଙ୍ଗ ଜେ ମା ହେବାତ ଲେକାତି କ୍ରିସ୍ତୁତି ଆକି ଲାକେ, ଇଦାଂ ହନାତା ହେଦାଂ ଖାରାକାତ ଲେକାଞ୍ଜାତାଡ଼ନା, ମତର୍ ଜିରୁନ୍ ଇସ୍ତର୍ ଜିରୁନ୍ ହୁକେ ଲେକା ଆତାଡ଼ନା, କାଲ୍ ପାଗାତ ଆକାୟ, ମତର୍ ଜେଇ ମାନି ଜିରୁନ୍ ବାତ ପାଗାତ ।

୪ ଆରେ, କ୍ରିସ୍ତୁତି ହୁକେ ଇସ୍ତର୍ ଜପି ଆହା ଇଡ଼୍ଜି ମା ଇ ବାନି ବାସ୍ ମାନାଡ଼ । ୫ ଆପ୍ ଜେ ଜାର୍ତାଂ ଇନାକା ହପ୍ତେଂ ମାନ୍, ଏପେଙ୍ଗ ଆକାୟ, ମତର୍ ମା ବାପୁ ଇସ୍ତର୍ତାଂ; ୬ ହେଞ୍ଜାନ୍ ତ ମାଙ୍ଗେଙ୍ଗ ଅକର୍ନି ହେବାକାରୟା କିତାନ୍ନା, ମତର୍ ଜିରୁନ୍ତେ ଇତିସ୍ ପୁନି ନିୟମିନି ହେବାକାରୟା ଆଦେଂ ବାପୁ ହିତାନ୍ନା; ଇନାକିଦେଂକି ଅକର୍ ହାତାକା, ମତର୍ ଜିରୁନ୍ ହେ ଜିରୁନ୍ ଲାକେ ।

୭ ଆରେ, ଜଦି ଅକର୍ତ ପାଟା କାଲ୍ ଜପି କାର୍ତି ହାତି ଲାକେ ମସାତି ବିଦିନି ହେବାକାମାୟ ଏଲେଙ୍ଗ ଜାଜ୍ମାଲ୍ତ ହସି ମାଗାଡ଼ ଜେ, ଇସ୍ତାଏଲ୍ ହିମ୍ଣାଂ ମସାତି ମୁମ୍ଦ ଚାଣେକ୍ତିଂ ଅଜଡ଼୍ କାଜିଂ ହେଞ୍ଜାନ୍ତି ମୁମ୍ ଇଟ୍କାଡ଼୍ କିଜି ହୁଡ଼ଦେଂ ଆଡ଼ଞ୍ଜାତାର୍, ୮ ଲାଗିଂ ପାର୍ତାନା ହେବାକାମାୟ ଏତେକ୍ ଆଦିକ୍ ଜାଜ୍ମାଲ୍ ଇସ୍ତର୍ ତାକେ ମେହା ଆଞ୍ଜାତାମ୍ ? ୯ ଇନାକିଦେଂକି ଜଦି ଦାଣ୍ଟ ଗିଆନ୍ନି ହେବାକାମାୟ ଜାଜ୍ମାଲ୍ ତେବେ ଦାମ୍ ନି ହେବାକାମାୟ ଇତିସ୍ ଆରି ଆଦିକ୍ ଜାଜ୍ମାଲ୍ ମେହା । ୧୦ ଲାଗିଂ ପୁନି ଜାଜ୍ମାଲ୍ ମେହାଆଜି ମାଗାଡ଼, ହେଦାଂ ହେବେତାଂ ବେସି ଆଦିକ୍ ଜାଜ୍ମାଲ୍ ମେହା ବିସ୍ତେନି ପିସ୍ତି ପୁନି ଜାଜ୍ମାଲ୍ ଆଞ୍ଜିତି ଲାକେ ଆତାସ୍ନା । ୧୧ ଇନାକିଦେଂକି ଜଦି ଅଲପ୍ ବିସ୍ତେ ଜାଜ୍ମାଲ୍ ମେହାଆତାଡ଼, ତେବେ ଜୁଗ୍ ଜୁଗ୍ ବିସ୍ତେ ଆରେ ଆଦିକ୍ ଜାଜ୍ମାଲ୍ତ ମାନାଡ଼ ।

୧୨ ଆତିସ୍ପା, ଏଲେଙ୍ଗ୍ବାତ ବାସ୍ ପାୟା ଆଜି ଆପେଂ ବେସି ସାସ୍କାପ୍ ଆନାପ୍, ୧୩ ଆରେ, ଇସ୍ତାଏଲ୍ ହିମ୍ଣାଂ ଇନେସ୍ ହେ ଅଲପ୍ କାଜିଂ ଜାଜ୍ମାଲ୍ ବୁଡାନି ବାହା କାଜିଂ ତିର୍ ହୁଡ଼ରୁ, ହେଦାଂ କାଜିଂ ମସା ଇନେସ୍ ବାନି ଜାର୍ ମୁମ୍ଦ ତାବାୟ ଆଜି ମାଗାଡ଼, ଆପ୍ ହେ ବାନି କିଉପା । ୧୪ ମତର୍ ହେଞ୍ଜାଡ଼ି ଗିଆନ୍ କାଣ୍ଟୁ ଆର୍ତିକ୍ନା, ଇନାକିଦେଂକି ନେଜେଙ୍ଗ୍ ପାତେକ୍ ଲାମା ନିୟମ୍ତ ପାଟ୍ ସମ୍ପୁତ ହେ ତାବାୟ କିୟାତାକା ଆଗେ ଲାକେ ମାନାତା, ଆରେ କ୍ରିସ୍ତୁତାକେ ହେ ତାବାୟ କିୟାତାକା ଜେ ବୁଡା ଆନାଡ଼, ଇଦାଂ ହଉତା । ୧୫ ମତର୍ ନେଜେଙ୍ଗ୍ ପାତେକ୍ ମସାତି ବିଦି ପାଟ୍ ପଡ଼ିକିନି ସମ୍ପୁତ ହେଞ୍ଜାର୍ ନେଞ୍ଜେଡାକି ତାବାୟ କିୟାତାକା ହାର୍ ମାନ୍ଗାନାଡ଼, ୧୬ ମତର୍ ଦରମ୍ ସାସ୍ତର୍ ଇନାଡ଼ ଇମ୍ଣାକାର୍ ମାପୁନିପ ହାନାଡ଼ ହେଞ୍ଜାର୍ ତାବାୟ କିୟାତାକା ଜେୟାନାଡ଼ । ୧୭ ମାପୁ ଜିରୁନ୍ ଆନାନ୍; ଆରେ ଇମେତାକେ ମାପୁତି ଜିରୁନ୍ ହେବେ

ଜାର୍ ମାନ । ୧୮ ମତର ଆସେଙ୍ଗ ଓଜାସ୍ ପ୍ଲକ୍ଯାତି ମୁମ୍ ଦାର୍ପାଣତ ହୁଡ଼ତି ଲାକେ ମାପୁତି ଜାଜ୍ମାଲ୍ ହୁଡ଼ ହୁଡ଼ ଜାଜ୍ମାଲ୍ ମେହାତି ଅବସ୍ତାତା ଆଦିକ୍ ଜାଜ୍ମାଲ୍ ମେହାତି ଅବସ୍ତା ଗାଟାଜି ହେଞ୍ଜାତି ହେ ପୁଡ଼ଡ଼ା ବାଦ୍ଲା ଆତାସ୍ନା; ଲାଗି ମାପୁ ଇନେନ୍କି ଜିବୁନ୍, ହେଞ୍ଜାନ୍ ତା ଇ ସବୁ ଆନାତା ।

୪

ଚିକ୍ଲା ଗାଣ୍ଡିତା ସାଗେନି କାରୁର୍

୧ ଲାଗି, ଆପ୍ ଦୟା ପାୟା ଆଜି ଇ ହେବାକାରୟା ପାଦ୍ ପାୟା ଆଦେ ସାସ୍ ହିଲ୍ଖାକା ଆକାୟ୍, ୨ ମତର ଆପ୍ ଲାଜୁ ଡ଼କୁତି ବିସ୍ତେ ସବୁ ପିସ୍ତାପ୍ନା; ଲାଗି ଆପ୍ ବାନ୍ୟାତା ଚିନ୍ତା କିତପା ନଲେ ଇସ୍ପର ବଚନ୍ ଚାଡ଼ୁରତା ଚିନ୍ତା କିତପା, ମତର ହାଡ଼ପାତା ହପ୍ନି ହୁକେ ଇସ୍ପର ସାକିତ ଜାଣକେ ମାନାୟାର୍ତି ଗିଆନ୍ ଲାଗା ଜାର୍ ଜାର୍ତି ହାରଦାକା ଚଚ୍ନାପା । ୩ ମତର ଆତିସ୍ପା ମାଦା ନେକ୍ରିକାରୁର୍ ପ୍ଲକ୍ଯା ଆତାଡ଼ ହେଦା ବୁତାତାକାରି ପାକ୍ୟାତ ପ୍ଲକ୍ଯାତାଡ଼; ୪ ଇସ୍ପର ଗାଗାଡ଼ ଜେ କ୍ରିସ୍ତୁତା ଜାଜ୍ମାଲ୍ ଲାକେ ନେକ୍ରିକାରୁର୍ ଅଜଡ଼ ଇନେସ୍ ଇବାନି ମାନାୟାର୍ କାଜି ହମେଡ଼, ଇଦା କାଜି ଇ ସ୍ପାର୍ଚ୍ଚି ପାତ୍ କିଞ୍ଜାକାର୍ତି ଗିଆନ୍ କାଣ୍କୁ କାଣା କିତାଡ଼ନା । ୫ ଇନାକିଦେକି ଆପ୍ ଜାର୍ତି ସୁଶାୟ୍ କିତପା, ମତର କ୍ରିସ୍ତୁ ଜିସ୍ତୁ ଜେ ମାପୁ ଆରେ ଜିସ୍ତୁ କାଜି ଆପ୍ ଜେ ମି ଆଡ଼ିୟା, ଇଦା ସୁଶାୟ୍ କିନାପ୍ । ୬ ଇନାକିଦେକି ଇମ୍ଫା ଇସ୍ପର ଇଞ୍ଜି ମାଗାନ୍ “ମାଜ୍ଗାତା ଅଜଡ଼ ହଞ୍ଜେଡ଼ ଇଞ୍ଜି ବଲ୍ ହିଜି ମାଗାନ୍ ।” ଇମ୍ଫା ଇସ୍ପର, ହେଞ୍ଜାନ୍ ଜିସ୍ତୁ କ୍ରିସ୍ତୁ ମୁମ୍ଦ ହତି ଇସ୍ପତ୍ ଜାଜ୍ମାଲ୍ନି ଗିଆନ୍ନି ଅଜଡ଼ ଚଚ୍ନି କାଜି ମା ଖାସ୍ତିତ ଅଜଡ଼ ହପ୍ତାନନା ।

୭ ମତର ଗାଜା ସାକ୍ତି ଜେ ଇସ୍ପରତି, ଆରେ ହେଦା ଜେ ମା ତା ଉବ୍ଜାଣ୍ ଆକାୟ୍, ଇଦା ଇନେସ୍ ହନାଡ଼, ଇଦା କାଜି ଆପ୍ ଇ ଦାନ୍ ଚିକ୍ଲା ଗାଣ୍ଡିତ ପାୟାତାପ୍ନା; ୮ ଆପ୍ ସବୁବାନି ଦୁକ୍ବଗ୍ କିନାପା, ଆତିସ୍ପା ମାନ୍ବାକାୟ୍ କିଞ୍ଜାତାପ୍ନା; ହାତି ଗିଆନ୍ ଆତାପ୍ନା, ଆତିସ୍ପା ମାନ୍ବାକାୟ୍ କିଞ୍ଜାତାପ୍ନା । ୯ ହିଶ୍ପାୟାତାପ୍ନା, ଆତିସ୍ପା ପିହ୍ଯା ଆଞ୍ଜାତାପ୍ନା; ଆଦା ମୁର୍ଯାତାପ୍ନା, ଆତିସ୍ପା ବୁତା ଆଞ୍ଜାତାପ୍ନା; ୧୦ ଆପେ ନିତ୍ରେ ଜିସ୍ତୁ ହାତି ଗାଗାଡ଼ତ ଏତୁ କିନାପା, ଇନେସ୍ ଜିସ୍ତୁ ଜିବୁନ୍ ପା ମା ଗାଗାଡ଼ତ ହଞ୍ଜେଡ଼ । ୧୧ ଇନାକିଦେକି ଜିସ୍ତୁ ଜିବୁନ୍ ଇନେସ୍ ମା ହାତି ଗାଗାଡ଼ତ ହନାଡ଼, ଇଦା କାଜି ଆପ୍ ଜିବୁନ୍ ଆତିସ୍ପା ନିତ୍ରେ ଜିସ୍ତୁ କାଜି ହାକି ମୁମ୍ଦ ହେଲାୟ୍ କିଞ୍ଜାତାପ୍ନା । ୧୨ ଇ ବାନିତ ମା ତାକେ ହାକି, ମତର ମି ତାକେ ଜିବୁନ୍ କାମାୟ୍ ମାନି କିନାକା ।

୧୩ “ଆନ୍ ପାତ୍ କିତାଙ୍ଗ ଲାଗି କାତା ଇଚା ।” ଇ ଲେକିକିତି ବଚନ୍ ଲାକେ ହେ ପାତ୍ ଲାଗ୍ବି ଜିବୁନ୍ ପାୟା ଆଜି ମାତିଲେ ଆପ୍ ପା ପାତ୍ କିନାସ୍ ଲାଗି କାତା ଇନାସ୍; ୧୪ ଇନାକିଦେକି ଆପ୍ ପୁନାସ୍ ମାପୁ ଜିସ୍ତୁ ଇନେର୍ ନିକ୍ତାର୍ ହେଞ୍ଜାନ୍ ମାଙ୍ଗେଙ୍ଗ୍ ପା ଜିସ୍ତୁ ଲାହାଙ୍ଗ୍ ନିକ୍ତାନାନ୍ ଆରି ତା ମୁମ୍ଦ ନି ଲାହାଙ୍ଗ୍ ମାନ୍ଗାନାନ୍ । ୧୫ ଲାଗି ସବୁ ବିସ୍ତେ ମି କାଜି ଆନାତା, ଇନେସ୍ ହେନି ମାନାୟାର୍ତାକେ ଉପ୍କାର୍ ବେସି ବାତା ଆଜି ଇସ୍ପତ୍ ଜାଜ୍ମାଲ୍ତ ବେସି ଜୁଞ୍ଜାର୍ କାରଣ୍ ଆନାଡ଼ ।

ପାତ୍ ନି ଜିବୁନ୍

୧୬ ଲାଗି ଆପ୍ ଖାହୁପା ମତର ମା ବାର୍ତି ମାନାୟାର୍ କିତି ପାୟା ଆଞ୍ଜିତିସ୍ତା ମା ଖାସ୍ତିନି ମାନାୟାର୍ ଦିନ୍ତି ଦିନ୍ ପୁନାକା ଆନାତା । ୧୭ ଇନାକିଦେକି ଇ ଅଲପ୍ କାଡ଼ କାଜି ଲକୁ ଦୁକ୍ ବେସି ବଞ୍ଚାଡ଼ ଲାକେ ମା କାଜି ଓଜ୍ଞି କାଡ଼ ପାତେକ୍ ଗାଜା ଇ ଜାଜ୍ମାଲ୍ ମାନ୍କିନାପା; ୧୮ ଲାଗି ଆପେ ହୁଡ଼ନି କାଜି ଇଚ୍କାଡ଼ କିଞ୍ଜାଦା ହୁଡ଼ି ବିସ୍ତେ କାଜି ଇଚ୍କାଡ଼ କିନାପା ଇନାକିଦେକି ବାହା ବିସ୍ତେ ଅଲପ୍ କାଡ଼ କାଜି ମତର ବାହା ହୁଡ଼ି ବିସ୍ତେ ଓଜ୍ଞି କାଡ଼ ପାତେକ୍ ।

୫

୧ ଇନାକିଦେକି ଜଦି ମା ଇ ତୁମ୍ ଲାକେ ଦିନେକ୍ନି ଗାଗାଡ଼ ଇଲ୍ ଡ୍ରିଙ୍ଗି ହାନାଡ଼, ଖାଟିଙ୍ଗ୍ ଇସ୍ପର ରଚ୍ଚି କାଈଦା ରଚ୍ଚି ମା ର ଓଜ୍ଞିକାଡ଼ ପାତେକ୍ ଇଲ୍ ଜେ ସାଗେତ ମାନାଡ଼, ଇଦା ଆସେଙ୍ଗ୍ ପୁନାସ୍ । ୨ ଲାଗି ଆପେ ତ ମା ସାଗେନି ଇଲ୍ ଲାକେ ହେନ୍ଦାତ ଉସ୍ପେଦେ ବେସି ଇଚା କିଜି ଇଞ୍ଜି ମାନ୍ ମାନ୍ ଆଡ଼ବାନାପା;

୩ ଇ ଲାକେ ଉସ୍ପିତିସ୍ ଆସେଙ୍ଗ୍ ନାଗ୍ଡ଼ା ଚଞ୍ଚୁସ୍ । ୪ ଇନାକିଦେକି ଆସେଙ୍ଗ୍ ଇ ତୁମ୍ତ ବାହା କିଜି ଖାସ୍ତି ଆଡ଼ବାନାସା । ଲାଗି ଆପ୍ ଜେ ଉସ୍ପେଦେ ପିସ୍ତେଙ୍ଗ୍ ମାନ୍ କିନାସ୍, ହେଦା ଆକାୟ୍, ମତର ଜିବୁନ୍ ଇନେସ୍ ପୁତ୍ ଗୁହ୍ନାଡ଼, ଇଦା କାଜି ଇ ହେନ୍ଦା ଜପି ଦିନ୍ ହେନ୍ଦା ଉସ୍ପେଦେ ଆସେଙ୍ଗ୍ ଇଚା କିନାସା । ୫ ଆରେ ଜେ ଇଦା କାଜି ମାଙ୍ଗେଙ୍ଗ୍ ଜାଲ୍ଦି କିଡ଼ତାନନା, ହେଞ୍ଜାନ୍ ଇସ୍ପର, ହେଞ୍ଜାନ୍ ମାଙ୍ଗେଙ୍ଗ୍ ହାଡ଼ପା ଲାକେ ଜିବୁନ୍ ପା ଦାନ୍ ହିଡ଼ନା ।

୭ ଇତିସ୍ ଆସେଙ୍ଗ ନିତ୍ରେ ସାହାସିକାପ୍, ଆରେ ଇ ଗାଗାଡ଼ତ ଏଚେକାଡ଼ଦ ଦିନା ପାତେକ୍ ବାହା କିନାପା, ହେ ପାତେକ୍ ଇନେର୍ ମାପୁତାଂ ଇଞ୍ଜାଙ୍ଗ୍ ଦେହା ବାହାକିନାପା, ଇଦାଂ ପୁନାସ୍ । ୭ ଇନାକିଦେଂକି ଆପ୍ ବାହା ବିସ୍ତେ ହିଜି ଜିରୁନ୍ ଜିଉଣା କିଞ୍ଜାଦାଂ ପାତ୍ ତ ଜିରୁନ୍ ଜିଉଣା କିନାସ୍ । ୮ ଆଁ ଆସେଙ୍ଗ୍ ସାସ୍ନିକାପ୍, ଆରେ, ଗାଗାଡ଼ତାଂ ଦେହା ବାହା ଜିସୁ ଆରି ମାପୁ ଲାଗାଂ ବାହା କିଦେଙ୍ଗ୍ ମା ଆଦିକ୍ ସାରି । ୯ ଲାଗିଂ ପା ନିଜ୍ ଇଞ୍ଜାକାର୍ ଆଏର୍ କି ବିନ୍ ଇଞ୍ଜ ଆଏର୍, ତା ଲାଗାଂ ସାରି ଆନି ମା ଇତା । ୧୦ ଇନାକିଦେଂକି ହାର୍ ଆଏଡ଼ ନଲେ ବାନାଆ ଆଏଡ଼ ଓଜାକାର୍ ପୁତ୍ ନି ଗାଗାଡ଼ ହୁକେ କିତି କାମାୟ୍ ଲାକେ ପାଡ଼୍ ପାୟାନ୍ କାଜିଂ କ୍ରିସ୍ତୁତି ବିଚାର୍ ମୁମ୍ଦ ମା ଓଜାରିଂ ଚଞ୍ଜୟାନାକା ମାନାଡ଼ ।

କ୍ରିସ୍ତୁତି ଲାହାଂ ମେହାଜି ହେବାକିନାକା

୧୧ ଲାଗିଂ, ମାପୁ ବିସ୍ତେନି ପାଣ୍ଡାନାକା ପୁଚିଲେ ଆପ୍ ମାନାୟାରିଂ ପୁସ୍ତରାଇ କିନାସା, ମତର୍ ଆପ୍ ଇସ୍ତର୍ ମୁମ୍ଦ ହତାକାପ୍, ଆରି ମି ଚିନ୍ତା ସାକ୍ତି ଲାଗାଂପା ଜେ ହତାପନା ଇଦାଂ ଆନ୍ ଆହା କିନାଙ୍ଗ୍ । ୧୨ ଆପ୍ ଆରେ ରଗ ମି ଲାଗାଂ ଜିରୁନ୍ ଦୁକ୍‌କିନାକା କିଉପା, ମତର୍ ଇମ୍‌ଶାକାର୍ ଖାସ୍ତିତାଂ ବିସ୍ତେନି ଗରବ୍ କିଞ୍ଜାଦାଂ, ବାରି ବିସ୍ତେ ଗରବ୍ କିତାର୍, ହେଞ୍ଜାରିଂ ଇନେସ୍ ଉତର୍ ହିଦେଂ ଆଡ଼ନାଦେର୍, ଇଦାଂ କାଜିଂ ମା ପାକ୍ୟାତ ଗରବ୍ କିନି କାଜିଂ ମିଙ୍ଗେଙ୍ଗ୍ ସୁବିଦା ହିଦନାପା । ୧୩ ଲାଗିଂ ଜଦି ଆପ୍ ବୁଦିହିଲ୍‌ଖାକାପ୍, ହେଦାଂ ଇସ୍ତର୍ କାଜିଂ; ନଲେ ଜଦି ହାଦ୍ ଗିଆନିର୍, ହେଦାଂ ମି କାଜିଂ । ୧୪ ଇନାକିଦେଂକି କ୍ରିସ୍ତୁତି ଜିଉନନାକା ମାଙ୍ଗେଙ୍ଗ୍ ଲାତ୍ରାତ ଇଡ଼ଜି ଚଲାୟ୍‌କିଦନାନା, ଲାଗିଂ ଆପ୍ ଇ ବିଚାର୍ କିତାପନ୍ନା ଜେ ରଞ୍ଜାନ୍ ଓଜାରିଂ କାଜିଂ ହାନି ବଗ୍ ଜିସୁ ମାଚିଲେ ଓଜାର୍ ହାତାର୍; ୧୫ ଆରେ ହେଞ୍ଜାନ୍ ଓଜାର୍ କାଜିଂ ହାକି ବଗ୍ କିତାନ୍, ଇନେସ୍ ଇମ୍‌ଶାକାର୍ ଜିତାକାର୍, ହେଞ୍ଜାର୍ ଆରେ ଜାର୍ ଜାର୍ କାଜିଂ ଜିରୁନ୍ ଜିଉଣା କିଞ୍ଜାଦାଂ ଇତିସ୍ ଜେ ହେଞ୍ଜାର୍ କାଜିଂ ହାକି ବଗ୍ କିତାର୍ ଆରେ ନିଙ୍ଗତାନ୍, ତା କାଜିଂ ଜିରୁନ୍ ଜିଉଣା କିତାର୍ ।

୧୬ ଲାଗିଂ ନେଜେଙ୍ଗ୍‌ତାଂ ଆପ୍ ଗାଗାଡ଼ ଇସାବେ ଇନେରିଂ ବିଚାର୍ କିଉପା, ଆତିସ୍‌ପା କ୍ରିସ୍ତୁତିଂ ଗାଗାଡ଼ ଇସାବେ ଆପ୍ ବିଚାର୍ କିନାପା, ଆତିସ୍‌ପା ନଙ୍ଗ୍ ଆରେ ତାଙ୍ଗେଙ୍ଗ୍ ହେ ଲାକେ ବିଚାର୍ କିଉପା । ୧୭ ଲାଗିଂ ଜଦି ଇନେର୍ କ୍ରିସ୍ତୁତାକେ ମାନାନ୍, ଖାଚିଙ୍ଗ୍ ହେଞ୍ଜାନ୍ ପୁନି ଉବ୍‌ଜାଣ୍ ଆତାନ୍ନା; ଲାମା ବିସ୍ତେ ସବୁ ବୁଡା ଆତାଡ଼ନ୍ନା, ହୁଡାଟ୍, ପୁନି ବିସ୍ତେ ସବୁ ଆତାଡ଼ନ୍ନା । ୧୮ ମତର୍ ଓଜୁ ବିସ୍ତେ ଇସ୍ତର୍‌ତାଂ ଆତାଡ଼ନ୍ନା; ହେଞ୍ଜାନ୍ କ୍ରିସ୍ତୁତି ହୁକେ ଜାର୍ ଲାହାଙ୍ଗ୍ ମାଙ୍ଗେଙ୍ଗ୍ ମେହାୟ୍ କିଡ଼ତାନ୍ନା ଆରି ହେ ସୁସ୍ତାନି ହେବା ପାଦ୍ ମାଙ୍ଗ୍ ହିଡ଼ତାନ୍ନା । ୧୯ ହେ ସୁସ୍ତାନି ବଚନ୍ ଆନାତା, ଇସ୍ତର୍ କ୍ରିସ୍ତୁତି ହୁକେ ପୁତ୍ ନି ମାନାୟାର୍ ଜାତିତିଂ ତା ଲାହାଂ ଆରେ ମେହାୟ୍ କିଦେଙ୍ଗ୍ ବିଦି ହିଡାଣ୍ଟା । ତା ବିରୁଦ୍‌ତ ହେଞ୍ଜାରିତି ପାପ୍ ସବୁ ହେଞ୍ଜାନ୍ ଆରେ ତା ହିସାବ୍ରେ ଇନ୍‌ଖାତାନ୍ନା । ଆରେ ଇ ଆରେ ମେହାୟ୍‌ତ କାତା ସୁଣାୟ୍ କିନି ଦାୟିଡ଼ ମା ଜପି ହେଲାୟ୍ କିଡ଼ତାନ୍ନା ।

୨୦ ଲାଗିଂ ଇସ୍ତର୍ ମା ହୁଦାଂ କୁକ୍‌ଚି ମାଚିଲେ ଆପ୍ କ୍ରିସ୍ତୁତି ପାକ୍ୟାତ ରାଜ୍‌ଦୁଡ଼ିନି କାମାୟ୍ କିନାପା; କ୍ରିସ୍ତୁତି ପାକ୍ୟାତ ତାଙ୍ଗ୍ ଆପ୍ ଗଞ୍ଜାରି କିଦନାପା, ଏପେଙ୍ଗ୍ ଇସ୍ତର୍ ଲାହାଂ ମେହାଆଡ଼ୁ । ୨୧ ଇନାକାନତାକେ ପାପ୍ ଇନାକାପା ହିଲ୍‌ଖାତାଡ଼ ତାଙ୍ଗେଙ୍ଗ୍ ହେଞ୍ଜାନ୍ ମା କାଜିଂ ପାପ୍ ଲାକେ କିତାନ୍ ଇନେସ୍ ଆପ୍ ତାହୁଦାଂ ଇସ୍ତର୍ ଦାମ୍ ଲାକେ ଆନାସ୍ ।



୧ ଆରେ ପା ଇସ୍ତର୍ ଉପକାର୍ ପାୟାତି ଇନେସ୍ ମି ତାକେ ପଲ୍ୟା ଆଉଡ଼, ଇଦାଂ କାଜିଂ ତା ଲାହାଙ୍ଗ୍ ରବେ କାମାୟ୍ କିଜି, ଜିସୁ ଆପେଂ ଗଞ୍ଜାରି କିଦନାପା । ୨ ଇନାକିଦେଂକି “ହେଞ୍ଜାନ୍ ଇନାନ୍, ଆପ୍ ଉପକାର୍‌ନି ସମୁତ ମି ପାର୍ତାନା ଖେଚାପ୍, ଆରେ ମୁକ୍‌ଡାନି ଦିନ୍ତ ଆପ୍ ମି ହେବା କିତାପ୍ ।” ଖେନାଟ୍ ନଙ୍ଗ୍ ବେସି ଉପକାର୍‌ନି “ସମୁ ହୁଡାଟ୍, ନଙ୍ଗ୍ ମୁକ୍‌ଡାନି ଦିନ୍ ।”

୩ ଇନେସ୍ ମା ହେବା ପାଦ୍ ଦସ୍ ଆମେଡ଼, ହେଦାଂ କାଜିଂ ଆପ୍ ଇମ୍‌ଶି ବିସ୍ତେ ବାଦା ହିଦ୍‌ମେଡ଼, ୪ ଇତିସ୍ ଆପେଂ ସବୁ ଅବସ୍ତାତ ଜାର୍‌ତିଂ ଇସ୍ତର୍ ହେବାକାର୍‌ୟା ଲାକେ ଜାଣା କିଇକିଦନାପା । ଓଜ୍‌ଓ କାମାୟ୍ ଲାହାଙ୍ଗ୍ ଆପ୍ ସବୁ ବାନି ଦୁକ୍, ଅବାବ୍ ଆରି କସ୍ ହୁଞ୍ଜାପ୍‌ନା; ୫ ମାନତାଂ, ଜଇଲ୍‌ଈଞ୍ଜାଙ୍ଗ୍ ମାନିହିଂ, ଗଣ୍‌ଗଲ୍‌ତାଂ, କସ୍‌ତାଂ, ଚେଡ଼ନାତାଂ, ଉପାସ୍‌ତାଂ, ୬ ପୁଇପୁୟାତାଂ, ଗିଆନ୍‌ତାଂ, ଲାମାହୁଦାର୍‌ତାଂ, ଦୟା, କଞ୍ଜାଣ୍ ବାବ୍ରେ, ପୁଇପୁୟା ଜିରୁନ୍ତାଂ, କାପ୍‌ଚିୟା ଆଞ୍ଜାଦାଂ, ଜିଉନନାକା, ୭ ସଡ଼ ବଚନ୍‌ତ ଇସ୍ତର୍ କାରୁର୍‌ନି ସାକ୍ତିତ ବୁଜ୍‌ଣି ଆରି ତେବ୍ରି କେଇଦ ଦାମ୍ ଆଡ଼ ଆତିୟାର୍ ହୁକେ, ୮ ଜାଜ୍‌ମାଲ୍ ଆରି ଖାରି କିଞ୍ଜାକାର୍ ହୁକେ ତାକ୍‌ପୁଟାଆଞ୍ଜାକା ଆରି ତାକ୍‌ପୁଟା ଆନାକା ହୁକେ, ମିଡ଼୍‌ଖା ଲାକେ ଆଞ୍ଜିତିସ୍ ହାଡ଼ପା ଇନାକାନ୍, ୯ ଅଚିନା ଲାକେ, କି ଜାଣାଚିନା, ହାତିଲାକେ, କି ହୁଡାଟ୍ ଆପ୍ ଜିତାପନା, ତାଣ୍‌ପାୟାତି ଲକ୍ ଲାକେ ହାଞ୍ଜାତାପନା, ୧୦ ଆଞ୍ଜିତିସ୍ ହାତି ଲାକେ, ଅକ୍ ଲାକେ, ମତର୍ ନିତ୍ରେ ଦୁକ୍‌କିନାକା, ଇନାକା ହିଲ୍‌ଖାକାର୍

☆ ୫:୧୦ ୫:୧୦ ରମିୟ ୧୪:୧୦. ☆ ୬:୫ ୬:୫ ପକ୍ୟାତାକା ୧୭:୨୩.

ଲାକେ, ମତର ହେନି କାଜିଂ ଦାନ୍ ହିନି ଲକ୍ଷୁ ଲାକେ, ମୁଡ଼କେ ପୁନ୍‌ଖାତାକା ଲାକେ, ଆଖିତିସ୍ ଝିଜୁଡ଼ିଂ ଆଦିକାରି; ଇ ଝିଜାରତ ଆପ୍ ଇସ୍‌ସତ୍ ହେବାକାରିୟାର ଲାକେ ଜାର୍ ଜାରତି ଜଗ୍ ଇଞ୍ଜି ହପ୍‌ନାପା ।

୧୧ ଏ କରକ୍ତିୟ, ଝାରିନି ଟଣ୍ଡାର୍ ଆରି ତଣ୍ଡେକ୍ ମି କାଜିଂ ମା ଝେଇ ଜେୟା ଆତାଡ଼ନ୍ନା, ମା ଝାସ୍‌ ଅହାର୍ ଆତାଡ଼ନ୍ନା । ୧୨ ମି କାଜିଂ ମା ଜିଉନନାକା ଉଚୁଟିଂ ଆକାୟ୍, ମତର ମି ଜିଉନନାକା ଉଚୁଟିଂ । ୧୩ ଜାର୍ ମାଜିରିଂ ଇନି ଲାକେ ଆନ୍ ଇଞ୍ଜନାଙ୍ଗା, ଜିଉନନାକା ଲାକେ ଦାନ୍ ହିଦେଂ କାଜିଂ ଏପେଙ୍ଗ୍ ପା ଅହାର୍ ମାନ୍ ଆଡ଼ ।

ଜିତି ଇସ୍‌ସରତି ମନ୍ଦିର୍

୧୪ ପାତ୍ କିଝାକାର୍ ଲାହାଙ୍ଗ୍ ସମାନ୍ ଆଝି ଲାକେ ଜାତାୟ୍ କିୟାମାଟ୍, ଇନେକିଦେଂକି ଦାମ୍ ଆରି ଅଦାମ୍ ବିତ୍ରେ ଇନାକା ମେହାଣ୍ ? ନଲେ ମାଜଗା ଲାହାଂ ଅଜଡ଼ ଇନାକା ମେହାଣ୍ ?

୧୫ ବିଲିୟାର୍ ଲାହାଙ୍ଗ୍ କିସ୍‌ସୁତି କି ମେହାଣ୍ ? ନଲେ ପାତ୍ କିଝାକାନ୍ ଲାହାଙ୍ଗ୍ କି ପାତ୍ କିନାକାନ୍ ଇନାକା ମେହାଣ୍ ? ୧୬ *ପୁଡ଼ଡ଼ା ଲାହାଙ୍ଗ୍ ଇସ୍‌ସତ୍ ମନ୍ଦିର୍‌ନି କି ମେହାଣ୍ ? ଇନାକିଦେଂକି ଆନ୍ ଜିତି ଇସ୍‌ସତ୍ ମନ୍ଦିର୍ ଆନାଙ୍ଗ୍, ଇନେସ୍ ଇସ୍‌ସର ଇଚାନ୍ନା,

“ଆପ୍ ହେଝାର୍ ବିତ୍ରେ ବାହା କିନାସ୍; ଆରେ

ହେଝାର୍ ବିତ୍ରେ ବୁଲାଆନାସ୍;

ଆନ୍ ହେଝାରତି ଇସ୍‌ସର ଆନାସ୍,

ଆରେ ହେଝାର୍ ମା ଲକ୍ଷୁ ଆନାର୍ ।”

୧୭ “ଲାଗିଂ ମାପୁ ଇଦାଂ ଇନାନ୍, ଏପେଙ୍ଗ୍ ହେଝାର୍ ବିତ୍ରେତାଂ ହସି ଝାଡ଼, ଆରେ ବିନେ ଆଡ଼, ଆରେ, ରାଡ଼ା ଆଡ଼ମାଡ଼ ଡୁମାଟ୍; ଆରେ, ଆପ୍ ମିଙ୍ଗେଙ୍ଗ୍ ଇଡ଼ଦାନାପ୍ ।”

୧୮ “ଆନ୍ ମି ଆବା ଆନାଙ୍ଗ୍,

ଆରେ, ଏପେଙ୍ଗ୍ ମା ମାଜି ଗାଡ଼ ଆନାଦେର୍, ଇଦାଂ

ସବୁ ସାକ୍ତିକାଟି ମାପୁ ଇନାନ୍ ।”



୧ ଇତିସ୍ ଏ ଝାରିନି ଟଣ୍ଡାର୍, ଆରି ତଣ୍ଡେକ୍ ଇ ଝିଜୁ ରାଣ୍ ପାୟାଦେଂ ଝାଡ଼, ଗାଗାଡ଼ ଆରି ଜିବୁନ୍‌ନି ସବୁ ସକଟାଂ ଜାର୍ ଜାରତିଂ ପୁଇପୁୟା କିନାସ୍, ଆରି ଇସ୍‌ସରତିଂ ପାଣ୍ଡୁ ଆଜି ପୁଇପୁୟାତାଂ ହାର୍ ଆନାସ୍ ।

ପାଉଲ୍‌ତି ଝାରି

୨ ମି ଜିବୁନ୍‌ତ ମାଙ୍ଗେଙ୍ଗ୍ ବାହା ହିଦାଟ୍; ଆପ୍ ଇନେର୍ ଅନ୍‌ଧାୟ୍ କିଉପା, ଇନେରିଂ ନସ୍ କିଉପା, ଇନେରତି ଝିହି କିଉପା । ୩ ଆନ୍ ମିଙ୍ଗେଙ୍ଗ୍ ଦସ୍ ହିଦ୍‌ନି କାଜିଂ ଇଦାଂ ଇଞ୍ଜୁଙ୍ଗା; ଇନାକିଦେଂକି ଆନ୍ ଆଗେ ଇନ୍‌ଚାଙ୍ଗ୍‌ନା, ଏପେଙ୍ଗ୍ ମା ଝାସ୍‌ତି ଏପେଙ୍ଗ୍ ବାହା ପାୟା ଆତାଦେଣ୍ଡା ଜେ, ହାତିସ୍ ଆପ୍ ରଚେ ହାନାସ୍, ଆରେ ଜିତିସ୍ ରଚେ ଜିନାସ୍ । ୪ ମି ତାକେ ନା ପୁରା ପାତ୍ ମାନାଡ଼, ମି ବିସ୍ତେ ନା ବେସି ଗରବ୍; ଆନ୍ ଦୁକ୍‌ସାରାୟ୍‌ତ ବାତ୍, ମା ଝିଜୁ ଦୁକ୍‌ତ ନା ଦୁକ୍‌କିନାକା ଡ଼ିଜି ହାନାତା ।

୫ ଇନାକିଦେଂକି ମାକିଦନିଆତ ଏକିତି ପାଚେ ପା ବାଟ୍ ଜୁଜ୍ ଆରି ବିତ୍ରେ ପାଣ୍ଡୁ ଲାକେ ସବୁ ବାନି ଦୁକ୍‌ବଗ୍ କିତିଲେ ମା ଗାଗାଡ଼ ପା ଜମ୍‌ଖାତାଡ଼ । ୬ ଆତିସ୍‌ପା ତ୍ରିକାଡ଼ କିନାକାରିଂ ଦୁକ୍‌ସାରାୟ୍ କିନାନ୍ ଜେ ଇସ୍‌ସର, ହେଝାନ୍ ତିତସ୍ ଝାନାକା ହୁକେ ମାଙ୍ଗେଙ୍ଗ୍ ଦୁକ୍‌ସାରାୟ୍ କିଦ୍‌ନାନ୍, ୭ ଆରେ, କେବଲ୍ ତିତସ୍ ଝାନାକା ହୁକେ ଆକାୟ୍, ମତର ଇମ୍‌ଣି ଦୁକ୍‌ସାରାୟ୍ ହୁକେ ହେଝାନ୍ ମି ବିସ୍ତେ ଦୁକ୍‌ସାରାୟ୍ ପାୟା ଆଜି ମାଚାନ୍, ତା ହୁକେ ପା ଦୁକ୍‌ସାରାୟ୍ କିତାନ୍, ଇନାକିଦେଂକି ହେଝାନ୍ ମି ତ୍ରିକାଡ଼ ଆନାକା, ମି ଆଡ଼ବାନାକା, ନା ପାକ୍ୟାତ ମି ଝାରିନି ବିସ୍ତେ ମାଙ୍ଗେଙ୍ଗ୍ ଝେଟ୍‌ଚାତାନ୍ନା; ହେବେ ଆନ୍ ଆରେ ଆଦିକ୍ ଝାରି ଆତାଙ୍ଗ୍ ।

୮ ଲାଗିଂ ନା ଆକି ହୁକେ ଆତିସ୍‌ପା ଆନ୍ ମିଙ୍ଗେଙ୍ଗ୍ ଦୁକ୍ କିଡ଼ତାଂ, ଆତିସ୍‌ପା ଆନ୍ ହେଦାଂ କାଜିଂ ଦୁକ୍ ଆକାୟ୍; ହେ ଆକି ମିଙ୍ଗେଙ୍ଗ୍ ଅଲପ୍ କାଡ଼ କାଜିଂ ପା ଦୁକ୍ ଜିସୁ ମାଚିଲେ ହୁଡ଼ଜି ଆନ୍ ଦୁକ୍ ଆଜି ମାଚିସ୍ ପା ୯ ନଙ୍ଗ୍ ଦୁକ୍‌କିନାକା କିନାଙ୍ଗା, ଏପେଙ୍ଗ୍ ଜେ ଦୁକ୍ ଆତିସ୍, ହେଦାଂ କାଜିଂ ଆକାୟ୍, ମତର ମି ଦୁକ୍ ଜେ ମି ମାନ୍‌ବାଦ୍‌ଲାୟ୍ କିନି କାରଣ୍ ଆତାଡ଼, ଇଦାଂ କାଜିଂ; ଲାଗିଂ ମା ହୁକେ ମିଦାଂ ଇନେସ୍ ଇନାକାପା ନସ୍ ଆଉଡ଼, ହେଦାଂ କାଜିଂ ଏପେଙ୍ଗ୍ ଇସ୍‌ସତ୍ ଇଚା ଲାକେ ଦୁକ୍ ପାୟା ଆତାର୍ । ୧୦ ଇନାକିଦେଂକି ଇସ୍‌ସତ୍ ଇଚା ଲାକେ ଇମ୍‌ଣି ଦୁକ୍, ହେଦାଂ ମୁକ୍‌ଡାନି କାଜିଂ ଏପେଙ୍ଗ୍ ମାନ୍‌ବାଦ୍‌ଲାୟ୍ ହପ୍‌ନାଡ଼, ଇନାକା କାଜିଂ ଏଡୁକିଦେଂ ଲାଗୁଡୁଡ଼; ମତର ଜଗଡ଼ନି ଦୁକ୍ ହାକି ହପ୍‌ତାନାଡ଼ । ୧୧ ଲାଗିଂ ହୁଡ଼ାଟ୍, ଇସ୍‌ସତ୍ ଇଚା ଲାକେ ଏପେଙ୍ଗ୍ ଇ ଇମ୍‌ଣି ଦୁକ୍ ପାୟାତାଦେର୍, ହେଦାଂ ମି ତାକେ କେତେକ୍ ଝାରି, ଆଁ, କେତେକ୍ ଦାବା

* ୭:୧୭ ୭:୧୭ ୧ କରକ୍ତିୟ ୩:୧୭; ୭:୧୯.

ଝିସ୍ତାଦେର୍, ଆଁ କେତେକ୍ ରିସା, ଆଁ କେତେକ୍ ପାଣ୍ଡୁ, ଆଁ କେତେକ୍ ମାନ, ଆଁ କେତେକ୍ ଝାରି, ଆଁ କେତେକ୍ ଉପାୟ ହପ୍ତାତ୍ନା । ଇ ବିସ୍ତେ ଏପେଙ୍ ପୁରା ଅନ୍ୟାୟ ଇଞ୍ଜି ସାକି ହିନାୟା ।

୧୨ ଲାଗିଂ ଆତିସ୍ପା ମି ଲାଗାଂ ଲେକିକିତାଂ, ଆତିସ୍ପା ଜେ ଅନ୍ୟାୟ କିତାଂନା, ନଲେ ଇନେନ୍ ଅନ୍ୟାୟ ହୁଞ୍ଜନା, ହେଦାଂ କାଜିଂ ଜେ ଲେକିକିତାଂ, ହେଦାଂ ଆକାୟ, ମତର୍ ମା କାଜିଂ ମି ମାନ ଇନେସ୍ ଇସ୍ପୁର୍ ମୁମ୍ଦ ମି ବିସ୍ତେ ହନାତ୍ ହେଦାଂ କାଜିଂ ଲେକିକିତାଂ । ୧୩ ଆରେ ମା ଦୁକ୍ସାରାୟ ଲାଗିଂ ଆପ୍ ବେସି ଝାରି, ହେଦାଂ ଝେର୍ଦେଂ ଆନ୍ ଆକି ଲେକିକିତାଙ୍ଗନା ।

ଆପ୍ କେବଲ୍ ଝାରିୟା ଆଝାତାପ୍ନା । ଏପେଙ୍ ତିତସ୍ତିଂ ସବୁ ବାନିନି ଉପକାର୍ କିଜି ଇନେସ୍ ବାବ୍ରେ ଝାରି କିତାଦେଣ୍ଟା, ହେଦାଂ ତା ଜିବୁନ୍ ମାଙ୍ଗେଙ୍ ଝାରି କିତାତ୍ । ୧୪ ଲାଗିଂ ଜଦି ଇମ୍ଣି ବିସ୍ତେ ତିତସ୍ ଲାଗାଂ ମି ବିସ୍ତେ ଆନ୍ ଗରବ୍ କିତାଙ୍ଗନା, ଝାଟିଙ୍ ଲାଜାଆଝାତାଂନା, ଇତିସ୍ ଇନେସ୍ ଆପେଂ ସବୁ ବିସ୍ତେ ମିଙ୍ଗେଙ୍ ହାତ୍ପା ଇଞ୍ଜି ମାନଟାପ୍, ହେ ଲାକେ ତିତସ୍ ମୁମ୍ଦ ମା ଗରବ୍ ପା ହାତ୍ପା ଇଞ୍ଜି ଜାଣା ଆତାତ୍ନା । ୧୫ ଆରେ, ଇନେସ୍ ପାଣ୍ଡୁ ଆରି ତ୍ରିପକିସ୍ ଏପେଙ୍ ତାଙ୍ଗ୍ ମାନି କିଜି ଝିଜାଦେର୍ ତାଙ୍ଗ୍ ମାନିକିନାଦେର୍, ଇଦାଂ ଏତୁ କିଜି ମି କାଜିଂ ତା ଝାସ୍ତିନି ଜିଉନନାକା ଆଦିକ୍ ବାତାଆନାତା । ୧୬ ଆନ୍ ଜେ ସବୁ ବିସ୍ତେ ମି ତାକେ ପୁରା ପାତ୍ କିତିଲେ, ଇଦାଂ କାଜିଂ ବେସି ସୁକ୍ ଆନାଙ୍ଗା ।

୮

କ୍ରିସ୍ତୁୟାନ୍ ଦାନ୍

୧ *ଏ ଟଣ୍ଡାର୍, ଆରି ତଣ୍ଡଦେକ୍ ମାକିଦନିଆନି ମଣ୍ଡଲିନିକାର୍ ବିତ୍ରେ ଇସ୍ପତ୍ ହତ୍ତାତ୍ନା ଇମ୍ଣି ଉପକାର୍ ହତାତ୍ନା, ହେଦାଂ ଆପ୍ ମିଙ୍ଗେଙ୍ ଜାଣାୟକିଦନାପା । ୨ ହେଝାର୍ ବେସି ଦୁକ୍ ଲାକେ ପରିକ୍ୟାତ ଆରତିସ୍ନେ ହେଝାର୍ତି ବେସି ଦୁକ୍କିନାକା ବେସି ନାସ୍କି ବିତ୍ରେ ପା ବେସି ବାବ୍ରେ ଆଦିକ୍ ଦାନ୍ ହିଜି ଉବ୍ଜାଣ୍ ଆତାତ୍ନା । ୩ ଇନାକିଦେଂକି ଆନ୍ ସାକି ହିନାଙ୍ଗା ଜେ, ହେଝାର୍ତି ସାକ୍ତି ଇସାବ୍ରେ, ଇତିସ୍ ହେଝାର୍ତି ସାକ୍ତିନି ବେସି ବାବ୍ରେ ହେଝାର୍ ଦାନ୍ କିତାର୍; ୪ ସାଦୁର୍ ହେବାତ ମେହାଣ୍ଡାଂ ଉପକାର୍ ପାୟାନି କାଜିଂ ହେଝାର୍ ମାନ୍ତ ବେସି ଗଝାରି ଲାହାଂ ମାଙ୍ଗ୍ ଗଝାରି କିତାର୍ । ୫ ଇବେଣ୍ଟାଂ ହେଝାର୍ ଜେ କେବଲ୍ ମା ଆହା ଇସାପ୍ରେ କିତାର୍, ହେଦାଂ ଆକାୟ ମତର୍ ଇସ୍ପତ୍ ମାନ ହୁକେ ଚାଲା ଆଜି ପର୍ତ୍ତୁମ୍ ଜାର୍ ଜାର୍ତିଂ ମାପୁତି ଲାଗାଂ ଆରି ମା ଲାଗାଂ ହେଲାୟ କିତାତ୍ । ୬ ଗଝାରି ହେବାକାମାୟ କାଜିଂ ତିତସ୍ ମି ବିତ୍ରେ ଇ ଉପକାର୍ କାମାୟ ଇମ୍ଣି ବାନି ହାଙ୍ଗ୍ଜି ମାଟାର୍ ହେ ଲାକେ ହେଦାଂ ଇନେସ୍ ଝିସ୍ତସ୍ ପା, ଇଦାଂ କାଜିଂ ତାଙ୍ଗେଙ୍ ଝାରି କିତାପ୍ । ୭ ଆରେ ପାତ୍, କାତାପାଣୟା, ଗିଆନ୍ ଆରି ସବୁବାନି ତ୍ରିକାତ୍, ଆରେ ମି କାଜିଂ ମା ଜିଉନନିତ, ଇ ଲାକେ ଝିଜୁ ବିସ୍ତେ ଇନେସ୍ ମି ତାକେ ବେସି ବାବ୍ରେ ଚଞ୍ଜୟାନାତା, ହେ ଲାକେ ଇ ଉପକାର୍ କାମାୟ ପା ମି ତାକେ ବେସି ବାବ୍ରେ ଚଞ୍ଜୟା ଆଏତ୍ ।

୮ ଆନ୍ ବଲ୍ ହିଦ୍ନି ଲାକେ ଇଞ୍ଜୁଙ୍ଗା, ମତର୍ ବିନ୍ନିକାର୍ତି ତ୍ରିକାତ୍ ଲେକି କିଜି ମି ଜିଉନନାକା ହାଦ୍ଦାମ୍ ପା ହାତ୍ପା ପାର୍ମାଣ୍ କିନି କାଜିଂ ଇଞ୍ଜନାଙ୍ଗା । ୯ ଇନାକିଦେଂକି ମା ମାପୁ ଜିସୁ କ୍ରିସ୍ତୁତି ଉପକାର୍ ଏପେଙ୍ ପୁନାଟ୍, ଏପେଙ୍ ଇନେସ୍ ତା ଅକ୍ତ୍ ହୁକେ ମାଜାନ୍ ଆତ, ଇଦାଂ କାଜିଂ ହେଝାନ୍ ମାଜାନ୍ ଆତିସ୍ପା ଇନେସ୍ ମି କାଜିଂ ଅକ୍ତ୍ ଆତାନ୍ ।

୧୦ ଇ ବିସ୍ତେ ନା ଇନାକା ଇଦାଂ, ହେଦାଂ ତ ମି କାଜିଂ ହାର୍ଦାକା, ଲାଗିଂ ହାଟି ବାହୁଡାଂ ଏପେଙ୍ ଜେ ପର୍ତ୍ତୁମ୍ କିଜି କାମାୟ କିଦେଙ୍ ହାଙ୍ଗ୍ତାଦେର୍, ହେଦାଂ ଆକାୟ, ମତର୍ ଇଦାଂ କିନି କାଜିଂ ପର୍ତ୍ତୁମ୍ତ ଇଟା ପା କିଜି ମାଟାଦେର୍; ୧୧ ଲାଗିଂ କାମାୟ କିଜି ହାଲାର୍ ଆରି ମି ପାବ୍ହୁଡ୍ଜି ହେଦାଂ ଝିହାଟ୍ । ଉପାୟ ମାନିକିନି ସମୁତ ମି ଇମ୍ଣି ମାନ ମାଟାତ୍ କାମାୟ ଝିଜୁନ୍ ପାତେକ୍ ହେଦାଂ ଇଡ୍ଜି ମାନାଟ୍ । ୧୨ ଇନାକିଦେଂକି ଜଦି ଦୁକ୍କିନାକା ମାଟିସ୍, ଲାଗିଂ ହେଦାଂ ରଝାନ୍ତି ଅବାବ୍ ଲାକେ ହାର୍ ଇଚ୍ନାକା ଆକାୟ, ନଲେ ହେଝାନ୍ତି ଇନାକା ମାନାତ୍, ହେ ହିସାବେ ହାର୍ ଇଚ୍ପାନାତ୍ ।

୧୩ ଲାଗିଂ ବିନ୍ନିକାର୍ ଇନେସ୍ ସୁକ୍ପାୟାନାର୍, ଆରେ ଏପେଙ୍ ଦୁକ୍ ପାୟା ଆନାଦେର୍, ଇଦାଂ କାଜିଂ ଆନ୍ ଇଦାଂ ଇଞ୍ଜୁଙ୍ଗା; ୧୪ ମତର୍ ସମାନ୍ ବାବ୍ନା ଚଞ୍ଜୟାନି କାଜିଂ ନଙ୍ଗିନି ସମୁତ ମି ଦାନ୍ତାଂ ହୁକେ ହେଝାର୍ତି ଅବାବ୍ ବାତ୍ ଆନାତା, ଇନେସ୍ ହେଝାର୍ତି ଦାନ୍ ପା ମିଦାଂ ଅବାବ୍ ବାତ୍ କିନାତ୍, ଆରେ ଇ ଲାକେ ସମାନ୍ ବାବ୍ନା ଚଞ୍ଜୟାନାତ୍, ୧୫ ଦରମ୍ ସାସ୍ପୁର୍ତ୍ତ ଲେକାମାନାତ୍, “ଇନେର୍ ବେସି ରୁଣ୍ଡାୟ କିତାନ୍, ତାଦାଂ ହାର୍ଝାତାତ୍, ଆରେ ଇନେର୍ ଅଲପ୍ ରୁଣ୍ଡାୟ କିତାନ୍, ତାଦାଂ ଅବାବ୍ ଆଝାତାତ୍ ।”

ତିତସ୍ ଆରି ତା ହାଙ୍ଗ୍ଦାକାର୍

* ୮:୧ ୮:୧ ରମିୟ ୧୫:୨୨.

^{୧୭} ଇସ୍ରାଏଲୀ ଲୁହାରୁ ଆସନ୍ତୁ, ହେୱାନ ନି କାଜିଂ ତିତସ୍ତି ମାନ୍ତ ଉପକାର କିଦେଙ୍ଗ ଡ୍ରାକାଡ଼ ଉଦ୍‌ଜାଣ କିତାନନ୍ନା; ^{୧୮} ଇନାକିଦେଂକି ହେୱାନ ଜେ କେବଲ୍ ମା ଗଞ୍ଜାରି ଇଡ଼ତାନ, ହେଦାଂ ଆକାୟ, ମତର୍ ହେୱାନ ନିଜେ ବେସି ୱାରି ଜିସୁ ନିଜ୍ ଇଚାତ ମି ଲାଗାଂ ହାନାନା । ^{୧୯} ଆରେ, ତା ଲାହାଙ୍ଗ୍ ଆପ୍ ଆରେ ରଞ୍ଜାନ ଟଣ୍ଡେନିଂ ପକ୍ତାନାପା; ନେକ୍ରିକାବୁର୍ ପରଗାର ବିସ୍ତେ ତା କେରକଣ୍ ସବୁ ମଣ୍ଡଲିତ ମେଙ୍ଗ୍‌ଜି ହାନାତା, ^{୨୦} କେବଲ୍ ଏଚେକ୍ ଆକାୟ, ମାପୁତି ଜାଜ୍‌ମାଲ୍ ଆରି ମା ବାୟାଣି ହପ୍‌ନି କାଜିଂ ଇମ୍‌ଣି ଦୟାନି କାମାୟ ଆପେଂ ମାନିକିତାପ୍‌ନା, ହେବେ ମା ସାଙ୍ଗ୍ ଆନି ହେବା କାଜିଂ ବିନ୍‌ବିନ୍ ମଣ୍ଡଲିତାଂ ବାଟି କିୟାତାନ୍ନା ।

^{୨୦} ମା ହୁକେ ଆତି ଇ ହେବା ଲାକେ ବେସି ଦାନ ବିସ୍ତେ ଇନେର୍ ଇନେସ୍ ମାଙ୍ଗେଙ୍ଗ୍ ଦସି କିଦୁର୍, ହେଦାଂ କାଜିଂ ଜାଗ୍ରତ୍ ଆନାପା; ^{୨୧} ଇନାକିଦେଂକି କେବଲ୍ ମାପୁତି ମୁମ୍‌ଦ ଆକାୟ, ମତର୍ ମାନାୟାର୍ ମୁମ୍‌ଦ ପା ଇନାକା ସବୁ ନେକ୍ରିକା, ହେଦାଂ ଝିଜୁ ଆପ୍ ଏଡ଼ କିନାପ୍ ।

^{୨୨} ଆରେ, ଆପ୍ ମା ଆରେ ରଞ୍ଜାନ ଟଣ୍ଡେନିଂ ପା ହେୱାର୍ ଲାହାଙ୍ଗ୍ ପକ୍ତାନାପା, ତାଙ୍ଗେଙ୍ଗ୍ ଆପ୍ ବେସି ବିସ୍ତେ ବେସିହର୍ ପରିକ୍ୟା କିଜି ଡ୍ରାକାଡ଼ ଇଞ୍ଜି ପାର୍ମାଣ୍ ଝେଚାପ୍‌ନା, ଆରେ ମି ତାକେ ଆର୍‌ଝା ପାଟି କିଡିଲେ ହେୱାନ ନଙ୍ଗ୍ ଆରେ ଆଦିକ୍ ଡ୍ରାକାଡ଼ ଆତାନ୍ନା ।

^{୨୩} ତିତସ୍ତି ବିସ୍ତେ ଜଦି ଇନେର୍ ଝେନ୍‌ବାତିସ୍, ହେୱାନ ନା ମେହାଣ୍; ଆରି ମି କାଜିଂ ନା ହାଙ୍ଗ୍‌ଦାକାନ କି ନଲେ ମା ଟଣ୍ଡାର୍ ବିସ୍ତେ ଝେନ୍‌ବା ଆତିସ୍, ହେୱାର୍ ମଣ୍ଡଲି ନିକାର୍ ହୁକେ ପକ୍ୟାତାକାନ, ଆରେ କ୍ରିସ୍ତି ଜାଜ୍‌ମାଲ୍ ଲାକେ । ^{୨୪} ଲାଗିଂ ମି ଜିଉନନାକା ଆରି ମି ବିସ୍ତେ ମା ଗରବ୍ ପାର୍ମାଣ୍ ମଣ୍ଡଲି ନିକାର୍ ଲାଗାଂ ହେୱାରିଂ ଚଗାଟ୍ ।



ବିନ୍ ମଣ୍ଡଲିନି କ୍ରିସ୍ତିୟାରିଂ କାଜିଂ ଉପକାର

^୧ ହାତେନେ ସାଦୁର୍ତି ହେବା ବିସ୍ତେ ମି ଲାଗାଂ ଲେକିକିନାକା ନା ପାକ୍ୟାତ ଆଦିକ୍ ମତର୍; ^୨ ଇନାକିଦେଂକି ଆନ୍ ମି ଇଚା ପୁନାଙ୍ଗ୍, ଆରେ ହେ ବିସ୍ତେ ମାକିଦନିଆ ଲକୁ ଲାଗାଂ ମି ବିସ୍ତେ ଆନ୍ ଗରବ୍ କିନାଂ ଜେ, ଆକାୟା ହାଟି ବାହୁଡ଼ାଂ ଜାଲ୍‌ଦି ଆତାତେ, ଆରେ ମି ଇଚା ହେୱାର୍ ବିଡ୍ରେତାଂ ଆଦେକ୍ ଲକୁତାଂ ୱାରିକିକିତାଂ । ^୩ ଆତିସ୍‌ପା ଆନ୍ ଟଣ୍ଡାରିଂ ପକ୍ତାନାଙ୍ଗା, ଇନେସ୍ ଇ ବିସ୍ତେ ମି ବିସ୍ତେ ମା ଗରବ୍ ପଲ୍ୟା ଆମେଡ଼, ଆରେ ନା କାତା ଇସାବ୍‌ରେ ଏପେଙ୍ଗ୍ ଦାନ ଲାହାଙ୍ଗ୍ ଜାଲ୍‌ଦି ଆଡ଼, ^୪ ଏଚେକାଡ଼୍‌ଦ ମାକିଦନିଆନି ଇମ୍‌ଣାକାନ ପା ଏଚେକାଡ଼୍‌ଦ ନା ଲାହାଙ୍ଗ୍ ୱାଜି ମିଙ୍ଗେଙ୍ଗ୍ ଜାଲ୍‌ଦି ଆଞ୍ଜାକା ହୁଡ଼୍‌ତିସ୍, ତେବେ ମି କାତା ହେବେ ମାନେଡ଼, ଆପେଂ ଇ ଆର୍‌ଝା ପାଟି ବିସ୍ତେ ଲାଜା ଆନାସ୍ । ^୫ ଲାଗିଂ ମିଦାଙ୍ଗ୍ ଆଗେ ପାର୍ମାଣ୍ ଦାନ ଇନେସ୍ ସାରି ବିସ୍ତେ ଆଞ୍ଜାଦାଂ ସଡ଼ ବିସ୍ତେ ଆନାଡ଼, ଇଦାଂ କାଜିଂ ଆଗେତାଂ ହେ ଦାନ ରୁଣ୍ଡାୟ କିଜି ଜାଲ୍‌ଦି କିଦେଙ୍ଗ୍ ଆଗେ ମି ଲାଗାଂ ହାନି କାଜିଂ ଆନ୍ ଟଣ୍ଡାରିଂ ଗଞ୍ଜାରି କିଦେଙ୍ଗ୍ ମାନ କିତାଂ ।

^୬ ମତର୍ ଇଦାଂ ହାଡ଼ପା, ଇନେର୍ ଅଲପ୍ ଝିଡ଼ନାନ, ହେୱାନ ପା ଅଲପ୍ ଡ୍ରେସ୍‌ନାନ; ଆରେ ଇନେନ୍ ବେସି ଝିଡ଼ନାନ, ହେୱାନ ପା ବେସି ଡ୍ରେସ୍‌ନାନ । ^୭ ଝିଜାକାର୍ ଜାର୍ ୱାସ୍ତିତ ଇନେସ୍ ରିମାନ୍ୟା କିତାନନ୍ନା, ହେ ଲାକେ କିଏନ୍, ଲବ୍‌ରା ବାବ୍ରେ ଆକାୟ ଇଚିସ୍ ଟାଟାୟ ଲାକେ ଆକାୟ; ଇନାକିଦେଂକି ଇସ୍‌ବ୍ ରମାନ୍ୟା ମୁଣିକାଂ ଜିଉନନାନ । ^୮ ଆରେ, ଝିଜୁ ବିସ୍ତେ ନିଡ୍ରେ ସାରି ଲାକେ ପାୟାଜି ଏପେଙ୍ଗ୍ ଇନେସ୍ ଝିଜୁ ହାର୍‌ଦି କାମାୟ କାଜିଂ ଆଦିକ୍‌ତାଂ ଆଦିକ୍ ତର୍ ଦାନ କିଦେଙ୍ଗ୍ ଆଡ଼ନାଦେର୍, ଇଦାଂ କାଜିଂ ଇସ୍‌ବ୍ ମିଙ୍ଗେଙ୍ଗ୍ ସବୁବାନି ଉପକାର ବେସି ବାବ୍ରେ ହିଦେଂ ରାଜି ଆତାନ୍ନା, ^୯ ଇନେସ୍ ଦରମ୍ ସାସ୍ତ୍ରତ ଲେକା ଆତାଡ଼ନ୍ନା,

“ହେୱାନ ମେଲ୍‌ କେଇଦ ପାସ୍‌ପାତାନନା, ହେୱାନ ନାସ୍‌କିନିକାରିଂ ଦାନ ହିନାନା,

ତା ଦାମ୍ କାତା ଜୁଗ୍ ଜୁଗ୍ କାଡ଼୍‌ପାଡେକ୍ ।”

^{୧୦} ଆରେ, ଇନେର୍ ବିୟାନ୍ ଝିଡ଼ନାକାରିଂ ବିୟାନ୍ ଆରି ତିନି କାଜିଂ କାଦି ହିଦ୍‌ନାନ, ହେୱାନ ଝିଡ଼ନି କାଜିଂ ମିଙ୍ଗେଙ୍ଗ୍ ବିୟାନ୍ ହିଦ୍‌ନାନ ଆରି ହେଦାଂ ବାଡାୟ କିଦ୍‌ନାନ, ଆରେ, ମି ଦାମ୍‌ନି ପାଡ଼୍ ବାଡାୟ କିଦ୍‌ନାନ; ^{୧୧} ଇ ଲାକେ ଏପେଙ୍ଗ୍ ସବୁ ବିସ୍ତେ ମାଜାନ ଆଜି ସବୁବାନି ମୁକ୍ତାୟତାଂ ଚର୍ଚେଙ୍ଗ୍ ଆଡ଼ନାଦେର୍, ଆରେ ହେଦାଂ ମା ହୁକେ ଇସ୍ରାଏଲୀ ମିଙ୍ଗେଙ୍ଗ୍ ଦନ୍‌ସବାଦ୍ ନିକାନ କିଦ୍‌ନାର୍ । ^{୧୨} ଇନାକିଦେଂକି ଇ ଦାନ ଲାକେ ହେବା ଜେ କେବଲ୍ ସାଦୁର୍ତି ବାକି ବାଟି କିନାଙ୍ଗା, ହେଦାଂ ଆକାୟ, ମତର୍ ତାପାତେ ପା ଇସ୍‌ବ୍‌ତି ଉଦେସ୍‌ତ ବେସି ଜୁଞ୍ଜାର୍ ଡ୍ରାକାଡ଼ ହାନାତା, ^{୧୩} ଇଚିସ୍ ଇ ହେବା କାମାୟନି ପାର୍ମାଣ୍ ପାୟାଜି ଲକୁ ମି ମାନି କାଜିଂ କ୍ରିସ୍ତି ନେକ୍ରିକାବୁର୍ କାଜିଂ ଟାଟାୟ, ଆରେ ସାଦୁର୍ତି ଆରି ଝିଜାର୍ କାଜିଂ ମି ମେହାଣ୍‌ତ ହୁଦାର୍ କାଜିଂ ଇସ୍ରାଏଲୀ ପାଣ୍ ପାର୍ତାନା କିନାରା, ^{୧୪} ଆରେ, ମି କାଜିଂ ଇସ୍ରାଏଲୀ ବେସି ଉପକାର କାଜିଂ ହେୱାର୍ ପା ମି କାଜିଂ ପାର୍ତାନା କିଉ କିଉ ମି କାଜିଂ ଦୟାତ ଏଡୁ କିଦ୍‌ନାର୍ । ^{୧୫} ଇସ୍ରାଏଲୀ ହାୟାକିନି ଦାନ କାଜିଂ ତାଦି ଜୁଞ୍ଜାର୍ ଆସନ୍ତୁ ।

୧୦

ପଲ୍ୟା ସୁଶାୟ କିନି ପାଉଲ୍‌ତି ଉତ୍ତର

୧ ମି ମୁମ୍‌ଦ ମି ବିତ୍ରେତାଂ ହୁଦାର୍, ମାତର୍ ଚଞ୍ଜୟା ଆଦ୍‌ଝାଦାଂ ମି କାଜିଂ ସାସ୍‌ନିକାଂ ଜେ ଆନ୍ ପାଉଲ୍, ଆନ୍ ନିଜେ କ୍ରିସ୍ତୁତି ହୁଝାଦ୍ ଆରି ଦୟା ବାବ୍ରେ ଏତୁ କିଜି ମିଜ୍ଞେଙ୍ଗ୍ ଗଝାରି କିଦ୍‌ନାଙ୍ଗା; ୨ ଆଁ ଆନ୍ ପାର୍ତାନା କିନାଙ୍ଗା ଜେ, ଆପ୍ ଗାଗାଡ୍ ହିସାବେ ଚିନ୍ତା କିନାପା ଇଞ୍ଜି ଇମ୍‌ଶାକାର୍ ମାନେ କିତାର୍, ଏପେଙ୍ଗ୍ ଇନେ ଇନେରତି ବିରଦ୍ ସାସ୍ ଚର୍ଚ୍ଚେଙ୍ଗ୍ ଇଞ୍ଜି ଆନ୍ ଇମ୍‌ଶି ବିଚାର୍ କିତାଙ୍ଗା, ଏକାଝାଜି ଇନେସ୍ ନାଙ୍ଗେଙ୍ଗ୍ ହେବାନି ସାସ୍ ଚର୍ଚ୍ଚେଙ୍ଗ୍ ଆଉଡ୍; ୩ ଇନାକିଦେଂକି ଆପ୍ ପୁତ୍ ତ ବାହା କିନାକା ହାଡ୍‌ପା, ମତର୍ ଆପ୍ ସଁସାର୍ ମାନାୟ୍ ବାବ୍ରେ ଜୁଜ୍ କିଝାତାପ୍‌ନା, ୪ ଲାଗିଂ ମା ଜୁଜ୍‌ନି ଆଡ୍ ଆତିୟାର୍ ସଁସାର୍‌ତ ଆକାୟ୍, ମତର୍ ସାତୁର୍ ଆଡ୍‌ଝା ଗାଡ୍ ଦୁଡ୍‌ମାଜି କିନି କାଜିଂ ଇସ୍‌ତ୍ ମୁମ୍‌ଦ ହେ ଝିଜୁ ସାକ୍ତି ଆତାଦେଣ୍ଡା; ୫ ଆପ୍ ଗାଣ୍‌ଜୁ ସବୁ ଆରି ଇସ୍‌ତ୍ ଗିଆନ୍ ବିରୁଦ୍‌ତ ହତ୍‌ତି ଝିଜୁ ଲାମା ବିସ୍ତେ ଦୁଡ୍‌ମାଜି କିନାସ୍, ଆରେ ଜାଣ୍‌କେ ହାନ୍‌ନ୍‌ୟା କିଜି କ୍ରିସ୍ତୁତି ବଲ୍ ମାନିକିନାକାସ୍ ଆନାସ୍, ୬ ଆରେ, ଏଚେକାଡ୍‌ଦ୍ ଏପେଙ୍ଗ୍ ପୁରା ମେହାଆନାଦେର୍, ହେ ପାଦ୍‌ନା ଝିଜାର୍ ପାଟ୍‌କାର୍ ଆନି କାଜିଂ ଆପ୍ ଜାଲ୍‌ଦି ମାନାପ୍ ।

୭ ଏପେଙ୍ଗ୍ ଚାରିବେଣ୍ଡାଂ ଇନାକା ଗିଟା ଆଦ୍‌ନାତା ହୁଡ୍‌ଡା଼ । ଜଦି ଇନେର୍ ଜାର୍‌ତିଂ କ୍ରିସ୍ତୁତି ଇଞ୍ଜି ପାତ୍ କିନାନ୍, ନଲେ ହେଝାନ୍ ଇନେସ୍ କ୍ରିସ୍ତୁତି, ଆପ୍ ପା ଇନେର୍ ହେ ଲାକେ କ୍ରିସ୍ତୁତି, ଇଦାଂ ହେଝାନ୍ ଆରେ ନିଜେ ଏତୁ କିଏନ୍ । ୮ ଇନାକିଦେଂକି ମା ଆଦିକାର୍ ବିସ୍ତେ ଆନ୍ ଅଲ୍‌ପ୍ ଆଦିକ୍ ଗରବ୍ କିତିସ୍ ପା ଲାଜ୍ ପାୟା ଆଉଙ୍ଗ୍; ମିଜ୍ଞେଙ୍ଗ୍ ଦୁଡ୍‌ମେହାୟ୍ କିଦ୍‌ନି କାଜିଂ ମାପୁ ମାଙ୍ଗେଙ୍ଗ୍ ଇ ଆଦିକାର୍ ହିଦ୍‌ଝାଦାଂ ମିଦାଙ୍ଗ୍ ରଚ୍‌ନି କାଜିଂ ହିଡ୍‌ନ୍ନା; ୯ ନା ଆକି ହୁକେ ଆନ୍ ମିଜ୍ଞେଙ୍ଗ୍ ପାଣ୍ଡୁ ମୁତର୍ ଚର୍ଚ୍ଚାନାଙ୍ଗା ଇଞ୍ଜି ପାଣ୍ଡୁ ଆମାଟ୍ । ୧୦ ଇନାକିଦେଂକି “ଇନେର୍ ଇନେର୍ ଇନାର୍, ତାଦି ପାଉଲ୍‌ତି ଆକିଂ ସବୁ ହାର୍‌ଦିକିଂ ଆରି ଗାଜା ସାକ୍ତି, ମତର୍ ମେହାଣ୍ଡିତ ତା ଗାଗାଡ୍ ନାଦାର୍ ଆରି ତା ବଚନ୍ ବାନ୍‌ପା ।” ୧୧ ଆପ୍ ଝାଜି ମାନ୍‌ଝି ସମୁତ ଆକି ହୁଦାଂ ବଚନ୍‌ତ ଇନେସ୍, ଏକାଝାଜି ମାନି ସମୁତ କାମାୟ୍‌ତ ପା ଜେ ହେ ଲାକେ, ଇଦାଂ ଇ ଲାକେ ମାନାୟାର୍ ବଜ୍ ଆଏର୍ ।

୧୨ ଇନାକିଦେଂକି ଇମ୍‌ଶାକାର୍ ଜିବୁନ୍‌ତ ଝାରିକିକିନାକା, ହେଝାର୍ ବିତ୍ରେତାଂ ଇନେ ଇନେରତି ରଚେ ଜାର୍ ଜାର୍‌ତିଂ ଇସାବ୍ ନଲେ ତୁଲ୍‌ୟ୍ କିଦେଙ୍ଗ୍ ଆପ୍ ସାସ୍ କିଉପା; ମତର୍ ହେଝାର୍ ନିଜେ ନିଜେ ଜାର୍ ଜାର୍ ଲଗାଂ ହୁକେ ଜାର୍ ଜାର୍‌ତି ଆଡ୍‌ନାକା ଆରି ଜାର୍ ଜାର୍ ଲାହାଙ୍ଗ୍ ଜାର୍ ଜାର୍‌ତି ତୁଲ୍‌ୟ୍ କିଜି ଆହ୍‌ରତାଂ ଚର୍ଚ୍ଚନାର୍ । ୧୩ ମତର୍ ଆପ୍ ହାନ୍‌ଦି ମାନିକିଝାଦାଂ ଗରବ୍ କିଉପ୍; ମତର୍ ଏପେଙ୍ଗ୍ ପା ମା ହାନ୍‌ଦିନିକାପ୍ ଆନି କାଜିଂ ଇସ୍‌ତ୍ ମା କାଜିଂ ନିଲ୍‌ତାନ୍‌ନା ଇମ୍‌ଶି ହାନ୍‌ଦି ରଚ୍‌ଚାଦେଣ୍ଡା, ହେବେନି ଆଡ୍‌ନାକା ଲାକେ ଗରବ୍ କିନାପ୍ । ୧୪ ଇନାକିଦେଂକି ଏପେଙ୍ଗ୍ ମା ହାନ୍‌ଦିନି ମେହା ଆଝାଦାଂ ମାତି ଲାକେ ଆପ୍ ଜେ ହାନ୍‌ଦି ମାନିକିଝାତାସ୍‌ନା, ହେଦାଂ ଆକାୟ୍, ଲାଗିଂ କ୍ରିସ୍ତୁତି ନେକ୍ରିକାବୁର୍ ସୁଶାୟ୍ କିଉ କିଉ ଆପ୍ ମି ପାତେକ୍ ପା ପର୍ତୁମ୍ ହାଲ୍‌ଜି ମାତାପ୍; ୧୫ ଆପ୍ ହାନ୍‌ଦି ଜିତା ଆଜି ଆରେ ରକାନ୍ତି କସ୍ ବିସ୍ତେ ଗରବ୍ କିଉପା, ମତର୍ ମି ପାତ୍‌ନି ବାତାନାକା ସାଙ୍ଗେ ସାଙ୍ଗେ ମା ବାସ୍ ହିସାବେ ମା କାମାୟ୍ ମି ହୁକେ ଇନେସ୍ ଜବର୍‌ତାଂ ଆଦିକ୍ ତର୍ ମେଙ୍ଗ୍‌ୟା ଆନାଡ୍, ୧୬ ଆରେ, ଆପ୍ ଆରେ ରଝାନ୍ ହାନ୍‌ଦି ବିତ୍ରେ ତା କିତି କାମାୟ୍ ବିସ୍ତେ ଗରବ୍ କିଝାଦାଂ ମି ପାଡ୍‌ହା ନାସ୍‌କୁକାଂ ଇନେସ୍ ନେକ୍ରିକାବୁର୍ ସୁଶାୟ୍ କିଦେଙ୍ଗ୍ ଆଡ୍‌ନାକା, ଇଦାଂ ବାସ୍ କିନାପା ।

୧୭ ସାସ୍‌ପୁର୍‌ଚ୍ଚି ଲେକାମାନାଡ୍ “ମତର୍ ଇନେର୍ ଗରବ୍ କିନାନ୍, ହେଝାନ୍ ମାପୁ କିତି କାମାୟ୍ କାଜିଂ ଗରବ୍ କିଏନ୍ ।” ୧୮ ଇନାକିଦେଂକି ଇନେର୍ ଜାର୍‌ତି ଝାରି କିନାନ୍, ହେଝାନ୍ ପରିକ୍ୟାସିଦ୍ ଆକାୟ୍, ମତର୍ ମାପୁ ଇନେରତି ଝାରି କିନାନ୍, ହେଝାନ୍ ପରିକ୍ୟାସିଦ୍ ।

୧୧

ପାଉଲ୍ ଆରି ବୁଲ୍‌କାୟ୍‌କିନି ପକ୍ୟାତାକାନ୍

୧ ଏପେଙ୍ଗ୍ ଜଦି ନାଦାଂ ଅଲ୍‌ପ୍ ଅବୁଜା ହୁଞ୍ଚାଦେର୍‌ମା ! ଆଁ ଏପେଙ୍ଗ୍ ତ ନା କାଜିଂ ହୁଞ୍ଚାଦେରା । ୨ ଇନାକିଦେଂକି ଇସ୍‌ତ୍ ବିସ୍ତେ ତ୍ରିକାଡ୍ ଆନ୍ ମି କାଜିଂ ଇଚା, ଲାଗିଂ ଆନ୍ ମିଜ୍ଞେଙ୍ଗ୍ ଦାମ୍ ଜିପଲି ହିସାବେ ର ଆଣ୍ଡାତାକେ, ଇତିସ୍ କ୍ରିସ୍ତୁତି ତାକେ, ସର୍‌ପି କିନି କାଜିଂ ପାର୍ମାଣ୍ କିତାନ୍‌ନ୍ନା । ୩ ମତର୍ ରାଚ୍ ଜାର୍ ଚାଲ୍‌କିତାଂ ହବା ଇନେସ୍ ବୁଲ୍‌ୟ୍‌କିତାଡ୍, ହେ ଲାକେ ଏଚେକାଡ୍‌ଦ୍ ମି ମାନ୍ କ୍ରିସ୍ତୁତି କାଜିଂ ଦାମ୍ ଆରି ପୁଇପୁୟାତାଂ ବୁଲ୍‌କାନାର୍, ଇଦାଂ ନାଙ୍ଗ୍ ପାଣ୍ଡୁ ହୁଡ୍‌ନାତା । ୪ ଇନାକିଦେଂକି ଇମ୍‌ଶି ଜିସ୍ତୁଙ୍ଗ୍ ଆସେଙ୍ଗ୍ ପର୍‌ଚାର୍ କିଝାତାସ୍, ଏପେଙ୍ଗ୍ ବିନ୍ ଜିସ୍ତୁଙ୍ଗ୍ ଜଦି ଇନେର୍ ଝାଜି ପର୍‌ଚାର୍ କିତାର୍, କି ଇମ୍‌ଶି ପୁଇପୁୟା ଜିବୁନ୍‌ତ ଏପେଙ୍ଗ୍ ଗାଟାଝାତାଦେର୍, ଏପେଙ୍ଗ୍ ର ବିନ୍ ଜିବୁନ୍ ଗାଟା ଆଡ୍, କି ଇମ୍‌ଶି ନେକ୍ରିକାବୁର୍ ଏପେଙ୍ଗ୍ ଅଝାତାଦେର୍, ଏପେଙ୍ଗ୍ ର ବିନ୍ ନେକ୍ରିକାବୁର୍ ଗାଟା ଆଡ୍, ତା ଅତିସ୍ ଏପେଙ୍ଗ୍ ତ ବେସି ହୁଦାର୍ ।

୫ ଇନାକିଦେଂକି ହେ ମୁଡ଼ଦି ପକ୍ୟାତାକାର୍ତାଂ ଆନ୍ ଜେ ଇନେସ୍ପା ହାରୁ ଆକାୟ, ଇଦାଂ ବାବି କିନାକ୍ଷା । ୬ ମତର ଆତିସ୍ପା ଆନ୍ କାତା ଇଞ୍ଜେକ୍ ଆଡୁକ୍, ଆତିସ୍ପା ଗିୟାକ୍ତ ପାତେ ଆକାୟ; ହାଡ଼ପାତ ଆସେକ୍ ଝିଜୁ ବାନିତ ଝିଜୁ ବିସ୍ତେ ମି କାଜିଂ ଇଦାଂ ହପ୍ପାପ୍ ।

୭ ନଲେ ଏପେକ୍ ଇନେସ୍ ପୁନାଦେର୍, ଇଦାଂ କାଜିଂ ଆନ୍ ଜାର୍ଡିଂ ହୁଦାର୍ କିଜି ଜେ ମଲ୍‌ହିଲ୍‌ଖାଦାଂ ମି ଲାସେକ୍ ଇସ୍ପତ୍ ନେକ୍ରିକାରୁର୍ ପରଚାର୍ କିତାକ୍, ଇବେ ଇନାକା ପାପ୍ କିତାଂ ? ୮ ମି ହେବା କିନି କାଜିଂ ଆନ୍ ବିନ୍‌ବିନ୍‌ନି ମଣ୍ଡଲି ଲାଗାଂ ଦାମ୍‌ା ଅଜି ହେଝାରିଂ ଚର୍ କିତାଂ, ୯ ମତର ଆନ୍ ମି ବିତ୍ରେ ମାନି ଝେଡାଲିଂ ଏଚେକାଡ଼ଦ୍ ଅବାବ୍ ଆଜି ମାଚାକ୍, ହେ ଏଚେଝାଡ଼ାଂ ଆନ୍ ଇମ୍‌ଣାକାକ୍ତି ବଜ୍ ଲାକେ ଆଝାଦାଂ ମାଚାକ୍, ଇନାକିଦେଂକି ମାକିଦନିଆତାଂ ଟଣ୍ଡାର୍ ଝାଜି ନା ଅବାବ୍ ପୁରା କିଜି ମାନ୍‌ଚାର୍, ଆରେ ଇମ୍‌ଣାକା ପା ବିସ୍ତେ ମି ବଜ୍ ଲାକେ ଆଝାଦାଂ ଜାର୍ ବିସ୍ତେ ଜାଗ୍ରତ୍ ଆଜି ମାଚାକ୍, ଆରେ ଜାଗ୍ରତ୍ ଆଜି ମାନାଂ । ୧୦ ନା ତାକେ ମାନି କ୍ରିସ୍ତୁତି ହାଡ଼ପାତିଂ ସାକି ମାନିକିଜି ଆନ୍ ଇନାକା ଜେ, ଆକାୟାନି ନିପ ନାଦାଂ ଇ ଗରବ୍ ଇନେର୍ ବାକ୍ଷାୟ କିଦେଂ ଆଡୁର୍ । ଇନେକିଦେଂ ? ୧୧ ଆନ୍ ଇନାକିଦେଂ ଏପେକ୍ ଇନାକା ? ଆନ୍ ଇନାକା ମିକ୍ଷେକ୍ ଜିଉ ନଦୁକ୍ଷା ? ଇସ୍ପର୍ ପୁନାନ୍, ମିକ୍ଷେକ୍ ଆନ୍ ଏଚେକ୍ ଜିଉନଦ୍‌ନାକ୍ଷା ।

୧୨ ମତର ଗରବ୍‌ନି ବିସ୍ତେ ମା ଲାକେ ଚଞ୍ଜନି କାଜିଂ ଇମ୍‌ଣାକାର୍ ହାଜି ଡେକ୍‌ନାର୍, ଆନ୍ ଇନେସ୍ ହେଝାରିଂ ହାଜି ହିଉକ୍, ଇଦାଂ କାଜିଂ ଆନ୍ ଇନାକା କିନାକ୍ଷା, ହେଦାଂ କିଜି ମାନାଂ । ୧୩ ଇନାକିଦେଂକି ଏପେକ୍ ଲଗୁ ଚାକ୍ଷାୟ ପକ୍ୟାତାକାର୍ ଆରି ମିଚ୍‌ଝା କାମ୍‌ଲିୟା, ହେଝାର୍ କ୍ରିସ୍ତୁତି ପକ୍ୟାତାକାର୍ତି ବେସି ଆହ୍‌ନାର୍ । ୧୪ ଆରେ ଇଦାଂ କାବାନାକା ଆକାୟ, ଇନାକିଦେଂକି ସୟ୍‌ତାନ୍ ନିଜେ ଅଜଡ଼ନ୍ ସାଗେ ଦୁଡ଼ ବେସି ଆହ୍‌ନାଡ଼ । ୧୫ ଲାଗିଂ, ଜଦି ତାଦାଂ ହେବା କିନିକିକ୍ ପା ଦାମ୍‌ନି ହେବା କିନାକାତ୍ ବେସି ଆହ୍‌ନିକ୍, ଝାଟିକ୍ ହେଦାଂ ଗାଜା ବିସ୍ତେ ଆକାୟ; ହେଝାର୍ଡି ସେସ୍ ଦସା ହେଝାର୍ଡି କାମାୟ ଇସାପ୍ରେ ଗିଗାନାଡ଼ ।

ପକ୍ୟାତାକାତ୍ ଚେଲାଲାକେ ପାଉଲ୍‌ଡି ଦୁକ୍‌ବଗ୍

୧୬ ଆନ୍ ଆରେ ରଗ ଇଞ୍ଜନାକ୍ଷା, ଇନେର୍ ନାକ୍ ରୁଦିହିଲ୍‌ଖାକାନ୍ ଇଞ୍ଜି ବାବି କିଦ୍‌ମେର୍; ମତର ଜଦି ଏପେକ୍ ଇନେସ୍ ବାବି କିନାଦେର୍, ଝାଟିକ୍ ପାନାକ୍ ରୁଦିହିଲ୍‌ଖାକାନ୍ ଲାକେ ଇଡ଼ଦାନାଦେର୍, ଇନେସ୍ ଆନ୍ ପା ଅଲପ୍ ଗରବ୍ କିଦେକ୍ ଆଡ଼ନାକ୍ । ୧୭ ଆନ୍ ଇନାକା ଇଞ୍ଜନାକ୍ଷା, ହେଦାଂ ମାପୁଡି ଇନି ଇସାପ୍ରେ ଇନୁକ୍ଷା, ମତର ରୁଦିହିଲ୍‌ଖାକାନ୍ ଲାକେ ଏଲେକ୍ ବେସି ସାସ୍ତ ଗରବ୍ କିଜି ଇନାକା । ୧୮ ଆଦେକ୍ ସିସାର୍‌ନି ବାବ୍ରେ ଗରବ୍ କିଜି ମାଟିଲେ ଆନ୍ ପା ଗରବ୍ କିନାକ୍ । ୧୯ ଇନାକିଦେଂକି ଏପେକ୍ ରୁଦିକାର୍‌ୟା ଆଡ଼ିଏନ୍ ଇଞ୍ଜି ହିନା ଝାରିତାକ୍ ନିର୍ବୁଦିୟାତ୍ କାଜିଂ ହୁଦାର୍ ଆନାଦେରା । ୨୦ ଲାଗିଂ ଜଦି ଇନେର୍ ଆଡ଼ିଏନ୍ କିଜି ଇଡ଼ଡିସ୍, ମି ଦାନ୍ କେଡି କିନାନ୍, ମିକ୍ ଡକ୍‌କାତ ହେଜି କିଜି ଆସ୍ତାନାଡ଼, ଆକାର୍ କିଦ୍‌ନାନ୍ କି ମି କୁର୍‌ଝାତ ଚାପ୍‌ଡା ଇଡ଼ଦାନାନ୍, ଝାଟିକ୍ ଏପେକ୍ ହେଦାଂ ହୁଞ୍ଜନାଦେର୍ । ୨୧ ଆନ୍ ଲାଜୁ ଲାହାକ୍ ମାନି କିନାକ୍ଷା ଜେ, ଆପେଂ ତ “ନାଦାର୍” ଆତାସ୍‌ନା ।

ଆତିସ୍ପା ଇମ୍‌ଣାକା ପା ବିସ୍ତେ ଇନେର୍ ସାସି ଆନାର୍ ଆନ୍ ରିସା ଆଜି ଇନାକା, ଆନ୍ ପା ସାସି । ୨୨ ହେଝାର୍ କି ଏକ୍ରିୟର୍ ? ଆନ୍ ପା ଏକ୍ରିୟ । ହେଝାର୍ କି ଇସ୍ତାଏଲିୟର୍ ? ଆନ୍ ପା ଇସ୍ତାଏଲିୟ । ହେଝାର୍ କି ଅବ୍ରାହାମତି ମାଜିର୍ ? ଆନ୍ ପା ଅବ୍ରାହାମତି ମାଜି । ୨୩ ହେଝାର୍ କି କ୍ରିସ୍ତୁତି ହେବାକାର୍‌ୟା ? ଆନ୍ ବାୟରା ଲାକେ ଇନାକା, ଆନ୍ ଆଦିକ୍ ରଚେ କ୍ରିସ୍ତୁତି ହେବାକାର୍‌ୟା, ଆଦିକ୍ କସ୍ କିନିତ, ଆଦିକ୍ ଜୟିଲ୍ ହାନିତ, ବେସି ମାଡ଼ ହୁଞ୍ଜନିତ, ତାଜନାଡ଼ ହାକି ମୁମ୍‌ଦ ଆଦେଂ; ୨୪ ଆନ୍ ଜିହୁଦିତ୍ ପାଞ୍ଚ ହର୍ ଏକ୍‌ଉଣା ରିକଡ଼ି ମାଡ଼ ପାୟାତାଂନା, ୨୫ ଚିରମିୟର୍ ହୁକେ ତିନି ହର୍ ବାଡ଼ଗେ ମାଡ଼, ରଗ କାଲ୍‌କୁ ମାଡ଼, ତିନି ହର୍ ଜାଜ୍‌ଡ଼ିନାକା ହୁଞ୍ଜାକ୍‌ନା, ଡେକ୍ଷା ଏକ୍‌କାଂ ଝେଡାନାଣା ଚବିସ୍ ଗନ୍‌ଚା ହୁଞ୍ଜାକ୍‌ନା, ୨୬ ବେସିହର୍ ହାନିହିଂ, ନାଗୁଡ଼ନି ଆପଡ଼ତ, ଚକ୍‌ ଆପଡ଼ତ, ଜାର୍ ଜାଡିରତାଂ ଆପଡ଼ତ, ଜିହୁଦି ଆରି ପାତ୍ କିଝି ଜିହୁଦି ତାକ୍ ଆପଡ଼ତ, ଗାଡ଼ନି ଆପଡ଼ିତ, ବାଗାନି ଆପଡ଼ତ, ହାମ୍‌ଦୁଣ୍ଡି ଆପଡ଼ତ, ୨୭ ବାମ୍‌ଣ୍ଡାୟକିନି ଟଣ୍ଡାର୍‌ତାଂ ଆପଡ଼ତ, କସ୍ତ ଆରି କସ୍ ବଗଡ, ବେସିହର୍ ହୁଞ୍ଜାଦାଂ, ନାସକି ଆରି ଏସକି, ବେସିହର୍ ଉପାସତ, ପିନି ଆରି ନାଗଡ଼ାତ । ୨୮ ବାକି ଝିଜୁ ବିସ୍ତେ ପିସ୍ତି ଆରେ ର ବିସ୍ତେ ନିତ୍ରେ ନା ଜପି ଦୁମ୍‌ଦାନାତା, ଇଚିସ୍ ମଣ୍ଡଲି ସବୁ କାଜିଂ ଚିକ୍ତା ହଡ଼ନାତା । ୨୯ ଇନେର୍ ନାଦାର୍ ଆତିସ୍ ଆନ୍ ଇନାକା ନାଦାର୍ ଆକାୟ ? ଇନେର୍ ବାଦା ପାୟାତିସ୍ ଆନ୍ ଇନାକା ଦୁକ୍ ଆଉକ୍ ?

୩୦ ଜଦି ନାଦି ଗରବ୍ କିନାକା ଲଡ଼ା ଆତିସ୍, ଝାଟିକ୍ ଆନ୍ ନା ନାଦାର୍ ବିସ୍ତେ ନା ଗରବ୍ କିନାକା ମାନାଡ଼ । ୩୧ ଆନ୍ ଜେ ମିଚ୍ ଇନୁକ୍ଷା, ଇଦାଂ ମାପୁ ଜିସ୍ତୁତି ଇସ୍ପର୍ ଆରି ଆବା ପୁନାନ୍; ହେଝାନିଂ ଜୁଗ୍ ଜୁଗ୍ ଜଝାର୍ ।

☆ ୧୧:୨୩ ୧୧:୨୩ ପକ୍ୟାତାକା ୧୭:୨୩. ☆ ୧୧:୨୫ ୧୧:୨୫ ପକ୍ୟାତାକା ୧୭:୨୨; ପକ୍ୟାତାକା ୧୪:୧୯. ☆ ୧୧:୨୭ ୧୧:୨୭ ପକ୍ୟାତାକା ୯:୨୩; ପକ୍ୟାତାକା ୧୪:୫.

୩୭ ☆ ଦମ୍ଭେସକତ ହାରେତା ରାଜାତି ସାସନକାରୟା ନାଙ୍ଗ ଆସ୍ତ୍ରିନି କାଜିଂ ହେ ଗାଡ଼ନି ଦୁଖେର୍ ଜାଗ୍‌ଖାଡ଼ାରିଂ କାୟ କିଜି ମାଚାନ, ୩୩ ଆରେ ଟପାତ ର ଚିଟକି ହିଜି କୁଖାଡ଼ ହିଜି ନାଙ୍ଗ ଜୁଡ଼ତାର, ଆରେ, ଆନ୍ ହେଖାଡ଼ି କେଇଦାଂ ରାକ୍ୟା ପାୟାତାଂ ।

୧୨

ପାଉଲ୍‌ତି ହାରଦାକା ହୁଡ଼ନାକା

୧ ଆତିସ୍‌ପା ଗରବ୍ କିନାକା ନେକ୍ରାକା ଆକାୟ, ଆତିସ୍‌ପା ଲାଗିଂ ନାଙ୍ଗେଙ୍ଗ୍ ଗରବ୍ କିଦେଙ୍ଗ୍ ଲାଗ୍‌ତାନାତା; ଆନ୍ ମାପୁତିଙ୍ଗ୍ “ହୁଡ଼ଦେଂ” ଆରେ ଚଞ୍ଜୟା ଆନି ବିସ୍ତେ ଇନାଙ୍ଗ୍ । ୨ ଆନ୍ କ୍ରିସ୍ଟ ତାଂ ମାନି ଲଗାଂ ରଞ୍ଜାନିଂ ପୁନାଙ୍ଗ୍, ହେଞ୍ଜାନ୍ ଚଉଦ ବାହୁଁ ଆଗେ ତିନ୍ ସାଗେ ପାତେକ୍ ଅଜି ମାଚାନ । ହେଞ୍ଜାନ୍ ଗାଗାଡ଼ତ ମାଚାନ କି ଗାଗାଡ଼ନି ବାଡ଼ ମାଚାନ, ଆନ୍ ପୁନୁଙ୍ଗ୍; ଇସ୍‌ବର୍ ପୁନାନ୍ । ୩ ଆଁ, ଆନ୍ ଇ ଲାକେ ରଞ୍ଜାନ୍ ମାନାୟତିଙ୍ଗ୍ ପୁନାଙ୍ଗ୍, ହେଞ୍ଜାନ୍ ଜିବୁନ୍ ମାନି ଦେସ୍‌ତ ଅଜି ମାଚାର ହେଞ୍ଜାନ୍ ଗାଗାଡ଼ତ ମାଚାନ କି ଗାଗାଡ଼ ବାଡ଼ ମାଚାନ, ଆନ୍ ପୁନୁଙ୍ଗ୍ ଇସ୍‌ବର୍ ପୁନାନ୍ । ୪ ହେବେ ହେଞ୍ଜାନ୍ କାତାତ ଇଞ୍ଜେଙ୍ଗ୍ ଆଡ଼ଞ୍ଜାଦାଂ ଆରି ଇଞ୍ଜେଙ୍ଗ୍ ଆଡ଼ଞ୍ଜାଦାଂ ଲାକେ କାତା ଖେନ୍‌ଞ୍ଜି ଆଦିକାର୍ ହିଲୁଡ଼ । ୫ ଇ ଲାକେ ରଞ୍ଜାନ୍ ବିସ୍ତେ ଆନ୍ ଗରବ୍ କିନାଙ୍ଗ୍, ଇନାକିଦେଂକି ଆନ୍ ଜାର୍ ବିସ୍ତେ ନା ନାଦାର୍ ପିସ୍ତ୍ର ଆରେ ବିନ୍ ବିସ୍ତେ ଗରବ୍ କିଡ଼ଙ୍ଗ୍ । ୬ ଆରେ ଗରବ୍ କିଦେଙ୍ଗ୍ ଇଚା କିତାନ୍ ଆଁ ବୁଦି ହିଲୁଞ୍ଜି ଲାକେ ଆଉଙ୍ଗ୍ ଲାଗିଂ ଆନ୍ ହାଡ଼ପା ଇନାଙ୍ଗ୍; ଇନାକିଦେଂକି କାତେ ଇନେର୍ ନାଙ୍ଗେଙ୍ଗ୍ ଇନେସ୍ ହୁଡ଼ଦାନାର୍ କି ନାତାଙ୍ଗ୍ ଇନେସ୍, ଖେନାର୍ ନା କାଜିଂ ହତି ବିସ୍ତେ ଆଦିକ୍ ଗାଜା କାଜିଂ ଇନେସ୍ ନା ବିସ୍ତେ ଆଦିକ୍ ବୁଜାଞ୍ଜାଦାଂ, ଇଦାଂ କାଜିଂ ଆନ୍ ଇଞ୍ଜେଙ୍ଗ୍ ଖାହ୍‌ନାଙ୍ଗା ।

୭ ଲାଗିଂ ଆନ୍ ଇନେସ୍ ଆଦିକ୍ ଗରବ୍ ଆଉଙ୍ଗ୍, ଇଦାଂ କାଜିଂ ନାଙ୍ଗେଙ୍ଗ୍ କସ୍ଟ କିଦେଙ୍ଗ୍ ନା ଗାଗାଡ଼ତ ସୟତାନ୍ ଦୁଡ଼ ଲାକେ ଦୁକ୍ ହିଦ୍ୟାତାଡ଼, ଆଁ ଇନେସ୍ ଆନ୍ ଆଦିକ୍ ଗରବ୍ ଆଉଙ୍ଗ୍, ଇଦାଂ କାଜିଂ ହେଦାଂ ହିଦ୍‌ଆତାଡ଼ । ୮ ଇନେସ୍ ହେଦାଂ ନାତାଂ ଦେହା ଆଡୁ, ଇଦାଂ କାଜିଂ ଆନ୍ ମାପୁଙ୍ଗ୍ ହେ ବିସ୍ତେ ତିନ୍‌ହର୍ ଗଞ୍ଜାରି କିତାଂ । ୯ ଆରେ, ହେଞ୍ଜାନ୍ ନାଙ୍ଗେଙ୍ଗ୍ ଇଞ୍ଜାନ୍ନା, ମା ଉପକାର୍ “ମି କାଜିଂ ସାରି, ଇନାକିଦେଂକି ନାଦାର୍ ତାଙ୍ଗ୍ ମା ସାକ୍ତି ହାର୍ ଆନାଡ଼ ।” ଲାଗିଂ ଇନେସ୍ କ୍ରିସ୍ଟି ସାକ୍ତି ନା ଜପି ବାହା କିନାଡ଼, ଇଦାଂ କାଜିଂ ଆନ୍ ବେସି ଖାରିତାଂ ଇତିସ୍ ନା ନାଦାର୍ ତାଙ୍ଗ୍ ଗରବ୍ କିନାଙ୍ଗ୍ । ୧୦ ଲାଗିଂ କ୍ରିସ୍ଟ କାଜିଂ ନାଦାର୍ ତାଙ୍ଗ୍, ଅପମାନତ, କସ୍ତ, ଇଣ୍ଡ, ହିଲୁଞ୍ଜିହିଂ ଆନ୍ ସାରି ଆନାଙ୍ଗ୍; ଇନାକିଦେଂକି ଏଚେକାଡ଼ଦ୍ ଆନ୍ ନାଦାର୍, ହେ ପାଦନା ଆନ୍ ସାକ୍ତି ।

କରକ୍ରିୟା ଲକୁ କାଜିଂ ପାଉଲ୍‌ତି ଏଡୁ

୧୧ ଆନ୍ ବୁଦିହିଲୁଞ୍ଜାକାଂ ଆତାଙ୍ଗ୍‌ନା, ଏପେଙ୍ଗ୍ ନାଙ୍ଗ୍ ଚାଚାୟ କିଡ଼ତାଦେର୍, ଇନାକିଦେଂକି ନା ଖାରି କିନାକା ମିଦାଙ୍ଗ୍ ମାଚାଡ଼; ଲାଗିଂ ଆତିସ୍‌ପା ଆନ୍ ଇନାକା ଆକାୟ, ଆତିସ୍‌ପା ଇମ୍‌ଣି ବିସ୍ତେ ହେ “ଗାଜାକାନ୍ ପକ୍ୟାତାକାର୍‌ରିଂ” ତାଙ୍ଗ୍ ଉଣା ଆକାୟ । ୧୨ ହେ ଖିଜୁ ତିନ୍ ଆରି କାବାନି କାମାୟ ଆରେ ସାକ୍ତିନି କାମାୟ ପକ୍ୟାତାକାର୍‌ତି ଇଟକାଡ଼ ଇସାବ୍, ହେ ସବୁ ହାଡ଼ପାତ ମି ବିତ୍ରେତାଂ ପୁରା ବେସି ସାସ୍ ଲାହାଙ୍ଗ୍ ଆତାଡ଼ନା । ୧୩ ଇନାକିଦେଂକି ଆନ୍ ତାବୁଙ୍ଗ୍ ଏକ୍ରିନି କାଜିଂ ମି ଜପି ବଜ୍ ଲାକେ ଆଖାତାଂନା, ଇଦାଂ ରଞ୍ଜାଙ୍ଗ୍ ବିସ୍ତେ ପିସ୍ତ୍ର ବାକି ଅଦାମ୍ ମଣ୍ଡୁଲିତାଂ ଏପେଙ୍ଗ୍ ଇନାକାତ ହାର୍ କିତାଦେଣ୍ଡା ? ନାଦାଂ ଇ ଦସ୍ କେମା କିଦା ।

୧୪ ହୁଡ଼ାଡ଼, ଆନ୍ ମି ଲାଗାଂ ହାନି କାଜିଂ ଇ ତିନ୍ ହର୍ ଜାଲ୍‌ଦି ମାନାଙ୍ଗ୍, ଆରେ ଆନ୍ ମି ବଜ୍ ଲାକେ ଆଉଙ୍ଗ୍, ଇନାକିଦେଂକି ଆନ୍ ମି ଦାନ୍ ଦାହ୍‌ଞ୍ଜାଦାଂ ମିଙ୍ଗେଙ୍ଗ୍ ଦାସ୍ତାନାଙ୍ଗା । ଲାଗିଂ ହିମ୍‌ଣାଂଖାକ୍‌ଡ଼ାଂତି ଆୟା ଆବାର୍‌ତି କାଜିଂ ରୁଣ୍ଡାୟ କିନାକା ଲଡ଼ା ଆକାୟ, ମତର୍ ହିମ୍‌ଣାଂଖାକ୍‌ଡ଼ାଂ କାଜିଂ ଆବାର୍ ଆୟାକ୍‌ତି ରୁଣ୍ଡାୟ କିନି ଲଡ଼ା । ୧୫ ଆରେ, ଆନ୍ ମି ଖାସ୍ତି କାଜିଂ ବେସିଖାରିତାଂ ଉପକାର୍ କିଦନାଙ୍ଗ୍, ଆଁ, ନା ଜିବୁନ୍ ପା ଉପକାର୍ କିନାଙ୍ଗ୍ । ଆନ୍ ମିଙ୍ଗେଙ୍ଗ୍ ଆଦିକ୍ ବେସି ବାବ୍ରେ ଜିଉନଦନାଙ୍ଗା ଇଞ୍ଜି ଇନାକା ଅଲପ୍ ଜିଉନନାକା ପାୟାନାଦେରା ?

୧୬ ମତର୍ ଇନେସ୍ ଆଏଡ଼, ଆନ୍ ନିଜେ ମିଙ୍ଗେଙ୍ଗ୍ ଖାଞ୍ଜି କିଦ୍‌ଞ୍ଜାତାଂନା, ମତର୍ ଚାଲାକି ଆଜି ଆନ୍ ମିଙ୍ଗେଙ୍ଗ୍ ଚାଡୁର୍‌ରେ ଆସ୍ତାତାଂ ! ୧୭ ଆନ୍ ମି ଲାଗାଂ ଇମ୍‌ଣାକାରିଂ ପକ୍‌ତାତାଙ୍ଗ୍‌ନା, ହେଞ୍ଜାର୍ ବିତ୍ରେତାଂ ଇମ୍‌ଣି ମାନାୟ ହୁକେ କି ମିଙ୍ଗ୍‌ତାଂ ଅଲପ୍ ଲାବ୍ କିତାଙ୍ଗ୍‌ନା ? ୧୮ ଆନ୍ ତିତସ୍‌ତି ହାନି କାଜିଂ ଗଞ୍ଜାରି କିଜି ମାନ୍‌ଚାଙ୍ଗ୍ ଆରେ ତା ଲାହାଙ୍ଗ୍ ହେ ଟଣ୍ଡେନିଂ ପକ୍‌ତିମାନ୍‌ଚାଙ୍ଗ୍ । ତିତସ୍ କି ମିତାଂ ଅଲପ୍ ଲାବ୍ କିତାଣ୍ଡା ? ଆସେଙ୍ଗ୍ ଇନାକା ର ମାନ୍ତ ଚିନ୍ତା କିଞ୍ଜାତାସ୍‌ନା ? ଆସେଙ୍ଗ୍ ଇନାକା ର ପାଦ୍ ତିନ୍‌ତ ହାଲୁଞ୍ଜାତାସ୍‌ନା ?

୧୯ ଇ ପାତେକ୍ ଏପେଙ୍ଗ୍ ଏଡୁ କିନାଦେରା ଜେ, ଆପେଂ ମି ଲାଗାଂ ଦସ୍ କାଟିକିନାପା । ଇସ୍‌ବର୍ ସାକ୍ତି କ୍ରିସ୍ଟି ହେବା କାରିୟା ଲାକେ ଆପେଂ କାତା ଇନାପା । ମାତର୍ ଏ ଖାରିନିକାଦେର୍, ସବୁ ବିସ୍ତେ ମି ରଡ଼ନି କାଜିଂ ଇଞ୍ଜନାପା । ୨୦ ଇନାକିଦେଂକି ଏଚେକାଡ଼ଦ୍ ଇତିସ୍ ଆନ୍ ଏକାଞ୍ଜାତିସ୍, ମିଙ୍ଗେଙ୍ଗ୍ ଇନେସ୍

☆ ୧୧:୩୭ ୧୧:୩୭ ପକ୍ୟାତାକା ୯:୨୩-୨୫.

ହୁଡ଼ଦେଂ ମାନ କିଦନାଙ୍ଗା, ହେ ଲାକେ ମିଙ୍ଗେଙ୍ଗ ହୁଡ଼ଦୁଂ, ଆରେ, ଏପେଙ୍ଗ ନାଙ୍ଗେଙ୍ଗ ଇନେସ୍ ହୁଡ଼ଦେଂ ମାନ କିଉଦେର୍, ହେ ଲାକେ ନାଙ୍ଗ ହୁଡ଼ଦାଟ୍, ଇଦାଂ କାଜିଂ ଆନ୍ ପାଣ୍ଡା ଆନାଙ୍ଗା; ଏତେକାଡ଼ଦ ଇତିସ୍ ଗଣ୍ଡଗଲ୍, କୁଟ୍, ରିସା, ବାଡ଼ପାଣିୟା, ଲକାର୍ନିୟା, କିଡୁଲ୍ଲତ ଇନ୍ଦା ଆନାକା, ମଲ୍ଲକାତା, ଗଣ୍ଡଗଲ୍ ଆନାଡ଼; ^{୨୧} ଏତେକାଡ଼ଦ ଆନ୍ ଆରେ ରଗ ଏକାଞ୍ଜାତିସ୍ ନା ଇସ୍ପର୍ ମି ବିସ୍ତେ ନାଙ୍ଗେଙ୍ଗ ଆରେ ରଗ ବାଟି କିଦନାନ୍, ଆରେ, ଇମ୍ଫାକାର୍ ଆଗେ ପାପ୍ କିତାଣ୍ଡା, ଆରେ ଜାର୍ ଜାର୍ କିତି ବିଟାଡ଼, ଦାରି ଆରି ଲାଡ଼ସା କାଜିଂ ମାନବାଦ୍ଲୟ କିଞ୍ଜାତାଣ୍ଡା, ଏପେଙ୍ଗ ହେନି ମାନାୟାର୍ କାଜିଂ ଆନ୍ ଆଡ଼ବାନାଙ୍ଗା ।

୧୩

ହାରିହାରା ଦାବା ଆରି ଜୁଞ୍ଜାର୍

^୧ ଇ ତିନ୍ ହର୍ “ଆନ୍ ମି ଲାଗାଂ ଖାନାଙ୍ଗା ସାସ୍ପର୍ ଇନେସ୍ ଇନାଡ଼ । ରିୟାର୍ କି ତିନ୍ଜାଣ୍ ସାକିରିଂ ମୁମ୍ଦ ଝିନ୍ଦୁ ଦାବା କାତା ତିର୍ କିୟାନାଡ଼ ।” ^୨ ଇମ୍ଫାକାର୍ ଆଗେ ପାପ୍ କିଜି ମାଗାର୍, ହେଞ୍ଜାରିଂ ଆରି ବାକି ଝିଜାରିଂ ଆନ୍ ଇନେସ୍ ଆଗେ ରିହା ଏକିସ୍ ମାନି ସମୁତ ଇଞ୍ଜି ମାଗାଙ୍ଗ, ନଙ୍ଗ ମାନ୍ଝିଙ୍ଗ ହେ ଲାକେ ଆଗେତାଂ ଇଞ୍ଜନାଙ୍ଗା ଜେ, ଜଦି ଆନ୍ ଆରେ ରଗ ହାନାଙ୍ଗ, ତା ଆତିସ୍ ହେଞ୍ଜାର୍ ତାଣ୍ଡତାଂ ପିହୁଙ୍ଗ; ^୩ ଲାଗିଂ ଇମ୍ଫା କ୍ରିସ୍ଟୁ ନା ତାକେ କାତା ଇଞ୍ଜନାନା, ଏପେଙ୍ଗ ତା ପାମାଣ୍ଡ ତେକ୍ନାଦେରା; ହେଞ୍ଜାନ୍ ମି କାଜିଂ ନାଦାର୍ ଆକାୟ୍, ମତର୍ ମି ବିତ୍ତେ ସାଲ୍ଲିକାଟାକାନ୍ ଆତାନ୍ନା । ^୪ ଇନାକିଦେଂକି ଆତିସ୍ପା ହେଞ୍ଜାନ୍ ନାଦାର୍ କାଜିଂ କୁସ୍ତ ଦୁମ୍ତାନ୍, ଆତିସ୍ପା ଇସ୍ତ ସାଲ୍ଲି କାଜିଂ ହେଞ୍ଜାନ୍ ଜିତାନ୍ନା । ଆସେଙ୍ଗ ପା ତା ତାକେ ନାଦାର୍, ମତର୍ ଇସ୍ତ ସାଲ୍ଲି କାଜିଂ ଆପ୍ ମି କାଜିଂ ତା ଲାହାଙ୍ଗ ଜିବୁନ୍ ଆନାସ୍ ।

^୫ ମି ପାତର୍ ତ ମାନାଦେର୍ କି ଆକାୟ୍, ହେ ବିସ୍ତେ ଜାର୍ ଜାର୍ତିଂ ପରିକ୍ୟା କିୟାଟ୍, ଜାର୍ ଜାର୍ତି ବିଟାର୍ କିୟାଟ୍ ନଲେ ଜିସୁ କ୍ରିସ୍ଟୁ ଜେ ମି ତାକେ ମାନାନ୍, ଇଦାଂ କି ଏପେଙ୍ଗ ଜାର୍ ଜାର୍ ବିସ୍ତେ ପୁନୁଦେର୍ ? ଜଦି ଇଦାଂ ଆଡ଼ଡ଼, ତା ଆତିସ୍ ଏପେଙ୍ଗ ପୁରା ବାବ୍ରେ ଆରା ଆତାଦେଣ୍ଡା । ^୬ ମତର୍ ଆନ୍ ବାସ୍ କିନାଙ୍ଗ, ଆସେଙ୍ଗ ଜେ ପରିକ୍ୟା ହାର୍, ଇଦାଂ ଏପେଙ୍ଗ ପୁନାଦେର୍ । ^୭ ମତର୍ ଏପେଙ୍ଗ ଇନେସ୍ ଇମ୍ଫାକାପା ବାନ୍ୟା କାମାୟ୍ କିମାଟ୍, ଇଦାଂ କାଜିଂ ଆପେଂ ଇସ୍ତ ଲାଗାଂ ପାର୍ତାନା କିନାପା; ଆସେଙ୍ଗ ଇନେସ୍ ପରିକ୍ୟାସିଦ୍ ଇଞ୍ଜି ଚଞ୍ଜୟା ଆନାସ୍, ଇଦାଂ କାଜିଂ ପାର୍ତାନା କିଉସା, ମତର୍ ପରିକ୍ୟାସିଦ୍ ଆଞ୍ଜି ଲାକେ ଚଞ୍ଜୟା ଆତିସ୍ ପା ଇନେସ୍ ଏପେଙ୍ଗ ହାର୍ଦି କାମାୟ୍ କିୟାଟ୍, ଇଦାଂ କାଜିଂ ପାର୍ତାନା କିନାପା । ^୮ ଇନାକିଦେଂକି ଆପେଂ ହାଡ଼ପା ବିସ୍ତେ ଇନାକା କିଦେଙ୍ଗ ଆଡୁପା, ମତର୍ ହାଡ଼ପା ବେରୁତ କିଦେଙ୍ଗ ଆଡ଼ନାପ୍ । ^୯ ଲାଗିଂ ଆପେଂ ଏତେକାଡ଼ଦ ନାଦାର୍ ଆରି ଏପେଙ୍ଗ ଆଟ୍ଞା, ହେ ପାଦନା ଆସେଙ୍ଗ ଖାରି କିନାସ୍; ଏପେଙ୍ଗ ଇନେସ୍ ହାର୍ ଆଡ଼, ଇଦାଂ ପା ଆପେଂ ପାର୍ତାନା କିନାସ୍ । ^{୧୦} ଇଦାଂ କାଜିଂ ମାନ୍ଝାଦାଂ ଆନ୍ ଇ ସବୁ ଲେକି କିନାଙ୍ଗା, ଇନେସ୍ ଏକିସ୍, ମାପୁ ନାଙ୍ଗେଙ୍ଗ ଇମ୍ଫା ଆଦିକାର୍ ବାଙ୍ଗାୟ୍ କିନି କାଜିଂ ହିଦ୍ଝାଦାଂ ଗାଡ଼ି କିନି କାଜିଂ ହିଡ଼ନ୍ନା, ହେ ଆଦିକାର୍ ଇସାବ୍ରେ ବେସି ବେବାର୍ କିଦେଙ୍ଗ ନାଙ୍ଗ ଆଡ଼ଡ଼ ।

^{୧୧} ହାରିହାରା, ଏ ଟଣ୍ଡାର୍, ଆରି ତଣ୍ଡଦେକ୍ ଖାରି କିୟାଟ୍, ହାର୍ଦାକା ଆଡ଼, ହାରି ଖାରିକିୟ୍ କିୟାଟ୍, ରମାନ୍ ଆଡ଼, ସୁସ୍ତାତ ବାହାକିୟାଟ୍, ଆରେ ଜିଉନନାକା ଆରି ସୁସ୍ତାନି ଇସ୍ପର୍ ମି ଲାହାଙ୍ଗ ମାନ୍ଗାନାନ୍ ।

^{୧୨} ପୁଇପୁୟାତ ତନ୍ଞି ହାରି ଜୁଞ୍ଜାର୍ କିୟାଟ୍ ।

ଝିଜାର୍ ସାଦୁର୍ ମିଙ୍ଗେଙ୍ଗ ଜୁଞ୍ଜାର୍ କିନ୍ନାରା ।

^{୧୩} ମାପୁ ଜିସୁ କ୍ରିସ୍ଟି ଉପ୍କାର୍, ଇସ୍ତ ଜିଉନନାକା ଆରି ପୁଇପୁୟା ଜିବୁନ୍ ମେହାଣ୍ ମି ଝିଜାର୍ ଲାହାଙ୍ଗ ଆସଡ଼ ।

ଗାଲାତିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ଗାଲାତିୟ ମଣ୍ଡଳି ଲାଗାଁ ପକ୍ୟାତି ପାଉଲ୍‌ତି ଆକି ଗାଲାତିୟ ପତି ବିସ୍ତେ ପାଦେକ୍

ଗାଲାତିୟ ଆକି ପକ୍ୟାତି ପାଉଲ୍‌ତି ହୁକେ ଲେକାତାତନା । ୧:୧ ଇ ଆକି ଗାଲାତିୟ ମଣ୍ଡଳିନି ପାତ୍ କିନାକାରିଂ ଜିସୁ କ୍ରିସ୍ତୁତି ଜଲମ୍ ୪୮ ତାଁ ୫୭ ବାହୁଁ ବିତ୍ରେ ଲେକାଜି ମାତାତ୍ ଗାଲାତିୟାର୍ ରମ୍ ଦେସ୍‌ନି ଗାତିୟାତ ବାହା କିଜି ମାତାର୍ । ପାଉଲ୍ ଇ ଆକି ଲେକିକିନି ଖେଡ଼ାଙ୍ଗ୍ ଇମେତାକେ ମାତାନ୍ ଇବେ ପଣ୍ଡିତାର ସମାନ୍ ହିଲୁର୍, ମାତର ଏପିସି କି କରନ୍ତିତ ଇ ରିବାହା ଆଜି ମାନ୍‌ଗାନାତ୍ ଇଞ୍ଜି ଇନାର୍ । ପାଉଲ୍ ଗାଲାତିୟ ମଣ୍ଡଳିନି ରିୟାର୍ ଜିହୁଦି ଆରି ପାତ୍ କିଞ୍ଜି ଜିହୁଦି କ୍ରିସ୍ତୁୟାନାତ୍ ନା ହିଜି ଆକି ଲେକିକିନାନ୍ । ହେଝାନ୍ ହାତ୍‌ପା ବାବ୍ରେ ମିର୍ ହିକ୍ୟାତିଂ ଲଡ଼ି କିନି କାଜିଂ ଲେକିକିଜି ମାତାନ୍, ହେଦାଁ କ୍ରିସ୍ତୁୟାନିଂ ପୁନି ନିୟମ୍‌ନି ଜିହୁଦି ବିଦିତିଂ ଚାଲାନାକା ଇନ୍‌ୟାନାତା, ହାତ୍‌ପା ରତେ ସୁନ୍‌ଡ଼ ବିଦି ବିସ୍ତେ । କ୍ରିସ୍ତୁୟାରିଂ ବିତ୍ରେ କେତେକ୍ ଦଲ୍ ମାତାର୍ ଇମ୍‌ଣାକାରିଂ ଜୁଡ଼ାୟ୍ ଜମ୍ ଇଞ୍ଜି ମାତାର୍ ହେଝାର୍ ପାତ୍ କିଞ୍ଜି ଜିହୁଦି କ୍ରିସ୍ତୁୟାରିଂ ସୁନ୍‌ଡ଼ ବିଦି ପାଲି କିଦେଙ୍ଗ୍ ଇଞ୍ଜି ମାତାର୍ । ହେଝାର୍ ପା ପାଉଲ୍‌ତି ପକ୍ୟାଜି ମାତି ଆଦିକାର୍ ବିସ୍ତେ ପରସନ୍ କିଜି ମାତାର୍ । ପାଉଲ୍ ଏଚେଗଟା କାତାଙ୍ଗ୍ ବିସ୍ତେ ତା ପକ୍ୟାଜି ମାତି ବିସ୍ତେ ଇଞ୍ଜି ହେଝାରିଂ ବନ୍ କିନାନ୍ ୧:୧୧୨:୧୪ ଆରି ଜିସୁ କ୍ରିସ୍ତୁଙ୍ଗ୍ ପାତ୍ କିନି କାସି ମୁକ୍‌ଡ଼ାନାକା ଇଦାଁ ବୁଜାୟ୍ କିଜି ନେକ୍ରିକାବୁର୍‌ତିଂ ରାକ୍ୟା କିତାର୍ ୨:୧୭ । ଇନାକା ଇସ୍‌ବର୍ ଦୟାତାଁ ଆଜି ମାନାତ୍ ମାନାୟ୍ ଇନାକା କିଜି ମାନାନ୍ ହେବେତାଁ ଆକାୟ୍ ।

ପତି ବିସ୍ତେନି ରାହାଣ୍

- ୧. ପାଉଲ୍‌ତି ବାନ୍ଦାୟ୍ ୧:୧-୫
- ୨. ପାଉଲ୍‌ତି ନଙ୍ଗିନି ଜିବୁନ୍, ତା ହିକ୍ୟା ହିନାକା ଆଦିକାର୍, ବିଦିନି କାମାୟ୍ ବିସ୍ତେ ୧:୨୨:୨୧
- ୩. ବିଦିନି କାମାୟ୍, ଆରି ଇସ୍‌ବର୍‌ତି ଦୟାତାଁ ମୁକ୍‌ଡ଼ାନି ବିସ୍ତେ ୩:୪
- ୪. ହାତ୍‌ପି କ୍ରିସ୍ତୁୟାନ୍ ଜିବୁନ୍ ଜିପ୍‌କା କାଜିଂ ଖେଡ଼ନାକା ୫:୧-୬:୧୦
- ୫. ପାଉଲ୍‌ତି ଇନାକା, ଆରି ଇସ୍‌ବର୍‌ତି ହୁକେ ଜିବୁନ୍ ମାନ୍‌ବାଦ୍‌ଲାନାକା ଲଡ଼ା । ୬:୧୧-୧୮

୧ ଆନ୍ ପକ୍ୟାତାକାନ୍ ଚେଲା ପାଉଲ୍, ମାନାୟ୍‌ତାଁ ଆକାୟ୍, କି ମାନାୟ୍ ହୁକେ ଆକାୟ୍, ମାତର ଜିସୁ କ୍ରିସ୍ତୁ ହୁକେ ଆରି ଇମ୍‌ଣି ଆବା ଇସ୍‌ବର୍ ତାଙ୍ଗେଙ୍ଗ୍ ହାତାକାର୍ ବିତ୍ରେତାଁ ନିକ୍‌ତାନ୍, ହେ ଜିସୁ କ୍ରିସ୍ତୁତାଁ ପାୟାତାନ୍ନା । ୨ ଆରେ ନା ଲାହାଙ୍ଗ୍ ମାନି ପାତ୍ କିନି ଟଣ୍ଡାର୍ ଆରି ତଣ୍ଡାଦେକ୍ ଝିଜାର୍ ଗାଲାତିଆ ମାନି ମଣ୍ଡଳିକାଁ ଜଞ୍ଜାର୍ ଜାଣାୟ୍ କିନାଙ୍ଗା ।

- ୩ ମା ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ତୁ ମିଙ୍ଗେଙ୍ଗ୍ ଉପକାର୍ ଆରି ସୁସ୍ତା ମି କାଜିଂ ଆୟେଡ଼ ।
- ୪ ହେଝାନ୍ ମା ଆବା ଇସ୍‌ବର୍ ଇତାତାଁ ଇ ପାପ୍‌ନି ସ୍‌ୟାର୍‌ତାଁ ମାଙ୍ଗେଙ୍ଗ୍ ଉଦାର୍ କିଦ୍‌ନି କାଜିଂ ମା ପାପ୍ କାଜିଂ ଜାର୍‌ତିଂ ହେଲାୟ୍ କିତାନ୍; ୫ ଜୁଗ୍ ଜୁଗ୍ ଇସ୍‌ବର୍‌ତି ଜାଜ୍‌ମାଲ୍ ଆୟେଡ଼ । ଆମେନ୍ ।

ରଞ୍ଜାଙ୍ଗ୍ ମାତର ନେକ୍ରିକାବୁର୍

୬ କ୍ରିସ୍ତୁତି ଉପକାର୍‌ତ ଇନେର୍ ମିଙ୍ଗ୍ କୁକ୍ତାତାନ୍, ଏଚେକ୍ ବେଗି ଏପେଙ୍ଗ୍ ତାଙ୍ଗ୍ ପିସ୍‌ସି ବିନ୍ ର ନେକ୍ରିକାବୁର୍ କାଜିଂ ଖାରିୟା ଆନାଦେରା, ଇବେ ଆନ୍ କାବା ଆନାଙ୍ଗା; ୭ ହାତ୍‌ପାତ “ବିନ୍ ଇମ୍‌ଣି ନେକ୍ରିକାବୁର୍” ଆକାୟ୍, ମାତର ଆନ୍ ଏଲେଙ୍ଗ୍ ଇଞ୍ଜିନାଙ୍ଗା, ଇନେକିଦେଂକି କେତେକ୍ କ୍ରିସ୍ତୁତି ନେକ୍ରିକାବୁର୍ ବିନ୍ ବାଦ୍‌ଲାୟ୍ କିଜି ସେସ୍ତା କିନାରା ମିଙ୍ଗେଙ୍ଗ୍ ଇଣ୍ଡିଙ୍ଗ୍ ହାଣ୍ଡିଙ୍ଗ୍ କିଦେଙ୍ଗ୍ ସେସ୍ତା କିନାରା । ୮ ମାତର ଇମ୍‌ଣି ନେକ୍ରିକାବୁର୍ ଆପେଂ ମି ଲାଗାଁ ପରଚାର୍ କିଜି ମାତାପ୍, ଜଦି ହେଦାଁ ତାଁ ବିନ୍ ର ନେକ୍ରିକାବୁର୍ ଆପେଂ ଜାର୍ ନଲେ ସାଗେଁ ଦୁଡ଼ ପରଚାର୍ କିନାତ୍, ଲାଗିଂ ହେଦେଲ୍ ତାଆତିସ୍ ହେଝାନ୍ ରାଣ୍ ପାୟା ଆଏଡ଼ । ୯ ଇନେସ୍ ଆପ୍ ପୁର୍ବେତାଁ ଇଞ୍ଜାପ୍‌ନା, ହେ ଲାକେ ଆନ୍ ନଙ୍ଗ୍ ଆରେ ରଗ ଇଞ୍ଜିନାଙ୍ଗା, ଇମ୍‌ଣି ନେକ୍ରିକାବୁର୍ ଏପେଙ୍ଗ୍ ଇଡ଼ଜି ମାତାଦେର୍, ଇଦାଁ ବିନ୍ ଜଦି ଇମ୍‌ଣି ଲଗୁ ବିନ୍ ନେକ୍ରିକାବୁର୍ ମି ଲାଗାୟ୍ ପରଚାର୍ କିନାନ୍, ଖାଟିଙ୍ଗ୍ ହେଝାନ୍ ରାଣ୍ ପାୟା ଆଏଡ଼ ।

୧୦ ଇଦାଁ ଖେନ୍‌ଞ୍ଜି ଏପେଙ୍ଗ୍ ଇନାକା ମାନେ କିନାଦେରା ଜେ ଆନ୍ ମାନାୟ୍‌ରତି ରାଜି ଲାବ୍ କିନି କାଜିଂ ସେସ୍ତା କିନାଙ୍ଗା ? ଆକାୟ୍ ମୁଲେ ଆକାୟ୍ । ଆନ୍ ଇଚା କିତିସ୍ କେବଲ୍ ଇସ୍‌ବର୍‌ତି ରାଜି । ଆନ୍ ଇନାକା ମାନାୟ୍‌ର ଖାରି ଆନି କାଜିଂ ଇଚା କିନାଙ୍ଗା ? ଆନ୍ ଜଦି ଇ ପାତେକ୍ ମାନାୟ୍‌ର ଖାରି ଆପେଂ ସେସ୍ତା କିଜି ମାନାର୍, ଲାଗିଂ ଆନ୍ କ୍ରିସ୍ତୁତି ଆଡ଼ିୟା ଆଜି ମାନ୍‌ଗୁନ୍ ।

ପାଉଲ୍ ଇନେସ୍ ପକ୍ୟାତି ଚେଲା ଆତାନ୍

୧୧ ଇନାକିଦେଂକି, ଏ ଟଣ୍ଡାର ଆରି ତଣ୍ଡେକ୍, ଇମ୍ଫଣି ନେକ୍ରିକାବୁର୍ ନା ହୁଦାଂ ପରଟାର ଆତାଡ଼ନ୍ନା, ହେ ବିସ୍ତେ ମିଙ୍ଗ୍ ଝେଟ୍ଟଚାନାଙ୍ଗା ଜେ, ହେଦାଂ ମାନାୟାର୍ତି ଝେୟତାଂ ଆକାୟ୍; ୧୨ ଆନ୍ ଇମ୍ଫଣି ହେ ମାନାୟତାଂ ହେଦାଂ ଗାଟା ଆଖାତାଂନା କି ଇନେର୍ ନାଙ୍ଗେଙ୍ଗ୍ ହିକ୍ୟା ହିଦ୍ଝାତାଂନ୍ନା, ମତର୍ ଜିସୁ କ୍ରିସ୍ତୁତି ହୁଦାଂ ଗାଟାତାଂନ୍ନା ।

୧୩ ଜିହୁଦି ଦରମ୍ କାଜିଂ ପାତର୍ କିଜି ମାନି ସମୁତ ଆନ୍ ଇନେସ୍ ଆଟାର ବେବାର୍ କିଜି ମାଟାଙ୍ଗ୍, ଇନେସ୍ ମାନ୍ ଦିୟାନ୍ ବାରେ ଇସ୍ପୁର୍ତି ପାଟାନ୍ନା କିନି ମଣ୍ଡଲିତିଂ ନିୟା କିଜି ମାଟାଙ୍ଗ୍ ଆରି ହେଦାଂ ନାସ୍ କିଦେଙ୍ଗ୍ ସେସ୍ଟୁ କିଜି ମାଟାଙ୍ଗ୍, ଇ ସବୁ ବିସ୍ତେ ମିଙ୍ଗେଙ୍ଗ୍ ଝେଟ୍ଟୟାତାଡ଼ନା ୧୪ ଜିହୁଦି ଦରମ୍ ମାନିକିନାକା ସମାନଝେଡ଼ାଂ ଜିହୁଦିର୍ ବିତ୍ରେ ଆନ୍ ଆଗେ ମାଟାଙ୍ଗ୍ ଆରି ମା, ଆବାଲାତ୍ରାତି ଆଦିକ୍ ରିତିନିତି କାଜିଂ ବେସି ତାଟ୍ ମାଟାଙ୍ଗ୍ ।

୧୫ ମତର୍ ଇସ୍ପୁର୍ ତା ଉପକାର୍ତ ନା ଜଲମ୍ ଆଗେତାଂ ନାଂ ବାତିକିଜି ମାନଚାନ୍ ଆରି ତା ହେବା କିନି କାଜିଂ ନାଙ୍ଗ୍ କୁକ୍ତି ମାନଚାନ୍ । ୧୬ ଆରେ ପାତର୍ କିଝି ଜିହୁଦିର୍ ଲାଗାଂ ନେକ୍ରିକାବୁର୍ ପରଟାର କିନି କାଜିଂ ଏଚେକାଡ଼ଦ ନା ଲାଗାଂ ହେଖାନ୍ ତା ମାଜିଂ ହପ୍ତାନ୍, ଇ ବିସ୍ତେ ବୁଜାୟ୍ କିନି କାଜିଂ ଆନ୍ ବିନ୍ ମାନାୟ୍ ଲାଗାଂ ହାଲ୍ଝାଦାଂ ମାଟାଙ୍ଗ୍ । ୧୭ ଇ ଲାକେ କି ନା ଆଗେତାଂ ଇମ୍ଫଣାକାର୍ ପକ୍ୟାତାକାନ୍ ଚେଲା ଆଜି ମାଟାନ୍ ହେଖାର୍ ଲାହାଂ ପା ବେଟ୍ ଆଦେଂ ଜିରୁସାଲମ୍ତ ହାଲ୍ଝାଦାଂ ମାଟାଙ୍ଗ୍ । ଇତିସ୍ ଆନ୍ ସାଙ୍ଗେ ସାଙ୍ଗେ ଆରର୍ ଦେସ୍ତ ହାଲ୍ଝାଜି ମାଟାଙ୍ଗ୍ ଆରି ତା ପାଚେ ଦମ୍ଲେସକ୍ତ ମାସ୍ଦିଝାତାଂ । ୧୮ ତା ପାଚେ ତିନି ବାହୁଁ ହାତିପାଚେ ଆନ୍ ପିତର୍ ଲାହାଙ୍ଗ୍ ବେଟ୍ ଆନି କାଜିଂ ଜିରୁସାଲମ୍ତ ହାଟାଙ୍ଗ୍ ଆରି ତା ଲାହାଙ୍ଗ୍ ପନ୍ଦର ଦିନ୍ ମାଟାଙ୍ଗ୍ । ୧୯ ମାତର୍ ମାପୁତି ଟଣ୍ଡେନ୍ ଜାକୁବ୍ତିଂ ପିସ୍ତୁ ଆନ୍ ବିନ୍ ଇମ୍ଫଣି ପକ୍ୟାତାକାନ୍ ଚେଲା ଲାହାଂ ବେଟା ଆଖାଦାଂ ମାଟାଙ୍ଗ୍ ।

୨୦ ଆନ୍ ଇନାକା ଲେକିକିନାଙ୍ଗା, ହେଦାଂ ହାଡ଼ପା; ଇସ୍ପୁର୍ ପୁନାନ୍, ଆନ୍ ମିର୍ ଇନୁଙ୍ଗା ।

୨୧ ଇଦାଂ ପାଚେ ଆନ୍ ସିରିୟା ଆରି କିଲିକିୟାନି ବେସି ବାହାତ ହାଲ୍ଝାଜି ମାଟାଙ୍ଗ୍ । ୨୨ ହେ ସମୁତ ଜିହୁଦା ଦେସ୍ ମାନି କ୍ରିସ୍ଟିୟାନ୍ ମଣ୍ଡଲିନି ପାତର୍ କିନାକାର୍ ନାଙ୍ଗ୍ ଜାର୍ତି ବିସ୍ତେ ପୁନ୍ଝାଦାଂ ମାଟାଟ୍; ୨୩ ନା ବିସ୍ତେ ବିନ୍ନିକାର୍ ଇନାକା ଇଞ୍ଜି ମାଟାଟ୍, ହେଖାର୍ କେବଲ୍ ହେ ଏଚେକ୍ ପୁନ୍ଝି ମାଟାଟ୍, “ବିନ୍ନିକାର୍ତାଂ ହେଖାର୍ ଝେନ୍ଝି ମାଟାଟ୍, ଇମ୍ଫଣି ମାନାୟ୍ ମାଂ ଇଣ୍ କିଜି ମାଆନ୍, ଆରି ମେହାଜି ଦରମ୍ତିଂ ନାସ୍ କିଦେଙ୍ଗ୍ ସେସ୍ଟୁ କିଜି ମାଟାନ୍, ନଙ୍ଗ୍ ହେଖାନ୍ ହେ ଇମ୍ଫଣି ପାତର୍ ନେକ୍ରିକାବୁର୍ ପରଟାର୍ କିନାନା ।” ୨୪ ଆରେ ହେଖାର୍ ନା କାଜିଂ ଇସ୍ପୁର୍ତିଂ ଜାଜ୍ମାଲ୍ କିଜି କେର୍ଜି ମାଟାଟ୍ ।

୨

ପାଉଲ୍ ଆରି ବିନ୍ ପକ୍ୟାତି ଚେଲାଟ୍

୧୬ ତା ପାଚେ ଚଉଦ ବାହୁଁ ହାତିପାଚେ, ଆନ୍ ବର୍ଣ୍ଣବା ଲାହାଙ୍ଗ୍ ଆରେ ଜିରୁସାଲମ୍ତ ହାଟାଙ୍ଗ୍, ତିତସ୍ତିଂ ପା ହାଙ୍ଗ୍ଦାଂ ଅଜି ହାଲ୍ଝାଜି ମାଟାପ୍ । ୨ ହେବେ ହାନାକା ମାନାଡ଼ ଇଞ୍ଜି ଇସ୍ପୁର୍ତାଂ ବିନ୍ଦେସ୍ତ ପାୟାଜି ହାଲ୍ଝାଜି ମାଟାପ୍ । ପାତର୍ କିଝି ଜିହୁଦିର୍ ଲାଗାଂ ଆନ୍ ଇମ୍ଫଣି ନେକ୍ରିକାବୁର୍ ସୁଣାୟ୍ କିଜି ମାନାଙ୍ଗ୍, ଜିରୁସାଲମ୍ନି ନେତାରିଂ ର ଇଞ୍ଜିନି ସବାତ ହେଦାଂ ବୁଜାୟ୍ କିଜି ମାଟାଙ୍ଗ୍ । ଆଗେନିକା ନଲେ ନଙ୍ଗନିକା ସମୁନି କାମାୟ୍ ଇନେସ୍ ପଲ୍ୟା ଆଉଡ଼ ହେଦାଂ କାଜିଂ ହୁଡ଼ଜି ମାଟାଙ୍ଗ୍ । ୩ ମାତର୍ ନା ହାଙ୍ଗ୍ଦି ତିତସ୍, ରଝାନ୍ ଗ୍ରିକ୍ ଲଗୁ ଆଜି ମାଟିସ୍ପା, ହେଖାନ୍ ସୁନ୍ନଡ଼ ଆନି କାଜିଂ ଜବର୍ଦସ୍ତ୍ରିତ କିଝାଦାଂ ମାଟାଟ୍; ୪ ଆଡିସ୍ପା କେଡ଼ଜାଣ୍ ମାନାୟ୍ ହେଖାନ୍ ସୁନ୍ନଡ଼ କିଦେଙ୍ଗ୍ ଇଟା କିଜି ମାଟାଟ୍ । ହେଖାର୍ ପାତର୍ କିନାକାର୍ ଟଣ୍ଡେନ୍ ଇଞ୍ଜି ଚାଲାକି କିଜି ଡ଼କ୍ତୁତି ଚରେନ୍ ଲାକେ ଦାଡ଼ଦ ଏକିସ୍ ମାଟାନ୍ । କ୍ରିସ୍ଟୁ ଜିସୁ ଲାହାଂ ମେହାନାକା ହୁକେ ଆପେଂ ଇମ୍ଫଣି ଜାର୍ତାରେନ୍ ଲାବ୍ କିନାପା, ତାଦାଂ ଡେକ୍ନାକା ହେଖାଟି ଉଦେସ୍ ମାଟାଟ୍, ମାଙ୍ଗେଙ୍ଗ୍ ଆରେରଗ ବିଦିନି ଆଡିଏନ୍ ଆଦେଂ ହେଖାର୍ ଇଟା କିଜି ମାଟାଟ୍ । ୫ ମାତର୍ ମି କାଜିଂ ନେକ୍ରିକାବୁର୍ ହାଡ଼ପାତିଂ ଚାଲା ଆଜି ମାନି କାଜିଂ ଆସେଙ୍ଗ୍ ହେ ପରଟାର୍ କିନାକାରିଂ ଚାନେକ୍ ମତର୍ ପାବ୍ ହିଝାଦାଂ ମାଟାଟ୍ ।

୬ ମାତର୍ ଇମ୍ଫଣାକାର୍ ନେତା ଇଞ୍ଜି ତାକ୍ପୁଟା ଆଜି ମାଟାଟ୍, ହେଖାର୍ ଜେ ଇନେର୍ ଆନାର୍, ହେବେ ନାଦାଂ ଇନାକା ହାଲେଡ଼ କି ହାଲ୍ମେଡ଼; ଇନେକିଦେଂକି ବାର୍ତି ବେବାର୍ ହୁଡ଼ଜି ଇସ୍ପୁର୍ ଇନେର୍ ବିଟାର୍ କିଉନ୍, ହେ ନେତାର୍ ନାଙ୍ଗ୍ ଇମ୍ଫଣାକା ପା ପୁନି ହିକ୍ୟା ହିଦ୍ଝାଦାଂ ମାନଚାଟ୍ । ୭ ଇତିସ୍ ବିନ୍ ପାକ୍ୟାତ, ଏଚେକାଡ଼ଦ ହେଖାର୍ ହୁଡ଼ଜି ମାଟାଟ୍ ଜେ, ପିତର୍ତିଂ ଇନେସ୍ ସୁନ୍ନଡ଼ ପାୟାତି ମାନାୟାର୍ ବିତ୍ରେ, ନାଙ୍ଗ୍ ହେ ଲାକେ ସୁନ୍ନଡ଼ ପାୟାଡ଼ିତି ବିତ୍ରେ ନେକ୍ରିକାବୁର୍ ପଟାର୍ କିନି ବଜ୍ ହେଲାୟ୍ କିତାଣ୍ଟା, ୮ ଇନାକିଦେଂକି

☆ ୧:୧୪ ୧:୧୪ ପକ୍ୟାତାକା ୨୨:୩। ☆ ୧:୧୫ ୧:୧୫ ପକ୍ୟାତାକା ୯:୩-୬; ୨୨:୬-୧୦; ୨୬:୧୩-୧୮। ☆ ୧:୧୮ ୧:୧୮ ପକ୍ୟାତାକା ୯:୨୬-୩୦। ☆ ୨:୧ ୨:୧ ପକ୍ୟାତାକା ୧୧:୩୦; ୧୫:୨।

ସୁନ୍ଦର ପିତର ଇନେସ୍ ଇସ୍ପରତି ସାକ୍ତି ହୁଦାଂ ଜିହୁଦିର୍ କାଜିଂ ପକ୍ୟାତି ଚେଲା ଲାକେ ବାଟିକିୟାଜି ମାତାନ, ଆନ୍ ପା ସମାନ୍ ହେ ଲାକେ ଇସ୍ପରତି ସାକ୍ତି ହୁକେ ପାତର୍ କିଝି ଜିହୁଦିର୍ କାଜିଂ ପକ୍ୟାତି ଚେଲା ଲାକେ ବାଟିକିୟାତାଂ । ୯୮ ମୁଣ୍ଡା ଲାକେ ବାଟିକିୟାତି ଜାକୁର୍, ପିତର ଆରି ଜହନ୍ ମାନିକିଜି ମାତାର୍ ଜେ, ଇସ୍ପର ନାଙ୍ଗ୍ ଇ ବିସ୍ତେ ଦୟା କାମାୟ୍ନି ବନ୍ ହିତ୍ତାନନା । ଲାଗିଂ ହେଝାର୍ ନାଙ୍ଗ୍ ଆରି ବର୍ଣ୍ଣବ୍ବା ହାଙ୍ଗ୍ଦାକାନ୍ ଲାକେ ଝାରିତାଂ ଇଟ୍ୟାଜି ମାତାନ୍ । ବର୍ଣ୍ଣବ୍ବା ଆରି ଆନ୍ ପାତର୍ କିଝି ଜିହୁଦିର୍ ବିତ୍ରେ କାମାୟ୍ କିନାପ୍ ଆରି ହେଝାର୍ ସୁନ୍ଦର ବିତ୍ରେ କାମାୟ୍ କିନାପ୍ ଇଞ୍ଜି ରମାନ୍ କିଜି ମାତାପ୍ । ୯୯ ହେଝାର୍ କେବଲ୍ ଏଚେକ୍ ଗଝାରି କିଜି ମାତାନ୍ ଜେ, ଆପେଂ ହେଝାରିଂ ଦଲ୍ଦ ମାନି ହିଲାକାରିଂ ଏଡ୍ କିନାସ୍, ହେ ବିସ୍ତେ କାଜିଂ ନେ ନା ଇଟା ମାତାତ୍ ।

ଆନ୍ତିୟକିଆତ ପିତରଂ ପାଉଲ୍ତି ଗଡ୍

୧୦ ମାତର ପିତର ଆନ୍ତିୟକିଆତ ଝାଜି ମାନିହିଂ ଆନ୍, ହେପାଦନା ଆନ୍ ମୁମ୍ ଜପି ହେଝାନିଂ କେଡ୍ତାଂ, ଇନାକିଦେଂକି ହେଝାନ୍ ଦସି କାମାୟ୍ କିଜି ମାତାନ୍ । ୧୧ ଜାକୁର୍ ହୁକେ ପକ୍ୟାତି କେଡ୍ଜାଣ୍ ମାନାୟ୍ ହେବେ ଝାନି ପୁର୍ବେ, ପିତର ପାତର୍ କିଝି ଜିହୁଦିର୍ ଟଣ୍ଡାର୍ ଆରି ତଣ୍ଡେକ୍ ଲାହାଂ ଚିନ୍ତ୍ଜି ମାତାନ୍, ମାତର ପାଣ୍ଡାତାର୍ । ହେଝାର୍ ଲାହାଂ ହେଝାନ୍ ଆରେ ତିନ୍ତ୍ତାତାନ୍, ଇନେକିଦେଂକି ପାତର୍ କିଝି ଜିହୁଦିର୍ ସୁନ୍ଦର ଆଦେଂ ଲଡା ଇଞ୍ଜି ଇମ୍ପାକାର୍ ଇଞ୍ଜି ମାତାର୍, ହେଝାନ୍ ହେଝାରିଂ ପାଣ୍ଡାଜି ମାତାନ୍ । ୧୨ ବିନ୍ ଜିହୁଦି ଟଣ୍ଡାର୍ ପିତରତି ଲାହାଂ ଏକିସ୍ କାପ୍ଟିୟା ଲାକେ ବେବାର୍ କିଜି ମାତାର୍, ଏଲେଙ୍ଗ୍ ଲାକେ କି ବର୍ଣ୍ଣବ୍ବା ପା ହେଝାର୍ କୁଟ୍ ଆର୍ଡାନ୍ ୧୩ ମାତର ଏଚେକାଡ୍ଦ୍ ଆନ୍ ହୁଡ୍ତାଂ ଜେ, ନେକ୍ରିକାବୁର୍ନି ହାଡ୍ପା ଇସାପ୍ରେ ହେଝାର୍ ହୁଦାର୍ ବେବାର୍ କିଉରା, ଆନ୍ ହେଝାର୍ ମୁମ୍ଦ ପିତରତିଂ ଇଞ୍ଜି ମାତାଙ୍ଗ୍, “ଜଦି ଏନ୍ ଜିହୁଦି ଆଜି ପାତର୍ କିଝି ଜିହୁଦିର୍ ଲାକେ ଜିବୁନ୍ ଜିଉଣା କିନାଦେରା, ଝାଟିଙ୍ଗ୍ ଏପେଙ୍ଗ୍ ଇନେସ୍ ପାତର୍ କିଝି ଜିହୁଦିର୍ ଲାକେ ଚିନ୍ତା କିଦେଙ୍ଗ୍ କାଜିଂ ବଲ୍କାର୍ କିନାଦେରା ?”

ପାତର୍ ହୁଦାଂ ମୁକ୍ତାନାକା

୧୪ ହାଡ୍ପା ଆପେଂ ଜଲମ୍ତାଂ ଜିହୁଦି, “ଆତିସ୍ପା ପାପିର୍ ପାତର୍ କିଝି ଜିହୁଦିର୍” ଆକାୟ୍, ୧୫ ଆତିସ୍ପା ଆସେଙ୍ଗ୍ ପୁନାସ୍, ବିଦିନି ଗଡ୍ କିନାକା ସବୁ ପାତର୍ କିନି କାଜିଂ ଆକାୟ୍, ମାତର କେବଲ୍ ଜିସୁ କ୍ରିସ୍ତତାକେ ପାତର୍ କିନି ହୁଦାଂ ରଝାନ୍ ଇସ୍ପର କାଣ୍ଡକାଂ ଦାମ୍ ଇଞ୍ଜି ଇନ୍ୟାନାନ୍ ଆସେଙ୍ଗ୍ ଆରେ ବିଦି ଜପି ବେବାର୍ କିଝାଦାଂ ଜିସୁ କ୍ରିସ୍ତତି ତାକେ ପାତର୍ କିନାସା, ଇନେକିଦେଂକି କେବଲ୍ ବିଦି ପାଲି କିନି ହୁଦାଂ ମାନାୟ୍ ଇସ୍ପର ମୁମ୍ଦ ଦାମ୍ ଗାଣାକିୟାଦେଂ ଆଡୁନ୍ । ୧୬ ମାତର କ୍ରିସ୍ତତି ହୁଦାଂ ମେହାଜି ଇସ୍ପର କାଣ୍ଡକାଂ ଦାମ୍ ଆନି କାଜିଂ ସେସ୍ଟା କିନିଝେଡ୍ତାଂ, ଜଦି ଆସେଙ୍ଗ୍ ପା ପାତର୍ କିଝି ଜିହୁଦିର୍ ଲାକେ “ପାପି” ଆଜି ମାନାସା, ଇଦାଂ କାଜିଂ କ୍ରିସ୍ତ ଦାକ୍ ? ଆକାୟ୍, ଇଦାଂ ଇନାଝାଡାଙ୍ଗ୍ ଆକାୟ୍ । ୧୭ ଇନାକିଦେଂକି ଇମ୍ପାଣି ବିଦିନି ଗାଟ୍ଟାକା ଆନ୍ ନାଟ୍ଟନାଙ୍ଗା ହେଦାଂ ଆରେ ରଟ୍ଟନାଙ୍ଗା ହାଟିସ୍ ଆନ୍ ଅପାରାଦି ଆନାଙ୍ଗା । ୧୮ ବିଦି କାଜିଂ ଆନ୍ ବାତର୍ ହାକି ହେ ବିଦି ହୁକେ ନେ ଆନ୍ ହାତାଙ୍ଗ୍ନା ମାତର ଆନ୍ ନଙ୍ଗ୍ ଇସ୍ପର କାଜିଂ ଜିବୁନ୍ । କ୍ରିସ୍ତ ଲାହାଂ ତା କୁସ୍ତ ଜପି ଆନ୍ ପା ହାତାଙ୍ଗ୍ନା । ୧୯ ଲାଗିଂ ନଙ୍ଗ୍ ହାଡ୍ପାତ ଆନ୍ ଆରେ ଜିବୁନ୍ ଆକାୟ୍, ନା ତାକେ କ୍ରିସ୍ତନେ ଜିବୁନ୍ । ଆନ୍ ଗାଗାଡ୍ତ ମାନ୍ତ୍ଜି ନଂ ଇମ୍ପାଣି ଜିବୁନ୍ ଜିଉଣା କିନାଙ୍ଗା ହେଦାଂ କେବଲ୍ ଇସ୍ପରତି ମାଜିଡ୍ ଜପି ନା ପାତର୍ ହୁକେ ଆତାଡ୍ନା ଇନେର୍ ନାଙ୍ଗେଙ୍ଗ୍ ଜିଉନଜି ନା କାଜିଂ ତା ଜିବୁନ୍ ଦାନ୍ କିତାନ୍ନା । ୨୦ ଇଦାଂ କାଜିଂ ଇସ୍ପରତି ଉପକାର୍ତି ଆନ୍ ଇନାଝେଡ୍ତାଂ ପା ପଲ୍ୟା କିଦେଙ୍ଗ୍ ଆଡୁଙ୍ଗ୍ । ଇନାକିଦେଂକି କେବଲ୍ ବିଦି ହୁଦାଂ ଜଦି ରଝାନ୍ ଇସ୍ପର କାଣ୍ଡକାଂ ଦାମ୍ ଆଦେଂ ଆଡ୍ନାନ୍, ଲାଗିଂ କ୍ରିସ୍ତତି ହାନାକା ମୁଲ୍ହିଲାକା ଇଞ୍ଜି ଇଞ୍ଜେଙ୍ଗ୍ ଆନାତ୍ ।

୩

ବିଦି ନଲେ ପାତର୍

୧ ଏ ବୁଜାଝି ଗାଲାତିୟାର୍ ! ଇନେର୍ ମି ଜପି ଗାଜାକିଡ୍ତାନ୍ ? ମି କାଣ୍ଡକା ମୁମ୍ଦ ତ କୁସ୍ତ ହାତି ଜିସୁ କ୍ରିସ୍ତତି ବାନା ରୟାଜି ମାତାତ୍ । ୨ ର କାତା ନାଙ୍ଗ୍ ଇଞ୍ଜା, ବିଦି ପାଲି କିନି କାଜିଂ ଏପେଙ୍ଗ୍ ପୁଇପୁୟା ଜିବୁନ୍ତିଂ ପାୟାତାୟ୍ନା, ଆକାୟ୍ ନେକ୍ରିକାବୁର୍ ଝେନ୍ତ୍ଜି ହେବେ ପାତର୍ କିନି ହୁକେ ? ୩ ଏପେଙ୍ଗ୍ ଇନାକା ଅବୁଜାକାଦେର୍ ଆନାଦେରା ଇନେସ୍ ? ମାପୁଡି ସାକ୍ତିତ ଇମ୍ପାଣି ଜିବୁନ୍ତ ହାଙ୍ଗ୍ତାଦେର୍ଣ୍ଣା, ନିଜ୍ ସାକ୍ତିତାଂ ଇନାକା ହେଦେଲିଂ ଗାଗାଡ୍ତ ବାତର୍ କିଦେଙ୍ଗ୍ ଇଟା କିନାଦେରା ? ୪ ଇଦାଂ କାଜିଂ ମି ଝିଜୁ ବାବ୍ନା ଇନାକା, ମଲ୍ ହିଲାକା ହେବେଣ୍ଣାଂ ଇନାକା ହିକ୍ୟା କିଝାତାୟ୍ନା ? ୫ ଏପେଙ୍ଗ୍ କେବଲ୍ ବିଦିତ ପାତର୍

କିଛିମାଟିଲେ ଇନାକା ଇସ୍‌ସର ମିଙ୍ଗେଙ୍ଗ ହେୱାନ୍ତି ଜିବୁନ୍ ହିଦ୍‌ନାନ୍ ଆରି ମି ବିତ୍ରେ ସାଲ୍ଲିନି କାମାୟ୍ ସବୁ କିଦେଙ୍ଗ ଆଡ୍‌ନାର୍, ଆକାୟ୍, ଏପେଙ୍ଗ ନେକ୍ରିକାରୁର୍ ଝେନ୍‌ଞ୍ଜି ହେବେ ପାତର୍ କିନାଦେରା ଇଞ୍ଜି ?

୭୬ ଅବ୍ରାହାମ୍ କାତା ଏତୁ କିୟାର୍ । ସାସ୍‌ସୁର୍ତ ଲେକାମାନାଡ୍ “ହେୱାନ୍ ଇସ୍‌ସରତା° ପାତର୍ କିତାନ୍ ଆରି ହେୱାନ୍ତି ପାତର୍ କାଜି° ଇସ୍‌ସର ତାଙ୍ଗ ଦାମର୍ ଲାକେ ମାନିକିତାନ୍ । ୭୭ ଇଦା° ଏପେଙ୍ଗ ପୁନ୍‌ଞ୍ଜି ମାନାଟ୍, ଇମ୍‌ଶାକାର୍ ପାତର୍ କିଦେଙ୍ଗ ରାଜି, ହେୱାର୍ ଅବ୍ରାହାମ୍‌ତି ହାଡ୍‌ପା ଲାତ୍ରା ଇଦା° ମିଙ୍ଗେଙ୍ଗ ବେବାର୍ କିଦେଙ୍ଗ ଆନାଡ୍ । ୮ ଆଗେତା° ଦରମ୍ ସାସ୍‌ସୁର୍ତ ଲେକାତାଡ୍‌ନା, ପାତର୍ ହୁଦା° ଇସ୍‌ସର ପାତର୍ କିଞ୍ଜି ଜିହୁଦିରିଙ୍ଗ ପା ଦାମର୍ ଇଞ୍ଜି ବାଟି କିନାନ୍ । ଅବ୍ରାହାମ୍ ଲାଗା° ଇ ବେରଣ୍ ପର୍ତ୍ତୁମ୍ ସୁଣାୟ୍ କିୟାଜି ମାତାଡ୍, ମି ହୁକେ ଇସ୍‌ସର ପୁତର୍ ନି ଝିଜାର୍ ଜାତିତି° ଆସିର୍ବାଦ୍ କିନାନ୍ ।” ୯୯ ଅବ୍ରାହାମ୍ ପାତର୍ କିଜି ଆସିର୍ବାଦ୍ ପାୟାଜି ମାତାଟ୍ ଲାଗି° ଇମ୍‌ଶାକାର୍ ପାତର୍ କିନାଟ୍, ହେୱାର୍ ଅବ୍ରାହାମ୍‌ତି ଲାକେ ଆସିର୍ବାଦ୍ ଗାଟା ଆନାଟ୍ ।

୧୦ ଇମ୍‌ଶାକାର୍ ବିଦି ପାଲି କିନି ଜପି ବାସର୍ କିତାର୍, ହେୱାର୍ ସାଇପ୍‌ନିକାର୍ ବିତ୍ରେ ଜିବୁନ୍ ଜିପ୍‌କା କିତାର୍ । ଇନେକିଦେ°କି ଦରମ୍ ସାସ୍‌ସୁର୍ତ ଲେକାମାନାଡ୍, “ମସାତି ବିଦି ପତିତ ଇନାକା ସବୁ ଲେକା ଆତାଡ୍‌ନା, ଜଦି ଇନେର୍ ପୁରାବାବେ ହେଦା° ପାଲି କିତନ୍, ହେୱାନ୍ ଇସ୍‌ସରତି ସାଇପ୍ ପାୟା ଆନାଦେର୍ ।” ୧୧ ମସାତି ବିଦି ହୁଦା° ଇନେର୍ ଜେ ଇସ୍‌ସର୍ ମୁମ୍‌ଦ ଦାମର୍ ଗାଣାକିୟାତନ୍, ଇଦା° ତ ହାଟ୍‌କିଜି, “ଇନାକିଦେ°କି ଦାମର୍ ଲଗୁ ପାତର୍ ହୁଦା° ଜିନାନ୍ ।” ୧୨ ମାତର୍ ବିଦି ଲାହା° ପାତର୍ ନି ଇନାକାପା ମେହାଣ୍ ଆକାୟ୍ । ଦରମ୍ ସାସ୍‌ସୁର୍ତ ଲେକାତାଡ୍‌ନା, “ଇମ୍‌ଶି ମାନାୟ୍ ବିଦିନି ଦାବି ଲାହା° କାମାୟ୍ କିନାନ୍ ହେୱାନ୍ ଜିନାନ୍ ।”

୧୩ ମତର୍ କ୍ରିସ୍ଟୁ ମା କାଜି° ସାଇପ୍ ପାୟାଜି ବିଦିତ ଲେକାତି ରାଣ୍‌ତା° ମାଙ୍ଗେଙ୍ଗ ମୁକ୍‌ଡାୟ୍ କିଡ୍‌ତାନ୍‌ନା । ଦରମ୍ ସାସ୍‌ସୁର୍ତ ଲେକା ମାନାଡ୍, “ଇନେର୍ ମାର୍‌ନି କ୍ରିସ୍‌ତ ହାନାନ୍, ହେୱାନ୍ ଇସ୍‌ସର ହୁକେ ସାଇପ୍ ଆନାନ୍ ।” ୧୪ ଇସ୍‌ସର ଅବ୍ରାହାମ୍‌ତି ଇମ୍‌ଶି ଆସିର୍ବାଦ୍ ହିନି କାଜି° ପାର୍ମାଣ୍ କିଜି ମାତାନ୍, ପାତର୍ କିଞ୍ଜି ଜିହୁଦିର୍ ପା ଇନେସ୍ ହେଦା° ଲାବ୍ କିଦେଙ୍ଗ ଆଡ୍‌ନାର୍, ଇଦା° କାଜି° ଜିସୁ କ୍ରିସ୍ଟୁ କାମାୟ୍ କିନାନ୍ । ଲାଗି° ପାତର୍ ହୁକେ ଆସେଙ୍ଗ ପା ଇସ୍‌ସରତି ତାଟ୍ ଇସାବ୍ରେ ପୁଇପୁୟା ଜିବୁନ୍ ଲାବ୍ କିଦେଙ୍ଗ ଆଡ୍‌ନାସ୍ ।

ବିଦି ଆରି ପାର୍ମାଣ୍

୧୫ ଏ ଟଣ୍ଡାର ଆରି ତଣ୍ଡାଦେକ୍, ଆନ୍ ର ସଲ୍‌କେନି ଉତ୍‌ରମୁଡ୍ ହିଦ୍‌ନାଙ୍ଗା । ଏତେକାଡ୍‌ଦ ରିୟାର୍ ଇମ୍‌ଶି ବିସ୍ତେ ର ଗଜା ସାକି କିନାରା, ଇନେର୍ ହେ ଗଜା ବାଙ୍ଗାୟ୍ କିଦେଙ୍ଗ ଆଡୁନ୍ କି ହେବେ ଇନାକା ମେହାୟ୍ କିଦେଙ୍ଗ ଆଡୁର୍ । ୧୬ ଅବ୍ରାହାମ୍ ଆରି ହେୱାନ୍ତି ଲାତ୍ରା ଲାଗା° ଇସ୍‌ସର ହେୱାନ୍ତି ପାର୍ମାଣ୍ କିଜି ମାତାନ୍ । ମାତର୍ ଇ ବିସ୍ତେ “ମି ଲାତ୍ରାରି° କାଜି°” ଇଚିସ୍ ବେସି ମାନାୟାର୍ କାଜି° ଇଞ୍ଜି ସାସ୍‌ସୁର୍ ଲେକାଖାତାଡ୍‌ନା । କେବଲ୍ “ମି ଲାତ୍ରା କାଜି°” ଇଞ୍ଜି ଲେକାତାଡ୍‌ନା । ଲାଗି° ହେ ସାସ୍‌ସୁର୍ତି କେବଲ୍ ରଞ୍ଜାନ୍ ମାନାୟ୍, ଇଚିସ୍ “କ୍ରିସ୍ଟୁ କାଜି° ଆନାକା ମାନାଡ୍ ।” ୧୭ ନାଦା° ଇନାକା ଅରଡ୍ ଆନାତା, ଇସ୍‌ସର ଅବ୍ରାହାମ୍ ଲାହା° ର ନିୟମ୍ ରଚ୍‌ତି ମାତାନ୍ ଆରି ହେଦା° ରାକ୍ୟା କିନି କାଜି° ପାର୍ମାଣ୍ କିଜି ମାତାନ୍ । ଚାଟ୍‌ସ ଡିରିସ୍ ବାହୁଁ ପାତେ ହିଦ୍ୟାତାଡ୍, ହେଦା° ହେ ଗଜାତି° ଡ୍ରିକ୍‌ତି ଇସ୍‌ସରତି ପାର୍ମାଣ୍ ମୁନା କିଦେଙ୍ଗ ଆଡୁଡ୍ । ୧୮ ଇସ୍‌ସରତି ପାର୍ମାଣ୍ ଆସିର୍ବାଦ୍ ପାୟାଜି ଜଦି ବିଦି ପାଲି କିନି ଜପି ବେବାର୍ କିତାର୍, ତେବେ ହେଦା° ତା ପାର୍ମାଣ୍‌ନି ପାଡ୍ ଇଞ୍ଜି ଆରେ ଇନ୍ୟା ଆଡ୍‌ଡ୍ । ଲାଗି° ଇସ୍‌ସର କେବଲ୍ ତା ପାର୍ମାଣ୍ ଇସାବ୍ରେ ହେ ଆସିର୍ବାଦ୍ ଅବ୍ରାହାମ୍‌ତି ହିତାନ୍ ।

୧୯ ତାଆତିସ୍ ବିଦି ଇନେକିଦେ° ହିଦ୍ୟାତାଡ୍ ? ମାନାୟ୍‌ତି ସଡ୍‌ହିଲ୍‌ଞ୍ଜି କାମାୟ୍ ସବୁ ଚଚ୍‌ତି ହିନାକା ହେଦା° ଉଦେସ୍ ମାତାଡ୍ ଆରି ଅବ୍ରାହାମ୍ ଇମ୍‌ଶି ଲାତ୍ରାରି° ଇଟ୍‌କାଡ୍ କିଜି ଲେକାତି ଇସ୍‌ସର ପାର୍ମାଣ୍ କିଜି ମାତାନ୍, ହେ ମାନାୟ୍‌ତି ଝାନି ପାତେକ୍ ବିଦିନି ଲଡା ମାତାଡ୍ । ରଞ୍ଜାନ୍ ମାନାୟ୍‌ତି ମାଦ୍‌ଶାକାନ୍‌ତି ସାଗେର୍ ଦୁଡ୍‌ର୍ କାଜି° ବିଦି ହିୟାଜି ମାତାଡ୍ । ୨୦ ମାଦ୍‌ଶାକାନ୍‌ତି ର ପାକ୍ୟା ନେତା ଆକାୟା, ମାତର୍ ରଞ୍ଜାନ୍ ଇସ୍‌ସର

ବିଦିନି ଉଦେସ୍

୨୧ ଇଦା°ନି ଅରଡ୍ ଇନାକା ? ବିଦି ଇନାକା ଇସ୍‌ସର୍ ପାର୍ମାଣ୍ ବିରୁଦ୍ କିନାଡ୍ ? ଆକାୟ୍ ମୁଲେ ଆକାୟ୍ ! ଇନେକିଦେ°କି ମାନାୟ୍‌ତି ଜିବୁନ୍ ହିନି ଲାକେ ଜଦି ର ବିଦି କିତିସ୍, ଲାଗି° ହେଦା° ପାଲି କିଦେଙ୍ଗ ହୁକେ ନେ ମାନାୟ୍ ଇସ୍‌ସରତି କାଣ୍‌କୁତ ଦସ୍‌ହିଲ୍‌ଞ୍ଜାକାନ୍ ଆତାନ୍‌ମା । ୨୨ ମାତର୍ ଦରମ୍ ସାସ୍‌ସୁର୍ତ ଲେକାମାନାଡ୍, ରାଜିନି ନାର୍ ଜାତି ପାପ୍ ସାଲ୍ଲିତା° ତାରେନ୍, ଲାଗି° ଇନେସ୍ ଜିସୁ କ୍ରିସ୍ଟୁ ତାକେ ପାତର୍ ନି ପାଡ୍ ଲାକେ ପାର୍ମାଣ୍‌ନି ଆସିର୍ବାଦ୍ କ୍ରିସ୍ଟୁଙ୍ଗ ପାତର୍ କିନାକାର୍ ପାୟାନାର୍ ।

✧ ୩:୭ ଗା:୭ ରମିୟ ୪:୩. ✧ ୩:୭ ଗା:୭ ରମିୟ ୪:୧୭.

୨୩ ପାତ୍ର ନି ଜୁଗ୍ ଖାନି ଆଗେ, ଆରି ହତେଙ୍ଗ୍ ହାଲ୍‌ଜିମାନି ପାତେକ୍ ବିଦି ମା ଝିଜାରିଂ ଗେହ୍ୟାଜି ଇଟ୍ୟା ଆଜି ମାଟାସ୍ । ୨୪ କ୍ରିସ୍ଟି ଖାନି ପାତେକ୍ ବିଦି ମା ତାରେନ୍ ମାଟାତ୍; ମାତର୍ ତା ପାତେ କେବଲ୍ ପାତ୍ର ହୁକେ ଆସେଙ୍ଗ୍ ଇସ୍‌ବର୍ ମୁମଦ ଦାମ୍ ହିଲ୍‌ଖାକାନ୍ ଇଞ୍ଜି ଇନ୍‌ଧାନାନ୍ । ୨୫ ମାତର୍ ନଙ୍ଗ୍ ହେ ପାତ୍ର ଏକିତି ପାତେ ଆସେଙ୍ଗ୍ ଆରେ ବିଦିନି ତାରେନ୍ ଆକାୟ୍ ।

୨୬ ପାତ୍ର ହୁକେ କ୍ରିସ୍ଟି ଜିସୁତି ଲାହାଂ ବାଟିକିୟାଜି ଏପେଙ୍ଗ୍ ଝିଜାକାଦେର୍ ଇସ୍‌ବର୍ତ୍ତି ହିମ୍‌ଶାଂ ଆତାଦେର୍ଣ୍ଣା । ୨୭ ବାପ୍ତିସମ୍ ହୁକେ ଏପେଙ୍ଗ୍ କ୍ରିସ୍ଟି ଲାହାଂ ଏକ୍ ଆତାଦେର୍ଣ୍ଣା ଆରି ନଙ୍ଗ୍ ଜିସୁ କ୍ରିସ୍ଟି ଜିବୁନ୍ ଲାକେ ହେନ୍ଦ୍ରା ଉସ୍ତାତାଦେର୍ଣ୍ଣା । ୨୮ ଲାଗିଂ ଜିହୁଦି ଆରି ପାତ୍ର କିଝି ଜିହୁଦି, ଗ୍ରିକ୍, ଆଡିଏନ୍ କି ଜାର୍‌ତାରେନ୍, ଆଣ୍ଡେନ୍ କି କଗଲେ, ମି ବିତ୍ରେ ମୁଡେପା ବିନେ ଆକାୟ୍ । ଏପେଙ୍ଗ୍ ଝିଜାର୍ ଜିସୁ କ୍ରିସ୍ଟି ଲାହାଂ ମେହାଜି ଏକ୍ ଆତାଦେର୍ଣ୍ଣା । ୨୯ ଆରେ ଜଦି ଏପେଙ୍ଗ୍ କ୍ରିସ୍ଟି ମାନାୟାର୍ ଲାଗିଂ ଅବ୍ରାହାମ୍‌ତି ଲାତ୍ରା ଆରି ଇସ୍‌ବର୍ ଇନାକା ପାର୍ମାଣ୍ କିତାନନା, ହେଦାଂ ଲାବ୍ କିନାଦେର୍ ।

୪

୧ ମାତର୍ ଆନ୍ ଇଞ୍ଜିନାଙ୍ଗା, ମାଜି ଆବାତି ସବୁ ଦନ୍‌ନି ହାଉକାର୍, ମାତର୍ ସବୁ ବିସ୍ତେ ଆଦିକାର୍ ଆଦେଂ ପା ପାୟାଝିତି ବ୍‌ଇସ୍ ମାନି ପାତେକ୍ ହେଝାନ୍ ଆଡିଏନ୍ ଲାକେ ମାନ୍‌ଗାନାନ୍, ୨ ହିମ୍‌ଶା ଅବସ୍ତାତ, ତା ଆବାତି ସମାନ୍ ସମୁ ପାତେକ୍ ଗୁମୁସ୍ତା ଜାତୁନ୍ ଅନାର୍ ଆରି ସବୁ ବିସ୍ତେନି ହପ୍‌ତାନାନ୍ । ୩ ସମାନ୍ ହେ ଲାକେ ଆପେଂ ପା ଆଦିକ୍ ବାବ୍ରେ ପାୟାତି ବ୍‌ଇସ୍ ଆଗେ, ପୁତ୍ର ଜପି ରାଜ୍ କିଜି ମାନି ସାଲ୍‌ଜିନିକାର୍‌ତି ଆଡୁୟା ମାଟାସ୍; ୪ ହାରିହାରା ଏଚେକାଡ୍‌ଦ ସମାନ୍ ସମୁ ଝାତିଲେ, ଇସ୍‌ବର୍ ଜାର୍ ମାଜିଂ ପକ୍‌ତାନ୍ । ରଞ୍ଜେଲ୍ ହୁଦାର୍ କଗଲେ ପଟତାଂ ଉବ୍‌ଜାତି ଜିହୁଦି ବିଦିନି ତାରେନ୍ ଜିବୁନ୍ ଜିପ୍‌କା କିତାନ୍, ୫ *ଇନେସ୍ ହେଝାନ୍ ଲଡାନି ମଲ୍ ହିଜି ହେ ବିଦିନି ଗାବ୍‌ୟାତିତାଂ ବିନ୍ ଲଗାଂ ମୁକ୍‌ଡାୟ୍ କିନାକା ଆରି ହେଝାରିଂ ଇସ୍‌ବର୍ତ୍ତି ମାଜି ଆନି ଉପାୟ୍ ହିନାକା ତା ଜିବୁନ୍‌ତନି ଉଦେସ୍ ମାଟାତ୍ ।

୬ ଏପେଙ୍ଗ୍ ଜେ ଇସ୍‌ବର୍ତ୍ତି ମାଜି, ଇଦାଂ ପାର୍ମାଣ୍ କିନି କାଜିଂ, ଇସ୍‌ବର୍ ତା ମାଜିତି ପୁଇପୁୟା ଜିବୁନ୍‌ତିଂ ମା ଝାସ୍ତିତିଂ ପକ୍‌ତାତାନ୍ନା । “ହେ ପୁଇପୁୟା ଜିବୁନ୍ ଗାଜା କାଟ୍‌ତାଂ ଇନାତା, ଆବା ଏ ନା ଆବା !” ୭ ଲାଗିଂ ଏପେଙ୍ଗ୍ ଆରେ କଡ଼କା ଆଡିୟାର୍ ଆକାୟ୍, ମାତର୍ ମାଜି କି । ଏପେଙ୍ଗ୍ ତା ମାଜି ଆଜି ମାଟିଲେ, ଇସ୍‌ବର୍ ତା ମାଜିଗାଡ଼୍‌କାଜିଂ ଇନାକା ଇଡ୍‌ତାନ୍ନା, ହେ ସବୁ ମିଙ୍ଗେଙ୍ଗ୍ ଦାନ୍ କିଦ୍‌ନାନ୍ ।

ଗାଳାତିୟାତ୍ର କାଜିଂ ପାଉଲ୍‌ତି ଚିନ୍ତା

୮ ମାତର୍ ଆଗତୁ ଏପେଙ୍ଗ୍ ଇସ୍‌ବର୍ତ୍ତିଂ ପୁନ୍‌ଝାଦାଂ ମାଟାଦେର୍, ଲାଗିଂ ଇମ୍‌ଶାକାର୍ ହାତେନେ ଇସ୍‌ବର୍ ଆକାୟ୍, ହେ ଲାକେ ମିର୍ ପେନ୍ ପୁଦାତିଂ ଆଡିୟା ମାଟାଦେର୍; ୯ ମାତର୍ ନଙ୍ଗ୍‌ୟ୍ ଏପେଙ୍ଗ୍ ଇସ୍‌ବର୍ତ୍ତିଂ ପୁଟାଦେର୍ଣ୍ଣା ଆନ୍ ଇଞ୍ଜିନାଙ୍ଗା, ନଙ୍ଗ୍‌ୟ୍ ଇସ୍‌ବର୍ ମିଙ୍ଗେଙ୍ଗ୍ ପୁନ୍‌ଚାନ୍‌ନା । ଝାଟିଂ ଇଦାଂ ଇନେସ୍ ଆନାଡ୍ ଜେ, ଏପେଙ୍ଗ୍ ଆରେ ରଗ ହେ ନାଦାର୍ ବପୁ, ଦାଣ୍ଡିନି ପେନ୍ ପୁଦାଂ ଲାଗାଂ ମାସ୍‌ଦି ହାଞ୍ଜେଙ୍ଗ୍ ମାନ୍ କିନାଦେରା ? ଏପେଙ୍ଗ୍ ଇନେକିଦେଂ ଆରେରଗ ହେଝାରିତି ଆଡିଏନ୍ ଆଦେଂ ଇଟା କିନାଦେରା ? ୧୦ ଦୁକ୍‌ନି କାତା, ଏପେଙ୍ଗ୍ ଏଚେଗଟା ହାଦ୍ ଦିନ୍, ମାସ୍ ପାଗ୍ ଆରି ବାହୁଁ କାଜିଂ ବେସି ମାନ୍ ହିନାଦେରା । ୧୧ ମି କାଜିଂ ଆନ୍ ଇମ୍‌ଶା କସ୍ କିନାଙ୍ଗା, ଏଚେକାଡ୍‌ଦ ହେଦାଂ ପଲ୍ୟା ଆନାଡ୍, ମି ବିସ୍ତେ ନାଦାଂ ଇ ପାଣ୍ଡୁ ।

୧୨ ଏ ଟଣ୍ଡାର୍, ଆରି ତଣ୍ଡାଦେକ୍ ମିଙ୍ଗେଙ୍ଗ୍ ଗଝାରି କିଦ୍‌ନାଙ୍ଗା, ଏପେଙ୍ଗ୍ ନା ଲାକେ ଆଡ୍ । ଆନ୍ ମି ଲାକେ ଆତାଙ୍ଗ୍‌ନା ଆରି ଏପେଙ୍ଗ୍ ନା କାଜିଂ ଇମ୍‌ଶାକା ପା ଅନ୍‌ଧାୟ୍ କିଝାତାଦେର୍ଣ୍ଣା । ୧୩ ଆନ୍ ପର୍ତୁମ୍ ହର୍ ଇନେକିଦେଂ ମି ଲାଗାଂ ନେକ୍‌କାବୁର୍ ପର୍‌ଚାର୍ କିଜି ମାଟାଙ୍ଗ୍, ହେଦାଂ ଏଡୁ କିୟାର୍ । ହେପାଦ୍‌ନା ଆନ୍ ଗାଗାଡ଼୍ ନାଦାର୍ ମାନି କାଜିଂ ଇଦାଂ କିଜି ମାଟାତ୍ । ୧୪ ମାତର୍ ନା ଗାଗାଡ଼୍‌ନି ଅବସ୍ତା ମି ପାକ୍ୟାତ ରିସା ଆଡିସ୍‌ପା, ଏପେଙ୍ଗ୍ ନାଙ୍ଗ୍ ଗୁଇଦାଝାତାଦେର୍ କି ଗିଶ୍ କିଝାତାଦେର୍, ଇତିସ୍ ଇସ୍‌ବର୍ ନାଙ୍ଗ୍ ର ସାଗେଁ ଦୁଡ୍ ଲାକେ ଇଟ୍ୟାଜି ମାନ୍‌ଚାନ୍ । କ୍ରିସ୍ଟି ଜିସୁତି ଏପେଙ୍ଗ୍ ଇନେସ୍ ମାନି କିତାଦେର୍‌ମା ହେ ଲାକେ ନାଙ୍ଗେଙ୍ଗ୍ ପା ମାନି କିଜି ମାନ୍‌ଚାଦେର୍ । ୧୫ ଏପେଙ୍ଗ୍ ଏଚେକ୍ ଝାରିଝାଦାଂ ମାଟାଦେର୍ ! ମାତର୍ ନଙ୍ଗ୍ ଇନାକା ଆତାଦେର୍ଣ୍ଣା ? ମି ମେହାବିଡା ଆନ୍ ଇ ସାକି କାତା ତାଟ୍ ବାବ୍ରେ ଇଞ୍ଜେଙ୍ଗ୍ ଆଡୁନାଙ୍ଗ୍ ଜେ, ଆଜି ମାଟିସ୍, ଏପେଙ୍ଗ୍ ଜାର୍ ଜାର୍‌ତି କାଶ୍‌ଗା ଉନ୍‌ଦି ତାଈଝାଜି ହିତାଦେର୍‌ମା । ୧୬ ଲାଗିଂ ଆନ୍ ମିଙ୍ଗେଙ୍ଗ୍ ହାଡ୍‌ପା ଇଞ୍ଜିଲେ ମିଂ ଇନାକା ସାତୁ ଆତାଂନା ?

୧୭ ହେ ବିନ୍‌ନିକାର୍ ମି ହାର୍ କାଜିଂ ବେସି ଝାରିନିକାନ୍ ଇଞ୍ଜି ଚଞ୍ଜୟାନାନ୍ । ମତର୍ ଇବେ ହେଝାରିତି ସଡ୍ ଉଦେସ୍ ହିଲୁଡ୍ । ହେଝାରିତି ରଞ୍ଜାଙ୍ଗ୍ ମତର୍ ଇଟା, ଇନେସ୍ ଏପେଙ୍ଗ୍ ନା କାଜିଂ ବିନେ ଆଜି ହେଝାରି କାଜିଂ ମାନ୍‌ହିୟାଟ୍ । ୧୮ ମାତର୍ ସବୁ ସମୁତ ଆନ୍ ମି ଲାହାଙ୍ଗ୍ ମାନି ଝେଡାଲିଂ ଆକାୟ୍, ମତର୍ ସବୁ ଝେଡାଲିଂ

* ୪:୫ ୪:୫ ରମିୟ ୮:୧୫-୧୭.

ହାଦର୍ ବିସ୍ତେ ଜିରୁନ୍ ହିନାକା ହାର୍ । ୧୯ ଏ ନା କାଡ଼ଦେର୍, ଏତେକ୍ ପାତେକ୍ ମି ତାକେ କ୍ରିଷ୍ଟ ଲାକେ ଆଖାତାଦେର୍ଣ୍ଣା, ହେ ପାତେକ୍ ମି କାଜିଂ ଆରେ ରଗ କୁଚ୍ଚିତ ବିପ୍ରି ଆନାତା । ୨୦ ଆନ୍ ଇନେସ୍ ନକ୍ ମି ଲାଗେ ଏକିସ୍ ବିନ୍ ବାବ୍ରେ କାତା ଇଞ୍ଜେକ୍ ଆଡ଼ନାକ୍, ଇଦାଂ ନା ମାନ୍; ଇନାକିଦେଂକି ଆନ୍ ମି ବିସ୍ତେ ବୁଦିବାଣା ଆନାକା ।

ହାଗାରା ଆରି ସାରାତି ଉତ୍ତରମୁଡ଼୍

୨୧ ଇମଣାକାର୍ ବିଦିତ ମାନି କାଜିଂ ଇଚା କିତାର୍ ଏପେକ୍, ନାକ୍ ଝେଚ୍ଚାଟ୍ ତ, ଏପେକ୍ ଇନାକା ବିଦିନି ବଚନ୍ ଝେନୁଦେରା ? ୨୨ ଇନାକିଦେଂକି ଲେକା ମାନାଡ଼୍, ଅବ୍ରାହାମ୍ତି ରିଆର୍ ହିମଣାଂ ମାଚାର୍, ରଞ୍ଜାନ୍ କଡ଼କା ଆଡ଼ିଏଣି ତାକ୍ ଆରେ ରଞ୍ଜାନ୍ ଜାର୍ କଗ୍ଲେ ତାଂ ଚଞ୍ଚାକାନ୍ । ୨୩ ଇନେର୍ ଆଡ଼ିଏଣିତି ମେହି, ହେଞ୍ଜାନ୍ ଗାଗାଡ଼ନି ମ୍ରାସ୍ବେଲ୍ ଚଞ୍ଚାନ୍; ମାତର୍ ଇନେର୍ ଜାର୍ କଗ୍ଲେନି ମେହି, ଇସ୍ବୁଚ୍ତି ପାର୍ମାଣ୍ ସାଲ୍ଲିତ ଚଞ୍ଚାନ୍ । ୨୪ ଇ ଝିଜୁ କାତାନି ର କାତା ପୁନାକା ମାନାଡ଼୍, ଇନାକିଦେଂକି ଇ କଗ୍ଲେକ୍ ରି ନିୟମ୍ନି ଲାକେ; ର ନିୟମ୍ ସିନୟ୍ ମାଡ଼ିତାଂ ଉବ୍ଜାଣ, ହେଦାଂ ଆଡ଼ିଏନ୍ କାଜିଂ ହିମଣାଂ ଗାଟାଆନାକାଦେଲ୍, ହାଗାରା ହେବେନି ରଞ୍ଜେଲ୍ । ୨୫ ହାଗାରା, ଲାକେ ଇ ବେରଣ ଆରବ୍ତ ସିନୟ୍ ମାଡ଼ିତିଂ ଆଣଗାନାଡ଼୍, ଆରେ, ହେଦାଂ ନକ୍ନି ଜିରୁସାଲମ୍ ସମାନ୍ ଲାକେ, ଇନାକିଦେଂକି ଇ ଜାର୍ ହିମଣାଂ ହୁଦାଂ ଆଡ଼ିଏନ୍ତ ମାଚାନ୍ନା । ୨୬ ମାତର୍ ସାଗେତାଂ ଜିରୁସାଲମ୍ କୁଲ୍ୟାସ୍, ଆରି ହେଦେଲ୍ ମା ତାଡ଼ି ।

୨୭ ଇନେକିଦେଂକି ସାସ୍ବୁଚ୍ ଲେକାମାନାଡ଼୍,
“ଆଗ ବାଞ୍ଜି, କଗ୍ଲେ, ଏପେକ୍ ଝାରି କିୟାଟ୍

ଇନାଝାଡ଼ାକ୍ କୁଚ୍ଚି ନଦନାକା ଏଡ଼କିଝାଦାଂ ମାଚିସ୍ପା, ଝାରି କିୟାଟ୍ ।
ଇନେକିଦେଂକି ଆଣ୍ଡେନ୍ ଲାହାଂ ବାହା କିଜି ମାନି କଗ୍ଲେ ଲାକେ
ରଞ୍ଜାନ୍ ପିସ୍ବିକଗ୍ଲେନି ହିମଣାଂ ଲମର୍ ଆଦିକ୍ ।”

୨୮ ଏ ଟଣ୍ଡାର୍, ଏପେକ୍ ଇସ୍ହାକ୍ ଲାକେ ପାର୍ମାଣ୍ ହିମଣାଂ । ୨୯ ମାତର୍ ଗାଗାଡ଼ନି ହେଦ୍ହବାୟ୍ ଇସାପ୍ରେ ଇନେର୍ ଜଲମ୍ ଆତାନ୍, ହେଞ୍ଜାନ୍ ଇନେସ୍ ହେଝେଡ଼ାଲିଂ ପୁଇପୁୟା ଜିରୁନ୍ ପାର୍ମାଣ୍ ଇସାପ୍ରେ ଇନେର୍ ଜଲମ୍ ଆତାଣ୍ଣା, ଇସ୍ବୁଚ୍ତିଂ ନିୟା କିଜି ମାଚାଡ଼୍ । ୩୦ ମାତର୍ ସାସ୍ବୁଚ୍ ଇନାକା ଇନାଡ଼୍ ? “କଡ଼ି ଆଡ଼ିଏଣି ଆରି ତା ମେହିକ୍ ପିସ୍ବି ତୁହିୟାଟ୍; ଇନାକିଦେଂକି ଆଡ଼ିଏଣି ମେହି ଜାର୍ତିଂ କଗ୍ଲେନି ମେହି ଲାହାକ୍ ଆଦିକାର୍ ଆଉନ୍ ।” ୩୧ ଲାଗିଂ, ଟଣ୍ଡାର୍ ଆରି ତଣ୍ଡେକ୍ ଆସେକ୍ କଡ଼କା ଆଡ଼ିଏଣି ହିମଣାଂ ଆକାୟ୍, ମତର୍ ଜାର୍ କଗ୍ଲେନି ହିମଣାଂ ।



କ୍ରିଷ୍ଟ ତାକେ ମି ଉଦାର୍

୧ ଆପ୍ ଜାର୍ତାରେତିଂ । କ୍ରିଷ୍ଟ ମାକ୍ଜେକ୍ ଜାର୍ତାରେନ୍ କିଡ଼ତାନ୍ନା । ଲାଗିଂ ଏପେକ୍ ଜାର୍ତାରେନ୍ତ ତିର୍ ମାନାଟ୍ । ଆରେରଗ ଆଡ଼ିଏନ୍ ଜୁଝାଣ୍ ଗାଡ଼ୟାତି ରବେ ଆନି କାଜିଂ ଜାର୍ତିଂ ଜାତା ଆମାଟ୍ ।

୨ ଆନ୍ ପାଉଲ୍, ଇନାକା ଇଞ୍ଜନାକା ଝେନାଟ୍, ଏପେକ୍ ଜଦି ସୁନ୍ତ୍ ବିଦି ପାଲି କିୟାଟ୍, ତା ଅରଡ଼ ଆନାଡ଼୍, ମି କାଜିଂ କ୍ରିଷ୍ଟି ଇମଣି ଲଡ଼ା ଆକାୟ୍ । ୩ ଆନ୍ ସୁନ୍ତ୍ ପାୟାନ୍ ଜାଣକେତିଂ ଆରେ ରଗ ସାକି ହିନାକା ଜେ, ହେଞ୍ଜାନ୍ ଝିଜୁ ବିଦି ପାଲି କିନି କାଜିଂ ଦାୟ୍ଡ୍ । ୪ ମି ବିତ୍ରେତାଂ ଇମଣାକାର୍ ବିଦି ପାଲି କିନି ହୁକେ ଇସ୍ବୁଚ୍ତି କାଣ୍କୁତ ଦାମ୍ ବାଚିକିୟାଦେଂ ଆନି କାଜିଂ ସେସ୍ବୁ କିନାରା, ହେଞ୍ଜାର୍ ଜାର୍ ଜାର୍ତିଂ କ୍ରିଷ୍ଟାଂ ଚିରବିର୍ କିତାର୍ନା, ହେଞ୍ଜାର୍ ଇସ୍ବୁଚ୍ତି ଉପକାର୍ତ ଦେହାଆତାଣ୍ଣା । ୫ ମାତର୍ ଆପ୍ ଆହା କିନାପା ଜେ ଇନାକିଦେଂକି ଆସେକ୍ ପୁଇପୁୟା ଜିରୁନ୍ ହୁଦାଂ ପାତର୍ କାଜିଂ ଦାମ୍ କାତା ଗାଟାନି ଆହାତ କାନାସା । ୬ ଇନେକିଦେଂକି କ୍ରିଷ୍ଟ ଜିସ୍ବୁଚ୍ ଲାହାଂ ମେହାଜି ଜିରୁନ୍ ଜିଉଣା କିତାନ୍, ସୁନ୍ତ୍ କି ସୁନ୍ତ୍ଆଞ୍ଜି ମୁଡ଼େ ଆକାୟ୍, ରଞ୍ଜାନ୍ ମତର୍ ଲଡ଼ାନି ବିସ୍ତେ ଆନାତା, ପାତର୍ ତ ତିର୍ ମାନ୍ଞି ଜିଉନିତ କିନାକା ସାଦନ୍ କିନାସ୍ ।

୭ ଏପେକ୍ତ ହାର୍ ଲାକେ ଆଗେ ତାକ୍ଜି ମାଚାଦେର୍ । ହାଡ଼ପା ହାଜିଡ଼ ହାନିହିକ୍ ଇନେର୍ ମିକ୍ଜେକ୍ ବାଦା ହିଜି ମାନ୍ତାର୍, ମିକ୍ଜେକ୍ ବୁଲ୍ ହାଜିଡ଼ ହାଞ୍ଜେକ୍ ହେଞ୍ଜାନ୍ ଇନେସ୍ ଝେଚ୍ଚାତାନ୍ ? ୮ ମିକ୍ଜେକ୍ କୁକ୍ତିନି ଇସ୍ବୁଚ୍ତାଂ ଇ ବୁଜାୟ୍ କିନାକା ଆଖାତାଡ଼ନା । ୯ କାତାତ ମାନାଡ଼୍, ଚାଟ୍କାୟ୍କିତି ମଇଦାଗୁଣ୍ଡାତିଂ ପୁଲାୟ୍କିନି କାଜିଂ “ଅଲପ୍ ମତର୍ ହଇନାକା ଲଡ଼ା ।” ୧୦ ହେଦାଂ ଇନେସ୍ ଆଏଡ଼୍, ଇ ପାତେକ୍ ମି ଜପି ନା ଆହା ମାନାଡ଼୍ । ଇନେସ୍କି ଆସେକ୍ ଝିଜାର୍ ମାପୁ ଲାହାଂ ମେହାତାସ୍ନା, ନା ତାଟ୍ ପାତର୍, ଏପେକ୍ ନା ଚିନ୍ତାତାଂ ବିରୁଦ୍ କିଦୁଦେର୍ । ଆରେ ଇମଣି ମାନାୟ୍ ମିକ୍ଜେକ୍ ଚାକ୍ରାୟ୍ କିଦନା, ହେଞ୍ଜାନ୍ ଇନେର୍ ଆଏଡ଼୍ ଇନେକିଦେଂ ତାକ୍ଜେକ୍ ଇସ୍ବୁଚ୍ ହାଡ଼ପା ତାଣ୍ ହିନାନ୍ ।

☆ ୫:୯ ୫:୧୧ କରନ୍ତିୟ ୫:୬.

୧୧ ମାତର ଏ ଟଣ୍ଡାର, ତଣ୍ଡାଦେକ, ଆନ୍ ଜଦି ନେଜେକ୍ ପାତେକ୍ ସୁନ୍ନତ୍ ଲତାନି ପାକ୍ୟାତ ପରତାର୍ କିନାକା, ଖାତିକ୍ ଆନ୍ ନକ୍ ପା ଇନେକିଦେ ନିନ୍ଦା ପାୟାନାକା ? ଜଦି ଆନ୍ ହେଦାଂ କିଜି ମାନାକ୍, ତା ଆତିସ୍ ହେ ସାଜେ ସାଜେ କ୍ରିସ୍ତୁତି କ୍ରିସ୍ ବିସ୍ତେ ବାଦା କିନାକା ହୁକେ ନାଦାଂ ଇନାକା ଅସୁବିଦା ଆଖାତାମ୍ । ୧୨ ଇମ୍ପାଣାକାର୍ ମିଜେକ୍ ତିର୍ ଆଖାଦାଂ କିଡ଼ତାର୍ନା, ହେଖାର୍ ପୁରା ସାକ୍ତି ହିଲିକ୍ଷିତି ଲାକେ ଆତିସ୍, ହାର୍ ଆତାମ୍ ।

୧୩ ଇନାକିଦେଂକି, ଏ ଟଣ୍ଡାର, ଆରି ତଣ୍ଡାଦେକାଦେର୍, ଏପେକ୍ ଜାର୍ତାରେନ୍ କାଜିଂ କୁକ୍ୟା ଆତାଦେର୍ଣ୍ଣା; ମାତର ଜାଗ୍ରତ୍, କେବଲ୍ ଗାଗାଡ଼ନି ଆହା ବେବାର୍ କିନି କାଜିଂ ହେ ଜାର୍ତାରେନ୍ ଇନେସ୍ ହାତୁର୍ ଲାକେ ବେବାର୍ କିମାଟ୍ । ଇତିସ୍ ଜିଉନି ହୁକେ ଚାଲାକିୟାଜି ଏପେକ୍ ହାରି ହେବା କିୟାଟ୍ । ୧୪ ଇନାକିଦେଂକି ରଞ୍ଜାକ୍ ମତର ବଲ୍ଲତ୍ ଖିଜୁ ବିଦିତ ଇ ବଚନ୍ ବାତ୍ ଆନାଡ୍, “ଏପେକ୍ ଜାର୍ ପାଡ଼ହା ଇଞ୍ଜି ଲଗାଂ ଖାସ୍ତିଲାକେ ଜିଉନିଖାଟ୍ ।” ୧୫ ମତର ଏପେକ୍ ଜଦି ପସୁ ଲାକେ ବେବାର୍ କିଜି ହାରିତିଂ ନସୁ କିଜି ମାନାଦେର୍ ଆରେ ହାରି ନସୁ କିଜି ମାନାଦେର୍, ଲାଗିଂ ଜାଗ୍ରତ୍ ଆଡ, ଆଡ଼ିତିସ୍ ଏପେକ୍ ହାରିତିଂ ପୁରା ନାସ୍ କିନାଦେରା ।

ପୁଇପୁୟା ଜିବୁନ୍ ଆରି ମାନାୟତି ଅବ୍ୟାସ୍

୧୬ ନା ଇନାକା କାତା ଆତାଡ୍, ପୁଇପୁୟା ଜିବୁନ୍ ମି ଜିବୁନ୍ତିଂ ଚାଲାୟକିଏଡ୍ । ତା ଆତିସ୍ ଏପେକ୍ ଆରେ ମାନାୟତି ଅବ୍ୟାସ୍ ଆହା ବାତ୍ କିଉଦେର୍ ୧୭ ମାନାୟ ଅବ୍ୟାସ୍ ପୁଇପୁୟା ଜିବୁନ୍ନି ଇଚାନି ବିରୁଦ୍ । ହେ ଲାକେ ପୁଇପୁୟା ଜିବୁନ୍ତି ଇଚା, ମାନାୟ ଅବ୍ୟାସ୍ ବିରୁଦ୍ । ଇଖାକ୍ ହାରି ସତୁ । ଲାଗିଂ ଏପେକ୍ ଇନାକା କିଦେକ୍ ଇଚା କିନାଦେର୍, ହେଦାଂ କିଦେକ୍ ରାଜି ଆକାୟ । ୧୮ ଜଦି ପୁଇପୁୟା ଜିବୁନ୍ ମିଜେକ୍ ତାକ୍ଷିକିତିସ୍, ଲାଗିଂ ଏପେକ୍ ଆରେ ମସାତି ବିଦିନି ତାରେନ୍ ଆକାୟ ।

୧୯ ମାନାୟନି ଗାଗାଡ଼ନି କାମାୟ ହାର୍ କିଜି ପୁଚାଦେର୍ଣ୍ଣା; ଦାରି, ବିଟାଡ୍, ୨୦ ଦାରିକାମାୟ, ପୁଡ଼ଡା ପୁଜା, ଗୁଣ୍ୟା, ସତୁ, ଗଣ୍ଡଗଲ୍, ଆକାର୍, ରିସା, ମଡ଼ି, ଦଲ୍ଲରାଟୁ, ୨୧ ତାରା, ହେଖାର୍ ମଦୁଖା ରକ୍ଷରସ୍ ଖାରି ଆରି ହେ ଲାକେ ବିନ୍ବିନ୍ ବାନ୍ୟାତ ବାତ୍ ମାନାର୍ । ଆନ୍ ଆଗେ ଲାକେ ନକ୍ ପା ମିଜେକ୍ ଜାଗ୍ରତ୍ କିଦନାକା । ଇମ୍ପାଣାକାର୍ ଏଲେକ୍ବାତ୍ କାମାୟ ସବୁ କିତାର୍, ହେଖାର୍ ଇସ୍ପୁର୍ତି ରାଜିନି ଆଦିକାର୍ ଆଦେଂ ଆଡୁର୍ ।

୨୨ ମାତର ଜିବୁନ୍ତି ପାଡ୍ ଜିଉନନାକା, ଖାରି, ସୁସ୍ତା, ସାସ୍, ଦୟା, ସଡ଼ଗୁଣ, ପାତ୍ କିନାକା, ହୁଦାର୍, ୨୩ ହୁଦାର୍, ହୁଖାଦ୍ ଆରି ଜିବୁନ୍ମେହାଣ୍ ଇ ସବୁ ବିରୁଦ୍ତ ଇମ୍ପାଣି ମସାତି ବିଦି ହିଲୁଡ୍ । ୨୪ ଇମ୍ପାଣାକାର୍ ଜିସୁ କ୍ରିସ୍ତୁତି, ତାକେ ପାତ୍ କିଜି ହେଖାର୍ ଗାଗାଡ଼ନି ଆହା ଆରି କାମାୟ ଆହା ହୁଦାଂ ମାନାୟ ହାଡ଼ପାତିଂ କ୍ରିସ୍ତ ହାତାଣ୍ଣା । ୨୫ ପୁଇପୁୟା ଜିବୁନ୍ ମାଜେକ୍ ଜିବୁନ୍ ଦାନ୍ କିଡ଼ତାର୍ନା, ହେଦେଲ୍ ମା କାଜିଂ ଜିବୁନ୍ତିଂ ପା ଚାଲାୟ କିଦନାଡ୍ । ୨୬ ଲାଗିଂ ଆସେକ୍ ଗରବ୍ କିନାକା କି ହାରି କାକ୍ତି ଆଉସ୍ ଆରି ହାରିତିଂ ବେରସ୍ ଆଉସ୍ ।



ହାରିତି ବଜ୍ ପିଣ୍ଡନାସ୍

୧ ଏ ଟଣ୍ଡାର୍ ଆରି ତଣ୍ଡାଦେକ୍, ଜଦି ଇନେର୍ ଇମ୍ପାଣି ବାନି ପାପ୍ ହିଲ୍ଡି କାମାୟତ ଦାରାପଡା ଆନାନ୍, ଆମ୍ବିକ୍ ମି ବିତ୍ରେତାଂ ଇମ୍ପାଣାକାର୍ ପୁଇପୁୟା ଜିବୁନ୍ ହୁକେ ଚାଲାନାତା, ହେଖାର୍ ହେଦେଲିଂ ରୁଜାୟ କିନି ଲଡା, ମାତର ଏପେକ୍ ଇ କାମାୟତ ହୁଖାଦ୍, ହୁଦାର୍ ବାରେ କିନି ଲଡା, ଆରେ ଜାଗ୍ରତ୍, ଜାର୍ ଇନେସ୍ ହେ ଲାକେ ପରିକ୍ୟାତ କାମାୟ କିଦେକ୍ ତାୟା ଆମାଟ୍ । ୨ ହାରିତିଂ ବଜ୍ ପିଣ୍ଡନି କାଜିଂ ଉପକାର୍ କିୟାଟ୍, ଇଦାଂ କିନି ହୁକେ କ୍ରିସ୍ତୁତି ମସାତି ବିଦି ପାଲି କିନାଦେର୍ । ୩ ଜଦି ଇମ୍ପାଣି ଲଗୁ ଆହାର୍ ଆତିସ୍ପା ଜାର୍ତିଂ ଗାଜା ଇଞ୍ଜି ମାନେ କିନାନ୍, ଲାଗିଂ ହେଖାନ୍ ଜାର୍ତିଂ ନିନ୍ଦା କିନାନ୍ । ୪ ମାତର ଜାଣକେ ଜାର୍ ଜାର୍ତି ବେବାର୍ତିଂ ପରିକ୍ୟା କିଜି ହୁଡ଼ନି ଲଡା । ଜଦି ହେଦାଂ ହାଦାକା ଆଜି ମାନାଡ୍, ହେଦାଂ କାଜିଂ ହେଖାନ୍ କାମାୟ ମାନେ କିଏର୍, ଆରି ବିନେନି କାମାୟ ଲାହାକ୍ ଜାର୍ତିଂ କାମାୟ ତୁଲାୟ କିଜି ଗରବ୍ କିମେନ୍ । ୫ ଇନାକିଦେଂକି ଖିଜାକାର୍ ଜାର୍ ବଜ୍ ପିଣ୍ଡଦେଂ ଲାଗଦାନାଡ୍ ।

୬ କ୍ରିସ୍ତୁୟାନ୍ ନେକ୍ଟିକାରୁର୍ ହିକ୍ୟା କିନିଖେଡାଂ, ହିକ୍ୟାହିନାକାନ୍ ଗୁରୁକ୍ ଜାର୍ ପୁନ୍ଞି ମାନି ଖିଜୁ ହାର୍ଦି ବିସ୍ତେନି ବାଗ୍ ଅଦେଂ ଲଡା ।

୭ ଚାକ୍ତାୟ ଆମାଟ୍; ଇସ୍ପୁର୍ ବିଗ୍ଡାତି ଲଗୁ ଆକାୟ; ଇନାକିଦେଂକି ମାନାୟ ଇନାକା ଖିଡ଼ନାନ୍, ହେଦାଂ ତ୍ରେସନାନ୍ । ୮ ଇନେର୍ ଜାର୍ ଗାଗାଡ୍ ଉଦେସ୍ ଖିଡ଼ନାନ୍; ହେଖାନ୍ ଗାଗାଡ଼ତାଂ ହଡ଼ତି ଚାନେକ୍ ତାସ୍ ତ୍ରେସନାନ୍; ମାତର ଇନେର୍ ପୁଇପୁୟା ଜିବୁନ୍ତ ଉଦେସ୍ ଖିଡ଼ନାନ୍, ହେଖାନ୍ ପୁଇପୁୟା ଜିବୁନ୍ତାଂ ହଡ଼ତି

* ୫:୧୭ ୫:୧୭ ରମିୟ ୭:୧୫-୨୩।

ଓଁକ୍ଷି ଜିବୁନ୍‌ବାତର୍ ତାସ୍ ତ୍ରେସନାନ୍ ।^{୯୯}ଆସେଙ୍ଗ୍ ହାର୍ କାମାୟ୍ କିଦେଙ୍ଗ୍ ଖାହୁସ୍; ଇନାକିଦେଂକି ଖାଓିଦାଂ କାମାୟ୍ କିତିସ୍ ସମାନ୍ ସମୁତ ତାସ୍ ତ୍ରେସନାସ୍ ।^{୧୦}ଲାଗିଂ, ଏତେ ହର୍ ପାବ୍ ପାୟାନାସା, ସବୁଝେଡ଼ାଙ୍ଗ୍ ଓଁଜାର୍ତି, ହାରିହାରା ଇମଣାକାର୍ ମା ପାତର୍ କିନାକାର୍ କୁରୁମ୍, ହେଝାର୍ତି ହାର୍ କିନାକା ମାଙ୍ଗ୍ ଲଡ଼ା ।

ହାରିହାରା ଜାଗ୍ରତ୍ କାତା ଆରି ବାନ୍ଦାୟ୍

^{୧୧} ହୁଡ଼ାଟ୍, ଇନେସ୍ ଗାଜା ଗାଜା ଅକରତ୍ ଜାର୍ କେଇଦ୍ ଆନ୍ ମି ଲାଗାୟ୍ ଲେକିକିନାଙ୍ଗା ।
^{୧୨} ଇମଣାକାର୍ ମାନାୟ୍ ବାତର୍ ବିସ୍ତେ ଚଞ୍ଜୟାନାର୍ ଆରି ଉସ୍‌କାୟ୍ କିତାର୍, ହେଝାର୍ ନେ ହେଝାରିଂ ସୁନ୍ନଡ଼୍ ଆନି କାଜିଂ ଜବର୍ଦ୍ଦସ୍ତି କିନାରା । କ୍ରିସ୍ତୁତି କୁସ୍ କାଜିଂ ନିନ୍ଦା ବଗ୍ କିଓି ଉଦେସ୍ତ ହେଝାର୍ ଇଦାଂ କିନାରା ।
^{୧୩} ଇନାକିଦେଂକି ଇମଣାକାର୍ ସୁନ୍ନଡ଼ି ନିୟମ୍ ପାଲି କିନାର୍, ହେଝାର୍ ନିଜେ ପା ମସାତି ବିଦି ପାଲି କିଜି ମାନୁର୍ । ଏପେଙ୍ଗ୍ ସୁନ୍ନଡ଼୍ ଆତ ଇଞ୍ଜି ହେଝାର୍ ଇଚା କିନାରା । ଇ ଗାଗାଡ଼୍ ବିଦି ପାଲି କିଦେଙ୍ଗ୍ ମିଙ୍ଗେଙ୍ଗ୍ ଝେଟ୍‌ଚେଦେଂ ଆଡ଼ିଦିସ୍ ହେଝାର୍ ଗରବ୍ କିତାର୍ ।
^{୧୪} ମାତର୍ ଆନ୍ କେବଲ୍ ମା ମାପୁ ଜିସୁ କ୍ରିସ୍ତୁତି କୁସ୍ ବିସ୍ତେ ଗରବ୍ କିନାଙ୍ଗା; ଇନେକିଦେଂକି ତା କୁସ୍ ଲାହାଂ ଜଗଡ଼୍ ନା କାଜିଂ ହାତାଡ଼୍ ଆରି ଆନ୍ ଜଗଡ଼୍ କାଜିଂ ହାତାଙ୍ଗ୍ ।
^{୧୫} ଇନେର୍ ସୁନ୍ନଡ଼୍ କି ସୁନ୍ନଡ଼୍‌ଆଓି, ହେବେ ଇନାକା ଆଏଡ଼୍ କି ଆମେଡ଼୍, ପୁନି ଉବ୍‌ଜାଣ୍ ନେ ସାର୍ ବିସ୍ତେ ।
^{୧୬} ଇମଣାକାର୍ ଜାର୍ ଜିବୁନ୍‌ତ ଇ ରିତି ଦାହ୍‌ନାର୍ ହେଝାର୍ ଓଁଜାର୍ ଆରି ଇସ୍‌ବ୍‌ରତି ମାନାୟାର୍ ଇସ୍‌ଏଲ୍ ଓଁଜାର୍ ଜିବୁନ୍‌ନି ସୁସ୍ତା ଆରି ଦୟା ଆୟେଡ଼୍ ।

^{୧୭} ହାରିହାରା, ନା ଏତେକ୍ ଇନି କାତା, ନାଙ୍ଗ୍ ଇନେର୍ ଆରେ ଦୁକ୍ ହିଦ୍‌ମେର୍ । ଇନାକିଦେଂକି ନା ଗାଗାଡ଼୍ ଇମଣି ସବୁ ଗାଝାତି ଚିନ୍‌କୁ ମାନିକ୍, ହେବେଣ୍ଡାଂ ହନାଡ଼୍ ଜେ ଆନ୍ ଜିସୁ କ୍ରିସ୍ତୁତି ଆଡ଼ିଏନ୍ ।

^{୧୮} ଏ ଟଣ୍ଡାର୍ ଆରି ତଣ୍ଡେକାଦେର୍, ମା ମାପୁ ଜିସୁ କ୍ରିସ୍ତୁତି ଉପକାର୍ ମି ଓଁଜାର୍ ଲାଗାଂ ଜିବୁନ୍‌ନି ଉପକାର୍ ମାନେଡ଼୍ । ଆମେନ୍ ।

ଏପିସିୟ ମଣ୍ଡଳୀ ନିକଟକୁ ପ୍ରେରିତ ପାଉଲକ ପତ୍ର ଏପିସିୟ ମଣ୍ଡଳି ଲାଗାଂ ପକ୍ୟାତି ପାଉଲକି ଆକି ଏପିସିୟ ପତିନି ପାଦେକ୍

ଏପିସିୟ ମଣ୍ଡଳି ତାକେ ପାଉଲକି ଆକି ପାଉଲକି ଆନମାନତାଂ ୭୦ ବାର୍ଷିକ ବିତ୍ତେ କଲସିୟ ମଣ୍ଡଳି ଲାଗାଙ୍ଗ୍ ଲେକିକିନି ସମ୍ପୁ ଲେକା ଆଜି ମାତାତ୍ । ଲେକିକିନାକାନ୍ ହେୱାନ୍ ନିଜେ ପକ୍ୟାତି ପାଉଲ ଇଞ୍ଜି ଜାଣାଟିଣା ହିନାନ୍ ୧:୧ ଜଦି କଲସିୟ ପତିତ ନିଜେ ମେହାଣ୍ ହିଲ୍‌ଝିତିସ୍ ପା କେତେକ୍ ପଣ୍ଡିତାର୍ ଏପିସିୟ ପତିତ ପାଉଲ ଲେକିକିତାନ୍‌ନା ଇଞ୍ଜି ପାତ୍ କିନାର୍ । ଇ କାରଣତାଂ ଆଜି ମାନାତ୍ ସବୁ ମଣ୍ଡଳିକାଂ ଆକି ପକ୍‌ନି ଇସାପ୍ ଆସି ଲେକାଜି ମାନଗାନାତ୍ । ପାଉଲ ଇଦାଂ ପା ଚର୍ଚ୍ଚି ହିନାନ୍ ଜେ ହେୱାନ୍ ଇ ଆକି ଲେକିକିନି ସମ୍ପୁତ ହେୱାନ୍ ବନ୍ଦି ମାତାନ୍ ୩:୧୪:୧ ଆରେ ୬:୨୦ ପାଉଲ ତୁକିକଂ ଏପିସିୟ ମଣ୍ଡଳିତ ପକ୍‌ତି ତା କେଇଦ ଇ ଆକି ପକ୍‌ତି ମାତାନ୍ । ୬:୨୧-୨୨ ।

ଏପିସିୟ ଏସିଆତ ମାନି ରଞ୍ଜାଙ୍ଗ୍ ଆକି ଗାଡ୍ ଆରି ରାଜଦାନି ମାତାତ୍ । ଏପିସିୟ ଗ୍ରିକ୍ ପେନ୍ ଅରଡ୍‌ନି ଉପାସ୍ ଆରି ଇଦାଂ ନି ମନ୍ଦିର କାଜିଂ ଓନ୍‌ନାତ୍ । ପକ୍ୟାତାକା ୬:୨୩-୨୪ । ଏପିସିୟ ମଣ୍ଡଳି ପର୍ତୁମ୍ ତାଟ୍ ମାତାତ୍ । ମାତର ପାତେ ହାଲକାଜି ଖାତାତ୍ । ହତ୍‌ତାକା ୨:୧-୭ । ପାଉଲ ତା ଲେକାନି ଆଦା ବାଗ୍‌ତ ଇସ୍‌ବର ଇନେସ୍‌କି ତା ମାନାୟାରିଂ କୁକ୍‌ତାନ୍ ଆରି ଇନେସ୍ ଜିସୁଙ୍ଗ୍ ହିଜି ପାପ୍‌ତାଂ ରାକ୍ୟା କିତାନ୍ ହେଦାଂ ବୁଜାୟ କିତାନ୍ ।

ପାଉଲ ମଣ୍ଡଳିତଂ ଗାଗାଡ୍ ହୁଦାଂ ତୁଲ୍‌ୟ କିଜି କ୍ରିଷ୍ଟ ଇ କାପ୍‌ତା ଆରି କନାନି ମୁଡ୍‌କାଲ୍ ଆନାନ୍ ଇନାକା ଲାହାଙ୍ଗ୍ ମେହାଜି ରବେ ବାତାନାର୍ । ପାଉଲକି ଆକି ଆଦା ବାଗ୍‌ତ କ୍ରିଷ୍ଟ ଜିବୁନ୍ ବିସ୍ତେ ଇନାନ୍ ।

ପତି ବିସ୍ତେନି ରାହାଣ୍

- ୧. ପାଉଲକି ବାନ୍ଦାଣି ଆରି ଜାଣାଟିଣାନି ମୁଡ୍ ୧:୧-୨
- ୨. କ୍ରିଷ୍ଟ ଲାହାଂ ମଣ୍ଡଳିନି ଜାଣାଟିଣା ୧:୩୩:୨୧
- ୩. କ୍ରିଷ୍ଟିୟାନ୍ ଜିବୁନ୍ ଜିପ୍‌କା କିନି ଉପାୟ ୪:୧-୬:୨୦
- ୪. ପାଉଲକି ହାରିହାରା ଓସ୍ତାନ୍ ୬:୨୧-୨୪

୧ *ଇସ୍‌ବର ଇଚା ଇସାପ୍ତେ କ୍ରିଷ୍ଟ ଜିସୁତି ରଞ୍ଜାନ୍ ପକ୍ୟାତାକାନ୍ ଚେଲା ଲାକେ ବାଟି କିୟାତି ପାଉଲ୍, ଜିସୁ କ୍ରିଷ୍ଟ ଲାହାଂ ମେହାଆଜି ପାତ୍ ଜିବୁନ୍ ଜିପ୍‌କା କିଜି ମାନି ଏପିସିତ ଇସ୍‌ବରତି ପୁଈପୁୟା ଲକୁ ହେବା କିନାକାର୍ ଲାଗାଂ ଲେକିକିତି ଇ ଆକି । ୨ ମା ଆବା ଇସ୍‌ବର ଆରି ମାପୁ ଜିସୁ କ୍ରିଷ୍ଟ ମି ଉପ୍‌କାର୍ ଆରି ସୁସ୍ତା ମି କାଜିଂ ଆଏଡ୍ ।

ଆମ୍‌କି ଆସିର୍ବାଦ୍

୩ ଦନ୍ୟ ମା ମାପୁ ଜିସୁ କ୍ରିଷ୍ଟି ଆବା ଇସ୍‌ବର । ଇନେକିଦେଂକି ହେୱାନ୍ ମାଙ୍ଗେଙ୍ଗ୍ କ୍ରିଷ୍ଟି ଲାହାଂ ମେହାୟକିଜି ସାଗେ ଲକୁନି ଓଜାରିଂ ସାଗେନି ଆମ୍‌କି ଆସିର୍ବାଦ୍ କିଡ୍‌ତାନ୍‌ନା, ୪ କ୍ରିଷ୍ଟି ତାକେ ମେହାଜି ଆପେଂ ଇନେସ୍ ଇସ୍‌ବରତି ଆତାପ୍ ହେଦାଂ ଜଗଡ୍ ଉଦ୍‌ଜାଣ୍ ଆନି ଆଗେ ବାଟି କିଡ୍‌ତାନ୍‌ନା ।

ଇନେସ୍‌କି ଜିଉନନିତ ତା ମୁମ୍‌ଦ ପୁଈପୁୟା ଆରି ଦସ୍‌ହିଲ୍‌ଖାକା ଆନାସ୍ ।

୫ ଜିସୁ କ୍ରିଷ୍ଟି ହୁକେ ହେୱାନ୍ ମାଙ୍ଗେଙ୍ଗ୍ ତା ମେହି ଲାକେ ଇଡ୍‌ଦେଦେଂ ବାଟି କିଜି ମାତାନ୍; ଇଦାଂ ନେ ମାତାତ୍ ତା ଖାରି ଆରି ଇଚା । ୬ ଇସ୍‌ବରତିଂ ଜାଜ୍‌ମାଲ୍‌ନି ଦୟା କାଜିଂ ଆରି ତା ଜିଉନନି କାଜିଂ ପିସ୍ତି ମଲ୍‌ତ ଦାନ୍ ଇସାବ୍ରେ ପାୟାତି କାଜିଂ, ଆପ୍ ଇସ୍‌ବରତିଂ ଦନ୍ୟବାଦ୍ କିନାପା । ୭ *କ୍ରିଷ୍ଟି ହାକି କାଜିଂ ଆପେଂ ମୁକ୍‌ତାନାକା, ଇତିସ୍ ମା ସବୁ ନେତେରତାଂ ପାପ୍ କେମା ଆତାଡ୍‌ନା । ଇସ୍‌ବରତି ଉପ୍‌କାର୍ ଏତେକ୍ ଗାଜା ! ୮ ହେ ଉପ୍‌କାର୍ ହେୱାନ୍ ସବୁ ବାନି ଗିଆନ୍ ଆରି ବାବ୍‌ନା ହିଜି ମା କାଜିଂ ବେସି ବାବ୍ରେ ହିଡ୍‌ତାର୍‌ନା । ୯ ଇସ୍‌ବର ତା ଆଦିକ୍ ଗିଆନ୍ ଆରି ଖାସ୍ତିହୁଡ୍‌ନି ଲାହାଂ ଇନାକା ବାଟି କିଜି ମାତାନ୍, ହେଦାଂ ପୁରା କିତାନ୍‌ନା ଆରି ତାଙ୍ଗେଙ୍ଗ୍ କ୍ରିଷ୍ଟି ଉପ୍‌କାର୍‌ତ ପୁରା କିନି କାଜିଂ ହେୱାନ୍ ଇମ୍‌ଶାକା ଡକ୍‌କି ହେ ଲାକେ ହାନ୍ଦାୟ କିଜି ମାତାନ୍, ହେଦାଂ ମା ଲାଗାଂ ହପ୍‌ତାନ୍‌ନା । ୧୦ ହେ ଲାକେ ହାନ୍ଦାୟ ଇସାବ୍ରେ ସାଗେ ଆରି ପୁତ୍‌ନି ସବୁ ରଚ୍ଚି ବିସ୍ତେ ରଞ୍ଜାଙ୍ଗ୍ ଆନାତ୍ ଆରି କ୍ରିଷ୍ଟ ହେୱାନ୍ ଓଜାରିଂ କାପ୍‌ତା ଲାକେ ମାନାନ୍ । ଇ ଲାକେ ହାନ୍ଦାୟ କିଜି ସମାନ୍ ସମ୍ପୁତ ପୁରା କିନାନ୍ ।

* ୧:୧ ୧:୧ ପକ୍ୟାତାକା ୧୮:୧୯-୨୧; ୧୯:୧. * ୧:୭ ୧:୭ କଲସିୟ ୧:୧୪.

୧୧ ସବୁ ବିସ୍ତେ ଇସ୍ପରତି ଲାକେ ହାନ୍ଦାୟ ଆରି କେମତା ଇସାପ୍ରେ ସମାନ ଆତିସ୍; ଆଗେତାଂ ବାଟିକିୟାଜି ଜାର୍ ଉଦେସ୍ତ ପୁରା କାଜିଂ କ୍ରିସ୍ତୁତି ହୁକେ ତା ନିଜେ ଲକୁ ଆନି କାଜିଂ ଇସ୍ପର୍ ମାଙ୍ଗ୍ ବାଟିକିତ୍ତାନ୍ନା । ୧୨ ଖାତ, ଇମ୍ଫାକାର୍ ସବୁ ପର୍ତୁମ୍ କ୍ରିସ୍ତୁତି ତାକେ ବାସ୍ କିଜି ମାଟାପ, ଓଜାକାସ୍ ଇସ୍ପରତି ପାଣ୍ କେର୍ନାସ୍ ।

୧୩ ଏପେଙ୍ ପା ଏଚେକାଡ୍ଫ ମୁକ୍ତାନାକା ହିନି ଇ ନେକ୍ରିକାରୁନି ସଡ୍ କାରୁର୍ ଖେଟାଦେର୍, ହେ ସମୁତାଂ ଇସ୍ପରତି ଆତାଦେଣ୍ଟା । ଏପ୍ କ୍ରିସ୍ତୁଙ୍ ପାତ୍ କିନାଦେରା, ଇସ୍ପର୍ ତା ପାର୍ମାଣ୍ ଇସାପ୍ରେ ପୁଇପୁୟା ଜିବୁନତିଂ ଦାନ୍ କିଜି ମି ଜପି ତା ଇଚା ଚିନ୍ ଇଡ୍ଦାତାନ୍ନା । ୧୪ ଇସ୍ପରତି ଜାଜ୍ମାଲ୍ନି ଖାରିକିନି କାଜିଂ ହେଖାନ୍ତି ଜାର୍ତି ମୁକ୍ତାନାକା ଉଦେସ୍ତ ହେଖାନ୍ ମା ଆଦିକାର୍ନି ଜାମ୍ଲି ଲାକେ ।

ପାଉଲ୍ତି ପାର୍ତାନା

୧୫ ଇ କାରଣତାଂ ମାପୁ ଜିସ୍ତୁତି ତାକେ ମି ଇମ୍ଫା ପାତ୍ ଆରି ଇସ୍ପରତି ଲକୁ କାଜିଂ ମି ପୁଇପୁୟାତାଂ ଜିଉନନାକା ମାନାଡ୍ । ୧୬ ମି କାଜିଂ ପାର୍ତାନାତ ଏତୁ କିଜି ଇସ୍ପରତିଂ ଦନ୍ୟବାଦ୍ ହିଜି ଖାନାଙ୍ଗା ଆନ୍ ପାନା ପାର୍ତାନାତ ମିଙ୍ଗ୍ ଦିନକେ ଏତୁ କିଦ୍ନାଙ୍ଗା । ୧୭ ଆରେ ଜାଜ୍ମାଲ୍ନି ଆବା, ମା ମାପୁ ଜିସ୍ତୁ କ୍ରିସ୍ତୁତି ଇସ୍ପରତିଂ ପାର୍ତାନା କିନାନ୍ ଇନେସ୍ ହେଖାନ୍ ମିଙ୍ଗେଙ୍ ପୁଇପୁୟା ଜିବୁନ୍ ହିଦ୍ନାନ୍ । ହେ ଜିବୁନ୍ ମିଙ୍ଗ୍ ବୁଦିକାର୍ଯ୍ୟା କିଦ୍ନାନ୍ ଆରି ଇସ୍ପରତିଂ ମି ଲାଗାଂ ଖେର୍ଚାନାନ୍ । ତା ଆତିସ୍, ଏପେଙ୍ ତାଙ୍ଗେଙ୍ ପୁଞ୍ଜେଙ୍ ଆଡ୍ନାଦେର୍ । ୧୮ ଆନ୍ ଗଞ୍ଜାରି କିଦ୍ନାଂ, ଇନେସ୍ ତା ଅଜଡ୍ ହୁଡ୍ନି କାଜିଂ ମିତାକେନି ଖାସ୍ ହୁଡ୍ନାକା ସାରି ଆନାଡ୍ । ପାଚେ ଇମ୍ଫା ବାସ୍ ଜାଜ୍ମାଲ୍ନି ଦାନ୍ ପୁଇପୁୟା ଲକ୍ତାଂ ଜେ ସବୁ ଏପେଙ୍ ତା ହୁକେ କୁକ୍ୟାତାଦେଣ୍ଟା ହେଦାଂ ପୁନାଦେର୍ । ୧୯ ତା ମାନାୟାର୍ କାଜିଂ ତା ପାର୍ମାଣ୍ ଗାଜା ଆସିର୍ବାଦ୍ ଜେ ଏଚେକ୍ ବେସି ଆରି ମା ଲାକେ ପାତ୍ କିନାକାର୍ ବିତ୍ରେ ତା ଗାଗାଡ୍ନି ସାକ୍ତି ଜେ ଏଚେକ୍ ଗାଜା, ହେଦାଂ ଏପେଙ୍ ପୁଞ୍ଜେଙ୍ ଆଡ୍ନାଦେର୍ । ୨୦ ନଙ୍ଗ୍, ମା ବିତ୍ରେ ଗାଗାଡ୍ତ ମାନି ହେ ସାକ୍ତି କାଜିଂ ନେ ଇସ୍ପର୍ କ୍ରିସ୍ତୁଙ୍ ହାକିତାଂ ଆରେ ନିକ୍ତି ତା ସାଗେତ୍ ଜାର୍ ତିନି ବାଗାଙ୍ଗ୍ ଜପି କୁଟିକିତାନ୍ନା । ୨୧ କ୍ରିସ୍ତୁ ଓଜୁ ସାଗେନି ସାସନ୍କାରିୟା, କେମତା ପୁରା ଆଦିକାର୍, ସାକ୍ତିତ ଆରି ଆଦିକାର୍ ଜପି ସାସନ୍ କିନାର୍, ଇ ଜୁଗ୍ନି ମାନି କାଡ୍ କି ହାନି କାଡ୍ କେମତା ଚର୍ନି ପାଦ୍ ପିସ୍ତି ତା ପାଦ୍ ବାଡ୍କାସ୍ । ୨୨ ଇସ୍ପର୍ ସବୁ ବିସ୍ତେ କ୍ରିସ୍ତୁତି ପାନା ତାରେନ୍ ଇଡ୍ଡାଣ୍ଟା ଆରି ଓଜୁ ବିସ୍ତେ ଜପିତାଂ ସବୁ ବାନିତ ମାପୁ ଲାକେ ମଣ୍ଡଲିତିଂ ଦାନ୍ କିତାର୍ । ୨୩ ହେ ମଣ୍ଡଲି କ୍ରିସ୍ତୁତି ଗାଗାଡ୍, ମଣ୍ଡଲି କାଜିଂ କ୍ରିସ୍ତୁତି କାମାୟ୍ ପୁରା ସମାନ ଆନାଡ୍; ଆରେ କ୍ରିସ୍ତୁ ସବୁ ବିସ୍ତେ ପୁରା କିନାନ୍ ।

୨

ହାକିତାଂ ଜିବୁନ୍ ପାୟାନାସ୍

୧ ଖିଦାଂ ଅମାନ୍ୟ ଆରି ପାପ୍ କାଜିଂ ପାଚେନିକାଡ୍ଫ ଆଗେନି ପୁଇପୁୟା ବାବ୍ରେ ହାଜି ମାଟାଦେର୍ । ୨ ହେ ସମୁତ ଏପେଙ୍ ଇ ଜଗଡ୍ନି ସଡ୍ହିଓ୍ ହାଜି ଦାହାର୍, ଗାଜା ଆକାସ୍ତ ଗାଗାଡ୍ହିଓ୍ ଆଦିକାର୍ ଜିବୁନ୍ ତଲ୍ୟା ମାଟାଦେର୍ । ହେ ମୁଡ୍ଦାକାନ୍ ନଂ ଇସ୍ପରତି ବଲ୍ ପିହିନି ଲକୁ ଜପି ସାସନ୍ କିନାନା । ୩ ହାଡ୍ପାତ ଆପେଂ ଓଜାକାସ୍ ହେଖାନ୍ ଲାକେ ମାଟାପ୍ ଆରି ଗାଗାଡ୍ ଆରି ମାନ୍ନି ପିହିନାକା ଚାଲାବୁଲା କିଜି ଜିବୁନ୍ ଜିପକା କିଜି ମାଟାପ୍ । ହାର୍ ବାବ୍ନା, ବିନେନିକାର୍ ଲାକେ ଆପ୍ ପା ବେବାର୍ କାକ୍ରିନି ସାରାଣ୍ ବଗି କିଦେଙ୍ଗ୍ ହାନାପା ।

୪ ମାତର୍ ଇସ୍ପରତି ଦୟା ଏଚେକ୍ ବେସି ଆରି ମା କାଜିଂ ତା ଜିଉନନାକା ଏଚେକ୍ ଗାଜା ଜେ, ମା ଉଡ୍ପାତ୍ୟା କାଜିଂ ଆସେଙ୍ ଆମ୍ବିକ୍ ବାବ୍ରେ ହାଜି ମାନି ସମୁତ ହେଖାନ୍ କ୍ରିସ୍ତୁତି ଲାହାଂ ମାଙ୍ଗେଙ୍ ଜିବୁନ୍ କିଡ୍ତାନ୍ନା । ଇସ୍ପରତି ଦୟା ହୁକେ ନେ ଏପେଙ୍ ମୁକ୍ତାତାଣ୍ଟା । ୫ ମା ବାନ୍ୟା କାଜିଂ ମା ଆମ୍ବିକ୍ ହାକି ମାନି ଖାଡାଂ ହେଖାନ୍ କ୍ରିସ୍ତୁତି ଲାହାଙ୍ଗ୍ ମାଙ୍ଗେଙ୍ ମେହାୟ୍ କିଡ୍ତାନ୍ । ଇସ୍ପରତି ଉପକାର୍ ହୁକେ ନେ ଏପେଙ୍ ମୁକ୍ତି ପାୟାତାଦେଣ୍ଟା, ୬ କ୍ରିସ୍ତୁ ଜିସ୍ତୁତି ଲାହାଂ ଏକ୍ ଆନି ହୁକେ ତା ଲାହାଂ ସାଗେତ୍ ରାଜ୍କିନି କାଜିଂ ହେଖାନ୍ ମାଂ ପା ନିକ୍ତାତାନ୍ନା । ୭ ଆରି କ୍ରିସ୍ତୁ ଜିସ୍ତୁତାଂ ହେଖାନ୍ ମା କାଜିଂ ଦୟା କିଜି ଖାନି ଜୁଗ୍ତ ଜାର୍ ଉପକାର୍ନି ଆଦିକ୍ ବେସି ଦାନ୍ ହପ୍ନାନ୍ । ୮ ଇନାକିଦେଂକି ଉପକାର୍ତ ପାତ୍ ହୁକେ ଏପେଙ୍ ମୁକ୍ତି ଆତାଦେଣ୍ଟା; ହେଦାଂ ମିତାଂ ଆଖାତାଡ୍ନା, ହେଦାଂ ଇସ୍ପତ୍ ଦାନ୍ ଆନାଡ୍, ୯ ଲାଗିଂ ଇ ବିସ୍ତେ ଇନେର୍ ଗରବ୍ କିଦେଙ୍ଗ୍ ଆଡ୍ଡର୍ । ୧୦ ଆପେଂ ଇନାକା ଆତାପ୍ନା, କେବଲ୍ ଇସ୍ପର୍ ନେ ହେଦାଂ କିତାନ୍ନା; ଇମ୍ଫା ହାଡ୍ଦି କାମାୟ୍ ଆସେଙ୍ କିନାସ୍ ଇଞ୍ଜି ଇସ୍ପର୍ ଆଗେତାଂ ବାଟିକିଜି ମାଟାନ୍, ଆସେଙ୍ କ୍ରିସ୍ତୁ ଜିସ୍ତୁ ଲାହାଂ ମେହାନି କାଜିଂ ମା ଜିବୁନ୍ତ ହେଦାଂ ଆଦେଂ ଆତାଡ୍ନା ।

☆ ୧:୨୨ ୧:୨୨ କଲସିୟ ୧:୧୮. ☆ ୨:୧ ୨:୧ କଲସିୟ ୨:୧୩.

କ୍ରିଷ୍ଟତାକେ ଏକ ଆନାସ୍

^{୧୧} ଜାର୍ତ୍ତି ପାଚେନି ଅବସ୍ଥା ଏତୁ କିୟାଟ୍ । ଏପେଙ୍ଗ ପାଚେନି କିଞ୍ଚି ଜିହୁଦି ମାଚାଦେର, ଜାର୍ତ୍ତି “ସୁନ୍ନତ୍” ଇଞ୍ଜି ମାନି ପାଚେନି କିଞ୍ଚି ଜିହୁଦିର ହୁକେ ସୁନ୍ନତ୍ ଆକାୟ ଇଞ୍ଜି ମାଚାର, ଇଦାଂ କେବଲ୍ ର ଗାଗାଡ୍ ଅବସ୍ଥାତିଂ ବୁଜାନାଡ୍ । ^{୧୨} ଆଗେ ଏପେଙ୍ଗ କ୍ରିଷ୍ଟତାଂ ଦେହା ମାଚାଦେର, ଇସ୍ରାଏଲ୍ ବିଦେସିୟା ମାଚାଦେର ଆରି ଇସ୍ପରତି ବାଚିକିତି ମେହାଞ୍ଜାଦାଂ ମାଚାଦେର, ଇସ୍ପର ତା ଲକୁ କାଜିଂ କିଜିମାନି ପାର୍ମାଣ୍ ଜପି ରଚ୍ଚି ନିୟମତ ମି ଇମ୍ପାଣାକା ପା ବାଗ୍ ହିଲ୍‌ଞ୍ଜାତାଡ୍ । ବାସ୍ ହିଲ୍‌ଞ୍ଜାକା ଆରି ଇସ୍ପର ହିଲ୍‌କାନ୍ ଆଜି ଏପେଙ୍ଗ ଜଗତତ ବାହା କିଜି ମାଚାଦେର । ^{୧୩} ଆଗେ ଏପେଙ୍ଗ ଦେହା ମାଚାଦେର, ମାତର ନଙ୍ଗ୍ ଜିସୁତି ଲାହାଂ ଏକ ଆଜି କ୍ରିସ୍ତ ହେଞ୍ଜାନ୍ତି ନେତେର ହୁକେ ଲାଗାଂ ଆତାଦେଣ୍ଟି । ^{୧୪} ଇନାକିଦେଂକି ଜିହୁଦି ଆରି ପାଚେନି କିଞ୍ଚି ଜିହୁଦିର ଏକ କିଜି, କ୍ରିସ୍ ନିଜେ ମା ବିତ୍ରେ ସୁସ୍ତା ରଚ୍ଚାଦାନା । ହେଞ୍ଜାରିଂ ବିନେ କିଜି ହାରି ସତୁ ଲାକେ ଇଚ୍ଚିନି ଅଙ୍ଗୁର ବାଡ୍ ହେଞ୍ଜାନ୍ ହେଞ୍ଜାନ୍ତି ନିଜ୍ ଗାଗାଡ୍ ହୁକେ ଡ୍ରାକ୍‌ତାନ୍ । ^{୧୫} ✱ ହେଞ୍ଜାନ୍ ଜିହୁଦିରତି ଡ୍ରାକ୍ ବିଦିବିଦାଣି ବଲ୍ ମସାତି ବିଦିତିଂ ହପ୍ତି ଜିହୁଦି ଆରି ପାଚେନି କିଞ୍ଚି ଜିହୁଦି ବିତ୍ରେତାଂ ହେଞ୍ଜାନ୍ତି ଉପକାର୍ ସୁକ୍‌ବଗ୍ କିଜି ମାନି ର ପୁନି ନାର୍ ଜାତି ଉବ୍‌ଜାୟ କିତାନ୍ନା । ଇବେ ପୁଚେନି ସୁସ୍ତା ରଚ୍ଚାଦାନା । ^{୧୬} ✱ କୁସ୍ତ ହେଞ୍ଜାନ୍ତି ହାକି ହୁକେ କ୍ରିସ୍ତ ହେ ଜିହୁଦି ପାଚେନି କିଞ୍ଚି ଜିହୁଦି ବିତ୍ରେ ମାନି ସାତୁରିଂ ବୁତାୟ କିତାନ୍; କୁସ୍ ହୁକେ ହେଞ୍ଜାନ୍ ରି ଜାତିତିଂ ମେହାୟକିଜି ର ଗାଗାଡ୍ ଲାକେ କିତ୍‌ତାନ୍ନା ଆରି ଇସ୍ପର ଲାଗାଂ ହେଞ୍ଜାରିଂ ତାଇଞ୍ଜାତାନ୍ନା । ^{୧୭} ହେଦାଂ କାଜିଂ କ୍ରିସ୍ତ ଞ୍ଜାଜି ମାଚାନ୍ ଆରି ଇସ୍ପରତାଂ ଦେହା ହାଲ୍‌ଜି ମାନି ପାଚେନି କିଞ୍ଚି ଜିହୁଦି ଆରି ତା ଲାଗାଂନି ଜିହୁଦିର ବିତ୍ରେ ସୁସ୍ତାନି ନେକ୍ରିକାବୁର ସୁଶାୟ କିଜି ମାଚାନ୍ । ^{୧୮} କ୍ରିସ୍ତ ହୁକେ ନେ ଜିହୁଦି ଆରି ପାଚେନି କିଞ୍ଚି ଜିହୁଦି ଡ୍ରାକ୍ ର ଜିବୁନ୍ତାଂ ଆବା ମୁମ୍‌ଦ ଞ୍ଜାନି କାଜିଂ ଇଡ୍‌ତାପନା ।

^{୧୯} ଲାଗିଂ, ଏପେଙ୍ଗ ନଙ୍ଗ୍ ବିଦେସିୟା କି ଜାର୍ ଦେସ୍‌ନି ମାନାୟ ଆକାୟ ମାତର ସାଦୁର୍ ଲାହାଂ ଏପେଙ୍ଗ ଇସ୍ପରତି ପୁଇପୁୟା ଲକୁ ଲାହାଂ ଏପେଙ୍ଗ ପା ତା ରାଜିନି ବାହା କିନାକାନ୍ ଆରି ଇସ୍ପରତି କୁଟୁମ ଆତାଦେଣ୍ଟି । ^{୨୦} ଏପେଙ୍ଗ ପା ପକ୍ୟାତାକାନ୍ ଚେଲା ଆରି ବେଶ୍‌ବାକ୍‌ଶାୟକିନାକାଚେନି ହୁକେ ରଚ୍ଚି କୁନାଦି ଜପି ରଚ୍ୟାତି ଇଲ୍‌କୁ ଲାକେ । ହେ ଇଲ୍‌ନି କନାନି କାଲ୍ ନିଜେ କ୍ରିସ୍ତ ଜିସୁ । ^{୨୧} ହେଞ୍ଜାନ୍ କେବଲ୍ ଇ ଇଲ୍‌ତିଂ ମେହାୟକିଜି ଇଚ୍ଚନାନ୍ ଆରି ମାପୁତି କାଜିଂ ର ପୁଜାକିନି ପୁଇପୁୟା ମନ୍ଦିର ଲାକେ ବାତାୟ କିତାନ୍ । ^{୨୨} ହେଞ୍ଜାନ୍ତି ଉପକାର୍ତ୍ତ ଏପେଙ୍ଗ ପା ବିନ୍ ଡ୍ରାକ୍‌ରିଂ ଲାହାଂ ଜିବୁନ୍‌ଲାଗ୍‌ଦି ଇସ୍ପର କୁଚ୍‌ନି କାଜିଂ ର ବାକ୍ତା ଲାକେ ରଚ୍ଚାଦାନା ।

୩

ପାଚେନି କିଞ୍ଚି ଜିହୁଦିରତି କାଜିଂ ପାଉଲ୍‌ତି କାମାୟ

^୧ ଇ କାର୍‌ଶ୍ଚାଂ ମି ଲାକେ ପାଚେନି କିଞ୍ଚି ଜିହୁଦିର କାଜିଂ କ୍ରିସ୍ତ ଜିସୁ ହୁକେ ବନ୍ଦି ଆଜି ମାନି ଆନ୍ ପାଉଲ୍, ଇସ୍ପର ତାକେ ପାର୍ତ୍ତାନା କିନାଙ୍ଗା । ^୨ ମି ହାର୍ କାଜିଂ ଇସ୍ପର ତା ଦୟାତ ନାଙ୍ଗ୍ ଇନେର ଇ କାମାୟ କିଦେଙ୍ଗ୍ ହିଡ୍‌ତାଣ୍ଟି, ଇଦାଂ ହାତେନେ ଖେଚାଦେଣ୍ଟି । ^୩ ଇସ୍ପର ତା ଡ୍ରାକ୍‌ତି କାତା ହପ୍ତି ନାଙ୍ଗେଙ୍ଗ୍ ଖେଚାତାତାନ୍ନା । ଇ ବିସ୍ତେ ଆନ୍ ହାରୁକିଜି ଲେକିକିନାଙ୍ଗା । ^୪ ✱ ହେଦାଂ ପଡ୍‌କିତିସ୍ କ୍ରିସ୍ତ ତିଲ୍ଲି କାତା ବିସ୍ତେ ଆନ୍ ଇନାକା ବୁଜାଆତାଂନା ହେଦାଂ ଏପେଙ୍ଗ ପୁଞ୍ଜେଙ୍ଗ୍ ଆଡ୍‌ନାଦେର । ^୫ ଆଗେନି କାଡ୍‌ଦ ମାନାୟ ଜାତିତିଂ ଇ ଡ୍ରାକ୍ କାତା ବିସ୍ତେ ଇନ୍‌ପାଞ୍ଜାଦାଂ ମାଚାଡ୍ । ମାତର ଇସ୍ପର ନଙ୍ଗ୍‌ନି ତା ପୁଇପୁୟା ପକ୍ୟାତାକାନ୍ ଚେଲାଙ୍ଗ୍ ଆରି ବେଶ୍‌ବାକ୍‌ଶାୟକିନାକାର ଜିବୁନ୍ ହୁଦାଂ ଇଦାଂ ହପ୍ତାନ୍ନା । ^୬ ହେ ଡ୍ରାକ୍ କାତା ଆନାତା, ନେକ୍ରିକାବୁର କାଜିଂ ଜିହୁଦିର ଲାହାଂ ପାଚେନି କିଞ୍ଚି ଜିହୁଦିର ପା ଇସ୍ପରତି ଆସିର୍ବାଦ୍‌ତ ମେହା ଆତାଣ୍ଟି । ହେଞ୍ଜାନ୍ ହେ ର ଗାଗାଡ୍‌ନି କେଇଗାଲ୍ ଆରି ଜିସୁ କ୍ରିସ୍ତ ଉପକାର୍ତ୍ତାଂ ଇସ୍ପର ହିଡ୍‌ତି ପାର୍ମାଣ୍‌ତ ମେହା ଆନାଦେର ।

^୭ ଇସ୍ପତ୍ ତା ସାକ୍ତି ହିଜି ନାଙ୍ଗ୍ ଇମ୍‌ଣି ଦୟା ଦାନ୍ ହିତାନ୍ନା ହେଦାଂ କାଜିଂ ଆନ୍ ନେକ୍ରିକାବୁରନି ପର୍ଚାର୍ ହେବାକାରୟା ଆନାଙ୍ଗ୍ । ^୮ ଆନ୍ ଇସ୍ପରତି ସାଦୁର୍ ବିତ୍ରେ ଡ୍ରାକ୍‌ତାଂ ହାରୁ, ଆତିସ୍‌ପା ପାଚେନି କିଞ୍ଚି ଜିହୁଦିର ଲାଗାଂ କ୍ରିସ୍ତ ବିସ୍ତେ ଦାନ୍‌ନି ନେକ୍ରିକାବୁର ଅନି କାଜିଂ ନାଙ୍ଗ୍ ଇସ୍ପର ସମ୍ ହିଡ୍‌ତାଡ୍‌ନା । ^୯ ଇସ୍ପରତି ହେ ପୁନି ସମ୍‌ନି ଡ୍ରାକ୍‌ତି ଉପାୟ ଇନେସ୍ କାମାୟ ଆଦେଂ ଆଡ୍‌ନାଡ୍, ହେଦାଂ ଡ୍ରାକ୍‌ରିଂ ଜାଣାୟ କିଦେଙ୍ଗ୍ ନି କାମାୟ ଆନ୍ ଲାବ୍ କିତାଂନା । ସବୁ ବିସ୍ତେନି ରାକ୍ୟାକାରିୟା ଇସ୍ପର ଆଗେ ସବୁ ଜୁଗ୍‌ତ ତା ଡ୍ରାକ୍ କାତାତିଂ ଡ୍ରାକ୍ ଇଡ୍‌ଜି ମାଚାର, ^{୧୦} ଇନେସ୍ ନଙ୍ଗ୍‌ନି ସମ୍‌ତ କ୍ରିସ୍ତୟାନ୍ ମଣ୍ଡଲିନି କାମାୟ ହୁକେ ସାଗେନି ଆଦିକାର୍ ଆରି ସାକ୍ତିକାଗାକାନ୍ ଇସ୍ପରତି ବିସ୍ତେ ଗିଆନ୍ ବିସ୍ତେ ହିକ୍ୟା କିଜି ବୁଜାନାସ୍ । ^{୧୧} ଇସ୍ପର ତା ଡ୍ରାକ୍‌ଡ୍ ସମ୍ ଉଦେସ୍ ଇସାବ୍ରେ ମା ମାପୁ କ୍ରିସ୍ତ ଜିସୁ ହୁକେ ଇଦାଂ ପୁରା କିତାଣ୍ଟି । ^{୧୨} କ୍ରିସ୍ତ ଲାହାଂ ମେହାଜି ମାଚିଲେ

✱ ୨:୧୫ ୨:୧୫ କଲସିୟ ୨:୧୪. ✱ ୨:୧୬ ୨:୧୬ କଲସିୟ ୧:୨୦. ✱ ୩:୪ ୩:୪ କଲସିୟ ୧:୨୭,୨୭.

ଆରି ତା ତାକେ ପାତ କିଜି ମାଟିଲେ ବାସି ଲାହାଙ୍ଗ ଇସ୍ବର ଲାଗାଙ୍ଗ ହାନି କାଜିଂ ମାଦାଂ ନଙ୍ଗ ସାସ୍ ମାନାତ୍ । ୧୩ ଇଦାଂ କାଜିଂ ନାଦି ଗଞ୍ଜାରି, ମି କାଜିଂ ନା ଦୁକ୍ବଗ୍ କାଜିଂ ନିସ୍ତାୟ୍ ଆମାଟ୍, ଇନାକିଦେଂକି ଇଦାଂ ସବୁ ମିଦାଙ୍ଗ ଜାଜ୍ମାଲ୍ କାଜିଂ ଆତାତ୍ନା ।

କ୍ରିଷ୍ଟି ଜିଉନନାକା

୧୪ ହେଦାଂ କାଜିଂ ଆବା ମୁମ୍ବ୍ ଆନ୍ ମେଣ୍ଡାଙ୍ଗ୍ କୁନ୍ଦିକିଜି ପାର୍ତାନା କିନାଙ୍ଗା, ୧୫ ଇନେରିଂ ସାଗେ ଆରି ପୁତ କାଣ୍ଡକେ କୁଟୁମ୍ ତା ଆକର ଦାଦିର୍ ତର୍ ପାୟାତାଂନା । ୧୬ ଇନେସ୍ ହେଞ୍ଜାନ୍ ଜାର୍ ଜାଜ୍ମାଲ୍ ଲାକେ ଦନ୍ ଇସାବ୍ରେ ଜାର୍ ଜିବୁକ୍ତି ହୁକେ ମିଙ୍ଗେଙ୍ଗ୍ ଜାର୍ ମାନାୟତାଂ ସାକ୍ତି ପାୟା ଆଜି ବାପୁ ଆଦେଂ ହିଦ୍ନାନ୍ ହେଦାଂ କାଜିଂ ପାର୍ତାନା କିନାଙ୍ଗା, ୧୭ ଆନ୍ ପାର୍ତାନା କିନାଙ୍ଗା, ଇନେସ୍ ମି ପାତ ହୁକେ କ୍ରିଷ୍ଟୁ ମି ଖାସ୍ତିତ ବାହା କିନାନ୍, ଆନ୍ ପାର୍ତାନା କିନାଙ୍ଗା, ଇନେସ୍କି ମି ମୁଡ୍ କୁନାଦି ଜିଉନନିତ ରଚ୍ଚି ବେସିଆଟ୍ଝା ଆନାତ୍ । ୧୮ କ୍ରିଷ୍ଟି ଖାରି ଜେ ଏଚେକ୍ ଲାମା ଆରି ଅହାର୍, ଏଚେକ୍ ପାନ୍ତାକା, ଏପେଙ୍ଗ୍ ଇସ୍ବରତି ପୁଇପୁୟା ମାନାୟାର୍ ଲାହାଂ ବୁଜାନି ସାକ୍ତି ଗାଟାଆଏଡ୍ । ଇନେସ୍କି ଏପେଙ୍ଗ୍ ଇଦାଂ ପା ବୁଜାଦେଂ ଆଡ୍ନାଦେର୍ ଜେ, ହେ ଖାରି ଏଚେକ୍ ଅହାର୍ । ୧୯ ଆଁ ଏପେଙ୍ଗ୍ ତା ଜିଉନନି କାତା ପୁଞ୍ଜେଙ୍ଗ୍ ଆଡ୍ନାଦେର୍, ଆତିସ୍ପା ଇଦାଂ ଇନାଖାଡାଙ୍ଗ୍ ପା ପୁରାତାଂ ପୁନ୍ୟା ଆଉଡ୍ । ଏଲେଙ୍ଗ୍ ବାନି ଏପେଙ୍ଗ୍ ଇସ୍ବରତି ଗୁଣ୍ ବାତ୍ ପୁଞ୍ଜେଙ୍ଗ୍ ଆଡ୍ନାଦେର୍ । ୨୦ ଇସ୍ବର ମା ଖାସ୍ତିତ କାମାୟ୍ ପୁରା କିନି ଜାର୍ ସାକ୍ତି ଇସାବ୍ରେ ମା ଏନ୍ନାକା କି ବାବିକିନି ତାଂ ଆଦିକ୍ ହର୍ ପୁରା କିଦେଙ୍ଗ୍ ଆଡ୍ନାସ୍; ୨୧ ମାଣ୍ଡିଲି ହୁକେ ଆରି କ୍ରିଷ୍ଟୁ ଜିସ୍ତୁ ହୁକେ ଜୁଗ୍ ଜୁଗ୍ ଝିଜ୍ଝି କାଡ୍ ପାତେକ୍ ହେ ଇସ୍ବରତି ଜାଜ୍ମାଲ୍ ଆଏଡ୍ । ଆମେନ୍ ।



ଗାଗାଡ୍ ଏକ୍

୧ ମାପୁତି ହେବା କିଜିମାନି କାଜିଂ ଗେହ୍ୟାଜିମାନି ଆନ୍ ପାଉଲ୍ ମିଙ୍ଗେଙ୍ଗ୍ ଗଞ୍ଜାରି କିଦ୍ନାଙ୍ଗା, ଇନେସ୍ ଜିବୁନ୍ ଜିଉଣା କିନି କାଜିଂ ଇସ୍ବର ମିଙ୍ଗେଙ୍ଗ୍ କୁକ୍ତାତାନ୍ନା ତାଲାକେ ବେବାର୍ କିୟାଟ୍, ୨ ସବୁଝେଡାଙ୍ଗ୍ ହୁଦାର୍, ହିଡ୍ଡି ଆରି ସାହାସ୍ ଆତ । ହାରି ଲାମାହୁଦାର୍ ଆଜି ଜିଉନନିତ ହାରି କାଜିଂ ହୁଞ୍ଜନାକାଦେର୍ ଆତ; ୩ ପୁଇପୁୟା ଜିବୁନ୍ତ ଉପକାରତାଂ ସୁସ୍ତାତାଂ ବାହାକିନି ହୁକେ ମି ବିତ୍ରେ ଇମ୍ଝି ରବେ ରଚ୍ଚାଦେଣ୍ଡା, ହେଦେଲିଂ ରାକ୍ୟା କିନି କାଜିଂ ଜାତୁନ୍ ଆତ । ୪ ମା ଗାଗାଡ୍ ରଞ୍ଜାଙ୍ଗ୍, ଜିବୁନ୍ ପା ରଞ୍ଜାଙ୍ଗ୍ । ଆରି ର ବାସି ହିଜି ଇସ୍ବର ମାଙ୍ଗେଙ୍ଗ୍ କୁକ୍ତାତାନ୍ନା । ୫ ର ମାପୁ, ର ପାତ, ର ବାପ୍ତିସମ୍, ୬ ଝିଜାର୍ ନାର୍ ଜାତିନି ଇସ୍ବର ଆରି ଆବା ରଞ୍ଜାନ୍; ହେଞ୍ଜାନ୍ ଝିଜାର୍ ମାପୁ, ଝିଜାର୍ ବିତ୍ରେ ଆରି ଝିଜାର୍ ଖାସ୍ତିତ ମାନାନ୍ ।

୭ କ୍ରିଷ୍ଟୁ ହିଜିମାନି ଅଲପ୍ନେ ଆସେଙ୍ଗ୍ ଜାଣ୍ଡକେ ରଞ୍ଜାଙ୍ଗ୍ ରଞ୍ଜାଙ୍ଗ୍ ଦୟା ଦାନ୍ ପାୟାତାସ୍ନା । ୮ ଦର୍ମ ସାସ୍ବରତ ଇ ବିସ୍ତେ ଲେକା ଆତାତ୍ନା

“ଏଚେକାଡ୍ଦ ହଞ୍ଜାନ୍ ଜପି ଦୁମ୍ତାନ୍,
ତା ଲାହାଂ ହେନି ବନ୍ଦିରିଂ ହେଞ୍ଜାନ୍ ଅତାନ୍,
ଆରେ ନାର୍ ଜାତିତିଂ ବେସି ବର୍ ଦାନ୍ ହିତାନ୍ ।”

୯ “ହେଞ୍ଜାନ୍ ଜପି ଦୁମ୍ତାନ୍,” ଇଞ୍ଜି ଇନାକା ଅରଡ୍ ଇନାକା ? ଇଦାଂ ନି ଅରଡ୍, ପର୍ତୁମ୍ ହେଞ୍ଜାନ୍ ପୁତ ନି ତାରେନ୍ ବାହାକାଂ ଜୁଡ୍ତାନ୍ । ୧୦ ଲାଗିଂ ଇନେନ୍ ଜୁଡ୍ତାନ୍, ହେଞ୍ଜାନ୍ ରାଜିନି ପୁତ ତିଂ ହେଞ୍ଜାନ୍ତି ମାନିହିଂ ବାତ କିନି କାଜିଂ ହେଞ୍ଜାନ୍ ଆରେ ସାଗେନି ଜପିତିଂ ଦୁମ୍ତାନ୍ । ୧୧ ହେଞ୍ଜାନ୍ ନେ ନାର୍ ଜାତିତିଂ ବେସି ବର୍ ଦାନ୍ ହିଜି ହାତାନ୍ନା । ଇନେରିଂ ପକ୍ୟାତାକାନ୍ ତେଲା, ଆରେ ଇନେରିଂ ବେଣ୍ଡାକ୍‌ଶାୟକିନାକାର୍, ଇନେ ଇନେରିଂ ନେକ୍ତିକାରୁର୍ ସୁଣାୟକିନାକାର୍, ଆରେ ଇନେ ଇନେରିଂ ପାସ୍ବେର୍ ଆରି ଗୁରୁ ଲାକେ ବାତି କିତାନ୍ନା; ୧୨ କ୍ରିଷ୍ଟି ହେ ଗାଗାଡ୍ ରଚ୍ଚି ଉଦେସ୍ତ କ୍ରିଷ୍ଟିୟାନ୍ ହେବାକାମାୟ୍ କାଜିଂ ଇସ୍ବର ସାଦୁରିଂ ଜାଲ୍ଦି କିଦେଙ୍ଗ୍ ହେଞ୍ଜାନ୍ ଇଦାଂ କିତାନ୍ନା । ୧୩ ହେଦାଂ କାଜିଂ ଆସେଙ୍ଗ୍ ଝିଜାର୍ ପାତ୍ ଆରି ଇସ୍ବରତି ମାଜି ବିସ୍ତେ ଗିଆନ୍ତ ରବେ ଆନାପ୍, କ୍ରିଷ୍ଟି ପୁରାପାୟାଜି ଆପେଂ ପୁନିବୁଡାର୍ ଆନାପ୍ । ୧୪ ତୁଲୁ ଚାଲାନିତ ଆରି ଲଡ୍ଡି ତୁକାନିତ ଏନେତେନେ ଆନି ହିମ୍‌ଶାଂ ଲାକେ ଆସେଙ୍ଗ୍ ଆରେ ତିର୍ ଆଉସ୍ । ବିନ୍ନିକାରିଂ ବିନେ ହାଞ୍ଜେଙ୍ଗ୍ ଗାଣ୍ଡୁଟିଚ୍ଚି ଚାଲାକି ହିକ୍ୟାତ ଆସେଙ୍ଗ୍ ଏନେତେନେ ଆଉସ୍ । ୧୫ ଇତିସ୍ ଜିଉନନିତ ହାଡ୍ପା ଇଞ୍ଜି ସବୁ ବିସ୍ତେ କାପଡା ଲାକେ କ୍ରିଷ୍ଟି ଲାକେ ଆନାସ୍ । ୧୬ ହେଞ୍ଜାନ୍ତି ଗାଗାଡ୍‌ନି ବିନ୍‌ବିନ୍ ହାଦିନି ଉପକାର୍ ହୁକେ ଆରେ, ଜାଣ୍ଡକେ ବାଗ୍ନି କାମାୟକିନି ସାକ୍ତି ଇସାବ୍ରେ ମେହାଜି ଆରି ମେହାଜି ଜିଉନନିତ ଜାର୍ ହାର୍ କାଜିଂ ଜାର୍ତି ବାତାଦେଂ ରଚ୍ଚୟାନାତ୍ ।

☆ ୪:୭ ୪:୭ କଲସିୟ ୩:୧୨,୧୩. ☆ ୪:୧୭ ୪:୧୭ କଲସିୟ ୨:୧୯.

କ୍ରିଷ୍ଟତା ପୁନି ଜିବୁନ୍

୧୭ ଲାଗିଂ ମାପୁତି ତରଦ ବେସି ଗଞ୍ଜାରି କିଜି ଇଞ୍ଜନାଙ୍ଗା, ପାତର୍ କିଞ୍ଜି ଜିହୁଦିର୍ ଜିବୁନ୍ ଜିପ୍କା କିମାଟ୍ ଇନେସ୍ ଜାର୍ ଜାର୍ ମାନନ୍ ମାଲ୍ୟା ପଲ୍ୟା କିତାର୍, ଏପେଙ୍ଗ୍ ହେ ଲାକେ ବେବାର୍ କିମାଟ୍; ୧୮ ଆରି ହେଞ୍ଜାରିତି ମାନ୍ ମାଜ୍ଗା । ଇସ୍ବର ହିଡ୍ଡି ଜିବୁନ୍ତ ହେଞ୍ଜାରିତି ଇମ୍ଣାକାସ୍ ମେହାଣ୍ ଆକାୟ୍ । ଇନେକିଦେଂକି ହେଞ୍ଜାର୍ ପୁରା ଅଗିଆନ୍ ଆରି ଅମାନ୍ୟା ମାନାୟ୍ । ୧୯ ହେଞ୍ଜାର୍ ନିଲାଇ, ଲାଜ୍ ହିଲ୍ଝାକାର୍, ଆରି ଲଗ୍ଟା ବାବ୍ରେ ସବୁ ବାନି ବିଟାଡ୍ କାମାୟ୍ତ ବାତର୍ ।

୨୦ ଇ ସବୁ ଏପେଙ୍ଗ୍ କ୍ରିଷ୍ଟି ବିସ୍ତେ ହିକ୍ୟା କିଜି ମାନି ବିସ୍ତେ ଆକାୟ୍ । ୨୧ ଏପେଙ୍ଗ୍ତ ହେଞ୍ଜାରି ବିସ୍ତେ ଝେଟାଦେଣ୍ଟା ଆରି ହେଞ୍ଜାନ୍ ପାଚେହାନି ଲାକେ ଜିସ୍ତୁତି ବିସ୍ତେ ହାଡ୍ପା ହିକ୍ୟା ପାୟା ଆତାଦେଣ୍ଟା । ୨୨ ଲାଗିଂ ଇମ୍ଣା ପୁନାକା ବେବାର୍ ଅଜି ଏପେଙ୍ଗ୍ ଜିବୁନ୍ ଜିପ୍କା କିଜି ମାଚାଦେର୍, ହେଦାଂ ପିହାଟ୍, ଇନେକିଦେଂକି ତା ଚାକ୍ଟାୟ୍ କାମାୟ୍ ହୁକେ ମି ଜିବୁନ୍ ନସ୍ ଆଜି ମାଚାଟ୍ । ୨୩ ଆରେ ମି ମାନ୍ତୁ ଆରି ମାନନ୍ ପୁରା ପୁନାକା ଆଦେଂ ଲଡା । ୨୪ ଇମ୍ଣା ପୁନି ଅବ୍ୟାସ୍ ଇସ୍ବରତି ଲାକେ ଉଦ୍‌ଜାଣ୍ ଦାମର୍ କାତା ଆରି ହାଡ୍ପାନି ପୁଇପୁୟାତ ରବ୍‌ୟା ଆତାଡ୍‌ନା, ହେଦାଂ ଉସ୍‌ପେଦେଂ ହିକା ଆତାଦେଣ୍ଟା ।

୨୫ ଆରେ ମିଟ୍ ଇନମାଟ୍ । କ୍ରିଷ୍ଟୁଙ୍ଗ୍ ପାତର୍ କିନାର୍ ହାରିତିଂ ସଡ୍ ଇନାକା ମାନାଟ୍; ଇନେକିଦେଂକି ଆପେଂ କ୍ରିଷ୍ଟି ଗାଗାଡ୍ କେଇଗାଲ୍ । ୨୬ ଏପେଙ୍ଗ୍ ରିସା ଆଜି ପାପ୍ କିମାଟ୍ । ଝେଡା ହାଲ୍‌ଝିଂ ମି ରିସା ଉଣା ଆଏଡ୍ । ୨୭ ଆରେ ସୟ୍‌ତାନ୍ତିଂ ବାହା ହିମାଟ୍ । ୨୮ ଇତିସ୍ ହିଲ୍‌ଝାକାନ୍ ଲକୁରିଂ ଦାନ୍ କିନି କାଜିଂ ଇନେସ୍ ତା ତାକେ ଅଲପ୍ ମାନ୍‌ଗାନାଟ୍, ଇଦାଂ କାଜିଂ ଜାର୍ କେଇଦ୍ ହାଡ୍‌ଦି କାମାୟ୍ କିଜି କସ୍ କିଏନ୍ । ୨୯ ମି ଝେଇଦାଂ ଇମ୍ଣାକା ପା ବାନ୍ୟା ବଚନ୍ ହଡ୍‌ମେଡ୍, ଆଞ୍ଜିତିସ୍ ଲଡା ଇସାପ୍ରେ ରବ୍‌ନି ବଚନ୍ ହଡେଡ୍, ଇନେସ୍ ହେଦାଂ ଝେନାକାତର୍ ଉପ୍‌କାର୍ ପାକ୍ୟାତ ଉପ୍‌କାର୍ ଆନାଟ୍ । ୩୦ ଇସ୍ବରତି ପୁଇପୁୟା ଜିବୁନ୍ତିଂ ଦୁକ୍ ହିଡ୍ଡି । ଇନେକିଦେଂକି ପୁଇପୁୟା ଜିବୁନ୍ ମି ଜପି ଇସ୍ବରତି ଆଦିକାର୍‌ନି ଚିନ୍ ଇଡ୍‌ଦିତି ଲାକେ ଆରି ଇସ୍ବର ଜେ ଦିନେକ୍ ମିଦାଂ ମୁକ୍‌ଡାନାକା ପୁରା କିଦ୍‌ନାର୍, ଇଦାଂ ହାଡ୍‌ପା । ୩୧ ଝିଜୁ ବାନି କୁଟ୍ ବାବ୍‌ନା, ରିସା, ଟାଣି, କୁଲ୍ ଆରି ଲକାର୍ ନିନ୍ଦା ଆରେ ସବୁ ବାନି ଆକାର୍ ମିତାକେଣ୍ଟାଂ ଦେହା ଆଏଡ୍ । ୩୨ ଆରେ, ହାରି କାଜିଂ ଦୟା ଆଡ, କଞ୍ଜାଣ୍ ମାନ୍ ଆଡ, ଆରି କ୍ରିଷ୍ଟି କାଜିଂ ଇସ୍ବର ଇନେସ୍ ମିଙ୍ଗେଙ୍ଗ୍ କେମା କିଡ୍‌ତାନ୍, ହେ ଲାକେ ହାରିତିଂ କେମା କିୟାଟ୍ ।



ଅଜଡ୍‌ନି ଜିବୁନ୍

୧ ଏପେଙ୍ଗ୍ ଇସ୍ବରତି ଝାରିନି ମାଜିକାଦେର୍, ଇତିସ୍ ତା ପାଚେ ହାଞ୍ଜେଙ୍ଗ୍ ସେସ୍ କିୟା । ୨ କ୍ରିଷ୍ଟ ଇନେସ୍ ମାଙ୍ଗେଙ୍ଗ୍ ଜିଉନଡ୍‌ତାନ୍, ଆରି ଇସ୍ବତର୍ ସାରି କାଜିଂ ଜାର୍ ଜିବୁନ୍ତିଂ ମା କାଜିଂ ହାଦର୍ ଆକାଟ୍ ଆରି ପୁଜାଲାକେ ହିତାନ୍, ମି ଜିବୁନ୍ ପା ହେ ଲାକେ ଜିଉନନାକା ହୁକେ ଚାଲା ଆଏଡ୍ ।

୩ ଇସ୍ବରତି ପୁଇପୁୟା ଲକୁ ଆଜି ମାଚିସ୍ ମି ବିଡ୍ରେ ଦାରି, ବିଟାଡ୍ କି ଲାବ୍‌ଡି, ହେଦାଂ ସାଦୁର୍ ଲାଗାଂ ହାର୍ ଆକାୟ୍ । ୪ ମି ପାକ୍ୟାତ ହଞ୍ଜାଦ୍ ବେରଣ୍, ଅରାହିଲ୍‌ଡି କାତା କି ଆହାର୍ କାତା ବେବାର୍ କିନାକା ପା ଲଡା ଆକାୟ୍ । ଇତିସ୍ ମି କାତାବାତାତ ଇସ୍ବରତିଂ ଦନ୍‌ସାଦ୍ ହିଜି ମାନାଟ୍ । ୫ ଇନେକିଦେଂକି ଏପେଙ୍ଗ୍ ହାଡ୍‌ପା ଇଞ୍ଜି ପୁନଞ୍ଜି ମାନାଟ୍, ଇମ୍ଣା ଦାରୁଲା କି ରାଡା ମାନାୟ୍ ନଲେ ଲଗ୍ଟା ହେଞ୍ଜାନ୍ ତ ପୁଡ୍‌ଡା ପୁଜାକିନାକାନ୍ ଇଞ୍ଜାରିତି, କ୍ରିଷ୍ଟ ଆରି ଇସ୍ବରତି ରାଜିନି ଆଦିକାର୍ ଆଦେଂ ଆଡୁର୍ ।

୬ ପଲ୍ୟା କାତା ଇଞ୍ଜି ଇନେର୍ ମିଙ୍ଗେଙ୍ଗ୍ ଟକାୟ୍ କିଦ୍‌ମେନ୍ । ଇ ସବୁ ବାନ୍ୟାକାମାୟ୍ ହୁକେ ଇମ୍ଣାକାର୍ ଇସ୍ବରତି ବଲ୍ ମାନି କିଉର୍, ହେଞ୍ଜାର୍ କାଜିଂ ତା ରିସା ପଲ୍ୟା ଆନାଟ୍ । ୭ ଏଲେଙ୍ଗ୍ ବାନି ମାନାୟ୍ ଲାହାଙ୍ଗ୍, ଇମ୍ଣା ତାକେପା ମେହାଣ୍ ଆମାଟ୍, ୮ ଏପେଙ୍ଗ୍ ଦିନେକ୍ ମାଜ୍‌ଗାତ ମାଚାଦେର୍, ମତର୍ ନଙ୍ଗ୍ ମାପୁତି ଲକୁ ଆଜି ମାଚିଲେ ଅଜଡ୍‌ନି ହିମ୍‌ଣାଂ ଲାକେ ବେବାର୍ କିୟାଟ୍, ୯ ଇନାକିଦେଂକି ଅଜଡ୍‌ନେ ସବୁ ବାନି ସଡ୍‌ଗୁଣ୍, ଦାମର୍ ଆରି ହାଡ୍‌ପା ଲାକେ ପାଡ୍ ଉଦ୍‌ଜା ଆନାଟ୍ । ୧୦ ମାପୁତିଂ ରୁଜା ଆଦେଂ କାଜିଂ ହିକ୍ୟା କିୟାଟ୍ । ୧୧ ମାଜ୍‌ଗାନି ମାଲ୍ୟା କାମାୟ୍ ସବୁତାକେ ମେହାଆମାଟ୍, ଇତିସ୍ ସବୁନି ଦସିନେ ଚଟାଟ୍ । ୧୨ ଇନାକିଦେଂକି ହେଞ୍ଜାର୍ ଇନାକା ସବୁ ଡ୍‌ଗୁଜି କିତାର୍, ହେ ସବୁ କାତା ଇନାକା ପା ଲାଜୁ, ୧୩ ଏଚେକାଡ୍‌ଦ ଝିଜୁ ବିସ୍ତେ ଅଜଡ୍‌ତ ତାଈଞ୍ଜାନାର୍, ହେପାଦ୍‌ନା ହେଞ୍ଜାକାଂ ହାଡ୍‌ପା ଲାକେ ହନାଡ୍ । ୧୪ ଇନେକିଦେଂକି ଅଜଡ୍ ଝିଜୁ ବିସ୍ତେ ଅଜଡ୍ ଆନାଟ୍ । ହେଦାଂ କାଜିଂ ଏଲେଙ୍ଗ୍ ଲେକା ଆତାଡ୍‌ନା ।

“ଏ ହୁଞ୍ଜାକାଦେର୍, ନିଙ୍ଗାଟ୍, ହାତାକାର୍ ବିଡ୍ରେତାଂ ନିଙ୍ଗାଟ୍,
ଆରେ କ୍ରିଷ୍ଟି ମି ତାକେ ଅଜଡ୍‌ଆନାନ୍ ।”

✧ ୪:୨୨ ୪:୨୨ କଲସିୟ ୩:୯. ✧ ୪:୨୪ ୪:୨୪ କଲସିୟ ୩:୧୦. ✧ ୪:୩୨ ୪:୩୨ କଲସିୟ ୩:୧୩.

୧୫ ଲାଗି ଏପେଙ୍ଗ ଇନେସ୍ ବେବାର୍ କିନାଦେର୍, ହେଝାନ୍ ବିସ୍ତେ ଜାଗ୍ରତ୍ ମାନାଟ୍, ଅଗିଆନି ଲାକେ ଆଝାଦାଂ ଗିଆନି ଲାକେ ବେବାର୍ କିୟାଟ୍, ୧୬ ଙଜାଣକେ ଉପାୟନି ସତ୍ ବେବାର୍ କିୟାଟ୍, ଇନାକିଦେଂକି କାଡ୍ ବାନ୍ୟା ଦିନ୍ ଏକାଝାନାଡ୍ । ୧୭ ଲାଗି ବୁଦିହିଲ୍ଝି ଲାକେ ଆମାଟ୍, ମାତର୍ ମାପୁତି ଇଚା ଇନାକା, ହେଦାଂ ବୁଜାଆଦେଂ ସେସ୍ତା କିୟାଟ୍ । ୧୮ କାଲିଂ ଅଜୁର୍ ରାସ୍ ହର୍ମାଟ୍, ଇନେକିଦେଂକି ହେଦାଂ କେବଲ୍ ମିଜେଙ୍ଗ୍ ନାସ୍ କିଦ୍ନାଡ୍, ମାତର୍ ପୁଇପୁୟା ଜିବୁନ୍ତ ବାତ୍ ଆଡ୍, ୧୯ ଙନାନ୍, ଦନ୍ୟବାଦ୍ ନାନ୍, ଆରି ବଲ୍ଲି ନାନ୍, ହୁକେ ହାରିତିଂ ଝାରିକି କିୟାଟ୍ । ମାତ୍ର ଇଚା ଲାହାଂ ମାପୁତି ଉଦେସ୍ତ କେରକଣ୍ ଆରି କେରକଣ୍ କେରାଟ୍ । ୨୦ ନିତ୍ତେ ଝିଜୁ ବିସ୍ତେ କାଜିଂ ମା ମାପୁ ଜିସୁ କ୍ରିସ୍ତୁତି ତର୍ଦ ଆବା ଇସ୍ପର୍ତିଂ ଦନ୍ୟବାଦ୍ ହିଆଟ୍ ।

ଆଣ୍ଡେନ୍ ଆରି କଗଲେ

୨୧ ଆରେ କ୍ରିସ୍ତୁଙ୍ଗ୍ ପାଣ୍ଡୁ ଆଜି ଏପେଙ୍ଗ୍ ହାରି ତାରେନ୍ ଆଡୁ ।

୨୨ ଙଏ କଗଲେକାଦେର୍, ଏପେଙ୍ଗ୍ ଇନେସ୍ ମାପୁତି ତଲ୍ୟା ଆଡୁ, ହେ ଲାକେ ଜାର୍ ଜାର୍ ଆଣ୍ଡେନିଂ ତଲ୍ୟା ଆଡୁ, ୨୩ ମଣ୍ଡଲି ଜପି କ୍ରିସ୍ତୁତି ଆଦିକାର୍ ଲାକେ କଗଲେ ଜପି ଆଣ୍ଡେନ୍ ଆଦିକାର୍ ମାନାଟ୍; ଆରେ କ୍ରିସ୍ତୁନେ ତା ଗାଗାଡ୍ ଲାକେ ମଣ୍ଡଲିନି ମୁଲ୍ଲିକିନାକାନ୍ । ୨୪ ମଣ୍ଡଲି ଇନେସ୍ କ୍ରିସ୍ତୁତି ତାକେ ତଲ୍ୟା, ଆଣ୍ଡାଂ ସମାନ୍ ହେ ଲାକେ ଜାର୍ ଜାର୍ ଆଣ୍ଡେନ୍ ଲାଗାଂ ପୁରା ତଲ୍ୟା ଆଏକ୍ ।

୨୫ ଙଏ ଆଣ୍ଡାକାଦେର୍, କ୍ରିସ୍ତୁ ଇନେସ୍ ମଣ୍ଡଲିତିଂ ଜିଉନତାନ୍, ତା କାଜିଂ ଜାର୍ ଜିବୁନ୍ ହିତାନ୍, ଏପେଙ୍ଗ୍ ସମାନ୍ ହେ ଲାକେ ଜାର୍ ଜାର୍ କଗଲେକାଂ ଜିଉନଝାଟ୍ । ୨୬ ଇନେସ୍ ବଚନ୍ ଆରି ଏଜୁଙ୍ଗାତାଂ ନୁସ୍ୟାନି କାଜିଂ ହେଝାନ୍ ତାଙ୍ଗ୍ ସକଟ୍ କିଜି ପୁଇପୁୟା କିଦ୍ନାନ୍, ୨୭ ଇନେସ୍ ମଣ୍ଡଲି ପୁଇପୁୟା, ପ୍ରାଲ୍ଝିଲ୍ଝାକା ବୁଲ୍ଝିଲାକାନ୍ ଆରି ସବୁ ବାନି ଦସ୍ତହିଲ୍ଝି ଆଜି ପୁଇପୁୟା ଆରି ହୁଝୁଝାକା ଆନାଟ୍, ଆରେ ହେ ଲାକେ ଜାଜମାଲ୍ ଅବସ୍ତାତ ହେଝାନ୍ ତାଙ୍ଗ୍ ଜାର୍ ଲାଗାଂ ନିଲି କିନାନ୍ । ୨୮ ଆଣ୍ଡାଂ ଜାର୍ ଗାଗାଡ୍ ଲାକେ ବାବି କିଜି ଜାର୍ କଗଲେଂ ଜିଉନନାକା ଲଡା । ଇନେନ୍ ଜାର୍ କଗଲେଂ ଜିଉନନାନ୍, ହେଝାନ୍ ଜାର୍ତିଂ ଜିଉନନାନ୍; ୨୯ ଇନେର୍ ଇନାଝାଡାଂ ଜାର୍ ଗାଗାଡ୍ତିଂ ଗିଣ୍ କିଉନ୍ । ଇତିସ୍ ଗାଗାଡ୍ ପହାପାଲି କିନାନ୍ ଆରି ତାଙ୍ଗ୍ ଜାତୁନ୍ କିନାନ୍, କ୍ରିସ୍ତୁ ଇନେସ୍ ମଣ୍ଡଲିନି ଜାତୁନ୍ କିନାନ୍ । ୩୦ ଇନେକିଦେଂକି ଆସେଙ୍ଗ୍ ହେଝାନ୍ତି ଗାଗାଡ୍ନି କେଇଗାଲ୍ । ୩୧ ଦରମ୍ ସାସ୍ତ୍ର ଇଞ୍ଜି ମାନି ଇସାବେ, “ଇ କାରଣ୍ତାଂ ମାନାୟ୍ ଜାର୍ ଆବା ଆୟାଂ ପିସ୍ତି ଜାର୍ କଗଲେ ଲାହାଂ ମେହା ଆନାନ୍ ଆରି ହେଝାନ୍ ରିୟାରି ମେହାଜି ର ଗାଗାଡ୍ ଆନାଟ୍ ।” ୩୨ ସାସ୍ତ୍ରନି ଇ ବାଗ୍ତ ର ତୁଲ୍ଲି କାତା ହତାଡନା; ଇଦାଂ କ୍ରିସ୍ତୁ ଆରି ମଣ୍ଡଲି କାଜିଂ ଇଦାଂ ବେବାର୍ ଇଞ୍ଜି ବୁଜାନାଙ୍ଗା । ୩୩ ମାତର୍ ଇଦାଂ ମି କାଜିଂ ପା ବେବାର୍ । ଜାଣ୍ଟକେ ଆଣ୍ଡେନ୍ କଗଲେଂ ଝାସ୍ତ୍ରିଲାକେ ଜିଉନଝେନ୍ ଆରି ଜାଣ୍ଟକେ କଗଲେକ୍ ନିଜ୍ ଆଣ୍ଡେନିଂ ମାନି କିଏଡ୍ ।



ଆବା ଆୟା ଆରି ହିମ୍ଣାଙ୍ଗ୍

୧ ହିମ୍ଣାଙ୍ଗ୍, ମାପୁ କାଜିଂ ଆବା ଆୟାକ୍ତି ବଲ୍ ମାନି କିନାକା ମି କ୍ରିସ୍ତୁୟାନ୍ କାମାୟ୍, ଇନେକିଦେଂକି ଇଦାଂ ନେ ସମାନ୍ ବେବାର୍ । ୨ “ମି ଆବା ଆୟାକାଂ ମାନି କିୟାଟ୍ ।” କେବଲ୍ ଇ ବଲ୍ତ ରଞ୍ଜାଙ୍ଗ୍ ପାର୍ମାଣ୍ ମେହାୟ୍ କିୟାଜି ଇଟ୍ୟାତାଡନା । ୩ “ଇନେସ୍କି ମିଦାଙ୍ଗ୍ ହାରି ଆନାଟ୍, ଆରି ଏପେଙ୍ଗ୍ ପୁତ୍ ତ ବେସି ଦିନ୍ ଜିନାଦେର୍ ।”

୪ ଙଆବା ଆୟାକ୍, ହିମ୍ଣାକାଂ ରିସା କିନାକା ଇଞ୍ଜି ଇନାକାପା ବେବାର୍ କିମାଟ୍, ଇତିସ୍ ମାପୁତି ହିକ୍ୟାତ ହେଝାରିଂ ମାନି କିୟାଟ୍ ।

କଡକାଆଡିଏନ୍ ଆରି ହାଉକାର୍

୫ ଙକଡକାଆଡିୟାର୍, ଏପେଙ୍ଗ୍ କ୍ରିସ୍ତୁତି ହେବା କିନାଦେରା ଇଞ୍ଜି ଝାସ୍ତ୍ରି ବାବ୍ରେ ପାଣ୍ଡୁତିଂ ତ୍ରିଗ୍ଜି ସଁସାର୍ନି ହାଉକାରିକାଂ ବଲ୍ ମାନିକିୟାଟ୍ । ୬ କେବଲ୍ ହାଉକାର୍ ମିଙ୍ଗ୍ ଇଟକାଡ୍ କିଜିମାନି ସମୁତ ତା ସାରି ଆଜି ହେବା କାଜିଂ ଇଦାଂ କିଝାଦାଂ, କ୍ରିସ୍ତୁତି କଡକାଆଡିଏନ୍ ଲାକେ ମି ଝିଜୁ ଝାସ୍ତ୍ରି ହିଜି ଇସ୍ତ୍ ଇଚା ମାନି କିୟାଟ୍ । ୭ କେବଲ୍ ମାନାୟାରିତି ହେବା କିନାଙ୍ଗା ଇଞ୍ଜି ବାବିକିଝାଦାଂ ମାପୁତି ହେବା କିନି ଲାକେ ଝାରିତାଂ ହେଦାଂ କିୟାଟ୍ । ୮ ମତ୍ର ଇଚାଟ୍, ହେଝାନ୍ କଡକାଆଡିଏନ୍ ଆଏନ୍ କି ଜାର୍ ଇଚାତ ଆଏନ୍ ମାପୁ ଝିଜାରିଂ ତାଦି ହାରିଦି କାମାୟ୍ କାଜିଂ ଇନାମ୍ ହିଦ୍ନାନ୍ ।

☆ ୫:୧୭ ୫:୧୭ କଲସିୟ ୪:୫. ☆ ୫:୧୯ ୫:୧୯ କଲସିୟ ୩:୧୭,୧୭. ☆ ୫:୨୨ ୫:୨୨ କଲସିୟ ୩:୧୮; ୧ ପିତର୍ ୩:୧. ☆ ୫:୨୫ ୫:୨୫ କଲସିୟ ୩:୧୯; ୧ ପିତର୍ ୩:୭. ☆ ୬:୪ ୬:୪ କଲସିୟ ୩:୨୧. ☆ ୬:୫ ୬:୫ କଲସିୟ ୩:୨୨-୨୫.

୯ ଆରେ ଏ ହାଉକାରକାଦେର୍, ମି କଡକାଆଡିୟାର କାଜିଂ ଜାର ଲାକେ ବେବାର୍ କିୟାଟ୍, ଦାକା ହିମାଟ୍ । ମାତ୍ର ଇଟାଟ୍, ଏନ୍ ଆରି ମି କଡକାଆଡିୟାର ଝିଜାକାର ସାର୍ଗେନି ମାପୁଡି ତଲ୍ୟା । ହେଝାନ୍ ଜାଣକେତିଂ ମୁକ୍ତମେଟ୍ ହୁଡଦାଝାଦାଂ ସମାନ୍ ବାବ୍ରେ ବିଟାର୍ କିନାନ୍ ।

ଇସ୍ପର କାଜିଂ ଜୁଜନି ହାଜ

୧୦ ହାରିହାରା, ମାପୁ ଲାହାଙ୍ଗ୍ ମେହାଜି ତା ଜବର୍ ସାକ୍ତିତାଂ ବାଡକାସ୍ ଆଡ । ୧୧ ଇସ୍ପରହିତି ସବୁ ଜୁଜତ ଜାଲ୍ଦି ଜାଗ୍ରତ୍ ଆଡ, ଇନେସ୍ ସୟତାନ୍ନି ବାନ୍ୟା ଚିନ୍ତାତ ମେହାଆନି କାଜିଂ ଜାଗ୍ରତ୍ ଆଡ । ୧୨ ଇନାକିଦେଂକି ମା ଜୁଜ୍ ମୈଡପୁରନି ମାନାୟ୍ ବିରୁଦତ୍ ଆକାୟ୍, ମତର୍ ଜଗତ୍ ଆଦିକାର୍ ବିରୁଦତ୍ ଆକାୟ୍, ଆଦିକାରି ବିରୁଦତ୍, ଇ ମାଜଗାନି ସାର୍ଗେନି ଆଦିକାରି ବିରୁଦତ୍ ଆରେ ଆକାସନି ବାନ୍ୟାଜିବୁନିଂ ବିରୁଦତ୍ ଜୁଜ୍ କିନାପା; ୧୩ ଲାଗିଂ ନଙ୍ଗ୍ ଇସ୍ପର ହିଡତି ଜୁଜହାଜ ଉସ୍ପାଟ୍; ତା ଆତିସ୍ କସୁଦିନ୍ ସମୁତ ଏପେଙ୍ଗ୍ ସତୁ କାଗ୍ରାନାକା ବନ୍ଦକିଦେଂ ଆଡନାଦେର୍ ଆରି ହାରିହାରା ପାଡେକ୍ ଜୁଜ୍ କିଜି ପା ଡାଟ୍ ମାନ୍ଗାନାଟ୍ ।

୧୪ ଲାଗିଂ, ସଡ୍ ଲାଗ୍ଦି ମେଙ୍ଗାଙ୍ଗ୍ ଗାଟନାକା ଦାମ୍ କାତା ଲାକେ ଗାଗାଡହାଜ ଉସ୍ପାଟ୍ । ୧୫ ଆରେ ସୁସ୍ତାନି ନେକ୍ରିକାରୁର୍ କାଜିଂ ଜାଲ୍ଦିଆଡି ପାଣ୍ଡାୟ୍ ପାନାତ ତୁସ୍ଜି ଲେମ୍ଫାଦାଂ ମାନାଟ୍; ୧୬ ନିଡ୍ରେ ପାଡିଂ ତ ଜାରତିଂ ରାକ୍ୟାକିନାକା ପିଣ୍ଡାଟ୍, ଇଦାଂ ଉପକାରତାଂ ସୟତାନ୍ ହୁକେ ତୁହ୍ୟାତାକା ଝିଜୁ ଜୟବାଣ୍ଡିଂ ପାଗ୍ଦେଂ ଏପେଙ୍ଗ୍ କିଦେଙ୍ଗ୍ ଆଡନାଦେର୍ । ୧୭ ଆରେ, ମୁକ୍ତି ଟପ୍ଟି ମୁଗାଟ୍ ଆରି ଜିବୁନି କାଣ୍ଡା ଇତିସ୍ ଇସ୍ପତ୍ ବଚନ୍ ଆହାଟ୍; ୧୮ ଇସ୍ପରତି ଉପକାର୍ ବିକ୍ୟା କିଜି ପାର୍ତାନା ଲାହାଂ ଇଦାଂ ସବୁ କିୟାଟ୍ । ସବୁ ନିଡିତ ପୁଇପୁୟା ଜିବୁନିଂ ଚାଲାନି ଇସାପ୍ରେ ପାର୍ତାନା କିୟାଟ୍ । ଜାଗ୍ରତ୍ ମାନାଟ୍, ଇନାଝାଡାଂ ଝାହ୍ମାଟ୍ । ଇସ୍ପରତି ମାନାୟାର୍ କାଜିଂ ତାଇନାଡ୍ ପାର୍ତାନାତ ଜାଗ୍ରତ୍ ଆସି ମାନାଟ୍ । ୧୯ ନା କାଜିଂ ପା ପାର୍ତାନା କିୟାଟ୍, ଇନେସ୍କି ନେକ୍ରିକାରୁର୍ ତୁକ୍ତି କାତା ଝେଟ୍ରେଙ୍ଗ୍ ଆରି ପାଣ୍ଡାଝାଦାଂ ହେଦାଂ ଇଝେଙ୍ଗ୍ ଇସ୍ପର ନା ଝେଇଦ ସମାନ୍ କାତା ହିଦନାନ୍ । ୨୦ ନଙ୍ଗ୍ପା ବନ୍ଦି ଆସି ମାଟିସ୍ପା ଆନ୍ ନେକ୍ରିକାରୁର୍ କାଜିଂ ର ରାଜାତୁଡ୍ । ପାର୍ତାନା କିୟାଟ୍, ଇନେସ୍ ଆନ୍ ସାସ୍ ହୁଦାଂ ସମାନ୍ ବାବ୍ରେ ନେକ୍ରିକାରୁର୍ ସୁଣାୟ୍ କିଦେଙ୍ଗ୍ ଆଡନାଙ୍ଗ୍ ।

ହାରିହାରାନି ବନ୍ଦାଣି

୨୧ ✠ନା ଅବସ୍ତା ବିସ୍ତେ ଏପେଙ୍ଗ୍ ଇନେସ୍ ପୁଝେଙ୍ଗ୍ ଆଡନାଦେର୍, ହେଦାଂ କାଜିଂ ମା ଝାରିନି ଟଣ୍ଡେନ୍ ଆରି ମାପୁଡି କାମାୟ୍ କିଜି ମାନି ପାଡିଂ ନି ହେବାକାରୟା ତୁକିକ ନା ବିସ୍ତେ ମିଙ୍ଗେଙ୍ଗ୍ ସବୁ କାତା ଇଞ୍ଜନାନ୍ । ୨୨ ଆସେଙ୍ଗ୍ ସବୁ ଇନେସ୍ ମାନାସ୍, ହେ ବିସ୍ତେ ଝେଟ୍ଟି ମିଙ୍ଗେଙ୍ଗ୍ ଝାରିକିୟ୍ କିନି କାଜିଂ ଆନେଙ୍ଗ୍ ତାଙ୍ଗେଙ୍ଗ୍ ମି ଝାସ୍ ହେଝାକ୍ତି ହୁକେ ଝାରି କିୟା ଆନାନ୍ ।

୨୩ ଆବା ଇସ୍ପର ଆରି ମାପୁ ଜିସୁ କ୍ରିସ୍ଟ ପାଡିଂ କିନି ଟଣ୍ଡାର୍ ଆରି ତଣ୍ଡେକାଂ ସୁସ୍ତା ଆଡ, ଜିଉନନାକା ଆରି ପାଡିଂ ଲାହାଙ୍ଗ୍ ବାଡାୟ୍ କିଏନ୍ । ୨୪ ଏଡେକ୍ ଲକୁ ମା ମାପୁ ଜିସୁ କ୍ରିସ୍ଟ୍ ସବୁଝେଡାଂନି ଜିଉନନିତ ଝିଜ୍ଝାକା, ଜିସୁତି ଉପକାର୍ ହେ ଝିଜାକାର ଲାହାଙ୍ଗ୍ ଆୟେଡ୍ ।

✠ ୭:୨୧ ୭:୨୧ ପକ୍ୟାତାକା ୨୦:୪; ୨ ଡିମତି ୪:୧୨. ✠ ୭:୨୧ ୭:୨୧ କଲସିୟ ୪:୭,୮.

ପିଲିପିୟ ମଣ୍ଡଳୀ ନିକଟକୁ ପ୍ରେରିତ ପାଉଲକ ପତ୍ର ପିଲିପିୟ ମଣ୍ଡଳି ତାକେ ପକ୍ୟାତି ପାଉଲକି ଆକି ଇ ପତି ବିସ୍ତେନି ପାଦେକ୍

ଜିସୁ କ୍ରିଷ୍ଟି ଜଲମ୍ ଆଜି ମାନଗାନାତ୍ ୬୧ ବାହୁଁ ପାଚେ ପାଉଲ ପିଲିପିୟ ମଣ୍ଡଳିନି ପାତ୍ କିନାକା ତାକେ ଆକି ଲେକିକିତାନ୍ । ଇନେସକି ପାଉଲ ରମ୍ତ ବନ୍ଦି ମାନିହିଙ୍ଗ୍ ଇ ଆକି ଲେକିକିଜି ମାତାନ୍ ୧:୧୩ ।

ପିଲିପିୟ ଗାଡ୍ ବିତ୍ରେ ଆଁ ରଚ୍ଚି ମଣ୍ଡଳି ତାକେ ଇ ଆକି ଲେକା ଆଜି ମାତାତ୍ । ଆପେଂ ପକ୍ୟାତି ପତିତ ପା ଏଚେକ୍ ବିସ୍ତେ ପିଲିପିୟ ପତି ବିସ୍ତେ ପୁଞ୍ଜେଙ୍ଗ୍ ଆଡୁନାସ୍ । ପିଲିପିୟ ମାକିଦନିୟା ଦେସ୍ତ ରାଜାର୍ ଗାଡ୍ ମାତାତ୍ । ଇଦାଂ ମାକିଦନିୟାତ ରଚ୍ଚି ପର୍ତ୍ତୁମ୍ ମଣ୍ଡଳି ମାତାତ୍ । ପାଉଲ ଆରି ସିଲା ମେହାଜି ଇ ମଣ୍ଡଳି ଆରମ୍ କିଜି ମାତାତ୍ ଆରେ ପା ହେବେ ମାନି ସମୁତ ର ନାଣା କାଜିଂ ହେଝାରିଂ ଜଇଲ୍ତ ଇଟ୍ୟାଜି ମାତାତ୍ ପକ୍ୟାତାକା ୧୭ ।

ଆଜି ମାନଗାନାତ୍ ପାଉଲ ଇ ଆକି ଲେକିକିନି କାଜିଂ କେତେକ୍ ଉଦେସ୍ ମାନଗାନାତ୍ । ହେଝାନ୍ ବନ୍ଦି ମାନି ବିସ୍ତେ ଖେନ୍ଝି ମଣ୍ଡଳିନି ମାନାୟାର୍ ଦାନ୍ ରୁଣ୍ଡାୟ୍ କିଜି ପକ୍ତିଲେ ମଣ୍ଡଳିତିଂ ଦନ୍ୟବାଦ୍ ହିନି ଇସାବ୍ରେ ଇଡ଼ଜି ଆକି ଲେକିକିନାନା ୪:୧୦-୧୯ । ହେଝାନ୍ ପା ତା ବନ୍ଦି ଅବସ୍ତାତ ହୁଦାଂ ମଣ୍ଡଳିତ ତିମତି ଆରି ଏପାପ୍ରାତିତିଂ ଗାଡ୍ନାର୍, ପାତ୍ କିନାକାର୍ ଇନେସକି ହେଝାରିଂ ମାନି କିଜି ଜଝାଡ୍ ଜାଣାୟ୍ କିତାର୍ ଆରି ତା ସତ୍ତାଂ ସନ୍ମାନ୍ ହିନାର୍ ୨:୧୯-୩୦ ।

ପତି ବିସ୍ତେନି ରାହାଣ

- ୧. ପିଲିପି ମଣ୍ଡଳିତିଂ ପାଉଲକି ଜାଣାୟ୍ କିନାନ୍ ୧:୧-୨
- ୨. ପାଉଲକି ଅବସ୍ତା ଆରି ତା ଚିନ୍ତା ହୁକେ ୧:୩; ୨:୩୦
- ୩. ପାତ୍ କିନାକାରିଂ କ୍ରିସ୍ଟାନ୍ ଜିବୁନ୍ ଜିପ୍କା କାଜିଂ ପାଉଲକିଂ ଦସ୍ଆକାୟ୍ ୩:୧; ୪:୯
- ୪. ପାଉଲ ଦାନ୍ କାଜିଂ ପିଲିପିୟ ମଣ୍ଡଳିତିଂ ଜଝାଡ୍ ଜାଣାୟ୍ କିନାନ୍ ୪:୧୦-୨୩

ବାନ୍ଦାୟ୍ ଆରି ପାଉଲକି ପାର୍ତାନା

^୧ ପାଉଲ ଆରି ତିମତି, କ୍ରିଷ୍ଟ ଜିସୁତି ରିୟାର୍ ଆଡିୟାର୍, ପିଲିପିତ ମାନି କ୍ରିଷ୍ଟ ଜିସୁତି ମାନି ଝିଜାର୍ ସାଦୁର୍ ଲାଗାଂ ଆରେ, ମୁଣିକା ଆରି ହେବା କାରୟାର୍ ଲାଗାଂ; ^୨ ମା ଆବା ଇସ୍ବର୍ ଆରି ମାପୁ ଜିସୁ କ୍ରିଷ୍ଟ ମିଙ୍ଗେଙ୍ଗ୍ ଉପକାର୍ ଆରି ସୁସ୍ତା ମି କାଜିଂ ଆୟେଡ୍ ।

^୩ ଆନ୍ ମିଙ୍ଗେଙ୍ଗ୍ ଏଚେକ୍ ହର୍ ଏତୁ କିଦନାଙ୍ଗ୍, ହେଏଚେକ୍ ହର୍ ଆନ୍ ଇସ୍ବର୍ତିଂ ଦନ୍ୟବାଦ୍ ହିଜି ମାନାଙ୍ଗ୍ । ^୪ ଆରେ ସବୁ ନାଞ୍ଜିଙ୍ଗ୍ ମି କାଜିଂ ଝାରିକିଜି ପାର୍ତାନା କିନି ସମୁତ, ^୫ ଇନେକିଦେଂକି ମି ପାତ୍ ଆରମ୍ ଦିନ୍ତାଂ ନଙ୍ଗ୍ ପାତେକ୍ ନେକ୍ରିକାରୁର୍ କାମାୟ୍ତ ଏପେଙ୍ଗ୍ ନାଙ୍ଗ୍ ଉପକାର୍ କିଦଦେଂ ଝାତାଦେଣ୍ଡା । ^୬ ଲାଗିଂ ଆନ୍ ଇ ବିସ୍ତେତିଂ ହାଡ୍ପା ଜେ, ଇମଣି ମାପୁ ମି ତାକେ ଇ ହାଡ୍ପି କାମାୟ୍ ଆରମ୍ କିତାନ୍ନା, କ୍ରିଷ୍ଟ ଜିସୁତି ଆରେଝାନି ଦିନ୍ତ ଇଦାଂ ଝିଜିନି ପାତେକ୍ ହେଝାନ୍ ହେଦାଂ ପାତ୍ କିନାନ୍ । ^୭ ଏପେଙ୍ଗ୍ ସବୁଝେଡାଙ୍ଗ୍ ନା ଝାସ୍ତିତ ମାନାଦେର୍; ଲାଗିଂ ମି ବିସ୍ତେ ବାବି କିନାକା ନା ପାକ୍ୟାତ ହାଡ୍ ଆକାୟ୍ । ଆନ୍ ମାନ୍ଇଚା ମାନି ଝେଡାଲିଂ ଆରି ନଂ ଇ ବନ୍ଦି ଅବସ୍ତାତ ନେକ୍ରିକାରୁର୍ନି ନ୍ୟାୟ୍ ହାଙ୍ଗ୍ତାକା ଆରି ରାକ୍ୟା କାଜିଂ କାମାୟ୍ କିଦେଙ୍ଗ୍ ଇସ୍ବର୍ ନାଂ ଇମଣି ପାବ୍ ହିଡ୍ତାନ୍ନା, ଏପେଙ୍ଗ୍ ଝିଜାଦେର୍ ଇବେ ମେହା ଆତାଦେଣ୍ଡା । ^୮ ଇନେକିଦେଂକି କ୍ରିଷ୍ଟ ଜିସୁତି ଜିଉନନି ବାତ୍ ଦୟାତ ଆନ୍ ମି ଝିଜାର୍ତି କାଜିଂ ଇନେସ୍ ବାନି ଇଚା, ଇ ବିସ୍ତେ ଇସ୍ବର୍ ନା ସାକି ।

^୯ ଆନ୍ ପାର୍ତାନା କିନାଙ୍ଗା, ଇନେସ୍ ହାଡ୍ପା ଗିଆନ୍ ଆରି ନ୍ୟାୟ୍ ବିଚାର୍ ଲାହାଂ ମିଦାଂ ଜିଉନନାକା, ଆଦିକତାଂ ଆଦିକ୍ ବାତା ଆନାଡ୍ । ^{୧୦} ଆରେ ଏପେଙ୍ଗ୍ ଇନେସ୍ ବେସି ବିସ୍ତେ ସବୁ ବାଟିକିଦେଂ ଆଡୁନାଦେର୍ । ତା ଆଡିସ୍ ଏପେଙ୍ଗ୍ କ୍ରିଷ୍ଟି ଝାନି ଦିନ୍ତ ହାଡ୍ପାକା ଆରି ନିନ୍ଦାଝାଦାଂ ମାନ୍ଗାନାଦେର୍ । ^{୧୧} ଆରି ଇସ୍ବର୍ତି ଜାଜ୍ମାଲ୍ ଆରି ଝାରିକିୟ୍ କାଜିଂ ମି ଜିବୁନ୍ ଜିସୁ କ୍ରିଷ୍ଟି ହିଡ୍ତାକା ଝିଜୁ ଦାମ୍ ତ ବାତ୍ ଆନାଦେର୍ ।

ବାଚାଆନାକା ଅରଡ୍ କ୍ରିଷ୍ଟ

☆ ୧:୧ ୧:୧ ପକ୍ୟାତାକା ୧୭:୧୨.

୧୭ ଏ ଟଣ୍ଡାର ଆରି ତଣ୍ଡେକ୍ ! ଆନ୍ ମିଂ ଖେର୍ଚେଦେଂ ମାନ୍ କିନାଙ୍ଗ୍ ଜେ, ନା କାଜିଂ ଇନା ଇନାକା ଗିଟା ଆତାଡ଼ନ୍ନା, ହେଦାଂ ନେକ୍ରିକାରୁର୍ ବାତାନାକା ଉପକାର୍ କିନାତା । ୧୩ ଲାଗିଂ ନା ଗାଟୟାଜି ଜେ କ୍ରିଷ୍ଟୁ କାଜିଂ, ଇଦାଂ ବାଙ୍ଗ୍ଲାତ ସବୁ ମେଲ୍ୟା ଦାଡ଼ ଆରି ବିନ୍ଦିନ୍ ଖିଜାର ଲାଗାଂ ହତାଡ଼; ୧୪ ମାତର୍ ଆନ୍ ବନ୍ଦି ଆଜି ମାଟିଲେ ହେନି ଟଣ୍ଡାର ଆରି ତଣ୍ଡେକ୍ ମାପୁତି କାଜିଂ ଆଦିକ୍ ପାତର୍ ଜଲମ୍ ଆତାଡ଼ନ୍ନା, ଆରେ ଇଦାଂ କାଜିଂ ପାଣ୍ଡା ଆଖାଦାଂ ଇସ୍ତର୍ ବଚନ୍ ସୁଣାୟ୍ କିନି କାଜିଂ ହେଖାରତି ସାସ୍ ବାତା ଆତାଡ଼ନ୍ନା ।

୧୫ ଆତିସ୍ପା ହେଖାର ବିତ୍ରେତାଂ କେତେକଜାଣ୍ ଗଣ୍ଡଗଲ୍ଖାରି ଆରି ତାରା ଆଜି କ୍ରିଷ୍ଟୁକ୍ ପର୍ତ୍ତାର କାମାୟତ ନଙ୍ଗ୍ ଲାଗାତାରନା । ମାତର୍ ବିନ୍ଦିକାର୍ ମାନ୍ଦିୟାନ୍ ଲାହାଂ ହେଦାଂ କିନାରା । ୧୬ ଇଖାର୍ ନା କାଜିଂ ଜିଉନନି କାଜିଂ ହେଦାଂ କିତାର୍ । ଇନେକିଦେଂକି ହେଖାର୍ ପୁନାର୍ ଜେ, ଇସ୍ତର୍ ନାଙ୍ଗେଙ୍ଗ୍ ନେକ୍ରିକାରୁର୍ନି ରାକ୍ୟା କାଜିଂ ଦାଇଡ଼ ହିଡ଼ତାନ୍ନା ୧୭ ବିନ୍ଦିକାର୍ ପାତର୍ ବାବ୍ରେ କ୍ରିଷ୍ଟୁଟି ବଚନ୍ ପର୍ତ୍ତାର କିଖାଦାଂ ଜାର୍ ଇଚା ବାବ୍ରେ ଅଜି ହେଦାଂ କିତାଣ୍ଟା । ଆନ୍ ବନ୍ଦି ଇଞ୍ଜ ମାନିହିଂ ନା ମାତ୍ତ ଆଦିକ୍ ଦୁକ୍ ହିଦେଂ ହେଖାର୍ ହେଦାଂ କିତାଣ୍ଟା ।

୧୮ ହେଦାଂ ଖାୟେଡ଼୍ କି ଖାମେଡ଼୍ । ହାଦର୍ ଉଦେସ୍ତ ଆୟେଡ଼୍ କି ସଡ଼ଆଖି ଉଦେସ୍ତ ଆୟେଡ଼୍, ଇମଣାକା ପା ଉପାୟତ କ୍ରିଷ୍ଟୁଟି ବଚନ୍ ପର୍ତ୍ତାର ଆତିସ୍ ହେବେ ନା ଖାରି । ଆନ୍ ଖାରି କିଜି ମାନ୍ଗାନାଂ । ୧୯ ଇନାକିଦେଂକି ଆନ୍ ପୁନାଙ୍ଗ୍ ମି ପାର୍ତାନା ଆରି ଜିସୁ କ୍ରିଷ୍ଟୁଟି ଜିବୁନ୍ନି ଉପକାର୍ ହୁକେ ଆନ୍ ମୁକ୍ତା ଆନାଙ୍ଗ୍ । ୨୦ ଜିବୁନ୍ତ କି ହାକିତ, ନା କାମାୟତ କି ଏଲ୍ଲାଖାଦାଂ ସବୁ ଖେଡ଼ାଲିଂ ଆରି ବେସି କିଜି ଇ କସ୍ତୁ ଖେଡ଼ାଲିଂ ବାସର୍ କିଜି ବାତର୍ ବାବ୍ରେ ଇନେସ୍ ଆନ୍ କ୍ରିଷ୍ଟୁଟିଂ ନା ଗାଗାଡ଼ତ ଜାଜ୍ମାଲ୍ କିନାଙ୍ଗ୍ । ୨୧ ହାଡ଼ପାନେ ନା ଜିବୁନ୍ତ କ୍ରିଷ୍ଟୁନେ ଖିଜେନିକାନ୍ । ଲାଗିଂ ନା ପାକ୍ୟାତ ହାକି ଆଦିକ୍ ଲାବ୍ ଆନାଡ଼ । ୨୨ ମାତର୍ ଗାଗାଡ଼ତ ଜଦି ଜିଜି ମାନ୍ଞି ଆନ୍ ଆଦିକ୍ ପାଡ଼ ଲାବ୍ନିକା କାମାୟ କିଦେଙ୍ଗ୍ ଆଡ଼ନାଙ୍ଗ୍, ତେବେ ଜିବନ୍ କି ହାକି ଇନେରିଂ ମାନ୍ କିନାଙ୍ଗ୍, ଆନେଙ୍ଗ୍ ସମାନ୍ କିଦେଙ୍ଗ୍ ଆଡ଼ୁଙ୍ଗା । ୨୩ ଆନ୍ ରିକଣ୍ଡାଂ ରିଣ୍ଡି ବିସ୍ତେ ହର୍ବର ଆନାଙ୍ଗା । ଇ ଜିବୁନ୍ ପିସ୍ତି କ୍ରିଷ୍ଟୁ ଲାହାଂ ମାଞ୍ଜେଙ୍ଗ୍ ନାଙ୍ଗ୍ ବେସି ଇଚା । ଆତିସ୍ପା ଇଦାଂ ହାଦାକା । ୨୪ ମାତର୍ ମି କାଜିଂ ନା ଜିଜି ମାନାକା ବେସି ଲଡ଼ା । ୨୫ ଆରେ ଆନ୍ ଆର୍ଝା ଲାକେ ଇଦାଂ ପୁନାଙ୍ଗ୍ ଜେ, ଆନ୍ ଜିଜି ମାନାଙ୍ଗ୍ । ମି ପାତର୍ ମିଦାଂ ବାତାନାକା ଆରି ଖାରି କାଜିଂ ମି ଲାହାଙ୍ଗ୍ ମାନାଂ, ୨୬ ତା ଆତିସ୍, ଏପେଙ୍ଗ୍ ଜିବୁନ୍ତ କ୍ରିଷ୍ଟୁ ଜିସ୍ତୁଟି ଲାହାଂ ମିହାଆଜି ନା କାଜିଂ ଆଦିକ୍ ଗରବ୍ ବାବି କିଦେଙ୍ଗ୍ ଆଡ଼ନାଦେର୍ ।

୨୭ ଆନ୍ ମିଙ୍ଗେଙ୍ଗ୍ ହୁଡ଼ନି କାଜିଂ ହାଞ୍ଜେଙ୍ଗ୍ ରାଜି ଆନାଙ୍ଗ୍ କି ଆଉଙ୍ଗ୍, ନଙ୍ଗ୍ ମୁଡ଼ ବିସ୍ତେ ଆନାତା, ମି ଖାସ୍ତି ଆଚାର୍ ବେବାର ଇନେସ୍ କ୍ରିଷ୍ଟୁଟି ନେକ୍ରିକାରୁର୍ନି ହନାଡ଼ ଆନ୍ ଇନେସ୍ ଖେନାଙ୍ଗ୍, ଏପେଙ୍ଗ୍ ର ଉଦେସ୍ ଅଜି ତାର୍ ଲାକେ ନିଲ୍ଡି ଆରି ର କାତା ଅଜି ନେକ୍ରିକାରୁର୍ ପାତର୍ କାଜିଂ ରବେ ଜୁଜ୍ କିନାପା । ୨୮ ଆରେ, ସାବୁରିଂ ପାଣ୍ଡା ଆମାଟ୍, ସାସ୍ତ ତାର୍ ମାନାଟ୍ । ତା ଆତିସ୍, ହେଖାର୍ ପୁଞ୍ଜେଙ୍ଗ୍ ଆଡ଼ନାର୍ ଜେ, ହେଖାରତି ଆରାନାକା ସଡ଼ ଆରି ଏପେଙ୍ଗ୍ ଜିଣାନାଦେର୍, ଇନେକିଦେଂକି ଇସ୍ତର୍ ନେ ମିଙ୍ଗେଙ୍ଗ୍ ଜିଣାଆନି ମୁକ୍ତି କିଦ୍ନାନ୍ । ୨୯ କେବଲ୍ କ୍ରିଷ୍ଟୁ ତାକେ ପାତର୍ କିନି କାଜିଂ ଆକାୟ୍, ତା କାଜିଂ ଦୁକ୍ବର୍ କିନି କାଜିଂ ମିଙ୍ଗେଙ୍ଗ୍ କ୍ରିଷ୍ଟୁଟି ହେବା କିନି କାଜିଂ ପାବ୍ ହିୟାଆତାଡ଼ନା । ୩୦ ନଙ୍ଗ୍ ଇ ଜୁଜ୍ତ ଏପେଙ୍ଗ୍ ନା ବାଗ୍ ଇଟ୍ୟାଦେଂ ଆଡ଼ନାଦେର୍ । ଆଗେ ଏପେଙ୍ଗ୍ ନାଙ୍ଗ୍ ଇମଣି ଜୁଜ୍ କିନାକା ହୁଡ଼ଜି ମାଟାଦେର୍, ନଙ୍ଗ୍ ପା ଆନ୍ ହେ ଜୁଜ୍ତ ଲାଗାତାନ୍ନା ଇଞ୍ଜି ଏପେଙ୍ଗ୍ ଖେନଞ୍ଜି ମାନାଦେର୍ ।

୨

କ୍ରିଷ୍ଟୁଟି ହୁଦାର ଆରି ବେସି ଗାଜାକାନ୍

୧ କ୍ରିଷ୍ଟୁଟି ଲାହାଂ ମେହାଆନାକା ହୁକେ ଏପେଙ୍ଗ୍ ଜିବୁନ୍ତ ବାଡ଼କାସ୍ ଆତାଦେଣ୍ଟା, ଆରେ ହେଖାନ୍ତି ଜିଉନନାକା ମିଙ୍ଗେଙ୍ଗ୍ ଦୁକ୍ସାରାୟ୍ କିଦ୍ନାତା । ଏପେଙ୍ଗ୍ ପୁଇପୁୟା ଜିବୁନ୍ ଉପକାର୍ତାଂ ସୁକେ ଜିନାଦେରା ଆରି ହାରି କାଜିଂ ମି ଜିଉନନିତ ବେସି ଦୟାତ ମାନାଡ଼, ୨ ଲାଗିଂ ଆନ୍ ମିଙ୍ଗେଙ୍ଗ୍ ଗଖାରି କିଦ୍ନାଙ୍ଗ୍, ର ଚିନ୍ତା ହୁଦାଂ ମାନ୍ କିଜି, ର ଜିଉତ ମେହା ଆଜି ମାନ୍ ଆରି ଜିବୁନ୍ତ ଏକ୍ ଆଜି ଏପେଙ୍ଗ୍ ନାଙ୍ଗେଙ୍ଗ୍ ପୁରାବାବେ ଖାରି କିଦାଟ୍ । ୩ ନିଜେତିଂ ବାବିକିନାକାନ୍ କାଜିଂ ନଲେ ପଲ୍ୟା ଗରବ୍ କାଜିଂ ଇନାକା କାମାୟ୍ କିମାଟ୍, ଇଚିସ୍ ହୁଦାର ଆଜି ଖିଜାକାର୍ ବିନ୍ଦିଲଗାଂ ଜାର୍ ତାଙ୍ଗ୍ ଗାଜା ମାନେ କିୟାଟ୍; ୪ ଖିଜାକାର୍ କେବଲ୍ ଜାର୍ ବିସ୍ତେ ମାନ୍ଦିଆନ୍ କିଖାଦାଂ ବିନ୍ଦିକାଜିଂ ବିସ୍ତେ ପା ମାନ୍ଦିଆନ୍ ଆତ । ୫ କ୍ରିଷ୍ଟୁ ଜିସ୍ତୁଟି ଇନେସ୍ ମାନ୍ ମାଟାଡ଼, ମିଦାଙ୍ଗ୍ ହେ ଲାକେ ଚିନ୍ତା ଆଏଡ଼;

୬ ହେଖାନ୍ ଇସ୍ତର୍ ଆତିସ୍ପା ଇସ୍ତର୍ ଲାହାଙ୍ଗ୍
 ସମାନ୍ ଆଜି ମାନାକା ଜାର୍ କାଜିଂ ଆସ୍ତି ଇଟ୍ୟାନି ବିସ୍ତେ ବାବି କିଖାତାଂ,

☆ ୧:୩୦ ୧:୩୦ ପକ୍ୟାତାକା ୧୭:୧୯-୪୦.

- ୭ ଇଚ୍ଛୁ ନିଜ ଇଚ୍ଚାତା ତା ସବୁ ପିସ୍ତ୍ର ଆଡ଼ିଏନ୍ ଲାକେ ଆତାନ୍ ।
 ମାନାୟ ଲାକେ ଆଜି ମାନାୟ ଲାକେ ଖାତାନ୍ ।
- ୮ ହେଖାନ୍ ଗଞ୍ଜାରି ଆରି ହୁଦାର୍ ଆଜି ହାକି ପାତେକ୍, କୁସ୍ ହାକି ପାତେକ୍
 ବଲ୍ ମାନିକିନାକାନ୍ ଆତାନ୍ ।
- ୯ ଇଦାଂ କାଜିଂ ଇସ୍ବର୍ ତାଜେକ୍ ବେସି ଉର୍ କିତାନ୍ନା,
 ଆରେ ଝିଜୁ ତର୍ ବାଟା ଝିଜେତିଂ ହାଦିଂ ତର୍ ତାଜ୍ ହିତାନ୍ନା,
- ୧୦ ଲାଗିଂ ଜିସୁତି ତରନ୍ ଇନେସ୍ ସାଗେ, ବିତ୍ରେପୁର୍ ଆରି
 ପାତାଲ୍ତ ମାନି ସବୁ ମାନାୟାର୍ ଜିସୁତି ମୁମ୍ଦ ମେଣ୍ଡାଂକୁହିଂକିଜି ଜଞ୍ଜାର୍ କିତାର୍ ।
- ୧୧ ଆରେ, ଆବା ଇସ୍ବର୍ତି ଜାଜ୍ମାଲ୍ କାଜିଂ ଝିଜାକାର୍ତି ଝେନ୍ଦୁଲ୍
 ଜିସୁ କ୍ରିସ୍ଟ୍ ମାପୁ ଇଞ୍ଜି ମାନି କିନିକ୍ ।

ପୁତ୍ର ଅଜଡ୍ ଲାକେ ଆଡ

୧୨ ଲାଗିଂ, ଏ ନା ଖାରିନିକାଦେର୍, ଆନ୍ ମି ଲାହାଂ ମାନିଖାଡାଲିଂ ଏପେକ୍ ଇନେସ୍ ଦିନକେ ନା ବଲ୍ମାନି କିତାଦେଣ୍ଡା, ନକ୍ ଆନ୍ ମିଜ୍ଜତାଂ ଦେହା ମାନି ଖାଡାଲିଂ ଆଦିକ୍ ପାତ୍ର ବାବ୍ରେ ନା ଜଜାୟ୍ ଆଦେଂ ମିଜ୍ଜ ଲଡା । ମି ମୁକ୍ତା ଆନାକା ଇନେସ୍ ପୁରା ଆନାଡ୍, ଇଦାଂ କାଜିଂ ପାଣ୍ଡୁ ଆରି ତ୍ରିଗ୍ଜି କାମାୟ୍ କିଜି ମାନାଟ୍ । ୧୩ ଇନାକିଦେଂକି ମିଜ୍ଜେକ୍ ହେଖାନ୍ତି ଉଦେସ୍ତ ପୁରା କିନି କାଜିଂ ଇଚା ଆରି ରାଜି କିଦେକ୍ ନିଜେ ଇସ୍ବର୍ ମି ବିତ୍ରେ ନିତ୍ରେ କାମାୟ୍ କିନାନା ।

୧୪ ଆପତି ଆରି ବେଣ୍ଡାଟ୍ କିଖାଦାଂ ସବୁ କାମାୟ୍ କିୟାଟ୍, ୧୫ ଇନେସ୍ ଏପେକ୍ ଦସି ଆଖାଦାଂ ଆରି ହୁଦାର୍ ଆଜି ତ୍ତୁକ୍ତି ହାଜି ବାଣାତି ଲାଡା ବିତ୍ରେ ଇସ୍ବର୍ତି ପୁଇପୁୟା ହିମ୍ପାଖାକଡା ଆଡ; ହେଖାନ୍ ବିତ୍ରେ ଏପେକ୍ ଜିରୁନ୍ନି ବଚନ୍ ଆସି ଜଗତ୍ ଅଜଡ୍ ଲାକେ ଆନାଦେରା; ୧୬ ବିନ୍ଲଗାତ୍ର ଲାଗାୟ୍ ଜିରୁନ୍ ହିଦ୍ନି କାରୁର୍ ପରଟାର୍ କିନିଝେଡାଲିଂ ଏପ୍ ଆକାସ୍ତିଂ ଅଜଡ୍ କିନି ହୁକାଂ ଲାକେ ପଜ୍ଜନାକା ଲଡା । ଏପେକ୍ ଜଦି ଏଲେକ୍ ଆଡିସ୍, “କ୍ରିସ୍ଟି ଝେଡାଲିଂ” ମି ବିସ୍ତେ ଆନ୍ ଗରବ୍ କିଦେକ୍ ଆଡନାଂ, ଇନେକିଦେଂକି ଇବେଣ୍ଡାଂ ପାର୍ମାଣ୍ ଆନାତା ଜେ, ନା ଝିଜୁ କସ୍ ଆରି କାମାୟ୍ ପଲ୍ୟା ଆଖାତାଡନା ।

୧୭ ଇସ୍ବର୍ତି ଉଦେସ୍ତ ମି ପାତ୍ର ବାତ୍ର ପୁଜାକିନିତ ଆଜି ମାନଗାନାଡ୍ ନା ଜିରୁନ୍ନି ନେତେର୍ ଖାକ୍ତି ହିଦ୍ଦେଂ ଆନାଡ୍ । ଇଦାଂ କାଜିଂ ଆନ୍ ଖାରୟାନାକା ଆରି ନା ଇ ଖାରିତ ମିଂ ମେହାୟ୍ କିଦେକ୍ ଆନ୍ ଇଚା କିନାଜା । ୧୮ ଏପେକ୍ ପା ହେ ଲାକେ ଖାରି କିୟାଟ୍ ଆରି ହେ ଖାରିତାଂ ନା ଲାହାଜ୍ ପା ଖାରି କିୟାଟ୍ ।

ତିମତି ଆରି ଏପାପ୍ରଦିତ

୧୯ ମାପୁତି ଇଚା ମାତିସ୍, ମି ଲାଗାୟ୍ ତିମତିଂ ବେଗି ପଲ୍ଲାନାଜ୍ ଇଞ୍ଜି ମାପୁ ଜିସୁତିଂ ଆନ୍ ଆହା କିନାଜ୍ । ତା ଆଡିସ୍, ମି କାରୁର୍ ଗାଟାଜି ଆନ୍ ବେସି ଖାରୟା ଆନାଜ୍ । ୨୦ କେବଲ୍ ହେଖାନ୍ତି ମାନ୍ବାବନା ନା ଲାକେ ମାନାଡ୍ ହେଖାନ୍ ହାଡ୍ପାତ ମି କାଜିଂ ମାନ୍ଦିଆନ୍ କିନାଜ୍ । ୨୧ ବିନ୍ ଝିଜୁ ଜିସୁ କ୍ରିସ୍ଟି କାଜିଂ ସେସ୍ଟୁ କିଖାଦାଂ ଜାର୍ତି ସେସ୍ଟୁ କିତାର୍ । ୨୨ ତିମତି ଜେ ପରିକ୍ୟା କିୟାତାକାନ୍ ମାନାୟ, ଇଦାଂ ଏପେକ୍ ପୁନାଟ୍; ମାଜି ଆବାତି ହେବା କିତି ଲାକେ ହେଖାନ୍ ତ ନେକ୍ରିକାରୁର୍ କାମାୟ୍ତ ନା ଲାହାଜ୍ ହେବା କିଜି ମାଗାନ୍ । ୨୩ ଲାଗିଂ, ନା କାଜିଂ ଇନାକା ଗିଟାଆଦେଂ ହାନାତା, ହେଦାଂ ପୁଞ୍ଜେକ୍ ମତର୍ ହେଖାନିଂ ପଲ୍ଲାନାଂ ଇଞ୍ଜି ଆହା କିନାଜା; ୨୪ ମାତର୍ ଆନ୍ ମାପୁତି ତାକେ ପାତ୍ର କିନାଜା ଜେ, ଆନ୍ ନିଜେ ବେଗି ପା ମି ଲାଗାଂ ହାନାଜ୍ ।

୨୫ ମାତର୍ ନା ଟଣ୍ଡେନ୍, ହାଜ୍ଦାକାର୍, ହାଜ୍ଦି ମେଲ୍ୟାୟାର୍ ଆରି ନା ଅବାବ୍ ବାତ୍ର କିନି କାଜିଂ ମି ପକ୍ୟାତାକାନ୍ ଆରି ହେବାକାରିୟା ଏପାପ୍ରାଦିତ୍ତିଂ ମି ଲାଗାଂ ଆନ୍ ପଲ୍ଲିନି କାଜିଂ ଲଡା ବାବି କିତାଜ୍; ୨୬ ଇନାକିଦେଂକି ହେଖାନ୍ ମି ଝିଜାରିଂ ହୁଡ୍ଦିନି କାଜିଂ ବେସି ଇଚା କିନାନା, ଆରେ ହେଖାନ୍ ନାଦାର୍ ମାନାନ୍ ଇଞ୍ଜି ଏପେକ୍ ଝେନ୍ଞି ମାଟିଲେ ହେଖାନ୍ତି ଦୁକ୍; ୨୭ ହାଡ୍ପାନେ ହେଖାନ୍ ହାତି ଲାକେ ନାଦାର୍ ଆଜି ମାଗାନ୍, ମାତର୍ ଇସ୍ବର୍ ତାଜେକ୍ ଦୟା କିତାନ୍, ଆରେ କେବଲ୍ ତାଜେକ୍ ଆକାୟ୍, ମତର୍ ଇନେସ୍ ନା କାଜିଂ ଦୁକ୍ ଜପି ଦୁକ୍ ଗିଟା ଆଡଡ୍, ଇଦାଂ କାଜିଂ ନା ଜପି ପା ଦୟା କିଡ୍ତାନ୍ । ୨୮ ଲାଗିଂ ଏପେକ୍ ଇନେସ୍ ହେଖାନିଂ ଆରେ ରଗ ହୁଡ୍ଜି ଖାରି କିୟାଟ୍ ଆରି ନା ଦୁକ୍ ଇନେସ୍ ଉଣା ଆନାଡ୍, ଇଦାଂ କାଜିଂ ଆନ୍ ହେଖାନିଂ ପକ୍ନି କାଜିଂ ଆଦିକ୍ ଜାତୁନ୍ ଆତାଜ୍ । ୨୯ ଲାଗିଂ, ମାପୁ କ୍ରିସ୍ଟି ପାତ୍ର କିନି ଟଣ୍ଡେନ୍ ବାବ୍ରେ ଏପେକ୍ ହେଖାନିଂ ଖାରିତାଂ ଇଟାଟ୍, ଆରେ ଇ ଲାକେ ଗୁଣ୍ଡିନିକାନ୍ ମୁଣିକାଂ ବକ୍ତି କିୟାଟ୍; ୩୦ ଇନାକିଦେଂକି ଏପେକ୍ ନାଜେକ୍ ଇମ୍ପାଣି ଉପକାର୍ ହିଦେଂ ଆଡ୍ଝାତାଦେର୍, କ୍ରିସ୍ଟି କାମାୟ୍ ପୁରା କାଜିଂ ହେଖାନ୍ ହେଖାନ୍ତି ନା କାଜିଂ କିଦେକ୍ ହାଲ୍ଜି ନିଜ୍ ଜିରୁନ୍ତିଂ ରାଉ ଆରି ହାକିନି ମୁମ୍ଦ ଆଜି ମାଗାନ୍ ।

୩

ହାତ୍‌ପା ଦାମ୍

୧ ହାରିହାରା, ଏ ନା ଟଣ୍ଡାର ଆରି ତଣ୍ଡେକାଦେର୍, ମାପୁତି ଲାହାଂ ମେହାଜିମାଟିଲେ ଏପେଙ୍ଗ୍ ଖାରିୟା ଆତ । ଆଗେତାଂ ଇନାକା ଲେକିକିତାଙ୍ଗନା, ହେଦାଂ ବାର୍‌ବାର୍ କିଦେଙ୍ଗ୍ ଆନ୍ ଖାହନାକା ବାବି କିତଙ୍ଗା, ଇନେକିଦେଂକି ମି ହାରମାନାକା କାଜିଂ ଇଦାଂ ଉପକାର୍ କିଦନାତ୍ । ୨ ଇମଣାକାର୍ ବାନ୍ୟା କାମାୟତ ମୁଞ୍ଜିଚାଣ୍ଟା, ଇମଣାକାର୍ ଗାଗାଡ୍‌ତିଂ ସୁନ୍ନତ୍ ଆତାକାର୍ କାଜିଂ ଜିଦ୍ ଆହନାର୍, ହେ ନିକୁଡ୍ ଲାଗେତାଂ ଜାଗ୍ରତ୍ । ୩ ଇନାକିଦେଂକି ଆସେଙ୍ଗ୍ ହାତ୍‌ପାନେ ସୁନ୍ନତ୍ ପାୟାଆତାକାସ୍, ହେଝାର୍ ଆକାୟ୍ । ଆସେଙ୍ଗ୍ ପୁଇପୁୟା ଜିବୁନ୍ ଉପକାର୍‌ତାଂ ଇସ୍‌ରତି ପାର୍ତାନା କିନାସା ଆରି କ୍ରିସ୍ତୁ ଜିସୁତି ଲାହାଂ ମେହାଜି ଖାରିୟାନାସା । ବାତ୍ ରିତିନିତି ଜପି ମା ବାସ୍ ଆକାୟ୍ । ୪ ଆତିସ୍‌ପା ହେ ସବୁ ଜପି ଆହା ଇଟନାକା ନା ପାକ୍ୟାତ ହାର୍ ଆତାମ୍ । ଜଦି ଇନେର୍ ବାତ୍ ରିତିନିତିନି ଲଡା ଜପି ମାନ୍ ଦ୍ୟାନ୍ ହିତାଙ୍ଗମା, ହେ ଲାକେ କିଦେଙ୍ଗ୍ କାଜିଂ ନା ଜବର୍ ଉପାୟ୍ ମାନାତ୍ । ୫ ଆନ୍ ଆଟ୍ ଦିନତାଂ ସୁନ୍ନତ୍ ପାୟାଆତାକାଂ, ଇସ୍‌ଆଲ୍ ଲାତ୍ରା ଜଲମ୍, ବିନ୍‌ପାମିନ୍ କୁଟୁମ୍, ଏବ୍ରିୟ ନେତେର୍‌ତ ଜଲମ୍ ରଝାନ୍ ଏବ୍ରିୟ, ଜିହୁଦି ବିଦି ପାଲି କିନି ଇସାପ୍ରେ ରଝାନ୍ ପାରୁସି ମାଚାଙ୍ଗ୍, ୬ ଆରି ନା କାଜିଂ ଇଚା ବିସ୍ତେ ମଣ୍ଡଲିନି ରଝାନ୍ କୁଲ୍ ଆ ମାଚାଙ୍ଗ୍, ଆରେ ବିଦି ହାତି ଦାମ୍ ବିସ୍ତେ ଦସି ଆଝାଦାଂ ଚଞ୍ଜି ମାଚାଙ୍ଗ୍ । ୭ ମାତର୍ ଇମଣି ଝିଜୁ ବିସ୍ତେ ଲାବ୍ ଇଞ୍ଜି ଆନ୍ ବାବି କିଜି ମାଚାଙ୍ଗ୍, ହେଦେଲିଂ ନଙ୍ଗ୍ କ୍ରିସ୍ତୁ କାଜିଂ ଲାସ୍ ଇଞ୍ଜି ବାବି କିନାଙ୍ଗା । ୮ ଆଁ ହାତ୍‌ପା ଆନ୍ ନା ମାପୁ କ୍ରିସ୍ତୁ ଜିସୁତି ଗିଆନ୍‌ନି ହାର୍ କାଜିଂ ଝିଜୁ ବିସ୍ତେ ନସ୍ତୁ ଇଞ୍ଜି ଗାଣା କିନାନ୍; ହେଝାନ୍ କାଜିଂ ଆନ୍ ଝିଜୁ ବିସ୍ତେନି ନସ୍ତୁ ହୁଞ୍ଜିଞ୍ଜାଙ୍ଗ୍, ଆରେ, ହେ ଝିଜୁ ଗାତ୍ରା ଲାକେ ଗାଣା କିନାନ୍, ଇନେସ୍ ଆନ୍ କ୍ରିସ୍ତୁ ଲାବ୍ କିଦେଙ୍ଗ୍ ଆଡ୍‌ନାସ୍ ଆରି ହେଝାନ୍‌ତି ଇଞ୍ଜି ପୁନ୍ୟାନାତ୍, ୯ ଆରି ମସାତି ବିଦି ପାଲି କିନିକାଜିଂ ଜାର୍ ଦାମ୍ ପାୟାଝାଦାଂ ଇତିସ୍ ଇନେସ୍‌କି କ୍ରିସ୍ତୁତାକେ ପାତ୍ ହୁଦାଂ ଇସ୍‌ରତି ପାତ୍ କିନି ମୁଡ୍‌ଦାମ୍ ବିଦି ପାଲି କିୟାଟ୍ । ୧୦ ନାଦାଂ ବେସି ମାନ୍ ଆନ୍ ଇନେସ୍ କ୍ରିସ୍ତୁ ପୁନାଙ୍ଗ୍ ଆରି ହେଝାନ୍‌ତି ଆରେ ନିଂନି ସାକ୍ତି ବାବି କିନାଙ୍ଗ୍; ହେଝାନ୍‌ତି ଦୁକ୍ ବଗ୍‌ନି ମେହାବିତା ଏଡୁ କିଜି ହାକିତ ପା ତା ଲାକେ ଆନାଙ୍ଗ୍ । ୧୧ ହାତାକାର୍ ବିତ୍ରେ ଆରେ ନିଙ୍ଗନାକା ପାୟା ଆଦେଂ ବାସ୍ ଲାବ୍ କିନାଙ୍ଗ୍ ।

ଇଟକାଡ୍‌ବାହାତ ହନ୍‌ନାସ୍

୧୨ ଆନ୍ ଜେ ନଙ୍ଗ୍ ହେ ଝିଜୁ ପାୟା ଆତାଙ୍ଗନା କି ବାତ୍ ଲାବ୍ କିତାଂନା, ହେଦାଂ ଆକାୟ୍, ମାତର୍ ଆନ୍ କ୍ରିସ୍ତୁ ଜିସୁତି ହୁକେ କୁକ୍ୟାଜିମାଟିଲେ ହଡେଙ୍ଗ୍ ଲାଗାତାଂନା । ନିଜେ କ୍ରିସ୍ତୁ ନା ଆସ୍ତି ତାସି ଇବେ ବାତି କିଡ୍‌ତାନା । ୧୩ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଇପାତେକ୍ ଏକାଝାତାଂନା । ମାତର୍ ର କାମାୟତ ଆନମାନ୍ ଦିଆନ୍ କିତାଙ୍ଗନା; ପାତେ ପିସ୍ତି ଝାଜିମାନ୍ ବିସ୍ତେକାଂ ବାଣାଜି, ମୁମଦ ମାନ୍ ବିସ୍ତେକାଂ ଗାଟାଦେଂ ଜିବୁନ୍‌ଲାଗାୟ୍ କିଜି ସେସ୍ କିନାଙ୍ଗା । ୧୪ ପାତେନି ବିସ୍ତେ ଝିଜୁ ମାନ୍‌ତାଂ ପିସ୍ତି ମୁମଦ ମାନ୍ ବିସ୍ତେକାଂ କାଜିଂ ଇଡ୍‌ଜି କ୍ରିସ୍ତୁ ଜିସୁତି ତାକେ ଇସ୍‌ତ୍ ସାଗେନି କୁକ୍ୟାତି ପାଡ୍ ପାୟାନି କାଜିଂ ଜିବୁନ୍‌ଲାଗାୟ୍ କିଜି ଏକିନି ବାହାତ ହନ୍‌ନାଙ୍ଗା ।

୧୫ ମା ବିତ୍ରେ ଇମଣାକାର୍ ଆମ୍‌କ୍ ବାବ୍ରେ ହେଝାରିଂ ଏଲେଙ୍ଗ୍, ମାନ୍‌ବାବ୍‌ନା ମାନାକା ମାନାତ୍ । ଜଦି ମି ବିତ୍ରେତାଂ ଇନେର୍‌ତି ବିନେ ମାନ୍ ବାବ୍‌ନା ମାଟିସ୍, ଇସ୍‌ର ମିଙ୍ଗେଙ୍ଗ୍ ସବୁ କାତା ହାର୍ କିଜି ଝେର୍‌ଚାନାନ୍ । ୧୬ ହେଝାନ୍ ଇନେସ୍ ଆଏନ୍, ନେଞ୍ଜେଙ୍ଗ୍ ପାତେକ୍ ଆସେଙ୍ଗ୍ ଇମଣି ନିୟମ୍ ମାନ୍ କିଜି ଝାନାସା, ହେ ଇସାବ୍‌ରେ ନା ଆଗେ ହାନି ଲଡା ।

୧୭ ଏ ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ରତେ ମିହାଜି ନା ପାତେ ଝାଡୁ, ଆରେ ମା ଜିବୁନ୍ ତାକେ ଇମଣି ହାର୍‌ଦାକା ହୁଡ୍‌ନାଦେରା, ଇମଣାକାର୍ ହେ ଲାକେ ବେବାର୍ କିତାର୍ ହେଝାରିଂ ହୁଡାଟ୍ । ୧୮ ଆଗେତାଂ ବେସିହର୍ ଆନ୍ ମିଙ୍ଗେଙ୍ଗ୍ ଇ କାତା ଇଞ୍ଜାଙ୍ଗ୍‌ନା, ଆରେ ନଙ୍ଗ୍ ପାତେକ୍ ଆଡ୍‌ବି ଆଡ୍‌ବି ଆରେ ରଗ କିନାସ୍; ବେସି ଜାର୍ ଜାର୍ ଜିବୁନ୍‌ତ କ୍ରିସ୍ତୁ କୁସ୍‌ନି ହାକିତ ସାଡୁ ବେବାର୍ କିନାରା । ୧୯ ନରକ୍‌ତ ହେଝାରିଂ ଜିବୁନ୍‌ନି ନାସ୍ ଆଦେଂ ହାନାତା, ଇନେକିଦେଂକି ଗାଗାଡ୍ ଆହା ନେ ହେଝାରିଂ ପେନ୍ । ଇନାକା ଲାଜୁ, ହେଝାରିଂ ହେବେ ଗରବ୍ କିତାର୍; କେବଲ୍ ସଂସାର୍ ଜିନିସିଂ କାଜିଂ ହେଝାରିଂ ଚିନ୍ତା କିତାର୍ । ୨୦ ହେଝାନ୍ ଇନେସ୍ ଆଏଡ୍, ଆପେଂ ସାଗେ ରାଜିନି ପାର୍ଜା, ସାଗେତାଂ ମା ମୁକ୍ତିକାରିୟା ମାପୁ ଜିସୁ କ୍ରିସ୍ତୁ ଝାନାକା ଆପେଂ ଝାରିତାଂ କାନାପା । ୨୧ ଇମଣି ସାକ୍ତି ବାପୁତାଂ ହେଝାନ୍ ଝିଜୁ ବିସ୍ତେତିଂ ଜାର୍ ତାରେନ୍ କିଦେଙ୍ଗ୍ ଆଡ୍‌ନାନ୍, ହେ ସାକ୍ତି ବାପୁ ଚଡ୍‌ତି ହେଝାନ୍ ମା ନାଦାର୍ ନା ଗାଗାଡ୍‌ତିଂ ତା ଜାଜ୍‌ମାଲ୍‌ନି ଗାଗାଡ୍ ଲାକେ କିନାନ୍ ।

✧ ୩:୨ ୩:୨ ପକ୍ୟାତାକା ୮:୩; ୨୨:୪; ୨୨:୯-୧୧. ✧ ୩:୧୭ ୩:୧୭ ୧ କରନ୍ତିୟ ୪:୧୭; ୧୧:୧.



ଝେଟ୍ଟନାକା ଆରି ହିକ୍ୟା

^୧ ଲାଗିଂ, ଏ ନା ଖାରିନି ଟଣ୍ଡାର ଆରି ତଣ୍ଡେକ୍, ମିଙ୍ଗେଙ୍ଗ୍ ହୁଡ୍‌ଦେଦେଂ କାଜିଂ ନାଦାଂ ବେସି ଇଚା । ମିଂ ଅଜି ଆନ୍ ବେସି ଖାରିନି ମୁକୁଟ୍ । ମି କାଜିଂ ନାଦାଂ ବେସି ଗରବ୍ । ଖାରିନି ଟଣ୍ଡାର ଆରି ତଣ୍ଡେକ୍, ନା ହିକ୍ୟା ଇସାପ୍ରେ ମାପୁତି ତାକେ ତିର୍ ମାନଜି ଜିବନ୍ ଜିପକା କିୟାଟ୍ ।

^୨ ମାପୁ ତାକେ ତଣ୍ଡେଲ୍ ଲାକେ ରଞ୍ଜି ମାନ୍ ଆଏକ୍, ଆନ୍ ଇୟଦିୟା ଆରି ସୁନ୍ତୁକୁ ରିଣ୍ଡେକାଂ ପା ଗଞ୍ଜାରି କିନାଙ୍ଗା । ^୩ ଆରେ ଏ ହାଡ୍‌ପାନି ହାଙ୍ଗ୍‌ଦାକାନ୍, ଇ କଗ୍‌ଲେକାଂ ଉପକାର୍ କିନି କାଜିଂ ମିଙ୍ଗେଙ୍ଗ୍ ପା ଗଞ୍ଜାରି କିଦନାଙ୍ଗା, ଇନେକିଦେଂକି ଇଞ୍ଜାର୍ କ୍ଲେମେନ୍ସ ଆରି ନା ବିନ୍ ହାଙ୍ଗ୍‌ଦାକାର୍ ଲାହାଂ ନେକ୍ରିକାବୁର୍ କାମାୟତ ନା ଲାହାଙ୍ଗ୍ କସ୍ କିନାରା; ହେ ହଙ୍ଗ୍‌ଦାକାର୍ ତର୍ “ଜିବୁନ୍ ପତିତ” ମାନାଟ୍ ।

^୪ ନିତ୍ରେ ମାପୁ ତାକେ ଖାରି କିୟାଟ୍, ଆରେ ଝେଟ୍ଟନାକା, ଖାରି କିୟାଟ୍ ।

^୫ ଓଜାକାର୍ ଲାଗାଂ ମି ହୁଦାର୍ ହପାଟ୍ । ମାପୁତି ଖାନାକା ଲାଗାଂ । ^୬ ଇନାକା ବିସ୍ତେ ଚିନ୍ତା କିମାଟ୍, ମାତର୍ ଇନାକା ଲଡା, ପାର୍ତାନା ଆରି ଗଞ୍ଜାରି ହୁକେ ଜୁଞ୍ଜାର୍ ଲାହାଙ୍ଗ୍ ମି ଗଞ୍ଜାରି ସବୁ ଇସ୍ବର୍ ଲାଗାଂ ଝେଟାଟ୍ । ^୭ ହେବେ ମାନାୟାର୍‌ତି ବୁଜାନାକା କସ୍ ଜେ ଇସ୍ବତ୍ ସୁସ୍ତା କ୍ରିସ୍ଟ ଜିସୁତି ମେହାଣ୍ଡ ମି ଜିବୁନ୍ ଆରି ମାନ୍‌ଦିଂ ଜାଲ୍‌ଦି କିଜି ଇଡ୍‌ଦାନାଟ୍ । ^୮ ହାରିହାରା, ଏ ଟଣ୍ଡାର ଇନା ଇନାକା ହାଡ୍‌ପା, ଇନା ଇନାକା ଲଡା, ଇନା ଇନାକା ଦସି, ଇନା ଇନାକା ହାଦାକା, ଇନା ଇନାକା ଖାରିନିକା, ଇନାକା ତାକ୍‌ପୁଟାମେହା, ଇମଣାକା ପା ସଡ୍‌ଗୁଣ୍ ଆରି ଖାରିକିୟକିନି ବିସ୍ତେ ମାନାଟ୍, ହେ ଓଜୁ ବିସ୍ତେ ବିଚାର୍ କିୟାଟ୍ । ^୯ ଏପେଙ୍ଗ୍ ଜେ ଓଜୁ ବିସ୍ତେ ନା ତାକେ ହିକାଆତାଦେଣ୍ଡା, ପାୟା ତାଦେଣ୍ଡା, ଝେଟାଦେଣ୍ଡା, ଆରି ନା ତାକେ ହୁଡ୍‌ତାଦେଣ୍ଡା, ହେ ସବୁ କାମାୟତ ପୁରା କିୟାଟ୍; ହେବେ ସୁସ୍ତାହିଦନାକାନ୍ ଇସ୍ବର୍ ମି ଲାହାଙ୍ଗ୍ ମାନାନ୍ ।

ଦାନ୍ କାଜିଂ ଜଞ୍ଜାର୍

^{୧୦} ମାପୁତି ଲାହାଂ ମିହାଆଜି ଜିବୁନ୍ ଜିପକା କିନି ଝେଡାଲିଂ, ନା ଖାରି ଜେ, ଏପେଙ୍ଗ୍ ଚିନ୍ତା କାଜିଂ ମାନ୍‌ଦିଆନ୍ କିତାଦେର୍ । ବେସି ଦିନ୍ ପାରେ ଆରେ ରଗ ଚିନ୍ ଚଟ୍‌ଚାଦେଣ୍ଡା । ଆନ୍ ଇଞ୍ଜୁଙ୍ଗା ଜେ, ଏପେଙ୍ଗ୍ ଓସ୍ତ୍ର ବିତ୍ରେ ନା କାଜିଂ ଆରେ ମାନ୍‌ଦିଆନ୍ ହିଞ୍ଜାଦାଂ ମାଚାଦେର୍ କେବଲ୍ ହେଦାଂ ହପ୍ରେଙ୍ଗ୍ ପାବ୍ ପାୟାଞ୍ଜାଦାଂ ମାଚାଦେର୍ । ^{୧୧} ଆନ୍ ଜାତ୍ ଏଲ୍ଲା ବାବି କିଜି ଇ କାତା ଇନୁଙ୍ଗା, ଇନେକିଦେଂକି ନାଦାଂ ଇନାକା ମାନାଟ୍, ହେ ଏଚେକ୍‌ନେ ସାରି କିଦେଙ୍ଗ୍ ଆନ୍ ହିକ୍ୟା କିତାଂନା । ^{୧୨} ଅବାବ୍ ଆୟେଡ୍, ଦନ୍ ବେସି ଆୟେଡ୍, ଇନେସ୍ ତା ମୁମ୍‌ଦ ହାଞ୍ଜେଙ୍ଗ୍ ଆନାଟ୍, ହେଦାଂ ଆନ୍ ପୁଚାଙ୍ଗନା । ଲାଗିଂ ଇମଣାକା ପା ଝେଡାଲିଂ, ନାସ୍‌କିତ ମାନି ଝେଡାଲିଂ ଇନେସ୍, ସାରି ଆତି ପାରେ ପା ହେ ଲାକେ, ଅବାବ୍ ଆନି ଝେଡାଲିଂ, ଆରେ ବେସି ବିତ୍ରେ ପା ସବୁଝେଡାଙ୍ଗ୍ ଆନ୍ ସାରି । ^{୧୩} ନା ସାକ୍ତି ହିଦକାନ୍ କ୍ରିସ୍ଟ ଉପକାର୍‌ତାଂ ଆନ୍ ସବୁ କିଦେଙ୍ଗ୍ ଆଡ୍‌ନାଙ୍ଗ୍ ।

^{୧୪} ଆତିସ୍‌ପା ଏପେଙ୍ଗ୍ ନା ଦୁକ୍‌ବର୍ ଝେଡାଲିଂ ନାଙ୍ଗେଙ୍ଗ୍ ମେହାଆନି କାଜିଂ ହାର୍ କିତାଦେଣ୍ଡା । ^{୧୫} ଏ ପିଲିପିନି ଟଣ୍ଡାର ଆରି ତଣ୍ଡେକ୍, ମିଙ୍ଗେଙ୍ଗ୍ ହାରକିଜି ମାନ୍‌ତ ମାନାଟ୍, ନେକ୍ରିକାବୁର୍ ସୁଣାୟକିନି ହାଙ୍ଗ୍‌ତି ସମୁତ୍, ଏଚେକାଡ୍‌ଦ ଆନ୍ ମାକିଦନିଆତାଂ ହାଚାଙ୍ଗ୍, ହେ ଝେଡାଲିଂ ମି ମଣ୍ଡଲି ନାଂ ଉପକାର୍ କିଜି ମାଞ୍ଜାଟ୍, କେବଲ୍ ଏପେଙ୍ଗ୍ ନା ଲାବ୍ ଆରି ଲାସ୍ ମେହା ଆଜି ମାଚାଦେର୍ । ^{୧୬} ଆନ୍ ତେସ୍‌ଲିନିକିତ ମାନିହିଂ ଏପେଙ୍ଗ୍ ବେସିହଟ୍ ନା ଲାଗାଂ ଲଡାନି ଉପକାର୍ ପକ୍ତି ମାଞ୍ଜାଦେର୍ । ^{୧୭} ମାତର୍ ମିତାଂ କେବଲ୍ ଦାନ୍ ଅନି କାଜିଂ ଆନ୍ ଇଚା କିଉଙ୍ଗ୍, ଇଦାଂ କାଜିଂ ଏପେଙ୍ଗ୍ ଇନେସ୍ ଆଦିକ୍‌ତାଂ ଆଦିକ୍ ଲାବ୍ ଆଡ୍, ଇଦାଂ ନା ଇଚା । ^{୧୮} ମିତାଂ ଆନ୍ ଗାଟା ଆଜି ମାନି ଓଜୁ ଦାନ୍ କାଜିଂ ପାୟାତାକା ମାନିକିଜି ଜାଣାୟକିଦନାଙ୍ଗା । ହେଦାଂ ନା କାଜିଂ ସାରିତାଂ ଆଦିକ୍ ଅତାନ୍ନା । ଏପାପ୍ରାଦିଡ୍‌ତି କେଇଦ ଏପ୍ ପକ୍ତି ମାଚି ଦାନ୍ ନାଦାଂ ସବୁ ଅବାବ୍ ପୁରାୟ କିତାଂନା । ହେଦାଂ ଇସ୍ବର୍‌ତି କାଜିଂ ପୁଜାକିତି ହାଦ୍ ଗାନ୍ଦା ଗାର୍‌ଣି ଆରି ତାଦି ଇଟ୍ୟାତାକା ଇଚିସ୍ ସାରିନି ପୁଜାଲାକେ । ^{୧୯} କ୍ରିସ୍ଟ ଜିସୁତି ହୁକେ ନା ଇସ୍ବର୍ ହେଞ୍ଜାନ୍ତି ବେସି ହଲ୍‌ନାକାତ ମିଦାଂ ଓଜୁ ଲଡାନିକା ତାସି କିଦନାନ୍ । ^{୨୦} ଜୁଗ୍ ଜୁଗ୍ ଆବା ଇସ୍ବର୍‌ତି ଜାଜ୍‌ମାଲ୍ ଆଏଡ୍ । ଆମେନ୍ ।

ହାରିହାରା କାତା

^{୨୧} କ୍ରିସ୍ଟ ଜିସୁ ତର୍‌ଦାଂ ସବୁ ସାଦୁରିଂ ଜଞ୍ଜାର୍ ଜାଣାୟ କିୟାଟ୍ । ନା ହାଙ୍ଗ୍‌ଦି ଟଣ୍ଡାର ମିଙ୍ଗେଙ୍ଗ୍ ଜଞ୍ଜାର୍ ଜାଣାୟ କିଦନାରା । ^{୨୨} ଇବେ ମାନି ଇସ୍ବର୍‌ତି ପୁଇପୁୟା ମାନାୟାର୍, ଓଜାର୍ ବିସ୍ତେ କାଇସର୍ ଇଞ୍ଜି ମାନାର୍, ସାଦୁର୍ ମିଙ୍ଗେଙ୍ଗ୍ ଜଞ୍ଜାର୍ କିଦ୍ଦାରା ।

^{୨୩} ମାପୁ ଜିସୁ କ୍ରିସ୍ଟି ଉପକାର୍ ମି ଜିବୁନ୍ ଓଜାର୍ ଲାହାଙ୍ଗ୍ ଆଏଡ୍ ।

କଲସିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର କଲସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି କଲସିୟ ବିସ୍ତେନି ପାଦେକ୍

କଲସିୟ ତାକେ ଲେକାତି ଆକି ଆନାତା ପାଉଲ୍ ଲେକିକିତି ଆକି ୧:୧ । ପାଉଲ୍‌ତି ଆତିସ୍‌ପା ଜିସୁ କ୍ରିସ୍ତୁତି ଜଲମ୍ ପାଚେ ଆଦିକ୍ ଆତିସ୍ ୬୦ ବାହୁଁ ରମ୍‌ଦ ଜଇଲ୍ ମାନି ସମୁତ ହେଝାନ୍ ଇ ଆକି ଲେକିକିଜି ମାଚାନ୍ । କଲସିୟ ଆକି ଲାହାଂ ଏପିସିୟ ପିଲିପିୟ ଆକିତିଂ ଜଇଲ୍‌ନି ଆକି ଇଞ୍ଜି ଇନାର୍ । ଇନେକିଦେଂକି ପାଉଲ୍ ଜଇଲ୍‌ତ ମାନି ସମୁତ ଇ ଆକି ଲେକିକିଜି ମାଚାନ୍ । ହେଝାନ୍ କଲସିୟ ବସ୍ତୁତ ମାନି ମଣ୍ଡଳି ଲାଗାଂ ଇ ଆକି ଲେକିକିଜି ମାଚାନ୍ ।

ପାଉଲ୍ ହେଝାନ୍ ଇ ମଣ୍ଡଳିତିଂ ଆରମ୍ କିଝାଦାଂ ମାଚାନ୍ ଇନାକାକି ୨:୧ତ ଲେକାତାତ୍‌ନା, ମତର୍ ବେସି ହେବେ ତା ଦାୟିତ୍ ମାନାକା କାତା ଏତୁ କିତାନ୍ନା । ଏପାପ୍‌ସ ଇ ମଣ୍ଡଳି ରଚ୍‌ତି ମାଚାନ୍ ଲାଗିଂ ହେଝାନ୍ କଲସିୟ ମାନାୟ୍ ମାଚାନ୍ । ପାଉଲ୍ କଲସିୟ ମଣ୍ଡଳିତ କେତେକ୍ ମିର୍ ହିକ୍ୟା ବିସ୍ତେ ତିନ୍ତା କିତାନ୍ । ହେଝାନ୍ ଇଦାଂ ବିସ୍ତେ ଆକି ଲେକିକିନି କାଜିଂ ବେସି ସମୁ ଲାଗାତାତ୍‌ନା । ଇବେ ଆତିସ୍‌ପା ଜିହୁଦି କ୍ରିସ୍ତୁୟାନ୍ ଇମ୍‌ଣାକାର୍ କି ବିନ୍ କ୍ରିସ୍ତୁୟାନ୍‌ରିଂ ପ୍ଲୁନି ନିୟମ୍ ଜିହୁଦି ବିଦିତିଂ ସମାନ୍ ବାବ୍ରେ ସୁନ୍ନତ୍ ବିଦି ପାଲି କିନି କାଜିଂ ଟାଟାୟ୍ କିଦେଂ ସେସ୍ତା କିଜି ମାଚାନ୍ । ପାଉଲ୍ ସମାନ୍ ବାବ୍ରେ ଲଡା ହିଲ୍‌ଝି କ୍ରିସ୍ତୁୟାନ୍ ବିସ୍ତେ ଲେକିକିଜି ମାଚାନ୍, ଇନେର୍ ଆତିସ୍‌ପା କ୍ରିସ୍ତୁଙ୍କ୍ ପିସ୍ତ୍ର ଇସ୍‌ବର୍ ଲାଗାଂ ଇଟ୍ୟା ଆଉକ୍ ୧:୧୫-୨୦ ଆରି ମାନାୟ୍‌ତି ଜିକାଟାଣା ହୁକେ ରଚ୍‌ତି ହିକ୍ୟା ମଲ୍ ଆକାୟ୍ ୨:୮ ।

ପତି ବିତ୍ତେନି ରାହାଣ

- ୧. କଲସିୟ ମଣ୍ଡଳିନି ପାଉଲ୍‌ତି ବାନ୍ଦାୟ୍ ୧:୧-୨
- ୨. କ୍ରିସ୍ତୁତି ଗାଜା ଆରି ମିର୍ ହିକ୍ୟା ଜପି ପାଉଲ୍‌ତି ଜବାବ୍ ୧:୩-୩:୪
- ୩. ହାଦ୍ କ୍ରିସ୍ତୁୟାନ୍ ଜିବୁନ୍ ଜିପ୍‌କା କାଜିଂ ପାଉଲ୍‌ତି ବଲ୍ ୩:୫-୪:୪
- ୪. ପାଉଲ୍ ଇ ଆକିତିଂ ବିନ୍ ମଣ୍ଡଳିତ ପା ପାଟ୍ ପଡିକିଦେଂ ଇଞ୍ଜି ବାନ୍ଦାୟ୍ ଜାଣାୟ୍‌କିଜି ଝିହ୍‌ନାନ୍ ୪:୭-୧୮

କଲସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି

୧ ଇସ୍‌ବର୍ ଇଚା ଇସାବ୍‌ରେ କ୍ରିସ୍ତୁ ଜିସୁତି ରଝାନ୍ ପକ୍ୟାତାକାନ୍ ତେଲା ପାଉଲ୍ ଆରି ଟଣ୍ଡେନ୍ ତିମତି ୨ ତିମତି କଲସିତ ମାନି ସାଦୁ ଆରି କ୍ରିସ୍ତୁତି ତାକେ ପାଟ୍ କିନି ଟଣ୍ଡାର୍ ଲାଗାୟ୍ ଲେକିକିନାନ୍; ମା ଆବା ଇସ୍‌ବର୍‌ତାଂ ଉପକାର୍ ଆରି ସୁସ୍ତା ମି କାଜିଂ ଆୟେତ୍ ।

ଦନ୍ୟବାଦ୍ ପାର୍ତନା

୩ ଆପ୍ ମି କାଜିଂ ପାର୍ତନା କିନି ସମୁତ ମା କ୍ରିସ୍ତୁ ଜିସୁତି ଆବା ଇସ୍‌ବର୍‌ତିଂ ନିତ୍ତେ ଦନ୍ୟବାଦ୍ ହିନାପା । ୪ ଇନେକିଦେଂକି ଆପେଂ କ୍ରିସ୍ତୁ ଜିସୁତି ତାକେ ମି ପାଟ୍ ଆରି ଇସ୍‌ବର୍‌ତି ପୁଇପୁୟା ଝିଜାର୍ ମାନାୟାର୍ କାଜିଂ ମି ଜିଉନନାକା ବିସ୍ତେ ଝେଟାପ୍‌ନା । ୫ ଏତେକାତ୍‌ଦ ନେକ୍ରିକାବୁର୍ ସତ୍ କାବୁର୍ ମି ଲାଗାଂ ପର୍ତୁମ୍ ଝାତାତ୍, ଏପେଙ୍ଗ୍ ହେଦାଂ ହୁଦାଂ ହିତ୍‌ତି ବାସ୍ କାତା ଝେନ୍‌ଞ୍ଜି ମାଚାଦେର୍ । ଏପେଙ୍ଗ୍ ଇନାକା ବାସ୍ କିନାଦେର୍, ଇନାକା ମି କାଜିଂ ସାଚେତ ହାର୍‌ମାନାନ୍, ତା ଜପି ମି ପାଟ୍ ଆରି ଜିଉନନାକା ମାନାତ୍ । ୬ ଇମ୍‌ଣି ନେକ୍ରିକାବୁର୍ ପରଚାର୍ କାଜିଂ ଏପେଙ୍ଗ୍ ପର୍ତୁମ୍ ଇସ୍‌ବର୍ ଉପକାର୍ ବିସ୍ତେ ଝେଟାଦେର୍ ଆରି ଇଦାଂ ହାତ୍‌ପା ଏତୁ କିତାଦେର୍, ହେ ନେକ୍ରିକାବୁର୍ ନଙ୍ଗ୍ ସବୁ ଜଗତ୍‌ତ ମେଙ୍ଗ୍‌ଜି ଲାବ୍ କିନାତା ଆରି ଆସିର୍ବାଦ୍ ରଚ୍‌ୟାତାତ୍ । ୭ ମା ପାକ୍ୟାତାଂ କ୍ରିସ୍ତୁତି ପାଟ୍ କିନି ହେବାକାର୍‌ୟା ଆରି ମା ଝାରିନି ହାଙ୍ଗ୍‌ଦାକାନ୍ ଏପାପ୍‌ଞ୍ଜାତାଂ ଏପେଙ୍ଗ୍ ଇସ୍‌ବର୍‌ତି ଇ ଉପକାର୍ ବିସ୍ତେ ଜାଣାୟ୍ କିୟାତାଦେଣ୍ଡା । ୮ ପୁଇପୁୟା ଜିବୁନ୍‌ତ ମି ହିଜିମ୍‌ଞ୍ଜି ଜିଉନନାକା ବିସ୍ତେ ମାଙ୍ଗେଙ୍ଗ୍ ଝେଟାତାନ୍‌ନା ।

୯ ଇ କାର୍‌ଣ୍‌ତାଂ ମି ବିସ୍ତେ ଝେନି ସମୁତାଂ ଆପେଂ ସବୁଝେଡାଙ୍ଗ୍ ମି କାଜିଂ ପାର୍ତନା କିନାପା । ପୁଇପୁୟା ଜିବୁନ୍ ହିତ୍‌ତି ଝିଜୁ ଗିଆନ୍ ବୁଜାନି ଆମିକ୍ ସାକ୍ତି ହୁକେ ଇସ୍‌ବର୍‌ତି ଇଚା ପୁରା ଲାକେ ଏପେଙ୍ଗ୍ ଇନେସ୍ ପୁଞ୍ଜେଙ୍ଗ୍ ଆଡ୍‌ନାଦେର୍, ଇଦାଂ ମି କାଜିଂ ଆପେଂ ପାର୍ତନା କିନାପା । ୧୦ ତା ଆତିସ୍, ଏପେଙ୍ଗ୍ ମାପୁତି ଇଚା ଲାକେ ଜିବୁନ୍ ଜିପ୍‌କା କିଦେଙ୍ଗ୍ ଆଡ୍‌ନାଦେର୍ ଆରି ତା ସାରିଆନି କାମାୟ୍ କିଦେଙ୍ଗ୍ ଆଡ୍‌ନାଦେର୍ । ଏପେଙ୍ଗ୍ ଜିବୁନ୍‌ତ ସବୁ ବାନି ହାର୍‌ଦି କାମାୟ୍ କିଦେଙ୍ଗ୍ ଆଡ୍‌ନାଦେର୍ ଆରି ଇସ୍‌ବର୍‌ତି ବିସ୍ତେ ମି ଗିୟାନ୍

ବାତାନାଡ଼ । ୧୧ ଲାଗି ସବୁ ବିସ୍ତେ ସାସି ଆରି ହୁଦାର ଆଦେ କାଜି ହେଖାନ୍ତି ଜାଜମାଲାନି ସାକ୍ତିକାଟାକାନ ଇସାବରେ ଓଁଜୁ ସାକ୍ତିତ ସାକ୍ତିକାଟାକାଦେର ଆଡ, ୧୨ ଆବା ଇସ୍ବର ରାଜିତ ତା ପୁଇପୁୟା ମାନାୟାରି କାଜି ଇନାକା ରୁଣ୍ଡାୟ କିତାଣ୍ଡା, ତା ମେହାଆନି କାଜି ହେଖାନ୍ ଜେ ମିଙ୍ଗ୍ ବାଟି କିଡ଼ତାନନା, ଇଦା କାଜି ଖାରିତା ତାଜେଙ୍ଗ୍ ଦନ୍ୟବାଦ୍ ହିୟାର୍ । ୧୩ ହେଖାନ୍ ମାଜଗାନି ଆଦିକାରତା ମାଜେଙ୍ଗ୍ ରାକ୍ୟା କିତାନନା ଆରି ଆପଡ଼ ହିଲ୍ଖାକା ମାଜେଙ୍ଗ୍ ଜିଉନନି ମାଜିଡ଼ି ରାଜିତ ତାଜଖାତାନ୍ନା । ୧୪ ହେ ମାଜି କାଜି ଆପେ ମୁକ୍ତାତାପନ୍ନା, ଇତିସ୍ ମା ପାପ୍ କେମା ଆତାଡ଼ନ୍ନା ।

କ୍ରିଷ୍ଟୁ ଆରି ତା କାମାୟ

୧୫ କ୍ରିଷ୍ଟୁ ହୁଡ଼ଓଁ ଇସ୍ବତ ହୁଡ଼ନି ଜାତିମୁତ । ହେଖାନ୍ ପର୍ତୁମ୍ ଉବ୍ଜାତି ମାଜି ଆରି ଓଁଜୁ ଉବ୍ଜାଣ୍ ଆନି ବିସ୍ତେତା ମୁଡ଼ଦାକାନ । ୧୬ ଇନାକିଦେକି ହୁଡ଼ନାକା ଆରି ହୁଡ଼ଓଁକା, ସାଗେନି ଓଁଜୁ ବିସ୍ତେ ହେଖାନ୍ ହୁକେ ଉବ୍ଜା ଆତାଡ଼, ଗାଦି କି ସାସନ୍ କିନାକାନ କି ଆଦିକାର କି ମୁଣିକା, ଓଁଜାର ହେଖାନ୍ ହୁକେ ଆରି ହେଖାନ୍ କାଜି ଉବ୍ଜା ଆତାଡ଼ନ୍ନା । ୧୭ ଓଁଜୁ ବିସ୍ତେ ଉବ୍ଜାଣ୍ ଆନି ଆଗେ କ୍ରିଷ୍ଟୁ ମାନାନ୍ ଆରି ହେଖାନ୍ ତା ଲାହା ମେହାନି କାଜି ଓଁଜୁ ବିସ୍ତେନି ଗାଟିମୁଟି ମାନାଡ଼ । ୧୮ ହେଖାନ୍ ତା ହେବା କିନାକାର ମଣ୍ଡୁଲି ଲାକେ ଗାଗାଡ଼ନି କାପଡ଼ା; ହେ ଗାଗାଡ଼ନି ହେଖାନ୍ ଜିରୁନ୍ ସାକ୍ତି । ଓଁଜୁ ବିସ୍ତେ ପର୍ତୁମ୍ ବାହା ପାୟାନି କାଜି ହେଖାନ୍ ହାକିତା ପର୍ତୁମ୍ ଆରେ ନିଙ୍ଗ୍ତାନ୍ନା । ୧୯ ଇନାକିଦେକି ଇସ୍ବର ଇଚା ଇସାବ୍ରେ ମାଜି ନିଜେ ଇସ୍ବରତି ବାଟ୍ ଗୁଣଲାକେ କିତାନନା । ୨୦ ମାଜି ହୁକେ ଇସ୍ବର ଓଁଜୁ ପୁତ୍ ତି ଜାର ଲାଗା ଲେଉଟାୟ କିଜି ତାଜଖାନି କାଜି ତିର କିତାନ । କୁସ୍ତ ତା ମାଜିଡ଼ି ନେତେର ହୁକେ ଇସ୍ବର ସୁସ୍ତା ରଚନାନ୍ ଆରି ପୁତ୍ ଆରି ସାଗେତ ମାନି ଓଁଜୁ ବିସ୍ତେ ଜାର ଲାଗା ମେହାୟକିଜି ତାଜଖାତାନ୍ନା ।

୨୧ ର ସମୁତ ବାନ୍ୟା ମାନ୍ ଆରି ବାନ୍ୟା କାମାୟ କିଜି ମାନି ଇସ୍ବରତା ଏପେଙ୍ଗ୍ ଦେହା ମାଚାଦେର ଆରି ହେଖାନ୍ତି ସାତୁ ମାଚାଦେର, ୨୨ ମାତର ନଙ୍ଗାୟ ଇସ୍ବର ମିଙ୍ଗ୍ ପୁଇପୁୟା, ବାଟ୍ ଆରି ଦସିହିଲ୍ଖାଦା ଲାକେ ତା ମୁମ୍ଦ ତାଜଖାନି କାଜି ତା ମାଜି ଗାଗାଡ଼ନି ହାକି କାଜି ମିଙ୍ଗେଙ୍ଗ୍ ଜାର ଲାହାଙ୍ଗ୍ ଆରେ ମେହାୟ କିତାନ୍ନା । ୨୩ ଏପେଙ୍ଗ୍ ର ତାଟ୍ ଆରି ହାଡ଼ପା କୁନାଦି ଜପି ଓଁସ୍ତୁ ରଚୟାଜି ମାନାଟ୍ ଆରି ନେକ୍ରିକାବୁର୍ ଝେନି ସମୁତ ଇମ୍ଣି ବାସ୍ ଲାବ୍ କିଜି ମାଚାଦେର, ହେବେଣ୍ଡା ଏନେତେନେ ଆନି କାଜି ପାବ୍ ହିମାଟ୍ । ହେ ନେକ୍ରିକାବୁର୍ ନେ ଆକାସ୍ନି ଓଁଜାର ଲାଗା ପର୍ତାର ଆନାତା ଆରି ଆନ୍ ପାଉଲ୍, ହେଖାନ୍ତି ରଖାଙ୍ଗ୍ ପାଟ୍ କିନାକା ହେବାକାରୟା ।

ମଣ୍ଡୁଲିତ ପାଉଲ୍ଡି କାମାୟ

୨୪ ଆନ୍ ମି କାଜି ଇମ୍ଣି ସବୁ ଦୁକ୍ବଗ୍ କିନାଙ୍ଗା, ହେବେ ନଙ୍ଗ୍ ଖାରି କିନାଙ୍ଗା, ଆରେ କ୍ରିଷ୍ଟୁତି ଇମ୍ଣି ଦୁକ୍ବଗ୍ ବାକି ମାନାଡ଼, ହେଦା ଆନ୍ ହେଖାନ୍ତି ଗାଗାଡ଼ନି ଲାଗ୍ଦି ମଣ୍ଡୁଲି କାଜି ନା ଗାଗାଡ଼ତ ବାଟ୍ କିନାଙ୍ଗା; ୨୫ ଇସ୍ବର ନାଜେଙ୍ଗ୍ ଇମ୍ଣି ହେବାକାରୟା ପାପ୍ ମି କାଜି ହିଡ଼ତାନା, ହେ ଇସାପ୍ରେ ଆନ୍ ହେ ମଣ୍ଡୁଲିନି ରଖାଙ୍ଗ୍ ହେବାକାରୟା ଆତାନ୍ନା, ଇନେସ୍ ଆନ୍ ଇସ୍ବର ବଚନ୍ ପୁରା ସୁଣାୟକିଦେ ଆଡ଼ନା । ୨୬ ହେ ଡ଼ଲ୍ଲକା ଆଗେନି ସମୁ ଆରି ଆଗେନି ଆକର୍ ଦାଦିର୍ତା ଡ଼ଗୁଜି ମାଚାଡ଼, ମାତର ନଙ୍ଗ୍ ହେଖାନ୍ତି ସାଦୁର୍ ଲାଗା ହତାଡ଼ନ୍ନା । ୨୭ ପାଟ୍ କିଓଁ ଜିହୁଦିର୍ ବିତ୍ରେ ହେ ହାଦ୍ କାତାନି ଜାଜମାଲ୍ ଲାଗ୍ଦି ଦାନ୍ ଜେ ଇନାକା, ହେଦା ଇସ୍ବର ଜାର ସାଦୁର୍ ବିତ୍ରେ ଚଞ୍ଜୟା ଆଦେ ଇଚା କିତାନ; ହେ ହାଦ୍ କାତା ଇଦା, ମି ବିତ୍ରେ କ୍ରିଷ୍ଟୁ ହେଖାନ୍ ଜାଜମାଲ୍ନି ବାସ୍ ଲାକେ; ୨୮ ଇଦା କାଜି ଆପେ ଓଁଜାର ଲାଗା କ୍ରିଷ୍ଟୁତି ପର୍ତାର କିନାପା । ଓଁଜାର କ୍ରିଷ୍ଟୁ ଲାହା ମେହାଜି ର ପୁରାବାଟ୍ ମାନାୟ ଲାକେ ଇସ୍ବର ମୁମ୍ଦ କୁଚିକିନି କାଜି, ମା ଓଁଜୁ ରୁଦି ଗିଆନ୍ ତାଲାୟ କିଜି, ଓଁଜାରି ଚେଡ଼ନା ଆରି ହିକ୍ୟା ହିନାପା । ୨୯ ଇଦିଲି ଜିଦ୍ କିନି କାଜି ନା ତାକେ କାମାୟ କିଜିମାନି କ୍ରିଷ୍ଟୁ ହିଡ଼ତି ଜବର୍ ସାକ୍ତିତ ବେବାର କିଜି ଆନ୍ ହାଜିରିଜି ସେସ୍ତୁ ଆରି କସ୍ କିନାଙ୍ଗା ।

୨

୧ ମି କାଜି, ଲାଅଦିକିଆନିକାର ଆରି ନା ଜାର୍ତି କାଜି ଚିନ୍କିଖାଦା ମାଟିକ୍ ଓଁଜାର ମାନାୟାର୍ କାଜି ଆନ୍ ଜେ ଏଚେକ୍ ବେସି କସ୍ କିନାଙ୍ଗା, ହେଦା ଏପେଙ୍ଗ୍ ପୁନାଟ୍ ଇଞ୍ଜି ନା ଇଚା । ୨ ଏପେଙ୍ଗ୍ ଓଁଜାଦେର ଇନେସ୍ ହେଖାଡ଼ି ଖାୟ୍ ଖାରିୟା ଆନାଦେର ହାରି ଲାହା ଜିଉନନିତ ରବେ ମାନାଦେର, ଆରି ହାଡ଼ପାନେ ଗିଆନ୍ ଲାବ୍ କିଜି ହାଡ଼ପା ବାସ୍ ଲାକେ ପୁରା ସମ୍ପତିନି ଆଦିକାରି ଆନାଦେର, ଇଦା ନା ଇଚକାଡ଼ । ଇଦା ହୁକେ ଏପ୍ ପୁନାଦେର ଜେ, ଜିସ୍ତୁ କ୍ରିଷ୍ଟୁନେ ଇସ୍ବରତି ହେ ଡ଼ଲ୍ଲବଚନ୍ । ୩ ଜିସ୍ତୁ କ୍ରିଷ୍ଟୁ

✧ ୧:୧୪ ୧:୧୪ ଏପିସିୟ ୧:୭. ✧ ୧:୧୮ ୧:୧୮ ଏପିସିୟ ୧:୨୨,୨୩. ✧ ୧:୨୦ ୧:୨୦ ଏପିସିୟ ୨:୧୭.

ଆନାନା ହେ କ୍ରୀଷ୍ଟି କାନ୍ତି, ଇନାକା ଇସ୍‌ରାଏଲି ବୁଦ୍ଧି ଆରି ଗିୟାନ୍ ଲାକେ ଓଁଜୁ ଡ଼କ୍ରି ଦାନ୍ ସମ୍ପତିନି ଗାଦ୍ୟା ଜେସି ହିଦନାନ୍ ।

୪ ଇନେର୍ ମିଂ ଇନେସ୍ ଇନି ଚାଲାକିତାଂ ବୁଲାଇ କିଦମେର୍, ହେଦାଂ କାଜିଂ ଆନ୍ ଇଦାଂ ଇଞ୍ଜନାକା ।
୫ ଇନାକିଦେଂକି ଆତିସ୍‌ପା ଆନ୍ ଗାଗାଡ଼ତ୍ ଖାଖାଦାକ୍ ମାଟିସ୍ ପା, ଜିବୁନ୍ ବାବ୍ରେ ଆନ୍ ମି ଲାହାଂ ମାନାକା । କ୍ରିସ୍ଟି ଜପି ତାଟ୍ ପାତର୍ ଇଡ଼ଜି ଏପେକ୍ ଇନେସ୍ ହାୟସ୍‌ପା ଆତାନା, ହେଦାଂ ହୁଡ଼ଜି ଆନ୍ ଖାରି ।

କ୍ରିସ୍ଟିତାକେ ଜିବୁନ୍

୬ ଇନେସ୍‌କି ଏପେକ୍ କ୍ରିସ୍ଟି ଜିସ୍ଟି ମାପୁ ଲାକେ ଇଡ଼ତାଦେଶ୍ଟା, ତା ଲାହାକ୍ ମେହାଜି ଜିବୁନ୍ ଜିପ୍‌କା କିୟାଟ୍ । ୭ ମିଦାଂ ମୁଡ଼କ୍‌ନାଦି ତା ଜପି ଆଟ୍‌ଖା ଲାକେ ରଡ଼ତି ଜିବୁନ୍ ରଚାଟ୍ ଆରି ଏପେକ୍ ଗାଗାଡ଼ି ହିକ୍ୟା ଇସାବ୍ରେ ପାତର୍ ତ ଆଦିକ୍ ବାଡ଼କାସ୍ ଆତ । ମି ଜିବୁନ୍ ପାତର୍ ତ ପୁରା ଆଏଡ଼ ।

୮ ଜାଗ୍ରଡ଼, ଇନେର୍ ଇନେସ୍ ମିଂ ମାନାୟାଡ଼ି ଅରଡ଼ ହିଲ୍‌ଖି ଆହାର୍ ଗିଆନ୍ ହୁକେ ତଲ୍ୟା କିବୁଡ଼ । ହେ ସବୁ ପଲ୍ୟା ଗିୟାନ୍ କ୍ରିସ୍ଟି ହିକ୍ୟାତାଂ ଖାଖାଦାଂ ମାନଗାନାଡ଼ । ହେଦାଂ ମାନାୟା କୁଟୁମ୍‌ନି ଚାଲାଆଜି ଖାଜି ମାନି ହିକ୍ୟା ଆରି ପୁତର୍ ଜପି କାମାୟ କିଜି ମାନି ହାୟାୟକିନି ସାକ୍ରିନି ହିକ୍ୟାନି ପାଡ଼ । ୯ କେବଲ୍ ନାର୍ ଲାକେ କ୍ରିସ୍ଟି ତାକେ ଇସ୍‌ରାଏଲି ଜାତିମୁତର୍ ପୁରାବାତର୍ ମାନାଡ଼ । ୧୦ ହେଖାନ୍ ଲାହାଂ ମେହାଜ୍ ମାନି କାଜିଂ ଏପ୍ ଜିବୁନ୍ ପୁରା ଲାବ୍ କିଦେକ୍ ଆଡ଼ନାଦେର୍ । ବିନ୍ ଓଁଜୁ ସାକ୍ରି ଆରି ଆଦିକାରି ଜପି କ୍ରିସ୍ଟି ରାଜ୍ ନେ ମୁଡ଼ଦାକା ।

୧୧ କ୍ରିସ୍ଟି ଲାହାଂ ମେହାଜି ଜିବନ୍ ନେ ମି ସୁନ୍‌ଡ଼ ଲାକେ । ଇ ସୁନ୍‌ଡ଼ ମାନାୟା କିତାକା ଆକାୟ, ହେଦାଂ କ୍ରିସ୍ଟି ଲାହାଂ ପୁରା ଆତାକା । ହେଦାଂ ମାନାୟତିଂ ପାପ୍ ବାତର୍ ଓଁଜୁ ଗାଗାଡ଼ ମୁକ୍‌ଡ଼ାୟ କିନାଡ଼ । ୧୨ ଇନେକିଦେଂକି ବାପ୍‌ସିମ୍‌ତ ଅନି ହୁଦାଂ ଏପେକ୍ କ୍ରିସ୍ଟି ଲାହାଂ ମୁଟିୟା ଆଜି ମାଟାଦେର୍ ଆରି ଜିସ୍ଟି କ୍ରିସ୍ଟିଂ ଆରେ ନିକ୍‌ନାକା ଇସ୍‌ରାଏଲି ଜାରତି କାମାୟ ସାକ୍ରିତ ପାତର୍ କିନି ହୁକେ କ୍ରିସ୍ଟି ଲାହାଂ ଏପେକ୍ ପା ଆରେ ନିଂତାଦେଶ୍ଟା । ୧୩ ମି ପାପ୍ ଆରି ଗାଗାଡ଼ ଆହା କାଜିଂ ଆରି ଏପେକ୍ ବିଦିତ ବିନେ ଆଜି ପାତର୍ କିଓ୍ ଜିହୁଦି ମାଟିଲେ ଦିନେକ୍ ଏପେକ୍ ମାପୁ ଗିଆନ୍‌ତ ହାଜି ମାଟାଦେର୍; ମାତର୍ ଇସ୍‌ର ନଂ କ୍ରିସ୍ଟି ଲାହାଂ ମିଂ ହାର୍ କିଜି ଇଡ଼ତାନ୍ନା । ଇସ୍‌ର ମା ଓଁଜୁ ପାପ୍ କେମା କିଦନାନ୍ । ୧୪ ହେଖାନ୍ ମା ବିରୁଦ୍‌ତ ମାନାକା ବିଦି ଦାବାଆକି ଆରି ଇଦାଂ ବିଦିବିଦାଣିତିଂ କୁସ୍‌ତ ନାସ୍‌କିଜି ମାକ୍‌ତାଂ ଦେହା କିତାନ୍ନା । ୧୫ ଆରେ ହେ କୁସ୍ ଜପି କ୍ରିସ୍ଟି ଓଁଜୁ ବାନି ସାକ୍ରି ଆରି ଆଦିକାରି ଜାରତିଂ ମୁକ୍‌ଡ଼ାୟ କିତାନ୍ନା ଆରି ହେଖାରିଂ ବନ୍ଦି କିଜି ଜାର୍ ବିସ୍ତେ ହାର୍ ହାନିତ ଓଁଜାକାର୍ ମୁମ୍‌ଦ ହେଖାରିଂ ଗ୍ଲୁୟାତାନ୍ନା ।

ମାନାୟା ରଡ଼ତି ନିୟମକାଂ ମାନିକିମାଟ୍

୧୬ ଇନାଗିଂ, ଇନେର୍ ତିନାଉଣା କି ପୁଇପୁୟା ନାଞ୍ଜିକ୍ କି ଉଆଁସ୍ ପାର୍ସୁ, କି ଜମ୍‌ନିବାର୍ ବିସ୍ତେ ଇମ୍‌ଣାକାପା ବିଚାର୍ ଜାଲ୍‌ଦି କିମେନ୍ । ୧୭ ହେ ସବୁ କେବଲ୍ ଖାନି ଦିନ୍‌ନି ଗିଟାନି ବିସ୍ତେନି ଡ଼ିଗା ଲାକେ ମତର୍, କ୍ରିସ୍ଟିନେ ଓଁଜୁ ହାଡ଼ପାନି ଓଁଜେନିକା । ୧୮ ଆରେ ଇମ୍‌ଣାକାର୍ ଦାମ୍ ଆରି ଦୁଡ଼ର୍ ପୁଜାତ ହାର୍ ପାୟାଜି ଚ୍ଚେଞ୍‌କଣ୍ ହୁଡ଼ଜି ମାନି ବିସ୍ତେନିକିଂ ଦାସ୍ତି ଆରି ଜାର୍ ସଁସାର୍‌ନି ମାନାୟା ମାନ୍ ହୁକେ ପଲ୍ୟା ଗାବ୍ ଆଜି କାପ୍‌ଡ଼ା ଲାକେ ଇନେନ୍ କ୍ରିସ୍ଟି ହେଖାନିଂ ଆହ୍‌ଖାଦାଂ ଇନାମ୍‌ତାଂ ମିଜେକ୍ ବାଟାୟା କିଦମେଡ଼; ୧୯ ଗାଗାଡ଼ନି କାପ୍‌ଡ଼ା ଲାକେ କ୍ରିସ୍ଟି ତାଂ ହେଖାର୍ ଏଡ଼ା ଆତାଶ୍ଟା । ତା ବଲ୍‌ଦାଂ କେଇଗାଲ୍‌କୁ ହାୟାଣି ଆରି ତିରାଂ ହୁକେ ହାରି ଲାହାଂ ମିହାଜି ପୁରା ସାକ୍ରି ଆନାଡ଼ ଆରି ଗାଗାଡ଼ ଇସ୍‌ରାଏଲି ଇତା ଇସାପ୍ରେ ବାଡ଼ା ଆନାଡ଼ ।

କ୍ରିସ୍ଟି ଲାହାଂ ହାନାସ୍ ଆରି ଜିନାସ୍

୨୦ ଏପେକ୍ କ୍ରିସ୍ଟି ଲାହାକ୍ ହାତାଦେଶ୍ଟା ଇ ପୁତର୍ ଜପି ରାଜ୍‌କିନି ସାକ୍ରିତାଂ ମୁକ୍ରି ଲାବ୍ କିତାଂନା । ମାନାୟା ଲାକେ ଜିବୁନ୍ କାଟିକିନାଦେରା ? ଇନେକିଦେଂ ଏପେକ୍ ଏଲେକ୍‌ବାତର୍ ନିୟମିକାଂ ମାନି କିନାଦେରା । ୨୧ “ଇଦାଂ ଆହ୍‌ମାଟ୍, ହେଦାଂ ତିନ୍‌ମାଟ୍, ହେଦାଂ ତୁମାଟ୍ ?” ୨୨ ଇ ସବୁ ବିସ୍ତେ ଚାନେକ୍‌ନିକା । ଇଦାଂ ବେବାର୍ ଆନି ସାଜେ ସାଜେ ମଲ୍‌ହିଲ୍‌ଖାକା ଆଜି ହାନାଡ଼ । ଇଖାକ୍ କେବଲ୍ ମାନାୟା ରଡ଼ତି ନିୟମ୍ ଆରି ହିକ୍ୟା । ୨୩ ନିଜେ ସାଗେବୁଡ଼ ପୁଜା, ମିର୍ ହୁଦାର୍ ଆରି ଜାତର୍ ବାଦା ହିନାକା କାଜିଂ କିୟକିଦେଂ ଇ ସବୁ ନିୟମ୍ ବେସି ଗିଆନ୍ତ ରଡ଼ତାକା ଇଞ୍ଜି ବାବି କିନାନ୍, ମାତର୍ ଗାଗାଡ଼ କାମାୟତିଂ ମେହାୟା କିଦେକ୍ ଆଡ଼ଖାକା ।

☆ ୨:୧୨ ୨:୧୨ ରମିୟ ୨:୪. ☆ ୨:୧୩ ୨:୧୩ ଏପିସିୟ ୨:୧-୫. ☆ ୨:୧୪ ୨:୧୪ ଏପିସିୟ ୨:୧୫. ☆ ୨:୧୬ ୨:୧୬ ରମିୟ ୧୪:୧-୬. ☆ ୨:୧୯ ୨:୧୯ ଏପିସିୟ ୪:୧୭.

୩

୧ ଏପେଙ୍ଗ ଏଚେକାଡ଼ଦ କ୍ରିସ୍ତୁତି ଲାହାଙ୍ଗ ହାକିତାଂ ନିଂତାଦେଣ୍ଡା । ଲାଗିଂ ସାଗେନି ବିସ୍ତେତିଂ ମାନଦ୍ୟାନ କିୟାଟ୍, ଇନେକିଦେଂକି କ୍ରିସ୍ତୁ ସାଗେତ ଇସ୍ତର୍ତ୍ତ ରୁଜ୍ଜଣି ବାଗାଙ୍ଗ କୁଟ୍ଟାନ୍ନା । ୨ ପୁତ୍ରିଂ ବିସ୍ତେ ଆହା କିଞ୍ଜାଦାଂ ସାଗେ ବିସ୍ତେ ଚିନ୍ତା କିୟାଟ୍ । ୩ ଇନାକିଦେଂକି ଏପେଙ୍ଗ ହାତାଦେଣ୍ଡା, କ୍ରିସ୍ତୁ ଲାହାଂ ମି ଜିରୁନ୍ ଇସ୍ତର୍ତ୍ତ ତାକେ କ୍ରିସ୍ତୁତି ଲାହାଙ୍ଗ ଡ଼ଲ୍ଲାତାତନା । ୪ ମା ଜିରୁନ୍ ଲାକେ ଜେ କ୍ରିସ୍ତୁ ଏଚେକାଡ଼ଦ ହେଞ୍ଜାନ୍ ଚଞ୍ଜୟା ଆନାନ୍, ହେ ପାଦନା ଏପେଙ୍ଗ ପା ହେଞ୍ଜାନ୍ ଲାହାଙ୍ଗ ଜାଜ୍ମାଲତ ଚଞ୍ଜୟା ଆନାଦେର୍ ।

ପୁନାକା ଆରି ପୁନି ଜିରୁନ୍

୫ ଲାଗିଂ, ମିଦାଙ୍ଗ ଗାଗାଡ଼ନି କେଇଗାଲ୍ଲିନି ବାନ୍ୟା ଚିନ୍ତା ଇଚିସ୍ ଦାରି, ବିଚାଡ଼, ପୁତ୍ରିଂ କାମାୟ, ବାନ୍ୟା ଆହା, ଆରେ ପୁତ୍ତା ପୁଜାଲାକେ ଲାବ୍ଡି, ଇ ସବୁ କାଜିଂ ହାତ; ୬ ଇ ସବୁ କାଜିଂ ମୁନିଜି ମାନଜି ଇମ୍ଫାକାର ଇସ୍ତର୍ତ୍ତ ମାନିକିଡ଼ର୍, ହେଞ୍ଜାର ଜପି ଇସ୍ତର୍ ରିସା ଆର୍ନାଟ୍ । ୭ ଦିନେକ୍ ଏପେଙ୍ଗ ଇସ୍ତୁ ବାନ୍ୟା ଆହା ମେହାଜି ଜିରୁନ୍ ଜିପକା କିଜି ମାଚାଦେର୍ ।

୮ ମାତର୍ ନଙ୍ଗୟ ଏପେଙ୍ଗ ପା ଇ ସବୁ ବିସ୍ତେ, ଇଚିସ୍ ରିସା, ମୁକ୍ତା, ଆକ୍ରିୟା, ନିନ୍ଦା, ୱେଇଦାଂ ବଟାୟ ବଚନ୍ ଇ ସବୁ ପିହାଟ୍ । ୯ ହାରିତିଂ ମିର୍ ଇନମାଟ୍; ଇନେକିଦେଂକି ଏପେଙ୍ଗ ତ ପୁନି ବାଦନା ଆରି ତା ବେବାର୍ କିମାଟ୍ । ୧୦ ହେବେନି ଝିଜୁ କାମାୟ ପିସ୍ତି ପୁନି ଆଚାର ବେବାର୍ ଉସ୍ତାଦେଣ୍ଡା । ହେ ପୁନି ଆଚାର ବେବାର୍ ଜାର ଉଦ୍‌ଜାୟ କିତି ମୁଣିକାତି ଜାତିମୁତ୍ ଇସାବ୍ରେ ପୁରା ଗିଆନ୍ ପାୟାନି କାଜିଂ ପୁନାକାଦେର୍ ଆନାଦେରା । ୧୧ ଇ ଲାକେ ବାହାତ ଗ୍ରିକ୍ ଆରି ଜିହୁଦି ଆରି ପାତ୍ କିଞ୍ଜି ଜିହୁଦି, ସୁନ୍ନଟ୍ ଆରି ସୁନ୍ନଟ୍ ଆଞ୍ଜାତାକାର, ଲେକାରାଜ୍ୟା, ସ୍ତୁଡ଼ିୟ, ଆଡ଼ିଏନ୍, ମାନ୍‌ଇଚାଲଗୁ, ଇଞ୍ଜାର ବିତ୍ରେ ଅଲପ୍‌ପା ଆଲ୍‌ଗା ହିଲେଡ଼, ମତର୍ କ୍ରିସ୍ତୁ ସବୁତ ସବୁ ଆନାନ୍, ଆରେ ଝିଜାକାର ତାକେ ବାହା କିନାନ୍ ।

୧୨ ଏପେଙ୍ଗ ଇସ୍ତର୍ତ୍ତି ଲକୁ । ହେଞ୍ଜାନ୍ ମିଜେଙ୍ଗ ଜିଉନନାକା ନିଜାର ପୁଇପୁୟା ଲକୁ କାଜିଂ ବାଚିକିୟାତାନ୍ନା । ଲାଗିଂ ଏପେଙ୍ଗ ମାନ୍, ଦୟା, ହୁଦାର୍, ସୁସାର୍ ଆରି ସାସ୍ ଲାକେ ହେନ୍ଦା ଉସ୍‌ପାଟ୍ । ୧୩ ହାରି କାଜିଂ ହୁଞ୍ଜନାକାଦେର୍ ଆଡ଼, ଆରେ ଜପି ଇନେର୍ ଇନେର୍ ବିରୁଦ୍‌ତ ଇମ୍ଫା କାତା ମାଚିସ୍, ତେବେ ରଞ୍ଜାନ୍ ଆରେରଞ୍ଜାନିଙ୍ଗ୍ କେମା କିୟାଟ୍; ମାପୁ ଇନେସ୍ ମିଜେଙ୍ଗ୍ କେମା କିଡ଼ତାନ୍ନା, ଏପେଙ୍ଗ ପା ହେ ଲାକେ କିୟାଟ୍ । ୧୪ ଆରେ, ଇ ଝିଜୁ ଗୁଣ୍ଡି ଲାହାଂ ଜିଉତିଂ ମେହାୟ କିୟାଟ୍ । ଜିଉନନାକା ଝିଜୁ ବିସ୍ତେତିଂ ବାତ୍ କିଜି ରବେ କିନାଟ୍ । ୧୫ ଆରେ, କ୍ରିସ୍ତୁ ହିତି ଇମ୍ଫା ସୁସ୍ତା ବଗ୍ କିନି କାଜିଂ ଏପେଙ୍ଗ ର ଗାଗାଡ଼ ଲାକେ କୁକ୍ୟା ଆତାଦେଣ୍ଡା, ହେଦାଂ ମି ଝାସ୍ତିତ ବାହା କିୟେଡ଼; ଆରେ ଏପେଙ୍ଗ ସବୁନାଜିଂ ଦନ୍ୟବାଦ୍ ହିୟାଟ୍ । ୧୬ କ୍ରିସ୍ତୁତି ବଚନ୍ ବେସି ବାବ୍ରେ ମି ଝାସ୍ତିତ ବାହା କିଏଡ଼; ଏପେଙ୍ଗ ହାରିତିଂ ପୁରା ଗିୟାନ୍ ହୁଦାଂ ହିକ୍ୟା ଆରି ଚେଡ଼ନା ହିୟାଟ୍, ଆରେ ଇସ୍ତର୍ କାଜିଂ କେକର୍ଣ୍ଣା, ମାଣି ଆରି ଜିରୁନ୍‌ନି ନାୟ୍ ହୁଦାଂ ଜୁଞ୍ଜାର୍ ହୁଦାଂ କେରାଟ୍ । ୧୭ ଆରେ, ବଚନ୍ କି କାମାୟତ ଏପେଙ୍ଗ ଇନାକା କିୟାଟ୍, ହେଞ୍ଜାନ୍ ଝିଜୁ ମାପୁ ଜିସୁ ତରଦାଂ କିଜି ହେଞ୍ଜାନ୍ତି ହୁଦାଂ ଆବା ଇସ୍ତର୍ତ୍ତି ଦନ୍ୟବାଦ୍ କିୟାଟ୍ ।

ପୁନି ଜିରୁନ୍ତ ଜାର୍ତି ଜାଣାଚିନା

୧୮ ଏ କଗ୍‌ଲେକାଦେର୍, ମାପୁତି ମେହାଣ୍ଡତ ସମାନ୍ ବେବାର୍ ଲାକେ ଜାର୍ ଜାର୍ ଆଣ୍ଡାକାଂ ତଲ୍ୟା ଆଡୁ ।

୧୯ ହେ ଆଣ୍ଡାକାଦେର୍, ଜାର୍ ଜାର୍ କଗ୍‌ଲେକାଂ ଜିଉନଞ୍ଜାଟ୍, ହେଞ୍ଜେକ୍ ହୁଦାଂ ବାଦିକିନି ଲାକେ ଚିନ୍ତା କିମାଟ୍ ।

୨୦ ଏ ହିମ୍‌ଣାଙ୍ଗ୍, ନିତ୍ରେ ମି ଆବା ଆୟା ତଲ୍ୟା ଆଡୁ । ଇଦାଂ ମି କ୍ରିସ୍ତୁୟାନ୍ କାମାୟ, ଇନେକିଦେଂକି ଇବେ ଇସ୍ତର୍ ସାରି ଆନାନ୍ ।

୨୧ ଏ ଆବା ଆୟାକାଦେର୍, ଜାର୍ ଜାର୍ ହିମ୍‌ଣାକାଂ ରିସା କିମାଟ୍, ଇନେସ୍‌କି ହେଞ୍ଜାର୍ ଝାରିକିୟା ଆମେର୍ ।

୨୨ ଏ କଡ଼କାଆଡ଼ିୟାର୍, ସବୁ ବିସ୍ତେ ମି ମାନାୟାରିଂ ବଲ୍ ମାନିକିୟାଟ୍ । କେବଲ୍ ହେଞ୍ଜାର୍ ମି ଜପି କାଣ୍‌କୁଇଡ଼ନି ମାନ୍ତି ଝାଡ଼ାଲିଂ ହେଞ୍ଜାରିଂ ସାରି କିନି କାଜିଂ ଆକାୟ, ମାତର୍ ମାପୁତି କାଜିଂ ମିଦାଂ ପାଣ୍ଡୁ କାଜିଂ ହୁଦାର୍ ମାନ୍ତି ଇଦାଂ କିୟାଟ୍ । ୨୩ ଏପେଙ୍ଗ ଇନାକା କିନାଦେର୍, ହେଦାଂ ମାନାୟ କାଜିଂ କିଞ୍ଜାଦାଂ ମାପୁତି କାଜିଂ କିନାଦେରା ଇଞ୍ଜି ବାବି କିଜି ବାତ୍ ଝାସ୍ତିତ କିୟାଟ୍ । ୨୪ ମାନ୍ତି ଇଟାଟ୍, ଇସ୍ତର୍ ତା ଲକୁ କାଜିଂ ଇନାକା ଇଟ୍‌ତାନ୍ନା, ହେଦାଂ ହେଞ୍ଜାନ୍ ମିଜେଙ୍ଗ୍ ଇନାମ୍ ଲାକେ ହିଦ୍‌ନାନ୍ । ଇନେକିଦେଂକି କ୍ରିସ୍ତୁନେ

☆ ୩:୯ ୩:୯ ଏପିସିୟ ୪:୨୨. ☆ ୩:୧୦ ୩:୧୦ ଏପିସିୟ ୪:୨୪. ☆ ୩:୧୨ ୩:୧୨ ଏପିସିୟ ୪:୨. ☆ ୩:୧୩ ୩:୧୩ ଏପିସିୟ ୪:୩୨. ☆ ୩:୧୬ ୩:୧୬ ଏପିସିୟ ୫:୧୯,୨୦. ☆ ୩:୧୮ ୩:୧୮ ଏପିସିୟ ୫:୨୨; ୧ ପିତର୍ ୩:୧. ☆ ୩:୧୯ ୩:୧୯ ଏପିସିୟ ୫:୨୫; ୧ ପିତର୍ ୩:୭. ☆ ୩:୨୦ ୩:୨୦ ଏପିସିୟ ୬:୧. ☆ ୩:୨୧ ୩:୨୧ ଏପିସିୟ ୬:୪. ☆ ୩:୨୨ ୩:୨୨ ଏପିସିୟ ୬:୫-୮.

ମି ହାତ୍‌ପା ମାପୁ, ଇନେରୁତି ହେବା ଏୟ କିନାଦେରା । ୨୫ ✨ଇନାକିଦେଂକି ଇନେନ୍ ଅନ୍ୟାୟ୍ କିନାନ୍, ହେୱାନ୍ ଜାର୍ ଅନ୍ୟାୟ୍‌ନି ପ୍ରାତର୍ ପାତ୍‌ଗାଟାନାନ୍; ହେ ବିସ୍ତେ ଇନାକାପା ଉଡ଼ାଆଖାକା ମାନାତ୍ ।

୪

୧୬ ✨ଏ ହାଉକାର୍, ସାର୍ଗେତ ମିଦାଙ୍ଗ ପା ହାଉକାର୍ ମାନାନ୍ ଇଞ୍ଜି ପୁଞ୍ଜି ଜାର୍ ଜାର୍ ଆଡ଼ିୟାର୍ କାଜିଂ ନ୍ୟାୟ୍ ଆରି ସମାନ୍ ବେବାର୍ କିୟାଟ୍ ।

ବିନ୍‌ବିନ୍ ହିକ୍ୟା

୨ ସବୁଝେଡ଼ାଙ୍ଗ ପାର୍ତାନତ ଜିରୁନ୍ ଜିପକା କିୟାଟ୍ ଆରି ଇସ୍‌ବୁରତିଂ ଦନ୍ୟବାଦ୍ କିଜି ପାର୍ତାନାତ ଜାଗ୍ରତ୍ ମାନାଟ୍ । ୩ ମା କାଜିଂ ପା ପାର୍ତାନା କିୟାଟ୍, ଇନେସ୍ ବଚନ୍ ଝେଚ୍‌ନି କାଜିଂ ଇସ୍‌ବୁର୍ ମା କାଜିଂ କାପାଟ୍ ଜେଡ୍‌ନାନ୍ । ଆରେ, କ୍ରିସ୍‌ତୁ ଇମ୍‌ଣି ବଚନ୍ କାଜିଂ ଆନ୍ ଗେହ୍ୟା ଆତାଙ୍ଗ୍‌ନା, ୪ ପାର୍ତାନା କିୟାଟ୍ ଇନେସ୍‌କି ଆନ୍ ସମାନ୍ ବାବ୍ରେ ଆରି ହାର୍ ବାବ୍ରେ ହେଦାଂ ପରଚାର୍ କିଦେଙ୍ଗ୍ ଆଡ୍‌ନାଦେର୍ ।

୫ ✨ପାଗ୍‌ନି ସତ୍ ବେବାର୍ କିୟାଟ୍, ପାତର୍ କିଝାକାର୍ ଲାଗାଂ ଗିୟାନ୍ ଲାହାଙ୍ଗ୍ ବେବାର୍ କିୟାଟ୍ । ୬ ମି ବଚନ୍ ସବୁଝେଡ଼ାଙ୍ଗ ହୁଝାଦ୍ ଆରେ, ହର୍‌ତ ଦୟାମେହା ଆଏଡ୍, ଇନେସ୍ ଇନେରିଂ ଇନେସ୍ ଉତର୍ ହିୟାନାତ୍, ହେଦାଂ ପୁଞ୍ଜେଙ୍ଗ୍ ଆଡ୍‌ନାଦେର୍ ।

ହାରିହାରା ବନ୍ଦାଣି

୭ ✨✨ଝାରିନି ଟଣ୍ଡେନ୍, ମାପୁତି କାମାୟ୍‌ତ ପାତର୍‌ନି ହେବାକାରୟା ଆରି ହାଙ୍ଗ୍‌ଦାକାନ୍ ଆଡ଼ିଏନ୍ ଜେ ତୁକିକ, ହେୱାନ୍ ନା ଝିଜୁ ବିସ୍ତେ ମିଙ୍ଗେଙ୍ଗ୍ ଝେଚ୍‌ଚାନାନ୍; ୮ ଆପେଂ ଇନେସ୍ ମାନାପ, ସବୁ ବିସ୍ତେ ଇଞ୍ଜି ମି ଝାୟ୍‌ତା ହୁକେ ଝାରି କିଦେଙ୍ଗ୍ କାଜିଂ ଆନ୍ ତାଙ୍ଗେଙ୍ଗ୍ ମି ଲାଗାଂ ପକ୍‌ତାନାଙ୍ଗା । ୯ ✨ହେୱାନ୍ ହାଙ୍ଗ୍‌ଦାଂ ଆନ୍ ପାତର୍ ଆରି ଝାରିନି ଟଣ୍ଡେନ୍ ଅନିସିମ୍‌ତିଂ ପକ୍‌ତାଂ, ହେୱାନ୍ ମି ବିତ୍ରେତାଂ ରଝାନ୍ । ହେୱାର୍ ଇ ବାହାନ୍ ଝିଜୁ ବିସ୍ତେ ମିଙ୍ଗେଙ୍ଗ୍ ଝେଚ୍‌ଚାନାନ୍ ।

୧୦ ✨ନା ଲାହାଂ ରଚେ ଗେହ୍ୟା ଆତାକାନ୍ ଆରିସ୍‌ପାର୍ ଆରେ ବର୍ଣ୍ଣବା କୁଟୁମ୍‌ନି ଟଣ୍ଡେନ୍ ମାର୍କ ଇଝାନ୍ ବିସ୍ତେ ଏପେଙ୍ଗ୍ ବଲ୍ ପାୟାତାଦେଣ୍ଡା; ହେୱାନ୍ ଜଦି ମି ଲାଗାଂ ଝାନାନ୍, ଝାଟିଙ୍ଗ୍ ତାଙ୍ଗ୍ ଇଟାଟ୍ ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍‌ନାନା, ୧୧ ଆରେ, ଜୁସ୍‌ତ ଡର୍‌ଦ ଡାକ୍‌ପୁଟା ଜିସୁ ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍‌ନାନା; ସୁନ୍‌ଡ୍‌ରି ବିତ୍ରେତାଂ କେବଲ୍ ଇଝାର୍ ଇସ୍‌ତର୍ ରାଜି କାଜିଂ ନା ହାଙ୍ଗ୍‌ଦାକାର୍ କାମାୟ୍‌କିନି ମାନାୟ୍, ଇଝାର୍ ନା ଦୁକ୍‌ସାରୟ୍ କିନାକାର୍ ଆତାଣ୍ଡା ।

୧୨ ✨ଏପାପ୍ରା, ଜେ ମି ବିତ୍ରେତାଂ ରଝାନ୍, ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍‌ନାନା, ଏଝାଡ୍ କ୍ରିସ୍‌ତୁ ଜିସୁତି ଆଡ଼ିୟା ଆରି ଜାର୍ ପାର୍ତାନାତ ମି କାଜିଂ ନିତ୍ରେ ଜିରୁନ୍ ହିନାନା, ଇନେସ୍ ଏପେଙ୍ଗ୍ ବାତର୍ ଆରି ଇସ୍‌ବୁଟର୍ ଝିଜୁ ଇଚା ବିସ୍ତେ ପୁରା ପାତର୍ ଆଜି ଡାଟ୍ ମାନାଟ୍ । ୧୩ ଇନାକିଦେଂକି ହେୱାନ୍ ମି କାଜିଂ ଆରେ ଲାଅଦିକିଆ ଆରି ହିଏରାପଲି ନିକାରିଂ କାଜିଂ ଇନେର୍ ଆଦିକ୍ କସ୍ ପାୟାତାଣ୍ଡା, ହେୱାନ୍ ପାକ୍ୟାତ ଆନ୍ ଇ ସାକି ହିନାଙ୍ଗା । ୧୪ ✨ଝାରିନି ଡାକ୍‌ର ଲୁକ ଆରି ଦିମା ମିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍‌ନାନା ।

୧୫ ଲାଅଦିକିଆତ ମାନି ଟଣ୍ଡାର୍ ଆରି ତଣ୍ଡାଦେକାଦେର୍, ନୁମପା ଆରି ହେୱାନ୍ ଇଞ୍ଜି ମାନି ମଣ୍ଡୁଲିତିଂ ଜୁଝାର୍ ପକାଟ୍ । ୧୬ ଆରେ, ମି ବିତ୍ରେ ଇ ଆକି ପଡ଼ା ଆତି ପାଚେ ଲାଅଦିକିଆ ମଣ୍ଡୁଲିତ ପା ଇନେସ୍ ପଡ଼ା ଆନାତ୍, ଆରେ ଲାଅଦିକିଆତାଂ ଇମ୍‌ଣି ଆକି ଝାନାଟ୍, ହେଦାଂ ଏପେଙ୍ଗ୍ ପା ଇନେସ୍ ପଡ଼ିକିନାଦେର୍, ଇଦାଂ କାଜିଂ ଜାତୁନ୍ କିୟାଟ୍ । ୧୭ ✨ଆକର୍ ପ୍‌ତିଂ ଝେଚାଟ୍, ଏପେଙ୍ଗ୍ “ମାପୁତି କାମାୟ୍‌ତ ଇମ୍‌ଣି ହେବାନ୍ ପାଦ୍ ପାୟା ଆତାଦେଣ୍ଡା, ହେଦାଂ ପୁରା କିଦେଙ୍ଗ୍ ଜାଗ୍ରତ୍ ଆଜି ମାନାଟ୍ ।”

୧୮ ଆନ୍ ପାଉଲ୍ ନା ନିଜେ କେଇଦ ଇ ଜୁଝାର୍ ଲେକିକିନାଙ୍ଗା । ନା ଗାର୍‌ୟାତାକା ଏତୁ କିୟାଟ୍ । ଇସ୍‌ବୁରତି ଉପ୍‌କାର୍ ମି ଲାହାଙ୍ଗ୍ ଆଏଡ୍ ।

✨ ୩:୨୫ ୩:୨୫ ଏପିସିୟ ୬:୯. ✨ ୪:୧ ୪:୧ ଏପିସିୟ ୬:୯. ✨ ୪:୫ ୪:୫ ଏପିସିୟ ୫:୧୭. ✨ ୪:୭ ୪:୭ ପକ୍ୟାତାକା ୨୦:୪; ୨ ତିମତି ୪:୧୨. ✨ ୪:୭ ୪:୭ ଏପିସିୟ ୬:୨୧,୨୨. ✨ ୪:୯ ୪:୯ ପିଲିମନ୍ ୧:୧୦-୧୨. ✨ ୪:୧୦ ୪:୧୦ ପକ୍ୟାତାକା ୧୯:୨୯; ୨୭:୨; ପିଲିମନ୍ ୧:୨୪; ପକ୍ୟାତାକା ୧୨:୧୨,୨୫; ୧୩:୧୩; ୧୫:୩୭-୩୯. ✨ ୪:୧୨ ୪:୧୨ କଲସିୟ ୧:୭; ପିଲିମନ୍ ୧:୨୩. ✨ ୪:୧୪ ୪:୧୪ ୨ ତିମତି ୪:୧୧; ପିଲିମନ୍ ୧:୨୪; ୨ ତିମତି ୪:୧୦; ପିଲିମନ୍ ୧:୨୪. ✨ ୪:୧୭ ୪:୧୭ ପିଲିମନ୍ ୧:୨.

ତେସଲନିକିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପ୍ରଥମ ପତ୍ର ତେସଲନିକିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ପର୍ତୁମ୍ ଆକି ୧ ତେସଲନିକିୟ ପତି ବିସ୍ତେ ପାଦେକ୍

ପରତୁମ୍ ତେସଲନିକିୟ ପକ୍ୟାତି ପାଉଲ୍‌ତି ହୁକେ ଲେକା ଆଜି ମାତାତ୍ । ଇଦାଂ ଆଜି ମାନଗାନାତ୍ ପାଉଲ୍‌ତି ହୁଦାଂ ପରତୁମ୍ ଆକି ଲେକା ଆଜି ମାତାତ୍ ଆରି ହେଦାଂ ବାଇବଲ୍‌ନି ରଞ୍ଜାଙ୍ ବାଗ୍ ଆତାତ୍‌ନ୍ନା । ଇଦାଂ ଜିସୁ କ୍ରିସ୍ଟତି ଜଲମ୍‌ନି ଲାଗେ ଲାଗେ ଆଜି ମାନଗାନାତ୍ ରିକଡ୍‌ତି ଏଗାର୍ ୫୧ ବାର୍ତ୍ତୁ ପାଚେ ଲେକା ଆଜି ମାତାତ୍ । ପାଉଲ୍ ଏଚେକାତ୍‌ଦ ତେସଲନିକିୟ ମଣ୍ଡଳିତିଂ ଆକି ଲେକିକିତାନ୍, ହେଞ୍ଜାଡାଲିଂ ହେଞ୍ଜାନ୍ କରନ୍ତି ମଣ୍ଡଳିତ ମାତାନ୍ । ଇମ୍‌ଣି ମଣ୍ଡଳିତିଂ ହେଞ୍ଜାନ୍ ରିହା ମିସେନେରି ହାଜି ହାନିଞ୍ଜାଡାଲିଂ ହେ ମଣ୍ଡଳି ରତ୍ତି ମାତାନ୍ ପକ୍ୟାତାକା ୧:୧-୧୦ ଇଦାଂ ପକ୍ୟାତି ପତିତ ଇନ୍‌ଯାତାନ୍ନା ଜେ, ଇଦାଂ ଏଚେକ୍ ଜିହୁଦି ଆରି ବେସି ଗ୍ରିକ୍ ବେରଣ୍‌ତ ଇଞ୍ଜି ମାନି ମାନାୟାର୍ ହୁଦାଂ ରତ୍ୟା ଆଜି ମାତାତ୍ ।

ପାଉଲ୍ ମଣ୍ଡଳି ରତ୍ତି ପାଚେ ହେଞ୍ଜାନ୍ ବେସି ଦିନ୍ ତେସଲନିକିୟତ ମାଞ୍ଜେଙ୍ ଆଡ଼ଞ୍ଜାତାନ୍ । ଲାଗିଂ ହାରିହାରା ହେବେ ମାନି ପାଚି କିନାକାରିଂ ସାସ୍ ହିଦେଂ ହେଞ୍ଜାନ୍ ଇ ଆକି ପକ୍‌ତାନ୍ । ରଞ୍ଜାନ୍ କ୍ରିସ୍ଟିୟାନ୍ ଇନେସ୍ ଜିଦେଂ ଆନାତ୍, ଇ ଆକିତ ବେସି ବିସ୍ତେ ଆରି ବାରବିନି ଷ୍ଟେଟ୍‌ନାକା ମାନାତ୍ ।

ପାଉଲ୍ କେତେଗଟାତ ରିହା ଖାନି ବିସ୍ତେ ମାନ୍ ଦିଆନ୍ ହିନାନ୍ । ଆଜି ମାନଗାନାତ୍ ତେସଲନିକିୟ ମଣ୍ଡଳି ନି ପାଚି କିଞ୍ଜାକାର୍ ବିନ୍ ବାବ୍ରେ ଇ ବିସ୍ତେ ତିରକାତ୍ ମାତାତ୍ । ପାଉଲ୍ ରିହା ଖାନି ବିସ୍ତେ ଇଞ୍ଜି ଇନେସ୍ ଇସ୍‌ରତ୍ତିଂ ଦୁକ୍‌କିନାକା କିନି ଲାକେ ଜିବୁନ୍ ଜିଉଣା କିନି କାଜିଂ ପକ୍‌ତାନ୍ ୫:୨-୮ ।

୧ ତେସଲନିକିୟ ପତି ବିସ୍ତେନି ରାହାଣ୍

- ୧. ପାଉଲ୍ ମଣ୍ଡଳିତିଂ ବାନ୍ଦାୟ୍ କିନାନ୍ ଆରି ଇସ୍‌ରତ୍ତିଂ ଜଞ୍ଜାର୍ କିଜି ଇ ଆକି ଆରମ୍ କିତାନ୍‌ନ୍ନା ୧ ପାର୍ତୁ
- ୨. ପାଚେ ହେଞ୍ଜାନ୍ ତିମତି ତାହିଞ୍ଜାତି କାରୁର୍ ଆରି ହେଞ୍ଜାନ୍ତି କାମାୟ୍ ବିସ୍ତେ ଷ୍ଟେଟ୍‌ନାନ୍ ୨ ଆରି ୩ ପାର୍ତୁ
- ୩. ପାଉଲ୍ ବଲ୍ ହିନାନ୍ ଜେ, କ୍ରିସ୍ଟିନାର୍ ଜିସୁ କ୍ରିସ୍ଟତି ରିହା ଖାନାକା ଅଜଡ୍‌ତ ଇନେସ୍ ଜିବୁନ୍ ଜିପ୍‌କା କିନାକା ମାନାତ୍ ୪:୧-୫ ।
- ୪. ପାଉଲ୍ ଆରେ ରଗ ମଣ୍ଡଳିତ ବାନ୍ଦାୟ୍ କିନାନ୍ ଆରି ହେଞ୍ଜାରିଂ ହାତ୍‌ପା ବାବ୍ରେ ଚିଟି ପଡ଼ିକିଦେଂ ଇଞ୍ଜି ଷ୍ଟିହ୍‌ନାନ୍ ୫:୧୭-୨୮ ।

୧ ପାଉଲ୍, ସିଲ୍‌କାନ୍ ଆରି ତିମତି ଆବା ଇସ୍‌ର ଆରି ମାପୁ ଜିସୁ କ୍ରିସ୍ଟତାକେ ମାନି ତେସଲନିକିୟ ମାନାୟାର୍ ମଣ୍ଡଳି ଲାଗାଂ ଆକି ଲେକିକିନାମା । ଦୟା ଆରି ସୁସ୍ତା ମି କାଜିଂ ଆଏଡ୍ ।

ତେସଲନିକିୟନିକାର୍‌ତି କାଜିଂ ଦନ୍‌ୟବାଦ୍ ଆଏଡ୍

୨ ମା ଇସ୍‌ର ଆରି ଆବାତି ଲାଗାଂ ଆସେଙ୍ ମି ପାଚି ନି କାମାୟ୍, ଜିଉନି କସୁ ଆରି ମା ମାପୁ ଜିସୁ କ୍ରିସ୍ଟତି ବିସ୍ତେ ମି ବାସି ତ ପାର୍ତାନା ବିସ୍ତେ ସବୁଞ୍ଜେଡାଙ୍ ଏଡୁ କିଜି, ୩ ମା ଆବା ଇସ୍‌ରତି ଲାଗାଂ ଏଡୁ କିଜି ମାନାସ୍, ଇନେସ୍ ଏପେଙ୍ ଜାର୍ ପାଚିଂ କାମାୟ୍‌ତ ମେହାୟ୍ କିନାଦେରା, ଜିଉନିତ ମେହାଜି ଇନେସ୍ କସୁ କାମାୟ୍ କିନାଦେରା ଆରି ମା ମାପୁ ଜିସୁ କ୍ରିସ୍ଟତି ତାକେ ମି ବାସି ଇନେସ୍ ତାତ୍ । ୪ ଇନାକିଦେଂକି ଏ ଇସ୍‌ତ ଜିଉନି ଟଣ୍ଡାର୍ ଆରେ ତଣ୍‌ଦେକ୍ ଆପେଂ ପୁନାପ୍ ଜେ, ଏପେଙ୍ ବାଟିକିୟାତି ଲକୁ, ୫ ନେକ୍ରିକାରୁର୍ କେବଲ୍ ବଚନ୍ ଆକାୟ୍, ମତର୍ ସାକ୍ତି ପୁଇପୁୟା ଜିବୁନ୍ ଆରି ଆଦିକ୍ ହାତ୍‌ପା ଲାହାଙ୍ ମି ଲାଗାଂ ଏକାଞ୍ଜାତାତ୍; ମି ବିତ୍ରେ ମାନି ସମୁତ ମି କାଜିଂ ଆପେଂ ଇନେସ୍ କିଜି ଚିନ୍ତା କିଜି ମାନ୍ରାପ୍, ହେଦାଂ ତ ଏପେଙ୍ ପୁନାତ୍ । ୬ ଆରେ ଏପେଙ୍ ବେସି କସୁ ବଗି କିନି ବିତ୍ରେ ପୁଇପୁୟା ଜିବୁନ୍‌ତାଂ ପାୟାତି ଦୁକ୍‌କିନାକା ଲାହାଙ୍ ହେ ନେକ୍ରିକାରୁର୍ ମାନି କିଜି ମାଞ୍ଜେଙ୍ ଆରି ମାପୁତି ପାଚେହାନାକା ଆଜି ମାତାଦେର୍, ୭ ଇ ଲାକେ କି ଏପେଙ୍ ମାକିଦନିଆ ଆରି ଆକାୟାତ ମାନାକାର୍ ଷ୍ଟିଜାର୍ ପାଚି କିନାକାର୍ କାଜିଂ ହାର୍ ଲାକେ ଆଜି ମାତାନ୍ । ୮ ମିତାଂ ମାପୁତି କାତା ଜେ କେବଲ୍ ମାକିଦନିଆ ଆରି ଆକାୟାତ ସୁଣାୟ୍ କିୟାତାତ୍‌ନା, ହେଦାଂ ଆକାୟ୍, ମତର୍ ଇସ୍‌ତ କାଜିଂ ମି ପାଚି ନି ବିସ୍ତେ ସବୁ ବାହାତ ଏପେଙ୍ ମେଙ୍‌ତାତ୍‌ନା ଜେ, ହେ ବିସ୍ତେ ମାଦାଂ ଇନାକା ଇନି ଲଡା ଆକାୟ୍ । ୯ ଲାଗିଂ ଲକୁ ଜାର୍ ଜାର୍ ମା ବିସ୍ତେ ଇଞ୍ଜି ମାନାର୍ ଜେ, ମି ବିତ୍ରେତ ମା ଖାନାକା ସମୁତ ଇନାକା ଗିଗା ଆଜି ମାତାତ୍, ଆରେ ଇନେସ୍ ଏପେଙ୍ ପୁଡ଼ତା ପୁଜା ସବୁ ପିସ୍ତି ପୁଇପୁୟା ଜିବୁନ୍ ଆରି ହାତ୍‌ପା ଇସ୍‌ତ ହେବା କିନି କାଜିଂ ଖାତାଦେର୍, ୧୦ ଆରେ, ହେଞ୍ଜାନ୍ ଜାର୍ ଇମ୍‌ଣି ମାଜିଙ୍

ହାତାକାର ବିତ୍ରେତା ନିକଟି ମାଚାନ, ଖାନି ରିସାତାଙ୍ଗ ମାଙ୍ଗେଙ୍ଗ ରାକ୍ୟାକିଦେଂ ହେ ଜିସୁତି ସାଗେତାଂ, ଖାନାକା ମାନି କାଜିଂ ଇସ୍ବର ନିପ ଖାତାଦେର ।

୨

ତେସଲନିକିୟାତ ପାଉଲ୍ଡି କାମାୟ

୧ ଏ ଟଣ୍ଡାର, ଆରି ତଣ୍ଡେକ୍ ଏପେଙ୍ଗ ତ ନିଜେ ପୁନାଦେର ଜେ, ମି ଲାଗାଂ ମା ଖାନାକା ପଲ୍ୟା ଆଖାତାତନା; ୨ ମତର ଇନେସ୍ ଏପେଙ୍ଗ ପୁନାଟ୍, ଆପେଂ ତା ଆଗେ ପିଲିପିପିତ ଦୁକ୍ ଆରି ଅପମାନ କିତି ପାତେ ମି ତାକେ ବେସି ଜିବୁନ୍ ଜିପକା କିଜି ଇସ୍ବରତି ନେକ୍ରିକାବୁର୍ ସୁଣାୟ୍ କିଦେଙ୍ଗ ଇଞ୍ଜି ମା ଇସ୍ବରତି ହୁଦାଂ ସାସ୍ ପାୟା ଆଜି ମାଚାପ । ୩ ଇନାକିଦେଂକି ମା ଉପଦେସ୍ ବାଣାୟ୍ କିନାକା ନୟେଲେ ବିଟାଡ୍, ଲାକେ ନୟେଲେ ଚାକ୍ରାୟ୍ କିନାକା ଆକାୟ୍, ୪ ମତର ମା କେଇଦ ନେକ୍ରିକାବୁର୍ ସୁଣାୟ୍ କିନି ବଜ୍ ହେଲାୟ୍ ଆଦନି କାଜିଂ ଆପେଂ ଇନେସ୍ କି ଇସ୍ବରତି ହୁକେ ଜଗ୍ ଗାଣା କିୟାତାପୁନା, ହେ ଲାକେ ଆସେଙ୍ଗ୍ ସୁଣାୟ୍ କିନାସ୍; ଲାଗିଂ ମା ମାନ୍ତ ପରିକ୍ୟା କିନାକାନ୍ ଜେ ଇସ୍ବର, ହେଖାନିଂ ସାରି କିଦେଙ୍ଗ୍ କାଜିଂ ହେଦାଂ କିନାସ୍ । ୫ ଏପେଙ୍ଗ୍ ତ ପୁନାଦେର ଜେ, ଆସେଙ୍ଗ୍ ଇମ୍ବି ସମୁତ ମାତି କିନାକାନ୍ ତିନ୍ତା କିଖାତାପୁନା ନଇଲେ ଲବ୍ଡିଂ ତୁକ୍ନି କାଜିଂ ନାଡାୟ୍ କିଖାତାପୁନା, ଇସ୍ବର ଇବେନି ସାକି । ୬ ଆତିସ୍ପା କ୍ରିସ୍ତ ପକ୍ୟାତି ଲାକେ ଆସେଙ୍ଗ୍ ମାନିନି ଦାବା କିଦେଙ୍ଗ୍ ଆଡ୍ଡାପୁନା, ଆତିସ୍ପା ମିତାଙ୍ଗ୍ ଆୟେଡ୍ ନଲେ ବିନେ ଇନେର୍ ତାଙ୍ଗ୍ ଆୟେଡ୍, ଇମ୍ବି ମାନାୟ୍ତାଂ ଜାଜ୍ମାଲ୍ ଗାଟାଦେଂ ଉପାୟ୍ କିଖାତାପୁନା । ୭ ଜଦି କ୍ରିସ୍ତ ପକ୍ୟାତାକାସ୍ ମତର ଆସେଙ୍ଗ୍ ମି ବିତ୍ରେ ହୁଦାର୍ ଆଜି, ଆୟା ଇନେସ୍ ଜାର୍ ହିମ୍ବାକାଂ ପହାପାଲି କିନାଡ୍, ୮ ମି କାଜିଂ ମାଦାଂ ଖାରି ମାଚିସ୍ ଆପ୍ ହେ ଲାକେ ମିଙ୍ଗେଙ୍ଗ୍ ଇସ୍ବରତି ନେକ୍ରିକାବୁର୍ କେବଲ୍ ଆକାୟ୍, ମତର ଜାର୍ ଜାର୍ ଖାସ୍ ପା ହିଦେଂ ମାନ୍ କିଜିମାଚାପ, ଇନାକିଦେଂକି ଏପେଙ୍ଗ୍ ମା ଖାରିନିକାଦେର ଆଜି ମାଚାଦେର । ୯ ଏ ଟଣ୍ଡାର, ଆରି ତଣ୍ଡେକ୍ ମା କସ୍ ଆରି ଆଟ୍ଟା କାମାୟ୍ ମି ଏଡ୍ତ ମାନାଡ୍, ଇନେସ୍ ଆପେଂ ମି ବିତ୍ରେ ଇନେରିଂ ବଜ୍ଲାକେ ଆଉପ, ଇଦାଂ କାଜିଂ ଖେଡାନାଣା ବେସି କସ୍ କିଜି ଇସ୍ବରତି ନେକ୍ରିକାବୁର୍ ମି ତାକେ ସୁଣାୟ୍ କିଜି ମାଚାପ ।

୧୦ ଏପେଙ୍ଗ୍ ଆରି ନିଜେ ଇସ୍ବର ମା ସାକି ମି ଲାକେ ପାତ୍ କିନାକାର ଲାଗାଂ ମା ବେବାର ନିର୍ମଲ୍ ନ୍ୟାୟ୍ନିକା ଦସ୍ ହିଲ୍ଖାତାଡ୍ । ୧୧ ଆରେ ଏପେଙ୍ଗ୍ ତ ପୁନାଦେର, ଆବା ଇନେସ୍ ଜାର୍ ମାଜିରିଂ, ହେ ଲାକେ ଆପେଂ ମି ଜାଣକେତିଂ ବୁଜାୟ୍ କିଜି ଆରି ଉସକାୟ୍ ଜିସୁ ଜବର୍ ଗଖାରି କିଜି ମାନାପ୍ । ୧୨ ଆପ୍ ମିଙ୍ଗେଙ୍ଗ୍ ଖାରି କିଜି ମାନ୍ଚାପ, ଦୁକ୍ସାରାୟ୍ତ ଗଖାରି କିଜି ମାନ୍ଚାପ ଇନେସ୍ ମିଙ୍ଗେଙ୍ଗ୍ କୁକ୍ତିତି ଇମ୍ବି ଇସ୍ବର, ଜିବୁନ୍ ହେଖାନ୍ତି ରାଜି ଆରି ସବୁ ନାଜିଂ ବାଡା ଆନାର୍ ଜାଜ୍ମାଲ୍ତ ମେହାଆନି କାଜିଂ ଏପେଙ୍ଗ୍ ହେଖାନ୍ତି ହାଦ୍ ତିନ୍ତା କିୟାଟ୍ ।

୧୩ ଆରେ, ଇନେକିଦେଂକି ଆପ୍ ପା ଲାଗିସ୍ ଇସ୍ବରତି ଜଖାର୍ କିନାପା ଜେ, ଏତେକାଡ୍ ଏପେଙ୍ଗ୍ ମାହୁଦାଂ ସୁଣାୟ୍ କିତି ଇସ୍ବରତି କାତା ଇଟ୍ତାଦେର, ହେ ଏତେଖେଡାଙ୍ଗ୍ ହେଦାଂ ମାନାୟ୍ତି କାତାଲାକେ ଇଟ୍ତାଦାଂ ନଲେ ଇସ୍ବରତି କାତାଲାକେ ଇଡ୍ଡି ମାଚାଦେର, ଆରେ ହାଡ୍ପାନେ ହେଦାଂ ଇସ୍ବରତି କାତା ଆନାଡ୍, ଆରେ ପାତ୍ କିନାକାଦେର ଜେ ଏପେଙ୍ଗ୍, ମି ଖାସ୍ତିତ ହେଦାଂ ପା କାମାୟ୍ କିନାତା । ୧୪ ଇନାକିଦେଂକି, ଏ ଟଣ୍ଡାର, ଆରି ତଣ୍ଡେକ୍ ଏପେଙ୍ଗ୍ କ୍ରିସ୍ତ ଜିସୁତି ତାକେ ମାନି ଜିହୁଦା ଦେସ୍ନି ଇସ୍ବର ମଣ୍ଡଲି ସବୁନି ହୁଡ୍ଡେଂ ଲାକେ ଆତାଦେଣ୍ଡା, ଲାଗିଂ ହେଖାର୍ ଜିହୁଦିତ୍ ହୁକେ ଇମ୍ବି ସବୁ ଦୁକ୍ବଗ୍ କିଜି ମାଚାର୍, ଏପେଙ୍ଗ୍ ପା ଜାର୍ ଜାତିତ୍ ହୁଦାଂ ହେ ସବୁ ଦୁକ୍ବଗ୍ କିତାଦେଣ୍ଡା । ୧୫ ହେ ଜିହୁଦିର୍ ମାପୁ ଜିସୁଙ୍ଗ୍, ଆରେ ଇସ୍ବରତି ବେଣ୍ଡାକ୍ ଶାୟ୍ କିନାକାରିଂ ପା ଅଜି ମାଚାର୍, ଆରେ ମାଙ୍ଗ୍ ନିନ୍ଦା କିଡ୍ଡାଡ୍, ହେଖାର୍ ଇସ୍ବରତି ମାନ୍ତହାଲ୍ଡି ଲଗୁ ଆରି ଖିଜୁ ମାନାୟ୍ ଜାତିତି ସାଡୁ, ୧୬ ଇନାକିଦେଂକି ଇସ୍ବରତିଂ ପାତ୍ କିଖି ଜିହୁଦିର୍ତ୍ତ ମୁକ୍ତି ଆନାକା କାଜିଂ ହେଖାର୍ ଲାଗାଂ ସୁଣାୟ୍ କିଦେଙ୍ଗ୍ ହେଖାର୍ ମାଙ୍ଗେଙ୍ଗ୍ ବାଦା ହିଡ୍ଡାଡ୍ନା; ଇ ଲାକେ ହେଖାର୍ ନିତ୍ରେ ଜାର୍ ଜାର୍ତିଂ ପାପ୍ ବାତ୍ କିତାଣ୍ଡା; ମତର ହେଖାର୍ତି ଜପି ରିସା ପୁରାବାତ୍ ଆଡ୍ଡାତେ ।

ଆରେ ହାଞ୍ଜେଙ୍ଗ୍ ଇଞ୍ଜି ପାଉଲ୍ଡି ଖାରି

୧୭ ମତର, ଏ ଟଣ୍ଡାର, ଆରି ତଣ୍ଡେକ୍ ଆପେଂ ମାନ୍ତ ଆକାୟ୍, ମତର ଗାଗାଡ୍ଡ ଅଲପ୍ ସମୁ କାଜିଂ ମିଙ୍ଗେଙ୍ଗ୍ତାଂ ବିଗ୍ଡା ଆଜି ମାଚିଲେ ମି ମୁମ୍ ହୁଡ୍ଡେଂ ବେସି ଇଚା ହୁକେ ଆଦିକ୍ ସେସ୍ କିଜି ମାଚାପ୍ । ୧୮ ଇଦାଂ କାଜିଂ ଆପେଂ ମି ଲାଗାଂ ହାନି କାଜିଂ ମାନ୍ କିଜି ମାଚାପ, ଆନ୍ ପାଉଲ୍ ରଗ, ରିହା ମାନ୍ କିଜି ମାଚାଂ, ମତର ସୟ୍ତାନ୍ ମାଙ୍ଗେଙ୍ଗ୍ ବାଦା ହିଡ୍ଡାଡ୍ । ୧୯ ଇନାକିଦେଂକି ମାଙ୍ଗ୍ ମାପୁ ଜିସୁତି ଖାନି ସମୁତ

୨:୧୫ ୨:୧୫ ପକ୍ୟାତାକା ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୨.

ତା କରଣତ ମା ଆହା, ଦୁକ୍‌କିନାକା କି ଗରବନି ମୁକୁଟ୍ ଇନାକା ? କି ଏପେଙ୍ଗ୍ ଆକାୟ ? ୨୦ ଏପେଙ୍ଗ୍ ତ ମା ଜାଜ୍‌ମାଲ୍ ଆରି ଖାରିକିନିତ କାରଣ୍ ଆନାଦେର୍ ।

୩

୧ *ଇଦାଂ କାଜିଂ ଆପେଂ ଆରେ ହୁଞ୍ଜେଙ୍ଗ୍ ଆଡ଼ିଞ୍ଜିଲେ ଏତେନ୍‌ସ୍‌ତ ରଖାଙ୍ଗ୍ ମାଞ୍ଜେଙ୍ଗ୍ ଇଞ୍ଜି ତିର୍ କିତାଙ୍ଗ୍; ୨ ଆରେ, ମି ପାତର୍ ବିସ୍ତେ ମିଂ ଖାରିକିୟ୍ କିଦେଂ ଆରି ମିଙ୍ଗେଙ୍ଗ୍ ସୁସ୍ତା କିଦେଂ, କ୍ରିସ୍ତୁତି ନେକ୍ରିକାବୁର୍ କାମାୟ୍‌ତ ଇସ୍‌ବୁର୍ତି ହାଙ୍ଗ୍‌ଦାକାର୍ ଟଣ୍ଡେନ୍ ତିମତିଙ୍ଗ୍ ପକ୍‌ତାତାପ୍ । ୩ ଇନେସ୍‌କି ଇନେର୍ ଇ ଓଁଜୁ କସ୍ ବିତ୍ରେ ଏନେତେନେ ଆମାଟ୍ । ଆସେଙ୍ଗ୍ ହେଦାଂ କାଜିଂ ବାଟିକିୟାତାସ୍‌ନା ଇଞ୍ଜି ଏପେଙ୍ଗ୍ ତ ନିଜେ ପୁନାଦେର୍ ଲାଗିଂ ଏପେଙ୍ଗ୍ ଇସ୍‌ବୁର୍ତି ମାନ୍ । ୪ ଇନାକିଦେଂକି ମାଙ୍ଗେଙ୍ଗ୍ ଜେ କସ୍ ବଗି କିଦେଙ୍ଗ୍ ଆନାଡ୍, ଇଦାଂ ଆପେଂ ମି ଲାହାଂ ମାନି ସମୁତ ମିଙ୍ଗେଙ୍ଗ୍ ପୁର୍ବେତାଂ ଚାନେକ୍‌ତିଂ ଚାନେକ୍ ଖେଟ୍‌ତି ମାନ୍‌ଚାପ୍, ଆରେ ହେ ଲାକେ ଗିଟା ଆତାଡ୍, ଆରେ ଏପେଙ୍ଗ୍ ହେଦାଂ ପୁନାଟ୍ । ୫ ଇଦାଂ କାଜିଂ, ଏଚେକାଡ୍‌ତ୍ ସୟ୍‌ତାନ୍ ମିଙ୍ଗେଙ୍ଗ୍ ପରିକ୍ୟା କିଜି ମାନ୍‌ଞ୍ଜାନାନ୍ ଆରି ମା କାମାୟ୍ ପଲ୍ୟା ଆଜି ମାନାଡ୍, ଇଦାଂ ପାଶ୍ଚାଜି ଆନ୍ ପା ଆରେ ହୁଞ୍ଜେଙ୍ଗ୍ ଆଡ଼ିଞ୍ଜାଦାଂ ମି ପାତର୍ କିନି ବିସ୍ତେ ପୁଞ୍ଜେଙ୍ଗ୍ କାଜିଂ ମାନାୟ୍ ପକ୍‌ତାତାଂ ।

୬ *ଇଦାଂ ପାଚେ ମି ଲାଗାଂତାଂ ମାସ୍‌ଦି ଖାଜି ତିମତି ମି ପାତର୍ ଆରି ଜିଉନନି ବିସ୍ତେ ହାର୍ ନେକ୍ରିକାବୁର୍ ତାଇଖାତାଣ୍ଟା । ହେଖାନ୍ ମାଙ୍ଗେଙ୍ଗ୍ ଖେଟ୍‌ଚାତାନ୍ ଜେ, ଏପେଙ୍ଗ୍ ନିତ୍ରେ ମାଦାଂ ହାର୍ କାମାୟ୍ କିନାଦେରା ଆରି ଆପ୍ ଇନେସ୍ ମିଙ୍ଗେଙ୍ଗ୍ ହୁଡ୍‌ଦେଂ ଇଚା, ଏପ୍ ପା ହେ ଲାକେ ମାଙ୍ଗେଙ୍ଗ୍ ହୁଡ୍‌ଦେଂ ଇଚା କିନାଦେରା । ୭ ଇଦାଂ କାଜିଂ, ଏ ଟଣ୍ଡାର୍, ଆରି ତଣ୍ଡେକ୍ ମି ପାତର୍ କିନି କାଜିଂ ଆପେଂ ମା ଓଁଜୁ ହାବଡ୍‌ତ ଆରି କସ୍ ବଗିକିନିତ ମି ବିସ୍ତେ ଦୁକ୍‌ସାରାୟ୍ କିୟା ଆତାପ୍‌ନା; ୮ ଇନାକିଦେଂକି ଆପେଂ ନଂ ଜିତାପ୍‌ନା ଜଦି ଏପେଙ୍ଗ୍ ମାପୁ ତାକେ ବିଖାହିଂ ଆଜି ମାନାଟ୍ । ୯ ଆଁ, ମା ଇସ୍‌ବୁର୍ତି ଲାଗେ ମି କାଜିଂ ଆପେଂ ଜେ ଓଁଜୁ ଖାରିତ ଖାରି ଆନାପା । ହେବେନି ବାଦୁଲ୍ ଲାକେ ମି କାଜିଂ ନଙ୍ଗ୍ ଇସ୍‌ବୁର୍ତିଂ ଜୁଖାର୍ କିଦେଙ୍ଗ୍ ଆଡ଼ନାନ୍ । ୧୦ ମି ପାତର୍ ତ ଇନାକା ଉଣା ମାନାଡ୍, ହେଦାଂ ପୁରାୟ୍ କିଦେଙ୍ଗ୍ ଇଞ୍ଜି ଆପେଂ ମି ଲାହାଂ ଇନେସ୍ ମେହାଆଦେଂ ଆଡ଼ନାସ୍, ଇଦାଂ କାଜିଂ ଖେଡ଼ା ନାଣା ବେସି ପାଡ଼ିନା କିନାପା ।

୧୧ ମା ଆବା ଇସ୍‌ବୁର୍ ନିଜେ ଆରେ ମା ମାପୁ ଜିସୁ ମି ଲାଗାଂ ମା ହାନି ହାଜି ରବ୍‌ନାନ୍ । ୧୨ ଆରେ, ମି କାଜିଂ ମାଦାଂ ଇନେସ୍ ଜିଉନନାକା, ହେ ଲାକେ ହାରିତିଂ ଆରି ଓଁଜାର୍ କାଜିଂ ଜିଉନନିତ ମାପୁ ମିଙ୍ଗେଙ୍ଗ୍ ଆରେ ଆଦିକ୍ ଲାକେ ବାତାୟ୍ କିଦେନ୍ । ୧୩ ହେଖାନ୍ ମି ଖାସ୍ତି ସୁସ୍ତା କିଜି ଇଚାଟ୍, ଇନେସ୍ ମା ମାପୁ ଜିସୁ ଜାର୍ ଓଁଜୁ ଦାମ୍‌ର୍ ଲାହାଂ ଖାନାକା ସମୁତ ଏପେଙ୍ଗ୍ ମା ଇସ୍‌ବୁର୍ ଆରି ଆବାତି ଲାଗାଂ ପୁଇପୁୟାତାଂ ଦସି ଆଖାଦାଂ ଚଞ୍ଜୟାନାଦେର୍ । ଆମେନ୍ ।

୪

ଇସ୍‌ବୁର୍ ମୁମ୍‌ଦ ସାରିନିକା ଜିବୁନ୍

୧ ଏ ଟଣ୍ଡାର୍, ଆରି ତଣ୍ଡେକ୍ ହାରିହାରାତ ଇନେସ୍ ଲାକେ ଚିନ୍ତା କିଜି ଇସ୍‌ବୁର୍ତିଂ ସାରି କିନାକା ମାନାଡ୍, ହେ ବିସ୍ତେ ଏପେଙ୍ଗ୍ ମା ତାଙ୍ଗ୍ ଇନେସ୍ ହିକ୍ୟା ଗାଟାତାଦେଣ୍ଟା, ଆରେ ଏପେଙ୍ଗ୍ ପା ଇନେସ୍ ଜିବୁନ୍ ଜିପ୍‌କା କିନାଦେରା, ତା ଲାକେ ଆରେ ଆଦିକ୍ ଖାଦେଂ କାଜିଂ ଆପେଂ ମାପୁ ଜିସୁତି ତର୍‌ଦ ମିଙ୍ଗ୍ ଗଞ୍ଜାରି କିଜି ଖାରି କିଦ୍‌ନାପା । ୨ ଆପେଂ ମାପୁ ଜିସୁତି ଆଦିକାର୍ ମିଙ୍ଗେଙ୍ଗ୍ ଇନା ଇନା ବଲ୍ ହିଜି ମାନ୍‌ଚାପ୍, ହେଦାଂ ତ ଏପେଙ୍ଗ୍ ପୁନାଦେର୍ । ୩ ଇନାକିଦେଂକି ଏପେଙ୍ଗ୍ ଇନେସ୍ ପୁଇପୁୟା ଆନାଦେର୍, ଇଦାଂ ଇସ୍‌ବୁର୍ ଇଚା, ଇନାକିଦେଂକି ଏପେଙ୍ଗ୍ ଇନେସ୍ ଦାରିତାଂ ଦେହା ମାନାଟ୍, ୪ ଜାଣ୍‌କେ ପୁଇପୁୟା ଆରି ହାରି ଦୁକ୍‌କିନାକା ବାବ୍ରେ ଜାର୍ ଜାର୍ କାଜିଂ କଗ୍‌ଲେ ଇଡ୍‌ଦେଂ ପୁନାଦେର୍, ୫ ଆରେ, ଇନେସ୍ ଇସ୍‌ବୁର୍ ବିସ୍ତେ ପୁନ୍‌ଖାତାକାଦେର୍ ଇସ୍‌ବୁର୍ତିଂ ପାତର୍ କିଞ୍ଜି ଜିହୁଦିର୍ ଲାକେ ବାନ୍ୟାକାମାୟ୍‌ତ ହାଲ୍‌ଖାଦାଂ, ୬ ଆରେ, ଇନେସ୍ ଇନେର୍ ଇ ବିସ୍ତେ ହାସି ନାସି ଜାର୍ କ୍ରିସ୍ତୁ ଟଣ୍ଡେନିଙ୍ଗ୍ ନିୟା କିଞ୍ଜାତାନ୍‌ତି, ଲାଗିଂ ମାପୁ ଇ ଓଁଜୁ ବିସ୍ତେ ଦାଣ୍ଡିଦ୍‌ନାକାନ୍, ଇନେସ୍ ଆପେଂ ପୁର୍ବେ ପା ମିଙ୍ଗେଙ୍ଗ୍ ଖେଟ୍‌ତି ସାକି ହିଜି ମାଞ୍ଜାପ୍ । ୭ ଇନାକିଦେଂକି ଇସ୍‌ବୁର୍ ମାଙ୍ଗେଙ୍ଗ୍ ବିଚାଡ୍‌ତ ଜିବୁନ୍ ଜିପ୍‌କା କିଦେଙ୍ଗ୍ କାଜିଂ କୁକ୍‌ତାଞ୍ଜାଦାଂ ପୁଇପୁୟା ଆନି କାଜିଂ କୁକ୍‌ତାତାନ୍ନା । ୮ ଲାଗିଂ, ଇନେନ୍ ଇଦାଂ ଇଚ୍‌ଞ୍ଜାତାନ୍, ହେଖାନ୍ ମାନାୟ୍‌ତିଂ ଇଚ୍‌ତାନ୍, ମତର୍ ଇମ୍‌ଣି ଇସ୍‌ବୁର୍ ମି ଖାସ୍ତିତ ଜାର୍ ପୁଇପୁୟା ଜିବୁନ୍ ହିଡ୍‌ତାନ୍ନା, ହେଖାନିଂ ଇଚ୍‌ଚୁନ୍ ।

୯ କ୍ରିସ୍ତୁ ପାତର୍ ବିସ୍ତେ ମି ଲାଗେ ଲେକିକିନାକା ଲଡ଼ା ଆକାୟ୍, ଇନାକିଦେଂକି ଏପେଙ୍ଗ୍ ଜାଣ୍‌କେତିଂ ଜିଉନନି କାଜିଂ ଇସ୍‌ବୁର୍ତି ହୁଦାଂ ନିଜେ ହିକିଡ୍ ଆତାଦେଣ୍ଟା, ୧୦ ଆରେ, ହାଡ୍‌ପାନେ ଓଁଜୁ ମାକିଦନିଆତ ମାନି ଓଁଜାର୍ ଟଣ୍ଡେନ୍ କାଜିଂ ଏପେଙ୍ଗ୍ ହେଦାଂ କିନାଦେରା । ଆତିସ୍‌ପା ଏ ଟଣ୍ଡାର୍, ଏପେଙ୍ଗ୍ ଇନେସ୍ ଆରି

☆ ୩:୧ ୩:୧ ପକ୍ୟାତାକା ୧୭:୧୫. ☆ ୩:୭ ୩:୭ ପକ୍ୟାତାକା ୧୮:୫.

ଆଦିକ୍ ଲାକେ ହେଦାଂ କିନି କାଜିଂ ଗଞ୍ଜାରି କିନାଦେରା, ୧୧ ଆରେ, ମିଙ୍ଗ୍ ହିଡ଼ତି ମା ବଲ୍ଲଭସାପେ ଏପେଙ୍ଗ୍ ଇନେସ୍ ସୁସ୍ତାରେ ବାହା କିଜି ଜାର୍ ଜାର୍ କାମାୟତ ଲାଗାଆଦେଂ ଆରି ଜାର୍ ଜାର୍ କେଇଦ କାମାୟ କିଦେଙ୍ଗ୍ ମର୍ଜଦା ବିସ୍ତେ ବାବି କିନାଦେରା, ଇଦାଂ କାଜିଂ ଆସେଙ୍ଗ୍ ମିଙ୍ଗେଙ୍ଗ୍ ଗଞ୍ଜାରି କିଦନାପା । ୧୨ ଇ ବାନି କିନି ହୁକେ ଇନେସ୍ ବାର୍ତି ଲକୁ କାଜିଂ ଏପେଙ୍ଗ୍ ହାଦଂ ମାନ୍ କିୟାଟ୍, ଆରେ ମିଦାଙ୍ଗ୍ ଇମ୍ଘାକା ଆବାବ୍ ଆଉଡ଼ ।

ମାପୁତି ଖାନାକା

୧୩ ଏ ଟଣ୍ଡାର୍, ଆରି ତଣ୍ଡେକ୍ ବାସଂ ହିଲ୍ଲୁଓ ବିନ୍ ଓଜାକାର୍ ଲାକେ ଏପେଙ୍ଗ୍ ଇନେସ୍ ଦୁକ୍ ଆମାଟ୍, ଇଦାଂ କାଜିଂ ହାତି ଲଗାତଂ ବିସ୍ତେ ଏପେଙ୍ଗ୍ ଜେ ପୁନ୍ଝାଦାଂ ମାନାଦେର୍, ଇଦାଂ ମା ଇଚା ଆକାୟ । ୧୪ ଇନାକିଦେଂକି ଜଦି ଆସେଙ୍ଗ୍ ପାତଂ କିନାସ୍ ଜେ, ଜିସୁ ହାଜି ଆରେ ରଗ ନିଙ୍ଗ୍ତାନନା, ଖାଟିଙ୍ଗ୍ ଇସ୍ତର୍ ଜେ ଜିସୁତି କ୍ରିସ୍ତୁତାକେ ପାତଂ କିଜି ମାଟି ମାନାୟ ହାତାକାର୍ ମାନାୟାରିଂ ହେ ଲାକେ ତା ଲାହାଙ୍ଗ୍ ତାନାନ୍, ଇଦାଂ ପା ପାତଂ କିନି ଲଡ଼ା ।

୧୫ ଲାଗିଂ ଆପେଂ ମାପୁତି କାତା ଇସାପ୍ରେ ମିଙ୍ଗ୍ ଇଦାଂ ଇଞ୍ଜନାପା, ଆପେଂ ଏଚେକ୍ ମାନାୟ ମାପୁତି ଖାନି ପାତେକ୍ ଜିଜି ମାନ୍ଞି ବାକି ମାନାପ, ଆପେଂ ଇନେସ୍ପା ହାତାକାର୍ ମାନାୟାତଂ ନିପ ହାଲୁପ୍ । ୧୬ ଇନାକିଦେଂକି ମାପୁ ଆପେ ବଲ୍ଲ ହିଜି ମୁଡ଼ ଦୁତତିଂ କାଟ୍ ଆରି ଇସ୍ତର୍ ମରି ବାଜା ହୁଦାଂ ସାଗେତାଂ ଜୁଦନାନ୍, ହେବେତାଂ ଇମ୍ଘାକାର୍ କ୍ରିସ୍ତୁତାକେ ମାନ୍ଞି ହାତାଣ୍ଡା, ହେଞ୍ଜାର୍ ପର୍ତୁମ୍ ନିଙ୍ଗ୍ନାର୍; ୧୭ ପାଚେ ଆସେଙ୍ଗ୍ ଏଚେକ୍ ମାନାୟ ଜିଜି ମାନ୍ଞି ବାକି ମାନାସ୍, ମାପୁତି ଲାହାଙ୍ଗ୍ ବେଟ୍ ଆପେଂ କାଜିଂ ଆସେଙ୍ଗ୍ ହେଞ୍ଜାରିତି ହୁକେ ବାଦାଡ଼ତ ଖାରି ପୁତଂ ତ ଜୁଦନାସ୍; ଇ ଲାକେ ଆସେଙ୍ଗ୍ ନିତ୍ରେ ମାପୁତି ଲାହାଙ୍ଗ୍ ମାନାସ୍ । ୧୮ ଲାଗିଂ ଇ ଓଜାର୍ ବଚନ୍ ହୁଦାଂ ଏପେଙ୍ଗ୍ ହାରି ଦୁକ୍ସାରାୟ କିୟାଟ୍ ।



ମାପୁତି ଆରେ ଖାନି କାଜିଂ ଜାଲୁଦି ଆଡୁ

୧ ମତର୍, ଏ ଟଣ୍ଡାର୍, ଆରି ତଣ୍ଡେକ୍ କାଡ଼ ଆରି ସମାନ୍ ଖେଡ଼ାଲିଂ ବିସ୍ତେ ଇନାଖାଡ଼ାଲିଂ ଇମ୍ଘା ସମୁତ ଗିଗା ଆଦନାଡ଼ ମି ଲାଗାଂ ଲେକିକିନାକା ଲଡ଼ା ଆକାୟ, ୨ *ଇନାକିଦେଂକି ନାଣା ଚର୍ ଖାତି ଲାକେ ମାପୁତି ଦିନ୍ ଜେ ଖାନାଡ଼, ଇଦାଂ ଏପେଙ୍ଗ୍ ହାରକିଜି ପୁନାଦେର୍ । ୩ ଏଚେକାଡ଼ଦ ଲକୁ ସୁସ୍ତା ଆରି ହାର୍ ଆକାୟ ଇଞ୍ଜି ଇଞ୍ଜି ମାନାର୍, ହେ ଏଚେକାଡ଼ଦ ଏସ୍ପିସ୍ତ୍ର କୁଚ୍ନିକସ୍ ଲାକେ ହାତାଗ୍ରେ ହେଞ୍ଜାରିତି ନାସ୍ ଏକାଖାନାଡ଼, ଆରେ ହେଞ୍ଜାର୍ ଇନେସ୍ପା ବାନି ରାକ୍ୟା ପାୟା ଆଦେଂ ଆଡୁର୍ । ୪ ମତର୍ ଏ ଟଣ୍ଡାର୍, ଆରି ତଣ୍ଡେକ୍ ଏପେଙ୍ଗ୍ ମାଜଗାତ ଆକାୟ ଜେ ହେ ଦିନ୍ ଚର୍ ଲାକେ ପୁନ୍ଝିଲାଡେ ମି ଲାଗାଂ ଏକାଖାନାନ୍, ୫ ଇନାକିଦେଂକି ଏପେଙ୍ଗ୍ ଓଜାଦେର୍ ଅଜଡ଼ ଆରି ଖେଡ଼ାନି ହିମ୍ଘାଂ । ଆସେଙ୍ଗ୍ ନାଣା କି ମାଜଗାନି ହିମ୍ଘାଂ ଆକାୟ; ୬ ଲାଗିଂ ଖାଡୁ, ଆସେଙ୍ଗ୍ ବିନ୍ନିକାର୍ ଲାକେ ହୁଞ୍ଜାଦାଙ୍ଗ୍, ମତର୍ ଜାଗ୍ରତ୍ ଆଜି ଚେଡନା ଆଜି ମାନାସ୍ । ୭ ଲାଗିଂ ଇମ୍ଘାକାର୍ ହୁନ୍ଞି ହାନାର୍, ହେଞ୍ଜାର୍ ନାଣା ହୁଞ୍ଜି ହାନାର୍, ଆରେ ଇନେର୍ ମଦୁଆ ଆନାର୍, ହେଞ୍ଜାର୍ ନାଣା ହର୍ନାର୍ । ୮ *ମତର୍ ଖାଡ, ଆସେଙ୍ଗ୍ ଖେଡାନି ହିମ୍ଘାଂ ଆତିଲେ ପାତଂ କିନାକାର୍ ଆରି ଜିଉନି ଲାକେ ମୁକ୍ତାନାକା ଟପ୍ ଆପଂ ସ୍ ଆରି ମୁକ୍ତାତି ବାସଂ ଲାକେ କାପ୍ଡା ଆତିୟାର୍ କାପ୍ଡାତ ହିଜି ଜାଗ୍ରତ୍ ମାନାସ୍ । ୯ ଇନାକିଦେଂକି ଇସ୍ତର୍ ମାଙ୍ଗେଙ୍ଗ୍ କାଜିନି ବାହା ଆଦେଂ କାଜିଂ ବାଟି କିଦ୍ଝାଦାଂ ମତର୍ ମାଂ ମାପୁ ଜିସୁ କ୍ରିସ୍ତୁତି ହୁଦାଂ ମୁକ୍ତାନାକା ଗାଗାଆଦେଂ କାଜିଂ ବାଟି କିତାନନ୍ନା; ୧୦ କ୍ରିସ୍ତୁ ମା କାଜିଂ ହାତାନ୍ ଇନେସ୍ ଆସେଙ୍ଗ୍ ଜାଗ୍ରତ୍ ମାନ୍ଞି କି ହୁଞ୍ଜାଦାଙ୍ଗ୍ ମାନ୍ଞି ତା ଲାହାଙ୍ଗ୍ ଜିବୁନ୍ ମାନ୍ଝାଦାଂ କି ଜିବୁନ୍ ମାନ୍ଗାନାପ୍ । ୧୧ ଲାଗିଂ ଇନେସ୍ କିତାପନା, ହେ ଲାକେ ହାରିତିଂ ଦୁକ୍ସାରାୟ କିୟାଟ୍, ଆରେ ହାରି ହାର୍ ଇଟାଟ୍ ।

ହାରିହାରା ହିକ୍ୟା ଆରି ନେକ୍ରିକାରୁର୍

୧୨ ଏ ଟଣ୍ଡାର୍, ଆରି ତଣ୍ଡେକ୍ ଆପେଂ ମିଙ୍ଗେଙ୍ଗ୍ ଗଞ୍ଜାରି କିଦନାପା, ଇମ୍ଘାକାର୍ ମି ବିତ୍ରେ କସ୍ତ କିତାର୍ ଆରି ମାପୁତି ହେବାତ ମି ମୁଡ଼ଦାକାନ୍ ଲାକେ ବାଟିକିୟା ଆଜି ମିଙ୍ଗେଙ୍ଗ୍ ଚେଡନା ହିଦନାନ୍, ହେଞ୍ଜାରିଂ ଖାରି କିୟାଟ୍, ୧୩ ଆରେ, ହେଞ୍ଜାର୍ କାମାୟ କାଜିଂ ହେଞ୍ଜାରିଂ ଜିଉନିତ ବେସି ଜିଉ ନଞ୍ଜାଟ୍ । ହାରି ରଚେ ସୁସ୍ତାତ ମାନାଟ୍ ।

୧୪ ଏ ଟଣ୍ଡାର୍, ଆରି ତଣ୍ଡେକ୍ ଆପେଂ ମିଙ୍ଗେଙ୍ଗ୍ ଗଞ୍ଜାରି କିଦନାପା; ଅରାହିଲ୍ଲୁଓ ଚିନ୍ତା କିନି ମାନାୟତିଂ ଜାଗ୍ରତ୍ କିୟାଟ୍, ସାସ୍ ହିଲ୍ଲୁଖାକାରିଂ ଦୁକ୍ସାରାୟ କିୟାଟ୍, ନାଦାର୍ଚିଂ ଉପକାର୍ କିୟାଟ୍, ଓଜାର୍ କାଜିଂ

* ୫:୨ ୫:୨ ମାତିଉ ୨୪:୪୩; ଲୁକ ୧୨:୩୯; ୨ ପିତର୍ ୩:୧୦. * ୫:୮ ୫:୮ ଏପିସ୍ତୟ ୬:୧୩-୧୭.

ହୁଦାର ଆଡୁ । ୧୫ ଜାଗ୍ରତ, ଇନେର୍ ଇମଣାକାର୍ତ୍ତି କାଜିଂ ଅନ୍ୟାୟ ବାଦୁଲ୍ ଅନ୍ୟାୟ କିମେନ୍, ଇଚିସ୍ ଏପେଙ୍ଗ୍ ନିତ୍ରେ ହାରିତିଂ ଆରି ଝିଜାର୍ତି ହାର୍ କିଦେଙ୍ଗ୍ ଜାଲ୍ଦି ଆଡୁ ।

୧୬ ସବୁଝେଡାଲିଂ ଦୁକ୍ଷାରାୟ କିନାକା ହାରି କିୟାଟ୍ । ୧୭ ନିତ୍ରେ ପାର୍ତାନା କିୟାଟ୍ । ୧୮ ସବୁ ଝେଡାଲିଂ ଜୁଝାର୍ ହିୟାଟ୍; ଇନାକିଦେଂକି ମି ବିସ୍ତେ କ୍ରିସ୍ଟୁ ଜିସୁ ସୁକ୍ତାକେ ଇଦାଂ ଇସ୍ତର୍ ଇଟା ।

୧୯ ପୁଇପୁୟା ଜିରୁକ୍ତିଙ୍ଗ୍ ପାଗି କିମାଟ୍ । ୨୦ ନିତ୍ରେ ମାପୁ ତାକେ ବେଶ୍‌ବାକ୍‌ଶାୟକିନାକା ପଲ୍ୟା ଇନମାଟ୍ । ୨୧ ମତର୍ ଝିଜୁ ବିସ୍ତେ ପରିକ୍ୟା କିଜି ହୁଡାଟ୍; ଇନାକା ନେକ୍ରାକା, ହେଦାଂ ଆସ୍ତି ଇଟାଟ୍; ୨୨ ଝିଜୁ ବାନି ବାନ୍ୟାତାଙ୍ଗ୍ ବିନେ ମାନାଟ୍ ।

୨୩ ସୁସ୍ତାହିଦନି ଇସ୍ତର୍ ତାଝେନ୍ ମାଙ୍ଗେଙ୍ଗ୍ ପୁରାପୁରି ପୁଇପୁୟା କିଦେନ୍, ଆରେ ମା ମାପୁ ଜିସୁ କ୍ରିସ୍ଟି ଝାନି କାଜିଂ ମି ଝାସ୍ତି, ପାରାଶ୍, ଗାଗାଡ୍ ବାତ୍ ଦସ୍‌ଆଝାଦାଂ ଇଟ୍‌ୟାୟେଡ୍ । ୨୪ ଇନେନ୍ ମିଙ୍ଗେଙ୍ଗ୍ କୁକ୍‌ତାନାନ୍, ହେଝାନ୍ ପାତ୍ ନିକାନ୍, ହେଝାନ୍ ହେଦାଂ ପା ପୁରାକିଦେଂ ଆଡ୍‌ନାନ୍ ।

୨୫ ଏ ଟଣ୍ଡାର୍, ଆରି ତଶ୍‌ଦେକ୍ ମା କାଜିଂ ପାର୍ତାନା କିୟାଟ୍ ।

୨୬ ଝିଜାର୍ ଟଣ୍ଡାରିଂ ପୁଇପୁୟାତ ତନ୍‌ଝି ଜୁଝାର୍ କିୟାଟ୍ ।

୨୭ ଝିଜାର୍ ଟଣ୍ଡାର୍ ଆରି ତଶ୍‌ଦେକ୍ ତାକେ ଇ ଆକି ପାଟ୍ କିୟକିନି କାଜିଂ ଆନ୍ ମାପୁତି ଆଦିକାର୍ ମିଙ୍ଗେଙ୍ଗ୍ ହିଦ୍‌ନାଙ୍ଗା ।

୨୮ ମା ମାପୁ ଜିସୁ କ୍ରିସ୍ଟି ଦୟା ମି ଲାହାଙ୍ଗ୍ ଆଏଡ୍ ।

ତେସଲନିକିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ତେସଲନିକି ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ରିଣ୍ଡି ଆକି ପତି ବିସ୍ତେନି ପାଦେକ୍

ତେସଲନିକିୟ ମଣ୍ଡଳି ଲାଗାଂ ରି ଆକି ପକ୍ୟାତି ପାଉଲ୍‌ତି ହୁଦାଂ ଲେକା ଆଜି ମାତାତ୍ ୧:୧ । ପର୍ତ୍ତୁମ୍ ତେସଲନିକିୟନି ଅଲପ୍ ସମୁ ପାତେ ପାତେ କ୍ରିସ୍ତୁତି ଜଲମ୍‌ନି ରିକଡ଼ି ଏଗାର୍ ୫୧ ବାହୁଁ ପାତେ ଇ ଆକି ଲେକି କିଜି ମାତାନ୍ । ପାଉଲ୍ ଏଚେକାଡ଼୍‌ଦ ତେସଲନିକିୟ ମଣ୍ଡଳିତ ଆକି ଲେକି କିତାନ୍, ହେ ପାଦ୍‌ନା ହେଞ୍ଜାନ୍ କରନ୍ତିୟ ମଣ୍ଡଳିତ ମାତାନ୍ । ଇମ୍‌ଣି ମଣ୍ଡଳି ହେଞ୍ଜାନ୍ ରି ମିସ୍‌ନେରି ହାନିହିଁ ରଡ଼ି ମାତାନ୍ ପକ୍ୟାତାକା ୧୭:୧-୧୦ ।

ପକ୍ୟାତି ପତିତ ଇନ୍ୟାନାଡ଼୍ ଜେ, ଏଚେକ୍ ଜିହୁଦି ଆରି ବେସି ଗ୍ରିକ୍ ବେରଣ୍ ଇଞ୍ଜି ମାନି ମାନାୟାର୍ ହୁକେ ଇ ତେସଲନିକିୟ ମଣ୍ଡଳି ରଡ଼ି ମାତାନ୍ । ତେସଲନିକିୟ ମଣ୍ଡଳି ଲାଗାୟ ଲେକା ଆଜି ମାତି ଆକିତ କ୍ରିସ୍ତୁତି ଖାନାକା ଆରି ହାରିହାରା ସମୁ ବିସ୍ତେ ଲେକା ଆତାଡ଼୍‌ନା । ଇନାକିଦେଂକି ପାଉଲ୍ ହାରି ଆକିତ ତେସଲନିକିୟ ମଣ୍ଡଳି ଲାଗାୟ ଇଦାଂ ରିହା ଖାନାକା ବିସ୍ତେ ବେସି ବିସ୍ତେ ଲେକି କିତାନ୍ନା । ରି ତେସଲନିକିୟତ ଲେକାତି ବିସ୍ତେ ଆଦିକ୍ ଆତିସ୍ ହାରିହାରା ସମୁ ବିସ୍ତେ ଆନାଡ଼୍ । ପାଉଲ୍ ପା ଆଡ଼୍‌ସାୟ ବିସ୍ତେ ଜାଲ୍‌ଦି କିୟକିତାନ୍ । ଜାଣକେ ମାନାୟ ହେଞ୍ଜାଡ଼ି କାଦି କାଜିଂ କାମାୟ କିନି ଲଡ଼ା ୩:୬-୧୦

୨ ତେସଲନିକିୟ ପତି ବିସ୍ତେନି ରାହାଣ

- ୧. ପାଉଲ୍ ତା ଆକିତ ଜାର୍ ଆରି ହାଙ୍ଗ୍‌ଦାକାର୍ ଜାଣାତିନା ହିଜି ହାଂନାନ୍ ୧:୧-୨
- ୨. ଆରି ତେସଲନିକିୟ ମଣ୍ଡଳି କାଜିଂ ଇସ୍‌ବର୍‌ତିଂ ଜଞ୍ଜାର୍ ହିନାନ୍ ଆରି ପାର୍ତ୍ତାନା କିନାନ୍ ୧:୩-୧୨
- ୩. ରି ପାର୍ତ୍ତୁତ ଜଗଡ଼ନି ହାରିହାରା ସମୁ ବିସ୍ତେ ଇନାନ୍ ।
- ୪. ଆରି ହେଞ୍ଜାନ୍ ଆଡ଼୍‌ସାୟ ବିରୁଡ଼ତ ଆରି କସ୍ତୁ କିନି ବିସ୍ତେ ଇନାନ୍ ୩:୧-୧୫
- ୫. ପାଉଲ୍ ଆରେ ରଗ ମଣ୍ଡଳିନି ମାନାୟାରିଂ ବାଦାୟ କିଜି ଝିହ୍‌ନାନ୍ ୩:୧୬-୧୮

୧ ପାଉଲ୍, ସିଲ୍‌ବାନ୍ ଆରି ତିମତି ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ତୁତାକେ ମାନି ତେସଲନିକିୟ ମାନାୟାର୍ ମଣ୍ଡଳି ଲାଗାଂ ଆକି ଲେକିକିତାନ୍ନା । ଦୟା ଆରି ସୁସ୍ତା ମି କାଜିଂ ଆଏଡ଼ । ୨ ଆବା ଇସ୍‌ବର୍ ଆରି ମାପୁ ଜିସୁ କ୍ରିସ୍ତୁ ତାଙ୍ଗ୍ ଦୟା ଆରି ସୁସ୍ତା ମି କାଜିଂ ଆଏଡ଼ ।

କ୍ରିସ୍ତୁତି ଆରେ ଖାନାକା ବିଚାର୍

୩ ଏ ଚଣ୍ଡାର୍, ଆରି ତଣ୍ଡେକ୍ ମି କାଜିଂ ଇସ୍‌ବର୍‌ତିଂ ସବୁଝେଡ଼ାଙ୍ଗ୍ ଜୁଞ୍ଜାର୍ ହିନାକା ମା ଲଡ଼ା, ଆରେ ହେଦାଂ କିନାକା, ଆରେ ହେଦାଂ ହାଦ୍‌କା, ଇନାକିଦେଂକି ମି ପାତ୍ କିନାକା ଆଦିକ୍ ବାତା ଆନାତା, ଆରେ ହାରି କାଜିଂ ମି ଝିଜାର୍ ଜାଣକେତି ଜିତନନାକା ବାତାନାତା, ୪ ଏଲେଙ୍ଗ୍‌କି ଏପେଙ୍ଗ୍ ଇମ୍‌ଣି ଝିଜୁ ଇଣ୍ ଆରି ଦୁକ୍‌ବଗ୍ କିନାଦେରା, ହେବେ ପା ମି ହୁଦାର୍ ଆରି ପାତ୍ କାଜିଂ ଆସେଙ୍ଗ୍ ନିଜେ ଇସ୍‌ବର୍‌ତି ମଣ୍ଡଳି ତାକେ ମି ବିସ୍ତେ ଗରବ୍ କିଜି ମାନାପ୍ ।

୫ ଇସ୍‌ବର୍ ଇମ୍‌ଣି ରାଜି କାଜିଂ ଏପେଙ୍ଗ୍ ଦୁକ୍‌ବଗ୍ କିନାଦେରା, ହେବେନି ଜଗ୍ ଇଞ୍ଜି ଗାଣାକିୟା ଆଦେଂ କାଜିଂ ଇଦାଂ ତ ଇସ୍‌ବର୍ ସମାନ୍ ବିଚାର୍ ଝିଜୁ ପାର୍ମାଣ୍ । ୬ ଇନାକାକି ନ୍ୟାୟନିକା, ଇନେକିଦେଂକି ମାପୁ ଜିସୁ ଏଚେକାଡ଼୍‌ଦ ଜାର୍ ସାକ୍ତିକାତି ଦୁତର୍ ଲାହାଂ ଆସ୍ତି ମାନି ନାଣି ଲାହାଂ ସାଗେତାଂ ହଡ଼ନାଡ଼୍, ୭ ଇସ୍‌ବର୍ ମିଙ୍ଗ୍ ଦୁକ୍ ଗିଟାଈ କିଜି ମାଙ୍ଗ୍ ପା ସାସ୍ତି କିଦନାନ୍ । ଇସ୍‌ବର୍ ଇ କାମାୟ କିନାନ୍, ଏଚେକାଡ଼୍‌ଦ ମାପୁ ଜିସୁ ହେଞ୍ଜାଡ଼ି ଗାଜା ସାକ୍ତି ଦୁତର୍‌ତି ଲାହାଙ୍ଗ୍ ସାଗେତାଂ ଜୁଦ୍‌ନାନ୍ । ୮ ଇମ୍‌ଣାକାର୍ ଇସ୍‌ବର୍‌ତିଂ ପୁନୁର୍ ଆରି ମା ମାପୁ ଜିସୁତି ନେକ୍ରିକାରୁର୍ ମାନିକିତର୍, ହେଞ୍ଜାରିଂ ହେଞ୍ଜାନ୍ ମାପୁ ଜିସୁ ଜାର୍ ସାକ୍ତିକାଟାକାନ୍ ଦୁତର୍ ହୁଦାଂ ନାଣି ଲାହାଂ ସାଗେତାଂ ଚଞ୍ଜା ଆଦନାନ୍; ହେ ଏଚେକାଡ଼୍‌ଦ ତାଣ୍ ହିନାନ୍, ୯ ହେ ନାଞ୍ଜିଙ୍ଗ୍ ହେଞ୍ଜାର୍ ତାଣ୍ ପାୟାନାର୍, ଇତିସ୍ ମାପୁତି ଲାଗେ ତାଙ୍ଗ୍ ଆରି ସାକ୍ତିତ ଜାଜ୍‌ମାଲ୍‌ତାଂ ଦେହା ଆଜି ଝିଜୁ ନାସ୍ ବଗ୍ କିତାର୍ । ୧୦ ମତର୍ ହେ ନାଞ୍ଜିଙ୍ଗ୍ ତା ମାନାୟାର୍‌ତାଂ ସମାନ୍ ଜାଜ୍‌ମାଲ୍ ପାୟାନାନ୍ ଇତିସ୍ ଇମ୍‌ଣି ନାଞ୍ଜିଙ୍ଗ୍ ହେଞ୍ଜାନ୍ ଜାର୍ ହୁଦାର୍ ହୁଦାଂ ଜାଜ୍‌ମାଲ୍ ଆଦେଂ ଆରି ପାତ୍ କିଜି ମାନି ପୁଇପୁୟା ମାନାୟାର୍ ଝିଜାର୍ କାଜିଂ କାବାତାଂ ଚଞ୍ଜିନି ଲାକେ ଆଦେଂ ଖାନାନ୍ ଇନାକିଦେଂକି ମି ଲାଗାୟ ମା ସାକି ଏପେଙ୍ଗ୍ ପାତ୍ କିତାଦେଣ୍ଡା ।

୧୧ ଲାଗିଂ ମା ଇସ୍‌ବର୍ ଇନେସ୍ ମିଦି ଜାର୍ କୁକ୍ୟାତିତ ସଡ଼୍‌ଗୁଣ୍ ଇଞ୍ଜି ଗାଣା କିନାନ୍, ଆରେ ସବୁ ସଡ଼ ଇଚା ଆରି ପାତ୍ କି କାମାୟ ସାକ୍ତିତ ବାତ୍ କିନାନ୍, ହେଦାଂ କାଜିଂ ପା ଆପେଂ ନିତ୍ରେ ମି କାଜିଂ ପାର୍ତ୍ତାନା

କିନାପା; ୧୭ ତା ଆଡିସ୍ ମା ଇସ୍ବର ଆରି ମାପୁ ଜିସୁ କ୍ରିସ୍ଟି ଦୟା ଲାକେ ମା ମାପୁ ଜିସୁତି ତର ମିତାକେ ଜାଜମାଲ୍ତ ଆନାଡ୍ ଆରେ ଏପେଙ୍ଗ ତା ତାକେ ଜାଜମାଲ୍ ଆନାଦେର୍ ।

୨

ବାନ୍ୟା କାମାୟ୍ କିନାକାନ୍

୧ ☆ଏ ଟଣ୍ଡାର୍, ଆରି ତଣ୍ଡେକ୍ ମା ମାପୁ ଜିସୁ କ୍ରିସ୍ଟି ଖାନିଦିନ୍ ଆରି ହେଖାନ୍ତି ଲାଗାଁ ତା ତାକେ ମା ରୁଣ୍ଡାନି ବିସ୍ତେ ମିଙ୍ଗେଙ୍ଗ୍ ଗଞ୍ଜାରି କିଦନାପା, ୨ ମାପୁତି ଦିନ୍ ଏକା ଖାତାତେ ଇଞ୍ଜି ଏପେଙ୍ଗ୍ ଇମ୍ଣି ଖାସ୍ତାନି କାତା କି ମାହୁଦାଁ ଲେକାତାଡ୍ନା ଇଞ୍ଜି ବାବି କିଜି ଇମ୍ଣି ଚିଟି ହୁଦାଁ ବେଗି ଏନେତେନେ କି ଗାବରା ଆମାଟ୍ । ୩ ଇନେର୍ ଇମ୍ଣି ବାନି ମିଦାଁ ବାମ୍ଣାନାକା ଜଲମକିଦ୍ଝାଦାଁ, ଇନାକିଦେଁକି ପର୍ତ୍ତୁମ୍ ହାରିହାରା ଦରମ୍ ପିହୁନାକା ଗିଗନାଡ୍, ଆରେ ନାସ୍ନି ହିମଣା ହେ “ବାନ୍ୟା ମାନାୟ୍” ଚଞ୍ଜାନାକା ଲଡା; ଆଡିତିସ୍ ମାପୁ ଦିନ୍ ଏକାଖାଡ୍ । ୪ ହେଖାନ୍ ହେ ଦାରୁମ୍ ହିଲ୍ଝି ମାନାୟ୍ ଜେ ଦୁକନିକାନ୍ ଇସ୍ବରତି ବେରୁ କିନାନ୍, ଝିଜାରତାଁ ଜାରତିଁ ଆଦିକ୍ ଖାରି କିନାନ୍ ଇନେସ୍କି ଇସ୍ବରତି ମନ୍ଦିରତ କୁଚି ହେଖାନ୍ ଜାରତିଁ ଇସ୍ବର ଇଞ୍ଜି ଚଞ୍ଜୟା ଆନାନ୍ ।

୫ ଆନ୍ ମି ଲାହାଁ ମାନିଝେଡାଲିଁ ଇ ସବୁ ବିସ୍ତେ ଜେ ମିଙ୍ଗେଙ୍ଗ୍ ରଗତିଁ ରଗ ଝେଚି ମାନଞ୍ଜାଙ୍ଗ୍, ହେଦାଁ ଇନାକା ମି ଏଡ୍ ହିଲୁଡ୍ ? ୬ ଆରେ ହେଖାନ୍ ଦାରୁମ୍ ହିଲ୍ଝି ମାନାୟ୍ ସମାନ୍ ସମୁତ ଚଞ୍ଜୟା ଆଦେଁ କାଜିଁ ଇନାକା ବାଦା ହିଦନାତା, ହେଦାଁ ଏପେଙ୍ଗ୍ ପୁନାଦେର୍ । ୭ ଇନାକିଦେଁକି ବାନ୍ୟା ତୁକୁତି କାତା ନଙ୍ଗୟ୍ ପା କାମାୟ୍ କିନାତା, ବାଦା ହିନି ମାନାୟ୍ ହାଲ୍ଝି ପାତେକ୍ ହେଦାଁ କାମାୟ୍ କିଜି ମାନାଡ୍ । ୮ ହେ ଏଚେକାଡ୍ଦ ହେ ଅଦାମ୍ ମାନାୟ୍ ଚଞ୍ଜୟାନାନ୍, ତାଙ୍ଗେଙ୍ଗ୍ ମାପୁ ଜିସୁ ଜାର ଝେଇନି ପୁଣ୍ଡା ହୁଦାଁ ଅହନାନ୍ ଆରି ଜାର ଝାନାକା ହପ୍ନି ହୁଦାଁ ନାସ୍ କିନାନ୍ । ୯ ସୟ୍ତାନ୍ ସାକ୍ତି ଲାକେ ଝିଜୁ ବାନି ମିର୍ ସାକ୍ତି, ଚିନ୍, ଆରି କାବାନି କାମାୟ୍, ଆରେ ନାସ୍ ବାହାନିଁ ଲାଗେ ଝିଜୁ ବାନିନି ଅଦାମ୍ ଟକାୟ୍କିନି ହୁଦାଁ ହେ ଅଦାମ୍ ମାନାୟ୍ତି ଝାନାକା ଆନାଡ୍, ୧୦ ଇନେକିଦେଁ ଅଦାମ୍ ମୁକ୍ତି ପାୟାଦେଁ ହେଖାର୍ ହାଡ୍ପା କାଜିଁ ଜିଉନନାକା ପାୟା ଆଖାତାଣ୍ଡା । ୧୧ ଆରେ, ଇଦାଁ କାଜିଁ ହେଖାର୍ ଇନେସ୍ ମିଚ୍ତ ପାତ୍ କିନାର୍, ହେଦାଁ କାଜିଁ ଇସ୍ବର ହେଖାର୍ତି ଲାଗାଁ ବାମ୍ତାନାକା ସାକ୍ତି ପକ୍ତାତାନ୍ନା, ୧୨ ଇନେସ୍କି ଇମ୍ଣାକାର୍ ହାଡ୍ପାତିଙ୍ଗ୍ ପାତ୍ କିଝାଦାଁ ଅଦାମ୍ ତ କାମାୟ୍ତ ସାରି ଆତାଣ୍ଡା, ହେଖାର୍ ଝିଜାର୍ ତାଣ୍ଡିନି ଲକୁ ଆନାର୍ ।

ଏପେଙ୍ଗ୍ ମୁକ୍ତାନାକା କାଜିଁ ବାଚିକିୟାତାଦେଣ୍ଡା

୧୩ ମତର୍, ଏ ମାପୁତି ଜିଉନନି ଟଣ୍ଡାର୍, ଆରି ତଣ୍ଡେକ୍ ମି କାଜିଁ ସବୁଝେଡାଙ୍ଗ୍ ଇସ୍ବରତିଁ ଜୁଝାର୍ ହିନାକା ମା ଲଡା, ଇନାକିଦେଁକି ଇସ୍ବର ଜିରୁନ୍ତିଁ ପୁଇପୁୟା ଆରି ହାଡ୍ପାତ ପାତ୍ କିନାକା କାଜିଁ ମୁକ୍ତା ଆଦେଁ କାଜିଁ ମିଙ୍ଗେଙ୍ଗ୍ ପର୍ତ୍ତୁମ୍ ବାଚି କିଡ୍ତାନନା; ୧୪ ହେଦାଁ କାଜିଁ ପା ହେଖାନ୍ ମା ନେକ୍ତିକାବୁର୍ ହୁକେ ମା ମାପୁ ଜିସୁ କ୍ରିସ୍ଟି ଜାଜମାଲ୍ ପାୟାନି କାଜିଁ ମିଙ୍ଗେଙ୍ଗ୍ କୁକ୍ତାତାଁନା । ୧୫ ଲାଗିଁ, ଏ ଟଣ୍ଡାର୍, ଆରି ତଣ୍ଡେକ୍ ତିର୍ ମାନାଟ୍, ଆରେ ମା କାତା କି ଚିଟି ହୁଦାଁ ଏପେଙ୍ଗ୍ ଇମ୍ଣି ହିକ୍ୟା ପାୟାତାଦେଣ୍ଡା, ହେ ସବୁ ଆସ୍ତି ମାନାଟ୍ ।

୧୬ ଆପ୍ ନିଜେ, ମାପୁ ଜିସୁ କ୍ରିସ୍ଟି ଆରେ ମା ଇମ୍ଣି ଆବା ଇସ୍ବର ମାଙ୍ଗେଙ୍ଗ୍ ଜିଉନଜି ଦୟାତ ମାଙ୍ଗେଙ୍ଗ୍ ଝିଜୁ ଦୁକ୍ସାରାୟ୍ କିଜି ଆରି ହାର୍ଦି ଆହା ହିଡ୍ନା, ୧୭ ହେଖାନ୍ ନିଜେ ମିଙ୍ଗେଙ୍ଗ୍ ମାନତିଁ ଦୁକ୍ସାରାୟ୍ କିଜି ଝିଜୁ ହାର୍ଦି କାମାୟ୍ ଆରି କାତାତ ଆଡ୍ଝା କିଦେନ୍ ।

୩

ମା କାଜିଁ ପାର୍ତାନା କିୟାଟ୍

୧ ଏ ଟଣ୍ଡାର୍, ଆରି ତଣ୍ଡେକ୍ ମା କାଜିଁ ପାର୍ତାନା କିୟାଟ୍, ଇନେସ୍ ମାପୁତି କାତା ମି ବିତ୍ତେ ଇନେସ୍ ଲାକେ, ହେ ଲାକେ ନିତ୍ତେ ବେଗି ମେଙ୍ଗ୍ଜି ଜାଜମାଲ୍ ପାୟାନାଦେର୍, ୨ ଆରେ, ଇନେସ୍ ଆସେଙ୍ଗ୍ ବାବି କିଝି ଲକୁ ଆରି ଚାପ୍ପାରତାଁ ରାକ୍ୟା ପାୟାନାସ୍, ଇନାକିଦେଁକି ଝିଜାକାତ୍ ପାତ୍ ହିଲୁଡ୍ ।

୩ ମତର୍ ମାପୁ ପାତ୍ କିନାନ୍, ହେଖାନ୍ ମିଙ୍ଗେଙ୍ଗ୍ ତିର୍ କିଜି ସୟ୍ତାନ୍ତାଁ ରାକ୍ୟା କିଦନାନ୍ । ୪ ଆସେଙ୍ଗ୍ ଇମ୍ଣି ସବୁ ବଲ୍ ହିଡ୍ତାନ୍, ହେ ଝିଜୁ ଜେ ଏପେଙ୍ଗ୍ କିନାଦେରା ଆରି କିନାଦେର୍, ଇଦାଁ ମି ବିତ୍ତେ ମାପୁତାକେ ମା ବାସ୍ ।

୫ ଆରେ ମାପୁ ମି ମାନତିଁ ଇସ୍ବରତି ଜିଉନନାକା ଆରି କ୍ରିସ୍ଟି ସାସ୍ଲାକେ ହାଜିଡ୍ ହାଞ୍ଜେଙ୍ଗ୍ କିୟ୍କିଏନ୍ ।

☆ ୨:୧ ୨:୧ ୧ ତେସଲନିକି ୪:୧୫-୧୭.

ଓଜାର୍ କାମାୟ କିନି ଲତା

^୬ ଏ ଟଣ୍ଡାର, ଆରି ତଣ୍ଡେକ୍ ମା ମାପୁ ଜିସୁ କ୍ରିଷ୍ଟି ତରଦ ଆପେ ମିଙ୍ଗେଙ୍ଗ୍ ଇ ବଲ୍ ହିନ୍ଦାପା, ଇମ୍ପାକାର୍ପା ଟଣ୍ଡେନ୍ ମା ତାଙ୍ଗ୍ ପାୟାତି ହିକ୍ୟା ଇସାପ୍ରେ ଚିନ୍ତା କିଞ୍ଚାଦାଙ୍ଗ୍ ଆଡ଼ସିୟା ଚିନ୍ତା କିନାନ୍, ତା ତାକେଣ୍ଡା ଜାର୍ ଜାର୍ତି ବିନେ କିୟାଟ୍ । ^୭ ଇନାକିଦେଂକି ଇନେସ୍ ମାଙ୍ଗ୍ ପାଚେହାଲ୍ଲଜି ମିଦାଂ ଆନାଡ଼, ହେଦାଂ ଏପେଙ୍ଗ୍ ନିଜେ ପୁନାଦେରା; ଲାଗିଂ ଆସେଙ୍ଗ୍ ମି ବିତ୍ରେ ଆଡ଼ସିୟା ଚିନ୍ତା କିଞ୍ଚାଦାଂ ମାଚାପ୍, ^୮ କି ମଲ୍ଲହିଲ୍ଲଞ୍ଚାଦାଂ ଇନେରୁତି ଆରାଣ୍ଡ ତିନ୍ଞ୍ଚାଦାଂ ମାଚାପ୍ ଲାଗିଂ ମି ବିତ୍ରେ ଇନେରୁତି ବଜ୍ଜଲାକେ ଆଞ୍ଜିକାଜିଂ ବେସିକସୁଆରି ଦୁକ୍ ହୁଦାଂ ଖେଡ଼ାନାଣା କାମାୟ କିଜି ମାଚାପ୍; ^୯ ମି ତାଙ୍ଗ୍ ଅଲପ୍ ଅନାକା ଜେ ମା ଆଦିକାର୍ ହିଲ୍ଲୁଡ଼, ହେଦାଂ ଆକାୟ, ମତର୍ ଇନେସ୍ ଏପେଙ୍ଗ୍ ମା ପାଚେ ଖାଡୁ; ଇଦାଂ କାଜିଂ ଆପେଂ ମି ଲାଗେ ଜାର୍ ଜାର୍ତି ହାର୍ କିଜି ଚଚ୍ଚେଦେଂ କାଜିଂ ହେ ଲାକେ କିତାପ୍ । ^{୧୦} ଇନାକିଦେଂକି ମି ଲାହାଂ ମାନିହିଂ ନେ ଆପେଂ ମିଙ୍ଗେଙ୍ଗ୍ ଇ ବଲ୍ ହିଡ଼ତାପ୍, “ଇମ୍ପାକାନ୍ କାମାୟ କିଦେଙ୍ଗ୍ ମାନ୍ କିଉନ୍, ହେଞ୍ଚାନ୍ ତିଞ୍ଜେଙ୍ଗ୍ ପା କାମେନ୍ ।

^{୧୧} ଲାଗିଂ ମି ବିତ୍ରେ ଇନେରୁ ଇନେରୁ ଆଡ଼ସାୟ ଚିନ୍ତା କିନାରା ଆରି ଇମ୍ପାକା କାମାୟ ଦୁକ୍‌ହିନାକା ବିପ୍ରି ଆନାରା ଇଞ୍ଜି ଆପେଂ ଖେନାପା । ^{୧୨} ଇ ବାନି ମାନାୟାରିଂ ସୁସ୍ତା ବାବ୍ରେ କାମାୟ କିଜି ଜାର୍ ଜାର୍ତି ଆରାଣ୍ଡ ତିଞ୍ଜେଙ୍ଗ୍ ଆପେଂ ମାପୁ ଜିସୁ କ୍ରିଷ୍ଟି ତରଦ ବଲ୍ ଆରି ଗଞ୍ଜାରି ଚେଡ଼ନା ହିନ୍ଦାପା ।

^{୧୩} ଏ ଟଣ୍ଡାର, ଆରି ତଣ୍ଡେକ୍ ହାଡ଼ପା କାମାୟ କିନିତାକେ ଏପେଙ୍ଗ୍ ଖାହ୍‌ମାଟ୍ । ^{୧୪} ଆରେ ଏଚେକାଡ଼ଦ ଇନେରୁ ଇ ଚିଚିତ ଲେକିକିତି ମା କାବୁର୍ ମାନିକିଉନ୍, ଖାଟିଙ୍ଗ୍ ହେ ଲଗାଂ ଚିନି କିଜି ଇଟାଟ୍, ଆରେ ହେଞ୍ଚାନ୍ ଇନେସ୍ ଲାଜ୍ କୁଗାନାନ୍, ଇଦାଂ କାଜିଂ ତା ଲାହାଙ୍ଗ୍ ମେହାମାଟ୍; ^{୧୫} ଆଡ଼ସିୟା ତାଙ୍ଗେଙ୍ଗ୍ ସାତୁ ଇଞ୍ଜି ବାବି କିମାଟ୍, ମତର୍ ତାଙ୍ଗ୍ ଟଣ୍ଡେନ୍ ଇଞ୍ଜି ବାବି କିଜି ଚେଡ଼ନା ହିୟାଟ୍ ।”

ହାରିହାରା କାତା

^{୧୬} ସୁସ୍ତାହିଦ୍‌ନି ମାପୁ ନିଜେ ମିଙ୍ଗେଙ୍ଗ୍ ନିତ୍ରେ ଆରି ସବୁ ବାନି ସୁସ୍ତା ହିଦେନ୍ । ମାପୁ ମି ଓଜାଦେରିଂ ଆୟେଡ଼ ।

^{୧୭} ଆନ୍ “ପାଉଲ୍ ନା ନିଜେ କେଇଦ ଲେକିକିଜି ଡୁଞ୍ଚାର୍ ଜାଣାୟକିଦ୍‌ନାଙ୍ଗା; ଓଜୁ ଚିଚିତ ଇଦାଂ ଚିନ୍ ଲାକେ, ଆନ୍ ଇଦାଂ ଲେକିକିତାଂନା ।

^{୧୮} ମା ମାପୁ ଜିସୁ କ୍ରିଷ୍ଟି ଦୟା ମି ଓଜାଦେର୍ ଲାହାଂ ଆଏଡ଼ ।”

ତିମତି ନିକଟକୁ ପ୍ରେରିତ ପାଉଲଙ୍କ ପର୍ଯ୍ୟନ୍ତ ପତ୍ର ତିମତି ଲାଗାଂ ପକ୍ୟାତି ପାଉଲ୍‌ତି ପର୍ତ୍ତୁମ୍ ଆକି ପର୍ତ୍ତୁମ୍ ତିମତି ପତି ବିସ୍ତେ ପାଦେକ୍

ପର୍ତ୍ତୁମ୍ ତିମତି ପତି ର ଆକି, ପକ୍ୟାତି ପାଉଲ୍‌ତାଂ ତା ଚେଲା ତିମତିଂ ଲେକା ଆତାଡ଼ନ୍ନା । ପର୍ତ୍ତୁମ୍ ତିମତି ଆଜି ମାନଗାନାଡ଼ ୨୨-୨୪ କ୍ରିଷ୍ଟୁତି ଜଲମ୍ ପାଚେ ଲେକା ଆତାଡ଼ନ୍ନା । ଆଜି ମାନଗାନାଡ଼ ଇଦାଂ ଆଜି ମାନଗାନାଡ଼ ପାଉଲ୍‌ତି ଜିବୁନି ହାରିହାରା ସମୁ ଆନାଡ଼ । ପାଉଲ୍‌ତି ହାଙ୍ଗଦାକାନ୍ ତିମତି ବେସି ମେହାଣ୍ ମାଚାଡ଼, ହେଖାନ୍ ବେସି ଖେଡ଼ାଲିଂ ତିମତିଂ ମାଜି ଇଞ୍ଜି ଇଞ୍ଜି ମାଚାନ୍ ପିଲିପିୟ ୨:୨୨ ୧ ତିମତି ୧:୨୧:୧୮ । ଇଦାଂ ପାଉଲ୍‌ତି ହୁଦାଂ ଲେକାତି ଚାରି ଗଟା ନିଜାର ଅଲଗା ପତିଂ ବିତ୍ତେ ଇଦାଂ ରଞ୍ଜାଙ୍ଗ ଇମେତାକେ କି ମଣ୍ଡଲି ପିସି ରଞ୍ଜାନ୍ ମୁଣିକାତି ଜାଣା କିନାନ୍ । ବିନ୍ ତିନିଗଟା ପତିଂ ଜେତି ତିମତି, ତିତସ୍, ଆରି ପିଲିମନ୍ ଆନାଡ଼ । ପର୍ତ୍ତୁମ୍ ତିମତି ମଣ୍ଡଲିନି ଆଦେକ୍ ହେବା କିନି ଦାରା ବିସ୍ତେ ମାନାଡ଼ ୨:୧-୫ । ଇବେ ମଣ୍ଡଲିନି ନେତାରତି ସାକ୍ତି ବିସ୍ତେ ହୁଡ଼ନାସ୍ ୩:୧-୧୩ ଆରି ମିର୍ ଗୁରୁତ୍ତି ବିରୁଦ୍‌ତ ଜାଗ୍ରତ୍ ଇନାକା ମନାଡ଼ ୧:୩-୧୧୪:୧-୫୭:୨-୫ ମଣ୍ଡଲି ବିତ୍ତେ ତିମତି ଇନେସ୍ ବାନି ରଞ୍ଜାନ୍ ନେତା ଆନି ଲଡ଼ା ହେଦାଂ ପାଉଲ୍‌ ହିକ୍ୟା ହିନି ବିସ୍ତେ ଚନ୍‌ନାନ୍ । ପର୍ତ୍ତୁମ୍ ତିମତିତ ନଂନି ନାତିନି ମଣ୍ଡଲିନି କାମାୟ ଚାଲାୟକିନି କାଜିଂ ମା ଜୁରୁନି ମଣ୍ଡଲିନି ନେତାରିଂ ଆଦିକ୍ ବେସି ମୁଡ଼୍ ହପ୍‌ନାକା ଆହ୍‌ନାଡ଼ ।

୧ ତିମତି ପତି ବିସ୍ତେନି ରାହାଣ

- ୧ ପାଉଲ୍‌ ତିମତିଂ ବାୟାୟ କିଜି ଲେକା ହାଙ୍ଗତାନ୍ନା । ୧:୧-୨
- ୨ ପାଉଲ୍‌ ତିମତିଂ ମିର୍ ଗୁରୁତ୍ ବିରୁଦ୍‌ତ ଜାଗ୍ରତ୍ କିନାନ୍ । ୧:୩-୧୧
- ୩ କ୍ରିଷ୍ଟୁ ତାକେ ପାଉଲ୍‌ତି ଖାରିକିଜି ଆକି ଲେକି କିତାନ୍ । ୧:୧୨-୧୯
- ୪ ପାଉଲ୍‌ ମଣ୍ଡଲିନି ହେବାକାମାୟ ଆରି ନେତାରତି ବିସ୍ତେ ତିମତିଂ ଟାଣ୍ଡନାନ୍ । ୨:୩
- ୫ ପାଉଲ୍‌ ତିମତିଂ ଏଚେଗଟା ହାରିହାରା ଟାଣ୍ଡି ଲେକା ଝିସ୍ତାନ୍ । ୪:୬

୧ ଆନ୍ ପାଉଲ୍‌, ମାଙ୍ଗ୍ ମୁକ୍ତିକିଦନି ଇସ୍‌ବର ଆରି ବାସିନି ଆହା କ୍ରିଷ୍ଟୁ ଜିସୁଙ୍ଗ୍ ବଲ୍ ଇସାପ୍‌ରେ କ୍ରିଷ୍ଟୁ ଜିସୁତି ରଞ୍ଜାନ୍ ପକ୍ୟାତାକାନ୍, ^୨ *ପାତ୍‌ ତ ଜାର୍ ଦରମ୍ ମାଜି ତିମତି ଲାଗାଂ ଆକି ଲେକିକିନାଙ୍ଗା, ଆବା ଇସ୍‌ବର ଆରି ମା ମାପୁ କ୍ରିଷ୍ଟୁ ଜିସୁତାଂ ଉପକାର୍, ଦୟା, ଆରି ସୁସ୍ତା ମି କାଜିଂ ଆଏଡ଼ ।

ବୁଲ୍‌କାୟକିନି ହିକ୍ୟା କାଜିଂ ଜାଗ୍ରତ୍

^୩ ଆନ୍ ମାକିଦନିଆତ ହାନିହିଙ୍ଗ୍ ନିଙ୍ଗେଙ୍ଗ୍ ଇନେସ୍‌କି ଗଞ୍ଜାରି କିଜି ମାନଚାଙ୍ଗ୍, ହେ ଲାକେ ଏପେଙ୍ଗ୍ ଏପିସିତ ମାନାଡ଼ । ହେବେ କେଡେଜାଣ୍ ବୁଲ୍ ହିକ୍ୟା ହିନାରା । ହେଖାରିଂ ବନ୍ କିୟାଟ୍ ଇନାଟ୍ । ^୪ କି ହାୟାୟ କାତା ଆରି ଝିଜ୍‌ଝି ଲାତ୍ରାତ୍ ମାନଦ୍ୟାନ୍ କିତର, ଇଦାଂ କାଜିଂ ହେଖାରିଂ ବଲ୍ ହିୟାଟ୍; ହେ ଝିଜ୍ ପାତ୍ ବିସ୍ତେ ଇସ୍‌ବରତି କାମାୟନି ଉପକାର୍ ଆଖାଦାଙ୍ଗ୍ ନଲେ ଜିକାଟାଣା ଉବ୍‌ଜାୟ କିନାଡ଼ । ^୫ ମାତର୍ ହାର୍‌ଦି ମାନ୍, ସକଟ୍ ବାବ୍‌ନା ଆରି କାପ୍‌ଟିୟା ପାତ୍‌ତାଂ ହଡ଼ତି ଇମ୍‌ଣି ଜିଉନନାକା, ଜାଗ୍ରତ୍ କିଦେଂ ଆନ୍ ଇ ହିକ୍ୟା ହିନାଙ୍ଗା । ^୬ ହେଦାଂ ମସାତି ବିଦିନି ଇସାବ୍ ଆନାଡ଼; ଇନେ ଇନେର୍ ଇସ୍‌ବୁ ବିସ୍ତେ କାଜିଂ ଇଟ୍‌କାଡ଼ ହୁଡ଼ଞ୍ଜାଦାଙ୍ଗ୍ ଆହାର୍ କାତାତ ଆହା ଆଜି ହାଜି ବାଣାନାରା । ^୭ ହେଖାର୍ ବିଦିତ ଗୁରୁ ଆଦେଙ୍ଗ୍ ଇଚା କିତାର୍, ମାତର୍ ଇମ୍‌ଣି ବିସ୍ତେ ଆଟ୍‌ଞ୍ଜା ହିକ୍ୟା ହିନାର୍, ହେଦାଂ ନିଜେ ବୁଜାଆତର୍ ।

^୮ ଆପ୍ ପୁନାପ୍ ଜେ, ବିଦି ସମାନ୍ ବାବ୍‌ରେ ପାଲି କିତିସ୍, ହେଦାଂ ହାର୍ । ^୯ ମାତର୍ ବିଦି ଅଦାମ୍ ଆରି ପାପିୟା, ବିଗାଡ଼୍ ଆରି ଦୟା ହିଲ୍‌ଖାକାନ୍, ଆବାଙ୍ଗ୍ ଅହ୍‌ନାକାନ୍ ଆରି ଆୟାଙ୍ଗ୍ ଅହ୍‌ନାକାନ୍, ନାର୍‌ଅହ୍‌ନାକାନ୍, ଦାରି, ମୁଟିଇଡ଼ିନାକାନ୍, ମାନାୟ ଚର୍, ମିର୍ ଇନାକାର୍ ଆରି ମିର୍ ପାର୍‌ମାଣ୍ କିନାକାର୍ କାଜିଂ, ଆରେ ହାର୍‌ଦି ହିକ୍ୟାନି ଉଲ୍‌ଟା ଜେ ଇମ୍‌ଣାକା ବିସ୍ତେ ମାନାଡ଼ ହେଦାଂ କାଜିଂ ଜେ ସମାନ୍ ଆତାନ୍ନା, ^{୧୦} ଇଦାଂ ପୁନ୍‌ଞ୍ଜି ଜଦି ଇନେର୍ ବିଦିନି ହାର୍‌ଦି ବେବାର୍ କିନାନ୍, ତେବେ ହେଦାଂ ଜେ ହାର୍‌ଦାକା, ଇଦାଂ ଆପ୍ ପୁନାପ୍, ^{୧୧} ଇଦାଂ ତ ନା ତାକେ ହେଲାୟ କିୟାତାଡ଼ନା ହାର୍‌ଦାକା ଦନ୍‌ସ ଇସ୍‌ବୁ ଜାଜ୍‌ମାଲ୍ ନେକ୍‌କାବୁର୍ ସୁଣାୟ କିନି ହିକ୍ୟା ହୁକେ ଆନାଡ଼ ।

ଇସ୍‌ବର୍ ଦୟା କାଜିଂ ଜୁଆର୍

* ୧:୨ ୧:୨ ପକ୍ୟାତାକା ୧୭:୧.

୧୭ ମାଦାଙ୍କ ଇମଣି ମାପୁ କ୍ରିଷ୍ଣ ଜିସୁ ନାଲୋଙ୍କ ସାକ୍ତି ହିତ୍ତାନନା, ତାଲୋଙ୍କ ଆନ୍ ଜୁଆର୍ କିନାଙ୍ଗା ଜେ, ହେୱାନ୍ ନାଲୋଙ୍କ ପାତର୍ କିଜି ହେବାକାରୟା ପାଦତ ବାଟି କିତ୍ତାନନା, ୧୩ ଆତିସପା ଆନ୍ ଆଗେ ନିନ୍ଦାନିକାଙ୍ଗ, କସୁହିନାକାନ୍ ଆରି ହର୍ବରକିନାକାଂ ମାଚାଂ; ମାତର ଆନ୍ ପାତର୍ କିଖାକା ହୁକେ ଗିଆନ୍ ହିଲ୍ଡି ଲାକେ ହେଦାଂ କିଜି ମାଚାଙ୍ଗ ଇଞ୍ଜି ଦୟା ପାୟାତାଙ୍ଗ; ୧୪ ଆରେ, ମା ମାପୁତି ଦୟା କ୍ରିଷ୍ଣ ଜିସୁତି ଲାହାଙ୍ଗ ପାତର୍ ଆରି ଜିଉନନାକା ହୁଦାଂ ନା କାଜିଂ ବେସି ଆତାଡ଼; ୧୫ ପାପିୟାରିଙ୍ଗ ମୁକ୍ତି କିନି କାଜିଂ କ୍ରିଷ୍ଣ ଜିସୁ ଜେ ପୁତର୍ ତ ଜୁଡ଼ତାନ୍, ଇ କାତା ପାତର୍ ଆରି ଇଟ୍ଟୟାନିଜଗ; ହେ ପାପିୟାର ବିତ୍ତେତାଂ ଆନ୍ ମୁଡ଼ଦାକାଂ । ୧୬ ଆତିସପା ଇମଣାକାର୍ ଖାନିଦିନ୍ତ କାଡ଼ଦ ଓଜ୍ଝି ଜିରୁନ୍ ପାୟା ଆନି କାଜିଂ ଜିସୁ କ୍ରିଷ୍ଣତାକେ ପାତର୍ କିତାର୍, ହେୱାର୍ ତାକେ ଉତ୍ତରମୁଡ଼ ଲାକେ ଆନି କାଜିଂ ମୁଡ଼ଦି ପାପିୟା ଜେ ଆନ୍, ନା ତାକେ ହେୱାନ୍ ଇନେସକି ଜାର ବାତର୍ ଦୟା କିଦନାନ୍, ଇଦାଂ କାଜିଂ ଆନ୍ ଦୟା ପାୟା ଆତାଂ । ୧୭ ଜିରାଞ୍ଜି, ଚଞ୍ଜିୟାଆଞ୍ଜି, ରଞ୍ଜାନ୍ ମତର ଇସ୍ବର ଜେ ଓଜ୍ଝି କାଡ଼ନି ରାଜା, ତା ପାଣ୍ ଆରି ଜାଜ୍ମାଲ୍ ଜୁଗ୍ ଜୁଗ୍ ଆଏଡ଼ । ଆମେନ୍ ।

୧୮ ଏ କାଡ଼ଦେ ତିମତି, ନି ବିସ୍ତେ ପୁର୍ବେ ଇ ଓଜ୍ଝି ବେଶବାକ୍ଷାୟକିନି ହୁଦାଂ ଆନ୍ ନିଲୋଙ୍କ ଇ ବଲ୍ ହିଦନାଙ୍ଗା, ଇନେସକି ଏପେଙ୍ଗ ହେ ସବୁ ବେଶବାକ୍ଷାୟକିନାକା ଉପକାରତାଂ ହାରଦାଂ ଜୁଜ୍ କିଦେଙ୍ଗ ଆଡ଼ନାଦେର୍; ୧୯ ପାତର୍ ଆରି ହାରଦି ଚିନ୍ତା ସାକ୍ତି ଆସ୍ତି ଇଟାଟ୍; ହେଦାଂ ପିସ୍ତିଲେ କେତେଜାଣ୍ଡି ପାତର୍ ବାଙ୍ଗାଆତାଡ଼; ୨୦ ହେୱାର୍ ବିତ୍ତେତାଂ ହୁମନାୟ ଆରି ଆଲେକ୍ତାଣ୍ଡର ରିକାର୍; ଇଞ୍ଜାର୍ ଇନେସ ସାସନ୍ ପାୟା ଆଜି ଇସ୍ବର ନିନ୍ଦା କିଉର୍, ଇଦାଂ କାଜିଂ ଆନ୍ ଇଞ୍ଜାରିଙ୍ଗ ସୟତାନ୍ କେଇଦ ହେଲାୟ କିତାଂ ।

୨

ମଣ୍ଡୁଲିତ ପାର୍ତନା କିନି ବିଦି

୧ ଆନ୍ ପର୍ତୁମ୍ ଗଞ୍ଜାରି କିନାଙ୍ଗ, ପାର୍ତନା କିନିଞ୍ଜେଡ଼ାଂ ଓଜ୍ଝାର୍ କାଜିଂ ଇସ୍ବରତି ତାକେ ପାର୍ତନା କିୟାର୍, ପାର୍ତନା, ଗଞ୍ଜାରି, ଦନ୍ୟବାଦ୍ ଞ୍ଜେଚାଟ୍ । ୨ ବିନ୍ଦିନ୍ ରାଜା ଆରି ସାସନ୍କାରିୟା ଆରେ ସବୁ ସାଦୁର୍ କାଜିଂ ଇସ୍ବରତିଂ ପାର୍ତନା, ଗଞ୍ଜାରି ଆରି ଦନ୍ୟବାଦ୍ ଜାଣାୟ କିନାଦେର୍, ଆପେଂ ଇନେସ୍ ଇସ୍ବର ଦିୟାନ୍ତ ପାଣ୍ଡା ଆଉପ୍ ଆରି ବିନେନିକାର୍ କାଜିଂ ସବୁଞ୍ଜେଡ଼ାଙ୍ଗ୍ ସୁକ୍ ସୁସ୍ତାତ ଜିରୁନ୍ ଜିପକା କିଦେଙ୍ଗ ଆଡ଼ନାପ୍ । ୩ ଇ ବାନି ପାର୍ତନା ମା ମୁକ୍ତି କିଡ଼ତାକାନ୍ ଇସ୍ବତର୍ କାଣ୍ଡକୂତ ହାର୍ ଆରି ଇଟ୍ୟାନାକା । ୪ ଓଜ୍ଝାର୍ ଇନେସ୍ ମୁକ୍ତି ଆନାର୍ ଆରି ହାଡ଼ପା ବିସ୍ତେ ଗିୟାନ୍ ପାୟା ଆନାର୍, ଇଦାଂ ହେୱାନ୍ ମାନ୍ କିନାନ୍ । ୫ ଇନାକିଦେଂକି ରଞ୍ଜାନ୍ ମତର ଇସ୍ବର ମାନାନ୍, ଆରେ ଇସ୍ବର ଆରି ମାନାୟାର୍ ବିତ୍ତେ ରଞ୍ଜାନ୍ ମତର ମାଦ୍ଶାକାନ୍ ମାନାନ୍, ହେୱାନ୍ ଆନାନା ମାନାୟ ଜିସୁ କ୍ରିଷ୍ଣ: ୬ ଜିସୁ ଓଜ୍ଝାକାତର୍ ମୁକ୍ତାନି ମଲ୍ ଲାକେ ଜାରତିଙ୍ଗ୍ ଦାନ୍ କିଜି ସମାନ୍ ଖାଡ଼ାଲିଙ୍ଗ୍ ହେବେନି ସାକି ହିତାନନା । ୭ *ହେଦାଂ କାଜିଂ ଆନେଙ୍ଗ୍ ରଞ୍ଜାଙ୍ଗ୍ ସୁଶାୟ କିନାକାଙ୍ଗ, ପକ୍ୟାତାକାନ୍, ଆରେ ପାତର୍ ଆରି ସଡ଼ ବିସ୍ତେ ପାତର୍ କିଞ୍ଜି ଜିହୁଦିର୍ତ ରଞ୍ଜାଙ୍ଗ୍ ଗୁରୁ ଲାକେ ବାଟିକିୟା ଆତାଂନା, ଆନ୍ ହାଡ଼ପା ଇଞ୍ଜନାଙ୍ଗା, ମିର୍ ଇଞ୍ଜୁଙ୍ଗା ।

୮ ଆନ୍ ଇଚା କିତିସ୍ ଜେ ପାର୍ତନାତ ପୁଇପୁୟା କେଇ ଲାମାୟ କିଜି ଓଜ୍ଝାର୍ ମାନାୟାର୍ ପାର୍ତନା କିଏର୍, ମାନ୍ତ ଓଜ୍ଝି ବାନି କାକ୍ତି ଆରି ତାରାନାକା ପିହାଟ୍ । ୯ *ହେ ଲାକେ ପା କଗ୍ଲେ ହିମ୍ଣାକାଂ କହାବଲିଂ ଗାର୍ମେକ୍ ଆରି ହନା କି ମୁକ୍ତା କି ଦାମ୍ନି ହେୟାତ ଜାର୍ ଜାର୍ତିଂ ଗାଡ଼ିକିଞ୍ଜାଦାଂ ଲାଜ୍ ଆରି ହାରଦି ବୁଦି ହୁକେ, ଜାଗ୍ରଡ଼ କିଜି ଉସ୍ପାଟ୍ ୧୦ ହାରଦି କାମାୟ କାଜିଂ ଜାର୍ତି ଦାମ୍ କଗ୍ଲେକ୍କାଂ ଲଡ଼ାନି ହାଡ଼ପା କାମାୟ ଲାକେ ରଞ୍ଜି ଜାର୍ ଜାର୍ତିଂ ରଞ୍ଜାଟ୍ । ୧୧ କଗ୍ଲେ ବାତର୍ ତଲ୍ୟା ମାନି କିଜି ଚିମ୍ପରାଆଜି ହିକ୍ୟା ଇଟେଟ୍ । ୧୨ ଆନ୍ କଗ୍ଲେଙ୍ଗ୍ ହିକ୍ୟାହିଦେଙ୍ଗ୍ କି ଆଣ୍ଡେନ୍ ଜପି ରାଜ୍ କିଦେଙ୍ଗ୍ ଆଦିକାର୍ ହିଉଙ୍ଗା ମାତର ହେଦେଲ୍ ମଦା ଆଜି ଞ୍ଜେନେଡ଼ । ୧୩ ଇନେକିଦେଂକି ପର୍ତୁମ୍ ଆଦମ୍ ଉବ୍ଜାତାନ୍ ତାପାଚେ ହବା । ୧୪ ଆରେ ଆଦମ୍ ଟକ୍ଆଜି ମାନ୍ଞାଦାଂ ମାଚାନ୍, ମାତର କଗ୍ଲେ ଟକ୍ତ ଆଜି ବଲ୍ ମାନିକିଞ୍ଜାଦାଂ ଦସ୍ତ ଦସି ଆତାଡ଼ । ୧୫ ମାତର କଗ୍ଲେକ୍ ହାରଦିବୁଦି ଲାହାଙ୍ଗ୍ ପାତର୍, ଜିଉନନାକା ଆରି ପୁଇପୁୟାତାଂ ତିର୍ ମାତିସ୍, ହେଦେଲ୍ ହିମ୍ଣା ଜଲମ୍ କିନି ସମୁତ ମୁକ୍ତି ପାୟା ଆନାଡ଼ ।

୩

ମଣ୍ଡୁଲି ତାକେ ଚାଲାୟ କିନାକା

୧ ଇ କାତା ସଡ଼, ଇନେନ୍ ଜଦି ମୁଣିକା ପାଦ୍ ଦାଇଡ଼ ଆଦେଙ୍ଗ୍ ଇଚା କିନାନ୍, ଲାଗିଂ ହେୱାନ୍ ହାର୍ କାମାୟ ମାନ୍ କିଏନ୍ । ୨ *ଲାଗିଂ, ମୁଣିକାତି ଦସିଆଞ୍ଜାଦାଂ ମାନାକା ମାନାଡ଼ ହେୱାନ୍ ଆତିସ୍ ର ତକ୍ତିନି

* ୨:୨ ୨:୨ ତିମତି ୧:୧୧. * ୨:୯ ୨:୯ ୧ ପିତର ୩:୩. * ୩:୨ ୩:୨ ତିତସ୍ ୧:୨-୯.

ଡକ୍ତା, ଜାର୍ଡିଂ ସମାଲି କିନାକା, ହାର୍ଦ୍ଦିବୁଦି, ସବୁଝେଡାଙ୍ଗ, ଏଚେକ୍ ଖାରିତ ଆରି ହିକ୍ୟାଦାନତ ବାତ ଆନାର, ୩ ମଦ୍‌ଝା କି କୁରୁଲିୟା ଆଖାଦାଙ୍ଗ ଇଚିସ୍ ଦାମ୍ ମତର୍ ସୁସ୍ତା, ହୁଦାର୍, ବେରୁଆଖାଦା, ଆରି ଦନ୍ ଲଗ୍‌ଆ ଆଉନ୍ । ୪ ଜାର୍ କୁରୁମ୍‌ଡିଙ୍ଗ୍ ହାର୍ ଲାକେ ଜାତୁନ୍ କିନାନ୍, ତା ହିମ୍‌ଶାକା ହିକ୍ୟା କିଜି ମାନାନ୍ । ୫ ଇନେନ୍ ଇନାଖାଡାଙ୍ଗ୍ ଜାର୍ କୁରୁମ୍‌ଡିଂ ଚାଲାୟ୍ କିଦେଙ୍ଗ୍ ପୁନାନ୍, ହେଝାନ୍ ଇନେସ୍ ଇସ୍‌ତ ମଣ୍ଡଲିତି ଜାତୁନ୍ କିଦେଂ ଆଡ୍‌ନାନ୍ ? ୬ ହେଝାନ୍ ପାତର୍ ତ ହେନ୍‌ଚି ମାନାକା ମାନାଡ୍; ପୁନି ପାତର୍ କିନାକାନ୍ ଆଖାଦାଙ୍ଗ୍ ମାନାନ୍, ଏଚେକାଡ୍‌ଦ ଆହାର୍ ଗାବ୍ ଆଜି ସୟ୍‌ତାନ୍ ଲାକେ ତାଣ୍ ପାୟା ଆନାନ୍ । ୭ ହେଝାନ୍ତି ପା ବାତର୍ ଲକୁ ତାଙ୍ଗ୍ ସନ୍‌ମାନ୍ ପାୟାନାକା ଲଡା, ମାନାଡ୍, ଏଚେକାଡ୍‌ଦ ହେଝାନ୍ ନିୟା ପାୟା ଆଜି ସୟ୍‌ତାନ୍‌ନି ଡକ୍‌କାତ ହେଜେନାନ୍ ।

ମଣ୍ଡଲିନି ହେବାକାରୟା

୮ ହେ ଲାକେ ହେବାକାରିୟାର୍‌ଡି, ହାଦର୍ ବାବ୍‌ନାତ ପାତର୍‌ନି ଡକ୍‌କି ଗିୟାନ୍ ଦାସ୍ତି ସମାନ୍ ବେବାର୍ ଚକ୍‌ଲି ଆଖାଦାଙ୍ଗ୍, ଅଙ୍ଗୁର ରାସ୍ ଉଣ୍‌ଝାଦାଙ୍ଗ୍ ମାନାନ୍ ଆରି କାମାୟ୍ ଦନ୍ ଲାବ୍‌ଡି ଆମେର୍; ୯ ମା ଦାରୁମ୍ ପାତର୍‌ନି ବେରଣିଂ ହତାକା ହାଡ୍‌ପାକା ହେଝାର୍ ସକର୍ ଚିନ୍ତା ସାଲିତାଂ ତାଡ୍ ବାବ୍‌ରେ ପାତର୍ କିଜି ମାନ୍‌ଗାନାର୍ । ୧୦ ହେଝାର୍ ପା ପର୍ତ୍ତୁମ୍ ପରିକ୍ୟାକିୟା ଆୟେର୍, ଆରେ ଦସି ଆଖାଦାଂ ଚଞ୍ଚିୟା ଆତାନ୍, ହେବାକାରୟା ପାଦ୍‌ତ ବାଚିକିୟାୟେନ୍ । ୧୧ ହେ ଲାକେ କଗ୍‌ଲେକ୍ ପା ଲକାର୍‌ନିୟା ଆଖାଦାଙ୍ଗ୍ କାଲେତାଂ, ମିର୍ ଇନାକାଦେଲ୍ ଆରି ସବୁ ବିସ୍ତେ ପାତର୍ କିନାକାଦେଲ୍ ଆନାକା ମାନାଡ୍ । ୧୨ ହେବା କିନାକାର୍ ର ଚ କଗ୍‌ଲେନି ଆଣ୍ଡା ଆୟେର୍, ଆରି ଜାର୍ ଜାର୍ ହିମ୍‌ଶାକାଙ୍ଗ୍ ଆରି କୁରୁମ୍‌ଡିଙ୍ଗ୍ ହାର୍ ଲାକେ ଚାଲାୟ୍ କିଏନ୍ । ୧୩ ଇନେକିଦେଂକି ଇନେର୍ ହାର୍ କିଜି ହେବାକାରୟା କାମାୟ୍ କିତାଣ୍ଡା, ହେଝାର୍ ଜାର୍ ଜାର୍ କାଜିଂ ତାକ୍‌ପୁଟାଆଜି ଆରି କ୍ରିସ୍ଟ ଜିସ୍‌ତି ତାକେ ପାତର୍ ହୁଦାଂ ବେସି ସାସ୍ ଲାବ୍ କିତାର୍ ।

ପାତର୍‌ନି ହାଡ୍‌ପା

୧୪ ଇ ଆକି ଲେକିକିନିହିଂ ଆନ୍ ବେଗି ମି ତାକେ ହାନାଙ୍ଗ୍ ଇଞ୍ଜି ଆହା କିନାଙ୍ଗା; ୧୫ ମତର୍ ଏଚେକାଡ୍‌ଦ ନାଦାଂ ମାଲାଆନାଡ୍, ତେବେ ଇସ୍‌ତ ଇଞ୍ଜି, ଇଚିସ୍ ହାଡ୍‌ପାନି ମୁଣ୍ଡା ଆରି ମୁଡ୍‌କୁନାଦି ଲାକେ ଜିତି ଇସ୍‌ତ ମଣ୍ଡଲିତ, ଇନେସ୍ ବେବାର୍ କିୟାଆନାଡ୍, ହେଦାଂ ଇନେସ୍ ଏପେଙ୍ଗ୍ ପୁନାଡ୍, ଇଦାଂ କାଜିଂ ଇ ଝିଜୁ ମି ଲାଗାଂ ଲେକିକିଦ୍‌ନାଙ୍ଗା । ୧୬ ଇସ୍‌ର ହେବାକାରି ବିତ୍ରେନି ଅରଡ୍ ଜେ ଗାଜା କାତା ଇଦାଂ ଝିଜାର୍ ମାନି କିତାର୍ । ହେଦାଂ ଇ,
କ୍ରିସ୍ଟ ମାମାୟ୍ ଗାଗାଡ୍ ଆଜି ଚଞ୍ଚିୟା ଆତାନ୍, ଜିବୁନ୍‌ତ ଦାମ୍ ଇଞ୍ଜି ତାକ୍‌ପୁଟାତାନ୍,
ଦୁଡ୍‌ତକ୍ କାଜିଂ ଚଞ୍ଚିୟାତାନ୍,
ଜାତିର୍ ବିତ୍ରେ ସୁଣାୟ୍ କିୟାତାନ୍, ପାଣ୍ଡ ଇନ୍‌ୟାତାନ୍ ।
ପୁତର୍‌ତ ପାତର୍ କିୟାଆଜି ଜାଜ୍‌ମାଲ୍‌ତ ରର୍‌ୟାତାନ୍ ।



ମିର୍ ହିକ୍ୟାହିନାକାନ୍

୧ ପୁଇପୁୟା ଜିବୁନ୍ ପୁଟ୍‌ତେ ଇଞ୍ଜିନାତା, ପାଚେନି କାଡ୍‌ଦ ଇନେ ଇନେର୍ ବାନ୍‌ୟାମାନ୍ ମିର୍‌ଝା ଲଗାଙ୍ଗ୍ କୁଟ୍‌କିନିତାକେ, ଚାକ୍‌ମାୟ୍ ଜିବୁନିଂ କାଜିଂ ଆରି ପୁଦାଙ୍ଗ୍ ହିକ୍ୟା କାଜିଂ ମାନ୍ କିଜି ପାତର୍ ପିହ୍‌ନାର୍; ୨ ଇଝାର୍ କେଡ୍‌ଜାଣ୍ ଚାକ୍‌ମାୟ୍ ଆରି କୁଟ୍ ଆନାର୍ ହେଝାର୍ ଚିନ୍ତା ସାଲିତ ହାତାକାର୍ । ୩ ହେ ମିର୍‌ଝାର୍ ବିବାଆନାକା ମୁନା କିତାର୍, ଆରେ ବାରବିନି କାଦି କାଜିଂ ବିନେ ମାଞ୍ଜେଙ୍ଗ୍ ହିକ୍ୟା ହିନାର୍ । ପାତର୍‌ନିକାନ୍ ଆରି ହାଡ୍‌ପା ପୁନ୍‌ଞ୍ଜି ମାନି ମାନାୟ୍‌ର ହୁଦାଂ ଦନ୍‌ୟବାଦ୍ ହୁକେ ଚିଞ୍ଜେଙ୍ଗ୍ କାଜିଂ ଇସ୍‌ର ଇ ସବୁ ତ ଉବ୍‌ଜାଣ୍ କିତାନ୍‌ନା । ୪ ଇନେକିଦେଂକି ଇସ୍‌ତ ସବୁ ଉବ୍‌ଜାଣ୍ ଦିନିସ୍ ହାର୍‌ଦାକା, ଆରେ ଜଝାର୍ ହୁକେ ଅତିସ୍ ଇମ୍‌ଣି ବିସ୍ତେ ଇଚ୍ୟା ଆଉଡ୍, ୫ ଲାଗିଂ ଇସ୍‌ତ କାତା ଆରି ପାର୍ତ୍ତାନା ହୁଦାଂ ହେଦାଂ ପୁଇପୁୟା କିୟାଆନାଡ୍ ।

କ୍ରିସ୍ଟ ଜିସ୍‌ତି ହାର୍‌ଦି ହେବାକାରୟା

୬ ଇ ସବୁ ବିସ୍ତେ ଏପେଙ୍ଗ୍ ଟଣ୍ଡାରିଙ୍ଗ୍ ଆରି ତଣ୍‌ଦେକାଂ ହିକ୍ୟା ହିତିସ୍ କ୍ରିସ୍ଟ ଜିସ୍‌ତି ରଝାନ୍ ହାର୍‌ଦି ହେବା କିନାକାନ୍ ଆନାନ୍, ଆରେ ଏପେଙ୍ଗ୍ ଇମ୍‌ଣି ପାତର୍ ଆରି ହାର୍‌ଦି ହିକ୍ୟାତ ଦାସ୍ତି ଖାତାଦେଣ୍ଡା, ହେ ବଚନ୍ ହୁଦାଂ ସାଲି ଆନାଡ୍; ୭ ଇସ୍‌ରତିଂ ଅଦାମ୍ ଅପ୍‌ମାନ୍ କିଜି ମାନି ମଲ୍‌ହିଲ୍‌ଝି କାତା ପିସ୍ତି, ଦାରୁମ୍ ଜିବୁନ୍‌ତିଂ ବାଡ୍‌କାସ୍ କିଦେଙ୍ଗ୍ ଅବ୍ୟାସ୍ କିୟାଡ୍ । ୮ ଇନେକିଦେଂକି ଗାଗାଡ୍‌ନି କ୍ରାସ୍‌ଜି ଅଲ୍‌ପ୍ ବିସ୍ତେ ଲାବ୍‌ଆଦ୍‌ନାଡ୍, ମାତର୍ ଇସ୍‌ରତି ହେବାତ ଇ କାଡ୍‌ଦାଙ୍ଗ୍ ଆରି ପାଚେକାଡ୍‌ଦାଙ୍ଗ୍ ପାର୍ମାଣ୍ କିୟା ଆଜି ଝିଜୁ ବିସ୍ତେ ଜିବୁନ୍

ଲାଭଆଦନାତ୍ । ୯ ଇ ବେରଣ ପାତ୍ ଆରି ସବୁତାକେ ଇଚ୍ଛାୟାନିଜଗ୍; ୧୦ ଇଦାଂ କାଜିଂ ତ ଆସେଙ୍ଗ୍ କାମାୟ ଆରି ମାନଦ୍ୟାନ କିଜି କସ୍ କିନାସା, ଇନେକିଦେଂକି ଇମଣି ଜିତି ଇସ୍ବର୍ ଓଁଜୁ ମାନାୟତିଂ ଇତିସ୍ ପାତ୍ କିନାକାରିଂ ମୁକ୍ତି କିନାକାକ୍ତି ହେଞ୍ଜାକ୍ତି ତାକେ ମା ବାସ୍ ମାନାତ୍ ।

୧୧ ଏପେଙ୍ଗ୍ ଇ ସବୁ ବିସ୍ବେ ବଲ୍ ହିଜି ହେଞ୍ଜାରିଂ ହିକ୍ୟା ହିୟାଟ୍ । ୧୨ ମି ବେଣ୍ଡିୟା ଖାଡାଙ୍ଗ୍ ଇନେର୍ ମିଙ୍ଗେଙ୍ଗ୍ ପଲ୍ୟା ଇଞ୍ଜମେର୍, ମାତର୍ କାତାତ, ବେବାର୍ଡ, ଜିଉନନିତ, ପାତ୍ ତ ଆରି ପୁଇପୁୟାତ ପାତ୍ କିନାକା ହାର୍ ଉତର୍ମୁଡ୍ ଲାକେ ଆଡୁ । ୧୩ ଆନେଙ୍ଗ୍ ମି ଲାଗାଂ ଖାନି ପାତେକ୍ ସାସ୍ବର୍ନି ପାଟ୍, ବୁଜାୟକିନାକା ଆରି ହିକ୍ୟାହିନିତାକେ ମାନଦ୍ୟାନ କିୟାଟ୍ । ୧୪ ମଣ୍ଡୁଲି ବୁଡାଲୁର୍ ନେତାର୍ ମିଙ୍ଗେଙ୍ଗ୍ ଇସ୍ବର୍ତ୍ତି ଖେନି କିଜି ନି ଜପି କେଇ ଇଚ୍ଚନିହିଂ ଏପ୍ ଇମଣି ମାପୁତି ଦାନ୍ ସାକ୍ତି ଲାଭ କିଜି ମାଚାଦେର୍, ହେଦେଲିଂ ଏଲାମାଟ୍ । ୧୫ ମି ନିନାକା ଇନେସ୍କି ଓଁଜାର୍ ତାକେ ହନାତ୍, ଇଦାଂ କାଜିଂ ଇ ସବୁ ବିସ୍ବେ ମାତ୍ ଇଚାଟ୍, ହେ ଓଁଜୁ ତାକେ ଦିଆନ୍ ଆଡୁ । ୧୬ ଜାର୍ ବିସ୍ବେ ଆରି ଜାର୍ ହିକ୍ୟା ବିସ୍ବେ ଜାଗ୍ରତ୍ ଆଡୁ, ଇ ସବୁ ବିସ୍ବେ ଲାଗିସ୍ ମାନାଟ୍, ଇନେକିଦେଂକି ହେଦାଂ କିତିସ୍ ଏପେଙ୍ଗ୍ ଜାର୍ ମୁକ୍ତି ଆଦେଂ ଆରି ମି ଖେନାକାର୍ତି ମୁକ୍ତାୟ କିଦେଙ୍ଗ୍ ପା ଆଡନାଦେର୍ ।



ପାତ୍ କିନାକାର୍ କାଜିଂ କାମାୟ କିନାକା

୧ ଏପେଙ୍ଗ୍ ପ୍ରାଚିନାର୍ ଇନସ୍ତା କିମାଟ୍, ମାତର୍ ତାଙ୍ଗେଙ୍ଗ୍ ଆବା ଇଞ୍ଜି ବାବି ଗଞ୍ଜାରି କିୟାଟ୍; ବେଣ୍ଡିୟାରିଂ ଟଣ୍ଡାର୍ ଲାକେ, ୨ ପ୍ରାଚିନାର୍ କଗଲେକାଂ ଆୟା ଆରି ଜିପଲିକାଂ ପୁଇପୁୟା ବାବ୍ରେ ତଣ୍ଡେଲ୍ ଇଞ୍ଜି ଗିଆନ୍ କିଜି ହେ ଲାକେ ବେବାର୍ କିୟାଟ୍ ।

୩ ଆହ୍ ଉଲ୍ଲିଞ୍ଜି ରାଣ୍ଡିକାଂ ଜାତୁନ୍ ଅଞ୍ଜାଟ୍ । ୪ ମାତର୍ ଏଚେକାଡ୍ ଇମଣି ରାଣ୍ଡିତି କାଡ୍ଦେ ଗାଡ୍ଡେ କି ନାତିନାତିଣି ମାତିସ୍, ବାଟିଙ୍ଗ୍ ହେଞ୍ଜେକ୍ ପର୍ଡୁମ୍ ଜାର୍ କୁଚୁମ୍ କାଜିଂ ବକ୍ତି ଚର୍ଚେଙ୍ଗ୍ ଆରି ଆୟାଆବା କାଜିଂ ଉପକାର୍ କିଦେଙ୍ଗ୍ ହିକ୍ୟା କିଏର୍; ଇନେକିଦେଂକି ଇଦାଂ ତ ଇସ୍ବର୍ତ୍ତି କାଣ୍ଡୁତାଂ ହାର୍ଇଟ୍ୟା ଆନାର୍ । ୫ ଇମଣି ରାଣ୍ଡି ଆହ୍ ଉଲ୍ଲିଞ୍ଜାକା ଆନାତ୍ ଆରି ସାକାହିଲ୍ଖାକା, ହେଦେଲ୍ ଇସ୍ବର୍ ଜପି ବାସ୍ ଇଡ୍ଡି ଖେଡାନାଣା ଗଞ୍ଜାରି ଲାହାଂ ପାର୍ତାନାତ ଲାଗିସ୍ ମାନେଡ୍; ୬ ମାତର୍ ଇମଣି ରାଣ୍ଡିକ୍ ସୁକ୍ବଗି କିନିକ୍ ଆହା, ହେଞ୍ଜେକ୍ ଜିବୁନ୍ ମାଟିସ୍ତା ହାତିକ୍ନା । ୭ ହେଞ୍ଜେକ୍ ଇନେସ୍ ଦସିଆଞ୍ଜାଦାଂ ଆନିକ୍, ଇଦାଂ କାଜିଂ ଇ ସବୁ ପା ହେଞ୍ଜେକାଂ ବଲ୍ ହିୟାଟ୍ । ୮ ମାତର୍ ଜଦି ଇନେର୍ ଜାର୍ ଖାସ୍ତିନି, ବେସିକିଜି ଜାର୍ କୁଚୁମ୍ ଜାତୁନ୍ ଅଞ୍ଜିତିସ୍, ହେଞ୍ଜାନ୍ ପାତ୍ କିଞ୍ଜାକାର୍ତାଂ ପାତ୍ କିଜନ୍, ଆରେ ହେଞ୍ଜାନ୍ ପାତ୍ କିଞ୍ଜାକାନ୍ତାଂ ଦରମ୍ ହିଲାକାନ୍ ଆନାନ୍ ।

୯ ଇମଣି ରାଣ୍ଡିନି ବୈସ୍ ସାଚେ ବାହୁଁ ତାଙ୍ଗ୍ ଉଣା ଆକାୟ, ୧୦ ଆରେ ଇନ୍ଦେଲ୍ ର ଆଣ୍ଡେନ୍ କଗଲେ ଆରି ହାର୍ଦି ପୁଇପୁୟା କାମାୟ କାଜିଂ ତାକ୍ପୁଟାଆଜି, ଇତିସ୍, ହେଦେଲ୍ ଜଦି ହିମ୍ଣାକାଙ୍ଗ୍ ପହାକିଜି, ଓଁଜାରିଂ ସସ୍, ଚେଲାରିଂ ପାନା ନୁଜ୍ନାକା, ଦୁକ୍ଲୁଗାତ୍ ବଦ୍ ପିଣ୍ଡି କିଜି ମାନାତ୍, ଆରେ ଓଁଜୁ ହାଡ୍ପା କାମାୟତ୍ ତକ୍ତିକା ଆଜି ମାନାତ୍, ବାଟିଙ୍ଗ୍ ହେଦେଲ୍ ତର ରାଣ୍ଡି ଇଞ୍ଜି ଲେକାଏଡ୍ ।

୧୧ ମାତର୍ ଉଣା ବାହୁଁନି ଜିପଲି ରାଣ୍ଡିକାଂ ପିହାଟ୍, ଇନାକିଦେଂକି ହେଞ୍ଜେକ୍ ବାନ୍ୟାକାମ୍ ଆହାତିଂ ମାନ୍ କିଜି କ୍ରିସ୍ତ ତାକେନ୍ଦ୍ରିୟାଙ୍ଗ୍ ଏଡା ଆଜି ବିବା କିଦେଙ୍ଗ୍ ଇଚା କିନିକ୍; ୧୨ ହେଞ୍ଜେକ୍ ହେଞ୍ଜେକ୍ତି ଆଗେ ପାର୍ମାଣ୍ ପିହିନି କାଜିଂ ତାଣ୍ଡପାୟାନିକ୍ । ୧୩ ଆରେ ପା ହେଞ୍ଜେକ୍ ଇଲ୍କୁ ଇଲ୍କୁ ବୁଲାଆଜି ଆଡ୍ସିୟା ଆଦେଙ୍ଗ୍ ହିକାଆନିକ୍, ଆରେ କେବଲ୍ ଆଡ୍ସିୟା ଆକାୟ, ମତର୍ ଆହାର୍ କାତା ଆରି ଲକାର୍ ଗାଣ୍ଡୁ କିଜି ଅରାହିଲ୍ଖି କାତାବାର୍ତା କିନିକ୍ ୧୪ ଲାଗିଂ, ନା ଇଚା, ଜିପଲି ରାଣ୍ଡିକ୍ ବିବା ଆୟେକ୍, ହିମ୍ଣା ଗାଟାଆୟେକ୍, ଇଲ୍କାମାୟ ଚଲାୟକିୟେକ୍, ନିୟା କିନି କାଜିଂ ସାତୁଙ୍ଗ୍ ଇନାକାପା ଉପାୟ ହିମେକ୍; ୧୫ ଇନେକିଦେଂକି ନଙ୍ଗ୍ ପା ଇନ୍ଦେକ୍ ଇନ୍ଦେକ୍ କ୍ରିସ୍ତତାକେ ଦେହା ଆଜି ସୟତାନ୍ନି ପାଚେ ହାନିକା । ୧୬ ଜଦି ଇମଣି ପାତ୍ ନିକାଦେଲ୍ କଗଲେକ୍ ଇଞ୍ଜି ରାଣ୍ଡିକ୍ ମାନିକ୍, ଲାଗିଂ ହେଦେଲ୍ ହେଞ୍ଜେକ୍ତି ଦୁକ୍ ପତିକିଏକ୍, ଆରେ ମଣ୍ଡୁଲି ଜପି ବଦ୍ ଆମେଡ୍, ଇନେସ୍କି ମଣ୍ଡୁଲି ଆହ୍ ଉଲ୍ଲିଞ୍ଜି ରାଣ୍ଡିକାଂ ଦୁକ୍ ପତି କିଦେଙ୍ଗ୍ ଆଡନାତ୍ ।

୧୭ ଇମଣି ପ୍ରାଚିନାର୍ ହାର୍ ଚଲାୟ କିତାର୍, ବେସି କିଜି ଇମଣାକାର୍ ବଚନ୍ ପର୍ଚାର୍ ଆରି ହିକ୍ୟାତ୍ କସ୍ କିତାର୍, ହେଞ୍ଜାର୍ ରି ଗୁଣ୍ ଖାରି ପାୟାନି ଜଗ୍ ଇଞ୍ଜି ଗାଣା କିୟା ଆନାର୍, ୧୮ ଇନେକିଦେଂକି ଦରମ୍ ସାସ୍ବର୍ ଇନାତା, “ତାସ୍ ଚ୍ରେସ୍ନି ଖାଡାଂ ବଇଲା ଖେଇଦ କତ୍ରା ଗାଟ୍ମାଟ୍ ।” ଆରେ କାମାୟ କିନାକାନ୍ ଜାର୍ କୁଲି ତାବୁଂ ପାୟାନି ହକ୍ । ୧୯ ରିୟାର୍ କି ତିନିଜାଣ୍ ସାକି ପିସସି ଇମଣି ପ୍ରାଚିନାର୍ ବିଚ୍ଚତ୍ କାତା ମାନି କିମାଟ୍ । ୨୦ ମାତର୍ ଇନେର୍ ପାପ୍ କିଜି ମାନାର୍, ହେଞ୍ଜାରିଂ ଓଁଜାର୍ ତାକେ କେତାଟ୍, ଇନେସ୍କି ଅଲ୍ଗା ଲଗୁ ପା ପାଣ୍ଡୁଆନାର୍ ।

☆ ୫:୧୮ ୫:୧୮ ମାତିଉ ୧୦:୧୦; ଲୁକ ୧୦:୭.

୨୧ ଇସ୍ବରତି ସାକି ଇଡ଼ଜି, କ୍ରିଷ୍ଣ ଜିସୁତି ଆରି ବାଚିକିତି ଦୁତକ୍ ମୁମ୍ବଦ ଆନ୍ ଆବୁଝା ଲାକେ ବଲ୍ଲ ହିଦ୍ନାଜା, ଏପେଙ୍ଗ ଆଗେନି ଦାରା ମେରା ହୁକେ ଚାଲାଝାଦାଂ ଇ ଝିଜୁ ପାଲି କିୟାଟ୍, ଆରେ, ତାରା ବାବ୍ରେ ଇମଣି କାମାୟ ପା କିମାଟ୍ । ୨୨ ତ୍ରିପକ୍ଷୁ ଇନେର୍ ଜପି କେଇ ଇଟ୍ମାଟ୍, କି ଦସିନିକାର୍ ପାପ୍ତ ମେହାଆମାଟ୍; ଜାଟିଂ ପୁଇପୁୟା କିଜି ଇଟାଟ୍ ।

୨୩ ଆରେ କେବଲ୍ ଏସୁଙ୍ଗ୍ ଉଣ୍ଝାଦାଙ୍ଗ୍ ମି ପଟନି ରଗ୍ ଆରି ନିତ୍ରେ ବେମାର୍ କାଜିଂ ଅଲପ୍ ଅଙ୍ଗୁର୍ ରାସ୍ ଉଣାଟ୍ ।

୨୪ କେତେକ୍ ଜାଣତି ବାନ୍ୟା କାମାୟ ଅଲପ୍ତିଂ ହନାଟ୍, ହେଝାର୍ ହେଦାଂ କାଜିଂ କରଟ୍ନି ମୁମ୍ ମାମ୍ ଆଦେଂ ଆନାଟ୍, ଆରେ କେତେକ୍ ଅପ୍ପରାଦ୍ତି ବେସି ବିଲମ୍ତାଂ ଦାରାପଡା ଆନାଟ୍ । ୨୫ ହେ ଲାକେ ପା ହାଡ୍ପା କାମାୟ ହିଗ୍ଦାଙ୍ଗ୍ ହନାଟ୍, ଆରେ ଇନାକା ହଉଡ୍, ହେଦାଂ ଡକ୍ଟି ଇଟ୍ୟାଜି ମାଞ୍ଜେଙ୍ଗ୍ ଆଡୁଟ୍ ।



୧ କ୍ରିଷ୍ଣୁଙ୍ଗ୍ ପାତର୍ କିନାକାର୍ ଏତେକ୍ ଲଗୁ ଆଡିୟା ଲାକେ ଜୁଝାଣ୍ଡି ତାରେନ୍ ମାନାନ୍, ହେଝାର୍ ଜାର୍ ଜାର୍ ହାଉକାରିଙ୍ଗ୍ ଏତେକ୍ ଲଡାନି ପାୟାନାକା ଜଗ୍ ଇଞ୍ଜି ପୁନାଟ୍, ଇନେସ୍କି ଇସ୍ବତର୍ ତର୍ ଆରି ହିକ୍ୟାତ ନିୟା ଆମେଟ୍ । ୨ ଆରେ ଇମଣାକାର୍ ହାଉକାର୍ ପାତର୍ ନିକାନ୍, ହେଝାର୍ ହେଝାରିଂ ଟଣ୍ଡେନ୍ ଇଞ୍ଜି ବାବି କିଜି ଲାଜ୍ କିମେର୍ ଝାଟିଂ ଆଦିକ୍ ଜତନ୍ତାଂ ଉପ୍ପକାର୍ତାଂ ହେବା କିଏର୍, ଇନେକିଦେଂକି ଇନେର୍ ହେବା ହୁଦାଂ ଉପ୍ପକାର୍ ଅୟାନାର୍, ହେଝାର୍ ପାତର୍ କିନାର୍ ଆରି ଝାରିନିକାର୍ । ଇ ଝିଜୁ ବିସ୍ତେ ହିକ୍ୟା ଆରି ଉପ୍ପଦେସ୍ ହିୟାଟ୍ ।

ଚାକ୍ରାଇ କିନି ହିକ୍ୟା ଆରେ ହାଡ୍ପା ଦନ୍

୩ ଇନେର୍ ଜପି ବିନ୍ ହିକ୍ୟା ହିଜି ମା ମାପୁ ଜିସୁ କ୍ରିଷ୍ଣୁତି ନେକ୍ଟିବେରଣ୍ ବଚନ୍ ଆରି ଇସ୍ବରତି ହୁଦାଂ ହିକ୍ୟା ମାନିକିଉର୍, ୪ ବାଟିଙ୍ଗ୍ ହେଝାନ୍ ଅହାର୍ଗାବର୍ ଆ ଆରି ଗିଆନ୍ହିଲ୍ଝି, ଆରେ କାତାବାର୍ତା ଆରି ଗଣ୍ଡଗଲିଆତ ଲାଗାନାର୍; ହେବେତାଂ ତାରା, କିର, ଲକାର୍ ନିୟା, ବାନ୍ୟା ଆନ୍ମାନ, ୫ ଆରେ ଇନେର୍ ଇସ୍ବର୍ ତାକେ ଲାବ୍ ଉପାୟ ଇଞ୍ଜି ମାନେ କିତାର୍, ଏଲେଙ୍ଗ୍ କାରାପ୍ମାନ ଆରି ସଡ୍ ପିସ୍ତି ଲକାର୍ତି ଦିନ୍କେ ବିରୁଡ୍ତ ଜଲମ୍ ଆତାକାର୍ ।

୬ ଦାମର୍ ଲଗୁ ଇନେକିଦେଂକି ତାଦାଂ ଏତେକ୍ ମାନାଟ୍, ହେଏତେକ୍ ହେଝାନ୍ ସାରି; ୭ ଇନେକିଦେଂକି ଆସେଙ୍ଗ୍ ଜଗଡ୍ତ ଇନାକା ତାଝାତାସ୍ନା, ଆରେ ଇବେତାଂ ଇନାକାପା ଅଦେଂ ଆଡୁସ୍; ୮ ଲାଗିଂ କାଦି ହେନ୍ଦା ମାଟିସ୍ ମା କାଜିଂ ସାରି । ୯ ମତର୍ ଇନେର୍ ମାଜାନ୍ ଆଦେଙ୍ଗ୍ ଇଟା କିତାର୍, ହେଝାର୍ ପରିକ୍ୟାତ ଆରି ଡକ୍ଟାତ, ଆରେ କେତେକ୍ ବାନି ବାନ୍ୟାତ ଆରି ଲାସ୍ଆରୁଡ୍ ଲାଲ୍‌ସାତାକେ ଆଣ୍ଟା, ଇଦାଂ ଝିଜୁ ମାନାୟତିଂ ସବୁ ନାସ୍ ଆରି ବୁଡାନି ଲାକେ ହାମ୍ପୁରଡ୍ ମୁଟ୍ନାଟ୍ । ୧୦ ଇନେକିଦେଂକି ଦାନ୍ ଲବ୍ ଝିଜୁ ନସୁନି ଦଲ୍; ଇନେ ଇନେର୍ ହେବେ ଆହା ଆଜି ପାତର୍ ପିସ୍ତି ହାଜି ବାଣାତାଣ୍ଟା, ଆରେ ବେସି ଦୁକ୍ତାଂ ଜାର୍ ଜାର୍ ମାନ୍ତିଂ ଦୁକ୍ କିତାଣ୍ଟା ।

ହାରିହାରାନି ବେରଣ୍

୧୧ ମାତର୍ ଏ ତିମତି ଏନ୍ ରକାୟ ଜିସୁ ଲକୁ, ଏନ୍ ଇ ଝିଜୁ ତାଙ୍ଗ୍ ହାଲ୍‌ଜି ଦାମର୍, ଇସ୍ବରତାକେ, ପାତର୍, ଜିଉନନିତ, ସାସ୍ ଆରି ହୁଦାର୍ନି ପାତେ ସିଦାସାଦା ବାତର୍ ଆଦେଂ ସେସ୍ କିୟା । ୧୨ କ୍ରିଷ୍ଣୁ ପାତର୍ ନି ହାଦର୍ ଜୁଡ୍ତାକେ ମାନ୍ପାରାଣ୍ କିୟା, ଝିଜୁ ଜିରୁନ୍ ଆସ୍ତି ଇଟା; ହେଦାଂ କାଜିଂ ତ ଏପେଙ୍ଗ କୁକ୍‌ୟାତାଦେଣ୍ଟା ଆରି ବେସି ସାକିର୍ ମୁମ୍ବଦ ହାଦର୍ ସାକି ହିତାୟନା । ୧୩ ଝିଜୁରତି ଜିରୁନ୍ ହିଦ୍ନି ଇସ୍ବତର୍ ବେଟାନିତ, ଆରେ ପତ୍ରିୟ ପିଲାତତି ମୁମ୍ବଦ ହାଦର୍ ସାକି ହିଦ୍ନାକାନ୍ କ୍ରିଷ୍ଣୁ ଜିସୁତି ବେଟାନିତ ଆନ୍ ନିଙ୍ଗେଙ୍ଗ୍ ବଲ୍ଲ ହିଦ୍ନାଜା, ୧୪ ମାପୁ ଜିସୁ କ୍ରିଷ୍ଣୁତି ଆରେଝାନି ପାତେକ୍ ମିଙ୍ଗେଙ୍ଗ୍ ହିୟାଜି ମାନତି ବଲ୍ଲକୁ ପାତର୍ କିଜି ପାଲି କିୟାଟ୍ । ୧୫ ହେଝାନ୍ ପରମ୍ ଦନ୍ୟ ରଝାନ୍ ମତର୍ ସାସନ୍ କାର୍‌ୟା, ହେଝାନ୍ ରାଜାର୍ ଜପି ରାଜା ଆରି ମାପୁ ତାଙ୍ଗ୍ ମାପୁ, ୧୬ ଇନେର୍ ରଝାନ୍ ମତର୍ ହାଝାକାନ୍ ଆରି ହାଞ୍ଜେଙ୍ଗ୍ ଅଜଡ୍ତ ବାହାକିନାକାନ୍, ଇନେନିଙ୍ଗ୍ ଇମଣି ମୟେଡ୍‌ପୁର୍ ଇନାଝାତାଙ୍ଗ୍ ହୁଡ୍‌ଝାତାନ୍, କି ହୁଡ୍‌ଦେଙ୍ଗ୍ ଆଡୁଟ୍, ହେଝାନ୍ ସମାନ୍ ଝାଡାଙ୍ଗ୍ ହେଦାଂ ଚଟ୍‌ନାନ୍; ଝିଜୁକାଡ୍ ପାତେକ୍ ହେଝାନ୍ତି ମାନିନି ଆରି ସାକ୍ତିକାଟାକାନ୍ ହଝେଟ୍ । ଆମେନ୍ ।

୧୭ ଇମଣାକାର୍ ଇ କାଡ୍‌ଦ ମାଜାନ୍, ହେଝାର୍ ଇନେସ୍କି ଆକ୍ରିୟା ଆମେର୍ ଆରି ଝିଜୁନି ଦାନ୍ ଜପି ବାସର୍ କିମେର୍, ଇଟିସ୍ ଦୁକ୍‌ବଗ୍ କାଜିଂ ସବୁ ବିସ୍ତେ ବେସିତାଂ ମାଙ୍ଗ୍ ଦାନ୍ କିଦ୍ନାନ୍ ଇମଣି ଇସ୍ବର୍, ହେଝାନ୍ତି ଜପି ବାସର୍ କିନାର୍; ତା ପାତେ ବଗିକିଦେଂ ମା ସବୁ ବିସ୍ତେ ହେଝାନ୍ ମାଙ୍ଗେଙ୍ଗ୍ ହିଦ୍ନାନ୍ । ୧୮ ଆରେ ବିନ୍ ଲକାର୍ ବାଗ୍ କିଜି ଝିଜୁ ହାର୍ କାମାୟତ ମାଜାନ୍ ଆନାର୍; ଆରେ ମେଲା କେଇଦାଂ ଆରି

☆ ୬:୧୩ ୬:୧୩ ଜହନ୍ ୧୮:୩୭.

ଉଦାର ବାବୁ ଦାନ କିନାର, ଇଦାଂ କାଜିଂ ହେଞ୍ଜାରିଂ ବଲ୍ଲ ହିୟାଟ୍; ^{୧୯} ତା ଆତିସ୍, ଇ ଅବିନସର୍ ଚୁଣ୍ଡି
 ଉଦ୍‌ଜାୟ କିଜି ଜାରତି ପାଚେନି କାଜିଂ ହେଞ୍ଜାର ଆଟ୍‌ଞ୍ଜା କୁନାଦି ରତ୍‌ନାର ଆରି ହାରିହାରା ହେଞ୍ଜାର
 ହାତ୍‌ପାନି ଜିବୁନ୍ ଲାବ୍ କିତାର ।

^{୨୦} ଏ ତିମତି, ନି ତାକେ ଇନାକା ହିୟା ଆତ୍‌ତାତ୍‌ନା, ହେଦାଂ ରାକ୍ୟା କିୟା; ଆହାର ଜାକ୍‌ଡା ଆରି ବେଣ୍
 ବେଣ୍‌ତ “ଗିୟାନ୍‌ନି” ଜିକାଟାଣାତାଂ ବିନେ ଆତୁ ।

^{୨୧} ଇନେ ଇନେର୍ ହେଦାଂ ପାଲି କିଞ୍ଜାଦାଂ ପାତ୍ ବିସ୍ତେ ହାଜିବାଣା ଆତାଣ୍ଣା ।
 ଇସ୍‌ବୁତି ଉଦ୍‌କାର ଆରି ଦୟା ମିଜେଙ୍ଗ୍ ସମାନ୍‌ବାତ୍ ଆୟେଡ୍ । ଆମେନ୍ ।

ଫିଲମନଙ୍କ ନିକଟକୁ ପ୍ରେରିତ ପାଉଲଙ୍କ ପତ୍ର ପିଲିମନ୍ ଲାଗାଂ ପକ୍ୟାତି ପାଉଲ୍‌ତି ଆକି ପିଲିମନ୍ ଆକି ବିସ୍ତେ ପାଦେକ୍

ଇତୁ ପିଲିମନ୍ ଆକି ପକ୍ୟାତି ପାଉଲ୍‌ତି ହୁକେ ଲେକା ଆଜି ମାତାତ୍ ୧:୧ ଏତେକାଡ୍‌ଦ ଇଦାଂ ଲେକିକିତାନ୍ ହେଞ୍ଜାନ୍ ଜଇଲ୍ ଇଞ୍ଜ ଗେହ୍‌ୟା ଆଜି ମାତାନ୍, ଇନାକା ଅରଡ୍ ଆଜି ମାନ୍‌ଗାନାତ୍ ହେଞ୍ଜାନ୍ ରମତାଂ ଇଦାଂ ଲେକିକିତାନ୍ନା । ଜଦି ହେଞ୍ଜାନ୍ ରମତ ମାତାନ୍ କ୍ରିସ୍ତୁତି ଜଲମନ୍‌ନି ଆଦିକ୍ ଆତିସ୍ ତିନକଡି ଏକ୍ ୬୧ ବାହୁଁ ପାଚେ ଇ ଆକି ଲେକି କିଜି ମାନ୍‌ଗାନାନ୍ । ଇନାକା ହେ ସମାନ୍‌ଞ୍ଜେଡାଲିଂ କଲସିୟ ମଣ୍ଡଲିତଂ ଲେକି କିଜି ମାନ୍‌ଗାନାନ୍ ।

ହେଞ୍ଜାନ୍ ଇ ଆକି ପିଲିମନ୍ ତରନ୍ ରଞ୍ଜାନ୍ ମାନାୟ୍‌ତିଂ ଲେକିକିତାନ୍ନା । ପିଲିମନ୍ ରଞ୍ଜାନ୍ ମଣ୍ଡଲି ମେମର୍ ଆରି ଆଡିଏନ୍ ହାଉକାର୍ ମାତାନ୍ । ପାଉଲ୍ ଲେକିକିନାନ୍ ଜେ, ହେଞ୍ଜାନ୍ ଅନସିମସତିଂ ଦାଣ୍ଡୁ ହିମେର, ଇନେରକି ପିଲିମନ୍ ତାଂ ମ୍ବାସି ଦେହା ହନ୍ତି ମାତାନ୍ । ରମନ୍ ବିଦି ଇସାବ୍‌ରେ ପିଲିମନ୍ ଅନସିମସତିଂ ହାକି ଦାଣ୍ଡୁ ହିନି ଆଦିକାର୍ ମାତାତ୍ ।

ଅନସିମସତିଂ କ୍ରିସ୍ତାନ୍ ଟଣ୍ଡେନ୍ ବାବ୍ରେ ଇଟ୍‌ନି କାଜିଂ ଇନେସ୍ ରାଜି ଆନାର୍ ହେଦାଂ କାଜିଂ ପିଲିମନ୍‌ତିଂ ପାଉଲ୍ ଗଞ୍ଜାରି କିତାନ୍ନା । ପାଉଲ୍ ଅନସିମସତିଂ ତା ବାହାତ ହେବାକାମାୟ୍ କିନି କାଜିଂ ଆଦିକାର୍ ହିନି କାଜିଂ ବୁଜାୟ୍ କିତାନ୍ ୧:୧୩-୧୪

ପିଲିମନ୍ ଆକି ବିସ୍ତେନି ରାହାଣ

୧ ପାଉଲ୍ ପିଲିମନ୍‌ତିଂ ବାନ୍ଦାୟ୍ କିନାନ୍ ୧:୧-୩

୨ ପାଉଲ୍ ଅନସିମସତି ତାପଣ୍ଡାକ୍ ପିଲିମନ୍‌ତିଂ ରଞ୍ଜାକ୍ କ୍ରିସ୍ତାନ୍ ଟଣ୍ଡେନ୍ ବାବ୍ରେ ଇଟ୍‌ଦେଂ ଇନାନ୍ ୧:୪-୨୧

୩ ପାଉଲ୍ ହେଞ୍ଜାନ୍‌ତି ଆରେ ରଗ ହାନି ବିସ୍ତେ ମାନ୍‌ବାବ୍‌ନା ଆରି ବାନ୍ଦାୟ୍ କିଜି ଓହ୍‌ନାନ୍ ୧:୨୨-୨୫

ପିଲିମନ୍ ଲାଗାଂ ପକ୍ୟାତି ପାଉଲ୍‌ତି ଆକି

୧ କ୍ରିସ୍ତୁ ଜିସ୍ତୁତି କାଜିଂ ବନ୍ଦି ଆଜି ମାତିଲେ ଆନ୍ ପାଉଲ୍, ଟଣ୍ଡେନ୍ ତିମତି ମା ଖାରିନିକାନ୍ ଆରି ହାକ୍‌ଦାକାନ୍ ପିଲିମନ୍ ତାଂ ଆକି ଲେକି କିନାକ୍, ୨ ଆରେ, ତଣ୍ଡେଲ୍ ଆପ୍‌ପିୟା ଆରି ମା ହୁଦାଂ ମେଲ୍ୟା ଆକ୍ ପପ ଆରି ମି ଇଞ୍ଜ ନି ମଣ୍ଡଲି ଲାଗାଂ ଆକି ଲେକିକିନାକ୍ ।

୩ ମା ଆବା ଇସ୍‌ବର୍ ଆରି ମାପୁ ଜିସ୍ତୁ କ୍ରିସ୍ତୁତାକ୍ ଦୟା ଆରି ସୁସ୍ତା ମି କାଜିଂ ଆଏଡ୍ ।

ପିଲିମନ୍‌ତି ଜିଉନନାକା ଆରି ପାତ୍

୪ ଟଣ୍ଡେନ୍ ପିଲିମନ୍ ନା ପାର୍ତ୍ତନାତ ନି ତର ଲେକି କିଜି ସବୁ ଖେଡାକ୍ ନା ଇସ୍‌ବର୍‌ତିଂ ଜଞ୍ଜାର୍ କିନାକ୍, ୫ ଇନାକିଦେଂକି ଆନ୍ ଖେଚାକ୍‌ନା, ମାପୁ ଜିସ୍ତୁତାକେ ମିଦାଂ ଏଚେଜାଣ୍ ପାତ୍ ଆରି ଇସ୍‌ବର୍‌ତିଂ ମାନିକିନି ସାଦୁର୍ କାଜିଂ ମିଦାଂ ଏଚେକ୍ ଖାରି ! ୬ ଇନେସ୍ ମି ପାତ୍ ନି ମେହାଣ୍, ମାଜେକ୍ ହିୟାଜି ମାନି ଓହ୍‌ଜୁ ହାର୍‌ଦି ବିସ୍ତେ ମେହାତି ଗିଆନ୍ ହୁକେ କ୍ରିସ୍ତୁତି ପାକ୍ୟାତ କାମାୟ୍ ଆନାକ୍ । ୭ ଇନାକିଦେଂକି, ଏ ଟଣ୍ଡେନ୍, ପୁଇପୁୟା ସାଦୁର୍‌ତି ଜିବୁନ୍‌ତ ମି ହୁକେ ବାଡ୍‌କାସ୍ ପାୟା ଆଜି ଆନ୍ ନି ଜିଉନନାକା ବେସି ଦୁକ୍‌ସାରାୟ୍ ଆରି ଖାରି ଆନାକ୍ ।

ଅନସିମକ୍‌ତି କାଜିଂ ଗଞ୍ଜାରି

୮ ଲାଗାଂ ଇନାକା ହାର୍‌ଦାକା, ହେ ବିସ୍ତେ ମିଜେକ୍ ବଲ୍ ହିନି କାଜିଂ କ୍ରିସ୍ତୁତି ଆଡିଏନ୍ ଲାକେ ଆତିସ୍‌ପା ନା ବାତ୍ ସାସ୍ ମାନାତ୍, ୯ ଆତିସ୍‌ପା ଆନ୍ ବୁଡ୍‌ହି ପାଉଲ୍, ଜିଉନନି କାଜିଂ ମିଜ୍ ଗଞ୍ଜାରି କିଦ୍‌ନାକ୍, କ୍ରିସ୍ତୁ ଜିସ୍ତୁତି କାଜିଂ ନକ୍ ଗେହ୍‌ୟା ଆତାକ୍‌ନା ଜେ ଆନ୍, ୧୦ ନାଦାଂ ଏଲେକ୍ ଗାଡ୍‌ୟା ଆତି ଅବସ୍ତାତ ନାତାକ୍ ହଡ୍‌ତି ନା ବପା ଅନସିମ୍ କାଜିଂ ମିଜ୍ ଗଞ୍ଜାରି କିଦ୍‌ନାକ୍ । ୧୧ ହେ ଆଗେ ମି କାଜିଂ କାମାୟ୍ ଆଡ୍‌ଞ୍ଜାକାନ୍ ମାତାନ୍, ମତର୍ ନକ୍‌ୟ୍ ମିଦାକ୍ ଆରି ନାଦାଂ ହାରି ଉପକାର୍ ଆନାତା ।

୧୨ ହେଞ୍ଜାନ୍ ତ ନା ଜିବୁନ୍‌ତ ଲାକେ; ଆନ୍ ତାଜେକ୍ ମି ତାକେ ମାସ୍ତି ପକ୍ତାନାକ୍ । ୧୩ ନେକ୍ରିକାବୁର୍ କାଜିଂ ଗାଟ୍‌ତିହିଂ ତାଜେକ୍ ନି ବାହାତ ନା ହେବା କିନି କାଜିଂ ଲାଗେ ଇଡିଦେଂ ନା ମାନ୍ ଆନାତା, ୧୪ ମତର୍ ମି ଦାନ୍ ଅଞ୍ଜାଦାଂ ଆନ୍ ଇନାକା କିଦେକ୍ ମାନ୍ କିଞ୍ଜାତାଂ, ଇନେସ୍ ମି ହାର୍‌ଦି କାମାୟ୍ ବଲ୍‌ଡକାର୍ କିତି ଲାକେ ଆଞ୍ଜାଦାଂ ଜାର୍‌ମାନ୍‌ତାଂ ଆଏଡ୍ ।

☆ ୧:୧୦ ୧:୧୦ କଲସିୟ ୪:୯.

୧୫ ଇନାକିଦେଂକି ଆନାତୁପା, ଇନେସ୍ ଏପେଙ୍ଗ୍ ତାଙ୍ଗେଙ୍ଗ୍ ଆରେ ଆଡ଼ିଏନ୍ ଲାକେ ଗାଟାଝାଦାଂ ନଲେ ଆଡ଼ିଏନ୍ତାଂ ଗାଜାକାନ୍, ଇତିସ୍, ରଝାନ୍ ଝାରିନି ଟଣ୍ଡେନ୍ ଲାକେ ଝିଙ୍ଝି କାଡ଼୍ ପାୟାଦେଂ ଆଡ଼ନାଦେର୍, ଇଦାଂ କାଜିଂ ଅନିସିମସ୍ ଅଲପ୍ କାଡ଼୍ କାଜିଂ ମିଂ ତାଂ ବିନେ ଆଜି ମାଟାନ୍; ୧୬ ବେସିକିଜି ଆଡ଼ିୟା ନାଝାନ୍ ରଝାନ୍ ଝାରିନି ଟଣ୍ଡେନ୍, ଲାଗିଂ, ଗାଗାଡ଼୍ ଆରି ପା ମାପୁତାକେ ମି କାଜିଂ ଆଝିତିସ୍ ଏରେକ୍ ଆଦିକ୍ ଲାଡ଼୍ ଆଉଡ଼ ।

୧୭ ଲାଗିଂ ଜଦି ଏପ୍ ନାଙ୍ଗେଙ୍ଗ୍ ରଝାନ୍ ମେହାଣ୍ ଇଞ୍ଜି ବାବି କିୟା, ତା ଆଡ଼ିସ୍ ନାଙ୍ଗେଙ୍ଗ୍ ଇଡ଼୍ଦିତି ଲାକେ ହେଦେଲିଂ ଇଟାଟ୍ । ୧୮ ଜଦି ହେଝାନ୍ ମି କାଜିଂ ଇନାକା ଅନ୍ୟାୟ୍ କିଜି ମାନାନ୍ କି ମି ତାକେ ରିଣ୍ ଆଜି ମାନାନ୍, ତେବେ ହେଦାଂ ନା ଇସାବ୍ତ ଲେକିକିୟା; ୧୯ “ଆନ୍ ପାଉଲ୍ ଜାର୍ କେଇଦାଂ ଇଦାଂ ଲେକି କିଜି ହିଦ୍ନାଙ୍ଗା, ଆନ୍ ହେଦାଂ ହୁଜା ଆନାଙ୍ଗ୍,” ଏପେଙ୍ଗ୍ ନିଜେ ଜେ ନା ଲାଗାୟ୍ ସବୁ ଦିନ୍ନି ରିଣ୍ୟା, ଇ ବିସ୍ତେ ଆନ୍ ଇଞ୍ଜେଙ୍ଗ୍ ମାନ୍ କିଉଙ୍ଗା ମି ଜିବୁନ୍ ନା ତାକେ ରିଣ୍ । ୨୦ ଆଁ, ଟଣ୍ଡେନ୍, ମାପୁ ଲାହାଂ ରତେମାଞ୍ଜି ମି ହୁକେ ନା ଲାବ୍ ଆଏଡ଼, କ୍ରିସ୍ଟ ତାକେ ନା ଜିବୁନ୍ତ ସୁସ୍ତା ହିଦା । ୨୧ ନି ବଲ୍ତାଂ ନା ପାତ୍ ମାତିଲେ ଆନ୍ ନିଙ୍ଗେଙ୍ଗ୍ ଲେକିକିଦ୍ନାଙ୍ଗା; ଆନ୍ ପୁନାଙ୍ଗ୍ ଜେ, ଆନ୍ ଇନାକା ଇଞ୍ଜିନାଙ୍ଗା ଏପେଙ୍ଗ୍ ତା ତାକେଣ୍ଡାଂ ଆଦିକ୍ ପା କିନାଦେର୍ । ୨୨ ହେ ହାଙ୍ଗେ ହାଙ୍ଗେ ନା ମାନି ବାହା ପା ରଟ୍ଟି ଇଟାଟ୍, ଇନାକିଦେଂକି ମି ପାଡ଼ାନା ହୁକେ ଏପେଙ୍ଗ୍ ନାଙ୍ଗେଙ୍ଗ୍ ମାସ୍ଦି ଗାଟାନାଦେର୍, ଆନ୍ ଇଦାଂ ଆହା କିନାଙ୍ଗା ।

ହାରିହାରା ଜୁଝାର୍

୨୩ କ୍ରିସ୍ଟ ଜିସୁତି କାଜିଂ ତାଙ୍ଗେଙ୍ଗ୍ ନା ହାଙ୍ଗ୍ଦାକାନ୍ ରତେ ଗାଟ୍ୟା ଆତାକାନ୍ ଏପାପା ଆରି ନା ହାଙ୍ଗ୍ଦାକାର୍ ୨୪ କ୍ରିସ୍ଟ ଜିସୁ କାଜିଂ ନା ହାଙ୍ଗ୍ଦି ବନ୍ଦି ଏପାପା ଆରି ନା ହାଙ୍ଗ୍ଦାକାର୍ ଇନେନ୍ ମାର୍କ, ଆରିସ୍ତାର୍କ, ଦିନା ଆରି ଲୁକ ନିଙ୍ଗେଙ୍ଗ୍ ଜୁଝାର୍ ଜାଣାୟ୍ କିଦ୍ନାନା ।

୨୫ ମା ମାପୁ ଜିସୁ କ୍ରିସ୍ଟି ଉପକାର୍ ମି ଝିଜାକାର୍ ଜିବୁନ୍ତ ଆଏଡ଼ ।

ହିବ୍ରୁମାନଙ୍କୁ ଲିଖିତ ପତ୍ର ଏହିରିଂ ଲେକିକିତି ଆକି । ଏହି ଆକି ବିଷ୍ଣେ ପାଦେକ୍

ପ୍ଲୁନି ନିୟମନି ବାରବିନ୍ ବେଶ୍‌ବାକ୍‌ଶାୟକିନାକା ସବୁ ବାତର୍ ଆତାକା ବିଷ୍ଣେ ଇବେ ଗାଟାନାସ୍ । ଇବେ ଆଦିକ୍ ଅତିସ୍ ୭୦ ତାଂ ଆଦିକ୍ ପ୍ଲୁନି ନିୟମନି ପାଟ୍ ମାନାତ୍ । ଇନାକା ଜିସୁ କ୍ରିଷ୍ଟୁ ଇନେସ୍ ବାବ୍ରେ ବେଶ୍‌ବାକ୍‌ଶାୟକିତାକା ଆରି ଜିହୁଦି ମାପୁହେବାକିନାକାତର୍ କାମାୟ ବାତର୍ କିତାନ୍ ଇବେ ଆସେଙ୍ଗ୍ ପାୟା ଆନାସ୍ ।

ଇ ବିଷ୍ଣେତାଂ ଇଦାଂ ଜିହୁଦିର୍ କ୍ରିଷ୍ଟିୟାରିଂ ସାସ୍ ହିନି ପତି । ଏହି ପତି ଜିସୁ ବିଦି ଓହ୍‌ନି କାଜିଂ ମାପୁହେବାକିନାକାନ୍ ଆରେରଗ ଇନାଖାତାଂ ପୁଜାକିନାକା ଲଡା ଆକାୟ । ଜିସୁ କ୍ରିଷ୍ଟୁ ଆନାନା ଓହ୍‌ନି ପୁଜା ହିଆତାନ୍ ରଞ୍ଜେମାତ୍ ସବୁଞ୍ଜେତାଙ୍ଗ୍ କାଜିଂ । ନଙ୍ଗିନି ଜୁଗ୍‌ନି କ୍ରିଷ୍ଟିୟାର୍ କାଜିଂ ଏହି ଆକିତ ସାସ୍ ହୁଡ଼ୟା ଆନାତ୍ । କେବଲ୍ କ୍ରିଷ୍ଟୁ ମା ଇସ୍‌ରତିଂ ବାସର୍ କିନି କାଜିଂ ଆଡ଼ନାସ୍ । ଆରେ ପା ହେଖାନ୍ ତାକେ ବାସର୍ କିଜି ତାଲାନାସ୍ ୧୨:୨ ।

ଏହି ପତି ଇନେର୍ ଲେକିକିତାଣ୍ଡା ପୁନ୍ୟାଉତା, ମାତର୍ ପଣ୍ଡିତାର୍ ଇନାରା, ପକ୍ୟାତି ପାଉଲ୍, ଲୁକ୍, କି ବର୍ଣ୍ଣବା ଆଜି ମାନଗାନାର୍ । ଇବେନି ଲେକା ପା ପୁନ୍ୟାଉତ୍ ମାତର୍ କେତେକ୍ ଜାଣ୍ ପାତର୍ କିତାର୍ ଜେ, ଇଦାଂ ଜିସୁ କ୍ରିଷ୍ଟୁ ଜିଲମ୍ ପାଚେ ୭୦ ତ ଲେକା ଆତାନ୍ । ଜିରୁସାଲମ୍ ମନ୍ଦିର୍ ୭୦ ତ ନାସ୍ ଆତାତ୍ ମାତର୍ ଇ ଆକିନି ଲେକିକିନାକାନ୍ ଇଦାଂ ନାସ୍ ଆଓଡି ଲାକେ ଇନାନ୍ । ଏହି ଆକି ଆଜି ମାନଗାନାତ୍ ରମିୟ ଗାଡ଼୍ ଲେକାଜି ମାଟାତ୍ ୧୩:୨୪ ଆରି ବାରବିନ୍ ମଣ୍ଡଲିତ ପାସ୍‌ପିସ୍ ହିତାଣ୍ଡା ।

ଏହି ଆକି ବିଷ୍ଣେନି ରାହାଣ୍

- ୧. ଲେକିକିନାକାନ୍ ଇନାନ୍ ଜେ, ଜିସୁ କ୍ରିଷ୍ଟୁ ଆନାନା ଇସ୍‌ରତି ବେଶ୍‌ବାକ୍‌ଶାୟକିନାକାନ୍ ଆରି ଦୁତକ୍ ତାଂ ପା ଗାଜାକାନ୍ । ୧:୧-୪:୧୩
- ୨. ଜିରୁସାଲମ୍‌ତ ହେବା କିନି ମାପୁହେବାକିନାକାର୍ ତାଂ ପା ଜିସୁ କ୍ରିଷ୍ଟୁ ଗାଜାକାନ୍ ଇଞ୍ଜି ଲେକିକିନାକାନ୍ ଇନାନା । ୪:୧୪-୭:୨୮
- ୩. ମସାତି ହୁଦାଂ ମାନାୟାରିଂ ହିୟାଜି ମାତି ବିଦି ନି ପାନି ଗଜା ଜିସୁତି ହେବାକାମାୟ ଗାଜାକାନ୍ । ୮:୧-୧୦:୩୧
- ୪. ଜିସୁଙ୍ଗ୍ ଓହ୍‌ନିତାକେ ଗାଜାକାନ୍ । ୧୦:୩୨-୧୩:୧୭
- ୫. ଲେକିକିନାକାନ୍ ଇ ଆକିତ ଏତେଗଟା ସାସ୍‌ନି ବୁଜାୟ କିଜି ଲେକା ଓହ୍‌ନାନ୍ । ୧୩:୧୮-୨୫

ମାଜିତି ଇସ୍‌ର ହିଡ଼ି କାବୁର୍

୧ ଇସ୍‌ର ଆଗେକାଡ଼୍‌ଦ ବିନ୍‌ବିନ୍ ବାଗ୍‌ତ ଆରି ବିନେବିନେ ବାନି ବେଶ୍‌ବାକ୍‌ଶାୟ କିନାକାର୍ କାଜିଂ ବୁଡାରିଙ୍ଗ୍ କାତା ଇଞ୍ଜି ମାଟାର୍ ୨ ଇ ହାରିହାରା କାଡ଼୍‌ଦ ମାଜି କାଜିଂ ମାଙ୍ଗେଙ୍ଗ୍ କାତା ଇଞ୍ଜାଣ୍ଡା; ତାଙ୍ଗେଙ୍ଗ୍ ହେ ସବୁ ବିଷ୍ଣେନି ଆଦିକାର୍ କିଜି ବାତି କିତାନ୍, ତା ହୁକେ ପା ସବୁ ଜଗଡ଼ ଉଦ୍‌ଜାଣ୍ କିତାନ୍; ୩ ହେଖାନ୍ ତାକେ ଇସ୍‌ରତି ଜାଜ୍‌ମାଲ୍‌ନି ଅଜଡ଼୍ ଆରି ତାଦାଂ ପୁରା, ହଲନାକା ଆତାଡ଼୍‌ନା । ଆରେ ହେଖାନ୍ ଜାଡ଼ି ବଚନ୍ କାଜିଂ ପୁତର୍ ନି ଜଗଡ଼ି ତାବେ କିତାନ୍ । ହେଖାନ୍ ମାନାୟ ଜାତି କାଜିଂ ପାପ୍ ନିର୍ମାଲ୍ କିଜି ସାଗେତ ସାକ୍ତିକାତି ଇସ୍‌ର ବୁଜଣି ବାଗାଙ୍ଗ୍ କୁର୍‌ଗାନ୍ନା ।

ଇସ୍‌ରତି ମାଜି ମୁଡ଼୍‌ଦାକାନ୍

୪ ହେଖାନ୍ ଇମଣି ଇସାପ୍‌ତ ସାଗେନି ଦୁଡ଼୍‌କୁକାଂ କାଜିଂ ଆଦେକ୍ ନେକ୍ ତରଦି ଆଦିକାର୍ ଆତାଣ୍ଡା, ହେ ଇସାପ୍‌ତ ହେଖାନ୍ ହେଖାକ୍‌ତାଂ ଆଦିକ୍ ମୁଡ଼୍‌ଦାକାନ୍ ଆତାନ୍ନା, ୫ ଇନାକିଦେଂକି ଇସ୍‌ର ଦୁଡ଼୍‌କୁ ବିତ୍ତେ ଇନେରିଂ ଇନାଖାତାଂ ଏଲେଙ୍ଗ୍ ଇନ୍‌ଖାତାନ୍ନା ।

“ଏନେଙ୍ଗ୍ ମା ମାଜି,
ନେଞ୍ଜେଙ୍ଗ୍‌ତାଂ ଆନ୍ ନିଂ ଜଲମ୍ ହିଡ଼ିତାଙ୍ଗ୍‌ନା ?”
ଇସ୍‌ର ପା ଇଚାନ୍, ଆରେ
“ଆପ୍ ମି ଆବା ଆନାପ୍,
ଆରେ ହେଖାନ୍ ମା ମାଜି ଆନାନ୍ ?”

- ୭ ଆରେ, ଇମ୍ଫଣି ସମୂହ ହେୱାନ ପର୍ତ୍ତୁମ୍ ଗାଗାଡ୍ ଆସ୍ତି ମାଜି ଆରେରଗ ପୁତ୍ ବିତ୍ରେ ନେଟ୍‌କାନାର୍, ହେ ସମୂତିଙ୍ଗ୍ ଇଟ୍‌କାଡ୍ କିଜି ହେୱାନ ଇନାନ ।
- “ଇସ୍‌ସ୍‌ରନିକାର୍ ଝିଜାର୍ ଦୁଡ୍ ତାଙ୍ଗେଙ୍ଗ୍ ଜଞ୍ଜାର୍ କିଏଡ୍ ।”
- ୭ ମାତର୍ ର ପାକ୍ୟାତ ହେୱାନ ଦୁଡ୍‌କୁ ବିସ୍ତେ ଇଞ୍ଜାନାନ,
- “ହେୱାନ ଜାର୍ ଦୁତରିଂ ଡ଼ୁଲ୍ଲାକେ କିନାନ,
- ଆରେ ଜାର୍ ହେବାକାରିରିଂ ନାଣିନି ପଙ୍ଗ୍‌ନିଲ୍ଲାକେ କିନାନ,”
- ୮ ବିନ୍ ପାକ୍ୟାତ ହେୱାନ ମାଜିଡ୍ ବିସ୍ତେ ଇନାନ,
- “ଏ ଇସ୍‌ସ୍‌ର, ନି ଗାଦି ଜୁଗ୍ ଜୁଗ୍,
- ଆରେ ନିୟାୟନି ଦାଣ୍ଟୁ ମି ରାଜିନି ଦାଣ୍ଟୁ ଆନାଡ୍ ।”
- ୯ “ଏପ୍ ଦାମ୍ ଡିଂ ଜିଉନତାୟନା ଆରି ଅଦାମ୍ କାତାତିଂ ବାନ୍‌ଧା କିତାୟନା,
- ଲାଗିଂ ହେଦାଂ ଏ ଇସ୍‌ସ୍‌ର ମି ଇସ୍‌ସ୍‌ର ମିଙ୍ଗେଙ୍ଗ୍ ବାଟିକିଡ୍‌ତାନ୍ନା,
- ମି ହାଙ୍ଗ୍‌ଦାକାର୍ ବାଟା ନିଙ୍ଗେଙ୍ଗ୍ ଆଦିକ୍ ଝାରି ଲାକେ ଚିକାଣ୍ଡାଂ ସିଗ୍‌କିତାନ୍ନା ।”
- ୧୦ ହେୱାନ ଆରେ ପା ଇଚାନ୍ନା,
- “ଏ ମାପୁ, ଏନ୍ ମୁଡ୍‌ଦାଂ ପୁତ୍ ତ କୁନାଦି ରଟ୍‌ଚି ମାଚାୟ୍,
- ଆରେ ଆକାସକାଂ ନି କେଇଦାଂ ରଟ୍‌ଚି କାମାୟ୍ ।”
- ୧୧ “ହେ ସବୁ ବୁଡାନିକ୍, ମତର୍ ଏନ୍ ନିଡ୍ରେଡିର୍,
- ଆରେ ହେ ସବୁ ଆଙ୍ଗିଙ୍ଗ୍ ଲାକେ ଜିରା ଆଜି ହାନିଙ୍ଗ୍ ।”
- ୧୨ “ଆରେ ଏନ୍ ହେୟା ଲାକେ, ଆଁ ଆଙ୍ଗିଙ୍ଗ୍ ଲାକେ ହେ ସବୁ ପରିକିଦ୍‌ନାଡ୍, ଆରେ ହେ ସବୁ ବାଦ୍‌ଲାନାଡ୍ ।
- ମତର୍ ଏନ୍ ନିଡ୍ରେ ସମାନ, ଆରେ ନି ଜିରୁନ୍ ସବୁ ଇନିଞ୍ଜାଡାଂ ଝିଜୁଡ୍ ।”
- ୧୩ “ଆରେ ଆପ୍ ଏଚେକ୍ ପାଡେକ୍ ମି ସାଡୁରିଂ ମି ପାନା ତାରେନ୍ ଇଡ୍‌ଞ୍ଜାତାପ୍‌ନା ।
- ହେପାଡେକ୍ ମା ଡିନାକେଇ ନିପ କୁଟ୍‌ଚି ମାନାଟ୍,
- ଇଦାଂ ହେୱାନ ଦୁଡ୍‌ର୍ ବିତ୍ରେ ଇନେରିଂ ଇନାଞ୍ଜାଡାଂ ଇନ୍‌ଞ୍ଜାତାନ୍ନା ।”
- ୧୪ ଲାଗିଂ ସାଗେଦୁଡ୍ ଇନେର୍ ? ହେଝେକ୍ ଆନିକା ଇସ୍‌ସ୍‌ରତି ହେବାକାରି, ମୁକ୍‌ଡାନି ମାନାୟାର୍‌ତି ଉପକାର୍ କାଜିଂ ଇସ୍‌ସ୍‌ର ହୁକେ ପକ୍ୟାତି ଜିରୁନିଂ ।

୨

ଗାଜା ମୁକ୍‌ଡାନାକା

୧ ଲାଗ, ଝେଚି କାତାତିଂ ଆଦିକ୍ ମାନ୍ ଦିଆନ୍ ଇଟ୍‌ନାକା ମା ଲଡା, ନଲେ ଏଚେକାଡ୍‌ଦ ମା ଇଟ୍‌କାଡ୍ ବାଙ୍ଗାନାଡ୍ । ୨ ଇନାକିଦେଂକି ପର୍ତ୍ତୁମ୍ ଇସ୍‌ସ୍‌ର ସାଗେନି ଦୁଡ୍‌ର୍ ଲାହାଂ ଇମ୍ଫଣି କାବୁର୍ ଝେଟ୍‌ଚାତାଣ୍ଟା ହେଦାଂ ହାଡ୍‌ପା ଇଞ୍ଜି ପାର୍ମାଣ୍ ଇମ୍ଫଣାକାର୍ ଅମାନ୍ୟା ଆଜି ପାଲି କିଉରା ହେୱାର୍ ପାୟାନି ନିୟାୟ୍ ପାୟାତାଣ୍ଟା । ୩ ଝାଟିଂ ଏଲେଙ୍ଗ୍ ଗାଜା ମୁକ୍ତି ଆନାକା ଏଲା କିଡିସ୍ ଆସେଙ୍ଗ୍ ଇନେସ୍ ରାକ୍ୟା ପାୟାନାସ୍ ? ହେଦାଂ ତ ପର୍ତ୍ତୁମ୍ ମାପୁତି ହୁଦାଂ ଇନ୍‌ଧା ଆଜି ଝେଚି ଲୁଗାତ୍ ହୁଦାଂ ମା ଲାଗାୟ୍ ପାର୍ମାଣ୍ ପୁରା ଆତାଡ୍; ୪ ହେ ବିସ୍ତେ ଇସ୍‌ସ୍‌ର ପା ଜାର୍ ଇଚା ଇସାପ୍ରେ ବାର୍‌ବିନି ଚିନ୍ ଆରି କାବାନି କାମାୟ୍ ଆରେ ବାରବିନି ସାକ୍ତିନି କାମାୟ୍ ଆରି ପୁଇପୁୟା ଜିରୁକ୍ତି ଆଦେକ୍ ଦାନ୍ ହୁଦାଂ ସାକି ହିଡ୍‌ତାନ୍ନା ।

ଜିସୁ ବାଡ୍ ଗାଗାଡ୍ ଆସ୍ତାନ

୫ ଇନାକିଦେଂକି ଇମ୍ଫଣି ଏଡୁ ପୁତ୍ ନି କାତା ଆସେଙ୍ଗ୍ ଇନାସା, ହେଦାଂ ହେୱାନ ଦୁଡ୍‌କ୍ତି ତଲ୍ୟା କିଡ୍‌ଞ୍ଜାତାନ୍ନା । ୬ ଇନେକିଦେଂକି ଦରମ୍ ସାସ୍ତ୍‌ରତ ଲେକାତାଡ୍‌ନା, ଇମ୍ଫଣି ବାହାତ ଇ କାତା ଇଞ୍ଜି ସାକି ହିଡାନ୍ନା ମାନାୟ୍ ଇନେର୍ ।

ଜେ ଏପେଙ୍ଗ୍ ହେୱାନିଂ ଏଡ୍ କିଜି ମାନାଦେର୍ ?

ମାନାୟ୍ ମାଜି ଇନେର୍ ଜେ,

ଏପେଙ୍ଗ୍ ହେୱାକ୍ତି ଜାତୁନ୍ ଅନାଦେରା ?

୭ ଏପେଙ୍ଗ୍ ଦୁଡ୍‌ର୍‌ତାଂ ତାଙ୍ଗେଙ୍ଗ୍ ଅଲପ୍ ତଲ୍ୟା କିତାଦେଣ୍ଟା ।

ଏପେଙ୍ଗ୍ ହେୱାନିଂ ଜାଜ୍‌ମାଲ୍ ଆରି ସନ୍‌ମାନି ମୁକ୍‌ର୍ ଲାକେ ତୁଜି କିତାଦେଣ୍ଟା,

୮ “ଝିଜୁ ବିସ୍ତେ ଜପି ଏପେଙ୍ଗ୍ ହେୱାନ ପାନା ତାରେନ୍ ଇଡ୍‌ତାଦେଣ୍ଟା ।”

ହାପ୍‌ରଚେ ହେ “ଝିଜୁ ବିସ୍ତେଡିଂ ହେୱାକ୍ତି ତଲ୍ୟା କିଦେଙ୍ଗ୍ ଇମ୍ଫଣି ବିସ୍ତେ ହେୱାକ୍ତି ତଲ୍ୟା କିଞ୍ଜାଦାଂ ପିଞ୍ଜାତାନ୍ନା ।” ଆପେଂ ଇ ପାଡେକ୍ ଝିଜୁ ବିସ୍ତେ ହେୱାକ୍ତି ତାରେନ୍ ଆନାକା ହୁଡ୍‌ଞ୍ଜାତାପ୍‌ନା ହାଡ୍‌ପା, ୯ ଆପେଂ

ହୁଡ଼ନାପା ଇନେସ୍ ଜିସୁ ଦୁଡ଼କୁତାଂ ଅଲପ୍ ତଲ୍ୟା ଆଜି ମାଚାର, ହେଞ୍ଜାନିଂ ଇତିସ୍ ଜିସୁ ହାକିନି ଦୁକ୍‌ବଗ୍ କାଜିଂ ଜାଜ୍‌ମାଲ୍ ଆରି ମାନିନି ଲାକେ ମୁକୁର୍ ଉସ୍‌ପିସ୍ ମାନାକା ହୁଡ଼ନାପା, ଇନେସ୍ ଇସ୍‌ରତି ଦୟାତ ଜାଣକେ ମାନାୟ୍ କାଜିଂ ହେଞ୍ଜାନ୍ ହାକିତିଂ ହୁଡ଼ତାନ୍ନା । ୧୦ ଇନାକିଦେଂକି ଇନେରତି କାଜିଂ ଆରି ଇନେରତି ହୁଦାଂ ଝିନ୍ଦୁ ବିସ୍ତେ ଉବ୍‌ଜାଣ୍ ଆତାଡ଼ନ୍ନା, ଆଦେକ୍ ହିମ୍‌ଶାକାଂ ଜାଜ୍‌ମାଲ୍‌ତାଂ ହଟ୍‌ପେଦେଂ ହେଞ୍ଜାରତି ମୁକ୍‌ତାୟ୍‌କିନି ମୁଣିକାଂ ଦୁକ୍‌ବଗ୍ ହୁଦାଂ ବାତ୍ କିନାକା ହେଞ୍ଜାନ୍ତି ହାର୍ ମାଚାତ୍ । ଜିସୁ ନେ ମୁକ୍‌ତାନି ହାଜି ଚଟ୍‌ଚାନାନ୍ ।

୧୧ ଲାଗିଂ ଜିସୁ ଆରି ଇମ୍‌ଶାକାରିଂ ପୁଇପୁୟା ଆନାର୍, ହେଞ୍ଜାର୍ ଝିଜାର୍ ର ଆବାରତି ହିମ୍‌ଶାଂ; ହେଦାଂ କାଜିଂ ହେଞ୍ଜାନ୍ ହେଞ୍ଜାରିଂ ଟଣ୍ଡେନ୍ ଆରି ତଣ୍ଡେକ୍ ଇଞ୍ଜେକ୍ ଲାଜୁ ଆଉନ୍, ୧୨ “ହେଞ୍ଜାନ୍ ଇସ୍‌ରତିଂ ଇନାନ୍,”

“ଆନ୍ ଜାର୍ ଟଣ୍ଡାର୍ ଆରି ତଣ୍ଡେକ୍ ଲାଗାୟ୍ ନି ତର୍ ସୁଣାୟ୍ କିନାକ୍, ମଣ୍ଡଲି ବିତ୍ରେ ନି ଝାରିକିୟ୍ କେରକଣ୍ କେରନାକ୍ ।”

୧୩ ହେଞ୍ଜାନ୍ ଇଦାଂ ଇଚାନ୍ନା “ଆନ୍ ଇସ୍‌ରତାକେ ପାତ୍ ଇଡ଼ନାକ୍ ।” ଆରେରଗ, ଇଦାଂ ହୁଡ଼ାଟ୍, ଆନ୍ ଆରି “ଇସ୍‌ର ହିଡ଼ତି ନା ହିମ୍‌ଶାକ୍ ।”

୧୪ ହେଞ୍ଜାନ୍ ଇମ୍‌ଶାକାରିଂ, ହିମ୍‌ଶାକ୍ ଇଞ୍ଜି ଇନାରା, ନେତେର୍ ଜେଇନି ମେହାତିଲେ ହେଞ୍ଜାନ୍ ପା ନିଜେ ହେ ଲାକେ ହେବେନି ମିହାତାନ୍, ଇନେସ୍ ହାକି ହୁଦାଂ ହାକିନି ଆଦିକାରତିଂ, ଇତିସ୍ ସୟ୍‌ତାନ୍ତିଂ ନାସ୍ କିନାନ୍ ୧୫ ଆରେ ହାକିନି ପାଣ୍ଡୁତିଂ ଇମ୍‌ଶାକାର୍ ସବୁଝେଡ଼ାକ୍ ଆଡ଼ିଏନ୍ ମାଚାର, ହେଞ୍ଜାରିଂ ହେଞ୍ଜାନ୍ ଉଦାର୍ କିନାନ୍ । ୧୬ ଇନାକିଦେଂକି ହାଡ଼ପାନେ ହେଞ୍ଜାନ୍‌ତ ସାଗେ ଦୁଡ଼ରତି ଜାତୁନ୍ ଅଞ୍ଜାଦାଂ ଅଗ୍ରାହାମ୍‌ତି ଲାତ୍ରା ହିମ୍‌ଶାକାଂ ଉପକାର୍ କିତାର୍ । ୧୭ ଲାଗିଂ, ଝିନ୍ଦୁ ବିସ୍ତେ ଜାର୍ ଟଣ୍ଡାରତି ଲାକେ ଆନାକା ହେଞ୍ଜାନ୍ତି ଲଡ଼ା ମାଚାତ୍, ଇନେସ୍ ହେଞ୍ଜାନ୍ ମାନାୟାତ୍ ପାପ୍‌ନି କେମା କାଜିଂ ଇସ୍‌ରତି ହେବା ବିସ୍ତେ ରଞ୍ଜାନ୍ ଦୟା ନିକାନ୍ ଆରି ପାତ୍ ନି ମୁଡ଼୍ ମାପୁହେବାକିନାକାନ୍ ଆନାନ୍ । ୧୮ ଇନାକିଦେଂକି ହେଞ୍ଜାନ୍ ନିଜେ ପରିକ୍ୟାକିୟାଜି ଦୁକ୍‌ବଗ୍ କିଜିମାତିଲେ ପରିକ୍ୟାକିୟା ଆଜି ମାନି ମାନାୟ୍‌ତିଂ ଉପକାର୍ କିନି କାଜିଂ ଆଡ଼ନାନ୍ ।

୩

ଜିସୁ ମସାତାଂ ଗାଜାକାନ୍

୧ କ୍ରିସ୍ଟୁକ୍ ପାତ୍ କିନି ଟଣ୍ଡାର୍ ଆରି ତଣ୍ଡେକ୍ ଲାଗିଂ, ହେଞ୍ଜାନ୍ ସାଗେନି କୁକ୍ୟାତିତ ମେହାଜି ପୁଇପୁୟା ଟଣ୍ଡାର୍ ଆରି ତଣ୍ଡେକାଦେର୍, ମା ପାତ୍ ନି ଇସାବ୍‌ରେ ପକ୍ୟାତାକାନ୍ ଆରି ମୁଡ଼୍ ମାପୁହେବାକିନାକାନ୍ ଜିସୁତି ବିସ୍ତେ ଏଡୁ କିଜି ହୁଡ଼ାଟ୍; ୨ ମସା ଇନେସ୍ ଇସ୍‌ରତି ଇଲ୍ ବିତ୍ରେ ପାତ୍ କିନାକାନ୍ ମାଚାନ୍, ଜିସୁ ହେ ଲାକେ ଜାର୍ ବାଟିକିତି ମୁଣିକା କାଜିଂ ପାତ୍ ମାଚାନ୍ । ୩ ଇଲ୍ ବାଟା ଇଲ୍‌ନି ରଟ୍‌ତି ମୁଣିକା ଇନେସ୍ ଆଦିକ୍ ଝାରିକିୟା ଆନାନ୍, ହେ ଲାକେ ହେଞ୍ଜାନ୍ ମସାତି ବାଟା ଜିସୁ ଆଦିକ୍ ଜାଜ୍‌ମାଲ୍‌ନି ଜଗ୍ ଇଞ୍ଜି ଗାଣା କିୟାତାନ୍ନା । ୪ ଲାଗିଂ ଜାଣକେ ଇଲ୍ ଇମ୍‌ଶାକା ପା କି ଇମ୍‌ଶା ଲଗୁତି ହୁଦାଂ ରଟ୍‌ଚାକା, ମତର୍ ଝିନ୍ଦୁ ବିସ୍ତେ ଜେ ରଟ୍‌ତିମୁଣିକା, ହେଞ୍ଜାନ୍ ଇସ୍‌ର । ୫ ହେବାକାରୟା ବାବ୍ରେ ପାଚେ ଇତି ବିସ୍ତେ ସାକି ହିନି କାଜିଂ ମସା ହେଞ୍ଜାନ୍ତି ଇଲ୍ ପା ହେବା କିନାକାନ୍ ଲାକେ ହାଡ଼ପାରଚେ ପାତ୍ ମାଚାନ୍ । ଆରି ହେଞ୍ଜାନ୍ତି କାମାୟ୍ ଇସ୍‌ର ପାଚେନି ଦିନ୍ତ ଝେରତି ମାଚାନ୍ ୬ ମତର୍ କ୍ରିସ୍ଟୁମାଜି ଲାକେ ଇସ୍‌ରତି ଇଲ୍ ଜପି ମାଜି ଲାକେ ପାତ୍ ଲାକେ; ଜଦି ଆସେକ୍ ମାଦାଂ ସାସ୍ ଆରେ ଗରବ୍‌ନି କାରଣ୍ ଜେ ମା ବାସ୍, ହେଦାଂ ଆଟ୍‌ଞ୍ଜା ବାବ୍ରେ ହାରିହାରା ପାଚେକ୍ ଆସ୍ତି ଇଡ଼ନାସ୍, ତା ଆଡ଼ିସ୍ ଆସେକ୍ ତ ହେଞ୍ଜାନ୍ତି ଇଲ୍ ଲାକେ ଆନାସ୍ ।

ଇସ୍‌ରତି ମାନାୟାତ୍ କାଜିଂ ଜମ୍‌ନାକା

୭ ଲାଗିଂ ପୁଇପୁୟା ଜିବୁନ୍ ଇନେସ୍ ଇନାନ୍, ନେଞ୍ଜେକ୍ “ଜଦି ଏପେକ୍ ଇସ୍‌ରତି କାତା ଝେନାଦେର୍,”
 ୮ ଇନେସ୍ ରିସା କିୟ୍‌କିନି ବାହାତ ଆରି ବାଟାତ ପରିକ୍ୟା ନାଜିଂ ଗିଟାଜି ମାଚାତ୍,
 ହେ ଲାକେ ଜାର୍ ଜାର୍ ମାନ୍ତିଂ ଆଟ୍‌ଞ୍ଜା କିମାଟ୍;
 ୯ ଇସ୍‌ର ଇନାନ୍, ହେ ବାଟାତ ମି ଆବା ଲାତ୍ରାର୍ ଇସ୍‌ର ମାକ୍ ସାକ୍ତି ଆରି କାମାୟ୍ ପରିକ୍ୟା କିଜି ହୁଡ଼ତାନ୍,
 ଆରେ ରିକଡ଼ି ବାହୁଁ ପାଚେକ୍ ମା କାମାୟ୍ ହୁଡ଼ତାନ୍ ।
 ୧୦ ଲାଗିଂ ଆପ୍ ଇ ବସ୍ କାଜିଂ ରିସା ଆଜି ଇଚାପ୍,
 ହେଞ୍ଜାର୍ ନିତ୍ରେ ମାନ୍ତ ବୁଲ୍‌କା ଆତାଣ୍ଟା,
 ହେଞ୍ଜାର୍ ମା ହାଜି ସବୁ ପୁନ୍‌ଞ୍ଜାତାଣ୍ଟା ।
 ୧୧ ଆନ୍ ରିସାତ ପାର୍ମାଣ୍ କିତାକ୍,

ଆନ୍ ଇମଣି ଦେସତ

ହେଝାରି ଜମ୍ଦେ ହିତାଙ୍ଗନା ହେ ଦେସତ ହେଝାର ମୁଡେ ହଣ୍ଡେଙ୍ଗ ଆଡୁର୍ ।

୧୨ ଏ ଟଣ୍ଡାର ଆରି ତଣ୍ଡାଦେକ୍, ଜାଗ୍ରତ୍‌ଆତ, ମି ବିତ୍ରେତାଂ ଇନେରତି ଖାସ୍ତି ଇନେସ୍ ପାପ୍ ଆରି ପାତ୍ କିଝାକାତ ବାତ୍ ଆଜି ଜିବୁନ୍‌ତି ଇସ୍‌ରତି କାଜିଂ ଦେହା ଆମାଟ୍ । ୧୩ ମତର୍ ଏଚେକାଡ୍‌ଦ ପାପ୍‌ନି ଟକାୟ୍ ହୁଦାଂ ମି ବିତ୍ରେ ଇନେର୍ ଆଟ୍‌ଝା ମାନ୍ ଆତିସ୍, ଇଦାଂ କାଜିଂ “ନେଞ୍ଜେଙ୍ଗ୍” ପାଗ୍ରା ମାନ୍ ମାନ୍ ସବୁ ଦିନ୍ ହାରି ଖାରି କିୟାଟ୍, ୧୪ ଇନାକିଦେଂକି ଆରମ୍‌ତାଂ ମାଦାଂ ଇମଣି ପାତ୍ ମାଚାଡ୍, ହେଦାଂ ଜଦି ହାରିହାରା ପାତେକ୍ ଆଟ୍‌ଝା କିଜି ଆସ୍ତି ଇଡ୍‌ନାସ୍, ତା ଆତିସ୍ କ୍ରିସ୍ତତି ମେହାଜି ମାନାସ୍ ।

୧୫ ଏ ପାତ୍ କିନି ଟଣ୍ଡାର, ଜାଗ୍ରତ୍, ମି “ବିତ୍ରେତାଂ ଇନେରତି ଜିବୁନ୍ ଇନେସ୍ ପାପ୍ ଆରି ପାତ୍ କିଝାଦାଂ ବାତ୍ ଆଜି ଜିବୁନ୍ ଇସ୍‌ରତି କାଜିଂ ଦେହା ଆମାଟ୍ ।”

୧୬ ଖାଟିଂ ଇମଣାକାର ଇସ୍‌ରତି କାବୁର୍ ଝେନ୍‌ଞ୍ଜି ରିସା ଉବ୍‌ଜାୟ୍ କିତାର୍ ? ମସାତି ହୁଦାଂ ମିସର୍ ଦେସତାଂ ଇନେର୍ ହସି ଖାଜି ମାଚାର୍, ହେ ଝିଜାକାର ଇନାକା ହେଝାର୍ ଆକାୟ୍ ? ୧୭ ଆରେ ଇନେରତି ଜପି ରିକତି ବାହୁଁ ପାତେକ୍ ହେଝାନ୍ ରିସା ଆଜି ମାଚାନ୍ ? ଇମଣାକାର ପାପ୍ କିଜି ମାଚାର୍, ଇମଣାକାତ୍ ମାଡ୍ ବାଟାତ ଆଜ୍ ମାଚାଡ୍, ଇନାକା ହେଝାର୍ ଆକାୟ୍ ? ୧୮ ଇସ୍‌ର ଏଚେକାଡ୍‌ଦ ପାର୍ମାଣ୍ କିଜି ଇଞ୍ଜି ମାଚାନ୍ ଜେ, ହେଝାର୍ ହେଝାର୍‌ତି ଜମ୍‌ନିତ ଇମଣାକାର ଅମାନ୍ୟା ଆଜି ମାଚାର୍, ହେଝାରିଂ ପିସ୍ତି ଆରେ ଇମଣାକାର ବିରୁଦ୍‌ତ ହେଝାନ୍ ପାର୍ମାଣ୍ କିଜି ମାଚାର୍ ଜେ, “ହେଝାର୍ ହେଝାନ୍ତି ଜମ୍‌ନିତାକେ ହଣ୍ଡେଙ୍ଗ୍ ?” ୧୯ ଲାଗିଂ ଆସେଙ୍ଗ୍ ହୁଡ୍‌ନାସ୍ ଜେ, ପାତ୍ କିଝାକାର କାଜିଂ ହେଝାର୍ କିଶାନ୍ ଦେସତ ହଣ୍ଡେଙ୍ଗ୍ ଆଡ୍‌ଝାତାର୍ ।

୪

୧ ମାଙ୍ଗେଙ୍ଗ୍ ଇମଣି ଜମ୍‌ନାକା ହିଦ୍‌ନାନ୍ ଇଞ୍ଜି ଇସ୍‌ର ଇଞ୍ଜି ମାଚାନ୍, ହେଦାଂ ଆପେଂ ପାୟାନ୍‌ପା ଇଞ୍ଜି ଇସ୍‌ର ପାର୍ମାଣ୍ କିତାନ୍‌ନା ଲାଗିଂ ଆସେଙ୍ଗ୍ ପାଣ୍ଡୁ ଆନାସ୍, ଏଚେକାଡ୍‌ଦ ଇସ୍‌ର ଜମ୍‌ନିତ ହଣ୍ଡେଙ୍ଗ୍ ପାର୍ମାଣ୍ ମାନି ବାହାତ ପା ମି ବିତ୍ରେ ଇନେର୍ ହେବେଣ୍ଡାଂ ଉଣା ଆତି ଲାକେ ଚଞ୍ଜୟାନ୍‌ନା । ୨ ଇନାକିଦେଂକି ହେଝାର୍‌ତି ଲାଗେ ଇନେସ୍, ମା ଲାଗାୟ୍ ପା ହେ ଲାକେ ନେକ୍ରିକାବୁର୍ ସୁଣାୟ୍ କିତାକା ଝେଟାପ୍, ଝେନାକାର ପାତ୍ ହୁଦାଂ ହାଦ୍ କାତା ଲାଗେ କିଝାଦାଂ ହେଦାଂ ହେଝାର୍‌ତି ପାକ୍ୟାତ ଲାବ୍ ଆଝାତାଡ୍ । ୩ ଲାଗିଂ ପାତ୍ କିନାସା ଜେ ଆସେଙ୍ଗ୍, କେବଲ୍ ଆସେଙ୍ଗ୍ ହେ ଜମ୍‌ନିତାକେ ହଣାସ୍, ଇନେସ୍ ଇସ୍‌ର ଇଞ୍ଜାନ୍ନା,

ଲାଗିଂ “ଆପ୍ ଜାର୍ ରିସାତ ପାର୍ମାଣ୍ କିତାପ୍,

ହେଝାର୍ ମା ଜମ୍‌ନିତାକେ ହଣ୍ଡେଙ୍ଗ୍ କଡର୍ ।” ଜଦି ଇ ଜମ୍‌ନାକା ଜଗଡ୍‌ନି ଉବ୍‌ଜାୟ୍ ସମୁତାଂ ଜାଗ୍ରତ୍ ଆତାଡ୍‌ନା ।

୪ ଇନାକିଦେଂକି ଝିଜୁ ଦିନ୍ ବିସ୍ତେ ହେଝାନ୍ ଇମଣାକା ପା ବାହାତ ଇ ବାନି ଇଞ୍ଜାନ୍ନା, “ଇସ୍‌ର ସାଡ୍ ଦିନ୍ତ ଜାର୍‌ତିଂ ଝିଜୁ କାମାୟ୍‌ତାଂ ଜମ୍‌ତାନ୍ ।” ୫ ଆରେ ଇ ବିସ୍ତେ ବିନ୍ ବାହାତ ଲେକାତାଡ୍‌ନା ଇସ୍‌ର ଆରେରଗ ଇଚାନ୍ନା, “ହେଝାର୍ ମା ଜମ୍‌ନିତାକେ ହଣ୍ଡେଙ୍ଗ୍ ।” ୬ ଇମଣାକାର ପର୍ତୁମ୍ ନେକ୍ରିକାବୁର୍ ଝେନ୍‌ଞ୍ଜି ମାଚାର୍, ଜାର୍‌ତି ପାତ୍ କିଝି କାଜିଂ ହେ ପାତ୍ ଲାବ୍ କିଦେଙ୍ଗ୍ ଆଡ୍‌ଝାଦାଂ ମାଚାର୍ । ନଙ୍ଗ୍ ବିନ୍‌ନିକାର୍ ହେ ଆରେ ଇମଣାକାତ୍ ଲାଗାୟ୍ ନେକ୍ରିକାବୁର୍ ଆଗେ ପରଚାର୍ ଆଜି ମାଚାଡ୍, ହେଝାର୍ ଅମାନ୍ୟା କାଜିଂ ହଣ୍ଡିତିଲେ ହେଝାନ୍ ଆରେ ରଗ ୭ ଆରେ ର ଦିନ୍, ଇତିସ୍ “ନେଞ୍ଜେଙ୍ଗ୍” ତିର୍ କିଜି ଏଚେକ୍ କାଡ୍ ପାତେ ଦାଉଦ୍‌ତି ପତିତ ଇନାନ୍ନା, ଇନେସ୍ ଆଗେ ଇନ୍‌ୟା ଆତାଡ୍‌ନା,

“ନେଞ୍ଜେଙ୍ଗ୍ ଜଦି ଏପେଙ୍ଗ୍ ଇସ୍‌ରତି କାବୁର୍ ଝେନାଦେର୍,

ଜାର୍ ଜାର୍ ମାନ୍‌ତିଂ ଆଟ୍‌ଝା କିମାଟ୍ ।”

୮ ଇନାକିଦେଂକି ଜଦି ଜିହସ୍‌ୟ୍ ମାନାୟାରିଂ ଇସ୍‌ରତି ପାର୍ମାଣ୍ ଜମି କିତାନ୍‌ମା, ଖାଟିଂ ଇସ୍‌ର ପାତେ ବିନ୍ ର ଜମ୍‌ନାକା କାତା ଲେକି କିଝାତାନ୍‌ମା । ୯ ଲାଗିଂ ଇଦାଂ ବୁଜାନ୍‌ନାକା ଜେ, ସାଡ୍ ଦିନ୍‌ତ ଇସ୍‌ର ଜମ୍‌ନି ଲାକେ, ତା ଲକୁ କାଜିଂ ର ଜମ୍‌ନିବାର୍ ସମୁ ଇଚ୍ୟାତାଡ୍‌ନା । ୧୦ ଇସ୍‌ର ଇନେସ୍ କାମାୟ୍‌ତାଂ ଜମ୍‌ତାନ୍ ଇନେରକି ଇସ୍‌ରତି ଜମ୍‌ନିତାକେ ହଟାଣ୍ଡା, ହେଝାର୍ ଜାର୍‌ତି କାମାୟ୍ ଖାହ୍‌ନିତାଂ ଜମ୍‌ତାର୍‌ନା । ୧୧ ଲାଗିଂ ମା ବିତ୍ରେତାଂ ଇନେର୍ ଇନେସ୍ ଜାର୍‌ତି ପାତ୍ କିଝି କାଜିଂ ହେ ମାନାୟାର୍ ଲାକେ ହେବେନି ଜମ୍‌ନିତାଂ ଜିଉନ୍ ଇଦାଂ କାଜିଂ ଆସେଙ୍ଗ୍ ହେ ଜମ୍‌ନିତାକେ ହଣ୍ଡେଙ୍ଗ୍ ଜାଡ୍‌ନ୍ କିନାସ୍, ଇନେସ୍ ଇମଣି ଲଗୁ ଅମାନ୍ୟା ତାଦାଂ ହେ ଉତର୍‌ମୁଡ୍ ଇସାପ୍ରେ ନସ୍ ଆଉଡ୍ ।

୧୨ ଇନାକିଦେଂକି ଇସ୍‌ରତି ବଚନ୍ ଜିବୁନ୍‌ନିକା ଆରି କାମାୟ୍‌ନିକା, ଆରେ ରି ଦାରା କାଣ୍ଡାତାଂ ଦାରା, ଆରେ ଖାସ୍ତି ଆରି ଜିବୁନ୍, ଗାଟି ଆରି ପ୍ରେନ୍ ମୁଟି ଆଲ୍‌ଗା ପାତେକ୍ ହଟାକା ଆରି ମାନ୍‌ତିନି ଚିତା ଆରି

ବାବନାନି ହାରୁଗାଜା ବିଚାରକାରୟା । ୧୩ ଇସ୍ବରତି ମୁମ୍ବ ଇମ୍ନାକା ପା ତୁରୁୟାଆଉଡ଼, ମତର ଇନାକାନ ଲାଗେ ମାଜେଙ୍ଗ ନାସ୍ ଆଦେ ଆନାଡ଼, ହେଖାନ୍ତି କାଣ୍ଗାତ ଝିଜୁ ବିସ୍ବେ ନାଗଡ଼ା ଆରି ତୁମ୍ବତାନାକା ।

ଜିସୁ ମୁଡ଼ି ମାପୁହେବାକିନାକାନ

୧୪ ଲାଗିଂ ସାଗେନି ଝିଜୁ ପା ହିଜି ହାଚିକନ୍ନା ଜେ ଇସ୍ବରତି ମାଜି ଜିସୁ, ହେଖାନ ମା ମୁଡ଼ି ମାପୁହେବାକିନାକାନ ଆତିଲେ ଝାଡୁ, ଆସେଙ୍ଗ ମା ପାତର୍ତି ଆଡ଼ଝା ବାବେ ଇଡ଼ନାସ୍ । ୧୫ ଇନାକିଦେଂକି ଇନେନ୍ ମା ବାଡ଼କାସହିଲ୍ଝିତ ମା କାଜିଂ ଦୟା ଚଚ୍ଚେଙ୍ଗ ଆଡୁସ୍, ମାଦାଂ ଏଲେଙ୍ଗ ମୁଡ଼ିମାପୁହେବାକିନାକାନ ହିଲୁନ୍, ଆଝିତିସ୍ ହେଖାନ ପାପ୍ ହିଲ୍ଝାକାନ ଆଜି ମା ଲାକେ ଝିଜୁତାକେ ପରିକ୍ୟାକିୟା ଆତାନ । ୧୬ ଆଝିତିସ୍ ଝାଡୁ, ଦୟାପାୟାନି କାଜିଂ ଆରେ ସମାନ ଝେଡ଼ାଲିଂ ଉପକାର୍ ଆନି ସୁସ୍ବାତିଂ ଗାଟାନି କାଜିଂ ଆସେଙ୍ଗ ସାସ୍ତାଂ ସୁସ୍ବାନି ଗାଦି ଲାଗେ ହାନାସ୍ ।



୧ ଇନାକିଦେଂକି ଜାଣକେ ମୁଡ଼ିମାପୁହେବାକିନାକାର ଇନେସ୍ ପାପ୍ କାଜିଂ ଆତାଡ଼ ଆରି ପୁଜା ହିନାକା, ହେଦାଂ କାଜିଂ ହେଖାନ ମାନାୟାତ ବିତ୍ତେତାଂ ଝାଜି ଇସ୍ବରତି ହେବା ବିସ୍ବେ ମାନାୟା ପାକ୍ୟାତାଂ ବାଚି କିୟାଆନାନ । ୨ ହେଖାନ ପୁନ୍ଝାକାର୍ ଆରି ବାମ୍ବତାନି ଲକାର୍ କାଜିଂ ଦୟା ଚଚ୍ଚେଙ୍ଗ ଆଡ଼ନାନ, ଇନାକିଦେଂକି ହେଖାନ ନିଜେ ବିନ୍ ବିନ୍ ବାନିନି ଦସ୍ ନାଦାର୍ ବାତର୍ ଆଜି ମାଟାନ, ୩ ଇଦାଂ କାଜିଂ ଲକାର୍ କାଜିଂ ଇନେସ୍, ଜାର୍ କାଜିଂ ପା ହେ ଲାକେ ପାପ୍ନି ପୁଜା ହିନାକା ହେଖାନ୍ତି ଲଡ଼ା । ୪ ଆରେ ଇନେର୍ ଇ ମୁଡ଼ିମାପୁହେବାକିନାକାନ ପାଦ୍ ନିଜେ ଇଚୁର୍, ମତର୍ ହାରଣ୍ ଇନେସ୍ କୁକ୍ୟାଆତାନ, ହେ ଲାକେ ଇସ୍ବତ୍ କିତି କୁଲ୍ୟା ଆନାକା ଲଡ଼ା ।

୫ ହେ ଲାକେ କ୍ରିସ୍ଟ ପା ମୁଡ଼ିମାପୁହେବାକିନି ପାଦ୍ନି ଜାଜ୍ମାଲ୍ ନିଜେ ତେକ୍ଝାଦାଂ ମାଟାନ, ମତର୍ ଇସ୍ବର୍ ହେଖାନିଂ ହେ ଜାଜ୍ମାଲ୍ ପାଦ୍ ହିଜି ମାଟାନ, ଇନାକିଦେଂକି ଇସ୍ବର୍ ହେଖାନିଂ ବାଚିକିଜି ଇଞ୍ଜି ମାଟାନ, “ଏନ୍ ମା ମାଜି, ନେଞ୍ଜେଙ୍ଗ୍ ଆପ୍ ନି ଆବା ଆତାପ୍ ।”

୬ ଆରେ ହେଖାନ ବିନ୍ ବାହାତ ପା ଇଚାନ୍ନା,
“ଏନ୍ ମଲ୍ଲକିସେଦକ୍ତି ଲାକେ
ଝିଜୁଝି ପାତେକ୍ ମାପୁ ହେବାକିନାକାନ ଆତାୟନା ।”

୭ ଇନେର୍ ହେଖାନିଂ ହାକିତାଂ ରାକ୍ୟା କିଦେଙ୍ଗ୍ ଆଡ଼ନାନ, ହେଖାନ୍ତି ଲାଗାୟା ହେଖାନ ଜାର୍ ପୁତର୍ ନି ଜିବୁନ୍ ମାନି ଝେଡ଼ାଲିଂ ବେସି ଆଡ଼ଜି ଆରି କାଣେଲିଂ ହୁକେ ପାତ୍ନା ଆରି ଗଝାରି କିଜି ମାଟାର୍, ଆରେ ଉତର୍ ଲାକେ ଆପଦ୍ତାଂ ରାକ୍ୟା ପାୟାଜି ହେଖାନ ହୁଦାର୍ ଆରି ଦାମ୍ ମାଟିଲେ ଇସ୍ବର୍ ଝେଟାନ । ୮ ଜଦି ଇସ୍ବରତି ମାଜି ମାଟାନ ହେଖାନ ଇସ୍ବର୍ ମାଜି ଆଡ଼ସ୍ପା ଦୁକ୍ବଗ୍ ହୁଦାଂ ବଲ୍ମମାନି କିଜି ହିକ୍ୟା କିତାନ, ୯ ଇ ଲାକେ ହାଦ୍ନାକାନ ଆଜି ହେଖାନ ହେଖାନିଂ ବଲ୍ ମାନିକିନାକାର୍ କାଜିଂ ଝିଜୁଝି ମୁକ୍ତି ବାଚିକିୟାତାନ । ୧୦ ଆରେ ହେଖାନ ଇଦାଂ କାଜିଂ ହେଖାନ ଇସ୍ବରତି କିତି ମଲ୍ଲକିସେଦକ୍ ମୁଣିକାପାଦ୍ ଲାକେ ମୁଡ଼ିମାପୁହେବାକିନାକାନ ଇଞ୍ଜି ତର୍ ଗାଟା ଆତାନ ।

ପାତର୍ ଆରାୟ କିନି ଅବସ୍ତା

୧୧ ଇ ବିସ୍ବେ ମାଦାଂ ବେସି କାତା ଇଞ୍ଜେଙ୍ଗ୍ ମାନକିନାପା, ଆରେ ଏପେଙ୍ଗ୍ ଝେଞ୍ଜେଙ୍ଗ୍ ହିଡ଼ି ଆଜି ମାଟିଲେ ହେବେନି ଅରଡ଼ ବୁଜାୟକିଦେଂ କସ୍ । ୧୨ ଇନାକିଦେଂକି ଆଡ଼ସ୍ପା ଏଚେକ୍ ସମୁ ବିତ୍ତେ ଏପେଙ୍ଗ୍ ମିଦାଂ ହିକିଡ଼ ଆନି ଲଡ଼ା ମାଟାଡ଼, ଆଡ଼ସ୍ପା ଇସ୍ବରତି ବଚ୍ଚ ମୁଡ଼ି ହାଦର୍ ହୁଡୁରିଂ ଇନେର୍ ଜେ ହିକ୍ୟା ହିନାନ, ଇଦାଂ ଆରେ ରଗ ମିଦାଂ ଲଡ଼ା ମାନାଡ଼; ଗାଜାକାର୍ ତିନି କାଦି ପାୟାନି ଲଡ଼ା ଆଝାଦାଂ ପାଲ୍ ମିଦାଂ ଲଡ଼ା ମାନାଡ଼ । ୧୩ ଇନେନ୍ ପାଲ୍ ଉଣାନ, ହେଖାନ ଦାମ୍ କାଡ଼ଦେ ଲାକେ ବଲ୍ମମୟ ବିସ୍ବେ ଗିଆନ୍ ଆକାୟ । ୧୪ ମତର୍ ବୁଡ଼ା ଲଗୁ, ଇତିସ୍ ଇମ୍ନାକାର୍ ଗିୟାନ୍ବୁଦିକାଂ ଅବ୍ୟାସ୍ ହୁଦାଂ ବଲ୍ମମୟ କିଦେଙ୍ଗ୍ ଆଡ଼ନାଦେର୍, ହେଖାର୍ କାଜିଂ ବେସି ତିନାକା ଲଡ଼ା ।



୧ ଲାଗିଂ, ଆସେଙ୍ଗ୍ କ୍ରିସ୍ଟି ବିସ୍ବେ ପର୍ତୁମ୍ନି ହିକ୍ୟା ପିସ୍ତ୍ର ହାକି କାରୁମ୍ତାଂ ମାନବାଦ୍ଲାୟ କିଜି, ଇସ୍ବର୍ ତାକେ ପାତର୍ କିଜି, ୨ ବାର୍ବିନି ବାପ୍ତିସ୍ମି ବିସ୍ବେ ହିକ୍ୟା, କେଇହିନାକା, ହାତାକାତର୍ ଆରେ ନିନାକା ଆରି ଝିଜୁଝି ବିଚାର୍ ଲାକେ କୁନାଦି ଆରେ ରଗ କୁଚିକିଝାଦାଂ ବାତର୍ ଲାବ୍ କିନି କାଜିଂ ହାନାସ୍ । ୩ ଆଁ, ଇସ୍ବର୍ ଇନାକା ବଲ୍ ହିଡ଼ତାନ୍ନା ଝେଚ୍ଚିତିସ୍ ଆସେଙ୍ଗ୍ ଇଦାଂ କିନାସ୍ ।

୪ ଇନାକିଦେଂକି ଇମ୍ମଣାକାର ରଗ ଅଜଡ଼ ଗାଗା ଆତାର୍ଣ୍ଣା, ସାଗେନି ଦାନ ଖେଣ୍ଡାନ୍ନା, ପୁଇପୁୟା ଜିବୁନ୍ନି ମେହାଣ୍ଡ ଆତାନ୍ନା, ୫ ଇସ୍ବରତି ହାଦର୍ ବଚନ୍ ଖାନି କାଡ଼ନି ଜୁଗ୍ ସାଲ୍ଲିତିଂ ଖେଣ୍ଡାନ୍ନା, ୬ ଆତିସ୍ପା ହେଖାର ପାତର୍ ପିସ୍ତାଣ୍ଣା ଲାଗିଂ ଆରେରଗ ମାନବାଦଲ୍ଲାଇ କାଜିଂ ଆରେ ରଗ ପୁନି କିୟକିଦେଂ ଅମାନ୍ୟା, ଲାଗିଂ ହେଖାର ଜାର ଜାରତି ନାସ୍ କାଜିଂ ଇସ୍ବରତି ମାଜି, ଆରେ କୁସ୍ବତ ହେଲ୍ଲାଇ ଆତି ଜିସୁ ହୁଡ଼କୁତ ହେଖାନିଂ ନିନ୍ଦା ଲକୁ କିତାର ।

୭ ଇମ୍ମଣି ମେଦନି ଜାର ଜପି ରଗତିଂ ରଗ ବୁଡାତି ବାହା ଏଜୁଙ୍ଗ ଉଣାଡ଼, ଆରେ ଇମ୍ମଣାକାତର୍ କାଜିଂ ହେଦାଂ ତାସ୍ କିତିସ୍, ହେଖାରତି ବାଡ଼ଦି କୁଚାଙ୍ଗ ଉପଜା ଆନାଡ଼, ହେଦାଂ ଇସ୍ବରତାଂ ଆସିର୍ବାଦ୍ ଗାଗା ଆନାଡ଼ । ୮ ମତର ମେଦନି ଜଦି ଖାଡ଼ିକୁଡ଼ି ଆରି କାରା ଆନାଡ଼, ଲାଗିଂ ହେଦାଂ ଇନାକାପା ମଲ୍ଲ ହିଲ୍ଲଖାକା । ହେଦାଂ ଇସ୍ବରତି ସାଇପ୍ ଆନାଡ଼ ଆରି ନାଣିତ କାଡ଼ନାଡ଼ ।

୯ ମତର ଏ ଖାରିନିକାଦେର, ମାଦାଂ ଆତିସ୍ପା ଏଲେଙ୍ଗ ଇନାସା, ଆତିସ୍ପା ମି ଅବସ୍ତା ଜେ ତା ତାଂ ନେକ୍ରାକା ଆରି ମୁକ୍ତାନାକା ପାୟାଦେଂ ମା ଆହା ମିହାତାକା, ଇଦାଂ ଆପେଂ ହାର କିଜି ପାତର୍ କିନାପା । ୧୦ ଇସ୍ବର ଅନ୍ୟାୟ କିଉନ୍ । ମି କାମାୟ, ବେସି କିଜି ସାଦୁରିଂ ହେବା କିଜି ଇସ୍ବର ତର କାଜିଂ ଏପେଙ୍ଗ ଇମ୍ମଣି ଖାରି ହପ୍ତି ଖାନାଦେରା ହେଦାଂ ହେଖାନ୍ ବାଣା ଆଉନ୍ । ୧୧ ମତର ମାଦାଂ ରଞ୍ଜାଙ୍ଗ ଇଚା ଜେ, ଏପେଙ୍ଗ ଜାଣକେ ହାରିହାରା ପାତେକ୍ ପା ତାଟ୍ ବାସ୍ ଲାହାଙ୍ଗ ହେ ଲାକେ ଜାଡୁନ୍ ଆଡୁ, ୧୨ ତା ଆତିସ୍ ଏପେଙ୍ଗ ଇନାଖାଡ଼ାଂ ହିଡ଼ଡ଼ି ଆଖାଦାଂ, ଆଟ୍‌ଖା ପାତର୍ ସାସ୍ ହୁଦାଂ ପାର୍ମାଣ୍ଡାଂ ଆଦିକାରି, ନଲେ ହେଖାରତି ଆଦିକାରି ଆଡୁ ।

ଇସ୍ବତର୍ ପାର୍ମାଣ୍ଡ ଗୁଚାଖାକା

୧୩ ଇନାକିଦେଂକି ଇସ୍ବର ଏଚେକାଡ଼ଦ୍ ଅବ୍ରାହାମ୍ ଲାଗାୟ ପାର୍ମାଣ୍ଡ କିଜି ମାଚାନ୍, ହେ ଏଚେକାଡ଼ଦ୍ ହେଖାନ୍ ଆରେ ଇମ୍ମଣାକା ପା ଗାଜା ତର ଗାଗାଞ୍ଜିଲେ ଜାର ତରଦାଂ ପାର୍ମାଣ୍ଡ କିଜି ଇଞ୍ଜି ମାଚାନ୍, ୧୪ ହେଖାନ୍ ଇଚାନ୍ “ଆପ୍ ନିଙ୍ଗେଙ୍ଗ୍ ଆସିର୍ବାଦ୍ କିଦ୍ନାପ୍ ଆରି ନି ବ୍ସ୍ତିଂ ବେସି ବାତାୟ କିନାପ୍ ।” ୧୫ ଆରେ ଏଲେଙ୍ଗ୍ ବାନି ଲାମାହୁଦାର ଆଜି ଅବ୍ରାହାମ୍ ପାର୍ମାଣ୍ଡି ପାଡ଼ ଗାଗାଜି ମାଚାନ୍ । ୧୬ ମାନାୟାଡ଼ି ଗାଜା ତରଦ୍ ପାର୍ମାଣ୍ଡ କିଜି ମାନାର, ଆରେ କାତା ତିର କିନି କାଜିଂ ହେଖାରତି ଖିଜୁ ଗଣ୍ଡଗଲ୍ଲିନି ତିର ପାର୍ମାଣ୍ଡ ହୁଦାଂ ଆନାଡ଼ । ୧୭ ଲାଗିଂ ଇସ୍ବର ପାର୍ମାଣ୍ଡି ଆଦିକାରିର ଲାଗାୟ ଜାର ବେରଣ୍ଡି ଆଟ୍‌ଖା ଆଦିକ୍ ମେଲ୍ଲାତ ହପ୍ତେଂ ମାନ୍ କିଜି ପାର୍ମାଣ୍ଡ ଲାହାଂ କିଜି ମାଚାନ୍, ୧୮ ଇନେସ୍ ଇମ୍ମଣି ରିଣ୍ଡି ବାଦଲ୍ଲାଆଞ୍ଜି ବିସ୍ପେ ଇସ୍ବରତି ମିଟ୍ ଇନାକା ଆଉଡ଼, ତା ହୁଦାଂ ମୁମ୍ଦ ମାନି ବାସ୍ତିଂ ଆହ୍ନି କାଜିଂ ଆସା ବାହାତ ହଡ଼ାପ୍ନା ଜେ ଆସେଙ୍ଗ୍, ଆସେଙ୍ଗ୍ ତାଟ୍ ଖାରିକିୟା ଆନାସ୍ । ୧୯ ହେ ବାସ୍ତିଂ ମା ଖାସ୍ତିନି ଆକ୍ସା ଲାକେ ପୁଞ୍ଜେଙ୍ଗ୍ । ଇଦାଂ ଟେବାୟ କିନି ହିକ୍ଡ଼ିଂ ଲାକେ, ଆରେ ସାଗେ ମିନ୍ଦିରନ୍ ହେୟା ଆତି ଲାକେ ଗାଜା ପୁଇପୁୟା ବାହାତ ଏକାତାଡ଼ନା, ୨୦ ମାଦାଂ ଆରେ ଜିସୁ ହେ ବାହାତ ମଲ୍ଲକିସେଦକ୍ତି ଲାକେ ଖିଜ୍‌ଖି କାଡ଼ଦ୍ ମୁଡ଼ମାପୁହେବାକିନାକାନ୍ ଆଜି ମା ଆଗେ ଖାଡ଼ିଲାକେ ହଟାନ୍ନା ।



ମଲ୍ଲକିସେଦକ୍ତି ମାପୁହେବାକିନାନ୍ ପାଦ୍

୧ ଇ ମଲ୍ଲକିସେଦକ୍ ସାଲେମ୍ନି ରାଜା ଆରି ରଖାନ୍ ମତର ଇସ୍ବରତି ମାପୁହେବାକିନାକାନ୍ ମାଚାନ୍ । ଅବ୍ରାହାମ୍ ଆରି ତା ହାଙ୍ଗ୍‌ଖାରି ଚାରି ଜାଣ୍ ରାଜାରିଂ ଅସ୍ତି ମାସ୍ଦି ହାନି ଖେଡ଼ାଲିଂ, ମଲ୍ଲକିସେଦକ୍ ହେଖାନ୍ତି ଲାହାଂ ବେଟ୍ ଆଜି ଆସିର୍ବାଦ୍ କିଜି ମାଚାନ୍; ୨ ଅବ୍ରାହାମ୍ ପା ହେଖାନିଂ ଖିଜୁ ଜୁଜ୍ଜି ଦାନତାଂ ଦସ୍‌ବାଗ୍ ହିଜି ମାଚାନ୍ । ବିଡ଼ାୟ କିତିସ୍ ମଲ୍ଲକିସେଦକ୍ତି ଇଖାନ୍ତି ତରନି ଅରଡ଼ “ଦାମ୍ ରାଜା,” ସାଲେମ୍ତି ରାଜା, ଇତିସ୍, “ସୁସ୍ତା ରାଜା ।” ୩ ମଲ୍ଲକିସାଦକ୍ତି ଆବା କି ଆୟା କି ବ୍ସ୍ତି କି ଆଇସ୍ ଆରମ୍ ଆରି ଜିବୁନ୍ନି ଖିଜ୍‌ନାକା ମୁଡ଼େ ଜାଣା ଆକାୟ; ହେଖାନ୍ ଇସ୍ବରତି ମାଜି ଲାକେ କିୟାଆଜି ଖିଜ୍‌ଖି କାଡ଼ ମାପୁହେବାକିନାକାନ୍ ଆଜି ମାନ୍‌ଗାତାନ୍ନା ।

୪ ଲାଗିଂ ବାବି କିଜି ହୁଡ଼ାଟ୍, ଇ ମୁଣିକା ଇନେସ୍ତିଂ ଗାଜାକାନ୍ । ଆବା ଲାଡ଼ା କାଜିଂ ଅବ୍ରାହାମ୍ ହେଖାନିଂ ଖିଜୁଡ଼ିଂ ହାଦର୍ ତର କିତି ଦନ୍ ପା ଦସ୍ ବାଗ୍ ହିଜି ମାଚାନ୍ । ୫ ଲେବିରତି ହିମ୍ମଣାଙ୍ଗ୍ ବିଡ଼େ ଇମ୍ମଣାକାର ମାପୁହେବାକିନାକାର ପାଦ୍ ପାୟାନାର, ହେଖାର ମସାତି ବିଦି ଇସାପ୍ରେ ଲକାରତାଂ ଇତିସ୍ ହେଖାରତି ଟଣ୍ଡାରତାଂ ଦସ୍ ବାଗ୍ ଅଦେଂ ବଲ୍ ପାୟାତାଣ୍ଣା, ହେଖାର ଅବ୍ରାହାମ୍ତି ନେତେରତ ଜଲମ୍ ଆତିସ୍ ପା ହେଖାରତାଂ ଇଦାଂ ଇଡ଼ନାର, ୬ ମାତର ମଲ୍ଲକିସେଦକ୍ ଲେବି ଲାଡ଼ାନି ହିଲ୍ଲିତିସ୍ ପା, ହେଖାନ୍ ଇସ୍ବରତାଂ ପାର୍ମାଣ୍ଡି ଅବ୍ରାହାମ୍ତାଂ ର ଦସ୍ ବାଗ୍ ଅଜି ଆସିର୍ବାଦ୍ କିଜି ମାଚାନ୍ । ୭ ଆସିର୍ବାଦ୍ ପାୟାନି ମାନାୟତାଂ

ଏତେକ ଗାଜାକାନ୍ ଇବେ ପାତ୍ କିଞ୍ଜାତାଂ । ୮ ର ଦସ୍ ବାଗ୍ ଇଚ୍ଚନାକା ମାପୁହେବାକିନାକାର୍ ହାନି ମାନାୟାର୍ ମାତର୍ ମଲ୍ଲକିସେଦକ୍ ସାକି ହିନାନ୍ ହେଞ୍ଜାର୍ତାଂ ଗାଜାକାନ୍ ଇନେକିଦେଂକି ସାସ୍ତର୍ ଇସାପ୍ରେ ହେଞ୍ଜାନ୍ ନଙ୍ଘ୍ ପା ଜିତାନ୍ । ୯ ଆରେ ଇଞ୍ଜେଙ୍ଘ୍ ହାତିସ୍ ଇମ୍ଘି ଲେବି ଦସ୍ ବାଗ୍ ଅନାର୍, ହେଞ୍ଜାନ୍ ପା ଅବ୍ରାହାମ୍ତି ହୁଦାଂ ଦସ୍ ବାଗ୍ ହିତାଣ୍ଡା; ୧୦ ଇନାକିଦେଂକି ମଲ୍ଲକିସେଦକ୍ ଲାହାଂ ଅବ୍ରାହାମ୍ ବେଟ୍ ଆନି ଲେବି ଜଲମ୍ ଆଞ୍ଜାଦାଂ ହେଞ୍ଜାନ୍ତି ଖାକ୍ତ ମାତାନ୍ ।

୧୧ ଇ ଲେବିୟର୍ତ୍ତି ମାପୁହେବା କିନାକାନ୍ତି ପିସ୍ତି ଇସାଏଲ୍ ଜାତିତିଂ ତା ବିଦି ହିୟାଜି ମାତାତ୍ । ଲେବିୟର୍ତ୍ତି କାମାୟ୍ ଜଦି କୁଲ୍ଲାସ୍ ଆତାମ୍, ତେବେ ହାରଣ୍ଡି ମାଜି ଇ ଲେବିୟ୍ ମାପୁହେବାକିନାକାର୍ ପିସ୍ତି, ମଲ୍ଲକିସେଦକ୍ତି ମାଜି ଲାକେ ବିନ୍ ର ମାପୁହେବାକିନାକାର୍ କୁଟୁମ୍ନି ଲଡ଼ା ହିଲ୍ଲଖାତାତ୍ । ୧୨ ଇନାକିଦେଂକି ମାପୁହେବାକିନି କାମାୟ୍ ଜଦି ବାଦ୍ଲା ଆନାତ୍, ଖାତିଂ ମସାତି ବିଦି ପା ବାଦ୍ଲା ଆନାତ୍ । ୧୩ ଲାଗିଂ ଇନେର୍ତ୍ତି ବିସ୍ତେ ଇ ଓଜୁ ଇନ୍ୟାତିସ୍, ହେଞ୍ଜାନ୍ ବିନେନି ରଞ୍ଜାନ୍ କୁଟୁମ୍ନି ଲଗୁ, ଇମ୍ଘି କୁଟୁମ୍ନି ଇନେର୍ ଗାର୍ଣିନି ମାପୁହେବାକିନାକାନ୍ କାମାୟ୍ କିଞ୍ଜାତାଣ୍ଡା । ୧୪ ଇନାକିଦେଂକି ଇଦାଂ ପୁନ୍ୟାମାତ୍ ଜେ, ମା ମାପୁ ଜିହୁଦା କୁଟୁମ୍ନିତାଂ ଉବ୍ଜାଣ୍ ଆତାନ୍ନା, ଇମ୍ଘି କୁଟୁମ୍ନି ମାପୁହେବାକିନାକାନ୍ ବିସ୍ତେ ମସା ଇନାକା ଇନ୍ଞାତାନ୍ନା ।

ମଲ୍ଲକିସେଦକ୍ତି ଲାକେ ରଞ୍ଜାନ୍ ମାପୁହେବାକିନାକାନ୍

୧୫ ଆରେ ଇଦାଂ ଇବେ ପା ଆରେ ଆଦିକ୍ ପୁନ୍ୟାମାତା, ମଲ୍ଲକିସେଦକ୍ ଲାକେ ଆରେ ରଞ୍ଜାନ୍ ମାପୁହେବାକିନାକାନ୍ ଉବ୍ଜାଣ୍ ଆତାନ୍ନା, ୧୬ ହେଞ୍ଜାନ୍ ଗାଗାଡ଼ନି ମସାତି ବିଦି ବଲ୍ ଇସାପ୍ରେ ବାଟିକିୟାଞ୍ଜାଦାଂ ଓଜୁଜି ଜିବୁନ୍ ସାକ୍ତ ମାପୁହେବାକିନାକାନ୍ ବାଟି କିଆତାନ୍ନା । ୧୭ ଇନାକିଦେଂକି ହେଞ୍ଜାନ୍ତି ବିସ୍ତେ ଇ ସାକି ହିଆନାତ୍, “ଏନ୍ ମଲ୍ଲକିସେଦକ୍ତି ମୁଣିକା ଲାକେ ଜୁଗ୍ ଜୁଗ୍ନି ମାପୁହେବାକିନାକାନ୍ ଆନାୟ୍ ।” ୧୮ ଇବେ ର ପାକ୍ୟାତ ଆଗେନି ବଲ୍ ନାଦାର୍ ଆରି ଲେମ୍ଫିତଲେ ହେଦାଂ ବୁଡ଼ା ଆତାତ୍ ୧୯ ଇନାକିଦେଂକି ବିଦି ଇମ୍ଘାକା ପା ବିସ୍ତେ ବାତ୍ ଲାବ୍ କିଞ୍ଜାଦାଂ ମାତାତ୍ ବିନ୍ ପାକ୍ୟାତ ନିଜେନି ବାସ୍ ହଟାଡ଼ନା, ତାହୁଦାଂ ଆସେଙ୍ଘ୍ ଇସ୍ପର୍ତ୍ତି ଲାଗାୟ୍ ଆନାସ୍ ।

୨୦ ଆଦିକ୍ତାଂ ମା କାଜିଂ ଇସ୍ପର୍ ପାର୍ମାଣ୍ ପା ମାନାତ୍ । ହାରଣ୍ ଆରେ ଇଦାଂ ଇନେସ୍ବାନି ପିସ୍ତି ପାର୍ମାଣ୍ଡତ ଆଞ୍ଜାତାତ୍ ୨୧ ମତର୍ ଇନେର୍ ହେଞ୍ଜାନ୍ତି ବିସ୍ତେ ଇଦାଂ ଇଚାନ୍ନା,

“ମାପୁ ପାର୍ମାଣ୍ କିତାନ୍ନା, ଆରେ ହେଞ୍ଜାନ୍ ମାନ୍ତଏଡ଼ କିଉନ୍, ଏନ୍ ଓଜୁଜି କାଡ଼ନି ମାପୁ ହେବା କିନାକାୟ୍, ଆନାୟ୍ ହେଞ୍ଜାନ୍ତି ହୁଦାଂ ହେଞ୍ଜାନ୍ ପାର୍ମାଣ୍ ଲାହାଙ୍ଘ୍ ମାପୁହେବାକିନାକାନ୍ ଆତାନ୍ନା ।”

୨୨ ଇ ପାର୍ମାଣ୍ କାଜିଂ ଜିସୁ ର ମୁଡ଼ଦାକା ନିୟମ୍ ହାଡ଼ପାନେ ହିନାନ୍ । ୨୩ ପୁନି ନିୟମ୍ ବିନ୍ ମାପୁହେବାକିନାକାର୍ ତ ଜବର୍ତ୍ତ ବାଟିକିୟା ଆତାଣ୍ଡା, ଇନାକିଦେଂକି ହାକି ହେଞ୍ଜାରିଂ ନିତ୍ରେ ଜିଦେଂ ହିଞ୍ଜାତାତ୍, ୨୪ ମାତର୍ ଜିସୁ ଓଜୁଜି କାଡ଼ ଜିବୁନ୍ । ଇତିସ୍ ହେଞ୍ଜାନ୍ତି ମାପୁହେବାକିନାକାନ୍ ପାଦ୍ତ ବିନେ ଇନେର୍ ବାଟି କିୟାଦେଂ ପର୍ସନ୍ ଆକାୟ୍ । ୨୫ ଲାଗିଂ ହେଞ୍ଜାନ୍ତି ହୁଦାଂ ଇମ୍ଘାକାର୍ ଇସ୍ପର୍ତ୍ତି ଲାଗେ ଆନାର୍, ହେଞ୍ଜାରିଂ ହେଞ୍ଜାନ୍ ଓଜୁରଚେ ମୁକ୍ତି କିଦେଙ୍ଘ୍ ଆଡ଼ନାକାନ୍ ଆତାନ୍ନା, ଇସ୍ପର୍ତ୍ତି ଲାଗାଂ ହେଞ୍ଜାର୍ କାଜିଂ ପାର୍ତାମା କିନି କାଜିଂ ହେଞ୍ଜାନ୍ ନିତ୍ରେ ଜିବୁନ୍ନିକାନ୍ ।

୨୬ ଇନାକିଦେଂକି ଏଲେଙ୍ଘ୍ ବାନି ମୁଡ଼ମାପୁହେବାକିନାକାନ୍ ମା ପାକ୍ୟାତ ହାଦାକାନ୍, ଇନେନ୍କି ପୁଇପୁୟା, ଦସ୍ହିଲ୍ଖାକାନ୍, ପ୍ରାଲ୍ହିଲ୍ଖାକାନ୍, ପାପିର୍ତାଂ ବିନେ, ଆରେ ଆକାସିଂ ଜପି ଉଚ୍ଚନିକାନ୍ । ୨୭ ହେ ମୁଡ଼ମାପୁହେବାକିନାକାନ୍ ଲାକେ ଦିନ୍କେ ପର୍ତ୍ତମ୍ତ ଜାର୍ ପାପ୍ କାଜିଂ ଆରି ପାତେ ଲକାର୍ ପାପ୍ କାଜିଂ ପୂଜାକିନାକା ହୁଦାଂ ହେଞ୍ଜାନ୍ ରଞ୍ଜେ ମାଡ଼ ଇଦାଂ କିତାନ୍ନା । ୨୮ ଲାଗିଂ ମସାତି ବିଦି ନାଦାର୍ନିକା ମାନୟାରିଂ ମୁଡ଼ମାପୁହେବାକିନାକାନ୍ ପାଦ୍ତ ବାଟି କିତାନ୍, ମତର୍ ଇମ୍ଘି ପାର୍ମାଣ୍ଡକାତା ବିଦି ପାତେ ଆଜି ମାତାତ୍, ହେଦାଂ ଓଜୁଜି କାଡ଼ ପାତେକ୍ ବାତ୍ ପାୟାତି ମାଜିଙ୍ଘ୍ ବାଟି କିନାତ୍ ।

୮

କ୍ରିଷ୍ଟ ମା ମୁଡ଼ ମାପୁହେବାକିନାକାନ୍

୧ ମା ନେକ୍ରିକାବୁର୍ନି ରାହାଣ୍ ଇଦାଂ ଇନାକା ଇନାପା, ହେବେନି ମୁଡ଼ ବିସ୍ତେ ଇଦାଂ, ମା କାଜିଂ ଏଲେଙ୍ଘ୍ ରଞ୍ଜାନ୍ ମୁଡ଼ମାପୁହେବାକିନାକାନ୍ ମାନାନ୍, ଇନେନ୍ ସାଗେର୍ତ ଗାଜା ଜାଜ୍ମାଲ୍ ଇସ୍ପର୍ତ୍ତି ଗାଦିନି ତିନା ବାଗାଙ୍ଘ୍ କୁଚାନ୍ନା; ୨ ହେଞ୍ଜାନ୍ ଗାଜା ପୁଇପୁୟା ବାହାତ ଆରେ ଇମ୍ଘି ହାଡ଼ପା ତୁମ୍ ମାନାୟ୍ ହୁଦାଂ ରଞ୍ଜାଦାଂ ମାପୁତି ହୁଦାଂ ରତ୍ୟା ଆତାଡ଼ନା, ହେବେନି ହେବାକାରି ଆତାନ୍ନା ।

୩ ଇନାକିଦେଂକି ଜାଣକେ ମୁଡ଼ମାପୁହେବାକିନାକାର ଦାନ ଆରି ପୁଜା ରିଣ୍ଡୁଆକାଡ଼ କିଦେଙ୍ଗ ବାଟି କିଆନିକ୍, ଲାଗିଂ ମା ମୁଡ଼ମାପୁହେବାକିନାକାତ ପା ହେ ଲାକେ ଇଚୁଟିଂ ପୁଜାକିନି କାଜିଂ ଲଡ଼ା ।
 ୪ ହେୱାନ ଏଚେକାଡ଼ଦ ପୁଡ଼ିତ ମାଟିସ୍, ତା ଆଡିସ୍ ମାପୁହେବାକିନାକାନ ପା ଆଦେଂ ଆଡ଼ୱାତାମା, ଇନାକିଦେଂକି ଜିହୁଦିର ବିଦି ଇସାବରେ ଦାନ ହିନାର, ଏଲେଙ୍ଗ ମାପୁହେବାକିନାକାର ମାନାର; * ହେୱାର ଇନେରିଂ ପୁଜା କିତାର, ହେଦାଂ ସାଗେ ବିସ୍ତେନିକିଙ୍ଗ ଉତରମୁଡ଼ ଆରି ଡିଗା ମତର, ତୁମ୍ ରଚ୍ଚି କିନି କାଜିଂ ଜାଲ୍ଦି ଆନି ୱେଡ଼ାଲିଂ ମସା ଇନେସ୍ ବଲ୍ ପାୟା ଆଜି ମାତାନ, ଇନାକିଦେଂକି ଇସ୍ବର ଇଞ୍ଜି ମାତାନ, “ଜାଗ୍ରତ୍, ମାଡ଼ିତ ନିଙ୍ଗେଙ୍ଗ ଇନେସ୍ ବାର୍ତାକା ଚଚ୍ଚି ହିଦ୍ୟା ଆଜି ମାତାଡ଼, ହେ ଇସାପ୍ରେ ରଚାଚ୍ ।”^୨ ମାତର ନଙ୍ଗ ଇମଣି ଇସାପ୍ରେ କ୍ରିସ୍ଟ ହାଦାକା ପାର୍ମାଣ୍ଟିଂ ଜପି ରଚ୍ଚି ଗାଜା ନିୟମ୍ନି ମାଦ୍‌ଶାକାନ ଆତାଣ୍ଟା, ହେ ଇସାବରେ ପା ହାର ହେବା କିନାକାନ ପାଦ୍ ପାୟା ତାଦେଣ୍ଟା ।

୬ ଇନାକିଦେଂକି ପର୍ତୁମ୍ ନିୟମ୍ ଜପି ଦସି ଆଜି ମାତାଡ଼ଚି, ୱାଗିଂ ଜେତି ନିୟମ୍ କାତା ଲଡ଼ା ଆଡ଼ୱାତାଡ଼ମା ।^୮ ମାତର ଇସ୍ବର ତା ମାନାୟାର ଦସ୍ ହପ୍ଚି ହେୱାରିଂ ଇନାନ, “ମାପୁ ଇନାନ, ହୁଡ଼ାଚ୍, ସମୁ ୱାନାତା, ଏଚେକାଡ଼ଦ ଆନ ଇସାଏଲ୍ ଇଚିସ୍ ଜିହୁଦାନି ମାନାୟାର ଲାହାଂ
 ର ପୁନି ନିୟମ୍ ରଚ୍ଚନାପ;

୯ ଇମ୍‌ଣି କାଡ଼ଦ ଆପ୍ ହେୱାର୍ଚି ଆବାଲାତ୍ତାରିଂ କେଇ ଆସ୍ତି ମିସ୍‌ର ଦେସ୍‌ତାଂ ହପ୍ଚି ତାହିୱାଜିମାତାପ, ହେ ୱେଡ଼ାଲିଂ ହେୱାର୍ଚି ଲାହାଂ ଆପ୍ ଇମ୍‌ଣି ପୁନି ନିୟମ୍ କିଜି ମାତାପ,

ଇ ନିୟମ୍ ଇସାପ୍ରେ ଆକାୟ୍, ଲାଗିଂ ହେୱାର୍ ମା ମେରାତ ଡିର ଆଜି ମାଞ୍ଜେଙ୍ଗ ଆଡ଼ୱାତାର, ଆରେ ଆପ୍ ହେୱାର୍ଚି କାଜିଂ ମାନଦିଆନ୍ କିୱାତାପ, ଇଦାଂ ମାପୁ ଇନାନ ।

୧୦ ଇନାକିଦେଂକି ମାପୁଡ଼ି କାତା ଇଦାଂ, ହେ ସମୁ ପାଚେ ଆପ୍ ଇସାଏଲ୍ ବସ୍ ଲାହାଂ ଇମ୍‌ଣି ନିୟମ୍ ରଚ୍ଚନାସ୍, ହେଦାଂ ଇଦାଂ, ଆପ୍ ହେୱାର୍ଚି ମାନତ ଜାର ମସାତି ବିଦି ହିନାସ୍, ହେୱାର୍ଚି ମାନତ ହେ ସବୁ ଲେକିକିନାସ୍, ଆନ ହେୱାର୍ଚି ଇସ୍ବର ଆନାଙ୍ଗ୍, ହେୱାର୍ ନା ଲକୁ ଆନାର ।

୧୧ ଆପ୍ ହେୱାର୍ଚି ଇସ୍ବର ଆନାସ୍, ହେୱାର୍ ମା ଲକୁ ଆନାର; ଆରେ, ମାପୁଙ୍ଗ୍ ପୁନାଚ୍ ଇଞ୍ଜି ଇଞ୍ଜି ହେୱାର୍ ଜାଣକେ ଜାର ଜାର ରଚେ ମାନି ଗାଡ଼ଦାକାରିଂ, ଆରେ ଜାଣକେ ଜାର ଜାର ଟଣ୍ଡାରିଂ ହିକ୍ୟା ହିଡ଼ର, ଲାଗିଂ ହାରୁତାଂ ଗାଜା ପାତେକ୍ ହେୱାର୍ ୱିଜାକାର ମାଂ ପୁଞ୍ଜନାର ।

୧୨ ଇନାକିଦେଂକି ଆପ୍ ହେୱାର୍ଚି ଅଦାମ୍ କାଜିଂ କାର୍ମା ଆନାସ୍, ଆରେ, ହେୱାର୍ଚି ପାପ୍ ସବୁ ଆରେ ଏଡ଼ତ ତାଉସ୍ ।

୧୩ ହେୱାନ ପୁନି ନିୟମ୍ ଇଞ୍ଜି ଇଞ୍ଜନାକା ହୁଦାଂ ପର୍ତୁମ୍ତିଂ ପ୍ଲୁନାକା କିତାନନ୍ନା, ଆରେ ଇନାକା ପ୍ଲୁନାକା ଆରି ବୁଡ଼ା ଆଜି ହାନାତା, ହେୱାକ୍ତି ୱାସ୍ତିତାଂ ଡ଼ଗୁଜି ଆନାକା ସମୁ ଲାଗେ ।”



ପାର୍ତାନା-ପୁଡ଼ିନିକା ଆରି ସାଗେନିକା

୧ ହାଡ଼ପାରଚେ ହେ ପର୍ତୁମ୍ ନିୟମ୍ ପା ପାର୍ତାନା ବିସ୍ତେ ବାରବିନି ବିଦିବିଦାଣି ଆରି ର ପୁଡ଼ିନି ପୁଇପୁୟା ବାହା ମାତାଡ଼ ।^୨ ଇନାକିଦେଂକି ର ତୁମ୍ ରଚ୍ୟା ଆଜି ମାତାଡ଼, ହେବେନି ପର୍ତୁମ୍ ବାଗ୍‌ତ ବଇଟା ଇଚ୍‌ନାକା, ପାଟା ଆରି ହୁଡ଼ନି ରୁଚି ମାତାଡ଼; “ହେଦେଲିଂ ପୁଇପୁୟା ବାହା ଇଞ୍ଜି ଇନାର ।”^୩ ଆରେ, ଜେତି ଡ଼ତି ହେନ୍ଦା ପାଚେ ତୁମ୍‌ନି ଇମ୍‌ଣି ବାଗ୍ ମାତାଡ଼, ହେଦେଲିଂ ଗାଜା ପୁଇପୁୟା ବାହା ଇଞ୍ଜି ଇନାର;^୪ ହେବେ ହନାନି ଦୁପ୍‌ନିଗାର୍‌ଣି ଆରି ଚାରିବେଣ୍ଟାଂ ହନା ତାଙ୍ଗ୍ ରଚ୍ଚି ନିୟମ୍‌ସିନ୍ଦୁକ୍ ମାତାଡ଼ । ହେ ନିୟମ୍ ସିନ୍ଦୁକ୍‌ତ “ମାନ୍ନା ମାନି ର ହନା ବାହା ଇଡ଼ଜିମାନି ର ହନାନି ବାହା, ହାରଣ୍ଡି ବାଡ଼ଗାନି ହାଜିଡ଼ ହାନି ବାଡ଼ଗା ଆରି ଇସ୍ବରଚି ବଲ୍ ଲେକିକିତାକା ବଲ୍ ରି କାଲ୍‌ପାଟା ମାତାଡ଼, * ଆରେ ତା ଜପି ପାପ୍ ତାବାୟ୍ କିତାକାଲ୍‌ଲିଙ୍ଗ୍ ହିଡ଼ଡ଼ି କିଜି ମାନି ଇସ୍ବତ୍ ଜାଜମାଲ୍ ଚଚ୍ଚି ରିଣ୍ଡି ପାରାଣିଂ ମାଟିକ୍, ହେ ସବୁ ବିସ୍ତେ ନଙ୍ଗ୍ ଆସେଙ୍ଗ୍ ହାର କିଜି ଇଞ୍ଜେଙ୍ଗ୍ ଆଡ଼ସ୍ ।”

୭ ଇ ସବୁ ଇବାନି ଜାଲଦି ଆଜି ମାତିଲେ ମାପୁ ହେବାକିନାକାର ପାର୍ତ୍ତନା କିନି କାଜି ତୁମ୍ଭି ପର୍ତୁମ୍ ବାଗ୍ତ ନିତ୍ରେ ହଣ୍ଡି ମାନାର, ୭ ମତର୍ ରି ବାଗ୍ତ କେବଲ୍ ମୁଡ଼ମାପୁହେବାକିନାକାନ ବାହେକ୍ତିଂ ରଗ ବେସି ପୁଇପୁୟା ବାହାତ ହଣ୍ଡାର, ଆରେ ହେଖାନ ଜାରତିଂ ଆରି ଲକ୍ଷୁତ୍ ପୁନ୍ଝି କିଜି ମାନି ପାପ୍ କାଜିଂ ପୁଜାକିନି ନେତେର୍ ଅଖାଦାଂ ହଣ୍ଡାର । ୮ ଇବେ ପୁଇପୁୟା ଜିବୁନ୍ ଇଦାଂ ହପ୍ନାନ ଜେ, ପର୍ତୁମ୍ ତୁମ୍ ମାନି ପାତେକ୍ ପୁଇପୁୟା ବାହାତ ହଣ୍ଡି ହାଜିତ୍ ହେଖାତାନ୍ନା । ୯ ଇ ପର୍ତୁମ୍ ତୁମ୍ ନକ୍ ସମ୍ କାଜିଂ ଉତର୍ମୁଡ୍ ଲାକେ, ଆରେ ତା ଇସାପ୍ରେ ଦାନ୍ ଆରି ପୁଜା ରିବେ ପୁଜା କିଜି ମାଗାର, ମତର୍ ଇ ସବୁ ପାର୍ତ୍ତନାତିଂ ଚିନ୍ତା ସାକ୍ତି ହାତି ବାତ୍ ଦାନ୍ କିଦେକ୍ ଆଡୁର୍; ୧୦ ଇ ଝିଜୁ ଆରେ କାଦି, ଏଜୁଂ, ଆରି ବାର୍ବିନି ସକର୍ କାମାୟ୍ ଆରେ ରଚ୍ଚି ସମ୍ ପାତେକ୍ ପାଲି କିନାକା ଗାଗାଡ଼ନିକା ବିଦିବିଦାଣି ମତର୍ ।

୧୧ “ମତର୍ କ୍ରିଷ୍ଟ ନକ୍ ହାରଦି ବିସ୍ତେ ମୁଡ଼ମାପୁହେବାକିନାକାନ ଲାକେ ଏକା ଖାଜି ଇ ଉପ୍ଜାଣ୍ଡିଂ ବିନ୍ କେଇଦାଂ କିଝିତି ମତ୍ତତିଂ ଆରି ମୁଡ଼ଦି ତୁମ୍ ହିଜି ହାଲ୍ଡି ଅଡା ଆରି କଡିତି ନେତେର୍ ଆକାୟ୍, ୧୨ ମତର୍ ଅଡା ଜାରତିଂ ଅହରି ନେତେର୍ ଅଜି ରଞ୍ଜେମାଡ୍ ମୁଡ଼ନିପୁଇପୁୟା ବାହାତ ହଣ୍ଡି ଝିଜୁ ମୁକ୍ତାୟ୍ କିତ୍ତାନନା ।” ୧୩ ଇମ୍ଣାକାର କିନି କାରୁମ୍ ମାନି କିଝି କାଜିଂ ବିଚାଡ୍, ହେଖାକ୍ ଜପି ସଣ୍ଡି କି ଅଡା ନେତେର୍ ଆରି କଡି ତିର୍ୟା ଆତିସ୍, ହେଖାଡି ପୁଇପୁୟା ଦେହାଜି ମାନାଡ୍ । ୧୪ ଖାଟିଂ ଇମ୍ଣା କ୍ରିଷ୍ଟ ଝିଜୁ ଜିବୁଡି ହୁଦାଂ ଜାରତିଂ ଦସିହିଲ୍ଡି ପୁଜାଲାକେ ଇସ୍ପର୍ତି ଲାଗାୟ୍ ପୁଜା କିତାନ୍, ହେଖାଡି ନେତେର୍ ଏଚେକ୍ ଆଦିକ୍ ପାତେକ୍ ଜିତାକା ଇସ୍ପର୍ତି ହେମାଣ୍ କିନି କାଜିଂ ହାତି କାମାୟ୍ତାଂ ମାଜେକ୍ ଚିନ୍ତା ସାକ୍ତିଂ ସକର୍ କିଡ୍ !

୧୫ ଆରେ ଇ କାରଣ୍ଡାଂ କ୍ରିଷ୍ଟ ପୁନି ନିୟମିନି ମାଦ୍ଣାକାନ ଆତାନ୍ନା, ଇନେସ୍ ପର୍ତୁମ୍ ନିୟମକାଡ଼ିନି ଅପରାଦ୍ ମତର୍ ମୁକ୍ତାନାକା ହାକିବଗ୍ କିୟା ଆଜି ମାତିଲେ କୁକ୍ୟାତି ଲକ୍ଷୁ ଝିଜୁ ଆଦିକାର ବିସ୍ତେ ପାର୍ମାଣ୍ଡି ପାଡ୍ ପାୟା ଆନାର ।

୧୬ ରଞ୍ଜାକ୍ କି ଦାନ୍ ହିନି ଲଗୁନି ବିଦି ଇସାବ୍ରେ, ତା କାମାୟ୍ ଆନି କାଜିଂ ଉଇଲ୍ କିଜି ମାନି ମୁଣିକାତି ହାକି ପାର୍ମାଣ୍ଡି ଆନି ଲଡା । ୧୭ ଇନେକିଦେଂକି ଉଇଲ୍ କିଜି ମାନି ମୁଣିକା ବାଚାଜି ହାନାନ୍, ର ଇଲ୍ଡି ମଲ୍ ଆକାୟ୍ କେବଲ୍ ତା ହାତି ପାଚେ ହେଦାଂ କାମାୟ୍ ଆନାଡ୍ । ୧୮ ଇଦାଂ କାଜିଂ ପର୍ତୁମ୍ ନିୟମ୍ ପା ନେତେର୍ ଆଖାଦାଂ ହେଲ୍ଲାୟ୍ ଆଖାଦାଂ ମାଗାଡ୍ । ୧୯ ଇନାକିଦେଂକି ମସା ମାନାୟାର୍ ତାକେ ମସାତି ବିଦି ଇସାପ୍ରେ ସବୁ ବଲ୍ ହପ୍ତି ପାଚେ ଏଜୁକ୍, କାର୍ଣା ଗେରୁ ମେଣ୍ଡାବୁରା ଆରି ର ମାର୍ଡିନି ଆକି ଲାହାଂ କଡିହିମ୍ଣା ଆରି ଅହରି ନେତେର୍ ଅଜି ନିୟମ୍ ପତି ଆରି ଝିଜୁ ଲକ୍ଷୁ ଜପି କେନିରାସ୍ ତିର୍ତି ଇଚାନ୍, ୨୦ ଆରେ ହେଖାନ ଇଚାନ୍, ଇସ୍ପର୍ ମି ବିସ୍ତେ “ଇମ୍ଣା ନିୟମ୍ ବଲ୍ କିତ୍ତାନନା, ହେ ନିୟମିନି ନେତେର୍ ଇଦାଂ ।” ୨୧ ଆରେ ପା ହେଖାନ ତୁମ୍ ମନ୍ଦିର୍ ଆରି ଦାରୁମ୍ ହେବା ଆକ୍ରାନି ଝିଜୁ ବାହା ଜପି ହେ ଲାକେ ନେତେର୍ ତିର୍ତାନ୍ । ୨୨ ଜିନିସ୍, ବିଦି ଇସାବ୍ରେ ଝିଜୁ ବିସ୍ତେ ନେତେର୍ ହୁଦାଂ ସକର୍ ଆନାଡ୍, ଆରେ ନେତେର୍ ହୁକେ ନେ ପାପ୍ କେମା ଆନାଡ୍ ।

କ୍ରିଷ୍ଟି ପୁଜାହିନାକା ପାପ୍ ଦେହା କିନାଡ୍

୨୩ ଲାଗିଂ, ସାଗେନି ବିସ୍ତେକାଂ ଉତର୍ମୁଡ୍ ଝିଜୁ ଇ ସବୁ ହୁଦାଂ ସକର୍ ଆନି ଲଡା ମାଗାଡ୍, ମତର୍ ସାଗେନି ବିସ୍ତେକାଂ ତ ଇ ସବୁତାଂ ମୁଡ଼ଦି ପୁଜାନି ନେତେର୍ ହୁଦାଂ ସକର୍ ଆନି ଲଡା । ୨୪ ଇନାକିଦେଂକି ହାଡପା ବିସ୍ତେକାଂ ଡିଗାପୁଡ଼ା ଜେ କେଇଦାଂ କିତି ମୁଡ଼ନି ପୁଇପୁୟା ବାହା, ହେବେ କ୍ରିଷ୍ଟ ହେଖାଦାଂ ନଲେ ମା କାଜିଂ ନକ୍ ଇସ୍ପର୍ତି ମୁମ୍ଦ ଏକାଖାଦେଂ ଆନି କାଜିଂ ସାଗେତ୍ ହଟାନ୍ନା । ୨୫ ଜିହୁଦି ମୁଡ଼ମାପୁହେବାକିନାକାନ ଇନେସ୍ ବିନେନିକାଡି ନେତେର୍ ଅଜି ବାହେକ୍ତିଂ ବାହୁଁ ମୁଡ଼ନି ପୁଇପୁୟା ବାହାତ ହଣ୍ଡାର, ହେ ଲାକେ ହେଖାନ ଜେ ରଗତିଂ ରଗ ଜାରତିଂ ପୁଜା କିନାନ୍, ହେଦାଂ ଆକାୟ୍, ୨୬ ତା ଆତିସ୍ ଜଗଡ୍ ବୁଡାନି ପାତେକ୍ ରଗତିଂ ରଗ ହେଖାନିଂ ହାକି ବଗ୍ କିଦେକ୍ ଆତାମ୍, ମତର୍ ନକ୍ ହେଖାନ ଜୁଗଝିଜିନି ଝେଡାଲିଂ ଜାରତିଂ ପୁଜାକିନାକା ହୁଦାଂ ପାପ୍ ଦେହା କିଦେକ୍ ହସିଖାତାନ୍ନା । ୨୭ ମାନାୟାର୍ କାଜିଂ ଇନେସ୍ ରଗ ମତର୍ ହାକି, ତା ପାଚେ ଇସ୍ପର୍ତି ବିଚାର୍ ମାନାଡ୍ । ଆରେ, ହେଦାଂ ପାଚେ ବିଚାଣ୍ଡା ଆନାକା ସମ୍ ମାନାଡ୍, ୨୮ ହେ ଲାକେ କ୍ରିଷ୍ଟ ପା ଆଦେକ୍ତି ପାପ୍ ପିଣ୍ଡିନି କାଜିଂ ରଗ ମତର୍ ପୁଜା କିୟା ଆଜି ରିହା ପାପ୍ କାଜିଂ ଆକାୟ୍, ନଲେ ଇମ୍ଣାକାର ହେଖାନିଂ କାଜିଂ ମାଗାଣ୍ଡା, ହେଖାଡି ମୁକ୍ତାନି କାଜିଂ ଚଞ୍ଜୟା ଆନାନ୍ ।



୧ ଇନାକିଦେଂକି ମସାତି ବିଦି ଖାନିଦିନ୍ତ ହାରଦି ବିସ୍ତେ ଡିଗା ଲାକେ ଆଜି ହେ ସବୁ ବିସ୍ତେ ତିରିଝିରି ପୁଡ଼ାଂ ଆଝିତିଲେ ମାପୁହେବାକିନାକାତ୍ ବାହୁଁତିଂ ବାହୁଁ ନିତ୍ରେ ହେ ରବାନି ପୁଜାକିନି କାଜିଂ ପାର୍ତ୍ତନା

କିନାକାରିଂ ମୁତେ ବାତ କିଦେଙ୍ଗ ଆଡୁନ୍ । ୨ ଜଦି ଆଡୁତାଡୁତି, ଖାଟିଙ୍ଗ ପୁଜାକିନାକାର ରଗ ସକଟ୍ ଆଜି ଚିନ୍ତା ସାକ୍ଷିତ ଆରେ ପାପ୍ତିଂ ପୁନ୍‌ଖାଦାଂ ହେ ସବୁ ପୁଜା ଇନାକା ବାନ୍ ଆଖାତାମ୍ ? ୩ ମାତର ହେ ଲାକେ ଆଖାଦାଂ ବାହୁତିଂ ବାହୁ ପୁଜା ହିନାକା ହୁକେ ମାନାୟତିଂ କେବଲ୍ ତା ପାପ୍ ବିସ୍ତେ ଏଡ୍ କିୟୁକିଦ୍ଦାଡ୍; ୪ ଇନାକିଦେଂକି ସଶ୍ଚ୍ ଆରି ଅତାନି ନେତେର ଜେ ପାପ୍ ହାଲି କିଦେଙ୍ଗ ଆଡୁନାଡ୍, ଇଦାଂ କସୁନିକା ।

୫ ହେଦାଂ କାଜିଂ କ୍ରିସ୍ତୁ ପୁତ୍ ତ ଖାନି ଆଗେ ଇସ୍ପରତିଂ ଇଞ୍ଜି ମାତାନ୍,
“ପୁଜା ଆରି ଆତାଡୁତ ଏନ୍ ସାରି ଆକାୟ୍,
ମାତର ଏନ୍ ନା କାଜିଂ ର ଗାଗାଡ୍ ଜାଲ୍‌ଦି କିନାଦେର;

୬ କାଟ୍‌ପୁଜା ଆରି ପାପ୍‌ନି
ପୁଜାତ ଏପ୍ ସାରି ଆଖାତାୟ୍ ।”

୭ ହେ ଏଚେକାଡୁଦ ଆନ୍ ଇଚାଙ୍ଗ୍, ହୁଡାଟ୍,
ସାସ୍ପରତ ପତିତ ନା ବିସ୍ତେ ଲେକା ମାନାଡ୍,
“ଏ ଇସ୍ପର, ନି ଇଚା ପୁରା କିଦେଙ୍ଗ୍ ଆନ୍ ଖାତାଂନା ।”

୮ ପର୍ତୁମ୍ କ୍ରିସ୍ତୁ ଇଚାନ୍, “ପୁଜା, ଆତାଡ୍, କାଟ୍‌ପୁଜା ଆରି ପାପ୍‌ନି ପୁଜା ଏପ୍ ତେକ୍‌ଖାତାଦେର, କି ହେବେ ମିଦାଂ ସାରି ହିଲ୍‌ଖାତାଡ୍” ଇନାକା ସବୁ ବିଦି ଇସାପ୍ରେ ପୁଜା କିଆନାଡ୍, ୯ ତା ପାତେ “ହେଖାନ୍ ଇନାନ୍, ହୁଡାଟ୍, ନି ଇଚା ପୁରା କିଦେଙ୍ଗ୍ ଆନ୍ ଖାତାଂନା । ଜେତି ନିୟମ୍ ତିର କିନି କାଜିଂ ପର୍ତୁମ୍ ନିକାଦିଂ ବୁଡାୟ୍ କିତାନ୍ନା ।” ୧୦ ଜିସ୍ତୁ କ୍ରିସ୍ତୁଟି ଗାଗାଡ୍ ରଞ୍ଜେ ମାଡ୍ ପୁଜା ଆନି କାଜିଂ ହେ ଇଚା କାଜିଂ ଆସେଙ୍ଗ୍ ପୁଇପୁୟା କିୟା ଆତାସନା ।

୧୧ ଆରେ ପା, ଜାଣକେ ଜିହୁଦି ମାପୁ ହେବାକିନାକାନ୍ ପାତିଦିନ୍ ହେମାଣ୍ କିନି କାଜିଂ ଆରି ରଗତିଂ ରଗ ହେ ରବାନି ପୁଜାକିନି କାଜିଂ ନିଲ୍‌ଚି ମାନ୍‌ଗାନାର୍, ଇ ସବୁ ପାପ୍ ଅଦେଂ ଆଡୁଡ୍ । ୧୨ ମତର କ୍ରିସ୍ତୁ ପାପ୍ କାଜିଂ କେବଲ୍ ର ପୁଜାକିତି ପାତେ ଇସ୍ପତ୍ ବୁଜ୍‌ଣି ବାଗାଙ୍ଗ୍ ସବୁଦିନ୍ କାଜିଂ କୁଚ୍‌ଚାନ୍; ୧୩ ଇସ୍ପର ହେଖାନ୍ତି ସାଡୁର ହେଖାନ୍ତି ପାନା ତାରେନ୍ କିଞ୍ଚି ପାତେକ୍ ହେଖାନ୍ କାସି ମାନାନ୍ । ୧୪ ଇନାକିଦେଂକି ଇମ୍‌ଣାକାର୍ ପାପ୍‌ତାଂ ପୁଇପୁୟା କିୟା ଆଜି ସକଟ୍ ଆତାଣ୍ଟା, ହେ ରଞ୍ଜାଙ୍ଗ୍ ମତର ପୁଜା ହୁଦାଂ ହେଖାରିଂ ହେଖାନ୍ ସବୁ ଦିନ୍ କାଜିଂ ବାତ କିତାନ୍ନା ।

୧୫ ଆରେ ପୁଇପୁୟା ଜିବୁନ୍ ପା ମାଂ ହେ ବିସ୍ତେ ସାକି ହିଜି ଇଞ୍ଜନାନା, ୧୬ ଇନାକିଦେଂକି “ମାପୁ ଇ କାତା ଇନାନ୍, ହେ ସମ୍ ପାତେ ଆପ୍ ହେଖାର୍ ଲାହାଂ ଇମ୍‌ଣି ନିୟମ୍ ରଚ୍‌ନାସ୍, ହେଦାଂ ଇଦାଂ,

ଆପ୍ ହେଖାର୍‌ତି ଜିବୁନ୍‌ତ ଜାର୍ ମସାତି ବିଦି ହିନାସ୍, ଆରେ ହେଖାର୍‌ତି ମାନ୍‌ତ ହେ ସବୁ ଲେକିକିନାସ୍,
ଇଦାଂ ଇଚି ପାତେ ହେଖାନ୍ ଇଞ୍ଜନାନ୍ ।”

୧୭ ଆରେ ପା ହେଖାନ୍ ଇନାନ୍, “ହେଖାର୍‌ତି ପାପ୍ ଆରି ହେଖାର୍‌ତି ଅପରାଦ୍ ସବୁ ଆପ୍ ଆରେ ଏଡ୍ କିଡପ୍ ।” ୧୮ ଲାଗିଂ ହେଖାର୍ ଜଦି କେମା ପାୟାତାଣ୍ଟା, ଖାଟିଂ ପାପ୍ କେମା କାଜିଂ ଆରେ ପୁଜାକିନାକା ଲଡା ଆକାୟ୍ ।

ଇସ୍ପରତି ଲାଗେ ଆନାସ୍

୧୯ ଲାଗିଂ ଏ ଟଣ୍ଡେନ୍ ଆରି ତଣ୍ଡେକ୍, ଜିସ୍ତୁଟି ନେତେର କାଜିଂ ଆସେଙ୍ଗ୍ ମୁଡ୍‌ନି ପୁଇପୁୟା ବାହାତ ହଣ୍ଡେଙ୍ଗ୍ ପୁରା ଆଦିକାର୍ ପାୟାତାସନା । ୨୦ ହେଖାନ୍ ତା ଗାଗାଡ୍‌ଲାଗ୍‌ଦି ହେନ୍ଦା ବିଡ୍ରେ ହିଜି ମା କାଜିଂ ର ପୁନି ଜିବୁନିଂ ହାଜି ଜେତାନ୍ନା । ୨୧ ଆରେ, ଇସ୍ପତ୍ ଇଲ୍ ନଙ୍ଗ୍ ମା କାଜିଂ ମୁଡ୍ ମାପୁହେବାକିନାକାନ୍ ତାରେନ୍ ମାନାଡ୍ । ୨୨ ଖାଡୁ, ଆସେଙ୍ଗ୍ ମାନ୍ତ ନୁଜ୍‌ନି ହୁଦାଂ ହାଡ୍‌ପା ଚିନ୍ତା ସାକ୍ଷିତାଂ କ୍ରିସ୍ତୁଟି ନେତେର ହୁକେ ସକଟ୍ ଆନାସ୍ ଆରି ଅଣ୍ଟାଙ୍ଗ୍ ଏସ୍‌ତ ନୁସ୍ତି ଗାଗାଡ୍ ଆଜି ହୁଦାର୍ ମାନ୍ତ ହୁକେ ପୁରା ପାତ୍‌ତ ଇସ୍ପରତି ଲାଗାୟ୍ ଆନାସ୍; ୨୩ ଆସେଙ୍ଗ୍ ଇମ୍‌ଣି ବାସ୍ ମାନି କିନାସା, ହେଦାଂ ତାଟ୍ ବାବ୍ରେ ଲେମ୍‌ଖାଦାଂ ଆହ୍‌ନାସ୍, ଇନାକିଦେଂକି ଇସ୍ପର ପାର୍ମାଣ୍ କିତାନ୍ନା, ହେଖାନ୍ ପାତ୍‌ନିକାନ୍; ୨୪ ଆରେ ଜିଉନନାକା ଆରି ସଡ୍‌କାମାୟ୍‌ତ ଜାଣାୟ୍‌କିନି କାଜିଂ ହାରି ବିସ୍ତେ ମାନ୍‌ଦିଆନ୍ କିନାସ୍, ୨୫ ଆରେ ଇନେର୍ ଇନେର୍ ଇନେସ୍ ମା ମଣ୍ଡଲି ପାର୍ତାନା ଏଲା ଆଜି ମାନାସା, ଆସେଙ୍ଗ୍ ଇନେସ୍ କିଡସ୍, ନଲେ ହାରି ଖାରିକିୟୁ କିନାସ୍, ବେସିକିଜି ଏଚେକାଡୁଦ ଏପେଙ୍ଗ୍ ମାପୁଡ୍ ଦିନ୍ ଲାଗାୟ୍ ଆଜି ଖାନାତା ଇଞ୍ଜି ହୁଡୁନାଦେରା ।

୨୬ ଇନାକିଦେଂକି ହାଡ୍‌ପା ଗିଆନ୍ ପାୟାତି ପାତେ ଜଦି ଆସେଙ୍ଗ୍ ପୁନ୍‌ଞ୍ଜି ପାପ୍ କିଜି ମାନାସ୍, ଖାଟିଂ ପାପ୍‌ତାକେନି ପୁଜା ଆରେ ଲଡା ଆକାୟ୍ । ୨୭ ତା ଆତିସ୍, ଆପେଂ ଖାନି ଗାଜା ବିଚାର୍ ମୁମ୍‌ଦ ଆଜି ଇସ୍ପର ମାନି ନିକାର୍ କାଜିଂ ବୟ୍‌ଜାର୍ ଗାଜା ନାଣିତ ବୁଡାନାକା ଇସାବ୍ରେ ପାଣ୍ଡାଜି ବିରଦ୍ କିନାକା ପିସ୍ତି ମା ବିନ୍ ଦସା ହିଲୁଡ୍ । ୨୮ ଇନେର୍ ମସାତି ବିଦିତିଂ ଅମାନ୍ୟା କିତିସ୍, ହେଖାନ୍ ଦୟା ପାୟା ଆଖାଦାଂ ଦୁଇ ନଇଲେ

ତିନି ଜାଣି ସାକ୍ଷି ପାର୍ମାଣ୍ଡ ହାକି ଆନାତ୍; ୨୯ ଖାତିଂ ବାବି କିଜି ହୁଡ଼ାଟ୍, ଇନେନ୍ ଇସ୍ବରତି ମାଜି କୁସ୍ତାତାନ୍ନା, ନିୟମ୍ ଇମ୍ବଣି ନେତେର୍ ହୁଦାଂ ହେଖାନ୍ ପୁଇପୁୟା କିୟା ଆଜି ମାତାନ୍, ହେଖାନ୍ ଆଡ଼ଖାକା ବିସ୍ତେ ଇଞ୍ଜି ବାବି କିତାନ୍ନା ଆରି ଦୟାନ୍ ହିଦ୍ନାକାନ୍ ଜିରୁଡ଼ିଙ୍ଗ୍ ଅମାନ୍ୟା କିତାନ୍ନା, ହେଖାନ୍ ଏତେକ୍ ଆଦିକ୍ ବେସି ତାଣ୍ଡିନି ଜର୍ ଆଉନ୍ । ୩୦ “ଇନାକିଦେଂକି ହୁଜାନାକା ମା ଆଦିକାର୍, ଆପ୍ ପାତିପାଡ଼ ହିନାପ୍,” ଇନେନ୍ ଇ କାତା ଇତାନ୍ନା, ହେଖାନ୍ ଆପେଂ ପୁନାପ୍, ଆରେ, ମାପୁ ଜାର୍ ଲକୁରିଂ ବିଚାର୍ କିନାନ୍ । ୩୧ ଜିତି ଇସ୍ବରତି କେଇଦ୍ ବିଚାର୍ତ ଆଣ୍ଟାକା ବୟଙ୍କାର୍ ବିସ୍ତେ ।

୩୨ ମି ପାଚେନି କାତା ଏତୁ କିୟାଟ୍ । ଇସ୍ବରତି ଅଜଡ଼୍ ପାୟାତି ପାଚେ ଏତେକାଡ଼୍ ଏପେଙ୍ଗ୍ ବାରବିନି ଦୁକ୍ବର ଲାକେ ଜବର୍ କସ୍ ପାୟାନାଦେର୍, ହେ ଆଗେ ଖେଡ଼ାତିଂ ଏଡ଼ତ ତାହିଞ୍ଜାତୁ; ୩୩ ର ସମୁ ଗ୍ଲାୟଦାନାର୍ ଆରି କସ୍ ହୁଦାଂ ଲାଜୁକୁୟିଜି ମାତାଦେର୍, ବିନ୍ ସମୁତ ହେ ଲାକେ ବେବାର୍ ପାୟାତି ଲକୁତ୍ ମେହାଣ୍ ଆଜି ମାତାଦେର୍ । ୩୪ ଇନେ ଇନେଖାଡ଼ାଙ୍ଗ୍ ଏପେଙ୍ଗ୍ ସାଦାସିଦା ହୁଞ୍ଜି ଆରି ନିୟା କିୟାଜି ମାତାଦେର୍ । ଆରେ ଇନେ ଇନାଖାଡ଼ାଙ୍ଗ୍ ବିନ୍ ଲକାର୍ତି ସୁକ୍ଦୁକ୍ତ ଖାସ୍ତିତାଂ ଗଣ୍ଡଗଲ୍ କିଜି ମାତାଦେର୍ ଆରି ଏତେକାଡ଼୍ ମିଦାଂ ସବୁ ଚରି ଆତାଡ଼, ହେପାଦ୍ନା ଏପେଙ୍ଗ୍ ଖାରିତାଂ ସବୁ ନସ୍ ହୁସ୍ତାଦେର୍, ଇନେକିଦେଂକି ମିଦାଂ ଜେ ଆଦିକ୍ ହାଦ୍ନାକା ଆରି ନିତ୍ରେମାନି ଦନ୍ ମାନାଡ଼, ହେଦାଂ ଏପେଙ୍ଗ୍ ପୁଞ୍ଜି ମାତାଦେର୍ । ୩୫ ଲାଗିଂ, ମି ସାସ୍ ପିହ୍ମାଟ୍, ଇନେକିଦେଂକି ସଡ଼୍ ସାସ୍ ଜବର୍ ଇନାମ୍ ମାନାଡ଼ । ୩୬ ଲାଗିଂ ଏପେଙ୍ଗ୍ ଇନେସ୍ ଇସ୍ବରତି ଇଚା ପୁରା କିଦେଙ୍ଗ୍ ପାର୍ମାଣ୍ଡି ପାଡ଼୍ ପାୟାଦେଂ ଆଡ଼ନାଦେର୍, ଇଦାଂ କାଜିଂ ମି ସାସି ଆନାକା ଲଡ଼ା ମାନାଡ଼ । ୩୭ ଦରମ୍ ସାସ୍ବରତ ଲେକାମାନାଡ଼, ଆରେ ଅଲପ୍ ସମୁ କାସି ମାନାଟ୍, “ଇନାକାକ୍ତି ଖାନାକା ମାନାଡ଼,

ହେଖାନ୍ ଖାନାନ୍ ଆରି ମାଲା ଆଉନ୍ ।”

୩୮ ନା ଦାମ୍ ଲକୁ ପାତ୍ ତ ଡାଟ୍ ମାନଜି ଜିନାର୍,

ମାତର୍ ଇନେର୍ ଜଦି ପାଚେହାନାନ୍, ତା କାଜିଂ ଆନ୍ ଖାସ୍ତିତ ଆଦେଂ ଆଡୁଙ୍ଗ୍ ।

୩୯ ମତର୍ ଇମ୍ବଣାକାର୍ ନାସ୍ କାଜିଂ ପାଚେପାନ୍ନା ଇଡ଼ନାର୍, ଆପେଂ ହେଖାରିତି କୁଦାନି ଲଗୁ ଆକାୟ୍, ମାତର୍ ଇମ୍ବଣାକାର୍ ଖାସ୍ତିତ ମୁକ୍ତାନି କାଜିଂ ପାତ୍ କିତାର୍, ଆସେଙ୍ଗ୍ ହେଖାରିତି କୁଦାନି ଲଗୁ ଆନାପ୍ ।

୧୧

ପାତ୍ ନି ଉତର୍ମୁଡ଼୍

୧ ପାତ୍ ଆହା ଇଡ଼ଜି ମାନି ବିସ୍ତେତିଂ ଆଟ୍‌ଖା ପାତ୍ ଆରି ହୁଡ଼୍‌ଖି ବିସ୍ତେ ହାଡ଼ପା ଗିଆନ୍ । ୨ ପ୍ରାତିନାର୍ ମାନାୟାର୍ ହେଖାର୍ ପାତ୍ ହୁକେ ଇସ୍ବରତି ସାରି ଆଜି ମାତାଟ୍ ।

୩ ପାତ୍ ହୁଦାଂ ଆସେଙ୍ଗ୍ ବୁଜା ଆଦେଂ ଆଡ଼ନାସ୍ ଜେ, ଖିଜୁ ସ୍‌ସାର୍‌ନି ଇସ୍ବତ୍ ବଚନ୍ ହୁଦାଂ ରତ୍ୟା ଆତାକା, ଲାଗିଂ ଇମ୍ବଣାକା ପା ହାଣ୍ଡକୁ ବିସ୍ତେ ହୁଡ଼ନି ବିସ୍ତେ ଉବ୍‌ଜାଣ୍ ଆଖାତାଡ଼ନା ।

୪ ପାତ୍ ହୁଦାଂ ହେବଲ୍ ଇସ୍ବରତି ଉଦେସ୍ତ କୟିନତି ବାଟା ହାଦ୍ ପୁଜା କିତାନ୍ ଆରି ତାହୁଦାଂ ହେଖାନ୍ ଦାମ୍ ଇଞ୍ଜି ସାକି ପାୟା ଆତାନ୍; ଇସ୍ବରତି ନିଜେ ତା ଦାନ୍ ବିସ୍ତେ ସାକି ହିତାନ୍, ଆରେ ହେଖାନ୍ ହାତିସ୍ ପା ପାତ୍ ହୁକେ ନେଜେଙ୍ଗ୍ ପାତେକ୍ କାତା ଇନ୍ୟାନାମା ।

୫ ପାତ୍ ହୁଦାଂ ହନକ୍ ହାକି ବଗି କିଖାଦାଂ କାଣ୍‌କୁତାଂ ଦେହା ହାତାନ୍, ହେଖାନ୍ ଆରେ ହୁଡ଼ିୟା ଆଖାତାନ୍‌ଦେ, ଇନାକିଦେଂକି ଇସ୍ବରତାଂ କାଣ୍‌କୁତାଂ ଦେହା କିଜି ମାତାନ୍ । ହେଖାନ୍ ଜେ ଇସ୍ବରତି ସତକ୍ ଲଗୁ, କାଣ୍‌କୁତାଙ୍ଗ୍ ଡଗୁନି ଆଗେ ହେବେନି ସାକି ପାୟା ଆଜି ମାତାନ୍; ୬ ଆରେ ପାତ୍ ପିସ୍ତି ହେଖାନ୍ତି ସତକ୍ ଲକୁ ଆନାକା କସ୍‌ନିକା, ଇନାକିଦେଂକି ଇସ୍ବର୍ ଜେ ମାନାନ୍, ଆରେ ହେଖାନ୍ ଜେ ଇସ୍ବର୍ ତେକ୍‌ନାକାରିଂ ଇନାମ୍ ହିନାନ୍, ଇଦାଂ ହେଖାନ୍ତି ଲାଗେ ଖାନି ମାନାୟାର୍ତି ପାତ୍ କିନାକା ଲଡ଼ା ।

୭ ପାତ୍ ହୁଦାଂ ନହ୍ ହେ ଖିଜୁ ପାତେକ୍ ହଖି ବିସ୍ତେ କାଜିଂ ସବୁ ବଲ୍ ଗାଟା ଆଜି ବକ୍ତି ଲାହାଂ ଜାର୍ କୁଟ୍‌ମ୍‌ତାଂ ମୁକ୍ତି କିଦେଙ୍ଗ୍ କାଜିଂ ରଞ୍ଜାଙ୍ଗ୍ ଜାଜ୍ ରଚ୍‌ଚାନ୍ ଆରେ ହେ ପାତ୍ ହୁଦାଂ ହେଖାନ୍ ଜଗଡ଼ତିଂ ଦସି କିଜି ପାତ୍ ଇସାପ୍ରେ ଦାମ୍ ନି ଆଦିକାରି ଆତାନ୍ ।

୮ ପାତ୍ ହୁଦାଂ ଅବ୍ରାହାମ୍ କୁକ୍ୟା ଆତିଲେ, ଇମ୍ବଣି ଦେସ୍ ହେଖାନ୍ ଆଦିକାର୍ ଲାହାଂ ଗାଟା ଆଦେଂ ହାଲ୍‌ଜି ମାତାନ୍, କାତା ମାନି କିଜି ହେବେଣ୍ଡାଂ ହତାନ୍, ଆରେ ହେଖାନ୍ ଇମେତାକେ ହାନାନା, ହେଦାଂ ପୁନ୍‌ଖାଦାଂ ପା ହସି ହାତାନ୍ । ୯ ପାତ୍ ହୁଦାଂ ହେଖାନ୍ ବିଦେସ୍‌ନିକାନ୍ ଲାକେ ପାର୍ମାଣ୍ଡି ଦେସ୍‌ତ ବାହା କିଜି ପାର୍ମାଣ୍ଡି ଆଦିକାରିର୍ ଇସ୍‌ହାକ୍ ଆରି ଜାକୁର୍ ଲାହାଂ ପୁଟ୍‌କୁତ ବାହା କିତାନ୍; ୧୦ ଇନାକିଦେଂକି

ଇମଣି ଗାଡ଼ କୁନାଦି ଲାଗୁଦି ମିହାତାକା, ଆରେ ଇନେରତି ବାନାରତ୍ନାକାନ ଆରି ରତ୍ନାକାନ ନିଜେ ଇସ୍ବର, ଅରାହାମ୍ ହେବେ କାଜିଂ ମାତାନ ।

୧୧ ପାତର୍ ହୁଦାଂ ସାରା ନିଜେ ପା ପାର୍ମାଣ୍ କାରୟାଙ୍ ପାତର୍ ଗିଆନ୍ କିଜି ଝିସ୍ବିବୟ୍ସ ଆତିସ୍ପା ଜାତିନି ପର୍ତ୍ତମ୍ ଆୟା ଆଦେଂ ସାକ୍ତି ଗାଟା ଆତାଡ଼, ୧୨ ଇଦାଂ କାଜିଂ ଅରାହାମ୍ ହାତିଲାକେ ରଞ୍ଜାନ୍ ମୁଣିକାନ୍ତାଂ ଆକାସ୍ନି ହୁକାଂ ଲାକେ ଗାଣାକିଆଉଡ଼ ଆରି ହାମ୍ବୁର୍ ଗୁଟିନି ବାଲି ଲାକେ ଗାଣାକିଆଉଡ଼ ର ଜାତି ଉବ୍ଜାଣି ଆତାଡ଼ ।

୧୩ ଇ ଝିଜାକାର ପାତର୍ ତ ପାରାଣ୍ ହାବ୍ତାର; ହେଞ୍ଜାର ପାର୍ମାଣ୍ ପାଡ଼ ଗାଟାଞ୍ଜାତାର, ମତର୍ ଦେହାତାଂ ହେଦାଂ ହୁଡ଼ଜି ବନ୍ଦାୟ୍ କିତାର ଆରି ପୁତର୍ ତ ଜାର୍ନିକାରିଂ ବିଦେସ୍ୟା ଆରି ବାହାକିତି ଲଗୁ ଇଞ୍ଜି ମାନି କିତାର । ୧୪ ଇନାକିଦେଂକି ଇମଣାକାର ଏଲେଙ୍ କାତା ଇନାର, ହେଞ୍ଜାର ଜେ ନିଜତି ରଞ୍ଜାଙ୍ ଦେସ୍ ତେକ୍ନାରା, ଇଦାଂ ହପ୍ନାନା । ୧୫ ଆରେ, ଇମଣି ଦେସ୍ତାଂ ହେଞ୍ଜାର ହସି ଝାଜି ମାଟାର, ଜଦି ହାପ୍ତାରତେ ହେ ଦେସ୍ତିଂ ଏଡୁ କିତାର୍ମା, ତା ଆତିସ୍ ହେଞ୍ଜାରତି ମାସ୍ଦିହାଞ୍ଜେଙ୍ ପାଗ୍ରା ଆତାମ୍ । ୧୬ ମାତର୍ ହେଞ୍ଜାର ର ହାଦର୍ ଇତିସ୍ ସାଗେନି ଦେସ୍ନି ଆହା କିଜି ମାଟାର; ଇଦାଂ କାଜିଂ ଇସ୍ବର ହେଞ୍ଜାରତି ଇସ୍ବର ଇଞ୍ଜି ତାକ୍ପୁଟା ଆଦେଂ ହେଞ୍ଜାରତି ବିସ୍ତେ ଲାଜ୍ ଆଉନ୍, ଇନାକିଦେଂକି ହେଞ୍ଜାନ୍ ହେଞ୍ଜାରତି କାଜିଂ ରଞ୍ଜାଙ୍ ଗାଡ଼ ଜାଲ୍ଦି କିତାନନ୍ ।

୧୭ ପାତର୍ ହୁଦାଂ ଅରାହାମ୍ ପରିକ୍ୟାକିୟା ଆଜି ଇସ୍ବହାକ୍ତିଂ ପୁଜାକିଦେଙ୍ ଜାଲ୍ଦି ଆତାନ, ଆଁ, ଇମଣି ମୁଣିକା ପାର୍ମାଣ୍ ସବୁ ପାୟା ଆଜି ମାଟାନ, ଇନେନିଂ ଇନ୍ୟା ଆଜି ମାଟାଡ଼ ଜେ, ୧୮ ଇସ୍ବହାକ୍ତାଂ “ମି ବସ୍ ତାକ୍ପୁଟା ଆନାଡ଼, ହେ ମୁଣିକା ଜାର୍ତିଂ ରଞ୍ଜାନ୍ ମତର୍ କାଡ଼ଦେଂ ପୁଜାକିଦେଙ୍ ହାଲ୍ଜି ମାଟାନ,” ୧୯ ଇନାକିଦେଂକି ଇସ୍ବର ଜେ ଇସ୍ବହାକ୍ତିଂ ହାତାକାତର୍ ବିତ୍ରେ ପା ନିଙ୍ଗଦେଂ ଆଡ଼ନାକାନ, ଇଦାଂ ହେଞ୍ଜାନ୍ ବାବିକିଜି ମାଟାନ, ଆରେ ହେଞ୍ଜାନ୍ ପା ହେଞ୍ଜାନିଂ ଉତର୍ମୁଡ଼ ବାବ୍ରେ ହାକିତାଂ ଆରେ ଗାଟାତାନ ।

୨୦ ପାତର୍ ହୁଦାଂ ଇସ୍ବହାକ୍ ଝାନିକାଡ଼ ବିସ୍ତେ ପା ଜାକୁବ୍ ଆରି ଏସୌତିଂ ଆସିର୍ବାଦ୍ କିତାନ ।

୨୧ ପାତର୍ ହୁଦାଂ ଜାକୁବ୍ ହାକି ଝେଡାଲିଂ ଜସେପ୍ତିଂ ରିୟାର୍ ହିମ୍ଣାକାଂ ଆସିର୍ବାଦ୍ କିତାନ, ଆରେ, ଜାର୍ ବାଡ଼ଗାନି ଚିପ୍ତ ଗେଣ୍ଜି ଇସ୍ବରତିଂ ଜଞ୍ଜାର କିତାନ ।

୨୨ ପାତର୍ ହୁଦାଂ ଜସେପ୍ ହାକି ଝେଡାଲିଂ ଇସ୍ରାଏଲ୍ ହିମ୍ଣାଂତି ମିସର୍ଦେସ୍ ପିହ୍ନି ବିସ୍ତେ ଇତାନ, ଆରେ, ଜାର୍ ପ୍ଲେନ୍ ବିସ୍ତେ ବଲ୍ ହିତାନ ।

୨୩ ପାତର୍ ହୁଦାଂ ମସାତିଂ ଆବା ଆୟା ହେଞ୍ଜାନ୍ତି ଜଲମ୍ ଝେଡାଲିଂ ହେଞ୍ଜାନିଂ ର ହଲ୍ନି କାଡ଼ଦେ ଇଞ୍ଜି ହୁଡ଼ଜି ରାଜାତି ବଲ୍ତିଂ ପାଣ୍ଡା ଆଞ୍ଜାଦାଂ ତିନ୍ ଲେଞ୍ଜ ପାତେକ୍ ହେଞ୍ଜାନିଂ ତ୍ତୁଟି ଇଡ଼ତାର ।

୨୪ ପାତର୍ ହୁଦାଂ ମସା ଗାଜା ଆତି ପାତେ ପାରରାଜା ଗାଡ଼ହିନି ମାଜି ଇଞ୍ଜି ତାକ୍ପୁଟା ଆଦେଂ ମୁନା କିତାନ । ୨୫ ପାପ୍ନି ତାନେକ୍ନି ସୁକ୍ବଗ୍ ବାଟା ଇସ୍ବରତି ଲକୁ ଲାହାଂ ନଲେ ଦୁକ୍ବଗ୍ କିଦେଙ୍ ହେଞ୍ଜାନ୍ ମାନ କିତାନ, ୨୬ ଆରେ ମିସର୍ନି ଝିଜୁ ଦନ୍ ବାଟା କ୍ରିସ୍ତୁଟି ନିନ୍ଦାନି ମେହାଣ୍ ଆନି ମୁଡ଼ଦି ଦାନ ଇଞ୍ଜି ବାବି କିତାନ, ଇନାକିଦେଂକି ହେଞ୍ଜାନ୍ ରଞ୍ଜାନ୍ ମତର୍ ଇସ୍ବରତି ଦାନି ସମୁ କାଜିଂ ହୁଡ଼ତାନ ।

୨୭ ମସା ପାତର୍ ହୁଦାଂ ହେଞ୍ଜାନ୍ ରାଜାତି ରିସାତିଂ ପାଣ୍ଡା ଆଞ୍ଜାଦାଂ ମିସର୍ ପିସ୍ତାନ, ଲାଗିଂ ଇନେନ୍ ହୁଡ଼ୟାଉଡ଼, ହେଞ୍ଜାନିଂ ହୁଡ଼ତି ଲାକେ ତିର୍ ମାନଗାତାନ । ୨୮ ପାତର୍ ହୁଦାଂ ମସା ନିସ୍ତାର୍ ପାର୍ତୁ ଆରି ନେତେର୍ ତିଶ୍ଟି ବିଦି ମାନି କିତାର, ଇନେସ୍ ପର୍ତ୍ତମ୍ ଜଲମ୍ ଆତି ଅହ୍ନାକା ହେଞ୍ଜାରିଂ ତୁଉକ୍ ।

୨୯ ପାତର୍ ହୁଦାଂ ଇସ୍ରାଏଲ୍ ମାନାୟାର୍ ଝାବ୍ତି ମେଦ୍ନି ଜପି ତାଙ୍ଗ୍ତି ଲାକେ ନେତେର୍ ହାମ୍ବୁର୍ ନାସି ହାଟାର; ପାତେ ମିସରିୟର୍ ହେଦାଂ କିଦେଙ୍ ସେସ୍ଟା କିଜି ମୁନ୍ଜି ହାଟାର ।

୩୦ ଇସ୍ରାଏଲ୍ ମାନାୟାର୍ ପାତର୍ ହୁଦାଂ ଜିରିହ୍ କୁଞ୍ଜାଡ଼ ସାଡ଼ ଦିନ୍ ପାତେକ୍ କିନ୍ଦା ଆତି ପାତେ ବୁଡା ଆତାଡ଼ । ୩୧ ପାତର୍ ହୁକେ ରାହାବ୍ ଦାରି ଚରକ୍କୁକାଂ ବାସିହିତିଲେ ବଲ୍ ମାନିକିଞ୍ଜାକାର ଲାହାଂ ନାସ୍ ଆଞ୍ଜାତାର ।

୩୨ ଆରେ ଆଦିକ୍ ଇନାକା ଇଞ୍ଜନାଂ ? ଗିଦିୟନ, ବାରାକ୍, ସାମ୍ସନ୍, ଜିପ୍ତହ୍, ଦାଉଦ୍, ସାମୁୟେଲ୍ ଆରି ବେଶ୍ବାକ୍ଶାୟ୍କିନାକାତର୍ ବିସ୍ତେ ଜଦି ଆନ୍ ହାନ୍ଦାୟ୍ କିନାଙ୍, ଲାଗିଂ ସମୁ ଏକ୍ତୁଡ଼; ୩୩ ପାତର୍ ହୁଦାଂ ହେଞ୍ଜାର୍ ରାଜିକାଂ ଜିଶା ଆତାର, ଦାମ୍ ସାଦନ୍ କିତାର, ପାର୍ମାଣ୍ ପାଡ଼ ପାୟା ଆତାର, ହେଞ୍ଜାର୍ ସିହ୍ନିକାଂ ଝେଇ ବନ୍ଦ କିତାର, ୩୪ ନାଣିନି ଆହ୍ନାକା ପାଗ୍ତାନ, କାଣ୍ଡାଦାରାତାଂ ରାକ୍ୟା ପାୟାତାର, ନାଦାର୍ ଝେଡାଲିଂ ସାକ୍ତି ଆତାର, କୁଜ୍ତ ଜିଶା ଆତାର, ଆରେ ପାତର୍ କିଞ୍ଜି ଜିହୁଦିର୍ ମେଲ୍ୟାରିଂ ପେସ୍ତାର । ୩୫ କଗ୍ଲେକ୍ ଜାର୍ ଜାର୍ ହାତାକାତର୍ ଆରେ ନିନାକା ହୁଦାଂ ଜିବୁନ୍ ପାୟା ଆତିକ୍ ।

ଆଦେକ୍ ହାର୍ ଆରେ ନିନାକା ପାୟାନ୍ କାଜିଂ ଉଦାର୍ ପାୟାଦେଂ ଇଚା କିଝାଦାଂ ଗାଣଜୁ କସୁବଗ୍ କିତିକ୍ । ୩୬ ବିନଲଗୁ କୁଲ୍ , କରତା ଇଡ଼ୟାଜି, ଆଁ, ଗାଡ଼ୟାଜି ଆରି ଜଇଲ୍ ହୁଦାଂ ପା ପରିକ୍ୟାକିୟା ଆତାର୍, ୩୭ ହେଝାର୍ କାଲ୍ କୁମାଡ଼ତ ହୁଞ୍ଜରାର୍, କରତତ ରି ଗାଣ୍ଟୁ ଆତାର୍ ଆରି କାଣ୍ଡାତାଂ ହାତାର୍ । ଇନେ ଇନେର୍ ମେଣ୍ଟା ଆରି ଅତା ତଲ୍ଦ ଉସ୍ପିସ୍ ଅକ୍ ଡ଼, ବାଦା ଆରି ଇନସ୍ତା ଆଜି ଏନେ ତେନେ ହାଲ୍ ବାତାର୍ । ୩୮ ବାଟାତ, ମାଡ଼ିତ, ପାରାତ, ଆରେ ପୁତ୍ ନି ବିତ୍ରେ ବୁଲ୍ ଆତାର୍, ପୁତ୍ କୁଲ୍ ଜଗ୍ ହିଲ୍ ଝାତାତ । ୩୯ ପାତ୍ ହୁଦାଂ ଇ ଝିଜାର୍ ତାକ୍ ପୁଟା ଲାବ୍ କିଜି ପା ପାର୍ମାଣ୍ଡି ପାଡ଼୍ ପାୟା ଆଝାତାର୍, ୪୦ ଲାଗିଂ ଇସ୍ପର୍ ମା କାଜିଂ ହାଦ୍ ବିସ୍ତେ ଜାଲ୍ଦି କିଝାଦାଂ ମାଚାନ୍, ଇନେସ୍ ହେଝାର୍ ମାଂ ପିସ୍ତି ବାତ୍ ଲାବ୍ କିଉର୍ ।

୧୨

ଇସ୍ପର୍ ମା ଆବା

୧ ଇ ଲାକେ ସାକିତ୍ ର ଗାଜା ଦାଡ଼୍ ମାନାୟାର୍ ମା ଚାର୍ ବେଶ୍ ତାଂ ମୁକ୍ତାତାଣ୍ଟା । ଲାଗିଂ ଝାତ, ଇମ୍ଫଣି ସବୁ ବିସ୍ତେ ମା ହାନାକା ବନ୍ଦ୍ କିଦ୍ ନାତା ଆରି ଇମ୍ଫଣି ପାପ୍ ସବୁ ମାଜେକ୍ ଜେଲ୍ କି ଆସ୍ତାଡ଼ନା, ହେ ଝିଜୁ ପିସ୍ପି ଜିସ୍ତୁକ୍ ଇଟ୍ କାଡ଼୍ କିଜି ସାସ୍ତାଂ ମା ହାନି ହାଜିତ୍ ହନ୍ ନାସ୍ । ୨ ଇନେର୍ ଜପି ଆସେକ୍ ଚିମରାଜି ପାତ୍ ଚିନ୍ତା କିନାସ୍, ଜିସ୍ତୁ କାଜିଂ ମା ହୁଡ଼ନାକା ବନ୍ଦ୍ କିନାସ୍, କୁସ୍ନି ହାକି ବଗି କିତାନ୍, ଆରେ ଇସ୍ପର୍ ତି ଗାଦିନି ତିନା ବାଗାକ୍ କୁଟାନ୍ନା ।

୩ ଏପେକ୍ ଇନେସ୍ ଜାର୍ ଜାର୍ ମାନ୍ତ ବିଝାହିଂ ଦୁକ୍ ପାୟା ଆଝାଦାଂ; ଇଦାଂ କାଜିଂ ଇନେନ୍ ପାପିରତାଂ ଏଚେକ୍ ଇଣ୍ ବିରୁଦ୍ଦତ ନକ୍ ଜାର୍ କୁଟୁମ୍ ତିନ୍ତା କିତାନ୍, ହେଝାନ୍ତ ବିସ୍ତେ ଚିନ୍ତା କିୟାଟ୍ । ୪ ଏପେକ୍ ପାପ୍ ବିରୁଦ୍ଦତ ଜୁଜ୍ କିଜି ନକ୍ ପାତେକ୍ ନେତେର୍ ନସ୍ତୁଆନି ପାତେକ୍ ଚେବାୟ୍ କିଝାତାଦେଣ୍ଟା, ୫ ଆରେ ହିମଣାକ୍ ଲାକେ ମି କାଜିଂ ଲେକିକିତି ଇ ଝାରିକିନି କାତା ବାଣାତାଦେଣ୍ଟା ?

“ଏ ନା ମାଜି, ମାପୁତି ସାସନ୍ତି ହାରୁ ଇଞ୍ଜି ବାବି କିମାଟ୍,

ହେଝାନ୍ତ ହୁଦାଂ ଲେଡ଼ୟା ଆତିସ୍ ଝାହ୍ ମାଟ୍,

୬ ଇନାକିଦେଂକି ମାପୁ ଇନେରିଂ ଜିଉନନାନ୍,

ହେଝାନିଂ ସାସନ୍ କିନାନ୍, ଆରେ ଇମ୍ଫଣି ମାଜିକ୍ ଇଡ଼ନାନ୍, ହେଝାନିଂ ଟ୍ରାକ୍ ନାନ୍ ।”

୭ ସାସନ୍ ଉଦେସ୍ତ ଏପେକ୍ କସୁ ବଗ୍ କିନାଦେରା, ଇସ୍ପର୍ ମି ଲାହାଂ ମାଜି ଲାକେ ଚିନ୍ତା କିଦ୍ ନା, ଇନାକିଦେଂକି ଆବା ଇନେରିଂ ସାସନ୍ କିଉନ୍, ଏଲେକ୍ ମାଜି ଇନେର୍ ମାନାନ୍ ? ୮ ମତର୍ ଇମ୍ଫଣି ସାସନ୍ ନି ମେହାନାକା, ଜଦି ଏପେକ୍ ହେବେନି ମେହାଣ୍ ଆକାୟ୍, ଝାଟିକ୍ ଏପେକ୍ ମାଜି ଆଝାଦାଂ ଉପକା ମାଜି କାଦେର୍ । ୯ ଆରେ ପା, ମା ସାସନ୍ କାରିୟା ମା ଗାଗାଡ଼ନି ଆବାରିଂ ଆସେକ୍ ଦୁକ୍ କିନାକା କିତାସ୍; ଝାଟିଂ ମା ଆବାତି ନଲେ ଏଚେକ୍ ଆଦିକ୍ ଲାକେ ତଲ୍ୟା ଆଜି ଜିରୁନ୍ ଗାଟା ଆଉସ୍ ? ୧୦ ଇନାକିଦେଂକି ହେଝାରିଂ ଇନେସ୍ ବେସି ହାର୍ କିଜି ବୁଜାତାର୍, ହେ ଇସାପ୍ରେ ହେଝାର୍ ଅଲପ୍ ଦିନ୍ କାଜିଂ ମାଜେକ୍ ସାସନ୍ କିଡ଼ତାନ୍, ମତର୍ ଆସେକ୍ ଇନେସ୍ ହେଝାନ୍ତ ପୁଇପୁୟାତ ମେହାଣ୍ ଆନାସ୍, ଇଦାଂ କାଜିଂ ହେଝାନି ମା ବାଲ୍ କାଜିଂ ସାସନ୍ କିଦ୍ ନାନ୍ । ୧୧ ସାସନ୍ ନକ୍ ଝାରିୟା ଆଝାଦାଂ ଦୁକ୍ ବୁଜାଦେଂ ଆନାଟ୍; ଆତିସ୍ ପା ଇମ୍ଫଣାକାର୍ ତା ହୁଦାଂ ହିକ୍ୟା ଗାଟା ଆତାଣ୍ଟା, ତା ପାଚେ ହେଝାରିଂ ସୁସ୍ତାନି ପାଡ଼୍ ଲାକେ ଦାମ୍ ଉପକାର୍ ହିଦ୍ ନାଟ୍ ।

ଉପଦେସ୍ ଆରି ଜାଗ୍ରତ୍ କାତା

୧୨ ଇଦାଂ କାଜିଂ ଏପେକ୍ ନାଦାର୍ କେଇ ଆରି ଝିଜୁ ମେଣ୍ଟା ବାଡ଼କାସ୍ କିୟାଟ୍, ୧୩ ଆରେ ଜାର୍ ଜାର୍ ପାନା କାଜିଂ ହାଣ୍ଟୁ ହାଜି ଜାଲ୍ଦି କିୟାଟ୍, ଇନେସ୍ ଇନାକା ଚଟା, ହେଦାଂ ଆଦିକ୍ ବାନ୍ୟା ଆଝାଦାଂ ନଲେ ଉଜ୍ ଆନାଟ୍ ।

୧୪ ଝିଜାର୍ ଲାହାଂ ସୁସ୍ତାତ ମାଞ୍ଜେକ୍ ସେସ୍ତୁ କିୟାଟ୍, ଆରେ ଇମ୍ଫଣି ପୁଇପୁୟା ପିସ୍ତି ଇନେର୍ ମାପୁକ୍ ହୁଡ଼ଦେଂ ଆଡୁର୍, ତା ପାଚେ ହାଲାଟ୍, ୧୫ ଏଚେକାଡ଼୍ ଇନେର୍ ଇସ୍ପର୍ ଦୟାତାଂ ମୁଞ୍ଜୁନ୍ କି ଇମ୍ଫଣାକା ପା କେନି ଦଲ୍ ନେସ୍ଜି ବାତାଦେଂ ମିଦାକ୍ ନସ୍ତୁ କିଦ୍ ନାଟ୍, ଆରେ ତା ହୁଦାଂ ଆଦେକ୍ ବିଟାଡ଼୍ ଆନିକ୍; ୧୬ ଇନେର୍ ବାନିୟା କାମାୟ୍ କିନାକାର୍, ର ଅଲିନି କାଦି କାଜିଂ ଜାର୍ ଗାଜା ଆଦିକାର୍ ପ୍ରତାକାନ୍ ଜେ ଏସୌ, ହେଦାଂ ଲାକେ ଅଦାମ୍ ଆନାଟ୍, ଇ ବିସ୍ତେ ବେସି ଜାଗ୍ରତ୍ ଆଡୁ । ୧୭ ଏପେକ୍ ତ ପୁନାଦେର୍ ଜେ, ପାଚେ ହେଝାନି ଆସିର୍ବାଦିନି ଆଦିକାରି ଆନି କାଜିଂ ଇଚା କିତିସ୍ ପା ମୁନାକିୟାତାନ୍, ଆରେ ମାନ୍ ବାଦ୍ ଲାୟ୍ କିନି କାଜିଂ କାଣେଲିଂ ଲାହାକ୍ ଜାଡୁନ୍ ତାଂ ସେସ୍ତୁ କିତିସ୍ ପା ହେଦାଂ କିନି କାଜିଂ ଆରେ ହୁଡୁର୍ ଗାଟା ଆଝାତାତ୍ ।

୧୮ ଇନାକିଦେଂକି ଇସ୍ତାଏଲ୍ ଏପେକ୍ ସିୟନ୍ ମାଡ଼ି ଆରି ଆହ୍ନି ନାଣି ଲାଗାୟ୍ ଆରେ ଗେସ୍ତି ବାଦାଡ଼୍, ମାଜ୍ ଗାନି ଡ଼ଲ୍, ୧୯ ମରିନି ଗାଜ୍ରାନାକା ଆରି ବାଜାନି ଗାଜ୍ରାନାକା ଲାଗାୟ୍ ଝାଝାତାଦେଣ୍ଟା, ଝେନାକାର୍

ହେ ଗାନ୍ତାମାକା ଝେନଞ୍ଜି ଇନେସ୍ ହେଝାରିଂ ଆରେ ଇମଣାକା ପା ବଚନ୍ ଇନ୍ୟା ଆଉଡ଼, ଇଦାଂ ଗଞ୍ଜାରି କିଜି ମାତାନ; ୨୦ ଲାଗିଂ “ଇମଣାକା ପା ପସୁ ପା ଜଦି ହେ ମାଡ଼ି ତୁନାଡ଼, ଝାଟିଙ୍ଗ୍ ହେଦାଂ ଗାଜା କାଲ୍ଦାଂ ହାନାଡ଼, ଇଦାଂ ଇମଣି ବଲ୍ଲ ହିଆତାନା, ହେଦାଂ ହେଝାର୍ ହୁଞ୍ଜେଙ୍ଗ୍ ଆଡ଼ଝାତାର୍” ୨୧ ଆରେ ହେ କାତା ଏଲେଙ୍ଗ୍ବାତର୍ ବୟଙ୍ଗାର୍ ମାତାଡ଼ ଜେ, ମସାନେ ଇଚାନ, “ଆନ୍ ବେସି ପାଣ୍ଡୁ ଆରି ତ୍ରିଗ୍ନାଙ୍ଗା ।”

୨୨ ମତର୍ ଏପେଙ୍ଗ୍ ସିୟନ୍ ମାଡ଼ି ଆରି ଜିତି ଇସ୍ପୁରିତି ଗାଡ଼, ଇଚିସ୍ ସାଗେନି ଜିରୁସାଲମ୍, ଗାଣାକିଦେଂଆଡ଼ଝି ଦୁତକ୍ତି ପାର୍ବୁ, ୨୩ ସାଗେତ ଲେକିକିତି ପର୍ତ୍ତୁମ୍ ଜଲମ୍ଆତାକାତର୍ ମଣ୍ଡଲି, ଝିଜାକାତର୍ ବିଚାରକାର୍ଯ୍ୟା ଇସ୍ପୁର୍ ଲାଗାଂ ଏପେଙ୍ଗ୍ ବାତର୍ ପାୟାତି ଦାମ୍ତର୍ ଜିରୁନିଙ୍ଗ୍, ୨୪ ପୁନି ନିୟମ୍ନି ମାଦ୍‌ଶାକାନ୍ ଜିସୁ, ଆରେ ଇମଣି ତିରତି ନେତେର୍ ହେବଲ୍ଲି ନେତେର୍ ବାଟା ହାଦର୍ ବଚନ୍ ଇନାଡ଼, ତା ଲାଗାୟ ଝାତାଦେଣ୍ଡା ।

୨୫ ଜାଗ୍ରଡ଼, ଇନେନ୍ ବଚନ୍ ଇନାନ୍ନା, ହେଝାନିଂ ମୁନା କିମାଟ୍, ଇନାକିଦେଂକି ଇନେନ୍ ପୁତର୍ ବଲ୍ଲ ହିତାନ୍, ହେଝାନିଂ ମୁନା କିତିଲେ ହେଝାର୍ ଜଦି ରାକ୍ୟା ପାୟା ଆଝାତାର୍, ଝାଟିଂ ଇନେନ୍ ସାଗେତାଂ ବଲ୍ଲ ହିଡ଼ତାନ୍ନା, ହେଝାଡ଼ିତାଂ ମାସ୍ଦି ହାଚିସ୍ ଆସେଙ୍ଗ୍ ଜେ ରାକ୍ୟା ପାୟା ଆଉସ୍, ଇଦାଂ ଏଚେକ୍ ଆଦିକ୍ ହାଡ଼ପା ! ୨୬ ହେ ଏଚେଝେଡ଼ାଲିଂ ହେଝାଡ଼ି କାଟ୍ ପୁତର୍ ତିଂ ଜଲାଇକିତାଡ଼, ମତର୍ ନଙ୍ଗ୍ ହେଝାନ୍ ପାର୍ମାଣ୍ କିଜି ଇଞ୍ଜାଙ୍ଗ୍ନା, “ଆରେ ରଗ ଆପ୍ ଜେ ପୁତର୍ ତିଂ ଲେସ୍ପାନାସ୍, ହେଦାଂ ଆକାୟ୍, ମତର୍ ଆକାସ୍ତାଂ ପା ଲେପ୍‌ପାନାଙ୍ଗ୍ ।” ୨୭ “ଆରେରଗ” ଇଞ୍ଜି ଇନି ହୁଦାଂ ଇଦାଂ ବୁଜାୟା ଆନାଡ଼ ଜେ, ଲେମ୍‌ଝି ବିସ୍ତେ ସବୁ ମାନି କାଜିଂ ଟଡ଼ମଡ଼ ବିସ୍ତେ, ଇଚିସ୍ ଉବ୍‌ଜାଣ୍ ବିସ୍ତେ ସବୁନି ବାଦ୍‌ଲା ଆନାଡ଼ ।

୨୮ ଲାଗିଂ, ଲେମ୍‌ଝି ରାଜି ଗାଟା ଆତିଲେ ଝାଡୁ, ଆସେଙ୍ଗ୍ ଝାରିୟା ଆଜି ପାଣ୍ଡୁ ଆରି ବଲ୍ଲି ହୁଦାଂ ଇସ୍ପୁରିତି ଜୁଝାର୍ କିଜି ମାନାସ୍ ଇ ଇଚାତ ସାରି ଆଜି ପାର୍ତାନା କିନାସ୍ । ୨୯ ଇନାକିଦେଂକି ମା ଇସ୍ପୁର୍ ତିନିଞ୍ଜିହାନି ନାଣି ଲାକେ ଆନାନ୍ ।

୧୩

ଇସ୍ପୁରିତିଂ ସାରି କିନାସ୍

୧ କ୍ରିସ୍ଟଙ୍ଗ୍ ପାତର୍ କିନାକାଦେର୍ ଏ ଟଣ୍ଡାର୍ ଆରି ତଣ୍ଡାଦେକ୍ ଜିଉନନିତ ତିର୍ ଆଜି ମାନାଟ୍ । ୨ ଝାଜି ମାନି ଗତାଂହେବା ପର୍‌ମାଟ୍, ଲାଗିଂ ତାହୁଦାଂ ଇନେ ଇନେର୍ ପୁନ୍‌ଝାଦାଂ ଦୁତକ୍ ହେବା କିନାରା । ୩ ଜାର୍‌ତିଂ ବନ୍ଦିରିଂ ରଚେବନ୍ଦି ଲାକେ ଗିଆନ୍ କିଜି ଆରେ ନିଜେ ଗାଗାଡ଼ ଆସ୍ତାପ୍‌ନା ଇଞ୍ଜି ପୁଞ୍ଜି କସ୍ ବଗ୍‌କିନି ଲକ୍ଷୁରିଂ ଏଡ଼ କିୟାଟ୍ ।

୪ ବିବା ଝିଜାକାତର୍ ବିତ୍ତେ ହାର୍ ଆୟେଡ଼ ଆରି ହେଝାଡ଼ି ଟାଟି ସକର୍ ଆୟେଡ଼, ଇନାକିଦେଂକି ଇସ୍ପୁର୍ ଲକାର୍‌ଦାରି ଆରି ପାପିରିଂ ବିଚାର୍ କିନାନ୍ ।

୫ ଇନିବେବାର୍ତ୍ତ ଦନ୍ ଲବ୍‌ତ ଝାରାକା ଆଡୁ, ମିଦାଙ୍ଗ୍ ଇନାକା ମାନାଡ଼, ହେବେ ସାରି ମାନାଟ୍, ଇନାକିଦେଂକି ଇସ୍ପୁର୍ ନିଜେ ଇନ୍‌ଞ୍ଜାନ୍ନା, “ଆପ୍ ମିଙ୍ଗେଙ୍ଗ୍ ସବୁଝେଡ଼ାଙ୍ଗ୍ ଆସ୍ତି ମାଞ୍ଜ୍‌ନାପ, ଆପ୍ ମିଙ୍ଗେଙ୍ଗ୍ ଇନାଝାଡ଼ାଂ ପା ପିସ୍ତୁପୁ ।” ୬ ଲାଗିଂ ଆସେଙ୍ଗ୍ ସାସ୍ତାଂ ଇଞ୍ଜେଙ୍ଗ୍ ଆଡ଼ନାସ୍, “ମାପୁ ନା ରାକ୍ୟାକାର୍‌ଆ,

ଆନ୍ ପାଣ୍ଡୁ ଆଉଙ୍ଗ୍,

ମାନାୟ୍ ନାଦାଂ ଇନାକା କିଦ୍‌ନାନ୍ ?”

୭ ଇମ୍‌ଶାକାର୍ ମିଙ୍ଗେଙ୍ଗ୍ ଇସ୍ପୁରିତି ବଚନ୍ ଝେରତି ମାନ୍‌ଞ୍ଜାର୍, ମିଦାଂ ଏଲେଙ୍ଗ୍ ନେତାରିଂ ଏଡ଼ କିୟାଟ୍, ହେଝାରିତି ବେବାର୍ ହାରିହାରା ତାଂନି କାଜିଂ ହୁଡ଼ଜି ହେଝାରିତି ପାତର୍ ପାଚେ ହାଲାଟ୍ । ୮ ଜିସୁ କ୍ରିସ୍ଟୁ ନିହିଙ୍ଗ୍, ନେଞ୍ଜେଙ୍ଗ୍ ଆରି ସବୁ ଝେଡ଼ାଙ୍ଗ୍ ସମାନ୍ ମାନାନ୍ । ୯ ବାନ୍‌ଧାନିପ ଆରି ଉଲ୍‌ଟି ବାନି ହିକ୍ୟାତ ବିପ୍ତି ଆମାଟ୍, ଇନାକିଦେଂକି କାଦି ଜିନିସ୍ତିଂ ହୁଦାଂ ଆକାୟ୍, ମତର୍ ଦୟା ହୁଦାଂ ମାନ୍ ତିର୍ ଆନାକା ହାର୍; ଇମ୍‌ଶାକାର୍ ତିନାକାଉଣାକା ଚାଲାୟ୍ କିଜି ମାନି କିତାର୍, ହେଝାରିତି ମୁଡ଼େ ଲାବ୍ ଆଝାତାଡ଼ନା ।

୧୦ ଇମଣି ଗାର୍‌ଣିନି ଜିନିସିଂ ତୁମ୍‌ନିଆକାତିଂ ପୁଜାରିତିଂ ତିନି କାଜିଂ ଆଦିକାର୍ ହିଲୁଡ଼, ମାଦାଂ ଏଲେଙ୍ଗ୍ ର ଗାର୍‌ଣି ମାନାଡ଼ । ୧୧ ଇନାକିଦେଂକି ଇମଣି ସବୁ ପସୁତି ନେତେର୍ ପାପିନି ପୁଜାଲାକେ ମୁଡ଼୍ ମାପୁହେବାକିନାକାନ୍ ହୁଦାଂ ମୁଡ଼୍ ପୁଇପୁୟା ବାହାତ ତାହିଝାନାର୍, ହେ ସବୁ ପସୁନି ଗାଗାଡ଼ ଚାଉଣି ବାର୍ତ୍ କାଡ଼ନାଡ଼ । ୧୨ ଇଦାଂ କାଜିଂ ଜିସୁ ପା ଜାର୍ ନେତେର୍ ହୁଦାଂ ଇନେସ୍ ମାନାୟାତର୍ ପୁଇପୁୟା କିନାନ୍, ଇଦାଂ କାଜିଂ ଗାଡ଼ ଦୁଆଣ୍ଟ୍ ବାର୍ତ୍ ହାକି ବଗି କିତାନ୍ । ୧୩ ଲାଗିଂ, ଝାଡୁ, ଆସେଙ୍ଗ୍ ହେଝାନ୍ ଲାକେ ନିଦା, ଅପ୍‌ମାନ୍ ହୁନ୍‌ଞ୍ଜି ଗାଡ଼ ବାର୍ତ୍ ହେଝାଡ଼ି ଲାଗେ ହାନାସ୍ । ୧୪ ଇନାକିଦେଂକି ଇ ପୁତର୍ ତ ମାଦାଂ ସବୁଦିନି ମାନି ଗାଡ଼୍ ହିଲୁଡ଼, ମତର୍ ଆସେଙ୍ଗ୍ ଝାନିଦିଡ଼ିନି ଗାଡ଼୍ ତେକ୍‌ନାସା । ୧୫ ଲାଗିଂ ଝାଡୁ, ଜିସୁଙ୍ଗ୍ ହିଜି

ଆସେଇଁ ଇସ୍ବରତି କାଜିଂ ଖାରିକିୟ ହୁକେ ପୁଜା, ଇତିସ୍ ହେଖାନ୍ତି ତର ମାନିକିନି ଓଟିନି ପାଡ଼ ନିତ୍ରେ ପୁଜାକିନାସ୍ । ୧୭ ଲକାର୍ ଉପକାର୍ ଆରି ଦାନ୍ କିଦେଇଁ ପର୍ମାଟ୍, ଇନାକିଦେଂକି ଏଲେଇଁ ପୁଜାତ ଇସ୍ବରତି ବେସି ସତକ୍ ।

୧୭ ମି ନେତାତ୍ ବଲ୍ ମାନିକିୟାଟ୍, ହେଖାନ୍ତି ବଲ୍ ପାଲି କିୟାଟ୍ । ହେଖାନ୍ ଜାଗ୍‌ଖାଡ଼ାର୍ ଲାକେ ମି ଖାସ୍ତି ରାକ୍ୟା କାଜିଂ ଜମ୍‌ଝି ବାବ୍ରେ କାଡ଼ନାରା, ଇନାକିଦେଂକି ହେଖାରିଂ ଇସ୍ବର ଲାଗାଂ ଜାର୍ କାମାୟନି ଇସାପ୍ ହିୟାନାଟ୍ । ଏପେଇଁ ଜଦି ହେଖାନ୍ତି ବଲ୍ ମାନିକିୟାଟ୍, ଲାଗିଂ ହେଖାନ୍ ଖାରି ମାନ୍ତାଈ ଜାର୍ କାମାୟ କିତାର୍, ମାତର୍ ଜଦି ହେଦାଂ କିଝିତିସ୍, ଖାଟିଙ୍ ହେଖାନ୍ ମାନ୍‌ହିଝି ମାନ୍ତାଈ ହେଦାଂ କିତାର୍ ଆରି ଇଦାଂ ମି ପାକ୍ୟାତ ହାର୍ ଆଉଡ଼ ।

୧୮ ମା କାଜିଂ ପାର୍ତନା କିୟାଟ୍, ଇନାକିଦେଂକି ମା ପାତ୍ ଜେ, ମା ହାଦ୍ ଚିନ୍ତା କାଜିଂ ମାନାଟ୍, ଲାଗିଂ ଝିନ୍ତୁ ବିସ୍ରେ ହାଦ୍ ବେବାର୍ କିଦେଇଁ ଆପେଂ ଇଚା କିନାପା । ୧୯ ଆରେ ଆନ୍ ଇନେସ୍ ବେଗି ମି ଲାଗେ ହାଞ୍ଜେଇଁ ଆଡ଼ନାଈ, ଇଦାଂ କାଜିଂ ପାର୍ତନା କିଦେଇଁ ମିଞ୍ଜେଇଁ ବେସିକିଜି ଖାସ୍ତିତାଂ ଗଞ୍ଜାରି କିନ୍ନାଈ ।

ହାରିହାରା ପାର୍ତନା

୨୦ ଇମ୍‌ଶି ସୁସ୍ତା ହିଦ୍‌ନି ଇସ୍ବର ଝିଜ୍‌ଝିକାଡ଼୍ ତିର୍ ନିୟମ୍‌ନି ନେତେର୍ କାଜିଂ ମୁଡ଼୍ ମେଣ୍ଡାଗଡ଼ିୟା, ଇତିସ୍ ମା ମାପୁ ଜିସୁତିଂ ହାକିନିକାର୍ ବିତ୍ରେତାଂ ମାସ୍ତି ତାହିଝାତାନ୍; ୨୧ ହେଖାନ୍ତି କାଶକୁତ ଇନାକା ହଲ୍‌ନାଟ୍, ହେଦାଂ ହେଖାନ୍ ମା ଖାସ୍ତିତ ଜିସୁ କ୍ରିସ୍ ହୁଦାଂ ଝିସ୍‌ସି ହେଖାନ୍ତି ଇଚା ପୁରା କିଦେଇଁ ମିଞ୍ଜେଇଁ ଜାଶ୍‌କେ ହାର୍‌ଦି କାମାୟତ ବାତ୍ କିଦେନ୍ । ଜୁଗ୍ ଜୁଗ୍ ଜାଜ୍‌ମାଲ୍ ହେଖାନ୍ତି । ଆମେନ୍ ।

ଝିନ୍ତୁ କାତା

୨୨ ଏ ଟଣ୍ଡାର୍ ଆରି ତଣ୍ଡେକାଦେର୍, ଆନ୍ ମିଞ୍ଜେଇଁ ଗଞ୍ଜାରି କିନ୍ନାଈ, ଇ ଉପଦେସ୍ ମାନି କିୟାଟ୍, ଲାଗିଂ ଆନ୍ ହାରୁ ଆକିତ ମିଞ୍ଜେଇଁ ଖାରିକିୟକିଦ୍‌ନି କାଜିଂ ଲେକିକିଡ଼ତାଂନା, ହେଦାଂ ଦିଆନ୍ ହିୟାଟ୍ । ୨୩ ମା ଟଣ୍ଡେନ୍ ତିମତି ଜଲ୍‌ଲତାଂ ମୁକ୍‌ଡ଼ା ଆତାନ୍ନା ଇଞ୍ଜି ପୁନାଦେର୍, ଜଦି ହେଖାନ୍ ବେଗି ଖାତିସ୍, ଖାଟିଂ ହେଖାନ୍ ରତେ ଆନ୍ ମି ଲାହାଂ ବେଟ୍ ଆଦେଂ ଖାନାଈ ।

୨୪ ମିଞ୍ଜେଇଁ ଝିଜାର୍ ନେତା ଆରି ପୁଇପୁୟାନି ସାଦୁଝିଜାରିଂ ଜଞ୍ଜାର୍ ଜାଶାୟକିଆଟ୍ । ଇମ୍‌ଶାକାର୍ ଇତାଲିଆତାଂ ଖାତାଣ୍ଡା, ହେଖାନ୍ ମିଞ୍ଜେଇଁ ଜଞ୍ଜାର୍ ଜାଶାୟକିଡ଼ତାଣ୍ଡା ।

୨୫ ଇସ୍ବରତି ଦୟା ମି ଝିଜାକାତ୍ ଲାହାଂ ଆୟେଡ଼ ।

ଯାକ୍‌ବଙ୍କ ପତ୍ର ଜାକ୍‌ବ‌ତ୍‌ ଆକି ଜାକ୍‌ବ ଆକି ବିସ୍ତେନି ପାଦେକ୍

ଜାକ୍‌ବ ପତି ଜାକ୍‌ବ ତରଦ କୁକ୍ୟାତି ରଞ୍ଜାନ୍ ମୁଣିକାତାଂ ଲେକା ଆତାନ୍ । ଇ ଜାକ୍‌ବ ଆଜି ମାନ୍‌ଗାନାତ୍ ଜିସୁ କ୍ରିସ୍ତୁତି ଗଣ୍ଡେନ୍ ମାତାନ୍, ଇନେନକି ଆଗେନି ମଣ୍ଡଲିନି ରଞ୍ଜାନ୍ ନେତା ମାଞ୍ଜାନ୍ ଆରି ଜିରୁସାଲମ୍‌ନି ସବାନି ମେମର୍ ମାତାନ୍ ପକ୍ୟାତାକା ୧୫:୧୩ ପକ୍ୟାତି ପାଉଲ୍ ପା ଜାକ୍‌ବଂ ମଣ୍ଡଲିନି ମୁଣ୍ଡା ଇଞ୍ଜି କୁକ୍‌ନାନ୍ ଗାଲାତିୟ ୨:୯ । ଜାକ୍‌ବ ପତି ଜିସୁକ୍ରିସ୍ତୁତି ୫୦ ବାହୁଁ ପାଚେ ଲେକା ଆତାନ୍ ଇଞ୍ଜି ବାଇବଲ୍ ପଣ୍ଡିତ୍‌କୁର୍ ପାତର୍ କିତାର୍ । ଜାକ୍‌ବ ଜିରୁସାଲମ୍‌ ମଣ୍ଡଲିନି ନେତା ମାତାନ୍ ଲାଗି ଆଜି ମାନ୍‌ଗାନାତ୍ ହେବେ ବାହା କିଜି ମାନିହିଁ ହେଞ୍ଜାନ୍ ଇ ପତି ଲେକିକିଜି ମାତାନ୍ । ଜାକ୍‌ବ ଦେସ୍‌ନି ଜେଡେକେଡ୍ ଆଜି ମାନି ବାର୍ କୁଚୁମ୍‌ତିଂ ଜାଣାଟିନା କିନାନ୍ ୧:୧ ।

ଜାକ୍‌ବ ପତି ବେବାର୍ କିଦେକ୍ ଝିଜାକାର୍ କ୍ରିସ୍ତୁୟାନାତର୍ କାଜିଂ ମାତାତ୍, ମାତର୍ ବାର୍ କୁଚୁମ୍‌ କାଜିଂ ବେବାର୍ କିତାକା ସବଦ୍ ଜାକ୍‌ବ ସିଦା ଜିହୁଦିର୍ କ୍ରିସ୍ତୁୟାନିଂ ଲେକିକିଜି ମାତାନ୍ । ଇନେକିଦେଂକି ଇ ପତି ଜେଡକେଡ୍ ବାବ୍ରେ ମାନି ପଡିକିନାକାରିଂ ଏକିକିଦେଂ ବିସ୍ତେ ଟିକ୍‌ଶା ହିନାତ୍ । ଜାକ୍‌ବ, ପାତର୍ ଆରି କାମାୟତ ବେସି ମେହାଣ୍ ଜପି ଚର୍ଚି ଇନାନ୍ ଜେ, ହାତ୍‌ପା ପାତର୍ କାମାୟତ ହୁଡ଼ୟାନାତ୍ ୨:୧୭ ହେଞ୍ଜାନ୍ ମାଜାନ୍ ମାନାୟତିଂ ମୁକ୍‌ମେଟ୍ ବିସ୍ତେ ଜାଗ୍ରତ୍ କିନାନ୍ ୨:୧-୪ ଡକ୍‌କି ଇଡ୍‌ଜି କାତାବାଡା କିନି ବିସ୍ତେ ଜାଗ୍ରତ୍ ଆଦେଂ ଝେଚ୍‌ନାନ୍ । ୩:୧-୧୨

ପତି ବିସ୍ତେନି ରାହାଣ୍

- ୧. ଜାକ୍‌ବ ତା ପତି କିନାକାରିଂ ବାନ୍ଦାୟ କିନାନ୍ ୧:୧
- ୨. ହେଞ୍ଜାନ୍ କ୍ରିସ୍ତୁୟାରିଂ ଦୁକ୍ ଝେଡାଲିଂ ସାସ୍‌ତାଂ ମାଞ୍ଜେକ୍ ଝେଚ୍‌ଚି ମାତାନ୍ ୧:୨-୨୭
- ୩. କାମାୟତାଂ ଇନେସ୍ ପାତର୍ ଚର୍ଚେକ୍ ଲଡା ହେ ବିସ୍ତେ ଇନାନ୍ ୨:୧-୨୭
- ୪. ବଚନ୍ ଇନେସ୍ ସାକ୍ତି ଆଦେଂ ଆଡ୍‌ନାତ୍ ହେ ବିସ୍ତେ ଲେକିକିତାନ୍ ୩:୧-୧୨
- ୫. ଜାକ୍‌ବ ଇସ୍‌ରତି ଗିଆନ୍ ଜଗଡ୍‌ନି ଗିଆନ୍‌ତାଂ ବିନ୍ ଆଜି ମାନ୍‌ଗାନାତ୍ ହେଦାଂ ଲେକି କିତାନ୍ ୩:୧୩-୪:୧୦
- ୬. ପାଚେ ହେଞ୍ଜାନ୍ ପତି କିନାକାରିଂ ଗାବର୍ ଆଞ୍ଜି ବିସ୍ତେ ସିକ୍ୟା ହିନାନ୍ ୪:୧୧-୫:୬
- ୭. ହାରିହାରା ଜାକ୍‌ବ ଏଚେଗଟା ବିସ୍ତେ ବଲ୍ ହିଜି ଲେକିକିନାକା ଝିହ୍‌ନାନ୍ ୫:୭-୨୦

ଜାକ୍‌ବ‌ତ୍‌ ଆକି

୧ ଆନ୍ ଜାକ୍‌ବ୍ ଇସ୍‌ରତି ଆରି ମାପୁ ଜିସୁ କ୍ରିସ୍ତୁତି ଆଡିଏନ୍, “ସବୁ ଜଗଡ୍‌ନି ଜେଡେକେଡ୍ ଆଜି ମାନି ଇସ୍‌ରତି ମାନାୟାରିଂ ଜୁଞ୍ଜାର୍ କିଜି ଇ ଆକି ଲେକିକିନାକା ।”

ପାତର୍ ଆରି ହୁଦାର୍

୨ ଏ ନା ଟଣ୍ଡାର୍ ଆରି ଡଣ୍ଡେକ୍, ଏପେକ୍ ଏଚେକାଡ୍‌ଦ ବାରିବିନ୍ ଦୁକ୍ କସ୍ ଝାତିସ୍, ହେଦାଂ ହାର୍ କାମାୟ ବିସ୍ତେ ଇଞ୍ଜି ବାବି କିୟାଟ୍; ୩ ଇନେକିଦେଂକି ଏପେକ୍ ପୁନାଟ୍, ଏଲେକ୍ ବାନି ଦୁକ୍‌ତ ଦୁକ୍ ଗିଟାଆଦ୍‌ନି ଝେଡାଲିଂ ପରିକ୍ୟା ପାତର୍ ତ ଚିର୍ ମାଟିସ୍, ସମାଲିକିନି ସାକ୍ତି ବାଡାଆନାତ୍ । ୪ ଆରେ, ଏପେକ୍ ଇନେସ୍ ଇମ୍‌ଣି ବିସ୍ତେ ଉଣାଞ୍ଜାଦାଂ ବାତର୍ ଆରି ପୁରା ଆଡୁ, ଇଦାଂ କାଜିଂ ହାରିହାରା ପାତେକ୍ ହୁଦାର୍ ଆଜି ମାତାଟ୍ । ୫ ମାତର୍ ମି ବିଡ୍ରେ ଏଚେକାଡ୍‌ଦ ଇନେରତି ଗିୟାନ୍‌ନି ଅବାବ୍ ମାଟିସ୍, ବାଟିକ୍ ଇମ୍‌ଣି ଇସ୍‌ର ଦସ୍ ଆହ୍‌ଞ୍ଜାଦାଂ ମେଲା କେଇଦାଂ ଝିଜାରିଂ ଦାନ୍ କିନାନ୍, ହେଞ୍ଜାନ୍ ଲାଗେ ହେଞ୍ଜାନ୍ ପାତାନ୍ କିଏନ୍, ହେବେଶ୍ଟା ହେଞ୍ଜାନ୍ ହିଆନାତ୍ । ୬ ମାତର୍ ହେଞ୍ଜାନ୍ ଅଲପ୍ ମତର୍ ଆନ୍‌ମାନ୍ ଆଞ୍ଜାଦାଂ ପାତର୍ ହୁକେ ପାତାନ୍ କିଏନ୍, ଇନେକିଦେଂକି ଇନେର୍ ଆନ୍‌ମାନ୍ କିନାଟ୍, ହେଞ୍ଜାନ୍ ଡକ୍‌ଦାଂ ଇନିହାୟନି ତାଜ୍‌ନି ହାମ୍‌ଦୁରନି ଲଡି ଲାକେ । ୭ ହେ ଲାକେ ମାନାୟ ମାପୁତାକେଶ୍ଟାଂ ଅଲପ୍ ଗାଟାନାନ୍ ଇଞ୍ଜି ବାବି କିମେନ୍ ।

୮ ହେଞ୍ଜାନ୍ ତ ରିମାନ୍ୟା ମାନାୟ, ଜାର୍‌ତି ଝିଜୁ ତାଜ୍‌ତି ତାଜ୍‌ ଚିର୍ ଆକାୟ ।

ମାଜାନ୍ ଆରି ଅକର୍‌ଡ୍

୯ ଅକର୍‌ଡ୍ ଅବସ୍ତାତ ମାନି ଟଣ୍ଡାର୍ ଜାର୍‌ତିଂ ନିଜ୍‌ନି ବିସ୍ତେ ଗରବ୍ କିଏନ୍, ୧୦ ମାଜାନ୍ କ୍ରିସ୍ତୁ ପାତର୍ କିନାକାନ୍ ଜାର୍ ଅକର୍‌ଡ୍ ଝେଡାଲିଂ ଗରବ୍ କିଏନ୍, ଇନେକିଦେଂକି କାଟ୍‌ନି ପୁଇ ଲାକେ ହେଞ୍ଜାନ୍ ହାଡ୍‌ଜି

ହାନାନ୍ । ୧୧ ଲାଗିଂ ଖେଡ଼ା ନାଡ଼ିହିଂ ହତିସ୍ କାରା ଇନେସ୍ ଖାଜ୍ଜି ହାନାଡ଼ ଆରି ହେବେନି ପୁଇ ହାଡ଼ଜି ହାନାଡ଼ ଆରେ ହେଦାଂ ନି ହଲ୍ଲନାକା ଡ଼ଗୁଜି ହାନାଡ଼, ହେ ଲାକେ ମାଜାନ୍ ଲଗୁ ଜାରତି ସବୁ ମୁକାଲିଂ ମୁରଜା ଆନାଡ଼ ।

ପରିକ୍ୟା ଆରି ଲବାୟ୍ କିନାକା

୧୨ ଇମ୍ମଣି ଲଗୁ ପରିକ୍ୟାତ ହୁଞ୍ଜେଜ୍ ଆଡ଼ନାନ୍, ହେଞ୍ଜାନ୍ ଦନ୍ୟ, ଇନେକିଦେଂକି ମାପୁ ଜିଉନନି ଜାର୍ ଲକାରିଂ ଇମ୍ମଣି ଜିରୁନ୍ ବାଡ଼ିଂ ମୁକୁଟ୍ ହିଦେଂ ପାର୍ମାଣ୍ କିତାନ୍ନା, ପରିକ୍ୟାସିଦ୍ ଆତି ପାଚେ ହେ ଲକୁ ହେ ମୁକୁଟ୍ ଗାଟା ଆନାନ୍ । ୧୩ ଇନେର୍ ପରିକ୍ୟାତ ଆତିସ୍, ନାଦାଂ ଇ ପରିକ୍ୟା ଇସ୍ବରତି ନିପ ଆନାତା ଇଞ୍ଜି ଇନମେନ୍, ଇନେକିଦେଂକି ଇସ୍ବର ବାନ୍ୟାତ ପରିକ୍ୟା ଆଦେଂ ଆଡୁନ୍, “ଆରେ ହେଞ୍ଜାନ୍ ନିଜେ ଇନେରିଂ ପରିକ୍ୟା କିଉନ୍ ।” ୧୪ ମାତର୍ ଓଜାର୍ ମାନାୟ୍ ଜାର୍ କାମାୟ୍ ହୁକେ ଚନ୍ନାକା ଆରି ଚାକ୍ରାୟ୍ ଆଜି ପରିକ୍ୟାକିୟା ଆନାନ୍; ୧୫ ମାତର୍ ବାନ୍ୟା କାମାୟ୍ତ ଗରବ୍ତ ପାପ୍ କୁଚ୍ନାଡ଼, ଆରେ ପାପ୍ ବେସି ଗାଜାଜି ହାକିତିଂ ଜଲମ୍ ହିନାଡ଼ ।

୧୬ ଏ ନା ଖାରିନି ଟଣ୍ଡାର୍ ଆରି ତଣ୍ଡେକାଦେର୍, ବୁଦିବାଣାମାଟ୍ । ୧୭ ଓଜୁ ହାର୍ଦି ଦାନ୍ ଆରି ଓଜୁ ହାର୍ଦାକା ହିଦ୍ନାକା ଜପିତାଂ ଇତିସ୍ ହୁକାଂତି ବଞ୍ଚାତାଂ ଖାନାଡ଼, ଇଞ୍ଜାରତାଂ ଇମ୍ମଣି ବାଦ୍ଲାନାକା କି ଅଲପ୍ ପା ବାନ୍ୟା ଆକାୟ୍ । ୧୮ ଆପ୍ ଇନେସ୍ ହେଞ୍ଜାନ୍ତି ଉପ୍ଜାଣ୍ ବିସ୍ତେ ବିତ୍ରେ ର ବାନି ପର୍ତ୍ତମ୍ ପାଡ଼ ଲାକେ ଆନାସ୍, ଇଦାଂ କାଜିଂ ହେଞ୍ଜାନ୍ ଜାର୍ ଇଚା ହୁଦାଂ ହାଡ଼ପା ବଚନ୍ ହୁଦାଂ ମାଜ୍ ଉପ୍ଜାଣ୍ କିଡ଼ତାନ୍ ।

ଖେନାସ୍ ଆରି କାମାୟ୍ କିନାସ୍

୧୯ ଏ ନା ଖାରିନି ଟଣ୍ଡାର୍ ଆରି ତଣ୍ଡେକାଦେର୍, ଏପେଜ୍ ଇଦାଂ ପୁଚାଦେଣ୍ଟା । ହିର୍ନେ ଜାଣ୍ ଖେଞ୍ଜେଜ୍ ଜାଲ୍ଦି, ଇନିତାକେ ବିଞ୍ଚାହିଂ ଆରେ ଟାକ୍ଟି ଆନିହିଜ୍ ହୁଦାର୍ ଆତ, ୨୦ ଇନେକିଦେଂକି ମାନାୟ୍ତି ଟାକ୍ଟି ଇସ୍ବରତି ଇଚା ଦାମ୍ତିତ କାମାୟ୍ କିଉଡ଼ । ୨୧ ଲାଗିଂ, ଏପେଜ୍ ଓଜୁ ବିଟାଡ଼ ଆରି ସବୁବାନି ଉଡ଼ପାଡ଼ ପିସ୍ତି, ଇମ୍ମଣି ରୁସ୍ତି ବଚନ୍ ମି ଖାସ୍ତିତିଂ ମୁକ୍ତି କିଦେଜ୍ କାଜିଂ ରାଜି, ହେଦାଂ ହୁଦାରତାଂ ଇଟାଟ୍ ।

୨୨ ମାତର୍ ଖେନାକାର୍ ଆଜି ଜାରତିଂ କେଡ଼ଞ୍ଜାଦାଂ ମାତର୍ ବଚନ୍ତ କାମାୟ୍ କିନାକାଦେର୍ ଆତ । ୨୩ ଇନେକିଦେଂକି ଜଦି ଇନେର୍ ବଚନ୍ତ କାମାୟ୍ ଆଞ୍ଜାଦାଂ ଖେନାକାର୍ ଆନାର୍ ବାଟିଜ୍ ହେଞ୍ଜାନ୍ ଦାର୍ପାଣ୍ ଜାର୍ ମୁମ୍ ହୁଡ଼ତି ମାନାୟ୍ ଲାକେ । ୨୪ ଲାଗିଂ ହେଞ୍ଜାନ୍ ଜାରତିଂ ହୁଡ଼ତି ପାଚେ ହାଲ୍ଜି, ହେଞ୍ଜାନ୍ ଇନେସ୍ବାନି ମାନାୟ୍, ହେଦାଂ ହେ ଦାପ୍ତେ ବାଣାନାନ୍ । ୨୫ ମାତର୍ ମାନାୟ୍ ମୁକ୍ତାନି କାଜିଂ ର ପୁରା ବିଦି ମାନାଡ଼ । ଇନେନ୍ ହେଦାଂ ଖେନ୍ଞ୍ଜି ବାଣାଆଉନ୍ ଆରି ତା କାଜିଂ ସବୁତାକେ ମାନହିଜି ଜାର୍ ଜିରୁନ୍ତ ପାଲି କିନାନ୍, ତା ସବୁ କାମାୟ୍ତିଂ ଇସ୍ବର ଆସିର୍ବାଦ୍ କିନାନ୍ ।

୨୬ ଜଦି ଇନେର୍ ଜାରତିଂ ଦାମ୍ ଇଞ୍ଜି ବାବି କିନାନ୍, ଆରେ ଜାର୍ ଖେନ୍ଦୁଲ୍ତିଂ ମଦାୟ୍ କିଓଡ଼ିସ୍ ଜାର୍ ମାନତିଂ ନିନ୍ଦାକିତିସ୍, ହେଞ୍ଜାନ୍ତି ଦାରୁମ୍ତି କାମାୟ୍ ସବୁ ପଲ୍ୟା । ୨୭ ଚୁରାର୍ ଆରି ରାଣ୍ଡିକାଂ ହେଞ୍ଜାର୍ତି ଦୁକ୍ ଖେଡ଼ାଲିଂ ସମାଲିକିଦେଂ ଆରେ ଜଗଡ଼ତାଂ ଜାରତିଂ ପାପ୍ ହିଲ୍ଡି ଲାକେ ରାକ୍ୟା କିନାକା, ଇଦାଂ ମାଦାଂ ଇସ୍ବର ଆରି ବାଞ୍ଚାତି ମୁମ୍ଦ ସକଟ୍ ଆରି ସକଟ୍ ଦାରୁମ୍ କାରୁମ୍ ଆନାଡ଼ ।

୨

ମୁକ୍ତମେଟ୍ ହୁଡ଼ଜି ବିଚାର୍

୧ ଏ ନା ଟଣ୍ଡାର୍ ଆରି ତଣ୍ଡେକାଦେର୍, ଆସେଜ୍ ଜାଜ୍ମାଲ୍ନି ମାପୁ ଜିସୁ କ୍ରିସ୍ତାକେ ପାଡ଼ିଂ କିଜି ମାଟିଲେ ମାନାୟ୍ତିଂ ମୁକ୍ତମେଟ୍ କିମାଟ୍ । ୨ ଇନେକିଦେଂକି ଜଦି ହନା ଖାଡୁସ୍ ଆରି ଜିଲ୍ମାଲ୍ ଆଜିଜ୍ କି ହେନ୍ଦା ଉସ୍ପିସ୍ ଇମ୍ମଣି ମାନାୟ୍ ମି କୁଚ୍ଚମ୍ ଇଞ୍ଜି ଖାତିସ୍, ଆରେ ରଞ୍ଜାନ୍ ଅକ୍ତିଂ ଲଗୁ କାନ୍ଞି ଆଜି ଉସ୍ପିସ୍ ଖାତିସ୍, ୩ ଆରେ, ଏପେଜ୍ ଜିଲ୍ମାଲ୍ ହେନ୍ଦା ଉସ୍ପିତି ମାନାୟ୍ତିଂ ମର୍ଜଦା କିଜି ଇନାଟ୍, “ଇବେ ହାଦିଂ ବାହାତ କୁଚେନ୍, ଆରେ ଅକ୍ତିଂ ମାନାୟ୍ତିଂ ଇନାଟ୍, ହେବେ ନିଲା, କି ତାରେନ୍ କୁଚେନ୍,” ୪ ତା ଆତିସ୍ ଏପେଜ୍ ଇନାକା ଜାର୍ ଜାର୍ ବିତ୍ରେ ହାରୁଗାଜା ଇଡ଼ଜି ମୁକ୍ତମେଟ୍ ବେବାର୍ ଆରି ବାନ୍ୟା ବାବ୍ରେ ବିଚାର୍ କିନାଦେରା ।

୫ ଏ ନା ଖାରିନି ଟଣ୍ଡାର୍ ଆରି ତଣ୍ଡେକାଦେର୍, ଖେନାଟ୍, ଇସ୍ବର ଇନାକା ଇ ପୁଡ଼ିଂ ନଂଜର୍ତ୍ ଅକ୍ତିଂ ଲକୁରିଂ ପାଡ଼ିଂ ଲାକେ ଦନ୍ତ ମାଜାନ୍ ଆଦେଂ ବାଟି କିଞ୍ଚାତାନ୍ନା କି, ଆରେ ଜାର୍ ଜିଉନନାକାରିଂ ଇମ୍ମଣି ରାଜି ହିନାନ୍ ହେବେନି ଆଦିକାର୍ ଆନି କାଜିଂ ପାର୍ମାଣ୍ ହିତାନ୍ନା, ହେବେନି ଆଦିକାର୍ ହିଦେଂ କାଜିଂ ବାଟି କିଞ୍ଚାତାନ୍ନା ? ୬ ମାତର୍ ଏପେଜ୍ ଅକ୍ତିଂ ମାନାୟ୍ରିଂ ଜିଉନଉଦେରା । ମାଜାନିଂ ଇନାକା ମି କାଜିଂ ଇନସ୍ତା କିଦୁର୍ ଆରି ଏପେଜ୍ ବିଚାଣ୍ଟା ବାହାତ ଜେଲ୍ଜି ଅଦୁର୍ ? ୭ ଇମ୍ମଣି ଜିସୁ କ୍ରିସ୍ତା ତର୍ଦ ଏପେଜ୍ ଡାକ୍ପୁଟା, ହେଞ୍ଜାର୍ ଇନାକା ହେ ତର୍ଦ ନିନ୍ଦା କିଉର୍ ?

୮ ଏପେଙ୍ଗ ଜାର୍ ପାଡ଼ହାଲୁଗାଂ ଖାସ୍ତିଲୀକେ ଜିଉନଖାଟ୍ ସାସ୍ତର୍ ଇ ରାଜାତି ବିଦି ଜଦି ହାଡ଼ପା କାମାୟ ପାଲି କିନାଦେରା, “ତା ଆତିସ୍ ଏପ୍ ହାର୍ କାମାୟ କିନାଦେରା ।” ୯ ମାତର୍ ଜଦି ମାନାୟତିଂ ମୁକ୍ତମେଟ୍ କିନାଦେରା, ତା ଆତିସ୍ ଏପେଙ୍ଗ ପାପ୍ କିନାଦେରା, ଆରେ ହେ ମସାତି ବିଦି ହୁଦାଂ ଦସି ଇଞ୍ଜି ପାର୍ମାଣ୍ ଆନାଦେର୍ । ୧୦ ଇନେକିଦେଂକି ଇନେର୍ ଝିଜୁ ମସାତି ବିଦି ପାଲି କିଜି କେବଲ୍ ରଞ୍ଜାଙ୍ ବିସ୍ତେ ଆସ୍ତାର୍, ବାଟିଙ୍ଗ୍ ହେଝାନ୍ ଝିଜୁ ମସାତି ବିଦି ଉଡ଼ାନି ଦସ୍ତ ଡାଣ୍ ପାୟାନାନ୍ । ୧୧ ଇନେକିଦେଂକି ଇମ୍ଣି ଇସ୍ତର୍ ଦାରି କିମାଟ୍ ଇଞ୍ଜି ଇଞ୍ଜି ମାସ୍ତାର୍, “ହେଝାନ୍ ପା ନାଦଂ ଅହ୍ମମାଟ୍ ଇଞ୍ଜି ଇଞ୍ଜି ମାଚାନ୍,” ଲାଗିଂ ଏପେଙ୍ଗ ଜଦି ଦାରି କିଝାଦାଂ ନାଦଂ ଅହ୍ନାଦେର୍, ତେବେ ମସାତି ବିଦି ଉଡ଼ାନାକାଦେର୍ ଆତାଦେର୍ଣ୍ଣା ୧୨ ମୁକ୍ତାନି ଦିନ୍ ବିଦି ଲାହାଙ୍ଗ୍ ଜେ ଏପେଙ୍ଗ ବିଚାର୍ କିୟାଆନାଦେର୍ ଇଦାଂ ପୁନଞ୍ଜି ହେ ଲାକେ କାତା ଇନାଟ୍ ଆରି କାମାୟ କିୟାଟ୍ । ୧୩ ଇନେକିଦେଂକି ଇନେର୍ ବିନ୍ନିକାନିଂ ଦୟା କିଉନ୍, ଇସ୍ତର୍ତାଂ ଦୟା କିଉନ୍, ନିୟାୟ ବିଚାର୍ ଜପି ଦୟାନେ ଜିଣା ଆନାନ୍ ।

ପାତର୍ ଆରି କାମାୟ

୧୪ ଏ ନା ଟଣ୍ଡାର୍ ଆରି ତଣ୍ଡେକାଦେର୍, ଜଦି ଇନେର୍ ନା ପାତର୍ ମାନାଟ୍ ଇଞ୍ଜି ଇନାନ୍, ମାତର୍ ତା କାମାୟ ମାନୁଟ୍, ଲାଗିଂ ହେବେଣ୍ଡାଂ ହେଝାନ୍ତି ଇନା ଲାବ୍ ? ଇ ଲାକେ ପାତର୍ ଇନାକା ଇନେରିଂ ମୁକ୍ତି କିଦେଙ୍ଗ୍ ଆଡ଼ନାଟ୍ କି ? ୧୫ ଜଦି ରଝାନ୍ ଟଣ୍ଡେନ୍ କି ତଣ୍ଡେଲ୍ ହେୟା ଆରି ଦିନକେନି ନାସ୍ତି ଆନାଟ୍, ୧୬ ଆରେ ମି ବିତ୍ତେତାଂ ଇନେର୍ ତାଙ୍ଗେଙ୍ଗ୍ ଗାଗାଡ଼ନି ଲଡ଼ାନି ଏଜୁଙ୍ଗ୍ ବିରକ୍ତୁଲ୍ ହିଝାଦାଂ ଇନାନ୍, “ବିଝାହିଙ୍ଗ୍ ମାନା ଆରି ପାନ୍ତି ସୁସ୍ତା କିଜି ହାଲା,” ଲାଗିଂ ହେବେ ଇନା ଲାବ୍ ? ୧୭ ହେ ଲାକେ ପା ପାତର୍, କାମାୟ ପିସ୍ତ୍ର ନିଜେ ପାତର୍ ତ ହାକି ।

୧୮ ମାତର୍ ଇନେର୍ ପା ଇନାଟ୍ ରଝାନ୍ତି ପାତର୍ ମାନାଟ୍, “ଆରେ ବିନ୍ ନିକାର୍ତି କାମାୟ ମାନାଟ୍, କାମାୟ ପାରେ ମି ପାତର୍ ନାଙ୍ଗେଙ୍ଗ୍ ଚଟ୍ଟାଟ୍, ଆରେ ଆନ୍ କାରୁମ୍ ଲାହାଙ୍ଗ୍ ମିଙ୍ଗେଙ୍ଗ୍ ନା ପାତର୍ ଚଟ୍ଟନାଙ୍ଗ୍ ।” ୧୯ ଇସ୍ତର୍ ଜେ ରକାନ୍ ମାତର୍, ଇଦାଂ ଏପେଙ୍ଗ୍ ପାତର୍ କିନାଦେରା ଜେ ହାର୍ କାତା, ପୁଦାଙ୍ଗ୍ ପା ପାତର୍ କିଜି ପାଣ୍ଡୁଡ଼ିଂ ତ୍ରିଗ୍ଜି ହାନିକ୍ । ୨୦ ମାତର୍ ଏ ନିରବୁଦିୟା ମାନାୟ କାମାୟ ପିସ୍ତ୍ର ପାତର୍ ଜେ ପଲ୍ୟା, ଇଦାଂ ଇନାକା ପୁନଝାତାୟନା ? ୨୧ ମା ଆବା ଲାତ୍ରା ଅବ୍ରାହାମ୍, ଇସ୍ତର୍ତି କାଣ୍ଡୁତ ଇନେସ୍ ଦାମ୍ ଇଞ୍ଜି ଇନ୍ୟାଜି ମାଚାନ୍ ? ହେଝାନ୍ କାମାୟ ହୁକେ ଦାମ୍ ଇନ୍ୟା ଆତାନ୍, ଏଚେକାଡ଼ଦ ହେଝାନ୍ ତା ମାଜି ଇସ୍ତହାକ୍ତିଂ ଗାର୍ଣି ଜପି ପୁଜା କିତାନ୍ । ୨୨ ଇନାକା ଏପେଙ୍ଗ୍ ବୁଜା ଆଉଦେରା ? ଜେ ଅବ୍ରାହାମ୍ ପାତର୍ ନି ତା କାମାୟ ତାଙ୍ଗ୍ ମାଚାଟ୍ ଆରେ କାମାୟ ଲାହାଙ୍ଗ୍ ପାତର୍ ବାଟର୍ ମାଚାଟ୍ । ୨୩ ହେବେତାଂ ସାସ୍ତର୍ତ ଇ ବଚନ୍ ପୁରା ଆତାଟ୍, “ଅବ୍ରାହାମ୍ ଇସ୍ତର୍ତାକେ ପାତର୍ କିତାନ୍ । ଆରେ ତା କଟଣ୍ଡତ ହେଦାଂ ଦାମ୍ ଇଞ୍ଜି ଗାଣାକିୟାନାଟ୍,” ଆରେ ହେଝାନ୍ ଇସ୍ତର୍ତି ହାଙ୍ଗ୍ଦାକାନ୍ ଇଞ୍ଜି ତାକ୍ପୁଟାତାନ୍ । ୨୪ କେବଲ୍ ପାତର୍ ଲାହାଙ୍ଗ୍ ମାନାୟ ଦାମ୍ ଇଞ୍ଜି ଗାଣାକିୟାଝାଦାଙ୍ଗ୍ କାମାୟ ହୁକେ ଜେ ଇନେର୍ ଦାମ୍ ଇଞ୍ଜି ଗାଣାକିୟାନାନ୍, ଇଦାଂ ଏପେଙ୍ଗ୍ ହୁଡ଼ନାଦେରା ।

୨୫ ହେ ଲାକେ ପା ରାହାବ୍ ପାଦରା ତ୍ତୁଡ଼ି ଚଟ୍ଟକାଂ ହେବା କିଜି ବିନ୍ ହାଜି ହିଜି ହେଝାରିଂ ପକ୍ତିଲେ ଇନାକା କାମାୟ ହୁଦାଂ ଦାମ୍ ଗାଣାକିୟାଝାତାନ୍ ?

୨୬ ଇନେକିଦେଂକି ଜିବୁନ୍ ପିସ୍ତ୍ର ଗାଗାଡ଼ ଇନେସ୍ ହାକି, ହେ ଲାକେ କାମାୟ ପିସ୍ତ୍ର ପାତର୍ ପା ହାକି ।

୩

ଝେନ୍ଦୁଲ୍ଲି ଉତର୍ମୁଡ଼

୧ ଏ ନା ଟଣ୍ଡାର୍ ଆରି ତଣ୍ଡେକ୍, ଏପେଙ୍ଗ୍ ଆଦିକ୍ ଗୁରୁର୍ ଆମାଟ୍; ଇନାକିଦେଂକି ଏପେଙ୍ଗ୍ ପୁନାଟ୍ ଜେ, ମା ଲାକେ ହିକ୍ୟା ଗୁରୁର୍ ବାଦୁଲ୍ ବାଟା ଆଟ୍ଝା ବାବେ ବିଚାର୍ ଆନାଟ୍ । ୨ ଲାଗିଂ ଆପ୍ ଝିଜାସ୍ ଆଦିକ୍ ବିସ୍ତେ ପାପ୍ କିନାସ୍ । ଜଦି ଇନେର୍ ବଚନ୍ତ ଇନେସ୍ ଉଜୁନ୍ ବାଟିଙ୍ଗ୍ ହେଝାନ୍ ହାର୍ ମାନାୟ, ଝିଜାର୍ ଗାଗାଡ଼ତିଂ ପା ଜାର୍ତିଂ ଇଟ୍ଦେଂ ଇଟା । ୩ ଆପ୍ ଗଡ଼ାକାଂ ରବେ କିନି କାଜିଂ ହେଝେକ୍ ଝେଇଦ ବାକାର୍ ଗାଟ୍ତିସ୍, ତାପାରେ ହେଝେକ୍ତି ଗାଗାଡ଼ ପା ବୁଲ୍ଲାୟ କିଦେଙ୍ଗ୍ ଆଡ଼ନାସ୍ । ୪ ହୁଡ଼ାଟ୍, ଜାଜ ପା ଏଚେ ଗାଜା ଆଜି ପା ଗାଜା ତ୍ତୁଡ଼ ଚାଲା ଆତିସ୍ପା ର ଆଦିକ୍ ହିରୁ ହାଟ୍ଝା ଲାହାଙ୍ଗ୍ ଆକ୍ସା ଦାରାନି ଇଟା ଲାହାଙ୍ଗ୍ ବୁଲ୍ଲାୟ କିୟାଆନାଟ୍ । ୫ ଇଦାଂ ପା ର ଉତର୍ ମୁଡ଼ ଝେନ୍ଦୁଲ୍ଲି କାଜିଂ ଇନ୍ୟାନି ଜଗ୍ । ହେଦାଂ ହାରୁଟି ଆତିସ୍ପା ଗାଜା ଗାଜା କାତା ଇଞ୍ଜି ଗରବ୍ କିଦେଂ ଆଡ଼ନାଟ୍ । ହୁଡ଼ାଟ୍ ଏଚେକ୍ ହିରୁ ନାଣି ପିସ୍ତି ଲାହାଂ ଏଚେ ଗାଜା ରାଡ଼ପା ନାଣି କାତା ଆନାଟ୍ । ୬ ଝେନ୍ଦୁଲ୍ଲି ନାଣି ଲାକେ, ବେସି ବାନ୍ୟା ବିସ୍ତେ ଜଗଡ଼ତ ବାଟର୍; ଆରେ ହେଦାଂ ମା ଗାଗାଡ଼ ବିଗାଡ଼ତ ମାଟିଲେ ବାନ୍ୟା କୁଟୁମ୍ ମେଙ୍ଗ୍ଜି ମା ଝିଜାର୍ ମାନାୟାରିଂ ବାନ୍ୟା କିନାଟ୍ । ଝେନ୍ଦୁଲ୍ଲି ନରକ୍ ନାଣିତ ମା ସବୁ ଜିବୁନ୍ତିଂ କାଡ଼ କିନାଟ୍ । ୭ ଇନେକିଦେଂକି ଝିଜୁ ବାନି ପସ୍ତୁ, ପଟିଙ୍ଗ୍ ରାଙ୍ଗାନିକିଂ

ଆରି ଏଜୁକାଂ ମାନି ଜାତକୃକାଂ, ମାନାୟ ହୁଦାଂ ନିଦ୍ ତଲ୍ୟା କିଜି ଇର୍ଯ୍ୟା ଆନାଡ୍, ୮ ମାତର୍ ଖେୟୁଲ୍ଡିଂ ଇନେର୍ ଇର୍ଦେଂ ଆଡୁନ୍, ବାନ୍ୟା କିନାକାତାଂ ତା ଜମନାକା ଆକାୟ ଜିରୁନ୍ନସ୍ ବିସ୍ତ ହେଦାଂ ବାତ୍ । ୯ ତା ପାଚେ ଆପ୍ ମାପୁ ଆରି ଆବାତି ଦନ୍ୟବାଦ୍ କିଜି ମାନାସ୍, ଆରେ ତା ପାଚେ ଇସ୍ପର୍ତି ତା ଲାକେ ଉଦ୍‌ଜାଣ୍ ମାନାୟତିଙ୍ଗ୍ ରାଣ୍ ହିଜି ମାନାସ୍ ୧୦ ର, ଖେଇଦାଂ ଦନ୍ୟବାଦ୍ ଆରି ରାଣ୍ ହଡ୍‌ନାଡ୍ । ଏ ନା ଚଣ୍ଡାରି ଆରି ତଣ୍ଡେକ୍, ଇ ଲାକେ ଆନାକା ହାର୍ ଆକାୟ । ୧୧ ହୁଝିଜାରାଣ୍ ଇନାକା ର ହାଜି ହିଜି ହୁଝାଦ୍ ଆରି କେନାକା ରିବାନି ଏଜୁକ୍ ହପ୍‌ନାଡ୍ ? ୧୨ ଏ ନା ଚଣ୍ଡାରି ଆରି ତଣ୍ଡେକ୍, ତଗା ମାର୍ ଇନାକା ଜିଡ୍ ପାଡ୍, କି ଅଜ୍ପୁର୍ ମାର୍ତ ଇନାକା ତଗା ପାଡ୍ ଆସ୍ତେଙ୍ଗ୍ ଆଡ୍‌ନାଡ୍ ? ହେ ଲାକେ କାର୍ଯ୍ୟା ଜାରାଣ୍ଡ ହୁଝାଦ୍ ଏଜୁକ୍ ହିଦେଂ ଆଡୁଡ୍ ।

ସାଗେତାଂ ଖାନି ଗିୟାନ୍

୧୩ ମି ବିତ୍ତେ ଗିୟାନି ଆରି ବୁଦିକାର୍ଯ୍ୟା ଇନେର୍ ମାନାନ୍ ? ହେଖେନ୍ ଗିୟାନିକାନ୍ ହୁଦାର୍ ଲାହାଙ୍ଗ୍ ଆଚାର୍ ବେବାର୍ ହୁକେ ଜାର୍ କାମାୟ ହପେନ୍ । ୧୪ ମାତର୍ ଜଦି ମି ଖାୟିତ କେନାକା ବେସି ରିସା, ଜାତ୍ ହୁଡ୍‌ନାକାନ୍ ଆରି ଗିଣ୍ ବାବ୍‌ନା ମାନାଡ୍, ତା ଆତିସ୍ ହାଡ୍‌ପା ବିରୁଡ୍‌ତ ଗରବ୍ କିମାଟ୍ ଆରି ମିଡ୍ ଇନ୍‌ମାଟ୍ । ୧୫ ଇ ଲାକେ ଗିୟାନ୍ ସାଗେତାଂ ଖାଝାତାଡ୍‌ନା, ମତର୍ ହେଦାଂ ଜଗଡ୍‌ତାଂ, ଗାଗାଡ୍‌ତାଂ ଆରି ପୁଦାଂତି ଆନାଡ୍; ୧୬ ଇନେକିଦେଂକି ଇମ୍‌ଣି ବାହାତ ରିସା ଆରି ଗାବ୍ ମାନାଡ୍, ହେ ବାହାତ ଖିଜୁ ବାନି ଗଣ୍‌ଗଲ୍ ମାନାଡ୍ । ୧୭ ମାତର୍ ଜପିତାଙ୍ଗ୍ ଖାତି ଗିୟାନ୍ ପର୍ତ୍ତମ୍ ପୁଇପୁୟା, ପାଚେ ସୁସ୍ତାଝାରି, ହୁଦାର୍, ପା ଦୟା ହାର୍‌ଦି ପାଡ୍‌ଦ ପୁରାବାତ୍, ମୁକ୍‌ମେଟ୍ ଆରି ଗିଣ୍ ଆକାୟ । ୧୮ ଆରେ, ସୁସ୍ତାନିକାନ୍ ମାନାୟାର୍ ହୁଦାଂ ସୁସ୍ତାନି ବିୟାନ୍ ଖିତ୍ୟାନାଡ୍ ଆରି ଦାମ୍‌ନିକା ଲାକେ ପାଡ୍‌ତ୍ରେସ୍‌ନାର୍ ।



ଇସ୍ପର୍ତି ଲାଗେ ଆନାସ୍

୧ ମି ବିତ୍ତେ ଜୁଜ୍ ଆରି ଟେସ୍‌କେ ମେସ୍‌କେ ଇନେକିଦେଂ ଆନାଡ୍ ? ମି ଖାୟିତ ଲାଗାଜି ମାନି ଦାର୍ଜା ନେ ଇଦାଂ ନି ମୁଡ୍ ବିସ୍ତେ । ୨ ଏପେଙ୍ଗ୍ ଆହା କିଜି ମାନାଦେର୍; ମାତର୍ ପାୟା ଆଉଦେର୍; ଏପେଙ୍ଗ୍ ଅହନାକା ଆରି ତାରା କିଜି ମାନାଦେର୍, ମାତର୍ ପାୟାଦେଂ ଆଡୁଦେର୍; ଏପେଙ୍ଗ୍ ଟେସ୍‌କେ ମେସ୍‌କେ ଆରି ଜୁଜ୍ କିଜିମାନାଦେର୍; ଏପେଙ୍ଗ୍ ଗାଟା ଆଉଦେର୍, ଇନେକିଦେଂକି ଏପେଙ୍ଗ୍ ଇସ୍ପର୍ତି ଏନ୍‌ଦେର୍; ୩ ଏପେଙ୍ଗ୍ ଏନ୍‌ନାଦେର୍, ମାତର୍ ପାୟା ଆଉଦେର୍ ଇନେକିଦେଂକି ଜାର୍ ଜାର୍ ସୁକ୍‌ଆହାତ କର୍ କିନି କାଜିଂ ବାନିୟା ଆହାତ ଏନ୍‌ନାଦେରା । ୪ ଏ ଦାରୁଲାର୍, ଜଗଡ୍‌ନି ବୟୁ ଇସ୍ପର୍ତି ସାଡୁ ଇଦାଂ ଇନାକା ପୁନ୍‌ଦେରା ? ଲାଗିଂ, ଜେ ଇନେର୍ ଜଗଡ୍‌ତ ବୟୁ ଆଦେଂ ମାନ୍ କିନାନ୍, ହେଝାନ୍ ଜାର୍‌ଡିଂ ଇସ୍ପର୍ତି ସାଡୁ ଇଞ୍ଜି ହନାଡ୍ । ୫ ଏପେଙ୍ଗ୍ ଇନାକା ଦରମ୍ ସାସ୍ତର ଇ ବଚନ୍‌ତିଙ୍ଗ୍ ପଲ୍ୟା ଇଞ୍ଜି ମାନେ କିନାଦେରା, “ଇମ୍‌ଣି ଜିରୁନ୍‌ତିଂ ଇସ୍ପର୍ ମା ବିତ୍ତେ ବାହା କିଦେଙ୍ଗ୍ ହିଡ୍‌ତାନ୍ନା, ହେଖେନ୍ ମାଙ୍ଗେଙ୍ଗ୍ ପୁରା ଆଦିକାର୍ କିନି କାଜିଙ୍ଗ୍ ରବେ ଇଟା କିନାନ୍,” ୬ ମାତର୍ ହେଖେନ୍ ପା ଆଦିକ୍ ଉପ୍‌କାର୍ ଦାନ୍ କିଦ୍‌ନାନ୍; ଲାଗିଂ ସାସ୍ତରତ ହେଦାଂ ଲେକା ମାନାଡ୍ “ଇସ୍ପର୍ ଆକ୍ରିୟାରିଂ ବିରୁଡ୍ କିନାନ୍ ମାତର୍ ହୁଦାର୍ ମାନାୟାରିଂ ଉପ୍‌କାର୍ ଦାନ୍ କିନାନ୍ ।”

୭ ଲାଗିଂ ଏପେଙ୍ଗ୍ ଇସ୍ପର୍ ଲାଗାଂ ଜାତ୍ ହେଲାୟ କିୟାଟ୍ । ସୟ୍‌ତାନ୍‌ତିଂ ବାହାହିମାଟ୍, ତାଆତିସ୍ ସୟ୍‌ତାନ୍ ମି କଚଣ୍‌ତାଙ୍ଗ୍ ହାନାଡ୍ । ୮ ଇସ୍ପର୍ ଲାଗାଂ ଆତ, ହେବେ ହେଖେନ୍ ମି ଲାଗାଂ ଆନାନ୍ । ଏ ପାପିୟାର୍, ମି କେଇ ସକଟ୍ କିୟାଟ୍, ଆରେ ଏ ରିମାନ୍ୟା କାଦେର୍, ମି ମାନ୍‌ତିଂ ନିର୍ମଲ୍ କିୟାଟ୍ । ୯ ବିତ୍ତେଦୁକ୍ ଆରି ଏଡ୍‌କିଜିକିଜି ଆଡ୍‌ବାନାର୍, ମି ଅପ୍‌ମାନ୍ ବାତ୍ ଆୟେଡ୍; ମି ଖାରି ଖାରିହିଲ୍‌ଝିଡ୍ ବାତ୍ ଆୟେଡ୍ । ୧୦ ମାପୁତି ମୁମ୍‌ଦ ଜାର୍ ଜାର୍‌ତିଂ ତଲ୍ୟା କିୟାଟ୍, ତାଆତିସ୍ ହେଝାନ୍ ମିଙ୍ଗେଙ୍ଗ୍ ଉଡ୍ କିଦ୍‌ନାନ୍ ।

ଲକାର୍‌ତି ବିଚାର୍ କିମାଟ୍

୧୧ ଏ ଚଣ୍ଡାକାଦେର୍ ଆରି ତଣ୍ଡେକାଦେର୍, ଏପେଙ୍ଗ୍ ହାରି ବିରୁଡ୍ ଆମାଟ୍; ଇନେର୍ ଟଣ୍ଡେନିଙ୍ଗ୍ ବିରୁଡ୍ କିନାନ୍ କି ଟଣ୍ଡେନ୍‌ତି ବିଚାର୍ କିନାନ୍, ହେଝାନ୍ ବିଦିନି ବିରୁଡ୍ କିନାନ୍ ଆରି ହେବେନି ବିଚାର୍ କିନାନ୍; ମାତର୍ ଏପେଙ୍ଗ୍ ଜଦି ବିଦିନି ବିଚାର୍ କିନାଦେରା, ତା ଆତିସ୍ ଏପେଙ୍ଗ୍ ବିଦି ପାଲି କିନାକା ଆଝାଦାଂ ହେବେ ବିଚାର୍‌କାର୍ଯ୍ୟା ଆନାଦେର୍ । ୧୨ ବିଦିନିକାନ୍ ଆରି ବିଚାର୍ କିନାକାନ୍ ରକାନ୍ ମତର୍ ଇସ୍ପର୍, ହେଖେନ୍ ରାକ୍ୟା ଆରି ନସ୍‌କିଦେଂ ଆଡ୍‌ନାନ୍; ମାତର୍ ଜାର୍ ଲକ୍‌କ୍‌ରିଂ ବିଚାର୍ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ଇନେର୍ ?

ଗରବ୍ କାଜିଂ ଚେଡ୍‌ନା

୧୩ ନଙ୍କ ହୁଡ଼ାଟ୍, ଇମଣାକାର୍ ଇନାଦେରା, “ନେଞ୍ଜେଙ୍ଗ୍ କି ଝିଗା ଆସେଙ୍ଗ୍ ଅମ୍ବକ ବସ୍ତିତ ହାନାପ୍ ଆରି ହେବେ ର ବାହୁଁ ପାତେକ୍ ମାନଞ୍ଜି ବେପାର୍‌ବାଟ୍ କିଜି ଲାବ୍ କିନାପ୍,” ୧୪ ମାତର୍ ଝିଗା ମି ଜିବୁନ୍‌ତ ଇନାକା ଗିଗାଆନାଟ୍, ହେଦାଂ ତ ଏପ୍ ପୁନୁଦେର୍ ! ମି ଜିବୁନ୍ ଗୁକ୍‌ଟା ଲାକେ, ଦାପ୍ରେ ଚଞ୍ଜୟାଜି ପାତେ ଚାନେକ୍‌ତିଂ ଉମ୍‌ଜି ହାନାଟ୍ । ୧୫ ଲାଗିଂ ମିଦାଂ ଇନାକା ମାନାଟ୍, “ମାପୁତି ଇଚା ଆତିସ୍ ଆପ୍ ଜିବୁନ୍ ମାନଞ୍ଜି ଇଦାଂ କିନାସ୍ କି ହେଦାଂ କିନାସ୍, ଇ ଲାକେ ଇନାସ୍ ମି ଲଡ଼ା ।” ୧୬ ମାତର୍ ନଙ୍କ ଏପେଙ୍ଗ୍ ଜାର୍ ଜାର୍ ଆକ୍ରିୟା ବାବ୍ରେ ଗରବ୍ କିନାଦେରା; ଇବାନି ଗରବ୍ ବାନିୟା ଆନାଟ୍ ।

୧୭ ଲାଗିଂ, ଇମ୍‌ଣି ମାନାୟ୍ ଇମ୍‌ଣି ହାର୍‌ଦି କାମାୟ୍ କିନି ଲଡ଼ା ଇଞ୍ଜି ପୁନଞ୍ଜି ପା ହେଦାଂ କିଉନ୍, ହେଞ୍ଜାନ୍ ପାପ୍ କିନାନ୍ ।



ମାଜାନ୍ ମାନାୟାର୍ କାଜିଂ ଚେଡ଼ନା

୧ ନଙ୍କ ହୁଡ଼ାଟ୍, ଏ ହାଉକାରିଂ, ମି ଝାନି ଦୁକ୍ କାଜିଙ୍ଗ୍ ଆଡ଼ବିସ୍ ଆରି ଦୁକ୍ ଆଡ଼ । ୨ *ମି ଦାନ୍ ଝିସ୍‌ଦି ଝାତାତେ, ମି ହେୟା ଲିମ୍ ଚିଚାତେ, ୩ ଆରେ ମି ହନା ଆରେ ରୁପା ପ୍ରାଲ୍ ଆସ୍ତାତେ; ହେବେତାଂ ପ୍ରାଲ୍ ମି ବିରୁଡ଼ତ ସାକି ହିନାସ୍ ଆରି ନାଣି ଲାକେ ମି ଜେଇ ତିଞ୍ଜନାଟ୍ । ଇ ଝିସ୍ତ୍ର ଦିନ୍‌ତ ଏପେଙ୍ଗ୍ ଦାନ୍ ଇସ୍‌ପାତାଦେର୍ଣ୍ଣା । ୪ ଝେନାଟ୍ ମି ବାଡ଼ଦ ତାସ୍ ତ୍ରେଜନାକାରିଂ ବୁଡ଼ିତାବୁଙ୍ଗ୍ ହିଝାତାଦେର୍ଣ୍ଣା । ହେଞ୍ଜାର୍‌ତି ଏପ୍ ଇମ୍‌ଣି ମୁଡ଼୍ ହିଦ୍‌ଝାତାଙ୍ଗ୍‌ନା ହେଦାଂ ବିଲ୍‌କିଆନାରା, ଆରେ ତାସ୍ ତ୍ରେଜନାକାର୍‌ତି ରୁଣ୍ଡାୟ୍ ଦାନ୍ ଝିଜେତିଂ ପୁନି ମାପୁ ଇସ୍‌ବ୍ ଝେଚାନ୍ନା । ୫ ଇ ଜଗଡ଼ତ ମି ଜିବୁନ୍ ଦାର୍ଜାତ ବଗ୍ କିନାଦେରା ହାନି ଦିନ୍ତିନି ପସୁ ଲାକେ ଏପ୍ ମାନ୍ତ୍ର ଦୁମା ଆତାଦେର୍ଣ୍ଣା । ୬ ଏପେଙ୍ଗ୍ ଦାମ୍‌ଙ୍ଗ୍ ଦସ୍‌ହିଝି ଲଗାଂ ଦସ୍‌ଆହି କିଜି ଚୁଗାଦେର୍ଣ୍ଣା; ହେଞ୍ଜାର୍ ମିଙ୍ଗେଙ୍ଗ୍ ଦସ୍ କିଦୁଝାତାଣ୍ଣା ।

ସାସ୍ ଆସ୍ତି ପାର୍ତନା କିୟାଟ୍

୭ ଇତିସ୍, ଏ ଟଣ୍ଡାର୍ ଆରି ତଣ୍‌ଦେକାଦେର୍, ମାପୁତି ଝାନି ପାତେକ୍ ସାସ୍ ଆସ୍ତି ମାନାଟ୍ । ହୁଡ଼ାଟ୍ କାମ୍‌ଲିୟା ମେଦ୍‌ନିତ ଦାମ୍‌କିୟା ପାଡ଼୍ ଗାଟାଆନି କାଜିଙ୍ଗ୍ ସାସ୍ ଆଜି ଆଗେ ଆରି ଝିଜନ୍ ବାର୍‌ହା ଆଝି ପାତେକ୍ କାସି ମାନାନ୍ । ୮ ଏପେଙ୍ଗ୍ ପା ସାସ୍ ଆଜି ଜାର୍ ଜାର୍ ଝାସ୍ତି ସୁସ୍ତା କିୟାଟ୍, ଇନେକିଦେଂକି ମାପୁତି ଝାନିଦିନ୍ ଲାଗାଂ ।

୯ ଏ ଟଣ୍ଡାର୍ ଆରେ ତଣ୍‌ଦେକାଦେର୍, ଏପେଙ୍ଗ୍ ଇନେସ୍ ତାଣ୍ ପାୟା ଆମାଟ୍, ଇଦାଂ କାଜିଙ୍ଗ୍ ହାରି ବିରୁଡ଼ତ ଗାଣ୍‌ଜୁ କିମାଟ୍, ହୁଡ଼ାଟ୍ ବିଚାର୍‌କିନାକାନ୍ ଦୁଝେର୍ ଲାଗାଂ ନିଲ୍‌ତାନ୍ନା । ୧୦ ଏ ଟଣ୍ଡାର୍ ଆରେ ତଣ୍‌ଦେକାଦେର୍ ଇମ୍‌ଣି ବେଣ୍‌ବାକ୍‌ଶାୟ୍‌କିନାକାର୍ ମାପୁତି ତର୍‌ଦାଂ କାତା ଇଞ୍ଜି ମାଚାର୍, ହେଞ୍ଜାରିଂ ଏଡ଼ କିୟାଟ୍ । ଦୁକ୍ ବଗ୍ ଝେଡ଼ାଲିଂ ସାସ୍ ଆରି ହୁଦାର୍ ଆତିଲେ ହେଞ୍ଜାର୍ ମିଦାଂ ଉତର୍‌ମୁଡ଼୍ ଲାକେ ଆନାଟ୍ । ୧୧ ହୁଡ଼ାଟ୍, ଇମ୍‌ଣାକାର୍ ଦାମ୍‌ ଆଜି ମାଚାର୍, ଆସେଙ୍ଗ୍ ହେଞ୍ଜାରିଂ ଦନ୍ୟ ଇଞ୍ଜି ଇନାସ୍ । ଏପେଙ୍ଗ୍ ଆୟ୍‌ବତି ଦାମ୍‌ ବିସ୍ତେ ଝେଚାଦେର୍ଣ୍ଣା । ଆରେ ମାପୁତି ଝିସ୍ତି କାମାୟ୍ ହୁଡ଼୍‌ଜି ପୁଚାଦେର୍ଣ୍ଣା ଜେ, ହେଞ୍ଜେନ୍ କାର୍‌ମାତାଙ୍ଗ୍ ବାଟ୍ ଆରି ଝାରିନିକାନ୍ ଆନାନ୍ ।

୧୨ ଲାଗିଂ, ଏ ନା ଟଣ୍ଡାର୍ ଆରି ତଣ୍‌ଦେକାଦେର୍, ପାର୍‌ମାଣ୍ କିମାଟ୍ ସାର୍‌ଗେନି ପାର୍‌ମାଣ୍ ଆଏଡ଼୍ କି ପୁଡ଼ିନି ପାର୍‌ମାଣ୍ ଆଏଡ଼୍, ବିନ୍ ଇମ୍‌ଣାକା ପା ବିସ୍ତେ ଅଜି ପାର୍‌ମାଣ୍ ଆଏଡ଼୍; ମାତର୍ ମିଦାଂ “ଆଁ” କାତା ଆଁ ଆଏଡ଼୍, “ଆକାୟ୍” କାତା ଆକାୟ୍ ଆଏଡ଼୍, ଇନେସ୍‌କି ଏପେଙ୍ଗ୍ ବିଚାର୍‌ତ ତାଣ୍ ପାୟା ଆମାଟ୍ ।

୧୩ ମି ବିତ୍ରେ ଇନାକା ଇନେର୍ କସୁ ବଗି କିନାନା ? ହେଞ୍ଜେନ୍ ପାର୍ତନା କିଏନ୍ । ଇନେର୍ ଇନାକା ଝାରିନିକାନ୍ ଆନାନ୍ ? ହେଞ୍ଜେନ୍ ଝାରିନିକା କେର୍‌କଣ୍ କେରେନ୍ । ୧୪ *ମି ବିତ୍ରେ ଇନାକା ଇନେର୍ ବେମାର୍ ? ହେଞ୍ଜେନ୍ ମଣ୍‌ଲିନି ପ୍ରାଚିନାରିଙ୍ଗ୍ କୁକ୍‌ତି; ହେଞ୍ଜାର୍ ମାପୁତି ତର୍‌ଦାଂ ଚିକାଣ୍ କାସ୍‌ଦି ତା କାଜିଙ୍ଗ୍ ପାର୍ତନା କିୟେର୍ । ୧୫ ପାଟିଂ ମେହା ପାର୍ତନା ହେ ବେମାର୍‌ନିକାନିଙ୍ଗ୍ ରାକ୍ୟା କିନାଟ୍, ଆରେ ମାପୁ ତାଙ୍ଗ୍ ନିକ୍‌ନାଟ୍; ଆରେ ଜଦି ହେଞ୍ଜେନ୍ ପାପ୍ କିଜି ମାନାନ୍, ତା ଆତିସ୍ ତାଙ୍ଗ୍ କେମା ହିଆନାଟ୍ । ୧୬ ଲାଗିଂ, ହାରି ଲଗାଂ ଜାର୍ ଜାର୍‌ତି ପାପ୍ ଏଡୁକିୟାଟ୍, ଆରେ ଉଜ୍ ଆନି କାଜିଙ୍ଗ୍ ହାରି କାଜିଂ ପାର୍ତନା କିୟାଟ୍ । ଦାମ୍‌ ମାନାୟ୍‌ତିଂ ସାକ୍ତି ପାର୍ତନା ଆଦିକ୍ କାମାୟ୍‌ତ ଲାଗାଦେଂ ଆଡ଼୍‌ଦାନାଟ୍ । ୧୭ ଏଲିୟ ମା ଲାକେ ସୁକ୍ ଦୁକ୍ ମାନାୟ୍ ମାଚାନ୍; ବାର୍‌ହା ଆଝି କାଜିଙ୍ଗ୍ ହେଞ୍ଜାନ୍ ର ମାନ୍ତ୍ର ପାର୍ତନା କିତାନ୍, ଆରେ ତିନି ବାହୁଁ ଚ ମାସ୍ ପାତେକ୍ ପୁଡ଼ିତ ବାର୍‌ହା ଆଝାତାଟ୍; ୧୮ ହେଞ୍ଜେନ୍ ଆରେରଗ ପାର୍ତନା କିତିଲେ ବାଦାଡ଼ତାଂ ବାର୍‌ହା ଆତାଟ୍, ଆରେ ପୁଡ଼ିତ ଆରେରଗ ପାଡ଼୍ ଉବ୍‌କା ଆତାଟ୍ ।

* ୫:୨ ୫:୨ ମାଡ଼ିଉ ୭:୧୯. * ୫:୧୪ ୫:୧୪ ମାର୍‌କ ୭:୧୩.

୧୯ ଏ ନା ଟଣ୍ଡାର୍ ଆରି ତଣ୍ଡେକାଦେର୍, ମି ବିତ୍ରେ ଜଦି ଇନେର୍ ହାଡ଼ପା ହାଜିଡ଼ାଙ୍ଗ୍ ବାଣାନାନ୍, ଆରେ ଇନେର୍ ତାଙ୍ଗେଙ୍ଗ୍ ତାହିଝାନାନ୍, ୨୦ ☆ଲାଗିଂ ଇନେର୍ ପାପିଙ୍ଗ୍ ବାନିୟା ହାଜିଡ଼ାଙ୍ଗ୍ ତାହିଝାନାନ୍, ହେଝେନ୍ ଜେ ତା ଝାସ୍ତିତିଂ ହାକିତାଂ ରାକ୍ୟା କିନାନ୍ ଆରି ବେସି ପାପ୍ କେମା ଆନାଡ଼ ଇଦାଂ ପୁନାଟ୍ ।

ପିତୃ ଲେଖିଥିବା ପ୍ରଥମ ପତ୍ର ପିତୃ ଲେକିକିତି ପତ୍ରମ୍ ଆକି ପିତୃତି ପତ୍ରମ୍ ଆକିନି ପାଦେକ୍

ପିତୃତି ପତ୍ରମ୍ ଆକି ପକ୍ୟାତି ପିତୃ ଲାହାଁ ଲେକାଜି ମାତାତ୍ । ପିତୃ ହେଖାନ୍ ଇନେନ୍ ଆରି “ହେଖାନ୍” ଇନେରିଁ ଇ ଆକି ଲେକିକିନାନ୍ ହେ ବିସ୍ତେ ଇଞ୍ଜି ଆକି ଲେକିକିନାନ୍ । ହେଖାନ୍ ଇ ଆକିତ ସବୁ ଲଗୁ କ୍ରିଷ୍ଟିନାରିଁ ଖାରି କିଜି ଆକି ଲେକିକିନାନ୍ । ୧:୧; ୧:୧୭ ଆରି ୨:୧୧ ହେଖାନ୍ ତା ଲେକାମାନାକାରିଁ ଏଲେଁ ବାନି ଖାରି କିଜି ଲେକିକିନାନ୍, “ଇନାକିଦେଁକି ହେଖାନ୍ ବିନ୍‌ବିନ୍ ଦେସ୍ତୁ ଜେତେକେତେ ଆଜି ମାତାତ୍ ।”

ଇନାକିଦେଁକି ଇ ଆକି ବାଗ୍ତ ଏପିସିୟ ଫଣ୍ଟଲି ଲାଗାଙ୍ଗ୍ ପାଉଲ୍‌ତି ଆକି ଲାକେ ଆନାତ୍ । ଏତେଜାଣ୍ ପାତ୍ କିତାର୍ ଜେ, ପତ୍ରମ୍ ପିତୃ ଜିସୁକ୍ରିଷ୍ଟି ଜଲମ୍‌ନି ୬୫ ବାହୁଁ ପାଚେ ଲେକାଆଜି ମାତାତ୍ । ପିତୃ ଇ ଆକି ରମ୍‌ତାଁ ଇନାକା କି ଏଖାନ୍ ବାବିଲ୍ ଇଞ୍ଜି ଇନାର୍ ହେବେତାଁ ହେଖାନ୍ ଲେକିକିଜି ମାତାନ୍ ୫:୧୩ ।

ପିତୃ ଇ ଆକିତ ଲେକିକିତାନ୍ନା ଜେ, ଇ ଆକିନି ଇନାକା ମିଙ୍ଗେଙ୍ଗ୍ ସାସ୍ ହିନି କାଜିଁ ଆରି ଇସ୍ପୁରତି ହାତ୍‌ପା ଉପକାର୍ ପରିକ୍ୟା କିନାକା ୫:୧୨ । ଇବେ ବେସି ସମାନ୍ ମାନାତ୍ ୧ ପିତୃ ୨:୧୧; ୩:୭, ଏପିସିୟ ୫:୧୮-୨:୯ ଆରି କଲସିୟ ୩:୧୮-୪:୬ । ଇ ତିନ୍‌ଗଟା ଆକିନି ଖିଜୁ ପାଟ୍‌ତ ମେହାଣ୍ ଆରି ଆଦିକାର୍ ବିସ୍ତେ ବଲ୍ ହିନାତ୍ । ହାରିହାରା ସମ୍ପୁ ଏକାଖାତିଲେ କସ୍ତୁ ସମ୍ପୁ ପା ହାଉକିଜି ତିର୍ ମାଞ୍ଜେଙ୍ଗ୍ କ୍ରିଷ୍ଟିୟାନ୍‌ରିଁ ସାସ୍ ହିନାନ୍ ୪:୧ ।

ପତି ବିତ୍ତେନି ରାହାଣ୍

- ୧. ପିତୃ ହେଖାନ୍ତି ପତି କିନାକାରିଁ ଜାର୍‌ତି ଜାଣାତିନା କିନାନ୍ ୧:୧-୨
- ୨. ପିତୃ ଇସ୍ପୁରତିଁ ଦନ୍ୟବାଦ୍ ହିନାନ୍ ଜେ, ଖିଜାକାର୍ ଇସ୍ପୁରତି ମୁକ୍ତାନିତାକେ ମେହାଆଜି ହେଖାନ୍ତି ଜିବୁନ୍‌ନି ର ହାଜି ୧:୩-୨:୧୦
- ୩. ପାଚେ ପୁତ୍‌ତ ଇନେସ୍ ହାଉ କିଜି ଜିଆନାତ୍ ଆରି ଆଣ୍ଡା ଆରି କଗଲେ, ମାପୁ ଆରି ଆଡିଏନ୍ ବିତ୍ତେ ଇନେସ୍ ମେହାଣ୍ ଇଡ୍‌ଦେଁ ଆନାତ୍ ହେଦାଁ ବଲ୍ ହିନାନ୍ ୨:୧୧-୪:୧୧
- ୪. ଇଦାଁ ପାଚେ ପିତୃ କସ୍ତୁ ଖେଡାଲିଙ୍ଗ୍ ତିର୍ କିଜି ମାନ୍ୟାନାତ୍ ହେ ବିସ୍ତେ ସାସ୍ ହିନାନ୍ ୪:୧୨-୫:୧୧
- ୫. ହେଖାନ୍ତି ଲେକିକିନାକା ଖିସ୍ତାନ୍ ୫:୧୨-୧୪

୧ ଆନ୍ ପିତୃ ଜିସୁ କ୍ରିଷ୍ଟି ରଖାନ୍ ପକ୍ୟାତାକାନ୍, ପତ୍ର, ଗାଲାତିଆ, କାସ୍ତାଦକିଆ, ଆସିଆ ଆରି ବିତୁନିଆତ ରାଜିତ ଜେତେକେତେ ଆଜି ବାଟିକିତି ମାନାୟ୍ ତିଙ୍ଗ୍ ଆକି ଲେକିକିନାଙ୍ଗା, ୨ ଆବା ଇସ୍ପୁରତି ପୁର୍ବେ ଗିଆନ୍ ଇସାପ୍ରେ ଜିବୁନ୍‌ତି ହୁଦାଁ ପୁରପୁୟା କିୟା ଆଜି ମାନିକିଜି, ଆରେ ଜିସୁ କ୍ରିଷ୍ଟି ନେତେରତ୍ ତିର୍‌ଆ ଆଦେଁ କାଜିଁ ବାଟି କିଆତାନ୍ନା, ମି କାଜିଁ ବେସି ଦୟା ଆରି ସୁସ୍ତା ଆୟେତ୍ ।

ର ଜିବୁନ୍‌ହିନି ବାସ୍

୩ ମା ମାପୁ ଜିସୁ କ୍ରିଷ୍ଟି ଆବା ଇସ୍ପୁରତିଁ ଦନ୍ୟ ନାଦାଁ ଆଏଡ୍, ଇନାକିଦେଁକି ହେଖାନ୍ ତା ବେସି ଦୟାତ ଜିସୁ କ୍ରିଷ୍ଟି ହାକିତ ଆରେ ନିଁନାକା ହୁକେ ଇଦାଁ ମାଙ୍ଗ୍ ଜିବୁନ୍ ବାସ୍‌ତ ପାୟାତି କାଜିଁ । ୪ ଲାଗିଁ ଇସ୍ପୁର ତା ଲକୁ କାଜିଁ ଇମ୍‌ଣି ବେସି ମଲ୍ ଆସିର୍ବାଦ୍ ଇଡ୍‌ତାନ୍ନା ହେଦାଁ ପାୟାଦେଁ ଆପେଁ କାନାପା । ଲାଗିଁ ହେଖାନ୍ ସାଗେଁତ ମି କାଜିଁ ବାତ୍ କିଜି ଇଡ୍‌ତାନ୍ନା । ହେବେ ହେଦାଁ ଜିରା ଆଉଡ୍, କି ନସ୍ତୁ କି ପାପ୍ ଆଉଡ୍ । ୫ ଇମ୍‌ଣି ମୁକ୍ତାନାକା ହାରିହାରା କାତ୍‌ଦ୍ ହିନି କାଜିଁ ଜାଲ୍‌ଦି ଆତାନ୍ନା, ହେଦାଁ କାଜିଁ ଏପେଙ୍ଗ୍ ଇସ୍ପୁରତି ସାକ୍ତିତ ପାତ୍ ହୁଦାଁ ହାଉରକ୍ୟା ଆତାଦେଣ୍ଟା ।

୬ ଲାଗିଁ ଏପେଙ୍ଗ୍ ଖାରି କିୟାଟ୍, ଆତିସ୍‌ପା ନଁ ଅଲପ୍ ସମ୍ପୁ କାଜିଁ ବାଉବିନି ପରିକ୍ୟା ହୁଦାଁ ଦୁକ୍‌ବଗ୍ କିନାକା ମି ପାକ୍ୟାତ ଲଡା ଆନାତ୍, ୭ ମି ପାତ୍‌ନି ହାଉଦାକା ପରିକ୍ୟା କିନାକା ଇ ସବୁନି ଉଦେସ୍ । ଜିରାତି ହିନା ନାଣିତ ପରିକ୍ୟା କିୟାନାତ୍ । ମି ପାତ୍ ହିନା ବାଗା ଆଦିକ୍ ବେସିମଲ୍ ଆତିଲେ ପରିକ୍ୟା ହୁଦାଁ ହାଉଦାକା କୁନି ଲଡା । ହେଦାଁ ଆତିସ୍, ଜିସୁ କ୍ରିଷ୍ଟି ହତି ଖାଡାଲିଁ, ଏପେଙ୍ଗ୍ ଖାରି, ଜାଜ୍‌ମାଲ୍ ଆରି ସନ୍‌ମାନ୍ ଲାବ୍ କିନାଦେର୍ । ୮ ଏପେଙ୍ଗ୍ ହେଖାନ୍ତି ହୁଡ୍‌ଖାଦାଁ ଜିଉନନାଦେରା, ଆରେ, ନଁ ପା ହୁଡ୍‌ଝିତିସ୍ତା ହେଖାନ୍‌ତାକେ ପାତ୍ କିଜି ଇନ୍‌ଝିକାତା ଆରି ଜାଜ୍‌ମାଲ୍ ମିହା ଖାରିତ ଖାରିୟା ଆନାଦେରା । ୯ ଖାରି

ଆଜି ମି ପାତ୍ରିନି ପାତ୍ରିନି ପାତ୍ରିନି ମୁକ୍ତି, ହେଦାଂ ପାୟାନାଦେରା । ବେଶ୍‌ବାକ୍‌ଶାୟକିନାକାର ମି କାଜିଂ ବାଟିକିତି ଉପକାର ବିସ୍ତେ ବେଶ୍‌ବାକ୍‌ଶାୟ କିୟାଟ୍ ।

୧୦ ଇ ମୁକ୍ତାନାକା ବିସ୍ତେ ବେଶ୍‌ବାକ୍‌ଶାୟକିନାକାର ମାନଦିଆନ୍ ଲାକେ ଦାସ୍‌ସି ଆରି ତେକ୍‌ତି, ଇସ୍‌ବୁରତି ଦୟାଦାନ୍ ବିସ୍ତେ ବେଶ୍‌ବାକ୍‌ଶାୟକିନାକା ହପତି ମାଟାର୍ । ୧୧ ହେ ଦାନ୍ ଇନାଞ୍ଜାଡାଙ୍ଗ୍ ଆରି ଇନେସ୍ ବାବ୍ରେ ପାୟାନାନ୍ ପୁନି କାଜିଂ ହେଞ୍ଜାର୍ ସେସ୍‌ସୁ କିଜି ମାଟାର୍ ଇ ବିସ୍ତେ ପୁଇପୁୟା ଜିବୁନ୍‌ତିଂ ଉପକାରତାଂ ହେଞ୍ଜାର୍ କ୍ରିସ୍‌ତି ଦୁକ୍‌ବଗ୍ ଆରି ପାଚେନି ଜାଜ୍‌ମାଲ୍ ପାୟାତି ବିସ୍ତେନି ଇଞ୍ଜି ମାଟାନ୍ । ୧୨ ଇସ୍‌ବୁର ଲେକିକିତାକା ବେଶ୍‌ବାକ୍‌ଶାୟକିନାକାର ଲାଗାଂ ହପ୍‌ତାନ୍, ହେଞ୍ଜାର୍ ଜେ ଜାର୍ ଜାର୍‌ତି ହେବା କିଞ୍ଜାଦାଂ ମିଦାଂ ହେବା କିଜି ମାଟାର୍, ଇଦାଂ ହେଞ୍ଜାର୍ ଲାଗାଂ ହସି ମାଟାଟ୍, ଆରେ, ହେଞ୍ଜିକୁ ବିସ୍ତେ ସାଗେତାଂ ପକ୍ୟାତି ପୁଇପୁୟା ଜିବୁନ୍‌ତି ସାକ୍ତିତାଂ ମି ଲାଗେ ନେକ୍‌କାବୁର୍ ସୁଶାୟକିନାକାରତି ହୁଦାଂ ନଂ ମିକ୍‌କେଙ୍ଗ୍ ଜାଶାୟକିଦ୍ୟାନାତା; ହେ ସବୁ ବିସ୍ତେ ଦୁତକ୍ ଇଟ୍‌କାଡ୍ କିଦେଙ୍ଗ୍ ମାନକିନାର୍ ।

ପୁଇପୁୟା ଜିବୁନ୍ କାଟିକିନି କାଜିଂ କୁକ୍ୟାନାକା

୧୩ ଲାଗିଂ, ଜାର୍ ଜାର୍‌ତି ମାନଲଗ୍‌ଦି ମେଙ୍ଗ୍ ଗାଟ୍ୟା ଆଜି ଚେଡ୍‌ନା ମାନାଟ୍, ଆରେ ଜିସୁ କ୍ରିସ୍‌ତି ହନି ଖେଡାଲିଂ ଇମ୍‌ଣି ଉପକାର ମୁକ୍ତାନାକା ମି କାଜିଂ ଆଏଡ୍, ହେବେ ବାତ୍ରି ବାସ୍ ଇଟାଟ୍ । ୧୪ ଇସ୍‌ବୁରତି ବଲ୍ ମାନକିନାକା ଆଡ, ମି ଆଗେ ପୁନ୍‌ଡି ଗିଆନ୍ ଖେଡାଲିଂ ବାନ୍ୟାଆହା ତାରେନ୍ ହାଲ୍‌ମାଟ୍, ୧୫ ମାତର୍ ମି କୁକ୍‌ନାକାନ୍ ଇନେସ୍ ପୁଇପୁୟା, ଏପେଙ୍ଗ୍ ପା ବଲ୍ ମାନକିନାକା ହିମ୍‌ଣାଙ୍ଗ୍ ଲାକେ ସବୁ ବେବାର୍‌ତ ହେ ଲାକେ ପୁଇପୁୟା ଆଡୁ । ୧୬ ଲାଗିଂ ସାସ୍‌ବୁରତ ଲେକା ମାନାଟ୍, “ଏପେଙ୍ଗ୍ ପୁଇପୁୟା ଆଡୁ, ଇନେକିଦେଂକି ଆପେଂ ପୁଇପୁୟା ।”

୧୭ ଆରେ ଇନେର୍ ମୁକ୍‌ମେଟ୍ କିଞ୍ଜାଦାଂ ଜାଶ୍‌କେ ଲକୁନି ପାର୍ତାନା ଇସାବ୍ରେ ବିଟାର୍ କିନାନ୍, ହେଞ୍ଜାନିଂ ଜଦି ଆବା ଇଞ୍ଜି ଇନାଦେରା, ତେବେ ଜାର୍ ଜାର୍‌ତି ନାଶାଙ୍ଗେ ପାଶ୍ଟୁ ଆଜି ବେବାର୍ କିୟାଟ୍; ୧୮ ଏପେଙ୍ଗ୍ ପୁନାଦେର୍ ମି ଆବା ଲାଡ୍ରାର୍ ତାଙ୍ଗ୍ ପାୟାତି ରିତି ନିତିନି ପଲ୍ୟା ଜିବୁନ୍‌ତାଂ ମିକ୍‌କେଙ୍ଗ୍ ମୁକ୍‌ତାୟ କିନି କାଜିଂ ଏତେକ୍ ମଲ୍ ହିଦେଂ ଲାଗ୍‌ଦାତାଡ୍ । ହେଦାଂ ବୁଡାଆନି ରୁପା କି ହନା ଆକାୟ, ୧୯ ମାତର୍ ହେଦାଂ ନିନ୍ଦାଞ୍ଜାଦାଂ, ପ୍ରାଲ୍‌ହିଲ୍‌ଞ୍ଜି ପୁଇପୁୟା ମେଣ୍ଡାହିମ୍‌ଣା ଲାକେ କ୍ରିସ୍‌ତି ବେସିମଲ୍ ନେତେରତ ମୁକ୍‌ତାତାଦେଣ୍ଡା । ୨୦ ହେଞ୍ଜାନ୍ ଜଗଡ୍‌ନି ଉବ୍‌ଜାଣ୍ ଆଗେତାଂ ତିର୍ କିୟାଜି ମି କାଜିଂ ହାରିହାରା କାଡ୍‌ଦ ଚଞ୍ଜାତାନ୍ନା; ୨୧ ଇମ୍‌ଣି ଇସ୍‌ବୁର୍ ହେଞ୍ଜାନିଂ ହାକି ବିତ୍ରେତାଂ ନିକ୍‌ତି ଜାଜ୍‌ମାଲ୍ କିତାନ୍ନା, ହେ ଇସ୍‌ବୁରତାଂ ଏପେଙ୍ଗ୍ ହେଞ୍ଜାନ୍ ହୁଦାଂ ପାତ୍ରି କିନାଦେରା, ହେ ଇସ୍‌ବୁର୍ ମି ପାତ୍ରି ଆରି ବାସ୍‌ନିକାନ୍ ଆନାନ୍ ।

୨୨ ଏପେଙ୍ଗ୍ ହାଡ୍‌ପାନି ବଲ୍ ମାନି କିନାକା ଆଜି କାପ୍‌ଟିୟାଞ୍ଜାଦାଂ ଟଣ୍ଡେନ୍ ଜିଉନନାକା କାଜିଂ ଜାର୍ ଜାର୍ ଜିବୁନ୍‌ତି ସକଟ୍ କିଜିମାଟିଲେ ଖାସ୍‌ନି ହୁକେ ରମାଡ୍ ହାରି ଜିଉନଞ୍ଜାଟ୍; ୨୩ ଲାଗିଂ ଏପେଙ୍ଗ୍ ଜିରାନି ମାଞ୍ଜିଙ୍ଗ୍‌ତାଂ ଆକାୟ, ଆଞ୍ଜିତିସ୍ ଜିରାଞ୍ଜି ମାଞ୍ଜିଙ୍ଗ୍‌ତାଂ, ଇତିସ୍ ଇସ୍‌ବୁରତି ଜିଜି ମାନି ଆରି ସବୁଦିନ୍ ମାନାକା ବଚନ୍ ହୁଦାଂ ଆରେ ଜଲମ୍ ଆତାଦେଣ୍ଡା । ୨୪ ସାସ୍‌ବୁରତ ଲେକା ମାନାଟ୍,

“ମାନାୟ ଜାତି କାଟ୍ରା ଲାକେ,
ହେଞ୍ଜାର୍‌ତି ଞ୍ଜିକୁ ହଲ୍‌ନାକା ରାନ୍ତି ପୁଇ ଲାକେ,
କାଟ୍ରା ଖାଜ୍‌ଜି ହାନାଟ୍ ଆରେ ପୁଇ ହାଡ୍‌ଜି ହାନାଟ୍,
୨୫ ମାତର୍ ଇସ୍‌ବୁରତି ବଚନ୍ ଞ୍ଜିଜ୍‌କାଡ୍‌ତିର୍ ।”

ଇଦାଂ ହେ ନେକ୍‌କାବୁର୍‌ନି ବଚନ୍, ଇନାକା ମି ଲାଗାଂ ସୁଶାୟ କିୟା ଆତାନ୍ନା ।

୨

ଜିବୁନ୍‌ନି କାଲ୍ ଆରି ପୁଇପୁୟା କୁଟ୍‌ମ୍

୧ ଲାଗିଂ ମାପୁ ଜେ ଉପକାର କିନାକାନ୍, ଇଦାଂ ଜଦି ଖେଡ୍‌ଚାତାନ୍‌ନା ତାଆତିସ୍ ସବୁ ବାନି ବାନ୍ୟା, ଚାଲାକି, କୁଟ୍, ତାରା ଆରି ଲକାର୍‌ନିନ୍ଦା ପିହାଟ୍ । ୨ ମିଟ୍ ଆରି କୁଟ୍, ତାରା ଆରି ଲକାର୍ ନିନ୍ଦା ଗୁଇନାକା । ପୁନାକା ଚଞ୍ଜି ହିମ୍‌ଣାଲାକେ ଆଡ । ନିତ୍ରେ ହାଦ୍‌କା ସବୁଦିନ୍ ପାଲ୍ ଉଣ୍ଡେଙ୍ଗ୍ ଏସକି ଆଡ । ତା ଆଡିସ୍ ଏପେଙ୍ଗ୍ ବାତା ଆଜି ମୁକ୍‌ତାନାଦେର୍ । ୩ ସାସ୍‌ବୁରତ ଲେକା ମାନାଟ୍, “ଇସ୍‌ବୁର୍ ଜେ ଇନେସ୍ ଦୟା କିଦ୍‌ନାକାନ୍, ହେଦାଂ ଏପ୍ ଜାର୍ ବୁଦିତାଂ ପୁଚାଦେଣ୍ଡା ।”

୪ ଜିବୁନ୍‌ମାନି କାଲ୍ ଲାକେ ଜେ ହେ ମାପୁ, ହେଞ୍ଜାନ୍ ମାନାୟାର୍ ହୁକେ ମୁନା କିୟାତାନ୍ ସଡ୍, ମାତର୍ ଇସ୍‌ବୁରତି ତାକେ ବାଟିକିୟା ଆତାନ୍ ଆରି ବେସି ମଲ୍ ଆତାନ୍ନା, ୫ ତା ଲାଗାଂ ଞ୍ଜି ଏପେଙ୍ଗ୍ ପା ଜିସୁ କ୍ରିସ୍‌ତି ହୁଦାଂ ଇସ୍‌ବୁରତି ଲାହାଙ୍ଗ୍ ହାରିକ୍‌ଟ୍ୟାନି ଆମିକ୍ ପୁଜାକିନି କାଜିଂ ପୁଇପୁୟା ମାପୁହେବାକିନାକାର୍ ଆନି କାଜିଂ ଜିବୁନ୍‌ନି କାଲ୍ ଲାକେ ଆଜି ର ଆମିକ୍ ଇଲ୍ ଲାକେ ରଟ୍ୟା ଆଡୁ । ୬ ଇନେକିଦେଂକି ସାସ୍‌ବୁରତ ଲେକା ଆତାଡ୍‌ନା, ହୁଡାଟ୍,

“ଆପ୍ ସିୟନ୍ତ ରଞ୍ଜାଙ୍ଗ୍ ବାଚିକିତି ଆରି ବେସିମଲ୍ କନାନି ମୁଡ଼୍ କୁନାଦି କାଲ୍
ରଚ୍ତାପନା, ଆରେ ଇନେନ୍ ହେଞ୍ଜାନ୍ତି ତାକେ ପାତର୍ କିତାର୍,
ହେଞ୍ଜାନ୍ ଲାଜା ଆଉନ୍ ।”

୭ ଲାଗିଂ ପାତର୍ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ହେ ବେସିମଲ୍ନି ମିହାଣ୍ ଆନାଦେର୍, ମାତର୍
ଇମ୍ପାଣାକାର୍ ପାତର୍ କିତର୍,

“ଇଲ୍ ରଚ୍ନାକାର୍ ଇମ୍ପାଣି କାଲ୍ଦିଂ ମୁନାକିତାର୍,
ହେଦାଂ ହେଞ୍ଜାନ୍ତି ନଂ କନାନି ମୁଡ଼୍କାଲ୍ ଆତାଡ଼ ।”

୮ “ଆରେ, ପୁଇପୁୟା ସାସ୍ତର୍ତ ଆରେ ପା ଲେକାଆତାଡ଼ନା”

“ଇ କାଲ୍ ଜପି ଆଦିକ୍ ଉସ୍ନାର୍, ଇ କାଲ୍ ହେଞ୍ଜାନ୍ତି ରୁତାନି ବିସ୍ତେ ଆନାଡ଼ ।

ହେଞ୍ଜାନ୍ ଇସ୍ତର୍ତ ବଚନତ ପାତର୍ କିଞ୍ଜାତାର୍, ଲାଗିଂ ହେଞ୍ଜାନ୍ ଅସ୍ତାର୍ ।
ଆରେ ଇଦାଂ କାଜିଂ ପା ହେଞ୍ଜାନ୍ ବାଚିକିୟାଜି ମାତାର୍ ।”

୯ ମାତର୍ ଇସ୍ତର୍ ଜେ ମିଙ୍ଗେଙ୍ଗ୍ ମାଜଗାତାଂ ଜାର୍ କାବାନି ଅଜଡ଼୍ ବିତ୍ରେତାଂ କୁକ୍ତାତାନ୍ନା,
ଏପେଙ୍ଗ୍ ଇନେସ୍କି ତା ଗୁଣ୍ କେରାଟ୍, ଇଦାଂ କାଜିଂ ଏପେଦେର୍ ର ବାଚିକିତି ଜାତି, ରାଜାର୍ତି
ମାପୁହେବାକିନାକାର୍, ପୁଇପୁୟା ଜାତି ଆରେ ଇସ୍ତର୍ ନିଜେନି ଲକୁ ଆତାଦେଣ୍ଟା । ୧୦ “ଆଗେ ଏପେଙ୍ଗ୍
ଇସ୍ତର୍ ଲକୁ ବାଚିକିୟାଞ୍ଜାଦାଂ ମାତାଦେର୍, ମାତର୍ ନଂ ଇସ୍ତର୍ତ ଲକୁ ଆତାଦେଣ୍ଟା, ଆଗେ ଏପେଙ୍ଗ୍ ଦୟା
ପାୟା ଆଞ୍ଜାଦାଂ ମାତାଦେର୍, ମତର୍ ନଂ ଦୟା ପାୟା ଆତାଦେଣ୍ଟା ।”

ଇସ୍ତର୍ତ କଡ଼କାଆଡ଼ିଏନ୍

୧୧ ଏ ଖାରିନିକାଦେର୍, ଏପେଙ୍ଗ୍ ଇ ସଁସାର୍ତ ବିଦେସ୍ୟା ଆରି ବାହା କିତାକାଦେର୍ ଲାକେ । ଲାଗିଂ
ଗଞ୍ଜାରି କିଦନାଙ୍ଗା, ଏପେଙ୍ଗ୍ ନିତ୍ରେ ଜିରୁନ୍ ବିରୁଦ୍ତ ଜୁଜ୍ କିଜି ମାନି ଗାଗାଡ଼୍ ଆହା ତଲ୍ୟା ଆମାଟ୍ ।
୧୨ ଏପେଦେର୍ ପାତର୍ କିଞ୍ଜି ଜିହୁଦିରତି ବିତ୍ରେ ହାରବେବାର୍ କିୟାଟ୍, ଇନେସ୍କି ହେଞ୍ଜାନ୍ ଇମ୍ପାଣି ବିସ୍ତେ
ମିଙ୍ଗେଙ୍ଗ୍ ଦାରିୟା ଇଞ୍ଜି ନିଦା କିଦନାର୍, ମି ହାର୍ କାମାୟ୍ ହୁଡ଼୍ଜି ହେ ବିସ୍ତେ କ୍ରିସ୍ତୁତି ଖାନି ଦିକ୍ତ ଦୟା ହୁଡ଼୍ଜି
ଦିକ୍ତ ଇସ୍ତର୍ତ ଜାଜମାଲ୍ କିଦନାନ୍ ।

୧୩ ମାପୁତି କାଜିଂ ଖିଜୁ ନାର୍ତ ରଚ୍ତି ତଲ୍ୟା ଆଡୁ, ୧୪ ପର୍ତୁମ୍ ଗାଜା ରାଜା ନଲେ ଅନ୍ୟାୟ୍ କାମାୟ୍
କିନାକାରିଂ ସାସ୍ତ୍ରି ହିନି କାଜିଂ ଆର ହାର୍ କାମାୟ୍ କିନାକାରିଂ ଖାରିକିଦେଂ କାଜିଂ ହେଞ୍ଜାନ୍ତି ହୁଦାଂ ପକ୍ୟାତି
ସାସ୍ତ୍ରିକିନାକାର୍ ଆୟେର୍, ହେଞ୍ଜାନ୍ତି ତଲ୍ୟା ଆଡୁ । ୧୫ ଇନେକିଦେଂକି ଏପେଙ୍ଗ୍ ଜେ ହାଡ଼ପା କାମାୟ୍
କିଜି ନିରୁଦିୟାର୍ ପୁନ୍ଝି ଗିଆନ୍ତ ଇଞ୍ଜି ମାନି କାତା ବନ୍ଦ୍ କିୟାଟ୍, ଇଦାଂ ଇସ୍ତର୍ତ ମାନ୍, ୧୬ ଏପେଙ୍ଗ୍
ଜାର୍ତାରେନ୍ ଆତିସ୍ପା ମି ଜାର୍ତାରେନ୍ତିଙ୍ଗ୍ ରୁଲ୍ତୁଲିୟାନି ବାତର୍ ଲାକେ ବେବାର୍ କିଞ୍ଜାଦାଂ ନଲେ
ଇସ୍ତର୍ତ ଆଡ଼ିଏନ୍ ଆଜି ହାଡ଼ପା କାମାୟ୍ କିୟାଟ୍ । ୧୭ ଖିଜାରିଂ ସମାନ୍ଝାରି କିୟାଟ୍, କ୍ରିସ୍ତୁଙ୍ଗ୍ ପାତର୍ କିନି
ଟଣ୍ଡାରିଂ ଜିଉନଞ୍ଜାଟ୍, ଇସ୍ତର୍ତ ପାଣ୍ଡା ଆଡୁ, ରାଜାଙ୍ଗ୍ ସମାନ୍ଝାରି କିୟାଟ୍ ।

କ୍ରିସ୍ତୁତି ଦୁକ୍ତ ଖାରି

୧୮ ଆଡ଼ିୟାର୍, ଏପେଙ୍ଗ୍ ପାଣ୍ଡା ଆଜି ଜାର୍ ଜାର୍ ହାଉକାର୍ରିଂ ତଲ୍ୟା ଆଡୁ, କେବଲ୍ ହାର୍ ଆରି ହୁଦାର୍
ହାଉକାର୍ରିଂ ଆକାୟ୍, ମତର୍ ଦୟାହିଲ୍ଝାକାରିଂ ପା ତଲ୍ୟା ଆଡୁ ହେଞ୍ଜାରିଂ ସମାନ୍ ମାନି କିୟାଟ୍ ।
୧୯ ଇନେକିଦେଂକି ଇନେର୍ ଏଚେକାଡ଼୍ ଇସ୍ତର୍ତ ପାତର୍ କିନି କାଜିଂ ଅନ୍ୟାୟ୍ତ ଦୁକ୍ତବଗ୍ କିଜି କସ୍ତୁ
ହୁଞ୍ଜନାନ୍, ବାଚିଙ୍ଗ୍ ହେଦାଂ ଖାରିନି ବିସ୍ତେ । ୨୦ ଲାଗିଂ ଏପେଙ୍ଗ୍ ଜାର୍ ଜାର୍ ପାପ୍ କାଜିଂ ଜଦି ମାଡ଼୍
ହୁଞ୍ଜନାଦେର୍, ଲାଗିଂ ହେବେ କି ଇନାକା ତାକ୍ପୁଟା ? ମାତର୍ ଜଦି ହାର୍ କାମାୟ୍ କିଜି ଦୁକ୍ ହୁଞ୍ଜନାଦେର୍,
ଲାଗିଂ ହେଦାଂ ଇସ୍ତର୍ତ ଲାଗାଂ ଆସିର୍ବାଦ୍ ବିସ୍ତେ । ୨୧ ଇଦାଂ କାଜିଂ ନେ ଏପେଙ୍ଗ୍ ଆହ୍ୟାତାଦେଣ୍ଟା,
ଇନେକିଦେଂକି ଏପେଙ୍ଗ୍ ଇନେସ୍ କ୍ରିସ୍ତୁତି ପାନାଟିନା ହିଜି ହାନାଦେର୍, ହେଦାଂ କାଜିଂ ହେଞ୍ଜାନ୍ ପା ମି କାଜିଂ
ଦୁକ୍ତବଗ୍ କିଜି ମିଙ୍ଗେଙ୍ଗ୍ ର ଗୁଣ୍ ଚର୍ଚ୍ଚିହିଜି ହାତାନ୍ନା; ୨୨ ହେଞ୍ଜାନ୍ ଇନାକାପା ପାପ୍ କିଞ୍ଜାତାନ୍, କି ହେଞ୍ଜାନ୍ତି
ଝେଇଦାଂ ଇମ୍ପାଣାକା ପା ମିର୍ କାତା ଇନ୍ଝାଦାଂ ମାତାନ୍ । ୨୩ ହେଞ୍ଜାନ୍ ନିନ୍ଦା ପାୟାନି ଝେଡାଲିଂ ମାସ୍ଦି ନିନ୍ଦା
କିଞ୍ଜାତାନ୍; ଦୁଗ୍ବଗ୍ କିନି ଝେଡାଲିଂ ଦୁକ୍ ବଗ୍ କିଦେଙ୍ଗ୍ ପାଣ୍ଡା କ୍ରିଞ୍ଜାତାନ୍, ମାତର୍ ନ୍ୟାୟ୍ ବିଚାରକିନାକାନ୍ତି
କେଇଦ ଖିଜୁ ବିସ୍ତେ ହେଲାୟ୍ କିତାନ୍; ୨୪ ଆସେଙ୍ଗ୍ ଇନେସ୍ ପାପ୍ କାଜିଂ ହାଜି ମାନ୍ଞି ଦାମର୍ କାଜିଂ
ଜିରୁନ୍ ଜିପ୍କା କିନାସ୍, ଇଦାଂ କାଜିଂ ହେଞ୍ଜାନ୍ ଆପେ କୁସ୍ ଜପି ଜାର୍ ଗାଗାଡ଼୍ତ ମା ଖିଜୁ ପାପ୍ ପିଣ୍ଡାନ୍;
ହେଞ୍ଜାନ୍ତି ମାଡ଼୍ତ ଏପେଙ୍ଗ୍ ଉଜ୍ ଆତାଦେଣ୍ଟା । ୨୫ ଇନେକିଦେଂକି ଏପେଙ୍ଗ୍ ମେଣ୍ଡା ଲାକେ ବିନ୍ ହାଜିଡ଼
ହାଲ୍ଜି ମାତାଦେର୍, ମତର୍ ନଂ ମି ଖାସ୍ତିତ ମାନି କିଦେଂ ଆରି ମୁଣିକା ଲାଗାଂ ମାସ୍ଦି ଖାତାଦେଣ୍ଟା ।

୩

ଆଶ୍ୱାଙ୍କୁ ଆରି କଗଲେତି ହିକ୍ୟା

୧ ହେ ଲାକେ, ଏ କଗଲେକ୍, ଏପେଙ୍ଗ୍ ଜାର୍ ଜାର୍ ତକ୍ରାତ୍ ତଲ୍ୟା ଆଡୁ । ଇନେସ୍ ହେଞ୍ଜାର୍ ବିତ୍ରେତାଂ ଇନେର୍ ଇନେର୍ ବଚନ୍ନି ବଲ୍ ମାନିକିଞ୍ଜି ଆତିସ୍ ପା ଏପେଙ୍ଗ୍ ପାଶ୍ଟା ଆଞ୍ଜାଦାଂ ନିତ୍ରେବେବାର୍ ହୁଡ୍ଜି ବଚନ୍ ପିସ୍ସି ଜାର୍ ଜାର୍ ଟଣ୍ଡେନ୍ ବେବାର୍ ହୁଦାଂ ବାଦଲ୍ଲା ଆନାଡ୍ । ୨ ଇନେସ୍ ହେଞ୍ଜାର୍ ବିତ୍ରେତାଂ ଇନେ ଇନେର୍ ବଚନ୍ନି ବଲ୍ମାନି କିତିସ୍ପା ଏପେଙ୍ଗ୍ ପାଶ୍ଟା ଆଞ୍ଜାଦାଂ ସମାନ୍ ବେବାର୍ ହୁଡ୍ଜି ବଚନ୍ ପିସ୍ସି ଜାର୍ ଜାର୍ ତକ୍ରାନ୍ତି ବେବାର୍ ହୁକେ ବାଦଲ୍ଲା ଆନାଡ୍ । ୩ ☆ଆରେ ତେମୁଲ୍ ବେସ୍, ହନା ହାସ୍ତୁ ତୁସ୍ନାକା ଆରି ହାର୍ଦି ହେନ୍ଦା ଉସ୍ପାନାକା, ଏଲେଙ୍ଗ୍ ଇମ୍ଫଣି ବାର୍ତାକା ଆର୍ପାନାକା, ହେଦାଂ ଏପେଙ୍ଗ୍ ଆର୍ପାନାକା ହାର୍ ଆକାୟ୍, ୪ ହାଡ୍ପା ହଲ୍ନାକା ନେ ମାତ୍ର ଇମ୍ଫଣି କ'ଆଣ ଆରି ସୁସ୍ତାମିହା ତୁଲ୍ଲି ମାନ୍‌ବାବନା ଇସ୍ପୁଡ୍ତି ମୁମଦ ବେସିମଲ୍, ହେଦାଂ ନେ ମି ଜିରାଞ୍ଜି ହାରାଂ ଆଏଡ୍ । ୫ ଇନେକିଦେଂକି ଆଗେକାଡ୍‌ଦ ଦାମ୍ ନି ପୁଇପୁୟା କଗଲେକ୍ ପା ଇସ୍ପୁଡ୍ତି ତାକେ ବାସ୍ ଇଡ୍ଜି ଜାର୍ ଜାର୍ ତକ୍ରାତି ତଲ୍ୟା ଆଜି ଇ ବାନି ଜାର୍ ଜାର୍ତିଂ ତୁସ୍ଜି ମାତିକ୍ । ୬ ସାରା ହେ ଲାକେ ର କଗଲେ ମାଚାଡ୍ । ହେଦେଲ୍ ଅବ୍ରାହାମ୍ ତଲ୍ୟା ଆଜି ହେଞ୍ଜାନିଂ ମାପୁ ଇଞ୍ଜି ଇଞ୍ଜି ମାଚାଡ୍ । ଏପେଙ୍ଗ୍ ନଂ ହେଞ୍ଜାନ୍ତି ଗାଡ୍‌ରେକ୍ । ଜଦି ହାର୍ ବେବାର୍ କିତିସ୍, ତା ଆତିସ୍ ଇମ୍ଫଣି ବିସ୍ତେ ମିଙ୍ଗେଙ୍ଗ୍ ଆରେ ପାଶ୍ଟା କୁଦେଙ୍ଗ୍ ଆଡ୍‌ଦୁର୍ ।

୭ ହେ ବାନି, ଏ ତକ୍ରାର୍, ମି ପାର୍ତାନାତ ଇନେସ୍ ବାଦା ଆମେଡ୍, ଇଦାଂ କାଜିଂ ତକ୍ରାକାଂ ପାରେନିଦିନ୍‌ତ ନାଦାର୍ ଗାଡ୍ ଆରି ଜାର୍ତି ଲାହାଙ୍ଗ୍ ଜିବୁନ୍ ଲାଗ୍‌ଦି ଉପକାର୍ ଦାନ୍ନି ରତେ ଆଦିକାର୍‌ଶ୍ଟି ପୁନ୍‌ଞ୍ଜି ହେଞ୍ଜେକାଂ ଖାରି କିୟାଡ୍ ଆରେ ଗିଆନ୍ତ ହେଞ୍ଜେକ୍ ଲାହାଂ ମାନାଡ୍ ।

ଦାମ୍ କାଜିଂ ଦୁକ୍‌ବଗ୍

୮ ହାରିହାରା କାତା ଇଦାଂ, ଏପେଙ୍ଗ୍ ଝିଜାଦେର୍ ରମାନ୍, ହାରି ସୁକ୍‌ଦୁକ୍‌ତ ସମାନ୍ ବଗ୍, ଟଣ୍ଡେନ୍‌ଲାଡ୍‌ତ ଜିଉନନାକା, କ'ଆଣ ମାନ୍ ଆରି ହୁଦାର୍ ମାନ୍ ଆଡୁ; ୯ ନସ୍ ବାଦୁଲ୍ ନସ୍ କି ନିନ୍ଦା ବାଦୁଲ୍ ନିନ୍ଦା କିଞ୍ଜାଦାଂ ବିନ୍ ପାକ୍ୟାତ ନଲେ ଆସିର୍ବାଦ୍ କିୟାଡ୍, ଇନେକିଦେଂକି ଏପେଙ୍ଗ୍ ଇନେସ୍ ଆସିର୍ବାଦ୍‌ନି ଆଦିକାର୍ ଆନାଦେର୍, ଇଦାଂ କାଜିଂ କୁକ୍ୟାତାଦେଶ୍ଟା । ୧୦ ପୁଇପୁୟା ସାସ୍ପୁଡ୍‌ତ ଲେକା ମାନାଡ୍,

“ଇନେର୍ ଜିବୁନ୍‌ନି ସୁକ୍‌ବଗ୍ କିଦେଙ୍ଗ୍
 ଆରେ ଜିଉନନି ଦିନ୍ ହୁଡ୍‌ଦେଂ ଇଚା କିନାନ୍,
 ହେଞ୍ଜାନ୍ ବାନ୍ୟା ବଚନ୍‌ତାଂ ଜାର୍ ଝେନ୍‌ଲୁଡ୍ତିଂ
 ଆରେ ନିନ୍ଦାନି ବଚନ୍‌ତାଂ ଜାର୍ ଓଟିତଂ ଚିମ୍ପା କିଏନ୍;

୧୧ ହେଞ୍ଜାନ୍ ବାନ୍ୟାତାଂ ମାସ୍‌ଦି ହାର୍‌ଦି କାମାୟ୍ କିଏନ୍;
 ଆରି ଖାସ୍‌ନିକାତା ଲାହାଂ ସୁସ୍ତାନି ଆସିର୍ବାଦ୍ କିନାସ୍ ।

୧୨ ଇନେକିଦେଂକି ଦାମ୍ ଲଗାତ୍ କାଜିଂ ମାପୁଡ୍ ନଞ୍ଜର୍ ମାନାଡ୍, ହେଞ୍ଜାର୍‌ତି ପାର୍ତାନା କାଜିଂ ହେଞ୍ଜାନ୍ତି କିତୁଲ୍ ଜେୟା ଆତାନ୍ଦା, ମାତର୍ ମାପୁଡ୍ ଝେଇ ବାନ୍ୟାଲଗାତ୍ ବିରୁଦ୍‌ତ ମାନାଡ୍ ।”

୧୩ ଆରେ ଏପେଙ୍ଗ୍ ଜଦି ହାର୍‌ଦି ବିସ୍ତେ ଆଗେ ଆତ, ବାଟିଙ୍ଗ୍ ଇନେର୍ ମିଦାଂ ନସ୍ କିଦ୍‌ନାର୍ ? ୧୪ ଆରେ ଜଦି ପା ଦାମ୍ କାଜିଂ ମିଂ ଦୁକ୍‌ବଗ୍ କିଦେଙ୍ଗ୍ ଲାଗ୍‌ଦାନାଡ୍, ତା ଆତିସ୍ ମିଙ୍ଗ୍ ଦନ୍ୟ । ହେଞ୍ଜାର୍ ପାଶ୍ଟା କିଡ୍‌ତିସ୍ ପାଶ୍ଟା ଆଜି ବିଲ୍‌କି ଆମାଡ୍; ୧୫ ମାତର୍ କ୍ରିସ୍‌ତିଂ ମାପୁ ଇଞ୍ଜି ଜାର୍ ଜାର୍ ମାନ୍‌ତିଂ ପୁଇପୁୟା ଲାକେ ମାନି କିୟାଡ୍ । ମି ତାକେ ମାନି ବାସ୍ ନି କାରଣ ବିସ୍ତେ ଇନେର୍ ପର୍‌ସନ୍ କିତିସ୍, ହେଞ୍ଜାନିଂ ଉଲ୍‌ଟି ଉତର୍ ହିଦେଂ ଜାଲ୍‌ଦି ଆଜି ମାନାଡ୍, ୧୬ ମାତର୍ ହୁଦାର୍ ଆରି ହାର୍ ବାବ୍ରେ ଉତର୍ ହିୟାଡ୍, ମି ବାବ୍‌ନାତିଂ ନିର୍‌ମଲ୍ ଇଚାଡ୍ । ତା ଆତିସ୍, ଏପେଙ୍ଗ୍ କ୍ରିସ୍‌ତି ପାଚେହାନି ଲାକେ ସମାନ୍ ସନ୍‌ମାନ୍ କିନିଞ୍ଜେଡାଂ, ଇମ୍‌ଶାକାର୍ ମିଙ୍ଗ୍ ମିର୍ ନିନ୍ଦାକିଦ୍‌ନାର୍, ହେଞ୍ଜାର୍ ଲାହୁ ଆନାଡ୍ । ୧୭ ଇନେକିଦେଂକି ବାନ୍ୟାକାମାୟ୍ କାଜିଂ ଦୁକ୍‌ବଗ୍ କିନି ତାଂ ନଲେ ଜଦି ଇସ୍ପୁଡ୍ତି ଇଚା ଆତିସ୍, ତା ଆତିସ୍ ସଡ୍‌କାମାୟ୍ କାଜିଂ ଦୁକ୍‌ବଗ୍ କିନାକା ହାର୍ । ୧୮ ଲାଗିଂ ମା ଇସ୍ପୁଡ୍ତି ଲାଗାଂ ତାନି କାଜିଂ ଜିସ୍ କ୍ରିସ୍ ପା ଦାମ୍ ଆଜି ଅଦାମ୍‌ତି କାଜିଂ ପାପ୍ ଆତିଲେ ରଗ ହାକିବଗ୍ କିତାନ୍ । ହେଞ୍ଜାନ୍ ଗାଗାଡ୍‌ତ ହାକିବଗ୍ କିନାକାନ୍ ହାଡ୍‌ପା, ମାତର୍ ଜିବୁନ୍ ଜିତାନ୍; ୧୯ ହେବେ ପା ହେଞ୍ଜାନ୍ ଗେହ୍ୟାତି ଜିବୁନିକାଂ ଲାଗାଂ ହାଲ୍‌ଜି ସୁଶାୟ୍ କିତାନ୍; ୨୦ ଆଗେକାଡ୍‌ଦ ନହତି ସମୁତ ଜାଜ୍ ରଚ୍‌ନି ଝେଡାଲିଂ, ଏଚେକାଡ୍‌ଦ ଇସ୍ପୁର୍ ଲାମାହୁଦାର୍ ଆଜି କାସିମାଚାନ୍, ହେଞ୍ଜେଡାଲିଂ ହେଞ୍ଜାର୍ ଅମାନ୍ୟା ଆତାର୍ । ହେ ଜାଜ୍‌ତ ହଣ୍‌ଜି ଅଲ୍‌ପ୍ ଲକୁ, ଇଚିସ୍ କେବଲ୍ ଆର୍ ଜାଣ, ଏଜୁଙ୍ଗ୍ ବିତ୍ରେତାଂ ରାକ୍ୟା ପାୟାତାର୍; ୨୧ ହେବେନି ର ଲାକେ ବାପ୍‌ସିମ୍ ଇଚିସ୍ ଗାଗାଡ୍‌ନି ତୁକେର୍ ହାଡ୍‌ରେଙ୍ଗ୍ ଆକାୟ୍, ମାତର୍ ଇସ୍ପୁଡ୍ତି ଲାଗାଂ

☆ ୩:୩ ୧ ତିମତି ୨:୯.

ସକଟ ହାର୍ଦ୍ଦି ବାବନା ଗାଗାଦେଂ କାଜିଂ ପାର୍ତ୍ତାନା, ଜିସୁ କ୍ରିଷ୍ଟି ଆରେ ନିନି ହୁଦାଂ ନଂ ମିଂ ମୁକ୍ତି କିତ୍ତାନନା; ୨୨ ହେ ଜିସୁ କ୍ରିଷ୍ଟି ସାଗେ ଦୁମ୍ଭି ଇସ୍ପରତି ବୁଜ୍ଜଣି ବାଗାଙ୍ଗ କୁଟ୍ତାନା, ଆରେ ଦୁତକ୍, ଆଦିକାର୍ ବାପୁ ଆରି ସାକ୍ତିକାଟିକକ୍ ହେଝାନ୍ତି ତଲ୍ୟା ଆତିକନା ।

୪

ବାଦଲାନି ଜିରୁନ୍

୧ କ୍ରିଷ୍ଟି ଗାଗାତ୍ତ ଦୁକ୍ବଗ୍ କିତିଲେ ଏପେଙ୍ଗ ପା ହେ ଲାକେ ମାନ୍ ଆଜି ଜାର୍ତିଂ ରଗାଟ୍, ଇନେକିଦେଂକି ଇନେନ୍ କ୍ରିଷ୍ଟି କାଜିଂ ଗାଗାତ୍ତ ଦୁକ୍ବଗ୍ କିତାନା, ହେଝାନ୍ ପାପତାଂ ଦେହା ଆତାନା, ୨ ଇନେସ୍ ଏପେଙ୍ଗ ଜଗତ୍ନି ଜିରୁନ୍ ବାକି କାତ୍ ମାନାୟ୍ତିଂ ବାନ୍ୟାଆହା ଇସାପ୍ରେ କାଝାଦାଂ ଇସ୍ପରତି ଇଚା ଇସାପ୍ରେ କାତ୍ । ୩ ଲାଗିଂ ପାତ୍ କିଝି ଜିହୁଦିରତି ଇଚା ଇସାପ୍ରେ କାମାୟ୍ କିଜି ଏପେଙ୍ଗ ଏଚେ କାତ୍ ବାନ୍ୟାକାମାୟ୍, ବାନ୍ୟା ଆହା, କାଲିଂଗହ୍ନାକା, ରଙ୍ଗରାସିକା, ହଜ୍ଜି ଆରି ଗିଣ୍ ପୁଡ୍ଡା ପୁଜା କିଜି ମାଗାଦେର୍, ହେଦାଂ ଲଡା; ୪ ଏପେଙ୍ଗ ନଂ ହେ ଲାକେ ଚିମ୍ବରାଆଝାଦାଂ କାମାୟ୍ତ ହେଝାର୍ ଲାହାଙ୍ଗ୍ ମାନ୍ଝାଦାଂ ହେଝାର୍ କାବା ଆଜି ମିଙ୍ଗେଙ୍ଗ୍ ନିନ୍ଦା ହିଡ୍ତାଣ୍ଟା । ୫ ମାତର୍ ଇମ୍ଣି ଇସ୍ପର୍ ଜିତାକାନ୍ ଆରି ହାତି ଲଗାରିଂ ବିଚାର୍ କିନାନ୍, ହେଝାନ୍ତି ମୁମ୍ଦ ହେଝାର୍ତ୍ତି ଇସାବ୍ ହିଦେଂ ଆନାତ୍ । ୬ ଇନେକିଦେଂକି ଇ ହିସାପ୍ରେ ହାତାକାର୍ ଲାଗେ ପା ନେକ୍ତିକାବୁର୍ ସୁଶାୟ୍ କିୟାତାତ୍, ଇନେସ୍ ହେଝାର୍ ମାନାୟ୍ ଲାକେ ଗାଗାତ୍ତ ବିଚାଣ୍ଟା ଆତିସ୍ପା ଇସ୍ପରତି ଲାକେ ଜିରୁନ୍ ଆନାନ୍ ।

ଇସ୍ପରତି ଦାନ୍ ହାର୍ଦ୍ଦି କାର୍ନିୟା

୭ ମତର୍ ଝିଜୁ ବିସ୍ପେ ଝିସ୍ତିକାତ୍ ଲାଗେ । ଲାଗିଂ ହାର୍ଦ୍ଦି ଆତୁ, ଆରେ ପାର୍ତ୍ତାନା କିନି କାଜିଂ ଚେଡ୍ନା ମାନାଟ୍ ଠି ଇତିସ୍ ଜବର୍ ଜିଉନତିଲେ ହାରି ଜିଉନବିସ୍ ମାନାଟ୍, ଇନେକିଦେଂକି ଜିଉନନିତ ବେସି କିଜି ପାପତ ତାବାୟ୍ କିନାତ୍ । ୮ ମଡିଆଝାଦାଂ ହାରି ଲବାୟ୍ କିୟାଟ୍; ୯ ଜାଣକେ ଲକୁ ସସ୍ ଇନେସ୍ ଉପକାର୍ ଦାନ୍ ପାୟା ତାଦେଣ୍ଟା, ହେ ଲାକେ ଇସ୍ପରତି ବେସି ବିଦି ଦୟାନ୍ ହାର୍ କାର୍ନିୟା ଲାକେ ତାହୁଦାଂ ହାରି ହେବା କିୟାଟ୍, ୧୦ ଇନେର୍ ଜଦି ସୁଶାୟ୍ କିନାନ୍, ବାଟିଙ୍ଗ୍ ହେଝାନ୍ ଇସ୍ପରତି ବଚନ୍ ସୁଶାୟ୍ କିନାକାନ୍ ଲାକେ ସୁଶାୟ୍ କିଏନ୍; ଇନେର୍ ଜଦି ହେବା କିନାନ୍, ବାଟିଙ୍ଗ୍ ହେଝାନ୍ ଇସ୍ପରତାଂ ସାକ୍ତିଗାଗାନି ମାନାୟ୍ ଲାକେ ହେବା କିଏନ୍, ଇନେସ୍ ଜିସୁ କ୍ରିଷ୍ଟି ହୁଦାଂ ଇସ୍ପରତି ଜାଜ୍ମାଲ୍ ଆନାତ୍; ଜୁଗ୍ ଜୁଗ୍ ଜାଜ୍ମାଲ୍ ଆରି ବାପୁ ହେଝାନ୍ତି । ଆମେନ୍ ।

କ୍ରିଷ୍ଟିୟାନ୍ତି ଦୁକ୍ବଗ୍

୧୧ ଏ ଝାରିନିକାଦେର୍, ମି ପରିକ୍ୟା କାଜିଂ ଇମ୍ଣି ଦୁକ୍ବଗ୍ବାତ୍ ନାଣି ଏକାଝାତାତ୍ନା, ହେଦାଂ ଚାନ୍ୟା ଗଟ୍ଟା ଇଞ୍ଜି ବାବି କିଜି କାବା ଗିଆନ୍ ଆମାଟ୍; ୧୨ ଇତିସ୍ ଏଚେକ୍ ଲଡା କ୍ରିଷ୍ଟି ଦୁକ୍ବଗ୍ନି ମେହା ଆନାଦେରା, ହେ ଏଚେକ୍ ଝାରି କିୟାଟ୍, ଇନେସ୍ ହେଝାନ୍ତି ଜାଜ୍ମାଲ୍ ଆନି ସମୁତ ପା ଏପେଙ୍ଗ୍ ବେସି ଝାରିତ ଝାରିୟା ଆନାଦେର୍ । ୧୩ ଜଦି ଏପେଙ୍ଗ୍ କ୍ରିଷ୍ଟି ତର୍ କାଜିଂ ନିନ୍ଦା ଆନାଦେର୍, ତାଆତିସ୍ ଏପେଙ୍ଗ୍ ଦନ୍ୟ, ଇନେକିଦେଂକି ଜାଜ୍ମାଲ୍ନି ଜିରୁନ୍, ଇତିସ୍ ଇସ୍ପରତି ଜିରୁନ୍, ମି ତାକେ ବାହା କିନାତା । ୧୪ ଲାଗିଂ ମି ବିଡ୍ରେ ଇନେର୍ ଚୁଶାକାନ୍, କି ମ୍ପାକେନ୍, କି ନାସ୍ତିଆ କୁଲ୍ ଆ ଆଜି ତାଣ୍ଟ ବଗ୍ କିମେନ୍; ୧୫ ମାତର୍ ଜଦି କ୍ରିଷ୍ଟିୟାନ୍ ଆତିଲେ ତାଣ୍ଟ ବଗ୍ କିନାନ୍, ତାଆତିସ୍ ହେଝାନ୍ ଲାଜ୍ କୁଇ କିମେନ୍, ନଲେ ଇ ତର୍ କାଜିଂ ଇସ୍ପରତିଂ ପାର୍ତ୍ତାନା କିନାସ୍ ।

୧୬ ଇନେକିଦେଂକି ଇସ୍ପରତି ଇଲ୍ତାଂ ହାଂଜି ବିଚାର୍ କିନି ସମୁ ଏକାଝାତାତ୍ନା; ଆରେ ଜଦି ହିଗ୍ଦ ମା ତାଂ ହାଙ୍ଗ୍ତିସ୍, ବାଟିଙ୍ଗ୍ ଇମ୍ଣାକାର୍ ଇସ୍ପରତି ନେକ୍ତିକାବୁର୍ତ୍ତ ପାତ୍ କିଉର୍ ତା ଆତିସ୍, ହେଝାର୍ତ୍ତି ହାରିହାରା ଦସା କି ଇନାକା ଆଉଡ୍ ! ୧୭ ଆରେ ଦାମ୍ ଲଗୁ
“ଜଦି କସ୍ତ ମୁକ୍ତି ପାୟାଆନାନ୍,
ବାଟିଙ୍ଗ୍ ଅଦାମ୍ ଆରି ପାପିର୍ ଦସା ଇନାକା ଆଉଡ୍ !”

୧୮ ଲାଗିଂ, ଇମ୍ଣାକାର୍ ଇସ୍ପରତି ଇଚାତ ଦୁକ୍ବଗ୍ କିନାନ୍, ହେଝାର୍ ପାତ୍ ନି ଉପ୍ଜାଣ୍ଟାକାର୍ଯ୍ୟାତି କେଇଦ ଜାର୍ ଜାର୍ ଝାସ୍ତିଂ ହେଲ୍ଲାୟ୍ କିଜି ହାର୍ କାମାୟ୍ନି ଦ୍ୟାନ୍ତ ମାନେର୍ ଇନେକିଦେଂକି ହେଝାନ୍ ନିଡ୍ରେ ହେଝାନ୍ତି ପାର୍ମାଣ୍ ରାକ୍ୟା କିନାନ୍ ।

୫

ଇସ୍ପରତି ମେଣ୍ଟାମାନ୍ଦା

୧ ଆନ୍ ରଖାଙ୍ଗ ବୁଡ଼ାଲୁ ଇସାପତାଂ ମି ମଣ୍ଡଲିନି ବୁଡ଼ାଲୁରିଂ ଗଞ୍ଜାରି କିଜି ଇନାଙ୍ଗା । ଲାଗିଂ, ରଞ୍ଜାନ୍ ହାଙ୍ଗଦି ପାର୍ତ୍ତିନ୍ ଆରେ କ୍ରିଷ୍ଟି ଦୁକ୍‌ବଗ୍‌ନି ସାକି ଆରି ଖାନି ଜାଜମାଲ୍‌ନି ମେହାଣ୍ ଆଦିକାରି ଜେ ଆନ୍, ଆନ୍ ମି ବିତ୍ତେ ମାନି ବୁଡ଼ାଲୁରିଂ ଗଞ୍ଜାରି କିନାଙ୍ଗା, ୨ *ଇସ୍‌ସ୍‌ର ମି କେଇଦ ଇମ୍‌ଣି ମେଣ୍ଡା ମାନ୍‌ତାତ୍ ହେଲାଇୟ୍ କିତାନ୍‌ନା, ଆନ୍ ଗଞ୍ଜାରି କିଦ୍‌ନାଙ୍ଗା, ଏପେଙ୍ଗ୍ ମାନ୍‌ହିଲାଇଦାଂ ହେଦାଂ କିଞ୍ଜାଦାଂ ଖାରିତାଂ ହେଞ୍ଜାରିଂ ଜାତୁନ୍ କିୟାଟ୍, ଦାନ୍ ଲାବ୍‌ଡି ଆହାତାଂ ହେଦାଂ କିଞ୍ଜାଦାଂ ହାଡ଼ପା ହେବା ମାନ୍‌ବାବ୍‌ନା ଲାହାଂ ମି କାମାୟ୍ ଉପାୟ୍ କିୟାଟ୍ । ୩ ଆରେ ଇମ୍‌ଣାକାର୍ ଦାଇଡ଼ ମି କେଇଦ ହେଲାଇୟ୍ ଆତାଡ଼ନ୍ନା, ହେଞ୍ଜାର୍ ଜପି କିନିପାଣ୍ କିଞ୍ଜାଦାଂ ମାନ୍‌ା ଖାରିୟାତି ଲାକେ ଆଜି ହେଦାଂ କିୟାଟ୍ । ୪ ହେବେଣ୍ଡାଂ ମୁଡ଼୍‌ପାଲକ୍ ହନି ସମୁତ ଏପେଙ୍ଗ୍ ଜାଜମାଲ୍‌ନି ମୁକୁଟ୍ ଗାଟାମାଦେର୍ ଆରି ତାଦି ଝିଜ୍‌ଝି ମୁକୁଟ୍ ପାୟାମାଦେର୍ ।

୫ ହେ ଲାକେ, ଏ ଦାଂଣାର୍, ଏପେଙ୍ଗ୍ ବୁଡ଼ାଲୁରିଡି ତଲ୍ୟା ଆଡୁ । ଝିଜାଦେର୍ ହାରି କାଜିଂ ହୁଦାର୍ ବାତ୍ ଆଜି ଉସ୍ପାଟ୍, ଇନେକିଦେଂକି “ସାସ୍‌ରତ ଲେକାମାନାଡ଼ ଇସ୍‌ର ଆକ୍ରିୟାତ୍ ବାଦା ହିଜି ହୁଦାର୍ ଲଗାତ୍ ଦୟା କିନାନ୍ ।” ୬ *ଲାଗିଂ, ଇସ୍‌ରତି ବାଡ଼କାସ୍‌ନି କେଇ ତାରେନ୍ ଜାର୍ ଜାର୍‌ତି ତଲ୍ୟା କିୟାଟ୍, ଇନେସ୍ ହେଞ୍ଜାନ୍ ମିଂ ସମାନ୍ ଖେଡ଼ାଲିଂ ଉର୍ କିଦ୍‌ନାନ୍; ୭ ମିଦାଂ ଝିଜୁ ଚିତାନି କାଉଡ଼ି ଇସ୍‌ରତି ଜପି ତୁହିୟାଟ୍, ଇନେକିଦେଂକି ହେଞ୍ଜାନ୍ ମି କାଜିଂ ଚିତା କିନାନ୍ ।

୮ ତେଡ଼ନା ଆଜି ଜାଗ୍ରତ୍ ମାନାଟ୍ । ମି ଆଣ୍ଡିପାକ୍ୟା ସୟ୍‌ତାନ୍ ସିହିଁ ଲାକେ ଗାର୍ଜାନ୍ କିଜି ଇନେରିଂ ଗୁହ୍‌ନାଡ଼, ଇଦାଂ ତେକ୍‌ଚି ବୁଲାନାତା; ୯ ପାତ୍ ତ ତିର୍ ମାନ୍‌ଞ୍ଜି ସୟ୍‌ତାନ୍‌ତି ବିରୁଦ୍ କିୟାଟ୍, ଆରେ ଇଦାଂ ପୁନାଟ୍ ଜେ, ଜଗଡ଼ତ ମାନି ମି ପାତ୍ କିନି ଟଣ୍ଡାତ୍ କାଜିଂ ଇ ବାନି ଦୁକ୍‌ବଗ୍ ଗିଟାମାତା । ୧୦ କ୍ରିଷ୍ଟି ଲାହାଂ ମେହାଜି ତା ଝିଜ୍‌ଝି ଝିଜୁ ଦୟାନି ମୁଡ଼ଦାକାନ୍ ଇମ୍‌ଣି ଇସ୍‌ର ଜାର୍ ଝିଜ୍‌ଝି ଜାଜମାଲ୍‌ତ ରତେବାଗ୍ ଆନି କାଜିଂ କ୍ରିଷ୍ଟି ଜିସ୍‌ତି ହୁଦାଂ ମିଙ୍ଗେଙ୍ଗ୍ କୁକ୍‌ତାନ୍ନା, ହେଞ୍ଜାନ୍ ମିଦାଂ ଚାନେକ୍ ଦୁକ୍‌ବଗ୍ ପାତେ ମିଂ ବାତ୍, ସୁସ୍ତା, ବାଡ଼କାସ୍ ଆରି କୁଚିକିଦ୍‌ନାନ୍ । ୧୧ ବାଡ଼କାସ୍ ଜୁଗ୍ ଜୁଗ୍ ହେଞ୍ଜାନ୍ତି ରାଜ୍ ଆଏଡ଼ । ଆମେନ୍ ।

ହାରିହାରା ବନ୍ଦାୟ୍

୧୨ *ଇସ୍‌ସ୍‌ରତି ହାଡ଼ପା ଉପକାର୍ ଜେ ଏଲେଂ ବାନି, ଇ ବିସ୍ତେ ସାକି ହିଜି ମିଂ ଖାରିକିୟ୍ କିଦ୍‌ନିଂ କାଜିଂ ସିଲ୍ଲାନତି ହୁଦାଂ ଆନ୍ ଅକରତାଂ ଆକି ଲେକିକିତାଂ; ନା ବୁଜାନିତ ହେଞ୍ଜାନ୍ ରଞ୍ଜାନ୍ ପାତ୍‌ନି ଟଣ୍ଡେନ୍ । ଏପେଙ୍ଗ୍ ଇ ଦୟାତ ସୁସ୍ତା ଆଜି ମାନାଟ୍ ।

୧୩ *ମି ଲାହାଙ୍ଗ୍ ବାଚିକିୟାତି ବାବିଲନ୍‌ନି ମଣ୍ଡଲି ଆରି ନା ଦାମ୍ ମାଜି ମାର୍କ ମିଙ୍ଗେଙ୍ଗ୍ ଜୁଞ୍ଜାର୍ ଜାଣାୟ୍ କିଦ୍‌ନା ।

୧୪ କ୍ରିଷ୍ଟିୟାନ୍ ଜିଉନନିତ ବାନ୍‌ଦାୟ୍ କିଜି ହାରିତିଂ ଜୁଆର୍ କିୟାଟ୍ ।

କ୍ରିଷ୍ଟିତାକେ ମାନି ମି କାଜିଂ ସୁସ୍ତା ଆୟେଡ଼ ।

☆ ୫:୨ ୫:୨ ଜହନ୍ ୨୧:୧୫-୧୭. ☆ ୫:୬ ୫:୬ ମାଡିଉ ୨୩:୧୨; ଲୁକ ୧୪:୧୧; ୧୮:୧୪. ☆ ୫:୧୨ ୫:୧୨ ପକ୍ୟାତାକା ୧୫:୨୨,୪୦.
 ☆ ୫:୧୩ ୫:୧୩ ପକ୍ୟାତାକା ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ପିଲିମନ୍ ୧:୨୪.

ପିତରଙ୍କ ଦ୍ୱିତୀୟ ପତ୍ର ପିତରୁ ଲେଖିକିତ ଜେତି ଆକି ପିତରୁ ଜେତି ଆକି ବିସ୍ତେନି ପାଦେକ୍

ପିତରୁ ଜେତି ଆକି ଇନାତ୍ ଜେ, ଇ ଆକି ପକ୍ୟାତି ପିତରୁତି ହୁଦାଂ ଲେକା ଆତାନା । ମତରୁ ନଂ ବେସି ପଣ୍ଡିତକ୍ତୁର ଇଦାଂ ସତ୍ ଆକାୟ ଇଞ୍ଜି ଇନାରା । ଆଜି ମାନଗାନାତ୍ ଇଦାଂ ବିନ୍ ଲଗୁ ପିତରୁତି ବାଦୁଲ୍ ଲେକିକିତାଣ୍ଡା । ଲେକିକିନାକାନ୍ ଇନାନ୍ ଜେ ହେଝାନ୍ ଜିସୁ କ୍ରିସ୍ତୁତି କାଣ୍ଡକୃତ ସାକି । ବେସିକିଜି ଜିସୁତି ବଦଲାନି ବିସ୍ତେ ଇନାନ୍ ୧:୧୭-୧୮ । ପିତରୁ ଇ ଆକି ଆଜି ମାନଗାନାତ୍ କ୍ରିସ୍ତୁତି ଜଲମ୍ ପାଚେ ୫୭-୬୯ ବିତ୍ତେ ହେଝାନ୍ ହାନି ଆଗେ ଲେକି କିତାନ୍ନା । ପିତରୁ ପା ତା ଜେତି ଆକି ଇଞ୍ଜି ଇନାନ୍ । ପିତରୁତି ୧ ମ୍ ଆକି ଲେକି କିତି ପାଚେ ହେଝାନ୍ ଲେକାନି ସମୁତିଂ ବାହା ହିଜି ଇଦିଲିଂ ଜେତି ଆକି ଇଞ୍ଜି ଇନାନ୍ । ୧ ପିତରୁ ୩:୧

ଓଜାର କ୍ରିସ୍ତୁୟାନରିଂ ଇ ଟିକ୍ଣା ହିତାନ୍ନା । ପିତରୁ ପାତର୍ ନିକାରିଂ ସାସ୍ ଆରି ହାର୍ କିଜି ଜିଦେଂ ଆରି ମିର୍ ଗୁରୁତାଂ ଦେହା ମାଞ୍ଜେକ୍ ଜାଗ୍ରତ୍ କିନି କାଜିଂ ଇ ଆକିତ ଲେକିକିନାନା ୨ ।

ଜିସୁ ଝାଦେଂ ଲାମା ସମୁ ମାନାତ୍ ଇନି ଲୁଗାଂ ମୁନା କିନାକାରିଂ ସାସ୍ ହିନାନା । ଇସ୍ବର କାଲେ ଆକାୟ୍ ମତରୁ ଓଜାର ଉଦାର ପାୟାନାର୍ ଇଦାଂ ଇସ୍ବର ମାନକିନାନ୍ ୨ ପିତରୁ ୩:୮-୯ ଇଦାଂ ରଞ୍ଜାକ୍ ହାଦର୍ ଜିବୁନ୍ନିକା ୩:୧୪

୨ ପିତରୁ ଆକି ବିସ୍ତେନି ରାହାଣ୍

- ୧. ପିତରୁ ହେଝାନ୍ତି ଜାଣା ହିନାନା ଆରି ପଡ଼ି କିନାକାରିଂ ଟିକ୍ଣା ହିନାନ୍ ୧:୧-୨
- ୨. ପାତର୍ କିନାକାରିଂ ହାଦର୍ ଜିବୁନ୍ ଜିପକା କାଜିଂ ଏତ୍ କିୟ୍ କିନାନ୍, ଇନେକିଦେକି ଇସ୍ବର ମାଂ ବାଟି କିତ୍ତାନନା ୧:୩-୨୧
- ୩. ହେଝାନ୍ ମିର୍ ଗୁରୁରିଂ ହାରିହାରା ଷ୍ଟେଡାଲିଂ ହେଝାରୁତି ଇନେସ୍ ଗିଟାନାତ୍ ହେଦାଂ ଇନାନା ୨:୧-୨୨
- ୪. ପିତରୁ ଜିସୁକ୍ରିସ୍ତୁତି ଜେତି ଝାନାକା କାଜିଂ ଜାଲ୍ଦି ଆଜି ମାନଞ୍ଜି ହାର୍ ଜିବୁନ୍ କାଟି ଆନାକା ସାସ୍ ହିନାନ୍ ୩:୧-୧୭

୧ ସିମନ୍ ପିତରୁ, ଜିସୁ କ୍ରିସ୍ତୁତି ରଝାନ୍ ଆଡ଼ିଏନ୍ ଆରି ପକ୍ୟାତାକାନ୍, ମା ଇସ୍ବର ଆର ମୁକ୍ତି କାରିୟା ଜିସୁ କ୍ରିସ୍ତୁତି ଦାମର୍ ତ କାଜିଂ ଇମଣାକାର୍ ମା ଲାହାକ୍ ସମାନ୍ ବାବ୍ରେ ଜବର୍ମଲ୍ନି ପାତର୍ ଗାଟା ଆଡ଼ତାତ୍ନା, ହେଝାରୁତି ଲାଗେ ଆକି ଲେକିକିନାକା ।

୨ ଇସ୍ବର ଆରି ମା ମାପୁ ଜିସୁତି ବିସ୍ତେ ଗିଆନ୍ ହୁଦାଂ ମି କାଜିଂ ଉପକାର୍ ଆରି ସୁସ୍ତା ବେସିତାଂ ଆୟେତ୍ ।

ଇସ୍ବରୁତି କୁକ୍ନାକା ଆରି ବାଟିକିନାକା

୩ ଇନେର୍ ଜାର୍ ଜାଜମାଲ୍ ଆରି ସତ୍ଗୁଣ୍ଡ ମାକ୍ କୁକ୍ତାତାନ୍ନା, ହେଝାନ୍ତି ବିସ୍ତେ ଗିଆନ୍ ହୁଦାଂ ତା ଇସ୍ବରୁତି ସାକ୍ତି ମା ଜିବୁନ୍ତ ଆରି ଦାମର୍ ତାଂ କାଜିଂ ଓଜୁ ଲଡାନି ବିସ୍ତେ ଦାନ୍ କିତ୍ତାନନା । ୪ ତା ହୁଦାଂ ହେଝାନ୍ ମାଞ୍ଜେକ୍ ଜବର୍ମଲ୍ ଆରି ବେସିମାନ୍ତି ପାର୍ମାଣ୍ ଦାନ୍ କିତ୍ତାନନା, ଇନେସ୍ ହେ ସବୁ ହୁଦାଂ ଏପେକ୍ ବାନ୍ୟାଲ୍ଲସା ଉପଜାଣ୍ ଇମ୍ଣି ବୁଡାନି ଜଗତ୍ତ ମାନାତ୍, ହେବେଣ୍ଡାଂ ରାକ୍ୟା ପାୟାଜି ଇସ୍ବରୁତି ମାନ୍ ବାବ୍ନାତ ମେହାଣ୍ ଆଡୁ । ୫ ଆଁ, ଇ କାରଣ୍ଡାଂ ଏପେକ୍ ବେସି ଜାତୁନ୍ ଲାହାକ୍ ପାତର୍ ହୁଦାଂ ହାଡ଼ପାଗୁଣ୍, ହାଡ଼ପାଗୁଣ୍ ଲାହାକ୍ ଗିଆନ୍ କିୟାଟ୍, ୬ ଗିଆନ୍ ଲାହାକ୍ ମଦାନାକା, ମଦାନାକା ଲାହାକ୍ ସାସ୍, ସାସ୍ ଲାହାକ୍ ଦାରୁମ୍ଜିତ, ୭ ଦାରୁମ୍ଜିତ ଲାହାକ୍ ଟଣ୍ଡେନ୍ଲାଡ୍, ଆରେ ଟଣ୍ଡେନ୍ଲାଡ୍ ଲାହାକ୍ ଜିଉନନାକା ମେହାୟ୍ କିୟାଟ୍ । ୮ ଇ ସବୁ ମିତାକେ ବାଡାତିସ୍ ମା ମାପୁ ଜିସୁ କ୍ରିସ୍ତୁତି ବିସ୍ତେ ଗିଆନ୍ ବାତର୍ ଲାବ୍ କିନି କାଜିଂ ମିଂ ହିଡ଼ି ଆରି ପଲ୍ୟା ଆଦେଂ ଆଉଡ୍ । ୯ ମତରୁ ଇସ୍ବରୁ ଇନେର୍ ତାକେ ହିଲୁଡ୍, ହେଝାନ୍ ଦେହାନଞ୍ଜର୍ ଆଝାଦାଂ କାଣା ଆତାନ୍ନା, ଆରେ ଜାର୍ ଆଗେ କିତି ପାପ୍ତାଂ ନିର୍ମଲ୍ ଆନି ବିସ୍ତେ ବାଣାଆତାନ୍ ।

୧୦ ଲାଗିଂ, ଏ ଟଣ୍ଡାର୍ ଆରି ତଣ୍ଡେକାଦେର୍, ଏପେକ୍ ଜାର୍ ଜାର୍ କୁକ୍ତିନି ତାକେ ଆରି ବାଟିକିନିତାକେ ତିର୍ କିନି କାଜିଂ ଆଦିକ୍ ଜାତୁନ୍ ଆଡୁ; ଲାଗିଂ ଏଲେଂ କିତିସ୍ ଏପେକ୍ ଇନାଝାଡାଂ ପା ପାପ୍ କିଉଦେର୍, ୧୧ ଆରେ ଇ ବାନି ମା ମାପୁ ଆରି ମୁକ୍ତି କାରିୟା ଜିସୁ କ୍ରିସ୍ତୁତି ଓଜୁ ରାଜିତ ମାନ୍ତାଂ ହଣ୍ଡେକ୍ ମିକ୍ଜେକ୍ ପୁରା ଆଦିକାର୍ ହିଦ୍ୟାନାତ୍ ।

୧୭ ଲାଗି, ଏପେଙ୍ଗ ଜଦିପା ଇ ସବୁ ଖେଡ଼ାଙ୍ଗ ପୁନାଟ୍ ଆରି ଗାଗାତି ହାଡ଼ପାତ ତିରକିୟା ଆତାଦେଣ୍ଟା, ଆତିସପା ଆନ୍ ଇ ସବୁ ବିସେ ମି° ଏତୁ କିୟକିଦେ° ନିତ୍ରେ ଜାଲ୍ଦି ଆଜି ମାନାଙ୍ଗ । ୧୮ ମା ମାପୁ ଜିସୁ କ୍ରିସ୍ଟ ନାଙ୍ଗ ଇନେସ୍ ଖେଡ଼ଚାତାନ୍ନା, ତାପାଚେ ସାଙ୍ଗେ ନାଙ୍ଗ ଇ ଗାଗାଡ଼୍ ଲାକେ ସମାନ୍ ତୁମ୍ ଜେ ପିହ୍ଯା ଆନାଡ଼, ୧୪ ମା ମାପୁ ଜିସୁ କ୍ରିସ୍ଟ ନାଙ୍ଗେଙ୍ଗ ଇନେସ୍ ଖେଡ଼ଚାତାନ୍ନା, ହେ ଇସାପ୍ରେ ବେଗି ନାଙ୍ଗେଙ୍ଗ ଇ ଗାଗାଡ଼୍ ଲାକେ ତୁମ୍ ଜେ ରଡ଼ନାକା ଆନାଡ଼ ୧୫ ଆରେ ନା ହାତିପାଚେ ଏପେଙ୍ଗ ଇ ଖିଜୁ ବିସେ ଇନେସ୍ ନିତ୍ରେ ଏତୁତ ତାହିଖାଦେ° ଆଡ଼ନାଦେର୍, ଇଦା° କାଜି° ଆନ୍ ଜାତୁନ୍ କିନାଙ୍ଗ ।

କ୍ରିଷ୍ଟି ପାଣି ସାକି

୧୬ ଇନେକିଦେ°କି ଆସେଙ୍ଗ ଏଚେକାଡ଼ଦ ମା ମାପୁ ଜିସୁ କ୍ରିଷ୍ଟି ସାକି ଆରି ଖାନାକା କାତା ମିଙ୍ଗେଙ୍ଗ ଖେଡ଼ଚାତାପ, ହେ ଏଚେକାଡ଼ଦ ଚାତୁର୍ ଲାହାଙ୍ଗ ହାନ୍ଦାୟକିତି ଇମ୍ଣାକା ପା କାତା ଆହ୍‌ଖାଦା° ମାତାପ, ମତର୍ ହେଖାନ୍ତି ପାଣିତ କାଣ୍‌କୃତା° ସାକି ଆଜି ମାତାପ । ୧୭ ଲାଗି° ଏଚେକାଡ଼ଦ ବେସି ଜାଜମାଲ୍ ବିତ୍ରେତା° ହେଖାନ୍ତି କାଜି° ଇ କାତା ଆତାଡ଼, “ଏ ମା ଖାରିନି ମାଜି, ଇଖାନ୍ତି ତାକେ ମା ରଞ୍ଜାଙ୍ଗ ମତର୍ ସତକ୍, ହେ ଏଚେଖେଡ଼ାଲି° ହେଖାନ୍ ଆବା ଇସ୍‌ରତା° ଖାରି ଆରି ଜାଜମାଲ୍ ପାୟା ଆତାନ୍ ।” ୧୮ ଆପେ° ତା ଲାହାଙ୍ଗ ପୁଇପୁୟା ମାଡ଼ିତ ମାନିଖେଡ଼ାଲି° ନିଜେ ଆକାସ୍‌ତା° ହଡ଼ତି ଇ କାତା ଖେଚାପ ।

୧୯ ଇବେଣ୍ଟା° ବେଣ୍ଟବାକ୍‌ଶାୟକିନାକାର୍‌ତି ବେଣ୍ଟବାକ୍‌ଶାୟ ମା ଲାଗେ ଆଦିକ୍ ଆଟ୍‌ଖା ଆତାନ୍; ଏପେଙ୍ଗ ହେଦା° ମାଜଗା ବାହାତ ଅଜଡ଼୍ ଆଜି ମାନି ବୈଟା ଲାକେ ବାବି କିଜି କୁଜୁକ୍ଟେପା ଆଖି ପାତେକ୍ ଆରି ମି ମାନ୍ତ ଅଜଡ଼୍ ହୁକା ହଡ଼ଖି ପାତେକ୍ ହେଦା° କାଜି° ମାନ୍‌ଦିଆନ୍ କିତିସ୍ ହାର୍ ଆନାଡ଼ । ୨୦ ଆଗେ ଇଦା° ପୁନାଟ୍ ଜେ, ସାସ୍‌ରନି ଇମ୍ଣାକା ପା ବେଣ୍ଟବାକ୍‌ଶାୟ ଇନେର୍ ଜାର୍ ବୁଦିତ ବୁଜାଦେ° ଆତୁଦେର୍, ୨୧ ଇନେକିଦେ°କି ଇମ୍ଣାକା ପା ବେଣ୍ଟବାକ୍‌ଶାୟ ଇନାଖେଡ଼ା° ପା ମାନାୟ ଇଚାତା° ଉଦ୍‌ଜାଣ୍ ଆଖାତାନ୍, ମତର୍ ଇସ୍‌ର ପକ୍ତିତି ମନାୟାର୍ ପୁଇପୁୟା ଜିବୁନ୍ ଲାହାଙ୍ଗ ଚାଲା ଆଜି କାତା ଇଞ୍ଜି ମାଚାଦେର୍ ।

୨

ବାମ୍‌ତାୟକିନି ଗୁରୁ

୧ ମାତର୍ ମାନାୟାର୍ ବିତ୍ରେ ଚାକ୍ରାୟକିନି ବେଣ୍ଟବାକ୍‌ଶାୟକିନାକାର୍ ପା ହଡ଼ନାର୍; ହେ ଲାକେ ମି ବିତ୍ରେ ପା ଚାକ୍ରାୟକିନି ହିକ୍ୟାକିନାକାର୍ ହଡ଼ନାର୍; ହେଖାର୍ ବୁତାନିଜଗଡ଼ତ ବାନ୍ୟା ମାନ୍ତ ଡ଼କ୍ତି ଚାଲାୟ କିଜି ହେଖାରି° କଡ଼ନାକାନ୍ ମାପୁଙ୍ଗ୍ ଆଁ ମାନିକିଉର୍, ଆରେ, ଜାରିତି° ମାନିକିଖାକା ଗିଟାମାଡ଼ । ୨ ଆରେ, ଆଦେକ୍ ହେଖାରିତି ବାନ୍ୟାକାମାୟତ ତଲ୍ୟା ହାନାର୍, କାତାତ ଇଖାତ କାଜି° ହାଡ଼ପା ହାଜି ନିନ୍ଦା କିତାର୍ । ୩ ହେଖାର୍ ଦନ୍‌ଲବ୍‌ତ ଚାକ୍ରାୟକାତା ହୁଦା° ମିତା° ଟାକା°ଲବ୍ କିଦେଙ୍ଗ୍ ସେସ୍ଟା କିନାର୍; ହେଖାରିତି ତାଣ୍ଟ ବେସି କାଡ଼ଦା° ଗିଟାଜି ଖାନାତା ଆରି ବେସିଦିନ୍‌ତା° ଇସ୍‌ର ହେଖାରିତି ବିଚାର୍ କିତାନ୍ନା ଆରେ ହେଖାରିତି ହାକିନି ଦିନ୍ ଖାତାତେ ।

୪ ଇନେକିଦେ°କି ଇସ୍‌ର ପାପ୍‌ତ ମୃତ୍ୟାତି ଦୁତକ୍‌କା° କେମା ହିଖାଦା° ନରକ୍‌ତ ତୁହିଜି ବିଚାଣ୍ଟା କାଜି° ମାଜଗାନି କ୍ଲୁଇଦ ହିକ୍‌ଡ଼ି° ତାଙ୍ଗ୍ ଗାଟି ଇଡ଼୍‌ତାନ୍ନା ୫ ଇସ୍‌ର ପ୍ଲାନି ଜଗଡ଼ତିଙ୍ଗ୍ ପା ପିହ୍‌ଖାତାନ୍, ମାତର୍ କେବଲ୍ ଦାରୁମ୍ ସୁଣାୟକିନାକାର୍ ନହତି° ବିନ୍ ସାଡ଼ ଜାଣ୍ ଲାହାଙ୍ଗ ରାକ୍ୟା କିଜି ଦାରୁମ୍‌ବାମ୍‌ତାୟ ଜଗଡ଼ତ ଏସ୍‌ଚାଲାନାକା ଗିଟାୟକିତାନ୍; ୬ ତା ପାଚେ ଇସ୍‌ର ସଦମ୍ ଆରି ଗମରା ଗାଡ଼ସ୍‌ବୁଡ଼ି° ନିସ୍‌ତ ମାଜି କିଜି ବାତ ରଚେ ବୁତାଦେ° କାଜି° ଦାଣ୍ଟ ବଲ୍ ହିତାନ୍ ଆରି ହେଖାରି° ଖାନି କାଡ଼ଦ ଅଦାମ୍‌ତି ଉତର୍‌ମୁଡ଼୍ ଲାକେ କିତାନ୍, ୭ ଆରେ, ହେଖାନ୍ ବିଦିହିଲ୍‌ଖାକାରି° ବାନ୍ୟାକାମାୟତ ପୁରା ବେବାର୍ ପିସ୍ତି ଦାମ୍ ଲଟତି° ଇସ୍‌ର ରାକ୍ୟା କିତାନ୍, ୮ ଲାଗି° ହେ ଦାମ୍ ଲକୁ ହେଖାରିତି ବିତ୍ରେ ବାହା କିଜି ହେଖାରିତି ବାନ୍ୟା କାମାୟ ହୁଡ଼୍‌ଜି ଆରି ଖେନ୍‌ଞ୍ଜି ନିତ୍ରେ ଜାର୍ ଦାରୁମ୍‌ନିକାର୍ ପାରାଣିତ କସ୍‌ ବଗ୍ କିତାର୍ । ୯ ଇବାନି ମାପୁ ଦାରୁମ୍‌ନିକାରି° ପରିକ୍ୟାତା° ରାକ୍ୟା କିଦେଙ୍ଗ୍ ଆରେ, ଅଦାମ୍‌ରି°, ବେସି ଇମ୍ଣାକାର୍ ଗାଗାଡ଼୍‌ନି ବାନ୍ୟା ଆହାତ ଚାଲା ଆଜି ପିସ୍ତେଙ୍ଗ୍ ମାନି କିଉର୍, ହେଖାରି° ବିଚାର୍ ଦିନ୍ କାଜି° ତାଣ୍ଟିନି ତାରେନ୍ ଇଡ଼ଦେ° ପୁନାଟ୍ । ୧୦ ହେଖାର୍ ପାଣ୍ଟାଖାକାର୍ ଆରି ଜାରିତି° ବାନ୍ୟା ହୁଡ଼ନାକାର୍ ଆଜି କାବାନି ସାକ୍ତିନିକାରି° ଗାଗାଡ଼୍ ନିନ୍ଦା କିଦେଙ୍ଗ୍ ପାଣ୍ଟା ଆଉର୍, ୧୧ ଆତିସପା ଆଦିକ୍ ସାକ୍ତି ଆରି ବାପୁନି ଦୁଡ଼ତର୍ ମାପୁତି ଲାଗେ ନିନ୍ଦା କିଜି ହେଖାରିତି ବିଚାଣ୍ଟା କିଉନ୍ । ୧୨ ଆହ୍ୟାଜି ରାସ୍ୟାଦେ° ଇମ୍ଣା ପସୁତି ଜଲମ୍, ହେଖାଙ୍ଗ ଲାକେ ଇ ଚାକ୍ରାୟଗୁରୁର୍ କେବଲ୍ ବାନ୍ୟା ହୁଦା° ଚାଲାନାଟ୍ । ଇମ୍ଣା ବିସେ ବୁଜାଉର୍, ହେଦେଲି° ହେଖାର୍ ନିନ୍ଦା କିତାର୍ । ମାତର୍ ହେଖାର୍ ରାନ୍ତି ପସୁର୍ ଲାକେ ନାସ୍ ଆନାଟ୍ । ୧୩ ଆରେ, ଅନ୍ୟାୟ ବାର୍ତାନ୍ ଲାକେ ଅଦାମ୍‌ନି ପାଡ଼୍ ବଗି କିନାଟ୍, ହେଖାର୍ ଖେଡ଼ାଲି° ଆତାରେ ମାଞ୍ଜେଙ୍ଗ୍ ସୁକ୍ ପାୟାନାଟ୍, ଆରେ ପ୍ରାଲ୍ ଆରି ନିନ୍ଦାନିକାନ୍ ଆଜି ମି ଲାହାଙ୍ଗ ତିନାଉଣାତ ସୁକ୍ ପାୟାନି ସମୁତ ଜାଡ଼ି ବାମ୍‌ଶ୍ଟାନି ହାନ୍ଦାୟତ

ନିନାର । ୧୪ ହେୱାର୍ତ୍ତ କାଶଙ୍ଗା ଦାରି କଗ୍ଲେତ ବାତ ଆଜି ପାପତା ଟେବା ଆଉର, ହେୱାର୍ତ୍ତ ତିରକାଡ଼ବୁଦି ଲକ୍ଷ୍ମି ଦାନ ଲାବ୍ତ କିନାର, ହେୱାର୍ତ୍ତ ମାନ ଦାନଲାବ୍ତ ବିପ୍ରି, ହେୱାର୍ତ୍ତ ସାଏପ୍ରି ହିମଣାଙ୍ଗ, ୧୫ ହେୱାର୍ତ୍ତ ଆଡ଼ଞ୍ଜା ହାଜି ପିସ୍ତି ଅଦାମିତ ହାଚାର୍ଣ୍ଣା । ବିୟରନି ମାଜି ବିଲିୟାମ୍ ହାଜି ହେୱାର୍ତ୍ତ ତା ପାଚେ ହାଚାର୍ଣ୍ଣା । ହେୱାନ ବାନ୍ୟା କାମାୟ କିଜି ତାରୁଙ୍ଗ ଲାବ୍ କିଦେଙ୍ଗ ଜିଉନତାର; ୧୬ ମାତର ହେୱାନ ଜାର ଅପରାଦ୍ କାଜି ଗଡ଼୍ ଝେଚାନ, ରଞ୍ଜାଙ୍ଗ ବଇରି ଗଦ ମାନାୟ ସୁଆତ କାତା ତନ୍ତ୍ତି ବେଶବାକ୍ଷାୟକିନାକାନ୍ତି ହତନାକାଦ୍ଲି ଚିମରା କିତାନ ।

୧୭ ଇ ଚାକ୍ରାୟ ଗୁରୁର ଝାଚ୍ଚି ଜାରାଣ୍ ଲାକେ ଆରି ଡ଼କ୍ତୁଦ ଚାଲାନି ବାଦାଡ଼ ଲାକେ । ଇସ୍ବର ଇୱାର୍ କାଜି ବେସି ମାଜଗାନି କ୍ଷୁଇ ବାହା ରଚ୍ଚାନନା । ୧୮ ଇନେକିଦେକି ହେୱାର୍ତ୍ତ ପଲ୍ୟା ଆକାର୍ କାତା ତନ୍ତ୍ତି ବାମ୍ବୁନି ପଲ୍ୟା କାରାପତା ବେଜେକ୍ ଉଦାର ପାୟାତି ଲକ୍ଷ୍ମି ଗାଗାଡ଼ନି ସୁକ୍ଲଲ୍ୟାସାତ ବାନ୍ୟାକାମାୟ ହୁଦା ଲକାର ଲବ୍ କିନାର; ୧୯ ହେୱାର୍ତ୍ତ ହେୱାରି ଜାରତାରେନି ପାର୍ମାଣ୍ ହିନାନ, ମାତର ନିଜେ ବୁଡାନି ଆଡ଼ୟା ଆତାନା; ଇନେକିଦେକି ଇନେର୍ ଇନାକା ହୁଦା ଆରାନାର, ହେୱାନ ହେବେନି ଆଡ଼ିଏନ୍ । ୨୦ ଲାଗି ହେୱାର୍ତ୍ତ ଜଦି ମାପୁ ଆରି ମୁକ୍ତି କିଦ୍ନି ଜିସୁ କ୍ରିସ୍ତ ବିସ୍ତେ ଗିଆନ୍ ହୁଦା ଜଗଡ଼ନି ବିଚାଡ଼ତା ରାକ୍ୟା ପାୟାଜି ଆରେରଗ ହେବେ ଗାଚ୍ୟାଜି ଆରା ଆତିସ୍, ତା ଆତିସ୍ ହେୱାର୍ତ୍ତ ପର୍ତ୍ତମ୍ ଦସା ବାଚା ହାରିହାରା ଦସା ଆଦିକ୍ ବାନ୍ୟା ଆନାଡ଼ । ୨୧ ଇନେକିଦେକି ଦାମି ହାଜି ପୁଞ୍ଜି ଜାର ଲକ୍ଷ୍ମି ଲାଗା ହେଲାଇ ଆତି ପୁଇପୁୟା ବଲ୍ତା ବିନ୍ମମ୍ ଆନି ବାଚା ନଲେ ହେ ହାଜି ପୁନ୍ଝାକା ହେୱାର୍ତ୍ତ ପାକ୍ୟାତ ହାରା ଆତାମା । ୨୨ ହେୱାର୍ତ୍ତ କାଜି ଇନାକା ଗିଚାତାତନା ହେବେତା ଇ ଉତରମୁଡ଼ ଇନାକାର୍ତ୍ତ ହାଡ଼ପା ଆନାତା । “ନିକ୍ତୁ ଇନାକା କାକ୍ନାଡ଼, ହେଦେଲି ଆରେ ତିନାଡ଼, ପାଞ୍ଜିତି ନୁସ୍ତସ୍ପା ପାଚେ ଆରେ ଚିକ୍ଲାତ ଚାକ୍ଚା ଆଗାନାଡ଼ ।”

୩

ମାପୁତି ଖାନାକା ପାର୍ମାଣ୍

୧ ଏ ଝାରିନିକାଦେର୍, ଆନ୍ ନି ଲାଗେ ଇ ଜେତି ଆକି ଲେକିକିନାଙ୍ଗା, ଜେତି ଆକିତ ଇ ସବୁ ବିସ୍ତେ ଏଡ଼କିଜି ମି ମାନ୍ତ ହାଦାକା ଚିନ୍ତା କାଜି ତାଇଖାନି କାଜି ସେସ୍ତୁ କିତାଙ୍ଗନା । ଇଦା କାଜି ଜେତି ଆକିତ ଆନ୍ ମିଜେଙ୍ଗ୍ ହେ ସବୁ ଏଡ଼ କିଜି ମି ସରଲ୍ ମାନ୍ତି ରିସା କିଦେଙ୍ଗ୍ ସେସ୍ତୁ କିନାଙ୍ଗା ୨ ଏପେଙ୍ଗ୍ ଇନେସ୍ ପୁଇପୁୟା ବେଶବାକ୍ଷାୟକିନାକାତ ହୁଦା ଆଗେ କାଡ଼ଦ ଇଚି ବଚନି ଆରେ ମିଦା ପକ୍ୟାତାକାର ହୁଦା ଇଞ୍ଜି ମାନି ମାପୁ ଆରି ମୁକ୍ତି କିଦ୍ନି ବଲ୍ଲୁ ଏଡ଼ତ ଇଚାଟ । ୩ ଆକ୍ତୁ ଇଦା ପୁନାଟ୍ ଜେ, ହାରିହାରା କାଡ଼ଦ ଜାର ଜାର ଲାଲ୍ୟା ହୁଦା ବେବାରକାୟା ହାଡ଼ପାତି ଗୁଇଜି କେବଲ୍ ଜାର ଇଚାତ ବାନ୍ୟା କାମାୟ ହୁଦା ତାଙ୍ଗନାର, ୪ ଜିସୁତି ଖାନାକା ପାର୍ମାଣ୍ ଆମେଡ଼ ? “ଇନେକିଦେକି ଆବା ଲାତ୍ରାର ହାତି ସମୁତା ଇ ପାଚେକ୍ ସମୁ ବିସ୍ତେ ଉବ୍ଜାଣି ହାଙ୍ଗତିତା ଇନେସ୍ ମାଚାଡ଼, ହେ ଲାକେ ମାନାଡ଼ ।” ୫ ହେୱାର୍ତ୍ତ ପୁନ୍ଝି ପୁନ୍ଝି ବାଶାନାର ଇନେର୍, ପର୍ତ୍ତମ୍ ଇସ୍ବର ବଲ୍ କିତାନ, ଆରି ଆକାସି ଆରି ପୁତ ଉବ୍ଜାଣ ଆତାଡ଼ । ପୁତ ଏଜୁ ବିଡ଼େତା ହସି ଏଜୁକା ମେଙ୍ଗ୍ୟାଜି ମାଚାଡ଼ । ୬ ଆରେ ହେୱାନ ହୁଦା ହେ ପୁନି କାଡ଼ନି ଜଗଡ଼ ଏସ୍ତ ବଡ଼ା ଆଜି ନାସ୍ ଆତାଡ଼; ୭ ମାତର ନଙ୍ଗ ଇମ୍ଣି ଆକାସ୍ ମଣ୍ଡଲି ଆରି ପୁତ ମାନାଡ଼, ହେଦା ଇସ୍ବରତି ଡ଼ିଗା ବଲ୍ ହୁକେ ନାଣିତ ନାସ୍ ଆନି କାଜି ଇଚ୍ୟାତାତନା । ଇମ୍ଣି ଝେଡ଼ାଲି ଅଦାମିର ବିଚାରକିୟାଜି ନାସ୍ ଆନାର, ହେ ଦିନ୍ ପାଚେକ୍ ହେଦା ଜାତୁନ୍ ଆଜି ମାନ୍ଗାନାଡ଼ ।

୮ ମାତର ଏ ଝାରିନିକାଦେର୍, ମାପୁ ଲାଗେ ର ଦିନ୍ ଜେ ହାଜାର୍ ବାହୁଁ ଲାକେ ଆରି ହାଜାର୍ ବାହୁଁ ଜେ ର ଦିନ୍ ଲାକେ, ଇ ବିସ୍ତେ ଏପେଙ୍ଗ୍ ପର୍ମାଟ ।

୯ ମାଲାନାତା ଇଞ୍ଜି ଇନେସ୍ ଏଚେକ୍ ବାବିକିନାର, ମାପୁ ଜାର ପାର୍ମାଣ୍ ବିସ୍ତେ ହେ ଲାକେ ମାଲାଇ କିତନ୍; ମାତର ଇନେସ୍ ଇନେର୍ ବୁଡାମେର୍, ନଲେ ଝିଜାର୍ ମାନ୍ବାଦ୍ଲାଇ କିନାର, ଇଦା ମାନି କିଜି ହେୱାନ ନିଡ଼େ ମି କାଜି ଲାମାହୁଦାର୍ ଆନାନ ।

୧୦ ମାପୁତି ଦିନ୍ ଚର୍ ଲାକେ ଇକାଖାନାଡ଼ । ହେ ଦିନ୍ ଆକାସି ବେସିଗାକ୍ରାନାକା ଲାହାଙ୍ଗ୍ ବୁଡା ଆନାଡ଼, ଆରେ ଜାର୍ତ୍ତି ଆଡ଼ମାଡ଼ ସବୁ ବେସି କେଡ଼ତିତ ରୁଗ୍ଜି ହାନାଡ଼ ଆରି ପୁତ ମାନି ଝିଜୁ ଉବ୍ଜାଣ୍ ବୁଡା ଆନାଡ଼ । ୧୧ ଏପେଙ୍ଗ୍ ମାପୁତି ଦିନ୍ କାସି ମାନି ଝେଡ଼ାଲି, ହେଦା ଇନେସ୍ ବେଗି ଖାନାଡ଼, ଇଦା କାଜି ନିଜ୍ତି ପୁଇପୁୟା କିଜି ଜାଲ୍ଦି କିୟାଟ୍ । ହେ ଦିନ୍ ଆକାସି ତାହାଜି ବୁଡାନାଡ଼ । ଆକାସି ହୁକା ବେସି କେଡ଼ତିତ ରୁଗ୍ଜି ହାନିକ୍ । ୧୨ ଜଦି ଇ ଲାକେ ସବୁ ବିସ୍ତେ ବୁଡାନାଡ଼, ଝାଟି ବାବି କିଜି ହୁଡାଟ୍, ମିଦା ଜିବୁନ୍ ଇନେସ୍ ଆନାକା ମାନାଡ଼ । ହେଦା ପୁଇପୁୟା ଆରି ଇସ୍ବର ଜିଉନି ଆନାକା ରଞ୍ଜାଙ୍ଗ୍ ମାତର ଲଡ଼ା

☆ ୩:୩ ୩:୩ ଜିହୁଦା ୧:୧୮. ☆ ୩:୧୦ ୩:୧୦ ମାଡ଼ିଉ ୨୪:୪୩; ଲୁକ ୧୨:୩୯; ୧ ତେସ୍ଲନିକି ୫:୨; ହଡ଼ତି ୧୭:୧୫.

ଏପେଙ୍ଗ ମାପୁତି ଦିନ୍ତ କାସି ମାନି ଖେଡ଼ାଲିଂ, ହେଦାଂ ଇନେସ୍ ବେଗି ଖାନାଡ଼, ଇଦାଂ କାଜିଂ ନିଜ୍ଜିଂ ଜାଲ୍ଲଦି କିୟାଟ୍ । ହେ ଦିନ୍ ଆକାସିଂ ତାହାଜି ବୁଡ଼ାନାଡ଼ । ଆକାସ୍ନି ହୁକାଂ ବେସି କେଡ଼ତିତ ରୁଗ୍ଜି ହାନିକ୍ ।
 ୧୩ ଆସେଙ୍ଗ ହେଖାନ୍ତି ପାର୍ମାଣ୍ ଇସାପ୍ରେ ର ପୁନି ଆକାସିଂ ଆରି ପୁନି ପୁତ୍ନି କାନିତାକେ ମାନାପ୍, ଇନାକା ଦାମ୍ତି ବାହାକିନାକା ଆନାଡ଼ ।

୧୪ ଲାଗିଂ, ଏ ଖାରିନିକାଦେର୍, ଏପେଙ୍ଗ ଇ ଖିଜୁ ବିସ୍ତେ କାସି ମାତିଲେ ଇସ୍ପୁଡ଼ି ଲାଗେ ଇନେସ୍ ପ୍ରାଲ୍‌ଖାଦାଂ ଆରି ନିନ୍ଦାଖାଦାଂ ସୁସ୍ତାତ ମାନାକା ହୁଡ଼ୟାନାଡ଼, ଇଦାଂ କାଜିଂ ଜାତୁନ୍ କିୟାଟ୍; ୧୫ ଆରେ, ମା ମାପୁତି ଲାମାହୁଦାର୍ ମୁକ୍ତି ଇଞ୍ଜି ଗିଆନ୍ କିୟାଟ୍ । ମା ଖାରିନି ଚଣ୍ଡେନ୍ ପାଉଲ୍ ପା ଜାତ୍ ହିଡ଼ତି ଗିଆନ୍ ଇସାପ୍ରେ ମି ଲାହାଙ୍ଗ୍ ହେ ଲାକେ ଲେକିକିତାନ୍ନା । ୧୬ ହେଖାନ୍ ଜାତ୍ ଖିଜୁ ଆକିତ ପା ଇସ୍ପୁ ବିସ୍ତେ ଲେକି କିଜି ହେବାନି ଇନାନ୍; ହେ ସବୁନି ଏଲେଂ ଏଚେକ୍ ବିସ୍ତେ ମାନିକ୍, ଇନାକାକି ବୁଜାଦେଂ କସ୍, ଆରେ ହିକାଞ୍ଜିତି ତିକାଡ଼ବୁଦି ଲଗୁ ଜାର୍ ଜାର୍ ବୁଡ଼ାନି କାଜିଂ ଆଦେକ୍ ଖିଜୁ ସାସ୍ପୁର୍ ଇନେସ୍, ହେ ଖିଜୁନି ପା ହେ ଲାକେ ଅରାହିଲ୍‌ଖି ଅରଡ଼ କିନାର୍ ।

୧୭ ଲାଗିଂ, ଏ ଖାରିନିକାଦେର୍, ଏପେଙ୍ଗ ପୁର୍ବେତାଂ ଇସ୍ପୁ ପୁନ୍‌ଞ୍ଜି ଜାଗ୍ରଡ଼ ଆଜି ମାନାଟ୍, ଏଚେକାଡ଼ଦ ବିଦିହିଲ୍‌ଖାକାର୍ତାଂ ବାମ୍‌ଶ୍ଟାୟ୍ ଆଜ୍ ଏପେଙ୍ଗ ପା ଜାତ୍ ଆଟ୍‌ଖାତାଂ ଲେମ୍‌ନାଦେର୍, ୧୮ ନଲେ ମା ମାପୁ ଆରି ମୁକ୍ତିକିନାକାନ୍ ଜିସୁ କ୍ରିସ୍ଟି ଉପ୍‌କାର୍ ଆରି ଗିଆନ୍ତ ଗାଜା ଆଡୁ । ନଂ ଆରି ଖିଜ୍‌ଖି କାଡ଼୍‌ପାତେକ୍ ହେଖାନ୍ତି ଜାଜ୍‌ମାଲ୍ ଆଏଡ଼ । ଆମେନ୍ ।

ଯୋହନଙ୍କ ପ୍ରଥମ ପତ୍ର ଜହନ୍ତି ପର୍ତ୍ତୁମ୍ ଆକି ୧ ଜହନ୍ ଆକିନି ପାଦେକ୍

ପର୍ତ୍ତୁମ୍ ଜହନ୍ ଜିସୁକ୍ରିଷ୍ଟି ଜଲମ୍ ପାଚେ ୫୦ ତା ୧୦୦ ବିତ୍ରେ ପକ୍ୟାତି ଜହନ୍ତି ହୁଦାଂ ଲେକା ଆତାନ୍ । ଜହନ୍ ଜାତଂ ଲେକିକିନାକାନ୍ ବାବ୍ରେ ଜାଣା ହିତନା, ମାତର୍ ପର୍ତ୍ତୁମ୍ ପାଚ୍ତ ହେଝାନ୍ ଜିସୁକ୍ରିଷ୍ଟି ଜିବୁନ୍ ଆରି ଆରେ ନିଂନାକା ହେଝାନ୍ କାଣ୍କୁନି ସାକି ଇଞ୍ଜି ଜାଣା ହିନାମା ୧:୧-୩ । ପର୍ତ୍ତୁମ୍ ଜହନ୍ନି ଲେକାନି ହାତୁର୍ ଜହନ୍ ଲେକିକିତି ନେକ୍ରିକାବୁର୍ନି ଲେକା ହାତୁର୍ ହୁଦାଂ ବେସି ଲାଗାଂ ଚଞ୍ଜାନାଡ୍ । ଇଦାଂ ପାଚ୍ କିଆନାଡ୍ ଜେ ଏଚେକାଡ୍ଦ ହେଝାନ୍ ଏପିସିତ ମାତାନ୍ ହେ ଜହନ୍ ଲେକିକିତି ନେକ୍ରିକାବୁର୍ ଆରି ଜହନ୍ତି ତିନି ଗଟା ଆକିଂ ଲେକିକିତି ମାତାନ୍ ୧ ଜହନ୍, ଜେତି ଜହନ୍ ଆରି ୩ ଜହନ୍ ।

ଗିଆନିର୍ ଇନ୍ୟାନି ର କୁଦା ଲକ୍ତୁରିଂ ମଣ୍ଡଲି ଇଲ୍ଲିନି ଝିଜାର୍ କ୍ରିସ୍ତୁୟାନ୍ରିଂ ଇ ଆକି ଲେକିକିତି ମାତାନ୍ । ହେଝାନ୍ ପାଚ୍ କିନାର୍ ଜେ, ଜିସୁ କ୍ରିଷ୍ଟ ହାଡ୍ପା ବାଚ୍ ଇସ୍ପର୍ ଆନାନ୍ ମାତର୍ ଜଗତ୍ତ ମାନି ଝେଡାଲିଂ ହେଝାନ୍ ବାଚ୍ ରଚେ ଜେୟ୍ ଆସ୍ତି ମାନାୟ୍ ଆକାୟ୍ । ଜହନ୍ ଜିସୁ କ୍ରିଷ୍ଟି କାଣ୍କୁନି ସାକି ଆରି ହେଝାନ୍ତି କେଇ ହେଝାନିଂ ତୁଜି ମାଟିଲେ ହେଝାନ୍ ଇଦାଂ ଲେକିକିନାମା ୧:୧-୩ । ଇନେକିଦେଂକି ଜହନ୍ ଇ ଆକି ଲେକିକିଦେଂ ଇଦାଂ ଜେ, ହେଝାନ୍ତି ଝାରି ବାଚ୍ କିଦେକ୍ ୧ ଜହନ୍ ୧:୪ଆରି ପାଚ୍ତ ମାନାକାରିଂ ପାପ୍ତାଂ ଦେହା ମାଞ୍ଜେକ୍ ୧ ଜହନ୍ ୨:୧ଆରି ମିର୍ ହିକ୍ୟାତାଂ ପାଚ୍ ନିକାରିଂ ଜାଗ୍ରତ୍ ଇଡ୍ଦେଂ ୧ ଜହନ୍ ୨:୨୬ଆରେ ପାଚ୍ ନିକାରିଂ ହାଡ୍ପା ଜାଗ୍ରତ୍ରେ ଇଡ୍ନାଡ୍ ଇଞ୍ଜି ୫:୧୩

୧ ଜହନ୍ ଆକି ବିସ୍ତେନି ରାହାଣ

- ୧. ଜହନ୍ ହେଝାନ୍ତି ଆକିନି ଜାଣା ହିଜି ଲେକାନି ବିସ୍ତେ ଲେକିକିନାମା ୧:୧-୪
- ୨. ଇସ୍ପର୍ ଇନେସ୍ ଅଜଡ୍ ବୁଜାୟ୍ କିଜି ଜିସୁତି ଲାକେ ଜିବୁନ୍ କାଟି କିଦେକ୍ ଇନାନ୍ ୧:୫-୩:୧୦
- ୩. ମାଞ୍ଜେକ୍ ହାରି ଜିତନି ବିସ୍ତେ ଏଡ୍ କିଜି ହିନାନ୍ ୩:୧୧-୫:୧୨
- ୪. ହେଝାନ୍ତି ଲେକା ଝିହ୍ନାନ୍ ୫:୧୩-୨୧

ଜିବୁନ୍ହିନି ବଚନ୍

୧ ଆଗେତାଂ* ଇନେର୍ ମାତାନ୍, ଇନେର୍ତି ବଚନ୍ ଆସେକ୍ ଝେଡ୍ତାପ୍ନା, ଇନେରିଂ ନିଜ୍ କାଣ୍କୁତାକ୍ ହୁଡ୍ତାପ୍ନା, ଇନେରିଂ ଇଡ୍କାଡ୍ କିତାପ୍ନା ଆରି ଜାର୍ କେଇଦାକ୍ ହୁଡ୍ତାପ୍ନା, ହେ ଜିବୁନ୍ ଲାକେ ବଚନ୍ ବିସ୍ତେ ଜାଣାୟ୍କିଦ୍ନାପା । ୨ ହେ ଜିବୁନ୍ ଚଞ୍ଜୟ୍ତାନ୍, ଆରେ ଆପେଂ ହୁଡ୍ତାପ୍ନା ଆରି ସାକି ହିନାପା; ଇମଣି ଝିଜ୍ଝି ଜିବୁନ୍ ଆବା ଲାହାକ୍ ନିତ୍ରେ ମାତାନ୍ ଆରେ ମା କଚଣ୍ ହଡ୍ତାକା, ହେଝାନ୍ତି ବିସ୍ତେ ମିଞ୍ଜେକ୍ ଝେଡ୍ତାପ୍ନାପା । ୩ ଇନାକା ଆପେଂ ହୁଡ୍ତାପ୍ନା ଆରି ଝେଡ୍ତାପ୍ନା, ହେଦାଂ ମିଞ୍ଜେକ୍ ପା ଝେଡ୍ତାପ୍ନାପା, ଇନେସ୍କି ଏପେକ୍ ପା ମା ଲାହାକ୍ ମେହାଆଦେଂ ଆଡ୍ଦାନାଦେର୍; ଆରେ ମା ମେହାଆନାକାନ୍ ଆବା ଇସ୍ପର୍ ଆରି ତା ମାଜି ଜିସୁ କ୍ରିଷ୍ଟ ଲାହାକ୍ ମାନାଡ୍ ।

୪ ମା ଝାରି ଇନେସ୍କି ପୁରା ଆନାଡ୍, ଇଦାଂ କାଜିକ୍ ଆପେଂ ଇ ଝିଜୁ ଲେକିକିନାପା ।

ଇସ୍ପର୍ତି ଅଜଡ୍

୫ ଆପେଂ ତା ତାକେଶ୍ଟାକ୍ ଇମଣି ନେକ୍ରିକାବୁର୍ ଝେଡ୍ତାପ୍ନା ଆରି ମିଞ୍ଜେକ୍ ଝେଡ୍ତାପ୍ନାପା, ହେଦାଂ ଇସ୍ପର୍ତି ଅଜଡ୍ ଆରେ ତା ତାକେ ମାଜ୍ଗା ହିଲୁଡ୍ । ୬ ତା ଲାହାକ୍ ଆସେକ୍ ମେହାଆନାକା ମାନାଡ୍, ଇଦାଂ ଇଞ୍ଜି ଜଦି ଆସେକ୍ ମାଜ୍ଗାନି ବେବାର୍ କିନାସ୍, ତା ଆତିସ୍ ଆସେକ୍ କାତାତ ଆରି କାମାୟ୍ତ ମିର୍ଝାକାସ୍, ଆରେ ହାଡ୍ପା ବେବାର୍ କିଜିମାନ୍ୟ । ୭ ମାତର୍ ହେଝେନ୍ ଇନେସ୍କି ଅଜଡ୍ନିକାନ୍ ଆସେକ୍ ଜଦି ହେ ଲାକେ ଅଜଡ୍ନି ବେବାର୍ କିନାସ୍, ଲାଗିଂ ମାଦାଂ ହାରି ମେହାଣ୍ ମାନାଡ୍, ଆରେ ହେଝାନ୍ତି ମାଜି ଜିସୁତି ନେତେର୍ ଝିଜୁ ପାପ୍ତାଂ ମାଞ୍ଜେକ୍ ସକର୍ କିଦ୍ନାଡ୍ ।

୮ ମାଦାଂ ପାପ୍ ହିଲୁଡ୍, ଇଦାଂ ଜଦି ଇନାସ୍, ତା ଆତିସ୍ ଜାର୍ ଜାର୍ତିକ୍ ମିର୍ ଇନାସା, ଆରେ ମା ତାକେ ସଡ୍ ଆକାୟ୍ । ୯ ଜଦି ଆସେକ୍ ଜାର୍ ଜାର୍ତିକ୍ ପାପ୍ ମାନି କିନାସ୍, ଲାଗିଂ ହେଝାନ୍ ମା ପାପ୍ କେମା କିଦେକ୍ ଆରି ଝିଜୁ ଅଦାମିଂ ତାଂ ମାଞ୍ଜେକ୍ ସକର୍ କିଦେକ୍ ପାଚ୍ ଆରି ନ୍ୟାୟ୍କାରିୟାର୍ ଆତାନ୍ନା । ୧୦ ଆପେଂ ପାପ୍ କିଝାତାପ୍ନା, ଇଦାଂ ଜଦି ଇନାସ୍, ତା ଆତିସ୍ ଆସେକ୍ ତାକେକ୍ ମିର୍ଝା ଇନାସ୍, ଆରେ ତା ବଚନ୍ ମା ତାକେ ହିଲୁଡ୍ ।

* ୧:୧ ୧:୧ ଜହନ୍ ୧:୧.

୨

ରାକ୍ୟାକାରିୟା ଜିସୁ

୧୮ ଏ ନା ହିମ୍‌ଶାଂ ଏପେଙ୍ଗ୍ ଇନେସ୍ ପାପ୍ କିମାଟ୍, ଇଦାଂ କାଜିଂ ଆନେଙ୍ଗ୍ ଇ ଝିଜୁ ଫି ଲାଗାଂ ଲେକିକିନାଙ୍ଗା । ମାତର୍ ଇନେର୍ ଜଦି ପାପ୍ କିନାନ୍, ତା ଆତିସ୍ ଆବା ଲାଗାଂ ମାଦାଂ ରକାନ୍ ଉପକାର୍ ନିକାନ୍ ମାନାନ୍ ହେ ଦାମି ଜିସୁ କ୍ରିସ୍ଟ । ୧୯ ଆରେ ମା ପାପ୍ କାଜିଙ୍ଗ୍, କେବଲ୍ ମା ପାପ୍ କାଜିଙ୍ଗ୍ ଆକାୟ୍, ମାତର୍ ସବୁ ଜଗତ୍‌ନି ପାପ୍ କାଜିଙ୍ଗ୍ ପା ଜିବୁନ୍ ହିନାକା ଲାକେ ଆନାନ୍ ।

୨୦ ଜଦି ଆସେଙ୍ଗ୍ ତା ବଲ୍ ମାନି କିନାସ୍, ତେବେ ହେବେଣ୍ଡାଂ ପୁନାସ୍ ଜେ, ଆସେଙ୍ଗ୍ ତାଙ୍ଗେଙ୍ଗ୍ ପୁରାସ୍‌ନା । ୨୧ ତା ବଲ୍ ମାନି କିଝାଦାଂ ତାଙ୍ଗେଙ୍ଗ୍ ପୁନାଙ୍ଗ୍ ଇଞ୍ଜି ଇନେନ୍ ଇନାନ୍, ହେଝେନ୍ ମିଡ଼ିଝା ଆରି ତାତାକେ ସଡ଼ ହିଲୁଡ଼; ୨୨ ମାତର୍ ଇନେର୍ ତା ବଚନ୍ ମାନି କିନାନ୍, ତା ତାକେ ଇସ୍‌ସୁର୍ତି ଜିଉନନାକା ହାଡ଼ପା ଲାକେ ହାଡ଼ିକା ଆତାଡ଼ନା । ଇଦାଂ କାଜିଙ୍ଗ୍ ଆସେଙ୍ଗ୍ ପୁନାସ୍ ଜେ, ଆସେଙ୍ଗ୍ ତା ତାକେ ମାନାସ୍ । ୨୩ ଇନେର୍ ଇସ୍‌ସୁର୍ତି ତାକେ ମାନାନ୍ ଇଞ୍ଜି ଇନାନ୍, ହେଝାନ୍ ଜିସୁ କ୍ରିସ୍ଟ ଲାକେ ଜିବୁନ୍ ଜିପ୍‌କା କିନି ଲଡ଼ା ।

ପୁନି ବଲ୍

୨୪ ଏ ଝାରିନିକାଦେର୍, ଆନେଙ୍ଗ୍ ଫି ଲାଗାଂ ଇମ୍‌ଶାକାପା ପୁନି ବଲ୍ ଲେକିକିତଙ୍ଗା, ମାତର୍ ଆଗେତାଂ ଇମ୍‌ଶା ପୁନି ବଲ୍ ଏପେଙ୍ଗ୍ ପାୟା ଆତାଦେଣ୍ଡା, ହେଦାଂ ଲେକିକିନାଙ୍ଗା; ଇମ୍‌ଶା ବଚନ୍ ଏପେଙ୍ଗ୍ ଝେରାଦେଣ୍ଡା, ହେଦାଂ ନେ ହେ ପୁନି ବଲ୍ । ୨୫ ମାତର୍ ଇଦିଲିଂ ର ପୁନି ବଲ୍ ଲାକେ ଇବେ ଆନ୍ ଲେକିକିନାଙ୍ଗା, ଇଦାଂ ତା ତାକେ ଆରି ଫି ତାକେ ହାଡ଼ପା ଇଞ୍ଜି ହନାଡ଼ । ଇନେକିଦେଂକି ମାଜ୍‌ଗା ଗୁରାଆନାତା ଆରି ହାଡ଼ପା ଅଜଡ଼୍ ହତାତେ ।

୨୬ ଇନେର୍ ଜାର୍ ଟଣ୍ଡେନିଙ୍ଗ୍ ଗିଣ୍ କିଜି ଇନାନ୍ ଜେ ହେଝାନ୍ ଅଜଡ଼୍‌ତ ମାନାନ୍, ହେଝାନ୍ ଇ ପାତେକ୍ ପା ମାଜ୍‌ଗାତ ମାନାନ୍ । ୨୭ ଇନେର୍ ଜାର୍ ଟଣ୍ଡେନିଙ୍ଗ୍ ଜିଉନନାନ୍, ହେଝାନ୍ ଅଜଡ଼୍‌ତ ମାନ୍‌କାମାନ୍, ଆରେ ତା ତାକେ ଉଜ୍‌ନାକା ବିସ୍ତେ ହିଲୁଡ଼ । ୨୮ ମାତର୍ ଇନେନ୍ ଜାର୍ ଟଣ୍ଡେନିଙ୍ଗ୍ ଗିଣ୍ କିନାନ୍, ହେଝେନ୍ ମାଜ୍‌ଗାତ ମାନାନ୍, ଆରେ ମାଜ୍‌ଗାତ ବୁଲା ଆଜି ଇମିନିପଣ୍ଡାଂ ହାନାନା, ହେଦାଂ ପୁନୁନ୍, ଇନେକିଦେଂକି ମାଜ୍‌ଗା ତା କାଣ୍‌ଗାତିଙ୍ଗ୍ କାଣା କିତାଡ଼ନା ।

୨୯ ଏ ଇସ୍‌ସୁର୍ତି ହିମ୍‌ଶାକାଦେର୍, ଆନେଙ୍ଗ୍ ଫି ଲାଗାଂ ଲେକିକିନାଙ୍ଗା, ଇନେକିଦେଂକି ତା ତର୍ କାଜିଙ୍ଗ୍ ଫି ପାପ୍ କେମା ଆତାଡ଼ନା । ୩୦ ଏ ଆବାକାଦେର୍, ଆନେଙ୍ଗ୍ ଫି ଲାଗାଂ ଲେକିକିନାଙ୍ଗା, ଇନେକିଦେଂକି ଇନେନ୍ ଆଗେତାଂ ମାନାନ୍, ହେଝେନିଙ୍ଗ୍ ଏପେଙ୍ଗ୍ ପୁନାଦେରା । ଏ ବେଣ୍ଡାୟାକାଦେର୍, ଆନେଙ୍ଗ୍ ଫି ଲାଗାଂ ଲେକିକିନାଙ୍ଗା, ଇନେକିଦେଂକି ଏପେଙ୍ଗ୍ ସୟତାନ୍‌ତାଂ ଜିତା ଆତାଦେଣ୍ଡା ।

୩୧ ହିମ୍‌ଶାକାଦେର୍, ଆନେଙ୍ଗ୍ ଫି ଲାଗାଂ ଲେକିକିନାଙ୍ଗା, ଇନେକିଦେଂକି, ଏପେଙ୍ଗ୍ ଆବାଙ୍ଗ୍ ପୁରାଦେଣ୍ଡା । ଏ ଆବାକାଦେର୍ ଆନେଙ୍ଗ୍ ଫି ଲାଗାଂ ଲେକିକିନାଙ୍ଗା, ଇନେକିଦେଂକି ଇନେନ୍ ଆଗେତାଂ ମାନାନ୍, ହେଝେନିଙ୍ଗ୍ ଏପେଙ୍ଗ୍ ପୁରାଦେଣ୍ଡା । ଏ ବେଣ୍ଡାୟାକାଦେର୍, ଆନେଙ୍ଗ୍ ଫି ଲାଗାଂ ଲେକିକିତାଙ୍ଗ୍, ଇନେକିଦେଂକି ଏପେଙ୍ଗ୍ ବାପୁକାଦେର୍ ଆରେ ଇସ୍‌ସୁର୍ତି ବଚନ୍ ଫି ତାକେ ମାନାଡ଼ ଆରି ଏପେଙ୍ଗ୍ ସୟତାନ୍‌ତିଂ ଜିଶା ଆତାଦେଣ୍ଡା ।

ଜଗତ୍‌ତିଂ ଜିଉ ନମାଟ୍

୩୨ ଜଗତ୍ କି ହେବେ ମାନି ବିସ୍ତେ ଝିଜାରିଂ ଜିଉ ନମାଟ୍ । ଇନେର୍ ଜଦି ଜଗତ୍‌ତିଙ୍ଗ୍ ଜିଉନନାନ୍, ଆବାଙ୍ଗ୍ ଜିଉନନାକା ତା ତାକେ ହିଲୁଡ଼; ୩୩ ଇନେକିଦେଂକି ଗାଗାଡ଼୍‌ନି ଆହା କାଣ୍‌ଗାନି ଆହା ଦାନ୍ ଗରବ୍ ଜଗତ୍‌ତ ମାନି ଇ ଝିଜୁ ବିସ୍ତେ ଆବାତାଂ ଆକାୟ୍, ମାତର୍ ପୁତ୍‌ତାଂ ଉବ୍‌ଜାଣ୍ ଆଜି ମାନ୍‌କାମାଡ଼ । ୩୪ ଆରେ, ଜଗତ୍‌ନିକା ଆରି ହେବେ ଆହା ହିଲ୍‌ଝିତିସ୍, ମାତର୍ ଇନେର୍ ଇସ୍‌ସୁର୍ତି ଇଚା ମାନି କିତାଡ଼, ହେଝେନ୍ ନିତ୍ରେ ଝିଜ୍‌ଝିନିକାନ୍ ।

କ୍ରିସ୍ଟି ସାଡ଼ୁ

୩୫ ଏ କାଡ଼୍‌ଦେର୍, ହାରିହାରା କାଡ଼୍ ଏକା ଝାତାତେ, ଆରେ ଚାକ୍ରାୟ୍‌କ୍ରିସ୍ଟ ଇଞ୍ଜି ଏପେଙ୍ଗ୍ ଇନେସ୍ ଝେନ୍‌ଞ୍ଜି ମାତାଦେର୍ ହେ ଲାକେ ନଙ୍ଗ୍ ପା ବେସି ଚାକ୍ରାୟ୍‌କ୍ରିସ୍ଟ ନିଙ୍ଗ୍‌ତାରେ; ଇଦାଂ କାଜିଙ୍ଗ୍ ଆସେଙ୍ଗ୍ ପୁରାପୁନା ଜେ, ହାରିହାରା କାଡ଼୍ ଇକାଝାତାତେ । ୩୬ ହେଝାର୍ ମା ବିତ୍ରେତାଂ ହତାର୍, ମାତର୍ ହାଡ଼ପା ମା ଦଲ୍‌ନି ଲକୁ ହିଲ୍‌ଝାତାର୍; ଇନେକିଦେଂକି ଜଦି ମା ଦଲ୍‌ନି ଲକୁ ଆଜି ମାଟିସ୍, ଆତିସ୍ ମା ଲାହାଙ୍ଗ୍ ମାନ୍‌ଗାତାର୍‌ମା; ମାତର୍ ହେଝାର୍ ଜେ ମା ଦଲ୍‌ନି ଲକୁ ଆକାୟ୍, ଇଦାଂ ଇନେସ୍‌କି ହଡ଼ନାଡ଼ ଇଦାଂ କାଜିଂ ହେଝାର୍ ହସି ହାଚାର୍ ।

☆ ୨:୭ ୨:୭ ଜହନ୍ ୧୩:୩୪.

୨୦ ଆରେ ଏପେଙ୍ଗ ହେ ପୁଇପୁୟା ମାନାୟତାଂ ସିରି ପାୟାଆତିଲେ ଏପେଙ୍ଗ ଓଁଜୁ ଗିଆନ୍ ପାୟା ଆତାଦେଣ୍ଡା । ୨୧ ଏପେଙ୍ଗ ସତ୍ ପୁନ୍‌ଖାଦାଙ୍ଗ ମାଟିଲେ ଆନେଙ୍ଗ ଜେ ମି ଲାଗାଂ ଲେକିକିତାଂ, ହେଦାଂ ଆକାୟ, ମାତର୍ ଏପେଙ୍ଗ ହାଡ଼ପା ପୁନ୍‌ଞ୍ଜି ମାଟିଲେ ଲେକିକିନାଙ୍ଗା । ଆରି ହାଡ଼ପାତାଂ ଇନାକା ମିର୍ ଉବ୍‌ଜାଣ୍ ଆଉଡ଼ ଇଞ୍ଜି ପୁନ୍‌ଞ୍ଜି ମାଟିଲେ ଆନେଙ୍ଗ ମି ଲାଗାଂ ଲେକିକିତାଙ୍ଗ ।

୨୨ ଜିସୁ ଜେ କ୍ରିସ୍ଟୁ ଆନାନ୍, ଇଦାଂ ଇନେର୍ ମୁନାକିନାନ୍, ତା ଲାକେ ଆରେ ମିର୍‌ଝା ଇନେର୍ ? ଇନେର୍ ଆବା ଆରି ମାଜିଙ୍ଗ୍ ମୁନାକିନାନ୍, ହେଝେନ୍ ତ ହେ ଚାକ୍ରାୟକ୍ରିସ୍ଟୁ । ୨୩ ଇନେର୍ ମାଜିଙ୍ଗ୍ ମୁନାକିନାନ୍ ହେଝେନ୍ ଆବାଙ୍ଗ ଗାଟା ଆଞ୍ଜାତାନ୍ନା; ଇନେନ୍ ମାଜିଙ୍ଗ୍ ଏତୁ କିନାନ୍; ହେଝେନ୍ ଆବାଙ୍ଗ ପା ଗାଟାଆତାନ୍ନା ।

୨୪ ଏପେଙ୍ଗ ଆଗେ ତାଙ୍ଗ ଇନାକା ଝେଚାଦେଣ୍ଡା. ହେଦାଂ ମି ତାକେ ମାନେଡ଼ । ଏପେଙ୍ଗ ଆଗେ ତାଙ୍ଗ ଇନାକା ଝେଚାଦେଣ୍ଡା, ହେଦାଂ ଜଦି ମି ତାକେ ମାନାଡ଼, ତା ଆତିସ୍ ଏପେଙ୍ଗ ପା ମାଜି ଆରି ଆବାତି ତାକେ ମାନ୍‌ଜାମାଦେର୍ । ୨୫ ଆରେ ହେଝେନ୍ ମାଙ୍ଗେଙ୍ଗ ଇନାକା ପାର୍ମାଣ୍ କିଡ଼ତାନ୍ନା, ହେଦାଂ ଓଁଜୁଓଁ ଜିରୁନ୍ ।

୨୬ ଇନେର୍‌କି ମିଂ ଚାକ୍ରାୟ କିଦେଙ୍ଗ୍ ସେସ୍ଟୁ କିତାର୍, ହେଝାର୍ ବିସ୍ତେ ଆନେଙ୍ଗ ମି ଲାଗାଂ ଇ ଓଁଜୁ ଲେକିକିତାଂ । ୨୭ ମାତର୍ ଏପେଙ୍ଗ ହେଝାନ୍‌ତାଙ୍ଗ ଇମଣି ସିଗ ଗାଟାତାଦେଣ୍ଡା, ହେଦାଂ ମି ତାକେ ମାନାଡ଼, ଆରେ ଇନେର୍ ଜେ ମିଙ୍ଗେଙ୍ଗ୍ ହିକ୍ୟା ହିଦ୍‌ନାନ୍, ଇଦାଂ ମିଙ୍ଗେଙ୍ଗ୍ ଲଡ଼ା ଆକାୟ, ମତର୍ ହେଝାନ୍‌ତାକେଣ୍ଡାଂ ହେ ସିଗ୍ ମିଙ୍ଗେଙ୍ଗ୍ ଓଁଜୁ ବିସ୍ତେ ଇମଣି ହିକ୍ୟା ହିଦ୍‌ନାନ୍, ହେଦାଂ ହାଡ଼ପା ଆନାଡ଼; ମିର୍ ଆକାୟ; ଲାଗିଂ ହେ ହିକ୍ୟା ଇସାବ୍ରେ ହେଝାନ୍‌ତାକେ ମାନେଡ଼ ।

୨୮ ଲାଗିଂ, ଏ ବପାକାଦେର୍, କ୍ରିସ୍ଟି ତାକେ ମେହାଜି ମାନାଟ୍, ଇନେସ୍‌କି ହେଝେନ୍ ଏଚେକାଡ଼ଦ୍ ହଡ଼ନାଡ଼, ହେ ପାଦ୍‌ନା ତା ଝାନି ସମୁତ ତା କଚଣତ ଆସେଙ୍ଗ୍ ଲାଜା ଆଞ୍ଜାଦାଙ୍ଗ୍ ସାସ୍ ପାୟାମାସ୍ । ୨୯ ହେଝାନ୍ ଦାମ୍ ନିକାନ୍ ଇଦାଂ ଜିଜି ପୁନାଦେର୍ ତେବେ ଇନେର୍ ଦାରୁମ୍ ବେବାର୍ କିନାର୍, ହେଝାନ୍ ଜେ ତାତାଂ ଜଲମ୍, ଇଦାଂ ପା ପୁନାଟ୍ ।

୩

ଇସ୍‌ସ୍‌ରତି ମାଜି

୧ *ହୁଡ଼ାଟ୍, ଆବା ମାଙ୍ଗେଙ୍ଗ୍ ଇନେସ୍ ଜିଉନଦ୍‌ନାମା ଜେ, ଆସେଙ୍ଗ୍ ଇସ୍‌ସ୍‌ରତି ହିମଣାଙ୍ଗ୍ ଇଞ୍ଜି ତାକ୍‌ପୁଟା ଆନାସ୍, ଆରେ ଆସେଙ୍ଗ୍ ହେଦାଂ ନେ ଆନାସ୍ । ଇଦାଂ କାଜିଙ୍ଗ୍ ଜଗଡ଼ ମାଙ୍ଗେଙ୍ଗ୍ ଚିନ୍ କିଦୁତା, ଇନେକିଦେଂକି ହେଦାଂ ତାଙ୍ଗେଙ୍ଗ୍ ଚିନ୍ କିଞ୍ଜାଦାଙ୍ଗ୍ ମାଟାଡ଼ । ୨ ଏ ଝାରିନିକାଦେର୍, ନଂ ଆସେଙ୍ଗ୍ ଇସ୍‌ସ୍‌ରତି ହିମଣା ଆତାସ୍‌ନା, ଆରେ ଆସେଙ୍ଗ୍ ଇନାକା ଆନାସ୍, ହେଦାଂ ନଙ୍ଗ୍ ପାତେକ୍ ହଡ଼ଞ୍ଜାତାଡ଼ନା । ଆସେଙ୍ଗ୍ ପୁନାସ୍ ଜେ, ହେଝାନ୍ ଏଚେକାଡ଼ଦ୍ ହଡ଼ନାନ୍, ହେ ପାଦ୍‌ନା ଆସେଙ୍ଗ୍ ତା ଲାକେ ଆନାସ୍, ଇନେକିଦେଂକି ହେଝେନ୍ ଇନେସ୍‌କି, ଆସେଙ୍ଗ୍ ହେ ଲାକେ ତାଙ୍ଗେଙ୍ଗ୍ ହୁଡ଼ନାସ୍ । ୩ ଆରେ ଇନେର୍‌କି ଦାମ୍ ତାବେ ଇ ବାସ୍ ଇଡ଼ତାନ୍ନା, ହେଝେନ୍ ଇନେସ୍‌କି ପୁଇପୁୟା ଆତାନ୍‌ନା, ହେଝେନ୍ ହେ ଲାକେ ଜାର୍ ତିଙ୍ଗ୍ ପୁଇପୁୟା କିନାନ୍ ।

୪ ଇନେର୍‌କି ପାପ୍ କିନାନ୍, ହେଝେନ୍ ପା ବିଦି ବଲ୍ ମାନି କିଉନ୍, ଇନେକିଦେଂକି ବିଦି ମାନିକିଞ୍ଜାକା ନେ ପାପ୍ । ୫ *ଇଦାଂ ଏପେଙ୍ଗ୍ ପୁନାଟ୍ ଜେ କ୍ରିସ୍ଟୁ ଆଗେ ପାପ୍ ପିଣ୍ଡୁଜି ଅଦେଂ ଝାତାନ୍, ଆରେ ତା ତାକେ ପାପ୍ ହିଲୁଡ଼ । ୬ ଇନେର୍‌କି ତା ତାକେ ମାନ୍‌ଜାମାନ୍, ହେଝେନ୍ ପାପ୍ କିଉନ୍; ଇନେର୍‌କି ପାପ୍ କିନାନ୍, ହେଝେନ୍ ତାଙ୍ଗେଙ୍ଗ୍ ହୁଡ଼ଞ୍ଜାତାନ୍ନା, କି ତାଙ୍ଗ୍ ପୁନ୍‌ଞ୍ଜାତାନ୍ନା ।

୭ ଏ କାଡ଼ଦେର୍, ଇନେର୍ ମିଙ୍ଗେଙ୍ଗ୍ ବୁଲ୍‌କାୟ କିଦ୍‌ମେନ୍; ଇନେର୍ ଦାମ୍ ବେବାର୍ କିନାନ୍, ହେଝେନ୍ ଇନେସ୍‌କି ଦାମ୍ ଆନାନ୍, ହେଝେନ୍ ହେ ଲାକେ ଦାମ୍ ଆନାନ୍; ୮ ଇନେର୍ ପାପ୍ କିନାନ୍, ହେଝେନ୍ ସୟତାନ୍‌ତାଂ ହଡ଼ତାକାନ୍, ଇନେକିଦେଂକି ସୟତାନ୍ ପର୍ତ୍ତୁମ୍ ପାପ୍ କିଜି ଝାନାତା । ସୟତାନ୍‌ତି କାମାୟ କିନି କାଜିଙ୍ଗ୍ ଇସ୍‌ସ୍‌ରତି ମାଜି ଚଞ୍ଜିୟା ଆତାନ୍ ।

୯ ଇନେର୍‌କି ଇସ୍‌ସ୍‌ରତି ତାଂ ଉବ୍‌ଜାଣ୍, ହେଝେନ୍ ପାପ୍ କିଉନ୍, ଇନେକିଦେଂକି ଇସ୍‌ସ୍‌ରତି ମାଜି ତା ତାକେ ମାନ୍‌ଜାମାନ୍, ଆରେ ହେଝେନ୍ ଇସ୍‌ସ୍‌ରତାଂ ଉବ୍‌ଜାଣ୍ ଆତିଲେ ପାପ୍ କିଦେଙ୍ଗ୍ ଆତୁନ୍ । ୧୦ ଇବେ ଇନେର୍ ଇସ୍‌ସ୍‌ରତି ହିମଣାଂ ଆରି ଇନେର୍ ସୟତାନ୍‌ତି ହିମଣା ଇଦାଂ ହଡ଼ନାଡ଼; ଇନେର୍‌କି ଦାମ୍ ବେବାର୍ କିଉନ୍, କି ଜାର୍ ପାତ୍ କିନି ଟଣ୍ଡେକ୍ ଆରି ତଣ୍ଡେକ୍‌କାଂ ଜିଉନଉନ୍, ହେଝେନ୍ ଇସ୍‌ସ୍‌ରତାଂ ଉବ୍‌ଜାଣ୍ ଆକାୟ ।

ରଞ୍ଜାନ୍ ଆରେ ରକାନିଂ କାଜିଂ ଜିଉନନାକା

* ୩:୧ ୩:୧ ଜହନ୍ ୧:୧୨. ☆ ୩:୫ ୩:୫ ଜହନ୍ ୧:୨୯.

୧୧ ✨ରଞ୍ଜନ ଆରେ ରଞ୍ଜନିଂ ଜିଉନନାକା, ଇ କାତା ଏପେଙ୍ଗ ଆଗେତାଂ ଖେଚାଦେଣ୍ଣା; ୧୨ ସୟତାନ ଜିବୁନ୍ନି ହିମ୍ମା ଜେ କୟିନ, ତା ଲାକେ ଆମାଟ୍ ହେଖେନ୍ ଜାର ଟଣ୍ଡେନିଙ୍ଗ ଅସ୍ତାନ୍; ଆରେ ହେଖେନ୍ ହେଖାନିଂ ଇନେକିଦେଂ ଅସ୍ତାନ୍ ? ଇନେକିଦେଂକି ଇଦାଂ ଇନେସ୍ ତା କାମାୟତ ପାପ୍ ମାଚାଡ୍, ଆରେ ତା ଟଣ୍ଡେନି କାମାୟ ଦାମ୍ ମାଚାଡ୍ ।

୧୩ ଏ ଟଣ୍ଡାର ଆରି ତଣ୍ଡେକ୍ ପୁତ୍ ମିଙ୍ଗେଙ୍ଗ ଗିଣ୍ କିଡ଼ତିସ୍ କାବା ଆନି କାମାୟ କିମାଟ୍ । ୧୪ ✨ଜଦି ଆପେଂ କ୍ରିସ୍ଟିୟାନ୍ ଟଣ୍ଡେନ୍ ଆରି ତଣ୍ଡେକାଂ ଜିଉନନାପା ଆପେଂ ପୁନାପ୍ ଜେ, ଆସେଙ୍ଗ୍ ହାକିତିଂ ନାସି ହାଲ୍ଲଜି ଜିବୁନ୍ତ ହଟାସ୍ନା । ଇନେର୍ ଜିଉନଉର୍ ହେଖାନ୍ ନଂ ପା ହାକି ତାରେନ୍ ମାନାର୍ । ୧୫ ଇନେର୍କି ଜାରତିଂ କ୍ରିସ୍ଟିୟାନ୍ ପାତ୍ କିନାକାନ୍ ଟଣ୍ଡେନ୍ ଆରି ତଣ୍ଡେକାଂ ଗିଣ୍ କିନାନ୍, ହେଖେନ୍ ନାର୍ ଅହନାକାନ୍ ଆରେ ନାର୍ ଅହନାକାନ୍ ତାକେ ଇନେସ୍ ଝିଜ୍ଝି ଜିବୁନ୍ ମାନ୍ଗୁଡ୍, ଇଦାଂ ଏପେଙ୍ଗ୍ ପୁନାଟ୍ । ୧୬ ହେଖାନ୍ ମା କାଜିଂ ଜାର ଜିବୁନ୍ ଦାନ୍ କିନି କାଜିଙ୍ଗ୍ ଆସେଙ୍ଗ୍ ଜିଉନନି ଚିନ୍ଲାକେ ଗାଟାଆତାସ୍ନା; ଆରେ କ୍ରିସ୍ଟି ଟଣ୍ଡାର କାଜିଂ ମାଦାଙ୍ଗ୍ ପା ପାରାଣ୍ ଦାନ୍ କିନାକା ଲଡା । ୧୭ ମାତର୍ ଇନେର୍ ଜଗଡ଼ନି ବାବ୍ରେ ମାଜାନ୍ ଆଜି ଜାର ଟଣ୍ଡେନିଂ ଅବାବ୍ ହୁଡ଼ତିସ୍ ହେଦାଂ କାଜିଂ ଜାର ଦୟା ଗେହନାନ୍, ତା ତାକେ ଇସ୍ପୁରିତି ଜିଉନନାକା ଇନେସ୍ ମାଞ୍ଜେଙ୍ଗ୍ ଆଡ଼ନାଡ୍ ? ୧୮ ଏ ହିମ୍ମାଂ, ଖାଡୁ, ଆସେଙ୍ଗ୍ ବଚନ୍ତ କି ଖେୟୁଲ୍ତ ଜିଉନଖାଦାଂ କାମାୟତ ଆରି ହାଡ଼ପାତ ଜିଉନନାସ୍ ।

ଇସ୍ପୁରିତି ମାନିତାକେ ସଡ଼ ସାସ୍

୧୯ ତା ଆଡ଼ିସ୍, ଆସେଙ୍ଗ୍ ପୁନାସ୍ ଜେ, “ହାଡ଼ପା” ନେ ମା ମାନାକା ଆରି ଏନେତେନେ ଆଖାଦାଂ ମାନ୍ତ ଇସ୍ପୁର୍ ଲାଗାଂ ହାଞ୍ଜେଙ୍ଗ୍ ଆଡ଼ନାସ୍ । ୨୦ ଆରେ ଇମ୍ମଣି ବିସ୍ରେ ମା ମାନ୍ତ ମାଙ୍ଗ୍ ଦସି କିଦ୍ନାଡ୍, ହେ ବିସ୍ରେ ତାକାଜିଂ ହେଖାନ୍ତି ମୁମ୍ଦ ଜାରତି ଇଚାତ ସୁସ୍ତା କିଦେଙ୍ଗ୍ ଆଡ଼ନାସ୍; ଇନେକିଦେଂକି ଇସ୍ପୁର୍ ମା ମାନ୍ତାଙ୍ଗ୍ ଗାଜା ଆରି ହେଖାନ୍ ଝିଜେ ପୁନାନ୍ । ୨୧ ଏ ଖାରିନିକାଦେର୍, ମା ମାନ୍ତ ଜଦି ମାଙ୍ଗ୍ ଦସି କିଦୁନ୍, ତା ଆଡ଼ିସ୍ ଇସ୍ପୁରିତି ମୁମ୍ଦ ମାଦାଂ ସାସ୍ ମାନାଡ୍, ୨୨ ଆରେ ଆସେଙ୍ଗ୍ ଇନା ଇନାକା ଏନ୍ନାସ୍, ହେ ସବୁ ହେଖାନ୍ତି ତାକେ ଗାଟାଆସି ମାନାସ୍, ଇନେକିଦେଂକି ଆସେଙ୍ଗ୍ ହେଖାନ୍ତି ବଲ୍ଲ ମାନିକିନାସ୍, ଆରେ ହେଖାନ୍ତି କାଣ୍ଡାତ ଇନାକା ସାରି, ହେଦାଂ କିଜି ମାନାସ୍ । ୨୩ ✨ହେଖାନ୍ତି ବଲ୍ଲ ଏଲେଙ୍ଗ୍ ଜେ, ଆସେଙ୍ଗ୍ ହେଖାନ୍ତି ମାଜି ଜିସୁ କ୍ରିସ୍ଟି ତରଦ ପାତ୍ କିନାସ୍ ଆରି ହେଖାନ୍ତି ହିଡ଼ତାକା ବଲ୍ଲ ହୁଦାଂ ହାରି ଜିଉନନାସ୍ । ୨୪ ଇନେର୍ ହେଖାନ୍ତି ବଲ୍ଲ ମାନି କିନାନ୍, ହେଖାନ୍ ହେଖାନ୍ତି ତାକେ ମାନ୍ଗାନାନ୍ ଆରି ହେଖାନ୍ ହେଖାନ୍ତି ତାକେ ମାନ୍ଗାନାନ୍; ଆରେ ହେଖାନ୍ ଜେ ମା ତାକେ ମାନ୍ଗାନାନ୍, ଇଦାଂ ଆସେଙ୍ଗ୍ ହେଖାନ୍ତି ହିଡ଼ତାକା ଜିବୁନ୍ ଲାହାଙ୍ଗ୍ ପୁନାସା ।

୪

ଇସ୍ପୁରିତି ଜିବୁନ୍ ପରିକ୍ୟା

୧ ଏ ଖାରିନିକାଦେର୍, ଝିଜୁ ଜିବୁନ୍ତିଙ୍ଗ୍ ପାତ୍ କିମାଟ୍, ନଲେ ଜିବୁନିଙ୍ଗ୍ ଇସ୍ପୁରିତାକେ ଖାତାକା କି ଆକାୟ୍, ଇଦାଂ ହେଖାରିଂ ପରିକ୍ୟା କିଜି ହୁଡ଼ାଟ୍, ଇନେକିଦେଂକି ଜଗଡ଼ତ ଆଦେକ୍ ଚାକ୍ରାୟ୍ ବେଶବାକ୍ଷାୟକିନାକାର୍ ହଡ଼ତାଣ୍ଣା । ୨ ଇଦାଂ ହୁଦାଂ ଏପେଙ୍ଗ୍ ଇସ୍ପୁରିତି ଜିବୁନ୍ତିଙ୍ଗ୍ ଚିଣିକିଦେଂ ଆଡ଼ନାଦେର୍, ଜିସୁ କ୍ରିସ୍ଟି ଜେ ଗାଗାଡ଼୍ ଆସ୍ତି ଖାତାନ୍, ଇଦାଂ ଇମ୍ମଣାକା ପା ଜିବୁନ୍ମାନି କିନାଡ୍, ହେଖାନ୍ ଇସ୍ପୁର୍ ତାକେ ଖାତାକାନ୍, ୩ ଆରେ ଇମ୍ମଣାକା ପା ଜିବୁନ୍ ଜିସୁଙ୍ଗ୍ ମାନିକିଉର୍, ହେଖାନ୍ ଇସ୍ପୁରିତାଂ ଖାଖାତାକା; ଇଦାଂ ଚାକ୍ରାୟକ୍ରିସ୍ଟି ଜିବୁନ୍, ଇନେର୍ଡି ଖାନି କାତା ଏପେଙ୍ଗ୍ ଖେଚାଦେଣ୍ଣା, ଆରେ ହେଦାଂ ନଂ ପା ଜଗଡ଼ତ ଏକାଖାତାଡ଼ନା ।

୪ ଏ ଖାରିନି ହିମ୍ମାଂ, ଏପେଙ୍ଗ୍ ଇସ୍ପୁରିତି ତାଂ ଜଲମ୍, ଆରେ ଏପେଙ୍ଗ୍ ହେଖାରିଂ ଜିଣାତାଦେଣ୍ଣା, ଇନେକିଦେଂକି ମି ବିତ୍ରେ ବାହା କିତି ଜିବୁନ୍ ଜଗଡ଼ତ ଇନେନ୍ ମାନାନ୍, ହେଖାନ୍ତାଂ ଗାଜା । ୫ ବୁଲ୍ଲକାୟକିନି ବେଶବାକ୍ଷାୟକିନାକାର୍ ଇ ସ୍ପାରିନିକାର୍ ହେଖାର୍ ଆରି ଜଗଡ଼ନି ମାନାୟାର୍ ହେଖାର୍ କାତା ଖେନାର୍ । ୬ ମାତର୍ ଆସେଙ୍ଗ୍ ଇସ୍ପୁରିତାଂ ଉବ୍ଜାଣ୍; ଇନେନ୍ ଇସ୍ପୁରିତିଂ ପୁନାନ୍, ହେଖାନ୍ ମା କାତା ଖେନାନ୍; ଇନେନ୍ ଇସ୍ପୁରିତାଂ ଉବ୍ଜାଣ୍ ଆକାୟ୍, ହେଖାନ୍ ମା କାତା ଖେନୁନ୍ । ଇଦାଂ କାଜିଂ ଆସେଙ୍ଗ୍ ହାଡ଼ପାନି ଜିବୁନ୍ ଆରି ବାତ୍ ନାଡ଼ାୟ୍ ଜିବୁନ୍ତିଂ ଚିନିକିଦେଂ ଆଡ଼ନାସ୍ ।

ହାରି କାଜିଂ ଜିଉନନାକା

୭ ଏ ଖାରିନିକାଦେର୍, ହାରି ଖାରି କିୟାଟ୍, ଇନେକିଦେଂକି ଜିଉନନାକା ଇସ୍ପୁରିତାଂ ଉବ୍ଜାଣ୍, ଆରେ ଇନେନ୍କି ଜିଉନନାନ୍, ହେଖାନ୍ ଇସ୍ପୁରିତାଂ ଉବ୍ଜାଣ୍ ଆରି ଇସ୍ପୁରିତିଂ ପୁନାନ୍ । ୮ ଇନେନ୍ ଜିଉନଉନ୍, ହେଖାନ୍ ଇସ୍ପୁରିତିଂ ପୁନୁନ୍, ଇନେକିଦେଂକି ଇସ୍ପୁରିତିଂ ଜିଉନନାକାନ୍ । ୯ ଇବେ ଇସ୍ପୁରିତି ଜିଉନନାକା ମା

✨ ୩:୧୧ ୩:୧୧ ଜହନ୍ ୧୩:୩୪. ✨ ୩:୧୪ ୩:୧୪ ଜହନ୍ ୫:୨୪. ✨ ୩:୨୩ ୩:୨୩ ଜହନ୍ ୧୩:୩୪; ୧୫:୧୨, ୧୭.

କାଜିଂ ଚଞ୍ଚାୟାତାତନା ଜେ, ହେୱାନ୍ ଜାତଂ ରକାନ୍ ମାଜିଙ୍ଗ୍ ଜଗତ୍ତ ପକ୍ତାତାନ୍ନା, ଇନେସ୍ ଆସେଙ୍ଗ୍ ହେୱାନ୍ତି ହୁଦାଂ ଝିଜ୍ଝି ଜିବୁନ୍ ଗାଟାମାସ୍ । ୧୦ ଆସେଙ୍ଗ୍ ଜେ ଇସ୍ବରତିଂ ଜିଉନତାସ୍, ହେଦାଂ ଆକାୟ୍ ମତର୍ ହେୱାନ୍ ମାଙ୍ଗେଙ୍ଗ୍ ଜିଉନତାନ୍, ଆରେ ଜାର୍ ମାଜିଙ୍ଗ୍ ମା ପାପ୍ତ ଜିବୁନ୍ ହିଜି ପକ୍ତାତାନ୍; ଇବେଣ୍ଡାଂ ତ ଜିଉନନାକା ମେଙ୍ଗ୍ନାତ୍ ।

୧୧ ଏ ୱାରିନିକାଦେର୍, ଇସ୍ବର ଜଦି ମାଙ୍ଗ୍ ଏଲେଙ୍ଗ୍ ୱାରି କିଡ଼ତିସ୍, ବାଟିଙ୍ଗ୍ ମାଙ୍ଗେଙ୍ଗ୍ ପା ହାରି ଜିଉନବାନାକା ଲଡା । ୧୨ ଇନେର୍ ଇନାଞ୍ଜାଡାଂ ଇସ୍ବରତିଂ ହୁଡ଼ଞ୍ଜାତାନ୍ନା; ଆସେଙ୍ଗ୍ ଜଦି ହାରି ଜିଉନବାନାସ୍, ତା ଆତିସ୍ ଇସ୍ବର ମା ତାକେ ମାନାନ୍ ଆରି ହେୱାନ୍ତି ଜିଉନନାକା ମା ତାକେ ପୁରା ଆତାତନ୍ନା ।

୧୩ ଆସେଙ୍ଗ୍ ଜେ ଇସ୍ବରତି ତାକେ ମାନାସ୍ ଆରି ହେୱାନ୍ ମା ତାକେ ମାନାନ୍, ଇଦାଂ ଆସେଙ୍ଗ୍ ପୁନାସ୍, ଇନେକିଦେଂକି ହେୱାନ୍ ମାଙ୍ଗ୍ ଜାର୍ ଜିବୁନ୍ତି ମେହାଣ୍ ଦାନ୍ କିଡ଼ତାନ୍ନା । ୧୪ ଆବା ଜେ ମାଜିଂ ଜଗତ୍ତନି ମୁକ୍ତି କାର୍ଯ୍ୟା ଆନି କାଜିଂ ପକ୍ତାତାନ୍ନା, ଇଦାଂ ଆସେଙ୍ଗ୍ ହୁଡ଼ତାସ୍ନା ଆରି ସାକି ହିନାପା । ୧୫ ଇନେର୍କି ଜିସୁଙ୍ଗ୍ ଇସ୍ବରତି ମେହି ଇଞ୍ଜି ମାନି କିନାର୍, ଇସ୍ବର ହେୱାନ୍ତି ତାକେ ମାନାନ୍ ଆରି ହେୱାନ୍ ଇସ୍ବରତି ତାକେ ମାନାନ୍ । ୧୬ ଆରେ ମା କାଜିଂ ଇସ୍ବରତି ଇମ୍ଫଣି ଜିଉନନାକା ମାନାତ୍, ହେଦାଂ ଆସେଙ୍ଗ୍ ପୁରାସ୍ନା ଆରି ପାତଂ କିତାସ୍ନା ।

ଇସ୍ବରତିଂ ଜିଉନନାକା; ଇନେନ୍ ଜିଉନନିତ ମାନାନ୍, ହେୱାନ୍ ଇସ୍ବରତି ତାକେ ମାନାନ୍ ଆରି ଇସ୍ବର ହେୱାନ୍ ତାକେ ମାନ୍ଗାନାନ୍ ।

୧୭ ଇସ୍ବର ଜିଉନନି ଜିବୁନ୍ କାଟିକିନାକା ହୁକେ ଇବେତାଂ ଇସ୍ବରତି ଜିଉନନାକା ମା ବିତ୍ରେତାଂ ବାତଂ ଆତାତନ୍ନା ଜେ, ବିଚାଣ୍ଟା ନାଜିଂ ଆସେଙ୍ଗ୍ ସାସ୍ ପାୟାମାସ୍, ଇନେକିଦେଂକି ହେୱାନ୍ ଇନେସ୍କି ମାନାନ୍, ଆସେଙ୍ଗ୍ ପା ଇ ଜଗତ୍ତ ହେ ଲାକେ ମାନାସା । ୧୮ ଜିଉନନିତ ପାଣ୍ଡୁମାନ୍ଗୁଡ଼, ମାତର୍ ବାତଂ ଜିଉନନାକା ପାଣ୍ଡୁତୁଂ ଦେହା କିନାତ୍, ଇନେକିଦେଂକି ପାଣ୍ଡୁ ତୁଣ୍ଡ ଲାହାଙ୍ଗ୍ ମେହାଆତାନ୍ନା, ଆରେ ଇନେନ୍ ପାଣ୍ଡୁନାନ୍, ହେୱାନ୍ ଜିଉନନିତ ହାଦାକା ଆକାୟ୍ ।

୧୯ ହେୱାନ୍ ପାର୍ତୁମ୍ତ ମାଙ୍ଗ୍ ଜିଉନତ୍ତିଲେ ଆସେଙ୍ଗ୍ ଜିଉନନାସ୍ । ୨୦ ଇସ୍ବରତିଂ ଜିଉନନାକା ଇଞ୍ଜି ଇନେନ୍ ଜଦି ଜାର୍ ଟଣ୍ଡେନିଂ ଗିଣି କିନାନ୍, ତାଆତିସ୍ ହେୱାନ୍ ମିଡ଼ଞ୍ଜା, ଲାଗିଂ ଇମ୍ଫଣି ଟଣ୍ଡେନିଂ ହୁଡ଼ଜିମାତିସ୍, ଜଦି ହେୱାନ୍ ଇନେର୍ ଜିଉନଞ୍ଜିତିସ୍, ତାଆତିସ୍ ଇମ୍ଫଣି ଇସ୍ବରତିଂ ହେୱାନ୍ ହୁଡ଼ଞ୍ଜାତାନ୍ନା, ହେଦାଂ ଜିଉନଦେଂ ଆତୁନ୍ । ୨୧ ଇନେନ୍ ଇସ୍ବରତିଂ ଜିଉନନାନ୍, ହେୱାନ୍ ଜାର୍ ଟଣ୍ଡେନିଂ ପା ଜିଉନନାନ୍, ଇ ବଲ୍ ଆପେଂ ତା ତାକେଣ୍ଡାଙ୍ଗ୍ ପାୟାତାପ୍ନା ।



ଜଗତ୍ ଜପି ଜିଣାନାକା

୧ ଇନେର୍କି ଜିସୁଂ କ୍ରିସ୍ଟ ଇଞ୍ଜି ପାତଂ କିନାନ୍, ହେୱାନ୍ ଇସ୍ବରତାଂ ଗାଗାଡ଼ଆସ୍ନା; ଆରେ, ଇନେନ୍କି ଗାଟାଆତି ଆବାଂ ଜିଉନନାନ୍, ହେୱାନ୍ ତା ତାଙ୍ଗ୍ ଉବ୍ଜାଣ୍ ଆଜି ମାନି ଲକୁରିଂ ପା ଜିଉନନାନ୍ । ୨ ଆସେଙ୍ଗ୍ ଏତେକାଡ଼ଦ ଇସ୍ବରତିଂ ଜିଉନନାସ୍ ଆରି ହେୱାନ୍ତି ବଲ୍ ମାନି କିନାସ୍, ହେ ଏତେକାଡ଼ଦ ତାହୁଦାଂ ପୁନାସ୍ ଜେ, ଆସେଙ୍ଗ୍ ଇସ୍ବରତି ହିମ୍ଫଣାକାଂ ଜିଉନନାସ୍ । ୩ ଇନେକିଦେଂକି ଇସ୍ବରତି ଜିଉନନାକା ଅରଡ଼ ହେୱାନ୍ତି ବଲ୍ ମାନି କିନାକା, ହେୱାନ୍ତି ବଲ୍ ମାନି କିନାକା ବଜ୍ ଲାକେ ଆକାୟ୍ । ୪ ଇନେର୍କି ଇସ୍ବରତାଂ ଉବ୍ଜାଣ୍ ହେୱାନ୍ ଜଗତ୍ତିଙ୍ଗ୍ ଜିଣାନାନ୍, ଆରେ ଇନାକା ଜଗତ୍ତିଙ୍ଗ୍ ଜିଣାତାତନା, ହେଦାଂ ମାଦାଂ ପାତଂ । ୫ ଜିସୁ ଇସ୍ବରତି ମାଜି, ଇଦାଂ ଇନେର୍ ପାତଂ କିନାନ୍, ହେୱାନ୍ ପିସ୍ସି ଆରେ ଇନେନ୍ ଜଗତ୍ତିଙ୍ଗ୍ ଜିଣାନାନ୍ ?

ଇସ୍ବତଂ ମାଜିଡ଼ି ବିସ୍ତେ ସାକି

୬ ଜିସୁ କ୍ରିସ୍ଟ ଇସ୍ବରତି ମାଜି ଇଞ୍ଜି ବାପ୍ତିସିମ୍ ହୁକେ ଆରି ଜାର୍ତି ନେତେର୍ ହପ୍ତି ମାନାୟ୍ ମୁକ୍ତାନାକା ସାଦନ୍ କିନି କାଜିଂ ହପ୍ତି ମାଟାନ୍ କେବଲ୍ ଏଜୁଂ ହୁକେ ଆକାୟ୍ ମତର୍ ରିଣ୍ଡି ଏଜୁଂ ନେତେର୍ ହିଜି ୱାଜି ମାଟାନ୍ ଜିବୁନ୍ ପା ଇଦାଂ ସାକି ହିନାତ୍ ଇନେକିଦେଂକି ଜିବୁନ୍ ନେ ସଡ଼ । ଆରେ ଜିବୁନ୍ ପା ହେବେନି ସାକି ହିନାନ୍, ଇନେକିଦେଂକି ଜିବୁନ୍ ନେ ହାଡ଼ପା । ୭ ଆରେ ଇ ତିନ୍ଜାଣ୍ଡି ସାକି ମାନାର୍; ୮ ଜିବୁନ୍, ଏଜୁଙ୍ଗ୍ ଆରି ନେତେର୍, ହେୱାର୍ ର ସାକି ହିନାରା, ଆରେ ତିନି ସାକି ରଞ୍ଜାଙ୍ଗ୍ । ୯ ଆସେଙ୍ଗ୍ ଜଦି ମାନାୟ୍ତିଂ ସାକି ଇଡ଼ନାସ୍, ବାଟିଙ୍ଗ୍ ଇସ୍ବରତି ସାକି ତା ତାଙ୍ଗ୍ ଗାଜା, ଆରେ ଇସ୍ବରତି ସାକି ଇଦାଂ ଜେ, ହେୱାନ୍ ଜାର୍ ମାଜିଡ଼ି ବିସ୍ତେ ସାକି ହିତାନ୍ନା । ୧୦ ଇନେନ୍ ଇସ୍ବରତି ମାଜିଡ଼ି ତାକେ ପାତଂ କିନାନ୍, ହେୱାନ୍ ଜାର୍ ୱାସ୍ତିତ ଇ ସାକି ଗାଟାତାନ୍ନା; ଇନେନ୍ ଇସ୍ବରତି ସାକି ପାତଂ କିଉନ୍, ହେୱାନ୍ ହେୱାନ୍ ମିଡ଼ଞ୍ଜା କିତାନ୍ନା, ଇନେକିଦେଂକି ଇସ୍ବର ଜାର୍ ମାଜିଡ଼ି ବିସ୍ତେ ଇମ୍ଫଣି ସାକି ହିତାନ୍ନା, ହେବେ ହେୱାନ୍ ପାତଂ କିଞ୍ଜାତାନ୍ନା । ୧୧ ହେ ସାକି

✧ ୪:୧୨ ୪:୧୨ ଜହନ୍ ୧:୧୮.

ଇଦାଂ ଜେ ଇସ୍ଵର୍ ମାଙ୍ଗେଙ୍ଗ୍ ଓଁଜ୍ଓଁ ଜିବୁନ୍ ହିଡ଼ତାନ୍ନା, ଆରେ ହେ ଜିବୁନ୍ ତା ମାଜିଡ଼ି ତାକେ ମାନାଡ଼ ।
୧୨ ଇନେର୍ ମାଜିଂ ପାୟାତାର୍ଣ୍ଣା ହେଞ୍ଜାନ୍ ଜିବୁନ୍ ପାୟାତାନ୍ନା; ଇନେନ୍ ଇସ୍ଵର୍ ମାଜିଙ୍ଗ୍ ପାୟାଆଞ୍ଜାତାନ୍ନା,
ହେଞ୍ଜାନ୍ ଜିବୁନ୍ପା ପାୟାଞ୍ଜାତାନ୍ନା ।

ଓଁଜ୍ଓଁ ଜିବୁନ୍

୧୩ ଇସ୍ଵର୍ ମାଜି ତରଦ ପାତର୍ କିନାଦେରା ଜେ ଏପେଙ୍ଗ୍, ଏପେଙ୍ଗ୍ ଇନେସ୍ ପୁନାଟ୍ ଜେ, ଏପେଙ୍ଗ୍
ଓଁଜ୍ଓଁ ଜିବୁନ୍ ପାୟା ତାଦେର୍ଣ୍ଣା, ଇଦାଂ କାଜିଂ ଆନ୍ ମି ଲାଗେ ଇ ଓଁଜ୍ଓଁ ଲେକିକିତାଂନା । ୧୪ ଆରେ ଆପେଂ
ଏତେକାଡ଼ଦ ହେଞ୍ଜାନ୍ତି ଇଚା ହୁଦାଂ ଇମଣାକା ପା ପାର୍ତାନା କିନାପ୍, ବାଟିଙ୍ଗ୍ ହେଞ୍ଜାନ୍ ମାଦାଂ ହେ ପାର୍ତାନା
ଞ୍ଜେନାନ୍, ହେଞ୍ଜାନ୍ତି ମୁମ୍ଦ ମାଦାଂ ଇ ସାସ୍ ମାନାଡ଼ । ୧୫ ଆରେ ଆସେଙ୍ଗ୍ ହେଞ୍ଜାନ୍ତି ଲାଗେ ଇନାକା ପାର୍ତାନା
କିନାସ୍, ହେଦାଂ ହେଞ୍ଜାନ୍ ଞ୍ଜେନାନ୍ ଇଞ୍ଜି ଜଦି ଆସେଙ୍ଗ୍ ପୁନାସ୍, ବାଟିଙ୍ଗ୍ ହେଞ୍ଜାନ୍ତି ମୁମ୍ଦ ଇନାକା ପାର୍ତାନା
କିନାସା, ହେ ସବୁ ଜେ ଗାଟାତାସ୍ନା, ଇଦାଂ ପା ପୁନାସ୍ ।

୧୬ ଜଦି ମି ଟଣ୍ଡେନ୍ ପାପ୍ କିନାକା ହୁଡ଼ନାନ୍, ମାତର୍ ତା ହେ ପାପ୍ ହାଞ୍ଜାଦାଂ ମାନାଡ଼, ତା କାଜିଂ ଇସ୍ଵର୍ତିଂ
ଗଞ୍ଜାରି କିୟାଟ୍, ଆଡିସ୍ପା ଇସ୍ଵର୍ ହେଞ୍ଜାନ୍ତି କେମା ହିଜି ରାକ୍ୟା କିନାନ୍ । ଇମ୍ଣାକାର୍ତି ପାପ୍ ହାନାକା
ଆକାୟ୍, କେବଲ୍ ହେଞ୍ଜାର୍ କାଜିଂ ଆନ୍ ଇଦାଂ ଲେକିକିନାଙ୍ଗା । ଜିବୁନ୍ ଦାନ୍ କିତାର୍ ମାତର୍ କେତେକ୍
ପାପ୍ । ହାଡି ପାପ୍ ମାନାଡ଼; ହେଦାଂ କାଜିଂ ହେଞ୍ଜାନ୍ ପାର୍ତାନା କିଏନ୍ ଇଞ୍ଜି ଆନ୍ ଇନୁଙ୍ଗା । ୧୭ ଓଁଜ୍ଓଁ ଅଦାମ୍
ନେ ପାପ୍ ଆନାଡ଼, ମାତର୍ ସବୁ ପାପ୍ ହାତାକା ଆକାୟ୍ ।

୧୮ ଇନେରକି ଇସ୍ଵର୍ତାଂ ଗାଟାଡ଼ଆସ୍ତାକାନ୍ ହେଞ୍ଜାନ୍ ଜେ ପାପ୍ କିଡନ୍, ନଲେ ହେଞ୍ଜାନ୍ ଇସ୍ଵର୍ତାଂ
ଜାର୍ମାଣ୍ ଆଜି ଜାତର୍ ଇ ରାକ୍ୟା କିନାନ୍, ଆରେ ସୟତାନ୍ ଜିବୁନ୍ ହେଞ୍ଜାନ୍ତି ତୁଡ଼, ଇଦାଂ ଆସେଙ୍ଗ୍
ପୁନାସ୍ ।

୧୯ ଆସେଙ୍ଗ୍ ଜେ ଇସ୍ଵର୍ତାଂ ଜାର୍ମାଣ୍ ଆରି ଓଁଜ୍ଓଁ ଜଗଡ଼ ଜେ ସୟତାନ୍ ଜିବୁନ୍ ତଲ୍ୟା, ଇଦାଂ ଆସେଙ୍ଗ୍
ପୁନାସ୍ ।

୨୦ ଆରେ ପା ଆସେଙ୍ଗ୍ ପୁନାସ୍ ଜେ, ଇସ୍ଵର୍ତି ମାଜି ଞ୍ଜାତାନ୍ନା ଆରି ହାଡ଼ପାତିଂ ପୁଞ୍ଜେଙ୍ଗ୍ କାଜିଂ ମାଙ୍ଗେଙ୍ଗ୍
ଗିୟାନ୍ ହିଡ଼ତାନ୍ନା; ଆରେ ଆସେଙ୍ଗ୍ ହେ ହାଡ଼ପା ତାକେ, ଇଡିସ୍ ହେଞ୍ଜାନ୍ତି ମାଜି ଜିସୁ କ୍ରିସ୍ଟି ତାକେ ମାନେନ୍
। ହେଞ୍ଜାନ୍ ହାଡ଼ପା ଇସ୍ଵର୍ ଆରି ଓଁଜ୍ଓଁ ଜିବୁନ୍ ଆନାନ୍ ।

୨୧ ଏ ହିମ୍ଣାଂ, ପୁଡ଼ଡ଼ାଂ ତାଙ୍ଗ୍ ଜାର୍ ଜାର୍ତିଂ ରାକ୍ୟା କିୟାଟ୍ ।

ଯୋହନଙ୍କ ଦ୍ୱିତୀୟ ପତ୍ର ଜହନ୍ତି ଜେତି ଆକି ଜହନ୍ ଆକିନି ପାଦେକ୍

ଜହନ୍ ଲେକିକିତି ଜେତି ଆକି ଜିସୁ କ୍ରିସ୍ତୁ ଜିଲମ୍ବନି ୫୦-୧୦୦ ବିତ୍ରେ ପକ୍ୟାତି ଜହନ୍ତି ହୁଦାଂ ଲେକାଜି ମାଚାତ୍ । ଜହନ୍ ଜାତଂ ଲେକିକିତାକାନ୍ ଇଞ୍ଜି ଜାଣା ହିଉନା, ତା ବାଟା ହେଝାନ୍ ଜାତଂ ବୁଡାଲୁ ଇଞ୍ଜି ଜାଣା ହିନାନା । ଜହନ୍ତି ଜେତି ଆକିନି ରାହାଣ୍ ଲାହାଂ ଜହନ୍ ଲେକାତି ନେକ୍ରିକାବୁରତ ମାନି ବିସ୍ତେ ଲାହାଂ ସମାନ୍ । ହେଝାନ୍ ଜିସୁଙ୍କ୍ ଏକ୍ଟା ବାବ୍ରେ ହାରିତିଂ ଜିଉନନାକା ବିସ୍ତେ ଜିସୁତି ବଲ୍ ସବୁ ମାନିକିନାକା ଇନାନା, ହେଝାନ୍ ଜିଉନନାକା ୨ ଜହନ୍ ୧:୫-୬ଜହନ୍ ୧୫:୯-୧୦ ।

ଇଦାଂ ପାତଂ କିଆନାତ୍ ଜେ ଜହନ୍ ଏଚେକାଡ଼ଦ ଏପିସିତ ବାହା କିଜି ମାଚାନ୍, ଜହନ୍ ନେକ୍ରିକାବୁର ଲାହାଂ ଜହନ୍ତି ତିନି ଗଟା ଆକିଂ ପା ଲେକିକିଜି ମାଚାନ୍, ୧ ଜହନ୍, ଜେତି ଜହନ୍, ଆରି ୩ ଜହନ୍ ।

ଜହନ୍ ଇ ଆକିତ ବାଟିକିତି କଗଲେକ୍ ଆରି ହିମ୍ପାଣାଙ୍କ୍ ଇଞ୍ଜି ମଣ୍ଡଲିତିଂ ଆକି ଲେକିକିତାନ୍ନା । ଜହନ୍ତି ଇ ଆକି ଲେକିକିନାକା ଇଦାଂ ଜେ, ପାତଂ କିନାକାରିଂ ସାସ୍ ହିନି କାଜିଂ ଆରି ମିର୍ ଗୁରୁତାଂ ଜାଗ୍ରତ୍ ମାଞ୍ଜେକ୍ ଲେକିକିତାନ୍ ।

୨ ଜହନ୍ ଆକି ବିସ୍ତେନି ରାହାଣ୍

- ୧. ଜହନ୍ ଇ ଆକିତ ପାତଂ କିନାକାରିଂ ବାନ୍ଦାୟ୍ କିନାନ୍ ୧:୧-୩
- ୨. ମୁଡ଼୍ ବଲ୍ଦିଂ ଏଡ଼ କିଜି ଜହନ୍ ମଣ୍ଡଲିତିଂ ସାସ୍ ହିନାନ୍ ୧:୪-୬
- ୩. ମିର୍ ହିକ୍ୟା ହିନାକାରତାଂ ଜାଗ୍ରତ୍ ମାଞ୍ଜେକ୍ କାଜିଂ ଇନାନ୍ ୧:୭-୧୧
- ୪. ଇମେତାକେ ବାହା କିଜିମାନି ପାତଂ କିନାକାରିଂ ବାନ୍ଦାୟ୍ କିଜି ଲେକିକିଜି ଝିସ୍ତାନ୍ ୧:୧୨-୧୩

୧ ପ୍ରାଚିନ୍ ଜହନ୍ ଜେ ଆନ୍, ର ବାଟିକିୟାତି କଗଲେ ଆରି ତା ମାଜିର୍ ଲାଗାଂ ଆକି ଲେକିକିନାକା । ହେଝାରିଂ ଆନେକ୍ ହାଡ଼ପା ଲାକେ ଜିଉନନାକା, ଆରେ କେବଲ୍ ଆନେକ୍ ଆକାୟ୍, ମତର୍ ହାଡ଼ପା ପୁନ୍ଞି ମାତି ଝିଜାର୍ ଲକୁ ପା ଜିଉନନାର୍ । ୨ ଇମ୍ପାଣି ହାଡ଼ପା ମା ଝାସ୍ତିତ ମାନାତା ଆରି ଜୁଗ୍ ଜୁଗ୍ ମା ଲାହାଙ୍କ୍ ମାନ୍‌ଗାନାତ୍ ।

୩ ଆବା ଇସ୍ତର୍ ଆରି ହେ ଆବା ମାଜି ଜିସୁ କ୍ରିସ୍ତୁତାଂ ଉପକାର୍, ଦୟା ଆରି ସୁସ୍ତା ମା ଲାହାଙ୍କ୍ ହାଡ଼ପା ଆରି ଜିଉନନିତ ମା ଲାହାଂ ମାନେଡ଼ ।

ହାଡ଼ପା ଆରି ଜିଉନନାକା

୪ ମି ମାଜିର୍ ବିତ୍ରେ ଏଚେଜାଣ୍ଡିଂ ଆବା ତାଙ୍କ୍ ପାୟାତି ବଲ୍ତାଂ ହାଡ଼ପାତ ବେବାର୍ କିଜିମାଚାକା ହୁଡ଼ଜି ଆନେକ୍ ବେସି ଝାରି । ୫ ଏ ମାନିନିକାୟ୍, ନକ୍ ଆନେକ୍ ଜେ ନି ଲାଗାଂ ଇନାକା ପୁନି ବଲ୍ ଲେକିକିନାକା, ହେଦାଂ ଆକାୟ୍, ମତର୍ ଆଗେତାଂ ପାୟାତି ବଲ୍ ଲେକିକିଜି ଗଝାରି କିଦ୍ନାକା ଜେ, ଆସେକ୍ ହାରି ଜିଉନବା ଆନାସ୍ । ୬ ଆରେ ଆପେଂ ଜେ ତା ବଲ୍ ଲାକେ ବେବାର୍ କିନାସ୍, ଇଦାଂ ନେ ଜିଉନନାକା ସାର୍ । ଏପେକ୍ ଆଗେତାଂ ଇନାକା ଝେନାଦେରା, ହେ ଲାକେ ବେବାର୍ କିୟାଟ୍, ଇଦାଂ ହେ ବଲ୍ ।

୭ ଇନେକିଦେଂକି ଇମ୍ପାଣାକାର୍ ଜିସୁ କ୍ରିସ୍ତୁ ଗାଗାଡ଼୍ ଆସ୍ତି ଜୁଡ଼ତାନାଂ ଇଞ୍ଜି ମାନି କିଉନ୍, ଏଲେକ୍ ବେସି ବୁଲ୍‌କାୟ୍‌କିନାକାର୍ ଜଗଡ଼ତ ହଡ଼ତାଣ୍ । ଏଲେକ୍‌ବାତଂ ମାନାୟ୍ ବୁଲ୍‌କାୟ୍‌କିନାକାର୍ ଆରି ଚାକ୍ରିୟ୍‌କ୍ରିସ୍ତୁ । ୮ ଏପେକ୍ ଇନେସ୍ ମାଦାଂ କିତି କାମାୟ୍‌ନି ପାଡ଼୍ ଆରାୟ୍ କିଝାଦାଂ ନଲେ ହେବେନି ବାତଂ ଇନାମ୍ ଗାଟା ଆଡୁ, ହେଦାଂ କାଜିଂ ଜାର୍ ଜାର୍ ବିସ୍ତେ ଜାଗ୍ରତ୍ ଆଡୁ ।

୯ ଇନେନ୍ କ୍ରିସ୍ତୁତି ହିକ୍ୟାନି ହାନ୍ଦି ବିତ୍ରେ ମାନ୍‌ଝାଦାଂ ହେଦାଂ ନାତିସ୍, ହେଝାନ୍ ଇସ୍ତର୍ତିଂ ଗାଟାଝାତାନ୍ନା; ଇନେନ୍ ହିକ୍ୟାନି ହାନ୍ଦି ବିତ୍ରେ ମାନାନ୍, ହେଝାନ୍ ଆବା ଆରି ମାଜିକ୍ ରିଆରିଂ ଗାଟାତାନ୍ନା । ୧୦ ଇନେର୍ ଜଦି ଇ ହିକ୍ୟା ଅଝାଦାଂ ମି ଲାଗେ ଝାତିସ୍, ବାଟିକ୍ ହେଝାନ୍ ଇଞ୍ଜି ଗତାଂ କିମାଟ୍ “ଆରି ଜୁଝାର୍ କିମାଟ୍ ।” ୧୧ ଇନେର୍‌କି ତାଙ୍କ୍ ଜୁଝାର୍ କିନାର୍, ହେଝାନ୍ ତା ବାନ୍ୟା କାମାୟ୍‌ତ ମେହା ଆନାନ୍ ।

ହାରିହାରାନି କାତା

୧୨ ମି ଲାଗେ ଆଦେକ୍ ବିସ୍ତେ ଲେକିକିଦେଂ ମାନାଡ଼୍, ମାତର୍ କାଗଜ୍ ଆରି କାର୍ହାତିତ ହେଦାଂ ଲେକିକିଦେଂ ଇଚା କିଉକ୍ପା; ନା ଆହା ଜେ; ମି ଲାଗେ ଏକିସ୍ ମୁମ୍ ମାମ୍ କାତାବାର୍ତା କିଦ୍ନାକ୍, ଇନେସ୍ ମା ଝାରି ବାତଂ ଆନାତ୍ ।

☆ ୧:୫ ୧:୫ ଜହନ୍ ୧୩:୩୪; ୧୫:୧୨,୧୭.

୧୩ ଇସ୍ପରତି ବାଚିକିତି ତଣ୍ଡେକ୍ ହିମ୍ଣାଈ ନିଂ ଜଞ୍ଜାର୍ ଜାଣାୟ୍ କିଦ୍ନାରା ।

ଯୋହନଙ୍କ ତୃତୀୟ ପତ୍ର ଜହନ୍ତି ୩ ଗଟା ଆକି ୩ ଗଟା ଆକି ବିଷ୍ଣେ ପାଦେକ୍

୩ ଗଟା ଜହନ୍ତି ଆକି ହୁଦାଂ ୫୦-୧୦୦ ବିତ୍ରେ ଜିସୁକ୍ରିସ୍ତ ଜଲମ୍ ପାଚେ ଲେକାଜି ମାଚାତ୍ । ଜହନ୍ତି ଜେତି ଆକି ଲାକେ ଇ ଆକିତ ପା ହେଝାନ୍ ଜାରତିଂ ଜାତିଂ ଲେକିକିନାକାନ୍ ଇଞ୍ଜି ଜାଣା ହିଝାଦାଂ ରଝାନ୍ ବୁଡ଼ହି ଇଞ୍ଜି ଜାଣା ହିନାନା ୧:୧ । ହେଝାନ୍ ୨ ଜହନ୍ତି ଇନେସ୍ ଲେକିକିଜି ମାଚାନ୍ ୨ ଜହନ୍ ୧:୧ ଜହନ୍ ୩ ଜହନ୍ । ଇଦାଂ ପାତିଂ କିଆନାତ୍ ଜେ, ହେଝାନ୍ ଏପିସିତ ମାନିଝେଡାଲିଂ ଜହନ୍ ଲେକାତି ନେକ୍ରିକାବୁର୍ ଲାହାଂ ୩ ଗଟା ଆକିଂ ପା ଲେକିକିଜି ମାଚାନ୍ । ଇତିସ୍ ୧, ୨ ଆରି ୩ ଗଟା ଜହନ୍ । ଜହନ୍ ଗାୟ ଇନି ରଝାନ୍ କ୍ରିସ୍ତୁତିଂ ପାତିଂ କିନାକାନିଂ ଇ ଆକିତ ଲେକିକିନାନା ।

ହେଝାନ୍ ଗାୟ ଇଞ୍ଜି ରଝାନିଂ ହାଞ୍ଜଦାକାନ୍ ବାବ୍ରେ ଇଞ୍ଜି ହେ ନିପ ପ୍ଲାଞ୍ଜି କ୍ରିସ୍ତୁୟାନ୍ ଟଣ୍ଡାରିଂ ହେବା କିଦେଞ୍ଜ ବଲ୍ ହିତାନ୍ନା ।

୩ ଜହନ୍ ଆକି ବିଷ୍ଣେନି ରାହାଣ

- ୧. ଜହନ୍ ତା ଜାଣା ହିନାନ୍ ୧:୧
- ୨. ହେଝାନ୍ ଗାୟତିଂ ସାସ୍ ହିଜି ହେ ନିପ ବୁଲାନାକାର୍ ଟଣ୍ଡାର୍ କାଜିଂ ଗତାଂ ହେବା କିଦେଞ୍ଜ ବଲ୍ ହିନାନ୍ ୧:୨-୮
- ୩. ହେଝାନ୍ ରିଆରିଂ ତାୟଟ୍ରେପିସ୍ ଆରି ତିମିଟ୍ରିଅସ୍ ବିଷ୍ଣେ ୧:୯-୧୨
- ୪. ହାରିହାରା ଲେକା ଝିହ୍ନାନ୍ ୧:୧୩-୧୪

^୧ ପ୍ରାଚିନାର୍ ଜହନ୍ ଜେ ଆନ୍, ନା ଝାରିନି ହାଞ୍ଜଦାକାନ୍ ଗାୟତି ଲାଗେ ଆକି ଲେକିକିନାକା; ହେଝାନିଂ ଆନ୍ ହାଡ଼ପାରଚେ ଜିଉନନାକ୍ ।

^୨ ଝାରିନି ହାଞ୍ଜଦାକାୟ, ନି ଝାସ୍ମିତ ଇନେସ୍, ହାର୍ ଆନାତା, ହେ ଲାକେ ସବୁ ବିଷ୍ଣେ ନିଦାଂ ହାର୍ ଆଏଡ଼ ଆରି ଏନ୍ ବାଡୁଞ୍ଜ ମାନାଟ୍, ଇଦାଂ ନା ପାର୍ତାନା । ^୩ ଇନେକିଦେଂକି ଟଣ୍ଡାର୍ ଝାଜି ଏଚେକାଡ଼ଦ ଜିବୁନ୍ ହାଡ଼ପା କାଜିଂ ମିଦାଂ ହାଦ୍ ବାବ୍ରେ, ଇତିସ୍ ହାଡ଼ପାତ ମି ବେବାର୍ ବିଷ୍ଣେ ସାକି ହିତାର୍, ହେ ଏଚେକାଡ଼ଦ ଆନ୍ ବେସି ଝାୟା ଆତାକ୍ । ^୪ ନା ହିମ୍ପାଣାକ୍ ଜେ ହାଡ଼ପାତ ବେବାର୍ କିନାରା, ଇଦାଂ ଝେନିତାଂ ନା ଝାରି ଆରେ ଗାଜା ବିଷ୍ଣେ ଆକାୟ ।

ବିଦେସ୍ୟା ଟଣ୍ଡାର୍

^୫ ଝାରିନି ହାଞ୍ଜଦାକାନ୍ ଏପେଞ୍ଜ ଟଣ୍ଡାର୍, ବେସିକିଜି ବିଦେସ୍ୟା ଟଣ୍ଡାର୍ କାଜିଂ ଇନାକା କିନାଦେରା, ହେଦାଂ ପାତିଂ ବାବ୍ରେ କିନାଦେରା । ^୬ ହେଝାର୍ ମଣ୍ଡୁଲି ଲାଗେ ମି ଜିଉନନାକା ବିଷ୍ଣେ ସାକି ହିନାରା; ଏପ୍ ଜଦି ହେଝାରିଂ ଇସ୍ପୁର୍ତି ଜଗ୍ ଉପକାର୍ ହିଜି ହାଜି ବାଦ୍ଲାୟ କିୟାଟ୍, ବାଟିଞ୍ଜ ହାଦ୍ କାମାୟ କିନାଦେର୍, ^୭ ଲାଗିଂ ହେଝାର୍ ପାତିଂ କିଝି ଜିହୁଦିର୍ ତାକ୍ ମୁଡେ ଇଟ୍ଝାଦାଂ କ୍ରିସ୍ତୁତି ଡର୍ କାଜିଂ ହଡ଼ତାର୍ନା । ^୮ ଲାଗିଂ, ଆସେଞ୍ଜ ଇନେସ୍ ସଡ଼ କାଜିଂ ହେଝାର୍ତି ହାଞ୍ଜଦାକାର୍ ଆଦେଂ ଆଡ଼ନାସ୍, ଇଦାଂ କାଜିଂ ହେଝାର୍ତି ଉପକାର୍ କିନାକା ମା କାମାୟ ।

ତାୟଟ୍ରେପିସ୍ ଆରି ତିମିଟ୍ରିଅସ୍

^୯ ଆନ୍ ମଣ୍ଡୁଲି ଲାଗେ ଅଲପ୍ ଲେକିକିତାଂ; ମତର୍ ଦିୟତ୍ରପା ମଣ୍ଡୁଲି ବିତ୍ରେ ମୁଡ଼ ଆଦେଂ ମାନ୍ କିଜି ମାକ୍ ମୁନା କିଡ଼ତାନ୍ନା । ^{୧୦} ହେଝାନ୍ ମା ବିରୁଡ଼ତ ବାନ୍ୟା କାତା ଇଞ୍ଜି ମାକ୍ଞେଞ୍ଜ ନିଦା କିଦ୍ନାନ୍, ଆରେ ହେବେ ସାରିଆଝାଦାଂ ନିଜାର୍ ଟଣ୍ଡାରିଂ ଲବାୟ କିଉନ୍, ଆରେ ବିନେନିକାର୍ ହେଦାଂ କିଦେଞ୍ଜ ଇଚା କିତିସ୍ ହେଝାରିଂ ମୁନାକିନାନ୍, ଆରେ ମଣ୍ଡୁଲିତାଂ ହେଝାରିଂ ପେଜ୍ନାନ୍; ଲାଗିଂ ଆନ୍ ହାତିସ୍ ହେଝାନ୍ତି ଇ ଝିଜୁ କିତାକା କାରାପ୍ କାମାୟତ ଏଡ଼ତ ତାଈଝାନାକ୍ ।

^{୧୧} ଝାରିନି ହାଞ୍ଜଦାକାୟ, ଏନ୍ ବାନ୍ୟାକାମାୟନି ଗୁଣ୍ଦ ହାଲ୍ଝାଦାଂ ହାର୍ କାମାୟନି ଗୁଣ୍ଦ ହାଲା । ଇନେନ୍ ହାଡ଼ପା କାମାୟ କିନାନ୍, ହେଝାନ୍ ଇସ୍ପୁର୍ତାଂ ଉବ୍ଜାଣ; ଇନେନ୍ ବାନ୍ୟା କାମାୟ କିନାନ୍, ହେଝାନ୍ ଇସ୍ପୁର୍ତିଂ ହୁଡ଼ଝା ତାନ୍ନା ।

^{୧୨} ଦିମିଟ୍ରିୟ ପାକ୍ୟାତାଂ ଝିଜାର୍ ସାକି ହିତାର୍ନା; ହାଡ଼ପା ନିଜେ ପା ସାକି ହିତାନ୍ନା; ଆପେଂ ପା ସାକି ହିନାପା, ଆରେ ମା ସାକି ଜେ ହାଡ଼ପା; ଇଦାଂ ଏପେଞ୍ଜ ପୁଚାଦେଣ୍ଡା ।

ହାରିହାରା କାତା

୧୩ ମି ଲାଗେ ନା ଆଦିକ୍ ବିସ୍ତେ ଇନାକା ମାନାଡ଼, ମାତର୍ କାର୍ତ୍ତାତାକା ଆରି ପେନ୍ତାଂ ହେଦାଂ ଲେକିକିଦେଙ୍ଗ ଇଚା କିଉଙ୍ଗା । ୧୪ ନା ଆହା ଜେ, ବେଗି ନି ଲାହାଙ୍ଗ୍ ହୁଡ଼୍‌କା ଆଦେଂ, ଆରେ ଆସେଙ୍ଗ୍ ବେଗା ଆଜି କାତାବାର୍ତ୍ତା କିନାସ୍ ।

୧୫ ନି କାଜିଂ ସୁସ୍ତା ଆଏଡ଼; ହାଙ୍ଗ୍‌ଦାକାର୍ ମିଙ୍ଗେଙ୍ଗ୍ ଜଝାର୍ ଜାଣାୟ୍ କିଦ୍‌ନାରା ।
ଜାଣକେତି ତର୍ ଅଜି ମାସାଦାରିଂ ଜଝାର୍ ଜାଣାୟ୍‌କିଆ ।

ଯିହ୍ୱଦାଙ୍କ ପତ୍ନୀ ଜିହ୍ୱଦାତି ଆକି ଜିହ୍ୱଦା ଆକିନି ପାଦେକ୍

ଇ ଆକି ଲେକିକିତାକାନ୍ତି ତର ଇସାପ୍ତେ ଜିହ୍ୱଦା କିଆତାନା । ଜିହ୍ୱଦା ଜାରତି ଜାକ୍‌ବ ଆରି ଜିସୁତି ଟଣ୍ଡେନ୍ ଇଞ୍ଜି ଜାଣାତିନା କିନାନା । ଲାଗି ଜିସୁ ଟଣ୍ଡେନ୍ ବିତ୍ରେତା ରଞ୍ଜାନ୍ ହେଞ୍ଜାନ୍ ଜିସୁତି ରକାନ୍ ଟଣ୍ଡେନ୍ ଲାକେ ପା ପାତ୍ କିଆନାତ୍ ୧ । ପୁନି ନିୟମ୍‌ନି ବିସ୍ତେତି ଅଜି ମାଟିଲେ, ଇଦା ର ମଣ୍ଡଲିତି ଲେକା ଆଜି ମାଟି ଲାକେ ମାନେ ଆନାତ୍ । ଜିହ୍ୱଦା ଆକିନି ହାତ୍‌ପା ପଡ଼ିକିନାର୍ ଜିହ୍ୱଦିର୍ ବାବ୍ରେ ଜାଣାତିନା । ଇନେରକି ଆବା ଇସ୍‌ବ୍‌ରତି ଜିଉନନିତ କ୍ରିସ୍ତୁତି କାଜି ଇଟ୍ୟା ଆତାନା ୧ । ହେ ଇନାକାପାଆୟେତ୍ ଜିହ୍ୱଦା ଓଜାର୍ କୁକ୍ୟାତି ମାନାୟାରି ଟିକ୍‌ଶା ହିନାନ୍ । ଆକି ଜିସୁକ୍ରିସ୍ତୁତି ଜଲମ୍ ପାଟେ ୬୦ ବାର୍‌ହୁତ ଲେକା ଆଜି ମାଟାତ୍ ।

ଇ ଆକି ଇମ୍‌ଶାକାର୍ ଚାକ୍ରାୟକ୍ରିସ୍ତୁନିପ ହାଲ୍‌ଜି ମାଟାର୍, ହେ ଓଜାର୍ କ୍ରିସ୍ତୁୟାରି ଜାଗ୍ରତ୍ କିଦେକ୍ ଲେକା ଆଜି ମାଟାତ୍ । ହେଞ୍ଜାନ୍ ଇନାବାନି ଆଟ୍‌ଞ୍ଜା କାଜି ପୁନି ନିୟମ୍‌ନି ଆରି ଗଟ୍‌ଶା ବିସ୍ତେ ଇନାନ୍ । ଇ ଆକିତ ମିର୍ ହିକ୍ୟାହିନାକାତ୍ ବିରୁଦ୍‌ତ ପିତରତି ୨ ଆକିତ ଲେକା ଆଜି ମାନି ଚିନ୍ତା ଲାହା ମିହାନାତା । ଇବେ ଦୁତ୍ ଆରି ସଦମ୍ ଗମରା ବିସ୍ତେ ପା ଲେକା ଆତାନା ଜିହ୍ୱଦା ୪ ଆରି ୨ ପିତର ୨:୧

ଜିହ୍ୱଦା ଆକି ବିସ୍ତେନି ରାହାଣ

- ୧. ଜିହ୍ୱଦା ପର୍ତ୍ତମ୍ ହେଞ୍ଜାନ୍ତି ପଡ଼ି କିନାକାରି ଜାଣା ହିନାନ୍ । ୧:୧-୨
- ୨. ମିର୍ ହିକ୍ୟା ହିନାକାର୍ ବିରୁଦ୍‌ତ ଜାଗ୍ରତ୍ କିନାନ୍ । ୧:୩-୪
- ୩. ହେଞ୍ଜାନ୍ ପୁନି ନିୟମ୍‌ନି ମାନାୟାରି ଆରି ଗଟ୍‌ଶାତି ଅଜି ଉତରମୁଡ଼ ଇନାନ୍ । ୧:୫-୧୬
- ୪. ଜାକ୍‌ବତି ଜାଗ୍ରତ୍‌ନି ଇନିତ ହେଞ୍ଜାନ୍‌ତି ଦାଇତ୍ ଇନାକା ଆନାତ୍ ହେ ବିସ୍ତେ ଇନାନ୍ । ୧:୧୭-୨୩
- ୫. ହାରିହାରା ଇସ୍‌ବ୍‌ରତି ଜାଜ୍‌ମାଲ୍ ହିଜି ଆକି ଓସ୍ତାନ୍ ୧:୨୪-୨୫

ଜିହ୍ୱଦାତି ଆକି ବାନ୍ଦାୟ

୧ ଇମ୍‌ଶାକାର୍ ଇସ୍‌ବ୍ ହୁଦା କୁକ୍ୟାତାରନା ଆରି ତା ଜିଉନନି ମାଜି ଆରି ଜିସୁ କ୍ରିସ୍ତୁତି ଲାହା ରାକ୍ୟା, ହେଞ୍ଜାନ୍ ଲାଗା ଜିସୁ କ୍ରିସ୍ତୁତି ଆଡ଼ିୟାର୍ ଆରି ଜାକ୍‌ବ ଟଣ୍ଡାହି ଜିହ୍ୱଦାତି ଆକି ।

୨ ମି କାଜି ଇସ୍‌ବ୍‌ରତି ଦୟା, ସୁସ୍ତା ଆରି ଜିଉନନିତ ବେସି ବାବ୍ରେ ଆଏତ୍ ।

ଚାକ୍ରାୟ ଗୁରୁର୍ କାଜି ଦାଣ୍ଡିନି ବଲ୍

୩ ଏ ଖାରିନିକାଦେର୍, ଆନ୍ ମାଦାକ୍ ସିଦାସାଦା ମୁକ୍ତାନାକା ବିସ୍ତେ ମି ଲାଗା ଅଲପ୍ ଲେକିକିଦେଂ ବେସି ଜାତୁନ୍ ଆଜି ପୁଇପୁୟା ହୁଦାର୍ ଲାଗା ରଞ୍ଜେ ମାଡ଼ ହେଲ୍‌ୟା ପାତ୍ ପାକ୍ୟାତ ଜିବୁନ୍ ହିଜି କ୍ରିଜ୍ କିନି କାଜି ମି ଖାରିକିୟ୍ କିଦ୍‌ନି କାଜି ଲେକିକିଦେଂ ଲଡ଼ା ବାବି କିତା । ୪ ଇନାକିଦେଂକି ପାରାତିନାର୍ ସାସ୍‌ବ୍‌ରତ୍ ତାଣ୍ଡିନି ଲଗୁ ଇଞ୍ଜି ହାନ୍ଦାୟ ଆତି ଏତେକ୍ ଲଗୁ ମି ବିତ୍ରେ ତ୍‌ଗୁଜି ହଟାଣ୍ଡା; ହେଞ୍ଜାନ୍ ଅଦାମ୍, ମା ଇସ୍‌ବ୍‌ ଦୟା ଉଲ୍‌ଟା ବାବ୍ରେ ଦାରୁଲ୍‌ଲାତ ବେବାର୍ କିଜି ମେହାୟ୍ କିତାର୍, ଆରେ ମା ରଞ୍ଜାନ୍ ମତର୍ ମୁଣିକା ଆରି ମାପୁ ଜିସୁ କ୍ରିସ୍ତୁତି ହେଞ୍ଜାନ୍ ପାତ୍ କିଉର୍ ।

୫ ଆତିସ୍‌ପା ଏପେକ୍ ଓଜୁ ବିସ୍ତେ ବାତ୍ ରତେ ପୁଟାଦେଣ୍ଡା, ଆତିସ୍‌ପା ଆନ୍ ମିଜେକ୍ ଏଡ଼ କିଇକିଦେକ୍ ମାନ୍ କିନା ଜେ, ମାପୁ ମିସର୍ ଦେସ୍‌ତା ଲକୁରି ରାକ୍ୟା କିତାନ୍, ଆରେ ଇନେର୍ ପାତ୍ କିଞ୍ଜାତାର୍, ପାଟେ ହେଞ୍ଜାରି ରୁଡାୟ୍ କିତାନ୍ । ୬ ଆରେ ଇମ୍‌ଶି ସାଗେନି ଦୁତକ୍ ଜାର୍ ଜାର୍ ଉର୍ ପାଦ୍ ଇଟାଞ୍ଜାଦା ଜାର୍ ଜାର୍ ବାହା ପିସ୍‌ବ୍, ହେଞ୍ଜାରି ହେଞ୍ଜାନ୍ ଗାଜା ବିଟାଣ୍ଡା ଦିନ୍ ପାଟେକ୍ ଓଜୁଓଜିନ୍ ପାଟେକ୍ ଗାଟିତାକେ ହୁର୍‌ପିସ୍ ମାଜ୍‌ଗାତାକେ ବାହାତ ଇଟ୍‌ତାଣ୍ଡା ଇଦା ଏପେକ୍ ମାନେ କିୟାଟ୍ । ୭ ହେ ଲାକେ ସଦମ୍ ଆରି ଗମରା ଆରେ ହେଞ୍ଜାନ୍‌ତି ଚାରିବେଶ୍‌ତା ଗାଡ଼୍‌ଦାକାର୍ ଦାରି ଆରି ବାନ୍ୟା କାମାୟତ୍ ଆହା ଆତିଲେ ଓଜୁଓଜି ନାଣିଲାକେ ଦାଣ୍ଡି ବଗ୍ କିଜି ଉତରମୁଡ଼ ଲାକେ ଆତାଣ୍ଡା ।

୮ ଆତିସ୍‌ପା ଇ କ୍ଲେଞ୍ଜକଣ୍ ହୁଡ଼ନାକାର୍ ପା ହେ ଲାକେ ଗାଗାଡ଼ି ବିଟାଡ଼ କିନାର୍, ମାପୁତ ମାନିକିଉର୍ ଆରି କାବାଆନି ସାକ୍ରିତି ନିନ୍ଦା କିନାର୍ । ୯ ମାତର୍ ମୁଡ଼ ଦୁତ୍ ମିକାୟେଲ୍ ମସାତି ମାଡ଼ା ବିସ୍ତେ ସୟତାନ୍ ହୁଦା କାତାବାଟା କିନିଞ୍ଜେଡାଲି ନିଦା କିଜି ତାଦାକ୍ ବିଚାର୍ କିଦେକ୍ ସାସ୍ ଆଦେଂ ଆଡ଼ଞ୍ଜାଦା ମାଟାତ୍,

୧:୯ ୧:୯ ହତ୍‌ତି ୧୨:୭.

କେବଳ ଏତେକ ଇଚ୍ଛା, “ମାପୁ ନିକ୍ଷେପ ଦାକା ହିଦେନ୍ ।” ୧୦ ବିନ୍ ପାକ୍ୟାତ ଇଞ୍ଜାର ଇମଣି ଓଁକୁ ବିସ୍ତେ ପୁନୁର, ହେ ସବୁନି ନିନ୍ଦା କିନାର, ଆରେ ପୁନଃ ପସୁ ଲାକେ ଇନା ଇନାକା ହାତପା ଲାକେ ବୁଜାନାର, ହେ ସବୁ ହୁଦାଂ ବୁଜାନାର । ୧୧ ଇନେସ୍ ହେଞ୍ଜାର ଦୁକ୍ତନିଲଗୁ, ଇନେକିଦେଂକି ହେଞ୍ଜାର କୟନତି ହାଜିତ ତାଙ୍ଗି ହାଚାଣ୍ଟା, ତାରୁଙ୍ଗ ଲାବ୍ତି କାଜିଂ ବିଲିୟାମ୍ ଚାକାରତ ଆର୍ତ୍ତାଣ୍ଟା ଆରି କରହ ଲାକେ କୁଲ୍ କିଜି ବୁତାତାଣ୍ଟା । ୧୨ ହେଞ୍ଜାର ଲାଜାଞ୍ଜାଦାଂ ମି ହୁଦାଂ ତିନାତଣା କିଜି ମିଦାଂ ଜିଉନନି ବଜିନି ପ୍ରାଲ୍ ଲାକେ ଆତାଣ୍ଟା; ହେଞ୍ଜାର ଜାର ଜାରତି ପଟ ପାଞ୍ଜନାର; ହେଞ୍ଜାର ଦୁକାତାଂନି ଏସ୍ ହିଲ୍ଡି ବାଦାଡ଼ ଲାକେ; ହେଞ୍ଜାର ରିହା ହାକି, ଆରମତାଂ ଉଚ୍ଚକାତି ଦିଞ୍ଜାଡ଼ କାଡ଼ନି ପାଡ଼ହିଲ୍ଡି ମାର ଲାକେ; ୧୩ ହେଞ୍ଜାର ଜାର ଜାର ଲାଜ ଲାକେ ପୁମେଲ୍ କାକ୍ନି ହାମ୍ଦୁଣ୍ଟି ନିକ୍ଷତି ଲଡ଼ି ଲାକେ; ହେଞ୍ଜାର ବୁଲାନି ହୁକାଂ ଲାକେ; ହେଞ୍ଜାରତି କାଜିଂ ଓଁକ୍ଷି କାଡ଼ ବେସି ମାଜଗାତ ଇଟ୍ୟାତାଡ଼ନା ।

୧୪ ଆଦମତାଂ ସାଡ଼ ଟିକ୍ ଜେ ହନକ, ହେଞ୍ଜାନ ପା ହେଞ୍ଜାର ବିସ୍ତେ ବେଶ୍‌ବାକଣାୟ କିଜି ସୁଣାୟ କିଜି ମାଚାନ, “ମାପୁ ହାଜାର ହାଜାର ପୁଇପୁୟା ସାଗେନି ଦୁତକ୍ ଲାହାଂ ଖାନାନା । ୧୫ ହୁଡ଼ାଟ୍, ମାପୁ ଓଁଜାରିଂ ବିଚାର କିନି କାଜିଂ, ଆରେ ଅଦାମ୍ ଲଗୁ ଓଁଜାର ଜାର ଜାରତି ଅଦାମ୍ କାତାତ ଇମଣି ସବୁ ଅଦାମ୍ କାମାୟ କିନାରା ଆରି ଅଦାମ୍ ପାପିର ତା ବିରୁଡ଼ତ ଇମଣି ସବୁ ବାଦି କାତା ଇଞ୍ଜାନ୍ନା ।”

୧୬ ଇ ମାନାୟାର ଗାଣ୍ଡୁଗଟିଆର, ଜାର ଜାର ଅବସ୍ତାତ ସାରିଆଞ୍ଜାତାକା ଆରି ଜାର ଜାର ଦସ୍ ଆସ୍ତେଙ୍ଗ ଲାଲ୍‌ସା ତାଙ୍ଗିତାକା; ହେଞ୍ଜାରତି ମୁମ୍ ଗାଜା ଗାଜା କାତା ଇନାଡ଼ ଆରି ଗିଣ୍‌ମାନ ବାତ କାଜିଂ ହେଞ୍ଜାର ଲକାର ମୁମ୍ ଜପି ଖାରି କିନାର ।

ଚେତନାହିନାକା ଆରି ବୁଜାମାଣା

୧୭ ମାତର, ଏ ଖାରିନିକାଦେର, ମା ମାପୁ ଜିସୁ କ୍ରିଷ୍ଟି ପକ୍ୟାତାକାର ଆଗେ ଇମଣି ସବୁ କାତା ଇଚାଣ୍ଟା, ହେ ସବୁ ଏଡ଼ କିୟାଟ୍; ୧୮ ହେଞ୍ଜାର ଇନେସ୍ ମିକ୍ଷେଙ୍ଗ ଇଞ୍ଜିମାଞ୍ଜାର, “ହାରିହାରା କାଡ଼ଦ ଜାର ଜାର ଇସ୍ପରତି ବିରୁଦ୍ ମାନାୟାର ହସି ଖାଜି ମିକ୍ଷେଙ୍ଗ ଗୁଇଦାନାର ।” ୧୯ ହେଞ୍ଜାର ମାନ୍ଦାମାନ୍ଦା କେଡ଼ପା ଆନାକା ଉବ୍‌ଜାଣ୍ଟ କିନାର, ହେଞ୍ଜାର ଜଗଡ଼ମାନ ଆରି ଇସ୍ପରତି ଜିବୁନ୍ ହିଲ୍‌ଖାକାର । ୨୦ ମାତର, ଏ ଖାରିନିକାଦେର, ଏପେଙ୍ଗ ଜାତଂ ବେସି ପୁଇପୁୟା ପାତ ଜପି ଜାରତି ଦରମ୍ ଜିବୁନ୍ ଲାଗ୍‌ଦି ଇଲ୍ ରଚାଟ୍, ପୁଇପୁୟା ଜିବୁନ୍ ପାର୍ତ୍ତାନା କିୟାଟ୍, ୨୧ ଆରେ, ଓଁକ୍ଷି ଜିବୁନ୍ କାଜିଂ ମା ମାପୁ ଜିସୁ କ୍ରିଷ୍ଟି ଦୟାନି କାଲ କିଜି ଇସ୍ପରତି ଜିଉତ ଜାତଂ ତିର କିଜି ଇଟାଟ୍ ।

୨୨ ଇମ୍‌ଶାକାର ଚିନ୍ତାତ ମାନାର ଏଲେଙ୍ଗ ଏଚେଜାଣ୍ଟିଂ ଦୟା କିଜି ନାଣିତାଂ ଉନ୍‌ନି ଲାକେ ପରିକ୍ୟା କିୟାଟ୍ । ୨୩ ଚାକାରତ ଆଜିଂ ନାସ୍ ଆଦେଂ ହାଲ୍‌ଜି ମାନି ମାନାୟତିଂ ନାଣିତାଂ ମୁକ୍‌ଡ଼ାୟ କିୟାଟ୍ । ଆରେ ଏଚେଜାଣ୍ଟିଂ ପାପ୍ ପ୍ରାଲ୍‌ଆସ୍ତି ହେନ୍‌ଡ଼ିଂ ପା ଗିଣ୍ କିୟାଟ୍, ମାତର ପାଣ୍ଟୁ ଲାହାଂ ହେଞ୍ଜାରିଂ ଦୟା ଚଚାଟ୍ ।

ଦନ୍ୟବାଦ୍ ପାର୍ତ୍ତାନା

୨୪ ଇନେର୍ ମିଂ ହାକିତାଂ ରାକ୍ୟା କିଦେଙ୍ଗ ଆରି ହେଞ୍ଜାନ୍ତି ଜାଜ୍‌ମାଲ୍‌ନି ଲାଗେ ଦସିଆଞ୍ଜାଦାଂ ଆରି ଖାରିଆଜି ଇଞ୍ଜେଙ୍ଗ ଆଡ଼ନାଦେର, ୨୫ ଇନେର୍ ମାଙ୍ଗ ମାପୁ ଜିସୁ କ୍ରିଷ୍ଟି ହୁଦାଂ ମା ରାକ୍ୟାକାରଆ ରଞ୍ଜାନ ମତର ଇସ୍ପର, ଜାଜ୍‌ମାଲ୍, ସାକ୍ତି, ବାପୁ ଆରି ହାଉକାରପାଣ, ମା ମାପୁ ଜିସୁ କ୍ରିଷ୍ଟି ହୁଦାଂ ଓଁକ୍ଷି କାଡ଼ଦାଂ ନଂ ପାତେକ୍ ଆରି ଆଦିକାର ହେଞ୍ଜାନ୍ତି ଆଏଡ଼ । ଆମେନ୍ ।

☆ e:ef e:ef ୨ ପିତର ୩:୩।

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନ୍ତି କାଜିଂ ହତ୍ତ ବଚନ୍ ଜହନ୍ତି କାଜିଂ ହତ୍ତ ବଚନ୍ ବିସ୍ତେ ପାଦେକ୍

ହତ୍ତ ବଚନ୍ ପୁନି ନିୟମତ ହାରିହାରାନି ପତି । ଇଦାଂ ପା ଜହନ୍ ହୁଦାଂ ଜିସୁ କ୍ରିଷ୍ଟି ଜଲମନି ଆନମାନ ତାଙ୍ଗ୍ ୯୫ ବାହୁତ ଲେକା ଆଜି ମାତାତ୍ ୧:୧ । ହେୱାନ୍ ଜହନ୍ ନେକ୍ରିକାବୁର୍ ଲାହାଙ୍ଗ୍ ତିନ୍ଗଟା ଆକି ପା ଲେକିକିତାନ୍ ୧ ଜହନ୍, ୨ ଜହନ୍, ୩ ଜହନ୍ । ଜହନ୍ ଇନେରିଂ ଜିସୁ ବେସି ଜିଉନଜି ମାତାନ୍ ଇଞ୍ଜି ପା ପୁନ୍ୟା ଆନାତ୍ ଜହନ୍ ୧୩:୨୩ ଜହନ୍ ଆଇସ୍ଲାଣ୍ଡି ପାତ୍ମସତ ମାନି ସମୁତ ଇ ହତ୍ତ ବଚନ୍ ଲେକିକିଜି ମାତାନ୍ ଇନାକିଦେଂକି ଜିସୁ କ୍ରିଷ୍ଟି ନେକ୍ରିକାବୁର୍ ସୁଣାୟ୍ କିନି କାଜିଂ ତାଙ୍ଗ୍ ହେବେ ବାଟି କିଜି ମାତାତ୍ । ୧:୯ ।

ଜିସୁତି ୱାନାକା ସମୁ ଲାଗେ ମାଟିଲେ ଜିସୁ କ୍ରିଷ୍ଟି ତାକେ ପାତ୍ ମାଞ୍ଜେଙ୍ଗ୍ ପତି କିନାକାରିଂ ସାସ୍ ଆରି ଆହା ହିନି କାଜିଂ ଜହନ୍ ଇ ହତ୍ତ ବଚନ୍ ଲେକିକିତାନ୍ । ୧:୩୨୨:୭ ହେ ସବୁ ପାତ୍ କିନାକାର୍ ଆରି ହାର୍ ବାବ୍ରେ ସାତ୍ଗଟା ମଣ୍ଡଲିତିଂ ଏଲେଙ୍ଗ୍ ହୁଡ୍ନାନ୍ ୨-୩ ଜହନ୍ ତା ଲେକାତ ବେଶ୍‌ବାକ୍‌ଶାୟ୍‌କିନାନା ୧:୩ ଆରି ହେୱାନ୍ ହୁଡ୍‌ଜିମାନି ବେସି ଉବ୍‌ଜାତି ବିସ୍ତେ ଲେକିକିତାନ୍ନା । ଇ ପତିତ ଏତେକ୍ ବାଗ୍‌ତ ପୁନି ପତିନି ବାଗ୍‌ତାଂ ସମାନ୍ ମାନାତ୍, ପାତ୍ ତ ଜିକରିୟ୍ ୬:୧-୮ତାକେ ହୁଡ୍‌ନାସ୍ ।

ହେ ସମୁତ ଆରି ସାତ୍ଗଟା କଣ୍ଟିଂ ଇନାକା ଇସ୍‌ବର୍ ମିସର୍ ନିକାରିଂ ତାଣ୍ଡିନି କାଜିଙ୍ଗ୍ ଦୁକ୍‌ଦୁକା ପକ୍‌ନାର୍ ଜାତ୍ରା ୭:୯ ହତ୍ତ ବଚନ୍ ହାରିହାରା ସମୁତ ଇନ୍ୟା ଆନାତ୍ ଜିସୁ ହାରିହାରାତ ଜିତା ଆନାନ୍ ଆରି ଇମ୍‌ଶାକାର୍ ତା ତାକେ ବାସ୍ କିନାର୍ ହେୱାର୍ ସବୁଝେଡାଙ୍ଗ୍ ତା ହୁଦାଂ ମାନ୍‌ଜାନାର୍ । ଇ ପତି ଜାର୍‌ତିଂ ଜାଗ୍‌ତ୍ କିଏନ୍ ଆରି ଆହା ହିଏନ୍ ଜେ, ଜିସୁ ବେଗି ମାସ୍‌ଦି ୱାନାନା ।

ହତ୍ତ ବଚନ୍ ବିସ୍ତେନି ରାହାଣ୍

- ୧. ଜହନ୍ତି ଜାଣାଟିନା ଆରି ତା କେଟ୍‌କଣ୍ ହୁଡ୍‌ନାକା ୧:୧-୧:୨୦
- ୨. ଜିସୁ କ୍ରିଷ୍ଟିତାକେ ସାତ୍ଗଟା ମଣ୍ଡଲି କାଜିଂ ଜହନ୍ତି କାତା ୧:୧-୩:୨୨
- ୩. ସାତ୍ଗଟା ତାବୁଙ୍ଗ୍ ୪:୧-୮:୫ ସାତ୍ଗଟା ମରିଂ ୮:୬-୧୧:୧୯ ବିତ୍ରେ ଲେକା ଆତାତ୍‌ନା ।
- ୪. ହିମ୍‌ଶା କାଦେର୍ ଆରି ସାତ୍ଗଟା କାପ୍‌ତା ହିଜି ପାତାନି ରାତ୍ ଲାହାଂ ଜୁଜ୍ ୧୨:୧-୧୪:୨୦
- ୫. ସାତ୍ଗଟା ଗାତ୍ରା କଣ୍ଟି ବିସ୍ତେ ଇନାକା ୧୫:୧-୧୬:୧୮
- ୬. ଇସ୍‌ବର୍ ସାଗେତ୍ ତା ସାତୁଙ୍ଗ୍ ଜିଶା ଆନାନ୍ ୧୭:୧-୨୦:୧୫
- ୭. ପୁନି ସାଗେ ଆରି ପୁନି ପୁତ୍ ୨୧:୧-୨୨:୨୧

୧ ଜିସୁ କ୍ରିଷ୍ଟି ହତ୍ତ ବଚନ୍; ବିଲମ୍ ଆୱାଦାଂ ଇନା ଇନାକା ହାତେନେ ଗିଟାନାତ୍, ହେ ୱିଜୁ ହେୱାନ୍ ଇନେସ୍ ଜାର୍ ଆଡ୍‌ୟାରିଂ ୱେଡ୍‌ନାନ୍, ଇଦାଂ କାଜିଂ ଇସ୍‌ବର୍ ଇଦାଂ ଜିସୁ ଲାଗାୟ୍ ହେଲାଇ କିତାନ୍, ଆରେ ହେୱାନ୍ ଜାର୍ ଦୁଡ୍‌ତିଂ ପକ୍‌ତି ଜାର୍ ଆଡ୍‌ଏନ୍ ଜହନ୍ତିଂ ଇଦାଂ ପୁନି: କିୟ୍‌କିତାନ୍ । ୨ ଆରେ ଜହନ୍ ନିଜେ ଇନାକା ହୁଡ୍‌ତାନ୍ନା, ହେଦାଂ ଇବେ ହପ୍‌ତାନ୍ନା । ଇ ପତିତ ଇସ୍‌ବର୍‌ତି କାବୁର୍ ଆରି ଜିସୁ କ୍ରିଷ୍ଟି ସାକି ବିସ୍ତେ ଲେକା ଆତାତ୍‌ନା । ୩ ଇନେନ୍ ପତି କିତାନ୍ ଆରି ଇମ୍‌ଶାକାର୍ ଇ ବେଶ୍‌ବାକ୍‌ଶାୟ୍‌କିନାକା ୱେନାର୍, ଆରେ ହେବେ ଲେକାତି ବିସ୍ତେ ସବୁ ମାନିକିନାର୍, ହେୱାର୍ ଦନ୍ୟ ଇନେକିଦେଂକି ସମୁ ଲାଗେ ୱାତାତେ ।

ସାତ୍ଗଟା ମଣ୍ଡଲିତିଂ ବନ୍ଦାଇ କିନାକା

୪*ଜହନ୍ ଆସିଆତ ମାନି ସାତ୍ଗଟା ମଣ୍ଡଲି ଲାଗାଂ ନା ଜୱାର୍ ଜାଣାୟ୍‌କିନାଙ୍ଗା, ଇନେର୍ ନଙ୍ଗ୍, ପୁନାକା ଆରି ଆଗେ ୱାନିଦିକ୍ତ, ହେୱାନ୍‌ତାଂ ଆରି ହେୱାନ୍ତି ଗାଦି ମୁମ୍‌ତ ସାତ୍ ଜିବୁନ୍‌ତାଂ ୫ ଆରେ ପାତ୍ ନି ସାକି, ହାତାକାର୍ ବିତ୍ରେତାଂ ପର୍ତ୍ତୁମ୍ ଗାଗାତ୍ ଆସ୍‌ବାକାନ୍ ଆରି ପୁତ୍ ନି ମୁଡ୍‌ଦାକାନ୍ ରାଜାର୍‌ତାଂ ରାଜା ଜିସୁ କ୍ରିଷ୍ଟିତାଂ ଦୟା ଆରି ସୁସ୍ତା ମି କାଜିଂ ଆଏଡ୍ । ଇନେନ୍ ମାଙ୍ଗ୍ ଜିଉନଜି ଜାର୍ ନେତେର୍ ହୁକେ ମାଙ୍ଗେଙ୍ଗ୍ ମା ପାପ୍‌ତାଂ ମୁକ୍‌ତାୟ୍ କିତ୍‌ତାନ୍ନା, ୬ ଆରେ, ମାଙ୍ଗ୍ ର ରାଜାକୁଟୁମ୍ ଲାକେ ଜାର୍ ଇସ୍‌ବର୍ ଆରି ଆବାତି ଲାଗେ ମାପୁହେବାକିନାକାନ୍ ଲାକେ ବାଟିକିତାନ୍ନା, ହେୱାନ୍ତି ଜାଜିମାଲ୍ ଆରି ବପୁ ଜୁଗ୍ ଜୁଗ୍ ଆଏଡ୍ । ଆମେନ୍ ।

* ୧:୪ ୧:୪ ହତ୍ତ ୪:୫.

୭ ହୁଡ଼ାଟ୍, ହେୱାନ୍ ବାଦାତ୍ତ ଖାନାନା, ଜାଣକେ ମାନାୟାର୍ ହେୱାନ୍ ହୁଡ଼ନାର୍, ଇମ୍ନାକାର୍ ହେୱାନ୍ ଏଡ଼ି ମାଗାର୍, ହେୱାର୍ ପା ହୁଡ଼ନାର୍, ଆରେ ପୁତ୍ ନି ସବୁ ଜାତି ତା ଖାନାକା କାଜିଂ ଆଡ଼ବାନାର୍ । ଇ ସବୁ ହାତେନେ ଗିଟାନାଡ଼ । ଆଁ ଆମେନ୍ ।

୮ ଇନେନ୍ ନଙ୍, “ଆକ୍ତୁ ଆରି ଖାନିଦିକ୍ତ” ଇନେର୍ ସାକ୍ତିକାଟାକାନ୍, ହେ ମାପୁ ଇସ୍ବର୍ ଇନାନ୍ “ଆପ୍ ଆରମ୍ ଆରି ହାରିହାରା ।”

କ୍ରିଷ୍ଟ ଚଞ୍ଚୟାତାନ୍

୯ ଆନ୍ ଜହନ୍, ମି ରଞ୍ଜାନ୍ ଟଣ୍ଟେନ୍ ଆରି ଜିସୁତି ଚେଲା ଲାକେ ତା ରାଜିନି ମାନାୟାର୍ ଦୁକ୍ ଜପି ଆଜି ମାନି ସାସ୍ ଲାହାଙ୍ ମେହା ଆନାକା, ଆନ୍ ଇସ୍ବର୍ ବଚନ୍ ଆରି ଜିସୁତି ସାକି କାଜିଂ ପାମ୍ ତରନ୍ ଏସ୍ବୁପୁଲିତ ବନ୍ଦି ମାଗାଂ । ୧୦ ଆନ୍ ମାପୁତି ଦିକ୍ତ ପୁଇପୁୟା ଜିବୁନ୍ ନା ଜପି କୁଡ଼ତାଡ଼ ଆରି ନା ପାଚେ ମରି ସବଦ୍ ଲାକେ ର ଗାଜା କାଟ୍ ଇଦାଂ ଇନାକା ଖେରାଙ୍, ୧୧ ଏନ୍ ଇନାକା ହୁଡ଼ନାୟା, ହେଦାଂ ର ପତିତ ଲେକିକି ସାଡ଼ ମଣ୍ଟଲି, ଇତିସ୍ ଏପିସିୟ, ସ୍ପଣ୍ଟା, ପର୍ଗମ୍, ତୁୟାତିରା ସାକ୍, ପିଲାଦେଲ୍ପିଆ ଆରି ଲାଅଦିକିଆ ଲାଗାଂ ପକା ।

୧୨ ଇନେର୍ ନା ଲାହାଙ୍ କାତା ଇନାନା, ଇଦାଂ ହୁଡ଼ି କାଜିଂ ଆନ୍ ଜେଶପାଡ଼କା ମାସ୍ତାଂ । ଆରେ ମାସ୍ତିଲେ ଆନ୍ ହୁଡ଼ତାଂ, ସାଡ଼ ହନା ବଇଟା, ୧୩ ଆରେ ହେ ବଇଟାଙ୍ ମାଦ୍ଣି ବାହାତ ମାନାୟ ମାଜିତି ଲାକେ ରଞ୍ଜାନ୍ ମାନାୟ; ହେୱାନ୍ ପାନା ପାଚେକ୍ ହେୟା ଉସ୍ପାତାକା ଆରି ନେଞ୍ଜେଡାକିତ ହନା ଚାର୍ବେଣ୍ଡାଂ ତରି ଗାର୍ଯ୍ୟାତାନ୍ନା; ୧୪ ହେୱାକ୍ତି କାପ୍ଡାନି ତେମୁଲ୍ ଆଞ୍ଜଗା ଲାକେ ଡ଼ିଞ୍ଜନାକା ମାଗାଡ଼, ଆରେ ହେୱାକ୍ତି କାଣ୍ଡୁ ଆହ୍ନି ନାଣି ଲାକେ; ୧୫ ହେୱାକ୍ତି ପାନା ରିଣ୍ଟି ନାଣି ହଲି ନିର୍ମଲ୍ ଅଜଡ଼ ପିତାଡ଼ ଲାକେ ଆରି ହେୱାକ୍ତି କାଟ୍ ବେସି କାଡ଼କାନି ଏକ୍ଟୁ ଲାକେ । ୧୬ ହେୱାନ୍ ଜାର୍ ବୁଜ୍ଣି କେଇଦ ସାଡ଼ଗଟା ହୁକାଂ ଆସ୍ତି ମାଗାନ୍, ହେୱାକ୍ତି ଖେଇଦାଂ ତିପ୍ତିପା ରିଦାରା କାଣ୍ଡା ହସି ମାଗାଡ଼, ଆରେ ହେୱାକ୍ତି ମୁମ୍ ମୁଣ୍ଡାବେଲାନି ଖେଡ଼ା ଲାକେ ଡ଼ିଞ୍ଜି ମାଗାଡ଼ ।

୧୭ ହେୱାନ୍ ହୁଡ଼ି ଆନ୍ ହାତି ଲାକେ ହେୱାନ୍ ପାନା ତାରେନ୍ ଗୁରତାଂ । ହେବେ ହେୱାନ୍ ନା ଜପି ଜାର୍ ବୁଜ୍ଣି କେଇ ଇଡ଼ି ଇନ୍ଚାନ୍, “ପାଣ୍ଡା ଆମା, ଆନ୍ ଆରମ୍ ଆରି ହାରିହାରା । ୧୮ ଆନ୍ ମାନେଜିତାକାଂ; ହାଜି ମାଗାଙ୍, ମାତର୍ ଆନ୍ ନଙ୍ ଜିତାଙ୍ ନା ଖିଜ୍ଞି କାଡ଼ ଜିବୁନ୍ ମାନ୍ଗାନାଙ୍ । ହାକି ଆରି ହାତିଲକାର୍ ପାତାଲ୍ନି କୁଟିକାତି ନା କେଇଦ ମାନାଡ଼ । ୧୯ ଲାଗିଂ, ଇନା ଇନାକା ବିସ୍ତେ ହୁଡ଼ତାୟ, ଇନା ଇନାକା ନଙ୍ ଗିଟାନାତା ଆରି ଇଦାଂ ପାଚେ ଗିଟାନାଡ଼, ହେ ସବୁ ଲେକିକିୟା । ୨୦ ମା ବୁଜ୍ଣି କେଇଦ ଇମ୍ଣି ସାଡ଼ଗଟା ହୁକାଂ ହୁଡ଼ତାୟ, ହେବେନି ଆରି ସାଡ଼ଗଟା ହନା ବଇଟାନି ଅରଡ଼ ଇଦାଂ, ହେ ସାଡ଼ଗଟା ହୁକାଂ ସାଡ଼ଗଟା ମଣ୍ଟଲିନି ଦୁଡ଼କ୍” ଆରି ସାଡ଼ଗଟା ବୈଟାଂ ସାଡ଼ଗଟା ମଣ୍ଟଲି ଆନିକ୍ ।

୨

ଏପିସି ମଣ୍ଟଲିତିଂ କାରୁର୍

୧ “ଏପିସି ମଣ୍ଟଲିନି ଦୁଡ଼ି ଲାଗାଂ ଲେକିକିୟା: ଇନେର୍ ଜାର୍ ବୁଜ୍ଣି କେଇଦ ସାଡ଼ଗଟା ହୁକାଂ ମାସ୍ତିକ୍ ଆରି ସାଡ଼ଗଟା ହନା ବଇଟାଙ୍ ବିତ୍ରେ ବୁଲାଚାଲା କିନିକ୍, ହେୱାନ୍ ଇଦାଂ ଇନାନ୍, ୨ ଆପ୍ ମି କାମାୟ, କସ୍ ଆରି ସାସ୍ ପୁନାପ; ଆରେ ଏପ୍ ଜେ ବାନିୟାର୍ଡି କାମାୟ ହୁନ୍ଞେଙ୍ ଆଡ଼ଦେର୍, ଆରେ ଇମ୍ନାକାର୍ ଜାର୍ ଜାର୍ଡିଂ ପକ୍ୟାତାକାଂ ଇଞ୍ଜି ଇନାର୍, ମତର୍ ପକ୍ୟାତାକାନ୍ ଆକାୟ, ହେୱାରିଂ ପରିକ୍ୟା କିଜି ମିଡ଼୍ଝା ଇଞ୍ଜି ଚିନି କିତାଦେଣ୍ଡା, ୩ ଆରେ ସାସ୍ ଆସ୍ତି ନା ତର୍ କାଜିଂ କସ୍ ହୁଞ୍ଜଚାଦେଣ୍ଡା ଆରି ଖାହ୍ଝାତାଦେଣ୍ଡା, ଇଦାଂ ପା ଆନ୍ ପୁନାଙ୍ । ୪ ମାତର୍ ମି ବିରୁଡ଼ତ ନା ଇ ଦାବା ମାନାଡ଼, ଏପ୍ ହିଗ୍ଦ ଇନେସ୍ ଜିଉନଜି ମାଗାଦେର୍, ହେ ଲାକେ ଆରେ କିଉଦେରା । ୫ ଲାଗିଂ ଇମେତାଂ ମିଦାଂ ଆଦା ହାଚାଡ଼ନ୍ନା, ହେଦାଂ ଚିନ୍ତା କିୟାଟ୍ । ହେଦାଂ ଏଡ଼ୁ କିଜି ମାନ୍ବାଦ୍ଲାୟ କିୟାଟ୍ ଆରି ଆଗେନି କାମାୟ ସବୁ କିୟାଟ୍; ଆଞ୍ଜିତିସ୍ ଏଚେକାଡ଼ଦ ମାନ୍ବାଦ୍ଲାୟ କିଉଦେର୍, ବାଟିଙ୍ ଆପ୍ ବେଗି ମି ଲାଗାଂ ଖାଜି ମି ବଇଟା ହେ ବାହାତାଂ ଗୁଚାୟକିନାଙ୍ । ୬ ମତର୍ ମି ପାକ୍ୟାତ ରଞ୍ଜାଙ୍ କାତା ମାନାଡ଼ । ହେଦାଂ ଆନାତା, ନା ଲାକେ ଏପେଙ୍ ପା ନିକଲାତିୟର୍ ଇମ୍ଣି ସବୁ କାମାୟ ଗିଣ୍ କିନାପା, ଏପେଙ୍ ପା ହେ ସବୁ ଗିଣ୍ କିନାଦେରା ।”

୭ “ଖେଞ୍ଜେଙ୍ କିତୁଲ୍ ମାଟିସ୍, ମଣ୍ଟଲିକାଂ ପୁଇପୁୟା ଜିବୁନ୍ ଇନାକା ଇନାତା, ଖେନାଟ୍ !”

“ଇନେର୍ ଜିତା ଆନାର୍, ଆନ୍ ହେୱାରିଂ ଇସ୍ବର୍ ସାଗେ ରାଜିନି ଆସ୍ତି ମାନି ଜିବୁନ୍ ମାର୍ନି ପାଡ଼ ଚିଞ୍ଜେଙ୍ କାଜିଂ ଆଦିକାର୍ ହିନାଂ ।”

☆ ୧:୭ ୧:୭ ମାତିଉ ୨୪:୩୦; ମାର୍କ ୧୩:୨୭; ଲୁକ ୨୧:୨୭; ୧ ତେସ୍ଲନିକି ୪:୧୭; ଜହନ୍ ୧୯:୩୪, ୩୭; ମାତିଉ ୨୪:୩୦. ☆ ୧:୮ ୧:୮ ହତ୍ୱ ୨୨:୧୩. ☆ ୧:୧୭ ୧:୧୭ ହତ୍ୱ ୨:୮; ୨୨:୧୩.

ସର୍ଣ୍ଣ ମଣ୍ଡଳିତିଂ କାବୁର୍

୮ *ସ୍ପର୍ଣ୍ଣା ମଣ୍ଡଳିନି ଦୁଡ଼ ଲାଗାଂ ଲେକିକିୟା: “ଇନେର୍ ଆରମ୍ ଆରି ହାରିହାରା, ଇନେର୍ ହାଜି ଆରେ ଜିବୁନ୍ ଆତାନ୍, ହେୱାନ୍ତି ଲାଗାଂ ଇ କାବୁର୍ । ୯ ମି ଦୁକ୍ ସବୁ ନାଜେକ୍ ଜାଣା; ଆନ୍ ପା ପୁନାକ୍ ଜେ, ଏପ୍ ଅକ୍ ଡ; ମାତର୍ ହାଡ଼ପାନେ ଏପ୍ ମାଜାନ୍ । ଇମ୍‌ଶାକାର୍ ଜାର୍ତି ଜିହୁଦି କୁଚୁମ୍ ଇଞ୍ଜ ଇନାର୍, ମାତର୍ ହାଡ଼ପାନେ ହେୱାର୍ ଜିହୁଦିର୍ ଆକାୟ୍ ଆରି ଇମ୍‌ଶାକାର୍ ସୟତାନ୍ତି ପାରେ ହାନାର୍, ହେୱାର୍ ଇନେସ୍ ମିଦାଂ ନିୟା କିଜି କାତା ଇନାର୍, ହେଦାଂ ଆନ୍ ପୁନାକ୍ । ୧୦ ଏପ୍ ଇମ୍‌ଶି ସବୁ ଦୁକ୍‌ବଗ୍ କିଦେକ୍ ହାନାଦେରା, ହେ ସବୁତିଂ ପାଣ୍ଡା ଆମାଟ୍; ହୁଡ଼ାଟ୍, ମି ପରିକ୍ୟା କାଜିଂ ସୟତାନ୍ ମି ବିଡ୍ରେତାଂ ଇନେର୍ ଇନେରିଂ ଜଇଲ୍ ଇଞ୍ଜ ବାଟ୍ କିଦ୍‌ନାଟ୍, ଆରେ ଏପେକ୍ ଅଲପ୍ ଦିନ୍ କାଜିଂ ଦୁକ୍‌ବଗ୍ ଆଦ୍‌ନାଟ୍ । ଏପେକ୍ ହାନି ପାଡେକ୍ ପାଟ୍ ଡ ମାନାଟ୍, ହେବେ ଆପ୍ ମିଜେକ୍ ଜିବୁନ୍‌ବାର୍ତି ମୁକୁଟ୍ ହିଦ୍‌ନାପ୍ ।”

୧୧ *ମଣ୍ଡଳିକାଂ ଜିବୁନ୍ ଇନାକା ଇନାତା, “ଇନେରିଂ କିଡୁଲିକ୍ ମାନିକ୍, ହେୱାନ୍ ହେଦାଂ ୱେନେନ୍ । ଇନେନ୍ ଜିତା ଆନାନ୍, ହେୱାନ୍ ରିହା ହାକି ଲାହାକ୍ ଇନେସ୍‌କିତିସ୍‌ପା ନସ୍ ଆଡ଼ଟ୍ ।”

ପର୍ଗମ ମଣ୍ଡଳିତିଂ କାବୁର୍

୧୨ “ପର୍ଗମ୍ ମଣ୍ଡଳିନି ଦୁଡ଼ ଲାଗାଂ ଲେକିକିୟା ।”
“ଇନେର୍ତି ତିପ୍ତିପା ରିଦାରା କାଣ୍ଡା ମାନାଟ୍, ହେୱାନ୍ ଇଦାଂ ଇନାନ୍, ହେୱାନ୍ତି ଇ କାବୁର୍ । ୧୩ ଆନ୍ ପୁଚାକ୍‌ନା, ସୟତାନ୍ତି ଗାଦି ହେବେ ଜେ ଏପେକ୍ ବାହାକିତାଦେଣ୍ଡା, ଇଦାଂ ଆପ୍ ପୁନାପ୍; ଆତିସ୍‌ପା ଏପେକ୍ ମା ତର୍ ଆଟ୍‌ଝା ଲାକେ ଆସ୍ତାଦେଣ୍ଡା, ଆରେ ମା ପାଟ୍ ଡ ସାକି ଆନ୍ତିପା ଏଡେକାଡ଼୍ ମି ବିଡ୍ରେନି ସୟତାନ୍ତି ହେ କୁଚ୍‌ଚି ବାହାଡ ହାଜି ମାଚାଦେର୍, ଏପେକ୍ ମାତାକେ ପାଟ୍ କିନାଦେରା ଇଞ୍ଜ ହେ ଏଡେକାଡ଼୍ ପା ପାଟ୍ କିଝାଦାଂ ମାଚାଦେର୍ ।”

୧୪ “ମାତର୍ ମି ବିରୁଡ଼ତ ନାଦାଂ ଏଡେଗଟା ବେରଣ୍ ଇନାକା ମାନାଟ୍ । ହେବେ ମି ଲାହାଂ ମାନି ଏଡେକ୍, ବିଲିୟାମ୍ ହିକ୍ୟାତ ତିନାଜାଣା ଆନାରା ବାଲକ୍ ଆକାଡ଼ ତିନାକା ଆରି ଦାରିୟାଲାକେ କିନି କାଜିଂ ଇସ୍ତାଏଲ୍ ନିକାରିଂ ଇଞ୍ଜେକ୍ ବାଲକ୍‌ତିଂ ହିକ୍ୟା ହିଜି ମାଚାନ୍ । ୧୫ ସମାନ୍ ହେ ଲାକେ ନିକଲାତିୟରିଂ ଇନ୍‌ବାନାକାରିଂ ହୁଡ଼ିନି ମାନାୟାର୍ ମି ବିଡ୍ରେ ମାନାର୍ । ୧୬ ଲାଗିଂ ମାନ୍‌ବାଦ୍‌ଲାୟ୍ କିୟାଟ୍; ଆଡ୍‌ତିସ୍ ଆପ୍ ଦାପ୍ରେ ମି ଲାଗାଂ ୱାଜି ନିଜ୍ ୱେଇଦାଂ ହଡ଼ିନି କାଣ୍ଡା ହୁକେ ହେୱାର୍ ଲାହାକ୍ ଜୁଜ୍ କିନାପ୍ ।”

୧୭ *ମଣ୍ଡଳିକାଂ ଇସ୍‌ପୁର୍ତି ଜିବୁନ୍ ଇନାକା ଇନାତା ।
“ଇନେରିଂ କିଡୁଲ୍ ମାନାଟ୍, ହେୱାନ୍ ହେଦାଂ ୱେନେନ୍ ।” ଇନେନ୍ ଜିତା ଆନାନ୍, ତାଜେକ୍ ଆନ୍ ଡଗୁଡି ମାନ୍ନା ହିନାକ୍, ଆରେ ଇମ୍‌ଶି ତର୍ ଇଟ୍‌ନାକାନ୍ ପିସ୍ତ୍ ବିନେନିକାନ୍ ଇନେନ୍ ପୁନୁନ୍, “ଏଲେକ୍ ପୁନି ତର୍ ଲେକାତି ରଞ୍ଜି ଡିଞ୍ଜିନି କାଲ୍ ତାଜେକ୍ ହିନାକ୍ ।”

ଡୁୟାତିରା ମଣ୍ଡଳି କାଜିଂ କାବୁର୍

୧୮ “ଡୁୟାତିରା ମଣ୍ଡଳିନି ଦୁଡ଼ ଲାଗାଂ ଲେକିକିୟା, ଇସ୍‌ପୁର୍ତିଂ ଇମ୍‌ଶି ମାଜିତି କାଶ୍‌କୁ ଆହୁନି ନାଣି ଲାକେ ଆରି ପାନା ଅଜଡ଼୍ ପିତାଡ଼୍ ଲାକେ, ହେୱାନ୍ ଇଦାଂ ଇନାନ୍, ୧୯ ଆପ୍ ମି କାମାୟ୍, ଜିଉନନାକା, ପାଟ୍ ଡ, ହେବା ଆରି ସାସ୍ ପୁନାପ୍, ଆରେ ମିଦାଂ ନଜ୍‌ୟ୍ କାମାୟ୍ ମି ଆଗେନି କାମାକ୍ ବାଟା ଜେ ଆଦିକ୍, ଇଦାଂ ପା ପୁନାପ୍ । ୨୦ ଆତିସ୍‌ପା ମି ବିରୁଡ଼ତ ମାଦାଂ ଇ ବେରଣ୍ ମାନାଟ୍, ଜିଜେବଲ୍ ତରଦି ଇମ୍‌ଶି କଗଲେ ଜାର୍ତିଂ ବେଶ୍‌ବାକ୍‌ଶାୟ୍‌କିନାକାଂ ଇଞ୍ଜ ଇଞ୍ଜି ନା ଆଡ୍‌ୟାରିଂ ଦାରିହାଞ୍ଜେକ୍ ଆରି ଆକାଡ଼ ଡିଞ୍ଜେକ୍ ହିକ୍ୟା ହିଜି ବୁଲାୟ୍‌କିନାତା, ଏପେକ୍ ତା ବାନ୍‌ସା କାମାୟ୍ ହୁଞ୍ଜନାଦେରା । ୨୧ ଆପ୍ ତାଜେକ୍ ମାନ୍‌ବାଦ୍‌ଲାୟ୍ କିଦେକ୍ ସମ୍ ହିଡ଼ିସ୍‌ପା ହେଦେଲ୍ ଜାର୍ ଦାରିତାଂ ମାନ୍‌ବାଦ୍‌ଲାୟ୍ କିଦେକ୍ ଇଟା କିଡ଼ତା । ୨୨ ଲାଗିଂ ଆନ୍ ହେଦେଲିଂ ଆରି ତା ଲାହାଂ ଦାରି କାମାୟ୍‌ତ ମେହାତାକାର୍ ୱିଜାରିଂ ରଗ୍ ଟାଟିତ ତୁହିନାଂ ଆରି ହେୱାର୍ ବୟ୍‌କାର୍ ନନିତ ବଗ୍ କିତାର୍ । ଜଦି ହେୱାର୍ ହେଦେଲ୍ ଲାହାଂ କିଜି ମାନି ବାନ୍‌ସାକାମାୟ୍ କାଜିଂ ମାନ୍‌ବାଦ୍‌ଲାୟ୍ କିଡ୍‌ତିସ୍, ୱାଟିଂ ଆନ୍ ଇଦାଂ ହାଡ଼ପାନେ କିନାକ୍ । ୨୩ ହେଦେଲ୍ ପାଚେହାନାକାରିଂ ପା ଚୁଣାକ୍ । ତା ଆତିସ୍, ମଣ୍ଡଳିଂ ୱିଜାର୍ ପୁଞ୍ଜେକ୍ ଆଡ଼ନାର୍ ଜେ; ଆନ୍ ୱାସ୍‌ପୁନାକାଂ, ମାନାୟ୍‌ନି ୱିଜୁ ଡିଡ଼ା ଆରି ଦାରି ପୁଞ୍ଜେକ୍ ଆଡ଼ନାକ୍ । ଏପେକ୍ ଜାଶ୍‌କେ ଇନା ଇନାକା କିତାଦେଣ୍ଡା, ହେ ଇସାବ୍‌ରେ ଆନ୍ ମିଂ ପାତିପାଡ଼୍ ହିଦ୍‌ନାକ୍ ।”

୨୪ “ମାତର୍ ଡୁୟାତିରା ମି ବିଡ୍ରେତାଂ ଇମ୍‌ଶାକାର୍ ଇ ବାନ୍‌ସାହିକ୍ୟାତିଂ ଇଡ଼ଝାତାଣ୍ଡା, ଆରି ସୟତାନ୍ତି ଡକ୍ଲି ଇତି ବେରଣିକାଂ ହିକ୍ୟା କିଝାତାନ୍ନା, ଆନ୍ ହେୱାର୍ ଜପି ଆରେ ଇମ୍‌ଶାକା ପା ବଜ୍ ଲାଦି କିଡ଼କ୍ । ୨୫ ମତର୍ ମି ତାକେ ଇନାକା ମାନାଟ୍, ହେଦାଂ ଆନ୍ ୱାଜି ପାଡେକ୍ ଆଟ୍‌ଝା କିଜି ଆସ୍ତି ମାନାଟ୍

☆ ୨:୮ ୨:୮ ହଡ଼ି ୧:୧୭; ୨୨:୧୩. ☆ ୨:୧୧ ୨:୧୧ ହଡ଼ି ୨୦:୧୪; ୨୧:୮. ☆ ୨:୧୭ ୨:୧୭ ଜହନ୍ ୭:୪୮-୫୦.

୨୭ ଇନେନ୍ ଜିତା ଆନାନ୍ ଆରି ହାରିହାରା ପାତେକ୍ ନା କାମାୟ୍ କିନାନ୍, ଆନ୍ ଇନେସ୍ ଆବାଂତାଂ ଆଦିକାର୍ ପାୟାତାଂନା, ହେଦାଂ ପା ହେ ଲାକେ ସବୁ ଜାତି ଜପି ଆଦିକାର୍ ହିନାଙ୍ ।

୨୮ ହେଝାନ୍ ହେଝାରିଂ ଲଝା ବାଡ଼ଗା ହୁକେ ରାଜ୍ କିଦେଙ୍, ଆରେ ହେଝାର୍ ଚିକ୍ଲା ଟାଣ୍ଟି ଲାକେ ଗନ୍ଦା ଗନ୍ଦା କିଦେଙ୍ ହେଝାରିଂ କେମ୍ତା ହିନାଙ୍ ।”

୨୮ ଆରେ ଆନ୍ ହେଝାରିଂ ଅଜଡ଼୍ ହୁକା ପା ହିନାଙ୍ । ୨୯ ଖେଞ୍ଜେଙ୍ ସାକ୍ତି ମାତିସ୍, ମଣ୍ଡଲିକାଂ ଇସ୍ୱର୍ତ୍ତି ଜିବୁନ୍ ଇନାକା ଇନାତା, ଖେନାଟ୍ ।

୩

ସାକ୍ତ୍ ମଣ୍ଡଲିତିଂ କାରୁର୍

୧ ସାକ୍ତ୍ ମଣ୍ଡଲିତି ଦୁଡ଼ି ଲାଗାଂ ଲେକିକିୟା । ଇନେର୍ ଇସ୍ୱର୍ତ୍ତି ସାକ୍ତ୍ ଜିବୁନ୍ ଆରି ସାଡ଼ଗଟା ହୁକାଂ ହେ ଲାକେ ଆଡିକ୍, ହେଝାନ୍ ଇଦାଂ ଇନାନ୍, ଆପ୍ ମି କାମାୟ୍ ପୁନାପ୍, ଏପେଙ୍ ଡର୍ଦିଂ ଜିତାଦେଣ୍ଟା, ମତର୍ ହାଡ଼ପାନେ ହାତାଦେଣ୍ଟା । ୨ ଜାଗ୍ରଡ଼ ଆଜି ମାନାଟ୍ ଆରେ ହାକି କାଜିଂ ଜାଲ୍ଦି ବାକି ବିସ୍ତେ ବାଡ଼ାକାସ୍ କିୟାଟ୍; ଇନେକିଦେଂକି ଆନ୍ ପୁନାଙ୍, ମି କାମାୟ୍ ସବୁ ଇସ୍ୱର୍ତ୍ତି ମୁମ୍ଦ ଇ ପାତେକ୍ ବାଡ଼ି ଆଉତେ । ୩ ଲାଗିଂ ଇନେସ୍ବାଡ଼ି ହିକ୍ୟା ପାୟା ତାଦେଣ୍ଟା ଆରି ଖେଟାଦେଣ୍ଟା, ହେଦାଂ ଏଡୁ କିଜି ପାଲି କିୟାଟ୍ ଆରି ମାନବାଦଲାଇ କିୟାଟ୍; ଜଦି ଜାଲ୍ଦି ଆଞ୍ଜିତିସ୍, ତା ଆଡିସ୍ ଆପ୍ ଚର୍ ଲାକେ ଖାନାପ୍, ଆରେ ଇମ୍ଫାଣି ସମୁତ ମି ଜପି ଖାଜି ଆର୍ଦାନାପ୍, ହେଦାଂ ଏପେଙ୍ ଇନେସ୍କିତିସ୍ପା ପୁଞ୍ଜେଙ୍ ଆଡୁଦେର୍; ୪ ଆଡିସ୍ପା ଇମ୍ଫାଣାକାର୍ ଜାର୍ ଜାର୍ ହେୟା କାଞ୍ଜି କିଝାତାଣ୍ଟା, ମି ବିଡ୍ରେ ସାକ୍ତ୍ତ ଏଲେଙ୍ ଏତେକ୍ ମାନାଟ୍; ହେଝାର୍ ଡିଞ୍ଜିନି ହେୟା ଉସ୍ପିସ୍ ମା ଲାହାଙ୍ ବୁଲ୍ଲାତାଲା ଆନାଟ୍, ଇନେକିଦେଂକି ହେଝାର୍ଡି ଜଗ୍ । ୫ ଇନେର୍ ଜିତା ଆନାଟ୍, ହେଝାନ୍ ଇ ଲାକେ ଡିଞ୍ଜିନି ହେୟା ଉସ୍ପାନାଟ୍, ଆରେ ଆନ୍ ଜିବୁନ୍ ପତିତାଂ ତା ଡର୍ ଇନେସ୍କିତିସ୍ପା ବୁଡାୟ୍ କିଝାଦାଂ ନା ଆବା ଆରି ତା ଦୁଡକ୍ ମୁମ୍ଦ ତା ଡର୍ ମାନିକିନାଙ୍ । ୬ ମଣ୍ଡଲିତିକାରିଂ ପୁଇପୁୟା ଜିବୁନ୍ ଇନାକା ଇନାଟ୍, ଇନେରିଂ କିଡୁଲ୍ ମାନାଟ୍, ହେଝାନ୍ ହେଦାଂ ମାନ ହିଜି ଖେନେନ୍ ।

ପିଲାଦେଲ୍ପିଆ ମଣ୍ଡଲି କାଜିଂ କାରୁର୍

୭ ପିଲାଦେଲ୍ପିଆ ମାନି ମଣ୍ଡଲିତି ଦୁଡ଼ି ଲାଗାଂ ଲେକିକିୟା । ଇନେର୍ ପୁଇପୁୟା ଆରି ହାଡ଼ପା, ଇନେର୍ କେଇଦ ଦାଉଦତି କୁଟିକାଡି ମାନାଟ୍, ଇନେର୍ ଜେଡିସ୍ ଇନେର୍ ଗେସ୍ତେଂ ଆଡୁର୍, ଆରେ ଗେସ୍ତିସ୍ ଇନେର୍ ଜେଡେଙ୍ ଆଡୁର୍, ୮ ହେଝାନ୍ ଇଦାଂ ଇନାନ୍, ଆନ୍ ମି କାମାୟ୍ ପୁନାଙ୍; ହୁଡାଟ୍ ଆନ୍ ମି ମୁମ୍ଦ ର ଦୁଝେର୍ ଜେଡାଙ୍ନା, ଇନେର୍ ହେଦାଂ ଗେସ୍ତେଂ ଆଡୁର୍, ଇନେକିଦେଂକି ମି ସାକ୍ତି ଅଲପ୍, ଆଡିସ୍ପା ଏପେଙ୍ ନା କାତା ମାନି କିଜି ନା ଡର୍ ପାଡ଼ି କିନାକାଦେର୍ ଆତାଦେଣ୍ଟା । ୯ ହୁଡାଟ୍, ଇମ୍ଫାଣାକାର୍ ଜିହୁଦିର୍ ଆକାୟ୍, ମାତର୍ ମିଡ଼ତାଂ ଜାର୍ଲଗାଂ ଜିହୁଦି ଇଞ୍ଜି ଇନାଟ୍, ଏଲେଙ୍ ସୟ୍ତାନି କୁଟୁମ୍ ଇଞ୍ଜି କୁଦାନି ମାନାୟାରିଂ ଆପ୍ ତାସି ମି ପାନା ତାରେନ୍ ଜଝାର୍କିୟ୍କିଦ୍ନାପ୍, ଆରେ ଆନ୍ ଜେ ମିଙ୍ଗେଙ୍ ଜିଉନଦ୍ନାଙ୍ ଇଞ୍ଜି ହେଝାର୍ ଝିଜାର୍ ପୁନାଟ୍ । ୧୦ ନା ବଲ୍ ଇସାପ୍ରେ ଏପେଙ୍ ନା ସାସନି ବଚନ୍ ରାକ୍ୟା କିତାଦେର୍ନା, ଇଦାଂ କାଜିଂ ପୁଡ଼ି ନିକାରିଂ ପରିକ୍ୟା କିନି କାଜିଂ ସବୁ ଜଗଡ଼ ଜପି ଇମ୍ଫାଣି ପରିକ୍ୟା କାଡ଼ ଖାନାଟ୍, ହେବେତାଂ ଆନ୍ ପା ମିଙ୍ଗେଙ୍ ରାକ୍ୟା କିଦ୍ନାଙ୍ । ୧୧ ଆନ୍ ଦାପ୍ରେ ଖାନାଙ୍; ମିଦାଂ ଇନାକା ମାନାଟ୍, ହେଦାଂ ଜାଡୁନ୍ କିଜି ଇଟାଟ୍, ଇନେସ୍ ଇନେର୍ ମିତାଂ, ମି ଜିତାଡି ମୁକୁଟ୍ ଚରି କିଜି ଅଦେଂ ଆଡୁର୍ । ୧୨ ଇନେର୍ ଜିତା ଆନାଟ୍, ଆନ୍ ତାଙ୍ଗେଙ୍ ମା ଇସ୍ୱର୍ତ୍ତି ମନ୍ଦିର୍ନି ମୁଣ୍ଡା ଲାକେ କିନାଙ୍, ହେଝାନ୍ ଆରେ ହେବେତାଂ ବାଡ଼ତ ହାଲୁନ୍; ଆପ୍ ମା ଇସ୍ୱର୍ତ୍ତି ଡର୍ ଆରି ସାଗେତାଂ ତା ତାକେଣ୍ଟାଂ ଆତାକା ଇମ୍ଫାଣି ପୁନି ଜିରୁସାଲମ୍, ମା ଇସ୍ୱର୍ତ୍ତି ହେ ଗାଡ଼ନି ଡର୍ ଆରେ ନା ଜାର୍ଡି ପୁନି ଡର୍ ହେଦାଂ ଜପି ଲେକିକିନାପ୍ ।

୧୩ ମଣ୍ଡଲିକାଂ ଇସ୍ୱର୍ତ୍ତି ଜିବୁନ୍ ଇନାକା ଇନାଟ୍, ଇନେରିଂ କିଡୁଲ୍ ମାନାଟ୍, ହେଝାନ୍ ହେଦାଂ ଖେନେନ୍ ।

ଲାଅଦିକିଆ ମଣ୍ଡଲି କାଜିଂ କାରୁର୍

୧୪ ଲାଅଦିକିଆ ମଣ୍ଡଲିତି ଦୁଡ଼ି ଲାଗାଂ ଲେକିକିୟା । ଇନେନ୍ ସଡ଼, ଇନେନ୍ ପାଡ଼ି ନିକାନ୍ ଆରି ହାଡ଼ପା ସାକ୍ତି, ଇସ୍ୱର୍ତ୍ତି ଝିଡୁ ଉବ୍ଜାଣି ଆଗେ ରଡ଼କାନ୍ ହେଝାନ୍ ଇଦାଂ ଇନାନ୍, ୧୫ ଆନ୍ ମି କାମାୟ୍ ପୁନାଙ୍, ଏପ୍ କାକାର୍ ଆକାୟ୍ କି ଉହୁମ୍ ଆକାୟ୍; ଏପ୍ କାକାର୍ କି ଉହୁମ୍ ଆଡିସ୍ ହାର୍ ଆତାମ୍ । ୧୬ ଲାଗିଂ ଏପେଙ୍ କାକାର୍ କି ଉହୁମ୍ ଆଝାଦାଂ ଅଲପ୍ ଉହୁମ୍ ଆଡିଲେ ଆନ୍ ମିଙ୍ଗେଙ୍ ନା ଖେଇଦାଂ କାକ୍ନାଙ୍ । ୧୭ ଏପେଙ୍ ଇନାଦେରା, ଆନେଙ୍ ମାଜାନ୍, ନାଦାଂ ବେସି ଦନ୍ ମାନାଟ୍, ନାଂ ଇନାକା ଉଣା ଆକାୟ୍; ମତର୍ ଏପେଙ୍

☆ ୩:୫ ୩:୫ ହତ୍ୱତି ୨୦:୧୨; ମାଡିଉ ୧୦:୩୨; ଲୁକ ୧୨:୮. ☆ ୩:୧୭ ୩:୧୭ ହତ୍ୱତି ୨୧:୨.

ଜେ ଦୟା ହିଲକାଦେର୍, ହିଲଖାକାଦେର୍, ଅକ୍ତ, କାଣା ଆରି ନାଗଡ଼ା, ଇଦାଂ ପୁନୁଦେର୍; ^{୧୮} ଲାଗି ଆନ୍ ନିଜେକ୍ ଇଦାଂ ଖେଚ୍ଚାନାକା, ଏପେକ୍ ମାଜାନ୍ ଆନି କାଜିଂ ନା ତାଂ ନିର୍ମଲ୍ ହନା କଡ଼ାଟ୍, ଆରେ ଏପେକ୍ ନାଗଡ଼ାନି ଲାଜୁ ଇନେସ୍ ଚଞ୍ଜିୟା ଆଉଡ଼, ଇଦାଂ କାଜିଂ ଉସ୍ପିନି କାଜିଂ ତ୍ରିଞ୍ଜିନି ହେୟା ନା ତାଂ କଡ଼ାଟ୍ । ଆରେ ହୁଡ଼ନି ସାକ୍ତି ନିର୍ମଲ୍ କିନି କାଜିଂ କାଜଲ୍ କଡ଼ଜି କାଣ୍‌କୁକାଂ କାଜାଟ୍ । ^{୧୯} ଆନ୍ ଏଚେକ୍ ମାନାୟାରିଂ ଜିଉନନାକ୍, ହେଖାରିଂ ଲେଡନାକ୍ ଆରି ସାସନ୍ କିନାକ୍; ଇତିସ୍ ଖାସ୍ତିଲାହାଂ ମାନ୍‌ବାଦ୍‌ଲାୟ୍ କିୟାଟ୍ । ^{୨୦} ହୁଡ଼ାଟ୍, ଆନ୍ ବାଟ୍ ନିଲ୍‌ଚି ଦୁଖେରତ ଇଡ଼ଦାନାକା; ଜଦି ଇନେର ନା କାଟ୍ ଖେନ୍‌ଞ୍ଜି ଦୁଖେର୍ ଜେଡନାନ୍, ତା ଆତିସ୍ ଆନ୍ ହଣ୍ଡି ତା ଲାଗାଂ ହାନାକ୍, ଆରେ ଆନ୍ ତା ଲାହାକ୍ ତିନାକ୍ ଆରି ହେଖାନ୍ ନା ଲାହାକ୍ ତିନାନ୍ । ^{୨୧} ଆନ୍ ଇନେସ୍ ଜିତା ଆଜି ନା ଆବା ଲାହାକ୍ ତା ଗାଦିତ କୁଚ୍‌ଚାକ୍‌ନା, ହେ ଲାକେ ହେଖାନ୍ ଜିତା ଆନାନ୍, ଆନ୍ ହେଖାନିଂ ନା ଲାହାକ୍ ନା ଗାଦିତ କୁଚ୍‌ଚେକ୍ ହିନାକ୍ ।

^{୨୨} “ଖେଞ୍ଜେକ୍ କିଡୁଲିଂ ମାଟିସ୍, ଇସ୍ପରତି ଜିବୁନ୍ ମଣ୍ଡଲିକାଂ ଇନାକା ଇନାଟ୍, ଖେନାଟ୍ ।”

୪

ସାଗେତ ପାଟୀନା

^୧ ଇଦାଂ ପାଚେ ଆନେକ୍ ହୁଡ଼ତାଂ, ଆରେ ହୁଡ଼ାଟ୍, ସାଗେତ ରଞ୍ଜାକ୍ ଦୁଖେର୍ ଜେତାକା ମାଚାଟ୍; ଆରେ ମରି ଗାର୍ଜାନ୍ ଲାକେ ନା ଲାହାକ୍ ଇଞ୍ଜି ମାନି ଇମଣି କାଟ୍ ଆନେକ୍ ଆଗେ ଖେନ୍‌ଞ୍ଜି ମାଚାଂ, ହେଦାଂ ଇଚାଟ୍, ଇବେ ନିଜ୍‌ଜି ଖା; ଇନାକା ସବୁ ଇଦାଂ ପାଚେ ଆତିସ୍‌ପା ଗିଟାଆନାଟ୍, ହେ ସବୁ ଆନ୍ ମିଜେକ୍ ଚଚ୍‌ଚାନାକ୍ । ^୨ ହେ ଦାପ୍ରେ ଆନେକ୍ ପୁଇପୁୟା ଜିବୁନ୍‌ତ ବାଟ୍ ଆତାଂ, ଆରି ହୁଡ଼ତାଂ, ସାଗେତ ର ଗାଦିତ ରଞ୍ଜାନ୍ ଇନେର୍ କୁଚ୍‌ଚାନ୍ନା; ^୩ କୁଚ୍‌ଚି ମାନାୟତିଂ ମୁମ୍ ହିରା ଆରି ମାଣିକ୍ୟ ଲାକେ, ଆରେ ଗାଦି ଚାର୍‌ବେଣ୍ଡାଂ ରଞ୍ଜାକ୍ ତୁବ୍‌ଡାରାଟ୍, ହେଦାଂ କାଚାପାତ୍ରିୟା ବାନାନି ମୁକ୍ତା ଲାକେ । ^୪ ଆରେ, ଗାଦିନି ଚାର୍‌ବେଣ୍ଡାଂ ୨୪ ଗାଦି ରଚ୍‌ଚାକା ଆରି ଗାଦିଂ ଜପି ୨୪ ପ୍ରାତିନାର୍ କୁଚ୍‌ଚାର୍‌ନା, ହେଖାଟ୍ ତ୍ରିଞ୍ଜିନି ହେୟା ଉସ୍‌ପାତାକାର୍ ଆରି ହେଖାଟ୍ କାପଡ଼ା ଜପି ହନା ମୁକୁଟ୍ । ^୫ ଗାଦି ବିତ୍ରେ ବିଜ୍‌ଲି, ବାରବିନି କାଟ୍ ଆରି ବାଦାଟ୍, ଗାର୍ଜାନ୍ ହଡନାତା, ଆରେ ଗାଦି ଲାଗାଂ ନାଣିଲାକେ ସାଡ଼ଗଟା ବଇଟାକ୍ ଆହ୍‌ନିକା, ଇ ସାଡ଼ଗଟା ବଇଟାକ୍ ଇସ୍‌ତ୍ ସାଡ଼ଗଟା ଜିବୁନ୍ । ^୬ ଗାଦି ମୁମ୍‌ଦ କାଟ୍ ଲାକେ ନିର୍ମଲ୍ ର ହାମ୍‌ଦୁର୍ ।

ଗାଦି ଚାର୍‌ବେଣ୍ଡାଂ ମାଦି ଚାର୍ ପାରାଣିଂ, ହେଖାଟ୍ ଆଗେ ଆରି ପାଚେ କାଣ୍‌କୁତ ବାଟ୍ ମାଚାଟ୍ । ^୭ ପର୍ତ୍ତୁମ୍ ପାରାଣି ସିହ୍ ଲାକେ ଚନ୍‌ଞ୍ଜି ମାଚାଟ୍, ରିଣ୍ଡି ପାରାଣି ଅହ୍‌ରି ଲାକେ, ତିନ୍ ପାରାଣି ମୁମ୍ ମାନାୟ୍ ମୁମ୍ ଲାକେ, ଆରେ ଚାରିପାରାଣି ଉମ୍‌ନି ମୁକ୍ତି ପଟି ଲାକେ ଚନ୍‌ଞ୍ଜି ମାଚାଟ୍ । ^୮ ଝିଜୁ ପଟିକାଂ ଚଅ ଚଅ କେଲ୍‌କୁ; ହେ କେଲ୍‌କୁକାଂ ବାରତ ଆରି ବିତ୍ରେ କାଣ୍‌କାତ ବାଟ୍ ମାଚାଟ୍ । ହେଖେକ୍ ଖେଡ଼ାନାଣା ଜମ୍‌ଖାଦାଂ ଇନିକା, ଇନେର୍ ସାକ୍ତିକାଟାକାନ୍, ଇନେର୍ ପ୍ଲାନାକା, ନକ୍‌ୟ୍ ଆରି ଖାନିଦିଡ଼, ହେ ମାପୁ ଇସ୍ପର ପୁଇପୁୟା, ପୁଇପୁୟା, ପୁଇପୁୟା ।

^୯ ପାରାଣିଂ ଏଚେକାଡ଼ଦ ହେ ଗାଦିତ କୁଚ୍‌ଚି ଝିଜୁ ଜିତି ମାନାୟରିଂ ପାଣ୍ ଜାଜ୍‌ମାଲ୍, ଆରି ଦନ୍‌ସବାଦ୍ ହିନିକ୍, ^{୧୦} ହେ ଏଚେକାଡ଼ଦ ୨୪ ବୁଡ଼ାଲୁର୍ ଗାଦିତ କୁଚ୍‌ଚି ମାନାୟ୍ ମୁମ୍‌ଦ ତାଣ୍ଡାହାଟ୍ ମାଗ୍‌ଜି ଝିଜୁ ଜିବୁନ୍‌ମାନି ମାନାୟତିଂ ଜଖାଟ୍ କିଚାର୍ ଆରି ଗାଦି ଲାଗାଂ ଜାର୍ ଜାର୍ ମୁକୁଟ୍ ଇଡ଼ଜି ଇଚାର୍,

^{୧୧} “ମା ମାପୁ ଆରି ଇସ୍ପର,

ଏନେକ୍ ଜାଜ୍‌ମାଲ୍, ମାନି ଆରି ସାକ୍ତି ପାୟାଦେଂ ଜଗ୍ ଆନାୟ୍, ଇନେକିଦେଂକି ଏନ୍ ଝିଜୁ ଉବ୍‌ଜାଣ୍ କିତାୟ୍‌ନା ।

ଆରେ ନି ଇଚାତ ହେ ସବୁକାଂ ଜିବୁନ୍ ହିତାୟ୍‌ନା, ପାରାଣିକାଂ ଜିପ୍‌ତାୟ୍‌ନା ।”

୫

ପତି ଆରି ମେଣ୍ଡାହିମ୍‌ଣା

^୧ ତା ପାଚେ ଆନ୍ ଗାଦିତ କୁଚ୍‌ଚି ମାନି ମାନାୟତିଂ ବୁଜ୍‌ଣି କେଇଦ ର ପତିତ ହୁଡ଼ତାଂ, ହେଦାଂ ରିକଣ୍ଡାଂ ଲେକାତାଡ଼ନା ଆରି ସାଡ଼ଗଟା ଚିନ୍‌ତ ହେଦାଂ ଚିନ୍ ଇଚ୍ୟାଜି ମାଚାଟ୍ । ^୨ ଆରେ ଆନ୍ ର ସାକ୍ତିକାଟି ଦୁଚ୍‌ଚିଂ ହୁଡ଼ତାଂ; ହେଦେଲ୍ ଗାଜା କାଟ୍‌ତାଂ ସୁଣାୟ୍ କିଜି ଇଞ୍ଜି ମାଚାଟ୍, “ଇନେର୍ ଇ ଚିନ୍ ସବୁତିଂ ତ୍ରିକ୍‌ଚି ପତି ଜେତେକ୍ କାଜିଂ ଇନେର୍ ଜଗ୍ ମୁଣିକା ମାଟିସ୍, ହସି ଖାଏର୍ ।” ^୩ ମାଚର୍ ହେ ପତି ଜେସି ହେବେ ଇନାକା ଲେକାମାନାଟ୍, ପଡ଼ିକିଦେଂ ସାଗେ, ପୁଚ୍‌ତ କି ପାତାଲ୍‌ତ ଇନେର୍ ହଡ଼ଖାଟାର୍ । ^୪ ହେ ପତି ଜେସି ହେବେ ଇନାକା ଲେକା ଆଡ଼ନା, ପଡ଼ି କିଦେକ୍ କାଜିଂ ରଞ୍ଜାନ୍ ପା ଜଗ୍ ମୁଣିକା ଗାଟାଆଦ୍‌ଝିତିଲେ, ଆନ୍ ଦୁକ୍ ଆଜି ଆଡ଼ବେଦେଂ ଲାଗାତାଂ । ^୫ ହେବେ ପ୍ରାତିନାର୍ ବିତ୍ରେ ରଞ୍ଜାନ୍ ନାଜେକ୍ ଇନ୍‌ଚାନ୍, ଆଡ଼ବାମା,

✧ ୩:୧୯ ୩:୧୯ ଏବୁ ୧୨:୬. ✧ ୪:୫ ୪:୫ ହତ୍ୱତି ୮:୫; ୧୧:୧୯; ୧୭:୧୮; ହତ୍ୱତି ୧:୪.

ହୁଡ଼ା, ଇନେନ୍ ଜିହୁଦା ଲାତ୍ରାତାଂ ସିହ୍ ଆରି ଦାଉଦ୍ ତି ଦଲ୍, ହେୱାନ୍ ପତିନି ସାତ୍‌ଗଟା ଚିନ୍ ଇଡ଼ତାକା ତ୍ରିକ୍ତି ହେଦାଂ ଜେନି କାଜିଂ ଜିତା ଆତାନ୍ନା ।

୭ ହେ ଏଚେକାଡ଼୍‌ଦ ଆନେଙ୍ଗ୍ ହୁଡ଼ତାଂ, ଗାଦି, ଚାରି ପାରାଣିଂ ଆରି ପ୍ରାଚିନାର୍ ମାଦ୍‌ଶିବାହାତ ର ମେଣ୍ଡାହିମ୍‌ଣା ନିଲ୍‌ତାକା ହୁଡ଼ତାଂ, ହେୱାନ୍ ହାତି ଲାକେ ଚଞ୍ଜି ମାଚାନ୍, ହେୱାନ୍ତି ସାଡ଼ କମଙ୍ଗ୍ ଆରି ସାତ୍‌ଗଟା କାଣ୍‌ଗାଂ; ହେ ଝିନ୍ଦୁ କାଣ୍‌ଗାଂ ସବୁ ପୁତ୍ ତ ପକ୍ୟାତି ଇସ୍‌ତ୍ ସାତ୍‌ଗଟା ଜିବୁନ୍ । ୮ ମେଣ୍ଡାହିମ୍‌ଣା ଖାଜି ଗାଦି ଜପି କୁର୍ଚିମାନି ମୁଣିକାତିତାଂ ବୁଦ୍‌ଣି କେଇଦାଂ ହେ ପତି ଅତାନ୍ । ୯ ହେ ପତି ଅତିଲେ ହେ ଚାରି ପାରାଣିଂ ଆରି ୨୪ ପ୍ରାଚିନାର୍ ମେଣ୍ଡାହିମ୍‌ଣା ମୁମ୍‌ଦ ଡାଣ୍ଡାହାଡ଼ ଇଡ଼ତାର୍; ହେୱାନ୍ତି ଝିଜାର୍‌ତି କେଇଦ ଗମଣ୍ ଆରି ପୁଇପୁୟା ଦାମ୍ ତ ପାର୍ତୀନା ଲାକେ ଦୁପ୍‌ନିତ ବାତ୍ ହନା କଣ୍ଡି ମାଚାଡ଼ । ୧୦ ହେୱାନ୍ ର ପୁନି କେରକଣ୍ କେରଜି ଇଚାର୍,

ଏନ୍ ହେ ପତି ଅଦେଂ ଆରି ହେବେନି ସିଲ୍ ତ୍ରିକ୍ତିତେଂ ଜଗ୍ ଆଡ଼ନାୟ୍,
ଇନେକିଦେଂକି ଏନ୍ ହାଜି ମାଚାୟ୍,

ଆରେ ଜାର୍ ନେତେର୍ ହୁକେ ସବୁ କୁର୍ଚ୍‌ମ, ବାସାନିକାର୍, ଲାତ୍ରା
ଆରି ଜାତି ବିତ୍ରେତାଂ ଇସ୍‌ତ୍ କାଜିଂ ମାନାୟାରିଂ କଡ଼ତାୟନା,

୧୦ *ଆରେ ହେୱାରିଂ ମା ଇସ୍‌ତ୍ ଇସାପ୍‌ତ ରାଜି ହେବା କିନି ରାଜା ଲାତ୍ରା ଆରେ

ମାପୁ ହେବାକିନାକାନ୍ କିଜି ହିତାୟନା; ଆରେ ହେୱାନ୍ ପୁତ୍ ଜପି ରାଜ୍ କିନାନ୍ ।

୧୧ ତା ପାଚେ ଆନ୍ ହୁଡ଼ତାଂ, ହାଜାର୍ ହାଜାର୍ ଆରି ଲାକେ ଲାକେ ସାଗେନି ଦୁଡ଼କୁ ଗାଦିତ, ଚାରିଗଟା ପାରାଣିଂ ପ୍ରାଚିନାର୍ ବେଡ଼ିକିଜି ନିଲ୍‌ତିକନା । ୧୨ ହେୱେକ୍ ଗାଜା କାଚ୍‌ତାଂ କେରଜି ମାତିକ୍, ବାଡ଼କାସ୍, ଦାନ୍, ଗିଆନ୍, ସାଲ୍ଡି, ପାଣ୍ଡି, ଜାଜ୍‌ମାଲ୍ ଆରି ଦନ୍‌ସବାଦ୍ ମାନିକିଦେଂ ହାଜି ମାତି ମେଣ୍ଡାହିମ୍‌ଣା ନେ ଜଗ୍ ଆନାନ୍ ।

୧୩ ଆରେ ଆନ୍ ସାଗେ, ପୁତ୍ ତ, ପାତାଲ୍‌ତ ଆରି ହାମ୍‌ଦୁର୍‌ତ ମାନି ଝିନ୍ଦୁ ଉଦ୍‌ଜାତି ପାରାଣିଂ, ଆଁ ହେ ବିତ୍ରେନି ଝିନ୍ଦୁ ଇଦାଂ ଇଞ୍ଜିମାଚାକା ଝେଚାଙ୍ଗ୍, ହେୱେକ୍ କେରଜି ମାତିକ୍ ।

“ଗାଦିତ କୁର୍ଚି ମାନାୟତି ଆରି ତା ମେଣ୍ଡାଗଡ଼ିୟାତି ଦନ୍‌ସବାଦ୍ କିୟାଡ଼ ।

ତା ପାଣ୍ଡି, ଜାଜ୍‌ମାଲ୍ ଆରି ସାଲ୍ଡି ଝିଜ୍‌ଝି କାଡ଼ ପାଚେକ୍ !”

୧୪ ହେବେଣ୍ଡାଂ ଚାର୍ ପାରାଣି ଇଚିକ୍, ଆମେନ୍, ଆରେ ପ୍ରାଚିନାର୍ ମେଣ୍ଡାଙ୍ଗ୍‌କୁନ୍‌କିଜି ଜିଖାର୍ କିଚାର୍ ।



ଡାବୁଙ୍ଗ୍

୧ ତା ପାଚେ ଆନ୍ ହୁଡ଼ତାଂ, ମେଣ୍ଡାହିମ୍‌ଣାତିଂ ସାତ୍‌ଗଟା ଡାବୁଙ୍ଗ୍ ବିତ୍ରେ ପର୍ତୁମ୍ ସିଲ୍ ତ୍ରିକ୍ତିନାକା ହୁଡ଼ତାଂ, ଆରେ ଚାରି ପାରାଣି ବିତ୍ରେତାଂ ରଖାନିଂ ବିଞ୍ଜି ଇଡ଼ନି କାଚ୍ ଲାକେ ଇଦାଂ ଇଞ୍ଜିମାନାକା ଝେଚାଂ, ଖାତ । ୨ ହେବେ ଆନେଙ୍ଗ୍ ହୁଡ଼ତାଂ, ଆରେ ହୁଡ଼ାଚ୍, ରଞ୍ଜାଙ୍ଗ୍ ଡିଞ୍ଜିନି ଗଡ଼ା, ଆରେ, ଗଡ଼ାଦୁମ୍‌ନାକାର୍ କେଇଦ ର ଝିଲ୍ ଆସ୍ତି ମାଚାନ୍; ହେୱାନିଂ ର ମୁକୁର୍ଚ୍ ହିତାର୍, ଆରେ ହେୱାନ୍ ଜିତା ଆଜି ଜିଶାଦେଂ ହସି ହାଚାନ୍ ।

୩ ମେଣ୍ଡାହିମ୍‌ଣା ଏଚେକାଡ଼୍‌ଦ ଜେତି ସିଲ୍ ତ୍ରିକ୍ତିତାନ୍, ହେପାଦ୍‌ନା ଆନେଙ୍ଗ୍ ରି ପାରାଣିକାଂ ଇଦାଂ ଇଞ୍ଜିମାନାକା ଝେଚାଙ୍ଗ୍ ଖାତ । ୪ ହେବେଣ୍ଡାଂ ଆରେ ରଞ୍ଜାଙ୍ଗ୍ ଗଡ଼ା ହସି ଖାତାଡ଼, ହେଦାଂ ଗେରୁବାନି; ଲକୁ ଇନେସ୍ ହାରି ଟୁଣ୍‌ପାନାର୍, ଇଦାଂ କାଜିଂ ପୁତ୍ ତାଂ ସୁସ୍ତା ଦେହା କିନି କାଜିଂ ତା ଦୁମ୍‌ତାକାନିଂ ଆଦିକାର୍ ହିତାନ୍, ଆରେ ତାଙ୍ଗେଙ୍ଗ୍ ର ଗାଜା କାଣ୍ଡା ହିତାନ୍ ।

୫ ମେଣ୍ଡାହିମ୍‌ଣା ଏଚେକାଡ଼୍‌ଦ ତିନିଗଟା ସିଲ୍ ତ୍ରିକ୍ତିତାନ୍, ହେପାଦ୍‌ନା ଆନେଙ୍ଗ୍ ତିନ୍ ପାରାଣିତିଂ ଇଦାଂ ଇଞ୍ଜିମାନାକା ଝେଚାଙ୍ଗ୍, ଖାତ । ହେବେ ଆନେଙ୍ଗ୍ ହୁଡ଼ତାଂ, ଆରେ ହୁଡ଼ାଚ୍, ରଞ୍ଜାଙ୍ଗ୍ କାର୍‌ହାତି ବାନାନି ଗଡ଼ା, ଆରେ ତା ଦୁମ୍‌ତାକାନ୍ତି କେଇଦ ର ଲିଚ୍‌କି ମାଚାଡ଼ । ୬ ଆରେ ଆନେଙ୍ଗ୍ ଚାର୍ ପାରାଣିଂ ବିତ୍ରେତାଂ ହଡ଼ତି ଲାକେ ଇ କାଚ୍ ଝେଚାଙ୍ଗ୍, “ଦିନେକ୍‌ନି କୁଲିନି ଚାକାଂ ପାଡ଼େକ୍ ଗାମ୍ ଆରି ଚାକାତିଂ ତିନ୍ ଆଡା କୁଜା ଆନାଡ଼, ମାତର୍ ଏପେଙ୍ଗ୍ ଚିକାଣ୍ ଆରି ଅଙ୍ଗ୍‌ର ରାସ୍ ନସ୍ କିମାଚ୍ ।”

୭ ମେଣ୍ଡାହିମ୍‌ଣା ଏଚେକାଡ଼୍‌ଦ ଚାରିଗଟା ସିଲ୍ ତ୍ରିକ୍ତିତାନ୍, ହେପାଦ୍‌ନା ଆନେଙ୍ଗ୍ ଚାର୍ ପାରାଣିତିଂ ଇଦାଂ ଇନାକା ଝେଚାଙ୍ଗ୍, ଖାତ । ୮ ହେବେ ଆନେଙ୍ଗ୍ ହୁଡ଼ତାଂ, ଆରେ ହୁଡ଼ା, ରଞ୍ଜାଙ୍ଗ୍ ମାଚୁଂଖା ବାନି ଗଡ଼ା, ତା ଦୁମ୍‌ତାକାନ୍ତି ତର୍ ହାକି, ଆରେ ପାତାଲ୍‌ତାଂ ହେଦାଂ ପାଚେ ହାଲ୍‌ଜି ମାଚାଡ଼; କାଣ୍ଡା, କାତାର୍, ମାର୍‌ଡ଼ି ଆରି ପୁତ୍ ନି ରାନ୍ ଜାଡ଼କୁ ହୁକେ ବୁଡାୟକିଦେଂ ପୁତ୍ ନି ଚାର୍ ବାଗ୍‌ତାଂ ଜପି ହେୱାକାଂ ଆଦିକାର୍ ହିତାନ୍ ।

* ୫:୧୦ ୫:୧୦ ହଡ଼ି ୧:୭.

୯ ମେଣ୍ଡାହିମଣା ଏଚେକାଡ଼ଦ ପାଞ୍ଚଗଟା ସିଲ୍ ଡ୍ରିକ୍‌ତାନ, ହେପାଦନା ଇମ୍‌ଣାକାର ଇସ୍‌ତ ବଚନ୍ କାଜିଂ ଆରି ହେଝାରିଂ ହିଆଜିମାତି ସାକି କାଜିଂ ହାଜି ମାଚାର, ହେଝାରିତି ଝାସ୍‌କାଂ ଆନେଙ୍ଗ ଗାରଣି ତାରେନ୍ ହୁଡ଼ତାଂ । ୧୦ ହେଝାର ଗାଜା କାଟ୍‌ତାଂ କୁକ୍‌ତି ଇଞ୍ଜି ମାଚାର, ହେଝାନ୍ ପୁଇପୁୟା ଆରି ହାଡ଼ପା ମାପୁ ଇସ୍‌ବର ଆରେ ଏଚେକ୍ କାଡ଼ ଏନ୍ ବିଚାର କିଝାଦାଂ ପୁତ୍ ନିକାରତାଂ ମା ନେତେର୍‌ନି ବାଦୁଲ୍ ଆଉୟ୍ ? ୧୧ ହେବେ ହେଝାରିତି ଜାଣକେତି ରଝାନିଂ ଡ଼ିଞ୍ଜିନି ଆଜି ହିତାର, ଆରେ ହେଝାରିତି ଇମ୍‌ଣି ହାଙ୍ଗଦାକାନ୍ ଆରି ଚଣ୍ଡାର ହେଝାର ଲାକେ ପା ଟୁଣ୍‌ୟାନାର, ହେଝାରିତି ଗିଣ୍‌ନି ବାଡ଼ ଆଞ୍ଜି ପାତେକ୍ ଆରେ ଅଲପ୍ କାଡ଼ ପାତେକ୍ ଜମ୍‌ନି କାଜିଂ ହେଝାରିଂ ଇଚାନ୍ ।

୧୨ *ତା ପାଚେ, ଆନ୍ ହୁଡ଼ତାଂ, ମେଣ୍ଡାହିମଣା ଚ ଗଟା ସିଲ୍ ଡ୍ରିକ୍‌ତିକ୍; ଦାପ୍ରେ ଜବର୍ ମେଦ୍‌ନିଲେମ୍‌ତାଡ଼ । ଝେଡ଼ା କାହାତି ବାନାନି ତୁସା ଲାକେ ମାଜ୍‌ଗା ଆତାଡ଼ ଆରି ଲେଞ୍ଜି ପୁରା ନେତେର୍ ବାନି ଆଜି ହାଚାଡ଼ । ୧୩ ଜବର୍ ଡ଼ୁ ପଡ଼ତିସ୍ ତଗା ମାରତାଂ ଇନେସ୍ ପାସେଦ୍ ତଗା ହାଡ଼ଜିହାନାଡ଼, ହେ ଲାକେ ବାଦାଡ଼ନି ହୁକାଂ ସବୁ ପୁତ୍ ତ ଆରତିକ୍ । ୧୪ *ଆକାସ୍‌ତ ତଲ୍ ପତିତ ତାବାତି ଲାକେ ତାବାଆସି ଗାର୍ଜାନ୍ ଆତାଡ଼, ଆରେ, ମାଡ଼ି ଆରି ସବୁ ଏସ୍‌କୁପ୍‌ଲିଂ ଗୁଚାତିକ୍ । ୧୫ ଆରେ ପୁତ୍ ନି ରାଜାର, ପାଟ୍‌ମଡ଼ିର୍, ମୁଡ଼ମେଲ୍ୟା ଆରି ମାଜାନିଂ, ବାପୁନିକାର ଆରି ଲକାର ତଲ୍ୟା ଆଡ଼ିୟାର ମାନାକାର ଆରି ଜାରତାରେନ୍ ମାନାକାର ଲକୁ ଝିଜାର ପାରା ଆରି ମାଡ଼ି ପାରା ବିତ୍ରେ ଜାର ଜାରତିଂ ଡ଼ୁଜାର, ୧୬ *ଆରେ, ହେଝାର ମାଡ଼ି ଆରି କୁପ୍‌ଲିକାଂ ଇଚାର, ମା “ଜପି ଆଜିଂ ଗାଦିତ କୁଚ୍‌ତି ମାନାୟ୍ ମୁମ୍‌ଦାଂ ଆରି ମେଣ୍ଡାହିମଣା ରିସାତାଂ ମାଙ୍ଗେଙ୍ଗ୍ ଡ଼ୁଜୁତି ଇଡ଼ଦାଟ୍, ୧୭ ଇନେକିଦେଂକି ହେଝାରିତି ରିସାତାଂ କସ୍‌ନିଦିନ୍ ଏକାଝାତାଡ଼ନା, ଆରେ ଇନେର୍ ନିଲ୍‌ତେଂ ଆଡ଼ନାର ?”



୧୪୪,୦୦୦ ଇସ୍ରାଏଲିୟ

୧ ଇଦାଂ ପାଚେ ଆନେଙ୍ଗ୍ ହୁଡ଼ତାଂ, ପୁତ୍ ନି ଚାରି କନାତ ଚାରି ଜାଣ୍ ସରଗ୍ ଦୁଡ଼କୁ ନିଲ୍‌ତିକ୍‌ନା ଆରି ପୁତ୍ ନି ଚାର ଦିଗତାଂ ଡ଼ୁ ହାନାକାଦ୍‌ଲିଂ ଟେବାୟ୍ କିଜି ଇଡ଼ତିକ୍‌ନା । ଇନେସ୍‌କି ପୁତ୍, ହାମ୍‌ଦୁର୍ କି ଇମ୍‌ଣାକା ପା ମାର କୁଡ଼ି ଜପି ଅଲପ୍ ପା ଦୁକା ଆହ୍‌ଝାତାଡ଼ । ୨ ଆରେ ଆନ୍ ଆରେ ରଞ୍ଜେଲିଂ ଦୁଡ଼ତିଂ ଝେଡ଼ାହଡ଼ନି ନିପତାଂ ନିଙ୍ଗି ଝାନାକା ହୁଡ଼ତାଂ; ତା କେଇଦ ଜିତି ଇସ୍‌ତ ସିଲ୍ ମାଚାଡ଼ । ପୁତ୍ ଆରି ହାମ୍‌ଦୁର୍ ନସ୍ କିନି କାଜିଂ ଆଦିକାର ପାୟ୍‌ତି ହେ ଚାରି ଜାଣ୍ ଦୁଡ଼କାଂ ହେଝାନ୍ ଗାଜା କାଟ୍‌ତାଂ କୁକ୍‌ତି ଇଚାନ୍, ୩ “ଆପେଂ ଜାରତିଂ ଇସ୍‌ତ ଆଡ଼ିୟାରିଂ ନିଦାଣ୍‌ତ ତିନ୍ ଇଡ଼ନି ପାତେକ୍ ଏପେଙ୍ଗ୍ ପୁତ୍ କି ହାମ୍‌ଦୁର୍ କି ମାରକୁ ନସ୍ କିମାଟ୍ ।” ୪ ତା ପାଚେ ତିନ୍ ଇଡ଼ୟାତାକାର ମାନାୟାରିତି ଗାଣ୍‌ତି ଆନ୍ ଝେଚାଙ୍ଗ୍, ଇସ୍ରାଏଲ୍ ହିମ୍‌ଣାକାଂ ସବୁ ଲାତ୍ରା ବିତ୍ରେତାଂ ଏକ୍ ଲାକ୍ ରିକଡ଼ିଚାରି ହାଜାର ୧, ୪୪,୦୦୦ ମାନାୟାର୍ ଚିନ୍‌ହିୟାତାର, ୫ ଜିହୁଦା ଲାତ୍ରାତାଂ ବାର ହାଜାର, ତିନ୍ ଇଡ଼ୟାତି ରୁବେନ୍ ଲାତ୍ରାତାଂ ବାର ହାଜାର, ଗାଦ ଲାତ୍ରାତାଂ ବାର ହାଜାର, ୬ ଆସେର୍ ଲାତ୍ରାତାଂ ବାର ହାଜାର, ନପ୍‌ତାଲି ଲାତ୍ରାତାଂ ବାର ହାଜାର, ମନସି ଲାତ୍ରାତାଂ ବାର ହାଜାର, ୭ ସିମିୟନ ଲାତ୍ରାତାଂ ବାର ହାଜାର, ଲେବି ଲାତ୍ରାତାଂ ବାର ହାଜାର, ଇସାକ୍‌ତି ଲାତ୍ରାତାଂ ବାର ହାଜାର, ୮ ଜବୁଲୁନ୍ ଲାତ୍ରାତାଂ ବାର ହାଜାର, ଜସେପ୍ ଲାତ୍ରାତାଂ ବାର ହାଜାର, ବିନ୍‌ୟାମିନ୍ ଲାତ୍ରାତାଂ ବାର ହାଜାର ତିନ୍ ଇଡ଼ୟାତି ଲଗୁ ।

ଦାଡ଼ ମାନାୟାର୍

୯ ଇଦାଂ ପାଚେ ଆନ୍ ହୁଡ଼ତାଂ, ଆରେ ହୁଡ଼ାଟ୍, ସବୁ ଜାତି, ସବୁ କୁଚ୍‌ମ, ସବୁ ଲାତ୍ରାର ଆରି ସବୁ ବାସାନିକାର ଗାଣାକିୟାଞ୍ଜି ର ବେସି ମାନାୟାର୍ ଡ଼ିଞ୍ଜିନି ଆଜି ଉସ୍‌ପିସ୍ ଆରି କାଜି ତାଡ଼ କେଇଦ ଆସ୍ତି ଗାଦି ଆରି ମେଣ୍ଡାହିମଣା ମୁମ୍‌ଦ ନିଲ୍‌ତାରନା; ୧୦ ହେଝାର ଗାଜା କାଟ୍‌ତାଂ ଇଞ୍ଜି ମାଚାର, “କେବଲ୍ ଗାଦିତ କୁଚ୍‌ଚାକାନ୍ ଇସ୍‌ବର ଆରି ମେଣ୍ଡାହିମଣା ମାଙ୍ଗେଙ୍ଗ୍ ମୁକ୍‌ଡାୟ୍‌କିଦ୍‌ନାକାନ୍ ।” ୧୧ ଆରେ, ଝିଜେକ୍ ଦୁଡ଼ ଗାଦି, ପ୍ରାଚିନାର ଆରି ଚାରି ପାରାଣିଙ୍ଗ୍ ଚାରବେଣ୍‌ତାଂ ନିଲ୍‌ତିକ୍‌ନା, ଆରେ ଗାଦି ମୁମ୍‌ଦ ତାଣ୍‌ହାଣ୍ ମାଗିଜି ଇସ୍‌ବରତିଂ ଜଝାର କିଜି, ୧୨ ଇଚିକ୍ “ଆମେନ୍, ଝାରିକିୟ୍‌କିଦେଂ, ଜାଜ୍‌ମାଲ୍, ଗିୟାନ୍, ଦନ୍‌ୟାବ୍, ସାଲି, ବାଡ଼କାସ୍ ଜୁଗ୍ ଜୁଗ୍ ମା ଇସ୍‌ତ; ଆମେନ୍ ।”

୧୩ ଆରେ ପ୍ରାଚିନାର ବିତ୍ରେତାଂ ରଝାନ୍ ନାଙ୍ଗ୍ ଝେନ୍‌ବାତାନ୍, ଡ଼ିଞ୍ଜିନି ଆଜି ଉସ୍‌ପିତି ଇ ମାନାୟାର୍ ଇନେର୍ ଆରି ହେଝାର ଇମେଣ୍ଡାଂ ଝାତାଣ୍ଡା ? ୧୪ *ଆନ୍ ହେଝାନିଂ ଇଚାଙ୍ଗ୍, ଏ ନା ମାପୁ, ଏନେଙ୍ଗ୍ ନେ ହେଦାଂ ପୁନାୟ୍ ।

* ୭:୧୨ ୭:୧୨ ହତ୍ତ ୧୧:୧୩; ୧୭:୧୮; ମାଡ଼ିତ ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫. * ୭:୧୪ ୭:୧୪ ହତ୍ତ ୧୭:୨୦. * ୭:୧୬ ୭:୧୭ ଲୁକ ୨୩:୩୦. * ୭:୧୪ ୭:୧୪ ମାଡ଼ିତ ୨୪:୨୧; ମାର୍କ ୧୩:୧୯.

ହେବେ ହେୱାନ୍ ନାଙ୍ଗ ଇନ୍ଦାନ୍, ଇୱାର୍ ଗାଜା ଦୁକ୍ତାଂ ହସି ଖାତାନ୍ନା ଆରି ମେଣ୍ଡାହିମଣାତି ନେତେରତ ଜାର୍ ଜାର୍ ଆଙ୍ଗି ହରଜି ଡିଞ୍ଜି କିତାନ୍ନା । ୧୫ ହେଦାଂ କାଜିଂ ହେୱାର୍ ଇସ୍ତର୍ ମନ୍ଦିରତ ତା ଗାଦି ମୁମ୍ଦ ମାନଜି ୱେଡାନାଣା ହେୱାନ୍ତି ପାର୍ତାନା କିତାର୍, ଆରେ ଗାଦିତ କୁଚ୍ଚାକାର୍ ମୁଣିକା ହେୱାନିଂ ବାହା ହିନାନ୍ । ୧୬ ଆରେ ହେୱାର୍ତି ଇନାଖାଡ଼ାଂ ପା ନାସ୍ତି କି ଏସ୍ତି ଆଉର୍, ଆରେ, ୱେଡା କି ଇମ୍ଣାକା ପା କାରା ହେୱାରିଂ ବାଦା କିଉଡ଼, ୧୭ ଇନେକିଦେଂକି ଗାଦି ମାଦ୍‌ଣିବାହା ମେଣ୍ଡାହିମଣା ହେୱାର୍ତି ଗଡ଼ିଆ ଆନାନ୍ ଆରି ଜିବୁନ୍‌ହିନି ଜାରାଣ୍ ଲାଗାଂ ହେୱାରିଂ କାଡାୟ୍ ଅନାନ୍, ଆରେ ଇସ୍ତର୍ ହେୱାର୍ କାଣ୍‌ଗାତାଂ ୱିଜୁ କାଣେଲିଂ ନେନ୍ଦନାନ୍ ।

୮

ସାଡ଼ଗଟା ସିଲ୍

୧ ମେଣ୍ଡାହିମଣା ଏତେକାଡ଼ଦ ସାଡ଼ଗଟା ସିଲ୍ ତ୍ରିକ୍ତାନ; ହେପାଦନା ସାଗେତ ଇଚିସ୍ ଆଦା ଗଣ୍ଡା ପାତେକ୍ ଚିମ୍ବରା ଆଜି ହାଚିକ୍ । ୨ ତା ପାଚେ ଆନ୍ ଇସ୍ତର୍ତି ମୁମ୍ଦ ନିଲ୍‌ତିକିକ୍ ସାଡ଼ ଜାଣ୍ ଦୁଡ଼ତକାଂ ହୁଡ଼ତାଂ; ହେୱାକାଂ ସାଡ଼ଗଟା ମରିଂ ହିତାନ୍ ।

୩ ଆରେ ରୱାନ୍ ଦୁଡ଼ ୱାଜି ଗାର୍‌ଣି ଲାଗାଂ ନିଲ୍‌ତାନ୍, ଇସ୍ତର୍ନି ପୁଇପୁୟା ମାନାୟାର୍ ପାର୍ତାନା ଲାହାଙ୍ଗ୍ ବେସି ଗାନ୍ଦାନି ଦୁପ୍‌ନି ମାଚାଡ଼, ଆରେ ଗାଦି ମୁମ୍ଦ ହନା ଗାର୍‌ଣି ଜପି ୱିଜାର୍ ସାଦୁର୍ତି ପାର୍ତାନା ଲାହାଙ୍ଗ୍ ହିନି କାଜିଂ ତାଙ୍ଗେଙ୍ଗ୍ ବେସି ଦୁପ୍‌ନି ହିତାର୍ । ୪ ହେବେଣ୍ଡାଂ ଦୁଡ଼ କେଇଦାଂ ଦୁପ୍‌ନି କଦା ଦାମ୍‌ର୍ ପାର୍ତାନା ଲାହାଙ୍ଗ୍ ପୁଇପୁୟା ଇସ୍ତର୍ ମୁମ୍ଦ ଜପି ନିଙ୍ଗତାଡ଼ । ୫ ପାଚେ ହେ ଦୁଡ଼ ଦୁପ୍‌ନି ଅଜି ଗାର୍‌ଣିନି ନାଣିତ ହେଦାଂ ବାଡ଼ଂ କିଜି ପୁଡ଼ଂ ଜପି ତୁହିହିତାଡ଼ । ହେବେ ବିଞ୍ଜିଇଡ଼ନିକାଟ୍, ବାରବାନି କାଟ୍, ବିଜ୍‌ଲି ଆରି ମେଦ୍‌ନିଦାଲ୍‌କା ଆତାଡ଼ ।

ମରି ବାଜା

୬ ହେ ଏତେକାଡ଼ଦ ସାଡ଼ଗଟା ମରିଂ ଆସ୍ତାକା ସାଡ଼ ଦୁଡ଼କୁ ମରିକାଟ୍ କିଦେଙ୍ଗ୍ ଜାଲ୍‌ଦି ଆତିକ୍ । ୭ ପର୍ତୁମ୍ ଦୁଡ଼ ମରିକାଟ୍ କିତି ଦାପ୍ରେ ଆଞ୍ଜଗା, ନାଣି ଆରି ନେତେର୍ ପୁଡ଼ଂ ଜପି ଆର୍ତାଡ଼ । ପାଚେ ୱିଜୁ ମାର୍‌ଦେର୍, କାଚାପାଡ଼ିୟା କାଚା ଲାହାଂ ପୁଡ଼ଂନି ର ତିନ୍ ବାଗ୍ କାଡ଼ତାଡ଼ ।

୮ ଜେତି ଦୁଡ଼ ମରିଗାଜ୍ରାୟ୍ କିତିଲେ, ଇନେସ୍ ନାଣି ଆହୁନି ର ଗାଜା ମାଡ଼ି ହାମ୍‌ଦୁର୍ତ୍ତ ତୁହିୟାତାଡ଼, ହେବେ ହାମ୍‌ଦୁର୍‌ନି ତିନି ବାଗ୍ ଏଜୁଙ୍ଗ୍ ନେତେର୍ ଆତାଡ଼ । ୯ ଆରେ, ହାମ୍‌ଦୁର୍‌ତ ମାନି ପାରାଣିଙ୍ଗ୍ ବିତ୍ରେତାଂ ତିନି ବାଗ୍ ହାତିକ୍ ଆରି ଜାଜ୍‌ନିକଂ ତିନି ବାଗ୍ ବୁଡାଆତିକ୍ ।

୧୦ ମାଜ୍‌ଗାତ୍ୟା ଦୁଡ଼ ମରିଗାଜ୍ରାୟ୍ କିତିଲେ ନାଣିନିଙ୍ଗ୍‌ତାକା ଲାକେ ଅଜଡ଼ ର ଗାଜା ହୁକା ଆକାସ୍‌ତାଂ ଆଜ୍‌ ହେବେନି ଏଜୁଙ୍ଗ୍‌ତାଂ ତିନି ବାଗ୍‌ତାଂ ର ବାଗ୍ ଆରି ଜାରାଣିଂ ଜପି ମୁଞ୍ଚାଡ଼; ୧୧ ହେ ହୁକାତି ତର୍ କେନାକା । ପାଚେ ହାଦ୍ ଏଜୁଙ୍ଗ୍‌ନି ର ତିନି ବାଗ୍ କେଡିକ୍ ଆରି ହେ ଏଜୁଙ୍ଗ୍ ଉଣ୍‌ଜି ବେସି ମାନାୟାର୍ ହାତାର୍ ।

୧୨ ଚାରି ଲମ୍‌ର୍ ଦୁଡ଼ ମରିଗାଜ୍ରାୟ୍ କିତିଲେ ୱେଡା, ଲେଞ୍ଜ୍ ଆରି ହୁକାଂ ତିନି ବାଗ୍ ତୁକାବା ଆତିଲେ ହେ ୱିଜୁନି ତିନି ବାଗ୍ ମାଜ୍‌ଗା ଆତାଡ଼, ଦିନ୍‌ନି ତିନି ବାଗ୍ ଅଜଡ଼ ଆଜି ମାଚାଡ଼ ଆରି ନାଣା ପା ହେ ଲାକେ ଅଜଡ଼ ଆଖାତାଡ଼ ।

୧୩ ପାଚେ ଆନେଙ୍ଗ୍ ହୁଡ଼ତାଂ, ଆରେ ବାଦାଡ଼ନି ମାଦିବାଗ୍‌ଦ ଉମ୍‌ନି ର ମୁଜ୍‌ଜି ପଟି ଗାଜାକାଟ୍‌ତାଂ ଇଦାଂ ଇଞ୍ଜିମାନାକା ୱେଚାଙ୍ଗ୍, ହାଦି, ହାଦି, ହାଦି, ପୁଡ଼ଂନିକାର୍ ଦୁକ୍ ପାୟାନି ଲଗ୍, ଇନେକିଦେଂକି ଆରେ ତିନିଜାଣ୍ ଦୁଡ଼ ମରିଗାଜ୍ରାୟ୍ କିଦେଙ୍ଗ୍ ହାନିକା ।

୯

୧ ତା ପାଚେ ପାଞ୍ଚଲମ୍‌ର୍ ଦୁଡ଼ ମରି ଗାଜ୍ରାୟ୍ କିତିଲେ ଆନେଙ୍ଗ୍ ବାଦାଡ଼ତାଂ ର ହୁକା ପୁଡ଼ଂତ ଆଣ୍ଡାକା ହୁଡ଼ତାଂ; ହେଦେଲିଂ ପାତାଲ୍ କୁଣ୍ଡୁନି କୁଚି ହିୟାଜିମାଚାଡ଼ । ୨ ହେୱାନ୍ ହେ ପାତାଲ୍ କୁଣ୍ଡି ରିକ୍‌ତିଲେ ହେବେତାଂ ଗାଜା ବାଟିନି କଦା ଲାକେ କଦା ନିଙ୍ଗତାଡ଼, ଆରେ ହେ ପାତାଲ୍ କୁଣ୍ଡିତ କଦା କାଜିଂ ୱେଡା ଆରେ ଆକାସ୍ ମାଜ୍‌ଗା ଆତାଡ଼ । ୩ କଦା ବିତ୍ରେତାଂ ପାମିଙ୍ଗ୍ ହସି ପୁଡ଼ଂତ ୱାତିକ୍, ହେୱେକାଂ ପୁଡ଼ଂନି କାଚାକୁପିନି ବିସ୍ ଲାକେ ସାଲ୍ତ୍ରି ହିତାନ୍ । ୪ ପୁଡ଼ଂନି କାଚା କି କାଚାପାଡ଼ିୟା ବାନି କୁଚା କି ଇମ୍ଣାକା ପା ମାର୍‌ତିଂ ବୁଡାୟ୍ କି଱ାଦାଂ, ଇମ୍ଣାକାର୍‌ତି ନିଦାଣ୍‌ତ ଇସ୍ତର୍ ତିନ୍ ହିଲ୍‌଱ିତିସ୍, କେବଲ୍ ହେୱାର୍ତି ବୁଡାୟ୍ କିଦେଙ୍ଗ୍ ହେୱାରିଂ ୱେଡ଼ଚାର୍ । ୫ ହେୱାରିଂ ଅହ୍ୟା଱ାଦାଂ ପାଞ୍ଚ ମାସ୍ ପାତେକ୍ ହେୱାର୍ତି ନନାକା ଗିଚାୟ୍‌କିଦେଂ ହେୱାରିଂ ପା ମିଂ ଆଦିକାର୍ ହିତାନ୍, କାଚାକୁପି ମାନାୟ୍‌ତିଂ କାପ୍‌ତିସ୍ ଇନେସ୍ ନାନାଡ଼, ଇ

☆ ୮:୫ ୮:୫ ହତ୍ୱ ୧୧:୧୯; ୧୭:୧୮.

ନନାକା ହେ ଲାକେ । ୭ ହେ ସମୁତ ମାନାୟାର୍ ହାନାକା ଦାହନାର୍, ମାତର୍ ଇନେସ୍ କିଜି ପା ବାନି କିତିସ୍ ପା ପାୟା ଆଉର୍; ହେଝାର୍ ହାଦେଂ ମାନ୍ କିତାର୍, ମାତର୍ ହାକି ହେଝାର୍ତାଂ ହନ୍ନାଡ଼ ।

୭ ପାମିଂ ଜାଲ୍ଦି ଆତି ଜୁଜ୍ କିନି କାଜିଂ ଗଡ଼ା ଲାକେ ଚଞ୍ଚୟାଜି ମାଟିକ୍, ହେଝେକ୍ତି କାପଡ଼ାନି ପୁକ୍ୟାତାକା ହନା ମୁକୁର୍ ଲାକେ ମାଚାଡ଼, ଆରେ ହେଝେକ୍ତି ଝେଇ ମାନାୟାର୍ ଝେଇ ଲାକେ: ୮ କଗ୍ଲେ ହିମ୍ଣାଂତି ତେମୁଲ୍ ଲାକେ ହେଝାଙ୍ଗ୍ ତେମୁଲ୍, ସିହ୍ ଟାଡ଼ାଙ୍ଗ୍ ଲାକେ ହେଝେକ୍ତି ଟାଡ଼ାଙ୍ଗ୍ ମାଟିକ୍; ୯ ଲଝା ହାଜ ଉସ୍ପିତି ଲାକେ ହେଝେକ୍ତି ହାଜ ଉସ୍ପାନାକା, ଆରେ ଗଡ଼ାଗାଡ଼ି ଆରି ଜୁଜ୍ ବାହାତ ହନ୍ସ୍ତମାନି ଜବର୍ ଗଡ଼ାଙ୍ଗ୍ ଗାଜ୍ଜାନି ଲାକେ ହେଝେକ୍ତି ମାରାଂ ଗାର୍ଜାନାକା ହସି ମାଚାଡ଼ । ୧୦ କାଚାକୁପିତି ନିଞ୍ଜୁଣ୍ ଆରି ବାଡ଼କାସ୍ ଲାକେ ହେଝେକ୍ତି ନିଞ୍ଜୁଣ୍ ଆରି ବାଡ଼କାସ୍; ପାସ୍ତ ମାସ୍ ପାତେକ୍ ମାନାୟାର୍ତି ବୁଡ଼ାୟ୍ କିଦେଙ୍ଗ୍ ହେଝେକ୍ ନିଞ୍ଜୁଣ୍ଟ ସାଲ୍ଲି ମାଚାଡ଼ । ୧୧ ପାତାଲ୍ କୁଣ୍ଡି ଦୁଡ଼ ହେଝାକାଂ ରାଜା, ତା ତର୍ ଏବ୍ରି ବାସାତ ଅବଦନ୍ ଆରି ଗ୍ରକ୍ ବାସାତ ଅପଲ୍ଲିୟନ୍ ଇନେର୍ ଅରଡ଼ ଅସ୍ପାନାକା ।

୧୨ ପର୍ତ୍ତୁମ୍ ଦୁକ୍ ଝିସ୍ତାତାଡ଼, ହୁଡ଼ାଟ୍ ଇଦାଂ ପାତେ ଆରେ ରିଣ୍ଡାଂ ଦୁକ୍ ଝାନାତା ।

୧୩ ତାପାତେ ଚଅ ଲମର୍ ଦୁଡ଼ ମରିକାଟ୍ କିତିଲେ, ଆନେଙ୍ଗ୍ ଇସ୍ପରତି ମୁମଦ ହନା ଗାର୍ଣ୍ଣିନି ଚାରି କନାତାଂ ବିତ୍ରେତାଂ ର କାଟ୍ ଝେରାଙ୍ଗ୍ । ୧୪ ହେଦାଂ ମରି ଆସ୍ତି ମାନି ହେ ଚଅ ଲମର୍ ଦୁଡ଼ତିଂ ଇଚାନ୍, ପରାଡ଼ ଗାଜା ନାଗୁଡ଼ତ ବାଦିମାନି ଚାରି ଦୁଡ଼ତିଂ ମୁକ୍ତାୟ୍ କିଜିହିୟାଟ୍, ୧୫ ହେବେ ମାନାୟାର୍ତି ର ତିନି ବାଗ୍ ଚୁଣି କାଜିଂ ଇ ଇମ୍ଣି ଚାରି ଦୁଡ଼ ହେ ଡାଣ୍ଡ, ଦିନ୍, ମାସ୍ ଆରି ବାହୁଁ କାଜିଂ ଜାଲ୍ଦି କିୟା ଆଜି ମାଟିକ୍, ହେଝାର୍ ମୁକ୍ତାୟ୍ କିୟାତାର୍ । ୧୬ ପାତେ ଆନ୍ ହୁଡ଼ତାଂ, ଗଡ଼ା ଦୁମ୍ତାକାର୍ ମେଲ୍ଲୟାର୍ତାଂ ଲମର୍ ୨୦୦,୦୦୦ ଲକ୍ୟ ରି କଟି; ଆନେଙ୍ଗ୍ ହେଝାର୍ ଗାଣ୍ଡି ଝେରାଙ୍ଗ୍ । ୧୭ ଆରେ ଆନେଙ୍ଗ୍ ହୁଡ଼ତାଂ ଗଡ଼ା ଆରି ହେଝାର୍ ଦୁମ୍ତାକାରିଂ ଇ ଲାକେ ହୁଡ଼ତାଂ, ହେଝାର୍ତି ଜିଦ୍ନି ହାଜ୍ଦ ନାଣିବାନି ନିଲିବାନି ଆରି ଗନ୍ଦକ୍ବାନି, ଗଡ଼ା କାପଡ଼ାଙ୍ଗ୍ ସିହ୍ କାପଡ଼ା ଲାକେ ଆରେ ହେଝାଙ୍ଗ୍ ଝେଇଦାଂ ନାଣି, କଦା ଆରି ଗନ୍ଦକ୍ ହସି ମାଚାଡ଼ । ୧୮ ହେଝାଙ୍ଗ୍ତି ଝାଇଦାଂ ହଡ଼ନି ନାଣି, କଦା ଆରି ଗନ୍ଦକ୍ ଲାକେ ଇ ତିନି ଦୁକ୍ ହୁକେ ମାନାୟାର୍ତି ର ତିନି ବାଗ୍ ଅହ୍ୟାତିକ୍ । ୧୯ ଇନେକିଦେଂକି ଗଡ଼ାଙ୍ଗ୍ ସାଲ୍ଲି ହେଝେକ୍ତି ଝେଇ ଆରି ନିଞ୍ଜୁଣ୍ଟ ମାଚାଡ଼, ଲାଗିଂ ହେଝାଙ୍ଗ୍ତି ନିଞ୍ଜୁଣ୍ ରାଟ୍ ଲାକେ ଆରି କାପଡ଼ା, ଲାକେ ତା ହୁଦାଂ ହେଝାଙ୍ଗ୍ ବୁଡ଼ାୟ୍ କିନିକ୍ ।

୨୦ ଇମ୍ଣି ବାକି ମାନାୟାର୍ ଇ ଝିଜୁ ଦୁକ୍ ହୁକେ ଅହ୍ୟାଝାଦାଂ ମାଟିକ୍, ହେଝେକ୍ ଜାର୍ ଜାର୍ କେଇଦାଂ ରଡ଼ି କାମାୟତାଂ ମାନ୍ବାଦ୍ଲୟ୍ କିଝିତିକ୍, ଇତିସ୍ ବୁଡ଼କୃତି ପୁଜା ଆରି ହୁଡ଼ନାକା, ଝେନାକା ଆରି ବୁଲ୍ଲାଚାଲାଦେଂ ଆଡ଼ଝିତି ହନା, ରୁପା, ପିତାଡ଼, କାଲ୍ ଆରି ଝେଜ୍ଗୁ ରଡ଼ି ପୁଡ଼ତାଂ ପୁଜା ପିସ୍ତେଙ୍ଗ୍ ଆଡ଼ଝିତିକ୍, ୨୧ ଆରେ ହେଝେକ୍ ଜାର୍ତିଂ ନାର୍ଚ୍ଚଣାକା, ପାଙ୍ଗାଣ, ଦାରି ଆରି ଗାଣ୍ଡୁ କାମାୟତାଂ ମାନ୍ବାଦ୍ଲୟ୍ କିଝିତିକ୍ ।

୧୦

ସାଗେଦୁଡ଼ ଆରି ହାରୁ ପତି

୧ ତା ପାତେ ଆନ୍ ହୁଡ଼ତାଂ, ଆରେ ରଝାନ୍ ସାଲ୍ଲିକାଟି ଦୁଡ଼ତିଂ ସାଗେତାଂ ଜୁଜି ଝାନାତା । ହେଦେଲ୍ ବାଦାଡ଼ତ ଡାବାୟକିଆ ଆଜି ମାଚାଡ଼ ଆରି ତୁବ୍ଡାରାଟ୍ ହେଦେଲ୍ତି କାପଡ଼ାତିଂ ହୁରତି ମାଚାଡ଼ । ହେଦେଲ୍ତି ମୁମ୍ ଝେଡ଼ା ଲାକେ ଆରି କାଲ୍କୁ ରିଣ୍ଡାଙ୍ଗ୍ ନାଣି ମୁଣ୍ଡାଙ୍ଗ୍ ଲାକେ ଚଞ୍ଚୟାଜି ମାଚାଡ଼ । ୨ ତା କେଇଦ ର ଜେୟାତି ହିରୁ ପତି ମାଚାଡ଼ । ହେଦେଲ୍ତି ଜାର୍ ବୁଜ୍ଣି ପାନା ହାମଦୁର୍ ଜପି ଆରି ତେବ୍ରି ପାନା ପୁଡ଼ ଜପି ଇଡ଼ଜି ମାଚାଡ଼ । ୩ ସିହ୍ ଗାର୍ଜାନି ଲାକେ ଆଡ଼ବିସ୍ ହେଦେଲ୍ କୁକ୍ତାଡ଼, ସମାନ୍ ହେ ଲାକେ ଆଡ଼ବିସ୍ ସାଡ଼ଗଟା ବାଦାଡ଼ିଂ ଇଦେଲ୍ କୁକ୍ନି ତାକେ ଉଡ଼ର୍ ହିତିକ୍ । ୪ ତିନ୍ ଇଡ଼ନାକା ହେଝେକ୍ ଇନାକା କାତାବାଟା ଆତିକ୍, ହେଦାଂ ଆନ୍ ଲେକିକିଦେଂ ହାଲ୍ଲି ମାଚାଙ୍ଗ୍, ମାତର୍ ସାଗେତାଂ ରଞ୍ଜାଙ୍ଗ୍ କାଟ୍ ଝେରାଙ୍ଗ୍ । ହେ କାଟ୍ ନାଂ ଇଞ୍ଚାଡ଼ । “ବାଦାଡ଼ ଗାର୍ଜାନ୍ତ ଇନାକା ଝେନାୟା, ହେଦାଂ ଡ଼କୁଟି ଇଟା; ଲେକି କିମା ।”

୫ ତାପାତେ ଇମ୍ଣି ଦୁଡ଼ତିଂ ହାମଦୁର୍ ଆରି ପୁଡ଼ ଜପି ନିଲ୍ତାକା ଆନ୍ ହୁଡ଼ଜି ମାଚାଙ୍ଗ୍, ହେଦେଲ୍ ତା ବୁଜ୍ଣି କେଇ ସାଗେ ନିପ ନିକ୍ତାଡ଼, ୬ ଆରି ଇନେନ୍ ସାଗେ, ପୁଡ଼, ହାମଦୁର୍ ଆରି ତା ତାରେନ୍ନି ସବୁ ବିସ୍ତେ ଉବ୍ଜାୟ୍ କିତାର୍ନା ହେ ନିତ୍ରେଜିନାକାନ୍ ଇସ୍ପରତି ତର୍ଦ ପାର୍ମାଣ୍ କିଜି ଇତିକ୍, “ଆରେ କାଡ଼ ବିଲ୍ଲମ୍ ଆଉଡ଼ । ୭ ଏଚେକାଡ଼ଦ ସାଡ଼ ଦୁଡ଼ ମରି ତୁବ୍ଡାଡ଼, ଇସ୍ପର୍ ହେଝାଡ଼ି ଆଡ଼ିୟା ବେଣ୍ଟବାକ୍ଣାୟ୍ କିନାକାନ୍ତି ଲାଗାଂ ଇମ୍ଣି ଡ଼ଲ୍ଲି ନେକ୍ତିକାବୁର୍ ହପ୍ତି ମାଚାନ୍, ହେଦାଂ ଝିହ୍ନାନ୍ ।”

୮ ତାପାତେ ସାଗେନି ହେ କାଟ୍ ନାଂ ଆରେ ଇଞ୍ଚାଡ଼, “ହାଲା, ହାମଦୁର୍ ଆରି ମେଦ୍ନି ଜପି ନିଲ୍ତିମାନି ଦୁଡ଼କ୍ତି କେଇଦାଂ ଜେତାକା ପତି ଅଝା ।”

୯ ଆନ୍ ଦୁତକ୍ତ ଲାଗାୟ ହାଲ୍ଲି ହେ ହିରୁ ତଲ୍ ପତିତି ଏଡ଼ାଙ୍ଗ । ହେଦେଲ୍ ନାଁ ଇଞ୍ଚାଡ଼, “ଅଜି ତିନା । ନି ପଟ କାଜିଁ ଇଦାଁ କେନାକା, ମାତର୍ ନି ମୁମ୍ଦ ଇଦାଁ ପୁକି ଲାକେ ହୱାଦ୍ ହଡ଼ନାଡ଼ ।”

୧୦ “ହେବେ ଆନ୍ ଦୁତକ୍ କେଇଦାଁ ହେ ହିରୁ ପତିଁ ଅଜି ହେଦାଁ ଚିଚାଙ୍ଗ । ହେଦାଁ ନା ଝେଇଦ ପୁକି ଲାକେ ହୱାଦ୍ ଆତାଡ଼, ମତର୍ ଗୁସ୍ତି ଦାପ୍ରେ ପଟ ବିତ୍ରେ କେସି ହାଚାଡ଼ । ୧୧ ତା ପାଚେ ନାଙ୍ଗ ଇନେର ନାଁ ଇନ୍ତାର, ବେସି ଦେସ୍, ଜାତି, ବାସାନିକାର ଆରି ରାଜାର ବିସ୍ତେ ଇସ୍ପୁରତି କାରୁର୍ ଏନ୍ ହାଲ୍ଲି ଆରେରଗ ସୁଣାୟ କିୟା ।”

୧୧

ରିୟାର ସାକି

୧ ତା ପାଚେ ଇନେର ରଞ୍ଚାନ୍ ଲାଗୁନି ବେଡ଼ଗା ଲାଗୁନି ର କୁତା ବାଡ଼ଗା ନାଁ ହିଜି ଇଞ୍ଚାନ୍, “ହାଲା, ଇସ୍ପୁରତି ମନ୍ଦିର୍ ଆରି ଗାରଣି ଲାଗା ଆରି ମନ୍ଦିରତ ପାର୍ତାନା କିନାକାରିଁ ଗାଣା କିୟା । ୨*ମାତର୍ ମନ୍ଦିରନି ବାରତ ମାନି ହାକଡ଼ିତିଁ ଲାଟ୍ମାଟ୍ । ଇନେକିଦେଂକି, ହେଦାଁ ପାଟି କିଞ୍ଚି ଜିହୁଦିରିଁ ଦାନ୍ ହିଡ଼ାରନା । ହେଞ୍ଚାର ରିକଡ଼ି ଦୁଇ ୪୨ ମାସ୍ ପାଚେକ୍ ଇ ପୁଇପୁୟା ଗାଡ଼ିଁ ପାନା ତାରେନ୍ କିଜି ଇଟ୍ନାର । ୩ ହାରୁ ବାସ୍ତା ଉସ୍ପାତାକାର ନା ରିଆର୍ ସାକିରିଁ ଆନ୍ ପକ୍ତାନାଁ । ହେଞ୍ଚାର ୧,୨୬୦ ଦିନ୍ ପାଚେକ୍ ବେଶବାକ୍ଷାୟକିନାନ୍ ।”

୪ ହେଞ୍ଚାର ପୁତ୍ ନି ସାକି ମାପୁତି ମୁମ୍ଦ ନିଲ୍ଲତିମାତି ରିଣ୍ଡି ଜିଡ଼ମାର୍ ଆରି ରିଣ୍ଡି ବଇଟା ଲାକେ । ୫ ଜଦି ଇନେର ହେଞ୍ଚାରତି ବୁଡ଼ାୟ କିଦେଙ୍ଗ୍ ସେସ୍ତ୍ କିଡ଼ାର, ତେବେ ହେଞ୍ଚାରତି ଝେଇଦାଁ ନାଣି ହସି ସାଡୁରିଁ ନାସ୍ କିନିକ୍ । ଏଲେଙ୍ଗ୍ ଜେ ଇନେନ୍ ହେଞ୍ଚାରତି ବୁଡ଼ାୟ କିଦେଙ୍ଗ୍ ହନାଡ଼, ହେଞ୍ଚାନ୍ ବୁଡ଼ାନାନ୍ । ୬ ଇସ୍ପୁରତି କାରୁର୍ ସୁଣାୟ କିନି ଝେଡ଼ାଲିଁ ଆକାସ୍ତିଁ ମୁନାକିଜି ବାରହା ଆଦେଁ ବନ୍ଦ୍ କିଦେଙ୍ଗ୍ କେମ୍ତା ହେଞ୍ଚାକ୍ କାଁ ହିୟାତାନ୍ । ଏସ୍ ଜାରାଣିକାଁ ନେତେରତ ମେହାୟ କିଦେଙ୍ଗ୍ ଆରି ଜାର ଇଟା ଇସାବ୍ରେ ପୁତ୍ ତ ବାରବାର ମାରତି ଉବ୍ଜାୟ କିଦେଙ୍ଗ୍ ହେଞ୍ଚାରିଁ ଆଦିକାର୍ ମାନାଡ଼ ।

୭*ହେଞ୍ଚାରତି ସାକି ଝିସ୍ତି ପାଚେ ପାତାଲ୍ କୁଣ୍ଡତାଁ ର ପସୁ ନିଙ୍ଗି ଝାଜି ହେଞ୍ଚାରତି ବିରୁଡ଼ତାଁ ଜୁଜ୍ କିନାଡ଼ । ୮ ହେଞ୍ଚାନ୍ ହେଞ୍ଚାକ୍ କାଁ ଆରାୟ କିଜି ଟୁଣାଡ଼ ଆରି ଇମ୍ପାଣି ଗାଜା ଗାଡ଼ିଁ, ଆମ୍ବିକ୍ ବାବ୍ରେ ସଦମ୍ ଆରି ମିସର୍ ଇଞ୍ଚି ଇନ୍ୟାନାଡ଼, ରାଜାର ହାସ୍ଦ ମାପୁ କୁସ୍ ଇଡ଼ିୟା ଆଜି ମାଚାନ୍, ହେବେ ହେଞ୍ଚେକ୍ତି ମାଡ଼ା ଆଜିଁ ମାନ୍ଗାନାଡ଼ । ହେ ବସ୍ତିତ ସଦମ୍ କି ମିସର୍ ଇଞ୍ଚି ଇନ୍ୟାନାଡ଼ । ୯ ଝିଜୁ ଦେସ୍, କୁଟ୍ମ, ବାସାକିନାକାର ଆରି ଜାତିର୍ ମାନାୟ ତିନି ଦିନ୍ ଆଦା ପାଚେକ୍ ହେ ମାଡ଼ାତିଁ ହୁଡ଼ନାର୍ ଆରି ହେଞ୍ଚାକାଁ ମୁଚ୍ରେଁ କାଜିଁ ପିସ୍ତି ହିଉର୍ । ୧୦ ହେ ରିୟାରିଁ ହାକି କାଜିଁ ପୁତ୍ ନି ମାନାୟାର୍ ଝାରୟାନାର୍, ସାଦାଁ ଗିଆଣ୍ କିଜି ହାରି ଲାଗାୟ ଦାନ୍ ପକ୍ତାନାର୍; ଇନେକିଦେଂକି, ହେ ବେଶବାକ୍ଷାୟକିନାର୍ ଲାଗିଁ ପୁତ୍ ନିକାର୍ ବେସି ହରବର୍ ଆଜି ମାଚାର୍ । ୧୧ ମାତର୍ ତିନି ଦିନ୍ ଅଦା ପାଚେ ଇସ୍ପୁରତାଁ ଜିବୁନ୍ ତଲୁ ଝାଜି ହେଞ୍ଚାର ଗାଗାଡ଼ତ୍ ହଚାଡ଼ ଆରି ହେଞ୍ଚାର ନିଁଜି ନିଲ୍ଲତାର୍ । ଇମ୍ପାଣାକାର ଇ ଗଟ୍ଟା ହୁଡ଼ଜି ମାଚାର୍, ହେଞ୍ଚାର ପାଣ୍ଡା ଆଚାର୍ । ୧୨ ଆରେ, ହେ ରିୟାର୍ ବେଶବାକ୍ଷାୟକିନାକାର୍ ହେଞ୍ଚାରିଁ ସାଗେତାଁ ଗାଜା କାଟ୍ତାଁ ଇ କାତା ଇଞ୍ଚିମାନାକା ର କାରୁର୍ ଝେଚାର୍; “ଇବେ ଝାଡ଼” ହେଞ୍ଚାରତି ସାଡୁର୍ ହୁଡ଼ ହୁଡ଼ ହୁଡ଼ ହେଞ୍ଚାର ବାଦାଡ଼ ବିତ୍ରେ ଆଜି ସାଗେତ ଦୁମ୍ତାର୍ । ୧୩ ହେ ସମୁତ ବେସି ମେଦ୍ନିଦାଲ୍ କାତାଡ଼, ଗାଡ଼ନି ଦସ୍ ବାଗତାଁ ର ବାଗ ଦୁଡ଼ିତ ମେହାତାଡ଼, ଆରି ମେଦ୍ନିଦାଲ୍ କାତିଲେ ସାଡ଼ ହାଜାର୍ ମାନାୟାର୍ ହାଚାର୍ । ଜିଜିମାନି ମାନାୟାର୍ ପାଣ୍ଡା ଆଜି ସାଗେନି ଇସ୍ପୁତ୍ ସବୁମେଙ୍ଗ୍ତି ଜାଜମାଲ୍ ଏଡ଼ନାୟ କିଡ଼ାର୍ ।

୧୪ ଜେତି ଦୁକ୍ ଝିସ୍ତାଡ଼; ତିନିଗଟା ଦୁକ୍ ବେଗି ଝାନାତା ।

ସାଡ଼ ମରି

୧୫ ସାଡ଼ ଦୁଡ଼ ମରିକାଟ୍ କିତିଲେ ସାଗେ ରାଜିନି ଗାଜା ସବଦ୍ ଲାହାଙ୍ଗ୍ ଇ ବେଶ୍ ଆତାଡ଼, ଜଗଡ଼ ଜପି ରାଜକିନାକା ମା ମାପୁତି ଆରି ତା ମସିୟା କେଇଦହାଚାକା, ଆରେ ହେଞ୍ଚାନ୍ ଜୁଗ୍ ଜୁଗ୍ ରାଜ୍ କିନାନ୍ । ୧୬ ହେବେ ଇସ୍ପୁତ୍ ମୁମ୍ଦ ଜାର୍ ଜାର୍ ଗାଦିତ କୁଚ୍ଚି ୨୪ ପ୍ରାଚିନାର୍ ମେଣ୍ଡାକୁଦିକିଜି ଇସ୍ପୁରତିଁ ଜଞ୍ଚାର କିଜି ।

୧୭ ଇଚାର୍ ଏ “ମାପୁ, ସବୁତିଁ ସାକ୍ତି କାଟି ଇସ୍ପୁର୍, ନଙ୍ଗ୍ ଆରି ପାଚେନିକାୟ୍ ଜେ ଏନେଙ୍ଗ୍, ଆପ୍ ନିଙ୍ଗ୍ ଜୁଞ୍ଚାର କିଦ୍ନାପା, ଇନେକିଦେଂକି ଏନ୍ ଜାର୍ ଗାଜାସାକ୍ତି ଆଜି କିଜି ରାଜ୍ କିନାକା ଇଡ଼ତାୟନା ।

୧୮ ପାଟି କିଞ୍ଚି ଜିହୁଦିର୍ ନାସ୍ କି ଆତାଣ୍ଡା;

* ୧୧:୨ ୧୧:୨ ଲୁକ ୨୧:୨୪. * ୧୧:୭ ୧୧:୭ ହଡ଼ତି ୧୩:୫-୭; ୧୭:୮.

ଇନେକିଦେଂକି, ମି ରିସାନି ସମ୍ପୁ ଏକାଞ୍ଚାତାଡ଼, ହାତାକାର ନଙ୍ଗ ବିଚାର କିୟାନାର ।
 ମି ଆଡ଼ିଏନ୍ ବେଶ୍‌ବାକ୍‌ଶାୟକିନାକାର, ଆରି ଇମ୍‌ଶାକାର ମିଙ୍ଗେଙ୍ଗ ପାଣ୍ଡା ଆଦନାର,
 ଗାଜାହାରୁ ଝିଜାର ପୁଇପୁୟାତାଂ ନିର୍ମଲ୍ ଆନାର
 ଆରି ଇମ୍‌ଶାକାର ପୁତର୍ ଚିଂ ନାସ୍ କିତାର, ହେଝାର ପା ନାସ୍ ଆନାର ।”

୧୯ ☆ହେ ଏଚେକାଡ଼ଦ ସାଗେତ ମାନି ଇସ୍‌ତର୍ ମନ୍ଦିରତ ମାନି ଦୁଝେର୍ ଜେୟାତାଡ଼ ଆରି ମନ୍ଦିରନି ନିୟମ୍ ସିନ୍ଦୁକ୍ ପେଡ଼ି ମାନାକା ଚଞ୍ଜିୟା ଆତାଡ଼ । ତା ପାଚେ ବିଜ୍‌ଲି, ଇଡ଼ତାଡ଼, ବାଦାଡ଼, ଗାର୍ଜାନାକା, ମେଦ୍‌ନିଦାଲ୍‌କାନାକା ଆରି ଗାଜା ଆଞ୍ଜିଗା ବାରହା ଆତାଡ଼ ।

୧୨

କଗଲେ ଆରି ରାଟ୍

୧ ଝିଜ୍‌ଝି ଆକାସ୍ତ ର ଗାଜା ଚିନ୍ ଚଞ୍ଜିୟାତାଡ଼; ରଞ୍ଜେଲ୍ କଗଲେ ଲେଞ୍ଜ୍ ଜପି ନିଲ୍‌ଚି ମାଗାଡ଼ ଆରି ଝେଡ଼ା ଅଜଡ଼ ଉସ୍‌ସିସ୍ ମାଗାଡ଼ । ତା କାପଡ଼ାତ ବାରଗଟା ହୁକାଂ ରଚଟାକା ର ମୁକୁଟ୍ ମାଗାଡ଼ । ୨ ହେଦେଲ୍ ଏସ୍‌ପିସ୍ତ୍ର ମାଗାଡ଼ । ଜଲମ୍‌କିନିତ ନନାକା କାଜିଂ ଆଡ଼ବିସ୍ ମାଗାଡ଼ ।

୩ ଆକାସ୍ତ ଆରେ ରଞ୍ଜାଙ୍ଗ ଚିନ୍ ଚଞ୍ଜିୟାତାଡ଼; ହୁଡ଼ାଟ୍, ଗେରୁ ବାନି ରାଟ୍ ଲାକେ ର ବେସିଗାଜା ପାରାଣି, ହେଦେଲ୍ ସାଡ଼ଗଟା କାପଡ଼ାଙ୍ଗ, ଦସଗଟା କମଙ୍ଗ, ଝିଜୁ କାପଡ଼ାଙ୍ଗ ର ମୁକୁଟ୍ ମାଗାଡ଼ । ୪ ହେଦାଂ ତା ନିଙ୍ଗୁଣ ଆକାସ୍ତ ର ତିନିବାଗ୍ ହୁକାକାଂ ଜେଲ୍‌ଜି ପୁତର୍ ତ ତୁହିତାଡ଼ । କାଡ଼ବେ ଜଲମ୍ ଆତି ସାଙ୍ଗେ ସାଙ୍ଗେ ହେଝାନିଂ ଚିଞ୍ଜେଙ୍ଗ ଉଦେସ୍ତ ରାଟ୍ ହେ କଗଲେ ଲାଗାଂ ଝାଜି ନିଲ୍‌ତାଡ଼ । ୫ ସମାନ୍ ସମୁତ କଗଲେ ର ମାଜି ହିମ୍‌ଶା ଜଲମ୍ କିତାଡ଼ । ମାତର୍ ବାଡ଼ଗାତାଂ ଉପକାରତ ଝିଜାର ଜାତି ଜପି ରାଜ୍ କିନି କାଜିଂ ବାଚିକିତି ହେ ମାଜି ସାସ୍ତ ରିସା ଆଜି ଇସ୍‌ରତି ଗାଦି ଲାଗାଂ ଅୟାତାନ୍ । ୬ ଆରେ, ହେ କଗଲେ ବାଟାତ ହନ୍‌ତାଡ଼, ହେବେ ୧,୨୬୦ ଦିନ୍ ପାଚେକ୍ ତା ମାନାକା କାଜିଂ ଇସ୍‌ର ବିଦି କିଜି ମାଗାନ୍ ।

୭ ☆ତାପାଚେ ସାଗେତ ଜୁଜ୍ ଆରାମ୍ ଆତାଡ଼, ମିକାୟେଲ୍ ଆରି ତା ଦୁତକ୍ ହେ ଗାଜା ରାଟ୍ ଆରି ତା ହେବାକାରିୟାର ଲାହାଙ୍ଗ୍ ଜୁଜ୍ କିତାର । ୮ ଜୁଜ୍‌ତ ରାଟ୍ ଆରି ତା ହେବାକାରିୟାର ଆରା ଆତାର ଆରି ହେଝାର ଆରେ ସାଗେତ ବାହା ଗାଟା ଆଞ୍ଜିତିକ୍ । ୯ ☆ହେବେ ସବୁ ଜଗଡ଼ନି ବୁଲ୍‌କାୟକିନି ଦିଆବଲ୍ ଆରି ସୟତାନ୍ ତର୍ଦ ଡାକ୍‌ପୁଟା ଜେ ଆଗେନି ରାଟ୍, ହେ ପ୍ତାନି ନାଗ, ହେଝାନ୍ ତା ଦୁତକ୍ ଲାହାଙ୍ଗ୍ ପୁତର୍ ତ ଝାଜି ତୁହ୍ୟାତିକ୍ ।

୧୦ ତା ପାଚେ ଆନେଙ୍ଗ ସାଗେତ ଗାଜା କାଟ୍ ର ସବଦ୍ ଝେଟାଙ୍ଗ, “ନଙ୍ଗୟ ଇସ୍‌ତର୍ ମୁକ୍‌ଡ଼ା ଆନାକା ଏକାଞ୍ଚାତାଡ଼ । ତା ରାଜା ସାକ୍ତି କାଟାକାନ୍ ଆରି ତା କ୍ରିସ୍ତୁତି କେମ୍‌ତା ଚାଲାତାଡ଼ନା-ଇମ୍‌ଣି ବୁଲ୍‌କାୟକିନାକା, ଝେଡ଼ାନାଶା ଇସ୍‌ରତି ମୁମ୍‌ଦ ନିଲ୍‌ଚି, ମା ଟଣ୍ଡାର ଆରି ତଣ୍‌ଦେକାଦେର୍ ବିରୁଦ୍‌ତ ମିର୍ ଦାବା କିଜି ମାଗାଡ଼, ହେଝାନିଂ ସାଗେତାଂ ହପ୍‌ଚି ତୁହିତାନ୍ । ୧୧ ଆରେ ହେଝାର ମେଣ୍ଡାହିମ୍‌ଶା ନେତେର୍ ଆରି ଜାର୍ ଜାର୍ ସାକିନି ବଚନ୍ ହୁକେ ତାଙ୍ଗେଙ୍ଗ୍ ଜିତା ଆତାଣ୍ଡା, ଆରି, ହେଝାର ହାକି ପାଚେକ୍ ଜାର୍ ଜାର୍ ଜିବୁନ୍‌ଚିଂ ଝାରିନି ଗିଆନ୍ କିଝାଦାଂ ମାଗାର । ୧୨ ଲାଗିଂ; ସାଗେ ଆରି ସାଗେନିକାର ଝିଜାଦେର୍ ଝାରି ସାଦା କିୟାଟ୍ । ମାତର୍ ହାୟ, ପୁତର୍ ନି ଜଡ଼ିନାଗୁଡ଼ ସବୁ! ମି ଦସା ଏଚେକ୍ ବଇଁକାର! ନଙ୍ଗ୍ ସୟତାନ୍ ମି ଲାଗାଂ ଆରି ହେଦେଲ୍ ବେସି କମ୍‌ପାତାଡ଼, ଇନେକିଦେଂକି ହେଦେଲ୍ ପୁଗାଡ଼ନା, ତା କାଡ଼ ପୁରାଜି ଝାନାତା ।”

୧୩ ରାଟ୍ ପୁତର୍ ତ ତୁହିୟାନି କାଜିଂ ହୁଡ଼ଜି ହେ ମାଜିହିମ୍‌ଶାଂ ଜଲମ୍‌କିନାକାଦେଲ୍ କଗଲେଙ୍ଗ୍ ଏକାତାଡ଼ । ୧୪ ତା ବିପଡ଼ତାଂ ରକ୍ୟା ପାୟାନି କାଜିଂ ରାଟ୍ କଗଲେହିମ୍‌ଶାତିଂ ରିଣ୍ଡି ରାମାଣ୍ ପଟିନି ମାରା ହିତାଡ଼ । ତା ଉପକାରତାଂ ହେଦେଲ୍ ବାଲିବାଟାତ ଜାର୍ ମାନି ବାହାତ ଉମ୍‌ଜି, ହେବେ ତିନି ବାହୁଁ ଆଦା ପାଚେକ୍ ବିପଦ୍‌ଝାଦାଂ ମାଞ୍ଜେଙ୍ଗ୍ ରାଜି ଆତାଡ଼ । ୧୫ ତା ପାଚେ କଗଲେହିମ୍‌ଶାତିଂ ଏସୁଙ୍ଗ୍‌ହାନିତ ବଡ଼ାୟ କିନି କାଜିଂ ରାଟ୍ ଜାର୍ ଝେଇଦାଂ ତା ପାଚେ ପାଚେ ର ପୁର୍ ଲାକେ ଏଜୁଙ୍ଗ୍ କାକ୍‌ତାଡ଼ । ୧୬ ମାତର୍ ତାଙ୍ଗ୍ ରାକ୍ୟା କିନି କାଜିଂ ପୁତର୍ ଜାର୍ ଝେଇ ଜେସି ରାଟ୍‌ନି ଝେଇଦାଂ ହସି ମାନି ଝିଜୁ ଏଜୁକାଂ ଉଟାଡ଼ । ୧୭ ହେବେ ରାଟ୍ କଗଲେ ଜପି ରିସାଜି ତା ଲାଡ଼ା ଇମ୍‌ଣି ମାନାୟାର ଇସ୍‌ରତି ବଲ୍ ମାନି କିତାର, ଆରି ଜିସୁତି ବିସ୍ତେ ସାକି ଦାନ୍ ହିତାର ହେଝାର ଲାହାଂ ଜୁଜ୍ କିନାକା ସାକି ହିନାର । ୧୮ ଆରେ ହେଝାନ୍ ହାମ୍‌ଦୁର୍‌ନି ବାଲି ଜପି ନିଲ୍‌ତାଡ଼ ।

୧୩

ରିଣ୍ଡି ପସୁ

☆ ୧୧:୧୯ ୧୧:୧୯ ହଡ଼ି ୮:୫; ୧୨:୧୮; ହଡ଼ି ୧୨:୨୧. ☆ ୧୨:୭ ୧୨:୭ ଜିହୁଦା ୧:୯. ☆ ୧୨:୯ ୧୨:୯ ଲୁକ ୧୦:୧୮.

୧ ତା ପାଚେ ଆନେଙ୍ଗ ହୁଡ଼ତାଙ୍ଗ, ର ପସୁ ହାମଦୁର୍ ବିତ୍ରେତାଂ ନିଙ୍ଗି ଖାନାତା । ହେଦେଲିଂ ଦସ୍ତଗଟା କମଙ୍ଗ ଆରି ସାତଗଟା କାପଡ଼ାଙ୍ଗ । ଜାଣକେ କମକାଂ ରଞ୍ଜାଙ୍ଗ ରଞ୍ଜାଙ୍ଗ ମୁକୁର୍ ମାଚାତ୍ ଆରି ଜାଣକେ କାପଡ଼ାତ ରଞ୍ଜାଙ୍ଗ ରଞ୍ଜାଙ୍ଗ ଇସ୍ୱର୍ ନିନ୍ଦା କିନିକିଂ ବାରବିନି ତର୍ ମାଚାତ୍ । ୨ ର ପସୁ ବିଜାପଲିଆ ବୁର୍କା ଲାକେ ଚଞ୍ଜି ମାଚାତ୍ । ତା ପାନା ବାଲୁ ପାନା ଲାକେ ଆରି ଖେଇ ସିହିଁ ଖେଇ ଲାକେ । ଆଗେ ରଚ୍ଚି ନେତେର୍ ବାନିନି ଗାଜା ରାଚ୍ ଇ ପସୁତିଂ ଜାର୍ ସାଲି, ଗାଦି ଆରି ବେସି କେମ୍ତା ହେଲାୟ୍ କିତାତ୍ । ୩ ପସୁତି ରଞ୍ଜାଙ୍ଗ କାପଡ଼ା ଅଲପ୍ ଗାଉ ପାୟାତି ଲାକେ ମାନେ ଆଜି ମାଚାତ୍ । ମାତର୍ ଆତିଗାଉ ବାହା ଉଜ୍ ଆଜି ମାଚାତ୍ ଆରି ପୁତ୍ ନିକାର୍ ଝିଜାର୍ କାବାଜି ପସୁ ଦାସ୍ତେଂ ଲାଗାତାର୍ । ୪ ଆରେ, ଝିଜୁ ପସୁତିଂ ଆଦିକାର୍ ହିଜି ମାନି ରାଚ୍ଚି ପୁଜା କିତାର୍ । ହେଝାର୍ ପସୁତିଂ ପା ପୁଜା କିଜି ଇଚାର୍, “ଇନେର୍ ଇ ପସୁ ଲାକେ ସମାନ୍ ଆଦେଂ ଆଡ଼ନାର୍ ? ଇନେର୍ ତା ବିରୁଦ୍ଧ ଜୁଜ୍ କିଦେଙ୍ଗ୍ ଆଡ଼ନାର୍ ?”

୫ ପସୁ ବାତାୟ୍ କିଜି କାତା ଇଞ୍ଜି ମାଚାତ୍ ଆରି ଇସ୍ୱର୍ ନିନ୍ଦା କିଜି ମାଚାତ୍, ଆତିସପା ରିକଡ଼ି ଦୁଇ ୪୨ ମାସ୍ ପାଚେକ ଆଦିକାର୍ କିନି କାଜିଂ ତାଙ୍ଗ୍ କେମ୍ତା ହିତାର୍ । ୬ ଇସ୍ୱର୍ତିଂ ତା ତର୍ ଆରି ମାନି ଇଲ୍ ଆରି ସାଗେନିକାର୍ ଝିଜାରିଂ ହେଝାନ୍ ସାଇପ୍ ହିଜି ନିନ୍ଦା କିଦେଙ୍ଗ୍ ଲାଗାତାର୍ । ୭ ଜିସୁ ପୁଇପୁୟା ଲକୁରିଂ ବିରୁଦ୍ଧ ଜୁଜ୍ କିଜି ହେଝାରିଂ ଆରାୟ୍ କିଦେଙ୍ଗ୍ ହେଝାନ୍ ଆଦିକାର୍ ପାୟାତାନ୍ ଆରି ଜାଣକେ କୁଟୁମ୍, ରାଜିନି ବାସାବସି ଆରି ଜାତି ଜପି ତାଙ୍ଗ୍ କେମ୍ତା ହିତାର୍ । ୮ ପୁତ୍ ନି ଉବ୍ଜାଣ୍ ଆଗେ ଇମ୍ଣାକାର୍ତି ତର୍ ଆସ୍ତି ମାଚି ମେଣ୍ଡାହିମ୍ଣା ଜିବୁନ୍ ପତିତ ଲେକାଜି ମାଚାତ୍, ହେଝାରିଂ ପିସ୍ତି ପୁତ୍ ନି ବିନ୍ ଝିଜାର୍ ହେ ପସୁତିଂ ପୁଜା କିତାର୍ ।

୯ “ଇନେରିଂ କିତୁଲ୍ ମାନାତ୍, ହେଝେନ୍ ଝେନେନ୍ । ୧୦ ଇସ୍ୱର୍ତି ଇନି ଇସାବ୍ରେ ଇନେର୍ ବନ୍ଦି ଆଦେଂ ମାନାତ୍, ହେଝାନ୍ ହାତ୍ପା ବନ୍ଦି ଆନାନ୍ । ଇନେର୍ ବିନ୍ କାଣ୍ଡାତାଂ ଅହ୍ନାର୍, ହେଝାନ୍ ଜାର୍ କାଣ୍ଡା ହୁକେ ନେ ହାନାର୍ । ଇ ସମୁତ ପୁଇପୁୟା ଇସ୍ୱର୍ତି ମାନାୟାର୍ କାଜିଂ ସାସ୍ ଆରି ପାତ୍ ରବେ ମାନାକା ଲଡ଼ା ।”

୧୧ ତା ପାଚେ ଆନେଙ୍ଗ ହୁଡ଼ତାଂ, ଆରେ ରଞ୍ଜାଙ୍ଗ ପସୁତିଂ ମେଦ୍ନି ବିତ୍ରେତାଂ ନିଙ୍ଗି ଖାନାକା ହୁଡ଼ତାଂ; ମେଣ୍ଡାହିମ୍ଣା କମ ଲାକେ ତା ରିଣ୍ଡି କମଙ୍ଗ୍ ମାଚିକ୍, ଆରି ହେଦେଲ୍ ଆରେରଗ ରାଚ୍ ଲାକେ କାତା ଇଞ୍ଜି ମାଚାତ୍ । ୧୨ ଇ ରି ପସୁ ପର୍ତ୍ତୁମ୍ ପସୁ ମାଚିଲେ ତା ଆଦିକାର୍ ବେବାର୍ କାଜିଂ ପର୍ତ୍ତୁମ୍ ପସୁନି ହାକି ଗାଉ ଉଜ୍ ଆଜି ମାଚିଲେ ପୁଜାକିନି କାଜିଂ ପୁତ୍ ନିକାରିଂ ଝିଜାରିଂ ଟାଟାୟ୍ କିତାତ୍ । ୧୩ ରି ପସୁ ବେସି କାବାଆନି କାମାୟ୍ ସବୁ ସାଦନ୍ କିନିକ୍ । ଝିଜାର୍ ଝେଇଦ ସାଗେତାଂ ପୁତ୍ ଜପି ନାଣି ବାରହା କିଇକିନାତ୍ । ୧୪ ଆରି ପର୍ତ୍ତୁମ୍ ପସୁନି ମାନିତ ଇ ଲାକେ ବେସି କାବାଆନି କାମାୟ୍ କିଜି ପୁତ୍ ନିକାର୍ ଝିଜାରିଂ ବୁଲ୍କାୟ୍ କିଜି । କାଣ୍ଡା ହୁକେ ହାଜି ଦୁମ୍ନି ଲାବ୍ କିଜିମାନି ପର୍ତ୍ତୁମ୍ ପସୁ ସମାନ୍ତ ତା ର ଡିଗା ରଚ୍ଚି କାଜିଂ ରି ପସୁ ମାନାୟାରିଂ ବଲ୍ ହିତାତ୍ । ୧୫ ପର୍ତ୍ତୁମ୍ ପସୁତି ଡିଗାତ ପୁଡ଼ା ନେଞ୍ଜେନାକା ହିଜି ତା ଜିବୁନ୍ କିନାକା ରିଣ୍ଡାଙ୍ଗ୍ ପସୁ ପୁଞ୍ଜିମାଚିକ୍ । ଝିଜ୍ ଡିଗା କାତା ଇଚାତ୍ ଆରି ଇମ୍ଣାକାର୍ ତା ପୁଜା କିଞ୍ଜାତାର୍, ହେଝାରିଂ ଆରେ କିଦେଙ୍ଗ୍ ଆଡ଼ତାର୍ । ୧୬ ଆରେ ହେଦେଲ୍ ହାରୁ ଆରି ଗାଜାକାର୍, କଡ଼କାଆଡ଼ିଏନ୍ କି ଜାର୍ତାରେନ୍, ମାଜାନ୍, ହିଲ୍ଝାକାର୍ ହାରିହାରା ଝିଜାର୍ତି ତିନିକେଇଦ କି ନିଦାଣ୍ଡତ ର ଚିନ୍ ରଚି କିଦେଙ୍ଗ୍ ହେଝାନ୍ ମାନାୟାରିଂ ଟାଟାୟ୍ କିତାତ୍ । ୧୭ ପସୁତି ତର୍ କି ହେ ତର୍ଚି ତିନ୍ ର ଲମର୍ ବୁଲ୍ କିଜି ମାନ୍ଝି ଇନେର୍ ପଚେଙ୍ଗ୍ କଡ଼ଦେଂ ଆଡୁର୍ ଇଞ୍ଜି ପସୁ ବଲ୍ ହିତାତ୍ ।

୧୮ ଇବେ ଗିଆନ୍ ଲଡ଼ା । ଇନେରିଂ ବୁଦି ମାନାତ୍, ହେଝାନ୍ ପସୁତି ଲମର୍ ଗାଣା କିଏନ୍, ଇନେକିଦେଂକି ହେଦାଂ ମନାୟତି ଲମର୍, ଆରେ ତା ଲମର୍ ଆନାତା ୭୭୭ ଚ ସହ ଚସଟି ।

୧୪

ମେଣ୍ଡାହିମ୍ଣା ଆରି ତା ପାଚେ ହାନି ମାନାୟାର୍

୧*ତାପାଚେ ଆନେଙ୍ଗ ହୁଡ଼ତାଂ; ଆରେ ହୁଡ଼ାଟ୍, ସିୟନ୍ ମାଡ଼ି ଜପି ନିଲ୍ତାର୍ନା । ତା ଲାହାଂ ଏକ୍ ଲକ୍ୟ ଚାଲିସ୍ ଚାର୍ ହାଜାର୍ ଜାଣ୍ ମାନାୟାର୍ ମାଚାତ୍ । ୧୪୪,୦୦୦ ହେଝାର୍ ନିଦାଣ୍ଡତ ମେଣ୍ଡାହିମ୍ଣା ଆରି ଆବାତି ତର୍ ଲେକା ଆଜି ମାଚାତ୍ । ୨ ତା ପାଚେ ଆନ୍ ଝେଚାଙ୍ଗ୍, ଏଜୁଙ୍ଗ୍ ଚାଲାନାକା ଡିଡ଼ି ଲାକେ ଆରି ସାଗେତାଂ ର କାଟ୍ ଝେଚାଙ୍ଗ୍ । ଇମ୍ଣା କାଟ୍ ଆନେଙ୍ଗ୍ ଝେଚାଙ୍ଗ୍; ହେଦାଂ ଗମଣ୍ ଡ଼ହ୍ନାକାରିଂ ଗମଣ୍ ସବଦ୍ ଲାକେ ଝେନ୍ୟାଜି ମାଚାତ୍ । ୩ ହେ ଲାକେ ଚୁରାଲିସି ହାଜାର୍ ୧୪୪,୦୦୦ ସାଗେ ଗାଦି, ଚାରିଗଟା ପାରାଣିଙ୍ଗ୍ ଆରି ମଣ୍ଡଲିନି ବୁଡ଼ାଲୁର୍ ନେତାର୍ ମୁମ୍ଦ ର ପୁନି କେରକଣ୍ କେରଜି ମାଚାତ୍ । ଆରେ ପୁତ୍ ତାଂ କଡ଼ିୟା ଆତାକାର୍ ହେଝାରିଂ ପିସ୍ତି ବିନ୍ ଲଗୁ ଇନେର୍ କେରକଣ୍ କେରଦେଂ ଆଡ଼ଝାଦାଂ ମାଚାତ୍ । ସବୁ ନାର୍ ଜାତି ବିତ୍ରେତାଂ କେବଲ୍ ହେଝାର୍ ମୁକ୍ତାଜି ମାଚାତ୍ । ୪ ହେଝାର୍ କଗ୍ଲେହିମ୍ଣା ଲାହାଙ୍ଗ୍ ଜାର୍ତିଂ

* ୧୪:୧ ୧୪:୧ ହତ୍ୱି ୭:୩.

ଇନାଖାଡ଼ାଙ୍କ ଦସି କିଞ୍ଜାଦାଂ ମାଚାର, ହେଞ୍ଜାର ମାଚାର ପୁଇପୁୟା । ହେଞ୍ଜାର ନିତ୍ରେ ମେଣ୍ଡାହିମ୍ପଣା ପାଚେ ହାଲୁଜି ମାଚାର । ହେଞ୍ଜାର ମାନାୟାରତ ବିତ୍ରେତାଂ ପର୍ତ୍ତମ୍ ମୁକ୍ତାଜି ଇସ୍ବର ଆରି ମେଣ୍ଡାହିମ୍ପଣା ଲାଗାଂ ଆକାଡ଼ ହିତାରନା ।^୫ ହେଞ୍ଜାର ଖାଇଦ ଇମ୍ପଣାକା ପା ମିର୍ କାତା ହିଲୁଡ଼, ହେଞ୍ଜାର ଦସି ଆକାୟ ।

ତିନିଜାଣ ଦୁଡ଼କୁ

^୬ ପାଚେ ଆନେଙ୍ଗ ଆରେ ରଞ୍ଜେଲ୍ ଦୁଡ଼ଙ୍ଗ ଆକାସ୍ତି ମାଦଣିବାଗଦ ଉମ୍ପନାକା ହୁଡ଼ତାଂ, ହେଞ୍ଜାନ ପୁତ୍ ତ ମାନି ଝିନ୍ନୁ ଜାତି, କୁଚୁମ୍, ବାସାନିକାର ଆରି ଲାତ୍ରା ମାନାୟାର ଲାଗାଂ ସୁଣାୟ କିନି କାଜିଂ ର ଝିନ୍ନୁକାଡ଼ନି ନେକ୍ତିକାରୁର ପାୟାଜି ଗାଜା କାଟ୍ତାଂ ଇଚାର ।^୭ ହେଞ୍ଜାନ ଗାଜା କାଟ୍ତାଂ ଇଞ୍ଜି ମାଚାନ । “ଇସ୍ବରତିଂ ପାଣ୍ଡା ଆଡ଼ ତାଙ୍ଗେଙ୍ଗ ଜାଜମାଲ୍ କିୟାଟ୍, ଇନେକିଦେଂକି ହେଞ୍ଜାରତି ବିଚାର ସମୁତ ଏକାଖାଡ଼ାଡ଼, ଆରେ ଇନେନ୍ ସାଗେ, ପୁତ୍ , ହାମ୍ପଦୁର ଆରି ହନି ଏସୁଙ୍ଗ ଉବ୍ଜାଣ୍ କିତାନନା ତାଙ୍ଗେଙ୍ଗ ଜଞ୍ଜାର କିୟାଟ୍ ।”

ଠ ହେ ପର୍ତ୍ତମ୍ ଦୁଡ଼ତି ପାଚେ ପାଚେ ଆରେ ରିଣ୍ଡି ଦୁଡ଼କୁ ଖାଜି ଇଚିକ୍, “ତାଦି ଝିନ୍ନୁ ଖାନାତା । ତାକ୍ପୁଟା ବାବିଲନ୍ ଦୁଡ଼ିମାସ୍ତାଡ଼ । ହେଞ୍ଜାନ ତା ଜାତିନି ଦାରି କାମାୟ ଲାକେ ଅଙ୍ଗୁର ରାସ୍ ଉର୍ପାତାଣ୍ଡା, ହେଦେଲ୍ ମୁଞ୍ଜାଡ଼ ଆଦା ମୁଜ୍ଯାତାନନା ।”

^୯ ଇ ରି ଦୁଡ଼କୁ ପାଚେ ଆରେ ରଞ୍ଜେଲ୍ ଦୁଡ଼ ଖାଜି ଗାଜା କାଟ୍ତାଂ ଇଞ୍ଜେଙ୍ଗ ଲାଗାତାଡ଼, ଜଦି ଇନେର ହେ ପସୁ ଆରି ତା ପୁଡ଼ଡ଼ାତିଂ ଜଞ୍ଜାର କିନାନ, ଆରେ ଜାର ନିଦାଣ୍ଡ କି କେଇଦ ତା ଚିନ୍ ଇଟ୍ଯାନାନ, ^{୧୦} ହେଞ୍ଜାନ ଇସ୍ବତ୍ ରିସାଲାକେ ଇମ୍ପଣି କାଲିଂ ଗାବାୟକିଞ୍ଜିତ ବାବ୍ରେ ତା ରିସାନି କଣ୍ଡିତ ରଚ୍ଚାରନା, ହେଦାଂ ଉଣାଟ୍ ଆରେ ପୁଇପୁୟା ଦୁଡ଼କ୍ ଆରି ମେଣ୍ଡାହିମ୍ପଣା ମୁମ୍ପଦ ନାଣି ଆରି ଗନ୍ଦକ୍ ହୁକେ କସ୍ ପାୟା ଆନାଦେର । ^{୧୧} ଏଲେଙ୍ଗ ମାନାୟାରତି କସ୍ବୁନି କଦା ଜୁଗ୍ ଜୁଗ୍ ନିଙ୍ଗି ମାନାଡ଼; ଇମ୍ପଣାକାର ପସୁ ଆରି ତା ପୁଡ଼ଡ଼ାତିଂ ଜଞ୍ଜାର କିତାର, ଆରେ ତା ତରୁନି ଚିନ୍ ଇଟ୍ଯାନାର, ହେଞ୍ଜାରତି ଖେଡ଼ାନାଣା ଜମ୍ପନାକା ଆକାୟ ।

^{୧୨} ଇମ୍ପଣାକାର ଇସ୍ବରତି ବଲ୍ ମାନି କିନାର ଆରି ଜିସୁ କାଜିଂ ପାତ୍ କିଜି, ଇସ୍ବରତି ହେ ପୁଇପୁୟା ମାନାୟାର ପାକ୍ୟାତ ସାସ୍ ମାନାକା ଲଡ଼ା ।

^{୧୩} ତା ପାଚେ ଆନ୍ ଖେଚାଙ୍ଗ, ସାଗେତାଂ ଇ କାତା ଖେଚାଙ୍ଗ, ଇ କାତା ଲେକିକିୟାଟ୍, ଇମ୍ପଣାକାର ଏଲେଙ୍ଗ ମାପୁତାକେ ମାନଞ୍ଜି ହାନାର,

ହେଞ୍ଜାର ଦନ୍ୟ; ଆରେ ଆନ୍ ଖେଚାଙ୍ଗ, ପୁଇପୁୟା ଜିରୁନ୍ ଇନାଡ଼, “ଇଦାଂ ହାଡ଼ପା ଗିଟାତାଡ଼ । କସ୍ କାମାୟ ଲାହାଂ ହେବାନି ପାଡ଼ ଲାକେ, ହେଞ୍ଜାର ଜମ୍ପନାକା ତିନାଉଣା କିତାର ।”

ତାସ୍ ତ୍ରେସ୍ଜି ତାନାକା

^{୧୪} ତା ପାଚେ ଆନେଙ୍ଗ ହୁଡ଼ତାଂ; ଆରେ ହୁଡ଼ାଟ୍ ଡ଼ିଞ୍ଜିନି ବାନି ଅଲପ୍ ବାଦାଡ଼, ତା ଜପି ମାନାୟ ମାଜିତି ଲାକେ ରଞ୍ଜାନ କୁଚ୍ଚାକାନ, ହେଞ୍ଜାନ କାପଡ଼ାତ ହନା ମୁକ୍ଚୁଟ୍ । ଆରି କେଇଦ ଡ଼ାହ୍ନି କଞ୍ଜେସ୍ । ^{୧୫} ହେବେ ମନ୍ଦିରତାଂ ଆରେ ରଞ୍ଜାନ ଦୁଡ଼ ହସି ହେ ବାଦାଡ଼ ତାବାୟ କିତି ମାନାୟତିଂ ଗାଜା କାଟ୍ତାଂ ଇଚାଡ଼, ନି କଞ୍ଜେସ୍ ଆହି କିଜି ତାସ୍ ତ୍ରେସ୍ଜାଟ୍, ଇନେକିଦେଂକି ତ୍ରେସ୍ଜି ସମୁ ଏକାଖାଡ଼ାଡ଼, ଆରେ ପୁତ୍ ନି ତାସ୍ ହେନ୍ତାଡ଼େ । ^{୧୬} ପାଚେ ହେ ବାଦାଡ଼ ବିତ୍ରେ ମାନି ମୁଣିକା ପୁତ୍ ତ ଜାର କଞ୍ଜେସ୍ ଆହି କିତିଲେ ହେବେଣ୍ଡାଂ ତାସ୍ ତ୍ରେଜ୍ଯା ଆତାଡ଼ ।

^{୧୭} ତା ପାଚେ ଆନ୍ ହୁଡ଼ତାଂ, ଆରେ ରଞ୍ଜେଲ୍ ଦୁଡ଼ ସାଗେ ବାହା ମନ୍ଦିରତାଂ ଖାନାତା; ତା କେଇଦ ପା ର ଡ଼ାହ୍ନି କଞ୍ଜେସ୍ ମାଚାଡ଼ ।

^{୧୮} ତା ପାଚେ ଗାରଣି ନାଣି ଜପି ଆଦିକାର ପାୟାତି ଇନେର କେଇଦ ଡ଼ାହ୍ନି କଞ୍ଜେସ୍ ଅଜି ମାନି ରି ଦୁଡ଼ତିଂ କିକିରାତିଂ କିଜି ଇଚାଡ଼, “ଡ଼ାହ୍ନି କଞ୍ଜେସ୍ ଆହିକିୟା ଆରି ପୁତ୍ ନି ଅଙ୍ଗୁରପାଡ଼ ତ୍ରେଜାଟ୍; ହେଞ୍ଜାଙ୍ଗ ହେନ୍ତାଡ଼େ ।” ^{୧୯} ହେବେ ହେ ଦୁଡ଼ ପୁତ୍ ତ ଜାର କଞ୍ଜେସ୍ ଆହି କିଜି ହେବେ ଅଙ୍ଗୁର ପାଡ଼ସବୁ ରୁଣ୍ଡାୟ କିତାନ ଆରି ଇସ୍ବତ୍ ରିସାଲାକେ ଗାଜା ଅଙ୍ଗୁରକୁଣ୍ଡିତ ହେ ସବୁ ତୁହିତାଡ଼ । ^{୨୦} ଗାଡ଼ନି ବାରତ ମାନି ହେ ଅଙ୍ଗୁରକୁଣ୍ଡିତ କ୍ଷୁସ୍ପିଆତାଡ଼, ଆରେ ହେବେତାଂ ନେତେର୍ ହସି ଗଡ଼ାଙ୍ଗ ବାକାର ପାତେକ୍ ରି ମିଟର୍ ନିଙ୍ଗି ତିନ୍ସ ୩୦୦ କିଲମିଟର୍ ପାତେକ୍ ମେଙ୍ଗାଡ଼ ।

୧୫

ହାରିହାରାନି ଦୁକ୍ଦୁକା ସାଡ଼ ଦୁଡ଼

^୧ ଇଦାଂ ପାଚେ ଆନ୍ ଆକାସ୍ତ ଆରେ ର ଗାଜା କାବାନି ଚିନ୍ ହୁଡ଼ତାଂ; ସାଡ଼ ଜାଣ୍ ସାଗେ ଦୁଡ଼କୁ, ଜାଣ୍କେ ର ର ଦୁକ୍ଦୁକାଂ ଆଜି ଚଞ୍ଚାର । ଇ ଦୁକ୍ଦୁକାଂ ମାଚାଡ଼, ଇସ୍ବତ୍ ରିସା ଝିସ୍ତାଡ଼ ।

୨ ଆରେ ଆନ୍ ହୁଡ଼ତାଂ, ନାଣିମେହା ର କାଟ୍ ଲାକେ ହାମ୍‌ଦୁର୍, ଆରେ ଇମଣାକାର୍ ପସୁ, ତା ପୁଡ଼ତା ଆରି ତା ତରନି ଲମର୍ ଜପି ଜିତା ଆତାଣ୍ଣା, ହେଝାର୍ ଇସ୍‌ରତି ଗମଣ୍ ଆସ୍ତି, ହେ କାଟ୍‌ବାଟ୍ ହାମ୍‌ଦୁର୍ ଗୁଚିତ ନିଲ୍‌ତାନ୍ନା । ୩ ହେଝାର୍ ଇସ୍‌ବର୍ ହିଜି ମାନି ଗମଣ୍ ଇଡ଼ଜି ଇସ୍‌ରତି ଆଡ଼ିଏନ୍ ମସାତି କେରକଣ୍ ଆରି ମେଣ୍ଣାହିମଣାତି କେରକଣ୍ କେରଜି ମାଟାର୍ ।

“ଏ ମାପୁ, ଝିଜୁ ସାଲ୍ଲିକାଟି ଇସ୍‌ବର୍,
ମି କାମାୟ୍ ସବୁ ଗାଜା ଆରି କାବାଆନାକା;
ଏ ଜାତି ସବୁନି ରାଜା, ମିହାଜି ଝିଜୁ ନ୍ୟାୟ୍ ଆରି ହାଡ଼ପା ।

୪ ଏ ମାପୁ, ଇନେର୍ ନିଙ୍ଗେଙ୍ଗ୍ ପାଣ୍ଡା ଆଦୁର୍ ?
ନି ଜାଜମାଲ୍ ସୁଣାୟ୍ କିଦେଙ୍ଗ୍ ଇନେର୍ ମାନି କିଡ଼ର୍ ?
କେବଲ୍ ଏନ୍ ନେ ପୁଇପୁୟା
ଝିଜୁ ଜାତି ଝାଜି ନି ପୁଜା କିଦନାର୍ ।
ଲାଗିଂ ନି ବିଦି କାମାୟ୍ ଝିଜାର୍ ହୁଡ଼ତାରନା ।”

୫ ଇଦାଂ ପାଚେ ଆନ୍ ହୁଡ଼ତାଂ, ସାଗେନି ସାକି ତୁମିନି ମନ୍ଦିରନି ଦୁଝେର୍ ଜେୟା ଆତାଡ଼ । ୬ ସାଡ଼ ଦୁକ୍‌ଦୁକା ଆସ୍ତି ମାନି ସାଡ଼ ଦୁତକ୍ ସାଗେ ମନ୍ଦିର ବିତ୍ରେତାଂ ହସି ଝାତିକ୍, ହେଝେକ୍ ସକଟ୍ ଡ଼ିଞ୍ଜିନି ହେନ୍ଦା ଆରି ହେଝେକ୍ ନେଞ୍ଜେଡାକିତ ହନା ତଲ୍ ତରି ଗାଟ୍‌ୟା ଆଜି ମାଟିକ୍ । ୭ ହେବେ ଚାରି ପାରାଣିଂ ବିତ୍ରେ ର ପସୁ ଝିଜୁଜି ଜିନି ଇସ୍‌ବର୍ ଟାକ୍ରିତାଂ ବାଟ୍ ସାଡ଼ ହନା କଣ୍ଡି ହେ ସାଡ଼ ଦୁତକ୍‌କା ହିତାଡ଼ । ୮ ଆରେ ଇସ୍‌ରତି ଜାଜମାଲ୍ ଆରି ସାଲ୍ଲିନି କଦାତ ମନ୍ଦିର ବାଟ୍ ଆତାଡ଼, ସାଡ଼ ଦୁତକ୍ ସାଡ଼ ଦୁକ୍ ଝିଜୁଜି ପାଚେକ୍ ଇନେର୍ ମନ୍ଦିରତ ହଣ୍ଡେଙ୍ଗ୍ ଆଡ଼ଝାଟାର୍ ।



ଇସ୍‌ବର୍ ରିସାତ ବାଟ୍ ସାଡ଼ ବାହା

୯ ଇଦାଂ ପାଚେ ଆନ୍ ର ଗାଜା କାଟ୍ ଝେଟାଙ୍ଗ୍, ମନ୍ଦିରତାଂ ଇନେର୍ ରଝାନ୍ କିକିରାତିଂ ଆଜି ହେ ସାଡ଼ ଦୁଡ଼ତିଂ ଇଟିକ୍, “ହାଲାଟ୍ ସାଡ଼ କଣ୍ଡି ମାନି ଇସ୍‌ରତି ରିସା ପୁଟ୍ ଜପି ଝାକାଟ୍ ।

୧୦ ଇଦାଂ ଝେନଞ୍ଜି ପର୍ତୁମ୍ ଦୁଡ଼ ହାଲ୍‌ଜି ତା କଣ୍ଡିତ ଇନାକା ମାନାଡ଼, ପୁଟ୍ ଜପି ଝାକାଟାଡ଼ । ସାଙ୍ଗେ ସାଙ୍ଗେ ଇମ୍‌ଣାକାର୍ ପସୁନି ତିନ୍ ଇଡ଼ୟାଜି ମାଟାର୍ ଆରି ତା ପୁଡ଼ତାତିଂ ପୁଜା କିଜି ମାଟାର୍, ହେଝାର୍‌ତି ଗାଗାଡ଼ତ୍ ବେସି କସୁନିକା ଗାଝ୍ ଆତାଡ଼ ।

୧୧ ତା ପାଚେ ଜେତି ଦୁଡ଼ ତା କଣ୍ଡିତିଂ ହାମ୍‌ଦୁର୍ ଜପି ଝାକାଟାଡ଼ । ହାମ୍‌ଦୁର୍ ଏଜୁଙ୍ଗ୍ ହାତି ମାନାୟ୍‌ତି ନେତେର୍ ଲାକେ ଆତାଡ଼ ଆରି ହାମ୍‌ଦୁର୍‌ନି ଝିଜୁ ପାରାଣିଙ୍ଗ୍ ହାତିକ୍ ।”

୧୨ ତା ପାଚେ ତିନ୍ ଦୁଡ଼ତି କଣ୍ଡିତ ଇନାକା ମାଟାଡ଼, ହେଦାଂ ହେଦେଲ୍ ନାଗୁଡ଼ ଆରି ଜଡ଼ିଂ ଜପି ଝାକାଟାଡ଼; ହେବେ ହେଦାଂ ଝିଜୁ ନେତେର୍ ଆଜି ହାଟାଡ଼ । ୧୩ ଏଚେକାଡ଼୍‌ଦ୍ ଆନ୍ ଝେଟାଙ୍ଗ୍, ଏସ୍ ଦାୟିତ୍‌ତ ମାନି ଦୁଡ଼ ଇନାତା । “ଏପେଙ୍ଗ୍ ପୁଇପୁୟା, ଏପେଙ୍ଗ୍ ଆରି ଆଗେନିକା; ଏପେଙ୍ଗ୍ ସମାନ୍ ବିଚାର୍ କିତାଦେଣ୍ଣା । ୧୪ ଲାଗିଂ ହେଝାର୍ ପୁଇପୁୟା ସାଦୁର୍‌ତି ଆରି ବେଣ୍‌ବାକ୍‌ଶାୟ୍‌କିନାକରତି ନେତେର୍ ହପ୍‌ଟି ମାଟାର୍, ଆରେ ଏପ୍ ହେଝାରିଂ ଉଣି କାଜିଂ ନେତେର୍ ହିତାଦେରନା, ହେଝାର୍ କାମାୟ୍‌ନି ପାଡ଼୍‌ପାୟାତାଣ୍ଣା ।” ୧୫ ତା ପାଚେ ଆନ୍ ଗାଟ୍‌ଣିତାଂ ର କାଟ୍ ଝେଟାଙ୍ଗ୍, “ମାପୁ, ଝିଜୁ ସାଲ୍ଲିମାନି ଇସ୍‌ବର୍, ନି ଝିଜୁ ବିଚାଣ୍ଣା ହାଡ଼ପା ଆରି ନ୍ୟାୟ୍‌ନିକା ।”

୧୬ ତା ପାଚେ ଚାର୍ ଦୁଡ଼ ତା କଣ୍ଡିତ ମାନି ଜିନିସ୍ ଝେଡ଼ା ଜପି ଝାକାଟାଡ଼; ହେବେ ତାଙ୍ଗେଙ୍ଗ୍ ମାନାୟାରିଂ ନାଣିତ କାଡ଼ିକିଦେଂ ସାଲ୍ଲି ହିୟାତାଡ଼ । ୧୭ ହେପାଦନା ମାନାୟାର୍ ବେସି କାରାତ କାଡ଼ତାର୍, ଆରେ ଇନେର୍ ଇସ୍‌ରତି ଇ ଝିଜୁ ଦୁକ୍ ଜପି ଆଦିକାର୍ ମାନାଡ଼, ହେଝାଡ଼ି ତର୍‌ଦ ନିନ୍ଦା କିତାର୍, ହେଝାନିଂ ଜାଜମାଲ୍ ହିନି କାଜିଂ ମାନ୍‌ବାଦ୍‌ଲାୟ୍ କିଝାଟାର୍ ।

୧୮ “ତା ପାଚେ ପାଞ୍ଚ ଦୁଡ଼ ଜାର୍ କଣ୍ଡିତିଂ ପସୁନି ଗାଡ଼ି ଜପି ଝାକାଟାଡ଼; ପସୁତି ରାଜି ମାଜଗା ଆତାଡ଼, ଆରେ ମାନାୟାର୍ ନନି କାଜିଂ ଜାର୍ ଜାର୍ ଝେନ୍ଦୁଲ୍ କାପ୍‌ତେଂ ଲାଗାତାର୍; ୧୯ ହେଝାର୍‌ତି ଗାଗାଡ଼୍‌ନି ଗାଅକୁ କାଜିଂ ଆରି ନନାକା କାଜିଂ ସାଗେନି ଇସ୍‌ରତିଂ ନିନ୍ଦା କିତାର୍ । ମାତର୍ ଜାର୍ ବାନ୍‌ସାହାଜିତିଂ ମାନ୍‌ବାଦ୍‌ଲାୟ୍ କିଝାଟାର୍ ।

୨୦ ଚଅ ଦୁଡ଼ ବେସିଗାଜା ମୁପ୍‌ପେଟିସ୍ ଜପି ତା କଣ୍ଡିତ ପରାଡ଼ତ ଝାକାଟାଡ଼ । ସାଙ୍ଗେ ସାଙ୍ଗେ ନାଗୁଡ଼୍‌ ନିଗଜି ହାଟାଡ଼ ଆରି ଝେଡ଼ାହନପଣ୍ଣାଂ ସତୁ ରାଜାର୍‌ତ ଝାନାକା କାଜିଂ ହାଜି ଜେୟାତାଡ଼ । ୨୧ ତା ପାଚେ ଆନେଙ୍ଗ୍ ହୁଡ଼ତାଂ, ରାବ୍‌ନି ଝେଇଦାଂ, ପସୁ ଝେଇଦାଂ ଆରି ଚାକ୍ରାୟ୍ ବେଣ୍‌ବାକ୍‌ଶାୟ୍‌କିନାକାନ୍ ଝେଇଦାଂ ପାଣା ଲାକେ ତିନିଗଟା ପୁଇପୁୟାଆଝିତି ଜିବୁନିଂ ହତିକ୍; ୨୨ ଇଝାଙ୍ଗ୍ ପୁଦାଂ ଜିବୁନ୍ ଆଜି କାବାନି କାମାୟ୍

କିଛି ସାଦନ କିଦେଇ ଆଡ଼ନିକ । ହେଖେକ୍ ଝିନ୍ଦୁ ସାଲିକାଟି ଇସ୍ତ ଗାଜା ଦିନ୍ନି ଜୁଜ୍ କାଜିଂ ସବୁ ପୁତ୍ରି ରାଜାରିଂ ରୁଣ୍ଡାୟ୍ କିନି କାଜିଂ ହେଖାର୍ ଲାଗାଂ ହସି ଖାତିକ୍ ।”

୧୫ * “ହୁଡ଼ାଟ୍ ଆନ୍ ଚର ଲାକେ ଖାନାଙ୍ । ଇମ୍‌ଣି ମାନାୟ୍ ଜାଗ୍ରତ୍ ମାନଜି ଜାର ହେନ୍ଦା ରାକ୍ୟା କିନାନ୍, ହେଖେନ୍ ଦନ୍ୟ । ନାଗଡ଼ା ଆଜି ବୁଲୁଆଉନ୍, ଆରି ମାନାୟାର୍ ତା ଲାଜୁ ହୁଡ଼ରୁର୍ ।”

୧୬ ବୁଡ଼କୁ ସମାନ୍ ସମୁତ ପୁତ୍ରି ରାଜାରିଂ ଇମ୍‌ଣି ଜୁଜ୍ ହିକାନି ବାହାତ ରବେ ରୁଣ୍ଡାୟ୍ କିତାତାର୍, ଏହି ବାସାତ ତା ତର ହମ୍‌ଗିକନ୍ ।

୧୭ ତା ପାଚେ ସାଡ଼ ଦୁଡ଼ ତା କଣ୍ଡିନି ଆସ୍ତିବାଡ଼ି ଆକାସ୍ତ ଖାକ୍‌ତାଡ଼; ହେବେ ମନ୍ଦିରତ ମାନି ଗାଦିତାଂ ଗାଜା କାଟ୍‌ତାଂ ର ବେରଣ୍ ଖେନ୍‌ୟାତାଡ଼ । “କାମାୟ୍ ଝିସ୍ତାଡ଼ ।” ୧୮ * ହେ ଦାପ୍ରେ ବିଜ୍‌ଲି ଇଡ଼ତାଡ଼, ବିଞ୍ଜଇଡ଼ନାକା ଆରି ର ଗାଜା ମେଦ୍‌ନିଦାଲ୍‌କା ଆତାଡ଼; ପୁତ୍ରିତ ମାନାୟାର୍ ଉଦ୍‌ଜା ଆନି ସମୁତାଂ ଏଲେଇଁ ବଇଁକାର୍ ମେଦ୍‌ନିଦାଲ୍‌କାନାକା ଆରେ ଇନାଖାଡ଼ାଙ୍ ଆଖାଦାଂ ମାତାଡ଼ । ୧୯ ଗାଜା ଗାଡ଼୍‌ତିନ୍ ବାଗ୍‌ତ ବାଗ୍ ଆତାଡ଼, ପୁତ୍ରିନି ସବୁ ଜାତି ଗାଡ଼୍‌ ନାସ୍ ଆତାଡ଼ । ଇସ୍ତ ଗାଜା ଗାଡ଼୍‌ ବାବିଲନ୍‌ତିଂ ବାଶାଖାଦାଂ ମାତାନ୍ । ହେଖାନ୍ ତା ଉଣିବାହା ବେସି ରିସା ଲାକେ କାଲିଂ ତାଙ୍ ଉଡ଼ପାତାର୍ । ୨୦ * ଏସ୍‌କୁପଲି ସବୁ ହୁଡ଼ିୟା ଆଖାତାଡ଼, ଆରି ମାଡ଼ିଂ ଆରେ ଚଞ୍ଜିଝିତିକ୍ । ୨୧ * ପଚାସ୍ କେଜି ୫୦ କେଜି ବଜ୍ ବେସିଗାଜା ଆଞ୍ଜଗା ଆକାସ୍‌ତାଂ ମାନାୟାର୍ ଜପି ଆର୍ଡ଼ିକ୍, ମାନାୟାର୍ ଇ ଗାଜା ପର୍‌ମାଦ୍ ଲାଗିଂ ଇସ୍ତରତିଂ ନିନ୍ଦା କିତାର୍ ।

୧୭

ଗାଜା ଦାରି

୧ ତା ପାଚେ ସାଡ଼ଗଟା କଣ୍ଡିଆସ୍ତି ସାଡ଼ ଦୁଡ଼କ୍ ବିଡ୍ରେତାଂ ରଞ୍ଜେଲ୍ ନା ଲାଗାଂ ଖାଜି ଇଞ୍ଚାଡ଼, ଖା, ବେସି ନାଗୁଡ଼୍ ଲାଗାଂ ରଡ଼ି ଦାରି ଲାଗ୍‌ଦି ହେ ଗାଜା ଗାଡ଼୍ ଇନେସ୍ ତାଣ୍ ପାୟାନାଡ଼, ହେଦାଂ ଚଡ଼ଚାନାଙ୍ । ୨ ପୁତ୍ରିନି ରାଜାର୍ ହେ ଦାରି ଲାହାଂ ଦାରିକିତାର୍‌ନା ଆରି ପୁତ୍ରିତ ମାନାକାର୍ ଇନେର୍ ପାପ୍ ଲାକେ କାଲିଂ ଉଣ୍‌ଜି ହଡ଼ଚାଣ୍ ।

୩ * ହେପାଦନା ପୁଇପୁୟା ଜିବୁନ୍ ନା ତାକେ କୁଚ୍‌ଚାଡ଼ ଆରି ହେ ଦୁଡ଼ ନାଙ୍ ର ବାଟା ବିଡ୍ରେ ଅସିହାନ୍‌ଞ୍ଚିଲେ, ଆନ୍ ରଞ୍ଜେଲ୍ କଗ୍‌ଲେହିମ୍‌ଣାତିଂ ର ଗେରୁ ବାନି ପସୁ ଜପି କୁଚ୍‌ଚି ମାନାକା ହୁଡ଼ତାଂ, ହେ ପସୁନି ସବୁ ଇସ୍ତ ନିନ୍ଦା କିନି ତରଦ୍ ବାଡ଼ି, ଆରେ ତାଦାଙ୍ ସାଡ଼ କାପ୍‌ଡ଼ାଙ୍ ଆରି ଦସ୍‌ଗଟା କମଙ୍ । ୪ କଗ୍‌ଲେହିମ୍‌ଣା ଖାଙ୍‌ବାନି ଆରି ଗେରୁ କାର୍‌ହା ବାନି ହେନ୍ଦା ଉସ୍‌ପାତାଡ଼ନା, ଆରେ ହନା ବେସି ମଲ୍ ମଣି ଆରି ମୁଲ୍‌ତ ରଞ୍ଚାଡ଼ନା; ତା କେଇଦ୍ ରଞ୍ଚାଙ୍ ହନା ବାହା, ହେଦାଂ ଗିଣ୍ ଆଡ଼ମାଡ଼ ଆରି ତା ଦାରି ଲାକେ ରାଡ଼ା କାମାୟ୍‌ତ ବାଡ଼ି; ୫ ତା ନିଦାଣ୍‌ତ ଇ ଡ଼କୁତି ତର୍ ଲେକା ଆଜି ମାତାଡ଼, ଗାଜା ଗାଡ଼୍ ବାବିଲନ୍, ପୁତ୍ରିନି ଝିନ୍ଦୁ ଦାରି ଆରି ଗିଣ୍ ବିସ୍ତେନି କଗ୍‌ଲେ । ୬ ଆନ୍ ଆରେ ହୁଡ଼ତାଂ, ହେ କଗ୍‌ଲେହିମ୍‌ଣାତିଂ ପୁଇପୁୟା ସାଡ଼ୁରତି ଆରି ଜିସ୍ତୁତି ସାକିର୍ କାଜିଂ ପାଡ଼ି କିନାକାନ୍ ମାନ୍‌ଜି ହାଜି ମାନି ମାନାୟାର୍‌ତି ନେଡେର୍ ଉଣ୍‌ଜି ହଜ୍‌ଜି ମାତାଡ଼ ।

ତାଙ୍‌ଙ୍ ହୁଡ଼ଜି ଆନ୍ କାବା ଆତାଙ୍ । ୭ ହେବେଣ୍ଡାଂ ଦୁଡ଼ ଇଚାଡ଼ । “ଇନେକିଦେଂ କାବା ଆତାୟ୍ ? ହେ କଗ୍‌ଲେହିମ୍‌ଣାତି ଆରି ସାଡ଼ କାପ୍‌ଡ଼ାଙ୍ ଆରି ଦସ୍‌ଗଟା କମଙ୍ ଲାଗ୍‌ଦି ଇମ୍‌ଣି ପସୁ, ତା, ଡ଼କୁତି ବିଡ୍ରେ ନନାଡ଼ ଆନ୍ ଇଞ୍ଜନାଙ୍ ଖେନାଟ୍ ! ୮ * ହେଦାଂ ଇମ୍‌ଣି ପସୁ ଦିନେକ୍ ଜିଜି ମାତାଡ଼; ନଙ୍‌ୟ୍ ଆରେ ଜିଖାତାଡ଼ନା, ହେଦାଂ ପାତାଲ୍ କୁଣ୍ଡତାଂ ନିଙ୍‌ଜି ନସୁ ଆନାଡ଼ । ହେବେ ପୁତ୍ରିତ ମାନାକାର୍ ଏଚେକ୍ ମାନାୟାର୍ ତର୍ ଜଗଡ଼ନି ଆରାମତାଂ ଜିବୁନ୍ ପତିତ ଲେକାଆଖାତାଡ଼ନା, ହେଖାର୍ ଏଚେକାଡ଼ଦ୍ ହେ ପସୁତିଂ ହୁଡ଼ନାର୍ ଜେ ହେଦାଂ ମାତାଡ଼, ନଙ୍‌ୟ୍ ଆକାୟ୍ ଆରି ପାଚେ ଖାନାଡ଼, ହେ ଏଚେକାଡ଼ଦ୍ ହେଖାର୍ କାବା ଆନାର୍ ।

୯ ଇ ସବୁ ବିସ୍ତେ ବୁଜାନି କାଜିଂ ମାନ୍ ଲଡ଼ା । ପସୁତି ସାଡ଼ଗଟା କାପ୍‌ଡ଼ାଙ୍ ହାତେନେ ସାଡ଼ଗଟା ମାଡ଼ିଂ ଇମ୍‌ଣି ଜପି କଗ୍‌ଲେହିମ୍‌ଣା କୁଚ୍‌ଚାଡ଼ନା । ହେଖାଙ୍ ପା ସାଡ଼ଗଟା ରାଜାର୍‌ତି ଚିନ୍ ଲାକେ । ୧୦ ହେ ସାଡ଼ କାପ୍‌ଡ଼ା ସାଡ଼ ରାଜାରିଂ ବୁଜା ଆନାଡ଼, ହେଖାର୍ ବିଡ୍ରେତାଂ ପାଞ୍ଜିଜାଣ୍ଡି ଝିସ୍ତାରେ । ରଖାନ୍ ନଙ୍ ରାଜ୍ କିନାନା, ବିନ୍ ରଖାନ୍ ନଙ୍‌ୟ୍ ପାଚେକ୍ ଖାଉନେ । ହେଖାନ୍ ଖାଜି ଅଲପ୍ ସମ୍ ପାଚେକ୍ ରାଜ୍ କିନାନ୍ । ୧୧ ଆରେ ଇମ୍‌ଣି ପସୁ ଦିନେକ୍ ଜିଜି ମାତାଡ଼ ଆରେ ନଙ୍‌ୟ୍ ହିଲୁଡ଼, ହେଖାନ୍ ଆଟ୍‌ଜାଣ୍ ରାଜା ହେଖାନ୍ ହେ ସାଡ଼ଜାଣ୍ ରାଜାର୍ ବିଡ୍ରେତାଂ ରଖାନ୍, ଆରେ ହେଖାନ୍ ନସୁ ଆନାନ୍ ।”

* ୧୭:୧୫ ୧୭:୧୫ ମାତିଉ ୨୪:୪୩,୪୪; ଲୁକ ୧୨:୩୯,୪୦; ହତ୍ତ ୩:୩. * ୧୭:୧୮ ୧୭:୧୮ ହତ୍ତ ୮:୫; ୧୧:୧୩,୧୯. * ୧୭:୨୦ ୧୭:୨୦ ହତ୍ତ ୬:୧୪. * ୧୭:୨୧ ୧୭:୨୧ ହତ୍ତ ୧୧:୧୯. * ୧୭:୨୩ ୧୭:୩ ହତ୍ତ ୧୩:୧. * ୧୭:୮ ୧୭:୮ ହତ୍ତ ୧୧:୭.

୧୭ “ଏପେଙ୍ଗ ହୁଡ଼ଜି ମାନି ଦସ୍ କମଙ୍ଗ ହୁଡ଼ତାଦେର୍, ହେ ସବୁ ଦସ୍ ରାଜାରିଂ ବୁଜାନାଡ଼; ହେଝାର୍ ଇ ପାତେକ୍ ରାଜି ପାୟାଆଖାତାରନା, ମାତର୍ ପସୁ ଲାହାଙ୍ଗ୍ ର ଗଣ୍ଟା ପାତେକ୍ ରାଜାର୍ ଲାକେ ଆଦିକାର୍ ପାୟାନାର୍ । ୧୩ ଇ ଦସ୍ ଜାଣ୍ ରାଜାର୍ତ୍ତି ଉଦେସ୍ ଏକ୍ । ହେଝାର୍ ଜାର୍ତ୍ତି ଝିଜୁ ସାକ୍ତି ଆରି କେମ୍ତା ପସୁତ୍ ହେଲାଇ କିତାର୍ । ୧୪ ହେଝାର୍ ମେଣ୍ଟାହିମଣା ବିରୁଦ୍ଧ ଜୁଜ୍ କିତାର୍, ଆରେ ମେଣ୍ଟାହିମଣା ହେଝାରିଂ ଜିତା ଆନାଡ଼, ଇନେକିଦେଂକି ହେଝାନ୍ ମାପୁତି ମାପୁ ଆରି ରାଜାର୍ତ୍ତି ରାଜା ଆରେ ଇମ୍ଫାକାର୍ ହେଝାନ୍ ଲାହାଂ ମାନାର୍, ହେଝାର୍ କୁକ୍ୟାତାକାର୍, ବାଟିକିୟାତାକାର୍, ଆରି ପାତ୍ ନିକାର୍ ମାନାୟାର୍ ପା ଜିଣା ଆନାର୍ । ଇନେକିଦେଂକି ହେଝାନ୍ ମାପୁର୍ତ୍ତି ମାପୁ ଆରି ରାଜାତାଂ ରାଜା ।”

୧୫ ଦୁଡ଼ ନାଙ୍ଗ୍ ଆରେ ଇନ୍ତାଡ଼, “ଏପେଙ୍ଗ୍ ଇମ୍ଫାଣି ଏଜୁଙ୍ଗ୍ ଲାଗାଂ ଏପେଙ୍ଗ୍ ଦାରିକ୍ କୁର୍ଚି ମାନାକା ହୁଡ଼ତାଦେର୍, ହେ ଏଜୁଙ୍ଗ୍ ବାରବିନି ଲାତ୍ରା, ମାନାୟାର୍, ଜାତିର୍ ଆରି ବାସାକିନାକାରିଂ ବୁଜାନାଡ଼ । ୧୬ ଏପେଙ୍ଗ୍ ହୁଡ଼ଜି ମାନି ସାଡ଼ଗଟା କମଙ୍ଗ୍ ଆରି ହେ ପସୁ, ଦାରିଂ ଗିଣ୍ କିନିକ୍; ହେଝାର୍ ତାକେଣ୍ଟା ତା ଝିଜୁ କ୍ଳିସି ଅଜି ତାଙ୍ଗ୍ ନାଗ୍ଡା କିଜି ପିହ୍ନିକ୍ । ଆରେ ତା ଜେଇ ତିନିକ୍ ଆରି ତାଙ୍ଗେଙ୍ଗ୍ ନାଣିତ ଦେହ୍ନିକ୍; ୧୭ ଇନେକିଦେଂକି ଇସ୍ତର୍ ଜାର୍ ଉଦେସ୍ତ ସାଦନ୍ କିନି କାଜିଂ ହେଝାରିଂ ଇ କାତା ଚେଡ଼ନା ହିତାନ୍ନା । ଆରି ଇସ୍ତର୍ତ୍ତି ବଚନ୍ ଏଚେକାଡ଼ଦ ପୁରା ଆଉଡ଼, ହେ ପାତେକ୍ ରାଜି ସାସନ୍ ବଜ୍ ହେଝାରିଂ ମାନ୍ତ ପସୁ କେଇଦ ପିସ୍ତ୍ରି ହିନାର୍ ।”

୧୮ “ଏପେଙ୍ଗ୍ ଇମ୍ଫାଣି କଗ୍ଲେହିମଣାତିଂ ହୁଡ଼ତାଦେର୍, ହେଦେଲ୍ ଆନାତା, ଇ ପୁର୍ତ୍ତି ରାଜାର୍ ରାଜି ଜପି ରାଜ୍ କିଜି ମାନି ହେ ଗାଜାଗାଡ଼୍ ।”

୧୮

ବାବିଲ୍ ବୁଡ଼ାତାକା

୧ ତା ପାଚେ ଆନ୍ ଆରେ ରଞ୍ଜେଲ୍ ଦୁଡ଼ତିଂ ସାଗେତାଂ ଜୁଜି ଝାନାକା ହୁଡ଼ତାଂ; ହେଦେଲ୍ ବେସି ଆଦିକାର୍ ମାଚାଡ଼, ତା ପାଣ୍ଡ ପୁର୍ତ୍ତି ଅଜଡ଼ ଆଜି ହାଚାଡ଼ । ୨ ହେଦେଲ୍ ଗାଜା କାଟ୍ତାଂ ଇଚାଡ଼, “ଗାଜା ଗାଡ଼୍ ବାବିଲ୍ନ୍ ଦୁଡ଼ିମାସ୍ତାଡ଼ ! ଆଦା ମୁନ୍ତାଡ଼ନା, ହେଦାଂ ବୁଡ଼କୁ ବାହା ଆରେ, ବାନ୍ୟା ପୁଦାଂ ଆରି ରାଡ଼ା ଆରି ଗିଣ୍ ପଟିଂତି ଆରି ପସୁ ଜମ୍ନିବାହା ଆତାଡ଼ନା । ୩ ଇନେକିଦେଂକି ହେଦେଲ୍ ପୁର୍ତ୍ତି ନି ନାର୍ ଜାତିଂ ତା ଦାରିନି କାମାୟ ଲାକେ କାଲିଂ ଉଟାଡ଼ନା, ପୁର୍ତ୍ତି ରାଜାର୍ ତା ଲାହାଙ୍ଗ୍ ଦାରି କିନାରା, ଆରି ପୁର୍ତ୍ତି ବେପ୍ରିୟାର୍ ପାପ୍ତ ମାଜାନ୍ ଆନାରା ।”

୪ ଇଦାଂ ପାଚେ ଆନ୍ ଝେଚାଙ୍ଗ୍, ସାଗେତାଂ ଆରେ ରଞ୍ଜାଙ୍ଗ୍ କାଟ୍ ଝେଚାଙ୍ଗ୍
 “ନା ମାନାୟାର୍ ଝିଜାଦେର୍ ହସି ଝାଡ଼ !

ତା ଲାଗାଂତାଂ ହସି ଝାଡ଼ !
 ଏପେଙ୍ଗ୍ ଇନେସ୍ ତା ପାପ୍ତ ମେହା ଅମାଟ୍;
 ହେଦେଲ୍ ଇମ୍ଫାଣି ସାସ୍ତି ପାୟାନାଡ଼, ହେବେ ମେହାଆମାଟ୍ !

୫ ତା ପାପ୍ କିନାକା ଗାଦି ଆଜି ସାଗେ ପାତେକ୍ ପା ନିଙ୍ଗ୍ତାଡ଼ନା,
 ଆରେ ଇସ୍ତର୍ ତା ଅଦାମ୍ ସବୁ ଏଡୁକିତାରନା ।

୬ ହେଝାନ୍ ଇନେସ୍ ମି କାଜିଂ ବେବାର୍ କିତାନ୍ନା,
 ଏପେଙ୍ଗ୍ ତା କାଜିଂ ସମାନ୍ ହେ ଲାକେ ବେବାର୍ କିୟାଟ୍ ।
 ହେଝାନ୍ ଇନାକା କିତାନ୍ନା, ତା କାମାୟ ଇସାପ୍ରେ ହୁଡ଼ଜି ତାଙ୍ଗେଙ୍ଗ୍ ରି ଗୁଣ୍ ପୁଲିଂ ହିୟାଟ୍,
 ଆରେ ହେଝାନ୍ ଇମ୍ଫାଣି ବାହାତ କାଲିଂ ମେହାୟ କିତାନ୍ନା,
 ହେବେ ହେଦାଂ କାଜିଂ ରି ଗୁଣ୍ କାଲିଂ ମେହାୟ କିୟାଟ୍ ।

୭ ହେଝାନ୍ ଜାର୍ତ୍ତି ଜାଜ୍ମାଲ୍ କିତାନ୍ନା
 ଆରି ଦାର୍ଜ୍ୟାରେ ଦିନ୍ କାଟିକିନାତା, ତାଙ୍ଗେଙ୍ଗ୍
 ହେଏଚେକ୍ କସ୍ ଆରି ଡାଡ଼ପାଟ୍;

ଇନେକିଦେଂକି ହେଦେଲ୍ ମାନ୍ତ ମାନ୍ତ ଇନାତା,
 ଆନେଙ୍ଗ୍ ରାଣି ଆଜି କୁର୍ଚାଙ୍ଗ୍ନା,
 ଆନେଙ୍ଗ୍ ରାଣ୍ଟି ଆକାୟ୍ ।

୮ ତା ଇ ସବୁ ପାପ୍ ଲାଗିଂ ଝିଜୁ ଦୁକ୍, ଇଚିସ୍ ହାନାକା, ଦୁକ୍,
 ଆରି କାତାର୍ ଆରନାଡ଼,
 ଆରେ ହେଦେଲ୍ ପୁରା ବାବ୍ରେ ନାଣିତ କାଡ଼ନାଡ଼,
 ଲାଗିଂ ତା ବିଚାର୍ କାରିୟା ମାପୁ ଇସ୍ତର୍ ସାକ୍ତିକାଟାକାନ୍ ।”

୯ ପୁତ୍ର ନି ଇମଣି ସବୁ ରାଜା ଜେ ଓଜାର ରାଜାର ତା ଲାହାଙ୍ଗ ଦାରି ଆରି ପାପ ବେବାର କିଜି ମାଚାର, ହେଞ୍ଜାର ତା କାଡ଼ୟାଜିମାନି ଗାଗାଡ଼ତା ଆହୁନି କଦା ହୁଡ଼ଜି ହେଦା କାଜି ଆଡ଼ବାନାର ଆରି ଦୁକ୍ କିନାର । ୧୦ ତା ଦୁକ୍ କସୁନି ମେହାଆଦେ ପାଣ୍ଡାଜି ହେଞ୍ଜାର ତା ତା ବେସି ଦେହା ନିଲ୍ଲତି ମାନାର ଆରି, ହାୟ, ହାୟ, କିଜି ଇନାର, ଏଚେକ୍ ବଇଁକାର ! ନିୟା ଏନ୍ ଇନାକା ହେ ଗାଜାଗାଡ଼, ବାପୁକାଟିଗାଡ଼ ବାବିଲନ୍, ଇନେକିଦେକି ର, ଗନ୍ତା ବିତ୍ରେ ନି ତାଣ୍ଟ ଏକାଞ୍ଜାତାଡ଼ ।

୧୧ ଆରେ, ପୁତ୍ର ନି ବେପରିୟାର ହେଦା କାଜି ଆଡ଼ବାନାର ଆରି ଦୁକ୍ କିନାର, ଇନେକିଦେକି ଇନେର ହେଞ୍ଜାରତି ବେପାରନି ଦିନିସ୍ ଆରେ କଡ଼ଦେ ଆଡୁର, ଇଚିସ୍, ୧୨ ହନା, ରୁପା, ମଣି, ମୁଲ୍ଲା, କଞ୍ଜାଣ୍ ହେନ୍ଦା, ଖାଙ୍ଗାବାତ ବାନି ହେନ୍ଦା, ମାଟ୍ ଆ ହେନ୍ଦା, ଗେରୁବାନି ହେନ୍ଦା ଓଜୁ ବାନି ଚନ୍ଦନ୍ ଖେଜ୍ଗୁ, ଆତି ଚାତାଙ୍ଗନି ସବୁ ବାନି ଆଡ଼ମାଡ଼, ବେସି ମଲ୍ଲନି ଖେଜ୍ଗୁ, ପିତାଡ଼, ଲଞ୍ଜା, ଆରି କାଲ୍ ରଚାକା ଲାହାଙ୍ଗ ରଚି ସବୁବାନି ଆଡ଼ମାଡ଼ । ୧୩ ଚରାମାଲି, ଗାନ୍ଧାତିକାଣ୍, ଦୁପ୍ପନି, ବାସନା କାସନି ଚିକାଣ୍, କୁନ୍ଦୁର୍, କାଲିଂ, ଚିକାଣ୍, ମଇଦା, ଗାଁମ, ପସୁ, ମେଣ୍ଡାଙ୍ଗ, ଗଡ଼ା, ଗଡ଼ାହାଗାଡ଼, କଡ଼କାଆଡ଼ିଏନ୍, ଆରି ମାନାୟାରତି ପାରାଣ୍ । ୧୪ ବେପାର କିନାକାର ତାଙ୍ଗ ଇନାର । ଆହା ସବୁ ଲକୁ ହାଦ ନିତା ଦେହା ଆତାଡ଼ନ୍ନା, ଆରି ମି ଦନ୍ ସଂପତି ହଲ୍ଲନାକା ଆରେ ଆକାୟ । ଏପେଙ୍ଗ ହେଞ୍ଜାକା ଆରେ ଇନାଞ୍ଜାଡ଼ା ପାୟା ଆଉଦେର୍ । ୧୫ ଇମଣି ବେପରିୟାର ହେ ଗାଡ଼ଦ ବେପାର କିଜି ମାଜାନ୍ ଆଜି ମାଚାର, ହେଞ୍ଜାର ତା ଦୁକ୍ବଗତ ମେହାଆଦେ ପାଣ୍ଡାଜି ବେସି ଦେହା ନିଲ୍ଲତି ଆଡ଼ବିସ୍ ଆରି ଦୁକ୍କିଜି ଇନାର । ୧୬ ହେଞ୍ଜାର ଆଡ଼ବିସ୍ ଇନାର, “ହାୟ, ଗାଜାଗାଡ଼ନି ଅବସ୍ତା ନଙ୍ଗ ଏଚେକ୍ ବଇଁକାର, ଏଚେକ୍ କସୁ ! ହେଞ୍ଜାନ୍ କଞ୍ଜାଣ୍ ହେନ୍ଦା, ଖାଙ୍ଗାବାନି ଆରି ଗେରୁବାନି ହେନ୍ଦାଙ୍ଗ ଉସ୍ପିସ୍ ମାଚାଡ଼, ଆରେ ହନା, ମଣି ଆରି ମୁଲ୍ଲାତ ଡ଼ୟାଆଜି ମାଚାଡ଼ । ୧୭ ମାଚର ର ଗଣ୍ଟା ବିତ୍ରେ ହେ ଇ ଓଜୁ ଦାନ୍ ରୁଡ଼ା ଆତାଡ଼ ।”

ଜାଜ୍ ମୁଣିକା, କେଉଟାର ଆରି ହାମ୍ପୁର ବେପରିୟାର ବେସି ଦେହା ନିଲ୍ଲତାର ୧୮ ଆରି କାଡ଼ୟାଜିମାନି ଗାଡ଼ଗାଜା କାଟ୍ତା ହୁଡ଼ଜି ଇଚାର, “ଇ ଗାଜାଗାଡ଼ ଲାକେ ଆରେ ଇମଣି ଗାଡ଼ ହିଲ୍ଲଞ୍ଜାତାଡ଼ ।” ୧୯ ହେଞ୍ଜାର କାପ୍ତା ଜପି ଦୁଡ଼ି ଚୁଡ଼ି ଆଡ଼ବିସ୍ ଇଚାର, “ଏଚେକ୍ ବଇଁକାର ! ଗାଡ଼ନି ଇ ଏଚେକ୍ ନନାକା କସୁ ! ହାମ୍ପୁରତ ମାନି ଜାଜନି ହାଉକାରିଂ ମାଜାନ୍ ଆଜି ମାଚାର; ନଙ୍ଗ ର ଗଣ୍ଟା ବିତ୍ରେ ରୁଡ଼ା ଆତାଡ଼ ।”

୨୦ ଏ ସାଗେନିକାଦେର୍ ! ହେଞ୍ଜାନ୍ ରୁଡ଼ାଜି ମାଚିଲେ ଖାରି କିୟାଟ୍ । ଏ ପୁଇପୁୟା ସାଦୁକାଦେର୍, ଏ ପକ୍ୟାତାକାନ୍ ଚେଲା ଆରି ବେଶ୍‌ବାକ୍‌ଶାୟକିନାକାଦେର୍ ! ଖାରିୟା ଆଡ଼, ଇନେକିଦେକି ମି କାଜି ହେଞ୍ଜାନ୍ ଇନାକା କିଜି ମାଚାନ୍, ହେଦା କାଜି ଇସ୍‌ର ତାଙ୍ଗ ତାଣ୍ଟ ହିତାନ୍ନା ।

୨୧ ତା ପାଚେ ରଞ୍ଜେଲ୍ ବାଡ଼କାସକାଟି ଦୁଡ଼ ର ଗାଜା ଜାତାକାଲ୍ ଲାକେ ର କାଲ୍ ହାମ୍ପୁରତ ତୁହି ହିଜି ଇଚାଡ଼, “ଗାଜାଗାଡ଼ ବାବିଲନ୍ ଇ ଲାକେ ବାହେ ତୁହିୟାନାଡ଼ ଆରି ତାଙ୍ଗ ଆରେ ଇନେର ଇନାଞ୍ଜାଡ଼ା ହୁଡ଼ଦେ ଆଡୁର । ୨୨ କି ଗମଣ୍, କେରକଣ୍ ଖାଡ଼ିୟାର, କି ହୁରଡ଼ି ତୁବ୍‌ନାକାର, ଆରି ମରି ତୁବ୍‌ନାକାରତି ଗାର୍ଜାନ୍ନି, ଇନାଞ୍ଜାଡ଼ା ଆରେ ନି ବିତ୍ରେ ଖେନ୍‌ୟାଆଉଡ଼ । ଇମଣି ରଚ୍‌ନାକାର ନି ବିତ୍ରେ ଆରେ ଇନାଞ୍ଜାଡ଼ା ପା ଚଞ୍ଜୟାଉଡ଼, ଜାତା କାଲ୍‌ନି ଗାର୍ଜାନ୍ ନି ବିତ୍ରେ ଆରେ ଇନାଞ୍ଜାଡ଼ା ପା ଖେନ୍‌ୟାଉଡ଼, ୨୩ ନି ବିତ୍ରେ ଆରେ ଇନାଞ୍ଜାଡ଼ା ପା ଅଜଡ଼ କାଚା ଆଉଡ଼, ନଲେ ବିବାଦାଙ୍ଗଣେନ୍ ଗାଡ଼ଚେ ସବଦ୍ ନି ବିତ୍ରେ ଆରେ ଇନାଞ୍ଜାଡ଼ା ପା ଖେନ୍‌ୟାଉଡ଼, ଇନେକିଦେକି ନି ବେପରିୟାର ପୁତ୍ର ତ ଗାଜା ସାକ୍ତିକାଟାକାର ଆଜି ମାଚାର, ନି ମାୟାତ ହୁକେ ଏନ୍ ପୁତ୍ର ନି ସବୁ ଜାତିରିଂ ବୁଲ୍‌କାୟ କିଜି ଇଡ଼ଜି ମାଚାୟ ।”

୨୪ ଆରେ ଇ ଗାଡ଼ଦ ପୁତ୍ର ନି ହେନି ବେଶ୍‌ବାକ୍‌ଶାୟକିନାକାର ଆରି ପୁଇପୁୟା ସାଦୁରତି ନେତେର୍ ବଡ଼ାଜି ମାଚାଡ଼ । ଇ ସବୁ ପାପ କାଜି ହେଦେଲ୍ ସାସ୍ତି ଦାଣ୍ଟ ପାୟାତାନ୍ନା ।

୧୯

ସାଗେତ ଖାରି

୧ ଇଦା ପାଚେ ଆନ୍ ଇନାକା ଖେଚାଙ୍ଗ, ହେଦା ସାଗେତ ବେସି ମାନାୟାର ସବଦ୍ ଲାକେ ର ବେସି ସବଦ୍ ଇଦା ଇନାକା ଖେଚାଙ୍ଗ, “ଇସ୍‌ରତି ତରଦ୍ କେରାଟ୍ । ମା ଇସ୍‌ର ମୁକ୍‌ଡ଼ାୟକିନାକାନ୍, ଜାଜମାଲ୍, ଆରି ସାକ୍ତିନି ଆଦିକାରି । ୨ ଇନେକିଦେକି, ତା ବିଚାର ହାଡ଼ପା ଆରି ନ୍ୟାୟ, ଇମଣି ବେସି ଦାରି ଜାର ଦାରି ହୁକେ ପୁତ୍ର ତି ନାହାୟ କିଜି ମାଚାଡ଼, ହେଞ୍ଜାନ୍ ତାଙ୍ଗେଙ୍ଗ ତାଣ୍ଟ ହିଜି ଜାର ଆଡ଼ିୟାର ନେତେର୍ ହପ୍ପି ହୁଜାନାକା ତାକେଣ୍ଡାଙ୍ଗ ଅତାନ୍ନା । ୩ ଆନ୍ ଖେଚାଙ୍ଗ, ହେଞ୍ଜାର ଆରେ ଗାଜା କାଟ୍ତା ଇନାରା, ଇସ୍‌ରତି ତରଦ୍ କେରକଣ୍ କେରାଟ୍ । ହେ ଗାଜା ଗାଡ଼ତି ନାସ୍ କିଜିମାନି ନାଣି କଦା ଜୁଗ୍ ଜୁଗ୍ ଜପି ନିଙ୍ଗି ମାନାଡ଼ ।” ୪ ଗାଦିତକୁଚି ଇସ୍‌ରତି ମୁମ୍ପଦ କଡ଼େ ଚାରି ୨୪ ଜାଣ୍ ପ୍ରାଚିନାର ଆରି ହେ ଚାରି ପସୁ ତାଣ୍ଟହାଡ଼ ଆଜି ଇସ୍‌ରତି ପାର୍ତନା କିଚାର । ହେଞ୍ଜାର ଇଚାର, “ଆମେନ୍ ! ଇସ୍‌ରତି ପାର୍ତନା କିୟାଟ୍ ।”

ମେଣ୍ଡାହିମ୍ବଣାତି ବିବା ବଳି

୫ ହେ “ଏତେକାଡ଼ଦ ଗାଦିତାଂ ର ସବଦ୍ ଖେନ୍ୟାତାତ୍ । ଏ ଇସ୍ୱତ୍ ଆଡ଼ିୟାକାଦେର୍, ଏ ହେଝାନିଂ ପାଣ୍ଡା ଆନାକାଦେର୍ ହାରୁ ଆରି ଗାଜା ମାନାୟାର୍, ହେଝାନ୍ତି ପାର୍ତ୍ତାନା କିୟାଟ୍ ।” ୬ ହେ ସମୁତ ଆନେଙ୍ଗ୍ ଖେଚାଙ୍ଗ୍, ହାମ୍ବୁର୍ ଗାଜାନାକା ଆରି ବିଞ୍ଜିଇଡ଼ନାକା ଲାହାଂ ମାନାୟାର୍ ସବଦ୍ ଲାକେ କେଡ଼ାଜି ଖାନାତା । ମାନାୟାର୍ ଆରେ ପାର୍ତ୍ତାନା କିଜି ଇନାରା । “ଇସ୍ୱରତି ତରଦ କେରକଣ୍ କେରାଟ୍, ଇନେକିଦେଂକି ମା ମାପୁ ଖିଜୁତିଂ ସାଲିକାଟାକାନ୍ ଇସ୍ୱର୍, ହେଝାନ୍ କେବଲ୍ ମା ରାଜା । ୭ ଖାତ, ଆସେଙ୍ଗ୍ ଖାରି ଆରି ସାରଦା କିନାସ୍, ଆରି ତାଙ୍ଗେଙ୍ଗ୍ ଜାଜ୍ମାଲ୍ ହିନାସ୍, ଇନେକିଦେଂକି ମେଣ୍ଡାହିମ୍ବଣାତି ବିବାନି ସମୁ ଏକାଝାତାତ୍, ଆରେ ତା ଗାଡ଼୍ ଜାର୍ତିଂ ରଞ୍ଚାତନା ।” ୮ ତାଙ୍ଗେଙ୍ଗ୍ ଡ଼ିଞ୍ଜିନି ଆରି ସକଟ୍ ହେନ୍ଦା ଉସ୍ପିନି କାଜିଂ ହିତାର୍; ହେ କଝାଣ୍ ହେନ୍ଦା ପୁଇପୁୟା ସାଦୁରତି ଆନାତା ହେ କଝାଣ୍ ହେନ୍ଦା ।

୯ ହେ ଏତେକାଡ଼ଦ ଦୁଡ଼ ନାଙ୍ଗେଙ୍ଗ୍ ଇଞ୍ଚାନ୍, “ଲେକିକିଜି ଇଟାଟ୍, ଇମ୍ବଣାକାର୍ ମେଣ୍ଡାହିମ୍ବଣାତି ବିବା ବଳିତ କୁକ୍ୟାତାକାର୍, ହେଝାର୍ ଦନ୍ୟ ।” ଆରେ ପା ହେଝାନ୍ ନାଙ୍ଗେଙ୍ଗ୍ ଇଞ୍ଚାନ୍, “ଇଦାଂ ଇସ୍ୱତ୍ ହାଡ଼ପା ବଚନ୍ ।”

୧୦ “ହେବେ ଆନ୍ ହେଝାନିଂ ଜୁଝାର୍ କିନି କାଜିଂ ତା ପାନା ତାରେନ୍ ତାଣ୍ଡହାଡ଼୍ ମାଗ୍ତାଙ୍ଗ୍ । ହେବେ ହେଝାନ୍ ନାଙ୍ଗେଙ୍ଗ୍ ଇଞ୍ଚାନ୍, ଜାଗ୍ରଡ଼୍, ଇଦାଂ କିମାଟ୍, ଆନ୍ ମିଦାଂ ଆରି ଜିସୁତି ସାକି ଜେ ମି ଟଣ୍ଡାର୍, ହେଝାର୍ତି ହାଙ୍ଗ୍ଦାକାନ୍; ଇସ୍ୱରତିଂ ଜୁଝାର୍ କିୟାଟ୍ । ଜିସୁତି ବିସ୍ତେନି ସାକି ତ ସାରି ।”

ଡ଼ିଞ୍ଜିନି ଗଡ଼ା ଦୁମ୍ବତାକାନ୍

୧୧ ତା ପାଚେ ଆନେଙ୍ଗ୍ ସାଗେ ଜେୟାତାକା ହୁଡ଼ତାଂ, ଆରେ ହୁଡ଼ାଟ୍, ର ଡ଼ିଞ୍ଜିନି ଗଡ଼ା; ତା ଦୁମ୍ବତାକାନ୍ତି ତର ପାତ୍ ଆରି ହାଡ଼ପା ହେଝାନ୍ ନିୟାୟ ଲାକେ ବିଚାର୍ ଆରି ହେଝାନ୍ ଦାମ୍ ଜୁଜ୍ କିନାନ୍ । ୧୨ ତା କାଣ୍କୁ ଗୁଦ୍ଗିନି ନାଣି ଲାକେ, ତା କାପ୍ତାତାକେ ବେସି ମୁକୁଟ୍ ମାଚାତ୍ । ତା ଜପି ର ତର ଲେକାଜି ମାଚାତ୍, ହେ ପୁନି ତର ତାଙ୍ଗ୍ ପିସ୍ପି ବିନେନିକାନ୍ ଇନେର୍ ପୁନୁର୍ । ୧୩ ହେଝାନ୍ ନେତେରତ ନୁସ୍ତି ହେନ୍ଦା ଉସ୍ପାତାକାନ୍, ଆରେ ତା ତର ଆଜି ମାଚାତ୍ ହେଝାନ୍ “ଇସ୍ୱତ୍ ବଚନ୍” ଇଞ୍ଜି ଜାଣାଟିନା । ୧୪ ସାଗେନି ମେଲ୍ୟାର୍ ଡ଼ିଞ୍ଜିନି ଆରି ସକଟ୍ କଝାଣ୍ ହେନ୍ଦା ଉସ୍ପିତି ଡ଼ିଞ୍ଜିନି ବାନି ଗଡ଼ାଙ୍ଗ୍ ଜପି ଦୁମ୍ବଜି ତା ପାଚେ ହାଞ୍ଜେଙ୍ଗ୍ ଲାଗାତାର୍ । ୧୫ ତା ଖାଇଦାଂ ଦାରାକାଣ୍ଡା ହଡ଼ନାତ୍, ତା ହୁଦାଂ ହେଝାନ୍ ଜାତିରିଂ ଗାଅ କିନାନ୍; ହେଝାନ୍ ହେଝାରିଂ ଲଝା ବାଡ଼ଗାତାଂ ସାସନ୍ କିନାନ୍ ଆରେ ହେଝାନ୍ ନିଜେ ଖିଜୁ ସାଲିକାଟାକାନ୍ ଇସ୍ୱତ୍ ଜବର୍ କାଜି ଲାକେ ଅଙ୍ଗୁରକୁଣ୍ଡି ଜାତା କଣ୍ଡି ଖିହ୍ନାନ୍ । ୧୬ ତା ହେନ୍ଦାତ ତା କୁଟାତ ଇ ତର ଲେକାତାତନା, “ରାଜାର୍ଜପି ରାଜା ଆରି ମାପୁଜପି ମାପୁ ।”

୧୭ ତା ପାଚେ ଆନେଙ୍ଗ୍ ରଝାନ୍ ଦୁଡ଼ତିଙ୍ଗ୍ ଖେଡ଼ା ବିତ୍ରେ ନିଲ୍ଡି ମାନାକା ହୁଡ଼ତାଂ; ହେଝାନ୍ ଆକାସ୍ତ ଉମ୍ନି ସବୁ ପଟିକାଙ୍ଗ୍ ଗାଜା କାଟ୍ତାଂ କୁକ୍ତି ଇଚାର୍, “ଖାତ ଇସ୍ୱତ୍ ଗାଜା ବଳିତ ରୁଣ୍ଡା ଆତ୍, ୧୮ ଇନେସ୍ ଏପେଙ୍ଗ୍ ରାଜାର୍ତି, ମେଲ୍ୟାମୁଡ଼ଦାକାନ୍, ବାପୁକାଟାକାର୍ତି, ଗଡ଼ା ଆରି ଗଡ଼ାଦୁମ୍ବତାକାତ୍, ଜାର୍ତାରେନ୍ ଆରି ଲକାର୍ ତାରେନ୍, ଆଡ଼ିୟା ହାରୁ ଆରି ଗାଜା ଖିଜାର୍ ମାନାୟାର୍ତି ଜେୟ୍ ତିନାଟ୍ ।

୧୯ ତା ପାଚେ ଆନେଙ୍ଗ୍ ପସୁତିଂ ଆରି ପୁଡ଼ିନି ରାଜାରିଂ ଆରି ହେଝାର୍ତି ମେଲ୍ୟାର୍ତିଂ କି ହେ ଗଡ଼ାଦୁମ୍ବତାକାର୍ ଆରି ତା ମେଲ୍ୟାତ୍ ଲାହାଙ୍ଗ୍ ଜୁଜ୍ କିନି କାଜିଂ ରୁଣ୍ଡା ଆଜି ମାନାକା ହୁଡ଼ତାଂ । ୨୦ ହେବେଣ୍ଡାଂ ହେ ପସୁ ଦାରାପଡ଼ା ଆତାତ୍, ଆରେ ଇମ୍ବଣି ଚାକ୍ରାୟ୍ ବେଣ୍ଡାକ୍ଷାୟ୍ କିନାକାନ୍ ତା ମୁମ୍ବଦ କାବାଆନି କାମାୟ୍ ସବୁ କିଜି ତା ହୁଦାଂ ପସୁନି ଚିନ୍ ଇଡ଼ିୟାତି ମାନାୟାରିଂ ଆରି ତା ପୁଡ଼ତା ପୁଜାକିନାକାରିଂ ବାଣାୟ୍ କିଜି ମାଚାତ୍, ହେଝାନ୍ ପା ତା ଲାହାଙ୍ଗ୍ ଦାରାପଡ଼ା ଆତାତ୍; ହେଝାର୍ ହାରି ଜିତିତାଂ ଅବସ୍ତାତ ଗନ୍ଦକ୍ ଆହ୍ନି ହାମ୍ବୁର୍ତ୍ତ ତୁହ୍ୟାତାର୍ । ୨୧ ଆରେ ହେଝାର୍ତି ମେଲ୍ୟାର୍ ଗଡ଼ାଦୁମ୍ବତାକାନ୍ ଖେଇଦିଂ ହନାକା କାଣ୍ଡା ହୁକେ ହାତାର୍; ଆକାସ୍ନି ପଟିଂ ମାନ୍ ଇଚା ହେଝାର୍ତି ଜେଇ ତିନ୍ଜି ହାଟିକ୍ ।

୨୦

ହାଜାର୍ ବାହୁନି ରାଜ୍

୧ ତାପାଚେ ଆନେଙ୍ଗ୍ ରଞ୍ଜେଲ୍ ଦୁଡ଼ତଂ ସାଗେତାଂ ଜୁଜି ଖାନାକା ହୁଡ଼ତାଂ । ତା କେଇଦ ପାତାଲ୍ କୁଇନି କୁଚି ଆରି ରଞ୍ଜାଙ୍ଗ୍ ଗାଜା ହିକ୍ତିଂ ମାଚାତ୍, ୨ ହେଝାନ୍ ହେ ରାଟ୍, ହେ ପୁନି ନାଗ୍ ଇଚିସ୍ ଦିଆବଲ୍ ଆରି ସୟ୍ତାନତିଂ ଆସ୍ତି ହାଜାର୍ ବାହୁ ପାଚେକ୍ ଗାଟ୍ତି ତୁହିତାର୍, ୩ ଆରେ ତାଙ୍ଗେଙ୍ଗ୍ ପାତାଲ୍ କୁଣ୍ଡିତ ତୁହିଜି ହେବେଣ୍ଡାଂ ଖେଇ ଗେସ୍ତାନ୍ ଆରି ତା ଜପି ଚିନ୍ ଇଡ଼ତାର୍, ଇନେସ୍ ହେ ହାଜାର୍ ବାହୁ ଖିଜ୍ଝି ପାଚେକ୍

✧ ୧୯:୯ ୧୯:୯ ମାଡ଼ିଉ ୨୨:୨,୩. ✧ ୧୯:୨୦ ୧୯:୨୦ ହତ୍ୱତି ୧୩:୧-୧୮.

ହେୱାନ ଜାତିରିଂ ଆରି ବୁଲକାୟ କିଦେଙ୍ଗ ଆଡୁଡ଼; ଇଦାଂ ପାଚେ ଅଲପ୍ କାଡ଼୍ କାଜିଂ ତାଙ୍ଗେଙ୍ଗ ମୁକ୍ତା ଆଦେଂ ଆନାଡ଼ ।

୪ ପାଚେ ଆନେଙ୍ଗ ଗାଦିକାଂ ହୁଡ଼ତାଂ; ହେ ସବୁ ଜପି ଏଚେକ୍ ଲଗୁ କୁଚ୍ଚାର, ହେୱାରିଂ ବିଚାର କିନି କେମତା ହିତାର । ଆରେ ଜିସୁତି ସାକି ଆରି ଇସୁତିଂ ବଚନ୍ କାଜିଂ ଇମଣାକାରତି କାପଡ଼ା ରାଜ୍ଯା ଆଜି ମାଚାଡ଼, ଆରେ ଇମଣାକାର ହେ ପସୁତିଂ କି ତା ପୁଡ଼ଡ଼ାକାଂ ଜୱାର କିୱାଦାଂ ମାଚାର ଆରି ତା ଚିନ୍ ଜାର ଜାର ନିଦାଣ୍ଡିତ ଆରି କେଇଦ ଇଡ଼ୟାୱାଦାଂ ମାଚାର, ହେୱାରତି ୱାସ୍ଯିକାଂ ହୁଡ଼ତାଂ; ହେୱାର ଜିଜି କ୍ରିସ୍ଟ ଲାହାଙ୍ଗ ହାଜାର ୧,୦୦୦ ବାହୁଁ ପାଚେକ୍ ସାସନ୍ କିତାର । ୫ ବାକି ହାତି ମାନାୟାର ହେ ହାଜାର ୧,୦୦୦ ବାହୁଁ ଝିଜ୍ଝି ପାଚେକ୍ ଜିୱାତାର । ଇଦାଂ ନେ ପର୍ତ୍ତମ୍ ଆରେ ନିଂନାକା । ୬ ଇମଣାକାର ପର୍ତ୍ତମ୍ ଆରେ ନିଂନାକା ମିହାନାର, ହେୱାର ଦନ୍ୟ ଆରି ପୁଇପୁୟା; ହେୱାର ଜପି ରିହା ହାନାକା ଇନାକାପା ଆଦିକାର ଆକାୟ, ଇଚିସ୍ ହେୱାର ଇସୁତିଂ ଆରି କ୍ରିସ୍ଟି ମାପୁହେବାକିନାନ ଆଜି ର ହାଜାର ବାହୁଁ ପାଚେକ୍ ତା ଲାହାଙ୍ଗ ରାଜ୍ କିତାର ।

ସୟତାନତି ହାରିହାରା ଆରାନାକା

୭ ହେ ର ହାଜାର ୧,୦୦୦ ବାହୁଁ ଝିସ୍ଯିଲେ ସୟତାନତିଂ ଜଇଲ୍ଲଞ୍ଜାଙ୍ଗ ପିହ୍ନାର; ୮ ହେବେଣ୍ଡାଂ ହେଦେଲ୍ ପୁତିଂ ନି ଚାରିଗଟା କନାତ ମାନି ଜାତିତିଂ, ଇଚିସ୍ ହାମ୍ପୁରନ୍ ବାଲି ଲାକେ ଗାଣାକିୟା ଆଡ଼ଡ଼ ଜେ ଗର୍ ଆରି ମାଗର୍ ହେୱାରିଂ ବୁଲକାୟକିଜି ଜୁଦ୍ କାଜିଂ ରବେ ରୁଣ୍ଡାୟ କିଦେଙ୍ଗ ହସି ହାନାଡ଼ । ୯ ମେଲ୍ୟାର ପୁତିଂ ନି ସବୁ ବାହାତ ମେଗ୍ୟାଜି ସାଦୁରତି ବାହା ଆରି ଜିଉନନି ଗାଡ଼ିଂ ହୁରିମୁଞ୍ଚାର । ହେ ଏଚେକ୍ଝେଡ଼ାଲିଂ ସାଗେତାଂ ନାଣି ଆଜିଂ ହେୱାରିଂ ଚିଚାଡ଼ । ୧୦ ଇମଣି ସୟତାନ ହେୱାରିଂ ବୁଲକାୟ କିଜି ମାଚାଡ଼, ତାଙ୍ଗ ନାଣି ଆରି ଗନ୍ଦକ୍ ମାନି ହାମ୍ପୁରତ ତୁହିତାର, ହେବେ ହେ ପସୁ ଆରି ଚାକ୍ରାୟ ବେଣ୍ଡାକ୍ଶାୟକିନାକାର ପା ମାନାର; ଆରେ ହେୱାର ୱେଡ଼ାନାଣା ଜୁଗ୍ ଜୁଗ୍ କସ୍ ବଗ୍ କିତାର ।

ହାରିହାରା ବିଚାର

୧୧ ତାପାଚେ ଆନେଙ୍ଗ ର ଗାଜା ଡ଼ିଞ୍ଜନାକା ଗାଦି ଆରି ହେବେ କୁଚ୍ଚି ରୱାନ ମାନାୟତିଂ ହୁଡ଼ତାଂ; ତା ଲାଗାତାଂ ପୁତିଂ ଆରି ଆକାସିଂ ହନ୍ତାଡ଼, ଆରି ହେଦାଂ ହୁଡ଼ଝିତିକ୍ । ୧୨ ଆରେ ଆନେଙ୍ଗ ହାରୁ ଆରି ଗାଜା ଝିଜାର ହାତାକାରିଂ ଗାଦି ଲାଗେ ନିଲ୍ଲତି ମାନାକା ହୁଡ଼ତାଂ, ଆରେ ପତିସବୁ ଜେୟାତାଡ଼; ପାଚେ ଜିବୁନ୍ ପତି ତରନ୍ ଆରେ ରଞ୍ଜାଙ୍ଗ ପତି ଜେୟାତାଡ଼; ହେ ପତିକାଂ ଲେକାତି ବିସ୍ତେ ପାର୍ମାଣ୍ଡାଂ ହାତାକାର ଜାର ଜାର କାରମ୍ ଇସାପ୍ରେ ବିଚାର କିୟାତାକାର । ୧୩ ହେ ସମୁତ ହାମ୍ପୁର ବିତ୍ରେ ହାଜି ମାନି ମାନାୟାର ନିଙ୍ଗି ଝାତାର । ପାତାଲ୍ପୁରତ ମାନି ହାତି ମାନାୟ ପା ହସି ୱାତାର । ହେୱାର ଝିଜାର ଜାର ଜାର କାରୁମ୍ ଇସାପ୍ତାଂ ବିଚାର କିୟାତାର । ୧୪ ତା ପାଚେ ହାକି ଆରି ପାତାଲ୍ତିଂ ନାଣିମେହା ହାମ୍ପୁରତ ତୁହିତାର । ଇ ହାକି ଇଚିସ୍ ନାଣିମେହା ହାମ୍ପୁର, ରି ହାକି । ୧୫ ଇନେର୍ ତର୍ ଜିବୁନ୍ ପତିତ ଲେକା ଆଜି ମାନି ଚଞ୍ଜୟାଝାତାଡ଼, ତାଙ୍ଗେଙ୍ଗ ନାଣି ଆହ୍ନି ହାମ୍ପୁରତ ତୁହି ହିତାର ।

୨୧

ପୁନି ସରଗ୍ ଆରି ପୁନି ପୁତିଂ

୧୬ ତା ପାଚେ ଆନେଙ୍ଗ ର ପୁନି ଆକାସିଂ ଆରି ପୁନି ପୁତିଂ ହୁଡ଼ତାଂ; ଇନେକିଦେଂକି ପର୍ତ୍ତମ୍ ଆକାସିଂ ଆରି ପର୍ତ୍ତମ୍ ପୁତିଂ ବୁଡ଼ା ଆଜି ମାଚାଡ଼, ଆରେ ହାମ୍ପୁର ଆରେ ହିଲ୍ଝାତାଡ଼ । ୧୭ ଆରେ ଆନେଙ୍ଗ ପୁଇପୁୟା ଗାଡ଼ଦ, ଇଚିସ୍ ପୁନି ଜିରୁସାଲମ୍ତ ବିବାଦାଙ୍ଗଣେନ୍ କାଜିଂ ରଞ୍ଚି ଗାଡ଼୍ ଲାକେ ଜାଗ୍ରଡ଼ ଆଜି ସାଗେତାଂ ଇସୁତିଂ ଲାଗାତାଂ ପୁତିଂ ତ ଜୁଦ୍ନାକା ହୁଡ଼ତାଂ । ୧୮ ଆରେ ଆନେଙ୍ଗ ଗାଦି ବିତ୍ରେତାଂ ର ଗାଜା ସବଦ୍ ଇଦାଂ ଇନାକା ୱେଚାଙ୍ଗ, ହୁଡ଼ାଟ୍, ମାନାୟାର ବିତ୍ରେ ଇସୁତିଂ ବାହାକିନାକା ମାନାଡ଼, ହେୱାନ ହେୱାର ଲାହାଙ୍ଗ ବାହାକିନାନ, ଆରେ ହେୱାର ଇସ୍ବର୍ ଲକୁ ଆନାର ଆରେ ଇସ୍ବର୍ ନିଜେ ହେୱାର ଲାହାଂ ମାନଗାନାନ, ୪ ହେୱାର କାଣ୍ଠାତାଂ ଝିଜୁ କାଣେଲ୍ ନେୟାନାନ; ହାକି ଆରେ ଗିଟା ଆଡ଼ଡ଼; ଦୁକ୍ କି ଆଡ଼୍ବାନାକା କି ନନାକା ଆରେ ଆଡ଼ଡ଼; ଇନେକିଦେଂକି ଆଗେନି ବିସ୍ତେ ସବୁ ବୁଡ଼ା ଆତାଡ଼ନ୍ନା ।

୫ ପାଚେ ଗାଦିତ କୁଚ୍ଚି ମାନାୟ ଇଚାନ, ହୁଡ଼ାଟ୍ ଆପ୍ ସବୁ ବିସ୍ତେ ପୁନାକା କିତାପନା । ଆରେ ହେୱାନ ଇଚାନ, ଲେକିକିୟା, ଇନେକିଦେଂକି ଇ ଝିଜୁ କାତା ପାତିଂ ନିକିଂ ଆରି ହାଡ଼ପା । ୬ ହେୱାନ ନାଙ୍ଗେଙ୍ଗ ଆରେ ଇଚାନ, ଝିଜୁ କାମାୟ ଝିସ୍ତାଡ଼ନା । ଆନ୍ ଆରମ୍ ଆରି ହାରିହାରା, ଆରେ ଆଗେ ଆରି ଝିଜନାକା । ଇନେର୍ ଏସକି ତାଙ୍ଗେଙ୍ଗ ଆପ୍ ଜିବୁନ୍ ଲାକେ ଜାରଣ୍ଡାଂ ଉପକା ମଲ୍ଦାଂ ଉଣ୍ଡେଙ୍ଗ ହିଦ୍ନାପ୍ । ୭ ଇନେର୍

☆ ୨୧:୧ ୨୧:୧ ୨ ପିତର୍ ୩:୧୩. ☆ ୨୧:୨ ୨୧:୨ ହଡ଼ି ୩:୧୨.

ଜିତାନାନ୍, ହେୱାନ ଇ ଓଜୁଡି ଆଦିକାର୍ ଆନାନ୍; ଆପ୍ ହେୱାନ୍ତି ଇସ୍ବର୍ ଆନାପ୍, ଆରେ ହେୱାନ ମା ମାଜି ଆନାନ୍ । ୮ ମାତର୍ ଇମ୍ନାକାର୍ ପାଣ୍ଡାନାକାର୍, ପାତର୍ କିଞ୍ଜାକାର୍, ଗିଣ୍ପାଲ୍, ନାଅହ୍ନାକାନ୍, ଦାରିୟା, ରୁଟ୍‌କିୟାର୍, ଆରି ପୁଡ଼ା ପୁଜାକିନାକାନ୍, ହେୱାର୍ ଆରି ଓଜାର୍ ମିର୍ କାତା ଇନାକାର୍ ନାଣି ଆରି ଗନ୍ଦକ୍ ଆହ୍ନି ହାମ୍‌ପୁରତ ବାଗ୍ ଅୟାନାର୍; ଇଦାଂ ନେ ରି ହାକି ।

ପୁନି ଜିରୁସାଲମ୍

୯ ତାପାଚେ ଇମ୍ନାଣି ସାଡ଼ ଦୁଡ଼ ଓସ୍ତି ସାଡ଼ ଦୁକ୍ତ ବାଡ଼ି ସାଡ଼ କଣ୍ଡିଆସ୍ତି ମାଚାନ୍, ହେୱେକ୍ ବିତ୍ରେତାଂ ରଞ୍ଜେଲ୍ ଖାଜି ନାଙ୍ଗେଙ୍ଗ୍ ଇସ୍ତାଡ଼, ଇବେ ଖା, ଆନେଙ୍ଗ୍ ନିଙ୍ଗେଙ୍ଗ୍ ହେ ଗାଡ଼, ଇରିସ୍ ମେଣ୍ଡାହିମ୍ନାତି ଡକ୍ତୁହିଂ ଚଟ୍‌ଚାନାଙ୍ଗ୍ । ୧୦ ହେବେ ହେୱାନ ନାଙ୍ଗେଙ୍ଗ୍ ଜିରୁନ୍‌ତ ର ଗାଜା ଆରି ପାନ୍ତି ମାଡ଼ିତ ଅଜି ହାଲ୍‌ଜି ପୁଇପୁୟା ଗାଡ଼ଦ୍ ଜିରୁସାଲମ୍‌ତ ଚଟ୍‌ଚାତାନ୍, ହେଦାଂ ସାଗେତାଂ ଇସ୍ବର୍ ଲାଗାଂ ଜୁଜି ମାଚାଡ଼ ଆରି ଇସ୍ବର୍‌ତି ଜାଜମାଲ୍ ଆତାଡ଼ । ୧୧ ଆରେ ତା ଇସ୍ବର୍‌ତ୍ ଜାଜମାଲ୍ ଲାକେ ମାଚାଡ଼; ତା ଅଜଡ଼ ବେସି ମଲ୍‌ଦି ମଣି ଲାକେ, ନିର୍‌ମଲ୍ ଖେଡ଼ାମଣି ଲାକେ । ୧୨ ତା ରଞ୍ଜାଙ୍ଗ୍ ଗାଜା ଆରି ପାନ୍ତି କୁଞ୍ଜାଡ଼ ମାନାଡ଼, ହେବେ ବାରଗଟା ଦୁଞ୍ଜେରୁରିଂ ହେ ଦୁଞ୍ଜେରୁତ ବାରଜାଣ୍ ଦୁଡ଼ ଆରି ଦୁଞ୍ଜେରୁକାଂ ଜପି ଇସ୍ତାଏଲ୍ ହିମ୍ନାଟି ବାରଜାଣ୍ ଲାତ୍ରାନି ତର୍ ଲେକାତାଡ଼ନା । ୧୩ ଖେଡ଼ାହ୍ନି ନିପ ତିନିଗଟା ଦୁଞ୍ଜେରୁରିଂ, ପାଲନିପ ତିନିଗଟା ଦୁଞ୍ଜାରିଂ, ଦିଗବାଗାଙ୍ଗ୍ ତିନିଗଟା ଦୁଞ୍ଜାରିଂ ଆରି ଖେଡ଼ାହାନିନିପ ତିନିଗଟା ଦୁଞ୍ଜାରିଂ । ୧୪ ହେ ଗାଡ଼ନି କୁଞ୍ଜାଡ଼ନି ବାର କୁନାଦି, ହେ ସବୁ ଜପି ରୟାଜି ମାଚାଡ଼ ମେଣ୍ଡାହିମ୍ନା ବାର ପକ୍ୟାତାକାର୍ ବାରଗଟା ତର୍ ଲେକାତାଡ଼ନା । ୧୫ ଇନେର୍ ନା ଲାହାଙ୍ଗ୍ କାତା ଇଞ୍ଜି ମାଚାନ୍, ତା କେଇଦ ଗାଡ଼ ତା ଦୁଞ୍ଜେରୁରିଂ ଆରି କୁଞ୍ଜାଡ଼ ଲାଜ୍‌ଜେଙ୍ଗ୍ ର ହନା ଲାଚ୍‌ନାକା ବେଡ଼ଗା ମାଚାଡ଼ । ୧୬ ଗାଡ଼ ଚାରିକଣ୍‌ଆଁ, ତା ଲାମା ଆରି ଅହାର୍ ସମାନ୍; ହେୱାନ ହେ ବେଡ଼ଗାତାଂ ଗାଡ଼ଦିଂ ଲାଜ୍‌ଚିଲେ ବାର ହାଜାର୍ ୧୨,୦୦୦ ଆପ୍‌କୁ ଆତିକ୍; ହେବେନି ଲାମା, ଅହାର୍ ଆରି ପାନ୍ତାକା ସମାନ୍ । ୧୭ ପାଚେ ହେୱାନ ହେବେନି କୁଞ୍ଜାଡ଼ ଲାଚ୍‌ଚିଲେ ହେଦାଂ ମାନାୟ୍‌ତିଂ ଲଡ଼ା ଇସାପ୍‌ରେ ସାଡ଼କଡ଼ିଚାରି ୧, ୪୪ ଆଡ଼ ଆତାଡ଼, ଦୁଡ଼ନେ ଇ ଲଡ଼ା ଇସାପ୍‌ରେ ଲାଜ୍‌ଜି ମାଚାନ୍ । ୧୮ ହେ ଇଲ୍ ଖେଡ଼ାମଣି ରଟ୍‌ଚାକା, ଆରେ କୁଞ୍ଜାଡ଼ ସକଟ୍ କାଚ୍ ଲାକେ ନେକ୍ତି ହନା ଲାହାଂ ରଟ୍‌ଚାକା । ୧୯ ଗାଡ଼ନି କୁଞ୍ଜାଡ଼ କୁନାଦି ଓଜୁ ବାନି ବେସି ମଲ୍ ମଣି ରଞ୍ଜାକା । ପର୍ତ୍ତୁମ୍ କୁନାଦି ହିରା, ଜେତାକା ମଣିନି, ତିନି ବଦୁର୍ଜ୍ୟମଣି, ଚାରି ମରକତମଣି, ୨୦ ପାଞ୍ଚ ପୁଲକମଣି, ଚଅ ମାଣିକ୍ୟମଣି, ସାଡ଼ ପୁସ୍ପରାଗମଣି, ଆର୍ ପିରଜ୍‌ମଣି, ନଅ ଗମେଦକମଣି, ଦସ୍ ଲସୁନିୟମଣି, ଏଗାର୍ ଇନ୍ଦ୍ରନିଲମଣି, ଆରି ବାର ଗାନ୍ଦାନିମଣି । ୨୧ ବାର ଦୁଞ୍ଜେର୍ ବାର ମୁଲ୍ଲା, ଓଜୁ ଦୁଞ୍ଜେର୍ ରଞ୍ଜାଙ୍ଗ୍ ରଞ୍ଜାଙ୍ଗ୍ ମୁଲ୍ଲାତ ରଟ୍‌ଚାକା; ଆରେ ଗାଡ଼ନି ହାଜି ସକଟ୍ କାଚ୍ ଲାକେ ନେକ୍ତିକା ହନା ଲାହାଂ ରଟ୍‌ଚାକା ।

୨୨ ଆନେଙ୍ଗ୍ ହେ ଗାଡ଼ଦ୍ ଇମ୍ନାଣାକାପା ମନ୍ଦିରତ ପା ହୁଡ଼ଞ୍ଜାତାଂ, ଇନେକିଦେଂକି ମାପୁ, ଓଜୁଡ଼ିଂ ସାକ୍ତିକାଟାକାନ୍ ଇସ୍ବର୍ ଆରି ମେଣ୍ଡାହିମ୍ନା ହେବେନି ମନ୍ଦିର୍ ଲାକେ ମାନାନ୍ । ୨୩ ଅଜଡ଼ କାଜିଂ ହେ ଗାଡ଼ନି ଖେଡ଼ା କି ଲେଞ୍ଜି ଲଡ଼ା ଆକାୟ୍, ଇନେକିଦେଂକି ଇସ୍ବର୍‌ତ୍ ଜାଜମାଲ୍ ତାଙ୍ଗେଙ୍ଗ୍ ଅଜଡ଼ କିନାଡ଼ ଆରି ମେଣ୍ଡାହିମ୍ନା ହେବେନି ବୈଟା ଲାକେ । ୨୪ ହେବେ ଅଜଡ଼ତ୍ ଜାତିର୍ ରୁଲ୍ଲାଚାଲ୍ଲା କିତାର୍, ଆରି ପୁଡ଼ି ନି ରାଜାର୍ ଜାର୍ ଜାର୍ ହଲ୍‌ନାକା ତା ବିତ୍ରେ ତାସିଞ୍ଜାଜି ଚାନ୍ଦା ହିନାର୍ । ୨୫ ହେବେନି ଦୁଞ୍ଜେର୍ ଲାଗାଂ ଖେଡ଼ାଲିଂ ମୁଡ଼କେ ଗେହ୍‌ୟା ଆଉଡ଼, ଇନେକିଦେଂକି ହେ ବାହାତ ନାଣା ଆଉଡ଼ । ୨୬ ଲକୁ ଜାତିଲାହାଂ ହଲ୍‌ନାକା ଆରି ପାଣ୍ଡା ତା ବିତ୍ରେ ତାହ୍‌ଖାନାର୍ । ୨୭ ଇମ୍ନାଣାକା ପା ସକଟ୍ ବିସ୍ତେ ନଲେ ଗିଣ୍ କିନାକାର୍ ଆରି ମିର୍‌ଖାର୍ ଇନେର୍ ହେବେ ମୁଡ଼କେ ହଣ୍ଡେଙ୍ଗ୍ ଆଡୁର୍; କେବଲ୍ ଇମ୍ନାଣାକାର୍‌ତି ତର୍ ମେଣ୍ଡାହିମ୍ନା ଜିରୁନ୍ ପଡ଼ିତ ଲେକାତାଡ଼ନା, ହେୱାର୍ ହଣ୍ଡେଙ୍ଗ୍ ଆଡ଼ନାର୍ ।

୨୨

ଜିରୁନ୍‌ନି ଏଜୁଂ ଜଡ଼ି

୯ ପାଚେ ହେୱାନ ନାଙ୍ଗେଙ୍ଗ୍ ଜିରୁନ୍‌ମାନି ଏଜୁଙ୍ଗ୍‌ନି ର ନାଗୁଡ଼ ଚଟ୍‌ଚାତାନ୍, ହେଦାଂ ବେସି ହାର୍‌ଦି ଅଜଡ଼ ଲାକେ, ଆରେ ଇସ୍ବର୍ ଆରି ମେଣ୍ଡାହିମ୍ନାତି ଗାଦିତାଂ ହସି ଗାଡ଼ନି ହାଜି ହିଜି ହାନାତା । ୨ ହେ ନାଗୁଡ଼ନି ରି ପାଡ଼କାତାଂ ବାର ହଟ୍ ପାଡ଼ ଆହ୍ନି ଜିରୁନ୍ ମାରକୁ ମାନିକ୍, ହେବେ ସବୁମାସ୍ ପାଡ଼ ଆହ୍ନାଡ଼, ଆରେ ହେ ମାର୍‌ନି ଆକିଂ ଜାତିରିଂ ଉଜ୍ କିନାକା । ୩ ଇନାକାପା ସାଈପ୍ ବିସ୍ତେ ଆରେ ମାନ୍‌ଗୁଡ଼ ।

ଇସ୍ବର୍ ଆରି ମେଣ୍ଡାହିମ୍ନାତି ଗାଦି ଗାଡ଼ ବିତ୍ରେ ମାନ୍‌ଗାନାଡ଼, ଆରେ ତା ଆଡ଼ିୟାର୍ ହେୱାନ୍ତି ପାର୍ତ୍ତାନା କିତାର୍ । ୪ ହେୱାର୍ ତା ମୁମ୍ ହୁଡ଼ନାର୍ ଆରି ତା ତର୍ ହେୱାର୍‌ତି ନିଦାଣ୍ଡତ ଲେକା ମାନ୍‌ଗାନାଡ଼ । ୫ ନାଣା ଆରେ ଆଉଡ଼, ହେୱାର୍‌ତି ବୈଟା କି ଖେଡ଼ା ଅଜଡ଼ନି ଲଡ଼ା ଆଉଡ଼, ଇନେକିଦେଂକି ମାପୁ ଇସ୍ବର୍ ହେୱାର୍ ଜପି ଅଜଡ଼ ଲାକେ ଆନାନ୍, ଆରେ ହେୱାର୍ ଜୁଗ୍ ଜୁଗ୍ ରାଜ୍ କିତାର୍ ।

ଜିସୁତି ଖାନାକା

୭ ପାଚେ ହେଖାନ ନାକୋଙ୍ଗ ଇଞ୍ଚାନ, ଇ ଝିଜୁ ବଚନ୍ ପାଚି ଆରି ହାଡ଼ପା; ଇନା ଇନାକା ଚାଣ୍ଡେକ୍ ଗିଗାନାଡ଼, ହେ ସବୁ ଜାର ଆଡ଼ିୟାରିଂ ଚର୍ଚ୍ଚେକ୍ ଇଞ୍ଜି ମାପୁ, ବେଶ୍‌ବାକ୍‌ଶାୟକିନାକାର୍ତି ସବୁ ଜିରୁନ୍‌ନି ଇସ୍‌ବର, ଜାର ଦୁଡ଼ିଂ ପକ୍‌ତାତାନା ।

୮ ଜିସୁ ଇନାନା ହୁଡ଼ାଟ୍ ଆପ୍ ବେଗି ଖାନାପା; ଇନେର୍ ଇ ପତିନି ବେଶ୍‌ବାକ୍‌ଶାୟକିନାକା ମାନି କିନାନ, ହେଖାନ ଦନ୍‌ୟ ।”

୯ ଆନ୍ ଜହନ୍ ନିଜେ ଇ ଝିଜୁ ଝେର୍ଚ୍ଚାତାଂ ଆରି ହୁଡ଼ତାଂ । ଝେନାକା ଆରି ହୁଡ଼ି ପାଚେ, ଇମଣି ଦୁଡ଼ ନାଙ୍ଗ ଇ ଝିଜୁ ଚର୍ଚ୍ଚାତାନ, ଆନ୍ ହେଞ୍ଚାନ୍ତି ପାନା ତାରେନ୍ ସାରାଣ୍ କିନି କାଜିଂ ଡାଣ୍ଡାହାଣ୍ ମାଗ୍‌ତାଂ । ୯ ମାତର୍ ହେଖାନ ନାକୋଙ୍ଗ ଇଞ୍ଚାନ, ଜାଗ୍ରଡ଼, ଇଦାଂ କିମା, ଇନେକିଦେଂକି ଆନ୍ ନିଦାଂ, ନି ଚଣ୍ଡାର୍ ବେଶ୍‌ବାକ୍‌ଶାୟକିନାକାର୍ତି ଆରି ଇ ପତିନି ବଚନ୍ ପାଲିକିନାକାର୍ତି ହାଙ୍ଗଦାକାନ; ଇସ୍‌ବରତିଂ ପାର୍ତାନା କିୟାଟ୍ । ୧୦ ଆରେ ହେଖାନ ନାକୋଙ୍ଗ ଇଞ୍ଚାନ, ଏନେକ୍ ଇ ପତିନି ବେଶ୍‌ବାକ୍‌ଶାୟକିନାକା ସବୁ ଚିନ୍ ଇଡ଼ମାଟ୍, ଇନେକିଦେଂକି ସମ୍ମୁ ଲାଗେ । ୧୧ ଲାଗିଂ ଇ କାତା ପୁନ୍‌ଞ୍ଜି ଇନେର୍ ଇନାକା ଇଚା ହେଦାଂ କିଏର୍, ଅଦାମ୍, ହେଖାନ ଆରେ ଅଦାମ୍ କିଏନ୍; ଇନେର୍ ଅନ୍‌ୟାୟ, ହେଖାନ ଆରେ ଅନ୍‌ୟାୟ ଆଏନ୍; ଇନେର୍ ରାଡ଼ା, ହେଖାନ ଆରେ ରାଡ଼ା ଆଏନ୍; ଆରେ ଇନେର୍ ଦାମ୍, ହେଖାନ ଆଦିକ୍ ଦାମ୍ ଆଏନ୍; ଇନେର୍ ପୁଇପୁୟା, ହେଖାନ ଆଦିକ୍ ପୁଇପୁୟା ଆଏନ୍ ।

୧୨ ହୁଡ଼ାଟ୍, ଆପ୍ ବେଗି ଖାନାପା; ଜାଣକେ ଲକ୍‌ବିଂ ହେଞ୍ଚାନ୍ତି କାମାୟ ଇସାବେ ପାଡ଼ ହିଦେଂ ମା ଇନାମ୍ ମା ଲାଗେ ମାନାଡ଼ । ୧୩ ଆପ୍ କି ଆରି ଆଁ, ପର୍ତୁମ୍ ଆରି ହାରିହାରା, ଆରି ମୁଡ଼ ଆରି ଝିସ୍ତାକା ।

୧୪ ଜିରୁନ୍ ମାର୍‌ନି ଆଦିକାର୍ ଆନି କାଜିଂ ଆରି ଦୁଝେର୍ ହିଜି ଗାଡ଼ଦ ହଣ୍ଡେକ୍ ଇମ୍‌ଶାକାର୍ ଜାର୍ ଜାର୍ ଆଙ୍ଗି ହକ୍‌ଡାଣ୍ଡା, ହେଞ୍ଚାର୍ ଦନ୍‌ୟ । ୧୫ ନିକୁଡ଼ିଂ, ରୁଟ୍‌କିର୍, ଦାରିୟାର୍, ନାର୍‌ମାରୁ, ପୁଡ଼ଡ଼ା ପୁଜାକିନାକାନ ଆରେ ମିର୍ ଝାରି ଆରି ମିର୍ ଇନାକାର୍ ଗାଡ଼୍‌ବାର୍ତ ମାଗାନାର୍ ।

୧୬ “ଆନ୍ ଜିସୁ ମଣ୍ଡୁଲି କାଜିଂ ମି ଲାଗେ ଇ ଝିଜୁ ସାକି ହିନି କାଜିଂ ମା ଦୁଡ଼ିଂ ପକ୍‌ତାନାପା । ଆପ୍ ଦାଉଦ୍‌ତି ମୁଡ଼ଦି ଆରି ଲାଡ଼ା, ହେ ଅଜଡ଼୍‌ହୁକା ।”

୧୭ ଜିରୁନ୍ ଆରି ଗାଡ଼୍ ଇନାଡ଼, ଝାଡ଼ ।
ଆରେ ଇନେର୍ ଝେନାର୍, ହେଖାନ ଇନେନ୍, ଝାଡ଼ ।

ଇନେର୍ ଏସକି ଆତାକାର୍, ହେଖାନ ଝାଏର୍; ଇନେର୍ ଇଚା କିନାନ, ହେଖାନ କସ୍‌ କିଝାଦାଂ ଜିରୁନ୍‌ନି ଏଜୁକ୍ ଉଶେନ୍ ।

ହାରିହାରା

୧୮ ଇମ୍‌ଶାକାର୍ ଇ ପତିନି ସବୁ ବେଶ୍‌ବାକ୍‌ଶାୟକିନାକା ଝେନାର୍, ହେଞ୍ଚାରିତି ଜାଣକେତିଂ ଆନ୍ ସାକି ହିଜି ଇନାଙ୍ଗା, ଇନେର୍ ଜଦି ଇ ସବୁ ହୁଦାଂ ଅଲପ୍ ମେହାୟ କିନାନ୍ ତେବେ ଇ ପତିତି ଲେକାତି ଦୁକ୍ ସବୁ ଇସ୍‌ବର ହେଖାନ କାଜିଂ ଗିଗାୟକିନାନ; ୧୯ ଆରେ ଇନେର୍ ଜଦି ଇ ବେଶ୍‌ବାକ୍‌ଶାୟକିନି ପତିନି ଇମ୍‌ଶାକା ପା ବଚନ୍ ବୁଡାୟକିନାନ୍ ତେବେ ଇସ୍‌ବର ଇ ପତିନି ଲେକାତି ଜିରୁନ୍ ମାର୍ ଆରି ପୁଇପୁୟା ଗାଡ଼ଦ ହେଞ୍ଚାନ୍ତି ବାଗ୍ ବୁଡାୟ କିନାନ ।

୨୦ ଇନେର୍ ଇ ଝିଜୁ ବିସ୍ତେ ସାକି ହିନାନା, ହେଖାନ ଇନାନ, ହାଡ଼ପା “ଆନ୍ ଖାନାଙ୍ଗା । ଆମେନ୍, ଏ ମାପୁ, ଜିସୁ ଝା ।

୨୧ ମାପୁ ଜିସୁତି ଉପକାର୍ ଝିଜାର୍ତି ଲାହାଂ ଆଏଡ଼ । ଆମେନ୍ ।”

☆ ୨୨:୧୩ ୨୨:୧୩ ହଡ଼ି ୧:୮; ହଡ଼ି ୧:୧୭; ୨:୮.